

IN FORUM
A. 18
S. 1700. S. 1707

z

1007

. A18




A18
007
2

2021-0001

1007
A18
z

1007-1007-1007

Handwritten text, possibly a list or index, with some legible words like "Handwritten" and "List".



2.15
Z
1007
A18

87296
**ACTA
ERUDITORUM**

**ANNO
M DCC V**

publicata.

*Cum S. Cæsareæ & Regiæ Poloniæ Ma-
jestatum Privilegiis.*

LIPSIÆ.

Prostant apud **JOH. GROSSII** Hæredes,
&
FRID. GROSCHUF.

Typis **CHRISTIANI GOEZI.**
A. M DCC V.

N. I.
A C T A
ERUDITORUM,

*publicata Lipsiæ
Calendis Januarii, Anno MDCCV.*

TOT EN ΑΓΙΟΙΣ ΠΑΤΡΟΣ ΗΜΩΝ ΚΥΡΙΛΛΟΥ ΙΕΡΟΣΟΛΥΤΜΩΝ
Ἀρχιεπισκόπου τὰ Σωζόμενα.

SANCTI PATRIS NOSTRI CYRILLI HIEROSOLY-
morum Archiep. Opera, quæ supersunt, omnia. Quorum qua-
dam nunc primum ex Codd. MSS. edidit, reliqua cum Codd.
MSS. contulit, plurimis in locis emendavit, notisque
illustravit THO. MILLES, S. T. B. ex
Æde Christi.

Oxoniz, e Theatro Sheldoniano, 1703. in fol.
Constant Alphab. 4 cum dimid.

IN Cyrillum Hierosolymitanum, ejusque opera edenda atque
exomanda, jam olim plures industriam sat accuratam impen-
derunt, & Catecheses imprimis ejus emendate sistendas sibi
elegerunt. Præterquam enim, quod easdem Viennæ anno
1560 editas fuisse, Catalogus Græcorum codicum Bibliothecæ
Augustanæ memorat, circa idem fere tempus Jacobus quidam
Uchanski, Archi-Episcopus Gnesnensis, Regnique Poloniæ Pri-
mas, Catechesæon ex Macedonia nactus exemplar, Slavorum idio-
mate conscriptum, eas in linguam Polonicam transtulit. Paulo
vero post Johannes Grodecus, Decanus Glogoviensis, ex Græco
codice, quem cum eo communicaverat Cardinalis Hosius, omnes
Catecheses tam illuminatorum, quam mystagogicas, in Latinum
sermonem vertit, & A. 1584 ex typographeo Christophori Plan-
tini Antverpiæ edidit, præmissa de Cyrilli vita & scriptis Disserta-
tiuncula. Eodem anno Guilielmus Morellius, Caroli IX Galli-
arum Regis typographus, quasdam illuminatorum Catecheses, ut-
A
pote

pote quartam, sextam, octavam, nonam, decimam, undecimam & decimam octavam, una cum quinque mystagogicis, Parisiis Græce edidit. Ex isto tempore doctorum virorum hac in parte industria paululum conquievit, usque dum *Johannes Prevotius* A. 1609 eadem Parisiis in lucem publicam emisit, maximum inde doctorum & bonorum omnium applausum consecutus. Ope namque codicum MStorum notæ præstantissimæ, quos Bibliotheca Vaticana ei suppeditavit, non solum Catechesæon a Morellio editarum lacunas supplevit, mendasque correxit, verum etiam alias nunquam forte antehac Græce vulgatas typis submisit, interpretationem Grodecii plurimis in locis emaculavit, & Cyrilli demum *ad Constantium epistolam* mantissæ loco sub finem adjecit. Quæ hanc secutæ sunt A. 1631 & 1640 duæ Catechesæon editiones Parisienses, Prevotii editionem pene ad amussim referunt. *Orationem de Domini occursu, deque Simeone, qui Deum suscepit*, primus Græce & Latine dedit *Laurentius Sifanus*, Coloniae A. 1568, una cum Orationibus Chrysostomi, Gregorii Nysseni, Timothei Presbyteri Hierosolymitani & Amphiloerii in idem festum, quod occursum istum respicit. Tum vero *Pontanus* eam nova editione donavit, & postea *Fronto Duceus* hac oratione, & aliis quantivis pretii antiquorum scriptis, Bibliothecam Patrum adauxit. Omnium autem novissime *Combesius*, pluribus codicibus MStis instructus, eam adeo emendatam, suisque notulis locupletatam, in novo Auctario edidit, ut propemodum nil quicquam aliorum curæ aut industriæ reliquisse videatur. *Historiam Ecclesiasticam & Mystagogicam* primus & solus vulgavit *Fronto Duceus*, *Epistolam autem ad Augustinum* inter opera tum Hieronymi, tum Augustini, reperire facile licet.

Utut vero singula hæc probe cognita perspectaque habuerit, ex cujus fide eadem hæcenus retulimus, celeberrimus *Thomas Mûller*, non deesse tamen sibi ansam, accuratiorem adhuc editionem evulgandi ratus est, ac præsentem idcirco adornavit, quæ nitore pariter ac diligentia, qua exornata est, antecedentibus omnibus palmam reddere dubiam omnino poterit. In ejus præfatione Cyrilli vitam ante reliqua breviter recenset, quam & hic delineatam ex ipsius relatione exhibere, dividiæ haud fuerit. Videlicet quibus parentibus, quoque anno natus fuerit Cyrillus, incompertum reliquisse ait *Historiæ Ecclesiasticæ*

MENSIS JANUARIi A. MDCCV.

sticæ scriptores; de patria vero ejus licet altum ubique pariter silentium sit, e Palæstina tamen, atque ipsis forsân Hierosolymis, ortum fuisse, vero sumillimum judicat. Macarium, Maximumque ipsius in Episcopatu Hierosolymitano antecessores facit, quorum ille Diaconum, iste vero Presbyterum cum constituerit. Catechistæ etiam munus postremis maxime temporibus in Ecclesia Hierosolymitana cum exercuisse, & singulis fere diebus, per totum Quadragesimæ intervallum, præcipua fidei capita catechumenis, ad festum Paschatos baptizandis, luculenter exposuisse refert. Mortuo Maximo, vel ut aliqui referant, in exilium pulso, in sedem Hierosolymitanam Cyrillum successisse dicit, favore & auxilio Acacii Cæsareæ, & Patrophili Scythopoleos Episcoporum, qui Arianorum sectæ faverint, præcipue adjutum, hac quidem cum conditione, ut repudiato Presbyteratus honore, quo ornatus a Maximo fuerat, Diaconi loco & gradu aliquantisper in Ecclesia contentus viveret; id quod Hieronymum affirmare notat Noster, qui tamen ei hac in parte adstipulari minus sustinet, quandoquidem Patres secundæ Synodi generalis Constantinopolitanæ, in Epistola ad Damasum, Cyrillum rite & canonice ab Episcopis provinciæ ordinatum declarent, & ab Arianorum factione adeo abhorruisse testentur, ut plurima, dum fidem orthodoxam tueretur, mala variis in locis ab iis perpeffus fuerit. Interim cum Acacio amicissime eum vixisse, non negat. Ast rebus Ecclesiæ Hierosolymitanæ per duos tresve annos summa cum laude curatis, lis ipsi gravissima cum eodem de jure metropolitico Ecclesiæ Cæsariensis intercessit, Cyrillo Primatum provinciæ Palæstinæ Ecclesiæ Hierosolymitanæ vindicare satagente, quippe quam omnium Ecclesiarum Matrem a Christo ipso institutam, ab Apostolis fundatam, ab omnibus omnium temporum Christianis maximo honore semper habitam fuisse, jactitabat. Ex hac Acacium inter & Cyrillum simultate, dissidii semina late per Ecclesiam Orientalem sparsa fuere, dum Episcopi, qui idem cum Arianis sentiebant, se Acacio junxerunt sanio rem vero fidem profutentes a Cyrilli steterè partibus. Verum Acacius Cyrillum, æquale jus sibi suæque Ecclesiæ vindicantem, diutius ferre haud valens, congregatis Palæstinæ Episcopis, eum ab Episcopatu deposuit, multisque criminum objectionibus ab adversariis oneratum urbe expulit.

Hierosolymis ergo Cyrillus profugus Antiochiam pervenit, & cum hanc Ecclesiam Episcopo orbatam invenisset, Tarsum ire perrexit, ibique cum Silvano Episcopo diutius commoratus est. Acacius, ut primum de ejus adventu ibidem facto inaudivit, literis ad Silvanum missis, eum certiore fecit, Cyrillum de sede Episcoporum suffragio dejectum, ab Ecclesiastico ministerio, simul & a communione arcendum esse. Silvanus autem, quia videbat, populo placere, quas Cyrillus habebat, conciones, Acacii monitis obtemperare noluit. Tum demum fremere Acacius, & Cyrillum, ut coram Episcopis Palæstinæ compareret, per biennii spacium inde sinenter citare. Hisce minis territus Cyrillus, appellationis libello ad Episcopos misso, ad majus judicium, nempe Imperatoris Constantii, provocavit. Hinc Synodus Episcoporum Orientalium circiter CLX Seleuciæ in Isauria congregata est, A. C. 359, in qua in duas partes Episcopi se divisere, stantibus hinc Acacio Cæsariensi, Georgio Alexandrino, Uranio Tyrio, Eudoxio Antiocheno, una cum triginta aliis; inde vero Georgio Laodicensi, Eleusio Cyziceno, Sophronio Pompejopolitano, & Cyrillo Hierosolymitano, quos longe major pars Episcoporum secuta est. Duabus hisce factionibus acriter inter se concertantibus, Leonas, Synodi Præfectus ab Imperatore missus, cum Episcopos inter se convenire haud posse perspiceret, Concilium dimisit, ita tamen, ut Episcopisliceret in Ecclesia convenire, deque suis controversiis tractare. Convenientibus ergo Episcopis Cyrillo faventibus, Acacium hicum suis accersivere, ut tam de Cyrilli, quam aliorum etiam Episcoporum causis judicaretur. Illi vero, sæpius licet citati, venire recusantes, a cæteris abdicati fuere. Quibus peractis, Synodoque iterum dimissa, decem Legatos ex suis Constantinopolim miserunt, qui Imperatorem de omnibus rebus certiore facerent; Acacius vero se celeriter e Seleucia proripiens, Constantinopolin prius venit, auresque Imperatoris præoccupavit, qui & alioqui in Acacium propensior ejus hortatu conciliabulum Constantinopolitanum indixit, convocatis ex Bithynia circiter L Episcopis, qui Cyrillum una cum Silvano Tarsensi aliisque pluribus deposuerunt. Cyrillus autem ab Hierosolymis relegatus, exul usque ad mortem Constantii Imperatoris permansit, cui cum Julianus circa finem anni

361 suc-

MENSIS JANUARIi A. M DCCV. 5

361 succederet, Episcoposque, dira Ariandrum persecutione fugatos & exules, ad sedes suas revocaret, Cyrillum quoque Hierosolymas rediisse, & Episcopalem dignitatem capessivisse, vero Noster simile existimat, atque una sequentibus Juliani temporibus nihil adeo memoratu dignum de Cyrillo occurrere, fatetur. De iis quoque rebus, quas Cyrillus sub imperio Valentis gesserit, Ecclesiae Annales silere observat, quamvis credibile existimet, eum ab Arianis, qui tunc omnia loca compleverint, admodum gravia fuisse perpessum. Sub Theodosio autem inconcussus omnino Episcopatum illum tenuisse autumat, & tertio Theodosii anno, qui Christi fuit 381, Synodi quartae earum, quas vocant oecumenicas, Constantinopoli congregatae, Patres Cyrillum pro rite & legitime ordinato declarasse narrat. Post hoc Concilium, quinque circiter annis superstes Cyrillus fuit; nam die Martii decimo octavo A. 386, si Graecorum Menaeo fides adhibenda, grandaevis jam curisque confectus, placide obdormivit.

Hac postquam de vita Cyrilli Noster in praefatione retulit, ad scripta ejus recensenda pergit, & eorum plura olim extitisse, quorum vel fragmenta ad nos pervenerint, haud dubitat. Cum enim diutius Ecclesiae Hierosolymitanae praefuerit, plurimasque ad populum habuerit conciones, vix ambigendum venire statuit, quin pro more istius seculi, Auditores eas calamo exceptas in vulgus dedierint. Sed harum concionum temporis injuria memoriam quoque intercidisse, dolet. Quod autem Anastasius Nicænus (quem verius Simaitam dici posse censet,) Commentariorum Cyrilli in Marcum, & Epistolae ad Olympium Monachum meminerit, id ex eo contigisse arbitratur, quod Cyrillum Alexandrinum a Cyrillo Hierosolymitano non satis caute discriminaverit. Scripta igitur Cyrilli hodie extantia, & solertissima Nostri cura nitidiora, quam antehac unquam, vultu edita, haec sunt: *Catechetica Lectiones XXIII*, quarum XVIII Quadragesimae tempore ad competentes, sive eos, qui ut baptizarentur petebant, habitae praeclarum continent totius doctrinae Christianae compendium. Quamvis autem Catecheses istae suum satis autorem prodant, & primariae Ecclesiae simplicitatem orationis contextu pulchre referant, non defuisse tamen, nec desisse adhuc, ostendit, qui eas non modo Cyrillo abjudicent, verum.

sequioris etiam ætatis factum esse asserant ; inter quos agmen ducere Rivetum ut animadvertit, sic ejus potissimum argumentis satisfacere, & Cyrillo istas vindicare studet. Catecheses sequitur *Epistola*, quam statim, ac Episcopatum Cyrillus adeptus est, *ad Constantium* scripsit, de signo crucis, & lumine denso valde & coruscante, quod Hierosolymis die Pentecostes A. 353 quamplurimis videntibus apparuerit. Apparitionis hujus Epistolæque Cyrilli de eadem scriptæ, cum non solum Theophanes & Michael Glycas, verum etiam Sozomenus meminerit, satis mirari Autor vix potest, quid Rivetum impulerit, ut eam aut non a Cyrillo, aut Cyrillo Ariano scriptam, tam audacter asseruerit. Epistolam ad Constantium excipit *fragmentum Homilia in Paralyticum ad Bethesda piscinam sanatum*, quod nunc primum in lucem ex codice manuscripto Bibliothecæ Bodlejanæ Noster edit, eamque Cyrilli opus genuinum esse nullus dubitat; quippe cum stylus ejus conveniat cum Cyrilli stylo, & quod in Catechesibus fieri solet, orationis continuas frequenti S. Scripturæ citatione sit intercisæ, & quasi tessellis quibusdam pulchre variegata. Compararet hinc *Oratio de occurſu Domini*, quam inter opera, quæ Cyrillo nostro falso tribuantur, reponere notat eruditissimum D. Cave. At licet modum quidem loquendi laxiorem esse in hac oratione, quam in Catechesibus, & impetu quodam verborum filum decurrere (id quod Cyrillo alias familiare haud sit) fateatur, plurimos tamen viros doctissimos eam Cyrillo tribuere superaddit, quibus etiam tot codices manuscripti suffragentur. Proxime accedit *Historia Ecclesiastica & Mystagogica*, quam Cyrilli nomine prænotatam in codice manuscripto Bibliothecæ Bodlejanæ Editor noster invenit; tractatum vero illum, longo post Cyrilli tempora intervallo, autorem nactum fuisse dicit Germanum quendam ejus nominis secundum, Patriarcham Constantinopolitanum, qui circa annum 1226 sedem occupasse perhibetur. Postremo denique loco *Epistola* compararet *ad Augustinum de miraculis Hieronymi post mortem celebratis*, quam Cyrilli nomen immerito præ se ferre, Noster palam asserit. Præterquam enim, quod insigni anachronismo triginta annorum, quibus Cyrilli mors Hieronymi mortem antecesserit, satis constet, a Cyrillo eam scribi neutiquam potuisse, tam futilibus insuper scatere fabellis, &

lis, & propter styli infantiam ac barbariem, adeo deformem & foedam esse innuit, ut a maleferiato & insulssimo Monacho, ante ducentos forte annos, fictam fuisse, probabile admodum videatur.

Singula interim hæc scripta nunc exhibenda doctissimus Editor censuit, ac circa eadem id sibi præcipue negotii datum intellexit, ut textum, præsertim Catecheseos, purum, integrum & ab omni labe purgatum exhiberet. Ipsum quoque Prevotii textum, ex codicibus manuscriptis emendatum ab ipso plurimum plurimumque suppletum, adhuc magis emendatum ut daret, cum cum cæteris omnibus, quas conquirere licuit, editionibus contulit, & hoc modo plurima sphalmata cum typoshetarum, tum ipsius Prevotii, facile sustulit. Postea Catecheses omnes, Epistolamque ad Constantium, cum duobus codicibus manuscriptis, aliquas autem, nempe quartam, sextam, octavam, nonam, decimam, decimam quintam, decimam sextam & decimam octavam, cum tribus diligenter contulit. Parilem in Orationis de occurso & partis Historiæ Mystagogicæ collatione industriam adhibuit, cumque codices istos omnes cum Prevotii textu comparaverit, religioni sibi duxit, ullam omnino, etiam minutissimam, lectionem prætermittere; quin singulas potius in impropria ponendas arbitratus est. Variantibus lectionibus adjunxit annotationes quasdam, quibus id unum efficere allaboravit, ut ritus, mores & fidem primævæ Ecclesiæ, ex antiquissimorum Patrum monumentis explicaret atque confirmaret. Versionem demum Grodecii, multum jam ante a Prevotio correctam, plurimis in locis emendatiorem adhuc reddidit; quam tamen si quis omnibus suis numeris perfectam & absolutam optaret, novam prorsus reddendam venire judicat.

Ex istis autem, quas diximus, annotationibus nonnulla ut decerpamus, & Lectori benevolo in gustum propinemus, nostrorum merito partium esse existimamus. Sic v. g. pag. 1 observatur quod ii, qui nondum erant baptizati, quales fuerint, quos alloquitur in Catecheseon præfatione Cyrillus, φωτισόμενοι nuncupentur, aliquibus forsitan inusitatum videri posse, quandoquidem vocabula φως, φωτισμα, φωτισμός & φωτίσω ad baptismum frequenter referantur. At enimvero φωτίσειν apud veteres non solum significare respondet, *illumine lumine Baptismi*, sed etiam *doceo*, *per-*

institutionem Catechetica ad Baptismum praepero. Pag. 4. apud primævos Christianos sacri cultus non minimam partem fuisse lectionem sacrarum Literarum, indigitat. P. 6. de Baptismi repetitione ab aliquibus perverso consilio suscepta; ibidemque de rebaptizatis iis, quos Hæretici baptizarint, disserit. De Exorcismis in Baptismo veteris Ecclesiæ temporibus observatis p. 7; de Samaritis, p. 8; de Homiliis seu concionibus, post lectionem Evangelii, in cœtibus primævorum Christianorum, a Presbyteris & Episcopo ad populum habitis, p. eadem; de disciplinæ arcani vestigiis & apud Ethnicos reperiundis, p. 9; de virorum sedibus a mulierum subselliis in veterum Christianorum templis, intermediis quibusdam tabulatis separatis, p. 10 agit. *Ἀναγνώσεις* sive lectiones sacrarum literarum post collectam institutas, p. 15; confessionem omnium peccatorum Baptismo semper præmissam p. 18; rebellium Angelorum principem ac ductorem omnibus creatis spiritibus longe antecelluisse, a pluribus e Patribus creditum, p. 22; diversas de peccato, ob quod primus malorum Angelorum, catenique cum eo Dæmones de cœlo dejecti sint, diversorum Patrum sententias, p. 22; sententiam Origenis, Olympiodori, Hieronymi, aliorumque, Angelos posse etiamnum peccare, & faciem Dei Patris non alia conditione videre, quam si parvulos suæ fidei commissos ad salutem perduxerint, velut Cyrillo etiam arridentem, p. 26; Jesaiam serra lignea dissectum, p. 29 commemorat. Quantopere Astrologiæ & Genethliacorum vanitatem Patres perstrinxerint, p. 30; quomodo baptizatos statim, ut ascenderant ex aqua, alba veste induerint veteres, p. 34; ut baptizandi crebris se jejuniis ante baptismum exercuerint, p. 38; qua ratione antiquitus jam baptismum diviserint, p. 39 edocet. Quæstionem, an jejunium quadraginta dierum, jam inde ab Apostolorum temporibus in Ecclesia fuerit usitatum, p. 43. s. tangit, & quæ ab utraque parte quæstionis dici solent, Lectori ob oculos proponit. De errore Docetarum & Phantasiastarum, qui veritatem humanæ naturæ in Christo negarint, Apostolorum ævo jam exorto, p. 51; de templo in monte Calvaria, prope Hierosolymas, a Constantino, seu potius ab Helena matre ejus, Imperatoris auspiciis extructo, p. 52; de secundis nuptiis a Patribus nonnullis damnari solitis, p. 60; de numero librorum, ex quibus Veteris Testamenti codex quarto seculo compactus fuerit, p. 65;

p. 65 erudite commentatur. Pag. 67 allegat Photii Historiam Manichæorum nondum editam, quam secum communicatam dicit, & orbi erudito propediem datum iri sperat, a V. C. Jo. Frider. Winklero, Hamburgensi. De ordine librorum Novi Testamenti, deque Jacobi & Judæ Epistolis, ac secunda Petri, una cum secunda & tertia Johannis, a Cyrillo iis libris annumeratis, quos veteres Ecclesiæ Doctores ac Episcopi tanquam sacros posteris tradiderint, cum-
osa sunt, quæ p. 67 annotat. De Archelao ejusque disputatione cum Manere p. 95; de verbis, *ὡς ἐστὶν ἡ ἀρχὴ τοῦ κόσμου*, an pro Scripturæ dicto habendis? p. 101; de conjugio olim haud interdicto, p. 161; de domo Caiphæ, quam summorum Pontificum palatium fuisse existimat, p. 185; de Hebraico Matthæi Evangelio, a Patrum non unis approbato, p. 195; de Jacobo, Domini fratre, p. 199; de Hereticis quibusdam, se pro Christo venditantibus, p. 207; de signo Filii hominis, ad illustrandum locum Matth. XXIV, 30, p. 216 erudita lemmata accumulât. Tacemus, quæ affert de proportionibus numeri angelorum ad hominum numerum, p. 218; de vigiliis Paschatis & Pentecostes, in ordinaria baptismi tempora olim electis, p. 277; de baptisteriis veterum, p. 278; de renunciatione Satanae in Baptismo facta, p. 279; de Catechumenis oleo quodam sacramento ante Baptismum inunctis, p. 285; de more baptizandos ter in aquam immergendi antiquissimo, p. 286, atque alia.

Quod superest, Veterum de Cyrillo Hierosolymitano ejusque scriptis testimonia operibus illius præmisit, doctorum vero Victorum, Roberti Coci, Andreae Riveti, ac Edmundi Albertini judicia iisdem subnexuit; & ut ne quidpiam deesset, Indices locupletissimos Locorum Scripturæ, Auctorum & Rerum superaddidit.

HISTOIRE CRITIQUE DES DOGMES ET DES
Cultes &c.

h. e.

HISTORIA CRITICA DOGMATUM ET CULTUUM
bonorum malorumque, in Ecclesia ab Adamo usque ad Christi-

sum receptorum, Autore PETRO

JURIELL.

B

Amste-

Amstelæd. apud Franc. L' Honoré & Socios, 1704. 4. ch. maj.

Constat Alph. 4. plag. 15.

VEræ religionis & divinitus institutæ dogmata & cultus, in parte I & II, quas mense superioris anni Novembri pag. 481 seqq. prolixè recensuimus, ubi expendisset Clarissimus Autor, historiam apostasiæ in sequentibus duabus partibus persequitur; in quibus, occasione cultuum dogmatumque depravatorum, quorum in sacris monumentis mentio, omnem Orientalium Theologiam, & derivatas inde Græcorum Romanorumque superstitiones explicat. Non deterre-ri se ab isto labore debere judicavit magnorum Virorum, Seldeni Vossiique, de illo argumento scriptis, cum & defectus eorum & *παρορμήματα* quædam fuerint corrigenda, & tam copiosa novarum conjecturarum messis in eo se obtulerit, ut novum plane studium hic collocatum videri queat. In diversos vero tractatus abeunt tertia ista pars atque quarta, quorum primus, parti tertiæ liminis quasi loco inserviens, de ipsa idololatria, Gentiliumque Theologia, agit in genere. Ubi primo de nomine idoli & idololatriæ varia. Vocem *εἰδωλόν* diminutivam esse, contra Rainoldum defendit, sed diminutionis significatum obtinere non habita molis extensionisque ratione, sed perfectionis veritatisve internæ respectu, ut quæ *formam minus perfectam* significet, & pro externa, apparente, picta, non vera specie, (cum *εἶδος* internam formam atque essentialem notet,) usurpetur. In voce vero idololatriæ *εἰδωλόν* quamcunque rem, cui divini honores proterva impietate tribuuntur, significare. Origines idololatriam, quæ Cyrilli Alexandrini quoque sententia fuit, post diluvium demum habuisse, eique occasionem dedisse communem hominum in calamitatibus magnis indolem, qua in extrema fere prolabuntur præcipites. Scilicet severa Dei in Atheismum antediluvianum animadversione, mortalium mentes exterminatas, in contrarium superstitionis & idololatriæ vitium prorupisse. In eo vero Cyrillum aberrare, quod Belum primum idolum fuisse arbitretur, cum, quod multis veterum locis monstratur, ab astrorum cultu haud dubie idololatria initia ceperit. Stolidissimam vero esse Theologiam Gentilium, quæ vastissimum Deorum numerum, eosque horrendissimorum criminum reos, immortales, & aliorum tamen hominum more genitos sinit, eosque cultibus

P. III. Tr. I.

c. I.

c. II.

c. III.

MENSIS JANUARI A. MDCCCV. 11

tibus impuris & abominandis honorare doceat. Ipsos putasse Gen-
 tiles istius furoris, qui in inventa in Theologiam *μυθικήν, φυσικήν*
 & *πολιτικήν* distinctione, infucare fuerint conati; quem docte ta-
 men abstergat fucum Augustinus de C. D. L. L. c. 7. 8. Nec excusari
 eam posse eo, quod symbolice res naturales earumque genesin re-
 presentet, cum multa in ea sint, quæ plane respuant symbol. cum
 illum sensum: nec eo denique, quod ista Deorum multitudine plu-
 ra unius Dei, quem agnoverint omnes, repræsententur attributa;
 namque & paucissimos fuisse ita sentientes, & ipsos eos, qui ita
 sentire volunt videri, astrata tamen in numero Deorum habere, & Nu-
 mina cetera adorare, & in plurali numero de Diis loqui. Vastum
 illum Deorum numerum in varias classes divisisse varios. Ex illis
 memorat divisionem Clementis Alexandrini in classes VII; Servii in
animales & naturales, quam optimam Autor censet, omniaque
 Gentilium Numina vel hominem, vel rem naturalem significare, &
 utrumque simul notare aliquando existimat; Jamblichi porro in
 octo ordines Deorum distinctionem; Romanorum in *majorum*
 & *minorum gentium* Deos, quorum illi & *Electi* dicebantur &
Consentes, suoque numero *Deos Samothracæ & Cabiros* com-
 plectebantur. Cum *Samothracibus* eisdem fuisse *Penates* Deos
 Urbis & Imperii Romani, idque probare tum hoc, quod Trojano-
 rum, a quibus orti Romani, Diis fuerint *Samothracæ*, tum quod
 eam habita eorum nomina fuerint: hoc enim ex *Samothracum* di-
 sciplina esse, non vero inde, ut ne evocari possent ex urbibus, quod
 fieri potuisse, ut ut ignotum esset nomen Deorum *Penatium*, ex
 Macrobio constat. Hancque de *Penatibus & Samothracibus* Diis
 sententiam Varronis quoque fuisse. *Penates* illos Castorem &
 Pollucem, quod ex Dionysio duas statuas Deorum Trojanorum mi-
 litari habitu describente, cum inscriptione *Δεῶτατες*, colligant non-
 nulli, esse haud potuisse, cum juniores sint Castor & Pollux Diis
 Trojanorum *Samothracibus*, probabileque sit, magis Diis *Samothracibus*,
 primi ordinis Numinibus, quam Castori & Polluci, *He-
 roibus*, Imperii sui tutelam commisisse Romanos. Probabilissimum
 esse, eos fuisse Jovem, Junonem & Minervam; illos enim esse *magnos*
Deos apud Macrobiū, quod nomen Callius Hemina *Penatibus* quo-
 que dederit. Cum *Penatibus publicis, familiarum Penates* h. e. *Lares*
 & Deos

c. IV.

- c. V & Deos *Viales* confundendos non esse. Speciem Penatum esse Deos *Indigetes*, in quorum tutela erant certæ regiones, illis tamen aliquanto inferiores, inque iis fuisse *Curetes*, qui cum *Corybantibus* & *Dactylis Idaeis* sint iidem. Nomen eorum esse conjugatum vocis *indigena*, Deumque patrium notare, quod mirum viros doctos non vidisse. Infimum Deorum genus *Lares* Deosque *Manes* esse, & *Genios*, de quibus inprimis ex Apulejo de Deo Socratis, & Jamblichō de Mysteriis agit. Porro cum omnis apostasia & idololatria Israelitarum, ex Phœnicum seu Chananæorum Ægyptiorumque Theologia, suas repetat origines, dilata in alium locum de horum superstitionibus dissertatione, hic quidem Phœniciæ Theologiæ ex Sanchoniathone exhibet compendium, & ingeniosè ostendit historiæ Mosaicæ in iis, quæ de originibus rerum commentatus Sanchoniathon fuit, vestigia. Quæ inter alia ille de *adoratis* a primis hominibus *plantis* dicit, ex male acceptis illis, quæ habet Moses de Adamo, quem in Paradiso constituerit Deus לעברה, esse putat: vocem enim Ebræam *culturam terræ* pariter, ac *cultum religiosum* notare. Creationem hominis apud eundem ita exponit, *ventum Colpiz* esse קל פיה רוח *Spiritum vocis oris Dei*, i. e. omnipotentia verbum, vel ut Davides loquitur, *Spiritum oris Dei*, qui ex uxore sua באו בהן h. e. materia rudi, genuerit *Protogonum* בכור i. e. primum hominem, & Αἰῶνα i. e. uxorem ejus, cujus nomen sit ex mala interpretatione vocis עלמה quæ *virginem* notet, & sit fœminina forma עולם quod αἰῶνα *seculum* significet. *Ufoum* Cœnum, *Hypsuranium* Abelem fuisse putat, sic dictum, quod Deo cœlorum esset acceptus. Quis sit γῆνιος αὐτόχθων, quem Adamum statuit esse Bochartus, se quidem ignorare, sed & in cæteris multum perturbatam hanc Sanchoniathonis historiam se invenire. De *Agrote* Deo obscura omnia. Per simulacrum vero hujus adeo venerabile arcam Moysi, & per templum a bobus bajulari solitum, tabernaculum facile intelligi: nam pro Levitis boves ab Autore monstrorum adeo fabularum pleno substitui, non esse mirandum. *Schaddai* cum inter Titanas referre, quod Deastris omnibus bellum intulerit verus Deus. Eum Phœnices Θεὸν μέγιστον *Deum maximum* appellare, quod dicit Sanchoniathon, id spectare ad Palæstinos, qui ejus excellentiam in templo Dagon experti fuerint. Eo etiam pertinere nomen *Misfor*, quod *dimissum* notet, quia arca a Palæstinis fuerit dimissa.
- c. VI.

MENSIS JANUARI A. MDCCV. 13

fa. *Taanum* Mosen esse: *Sydyk Melchisedecum*, ut alibi monstratum. Ex istis Phoeniciis vero Græcos omnes fabulas suas & Theogonias derivasse, pro sua fingendi licentia, innumeris rebus sive additis sive mutatis: quod in sequenti tractatione universa passim uberius ostenditur. Hisce vero generalibus de idololatria, succedit specialior de Syrorum & Hebræorum idololatria tractatio. Hic perlustrantur ante omnia Scripturæ loca, in quibus *Teraphim* mentio. Hinc rejectis Eliezeris, Mosi Nachmanidæ & Bechai, Salomonis Jarchii & Aben-Esra, Moncæi & Gaffarelli, Spencerique de *Teraphim* sententiis: ipse quidem tanquam certissimum supponit, figuram humanam eos habuisse, quod patere putat ex historia Davidis, in cuius lecto *Teraphim* collocavit Michal, ut ipsius præsentis præberent speciem. Hoc vero etiam certum esse, instrumenta magica illos fuisse, ad indagandas res vel futuras vel alias obscuras: non fuisse tabernaculum magiæ instrumenta eos in prima sua origine. Vix enim probabile esse, vel Jacobum, probatæ pietatis virum, in domo Latinationibus cum *Teraphim*, quos ibi fuisse constat, peragendis, quod illa fuisset conspurcata; vel Rachelem horrendæ istius impietatis instrumenta fuisse asportaturam: fuisse ergo eos nil aliud initio, quam imagines, in quibus colere Deos suos solerent Gentiles. Imagines autem non fuisse magnorum istorum Deorum, *Baalis*, *Astartes*, *Molochi* & aliorum, sidera cœli representantium; hos enim humana forma, qualis *Teraphim* extiterint, cultos a Syris nunquam fuisse: homines itaque representasse eos, in numerum Deorum reatos, ipsosque adeo Latinorum *Lares* familiarum tutelis præfectos. Et certe privatos, non publicos hos fuisse Deos, probare id primum, quod solus Laban, non omnis illa gens, eorum ablatione fuerit commotus. Ipsum porro probare nominis etymologiam, quæ a *רפא* *רפאים* *רפאים* descendat, ut *Deos* adeo *servatores hospitalesque* significent, unde & Græca vox *ἑταῖροις* originem habeat. Immo porro, ut Latinorum *Lares* compitis quoque præerant, *Viales Dii* inde nominati, sic *Teraphim* quoque manifeste id tribui Ezechielis 21. Hoc porro, istis evictis, quod Servius *Lares* dicit esse *animales Deos*, h. e. animas consecratas, ad originem *Teraphim* primam nos deducere. *Lares* enim fuisse animas progenitorum, illustriumque in

Tr. II.
c. I.
c. II.
c. III.

c. IV.

familia virorum : tales ergo *Teraphim* fuisse, qui Noam forte Semumque representaverint. Duos nempe fuisse, Auctori probabile; quod plures uno prodat oratio Labanis Deos illos appellantis, duobus vero plures non fuisse, Rachelis occultatio indicet. Hincque esse, quod Ovidius *duos Lares* faciat, *Larunda* genitos, quorum numerum multiplicaverit superstitiosa credulitas. Hinc patere, unde Michal in domo Davidis *Teraphim* nacta sit, a quo scilicet, ut & ab aliis Israelitis, majorum imagines, procul amandata superstitione, asservari potuerint. His majorum imagines primum in honorem tantum majorum asservatas, inde adoratas, & ut nunquam subsistit superstitio, ita interrogatas postremo de rebus obicuriis fuisse: dignumque notatu, quod in Scripturis, quoties magicæ species recensentur, nulla sit *Teraphim* mentio; ubi vero interrogatio mortuorum commemoretur, versaque vice de hac nihil invenitur, ibi de *Teraphim* dictum; argumento luculento, *Teraphim* cultum, & interrogationem mortuorum, pro eadem re haberi. Formam cultus illam fuisse, ut *κεντάφια* in ædium recessibus construerent, quorum extremitatibus adderent imagines majorum, speciemque adeo illa habuisse arce Mosis: atque inde evocasse Manes homines male credulos, cujus superstitionis vestigia passim apud Gentiles; sic enim Andromacham apud Virgilium Hectoris Manes ad sepulcrum ejus evocare: inde oracula prodisse, sicut ex arce medio. Hinc clarum esse, cur LXX Senes in historia Michal *Teraphim* verterint *κεντάφια*, & cur iidem in Josiæ, falsos cultus destruentis, historia voci *ἱεραφίμ* vocem *ἱελητάς* addiderint, qui sint incantatores Manes evocantes. Patere item, cur Oseas dicat, Israellem *nec Ephod, nec Teraphim* per plures dies habiturum. *Ephod* nempe significare *Urim & Thumim*: *Teraphim* vero arcam, cum impositis *Cherubim*, inter quos oracula ex arca prodibant, speciem *Teraphim*, ut modo monitum, ferentem. Atque adeo minime quidem eosdem esse *Teraphim* & *Cherubim*, quod Moncæo, Spencero, Gaiffarello visum: illos enim humanam speciem, hos quatuor Ezechielis animalia representasse. *Teraphim* tamen apud idololatrias locum tenuisse eum, quem *Cherubim* in sanctuario. Utut vero *Teraphim* antiquiores fuerint arca, tamen istam formam cultus modo descriptam, exemplum *κακοῦργία* diabolica ab arca accipiente, invaluisse demum, cum antiquioribus

MENSIS JANUARIi A. MDCCV. 15

bus temporibus nudæ imagines fuerint *Teraphim*. Loci libri
Judicum, ubi *Teraphim* Michæ mentio, hunc sensum esse, quod du-
as imagines, alteram ex ære conflata, alteram calo elaborata, sibi
confici curaverit, indeque oraculum *Teraphim* composuerit, (iis
nempe cenotaphio impositis) cui filium suum præfecerit sacerdotem.
Deo autem vero hunc cultum Micham instituisse, sanctificari *Tera-*
phim posse eorumque cultum credentem, si Deo eos dedicaret; quæ
fuerit Israelitarum quorundam illius temporis superstitio, idololatri-
cos cultus, modo ad Deum referantur, nihil mali habere existiman-
tium. Probabile autem non esse, oracula ipsas istas statuas edidisse,
quod visum Bellarmino; nam rarissima esse statuarum loquentium
exempla, prætereaque cum nihil aliud quam Manium evocatio fue-
rit *Teraphim* consultatio, verosimilius esse, vel speciem e terra lo-
quentis edidisse Diabolum, vel excitasse ipsam consultoris phantasiam
ad oracula huiusmodi proferenda. Aliam *Necromantie* speciem a-
pud Syros fuisse eam, quæ Hebraica voce כּוּן designatur, quam ma-
le *Spiritum Pythonis* reddant interpretes, hoc vero obsessos ex ven-
tre loqui credant, pro iisdemque habeant cum ἰγγασεμῖδος . Nam
hoc falsum primum esse, quod idem sit *Spiritum habens Pythonis* &
 ἰγγασεμῖδος , patere ex historia ancillæ Act. XVI, quam *Pytho-*
nem habuisse constat, non tamen ex ventre edidisse vocem mut-
murantem: ut probabile sit, *Pythonis Spiritum* nihil aliud esse, quam
spiritum divinationis, qui ἀπὸ τῆς πυθόνας , *Pytho* & *Pythius*,
quod erat Apollinis cognomen, fuerit appellatus: atque id qui-
dem fieri potuisse, ut *ventriloquus* haberet *Spiritum Pythonis*, o-
mnem vero *Pythonis Spiritum* actum *ventriloquum* haud fuisse. De-
inde magis falsum etiam esse, quod כּוּן iidem sint cum *Pytha-*
nis Spiritu pradis vel *ventriloquis*. Hos enim proprie *Necromantas*
fuisse carmine Manes evocantes, eosque in magno vase aqua pleno repræ-
sentantes, accedente voce, quæ ex terræ visceribus prodire videretur.
Nempe כּוּן apud Hebræos significare *vas* huiusmodi *profundum*,
nec alias istam speciem magiæ esse ignotam, quæ Græcis λεκανομαντεία
vocetur. Eam exercitam fuisse a quodam Mago in loco quodam, ubi
ipse Autor tum commorabatur, doctus ea de re a testibus αὐτόπταις ,
Magum illum vitro aqua pleno pecuniam tamdiu injici jussisse, donec
convexam superius figuram acciperet, tum in aqua apparuisse desidera-
tam

c. V.

deratam imaginem. Specula frequentius adhibere magos his nostris temporibus, ejusque rei exemplum allegat ex Historia Henrici VII R. Angliæ, idque luculenter magis in quadam ad illustrem Cuperum epistola exponit, ex *Sigismundo Freibergero* in Germania Perturbata & Restaurata, *Christoph. Pelleri* in Politico Scelerato impugnato, atque aliunde, etsi circumstantiis paulum variatis, notissimum. Qua occasione illustris Cuperus, in quadam ad Autorem epistola, aliud vaticinium commemorat Angliæ itidem res spectans, quod ante sex hos annos in Bibliotheca Jesuitarum Leodiensi, quo Roma allatum fuisse dicebatur, se vidisse ait, ad imitationem prioris haud dubie a quodam Religioni Romanæ addicto, ut illud a Protestante quocunque confictum. Cæterum Reverendus Autor noster suam de **כּוּן** sententiam ex historia Sagæ Endorensis firmat, cui Saulus dixerit, *divina mihi per כּוּן & fac adscendar, quem tibi dicam*: unde manifestum, ventriloquam eam non fuisse, ut quarum non sit evocare Manes; divinationem vero per **כּוּן** commodissime intelligi eam, quæ fiat per vas aquis repletum, cui sententiæ faveat domicilium Sagæ **צִין עֵדוֹר** Endor, i. e. *fons perennis*; puras enim aquas Diabolum in hujusmodi ritibus affectasse. Vocem vero comitari solitam esse Diabolicas hujusmodi nugas, locum Esaïæ XXIX, 4. & VIII, 19 luculenter firmare. Quod autem LXX senes **כּוּן** *ἑγγασµύθες* passim vocent, causam esse, quod hoc nomine omnes magi, vocem obscuram & murmur obtusum producentes, fuerint appellati: id quod inde pateat, quod ipsi illi Senes vocem **כּוּן**, quam *ἑγγασµύθες* vertunt alibi, Es. VIII, 19 *Φωνῶντες ἐκ τῆς γῆς*, ex terra vocem edentes, fuerint interpretati, cui loco accedunt non dissimilia Esaïæ XIV, 3, & XXIX. 4. Atque hæc de Syrorum & Ebræorum idololatricis superstitionibus, in ipsis originibus suis spectatis. Succedit inde de originibus simulacrorum tractatio, quæ idololatria atate censet esse posteriora. Primo enim Deos naturales animalesve esse adoratos, paulo post etiam inventum fuisse modum, cultorum cogitationes per objecta hujusmodi sensibus obnoxia, atque in templis conspicua, excitandi. Probat hoc inde quod Persæ, Chaldæi, Ægyptii, idololatriæ inventores, nullas habuerint primis temporibus imagines, id quod etiam de Phœniciis Græcisque, Platonis & Porphyrii testimonio probet Eusebius

MENSIS JANUARIi A. MDCCV.

17

Eusebius Præpar. I, 9, de Romanis, Germanis, aliisque populis evincant alia vetera monimenta. Inventas vero statuas & simulacra in Chaldaea primum fuisse, Nimrodi temporibus, quæ etiam sit Cylli sententia, indeque esse Labanis *Teraphim*: hinc porro cum cæloniis in cæteras orbis partes esse derivatas. Eas initio non adorationis, sed memoriæ causâ factas esse, cœpisseque adeo illam per simulacra idololatriam in simulacris hominum, non cœlestium corporum, quæ ipsa primum fuerint adorata sine imagine. Inde vero successu temporis evenisse, vt degenerantibus in cultum Divinum mortuorum honoribus, antiquis suis Diis, astris, mortuorum jam in Deos conversorum nomina tribuerint, Baalis, Astartes &c. sicque imagines consecraverint astris hominibusque defunctis commutantes. Præterea phantasiæ excitandæ commodissimum deprehendentes, ob oculos habere imaginem; si non simulacra, emblemata saltem Deorum cœlestium conficere homines instituisse, indeque natas boum, ovium cæterorumque animantium formas, mistasque imprimis illas ex variis corporum formis figuras, emblematicæ omnes Solem et astra representantes. Privatum primo, non publicum, istum cultum fuisse. In Chaldaea enim primis temporibus Soli tantum ignisque cultum publice fuisse receptum, qui & postea diu reliquis cultibus omnibus prævaluerit; quod ex Chaldaea Persicæque religionis cognatione, et loco Ruffini in libro II Hist. Eccles. probatur. Invaluisse autem statuas publice una cum templis, quæ a se-templis habeant origines, quod testentur Patres ubique: nata vero templis ex facellis, in quibus privatim primo in ædium penetralibus asservabantur majorum reliquiæ & imagines, luxu paulatim loca magis ampla magisque exornata quærente. Materiam simplicissimam fuisse primo terram coctam; sic fictilem Jovis Capitolini statuumque & aurum. Artem initio fuisse in iis rudem, unde *caudicaria Numina* Tertulliano appellantur. Opiniones de hisce simulacris suis diversas omnino fuisse diversos. Eos, qui optime adhuc saperent, non pro ipsis Diis, sed representationibus memoriæ Deorum pro-vocantibus, ea habuisse. Sic Varronem sensisse, sic Senecam, sic Maximum Tyrium, sic ipsum Platonem, Celsumque & Dionem Chrysostomum, eamque sententiam in Gentilibus agnoscere & confutare

t. III.

C

Ar-

c. IV.

Arnobium, Origenem & Augustinum cum cæteris : adeoque verum esse, quosdam ita sensisse, ut ne quidem *Φύσιν* Deorum imaginibus istis representari, sed symbolice virtutes indicari crediderint. Alios tamen longius progressos, consecratione huius imaginibus conciliari ipsorum Deorum personalem, ut ita loquamur, præsentiam credidisse, ut adeo non statuas, sed Deum in statuis præsentem coluerint, hancque sententiam Arnobium L. 6, p. 103, & Lactantium Institut. II, 2. confutare; ut alia taceamus eruditissimis, quibus ea illustratur. Atque hanc certe eandem esse Pontificiorum de suis imaginibus opinionem, quibus peculiari modo præsidere credant eum, cui imago est dedicata, virtutemque insignem in illis diffundere, ex qua afflicti participant alia corpora, ut sacras peregrinationes proinde ad eas instituere, variisque eas superstitionibus colere, sit operæ pretium : quæ omnia certe credentes atque patrones, intentatum sibi idololatriæ crimen non facile valeant deprecari.

c. V.

Sed & tertiam esse de huiusmodi simulacris sententiam, quam ex Mercurio Trismegisto proponat Augustinus de C. D. VIII, 23. Nempe Deum consecratione evocatum, in simulacrum ceu corpus, animæ ad instar immigrare, unumque cum eo totum componere, homini simile ex anima & corpore constanti.

c. VI.

Quartam denique opinionem esse hominum plane stupidorum, qui ipsa simulacra, ut sensibus eorum patebant, Deos arbitrabantur. Quibus ita positis, temeritatis facile revinci Bellarminum, qui nullam aliam Gentilium de statuis suis, quam postremam istam agnoscat sententiam, contra quem Calvinii argumenta, reliquas quoque species idololatriæ adstruentis, diligenter a Cl. Autore vindicantur. Denique cum inter simulacra celebratissimum sit Israelitarum vitulus aureus in deserto conflatus, peculiaris ipsi operæ impenditur.

c. I.

Ubi primo figmenta, quibus Judæi horrendum illud crimen excusant, adducuntur. Inde de figura huius idoli disquiritur, moneturque, dubiam eam reddere varia nomina, dum modo *עֵזְרָא* *vitulus*, modo *טָאָר* *taurus*, modo *עֵזְרָא* *capri bubulum*, quod nomen apud Patres frequens, vocetur. Pro *tauri* figura pugnat Noster, quod Ægyptiis moribus, apud quos plures boves fuerint adorati, sit convenientissima; nec repugnare putat Ebr. *עֵזְרָא* quod *bovem* æque ac Latinorum *vitula vaccam* notare potest, imo & *capri bubulum* idem quod *bovem* notare, bonorum scriptorum

MENSIS JANUARI A. MDCCV.

19

autoritate. Causam hujus figuræ contra Monachum cum plerisque Viris doctis defendit esse, quod in Ægypto illi fuissent assuefacti, quod ex Jos. XXIV, 14. Ezech. XXIX, 16. XXIII, 3. Act. VII, Eusebio item & Lactantio pateat. Inde, quæ animalia coluerint Ægyptii, ostendit, errareque illos, qui Ægyptios & lanam averfatos esse omnino statuunt, & animalium esum, quod Herodotus, sibi ipsi tamen hic contradicens, affirmet. Nempe boves & mactare, & edere, & sacrificare licuisse coloris ejus, qui fuerit Typhonis, Deorum Ægyptiorum hostis jurati, id est rufos. Inter Boves, qui in honore erant & adorabantur, enunuisse *Apin* & *Mnevin*, de quibus diligenter Melæ, Plinii, Herodoti, Eliani, Ammiani, Plutarchi allegantur loca, ut qui omnia eo spectantia tradiderint. Peculiaria illa & hodie in nullo bove facile obvia signa, quæ requirebantur in *Api*, magicis incantamentis, quæ Augustini quoque fuerit sententia, deberi. Causis cultus prima facie tam absurdum ab aliis allatis rejectis, veram esse eam, quod his animalibus symbolice Dii eorumque virtutes repræsentarentur, quodque adeo idem esset eorum, quod apud ceteras gentes statuarum officium; cui rei firmandæ oppido illustra Herodoti in Euterpe p. 128, Clementis Alex. e Protreptico, & Plutarchi de Iside & Osiride c. 38, 39 & 40 loca adducuntur. Hinc contra Pontificios rursus corollare conficit, qui non in symbolis tantum panis & vini Christum, sed & in imaginibus Sanctos adorent, quæ tamen repræsentationi rei alicujus Divinæ, minus quam animantia, vita & spiritu vigentia, idonea existant. Utque huic consecratio plus roboris accedat, fufius probatur, non pro ipsis Diis, sed repræsentationibus Deorum animantia illa ab Ægyptiis fuisse habita. Inde *Apin* minime fuisse consecratum Græcorum Epapho; multo minus *Serapin* & *Apin* esse eundem, & Josephum Patriarcham designare, ad quem proinde omnis iste tauri, quem *Apin* vocant, spectet cultus, quod doctissimo Vossio verosimile visum, ostenditur. Esse vero *Apin* Isidis Deæ symbolum, *Mnevin* Osiridis, quibus nominibus cum, juxta antea præstructa, junctum naturales Dii & animales, h. e. & astra, & homines præclare de humano genere meriti, designentur, in Isidem & Osiridem paulo penitius inquiritur, ut hac ratione ad eos spectare symbola Apidis & Mnevis intelligantur. Osiridem itaque ex Deorum naturalium classe So-

c. II.

c. III.

c. IV.

c. V.

c. VI.

c. VII.

lem esse, quod ex Plutarcho inprimis, Macrobio & Diodoro ostenditur: Isidem *Naturam universalem*, utcumque aliter aliis videatur. Probatur hoc, quoniam in gemino hoc Numine, per universam Ægyptum, quod nulli alii Deo Deavæ contigit, culto, haut dubie principia omnis generationis venerari Ægyptii voluerint, inter quæ non *Luna*, bene tamen *Natura universalis* locum obtineat, quæ matris ad instar se habeat, *Sole* patris vires gerente. Porro inde etiam, quod Isidi primas in cultu suo sacrisque religionibus deferant in omnibus Ægyptii, ipsi quoque Osiridi eam anteferentes, quod in *Lunam* certe non competat, vel aliam quamcunque ex naturalibus rebus. Argumentum quoque ipsum nomen *Isidis* suppeditare, quod *antiquitatem* Diodoro teste notet; hoc vero in *Naturam universalem* optime quadrare videri, quam Gentiles omnes æternam crediderint. Sed melius adhuc rem evincere veras nominis rationes, ex lingua Hebræo-Chaldæa, cum ab istis gentibus omnium religionum repetenda veniant initia, derivandas. Esse itaque *Isis* nil aliud quam *אִשְׁתִּי* *Ipsa est*, vel *אֵשֶׁת* *Est est*. Indeque simul patere originem verbi *is, tu es*, Apollinis Delphici templo inscripti. Nempe esse illud ipsissimum *Isidis* nomen, cujus commentarium habeat inscriptio ad pedes Isidis, in urbe Sais Minervæ nomine cultæ, insculpta apud Plutarchum: *Ego sum de Is. & Osir. omne quod fuit, quod est, quodque futurum est*; cui oppido conveniat cum inscriptione Capuensi, in qua est: *Te tibi jura, quæ es omnia Isis*. Hancque veram esse nominis *Jehovah* interpretationem, quod *Natura universali* tribuerint Ægyptii, mania, quæ postea Spinofam aliosque profanos homines invasit, jam occupati. Sed & quartum argumentum pro hac sententia omnia Isidis simulacra suppeditare, atque illud inprimis, quod in explicatione gemmæ Augustæ Illustris Cuperus exhibuit p. 252. In eo *urrim capiti impositam* terram, *duas cannas*, quarum radices tridentem representent, mare, *flammas* ex cavitatibus cannarum prodeuntes aerem & ignem notare. Præterea *urrim in capite*, Cybeles quoque Cererisque esse signum, itemque *mammarum*, vim alendi notantium, multitudinem; Isidem enim, Cererem, Vestam, Cybelem, Matrem Deorum, nil aliud esse, quam diversa Numinis ejusdem nomina. Illius rei si Illustris Cuperus in mentem venisset, miraturum cum non fuisse, inter Boissardi imagines Isidis inveniri figuras *multimam-*

timammas, cum inscriptione *Φύσις πασαίολος*, *Natura universalis*. Nec obscurum ipsi futurum fuisse *κεντροφόρος* epitheton, quod Vestæ Eusebius tribuit. Ideo nempe hoc fieri, quod Vestæ, Cybele, Ceres, quæ cum Iside sint eadem, *Naturam universalem*, eam *que in centro mundi*, utpote in principali parte sua residentem, significent. Huic Doctissimi Autoris conjecturæ ingenii laudem concessit, soliditatem in dubium vocavit, in quadam ad eum Epistola, Illustris Cuperus. Si enim in centro resideat, eoque contineatur *Natura universalis*, quæ est Autoris nostri sententia, non posse eam dici *κεντροφόρον*, quod significat *centrigeram* vel *centrifera*cem. Vocem itaque *κεντροφόρον* significare aliquid, quod *Φύσις*, *Natura*, *terra* vel *Vestæ* producat; quemadmodum *χλοηφόρος* & *καρποφόρος* etiam dicatur, inde quod *ferat* vel *producat herbas* & *fructus*; atque alia quoque diversa a variis rebus, quas producit vel efficit, nanciscatur nomina, *τροφὸς* scilicet *alericus*, *πετροποιὸς* *petrificæ* &c. Nihil itaque convenientius videtur, quam labem esse in voce *κεντροφόρος*, & pro ea apud Eusebium legendum *δενδροφόρος*, *arborum ferax*: indeque simul patere, cur etiam *παρθένα* dicatur eodem loco, quoniam scilicet *Ter- ravirgo*, h. e. *quæ non sensit aratrum*, vel in *cujus viscera quærenturum metallorum gratia nondum descenderat quisquam*, arbores protulerit: vel quoniam cum arboribus virgines comparari solent. Nomen denique *ἑσίας*, apud eundem Eusebium, ad firmam *terra* stabilitatem pertinere videri. Et istam vocis quidem *κεντροφόρος* emendationem atque explicationem, facile Autor noster in responso ad Cuperum admisit: inque observatis ab eo, confirmationem se invenire eorum, quæ de eodem Isidis, Vestæ, Ceres, Cybeles, Matris Deorum Numine, antea affirmaverat, existimavit: imo & *Venerem* Syriam, quæ *Urania* Græcis audit, *Naturam universalem* notare, & cæteris unius rei nominibus diversis addendam esse putavit. Hinc vero omnino rationem reddi posse animadvertit diversorum attributorum soli huic Deæ adscriptorum: quæ & tot celebretur nominibus, diversas Naturæ universalis partes respicientibus. *Vestam* appellari, quod *ignis* ejus sit pars, *calore* suo principium generationibus rerum largiens, idque diserte Ovidium in *Fæstorum* VI indicare. *Θέμιν* & *Χρησµωδόν* vocari ob spiritum æternum

num & immensum, Universi molem penetrantem, eam moderantem, omniaque cognoscentem: *σπερματικὸν λόγον*, quod principium omnium rerum esset; *τερόφον*, quod aleret omnia. Sic *κεν-τερόφον* etiam eam dici posse, non quod *ferat centrum*, a quo potius *feratur*, sed quod sit *κεντῆσα* centri, illique præsit; quamvis tamen omnino inhærendum sit Cuperi emendationi, modo observetur, vim *δενδροφόρον* & *χλοηφόρον* esse virtutes *φύσεως πανταίους*, *Natura universalis*. Hanc namque, sicuti *ἑστία Vesta*, *fecus*, *viva flamma* appellatur, in respectu ad coslos, ubi residet pura illa flamma; *δενδροφόρον* quoque vocari & *χλοηφόρον* in respectu ad terram, *herbarum arborumque feracem*. Poetas vero, quando in terra *Vestæ* nomen quæsivere, causam eam habuisse, quod terræ, emolumentorum suorum causæ, maxime inhæserint, quæ pars tamen *Natura universe* existat. *Παρθένα Virginis* nomen, *Natura universe* adscriptum, optime Cuperum explicuisse. Sed ut ad simile tractationis Autoris nostri redeamus, quintum argumentum ejus rei, quod Isis sit *Natura universa*, suppeditant symbola Isidis, inter quæ maxime emineat ipse *Apis*. Hunc enim ad Isidem pertinuisse, non Osiridem, hinc colligit, quod in maxima veneratione *Apis* fuerit; symbolum autem præ ceteris venerabile, ad Numen haut dubie pertinuisse, cujus summa in Ægypto religio; hoc autem Isidem fuisse. Præterea consentire omnes, *Mnevin* bovem, symbolum Solis, fuisse Heliopoli adoratum: verosimile igitur haut esse, duos boves Osiridi vel *Soli*, nullum Isidi fuisse consecratum. In *Apide* itaque omnes esse *Natura universe* characteres: *marem* illum esse, ad masculam ejus vim significandam; nomen *Apis* *אֵפִי* *parentem* significare; *alendis hominibus* plurimum bovem, præcipuum culturæ terræ instrumentum, conferre: *τιθήνην* vero atque *altricem* esse *Naturam*. Signa totius Naturæ impressa huic bovi fuisse, *Lunam* in dextro latere, *aquilam* Jovis alitem, symbolum cœli, in dorso, *scarabeum* in lingua Solis anigma. Omnes vero conjecturas illas tantum accendere luminis celebri Amosi Prophetæ loco: *portastis tabernaculum Regis vestri, Kijoun, imagines vestras, & sidus Deorum vestrorum, quos vobis fecistis*, ut ille novum vicissim robur addat sententiæ illi, quod Isis *Natura* sit *universa*, Prophetam nempe delineare idololatriam in deserto. *Apin* enim

Re-

c. V.

MENSIS JANUARI A. MDCCV. 23

Regem haut dubie fuisse religionis Ægyptiæ; *Kijun* esse Numen, cui ille sacer erat: id autem esse *Naturam universam*: כִּיּוֹן *ke-jono* enim Syris esse *genium Naturæ*, a quo diversum non sit *Kijun*, nisi terminatione Chaldæo-Syra. Nec male hic sentire Judæos, qui *Kijun* velint esse *Saturnum*: illum enim esse *genium Naturæ universæ*, totam naturam comprehendere, omnem felicitatem donare, perficere omnia, ut diserte Lib. I Dionysius Halic. testetur. Genium vero naturæ esse ἀγενοῦ φύλον, utroque sexu potentem, quod nomen & Isidi hæreat, cumque adeo a sexum masculinum maxime spectantibus *Saturnum*, a cæteris *Isidem* vocari. Verba vero Prophetæ, & *Sidus vestrorum Deorum*, eo pertinere, quod *Apis* non unam solam particularem Divinitatem, sed Naturam referat, quæ omnia complectatur sidera; unde & Stephanus Act. VII dixerit, *exercitum cali* Israelitas adorasse. Sic investigatis, quos Isis referebat & Osiris, quorum symbolica imagines erant *Apis* & *Mnevis*, Diis naturalibus, Typhonem esse quodcunque generationibus rerum adversum principium docet, atque sic ad investigandos, qui latent sub Isidis Osiridisve nomine, Deos animales, Reges scilicet & Viros illustres progreditur. Principes vero inter Deos animales, Patriarchas Ægyptiacæ, Noæ, Chami & Mitsraimi esse vestigia; Noæ imprimis, quem multa in Apide, fabulaque Isidis & Osiridis, referre videantur, nunc brevitatis causa prætereunda. Mosen sub Typhonis nomine latere. Rursum enim fuisse Typhonem: Mosen, egregiæ hominem formæ, comam probabiliter ahuisse affinis, i. e. flavi coloris. Nomen Typhonis esse Syrum *Thuphon* תְּפֹן quod inundationem notet, qua pessunderit Moses Pharaonem cum Ægyptiis; quo pertineat etiam, quod Plutarchus mare & marina omnia abominari Ægyptios Sacerdotes, & sal Typhonis spumam appellare dicit. Typhonem hostem Deorum Ægyptiorum judicari, quod judicia sua per Mosen contra omnes eos Deus exercuerit, ut est Exod. XII, 12. Numer. XXXIII, 4. Typhonem LXXII sibi junctis hominibus Osirin interficientem, Mosen significare, regimen post egressum ex Ægypto cum LXXII senioribus partitum. Typhonem fratrem Osiridis Regis Ægypti: Mosen filium Natæ Pharaone creditum esse. Typhonem Æthiopiæ Reginam habuisse adjutricem: Æthiopissam Mosis fuisse uxorem. Typho-

c. VIII.

- Typhonem asinae insidentem in Ægyptum venisse, ut Isidi & Osiri-
di bellum inferret: & Moſen simili vectura usum Exod. IV, 20. De-
nique Typhonem, teste Plutarcho, acie victum, septiduaſa fuga a-
ſino vectum diſceſſiſſe, poſteaſue Jerofolymum & Judæum genu-
iſſe: quod ipſe Plutarchus eo ſpectare animadvertat, ut Judæi in par-
tem fabulæ Typhonis veniant. Et certe ſeptidui fugam ſpectare
ſabbatum, poſt exitum ex Ægypto a Moſe conſtitutum, Jerofolymi &
Judæi natales, conſtitutam a Moſe Judaicam Rempublicam. Hæc
de Ægyptiorum Theologia, uſuſque boum in ipſorum religioni-
bus, Apidis inquam & Mnevis. Jam porro Iſraelitas, vitulum ad-
orantes, non id egiſſe, ut Deos adorarent Ægyptios, Apin Iſidem-
que vel Oſirin, ſed verum Deum in Ægyptio iſto ſymbolo voluiſſe
honorare, quæ Calvinii & Proteſtantium plerorumque ſententia eſt,
contra Romanæ Eccleſiæ Doctores diligenter Autor defendit. Fe-
ſtum celebratum Vitulo Exod. XXXII, 5. dedicationis fuiſſe, in quo
ritus in Iſiacis recepti obſervati fuerint, quorum nonnulli ex Hero-
doti Euterpe, quibus feſtum Iſidi Bubaste celebratum deſcribit, recen-
ſentur. Nec dubium Autori videtur, in eo feſto in thenſa vitulum
illum circumgeſtatum fuiſſe, eoſque ſpectare locum Amoſi: *porta-
viſtis tabernaculum Moloch vel Regis veſtri*. Moſen autem ſo-
lennibus illis intervenientem, vitulum per calcinationem, quouſque
licuerit, in cineres redegiſſe. Cum idololatria populi in deſerto, &
formæ & materiæ cognitionem habere idololatriam Jeroboami.
Illum vitulorum cultum ex Ægypto, ubi diu verſatus fuerat, attu-
liſſe. Dici autem idola illius diſerte *δαμάλεις*, *junices*, in Scriptura paſ-
ſim: alibi rurfus *virulos*: quod ſuſpicioni locum dat, utrumque
ſexum gemina vacca Jeroboamum repræſentaſſe, quia, ut ſupra di-
ctum, *ἀρρενὸς θηλυς* Iſis crederetur. Deum verum hoc ſymbolo
Jeroboamum colere voluiſſe, & ceremoniis quidem a Moſe præce-
ptis: quod in primis clarum ſit ex relatis 2. Reg. XVII, 28, ubi dici-
tur, novos Salmanaſſariſ colonos Samariam tuto habitare non po-
tuiſſe, donec diſcerent cultum Dei Iſraelis; quem proinde retinuiſſe
hucusque neceſſe ſit Iſraelitas, niſi quod vitulorum adhiberent ſym-
bola. Ex loco Oſæ XIII, 2. male cum Judæorum magiſtris quos-
dam colligere, homines vitulis hiſce fuiſſe immolatos; ſenſum enim
verborum eſſe: *quicumque inter homines ſacrificat, oſculum figet
vitulis;*

MENSIS JANUARIi A. MDCCV. 25

visulis. Id tamen inde constare, osculo honoratos illos fuisse, quod & in aliis religionibus observatum; ut ex Jobi XXXI, 27, & Apulejō in Apologia pateat. Sacerdotes Jeroboami male quosdam inter Eruditos putare ex fāce plebis delectos; quod parum conveniens fuisset ad conciliandam novæ religioni auctoritatem. Ebræa verba **הם מן העם** non *ex infima plebe* notare, sed simpliciter *ex medio populo*: id indicare tantum volente sacro Historico, quod ex tribu Levi scripti non fuerint Sacerdotes, sed ut fors ferret, ex populo. Peccatum denique illud Jeroboami illis, qui imagines & **εἰδωλόθεσ- xias** suas cultui divinitus præcepto miscere gaudeant, neutiquam favere. Utut enim minus fuerit Jeroboami peccatum crimine ultimorum Israël Regum, a veri Dei cultu penitus ad Baalim deficientium: peccatum tamen nihilominus fuisse. Nec illi excusando inservire, quod Elias tamen Elisæusque, veri Prophetæ, perpetuo in illa gente fuerint versati: hoc enim placuisse sapientiæ Divinæ, ut aliqua tamen adhuc, licet corrupta, in illa gente servaretur Ecclesia. Atque hæc Autor doctissimus de cultibus falsis inter Israëlitas ex Ægypto oriundis. Jam libro IV ad eos pergit, qui Syriæ & Chananæ natales debent. Sed ejus quidem justum recensum nōmo a nobis requireret; cum in prioribus tribus enarrandis, jam tum instituti nostri limites longe fuerimus supergressi.

THESAURUS ANTIQUITATUM GRÆCARUM,
contextus & designatus a JACOBO GRONOVIO. Vo-
lumen sextum, septimum, & octavum.

Lugduni Batavorum apud Petrum van der Aa, 1699, fol.

Volumen VI constat Alphab. 6. plag. 19.

VII Alphab. 8. plag. 11.

VIII Alphab. 7. plag. 17.

PRimum Voluminis sexti locum obtinet Joachimi Stephani, Pomerani, J. U. D. *de Jurisdictione veterum Græcorum liber*. Pronunciat de eo celeberrimus Gronovius, satis quidem, scite consideravisse utramque urbem, vel potius generatim patefecisse universam Græcorum indolem istuc quidem ferentem, ut **διῃνη** cole-ret; at nihilominus nimium Alexandro ab Alexandro & Cœlio Rhodigino in hoc libro tributum esse: doletque præterea, non ma-
D jori

jori cum cura librum istum in editione prima fuisse administratum. Sequuntur p. 2755 Joachimi Perionii, Hebraicarum & Græcarum litterarum Lutetiæ Interpretis Regii, *de Magistratibus Græcorum & Romanorum libri tres*, a Francisco fratris filio editi, quorum tertium librum adeo Romanis rebus obrutum Gronovius dicit, ut nequaquam explicet impleatque inscriptionis promissum ac materiam. Proxime abest Heraclidæ Pontici *de Politicis Græcorum libellus, cum interpretatione Latina Nicolai Cragii*, quem si integrum dare potuisset, totius instar Thesauri futurum fuisse existimat. Ast temporum injuria fragmentum solum dare coegit, cujus tamen nec editores, nec interpretes, exquisitam rationem habuerunt. Hunc excipit pag. 2835 Jo. Adami Osiandri *de Ayslis Gentilium dissertatio*, quam p. 2855 Jo. Baptistæ Crophii *Antiquitates Macedonica*, hisque p. 2939 adjuncta Petri Hendreich *Massilia* comitantur. Inde pag. 3007 compareret Burcardi Niderstedii *Melita vetus & nova, Hephæstia insula, Melita subterranea*, de qua in præfatione dum verba facit Gronovius, miratur in simul, inter *σεβασμاتا* hujus insulæ, non nisi Herculem & Junonem celebrari, quum & Dea Proserpina, & templum ejus, in inscriptionibus apud Gualterum tam aperte nominetur. Hac occasione, Jacobi de Wilde, cui hæc studia mirum quantum debent, beneficio moneta in ære ΜΕΛΙΤΑΙΩΝ, prout erat, expressam accuratissime ex quinque fidelissimæ notæ ectypis adducit, deque *κυνή* & rosa Meliteni ibi occurrentibus præcipit, & contra Sponium aliosque disputat. Inde pag. 3087 conspiciuntur Petri Gyllii, quem in primis laudat, *de Bosporo Thracio libri tres*, & p. 3219 ejusdem *de Topographia Constantinopoleos, & de illius Antiquitatibus libri quatuor*. Hos excipiunt Georgii Doulæ *de Itinere suo Constantinopolitano Epistola*. Accesserunt *Veteres Inscriptiones Byzantio & ex reliqua Græcia cum quibusdam doctorum Virorum epistolis* p. 3343: Leonhardi Aretini *Commentaria rerum Græcarum*, p. 3387. Wolfgangi Lazii *Græcia Antiqua variis numismatibus illustrata lib. II* p. 3419: Josephi Laurentii *Disquisitio de Rebus publicis, suffragiis, conciliis, accusationibus, tormentis, &c. veterum*, p. 3651: Everardi Feithii *Antiquitatum Homeriarum libri IV*, in quibus fere omnes eorum temporum per Græciam ritus, ceremoniæ & mores, tam in sacris quam profanis, exponuntur & illustrantur, p. 3711.

Nico-

MENSIS JANUARIi A. M DCCV. 27

Nicolai Damasceni *de moribus Græcorum aliarumque Gentium* libellus, cum interpretatione Latina Nicolai Cragii, p. 3843. De Jos. Laurentio censet, nimis breviter instituto defunctum, versus peregrina & aliena statim deflexisse. Præclarius de Feithio existimat, & nonnullos in hoc opere occurrentes naves non ab ipso, sed editorum negligentia profectos arbitratur.

Volumen septimum ad Sacra præsertim Græca & Festivitates spectat, & librorum hoc Antiquitatis caput persequentium haut contemnendam seriem repræsentat. Primum ex his locum occupat Danielis Clasenii *Theologia Gentilis, seu demonstratio, qua probatur, Gentilium Theologiam (ceu tenebras) Deos, sacrificia & alia ex fonte Scripture (ceu luce) originem traxisse, in tres partes divisa*. Hinc p. 133 Josephi Laurentii *Varia Sacra Gentilium*, & p. 253 Abrahami Ortelii *Deorum Dearumque capita, ex antiquis numismatibus collecta, Historica Narratione illustrata a Francisco Smeretio* conspiciuntur. Reliqui libri hoc ordine exhibentur: Julii Cæsaris Bülengeri *de Oraculis & Vatis* liber p. 1. Idem *de Templis Ethnicorum* p. 50. Jo. Henrici Eggelingii *Mysteria Cereris & Bacchi, in vasculo ex novo onyche, cum figuris* p. 57. Joannis Meurni *Panathenæa, sive de Minerva illo gemino festo, liber singularis, nunc ex ipsius auctoris chirographo auctus*, p. 77. Ejusdem *Eleusinia, sive de Cereris Eleusinia Sacro, ac Festo, liber singularis, nunc ex ipsius auctoris chirographo auctus*, p. 109. Jo. Nicolai *de ritu antiquo & hodierno Bacchanaliorum commentatio*, p. 173. Jo. Jacobi Helleri *Exercitatio de Deo ignoto Atheniensium*, p. 221. Jacobo Sponii *ignotorum atque obscurorum quorundam Deorum Aræ, notis illustrata, cum quorundam Eruditorum epistolis ad eam rem pertinentibus*, p. 233. Stephani Byzantini Grammatici *de Dodone fragmentum, quo tota veterum doctrina & fabulatio de per antiquo Oraculo isto continentur, cum exercitationibus recognitis Jacobi Gronovii, cum figuris*, p. 269. Jacobi Triglandii, J. F. J. N. *Conjectanea ad quadam obscura fragmenti de Dodone loca*, p. 321. Jo. Antonii Vernerii *de Oraculis & Divinationibus Antiquorum, tractatus succinctus & exquisitus*, p. 325. *Symbolica Diana Ephecie Statua a Claudio Menetresq. exposita, multis novis additionibus, nummis & monumentis antiquis illustrata*, p. 357. Lucæ Holstenii *epi-*
stola

ſola ad Franciſcum Cardinalem Barberinum, de Fulcris ſeu Veribus Dianæ Ephēſiæ ſimulacro appoſitis, cum figuris, p. 393. Jo. Petri Bellorii nota in Numiſmata tum Ephēſiæ, tum aliarum urbium, Apibus inſignita, cum figuris, p. 401. Ejuſdem expoſitio Symbolici Deæ Syriæ ſimulacri cum figuris, p. 425. Marmorea Baſis Coloſſi Tibariorum Caſari erecti, ob civitates Aſiæ reſtitutæ, poſt horrendos terræ tremores: cujus Coloſſi fides a Jo. Meurſio oppugnata defenditur, tantum non oculis exhibetur, & venuſta proponitur: tempus, numerus & nomina civitatum reſtitutarum ubique falſus & varius a recentibus commentatoribus tradiitur; verus & certus ex marmorea baſi, publico inſtrumento, feliciter probatur. Ad Ser. ac Rev. Principem Franciſcum Mariam Medicum, &c. Primus trans Alpes vulgavit, revocavit, notis & obſervationibus illuſtravit Laurentius Theodorus Gronovius, cum figuris, p. 433. Laurentii Pignorii Magnæ Deum matris Idææ & Attidis initia, ex vetuſtis monumētis eruta, cum figuris, p. 433. Jo. Fazoldi Græcorum veterum ἹΕΡΟΛΟΓΙΑ, p. 521. Petri Caſtellani ΕΟΡΤΟΛΟΓΙΟΝ, p. 597. Jo. Meurſii Græcia Feriata, ſive de Feſtis Græcorum libri VI, cum notis & marmore Ταυροκαθάψιν, pag. 701. Nempe Gronovius non aliquoties tantum in ima ora ad Meurſiana polienda aliquid addidit, ſed etiam p. 854 interpoſuit, ad fidem ſummæ ſuæ erga Oxoniēſe marmor reverentiæ, & nomen, & conſpectum feſti ΤΑΥΡΟΚΑΘΑΨΙΑ. Jo. Jonſtoni de Feſtis Græcorum ſchediaſma, p. 871. Julii Cæſaris Bulengeri de Ludis veterum liber unicus, p. 901. Jo. Meurſii de Ludis Græcorum liber ſingularis, p. 941. Danielis Souterii Palamedes, ſive de Tabula luſoria, Alea & variis ludis, libri tres p. 997. Andrææ Senſtlebii de Alea veterum liber ſingularis, p. 1121. Cœlius Calcagninus de Talorum ac Teſſerarum & Calculorum Ludis ex more veterum, in gratiam Lili Gregorii Gyraldi, p. 1213. De ſingulis fere in præſatione eruditiffimus Gronovius nonnulla monet, & vel perperam dicta indicat, vel prolata illuſtrat, auget & dilucidius exponit. Ita de Symbolica Dianæ Ephēſiæ ſtatua a Menetrejo expoſita diſſerens, temperare ſibi non poteſt, quin marmoream ejusdem Dianæ, quam in arcis Heemſtejanæ propylæo deprehendit, ſtatua ex longinquis locis adveſtam repræſentaret, & hoc modo Menetrejo lucem afferret. Quæ uti nullis aliarum, judice Gronovio,

MENSIS JANUARIA. MDCCV. 29

novio, pulchritudine artis & elegantia cedit, ita ab omnibus diversa est, seu manuum elevationem consideres, seu septem fascias, in quibus unice convenit cum ea, quam Leonardus Augustinus ex gemma edidit, seu *παραστάς* equorum in aliis parum observatas, cum tanta canum multitudine Hecaten suam iustissime cingente, ut mereatur certe hoc marmor inter reliqua spectari. Miratur cateroquin, cum non Menetrejus nummos illos omnes, quos citet, collectos apposuerit, vel qui factum fuerit, ut ex hac Dianæ in nummis gloriosa pompa, ab Holstenio collecta, omissus sit nummus Claudii, eam perinde in æde tetrastylo stantem & verubus innixam exhibens, cum ipsis literis DIANEPHE, ut est in serie orbium Crojanorum. Hanc vero Dianam ex suis sacris illustratam vult, non admixtione nunc Cereris, nunc Isidis, nunc Cybeles, adeoque discedit ab illis, qui has ad partes vocaverint.

Volumen Octavum cætera Ludrica & Amœnitates Græcas persequitur, & p. 1234 sistit Jo. Meursii *Orchestram, sive de Saltationibus veterum librum singularem*. In hoc non probat, neglectum adeo fuisse Scaligerum nomen, ut ne meminisse quidem dignatus fuerit, præsertim cum reperiatur apud Scaligerum (capite nempe XIV de Comœdia) quæ omissa Meursio. Inde repræsentantur Jo. Baptistæ Casalii *de Ritu Nuptiarum, ac de Jure Connubiali veterum dissertatio*, p. 1302. Josephi Laurentii *de Sponsalibus & Nuptiis antiquorum libellus*, p. 1330. Bar-nabæ Brissonii *ad legem Juliam de Adulteriis liber singularis*, p. 1346. Josephi Laurentii *de Adulteris & Meretricibus tractatio*, p. 1402. Jo. Meursii *de Puerperio syntagma*, p. 1418. Josephi Laurentii *de Natalitiis Conviviisque, quæ in iisdem agitabantur, exercitatio*, p. 1430. Eiusdem *de Praconibus, Citbarædis, Fistulis ac Tintinnabulis collectio*, p. 1459. Lillii Gregorii Gyraldi *de Comœdia, ejusque apparatu omni & partibus commentarius*, p. 1474. Julii Cæsaris Scaligeri *de Comœdia & Tragœdia, ejusque apparatu omni & partibus commentatio*, p. 1494. Eiusdem *de Versibus Comicis tractatus*, p. 1550. Joachimi Camerarii *de Comicis versibus diatriba*, p. 1578. Jo Baptistæ Casalii *de Tragœdia & Comœdia lucubratio*, p. 1598. Alberici Gentilis *de Actoribus & Spectatoribus Fabularum non notandis disputatio*, p. 1826. Evanthii & Donati *de Tragœdia & Comœdia commentatiuncula*, p. 1682. *De Fabularum, Ludorum, Theatrorum, Scenarum ac*

Scenicorum antiqua consuetudine, libellus, p. 1694. Jo. Ludovici Fabricii *de Ludis Scenicis* ΔΙΑΛΕΞΙΣ casuistica quinquepartita. Petri Fabri *de re Athletica*, *Ludisque veterum Gymnicis*, *Musicis atque Circensibus spicilegiorum tractatus*, tribus libris comprehensus, opus tessellatum, cum ejusdem paralipomenis, p. 1758. *Inscriptiones Athletica nuper reperta*, editæ & notis illustratæ ab Octavio Falconerio, quibus accesserunt alia ex Africanis marmoribus recens descriptæ, p. 2290. Barnabæ Brissonii *commentarius ad L. Dominico de Spectaculis*, in C. Theodosiano, & L. omnes dies Cod. de Feriis p. 2358. Josephi Laurentii *de Agyrts*, *Histrionibus*, *Acclamatio-nibus*, & *Osculis investigatio*, p. 2434. Jo. Meursii F. *collectanea de Tibiis*, p. 2450. Musonii Philosophi *opus de Luxu Græcorum*, in quo de belluonibus, bibacibus, generibus poculorum, vino, coronis, quibus in conviviis veteres utebantur, unguentis, musicis instrumentis, bellariis, saltationibus, parasitis, generibus placentarum, ac meretricibus insignibus, a Stephano Nigro congestum, p. 2466. Petri Bellonii *de admirabili Operum antiquorum & rerum suspiciendarum præstantia*, libri tres, p. 2530. Philo Byzantius *de septem Orbis Spectaculis*, *Græce*, cum notis & interpretatione Leonis Al-latii, p. 2642. Phlegontis Tralliani *de rebus mirabilibus liber*, *Græce*, cum interpretatione Latina Guilielmi Xylandri, ac recensione notisque Jo. Meursii, p. 2690. Ejusdem *de Longævis libellus*, *Græce*, cum interpretatione Latina Guilielmi Xylandri, ac recensione notisque Jo. Meursii, p. 2727. Jo. Frederici Gronovii *de Museo Alexandrino exercitationes Academica*, habitæ anno M DCLXVII post caniculares ferias, ab filio ejus exceptæ, & nunc primum editæ, p. 2738. Ludolphi Neocori *de Museo Alexandrino diatribe*, nunc primum edita, p. 2766.

ISAACI NEWTONI TRACTATUS DUO, DE SPECIEBUS & Magnitudine Figurarum Curvilinearum.

Londini apud Samuelem Smith & Benjamin Walford,
Typographos Societatis Regiæ, 1704, in 4.
Constant plagul. 10.

Celeberrimus magno suo merito Vir, Isaacus Newtonus, Tractatui suo Optico de Coloribus, Anglice scripto, appendicis in modum

dum sermone Latino duos subjecit Tractatus Geometricos, breves sed præclaros, priorem de Enumeratione Linearum Tertii Ordinis; alterum de Quadratura Curvarum. Quod Enumerationem Linearum attinet, notat in antecessum, *lineas* dici posse *primi, secundi, tertii, quarti &c. ordinis*, quas recta potest secare in punctis, uno, duobus, tribus, quatuor &c. Itaque *primi ordinis* est ipsa recta; *secundi* sunt *conica*, sub quibus comprehenditur circulus; *tertii* sunt *ea*, quas hoc loco numerate aggreditur. Lineæ autem ordinis *secundi, tertii, quarti &c.* possunt dici (respective) *curva generis primi, secundi, tertii, &c.* Curvæ denique infinitesimi generis sunt, (ut notum est) quas recta in infinitis punctis secare potest, quales sunt, quæ per radii vel rotæ revolutiones infinitas generantur. Ostendit deinde, proprietatibus quibusdam primariis, conicarum seu curvarum primi generis, consimiles esse proprietates curvarum secundi generis, & generum etiam superiorum; quoad ordinatas scilicet, diametros, vertices, centra, axes, latera recta & transversa, & asymptotos. Nam si rectæ plures inter se parallelæ & ad sectionem conicam utrinque terminatæ ducantur, recta duas earum bifecans bifecabit alias omnes; quæ dicetur *diameter*, & parallelæ dicentur *ordinatim applicatæ*. Concurfus diametrorum est *centrum* figuræ, & intersectio curvæ ac diametri, *vertex*: & diameter illa, cui ordinatim applicatæ insistant ad angulos rectos, dicitur *axis*. In curvis secundi generis si rectæ duæ quævis parallelæ ducantur occurrentes curvæ in tribus punctis, recta quæ ita secat has parallelas, ut summa duarum partium ex uno secantis latere ad curvam terminatarum æquetur parti tertiæ ex altero latere ad curvam terminatæ, eodem modo secabit alias, his parallelas curvæque in tribus punctis occurrentes. Hæ ergo tres partes, quæ hinc inde æquantur, dicentur, ut in conicis, *ordinatim applicatæ*, & recta secans dicetur *diameter*, & concurfus duarum diametrorum dicetur *centrum*, & ubi omnes diametri in eodem puncto concurrunt, istud erit *centrum generale*. Diameter autem ad ordinatas rectangula, si modo aliqua sit, etiam *axis* dicitur. Et quemadmodum in conicis sectionibus non parabolicis quadratum ordinatim applicatæ hoc est rectangulum ordinatarum, quæ ad contrarias partes diametri ducuntur, est ad rectangulum partium diametri, quæ ad vertices ellipseos vel hyperbolæ

bolæ terminantur, ut data quædam linea, quæ dicitur *latus rectum*, ad partem diametri, quæ inter vertices jacet, & dicitur *latus transversum*; sic in curvis non parabolicis secundi generis parallelepipedum sub tribus ordinatis est ad parallelepipedum sub partibus diametri ad ordinatas & tres vertices figuræ abscissis, in ratione data: in qua ratione si sumantur tres rectæ ad tres partes diametri inter vertices figuræ sitas, tunc illæ tres rectæ dici possunt *latera recta*, & illæ partes diametri inter vertices, *latera transversa*. Et sicut in parabola conica, quæ ad unam & eandem diametrum unicum habet verticem, rectangulum sub ordinatis æquatur rectangulo sub parte diametri, quæ ad ordinatas & verticem abscinditur, & recta quadam data, quæ *latus rectum* dicitur; sic in curvis secundi generis, quæ nonnisi duos habent vertices ad eandem diametrum, parallelepipedum sub ordinatis tribus æquatur parallelepipedo sub duabus partibus diametri ad ordinatas & vertices illos duos abscissis & recta quadam data, quæ proinde *latus rectum* dici potest. *Hyperbola* primi generis duas *asymptotas*, secundi tres, tertii quatuor &c. & non plures habere potest. Et quemadmodum partes lineæ cujusvis rectæ inter hyperbolam conicam & duas ejus *asymptotas* sunt hinc inde æquales; sic in hyperbolis secundi generis si ducatur recta quævis secans tam curvam quam tres *asymptotas* in tribus punctis, summa duarum partium istius rectæ, quæ a duabus quibusvis *asymptotis* in eandem plagam ad duo puncta curvæ extenduntur, æqualis erit parti tertiæ, quæ a tertia *asymptoto* in plagam contrariam ad tertium curvæ punctum extenditur. Sicut etiam in conicis sectionibus, ubi duæ parallelæ ad curvam utrinque terminatæ secantur a duabus parallelis ad curvam utrinque terminatis, prima a tertia, & secunda a quarta, rectangulum partium primæ est ad rectangulum partium tertiæ, ut rectangulum partium secundæ ad rectangulum partium quartæ: sic ubi quatuor tales rectæ occurrunt curvæ secundi generis, singulæ in tribus punctis, parallelepipedum partium primæ rectæ erit ad parallelepipedum partium tertiæ, ut parallelepipedum partium secundæ ad parallelepipedum partium quartæ. Porro curvarum secundi & superiorum generum æque ac primi crus omne in infinitum progrediens vel *hyperbolicum* est, si ad *asymptoton* aliquam in infinitum appropinquet, vel *parabolicum*, si *asymptoto* destituitur. Denique
lineæ

MENSIS JANUARI A. MDCCV. B


lineæ omnes ordinis primi, tertii, quinti & imparis cujusque, duo habent ad minimum crura in infinitum versus plagas oppositas progredientia. Quod formas curvarum attinet, Autor vocat hyperbolicam *inscriptam*, quæ tota jacet in asymptoton angulo ad instar conicæ; *circumscriptam*, quæ se at asymptotos, & partes abscissas in sinu suo amplectitur; *ambigenam*, quæ uno crure infinito inscribitur & altero circumscribitur; *convergentem*, cujus crura concavitate sua se invicem respiciunt, & in plagam eandem diriguntur; *divergentem*, cujus crura convexitate sua se invicem respiciunt, & in plagas contrarias diriguntur; *cruribus contrariis præditam*, cujus crura in partes contrarias convexa sunt, & in partes contrarias infinita; *coneboidalem*, quæ vertice concavo & cruribus divergentibus ad asymptoton applicatur; *angineam*, quæ flexibus contrariis asymptoton secat, & utrinque in crura contraria producit; *cruciformem*, quæ conjugatam decussat; *nodatam*, quæ se ipsam decussat in orbem redeundo; *cuspidatam*, cujus partes duæ in angulo contactus concurrunt, & ibi terminantur; *punctatam*, quæ habet ovalem insipit parvam, id est, punctum; & *puram*, quæ per impossibilitatem duarum radicum, ovali, nodo, cuspide & puncto conjugato privatur. Eodem sensu parabolam quoque convergentem, divergentem, cruribus contrariis præditam, cruciformem, nodatam, cuspidatam, punctatam & puram nominat. *Hyperbolam* vocat *redundantem*, quæ nullum crurum sectiones conicas superat; *defectivam*, quæ unicam habet asymptoton, & duo tantum crura hyperbolica juxta asymptotam illam in plagas contrarias infinite progredientia; ex his una est *cissois* veteri. *Hyperbolas parabolicas* vocat, quæ habent crura hyperbolica & parabolica. In universum autem numerat lineas tertii ordinis, seu curvas secundi gradus, septuaginta duas. Et notat, quod, si in planum intantum a puncto lucido illuminatum umbræ figurarum projiciantur, umbræ sectionum conicarum semper erunt sectiones conicæ, curvarum secundi generis semper erunt curvæ secundi generis (vel potius non plus quam secundi generis) & ita porro. Et quemadmodum circulus umbram projiciendo generat omnes sectiones conicas (idem de quavis conica dici potest) sic quinque parabolæ divergentes secundi generis exhibent omnes alias secundi generis curvas. Quinque illæ parabolæ divergentes sunt hæc, quarum æquatio com-

E
mu-

munis est $yy = ax^3 + bxx + cx + d$, ubi AB , AG sunt axes conjugati, curvæ punctum C , & AB , X , & BC , y . Quod si jam sit $y = 0$ & æquationis $ax^3 \pm bxx + cx + d = 0$, tres radices AT , At , Ar sint reales & inæquales, prodit figura parabolica divergens *campaniformis cum ovili* ad verticem *fig. 2. 3.* Si radices duæ sunt æquales, parabola prodit vel *nodata* contingendo ovalem, *fig. 4.* vel *punctata* ob ovalem infinite parvam, *fig. 5.* Si tres radices sunt æquales, parabola est *cuspidata* in vertice, & est parabola semicubica vulgo dicta, *fig. 7.* Denique si duæ radices sunt impossibiles, habebitur parabola *pura campaniformis fig. 4. & 6.* His quinque parabolis divergentibus secundi generis adjiciamus ex Autore cissoidem veterum *fig. 1.* parabolam, per quam Cartesius æquationem sex dimensionum construxit *fig. 7.* (quæ habet quatuor crura infinita, quorum duo sunt hyperbolica circa asymptoton AG , & duo parabolica convergentia, & cum prioribus speciem tridentis fere efficientia) & parabolam cubicam vulgarem (quæ est ex numero parabolarum divergentium) *fig. 8.* Reliquæ figuræ, quæ cum his omnes septuaginta duas curvas secundi generis representant, apud Autorem videri possunt. Cæterum Autor non attingit *focos* vel *umbilicos* curvarum secundi generis, & multo minus generum altiorum. Cum ergo ea res abstrusioris sit indaginis, & maximi tamen in hoc genere usus, tum ad descriptiones, tum ad alias proprietates curvarum, & doctrina hæc focorum ab Ill. Dn. D. T. profundius sit versata; supplementum ejus pro his curvis ab ipsius ingenio expectamus.

Ingeniosissimus deinde Autor, antequam ad *Quadraturas Curvarum* (vel potius figurarum curvilinearum) veniat, præmittit brevem *Isagogen*. Quæ ut melius intelligatur, sciendum est, cum magnitudo aliqua continue crescit, veluti linea (exempli gratia) crescit fluxu puncti, quod eam describit, incrementa illa momentanea appellari *differentias*, nempe inter magnitudinem, quæ antea erat, & quæ per mutationem momentaneam est producta, atque hinc natum esse calculum *differentialem*, eique reciprocum *summatorium*; cujus Elementa ab inventore Dn. Godefrido Guiljelmo Leibnitio in his Actis sunt tradita, varique usus tum ab ipso, tum a Dnn. Fratribus Bernoulliis, tum & Dn. Marchione Hospitalio, (cujus nuper

TAB. I. ad A. 1705. G M. Jan. p. 34.



per extincti immaturam mortem omnes magnopere dolere debent, qui profundioris doctrinae profectum amant,) sunt ostensi. Pro differententiis igitur Leibnitianis Dn. Newtonus adhibet semperque adhibuit fluxiones, quae sint quam proxime ut fluentium augmenta a qualibus temporis particulis quam minimis genitae; tum in suis Principiis Naturae Mathematicis, tum in aliis postea editis eleganter est usus, quemadmodum & Honoratus Fabrius in sua Synopsi Geometrica motuum progressus Cavallerianae Methodo substituit. Porro ut dato quantitatis alicujus, velut y , valore per aliam indeterminatam, qualis x , haberi etiam potest valor ipsius dy (differentiae inter duas proximas y ,) per x , & per dx (differentiam inter duas proximas x) seu uti data quantitate y , potest inveniri differentia dy ; quod nihil aliud est, quam invenire tangentes curvarum: ita vicissim dato valore ipsius dy , modo dicto exhibito, seu data differentia dy invenire terminum y , est invenire summas omnium differentiarum seu dy ; quia discrimen inter duas y assignabiles extremas est summa omnium differentiarum intermediarum; & posito unam ex extremis x qualem esse nihilo, seu crescendo incipi ab 0 , tunc summa illa est ultima y . Hinc dato termino x , qui sit ad a constantem, ut dy ad dx , erit rectangulum dy aequale summae omnium $y dx$, quae scribitur $\int y dx$, id est, aequabit aream figurae factae ex ordinatis, y ductis respective in dx elementa abscissarum. Atque ita regressus a valore ipsius dy (seu ipsius $\frac{dy}{dx}$) differentiae, ad valorem ipsius y (seu ipsius $\int \frac{dy}{dx}$) est quadratura figurae, cujus abscissa x , ordinata y . Adeoque fluxus ipsius y est areae dictae proportionalis. Sed cum regressus hica differentiis ad quantitates, vel a quantitatibus ad summas, vel denique a fluxionibus ad fluentes, non semper Algebraice fieri possit, (prorsus ut regressus a potentiis ad latera, vel a quantitatibus ad radices non semper fieri potest rationaliter) ideo quaerendum est, tum quibus casibus quadratura Algebraice succedat, tum quomodo Algebraico successu deficiente aliquid subsidiarium adhiberi queat. In utroque etiam a Dn. Newtono est utilissime laboratum, tum alias, tum in hoc tractatu de Quadraturis, ubi series adhibet infinitas, quae eo casu, quo abruptuntur, seu finiuntur, quaesitum Algebraice exhibent. De quo etiam dictum est nuper in recensione tractatus

Dn. Cheynxi, Medici Scotici Londini degentis. Conferri etiam potest tractatus Dn. Craigii Scoti de Quadraturis, & ejusdem Theorema ad Quadraturas pertinens, nuper in his Actis exhibitum; quæ faciunt etiam, ut ipsis Theorematis Newtonianis recensendis superiorem deamus, quia paucis exponi non possunt: quemadmodum nec ejusdem Theoremata quædam reductionis ad quadraturas faciliores. Eas autem quantitates, quæ Algebraice exprimi non possunt, Newtonus vocat *Geometrice irrationales*, ad imitationem quantitatum surdarum seu Arithmetice irrationalium.

*RUNÆ IN NUMIS VETUSTIS DIU QUÆSITÆ,
 tandemque ibidem feliciter inventæ, seu de Numis Runicis com-
 mentatio NICOLAI KEDERI, Regii Antiquarum
 Suecico-Gothicarum Collegii Adsefforis.*

Lipsiæ apud Jo. Frid. Geditsch, 1704, 4-
Plag. 4 cum fig. an.

Annus nunc, & quod excedit, elapsus est, ex quo elegantis-
simum Kederi nostri schediasma, quod *de Argento Runis seu
diteris Gothicis insignito* inscripserat, in hisce Actis nostris, men-
se nimirum Septembri anni 1703, pag. 417 seqq. recensitum exhi-
buimus; cui quidem consignando ansam dederat delineatum in
Camdeni Britannia, Anglice nunc loquente & ampliata, Runi-
cum numisma. Jam vero aliam de numis Runice signatis com-
mentationem idem litteratissimus Vir lectori curioso sistit, in qua
Runas diu in vetustioribus numis a se quæsitæ, ac tandem feliciter
inventas delineat. Ut vero mentem suam clarius exponat, primo
quidem *Runarum* vocabulo elementa se intelligere Gothica dicit,
non qualia sequior ætas, ob Longobardicum characterem inter Mo-
nachos frequentatum, *Monastica*, i. e. *Münd-Schrift* / adpel-
lavit, sed ejus tantum generis, quæ in lignis & saxis antiquissimis exa-
rata deprehendimus. An vero hi Gothorum characteres, quos
Runas vulgus nominat, metallo etiam signato, sive in numorum
formas conflato, antiquitus fuerint dati, diu dubitavit, iis maxime
de causis, quod multi ex argento numi Runici dentur, animi gra-
tia fusi ac plane spurii, in quorum censum *Attili* vel *Attila*, *Sivari*
vol

TAB. II. ad A 1705. M. Jan. p. 37.

1.



2.



3.



4.



5.




6.



7.



8.



9.




vel *Sivardi, Erici, Waldemari & Margarethe* Regg. numisma-
ta refert, atque *bracteatum* quendam sive *cavum* se vidisse ait,
quem Petrus Baillet, civis Holmienfis possideat, Runice quidem si-
gnatum, sed falsum tamen, licet malleo cufum. Magnum itaque
in ejusmodi pecunia discrimen esse habendum, ac ne in alterutram
partem nimis declinemus, dispiciendum docet. Nobis enim idem
contingere posse, quod Vaillantio, Viro alias rei numariae callentis-
simo accidit, qui in Gordianorum historia omnem Africanum, qui
aversus AUG. & non AUGG. habeat, malae notae esse contendit;
quum tamen Kederus noster apud Per-Illustrem Baronem de Hec-
kem, Foederati Belgii ad Aulam Suecicam Legatum nuper extraor-
dinarium, suis oculis observavit indubitatae antiquitatis integerrima-
que fidei Gordianum Africanum patrem ex aere primae magnitudi-
nis, latere secundo insignitum hac epigraphe: PROVIDENTIA
AVG. uno duntaxat G. Laudat deinde Illustrem e Suecia Virum, *Ja-
Gabrielem Sparwensfeldium*, quem Potentissimus Rex Carolus XI, ad
perquirenda apud externos antiquariae supellestilis, quae Suecos attineat,
cimelia, per annos aliquot peregrinari, ac praecipue Mantuae Carpe-
tanorum seu Madriti commorari jusserat. Ceterum quum litteras
Runicas non reperiret Noster in numismatibus Ostro-Gothicis aure-
is, argenteis, aereisve, olim in Italia percussis, neque etiam in numis
aureis nomina & capita Regum Westro-Gothorum seu Wisi-Gothorum
exhibentibus, partim in Gallia, partim in Hispania cufis, (quo-
rum Regum seriem contexuit, & Latinis eos potius, quam majo-
rum suorum literis usos ostendit,) ac ne quidem apud aurarios fabros
meliore fortuna gauderet, ad quos tamen vetustatis reliquiae in agro-
rum latebris inventae perferri soleant, de sorte sua pane desperare,
atque amplius de illis dubitare coepit. At enimvero ita cogitanti e-
ruditissimus Vir, Elias Brennerus, numulos tres, e tenui bractea ar-
gentea *cavos* ostendit, quorum (Vid. figur. 1. 2. 3.) unus praefert **N** TAB. II.
(V) tribus coronis (antiquis propriisque Sueciae insignibus,) se- Fig. 1. 2. 3.
ptum: alter **B** (B) inter hemicyclum & crucem: tertius **H** (S)
stella, cruce atque lunula, quas singularis globulus ter interstinguit,
stipatum. Quibus annumerandi sunt trini ejus commatis alii, quos
Olaus Bromelius, Med. D. & Gothoburgensis Poliater expiscatus est,
quique pari modo e *cava* lamella argentea sunt, & (vid. figg. 4. 5. 6.) Fig. 4. 5. 6.
E 3

6.) quorum unus 木, alter 木, tertius autem R, characteres oculis sistunt. Disquirat ergo doctissimus Autor, cur in Brennerianis literæ singulæ sive simplices, in Bromelianis vero compositæ existant? atque hæc ipsa signa non Gothis tantum, vorum Græcis quoque ac Romanis usitata, atque *Monogrammata* fuisse vocata respondet, seculo fere post C. N. octavo frequentia, & inter Moscos quoque aut Ruthenos haud ignota; quod ipsum Russicæ insuper monetæ, in qua Magni Ducis nomen monogrammate expressum spectamus, exemplis illustrat. Post longam tandem expectationem voto se damnatum, ac in veterum quorundam argenteorum non unius gentis numismatum e solo Gothiæ Orientalis fortuito erutorum acervulo, *numum Runis insignem* longe illustrissimum invenisse, sibi que illum cum stipatoribus suis prece & pretio non segniter redemisse narrat, cujus figura num. 7. adpicta, virum togatum & fascia vel balteo succinctum, sublata dextera, ac læva pectori adnota monstrat,

TAB. II.

Fig. 7.

cum verbis: MALIVS REX i. e. MAGNVS REX. Postica pars crucem figuræ quadrangulari globulis excultæ quasi inclusam exhibet, epigraphæ Runicæ:  (Latinis litteris SEVIN. AVLFIETS. FRNTE.) Numum hunc, etiam si præter Gothicas istas literas, etiam Latinas, Anglo-Saxonico fere ritu ductas, habeat, Runicum tamen denominatum, a SVENONE, Comitibus Ulphonis natione Sueci, Danorum sub Canuto *Divite*, Daniæ Angliæque Rege, Gubernatoris filio, OLAI Suionum ac Gothorum *Regis in gremio gestari*, nec non Canuti illius, ex sorore uterina Astride vel Æstrita, Nepote cūsum opinatur Kederus, & quidem cum nuper a MAGNO Bono, S. Olai filio, Norvagorum & Danorum Rege, Regno Danico cum vicaria potestate regendo tutandoque præfectus, nondum regnum illud, sumto Regis nomine, tantopere sed frustra affectasset, quod tamen post MAGNI fata haud difficulter obtinuit. Doctræ oppido conjecturæ sunt, quibus verba SEVIN. AVLFIETS. FRNTE pro SVEIN OLAVI FRENTE, i. e. *Sveno Olai Consanguineus*, interpretatur: quem Suenonem nummi auctorem fuisse, firmare gemina literatura videtur, Gothica videlicet ac Latialis, utraque circa Principis istius tempora per regiones aquilonares in usu. Binos deinde alios adjunxit, Camdenianum nempe fig. 8 supra nobis memoratum, & Sperlingianum aliquem

FAB. I.
Fig. 8.

quem novum fig. 9 sensus valde obscuri, de quo tamen conjecta-
tiunculam suam subnectere haud detrectavit. Nihil equidem illic,
quod moneamus, occurrit; ceterum tres ex argento numulos per-
vetustos, Gothici, ut arbitramur, generis, inter Acta nostra mense
Majo A. 1704. pag. 226 adpictos, si nondum fortasse curatius adspe-
xerit, Clarissimo Auctori nostro in memoriam revocamus, dignos-
sime, quorum ectypi ac natale solum ab Viro aliquo, Gothicarum
antiquitatum callente, diligentiore cura illustrentur.

Fig. 9.

OEUVRES POSTHUMES DU CHEVALIER
Temple

i. e.

WILHELMI TEMPLE, EQUITIS, OPUSCULA
posthuma.

Ultrajecti, apud Guil. van de Water, 1704, in 12.
Plag. 13.

ETiam lacinias magnorum Virorum dignas esse, quæ colligantur,
sapientissimus quisque monet; esse vero inter Viros merito suo
magnos commemorandum *Wilhelmum Temple*, Equitem Aura-
tum & Baronettum Britannicum, ante hos quinque annos fato fun-
ctum, nemo dubitaverit, qui gesta ejus in pacificatione Neomagensi,
cui pro Potentissimo Britanniarum Monarcha interfuit, in memo-
riam revocaverit. Quare non ejus solum epistolas, & duo operum
miscellaneorum volumina, scriptaque alia eruditus Orbis magna cum
delectatione accepit, sed posthuma etiam hæc diu desideravit.
In his primum sortitur locum *Tentamen de indignatione po-
puli* (*Mecontentement populaire*) ad intimos Politicæ solidioris re-
cessus spectans. Auctor Illustris initium petit a proprietatibus ge-
neris humani, quas vulgo constituunt, nimirum sermone, figura, ri-
su, fletu & ratione. Harum plerasque, doctorum judicio, etiam a-
liis animantibus convenire monet, excepto risu. Ipse vero novum
ac sextum hominis proprium addit, videlicet inquietum & indigna-
bundum animum, qui humanum genus contentum esse non sinat,
sed ut perpetuo vacillet inter spem metumque, ac mutationes nun-
quam non desideret, unus efficiat. Hunc esse fontem indignatio-
num

num motuumque in familiis ipsaque Republica, indeque oriri indignationem populi versus imperantes, quæ in magnis æque ac parvis, barbaris & politis gentibus observetur, cum primis vero politas vexet. Hinc factiones oriri, optimosque interdum Principes ac cives, ut tyrannos & proditores tractari. In omni Republica discrimen servandum esse, ut melius quidam habeantur, honoribus divitiisque ormentur; porro diversa esse subjectorum commoda, diversos scopos, huic pacem placere, bellum alii; hinc non posse non varias prodire querelas & machinationes. Monet etiam, nullam Reipublicæ formam prorsus esse perfectam, sed singulas subs habere defectus; imo etsi perfecta quædam regiminis daretur facies, eam tamen brevi a prima indole degeneraturam, cum optimæ etiam leges illico administrationis defectu corrumpantur: nec possibile esse, ut Principes ministros probos ac populo placentes semper eligant; audaces, fraudulentos, ac prædentes plerumque publicis se muneribus obtrudere, optimos quosque eadem averfari. Hæc rem observatu dignissimam Auctor in medium affert: dari certas quasdam tempestates annonæ similes, quæ cum clavis abundant ingenius, nullas tamen proferant occasiones magnarum rerum, in quibus illa vires suas exferere possint; atque e contrario multas interdum evenire fortiter ac generose agendi occasiones, quando viri fortes magnique sint rarissimi. Utrobique rempublicam pati, locumque indignationi populari amplissimum concedi. Citat hac occasione festivum morionis cujusdam dictum, qui cum seminantem aliquando gestibus exprimeret, quæsitus, quid ageret, stultos se ferere dixit; addita ratione, regionem, in qua viveret, non alius frumenti patientem esse. Posthæc enarrat, quo pacto ex levi quadam indignatione & obmurmuratione seditiones oriantur, facta animorum inextinguibili inflammatione. Huic malo opponit sequentes regulas: omnes legum ac consuetudinum immutationes Principi esse vitandas: genitum totius populi commodum esse quærendum: subjectos ad rem oeconomicam esse excitandos; eo enim futuros patientiores, quo sint familiæ laborique addictiores. Hæc prima sectioe exposita, altera ad Historiam gentis Britannicæ, turbasque Saxonicas, Rosæ albæ & rubræ, ac Presbyterianas applicat, monens, Reipublicæ nihil esse magis noxium, quam factiones robore æquales; infirmiores enim sepe

sæpe illi saluta es sic i. Tandem datis quibusdam consiliis, quæ patriæ suæ maxime præfutura futura credit, valedicit Reipublicæ, ac successoribus animam æque patriæ amantem, commodiores vero recte agendi occasiones apprecatur.

Secundum locum obtinet *Tentamen de sanitate & longæva vita*. Auctor initio prudenter monet, bonas intentiones semina esse bonarum actionum, recteque agere eos, qui bene ac salutari scopo cogitata publicent, atque adeo quasi agro committant; passim enim radices ea agere & fructus edere: omnium optime homines propriis bene cogitatis stringi, seque ipsos rectius, quam alios magistros pati. Noster itaque, quæ expertus ipse est, literis hic consignavit. Sanitatem inter præcipua hominis bona nominat, observatque, eam idem esse in corpore, quod pax in Republica, & serenus ær in orbe nostro est: eam esse solam, quæ voluptates aliaque bona deliciis instruat, nobisque tribuat, ut felices esse possimus. Post hæc cundo per exempla probat, eos omnium maxime sanos & longævos vixisse, qui simplici victu usi fuerint, & a voluptatibus abstinuerint. Ultitur cum primis Brasilianorum exemplo, qui cum Europæi ad ipsos appellerent, ducentos trecentosque annos vivendo attingebant. Dignum admiratione esse ait, quod incolæ regionum Meridionalium sub Sole calentium diutius vivant, quam ii, qui sub temperato climate degunt. Cujus ille rei hanc causam putat: appetitum voluptatis penes hos esse vehementiorem in moderato calore, quam apud istos in nimio, & cum excessus immoderati omnes in torrido climate e vestigio vehementer noceant, homines ad temperantiam vel nolentes adigi: hinc plures esse in Hispania senes, quam in Gallia. Recte senem quendam Verulamio respondisse, hanc esse longævitatis suæ causam, quod semper, antequam famem sitinque sentiret, comedisset ac bibisset. Separatim vero de longævis Britannis agit, quorum exempla affert plurima, additque, incolas regionum montanarum vivaciores esse; plerosque longævos esse ex plebe homines, adeoque vitam longam tenui victu & voluptatum abstinencia quærendam esse. Unde ipsi p. 130 sequens regula nascitur: cuius homini aut esse laborandum, aut jejunandum, aut medicina utendum, aut ægrotandum. Originem artis medicæ a Græcis, incontinentiæ quippe studiosissimis, adeoque morborum intempe-

periei valde subjectis, derivat; ab his venisse ad Persas, aliosque, & Barbaro ævo a Saracenis voluptuariis ad Europæas gentes. Hinc de incertitudine atque defectibus Medicinæ differit, inter quorum causas hanc præcipuam putat, quod post Galenum, Medici ab usu simplicium ad varias compositiones discesserint. Romanis ait quatuor fuisse remedia potissima, balnea, frictionem, fumigationem & agitationem: hæc magno rei medicæ detrimento in defuetudinem venisse. Ultimam præsertim lenire dolores acutissimos, Mauriti Principis Nassovii exemplo docet, qui podagræ aut calculi dolore laborans, lecto pensili agitari se curaverit. Post hæc monet, morbos suas habere periodos, sæpe etiam imaginationi adscribendas. Olim omnes de morbis spleneticis, inde de scorbuto, post hæc de fermentatione sanguinis conquestos esse, nunc vapores pro epidemio Europæ morbo haberi: nec minus remedia has vices pati; quod exemplo Tabaci & herbæ Thææ ostendit. Auctor ante omnia hæc, quæ expertus est, commendat simplicia: *Salviam* malis pulmonum propriam, quam non minori quantitate e Belgio ad Indos asportari ait, quam Thæa inde ad nos perferatur: *Rutam*, stomachicum excellens: *Crocum*, cordiale optimum: *Allium*, quod contra colicos dolores & podagram remedium singulare esse docet: *Sambucum*, quam hydropi & colico malo mederi ait: *Millepedum* pulverem, qui omnes faucium affectiones curare dicitur; denique *Tabacum* vel *Betoniam* contra rheumatismum, & *Myrrham* contra pestem. Contra podagram commendat, præter *Moxam*, commotionem loci affecti ad calorem usque, tum lanam ventris ovini, vel pannum rubrum aqua vitæ ardenti imbutum. Scite vero de vino scribit, primum ejus potum conducere sanitati, secundum lætitiæ, tertium amicis, quartum inimicis.

Tertio loco *Dissertatio de eruditione veterum* occurrit, cujus hæc occasio fuit. Ediderat Illustris Auctor Tentamen de eruditione veterum, contra gloriationes recentiorum, cui Theologus quidam observationes suas opposuit, refutatus a Nostro in hac dissertatione, quæ tamen manca est, & ultimam manum nondum passa. Monet hic Autor, Paracelsum & Cartesium primos fuisse, qui veterum sapientiæ suam præferrent; hunc tamen Philosophiam suam appellasse suam Fabulam Romanensem (*son Romain*.) Post hos Soci-

os quosdam Academiæ Regiæ Anglicanæ & Academiæ Gallicæ, maxime Fontenellum & Perraltum, veterum gloriam nostris eruditissubjecisse; Perraltum vero, pœnitentia ductum, A. 1693 ad sanio-rem mentem venisse. His expositis, Pythagoram, Democritum aliosque veteres, contra cavillationes recentiorum defendit, præclara veterum opera recenset, de fatis & interitu eruditionis apud Ægyptios, Phœnicos &c. differit, seriem Monarchorum Assyriorum contra novam quorundam crisin defendit, in Chymiam & Philologiam recentiorum invehitur, ac de illa cum primis jocatur, eam quam optime inter liberales disciplinas referri, cum, qui addicti eidem sunt, plurimum argenti prodigant.

Postremo cogitata quædam Auctoris de fortuna & conversatione, tumultuaria opera in chartam consignata, ut conscribendo olim libello cuidam inservirent, annectuntur, inter quæ multa sunt peringeniosa. Nobis unicum illud impræsens sufficiat, ubi hanc fuisse aut viam, qua postremus Pontifex Romanus (dubium, quem intelligat) ad dignitatem istam pervenerit: *Nil petere, nil recusare, de nemine conqueri.*

Georg Adam Struvens Jurisprudenz /
oder Verfassung der Landublichen Rechte/ &c.

i. c.

GEORGII ADAMI STRUVII JURISPRUDENTIA,
post varias editiones, ex Jure communi Cesareo, Recessuum Imper-
rii, & Saxonico, ut & scriptis Jctorum, præcipue Saxonico-
rum, additis pluribus casibus, aliisque materiis antea omis-
sis, nec non necessariis allegatis & indicibus, theoretice & practice elaborata,
ac in justum Systema Juris redacta a D. HENRICO ER-

NESTO FLOERCKEN, communis Curie Du-
calis Saxonica Advocato Ordinario.

Francofurti & Lipsiæ, apud Christophorum Hülse, 1704, in 4.
Constat 5 alph. 10 plag.

Notum satis in scholis Juridicis nomen est Jurisprudentiæ Ro-
mano-Germanicæ Forensis, a Celeberrimo Struvio olim com-
positæ. Nam non tantum Latina editio, plus vice simplici prelo sub-

jecta est; sed &, postquam illa in Germanicam translata est linguam, typothetarum operas repeti necessum fuit, ut nunc quidem laudata illa Jurisprudentia, novorum librorum catalogo sero nimis inferi videatur. Enimvero cum opus Germanicum denuo recudi fecerit, illudque novo plane habitu donaverit B. Struvii Gener, Consultissimus Editor, hinc non immerito jure novorum scriptorum id censeri, ac Lectorum notitiæ a nobis insinuari potest. Quid autem doctissimus Autor præstiterit, id ex comparatione editionum diversarum facile liquet. Partitio & series totius operis generalis ubique eadem est, sed numerus titulorum sive capitum, jam in præcedenti editione Germanica, auctior est, dum ea, quæ in Latina editione conjunctim erant proposita, sub specialibus rubricis explanate magis recensentur, aut etiam nova subinde capita adjiciuntur, atque hunc numerum auctiorem in ultima hac editione retinuit Noster, nisi quod in libro 2 titulum 32 de *incapacibus heredibus* omiserit, & libro 3 titulum 20 de *evictione & edicto Edilitio* inseruerit, quæ vix memoranda diversitas est. De cætero præter summaria margini apposita, non tantum allegata legum & Doctorum, ut & indicem satiscopiosum, quibus prior editio Germanica destituitur, adjecit, sed & multis rerum accessionibus novam hanc locupletavit; id quod vel sola ejus moles, cum præcedentibus collata editionibus, persuasferit. In fidem dictorum nonnulla adjiciemus exempla. In lib. 1 tit. 6, sponsaliorum materiam prolixè tradit Noster; commemoratis causis, ob quas sponsalia invaluerint, nuptiasque præcedere soleant, eorum diversitatem, quod vel de futuro, vel de præsentis sint, adducit, eaque occasione varietatem & effectum conditionum sponsalibus apponi solitarum, ut & modum, qui pactis illis etiam nonnunquam accedit, persequitur. His ad liquidum deductis docet, quod sponsalia requirant consensum serium, perspicuum, non vi vel dolo elicitum, non erroneum, verbis vel facto declaratum; quæ singula per partes deinde specialius exponit, ac inde ad necessitatem consensu parentalis progressus, quousque patris & matris, cæterorumque parentum remotiorum, vel etiam aliorum propinquorum, voluntas hic spectanda sit, edisserit. In primis personarum, sponsalia vel nuptias contracturarum, consideratio Nostrum tenuit sollicitum. Primo ergo ostendit, quod in linea recta consanguinitatis, sponsalia

lia in infinitum, idque quovis jure, Naturali, Divino & Gentium, quicquid etiam nonnulli Canonistæ dissentiant, sint prohibita. Deinde monstrat, quod in linea collateralis, inter eas personas, inter quas est respectus parentum & liberorum, sponsalia prohibeantur. An vero hac prohibitio nitatur jure naturali, nec non; utrum prohibitio, in S. Literis occurrens, personas expressas solum concernat, an vero de gradibus sit exaudienda, id semper inter Scriptores controversum fuit, adeoque Nostro amplius disquirendi materiam sup-
 peditat, quousque dispensatio hic locum habeat, etiam adjicienti. Tertio inter fratres & sorores sponsalia nuptiasque prohiberi, Con-
 sultissimus Autor indicat, actum de moralitate, tum sensu prohibi-
 tionis hujus, ulterius disceptat, quidque vel jus Canonicum, vel
 leges nostras, illic adjecerint, recenset, addita Arboris Consanguini-
 nitatis, diversæque computationis explicatione. Non minori cura
 affinitatem deinde Noster considerat. Nam adducto ejus fundamen-
 to, explicataque indole, primo ostendit, quod non inter omnes, qui
 affines se salutare solent, vera affinitas contrahatur, & quod adeo
 ii, qui nullo affinitatis vinculo connectuntur, sponsalia inire non
 prohibeantur; hoc tamen cum aliquo temperamento accipiendum
 esse, simul admonet. Postea de gradibus & generibus affinitatis
 satagit, adductamque generalem regulam prohibitivam, ad lineam
 rectam & collateralem applicat, & quousque prohibitio, sive gra-
 dus sive genera spectes, idque vel secundum jus divinum, vel hu-
 manum, se extendat, commemoratis pluribus personis casibusque
 specialibus, gnauiter exponit. Dimissa consanguinitate & affinita-
 te, alia commemorat Noster impedimenta, quæ sponsalibus & nu-
 ptis obstant. Eo pertinent agnatio civilis, ex adoptione orta, co-
 gnatio spiritualis, ex jure canonico ortum trahens, morbus animi
 vel corporis, totalis religionis diversitas, adulterium, aliaque poli-
 ticiis rationibus subnixta obstacula, a Nostro sigillatim explicata. Pro-
 ducunt de cætero sponsalia vinculum, non penitus quidem indiflo-
 lubile, attamen satis firmum, ac non facile solvendum. Ob quas ergo
 causas sponsalia solvi queant, tum quæ ex pluribus concurrentibus
 præferantur, deinde doctissimus Autor tradit, addita vinculi spon-
 salitii & matrimonialis, quoad nonnullos effectus speciales, compa-
 ratione. De Magistratibus municipalibus, in editione Latina nihil

betur, sed Germanicæ l. 1. tit. 14. hac de re aliquid proposuerunt, quod Noster itidem nonnullis observationibus auxit. Docet ergo primo Magistratus municipalis necessitatem & constituendi modum; deinde eos, qui ab hoc munere excludantur, recenset; tum habiles ad illud suscipiendum posse cogi, ostendit. Inde ad personarum, ex quibus Senatus componitur, diversitatem, dignitatem, iura tam in Ecclesiasticis, quam Politicis, ipsis competentia, ac innexa officia, explicanda accingitur (in quem locum nundinarum, onerum tam personalium quam realium, similiumque materiarum consideratio incidit) ac quousque successor privilegia, ab antecessore data, servare debeat, disquirat. In l. 3, tit. 20 materiam evictionis & Ædilitii Edicti Noster pertractat, quem titulum prioribus editionibus, Latinæ & Germanicæ, deesse, antea diximus. Recepta methodo, evictionis præstatio sub initium definitur; quam definitionem excipiunt negotia, in quibus evictio præstanda sit; tum sequuntur casus, in quibus præstatio peti, nec non media, per quæ illa obtineri queat. Quo autem felici successu evictionis præstatio aliquando exigi possit, opus est litis denunciatione, aliisque requisitis, a Nostro deinceps commemoratis. De cætero non tantum emtori, sed & hæredibus, actio ad præstandam evictionem competit, quæ etiam contra venditorem similesque, ut & fidejussores, horumque omnium hæredes, vim suam exserit; certis tamen in casibus evictionis præstandæ necessitas cessat, Nostro latius illa omnia deducente. Illud in commerciis humanis frequenter contingit, ut contrahentes sese lædant. Istis læsionibus apud Romanos etiam occurrebat Edictum Ædilitium, cujus argumentum, requisita & actiones inde ortas, Consultissimus Editor ultimo loco explanat.

LIBRI NOVI EX ANGLIA.

Joannis Raii *Historia Plantarum Tomus tertius, qui est Supplementum duorum præcedentium. Accessit Historia Stirpium insula Luzonis & reliquarum Philippinarum; item J. B. Tournefort Corollarium Institutionum Rei Herbariæ. Londini apud S. Smith & B. Walford, 1704. in fol.*

The History of the Rebellion and Civil Wars in England, begun in

in the Year 1641. Written by the Right Honourable Edward Earl of Clarendon. Volumen the First. Oxford, printed at the Theatre, 1704. Fol.

A Treatise of Fluxions: Or, an Introduction to Mathematical Philosophy. Containing a full Explication of that Method by which the Geometers have made such vast Advances in Mechanical Philosophy. By Charles Hayes. London, printed for Dan. Milwinter and Tho. Leigh, 1704. fol.

Miscellanea Curiosa. Being a Collection of some of the Principal Phenomena in Nature, accounted for by the Greatest Philosophers of this Age. London, for Jeffery Wale and J. Senex, 1705, 8.

Opticks: Or a Treatise of the Reflexions, Refractions, Inflexions, and Colours of Light. London, for S. Smith and B. Walford, 1704, 4.

A Dictionary of all Religions, ancient and modern. Whether Jewish, Pagan, Christian or Mahometan. London for James Knapton, 1704, 8.

Salvation by Jesus Christ alone, agreeable to the Rules of Reason, and to the Laws of Justice. By Tho. Staynoe. London for Benj. Toke, 1704, 8.

Henrici Dodwelli de Nupero Schismate Anglicano Paranesis ad Exteros, qua jura Episcoporum veterum eorundemque a Magistratu Seculari Independentia, omnibus asserenda commendantur. Londini impensis Richardi Smith, 1704-8.

The Knowledge of a Man's Self the Surest Guide to the True Worship of God &c. by Thomas Tryon, 1704, 8.

Miscellanies, by D. John Warburton. London, for John Wyat, 1704, 8.

A Discourse of the Unity of the Church &c. By Robert Burscough. Exeter, for Tho. Bennet, 1704, 8.

The Religion of a Prince. By William Nicholls. London, for Tho. Bennet, 1704, 8.

The Case of Impropriations, and of the Augmentation of Vicarages and other Insufficient Cures. London, for Awnsham & J. Churchill, 1704, 8.

Essays on the Preservation & Recovery of Health. London, for Richard Wilkin, 1704, 8.

The Storm : Or, a Collection of the most remarkable Casualties and Disasters which happen'd in the late dreadful Tempest, both by Sea and Land. London for G. Sawbridge, 1704, 8.

D. Roberti Huntingtoni, Episcopi Rapotensis, Epistola. *Premittitur de ejusdem Vita* *ἱστορικὴ*, scriptore Thoma Smitho. Londini, impensis A. & J. Churchil, 1704, 8.

Henrici Dodwelli *Exercitationes duae : Prima de Aetate Pythagorae Philosophi. Secunda de Aetate Pythagorae Philosophi.* Londini, impensis Richardi Smith, 1704, 8.

Nonnulli e Luciani Dialogis selecti : omnes scholiis illustrati ab Edwardo Leedes. Cantabrigia, impensis R. Clavel, S. Smith & B. Walford, 1704, 8.

The History of Man : Or, the Wonders of Humane Nature, in Relation to the Virtues, Vices and Defects of both Sexes. London, for R. Basset, 1704, 8.

Clavis Commercii : Or, the Key of Commerce, shewing, the True Method of Keeping Merchants Books &c. London, for Eben. Tracy, 1704, 4.

Of the Principles and Duties of Natural Religion, two Books : by D. John Wilkins. The fifth edition. London, for R. Chiswel, 1704, 8.

Anglia Notitia : Or, the Present State of England, with divers Remarks upon the ancient state thereof. By Edw. Chamberlayne, and continued by his Son John Chamberlayne. The 21 edition, with large Additions and Improvements. London, for S. Smith and B. Walford, 1704, 8.

A Discourse concerning the Nature, Advantage and Improvement of Trade : by P. Paxton. London, for R. Wilken, 1704, 8.

A Table of a Tub. To which is added an Account of a Battel between the antient and modern Books in St. James Library. The third edition. London, for John Nutt, 1704, 8.

Tractatus brevisculus, in quo ostensum, tam electiones Episcoporum quam ordinationes, ad nullam potestatem secularem, sed ad solos Ecclesiarum Praesides pertinere. Thoma Gregorio. Londini apud Th. Bennet, 1704, 4.

* * * *

AN RUM,

DCCV.

MANARUM LIBRI
correcti, cum Textus
philologicis & Antiquariis:
RUSSIAE & Electo-
& Electoratus Ha-
TIO BEGERO,
Antiquitatibus

Typographi Regii, 1704,

multisque fig. æn.

doctrinae specimina, quibus
inter strenuos venerandæ
asseruit, nondum innotuis-
um est, quin unico hoc libro
reliquiarum prisce ævi stu-
et. Cum enim jussu Poten-
Romana Epitomatore non
Regii expoliendum sumeret
generis Autoribus, quot-
palmam præriperet. Non
castigatissimum dedit, & ra-
tione firmavit, sed etiam notas
philologicas atque antiqua-
tero, Freinshemio, Zevecotio,
quodam depromtas adjecit,

G

suis-

fuisque pariter observationibus selectissimis locupletiores effecit. Neque tamen intra hanc metam substitit, sed ut ornatius singula proflarent, innumeras marmorum, statuarum, toreumatum, gemmarum, nummorumque delineationes curatissime incisas interspersit; quin & tabulas integras geographicas, triumphales aliasque scopo suo congruentes, quas inter eminet una e Gazophylacio Regio-Electorali Brandenburgico praelium Scipionis & Hannibalis in patera argentea depingens, magno cum judicio addidit. Quod ne temere fecisse, & laciniam purpura ornasse videatur, in praefatione totus in eo est, ut Floro brevitatis vitium injuste exprobrari ostendat, Verderiumque pariter ac Schottum, quorum hic compendia librorum pestem, labem, perniciem & tetra Autorum vulnera; ille Florum brevitate sua se implicare potius quam explicare, ejusque opera multos libros periisse dixit, ut iniquissimum, ita & absurdissimum judicium, quod nullo modo attendi mereatur, tulisse existimat. Deinde Illustrem Graevium, nuper eheu! ut alibi dictum a nobis est, demortuum, *κακοζήλιαν* in Floro nimis severe carpere statuit, eaque de causa singulos naevos, in praefamine ad editionem suam ab eodem notatos, expungere conatur, Graevianae famae defensores ad certamen insuper provocans, quorum jam erit armorum pondus explorare. Nos quidem arenam occupare, aut in castra ullius transire nolumus; id tamen persuasi sumus, *τὸν μάναγίτην* juvenum manibus non plane excutere voluisse hanc epitomen: cur enim illustrandae ei tantum operae impendisset? rationes vero habuisse haud ficulneas, quare Flori lectionem circumspecte instituendam monuerit. Sed missa haec facimus, serioque profite-mur, ut animum a cavillandi pruritu alienum semper servavimus, ita nec in praesenti Cl. Begero opinionem aequi rerum aestimatoris nos derogare velle. Merita certe ejus de Floro majora sunt, quam ut verbis assequi valeamus, quippe qui praeter laborem in explicatione verborum ejus collocatum, eruditum etiam discursum de Romanorum originibus praemisit, sicque ingressum ad integram historiam probe munivit. Est itaque omnino, quod gratias decernat Nostro Musarum coctus de bellissimo hoc munero, viresque apprecetur annorum victrices, quo postremos duos libros pari felicitate atque ingenio absolvere possit.

ME-

MENSIS FEBRUARII A. MDCCCV. π
MEDITATIONES SELECTÆ DE SUBLIMI HO-
minis Scientia, compendiose digestæ a DAVIDE BRAUN,
S.R.M. Polonia Burggrabio Marienburgensi, & Oeconomia
Bellica Regni Commissario.

Gedani apud J. Z. Stollum, 1704. in 8. Alphab. i.

Quidnam homo, solius etiam rationis sanæ ductum secutus, de rebus Theologicis firmiter tenere valeat, hoc in opusculo demonstrare annisus est Autor Nobilissimus, atque momenta eapropter huc spectantia præcipua, quæ ab aliis fusiùs jam pertractata fuerunt, Meditationibus paucis atque brevioribus inclusit, quibus obviam ire se velle profitetur discursibus admodum scandalosis, quos passim hodie haurire detur ex ore sublinium etiam virorum, qui dum mysteria sacrosanctæ fidei ignorent, aut nosse profecto putida jactantia dissimulent, ipsam usque adeo notitiam, qua naturæ duce possent imbui, evertere aut obscurare minimum allaborent.

In prima itaque Meditatione DEUM sibi considerandum sumit, ejusque Majestatem ex scala naturæ homini cuilibet sano, mediisque necessariis ad judicium veritatis assequendum instructo, affatim patere innuit. Tam alte etenim impressisse ideas suas divinum Numen humanis ait mentibus, ut nemo inter gentes qualescunque educatus, conscientiam ejus queat exuere, utut quam maxime velit; adeoque atheos strictè sic dictos dari, prorsus abnuitt. Hinc quibus modis, esse Deum, ex natura possit evinci, significat. In acie statim ponit hujus universi considerationem, in quo constans elementorum discordia, rerum omnium ordo, coelestium terrestriumque corporum summa pulcritudo & immensa magnitudo, ipsis gentibus sapientissimum Architectum ob oculos veluti spectandum proposuerint. Materiam vero Deo in creatione ullam coævam, aut mundum esse æternum, & sive casu, sive necessario existere, petitis ex ratione argumentis inficiatur. Porro ex consideratione sui ipsius, quemlibet existentiae Dei fundamentum posse petere ostendit. Dum enim nos esse non dubitemus, nosque nobis ipsis nostrum esse non dedisse vel ex eo colligamus, quod perfectiones eas, quas nobis jam deesse conqueramur, nobis dare venisset, si a nobismet dependeret esse nostrum, ab alio certe pro-

venire existentiam nostram, colligendum hinc venire evincit, & posito uno gradu dependentiæ cujuscunque entis a causa alia, semper progrediendum esse addit usque ad ultimam causam, summum DEUM. Tertiam rationem ex Aristotelis Philosophia depromit, & a motu in universo mundo mutuatur; unumquodque enim quod movetur, ab alio moveri supponit, cum impossibile sit, idem esse motum & movens; id autem, quod moveat, actu esse necessario debere infert. Firmissimum tamen ratiocinium a fine rerum in universum omnium derivat; nam cum nulla creatura sine aliquo careat, hunc ipsum sane tanquam causam, licet non executione, tamen intentione, ante ipsam rem existisse asserit. His prælibatis, ad impugnandam Deorum multitudinem, hominum apothecosin, & simulacrorum symbolicum cultum pergit, & argumentis ubique similibus utitur. Naturam Dei rationem, sine revelatione, difficulter agnoscere fatetur. Inde de attributis Dei dispicit. Dei operationem ad extra necessariam esse, & in ipsis creaturis quidquam mali a Deo conditum, quod agnoscere quis debeat, rationem jubere ullam negat. Quomodo fatum, casusque & fortuna, cum Divina providentia consistat, & quomodo hæc humani libertatem arbitrii minime impediatur, methodo haud ineleganti demonstrat, & blasphemiam illorum, qui homines se esse oblii. Deum causam mali & peccati pronuntiare haud vereantur, ponderibus ex ratione depromtis, valde indignatur.

Meditatio *secunda* circa *animam* occupata est, & ante omnia cum, qui usque adeo Scepticorum seu Aporeticorum secta intuitus fuerit, ut quoque animam inesse animato dubitet, perinde responso indignum fore judicat, ac illum, qui equitem qua talem sine equo, aut citharædum absque cithara, denominari & actu esse posse, blateraret. Excussis postmodum quæstionibus: an anima ex elementis sit composita? an ex igne? an sit aer subtilis? an ipse sanguis? an corpus? an temperamentum? an numerus & harmonia? an ex censu corporum cœlestium? an duæ in uno corpore animæ? an anima sit divisibilis? aliisque, hanc animæ definitionem subministrat, quod sit spiritus corpori hominis hypostaticè junctus, inque corporis organis vires nutritivas & sensitivas exerens, sine ullo tamen corporis organo intelligens, & extra illud

MENSIS FEBRUARII A. MDCCCV. 55

lud subsistere aptus. Circa ejus propagationem determinandam, neque his adstipulatur, qui alicubi omnes animas simul quondam creatas existere, corporique extrinsecus illabi statuunt, neque istis, qui simpliciter æternas & substantiæ divinæ particulas easdem faciunt, aut singulis hominibus quotidie infundi eas credunt; sed potius ex illa una anima, quæ Adamo, primo homini, data est, cæteras quotidie propagari affirmat. Immortalitatem ejus ex eo probat, quod extra corpus & sine ejus organis possit operari; quod a se ipsa perpetuo moveatur, motusque sit principium; quod simplex sit & incorporea, atque ex contrariis non constet, iisque haud afficiatur: nam quod aliqui animam in phreneticis corruptam esse perhibere conentur, frustraneum judicat, cum non ipsa, sed organa phantastica corrumpantur; prout & in lapsu Protoplastorum non animam ipsam, verum additam ei imaginem divinam, sanctitatem & justitiam, corruptam fuisse monet. Eandem porro immortalitatem animæ ex conscientia potenti motione, ex voluntatis insuperabili libertate, & Dei justitia, rationibusque ejusmodi aliis comprobat, & parili modo resurrectionem corporum cum animabus reduniendorum statuminat. Metempsychosin tantundem rationis, quantum metamorphosin, habere notat, & utramque rejicit, apparitiones quoque præstigiis diabolicis annumerat.

Tertia Meditatio beatitudinem, seu summum hominis bonum contemplatur, atque hoc nec in ipso, nec in ullis rebus externis aliis, quærendum autumat; quin imo ne in hac quidem vita illud possideri admittit, ut alii modo in bonis corporis, modo in animi bonis, inepte admodum idem quæsierint. Ac sane apud Sapientes hujus sæculi, veram beatitudinem haud inveniri censet, indeque ad illuminatos divinis revelationibus Doctores confugiendum esse suadet, quorum ductu sapientia vera cognitura sit, summum hominis bonum in sola religione seu agnitione Dei consistere, cumque hæc ipsa præsentem in mortalitate imperfecta valde sit, in immortalitate futura explendam fore superaddit. Hanc veritatem ipsos quadantenus Gentiles attigisse observat, omnesque Philosophorum de summo bono sententias ab errore ad rectam revocari posse viam autumat, unico hoc additamento, quod eadem de futuræ vitæ beatitudine intelligi debuissent. Gentilibus autem

tem Judæisque recentioribus ac Turcis, qui carnales voluptates futuræ vitæ affingant, rejectis, bona futura tam animæ, quam corporis enumerat, & quod veritatis hoc in negotio crepusculum Platoni, Porphyrio & Varroni haud obscure illuxerit, notari cupit.

Quarta Meditatio prolixitate sua priores sola adæquat, cumque *religioni seu vie ad beatitudinem summam ducenti* destinata sit, post Religionum Indifferentissimum explosum, principales a mundo condito religiones quatuor, *Gentilissimum, Judaissimum, Christianissimum & Mahometissimum*, contemplandas sumit duabus in sectionibus, quarum prima Gentilissimum & Mahometissimum damnat, altera vero Christianissimum & Judaissimum sibi invicem opponit, istiusque præ hoc excellentiam vindicat. Circa Gentilissimum dum versatur, Oraculorum vanitatem redarguit, autoribusque Dæmonibus, ipsorum gentilium testimonio, per fœminas a Cacodæmone obsessas & furore correptas edita, mendacia fuisse & ambigua, turpia item crudeliaque plurima efflagitasse eadem, ostendit. Sibyllarum revelationes non minus insanas, turpes, crudeles, mendaces atque falsas fuisse, adstruit. Nec Philosophorum doctrinam & præcepta veram Dei cognitionem complexa fuisse largitur, & falsitatem moralis eorum Theologiæ ex Philosophorum vitis sigillatim deducit. Socratem certe v. g. ob libidinem, gulam & impudentem iracundiam Alcibiadi in deliciis, sed ipsum vicissim adolescentum corruptorem, & ob familiaritatem Dæmonis, a quo futura se doceri prodiderat, infamem; Platonem adulationis nimiae, luxus, & quod Stella astrologo, Dione, Phædro & Alexi abusus sit, accusatum fuisse, ob statuminatam item licentiam, mulieres communes reddendi, male notatum; Aristotelem eo usque insanie progressum, ut scorto tanquam Deæ sacrificaret, cum filios ex ea procreasset; Bionem pæderastiæ sceleris damnatum; Pythagoram apud Crotoniatis tyrannidis affectatæ reum actum; Periandrum propria matre abusum; aliosque plures scelerum aliorum longe gravissimorum convictos fuisse meminit. Hinc compendiosam Theognosiaë idolorum gentilium, tam omnibus populis communium, quam singulis propriorum, adumbrationem suppeditat, Deosque qua minorum qua majorum gentium recenset, sigillatim Solem, Lunam, sidera, elementa, ventos, fulmina, tonitrua, ignes

MENSIS FEBRUARIA A. MDCCV. 55

ignes fatuos, homines, bruta, plantas, fossilia, in cultum eorum venisse edocet, ac symbola simul Deorum Gentilium considerat. Gentilibus Mahumedanos statim associat, quæque sint religionis ipsorum principia, & quam mendaces ac impuræ deprehendantur, quas jacent, revelationes, pluribus verbis doctissime declarat. Atque hæc contenta primæ sectionis sunt. In altera Christianismum contra Judæos vindicat, quorum antiquas revelationes divinas esse omnino concedit, eaque occasione de Mosis antiquitate & sanctitate juxta scriptores gentiles differit, quamque plurima doctrinæ & historię Mosaicę Gentiles noverint, ut ut eadem ad impia sua sacra detorserint, exponit. A priscis vero revelationibus cum obstinacia & falsâ interpretatione sua Judæi postmodum misere defecerint, & ex vere credentibus paulatim Ethnicis æquales aut peiores facti fuerint, hinc contra eos late disputat, ac summa hæc capita deducit: quod Messias, in scriptis Mosis & Prophetarum, tanquam Deus ipse in carnem humanam venturus describatur: quod idem certo tempore, stante nimirum templo Salomonis secundo, hoc est, post captivitatem Babylonicam restaurato, venire debuerit, salvaturus non Judæos solum, verum & Gentes: quod idem in Bethleheme, de tribu Juda, & de domo David, & inaudito miraculo ex virgine castissima nasci: quod multis ærumnis exantlatis, in carne pati, crucifigi, ultimoque ex mortuis resurgens in cœlum adscendere, inque mundo Apostolos Spiritus S. donis instructos, qui ad spirituale ipsius regnum omnes nationes terræ miraculis & verbi Dei virtute vocarent, magnamque vere credentium civium Ecclesiam colligerent, relinquere: quod lex Ceremonialis seu Levitica tempore Messię hujus expirare debuerit. Quibus singulis scite demonstratis, ultimo loco, quod talis & tantus Christus Dominus jam venerit, qui hæc omnia excellentiori modo adimpleta dederit, indeque Judæi maximi erroris de venturo adhuc Messia accusandi sint, quodque Christiani e contra vera verbi Divini mysteria palam sectentur, valide concludit. Sed antequam opus ipsum finiat, in doctrinæ Christianæ sanctitate & moralitate non invenire affirmat, sive Gentiles, sive Judæos, quod objiciant. Præcipuos namque illius articulos, de Trinitate, de Filio Dei incarnato & crucifixo, ac de Spiritu Sancti cum fidelibus conjunctione, Judæorum

pa-

pariter & Gentilium ipsorummet testimoniis, ex eorum scriptis heic allegatis, firmari monstrat. In eos igitur non minus atque in Atheos, Epicureos, Indifferentes, ac illos quoque, de Dæmonibus qui dubitant, justam stringit epanorthosin, & ut gentes extra Christum omnes damnari, haud obscure sibi persuadet, sic ad blasphemias nonnullas Judæorum objectiones, contra miracula resurrectionemque Christi, & fidem Apostolorum, in medium allata, respondet, & post inculcatam denuo doctrinæ Christi innocentiam, & charitatem imprimis, quam hæc tantopere requirat, in parænesi ad infideles omnes, & impios non minus Christianos, inque piis votis definit.

G. BRANDS HISTORIE DER REFORMATIE IN
en Ontrent de Nederlanden. Het derde en vierde Deel &c.

h. c.

J. BRANTII HISTORIA REFORMATIONIS BEL-
gii & vicinarum Provinciarum. P. III & IV.

Roterodami apud Barent Boss, 1704. in 4to. Volumina II.
alphab. 12.

Primam præstantissimi hujus Operis partem, libros X priores, Historiam reformationis a primis Christianismi in his partibus incunabulis, usque ad annum C. 1600 sistentes, complexam, anno 1663 Amstelædami excusam habemus. Ea una cum parte altera, qua continuatur eadem Historia usque ad exitum anni 1618, Amstelædami anno 1671 iterum lucem adspexit. Ob aptissimum rerum ordinem, fidem in allegandis diligenter monumentis & testibus idoneis, eximiumque linguæ nitorem, hostium quoque encomia promerita fuit. Sane enim laudes istas omnes Brantio ne ipse quidem derogaverit Henricus Ruilius, verb. Divini apud Amstelædamenses olim minister, qui in scriptis adversus hanc Historiam variis libellis, omnes istas virtutes Brantiano fortui concedit, de eo tantum conquestus, quod, ubi ad Kornhertii tempora, primasque adeo schismatis inter Remonstrantes & Contraremonstrantes in Belgio origines, deventum esset, plus quam decebat Historicum, Remonstrantium studiosum se ostenderit, in quorum sci-

scilicet partibus ecclesiastico munere apud Amstelædamenses fuit defunctus. Sed quicquid sit de ista Ruilii accusatione, quam variis scriptis apologeticis, dum viveret, abstergere conatus diligenter fuit ipse Brantius, magna hucusque semper hujus Historiæ apud Belgas existimatio fuit & autoritas. Ut multum haut immerito res patriæ ecclesiasticæ debere videantur Reverendo Gerardi Brantii Filio, Joanni, qui continuationem Historiæ illius ab ipso Parente ad annum usque 1623 productam, ex schedis ejus nunc demum publicavit. Complectitur illa accuratam Synodi Dordracenæ, tritiumque, quæ post eam Remonstrantes afflixere, factorum Historiam, ex omnibus, quæ suppetebant, monumentis, actis, relationibus, litteris diligenter digestam, atque eo usque diligentia & accuratè observantem, ut minutissimas affectuum, contentionum, eventuum occasiones, ipsaque verba ultro citroque commutata, semper exhibeat, indolemque, mores, ingenium, studia hominum vivide admodum, tanquam in tabula, repræsentet. Ut si quis alius unquam, ad ecclesiasticam prudentiam, sive comparandam, sive firmandam, hic in primis liber spectare videatur.

BARTHOLOMÆI DE MOOR VERIS OECONOMIA Animalis seu potius Humana Principiis innixa Pathologia Cerebri Delineatio Practica; in qua Morborum Soporosorum per Notas Characteristicas Distinctio, nec non Spasmodum accuratior Distributio traditur.

Amstelædami, apud Gerardum Borstium, 1704. in 4to.
Constat 3½ Alphab.

Quemadmodum Clarissimus Author in *Cogitationibus suis de Institutione Medicinæ*, a nobis in *Actis Anno 1696 Mense Augusto pag. 370* commendatis, omnes humanæ œconomia functiones a sanguinis pressione deducendas esse docuit: ita ab ejusdem pressionis vitio, non neglecta singularum partium structura, morbos & symptomata esse derivanda, ut demonstret, in hac *Idea Praxeos Medicæ Novæ*, cujus librum primum, Pathologiam Cerebri continentem, jam sistit, conatu non spernendo occupatus est.

H

A Cc-

pag. 1.

A Cephalalgia initium facit, cujus causas a pressione sanguinis partim aucta, partim imminuta repetit. Cum enim membranae cerebri copiosissimis vasis arteriosis, & una cum pericranio summa gaudeat sensibilitate, quivis facile intelliget, enormiter has partes affici a pressione, dilatatione & æstu sanguinis; sub quo statu hic non solum totus immutatur, sed imprimis serum ita degenerat a solita sua tenuitate, ut in gelatinam spississimam excoquatur: cui pressioni auctæ ansam dant febres, plethora, exercitia, radii Solares, ebrietas & ingluvies. Sed & ab imminuta pressione excitatur hoc malum, quando sanguis nimis lentus & viscidus per vasa non nisi ægerrime propelli potest; quod patet in chlorosi & scorbuto. Quod partium solidarum vitia attinet, oritur cephalalgia, præter conformationem p. n. a commotione cerebri, ab equitatione & vectione vehementi, a refrigeratione capitis &c. Quibus explicatis definit cephalalgiam, quod sit capitis sensatio molesta, imprimis a sanguine motu suo vasis & membranis vim inferente producta. Quanquam enim, uti dictum, partium solidarum vitium capitis dolorem producat, sæpe tamen is ideo excitatur, quod sanguini circulaturo impedimentum aliquod objiciatur, quod pulsatio molesta excipit. Ex causis fluunt indicationes generales, quæ in eo consistunt, ut sanguinis pressio nimia compescatur, progressus per vasa capillaria facilius reddatur, cerebri vitia corrigantur, & dolor mitigetur. Mittimus prognosin, cautelas practicas, & formulas, quas subjungit fideliter Author Clarissimus, ex propria praxi partim, partim ex authoribus allegatis petitas. Atque hæc speciminis loco sufficiant, ex quibus haud obscure intelliget L. B. qua usus fuerit methodo Noster in reliquis explicandis capitis morbis. Inter quos cum affectus soporosi non sint infrequentes, ab Authoribus vero maxime confuse fuerint tractati, notas characteristicas singulorum subjungere placuit Clarissimo Moor. Coma igitur vigil vocat, quando ægri conqueruntur de summa capitis molestia, non quidem dolore, sed velut interno ardore, & motu intestino expansivo, qui ipsos reddit quidem in somnum proclives, & somnum enixe desiderantes, cum tamen non possint aut non audeant eundem capeffere. Coma somnolentum est, quando ægri, provectioris ætatis præsertim, ad somnum sunt valde proni, cum in-

pag. 188.

inigni mentis hebetudine, nonnunquam oris apertione, adeo ut sedentes & cum aliis colloquentes, etiam interdiu, in somnum involuntarium prolabantur. Hic morbus circa vespeream ingravescere solet; febris non est insignis, aliquando lenta, nec ægri conqueruntur, nisi de somnolentia molesta. Huc etiam referri potest ea somnolentiæ species, quæ suppressionem urinæ insequitur; ut & sopores profundi absque manifesta febre, e. g. ab ebrietate, usu opii, & somnolentia scorbutica. Quando autem ægri febri insigunt & vehementi, & statim in augmento, vel etiam principio, in somnum profundum incidunt, unde vix aut ne vix quidem excitari possunt, quem aliquando convulsiones & ipsa mors brevi excipiunt, Cari species prima dicitur. Quod si vero ægri post atrox vires a febre continua, in somnum profundum & ἀφωρία incident, in eo statu per aliquot dies permaneant, nihil rogent, jaceant veluti moribundi, postmodum oculos iterum attollant, aliquando statim cibum petant, atque feliciter evadant, vocatur cari species secunda. Quibus tertia accedit species, quando in febribus ægroti, diem unum aut alterum ante mortem, veluti somno oppressi decumbunt, ob attritas vires, sanguinem ad circulationem ineptum redditum, & spiritus dissipatos. Lethargus est sopor gravis cum febre & stertore, in quo ægri excitati respondent, & iterum in somnum relabuntur. Apoplexia denique Nostro audit sensuum omnium, cum ἀφωρία & resolutione, nec non difficili respiratione, subita privatio, a sanguine cerebrum ejusque vasa inundante, aut nimium replente, ortum ducens. De cætero cum in titulo accuratam Spasmodum distributionem polliceatur Author, operæ pretium est, mentem ipsius brevius explicare. Scilicet per spasmum in genere intelligit involuntariam & vehementem musculi aut fibrarum muscularium contractionem: ejusque causas, Hippocratem secutus, rejicit in repletionem & inanitionem. In priori casu arteriæ carotides nimis replentur; unde sequitur compressio nervorum, depressio cerebri, spirituum animalium versus musculos propulsio, fibrarum tensio, sanguinis progressus retardatus, musculi inflatio, partis tendinis annexæ vehemens & involuntaria contractio. In posteriori casu cerebrum expansionem suam amittit, adeoque veluti subsidet; quæ subsidencia spiritus

tus animales inordinate versus musculos premit, & convulsiones ciet; ad quas classes irritatio partium nervearum, a reliquis Authoribus accusata, ut referri debeat, prolixius explicat Author. Spasmi igitur in genere dividuntur in convulsiones, & motus convulsivos. Illæ sunt vel universales, vel particulares. Universales observantur vel minus frequentes, ut tetanos, opisthotonos & emprostotonos; vel magis frequentes, æque vel graviore, vel minus periculosa. Inter illas quædam infantes infestant, vel statim a nativitate, vel circa dentitionem; quædam adultos vexant, ut morbus caducus, & epilepsia proprie sic dicta symptomatica, quæ diversi observatur esse generis. Est enim 1) febrilis, vel ordinaria in principio & progressu morbi, vel extraordinaria epidemica; 2) pedisequa dolorum, purgationum, hæmorrhagiæ, vulnerum & ulcerum, repletionis, &c. 3) hysterica; 4) hypochondriaca; 5) scorbutica. Inter minus periculosas convulsiones referuntur subsultus in somno, convulsiones in somno, spasmus flatulentus, & quæ hæmorrhagias excipiunt. Particulares vero quod attinet, sunt hæstrabismus, *τρεσμός*, spasmus Cynicus, risus Sardonicus, satyriasis, sternutatio & singultus. Motus convulsivi denique sunt vel vehementiores, vel minus vehementes; utrique febriles, hysterici, &c.

p. 368. Cum autem morbus caducus cum sensuum internorum abolitione sit conjunctus, hujus symptomatis occasione, quædam circa sensorium commune præfari, operæ pretium duxit Author. Hoc autem supponit debere 1) esse partem unam, quia motus a duplicibus sensoris externis in eo velut uniri debent; 2) motus spirituum animalium ab omnibus organis & membris delatos recipere; 3) motus spirituum animalium, ad illud tanquam metam pertingentes, velut terminare; 4) sensuum externorum objecta varia percipere ac judicare; 5) motum spirituum animalium versus has vel illas partes determinare. Exque his concludit, nullam cerebri partem solidam dari, cui hæc omnia tribui possint; cum autem eadem in mentem cadant, hanc sensorium commune adstruere, nullus dubitat.

p. 457.
p. 530.

Tandem non possumus non Compositiones quasdam evaporistas ab Authore, Clarissimo inventas vel correctas, hic commendare, scilicet, Diascordium novum, Spiritum Cepha-
li-

licum epilepsiam hypochondriacam tollentem, Spiritum Galbani compositum in spasmo flatulento adhibendum, & Aquam lactis nephriticam Pharmacopœæ Bateanæ correctam.

P. 539.

P. 559.

M. JOANNIS TRIBBECHOVII, FAC. TH. HALL, & Phil. Jen. Adjuncti Brevia Lingua Ῥωμαϊκῆς, seu Græcæ Vulgaris Elementa, quibus differentia antiquum inter & recentiore Gracismum præcipue ostenditur. Præmissa est Dissertatio de Ortu & Natura hujus Linguae: accessit Concio Christi montana Matth. V. VI. VII. Epistola Clarissimi Anastasii, Græci, & Syl-
labus vocum usitatorum.

Jenæ, apud Jo. Bielckium, 1705, in 8. Plag. 10.

Dissertationis, quæ etiam Jenæ publice ventilata est, summam ipse titulus monstrat, eam videlicet agere de ortu & natura linguæ vulgaris Græcæ: quæ quidem, si rem ab ovo ordiamur, referenda fuerit ad quintam Græcorum dialectum, κοινὴν, h. e. communem & vulgarem antiquis dictam, teste Jo. Grammatico in suis Τεχνικοῖς. §. I. Alio nomine hæc dicitur πεζὴ, quasi pedestris, si quidem illam cum antiqua sermonis elegantia comparaveris. Ad di etiam posset synonymum ἀπλὴ Φρῆσις, quo propter simplicem dictionem haud raro insigniri solet. Communiter tamen adpellatur Ῥωμαϊκῆ, sicut Græci post tempora Constantini Ῥωμαῖοι, & Constantinopolis νέα Ῥώμη audit. §. II. Jam si quæretur, num antiqua illa κοινὴ, qua comœdiarum historiarumque scriptores usi sunt, conveniat cum recentiore Græcorum sermone? istam quidem hujus esse fundamentum & velut matrem agnoscendam, sed longe puriorem fuisse cultioremque hodierna, nemo ibit inficias. Causæ corruptionis in promptu sunt: Romanorum imperium, unde tot Latinismi, etiam in ipso Novo Testamento; Græcorum scriptorum desidia, qui tam facile barbaras voces, magno numero in Meursii Glossario congestas, adnuerunt; imprimis Turcarum tyrannis, literarum studiis infensa; item frequens commercium cum populis vicinis, maxime Italis. §. III-VI. Cæterum quatenus hæc lingua Græca est, ex quatuor antiquis dialectis conflata deprehenditur, quod ex allatis ibi exemplis patet §. VII. VIII. Deinde traditur divisio hujus linguæ, quæ est vel ecclesiastica, vel politica: hæc

rursus vel *ἡπειρωτικὴ*, quæ in *insulis*, vel *νησιωτικὴ*, quæ in *terra continenti* viget ; quibus additur tertia, nimirum *Constantinopolitana*, quia Constantinopolis systema Græciæ, & præcipue ἐν τῇ *Φαναρίῳ*, sede Patriarchali, idioma ecclesiasticum principem locum obtinet. Præter Constantinopolin, purior dialectus reperitur Thesalonicæ, in reliquaue Græcia stricte sic dicta, inprimis vero in metropoli Epiri *Jannina*, ubi illustre Græcorum gymnasium, una cum *ἀρχαῖα* hodiernum floret. §. IX. X. XI. Laudatur quoque hac ætate schola *Larissæ & Corcyrensis*, ubi itidem litterarum studia coluntur, & præcipue posterior acroaterium Latinum habet. Quod ad dialectum insulanam attinet, ea melior est in Cycladibus, quam Sporadibus & Echinadibus insulis, vel eam ob causam, quod illæ propiores sint S. Monti seu Atho, hodie monasteriis referto. Echinades vero, una cum Creta, nimium ex Italico sermone, quod Italiæ viciniore sint, trahunt. §. XII. Sed rursus magna varietas propter multitudinem insularum, ut vere obtineat, *quot insule, tot lingue*, fatentibus ipsis Græcis, quorum testimonia adducuntur. §. XIII. XIV. De sermone ecclesiastico tenendum, quod proxime accedat ad veterem Græcismum, exceptis quibusdam generalioribus momentis, quibus ad captum populi immutatus est. Versio autem Novi Testamenti Græco-Vulgaris, autore *Maximo Callipolitano* edita, & cura *Seraphimi Myrilenensis* denuo Londini A. 1703 excusa, plus solito barbararum vocum habet, in gratiam tot millium Bulgarorum, Wallachorum &c. qui inter Græcos habitant. §. XV. XVI. Denique iudicium fertur de hac lingua, eam quidem, quoad elegantiam, antiqua longe esse inferiorem, propterea tamen minime, Criticorum quorundam more, tam graviter accusandam, imo rejiciendam esse, vel propter multas peregrinas voces, vel etiam *βαρβαρισμὸν* & malam *ῥυθμίαν*; quæ omnia diluuntur §. XVII. - XXI. Virtutes contra huius idiomatis recensentur, perspicuitas qua cum ipsa matre certare videtur, peculiarisque quædam elegantia & *δουλοῦς*, quam imitari difficile est. §. XXII. Poesis *ῥωμαϊκὴ* rudior quidem, sed hodie cultior extat, præsertim in Creta, quæ hoc in genere multum reliquis præstat. §. XXIII. Apparatus librorum, ad hoc institutum facientium, apud nos exiguus est: disscitur tamen

men de *Lexico Vlachi Cretenfis* & aliorum Dictionariis, & ex notis
stratibus laudatur *Crusii Turco-Græcia*, licet multa ibi obsoleta & cor-
rupta occurrant. §. XXIV. Tandem ratio & occasio editionis ho-
rum Elementorum, quæ fuit adventus Græcorum in Academia
Fridericiana, quibuscum Autori arctior familiaritas intercessit, signi-
ficatur, & ne locus vacuus esset, adduntur quædam potiora ex
præfatione *Glossarii media & infima Græcitatæ Caroli du
Fresne*.

Ipsa vero Elementa conscripsit Autor Doctissimus, magnique
Parentis & Theologi quondam celeberrimi haud degener filius, me-
thodo Celeberrimi Hardtii, quam in tradendis linguis Orientalibus
Clarissimus in Academia Fridericiana Prof. Michaelis non sine fructu
discientium eximio, adhuc observavit. *Duabus* partibus totum negoti-
um absolvitur, quarum prima agit de *Fundamentis*, altera de *Paradig-
matibus*. Circa fundamenta notanda sunt quatuor momenta lectionis
& descriptionis, *Consonantes, Vcales, Tonus & Nota Diacritica* le-
ctionis: in quibus modo differentia ab antiquo sermone breviter
indicatur. Eadem quidem consonantes sunt, sed paulo aliter pro-
nunciantur, præcipue τὸ δ, θ, ζ: quæ pronuntiatio omnino præ-
ferenda, si non in omnibus, saltem in plurimis; quod vel ex
Clenardi Institutionibus & aliis antiquioribus Grammaticis facile
probari potest. Vocalium pariter & diphthongorum sonus plane
convenit cum eo, qui in superiori Saxonia ut plurimum receptus
est: nam aures Græcorum a distinctis illis sonis ai, ei, oi, abhør-
rent. Tonus sæpe variat, si usum spectes: sæpe enim ob cele-
rem pronunciationem ad ultimam eum rejiciunt, ut ἀνθρώπινος,
Φιλία; vel in antepenultimam revocant, ut ἑλληνικά, ἀγιώτατη:
id quod Clarissimo Hennimio in suo *Hellenismo*, quem ὀρθώιδου
inscribit, tanquam antiquissimi & rectioris toni vestigium mirifice
placet. Ex notis diacriticis id præcipue notandum, quod Græ-
ci recentiores spiritum asperum ut lenem efferant, more Æolum
antiquorum, qui propterea ψιλῶν λέξι adpellabantur.

*Alter*a pars horum Elementorum exhibet paradigma-
ta singularia Nominum, Pronominum, Verborum, &c.
Differentia Nominum communis est, quod ignorent Du-
alium casum & numerum. Dualem. Specialia ibidem
plu-

pluribus legas. Verba carent Aoristo primo & secundo, nec non Futuro secundo. Perfectum hic nihil aliud est, quam Aoristus primus. Plusquamperfectum & Futurum adhibitis verbis auxiliaribus θέλω & ἔχω, utin lingua Germanica, formantur. Infinitivum non habent, sed loco ejus utuntur Conjunctivo cum particula να. Verba circumflexa & anomala pauciora & faciliora hic sunt, quam in veteri lingua, quorum paradigmata Autor concinno ordine proposuit. Quæ ad discrimen Syntaxeos pertinent, paucioribus momentis itidem comprehensa sunt. Elementa excipit Concio Christi montana ex metaphrasi Ῥωμαϊκῇ correctæ, Latine versa & notis quibusdam illustrata. Tum sequitur epistola Anastasii, Macedonis, ad Autorem, qui Elementa censuræ ejus subjecerat, in qua de isto specimine ita judicat, multis quidem parafangis id superare Portii Grammaticam, qui primus aliquid eo in genere tentasse dicitur. De cætero ex litteris illis apparet, hunc Virum Græce eximie callere, & litteris ac disciplinis sic satis esse imbutum. Digna est lectu epistola, utpote quæ plurima ad statum Græciæ litterarium pertinentia continet. Accessit etiam brevis Dialogus amici, linguæ hujus periti, quo fundamenta religionis præcipue tanguntur. In fine adjectus est syllabus vocum usitatorum, quæ tironi ad intelligentiam Novi Testamenti ἐν ἀπλῇ φερόμεν scitu necessariæ sunt.

PSALTERIUM DAVIDIS ÆTHIOPICE ET Latine, cum duobus impressis & tribus manuscriptis codicibus diligenter collatum & emendatum, nec non variis Lectionibus & Notis Philologicis illustratum. Accedunt Æthiopice tantum Hymni & Orationes aliquot Veteris & Novi Testamenti, item Canticum Canticorum, cum variis Lectionibus & Notis: Cura
JOBI LUDOLFI.

Francof. ad Mœn. Prostat apud Jo. David. Zunner & Nic. Wilh. Helwig. Typis & sumptibus Autoris, impressit Martin.

Jacquet, 1701 in 4. Constat 2 Alphab. & 9 plagul.

Quæ sit ratio hujus recens editi Psalterii Æthiopici, ipse Illustris Autor, qui ad meliorem vitam Francofurti ad Mœnum d. 8 Apr. superioris anni translatus est, in præfatione dilucide exponit; quam hic pro

MENSIS FEBRUARII A. M DCCV. 6;

pro instituti ratione breviter recensimus. Primum quidem narrat, quam charus, quam pretiosus sit Psalmorum liber Æthiopicæ genti, ut omnes eum quotidie legant, & tanquam breviarium orationum suarum æstiment, adeo ut & scemina, præsertim nobiliores, memoriter eum recitare queant. Appellare autem solent simpliciter *David*, ut cum Psalterium finitum esse indicare volunt, dicant, *finitus est David*. Id quod in calce hujus ipsius editionis quoque fuit observatum. Deinde disserit Autor noster Illustris de fonte, ex quo suam Æthiopes *ὑστάτης* derivarint, quem non fuisse textum authenticum Hebræum, sed LXX Interpretum versionem Græcam adserit, eo quod Æthiopicus interpres plerumque exemplar *Alexandrinum*, in Bibliis Polyglottis Anglorum excerptum, ut & *Varicanum*, passim impressum, sæpe sequatur. *Tempus* hujus translationis incertum est, licet probabile sit, eam non multo post conversionem Æthiopum, cum aliis Sacræ Scripturæ libris factam esse, quo de Historiam suam Æthiopicam cum Commentario conferendam monet. *De ordine & numero Psalmorum* inde observat, eundem esse, qui apud Græcos. Isti Psalmum IX & X, apud Hebræos divisum, conjungunt, atque ab illo Psalmo Æthiopes semper unum minus putant; ut qui apud Hebræos est XI, apud Græcos & Æthiopes X habeatur. Idem rursus contingit Psalmo apud Hebræos CXV, quem totum Æthiopes cum CXIII suo conjungunt, & vice versa Hebræorum Psalmum CXVI in duos dividunt, donec in Psalmo CXLVII rursus conveniant, qui apud Hebræos usque ad Psalmum CXLVIII continuatur, apud Æthiopes vero dividitur, ita ut apud nos versu 13 fiat initium Psalmi CXLVII, & deinde numeri in Psal. CXLVIII rursus concordent; licet hic ordo in novissima editione Lipsiensi LXX Interpretum non fuerit observatus. Adjectus est etiam Ps. CLI, apud nos *apocryphus*, quia Orientales communiter illum habent; quamvis *numerum reliquorum excedere*, in titulo illius Psalmi fateantur. Cæterum linguam ipsam *Arumicam* non male vocari, censet summus Autor. Nam quo tempore Reges Æthiopiæ *Arums* in regno *Tigre* habitabant, in usu fuit; quamobrem a nonnullis *Tigrana* sive *Tigrensis* vocata fuit. Translata vero in Aramæam Imperii sede, vernacula esse desit, adeoque Habessini illam & libris & doctrina litteratorum ad-

discere necesse habent. Post hæc de *variis editionibus* hujus Psalterii sermonem facit, quarum primam curavit *Jo. Potken*, Germanus, Ecclesiæ S. Georgii Coloniensis Præpositus. Ediderat illud primo *Romæ* anno 1513, cum annexis hymnis & orationibus quibusdam Veteris Testamenti, adjuncto etiam Cantico Canticorum. In Germaniam reversus, denuo illud *Colonia* A. 1518 excudit, sed Psalterium tantum, additis tribus aliis linguis, Hebraica, Græca, & Vulgata Latina. Æthiopica, errore illius temporis, *Chaldeam* vocavit, & sine versione aut notis ullis, secundum exemplar suum manuscriptum, quod Romæ nactus fuerat, nude vulgavit; sed artis Grammaticæ rudis, menda in suo exemplari reperta corrigere non valuit. Sic ultra seculum jacuit, nemine neque de Psalterio, neque de studio Æthiopico publice sollicito. Æthiopes quidem, ob bellum Adelenſe in summam desperationem adducti, ante centum & quinquaginta annos Romam venerunt, atque ibi Novum Testamentum typis dederunt, Psalterio neglecto, quod tamen Angli in Bibliis suis Polyglottis denuo impreſſerunt, at parum accurate, veteribus mendis impressorum codicum relictis, & novis superadditis. Tum vero quid præstitum sit hac novissima editione, indicatur. Videlicet accurata prius collatio codicum variorum instituta est, ad quam adhibiti sunt duo illi *Potkenii impressi* & tres *manuscripti*; inter quos primus & præcipuus fuit, quem *Pocokianum* appellat, quia in Celebrerrimi *D. Pocokii* Bibliotheca repertus, ab erudito quodam Æthiope quondam tractatus, variisque etiam ex Patribus Græcis observationibus fuit illustratus. Alter *Berolinensis* ex Bibliotheca *Potentissimi Regis Prussie* gratioſe communicatus, & tertius, quem *Amſtelodamensem* inscribit, a Viro Amplissimo *Petro van Dam*, qui ex India eum acceperat, benevole fuit transmissus. Ex qua diligenti, ab ipso hujus litteraturæ principe instauratore facta collatione, non potuit non correctius & emendatius exemplum, nunc publici juris factum, prodire. Nam quod ad *varias lectiones* attinet, illæ e manuscriptis supra descriptis collectæ, & cum codicibus impressis collatæ sunt; lectiones cum Græcis codicibus, Alexandrino scilicet & Romano, convenientes in textum receptæ, judicio de iis haud raro interposito. Interdum etiam integri versus vel hemistichia in Hebræo &

& Græco textu clare extantia, in Æthiopica vero versione casu, vel per incuriam scribarum omissa, restituta sunt atque suppleta. Si vero Æthiopica versio a Græca discreparet, ratio differentia, quantum potuit fieri, investigata est. Præterea quoque, in gratiam Philologiae cultorum, accessit *versio Latina*, ad litteram Æthiopici textus, additis tantum ad coherentiam sermonis *ἑλληνισμῶν* supplementis, expressa; quæ pars laboris commissa fuit Clarissimo Viro Jo. Heinr. Michaelis, Linguarum Orientalium Professore in Academia Fridericiana longe meritissimo, & ab eodem feliciter perfecta; quemadmodum non mediocri laude ejus diligentiam, doctrinam & profectus hac in lingua eximios, ipse Illustris Autor prædicat. Sed & præter versionem, additæ etiam sunt utilissimæ notæ philologicae, cura & studio laudati Professoris, ex quibus modo unam vel alteram speciminis loco adferemus. E.g. Psalm. IV, 3. כְּנִי אִישׁ *filii viri*, quæ Æthiops vertit, *liberi sobolis matris viventium*, hæc notat: *Hebraei homines vocant* כְּנִי אָדָם *FILIOS ADAMI*; Æthiopes contra quasi כְּנִי חוּרָה *FILIOS EVÆ*, dum illos *vocant sobolem matris viventium, scilicet hominum* Gen. III, 20. Sic & Psalmo XXVIII, alias XXIX, 6. notabilis adfertur varia lectio Manuscripti Pocokiani: *Et subsilire facit eos tanquam vitulum Rhinocerotis: Dilectus vero est tanquam soboles Reemi, cui est unum cornu; cum hac epicrisi: Abit hic Æthiops partim a Græco & vulgari lectione, partim sequitur textum Hebraeum, adeoque italicum mixtim & paraphrastice reddens, ut illi moris, retento vocabulo Hebraeo* אָרָה *, quod alias in Æthiopica lingua nusquam occurrit, addito tamen epitheto Monocerotis, quod est in Græco. Riste autem observavit, אָרָה esse Rhinocerotem. Qualia plura ibi invenias notatu digna, inprimis etiam quod attinet ad differentiam hujus & LXX viralis versionis ab ipso textu authentico, ut jure hic labor queat commendari, quia præter notatas emphases Æthiopicas, multum facit ad rectius intelligendos LXX interpretes, imo ipsius Hebraei textus non pauca, eaque difficiliora, loca illustrat. Agnoscendum quippe donum Dei in Illustri, nunc Beato, Autore plane eximium, quo fere solus hoc in genere polluit, nec permittendum a litterarum bonarum amatoribus, ut hic thesaurus linguæ Æthiopicae quasi defossus jaceat, cum*

indefessa industria, qua virtute Beatus Autor inter cæteras eminebat, adeo facilis & expedita via monstrata sit, edita *Grammatica & Lexico Æthiopico*, de quibus nemini non constat, qui harum literarum paulo est cupidior.

VITA ERNESTI PII, DUCIS SAXONIÆ, Descripta ab ELIA MARTINO EYRINGIO, Sereniss. Vidue Ducis Saxo-Coburg. Aula Inspectore. Accessit Ejusdem Dissertatio de ortu & progressu religionis Christianæ in Francia Orientali.

Lipsiæ, apud Joh. Frid. Gleditsch, 1704, in 8. Plag. 17.

Quo clariora & illustriora sunt illorum exempla Principum, qui pacis artibus, & imprimis literarum ac pietatis studio, rem suam atque publicam ornare & amplificare allaborarunt: eo studiosius ex hac *Ernesti, Saxoniæ Ducis*, pietate ac literarum amore omnibus seculis memorabilis, Vita, ea nobis in his Eruditorum Actis adnotanda existimavimus, quæ ad piæ eruditionis incrementa, ab optimo Principe cogitata, & felicissimo successu perfecta legimus. Scientes igitur illa prætermittimus, quæ de Serenissimi Principis natalibus, majoribus, fratribus, fortitudine ac belli discriminibus, pacis studio, matrimonio auspiciatissimo, prole numerosa ac felicissima, de politia prudentissime instituta, aulæ sedatissimis moribus, rerum æconomicarum reddituumque dispensatione sapientissima, de munifica ejus liberalitate, omnisque sorditiei aversatione, monetarum cudadarum usu & modo circumspecto & sanctissimo, felicitate in hæreditatibus impetrandis singulari, testamento, morbo & obitu beatissimo &c. consignata sunt. E quibus sane veritas eorum, quæ Autor de laudibus Ernesti Pii nunquam non deprædicat, luculentissime apparet. Quod autem literarum amorem, quem nos jam potissimum spectamus, & promanantem inde ecclesiarum & scholarum, quæ ejus seminaria sunt, curam attinet, ipsa Principis Serenissimi indoles prima ejus semina illi instillasse videtur. Quæ in felicissimo ingenio, singulari judicii acie, animoque excellentissimarum cogitationum veræque pietatis capaci, cum ætate ita succreverunt, ut cum se malo fato suo a nonnullis, quibus educatio ejus curæ esse debebat, destitutum, & Latini imprimis sermonis non

C. VI.

C. VII.

sa-

MENSIS FEBRUARII A. MDCCCV. 69

his gnarum esse, non sine summo dolore intelligeret; animum ta-
 men ingenti omnium disciplinarum desiderio incensum retine-
 ret, ipsumque non solum historiarum, politices, matheſeos, alia-
 rumque dignarum Principe artium studio, sed suorum etiam insti-
 tutione, optimorum librorum edendorum, eruditorum adjuvando-
 rum, ecclesiarumque ac scholarum instaurandarum cura, luculen-
 tissime testaretur. In Serenissimorum Filiorum suorum educatione
 nihil certe omisit Sapientissimus Princeps, quod ad literarum ac
 pietatis amorem penitus ipsis implantandum pertineret. Dirige-
 bant illorum studia Viri Illustres, Seckendorffius & Gablkovius;
 bonas literas ipsis Majerus, Reyherus, Brucnerus, Kunoldus & Ro-
 senbergius instillabant; in ipsorum profectus, singulis mensibus, con-
 filarii sacri ac civilis ordinis inquirebant, summaque sollicitudine plu-
 res bonos reipublicæ patres formabant: cujus rei fructu terræ Sa-
 xonicæ hodie etiam perfruuntur. Curæ, quam pro ecclesiæ com-
 modis, religionisque firmamenti gessit Ernestus Pius, sedula ec-
 clesiarum ab ipso facta inspectio, optimorum Theologorum & Poli-
 tiorum expetita in eam rem consilia, Synodus anno 1645 de mor-
 tibus ecclesiarum curandis habita, dignissimorum pastorum, inspecto-
 rum, catechizantium constitutio, disciplina ecclesiastica, censura
 Christiana, observatores morum, judicium delatorium Das Rügge
 Gerichte / poenitentia publicæ, tot leges & ordinationes alia sa-
 luberrimæ, tot literæ & scripta de controversiis Helmstadiensibus
 componendis ejus autoritate confecta, tot legationes & literarum
 commercia cum exteris Principibus, ipso etiam Magno Moscovi-
 tarum Duce, Patriarcha Alexandrino, Æthiopiarum Rege & aliis, de
 puriori & sanctiore Dei cultu instituta, certissima testimonia habe-
 ri possunt. Huc imprimis singularis illa cura pertinet, quam de
 Collegio quodam Hunniano instituendo habuit, atque ideo cum
 Rege Sueciæ Daniæque, & inferioris Saxoniarum Ducibus, Alberto filio
 suo natu secundo, doctore Veerpörtenio, Gabelkovenio & Brucne-
 ro eum in finem missis, pio conatu egit. Scilicet Nicolaus Hunnius,
 Superintendens Lubecensis, in libro, quem appellabat *Consiliatio-*
nem, Gustavo Adolpho, Regi Sueciæ, & Joh. Georgio Saxoniarum Ele-
 ctori dedicato, & anno 1632 edito, sollicitè suaserat, ut certus nu-
 merus piorum, eruditorum & celeberrimorum Theologiæ Do-
 ctorum

C. XIII.

C. XIV.

C. XIX.

C. XVII.

C. XIX.

ctorum, communi Procerum Evangelicorum consensu & publica autoritate aleretur, hisque lautius stipendium & selectissima bibliotheca assignaretur, singulisque singuli studiosi ac eruditi, naturæ simul ac gratiæ dotibus ornati adderentur, a quibus difficiliora Theologiæ capita, selectioresque controversiæ, summo studio examinarentur, orationes sacræ ac dissertationes Theologiæ frequentes haberentur, sacri etiam codicis, patrum, scholasticorum, historiæ ecclesiasticæ, conciliorum, decretorum, casuum conscientiæ & præceos ecclesiasticæ accuratissima collatio institueretur, rarissimæque ac utilissimæ circa hæc observationes communi opera conferrentur. E quo instituto ut maxima ecclesiæ commoda pollicebatur Ernestus; ita nihil omittebat, quod ad illud promovendum & conficiendum pertineret: quanquam, quæ erat eo tempore rerum facies, approbato licet ab omnibus isto consilio, difficultates quædam orirentur, quæ felicem rei successum impedirent. Quod igitur apud alios, per temporum injuriam, perficere non poterat, id saltem in suis terris, salutaribus aliis institutis, obtinere studebat. Constitutis igitur scholarum ordinibus, fidissimisque ac piis magistris præfectis, omnium sibi subditorum liberos inde a quinto anno in scholas duci, nec nisi satis in literis ac pietate profecissent, inde revocari imperavit, eaque re illud obtinuit, ut proverbio vulgo diceretur: *rusticos Ernesto subiectos nobilibus pagorum aliena ditionis esse doctiores*. Nobilibus certe, ipsi ministrantibus, literarum studia præ omnibus commendabat, ipsisque inculcari sedulo curabat: quod Seckendorffii, Herberstenii aliique generosissimi viri, Ernesti auspiciis, artibus ac literis bonis imbuti, abunde declarant. Ipseque adeo nobilibus haud eruditis, locum in aula sua vix concedendum putabat. Omnis autem ordinis ac generis studiosos, qui suæ industriæ specimina ac testimonia habebant, largissimis stipendiis ac magnificis juvabat. Adhæc Princeps optimus curabat, ut a viris doctissimis libri componerentur, quorum auxilio felicius juvenus proficeret, errores facilius evaderet, & tum pietatis, tum Latinitatis, Grammaticæ, Logicæ, Physicæ principia genuina caperet. Quorsum in primis etiam Historia Ecclesiastica Gothana, Bœcleri, Seckendorffii & Artopæi studio concinnata, omnibusque eruditis maximi æstimata, referenda est. Quin ipsa immortalia opera, Historia Lutheranismi

C. XV.

p. 152. 168.

a Se-

a Seckendorffio, & Belli Smalcaldici Expositio ab Hordledero con-
scripta, Biblia item Vinariensis & Concordantia Biblica, Ernesti au-
spiciis, mandatis, & subsidiis, autoribus ipsis id fatentibus, una cum
multis aliis, quæ Autor p. 75 enumerat, originem suam debent.
Quam providus autem de libris in communes usus parandis erat,
tam severus etiam suis, imprimis pastoribus, illorum legendorum
autorem & concitorem fuisse accepimus. Quo illud imprimis
pertinet, quod Autor p. 76 & 77 recenset. Quæ quidem omnia,
cum multis aliis, qui nobiscum expendent paulo penitius, ii tanti
Principis pietatem, amoremque piæ eruditionis omni ævo comme-
morabilem, merito nobiscum venerabuntur, pluresque tales litera-
rum statores ac principes eruditae indulgentes, bono literarum pu-
blico ut nascantur, optabunt. De Appendice, seu Dissertatione de
ortu & progressu religionis Christianæ in Francia Orientali, cum jam
plures ante annos in illustri Academia Jenensi publicæ ventilationi
fuerit exposita, & nunc solum recusa, non est ut plura di-
camus.

Herrn Hanns Asmans / Freyherrn von Abschatz
Poetische Uebersetzungen und Gedichte.

JOANNIS ASMANNI L. B. ABSCHATZII Meta-
phrases & Opera Poetica.
Lipsiæ & Vratislaviæ, apud Christ. Bauchium, 1704, 8.
Constat Alphab. 2.

Magnis illis in Poesi Germanica Heroibus, quos Silesia proge-
nuit, suo merito Vir Illustris annumerandus est, Dn. Jo. As-
mannus Liber Baro Abschatzius, Wirwicii, Lederossii, Petschendor-
ffii, Superioris Berschdorffii & inferioris Gelschavii Toparcha, in Li-
gnicensi Ducatu, dum viveret, Provincialis Syndicus, atque in publi-
cis Silesiæ Conventibus ordinarius Adfessor, Vir multiplici merito-
rum ac eruditionis gloria celebris, Lignicii d. 22 Aprilis anni 1699
fatis functus, & cum Generosissima Conjuge, biduo post mariti
obitum, placida morte vivis exempta, eodem quietorio in Æde apud
Lignicenses Petro-Paulina tumulatus. Quanta Baronis laudatissi-
mi inter suos celebritas, quantus natalium splendor, quanta apud
Au-

Augustissimum Imperatorem LEOPOLDUM gratia, quanta apud summos Silesiorum Principes atque Ordines existimatio fuerit, ipsi ex Silesiis cives cordati, & literarum cultura clarissimi, optime norunt, quorum præconiis in exterorum gratiam istud adjicimus, Virum tantæ dignationis, inter continuam curarum molem, & itinora pro salute Ducatus ac Reipublicæ Silesiorum universæ suscepta, Apollini tamen & Gratiis litasse, & quæ nunc publicata sunt, carmina prælo parata hæredibus reliquisse. Hæc vero nunc ipsi ex voluntate optimi Parentis in lucem exposuerunt, Cl. Gryphio, Socio ac Amico nostro honoris causa nominando, præfationem scribente, in qua modernam Nobilium consuetudinem false taxat, qui artium liberalium, & Poeseos præsertim, exercitamenta Equestri homine minus digna judicant, & gladio nihil rei esse cum calamo autumant; quum tamen ex Purpuratis Vatibus, hoc est, ex Imperatoribus, Regibus, Ducibus, Principibus, Pontificibus item, Cardinalibus, Archiepiscopis atque Præsulibus, aliisque summæ auctoritatis Magnatibus, qui Poeseos cultores fuere, vastus quidam index confici queat. Cæterum duæ quasi operis hujus partes sunt, quarum altera *Metaphrases*, altera vero *Poemata ex ipsius Abschatzii Baronis ingenio deprompta* completitur. Inter *Metaphrases* principe loco se sinit *Pastor Fidus* Tragicocomœdia, ex Italico Guarini, vatis celeberrimi, conversa. Quæ facta Guarinus auctor in Italia expertus sit, quot versiones hujus Dramatis in omnes fere linguas transpositi numerentur, Clarissimus Crescimbenus in Commentariis de Poesi Hetrusca fusius docuit. Ex Germanis tres, nisi fallimur, *Pastorem* hunc *Fidum* adgressi sunt, Hildebrandus quidem prosaica, Hofmanswaldius autem & Abschatzius, Silesii, metrica interpretatione. Hofmanswaldianæ versionis plus elegantiarum tribuit Morhofius (*Part. 2 de Poesi German. cap. 2 p. 205*) quam ipsi textui Guariniano: ipse vero Hofmanswaldius in præfatione Poematum suorum, primas præ se laudes Abschatzio nostro deberi, eumque verba Hetrusci idiomatis strictius ac feliciter expressisse, monet. Nostrarum partium non est, hanc inter illos litem dirimere, de qua, qui utriusque linguæ intimiore notitia pollent, judicare permittimus. *Sonuli* autem *jocoserii*, qui *Pastorem Fidum* pressio pede subsequuntur, & quos ex Alexandri Adimari Equitis Thuscæ *Terpsichore* deprom-

MENSIS FEBRUARII A. MDCCCV. 73

promsit, mira transpositionis felicitate & argumenti raritate notabiles sunt. Quinquaginta nimirum foeminas *Therpsichore*, (id tractatulo nomen est,) nobis representat, omnes novercantis naturæ invidiam, maculis quibusdam vel in ore, vel in moribus, deformes, calamo tamen vatis & poetica venustate commendabiles. Quod ad alteram poematum classem attinet, quæ soli Baronis nostri venæ ortum suum debent, prima sunt Sacra, quæ adpellatione ex Floræ regno desumpta, *Himmel - Schlüssel* / sive claviculas cœli aut primulas veris nominavit. In iis metaphrasas quorundam Psalmorum, meditationes in ferias Dominicas & Festales, eucharistica matutino æque ac vespertino tempore, nec non post superatas graviores tam publicæ quam privatæ rei calamitates fusa; hymni item anniversarii, onomastici, genethliaci, & quæ alia mysteriorum sacrorum genera sunt, occurrunt: quibus & ætatis suæ quinquagenariæ cursor noster subjunxit. Post sacras meditationes, carmina statim subnexa reperimus, quibus reverentiam & obsequium erga Divum Imperatorem LEOPOLDUM, & Celsissimos Austriæ Archiduces, cum propter victorias contra hostes obtentas, aut in nominalibus feriis, tum propter alias almæ benedictionis accessiones, contestatus est. Succedunt Epicedia in obitum ultimi Lignicentium, ex Piatteorum Familia nongentenaria, Ducis, & quorundam generosæ stirpis Equitum, carmen item honori Lohensteiniano, ob Arminii & Thauseldæ vitas, fabula Milesia, sed ea longe doctissima & omnis generis eruditione referta, descriptas dedicatum; funebria deinde aliquot in bestias ab heris suis perditæ adamatas, & miscellanea varii argumenti, in quibus omnibus magna venæ felicitas, styli nitor, vocabulorum aculei, & nativa sensus elegantia deprehenditur. At enimvero in illa inventionum varietate, & argutiarum adparatu, id maxime miramur, ambico æque ac Latino, versus plane egregios paravisse: cujus rei luculento testimonio sunt Genethliacum Deo incarnato in terris hospiti, nocte Natali, in monte Senonum inhospitali, vena dextraque frigente, adfectu tamen calente, d. 24 Decembris anni 1666 sacratum, (*vide Sacra pag. 42 seqq.*) Paschologium nocte sacra anni 1667 Romæ formatum, (*ibid. pag. 54 seqq.*) Elegia super incendio d. 12 Oct.

1696 (*ibid. pag. 73. 74.*) Elegia ad Primkium, Rectorem Scholæ Li-
gnicensis, Præceptorem olim suum fusa, in qua peregrinationis suæ ra-
tiones ac fructus exponit, (*inter Miscella pag. 106 sqq.*) & alia de-
nique ad amicos ex Italia discedentes valedictoria, (*ibid. p. 111. seqq.*)
ut adeo, novo certe exemplo, comprobasse videatur Baro noster Il-
lustrissimus, eam esse Latinæ linguæ majestatem atque elegantiam, ut
illius exercitia Nobilioribus ingeniis, & Equestri dignitate præfulgen-
tibus, dedecori nequaquam haberi debeant.

Ο Μ Η Ρ Ο Σ Ε Β Ρ Α Ι Ο Σ

sive

*HISTORIA HEBRÆORUM AB HOMERO HEBRAI-
cis nominibus ac sententiis conscripta in Odyssæa & Iliade, expo-
sita illustratæque studio atque operâ GERARDI
CROESII. Tomus I.*

Dordraci, apud Theodorum Goris, 1704, 8.

Constat Alphab. 1. Plag. 20.

EO tendens Clarissimus Autor, (civis Reipublicæ Amstelodamen-
sis, non adoptatus, sed intra mœnia ipsius natus, ortu longa du-
cto serie,) quo ipsum ratio quodammodo singularis officii ordinis-
que sui vocabat, primus Homerum e tenebris eruere, conditamque ab eo
Historiam sacram, & e nostro Scripturæ codice repetitam, in lucem
proferre voluit. Sic enim censet: Homerum narrare in Odyssæa in-
de a primordiis, varia eventa majorum Israelitarum, i. e. Patriarcha-
rum & Israelitarum ipsorum, usque ad obitum Moïsis, eo pacto, ut
multa adjungat, quæ ad populos eodem genere *Heber* oriundos
pertinent; in Iliade vero ea, quæ acciderint in occupanda urbe
Hierichunte, ac tota terra Chanaan, duce Josua cæterisque jure
imperatorio præditi, intermissis plurimis, quæ ad gentes ab Israeli-
tis devictas fugatosve Chananæos pertinent. Et hæc arbitratur
Homerum sic exarare lingua Græca, ut interim nomina propria
personarum & regionum, quin & rerum insigniter memorabilium,
efferat Hebraice, vocibus singularem in modum sermoni Græco
accommodatis. Se autem isthæc perscrutari contendit, non dele-
ctatione novitatis, verum spe atque fiducia emolumenti in publicum.
Esse

MENSIS FEBRUARIA. MDCCV. 75

Esse enim in his subsidium, tum ad alias scientias, tum etiam sacras & augustas literas, utcumque magis enucleandas ac illustrandas. Saltem grande in his pondus inesse, ad subvertendum omne Pantheum Deorum gentilium veterum, & tot ineptas de iisdem fabulas, quas non Græci modo ac Latini olim, sed tot inter Christianos etiam philologi & antiquarii, juventuti in suis auditoriis & gymnasiis instillaverint, ac propinarint. Penes Homerum, non nisi unius veri Numinis sub diversis notionibus sonare nomina, & describi Historiam sacram, ita ut in illo sit magna vis, ad tuendam firmandamque sacrarum literarum antiquitatem & auctoritatem, adversus ementitas argutias improborum, quorum in tanta ingeniorum prurigine, non exigua hodie copia sit. Præmittit autem operi suo Autor Introductionem satis amplam in universum Poetam, ceu partem generalem, XIV adeo capitibus absolutam. Omnes nimirum veteres hoc animadvertisse, Homerum ubique loqui verbis alienis a vulgari Græcorum forma, peregrinis, novis, translatis, interdum contractis, concisis, amputatis, ut difficile sit ejus mentem assequi. Sed & res ipsas proponere modis prorsus reconditis, ita obscuris ac fabulosis visis, ut legenti nullæ certæ imagines in animum deducantur. Homero ergo verba illa ac nomina, quæ de Deo aut Diis usurpantur, quæ hominibus Heroibus etiam & actionibus ipsorum singularibus, porro quæ regionibus, urbibus, fluminibus, montibus, rebusque aliis, in quibus suspicio est quandam peculiarem proprietatem contineri, indita sunt, perraro Græca, frequentissime autem Hebraica esse: sed aliter sonantibus nominibus, & tamen re significantibus idem, quod in Scriptura Hebraica notet nomen proprium. Atque rursus sic afferri illa nomina Hebraica, ut omnino accedant ad nomina ista, quæ alibi terrarum, maxime in Græcia, sunt notissima. Interdum occurrere nomina regionis aut loci, tanquam nomina propria, & tamen pro re aliqua, velut nomina appellativa usurpari, cujus generis sint vocabula *Siculi*, *Messenii*, *Sardinii*. Et quæ fingit accidisse Ulyssi aut Trojanis, non de unico dicere Ulysse, verum de multiplici, neque de unius Trojæ excidio, sed plurium urbium eo nomine involutarum; ut ita alius sit Ulysses in initio, alius in progressu, alius in fine operis, & ut alterius generis sit Troja & Ilium in Odyssæa, atque est in Iliade. Per-

C. 2.

peram igitur censeretur ab omnibus, scriptam Odysseam post opus Iliadis, & hanc ex illius tenore debere explicari. Contra vero, Homerum sequi ordinem Historiæ sacræ, & adeo Odysseam præmississe Iliadi. Præterea indicare eum, Græcos antiquissimos oriundos fuisse e Chananæa, Idumæa & iis oris, eosque fuisse, qui ab Israelitis circumventi, pressi, fugati, se fuga receperint in Asiaticam Græciam & Græciam Europæam. Et hos fugitivos illa illis regionibus nomina de sua lingua patria Chananæa, quæ & Hebræa, imposuisse, quæ tamen temporis tractu, & usu longo, jam ipsiusmet Græciæ nomina viderentur esse. Eo magis autem voluisse eum uti hisce nominibus, sibi notissimis, quo minus Græcos offenderet, sed ut iis palpum obtruderet, cum ipsi de sua antiquitate & de patrio suo solo, quod in eo essent *αὐτόχθονες*, admodum gloriarentur. Facile etiam illa vocabula ad formulam linguæ Græcæ potuisse construi & exarari, absque jactura vocis, modo flexione alicujus literæ, vel mutatione, quod Græci tali litera carent, aut aliam substituerent, quo vox magis clare ac sonore caderet. Adeoque uti Homerum lingua, quæ diutissime post istius tempora cœpit in usu esse Judæis inter Græcos degentibus, Hellenistica. Bene multas etiam apud Homerum personas esse illarum gentium, quæ, qui homines fuerint, nos lateat, nec tamen occultæ fuerint Homero. Sed & multis eum uti nominibus, quæ videantur esse Græca nomina Deorum Dearumve, aut hominum inter Græcos notabilium illustriumque, neque tamen quicquam minus voluisse, quam quod eæ personæ, quarum apud eum sunt nomina, fuerint vel Dii vel Heroes Græcorum. Quantum ad res ipsas, Homerum ait multas partes Historiæ sacræ notare, non ea serie loci ac temporis, qua Sacra Scriptura, verum obiter, ubi incidit occasio aliquid vetus commemorandi, in conventu aliquo, in quodam colloquio. Vicissim varias tractare res nihil facientes ad Historiam sacram, etiam amplis & copiosis narrationibus, etiam integris libris. Cujus generis illa de navigatione Ulyssis Odyssei lib. V. quæ de Scylla & Charybdi, quæ de Circe, & plura, præsertim in Iliade. Sic igitur per illum Scripturam sacram potuisse innotescere Gentilibus, sed tectam & in fabulas conversam: ut fuerit ille tam pater mendacii, quam veritatis. Vixisse autem illum post tempora Davidis

vidis ac Salomonis, ex eo colligit Noster, quod non obscuram
 παῖσιν horum Regum faciat mentionem in Iliade. Sed & post
 tempora Jeroboami, primi regis X tribuum vixisse, colligit ex hoc,
 quod & hujus regis meminerit. Et cum aliqua probabilitate posse dici,
 vixisse post tempus Amri sive Omri, sexti regis: quo regnante invalue-
 rit religionum quasi confusio, & Samaritana incoeperit, & Idumæi
 Sidoniorumque res floruerint, eorumque ingens coeperit esse au-
 ctoritas in populo Israelitico, tum vero incuria in custodienda Scri-
 ptura Sacra. Certe fuisse Homerum doctum linguam Hebræam,
 doctum Hebræorum historiam, ut, ubi vellet, hanc potuerit ea in
 lingua tradere. Sed *Ὀμηρον* non videri nomen Poetæ, quin po-
 tius titulum ejus operum atque indicem argumenti. Esse no-
 men Hebraicum *רמון* Omer, *orator, rhetor, vel commentarius*, ab
 רמון Amar, *dicere, eloqui*. Nam & nomina illa *Ὀδυσσεύς* & *Ἰλιά-
 δης*, non ab auctore indita fuisse, verum ab iis, qui postea auctoris
 opus sua opera ita distinxerint. Similiter nomina *Hesiodi, Theogni-
 di & Phocylidis*, ipsorum Poematis fuisse indita. Scripsisse Home-
 rum libros suos non ea serie ac numero, ut quidem nunc extant,
 sed variis temporibus, per varias partes, quas vel Pisistratus, vel
 ejus filius Hipparchus, in eum redegerint ordinem, quo nunc habe-
 mus, eo tempore, quo Athenis constitutum, ut versus Homeri in
 ludis Panathenæicis publice legerentur: quomodo quondam Dei
 mandato Lex Mosaica, septimo quoque anno, in Festo tabernacu-
 lorum, a sacerdotibus universo Israeli prælegebatur. Exhibere no-
 vissime celeberrimum Gronovium, in secundo Volumine Thesauri
 Græcæ Antiquitatum, picturam marmoris, quam Homeri *Ἀπο-
 θείων* vocant, & nos quoque in his Actis A. 1683 p. 538 exhibuimus.
Elegans, inquit Noster, *Marmor, ubi suos amatores invenit: neque e-
 nim omnes, ut pueri, istiusmodi imaginibus ac pupis trabuntur*. Equi-
 dem Homeri librum, pergit Noster, esse in multis partibus allegoricum,
 symbolicum, emblematicum. Atqui in his cum sequatur Scri-
 pturæ S. iterum viam docendi vulgatam tritamque, esse adhuc
 totum Homeri opus historicum. Unde permirum videri debere,
 accidisse post Natalem Comitem, G. J. Vossium & alios, etiam
 nostro tempore Francisco de Salignac, Archiepiscopo Cameracensi,
 præceptori Ducis Burgundia, quod voluerit librum quartum Odyf-

c. 4.
c. 6.

c. 4.

p. 67.

c. 9.

p. 162.

S. II.

c. I. p. 14.

seæ Homeri hieroglyphice interpretari, & erudire Principem juventutis Gallicæ argumento symbolico, tanquam ex Homero desumpto, repletoque cunctis lascivis ac mollibus Decorum Deorumque sermonibus actionibusque, atque id stylo accuratissimo, quo videlicet adolescentes, sua sponte ad voluptates adhinnientes, hoc magis illiciantur inescunturque. Et mirum, potuisse a se impetrare Curiam Romanam, ut cum in hujus Antistitis libros religiosos asceticos tam acerbe stylum strinxerit, nulli censuræ subiceret hunc ejusdem librum amatorium, habentem quidem salem, ostentantemque penetralia virtutis ac honestatis, at totum eo ducentem per sacellum fallacis & ambitiosæ idololatriæ Gentilium, vanæque superstitionis, & voluptatis. Intelligit librum Gallicæ lingua conscriptum, *Aventures de Telemaque fils d' Ulysse*. Præterea Homerum docet non modo multas habere γνῶμας consimiles S. Scripturæ, verum eas quoque mutuatum esse e Scriptura sacra: nec tamen alias, quam quas invenerit in libris Moïsis, nonnullas quas in reliquis libris Historicis, itemque in Jobo & Psalmis & libris Salomonis. Ubi simul castigatur Zachariæ Bogan Homerus Εβραϊζων editus Oxonii 1658, & Jac. Duporti Gnomologia Homeri, Cantabrigiæ biennio post edita. Edmundum Dickinsonum contendere equidem, Græcos quicquid apud Delphos celebre erat, e Josuæ historia effinxisse, verum vix quidquam eum adferre ex Homero. Jac. Capellum sensisse quidem, Homerum legisse Scriptores sacros, & ex his ipsis fontibus multas sumpsisse sententias; res tamen ne hunc quidem ex eo allegare. Eundem Capellum laudari magnopere a Th. J. ab Almeloveen in Specimine Antiquit. atque congerere hunc omnia e prophanis auctoribus, quæ similitudinem habeant cum historiis Mosaicis; ne de verbo autem ullo, nedum de re quapiam, Homeri meminisse. Dan. Heinsium in Aristarcho S. promittere, se alicubi ostensurum, *Homerum omnia deprompsisse ex Oriente, quod ad caeremonias, ad res, ad voces*; nusquam tamen ne verbo quidem præstitisse. Vossium, Bochartum, & Ezech. Spanhemium, multa ex antiquis Poetis eliciuisse, quæ spectent ad res in Sacra Scriptura narratas; tale tamen quidpiam de Homero nihil. Dan. Huetium in Demonstratione Evang. ubique in Poetis & alijs auctoribus veteribus invenire Moïsem; ex Homeri autem

tem

tem scriptis duo duntaxat adducere loca, quæ ad historiam quandam in Scriptura relatam transferri possint. Unus, addit, est Gallus, qui propter suam jactantiam ac promissionem inanem satis orbi erudito vapulavit, & quandoque nominatim propter ea, quæ aliis abstulit atque edidit pro suis, venit in Catalogum plagiariorum. Thom. 1^o. Perperam etiam Everardum Feithium libris 4 Anti-quit. Homeriarum, omnia in Homero ad Græcos retulisse, monet. In parte speciali præstruit, descriptionem Patriarcharum fieri in Odys-see cum primis sub persona Ulyssis, sed venientis alio atque alio nomine; quemadmodum & opus obitu Ulyssis, ita ut re ipsa sit nomen Mosi, concludatur. Itaque illum Ulysssem aliquoties recurrere, & jam abire, & obire, jam redire, isti primo similem. Id indicari verbis L. II. v. 175. εἰκὼς τῷ Ἰνίαι τῷ, similis illi uni ipsi, non vigesimo anno; item cum L. I. v. 1. dicitur ἀνὴρ πολύτροπος, multiformis, non versutus. Nam & Scripturam Sacram non semel nomen vini proprium imponere alteri, etiam diutissime post venienti. Penelopem, uxorem Ulyssis, æque esse nomen commune & appellativum, ac toties ita vocari, quoties femina quædam dignitate præstans & curans bene negotia domestica venit nominanda. Patriam utriusque appellari *Ithacam*, non solum illam, sed, quod inauditum ad hunc diem usque, Mesopotamiam, Hebr. נִי. i. e. *insulam, regionem*, & תְּחֵי תְּחֵי *Thavech medium*, elisa litera, inter duos annes, Euphratem ac Tigrim. Hinc Homero Ἰθάκην ἀμφιάλον, *mari circumdatam* Lib. I v. 385 & 394 dici. Alibi vocare Ἠλύσιον πεδίον, non campum Elysiurn, sed Mesopotamiam felicem. Nam πεδίον congruere cum פַּדְדָן *Paddan*, quo nomine Moses Mesopotamiam vocet Gen. 48. 7. ἡλύσιον esse תְּלַע *Alei*, lætus, exultabundus. In Ithaca designari ab Homero urbem Ulyssis patriam Κρήτην Lib. 19 v. 172, non Cretam Græcorum insulam, sed Babylonem, ubi lingua mixta. Nam Hebr. קֶרֶת *Kereth*, Chald. קֶרֶת *Kareta*, dici urbem, & κατ' ἐξοχὴν intelligi Babylonem. Homerum ergo hoc, quod dicit de mixtura linguarum, hausisse ex verbis Mosi de Babylone, Gen. XI. 9. In vicinia Babylonis fuisse Κνωσὸν, magnam urbem, & קֶרֶת *Canoa*, æstus, fervor. Hanc alio nomine Hebr. vocari חַרְחַל *Chamm*, חַרְחַל *Chari*, æstus, ardor, Græcis Κάρυται, ubi There & Abraham & Nahor vixerint, & in qua Isaacus & Jacobus sibi uxores asciverint. Eandem esse urbem, quæ Homero lib. 4 v. ult. vocatur

P. 179.

C. 13.

C. I.

C. 2.

tur Ἀσπὶς, ab אַשְׁתָּר *Asthar*, pecus, grex: quod qui illic degebant, his maxime in usu esset facere rem pecuariam. Porro genealogiam Ulyssis & cognationem exhibet ex eodem loco Homeri, lib. 19. v. 179 seqq. Ibi enim juniorem aliquem Ulysses enarrare majores suos, quorum singula nomina sint Hebraica. Μίνως enim Nostro est Abrahamus, a מֵאָה *Mea*, centum, centenus, & נֹוֹץ *Nous*, germinare, quasi dicatur *germinans etiam centenos annos natus*. Fuisse autem Abrahamum natum centum annos, quum ei nasceretur Isaak. Gen. 21, 5. Convenire id etiam Semo. Minos Homero Rex novenus, ætate vel generatione. Abrahamus autem non verbis, sed re, nonus generatione in posteritate Semi, filii Noachi Gen. c. XI, pater celsus & habitus uti princeps Dei, Gen. 23, 6. Atrides Homeri est Lotus, cum suis domesticis, Hebr. *latens, absconditus*. Alio nomine Παδάμανθος, Hebr. *soporatus*, & sic tamen *se extendens*, & *floridus*. Ilium Homeri est Hebr. אֵילֹן *Eil, אֵילֹן Elon*, planities, locus campestris, spatiosus. Trojam Hebr. esse תְּרוּעָה *Tberous*, clamorem, vociferationem. Nimirum Abrahamum & Lotum abeuntes ex Ure Chaldaeorum, venisse Carras sive Charan, deinde accepisse sedem *planitiem* Jordanis, ac Lotum quidem extendisse tentoria usque ad Sodomam. Cumque hæc una ex urbibus planitiei, propter flagitia *clamantia* versus coelum, igne cœlesti deleta esset, Lotus *occultavit* se in spelunca, ubi *vino somnoque sepultus* factus est pater duorum filiorum, unde infinita multitudo hominum. Hunc Lotus Homero alio nomine Ποσειδάων, *potens sui generis auctor*. Minois filius *Dencalion*, quasi Hebr. destinatus in holocaustum, verum ex isto periculo ereptus. Hunc esse filium Abrahami, Isaacum. Alio nomine Telemachum, quasi agnum mactatum vel percussum, vulneratum. Filius alter Abrahami ex pellice, Ismael, dicitur fuisse Castor, Hebr. קַסָּף *Casat*, sagittarius, arcitenens. Gen. 21, 20. Porro Ulyssis frater major natu Homero, Ἰδομενεύς, ab Edom, rufus Esavus. Et hunc similiter vocari hic Telemachum a תֵּלַע unde תֵּלָל *ibola*, ruber, coccineus, & מַחֲצֵ *Machas*, perfregit, ut sit ille *qui matris vulvam perfregit*. Ludere enim Homerum nominibus, pro natura personarum. Quin imo Lotum ipsum venire sub persona Ulyssis etiam, & Abrahamum, Isaacum, Jacobum, item Moysen, at quem-

C. 3.

quemque suo ordine ac tempore. Fusius autem ea, quæ di-
ximus, aliæque recensentur in sequentibus. Ac primum eruitur incen-
dium Sodomæ ex versibus primis libri I hoc modo: conatum quidem
Ulysseni magna cura, uti suam, sic amicorum animam in excidio
Trojæ servare; verum nihil profecisse, etiam si immitteret se in eos,
(ἰέμενος,) minitans illis, ni excederent, missum iri in eos ignem.
Repetuntur autem ac suppleantur hæc ex lib. 4 v. 246 seq. Σπῆρα
καὶ ἀμφ' ὤμοισι βαλὼν, οἰκῇ ἑοικώς, quæ ita Noster transtulit:
ingressus magnam Trojanorum urbem vibrabat circumquaque
numerosas sententias ignis, qui eos liquaret, gerens se similem
istorum duorum virorum, similem δέκτῃ, i. e. δικάστῃ, iudici inter
eos, qui tamen non erat. Latere enim hic iterum Hebraica obser-
vat in vocabulis Græcis, κακὰ, σπῆρα, ὤμοι. Quorum nihil o-
mnino assequuti sint Latini interpretes: Vilibus pannis circumje-
ctis ad humeros, servo similis, alteri se ipsum viro assimilavit mendico.
Ceterum viros Trojanos periisse v. 7 lib. 1 αὐτῶν γὰρ ἀτασθαλί-
ᾳ: voce iterum Hebræa, quæ verbis multiplex unum significet,
execrabile facinus cum viris, תלולת - שׂן - תלולת Et is thala,
Et, cum, is, vir. Theala, execratio. Neminem enim potuisse dicere,
unde nomen hoc sit derivatum, & quomodo possit existimari esse
Græcum. Poenam ipsam exprimi v. 8. 9

c. 4.

ἡπίοι, οἱ καταβῆς ὑπερίον ἡελίου
ἡδίων αὐτὰρ ὃ τοῖσιν ἀφείλατο νέστιμον ἡμαρ.
Noster: fani, qui Sole supergradiente devoraverunt illos in mares
peccatores. Et abstulit idem Sol ipsis redeuntem diem. Nomen
enim καταβῆς iterum Hebraicum esse, flexum licet ad modum
Græcæ vocis βῆς, compositum a כתב Catbat contundere, &
שׁוּב Bos, pudenda. Et qui se perditum eunt invicem nefanda li-
bidine, devorare se dici, velut suo se cibo replentes, suisque deliciis.
Accidisse autem Ulyssi, v. 13. ut cum se ex hac calamitate eriperet, sua
uxore privaretur. Hanc ait esse historiam illam Loti, Gen. 19. cui ob-
jectum sit similiter v. 9. quod indefinenter agat iudicem, quique
uxore sua in incendio Sodomæ orbatu sit. Eandem historiam
recurrere in Odyssæa pariter & Iliade, quæ singula hic non perse-
quimur. Historiam Loti concumbentis cum filiabus in spelunca
montis, unde nati Moabita & Ammonita, Gen. 19, 30. seqq. de-
pre-

c. 5.

prehendit Cl. Crœsius eodem libro I Odyssææ, ubi Ulysssem detinet v. 14. 15 nymp̄ha Calypso in specubus cavis, cupiens eum sibi esse maritum, i. e. ut faceret sibi, quæ maritus uxori. Cum hac nymp̄ha conjungi v. 71 & postea in universo opere *Θόωσαι*, aliam nymp̄ham, quæ Ulysssi mixta in specubus cavis peperit ei Cyclopem Polyphemum, filia Phorcynis, regis Maris mortui, ipsius scilicet Ulyssis. Sic igitur exponit Homerum v. 22 seqq. Ulysssem seu Lotum non omnino accessisse Æthiopus longe semotos, ultimos virorum, Occidentales & Orientales, sed dum in specubus illis cavis habitaret, sua ebrietate ac vino eo accessisse, uti saltu protulerit genueritque duos populos montanos & feros, alteros Occidentales, alteros Orientales. Nam *μετεκίαθε* esse a *μέθη* ebrietas & a *κίεν* saltu proferre. Æthiopes in Scriptura esse Cusim, homines facie a Sole adusta, ab *αἶθω* & *ὄψις*. Habitasse autem Ammonitas & Moabitas loca montana, Sodomæ veteri ultra mare mortuum finitima; illos versus Orientem, hos versus Occidentem. Appellari *τηλοθέοντας*, feros, *ἰχάτας ἀνδρῶν*, viros ortos e duabus sororibus, ab *ῥῖν* vir, & *ῥῖν* Achaor, sorores. Fuisse eos *δυσομφύς*, ex terra Gigantum, omnia conterentium, a *ῥῖν* *Doiu*, terere, & *ἑμῖν* *Emim*, Gigantes. Deut. 2, 10. 11. 20. Cumque Moabitarum & Ammonitarum termini fuerint montes Abarim & fluvijs Arnon, Num. 21, 11. 13. & 22, 36. eosdem terminos his nominibus etiam Homerum signare, ut notet, utrumque populum unam suorum sacrorum communitatem habuisse, v. 25. *ἀντιόων ταύρων τε καὶ ἀρνεῖων ἑκατόμβης*. Abirim enim Hebr. esse ταύρας, & ἀρνὸν Hebr. nomen fluvij. Porro Deum verum, (non omnino Neptunum,) ex eo tempore infestum Ulysssi, non occidisse eum quidem, tamen abegisse a patria in viam erraticam, v. 75. Ac *συγχρητισμὸν* Abrahami & Loti diu postea commemorari ab Homero Lib. 3. v. 304. & Lib. 5. v. 520. Imo toties eum fere exprimere & repetere hanc historiam, quoties referat in hoc opere concubitum hominum furtivum, maxime lib. 5. Redit ad Historiam Abrahami Cl. Auctor, ostenditque, multa occurrere apud Homerum, quæ a Mose descripta sint Gen. 15, 1-5. 16, 1. seqq. 17, 16. 18, 18, 10. 14. 21, 10. 14. Mitti nimirum a supremo Deo Jove *Ἀθήνην*, Minervam, Archangelum, (qui Jovem nominet suum parentem; assessor, qui alicui sit clypei instar ac multa merces, *γλαυκῶπις Ἀθήνη*)

c. 6.

p. 286.

MENSIS FEBRUARII A. MDCCCV. 83

17) ad Ulysssem, Abrahamum, & Nympham *εὐπλόκαμον* Saram, in Ithacā, *ut ei exciset filium*. Lib. 1. v. 88. Excipi autem ceu charum & Jove genitum hospitem honorifice, v. 120. Et hinc ortum inter gentiles, quod homines antiqui propter justitiam suam fuerint *θεοῖς ξένους*, qui illos hospitio exceperint. Pausaniam hoc sumpsisse e verbis Homeri Odyss. L. 7. v. 203. Minervam porro interrogatam a Telemacho, ut sibi dicat, quæ vere sit, respondere v. 179, & iterum v. 418: *Μέντης ἀγχιᾶλοιο δαΐφρονος υἱός*. Nomen *Μέντης* Hebraicum esse, notans, *qui vere est, fuit atque erit*: filium *δαΐφρονος*, ite-
 18) Hebr. ejus, qui fructuosum reddit ac fecundat: *Ἀγχιᾶλον*, ite-
 dem nomen Hebr. ac Dei singulare, *qui juret per se*. Abrahamum describi v. 189. seqq. ceu senem incurvum, humi repentem, nomine Laertis herois, qui moleste ferat, *quod sit sine liberis*: cujus uxor *ἀμ-
 Φίτολ*, vetula, multa caligatione oculorum laborans. Et hanc habuisse ancillam Eurycleam, quæ & Penelope hic vocatur, uxorem secundariam, Hagarem nimirum, matrem Ismaelis, sive Telemachi. Homerum noluisse rem dicere aperte, neque illum vocare filium non legitimum, docere tamen, notam inesse aliquam, Lib. 2. v. 86. Euryclea Homero etiam appellatur *Ἠγήτωρ Μέντης Ταφίων* Lib. 1. v. 105. Videturque Nostro *Ἠγήτωρ* esse *Ἠγερ*, (insertis duabus li-
 teris, ne nimis manifesta esset locutio poetæ, suas res occultantis,) Hebr. Hagar, a peregrinando. *Μέντης* Hebr. h. l. *nurix*. Taphii, (Hebr. a rapiendo) Ismaelitæ, Arabes, alibi Hagerim in sacris, 1. Chron. 5, 20. Cumque Antinous illam e domo ejiciendam urgeret, durum id visum Telemacho, L. 2. v. 130. Respicere autem Homerum ad legem Hebræorum, de dimittenda uxore secundaria, & de danda portione filio uxoris repudiatæ. Exod. 21. & Deuter. 21. Tandem discedere Telemachum cum matre, *non absque consilio Dei*, datisque ei amphoris vino plenis duodecim, & utribus viginti farinæ. L. 2. v. 371. Bellum porro Abrahami adversus Regem Helami Cedor-Laomor, ejusque socios Gen. 14. perspicue recenseri ab Homero L. 3. profite-
 tur Noster, atque in primis historiam Melchisedeci. Dicit enim Nestor v. 278. seqq. se & suos venisse ad *Σύνιον Ἰεθὺν ἄκρον Ἀθηνῶν*, ad *hospitalem supremum Sacerdotum forissimorum*. *Σύνιος* enim Autori nostro est h. l. a *Σύνιος* *Σουνα*, hospes, qui cibum & ali-
 mentum præbet. Ibi ergo ait Nestor *Φῶκος Απόλλων κατέπεφνε*.
 L. 2

c. 7.

νελάς κίβερνήτην ἀγαθοῖσι βέλεσσι, *Sacerdos anguste sancteque colendus fecit respirare Menelai sodalitium nutans ac delassatum a praelio, suis panibus ac pibalis vinariis.* Postremum venisse se Nestor ait v. 287. ad μαλαίων ὄρεσιν, ubi notentur decimæ, quas Abrahamus obtulit Melchisedeco: nam מילין *Miluin* esse oblationes, consecrationes. Sed & ex εὐλογία ejusdem Gen. 14, 9. sumptum esse, quod Homero Deus vocatur Ζεὺς αἰγίοχος v. 42. & Ποσειδάων γαίης ὄρεσιν, v. 55. *excelsus possessor cæli atque terra, Deus in se sufficiens.* Spirare ergo in oratione Poetæ sermonem Sacrae Scripturæ. Et huic Deo esse sacrificatum, ἐνοσίχθονι κυαιοχαίτην v. 6. *punienti peccata, & nihilominus gratioso, ac condonanti peccatoribus.* Repetita enim hæc esse e verbis ipsius Dei, Exod. 34, 6. 7. Dignum nunc est videre, quid de immolatione Isaaci apud Homerum repererit Cl. Autor. Ubi notat primum, Abrahamum rem tantam filio non nisi sensim ac tractim insinuasse potius quam manifestasse: *Deus ipse sibi prospiciet de agno ad holocaustum*, Gen. 22, 8. Sic apud Homerum Minervam ad Nestorem, cum jam sacrificium Deo omnipotenti faciendum esset, dixisse, τοῖο γὰρ ὦρεσιν, *pro ὄρεσιν, ad est enim tanti, omnipotentis, prævisio.* Lib. 3. v. 334. Tecte iterum Minervam dicere, se velle mane ire ad καύκωνας magnanimos, ubi sibi χρεῖσθαι debeatur neque νέον neque ὀλίγον, *ad principes sacerdotes holocausti, ubi sacrificium sibi debeatur, neq; juvenile neq; infantile.* v. 367. Hic cum filium Ulyssis Telemachum peti intelligeret Nestor, stupor equidem invasit omnes, v. 371. statim tamen illum (i. e. agnum mactandum h. l.) manu apprehendit, hortaturque, ut jam nunc haut ignavus sit neque imbellis: Deos enim illum comitari. Actutum vero Nestor orat Minervam, ut sibi propitia sit, & largiatur pro Telemacho sacrificare bovem legitimam, indomitam, quam nemo vir iugo subdiderit, h. e. juvencam optimam, v. 373-383. Et hanc esse dicit Noster expressionem poetæ ad verba Scripturæ, Num. 19, 2. & Deut. 33, 17. Atque audivisse in hoc Minervam senem illum, effusasque deinde d. ras devotioni debitas super hostiam bovis jugulationi destinatam. Describi hic etiam ritus agni Paschalis mactandi & comedendi a tota quaque familia. Interea vero Telemachum, (habitum velut mortuum,) domi a suis ablutum, unctum & indusio pulchro tunicaque fuisse indutum, v. 437-468.

se-

MENSIS FEBRUARII A. MDCCV. 85

secundum morem pollincturæ. Sed sistendum hic. Jamdudum enim excitatum in animis Lectorum arbitramur desiderium videndi tum reliquas in Opera Homeri meditationes, quas se ait habere confectas, tum alia scripta Cl. Croesii, quæ p. 6. 84. 147 promittuntur.

THESAURUS ANTIQUITATUM GRÆCARUM
contextus & designatus ab JACOBO GRONOVIO.
Volumen Nonum & Decimum.

Lugduni Batavorum, apud P. van der Aa, 1701, fol.

Vol. IX constat Alphab. 8, plag. 21.

- X -- Alphab. 10, plag. 16.

Series Scriptorum, quæ in nono Volumine inveniuntur, hæc est:
Jani Cornarii, Medici Physici Zwiccaviensis, *de Conviviis veterum Græcorum libellus*, pag. 1. Andreae Baccii *de Conviviis antiquorum, deque solenni in eis Vinorum usu, atque ritu Cænarum, summo, libris quinque*, pag. 21. Jo. Baptistæ Casalii *de Tricliniis, Conviviis, Hospitalitate & Tesseris veterum exercitatio*, cum figuris, p. 121. Josephi Laurentii *opuscula de Conviviis, Hospitalitate, Tesseris & Sirenis*, p. 161. Jacobi Sponii *de origine Srenarum dissertatio epistolica, historico-moralis*, p. 205. Jacobi Philippi Tomasini *de Tesseris Hospitalitatis liber singularis, in quo jus Hospitalii universum, apud veteres potissimum, expenditur. Accedunt quadam ex Ant. Augustino, & Jo. Chifletio, ad maiorem illustrationem hinc inde inserta, cum figuris*, p. 213. Josephi Laurentii *de Prandio & Cæna veterum, ac de aliis ad eadem spectantibus, miscellanea*, p. 285. Petri Castellani ΚΡΕΩΦΑΓΙΑ, sive *de esu carniū libri IV*, p. 353. Hieronymi Mercurialis *de Potionibus ac Eduliis antiquorum mantissa*, p. 465. Joannis Freinshemii *dissertatiuncula de Calida Potu*, p. 493. Adriani Turnebi *de Vinis ac ejus usu & abusu libellus*, p. 517. Jo. Henr. Meibomii *de Ceramis veterum, poribusque & ebriaminibus extra vinum aliis commentarius*, pag. 537. Jo. Baptistæ Casalii *de Thermis & Balneis veterum tractatio, cum figuris*, p. 633. Petri Servii *de Odoribus dissertatio philologica*, p. 645. Lazari Bayfi *de Vasculis libellus, sive animadversiones in tractatum de Auro & Argenta legato, cum figuris*.

guris, p. 677. Pomponii Gaurici *de Sculptura, sive Statuaria liber*, p. 725. Ludovici Demontiosii *commentarius de Sculptura, Calatura gemmarum, Sculptura & Pictura antiquorum, libri duo*, p. 777. Aldus Manutius Pauli Fil. *de Calatura & Pictura veterum*, p. 803. Philostratus *de Pictura*, p. 807. Julii Cæsaris Bulengeri *de Pictura, Plastica, Statuaria libri duo*, p. 809. Jo. Baptistæ Casalii *de Insignibus, Anulis, Fibulis, &c. syntagma cum figuris*, p. 893. Josephi Laurentii *de re Vestiaria syntagma*, pag. 921. Otthonis Sperlingii *de Crepidis veterum diatribe*, p. 961. Theodori Gazæ *de Mensibus Atticis liber, ex interpretatione Jo. Perrelli*, pag. 977. Jo. Perrelli *de ratione Lunæ Epactarum, & mensis intercalarii commentariolus*, p. 1009. Petri Hagueloni *Calendarium trilingue, seu de Mensibus Hebræorum, Græcorum & Romanorum dialogus, ex optimis quibusque auctoribus collectus*, pag. 1017. Joannis Lalamantii *dissertationes tres, I. de Tempore & ejus partibus, II. de Anno Macedonum, seu Græcorum, III. de Anno Attico*, p. 1041. Petri Castellani *de Mensibus Atticis, nec non de Mensibus & Anno Græcorum, Atheniensiumque diatriba*, p. 1081. Samuelis Petiti *de Anno Attico eclogæ chronologica*, p. 1109. Stephani Pighii *Themis Dea, seu de lege divina*, p. 1137. Ejusdem *Mythologia ΕΙΣ ΤΑΣ ΟΡΑΣ, vel in anni partes, ex symbolis antiqui cujusdam toreumatis argentei, quod extat apud Rev. D. Antonium Perrenotum, Episcopum Atrebatensem, cum figuris*, p. 1185. Jacobi Usserii *de Macedonum & Asienorum Anno Solari dissertatio, cum Græcorum Astronomorum parapegmate, ad Macedonici & Juliani anni rationes accommodato*, p. 1205. Josephi Laurentii *de Annis, Mensibus, Diebus, Horis, &c. tractatio*, p. 1269. Phlegontis Tralliani *de Olympiis fragmentum, cum Latina interpretatione & notis Jo. Meursii*, p. 1289. Erycii Puteani *Olympiades, sola manu, ut vere anni mundi respondent, computata*, p. 1297. Joannis Meursii *Denarius Pythagoricus, sive de numerorum, usque ad denarium, qualitate ac nominibus, secundum Pythagoricos, liber singularis*, p. 1329. Joachimi Camerarii *historia rei Nummarie, sive de Numismatis Græcis & Latinis*, p. 1401. Leonhardi Porcii *de re Pecuniaria antiquorum, & de eorundem Ponderibus, Mensuris, Stipendiis militaribus &c. libri duo*, p. 1433. Josephi Scaligeri, Jul. Cæs.

MENSIS FEBRUARII A. MDCCV. 87

Cæf. F. de re Nummaria antiquorum dissertatio, liber postumus.
Ex Bibliotheca Academiæ Lugd. Bat. p. 1493. Willebrordi Snellii
R. F. de re Nummaria, liber singularis, p. 1549. Caroli Patini de
Nummate antiquo Augusti, & Platonis epistola, p. 1589. Seba-
stiani Fazschii de Numo Pylemenis Evergetæ, Regis Paphlagoniæ
epistola, pag. 1601.

In præfatione pro more adnotat loca, vel perperam citata,
vel non satis intellecta, hocque adeo nomine varia doctrinæ & an-
tiquitatis capita illustrat, & de Græciæ monumentis optime mere-
tur. Inter alia ista Philonis de plantatione Noæ verba : *περὸ φέ-
ρου τοῖς οἰνοχομαῖνοις καλέουντες*, quæ a Freinshemio de Calidæ
Potu cap. I. §. 1 citantur, explicat, affirmatque, *περὸ φέρου τοῖς οἰ-
νοχομαῖνοις* dici convivas, qui os & labia componant ad ea, quæ
infusa sunt, haurienda, atque adeo admoveant vel calici vel patinæ,
ut inde gustent, ac vescantur. Hinc conficit, Jo. Freinshemium mi-
nus idoneam interpretandi rationem secutum esse, quando *οἰνοχομα-
ίνας pincernas* convertit. Quod ad Laurentii schediasma de
Medicis ac Balneis antiquorum attinet, monet verba de Antonio
Musa, quæ exhibentur col. 625, non esse Dionysii Halicarnasæi, sed
Dionis Cassii Cocceiani ex libro LIII, pag. 517. Eadem scribendi le-
vitæ factum esse, ut in schediasmate de Re Vestiaria col. 944.
loco Justinii de Lysimacho & leone præscripserit Suetonium. Eo-
dem errore ductus est Jo. Bapt. Casalius de Insignibus, Anulis, Fibu-
lis, qui col. 898 Hirtii verbis de Scipione Africano agi putat, cum
intelligatur socer Pompeji. Non minus in Pighii Themide col.
1154 prave legitur : *verum D. Lactantius Uranum Latine Ca-
lestum interpretatur*; quum respiciat ad verba capitis XI lib. I de
falsa religione : *Jupiter in eo loco suspexit in cælum, quod nomi-
natur Ουρανός*. Id vero admodum juvenile videtur, quod Ludo-
vicus Demontiosus de Sculptura col. 784 pronunciavit, Bruto
nempe, qui Reges expulit, statuam positam non fuisse. Aliter enim
Suetonium in Jul. cap. 80 tradidisse, his usum verbis : *Subscribere*
quidam L. Bruti statua, utinam viveres! Non minus rejicit,
quæ paulo ante citatus Pighius col. 1163 scribit : *Itaque Veneris a-*
cer pellen est, quem idcirco Cytheriacum appellat Naso Poeta
de Salmaci canens : Sape Cytheriaco deducit peline crines;
quum

quum in loco illo jamdudum ediderint *Cytoriaco*, & nimis esset confusum, ut quod Themidi proprium symbolum datum fuit, tamen diceretur Venerium. Imo vero rem sponte loqui, & Cytorum montem rasile buxum suum pectinibus faciendis approbavisse etiam per ipsos Poetas.

Volumen decimum uberem ingeniorum copiam & varias exercitiorum amœnitates recenset, cujus scripta hoc se ordine excipiant: Ludovici Cresollii *Theatrum veterum Rhetorum, Oratorum, Declamatorum, quos in Græcia nominabant ΣΟΦΙΣΤΑΣ, expositum libris V*, p. 1. Diligenter hoc opus in præfatione celeberrimus Gronovius persequitur, variosque naves indicat, e. g. quod col. 204. scribat, Apollonii sectatores in Græcia nominatos fuisse *Ἀπολλωνίῃς ἡκίας*, cum legendum sit *Ἀπολλωνίῃς σκιάς*. Origenis *PHILO - ΣΟΦΗΟΤΜΕΝΩΝ fragmentum*, quod ex bibliotheca Medicea descripsit, ac notis illustravit Jacobus Gronovius, *Græce & Latine*, p. 249. Meminerunt jam pridem hujus opusculi viri clarissimi, Lucas Holstenius, Joannes Pearsonus, Ægidius Menagius, (qui partibus inde petitis observationes suas ad Diogenem auxit) & Petrus Daniel Huetius. Id solummodo interest, quod Menagius & Huetius non ipsi Origeni, sed alii potius sub Origenis nomine latenti tribuant. Quos proinde Gronovius confutat, ac inprimis Huetii objectionibus respondet. Descripsit vero Gronovius ex codice, chartaceo illo quidem, at auro pretiosiore, quippe unico, in quo emendatissimum sit Arriani *Ἀναβάσεως* Alexandri Magni exemplar, eadem manu scriptum, & unde Gronovius olim egregia illa ejus Scriptoris supplementa, & nuperrime opus integrum edidit. Præterea cum ipsum codicem esse ait, in quo Hieroclis ad aurea Pythagoræ Carmina eruditissimus commentarius tam integer & inviolatus exhibetur, ut non aliunde æque, ac ex hoc ipso volumine, colligi possit, quam maculosi codices ab typographis nostris, ad multiplicanda exemplaria usurpati fuerint. Dividit Origenes in hoc fragmento Philosophos in quatuor classes, Physicos, Ethicos, Dialecticos, Barbaros, id est Brachmanes & Druidas, singulorumque opiniones refert, & refutat. Sequuntur hunc libellum Guilielmi Morellii *de veterum Philosophorum origine, successione, ætate & doctrina tabula compendiosa*, cum Hieronymi Wolffii annotationibus, p. 293. Davidis

Chy-

Chytrai *Tabula Philosophica, sive series Philosophorum, & sectarum* præcipua, a Thulete & Socrate imprimis, usque ad Cicero-
nem deducta, p. 346. Desiderii Jacotii *de Philosophorum doctrina*
libellus, p. 349. Joannis Meursii *Æschylus, Sophocles, Euripides,*
sive de Tragediis eorum libri tres, nunc ex ipsius Auctoris chiro-
grapho aucti, p. 393. De Æschylo Meursii tradit, multa ex ipso de-
cerptisse Thomam Stanlejum, imò integras fere paginas 638, 639,
640, 641, 642, 643, 644, 645, deberi huic opusculo, quod tamen
maluerit Stanlejus lectori permittere ad cogitandum, quam ipse
confiteri. Plutarchi *Alexandrina Proverbia Græca*, ex Bibliotheca
Medicea, cum interpretatione Latina Jacobi Gronovii, nondum
ante hæc edita, extant in præfatione, pag. 6 seqq. Descripsit hæc Pro-
verbia, beneficio Illustris Magliabequii, Clarissimus Gronovii nostri
Frater, eaque digna judicavit Noster, quæ huic Thesauro infereret,
Extant nonnulla ex Proverbiis apud Erasmum citatis (is enim alle-
gat Plutarchi Collectanea, sicut quoque duo Adagiorum libri inter
amissa Plutarchi opera referuntur) in hoc libello; quamvis Erasmo
ad manum videatur fuisse aliquid auctius, quum ex illis Plutarchi
collectaneis etiam ab eo citetur, quod in hoc numero non depre-
hendes. Sunt eorum CXXXI, & his verbis finiuntur: Πλατάρ-
χῃ παρρησίᾳ, αἷς Ἀλεξανδρείᾳ ἐχρῶντο; quanquam Gronovio
non ipse Plutarchus, aut certe non solus ea collegisse videatur.
Joannis Meursii *Thesens, sive de ejus vita rebusque præclarissime*
gestis, liber singularis, pag. 465. Raphaelis Tricheti du Fresne
Epistola de Charonde effigie in Catanensi nummo expressa, apud
Petrum Seguinum in nummo argenteo, pag. 569. Joannis Meursii
Dionysius, sive de Auctoribus istius nominis, eorumque scriptis,
liber singularis, & nunc primum ex chirographo Auctoris editus,
p. 577. Ejusdem *de Heracleide, aliisque ejus nominis & eorum*
operibus dissertatio, nunc primum ex chirographo Auctoris edita,
p. 605. Ejusdem *Theophrastus, sive de illius libris, qui injuria*
temporis interciderunt, liber singularis, pag. 621. Ejusdem *Lectio-*
nes Theophrastæ, in quibus eorum librorum, qui supersunt, loca
aliquot emendantur, p. 647. Accedit Adolphi Vorstii epistola de
obitu V.C. Jo. Meursii ad filium ejus Joannem, juvenem præstan-
tissimum, ut & Epitaphia in ejusdem mortem per A. Buchellium,

& Nicolaum Heinsum, p. 654. *Manus Aeneae Cecropii votum referentis dilucidatio*, Auctore Jacobo Philippo Tomafino, cum figuris, p. 657. Octavii Falconerii *de numo Apamensi, Deucalionis diluvii typum exhibente, dissertatio*, pag. 672. Georgii Schubarti *enarratio parergica metamorphoseos Ovidiana de Diluvio Deucalionis*, p. 701. Tanaquilli Fabri *vita Poetarum Graecorum, ex Gallico idiomate in Latinum translata*, p. 740. De Latina vitarum harum versione ita censet, non in scite modo a Gallicis Latina recedere, sed naves quoque Tan. Fabri studiis indignos, & historiam ac rem ipsam violantes, occurrere. Josephi Barberii *de miseria Poetarum Graecorum liber*, p. 797. Petri Castellani *vita veterum & illustrium Medicorum, qui toto orbe usque ad Seculum XIII floruerunt*, p. 853. Jo. Henrici Boecleri *de Scriptoribus Graecis & Latinis, ab Homero ad initium seculi post Christum natum decimi sexti, commentatio*, pag. 905. Helladii Besant noi *Chrestomathia: Graece, cum interpretatione Latina & notis Joannis Meursii*, p. 949. In his notis col. 952 f. extat operosissima operum Callimachi enumeratio, quam in editione Callimachi, quae ante aliquot annos prodit, repetitam esse ideo agere fert, quod Meursii nomen suppressum, hocque adeo modo industriae Meursianae nonnulla illata fuerit injuria. Joannis a Wower *de Polymathia tractatio: integri operis de studiis veterum ἀποσπασματικόν, cum praefatione Jacobi Thomae; accesserunt praeterea Auctoris vita & elogia in Polymathiam, item tabella Synoptica*, p. 985. Josephi Laurentii *de Professoribus, Oratoribus, Nomenclatoribus & literis collectio*, p. 1161. Jo. Meursii *Bibliotheca Graeca libri tres, ex chirographo Auctoris nunc primum editi*, p. 1181. Ejusdem *Bibliotheca Attica, sive de antiquis Atticis scriptoribus, eorumque item operibus, libri IX, ex chirographo Auctoris nunc primum editi*, pag. 1393. Leonis Allatii *de Patria Homeri liber, cum figuris*, p. 1553. Ejusdem *Homeri natales, cum interpretatione Latina Andreae Bajani*.

A CON-

MENSIS FEBRUARII A. MDCCCV. 91
A CONFERENCE WITH A THEIST &c.

h. c.
COLLATIO CUM THEISTA, CONCERNENS
doctrinam de Animorum Immortalitate. Pars V. Autore
GULIELMO NICHOLLS, S. Theo-
log. Doct.

Londini, apud Thomam Bennet, 1703, in 8. plagg. 18.

Plutabat Vir Clarissimus, postquam quatuor voluminibus in Actis nostris A. XCVI p. 537, XCVII p. 367, Supplem. T. II p. 273, & A. DCC p. 325 non negligeret recensitis, Religionis revelatæ fundamenta adversus profanos homines defendisset, vacationem sibi haud immerito ab ejus generis labore deberi, cum editis posterioribus *de animorum immortalitate cogitationibus*, nescio quis, (*Estibium* enim *Psychaletham* appellat ipse) denuo zelum ejus provocaret. Ejus itaque cavillationibus Dialogo, quem hic instituit, satisfaciendum sibi esse putavit, quo *Estibium* ipsis verbis paulo ante nominati libri suam, *Credientium* vero & *Philologum* veritatis causam agentes, nobis sistit. Initium facit huic disputationi a confutatione persuasionis *Estibii*, quasi periculo careat hic error suus, si error sit, de animis una cum corpore extinguendis, quandoquidem restituenda corpora animata in extrema die esse concedat, & excludendis illis, quas *Estibius* allegavit, creditæ a plerisque mortalium immortalitatis causis, quas educationem, & emolumenta, quibus sacrorum inhient antistites, ille esse existimaverat. Inde ad ipsa argumenta progreditur: quorum primum *Estibius* desumerat a dissensu Philosophorum circa spirituales & immortales animorum naturam, qui cum nihil nos doceant de animo certi, hoc visum exploratissimum primo fuerat *Estibio*, animum accidens esse, non substantiam, & quidem nihil aliud quam motum in materiali seminali cum sensu conjunctum. Quem conceptum tamen *Nostrum* vel hoc uno absurditatis revinci putat, quod hac ratione Adamum tantundem vitæ & motus habuisse necesse sit, quam omnes una mortales, quandoquidem ab eo ceteri omnes fuerint derivati, nihil vero plus, quam ipsum habeat, motus cum altero possit communicare. Quin & motum cum sensatione concipere sibi

sibi non minus difficile videri, quam viridem motum concipere vel amarum. Inde definitionem animæ ab Estibio allatam, quod sit afflatus, materiæ in creatione Divinitus infusus, examinat, & ex ipsa narratione Mosis, ad quam respicere illa videtur, probat, distinctam toto genere animam à materia esse. Cumque porro Estibius multum inservire hypothese suæ posse existimaverit, si evincere possit, bruta animantia ratione gaudere, eam sententiam diligenter impugnat Noster. Utque difficile imprimis solertiæ quorundam animalium, barrorum, equorum, canum solvat phænomenon, non a ratione brutorum, sed ratione Dei hoc esse ait; quod quantum abludat ab eorum sententia, qui Deum tanquam Spiritum universi sibi concipiunt, viderit doctissimus Autor Meditationum de Cometis, cui nuper multorum Philosophorum sapientiam suspectam reddidere ejus generis lemmata. Sed præcipua in eo versatur controversia, an pura puta machina homo sit, mechaniceque eas, quas menti vulgo tribuimus, operationes producat. Negativam sententiam istas potissimum considerationes evincere, Autor arbitratur. Quod certum sit, cogitationem sine mechanico motu dari in Deo, quodque aliquam organorum mechanicorum constructionem atque combinationem cogitationem producere, nullo argumento, nullo modo possit ostendi. Sed tamen adeo a motu sanguinis & animalium spirituum pendere in operationibus suis animam, ait Estibius, ut sibi vel ob hanc causam ejus immaterialitatem & immortalitatem nequeat persuadere: cui id imprimis opponit Noster, quod anima non sit tale agens, quod omnia in materiam possit, quodque adeo instrumento corrupto, non mirum sit, minus expedite suum ei procedere opus. Interea tamen ne in iis quidem, quorum corruptissimum cum spiritibus animalibus cerebrum, furiosis & mente captis, omne perire mentis rationalis indicium, argumento evidenti, illud a materia non pendere penitus. Quod facile separari adeo mens a corpore possit, materialitatem ejus non probare; nam istam rem legibus conjunctionis a Creatore sancitis esse tribuendam, & destructum instrumentum, tanquam sibi inutile, deferere animam. Nec esse, quod hic opponatur difficultas expellendi spiritum malum e corpore hominis obsessi; ejus enim in illo perseverantiam pendere,

sub

sub directione Dei, a voluntate spiritus illius, nec esse eandem conjunctionis animæ cum corpore, quæ ab arbitrio illius non pendeat, sed recta corporis constitutione, rationem. Quod incrementa capiunt per varias ætates animæ vires & potentiæ, materialis naturæ argumentum non esse: nam illa mentis incrementa, corporis haut debent extensioni per illas ætates crescenti, vel hoc evincere, quod optima mens non sit ea semper, quæ maximam corporis molem animat, adeoque a cultura illa esse mentis, & educatione, atque experientia, quæ uno momento perfici non queat. Sed si immaterialis est anima, quam rationem reddemus stuporis in illis, agilitatis in aliis hominibus? quam a materiæ temperie optime Estibius derivari posse credit. Ipsas itaque mentes, in primis originibus suis, majores minoresque sortiri perfectiones, & rationibus & Scripturæ testimoniis firmat Autor, imo & instrumenti perfectionem, hoc est corporis hujus temperiem, aliquid huc conferre posse; unde tamen non magis possit probari, animam esse materialem, quam aerem esse ejus naturæ, cujus est tibia quam inflat, eo quod motum & sonum aeris aliquo modo ab hujus structura pendere, manifestum sit. Quod vero porro urgetur, magis rationi convenientem esse mortalitatem animæ & materialitatem, eo quod facilius concipiatur; in eo & hoc negatur, quod rationi maxime conveniens semper sit, quod facillime concipitur, & quod facilius concipiatur mortalitas animæ quam vita perennis: at cum disputatio de istorum posteriori non dissimilis sit disputationi de gustibus, priori forsitan optime inhæreas, & Autor quoque illud inprimis urgere videtur. Non opus vero, ut prolixi simus in iis commemorandis, quæ reponit Estibio urgenti, quod doctrina de interitu animæ, ut ab ipso proponitur, moraliter non sit turpis, quodque contra, superstitionis pro mortuis precibus, & doctrinæ de purgatorio fundamenta substernat, quæ obtinuit de animæ immortalitate sententia. Certe enim ubi de rei simpliciter veritate instituitur quæstio, supersedere poterunt disputantes illarum quæstionum utraque, & posteriori imprimis facile vel mediocriter sapientes respondere, non erat difficile. Nec magis merebatur responsionem argumentum, quod impossibile non sit, animam interire atque redire, cum hic de eo, quod evenit, non vero de eo, quod evenire

potest, sit quæstio. Quod vero sententiam, immortalitatem defendentem, in multis parum apte coherere Estibius arguit, in eo non male industriam Cl. Autor locavit. Quod ex immaterialitate immortalitas non recte inferatur, concedit; nam & brutis animalibus immateriale principium largiendum esse existimat, quibus tamen immortalitatem vindicare non audet; at ex fine creationis humanoque animo, qui idem persistat semper, continuationem quoque conservationis eorum inferendam putat. Sed quid si argumento illo, ad mundi totius durationem æternam demonstrandam, cum Platonis aliisque Philosophis aliquis utatur? Animam, quæ ne in vita quidem semper cogitet, ad iudicii usque diem cogitandi suspendere actum, atque adeo ad tempus non vivere, non absurdum visum Estibio; at præsuppositum negat cum Cartesio Noster. Difficultates circa unionem spiritus & corporis motas ita solvit, ut dicat esse unionem actionis & passionis, animumque corpori præsentem esse per suam *ἐνέργειαν*. Ex eo, quod Hebraica vox *נפש* vitam significat in sacris literis, non sequi, animam esse materialem; eam enim vocis notionem ceteras, & hanc imprimis, qua *mentem* designat, non excludere; idque eo firmatur, quod omnia naturæ spiritualis & cogitantis attributa *נפש* *נפש* in sacris adscribantur. Immortalitatem in Scripturis tribui animæ, temerario ausu negari; contrarium enim ex Eccl. XII, 7. Matth. X, 28. Luc. XXIII, 43. 2. Cor. V, 6. Apoc. XIV, 13. 1. Corinth. V, 23. patere. Ludicrum plane esse, quod ex eo, quod Salvator mortuos excitans, *redi anima in corpus tuum*, dixerit nunquam, argumentatio instituatur, sed *surge juvenis &c.* Hoc enim, inquit Autor, est postulare, ut omnia dixerit Servator, quæ dici poterant; voluisse autem cum voce *surge* potestatem indicare suam, mortuis vitam restituendi. Quod animæ superstites non appareant, id quod nunquam fieri absolum visum Estibio nisi extinguerentur, inde esse, quod certis legibus sint in statu separationis adstrictæ animæ: imo apparere quandoque, fide dignorum hominum testari narrationes. Argumentum ex historia lapsus sumtum, quæ doceat, per peccatum mortalem factum hominem totum, adeoque & animam ejus, solvitur distinctione inter mortem spiritualem, quæ sit amissio vitæ divinæ, & physicam; hanc corporis, animi esse il-

illam. Quod dicitur, poenam vero non esse mortem corporis, qua anima arumnis illius liberetur; id valere de reſtitutis per Chriſtum conceditur, non vero de impiis, quibus per mortem hujus vitæ detrahantur ſolatia, graviffimis & inſolabilibus malis inde ſuccedentibus. Nec ex doctrina de animæ immortalitate ſequi, corpus, quod hac ratione in ſe ſpectatum pro mole materiæ ignava, vitæ ac ſenſus experte, habeatur, adeoque in peccati partes venire nequeat, injuſte poſt reſurrectionem puniri; proprie enim corpus poenas non ſentire, ſed animam puniri per corpus, per quod etiam peccaverat. Quod Apoſtolus ait, in extrema die ſuperſtites mutandos eſſe, ita cum animorum immortalitate eſſe conciliandum, ut non quoad immortalitatem, ſed quoad ceteras qualitates, & relationes inprimis ad hoc corpus, mutandæ eſſe dicantur. Nec abſonum eſſe, animæ ſuperſtiti felicitatem adſcribere, ejusque conſummationem in extremam diem differri dicere. Nec inde ſequi, duplex judicium eſſe admittendum: bonas enim animas, quæ influxu gratioſo bonitatis divinæ, & expectatione manifenda penitus gloriæ, beatæ ſint, nullo peculiari diſcretionis judicio opus habere, ante ſolennem iſtum nobis præfixum diem: ſimilemque impiorum etiam eſſe rationem. Redemptionem vero Chriſti, quæ totum hominem concernit, animæ immortalitati non obſtare; eam enim a morte ſpirituali, ut corpus a phyſica, liberatam fuiſſe. Loca Scripturæ, quæ renovationem animæ ad diem judicii differunt, centies explicata fuiſſe & vindicata. Novam denique non eſſe illam doctrinam, quod Eſtibiſ urſerat. Apud Græcos enim, diu ante Platonem & Thaletem, eam viguiſſe, ex Homero patere; Senecam Ep. CXVII apud omnes gentes eam receptam eſſe agnoſcere, quod inductione quadam facta oſtenditur, indeque concluditur, in ipſis incunabulis generis humani eam traditam fuiſſe, quæ alias late adeo non potuiſſet propagari. Inprimis vero Judæos hanc doctrinam ſemper tenuiſſe, contra Eſtibiſ cavillationes defenditur, diſputationibusque ſinis gravibus quibusdam monitis imponitur.

NOVA LITERARIA.

Vidimus non ita pridem articulum novi Operis, quo, ut in his Actis libri nuper editi recensentur, ita in vicina Academia Jenensi librorum veterum selectissimi protrahentur in lucem, & ex iis Excerpta luculenta exhibebuntur. *Bibliotheca Antiqua* nomen præferet, & per mensium intervalla publicabitur; quemadmodum jam primum illius segmentum mense hujus anni Januario publici juris factum fuit. Specimen rei a Paulo Colomesio in *Bibliotheca Selecta* dudum fuisse editum, in Actis nostris A. 1684 p. 313 sqq. memoratum a nobis meminimus. Neque ignoramus, simile quid anno 1702 tentatum fuisse Parisius, mense illius anni Julio publicari cœpto & post continuato libello: *Essais de Litterature pour la Connoissance des Livres*; qui & Hagæ Comitum, sed additis subinde Viri docti alterius censuris, recusatus est. Verum cum post mensem Julium anni 1703, nihil ad nos illius opusculi pervenerit, parum abest, ut abruptum illud, quod tot aliis hujus generis scriptis accidit, arbitremur, eoque magis calcar addamus Doctissimis Bibliothecæ illius Antiquæ Collectoribus, ut institutum saluberrimum strenue prosequantur. Qua occasione non dubitamus quoque celeberrimæ Academiæ de novo incremento gratulari, quod cognovimus, non solum Historiarum Professionem, postquam per aliquot annos vacasset, tandem Eruditissimo ac Diligentissimo Viro, *Burchardo Go. thelff. Struvio*, τῷ πάλῳ Georgii Adami Filio, demandatam, sed in primis quoque Reverendæ Facultati Theologicæ meliorem nunc lucem affulgere, cui ornandæ deinceps Viri magnis in Rempublicam Literariam meritis Clarissimi, *Michael Förtschius*, & *Johannes Franciscus Buddens*, hic ex Fridericiana, ille ex Tubingensi Academia evocati, studium suum operamque impendent. Inter libros ex his regionibus expectandos, elegantiorum literarum cupidis Clarissimi Viri, *Wilhelmi Ernesti Tenzelii*, Saxonia, ut vocat, Numismatica, seu Nummophylacium Numismatum Mneemonicorum & Iconicorum, a Serenissimis Electoribus Ducibusque Saxoniz cudi jussorum, indicari præcipue meretur; cujus partem primam, quæ a Duce Alberto, Albertinæ lineæ Conditore incipiet, & in Electore Augusto desinet, proximis nundinis Lipsiensibus certo nobis pollicemur. Hanc quo ordine excepturæ sint partes aliæ septem, peculiari programme ipse Auctor celeberrimus exposuit, quod apud *Philippum Wilhelmum Stockium* Bibliopolam nostratem prostat.

* * *

ACTA ERUDITORUM,

*publicata Lipsiæ
Calendis Martii, Anno MDCCV.*

MELCHIORIS LEIDEKKERI, SS. THEOL. D. & PROF.
de Republica Hebræorum Libri XII.

Amstelodami, apud Isaacum Stokmans, 1704, in fol. Alph. 9.

OMnium rerum, adeoque & studiorum esse vicissitudinem, ac proinde ut omnibus nos utiles præbeamus, serviendum non raro tempori venire, observat in Præfatione doctissimus Leidekkerus. Fuisse sane ait, cum vigerent admodum controversiæ de Religione. Inde vero Viros eruditissimos animum ad pietatis praxin in Scholis & Ecclesiis excolendam applicuisse, & simul commendasse Scripturæ Sacræ analysis & meditationem, ne quædam modo illius particulæ inspicerentur, ut fieri consueverat in controversiis, sed omnis Divini verbi æconomia perspecta haberetur. Ac cum linguarum Orientalium peritia eo maxime inserviret, Philologiæ studium Theologiæ conjunctum fuisse innuit, in quo certe Lutheranos, Hackspanium, Dillherum, Glassium, Carpzovium, Frischmuthum, Wagenfeilium, aliosque excelluisse uti haud dissimulat, sic Reformatis quoque laudem illam cumprimis deberi addit, cum nemo nesciat, Buxtorfios, patrem & filium, Hottingerum, Erpenium, l'Empereurium, Sixt. Ammam, Coccejum, Leusdenium, Lightfootum, Seldenum, & reliquos, quorum vestigiis hodie insistant Witsius, Marckius, Trigglandius, Vitranga, Braunius, Hulsius, Rhenferdus. Qua de causa & suam mentem hæc studia revocasse fatetur, quippe cum ad Philologiæ sacra fontes ab adolescentia perductus fuerit, tanto quidem cum progressu, ut doctore Judæo usus, Rabbiorum scripta

legerit, quando vix annos septendecim natus fuerit. Nec unquam se intermisisse testatur linguarum Orientalium studia, dum verbi fungeretur ministerio, ac si id unum agere libuisset, hodie inter linguarum Hebraeae peritissimos se censi potuisset, nullus dubitat; sed remoram sibi injecisse causatur horridum Talmud, quo viderit tot futilia contineri, & quae ad bonam mentem nihil saepe proficiant. Nihilo secius necesse tandem fuisse asserit, ut Philologicis mentem magis, quam ante, appelleret. Postulasse etenim Juventutem Academicam Collegia ad Cunæum & Goodwinum, unde enatae sint ad Majemonidis quendam tractatum observationes, quae orbi erudito haud displicuerint. Hinc ad Cunæum nonnulla notare se constituisse, quorum specimina disputationibus quibusdam ediderit. Rogatus vero, ut quae haberet ampliora, luci publicae exponeret, mutato consilio Rempublicam Hebraeorum describere gestiit in praesenti opere, de quo istam spem concipit, fore ut intelligat Lector, nullum extare volumen, quo tanta amplitudine Sacra & Politica Hebraeorum Respublica depicta, aut Philologiae Sacrae synopsis tradita fuerit. Ut igitur de tam illustri opere iudicium ferre liceat & iis, quibus ejus videndi aut perlustrandi copia nondum lucusque facta est, illius faciem paucis dare adumbratam juvabit.

Et libris quidem istud absolvitur duodecim, quorum *primus* de *Gentis Hebraeorum facerrima antiquitate* agit, & a nomine exorsus, cur eadem Hebraeorum, Israelis, Judaeorum appellatione gaudeat? disquirat. Prosapiam deinde Patriarcharum ab Adamo usque ad diluvium illustrat, atque inter alia ad Sethum delatus, de ejus columnis differit. Prot-Evangelium de Semine mulieris curatius attendi jubet, idque adversus varias detorsiones vindicat, ac Messiam & salutem per ipsum consequendam istud promittere, ostendit. De diluvio, de Filiis Dei, & imprimis de Gigantibus, varia in medium affert, ac diluvium hoc fuisse universale, probat. Historiam hinc Noachi & posterorum, ad turris usque Babylonicae aetatem persequitur, deque ipsa turri Babylonica & linguarum confusione dispicit; istud vero, quod Judaei comminiscantur de LXX linguis, ex confusione Babelica ortis, & distributis per LXX nationes, fabulis accenset; statimque ad dispersionem gentium, & originem nationum ex tribus Noachi filiis, contem-

templandam se confert, in sancta vero ex Noacho progenie, ad Abrahami usque ætatem se extendente, definit. Hic notamus ex aliis, quæ de Cainane affert. Cainan nimirum verus ipsi ante diluvium est filius Enoschi, at falsus filius Arphaxadi, licet habeatur in Genealogia Christi apud Lucam. De eo autem dum Viri eruditi disputent, observari vult, Moysen, quando bis genealogiam Patriarcharum mox a diluvio texat, Cainanem prætermittere, idem fieri ab autore Chronicorum sero tempore post captivitatem Babyloniam, imo vero ibi Cainanem suum non interposuisse incautos & sui oblitos textus divini corruptores. In omnibus porro exemplaribus Græcis Cainanem non haberi, sed tantum in versione LXX virali, quæ multas passâ corruptelas fuerit. Hinc τὸν Καϊνὰ forte in Luca primitus non fuisse, sed insertum esse deinde ab illis, qui versionem LXX Interpretum, seu Prophetico Spiritu adornatam, ignari codicis Hebræi, nimium venerati fuerint.

Secundus liber de origine gentis Hebræorum ex Abrahamo, Isacco & Jacobo agit, & usque ad illius statum in Ægypto seramonis telam pertexit. Postquam igitur de Abrahamo & ejus vocatione ex Ure Chaldæorum verba fecit, de Melchizedeko adversus P. Curæum, fuisse hunc ipsum Dei Filium asserentem, late disputat. Circa fœdus Dei cum Abrahamo paulisper detinetur, at diutius tamen hæret in circumcisione sacraque illius origine. Reliquam libri partem conficiunt Ismael & Ismaelitæ, Saræ mors, Isaci vita, Esavi item & Jacobi historia, duodecim quoque Jacobi filii, gentis Hebrææ Patriarchæ.

Varium gentis Hebræorum apud Ægyptios statum dum Libro tertio Autor sub considerationem paulo penitiorem revocare aggreditur, post prolixam satis Dissertationem præliminarem de fœderis Ægyptiorum Dynastiis, de Ægypto primum ipsa, & mox de ejus incolis horumque negotiis quædam promit. Uti verò studium sapientiæ apud Ægyptios extollit, sic eorum vicissim superstitutionem atque idololatriam taxat, & in causam odii Ægyptiorum in pastores ovium inquit. Notatu digniora circa Josephi præfecturam in Ægypto ubi excussit, & hunc Gentilibus minime ignotum fuisse demonstravit, Hebræorum in Ægypto sedes, negotia, victum, sacra commemorat, suppeditatisque de Jacobi testa-

mento & XII Patriarcharum morte observationibus, ad statum & regimen Hebræorum Politicum in Ægypto pergit, non omissis insuper eorum conjugis, incrementis atque moribus. Afflictum de cætero eorum in ista regione statum, quidquid videatur aliis, ultra CCXV annos haud durasse, innuit.

Liber *quartus miracula Divina providentia in constituenda Hebræorum Republica* enarrat, cumque Deus primum ad tanta negotia vocaverit & instruxerit Moſen, ut eo ceu instrumento suæ providentiæ uteretur, idcirco de hoc Moſe ante omnia differit, & ad res sub ipſo gestas delatus, de decem Ægyptiorum suppliciis, de egressu Hebræorum ex Ægypto, transitu per Mare rubrum, fontibus in Elim & de Manna, de aqua ex rupe profluente, de victoria ab Amalekitis reportata, de Politico Magistratu a Moſe instituto, legibus in Sinai latis, similibusque materiis commentatur. Quin & Joſuam, Moſis ſucceſſorem, heic sub dispectum vocat, transitumque per Jordanem describit, ac bella Joſuæ in Cananæos tangit; ultimo vero loco, post Chronologiam peregrinationis Israeliticæ in deserto, antiquitates Gentium, earumque synchronismos cum historia Moſis & Joſuæ collocat.

Quintus liber Theocratiam Hebræorum sibi præfixam gerit, legesque Moralem, Ceremonialem, Politicam, ac singularum corpora Juris spectat, hoc est, summam legum in certos titulos digestam sistit, prout hos in lege Morali Decalogus, in reliquis vero libri Moſis passim suggerunt. Peculiares autem leges quasdam paulo accuratius indagat, legem puta agrariam, legem anni Sabbathici, & legem anni Jubilæi; cujus posterioris dum meminit, simul de tempore Jubilæorum, utrum quovis XLIX an L anno celebrata sint? disquirat, & qui posterius affirmant, maximis induci argumentis autumat. Tandem prout in antecedentibus subinde ad antiquitates & synchronismos Hebræorum atque Gentium respexit; sic hoc in capite Nationum leges confert, & Joſepho, aliis deductis, contradicit, quando ille ex Moſe leges Gentium profluxisse perhibet.

Ad Reipublica Hebræorum sedes & incolas Liber sextus pergit, cumque Deus suam Theocratiam, non variis solum legibus, sed & distributione terræ Cananææ illustriorem reddiderit, de hac

hac ipsa distributione per sortes facta dicere orditur, ac post Terræ Sanctæ extollit præstantiam. Civitates quoque Hebræorum uti generatim, sic primariam maxime urbem Hierosolymitanam lustrat, & cum civibus earum aliquandiu versatur, nec Profelytorum, qua justitiæ, qua domicilii seu portæ obliviscitur. Conjugia porro & divortia, Familiasque inter eos florentes, uti eorundem non minus negotia exponit, & quibus hæc reguntur, tempora, dies, hebdomadas, menses, annos metitur, & sub finem breve Kalendarium Judæis familiare subnectit.

Nullam Reipublicæ salutem esse, nisi cives suis utantur bonis, eorumque tranquilla gaudeant possessione, & quisque suo fungatur officio, spe præmiorum & metu poenarum, Libri *septimi* initium præsupponit. Istum vero scopum cum sine *Politico Regimine* attingere haud liceat, idcirco de eodem latius differere Auctor nunc instituit. Derivat illud a primævo Magistratu, Senioribus populi, Principibus tribuum, capitibus Familiarum, Principibus civitatum, Chiliarchis, Centurionibus, Quinquagenis, Decurionibus, & eorum Ministris, qui שופטים nuncupantur. His addit extraordinarios in Israele Judices, a quibus ad statum Reipublicæ reliquum, inde a morte Josuæ, ad Reges usque transit. Sed diutius circa statum sub Regibus exactum detinetur, sigillatim Saulem, Davidem, Salomonem ob oculos sibi proponens, & sacrarum pariter ac civilium rerum sub istis conditionem delineans. Synedrium magnum ac minus, Domumque Judicii Triumviralem, seu Triumvirorum quoddam collegium in civitate, quæ CXX incolas non haberet, una cum Judiciis quibusdam aliis describit, & ut horum justitiam in præmiorum ac poenarum distributione consistentem, sic jura quoque belli ac pacis examinat.

Qui supersunt quinque Libri, circa Hebræorum sacra & religionem singuli occupantur, & *octavus* quidem per *loca sacra* divagatur, Tabernaculum puta Mosis, cujus ornamenta & supellex recensentur, Templum Salomonis, cujus varia fata perpendit, & ejus cum secundo Templo comparisonem instituit, Synagogas dehinc, & tandem Excella atque Proseuchas. *Nonus tempora religionis sacra* notat, Sabbathum ante omnia, Neomenias inde &

Festum clangoris, ac festa quolibet anno solennia, Festum Paschatos, Pentecostes, diem Expiationis, Festum Tabernaculorum, Festaque extraordinaria atque accessoria, quibus & jejunia associantur. *Decimus* liber *Personas sacras* producit, Sacerdotem puta magnum, quem suis in vestibus contemplatur, & Sacerdotes inferiores, Levitasque & Nethinæos, quas item opes & quos redditus Sacerdotes & Levitæ, quales thesauros Templum habuerit, enarrat, ac in contemplatione Prophetarum definit. *Undecimus actiones in Religione publica sacras* spectandas sumit, videlicet doctrinam & conciones, sacrificia, oblationem, suffitum, sal, ligna, solennem expiationis diem, preces & benedictiones publicas, Psalmodiam sacram, Ministerium Templi & Regimen Ecclesiasticum. Tandemque liber *duodecimus* & ultimus *privatam Hebræorum Religionem* sistit, & non generatim modo eorum fidem, pietatem ac virtutes alias, sed & speciatim exercitia pietatis domestica laudat. Naziræorum & Rechabitarum vota præ cæteris pensat, & quales se Hebræi in eleemosynis, in cibis & conviviis, in vestibus, in impuritibus & lotionibus, in morte & sepultura, inque luctu gesserint, quæ spes æternæ vitæ & futuri seculi eos lactaverit, insinuat.

Hæc summa sunt voluminis hujus capita, in quibus exponendis celeberrimus Autor non semper se Rabbiorum opiniones secutum fuisse perhibet, cum illi testes de antiquitatibus Hebræorum optimi haud sint; quanquam nugacissimas Judæorum antiquitates tacere noluerit, ut manifestum foret, non esse probæ monetæ, quæ ex illorum officinis venditantur. Cæterum Lectorem aliud adhuc volumen expectare jubet, quod statum Reipublicæ & gentis Hebræorum inde a schismate Jeroboami, in quo præsens terminatur, usque ad hæc tempora exhibiturum sit.

Sed antequam heic quiescere calamus jubeamus, de Appendice voluminis nonnihil adhuc dicendum est. Præfixum illa gerit titulum *Archæologiae sacre, qua de Divina rerum omnium origine secundum Mosis historiam, atque adeo de prima Hebræorum fide differitur contra Gentes & quosdam Philosophos, ac præsertim adversus T. Burneti Archæologiam Philosophicam & profanam telluris Theoriam.* Inter Reipublicæ namque Hebræorum primaria fundamenta-

menta locum obtinere monet principem doctrinam, de origine Universalis Mosaica. Ab hac vero fide cum illi hodie deficient, qui suas Archæologias Mosaicis opponant, ac cum refutare Scriptorem sacrum non audeant, cum mundi originem obscuro texisse velo-communiscantur, dum τὸ ἡθικὸν docere moresque instruere, non τὸ θεωρητικὸν & accuratam rei veritatem exponere intendunt; ideo ut Mosis sua constet autoritas, frontem iis obvertere æquisumum judicat.

CONCILIATION DE MOYSE ET DE
S. ETIENNE.

i. c.

CONCILIATIO MOSIS ET S. STEPHANI CIRCA
numerum Familiae Jacobi

Amstelod. apud Petrum Brunel, 1704, 8. Plag. 7.

Qui sub literis U. P. R. D. L. R. nomen suum latere voluit Auctor hujus schediasmatis doctissimus, Critici cujusdam, qui nuper in Novis Literariis Jo. Bernardi, *εὐαντιοφάνιος* Mosis & Stephani, circa numerum familiae Jacobi, conciliare tentaverat, exemplo excitatus est, ut hoc opusculum conscriberet. Siquidem hunc perfunctorie solum gravem istum scrupulum tractasse existimat; indeque ipse majori rem industria aggressus, eam se conciliandi methodum novam iniisse innuit, ut non solum verba Mosis Gen. XLVI, 26, cum effato Stephani Act. VII, 14 concilianda, sed & ea, quæ Gen. XLVI, 27, & Deut. X, 22 leguntur, inter se invicem & cum prioribus istis componenda esse existimet. Nam Gen. XLVI, 26 dici, omnes personas, quæ cum Jacobo in Ægyptum venerint, ex ipsius semine egressas, fuisse numero 66. At ejusdem capitis v. 27 affirmari, omnes personas familiae Jacobi, quæ in Ægyptum venerint, fuisse 70. Porro Deut. X, 22, pronunciari, patres gentis Israeliticae, qui in Ægyptum descenderint, fuisse 70: qui vero numerus cum præcedenti minime conveniat, quia ibi omnes personæ ad familiam spectantes; hic vero soli patres & familiae Jacobi, quam Josephus in Ægyptum abduxit, 75 capitibus constitisse.

Verum

Verum has difficultates Auctor noster, LXX virali versione vel ideo penitus statim repudiata, quod dubia magis augeat, quam minuat, ex solis fontibus Ebræis se soluturum pollicetur; eamque in rem, Chronologia familiæ Jacobi præmissa, præsupponit, Josephum, vivente adhuc Isaaco, anno Jacobi 91, inter Naphthali & Gad fuisse natum, dicique filium senectutis Jacobi Gen. XXXVII, 3, non quod natu fere minimus fuerit, ceu vulgo quidem credatur, sed quod seni Jacobo & gaudio fuerit, & auxilio singulari. Post hæc quinque instituendæ conciliationis ponit principia: nimirum Her & Onan, Judæ filios, eo quod ante ingressum familiæ in Ægyptum, obierint, plane hic non esse connumerandos, etsi in recensione familiæ Jacobi Gen. XLVI (quam tamen ad sequentes numeros v. 26 & 27 expressos plane non spectare, sed separatas suas rationes habere putat) sigillatim commemorentur: uxores & nurus Jacobi huc prorsus non pertinere; filias vero, ut membra familiæ, non vero ut capita populi, esse numerandas: eos qui Gen. XLVI recensentur, Jacobi posteros omnes reipsa non vixisse, cum ille in Ægyptum abiret; neque etiam id velle sacrum Scriptorem, quia per præfixum γ eo loco adhibitum solum indicetur, eos omnes Jacobo in Ægypto degenti (stylo Hebraico) advenisse, h. e. ab eo, dum viveret, visos: Jacobum, antequam fato fungeretur, omnes nepotes suos capita linearum, ut filii tribuum capita erant, constituisse: denique Josephum, antequam obiret, suos quoque nepotes inter capita linearum retulisse.

His ita constitutis, ipsam Auctor noster conciliationem instituit, ejusque nervum p. 54 omnium clarissime sequentem in modum exponit: Primum Gen. XLVI, 27 familiam Jacobi *physice* & ita considerari, qualis ex eo prodierit; quo pacto omnes Jacobi, quos in Ægypto agnoverit, posteros, sublati prius per principium præsuppositum, Her, Onan & Dina (utpote quam non secus, ac istos, inter Cananæos mortuam contendit) at Josepho ejusque filiis cum Serah filia connumeratis, fuisse numero LXX. Secundo Gen. XLVI, 26 eandem familiam *politice* concipi, numerarique omnia populi capita, tam tribuum, quam linearum, quæ moriens Jacobus constituerit, quæque in Palæstina hæreditatem obtinuerint, & Num. XXVI sigillatim describantur: quorum numerus,

re-

rejeſta Serah, quippe foemina, & Saule, Simeonis gnato (quem ſpiri-
tum, adeoque e numero capitum populi Divini excluſum exiſtimat)
fuerit LXVI. Tertio Deut. X, 12 recenſeri eadem populi capita,
additis etiam iis, quæ Joſephus in tribubus Manafſeh & Ephraim
capita linearum recens creaverat, unde jam proveniant LXX.
Denique Act. VII, 14 omnia omnino populi Iſraelitici capita, atque
etiam Saulem (qui poſt decimam generationem Divina lege in cen-
ſum populi receptus, & Deut. X, 12 jam connumeratus ſit) & Levi
ejuſque tres filios, quorum in acquirenda Palæſtinæ hæreditate
nullum alias juſ fuerit, ipſumque Jacobum, gentis univerſæ caput,
enumerari, atque hinc numerum LXXV oriri.

Ceterum *ὡς ἐν παλαιῶ*, ſecundo hujus Diſſertationis capi-
te (nam XVII omnino capita continet) obſervat Auctor, ſuo qui-
dem judicio manifeſtas transpoſitiones Chronologicas in Ebræis
etiam Bibliis contineri, quando v. gr. mors Jacobi ante Joſephi
venditionem, & Joſephi nativitas poſt fratrum natu poſteriorum
natales enarratur: in numeris vero fidem ſe codici Ebræo inviolatam
habere. Tandem in adjeſta Præfatione Marollium, qui in Jo. Bern-
ardi Novis Literariis Auctoris hac de re cogitata, antea jam publice
propoſita, menſe Aprilis 1704 impugnaverat, eundo per capita re-
ſellit, pluraque alia conſimilis argumenti ſcripta pollicetur.

AVIS SINCERE AUX CATHOLIQUES &c.

i. e.

SINCERA ADMONITIO AD CATHOLICOS FOE-
derati Belgii incolæ, de Decreto Romanæ Inquiſitionis contra
Archiepiscopum Sebaſtenum dato.

--- 1704, 12. plag. 15.

Tertius jam vertitur annus, ex quo univerſum Belgium Fœde-
ratum, magnaſque Romanæ Eccleſiæ pars, turbis vexatur do-
meſticis, quas controverſia Petri Coddæi, Archiepiscopi Sebaſteni
titularis & Eccleſiis Fœderati Belgii, quotquot Pontifici Romano pa-
rent, ſumma cum poteſtate & Vicarii Apoſtolici axiomate præſecti,
cum Jeſuitis aliſq; religioſis Ordinibus, miſſionis munere ibidem fun-
gentibus, excitavit. Accuſatur ille, quod Janſenianis & Rigidis,
quos

quos vocare solent, insigniter faverit, libris Jansenismum disseminantibus in Belgio Foederato edendis vel operam vel patrocinium attulerit, vernaculam S. Bibliorum lectionem promiscue concesserit, & quæ sunt hujus commatis alia. Clam hæc ab initio agebantur: quare vocatus Romam Archiepiscopus, ipso Jubilæo anno in Urbem venit, auditus a Collegio fidei propagandæ causa instituto, auditus a Congregatione Cardinalium peculiari, imo a Pontifice ipso, duos præsertim defensionis suæ causa libellos A. 1701 ibidem edidit, quorum prior *Declarationis*, alter *Responsionum* titulo comparuit. Sed prævalere adversarii, Archiepiscopo infecta re in patriam remigrante: quem e vestigio insecutum est Decretum Inquisitionis Romanæ, præsentæ Papa Clemente XI die 3 Apr. A. 1704 confectum, sed die 7 Maji demum publicatum, pag. 167 hujus opusculi. existans, quo libelli duo ab Archiepiscopo Romæ editi damnantur, ipseque Apostolici Vicarii unere privatur. Dum hæc geruntur, magna libellorum seges in subsidium Archiepiscopo venit, ejusque causam Belgica dicendi libertate defendit. Quos inter præcipuus est, quem nunc exponemus, a Presbytero quodam, ut videtur, Hollandico conscriptus, Belgicaque non minus, quam Gallica lingua editus.

Quæ in fronte libri exstant observationes, tum Sebastien Archiepiscopi, tum Alecensis & S. Pontii Thomeriarum Episcoporum, qui paria Romæ fata perpeSSI erant, causas recensent, tum Lovanienses Theologos, qui nuper Alecensis Episcopi Rituali damnarunt, non leviter castigant. Ipsum vero opusculum principio inculcat, eos recte omnino agere, qui Decretum Pontificis examinent, non cæco impetu amplectantur; Judices Ecclesiasticos, etiam supremæ cæcæ, nonnunquam graviter impingere in sanctissimas justitiæ leges, (quod Aloysii de Leon., & P. Hauzeur testimoniis confirmatur;) sanctissimos sæpe viros a Romanis Pontificibus indignis modis exceptos esse, ex quibus Basilium, Paulinum, Hieronymum, Hierotem, Lazarum, Augustinum, Hilarium Arelatensem, Mamertum Viennensem, Petrum Diaconum, Julianum Toletanum, Bernhardum, Ludov. Alemantium, Alph. Tostatum, Savanarolam, Jo. Picum Mirandulanum, B. Carranzam, Jo. Grimanum Aquilegiensem Patriarcham, Car. Borromæum, Bellarminum, Sorbonam, Episcopum

pum Aleckensem, & S. Pontii Thomeriarum, aliosque sigillatim recenset. Post hæc Curia Romanæ, quæ nunc est, gesta sub censuram vocantur, quam Jesuitarum fere tributariam Auctor facit, dilatam idololatriæ Confucianæ apud Sinenses Neo-Christianos castigationem, & præcipitatum Casus Conscientiæ, quem vocant, Cryptojanseniani condemnationem, cum primis exagitant. Redit deinceps in orbitam suam Scriptor noster, Pontificesque & falsos sæpe & falli posse, præsertim in rebus, quæ facti dicuntur, exemplis quibusdam, & Academiarum Parisiensis ac Lovaniensis; Cardinalium de Turre cremata, Cusani, Baronii, Bellarmini, Pallavicini, Richeti, Laureæ & Aguirii; Episcoporum Melch. Cani, Walenburgiorum, Petri de Marca, Ant. Godelli &c. Doctorum, Gersonis, Almaini, Richeti, Launoji, Holdenii, Piroti, Tapperi, Latomii, Stapletoni, Sinrichii, Lupi, Payvæ; Monachorum, Dionysii Carthusiani, Fr. a Victoria, Bannesii, Gonetii, Contensoni, Davenporti; Jesuitarum denique Pallavicini, Gretseri, Tanneri, Becani, Annati, Petavii, Simondi, Halloix, Brietii, Veronii &c. autoritatibus probat. Porro facta distinctione inter provincias Pontifici penitus subjectas, & libertatem veteris Ecclesiæ retinentes (ad posteriores vero Galiam & Belgium refert) existimat, Tribunal Inquisitionis Romanæ Officiale Papæ, qua Metropolitanis, repræsentare, nullamque adeo in provincias liberas potestatem obtinere: Pontificem ipsum in concilio Episcoporum, & juxta canones antiquissimos, Episcoporum causas judicare debere, idque fateri Leonem I, Gelasium & Theologos probæ notæ. Denique ad Jesuitarum provocat exemplum, qui Innocentii X Bullam A. 1646 datam, qua prohibetur, ne Provinciales, Rectores, alique Superiores Ordinis, ultra triennium fungantur muneribus, auctore Didaco de Avendagno S. J. in Thesauro Indico Tom. II, cap. 4, p. 9 seqq. non solum examinarint, sed & contra ordinem datam, errore obtentam corrigendamque existimarint, docuerintque, contra eandem impune agi posse, si bona fide, secreto, vel ex opinione probabili agatur. Quæ arrepta occasione, Decretum Inquisitionis nuperum cum Bulla ista, velut minus cum majori, contendit, monens Decretum adversus Vicarium Apostolicum datum vel ideo repiculum esse, quod contra suetam justitiæ formam tractatus sit, quod eruditissimi Cardinales eundem

innocentem pronunciaverint, atque a Fabrono, Congregationis Secretario, quem Archiepiscopus, expertus quippe eundem inimicum singularem, incassum sæpe recusaverit; pleraque confecta fuerint.

Quibus expositis, Auctor Decretum ipsum *κατὰ πρόδα* examinat, in omnibus ferme ejus lineis deprehendens, quod culpet ac repudiet. Nos, iudicio Lectori relicto, præcipua rerum capita enotabimus: Jure Belgarum omne extraneum forum recusari posse: Episcopum Inquisitioni Romanæ subiectum non esse, sed in provincia sua a duodecim vicinis Episcopis judicari debere: Pontificem ex mera potestate egisse: nullos Archiepiscopi & librorum ab ipso editorum errores designatos fuisse: meris suspicionibus Decretum niti: lectionem librorum prohibitorum Episcopis injuste interdici: Vicarium Belgarum Apostolicum non esse Papæ Vicarium, sed vices gerere Episcoporum, qui olim in Fœderato Belgio fuerint, eorumque frui juribus, a Canonicis Ultrajectinis & Harlemensibus eligi, adeoque mero Pontificis beneplacito, (ut Decretum pronunciaverat) nec exauctorari, nec in ejus locum surrogari quempiam posse; (quo loco *ὡς ἐν παρόδῳ* probatur, Episcopatu vacante, auctoritatem omnem & jurisdictionem in Capitulo residere:) Pontificios Belgas, qui a primis usque Reformationis temporibus, sine interruptione ulla, inter Fœderatos substituerint, male ad conditionem Christianorum recens per Missionarios converforum, Sinensium & Tupinambiorum reduci. Et hæc quidem non sine bile ac sale proferuntur, addita conclusione, qua Cajetani, Sylv. Prieriatis, Franc. a Victoria, M. Cani, Payva & Marchantii testimoniis suadet, resistendum esse ejusmodi Decreto, nec schisma metuendum esse, si bene meritis Pontificiorum Fœderati Belgii incolarum & communis Pastor, etiam invito Papa, retineatur.

Accessit huic opellæ triplex appendix scriptorum ab Episcopis a Romana Curia male tractatis editorum, quæ, cum alibi exstare haud facile meminerimus, excerpta quoque memoriæ causa dabimus. Primo loco consistit Epistola Circularis quatuor Episcoporum Gallorum, Alestensis, Apamiensis, Bellovacensis & Andegavensis A. 1668 Jansenismi causa oppressorum, ad omnes Galliarum Præsules, missa. Postquam enim Clementis IX decreto cau-

cantum esset, ut hi ab Episcopis quibusdam, contra canonicas constitutiones conscriptis, exauctorarentur, eorumque mandata, quæ Jan-
seniani negotii gratia ediderant, Inquisitionis obelo configeren-
tur, illi moleste hoc ferre, deque læsis Episcoporum privilegiis ac
juribus conqueri: imperare canones Ecclesiasticos, ut non nisi a
duodecim ejusdem provinciae Præsulibus Episcopi judicarentur, ne-
que appellationes Sardicensi synodo concessas huic sancito deroga-
re, nec ipsam Gratiani compilationem: Episcopos Gallos suam sibi
libertatem salvam hætenus conservasse, (quod exemplis & an-
tiquis & recentioribus probatur:) vix tolerandum esse Curiae Ro-
manæ factum, quæ Episcopos, fratres collegasque Pontificis, con-
temnunt adeo tractet, librosque eorundem, ipsis ne quidem præ-
monitis, in prohibitorum indicem referat.

Sequitur Epistola Pastoralis Nicolai Pavillonis, Episcopi Ale-
tensis, itidem A. 1668 scripta, postquam Inquisitionis Romanæ
Tribunal ejus Rituale, severioris disciplinæ Ecclesiasticæ specimen,
damnaverant. Ille, cum de muneris sui, hætenus diligenter accura-
teque exantlati, ratione exposuisset, de Romani Pontificis versus se-
gestis graviter conqueritur: Inquisitionis decreta in Galliis irrita
esse: Episcopos, Christi quippe vicarios Divino jure constitutos,
clementius esse tractandos: librum ipsum censuram nullam com-
meruisse: cumprimis vero omnes æquitatis limites transcendere
Pontificis literas, dum Episcopis vicinis libri Ritualis combustionem
imperet.

Tandem Episcopi S. Pontii Thomeriarum ad Clementem XI, qui
nunc Pontificem summum agit, Epistola triennio abhinc scripta legi-
tur. Conqueritur ille, libros suos, cumprimis illum, quem reducendo-
rum ad Ecclesiam Romanam Hugonotarum causa ediderat, ob contro-
versas, quæ ipsi cum Monachis Recollectis intercessere, Romæ da-
mnatos, nullo tamen errore speciatim indicato: creari sibi cumpri-
mis hanc molestiam, quod negaverit, Mariam Deiparam una cum
Christo in Eucharistia adorari, quod Hebræis Græcisque Scripturæ
fontibus auctoritatem præcipuam adscripserit, lectionem Biblicam
Laicis concesserit, Sanctorum invocationem liberam fecerit, amo-
rem, saltem inchoatum, ad poenitentiam necessarium crediderit,
hæreticorum personas odio prosequi noluerit; in his vero omni-
bus

bus nihil a fide catholica alienum se commisisse, revocationemque adeo Decreti contra se dati & sperare, & omnibus modis ex-
~~tere.~~

*EPISTOLA GUILIELMI COWPERI, SOCIETATIS REGIÆ
 Socii, ad D. EDUARDUM TYSON data, Anatomen earum
 Marsupialis Americani maris partium, quæ a fœminæ
 partibus discrepant, ex-
 hibens.*

Excerpta ex Actis Philosophicis Anglicis Mens. Mart. 1704 N. 290.

Fœmina erat Marsupiale Americanum, quod cultro Anato-
 mico quondam subjecit, ac Societati Regiæ obtulit D. E-
 duardus Tyson, nosque in Actis hisce *Mense Septembri 1698 pag.*
407, & in Supplement. Tom. III sect. IV pag. 149 exhibuimus.
 Jam quæ in mare peculiaria observantur, subjungit, D. Guil. Cowpe-
 rus, quorum itidem mentionem hic facere, nostrarum duximus
 esse partium. Præter organa generationi dicata, Marsupiale Mas
 in eo differt a Fœmina, quod desideretur marsupium, a catulis in-
 habitandum, nec adsint muscoli ab ossibus marsupialibus, hyoi-
 dea a figura nuncupandis, emergentes & ad abdominis cutem desi-
 nentes. Nullum externe genitalium partium vestigium apparet,
 si scrotum exceperis, quod justam pro involvendis testibus nactum
 est capacitatem, nec certe aliud foramen conspiciebatur in his par-
 tibus externe, præter anum (*vid. Tab. III fig. 1 A*) ad inte-
 stinum rectum ducens: diductis autem hujus marginibus, alterum
 in conspectum venit (*B*) quod præputium esse penis sectio monstra-
 bat. Compressis his partibus, duæ profluebant guttæ ex utroque ani
 latere, (*cc*) a duobus corporibus glandulosis, seu saccis circa sphin-
 cterem positis expressæ. Qui liquor idem videtur esse, ac qui in
 fœminæ marsupio inveniebatur, & cui peculiaris ille animalis fœ-
 tor in acceptum est referendus; his enim partibus cum cute clo-
 acam investiente remotis, omnis disparebat fœtor. Dum cutis ab
 abdominis musculis separatur, ossa modo dicta in oculos incur-
 runt, unde muscoli quidam oriuntur, femoris ossibus inserti, qui
 idem præstant officium ac muscoli psoas in aliis animalibus, quan-
 quam hi exiliiores fuerint. Musculi abdominis, potissimum recti,
 quod

MENSIS MARTII A. MDCCV. III

quod his ossibus firmissime affigantur, majus robur adducit huic animali corpus elevandi, & crura posteriora versus anteriora movendi, quam aliis animalibus, ossibus dictis destitutis. Immediate sub cute circa anum musculus datur carneus, præputium, inferiores intestini recti partes & saccos odoriferos, una cum quatuor glandulis mucosis (*MM NN fig. 2. & Tab. IV fig. 1.*) circa penis radicem, ut & ipsum penis corpus involvens: quæ omnes partes musculi hujus actione comprimuntur, imprimis si penis erigatur. Remoto scroto testiculi apparent, (*Q IV Tab. III fig. 2*) una cum vasis præparantibus & deferentibus (*Q Q*) intra musculos cremasteres (*PP*) inclusis. Hi musculi perquam lati sunt, prout etiam in aliis animalibus vesicularum seminalium expertibus tales occurrunt; suspendunt enim non solum testes, sed comprimendo etiam epididymides & vasa deferentia, feminis per urethram ejaculationem coitus tempore promovent. In hoc siquidem animali dictarum vesicularum defectus epididymidum (*WW Tab. III. fig. 2 & Tab. IV fig. 1*) amplitudine compensatur, quæ justo majorem obtinere videntur porum: quam ob causam pariter tunica vaginalis valde anguste coarctantur. (*FVRR Tab. III fig. 2.*) Ostiolum arteria magna (*iii Tab. III fig. 2*) & vena cava (*b*) sub diaphragmate cera repleta fuit, truncus descendens illius sub arteriis emulgentibus directe sub venæ cavæ trunco in hoc animali locari videbatur, nec rami iliaci arteriosi amplectebantur venosos; forsitan quod in hoc animali, quod cauda ex arbore suspensum sæpiissime capite propendet, non æque ac in animalibus aliis necessarium fuit, ut arteriæ iliacæ venas amplectendo & pulsu comprimendo sanguinis ad cor refluxum promoverent. Arteriæ spermaticæ (*aa*) exsurgunt ex anteriore parte trunci descendens arteriæ magnæ, & perforata leviter (**.....*) vena cava ad testes recta descendunt; neutiquam contorta, ut in aliis quadrupedibus; quæ venæ cavæ perforatio forsitan non solum pro transmittendis arteriis spermaticis, verum etiam pro inhibenda leniter sanguinis per easdem arterias ad testes delabentis velocitate, videtur formata. Venæ spermaticæ, relictis testibus, variis ornantur divisionibus & inosculationibus, ad unum truncum in utroque latere redeuntibus, & immediate super perforatione (*bb*) in venam cavam desinentibus. Si testium structura ratione vasorum suo-

suorum excretoriorum nondum cognita esset, hujus animalis inspectio industria eam detexisset. Incisa enim tunica vaginali (*RR Tab. III fig. 2. & Tab. IV fig. 1*) testiculi cum epididymidibus laxius cohærent, ita ut a se invicem sint separati, (*WXTZ*) magno autem vitro convexo instructus Author, ductum excretorium (*Z*) ab altero testiculi termino, ubi arteria & vena spermatica apparent, oriundum conspexit, qui ductus brevem sub hac forma emensus viam, in epididymides (*WW*) complicatur, & denique vasa deferentia (*SS*) constituit, quæ relictis præparantibus (*a b Tab. I fig. 2*) majorem nanciscuntur amplitudinem, pristinam, angustiam recipientia, dum ureteribus (*ee*) superatis in urethram inseruntur, quorum orificia immediate sub vesicæ cervicæ caruncula in utroque latere detegit. Nullæ vesiculæ seminales in hoc animali conspiciuntur, quæ in uris, bobus, equis, &c. prope vasa deferentia sitæ sunt, quæ tamen non æque inter se communicant, ac in hominibus. In istis enim animalibus vasa deferentia & vesiculæ seminales communi orificio in urethram aperiuntur; ductus autem communicantes cum sint valde exiles, citius semen in urethram, quam ad vesiculas seminales deponitur. Urethræ longitudo inter vesicam & penem 4 excedit pollices, cujus pars ad 3 pollices cum dimidio corpore glanduloso, prostatidis humanis simili, obvolvitur, cujus ductus excretorii copiosi in urethram undique hiant. Pars hæc urethræ (*IKKL* *vid. Tab. III fig. 2 & Tab. IV fig. 1*) dicto modo prostatidis circumdata, in situ naturali & dum penis non erigitur, contorta & complicata est, sub erectione autem ejusdem extenditur, & compresso corpore glanduloso humorem in urethram urget. Prostatae quorundam animalium, ut urforum, arietum &c. per musculos eas includentes, in hominibus per levatores ani comprimuntur. Circa radicem penis Marsupialis occurrunt binæ vesiculæ glandulosæ (*MM NN*) in utroque latere, in urethram humorem mucosum stillantes, similem illi, quem fundunt glandulæ in hominibus eodem in loco nuper ab Authore detectæ. Hæ vesiculæ comprimuntur non solum a tenui latoque sphinctere, verum etiam a bulbis corporum cavernosorum penis (*CC*) & urethræ, (*EE*) dum erigitur penis. Quæ compressio in hominibus ab intumescencia bulbi corporis cavernosi ure-

urethrae petenda est. Et usque adeo natura sollicita est in bobus, arietibus, catibus &c. in exprimendo glandularum harum liquore, ut singulas glandulas mucosas peculiari musculo instruxerit. Penem quod spectat singularis structurae, praeter glandem bifurcatum, (*BB. vid. Tab. III fig. 2 & Tab. IV fig. 1*) cavernosa corpora (*DD*) nullo modo cum ossibus pubis communicant, nec muscoli erectores vel directores (*CC*) ad ullum pertingunt os, quemadmodum in hominibus & quadrupedibus aliis; sed omnes hae partes liberae jacent sub ossibus pubis, altera corporum cavernosorum extremitate in glandem desinente. Multo minus corpus cavernosum urethrae & ipsius musculi (*EE vid. Tab. IV Fig. 1*) sphincteri ani inseruntur, verum integrum penis corpus liberum jacet, inter ossa pubis & intestinum rectum; hinc libere extrudi potest sub erectione extra praeputium. Quam penis extrusionem non parum promovet in hoc animali urethra (*IKL. vid. Tab. III fig. 2*) satis longa, & in plures angulos acutos contorta aut complicata, quam quales figura monstrat: ita ut penis extrudi nequeat, quin vesica (*OO*) insequatur. In anteriore penis parte musculorum par (*ffG*) erectioni inservit, quod carnosum est in corporibus cavernosis penis, (*DD*) unde exsurgit, & evadit tendinosum, (*ff*) dum duo transit ligamenta in ossibus pubis, & tandem unitur in unum tendinem (*G*) dorso penis insertum. Praeter hoc, aliud par musculorum (*HH. vid. Tab. III fig. 2 & Tab. IV fig. 1*) retrahit penem erectum, ab intestino recto in extremitates corporum cavernosorum penis insertum. In catibus, bobus, arietibus & ursis adsunt duo ligamenta, ab osse sacro vel ilio in utroque latere oriunda, & in corpora cavernosa penis desinentia, quae instar horum musculorum penem in praeputium retrahunt. Corpora cavernosa penis in Marsupiali differunt, quoad figuram, ab aliorum animalium corporibus cavernosis; eorum enim pars superior deprehenditur bulbosa (*DD. vid. Tab. III fig. 2 & Tab. IV fig. 1*) tegiturque musculis (*CC*) instar bulbi corporum cavernosorum in humana urethra, quae pars in aliis animalibus conicam habet figuram. Musculi corporum cavernosorum penis in hoc animali cum minus connectantur cum osse pubis, dorsum penis ad dictum os movere, & venas comprimendo sanguinem resurgentem neutiquam retardare possunt; ideo venae potius

tius quædam amplæ per mediam bulbi (KKC. *vid. Tab. III fig. 3*) partem feruntur, & compressioni solum auscultant, ab intumescencia muscutorum, (CC) quibus involvuntur, factæ. Qui potissimum erectionem penis in hoc animali conservat musculus, est sphincter ani latus supra commemoratus, illique connexus. Quando penis extruditur ano, sphincter hujus illum necessario amplectitur, id quod itidem a sphinctere ani feminae in coitu contingit: unde creaturas has ad actum hunc exercendum non adeo promptas esse, augurari licet. Præterea figura penis expressa in *figura 3 Tab. III* docet, penem retrahi non posse, nisi glandula (AB) detumuerint, quod forsan in his animalibus non accidit, nisi utriusque æstus deferbuerit. Cum bulbus corporis cavernosi urethrae formatus sit in homine, ut glandem urgente necessitate sufficienter distentum servet, necessarium videtur, hoc animal duos obtinere bulbos, in musculis suis (EE *vid. Tab. III fig. 2*) inclusos, pro continuanda turgescencia glandis bifurcati, (AB *vid. Tab. III fig. 3*) dum penis est erectus. Sub qua distensione glandis media urethrae passus necessario comprimitur (D,) & duo distincta orificia (CC) relinquuntur in utroque latere glandis (AB) bifurcati.

Explicatio Figurarum.

TAB. III.
Fig. I.

Tabula III Figura I monstrat figuram externam Genitalium Marsupialis (Opossi) maris, justo minorem.

- A. Ani pars inferior ad intestinum rectum ducens.
- B. Ani pars superior, vel orificium præputii.
- c. c. Duo orificiola luteum liquorem fundentia.
- D. Scrotum.
- E. Pars abdominis, in qua marsupium hæret in foemellis, in mare magis depressa.
- FF. Duo pollices pedum posteriorum.

Fig. II.

Figura II sistit partes anteriores organorum generationi dicatarum, veram magnitudinem servantes.

- AA. Corpus penis.
- BB. Glans bifurcatus.

CC

MENSIS MARTII A. M DCCV.

115

- CC. Musculi directoribus penis analogi, bulbos corporum caverno-
forum penis includentes.
- DD. Duo corpora cavernosa penis, antequam conjungantur &
corpus penis forment.
- EE. Partes duorum bulborum corporis cavernosi urethrae.
- Gff. Par musculorum, cujus tendines ff transeunt duo ligamen-
ta circa ossa pubis, & tandem in unum tendinem G coeunt.
- HH. Duo musculi ab intestino recto oriundi, & parti oppositæ cor-
porum cavernosorum penis inserti.
- I. Urethra, ubi prostatic non includitur.
- KK. Prostatae urethram includentes.
- MM. NN. Duæ glandulae mucosæ ab utroque latere radice pe-
nis sitæ, & in urethram humorem infundentes.
- OO. Vesica urinaria.
- PP. Musculi cremasteres.
- QQ. Musculus cremaster sinister tunicam vaginalem includens.
- RR. Tunica vaginalis in latere dextro aperta, ut inclusa vasa præpa-
rantia & deferens in conspectum veniant.
- SS. Vas deferens.
- TV. Tunica vaginalis testiculum sinistrum includens, cum sua epidi-
dymide V.
- W X Y Z. Testiculus dexter, prout incisa tunica vaginali appa-
ret.
- W. Ejus epididymis.
- X. Corpus testiculi.
- Y. Arteria & vena spermatica testiculum intrans & deferens.
- Z. Ductus excretorius testiculi.
- aa. Arteria spermatica a parte anteriori trunci descendens arteriæ
magnæ ortæ, ubi communi ductu gaudent, qui tamen dividi-
tur, dum per
- * aperturam trunci venæ cavæ transit.
- bb. Venæ spermaticæ in venam cavam intrantes.
- dd. Renes.
- ee. Ureteres.
- gg. Venæ emulgentes.
- ψ Pars arteriæ emulgentis sinistrae.

- h. Vena cava sub hepate.
 ii. Truncus descendens arteriæ aortæ.
 kk. Arteriæ mesentericæ.
 l. Arteria mesenterica inferior, quæ in hoc animali a magno trunco non exurgit.
 m. Glandula renalis sinistra.
 n. Glandula renalis dextra, pone truncum venæ cava sita.
 o. Truncus communis arteriæ, a quo ramus gastricus, mesentericus superior & inferior & emulgentes propullulant.

TAB. III.
 Fig. III.

Figura III depingit partem anteriorem penis, naturali magnitudini respondentem, corporibus cavernosis Mercurio repletis.

- AB. Glans bifurcatus.
 CC. Duæ aperturæ distinctæ.
 D Media orificii urethræ pars.
 E Duæ glandis venæ.
 F. Bulbi alterutrius corporis cavernosi penis.
 G. Bulbus corporis cavernosi urethræ.
 ↓. Bulborum apertura pro injectione Mercurii.
 H. Urethra.
 I. Musculi exsiccati.
 KK. Venæ ligatæ.

Fig. IV.

Figura IV repræsentat partem posteriorem penis.


- AB. Glans bifurcatus.
 EE. Partes venarum a glande redeuntium.
 FF. Bulbi corporum cavernosorum penis.
 GG. Duo bulbi corporis cavernosi urethræ.
 H. Urethra.
 KK kk. Venæ ligatæ.

TAB. IV.
 Fig. I.

Tabula IV Figura I exhibet partes posteriores genitalium.

- A. Corpus penis.
 B. Glans.
 CC. Bulbi corporum cavernosorum penis, muscularis suis tecti.
 DD. Corpora cavernosa penis.

EE.



MENSIS MARTII A. MDCCCV. 117

- EE Duo bulbi distincti corporis cavernosi urethrae, musculis suis involuti.
 FFG. Partes musculorum in parte anteriore penis sitarum.
 HH. Par musculorum ab intestino recto exsurgens, & lateribus corporum cavernosorum penis insertum.
 IKL. Urethra prostatica K L K involuta.
 MN. Duæ glandulae mucosae in utroque latere.
 O. Vesica urinaria.
 P. Musculus cremaster.
 Q. Tunica vaginalis aperta.
 R. Vasa praeparantia a trunco magno dissecta.
 SS. Vas deferens in utroque latere.
 WXYZ. Testiculus sinister.
 ee. Partes ureterum.
 * * Stylus in urethram insertus.

OBSERVATIONES QUÆDAM MEDICO - PRACTICÆ & Physiologicae; inter quas paulo fusius de Asthmate, Hydrophobia, & Cordis in Embryone structura &c. agitur, Authore HUM. RIDLEY, M. D. & Colleg. Reg. Med. Lond. Soc.

Londini, impensis Jacobi Tonson, 1703. 8.
 Constant 17½. plag.

Magna quidem Clarissimo Authori in secandis hominum pariter ac animalium brutorum cadaveribus fuit solertia, quam vel solus ipse de Cerebro tractatus elegantissimus, quem in *Actis nostris* Anno 1696, *Menſe Majo pag. 201*, non solum commendavimus, verum etiam Ephemeridum Germanorum Volumini, jam sub prelo sudanti, Latinitate donatum, adjunctum iri accepimus, abunde docet: maxima tamen utilitate se probare ipsi nunquam non visa est Medicorum industria, qui phaenomena a natura cum morbo præliante producta serio sagaciterque expendunt; quibus etiam notis quasi characteristicis morbi, mira aliquando symptomatum quorundam similitudine inter se conjuncti, etiamsi specie discrepantes, a se invicem differant, sedulo edocent, superque ea inten-

tentiones curativas superstruunt. Cujus laboris a se pariter peracti specimen in hoc opere edere allaboravit. Sex enim ultra triginta exhibet observationes, in ægris variis morborum generibus veritas factas, in quibus historiam non solum morbi pertexit, sed subinde etiam discursum physiologicum & pathologicum subnectit, & quæ in cadaverum dissectionibus fuerant observata, candide communicat. Nos ea solum libabimus, quæ vel ipsa libri rubrica commendat, de hydrophobia scilicet, asthmate & cordis in embryone vasorum structura, sanguinisque circuitu.

Observatio igitur XXV ægrum sistit hydrophobicum, qui ante 13 menses a cane Danico rabioso morsus, inconcussa hætenus sanitate gavisus erat, donec transacto hoc tempore, cogitabundus aliquantulum & subtristis, de frigiditate circa vespere & stupore quodam faciei molesto conquestus fuerit, quibus accesserit aquæ pavor, absque ullo tamen salivæ deglutiendæ metu. Insecuta demum per paroxysmos sunt deliria & convulsiones. Liquida omnia averfabatur, ita tamen, ut monitus potionis medicæ portionem aliquam per gulam, licet timide & non sine lucta satis manifesta, transmitteret. Aquæ pavorem, hisce ægris solennem, Noster a convulsionibus musculorum deglutationi inservientium, & interna caloris febrilis accensione, præfocationis metum inferentibus deducit, ita ut cujuscunque rei vel fluidæ vel solidæ appulsum, utpote partium pneumonicarum cavitatem pertransituræ, & ita aeris ingressum impedituræ, vel etiam aeris confertiore introitum magnopere reformident, & vel ab aliqua istius generis imaginatione penitus abhorreant. Aquæ immersionem, tanquam appropriatum morbi hujus remedium, strenue & violenter peragi debere jubet, causamque consistere putat in eximia illa spirituum humorumque agitatione & mutatione, quam, renitente & averfante natura, producit subita & invita in aquam projectio; hisce enim circumstantiis neglectis, nihil eam juvare, præsentis ægri casus testatur luctuosus, qui in reditu ex Belgio per mare, facto naufragio, aquas nando trajecit trium ad minimum milliarium, multoties interea opprimentibus undis submersus, priusquam ad littus pervenerit.

In Observationibus XXVI & XXVII duo asthmatis exempla proponit, unico præcipue symptomate a se invicem discrepantia, vi-

videlicet sputatione, quæ ob eam essentialiter & omnino inter se vel in specie differre, & modo sicca, sympathica, seu convulsiva, modo humida, idiopathica vel vere pulmonica vulgo vocari solent; cum tamen revera, ex Authoris sententia, unus idemque sit affectus quoad causam formalem, & nulla hic omnino obtineat distinctio, nisi quam vel causæ occasionalis differentiæ, vel symptomati alicui supervenienti per accidens, juxta ægri temperamentum, acceptam referamus. In asthmate enim convulsivo sæpenumero sputatio sat copiosa supervenit, cum e contra, quæ in asthmate pulmonico dicto rejiciuntur phlegmata, non ex pulmonibus aut aspera arteria rejiciantur, sed per glandulas maxillares & sublinguales exprimantur, partim ob sanguinis nimis relaxatam ex seri redundantia compagem, partim ob ejusdem seri acrimoniam, fibrillas nerveas, per substantiam glandularum disseminatas, in contractiones stimulantem, unde sanguis in suo per vasa reductoria circuitu magnopere impeditus, majorem longe per eorum vasa excretoria solito copiam serositatum sub tenui salivæ forma, profunder aptus natus est. Nec obstat, quod subinde in asthmaticorum pectore aquarum colluvies fuerit reperta, cum hæc frequenter nullum cum pulmonibus commercium primario & in primo suo ortu habuerit, nisi successive in molem adeo immensam accrescat, ut præ istius copia, jam causæ fixæ & solitariæ rationem habente, spatium expansioni satis liberum non obtinuerint pulmones. Nec tamen id vult Clarissimus Author, quasi nullam omnino in hoc morbo seri in pulmonem exsudationem concederet, sed id, quod rejici videmus in paroxysmo, non causæ semper rationem habere, sed ob sanguinis circuitum impeditum ibi deponi existimat.

In Observatione XXXII foeminam in partu mortuam sistit; ex cujus abdomine extracti foetus cor cum pulmonibus vasculisque appensis exsecuit, si quid inibi lateret, quod quovis modo circa partium istarum functiones cum erudiret, lustraturus. Inter alia foraminis ovalis, cum sanguine per id profluente, exhibet delineationem. Valvula, qua gaudet hoc foramen, a superiore marginis foraminis parte, & ex illo istius latere, quod auriculam sinistram spectat, enascitur, deorsum propendens tali latitudine, quæ veli instar, si quovis modo applicetur, vel propellatur ad forami-

TAB. IV.
Fig. IIE

TAB. IV.
Fig. III.

minis circumferentiam, eam contegere valeat. (*vid. Tab. IV fig. 3 N. 1 c c*) Inferiori hujus parti chordulas quasdam rubras & fibrosas, quibus ad venæ pulmonalis parietem alligari videbatur, in vitulis semper conspexit, quæ tamen in hominibus semper desunt. Cor hoc cum aliis infantum corculis conferens, valvulæ situm semper alium atque alium observavit, prout illis nullum vel aliquod, idque modo breve, modo diuturnum cum aere commercium fuit. In figuræ III. N. 1. conspicuum est, sanguinem in foetu nondum respirante, modo plane declivi a venæ trunco ascendente prope ad auriculam per foraminis partem inferiorem, e transverso directe illi patentē, in venæ pulmonalis extremitatem prope ad auriculam sinistram, statim ad sinistrū ventriculum transmigraturum. N. 2. videmus foraminis aperturam, quarta sui parte præter propter, respectu ad ejus circumferentiam habito, cum valvula ab imo sui situ dextram versus altius aliquantulum scandentem, in infante recens nato & per paucula momenta respiratione uso; unde colligere est, quod sanguis e vena cava illuc appellens, & aperturam istius foraminis e tramite suo pristino aliorsum (videlicet a *c N. 1 ad c N. 2.*) deflectentem, reperiens, in auriculam jam alveo suo inhiantem, cum sanguine reliquo a descendente venæ cavæ trunco reffluo, per partem foraminis jam clausam novo incepto cursu decurrat. N. 3. foraminis apertura adhuc altius suspensa, cum valvula juxta naturalem suam dispositionem, in foetu tres septimanas nato delineatur. N. 4. foramen cum sua apertura & valvula plane inversum in corde adulti apparet; ubi ejus apertura supra tuberculi, a Lovvero sic dicti, marginem inferiorem e latere venæ pulmonalis penitus se recondit, cum valvula eidem procul dubio tractu temporis prorsus, ni aliter quovis impedimento interveniente contingat, firmiter adhæsuræ. Est, ubi dehiscentiam intra valvulæ hujus extremitatem & tuberculi marginem prædictum superiorem conspexit Author, licet rarius id contingat. Cum enim ad summitatem N. 4. notatam adscenderit apertura, cum valvula plane inversa ad rivum sanguinis e pulmonibus transmissum magis exponitur; quo factum est, ut exigua forsan sanguinis portio, continuo illac irrepando, valvulam eo loci ab omni cum margine cohæsione, vel per totum vitæ humanæ spatium impediat. Usus vasorum in corde quod atti-

attinet, advertendum esse monet Vir Clarissimus, valvulam for-
mini ovali, seu potius rotundo appensam, ejusdem margini undi-
quaque adnecti, servata solum quarta plus minus parte ad imum
istius foraminis aperta, sanguinis transitui dicata; ita ut haud adeo
magnam sanguinis quantitatem, ac haecenus creditum fuit, per
eam transmitti posse, & proinde majorem longe ad arteriam pul-
monalem ascendere, merito concludat. Cui argumento stabilien-
do maxime facit canalis arteriosi constitutio, qui etsi naturali sua
proportione, cum vacua est, non prorsus ad aortae magnitudinem
venit, liquore tamen quovis repletus, quam proxime, primo suo
praeipue egressu, ad arteriae istius cavitatem accedit. Deinde at-
tentionem meretur arteriae pulmonalis ramorum duorum structu-
ra. Hi enim statim a suo exortu, qui a parte hujus arteriae
trunci interiori est, e regione canalis communicationis adversa,
non solum admodum a se invicem utrinque, dextrorsum scilicet
& sinistrorsum, maxima fere distantia inter se facta recedunt,
quin etiam admodum in suo transitu declives evadunt, priusquam
pulmones ingrediuntur. Cum igitur viam illam adeo deviam &
impeditam sanguis invenerit, & ob valvularum semilunarium re-
nitentiam facile regredi nequiverit, arteriam hanc non potest non
reddere intumescentiorem. Utcunque autem de sanguinis circu-
latione per hoc viscus certior factus fuerit Author, nullus tamen
dubitatur, quin admodum lento gradu id fiat, cum ob conforma-
tionem vasorum, tum ob pulmonum substantiam, tunc temporis
adeo densam & compactam, ut instar glandularum ad tactum du-
ra & nodosa haec sentiat. Nec sane, quomodo per pulmones circu-
latio sanguinis apte fieri queat, concipi potest, nisi vasa sangui-
nem excipientia, tempore gestationis, concidentibus tum pul-
monibus, longe ampliora & capaciora existerent. Concesso
autem tardiori hoc sanguinis per pulmones transitu, fit ut minus san-
guinis per eos, quam si substantia eorum laxior rariorque fuisset,
singula ventriculi dextri systole percurrat; propter eandem ratio-
nem, a confertiori ejus in hanc arteriam influxu, necesse erit, ut
trunco ejus amplitudo major accedat. Hinc similiter cautum est,
ne foetu postea in lucem edito, a longe uberiori sanguinis quanti-
tate, huic arteriae allata, ab utriusque scilicet venae cavae truncis re-
flui,

flui, & celeri ejus appulsu, cessantibus jam foraminis rotundi & tubuli arteriosi officiis, arteriæ hujus parietes subito disrumpantur.

Tandem non possumus non experimentum Clarissimi Ridley, circa urachum foetus nati & post pauca momenta mortui factum, insimul commemorare. Scilicet urachi ex vesica exitum per stylum & flatum, sed frustra, etiamsi omni diligentia id fecerit, inquisivit. Eam denique aqua fontana (cujus tria cochlearia integra capiebat) repletam fundo deorsum filo suspendit, quam totam spatio tridui per urachum in vas suppositum lente & guttatim transiisse reperit; hinc de perforatione urachi factus certior, eam setarum & graciliorum specillorum immissione ulterius inquirendo prosequabatur. Cum autem nullo modo eam detegere valuisset, demum inversa prius vesica, & intruso subtus digito, in rugosa ejus tunica versus fundum, eo loco, ubi de ea procedit urachus, papillam quandam oculis detexit, cujus apicem forcibus cum abscidisset, statim oculis incurrit perforatio. Huic intrusum specillum facile in urachum transiit, & postea adaptato tubulo, eum cavitate pennæ anserinæ & amplius donatum deprehendit.

Explicatio Figurarum.

TAB. IV.
Fig. II.

Figura II delineat cor foetus cum suis vasis, postquam hic in spiritu vini integer per aliquot annos conservatus & postea apertus fuit.

A Cor.

b. Auricula dextra.

c. Auricula sinistra.

dd. Pulmones.

ee. Arteria aorta.

f. Arteria dextra subclavia.

g. Arteria sinistra subclavia.

h. Arteria carotis dextra } utraq̃ue cranium versus

i. Arteria carotis sinistra } ampliores.

kk. Arteriæ cervicales seu vertebrales, dextra & sinistra, per vertebrarum colli processus usque ad cerebrum transmissæ.

II. Ra-

- ll. Rami ejus utrinque inde exeuntes.
- m. Arteria pulmonalis seu vena arteriosa.
- n. Canalis seu tubulus arteriosus.
- o. Nervus octavi paris seu par vagum.
- p. Plexus ejus inferior altior hic, quam in tabulis Willisii vel Vieus-
senii depingitur.
- q. Ramulus distinctus ab hoc plexu descendens & nervum recur-
rentem constituens, absque reflexione ulla super arteriam sub-
claviam; num ita a natura, an per aliquod accidens in sectio-
ne, nescit Author.
- rr. Ramulus recurrens dexter.
- ss. Rami aliquot (num nervei vel sanguinei, nescit Author) ab hoc
plexu in nervum recurrentem & ulterius propagati, eorum
instar, qui in Willisii figura a nervi intercostalis plexu medio
distribuantur.
- tt. Nervus intercostalis, cujus plexus gangliiformis medius hic
deest.
- r. Plexus ejus thoracicus.
- ww. Plexus ejus superior.
- x. Trachea.
- y. Vena cava descendens abscissa.

Figura III sistit Foramen Ovale seu Rotundum naturali
aliquanto majus.

TAB. IV.
Fig. III.

- ab. Foramen ovale.
- ccc. Valvula.
- e. Ejus apertura.
- dd. Sanguis per eam transfluens.

THESAURUS GRÆCARUM ANTIQUITATUM
contextus & designatus a JACOBO GRONOVIO.
Volumen Undecimum & Duodecimum. Quibus acce-
dit Tomus Indices Generales
complectens.

Lugduni Batavorum, apud P. van der Aa, 1701, 1702, fol.

Q²

Vol.

Vol. XI constat Alph. 8. plag. 13.

- XII - - Alph. 5. plag. 19.

& plurimis figuris.

Index - - Alph. 5. plag. 8.

UNdecimum hoc Antiquitatum Græcarum Thesauri volumen Historica, Geographica, Nautica, Equorum curam, Tropæa & Exequias sistit, atque istis scriptis absolvitur. Pag. (I) comparent Dicæarchi *Geographica quedam, sive de Vita Græciæ. Ejusdem descriptio Græciæ, versibus Jambicis, ad Theophrastum, Henrico Stephano interprete, cum ipsius & Isaaci Casauboni annotationibus. Accedit Henrici Stephani ad Dicæarchum, & suam in illum lucubrationem appendicula.* Quamvis vero & Stephanus & Casaubonus præclaris maxime observationibus Dicæarchi libellum illustraverint, ad eumque rite explanandum multum studii ac laboris attulerint; neutiquam tamen omnes hujus instituti rationes ita explicari potuerunt, quin hinc inde relictæ quædam fuerint, quæ plenior enucleationem jure merito flagitare viderentur. Proinde ad se pertinere eruditissimus Gronovius judicavit, perquirere ista in præfatione diligentius, adhibitaque solertia efficere, ut menda ea, quæ aliorum, Stephani imprimis, aciem fugerant, tempestive tollerentur. Quo consilio monet, Stephanum col. (9) de Minervæ templo, quod scribitur esse πολυτελές, ἀπόειον, ἄξιον θεᾶς, agentem, nimis licenter vocem ἀπόειον mutare in ἀπόβλεπτον, cum reponendum sit ἀποπτον, id quod plane respondeat literis vetustæ scripturæ, & congruat verbis Plutarchi in Camillo, ἰερὸν, inquietis, εἰς τὴν ἀγορὰν ἀποπτον. Quid sit ὑπόδημα ὑσκλητόν, quod col. (28) Thebanis fœminis tribuitur, se definire posse negat, nisi statuatur loco vocabuli ὑσκλητόν legendum esse δικλῶτον, quod optime conveniat calceis fere nudos pedes ostendentibus, ut in reticulatim positis corrigiis numium rara essent foramina. Col. (32) in urbe Chalcide quum dicantur esse ὕδατα τὰ μὲν πολλὰ ἀλυκὰ, ἐν δὲ ἡσυχῇ μὲν ὑπόπλατυ, hoc posterius plane vitiosum esse monet, idque omnino vidisse Stephanum; at in eo Virum doctissimum errasse, quod supposuerit ὑπόπαχυ, quod plane non sit oppositum & diversum τῷ ἀλυκῷ, neque proprium aqua-

MENSIS MARTII A. MDCCV.

125

aquarum: verosimile ergo videri, Dicæarchum ὑπογλυκῶ, sub-
dulce scripsisse. Qui col. (36) citantur, versiculos

Λάρισσά τε μετ' αὐτὴν δ' Αὐλὶς. ἢ Βοιωτῖα
Χῶρα δὲ μετὰ Φωκίης δὴ πῶκεται

ita restituit, ut legat: Λάρισσά τε μετ' αὐτὴν Δαυλὶς. Affirmat
quippe, falsum esse, quod Larissæ vicina sit Aulis, illa scilicet, quæ in
inferioribus dicatur Αὐλὶς τε βοιωτῶν πόλις: potius ita de Dauli-
de statuendum esse, uti appareat ex Strabonis lib. IX, p. 423. Præ-
termittimus de industria reliqua, quandoquidem ista latius perse-
qui, instituti ratio prohibet. Proxime hinc abest Henrici Stephani
Dialogus, Dicæarchi Symplicior, vel de Græcorum moribus, præ-
sertimque Atheniensium, supplementum. Sequitur pag. 1 Erasmi
Vindingi, Pauli F. Hellen. Exponuntur in hoc opere, quod ex
Auctoris MS. autographo nunc primum editur, antiquæ Græciæ
populorum incunabula, migrationes, coloniarum deductiones, &
res præcipuæ gestæ, urbiumque & regnorum origines, mutationes,
interitus, & Principum in iis successiones, e Græcis præcipue scri-
ptoribus, Historicis, Poetis, Geographis, Oratoribus & Grammati-
cis. De quo etsi præclare sentiat Gronovius, dolet tamen, opus
hoc, priusquam ad se transmitteretur, a nullo harum rerum intel-
ligenti viro recognitum, ac politius limatum esse. Cum enim
constiterit foliis solutis, multaque adfuerint inducta, multa denuo
allita, multa variis signis annotata, fieri non potuisse, quin multa
a mente Auctoris & veritate aliena ibi contineantur. quorum pro-
inde numerum init, ac dato commemorandi loco recenset. Inde
comparent Lazari Bayfii *de re Navali liber, seu annotationes in L. 2*
De Captivis & postliminio reversis, cum figuris, pag. 564: Stephani
Doleti *de re Navali liber, ad Lazarum Bayfium, pag. 629:* Cælii
Calcagnini *de re Nautica commentatio, ad Liliū Gregorium Gy-*
raldum, pag. 741: Jo. Schefferi *de varietate Navium dissertatio,*
pag. 769: Josephi Laurentii *de varietate Navium schediasma,*
pag. 789: Joachimi Camerarii *Hippocomicus, seu de curandis equis,*
item de nominibus Equestribus Græcis & Latinis collectio, pag. 793:
Julii Cæsaris Bulengeri *de Triumphis, spoliis bellicis, trophæis, arcu-*
bus triumphalibus, & pompa triumphi, liber unicus, p. 857: Fran-
cisii Modii *de Triumphis, ludis & spectaculis veterum libri duo,*
pag.

pag. 961: Jo. Meursii *de Funere liber singularis, in quo Græci & Romani ritus*, p. 1073: Josephi Laurentii *de Funeribus Antiquorum tractatus, in quo ritus funebres ante rogum, in rogo, & post rogum illustrantur & explicantur*, p. 1164: Jo. Andreæ Quenstedii *de Sepultura Veterum tractatus, sive de antiquis ritibus sepulchralibus Græcorum, Romanorum, Judæorum ac Christianorum*, p. 1201: Petri la Seine *Homeri Nepenthes, seu de abolendo luctu liber*, p. 1329.

Duodecimum volumen tria solummodo, eaque reconditæ ac veræ eruditionis plenissima scripta complectitur, inter quæ primum locum occupant Veterum Sepulcra, seu *Mausolea Romanorum & Etruscorum, inventa in urbe Roma, in quibus multa ad eruditionem monumenta continentur, collecta & delineata* a Petro Sanctio Bartolio, cum *explicationibus* Joannis Petri Bellorii. *Ex Italico in Latinum sermonem transtulit* Alexander Dukerus, cum figuris. His subjunguntur Veterum Lucernæ Sepulcrales, *collecta ex cavernis & specubus subterraneis urbis Roma, figuris æneis expressæ, in quibus multa ad eruditionem monumenta continentur, delineata secundum formas suas* a Petro Sanctio Bartolio. *Divisa in tres partes, cum observationibus* Joannis Petri Bellorii. *Ex Italico in Latinum sermonem transtulit* Alexander Dukerus. Prodiit hæc opus Italica lingua conscriptum Romæ 1691 in fol. dignumque illud judicavit Celeberrimus Begerus, quod Latina civitate donaret. Vid. Acta nostra A. 1692, p. 224, & A. 1702, pag. 208. Eandem operam elegantissimo scripto Alexander Dukerus navavit, ejus versio hic extat, atque præstantissima hæc antiquitatis monumenta aliquot accessionibus locupletata exhibet. Tertium locum sibi vindicat Jo. Potteri *Archæologia Græca, sive Antiquitatum Græciæ corpus absolutissimum*. Editus hic varia multiplicique doctrina refertus liber in Anglia fuit, & patria proinde lingua confectus lucem aspexit, sed nunc ob singularem reconditamque eruditionem, Latina civitate donari meruit. Quod officium Vir quidam doctus ita obiit, ut non solum in convertendo illo multum studii, solertiaque adhibuerit, sed translationem quoque Clarissimo & nobis alias quoque in his Actis laudato Auctori, ut de ea censeret, transmiserit. Factum inde, ut & versionem penitus examinaverit Clarissimus

mus Auctor, ipsumque librum uberrima variarum rerum accessione auxerit. Ab initio ejus, qui duodecimi totius Thesauri voluminis partem secundam constituit, & separatim emi potest, comparet librorum, capitum & titulorum syllabus, in fine vero accuratus rerum verborumque index est subjectus.

Ne vero splendidissimo Thesauri operi universo quid deesset, quoad ejus commendationem facere possit, peculiaris Tomus Indicibus destinatus est. Quorum hæc est ratio, ut primus effigies, aliter auctores & opera, tertius res & verba, quæ undecim voluminibus prioribus & duodecimi parte prima continentur, exhibeant. Demanda primum hæc cura fuerat Jo. Gravenhage apud Hulstanos Verbi Divini Miniistro; ast cum hic morte interceptus esset, alii, quorum cura & industria id, quod decrat, perficeret, eligendi fuerunt.

*PII MANES STRUVIANI, SIVE DE VITA ET
scriptis GEORGII ADAMI STRUVII, Illustris quondam Jure-
Consulti, quibus justa persolvit maerissimus filius, BUR-
CARD GOTTHELF
STRUVE.*

Jenæ, apud Joannem Bielckium, 1705. 8. Plag. 9.

Magnum inter litteratos nomen est *Georgii Adami Struvii*, quem communem Germaniæ Præceptorem norunt, qui iudiciis adsident. Hujus igitur merita cum tanta sint in Jurisprudentiam, ut inter summos nostri temporis Jureconsultos merito sit referendus, filius ejus inter natu minores, Vir Clarissimus & Historiarum in Illustri Academia Jenensi hoc tempore Professor, pietatis esse duxit, Orbi erudito exponere, quæ sibi de vita, fati atque scriptis beati parentis essent cognita, cujus ductum brevius sequemur. Natus erat ille Germaniæ nostræ Ulpianus Magdeburgi V Kl. Octobris A. 1619, patre *Bartholdo Struvio*, hæreditario in Wandesleben, Jcto, & iudicii Archiepiscopalis, quod Magdeburgi erat, præfecto: ipsa vero Struviorum familia ex Ducatu Brunsvicensi originem trahente. Mater ejusdem erat *Anna Margaretha Brunneria*, ex nobili Brunnerorum & Fomannorum familia prognata. Hæc autem Brunnerorum familia ex Lehenstein, Bohemiæ prope Egram arce

ce orta, inter alios *Georgium Brunnerum*, Camerae Spirensis adfessorem, atque ex materna gente *Ortholphum Fomannum* in academia Jenensi olim antecessorem celeberrimum, numerat. Traditus noster primum Lycei Magdeburgensis præceptoribus ad ingenii culturam, anno 1630 vero, die 18 Octobris, annum agens duodecimum, in gymnasium Schleusingenſe, inter tertii ordinis discipulos, rectore Sergero est receptus. Integrum fere sexennium in hoc gymnasio exegit, præceptore potissimum viſus Andrea Reyhero, atque die 30 Aprilis anni 1636, cœtui discipulorum in episcopum scholasticum præfectus, habita insuper a dicto Reyhero solenni oratione. Eodem anno, ætatis vero decimo septimo, a suis demum avocatus, insigni cum testimonio ex gymnasio dimissus est. Paullo post, die 11 Junii ejusdem anni, in academiam Jenensem a parentibus missus, præceptores ibi nactus est, Philippum Horstium in morali & practica philosophia, in philosophicis aliis Daniele Stahlum, in physicis Joannem Zeisoldum. Præ cæteris vero assidue frequentavit scholas Joannis Michaelis Dilherri, oratoriae atque historiarum Professoris, sub cujus etiam præsidio anno 1638 publice defendit *de victoria & clade* dissertationem, proprio Marte elaboratam, atque statui illorum temporum accommodatam. In juri prudentia doctores secutus est Dominicum Arumæum, Petrum Theodoricum, Erasmum Ungebauerum, Ortholphum Fomannum, & Sebastianum Beer curiæ provincialis Advocatum. Triennio continuo, & quod excedit, in eadem academia exacto, honorifico cum testimonio, a Paulo Marquardo Slegelio, Rectore Magnifico, academici nomine concesso, dimissus est. Neque tamen fata propitia ibi semper fuit expertus. Dum enim Jena a milite Cæsareo diriperetur, tempore feralis istius belli Germanici, irruebant quoque milites in nostri musæum, mortem minantes, bombardæ ad feriendum paratæ pectori ipsius adplicatæ, ut vix singulari Dei beneficio, aliorum interventu servaretur. Hicce autem terror in tantum labefactavit nostri valetudinem, ut pane vitæ incurreret periculum. Relicta hyemali tempore anno 1640 Jenensi academia, reliquam hyemis partem domi transegit. Inſequenti vero anno, in almam Juliam se contulit, ut vestigia legeret, quæ in hac academia fuerat ingressus. Conradum Hornejum ibi audivit inter-

pre-

pretantem Aristotelis Nicomachiorum libros, cujus etiam ductu
 variis exercitationibus vacabat. In politicis audivit Hermannum
 Conringium, jura majestatis & politicam Aristotelis interpretantem.
 Hunc etiam præceptorem secutus in historiis, dum explicaret Tac-
 tum de moribus Germanorum, Diepholdi genealogiam, atque
 alia. Specimen quoque profectuum in hisce studiis edidit, habi-
 ta sub Conringii præsidio *de Ducibus & Comitibus Imperii Germa-*
nici dissertatione, quæ inter Conringianas alias extat. Inter Jure-
 consultos Habnium secutus, quem interpretantem audivit Pande-
 ctas & Codicem, & præcipue collegio ejus Wesenbeciano inter-
 fuit. Cum autem facile adduci non posset laudatus Halninus, ut
 ipse viva voce juventutem doceret, sed pleraque in calamum da-
 ret, ipse quoque vicaria Struvii opera, in dictandis ad Wesenbe-
 cii Paratitla observationibus, utebatur. Ejusdem præsidio noster usus
 in dissertatione a se elaborata, *de damnis, illis præcipue, quæ ex dolo,*
culpa aut casu proveniunt, horumque correctionibus & præstatio-
nibus. Hisce exantlatis, nomen professus est apud Collegium
 Juridicum, atque præviis examinibus, ad inauguralem disputationem
de Vindicta privata fuit admissus, habitam A. 1645 Februario mense.
 Vocatus postea, mense Aprili ejusdem anni, ad Assessoris in Scabi-
 natu Halensi munus; id quod illum movit, ut sequenti anno Do-
 ctoris insignia in se conferri peteret. Annum Halæ nondum
 transegerat & dimidium, cum auspiciis Serenissimorum Saxoniarum
 Ducum, ad ornandam Juris Professionem, in locum Gothofredi Fi-
 bigii, in academiam Jenensem vocaretur, commendante illum præ-
 cipue Georgio Frantzkio, Cancellario Gothano, in numerum
 Professorum, habita prius dissertatione pro loco *de Aedificiis priva-*
tis, 12 Decembris anni 1646 receptus. Inde quoque in Scabi-
 natum, atque numerum Adessorum Curiae Provincialis, fuit adle-
 ctus. In hac autem academia quanto semper cum applausu do-
 cuerit, in commune notum est. Immo Syntagmata ejusdem feu-
 dalis atque civilis juris, quæ in plerasque Germaniarum academias rece-
 pta, satis de communi adplausu testantur. Et cum latius propagaretur
 etiam extra academias ipsius fama in consilium vocabatur a Brunovi-
 censi republica, delato ipsi anno 1660 primi consilarii munere,
 ita ut quater in anno eo migraret. Id quod etiam, adnuentibus

Serenissimis Saxoniae Ducibus, ad triennium suscepit, quo præterlapso, muneri renuntiavit. Annus agebatur 1667, cum a Serenissimis Saxoniae Ducibus, Vinariensis lineæ, ipsi Consilarii aulici munus, atque rerum cameralium summa, clementissime demandaretur. Multa quidem in hoc munere publicorum negotiorum mole obrutus erat, quæ tamen minime obstabant, quo minus inter aulae negotia, varios quoque publici boni causâ ederet tractatus, præcipue *Evolutiones*, & *Jus Sacrum Justinianæum*. In hoc munere transactioni quoque, ratione Altenburgensis successionis factæ interfuit. In quo negotio pertractando talem se præstitit, ut non solum Ernestus Pius, contrarias licet partes tueretur, illum numismate aureo donaret, sed etiam facta postea divisione, Consilarii intimi munere ac dignitate augeretur. Subsequenti anno 1673, mortuo Richtero, in Jenensem academiam fuit revocatus, atque Ordinarii in Jctorum Collegio munus ipsi delatum est, relicta nihilominus Consilarii intimi dignitate. Cui muneri cum adnexa esset juris Canonici professio, idem & voce & scriptis illustrare adgressus est. Dolendum saltem, quod illi, quos publico destinaret labores, perfecti non fuerint, atque eorundem solum extent adhuc collectanea, licet inter hæc varia responsa ad causas & beneficia ecclesiastica spectantia. Sed neque ipsa meta dignitatum. Cum enim mortuo Bernhardo, Saxoniae Duce, unicus superesset Jenensis lineæ Saxonicus Princeps, Joannes Guilielmus, atque illo minorenni adhuc, tutelare regimen formaretur, illius Præses noster anno 1680 ordinabatur, demandata etiam Consistorii cura, & reddituum provincialium directorio. Ne itaque laborum mole obrueretur, cedebat juris professione, solo retento Ordinarii munere. Solatium autem in tanto negotiorum cumulo quærebat in Musis, disputationibus vacabat tam publicis quam privatis, editis etiam tractatibus, illo præsertim *de Invocatione nominis Divini*, & *Jurisprudencia Germanica*, licet ante jamdum jussu Ernesti Pii elaborata. Mortuo vero Juventutis Principe, & cum eo Jenensi linea extincta, dissolvebatur regimen, terris partim ad Vinariensem, partim Isenacensem domum delatis. Redibat igitur noster, quod sibi reservaverat, ad ordinem Juridicum, idque mense Junio anni 1691, juris Canonici vestigia relegens, lectionibus potissimum publicis atque diversis

acroa-

MENSIS MARTII A. MDCCCV. 131

acroamatibus vacans. Eodem anno a Serenissimo Hasso-Darmstadiensi Landgravio in partes curarum vocatus, & Consilarii intimi munere ac titulo honoratus est. In academico munere, Rectoratus vices bis gessit, Decani vero quater & decies, Brabeutæ quinta. Hæc origo, studiorum progressus, & honorum incrementa. Quantum ad statum familiarem, uxores binas habuit: priorem *Annam Mariam*, Christophori Philippi Richteri filiam unicam, ex qua suscepit septem filios, filiam unicam; alteram sibi matrimonio junxit anno 1663 *Susannam*, Burcardi Berlichii filiam natu secundam, ex qua XVII liberorum pater factus. Ex binis matrimoniis quinque solum sunt superstites. Corpus ipsi contigerat firmum, quadratum, iusta temperie bene dispositum, & gerendis negotiis obduratum. Valetudine utebatur prospera, ter solum in omni ætate morbo, sed gravi correptus. Pius alias, religiosus & constans erat. Inter adversarios habuit illustrem alias *Joctum*, *Henricum Corcejum*, qui in materia de dolo, culpa & casu contra eum egit: *Gerhardum Pfankuchium*, in materia retorsionis: *Theodoricum Paulum* in quæstione, an sacerdotes ab actione injuriarum sint immunes. Quartus adversarius erat personatus ille *Antonius a Ma-ra*, sive *Elias Schnegas*, qui dum in tractatu suo de concursu creatorum, alios Jureconsultos magni nominis laceggeret, nostrum etiam erroris arguere voluit, defendente tamen illum Filio, vitam hanc describente. Perillustis vero Baro *de Lincker*, dum *Anale-tis* suis utrumque syntagma vel explicaret, vel in quibusdam suppleret, dissentendum ab eo quodammodo existimavit, sed pro mutuo, quod inter utrosque intercedebat studio, multa cum modestia. Inter discipulos, præter per plures alios, magnis honorum gradibus accumulatos, præcipue numerabat magnum olim aulæ Berolinen-sis Status Ministrum, *Paulum Fuchsum*. Immo multi erant, qui ipsius Syntagmata vel in compendium, vel tabulas synopticas redigerent. Civile vero Syntagma prolixo Commentario illustravit *Petrus Müllerus*. Quid? quod ipsi Galli Jurisprudentiam ipsius Romano-Germanicam in suam linguam transtulerunt. Sed fatalis nostro dies atque terminus erat quintus decimus Decembris anni 1692, cum ipse debilitatis licet, solito plus, catarrho suffocativo viribus, consultantibus tamen collegis adesset, & cum de causa, quæ ad

Scabinatum delata, ad eos retulisset, inopinato adficiebatur, omnibus pane eundem derelinentibus viribus. Quieti itaque datus a suavissima conjuge, moxque vocati & Medicus, & supremus Ecclesiæ Antistes, officio dexterrime uterque functi sunt. Sed vix aliquot horas supervixerat, instantibus jam extremis, cum inter suorum suspiria & planctus atque preces, animam suam, circa horam, quartam matutinam, in manus Dei placide dimitteret, annis tribus & septuaginta major, septem & quadraginta liberorum aut pater aut avus. Hæc sunt, quæ de vita ac fati parentis narrat filius moestissimus. Subsequitur funebre programma, Academiæ Jenensis nomine, die exequiarum 16 Decembris, publice adfixum, atque ultimo loco catalogus scriptorum beati Viri atque dissertationum.

*DE NUPERO SCHISMATE ANGLICANO PARÆ-
nesis ad Exteros tam Reformatos quam etiam Pontificios, qua Jura
Episcoporum vetera, eorundemque a Magistratu seculari inde-
pendentia, omnibus asserenda commendantur ab HENRICO
DODWELLO, A. M. Dubliniensi.*

Londini, impensis Richardi Smith, 1704, in 8.

Constat plagulis 17.

Cum Guilielmus, gloriosissimæ memoriæ Rex Angliæ, felici-
sime Londinum appulisset, ac in primo Parlamento, ipsius au-
spiciis convocato, decretum fuisset, ut quicumque Parlamento assi-
derent, a juramento fidelitatis Jacobo II præstito absolverentur,
novumque novo Regi juramentum præstarent; non pauci inter
Episcopos id præstare veriti sunt, ac ea propter Episcopatu exuti
fuerunt. Quos cum a Magistratu civili deponi haud potuisse,
multi sibi persuasum haberent, Episcopos novos, qui in locum de-
positorum surrogati fuerant, nec recipi, nec cum iisdem commu-
nionem quandam haberi posse judicarunt, imo quotquot cum il-
lis facerent, schismatis cujusdam accusare non dubitarunt. Cui
sententiæ, inter eruditissimos Angliæ Viros, Dodwellus etiam addi-
ctus, libellum præsentem in lucem publicam emittere, inque eo
Episcoporum jura a prima origine repetere, ac jus in eadem Ma-
gistratui civili derogare voluit. In quo tractationem exorsurus do-

doctissimus Autor, primum admonet externos, ut sibi prospiciant, ne quid mali exempli ab Anglis ad eos redundet, quod ipsorum quoque communionem precariam, nec diutius duraturam, quam Magistratui civili videatur, reddat: dein omnem schismatis nuper apud Anglos orti causam ab Episcopis suis amoliri, & in eorum adversarios transferre studet: tandem exteris factum hoc dijudicandum tradit, ea tamen lege, ut secundum primæ Ecclesiæ placita, non juxta præconceptas modernarum etiam Ecclesiarum opiniones, illud examinent. Quibus præmissis, ante omnia duo primæ Ecclesiæ intervalla, unde quidem ad nostra tempora deduci soleat argumentatio, caute invicem secernenda esse notat, & quidem prius eorum fuisse monet, cum in universam Christi Ecclesiam, talem primum obtineret Episcopus Hierosolymitanus, qualem Pontifex templi Hierosolymitani Judæus in Synagogas Judæorum per orbem dispersas habuerit. Tum enim ἀρχιερεῖς, seu Principibus sacerdotum (per quos Pontifices, Expontifices, Segenes seu vicarios Pontificum, qui totius δώδεκα φύλας, seu duodecim tribuum nomine, sacris publicis præfuerint, intelligit) in Synedrio Christianorum Hierosolymitano Apostolos, pro tribuum quoque numero duodenos, respondisse. Quod autem primum hoc Ecclesiæ Hierosolymitanæ Collegium, ad Collegii apud Judæos Hieratici instar, communi ἀρχιερέων nomine haud insignitum fuerit, in ratiociniis illius ævi Platonici de Archetypis atque Ectypis, causas valde commodas inveniri censet, quæ eo denique redire videntur, ut cum Christus ipse, ὁ λόγος, Prototypus, unicus esset ac æternus Sacerdos, & κατ' ἐξοχήν ac vere Ἀρχιερεὺς, Apostoli a nomine tam venerando sibi temperare voverint, Collegiumque suum modestiori aliquo vocabulo, quod ministros Christi potius quam collegas sonaret, censuerint insigniendum, ne quam sibi paritatem cum λόγῳ vindicare viderentur. Porro observat, cum explendo duodenario Apostolorum numero non sufficerent, qui ex eadem cum Christo stirpe essent, aliunde arcessendos fuisse, qui tribuum numerum æquarent: in hoc tamen Apostolorum Collegio, primum locum Christi cognatos habuisse. A primo, quod Hierosolymis erat, isto Cleri Christiani Collegio ad secundum progreditur, atque istud cum secundo Synedrii Judaici Collegio non modo commune Presbyterorum nomen, sed & parem numerum habuisse

buisse docet, id colligens ex libro Apocalypseos, ubi 24 Presbyterorum mentio injicitur, & juxta ipsum Ecclesia Hierosolymitana, qua Synedrio Hierosolymitano respondit, adumbratur: præterea asserit, a secundo hoc Christianorum Hierosolymitanorum Collegio ad exteras ecclesias exemplum Presbyterorum transiisse, atque sic nullum esse potuisse locum presbyteris laicis. Cum igitur utriusque Cleri, Judaici pariter ac Christiani, Hierosolymitani Collegia adeo accurate sibi invicem responderint, facile hinc colligi posse opinatur, Clero Christianorum Hierosolymitano obsequium omnes orbis universi ecclesias debuisse, uti Clero Hierosolymitano Judæo omnes per mundum universum dispersæ Judæorum synagogæ paruerint: imo ex hac convenientia inferre satagit, primo hoc Apostolorum spatio, Christianis omnibus unitatis principium Episcopum Hierosolymitanum fuisse; ad eundem plane modum, quo & Judæis omnibus, quantumvis invicem dissitis, unitatis principium summus fuerit Pontifex, qui rem sacram omnium nomine procuraret: paulatim deinde Rectorum ordinariorum potestatem in ecclesiis exteris, ecclesiæ forte Hierosolymitanæ consensu, augmenta cepisse: primis autem temporibus vix alios, quam illius ministros, Hierosolyma missos, in ecclesias ecclesiæ Hierosolymitanæ obnoxias disciplinam ac potestatem exercuisse: ipsos tamen hos ministros itinerarios utriusque Collegii, tam Apostolorum quam Presbyterorum, Clero citra dubium obnoxios fuisse. Ne vero, quæ de primatu ecclesiæ Hierosolymitanæ in universam Christi ecclesiam adducta sunt, in cerebro suo finxisse videretur Clarissimus Autor, eundem proximis post Apostolos temporibus non ignotum fuisse, corroborare studet, eumque in finem ad Hegesippum e statu ecclesiæ Hierosolymitanæ de statu ecclesiæ Catholicæ judicantem; ad traditionem quandam de Apostolis, aliisque Domini tam cognatis quam discipulis, e peregrinationibus domum reversis, ut Simeonem Cleopæ episcopum Hierosolymitanum constituerent; ad Clementem Romanum, qui non Petrum, sed Jacobum Episcopum Episcoporum salutarit; ad ordinem epistolarum Catholicarum, inter quas primus locus epistolæ S. Jacobi, ob hujus prærogativam, assignatus fuerit; ad Epiphanium, qui hæresi 70 num. 10 hunc ecclesiæ Hierosolymitanæ primatum agnoverit, provocat. Exposito ita eccle-

clisæ Christianorum Hierosolymitanæ in reliquas jure, quod juxta
 ipsum ad Trajani usque tempora se extendit, ad alterum Ecclesiæ inter-
 vallum & hodiernum regimen ejus pergit, illiusque constitutio-
 nem, licet ab Apostolis emanarit, omnibus tamen N. T. scriptis recen-
 tiorem, ac proinde ibi haud expectandam esse tradit, imo perhibet,
 minus necessarium esse, ut regiminis ecclesiastici forma, hodie inter
 Christianos observanda, in sacris literis commemoretur, quando-
 quidem sine illa mentione parem, imo forsan etiam majorem ha-
 beamus saltim regiminis ab Apostolis in ecclesia universa relictæ cer-
 titudinem, quam quæ in libris ab Apostolis scriptis nobis relictæ
 fuerit. Sepositis igitur libris Scripturæ canonicis, & quorum silen-
 tio regiminis ecclesiastici juri nihil decedere credit, ad recentiora
 monumenta sese confert, atque ex illis, quæ demum nova jura, &
 qua ratione, singulis ecclesiis ex Hierosolymitanæ clade accesserint,
 perlustrare, ac quo melius rerum deinde gestarum nexus intelliga-
 tur, tempus, quo tanta illa mutatio contigerit, paulo curatius, quam
 hactenus factum, indagare suscipit, atque docet, post Simeonis
 Cleopæ cadem, (quam olim anno æræ vulgaris CXVI contigisse sibi
 persuaerat, jam vero ad initium imperii a Trajano gesti, annum
 puta CIV vel CV, referendam esse suspicatur) in singulis ecclesiis Epi-
 scopos pares Episcopo olim Hierosolymitano successisse, dissipataque
 ecclesia Hierosolymitana, & causis omnibus primatus spoliata, pri-
 matum ipsum etiam Dei providentia fuisse sublatum: episcopis primis
 potestatem Apostolos dedisse, non tamen tantam, quæ illos ab offi-
 cio Apostolis debito excusarit: post cadem Simeonis Cleopæ, Col-
 legium Apostolorum Ephesi sub moderamine S. Johannis Apostoli
 degisse, atque ita primatum ab ecclesia Hierosolymitana ad Ephe-
 sinam translatum esse, nec multo post, autoribus Apostolis, no-
 men Episcopi *πρωτοκαθίδεξις*, seu primam sedem occupantibus,
 proprium fieri cœpisse; non tamen effecisse magnificum illum E-
 piscoporum titulum, ut Apostolis obnoxii non essent *πρωτοκά-
 θιδεξις*: tempus autem, quo hoc novo Episcoporum nomine do-
 nati ab Apostolis fuerint *πρωτοκάθιδεξις*, in tanta vetustatis caligi-
 ne constituere, fatetur esse difficillimum, id tamen anno Christi
 CVI, ante stabilitum a Collegio Ephesino Evangeliorum Cano-
 nem præter propter contigisse hariolatur, idque dein probare sata-
 git.

git. Quod Episcopi nomen, commune antea cum aliis, ubique & tam repente *πρωτοκαθεδρεσι* soli obtinere cœperint, ex suis hypothesebus facile declarari posse affirmat. Juxta ipsius namque mentem, juris Hierosolymitani legitima devolutio rationem omnem exclusit, cur quis merito adversaretur: imo fecit, cur boni omnes æquique amantes eam tuerentur: jus vero illud principii unitatis non corpori universo, sed corporis tantummodo capiti, & personæ adeo singulari, convenire commode potuit: sic æmulos nullos vel unica illa ratio *πρωτοκαθεδρίας*, seu primariæ sedis, admisit: nec de personis, quas in prima sede, ab ultimis Ecclesiæ Apostolicæ Hierosolymitanæ ministris constitutas, repererat ipsa illa devolutio, certamen ullum enasci potuit: etenim quos prima apud suos sede dignos judicavisset ecclesia illa Apostolica, iidem digni etiam juribus, ad primas sedes postea devolutis, censeri debuerunt. Circa nomen Episcopi observat, quod illud prima significatione Dei proprium sit, inde autem ad alios, qui ejus personam repræsentarent, præcipue autem ad sacerdotes primarios aliosque intimioris admissionis amicos emanarit: quod Apostoli ac Presbyteri exterarum ecclesiarum, nondum coercendi potestate donati, Episcopi appellati sint, quia eleemosynis Deo sacris distribuendis præfecti fuerunt. A nexu visibilium Episcoporum cum invisibili causam arcessit, cur singulorum Episcoporum sententiæ jus communionis universalis dederint vel abstulerint. Etenim cum admissus in ecclesiam ab Episcopo in una solum ditione, a Christo etiam similiter admissus sit, & contra ejectus ex ecclesia, a Christo ipso pariter ejectus fuerit: collegæ certe in Episcopatu nulli jus esse potuisse, repudiandi a sua communione, quem Christus ipse in suam admisit, corporisque sui membrum per vicarium suum visibilem agnovit; nec contra, jus ulli esse potuisse in suam communionem admittendi, quem Christus pariter, per vicarium suum visibilem, a se alienum damnandumque pronunciavit. Hinc in gratiam *Φιλαρχαίων*, quid ecclesiæ Catholicæ nomine intellexerit Ignatius, disquirat, variisque sententiis repudiatis, illum Ecclesiam invisibilem & archetypam, sub Christo archetypo & invisibili Episcopo, Catholicam appellasse asserit; propugnatque ecclesias etiam particulares Catholicas appellari posse, quæ servant cum cœlesti Apostolorum ec-

ecclesia communionem : non posse autem illas, quæ singularum ecclesiarum regimen monarchicum immutare ausæ sint. Porro quid S. Cypriani verba, de una ecclesia, uno episcopo, uno episcopatu, cujus a singulis in solidum pars teneatur, sibi velint, exponit; ac declarat, Episcopos proprium sibi collegium, & quidem non solum de facto, sed de jure, atque ex ecclesiæ Christianæ commodo constituisse: unum episcoporum ab Apostolis electorum, alterum potestate non superasse: omnem imparitatem, quæ subsequenti tempore inter Episcopos obtinuit, singulorum factis tribuendam esse, quæ tantundem valuerit, quantum ipsa pacta valent. Quam diu vero inter Episcopos paritas illa obtinuerit, tot primævis monumentis deperditis, difficulter admodum definiri posse judicat. Summicatur tamen, ad tempora fere Constantini eam perdurasse: iis enim canones Conciliorum de rebus diocesanis privatis primum conditos deprehendi. Quod Episcoporum in sedes vacantes sufficiendorum jus, non ad Presbyteria, sed ad Collegii Provincialis Episcopos spectarit, liquidum esse autumat; difficilior autem Auctori quæstio videtur, num Episcopum episcopatu exuendi jus habuerint Collegæ, cum pares inter se essent, & vere Episcoporum non ausi fuerint esse episcopi. Circa quod problema extra controversiam ponit, quod potuerint Collegæ eum saltim pro Collega non agnoscere, qui seipsum ob admissa crimina episcopi dignitate privavit: sed crimina talia esse oportuisse, quibus non solum meruerit, ut exueretur, sed quæ ipso facto illum exuerint, episcopalisque honoris incapacem fecerint. Ad quæ crimina refert, si quis idolis sacrificaret: cum enim nulla communio Christo sit & Diabolo, nec mensæ Diaboli particeps mensæ Domini particeps fieri queat, multo minus communicantium omnium caput ac unitatis principium cum Christo communionem habere potuisse. Iisdem criminibus accenset, si quis hæresi se commaculasset. Etenim cum literarum formatarum finis hic præcipuus fuerit, ut commune fidei depositum hoc commercio inviolatum servaretur, in propatulo esse, qui aliam finem sequebantur, jus nullum collegii orthodoxi, nec commercii literarum formatarum amplius habuisse. In eorum criminum numero schisma denique collocat, utpote quod ab Ecclesia, ac proinde etiam a collegio sacerdotali & collegii commercio, aliquem separavit.

rit. De regiminis ecclesiastici origine cum ita egisset Auctor, in Episcoporum potestate longe majus, quam vulgo creditur, momentum esse monet, atque Reformatos ad restaurandum Episcopatum exhortatur. Demonstrat porro, primævis Episcoporum juribus adversari, quæ Romanus Pontifex sibi vindicat; primatum illum certe ad articulos fidei non posse referri; incertam admodum esse illam Ecclesiæ Catholicæ unitatem, quæ ab unius Ecclesiæ episcopo, tanquam cæterorum capite, arcessitur; bono ecclesiæ publico longe utiliorem esse omnium episcoporum paritatem, quam si unus Episcopi Hierosolymitani hæres Episcopus Romanus fuisset. Absoluto ita primo de veteribus Episcoporum juribus capite, ad secundum de Episcoporum a seculari potestate independentia accedit, ac postquam eandem probare studuit, monet, Principibus secularibus in hoc negotio neque Reformatos, neque Pontificios admodum fidere posse: ad ecclesiæ dissolutionem spectare, si Principibus Episcopos officio ecclesiastico exuendi concedatur potestas: ne quidem commodis suis inservire Principes, vim religioni inferentes: ad bonum reformationis publicum facere, si Episcopi cum primævis suis juribus restaurentur: primæva illa Episcoporum jura, ad concordiam cum modestioribus fidei Romanæ sociis promovendam, multum conducere: Ecclesiæ etiam Pontificiæ non prodesse Principis tutelam, si, quam tuetur in Pontificem, ecclesiæ libertatem ipse violaverit: officia in episcopos primæva digna plane esse, quæ hodiernis etiam catechesibus inferantur.

JOSEPHI PITTON TOURNEFORT AQUISSE-
riensis, Doctoris Medici Parisiensis, Academia Regia Scientiarum
Socii, & in Horto Regio Botanices Professoris, Corollarium
Institutionum Rei Herbariæ.

Parisiis e Typographia Regia, 1703. in 4to.
 Constat plag. 9 & tab. æn. 13.

PEculiare id habet præ aliis studium Historiæ Naturalis universum, maxime Botanicum, ut quo major copia rerum nobis cognita fuerit, hoc majus oriatur desiderium videndi plura. Atque hæc ipsa insatiabilis cupiditas impulit modo nominatum Tournefort

fort, ad fuscipiendum iter longe durissimum plenumque multiplici periculo. Vix absolverat Institutiones Rei Herbariæ, (Anno 1701 Mense Augusto a nobis indicatas,) pulcherrimum opus, in quo 673 plantarum genera, sed species 8846 diligentissime describuntur, & ea libido visendi exteras regiones, Orientales præcipue, invasit eum, ut rariores conquireret stirpes, eas etiam, quas olim celebasse ac in frequenti usu habuisse veteres Medicorum principes, nihilominus hodie deperditas aut ignotas novimus. Adjutus igitur munificentia Ludovici Magni Regis Galliarum, una cum sociis D. Andr. Gundelsheimer, Medico Germano, & Claudio Aubriet Gallo-Campano, pictore peritissimo, primum ad Ægæi maris insulas tum Cyclades, tum Sporades, abiit, postmodum Constantinopolim, Pontum Euxinum usque Trapezuntem visitavit, in Bithynia, Paphlagonia, Cappadocia, utraque Armenia, Iberia, Galatia, Mysia, Phrygia, Æolide, Lydia & Ionia exploratis collectisque plantis non satius rediit: maluisset enim Syriam ac Ægyptum peragrarè, nisi pestis inibi dire grassata eum deterruisset. Interim non poenitentis peregrinationis fructus ex locis illis reportavit secum: plantas namque rarissimas 1356, ac inter has 25 genera prorsus nova invenit, atque in hoc Corollario descriptas delineatasque in publicum edidit.

Kurzer Entwurff der Einigkeit der Evangelisch-Lutherischen und Reformirten im Grund des Glaubens
abgefasset von SAMUEL STRIMESIO,

h. e.

BREVIS DELINEATIO CONSENSUS INTER
Evangelicos Lutheranos & Reformatos in fundamento fidei, singulari desiderio promovenda unionis Christianæ inter utrasque
Ecclesias consignata a SAMUELE STRIMESIO, SS.
Theol. Doctore, ejusdemque Professore Ordinario, &
Pastore Primario in Academia Regia
ad Viadrum.

Apud Jer. Schreyen & Jo. Christoph. Hartmann, 1704, 8.
Plag. II.

Celeberrimus inter Reformatæ religionis Doctores *Samuel Strimelius*, in præfenti Delineatione id agit, ut ostendat, Ecclesiarum Lutheranæ - ac Reformatæ - Evangelicarum doctrinas, quod ad fidei fundamentum attinet, convenire, ac proinde nihil ob stare, quo minus colligari in unum corpus mutuaque fidei societatem coire queant. Trium itaque quæstionum brevi, sed luculenta discussione, operis tractationem absolvit. Primo enim quærit, utrumne discrimen sit ponendum inter veritates, quæ theologicæ aut sacræ tantum dicuntur, & inter eas, quæ cum ipso fidei fundamento arcte connectuntur? Deinde disquirat, quænam istæ sint veritates aut doctrinæ, quæ cum fidei fundamento necessarium nexum habeant? Quibus explicatis, probare denique nititur, Reformatos cum Lutheranis, in istis doctrinis, quæ fidei & salutis fundamentum constituunt, convenire, adeoque nullam adesse rationem, cur ad constituendam inter utrasque Ecclesias unionem, animus non sit adjiaciendus.

- P. II.** Quod inter veritates tantum theologicæ, & quæ fundamentum salutis constituunt, differentia sit admittenda, liquere arbitratur, quoniam priores sic comparatæ sint, ut vel plane ignorari, vel memoria iterum excidere possint, salva hominis salute; cujusmodi est doctrina de motu vel quiete telluris. Ipsos Apostolos, Petrum & Paulum, dissensisse inter se de veritatibus quibusdam theologicis. In primitiva Ecclesia dissensisse Victorem Episcopum Romanum ab Asiaticis Ecclesiis de celebrando Paschatis festo, vitioque ab omnibus verti Victori, quod ideo Polycratem, Ephesinum Episcopum cum omnibus Asiæ ecclesiis a communione absciderit. Lutherum Bohemos fratrum loco habuisse, tametsi ipse fateatur in Præfatione ipsorum Confessionis, quæ Wittebergæ A. 1533 prodiit, adjectæ, quod non in omnibus inter se atque ipsos conveniat. Eundem charos eximiosque habuisse Helvetios, licet non omnino se invicem intellexerint. Esse cum inter Reformatæ, tum Lutheranæ Ecclesiæ Doctores, in quibusdam dogmatibus dissensum, qui nihilo interim minus unitate Spiritus, per vinculum charitatis, inter semet invicem conjungantur.
- P. 13.**
- P. 15.**
- P. 16.**
- P. 17.**
- P. 18. 19.**
- P. 20.** Neque fieri posse, ut in tanta temperamentorum, corporum, intellectus, cognitionis, inclinationum, educationis, institutionis, præjudiciorumque diversitate, & causarum in vel extra hominem posita-

litarum, unum idemque omnes sentiant. Proinde nihil aliud su-
 peresse, quam ut de dogmatibus, ipsum fidei & salutis fundamen-
 tum constituentibus, tantum circumspiciamus, utpote in quibus
 consensus atque unionis ratio solum requiratur. Hinc explicantur
 criteria, ex quibus doctrinæ ad ipsum fidei fundamentum pertinen-
 tes cognosci possint. Nimirum requiri ad hoc, ut vel Deus ipse
 veritates istas ad salutem esse necessarias revelaverit, vel ut ex evi-
 denti consecutione idem intelligi possit. Consequentiam autem
 evidentem vel ad necessariam doctrinam, vel ad expressionem ne-
 cessitatis ejus ad salutem, respicere. Ex quo arguuntur in
 defectu peccantes Sociniani & Arminianorum nonnulli, in excessu
 autem, qui fundamentum substantiale, dogmaticum & organicum
 posuerint, ad quod omnia dogmata, uti antecedens quoddam, aut
 constituens, aut consequens retulerint, & qui consequentias ex Au-
 ctorum hypothesibus sive vere sive perperam deductas, ipsis licet
 vel maxime renitentibus impingant. Cum vero nonnulli sex, alii
 quinque, quatuor alii, & iterum alii tria tantum dissensionis capita,
 inter Ecclesiam Lutheranam & Reformatam constituerint, propo-
 nuntur primum quatuor argumenta, quibus consensus harum Eccle-
 siarum fundamentalis probatur; deinceps vindicantur a dissensu fun-
 damentali tria ista capita, quæ unionem impedire plerisque creduntur.
Primum, quo utrarumque Ecclesiarum consensus in fidei funda-
 mento confirmatur, desumptum est a consensu circa Scripturam
 S. tanquam principium, uti loquuntur, adæquatum credendi atque
 agendi; *secundum* a quinque præcipuis capitibus religionis Chri-
 stianæ, nimirum a Fide, Lege, Oratione Dominica, Baptismo & S.
 Cœna; *tertium* a convenientia circa Augustanam Confessionem
 invariata; *quartum* a convenientia circa Formulam Concordiæ
 stricte dictam, & explicantur ea, quæ dubios reddere nonnullos hac in
 re potuissent. Nam cum Formula Concordiæ circa tres tantum ar-
 tículos, scilicet in loco de *Cœna Domini*, de *Persona Christi*, & de
Prædestinatione, dissensum suum adversus Reformatos testetur, de
 hisce tribus sigillatim sibi agendum esse, putavit Auctor Celeberri-
 mus. Ut igitur nullum dissensum fundamentalem, in articulo de
Cœna Domini, inter Reformatos & Lutheranos intercedere osten-
 dat, docet ex suæ Ecclesiæ Doctoribus, ipsos concedere primo, ve-

P. 27.

P. 30.

P. 33.

P. 34.

P. 36.

P. 42.

P. 43.

P. 46.

P. 49.

P. 57.

P. 62.

- rum corpus & sanguinem Christi vere & substantialiter adesse, atque cum pane & vino distribui; deinde corpus & sanguinem Christi supernaturali & cœlesti modo cum pane & vino sumi; adeoque dissensum constitui tantum in eo, an corpus & sanguis Christi ore sumatur, atque an ab indignis non minus quam dignis ore corporis accipiatur: adductisque Reformationum negandi rationibus, existimat, quomocunque tandem res comparata sit, illud omnibus perspicuum apertumque esse, dissensum circa hæc ad fundamentum fidei non pertinere, quoniam neque quisquam propterea vitæ cœlestis jacturam pati possit, & ipsi dissentientes circa ea, quæ præcipua in S. Cœna sunt, nimirum quoad spiritualem manducationem conveniant. Imo totum de cœna Domini articulum non esse ex sententia etiam Doctorum Lutheranorum fundamentalem, ac ipsum Lutherum initio reformationis statuisse, non committi errorem fundamento fidei repugnantem, si quis transsubstantiari panem crediderit, in reformationis quoque progressu professum, se amplius Bucero spiritualem manducationem concedenti litem non moturum. Adjungitur quoque responsio ad quinque argumenta, quæ Vir quidam eruditus objecerat, ut omnis circa hunc articulum orta dubitatio tolleretur. In loco *de Christo* concedi inquit a Reformatis fere omnia, quæ Formula Concordiæ proponit: difficultatem in hoc solum motam esse, an naturæ humanæ finitæ, in abstracto sumptæ, communicatæ fuerint proprietates divinæ essentielles, & vice versa; quoniam proprietates essentielles, inprimis in Ente simplicissimo, qualis est divina natura, cum rei essentia unum sint idemque. Sed cum concedatur, Christum esse verum Deum & hominem in una indivisa persona; eidem tanquam vero Deo & homini competere omnia attributa essentialia divina & humana, ne uno quidem excepto; personæ in concreto, sive ab humanitate sive divinitate denominetur, non solum utrasque proprietates, verum etiam quicquid Christus in terris aut cœlo perfecit, aut adhuc agit, aut acturus est, non secundum solum nomen, sed rem ipsam tribui, evidens esse putat, dissensum in hac sublimi materia non esse fundamentalem. Denique in articulo *de Prædestinatione*, approbari a Reformatis dicit Vir Reverendus, quæ in Formula Concordiæ leguntur, quæque non tam Reformatis, quam nonnullis inter ipsos Lutheranos op-

opposita fuisse deprehendantur. Adducit proinde, ad meliorem intelligentiam, Universalistarum & Particularistarum Reformatorum, atque ipsorum Lutheranorum sententias de Prædestinatione. Inductos autem fuisse Reformatos, cum nonnullis Lutheranis, ante Hunni & Mylii tempora, in istam de prædestinatione mentem, ne quid tribuisse viderentur viribus humanis, in consequenda salute nostra. Eandem fovisse sententiam Augustinum & Patres nonnullos. Sed cum vulgo obijciatur, neminem, secundum Reformatorem doctrinam, de salute certum esse posse, quoniam propositionibus universalibus, in quibus particulares subsumptiones continentur, destituantur; respondet, licet universales absolute propositiones de gratia Dei non proponantur, haberi tamen propositiones universales accommodatas sive limitatas, quarum virtutis quispiam de salute sua subsumere & concludere queat, quam propositis propositionibus universalibus absolutis, sub quibus etiam impii contineantur. Neque minorem fructum ex hac doctrina percipere convertendos, aut in statu tentationis constitutos. Convertendis enim primo proponi poenitentiam, sub poenitentibus autem ipsos contineri tentatos, adeoque utrosque sub propositione universali accommodata, quod Deus omnes poenitentes & credentes salvos fieri velit, subsumere & iudicium de salute sua facere posse.

p. 99. 104

p. 106.

p. 119.

p. 121.

p. 123.

p. 124.

Quibus explicatis, hortatur & rogat Vir pacis Ecclesiasticæ studiosissimus, ut quisque pro dignitate, doctrina & officio sibi a Deo concesso, ad promovendum opus tam sanctum & salutarem connitatur, cum jam majorum vestigia extent, cujus rei exemplum ab Evangelicis Statibus Francofurti A. 1634 editum subjicitur, & Potentissimi Borussiae Regis voluntas plurimorumque studium idem probet. Tanta vero animi moderatione atque candore, in commendando hoc negotio utitur Vir Celeberrimus, ut neque pacem cum veritatis jactura optet, eandemque si rei Christianæ minus convenientem intellexisset, se impediturum profiteatur.

p. 143.

p. 159.

NOVA LITERARIA.

Berolini die proximo 5 Februarii, ætatis anno septuagesimo primo, ad Superos, per placidam analysin, transiisse Theologum ac Poly-

lyhistrorem toto orbe celeberrimum, *Philippum Jacobum Spenerum*, publice jam constat. De quo uberrimus dicendi campus nobis pateret, nisi persuasissimum haberemus, futurum proxime, ut justo studio composita Vitæ ejus recensio, & librorum ab ipso editorum catalogus, publicæ luci exponatur. Ex Italia denique, post molestissimas moras, libros expectamus novos, ac inter hos etiam, quos jam mense Majo anni superioris indicaveramus. De quibus proinde memoranda erunt plura, quamprimum ad nos pervenerint. Interim non dissimulamus, *Jo. Vignola Dissertationem de Columna Imperatoris Antonini Pii, Romæ in Campo Martio A. 1703 detecta*, cui tum dixeramus ultimam manum imponi, prælo nondum commissam, Auctore hætenus per morbum præpedito. Contra spes est, *Justi Fontanini Foro-Julienfis Vindicias antiquorum Diplomatum adversus Bartholomæi Germonii Disceptionem de veteribus Regum Francorum Diplomatum & Arte secernendi antiqua diplomata vera a falsis*, propediem proditura. Quemadmodum nec id tacemus, *Petri Marcellini Corradini Veteris Latii Profani & Sacri* partem primam, seu Latium Gentile, Romæ typis Francisci Gonzagæ publici nuper juris factam: alteram vero, nempe Latium sacrum, sub prælo jam sudare. Inter libros alios in Italia superiore anno editos commendantur: *Triduana Concertatio de Canone librorum sacròrum, acta in Seminario Montis Falisci*, auctore Fr. Guillelmo Bonjour Tolosano, Ordinis Eremitarum S. Augustini, & in Seminario Montis Falisci Divinarum Litterarum Professore. Apud Montem Faliscum, 1704. 4. *Dissertatio Historica de ducentis Augustinianis Scriptoribus, qui obierunt post magnam unionem Ordinis Eremitici usque ad finem Tridentini Concilii, amplioris Bibliothecæ Augustinensis prævia*. Authore Fr. Antonio Gandolfo Genuensi. Romæ 1704. 4. *De Prærogativa Oecumenica Nomenclationis & Potestatis Romani Pontificis a Constantinopolitanis Præsulibus usurpata, Historica Dissertatio*. Auctore Ant. Vaira Veneto, Patavii 1704. fol. *Vita di S. Emidio Vescovo d' Ascoli, e Martire*. Composta da Paolo Antonio Appiani della C. di Gesù, Consultore della S. Congregazione dell' Indice. Ed. 2da. In Roma, 1704. 8. *De Aure humana Tractatus, in quo integra ejus fabrica multis novis inventis & iconismis illustrata describitur*. Auctore Antonio Maria Vallalva, Bononiæ, 1704. 4. De aliis alias.

N. IV.

145

ACTA ERUDITORUM,

publicata Lipsiæ

Calendis Aprilis, Anno MDCCCV.

THE HISTORY OF THE REBELLION AND CIVIL
Wars in England, begun in the Year 1641. Written by the

Right Honourable EDWARD CARL OF CLARENDON, Volume the first.

Oxford, printed at the Theater, 1704. fol.

HISTOIRE DE LA REBELLION ET DES GUER-
res Civiles d'Angleterre, depuis 1641 jusqu'au retablissement du Roi

Charles II. Par EDWARD COMTE DE CLARENDON.
Tome I divisé en deux Parties.

A La Haye, chez Louis & Henry van Dole, 1704. 12.

i. e,

HISTORIA REBELLIONIS ET BELLORUM ANGLIÆ CI-
viliū ab A. 1641 usque ad restitutionem Caroli II Regis. Au-

ctore EDUARDO CLARENDONII CO-
MITE. Tomus I.

Anglica editio constat Alph. 6. plag. 9. Versio autem Gallica
Alphab. 2.

MOtum inter imperantes atque subditos civilium exempla, plu-
rimum quidem regnorum ac provinciarum annales nobis sugge-
runt, nunquam vero, per omnium seculorum decursum, aliud magis
detestabile aut abominandum reperimus, quam intestinum istud Ma-
gnæ Britanniae bellum, quod ne Augusto quidem Caroli I Regis san-
guine, sacrilega carnificis manu, præter omnem cultioris ævi ac populi
morem, effuso confici vel extingui potuit. Cujus historiam quum
mul-

T

multi pro variis partium studiis varie contexuerint, neminem tamen stylo moderatiore & majore cura composuisse novimus, quam EDUARDUM HYDE, CLARENDONII Comitem, Magnum olim Britanniae & Universitatis etiam Oxoniensis Cancellarium, virum de regis partibus, quas sequutus est semper, & de muneribus ipsi collatis optime meritum, sed eo nomine infelicem, quod, licet perpetuus Caroli II Regis in exilio comes, & post ejus restitutionem, gravissimorum in Anglia negotiorum administer fuerit, Parlamenti nihilo minus jussu solum vertere, & relictæ patriæ senectutis suæ annos residuos apud externos transigere, coactus fuit. Cujus quidem rei causa credita multis fuit, quod Jacobus Eboracensium tum temporis Dux, Regis Frater, qui rejectis Reformatæ Anglorum Ecclesiæ symbolis, ad Pontificiorum scholas transierat, filiam ejus, patre plane incerto, in matrimonium duxerat: tametsi insigni profecto, quod eventus docuit, Britanniarum emolumento, quandoquidem ex ea duas filias suscepit, quarum altera MARIA, Guilielmo Arausionensium Principi deinceps nupta, anno superioris seculi octavo supra octogesimum, libertatem populi atque Ecclesiæ Anglicanæ, contra ipsum parentem Jacobum, Romanensium infestis machinationibus nimis faventem, servavit; altera vero ANNA, Georgio Danorum Principi nupta, & post Mariæ ac Guilielmi decessum, Magnæ Britanniae, Franciæ ac Hiberniæ Regina, augustissimis hodie auspiciis regnat, ac una cum Foederatis, per terrestrium ac navalium copiarum duces celebratissimos, Gallorum, Hispanorum Bavarorumque, universæ Europæ hætenus insultantium, potentiam reprimat. Accesserunt interim malevolentiae adversus Clarendonium aliae dein rationes, Pontificiorum scilicet, quorum occultis in aula conatibus mascule obstiterat, & foemellarum insuper odium, quarum amoribus Carolus II Rex nimium quantum capiebatur, nihili plane habitis rumoribus, quos de scandalosa earum vita, & exosa cordationibus Anglis indole, sæpissime ad Regem detulit Comes noster. Colophonem denique infortunio illius addiderunt multi ex comitatu aulico male erga ipsum animati, qui quod Regi Carolo consultum ab eo fuisse crederent, ut illos, quos nuper hostes habuerat, beneficiis majoribus sibi devinciret, veteres autem amicos & clientes fidos negligentius haberet, Curiae sive Parlamenti Anglicani Adseffores indefinenter stimularunt, ut edicto publico venerandus senex in exilium

lium mitteretur, cujus tamen facti Regem postea plus vice simplici poenituit.

Hic ergo Hydius, Clarendonii Comitis titulo postmodum decoratus, rebellionis Anglicanae descriptionem duplici de causa adortus est, tum quod ad id faciendum Carolus I Rex jussu suo calcar addidisset, tum quod omnium, quae gesta sunt, spectator ipse atque auditor exitit. Erat enim inferioris in Britannia Curiae (*la Chambre des Communes*) Senator, atque in Comitibus A. 1640 habitis, regiam auctoritatem tandiu contra calumniatores & novaturientes pro virili tutatus est, donec cum aliis furori insanientium cedere, atque in Carolinis castris receptum quaerere, necesse duxit. Ne autem illi, qui a regio capite tempestatem hanc exitiabilem omni conamine avertere contenderunt, atque id propter a sectariis Cromwellianis in Annalibus eorum male traducuntur, merita laude apud posteros excidant, aut paucorum hominum malitiosa pervicacia, per quam parum absuit ut universa Britannorum natio ad incitas redigeretur, ex memoria hominum deleatur, huc quidem celeberrimi Auctoris Commentarii faciunt, quorum Tomum primum, quos duo alii excipient, in quinque Libros distinxit. *Primus* exhibet ultimos regiminis a Jacobo I Rege exerciti annos, iter; Caroli Principis cum Buckinghamio Duce in Hispaniam, pro ineundo cum Infante Hispanica matrimonio susceptum; Jacobi Regis obitum, Buckinghamii caedem, praecipuorum Status Administorum characteres, ac Caroli filii successoris in Scotia coronationem, variorumque tumultuum, ob Liberturiam Anglicanam Laudi Cantuariensis Archiepiscopi suasu Scotiacis Ecclesiis obtrusam, semina. *Secundus* motuum a Scotis excitationum circumstantias, belli intestini exitum, novi deinceps dissidii inter Scotos & Anglos exorti mala, & Parlamenti Anglici a Rege dissoluti causas recenset. *Tertius* Parlamentum anno 1640 a Rege convocatum nobis sistit, quod fatali turbine Regiae Majestatis jura prorsus pessumdedit, & Straffordio Comiti d. 22 Maji anni 1641 caput amputari jussit. *Quartus* Regem ad Scotos ob pacem cum iis sancientiam profectum, mox ad Londinenses reducem, sed ob Curiae inferioris atrocissimos insultus, ad Eboracenses profugum exhibet. *Quintus* denique liber molimina Regis apud Eboracenses degentis contra Parlamentum suscepta, missos a Rege ad Curiam, a Curia vero rursus ad

Régem libellos varios, tum adparatum utriusque partis bellicum, & signa exeunte mense Augusto anni 1642 invicem collata narrat.

Hæc summa commentariorum superficialia est: de cætero argumenti, quod Illustris Auctor pertractat, amplitudinem, ordinem rerum, eventuum plane singularium circumstantias, virorum maximorum characteres, studia partium, & quem in narrationibus singularis præ se tulit, candorem, quis est, qui illa recensibus nostris hætenus adhibita brevitate, extremis licet ductibus, delineare queat? Hunc enimvero in censum veniunt, quæ Libro primo de Georgii Buckinghamii Ducis apud Jacobum & Carolum Reges gratia, de itinere cum Carolo Principe in Hispaniam facto, ac post irritas matrimonii inter Carolum & Hispaniarum Infantem ineundi pactiones, belli Philippo III indicti causis legimus. Et has quidem minus recte amoribus Buckinghamii cum Olivaresiana conjugē tribui, Auctor monet, quum Olivaresiana provectæ jam ætatis ac neglectæ formæ fœmina fuerit. Ast non dissimulat, Ducem, cum postea in Gallia Legati munere, ad conciliandas inter Virginem Regiam Henricam Mariam & Carolum I Angliæ Regem nuptias fungeretur, indecentiore ac tantum non infano in Fœminam Principem amore exarsisse, & postquam Regiam Sponsam in Angliam deduxisset, prosequendo amoris novum splendidissimumque in Galliam iter, meditatum fuisse, cumque admonitus esset, a fidis ministris de vitæ insidiis a Gallis, qui rem subodorati fuerant, redire auso structis adeo excanduisse, ut *Fœminam Principem ingratis totius Franciæ se invisurum* exclamaverit, implacabili exin in Gallos odio concepto. Quæ nimia in Viro linguæ licentia tanto minus mira nobis videtur, quando Clarendonius memorat, Ducem aliquando eo audaciæ pervenisse, ut Regiam Caroli I uxorem, quod Buckinghamii matrem tardius, quam promiserat, invisisset, indecenter admodum increpuerit, & *illam cordatius paulo respondentem scire jussisset, non deesse apud Britannos exempla Reginarum, quibus capita ense fuerint rescissa.* Istud autem inprimis in Buckinghamio, maximo alias seculi sui Duce, notavit Auctor noster, neminem ex familiaribus ejus fuisse, qui ipsum fragilitatis suæ atque odii, non apud proceres tantum, sed & apud plebem, obstinatione nimia contracti admoneret: inde siquidem factum esse, ut non tantum Jacobi Regis, paulo ante obitum illius, gratiam, sed vitam denique ipsam, a Joanne Feltono cultro in pectus Ducis impacto, per-

perdiderit. Quæ de turbis Scoticis Libro secundo occurrunt, legi omnino merentur, extatque hoc inter alia singulare Argatheliæ Comitis, animum erga Regem optimum valde ingratum gerentis, monumentum. Nimirum Parens ejus hunc suum filium prodigum, atque paternis admonitionibus rarius obtemperantem, exheredare constituerat, sed quo minus id faceret, Carolus Rex intercessit, qui exacerbatum patris animum ita emollivit, ut filio bonorum omnium aditum concederet, sibi tantum, seu feni, certa annuorum reddituum portione servata. Quæ pactorum tabula dum signarentur, patrem ita ad Carolum Regem loquentum fuisse, Hydius noster scribit: *Domine, jussa tua jam exsequutus sum, quamvis valde invitus. Sed vereor, ne indoles filii mei tibi minus cognita sit, quam par erat. Animo enim præditus est vafro atque infido, quique neminem constanter colit. Vires ac reditus juvenis ex voluntate tua auxi, qui tamen, si occasio affulserit, primus omnium adversus te ipsum insurget. Neque istud de filio augurium falsum fuit, quippe Regis partes in dissidus Scoticis inter primos postea deseruit. Cumque is Montis-Rosarii Comitem in plurimis ænulum haberet, factum est, utambo illi juvenes, ambitione sua quietem Scotiae continuo turbantes, ad exemplum Romanorum *Cæsar & Pompejus* adpelarentur, quorum ille, Lucano teste, neminem priorem, hic vero parem neminem ferre potuit. In tertii Libri memorabilibus, tragicus Comitis Straffordii casus locum præcipuum meretur. Cum enim Parlamenti inferioris Curiae membra, sanctioris apud Regem Consilii conatus & decreta exactiori censura subjicerent, regimen Episcopale tollendum penitus existimarent, Episcopos a consessu superioris Senatus (qui ex Ducibus & Paribus Angliæ constabat) arcerent, variisque artibus & Regis fatali quadam indulgentia, Carolum ad triennalis Parlamenti constitutionem adigerent, (id quod primum destructæ paullatim regiae auctoritatis indicium fuit) inter præcipua calamitatis publicæ momenta captivitas quoque Comitis Straffordii, Proregis Hibernici, numeranda fuit, cui præter alia accusationis capita, id quoque objecerunt, quod *minimum regie auctoritatis digitum plus valere, quam integrum Legum corpus*, dixerat. Itaque in necem viri vaserimus*

rimus quisque conspiravit, & Comes, regiae quasi caedis praecursor, quum omnia retro ire, civilibusque bellis enses adparari mente praesaga jam videret, ipse ad maturandam mortis suae sententiam Regem hortatus est, ne fortean, ob consensum summi Principis denegatum funbunda, plebs ab insanientibus ejus adversariis ad tumultum concitaretur, & Regiae Majestati per refractarios ignominia fieret. Ex illo autem tempore, omnium fere infortuniorum cumulus Anglos simul oppressit. Romanenses enim in Hibernia, temporis opportunitate usi, circiter quadraginta millia Protestantium intra paucos dies mactabant. Scoti rebelles patriae suae fines egressi, ipsam Angliæ Septentrionalis oram infestabant. Parlamentum vero non pedetentim, sed torrentis instar in Regem grassari, omnia ejus jura & praerogativas subvertere, fidissimos quosque Principis comites, quamvis culpæ nullius conscios, vel ideo tamen, quia sectariis candor illorum displicuerat, ad carceres destinare, commeatui bellico & munitionibus regis perditissimos ex suo grege homines praeficere, omnia Caroli molimina sinistre interpretari, & famosissimos quotidie libellos Regis edictis opponere, atque adeo administrationis robur & suprema regni jura suae tantum libidini mancipare, non dubitavit. Quinam Carolo in tanta rerum inclinatione animus fuerit, quæ ratione praefecturam castri Hullensis, imperium classis, exercitum terrestrem, commeatum omnem, nervum insuper gerendi belli, modo nimia indulgentia, modo rigore nimio amiserit, quibus dolis inferior Curia Senatores ac Purpuratos regni in partes suas pertraxerit, quænam consiliorum in singulis congressibus diversitas, quis Remonstrationum, uti adpellabant, ab utraque parte publicatarum tenor, quænam præcipuorum rebellionis capitum artes & ingenia fuerint, id omne accuratissima & cogitata scriptione in reliquis libris Auctor noster adnotavit, ad quem lectores plura scire desiderantes merito ablegamus. Dolemus tantum, posteriores Tomos, in quibus Historiam civilis belli ab anno 1642 ad 1660, quo septima Junii mensis die, Carolo II Regi diadematis aviti honor restituebatur, persequutus est, nondum publici juris apud nos esse factos. Neque enim dubitamus, si leonem ex ungue aestimare liceat, reliquos etiam libros multa omni-

MENSIS APRILIS A. MDCCV. 151

omnino singularia continere, quorum intimiorem notitiam Cancellarius noster ex schedis publicis hauserat, & quæ in aliis tumultuum Anglicorum commentariis frustra quæremus.

A COLLECTION OF VOYAGES AND TRAVELS.

L. C.

SYLLOGE ITINERARIORUM, QUORUM ALI-
qua e linguis exoticis in Anglicam translata, alia nunc primum
e schedis Auctorum prodeunt: quibus accessere quadam &
olim Anglice impressa, sed rariora & præstantiora.
Volumina IV.

Londini, apud Awnsham Churchill & Johannem Churchill,
1704, in fol.

Constant Alph. 39 $\frac{1}{2}$, & quamplurimis figuris æneis, tam separatim
impressis, quam passim textui insertis.

Non uno anno absolutum est tam vastum opus, si quid e præ-
fixo Wilhelmi Regis privilegio, quod annum 1700 subscri-
ptum habet, conjectare licet, nec tantæ molis futurum speraverant
initio Bibliopolæ, qui cum e majoribus operibus compendia facere
constituissent, mutata sententia, integra nunc scripta figuris suis
omnibus exornata repræsentant, spem insuper facientes, se, quæ
plura in ipsorum manus inciderint lectu digna, aliis deinceps sup-
plementorum tomis publicaturos. Præmissa est operi, præter præ-
fationem generalem librorum insertorum conspectum exhiben-
tem, Dissertatio præliminaris, qua universa Historia Navalis, ab ori-
gine ad nostra hæc tempora, per complures paginas erudite tradi-
tur. Ut enim de ipsis profectionum maritimarum, ab A. 1360 ad
nostra tempora, a variis gentibus institutarum Annalibus, qui hic
exhibentur, nihil dicamus, elegantia sunt, quæ de origine navium
earumque usu, imprimis apud Phœnices seu Cananitas, tum &
apud Græcos & Romanos, e probatissimis scriptoribus, speciatim
e Bocharto & Morisoto afferuntur; qua occasione obiter etiam de
Salomonis profectione in Ophir, seu Indiam, ut Noster putat,
Orientalem ductu stellarum facta agitur, & Plinii locus ex L. V,
C. 12 producit, ubi Phœnicibus quinque inventa, literæ, stellarum
cogni-

cognitio, navigandi ars, disciplina militaris, & exstructio urbium tribuitur. Hinc de recentiori acus magneticæ invento agens Auctor, negat in Plautino illo versu in Mercat.

Huc secundus ventus nunc est, cape modo vorforiam,
per *vorforiam*, quod quidam voluere, acum illam indicatam, eoque veteribus non ignotam fuisse. Neque ejus acus usum a Paulo Veneto, circa annum 1260 e China reduce, ad Europæos primum translatum fuisse putat, etsi Lusitani asserant, Chinesibus a multis seculis familiarem eum fuisse. Quin optimo jure ejus acus inventionem tribui credit Flavio Gioiæ, Amalphitano, qui circa A. 1300 vixit. Cæterum de mirandæ rei hujus causis parum Noster est sollicitus, earumque inquisitionem perdocto in Anglia Viro permittit, cujus meditationes de Magnete propediem expectentur. Subjectus est huic dissertationi catalogus plurium Itinerariorum, quæ passim non uno idiomate prodierunt, quorum simul characteres describuntur. Ex his non erit ab hoc loco alienum, nonnullas Itinerariorum collectiones referre. Commendatur imprimis Theodori & Johannis de Brye *India Orientalis & Occidentalis*, Francof. 1624 VI voluminibus in fol. impressa, qua in collectione præstantissima quæque de utraque India Itineraria, e linguis, quibus exaratæ erant, in Latinam translata exhibentur. Meliorem tamen, eamque omnibus pene numeris absolutam Syllogem, jam antea A. 1613 vulgaverat inter Italos Jo. Baptista Ramusio, sub tit. *Delle Navigazioni & Viaggi*, Venetiis III voluminibus in fol. editam, in qua itinera ad omnes mundi plagas suscepta singulari studio collecta comparent. E Gallis notus satis est Melchisedecus Thevenot, qui duobus in fol. voluminibus varia itineraria Gallice vulgavit. Ex Anglis demum primus Richardus Hakluytus Itineraria varia, *Voyages by Sea and Land*, collegit, & tribus partibus, quæ spissum in fol. volumen faciunt, divisa Lond. 1598 publici juris fecit. Quem secutus Samuel Purchassius varia pariter Itineraria, sub titulo *Pilgrims*, Londini 1625 V voluminibus in fol. edidit; utæque nullo delectu usus.

Majori cum cura versati sunt, quicunque volumina hæc collegerunt. Continentur autem in Vol. I p. 1 Hispani cujusdam Dominicani, Ferdinandi Navarrette, Relatio Historica, Politica, Moralis

ralis & Ecclesiastica de Regno Chinæ, quæ Hispanice conscripta in paucissimorum manus pervenit, quod artibus Jesuitarum, qui liberius ab Auctore L. II actiones Missionariorum in China expositas indignabantur, factum, ut ab Inquisitionis magistris, antequam publice prodiret, vendi prohiberetur. Quantum quidem ad Auctorem, is anno 1646 in Philippinas primum Insulas delatus est, unde de his quoque curiosa multa operi inseruit; inde ex longo itinere redux factus, anno 1673 Archiepiscopatum Hispaniolæ obtinuit. Pag. 425 Martini Baumgarten Iter in Ægyptum, Arabiam, Palestinam & Syriam anno 1507 institutum, & Latino exemplari, quod manu Josephi Scaligeri emendatum erat, Anglice, præmissa Auctoris vita, translatum, in quo præterquam, quod multa de veteri harum regionum historia inserta sunt, singularia habentur, quæ de Mamalucis Auctor affert. Pag. 303 Relatio de Regno Cilicis, auctoribus Henrico Brewero & El a Herckemanno, qui co A. 1642 & 1643, jussu Societatis Indiæ Occidentalis, quæ in Belgio obtinet, profecti erant. Pag. 526 brevis Insulæ Formosæ Descriptio, auctore Georgio Candidio, verbi Divini quondam apud Belgas in ea insula Ministro; quam quo jure quave injuria sub censuram nuperrime Georgius Psalmanaazaar, qui in insula illa natum se contendit, in nova Formosæ Insulæ Descriptione, Anglice & Gallice edita, vocavit, alii viderint. Pag. 534 Auctoris anonymi de Japonia, Regumque & magnatum Japonensium annuis redditibus, observationes curiosæ. Pag. 541 Johannis Monckii Iter in partes Septentrionales, jussu Christiani IV Daniæ Regis A. 1619 & 1620 susceptum, antea Germanice Francof. A. 1650 editum, quod & ob veritatis studium apprimè commendatur, & de Gronelandia potissimum, tum veteri, tum nova, singularia habet. Pag. 571 descriptio Ucraniæ, in qua Auctor Gallus Beauplan, Matheseos peritissimus, per complures annos, circa medium seculi superioris versatus est, & non minus circa mores, quam naturalem ejus provinciæ historiam, parum alias nota observavit. Pag. 611 & 651 duo Itinera in Regnum Congo a Missionariis facta, quæ Italice antea prodierant; & denique pag. 767 Thomæ Roe, Jacobi I Angliæ Regis ad Indorum Monarcham Iehan Guire Legati, Iter, quod ut in Purchassii collectione mancum exhibetur, ita a Thevenoto Vol. I recusum est haud magis castigatè.

In Volumine II extat primo loco Johannis Nieuhoff Iter in Brasiliam & Indiam Orientalem, quod pluribus figuris ornatum Belgice primum prodit. Inde p. 371 sequitur Iter & fata Johannis Smithi, Angli, in Europa, Asia, Africa & America inde ab A. 1592 ad A. 1629 peregrinati, quo in opere singularia sunt, quæ ad Anglorum in Nova Anglia ab A. 1624 ad A. 1629 stabilitas sedes pertinent. Pag. 413 Diaria duo ab his, qui circa annum 1634, partim in Insula S. Mauritii prope Gronelandium, partim in Montibus Acutis, seu Spitzberga decesserant, relicta; & pag. 429 brevis Relatio de nonnullis, qui haud procul Spitzberga naufragium passi sunt anno 1646: cuncta e Belgico idiomate translata. Pag. 431 Isaaci Peyrerii, qui Gallorum ad Danos legato ab epistolis fuit, & auctor creditur libri de Præadamitis, Descriptio Islandiæ & Gronelandiæ, quam stimulante Mothe-Vajerio dedit Gallice. Pag. 479 Thomæ Jamesii, Angli, Iter ad detegendam novam viam, quæ per Septentrionalem atque Occidentalem plagam perveniri possit in mare Australe (*for the Discovery of the North-West Passage into the South-Sea*) susceptum, quod ut apud curiosos vulgo interpretio est, ita imprimis Boyleo singulares de frigore observationes suppeditavit. Pag. 545 & seq. inserta sunt duo Itinera e Belgico traducta, alterum Legati Moscovitici in Chinam, (e quo apparet, quod obiter notamus, Pequinum cum Cambalu urbe, quam per errorem in Tartaria collocant, plane eandem esse;.) alterum Zachariæ Wagneri in Brasiliam & Indiam Orientalem: utrumque perbreve. Nec immerito inter itineraria p. 557 refertur Vita Christophori Columbi & Historia Indiæ Occidentalis ab eo detectæ, auctore filio ejus Ferdinando Columbo, Italice consignata; quippe præter observationes varias, ab ipso Christophoro in ea expeditione factas, singula exhibet, quæ ad detectam circa annum 1492 Americam pertinent. Pag. 689 sequitur Johannis Gravii Pyramidographia, de qua ex ejus Vita, a Viro Clarissimo Thoma Smithio conscripta, in Actis nostris A. 1700 p. 516 diximus, ut plura hoc loco addere supersedeamus; cui jungitur p. 737 ejusdem Auctoris Syntagma de Pede Romano & Denario, de quo pariter l. c. pag. 517 mentionem fecimus. Denique accessit pag. 787 Christophori Borri Narratio de Cocinchina, Italico olim idiomate con-

MENSIS APRILIS A. MDCCV.

155

conscripta, quæ, quanquam prolixa non sit, elegantissimas observationes complectitur.

Volumen III exhibet pag. 1 disertam eamque accuratissimam Relationem de Regno Cile, quæ auctore Alfonso de Ovalle, Romanæ A. 1649 Hispano sermone prodierat, & digna nuper visa est Societati Regiæ Anglicanæ, ut ejus in vernaculum traducendæ provinciam Socio cuidam suo demandaverit: complectitur enim de rebus Peruvianis & Mexicanis parum alias obvia, & ob fidem singularem, præ cæteris omnibus ejus generis scriptis commendatur. Sequuntur pag. 154 Wilhelmi Monsonis Dissertationes ad Rem Navalem spectantes, nunc primum e schedis Autoris vulgatæ, cum ubique fides atque ingenuitas emicant. In his res sub Elisabetha & Jacobo I in mari gestæ, quibus ipse interfuit, tum navales pugnas ordinandi modus, prælia inter Hispanos Anglosque in ipsis Indiæ Occidentalis littoribus commissa, Caroli I ad Gades conatus, Anglorumque apparatus navalis omnis, ut & quæ ab Hispanis atque Lusitanis in Asia, Africa & America paulatim fuerint detecta, eleganter ab Auctore, & ut virum harum rerum peritum decet, describuntur. Clauditur hic tomus pag. 561 Descriptione littorum Malabaræ, Coromandelæ, & Ceylani insulæ in India Orientali, quæ auctore Philippo Baldæo, Delphensi, Amstelodami A. 1672 Germanice excusa prostat, e qua patet, quemadmodum Lusitani eas primum ditiones occupaverint, utque ejecti iterum fuerint a Belgis, quæ sit quoque adjacentium ditionum ratio, quæ lingua Malabarica, quæ religio Indorum Orientalium.

In Volumine IV exstat pag. 1 Iter circa mundum recentissimum a Francisco Gemello Carerio, qui anno demum 1698 ex eo itinere redux factus est, viro non modo opibus probe instructo, verum & in re omni versatissimo, & legum Doctore, Italico idiomate VI voluminibus in 8 vulgatum. In quo uti de Turcia imprimis, Persia, India, China, Insulis Philippinis & Nova Hispania, magna cum cura egit, legesque & mores gentium, & ipsas quoties plantarum figuras diligenter annotavit Auctor, ita & distantias locorum, si quisquam alius, accuratissime designavit. Pag. 607 Anonymi cujusdam Belgæ Relatio de Regno Corea & Insula Quelpartia, quo ejectus per naufragium fuerat; quæ cum

folia sit, quæ de Regno illo exstat, (quandoquidem peregrini, qui eo delati sunt, haudquaquam iterum dimittuntur,) lectu digna futura erit, si modo vera narrat Auctor, qui se singulari fato liberum evasisse refert; quod Nostri quidem editores, qui e Gallico sermone librum traduxerunt, in dubium non vocant. Pag. 633 Descriptio Itineris a duobus Germanis, Antonio Sepp & Antonio Behme, ex Hispania in Paraguaïam regionem America Meridionalis A. 1691 suscepti, in quæ de urbe ejus, quæ Bonus aer (*Buenos ayres*) dicitur, non injucunda habentur: prodierat autem antea Belgice. Pag. 663 Fragmentum de Insulis Salomonis in mari Australi sitis, & A. 1695 ab Hispanis detectis, quod & Collectioni Thevenoti insertum est. Pag. 680 Historia Paraguaïæ, Tucumania, Fluvii Argentei (*Rio de la Plata*) Paranæ, Guairæ, Urvaicæ & Cilles, a Nicolao del Techo, Jesuita, qui per annos viginti quinque in eo tractu commoratus est, Latine consignata. Pag. 808 Eduardi Pelhami Narratio de octoviris in Gronelandia A. 1630 miro modo servatis. Pag. 822 Jo. Baptistæ Morini Iter ad fodinas Hungariæ A. 1615 factum, & pag. 829 Wilhelmi Ten-Rhyne Relatio de Capite Bonæ Spei & Hottentotis: uterque libellus e Latina lingua translatus. Denique pag. 846 Richardi Bollandi Delineatio Freti Herculei A. 1615 facta, variisque observationibus illustrata. Accessit singulis Tomis Index realis locupletissimus.

THE SCOTTISH HISTORICAL LIBRARY.
i. e.

BIBLIOTHECA HISTORICA SCOTICA, Exhibens brevem conspectum Auctorum plerorumque, qui scribende Generali Scotia Historia, ad unionem usque Angliæ atq; Scotia, inservire poterunt. Auctore WILHELMO NICOLSON Archi-Diacono Carleolensi.

Londini, apud T. Childe, 1702, 8. Alph. i. pl. 3.

Etsi sero exhibemus hanc Scotia Bibliothecam, tantum tamen habet, ut Bibliotheca Anglicanæ, quæ eodem auctore tribus tomis, in Actis nostris A. 1697 p. 27, A. 1700 p. 245, & Suppl. T. III p. 257 ex merito commendatis, prodiit, postponi quoad accu-

curatum Historicorum recensum debeat, ut potius se ipsum in ea
 superasse Nicolsonius sibi videatur, eoque prætermittenda nobis
 omnino non sit. Non est tamen, cur in erudita præfatione diu
 hæreamus, in qua de Comitibus Clericorum (*convocations*) deque
 antiquitate jurisdictionis Archiepiscoporum, ut & Communium
 in Parliamentis, & rebus quibusdam aliis, contra Atterburium dispu-
 tat, a quo se indignius habitum queritur. Strypii vero, qui Vitam
 Cranmeri scripserat, & a Nostro, ob immodicum pruritus res
 heterogeneas infarciendi, notatus fuerat in Bibl. Angl. T. II (un-
 de nos quoque censuram transcripsimus Suppl. T. III p. 264)
 modestiam laudat, eique injuriam a se factam fatetur, atque eo
 nomine notatum potius cupit Hacketi librum *Lof of A. B. Wil-*
liams, eodem fere tempore vulgatum. Tum quibus præfidiis
 instructus ad hanc Bibliothecam scribendam accesserit, declarat.
 Quippe non tantum in Anglia in Longavillanum, Lambethanum
 item, & imprimis Cottonianam, Bibliothecas admissus est, qua-
 rum hæc refertissima monumentis Scoticis (quandoquidem
 ipse Johannes Cottonus e Regia Brussiorum Scotiæ familia oriun-
 dus erat) verum & in ipsi Scotia reſeratos omnes loculos reperit;
 speciatim vero, quæ ab Alexandro Seton de Legum scriptoribus,
 & a Roberto Sibbaldo de reliquis omnis generis monumentis
 communicata habuit, magnopere extollit. Sed ad ipsum librum
 convertimur, in quo recensendo ita versabimur, ut potissima eo-
 rum librorum habeatur ratio, qui, ex quo Acta hæc condere
 cœpimus, prodire, & ad nos e Scotia allati non sunt. Capite
 I, quod de Geographiæ, Historiæ item Naturalis, & formæ Re-
 giminis, quod in Scotia obtinuit, scriptoribus conscriptum est,
 commendat primo Tacitum in Vita Agricolæ a Guilielmo Barcla-
 jo egregie illustratum, quem obiter notat tanti æstimatum fuisse
 Lipsio, ut ei calamus suum testamento legaverit. Optat autem,
 ut, quæ in manibus habeat laudati Sibbaldi manuscripta, nempe
Britannia Cornelii Taciti & Conjectanea in eam tabula Ptol-
omæica partem, quæ Septentrionalem Insulæ plagam describit, in
 lucem prodeant. Tum præter Ptolomæum & Antoninum, Nen-
 nium imprimis & Bedam in Geographicis legendos putat, He-
 ctorem vero Boethium diligentem quidem, sed credulum scri-
 ptor-

Præf. p. 2. sq.

p. 36.

p. 37.

p. 38.

p. 2.

p. 7.

p. 102

- p. 11. ptorem appellat, a quo Brigantes in Gallovidiā, Silures in Carriā, & Deiri in Laudonia perperam collocentur. In Leslæi Descriptione Scotiæ, æque ac in ejus Historia, singularem agnoscit prudentiam. At Camdenum ait, ob Scoticas origines non satis intellectas, nonnullorum censuras incurrisse, ut Humii, qui *Camdenes*, & Drummondi, qui *Nuntium Scoto-Britannum* & librum Anglicum *Perspicilla Camdeno parata* reliquit, quæ adhuc in scriptis latent. Imprimis autem in Geographicis *Theatrum Scotiæ*, quod in Atlante Bleaviano exhibetur, commendat, & in eo singularem operam Roberti Gordoni laudat, cujus tamen eruditas observationes bibliopolam Amstelodamensem passim addit mutasse, ut, quod Carolo II destinatum opus erat, posset eo aptius Cromwello A. 1655 dedicare, cui ne displicere omnino liber posset, Buchananī dialogum de Jure Regni reliquis opusculis in eo Theatro obviis præmiserit. Novum deinde *Theatrum Scotiæ* Londini A. 1691 vulgatum conscripsit Johannes Slezer, cui idem fere accidit; nam cum figuris, quæ admixtæ sunt elegantissimæ, Latinas descriptiones subjecisset, eas mendose satis in Anglicam linguam, inconsulto prorsus auctore, translatae bibliopola publicavit. Cæterum nuntiat Noster, Johannem Adair, Hydrographi Regni Scotiæ titulo dignissimum, littorū Scotiæ descriptionem & mappa hydrographicas elegantissimas componere, & sub titulo, *Description of the Sea-Coasts and Islands of Scotland* editurum.
- p. 14. In Historia Naturali, præter Andream Balfour, magnopere commendatur Robertus Sibbaldus, cujus *Scotia illustrata* Edinb. 1684 f. prodit, mox cum supplementis novis recudenda. Quantum ad Rei Herbariæ scriptores, non inficiatur quidem Auctor, Josiānam Regem Scotorum a Boethio L. II Hist. Scot. herbarum perquam gnarum perhiberi, utrum autem, quod Baleus tradit, de *herbarum viribus* librum consignaverit, in medio relinquit. Multum vero extollit Jacobi Sutherlandi *Hortum Medicum Edinburgensem* Edinburgi A. 1683 editum, cujus locupletior editio indies avide expectatur. In Re Metallica producit Thomæ Atkinsoni manuscriptum de Metallis Scotiæ librum, & Johannis Borthwick brevem *Narrationem de Metallis & Mineralibus in Scotia*. De Jure Populi apud Scotos, primus aliquid commentatus Nostro dicitur
- p. 17.
- p. 18.
- p. 25.
- p. 26.
- p. 21.
- p. 22.
- p. 27.
- p. 32.
- p. 33.
- p. 34.
- p. 36.
- p. 37.

MENSIS APRILIS A. M DCC V. 159

citur David Chambre in dissertatione, quæ libro, *Histoire abrégée de tous les Roys de France, Angleterre & Escoffe*, Parisiis A. 1579 edito annectitur, ubi populum Scoticum, ob bella cum Britannis, supremam suam potestatem in Fergum transfuisse, cumque primum Regem creasse scripserat. Quam sententiam statim biennio post Georgius Buchananus, edito Edinburgi dialogo de *Jure Regni apud Scotos*, pluribus argumentis tutandam suscepit. Verum ut primum postea Parlamentum convocatum est, A. 1584. publica censura illius decreto uterque liber notatus est. Cum itaque aliquo usque sopita controversia esset, resuscitavit eam demum Rutherfordus, & in libro *Lex Rex* Londini A. 1644 vulgato, Marwelum alterius libri, *Sacrosancta Regum Majestas* inscripti, auctorem false perstrinxit, Regibus Scotiæ nec merum imperium competere, & resisti impune posse adserens. Ex adversa parte Buchanani sententiam Winzetus, Wjlh. Barclajus, Johannes Weems, Jacobus Turner & Gilbertus Burnetus confutarunt. Imprimis vero erudite litem diremit vir eximius, & nobis haud semel commendatus, Georgius Mackenzie, cujus liber Anglicus *Jus Regium* Londini A. 1684 vulgatus, Universitati Oxoniensi confirmatus est, quod in ea publico decreto, anno antecedente, theses quædam contrariæ fuissent damnata, & libri eam sententiam professi publice cremati. Porro de tractatibus Scotorum cum aliis gentibus dum agit Noster, commendat imprimis, quæ in Cottoniana Bibliotheca asservantur, volumina undecim haud exigua, pacta omnium Anglorum Scotorumque, ab initio Regni Henrici VIII, usque ad utriusque gentis unionem complexa, e quibus excerptas foederum tabulas complures in *Archivis Regiis referatis*, opere eximio, brevi, ut sperat, publicabit Rymerus, qui & reliquarum gentium cum Anglis foedera eo libro repræsentabit. In Heraldicis, præter Lyndsi manuscriptum, magnopere extollit laudati Mackenzie librum *The Science of Heraldry*, Edinburgi A. 1680 f. editum, cui præmisit Auctor observationes de Legibus Præcedentiæ apud Scotos. Orcadam Historiam, præter Robertum Jamesium, etiam Thormodum Torffæum & Jacobum Wallace scripsisse, vel ex Actis nostris Suppl. T. III p. 337 & A. 1701 p. 149 constat; illud tamen hic observamus, eam descriptionem, quam Jacobus Wallace

p. 38

p. 39

p. 42

p. 43

p. 44

p. 47

p. 49

p. 53

fili.

- filius paulo auctiorem proprio nomine Lond. A. 1700 edidit, a patre
 ejus Jacobo antea, Sibbaldi suasu, ad complendum Scotiæ Thea-
 trum elucubratam, & Edinburgi A. 1693 vulgatam fuisse. E reliquis,
 qui provinciarum & urbium descriptiones edidisse memorantur,
 p. 58. unum Philopolitejum, auctorem Pseudonymum, vero nomine
 p. 59. Skene dictum, nominamus, qui Aberdoniæ A. 1685 duos libellos,
 alterum *Memorials for the Government of the Royal - Burghs*
 p. 61. *in Scotland*, alterum *A succinct Survey of the famous City of A-*
berdeen excudit. In Capite II, Historicos Scotiæ generaliores re-
 præsentante, de Pictorum, Danorum item & Saxonum, quæ in Scotia
 supersunt, vetustis monumentis quædam præfatus Auctor, Maria-
 num & Davidem Scotos producit, & de Veremundi aliorumque
 auctoritate, late disputat, nec Chronica S. Crucis Edinburgensia a
 p. 79. Whartono in Anglia Sacra P. I vulgata omittit; de Chronicis vero
 Mailrosensibus observat, multum ea, quæ manuscripta passim extant
 p. 80. in Scotia, differre ab Oxonii impressis, quippe in quibus ne qui-
 dem mentio fiat homagii Henrico Angliæ Regi a Malcolmino Re-
 ge Scotiæ præstiti; hinc & in Appendice num. III Johannis Jame-
 sonii refert ad exemplar impressum annotata quædam lectu digna.
 p. 82. Inde de Johanne Campobello, & multo fusius de Johanne de For-
 p. 92. dun agit, cui debetur, quod vulgo vocant, *Scoto-Chronicon*. Ejus
 cum varia passim in Scotia exemplaria manuscripta extant, quæ
 sæpe a loco, in quo asservabantur, denominationem nacta sunt,
 factum inde esse Noster notat, ut quæ unum opus constituunt,
 pro pluribus fuerint venditata. Eadem enim contineri probat in
 p. 93. *Libro nigro Sconensi*, tum *Libro nigro Pasletensi*, *Libro Carthusia-*
 p. 96. *norum de Perth*, & similibus. Hunc auctorem libris tribus prio-
 p. 98. ribus exacte sequitur Wilhelmus Elphinston, teste Stillingfleet.
 De Gaweno Dowglas, quem Baleus & ex eo Vossius de rebus
 p. 99. Scotiis scripsisse, dubium qua fide, referunt, nihil statuit Nicolso-
 nius; ea tamen occasione miris modis commendat ejusdem *Ænei-*
 da Virgilii Scotico carmine translata, tanta elegantia, ut cum La-
 tino exemplari certare possint; quod hoc magis mirum, quoniam
 p. 101. seqq. accommodavit Maroni, ut verbum verbo, linea lineæ responderet.
 p. 108. seqq. Johannem Majorem veritatis quam eloquentiæ, Hectorem vero Boe-

Boe-

Boethium eloquentiæ quam veritatis utique studiosiorem, atque illum quidem A. 1521, hunc A. 1526, utrumque Parisiis primo a Badio Ascensio vulgatum fuisse censet. De Johanne Leslæo, qui septem libris prioribus nihil fere aliud egit, quam ut Boethium redigeret in compendium, juvat Buchanani, quam e notis ejus manuscriptis Noster attulit, censuram transcribere: *Leslaus Boethii Epitomator a nonnullis censetur; eum enim, quod potuit, imitatus est. Uterque laudem suam meretur, sed neuter præstitit, quod facile potuit, si paulo plus judicii adhibuisset in describendis regionibus, ipsarumque nominibus assignandis, & in rebus enarrandis ab animalibus fabulis abstinuisset, & a maledicentia in purioris religionis vindices.* At de ipso Buchanano, cujus Historia primum Edinburgi A. 1582 f. prodiit, variorum judicia hic cumulantur, e quibus arridet imprimis, quod e Roberti Gordoni Epistola quadam manuscripta adfertur, dignum utique, quod pariter cum Lectoribus nostris integrum communicemus: *Georg. Buchanani Vir in omni humaniore literatura probe exercitus, Poetarum sui sæculi multorumque præcedentium omnium consensu princeps: ille tamen ea aggressus est, qua fama ejus intererat non attigisse, & intra Poeseos limites se continuisse. Tribus primis Historiæ suæ libris Conviciatorem agit, non Historicum; & præter jejunam Regni nostri descriptionem (quam tamen desultoria levitate prætervehitur) doctis viris nihil præstare videtur, in re antiquaria non satis instructus. Sed non hac impune tulit, a Camdeno (omnium Britannia Antiquarium longe primo) male habitus. Procedente Historia (ut innuimera sphalmata taceam) contra Kennethum Regem innotat horrendum &c. Ubi ad sua tempora ventum, Deus bone! jam confusa rerum facie, & turbis fluctuante Regno, quam aperte in partes transit? Jam non Historicus, sed Causidicus; detortaveritate rerum, parum apud ipsum sinceri. Et hæc omnia, ut unum hominem Mæcenatem suum stabiliret; quem tamen, antequam vita exiret, cruenta morte sublatum vidit. - Sed non ideo refringit inde partium studium; ut testatur egregius ille dialogus aut cento, de Jure Regni, quem extrema ætate procudit: ubi illa trahat, quæ perfectum Theologum & peritissimum Jureconsultum, postulant, homo ad hæc impar, e scholis & ludimagistrorum ferulis,*

- rulis, in hac ardua rerum evectus. Vapulat tamen a duobus popularibus suis, viris eruditissimis & omnis juris peritissimis, Blacwodæo & Barclajo, quorum doctissimi libri de ea re exstant. Jure sane cum eo ita actum esse, fatentur omnes, qui sine affectu illa legunt. Qui enim Centonem de Jure Regni & Historiam ejus exacte consideraverit, inveniet tractatu de Jure Regni thesin propositam; Historiam autem sic detortam, ut thesi firmitermentum habeatur. Non hac refero, ut Clarissimi Viri Manibus insultem (quis enim, aut quantulus ego?) hoc enim piaculari; sed veritati obniti, aut eam celare, in rebus tantis impium. Reliquos, Dav. Chambre Buchanano coævum, Franciscum Thynne, Jacobum Howel, cujus *Bella Scot-Anglica* prodierunt Lond. 1648, Andream du Chesne, Eduardum Ayscu, Johannem Monnipenny, Davidem Hume & quosdam Anonymos prætermittimus.
- P. 127. seqq. In Cap. III. primum litem eam exponit, quæ Floido Episcopo Asaphensi, qui Regiæ Scotorum familiæ decerpere nonnihil conatus fuerat, cum Sibbaldo & Mackenleo intercessit, cui accessere etiam ab altera parte Stillingfletus, ab altera Thomas Price. Inter Genealogicos porro scriptores memorat Wilhelmum Slatyer, qui inde ab Adamo, & Georgium Owenum Harry, qui a Noacho stirpem Regiam deduxit; sed utrumque superavit Thomas Lyte, qui certiora habet in opere Anglico eleganti, quo Scoticam Regum familiam a Carolo M. derivavit, egregie ob studium exquisitum a Jacobo VI ejusque filio Carolo remuneratus. Tum illi in hoc capite recensentur, qui de Regibus Scotiæ eorumque gestis sigillatim aliquid commentati sunt, e quibus recentiores aliquos producere nobis suffecerit. Equidem plerique Historici cum Buchanano Elisabetham concubinam Roberti II, eoque Johannem nothum fuisse, antehac tradidere; quod si ita se haberet, non essent sine labe Johannis seu Roberti III posterius, & qui cum his sanguine junguntur, complures Principes alii. Eam nostro demum tempore absterfit Vir nobilissimus Tarbat, edito A. 1695 Edinburgi libro: *Vindication of Robert the Third from the Imputation of Bastardy* &c. quo anno Parisiis quoque diploma authenticum, quod ad firmandam Tarbati sententiam facit, e Collegio Scotorum prodit.
- P. 134. Ad Roberti II, qui primus Stuartus vocatus est, historiam pariter re-

MENSIS APRILIS A. M DCC V. 163

refert Noster librum *Memoirs of the Family of the Stuarts*, Londini A. 1683 vulgatum, cujus recensum biennio post in Actis his pag. 22 dedimus, ejusque auctorem, nobis illo tempore ignoratum, nominat R. Watson, Edinburgi ante Ministerio motum, eoque affectui passim indulgentem. Ubi porro ad Jacobum I ventum est, imprimis laudat, quæ de illo & quatuor ejusdem successoribus, in libro *History of Scotland from 1423 to 1542*, Londini 1655, f. iterumque 1681, 8 vulgato commentatus est Wilhelmus Drummond. Magnus inde eorum numerus producit, qui vitam & gesta Mariæ descripserunt, quos eo lubentius prætermittimus, quod plerique vel gratiæ, vel odio aliquid dederunt. In historia denique Jacobi VI, præter alios, Melvillii imprimis Commentarios, nobis etiam A. 1694 p. 449 memoratos, commendat. In Cap. IV post eos, qui de Jure Ecclesiæ Scoticæ scripserunt, scriptores Historiæ Ecclesiasticæ percenset, e quibus uti Joannem Knoxum non uno nomine notari a scriptoribus ostendit, ita Joanni Spotswoodo veritatis laudem omnino tribuit, de quo juvat iterum audire Gordonum in epistola citata: *Fertus hic est acris, vividi & sublimis ingenii, ubi candor & veritatis studium elucet; narratio simplex, nuda, procul omni affectu. Felix iste Præsul, non ex Scholasticorum subfelliis, sed in luce rerum & culmine negotiorum, tantis rebus dicendis par. Non tamen ad hæc se accinxit, nisi consulto Rege, Jacobo, qui ad hæc eum impulerat, præfatus non se posse bonæ fide hæc Historiam condere, nisi multorum offensa, qui ipsi aut quorum majores laboraturi sint. Jussit Rex audacter pergeret & ubique veritati litaret. Quod ab illo non segniter præstitum: modestiam & mansuetudo animi toto opere lucet.* Knoxo & ejus generis aliis favere videtur D. Calderwood, cujus Historiæ Ecclesiasticæ, quæ aliquot voluminibus exstat manuscripta, compendium prodiit Edinburgi A. 1678, f. Præter hos, reformationis imprimis Scoticæ historiam Alexander Petrie, Spotswoodo parum favens, sub titulo *A Compendious History of the Catholik Church from 600 to 1600* Hagæ A. 1663, f. publicavit, & Wilhelmo III, tum temporis Principi Arausionensi, inscripsit, præfixis singulari omine Angliæ insignibus. Omittimus e Pontificiis Thompsonum, Conæum, Dempsterrum, Dav. Camerarium, Watsonum, alios. Sigillatim deinde

p. 155.

p. 159-174.

p. 175.

p. 188.

p. 194.

p. 198.

p. 203.

p. 207.

p. 210.

- Cap. V, quæ Episcopatum, Monasteriorum & Universitatum jura concernunt, pleraque manuscripta, recensentur, quæ ex ipso Auctore discere præstat. Neque minus in manuscriptis maximam partem delitecunt, quæ Cap. VI de Biographis afferuntur; ubi inter alia memoratur, Sibbaldum *Catalogum Alphabeticum Scotorum, qui de variis scientiis & artibus scripserunt post A. 1500*, tum *Catalogum Historicorum, Geographicorum & Politicorum, qui de rebus Scotia scripserunt*, cui accesserit *Poetarum Scotorum, qui Latine scripserunt, Catalogus*, nec non *Traclatum de Scotis, qui scriptis suis rem Medicam vel promoverint vel illustraverint*, magna industria consignasse, & Nicolsonio liberaliter communicasse, quorum operum postremum in gratiam imprimis cujusdam Galli Cattier, qui Vitas Medicorum edere molitur, collegerit. Cæterum parari nunc splendidissimam omnium Buchanani operum editionem, sub finem hujus capituli Auctor nunciat. In Cap. VII, ubi de monumentis publicis, iisque rebus, quæ ad forum pertinent, agit, non modo Eduardum I, quicquid diplomatum & monumentorum inveniri in Scotia poterat, in Angliam asportasse observat, ut fomitem rebellionis ea ratione subditis eriperet; verum & Monachos, tempore reformationis manipulatim Romam profectos, multa monumenta secum abstulisse, & demum Cromwellum reliquias fere omnes in Angliam detulisse, quæ cum in Scotiam remittendæ essent, naufragio perierint. Inde omnem fori rationem exponit, & quid sint Scotis *Charters, Signatures, Seals, Court of Chancery, Courts Ecclesiastical, Coroners, Court-Baron, Regality, Deeds of Sale, Mac-Alpine* atque ejus generis alia, tradit. Tum antiquissimum Corpus Juris Scotici, quod Londini A. 1613 Latine editum, ab initialibus vocabulis *Regiam Majestatem* vulgo vocant, confiderat, ejusque auctoritatem contra Cragium defendit, & cætera quoque, quæ in illa editione adjuncta sunt, ut, *Quoniam Attachiamenta: L. L. Burgorum: Statuta Gilda &c.* pro merito expendit. Porro de Aëtis Parlamenti Scotici loquitur, & fusius paulo post de libris ad praxin forensem spectantibus (*Præliques*) agit, ubi circa criminalia Mackenzei librum, *Laws and Customs of Scotland in Matters Criminal*, Edinb. 1678, 47, & 1699, f. editum allegat, tum cognoscendis vocabulis Juridicis Joannis Skene opus *de Verborum significatione* multum inservire tradit, & Thoma

ma

mae Cragii *Jus Fendale* laudat, quo libro probare autor voluit, leges
 Scotiae legibus Angliae nequaquam repugnare, eoque utriusque Re-
 gni unionem esse perfacilem. Ejusdem *de Hominio* librum ele-
 gantem, quo Scotos nunquam Anglis homagium praestitisse asse-
 ruit, haecenus in bibliothecis latentem, Redpathus demum, jussu
 Rymeri in Anglicam linguam nostro tempore transtulit, & sub titulo
Scotlands Sovereignty asserted, Londini A. 1695, 8 vulgavit. Denique
 & alii eodem capite recensentur, qui de unione Angliae atque Sco-
 tia aliquid tradiderunt. Postremo Capite VIII de moneta Scotiae
 agit Auctor, ac ante omnia observat, antiquissimis temporibus &
 milites propriis impensis militiam in Scotia secutos, & ignotam
 plane Scotis pecuniam fuisse, quippe ejus loco frumento usis aut
 bovina carne. Postquam inde, quo tempore primum cudi in Scotia
 moneta coeperit, disputasset, duo haec diligenter notari cupit, pri-
 mo, proportionem inter aurum & argentum fuisse in Scotia ut u-
 num ad duodecim; deinde, Scotos valorem auri & argenti ad di-
 versa trutinæ genera exigere consuevisse. Hinc aureos primum
 nummos considerat, in quibus patet memoratu digna occurrunt.
 Uti enim in plerisque aliis insignia Scotiae cum epigraphe *Salvum*
fac populum tuum Domine, ita in Jacobi V nummis *Honor Regis*
judicium diligit, in Mariae vero *Diligite justitiam*, item *Justus fi-*
de vivit, vel *Crucis arma sequamur*, aut *Ecce ancilla Domini*, &
 similes inscriptiones deprehenduntur. Singulare tamen videtur
 Jacobi VI numisma aureum, in quo Rex repraesentatur coronatus,
 altera manu gladium, altera olivam protendens, additis verbis *In*
nirumque paratus 1575, in altera facie scutum Scotiae coronatum
 exstat, cum inscriptione *Parcere subiectis & debellare superbos*.
 Aliud ejusdem effigiem laureatam repraesentat, adscriptumque no-
 men, & ex adversa parte carduum sex capitum, quorum superius
 coronatum; appositae sunt ex utroque latere literae I & R, & sub-
 scripta inferius figura 6, cum lemmate: *Nemo me impune lacer-*
set 1590. Rursus aliud Regem sistit insolito pileo tectum, car-
 duoque obseptum, & in aversa leonem coronatum, sceptrum
 versus nubes attollentem, in quibus Hebraicis literis scriptum no-
 men *Jehovah*, circumscriptis verbis *Te solum vereor 1591*. Nec
 argenteis immorabimur, e quibus unicum producere satis erit ejus-
 dem

p. 276.

p. 277.

p. 283.

p. 288.

p. 292.

p. 293.

p. 300.

p. 303.

p. 304.

p. 325.

dem Jacobi nummum. Exhibet in altera facie scutum Scotiæ coronatum, idque literis I & R coronatis veluti subnixum, appositom nomine; in altera nudum ensen cuspide coronatum, & additam manum, extenso digito monstrantem numerum XXX, quovalor triginta solidorum designatur; additur quoque annus 1567, & circumposita, Buchanani, ut creditur, instinctu verba: *Pro me. Si mereor, in me.* Accessit ultimo loco appendix, in qua pauca quædam e manuscriptis excerpta, quorum in ipso opere passim facta fuerat mentio, continentur.

RITUALE ECCLESIASTICUM. PARS POSTERIOR.
Auctore CASPARE CALVOERIO.

Jenæ, sumptibus J. C. Kœnigii, Bibl. Gosl. 1705. 4.
 Constat Alph. 4, pl. 2 cum fig.

Quem in *priori* Ritualis hujus Ecclesiastici *parte*, mense *Julio* superioris anni p. 303 seqq. in his *Actis* a nobis recensita, tractandi modum & ordinem servavit Reverendus Calvoerius: cum etiam in *parte* ejusdem *posteriori* est secutus. Ac uti in illa ritus Ecclesiarum Evangelicarum Ecclesiasticos, qui primum in vitæ ingressu, dein in vitæ progressu, & demum in vitæ egressu servari solent, suo ubivis ordine pertractavit: ita in hac Sectione I *Loca sacra*, templa nimirum, & quæ in iis occurrunt, altaria, baptisteria, campanas, suggestum, chorum &c. Sectione II *Tempora sacra*, & in iis diem Dominicum, festa solemniora, dies Apostolorum, hebdomadaria sacra, &c. Sectione III *Personas sacras*, ut sunt Episcopi & Superintendentes, Pastores & Diaconi, Ecclesiæ Provifores atque Custodes &c. Sectione IV *Ritus sacros*, qui *corpore* peraguntur, v. g. adorationem ad Orientem, capitis inclinationem, preces sub pileo, manuum elevationem & complicationem &c. ac demum Sectione V rationem *cantum Ecclesiasticorum* perlustrat. Ubique vero cujusvis ritus originem, usum & abusum, uno vel altero figura quadam ænea subinde simul illustrato, evolvit.

Quo absoluto *Epilogum scutatum*, quem jam parte prima Ritualis hujus promiserat, subjungit, quo *necessitatem & utilitatem*

tem rituum Ecclesiasticorum, adversus eos, qui secus sentiunt, longa & gravi oratione vindicat.

Cui celeberrimi *Guiljelmi Cavei*, Ishworthæ, prope Londinum, d. XI. Cal. Jun. A. M DCCI ad se datam *Epistolam* annectit, in qua, quæ sua sit de *Presbyteri Pœnitentarii* in Ecclesia institutione, ejusque per Nectarium abrogatione sententia, Caveus, ea de re rogatus, ad Calvœrium perscribit; cujus summam hic quoque exhiberi, e re fuerit. Hunc locum, utut illico statim, si quem alium, in Historia Ecclesiastica perplexum valde, ac Pontificiorum artibus & consiliis vexatissimum esse, non diffiteatur: tamen non videre se ait primo loco Caveus, cur suspectam esse jubeat narrationem, quam de muneris Pœnitentarii abrogatione Socrates tradunt atque Sozomenus: quod Scriptores sint gravissimi & ἀξιόπιστοι, reique gestæ ferme ætate pares; & præterea Socrates testetur, se ex ipsius Eudæmonis Presbyteri, qui id consilii Nectario dederat, ore rem totam hausisse. Addi posse, hanc historiam nihil falsi, nihilque absurdi in se continere, quo in suspicionem venire debeat. Atque hinc secundo loco liquere commonet, munus Pœnitentarii diu ante Leonis M. tempora in Ecclesia viguisse. Nectarium enim A. 381 factum esse Episcopum C. P. & nondum finito seculo vitam clausisse. Nec de hoc munere, tanquam recens instituto, Historicos Ecclesiasticos loqui; sed potius, ni male meminerit, morem hunc ἐωσπύλλῃ ab Ecclesia servatum fuisse, Socratem diserte referre. Terminus tamen neutiquam sibi verisimile videri dicit, quod Pœnitentarii munus ubique, & in omnibus Ecclesiis, sed in quibusdam tantum, iisque majoribus sedibus, Græcis præsertim & Orientalibus, obtinuerit. Quod enim de Ecclesiis Occidentalibus, & præcipue Romana habet Sozomenus, ad hanc rem minime pertinere. Et hinc forsitan non incommode peti posse rationem, cur in Scriptoribus Conciliisque vetustioribus, nulla hujus muneris mentio fiat: quia videlicet non erat lex Ecclesiæ communis, sed tantum particularium quarundam Ecclesiarum singularis mos, & singulare invere, pacemque dare, fuisse licitum. Nihilominus quibusdam in locis & casibus, non Presbyteris modo, sed & Diaconis licuisse confessiones accipere; & pœnitentibus manum reconciliatricem imponere.

nere, ex Cypriano aliisque luce clarius constare. At quo tempore primum nata sit Presbyteri Pœnitentiarî institutio, non adeo constare, quarto loco non dissimulat. Procul dubio eam gradatim obtinuisse, vimque diversis temporibus nactam. Fortasse ortam esse sub persecutione Deciana, at languide progressam; donec tempore Diocletiani, Episcopis pene ubique dispersis, & vel in exilium actis, vel carceri mancipatis, vel martyrio coronatis, maxime necessarium fuerit, ut istiusmodi munus Presbyteris quibusdam concederetur. Id quod temporis tractu nonnullis in locis continuatum, tandem in statam & solennem institutionem praxinque evaserit. Posthæc abrogato demum iterum per Nectarium Presbyteri Pœnitentiarî munere, non tamen mox etiam sublatam esse censet privatam peccatorum confessionem Sacerdoti factam; sed integrum pœnitentibus relictum, Sacerdotes stimulante conscientia consulere, & ab iis sublevamen impetrare: maxime, cum nulla expressa Christi lege vel institutione ad confessionem privatam fuerint adacti. Atque inde miris, addit, strophis se torquere Scriptores Pontificios, Baronium, Bellarminum, Petavium, Valesium, Thomasinum, aliosque, ut confessionem suam auricularem factam tectam tueantur, & cum hoc Nectarii facto concilient. At laterem eos lavare, & Æthiopem dealbare satagere. Certum enim esse, abrogato Pœnitentiarî munere, Nectarium unicuique permisisse, τῷ ἰδίῳ συνειδήσει τῶν μυστηρίων μετέχειν, ut pro arbitrio, animique sui conscientia, ad sacramentorum communionem accederent. Nec aliter hodie facere necessum esse, nisi necessitas urgeat & peccatorum stimulus gravissimus, ut pœnitentes conscientiam suam exonerent, & a Sacerdote, pro potestate ei facta, absolutionem nanciscantur. Et hunc quidem modum in Ecclesia Anglicana hucusque servari, ubi in formula Eucharistica moneantur accessuri, ut post examen factum, si quis aliter conscientiam suam tranquillare nequeat, prius Pastorem suum, aliumve prudentem doctumque verbi Dei Ministrum conveniat, eique gravamina animique sui ægritudines aperiat: qui impetrata absolutione, adhibitoque spirituali consilio, remoto omni scrupulo dubioque, conscientiam suam sanam & quietam reddere possit.

Addit tandem Calvoerius *Canonem Chronicum* præcipuorum
in

MENSIS APRILIS A. MDCCV. 169

in hoc opere memoratorum Scriptorum, Conciliorum ac Imperatorum, ad calculos, qui Caveano de primis Christianis operi adjecti sunt, plurimam partem redactum; ut & *Indicem rerum*, quæ in hac parte altera Ritualis Ecclesiastici occurrunt.

BURCARDI GOTTHELFFI STRUVII SELECTA
*Bibliotheca Historica, secundum Monarchias, Regna, Secula &
Materias distincta: accessit index auctorum &
rerum.*

Jenæ apud Ern. Claud. Bailliar, 1704 8. constat 2 $\frac{1}{2}$ Alph.

Recensuimus in Actis superioris anni Auctoris Clarissimi Introductionem in rem literariam atque Bibliothecam Juris, quibus, uti promiserat, nunc addit Bibliothecam Historicam. Unum supra triginta capita continet, in quibus talem ordinem servat, ut ab universali Historia progressum faciat ad particularem: ab hac ad Historiæ adminicula. Caput primum quidem recenset Scriptores Bibliothecæ Historicæ, & de methodo legendi cognoscendique historias. Secundum & tertium fontes Historiarum, scriptores antiquos & recentiores Monarchiæ Assyriorum, Persarum, Græcorum & Romanorum Asiaticorum continet. Quartum Scriptores Historiæ Romanæ in statu libero; quintum Scriptores Historiæ Augustæ ordinat. Sextum de Scriptoribus Historiæ Byzantinæ agit. Septimum Scriptores Historiæ Imperatorum Germanicorum comprehendit. Octavum Scriptores Historiæ universalis. Nonum Scriptores Historiæ Gothorum, Longobardorum, aliarumque gentium barbararum persequitur. Decimum Scriptores Rerum Hebraicarum. Undecimum Scriptores rerum Orientalium. Duodecimum caput Scriptores rerum Africanarum & Americanarum explicat. A generalibus hisce, antiquis & orientalibus, progreditur ad Scriptores Historiæ particularis, quos secundum regna distinxit, ita ut capite decimo tertio agat de Scriptoribus Rerum Portugallicarum atque Hispanicarum, decimo quarto de Scriptoribus Regni Gallicani & Navarreni, decimo quinto de Scriptoribus Rerum Belgicarum, decimo sexto de Scriptoribus Rerum Britannicarum. Prolixius deducuntur Scriptores Historiæ Germanicæ, quibus diutius inhæret Auctor. Caput decimum septimum quidem

dem Historiæ Germanicæ generalis Scriptores examinat, ubi simul de his qui de Historia Archiepiscopatum, Episcopatum, Abbatiarum, Monasteriorum scripserunt, agit. Decimum octavum Scriptores Rerum Austriacarum cum adnexis provinciis: decimum nonum Scriptores Rerum Ungaricarum, Bohemicarum & Silesiicarum comprehendit. Caput vigesimum Scriptores Rerum Borussiae & Brandenburgicarum cum provinciis annexis; vigesimum primum Scriptores Historiæ Bavaricæ & Palatinæ; vigesimum secundum Scriptores Historiæ Saxonicae; vigesimum tertium Scriptores Historiæ Brunsvicensis & Lüneburgensis; vigesimum quartum Scriptores Historiæ Principum Germaniæ; vigesimum quintum Scriptores Historiæ Comitum, Civitatum Imperialium, Circulorum & Provinciarum Imperii Romano-Germanici proponit. A Germanica Historia per Helvetios, quorum Scriptores capite vigesimo sexto exponit, transit capite vigesimo septimo ad Scriptores Historiæ Italicæ, atque ab his pergit ad eos, qui historiam regnorum Septentrionalium Daniæ, Sueciæ, Norwegiæ, Poloniæ, Moscoviæ atque Lithuanicæ explicarunt, quos tribus capitibus absolvit. Ultimo demum capite exponit Scriptores, qui Introductionem in Historiam Regnorum dederunt, Geographicos, Chronologicos, Heraldicos, illos, qui de Ordinibus equestribus egerunt, vel Calendaria atque Dictionaria Historica publicaverunt. In singulis capitibus, maxime vero in Monarchiarum descriptione, antiquiores a recentioribus distinxit, Universalis vero Historiæ Scriptores secundum secula, quibus vixerunt, proposuit. In Particularis Historiæ Scriptoribus ordinem servavit propositæ materiæ convenientem, ut præmitteret semper illos, qui ad chorographiam, statum regni ejusdemque provinciarum naturalem, mores & naturam incolarum faciunt. Hos insequuntur qui originem gentis, historiam regni vel universalem vel particularem, regum successionem, bella, particulares etiam eventus descripserunt. Tertia pars politica est, in qua Scriptores de forma & statu regiminis, ministris præcipuis, interesse publico, Statu ecclesiastico, re nummaria, insignibus, aliisque politicam doctrinam concernentibus, agentes exponuntur. De potioribus Scriptoribus, brevi addito indicio censet, quid in quovis commendandum, quid

vizio vertendum, declarans: reliquorum vero mediocri notæ
Scriptorum nomina, atque librorum titulos solum adduxisse con-
tentus.

CHRISTFR. WÆCHTLERI, D. DE CANCELLARIIS VE-
terum Commentatio.

Dresdæ, apud Jo. Mich. Funck 1705, in 4. plag. 5.

Gratulaturus Perillustri atque Excellentissimo Domino Gvolff,
Siegfrido a Kötteriz de moderno Vice-Cancellariatu per Sa-
xoniam Electoralem, commune propemodum assertum virorum
etiam eruditorum, non fuisse adeo magnæ dignitatis Cancellariorum
officium sub prisca Imperatoribus, discutiendum sibi sumsit celeberrimus Autor. Discernendam scilicet dicit primam vocis significatio-
nem ab ea, quæ postmodum fuerit imposita, & a priore illa to-
to genere recedit. Corticem retinuisse illud nomen, reliquis
omnibus absorptis. Incaute vero non paucos scriptores ipsum
munus Cancellarii hodiernum tribuere vocabulo adhuc rudi, ne-
que jam tum elaborato. Inprimis fecisse hoc Petrum Pithæum,
& verbis Flavii Vopisci in Vita Carini non parum abusum, neque
quicquam huc pertinere vel locum Sidonii Apollinaris, (cujus
etiam lectio tentatur) vel plura alia loca Cassiodori, quæ singula ex-
cutiuntur. Tum vero Edictum Turcii Aproniani, Præfecti Urbi,
neque ad Carini mentem, neque ad Cassiodori spectare, & peni-
tus turbari ordinem temporum. Exhibere istud Gruterum, &
Jacobum Gothofredum ad C. Theodosianum, de Suariis &c. cu-
jus partem liceat adjiciamus: *Ratio. docuit. utilitate. suadente. con-
suetudine. micandi. summota. sub. exagio. potius. pecora. vendere.
quam. digitis. concludentibus. tradere. . . ut. quantum. caro. oc-
cisi. pecoris. appendat. &. emptor. norit, &. venditor. commodis.
omnibus. &. prada. damnata. quam. tribunus. officium. CAN-
CELLARIUS. &. Scriba. de. pecuariis. capere. consueverant. que.
forma. interdicti. &. dispositionis. sub. gladii. periculo. perpetuo.
custodienda. mandatur.* Quæ non ex verbis Agathia modo,
sed & libris Basilicorū atque Novellis, ita illustrantur, ut ad tem-
pora recentiora fiat simul descensus, maxime etiam ad perio-
dum Caroli M. cum aliqua tamen censura Gul. Budæi, quasi
Y 2 per

per illum titulus hic tantam, quam habet, acceperit amplitudinem. Qua in re rectius senserit Spelmannus: a quo tamen rursus recedit alicubi Noster. Sensim utique crevisse eam auctoritatem, atque clericis adhæsisse primum, qui quum Quæstores sacri Palatii vocari nollent, temperamentum in vocabulo humili quæsierint. Hieronymum autem Cancellarii munere apud Damasum fuisse functum, minus bene dici seculo quarto, facta collatione cum stylo seculi tertii exeuntis, apud Fl. Vopiscum. Damasum enim ad ipsum Hieronymum scribere: *epistolas tuas tota aviditate legi atque descripsi*. In iis autem de Scripturis interrogare Damasum, respondere Hieronymum; forte tunc non amplius juvenem, quod Erasmo placuerit. Venisse enim illum Romam anno CCCLXXXII, regressum tertio statim anno, defuncto scilicet Damaso, in Syriam, & Romam amplius non vidisse. Si igitur ponamus; Hieronymum fuisse natum anno CCCXXIX, utique habuisse virilem ætatem; nisi quod in inveniendi ipsius natali mire varient Scriptores, Prosper, Spondanus, Antonius Pagi, Henricus Hammondus cum Blondello, a quibus omnibus seorsim sentiat Jo. Cinellius. Digniore autem cura sua iudicavit Autor lapidem repertum in Catalonia:

HIC NATUS DAMASUS PONTIFEX ROMANUS
DISCIPULUS ET MONACHUS S. HIERONYMI
PRESBYTERI, QUI OBIT ERA CAESARIS CCCC.V.

Sensum illius ita explicari ab aliis: auctorem fuisse Hieronymum certi ordinis Monachorum, & illam regulam amplexum, etiam Damasum in supremo apice dignitatis Pontificiæ. Quæ cum explodantur, Nostro potius videtur suggillari familiaritas, quæ Damaso cum Hieronymo per triennium non integrum intercesserit. Omnes quidem Epistolas, quæ utrique tribuuntur, non esse genuinas, nec tamen etiam omnes spurias. Postquam igitur tot seculorum lapsu novum omnino vocabulum videretur procusum, certasse Politicos cum Episcopis in ambiendo titulo Cancellarii. Ubi transitus fit ad tempora Damasi II Pontificis, & Regum Francorum, tandemque inquiruntur incunabula primæ & hereditariæ foundationis trium Archi-Cancellariatuum Imperii, secundum Capitularia & diplomata, quæ abunde prodicuntur. Neque potuit

tuit censuram hic evitare Lehmanni Chronicon, ac suo modo Onuphrius Panvinus, Limnaeus. Sequuntur Diplomata recentiora, & innuitur, rem totam actam fuisse per consensum Ecclesiarum Germanicarum cum Romana. Cui eximiam Bodinus dicam scripserit in laudem gentis suæ: *se XXX regni Gallie Cancellarios ex antiquitatibus commemorare posse, qui in Cardinalium cœtum aut in collegium Pontificum fuerint cooptati sed posterioris ætatis prudentiam prævidisse, quam periculosum illud esset Reipublicæ, idcirco ad civilem ordinem summam dignitatem regni sui deduxisse*: Fluctuante hic iudicio Mallincroti. Ab isto charactere Cancellariorum civilium deflectit Autor ad Cancellarios Academicarum, ac de Academia Pragensi in medium profert privilegium Innocentii Pontificis integrum ex codice MS. in quo contineatur præter alia, etiam copia privilegii Studii Bononiensis, a Theodosio indulti sub anno CCCCXXIII. Eaque occasione regreditur ad alloquium Per-Illustris atque Excellentissimi Domini Vice-Cancellarii Nostri moderni: cujus non tam anni, & non tam honores, quibus in aula Saxo-Numburgensi jamdiu cumulatus, quam ipsa divinitas genii ex uno Consilio sanctiore in aliud, æque aut magis adhuc sanctum, visa hætenus fuerit festinare. In additionibus autem occurrunt observationes una plures; qualis illa de Marcellino Comite, quem ex verbis incertis Cassiodori, perperam opinati quidam sint, fuisse Cancellarium Justiniani adhuc patricii, Aubertus putat Miræus, Nicolaus Alemannus, Guil. Caveus. Simili lapsu Mæcenatem vocari Cancellarium Augusti, & vestigia ejus rei Pancirollum quævisse in Horatio. Porro notatur Carolus du Fresne, & Jo. Jac. Hoffmannus, quod neque Cassiodori ætatis, nec alias temporum rationem habuerint. Itidem peccasse hic Renatum Chopponum & Andream Schottum, atque iterum Hoffmannum, & Marcellinum. Ac post hos denuo Du Fresnium, circa locum Mauricii: cui alium surrogat Noster, & neutrum de cappa S. Martini accipiendum existimat. Quumque toties laudatus hic fuerit Cassiodorus, eo etiam nomine commendatur Nostro, quod & sacrorum librorum curam non minus habuerit. Ac de Epistola quidem ad Romanos non esse dubium: Homilias autem Chrysostomi ad Hebræos fecisse in Latinum transferri per Mutianum. Simi-

militer Clementem Alexandrinum in Petri I, Johannis I & II & Jacobi, itidem per alios. Præterea non ipsum, sed amicos ejus Homilias Chrysostomi in Actus Apostolorum transtulisse, fatente Cassiodoro Divinarum Institutionum capite nono: nisi quod Triconio Donatistæ in Apocalypsin tantum in bonis dictis *χρυσόμακρων*, in malis *ἀχρυσόμακρων* ipse affixerit, quantum transiens repperit. Breves vero illas explanationes, quarum fiat mentio in præfatione de Orthographia, aut non extare censet, aut non esse Clementis Alexandrini, sed ipsius Cassiodori. Et hæc quidem hætenus inter præsentis Autoris curas forenses.

EMMENOLOGIA: IN QUA FLUXUS MULIEBRIS
Menstrui Phenomena, Periodi, Viria, cum Medendi Methodo, ad
Rationes Mechanicas exiguntur. Auctore JOHANN
FREIND, M. B. Aed. Christi
Alumno.

Oxoniz, e Theatro Sheldoniano, A. 1703, in 4to.
 Constat Alphab. i pl. 4.

Qui Naturæ vestigia fideliter legunt Physici pariter ac Medici, abdita ejus eruunt felicius: neque enim ulla ratione vel modo corporis humani affectiones innotescunt planius, ac si leges eas, quas suis motibus præscripsit Natura, sedulo consulamus. Hanc ipsam in explicandis Naturæ arcanis viam singulari cum industria ac laude sequitur Clarissimus præsentis Emmenologiæ Auctor Jo. Freind. Non nescius enim, quam infelicitè cesserit hætenus plerisque, qui de Mensibus ad nauseam usque scripserunt, dum ingenio suo abrepti, suorum potius somniorum, quam naturæ fuerint interpretes: operam suam haud male collocasse ratus est, si Mensium naturam paulo accuratius explicare aggrederetur, deducta ab elementis mechanicis eorum theoria. Capita, quibus absolvitur tractatus elegantissimus, in universum sunt XIV. I. de purgationis Menstruæ natura, II. de variis circa hanc materiam opinionibus, III. de plethoræ causis, & quare fiat in foeminis, IV. de structura uteri & vaginæ, V. de modo, quo Menses movet plethora, VI. de Argumentis contra plethoram, VII. de pe-
 rio-

MENSIS APRILIS A. M DCC V. 175

riodis, VIII. de phænomenis, IX. de iis, quæ aut citius cient, aut diutius retardant menses, X. de symptomatis, quæ a suppressis mensibus oriuntur, XI. de methodo in suppressis mensibus therapeutica, cui subnectuntur histor.æ, XII. de symptomatis, quæ a mensium fluxu immodico oriuntur. XIII. de methodo in fluxu mensium immodico therapeutica, cui itidem adjiciuntur histor.æ. XIV. de remediorum viribus & operatione. Notatu digniora ex singulis sunt sequentia:

- Plethoram cum Galeno statuit mensium causam, eandem. Cap. III.
 que a perspiratione impedita dependere persuasus est Clarissimus Auctor. Minor enim in foeminis materiæ perspirabilis secretio, ob minorem sanguinis velocitatem, quæ ex pulsu, & capillarium variorum angustia, quæ ex textura in sexu sequiori delicatula probari potest, observatur. Cap. IV.
 Aortæ truncus descendens multo amplior in foeminis, quam in viris, ut non modo ad musculos excludendo foetui inservientes, sed ad uterum etiam major sanguinis quantitas deferatur; quæ vasorum capacitas & multitudo facit, ut non alium, nisi per uterum, sibi exitum quarant menses. Cap. V.
 Cum eousque increbuerit sanguinis momentum, ut ei oppugnando vasa minime sufficiant, locum facile cedunt, ut per ipsorum tunicas sanguis erumpat; vasa vero uterina, utpote carne parum suffulta, ad cedendum sunt facillima. Suum etiam in hoc negotio confert symbolum valvularum in venis uterinis defectus; nihil enim, hoc supposito, obstat, quo minus sanguis omnis, qui in ramis amplioribus continetur, retro versus capillarium angustias corruat, & tenella orificia ita premat, ut impulsu quovis dissiliant. Cap. VI.
 Qui negant plethoram esse mensium causam, nihil probant, dum gracilissimas etiam foeminas per uterum purgari opponunt. Has ipsas enim sanguine præ obesitate exuberare, Galenus jam suo tempore novit, & quotidiana confirmat observatio, in lactantibus gracili corpore præditis, menstrua solenniter fere celebrari. Quod si tales a plethora ipsa suppressionem mensium gigni asserant, fallaciam non causæ ut causæ committunt; neque enim plethoræ tunc, sed sanguinis lentiori potius eadem adscribenda. Cap. VII.
 Ratio periodorum, quæ in mensium fluxu observantur, hæc est: quantitas sanguinis mense quolibet evacuati cum sit circiter unciarum

viginti, totius massæ sanguineæ est pars fere decima; hac igitur sanguini accessione facta, sub fine cujusque currentis periodi momentum sanguinis erit decima parte fortius, singuli porro in corpore canales decima parte prementur magis & distenduntur: ita canales pressionem die uno aut altero ante fluxum nona parte ad auctam sustinere possunt, decima vero accedente, locum cedunt, uti lancibus ad æquilibrium perductis, si quid ultra adjicias, præponderat. Menstruis igitur fluentibus, vasa omni eo sanguine, qui plethoram constituit, deplentur, cessantibus vero, ad consuetum corporis pondus redeunt mulieres: unde iterum deficiente perspiratione, necesse est, ut intra idem tempus eadem accumuletur sanguinis redundantia. Quod si detur, vasa sanguinea ab hujusmodi plethora semel dirumpi posse, sequitur omnino, si similis mense quolibet redeat plethora, eundem etiam fluxum reverti debere: deficiente vero in foeminis perspiratione, abunde sufficit intervallum menstruum, ut plethora talis increbrescere & accumulari queat.

Cap. VIII.

Quod menses communiter ultra septimum septenarium non persistant, a mutatione fibrarum evenire statuitur: in senectute enim hæ ipsæ non modo rigidæ magis & renitentes fiunt, ut a sanguinis momento perfringi nequeant, sed capillarium oscula etiam, ex quibus fluere consueverunt menses, continua tandem cicatrice, quasi callo ita obducta sunt, (quemadmodum in hæmorrhoidibus sæpius incisis contingit,) ut per ea nullus ultra sanguini pateat exitus. Adeo mensibus tandem deficientibus, alia in corpore secretoria assuetudine continua ita se tandem comparabunt, ut plethoram, quæ mense quolibet coacervatur, accipere ac deplere possint.

Cap. X.

Causam suppressionis mensium, vel a vasorum vitio, vel a plethora cum lentore conjuncta, deducit Clarissimus Autor. A vasorum vitio suppressionem venisse, signum diagnosticon habetur, si adsit dolor circa uterum tensivus, venarum tumor, faciei color floridus; quod magis adhuc certum, si fortius insimul increbescat pulsus. A plethora excedente autem sanguinis qualitas vitari ac lentore gravari potest, partim, quia in tanta sanguinis copia particulæ ejus in angustius spatium coguntur, adeoque facile coalescunt, partim, quod ob intumescentiam fibrarum, motus cordis imminuatur, partim, quod in tali statu, absumptis per reliqua cor-

corporis secretoria tenuioribus & aquosis sanguinis particulis, spissiores remaneant. In curanda mensium suppressione, venæsectio non nisi præmissis purgantibus atque emmenagogis suadetur. In his enim, cum ea sit operandi ratio, ut humores viscidos dissoluant atque attenuent, sanguis jam ante comminutus laxiusque coherens, copia detracta, facilius dimovetur, & fortius momentum concipit. Igitur triduo ante consuetum tempus secatur vena, ut tum præcipue novus sanguini accrescat impetus, cum augmenti summam attigerit plethora. Quoad locum, ubi vena secanda, cum citra lentorem sanguis exuberans vasorum vitio restrictus fuerit, saphæna eligitur, quia a vena cava pariter, ac illa, quæ circa talum est, ducit originem: adeoque cum fluido largius influente major sit vasorum distensio, facilius aperietur sanguini menstruo egressus. Interdum tamen præstat venam in brachio prius, & deinde in malleolis aperire: diminuta quippe per venam in brachio sectam sanguinis copia, augetur velocitas, postea vero, aperta saphæna, sanguis ad interiora se præcipitat, & auget eam, quæ ad vasa uterina continuo increscit, plethoram; unde aucta plethora & velocitate, augetur etiam ad ipsorum latera sanguinis momentum. In Historia prima, quæ capiti XI. annexa, de cathartico-
rum inconstanti operatione hæc est Clarissimi Auctoris opinio: in iis, quibus patentiora sunt lacteorum oscula, sive id a natura, sive vitio aliquo provenierit, ita, ut medicamentum omne in sanguinem facile transmittant, alvus minus movetur: in iis vero, quibus arctius coalescunt, aut obstruuntur lactea, ita, ut pars cathartici maxima in intestinis subsistat, stimulus ad tunicas validior est, & proinde crebrior alvi dejectio. Historia ejusdem capitis V. foeminae mentionem facit, quæ ex mensium suppressione omnium maxime quæsta est de abdomine: in intestinis quippe sensit tormina quasi colica, in ventriculo gravitatem, inflationem & nauseam, &c. Suasit Clarissimus Auctor emplastrum, quod humores resolveret, & doloris vehementiam sopiret:

℞ Empl. Hyster.

de Galban. à q. f.

Opii, Camphoræ à ʒii.

M. F. Emplastr. Hoc emplastro sub noctem adhibito, post aliquot horas vehementer incalescebat mulier, & humorum quandam

Cap. XII.

Cap. XIII.

Cap. XIV.

dam quasi inter se luctam sibi visa est sentire: postero vero mane prorsus evanuit in abdomine dolor, & dissipata sunt tubercula, cujus rei rationem reddit sequentem: Camphoræ & opii particulæ tenuitate sua intra vasorum poros se insinuant, ibique lentis humoribus, quorum vitio oriuntur dolores & tubercula, commista, eos ita incidunt & exagitant, ut sanguinis globuli non ultra ad oscula arteriolarum hæreant, sed jam in minima divisi vel in venas trajici queant, vel perspiratione foras extrudi. Ita penetrans reperitur opii & camphoræ vis, ut nullum fere sit (si cantharides excipias) remedium, quod externe adhibitum cutim promptius pertranseat & viam sibi in sanguinem aperiat: adeo parum se ostendit ignava illa & frigida qualitas, quam iis plerique solent affingere. Fluxum mensium nimium facile excipere fluxorem album, communis est observatio. Ratio ex mente Auctoris hæc est: si uteri tonus vacillet, glandularum, quæ internæ ipsius tunicæ interferuntur, adeo dehiscunt oscula, ut lympham suam in uterum copiosius effundant, ea vero continuo foras stillante, orietur morbus ille, qui appellatur fluxor albus. In relicta post abortum placentæ portione, a biennio intus retenta, sequentem probatam deprehendit mixturam:

Rx. Tinctur. Croc.

Laud. liqu. Sydenh. à ʒʒ.

Camphor. in Sp. Vin. ʒʒ. dissol. ʒj.

M. D. ad guttas quadraginta sæpius de die; quo remedio ita spiritus resecti sunt, ut post diem unum & alterum, illa placentæ portio graveolens & plane putrida exclusa, omnisque dolor, & tandem etiam nimius mensium fluxus sopitus fuerit. De emmenagogis eorundemque operandi ratione & modo ita sentit Clarissimus Auctor: cum partium tenuium sint & maxime penetrantium omnia illa, quæ jure emmenagoga appellantur, molem sanguineam ita incidunt & comminuunt, ut minor sit globulorum inter se contactus, & proinde compages rarior: sanguis vero ad hunc modum attenuatus, non modo spatium amplius intra canales occupat, sed spiritus etiam nervis ubiores sufficit; unde iterum corde vehementius contracto, fortiore impetu per arterias circulatur. His

au-

MENSIS APRILIS A. MDCCV. 179

autem attenuandi viribus menses pellentia instructa esse, confirmare satagit:

1. Per effectus sensibiles ex sapore acri & amaro, odore fragranti, salis vol. indice, pulsus incitatione, colore aucto & diaphoresi, patentes.

2. Per commixtionem emmenagogorum cum sanguine adhuc repente, ex qua si color floridus & fluiditas tenuior emergat, de attenuandi ac dissolvendi viribus dubitari non posse, pertrahuntur, ex numero emmenagogorum excludit, licet sanguini coagulum inducant: ipse enim spiritus vini eas in se continet particulas, quæ in spiritus animales facile migrare possunt; spiritibus vero in cor uberius influentibus, inducitur illa sanguini rarefactione, quæ ad ciendos menses satis efficax, cum a vasīs præduris nimiumque renitentibus, ortum duxerit suppressio.

3. Per confusionem emmenagogorum cum syrupo violarum, unde color viridis aut viridi affinis, salis alcalini index; alcalicorum autem eas esse vires fatentur omnes, quæ coagulum sanguinis resolvant.

4. Per injectiones in venas jugulares vivi animalis syringa institutas, quibus non minus vis emmenagogorum attenuatrix ad oculum demonstratur.

Adstringentium operationem quod attinet, ea non modo in fibris vellicandis & contrahendis, sed & in humoribus coagulandis incrassandisque sita est. Sanguinis igitur particulis condensatis, & arctius inter se cohærentibus, imminuitur velocitas, non modo, quia parcius fit spirituum secretio, sed quia ea est humortate resistētia, ut difficilior a corde protrudi queant. Velocitatem vero languentem, ita deficit sanguinis momentum, ut canales minus jam distrahat, eorumque viribus contrariis impar evadat. Ita in sanguinis debilitate tonum suum recolligunt & coalescunt vasa. Quæ de adstringentibus theoria, non minus ac ea de emmenagogis, argumentis atque experimentis solidis a Cl. Auctore confirmatur.

Antequam recensionem hanc finiamus, non possumus, quin illam, quam de hydrargyri & chalybis viribus fovet theoriam, bre-

brevibus allegemus. Et hydrargyrum quidem, partium tum gravitate, tum tenuitate, coherentiam sanguinis ita diffringere & segregare statuit, ut humoribus plurimum attenuatis, major fiat spirituum secretio, & vis cordis fortior; quod satis confirmari salivatione persuasus est, in qua pulsus ita frequens & validus observatur, ut ad febrilem pene accedat. Etiam peracta salivatione, sanguinem tenuem admodum & rarum relinqui, testatur experientia. Itaque restrictis mensibus nunquam feliciter succurritur, quam cum alterantibus per vices interposita sunt purgantia Mercurialia. Etiam continuum Æthiopis mineralis usum, non modo tutum, sed & efficacem semper comperit. Chalybem ex iis esse docet Clarissimus Auctor, quæ spiritibus quasi cognata sunt; quod satis ostendere pulsus, chalybeatorum usu vehementer incrementum, existimat. Nam non solum gravitatis momento, sed & attenuandi ac rarefaciendi virtute chalybs pollet. Et hinc facile innotescet, quomodo, uti vulgo fertur, & vasa obstructa aperiat, & nimis laxa restringat: quæ quidem in agendo vires plerisque non contrariæ modo, sed & inexplicabiles videntur, cum tamen, vasis obstructione liberatis, eorum latera adstringi sive contrahi necesse sit. Fibre enim, quæ, dum sanguis stagnaret, relaxatæ sunt, nunc remoto omni obstaculo, vim suam naturalem exercent, h. e. elasticitate forti sese tono suo restituunt, & statum contractilem recuperant. Et tonum quidem roborat chalybs non modo, quia vasa obstructione expedit, sed quia spiritus etiam, uti dictum est, uberius sufficit: a quibus pendet omnis fibrarum contractio.

JOANNIS RAI, SOCIETATIS REGIÆ SOCII,
Historiæ Plantarum Tomus Tertius, qui est Supplementum duorum precedentium. Accessit P. GEORGII JOSEPHI CAMELLI Historiæ Stirpium insule Luzonis & reliquarum Philippinarum, item D. JOSEPHI PITTON TOURNEFORT Corollarium Institutionum Rei Herbariæ.

Londini, apud Samuelem Smith & Benjamin Walford, 1704. fol.
 Constat Alph. 10. plag. 11.

Flo-

Florent per Dei gratiam artes hoc tempore omnes ac scientiæ, nec desunt uspiam, qui excolendis iis strenuam operam majorem indies cum fructu impendant: nec mentiemur tamen, si dixerimus, Botanicum imprimis studium, admiranda curiosorum hominum cujuscunque gentis ordinisque industria, ad summum hactenus provecum esse fastigium. Cum anno 1686 & 1688 Clarissimi Raii Historia generalis Plantarum (cujus Tomum I in Actis his A. 1687 p. 105, alterum Tomo I Supplementorum p. III, uti editam jam ante Methodum Plantarum Novam A. 1683 p. 184, pro instituti nostri modulo recensuimus) primum prodisset, opus illud credebatur numeris omnibus absolutum: & tantillo tamen annorum, qui ex eo tempore lapsi sunt, spatio, tantus plantarum tum nondum cognitarum, in omnibus orbis partibus certatim detectarum, numerus innotuit, ut novum jam magni sui operis tomum, velut priorum supplementum, adornandi publicique faciendi juris necessitatem impositam sibi, diligentissimus Raius censuerit. Enimvero vel in Actis nostris e libris, qui hoc intervallo prodierunt, haud paucos indicatos meminimus, veluti *Horti Malabarici* volumina sex posteriora A. 1688 p. 479, & 1697 p. 533: *Pauli Hermanni Floræ Lugduno-Batavæ Flores*, A. 1691 p. 217, ejusdemque *Paradisum Batavum* A. 1697 p. 237: *Josephi Pitton Tournesort Elementa Botanices* A. 1693 p. 509, & *Institutiones Rei Herbariæ* A. 1701 p. 347, *Corollarium Gallicam Plantarum Americæ* A. 1694 p. 461, & *Nova Plantarum Americæ Genera* A. 1703 p. 517: *Leonardi Plukenetii Phytographiam* A. 1691 p. 492, & A. 1693 p. 311: *Pauli Bocconis Museum Plantarum rariorum Sicilia, Maltæ, Corsicæ &c. Supplem. T. III* p. 98: *Roberti Merisoni Plantarum Historiæ Universalis Partem III* A. 1702 p. 477: *Joannis Commelini Rariorum Plantarum Horti Medici Amstelodamensis Descriptionem & Icones*, A. 1698 p. 128: *Abrabami Muntingii Curiosam Descriptionem Plantarum Belgica lingua editam*, A. 1697 p. 546: *Augusti Quirini Rivini Introductionem generalem in Rem Herbariam*, A. 1690 p. 265, *Ordinemque Plantarum flore irregulari monopetalo*, A. 1690 p. 267, item *Ordinem Plantarum flore irregulari tetrapetalo*, A. 1692, p. 273, nec non *Ordinem Plantarum flore irregulari pentapetalo*, A. 1701 p. 95: *Olavi Rudbeckii, Patris & Filii, Cam-*

pi Elyfii Librum secundum, magni operis partem infelicibus auspiciis publicatam, A. 1702 p. 374: *Jo. Georgii Volekameri* Floram Noribergensem, seu Catalogum Plantarum Agri Noribergensis, A. 1700 p. 526 &c. Tacemus tot plantas aliunde recens advectas, quæ Societati non minus Regiæ Anglicanæ, quam Academiæ Regiæ Scientiarum Parisiensi subinde communicantur, & tum in Anglicanis Actis Philosophicis, tum in Joh. Bapt. Du Hamel & Fontenelli Historia dictæ Scientiarum Academiæ, omnium notitiæ exhibentur, additis, in hac præsertim, curiosis præcipuarum plantarum utilissimisque analysibus. Ex tanto igitur apparatu, quin novum decus & ingens augmentum Botanico suo operi Raius celeberrimus adjecerit, quis dubitet? edito tertio hoc volumine, quo præter plantas nonnullas in prioribus per incuriam aut oblivionem omissas, species illas novas omnes proximis annis demum in lucem productas, & ex tot scriptis non sine molestia cæteroquin colligendas, complectitur. Nec existimandum, ex solis libris, publico omnium usui expositis, suppetias Auctori provenisse, sed additas insuper stirpes plurimas nondum descriptas, sed ab Amicis communicatas. Quo nomine (nec enim ignorari debent, qui institutum laude dignissimum promoverunt) in Præfatione triumviros comprimis laudat, *D. Hans Sloane*, qui Historiam manuscriptam stirpium Jamaicensium locupletissimam, nec non plures plantarum centurias a peritissimis Botanicis, *D. Vernon* & *D. Krieg*, in Marilandia collectas, benevole sibi communicaverit: *D. Jacobum Petiver*, Pharmacopœum Londinensem, Virum, si quisquam alius, ex toto orbe conquirendarum stirpium exoticarum studiosissimum, qui plurimis novis & raris, imo insolitis & admirandis speciebus opus hoc suum ditaverit: & *D. Guilielmum Sberardum*, qui ultimum illi complementum adjecerit, bis mille stirpium nondum editarum auctario sponte & generose collato, schedas etiam suas, antequam typis committerentur, rogatu suo diligenter perlegerit, curaveritque, ut rite omnia cohærent. Neque tacet, suas etiam symbolas triumviros alios, *D. Tancredum Robinson*, *D. Edwardum Lhwyd*, & *D. Samuelem Dale*, perficiendo operi contulisse.

Reliquum est, ut de Appendicibus subjunctis pauca dicamus. Primo loco *P. Georgii Josephi Camelli* Herbarum aliarumque stirpium

pium, in insula Luzone Philippinarum primaria nascentium, Syllabus comparet. Auctor, natione Brunensis Moravus, Manilæ, istius insulæ metropoli, hodieque degit, & Societatis Jesu, cujus membrum est, Pharmacopœi munere fungitur, qui propria manu plantas in illa insula obvias descripsit ac delineavit, earumque partem magnam ad Raium nostrum benevole transmisit, præsentî Syllabo comprehensam, quam invidere Noster nec aliis sustinuit. Sequuntur Plantæ novæ a *D. Josepho Pitton Tournesort* Aquæ-Sextiensi observatæ in Orientalibus regionibus, & in Corollario Institutionum Rei Herbariæ (de quo nuper admodum mense Martio pag. 138 diximus,) nominatim traditæ; ita tamen, ut cum apud Tournesortibus Rei Herbariæ antehac propositas referri quæque debet, exhibeantur, hic in ordinem alphabeticum redactæ sistantur. Quibus denique Plantæ etiam a *D. Gulielmo Dampier*, in Brasilia, Nova-Hollandia, Timor & Nova Guinea observatæ & collectæ; nec non Plantæ Spitzbergenenses, a *Frederico Martens* in Itinerario suo descriptæ; Plantarum item rariorum, a *Caspere Commelino* in Præludiis Botanicis recensitarum, Descriptiones; & *Jac. Petiveri* Plantæ rarioris Chinenses, Madraspatanæ & Africanæ, cum ejusdem Catalogo Plantarum in hortis suis siccis conservatarum, & Farragine plantarum quarundam Indicarum & Americanarum incertæ sedis, subjiuntur.

Γ Ε Ω Π Ο Ν Ι Κ Α.
GEOPONICORUM, SIVE DE RE RUSTICA LIBRI XX. CASSIANO BASSO Scholastico Collectore. Antea Constantino Porphyrogenneto a quibusdam adscripti. Græce & Latine, Græca cum MSS. contulit, Prolegomena, Notulas & Indices adjecit PET. NEEDHAM A. M. Coll.
D. Joannis Cantabrig.
Socius.

Cantabrigiæ, typis Academicis, impensis A. & J. Churchill, Bibliopolarum Londinensium, 1704.8.
Constant Alph. 1½.

EMajoribus Græcorum scriptorum de Re Rustica voluminibus, Excerpta sunt hæc nostra, quæ exhibentur, Geoponica, non semel

mel equidem a viris doctis publici juris facta. Quoniam vero melior, quam quo ornati erant hactenus, ea decebat habitus, cumque reliquæ hæ solæ, de hoc argumento Græco sermone scriptæ, deperditis ipsis, ex quibus depromptæ sunt, monumentis, ad nos usque perduraverint, & spes nulla amplius affulgeat, fore, ut ex bibliothecis Italiæ & doctorum virorum loculamentis, ipsa Florentini, Heronis & aliorum Geoponica aliquando excutiantur, trium annorum studium novæ horum fragmentorum editioni adornandæ ut consecraret, amicorum hortatu induci se Clarissimus editor Petrus Needhamus passus est, ut æque nitide & emendate, ac Latini de Rustica Scriptores toties prodierunt, hæc quoque luci exponerentur publicæ. Nihil vero omisisse eum temere, quod ad scopum hunc suum faceret, fatemur merito. Et quanquam non neglexit excusos jam typis libros, præcipuum tamen auxilium a manuscriptis codicibus esse repetendum, non ignoravit; unde & refertissimis illis omnis generis librorum seu manu exaratorum seu typis descriptorum Angliæ Bibliothecis studiose perlustratis, tredecim manuscriptos, partim integros, partim mutilatos inspexit codices. Ast neque hi diligentia ejus posuere limites, sed & magnorum virorum, quales sunt Casaubonus, Saracenus, Galeus & alii, cura ipsi subvenit, qua marginibus librorum manu sua tritorum correctiones, annotationes, & collationes adperserunt; cuius laboris ipsi copiam fecerunt Bibliothecæ non minus publicæ, quam munificentia Virorum boni literarii studiosissimorum, inter quos, dum viveret, Jo. Cottonus fuit, & nunc est Amplissimus Norvicensis Ecclesiæ Episcopus, Joannes Moris, quem dignis tanto literatorum Fautore encomiis ornavit Noster, & librum hunc illi inscripsit, & tanquam ipsi proprium, velut ex cuius Thesauro prodierit, vindicavit. Versionem Latinam Jani Cornarii, etsi inveniustam, fidelem plerumque tamen, innumeris potius locis repurgare voluit, quam totam abjicere; in qua castiganda nonnihil sibi opis Andreani a Lacuna attulisse non dissimulat, qui octo posteriores libros a se translato Colonia A. 1543 edidit. Id autem, quod præstitisse jactitet in pagella titulari, eum non fecisse, Needhamus judicat, cum plurima aut prorsus præterierit; aut perperam intellexerit. Notularum numerum & illæ adaugent, quibus Janus Gruterus Cornarii versionem, olim inter suos libros relata, passim

notavit. Et sicuti nihil facile, ita nec versionem Italicam eam susque deque habuit, quæ a Petro Lauro Modenensi adornata est: Gallicum vero incassum quæsitum interpretem; quod idem ipsi cum Langbainianis collationibus accidit, quarum ipse Langbainius in Epistola ad Usserium aliquando meminit. Plurima, præcipue in re Botanica, se hausisse candide monet, ex erudita Salmasii in Solinum notarum congerie, in qua nullus quidem ordo compareat, sed copia rerum insignis, & in qua ea, quæ de herbis & aromatibus dicuntur ex sententia veterum, ad Geoponicorum quoque mentem accedant propius.

Auctorem Collectionis hujus de Re Rustica Scriptorum Græcorum, non unum Viri Eruditi omnes statuunt. Augustorum nomine non indignam quidam hanc æstumarunt operam, & Constantino Porphyrogenneto Basilii Macedonis nepoti alii tribuunt. Inferiorem his dignitate, Cassium Dionysium Uticensem compilasse hanc farraginem, tertia doctorum est opinio; in qua nec dum acquievit aliorum investigatio, qui cum Harduino eadem esse Geoponica contendunt cum Georgicis, quæ Vindianus Anatolius Berytius collegerit, quæque etiam se legisse, in Myriobiblo testetur Photius. Omnium tandem diversæ doctæque propositæ sententiæ nequitiam se Nostro approbant, quod vel male intellectis Auctorum verbis nitantur, vel ipsi Scriptorum ætati adversæ sint, vel librorum diversum numerum inferant, & ex tribus nominibus unum faciant. Quare solum Cassianum Bassum pro vero operis Collectore agnoscit, & sententiæ suæ plures allegat asseclas, Hadrianum Junium, Cl. Salmasium, & alios, qui tamen doctorum potius hoc esse iudicium dixisse contenti, ex suo nihil determinarint. Attamen nec sola stat horum auctoritate Needhamus. Hinc titulum libro secundo in Barocciano codice præfixum, eademque qua codex manu exaratum, vocat in subsidium: *Ἐκ τῶν περὶ γεωργίας ἐκλογῶν κασιανῆς Βάσσης χολαστικῆς βιβλίου δεύτερον περιέχον τὰδε*, quem aliquid ponderis apud idoneos rerum æstumatores habiturum sperat. Nam id quoque sibi non contrariari credit, quod sub Cassiani nomine quædam compareant in hac Ecloga; cum veterum consuetudini id conveniens sit, ut, quoties aliorum confarcinabant opera, suas conferrent quoque, proprio præscripto nomine, symbolas. De ipso Cassiano pauca sunt, quæ innotuerunt hactenus;

nus; non postremum interim famæ ejus testimonium putatur, quod Hierocles in Hippiatricam Proœmio ἄριστον Βάσσαν in re dubia in consilium vocare, non dedignatus fuerit. De natali solo suo, sub-obscurè quidem ipse Bassus quædam Geop. I. V c. 6 reliquit, ubi Μα-ρατώνυμον χαρίον nominat, sed fatetur Clarissimus Needhamus, ubi terrarum fuerit istud Μαρατώνυμον χαρίον, se adhuc latere. Atque hæc de Geoponicῶν Collectore. Nunc deveniendum nobis ad Scriptores singulos, quos iste collegit, & juxta Alphabeti, quod vocant, seriem Needhamus noster exhibuit. Ubi primum locum *Apfyrius* obtinet, docente Suida Prusænsis, vel Nicomediensis, sub Constantino ad Istrum bello Scythico miles: librum scripsit Hippiatricum, & de equis Physicum, & alia. Hunc *Julius Africanus* excipit, professione Christianus, & primus, si Vossii valet auctoritas, qui horum Chronologiæ fontes reclusit, scripsitque Πεντάβιβλον χρονολογικὴν Eusebio exscriptam, & novem κεσῶν libros, quibus a rerum varietate nomen est, complexos res Medicas, Physicas, Rusticas & Chymicas, ut Georgius Syncellus & Suidas ajunt. Eusebius quoque epistolæ ad Origenem ejus meminit, in qua historiam Susannæ, quæ in Danielis libro legitur, spuriam suspicetur. Etiam si vero Valesius & Scaliger diversum Africanum Chronographum a κεσῶν Auctore faciant, contrarium tamen ex ipsis Photii verbis Noster it probatum. Suidas facit patria Lybicum. Vixit tempore Alexandri Severi Imperatoris, quia ipse testatur, Partefanem se vidisse, qui haud dubie sub hujus imperio clarus fuit. Pauca quædam adhuc ejus κεσῶν capita extant, ad calcem Heronis Alexandrini aliorumque Mathematicorum veterum Parisiis editorum, sed mutila & luxata. Non minus locum *Anatolius* inter Geoponicos meruit, a Suida dictus μάγιστρος Θεοδοσίῳ βασιλέως. Uti duorum illustre *Apuleiorum* nomen est, ita dubium est, cujus fragmenta ornent Geoponica. Colvius cum Apuleio Celso Centuripino facit, qui sub Augusto & Tiberio floruisse creditur, & a Scribonio Largo præceptor suus nominatur, ac a Marcello Empirico Medicis Latinis accensetur. Albertus Faber autem in Decade Decadum a Madaurensis Philosophi Platonici stat partibus, cujus diversa a jam extantibus passim veteres allegant scripta. Arbitrium aliis relinquit Needhamus Noster. Subjunctus huic *Aratus* est

est Astronomicus & Phanomenon Auctor, Solensis e Cilicia, cu-
 jus sub Antigono Gonata Macedoniae Rege nomen nullibi non est
 notissimum. Ad *Berytium* accedens Auctor, male eum Photio
 Berytum audire submonet. An sit Hermippus Berytius, juxta
 Suidam aetate Adriani celebris, Philonis Byblii discipulus; an Tau-
 rus Berytius Platonius, sub Antonini Pii imperio; an Lupercus Be-
 rytius, qui Claudium non multum antecessit tempore, atque de
 Pavone, Squilla, & Gallo apud Platonem libros composuit, quorum
 itidem Suidas memoriam conservavit, non satis expeditum est.
 Sed magis clarum, quod *Democriti* nomen non antiquissimum ce-
 leberimumque simul Philosophum, Hippocrati æqualem indicet,
 quem ad agriculturæ peritiā multum contulisse veteres laudant,
 sed recentiorē aliquem, cujus Physica & Chymica in bibliothecis
 quibusdam visuntur, ex quibus deprompta fuisse ista Physica omnia
 ridicula & *Ἀνακρίτεια Παράδοξα*, quæ hinc & inde prostant in
 Geoponicis, Needhamus autumat. Plures etiam uno nomine
 celebrantur a veteribus *Didymi*. Postremum recenset *Didymum*
Alexandrinum Suidas, qui de Re Rustica libros XV reliquisse scri-
 bitur, ex quibus in Geoponica quædam relata esse, merito credimus.
 Qui hunc sequitur, *Cassius Dionysius*, a patria Uticensis, non tam ipse
 quid ex suo nobis dedit, quam viginti & octo Punicos Magonis de
 Re Rustica libros, Græcis viginti expressit, quod de ipso Varro me-
 morat. Ejusdem fere ingenii sunt, quæ *Diophanis Bibyni* nomen
 præ se ferunt. Is enim Cassium Dionysium contraxit in sex
 libros, uti vicissim Diophanem contraxit Asinius Pollio Trabianus.
 Ortus est Diophanes ex Nicæa urbe, æqualis Julio Cæsari & Cice-
 ron. Posterior hoc *Florentinus* est, vel Florentius. Macrino enim
 clavam Imperii tenente, anno post Christum 218 eum scripsisse,
 Nostro est probabile. Commentarii ejus sunt de Re Rustica, quod
 discimus ex Photio. Ab hoc ad *Frontonem Emisenum* devenit
 Auctor, qui regnante Severo Romæ Rhetor docuit, postea
 Athenis, ubi diem obiit, relictis orationibus pluribus, Suida testi-
 monium suppeditante. Hinc ad *Hieroclem* progressus, jurispru-
 dentiam eum coluisse edoctus, de binis ejus *περὶ τῆς τῶν ἱππῶν*
διαρείας nos facit certiores. Ætatem ejus non cognovit exactius,
 nisi quod Apfyrto videatur esse junior. Nec forte major ille, cu-
 jus

jus quædam hic inserta sunt, *Hippocrates* Veterinarius Scriptor, Coo Medicinæ Patris nomine honorato & gloria & ætate inferior. Ast qui primo loco poni debebat, si ad natalium hic attendere dignitatem conveniret, *Juba* offertur, Juba Mauritaniae Regis filius, a Julio Cæsare in triumpho ductus, cujus felix eo nomine deprædicatur captivitas, quod inter barbaros & artis imperitos natus, Græcorum quoque doctissimos, data sic opportunitate, æquaverit. Græce & Latine scripsit libros veteribus laudatos. Quem *Leontium* plerique nominant, *Leontius Scholasticus* esse putatur, cujus Epigrammata lib. IV Anthologiæ licet legere, in effigies Callinici Cubicularii, & Gabrielis Præfecti, quorum hunc Justiniani ætati convenire, Auctorum fides comprobatur. Nulli antiquitate *Nestor* cederet, si fidem Antonius Mizaldus mereretur, qui ex bello Trojano eum revocat; sed alium esse Auctorem docet hoc longe posteriorem Poetam nostrum ex Lycia, sub Alexandro Severo clarum, cujus tempore Ἰλιάδα λειπογαμμάτων, Ἀλεξανδρίαδα, Metamorphoses & alia plura composuit, ex quorum numero Ἀλεξίκηπ & Πανάχεια, quorum passim in Geoponicis mentio. Ad nomen oppido notum iterum deferimur. *Oppiani* illud est *Cilicis* Poetæ & Grammatici, teste Suida, Ἀλιότικα Antonino Caracallæ dicavit, quæ, ut & κυνηγετικά edidit Rittershusius. Iterum Grammaticus se sistit *Pamphilus Alexandrinus* Aristarchi discipulus, qui seculo ante Christi nativitatem secundo vixit. Multa de herbis fabulas redolentia compilavit, de quo Galeni & aliorum sunt allata testimonia. Ejus esse putantur, quæ sine nomine libris IX & XI Geoponicōν leguntur, superstitione plena. Meminit Athenæus Pamphili Alexandrini cujusdam, qui περὶ ὀνομάτων καὶ γλωσσῶν scripserit, quem eundem cum nostro esse, non absimile vero esse Auctor noster judicat. *Paxamus* Culinariæ rei Scriptor, a Suida diversorum operum Auctor proditur, quorum pars huc pertinet. Minus constat de *Pelagonio* incertæ ætatis auctore, nisi quod sæpius laudetur in Hippiatricis. Ex diversis, de quibus legimus, *Philostratis* in Geoponicis laudari Needhamus autumat juniorem illum Lemnium, qui Apollonii Tyanensis vitam explicavit. Suidas Sophistam primum Athenis, deinde Romæ docuisse ait, sub Severo Imperatore usque ad Philippum. Photius Ty-

rium

rium vocat, Atheniensis est Eusebio. Ex Philosophorum ordine se conspiciendum præbet *Prolemaus Claudius* Alexandrinus, qui Marci Imperatoris tempore floruit. Recensum librorum ejus Suidas fecit. Uno nomine non immerito duo comprehenduntur *Quintili*, Gordianus sive Condianus, atque Maximus, fratres. Eo enim amore se sunt amplexi mutuo, ut nihil alter fecerit sine altero. Scripserunt Georgica. Perdidit eos tyrannis Commodi. *Sorione* ratio post hunc ordinis producit. Alexandrinum dicunt aliqui, & ad Tiberii ævum ex Plutarcho eum referunt. Scripta ejus diversi diversa adducunt. Juniores aliquem præter hunc fuisse, Needhamus colligit ex voce *Ἰωβλά* sequioris Græcitatatis, quæ Geopon. l. IX c. 27 occurrit. Qui a patria *Tarentinus* appellatus est, subjungitur. Hoc autem duo nomine celebres sunt, Archytas alter, quem agriculturæ studium coluisse Columella ait, alter Heraclides Medicus Empiricus, quem Antonio Musa Augusti illo Archiatro superiorem Galenus facit. Posteriori debentur fragmenta, quæ in Geoponicis leguntur, Lambecius censuit, ad quem Needhamus accedit. Ex Hippiatricorum iterum numero est *Theomnestus*, quem inter Cæsarianos Equites in armis versatum narrat Pearsonius, dubium quo argumento. Nomen *M. Terentii Varronis* adduxisse sufficit, cum noverit eundem quilibet. Sed nomine tantum notus est *Vindanionius*, quem Vindanium dicit Photius. Unus tandem *Zoroastres* superat, non Astronomorum & Magorum Princeps, 500 annos Trojano bello major, ut Suidas ponit calculum, qui & operum indicem exhibet; sed inferior, quisquis fuerit: certe Persomedum illum non esse, fidem oppignerare Clarissimus Needhamus audet.

Hæc ex Præfatione & Prolegomenis, quæ ad notitiam hujus editionis penitiorem faciunt, decerpimus. Ad Notulas debebamus nunc pedem promovere propius, ast habenda nobis brevitatis ratio. Indices ergo operi subnexos ultimo loco commendamus, inter quos primus Auctorum est, quorum excerpta leguntur & laudantur in Geoponicis, quorum & vitas in Prolegomenis Needhamus prosequutus est. Secundus verborum Græcorum usus & significationis rarioris, aut sequioris ætatis, in Geoponicis occurrentium. Tertius rerum, isque locupletissimus.

*SOLUTIO PROBLEMATIS A CLARISS. VIRO
D. JO. BERNOULLI in Diario Gallico Feb. 1703 Propositi,
quam D. G. CHEYNÆO communicavit
JO. CRAIG.*

Transcripta ex Actis Philosophicis Anglicanis M. Jan. & Febr. A.
1704, no. 289 pag. 1527 sqq.

Problema. Propositæ Curvæ Geometricæ alias innumeras Longitudine Æquales invenire.

Solutio. Sint w, s , co-ordinatæ Curvæ datæ; & Curvæ quæsitæ sint co-ordinatæ x, y : tum ex conditione Problematis erit $dw^2 + ds^2 = dx^2 + dy^2$. Ponatur $dx = dw - m dz$, unde erit $dy = \sqrt{ds^2 + 2m dw dz - m^2 dz^2}$; in hac pro ds substituatur ejus valor per w, dw & determinatas expressus: & pro dz assumatur talis valor ex w, dw & determinatis compositus, ut valores quantitatum dx, dy sint summabiles: Et sic habentur x ac y Co-ordinatæ Curvæ quæsitæ. Q. E. J.

Exemplum 1. Invenire Curvam æqualem Lineæ Parabolicæ. Sit $2a$ latus rectum Parabolæ; adeoque $2as ds = w^2$ unde $ds^2 = a^2 w^2 dw^2$ adeoque $dy = \sqrt{a^2 w^2 dw^2 + 2m dw dz - m^2 dz^2}$; ut hæc sit summabilis, assumatur $m dz = \frac{w^2 dw}{a^2}$ unde $dx = dw - a^2 w^2 dw$: $dy = dw \sqrt{3a^2 w^2 - a^4 w^4}$ quarum integrales per Methodos dudum cognitæ invenientur $x = w - \frac{w^3}{3a^2}$ $y = \frac{w^2 - 3a^2}{3a^2} \sqrt{3a^2 - w^2}$.

Exemp. 2. Invenire Curvam æqualem Circulari. Sit a radius Circuli; tum $s = \sqrt{a^2 - w^2}$: unde $ds^2 = \frac{w^2 dw^2}{a^2 - w^2}$; & proinde erit $dy = \sqrt{\frac{w^2 dw^2}{a^2 - w^2} + 2m dw dz - m^2 dz^2}$; ut hæc sit summabilis, assumatur $m dz = \frac{4w^2 dw}{a^2}$, adeo-

adeoque $dx = dw - \frac{4w^2 dw}{a^2} : dy = \frac{-3a^2 w + 4w^3}{a^2 \sqrt{a^2 - w^2}} dw.$

Quarum integrales per communes Methodos inveniuntur $x = w - \frac{4w^3}{3a^2}, y = a^2 \frac{-4w^2}{3a^2} \sqrt{a^2 - w^2}.$

Exemp. 3. Invenire Curvam æqualem Ellipticæ. Sit $2r$

latus rectum, $2a$ latus transversum, tum $s = \frac{r \sqrt{a^2 - w^2}}{a},$

unde erit $ds = \frac{r^2 w^2 dw}{a^4 a^2 w^2},$ adeoque $dy = \sqrt{\frac{r^2 w^2 dw^2}{a^4 - a^2 w^2}}$

$+ 2m dw dz - m^2 dz^2;$ ut hæc sit summabilis, assumatur

$mdz = \frac{2a + 2r}{a^3} w^2 dw :$ unde $dx = dw - \frac{2a - 2r}{a^3}$

$w^2 dw. dy = dw \sqrt{\frac{r^2 w^2}{a^4 - a^2 w^2} + \frac{4a + 4r}{a^3} w^2 + \frac{2a + 2r}{a^6} w^4};$

quarum Integrales per Methodos notissimas inveniuntur $x = w - \frac{2a - 2r}{3a^3} w^3, y = \frac{2a^3 - ra^2 - 2aw^2 - 2rw^2}{3a^2} \sqrt{a^2 - w^2}.$

Exemp. 4. Invenire Curvam æqualem Parabolæ Cubicali

cujus æquatio sit $3a^2 s = w^3.$ Unde $ds = \frac{w^2 dw}{a^2}$

& proinde $dy = \sqrt{a^4 w^4 dw^2 + 2mdwdz - m^2 dz^2};$

Ut hæc sit summabilis, assumatur $mdz = \frac{w^2 dw}{2a^2}$ Unde

$dx = dw - \frac{w^2 dw}{2a^2} \sqrt{3w^2 + 4a^2}.$ Quarum integrales

per Methodos vulgo notas sunt $x = w - \frac{w^3}{6a^2}, y = \frac{2}{9} x$

Ex

Ex aliis infinitis valoribus quantitatis *mdz* debite assumptis infinitas invenias Curvas datæ æquales. Tu vero, *Vir Eruditissime*, facile percipias, hoc Problema aliquam habere cum Problemate quodam Diophantæo affinitatem. Problema Diophanti est, dividere summam duorum Quadratorum in duo alia Quadrata, quorum latera sint rationalia; & Problema Bernoullii est, dividere summam duorum Quadratorum in alia duo Quadrata, quorum latera sint summabilia. Sicut Problematis *Diophantæi* solutio a vulgari tantum Algebra dependet, sic *Bernoulliani* Problematis solutio communes tantum Fluxionum Methodos inversas requirit: utriusque artificium in debita laterum quæsitum assumptione consistit; sc. *Diophantæum* ut sint rationalia, *Bernoullianum* ut sint summabilia.

LIBRINOVI

Henrici Bergeri JCI Enarratio Legis X Pand. de Jure Fisci & Legis II Cod. Qui & adversus quos in integrum restitui non possunt. Lipsiæ apud Linckios hæredes, 1705 4.

D. Luderi Menckenii Selectæ Dissertationes Juridicæ ex Jure Civili, Feudali, Canonico & Saxonico. Lipsiæ, apud Christ. Emerich, 1705 4.

Sacer Decadum Septenarius Memoriam Theologorum nostræ ætate clarissimorum renovatam exhibens &c. Curante M. Heinricho Pippingio. Lipsiæ apud Thomam Fritsch, 1705 8.

C. Jul. Caesaris quæ extant, cum A. Hirtii vel C. Oppii Supplementis ipsiusque Caesaris Fragmentis aliis. Christophorus Cellarius recensuit ac Notis perspicuis, Indicibus plenis & novis Tabulis Geographicis illustravit. Lipsiæ apud Jo. Lud. Gleditschium, 1705 8.

Continuation des Pensées Diverses, écrites à un Docteur de Sorbonne à l'occasion de la Comète, qui parut au mois de Decembre 1680. Ou Réponse à plusieurs Difficultez, que Monsieur ... a proposé à l'Auteur. A Rotterdam chez Reinier Leers, 1705. 12.

Description de L'Isle Formosa en Asie. Dressée sur les Mémoires du Sieur George Psalmanaazar. A Amsterd. chez Estien. Roger, 1705. 12.

* * *

N. V.

193

ACTA ERUDITORUM,

publicata Lipsiæ

Calendis Maji, Anno MDCCCV.

THE CASE OF IMPROPRIATIONS, AND OF THE
Augmentation of Vicarages &c.

i. c.

DE APPROPRIATIONIBUS ET AUGMENTO
*Curarum. quæ Vicariæ dicuntur, nec non aliarum minus sufficien-
tium Disquisitio, ex Historiæ & Legum fundamentis deducta, inde
a prima usurpatione Pontificum ac Monachorum, usque ad libe-
ralitatem augustam, quam nuperrime præsens Regina voluit ex-
tendere in pauperiores Ecclesiæ Anglicanæ Ministros. Accesserunt
documenta quedam ad susceptam tractationem pertinentia.*
Auctore WHITE KENNETT.

Londini, apud Avvnsham & Joh. Churchill, A. 1704, 8.
Constat Alph. i. plag. 8.

Quod præsens Angliæ Regina, primo statim die post re-
gimen a se susceptum, significavit, *animum sibi esse
prorsus Anglicum*, h. e. regionum sibi subditarum utili-
tatibus omnino devotum, ejus veritatem documentis
illustribus probatam illa dedit. E quibus præcipuum
forte dici potest, quod miserta est conditionis pauperum, quot-
quot per universam Angliam inveniuntur, ecclesiæ ministrorum,
suaque munificentia effecit, ut iisdem de necessaria ac honesta
sustentatione melius jam sit prospectum. Etenim cum per statu-
tum sub Henrico VIII conditum, & sub Elisabetha denuo con-
firmatum, necessitas imposita fuisset singulis beneficiorum eccle-
sia-

Bb

sia.

fasticorum possessoribus, non solum integros primi anni fructus, sed præterea quovis anno decimam omnium fructuum partem, in fiscum regium inferendi; in plurimis autem ecclesiis hi, qui illarum erant ministri, ob summam, in qua vivebant, egestatem, multorum annorum decimas non solvissent, adeoque fisci debitores existerent: non dubitavit clementissima Regina anno regiminis sui secundo debitum istud, ratione temporis præteriti, omnibus illis remittere, quorum annua stipendia non excederent triginta librarum Sterl. quantitatem. Sed hujus tanti beneficii magnitudinem longe superavit aliud, quod paulo post secutum. Die enim, qui olim natalis ipsi fuerat, & secundum nostram computationem fuit 18 Febr. anni 1704, Parlamento propositum sibi esse indicavit, ut omnes redditus, qui ex annatis & decimis beneficiorum ecclesiasticorum ad ipsam spectarent, in posterum ad meliorem sustentationem pauperum ecclesie ministrorum applicentur, simulque suppeditari sibi voluit consilia, quibus iste finis modo maxime efficaci & constante queat promoveri. Agnovit Parliamentum liberalitatem vere regiam, atque solenni statuto non solum ratam esse voluit, sed & statuit, ut secundum Regiæ Majestatis arbitrium stabiliretur certum aliquod ac perpetuo duraturum collegium, eique jus competat, non istos duntaxat redditus annatarum atque decimarum, verum etiam concessionem, quas eodem fine ab aliis fieri contingeret, recipiendi, administrandi, & exinde ministrorum ecclesie Anglicanæ redditus augendi. Attulit hoc ipsum populo universo, atque illis præcipue, ad quos benignitatis istius emolumentum pertinebat, lætitiæ incredibilem, Reverendo Viro autem, *White Kennet*, Doctore Theologo, Archidiacono Huntingdoniensi, & Londini in templo, cui nomen *St. Borolp Aldgate*, sacrorum Ministro, præbuit occasionem, ut in libro, quem hic recensendum nobis sumimus, quemque Regiæ dicere voluit, accuratius inquireret in originem, causas & progressum calamitatis, in quam pleræque ecclesiarum in Anglia, præsertim per ita dictas *appropriationes*, inciderint, tum quid quovis tempore malum istud vel auxerit vel diminuerit, exponeret, denique quantum sit, quod hac in parte præsens Regina pie atque laudabiliter fecerit, perspicuum redderet, simulque quantum adhuc complementum felicitati huic ad-
 di

di possit, modeste & interdum teste significaret. Operæ pretium fore censemus, si totius operis summam exhibeamus.

Per sex vel septem secula priora post C. N. moris fuisse, ait Noster, in Anglia, ut singuli episcopi cum presbyteris suis atque diaconis communiter viverent prope templum cathedrale, fideles vero quicquid decimarum vel oblationum exhibere vellent, id omne eo conferrent, non nisi piis usibus ex arbitrio episcoporum deinceps applicandum. Et istis quidem temporibus in quavis diocesi, præter templum istud cathedrale, non aliud extitisse docet, in quo solenniter & stans temporibus sacra fuissent administrata, missos tamen subinde ab episcopis quosdam presbyteros, qui in partibus remotis de loco in locum migrarent, & sacrorum, prout occasio sese offerret, curam haberent; quin & capellas atque oratoria nonnullis in locis episcopos consecrassent; interim neutrum horum effecisse, ut mutata fuerit colligendi ac dispensandi bona ecclesiastica ratio. Neque tum statim mutatam esse asserit, cum in parochias dividerentur dioceses, cujus rei originem Romanis episcopis & antiquis Britannis a quibusdam tributam, ipse dicit arcessendam esse a temporibus Anglo-Saxonum, qui sensim opus illud perfecerint. Primam vero vim memorato juri episcoporum factam ostendit ex eo, quod, cum incerti essent atque confusi termini parochiarum, multi crediderint arbitrio suo relictum esse, animæ suæ curam cui vellent committere, & in eundem decimarum quoque & aliarum oblationum præstationes conferre. Cui malo ut obviam iretur, præcipue cum monachi presbyterorum, & horum alter alterius jura lucris causa invaderent, mature quitum esse narrat. Inde progreditur ad alteram injuriam, quam passi sint clerici parochiales per divisionem obventionum ecclesiasticarum, initio quidem ita susceptam, ut ex quatuor partibus unica saltem potestati episcoporum, postea vero, ut nihil plane iisdem relinqueretur, sed tribus partibus constitutis, una conservationi & ornatui ædium sacrarum, altera pauperibus & hospitibus alendis, tertia propriis presbyteri usibus impenderetur. Ex eo enim factum esse demonstrat, ut laici tertiam harum obventionum partem sufficere crediderint necessitatibus ecclesiarum, ac

p. 2.

p. 2.

p. 3.

p. 8.

p. 4.

p. 5.

p. 12.

p. 12.

p. 14.

p. 15.

p. 16.

- reliquas duas partes, quas singuli presbyteri recipere ac dispensare debuissent, proprio arbitrio (licet non facile aliter nisi ad pios usus) distribuerint; cuius tamen rei iniquitatem successu temporis agnovisse eos addit, ac diu ante susceptam reformationem iura ista usurpata fuisse restituta ecclesiae, quamvis non semper parochiali.
- p. 17. Novum detrimentum in parochiales redundasse probat ex eo, quod, qui jure patronatus gauderent, illud in collegia vel canonicorum vel monastica contulerint. Postquam enim hoc fatum intra spatium ducentorum annorum expertae essent pleraque ecclesiarum parochialium, invaluisse dicit, ut canonici curatis quibusdam, monachi vero sacerdotibus, quos dicebant seculares, curam animarum, sed reddituum eo intuitu percipiendorum partem solum, interdum valde exiguam, relinquerent, reliqua parte sibi ipsis reservata; quod exemplum cum laici quoque patroni imitandum sibi proposuissent, omnes fere ministros ecclesiarum parochialium in Anglia patronis suis tributarios fuisse factos. Hanc licentiam porro ostendit, quod ad laicos attinet, Eduardo II regnante penitus abolitam, & in aliis quoque variis modis restrictam. Sed cum intra limites praescriptos agre se contineri paterentur monachi, consilium eos cepisse longe deterius, & clero parochiali maxime noxium, in sequentibus demonstrat. Nimirum id egisse illos, (non quidem, quae sit opinio Seldenii, Saxoniciis regibus rerum potentibus, sed post Normannorum in Britanniam adventum) ut ecclesiae, quarum hucusque modo fuerant patroni, cum omnibus emolumentis ad easdem spectantibus, ipsis *appropriarentur*, h. e. ita addicerentur, ut quicquid illarum curam & fructus respiceret, id omne ex ipsorum arbitrio penderet. Variis autem artibus illos effecisse ait, ut malum sub istis appropriationibus latens non statim appareret. Primo enim officia, quorum intuitu fructus integros ad se traxerant, eos ipsos per vices subisse, commemorat. Deinde cum negligentius in istis laboribus versarentur, ac propterea ab episcopis jussi essent rerum suarum intra monasteria sua satagere, constituisse eos in dictis ecclesiis capellanos quosdam, vicarios sive curatos, & his, quamvis agre, salaria porrexisse, quae sufficere posse viderentur. Tertio cum ecclesias in usus suos converti curarent, profiteri eos consuevisse, rationem
- p. 18.
- p. 19.
- p. 20.
- p. 21.
- p. 22.
- p. 23.
- p. 25.
- p. 26.
- p. 27. 32.

nem sese habituros pristinae partitionis, & duas quidem obventio-
 num ecclesiasticarum partes ad se recepturos, sed cum onere an-
 nexo prospiciendi ædibus sacris & pauperibus, tertiam vero & cum
 ea plerumque omnes decimas minores & alios redditus minutos si-
 ne ullo onere relicturos ecclesiae ministro. Visum hoc fuisse non
 solum maxime æquum, sed & ad curam animarum promovendam
 admodum salutare. Hinc sponte sua atque certatim laicos, epi-
 scoporum confirmatione accedente, obtulisse monasteriis jura pa-
 tronatus in ecclesias sibi competentia. Idem studium ecclesias pa-
 rochiales quasi proprias sibi faciendi transiisse tandem in clericos
 seculares, neque in capitula duntaxat, sed & in alia collegia, e. g.
 ordines militares, fraternitates, hospitalia, imò in singulos, nun-
 quam tamen laicos homines, veluti decanos, thesaurarios, can-
 cellarios &c. Quamvis horum omnium in hac re industriam
 longe superaverit calliditas & successus monachorum, partes suas,
 ubicunque opus, apud episcopos, apud sedem Romanam, apud
 patronos & rectores ecclesiarum, & apud reges ipsos egregie
 agentibus, ut post lapsum centum vel ducentorum annorum, in-
 star miraculi videretur, si quæ fortassis ecclesia generalem istam
 calamitatem evasisset. Sed initio quidem ejusmodi appropriatio-
 nes magis fuisse tolerabiles contendit, quandoquidem (1) neque a-
 nimarum cura propterea neglecta sit, neque hi, ad quos illa cum ti-
 tulo vicariorum vel simili pervenerat, debitis fraudati fuerint sti-
 pendii, quorum ipsis relictam quantitatem jam ante innuerat
 Clarissimus Autor, non facile fuisse infra tertiam partem omnium
 reddituum ecclesiasticorum ad parochiam spectantium, inter-
 dum vero probat ad dimidiam vel dimidia longe majorem
 adscendisse, & non in pecunia tantum, verum in aliis quoque re-
 bus magis duraturam quovis tempore utilitatem habentibus con-
 stitisse; (2) facultatem habuerint episcopi subveniendi necessita-
 tibus vicariorum, atque illorum portionem minus sufficientem
 augendi, cujus juris exercitium cum sapius autoritate pontificum
 impedire conati essent monasteriorum rectores, solitos fuisse e-
 piscopos hanc sibi potestatem in instrumento, quod appropriatio-
 nes confirmabat, expresse reservare, ipso tamen jure & a prima ec-
 clesiae origine eandem ipsis competiisse, & hodiernum post tem-

p. 29.

p. 33.

p. 35.

p. 36.

p. 37.

p. 39.

p. 40.

p. 42.

p. 44.

p. 45.

p. 47.

p. 48.

- p. 52. pora reformationis competere, variis argumentis ostendit ; (3) de-
- p. 53. prehensa vicariorum oppressione, licuerit episcopis (regulariter ta-
men accedente consensu eorum, qui decimas maiores jure pro-
prio possidere cœpissent,) appropriationes semel concessas dissol-
vere, id quod sæpissime factum esse, sæpe etiam his, qui jure pro-
prio ecclesias tenebant, ultro illud petentibus, exemplis quibus-
- p. 56. dam commonstrat. Progressu autem temporis manifestius appa-
ruisse dicit, quam male actum sit cum ecclesia per istas appropria-
tiones, itaque a monachis novas quotidie inventas esse vias, con-
ditionem vicariorum, quos occupatis ecclesiis præfecerant, red-
dendi deteriolem. Primo enim illos providam episcoporum cu-
ram elusisse, per exemptiones a pontificibus impetratas ; deinde
- p. 57. compulisse vicarios, ne stipendii locū exigerent quicquam, præ-
ter certam pecuniæ summam, quæ cum immensum crescentibus
rerum aliarum pretiis, eadem semper maneret, nullo modo ipso-
rum sustentationi, nedum iis, quæ rationes decori requirunt,
- p. 58. sufficere potuerit ; tertio, ut ad solvendas decimas maiores mo-
nachis acquisitas populus eo promptior esset, remisisse illos maxi-
ma ex parte decimas minutas vicariis solvendas. Porro usos il-
- p. 59. los obtentu specioso, *quod ecclesia non debeat ecclesiam decimare,*
atque sic retinuisse ex prædiis illis plurimis, quæ sua fecerant,
præstationes omnes vicariis antea exinde debitas ; interdum in
hos rejectum fuisse onus omne procuratorum, ipsamque repara-
tionem ædium sacrarum ; quin ipsa vicariorum munera atque
beneficia appropriationis jure fuisse acquisita, ac tandem tot mo-
dos alios adhibitos, ut vicarii sacrorum cura neglecta nihil non
ad sui conservationem suscipere fuerint coacti. Inde exortas es-
se graves, præcipue clericorum secularium, querelas ; episcopos
vero, quo in promovendis appropriationibus olim fuerint facilitio-
res, eo majorem, quanquam haud semper felicem, curam tollen-
dis illis adhibuisse. Ex ipsis pontificibus, magnis alias appropria-
tionum patronis & instrumentis, fuisse quosdam, ex. gr. Ale-
xandrum III & IV, item Innocentium III & IV, qui easdem val-
de improbarint. Sed laicis majori offensionem illas fuisse probat,
his præcipue, qui ipsi olim jura patronatus, in ordines religio-
sos transtulerant. Inde sapius illos apud pontifices, vel apud epi-

episcopos fuisse conquestos, nonnullos etiam, data monasteriis pecunia vel re alia effecisse, ut solutis appropriationibus ecclesiae quadam in statum pristinum reverterentur. Quod vero maxime mirum videri poterat, ipsos ordines religiosos agnovisse publice refert injustitiam appropriationum, ita tamen, ut quem quisque morem damnaret in alio ordine, eundem in suo tolerandum esse censeret, paucis admodum, quorum exempla sistit, in domo propria reformationi studentibus. Hinc & quid in conciliis Constantiensi & Tridentino, nec non a Cardinalibus A. 1536 jussu Pauli III congregatis, ad investigandos, qui in ecclesiam irrepserant, abusus actum fuerit, exponit. Licet vero appropriationibus non negata fuerit regum pariter & parliamentorum conniventia (cujus rationem partim ab utilitatum propriarum studio, partim superstitiosa de monachorum pietate opinione, arcessendam arbitratur) nullo tamen tempore defuisse ostendit, qui easdem in numero principuorum ecclesiae gravaminum primo loco ponendas existimarent, ipsis saepe regibus ac parliamentis, plerumque tamen sine effectu, in eandem sententiam euntibus; id quod specialibus exemplis ex regno Henrici III, Eduardi I, Richardi II, Henrici IV, Henrici V, & Henrici VI petitis eleganter deducit; ubi praecipue quae de *statuto manus mortuae*, de proposita sub Henrico V monasteriorum dissolutione, de concordatis inter papam Martinum V & nationem Anglicam conclusis, & de criminationibus Wiclefo objectis differit, notari merentur. Henrico VIII regnante, primo non solum vicariis interdictum auctoritatem, cum vocant, suarum conductione, (unde tamen magnam partem vivere eos oportuerit,) sed & per aliud statutum sublata fuisse varia augmenta, quae ipsorum salariis accesserint; deinde cum auctoritatis pontificiae jugum excuteretur, tempus ad fuisse evincit, quo omnium optime, quicquid injuriarum passa erat ecclesia, tam per appropriationes quam per oppressionem vicariorum, refarciri potuerit. Sed nihil horum factum, imo auctum potius malum fuisse conqueritur. Parliamentum enim, nullo tamen (quod fieri debuisse contendit) cleri legitimo consensu accedente, devolvit in reges Angliae, praeter jus illud, a pontificibus olim usurpatum, anni integri fructus ex quovis be-

p. 83.

p. 84.

p. 88.

p. 89.

p. 92.

p. 94.

p. 97.

p. 98.

p. 109.

p. 111.

p. 116.

p. 118.

p. 115. 120.

p. 121.

p. 119.

- p. 110. neficio vacaturo semel capiendi, simul potestatem singulis annis exigendi redditum, qui decimam cujusvis beneficii partem contineret. Deinceps cum tollerentur monasteria, prioratus aliæque domus religiosæ, minime restituta fuisse ecclesiis parochialibus jura, quæ ab ipsis modo illegitimo ad istas domos pervenerant, e.g. decimarum & oblationum. Potius post translationem dictarum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*
- p. 122. Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exempla, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissorum urgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-
- p. 124. rum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*
- p. 128. Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exempla, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissorum urgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-
- p. 130. rum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*
- p. 131. Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exempla, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissorum urgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-
- p. 133. rum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*
- p. 132. Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exempla, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissorum urgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-
- p. 139. rum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*
- p. 141. Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exempla, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissorum urgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-
- p. 143. rum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*
- p. 144. Perniciosam illam reddituum ecclesiasticorum diminutionem continuatam docet sub Eduardo VI, pio quidem rege, sed minore, & cujus ætate imbecilla abusi sint ministri lucro nimium dediti, meliora consilia, partim & exempla, frustra suppeditantibus Cranmero, Latimero, Hoopero, Thoma Levero, imo & exteris Protestantibus, atque adeo ipso Calvino. Ut Maria regnante papatus denuo introduceretur, non aliud validius fuisse argumentum judicat, quam quod ecclesiam illi ipsi spoliaverint, qui reformatores ejusdem voluerint haberi. Licet vero, cum clerus restitutionem amissorum urgeret, non ante voluerit Parliamentum in gratiam redire cum sede Romana, quam prælati & clerici inferiores in convocatione, ceu dicunt, congregati validam, quantum ad ipsos, declarassent possessionem bonorum ecclesiasticorum in laicos paulo ante translata, simul tamen additam fuisse refert conditionem, ut melius imposterum provideretur necessitatibus cleri parochialis; ipsam autem Reginam, accedente Parlamenti consensu, non solum remiss-
- p. 149. rum domuum in regem ejusque successores factam, cepisse laicos sibi vindicare, suisque usibus applicare præstationes illas ad ecclesiæ patrimonium propriæ pertinentes, nequicquam refragante populo, postquam ipsa judicia ecclesiastica adjuvare laicos in ejusmodi exactionibus compellerentur. Quicquid autem horum contigerit, ejus culpam non in ipsum reformationis opus, sed in hos, qui primi illud susceperint, inque illorum mores, avaritia pariter & multis Pontificiæ doctrinæ reliquiis corruptos, rejiciendam esse monet, simul adductis literis invectivis, quibus tum temporis parliamentum compellere ausus sit quidam Rodericus Mors, quem inter alia his verbis usum esse refert: *Diabolum imitator esse temporum illorum reformatores, qui, ut apud Anglos in proverbio, cum melius saltem locare debuisset crura domina sua, penitus illa fregerit.*

misisse annatas & decimam, de qua antea locuti sumus, reddituum ecclesiasticorum partem, sed appropriationes etiam omnes, quæ coronæ dicebantur annexæ, atque omnia illarum emolumenta ecclesiis restituisse, & non diu ante obitum suum illud egisse, ut jura patronatus, quæ post monasteriorum dissolutionem, Henricus VIII & Eduardus VI sibi vindicaverant, archiepiscopi & episcopi, singuli intra suam diocesin, acciperent. In laudibus Elisabethæ ponit, quod puriorem doctrinam iterum stabiliverit, sed temporum illorum iniquitati tribuendum censet, quod passa sit modo laudatam Mariæ liberalitatem revocari. Reliquisse tamen episcopis eandem commemorat decimas & oblationes, quæ appropriationis jure ad ipsam devolutæ erant, atque illarum loca alia prædia ab illis accepisse, tandem post multas altercationes utraque domo parliamenti in istam permutationem consentiente. Longe difficilius autem sustineri potuisse appropriationum onus, post exortam reformationis lucem, asserit, quam antea, & quid exinde malorum in ecclesiam redundaverit, e. g. ut inventi non potuerint, qui habiles essent, ad animarum curam suscipiendam, ut pauperum numerus indies creverit, ut lapsæ ac perditæ fuerint ædes parochiales, ut plures ecclesias uniri, vel pluribus ecclesiis unum præfici oportuerit &c. fusius exponit, simul addens, quod tum temporis ob causas, quæ hodie cessent, e re totius regni visum fuerit, modis omnibus imminui opes clericorum, etsi non dubitaverint archiepiscopus Grindal & successor ejus Whitgift, iniquitatem ejusmodi consiliorum atque decretorum Reginae ob oculos ponere. Jacobum I inde a primis regni sui auspiciis, optime dicit in ecclesiam fuisse affectum, eundemque tam in Scotia, quam in Hibernia, eorum perduxisse, ut & populus nactus sit magis idoneos ac sedulos verbi divini ministros, & hi magis decentem acceperint laborum suorum mercedem. Sed in Anglia quo minus idem effici potuerit, obstitisse avaritiam parvorum & invidiam plurimorum, qui animum Regis de misera clericorum conditione sollicitum a pio proposito abduxerint, frequenter institutis contra clerum querelis, quod & plura beneficia possiderentur ab uno, & quibus cura animarum in aliquo loco commissa esset, iidem alio in loco degerent, eum tamen, ipso Rege agnoscent-

p. 153.

p. 154.

p. 156.

p. 157.

p. 158.

p. 171.

p. 169. 171.

p. 174.

p. 181.

p. 176.

p. 176.

- p. 178. scente, duplex istud malum originem debuerit alteri malo, quod tolli nolebant, h. e. ereptioni bonorum ecclesiasticorum, quam, præcipue quod ad decimas & oblationes attinet, iis quoque temporibus graviter improbasse docet viros eminentes, Baconem, Cockium, Rastalium, & ipsum clero atque ecclesiæ alias non adeo faventem Seldenum. Inde ad luctuosa Caroli I tempora digressus, pium hunc Regem commendat a studio, quo in tribus prioribus sub ipso habitis parliamentis, pauperum ecclesiæ ministrorum conditionem in melius referre tentaverit. Eodem tempore factum esse ait, ut duodecim viri honesti, quorum pars ex theologorum & jureconsultorum, pars ex civium ordine fuerit, societatem eo fine inierint, ut quas ex spontaneis amicorum & propriis collationibus nacti forent pecunias, easdem redimendis bonis ecclesiasticis, jure appropriationis in aliorum manibus existentibus, impenderent. Sed cum privata duntaxat autoritate consilium istud esset susceptum, nec bona sic redempta redderentur ecclesiæ, verum redditus solum exinde obvenientes arbitrio horum sociorum inter egenos ecclesiarum ministros distribuerentur, justusque adeo metus exsurgeret, fore, ut intra breve temporis spatium clero magis esset ad istos homines, quam ad Regem, episcopos, ullumve alium respiciendum, A. 1632 vi sententiæ in curia Scacciorum (*in the Court of Exchequer*) pronunciata, penitus fuisse societatem istam sublatam. Longe autem consultius futurum fuisse, si potius eandem in melius formassent, pluribus evincit, simul excusans Wilhelmum Laudum, cui, quod isti rei impedimenta posuerit, inter alia nonnulli objecerant. Ea occasione quomodo idem præsul non semper infelici successu Regi suo autor fuerit, interdum etiam ipsi, ut & Usserio, archiepiscopo Armachano, Wilhelmsonio, episcopo Lincolnensi, aliisque adjutor, ut passim status ecclesiasticus, per appropriationes & inde secutam multorum ecclesiæ servientium egestatem, misere distractus emendaretur, fusius explicat. Exemplo illustri cum Regis atque archiepiscopi, tum eruditi equitis, Henrici Spelmani, qui & de non temerandis ecclesiis, deque ecclesiarum juribus, præcipue vero de decimis scripsit, excitatos esse docet quamplurimos (in quibus primum fere locum tribuit Mortono, Conventriensi pri-

primum, deinde Dunelmensi episcopo) ut multa restituerent, quæ per appropriationes usibus ecclesiæ fuerant detracta. Tres quoque nominat viros eminentes ac patrii juris maxime peritos, qui asseruerint, hodiernum episcopis in Anglia potestatem competere, salariis clericorum minus sufficientibus augmentum decens assignandi ex bonis ecclesiæ appropriatis, in quorumcunque manibus eadem nunc existant. Eundem in ecclesias affectum temporibus illis diversis aliis modis demonstratum fuisse ostendit, nec post funestam Caroli I mortem curam istam penitus neglexisse Cromwellum & alios; ubi tamen addit, vix in confuso isto atque iniquo rerum statu, fieri aliquid potuisse intentione vere bona, nihil autem omnino factum eo, quo decebat, ordine. Carolum II primo statim anno, postquam in regna sua restitutus esset, commendasse refert episcopis, decanis & præbendariis per literas, septennio post repetitas, ut quarum ecclesiarum decimæ atque emolumenta jure appropriationis ad ipsos & successores pervenissent, earundem ministris stipendia sua auferrent. Deinde deliberationes quasdam atque statuta parliamentorum, quæ eundem finem habuerint, recenset, e. g. de confirmandis & restituendis ministris; de admittendis clericis ad exercitium jurisdictionis temporalis; de confirmandis & perpetuandis augmentis, quæ vicariatibus & curis animarum non sufficientibus accesserant per ecclesiasticos; de unione ecclesiarum in civitatibus & locis, quæ corporaciones dicuntur &c. Hinc cum multos nominasset, qui meliorem reddiderint conditionem cleri egestate laborantis, existimat tamen, longe plura ac majora in ecclesiarum emolumentum iis temporibus effici potuisse, cum magna illa rerum conversio, post obitum Cromwelli contingens, optimam ad id præbuerit occasionem. Sed in aliis quoque rebus regnante Carolo II minus benigne actum esse cum clero conqueritur, præcipue per statutum, cui titulus *de restitutione juris patronatus, rectoriarum appropriationum, decimarum aliorumque jurium, quæ fidelibus regni subsidis tempore ultimarum tumultuum fuerunt ablata*; per exactiorem subsidii ex bonis ecclesiasticis, non ante impetrato (ut leges regni exegerint) consensu cleri in synodo congregati; item dum imposita fuerit necessitas singulis beneficiorum ecclesiasticorum

P. 245.

P. 243.

P. 553.
P. 271.

P. 262.

P. 274.
P. 265.
P. 279.

P. 249.

P. 301.

P. 263.

P. 305.

- p. 303. rum possessoribus, obtinendi propter annatas fisco regio exinde debitas quinque diversa instrumenta obligatoria, eorundemque intuitu quinquies honorarium certum solvendi, cum regnante Henrico VIII atque Elisabetha, unica duntaxat scriptura, sed quatuor deinceps fuerint impetrandæ. Inde Jacobo II sceptro ad-
 p. 304. moto, non ilico abjectum fuisse dicit studium augendi pauperum ecclesiæ ministrorum stipendia. Inprimis autem laudandam cense-
 p. 305. set liberalitatem & curam, quam iis temporibus Gulielmus Sancroft, archiepiscopus Cantuariensis, & qui nunc ipsius locum
 p. 310. implet, Reverendissimus Thomas Tennison, nec non Simon Patricius, episcopus Eliensis, ea in re ostenderint. Sed cum spei,
 p. 304. quam ex oratione Regis prima tam in senatu sanctiore, quam in ipso parlamento habita, populus omnis de salute ecclesiæ Anglicanæ conceperat, mox ingens successisset metus, stabilitam in re-
 p. 308. gno religionem, cumque ea jura omnia cleri subversum iri, factum esse ait, ut nemo fere de levanda clericorum egestate tum temporis cogitandum sibi existimaverit. Gulielmo atque Mariæ,
 p. 311. postquam rempublicam regere cœpissent, cum tot tantisque difficultatibus domi forisque conflictandum fuisse dicit, ut mirari non debeamus, si ejusmodi curis non statim animum applicare,
 p. 316. potuerint. Gulielmum tamen, secus quam multi existiment, optime semper animatum fuisse contendit erga religionem per
 p. 312. leges publicas in Anglia stabilitam, idque non solum frequentes & solenniter agnovisse eos, qui nomine cleri ac totius populi in parlamenti & synodis convenissent, sed ex aliis quoque multis
 p. 313. argumentis luculenter apparere, veluti ex literis A. 1694 ad archiepiscopos a Rege directis; ex eo, quod idem plus vice simplici declaraverit, se sollicitum esse de mediis augendi pauperum
 p. 317. ecclesiæ ministrorum redditus, in Anglia non minus, quam in Hibernia; item ex societate, quam d. 16 Jun. A. 1701 eo fine constituit, ut per eandem in partibus exteris propagetur evangelium,
 p. 321. ex quo quidem instituto magnam jam utilitatem percepisse ecclesiam proficitur. Regiam quoque Mariam eodem curas suas atque cogitationes contulisse, ostendit, & cum magis quiete vacare illis potuerit, non dubitat, quin nobile consilium, quod
 p. 318. eo intuitu (teste Gilberto, episcopo Salisburiensi) formaverat,
 rat,

rat, ad finem optatum fuerit perductura, dummodo eandem vita longiore frui contigisset. Regio favori accessisse ait benignitatem parliamentorum, quæ & clericos egenos exemerint a necessitate conferendi ad subsidia Regi concessa, & quibusdam ecclesiis ita prospexerint, ut illarum ministris in perpetuum essent redditus ampliores, per statutum quoque A. 1689 conditum, *de non allegando crimine Simonie ab antecessoribus commissio in præjudicium innocentium successorum*, magis securos reddiderint possessores beneficiorum ecclesiasticorum. Multa deinde proponit exempla privata eorum, qui Gulielmo regnante in ecclesias earumque ministros liberales extiterint, quos inter speciatim laudat Samuelem Brewster, armigerum, quod ecclesiæ Botolphi, cujus curam reverendo Autori demandatam esse supra commemoravimus, oblationes, seu dicuntur, paschales restituerit. In numero reliquorum, quos collocavit inter *ἐκτετακταις*, eminent episcopi Lincolnienfis & Salisburienfis, decani & præbendarii capitulorum Nordovicenfis & Lincolnienfis, dominus Gulielmus Maynardus & D. Richardus Busby. Ita ad præsentia tempora descendens, eam de qua initio locuti sumus, Reginae augustissimæ, quæ hodie imperium tenet, munificentiam in clerum describit, nullam fere prætermittens circumstantiam, ad factum istud veteris gloriosum pertinentem. Deinde statutum ipsum, cujus pariter supra fecimus mentionem, & cui titulus *An Act for the making more effectual Her Majesties gracious intentions &c.* secundum singulas illius partes considerandum sibi sumit, & multa adducit, quæ ad illustrationem & commendationem illius apprimè facere videntur. Speciatim ea occasione ostendit, quod jus annatarum & decimarum Angliæ regibus ab Henrico VIII assertum, parum utile extiterit coronæ; deinde quod redditus inde obvenientes, doctrinæ divinæ ministris eorumque sustentationi jam A. 1649 fuerint destinati; tum quæ statuta prodierint sub Henrico VIII, Eduardo VI & Elisabetha, de modo exigendi illas annatas atque decimas, nec non de aliis circumstantiis eo respicientibus; postremo quisnam verus sit sensus statuti, cui nomen a *manu mortua* datur, & cur statu ecclesiæ jam in melius formato credendum sit, non amplius per illud esse restrictam vel prohibitam liberalitatem

P. 323.

P. 322.

P. 323.

P. 327.

P. 347.

P. 373.

P. 382.

P. 385.

P. 390.

- p. 395. tem in clerum, nedum restitutionem eorum, quæ olim titulo justo ad ecclesiam pertinuerint. His de novo quædam subicit, ex quibus appareat, non solum præter necessitatem, sed & contra regulas æquitatis, propter dictas annatas & annuam decimæ partis præstationem, quinque distincta instrumenta obligatoria impetrare debuisse beneficiorum ecclesiasticorum possessores; eoque majores laudes deferendas existimat Regina, quod onus istud remiserit. Simul mentionem facit quorundam consiliorum, quæ Elisabethæ, Jacobo I, Carolo I & Carolo II in oppressionem cleri, sed irritò conatu, fuerint suggesta.
- p. 398. Antequam tractationi susceptæ finem imponat cl. Autor, nihil ab instituto suo alienum, aut repugnans officio civis obedientis se facturum existimat, si his, quorum fidem ad promovendum opus laudabiliter a se coeptum electura sit Regina, consilia quædam, quæ ad id conducere sibi videantur, modeste proponat. Horum primum est, ut (quemadmodum jam a cardinali Polo & alias non semel sit tentatum) numerus exactus ineatur ecclesiarum omnium, quotquot in Angliæ regno & Walliæ principatu inveniantur, quæ ministros habeant exiguis stipendiis adjutos. Alterum, ut ratio præcipua habeatur ejusmodi ministrorum, qui sint in locis nundinarum privilegio gaudentibus, populi frequentia maxime celebribus, & prope Londinum sitis. Tertium, ut quamdiu non datur occasio redimendi ea, quæ singulis ecclesiis per appropriationes decesserunt, ministris illarum egentibus ex nummis, ad istam redemptionem destinatis, interea præbeantur annuatim certi redditus, & si quem fundum ecclesiæ quondam ablatum eidem restitui contigerit, pars fructuum, tribuatur ecclesiæ oppidi alicujus vicini. Quartum, ut, quibus ecclesiarum ministris stipendia augmentur, eorum quoque officio atque laboribus aliquid addatur, in utilitatem populi iis commissi.
- p. 403. Quintum, ut media circumspiciantur, quibus adduci queant bonorum ad ecclesias spectantium possessores, ad illa æquis conditionibus ecclesiis vendenda. Sextum, ubi ad ductum consilii, quod erat in ordine tertium, novi redditus in pecunia consistentes ministris ecclesiarum assignantur, ut iisdem in locis incolæ sive parochiani, una cum appropriatoribus seu bonorum quondam ecclesia-
- p. 404. p. 406. p. 409. p. 410. p. 411. p. 414. p. 415.

clesiasticorum possessoribus persuadeantur, ad aliquid de suo redditibus istis adjiciendum. Ultimum, quia in eorum numero, qui appropriatores dicuntur, episcopi etiam inveniuntur, alique in dignitatibus ecclesiasticis constituti, & integra collegia ecclesiastica, ut consilia ineantur, quibus ab his quoque (prout jam factum esse a quibusdam, & præcipue ab episcopo nec non capitulo Carleolensi commemorat) possit obtineri aliquid in utilitatem ecclesiarum, quæ per istas appropriationes passæ sint detrimentum. Tandem exempla subjicit quorundam, qui sub regno præsentis liberalitate sua in ecclesias inclaruerint, nimirum comitis Nottinghamiæ, Henrici Forsteri & Hiobi Marstoni. Nonnullos etiam antea a se prætermittos, & qui tempore regum antecedentium eodem nomine laudari meruerint, recenset, cumque de domino Simone Digbæo, Richardo Temple baronetto, speciatim vero de archiepiscopo Armachano, Bramhallio, quædam commemorasset, duo refert memorabiliter dicta, unum Thomæ, Straffordæ comitis, Regisque Caroli I locum in Hibernia quondam tenentis, alterum Georgii, ducis Albemariæ, quorum ille filio suo injunxerit, ne unquam, nisi velit iram Numinis in se provocare, permissum sibi credat possidere quicquam, quod ecclesiæ debeatur; hic vero solitus fuerit, admodum frequenter in sermonibus cum episcopo Salisburienſi habitis, partem suæ felicitatis haud exiguam dicere, quod in omnibus suis bonis nihil omnino inveniatur, quod unquam piis usibus fuerit devotum. In fine operis adduntur varia documenta, quibus fides adstruitur his, quæ in ipso libro fuerunt proposita, cumque maximam partem deprompta sint ex schedis manuscriptis in locis diversis asservatis, nec antea typis excusa, multum per illa accedit pretio, quod opus integrum pietati, ingenio atque industriæ Reverendi Autoris debet.

P. 417.

P. 419.

P. 423.

P. 427.

P. 438.

JOANNIS ORTWINI WESTENBERGII JCTI
& Antecessoris de Causis Obligationum Liber singularis, seu
Dissertationes novem.

Harderovici, apud viduam & filios Alb. Sas, 1704. in 8. Plag. 22.

NOVem Dissertationes, a diversis Respondentibus, quorum nomina sub initium quoque libri adjecta sunt, more Academico

mico habitas, conjunctim, uno volumine, hic exhibet Autor noster Clarissimus. In *Dissertatione prima*, post explicatam causæ efficientis & obligationis indolem, hujus causam remotam ait esse Jus, hoc autem cum Divinum aut humanum, & illud iterum innatum vel revelatum sit, hinc singulas istas Juris species persequitur. Primo igitur Jus Divinum Naturale, ac Obligationes inde venientes, quibus homo Deo, sibi ipsi, & proximo obstringitur, expendit; inde ad Jus Divinum revelatum progreditur, quod triplex esse docet, Morale, Ceremoniale & Forense. Denique pergit ad Jus Civile, ac in specie, Romanorum, secundum quod Obligationem in mere naturalem, mere civilem, & mixtam non male dividi, existimat, ac singulas dein species definitionibus, subdivisionibus & exemplis, amplius illustrat. *Dissertatio secunda* tractatum, de causis Obligationum propinquis, pandit. Has Noster in Ordinarias & Extraordinarias distinguit, ac illarum quatuor species, Contractum, Quasicontractum, Maleficium & Quasimaleficium; harum plures, varias scilicet Causarum figuras, esse arbitratur. Quibus generaliter propositis, singularum specierum prolixior deinde sequitur explicatio. Quid ergo Contractus sit, primo Noster inquit, eumque in Nominatum & Innommatum dispescit, adjectis utriusque subdivisionibus consuetis. Quasicontractus, ex ejus sententia, est factum aliquod non turpe, ex quo, citra conventionem, nascitur obligatio. De numero Quasicontractuum, res dubia est, sed Clarissimus Autor, præter quinque species, Justiniano laudatas, Negotiorum gestionem, Tutelæ administrationem, Rei communionem, Hæreditatis additionem, & Indebiti solutionem, nullas alias admittit, ac firmandæ doctrinæ suæ, quasdam leges, quæ objici poterant, explicat. Delictum ipsi est omne factum illicitum, dolo malo commissum, quod poenam meretur: dividitur ab eodem, juxta receptam sententiam, in publicum & privatum, quod iterum est vel ordinarium, vel extraordinarium, cui etiam delictum popolare accensendum esse censet. Quasidelictum, ex doctrina Nostri, est factum, quod quidem proprie delictum non est, sed propter culpam, delicto est proximum; cumque quatuor ejus species, post Gajum, Justinianus saltem conamemoret, hinc probabile illi videtur,

tur, solas Quasidelictorum nomine venire. Hæc de causis Obligationum ordinariis. Cum vero hæc introducendis obligationibus omnibus, haut sufficere fuerint visæ Jctis, ideo varias causarum figuras, i. e. varia negotia, a contractu & maleficio distincta, ex quibus tamen, propter æquitatis rationem, obligatio nascitur, velut causas obligationum extraordinarias & irregulares, adjecerunt. Has ergo distinctius persecuturus doctissimus Autor, in *Dissertatione tertia*, de Æquitate primo aliqua præmittit, comque elegantissimus casus in *l. 32. de R. C.* (quam auream, aureisque literis scribendam, nec non speculum aureum, imo legem Divinam appellant Doctores, de veteri, ut videtur, superstitione) ei occurrere videatur, quo propter solam æquitatem, actio conceditur, ideo, præmissa prolixiori laudatæ legis expositione, ostendit, in ea subesse negotium, quod neque ad contractum, neque delictum referri possit, actionemque inde descendentem, merito CondiCTIONem ex lege dicendam esse, addita disquisitione, quo usque illa lex, ad alios casus, bene vel male extendatur. Cum igitur CondiCTION ex lege, in illa lege 32 occurrat, eademque ex variis causarum figuris alias oriri credatur, ideo Noster, in *Dissertatione quarta*, CondiCTIONem illam primo in genere exponit, postea ejus species, quæ ex pactis legitimis nascuntur, persecutus, disquirat, an pactum compromissorium, suffragii, contractus, & in specie, stipulatio ac literarum obligatio, pactis legitimis recte annumerentur? eo etiam addito, quod quasicontractus ad pacta legitima male referantur. His absolutis, de aliis casibus, quibus CondiCTION ex lege competat, ac in specie, an in casu *l. 1. C. de jur. emphyt. l. 2. C. de rescind. vendit. l. un. C. de suffrag. l. 5. C. de ingen. man.* illa locum inveniat, Noster satagit. CondiCTIONibus ex lege, similes sunt Actiones in factum, quibus *Dissertatio quinta* destinata est. In ea Clarissimus Autor, nomen & indolem Actionum in factum generaliter explanat, earumque originem & necessitatem, ex hypothefibus fori Romani deducit, & quam varie illæ supponantur, distinctius edisserit. Inde progreditur ad Actiones in factum subsidiarias civiles, variis exemplis illustratas, quas excipiunt Actiones in factum subsidiariæ Prætoriæ, quibus etiam non exiguus

guus exemplorum numerus, lucem affundit. Præter actiones in factum subsidiarias, dantur & aliæ, istis affines, Actio scilicet de tigno juncto, Actio subsidiaria pupillis & minoribus contra magistratus minores competens, & Actio judicati, quæ licet, habita æquitatis, ex qua sola oriuntur, ratione, Actiones in factum dici queant, attamen, quia singulæ propriis appellantur nominibus, ideo in *Dissertatione sexta*, seorsim de iis agendum sibi esse existimavit Noster. In indagandis igitur actionum illarum appellationibus, natura, varietate & fundamento, prolixè satis occupatur. Nondum fons causarum extraordinariorum exaruit, sed ex eo plures adhuc actiones aliæ scaturire Nostro videntur. Nam in istum censum, *Dissertatione septima*, Actionem ad petendam restitutionem in integrum, de pauperie, ad exhibendum, Conditionem sine causa, Triticariam, Actionem de pecunia constituta: *Dissertatione octava*, Actionem redhibitoriam & quanti minoris, actionem ex vinculo matrimoniali ortam, actionem ad alimenta præstanda, liberis & parentibus competentem: *Dissertatione nona*, Actionem ad collationem faciendam, damni infecti, aquæ pluviz arcendæ, querelam inofficiosæ donationis, remedium indemnitis seu beneficium separationis bonorum, obligationem & actionem ex pollicitatione natam, ac tandem actiones extraordinarias, de quibus ipse Prætor vel Præses, extra ordinem, quandoque cognoscebat, refert, ac circa singulas, præcipuam operam eo intendit, ut eas ex nulla causa ordinaria, contractu puta, quasicontractu, maleficio aut quasimaleficio, descendere, adeoque ex causa extraordinaria, sive sola æquitate, repetendas esse ostendat, quod in genere admonuisse, satis videtur. Speciminis tamen loco, ejus sententiam, quoad actionem redhibitoriam & quanti minoris, quæ in *Dissertatione octava* primo loco compareret, explicatius nonnihil exhibebimus. Edicti Edicti sententia & rationibus adductis, ac utriusque actionis, redhibitoriz & quanti minoris, definitione, appellationibus & concursu explicatis, contendit, actiones illas ex mera æquitate, ne emtores rerum vitiosarum damnum sentiant, esse introductas, eaque ratione, dativas posse dici, utut ipsa actionum, in dativas & nativas, distinctio, minus accurata Nostro videatur; postea

postea refellit eos, qui ad præstationes, quas Ædiles venditoribus injunxerunt, ex ipso emtionis & venditionis contractu, agi posse censent: nam actiones ex contractu descendentes, ad eum implendum, non solvendum, regulariter competunt, & quid opus fuisset actione redhibitoria & quanti minoris, si ex ipso contractu agere potuissent emtores læsi? præterea illa sententia aperte l. 2. C. de Ædilit. Action. repugnat; denique in plerisque actiones Ædilitæ, & actio emti differunt, quas differentias Noster recenset, ac objectionibus nonnullis, ex l. 11. §. 3. 5. de A. E. V. l. 23. §. 4. de Ædil. edict. desumptis respondet.

OBSERVATIO D. JOHANNIS WRIGHTII, COL-
leg. Med. Lond. Socii, de Ulcere Pulmonum, in Epistola ad GULIEL-
MUM COWPERIUM, Soc. Reg. Socium recensita, una cum
hujus Responsione.

Excerpta ex Actis Philos. Anglic. A. 1703. N. 285.

PUella 18. annorum Anno 1701. Mense Majo variolæ corripiebatur adeo benignis, ut Medici consilio non indigere videretur, donec in squamas illæ abiissent. Tunc enim respirandi difficultas, quæ paulo ante eam vexaverat, tantum coepit incrementum, ut septimo post variolarum eruptionem die, materiam sanguineam expueret viscidam, quæ nec pituita sanguinis striis picta, nec cruori permixta esse videbatur, sed tota omnino erat sanguinea; non tamen sanguinis calidi instar fluebat, multo minus velut cruor frigidus coagulabatur, sed dum effundebatur, instar pituitæ, ex ventriculo per vomitum rejectæ, pelvi adhærebat. Quamvis vero talis hæmoptysis multum quotidie intenderetur, atque subinde per diem vel sextarius dictæ materiæ ejiceretur; paucis tamen septimanis post sanitati ægra restituta, bonum recuperavit corporis habitum, Lunæque tributum solvere iterum coepit, & a mense Julio ad Decembrem usque satis bene valuit. Quo tempore respirandi difficultas repetens indies increfcebat, cum plenitudinis quodam atque ponderis sensu in sinistro latere, ita ut ægra huic quidem commode incumbere posset, quoties autem in dextrum se convertere elaborabat, pondus quasi ex sinistro ad dextrum latus labi perciperet, cum dyspnœæ augmento atque tussi.

Qualia symptomata cum ad nativitatis Christi usque festum indies augerentur, crassam tandem foetidamque materiam purulentam excernere coepit, bono interim appetitu gaudens, & ab omni insultu febrili libera. Authoris curæ tradita puella, medicamenta pus per *ἀνακτάγων* evacuantia assumpsit cum euphoria, mensibus interim periodum servantibus, nec hectica signis presentibus, a tantillo autem frigoris admissio pus foetidum ejiciebatur. Per aliquot horas omnis tussendi molestia erat expers, quamprimum autem eam hæc, post aliquem plenitudinis sensum, affligere incepit, non prius desit, quam duo circiter puris foetidi cochlearia essent excreta; idque potissimum mane, a meridie, & noctu contingebat. Cum itaque pulmonum lobum sinistrum, abscessu occupari suspicio oriretur, in lecto caput primum sinistro brachio suffulcire iussa est, ut post levem tussim pus effluere eo felicius posset. Aliquando, post frigoris sensum a meridie, pulsu celeriori reddito, calor febrilis accendebatur, indies increvens, quem leve comitabatur delirium ad aliquot dies; donec post se reliquit hecticam cum rubore, vesperi genas pingente, sudoribus nocturnis, diarrhoea continua, atrophiam & crurum demum œdemate sociatam, etiamsi lecto fuisset affixa. Inter septimam & octavam costam nodi aliquot exiles se offerebant tactui, qui una cum aliis phaenomenis, ibidem loci ulcerosos pulmones pleurae adherere, suspicionem augebant. Etiamsi igitur causticum dicto loco potissimum applicari debuisset, prævidens tamen Author cum aliis sibi junctis Medicis, mammae sinistrae glandulas simul arrosari, spatium inter sextam & septimam costam sursum numerando illud apposuit; quo remoto, & lanceola in pectoris cavitationem adacta, lymphæ profluebat, sanguinolenta absque pure: immissoque specillo, pulmones ad inferiorem costae septimae partem adhæsisse observabantur; antequam autem eschara separaretur, pus prorupit, quotiescunque ulcus deligabatur, quod sensim atque sensim imminuebatur, ad curationis usque finem. Quem tamen antequam attingeret puella, de immenso circa cartilaginem ensiformem conquesta est dolore, & tanto quidem, ut cannulam ipsa aliquoties extrahere haberet necesse; quod a cannula nervum premente ille crearetur. Sicque mense Augusto perfecte sanata, sequentibus men-

mensibus pristinum corporis habitum recepit, indicio manifesto, non omne pulmonum ulcus, prout nonnullis videtur, esse incurabile.

Cum autem puellæ huic curandæ etiam Gulielmus Cowperus adfuerit, non potuit non hic, in Responsione sua, D. Wrigthii, felicem curæ successum constanter prædicentis, peritiam collaudare, atque in memoriam revocare puris non minus graveolentiam summam, quam putridam acrimoniam, qua specillum immisissum & syringam argenteam in injectionibus usurpatam arroserat. Nec dubium superesse ullum dicit, quin pus, ex vulnere facto profluens, ab eadem cavitate provenerit, ex qua ante cum tussiper os fuerat rejectum; siquidem puella sub injectionibus, quas tinctura myrrhæ ingrediebatur, de amaro sapore in ore fuerit conquesta. Recensitis dein aliis ægrorum, similibus pulmonum ulceribus laborantium, exemplis, merito miratur Clarissimus Cowperus, qui fiat, ut parte una pulmonum obstructa, homo tamen vivere, & reliqua pulmonum pars totam massam sanguineam, ex dextro cordis ventriculo ad sinistrum, æquali temporis momento, & sub æquali quantitate, sub qua per reliquas corporis partes omnes circulatur, deducere queat; cum modum conveniat omnino admirari, quo in statu naturali, ubi pulmonum canales omnes aperti sunt, id contingat. Ad cujus phænomeni explanationem sequentia instituit experimenta. Scilicet aquam in arteriam pulmonalem injectam dum per venam pulmonalem redire conspexit, idem etiam cum cera tentavit feliciter. Postquam enim hanc calidissimam cum oleo terebinthinæ mixtam, & colore, Vermillon dicto, tinctam in arteriam memoratam felium juniorum inject, venam ea cum auricula sinistra adeo repletam vidit, ut pars ejus ad sinistrum usque cordis ventriculum penetraverit; licet aliquid ceræ ad bronchia simul esset depositum. Corda humana præparando, & eorum ventriculos, auriculas & truncos vasorum sanguineorum cera replendo, itidem advertit, quod cera, diversis coloribus tincta, in arteriam & venam pulmonalem, sine extrema vi injecta, ex arteriis ad venas tantum, non vero ad tracheam simul, pervenerit. Nec in aliis corporum humanorum æque ac quadrupedum visceribus ceram per arterias ad ve-

nas adigere potuit, præterquam in pulmonibus, liene & pene; in quibus tamen ut succederet experimentum, cera summo cum impetu injicienda fuit. Cum autem nudis oculis vasorum extremitates nec in animalibus vivis, dum sanguis adhuc per vasa circulatur, cumprimis in partibus pellucidis omenti, vel mesenterii quadrupedum, aut in pulmonibus ranarum, vel lacertarum viventium; nec in mortuis, dum sanguis in pulmonibus est retentus, usurpari possint, mediante microscopio id tentavit. Facta enim incisione in corporibus dictorum animalium, pulmonum prolapsorum & aëre inspirato distentorum partem, cordi quam proxime adstantem, citissime & firmissime ligavit; quo facto exsiccatos ranarum & lacertarum pulmones eorumque vasa microscopii ope ita contexta deprehendit, prout in fig. 1. 3. 4. 5. 6. offeruntur. Adeoque certissime sibi persuasum habet Author Clarissimus, communicationes vasorum sanguineorum in pulmonibus magis esse patulas, quam in aliis partibus, excepto liene & pene, donec monstretur, ceram liquefactam æque facile in reliquis corporis humani ac quadrupedum partibus ex arteriis ad venas penetrare. Quemadmodum vero rationem inde petit sanguinis per pulmones in statu naturali fluentis; ita e diverso, si in statu p. n. vasa quædam sanguinea pulmonum vel angustentur, vel penitus comprimantur, ut in ulceribus pulmonum, tunc a reliquis adhuc sanis vasis plus solito per eorum cavitatem transmitti reputat, quippe quæ sensim ita dilatentur, ut illorum defectum commode refarcire valeant. Id quod etiam in ramorum arteriosorum communicatione fieri observat, quando in aneurismatis cura ramus quidam insignis vel truncus ligatur.

TAB. V.

Explicatio Figurarum Tabulæ V.

Figura I exhibet pulmonem ranæ ligatum & exsiccatum, microscopio inspectum, cujus vasorum extremitates tam amplæ sunt, ut tres sanguinis globulos transmittere possint.

AA. Arteriæ,

BB. Venæ.

CC. Earum inosculationes.

D. A-

um-
no-
buc
rel
re-
as
re
re

D. O



B



D. Area microscopii, prout nudis oculis apparet.

Figura II sistit pedis posterioris ranæ partem, cujus vasorum extremitates unicum saltem sanguinis globulum transmittunt.

AA. Truncus arteriarum.

BB. Truncus venarum ad latera digitorum transcurrens.

CC. Earum extremitates invicem continuatæ, in membrana trans-
parente digitos distinguente.

aa. duo digiti pedis.

Figura III & IV oculis subjicit extremitates arteriarum & venarum, in pulmonibus ranæ alio microscopio inspectas.

AA. Arteriæ.

BB. Venæ.

CC. Earum conjunctiones.

D. Area microscopii.

Figura V monstrat aream quandam hexagonam pulmonis ranæ, qui cum non æque flatu fuerit distensus, ac in figura III & IV areæ etiam seu cellulae in interstitiis extremitatum angustiores & minores apparent.

AA. Arteriæ.

BB. Venæ.

CC. Earum inosculationes.

D. Area.

Figura VI repræsentat lobum pulmonis lacertæ aquaticæ præparatum.

AA. Truncus arteriæ pulmonalis.

BB. Vena pulmonalis.

CC. Earum rami conjuncti.

DD. Membrana subtilis transparens.

EXPERIMENTUM ANATOMICUM AD VERAM

Dura Matris motus causam detegendam institutum ab H. RIDLEY M. D. & Reg. Coll. Med.

Lond. Socio.

Excerptum ex Actis Philos. Angl. A. 1703. N. 287.

POSTquam Clar. Ridley in Tractatu suo *de Anatomia Cerebri*, ante bina lustra publici juris factio, Dura Matris motum arteriis per-

per totum cerebrum dispersis in acceptum referendum esse, variis experimentis probaverat; Clarissimus autem *Baglivus* in suo *de Fibra Morrice* libello, pulsus hujus causam in propria Duræ Menyngis substantia & textura, cordis æmula, quærendam esse tradiderat: utra contrariarum harum sententiarum veritati propius accedat, examinaturus ille, sequens instituit experimentum.

Canis scilicet superiori bregmatis parte terebrata, membranam duram non sine aliqua sanguinis jactura denudavit. Hinc cohibita hæmorrhagia, absterfoque sanguine, duræ matris ejusque sinus longitudinalis, qui per marginem foraminis decurrebat, motum systalticum cordis vibrationis, quæ justo citatior erat, æmulum, hujusque rhythmo ad amissim respondentem deprehendit. Post elapsam unum horæ quadrantem, eandem hamulo acuto suspensam perforavit; quam perforationem acute persentiscere videbatur canis, convulsionis tamen cujusvis expertus. Comparuit sic motus cerebri systalticus, tantillum sanguinis, quod in membrana continebatur, foras propellens. Postea cuspidem forcicis obtusa caute in aperturam membranæ vulneratæ immissa, eam transversim in parte ejus a sinus longitudinalis transitu maxime remota dissecuit; hinc protrusum fuit cerebrum pia matre tectum, perseverante adhuc motu ejus ad tactum satis forti, licet membrana ipsa, ob vim restitutivam fibrarum suarum a plaga accepta imminutam, ad oculos obscurius vibrari videretur. Toto hoc tempore vegetus adhuc erat canis, levibus tantum tremoribus, cum quodam horrore, per universum corpus affectus. Postquam igitur per aliquot horas hic vexatus multum sanguinis effuderat, ut omnem vim pulsificam, quæ vel huic membranæ inesse, vel aliunde accedere supponi potest, adimeret Author, guttulas aliquot olei vitrioli leniter illinebat; unde nigro colore tingebatur hæc, & nulla, saltem exigua & obscura ejus percepta est vibratio, admoto tamen digito satis distinctus cerebri pulsus sentiebatur. Peractis his, cum cultri mucronem ad unius uncie crassitiem in cerebri substantiam intrusisset, vehementer se agitavit canis, hætenus adhuc vegetus, & in horrendas corporis jactationes & pedum anteriorum & posteriorum convulsiones incidit, & cerebrum fortius quam antea movebatur. Postea spe-

specillo profundius adacto, sensus dolorifici indicia maxima dedit animal, cultro tandem usque ad latus cranii oppositum trajecto horrendis agitatum fuit spasmis; & interim systolen & diastolen cerebri, cum maximo renisu factam, digito Author æque ac alii adstantes perceperunt. Quibus pensitatis phænomenis, patere existimat Clarissimus Ridley, motum cerebri & menyngisa peculiari duræ matris textura minime dependere.

D. ROBERTI HUNTINGTONI EPISTOLÆ, ET
veterum Mathematicorum Synopsis, Collectore EDUARDO
BERNARDO. Præmittuntur D. HUNTINGTONI &
D. BERNARDI Vita, Scriptore THOMA SMITHO S. Theol. Doct.

Londini, apud A. & J. Churchil, 1704. 8. Plag. 18.

PER varia doctissima scripta, in Actis nostris passim commemorata, dudum orbi erudito ita innotuit Vir Clarissimus Thomas Smithus, ut vel solum nomen ejus affatim commendare possit Huntingtonianas epistolas, quibus in lucem edendis obstetricias manus præstare dignatus est. Epistolis autem Huntingtonianis vitam ejus præmittere operæ pretium duxit, illustrationi eorum, quæ passim in epistolis habentur, haud raro inservientem. Lucem vero Huntingtonus adspexit Februario mense anni superioris seculi XXXVI Deorhirstæ, quod est oppidum non incelebre ad Sabrina ripam situm. Patrem nactus est illius loci Parochum, qui Robertum nostrum secundo genitum, in schola publica Britoliæ literas Græcas & Latinas bene edoctum, cum decimum sextum vitæ annum attigisset, Oxonium ablegavit, ubi primo inter Portionistas, quos vocant, receptus, mox post susceptum primum in artibus gradum, unanimi illorum, penes quos jus eligendi erat, consensu in numerum Sociorum cooptabatur. Anno deinceps 1663 lauream Magistri consecutus, insequentibus comitiis Magistrorum nuncupatus est Senior, quam spartam cum per aliquod tempus egregie ornasset, tum D. Pocockii consilio, tum propria mentis inclinatione ductus, D. Framptono, qui huc usque Halebi mercatoribus Anglis in Oriente a sacris fuerat, jam in Angliam redituro, in sacro isto munere, amplissima mercatorum Londinensium,

p. 1.

p. 2.

p. 3.

- p. 5. sium, qui mercaturam in Oriente exercent, societate suffragante successit. Cum ergo Halebum celeberrimum illud Orientis emporium pervenisset, post administrationem sancti muneris, quod ipsi incumberebat, nihil prius antiquiusve habuit, quam ut patriam rerum hactenus pene incompertarum vel saltem vix satis bene cognitarum notitiis, investisque librorum gazis redux ditaret.
- p. 7. Cum vero de libris Syriacis comparandis maxime sollicitus esset, & in iis cumprimis S. Ignatii, Episcopi Antiocheni, epistolas Syriacas investigaret, quarum non tantum Ebed Jesu in Catalogo librorum Chaldæorum obiter indicium fecerat, sed & ipsas epistolas magis diserte Ignatius Antiochenus XVI seculi scriptor, in Catalogo librorum ex Oriente advektorum, Chaldæo-Syri lingua ibi extare, testatum dederat: minime tamen hac ex parte voti compos fieri potuit, cum nec in Syria, nec in Ægypto, nec in Mesopotamia, nec in monte Sina, exemplar Ignatianum sive Græcum sive Syriacum repererit. In iis autem libris, quos Patriarchæ Antiocheni D. Stephani Petri opera adjutus nactus est, Ephremi Syri Commentarius in Pentateuchum, & quædam Homiliæ maxime insignes fuerunt. Cum aliquot annos Halebi versatus fuisset. Huntingtonus, ipsum lubido incessit Hierosolyma adeundi, in quo itinere ad reliquias Samaritanorum divertit, ex quibus triginta circiter familiæ Sicima sive Neapolim (utpote ex istius ruinis ab Herode conditam, hodie *Naplos* nuncupatam, juxta montem Garizim tribus horis ab urbe Samaria, olim *Σαβασή*, nunc *Isbasse*, dissitam) incolunt. Ea occasione obiter Clarissimus Smithus de codicibus Samaritanorum sacris nonnulla observat, atque id imprimis, quod si ex codicibus in Anglia obviis judicium ferre liceat, Cottoniano nempe, Bodlejano & Huntingtoniano, nullus eorum
- p. 10. CCCC quingentorumve annorum ætatem supergrediatur. In Ægyptum quoque iter fecit Huntingtonus, ibique eandem in investigandis codicibus manuscriptis industriam perpetuo adhibuit. In hisce autem libris Copto-Arabice singillatim recensendis Autor non diu versatur: cum ii ex egregio & utilissimo catalogorum opere, Oxonii A. 1697 edito, peti possint. Maxime & in primis memoranda esse judicat tria Evangeliorum exemplaria, quorum unum Kahiræ, alterum in deserto Nitriæ, tertium Hierosolymis
- p. 12. p. 15. p. 16. p. 17.

mis reperit, D. Marshallo, qui editionem Copticam N. T. tum temporis moliebatur, transmissa. Præterea dum Kahiræ commoratus est, cum quodam Copto sacerdote de conciliorum duobus voluminibus, una cum appendice concilii Chalcedonensis, & denique tribus reliquis Pentateuchi Mosaici libris exscribendis fuit pactus. Quoad Huntingtonus in Asia vitam degit, cum multis Viris religiosis, religionis Christianæ propagandæ causa per Orientem quaqua versum sparsis, frequens literarum commercium exercuit. Inter hos ex P. Archangelo de Sancta Theresæ, ordinis Carmelitarum discalceatorum, de Sabæis sive Mendæis quondam quæsit, num qui libri istius sectæ opiniones complectentes adhuc superessent. Ille Carmelita ut Huntingtoni curiositati satisfacere, postea in Angliam tres libros transmisit, quorum duos Mendæi olim Adamo Protoplastæ a Deo traditos, tertium vero ab Angelis trecentis triginta annorum millibus ante Adamum conditum cœlitus delatos fabulantur. Isti autem libri tanta obscuritate laborant, ut absque interprete nullo modo intelligi possint. Postquam Huntingtonus in Asia undecim annos expleverat, de reditu in patriam cogitans, per Italiam & Galliam in Britanniam rediit, cui restitutus anno 1683 dignitatem Doctoris in facultate Theologica consecutus est. Paulo post Collegii S. Trinitatis, juxta Dublinium in Hibernia, præfectura ipsi licet invito atque reluctanti fuit delata. Bello autem in Hibernia ingruente, fuga sibi consulendum esse duxit. In Angliam ergo redeunti sacerdotium in parochia Hollingburæ, in agro Hartfordiensi sita, ipsi fuit demandatum. Ibi reliquum vitæ tempus transigere in animum induxerat, sed aliter visum Deo. Etenim A. 1701, vacante sede Ralpensi in provincia Ultoniæ, hic episcopatus, opera potissimum Illustrissimi Henrici Comitis Clarendoniæ, ipsi delatus est. Hac de causa denuo in Hiberniam navigare coactus, Dublinium incolumis appulit, ibique vicesimo die mensis Julii in Ecclesia Christi cum deam cathedralem pervenit, morbo implicitus, secundo die Septembris, sexagesimo sexto ætatis anno, placide decessit. Jam ut ex exemplis Concilii Florentini, quod ab alio auctore profectum esse

p. 18.

p. 21.

p. 23.

p. 24.

p. 29.

p. 32.

esse credit, quam ista exemplaria, quæ typis impressa leguntur: duo enim ait in publicum prodisse, quorum alterum Georgio Scholario vulgo tribuatur, alterum vero Sylvestro Syropulo. Præter hos libros, de historia jam dicti Concilii se vidisse fatetur partiunculas & rhapsodias bene multas a Græcis, Beslarione puta, Demetrio Cydone, Josepho Methonensi; Gregorio Hieromona-cho, Vecco Constantinopolitano &c. confectas. P. 32 & 33 refer-tur de Armeno quodam, urbis Damasci incola, qui ad defectio-nem a fide sua sollicitatus, Mahometanorum illecebras omnes & minas ac promissa generoso contemptu respuerit, & hoc pacto martyrii coronam gloriose reportarit; quo martyrio durante, fulgi-dum jubar cœlestis luminis æmulum sancto corpori aliquandiu illuxerit, aliaque comparuerint miracula. P. 39 gratias agit D. An-gelo a Sancto Joseph Carmelitæ, quod Sabiorum cultum, ceremo-nias & superstitionem per Orientem olim diffusam, paulo accura-tius ipsum edocuerit; qua occasione hanc sectam dicit vetustis-simam, utpote quæ, si Arabibus sit fides habenda, a Sabio quo-dam altero Sethi filio originem traxerit; quam in rem ostendent libros ab ipso Setho conscriptos, ipsorum veluti SS. Biblia & au-thenticas institutiones. Hæc & alia scripta de eadem hæresi tra-ctantia, in quibus sunt codices MSS. Thabeti Ebn Corah, ut ipsi transmittat, etiam atque etiam petit. P. 46 multa de Samaritis narrat D. Jobo Ludolfo, eamque gentem ait esse tam parvam, ut non aliam temere invenias, cui comparare possis; hoc tamen non obstante, illos paucitate sua contentos se solos veros Ebræos & Israelitas nuncupare, & Judæos Palæstinenses aliosque alto supercilio contemnere, quin etiam odio plus quam Vatiniano prosequi. Cum Huntingtonus apud eos versaretur, atque pro-latos libros Samaritano caractere descriptos nullo negotio legeret, forte fortuna inter alios sermones ab ipso quæsierunt, num in Britannia quoque Ebræi reperirentur, quam quæstionem ille, de Judæis respondens, cum ipsi de Samaritanis interrogassent, af-firmavit, quo facto præcipiti credulitate inducti sponte sua arri-piebant, illos esse suos fratres & contribules, neque postea cum Huntingtonus intelligeret, sese aliter respondisse ac isti rogassent, hunc errorem ullo modo sibi eximi patiebantur. Proinde lite-ras

ras in Angliam mittere decrevere, an ibi Ebraei per omnia ipsis
 consenserint exploraturi. Mox quoque literas ejusmodi lingua
 Ebraea, characteribus autem Samaritanis exaratas, ad Huntingto-
 num miserunt, quas ille Oxonium deferendas curavit. Ad eas
 postea respondit eadem lingua & characterē D. Mareshallus,
 quod literarum commercium per aliquot annos duravit, morte
 autem Mareshalli intermissum penitus cessavit. In singulis fer-
 me istis literis superbe gloriati fuerant, apud ipsos servari vetustis-
 simum legis exemplar, quod scriptum fuerit ab Abisha sacerdote
 pronepote Aaronis, & illius manu signatum; verum nugas esse &
 mera mendacia, quae hac de re proferunt, Huntingtonus exocu-
 lari inspectione deprehendit, & ipsos hujus vanæ gloriationis ab-
 unde convicit. P. 51 indicat, Samaritas nomen tetragrammaton יהוה
 nunquam pronuntiare, sed loco ipsius efferre *Semaa* cum ש po-
 tius quam ו & ultima protracta & quasi trisyllaba, ubi laudat con-
 jecturam Ludolfi existimantis, quod sit a שׁוּ ad morem Ju-
 dzorum. De Messia loquentes parum sibi constare ait, nunc
 hoc, nunc illud asserentes; interim tamen observat, ipsos de Ser-
 vatore nostro ejusque cultoribus admodum honorifice loqui. P. 52
 se nescire fatetur, quare nomen Messiae scribant משיח si tamen
 liceat conjectari, hoc ænigma ita explicari posse putat, ut sint ini-
 tiales plurium vocabulorum literæ, veluti משיח הכהן. Ibidem
 rationem annorum seu computum temporis apud Samaritas du-
 plicem esse docet, civilem seu Mohammedicum unum, ab He-
 gira Pseudoprophetae; alterum ecclesiasticum seu Græcum, ex
 Huntingtoni sententia ab orbe condito. P. 62 & sqq. in gratiam
 D. Picques Ægypti chartam geographicam concinnaturi, multa cu-
 riosa de rebus Ægypti, urbibus scilicet, fluviis, pyramidibus,
 Mummiis, inscriptionibus, monasteriis, item de tribus Ægyptiacæ
 linguæ dialectis affert. P. 75 sequuntur epistolæ, quas insignes
 Viri ad Huntingtonum perscripserunt; cum vero in his multa jam
 in Huntingtoni literis a nobis observata legantur, his prætermis-
 sis reliqua breviter perstringemus. P. 77 scribit Michael Nau, Sa-
 cerdos e Societate Jesu, ad Huntingtonum, sese suavissima voce
 Servatoris nostri, qui pacificos vel hoc nomine beatos prædicat,
 quod filii Dei vocabuntur, provocatum omnem lapidem movisse,

ut concordia inter suam & Anglicanam Ecclesiam in Asia stabili-
liretur, certiore quoque facit Huntingtonum, se quidem suos,
quanquam non sine magno labore, in suam adduxisse sententiam,
sed valde conqueritur, quod Huntingtonus promissis non steterit,
neque loco ac tempore præstituto cum suis comparuerit. P. 84 F.
Agathangelus Sabæorum libros, quorum jam supra in vita Hun-
tingtoni mentionem fecimus, nominatenus recenset, eorumque
primum dicit nominari *Sahaf Adam*, quem Protopatrem nostrum
Adamum a Deo immediate accepisse fabulantur: secundum, *Sa-
haf Hieahie*, ben Zachariæ (quem nonnulli dixerunt esse præcur-
sorem Domini, S. Joannem Baptistam) & istum pariter dicunt
Hieahie a Deo recepisse: & tertium *Divan*, qui alios magnitu-
dine excedit, sed pari æstimatione habetur. Hos libros Sabæi ma-
gna religione custodiunt, ne forte in aliorum manus perveniant,
& cum alioquin hanc nationem auri sacra fames multum cruciet,
difficillime tamen hac ex parte corrumpi possunt. P. 99 sqq. D.
Stephanus Petrus, Patriarcha Maronitarum Antiochenus, mittit ca-
talogum tum librorum sacrorum, tum operum Patrum, tum
aliorum scriptorum, quæ apud ipsos post tot bella, incendia, rapi-
nas & spoliationes, quibus Syria per 10 secula fuerit obnoxia, adhuc
superfint. Ex eodem Patriarcha Huntingtonus quæsierat de Di-
onyfio Syro, cujus Commentarium in IV Evangelia celeberrimus
Loftusius syro-latine imprimendum curavit, quisnam scilicet fuerit
ille Dionysius, quo tempore ubive loci floruerit, quid denique
scripserit? Ad singulas has quæstiones Patriarcha p. 111 sqq. accurate
& proluxe respondet, atque refert, Dionysium illum floruisse seculo
XII, patriam ipsi civitatem Militinensem obtigisse, professione fuisse
Jacobitam, propter eximia studia creatum esse episcopum Gramni-
tensem, animum Deo A. 1169 reddidisse, & sepultum esse Mele-
tiæ, ubi natus fuerat. Præter Commentarios in V. & N. T. de
variis argumentis Theologicis ac Philosophicis scripsisse, scilicet
De Deo, de *Trinitate*, de *Incarnatione*, de *Angelis*, de *Animabus*,
de *Sacerdotio*, de *Elementis* & de *Arithmetica*. Porro eundem
quoque contra hæreticos calamum strinxisse narrat, nimirum
contra Arabes, Agarenos, Hebræos, Nestorianos, Græcos, item
contra eos, qui Concilio Chalcedonensi adhærent. Tandem duas quo-

quoque Liturgias eum composuisse ait, cum Commentario de Ritu S. Sacrificii Altaris.

Superest, ut Edwardi Bernardi Vitam, collectioni veterum Mathematicorum & huic epistolarum volumini subjunctæ præmissam, paucis percenseamus. Ille natus est Paulesperriæ secundo die Maji A. 1638, patre Josepho Bernardo loci illius Parocho, & matre Elisabetha Lancea, utrisque non ignobili genere oriundis. Adolescens Londini in schola publica Mercatorum Scissorum ita dicta, literarum tyrocinia posuit, septennio ibi exacto in collegium S. Joannis Baptistæ apud Oxonienses cooptatus, Thomæ Wiati tutelæ traditus fuit. Magister artium factus, Procuratoris Academiæ munus gessit A. 1667. Inde prima laurea Theologica ornatus, Lugdunum ad Batavos abiit, tum ut MSS. codices orientales, quos Josephus Scaliger & Levinus Warnerus reliquerunt, perlustraret, tum etiam, & præcipue quidem, ut V, VI, VII libros Conicarum Sectionum Apollonii Pergæi, quorum textus Græcus desideratur, in codice Arabico apud hæredes Golii extantes examinaret. Constituerat enim hos libros cum versione sua & commentationibus necessariis in lucem edere: sed hoc ejus consilium D. Christianus Ravius prævertit, utpote qui tres istos libros, a se Latine versos & Carolo XI Suecorum Regi inscriptos, Kiloni A. 1669 publicavit. Oxonium reversus, a D. Christophoro Wrenno electus est, ut ipsius tum temporis in regia aula versantis in munere Mathematico obeundo vices suppleret. Interim ramen non obliviscebatur, se solenni professione Theologiæ studiis sacrisque Presbyteri functionibus consecratum fuisse. Hinc Beneficium Ecclesiasticum, in provincia Surreiensi a Collegio Joannensi ipsi delatum, lubenti animo accepit, & paulo post a D. Petro Mew, Episcopo Bathoniensi & Wellensi inter Sacellanos domesticos cooptatus est. Hæc vero omnia mox erant relinquenda. Cum enim D. Wrennus professione Mathematicæ plane se abdicaret, aut spes muneris istius Mathematici erat abjicienda, aut vi statutorum fundatoris, nulli alii officio sive ecclesiastico sive civili præesse licitum erat. Hinc diu animi dubius ac nesciens quo se verteret, tandem repudiatis dignitatibus ecclesiasticis, professionem Mathematicam elegit. Circa hoc tempus de edendis veteribus Mathematicis omnibus, nunquam

p. 1.

p. 2.

p. 3.

p. 8.

p. 11.

p. 14.

p. 15.

p. 16.

p. 23.

p. 25.

p. 31.

p. 32.

quam satis laudandum consilium apud Oxonienses fuit agitatum, cujus vastissimi operis sciagraphiam Bernardus accuratissime delineavit, quam Clarissimus Smithus subnectere operæ pretium duxit. Eodem ferme tempore Euclidem suscepit illustrandum, egregio specimine in folio, ut dicitur, edito, in quo Græcus textus & ex adverso Latina versio, cum Procli Commentario, Græce & Latine, una cum doctissimis scholiis figurarumque delineationibus accurate exhibentur. Præterea ut scientiam quoque Astronomicam ex doctrina veterum illustraret, parvam Syntaxin Alexandrinam, communiter *Μίχρον Ἀστρονόμον* dictam, in qua præter Euclidem, Theodosii, Autolyçi, Menelai, Aristarchi & Hippsiclis opuscula continentur, edendam suscepit, sed opus illud non perfecit. Nec solum in scientiis Mathematicis, verum etiam in Chronologiæ & Antiquitatum studio, ingenii vires exercere satagebat. Hinc novam Josephi editionem adornare animum induxerat, & dici non potest, quam vasto apparatu arduum hoc opus aggressus fuerit. Cum vero multi methodum ejus, quam sequebatur, importune & pene ingestis convitiis carperent, inde primo inter Curatores & Bernardum ortæ similitudines, dein apertæ lites, utrisque pro diversa, quam secuti sunt, sententia argumentis ultro citroque agitatæ tenacissime inhærentibus. Cessavere inde operæ typographicæ, nec quisquam de edendo integro Josepho sumptibus Academiæ amplius cogitavit. Postquam igitur in hoc operæ ad metam pervenire non potuit, multos alios libros edidit, qui a D. Smitho insequenti ordine recensentur.

I Commentatio de mensuris concavis, ponderibus antiquis, & mensuris distantiarum, quæ primo A. 1685 D. Pocockii commentariis in Prophetiam Hoseæ adjuncta fuit, triennio autem post locupletior facta seorsim prodiit sub hoc titulo: De mensuris & ponderibus antiquis libri tres, quibus accesserunt duæ epistolæ, altera N. Fatii de mari æneo Salomonis, altera Thomæ Hyde de mensuris & ponderibus Sinensium ad D. Bernardum.

II Private Devotions, Oxon. A. 1689 in 12. h. e. ut D. Smithus paulo latius titulum explicat: Exercitia spiritualia, & vitam pie & Christiane instituendi methodus, cum formulis precum, tam in quotidianis, quam in solennibus religionis officiis, cum quis-

MENSIS MAJI A. MDCCCV.

225

quisquam Deo & sibi vacaverit, clam & in privato secessu utendis. Ad finem accessit brevis Decalogi Paraphrasis.

III. Orbis eruditi Literatura a charactere Samaritico deducta, quam tabula amplioris formæ æri incidendam curavit. Hinc uno intuitu contemplari licet varias, pro varia temporum & seculorum ratione, literarum figuras.

IV. Canon præcipuarum e Stellis fixis (numero 23) secundum observata majorum, quem Huntingtono inscriptum Actis Philosophicis mense Aprili A. 1684 inferendum permisit. Iisdem Actis, Septembri ejusdem anni, epistolam ad Joannem Flamstedium Mathematicum Regium edidit: in qua continentur

V. Observata ex Græcis, Arabicis, Persicis, Judaicis, Latinisque Scriptoribus de Obliquitate Zodiaci.

VI. Etymologicon Britannicum, quod ad calcem Grammaticæ Anglo-Saxonicae & Mæso-Gothicae D. Georgii Hickesii, Oxonii A. 1689 editæ, pag. 167 seqq. comparere voluit.

VII. Chronologiæ Samaritanæ Synopsis, quam Auctor olim misit ad D. Ludolfum, qui illam Actis his nostris mense Aprili A. 1691 inferi voluit.

VIII. Notæ in fragmentum Seguierianum Stephani Byzantini, cujus partem, quæ ad Dodonem spectat, Jac. Gronovius ad calcem Exercitationum de Dodone A. 1681 edidit.

IX. Adnotationes in epistolam S. Barnabæ, in editione Feliana. Oxon. 1685.

X. Annotationes breviculæ in Scriptores Apostolicos editionis Corelerianæ, & in nupera editione Amstelodamensi publicatæ.

XI. Scholia & annotationes in Græcas Inscriptiones Palmyrenorum. Trajecti A. 1698.

XII. Samaritanorum literæ Latine conversæ, & a D. Jobo Ludolpho in Epistolis Samaritanis editæ.

Multas præterea lucubrationes Bernardus reliquit, quas D. Smithus prolixè recenset. Nos, ut prolixitatem evitemus, titulos indicare satis habebimus.

I. Chronicon omnis ævi, sive Canon Chronicus.

II. Calendarium Ecclesiasticum & Civile plerarumque Gentium.

III. Index librorum manuscriptorum Angliæ & Hiberniæ, atque externarum aliquot Bibliothecarum.

Ff

IV. De-

IV. Devotiones Privatae Anglice scriptae, cum brevi explanatione X Præceptorum, Orationis Dominicae & Fidei Apostolicae, in VII libris.

V. Observationes varii generis.

VI. Notæ ad Scriptores veteres, tam sacros quam non sacros.

VII. Etymologicon Græcum & Latinum.

VIII. Lexicon Ægyptiacum.

IX. Lexicon Russicum.

X. Euclides, Græce & Latine.

XI. Syntagma de Mathesi, sive principia & elementa Matheseos.

XII. Dissertatio de Literatura.

XIII. Linguarum insularum Britanniae & Hiberniae Origines Persicae & Armenicae.

Hos omnes libros & nonnullos alios a Bernardo compositos, item codices MSS. collatos notisque eruditorum Virorum illustratos, Clarissimi Bibliothecae Bodlejanæ Curatores in illius Archivis reponendos, pecuniis publicis redemerunt. Equidem optandum fuisset, longiorem vitam D. Bernardo contigisse, ut multa egregia opera, quæ imperfecta reliquit, ad finem perducere valuisset. Sed præclarissimos ejus labores continui per aliquot annos languores abruperunt, iisdemque tandem mors acerba, quam immoderatis studiis vigiliisque acceleravit, duodecimo Januarii die, A. C. 1696, quinquagesimo nono ætatis suæ nondum exacto, finem imposuit.

Vitam Bernardi excipit, uti jam diximus, Synopsis Veterum Mathematicorum Græcorum, Latinorum & Arabum, quæ Scia-graphia est vastissimi operis, eorum scripta, quotquot reperiri potuerunt, XIV voluminibus comprehensuri. Horum autem Mathematicorum magna pars ex membranis Anglicanis fuit desumpta.

JOHANNIS FORBESII A CORSE OPERA OMNIA.

Amstelædami, apud Wetstenios, A. 1703, in fol. Alphab. 19.

Scotia luce Evangelii collustrata sicuti Johannem Knoxum, Robertum Rollocum, Hectorem Boethium, Georgium Buchananum,

nanum, Guilielmum Amesium, Johannem Cameronem, Samuel Rhetorfortem, virosque doctissimos alios genuit, ita quoque Johannem Forbesium a Corfe, Theologum Doctorem & in Academia Aberdoniensi Professore, doctrina & vitæ sanctitate perillustrem dedit, cujus opera duobus voluminibus comprehensa, prima partim, partim repetita vice nunc publicantur. Et editioni quidem huic elegantissimam præfationem Nicolaus Gürtlerus, in Academica Schola Daventriensi Theologiæ Doctor & Professor præmisit, & Henricus Wetsteinius cum fratribus chartæ nitorem typorumque elegantiam præstitit, Reverendus vero Vir, Georgius Garden (qui post plures annos Aberdoniæ in cura Pastoralis exactos, Presbyterianæ factionis invidia se ab officio pulsum profectur) de eadem modis non unis bene imprimis fuit meritis.

Antea vero, quam operum hic exhibitorum ulteriorem mentionem injiciamus, Autoris primum vita a nobis recensenda est, cujus descriptio Gardeno itidem debetur, qui eadem fidei plures dealbaturus parietes, & Patricii Forbesii, patris, Episcopi Aberdoniensis, & Guilielmi Forbesii, propinqui, primi Edinburgensis Episcopi a Carolo I electi, (quo de plura diximus in Actis nostris anno superiori 1704, pag. 421 seq.) & Roberti Baronii, & Guilielmi Leslæi, & aliorum celeberrimorum Scotiæ Pastorum, cum quibus Johannes noster multa læta & tristia habuit communia, vitas pariter recensuit, a nobis tamen prolixè haud repetendas, cum circa solum Johannem Forbesium occupatos nos esse, æquum sit. Natus ille est sexto Nonas Maji anno 1593, nobile ac generosum stemma nactus, & postquam humaniores literas didicerat, missus est ad Universitatem Aberdoniensem anno 1607, ubi Philosophiæ operam dedit, ac postea in externas regiones profectus, in Universitate Heydelbergensi, sub cura D. Paræi, Theologi celeberrimi, Scandinæ etiam, ac in aliis inclytis Superioris & Inferioris Germaniæ Academicis, Theologiæ studuit, scripta Patrum diligenter evoluit, ac linguæ Hebræicæ operam dedit, ubi pro ingenii felicitate & indefessa diligentia, magnos fecit progressus. In cæteris regionibus ad annum usque 1619 commoratus, hoc ipso in patriam reversus, & sequenti a Synodo dioceseos Aberdoniensis ad publicam Theologiæ professionem vocatus est, quam in studiosæ juventutis com-

modum, modis ornare omnibus allaboravit. Sed cum in cœpto isthoc studio feliciter procederet, controversiis se parum faustis immixtum vidit, quæ multas ipsi ærumnas & triste tandem exilium provocarunt. Nimirum eo ipso tempore, quo Fœderatum Belgium quinque articulis mirum in modum divexabatur, Jacobus I Magnæ Britanniae Rex, restituto jam in Scotia anno 1610 Episcopali, quod vocarunt, regimine, pariter quinque placita per Synodum Perthesensem anno 1618 sanciri jussit, puta 1. Sacram Cœnam submissis genibus accipiendam: 2. Baptismum, & 3. Sacrum Epulum privatim quoque, necessitate id postulante, administrandum: 4. pueris post Christianam institutionem bene ab Episcopo dicendum, cum impositione manuum: 5. singularia Dei opera, ut ortum Jesu Christi Servatoris e beata Virgine, passionem &c. statis diebus quotannis celebranda esse. Quinque hæc capita Forbesius cum suo probaret confirmaretque calculo, & fœderi nationali, illorum atque Liturgiæ occasione inito, nomen dare constanter renueret, a Synodo Aberdoniensi anno 1640 censura notatus, atque a Classe Edinburgensi, cui patres Aberdonienses sententiæ executionem commiserant, anno proxime secuto Theologica professione exutus est. Quam exauctorationem æquo ille ac miti animo tulit, & cum Presbyterianis amice concorditerque vixit. Verum, ubi anno 1642 novi fœderis inter Scotos Anglosque pacti subscriptio vehementer urgeretur, cum aliis Scotis e patria exire, & in Belgium secedere maluit; unde tamen post paucillos annos reversus, reliquam vitam in prædio suo a Corfe tranquille taciteque exegit, animamque tandem die 29 April. anno 1648 reddidit, in suæ Parochiæ cœmeterio, sine ulla exequiarum pompa vel monumento sepultus.

Hanc *Vitam* Autoris *externam* Gardenus nuncupat, cui mox *interioris brevem ideam* ex plenioribus, quæ huic statim annexuntur, *commentariis, de Johannis Forbesii Exercitiis Spiritualibus*, quæ manu Autoris lingua patria scripta idem habuit, atque in Latînum sermonem transtulit, efformatam subjungit. Habebis hic passim obvias Forbesii preces, laudationes Divinas, peccatorum confessiones, animi compunctiones, luctationes, & cum Deo frequentissimas colloquutiones, unde optimi Viri sanctitas,

ritas, modestia, candor, tolerantia, fortitudo & constantia, pluresque aliae virtutes Christianae perspicue dispalescunt. Hinc *Sermo* sequitur in *Psal. CX*, 1. post obitum Patris ab Autore habitus, in quo de ingenti invictoque solatio, quod ex Christi ad dextram Patris sessione ubertim & constanter Patricius Forbesius a Corse perceperit, disseritur; itemque *Dissertatio de Visione beatifica*, & denique summa concionis *de Pace* ex Joh. XIV, 27, cohabitata.

Qui deinde apparent *Theologia Moralis* libri decem, nondum haecenus lucem adspexere publicam, quanquam opus illud manu Autoris omnino elaboratum perfectumque fuerit. Exponuntur in eodem praecepta Decalogi, variaeque circa Dei legem, & specialia ejusdem praecepta controversiae dissolvuntur, casusque conscientiae explicantur. Nobilissimum appellat istud opus, in laudata a nobis jam ante praefatione, Clarissimus Gürtlerus, ejusque idea exhibita, nihil se ad commendationem illius adjicere vellet, nisi quod Autor idem minime exscripserit ex monumentis doctorum recentiorum, sed magno labore ex tabulis Scripturae Sacrae, & dictaminibus rectae rationis, & libris veterum optimorumque Ecclesiae Patrum, id construxerit perfecitque.

Videas deinceps *Irenici*, occasione litium, quibus Ecclesia Scotica discindebatur, Rege Jacobo I quinque Synodi Perthensis placita observari jubente, anno jam tum 1629 vulgati, secundam editionem, in qua vocolae aliquot, paulo immitiores iustoque acerbiores reputatae, corriguntur atque omittuntur.

Claudit tomum priorem liber *de Cura & Residentia Pastoralis*, quem Forbesius conscripsit, autoritate motus atque jussu Patris, Episcopi tunc Aberdoniensis, nimis crebram aut iusto diuturniorem quorundam Pastorum ab assignatis stationibus absentiam amare deplorantis.

Tomus integer posterior novam exhibet editionem *Institutionum Historico-Theologicarum*, emendatam ad ipsius Autoris castigationes, plurimisque ejusdem additionibus insigniter augmentam, quam eo majori procul dubio cum aviditate perlustrabunt ii, qui discendarum antiquitatum Ecclesiasticarum cupidi,

Institutionum harum editiones, jam ante aliquoties iteratas, non sine voluptate haëtenus eolverunt.

*SACER DECADUM SEPTENARIUS, MEMORI-
am Theologorum nostræ ætate Clarissimorum renovatam
exhibens. Curante M. HENRICO
PIPPINGIO.*

Lipsiæ, apud Thomam Fritsch, 1705, 8. Alph. 3. pl. 4.

Pergit se publico ostendere Reverendus Collega noster *Henricus Pippingius*, *M. Henningi Wittenii* doctissimo Opere, quo is præstantissimorum superioris sæculi Theologorum memoriam vindicare annisus est, magno studio, nec minori dextertate continuato. Ac *Wittenius* quidem, postquam diversis temporibus *sex Decades*, & anno 1685 integram *Memoria Theologorum Clarissimorum Renovatæ Centuriam* conjunctim edidisset, novam meliori Centuriam sperabatur; imo paratam se prælo jam habere, in præfatione istius Centuriæ professus ipse erat, indicatis etiam Theologorum in eandem constipandorum nominibus. Sed nuspiam illa comparuit, seu quod Auctor ipse mutavit consilium, quod visum fuit verosimile, cum A. 1688 *Diarium* potius *Biographicum*, iterumque A. 1696 ejusdem *tomum secundum* edidisset, Scriptores ejusdem sæculi præcipuos, absque nationis, religionis aut professionis discrimine, concise descriptos complexum; seu quod impedimenta quæcunque alia, ac mors denique, quæ Auctori paulo post dictum illum secundum tomum publicatum obtigit, intercessere. A tanto igitur tempore cum repertus nemo esset, qui *Wittenianum* illud prius institutum, quod magno olim cum applausu exceptum fuerat, persequeretur, vacuum velut provinciam *Pippingius* noster occupavit, jamque Theologorum septuaginta, qui post annum 1682 e vivis excesserunt, restauravit memoriam, laborem hoc modo aggressus, quo & de totidem Viris jam in cælo triumphantibus, & de viventibus cunctis, quos clarorum virorum, qui Ecclesiæ olim ornamento ac emolumento fuere, fata nosse juvat, præclare mereretur. Methodum eandem plane servavit, quæ antecessori *Wittenio* visa fuerat commoda, collectis undique magno labore programmatibus funebribus,
ora-

orationibus parentalibus, epitaphiis, monumentisque similibus, quæ honori doctorum virorum consecrari solent, & librorum a quoque compositorum accurato catalogo subjuncto; ubi in eo tamen Wittenii industriam haud parum superavit Pippingius, quod sollicite simul annotare sustinuit, quorum librorum uberior recensio, seu in nostris his Eruditorum Actis, seu in aliis Doctorum Ephemeridibus, quacunque lingua aut titulo magno hætenus numero divulgatis, reperiatur. Præmissa elegans est præfatio, qua inter plura alia, ad Historiam Rei Literariæ pertinentia notatuque digna, uti quorundam, qui ad Opus perficiendum rogati fuerant suppetias, morositas non dissimulatur, ita duumvirorum inprimis, quos honoris causa nos quoque nominamus, *D. Georgii Henrici Götzii*, Lubecensium hoc tempore Superintendentis, & *Joannis Alberti Fabricii*, Professoris Hamburgensium, in supeditandis subsidiis, quo sunt uterque in promovendis bonis literis animo, merito de prædicatur promptitudo. Nobis ex ea plura decerpere nunc non licet, cum contexendus potius adhuc supersit Theologorum ipsorum, quorum Vita enarratur, qualiscunque index, ut qui nosse de iis plura cupiunt, non ignorent, unde ea sibi sint haurienda. Decade ergo prima sistuntur, *Christianus Noldius*, *Sebastianus Niemannus*, *Joannes Olearius*, *Daniel Griebnerus*, *Godofredus Olearius*, *Jacobus Tenizelius*, *Michael Siricius*, *Jo. Andreas Lucius*, *Michael Cobabus*, & *Abraham Calovius*: in secunda *Antonius Reiserus*, *Janus Birckero-dius*, *Balthasar Bebelius*, *Josua Arndius*, *Adamus Tribbecho-vius*, *David Klugius*, *Johannes Saubertus*, *Jo. Andreas Quenstedius*, *Lucas Fridericus Reinhartus*, *Matthias Wasmuthius*: in tertia *Augustinus Balthasar*, *Johann Christfried Sagittarius*, *Andreas Christophorus Schubartus*, *Matthias Zimmermannus*, *Johannes Dürrius*, *Godofredus Meisnerus*, *Theophilus Spizelius*, *Georgius Greenius*, *Joachimus Hildebrandus*, & *Tilemannus Andreas Rivinus*: in quarta *Michael Waltherus*, *Johannes Lasse-nius*, *Martinus Beerius*, *Henricus Rixnerus*, *Christianus Scrive-rius*, *Justus Christophorus Schomerus*, *Jo. Andreas Kunadus*, *Christianus Wagnerus*, *Nathanael Falckius*, *Gerhardus Theo-dorus Meierus*: in quinta *Paulus Bosius*, *Christianus Korthol-*

rus, Abrahamus Hinckelmannus, Johannes Faustius, Jo. Guilielmus Baierus, Sebastianus Schmidius, Henricus Wideburgius, Enoch Zobelius, Valentinus Alberti, Adamus Osiander: in sexta Georgius Möbius, Augustus Pfeifferus, Georgius Lehmannus, Joannes Benedictus Carpzovius, Georgius Götzius, Valentinus Velthemius, Michaël Christianus Ludovici, Jacobus Hieronymus Lochnerus, Sebastianus Kirchmaierus, Conradus Tiburtius Ranggo: in septima denique Fridericus Ulricus Calixtus, Matthias Fridericus Beckius, Johannes Breverus, Albrecht Christianus Rottbuis, David Caspari, Michaël Müllerus, Isaacus Faustius, Fridemannus Bechmannus, Bernhardus von Sanden, & Christophorus Franckius.

Hi sunt Theologi, quorum memoria sacro hoc nostro Decadum Septenario recolitur. Adjecit vero illi Clarissimus Auctor, mantissæ velut loco, insuper Septenarium celeberrimorum virorum, qui utur professione Theologi haud fuerint, scripta tamen ediderunt, aut transtulerunt, aut inchoata reliquerunt Theologica. Sunt illi *Johannes Brunnemannus*, Jctus, Consil. Elect. Brandenb. Antecessor & Facult. Jurid. Francof. Ordinarius, *Caspar Zieglerus*, Jctus, Consil. Appell. Elect. Sax. & Ordinarius Facult. Jurid. Witteb. *Vitus Ludovicus v. Seckendorf*, Eques Imperii, Consiliarius Elect. Sax. & Brandenb. Intimus, & Universitatis Fridericianæ Cancellarius, *Erasmus Francisci*, Polyhistor Noribergensis, *Adrianus Stegerus*, Consul Lipsiensis, *Abasverus Fritschius*, Consiliarius Intimus & Cancellarius Rudolphopolitanus, & *Georgius Francus de Franckenau*, S. R. I. Eques, Consiliarius justitiæ & Archiater Danicus.

*A DISCOURSE OF THE UNITY OF THE CHURCH; OF
the Separation of the Dissenters from the Church of En-
gland, &c.*

i. e.

*DISCURSUS DE UNITATĒ ECCLESİÆ; DE EORUM, QUI
Dissentientes audiunt, Separatione ab Ecclesia Anglicana; de Li-
centia, quam sibi sumunt iidem Ecclesias erigendi contra Ecclesias reli-*

MENSIS MAJI A. MDCCCV. 233

*religionem legibus stabilitam profitentes, nec non de Ordinatione
Ministorum sive Doctorum, quos illi eligunt. Autore RO-
BERTO BURSCOUGH, Magistro Artium, Vicario
Totnessæ, & Archidiacono Baarnastap-
pulenfi.*

Exoniæ apud Samuelem Farley, 1704. 8. Prostat Londini apud
Th. Bennet. Constat plag. 14.

Dicavit Reverendus Autor præsens opusculum Viro Reveren-
dissimo Jonathan Trelawny, Præsuli Exoniensi, utque hoc
officium in eundem conferret, causam fuisse ostendit ejus in se
voluntatem beneficam & vere generosam, tum etiam singularia in
Ecclesiam Anglicanam merita, ab externis quoque, & præcipue a
Clarissimo Petro Jurieu, passim laudata. Tractationem totam eo
animo suscepit, ut responderetur Autori anonymo, qui in libro,
cui titulus *Dissenters no Schismaticks*, haud ita pridem divul-
gato, vindicare voluit a Schismaticorum appellatione eos, qui ab
Ecclesia Anglicana dissentiunt. Non autem hæc nova est, & in-
ter hos viros nunc demum agitari coepta controversia, sed jam
ante scriptis aliquot publicis hac de re inter se pugnarunt. Ho-
rum si copia nobis facta fuisset, melius nunc possemus summam
libri præsentis, qui ad scripta prius edita passim se refert, hoc loco
exhibere. Fungemur tamen officio nostro, quoad ejus fieri potest,
& tractatus hujus argumentum summatim recensere.

In præfatione Adversario suo exprobrat Autor, quod in scri-
pto ultimo, haud secus atque in priori, calumniis ipsum onerave-
rit & convitiis, quæ sint a viro, qui vel minimum habeat huma-
nitatis sensum, nedum ingenuo vel Christiano, maxime aliena.
Collectionem *Φερόμεν* quarundam ab eodem adhibitæ sub-
jungit, ut, quam acerbum ille se exhibuerit, manifestius appa-
reat. In eo autem præcipue injuria se lacesitum fuisse signi-
ficat, quod ipsum Antagonista odii implacabilis in Dissidentibus,
animique non nisi flammam & ferrum in illos spirantis reum po-
stulare non dubitaverit, cum tamen nihil omnino adsit, propter
quod in suspicionem voluntatis adeo infestæ trahi queat, multo-
que potiori jure tota ista criminatio recadat in accusatorem, quem
ad exitium ecclesiæ per leges publicas in Anglia stabilitæ propen-
sissimum

p. 1.

p. 2.

p. 3.

p. 8. *issimum esse demonstrat. In ipsa tractatione id potissimum Auctori est propositum, tum, ut vindicet ea, quæ in scripto quodam antecedenti asseruerat de unitate Ecclesiæ, tum, ut inquirat, an non schismatis rei sint habendi, qui ab ecclesia Anglicana discesserunt, tum vero etiam, ut evincatur, auctam esse horum culpam, dum ecclesias atque ministros peculiares sibi constituerint, & pastores vocatione legitima destitutos elegerint.*

p. 10. *Illorum, quæ in Sectione prima disputantur, vis omnis eo præcipue redit, ut evincatur, 1. esse necessarium & permissum, ut quædam in sacris literis non expressa determinantur circa cultum divinum; 2. determinationem istam fieri debere ab his, qui legitima pollent autoritate; 3. tali determinatione facta, officium esse eorum, qui reguntur, ut pareant. Quod ad prius attinet, Deum quidem generalia dedisse præcepta ostendit eorum, quæ pertinent ad cultum ipsius externum, non vero semper specialia, scilicet ratione loci, temporis, modi &c. neque tamen fieri posse, ut, si cujusvis arbitrio hæc relinquantur, ordine ac decenter omnia fiant, vel ulla omnino sit Christianis inter se communio. Sic ex. gr. cantum*

p. 29.
p. 26. *Psalmorum partem esse ait liturgiæ atque a Deo præceptum, sed cum modus canendi non sit pariter ab eodem præscriptus, sine regula humana futurum, ut alii indiscriminatim omnes, alii solum artis canendi peritos, alii certum ac selectum horum numerum, alii unum duntaxat eundemque præ cæteris in Musica excellentem, ad canendum admitti velint; ut quidam omnes non interrupta serie, quidam vicibus alternis canere malint; ut alius hunc, alius alium hymnum postulet; ut alius hoc, alius alio modo cantum moderetur; ut huic prosa, illi versus & rhythmus placeant &c.*

p. 34. *Deinde probat, quod ipsi Apostoli, & qui eorum tempora proxime attigerunt, Viri maxime pii & ad mortem usque Christo fideles, nonnulla introduxerint, vel jam olim introducta continuari permiserint, quæ in se erant indifferentia, nec a Deo speciatim mandata. Eo pertinere dicit decretum Hierosolymitanum de omittendo esu sanguinis & suffocati, ejusque quod simulacris fuerat*

p. 40. *immolatum, Act. XV, 28. 29. Diei Dominicæ surrogationem in locum Sabbathi. Unctionem infirmorum, injunctam in epistola Jacobi cap. V, 14. Baptismi celebrationem ejusmodi ritibus factam,*

et

ut Salvatoris nostri exequias quasi referret, quo respicere ait Paulum Eph. IV, 22. Coloss. III, 9. Galat. III, 7. Oblationes, a primis Christianis, cum publice convenirent, fieri solitas, item *αγάπας*, quarum extet mentio 1. Cor. XI, 21. 22. 23. Elevationem atque lavationem manuum tunc adhiberi consuetam, cum quis preces fundere volebat; conf. 1. Tim. II, 8. Lavationem pedum, de qua Christi quoque præceptum adsit Joh. XIII, 14. Quemadmodum & de excussione pulveris, tanquam indignationis Divinæ signo contra eos adhibendo, qui Doctores Divinos non receperint, Marc. VI, 12. Act. XIII, 51. Institutionem Diaconissarum, de qua Rom. XVI, 1. Salutationem cum osculo charitatis, de qua Rom. XVI, 16. Manuum impositionem 1 Tim. V, 22. Hebr. VI, 2. Act. VIII, 15. 17. Capilli resectionem viris injunctam 1 Cor. XI, 14, item ut hi capite nudato, foeminae contra operto precari jubeantur, 1 Cor. XVI, 5. 7. Ex quibus omnibus multa eodem jure, quo recepta fuerant, iterum abrogata fuisse ostendit. Ritustamen Apostolicos & in omnibus ecclesiis universaliter usitari cœptos, quoties rationes eadem, quæ olim ut introducerentur effecerunt, nunc quoque continuationem illorum suadent, neutiquam esse abolendos monet, idque ad ea, quæ primis Christianis de die Dominica, de impositione manuum in ministrorum ecclesiæ ordinationibus adhibenda, item de confirmatione post susceptum baptismum placuerunt, specialiter applicat. Tertio, quam sit necessarium ad cultum Divinum recte peragendum, ut præter ea, quæ præcepta sunt a Deo, unum alterumve, quod ad ritus pertinet, determinetur, ipsos adversarios haud semel agnovisse ostendit, idque præcipue tempore illorum tumultuum, quos funesta Caroli I cædes tam celebres reddidit.

In tractatione alterius thesæos ita versatur, ut primo evidens esse dicat, quod non nisi superiores normam præscribere possint, ad quam inferiores regantur; deinde vero, quinam hic pro superioribus legitimis haberi debeant, exponat. Nimirum singulis Apostolis a Christo concessam asserit potestatem, ut de rebus arbitrariis ad religionis exercitium pertinentibus statuant; eandem potestatem, haud secus ac docendi munus & sacramentorum administrationem, transmisisse illos in successores & eos, qui in horum locum ordinatione legitima accedente successerunt, horumque auctori-

P. 45.

P. 47.

P. 50.

P. 51.

P. 52.

P. 55.

P. 56.

P. 55.

F. 43.

P. 55.

P. 33.

P. 31. 35. 64.

P. 25. 54.

P. 68.

- p. 23. toritatem multum augeri, si quoque Principis & Magistratus politici consensus atque auxilium concurrat. Ita autem judicat de potestate ista superioribus competente, ut nec restringi eam velit
- p. 61. ad introductionem ceremoniarum naturalium, prout Adversarius eas appellat, h. e. talium, quas ipsa quasi natura introduci postulat, nec tamen etiam extendi ad impositionem quarumvis rerum sua natura indifferentium; quandoquidem ad hoc, ut aliquis ritus injungatur, insuper necessarium esse dicit, tum ut ille sit consentaneus regulis generalibus Sacrae Scripturae, rerumque sacrarum dignitati congruens, tum ut significatum aliquem habeat, & sit quasi symbolum ejus rei, cujus intuitu introducitur: quemadmodum ex. gr. nudare caput olim fuerit signum autoritatis in viris, contra velo caput operire signum verecundiae in sexu sequiore. Unde porro concludit, quod, cum significatio ceremoniarum saepe variet, pro diversitate temporum atque locorum, æquum sit, interdum & necessarium, ut, quod olim fuit receptum, hodie mutetur, & quod hoc in loco conveniens est, id alibi rejiciatur, quodque adeo non possit regula dari ritus praescribens, qui semper & ubivis sint observandi.

- p. 22. Tertiam thesin, ex variis Scripturae locis, ex. gr. Hebr. XIII, 7. 17. 1 Thess. V, 12. 13. probatam, ita explicat, ut res, quae sua natura erant indifferentes, post praeceptum superioris fieri necessarias commonstret, atque illarum observationem doceat se habere
- p. 74. instar conditionis, sine qua nequeat esse communio cum ecclesia, in qua quis degit. Ne vero, dum fideles ad obsequium tale obstringit, eripere illis videatur libertatem, in qua secundum Apostoli praeceptum Gal. V, 1. stare debent, concedit ipsis facultatem inquirendi, an talis sit lex superioris, ut salvo erga Deum officio eidem satisfieri queat. Sequentes tamen regulas, ut cautionis loco hic observent, inferioribus commendat; i. ut nil condemnent, quod non ex S. Scriptura probare possint, vel directo vel per necessariam sequelam, pugnare cum praecepto aliquo Divino; 2. ut perpendant, posse a superioribus peccari, dum certas ceremonias praescribunt, ex. gr. si minus utiles magis utilibus praeponent, nec tamen propterea minorem adesse necessitatem parendi, postquam res ejusmodi fuerunt injectae; in cujus asserti fidem
- p. 35.
- p. 79.
- p. 80.

fidem locum Baxteri, qui & ipse Presbyterianus, allegat; 3. ut non existiment, ignorantiam suam vel errorem excusare posse neglectum debiti obsequii; in qua sententia se Baxterum eundem habere consentientem indicat; 4. ut maxima sollicitudine id agant, ne prius obedire recusent, quam de re, de qua dubitant, plenissime fuerint instructi; 5. ut consultant eos ministros, qui sunt autoritate publica stabiliti, atque ab his præcipue scrupulos, quos habent, evelli sibi patiantur.

p. 81.

p. 82.

p. 83.

In Secunda Sectione quædam præmittit Autor ab Adversario sibi concessa, 1. Schisma esse discessionem illegitimam ab ecclesiastica communione; 2. eam discessionem pro illegitima habendam, quæ sine peccato potuisset evitari; 3. inter Ecclesiam Anglicam, & eos, qui Dissidentes dicuntur, talem discessionem contigisse. Mox quæstionem, quæ sola veniat in controversiam, nimirum, utrum in his, an vero in illa, discessionis culpa resideat, subjungit. Deinde, quod non Ecclesia Anglicana, sed Dissidentes Schismatis rei sint, variis argumentis, quorum partem jam *in præcedentibus* in Sectione prima attigerat, confirmat. Illud vero speciatim urget, quod nec iniqua sint, quæ Anglicana Ecclesia introduxit, nec adeo gravia, ut ulli justam conquerendi causam parere potuerint, atque ibi præcipue ritum in genua procumbendi, cum ad sacram Cœnam acceditur, contra Adversarium suum vindicat, qui eundem rejiciendum existimaverat, tanquam non congruentem gestui, quo usus sit Salvator in prima hujus sacramenti institutione, ac nimis prope accedentem ad cultum idololatricum Pontificiorum. Adhuc magis copiosus est in eo ostendendo, quod non constet sibi Adversarius, dum Ecclesiam Anglicanam Babylonii comparet, unde quemvis, cui sit cordi salus animæ suæ, egredi oporteat, atque ritus ejus tanquam execrabiles & abominandos in oculis Dei depingat, nec tamen defendere dubitet, posse Dissidentes, imo oportere illos communicare cum dicta Ecclesia, si per id habiles se reddere queant ad officium aliquod publicum. Aut enim falsa esse debere contendit, quæ contra memoratam Ecclesiam protulerat, aut omnino abstinendum esse ipsi atque affectis a communione cum eadem; simul deducens, quod his, qui duntaxat

p. 84.

p. 31.

p. 116. seq.

p. 98. 105.

p. 95.

p. 100. seqv.

p. 128.

- p. 129. lucri spe oblata & ad exiguum tempus se conformes reddunt Ecclesiae, quam alio tempore condemnant, neque profit exemplum Davidis & sociorum, de quo 1 Sam. XXI, 6, item Matth. XII, 3. 4, neque incolarum Samariae 2. Reg. VI, 25, neque Pauli Apostoli Act. XVI, 3. Act. XVIII, 18. Act. XXI, 24, neque etiam id, quod de natura rerum indifferentium, quasi eligendae simpliciter sint, si boni alicujus praeponderantis eventus inde pendeat, idem Antagonista dissenserat. Passim quoque monet, agnoscere Presbyterianos reliquos Dissidentes pro Schismaticis, nihil tamen his obijci posse, quod non idem contra illos adhiberi queat, & causam in eo adhuc esse deteriore, quod reliquis viam quasi sese ab Ecclesia separandi monstraverint. Tandem regulas quasdam examinat, quibus justitiam ejusmodi separationis probari posse, Dissidentes sibi persuadeant, quarum prima est: nihil esse faciendum dubia conscientia; altera, cum rerum, quae licitae sunt, aliae sint aliis meliores, semper esse praefendas, quae maxime expediunt; tertia, in usu rerum indifferentium illud maximopere curandum, ne simus aliis offensionem. Quarum primam statuit vim suam perdere, si adsit non solum res in se licita, sed & superioris de ea praecipuum; quandoquidem in tali casu, si dubitationes ab obsequii vinculo liberare aliquem possent, nihil foret, quod efficaciter obstringeret Pyrrhonianum aliquem ac de omnibus dubitare valentem. Ad alteram respondet, quod, quae cuivis maxime expedire videntur, non statim re ipsa expediant; deinde, quod eligere tantum sit eorum, qui suo relinquuntur arbitrio, non etiam eorum, qui ab aliis reguntur. Ad tertiam illud monet, quod si scrupulis omnium esset gratificandum, necessum foret, ut orbis universus leges accipiat ab hominibus maxime stultis, ignorantibus, protervis, suisque affectibus obtemperantibus, ut ruat omne debitum erga superiores, atque in erroribus magis confirmetur, quos corrigi ac in meliorem viam reduci charitas exigat. Denique testem pro se iterum producit Baxterum, & quam absonum sibi videatur, eo obtentu, ne alius praebetur offensio, Schisma excitare, quod sit offensionum omnium longe pessima ac perniciosissima, exponit.

p. 150.

Argumenti, cujus tractationem tertiae Sectioni reservavit, duas

duas partes facit. Prima quidem multum accessisse asserit ad culpam eorum, qui ab Ecclesia per leges Regni in Anglia stabilitas desciverint, quod in cœtum aliquem peculiarem coierint, templa resque suas sacras separatim sibi habere cœperint, sacrorum quoque ministros a suo tantum arbitrio pendentes constituerint, verboque idem illud fecerint, quod veteres dixerint erectionem altaris contra altare; in quo nec eandem fuisse causam Ecclesiæ Anglicanæ statuit, cum illa se abstraheret ab Ecclesia Romana, neque verum esse, quod prætexant adversarii de quadam necessitate, qua ad susceptam a se discessionem fuerint compulsi. Deinde id probandum sibi sumit, quod ministri, quos sacris suis adversarii præficiant, vocatione atque autoritate legitima destituantur, tam illi, qui præstito jurejurando, quod postea violent, ordinationem accipiant ab Episcopis, quam hi, qui ordinentur a Presbyteris simpliciter ita dictis. Hos enim ordinandi potestatem nec a Christo accepisse contendit, nec per decem secula priora post orbem redemptum eandem sibi vindicasse. Patres quoque ecclesiæ, qui plurimum Presbyteris faveant, & plurima illis largiantur (in quibus nominatim Hieronymum allegat atque Chrysostomum) semper ordinationem diserte retulisse ait inter res ad eosdem non pertinentes. Ceterum dum amoliri studuit Adversarius suspicionem, quod consilia Presbyterianorum tendant ad exitium Ecclesiæ, quam publicæ leges in Anglia confirmarunt, Noster quod non adeo fallantur opinione, qui secus hac in re de Presbyterianis existiment, hac eadem sectione demonstrare operam dedit. In fine libri denuo exprobrat Antagonistæ convitia, quæ in ipsum innocentem conjecerit, & quantum falso, quam inconsiderate, quam denique contra propria & allelarum commoda ille scripserit, paucis ostendere allaborat. Confilium addit, atque id præsertim debere Adversarium curare monet, ne, cum apertius tenuerit viam, quam cautius incesse-
rit Autor libelli, *Short Work with the Dissenters*, eadem fata sentiat, quæ ille (propterea numellis publice expositus) sit expertus.

NOVA LITERARIA.

In Hollandia impressio Operum Erasmi strenue procedit, cui novæ editioni ingens ornamentum accedet, cum Bibliopola solertissimus, Petrus van der Aa, ultra quadringentas Erasmi epistolas ex illu-
stri-

P. 151.

P. 152.

P. 157.

P. 160.

P. 173.

P. 182.

P. 183.

P. 162.

P. 185.

P. 194.

tribus bibliothecis nactus fuerit, nunquam typis excusas: ut tomus etiam tertius, qui epistolis erat destinatus, in duo volumina fuerit dividendus.

In Moscovia uti supremus ipse Monarcha *Petrus Alexiovitius* Architecturæ Militari, Navalique & Mechanicis Artibus aliis, inusitato studio incurabit: ita bonarum quoque literarum & liberalium artium quarumcunque cultus magis magisque vigere incipit. In ipsa urbe principe Vir Reverendus, *Ernestus Glück*, Præpositus Livoniensis, qui post Narvam a Russis expugnata captivus Moscuam abductus est, sed gratia nunc apud Potentissimū Czarem floret, Scholam Illustrem (ut ex ejusdem epistola ad Amicum nostrum & Fautorem æstumatis-simū, *Henricum ab Huyssen*, S. Czarex Majestatis Consiliarium in re militari, Serenissimi vero Principis Hæredis *Alexii Petrovicii* studiorum Rectorem, non ita pridem accepimus) instituit, instruxitq; typographiam edendis omnis generis libris, qui studiosæ juventuti commendari cum fructu solent. Dolet vero vehementer Vir optimus, quod Rutheni nondum fruantur accurata satis SS. Bibliorum versione Slavonica, cum ea, qua hætenus utuntur, vitio seculi, quo a *Methodio Illyrico* confecta est, magna obscuritate laboret, ut vix periodum integram laicus Ruthenus ad amussim possit intelligere. Cui malo quidem nonnullum adhibitum est remedium, cum Moscuæ nuper admodum hoc ipso anno 1705, a *Theodoro Polycarpo*, S. Czarex Majestatis Architypographo, *Dictionary Trilingue, h. e. Dictionary Slavonicarum, Græcarum & Latinarum Thesaurus, juxta Slavonicum Alphabetum in ordinem dispositus*, in 4. fuerit editus, ut vocibus obscurioribus in versione illa Slavonica obviis lux jam aliqua sit accensa. Sed illud remedium nondum sufficere Glückius noster existimat, cum haud pauca in versionem irreperint menda alia, & cum ipsa analogia fidei pugnantia; ut jam a longo tempore publico S. Czarex Majestatis mandato interdictum sit, ne a quoquam imprimeretur denuo, ac in lucem emitteretur. Itaque novam plane versionem adornari, optandam fuerit, neq; ad rem eam quisquam ipso Glückio magis futurus est idoneus, qui talem jam olim ex fontibus perfecerat, sed in direptione hostili Bibliothecæ ipsius universæ, cū Narva prædæ militum furibundorū pateret, amissam, & jam nunc versionem Novi Testamenti Græci iterum se aggressum, in epistola supra memorata proficitur. Quod si licet ergo, calcar & nos diligentissimo Viro addimus, ut cœptum opus perficiat, ac de gentis Russicæ salute præclare mereatur, in Divini Numinis gloriam, Christianæque religionis insigne augmentum.

* * *

ACTA ERUDITORUM,

*publicata Lipsiæ
Calendis Junii, Anno MDCCCV.*

D. ÆGIDII HUNNII *THESAURUS APOSTOLICUS*, complectens *Commentarios in omnes N. T. Epistolas & Apocalypsin Johannis*. Nunc primum hac forma editus, & novis, quæ antea deficiebant, *Commentationibus auctus & locupletatus a JO. HENRICO FEUSTKINGIO, Doctore Theologo, Ecclesiæ Collegiæ Kembergensis Præposito & totius Dioceseos Superintendente.*

Wittebergæ apud Joh. Wilh. Meyerum & Godofr. Zimmermannum, 1705 in fol. Constat 14 Alphab. & 13 plagulis.

Cum insignis ac de Ecclesia Christi immortaliter meriti Theologi, B. Ægidii Hunnii, edecumata in Epistolas N. T. *Commentationes* a multis avidæ, sed ob exemplarium inopiam, frustra hætenus quæsitæ fuerint, de orbe Christiano præclare admodum meritis est Vir Celeberrimus D. J. H. Feustkingius, dum easdem non modo in publicum rursus prodire jussit, sed egregio quoque augmento locupletare voluit. Quandoquidem enim laudatus Hunnius in Epistolas Pauli ad Romanos, Corinthios, Galatas, Ephesios, Philippenses, Colossenses, Thessalonicenses, primam ad Timotheum, Titum, Hebræos ac primam Johannis, solum accuratas lucubrationes reliquit, reliquas autem N. T. Epistolas, ob mortem repentinam, pari studio ac labore enucleare haut potuit, Maxime Reverendus Autor, ut defectum illum suppleret, in Jacobi & utramque Petri Epistolam, nec non Johannis Apocalypsin, breves quidem, sed solidas & perspi-

Hh
spi-

spicuas Johannis Winckelmanni, discipuli Hunniani, ejusdemque in Academia Marpurgenſi ſucceſſoris, Commentationes ſupplementi loco adjecit: ſecundam ad Timotheum, ſecundam & tertiam Johannis & Judæ Thaddæi Epistolæ ſua interpretatione ipſemet illustravit, ac præmiſſis prolegomenis, cujuſlibet capituli argumentum & diſpoſitionem, analyſin ſenſum, atque locos communes, laudatorum Duum-Virorum methodum ſecutus, curate nobis tradidit. Neque ſilentio prætermittendum, Venerabilem Apoſtolici hujus Theſauri Editorem B. Hunnii Commentarios ad Helvici Garthii, qui illius gener fuit, exemplar, quod Divino quodam fato ex bibliotheca Pauli Röberi ipſi obtigit, in multis locis emendaſſe, correxiſſe, per verſus & minores quosdam paragraphos diſtinxiſſe, atque in elegantiorẽ formam hunc cumulatiſſimum Theſaurum redegiſſe, ac ſub finem operis luculentum rerum & verborum indicem addidiſſe. Tandem benevolũ Lectorem celare nolumus, Doctiſſimum Virum intra ſemestri ſpatium Theſaurum Evangelicum, in quo Hunnii in Matthæum & Johannem, Winckelmanni in Marcum & Lucam, atque Arcularii in Actus Apoſtolorum Commentarii exhibebuntur, cum orbe erudito communicaturum eſſe, illudque opus jam ſub prelo ſudare.

**PROCESSUS OFFICII FISCALIS CURIÆ ECCLES.
Mechlinienſis contra Domnum GABRIELEM GERBERON,
Ordinis S. Bened. Congregat. S. Mauri Preſbyterum.**

Bruxellis, typis viduæ Petri van de Velde, 1705. 4.
Conſtat plag. 15.

GAbrielis Gerberonii nomen, alioqui inter literatos ob edita Marii Mercatoris Acta non incelebre, poſtquam diu delituiſſet, multo cum apparatu in lucem jam prodit. Ille A. 1682, ob ſuſpicionem Janſeniſmi, ex patria, Gallia, auſugerat, latibula tum apud Belgas Fœderatos, tum maxime apud Brabantos, ſub Antonii Kergré appellatione quærens. Cum vero Janſenianæ, quæ dicitur, factioni & libellis conſcribendis & conſilio diu inſerviſſet, tandem Illuſtriſſimi Archiepiſcopi Mechlinienſis, Humberti Gui-

Guilhelmi a Precipiano, jussu die Mercurii post ferias Pentecostales anni 1703, Bruxellis captus & in Galliam transvectus est. Cum vero Archiepiscopus passim non servatæ in hac causa juris viæ argueretur, ejusdem imperio Fiscalis Advocatus Curiae Ecclesiasticæ Mechliniensis, J. A. Vaes, præcipua Processus Juridici contra Clar. Gerberonium instituti monumenta edidit, præmissa ipsius Archiepiscopi præfatione.

Enarrata igitur facti historia, libellus, quem vocant, conventionalis exhibetur, quo Gerberonius de editis, suppressio vel ficto nomine, variis Jansenianam doctrinam foventibus & promoventibus, inque Ecclesiasticum Magistratum, cum primis Archiepiscopum Mechliniensem & Gandavensem Episcopum, injuriis scriptis, de defensis quinque notissimis Jansenii propositionibus, explosis & joculariter tractatis Romanorum Pontificum decretis, de curata nova operum Mich. Baji editione, de commercio cum Jansenianis Hollandicis habito, & turbata universim Mechliniensi diœcesi accusatur. Accedit intentatorum horum criminum probatio ex schedulis Gerberonii manuscriptis, literisque variis ad illum missis, quæ in suppellectili ejus libraria, cum captivus abduceretur, inventæ dicuntur. Sequitur libellus, quem vocant, additionalis, peculiarem deductionem istarum accusationum, maxime primæ, complectens, similibusque probationibus munitus. Hunc excipit alter libellus additionalis ejusdem argumenti, secretum Gerberonii cum Paschasio Quenellio commercium inprimis prodens, & probationibus geminis firmatus. Singulis libellis e regione accusationum appositæ sunt Gerberonii responsiones, quibus se maximam partem reum confitetur. Claudit opusculum Archiepiscopi Judicatum, Gerberonium, velut Jansenianum, ut ad Abbatiam suam in Gallias, ibidem corrigendus, deducatur, condemnans.

Amantibus literariæ rei cum primis volupe erit, videre hic detectum auctorem plurimorum a triginta circiter annis, suppressio vel ficto nomine, editorum librorum, e quorum ingenti numero quosdam hic enotabimus. Tribuuntur enim Gerberonio e propria ipsius confessione

Lettre à Mr. Abelli, h. e. Epistola ad Abellium, Rhodiensem Episcopum, contra ejus librum de Excellentia B. Virginis, A. 1674 edita.

La Fable du tems, jocosus in Archiepiscopum Rothomagiensem & Episcopum Sagiensem libellus.

Memorial Historique &c. i. e. Historica Recensio eorum, quæ ab A. 1647 usque 1653 circa quinque propositiones acta sunt, edita A. 1676.

Miroir de la Pieté, i. e. Speculum Pietatis, doctrinam de Prædestinatione cum consecrariis ejus considerans, editum A. 1677 sub nomine Flori de S. Fide; qui liber ab Archiepiscopo Rhemensi & Aquensi damnatus, a Gerberonio vero litteris quibusdam defensus est.

Catechisme du Jubilé & des Indulgences, i. e. Catechetica Institutio de Jubilæo anno & Indulgentiis.

La Verité Catholique victorieuse, i. e. Veritatis Catholicæ Victoria contra Triumphum Corn. Hazart, Jesuitæ, edita A. 1684.

Deux lettres &c. i. e. duæ Epistolæ adversus Hazarti Defensionem, sub nomine Ignatii du Chesne scriptæ.

L'Eglise de France affligée, i. e. Ecclesiæ Gallicæ Afflictio, quam oppressis Jansenianis tulit, edita A. 1688 sub nomine Poitevin.

Abregé de la Doctrine &c. i. e. Compendium doctrinæ de Prædestinatione & Gratia.

Korte ende nodige Onderwysinge &c. i. e. brevis Catholicorum Belgarum Institutio de lectione Scripturæ, qua libellus Episcopi Castoriensis eandem laicis concedens defenditur, edita A. 1690. Quæ cum ab Archiepiscopo Mechliniensi & Episcopo Gandaveni damnaretur publicis decretis, jussuque Consilii Regii Geldrensis Ruremondæ combureretur, Gerberonius schedis quibusdam defendit id scriptum, & Præsules graviter accusavit.

Entretien d'un Abbé & d'un Jesuite &c. Colloquium inter Abbatem & Jesuitam Flandricum de subscriptione formulæ Anti-Jansenianæ, editum A. 1692, quod posthæc duo alia colloquia ejus argumenti exceperunt.

Quæstio Juris, an lectio Scriptura S. Caroli V editis populo prohibita sit? edita A. 1691.

Critique des Prejuges de Mr. Jurieu, i. e. Examen Præjudiciorum Jurii, sub nomine Abbatis Richardi; quem librum in his Actis A. 1690 p. 565, 608 recensitum invenies.

Quæ-

Quaestio Juris Pontificii circa Decretum ab Inquisitione Romana adversus XXXI Propositiones latum, edita A. 1693.

Adumbrata Ecclesia Romana Catholicaque veritatis de Gratia, adversus Melch. Leydeckeri Historiam Jansenismi, Defensio, A. 1696 sub Ignatii Eyckenboom nomine evulgata, & Romæ damnata.

Disquisitiones duæ de gratuita Prædestinatione, & Gratia se ipsa efficaci, A. 1697 sub nomine Mart. du Chesne publicatæ, & Romæ condemnatæ.

Traitez Historiques sur la Grace, nihil sunt aliud, quam præcedens libellus novo titulo instructus, & sub Abbatis de S. Juliano nomine editus.

Norifius aut Jansenianus, aut non Augustinianus. Rothomagi, 1699. Liber, quem Gerberonius a se compositum fatetur, editum a se negat.

La Veritable Lettre de M. l'Abbé le Rossu sur le livre du Cardinal Sfondrati, intitulé: Nodus Prædestinationis. Parisiis, 1698. Quem librum se composuisse non solum fatetur Gerberonius, sed & addit, in dicto Nodo contineri quædam dogmata plusquam Pelagiana.

Histoire Generale du Jansenisme, i. e. Jansenismi Historia generalis, A. 1700 Gallice edita, & in his Actis A. 1701, pag. 289 recensita.

Discordia Janseniana Enarrator.

Estrenes, &c. i. e. Strenæ ad Inquisitores, quibus Romana Inquisitio perstringitur, editæ A. 1700.

Le Chrétien desabusé sur le sujet de la Grace, i. e. Doctrina de Gratia Christianis rectius explicata, edita A. 1701.

La Constance Chrétienne, i. e. Fiducia Christiana quatuor immobilibus innitens fundamentis, edita A. 1701, atque a Theologis Lovaniensibus & Duacenis damnata.

Mart. Steyarti Morbus & Remedia.

La nouvelle Logique du Sr. Bois-verd, ed. A. 1702.

Anselmus per se docens.

Deprehenduntur hic etiam passim libri a Gerberonio conscripti, sed in MStis adhuc latentes, quales sunt Dialogus inter S. Anselmum & Bosonem ejus discipulum, Occasus Jansenismi, &c.

Præterea ex ipsius Gerberonii confessione probatur, eundem Specimina Theologiæ Moralis tutissimæ, quæ Ægidius Gabrielis Latine edidit, quæque Romæ damnata sunt, Gallice scripsisse, vel, ut suspicamur, transtulisse, p. 10; novam Michaëlis Baji Operum editionem, quæ A. 1696 prodiit, ab ipso præcipue esse curatam, p. 26. 51. Idem confessus dicitur pag. 65, quod Jansenii aliorumque ad Abbatem San - Cyranum literas, adscito Franc. du Vivier nomine, ediderit.

FRANCISCI DE VARGAS, PETRI DE MALVENDA, Veterumque quorundam Hispania Episcoporum, de Concilio Tridentino Epistolæ & Observationes Latinitate donatæ.

Brunsvigæ, impensis Christ. Frid. Fikkeli, A. 1704. 4.
Alph. 2. pl. 18.

Historiæ Concilii Tridentini illustrandæ, & maxime iis fere omnibus, quæ Petrus Suavis, vel potius Paulus Sarpus, de hoc Concilio jam pridem literis prodidit, confirmandis has Hispaniæ quorundam Episcoporum Epistolæ inservire, tum jam a nobis indicatum fuit pluribus, cum Gallicam eorundem versionem, a Michaele Vassorio adornatam, A. 1699 *Mens. Jun. p. 261* in Actis his recenseremus. Nam quæ Hispanica lingua (præter aliquot solum Gallorum quorundam responsorias) ab Episcopis Hispanis manuscriptæ, in *Trumbullii*, Equitis Angliæ Illustrissimi, Bibliothecam privatam pervenerant, Epistolæ, illæ primum a *Michaële Geddesio* in linguam Anglicanam traductæ, cura Celebrissimi *Stillingfleeti* Londini A. 1697 in 8 juris publici factæ sunt. Postea *Michaël le Vassor*, Vir non minus celebris, easdem in Gallicam linguam translatis, nec non adnotationibus præterea doctissimis passim illustratis, Amstelodami A. 1699 in 8 luci publicæ exposuit. Et jam etiam, una cum Vassorii notis, a *Jona Conrado Schrammio*, Viro Clarissimo, Latinitate donatæ, in Germania nostra prodierunt, non exiguo orbis literarii emolumento. Equidem *Pastres Trevoltenses*, e Societate Jesu, Vassorio, cum Gallica jam lingua ab eo ederentur, valde indignati, inter acerbas satis suas ad
has

has literas animadversiones, quas recensitionis suæ loco Actis vel Commentariis suis Historiæ Scientiarum adornandæ inserituris, mense Februario anni 1703 inseruerunt, fidem ipsis ob duas præcipue causas dubiam reddere sunt annisi. Primo, observatum non fuisse, quomodo in hæc monumenta inciderit, vel qui servavit illa, vel qui reperit. Deinde etiam nondum satis esse demonstratum, num genuina illa sint, & ab iis revera provenerint, quibus tribuuntur? num vero, quod facile credendum sit, quidam Protestantium ea conceperit, posteris ita illusurus? At quæ ad hæc prævisa facile Pontificiorum tela, e Vassorio jam in recensitione editionis Gallicæ a nobis fuerunt præmonita, ea nunc fortius sub finem præfationis suæ, Latinæ versionis præmissæ, Schrammius noster adversus Trevoltenses urget, & uberiori aliquantum confutatione tuetur. Ceterum in ipsa præfatione non ineruditam de turbis, tum Ecclesiasticis, tum Civilibus, propter Concilium Tridentinum, inter ipsos hinc inde Pontificios exortis, commentationem instituit, & quomodo cordatiores Pontificii, tum in Italia, tum in Hispania, tum in Gallia, tum in Polonia, tum apud Venetos, tum etiam in Imperio Germanico, cum summis quandoque Principibus, vel publicum, vel privatum suum a Concilii Tridentini decretis dissensum, a prima statim ejus convocatione ad nostra usque tempora, subinde declaraverint, solertissime commemorat, alia denique adhuc monumenta, Historiam Concilii egregie illustrantia, & nondum antehac visa, orbi literario pollicitus.

HERMANNI von der Hardt AD CL. V. PAULUM
MARTINUM NOLTENIUM, in Historiam Mosis Genes.

Il, 18. 19. 20. de vocatis ab Adamo animalibus, Epistola.

Helmstadii, A. 1705 in 8. plag. 2 ed. sec.

Quod dudum optant Viri præstantes, ut hujus Epistolæ Illustris Autor, alias ab Actis Constantiensis Concilii, aliisque monumentis nobis merito laudatus, suas *Annotationes in univ-
sum V. T.* quas domi servat, cum erudito orbe communicet, id illi nondum possunt impetrare. Nec tamen usque adeo invidet

det Reipublicæ literatorum, ut non interdum e scriniis suis promat, quo Lectores philologos & cupidos doctarum lucubrationum recreet. Expectant illi avide, & jam fere pollicentur sibi *Historiam Abrahami, Isaaci, Jacobi, Commentarium item in Hoseam*, ab eodem Autore, intereaque dum illorum & plurium potiantur, & hanc Epistolam cupide arripiunt ac legunt. In qua primum proponit quæstionem, Epistolæ nempe totius argumentum: *Num Adamus, omnibus brutis, volatilibus & terrestribus, nomina imposuerit, natura cujuslibet congrua; & num vestigia illius facti apud Moſen deprehendantur genuina?* Nec vero dissimulat, *Judaorum vulgus* id quidem velle, Adamoque ut istam laudem concilient, historiam Gen. II, 19, 20 descriptam proferre. Verum his ita respondet, ut ignorantiam scriptorum Moſis ipsis objiciat, qui Moſen frustra crepent & ostendent, quem in suæ gentis laudem vel invitum semper pertrahant. Idque agere etiam h. l. plerosque Rabbiorum, ut ex Adami hac nominatione dein asserant *lingua Judaica cum antiquitatem ac dignitatem*, tum pondus ac vim significandi inexplicabilem. Hanc opinionem, cum aliis multis, fuisse ad Christianos ita propagatam, ut viri eruditissimi, Buxtorfius & Bochartus, ne vix quidem evitare fucum Judæorum potuerint. Quibus id opponit, quomodo brutis imposita ab Adamo nomina significantiora putent ipsius nomine *Adami*, quod Deus indiderit, & hominem, humo natum, tantum indicet, naturam hominis non attingat. Quod si quis, contra ac Moſes, a pulchritudine dictum Adamum velit, neque hac quidem ratione naturam hominis esse expressam; quod invenustum foret, in colore & venustate essentiam hominis, nisi forte venustissimi & mollissimi sexus, collocare.

Deinde ad locum Moſis, ad quem provocari solet, progressus, docet primo, Geneseos capite II, 4, *Adami historiam* reconditam pertexturum divinum Scriptorem, genuinam Adami sedem notasse, qui ex illa regione, in qua conditus fuerat, transire jussus sit in vicinum Orientalem tractum, fecundissimam terram, quam coleret & conservaret, omni, præter unum aliquod genus, victu indulto. Atque hoc primum hujus historię momentum. Ad alterum v. 18 digredi Moſen, emendandis Israëlita-

illorum vocaret, designari judicat Autor illud Adami negotium, quo bruta nominasse jactetur ad naturam accommodate. Id enim historię scopum non ferre: quandoquidem *de socia Adamo quarenda* sermo sit, non de nominandis brutis. Atque esse ipsum absolum negotium cogendi ex universo orbe & nominandi bruta; quod multis incommodis prematur, quæ p. 19, 20, 21, 22 commemorantur. Nihil horum dicit Autor esse apud Mosē, Locutionem ejus pro scopo & contextu explicandam.

Jam ubi *solicitus de socia* inducatur *Adamus* a Mosē, alterum quoque errorem vulgi Ægyptiorum, Arabum, Sabæorum, finitimorumque, ab eodem tolli, nempe de occulto *animarum defunctorum utriusque generis*, & familiarium dæmonum cum homine commercio. Unde horum cultus & sacrificia quondam, Judæorumque Lilith & Styx Gentilium, sagarum denique opinio venerea hodieque audiantur; & leges his oppositæ a Mosē Lev. XVII, 7, Deut. XXXII, 17, Exod. XXII, 17, Lev. XIX, 31, XX, 6, 27 legantur. Eam ob causam Adamum describi non nonnisi inter animalia viva circumspicere jussum, *neque ex nullo alio genere auxilium pro societate sibi evocaturum, præterquam ex illis, quæ animantium viventiumque nomen secum ferrent*, exclusis animabus & dæmonibus. Nec quenquam, scopi memorem, autumatutum censet Interpres, Mosē illis verbis significari, ab Adamo unum illud *animalis vivi* nomen omnibus datum fuisse brutis, terrestribus & volatilibus; quod nullo id fine referret Mosē, & contra plane dicat Gen. I, 20, 21, 24, 25, Gen. II, 7, quodcumque vocaret Adamus pro auxilio, id nomen jam habuisse *vivi animalis*.

Post consilium Dei, v. 19 a Mosē enarratum, subjungit idem, Autore nostro judice, v. 20 *Adami factum & obsequium: nominatim, seu sigillatim, obvia omnis generis animantia percensuisse, sive domestica essent jumenta & cicuria, sive volucres, sive bestie agri aut fera quæcumque*. Omnia viva animantia, quocumque veniant nomine, attendisse serio, judicaturum, essetne aliquod illorum ad auxilium sibi idoneum. Pingique Adamum, seriem quasi omnium animantium obviorum iterum iterumque pertextentem, *exemploque dari Israëlitis, ne hi temere in bruta ruant*. Tan-

MENSIS JUNII A. M DCC V. 251

Tandem eodem fine ipsummet Adami judicium afferri monet Interpres noster, *atque ita*, a Mose concludi, postquam in omni genere animantium circumspexerat Adam, *pro Adamo non invenit auxilium*, & tale quidem, *quod praeſto illi ſemper eſſet*, ſeu jugale. Quæ diſerta *concluſio Moſis*, de non inventa Adamo ex brutis jugali & laborum humanorum ſocia, exacte reſpondeat ſuperiori *Moſis propoſitioni* & Divino oraculo, de neceſſaria Adamo conjugali, eaque quaerenda. Quæ cauſa ſit, cur Moſes his tandem ſubjungat veræ & dignæ Adamo conjugis originem, Adamique gaudium: nunc tandem in hac Eva deprehendo os ex oſibus meis & carnem ex carne mea, ſive jugalem, humanam, homini congruam, quam diu fruſtra quaſivit. Quo pacto *hiſtoria hac Moſaica penetrantiſſimum ad virtutem, honeſtatem, decentesque mores calcar ſit.*

GEORGII WOLFFGANGI WEDELII CENTURIAE
ſecundæ Exercitationum Medico-Philologicarum, ſacrarum
& profanarum, Decas I.

Jenæ, apud Jo. Bielckium, 1704. 4. pl. 15.

NOvam hac Decade Exercitationum ſuarum Medico-Philologicarum Illuſtris *Wedelius* orſus eſt Centuriam, ad quam nunc more noſtro perluſtrandam, par prorsus materiæ tum ſelectarum, tum erudite pertractatarum, ubertas & præſtantia nos excitat, quæ ad *primæ Centuriæ* Decades (et quidem *Dec. I & II. A. 1686. p. 361. Dec. III. IV. & V. Suppl. Tom. II. p. 249. Dec. VI & VII. A. 1694. p. 349. Dec. VIII. p. 501. Dec. IX. Suppl. Tom. III. p. 422. & Dec. X. A. 1701. p. 519.*) recensendas nos excitavit.

Atque in *Exercitatione* quidem *I* primæ hujus in Centuria ſecunda Decadis, de *Cenſu Auguſti*, ex marmore maxime Anticyrano, ab Augerio Buſbequio Ancyrae, oppido Galatiæ, invento, contra Eminentiffimum Cardinalem Noriſium, & nuperum quendam Scriptorem anonymum demonſtrat, non unum, ſed tres ab Auguſto Imperatore in Judæa cenſus fuiſſe peractos, quorum primus ipſo nativitatſis Chriſti anno, ſeu anno Auguſti XLII;

alter anno Christi VII, qui cum anno a pugna Actiaca XXXVII, a Iosepho censui Quirini assignato, conveniat; & tertius anno Christi XIV, Sexto Pompejo & Sexto Apulejo Coss. contigerit.

In *Exercitatione II* per *Morbum Phœniceum Hippocratis*, L. II. Prædict. c. 49 memoratum, Elephantiasin seu lepram veram Arabum intelligi, non paucis argumentis comprobatur, textu Græco Hippocratis accurate simul & diligenter castigato, & exanthemata, quorum Hippocrates loco suo meminit, alia alba, alia rubra esse, ex ipso Hippocrate demonstrato.

In *Exercitatione III* de *Hercule Medico*, Poëtæ Euripidis relationem de Alceste mortua, & per Herculem Alcmenæ filium resuscitata, non fabulam, sed Herculem istum tum verum, tum summum Medicum fuisse, contendit. Scilicet Alcestis, Admeti Thessalorum Regis conjux, morbo consumpta & tabescens, resolutis jam manuum viribus, pro conclamata habebatur, & tantum non mortua: indictus etiam erat luctus funebris per annum integrum, rasura capitis & pullæ vestes, ut jam tunc in usu erat. At dum jam ipsa pompa funebris est ducenda, bona fortuna Hercules, Alcmenæ filius, hospes adest, qui re comperta admissus Alcesten, in omnium oculis exanimem & jam rogo imponendam, vivam conjugi, salvam & incolumem reddit; licet multis laboribus. Atque hoc factum, Tragœdia ab Euripide descriptum, neque pro fabula Poëtæ & ingenii lusu, neque pro miraculo habendum, Wedelius eo minus censet, tum quod Poeta ipse opinionem, quod Alceste revera mortua & ab inferis ducta sit, declinat, *Τεθνασιν*, inquit, *οἱ θανόντες*, & iterum, *οὐκ ἐστὶν τὰς θανόντας ἐς Φάος μελεῖν*; tum quod ipse Admetus Herculi querenti, utrum mortua an viva esset Alcestis? responderit: *ἔστιν τε, καὶ ἔκ' ἐστ' ἐστὶ*, est & non est. Quo evicto, jam id cum primis evictum dare annititur Wedelius, *Herculem fuisse Medicum*. Primo enim, testimonium Cornelii Celsi Herculem facere Medicum antiquissimum & celebratissimum. Deinde dictum Alcidem *ἀπὸ τῆς ἀλκῆς*, a remedio; & *ἀλεξικακὸν*, quod nullum majus vel gravius malum esset morbis: prout & ab eo apud Hippocratem morbi quidam nominentur morbi Herculei; non quod ipse Hercules

cules istis vexatus fuerit, sed quod tanti fuerint, ut Herculeis opus habuerint remediis. Porro pingi Herculem cum poculo: non quod ebrius vinum fuderit ex urceo, sed ad denotanda pocula sanitatis, pro abigendis morbis & reparanda valetudine. Fuisse dormitorem monstrorum, ac idcirco clava & leonis exuviis insignem, ad febres, hydropem, cancrum, epilepsiam, aliosque morbos gravissimos, ab eo curatos, significandos. Expurgasse Augiæ stabulum, quod cacochymiam, morborum gravissimorum matrem & nutriculam, expurgaverit. Theseum & Pirithoum, enecto Cerbero, ex orco reduxisse, quod itidem a desperatis morbis vitæ restituerit; & quæ sunt reliqua.

In *Exercitatione IV de Ecstasi putata Christi*, locum D. Marci c. III, 21: καὶ ἀκύσαντες οἱ παρ' αὐτοῦ, ἐξῆλθεν κρατῆσαι αὐτόν· ἔλεγον γάρ, ὅτι ἐξέστη, evolvit, atque ubi ἐκστασι aliam supernaturalem, aliam non naturalem, aliam vero præternaturalem esse dixit, ex phrasi, ὅτι ἐξέστη, neque delirium, multo minus furorem, sed solum prætensam putatamque animi passionem argui posse, ostendit.

In *Exercitatione V de ἀγωνία Christi* differit, eamque non angorem corporis ex intemperie quadam spirituum morbosa ortam, sed tristitiam intellectualem, ex odio & ira erga mortem, infernum & horum fratrem diabolum natam fuisse, ex ipsa historia sacra declarat.

In *Exercitatione VI Tabulam Hermetis Smaragdinam*, ampla quadam in ipsum textum, eam complexum, commentatione explicat, ac in ea veram Chimie sublimioris & Lapidis Philosophici theoriam tradi, adversus Athanasium Kircherum, cum Borrichio & Krigsmanno commonstrat.

In *Exercitatione VII de Nummis Novi Testamenti*, generatius primò voces Græcæ, ad exprimendam pecuniam vel monetam quamcunque in N. T. adhibitæ, ut χαλκόν, νόμισμα, χεῖμα enodantur; quam enodationem specialis nummorum facrorum expositio ordine alphabethico excipit. Nimirum ἀργύριον, argenteus, ex mente *Wedelii* nostri, modo pecuniam indefinite quamvis ex argento confectam; modo in specie certos nummos argenteos notat, qui cum drachmas quatuor pendeant,

dimidio Imperiali nostrati, monetæ gravioris seu *Schweren Geldes* / æquipolleant. Ἀσάριον, *assarium*, diminutivum ab asse est, as dimidius, & perinde ac λεπτόν species monetæ omnium minutissimæ; κόδρανς vero seu quadrans quarta pars assis, non denarii. Δηνάριον, *denarius*, species nummorum Romanorum, hodie adhuc frequentissima, denos valet nummos æreos, ut quinquarius quinos; ex quo simul & illud efficitur, asses fuisse nummos æreos, & unumquemque assem partem decimam denarii. Δραχμή, *drachma*, eadem est, cum denario; & διδραχμον duo denarii; τετραδραχμον autem stater seu quatuor denarii. Qui valor si cum nostro comparatur, denarius non per duos grossos cum dimidio, neque per tres cum dimidio, Germanis *Schreckfenberger* / ut quidam volunt; sed per integros tres grossos monetæ gravioris reddendus erit. Ut adeo Matth. XX, 2, ubi conventio facta dicitur cum operariis ἐκ δηναρίας τὴν ἡμέραν, in diem denario, zum Tage-lohn / & hinc acceperint ἅνα δηνάριον, singuli denarium, ita intelligendum sit, pretium operarios singulos tres vel tres cum dimidio grossos accepisse. Μνᾶ, *mina*, per quam in N. T. non mina Alexandrina, sed Romana intelligitur, est nummus centum drachmarum; τάλαντον, *talentum* vero, quod pro certa nummorum quantitate, eaque non levi, sed pondere eminenti, in N. T. acceptum legitur, apud Josephum habet minas centum. Regulat denique hæc omnia certus numerus unicuique nummorum recensitioni additus; atque hinc Matth. XVIII. 24 μύρια τάλαντα, quæ decem millibus cum 60 minis seu 6000 drachmis divisus, faciunt sexaginta millena millia, 60000000 imperiales, seu sexaginta auri tonnas; & Act. XIX, 19, per ἀργυροὺς μυριάδας πέντε, denariorum quinquaginta millia, seu sex mille ducenti & quinquaginta imperiales constituuntur.

In *Exercitatione IIX de Claudis Novi Testamenti*, geminam speciatim duorum ex utero materno claudorum historiam, unam Act. III, 2, alteram Act. XIV, 8, memoratam examinat, atque Philologicis quibusdam circa voces Græcas χωλός, βάσις, σφοδρά observationibus inspersis, veros istos claudos miraculoso modo ab Apostolis sanatos affirmat, curationem a primo ortu claudorum impossibilem per naturam statuens; utut seipsum pri-

primis annis praxeos A. M DC LXVII adolescentem universali paralyfi, miserrimo spectaculo laborantem, & dehinc non paucos alios perfecte paralyticos, per Dei gratiam, curasse meminerit.

In *Exercitatione IX Basilii Valentini*, famosi istius scriptoris Germani & arcanorum chemicorum principis, *vitam* succincta quadam commentatione exhibet, & insigni elogio, *ubi desit Basilus, ibi inceptit Paracelsus*, uterque non satis in sua arte laudandus, ornat, deque scriptis illius eorumque fatis notatu digna memorat.

In *Exercitatione X* originem & sensum *Paramie*, *Jovem lapidem jurare*, tum literalem, tum mysticum maxime, ad forum chemicum & *lapidem speciatim Philosophicum* translatum, notis eruditis indagat, eaque occasione iconem inserit quatuor lapidum securiformium, seu, quod alii putant, cuneorum, partim *Querfurti* inter rariora cimelia *Davidis Sigismundi Buttneri*, *Diaconi* ibidem, partim apud suos a se visorum.

Joh. Joachimi Müllers Historie von der Evangelischen Stände Protestation und Augspurgischen Confession.

Hoc est:

JO. JOACHIMI MÜLLERI HISTORIA PROTESTATIONIS STATUUM EVANGELICORUM & AUGUSTANA CONFSSIONIS.

Jenæ, apud Jo. Bielckium, 1705, in 4. Alphab. 6. plag. 10.

Quemadmodum Doctissimi Mülleri nostri Nobilissimus Pater, Jo. Sebastianus, ante annos aliquot, trium novissimorum seculorum memorabilia, quæ quidem ad Historiam Saxoniam spectant, e monumentis quam aptissimis, Annalium in morem dilucide admodum dextreque recensuit, ut in Actis A. 1700 p. 409 monuimus: ita vestigiis paternis insistere laudabiliter allaborans Filius solertissimus, specimen hac vice edit suæ in perlustrandis chartophylaciis secretionibus Saxo-Vinariensibus, quibus unicuique Viris integerrimis aliis hoc tempore præfectus est, exantlatæ hactenus industriæ, atque ea propter nunc in apicum prod-

ducit, quæ ad partem Historiæ Ecclesiasticæ seculi decimi sexti haud minimam illustrandam non parum conferunt. Etenim solennem illam *Protestationem*, qua a decreto Comitiorum Spirensium A. 1529 habitorum, ad Sacram Cæsaream Majestatem Conciliumque universale Christianum atque liberum, Judicemve, quemvis idoneum alium provocarunt Status, qui exinde Protestantium nomen adepti sunt, non parum describit accuratius, eique comitem adjungit Historiam *Legationis* ad Imperatorem Carolum V, Protestationis istius insinuandæ gratia, susceptæ, tandemque & prolixissimam *Augustanæ Confessionis Historiam* subnectit. Viderat, Illustrem Seckendorffium in Historia Lutheranismi, istud appellationis instrumentum, in Archivo Vinariensi asservatum, utpote quod actorum historiam & Reformationis præcipua fundamenta exhiberet, dignum judicasse, quod ad notitiam omnium hæc nosse cupientium publicaretur. Viderat etiam, ab eodem Historiam Comitiorum Augustanorum manuscriptam, ibidem reconditam, volumen appellari a Viro rerum peritissimo, & fortassis ab ipso Pontano elaboratum, quod editionem maxime mereatur, multisque aliis, quæ de his Comitibus scripta extent, præferendum sit. Plurimum itaque in sententia sua, de his monumentis publicæ luci exponendis, se confirmatum sensit, & ideo tribus in libris narrationis filum longius protraxit, quorum primus Protestationem & Appellationem, secundus Legationem, ob eandem institutam, & tertius denique Religionis in Comitibus Augustanis tractatum negotium attinentem Historiam omnem describit. Utrique suam narrationem allatis in medium monumentis, quæ huc spectant, integris, prout verbis ea primitus conceptis habent, confirmat, immortalis Seckendorffiano operi hac ratione quoddam velut Supplementum additurus, quandoquidem in isto talium excerpta modo plerumque reperiuntur. Utut autem heic, serie narrationis ita postulante, alibi jam passim obvia nonnulla repetenda venerint, plura tamen primitus nunc e manuscriptis protrahuntur, & priora ista pariter ex his nonnullis in locis pleniora & correctiora sistuntur. Et ut de iis, quæ nunc primum integra publicantur, cuivis constet dilucidius, dum in indice librorum capitumque simul inserta allegat monumenta,

hæc

hæc ab antea jam tum vulgatis adjecto solícite asterismo distinguit. Historiam Comitiorum Augustanorum A. 1530 habitorum manuscriptam locis inserit convenientibus, eamque ad Autorem Apologiæ MStæ provocando insinuat, variaque ex eadem profert, quæ in Cœlestino & Chytræo, utut hi non levem huc attulerint diligentiam, frustra omnino quæsiveris. Singula vero Noster ea pertractat cum dexteritate, ut nihil fere ad istius historiæ perfectionem amplius requirendum videatur. Interdum etiam excursu aliquo nec inutili nec inconvenienti Lectorem divertit, velut ubi p. 688 seq. de oblata, cum post mortem Maximiliani I thronus vacaret Imperatorius, *Johanni Friderico*, Johannis Filio, & postmodum Saxoniz Electori, (non, ut perperam in Tab. II Archi-Ducum Austriæ Rittershusiana legitur, Friderico III Electori) in sponsam *Caroli* Austriaci sorore, *Catharina*, Infante Castiliæ, ex actis abs se attentius inspectis differit, & quomodo post factam Francofurti electionem Imperatoriam sponsalia rite contracta & rata insuper utrinque habita, veruntamen post tempus quoddam interjectum rescissa rursus fuerint, sponsa quippe eadem Regi Portugalliæ in thori sociam concessa, luculenter memorat.

MARTINI HANKII DE SILESIIORUM NOMINIBUS Antiquitates.

Lipsiæ apud Christ. Bauchium, 1702, 4. Constant 12 plag.

EJUSDEM DE SILESIIORUM MAJORIBUS ANTIQUITATES ab Orbe condito ad annum Christi 550.

Ibidem, apud eundem, 1702, 4. Const. 18 plag.

EJUSDEM DE SILESIIORUM REBUS AB ANNO Christi 550 ad 1170 Exercitationes.

Ibidem, apud eundem, 1705, 4. Constant 2 Alph. 10 plag.

MARTINUM HANKIUM, Gymnasii patrii apud Vratislavienses in Silesia Rectorem, Scholarumque reliquarum Aug. Confess. addictarum Inspectorem, præter Orationes & Poemata in lucem emissa, duo præsertim tractatus de Romanarum & Byzantinarum rerum Scriptoribus celebrem, & D. LEOPOLDO Imperatori, nuperrime proh dolor! fatis defuncto, litteratorum

Kk

rum

rum omnium æstimatori augustissimo, notum atque charum reddidere. Qui licet per annos plus quadraginta laboribus gymnasticis mancipatus, parum a negotiis gravioribus respirare potuit, horas tamen suas ita dispertitus est, ut post scholastici muneris curas, ad patriarum antiquitatum notitiam digrederetur, quarum evolutio tanto difficilior habetur, quo minus ille Germaniæ veteris adversus Sarmatiam terminus, ab auctoribus mediorum seculorum describitur. Tria potissimum momenta sunt, quorum pertractatio a Silesiis magna difficultate laborare creditur, ipsum scilicet *Silesiæ nomen*, *veteres* deinde regionis *incola*, ac *novi* denique illorum successores *Slavi*. Prioris puncti indagationem Clarissimus Autor in libello *de Silesiorum Nominibus* accurate persequutus est, cujus capite I. Nominum, quibus *Silesii* denotantur, recensio; II. Origo prima *Silesiorum* nominis, a *Silesiæ situ*, Latina, Polonica, Germanica; III. Origo secunda, a *solo Silesiæ*, Polonica; IV. Origo tertia, a *Silesiæ fluvio Sleso*, Slavica; V. Origo quarta, a *Silesiæ monte Saborbo*, Latina & Germanica; VI. Origo quinta, a *Silesiæ Convenis*, Polonica; VII. Origo sexta, a *Silesiæ Convenis*, Bohemica; VIII. Origo septima, a *Silesiæ populo Quadis*, Slavica; IX. Origo octava, a *Silesiæ populo Lygiis*, Germanica; X. Origo nona, a *Silesiæ populo Elysiis*, Germanica; XI. Sententia, quod seculo post Christum natum sexto ortum sit *Silesiorum* nomen, legitur. Alterius momenti rationes in tractatu *de Silesiorum Majoribus* disquirat, cujus XXI capita sunt, in quorum XIV prioribus, originem Silesiorum ex majoribus inter Noachicos Japheticis, inter Japheticos Celtis, inter Celtas partim Gallis iisque Gothinis, partim Pannoniis iisque Ofis, partim Germanis iisque Suevis, inter Suevos autem Lygiis & Quadis deducit; capite postea XV. Lygiorum & Quadorum res gestas ante Christum natum, capitibus XVI. XVII. XVIII. XIX. XX. Lygiorum & Quadorum acta seculis quinque post Christum natum illustrat, ac ultimo tandem capite, quod est numero XXI, quaestionem perdifficilem examinat: an scilicet Silesiorum majores Lygii & Quadi, post destructum in Occidente Romanum Imperium, seu sponte sua digressi, seu per vim adacti, seculo VI. circiter annum 550. patriam Silesiam vacuum Slavis advenis occupandam reliquerint,

rint, prorsus ipsi postea deleti? Atque ea ipsa nervus est puncti, quod modo inculcavimus, tertii. Quum enim multi ex Polonis pariter ac Silesiis asserant, Quados & Lygios per Slavos Polonos aut in fugam coniectos, aut vi oppressos fuisse, indignatus est celeberrimus Hankius illatam hanc patriæ injuriam, & velut alter Germanicæ originis vindex, operosissimo scripto, quod *Exercitationes de Silesiorum Antiquitatibus ab anno Christi 550. ad 1170.* inscripsit, demonstravit: Quados & Lygios, postea *Silesios* dictos, adeo non a Slavis Polonis aut depulso, aut extincto, ut Silesii potius diu quidem cum Polonis pari tum jure, tum libertate, societatem cohererint, aliquoties tamen ab iis separati iisque contrarii, vel nulli, vel alteri populo associati fuerint; etiam post instauratum in Occidente Romanum Imperium, licet suis Ducibus præditi, Romanis Imperatoribus, tanquam summis Principibus suis, a Carolo Magno ad Fridericum I. Barbarossam, tributarii subiectique fuerint. Universum opus in capita XII. dispescuit, quorum singulis sectionibus non modo computum chronologicum, sed Romanorum quoque Imperatorum, Polonicorumque Ducum nomina præfixit, addita semper notula, num Silesii eo tempore Romano-Germanorum Imperio tributarii, num a Polonis separati, num vicissim cum Polonis aut etiam Bohemis conjuncti vixerint. Tributi mentionem ideo adjectam deprehendimus, quod ex Polonis Scriptoribus fere omnes, atque præ cæteris Joannes Schultzius, Clarissimus nuper Francofordiensium Juris Professor, ante menses aliquot ibi vivis ereptus, singulari opere, quod *de Polonia nunquam tributaria*, composuit, tributum a Polonis unquam solutum fuisse Romanis Imperatoribus, contra Conringium cordatissimosque rerum Germanicarum auctores, pernegant. Eruditam hanc litem, magno fervore inter utrosque Scriptores agitatam, duobus fundamentis acquiescere notavit Hankius noster, quorum prius est: quam terram Scriptores ancipiti *Polonia* vocabulo designent? Veteres enim & recentiores, generali notione *Poloniam* sæpius vocant, non tantum quam hodie cognomento vel *majorem* vel *minorem* nuncupamus, verum ab utraque distinctam etiam quamcunque provinciam cum Polonia sub eodem communi capite conjunctam, Lithuaniam, Russiam, Masoviam, Samogitiam, Prussiam, Pome-

raniam; quo pacto, quicquid jurisdictioni Polonicæ subditum aut fuit, aut est, Polonicum dici consuevit. Hinc parem ad legem, nostra *Germania* pars *Silesia* sæpius antiquis vocabulo alieno, quam suo, denotari solita, ob annosam cum Polonia conjunctionem, dicta reperitur *Polonia*. Eum ad modum igitur Polonia, quoties aut Germanis aut exteris aliis vel tributaria vel subiecta fuisse dicitur, num tota, num ejus quædam & quam pars innuatur, occasionem dubitandi præbet: sicque unius vocis ambiguus intellectus miris umbris lucem historicam obscurat. *Posterius* fundamentum hoc est: utrum de Polonia, seu tributaria, seu subiecta, dissentientibus Scriptoribus *Germanicis*, an *Polonicis*, subscribendum in ea re sit, unde priscus & Polonorum & Germanorum status, in alterius nationis gloriam seu adaugendam, seu imminuendam, solide cognoscendus dependet. Hanc controversiam quoties tractare cogitur Auctor noster, primo quidem Poloniam, quatenus Silesiam vocabulo suo non comprehendit, Germanicis Augustis nullo modo unquam subditam fuisse, sed sub Poloniæ tributariæ nomine, vel Pomeraniam, vel Silesiam, veteri Poloniæ conjunctas provincias, intelligi statuit. Addit vero, Germanicis Scriptoribus in hisce Polonorum rebus plus, aut certe non minus, auctoritatis esse tribuendum, quam Polonis, cum quod Germani multo vetustiores sint omnium seculorum auctoribus Polonis, atque in rebus suorum temporum, quibus multa ex parte præsentis interfuerunt, fidem omnino præ recentibus mereantur, tum etiam quod in Germanis major animi candor ubique deprehendatur, Polonos vero in iis, quæ patriæ gloriam obfuscare possunt, multa neglexisse, suamque adeo fidem subleſtam reddidisse constet. Quod ad ipsam operis tractationem attinet, laudanda est Viri Clarissimi exactitudo, qui quotiescunque theſin aliquam proponit, præter annorum indiculum, quem semper addit, testimonia integris cujuscunque auctoris verbis exprimit, vetustiores recentibus præponens, quorum rationes punctatim examinat, & cuinam ipse adſentiat, innuit. Præmiſit inſuper Exercitationibus hiſce prolixam præſationem, in qua 1) quo dictionis genere, 2) quibus e monumentis, 3) intra quos materiæ limites, 4) qua tum veritatis, tum etiam perſpicuitatis cura, 5) quo præcipuo intentionis ſcopo, lectoribus

ca.

capiendam exhibeat rerum patriarum notitiam, ingenue profite-
tur. Hac igitur ratione difficilior annalium Silesiacorum pars,
stupendis tot annorum vigiliis a diligentissimo Polyhistor in
ordinem redacta, atque ex monumentis, quantum licuit, anti-
quisimis diducta, non Silesiæ tantum, cujus præcipue gratiam
lucubrationibus suis meritis est Auctor, sed eruditis omnibus, il-
lis autem imprimis, qui gentium migrationes, & medii ævi acta
scrutari solent, exhibetur. Hac ratione tot illustria Germano-
rum facinora, tot præclara Silesiacæ fortitudinis decora, quorum
famam alias cum ipsa fere memoria priorum temporum infelici-
tas ob Scriptorum penuriam aboleverat, nova luce donantur, &
Piastus, Silesiorum cum Polonis conjunctorum Dux, cujus stir-
pem, post nongentorum annorum principatum, anno superioris
seculi quinto æ septuagesimo, in Georgio Guilielmo, ultimo Li-
gnicensium, Bregensium & Wolaviensium Duce, invida Parca,
extinxit, Germanicæ origini ab Hankio nostro postliminio qua-
si vindicatus, in Boleslao Procero, Mieslao, & Conrado Lasco-
nogo posteris suis, constitutis Silesiorum Ducibus propriis, a
Polonorum Ducibus & distinctis & separabilibus, revixit. Hac
denique ratione Silesiæ populus ab anno 550, quo etsi non ampli-
us Suevicus, tamen adhuc Germanicus, partim Quadicus, partim
Lygius, cum peregrina dissimillimaque Sarmatarum Slavorum Po-
lonorum gente societatem inibat, diu alienum, prius Slavorum,
deinde Polonorum nomen, aut obscuratis, aut imminutis lauda-
biliter gestis sustinere solitus, post DCXIII annos, per quos cum
Polonis plerumque sub eodem capite fuerat connexus, aliam rei-
publicæ formam recepisse conspicitur: pro temporariis Præfectis,
perpetuos Duces anno 1163, eosque totius Silesiæ possessores anno
1169 consequutus.

*VOTAGE DE GUINEE, SIVE ITINERIS A GUI-
LIELMO BOSMANNO ad littoris Guineensis in Africa
provincias suscepti Historia, XXII Epistolis Gallice
scriptis comprehensa*

Ultrajecti apud Ant. Schouten, 1705. in 12. cum fig.
Const. i Alph.

Kk 3

MA-

Magna quidem Scriptorum seges est, qui itinera in utramque Indiam facta litteris consignarunt, sed pauciores sunt illorum libelli, ex quibus Africæ statum, qualis nunc est, atque ejus præsertim plagæ, quam *Littoris aurei Guineensis* nomine Cosmographi indigitant, perdiscas. Huc enimvero inservit præsens Guilielmi Bosmanni opusculum, qui Belgarum Foederatorum auctoritate Pro-Prator dicti littoris, Collegii pro stabiliendis illic commerciis instituti Adfessor, atque castelli D. Georgii apud Elminenses Præfectus fuit, & haud ita pridem, post Felicem ad Batavos reditum, negotiationis exercitiæ rationes scripto luculenter exposuit; cui vel ideo major habenda est fides atque æstimatio, quod oculatus omnium, quæ narrat, testis fuit, & ea civibus suis de præsentii commerciorum ac incolarum illius tractus statu recenset, quæ intra proximum ævi nostri decennium contigere. Dispersuerat laborem suum in libros quinque, sed mutavit brevi post mentem, & per epistolas telam, quam exorsus erat, pertexturus, viginti illarum Gallice exaravit, quibus duas ejusdem argumenti alias, a Davide Nyendaalio & Joanne Snoekio ipsi missas, ad calcem socias junxit. *Prima* earum monita quædam generalia de Guineensi littore, ac magis dein specialia de Aximensi provincia suggerit, cujus dominium Batavi atque Brandenburgici inter se partiti sunt, ex quibus hi Fridericiburgum, illi autem D. Antonii arcem a Lusitanis olim conditam possident, ea tamen differentia, quod Brandenburgici Præfectorum, quos Directores generales Auctor adpellat, culpa omnia fere perdiderint; Batavi vero, tanquam rei nauticæ ac incolarum magis gnari, magnam ex auro, ebore atque mancipiis mercaturam adhuc faciant. *Secunda* regiones Jabinensem & Adomensen; *tertia* regnum Commaniensem, cujus emporium celeberrimum Elmina urbs est; *quarta* Fetuensensem, Sabonensem, Fantinensem provincias; *quinta* Acronensem & Agonnensem territorium, nec minus regnum Aquamboensem, in quo Angli, Batavi & Dani castella fundarunt, delineat. *Sexta* tractus, ubi aurum colligitur, ejusque formam ac valorem; *septima* vero auri inde ad Europæos asportati calculum ponit, atque virorum, quibus colligendi computandique auri munia committuntur, indiculum ostendit. *Octava* aerem intra montes minus sanum, morbos inde

de abortos, vulnorumque per decocta olera sanationes, & fulmina plane terribilia saepenumero illic locorum obvia describit. *Non* mores incolarum versutos & vafros, vestitum, educationem, linguam, agriculturam, commercia, & quæ ejus generis sunt; *decima* cultum sacrorum, infinitum idolorum numerum, sacrificulorumque fraudes; *undecima* regiminis formam, leges, judicia, tribunalia, regii cultus a plebejo vitæ genere discrepantiam exigam, Batavorum autem in Aximensium maximam partem imperiis; armorumque diversas species; *duodecima* matrimonia; *decima tertia* morborum remedia & funerum ritus; *decima quarta* animalia quadrupedia; *decima quinta* volatilia, pisces, cancos, serpentes; *decima sexta* arbores, frutices, plantas, fruges & legumina; *decima septima* vero singulares de vâgrandibus bestiis historiolas nobis depingit. Decimam octavam tandem, XIX, & XX Epistolas descriptioni Quahoviæ, Ladincuriæ, Lampii Provinciarum, fluminum variorum, ac regni inprimis Fidæ impendit. Hæc summa operis lineamenta sunt, quod ob argumenti copiam veritus Plinii proverbium, quo *ex Africa semper novi aliquid* adferri scribit, in memoriam nobis revocat. Ne igitur sicco quasi pede cuncta transeamus, quædam tantum, ac ne ex singulis quidem litteris singula, quæ palato nostro maxime arriserunt, excerpere placuit. Magnum esse littoris hujus Guineensis tractum, ex eo colligimus, quod diversa regna, provincias bene multas, oppida & vicos pene innumerabiles, & spacium aliquot centum milliarium complectitur. Incolarum vero deterrima conditio est, quos levi de causa pro mancipiis vendi, quibusdam in plagis ex rapto solum vivere, alibi victimas idolis mactari, & ultima quæque tyrannidis atrocissimæ pati constat, adeo certe, ut *Angua* quidam illorum Dux sanguinem humanum (Epist. 2. p. 27.) plus vice simplici biberit. Quid ergo magis optandum esset miseris, quam Christianos nancisci rectores? Sed obstitit mutua inter Lusitanos, Anglos, Belgas, Danos & Brandeburgicos altercatio, quorum alii aliorum conatus turbarunt, atque ex sociis hostes facti bene cœpta pessumciderunt; obstitit, uti Auctor refert, Anglorum militum luxus, Lusitanorum pauperies, Danicarum virium defectio, reliquorum autem inordinatum regimen, quibus id tandem effectum est, ut

dum

dum singuli omnia affectant, omnes deinde vix singula devictorum Æthiopum imperia retinuerint: cuius rei, præter Bosmannum, testes sunt Focquenbrogius Batavus, & Guilielmus Joannes Mullerus Harburgensis Saxo, qui posterior, quod obiter notamus, Augustissimi Regis Friderici III jussu, Danorum ad illa littora navigantium Concionator nauticus extitit, & Fetuanæ regionis, cujus maxima pars tunc temporis ad Danos spectabat, descriptionem Noribergæ 1675, in 8, idiomate Germanico publicavit. Ut vero ad Bosmannum nostrum revertamur, digna lectu sunt, quæ Epist. III. de regno Commanienti a Batavis circa annum 1687 per Sweertium subjugato, Epist. IX. de *Mulatis*, (genus id hominum est ex Æthiopissa & Europæo progeneratum) Epist. XII. de Guineensium polygamia, de adulteriis severe punitis, de neglecta inter conjugatos bonorum communione, de liberis ab hæreditate adeunda exclusis, de circumcissione infantum, de uxoribus post decimum partum per annum integrum solitarie viventibus, ac deinde ad maritos reversis, de puellis in libidinem publica venalium corporum prostitutione damnatis, quarum tres aut quatuor a singulis civitatibus aluntur, tantæ apud Æthiopes existimationis habitæ, ut Batavi nihil non a Barbaris extorquere possint, si meretrices dictas in castella sua captivas abduxerint. Nec minus illud memorari meretur, quando Epist. XIII. mactata in funerum solennitatibus, etiam per infantes, mancipia tradit; quando Ep. XIV. elephantes plumbeis haud æque ac ferreis globis feriri, & eodem in tractu animal *ἀνθρώποφάγον*, Barbaris *Koekeboe* & *Arompo* dictum, inveniri scribit, cujus generis quoddam in nundinis vernalibus hujus anni, ex Africa in Germaniam delatum, heic Lipsiæ conspeximus; quando Epist. XVII. elephantem in horto arcis Elminensis deprehensum, vix ducentis scloporum ictibus occisum narrat. Cæterum quod ad regnum *Fida* attinet, in Guineensium confiniis situm, magnam Auctor operam ultimis tribus epistolis, in recensendis ejus sacris, legibus, pœnis, redditibus, incolis, frugibus, bestiis ac finibus adhibet. Colloquutus est aliquoties perquam familiariter cum ipso Fidensium Regulo Bosmannus, quum mancipiorum emendorum gratia illuc diverteret, atque hoc modo ex oculari inspectione dominationis arcana, genium incolarum,

rum, & sacrorum formulas perdidicit. Miserrima gentis sub Tyranno vita est. Quævis elegantioris formæ puellulæ in gynæceum regium vel invitæ abripiuntur, atque ex illis, quarum Regem satietas & fastidium cepit, integræ quotannis cohortes exteris advenientibus divenduntur. Quisque incolarum tot sibi idola fingit, quot consultum ac necesse duxerit; ex omnibus autem serpentes agmen ducunt, quos in ea veneratione habent, ut delubrum regni celebratissimum *Domum Serpentis* nuncupent, ad quam peregrinationes frequenter instituunt, hostias quotidie deferunt, atque fortunatum inde in negotiis successum præstolantur. Illorum cultui certi sunt constituti Flamines, homines nau-ci ac fraudulentæ, qui artibus suis supersticiosam plebeculam argento emungunt, & Vatiniani inter conjuges odii semina spargunt. Serpentes autem, quorum ingens multitudo per ædes singulas discurrit, uti neminem lædunt, ita vicissim a nemine læduntur, sed eodem frequenter cum hominibus cibo victitant, & ab incolis tanta religione immunes ab adgressionibus servantur, ut quum Anglorum negotiatores anguem in hospitio obvium occidissent, ac cadaver foras projecissent, universa mox civitas, in qua patrata fuerat cædes, in rabiem quasi conversâ, convolvenerit ad arma, neque prius quieti sese dederit, quam Anglis inter-
 necione occisis, mercibusque illorum igne penitus absumtis. Accidit etiam anno circiter 1697, ut porcus anguem ob morsum sibi inflicto devoraret, idque tanta festinatione, ut Æthiopum, qui adstant, nemo serpenti suppetias ferre posset. Conversi ergo ad sacrificulos suos Barbari, infortunium ordine exponunt, qui facinus execrabile mirum in modum detestati, questus ad Regem deferunt, edictumque ab ipso extorquent, quo porci per universam regionem idcirco deleri jubebantur; cui quoque mandato tam properanter satisfactum legimus, ut maxima suilli gregis multitudo letho succumberet, donec ex Purpuratis aliquis Regem ad edicti antiquationem precibus ardentissimis permoveret. Con-
 tigit alius Auctori nostro casus, ut ex laqueari nimirum conclavis ejus quotidie serpens in mensam prandii tempore descenderet. Bosmannus, quum ad Regis colloquium circa id tempus admitteretur, per jocum conquestus est, quod diebus singulis de-
 ster

ster quidam gentis serpens apud ipsum haud invitatus pranderet, quem a mensa arcere & hospitio depellere cogatur, nisi Rex sumtus ad victum novi hospitis impensos liberaliter reddat. Quid ergo factum? Regulus narratiuncula Bosmanni mire delectatus, ut serpentem quiete illuc divertere permetteret, hortatur, atque impensarum loco pinguem Auctori bovem dono, mittit. Præter Flamines, ex sequiore sexu sagas & sacrificulas habent, feminas magnæ inter Barbaros auctoritatis, quæ *Deorum se filias* vocant, & maritis, quibus junctæ sunt, morem in paucissimis gerunt. Ex illis una ante quatuor, aut quod excedit, annos ex inferno se rediisse contendebat, cujus ignem ac tormenta ita graphice depingere noverat, ut cum Francisco Quevedo Hispano, qui simili ratione apud Plutonem aliquando per somnium divertisse fabulabatur, de palma ingenii, certare potuisset. At enim vero ex hac profunda gentis superstitione satis colligere est, quam difficulter ex iis unus vel alter ad Christianæ veritatis lucem ex Paganismi tenebris converti queat. Expertus est obstinationem illam R. P. Thomas Augustinianus, qui cum Purpurato cuidam prædiceret, gentem universam infernalibus olim flammis, ni resipisceret, vexatum iri, id solum responsi accepit: *Parentes, Avi Atavique nostri eandem vitæ rationem, eundem idolorum cultum sequuti fuerunt, ac nos: si ergo illi aeterno igni destinantur, pariter hercle existimo, nos velut illorum posteros eadem sorte gaudere, qua prædecessores nostri gavisi sunt.* Jactitarunt equidem Galli, se in Africano littore universam regionem Affinensem, cujus incolas maximam partem subjugarunt, ad Christum adduxisse, Principem gentis Parisios venisse, ab Episcopo Meldensi, post approbata Romanensium dogmata, sub Ludovici Hannibalis nomine baptismum accepisse, die postmodum 27. Februarii anni 1701. ex Cardinalis Noallii manibus sanctissimæ cœnæ Dominicæ symbolum accepisse, Divæ autem Virgini Mariæ ditiones suas votiva tabula dedicasse, & d. 24. Martii, tribus Gallorum navigiis bellicis sub equitis Damonii ductu instructum, in patriam remeasse. Sed fabulam sapere nuncium isthoc Gallicum, commentitiumque Principem ex mancipiorum, quæ Galli ex Africa in Americam deportant, numero unum fuisse, & post reditum in Africam pri-

pristinæ servituti se reddidisse, asserit Bostmannus: qui Mercurii Europæi auctorem, ex quo verba (Epist. XX. p. 448.) protulit, aliter adhuc mendii insinuat, dum Gallus Pseudo-Principem illum Regem Syriæ adpellavit, quum Assinensem scribere debuisset. Unum adhuc addimus, natos scilicet videri ad servitutem hos Æthiopum populos, quos inter usu receptum est, ut a parentibus liberi, a maritis uxores, quarum singuli plures ducunt, ad libitum levi pretio vendantur, quæ mancipia mercimoniorum in illo tractu præcipua portio sunt, ac in ipsa servitute nihil magis exhorrescunt, quam ne ab emtoribus velut quædam mensarum lautitiz, aut pullorum instar saginentur.

FULGOR FULGINII IN SPLENDORIBUS SAN-
clorum, sive R. P. D. JULII AMBROSII LUCENTII, Cister-
tensis Abbatis, *Elogia Sacra.*

Romæ, typis Bernabò, 1703, 4.
Constant plag. 30.

Fulginium, celebre Veteris Umbriæ oppidum, mercatura dives est, maxime vero, si Francisco Scotto in Ital. Itin. fidem habemus, rerum saccharo coopertarum nundinis valde frequentatur, ut Italis adeo in vulgi facetiis *Foligno delle strade inzuccherate*, seu Fulginensium viæ ac plateæ saccharo tinctæ quasi aut imbutæ vocitentur. Cujus urbis cives quosdam præcipuos, vitæ ac morum sanctimonia, miraculorumque post obitum patratorum, quæ putant, celebritate illustres, quadraginta & septem, elogiis posteritati commendare voluit R. P. D. Julius Ambrosius Lucentius, Abbas Ordinis Cisterciensis, Sacræ Congregationis Indicis Consultor, & pluries in S. S. Liberiana Basilica extra ordinem Pœnitentiarius Apostolicus, Apostolici Catechismi in Urbe Minister &c. Nuncupavit is lucubrationes suas Clementi XI. Pontifici hodie Maximo, atque in eo præcipue operam collocavit, ut illorum, quos Ughellus in *Fulginatensium Episcoporum Catalogo*, & Ludovicus Jacobillus in edito *de Sanctis atque Beatis Umbriæ*, quos ad Cœlitum gloriam evexit *Fulginium* opere, seu leviter tantum memorarunt, seu quorum obliti plane sunt, graviore stylo laudaret atque describeret; fœminis quoque in illorum, quos adduxit, censu haudquaquam neglectis. Dignus Clarissimi.

Elog. XLI.
p. 191.

rissimi Abbatis labor est, quem illi, qui Fulginatum gloriæ favent,
 & meritorum a prædecessoribus in ædes sacras collatorum recen-
 sione delectantur, optime sibi commendatum habeant: neque
 enim in solis sanctissimorum virorum elogiis scribendis acquievit,
 sed paraphraseos quasi loco, singulis notas suas adjecit, in quibus
 præter personarum natales atque res gestas, locorum insuper fata
 & familiarum vicissitudines, annaliumque, ex quorum volumini-
 bus omnia hauserat, titulos atque auctores subjungit. Quam
 quidem styli rationem quum sibi præfixisset, elogio statim secun-
 do (p. 19. sq.) quod D. Paulo, Gentium ac imprimis Umbrorum A-
 postolo dicavit, disputatiunculam addit: an ex eo, quod asseratur
 Paulus æqualis in potestate cum cæteris Apostolis, possit con-
 fundi Primatus Petri cum Apostolica potestate Pauli? Elog. III.
 Umbriæ, & in illa Fulginii urbis statum breviter exponit. Elog. IV.
 Saxovivensis Archicœnobii (auctoris formula utimur) claritudinem
 extollit: magnū quippe & fulgentissimum inter Italiæ septa-
 Deo sacra Saxovivum est, ipsi fere Casino æquandum, auctum
 scilicet ad numerum nonaginta duorum monasteriorum, quæ se
 ipsi adjunxerunt per universam Umbriam, Picenum, Etruriam &
 Latium; quibus in locis & aliæ monachales Cellulæ, animarum cu-
 ratæ Ecclesiæ, & plura Hospitalia eidem se subdidere, quibus Sa-
 xovivensis Archimandrita, tanquam caput & Abbas Generalis, sub
 Saxovivensis Congregationis nomine jura dicit; quam dignita-
 tem D. Maynardus Benedictinus, illustri Stirpe Teutonica natus,
 & e Stiria Germanorum in Italiam profectus, primus sustinuit,
 Elogio XV. ab Auctore nostro laudatus. Num. XXIV. Eliseæ fa-
 milix apud Italos celeberrimæ præconium; n. XXV. S. Petri Con-
 fessoris, qui Fulginatum Divus tutelaris est, & *Lachrymosus* at-
 que *Almificus* vulgo vocatur, elogium; n. XLII. Augustini Mi-
 noritæ, *illuminati* cognomento dicti, vitam; n. XLIV. Oratorium
 Boni Jesu Congregationis S. Philippi Neri, per Ven. P. D. Jo.
 Baptistam Vitellium nobilem Fulginatem institutum, cum dul-
 ciariis ex saccharo apud Fulginienfes pînsi sositis comparatum; n.
 XLV. Jo. Baptistæ Jacobilli, Ludovici Jacobilli, quem de Sanctis
 Umbriæ scriptorem supra laudavimus, gentilis, virtutes stylo con-
 signatas Lector inveniet. Cæterum ex illis, quorum scripta in-
 sub-

subsidium adsevit, Nicolaum quoque Tignosium in Originibus Fulginensibus, Sigismundum de Comitibus Fulginatum in Commentariis de Historia sui temporis, Durantem Dorium in Historia Trincia, Felicem Ciattum in Historia Perusina, Pompejum Compagnonum in Regia Picena, Aloysium Catharinum de Nobilitate Neapolitana, Franciscum Zazzaram de Nobilitate Italica, aliosque plures citavit, quorum opera hisce in oris rarius obvia, & paucissimis inter nostrates cognita esse credimus. Quare opotandum non modo est frequentius Italorum cum Germanis librorum ac litterarum commercium, sed admonendus etiam doctissimus Abbas, ut post viros, qui Fulginium vitæ sanctimonia illustrarunt, eorum quoque, qui litteris apud Fulginates maxime inclaruerunt, catalogum pari diligentia contexere, & in lucem emittere sustineat.

DE DRIE SEND-BRIEVEN VAN DEN H. JOHANNES, en die van den H. JACOBUS, ontlede en scrifftmatig verklaart.

i. c.

Trium S. JOHANNIS & unice S. JACOBI Epistolarum Analysis & analoga Scripturis Explicatio. Autore JOHANNES CHREIGHTON V. D. M. Franckerano.

Franckeræ, apud Jacobum Horreum, 1704. in 4.
Constat alph. 4. pl. 17.

EA cum Reverendo & Clarissimo Autori mens esset, ut S. Codicis libros eruditis commentationibus illustraret, Divi Johannis inter alios & Jacobi, in quibus operam poneret, epistolas selegit, eo quod priores omnem pietatis vim ac rationem complectantur, posterior Ecclesiæ doceat fata, tum superiorum temporum, tum olim eventura. Primam quippe inter Johanneas eo maxime consilio conscriptam ab Apostolo fuisse, ut pietatem inculcaret, ejusque ex N. T. genio ac indole, ipsaque Evangelii doctrina originem arcesseret, quo confirmaret credentes, tepidis stimulos adderet, ac infideles excitaret. Tribus autem universa partibus absolvitur, præfatione c. I; v. 1-4. tractatione c. I, 5-V, 12. & epologo c. V, 13-20. In tractatione ita versatur Apostolus, ut

præf. **

p. 3.

p. 4.

p. 23.

Ll 3

&

- & piorum gaudium, si in communionem veniant Ecclesiæ, Deoque fruantur, consummari posse doceat; & quo illud impleatur, definiat modum. Utrumque hoc ordine exequitur, ut tum generatim notas ostendat fidelium, quibus de salute sua, gaudii quoque complemento certiores redduntur; quarum tres constituens, primam c. I, 5- II, 1. secundam c. II, 3. 4. 5. tertiam c. II, 6- 14. exponit, cui mantissam velut ac appendicem subijcit v. 15- 29: tum speciatim media suppeditet, quibus hanc fidei *πληροφoρίαν*, in gaudii sui complementum, juvare pii debeant & confirmare c. III-V, 12. Epilogus denique fidelium enumerat prærogativas, ex certitudine isthac ceu fructus oriundas, partim in precum *παρρησία* v. 13- 17. partim in perseverantia credentium ac immutabilitate sitas v. 18-20.
- p. 24. Secundæ in dubium Grotius vocat autorem, alium substituens Johannem, Ephesinæ Ecclesiæ presbyterum; confutatus eo nomine ab Hammondo. Sane nobis quidem patrum, Irenæi, Clementis Alex. Tertulliani, &c. longe, quam Grotii, potior autoritas est. Ceterum rem omnem, cui volupe est, apud Gomarum videat. Epistolæ vero argumentum adhortationem complectitur, qua sartam tectam jubet doctrinæ servare integritatem, & a Pseudo-Doctorum sibi cavere corruptelis, Anti-Christi scilicet anteambulorum. Eo itaque omnis tendit, ut contra seductorum, qui Anti-Christo viam straverunt, insidias instruat Ecclesiam & muniat. Præfatione constat v. I. 2. 3; tractatione, quæ (1) ad vitæ rationem Christiano nomine dignam hortatur v. 5-7. (2) a seductione cavere jubet v. 8. 9. (3) de consuetudine & conversatione cum falsis doctoribus instruit v. 10. 11; & Epilogo v. 12. 13.
- p. 393. Tertia præter inscriptionem v. 1. exordium complectitur v. 2-4; tractationem (qua Gajum Apostolus a charitate ac liberalitate commendat v. 5-8, de Diotrephæ vita ac moribus refert v. 9. 10, ad munificentiam hortatur v. 11, ac Demetrio testimonium perhibet v. 12.) & epilogum, quo literarum brevitatem excusat v. 13. 14. 15.
- p. 396. Jam vero, ut ex ungue, quod ajunt, agnoscas leonem, quam ipsa textus explicatione fidem ac industriam probaverit Autor, exemplo docendum. Locus vix alius æque interpretum in securas ac studia convertit, quam v. 16. cap. V. Ep. I. Joh. quem de
- p. 427. pec-
- p. 428.
- p. 444.
- p. 469.
- p. 477.
- p. 501.

peccato in Spiritum S. loqui, sunt qui affirmant, alii negant. Auctori quæ circa eundem sententia sit, paucis lustrabimus. Primo itaque phrasin, ἀμαρτίαν ἀμαρτῶσαι, quam sæpe alias pondere carere, & simpliciter peccandi actum designare largitur, singularem h. l. emphasi gaudere, totamque enormium, quæ in oculos incurrunt, & imperitis offendicula, piis mœrorem pariunt, peccatorum seriem ac nexum notare observat. Quod vero ad mortem peccatum dicitur, de morte æterna ac supremo impiorum supplicio ut plurimum accipiunt doctores; minus sane commode, quod ad hunc sensum peccata omnia ad mortem forent, cum omnia gehennam mereantur. Nec est, quod regeras, peccatum ut ad mortem non sit, Divinæ id misericordiæ, ac merito Christi fide apprehenso acceptum esse ferendum: cum ne sic quidem electorum ante conversionem patrata delicta, imo & ἀπεργασία fidelium, ex illorum numero ac censu excludenda sint. Hac itaque cum non procedat, alia aggrediemur via. In genere mortis vocabulum statum denotat ἀνάληψιν, sensu motuque carentem; qualis metu incusso v. g. in Nabale conspicitur, cujus eor mortuum fuisse, h. e. torpuisse ac obstupuisse, 1. Sam. XXV, 37. dicitur. Haud equidem negandum, Deut. XXII, 26. peccatum mortis, morte dignum notare delictum; ast alia hic loquendi formula obtinet, ubi peccatum AD mortem vocatur, æque ut Joh. XI. a Christo morbus AD mortem dicitur, qui mortem comitem habet. Tale ergo hic notabitur peccatum, quod mortem spirituales, ἀνάληψιν, cordisque duritiem in peccante secum affert. Quo sensu Eucherius quoque in de quæstion. difficil. N. T. in h. l. phrasin exponit. Nec cum Cocceji hæc pugnant explicatione, qui de plenaria a veritate defectione, inexpugnabili conjuncta cum induratione, existimat agi. Monet itaque Apostolus, ut, si quis fratrem suum non ad mortem videat peccantem, misericordia ejus precibusque conversionem illius juvet. Nec irritas has fore preces statuatur, cum vitam ei, in cujus gratiam sunt fusæ, impetrent. Ubi quidem vita oppositam, quam supra diximus, mortis significationem habet, ut velut illa indurationem, sic hæc conversionem notet ad vitam. At enim vero sollicite hic circumspiciendum, an frater peccans admonitionibus locum det, & iræ Divi-

p. 402.

p. 403.

p. 404.

p. 405.

p. 406.

Divinæ comminatione convinci animum ac moveri patiatur: unde felicem precum exitum & peccatoris augurari liceat conversionem. Contra vero ea pro peccatoribus ad mortem, qui indurati in peccatis pergunt, omnesque hortationes, incitamenta, minas susque deque habent, orare Apostolus vetat. Quamquam enim fidelium non sit, judicem agere & damnatoriam in alterum sententiam ferre: cum *παρρησία* tamen ac fiducia, pro ejusmodi homine intercedere non licebit; voto solum locus erit, velit Deus, si ita ipsi visum fuerit, misereri. Non enim amplius de exauditione certos reddere, vel ad preces hortari Apostolus audet, quam quoad ex verosimillimis pateat indicii, ejusmodi Deum in peccatore excitare motus, ex quibus spes oriatur, fore ut divina ac irresistibili potentia convertatur, & propter Christi merita salvetur.

p. 508.

Ad D. Jacobi epistolam Autor progressus, postquam eorum, qui *Ἰεσπευσίας* ejus in dubium vocarunt, notasset errorem, accuratam ordinis, qui prima quidem fronte alicui forte deesse videbitur, rationem habendam monet. Quippe in tanta argumenti

p. 509.

varietate (ubi cap. I. statim de oppressione fratrum & tolerantia, tum de sapientiæ origine, mox de laudabili divitum gloria, porro de peccandi illecebris, de refrenanda hominis ira, de fructuosa verbi Divini auscultatione, denique de iis, quæ ad sanctum Numinis cultum pertinent, agitur) non ad verborum nexum esse attendendum, sed rerum, quibus universa, & pro temporum ratione varia Ecclesiæ N. T. facies contineatur. Eamque

p. 511.

Cocceji autoritate sententiam confirmat. Ac ne mirum id cuiquam videatur, alias quoque in Apostolicis, utramque scilicet Petri, & Judæ epistolas propheticas esse, & Paulum haud dubie 2. Thessal. 2. de ortu, indole ac interitu Anti-Christi vaticinari affirmat. Quinimo id ipsum ad Christi facere gloriam Ecclesiæque splendorem, si & Apostolorum aliquos prophetico instructos spiritu ac lumine dicamus: ut in Johanne, Petro, Juda, Paulo, liquido conspiciatur. Cur ergo, quæ cæterorum fuit, eam Jacobo dignitatem denegemus? Cæterum epistolæ, non in tractatus forma, Divinum id opusculum prodiisse, tum inscriptio probat, tum epistolis præmitti solitum votum. Nec obstat, quod epistolari ca-

p. 512.

reat

reat clausula, quæ brevitatis forte studio omiſſa eſt; æque ac I. Johannis *ἀνευ προοιμίου* orditur, ſoloque *ᾠή* Amen obſignatur. Argumentum, in quo verſatur, inſtitutio eſt, de officiis, quibus tum univerſa in genere Eccleſia, tum quodlibet ejus membrum, in ancipiti fortuna operam dare debeat, quo dignum ſe Evangelio ſanctaque gerat vocatione, & Dei exinde gloria regnique ejus oriatur ſplendor. Eo itaque omnis tendit, ut ſanctum Dei conſilium aperiat, qua via quibuſve modis Eccleſiam ſuam regere, & ad iſtud perfectionis ac gloriæ perferre culmen decreverit, quod ultimis temporibus tenere debeat. Hinc eſt, quod a patientia, in adverſis orditur, & in gentium deſinit converſionem. Ordine conſtructa eſt tali, ut inſcriptionem c. I, 1. excipiat tractatio, quæ duabus partibus conſtat, & tum generalem exhibet officiorum expoſitionem, quæ pro fortunæ diverſitate variis temporibus Eccleſiæ incumbunt, tum exactiorem ſactorum enumerationem, quæ doctrinæ juxta ac regiminis eccleſiaſtici reſpectu, variæ poſtremis ſeculis eam ſint afflictura, c. II-V. ad fin. Quod reſtat, de auctore adhuc monendum, duos fuiſſe in Apoſtolorum ordine hoc nomine claros. Jacobum Zebedæo ſatum, & Jacobum Alphei filium Matth. X, 2. 3. Quorum alter, qui frater Johannis, cum mature nimis, & ante, quam data epistolæ tempus patitur, Herodis ſævitia occubuerit Act. XII, 2. ſatis apparet, poſtერიorem illum epistolæ exitiſſe autorem. Sunt, qui tertium addunt e LXXII diſcipulorum numero, cognomine Juſtum: Eraſmus quatuor numerat; æque tamen firmis, ac pro Alphei filio, argumentis deſtituuntur. Et hæc fere ſunt, quæ circa præcognita monenda cenſuit Autor. Jam quod ad ipſam epistolæ explicationem attinet, ea maxime crucem fixerunt eruditis, quæ cap. II, 14. ſqq. de fide operibus inſtructa diſputat Jacobus. At vero his controverſiam prædici exiſtimat Noſter, quæ de veritate & ſinceritate fidei Eccleſiæ cum Romano-Catholicis ſit futura; quam omnem ita partitur, ut propoſitionem v. 14. ejusdem *ἐκ θεοῦ* ac explicationem v. 15. 16. 17, uberiorem porro deductionem v. 18, 25, & conſuſionem v. 26. exhiberi ſtatuat. Jam itaque, quod v. 14. fidem habere dicit Apoſtolus, non de fiducia, ſed conſeſſione ac prædicatione doctrinæ fidei ſeu Evangelii capiendum: æque ac de

p. 513.

p. 514.

p. 650.

p. 651.

M m

ope-

- p. 653. operibus fidei maxime illis loquitur, quæ doctrinam Evangelii ornant, & ad institutionem fratrum faciunt. Sic quæstionis cardo in eo vertitur, an nuda salutaris doctrinæ professio, operibus destituta, spem facere salutis queat? quod Apostolus negat, mentemque suam egeni exemplo v. 15. 16. illustrat, cui ni misericordiam impertiatur fides, ac ipso juvet opere, vanam esse ac irritam pronunciat. Ubi quidem spiritualiter pauperes Autor intelligit, quibus Ecclesiæ (Pontificiæ) antistites verba dent, fumosque vendant, nec divinarum rerum cognitione aut salubri eos imbuant doctrina; unde nudi vestibus salutis, & spiritualis cibi inopia laborantes, ad fores stent sacerdotum, inani tamen cum benedictione, & solenni isthæ formula, *abi in pace*, dimittantur.
- p. 658. Inde ad thesin Apostolus redit v. 17. fidem absque operibus, i. e. Evangelii doctrinam operibus, quæ ad rudiorum pertinent institutionem, destitutam, esse mortuam, quod pro tali habeatur, quæ ad Ecclesiæ nil prosit instructionem. Id enim mortuum alias in Scriptura dicitur, quod operatione, quam edere debebat, caret; quo sensu peccatum a Paulo mortuum asseritur Rom. VII, 6. 8. Jam vero uberiores huic effato deductionem v. 18. sq. Apostolus subjicit, litem exponens, quam Pontificiis hoc de fidei dogmate morturi sint Orthodoxi, Satanæ profunditatem penitus habentes perspectam. Cum enim ex operibus cognosci fides debeat, ex Pontificiorum sane tyrannide, persecutionibus, oppressione piorum, *ἰδελοφροσύναις* item, monasteriorum fundatione, peregrinationibus religiosis, &c. minime eam elucere: quare hoc fidei defugiant examen, antiquam prætendentes fidem ac tot seculorum ferentem ætatem, nec ulterioris adeo inquisitionis indigam. Ad quæ v. 19. regerit Apostolus, recte quidem ipsos facere, quod credant, unum esse Deum; nec tamen id sufficere, siquidem nec Diaboli istud in dubium vocent: qua appellatione Bekkerus sacerdotes gentilium, Antenides Pontificios cum suo Flammine antistites, Autor vero malignos designari putat spiritus, qui idem credentes nihil ea propter feliciores evadunt, verum contremiscunt.
- p. 666. Idem porro Apostolus deducit, allato gemino e V. T. typo; Abrahamum ex operibus justificatum, i. e. pro justo declaratum
- p. 669. & cognitum affirmans, quod jam ante fidem haberet, quam fili-
um

um mactare vellet, ad justitiam sibi imputatam. Ubi prolixè cum Paulo Jacobum Autor confert, notamque *εὐαγγιον* *Παυλίου* e medio tollit. Hinc porro sequi docet, neminem ex fide qua tali solum justificari, seu pro justo declarari & agnosci, nisi opera indivulso nexu fides sibi habeat conjuncta. Quæ porro de Rahab meretrice Apostolus affert, ea faciem exhibere Ecclesiæ Autor existimat, circa prima reformationis tempora, quibus pii multi & qui bonam mentem amabant, ad verum transeuntes Christianissimum, legatos Christi & heroes seu orthodoxos doctores receperint, foverint, ipsorumque in propagando Christi regno conatus juvarint. Inde reformatam Ecclesiam ex operibus justificari Autor concludit, in qua operosa fides & viva veram sponsam demonstret, cum in Pontificia mortua maneat fides. Tandem colophonem controversiæ Apostolus imponit v. 26. fidem declarans Ecclesiæ Pontificiæ operibus destitutam, inertem esse ac fidei potius simulachrum, æque ut ipsorum conventus sacri, vita ac spiritu carentes, exanguis ad instar cadaveris sint habendi.

p. 679.

p. 681.

p. 683.

p. 685.

SAMUELIS MORLANDI OBSERVATIONES
*quædam novæ circa partes & usum florum
in plantis.*

Excerptæ & translatae ex Actis Philosoph. Angl.
No. 287. Anno 1703.

Nitida & curiosa florum textura, una cum toto suo apparatu oculis se sistens, Viros haud paucos, singulari eruditione & sagacitate celebres, in penitiorem sui investigationem invitavit. Cum autem isti, qui in Historia naturali perficienda, & naturæ operationibus evolvendis, suam collocant operam, non eadem felicitate, qua reliquas res naturales prosecuti sunt, hanc materiam tractaverint; non irritus forsitan erit conatus, accuratius in fabricam & usum dictarum partium inquirendi, quo vegetabilium propagatio & harmonica naturæ methodus melius cognosci & intelligi valeat.

Dudum jam observatum fuit, singulis seminibus inesse plantam feminalem, inter binos lobos positam, prima stamina continen-

tinentem, & primum nutrimentum teneriori plantæ subministrantem. Verum D. Grew, cujus industria & sagacitas hoc doctrinæ genus maxime excoluit, solus, quod sciam, observavit, farinam illam, seu pulverem subtilem, qui certo tempore ex thecis seu apicibus seminiformibus, in staminum summitate excrecentibus, protruditur, munia certo modo præstare spermatis masculini. In eo tamen deficere mihi videtur, quod eam in externam tantummodo superficiem uteri vel vasculi seminalis spargi, & semina inclusa per emanationes quasdam spirituosas vel impressionem energeticam imprægnare statuatur.

Jam inquirendum restat, annon convenientius supponere liceat, semina, intra propria involucra proveniente, in principio ovis animalium nondum imprægnatis esse similia? item farinam esse congeriem plantarum seminalium, quarum singulæ in singula ova sint deducendæ, antequam hæc fecunda evadant; porro stylum, quem Rajus vocat, vel partem superiorem pistilli ex Tournefortii sententia, esse tubum, pro plantis hisce seminalibus ad ovarium & in ova deducendis formatum; denique maximum earum adesse proventum, inter se differentium, ut una ex tam multis angustum adeo ductum, sibi adæquatum, invenire & transire possit.

Quæ ut evidentius appareant, observationes communicabo, circa situm horum staminum & stylum, in quibusdam plantis factas. In *Corona Imperiali* uterus seu vasculum seminale plantæ centro floris insidet, & ab hujus summitate stylus exurgit, & vasculum seminale cum stylo repræsentat pistillum. Hoc ambiunt sex stamina, quorum extremitatibus singulis apices tanto artificio affiguntur, ut vel a lenissimo vento hinc inde moveri possint; eadem enim gaudent cum stylo altitudine, qui in hac planta, quemadmodum per totum suum corpus, ita in summitate maxime, concavus & apertus est. Quibus addendum, quod styli extremitati adhæreat crista quædam, ex villis pinguibus constans, & ad farinam ex thecis suis dilabentem recipiendam & retinendam, ut videtur, formata. Hæc itaque farina, vel mediante pluvia, vel a vento, detruditur ad tubum, donec ad vasculum seminale pertingat. In *Caprifolio* stylus oritur a rudimentis baccae cujusdam, in quæ in-

feri-

feritur versus summitatem floris monopetali; ex cujus floris medio propullulant stamina quædam, farinam suam styli, in hac planta itidem cristati, orificio immittentia. *Allium* utrum habet tricoccum, cujus centro inseritur brevis stylus, ad apicem altitudinem non exsurgens; hinc isti magis eminentes, globulos suos eo commodius illius orificio committere possunt. Inde etiam est, quod nullam cristam in hoc stylo, prout in modo commemoratis, observare potuerim.

Atque ex his concludo, quod, quoniam pulvis hic subtilis curiose præparatus certo tempore prorumpit, tubus etiam adest, qui eundem commodè recipere possit, & quidem, si apicibus pulverem suppeditantibus non directe supponatur, singulari apparatus pro eodem retinendo donatus, necessario sequatur, tubum hunc pro pulvere recipiendo esse formatum. Quod si enim hæc stamina ductus excretorii tantum forent, particulas excrementitias secernentes, relictis reliquis in seminis nutrimentum habituris, quid opus esset, excrementa hæc in tam curiosa deponere repositoria? Certe in alium quemvis potuissent collocari locum, quam ad vasa seminalia, quibus profecto noxas potius inferrent. Quibus accedit, tubum hunc exsiccare, quamprimum thecæ hæc contentis suis vacuæ existunt.

Sed ut ne amplius urgeam, plantam seminalem constanter in ea seminis parte locatam esse, quæ styli insertioni proxime adjacet; in *fabis*, *pisis* & *phaseolis*, immediate sub illo loco, quem oculum vocamus, mediantibus microscopiis majoribus, manifestam deprehendi perforationem, directe ad plantam seminalem locatam, in quam hanc intrare existimo. Et certe credo, fabas & pisa, quæ non progerminant, eadem destitui.

Nec in aliis plantis apparatus ille, quo sæpe commemoratus pulvis intra tubum aliquem ad ovula deducitur, desideratur. In *leguminosis* enim plantis, si petala florum caute avellamus, videbimus siliquam arcte membrana quadam cingi, circa extremitatem in varia stamina, farina onusta, abeunte, quæ firmiter fixarum fasciculo in tubi extremitate sito uniuntur, sicque farina ad siliquam derivatur. In *Rosis* erecta visitur columna, ex variis conflata tubis, invicem junctis, sed facile separandis, quorum singuli ad

propriam ducunt cellulas, staminibus in magna copia eam cingentibus. In *Tithymalo* oritur vasculum tricoccum, quod quandiu parvum & exile existit, fundo incumbit, imprægnatum autem exsurgit & longo innititur petiolo, ita ut quis crederet, nullam esse inter hoc & apices in ima parte sitos communicationem. Pili *Fragorum* & *Baccarum Rubi Idei* superficiem investientes, totidem sunt tubuli, quorum singuli ad propria abeunt semina, hincque flore primum se aperiente, circulum adesse staminum intra petala, & integram aream internam sylvam horum pilorum repræsentare videmus, qui postquam suos globulos receperunt, & ad semina deduxerunt, hæc in pulpam elevantur carneam.

Explicatio Figurarum.

TAB. VI. Fig. I. II. III. IV.

TAB. VI. *Figura I.* repræsentat asphodelum.

- A. Suprema pistilli seu tubi extremitas, in quam plantæ seminales intrare, & per quam eadem ad semina nondum imprægnata deduci supponuntur.
- bbb. Apices semini-formes, qui maturi aperiuntur, & pulverem suppeditant in tubum A injiciendum.
- C. Locus vasorum seminalium circa terminum tubi sitorum & flore tectorum.

Figura II. sistit plantam leguminosam.

- D. Siliqua in flore latens.
- E. Tubus a siliqua ortus, plantas seminales ad eam derivans.
- F. Tunica membranosa siliquam investiens aperta.
- gggg. Apices, qui, antequam integumentum aperiatur, videntur ab angulis ejus oriri, & per petala florum orificio tubi admoventur, ut suam farinam huic inferere possint.

Figura III. exhibet fabam Gallicam a latere.

- i. perforatio, per quam planta seminalis primum ingredi supponitur.

Figura IV. Eandem oculis sistit divisam.

- h. Planta seminalis.

Adri-

Fig.VII.



F.VI.



Fig.VIII.



Fig. I.



Fig.V



Fig.IV.



Fig.III.



Fig.II.






Fig. IX



MENSIS JUNII A. MDCCCV. 279

ADRIANI RELANDI DISSERTATIO ALTERA
de Inscriptione Nummorum quorundam Samaritanorum, ad
Spectatissimum Virum JACOBUM de WILDE: in qua
de Amphora Manne nummis illis inscripta, & asini cultu,
Judeis per calumniam objecto, agi-
tur.

Accedit

JOH. BAPT. OTTII, LINGUÆ SANCTÆ IN
Arbenso Tigurino Professoris Publici, Epistola de Nummis qui-
busdam Samaritanis, ad Excellentissimum Virum ADRIA-
NUM RELANDUM, cum Hujus
Responsio.

Trajecti ad Rhenum, 1704, in 8. Constant plagulis octo, &
tribus tabulis æneis.

Tres partes hic libellus habet, I. Clarissimi Viri Adriani Re-
landi Dissertationem alteram de nummis quibusdam Sama-
ritanis, ad Amplissimum Virum Jacobum Wildium: II. Doctissimi
Viri Joh. Baptistæ Ottii Epistolam de eisdem nummis & simili-
bus ad laudatum jam Relandum: III. Hujus ad Clarissimum Ot-
tium Responsionem. De prima parte hæc breviter more nostro
subnotamus.

Tertius annus est, cum Vir Clarissimus, Adrianus Relandus,
Dissertatiunculam de Nummis quibusdam, præsertim Samarita-
nis, quos in Nobilissimi Viri, Jacobi de Wilde, Gazophylacio pri-
mum viderat, ad eundem Antiquitatis peritissimum Virum da-
ret, quam nos anno 1703 mense Aprili recensuimus. Hanc ope-
ram cum non displicuisse Viro Doctissimo cognovisset, scripsit al-
teram ad eundem Dissertationem, quæ in hoc libello prima est:
&, sicut in priore, abhinc triennio excusa, in literis nummo-
rum examinandis occupatus fuerat, ita in hac, quæ in illis ex-
pressa vasa erant & signa alia, sibi constituit curatius explicanda,
etiam explicavit eruditissime. Primum erat in nummis illis ca-
lix apertus, quem negat Clarissimus Auctor urnam Mannæ esse,
ut visum est nonnullis, etiam Villalpando, cujus nummum in
pri-

priore Tabula num. V. æri incisum exhibuerat; quia apertio aliquid vacuum significet, & in ipsius vasis medietatem vel oculis, si intendamus, liceat inspicere; deinde figura ipsa delineata sit calicis potius, quam urnæ, aut huic vasis similis. Urnam autem Mannæ in alio nummo ejusdem tabulæ contextam dicit conspici, ne quid heterogeneous incidat, ac purissimæ Mannæ misceatur. Id probari ait *σάμνος* nomine ad Hebræos Epistola cap. IX, 4, quod ex Pollucis Onomastico illustrat, qui *σάμνος* & *σαμνία* inter vasa vinaria numeret, unde Comici sit *κατασαμνίζειν τὸν οἶνον*, *vinum in stannos diffundere*: & Aristophanis Scholiastes in Batrach. act. 1. scen. 1. *σαμνία δὲ καὶ σάμνος τὴν ἀμφορεὶς τῶν οἶνων φασίν*: quod etiam Phavorinus in Onomastico dixit, & Auctor Etymologici Magni. Sic stannus amphora est his interpretibus: Amphora autem Isidoro in Originibus est ita vocata, *quod hinc & inde levetur, & ejus anse geminata videantur aures imitari*. Est enim idem quod *ἀμφορεὺς*, qua voce Homerus usus est, eamque Hesychius exposuit, quod vas sit *ἐκατέρωθεν ὠτὰ ἔχον*, *cui ex utraque parte aures sit*, sive manubrium. Jam vero colligit, in dicto nummo vas utrimque auritum conspici, quod urnæ, qua Manna adservabatur, quam maxime conveniat. Nec enim amphoras tantum vini esse receptacula, aut alius liquoris, olei, muricæ, apud Catonem & Martialem; sed aridorum etiam, ut cinerum & ossium de busto collectorum, apud Homerum, Iliad. 4. de Patroclo: & auri, argenti, plumbi apud Corn. Nepotem in Hannibalis Vita cap. 9. Pergit de Amphoribus disserere, quæ vel rudēs erant, quibus pice obductis vel gypso, in cellis & horreis per multos annos vinum servabatur: & hæc plerumque fictiles erant, unde per *κεράμια* Eustathius, Hesychius & Suidas interpretantur: etiam vitreæ, quemadmodum in Satyrico Petronius de Opimiano centum annorum vino, (quod ex Vellejo, Plinio, Martiale Noster describit) *statim allata sunt amphoræ vitreæ diligenter gypsata*. Addit de figuris amphorarum, easque depictas exhibet: etiam quid *jugulare Falernum* sit apud Martialem lib. 1. epigr. 19. exponit. Altera amphorarum species elegantioris formæ, non in cellis deponi solebat, sed cum phialis, scyphis, crateribus ostentari. Tales Lentuli Spintheri

amphoras ex onyche factas Plinius XXXVI, 7 memoravit: quibus & Urnam Mannæ, in nummis nitidius exsculptam, adnumerari doctissimus Auctor æquum censet. Postea in ipsam vocem צנצנת, ut urna illa Hebraice vocatur, inquirat, quam missis Judæorum ineptiis, a צון vel צתן, Hebræis deperdita, Arabibus superstitie radice, quæ recondere & servare sonat, deducit. Et quod in Targum hæc urna צלוחית translata est, de hac quoque voce ibidem disputat. Judæos autem, de urnæ materia varie sentientes, Θεοπνεύστῃ Apostoli auctoritate configit, a quo εἶμυρ χρυσῆ, vas aureum appellatur. Hinc excurret in auricularum amphoræ descriptionem, quales in urna nummi Wieldiani etiam conspiciuntur. Græci ὠτὰ illas ansas vocant, & Homerus τρίποδ' ὠτῶντα Iliad. ψ. quo diota Horatii etiam referenda est. Ex Polluce ac Phavorino plura hujus generis adduntur. Ab auribus vas tale festive Aristophanes ὄνον, asinum dixit: ad quem modum etiam Athenæi IV, 23 ὄνους γέμοντας οἶνον doctissimus Auctor interpretandos censet, quod γέμειν, etiam Casaubono observante, de interno onere, ut navium est; non de externo jumentis imposito, a Græcis usurpetur. Atque idem ex Petronii *Asello Corinthio in promulsidari* posito demonstrat. Philosophatur hinc de Sileni fabula, qui Bacchi famulus asello vehi fingebatur: & de voce κᾶνθαρος, cantharus, quam κᾶνθον, asinus, putat derivatam esse: sed scitissimum & maxime ad fidem pronum est, quod de asino, seu capite asini profert, in Hierosolymitani templi penetralibus, quæ ethnicorum calumnia erat, dedicato. Ortum enim ipsi maledictum ab ὄνω, asello, videtur, id est aurito vase seu urna mannæ ibidem olim adservato: quod doctissimi Bocharti conjecturæ præfert, ex Coptica lingua calumniam explicantis, qua ΠΙΕΩ asinus prope easdem literas habeat, quas Scripturæ sacræ formula ΠΙ ΙΑΩ, פִּי יְהוָה, os Domini: quia non magis os Dei, quam manum, oculos, eodem modo sapissime descriptos, Judæi adorasse dici possint: nec appareat, Ægyptios hujus calumniæ architectos primos exstitisse.

Sequitur Clarissimi Viri *Johannis Baptiste Ottii* ad celeberrimum Relandum Epistola, ex qua hæc excerpta recensemus.


TAB. VI.
Fig. V. VI.

In nummo suo primo (duos autem nobilissimus Fromont, exul Gallus, æneos communicaverat, exesos quodammodo: quibus alii duo accesserunt) in primo, inquit, nummorum delineatorum (quem nos Figura V, & ut ex conjecturis restitutus est, Figura VI exhibemus) doctissimus Auctor conjectura restituit duos fasces, quorum in medio germinans virga superavit ceteras. Hos antea putavit fascem baculorum XII tribuum significare, e quibus unus tribus Levi seu Aaronis germinavit tulitque fructus. Quod vero duplex in nummo vel vas vel fasciculus apparet, mutata sententia existimat, in hoc & similibus nummis לולב *Lulaf* Judæorum signari, sive fasciculos, quibus in festo Tabernaculorum utebantur. Interjectis aliis de *Hosanna*, quo nomine & festum & fasciculum nuncupaverint; & de arborum genere, unde *Lulaf* Judæi petierint; putat vulgarem in multis Europæ populis hinc morem ortum esse, quo Calendis Majis arbores vel virides ramos ante domorum fores ponant, qui a tempore seu mense illo *Meyen* appellentur. Vas autem in tribus Relandinis & uno Hottingeri de צלוחית *lecytho* seu *ampulla* explicat, qua eodem festo e *Siloam* haustam aquam in ara exteriori libaverint: quod non modo ex Judæorum scriptis, verum etiam ex ipso sacro Codicetam Veteris quam Novi Testamenti constare putat, & eodem verba Esa. XII, 3, nec non quæ ipse Salvator noster Johann. VII, 37 in illo Tabernaculorum festo prolocutus est, referri posse, tanquam ab ritu illo petita, existimat.

Fig. VII. VIII.

In nummis, quos exhibet numero 3, (nobis Fig. VII & VIII) vitis folium expressum esse contendit, & eo adfert Flori verba III, 5, Criticorum quidem dissensu vexata, ex Lipsii autem lectione (quam non tantum vulgatæ, sed Grævianæ etiam, propter eosdem nummos anteposit) ita restituta, *sub aureo vitem calo*. Et quod Tacitus *vacuam sedem & inania arcana* dixerit, de simulacro Numinis, quo abstinebant Judæi, interpretatur, non quod nihil quidquam ibi visum fuerit; & τὸ πᾶν Grævio, id ex Josephi de Bello lib. VI, 14 probanti, eundem auctorem opponit ex lib. I. cap. 5. nisi hic sanctum templi cum sancto sanctorum confunditur. Quapropter aliud opinioni suæ præsidium quærit, & in vite aurea invenisse credit, quam, eodem Josepho

TAB. XI. ad A. 1705.



teste lib. XIV. 4, Pompejo Aristobulus dono miserat, eamque, si non surrepta ex sancto sanctorum fuerit, ad imitationem tamen ejus, quæ in sanctissimo loco custodiebatur, effigiatam fuisse autumat. Hæc ille de figuris nummorum; post quas de literis adscriptis ita judicat:

In primo Relandino legit **שנה ארבע** *anno quarto*: & aliorum collatione **שנה שנים** *anno secundo*: in postica a redemptione seu recuperatione *Zionis*, & in minore **חרת ציון** *libertas Zionis*. Deinde agit de Judæorum **מנין שטרות** *era contractuum*, ad quam etiam I Maccab XIII, 41 respiciatur: de qua quod ex prima clarissimi Relandi dissertatione ante biennium dictum est, liceat jam nobis brevioribus esse. Ex annis, quos sic satis definitos doctissimus Auctor putat, colligit tandem, omnes Samaritanos nummos (exceptis siclis argenteis, si modo veri dentur) Simonis Maccabæi tempore percusos esse. Etiam in Ludolfiano nummo, priore Relandi Dissertatione expresse (quem vere Jobi Ludolfi, summi Viri, fuisse agnoscimus) legit **לחרות ירושלם** *Simeon, seu Simon*; & in altera facie **לחרות ירושלם** *liberationis Jerusalem*; ac itidem sibi de altero minore, cum Ludolfiano ibidem delineato, etiam in Hottingeri Tabula III, nomen *Simeonis* in serbo legendum esse, persuasum habet. In suo primo nummo **חצי** *Samaritice effigiatum, vel חרות, libertas, vel חצי* *semis* legendum censet: licet semisiclum, ab Alstedio descriptum, pro ficto habeat, a nemine usquam vel visum vel possessum. Deinde siclos quosdam examinat, & suspectos novitatis ex signis haud dubitandis reddit.

Succedit clarissimi Relandi Dissertatio tertia, qua doctissimi Ottii Epistolæ amice ac placide respondet, & in quibus ille dissentit, erudita modestia examinat, suamque in prima Dissertatione propositam sententiam tuetur. Quatuor autem sunt, in quibus secus sensit Ottius, quorum tribus tantum jam Relandus respondit: quartum præterit, aut meliori otio reservavit.

Primo, ubi ipse legerat in nummo **שנתא רכר** *anno secundo*, videlicet ab initio principatus Simeonis. Sed neque in hoc, neque in altero, quem ille *secundum annum* putat præscriptum.

habere, nomen Principis Simonis invenitur, sicut I. Maccab. XIII, 42. & XIV, 27: nec concedit doctissimus Auctor, sub solo Simone nummos hujusmodi procusos fuisse. Nec ex nummis illos annos probari certo posse demonstrat, quia in Relandino sit שנת ש, quod explicari possit anno 300: Ottianus nihil habeat nisi שתי; & quod diversi typi sint, defectum unius ex altero negat suppleri posse. De isto autem nummo, quo Ottianus anno quarto legebat, ad Dissertationem suam primam Auctor noster remittit, qua clare per singulas litteras, & illorum temporum scribendi consuetudinem, docuerat, anno 224 significari, nec opus esse ut repetat. Hinc ad alteram faciem progreditur, qua ipse legerat לנאלר מין liberationis a Græcis; ille, liberationis Zionis, quæ etiam Joannis Harduini in Chronologia V. T. sit sententia, ut annus notetur, quo Simon arcem Zionis occupaverit. Dissensus ergo de posterioris vocis litera prima est, quam ille ז, hic ח putat valere, quod ductus litterarum in libris & nummis non ubique sibi respondeat. Sicut vero, exempli gratia, in ח manifesta est diversitas; ita posse etiam in ח esse Auctor censet: & dum ille ח vocis *Jerusalem* in nummis perinde, ut in libris, formatum objicit; respondet hic, ectypos illos nummos esse, qui plerumque ad mentem & opinionem ejus, qui depingat, exprimantur: in ipsis autem Villalpandi & Kircheri nummis ח vocis *Jerusalem* plane aliud esse, propiusque cum initiali litera vocis convenire, de qua jam sit hæc disputatio. Præterea distinguit inter Zionem montem, & inter arcem, quam Simon recuperavit, extra Zionem positam, I. Maccab. III, 50, ut lectio *Zionis* ne historię quidem conveniat.

Denique de palmis in tribus suis nummis addit, non fasciculos Tabernaculorum esse, qui ea densitate ac forma pingi non possint, nec inde fructus palmæ pendere tam longe pendulo caule. In publicis lætitiis Judæos ramis palmæ usos esse, Nehem VIII, 15, I. Maccab. XIII, 51. II. Maccab. X, 7; non summo totius palmæ cacumine, quod in nummis appareat, quia abscissio ejus toti arbori extialis sit: quod Salmasii etiam auctoritate confirmat.

Quod vero Relandinos nummos lectissima virgo Maria Wildia ex paterno thesauro elegantissime depinxerat, sicut Ottianus

nos Anna Waser, Caspari Waseri, Viri post fata etiam laudatissimi, abneptis; idcirco gemina elegia, in laudem præstantissimæ artificis Wildæ composita. opusculum hoc Relandus noster finivit, quæ plura moneri de Ottii epistola possint, alii tempore otioque relictis.

AUREUS CONSTANTINI AUGUSTI NUMMUS
de Urbe, devicto ab Exercitu Gallicano Maxentio, liberata
explicatus.

Romæ, typis Lucæ Antonii Chracas, 1703, 8.
plag. 2.

Qui antiquarios inter transalpinos doctrinæ & sagacitatis fama diu jam floruit, Clarissimus *Michael Angelus de la Chaussée*, nummo musei sui ex auro percuso, cujus antica pars caput Constantini lauro cinctum, verbaque circumscripta *Constantinus P. F. Aug.* postica vero Imperatorem equo insidentem, dextraque protensa conspicuum, cum epigrapha *Gloria Exercitus Gall.* subtus denique literas *P. Tr.* exhibet, dissertatiuncula hac justam ætatem figere conatur. In opinionem namque Illustris Comitis, Francisci Mediobarbi, qui ejus quidem mentionem fecit, sed anno CCCVII Æræ Christianæ, quo cum Maximini Herculei filia Fausta nuptias Treviris celebravit Constantinus, signatum esse sensit, ea de causa concedere abnuvit, quod illa tempestate, Gallicani militis ope, Imperator nihil suscepit memoratu dignum. Licet enim superiori anno Ascaricum & Regaisum, Francorum Reges, sub potentatam suam redegerit; istam tamen expeditionem neutiquam hic commendari posse, eo quod Casareo solum axioma tum temporis eminuerit Constantinus. Augusti vero titulum a Galerio demum A. CCCVIII ipsi impositum fuisse, quem deinde Senatus Romanus A. CCCXI, post celebrem illam victoriam de Maxentio partam, virtutis ergo derulerit. Immorari paululum videas hic Nostrum descriptioni arcus triumphalis, in honorem Constantini inter Palatinum & Caelium montes erecti, quem ex destructis præstantioribus Urbis monumentis, Augusti, Trajani & M. Aurelii puta, Baronii aliorumque fide asserit exornatum, absolutum vero ipsis Decennalibus Imperii Constantini votis solutis, ac

TAB. VI.
Fig. IX.

Vicennalibus denuo susceptis. Tempus autem, quo nummum suum eusum existimat, in annum CCCXIII rejicit, cum nimirum Constantinus pacata Urbe, & sorore sua Constantia Licinio in uxorem data, in Gallias rediisset, ac Treviris aliquamdiu commoratus, in Francos atque Alemannos Rhenum transituros exercitum duxisset. Felicissimum enim expeditionis hujus successum designare & alia duo numismata aurea, in quorum altero mulier plorans sub trophæo, addito lemmate *Gaudium Romanorum*, atque in inferiore parte *Francia*; in altero eadem figura cum voce *Alamannia* compareat. Præterea quoque supra laudatum Comitem Mediobarbum nummum aureum Constantini, Marte gradivo, hinc & inde duobus captivis ad pedes stipato, & epigrapha *Virtus Exercitus Gall.* illustrem, ad bellum istud referre. Cum itaque gloria virtutis comes habeatur, quin & utriusque nummi antica facies eandem inscriptionem *Constantinus P. F. Aug.* ostendat, hinc utrumque etiam uni eidemque anno vindicandum fore, Noster perquam verosimile credit, nequicquam contrariari, quod elogium *Maximi*, Constantino post domitum Maxentium Romæ tributum, in prædictis nummis non occurrat, utpote cujus nullum quoque vestigium exstet in numismatibus averſa parte *Gaudium Romanorum*; *Gloria Exercitus*; *Restitutori Libertatis*, aliaque verba præ se ferentibus, de quibus tamen certum sit, illa post reportatum de Tyranno triumphum cælata fuisse.

IDO WOLFFII OBSERVATIONUM CHIRURGICO-Medicarum Libri duo, cum scholiis & variis interspersis Historiis Medicis editi a JOHANNE CHRISTIANO WOLFFIO Medicine Doctore.

Quedlimburgi sumptibus Theodori Philippi Calvisii, 1704, in 4. Constant 1 $\frac{3}{4}$. Alphab.

REpletus est præsens liber Medico-Chirurgicus maximam partem cruentis historiis, quas pro dexteritate & virili Ido Wolffius, Illustrissimi Principis Anhaltini Chirurgus *νῦν ἐν ἀγίοις*, conscripserat.

rat. Hic enim Chirurgi filius Chirurgiæ totum a teneris annis se consecraverat, cujus prima cum posuisset fundamenta, parte Inferioris Saxonie perlustrata, Daniam, Prussiam, Poloniam & Moscoviam adiit, præstantissimosque Chirurgos, scientia & manu peritos, conquirit, ex iisque salubria præcepta avidissime hausit. Reversus ad suos, alterum meditatus est iter, inde in Belgium, deinde Angliam, hinc Galliam profectus, ibique Chirurgi castrensis munere per aliquot annos functus est. Quæ igitur diversis hisce in terræ plagis & regionibus vidit, audivit, vel dum Servedæ praxin exercebat, observavit, solerti manu consignare integrum duxit. Atque hæ sunt Observationes, quas Cl. Filius ipsius Latinitate donatas non solum publici juris fecit, verum etiam Commentario fere perpetuo ornavit, variisque historiis Chirurgicis, Medicis, atque Anatomicis firmavit, tum & causarum scrutinium addendo, rationibus Philosophico-Medicis illustravit. Ex omnibus quasdam nunc nominasse sufficiat observationes, quæ non ubi-vis obviæ existunt.

Sic *Libri I. Observatio 15.* jacturam oculi & tandem mortem ex pulvere pyrio tabaco admixto; *Obs. 16.* ex hemicrania coecitatem & rupturam corneæ; *Obs. 20.* menses per mammas erumpentes; *Obs. 21.* vulnus in cordis cono sanatum; *Obs. 27.* vulnus ventriculo per transversum inflicturn curatum; *Obs. 32.* intestinorum abscissionem sine ægri detrimento; *Obs. 39.* uteri verum prolapsum, & *Obs. 41.* partum post matris mortem recenset. *Lib. II. Observatio 4.* cephalalgiam a vermibus sub cute in vertice nidulantibus; *Obs. 15.* tumorem femoris per fascinationem inductum, & exemtis septem ossibus albis curatum allegat.

LIBRI NOVI.

Histoire du Vieux & du Nouveau Testament, enrichie de plusieurs Figures en Taille-Douce. Par Mr. Basnage. A Amsterdam dans l'Imprimerie de J. Groenevoud, 1705. 4.
De Synodi Carentonensis, a Reformatis in Gallia Ecclesiis A. 1631. celebrata, Indulgentia erga Lutheranos, Dissertatio Theologico-Historica, Autore D. Thoma Ittigio. Lipsia apud Heredes Joh. Grossii, 1705. 4.

Quin-

- Quinti Septimii Florentis Rivini, J.Cti, Enunciata Juris ad Ordinationem Processus Judicarii Saxonici Electoralem collecta. Ex schedis edita Parentis a Filio D. Jo. Florente Rivino. Lipsia apud Jo. Frid. Gleditsch, 1705. 4.*
- Cassparis Henrici Hornii, J.Cti, Jurisprudentia Feudalis Longobardico-Teutonica. Witteberga apud J.W. Meyerum & G. Zimmermannum, 1705.*
- D. Jo. Alberti Fabricii Bibliotheca Græca. Hamburgi apud Christianum Liebezeit, 1705. 4.*
- Wilb. Ern. Tentzelii Saxonia Numismatica Linea Albertina. Pars I. Prostat Francofurti ad Manum apud Frid. Knochium & Lipsia apud Ph. W. Stockium, 1705. 4.*
- D. Joh. Bartholdi Niemeieri de Conjugiis prohibitis Dissertationes junctim editæ. Helmstadii apud Sal. Schnorrium, 1705. 4.*
- Anacrisis Apocalypsios Joannis Apostoli, auctore Campegio Vitringa. Franequera apud Franciscum Halmam, 1705. 4.*
- Antonii Teisserii Catalogi Auctorum, qui librorum catalogos, indices, bibliothecas &c. scriptis consignarunt, Auctarium, seu Pars altera. Geneva, apud Chouetum & Socios, 1705. 4.*
- Antonii Van Dale Dissertatio super Aristea de LXX Interpretibus. Additur Historia Baptismorum & Dissertatio super Sancho-niathone. Amstelod. apud Jo. Wolters, 1705. 4.*
- Andrea Christiani Eschenbach Dissertationes Academicæ. Norimberga apud W. Michaelis, & Jo. Adolphi, 1705. 4.*
- Theodosii Schöpfer Gerontologia, seu Tractatus de Jure Senum. Quedlinburgi, apud Th. Ph. Calvisium, 1705. 4.*
- D. Christoph. Franckii Demonstratio Deitatis Christi, ex immotiis S. Literarum fundamentis deducta. Kilonii, apud J. S. Riechelium, 1705. 4.*
- D. Val. Ern. Löschneri Ion, sive Originum Græciæ restauratarum Libri II. Lipsia apud Heredes Grossianos, 1705. 12.*
- Conformité de la Foi avec La Raison, ou Défense de la Religion. Par Mr. Jaquelot, 1705. 8.*
- Voyage du Sieur Paul Lucas au Levant. A la Haye, chez Meindert Uytwerf, 1705. 12.*

* * * * *

A C T A ERUDITORUM,

*publicata Lipsia
Calendis Julii, Anno MDCCCV.*

SAXONIA NUMISMATICA, oder Medaillen-Cabinet &c.

Hoc est:

SAXONIA NUMISMATICA, SIVE NUMMOPHYLACIUM Numismatum Mnemonicorum & Iconicorum, a Serenissimis Electoribus Ducibusque Saxoniae Lineae Albertinae cudi jussorum, collectum a WILHELMO ERNESTO TENTZELIO, Consiliario & Historiographo Regio Polonico & Electorali Saxonico. Pars I.

Sumtibus Christiani Wermuthii, Numismatum Sculptoris. Prostat Francofurti ad Moenum apud Knochium, & Lipsiae apud Stockium, 1705. in 4. Constat Alphab. 1. plag. 7. & tab. æneis 16.

Opus præstantissimum, & cui simile in Germania nunquam hætenus fuit editum, aggressus est Amplissimus Tentzelius, dum Nummophylacium numismatum, mnemonicorum & iconicorum, a Serenissimis Electoribus Ducibusque Saxoniae cudi jussorum, pandere & ex historiarum monumentis illustrare instituit. Octo istud absolvetur partibus, quarum quatuor Lineae Albertinae, quatuor Ernestinae consecrabuntur. Prima Albertinae destinata est Duci Alberto, ejus conditori, successoribusque hujus ad Augustum, usque Electorem claris. Secunda incipiet a Christiano I Electore, desinetque in Johanne Georgio I, Tertia a Johanne Georgio II fausta capiens auspicia, in hodierno Electoratus Principe Herede

de subsistet. Quarta Duces Weisenfelsenses, Merseburgenses ac Cizenses complectetur. Prima pars Lineæ Ernestinæ ab Ernesto Electore, illius conditore, usque ad Johannem Fridericum pertinger. Secunda dabit Lineam Coburgicam & Altenburgicam, pridem extinctas. Tertia adhuc florentes Lineas Vinariensem & Isenacensem. Quarta denique Gothanam.

Et solidam certe hoc in genere eruditionem a Celeberrimo Autore quisque sibi pollicebitur, qui eidem fortunam numismata talia noscendi & in cætypis colligendi tantam, quantam Historicorum Saxoniorum nulli antea, obtigisse cogitaverit. Quam ut ipse in præfatione Tomi primi, nunc prodeuntis, latius deprædicat, sic haustæ hinc notitiæ specimina non una hætenus jam in lucem publicam prodire jussit. Equidem quintuplex opus numismaticum edendi consilium cepisse se aliquando innuit, quo Historiam Inviictissimi Imperatoris LEOPOLDI nuperrime defuncti, tum *Saxonicam* & *Brandenburgicam*, *Ecclesiasticam* denique & *Literariam* nummis illustraret. Cujus rei publice spem fecit in directa ad Serenissimum Electorem Brandenburgicum, hodie Borussia quoque Regem, dedicatione humillima Colloquiorum suorum Menstruorum, anni 1694. mensi Julio, splendidissimam Academiam Fridericianam Halensis inaugurationem depingenti, præfixa. Quin proximo anno ipse Berolinum accessit, optatoque ad nummophylacium Electorale gavisus aditu, Consiliario Begero, quem 20 Febr. hujus anni defunctum merito lugemus, rariora quævis commonstrante, in usus suos plurima descripsit. Unde natus est Brandenburgicorum numismatum Index mense Colloquiorum Julio 1695. Sed cum tota Serenissima Linea Saxonum Ernestina, defuncto D. Caspare Sagittario, Prof. Jenensi, A. 1694. Historiographi Saxonici characterem ipsi clementissime contulisset, sui omnino duxit officii, numismata Saxonica præ cæteris colligere atque describere. Cœpit ergo A. 1696. certis ea classibus disponere, optimamque nuptiis Gothæ - Ducalibus occasionem præbentibus, quæ in Domo Saxonica hætenus ejus generis prodierant, enumerare. Proximo statim anno tribus schediasmatibus illustravit, quæ in *Encenia*, in *Electrices Ducissasque*, ac in *Dies natales* cusa ipsi obtigerant, quibus A. 1699. numismata in *consecrationes baptismales*, *homagia*, *bellum*

pa-

pacemque, ordines & ludos equestres, exequias denique facta-
subjunxit. Quinque priores harum novem diatribarum auctio-
res dedit, cum Bielckius Jenensis A. 1700. uno omnes fasciculo
comprehenderet.

Omnem vero industriam hactenus probatam multum su-
perat labor, quem huic destinavit operi, quod Germanica pari-
ter ac Latina lingua concipere instituit, ut summa Saxonica gen-
tis gloria, non in Germania tantum nostra, sed quaqua patet Latina
doctorum lingua, magis magisque resoner. Præterea figuras
numismatum æneas ubique in tabulis peculiaribus repræsentavit,
easdemque ex Historiarum & Genealogiarum monumentis docte
illustravit.

Hac vice Tomus operis primus prodit, nummos a Sere-
nissimis Electoribus Ducibusque Saxoniae Lineæ Albertinae cudi
jussos complexus, e quo in specimen nonnulla huc afferemus.
Initium facit Amplissimus Tentzelius ab ALBERTO, Duce Sa-
xoniae, qui ob res fortissime gestas *Animosi* cognomen merito
tulit, hodiernæque lineæ Electoralis ab ipso denominatae Patens
felicissimus exitit. Hujus nullum se vidisse faterur numisma
mnemonicum, quod extra omnem dubitationis aleam positum
fuerit. Utut enim aliqui superbiant thalero, quem Dux Albertus
A. 1486. in electione Romanorum Regis Maximiliani I. Franco-
furti ad Moenum cudi jusserit, sive in ludorum equestrium tunc
celebratorum memoriam, sive, quod Albertus Praefecti Aulici
Marescallique Regii instar tunc fuerit, ut statim in coronatione
Aquensi ad dispergendum parati essent nummi; thalerum tamen
illum supposititium, & ad monetam Frisiae minorem, in libro mo-
netarum Belgicarum Antwerpiae A. 1627. edito delineatam, ex-
tensum effectumque videri affirmat. Nihilominus tamen duo in
memoriam Alberti cusa affert numismata, vetustius unum, & al-
terum recentius, quorum istud Augusti Electoris mandato, hoc
vero novissime a Wermuthio Gothæ sculptum fuisse, & quæ in
isto brevius de vita obituque Ducis Alberti habeantur, prolixius
exponere observat.

Pergit dehinc ad Ducem GEORGIUM, inter cujus numi-
smata ea inprimis celebrat, quæ is in memoriam suæ in Ordinem

Aurei Velleris factæ cooptationis fieri fecit: quorum unum Dinv-
 verso signatum, confert eum simili Friderici Palatini, infelicis Bo-
 hemiæ Regis, Imperiali admodum ominoso. Sed & istius me-
 minit, in quo Georgius, tanquam *veteris fidei Assertor constan-
 tissimus & Ecclesiæ filius obedientissimus*, laudatur & deprædica-
 tur. Curiosam sapit eruditionem, quod in gratiam eorum ob-
 servat, qui, cur Dux Georgius modo cum, modo sine barba, uno
 eodemque nonnunquam anno, in thaleris effectus sit? anquirunt.
 Nempe A. 1534. Dominica *Esse mihi*, quæ in XV. Cal. Martii
 tunc incidit, obiisse memorat Georgii uxorem Barbaram, Cafi-
 miri Poloniæ Regis filiam, præcedente eam filia Margaretha,
 prima conjuge Joachimi II. Marchionis, post Electoris Bran-
 denburgici; unde tantum concepisse Georgium mœrorem refert,
 ut, cum nullam iste barbam antea nutritisset, nec numismatibus
 monetisve expressisset, emergente tunc luctus tempore longissi-
 mam alere cœperit, eamque ad vitæ usque finem retinuerit. Fa-
 ctum inde autumat, ut, quos pro Novi Anni mercatu A. 1534.
 Georgius cudi fecerit, unciales barba adhuc caruerint, quia men-
 se demum Februario conjuge is privatus fuerit; sed qui nundinis
 Paschalibus & Michaelicis illati sint, eos longam ejus barbam
 ostendere addit, unde postea Barbatum nomen Georgius acceperit.
 Quem anno ætatis suæ 66 adornari fecit nummum rarissimum
 elegantissimumque idem Georgius, in gratiam Concilii genera-
 lis excogitatum conjicit, quod Papa A. 1537. primum mense Ma-
 jo ac deinde Novembri Mantuæ celebrandum indixit. Tunc
 sane Georgium, qui inter veteris fidei Defensores auctoritate opi-
 busque præcipuus fuerit, minime negligentem se præbuisse, quin
 Legatis potius ad Concilium mittendis nitidissimum numisma de-
 stinasse credit. Licet autem Concilium Mantuanum impeditum
 fuerit, proximo tamen confestim anno triplicem occasionem
 istud numisma dispertiendi oblatam reputat, partim membrifor-
 deris sub summi fide silentii adversus Protestantes a Catholicis
 Principibus sanciti; partim Regi Ferdinando, qui novæ arcis vifen-
 dæ gratia, Dresdam mense Majo venerit; partim denique Statibus
 provincialibus, & illis cum primis octodecim Nobilibus, quatuor
 Ecclesiasticis, & totidem e civitatum Magistratibus, qui debilio-
 ris

ris ingenii filio, Duci Friderico, ad gubernandam Rempublicam additi fuerint. Ultimum hoc fuisse censet numismatum ipsius Ducis Georgii jussu factorum; unicum namque hujus filium, tunc adhuc superstitem, mense Februario A. 1539. morte inopinata peremptum, infelicem Senem XV. Cal. Maji eodem anno, ætatis suæ 68. infecutum fuisse memorat. An quisquam subita tunc rerum omnium inversione, de nummis cogitaverit exequialibus, valde dubitat, ac nihil de illis unquam se vel legisse vel cognovisse innuit. Nummos tamen, quibus Georgius, aliquot post obitum annis, representatus fuerit, indicare haud omittit.

Post numismata memoriam duorum ex Georgii filiis, secundi puta JOHANNIS, & quinti, natura simplicis & ad rerum gubernationem inepti, FRIDERICI, asservantia, ad ea properat, quæ HEINRICI Ducis referant effigiem, & singularem in successione fraterna fortunam, istisque mnemonicum addit in SEVERINUM Principem, Heinrichi istius filium secundogenitum, qui a Parente Oenipontem missus, ut cum Regis Ferdinandi liberis educaretur, diem ibi supremum obiit, anno ætatis ineunte XII. in cœnobio Stambfrano sepultus; & gamicum in Heinrichi ejusdem filiam primogenitam, Fribergæ A. 1515. natam, & anno ætatis decimo nono Georgio, Marchioni Brandenburgico, quinquagenario, matrimonio copulatam, cui aliud associat, cujus pars adversa, præter insignia Brandenburgica & Saxonica, refert dictum: DEUS. DAT. UTI. SPERO. & annum elc 15 XXXIV. Id quod rem magni momenti innuere reputat. Cum enim verba hæc ordinarium Marchionis symbolum haud exprimant, tacite eadem respicere arbitratur prolongatam, difficilemque dotis numerationem, quam a Duce Georgio negatam, Fribergæ demum interveniens præstiterit.

Panca sunt, quæ de MAURITII numismatibus affert. Licet enim Principem hunc multa fortitudinis prudentiæque specimina, pace ac bello, ante turbas Smalcaldicas edidisse largiatur, nullum tamen hætenus in illorum gloriam numisma se deprehendisse profitetur. Potissima sub ipso cusa obsidionem respicere monet Lipsiensem, a Joanne Friderico Electore A. 1547. susceptam. Neque tamen illius dememinit, quod Luckius exponat, quod.

quodque Mauritium habitu Electoris indutum sistat; & in duobus nummis, in duodecimam ultimamque expeditionem, qua Elector tot victoriis coronatus vitam ipse amisit, cufis definit.

Omniū vero prolixissimus est in delineandis nummis sub AUGUSTO cufis. Maximus enim hic Elector, uti tot facinoribus heroicis inclytus, artiumque tam liberalium quam mechanicarum promotor singularis extitit, sic plurima quoque fabricari fecit numismata mnemonica. Non referemus ea, quæ exercitiis sagittariorum destinata fuerunt, sed iis potius aliquantum adhuc immorabimur, quæ altioris paulo videntur esse indaginis. Referras huc illa, quæ in averſa parte sistunt navem, mari agitatum turbido, scopulisque proximam, in cuius velis expansis Christus cruci affixus delineatur, maloque adſtat Elector, gladium Electoralem humeris imponens, quem hostes undique equis adnatantes telis gladiisque petunt, ille autem Christo confidit, eum quasi allocutus: TE GUBERNATORE. Horum numismatum intentionem alibi quidem ad bellum Gothanum Noster retulerat, sed postmodum in eas delapsus est cogitationes, finito potius Principum conventu, Numburgi mense Januario & Februario A. 1561. habito, eadem consecrata, & exempla Electoribus & Principibus ibi congregatis postmodum transmissa, fuisse. Quamvis prorsus inficiari nolit, typaria hæc ante vel post obsidionem Gothanam denuo impressa, præcipuosque militum ductores iisdem donatos fuisse. Hinc de numismatibus, quæ procul dubio in memoriam obsidionis Gothanæ facta sunt, ulterius disserit, & elegantissimum postea nummum, in memoriam Formulæ Concordiæ compositum, quo Elector Saxo Brandenburgicum amice complectitur, repræsentat. Utut enim ille annum referat 1574, annisque fere duobus interjectis, prima demum istius libri lineamenta ducta, eaque hinc exterorum Electorum Principumque Theologis ad recensendum transmissa, & denique A. 1577. aucta consummata: que a tot centenis subscripta fuerint, suum tamen de hoc numismate assertum ita salvat, ut istud non ad initium modo, sed ad progressum quoque Formulæ Concordiæ spectare innuat. Neque indigna sunt consideratione numismata, quæ Annam Electricem *Natam Danicæ Regiam* appellant. Oviforme istud, quod

ex

ex altera parte effigiem Augusti, ex altera vero Abrahamum ante altare, cui præter ligna filius Isaacus ligatus impositus, stantem gladiumque stringentem, cum epigraphe Germanica, *Abraham vertrauete Gott*, repræsentat, sententia peculiari sic interpretatur, ut innui eodem statuatur negotium cum Augusti filio ex novenis unico superstite, *Christiano*, gestum, quo Electore eundem die 24. Januarii A. 1581. Consilii intimi Præsidentem constituerit, bonoque adeo publico quasi devoverit & immolarit, Deo cum Abrahamo confidens, fore, ut is suo tempore Ecclesiæ Reique publicæ multam afferat utilitatem. Forte & curiosis non displicebunt bina numismata, Adamum ab Eva seductum præferentia, licet Pasquini scholam redolere videantur. Tacemus alia, quæ haud citra insignem animi voluptatem lustrari poterunt.

Cæterum cum numismatum nonnullorum prior saltem pars sive adversa, ad manus Nobilissimi Auctoris pervenerit, posteriori seu aversa deficiente, circulum ideo illis vacuum adjici curavit, ut curiosis ad prototypa pleniora exquirenda, sibi que transmittenda, stimulum adderet.

APPIANOT NIKOMHΔEΩΣ ANABAΣEΩΣ AΛEΞAN-
ΔPOT BIBΛIA EΠTA KAI INΔIKH.

ARRIANI NICOMEDIENSIS EXPEDITIONIS

Alexandri Libri VII & Historia Indica. Opera

JACOBI GRONOVII.

Lugduni Batav. excudit Petrus van der Aa, 1704. fol.
Constant Alph. 4. pl. 5.

Nitidissimam hic Arriani Nicomediensis editionem exhibemus, quam summo studio multorumque labore annorum a se confectam, Cosmo III. M. Etruriæ Duci Serenissimo dedicat Celeberrimus Gronovius, quia in ejus Bibliotheca latuerant præstantissimi codices, quibus nitorem hunc suum de novo quasi regni- tus Arrianus debet. Et materiam quidem longe nobilissimam, expeditionem scilicet maximi, post omnium memoriam hominum, Regis ab hoc autore luculentissime descriptam, se, ut hunc laborem fusciperet, potissimum movisse ait Editor solertissimus. Inde jam ju-

juvenem se justam incessisse cupidinem, autorem hunc tot sordibus inquinatum purgandi: imprimis cum omnes adhuc editiones lectorum expectationem de intelligendo Arriano turpiter fefellerissent, ipsique adeo editores, magni licet inter Eruditos nominis, Arrianum non intellexissent; præ aliis autem istius, quæ anno 1668. in Zelandia & Westfrisia prodierit, editionis autor nihil fere toto opere nisi plagiarium egisset. Se igitur, cum nullum Arriano parari præsidium, nullum intelligendo ipsi accendi lumen, nisi e codicibus MSC. optimis posse intelligeret, itinere in Italiam suscepto, clementia M. Hetruriz Ducis, operaque humanissima Illustris Magliabechii, quatuor optimos codices nactum in Bibliotheca Medicea S. Laurentii, in alium etiam deinde Origenis Philosophumenis adjectum longe emendatissimum incidisse: unde meliora & saniora reliquis afferre, ipsumque Arrianum, opere per triginta annos expolito, restituere potuerit. Quo non parum contulisse dicit, quod illum etiam codicem acceperit, quo Bonaventura Vulcanius usus fuit: qui vel liberius paulo versa, vel a Latini sermonis commoditate aliena emendaverat, & alia quædam in ora libri apposuerat, quæ supponi mallet; quod bona se fide executum ait Gronovius: prætereaque se varias lectiones, quas ille ex exemplari hujus Historiæ Augustanæ excerpserat, in communes usus adhibuisse, adeo ut jam perfectus & integer videri Arrianus queat, nihilque ipsi desit, quam unica lacuna de Hephæstione, quam vel ab aliis invento aliquo Arriani corpore suppleri, vel jam suppletam rectius tractari, cum Gronovio optamus. In notis suis ad Arrianum, id unum fere agit Gronovius, ut e codicibus MSC. sibi visis varias lectiones conferat, textum ab innumeris mendis purget, ea ratione interpretationis accuratioris fundamenta struat, atque adeo autorem tam afflicte corruptum, & tam invenustis interpretationibus deformatum, omni ex parte adjuvet. Lectionis quidem emendationem sæpissime optimo, quem appellat, codici acceptam refert. Ejus ope v. g. pro nomine Africano seu Ægyptio Ἀφρικανός, Macedonicum nomen Ἀρριανός restituit, eaque occasione etiam alia de nominibus Indicis & Macedonicis affert, p. 110. §. 12. Ex eodem codice, quem instar omnium esse dicit, de inventa elegantissima lectione, ubi ἡγεῖν pro Infinitivo
med.

med. *χρῆναι* ponitur, exultat p. 164. §. 70. Hoc denique prælucente, obscuram & ab ipsis interpretibus magis etiam obscuratam librorum Arriani sexti & septimi distinctionem detegit: & librum peculiarem de rebus Indiæ, ab aliis pro septimo, ab aliis pro octavo Arriani libro venditatum, non cum Vossio Indica sive Indicorum nomine appellandum, sed nomine *Ινδική*, subintellecta voce *συγγραφή* seu *χώρα*, signandum ostendit. Est tamen & ubi ab optimo codice isto, & reliquis omnibus discodit, & vel ulceris aliquid adhuc subesse indicet, vel aliunde opem afferre studeat Gronovius. Sic p. 179. §. 40. contra fidem & consensum omnium, etiam optimi, codicum, ex ipsa historiæ veritate & Suidæ citatione Arrianum emendat: p. 110. n. 22. vero in textu omnium codicum consensu approbato, lacunam quandam alicunde forte supplendam subesse suspicatur. Post textum accurate emaculatum, de versione ac interpretatione, vel emendanda vel confirmanda, sollicitus est Vir Celeberrimus. Ut ex innumeris vel unicum proferamus, p. 166. n. 76. voces *αὐτὰρ ἔχ' ἥμισυ τῷ τῆς προσκυνήσεως νόμῳ*, quas tam mirifice interpretati Gronovio videntur alii boni viri, ut vix ab iis vel illas ipsas, vel omnis istius periodi connexionem recte fuisse perceptam opinetur, ita vertit: *tum etiam, quod in his non est minimum, ritu adorandi.* Alibi versionem datam pluribus aliorum Autorum locis adductis illustrat, remque p. 167. §. 83. & *Φεάσι* pag. 166. §. 78. confirmat, & elegantiores Græcismos p. 89. §. 96. variis exemplis, etiam N. T. adductis annotat. Alibi selectiores ex antiquitate Græca observationes, quæ Autori celeberrimo deesse non poterant, adfert: quales sunt, quas p. 219. §. 11. 12. de nomine *βυκέφαλος* & *βυκεφάλος*, de variis equorum Macedonicorum appellationibus, de ipso Bucephalo ejusque forma, signo, & capitis amplitudine, & plurimis aliis locis ex optimis Autoribus contextit. Frequentissimæ autem, ut in aliis operibus Gronovianis, ita & in his Commentariis Virorum doctorum censuræ occurrunt. Freinsheimium sane p. 57. §. 94. dum velites *τοξότας* includit, præ Latinitatis studio insanire dicit: eundem p. 65. §. 15. vagæ cujusdam & indecentis varietatis arguit: Scaligeri & Maussaci errorem p. 88. §. 94. notat: Henricum Valesium in not. ad Excerpta Peiresciana p. 110. oscitantia con-

vincit p. 89. §. 95, quia Arrianum de eo, quod Hercules Tartessus Tyriusque unus idemque sit, dubitare asserit. Imprimis autem autores editionis Frisicæ de A. 1668. nihil dicere vel ignotum, vel suum, p. 115. §. 42: Facium nasutissimum p. 110. §. 22. & 312. 1. ineptum & ridiculum p. 166. §. 76. esse: Vulcanium audacter & perperam autoris contextum mutare p. 89. §. 96. alios aliter errare perhibet: adeoque omnem operam, quæ aliis forte etiam moleste sedula videri possit, in Arriano suo ornando & vindicando usurpat. Eodem spectat & exercitatio appendicis loco addita, de fossa ex Euphrate. Cum enim magna cura Arrianus exsequatur alveum, qui Pallacopas appellatur, ut lectores cognoscant, quis sit qualisque, & cui bono ac usui illic fuerit ductus, indeque in Eruditorum libris nominetur; sui esse muneris duxit Gronovius, ut extremam manum operi admoturus, cum lectoribus communicaret, & quæ de hoc Pallacopa scripta repererit, & quid in illis ab Arriano verissimo & fidelissimo descriptore ejus digrediat, ideoque prorsus rejiciendum sit. Primo igitur Salmasii de hoc opinionem in Exercitat. Soliniani p. 703. expressam ad verbum refert, eamque in Joh. Jac. Hoffmanni obscenæ molis Lexico nonnullis mutatis repetitam esse, nec tamen ubique verum dicere ait. Inde Isaaci Vossii descriptionem examinat: & quamvis in ea quædam a vera rei consideratione alienissima esse declaret, istam tamen P. D. Huetium, tanquam egregium aliquid, suis Gallis in libello de Situ Paradisi p. 85. ostentasse; Marshamum vero paulo quidem prudentiorem, non tamen ab omni errore in hac materia liberum fuisse, allato prolixo Strabonis testimonio, variisque Facii, Vulcanii, Isaaci Vossii & Marshami versionibus, in Arriani locum lib. VII. in capitis 21 fine collatis & examinatis, docet. Potissimum tamen Is. Vossii versionem sub censuræ incudem revocat, eaque incredibilem errorum aggerationem contineri, per plures plagulas declarare sustinet. Nos alienissimum esse in disputando à viris doctis quibuscunque characterem illum, quo e Seneca allato opus hoc Gronovius claudit, cum ipsomet optamus: *Hinc sibi indulget, ex libidine judicat, & audire non vult, & ea quæ invasit tenet, & eripi sibi judicium suum, etiamsi prævum est, non sinit.*

MENSIS JULII A. MDCCV.

299

OMINOSUM NOMEN, CUJUS DUCTU URBS
angusta URATISLAVIA centum anagrammatibus incre-

menta & fata sua turbato ordine adumbrat, auctore,

CHRISTIANO ROHR-

MANNO.

Lipsiæ apud Christ. Bauchium, 1705. 4.
Constat plag. 6.

Solent ab iis, qui Poësin exactius callent, inter lusus metricos Anagrammata quoque numerari, quæ ab epigrammate vix aliter differunt, quam quod in illis inscriptio sit brevior, in hoc descriptio plenior; in illis nominis notatio, vel alterius ominis ex nomine deductio, in hoc autem simplex cujuscumque rei, vel personæ, vel facti indicatio fiat; in illis semper, in hoc rarius syllabæ ac litteræ mutantur. Nacta sunt statim ex viris doctis patronos haud minori numero, quam obtrectatores, quorum illi cum poësi nata natum quoque esse anagramma, & divinam quandam emphasin ex litterarum transpositione derivari, adeoque novum sortium poëticarum genus dici debere arbitrantur: isti autem nugas tantum difficiles, stultumque ineptiarum laborem adpeliant, quando laureati quidam versifices unum idemque nomen ita misere lancinant, lacerant, transfodiunt, admutilant, discerpunt, ut vix nescio quis Podalirius sit illi sanando. Atque hanc ipsam controversiam magno fervore, coram Petro Wessenbecio, antecentum & quod excedit annos, discusserunt bina Gothanæ Scholæ lumina, ex quibus Joannes Weitzius Anagrammatomastigem, Andreas Wilkii vero illorum defensorem strenuum egit, quorum duæ de Anagrammatismis scriptæ ad Wessenbecium epistolæ, circa annum M DC III, Erphordix typis impressæ prodierunt. Equidem negari non potest, quod pleraque anagrammatum aut sensu plane cassâ sint, aut obscura adeo, ut ad intelligendum Delio natatore opus esse cuivis videatur: quæ sane nominum truncationes nullius haberi debent momenti, & in causâ fuerunt, cur isthæc litterarum carnificina, cui superiori seculo vates fere omnes certatim subscribebant, nostra ætate apud cordatiores vilescere atque antiquari cœperit. Cæterum ea, quæ sententiam

integre absolvunt, neque vim sensui inferunt, laudem omnino suam merentur, nec absque insigni delectatione legi possunt. Quem quidem in censum illa veniunt, in quibus e. gr. Sigismundus - *Musis dignus*; Eucharistia - *vis theriaca*; Piasius - *sat pius*; Logica - *caligo*; Galenus - *Angelus*; Civitas Norimbergensis - *ne scis? urbium regina est*, scribitur. Novimus apud Erythraeum in Pinacotheca de Aurato quodam Litteratore memorari, quod vaticinatus sæpe fuerit anagrammatibus: quæ res ne fidem omnem videatur excedere, eo facere possunt anagrammata, quorum ductu ex nominibus, laudator - *adulator*; Gustavus - *Augustus*; Cartesius - *Sectarius*; Calvinus - *Lucianus*; Faustus Socinus - *infaustus Socius*; Alstedius - *sedulitas*; Cornelius Jansenius - *Calvini sensus in ore*; ebrietas - *re bestia*; herba Nicottiana - *in bona charitate*; effingitur: quibus exemplis Morhofii τῷ πάλιν testimonium subjungimus, qui in suis de Lingua & Poësi Germanica Commentariis Part. II. Cap. XVI. ex nomine cujusdam per litterarum metathesin exsculptum fuisse narrat, quod is ipse homicidium aliquando patraverit.

Non infelix iisdem lusibus videtur esse Silesiorum natio, ad poësin præ multis aliis facta quasi & nata. Reusneros, Treutleros, Heermannos, Henelios, Cunrados, aliosque vetustiores silentio præterimus, quando nuperrime Christianus Rohrmannus *Uratulavie*, quæ Silesiorum metropolis est, clarissimum nomen centum anagrammatibus celebravit, quorum, quod ob rotunditatem numeri omnia sensum integrum non absolyant, illustrationi inserviunt additæ explicationes, stylo lapidari concinnatæ, in quibus incrementa urbis, fata varia, celebres Duces, illosque subsequutos Reges ac Imperatores, Status deinde Provinciales, situm loci peramœnum, structuram ædium magnificam, ampla commercia, cultos civium mores, arguta dictione adumbravit. Sunt enimvero inter illa quædam plane egregia, quibus Polonorum adversus Silesios odia, repurgata apud Uratislavienses sanctissimæ religionis dogmata, fidem incolarum erga Augustissimos Imperatores illibatam, intactam ab hostibus intricennali bello urbem, mirum Senatus Breslei erga scholas & litteratos favorem, bonum regiminis publici ordinem, felicia juven-

ventutis ingenia, solum frumento fertile, aërem regionis salubrem, aliaque urbis memorabilia eleganter expressit. Dignam judicant hanc operam ex Macenatibus nonnulli, quam non modo typis Auctor exscriberet, sed Senatui quoque Illustri nuncuparet: qua ratione bina nobis ex urbis vocabulo anagrammata in memoriam redeunt, alterum quidem Italicum: *Viva l' Austria*; Latinum vero alterum, quo Uratislavia *laeta a Viris* dicitur, ab illis nimirum, qui ob præclara erga Celissimam Domum Austriacam obsequia, & perennem ad juvandas stabiliendasque elegantiores litteras adfectum, tantam nominibus suis famam circumdederunt, ut in ipsos obvia in quibusdam Romanorum inscriptionibus verba quadrare omnino dixeris: POSTERI VIR-
TUTEM IMITANTOR.

M. JO. CHRISTOPHORI WOLFII HISTORIA
Lexicorum Hebraicorum.

Witenbergæ, apud Christ. Theoph. Ludovicum, 1705. 8.
Plag. 16.

Auctor Clarissimus Celeberrimorum in orbe literato Duumvirorum, J. H. Böcleri & D. J. A. Fabricii, exemplo excitatus descriptionem hanc suscepit, qui cum Græcorum Lexicorum historiam tradiderint, noster operæ pretium facturum se esse putavit, si eandem operam Hebraicæ Linguae præstaret. In quo negotio ita versatus fuit, ut integrum schediasma in quatuor capita distingeret, quorum primum Judæorum Lexicographos completitur, serie Chronologica recensitos; secundum Christianos Lexicorum scriptores enumerat; tertium in eorum notitiam ducit, qui Lexica Hebraica vel promiserunt, vel perfecta in MSS. incerta reliquerunt; quartum denique illorum facit mentionem, qui consilia de optima Lexicon Hebraicum scribendi ratione dederunt. In eam vero præcipue curam incubuit, ut origines Lexicorum Hebraicorum assequeretur, priusquam ad Lexicographicarum recensioem industriam applicaret; quo consilio ad Grammaticarum Hebraicarum origines attendit, cumque persuasus fuerit, Grammaticæ vocumque studium conjunctum semper fuisse, easdem utriusque origines existimare non dubitavit. Proinde

tribus potissimum argumentis utitur, e quibus probet, Judæos seculo post C. N. X, quo literarum principatus ad Arabes fere transierat, Arabum potissimum exemplo excitatos fuisse, ut Linguz Hebraicæ rationes certis regulis comprehenderent. Argumenta illa partim a tempore, quo Grammaticæ Hebraicæ concinnari cœperunt, literarumque in eo statu, partim ab ipsis Hebræorum Grammaticis, partim denique a methodo, quam Grammaticos præcipue secutos esse constat, petenda putavit. Hanc suam sententiam tum Judæorum quorundam, tum Christianorum, Jo. Buxtorffii, Jo. Morini, J. H. Hottingeri, Bartolocci aliorumque testimoniis confirmat, & tandem comparato utroque vocum Grammaticæque studio, ostendit, ad eandem temporis epocham Lexicorum Hebraicorum originem referendam esse. His explicatis, Judæorum Lexicographorum recensioem aggreditur, quam ita instituit, ut, quoad ejus per Historiæ Judæorum Literariæ tenebras fieri potuit, constituto, quo singuli vixerint, tempore, de ratione, quæ singulis, in negotio hoc expediendo placuerit, esset sollicitus. Familiam Judæorum ducit R. *Menahem ben Sarugh*, qui sæculo post C. N. X exeunte vixit: agmen claudit R. *Juda Jonas*, qui nostra memoria Lexici Hebraici conscribendi consilium cepit, sed non æque exsecutus est, de quo exponit Bartoloccus P. III Biblioth. p. 52. Hinc Christianorum Lexicographorum recensioem eadem ratione exorsus, examinata quorundam opinione, qui ante Jo. Capnionem seu Reuchlinum, ex Christianis nonnullos Hebraicæ Linguz copias in Lexico Hebraico disposuisse putant, evincit, Reuchlino laudem hanc relinquendam esse: qua occasione de odio, quod Vir optimus ex studio Linguz Hebraicæ, isto sæculo insolenti, apud plerosque incurrit, fusius exponit, & alia monet, quæ ad pleniorum laudati Viri cognitionem pertinent. Hunc alii Christianorum Lexicographi ordine excipiunt, de quorum plerisque modestum Auctor formare solet judicium, idque sæpius ἐμὸς ἢ τοῦ αὐτοῦ aliorum testimoniis confirmat. Quod ut exemplo constet, B. Joh. Foersteri, de quo Class. II. §. 9. differuit, mentionem faciemus, cujus quidem Lexicon multis nominibus commendat, & ex eo potissimum, quod ille inter primos omnium felicissime copiosissimeque, in indaganda formali vocum Hebraicarum signifi-

ficatione, cujus magnam in Lingua Hebraica rationem habendam esse censet, versatus fuerit, auctorque & dux exstiterit celeberrimis sæculi nostri Lexicographis, *Neumanno* scilicet, *Wegneri*, & *Gussenio*, ut eandem viam insisterent. Nihilominus tamen nimium ejus in Judæos odium reprehendendum putat, quod effecerit, ut de eorum laboribus & notitia Linguae Hebraicæ sinistre judicaret, eamque nullo loco habendam esse statueret, imo homines illos pessimi criminis insimularet, & corrupti sacri codicis ageret reos. Eandem rationem in æstimandis reliquorum Lexicographorum laboribus secutus est, imprimis vero in Cl. *Casp. Neumanni* & *Jac. Gussenii* methodo exponenda multus est §. 52. & 55. De qua quid sentiat, multis dicere per instituti rationem non licet: illud tamen omittendum non est, quod singulare utriusque studium, in certitudine Linguae Hebraicæ vindicanda, & eliminandis ex ea antiphrasticis loquendi rationibus, laudet maxime & commendet. Desinit tandem in recensione *Portæ Linguae Sanctæ*, quam Venerandus Vir M. *Paul. Mart. Alberti* novissime omnium Hebraicæ Linguae studiosis aperuit. Dum in Classe III Lexicorum ineditorum meminit Auctor, §. 4 imprimis dolet, *Fr. Junii* Lexicon Hebræum, cujus specimen *Colomesius* p. 140 Opusculorum in Jf. Vossii bibliotheca exstare testatur, Imbonatus vero p. 44 Bibliothecæ editum esse falso putavit, ad finem non fuisse perductum, de quo Viro plura scitu digna affert, quemadmodum ibidem §. 11 de Jo. Drusio pluribus disserit. In Classe IV Aug. Pfeifferi, Andr. Mulleri, Sam. Bohlî, Abrah. Gibelii, Th. Bangii, & D. Gothofr. Wegneri de concinnando Lexico Hebraico absolutione consilia perpendit, & §. 8 optat, ut desideratissimum & nuper iterum in dissertatione epistolica de noviter tentatis in litteratura Hebræa promissum opus Venerandi Dn. D. Val. Ern. Lœscheri, Deliciensium Antistitis, de causis Linguae Hebraicæ, publicæ luci exponatur, quia nihil ab eo expectari possit, quod non ingenio inventum & elaboratum industria sit. His appendicibus Lexicis significationes Nominum Propriorum, quæ Hebræa, Chaldaica, Græca aliisve linguis expressa in V. vel N. T. occurrant, qui data opera & singularibus scriptis hoc egerunt; quos sequuntur,

tur, qui in alius argumenti scriptis obiter quasi, vel certe non-
 adeo accurate idem tetigerunt argumentum, quo refert Dictio-
 narium Universalium Scriptores, qui eruditorum sermonibus
 celebrantur, quales sunt *Car. Stephanus*, *Nic. Lloydius*, *Jo. Jac.
 Hofmannus*, *Lud. Morerius*, & novissime accuratissimeque omni-
 um *Pet. Baylius*, quorum labores pro merito laudantur. Hæc
 brevis est totius schediasmatis sciagraphia, quod passim variis an-
 notationibus est instructum, quæ tum ad pleniorum Lexicogra-
 phorum, de quibus disserit, notitiam faciunt, tum varia Hebraicæ
 Linguae & Antiquitatum Judaicarum momenta elegantiorisque li-
 teraturæ capita illustrent. Sic p. 10 sqq. in notis refutat eos, qui
 cum Jo. Clerico ac Campegio Vitringa, historiam de commixtio-
 ne Linguarum Babylonica aliter interpretati sunt, eamque non nisi
 de animorum dissensione accipiendam censuerunt. Ibidem p. 12
 recenset eos, qui historiam Linguae Hebraicæ perscripserunt, & p. 13
 laudat præcipuos, quorum industria in constituendo typogra-
 phiæ inventore elaboravit. Hinc p. 24 sq. Steph. Morinum & Ri-
 chardum Simonium confutat, qui punctorum vocalium originem
 ab Arabibus repetere non dubitarunt. Jarchii appellationem minus
 accuratam esse, & cum Isaaci nomine commutari debere evincit
 p. 31. Summam fuisse Judæorum in describendo sacro codice di-
 ligentiam, probatur p. 44 sq. variis hanc in rem allegatis auctori-
 bus, ubi simul p. 46 mos loca S. Scripturæ ex memoria alle-
 gandi, Patribus solennis, immutationi eorum sæpe occasionem de-
 disse observatur. Danielem a Judæis minus recte ex Prophetarum
 numero removeri, docet. v. 51 sq. & p. 53 variæ libros inscriben-
 di rationes, Orientalibus receptæ & pleræque obscuræ illustrentur.
 Varii Imbonati errores, quos in allegandis auctoribus commisit,
 notantur p. 75. *Ἀυτοδιδάκτωρ* exempla, & qui de his commentati
 sunt, scriptores habentur p. 97. De crassa Judæorum ignorantia
 variorum testimonia afferuntur p. 100 sq. qui p. 106 sq. a cor-
 rupti sacri codicis scelere immunes pronunciantur, variis, qui huc
 spectant, allatis auctoribus. Illorum notitia, qui alias linguas cum
 Hebraica contenderunt, peti potest ex pag. III. Plures qui longum
 temporis spatium elaborandis scriptis impenderunt, recensentur
 p. 121-123. De poetæ Hebræorum Lectorem instruit p. 137 sqq. &
 p. 144

p. 144 sq. non contemnendum scriptorum numerum, qui Hebraica Judæorum scripta ad Buxtorfii exemplum congefferunt, exhibet. Ex his exemplis iudicium facile formari potest de reliquis annotationibus, quas Auctor subinde non exiguo numero contextui sermonis adpersit. Cæterum in schediasmate hoc conficiendo Bartoloccii & Imbonati laboribus usus est, sed ita, ut subinde utriusque errores animadverterit & emendarit.

SOLUTIO PROBLEMATIS PASCHALIS.

Romæ, typis Rev. Cam. Apost. 1703. in 4. maj. Constat plag. 13, cum 5 Tab. æneis.

IN hoc Opusculo Illustris Autor (quem *Franciscum Blanchinium* esse, Summi Pontificis Magistrum Cubiculi hoc tempore Honorarium, ex eo ipso accepimus, cujus beneficio libellus ad nos pervenit, Reverendo Abbate *Dominico Passioneo*) sibi hoc problema solvendum proponit: *An disponi possit Cyclus Paschalis, constans annis Gregorianis, qui Pascha semper indicat tempore congruo, b. e. mense primo, die Dominica intra hebdomadam tertiam Lunæ?* Quamvis vero multi *Mathematici* negativam amplexi fuerint, *Noster* tamen affirmativæ veritatem se evicturum confidit. Demonstrationis loco affert ipsum Cyclum a se constructum, quem Octogrammum ideo vocat, quia Epactis saltem utitur ad investigandam Novilunii diem, octo autem literis in Calendario Romano antiquo olim ordine sæpe recurrente per totum annum continuatis (quas Nundinales communiter vocant omnes, *Noster* vero ad Cyclum Lunæ pertinere credit) ad indicandam Lunam decimam quartam, ante quam per Canones *Concilii Niceni* Pascha legitime celebrari nequit. - Ast ne hac ratione oriatur confusio cum literis Dominicalibus, loco literarum *Julii Caesaris* A B C D E F G H, assumit sequentes L M N O P Q R S. Ut igitur novi hujus Cycli Octogrammi veritas pateat, postulata quædam, rationem numerandi Lunam decimam quartam ac diem æquinoctii definiendi concernentia, præmittit: quoniam, ut notum est, in computando Paschate omnis labor huc redit, ut indicetur dies Dominica, Lunam decimam quartam, post æquinoctium vernale primam proxime sequens. In postu-

Qq.

lato

cha Alexandrino producta; usu & doctrina SS. *Atbanasii, Ambrosii, Cyrilli, Proterii, Paschasini & Leonis Papa* comprobata. Cæterum pleniorẽ Cycli sui octogrammi expositionem in peculiari opusculo pollicetur *Autor*, in quo singulorum assumptorum rationem redditurus est. Interea hunc suum Cyclum *Mathematicorum* censuræ proponit, rogans, ut si ullius anni Pascha minus recte ordinari cognoverint per numeros ejusdem Cycli, id velint libere arguere ac distincte notare: quorum judicia cum enixe flagitet, atque eadem se revereri plurimum profiteatur.

- Tab. VII. Tabulam præcipuam hic subicere visum est. Ipse vero *Autor* Expositioni Cycli sui Octogrammi geminam subjungit appendicem. In prima dubia solvit, quæ occasione Cycli sui Octogrammi proponi possunt. Quærit scilicet 1. Num major habenda sit ratio decimæ quartæ diei Lunæ ac Plenilunii, quam Novilunii, in disponendis Epactis Cycli? ubi affirmativam amplectitur,
- dub. 1.
- dub. 2. tanquam Canonibus Bullæ *Gregorianæ* additis conformem. 2. Quale sit criterium rectæ connexionis dierum cycli cum plenilunio & quarta decima? ubi respondet, quartam decimam Cyclarem, comparatam cum plenilunio medio, recte positam, si immediate præcedat diem civilem, in quam incidit Oppositio media, vel si cum eadem die civili Oppositionis mediæ aliquando concurrat, dummodo dies 14 Cycli totam non excludat quartam decimam mediam. 3. Num recte posita decima quarta cyclari, ætas Lunæ vere proposita videatur ex Epacta illi quartædecimæ respondente, adeo ut legi ita possit in *Martyrologio*, juxta antiquum Ecclesiæ morem; & num omnia, quæ *Gregorius* sancivit, exacte custodiantur? ubi iterum affirmativam probat per Cycli sui Octogrammi cum præceptis *Gregorii* convenientiam. 4. Num dies Novilunii ex Epacta Cycli Octogrammi constanter inveniantur, ut vera dici possit ex veteri more, vel a jugatione media, vel a prima phasi? ubi respondet, quamdiu in Epactis Cycli nec præcessio motuum mediorum ad Meridianum Romanum relata major occurrat, quam horarum 12, nec postpositio major, quam horarum 24; tamdiu ætatem Lunæ juxta morem antiquum Ecclesiæ & Bullam *Gregorianam* vere proponi. 5. Num Cyclus Octogrammus legem Cycli tantum servet in literis eorumve numeris,
- dub. 3.
- dub. 4.
- an

licandum nouilunium, et
nali, et Octagrammo.
um 1184.

IX	X	XI	XII
2400	2500	2600	2700
R ₅ IV	O ₅ XXIX	O ₂ XXIII	L ₃ XVIII
XV O ₃	X L ₄	V Q ₅	XXIX O ₅
XXVI R ₆	XXI Q ₃	XVI N ₃	X L ₄
VII O ₄	II L ₅	XXVI R ₆	XXI Q ₃
XVIII L ₃	XIII Q ₄	VII O ₄	II L ₅
* N ₅	XXII O ₂	XVIII L ₃	XIII Q ₄
XI S ₄	V O ₄	* N ₅	XXIV S ₆

Tabula III assignans cuilibet anno literam
Dominicalem ex Cyclo solis XXVIII stylo
Gregoriano Saecula Periodi Clementinae

Anni Expansi cuiusque saeculi				I 1600B V 2000B IX 2400B	II 1700 VI 2100 X 2500C	III 1800 VII 2200 XI 2600	IV 1900 VIII 2300 XII 2700
0	28	56	84	b	a	d	c
1	29	57	85	g	b	d	f
2	30	58	86	f	a	c	e
3	31	59	87	e	g	b	d
4	32	60	88	d	c	f	e
5	33	61	89	b	d	f	a
6	34	62	90	a	c	e	g
7	35	63	91	g	b	d	f

an etiam in Epactis? ubi respondet, se præcipuam legem servare in numeris literarum, unde & Octogrammmum appellarit; in Epactis vero servari Cyclum decennovennalem successionis instauratione per enneadecaëteridas quocunque seculo.

Appendix altera duas habet partes. Prima ostendit rationem decimæ quartæ Paschalis, & cujuscunque diei Lunæ numerandæ; in qua juxta Patrum monita, & leges Pontificum atque Conciliorum, summo opere cavendus sit concursus Lunæ decimæ quartæ cum die Paschali; & hujus excursus ultra tertiam hebdomadam Lunæ, quod utrumque per suum Cyclum constanter præstitum iri profitetur. Pars altera anni Solaris quantitatem ex observationibus definit, & cum *Gregoriana* comparat. Ex observationibus suis, collatis *Waltherianis*, Autor quantitatem anni Tropici colligit 365 d. 5 h. 49. 2. 38; ex iisdem atque observationibus *Hipparchi*, eandem deducit 365 d. 5 h. 49. 0. 24; ut adeo differentia sit 2. 14. Cumque *Cassinus* ex observationibus *Hipparchi* atque suis, eandem derivaverit 365 d. 5 h. 49. 1. 31, tuto quantitatem anni assumi, qualem *Mathematici Gregoriani* assumsere, nempe 365 d. 5 h. 49. 12. Illam enim 12 sec. differentiam ex *Hipparchi* observationibus, consentiente *Cassino*, dirimi non posse: cum organa, quibus ille in observandis æquinoctiis usus, ipso *Ptolæmo* haud diffitente, quartam dii partem non satis exacte definiant.

Colophonem opusculo addit Adhortatio ad eos, qui de Cyclo judicaturi sunt. Indicat in ea ipse Autor Paschata, quæ præfenti seculo in controversiam vocari poterant, nempe annis 1700, 3, 7, 10, 20, 24, 27, 34, 44, 47, 54, 74, 78, 81, 98, quibus in Paschate indicendo communes Tabulæ a Paschate Cycli Octogrammi spatio unius hebdomadæ; & annis 4, 23, 42, 61, 80, 99, in quibus eadem ab eodem spatio unius Lunationis dissentiant: atque monet, in examine Tabularum communium nullam rationem habendam esse illorum annorum, in quibus numeratio Epactæ communis loco quidem movet quartam decimam

Paschalem, in aliam diem transferens ab ea, quæ illi juxta hypotheseſ congregationis *Gregorianæ* deberetur; ſed legitimum tamen Paſchatis diem idcirco non turbat. Examinat quoque ipſe Paſcha anni 1707, atque contendit, illud juxta Canones Concilii *Nicani*, decreta *Gregorii* & *Auctorum* præſtantiorum ſententiam, qui Calendarii emendationem promoverunt, d. 17 Aprilis indici debere.

XENOPHONTIS OPERA OMNIA, QUINQUE
Voluminibus comprehenſa, Græcè & Latine, curante
EDUARDO WELLS.

Oxonii, e Theatro, 1691, 1693, 1696, 1700, 1703, in 8. Constant
 Alphab. 6 plag. 17, præter figuras aliquot æneas,
 & chartas geographicas.

PRæclare utique ſibi conſultum ſtatuunt *Φιλέλληνες*, quod cum a plurimis retro annis Xenophontem in librariorum tabernis anxie deſideraverint, neque intra ſeculi ſpatium, & quod excurrit, Leunclavianam illam elegantiffimam ulla alia, niſi forte Pariſina de A. 1654. nova habenda, editio exceperit, Oxoniensium tandem beneficio conjunctim teneant terſiſſimi Scriptoris opuscula auro quovis cariora. Licet enim ſtudioſæ pubis emolumento prodeſſe maxime voluerit Clariffimus Editor, quæ ut in Anglia Grajiſ deliciis maturius ac feliciter, quam vix alibi, innutiri ſolet, ita illarum promoscondos in nativo ſplendore, ſine peregrino notarum apparatu, familiares ſibi reddere docetur, non poterit tamen non adultioribus quoque inſtitutum hoc valde commendari, ſiquidem variantes lectiones & criticas obſervationes parcius at-
 texas, judicioſa operum diſpoſitio & diverſa alia ornamenta largiter penſant. In quinque autem volumina dum Xenophonteam ſupelleſtilem univerſam diſtribuit Noſter, primum continere juſſit libros VIII de Cyri majoris inſtitutione; alterum de Cyri minoris expeditione libros VII; tertium Hellenicæ Hiſtoriæ libros VII, una cum Chronologia Xenophontea, quæ Celeberrimum, atque in temporum calculo ſignando acutiſſimum Dodvvelum autorem habet. Proximum ab hoc in duos tomos abit, ita ut alter præter Me-
 mo-

morabilia Socratica, Socratis etiam Apologiam, alter librum Oeconomicum, quin & Oeconomicorum Ciceronis, in quibus hic Paraphrasen Xenophontis egit, fragmenta Latina exhibeat. Ultimum denique reliquos minores tractatus omnes complectitur, iterum duabus constant sectionibus, quarum prior Orationem de Agesilao Rege, de Rebus publicis Lacedæmoniorum atque Atheniensium libellos, Convivium, Hieronem sive Sermonem de Rege, Rationes item Redituum seu de Proventibus commentatiunculam includit: secunda vero libros de Re Equestri, de Magisterio equitum, quem ad Gryllum filium scriptum putant, de Venatione, tum & fragmenta Epistolarum, ac Veterum, Græcorum imprimis, testimonia de Xenophonte comprehendit; quibus subnectitur series Chronologica Imperatorum Persicorum, ad examen paulo ante laudati Dn. Dodwelli revocata, nec non rerum memorabilium Index copiosissimus. Tantum de structura exteriori, quam Doctissimus Editor hic perquam apposite observavit. Interiorem elaborationem quod attinet, ipsemet in Præfatione ostendit, Græcum textum ad Heiarici Stephani & Leunclavii impressa exemplaria a se proponi, neutri autem semper fidem additam, sed discrepantibus a se invicem lectionibus, illam civitate donatam, quam vel Autoris sensus, vel verborum connexio efflagitare visa sunt. Interpretationi vero Latine Leunclavii pressio se gradu inhæsisse ait, nec ab illa facile discessisse, nisi ab Autoris mente aperte divortium fecerit. Denique tam textum, quam versionem, in capita & sectiones congruas disperiendo, legentium commodo se velificatum profiteretur; quemadmodum & e quatuor tabulis geographicis huic editioni insertis, tres primum a se delineatas: offerri, quartam, quæ Cyri expeditioni inservit, P. du Val deberi meminit. Tandem inter præcipua editionis suæ ornamenta merito numerat Chronologiam Xenophonteam, supra indigitatam, quæ Thucydideæ proxime succedit, resque in Græcia per XLVIII annos gestas, atque a Xenophonte literis consignatas, accuratissimo mensium, iaro quoque nonnullibi dierum quibus singulae acciderunt, intervillo nectitur. Quod ipsum quanti laboris Summo Viro fuerit, quilibet haud difficile divinaverit, qui Petavii & Petii in hac palestra agones limis saltem oculis adspexerit.

LIBER SATYRARUM SEXDECIM FREDERICI
NOMII, Anglariensis, Presbyteri, Arguti inter Concordes
Academici Insensati.

Lugd. Bat. apud Jord. Luchtmans, 1703. 8.

Constat plag. 12.

Serius ad nos, quam par fuerat, pervenit hoc Satyrarum opus, quod Juvenalem, quem antea Italice haud infeliciter transtulerat, imitatus Auctor Clarissimus composuit, Illustri Viro Antonio Magliabechio dedicatum. Constat id sedecim omnino Satyris, quarum prima Prospero Mandosio, *cur Satyras scribat?* exponit, & dum aliorum Poetarum vitia recenset, Catellam etiam, haud ignobilem alioquin Poetiam, quæ & hujus seculi, & antiquos Poetas, ipsumque Maronem superasse existimetur, perstringens, sibi propositum esse ait, ut ostendat more sacrorum Concinatorum, quæ putet vitanda, utque in vitia, non in personas invehatur. In secunda Satyra, quam ad Magliabechium ipsum dedit, *hodiernum & antiquum tempus de vitiis colloquentia* inducuntur; ubi inter alia impudentiam nonnullorum scriptorum sugillans, multis verbis exsecratur Auctorem libelli famosi, adversus eundem Magliabechium, Virum integerrimum, instigatione & invidia cujusdam, quem Curculionem ficto nomine vocat, conscripti. Tertia Satyra, quæ Bernardino Ramazzino inscripta est, *ineptias hominum in testamentis* evolvit, domestico, ut apparet, exemplo irritatus. Quarta ad Petrum Cannerum Abbatem Camaldulensem dirigitur, & *de indignis acquirendi modis* conscripta est, fictioneque haud ineleganti constat. Quinta *de malis Principum ministris, & de ingrato Principum animo erga bonos fidosque ministros* agens, Carolo Antonio Sinibaldo inscribitur, in qua sua quoque fata depingit, & imprimis Mecæneses sibi deesse queritur. Ita enim de suis carminibus p. 67:

Semiseputa jacent perituris condita chartis
Omnia, nec spes ulla manet; contraria Phœbo
Nam Procerum mens est. Pereant. Ego cætera sperno.
Europæ at decore optarem mihi Buda superstes
Viveret, & longos Thuscis legeretur in annos.

Lo-

Loquitur autem de Poemate Heroico, quod Etrusco sermone scriptum prelo paratum habet. Sexta, quæ Francisco Redi consecratur, quantum in Medicina tum Veterum tum Recentiorum verus sit, docuit, quippe dum *ab observationibus illustrari Medicinam* probat, inutilia nonnulla Medicorum inventa sugillat, utilia laudat. Septimam Poeta ad Poetam Joannem Franciscum Bonomi dedit, in qua multa sunt jucunda *de Pedissequarum pravitate*, atque de sua pedissequa refert, jucundissima. Octava, qua in *Adulatores* invehitur, summo pariter Poetæ Jo. Francisci Rotæ dicata est, a quo elegans Epigramma recepit Noster. Quod idem præstitit Godefridus Gulielmus Leibnitius, ad quem Satyræ novam dramaticam, qua *Versipelles* colloquio inter Poetam & Musam instituto considerat, transmisit. In decima Auctor diversus a Juvenali, qui castrensem vitam urbanæ anteponit, *damna belli*, ad Poetam maximum Vincentium de la Vitella a Filicaria, luculenter describit. Sed imprimis elegans est sequens, qua Jacobum Gronovium compellat, Satyra, quocum ei, ut ex utriusque præmissis epistolis patet, frequens olim Pisis sermo fuerat. In ea *de injustitia sub optimo Principe* agit, & se quoque ab aulico quodam afflictum queritur. Duodecima, quæ *non esse descendas diuturnis lacrymis uxorum mores* docet, ad Jo. Georgium Grævium, qui nuper extinctus nunquam satis lugeri poterit, dirigitur. Hic & vitia quædam mulierum describit, & quæ commoda mors afferat, ostendit, obscuritatemque in fine excusat, quod ea a satyra vix removeri possit. Cæterum illud nobis observasse sufficit, quod ad verba, *Cucurbita cum sale*, quod vetus dictum est de sapiente, notat, ideo Academiam Inthronatorum Senensium pro corpore erigere cucurbitam, in qua sal serveretur, cum lemmate: *intus meliora latent*. Inde Satyra decima tertia prolixius de se ipso agit Auctor. *paucis se minimisque rebus contentum agere extra patriam*, probans; nec ingratum Lectori vel Auctori nostro erit, Benedicti Bachinii, cui dicata est, judicium ex epistola ejus responsoria, ad finem Satyræ subjuncta, hic adscribi. Est autem hoc: *Quid Satyræ tuæ desit, non video. Sermo non modo Latinus, sed Satyræ decens; vivida, & alacris ingenii vis, qua ictu eodem, diversa, quotquot offendit, vitia perstringis & jugulas; festiva gravitas, quam sententia-*

tiarum frequentiam sale condit; rerum copia, per quam Satyræ vere saturam scribis & efficit; imitatio diligens, qua quisque corruptissimo in saculo vitiosus se sibi objectum sentiat; omnia tandem ad optimam prudentis & philosophi normam rigide castigata. De sequenti Satyra Francisco Berrettario dedicata, de Justitia impiis Sacellitibus inscripta, nihil dicemus, ne prolixiores simus. Neque reliquis duabus immorabimur, quarum altera de exoricis eduliis, titulus, aliisque rebus nostra ætate quasiis cum excessu, Salvatoris Perotti; altera de nimis cupidis rei familiaris, Petri Andreæ Farzonii de Accoltis præfixa nomina habet.

DN. NICOL. CHRISTOPHORI S. R. I. L. BAR.
*& Equit. de LYNKER &c. Consilia seu Responsa cum
 argumentis, summariis & in-
 dicibus.*

Jenæ, apud Ern. Claud. Baillar, 1704. fol.
 Constant 15 Alph. 11 Plag.

Qui nuper aliquot Decisionum Centuriis in lucem edidit. Illustrissimus Lynckerus, nunc satis amplum quoque Consiliorum, quæ aut Facultatis Scabinatusve Jenensis, aut suo etiam nomine conscripsit, volumen Orbi Erudito sistit. Continet duas Centurias, quarum tum ipse satis accuratam prolixamque exhibeat diatyposin, integrum nobis erit eo Lectorem remittere, & summa solum brevitate, paucis exemplis propositis ostendere, quantam de reliquis spem possit debeatque concipere. Nullam vero Jurisprudentiæ partem Illustrissimus Autor reliquit intactam, sed selectas Juris Publici & Privati, Canonici ac Feudalis, Matrimonialis etiam & Criminalis, Processusque civilis materias eleganter exposuit ac enodavit. In Jure Publico attingit Quæstiones illustres: utrum Regalia Electoribus per Auream Bullam Caroli IV. concessa ad terras non Electorales pertineant? *Resp. 9.* Utrum præscriptione immemoriali immunitas a contributione provinciali possit acquiri? *Resp. 25.* De præcedentia Comitum Palatinorum, *Resp. 41.* De Superioritate Territoriali in feudum oblata, *Resp. 193.* aliasque quam plurimas. In Jure Canonico illustravit ma-

MENSIS JULII A. M DCC V.

315

teriam de Bonis Mensæ, *Resp.* 2. De Potestate Clavium, *Resp.* 10.
De Resignatione Canonatus, *Resp.* 34. De Jure Reformandi Reli-
gionem in Imperio, *Resp.* 58. De Jure Sacrorum Principis Reforma-
ti in Subditos Lutheranos, *Resp.* 81. De repetitione pecuniæ ob Pa-
rochiam datæ, *Resp.* 178. &c. Ex Jurisprudentia Feudali *Resp.* 20.
docet, sufficere consensum Domini a creditore petatum esse, licet
Dominus eum præstare nolit. De Revocatione Feudi a Patre,
alienati agit *Resp.* 116. De simultanee investito citra possessoris
consensum, *Resp.* 156. Ad Processum Criminalem imprimis faci-
unt, quæ de Processu Banni *Resp.* 7: de crimine læsæ Superiorita-
tis Territorialis, *Resp.* 94: de usu Sæcti Sillaniani, *Resp.* 103: de pœna
conatus capitali, *Resp.* 127. traduntur. Ad Processum civilem spectant,
quæ *Resp.* 128. de Reconventione: *Resp.* 168. de Appellatione ob Nulli-
tatem deserta: de Purgata Contumacia per probationem legitimo-
rum impedimentorum, *Resp.* 200. Autor disserit. Juris vero Matri-
monialis privatique, quibus materiæ Legales inter vivos mortuos-
ve excutiuntur, Consilia ubique occurrunt quam plurima, sed
nobis sufficet ex hisce ostendisse, quantum de integro hoc præ-
stantissimo opere sibi polliceri queat Lector, qui facile ex dili-
genti ejus lectione cognoscet, Responsa hæc secundum rationem
solidæ doctrinæ Lynckerianæ esse elaborata.

JOH. BARTHOLDI NIEMEIERI, SS. THEOL. D.
ejusdemque in Illustri Academia Julia Professoris Publ. & Ordin.
de Conjugiis Prohibitis Dissertationes junctim edita. Ac-
cesserunt Supplementa cum In-
dice Rerum.

Helmstadii excudit Salomo Schnorrius, 1705. in 4.
Constat 3. Alphab. 14. plagulis.

Q Uo magis arduæ, & quo frequentiores in judiciis moveri
soliæ sunt quæstiones circa causas matrimoniales, eo plures
quoque circa easdem enodandas occupati esse voluerunt. Horum
aliquos, eos præcipue, quos in sua Bibliotheca reconditos habet,
in Præfatione Operis Celeberrimus Autor noster recenset, quibus

R r 2

ta-

tamen plures addi possunt. Quorum vestigia lecturus Tractatum, de *Conjugiis prohibitis* agentem, inque decem Dissertationes dispersitum, hac vice sistit. In *prima Dissertatione* de Conjugio, ejusque institutione ac fine agitur, moneturque, conjugia non solum esse divinæ providentiæ objectum, sed & eadem legibus dirigi posse; sicuti & Jura circa personas; ex quibus conjugalis societas constare debet, præsertim quæ vel sanguinis, vel affinitatis vinculum respiciunt, non pauca constituerint. Qua occasione de Linea & Gradibus agitur, & quæ dicuntur, exemplo Genealogiæ Christi & Abrahami declarantur. *Altera Dissertatio* divinas prohibitiones ad consanguineos pertinentes exhibet, ac post generalem prohibitionem *Levit. XII. 6*, in specie producit prohibitionem conjunctionis (1) *patris cum filia*, & vice versa filiæ cum patre; (2) *filii cum matre*, & vice versa matris cum filio, *Levit. XII. 7*; (3) *avi cum nepte ex filio aut filia*, *Levit. XII. 10*: atque eorum, qui huic naturæ instituto vim intulerunt, facit mentionem, specialiter de Chami, secundi Noë filii, nec non de filiarum Lothi turpitudinis facto, deque Anare, quem vivo patre Sibbone, cum matre incestum commisisse, nonnulli existimant, sermonem injiciens; (4) *fratrum ac sororum*, *Levit. XII. 9. XX. 17*. Qua occasione de filiorum & filiarum Adami, de Abrahami & Isaaci, de Amnonis & Thamaris conjugis agitur. Mentio quoque fit conjugii comprivignorum, nec non eorum, qui contra naturæ institutum sororibus suis se miscuerunt. Agitur (5) de prohibitione *amitæ*, ex *Levit. XII. 12. XX. 19*. quæ occasionem præbet de conjugio Amrami cum Jochebeda ex *Exod. VI. 20*. differendi; (6) de prohibitione *matertæ* ex *Levit. XII. 15. XX. 15*. ubi etiam disquiritur: an vitrici soror *amitæ*, & novercæ soror *matertæ* nomine veniant, ac per consequens, an & illæ jure divino sint prohibitæ? Pariter an *avunculus* & *pater* divinis hisce legibus sint comprehensi? Id quod ibi negatur. *Tertia Dissertatio* affinitatis rationem habet, conjugia hoc nomine divinitus prohibita expendere incipiens. Talia sunt (1) conjugium *privigni cum noverca*, juxta *Levit. XII. 8. XX. 11. Deuter. XXII. 30*. Ansam hæc lex præbet de facto Rubenis, illudque subsequente poena, *Genes. XXX. 3. 4*; de facto Aboloni,

nis, patris sui concubinas comprimentis; Adoniae Abisagam ambientis; patris cujusdam & filii unam puellam communem habentium, Amos II, 7; nec non Corinthii incestuosi, hujusque excommunicatione, . Cor. V, 1 sqq. dissolvendi. Disquiritur etiam an lex ista divina ad vitrici quoque viduam, aut ad privigni viduam sit extendenda? (2) Conjugium vitrici cum privigna sive filiastra. (3) Conjugium vitrici cum privigni, vel privignæ filia, Levit. XIX. 17. *Quarta Dissertatio* itidem affinitatem respicit, prohibitionem socii ex Levit. XIX, 14 expendens, ut & nurus, Levit. XIX, 15. Ratione illius disquiritur: an lex de non contingenda socra defunctæ uxoris novercam quoque complectatur? item, an sponsæ, sive defunctæ, sive adhuc viventis, a sponsalibus autem re-silientis, matrem ducere liceat? ratione hujus vero, de conjunctione Jehudæ Patriarchæ, cum Thamare agitur. Quæstio etiam move-tur: an quis per hanc legem divinam privigni viduam ducere possit? item, an patri filii sui defuncti sponsam ducere sit in-tegrum? *Quinta Dissertatio* legem de non ducenda patris uxore sive vidua, Levit. XIX, 14. & poenam legi huic Levit. XX, 20. additam expendit; id simul considerans: an hæc lex sit natu-ralis sive moralis, an divina positiva, eaque forensis? item, an per hanc legem patris quoque magni vidua, nec non avunculi vi-dua sit prohibita. Quo in negotio dispensationum nunc nega-tarum, nunc factarum exempla afferuntur. Attingitur quoque quæstio de avunculi magni vidua, de patruo & avunculo; quam in rem diversa tum vetustiora, tum recentiora, factarumque in hoc negotio dispensationum exempla adducuntur. Agitur quo-que de conjugio cum patruo magno & avunculo magno, nec minus de conjugio cum fratris vel sororis privigna. *Sexta Dis-sertatio* ex Levit. XIX. 16. prohibitionem conjugii cum fratre, exceptionemque ab illa lege, quæ Deuter. XXV, 5. habetur, in-vestigat, deque leviri citatione, ejusque jure ac ritibus agit. Pe-culiariter de facto Herodis Antipæ, Philippi, fratris sui, uxorem sibi sociantis, nonnulla affert, partemque Genealogiæ Herodis in tabula sistit. De eo quoque disquiritur: an in lege de non du-cenda fratria dispensatio locum inveniat? ejusque generis conju-giorum aliquot exempla in medium proferuntur. Quæstionem

denique de eo movet: an quis fratris sponsam, aut etiam viduam, quam uxoris frater sibi sociatam habuit, ducere possit? *Septima Dissertatio* legem de non ducenda uxoris sorore ex *Levit. XII, 18.* considerationi subjicit, inter alia docens, certam quandam polygamiae simultaneae speciem eadem esse prohibitam: an vero eadem lege uxoris defunctae soror pari ratione interdicatur, in quaestionem vocat, diversas sententias, ac varia exempla sive praejudicia in medium afferens. Immiscet quaestiones: an prohibitio illa ad sponsae defunctae sororem sit extendenda? item, an uxoris defunctae fratris vel sororis neptis, aut uxoris defunctae fratris vidua, vel ejus consobrina duci possint? *Octava dissertatio* de conjugis jure Ecclesiastico prohibitis agit, commonstrans, leges divinas connubiales ab Ecclesia & Rebuspublicis, in legum naturae & divinarum *περφυλακην*, longius esse extensas, quae tamen extensiones in nascente Ecclesia fuerint parcae, nec tertium lineae collateralis aequalis gradum egressae; cum tempore vero accessisse prohibitionem gradus quarti, mox quinti, sexti ac denique septimi; jure tandem Canonico prohibitiones ad quartum gradum fuisse revocatas. Jus Civile insuper cognationis legalis, ac spiritualis rationem habuisse, docet. Commemoratur triplex affinitatis genus, affinitatem in perfectam & imperfectam distinguit, ac tandem de religionis disparitate, an & quousque haec nuptiis impedimento sit, nonnulla attingit. *Nona dissertatio* est de Dispensatione circa Conjugia prohibita. In qua, ut ratio Dispensationis cognosci possit, differentia inter aequitatem, sive interpretationem legum κατ' *Πείκειαν*, & dispensationem indicatur. Postea disquiritur: cujus generis sint leges divinae connubiales? ac leges quidem ad lineam rectam pertinentes naturae leges esse Clar. Autor agnoscit, inter leges vero lineam collateralem respicientes, sententias hinc inde expensis, aliquas esse forenses existimat. Qua in re fundamentum potestatis latet. Supponit haec Autor noster in *Dissertatione decima*, quae itidem est de Dispensatione in Conjugiis prohibitis; in qua porro quaestio: an prohibitiones matrimoniorum divinae personas tantum expressas, an vero gradus quoque aequidistantes respiciant? expenditur; ac quamvis Maxime Reverendus Autor in priorem istius quaestionis partem in-

inclinat, non tamen diffitetur, per Canonum etiam decreta & legum civilium sanctiones gradus quoque æquidistantes esse prohibitos. Quod ipsum sicuti in Republica ad potestatem legislativam pertinet, ita etiam in his edictis prohibitoriis dispensandi potestas Majestati civili, vel quæ ejus æmula est, Superioritati territoriali est relinquenda. Subjunguntur tredecim observationes prudentiam, quæ in dispensando requiritur, adjuvantes, quas inter decima, discrimen inter illa conjugia, quibus Deus capitalem poenam determinavit, atque ea, quibus poenam capitali supplicio minorem proposuit, inculcans, non postremo loco est habenda. Accedunt tandem *Supplementa*, quibus nonnulla, quæ in ipsis Dissertationibus tradita sunt, declarantur atque illustrantur. Horum non postremam partem faciunt, quæ circa conjugium Judæi cujusdam Hildesie anno 1595. sunt acta, cujus rei D. Henricus Heshusius & D. Johannes Olearius in Præfationibus libello, de Baptismo a Judæo circa illud tempus suscepto, vernacula lingua exarato & sequenti anno typis exscripto præmissis, nec non B. Gerhardus in Locis de Conjugio mentionem fecerunt. Sub finem subjunctus est *Rerum Index*. De cetero, quæ in hoc Opere attinguntur, quæstiones ab utraque parte secundum suas rationes expenduntur, ex jure non solum Divino, sed & Civili, nec non Canonico & Ecclesiastico deducuntur, non pauca ad Genealogias spectantia commemorantur, ac, quod operam hanc præcipue commendat selectis Facultatum Responsis confirmantur. Ut adeo Maxime Reverendus Autor Collegæ sui, B. D. Friederici Ulrici Calixti judicio, in Epistola primæ Dissertationi subjuncta de selato, quo ipsum *Judaicarum, Ecclesiasticarumque simul ac Civilium rerum peritissimum* esse perhibuit, abunde satisfecerit; nec dubium sit, quin opus hoc plurimis, etiam iis, qui in judiciis circa causas matrimoniales versantur, plurimum sit profuturum.

DOMINICI QUARTAIIRONII RESPONSIONES

ad nonnullas Assertiones pro Reformatione Calendarii

Gregoriani de Paschate anni 1700.

Romæ, ex Typographia Rev. Cam. Apost. 1703, 4. Constant plag. 5.
Au-

- A**utor Assertionum, ad quas respondet Clarissimus Quartairo-
nius, non nominatur, reverentiæ causa: unde neque nos no-
minare eum sustinemus; est enim ex Astronomorum nostræ ata-
tis principibus. Ipsæ tamen assertiones integræ in hoc opusculo
exhibentur, numero 16. Contenditur in iisdem, Pascha anni 1700
per Epactas Gregorianas non legitime fuisse definitum: nam Epa-
ctam IX Plenilunium medium retulisse ad d. 4 April. h. 11, Lu-
nam decimam quartam ad d. 4 Aprilis, Pascha ad d. 11 Aprilis; cum
tamen ex Tabulis Astronomicis Epactarum cum Tabulis præstan-
tissimorum Astronomorum ad meridianum Romæ supputatis, in-
tra horæ quadrantem consentientibus & *Libro Expositionis Ka-*
lendarii insertis, idem Plenilunium medium d. 3 April. h. 11 post
meridiem, quo die etiam Ephemerides id exhibent, supputetur;
adeoque evidens sit, pro Luna decima quarta diem 3 Aprilis, cumque
hæc in Sabbathum inciderit, pro die Paschali diem 4 April. assu-
mendam fuisse. Assertit ulterius, decretis *Gregorii XIII* conve-
nire Pascha anni 1700 ad diem 4 April. relatum, quia per Tabel-
lam Epactarum, Compendio a *Gregorio* ad Principes Christianos
& Academias missio insertam, Epacta anni 1700 revera educatur
X, quæ Lunam decimam quartam ad d. 3 Apr. consequenter Pascha
ad d. 4 April. refert. Errorem vero in disponendis Epactis com-
missum esse ab iis, qui *Aloysio Lilio* auctori *Kalendarii* denato sus-
fecti sunt, ob erroneum Plenilunii medii computum. Probat,
deinde, Sanctos Patres, qui Canones Paschales in usum Ecclesiæ
condiderunt, in decimam quartam Paschalem assumsisse diem,
cujus meridies Plenilunium medium pluribus horis, & quandoque
die uno & amplius præcederet. Quem in finem exempla pro-
ducit ex Canone omnium, qui supersunt, antiquissimo *Hippolyti*
Portuensis Episcopi, statuae ejus marmoreæ, in Bibliotheca Vatica-
na nunc expositæ, Græce inscripto; ex methodo, qua Episcopi
Alexandrini, quibus Concilium Nicænum Paschatis curam com-
miserat, Lunam decimam quartam determinarunt; ex epistola
82 *Ambrosii* ad Episcopos per Æmiliam constitutos; ex Canone
Paschali *Theophili*; ex Cyclo *Cyrilli*, qui ex Theophilano desum-
tus, a *Leone* Papa approbato; & Tabella *Compendii Gregoriani*
superius citati.

Sin-

Singulis assertionibus singulas subjungit responsiones *Quar-*
taironius : quarum summa in compendio huc redit. Pascha
 anni 1700 per Epactas Gregorianas legitime fuisse definitum, cum
 Plenilunium medium supputatum sit a Clavio secundum hypo-
 thesin Ecclesiasticam, a qua recedendum non sit, propter decreta
 Gregorii XIII & Clementis VIII. Plenilunia media a Censore,
 contra mentem horum Pontificum, ex Tabulis Astronomicis vul-
 garibus computari, in annis centesimis non bissextilibus, qualis est
 annus 1700. Quæ ut clariora evadant, Clavii supputationem Eccle-
 siasticam Novilunii Januarii pro anno 1700 producit, ac inde Ple-
 nilunium medium Paschale determinat ad d. 4 April. h. ii. 10. 25.
 Lilio mortuo suspectos, nullos commisisse errores, quod a *Clavio*,
Petavio, aliisque Kalendarii Gregoriani defensoribus, contra
Scaligerum, *Vietam*, *Mästlinum*, *Calvisium* aliosque, jam dudum
 fuisse sit ostensum. Errare Censorem, dum arbitretur, causam o-
 mnium Epactarum mutationis dependere ex calculo motus Ple-
 nilunii medii centesimorum non bissextilium, & præcipue ex an-
 no 1700, cum causa mutationis omnium Epactarum fuerit æqua-
 tionis Lunæ Epochæ, a Reformatoribus seculo Dionysii posita, uti
 a *Gregorio XIII* in Bulla indicatum. Ex omnium Reformato-
 rum doctrina, & Epactarum Cycli constructione Liliiana, eviden-
 ter colligi, decimas quartas centesimorum non bissextilium non
 debere esse necessario ante Plenilunia media, & consequenter, etiamsi
 Plenilunia media Ecclesiastica centesimorum non bissextilium essent
 vulgari calculo supputata, adhuc decimas quartas Lunæ & dies Pa-
 schales in Tabula temporaria festorum mobilium nullo modo muta-
 ri debere. *Hippolyti*, *Eusebii*, *Theophili*, *Cyrilli*, *Victorii* & aliorum cy-
 clorum Paschalium, ante *Dionysii Exigui* seculum, epocham pro ex-
 emplo nobis inservire non debere, cum fuerint constructi, antequam
 Ecclesia Græca & Latina in Paschatis celebratione convenirent.
 Dies Paschales post Concilium Nicænum, quod Pascha eodem die,
 quo Romæ, ab omnibus Christianis celebrari voluit, ab Alexan-
 drinis determinatos, non tamen ab Ecclesia Occidentali observa-
 tos, non esse secundum mentem dicti Concilii. Ambrosium
 cum reliquis Patribus existimare, in computo Ecclesiastico aureos
 numeros in perpetuum esse debere regulam infallibilem ad inve-
 ni-

niendam decimam quartam Paschalem : decimas igitur quartas Paschales Theophili, cum illæ non sint ex aliquo cyclo deductæ, non posse quoque inservire pro regula Cycli Epactarum. Nec Reformatores Gregorianos in constructione cycli Epactarum, cyclum doctrinamque *Cyrilli* imitari potuisse, cum deterior sit illo Theophili, uti a *Petavio* demonstratum, nec Patres Latini, imo nec omnes ex Græcis eodem usi sint, teste *Paulo de Middelburgo*. Leonem assignare hanc causam, cur Theophilanum secutus fuerit, quod studio unitatis & pacis maluerit Orientalium definitioni acquiescere, quam in tantæ festivitatis observantia diffidere. Astronomos Gregorianos ideo non usos esse Tabellis in Compendio Gregoriano positis, quod juxta illas Pascha sæpius ante Plenilunium medium in decima quarta Luna, cum Hebræis & hæreticis Quarta-decimanis, contra expressam *Gregorii XIII* mentem, celebratum fuisset.

Subjungit Autor sub finem opusculi sui 3 Tabulas, quarum prima ostenditur, 18 decimas quartas Paschales biduo præcedere diem Plenilunii medii, in spatio unius seculi a Concilio Nicæno, quo tempore posita fuerit radix æquationis Epactarum a *Lilio*; secunda docetur, *Dionysii Exigui* seculo decimas quartas Paschales Plenilunia media biduo nunquam præcedere, nec posticipare, nisi una hora in anno 512, & sex horis in anno 588; tertia monstratur, 475 decimas quintas Paschales ex Epactis Calendarii (cujus radix æquationis Cycli decemnovennalis ponitur tempore Concilii Nicæni) deductas, præcedere Plenilunia media uno die, & multoties biduo intra 17 secula. Addit tandem Bullam *Clementis VIII*, pro confirmanda Claviana Calendarii defensione d. 17 Mart. 1703 editam, & Opusculum a Mathematicis *Gregorii XIII* eidem Pontifici oblatum, & hætenus MSC. in Bibliotheca Vaticana asservatum, (sub titulo : *Ratio corrigendi Fastos confirmata, & nomine omnium, qui ad Calendarii correctionem delecti sunt, oblata Sanctiss. D. N. Gregorio XIII.*) in quo continentur Canones, quos sibi in reformatione Calendarii servandos proposuerant: quia ad utrumque in suis responsionibus sæpiissime provocat.

MENSIS JULII A. MDCCCV. 323

JO. ALBERTI FABRICII SS. THEOLOGIAE D,
& Prof. Publ. Bibliotheca Græca. Accessit Empedoclis Sphæra,
& Marcelli Sideta Carmen de Medicamentis Piscium
Græce & Latine, cum brevibus
notis.

Hamburgi, sumtu Christiani Liebezeit, 1705, in 4.
Constat Alphab. 5.

Quod multi voluerunt, pauci confectum dederunt, id nunc accuratius expedire celeberrimus Fabricius allaboravit. Cum enim Leonis Allatii, Jo. Conradi Dieterici, Philippi Labbei, Emerici Bigotii, Erasmi Vindingii, Henrici Christiani Henninii destinata vel perierint, vel premantur; Meursii vero, Vossii, Jonssii, Boecleri, Gaddii, Gesneri, Gyraldi scripta ita comparata sint, ut partim accessionibus, partim emendatione indigeant: tum vel maxime id sibi datum intellexit, ut exquisitiorem instituti rationem iniret, ac plenius de hoc argumento differeret. Equidem, quæ est modestia Vir clarissimus, non diffitetur, quam latissime hoc opus patere, & ita fere constitutum esse, ut unusquisque harum rerum intelligens non possit non ultro intelligere, illud & difficultatis ac laboris plenissimum esse. Hinc tantum abest, ut magnifice de se sentiat, aut aliorum censuras aspernetur, ut potius æquorum idoneorumque hujus rei eximiorum examini sua sponte se submittat. Id quod eo valet, ut copiosiori laude ipsum adficiendum putemus, utpote qui ad exquisitissimam eruditio-nem summam modestiam adjunxit. Uti vero legentibus & diligentius exquirentibus plenissime constabit, ingenti solertia, & accurate maxima institutum hæc confectum esse, ita nos officii nostri memores summa capita persequemur. Complectitur præsens volumen duos priores suscepti operis libros, quibus scriptores, qui Homerum ætate præcessisse dicuntur, tum qui ab eo usque ad Platonem claruerunt, enarrat. In universum id dedit operam maxime, ut, quæ de auctoribus explorata sunt, vel referret ipse, vel a quibus prolixius pertractata fuerint, indicaret. Hinc non edita solum eorum scripta, sed ea quoque, quæ in Bibliothecis delitescent, diligenter adnotavit, & in deperditis

ditis recensendis non minori cura versatus est, quo pertinet notitia Tragicorum deperditorum Lib. II, c. IX, & Comicarum Lib. II, cap. XXII, ut reliqua taceamus. Omnium vero plurimum laboris in editionibus rite enarrandis posuit, eoque connisus est, ut accuratissima earum historia, eaque non ex catalogis oscitanter corrasa, sed ipsis, quoad fieri potuit, inspectis libris concinnata exhiberetur. Sæpe quippe evenire solet, ut non evolutis libris, sed aliorum fide ac verbis suffulti, turpiter erremus; cujus erroris materiam facile suppeditare potest editio Amstelodamensis notarum Ulrici Obrechtii in Dictyem, ubi pag. 24, ceu Noster pag. 34 monet, male excusum, primam Ἰχδοσιυ Mediolanensem A. C. 1627 prodiisse. Nam Obrechtus, uti ex Argentoratensi ejus notarum editione patet, scripserat A. C. MCDLXXVII, hoc est 1477, pro quo typographus legit 1627. Subinde etiam cognomines scriptores studuit distinguere, quemadmodum fecit p. 91, postquam de Hori Apolline duorum de Ægyptiorum Hieroglyphicis libellorum auctore egit, per quem pag. 88 Isidis filium, aut vero Apollonidem cognomento Horapium intelligit, ex cujus libro *Semenuthi* quædam proferat Theophilus Antiochenus lib. II ad Autolycum f. 85. Quem non diversum putat ab Apollonio Ægyptio, qui memoretur Lib. III fol. 127. Reinesio autem, cui liber *Semenuthi*, Chemici argumenti Lib. III Var. Lect. pag. 380 visus est, non assentitur, cum historica sint, quæ utroque loco proferat Theophilus. Quæ dum commentatur, notat §. VI. Hieroglyphica Hori Græce A. 1505 ab Aldo vulgata, primum A. 1515 Augustæ Vindellicorum a Bernardino Trebatio Vicentino Latine conversa esse, adeoque falli Garassium Doctrin. Curios. p. 1024, qui affirmet, Hori Hieroglyphicorum primum interpretem Jo. Mercerum Parisiis A. 1548 fuisse. Non minori solertia pag. 784 varios Socrates distinguit, quorum cum septendecim commemorasset, se rescire profiteretur, quem Socratem respiciat Scholiastes Apollonii ad lib. I, ubi laudat Σωκράτην ἐν τῷ πρὸς Ἐυδόκιον. At vero, quando apud eundem laudetur Socrates in libris Κεντικῶν, legendum esse Socrates, quemadmodum & in Laertii codicibus Socratis nomen pro eodem Socrate irrepperit, etsi uterque locus impo- fuerit Vossio p. 414 de Historicis Græcis. Idem præstat pag. 574 de

de Æschylo Tragico agens, a quo distinguit Æschylum Mathematicum. Tribuit huic Meursius in Biblioth. *ποικίλα χρώμα-
τα* a Suida in *Καλαῖς* laudata, sed quæ potius Æschylo Alexandrino, iudice Fabricio, vindicanda videntur. Tacemus quamplurima loca alia, in quibus caute & cum cura ejusdem nominis scriptores distinxit ac separavit. Quod quam præclare a Fabricio factum fuerit, illi facile intelligunt, qui norunt, quanti ex cognatione nominum orti sint errores. Idem evenit Suidæ, qui Pherecydi Syrio Theogoniam tribuit, cum alteri, non multo juniori, Atheniensi asserere debuisset, uti animadvertit Noster pag. 780. Neque vero non laudandum, Indices etiam auctorum in variis scriptoribus, antiquis præcipue Scholiastis allegatorum, suis locis insertos esse, quorum sequentes in hoc opere comparant: I Scriptorum in scholiis minoribus ad Homerum allegatorum, pag. 302: II Scriptorum laudatorum in scholiis ad Iliados IX a Conrado Hornejo in lucem editis, p. 305: III Scriptorum ab Eustathio in commentariis ad Homerum allegatorum, accommodatus ad paginas editionis Romanæ, p. 306, ad quem conficiendum usus est industria egregiorum Juvenum, Petri Zornii Hamburgensis, & Joannis Christophori Wolfii Wernigerodensis: IV Scriptorum ab interpretibus Græcis Hesiodi laudatorum, pag. 386: V Scriptorum in scholiis Græcis ad Pindarum, allegatorum p. 539 ex editione Oxoniensi: VI Scriptorum in scholiis Græcis ad Æschylum allegatorum, p. 590 ex editione Londinensi: VII Scriptorum in scholiis Græcis ad Sophoclem allegatorum, pag. 606, ad quem concinnandum opera eruditi Juvenis, Stephani Bergleri, Transylvani, usus est: VIII Scriptorum in scholiis Græcis ad Euripidem laudatorum, pag. 627, cujus ipse Fabricius auctor est: IX Scriptorum in scholiis Græcis antiquis ad Aristophanem allegatorum, opera laudati Bergleri concinnatus, pag. 685. Hæc generatim a nobis dicta sunt; nunc accuratorem præstantissimi operis imaginem exprimamus. Libro I, qui capitibus sex & triginta absolvitur, de Scriptoribus, qui Homerum atque antecessisse dicuntur, agit, collatisque idoneis scriptorum testimoniis, reliquisque argumentis diligenter comparatis conficit. plerosque Homero juniores esse. Exhibentur id genus Scriptorum septuaginta,

in quibus recensendis potius literarum ordinem sequutus est, quam temporis, qui nullus est in tam incertis & commentitiis. De Chirone agens, inserit Marcelli Sidetæ de medicina ex piscibus carmen, quod in codice Mediceo, cujus apographum vidit in bibliotheca Illustris Viri, Marquardi Gudii, inscribitur: *Μαρκέλλου Σιδήτης χόλια Χείρωνος περὶ ἰχθύων*. Separatim hoc poemata, seu potius fragmentum, Parisiis a Morello Græce, sub titulo *Marcelli Sidetæ ἱατρικῶν περὶ ἰχθύων* editum est, cumque vix separatim Græce editum reperiatur, operæ pretium duxit clarissimus Fabricius, integrum, & versione sua ac notis locupletatum, hoc loco repræsentare. Quam copiosissime autem de libris, qui sub Hermetis Trismegisti nomine, vel jam feruntur, vel olim jactati sunt, ejusque inventis refert cap. VII, IIX, IX, X, XI, XII, ac pag. 46 memorat, nonnullos cum Henochus eum confundere. Tollit hoc loco Hotttingero aliisque dubitationem, qui mirantur, qui evenerit, cur Henochus recentioribus Arabibus *Edris* dicatur. Suspiciatur quippe, hoc, ut alia multa, a Græcis petita esse, quibus *ἰδρις* doctum ac peritum significat. Non minus copiose cap. XII, XIX, XX, de Orpheo, cap. XXIX, XXX, XXXI, XXXII, XXXIII, de Sibyllis, atque Sibyllinis oraculis tradit, ac pag. 176 ita pronunciat: *Si de Sibyllinis, & quæ passim apud scriptores memorantur, oraculis sententiam dicere jubeat, sapen-mero sane fraudes & casum, sed ista quoque tria interdum (nempe Deum, quo non indignum sit casus magnos, & mutationes rerum publicarum variis modis mortalibus prædicere, malorum Damonum ludibria, ac denique furorem naturalem fortio-remque imaginationem) in aliis quidem aliud, principii loco fatebor me agnoscere.* Quod vero ad quartam Virgilii eclogam attinet, non Sibyllæ oraculum, sed Hesiodi fabulam de quatuor mundi ætati-bus respici, late pag. 182 seq. ostendit. Speciatim cap. XXXIII de Sibyllinis, quæ hodie extant, judicium suum exponit, quod eo redit: non hac collectione libros Sibyllinos Tarquinio obla-tos, nec carmina Sibyllina altera, neque aliam ethnicam in-tegram Sibyllinorum *συναγωγὴν* contineri, operamque ac ole-um perdere, qui certæ Sibyllæ, Erythræ alia, alia Samiæ, alia nescio cui alii, quæ habemus oracula adscribunt. Imo nullum ver-

versum in hac collectione pro Sibyllino & antiquo oraculo, ante
 nativitatem Christi exaudito, haberi oportere, nisi peculiariter de eo
 ex aliis antiquioribus & indubitatis monumentis constet. Et
 quamvis partem magnam (confusam licet, & librariorum culpa
 passim depravatam) Sibyllinorum, quibus Patres usi sint, hæc
 complectatur collectio, non tamen omnia & integra Sibyllina, qui-
 bus veteres Ecclesiæ Doctores usi fuerint, ea contineri: imo vero
 & illa, quæ a Justino, & reliquis secundi & sequentium seculo-
 rum, adducantur Sibyllina, minime omnia auctores habuisse Si-
 byllas, sive mulieres fatidicas Ethnicas. Quando, & a quo, quo ve-
 ro in loco conficta fuerint, non plane ipsi exploratum est; id ve-
 ro adfirmat, nec ab Ethnicis aut Judæis, sed a Christianis conficta,
 & ad confundendos Ethnicos Sibyllæ nomini falso subjecta fuisse.
 Tandem & hoc addit, neque ullo edicto Romæ pœnam capitis pro-
 positam fuisse illis, qui ea, quæ nos habemus, vel illa, quæ Patres alle-
 garunt, Sibyllina legerent, neque ab Augustino singularem quan-
 dam Sibyllinorum *συναγωγήν* concinnatam esse. Inde libro II.
 cap. I, sequ. de Homero quam accuratissime agit, & tum scripta
 ejus, diversasque eorum editiones, tum interpretes, scholiastas,
 metaphrastas, versiones, laudatores, obrectatores & censores, &
 reliqua persequitur. Id memoratu dignum est, quod pag. 296
 tradit, Homeri, Poetarum principis, Iliadem & Odysseam una cum
 Batrachomyomachia & Hymnis (cum nullus ante liber Græce ty-
 pis exscriptus esset) annitente Demetrio Chalcondyla Atheniensi,
 alteroque Demetrio Cretensi, Florentiæ A. 1488 in fol. Græce primum
 divulgatam fuisse, qua editione, non ubivis certe obvia, Reveren-
 di & celeberrimi senis, Esdræ Edzardi, beneficio se usum testatur.
 Neque hoc prætereundum, fuisse, qui Homerum Persice, Indice, An-
 glice, Hispanice, Belgice, Gallice, Germanice converterint, de quibus
 pag. 300 agit. Idem evenit Æsopi fabulis, quæ in Hebraicam,
 Italicam, Gallicam, Anglicam, Hispanicam, Hungaricam, Da-
 nicam Germanicamque linguam, imo & dialectum Græco-bar-
 baram translatae sunt, uti infra p. 401 seq. docet. Capite VII de
 Hesiodo tractat, iisque accedit, qui eum Homero supparem, an-
 nis tamen aliquanto juniorem statuunt. Inde Cap. IX de Æsopo
 aliisque fabularum scriptoribus, & cap. X de epistolis, quæ ad
 Pha-

Phalaridem referuntur, ac de reliquis epistolarum Græcarum Scrip-
toribus, variisque earum collectionibus commentatur. Hinc
cap. XI ad Theognidem, Phocylidem, aliosque Sententiarum,
Græcarum Auctores & Collectores progreditur, & cap. XII de
Pythagora & Empedocle, scriptisque ad hos relatis verba facit,
tandemque p. 469 Empedoclis Sphæram, notulis ac versione Q.
Septimii Florentis Christiani illustratam subjungit. Imo vero ne
Pythagoricorum apud veteres memoratorum notitia deesset, &
eorum & mulierum Pythagoricarum indicem, secundum litera-
rum ordinem concinnatum, pag. 508 sistit. Caput XIV Legum-
latores persequitur, ea potissimum ratione, ut primo de Zaleu-
co, Charonda, Zamolxi, Lycurgo, Dracone & Solone paulo
fufius differatur, deinde celebriorum Legislatorum veterum index
ad litterarum seriem digestus exhibeatur. Eodem instituto uti-
tur capite XV, ubi de Pindaro aliisque Lyricis refert. Cujus ad
scholia quod attinet, collecta ea a Thoma Magistro, & Demetrio
Triclinio, ex commentariis deperditis variorum, Ammonii, Ari-
starchi, & ejus discipuli Aristodemi Alexandrini dicit. Equidem,
Gorgonem Pindari Scholiasten laudari a Michaele Neandro in
præfatione ad Catechismum Lutheri Græce a se redditum, pag. 67;
sed id ex male intellecto initio scholiorum ad 7 Olympionic. or-
tum esse. Neque approbatur ipsi judicium auctoris Bibliogra-
phiæ Curiosæ, Jo. Henr. Boelero a plerisque tribui solitæ, cui
Scholiastes Pindari est vilissimus omnium, & in quo pauca majo-
ris momenti reperiantur. His confectis, cap. XVI de Thespide &
Æschylo, cap. XVII de Sophocle, & cap. XVIII de Euripide com-
memorat, in quorum recensendis scriptis singularem diligentiam
adhibuit. His cap. XIX subjungitur Tragicorum, quorum perie-
runt fabulæ, notitia ordine alphabeti digesta. Caput XX Hero-
dotus, Historiarum Scriptor, & XXI Aristophanes Comicus occu-
pant, quos cap. XXII Comicarum deperditorum notitia, eodem
quo Tragicorum modo disposita excipit. Capite XXIII de Phi-
losophis plerisque ante Socratem, tum de Socrate, Cebete, (cujus
Tabula ab Ambrosio de Morales, Petro Simone Abril, & Gundi-
salvo Correa Hispanice, ab Augustino Mascardo Italice, a Jo. Da-
vies Anglice, a Bellegardeo Gallice, a Jacobo Georgio Schulzio
Ger-

Germanice, a M. Antonio Gillis Belgice conversa est) & aliis quibusdam Socraticis agit. Inter scriptores ante Socratem numerat quoque Heraclitum Ephesium, cognomento σκοτεινόν, miraturque in Morerii Lexico, etiam nonæ editionis, Heraclitum Hesiodi, Pythagoræ, Xenophanis, & Hecatæi, quibus omnibus fuerit junior, præceptorem venditari. Scripsisse ipsum unicum opus, sed cujus varios titulos, sive potius elogia, ex Laertii IX, 12, in Δήλῳ καλυμμένη referat Suidas, idque non numeris adstricta, sed soluta oratione. Falli proinde monet Nicolaum Le Nourry in Apparatu ad Bibliothecam maximam Patrum, utpote qui existimaverit, versus Heracliti Jambicos a Clemente lib. IV Strom. p. 494 adduci. Ibi enim non Heracliti versus commemorari, sed dictis Heracliti soluto sermone conceptis a Clemente subjici versus Tragici alterius: neque locum Plutarchi lib. de Oraculorum defectu pag. 415, ὡς περὶ τὰ Ἡρακλείτη καὶ τὰ Ὀρφικῶς Πνευμονέην ἔπη, eruditum alias interpretem accurate reddidisse: *quæ ut Heracliti & Orphei versus invasit*; vertendum enim fuisse: *Quæ ut Heracliti scripta & Orphei versus invasit*. Toto etiam cœditionis Wetstenianæ, nostro Heraclito tribuentem libros, quos commemorat Plutarchus in commentario contra Colotem, pag. 1115, τὸν Ζωγράσην, τὸ περὶ τῶν ἐν ἄδῃ, τὸ περὶ τῶν φυσικῶς διαπορευομένων: manifestum quippe esse, eo loco Plutarchum de Heraclito quodam juniore Peripatetico agere. Sed & in eo Menagium rationem fugere addit, quod subjungat, Heraclitum Ephesium etiam scripsisse libros περὶ πολιτείας, & Diodotum Grammaticum negasse, quod volumen περὶ φύσεως esset Heracliti. Nam in illo ipso opere Physico Heraclitum ait περὶ πολιτείας egisse, atque ita quidem, ut Diodotus sibi persuaserit, quæcunque de Natura præmiserat, considerata esse tanquam partem minus principalem. Cap. XXIV de Hippocrate ejusque discipulo Polybo dicit. Exhibet hoc loco epistolam Theophrasti Renaudoti ad Andreæm Dacerium *de exiguo opere pretio, quod ex versionibus Syriacis & Arabicis ferri potest, ad emendandum & illustrandum Hippocratem aliosque scriptores Græcos, præsertim Medicos, ex Gallico in Latinum sermonem a se translata.* Caput XXV Thucydidi &

Ctesiz; caput XXVI decem celebrioribus Oratoribus Atticis, Antiphonti, Antocidi, Lysiz, Isocrati, Isæo, Lycurgo, Demostheni, Æschini, Hyperidi ac Dinarcho, nonnullisque aliis, qui obiter commemorantur, consecratum est. Tandem *emendanda & addenda quædam* subjiciuntur. Nos vero libenti prolixoque adfectu exoptamus, ut celeberrimus Auctor secundis rebus tantaque valetudinis prosperitate utatur, quanta ad reliquas exquisitissimi instituti partes perficiendas, ac cætera ingenii monumenta perpolicenda requiratur.

*DE ECCLESIASTICÆ HIERARCHIÆ ORIGINI-
bus Dissertatio, Auctore D. BENEDICTO BACCHINI-
O Monacho Benedictino-Casinenfi.*

Mutinæ, typis Antonii Capponi, 1703. 4.

Constat 2 Alph. 4 Plag.

UT argumentum nobilissimum, a tot hætenus viris doctis pertractatum, nec exhaustum tamen, aut undequaque vere explicatum, in se quoque perscrutandum susciperet Doctissimus, et piusque nobis ex merito laudatus *Benedictus Bacchini*, singulari se occasione inductum ipsemet in Præfatione proficitur. Nimirum cum in Bibliotheca Serenissimi Ducis Mutinensis, in *Agnelli*, qui circa dimidium seculi noni de Ravennatis Ecclesiæ Pontificibus scripsit, codicem manuscriptum incidisset, dignum reputavit opus, quod suis observationibus ac dissertationibus illustratum, publici juris faceret. Jamque ad Vitam Joannis Episcopi cognomento Angeloptis pervenerat, legeratque, quæ de præfatis per Valentinianum Augustum Joanni isti privilegio narrantur, cum in eam se necessitatem conjectum intelligeret, ut celebrem de antiquitate Juris Metropolitici Ravennatis controversiam ipse quoque discuteret, cumque Ravennatis Metropolis origo definiri certo vix posset, nisi totius Hierarchiæ Ecclesiasticæ initia essent explorata, factum ita est, ut paulatim a singularibus ad universalia progrediretur, atque sic rem omnem summo studio perquirenti nasceretur tandem eruditissimus hic tractatus, in tres divisus partes, quarum I universæ Hierarchiæ Ecclesiasticæ, II Metropoleum Ita-

Ita-

Italix, III speciatim Juris Metropolitanæ Ecclesiæ Ravennatis originem exponit.

Quod nimirum ad primam ipsius Hierarchiæ originem attinet, agi de ea solet a quamplurimis, sed varie, & si verum dicendum cum Bacchinio nostro est, valde ambigue, ut ubi consistas, difficulter invenias. Equidem communis fere ea sententia est, Hierarchiam primum ad normam Romani Imperii constitutam, imo Apostolos ipsos ad civilium provinciarum formam Ecclesias fundasse: ast ubi ad specialia devenitur, rem involvi satis & impeditè tractari, etiam ab eruditissimis videas, & in diversa abiri. Alii non tam ad ipsum Romanæ politiæ statum, in constituendis Metropolitibus Ecclesiasticis, respexisse Apostolos fatentur, quam ad urbium celebritatem & frequentiam. Alii ubivis Ecclesiasticas Metropoles ab initio fuisse autumant, ubi provinciarum veterum Metropoles apud profanos auctores laudentur. Alii nec ubique tamen, nec semper id factum, sed ab ea regula subinde, ob quas-cunque causas, Apostolos exorbitasse agnoscunt. Mirum vero, etiam ex iis, qui Apostolos ipsos Ecclesiarum fundatarum statum ad Romanum civile Imperium attemperasse censent, esse qui, ubi Imperii statum designare volunt, talem proferant, qualis nonnisi circa quarti seculi initia obtinuit; cum tamen ab Apostolorum, & Tiberii ævo, usque ad Constantini M. ætatem, plures Romanum Imperium vices passum fuerit. Itaque rem omnem, quam penitus inquireret, dignam Bacchinii judicavit, ea tamen cautione adhibita, ut cum sibi cum viris magni nominis rem fore nossèt, invidiæ declinandæ causa, & ex modestia, dissentientium nomina plane supprimenda censuerit, allegasse tantum eorundem scripta contentus. Aggressus ita rem ipsam, dum Parte I, quæ maximam totius operis constituit, Hierarchiæ ipsius originem evoluit, id agit magna industria, ut opinionem vulgatam, qua provinciarum Romanarum statum præ oculis habuisse, in fundandis Ecclesiis Metropolitanis, Apostolos credunt, ex animis hominum evellat, eumque in finem Capite I Imperii Romani formam, qualis Apostolorum ævo viguit, accurate describit, ineptamque plane ostendit, ad quam Petrus Apostolice alii accommodare se, in constituendo Ecclesiarum jure atque ordine, potuissent. Ubi, ut

Pars I.

C. I.

C. II.

ex multis unicum attingamus, speciatim docet, Metropoles Romanis dictas, non quod provinciae Praepositor aut Praefectus apud eas resideret, sed vel quod olim Regum sedes fuissent, vel ex Augustorum solum liberalitate. Ex quo factum etiam, ut ea prerogativa, jam in una provincia pluribus urbibus, jam uni civitati in pluribus provinciis fuerit concessa. Capite II eadem fini Judaicae Gentis statum ac civilem politiam, ejusque varias vices, iusto commentario exhibet, alte exorsus, nec solum, qualis Apostolorum a-vo, sed etiam ab ipsis initiis, Reipublicae conditio fuerit, quantaque populi illius frequentia per Orientem universum paulatim diffusa, utque extra Palaestinam etiam Judaei, ubi incolebant frequentius, suis legibus fuerint usi, suisque Synedriis gavisi, ita tamen, ut Hierosolymam pro metropoli habuerint, ejusque Synedrii magni majestatem, etiam tributis oblatis, agnoverint, late edisserens. Ubi curiosae quamplurimae observationes & notatu dignissimae se offerunt, sed a nobis silentio praetereunda, quia habenda brevitatis ratio.

C. III.

His ergo praesuppositis, Capite III suam tandem sententiam proponit, vulgarique explosa, tres ante omnia periodos propagatae religionis Christianae constituendas censet, primam, cum solis Judaeis Evangelium annuntiaretur; alteram, cum Gentiles etiam iis in locis, ubi frequentes habitabant Judaei, admissi fuere; tertiam, cum Gentilibus promiscue, etiam ubi rari aut nulli Judaei inveniuntur, Evangelii doctrina patefieret. In prima ergo periodo, quin Ecclesia Hierosolymitana eminuerit, quam etiam aliae in Judaea, ubi Synedria erant, velut metropolitanam agnoverint, Judaeorum politiae accommodata, dubitandi locus non est. Qua occasione, inter alia, Reverendus Auctor antiquissimi Scriptoris Apollonii, teste Eusebio Hist. l. 5 c. 18, traditionem, quod Servator Apostolis suis praeceperit, ne intra duodecim annos Hierosolymis excederent, a qua recentes rerum Ecclesiasticarum Scriptores magno consensu recesserunt, recte explicatam tuetur. In altera, ubi Gentiles Judaeis mixti Evangelii luce collustrati sunt, cum Judaeorum tamen habita ratio praecipua fuerit, moribus Judaeorum plurimum quoque dandum fuisse, Auctori vero est persimile. Ita in Oriente primum quidem Antiochia, deinde Alexandria, in quibus urbibus & frequentiores Judaei habitabant, & illustrius suis

le-

legibus utebantur, primæ sedes fundatæ sunt, quibus Ecclesiæ Christianæ aliæ, tanquam metropolitanis, essent obnoxia: in Occidente vero Romæ, & quidem tanquam in centro unitatis, princeps omnium sedes constituta, ubi & Judæorum magna frequentia, & Gentilium omnis superstitione convenerat; ad quam fundandam ac ordinandam, Apostolorum primi summique, Petrus ac Paulus, Coepiscoporum instar, ita tamen ut utriusque verticis jura solum a Petro in Successores, Romanos Pontifices, fuerint transmittenda, symbolam suam contulerunt. In tertia periodo, cum ad Gentiles, etiam ubi Judæi aut nulli, aut perpauci commorabantur, Evangelii gratia emanasset, fundatæ certe & ab ipsismet Apostolis, & ab eorum Successoribus Ecclesiæ fuerunt, nec paucæ, sed quæ Romanam unicam pro Metropolitana venerarentur: quemadmodum nec alii ad veritatis lumen Gentiles convertebant, quam qui a Petro & Successoribus Episcopali caractere insigniti, eumque in finem missi fuissent. Ut adeo diversa satis in fundandis per Orientem & Occidentem Ecclesiis methodus notari mereatur, cum per Orientem Episcopi non constituerentur, nisi postquam ex pluribus, partim Judæis, partim Gentilibus, Ecclesia jam coaluisset, per Occidentem a Romana Sede Episcopi crearentur, qui in Italiæ, Hispaniarum, Britannia, Africa, Gallia, Germaniæ regiones missi, Gentiles converterent, & Ecclesias regendas sibi fundarent demum: unde perpetua illa novarum Ecclesiarum erga Sedem Romanam, cujus auspiciis velut coloniarum fuerant conditæ, tanquam matrem ac metropolin reverentia. Atque hæc, pro instituti nostri ratione, brevis summa est Bacchinianæ de Originibus Hierarchiæ Ecclesiasticæ sententia. Nam quin successu temporis insecutæ sint mutationes, & paulatim, inprimis postquam Imperatores ipsi religioni Christianæ notum dedissent, multum ex forma civili trahere sacrarum dignitatum momenta cœperint, vel istæ Archiepiscoporum Constantinopolitanorum molitiones, ex sede Imperii Orientalis Primatum vindicantium, atque tot de honoris prærogativa & parœciarum finibus contentiones ac jurgia abunde comprobant. Sub finem meminit quoque recentiorum quorundam Auctor, qui confecto quodam Gentilium sacrorum systemate, ad ejus exemplar primas

T t 3

Ec-

Ecclesiarum sedes Petrum composuisse arbitrantur : sed eam sententiam indicasse, censet idem quod confutasse.

Pars II.

Ad Partem ergo Secundam progressus, cum nullæ ab initio Ecclesiæ Metropolitana jure in Orbe Occidentali, præter Romanam, fuerint gavissæ, amplificata autem sensim re Christiana, plures emerferint, etiam in ipsa Italia, de harum speciatim originibus certiora prodere annititur. Itaque Italiæ primum civilis facta, variasque divisiones, quas per tria priora a nato Christo secula passa est, prosequitur, ut doceat, recentiora omnino esse Metropolium Italicarum jura, quam censent illi, qui eas ex provinciarum civilium numero atque forma, qualis tamen quarto demum seculo fuit, metiuntur. Cumque Mediolanensis inprimis Ecclesiæ, a D. Barnaba quippe, ut putant, fundatæ, Metropolitanæ auctoritatis antiquitas celebrari valde soleat, quam incertis omnia fundamentis nitantur, ostendit, ut Mediolanensium etiam Episcoporum Catalogum inconstantia ac hiatus arguat. Res omnis denique eo redit, ut evincatur, in universa Italia, præter Romanum, Metropolitanam nullam ante Synodum Nicænam fuisse, nec Mediolanensem ante D. Ambrosium. Subjicit Clarissimus Auctor, quod ad præsens argumentum spectet, vexatissimi sexti Canonis Nicæni, ex typo Hierarchiæ Ecclesiasticæ, qualis Nicæni Concilii tempore fuit, expositionem suæ hypothese convenientem, indignatus haud obscure Ruffino interpretibusque aliis, qui dum ad suorum temporum rationem & opinionum præjudicia respererunt, Canonem per se non obscuro, pro luce caliginem offuderunt.

Pars III.

Tertia Pars paucis absolvitur, etsi ejus causa totus apparatus fuerat instructus. Nempe ex dictis jam colligere est, juris etiam Ravennatis Metropolitanæ initia serius esse constituenda, quam ab Hieronymo Rubeo Historiarum Ravennatum scriptore non solum, sed Salmasio quoque, Marca aliisque factum. Non dissimulat Reverendus Auctor, præeuntem in sua sententia se habuisse aliquo modo Cardinalem Norisium, qui in Dissertatione de Synodo V. Oecumenica cap. 10, ex D. Petri Chrisologi Sermone 175 in Marcellini Vicohabentini Episcopi ordinatione habito, tunc primum

num docet Ravennatem Ecclesiam jure Metropolitano fuisse ornatam. Attamen rem omnem ab Agnello suo demum clarissime expediri tradit, qui in memorato supra de Ravennatis Ecclesiae Pontificibus opere, ubi Johannis illius, cognomento Angeloptis, qui immediate Petrum Chrisologum praecessit, & Bacchinio conjunctante, anno 432 sedere coepit, anno 439 defunctus, Vitam persequitur, expresse narret, illo ipso Johanne Episcopo sedente, Ecclesiae Ravennatensi a Valentiniano Augusto XIV civitates cum Episcopis subditas, primoque illi Pallium in signum Metropolitanis juris concessum. Ut adeo primus Ravennas Metropolitae Joannes Angeloptes fuerit, ejusque successor Petrus Chrisologus primus, quem axioma ipso facto usum, ex Marcellini Vicohabentini ordinatione novimus.

CATALOGI AUCTORUM, QUI LIBRORUM Catalogos, Indices, Bibliothecas, Virorum Literatorum Elogia, Vitae aut Orationes funebres, scriptis consignarunt, Auctarium, ab ANTONIO TEISSERIO, Uno e viginti sex Academiae Nemausensis, adornatum, sive ejusdem Catalogi Pars altera, continens ferme bis mille quingentos Auctores.

Genevæ, sumptibus Chouet, G. de Tournes &c. 1705. 4.
Alph. 2.

Cum primum Nobilissimi Teisserii Catalogum in Aëlis nostris, Suppl. T. II Sect. 1, ex merito commendaremus, utile futurum credidimus, si librariae rei studiosi, quæ in eo notata non inveniant, aut quæ nova prodire cernant, ad istam pertinentia, diligenter isti allinant. At eo labore levavit quodammodo curiosos industrius Auctor ipse, edito nuper admodum locupletissimo ejus operis supplemento, totidem ferme iterum, quot ipsum continere tum diximus, auctores, nempe circiter bis mille quingentos, complexo. In hoc, quod & alteram operis partem vocari cupit, eundem, quem in prima parte, ordinem servat, & indices itidem undecim accuratissimos adjicit. Quos vero titulos asteriscis

no-

notavit, eos sibi a Vincentio Placcio, τῷ νῦν ἐν ἀγίοις, fuisse communicatos, gratus proficitur p. 265. Cæterum non eos tantum libros hic recenset, qui sub prelo jam sudarunt, sed & hos, qui in manuscriptis adhuc latent, aut propediem expectantur. Sic *Cajenovii*, Galli, librum de lingua Provinciali ejusque Poetis, p. 37; *Charlesii*, Canonici Divionensis, Historiam Diœceseos Lingonensis, cui adjungetur Catalogus virorum doctorum, plus quam sexcentorum, ut & aliorum virorum, qui tam in toga, quam sago clari fuerunt, p. 40; *Christophori Hendrichs* Pandectas Brandenburgicas, p. 45; *Cornelii a Beughem* tum alia, tum & Bibliothecam Bibliothecarum, qualem hic exhibemus, p. 53; *Georgii Calixti*, Professoris quondam Helmstadiensis, librum de Historiarum scriptoribus, propediem edendum, p. 89; *Joannis Baptista Capponi*, Medici Bononiensis, Bibliothecam Medicam, cum Notitia Manuscriptorum totius orbis, aliaque, p. 130; *Joannis Groningii*, J. U. D. Wismariensis, Antiquam & Novam Wismariam, in qua sistentur nomina Literatorum, qui jam ab aliquot sæculis in illa urbe floruerunt, eorum effigies, vita, bibliothecæ & scripta, p. 148; *Martelli*, Secretarii Academiae Tolosanae, Vitas illustrium virorum, qui Tolosæ floruerunt, p. 196; *Richardi*, Presbyteri, Regis Galliarum Historiographi, Historiam Academiæ Gallicarum & Academicorum, qui in illis floruerunt, p. 235; *Valerii Zani*, Bononiensis Academici Gelati, Bibliothecam Bononiensem auctiorem, p. 260; & *Ottonis Sperlingii*, junioris, Catalogum Scriptorum Historiæ Danicæ & Suevicæ, qui brevi expectetur, p. 270, aliquando editum iri testatur. Qui typographici quandoque errores, ob absentiam Auctoris celeberrimi, Berolini nunc commorantis, irrepere, facile emendari poterunt. Ita enim c. g. pro Rechenbero & Rechembero p. 3 Rechenbergium; pro Burcardo Golth. Struvio p. 32 Burcard Gotthelff Struvium; pro Georgio Schuberto p. 86 Georgium Schubartum; pro Meimbonio p. 109 Meibomium; pro Mart. Zeidlero p. 200 Zeillerum; pro Th.

Creeck p. 254 Creech substituendum esse, unusquisque videt.

* * * * *

ACTA ERUDITORUM,

publicata Lipsia

Calendis Augusti, Anno M D C C V.

ARCHIVORUM VETERIS TESTAMENTI LIBRI
Tres. Autore P. SCIPIONE SGAMBATO,
Neapolitano, Societatis Jesu.

Neapoli, apud Michaellem Aloysium Mutium, 1703. fol.
Alphab. 6.

Diligentiam, quam in Veteris Testamenti Apocrypha impendere Maxime Reverendum Jo. Albertum Fabricium, in Actis A. 1703 p. 382 memoravimus, quodammodo anteverit, licet alia paulo methodo alioque instituto, videtur Eruditissimus præsentis libri Auctor, qui omni studio id egit, ut, quæ passim allegantur, scripta ad Vetus Testamentum ab aliis quibus relata, sed Pontificiis ipsismet haud dissidentibus, Divina auctoritate haud gaudentia, Ecclesiæque testimonio destituta recenseret. Qui ipsius labor variam quidem expertus fortunam est, antequam ad Eruditorum manus perveniret. Editionem namque cum moliretur ipse Auctor, miro fato mente deturbatus, plurimos per annos obscurum pulvereque oblitum opus jacere permisit. Sed Thomas Strozza, Socius Jesu, Societatis suæ gloriæ & publicæ Eruditorum utilitati consulturus, e tenebris id protrahere, post istius mortem, aggressus est, quanquam successu itidem parum secundo, cum post factum impressionis initium & ipse expiraverit. Hinc tandem obstetricantes illi manus præbuit felicioribus auspiciis Dominicus de Georgio, Utriusque Juris Doctor Neapolitanus, cujus liberalitati ac industriæ editionem debere, in directa ad ipsum dedicatione palam profitetur Jo. Hieronymus de Onuphrio.

Uu

Pri-

Primarium vero negotium cum Veteris Testamenti Viros sapientia illustres eorumque monumenta ac libros respiciat, haud inconsultum duxit Noster, de lingua his familiari prolixam satis translationem præmittere. Hanc itaque Hebræam fuisse uti constat, sic de eadem capitibus in non unis docte disseruit. Vindicata nimirum ejus antiquitate linguarum quarumcunque aliarum originem multum superante, plura in medium affert de germana ac propria illius scriptura, quam Assyriacam vocat, ipsamque illam fuisse statuit, qua nunc in Hebraicis scribendis communiter utamur, cui Transfluvianam opponit, seu Samaritanam, quæ vilior sit ac vulgaris. Veterem interea scripturam dici Assyriacam ea propter innuit, quod eandem in Assyria a parentibus Abrahamus hauserit, ac inde secum in alias oras attulerit, ut ut ipse forsitan, posteaquam Euphratem transierit, recentiorem excogitasse credendus sit.

His prælibatis, ad ipsos Veteris Testamenti Sapientes sese confert, & post pauca, quæ de singulorum libris genuinis monet, apocrypha potissimum eorum scripta enarrat. Liber *primus*, antequam ad homines descendat, Deum & Angelos scriptores introducit. Ac Deo certe præter libros allegoricos, & in his præcipue Librum Vitæ, apocryphos etiam attribui observat, quales illi tres, quos pro tribunali sedens quolibet anni initio aperire vulgo Judæis perhibeatur. Angelorum apocrypha facit Scientias Divinas atque utiles, Scientias exotericas & malas, Phylacteria, Dispositiones Angelorum, Librum Jaldabaoth, Razel, & plures alios. Hinc ab Adami exorsus apocryphis, qualia Liber Generationum Adam, Liber Adami Primi, Psalmus Cantici in diem Sabbathi, Apocalypsis, Scientiæ, Cognitio, Testamentum Lucis; ad Sethum pergit, & ejus post alia Libros XIV, quos ipsi tribuunt Sethiani, & Libros L, quos ei liberaliter concedunt Mahometani, allegat. Succedunt cum suis apocryphis Egregori, Oannes, Thoyt ante cataclysmum sapientiæ laudem consecutus, Enos, Cainan, Henoch, Mathusale, Lamech, Noë ejusdemque uxor Bath-Enos, Cham, Japhet uxorque illius Sambetha, quæ in Sibyllinis cum marito se in arca fuisse gloriatur, Sem qui & Melchisedech, Phœnices, Heber, quorum postremus tanquam Indorum & Sinarum pater introducit, horumque adeo disciplina simul tangitur.

Liber

Liber *secundus* Viros Prophetiæ nomine claros sistit, & quæ cunctis horum adscribantur apocrypha, testatum facit. Agmen inter hos ducunt Abraham, Isaac, Jacob, Joseph, duodecim Patriarchæ cum suo Testamento, Job, Moses atque Aaron. Moses occasione Jannem quoque & Mambrem, quem vocat, illius antagonistas nominat, nec septem Prophetarum Gentium dememinit, quorum coryphæus uti Jobus constituitur, sic ei associari refert Eliphazum, Themanitem, Baldadum Suhitem, Sopharum Naamathiten, Elihu Filium Barachielis Buzitem, Balaamum, & hujus patrem, qui Beor nuncupetur. De Sibyllis, quæ Gentium credantur Prophetides, paucula interspergit. Hinc porro comparent longo ordine Jethro, Josue, filius Nun, & septem Prophetides Israelis, Mirjam, Debora, Hanna, Abigail, Holda, Esther; Eleazar inde Magnus Sacerdos, Phinees, Samuel, David Rex, Nathan, Gad, Achias Silonites, Iddo, Semajas, Salomo, Agur, Lamuel, Elias, Jonas, Oseas, Amos, Jehu filius Hanani, Jesaias, Sobna scriba, Ezechias, Michæas, Joel, Nahum, Habacuc, Obedias, Sophonias, Manasses Rex, Chozai Scriptor historiæ Manassis, Helkias Summus Sacerdos, Urias sub rege Joachim clarus, Jeremias, & alii usque ad Baruchum, post quem adduntur Mardocheus, Esther Regina, Assuerus Rex, Esdras, Nehemias, Tobias denique & Judith.

Posteaquam desierit apud Hebræos Prophetarum nomen, vigere cœpisse ait honorificum Sapientum titulum, qui disciplinas publicis in conventibus tradiderint. Unde natæ sint Hebræorum Academiae, quas in duas veluti sectas dividit, alteram, Orientis, Babylonios & Indos, Occidentis alteram Syros, Alexandrinos, Hispanos, Italosque comprehendentem. Circa has Liber occupatur *tertius*, qui ab Academicis Babylonicis sive Orientis orditur, & Neardeana Ezechielis, Mata-Machasia, Sura, Pombo-dita quæ dictæ fuerint, declarat. Occidentales constituit Hierosolymitanam, Tiberensem, Japhneam, Biterensem, Nisibenam, Alexandrinam, & Tolitolanam. De singulis ubi nonnihil disseruit, quinam in Bibliotheca Hierosolymitana reperti libri fuerint? disquirat. Porro Viros magnæ Synagogæ eorumque monumenta literaria recenset. Quid Philosophi Græco um ex fontibus Hebraicis hauserint? indagat; & scorsim Hecatæum Abderitam in-

hunc censum vocat. Post renovatam Berosi memoriam Siracidem in scenam producit, & Eleazaro, qui Ptolomæo septuaginta duos Senes ad legem Græce reddendam submisit, laudato, de ipsismet LXX Interpretibus controversias præcipuas, quæ vulgo moveri solent, pertractat. Aristææ, utut Græcus genere fuerit, locum tamen inter scriptores Hebraicos ideo assignat, quod ejus de LXX Interpretum evocatione liber Hebraice a R. Azaria Edomæo versus proftet. Cleodemum Malchum, Agathobulum, Aristobulum, Ezechielem Alexandrinum, Phocylidem, Lysimachum, Jasonem Cyrenæum, Judamque Essenum breviter descriptos reliquis etiam associatos dat. Machabæorum liber, qui Hebræis Antiochi libellus appellatur, in Latinam linguam translatus inferitur. Denique R. Jochanan filius Mathathiæ, R. Elias cognomento Propheta, Demetrius, Eupolemus, Jonathan Filius Uzzielis, Auctor Libri Sapientiæ, R. Nechonias ben Hakkana, Samuel Parvus, Ananias filius Ezechix, ac ultimus omnium Cœcilius Rhetor Augusti ætate celebratus, suo quisque ordine in conspectum prodeunt. Quamvis autem larga satis nominum clarissimorum seges huncinlibrum constipata sit, minor tamen longe, ac in duobus antecedentibus, scriptorum apocryphorum numerus comparet, cum personas modo plerorumque nominare ac breviter delineare Autori allibuerit.

CASPARIS HENRICI HORNII, Juri, JURISPRUDENTIA Feudalis Longobardo-Teutonica, aucta variis accessionibus, mandatis, privilegiis, consiliis, responsis feudalibus, aliisque argumentum illustrans.

Wittebergæ, apud J. W. Meycrum & G. Zimmermann, 1705, 4.
Constat 5. alph. 4. plag.

Opus hoc, jam ante decennium, publici juris factum est, dum illud Consultissimus Autor, Dissertationibus Academicis, in cathedram produxit. Cum vero Exercitationum illarum exempla deficerent, subinde ab illis, qui ejus Scholas frequentare soliti sunt, interdum & ab aliis admonitus, de repetenda illarum editione cogitare cœpit, quod propositum, tardius quidem, sed ita tamen executus est, ut quamplurima posthæc lecta & observata ad-

diderit, multa etiam emendaverit immutaveritque, adeo ut plane alia facie & habitu liber jam in lucem prodeat. Secutus est, in hoc opere Examen Juris Feudalis Strykianum, ut illud etiam commentari in hoc vicem lubire queat. Primo itaque de origine & auctoritate Juris Feudalis ac Jurisprudencia Feudali disserit, postea naturam, definitionem & divisionem Feudi, ac in specie Feuda propria & impropria explicat, tum ad personas Feudum concedentes, & acquirentes, nec non nuptias & tutelam Feudalem progreditur. Quibus expositis, res in Feudum dandas, Regalia, ac in specie Regale metalli fodinarum jus expendit, explicatis etiam servitutibus, Feudo impositis. Inde ad modos constituendi & acquirendi Feudum, ac speciatim, ad præscriptionem feudalem, & investituram, juramentumque fidelitatis, investituræ annexum, descendit. Quo labore peracto, dispositionem testamentariam circa feuda, successionem descendentium, ascendentium, collateralium, legalem & pactitiam explanat, eique tractationi renovationem investituræ, Laudemium, obligationem & contractus, qui inter Dominum & Vassallum occurrere solent, revocationem feudi alienati, & obligationem feudalem, ex quasi contractu, denique modos, quibus obligatio feudalis solvatur, ac delicta feudalia conjungit, totique operi, actionum feudalium judicii & processus feudalis explicatione, finem imponit. Ubique autem istum scopum habuit Consultissimus Autor, ut cupidæ legum juventuti rationem monstraret, qua inter tam varia jura, partim in patrio solo nata, partim peregre, ex Italia, allata, quibus Germania etiam, circa beneficia, utitur, iter ingrediendum, ut ad habitum illum, quem Jurisprudentiam Feudalem dicimus, perducere illa possit. Quamobrem non tantum quid Longobardis placuerit, verum etiam, quæ Saxonum, aliorumque Germaniæ populorum, instituta antiqua fuerint, ac sub nomine Alemannici vel Suevici juris feudalis, innotuerint, explicare, simul vero etiam, quid Imperatorum & Regum Romano-Germanicorum constitutiones, atque Imperii nostri leges, tum antiquæ, tum recentiores, tum denique provincialia jura, Electoralium præsertim Saxonicarum terrarum, & vicinarum his regionum, in recessu habeant, quidve tam circa feuda Imperii, quam alia, usus fori & praxis servet, tradere annisus est, prout ipse in præ-

fatione, Lectores hæc edocet. Nonnulla saltem exempla, ex quibus alia dijudicare liceat, adjiciemus. In Capite octavo §. 51 de jure Palatinorum disserit, ac inter alia de Palatinatu Saxonico refert, quod idem, ab Imperatore Sigismundo, in Fridericum Bellicosum, Misniæ Marchionem, cum Ducatu & Electoratu, nec non Arce & Oppido Altstede, ubi frequentissime olim Palatini jus dixerint, fuerit translatus, adeo ut, vi Aureæ Bullæ & investituræ Sigismundi, cum dignitate Electorali ita coaluerit, ut ab ea nunquam separari queat, unique soli Potentissimo Electori Saxonie proprius sit factus. Atque ob hanc causam factum esse, porro arbitratur Noster, ut a Friderici Bellicosi tempore, Serenissimi Electores Saxonie, Palatinorum Comitum titulo uti, supervacuum crediderint. Electorali dignitate, a linea Ernestina, in Albertinam translata, Palatinatum Saxonicum, eadem quoque fata oportuisse experiri, amplius censet Consultissimus Autor, cui etiam non obsit, quod oppidum Altstedum, lineæ Ernestinæ fuerit restitutum, cum ab oppido illo, Palatinatus nunquam dependerit. In Capite nono, regale metallifodinarum jus prolixius nonnihil persecuturus, præsupponit, totum terrarum orbem a Deo Adamo & Evæ fuisse concessum, adeo ut, sine Dei & Protoplastorum consensu, nemo quicquam sibi asserere potuerit; dominium porro universale ad posteros esse devolutum, ut talis communio inter eos extiterit, qualis inter plures cohæredes esse solet, exceptis saltem iis, quæ, vivo Adamo, alicui jam propria facta essent. Quia vero ista communio, aucto genere humano, diu durare non potuit, ea familiæ heriscundæ ratio inita est, ut quilibet illa, quibus ad sustentandam familiam, opus haberet, retineret, reliqua vero in medio relinquerentur, atque haberentur pro derelictis, & cujuslibet paterent occupatoni: hinc, ex sententia Nostri, pacto minimum tacito, ex rebus communibus, fuere factæ nullius. Ejusdem ergo, cujus ceteræ res, conditionis fuerunt quoque metalla: hinc qui fundum vacuum occupat, etiam metallorum, sub illo latitantium, dominus existimandus est, & quidem non tantum extra civitatem, sed & regulariter in civitate. His præsuppositis, Excellentissimus Autor docet, quod jure Romano quædam metallifodina publicæ, aliæ vero privatæ fuerint; sed in Germania Regalibus indistincte sint an-

annumerata: id quod cum aliis, tum metallifodinarum Saxonica-
rum, & in specie Freibergensium, exemplis amplius declarat.
Postea inquit in veritatem sententiæ illius, qua multi Doctores
Saxonici, in terris Electorum & Ducum Saxoniae, usu receptum,
esse existimant, ut is, qui de feudo, cum jurisdictione superiore &
inferiore investitus est, metalla viliora, ut cuprum, stannum, plum-
bum aut ferrum, in feudo suo quarere, ac reperta sibi servare
queat. Absoluta hac disquisitione, partes juris metallifodinarum
adducit, ac, ostensa Statuum Imperii, fodinas auri argentique in
suis territoriis possidentium, præ cæteris, qui illis carent, quoad
rem monetariam, prærogativa, ostendit, qua lege, in fundis alie-
nis, metalla hodie scrutari liceat, adjiciens, in terris Potentissimi E-
lectoris Saxoniae, Magistros montium, auri quoque fodinas proba-
biliter concedere posse, id est, potestatem ipsis esse datam, *auff
alle metalle berckwerck zu verleiben*. Cum igitur ab Imperan-
te & Republica, metalli fodinae, certis conditionibus, in privatos
deveniant, ideo varia negotia eo nomine intercedere solent, quo-
rum indolem deinceps Noster explicat. Inter illum igitur, qui
metallifodinas concedit, & fodinarum cultores, *denen gewercken*,
contractum velut emphyteuticum celebrari, & metallifodinas
minime pro feudis haberi posse, censet. Inter ipsos autem fodi-
narum exercitores, societatis contractum, cui tamen singularia,
quædam insint, esse arbitratur. Quoad dominum denique fundi,
qui agrum ad fodiendum, sub conditione accipiendæ portionis hæ-
reditariæ, *eines Erbkukus*, concedere debet, & fodinarum exercito-
res, negotium extraordinarium subesse, ex eoque actionem in fa-
ctum oriri, existimat, ac de libro metallico publico, *dem Gegen-
buch*, ut & de salinis ac thesauris, coronidis loco, nonnulla adjun-
cit. Circa accessiones, quibus Consultissimus Autor, tractatum
hunc feudalem augere & exornare voluit, nihil aliud nobis agen-
dum videtur, quam ut syllabum earum exhibeamus. Præter
dissertationem itaque, de Feudo Franco, quæ tractatui ipsi inserta
est, in Appendice prima habetur (1) Mandatum feudale Joh. Geor-
gii IV, cum mandato Joh. Georgii I, quorum illud de renovatione
investituræ, hoc de alienatione feudorum agit. (2) Mandatum
feudale Serenissimi ac Potentissimi Regis Polonia & Electoris Sa-

xoniæ Friderici Augusti de dato Thorun. 4 Jan. 1703. (3) Forma investiturarum, in Curia Electorali feudali Saxonica. (4) Formula dilationis pupillaris in Aula Electorali Saxonica. (5) Formulæ novæ decisionis de signis feudi hæreditarii & fœminini. (6) Marchionatus Lusatiz Inferioris Privilegia, a Ferdinando I & Maximiliano II eidem concessa. (7) Rescriptum Serenissimi Principis Christiani Saxoniz Ducis, de clausula liberæ dispositionis, literis novis investiturarum inferenda. (8) Tabulæ investituræ Cæsareæ, super quibusdam bonis, officio hæreditarii Janitoris Imperii annexis, quas illustris stirps Wertherorum accepit A. 1698. (9) Formula pactionis feudalis, *lehn reverses*, qua simultanee investiti concedunt illi, qui eos admisit, liberrimam de feudo dispositionem. (10) Programma Academicum, quo quæstio excutitur: utrum Comes Palatinus veniam ætatis, in territoriis Ordinum Imperii, impertiri queat. (11) Aliud, quo discutitur quæstio: utrum jus primogenituræ in testamento prohiberi possit, & si a majoribus prohibitum, num novus jussus parentis, de eo introducendo, liberos obliget? In Appendice secunda exhibentur (1) Consultatio de Principatu Olinæ in Silesia: utrum feudum proprium sit, an improprium, & quidem tale, quod fœminas admittat? conscripta a Georgio Franzkio A. 1647. (2) Consultatio pro Serenissimo Principe Dn. Adolpho Friderico, Duce Megapolitano, qua quæstio, utrum jus primogenituræ & linealis successio, an vero ordo succedendi, secundum propinquitatem, in hac Familia Serenissima, locum inveniat? excutitur, ac posterius affirmatur. (3) Viginti alia Responsa Juridica, nomine Facultatis Juridicæ Witembergensis, maximam partem emissâ.

D. LUDERI MENCKENII P. P. DISSERTATIONES
Juridicæ. Accedunt V Decades Controversiarum & XII
Programmata cum Indicibus necessariis.

Lipsiæ, apud Emmerichium, 1705, in 4to.

Constant 5 Alph. 8 plag.

Quas per quatuor, & quod excurrit, lustra in Academia Lipsiensi publicæ ventilationi subjecit Dissertationes Juridicæ, eas nunc, in unum collectas volumen, in publicam lucem edidit Consul.

sultissimus Autor. Præmisit iis præfationem, qua Auditores suos alloquitur, qui aut olim ipsius lectiones frequentarunt, aut nunc iis interfunt, aut accedent in posterum, ac his imprimis linguæ Latinæ culturam, ordinisque in studio Juris servandi sedulam commendat curam. Singularum Dissertationum materias, & titulus operis, & index exhibet, ex quibus satis patet, esse eas ex omni Jure, Civili, Feudali, Canonico & Saxonico selectas, nec inanes quæstunculas, sed themata, quorum constans in foro & quotidianus usus est, continere. Sic, ut ex iis, quæ ad Jus Saxonicum pertinent, saltim aliquas exempli causa adducamus, *Dissertatio XX* ostendit, ascendentes ad successionem feudalem adspirare non posse, nisi simultaneam obtinuerint investituram, Feudi autem, ex pacto cum simultanee investitis alienabilis, naturam prolixè exponit *Dissertatio XXVI*. Plura haud addimus, instituti nostri habituri rationem. Sed ad Decades Controversiarum progredimur. Sunt & ex olim in Academia Lipsiensi peculiaribus Dissertationibus propositæ, ac continent quinquaginta controversias Juris varii, ita ut supplementi instar esse possint iis, qui Gymnasio Polemico Consultissimi Autoris hætenus fuerunt usi. Singulis Thesibus non modo consentientes dissentientesque Doctores, sed & Legum ac rationum obstantium resolutiones subjiciuntur. Tandem Dodecas Programmatum coronidis loco accedit, quibus ad Exercitia Disputatoria publica, quæ repetitis vicibus Autor noster instituit, Juventutem legum studio deditam invitavit. In quibus cum singulis fere quæstiones Forenses discutiantur, non minus, quam ipsas Dissertationes, Lectoris Benevoli desiderio ac expectationi confidimus ea satisfacere posse.

ECLAIRCISSEMENT SUR LE LIVRE DE LA GÉ-
neration des Vers dans le Corps de l'Homme.

i. e.

DILUCIDATIO LIBRI DE GENERATIONE
Vermium in Corpore humano.

Amstelodami, apud Thomam Lombrail, 1705, in 12.

Constat 3. plag.

Xx

Lu-

Lustrum jam præterfluxit, postquam *Nicolaus Andry*, Doctor Medicinæ Facultatis Parisiensis, Tractatum suum *de Generatione Vermium in Corpore humano*, a nobis Anno 1700. Mense Novembri pag. 519. recensitum, publici juris fecit. Quanquam vero remedia anthelmintica inibi commendata a quibusdam Medicis, in talismodi casibus, non sine successu in usum fuerint vocata, prout testatur Epistola præsentis libello addita; non destitit tamen *Ludovicus Lemer*, cuius *de Alimentis* Tractatum in *Actis nostris* Anno 1703. Mense Septembri pag. 396. excerptum dedimus, in Epistola ad Dn. Boudin data, nostrique itidem libelli calci adjecta, eundem false perstringere. Extitit vero alius, qui suum nomen quidem non professus, attamen Nicolai Andry in præsentis Dilucidatione causam agere, atque ad objectiones a Lemerio factas respondere sustinuit. Cum autem ad tria potissimum capita omnia ea, quæ fuerunt opposita, a Defensore redigantur, ita ut quædam in tractatu dicto quidem reperiantur, redargutione tamen neutiquam digna, quædam Authoris menti affingantur, quædam denique ceu sphalmata inter Errata jam dum fuerint notata; nos missis omnibus, ne contra morem nobis hætenus propositum agere videamur, ea solummodo, quæ pag. 15. & seqq. *de nutritione ossium & sensu medulle* Noster differit, brevibus commemorabimus. Putat enim, quanquam ossa mediantibus vasis sanguineis suum nutrimentum hauriant, absurdum tamen non esse, statuere, medullam pariter nutrire ossa. Quod si enim ossa sint solida, nec insigni cavitate prædita, qualia sunt ossicula aurium, cornua cervorum, & damarum, infundi materiam nutritiam in ipsum ossis corpus; sin vero sint concava, non solum ad corpus ossis, sed & ad cavitatem eandem deponi. Foraminula enim adesse exilia in interiori ossis superficie, per quæ ex medulla ad ossis substantiam vasa ablegentur. Et quemadmodum in animalium adultorum substantia, vasa sanguinea non conspiciuntur, etiam si revera adsint; ita existimat Noster, singula ossa medulla omnino gaudere, etiam si hæc, propter cavitatem vel exiguum vel nullam, in conspectum minus veniat. Cum enim, qua nutritur os, sit materia oleosa, eaque maxime subtilis & depurata sanguinis, sequi exinde, hanc sive ad cavitatem sive ad substantiam ossis deponatur, dici debere medullam.

lam. Imo idem officium præstare cavitatem ossium, ad quod pennarum avium cavitas formata est, credit; siquidem hæc non solum agilitatem, vim & levitatem volucris conciliat, sed & penitus vicem gerit, ex quo toti pennæ corpori nutrimentum sit petendum. *Sensum medullæ* quod attinet, quanquam, quibus crus vel brachium abscissum est, sub ossis mutilati ligatura novi doloris sensum edant, quamprimum medullæ linthea admoventur; vel animalia ejulatus renovent, & mediante stylo ossis detruncati medulla attingatur; sensum tamen ullum medullæ competere, negat Noster. Cum enim hæc sit materia oleosa, fluida & liquida, intra vesiculas membranaceas subtilissimas inclusa, æque absurdum esse, huic sensum tribuere, ac sanguinem sentire, statuere, putat. Quando autem quidam Anatomicorum medullam per fasciculum plurimarum vesicularum membranacearum, oleosa quadam fluida & liquida materia refertarum definiunt, eundem applausum mereri eosdem putat, quem illi, qui succum citri fasciculum vesicularum membranacearum, acido & transparente liquore refertarum, esse dicunt; imprimis cum iidem asserant, medullam transpirare, per ossis texturam vehi, hocque in mortuo animali livore contaminare; quæ certe proprietates non membranaceæ texturæ, sed fluido corpori competant. Ita ut sensus non medullæ, sed ejus involucris membranaceis verius tribuatur.

JOH. BERNOULLI MOTUS REPTORIUS EJUS-
que insignis usus pro Lineis Curvis in unam omnibus æqualem colli-
gendis, vel a se mutuo subtrahendis; atque hinc deducta Proble-
matis de Transformatione Curvarum in Diario Galli-
co Paris. 12 Febr. 1703 propositi ge-
nina Solutio.

Quartus agitur annus, ex quo solutum habui problema de
transformanda Curva Algebraica in alias innumeras Algo-
braicas longitudine æquales, non diu ante mihi propositum ab
egregio quodam Belgii Mathematico. Idem postea, quod vide-
rem posse præstare insignem usum pro dimensione & compara-
tione curvarum, publice proposui in Diario Gallico m. Febr. 1703,

concesso totius modo tum incipientis anni decursu, spe fretus fore ut per ejus solutionem unam vel alteram, Geometria recondita incrementum esset captura non spernendum. Sed ultra præstitutum limitem (intra quem nihil solutionis comparuit) jam fere sesquiannus est elapsus, necdum tamen dedi meam solutionem; quod fateor oscitantæ an oblivioni meæ imputandum, forsan diutius duraturæ, nisi excussisset eam visa mihi nupera Clarissimi Joh. Craigii Solutio, publicata primum in Transact. Philos. Londin. anno 1704 num. 289, & postea transcripta in Acta Erudit. novissimi Aprilis.

Quid de hac solutione sentiam, mearum est partium paucis prius aperire, quam meam proposuero, neque id facere verebor, cum mihi constet, Clarissimi Auctoris popularem Celeberrimum Newtonum sententiæ meæ ab Amico quodam (cui eam privatim perscripseram) intellectæ per totum suffragari. Quare non ægrelaturum spero acutissimum Craigium, si, quod in ipsius solutione desidero, amice & candide proponam. Illam, utpote brevem, huc transcribo totam: Sint, inquit, w, s , coordinatæ Curvæ datæ; & Curvæ quæsitæ sint coordinatæ x, y : tum ex conditione problematis erit $dw^2 + ds^2 = dx^2 + dy^2$. Ponatur $dx = dw - m dz$, unde erit $dy = \sqrt{ds^2 + 2m dw dz - m^2 dz^2}$; in hac pro ds substituatur ejus valor per w, dw & determinatas expressus: & pro dz assumatur talis valor ex w, dw & determinatis compositus, ut valores quantitatum dx, dy sint summabiles: Et sic habentur x ac y coordinatæ curvæ quæsitæ. Q. E. I.

Nihil unquam expediri potuisset brevius, non nego; sed & ipsa nimia brevis est suspecta; re vera enim quis quæso, vel leviter attendens, non viderit statim postulari gratis, & pro dz assumatur talis valor ex w, dw & determinatis compositus, ut valores quantitatum dx, dy sint summabiles? Postulatum hoc non minus difficile videtur quam ipsum problema, imo si illud dixerò difficilius, non adeo a veritate alienum dixerò; superaddit enim tacite problemati conditionem aliquam præter necessitatem, quæ hæc est, quod non tantum curvam curvæ, scilicet totam toti, sed etiam partes partibus æquales fieri jubeantur, quæ tamen posterior con-

conditio non exigitur in problemate; sufficit namque exhibere curvam datam æqualem, licet partes æquales in illis determinari non possint. Exempla interim, quæ Vir Clarissimus adducit, & quæ an recte soluta, examinare nondum vacavit, non magis probant generalem problematis solutionem, quam si quis per nonnulla exempla æquationum quadratarum & cubicarum a se resolutarum contendere vellet, se monstrasse viam generalem resolvendi æquationem cujuscunque sit dimensionis.

Videtur Doctissimus Craigius ipse quodammodo agnoscere imperfectionem suæ solutionis. Sub finem enim, ubi innuit Problema Diophantum, quo petitur *Dividere summam duorum quadratorum in duo alia quadrata, quorum latera sint rationalia*, affinitatem habere cum nostro, quod putavit necessario idem esse quam *Dividere summam duorum quadratorum in alia duo quadrata, quorum latera sint summabilia*, rectissime subdit, solutionem mei problematis communes tantum fluxionum methodos inversas requirere, & artificium in debita laterum quæditorum assumptione consistere, scilicet ut sint summabilia; quo satis nobis indicare vult, quod, quemadmodum illa fluxionum methodus inversa nondum ad perfectionem est perducta, sed immane quantum adhuc circa illam a Geometris desideratur, ita etiam solutio sua, quæ illam methodum requirit, perfecta dici non possit: artificium autem (quod ipse ita vocat) assumendi latera debito modo, ut sint summabilia, haud dubie arcanum est difficillimum. Non ergo illud in solutione generali fuisset supponendum, sed demonstrandum, quod dum fiet, meam nunc solutionem cum alio, quod me eo deduxit, novo invento communicare nequaquam gravabor.

Verum hoc loco non est dissimulandum, quod acceptum ferimus Illustri nostro Leibnitio, felicioribus auspiciis rem aggresso. Is quippe mihi sub initium anni superioris perscripsit aliquod tentamen solutionis neutiquam paralogistica, imo cui nihil deerat, nisi ut laborem calculi (qui ad perplexitatem haud facile superabilem deducere videbatur) tollendi modum ostenderet. Via autem, quam ineundam censuit Vir perspicacissimus, consistit in coevolutione duarum curvarum ope styli commune circumplicatum filum

tendentis & describentis tertiam aliquam curvam, quæ si algebraica sit ut & una ex evolutis, altera etiam necessario erit algebraica, non minus quam ipsa etiam coevolutarum differentia semper per rectas lineas algebraice determinabilis existit. Ex quo prævidit Illustris Leibnitius, coevolutas posse fieri longitudine æquales, evanescente scilicet illa differentia; adeoque ut curvæ datæ algebraicæ inveniatur alia algebraica æqualis, nihil aliud faciendum esse, quam ut assumatur pro arbitrio aliqua curva algebraica (specifice tamen determinata & debite collocata) quæ præstet speculi vicem, id est, quæ tangentes curvæ datæ tanquam radios incidentes sub angulo æquali reflectat, & per eorum intersectiones causticarum more formet novam curvam algebraicam: hæc enim cum datæ curva faciet duas coevolutas pro assumpta illa arbitraria per filum describenda. Et quia de casu tantum speciali in calculo agitur, ut nimirum coevolutarum differentia sit nulla, debito modo assumere jubet sive speciem, sive parametrum, sive situm, sive aliud quid curvæ arbitrariæ, quo in proposito casu illa differentia evanescat, atque adeo datæ evolutæ inveniatur altera æqualis.

Amplio rem ejus rei explicationem non dabo: a nemine enim pro dignitate sua melius tractabitur, quam ab ipso Inclyto Viro, proinde humaniter rogando, ut communium studiorum bono & incremento methodum suam, hæcenus non nisi levi penicillo adumbratam, perficere, & inprimis, quomodo arbitraria illa speculi vices subitura sine operoso & molesto calculo specifice determinanda vel collocanda sit, ut coevolutarum differentia evadat datæ æqualis vel nulla, compendiosam aliquam viam aperire nobis dignetur.

Mea nunc inventa daturus, præmitto Geometrarum more nonnullas definitiones & postulata.

Defin. I. Per *normales extremas* intelligo lineas rectas ad utramque curvæ alicujus extremitatem perpendiculariter ductas.

TAB. VIII. Sic BN & AN (Fig. I.) sunt normales extremæ curvæ ACB.

Fig. I.

Defin. II. *Amplitudo* curvæ ad eandem partem concavæ est angulus, quem constituunt normales extremæ. Sic angulus BNA est amplitudo curvæ ACB.

Defin. III. *Secare* curvam in partes æque amplas vel ampli-

plitudinis equalis, est eam ita dividere, ut partium singularum normales extremæ constituent angulos æquales.

Defn. IV. Curva curvam *obrepere* dicitur, si mobilis super immobili moveatur motu parallelo, & interim altera alteram continuo tangat, partibus convexis sibi mutuo obversis. Mobilis autem curva vocetur *Perreptans*, & immobilis *Perreptanda*.

Defn. V. Curva Curvam *subrepere* vocatur, si similis fiat motus hoc tantum discrimine, quod nunc curva perreptans convexitate sua inter *rependum* tangat continuo partem concavam curvæ perreptandæ.

Ut clarius hi duo motus intelligantur, possunt quodammodo comparari cum deviatione navis, qua scilicet fit, ut dum ex. gr. a Borea in Austrum vi venti fertur, interim simul ab occulto quodam aquarum motu in aliam rapiatur plagam; quo pacto duas licet concipere curvas, quarum unam uno, alteram altero latere navis perpetuo tangit, quarum proinde una a navi *obrepiunt*, altera *subrepiunt*.

Fingamus igitur (Fig. I & II.) curvam ACB immobilem seu perreptandam, aliamque mobilem seu perreptantem ECF, quæ posito primo vertice E in verticem A, axique EG in axem AD vel cum eo in directum, moveatur postea ECF motu parallelo per ACB, hoc est ut axis EG & sibi & AD maneat semper parallelus; habebitur fig. I. motus *obreptionis*, & fig. II. motus *subreptionis*. TAB. VIII.
Fig. I. II.

Defn. VI. Curvam *Reptoriam* voco, quæ describitur hoc motu per punctum quodvis in plano perreptantis curvæ ECF situm, ut ex. gr. AEH per verticem E, vel LGM per punctum G in axe.

Defn. VII. Curvarum perreptandæ & perreptantis ACB & ECF, partes illas duas AC & EC, quæ jam suum officium fecerunt, illa rependo, hæc reptionem patiendo, vocabo *partes eadem reptione defunctas*.

Postul. I. Curvæ datæ algebraicæ postulantur dari quoque algebraice tangentes & normales.

Postul. II. Postulatur Curvam datam algebraicam secari posse algebraice in partes quotcunque æque amplas.

Lem-

Lemma I. Curvis perreptanda & perreptante existentibus algebraicis, erit quoque, quæ hinc generatur, reptoria algebraica. Liqueat ex postul. I & II. nam constat partes eadem reptione defunctas AC & EC esse æqualis amplitudinis, adeoque assumpto arcu AC ad libitum posse algebraice determinari arcum æque altum EC, hinc & punctum E in curva reptoria AE.

Lemma II. Omnes curvæ reptoriae vel quacunque earum partes eadem reptione descriptæ inter se sunt æquales & similes. Patet hoc ex parallelismo motus; sumantur enim in plano perreptantis ECF duo quæcunque puncta describentia E & G, quibus connexis per rectam EG, manifestum est hanc rectam per motum reptionis singulis momentis translata per intervallum minimum in situm priori parallelum, descripsisse utraque sua extremitate lineolas parallelas & æquales, quæ cum sint elementa curvarum AEH, LGM, constat propositum.

Coroll. I. Tangentes ductæ ad extremitates omnium reptoriarum vel quarumcunque earum partium eadem reptione descriptarum, parallelae sunt omnes tam inter se quam communi tangenti ductæ per punctum contactus curvarum vel partium eadem reptione defunctorum.

Coroll. II. Reptoria cum partibus perreptanda & perreptantibus eadem reptione defunctis semper est ejusdem amplitudinis. Hinc jam fluit utilissimum, quamvis facile

Theorema I.

Omnis Reptoria vel quacunque ejus pars est longitudine æqualis vel summa vel differentia partium perreptanda & perreptantis eadem reptione defunctorum; nempe summa, si motus fiat per obreptionem; & differentia, si per subreptionem.

Demonstr. Concipiatur (Fig. I & II.) Perreptans ECF progredi in situm proximum, ita ut vertice ejus E perveniente in e , punctum simul perreptantis m cadat in punctum perreptandæ n ; clarum nunc est, lineolam Ee , quæ per Coroll. I. parallela est lineolis Cn & Cm , fore illam in fig. I. æqualem summæ $Cn + Cm$, & fig. II. differentiæ earundem, $Cn - Cm$; nam per parallelismum motus fit, ut progressus puncti E nempe Ee sit æqualis distantie pun-

punctorum n & m , quæ vero distantia, cum particulæ Cn & Cm in directum jacere censeantur, non differt ab earundem summa in fig. I, & a differentia in fig. II. Sunt vero Ee , Cn & Cm elementa suarum respective curvarum AE , AC & EC ; ergo etiam collectim sumtis elementis, erit Curva Reptoria AE æqualis in fig. I summæ perreptandæ & perreptantis $AC + EC$, & in fig. II differentia earundem $AC - EC$. q. e. d.

Scholium.

In memoriam hic sibi revocabit B. Lector, quod Illustre Virorum par, summus Leibnitius, & acutissimus, dum viveret, Hugenus præstiterunt, introductis scilicet ab hoc *Evolutionis*, ab illo *Tractionis* motibus, non sine insigni pro notitia curvarum emolumento; sed nunc judicet pro æquitate sua, annon noster motus *Reptionis* illis duobus saltem adjungi mereatur. Sive enim ejus facilitatem & simplicitatem, sive utilitatem spectare velit, deprehendet eum in omni parte mirifice excellere. Quis enim motus faciliior & simplicior, quis vero etiam ad praxin accommodatior, quam qui sibi semper parallelus est? Quantæ autem sit utilitatis, præter ardui problematis solutionem mox dandam, vel hoc arguit, quod nobis introitum referet ad abstrusiora & tantum non hætenus desperata circa curvas cognoscenda & efficienda. Quorum unum, alterumve tantum notabo: Et primo quidem, cuivis statim obvium est, quomodo datis duabus aut pluribus curvis algebraicis, facile alia nova algebraica inveniatur, cujus area æqualis sit summæ vel differentiæ arearum datarum, erecta scilicet tantum ad communem abscissam nova applicata summæ vel differentiæ datarum, applicatarum æquali. At vero si non areæ, sed longitudines ipsæ datarum algebraicarum, in aliam novam algebraicam conflari, id est, inveniri si debeat curva algebraica, cujus longitudo æquetur aliarum datarum vel summæ vel differentiæ; hoc jam quod hætenus a nemine effectum reperias, nostræ videtur reservatum methodo, rem mirabili brevitate absolventi. Etenim si primo duas ex datis curvis sumas, earumque unam obrepere facias, alteram habebis reptoniam duabus datis æqualem, ad quam si eodem modo addas tertiam datam curvam ope obreptionis denuo instituendæ,

prodibit alia nova rectoria tribus istis datis curvis longitudine æqualis, cui simili modo quartam, postea quintam, & plures porro addendo, habebis tandem unam omnibus simul curvis datis æqualem, & quidem per Lemma I algebraicam, si tales quoque fuerint datæ; sicubi vero differentia vel subtractio curvarum facienda occurrit, loco tunc obreptionis subreptionem instituendam esse, non necesse duco ut moneam.

Quæ cum ita se habeant, nulla posthac erit res ardua, curvas non tantum dissimiles, sed & diversorum omnino generum in unam (subintellige *algebraicam*, si illæ tales fuerint) colligere, vel a se mutuo subtrahere, vel partim subtrahere & partim addere; atque vel differentia, vel partim differentia, partim aggregato unam æqualem construere curvam. Sic ex. gr. non solum ellipses quocunque dissimiles (quod tamen antea sat magnæ difficultatis fuisset) sed ellipses cum hyperbolis & parabolis per nostram methodum facile coalescent in unam, hoc est, sine magno labore exhibebo jam curvam algebraicam, quæ sola trium sectionum conicarum datarum longitudinem exæquet. Ex hisce vero deducitur, sequens in abstracto propositum

Theorema II.

TAB. VIII.

Fig. III.

Sint (Fig. III.) curvæ quor & qualescunque ADL , ACM , ABN , sitque alia curva APR cujus abscissa AO æqualis abscissarum summa $AE + AF + AG$ respondentium partibus AB, AC, AD æque amplis; & applicata OP æqualis applicatarum summa $EB + EC + GD$: Dico curvam AP æquari longitudine omnibus curvis $AB + AC + AD$. Quod si vero AO esset summa abscissarum tantum aliquarum mulata reliquis abscissis, & similiter OP summa respondentium applicatarum mulata reliquis applicatis: Dico fore etiam curvam AP æqualem summa curvarum unarum mulata reliquis curvis. Ex. gr. Si $AO = AG + AF - AE$, & $OP = GD + EC - EB$, erit curva $AP = AD + AC - AB$. Dico tandem etiam, in utroque casu fore curvam AP æqualis amplitudinis, cujus sunt AB, AC vel AD .

Demonstratio hujus ex præcedenti theoremate haud difficul-

ter

ter colligitur: immo & immediate ex calculo differentialium directo peti potest, quare illa relicta revertor ad motum nostrum reptorium; qui hoc alterum notatu dignum nobis suppeditat, quod est inventum de dimensione linearum curvarum per circulares a me jam olim publico exhibitum in Actis hisce anni 1695 m. Aug. & Nobilissimis Duumviris Leibnitio & Tschirnhausio tantopere laudatum eod. an. m. Novemb. Quo ostendi, duas curvas eadem evolutione condescriptas per duo quælibet fili evolventis puncta habere summam vel differentiam æqualem arcui circulari. Labet ergo nunc ostendere, quomodo hoc theorema, quod tunc singulari demonstratione muniveram, non sit nisi specialissimus duntaxat casus præsentis hujus de Reptoriis.

Sit enim (Fig. IV.) curva perreptanda quæcunque ACB , sed TAB. VIII. perreptans ECG sit jam circulus; sumaturque punctum describens reptoriam LOM , in ipso centro O ; patet statim reptoriam LOM , esse hoc casu eam, quæ describeretur per evolutionem eandem, per quam describeretur ipsa ACB ; puncta enim O & C intervallo semper æquali & perpendiculari ad curvas LOM & ACB existentia, hasque proinde æquidistantes facientia, facile concipiuntur necessario esse in filo communi evolvente. Habemus igitur curvam LO per obreptionem, æqualem summæ; & per subreptionem, æqualem differentię curvæ AC & arcus circularis EC , adeoque & hunc arcum utroque modo æqualem differentię curvarum LO & AC . Quando vero circulus subrepens ECG minoris est convexitatis, quam curva perreptanda ACB , id est, quando curvatura circuli ECG includit curvaturam ACB , illius nempe radio majore existente quam radius circuli osculantis in C ; erit tunc differentia inter AC & EC penes arcum EC tanquam majorem, unde summa curvarum AC & LO partes concavas sibi jam obvertentium habebitur æqualis arcui circulari EC . Verum enim, vero cum parum sit naturalis & incommode peragatur motus subreptionis, ubi subrepens includit subrependam, possunt hæ vices suas permutare ita, ut nunc circulus subrependæ, illa vero subrepentis functionem obeat; sciendum quippe in genere, per conversionem perreptantis in perreptandam & vicissim, nihil in reptoria, quæ describitur, immutari præter situm.

Fig. VI.

Y y 2

At-

Atque ita veritatem theorematis ex actis citatis tanquam corollarium ex novo hoc motus reptonii invento deduximus, ubi præterea notare convenit fundamentum, cur curvæ ex evolutione, condescriptæ nihil aliud sint quam species reptoniarum, id quod in hoc consistit, quoniam circulus E.C.G. ob partes suas similes sive motu rotationis, sive motu reptionis feratur super AC, centro suo A eandem utroque modo describit curvam LOM: atqui rotando, uti notum est, fit condescripta ex evolutione: Ergo constat, quod indicare volui.

Ne vero diutius Lectorem detineam, propero tandem ad solutionem genuinam problematis in Diario Gallico propositi de Transformatione Curvarum, quod, si unum excipias Amplissimum Leibnitium, qui non infeliciter adeo rem est adorsus, in hunc usque tamen diem, quantum constat, nondum perfectam a quoquam accepit enodationem, & ne ab illis quidem, quod miremur, qui nihil non pervium sibi & multa sibi solis perspecta putantes, alios provocando nec modum, nec mensuram tenuerunt: qualis vero causa sit veterum corripientis eorum sagacitatem hac in parte, hujus loci non est inquirere.

Problema.

Datam curvam algebraicam transformare in alias innúmeras etiam algebraicas ejusdem cum ipsa longitudinis, sed quæ sint dissimiles datæ, tam quoad totum quam quoad partes.

Solutio I. per Motum obreptionis. Estto curva data algebraica ACB, (Fig. V.) quæ per postul. II. secetur in partes aliquot æqualis amplitudinis, ex. gr. in duas AP & PB. Convertatur una ex his ut AP circa rectam tangentem in P tanquam circa axem, ut convexitas in contrariam mutetur sumatque situm αP ; in hoc situ obrepat pars αP partem PCB ita scilicet, ut inter rependum semper servet situm $\alpha C \pi$ parallelum primo αP . Curva reptonia, quæ hinc describitur $P \pi Q$ per punctum aliquod ad libitum assumatum in plano curvæ $\alpha C \pi$ ut π , erit una ex quæsitis. Est enim per Theorema I. $P \pi Q = \alpha C \pi + PCB =$ (quia $\alpha C \pi = \alpha P = AP$) $AP + PB = APB$. Est autem $P \pi Q$ curva algebraica per Lemma I. Adeoque datæ curvæ algebraicæ inventa est alia

alge-

algebraica æqualis : cui postea eadem methodo inveniri potest æqualis secunda, & deinde secundæ tertia, tertiæ quarta & ita in infinitum. Sunt vero etiam omnes dissimiles, quoniam semper pars rectoriæ extrema $P\pi$ æqualis est partibus $PC + \pi C$, hoc est parti alicui intermediæ inter extremitates curvæ datæ APB ; quod necessario dissimilitudinem curvarum, partiumque ejus arguit, excepto unico casu, quo nempe curva data æquabilis convexitatis, omnesque adeo partes similes, id est, si curva data esset circulus, quem igitur hic exceptum volo, daturus infra pro eo solutionem peculiarem. Ergo transformata est omnis curva data excepto circulo in alias innumeras sibi æquales, & quidem omnes algebraicas si proposita sit algebraica. q. e. f.

Coroll. I. Curva inventa prima $P\pi Q$ dimidiæ est amplitudinis, cujus est data APB ; secunda amplitudinis est partis quartæ, tertia octavæ, quarta decimæ sextæ, & sic porro, decrescuntibus scilicet amplitudinibus curvarum in progressionem geometrica subdupla; unde ultro hic se nobis offert nova ratio rectificandi curvas per approximationem. Cum enim recta linea nihil sit aliud quam curva amplitudinis infinite parvæ, curvæ utique nostræ ipsi APB æquales per successivas operationes inventæ quanto minoris sunt amplitudinis, tanto magis ad rectas lineas accedunt.

Coroll. II. Si curva proposita secetur in tres partes amplitudinis æqualis, eæque per methodum supra traditam consentur in unam curvam, habebimus iterum novam propositæ æqualem, quæ postea similiter in aliam & hæc iterum in aliam (& ita quoties libuerit) transformabitur. Pari ratione, si ab initio secetur curva data in quatuor partes æqualis amplitudinis, prodibit nova progressio infinita curvarum inventarum datæ æqualium; per quinquisectionem curvæ datæ rursus nova obtinetur curvarum series; nec non nova & nova semper habetur per sectionem in sex, in septem, in octo &c. partes æque amplas. Et ita satisfactum est problemati non uno modo tantum, sed modis infinitis, quorum singuli innumeras exhibent curvas datæ æquales. Hi modi si combinentur, prodibit numerus modorum infinitorum infinitus, quibus ulterius combinatis sine fine, exoriuntur novi semper infinitatis gradus, quibus præcedentes quasi absorbentur.

TAB. VIII.
Fig. V.

Coroll. III. Alia præterea ratione obreptio initialis peragi potest, mutato nimirum (fig. V.) situ partis AP vel aP , ut extremitates partium non contiguæ ab initio se tangant, hoc est, ut extremitas a partis aP tangat extremitatem P partis PB, hacque dispositione instituatur obreptio. Fiet enim reptoria $P\pi Q$ omnesque reliquæ postea ut prius describendæ a prioribus diversæ, & tamen ipsi propositæ APB æquales. Hic autem modus inprimis locum obtinet, quando curvæ partes PA & PB sunt æquales & similes, uti sit, cum APB esset ex. gr. aliqua ex sectionibus conicis, in qua punctum P foret vertex summus; quo casu curva reptoria $P\pi Q$ per priorem modum descripta esset nova tantum sectio conica sed parti PA vel PB omnino similis, id quod non satisfaceret problemati, quippe quod requirit curvam propositæ dissimilem. Atque hic in universum est notandum, quotiescunque curvæ perreptans & perreptanda sunt eadem vel tantum similes, sequæ tangunt ab initio reptionis in punctis similibus, curvam reptoniam hinc generatam illis semper etiam fore similem; cujus ratio attendenti haud difficulter patescit. Quando igitur dixi in solutione curvam $P\pi Q$ dissimilem esse ipsi APB vel parti AP, excepto solo casu, quo data curva APB esset arcus circuli, ista verba sub hac restrictione dicta velim, ut nimirum si proposita constet duabus partibus PA & PB æqualibus & similibus, situs tunc partis aP prius permutetur, admoto scilicet a partis aP ad punctum P partis PB: alioquin certe reptoria descripta $P\pi Q$ foret parti AB vel PB omnino similis.

Solutio II. per Motum subreptionis. Esto Curva data algebraica ACB (Fig. V.) ad quam construatur prius alia similis LMNR, illiusque dupla, quod quomodo fiat dudum est cognitum, ducendo tantum ex assumpto quodam puncto O per singula curvæ datæ puncta rectas OL, OM, ON, OR duplas suarum partium OA, OP, OC, OB: Deinde sumpta LMNR pro perreptanda & APCB pro subrepente, atque admoto B ad L, vel A ad R, fiat subreptio; dico reptoniam hinc genitam fore æqualem propositæ APB; est enim æqualis differentia inter LMNR & APCB per theorema nostrum I. differentia vero æquatur ex constructione ipsi APB. Ergo &c. q. e. f.

No-

Nota, quod pro subreptione inchoanda dixerim admoventum esse A ad R, vel B ad L, secus enim si A ad L, vel B ad R admooveretur, reptonia prodiret eadem cum APB. Fateor equidem, hoc incommodum certis casibus, etiamsi adhibita illa cautela, posse occurrere, tunc nempe, quando curva data APB duas habet partes PA & PB inter se æquales & similes. Hoc vero inconveniens multis modis tolli potest; construendo ex. gr. dimidiæ tantum AP, curvam similem in ratione tripla, id est, ut ubique OL ad OA, OM ad OP, se habeant ut 3 ad 1. Sic enim admoto A ad M vel P ad L, si AP subreperit ML, habebit reptoniam dissimilem & duplam ipsius AP, adeoque toti APB æqualem. Cæterum prærogativa aliqua gaudet hæc construendi methodus super præcedentem, dum non indiget postulato II. Sectio enim curvarum in partes æqueamplas molestiam quandoque in praxi creare posset, quæ autem hic commode evitatur. Sciendum interim hoc artificium, quod nititur prævia constructione curvæ similis ad habendam curvam dissimilem & æqualem propositæ, posse etiam in motu obreptionis locum habere. Etenim si construatur curva LMNR datæ APB similis sed semisssis tantum longitudinis, quod fit, bisecando rectas ex polo Oeductas OA, OP, OC, OB; obrepat postea LMNR se ipsam inverso ordine, hoc est curva LMNR bis describatur, atque una obrepat alteram, factæ scilicet reptionis initio ab unius extremitate L applicata ad extremitatem R alterius; manifestum est, reptoniam hinc exurgentem (quippe æqualem per theorema I. duplici LMN) æqualem esse propositæ APB, ut & eidem dissimilem, nisi forte partes PA & PB essent æquales & similes, quo casu adhibenda foret medela modo supra allata. Cæteroquin tamen hoc notandum in favorem prioris solutionis, quod per hanc posteriorem non quemadmodum per priorem amplitudines reptoniarum decrescant, ipsæque adeo ad rectitudinem magis magisque accedant, sed ex adverso omnes prodeant amplitudinis, cujus est curva proposita.

Solutio singularis pro circulo. Pervenio tandem ad casum unicum (si curva data circularis est) qui solus solutiones nostras generales non agnoscit, iisque non comprehenditur, quem propterea jam supra excepi. Nam quomocunque circulus circulum per-

perreptet, sive obrepando, sive subrepando; rectoria quoque orietur semper circularis, cujus causa est (ut supra jam monui) æquabilis convexitas circuli, seu partium ejus non interrupta similitudo. Ne igitur hoc uno in casu, inter infinitos, immo omnes alios a nobis solutos, aqua nobis hæreret, excogitanda fuit pro Circulo peculiaris solvendi ratio petita ex methodo, jam olim mihi pro aliis curvis non infeliciter adhibita, ut videre est in Actis hisce A. 1694 pag. 396 & 397, ut & A. 1695 pag. 64, ubi ea usus fui ad construendam curvam paracentricam per longitudinem curvæ algebraicæ, atque jam tum monui eam consistere in divisione quadrati differentialis propositæ in duo alia quadrata, quorum latera sint integrabilia, adeo ut videre possit Clarissimus Craigius, suæ solutionis fundamentum jam pridem mihi innotuisse; quanquam tamen pro universali venditare nollem. Interim ecce solutionem pro circulo:

TAB. VIII. *Fig. VI.* Est Circulus, cujus peripheria transformanda sit in curvam aliam algebraicam, describatur primo circulus alius ABE (Fig. VI.) cujus radius CA = 8 radius circuli propositi, ut scilicet quadrans AB totam circumferentiam datam contineat bis: Sit radius CA

vel CB = a , abscissa CD = x , adeoque applicata DP = $\sqrt{aa - xx}$; construatur nunc alia curva HGR hac conditione ut sit abscissa

$$CF = \frac{3ax - x^2}{3a} \text{ \& applicata FG = } \frac{aa - xx}{3a} \sqrt{aa - xx}; \text{ quo fa-}$$

cto erit semper, uti calculanti facile patebit, portio curvæ HG ducta in radium æqualis segmento circulari APDC, adeo ut summa CD = ipsi radio (quo casu segmentum APDC degenerat in quadrantem circuli (AB) hinc fiat CF = CR = $\frac{2}{3}a$, & FG = 0; ipsa autem curva HGR ducta in radium = quadranti circuli CAB = quadranti circumferentiæ APB ducto in semiradium: unde curva HGR = $\frac{1}{2}$ APB = (per constr.) toti circumferentiæ datæ; quam igitur mutavimus in æqualem aliam curvam algebraicam, hæc vero porro per præcedentes solutiones in alias infinitas transformabitur, quare nunc dedimus problema ex omni parte solutum.

Erratum. A. 1704. pag. 380. l. 9. pro *differentiatio* lege *tertia differentiatio*. VAL.

MENSIS AUGUSTI A. MDCCV. 361
VAL. ERNESTI LOESCHERI, D. ION,

sive
ORIGINUM GRÆCIÆ RESTAURATARUM
Libri II.

Lipsiæ, apud Heredes Grossianos, 1705, 8.
plag. 7.

Animus Auctori Maxime Reverendo, nostroque in colligendis Eruditorum Actis jam a pluribus annis Socio solertissimo, S. Theol. Doctori & Delitiano in vicinia hoc tempore Præfui fuit, hac lucubratione ostendere, falso hactenus creditum, quod Græci Asiatici, Iones,iores, aliique ex Europa in Asiam migraverint, cum omnes potius Græci ex Asia in Europam pervenerint. Quo consilio inductus rem istam tentaverit, in calce opusculi p. 102 enarravit, meditari se nimirum Origines Religiosas, opus errorum fontes & Historiæ sacre adyta referans, quodque multos in re sacra scrupulos eximere possit: in quo dum versatur, animadvertit, vulgarem de Græcorum natalibus hypothesein bonæ causæ & Mosai- cæ Historiæ multum adversari, imo cum se ipsa pugnare. In hac illum sententia confirmarunt Strabonis quædam testimonia, qui Græcorum unus hac de re sincere, etsi teste, loqui videtur.

Methodi causa duos operis hujus libros fecit, quorum pri- mus Analyticus dicitur, & Græcorum de suis originibus tradita re- solvit, ut veritas inde appareat. Nam cap. I Auctor conquestus de fabuloso antiquissimæ Græcorum Historiæ statu, Marshamum & Clericum ait eandem corrigere cœpisse, Græcos fabularum a- mantissimos fuisse, omnium vero turpissime se dare, quando se autochthones profiteantur; ubi collatis veterum testimoniis, Pe- lasgum, Arantem, Orum aliosque, quos Græci e terra enatos fabulantur, explodit. Capite II de interitu antiquissimorum Græ- cæ Historiæ monumentorum differit, eumque haud ægre ferenti- bus Europæis Græcis accidisse existimat, quia eorundem affectatæ antiquitati non favebant. Herodotum vero patrem Historiæ dictum, quia, cum Asianus esset, Europæis tamen natalium primatum ad- scripsit. Affertur præterea hujus rei peculiaris ratio: Asiaticos nempe Græcos libertate amissa, patriæ pertæsos, ac popularium suorum in

Europa gloria captos, nationis causa omne studium in Græciam Europæam ornandâ contulisse, hacque occasione, quæ jactantiæ causa initio ferebantur, inter historicas veritates paulatim recepta esse. Hinc Græcos propriis argumentis confutaturus ex Herodoto, Strabone, Pausania aliisque ostendit, migrationem Ionicam, Phorbantis aliasque, quibus Græci in Asiam venisse feruntur, tanti non esse, ut tanta res ex ipsis deduci possit, & priusquam eæ contingerent, Græcos in Asia vixisse; Titanes quoque, unde familiæ Græcorum summæ deriventur, Asiaticos fuisse, nec non Cabiros. Ex adverso Auctor probat, Deucalionem, Lelegem, Cadmum, Pelopem aliosque cum integris gentibus ex Asia in Helladem ante istas migrationes advenisse; Herculem Asiaticum Idæum esse omnium ejus nominis vetustissimum, ad quem multæ Græcorum Archæologiæ ultimo redeant; insulares denique Græcos antiquiores esse iis, qui in Europæa continenti degebant. Quo loco notanda est Auctoris observatio, consuevisse Græcos, quoties diffiteri nequeunt, se magnum quid ab exteris accepisse, (ne Orienti id acceptum ferre cogantur) ex Ægypto talia derivare, eamque ob causam Deucalionem, Danæum &c. Ægyptios appellare. Ad specialia se confert cap. III, utque res omnis eo dilucidius pateat, antiquissimos Græciæ populos omnes excutit; principio Pelasgos & Leleges, ad quos omnes fere Helladis populi suos natales referunt, posthæc Præones, Dryopes, Caucones, Aones, Mygdones, Hyantes ex Asia advenisse probant. Hinc sigillatim de Argivis agit, quorum nomen, consentiente Scholiasta Dionysii, ab אֲרִיָּו derivat, ut Argos idem sit, ac terra littoralis; Argivos vero & Sicyonios Reges priscos rejicit: Arcades, Thessalos, Cretenses, Atticos, Spartanos, Bœotios ab antiquitatis possessione deturbat; Iones, Dores & Æoles antiquissimi generis Pelasgici & Lelegici fuisse; denique Cares aliosque Asiæ minoris populos olim ad Græcos late dictos pertinuisse, demonstrat. Tandem cap. IV reliqua, quibus sententiam suam confirmari credit, argumenta convasat: Deos scilicet Græcorum, Philosophiam, Poësin, leges, ludos Olympicos, Græcorum ipsorummet confessione, ex Asia in Helladem transisse, Asianos quoque Græcos antiquissimas habuisse colonias, mercatura & navigatione, quæ gentes propagant, præ cæteris excelluisse. Quo loco Auctor duas ob-

observat esse Poetarum perantiquas familias, alteram agrestem, Doricā dialecto gaudentem, historię male curiosam, Orpheo patre atque adeo ex Thracia oriundam; alteram comptam magis, Ionica suavitate se commendantem, historia & hymnis excellentem, quæ ex Græcis Asiæ littoribus descenderit.

Liber II, quem Syntheticum Celeberrimus Auctor nominat, ejus hypothesin de Græcæ originibus rectius constituendis exponit, quam ex veterum Historicorum reconditis quibusdam testimoniis, advocatis in subsidium sacris Bibliis, quæ priori libro certis de causis non tetigerat, animo concepit. Græcos omnes ait a Japeti filio Javane ortos, diuque ab illo *Ιαῦνας* & *Ιάονας* appellatos, simulque quis Ion fuerit, cujus multa penes scriptores recordatio est, atque a quo opusculo huic nomen est, expendit. Ionum nomen principio Græcis omnibus commune, postea a multis repudiatum, Herodoto auctore, narrat. Primos in Asia Græcos, Iones semper dictos, Jovem & succedente temporum corruptione, Jovionem sive Junonem (fœminam quæ ex vetustissima traditione salutem orbi universo allatura esset,) coluisse, leges & linguam Ebræis propiorem habuisse tradit. Eosdem sub Pelasgorum nomine ad Hellepontum in Europam transiisse, Argivis Arcadibusque conditis; horum esse Pæones, Dryopes, Aones aliosque oblitos Helladis populos, nec non Phoroneum, Ogygem κ. τ. λ. Hos principio non fuisse barbaros, aut cœlum stellasque coluisse, (quam vulgatam originibusque religiosis maxime inimicam hypothesin vocat) sed paulatim, interruptis cum Oriente commercijs, in barbariem pervenisse contendit. Porro quosdam in Asia remanentes Græcos ait Lelegum nomen accepisse, qui insulas Ægæi maris, & insulari posthæc itinere Peloponnesum incolis repleverint; Scythas vero paulo post dominatum Græcæ etiam Asiæ nactus, sua quoque numina, Apollinem & Dianam, ac Scythicas quasdam voces in Græcismum intulisse. Successu temporis credit Iones quosdam, eosque Elisa prognatos, qui Elysii dicebantur, per Hellepontum in Europam descendisse, ac Pelasgis fuisse intermixtos, quorum memoriam Hellas, Elienses, Elotæ, Elissus, Eleus, & Eleusin servaverint. His Cecropem & Deucalionem annumerat, atque interea Leleges in Asia Dorum, Carum, Ly-

ciorum &c. nomina accepisse, Elysios vero, qui in patria remanserant, Æoles appellatos fuisse opinatur. Græcos Europæos censet temporis lapsu in barbariem magis magisque delapsos, Jovem cum Cretensi quodam principe, Apollinem cum artifice, Delio, & Dianam cum Delia quadam virgine confudisse, adventu vero Beli, Cadmi & aliorum, qui literas Phœniciosque Deos, Adonidem præsertim & Venerem attulerint, sensim e barbarie sublevatos fuisse, præsertim Pelopis opera, qui ex Asia cum suis venerat. Interea Phrygum gentem in Asia dominatum adeptam, Deam suam salutarem, Cybelem & Phrygica quædam vocabula Græcis dedisse existimat; Thraces vero, qui in Europa tum inclarescebant, Helladem putat sub jugum misisse, illatis in eandem numinibus quoque suis, Baccho, Marte & Cerere, tum Orgiis, Poesi Orphica & Philosophia; atque tum Lelegum, Dryopum & ejus generis vetustarum gentium nomina periisse. Hæc vero omnia gesta esse credit ante Trojanum bellum, in quo Asiaticorum Græcorum gloria conciderit; nihilominus tamen posthæc Heraclidas, h. e. Herculis Idæi, non Thebani, posteros venisse, in Helladem, & principatum plerisque in urbibus occupasse. Tandem fugitivos quosdam Græcos Europæos, ut par pari referrent, Ionica, quæ dicitur, migratione in Asiam abiisse, ejusque principatum passim obtinuisse; Lydorum vero potestate invalescente, omne priscorum in Asia Græcorum decus periisse contendit. Atque hoc pacto origines Græcas eousque se perduxisse credit, quo Historicis tuto fides haberi possit. Ea vero omnia p. 98 in Canone quodam Chronico exhibet, quem deficiente juxta Chronologia, p. 20, 21, juxta ætates Clarissimorum in Græcia antiquiori Virorum, ab Olympiadum origine retro ad Ægialeum cundo, descripsit.

*DE SYNODI CARENTONENSIS A REFORMA-
tis in Gallia Ecclesiis A. 1631 celebrata Indulgentia erga Lutheranos, Dissertatio Theologico-Historica, Autore D. THOMA ITTL-
GIO. Accedunt ejusdem quatuor programmata festalia
publico nomine conscripta.*

Lipsiæ, apud hæredes Joh. Grossii, 1705. in 4. plag. II.

Dum

Dum aliqui Theologi ex iis, qui nominari amant Reformati, inter suam nostramque Ecclesiam unionem, sapius frustra tentatam, perficere hoc tempore multo labore conantur, Summe Reverendus D. Ittigius noster, pro ratione munerum, quæ in Academia & Ecclesia nostra ornat, quid de ea conciliatione sentiendum sit, quidve sperandum, in Dissertatione dicta accurate expendit. In præfationis initio, D. Johannis Braunii, Theologi Grœningensis, in dedicatione Commentarii in Epistolam ad Hebræos hoc anno editi, quem proximo mense recensebimus, spem de successu exoptato pacis ecclesiasticæ vanam esse indicat, conceptam tum ex sapientiorum primariorumque per totam Saxoniam Ecclesiarum Antistitum magna humanitate Reformatis demonstrata, tum maxime ex ordinatione Celsissimi Electoris gloriosissimæ memoriæ, qui non ante multos annos jussit, ex Cocceji operibus aliquot centena coemi exemplaria, ut quælibet Ecclesia suum haberet. Nam fratres, quos vocat, Lutheranos, a quibus se audivisse Braunius refert, falsa narrasse ei de Cocceji operibus, inter ipsos Reformatos male audientis, & Saxonici Theologis ob hypothèses ejus novas displicentis. Quod si vero etiam Ecclesiæ Saxonicæ singulæ exemplum eorum operum possiderent, non magis hoc ad unionem religionis Reformatæ facere, quam si Lutheri & Theologi alicujus Lutherani opera inventario alicujus Ecclesiæ Reformatæ addantur. Unionem autem Ecclesiæ Lutheranae cum Reformatâ Theologus noster optandam potius quam sperandam arbitratur, immo talem, qualem Braunius optet, ne optandam quidem, cum discors ejusmodi concordia Deum offensura, & præsentissimum Lutheranis periculum allatura sit. Si enim, ex Braunii consilio, Lutherani cum Reformatis contra Papistas arma conjungere velint, metuendum esse Lutheranis, si communicatam carni Christi majestatem Divinam contra Pontificios tueri velint, ne Reformati relictis suis fratribus, arma cum Pontificiis conjungant, aut pugnantibus Lutheranis contra Papistas Jansenianos, ad castra horum abeant, & tela contra Lutheranos vertant. Etenim, quæ Reformati nonnulli de universali gratia Dei & Christi merito dicunt, ludificationes esse, Johannem Clericum etiam novissime observasse, quippe qui Holzhusii tractatum de prædestinatione, electione & reprobatione hominum recens-

censens, tales Universalistas a Supralapsariis & Sublapsariis reipsa nihil differre, & Holzhusium, dum Synodum Dordracenam gratiæ universali non adversari obtendit, non modo Arminianis, sed ipsis etiam Reformatis in Belgio & Helvetia ludibrium debere, Tom. VI Biblioth. Selectæ p. 419 scripserit. Notato insuper Braunii more Lutheranos, quos fratres iteratis vicibus salutaverat, quotquot pacem dolosam respuunt, fratribus ignorantia & rixarum annumerantis, ejusdemque falsâ persuasione, momenta controversiarum inter Lutheranos & Calvinianos nullius ponderis æstimantis, ad alteram partem præfationis progreditur, in qua occasionem & argumentum tractationis suæ memorat sibi suppeditasse Patres Synodi Carentonensis, A. C. 1631 congregatos, qui Lutheranis, ut sacra Coena cum Reformatis uti, conjugia cum Reformatis contrahere, & infantes ad baptismum Reformatorum offerre ipsis liceret, permiserunt. De hac Synodi sententia quid judicari debeat, in Dissertatione ista discutitur, cujus summam dare operæ pretium est.

Carenton Galliaë vicus ad fluvium Matronam, duabus minoris spatii leucis Lutetia Parisiorum distans, celebris est templo, Henrici IV permissu a Reformatis structo, ad quod ex Lutetia aliquot millia hominum ad cultum suum publice exercendum confluere solebant, donec viginti ab hoc annis, & hoc & reliqua templa Reformatorum in Gallia, vel destruerentur, vel ad alios usus converterentur. Ejusdem celebritatem auxerunt Synodi Nationales tres, a Reformatis Galliaë Ecclesiis ibi habitæ; prima A. C. 1623, altera A. 1631, tertia in fine A. 1644 & initio 1645. Primam illam decretis Synodi Dordracenæ non admodum favisse, vane gloriari Remonstrantes, ex Actis ostenditur. Tertia Synodus Mosen Amyraldum & alios nonnullos Reformatos in Gallia, universalem gratiam asserentes, exemplo Alençonensis Synodi non approbavit, sed tantum toleravit, prohibens sub pœna depositionis omnibus Pastoribus & Professoribus suis scribere, concionari aut disputare, contra se invicem, super articulis declaratis in Synodo Alençonensi, ullosque libros super illis publicare. Eadem Romanæ Ecclesiæ a-masios, Jacobum Codurcum, Pastorem & Professore Nemausensem, statione muneris sui ecclesiastici & academici dimovit, & Theophilum Brachetum Milleterium pro membro Ecclesiæ Re-
for-

formata non agnoscendum declaravit. Præterea decrevit, a muneribus suis removendos Pastores & Professores, qui in controversiam traherent peccati Adamici imputationem, neminemque deinceps ad sacrum ministerium admittendum, qui erroris illius foret particeps. Quæ in ista Synodo gesta dum narrantur, alia notatu digna insperguntur. Nos accedimus ad Synodum Carentonensem medio tempore habitam, cujus illa fuit erga Lutheranos indulgentia.

Verba decreti sic habent: *Quando Augustanae Confessionis Ecclesie cum cæteris Reformatis in omnibus vera religionis principis & articulis fundamentilibus conveniunt, cultumque exercent purum ab omni idololatria & superstitionis labe, si qui sint istius professionis homines, qui cum caritatis & lenitatis spiritu sacros ecclesiarum nostrarum cœtus frequentent, earumque communionem expetant, iis sine omni abjuratone prævia liberum esto, ad sanctam Christi mensam nobiscum accedere, matrimonia cum nostræ confessionis hominibus contrahere, & infantes baptismo tingendos de more offerre & suscipere, dum nostris Ecclesiis in hoc ultimo casu sancte spondeant, se infantes, quos de sacro lavacro susceperint, neque directe unquam, neque indirecte, adversus eam, quam nostræ ecclesiæ credunt ac profitentur, doctrinam sollicitumuros, sed ea duntaxat fidei capita edocturos, de quibus inter nostras ipsorumque ecclesias convenit.* Hoc decretum, quod Reformati Doctores Irenici Spiritus Sancti ductu, summa sapientia, summaque caritate conditum, ad pacem inter Reformatos & Lutheranos incundam laudabant, hodieque commendant, Pontificiorum indignationem excitavit: quippe qui tentatam, per Cardinalem Richelium concordiam inter Pontificios & Reformatos repudiari, & contra Lutheranos offerri, ægre ferebant, ideoque eorundem ea de re judicia sinistra prodierunt, quæ Autor noster Summe Reverendus addidit. Occasionem decreto dedit mercator quidam Germanus, Augustanæ Confessioni addictus, Lugduni in Gallia vivens. Is civis alicujus Lugdunensis Reformati filiam ambiens, non solum Reformatorum cœtibus frequens aderat, sed etiam profitebatur, se cætera doctrinæ & disciplinæ Reformatorum capita ita probare, ut etiam cum ipsis com-

municare, & cum quodam e Reformatis affinitate conjungi paratus esset, modo ne, quam in Lutherana Ecclesia hauserat, de Dominica in Eucharistiæ Sacramento præsentia, sententiam mutare cogeretur. Ministri Reformati dubii, quid sibi faciendum esset, ad Synodum Nationalem propediem habendam referre constituerunt. Hæc igitur consulta, eam quam diximus indulgentiam fecit. Fundamentum ejus ponit, tum in fundamentali utriusque Religionis consensu, tum in cultu Lutheranorum puro ab omni idololatriæ & superstitionis labe. Sed fundamentalem illum consensum dici quidem, sed nequaquam esse, qui dudum demonstrarunt, nominantur Nicolaus Hunnius, Theologi Wittebergenfes & Darmstadienses, Hutterus, Hulsemannus : confessio autem ingenua Synodi laudatur, opponenda calumniæ Reformationum aliorum, qui nostris Ecclesiis ob doctrinam de adoratione Christi hominis, de usu imaginum in templis, de virtute baptismi, de præsentia corporis Christi in Eucharistia, & aliis quibusdam articulis, idololatriæ & superstitionis labem aspergunt.

Ipsa indulgentia tribus capitibus continetur. *Primum* est, licere Augustanæ professionis hominibus, cum caritate & lenitatis spiritu sacros Reformationum cœtus frequentantibus, eorumque communionem expetentibus, sine abjuratione prævia, ad sanctam Christi mensam cum Reformatis accedere. Enim vero ingenuum Lutheranorum salva conscientia hanc communionem desiderare, aut ad sacram cum Reformatis cœnam accedere non posse, probatur. (1) quod dubium sit, an apud Reformatos, symbola terrena sine re cœlesti exhibentes, integrum Eucharistiæ Sacramentum administretur. Negasse Lutherum, Balduinum, Waltherum, Jacobum Martini, alios; & si cum Theologis quibusdam nostris concedamus, verum Cœnæ Sacramentum a Calvinianis accipi, tamen, (2) Lutheranos avocari admonitione Divina sapissime repetita, de commercio cum heterodoxis, quoad cultum & fidem, fugiendo; insuper (3) cum Sacramenta sint notæ discretionis, & species confessionis illius fidei & doctrinæ, quam Ecclesia, in qua Sacramentis utimur, agnoscit, docentibus ipsis Reformatis, non posse Lutheranorum sacra Cœna in Ecclesia Reformata uti, nisi publice profitendo, se ejusdem doctrinam amplecti, & contrariam rejicere; ad-

adhuc (4) Lutheranism scandalo aliis, hypocritamque futurum, ac hoc suo facto heterodoxos in pravis suis opinionibus confirmatum, contra interdictum Divinum, & praxin primitivæ Ecclesiæ. Ideo (5) nostrates quosdam Theologos, Lutherum, Olearium Helmsta-diensem, Menzerum, Balduinum, Finckium, a Calvinianorum Cœ-na adeo abhorruisse, ut Lutheranis eam ne in necessitatis casu qui-dem permiserint. Accedit (6) quia alii Reformati, non sine mul-tis cautelis & conditionibus, suæ communionis hominibus conce-dant ejusdem cum Lutheranis Cœnæ communionem, quæ ex Ber-gio, Zacharia Ursino, Henrico Altingio adducuntur, aliam a Lu-theranorum doctrina mentem aperte declarantes. In quibus cau-telis tamen frustra sollicitos esse Calvinianos Noster monet, cum Lutherani Theologi in sua doctrina pertinaces ad sacra sua non admittant. Immo (7) Synodi Carentonensis indulgentiam non tam ad pacem cum Lutheranis, quam ad seductionem eorum spe-ctare; quas insidias Dallæus dissimulans, atque rationem conces-sionis afferens tolerantiam in adiaphoris, & infirmitatem errantium, refutatur. Neque tandem (8) omnium Reformatorum eandem esse, quæ Synodi Carentonensis, sententiam; & si eadem esset, non tamen probari etiam ab iis nostratium, qui a pace cum Re-formatis ineunda non alieni fuerunt, inter quos F. U. Calixtus. Hæc de capite primo eoque præcipuo indulgentiæ Carentonen-sis.

Alterum caput consistit in concessione libertatis matrimoniorum cum Reformatis contrahendorum. In quo magna facilitas Synodi de-prehenditur, conjugia a Synodo Middelburgensi A. 1581 & Nicolao Ve-delio valde improbata concedentis, sine ulla lege & restrictione. Sci-licet præsumsisse Synodum Noster judicat, facilius fore, ut uxores Re-formatæ blanditiis suis maritos Lutheranos ad Reformatam religio-nem perducerent, quam ut mariti Lutherani uxores Reformatas a sua religione averterent. A Nostratibus conjugia cum heterodoxis non simpliciter improbari, sed sub certis conditionibus permitti ostendit. Temere autem concedenda non esse, ex Scripturis S. Ordinationibus ecclesiasticis, Patrum Ecclesiæ sententiis, & Cano-nibus Conciliorum evincit. Tertium decreti Carentonensis caput indulget Lutheranis infantes Reformatorum e baptismo suscipere,

ita tamen, ut apud Presbyterium sancte spondeant, se infantes de sacro lavacro susceptos, neque directe, neque indirecte ad aliquod sollicitaturos, quod cum Reformatâ doctrinâ non congruat. Miratur Theologus noster, Synodum, Lutheranos cum Reformatis in principiis religionis & capitibus fundamentalibus consentire, & in cultu nulla idololatria & superstitione laborare asserentem, sollicite cavere, ne infantibus Reformatis aliquid Lutheranae doctrinae affricetur, eandemque inter medias blanditias tam iniquam conditionem a Lutheranis exigere. Candidius alios Reformatos censet egisse, qui Lutheranos ab hoc officio prorsus excluderunt, docetque ex Theologis nostris, quibus cautelis adhibitis Lutheranus apud Reformatos patrini officio defungi queat: contra autem Reformatum, a parentibus Lutheranis ad id invitatum, recte arceri, nec nisi sanabilem & docilem admitti: instruit quoque Ministrum, uti se gerere debeat, si Reformatum aliquem aut alium heterodoxum admitti, Magistratus sub remotionis poena jubeat.

His de Syncretistico Carentonensis Synodi decreto notatis, concludit Theologus, id non posse magis a nobis probari, quam fucatam illam concordiam, eodem anno 1631, ab aliis quibusdam Reformatis in Colloquio Lipsiensi propositam. Adjecta Programmata Festalia publico nomine conscripta & proposita sunt, primum contra novos Ecclesiae Reformatores in Festo Reformationis Lutheri, d. 31 Octobr. A. 1702; secundum de Christo omnibus nato, contra Reformatos in Festo Natalis Christi, anno eodem; tertium, Danhauerum a Chiliasmâ suspitione vindicans in Festo Paschali, A. 1703; quartum de novellis Prophetis in Festo Pentecostali eodem anno.

CONSIDERATIONI SOPRA UN FAMOSO LIBRO
Franzese intitolato la Maniere de bien penser &c.

i. e.

OBSERVATIONES IN LIBRUM GALLICUM CELEBREM de Sententiis Ingeniosis, divisæ in VII Dialogos, in quibus Quaestiones nonnullæ Rhetoricæ atque Poeticæ agitantur, & plurima Scriptorum Italicorum, qui tum ligato tum pedestri sermone claruerunt, loca defenduntur.

Bo.

Bononiæ, apud Constantinum Pisarri, 1703, in 8.

Constant Alphab. 2 plag. 6.

Cum elegantissimus inter Gallicos Scriptores Dominicus Bouhours, Societatis Ignatianæ Religiosus, in notissimo de Sententiis ingeniosis libro, ut alios aliarum gentium, ita Italorum celebriores passim Oratores & Poetas perstrinxisset, illustris Marchio Joannes Josephus Ursius Bononiensis id negotii suscepit, ut tum cives suos a Bouhoursii criminationibus vindicaret, tum integrum, quem prædiximus, librum censoria quadam virgula, absque omni tamen verborum acerbitate, summaque cum modestia notaret. Id quod tanto cum successu perfecit, ut præclare de sua simul & Italiæ fama meritis, summo non Italorum modo, sed Gallorum, etiam plausu exceptus fuerit. Cujus rei vel solum hoc fidem facit, quod bonæ causæ fiducia Apologiam suam eruditissimæ apud Gallos foeminæ Annæ Daceriæ dedicavit. Equidem si omnia, quæ notatu digna in hoc opere videntur, hic repræsentare conaremur, vastum mare ingrederemur, eosque, quos nobis alioqui præfiximus, limites longe excederemus. Breviter itaque tantum indicabimus, quid singulis Dialogis contineatur, & deinde quid pro Italici sui afferat Ursius, curatius paulo dispiciemus. Enimvero Dialogus primus introductione in librum integrum constat, ubi Crameri Vindiciarum nominis Germanici contra obtrectatores Gallos, & imprimis hunc ipsum Bouhoursium, Nolter mentionem injicit. Dialogo secundo librum Adversarii summam considerat, & de sententia ingeniosa, tum generaliter, tum sigillatim agit. Tribus sequentibus de sententiarum talium veritate, novitate, sublimitate disputat, singulaque diligenter expendit. Duos vero ultimos defensionem civium suorum impendit. Quos ipsos nunc diligentius perlustrare, & ex iis selecta aliqua, quæque eximiam Auctoris nostri eruditionem testentur, excerpere in animo est. Si tamen antea monuerimus, quicquid de sententia a Criticis tam Græcis, quam Latinis atque Italis, iisque antiquis & recentioribus dictum fuit, summo cum judicio hic in compendio, & ita quidem exhiberi, ut de suo multa addiderit doctissimus Marchio. Caterum ut propositum nobis munus exequamur, Dialogo VI Tassum defensurus, in laudes ejus primo excurrit, & Fontanini Amintam

p. 31.

p. 469.

- P. 474. defensum pro merito prædicat. Censet autem, Gallorum nonnullos ea de causa Tasso infensos esse, quod neminem adhuc inter suos habent, qui Epico carmine exquisito, & tantæ, quantum id postulat, majestati respondente cultu enituerit: cum Itali contra Cornelio & Racino, Tragici inter Gallos cothurni principibus, libentissime & sine omni livore herbam porrigant. Rapinum interim & Bajuletum, ceu
- P. 479. 480-485. Tasso non satis æquos, præ cæteris refellit, eisque Boilavium, e-
- P. 489. munda alias naris & morosi satis ingenii censorem opponit, cui Tassi Episodia atque Digressiones, quæ prædictis displicent, non-
- P. 512. parum probentur. Notat etiam Bouhoursium, quod Berniam cum Ariosto confuderit. Hinc rem ipsam aggressus, primo Tassi ex Hierosolyma liberata de Argante versum, quem Gallus culpa-
- P. 513-516. verat, tuetur: *Minasciavia morendo, e non languia.* Idque auctoritate Flori, Salustii, Panegyristæ Constantini, Sidonii Apollinaris, Claudiani & Lucani, apud quos frontis minæ & oculi minaces in ipsa morte occurrunt, factum, Bouhoursiumque negligentius in
- P. 518. Tasso legendo se gessisse observat. Annotat quoque Verbum *languere* apud Italos, non de corpore tantum, sed animo etiam adhiberi; id quod ex Petrarcha & Dante ostendit. Defenditur, deinde Tassus, quod Cælo videndi potestatem tribuat, dum alibi canit:

E'l Lume usato accrebbe, e senza velo

Vol o se mirar l' opere grandi il Cielo.

- P. 529 seqq. Ubi doctissime de illis translationibus sive metaphoris agit, quæ rebus sensu carentibus actum quendam & animam dant; neque, tamen Pallavicini censuram rejicit, qui ejusmodi formulas ex Philosophorum foro proscribit. Cum porro Gallus Tassum ceu veterum exscriptorem momorderit, Noster ei hoc potius laudi vertendum ducit, & Scipionis Gentilis, Julii Gualtavini, Joannis Petri de Alexandro, Benique & Biragi studium commendat, qui loca veterum a Tasso expressa sedulo annotarunt. Aggreditur inde singulos a Bouhoursio eo nomine perstrictos versus, & primo quidem hunc:

P. 555.

Guerreggio in Asia, e non vi cambio, o merco
quem Curtio, si Gallo fidem habemus, sublegisse debuit, apud Ennium, imo Homerum & Virgilium inveniri docet. Mox alterum

E

E Sdegna negl' inermi esser feroce
quem iterum Curtio subduxisse arguitur, cum Virgiliano notis-
simo:

P. 559.

Parcere subjectis, & debellare superbos
congruere ostendit. Male quoque Tassum ideo carpi demon-
strat, quod Servii Sulpicii ad Ciceronem de *cadaveribus urbium*,
verba sua fecerit, cum tamen ante eum idem egerint Aufonius, &
Sannazarius de Partu Virginis. Fatetur denique, Tassum in illo
versu

p. 560.

Di fine arme e di se stesso armato
Salustium respexisse, qui de Mithridate: Corpore ingenti perinde
armatus, sed ita tamen, ut Salustium superarit, cum Heroem su-
um non magnitudine corporis sed animi metiatur. Ad alia mox
progressus, cum Bouhoursius hæc in Epifodio Sofroniæ & Olindi
carmina vellicarit:

P. 570.

Amor, ch' or cieco, or Argo, ora ne veli
Di benda gli occhi, ora ce gli apri e giri

p. 572 seqq.

copiose de oppositionibus agit, & circa ejusmodi contraria atque
pugnantia amorem versari demonstrat; quæ dum explicat, venu-
stissimum simul amoris characterem format. Cum vero Bou-
hoursius querimoniam Armidæ tanquam nimis artificiosam taxet,
respondet, pleraque a Virgilii Didone mutuata, & eodem modo
Chimænen in Roderico sive Cido Cornelii, imo subtiliter magis &
artificiose dolere. Ostendit deinde, sententiæ illius, qua anima a-
mantis in ipso quidem extinguere, in amica vero vivere dicatur, pri-
mum auctorem esse Platonem, & apud Horatium amicos *dimi-
dium & partem anima* vocari. Quid quod Augustinus in Con-
fessionibus diserte se, post Amici obitum, *dimidium vivere noluisse*
dicat. Hinc cum Gallus in hæc verba incurrit:

p. 578.

p. 582-598.

Sarò, qual più vorrai, Scudiero o Scudo
Iusumque verborum ceu puerilem reprehendit, monet Noster, fi-
guras ejusmodi apud plerosque Poetas & Oratores, imo Histori-
cos & Philosophos frequentissime deprehendi, simulque Bellegar-
dium Abbatem, Italos hoc nomine taxantem, eadem culpa teneri
demonstrat. Cum deinde Bouhoursium male habeat, quod Tassus
de imaginibus in Regia Armidæ insculptis dixerit:

p. 599-608.

p. 610-617.

Manca il parlar: di vivo altro non chiedi:

Ne manca questo ancor, s' a gli occhi credi

- Noster postquam Epigramma parallelum ex Josepho Baptista celebri Italorum Lyrico, qui anno 1669 obiit, attulisset, & sanum de eo iudicium interposuisset, Tassum huic longe præfert, & eodem schemate plerosque Græcorum, ex Latinis vero Virgilium, atque ex recentioribus Gallorum celebriores Poetas usos fuisse, observat.
- p. 613-621. Querela deinceps Tancredi solerter expenditur, cumque Gallus iterum glorioso nimiae artis crimine eam postulet, Noster erudite docet: esse utique Poetae officium, ut naturam curate imitetur exprimatque, sed ita tamen, ut non omnem idcirco ornatum negligat. Cum præsertim amantes præ cæteris ingeniose doleant, & Cornelius apud Gallos, tales nobis in plerisque Tragœdiis suis querimonias suppeditet; nec Moynius & alii Gallorum Poetae ab hac culpa immunes sint. Apostrophe postea Tancredi ad dexteram suam exemplo veterum, Virgilii præsertim, defenditur. Et dum in certamine singulari Tancredi & Clorindæ anima per vulnera exisse dicitur, geminae Tibulli, Ovidii, Siliii & Virgilii locutiones afferuntur: quodque ira id quod supererat vitæ, ne effugiat, retinere & morari asseritur, ea de re verba Medici Galli celeberrimi Chambræi proferuntur, & ex Petronio additur: *Dolorem vires restituere*. Incogitantia porro arguit Gallum, quod ex Suenone Danorum Regis filio, Heroe Christiano, nescio quem nobis Saracenum effingat, formulamque, qua totum corpus unum vul-
- p. 638 seqq. nus esse dicitur, veterum auctoritate niti docet. Verba exinde
- p. 654 seqq. Rinaldi ad Armidam Cant. XVI. Stroph. 22: *Non puo specchio ritrar si dolce immago*, quæ Censor notaverat, defendit, & jampridem Platonem in Alcibiade primo, ut & Petrarcham ita locutos fuisse tradit. Denique dum Armida negat, se mortem, donum alioqui optatum, a Tancredo, in quem crudele odium habeat, accipere velle, ita quoque Sophoclem Ciceronem, Plutarchum, & ex Hispanis Cervantem Saavedram & Calderonem, inclytos Scriptores, locutos fuisse demonstrat. Quibus, si de nostro aliquid adjicere fas est, tritissimum illud Virgilii: *Timeo Danaos & dona ferentes*, addi poterat: ut & alterum illud Ciceronis ad Atticum Epist. 2. Libri IX: *Cæsar solet, cum se purgat, in me confer-*
- p. 659. 660.
- p. 667. seqq.
- p. 670.

re omnem illorum temporum culpam : Ita me sibi fuisse inimicum, ut ne honorem quidem a se accipere vellem. Hac Tassi defensione integer Dialogus sextus absolvitur, quam postquam Marchio noster adornasset, Dialogo sequenti septimo ad Baptistam Guarinum, Guidobaldum Bonarellum, & alios progreditur, & ex solutæ orationis auctoribus Palavicinum inprimis Sfortiam contra Censorem Gallum tuetur. Miratur autem ante omnia Bouhoursium, cum ex præstantissimis Italorum scriptoribus flores se collecturum professus sit, Petrar-
cham tamen, Bembum, Casam, Carum, Molzam, Transil-
lum & alios magni nominis scriptores omisisse. Quod vero ad
Guarinum attinet, Bajuletum carpit, cui ex tot Guarini adversariis
atque patronis, solus tantum Jason de Noris cognitus fuerit. Cum-
que is lasciviæ Guarinum postularit, strenue Noster ejus causam
agit, Gallumque interpretem culpat, quod versus Itali Poetæ libe-
riores interpretatione licentiosa deteriores reddiderit. Commem-
dat vero illustrem Poetiam Susæ Comitem, quæ dum Guarini Pa-
storem Gallicæ consuetudini traderet, intra modestiæ ac pudoris li-
mites se continuerit. Bonarelli duplicem, quem in Phyllide Scyria
exhibuit amorem, ab ipsis alioqui Italis non semel reprehensum,
item contra Bajuletum tuetur, dumque id agit, modestiam Gallo-
rum in tractandis amoribus laudat. Schediasmata vero quædam
ab Anonymis profecta, Historiam nempe Palatii Regii, Amores
Fœminarum illustrium, & alia ejusmodi librorum venena re-
pudiat. Inprimis autem displicet nostro Præfatio, quam interpres
Gallicus Petronio in vernaculum sermonem converso præfixit.
Cæterum ad Guarinum revertens, Epigramma seu Madrigale, in
quo cum Ludovico Gradenico Musas omnes extinctas & sepultas
esse vult, exemplo non Sannazarii modo, & Petrarchæ, sed vete-
rum quoque niti docet, imo ex ipsis Gallis Menagio & Saraceno
subsidia comparat. Hinc ejusdem in Prologo Pastoris fidi versum,
ubi de Encelado, sub Ætna jacente canit:

p. 680.

p. 683.

p. 689.

p. 690.

p. 694.

p. 695.

p. 696-705.

p. 707. seqq.

Non sò se fulminato, o fulminante
Vibra il fiero Gigante
Contro il nemico Ciel fiamme di sdegno

ita

ita defendit, ut falsam quidem esse concedat sententiam, verisimilem tamen affirmet, quod apud Poetas non tantum permittatur, sed laudem quoque mereatur. Nec deesse, quibus se Guarinus muniat, auctoritates Lucretii & Nasonis, qui Ætnam tonare, & fulmina jactare fingant. Quod si denique verborum tumorem incuses, Alpheo fluvio, Dei apud Paganos personam sustinenti, tale quid permitti posse arbitratur. Cum porro Bonarellus eo nomine a Censore taxetur, quod de Celia fugitiva dixerit:

Conoscerollo a i Fiori

Ove saran piu foli

- p. 716-721. inconstantia & levitatis non immerito ille ipse arguitur, qui Racano Mariam Medicam laudanti eandem figuram indulserat: ostenditurque auctoritate Calpurnii, imo ipsius Maronis, non de Reginis tantum atque Heroinis, quod Bouhoursius vult, sed de puel-
lis quoque amatores ita loqui solere. Inde Gallo non probanti, quod Bonarellus ex oculis amicæ lucem fundi dixerat, cujus splendore illa e vestigio proderetur, respondet, cum apud Terentium in Eunuchis simile quid occurrat, isque eo nomine a Gallo commendetur, non intelligere se, quare cum Bonarello tam severe agat. Eademque opera Testa, cui inter Italorum Lyricos, Chiabrera forte excepto, principatum dat, & Gratianus in Granata debellata, eisdem noxæ affines excusantur. Marinum postea, ceu Hetrusce Poeseos corruptorem, vehementer accusat, Bajuletumque, qui hunc ipsum verbis selectis usum fuisse scripserat, explodit, tandemque, Quintiliani verbis usus, dulcibus Marinum vitiis placuisse profitetur,
p. 732-738. & Poetis, qui ex ejus disciplina prodire, non admodum favet. Caroli deinde Mariæ Maggii Hymni in Ludovicum XIV conditoris partes contra Bouhoursium tutatur, ejusque Apologiam, quam Clarissimus Ludovicus Antonius Muratorius in Vita Viri adornavit,
p. 740-741. magnifice laudibus celebrat; Lemeniumque & illustrem Arcadum Academiam, ut & Furfuraceam Florentinorum, ceu instauratores
p. 747. Hetrusci carminis prædicat. Ægre vero fert, Gallum multos Poetarum ex Italis proletariorum versus, ceu specimen insignis cujusdam artis, in medium attulisse. Cæterum a Poetis ad pedestris
p. 747. sermonis scriptores progressus, trium præ cæteris, Sfortiæ nem-
p. 758 seqq. pe Pallavicini, Strada, & Thesauri patrocinium suscipit. Pallavi-
cinius

cinus nimirum, in venusto doctoque de Stylo & Dialogo libello, Joannis Baptistæ Rinuccini, Antistitis Firmani, de Episcopi officio librum hortis, qui in locis incultis atque squalidis, arte Magica momento excitantur, comparaverat. Quod Bouhoursius improbavit, inde eorum Episcopo ratus cum Mago conferri. Cui Noster ex Servio reponit, comparisonem non inter personas, sed inter studia institui, idque Virgilii exemplo, qui Trojanos cum formicis comparaverit. Observaverat porro Bouhoursius, librum Rinuccini non satis bene portentis Magorum assimilari, quæ solidi nihil præ se ferant; ad quæ Noster: non repræsentari hac Allegoria durationem, sed potius admirabilitatem. Sic Homerum Græcorum & Dardanorum, saxi invicem se petentium, conflictum cum nivibus a Jove emissis conferre: neque enim hic æqualitatem, sed simplicem similitudinis rationem requiri. Quod testimoniis Rhetorum tam veterum, quam recentiorum copiose docetur. Dum vero hoc agit, quasi in transcurso, comparisonem a Ludovico Borbonio, Principe Condæo, inter Ignatium Lojolam & Cæsarem, interque Xaverium & Alexandrum M. argute institutam, ita commendat, ut tamen, si ad Bouhoursii obrussam exploretur, vix tolerabilem fore contendat. Ostendit deinceps, quænam inter Metaphoram, Imaginem & Comparisonem differentia intercedat, idque ex ipsius Pallavicini libro prædicto. Quem quoque, quod Lucretii dictionem paulo obscuriorem larvæ faciem tegenti, non ornanti, comparaverat, contra censoriam Galli notam tuetur, illum ipsum simul incusans, Metaphoram cum larva conferentem, quod rectius ænigmati conveniebat. Promovet inde gradum ad Stradam, qui Libro III, Decad. II de Bello Belgico scripserat: *Adeo non ex vano observatum, cura esse Deo Principum vitam. Quasi non magis cordi in homine, quam Imperatori in exercitu novissimum mori datum sit.* Quæ verba Noster a Bouhoursii vellicationibus vindicans, qui Turennii & Gustavi Adolphi exemplo adductus, contrarium nonnunquam accidisse statuerat, non ad id, quod raro, sed quod plerumque fit, respiciendum esse contendit, Galloque simul exprobrat, quod perperam & contra mentem Stradæ verba prædicta verterit, & similes ejus in Auctorum interpretatione errores recenset, ridiculum ex Novi Fœderis a Bouhoursio

p. 762.

p. 766.

p. 776. seqq.

p. 789-793.

P.794-797. Gallice facta explanatione, hujus rei specimen proferens. Quod porro Strada L. III, Decad. II *de militibus dimidiato corpore pugnans, sibi que superstitiis ac peremtae Partis ulioribus* dixerat, id Noster exemplo Lucani factum asserit. Cui merito addas insignem Lucretii locum Libro III v. 612 seqq. de membris curibus falciferis abscissis, ita inter alia canentis:

Falciferos memorant currus abscindere membra,
Sæpe ita de subito permista cæde calentes,
Ut tremere in terra videatur ab artibus id, quod
Decidit abscissum: cum mens tamen, atque hominis vis
Mobilitate mali non quit sentire dolorem:
Et simul in pugnae studio quod dedita mens est,
Corpore cum reliquo pugnam, cædesque petissit.

P.799 seqq. Ad Thesaurum demum Noster deflectit, qui in Idea arguta dictionis, non ita pridem Latio in Germania nostra a Viro clarissimo donata, de flammis missilibus, & inprimis de pyrobolis dixerat, quod cælum incendere, fulmina ipsa fulminare, & sidera terrere velle videantur, Bouhoursio eam ob causam notatus. Cui Noster respondet: sibi metipsi quasdam in hoc Scriptore formulas improbari, quod nempe eosdem ignes, parvos Averni serpentes, Typhonesque minutos vocarit, sed quod ad verba prædicta attineat, licentiam quandam Poeticam in ejusmodi descriptionibus locum habere, & apud Virgilium, umbonem aureos ignes vomere, ac clamore cælum incendi. Emolliri insuper *αὐξάνειν* per verbum *videantur*, quo appposito omnis, si qua adsit, durities mitigetur.

P.804. Addit ipsum Censorem ita peccare, qui odores exquisitissimos ad cælum ferri alicubi dicat, quod odoribus vix satis competat.

P.798. Quamvis Plauti in Pseudolo exemplo sese tueri forsitan possit, apud quem odor in cælum volet. Nec omittendum est, quod Noster monet, secundam Ideæ Thesauri partem, in qua de vitis dictionis arguta agendum fuerat, desiderari. Tandem libro elegantissimo finem imponens Illustris Marchio, Gallos elegantiae studia curate tractantes, inprimis autem Artem Poeticam Dacerii & Rhetoricam P. Lamy miris laudibus extollit, suosque cives haud obscure reprehendit, quod elegantioribus hujuscemodi literis tantum non neglectis, inanium modo miratores existant. Nos, ut & ipse & alii
iti.

itidem ab Italia Viri docti atque ingeniosi, non suis magis, quam nostris quoque Philologis, calcar ad has studiorum amoenitates excolendas admoveant, merito optamus, doctissimique, quem supra celebravimus, Ludovici Antonii Muratorii, cujus beneficio hæc ipsa Urbi commentatio, licet serius aliquantulum, ad nos pervenit, quos in litteris ad Actorum Collectores datis promittit, *duos de Consummata Italorum Poesi* tomos anxie expectamus.

QUINTI SEPTIMII FLORENTIS RIVINI, REG.
*Polon. in Sen. Appell. Consil. & Scabini Lipsiensis, Enunciata Ju-
ria ad Ordinationem Processus Saxon. Electoralem, edita ex
schedis paternis à D. T. FL. RIVINO.*

Lipsiæ, apud Johann. Frider. Gleditsch, 1705, 4.
Constant Alph. 9. plag. 14.

Quæ dudum expectata fuere causarum Patronis, iisque qui foro suam operam addicere cupiunt, sæpius antea iterum iterumque calamo descripta, in publicam nunc lucem prodeunt Excellensissimi Autoris Axiomata ad Ordinationem Processus Saxonici Electoralem, opus iis, qui aut causas perorant, aut judiciis & dilectis assident, aut rerum forensium notitia instruere cupiunt, animum, utilissimum longe ac fere necessarium. Longam enim rerum judicatarum continet seriem, Decisionumque, quæ in Scabinatu Lipsiensi, aut summo Provocationum Consilio, causas amputarunt, uberem exhibet copiam, ut facile, quo libellum dirigere actor, qua ratione sententiam concipere judex, quidque de dubio litis eventu pars sperare debeat, ex opere hoc præstantissimo queat intelligi. Nobis ex tanta rerum copia, veluti in fertilem delapsis campum, licebit aliquot saltem quasi decerpere flores, ac ex quibusdam axiomatibus ostendere, quantum commodi, ex diligenti libri hujus lectione quilibet sibi queat promittere. Ita judicatum fuisse refert, ad demonstrandam paupertatem sufficere attestatum Domini Jurisdictionis, *Tit. I. Enunc. 14.* Contra poenam Advocatis dictatam Leutationi aut Appellationi non esse locum, *Tit. 3. Enunc. 34* Pro confesso & convicto haberi non posse reum, qui nuncium citationem, quam nondum legit, reportare coegit, *E-*

nunc. 65. Tit. 4. In Reconventione non attendi privilegium fori de non evocando, *Tit. 6. Enunc. 14.* Morte Curatoris extinguere Actorium ab eo datum, *Tit. 8. Enunc. 28.* Septiduum Saxonicum consensu partium non posse prorogari, *Tit. 10. Enunc. 53.* Cautiorem pro reconventione & expensis, non esse præstandam in causa Matrimoniali, *Tit. 13. Enunc. 3.* Reos, si super actione iuramentum delatum sit, ob litis contestationem negativam, exceptiones quoad membra libelli negata annexas perdere, *Tit. 16. Enunc. 14.* In Leutatione iuramenti delationi esse locum, si Guaranda nondum sit præstita, & lis tantum eventualiter contestata, *Tit. 18. Enunc. 32.* Reum ad probationem exceptionum haud admitti, si Actor iuramentum super actione tota relatum præstiterit, *Eod. Tit. Enunc. 62.* In Processu Summario & Possessorio summarissimo interrogatoriis esse locum, *Tit. 20. Enunc. 47.* Uxorem contra mariti sororem ad testimonium dicendum non compelli, *Tit. 22. Enunc. 18.* Ad juratam diffessionem mulierem sine Curatore se posse offerre, *Tit. 25. Enunc. 37.* In examine testium, ad perpetuam rei memoriam, Judicem competentem adeundum, offerendos articulos, partemque adversam ad danda interrogatoria esse citandam, *Tit. 29. Enunc. 1.* Libros mercatorios, licet sint iuramento confirmati, non habere vim documenti Guarantigiati, ut executive ex iis agi queat, sed probationem adversus eos & iuramenti delationem admitti, *Tit. 20. Enunc. 10.* Sententiam Universitati Syndicum non habenti latam, non transire in rem judicatam, adeoque post decennium adhuc, Leutationem vel Appellationem, posse interponi, *Tit. 34. Enunc. 13.* Arbitrarie puniri eum, qui processum nullitatis arguit, ac nullitatem probare nequit, *Tit. 38. Enunc. 13.* Jus primæ licitationis maritum sine curatore, & patrem per filium mandato haud instructum, consequi posse, *Tit. 39. Enunc. 36. & 38.* Pecuniam creditricis, quæ nupsit debitori, pro dote haberi, *Tit. 41. Enunc. 2.* In Oppignoratione bonorum Emphyteuticorum, & Domini directi, & Domini jurisdictionis consensum esse necessarium, *Enunc. 5. Tit. 46.* Arrestum a Curatore mulieris sine ipsius interventu valide impetrari, *Tit. 51. Enunc. 10. &c.* Sed hæc speciminis loco sufficiant: quæ ideo adducenda esse duximus, ut intelligere possit L. B. plenum esse practicarum que.

MENSIS AUGUSTI A. M DCC V. 38

quæstionum casuumque elegantissimorum hoc opus. Quod non sine commodo singulari nobiscum fatebuntur, qui integrum evol- vere, aut seriem saltem Enunciatorum, quæ singulis Titulis præmittitur, diligentius perlegere, ex re sua judicabunt.

THE RELIGION OF A PRINCE.

Scilicet

TRACTATUS DE RELIGIONE PRINCIPIS, IN
quo Scriptura Sacra præcepta, optima in regnandi arte axiomata
esse probantur; profanis Machiavelli, Hobbesii aliorumque
principiis oppositis a GUILIELMO NI-
CHOLLS, S. T. D.

Londini, apud Th. Bennet, 1704. in 8. pl. 14^r.

MUnificentia singularis, quam Serenissima Magnæ Britanniæ Regina, mox post suscepta regni gubernacula, quæ hodie Or- bis cum adplausu tractat, decimarum ac primitiarum largitione, erga pauperioris fortis Clerum gratiosissime exhibuit, (de qua ini- tio mensis Maji nuperi diximus,) Rev. Autori, in Actis hisce sæ- pius non sine laude memorato, occasionem præbuit, præsentem libellum conscribendi, quem etiam Serenissimo laudatissimæ Re- ginæ nomini devote consecravit. Cum enim Ipsa hoc modo, re- gni sui pariter ac orbis universi incolis, summæ pietatis boni- tatisque egregiæ documentum præclarissimum dederit, non ma- le se acturum Autor existimavit, si ad exemplar istud exquisi- tissimum, vere Christiani Principis imaginem delinearet, quidque illum deceat, quid minus, breviter exponeret.

Persecutus ergo illud rite est in hocce Commentario, cui quædam præmissa est *Introductio*, in qua Atheorum, Democrati- corum, & Epicuræorum nefandæ, quas de Principibus regnandi- que ratione fovent, sententiæ summam recensentur; Machiavel- li pessimus de Principe liber gravissime perstringitur, tandemque occasio, quæ Autorem ad scribendum impulit, ulterius exponitur. *Tractatio* ipsa in tres maxime partes dispescitur, officiaque conti- net, quæ tum erga Deum, tum erga finitimos Principes ac Status, tum erga eos, quibus parendi gloria relicta est, Principi præstanda sunt.

Ea, quæ Deo debentur, aut ad cultus Divini sinceritatem, aut ad vitæ integritatem, aut ad religionis curam defensionemque referuntur. Quæ Statibus finitimis Principibusque exhibenda sunt, partim religiosam pactiorum ac fœderum cum aliis sancitorum observationem, partim belli non nisi iustis de causis suscipiendi rationem, partim erga victos armisque subactos clementiam respiciunt. Quod denique ea attinet, quæ Principes iis, quibus præsumunt, debent, in eo ipsorum officium consistere dicitur, ut amore magis quam timore imperium firment, ut iustitiam, indulgentiam, munificentiam pacemque inter suos confirmandi studium nunquam non sectentur, ut præterea bonis consiliis aures benevolas præbeant, eademque sequantur. Hæc duodecim capitibus ita explicantur, ut nec argumenta desideres, quibus falsa Atheorum & Machiavelli sectatorum principia acute refelluntur, nec rationes & exempla desint, sive ex sacris sive ex profanis desumpta litteris, quibus vera sententia confirmatur atque declaratur. Tandem *conclusio* operis sese offert, in qua Auctor non modo probat, quod ille demum Princeps veram virtutis gloriam mereatur, qui officiorum supra traditorum bene memor sit, sed etiam ostendit, quod singula, quæ hæctenus dixerit, in Serenissima Magnæ Britanniæ Regina, tanquam in speculo limpidissimo, compareant.

NOVA LITTERARIA.

DE rebus Moscoviticis Excellentissimus Huyssenius, quem Augustissimo Moscorum Monarchæ a consiliis status & belli esse, & Serenissimi Principis Alexii Petrovitii educatoris juventutis munere fungi, supra mense Majo indicavimus, plura nobis retulit, digna utique, quæ cum curioso Lectore communicemus. Præ cæteris in instaurandis apud Moscos literis occupatus fuit, aliquandiu Ernestus Glückius, Mariæburgi antehac Præpositus & Pastor Primarius, quo in loco (falso enim Narvam pro Mariæburgo scripsimus loco citato, quod mendum cupimus corrigi) triennio abhinc a Moscis captus, & literaria suppellectile spoliatus est. Is, dum in vivis esset, (nuper enim mense Majo, haud parvo rei lit-

terariæ in illis locis detrimento eum obiisse, relatum est,) a Czarea Majestate quotannis accepit 3000 Rublones, si ita loqui cum Moscis fas est, seu 6000 circiter unciales Germanicos, ad sumtus Gymnasii sive Scholæ Illustris, quæ sub ejus moderamine Moscuæ in palatio Nariskiorum aperta est. Ad eam frequentandam & Nobiles & Plebeji publico edicto invitantur, eoque vacatio a militia his, qui eam postulant, datur, & promotio certissima promittitur. Docentur autem hic gratis a variis Magistris Græca, Latina, Gallica, Italica atque Turcica. Neque minus & PP. Jesuitæ, Missionarii, in suburbio Germanorum, præter Latinam linguam, Mathesin atque disciplinas militares adulescentes docent. Pariter & Patres Græci spectatæ eruditionis, e disitis regionibus evocati, publice sumtibus Supremi Moscorum Monarchæ, & linguas, Græcam & Latinam, & Philosophiam atque Theologiam (qualem antea Kioviæ, & Romæ quoque aut Patavii didicerunt) profitentur, & publicas nonnunquam Disputationes de thesibus typis impressis instituunt. Ut quoque S. Literæ in lingua Ruthena emendatius legerentur, idem Princeps Potentissimus curam novæ atque accuratæ versionis Theologis aliquot insignioribus demandavit. Medicinam diligenter præ reliquis Bidlojus, Asmes, Keilermannus, Blumentrostii, Carbonarius, S. Czar. Maj. Archiatri, excolunt. Imprimis vero Bidlojus Batavus, in theatro Anatomico, splendido, quod inhabitat, ædificio, sæpius præsentē tota Aula, anatomen corporum humanorum, quæ vel morbo vel ex vulnere contabuerunt, instituit. In Observatorio Angli quidam Arithmeticam, Geometriam & Artem Navigandi publice docent, auscultantibus Ruthenis plus quam ducentis, quibus & pro ratione profectuum stipendia solvuntur, tum qui prævio examine digni reperti sunt, unde donantur, & congiarium adepti in militiam mittuntur. Et ne quid ad incrementum literarum desit, libri omnis generis, speciatim belli Ducum Vitæ, in linguam Ruthenicam transponuntur, & publicæ quoque Relationes, de rebus in Europa nuper gestis, singulis septimanis idiomate patrio imprimuntur, & pro exiguo pretio venduntur, ut vulgus quoque & sequor sexus rerum, quæ

quæ apud exteros geruntur, noscendarum studio accendantur. Sed ut porro de libris in Moscovia nuper impressis aliquid recensamus, prodiit Moscuæ anno proxime elapso *Idea Antichristi*, auctore Stephano Jaworowsky, Phil. ac Theologiæ Doctore, qui enobili Polonorum familia oriundus, in Kioviensi olim Academia Professor fuit, nunc Archi-Præsul sive Metropolita Rezensis & Muromiensis audit, Vir spectata eruditione & facundia in cathedra Scholastica & Ecclesiastica, ut Augustissimus Moscorum Imperator cum ad functiones Patriarchæ in Imperio Moscovitico obeundas vocaverit. At de eo libro, cum multa contineat curiosa, proxime dicemus. Imprimis autem Auctor Lexici Slavonico - Græco - Latini, de quo alibi diximus, Polycarpow, Zcareæ & Patriarchali Bibliothecæ Præfectus & Director Typographiæ Moscovitiæ, in qua per accessionem Narvensis, nunc omnium linguarum typi reperiuntur, quem modestia morum, & linguarum Græcæ, Latinæ, Slavonicæ notitia commendant, librorum edendorum curam habet diligentem. Quippe ejus jam studio prodierunt *Systēma Arithmeticum* in fol. *Alphabetarium trilingue* in 4. *Idea Antichristi* in 8. ut & *Florilegia SS. Patrum Græcorum*, e. g. Joh. Chrysostomi, Gregorii Nazianzeni, Cyrilli Alexandrini, Theophylacti &c. His nonnulla addemus Vilnæ in Lithuania impressa. Prodiit ibi A. 1701 in 4. *Tetrachordium Tragicum Passionis Mortisque Salvatoris ac Domini nostri Jesu Christi, Veri Dei & Hominis, pro salute humana inhumaniter ab hominibus passi, Historiam resonans, ad concordem quatuor Evangelistarum harmoniam intentum, &c.* cujus auctor est Eustachius Kotowicz Episcopus Smolencensis, qui omnem laudis vanæ speciem fugiendo, nomen titulosque suos taceri voluit. Nunc vero ibi imprimuntur: *Enodatio Casuum difficilium circa Sacramentum Matrimonii occurrentium, ad usum fori tam interni, quam externi*, in 8. nec non *Corona Australis Polonica in Polo septenis effulgens sideribus, sive Encomia totidem Reginarum Poloniae ex Familia Austriaca, cum Documentis Ethnicis, Prosa & Metro*, in 4.

* * * * *

A C T A ERUDITORUM,

publicata Lipsiæ

Calendis Septembris, Anno M D C C V.

Alle de Wercken van den Heer P. C. HOOFT.

i. e.

*PETRI CORNELII HOOFT OPERA OMNIA IN
quatuor partes distributa.*

Amsterdami apud H. Wetstein & P. Sceperum, Ultrajecti apud
Gu. van de Water, & Lugduni apud Dan. van den
Dalen, 1704, fol.

Constant in universum 30 Alph. & 9 plagulis: Figurarum vero
ænearum 1 Alph. plag. 7, præter eas, quæ Parte III una
cum Emblematibus sunt impressæ.

Merito id Excellentissimi olim inter Batavos Viri, Petri
(Cornelii filii) Hooft, Satrapæ Mudensis, Polyhistoris
ac Poetæ sine exemplo, datum memoriæ fuit, ut ope-
ra ejus omnia, dudum quidem maximam partem edi-
ta, junctim nunc typis descripta, luci publicæ denuo exponerentur.
Divisa sunt in quatuor partes, quarum *prima & secunda* celebra-
tissimam ejus complectuntur Historiam Belgicam, ab eo tempore,
quo Carolus V Imperator Belgicarum provinciarum cum regnis
Hispanicis annexisque ditionibus aliis regimen Philippo II filio tra-
didit, usque ad exitum fere Advocatiæ Comitissæ Leicestræ, quar-
tum nunc recusam: de qua & tanto omnium cum applausu
olim excepta, & hodieque publice æstimata, plura dicere
non attinet. *Tertia* opera ejus exhibet miscellanea, quo spe-
ctant Historia Henrici IV Galliarum Regis, Narratiuncula de fa-
tali-

Ccc

tali-

talibus exsurgens Domus Mediceæ infortuniis, Auctoris ad viros celeberrimos Epistolæ 218, Opuscula aliorum in linguam Belgicam ab Hooftio versa, Comœdiæ ejusdem, Emblemata & Poemata cujuscunque generis. Quæ quidem jam A. 1671 a filio Arnolde, Equite S. Michaelis ac Scabino Amstelodamensi, fuerunt edita, nisi quod *David van Hochstraten*, qui novæ hujus editionis curam habuit, & epistolas quasdam antea non vulgatas, a Nobilissimo Viro *Gerhardo van P. pebroch* suppeditatas, & Poematibus illud imprimis, quod A. 1700 Florentiæ compositum, ad Academiam in Hollandia sub nomine *Kamer in Liefde bloeiende* eo tempore florentem olim miserat, neglectum quidem hæctenus, velut immaturum, sed dignum tamen, quod legatur, visum adjecit. *Quarta* Taciti opera, in linguam Batavorum ab Auctore olim incredibili studio, nec minori felicitate conversa, primumque Amstelodami A. 1683 publicata, comprehendit.

Atque hæc de splendido licet opere dicta, pro instituti nostri ratione suffecerint, cum non nisi recens primum vulgatos libros recensere consueverimus. Neque tamen ingratum Lectori Benevolo futurum arbitramur, si cum Illustris Hooftii Vitam, Historiæ ejus Belgicæ in his operibus præmissam, & quondam a *Gerhardo Brand*, celeberrimo illo Historiæ Remonstrantium auctore compositam deprehendamus, ex ea quædam excerpta demus, ne cuiquam, quantus Vir Hooftius fuerit, ignoretur. Natus nimirum ille est Amstelodami d. 16 Mart. A. 1581, patre *Cornelio Petri Hooft*, Consule Amstelodamensi, matre *Anna Blavia*. Studiis mature innutritus, ingenium ostendit linguæ & poeseos Batavicæ imprimis cupidissimum, quo tempore *Collegium* illud in *Amore florens*, cujus supra meminimus, Amstelodami eo decore splendesceret, ut aliquando inter ejus membra quinque Consules & octo Scabini Amstelodamenses numerarentur. Itaque, cum illud in excolenda lingua poësiq; patria unice versaretur, illi se addixit totum, *Henricum Laurentii Spigelum* (cujus opus palmarium *Speculum cordis*, *Herth Spiegel* una cum opusculis aliis A. 1694 in Hollandia recusum est) in primis magna tum auctoritate pollentem æmulatus. Postea Academiam Lugdunensem ea tempestate longe florentissimam, cum *Josephus Scaliger*, *Franciscus Junius*,
Pau.

Paulus Merula, Carolus Clusius, Bonaventura Vulcanius, alique præclari Viri doctorum munere fungerentur, incoluit, & sub tantis præceptoribus absoluto studiorum Academicorum cursu, integrum inde fere triennium itineri per Galliam, Italiam, Germaniam facto, summo cum fructu impendit. Unde jam A. 1609 a Principe *Mauritio Auriaco*, prævia Ordinum Hollandiæ Præpotentium nominatione, Satrapæ Mudensis, Prætoris Goelandiæ, & Officialis supremi Vesopensis munere, magnæ utique dignitatis, ornatus est: et si id quoque Parentis in Rempublicam & Domum Auriacam meritis fuit datum, qui tum superstes, octogenarius demum A. 1626 decessit. Interea Noster, postquam Comoedias ac Tragœdias quasdam edidisset, Vitam & Res gestas Henrici IV Galliæ Regis Belgico sermone, ut alia omnia, adornavit, octo fere annorum annis in rem impensis, eo applausu, ut *Hugo Grotius* in Epistola ad Hooftium, quæ est inter epistolas ejus Amstelodami A. 1687 editas ducentesima decima sexta, non dubitarit gratulari tanti Regis Manibus, quod tantum Scriptorem inveniret, & Rex Galliæ Ludovicus XIII postea præstitam gloriæ Patris operam remuneratus fuerit, collatis Nostro A. 1639 Nobilitatis insignibus & Equestri S. Michaelis ordine. Ast præcipuæ tamen ipsi curæ Historia Belgica fuit, cui componendæ jam tum A. 1628 manum cœpit admove, & toto deinde vitæ decursu insudavit, donec A. 1647 Hagæ Comitum, quorsum ad spectanda Friderici Henrici Principis Auriaci, qui non ita pridem decesserat, solennia funebria profectus fuerat, morbo oppressus expiravit, nondum absoluto sexagesimo sexto ætatis anno. Corpus defuncti Amstelodami in Templo, quod vocant, Novo tumulo paterno illatum est; postridie vero in Theatro urbis publico, honori ejus non oratio solum parentalis a *Brandio* nostro conscripta, ast ab *Adamo van Gernes*, actore in scena solertissimo, recitata, sed & cum illa finita esset, una e præcipuis ab Hooftio elaboratis Tragœdia, cui *Geerard van Velzen* nomen est, populo fuit exhibita: quod exemplum repetitumne postea fuerit, nobis quidem non constat. Fuit de cætero Vir linguæ patriæ & poeseos longe studiosissimus, ut cum Poetria etiam quoddam Tesselschaede, seu ut ipse per anagramma vocabat, *Sachtefeldes*, per semiseculum fere, amicitia ipsi literarum commercio ex-

culta intercesserit. Inter Poetas veteres Virgilium, inter Historicos Tacitum, cujus opera bis & quinquagies perlegerat, & styli concisam ingeniosamque rationem imitatus fuerat. summo loco habuit. Utique hinc factum, ut in Historia Belgica aliisque scriptis lectorem requirat attentissimum, & acumine ingeni minimè destitutum: quo respexit forte & Poeta Belgicus celeberrimus, *Joost v. n. den Vondel*. quando ad Amicos dicere solitus fuit, in universo Belgio neminem se nosse, qui par sit vel unico folio componendo ea sublimitate, qualem universa Hooftii Historia Belgica spiret. Inter Belgicæ Historiæ Scriptores Italos, Cardinalem Bentivolum: inter Historiographos quoscunque alios, Thuanum æstumatissimos habuit. Ex Amicis *Constantinum Hugenum de Zulichem, Casparem Barlaam, Vondelium, Grotium, Vossium* præcipue coluit. In administrando Satrapæ munere, æquum se omnibus præbuit, sorditiem maxime exosus, ut ex bonis etiam condemnatorum fisco addictis, partem sibi debitam viduæ aut hæredibus aliis donaverit, autochirorum inprimis, quos nonnisi ex insania peccasse, persuasum habebat. Religionem Reformatam profitebatur, sed inimicus zelotis, ut edicta etiam adversus Romano-Catholicos lata executioni mandare non sustineret. Symbolo usus, *omnibus idem*, id consecutus est, ut nec ipse quemquam offenderit, & vicissim raro exemplo, aliorum odium atque invidiam feliciter effugerit. Conjugium, ut de hoc postremo loco dicamus, duplex ipsi obtigit, primum A. 1610 cum *Christina van Erp*, ex quo suscepti liberi mature extincti sunt; alterum A. 1627 cum *Leonora Hellemans*, e quo genitus *Arnoldus* Filius, Eques S. Michaelis & Scabinus Amstelodamensis, cujus jam supra a nobis facta est mentio.

EXPOSITIO LITERALIS ET MORALIS SANCTI Evangelii Jesu Christi secundum quatuor Evangelistas. *Antore*
R. P. F. NATALI ALEXANDRO. Ordinis F. F. Predicatorum,
in Sacra Facultate Parisiensi Doctore, & eme-
rito Theologia Professore.

Parisius, apud Joannem Anisson, 1703, in fol.

Alphab. 8.

Post

Post multa variaque opera in lucem hætenus abs se emissæ, in Scripturæ tandem Sacræ lectione acquiescere, inque ejus meditatione consensescere decrevit doctissimus, nobisque sæpe memoratus R. P. F. Natalis Alexander. Sanctum igitur Evangelium in manus sumit, ejusque expositionem continuam, juxta quatuor Evangelistarum ductum adornavit, literalem sensum primo, ac postmodum moralem quoque dilucidans. In literali sensu pandendo, parallela potissimum Scripturæ loca, & sanctorum Patrum Commentarios se excussisse, profitetur; venerandamque, quam appellat, Traditionem ubique se præ oculis habuisse addit. Vulgatam versionem Latinam pressius secutus est, quamvis & Græci textus & Orientalium versionum vim, sicubi opus duxit, attingere haud neglexerit. Quam Eruditos plerosque viros data dudum opera, illustrasse censet, Evangelistarum concordiam & harmoniam, breviter tantum se delibasse, nullus dissimulat. Moralem vero sensum non minori, ac literalem illum, industria prosequendum sibi venire ratus est, quandoquidem Divini verbi prædicatoribus animarumque pastoribus, quibus Evangelium populo explicare ex officio incumbat, consulere hoc pacto decreverit. Veterem namque concionandi rationem, quam sancti Patres & antiqui Episcopi sectati sint, in Ecclesiam revocari optat, ut nimirum totius Evangelicæ lectionis, quam quisque auditoribus proponit, series explicaretur, sensuque literali, quantum necesse est, exposito moralis erueretur, cui præcipue Ecclesiastes insisteret. Novam namque (& suæ fidei focus, ut constat, admodum familiarem) concionandi rationem, parum probat, quæ, unica Evangelii sententia pro themate assumpta, extra quam divagetur ut plurimum Concionator, ejusque se velut immemorem in progressu sermonis ostendat, humanis conceptibus, ingeniosis licet, sterilibus tamen & exsuccis, ac elegantibus quidem, sed sæpius infructuosis morum humanorum picturis, auditorum pascat, seu potius jejunos dimittat animos, ac molli eloquentia comæque orationis ornatu ac leporibus demulceat, non instruat, non moveat, non flectat. Quod cacoethes tollere se studuisse innuit hoc Commentario, quem forte coronidem impositurum conjicit operibus suis reliquis, cum ultra sexagenariam ætatem proventus, lassescere jam incipiat. Caterum a famosis illis

propositionibus quinque, ab Innocentio X & Alexandro VII in sensu Jansenii damnatis hæreticisque, nusquam non se abhorreere testatur; quanquam a sanctorum Doctorum, Augustini & Thomæ, dogmatibus de Gratia per se efficaci, & omnino gratuita sanctorum Prædestinatione, aut a sanioris disciplinæ moralis defensione, ne latum quidem unguem se deflexisse, simul affirmet.

JOH. BRAUNII, SS. THEOLOGIÆ DOCTORIS,
ejusdemque & Hebrææ Lingua in Academia Groninga & Omlandia
Professoris, Commentarius in Epistolam ad Hebræos, cum
indicibus locupletissimis & quibusdam
tabulis æneis.

Amstelodami, apud Henricum & Viduam Theod. Boom, 1705, in 4.
Constat 5 Alph. & 19 plag.

Dedicavit celeberrimus Autor Commentarium suum pereruditum Omlandia Ordinibus, eorumque Deputatis Novemviris: in qua dedicatione, Ecclesiæ Christianæ deploranda hoc nostro ævo facie expensa, luget, dari nonnullos, qui tentatam inter Lutheranos & Reformatos unionem impedire satagant. Largitur, controvertentes olim Theologos ab utraque parte peccasse: alii cum iniqua malorum commemoratione nemo ad concordiam adducatur, in comitiis pacis primum caput poni debere sanctam malorum oblivionem. Cordationibus Theologis, tam Lutheranis, quam Reformatis, rixosorum hominum privatam hostilitatem, asperitatem ac contentiones, & olim improbatas, & hodiernum improbari. Inprimis per totam Saxoniam, sapientiores primosque Ecclesiarum Antistites magnam Reformatis demonstrare humanitatem: id quod maxime factum sit a Celsissimo Electore gloriosæ memoriæ, qui ante non multos annos aliquot centena ex Cocceji operibus coemi jussit exempla, ut quælibet Ecclesia suum haberet. Concedit equidem, nec Lutheranos facile eo adduci posse, ut cum Reformatis in omnibus consentiant, nec Reformatos omnes Lutheranorum sententias amplecti posse; non tamen omnem opinionum dissensum diversam religionem illico dicendam esse, cum nec olim unquam extiterit, nec hodie ulla existat religio, quin fratres in variis capitibus a se recesserint, ho-

hodieque pcedant. Cum igitur Reformati & Lutherani in fundamentalibus religionis Christianæ capitibus conveniant, & errores fundamentum fidei ac vitæ sanctimoniam evertentes unanimiter detestentur, adeoque ambo certissime membra Ecclesiæ Christi existant; cur externum fraternitatis vinculum accedere non debeat, rationem esse nullam. Ostendit inde, ambos eadem de Deo, ipsius decretis & decretorum executione credere. Si vero quis obijciat, non tamen eodem modo hæc credi a Reformatis, quo a Lutheranis, illi Noster respondet, modum non facere ab stabilienda salutis fundamenta, sed versari ut plurimum circa subtilitates nullius momenti, atque circa controversias, quæ hæctenus nondum decisæ creduntur, nec facile ad mentem cujuslibet decidi possunt; nec eum qui ignorat, posse dici damnatum, cum pauci reperiantur, in primis inter illiteratos, qui de modo edocti sint, immo multi Martyres, ob fidem in Christum mortem obeuntes, eundem ignoraverint. Non statim, quæ nobis dura videntur, pro duris habenda esse; fieri enim posse, ut autoris mentem non recte capiamus, aut ex ejus thesi consequentias deducamus, quas ipse non admittit. Non tamen improbat consilia de convocandis ex utraque parte Theologis doctis, prudentibus, pacificis, ut serio controversis capitibus examinatis, in timore Dei tentent, quo usque alter alteri obviam ire possit. Adhortatur tandem suos ac seipsum, ut si Lutheranis pacem inire nondum visum fuerit, ipsi tamen a sua parte omnia odia, similitudines, dissidia & discordias, quæ pacem turbent, depellant, certi promissionum Divinarum de optationibus temporibus, quibus major erit in Ecclesia cognitio, & membra Jesu Christi profundam pacem colent.

Quod jam Commentarium ipsum spectat, probe quidem noverat Noster, paucos esse Scripturæ libros, in quos stylum magis exercuerint interpretes, quam in Epistolam ad Hebræos. Cum tamen expenderet, eam continere totam Veteris & Novi Testamenti Theologiam, ita ut ipsa intellecta, reliqui verbi Divini libri, ac profundiora mysteria arcanaque in iis contenta, ipsæ etiam antiquitates, ritus, mores, observationes atque ceremoniæ sacræ & profanæ, Prophetarum secretiora dicta & revelationes anigmatice, sanctiores denique pietatis normæ ac regulæ intelligerentur, ad

ad quæ tamen omnia una non respiciunt interpretes reliqui quia laborem ab aliis sæpius jam iteratum in se sulciperet, non dubitavit, operam potissimum dans, ut, quæ ad verborum & rerum intelligentiam, ad nexum & ad scopum Spiritus S. scitu necessaria, breviter, clare & solide exponeret. Quoniam vero Epistola ad Hebræos multum facit ad evertendos Socinianorum errores, hunc usum quoque constanter ostendit, & ne videatur, quod sæpe accidit, ipsis assingere, quæ minus concedunt, contra Schlichtingium inprimis aciem stringit. Expositioni Epistolæ præmittit Prolegomena, in quibus prolixè docet, eam jure haberi pro Canonica; autorem agnoscere Paulum, a quo scripta sit, cum Romæ sub imperio Neronis captivus detineretur, ad Judæos in dispersione; & tandem in scopum Scriptoris inquirat, quem esse contendit avocationem Hebræorum ab observantia legis Mosaicæ, & adductionem eorundem ad Christum Servatorem. Unde tres contineat partes, 1. Exhortationem, ut, cultu Mosaico relicto, in Christum credant, a cap. 1 ad vers. 19 cap. 10. 2. Admonitionem ad veram pietatem, in fide & sanctitate perseverantiam, a v. 19 cap. 10 ad v. 20 cap. 13, & 3. Preces pro sanctis a v. 20 cap. 13. usque ad finem. Hinc nervose ostendit scopi partialis cujuscunque capituli cum scopo totius Epistolæ nexum.

Quoniam vero Noster probe novit, nexum inter veritates revelatas cum cura observatum multum facere, tum ad agnoscendam sapientiam, potentiam, bonitatem aliasque perfectiones Divinas, tum ad confirmandam Scripturæ sacræ auctoritatem Divinam, non singulis solum capitibus & versiculis contenta præfigit, atque nexum eorundem tam inter se, quam cum antecedentibus monstrat, sed in singulis quoque propositionibus, nexum inter subjectum & prædicatum, ex eorundem natura & analogia fidei, scubi fieri potest, ostendit. Verborum significatum ex principiis philologicis, & collatione locorum parallelorum Scripturæ, ubi necessitas hunc laborem efflagitat, vindicare non negligit. Si quæ phrasæ ritum quendam sive sacrum sive profanum sapiunt, ita ut sine istius cognitione earum emphasis intelligi nequeat, ex antiquitatibus sacris atque profanis eundem enucleare, quemque phrasæ ad eum habeat respectum, docere studet. Singulorum quæ afferimus

MENSIS SEPTEMBRIS A. M DCCV. 393

mus, unicum saltem proferemus exemplum, ut Lectori de nostro
 iudicio suum interponendi ansam demus. Ita e. gr. ad comma
 primum capitis primi notat, vocem πολυμερῶς Græce sonare plu-
 ribus partibus, convenire autem cum Hebræo לפרקים, quod &
 partes & tempora notet. Verbum enim פרק significare rupit, unde de-
 scendat Germanorum Brechen/Belgarum breeken/forte & Latino-
 rum fregit, ubi פ sit raphatum F, & פ mutetur in G, quia ejusdem
 organi. Inde פרק idem esse ac μέρος, partem, ac πολυμερῶς
 idem, quod per plures partes, vel etiam per plura capita seu arti-
 culos, cum perek quoque significet caput vel articulum. Observat
 vero ulterius, פרק quoque notare definitum tempus, ut πολυμερῶς
 idem sit ac לפרקים multis temporibus. Omnes significatus
 hic invenire locum demonstrat, quia omnes gignunt sensum Scri-
 pturæ sacræ apprime conformem, ita ut nulla subsit ratio, cur u-
 num potius intenderit Spiritus Sanctus quam alterum. Conne-
 xionem igitur prædicati atque subjecti hujus propositionis, Deus
 multis temporibus per varias partes & capita locutus est, ex diver-
 sis Fœderis gratiæ œconomis, ad quas Coccejus ipsiusque disci-
 puli in demonstrationibus Theologicis recurrunt, deducit. Ita
 ad com. 35. cap. 11. notat, vocem τυμπανίζειν descendere ἀπὸ τῆς
 τυμπάνης, quod a verbo τύπτω derivat & cum Hebræo הית con-
 venire ostendit, & ex Suida & Scholiaste Aristophanis baculum signi-
 ficare probat, quo verberant, & juxta Stephanum denotare pa-
 lum, ad quem alligati fontes fustibus contundebantur, observat.
 Unde cum non solum ex 2 Maccab. 6. v. 28, sed & Suida & Hesy-
 chio probari possit, tale olim supplicii genus obtinuisse, quo rei
 palo alligati & distenti baculis percuterentur, donec toto dorso pel-
 lis quasi extraheretur; per vocem τυμπανίζειν ab Apostolo illud
 designari, tandem concludit. Similiter ad comma subsequens e-
 jusd. cap. vocem ἐπείδησαν de tali supplicii genere interpretatur,
 quo fontes serra dissecabantur, cum tale supplicium olim obtinuis-
 se, ex 2 Sam. 12, 31. 2 Chron. 20, 6, ex Rabbiniis atque ex Patribus, ut
 Origene, Tertulliano, Hieronymo, Epiphanio, Justino Martyre &c.
 constet.

Cæterum cum Doctissimus Autor nexum veritatum in hac
 Epistola revelatarum constanter explicet, eæ autem officium Christi

mediatorium, & omnem salutis sub Veteri & Novo Testamento dispensationem accurate declarent: quantum ad diversas fœderis gratiæ œconomias distincte concipiendas in suo Commentario contulerit, quivis facile judicabit. Et quoniam idem argumenta Socinianorum ex ratione petita ex solidis demonstrationibus Metaphysicis accurate destruit, & contorsiones locorum Scripturæ ab istis factas ipsis rationis evidentibus principiis contrarias esse demonstrat (cujus rei exemplum videas p. 547, ubi Socinianorum errorem refellit, Christum in principio potestatis esse dependentem a Deo, atque independentem in executione & operatione, & demonstratione Metaphysica evincit, nullam creaturam fieri posse a Deo independentem, ita ut nulla creatura independens a Deo concipi possit, quemadmodum nullus potest concipi Deus dependens) ad profligandos veritatæ revelatæ hostes multum omnino contulisse censendus est Autor in Theologia Coccejana & Philosophia Cartesiana versatissimus: quos suos in utraque progressus prorsus insignes luculenter demonstravit, non solum in scriptis pluribus antehac editis, sed & per *ἐπίμνησιν* de æterna Filii generatione ad calcem libri subjectum, contra eos directum, qui generationem æternam Filii œconomicam tantum esse affirmant: cum qua thesi non solum Tritheismum, sed & Polytheismum ipsum, cumque innumerabilium Deorum, necessario connecti, ex intimis Theologiæ ac Philosophiæ principiis evincit.

GYMNASII TICINENSIS HISTORIA ET VINDICIA, a Sæculo V ad finem XV. Autore ANTONIO GATTO, in eodem Gymnasio Antecessore.

Mediolani, typis Josephi Pandulfi Malatestæ, 1704. 8.

Plag. 15.

Quæ in Karoli Antonii de Luca Melphictani libro, *Laurea Legalis* inscripto, & recensionem omnium fere publicarum Academicarum complexo, ignotum quod fato, quave incuria, prætermissa plane est celeberrimi *Gymnasii Ticinensis* seu *Academiae Papiensis* Historia, eam nunc ab oblivione vindicatam Vir omni erudi-

ditione præditus, *Antonius Gattus*, Mediolani, una cum Vindicis quibusdam typis evulgavit, non exiguo rei literariæ emolumento. Professos esse in eo omnibus sæculis Viros cujushbet scientiæ clariore, Karolum illum Antonium de Luca, velut Jureconsultum, eo minus latere potuisse Gattus commonet, si modo ipsi noti Baldus, Præpositus, Jason, Decius, Curtii, Gallaratus, Tornielli, Tortus, Costa, Menochius, Merenda, Ramos, Pechius & alii plurimi, qui Jus Civile in Ticinensi Schola publice docuerunt. Equidem operis difficultas ipsum quoque Gattum facile primum absterruerat, partim quod antiqua Universitatis & urbis monumenta undique perquirenti, post depopulationem urbis initio XVI sæculi, omnia interiisse referebant; partim quod ex veteribus Italorum & Gallorum Scriptoribus soli Saccus, Breventanus, Spelta ac alii posterioris ævi Historici offerebantur. Ast quum fors inopina Romam Gattum perduxisset, tum *Iustus Fontaninus*, celebris Cardinalis Josephi Renati Imperialis Bibliothecæ, cujus Præfectus est, copia ipsi facta, tum Abbas *Dominicus Passioneus*, Græcæ & Latine eruditionis studiosissimus, eum incitarunt, ut desiderium vindicandæ Ticinensis Academiæ, quod fere deperierat, rursus in ipso revivisceret, isque peregrinus in Urbe *Synopsim* ejus typis editam evulgaret. Quæ ad CLEMENTEM XI, hodiernum Pontificem Maximum, literarum amantissimum, delata effecit, ut ille Gattum ad osculum pedis admissum summa benignitate exciperet, & singularem dein quoque eidem per literas cujusdam honorem polliceretur. In patriam Roma reversus Gattus, nihil amplius, medias inter belli turbas, de edendo opere cogitasset, nisi ipsum suis literis ad illud edendum impulissent Viri toto terrarum orbe celeberrimi, *Antonius Magliabecchius* & *Ludovicus Antonius Muratorius*, ille Regiæ Celsitudinis Magni Ducis Etruriæ, hic vero Serenissimi Ducis Mutinæ Bibliothecarius.

Itaque ubi in *primo*, *secundo* & *tertio* operis hujus, multam variamque eruditionem complexi, *capite* de urbis Ticinensis, ab Italis hodie *Parvia* dictæ, antiquitate & nobilitate quædam hucusque ignota præfatus esset, & inter reliqua, eam primum quidem municipium & coloniam Romanorum fuisse, deinde vero perpetuam Regum Longobardorum sedem factam, & in ea a Theode-

rico magnificum palatium, *Regia Ticina & Civitatula* seu sermone Italico *Citadella* dictum, fuisse exstructum, notato P. Eustachii a S. Ubaldo errore, qui perperam hoc ad urbis dedecus trahere conatus erat, comprobasset; nunc ad ipsius Gymnasii Ticinensis Historiam conversus, in *capite quarto* Scholas Ticinenses jam sub Boethio, qui A. 526 a Theoderico morte fuit damnatus, & Ennodio Episcopo, qui teste Guillelmo Cave A. 521 est præmortuus, floruisse demonstrat, opinione Sacci, Bellovacensis & Vossii de Ennodii ætate una rejecta. Dehinc *capite V* floruisse Ticini bonarum artium studia, regnante Karolo M. ex eo palam est, quod hic, antequam in Italiam veniret, ex ea urbe Parisios Petrum Pisanum, qui cum Julio Judæo disputationem illic habuerat, acciverit, edocerique ab eo Grammaticam in palatio suo voluerit, posteaque vicissim Joannem Albinum, Monachum pereruditum, qui cum mercatoribus ex Scotia Parisios venerat, *sapientiam venalem* se habere professus, Papiam miserit, ut sublimiores illic scientias traderet. Id quod in *capite sexto* ulterius confirmatur, contendens, quod licet Monachum istum, a Karolo Papiam missum, Sangallensis aliique Albinum, aliqui vero Joannem vocent, utroque tamen nomine Joannem Albinum vocatum, non dubium sit; perinde ac Alcuinum, Karoli M. præceptorem, Flaccum Albinum nuncupatum scribat Joannes Mabillonius: quam sententiam etiam Jacobus Usserius in præfatione ad Epistolas Hibernicas adprobet. Ipsum autem Joannis Albini, Scoti, Papiam adventum circa A. 780 contigisse, id est quod in *capite septimo* ex Mabillonio conjicit. Posthæc in *capite octavo* ad Petrum Pisanum reversus, tum hunc e Scholis Papiensibus ideo a Karolo M. in Galliam vocatum, ut primus esset Parisiensis Academiae institutor, cum Bulæo, Parisiensis Universitatis Historiographo; tum Scholas Papienses illis sæculis non Episcopales seu Cœnobiales, sed publicas & universales fuisse, comprobatur. Quo facto in *capite nono* Monasterium S. Augustini Joanni Albino, ceu locum illustrem, in quo scientias profiteretur, a Karolo M. assignatum; & in dicto Monasterio jam ante Karolum M. Benedictinos adfuisse; Canonicis item Regularibus in eodem ante annum MCCXXII locum datum, contra Joannem Mabillonium evincit. Ab his temporibus, in

in *capite* subsequente *decimo*, Scholas Papienses in publicam demum Academiam cum privilegio Karoli M. & Ludovici Pii erectas conjecturat; & Synodi VI Ecclesiae Gallicanae de Scholis tribus publicis loco diligenter expenso, Innocentii Cironii & Ludovici Thomassini opiniones circa ejusdem loci intellectum refellit; ac praeter ceteris quoque Monachi Sangallensis sive Notkeri Balbuli Historiam ab erroribus, ipsi a Joanne Launojo publice objectis, vindicat. Progressus abhinc in *capite undecimo* ad Karolum Calvum, ejusdem studium & amorem erga scientias magnis Nicolai & Joannis VIII Pontificum elogium extollit, ex eo satis etiam elucescentem, quod Ticini Regio Longobardiae diademate ab Ansberto Archiepiscopo coronatus, omnia Papiensibus, & sic probabiliter etiam Universitati ab Avo conditae & a Patre protectae, privilegia confirmaverit. Ubi & Papiam ab Hunnis postea incensam, sed non plane everfam, contra Frodoardum & Hugonem Flaviniacensem affirmat; & celebrem inter Otricum & Gerbertum coram Othone II disputationem addit. Circa A. M XXX Lanfrancum Papiensem, Magistrum omnium suae aetatis doctissimum, Parisienses Scholas, a Petro Pisano institutas, restaurasse, eundemque Papiam Anselmum de Badagio Mediolanensem, qui postea sub nomine Alexandri II ad Pontificatum evehctus fuit, discipulum adeo sibi gratum habuisse in *capite duodecimo* meminit, ut quum Lanfrancus jam consecratus Archiepiscopus Cantuariensis Romam profectus esset, propter litem cum Thoma Eboracensi Archiepiscopo, ei Pontifex e throno assurrexerit, & ipsum, ut legitur in Vitis XXIII Abbatum S. Albani, his verbis exceperit: *Assurgo tibi tanquam Magistro, & deosculor tanquam Pedagogum, & non tanquam Archiprasulem.* Ceterum hoc saeculo & superioribus, Jus Civile in Italorum Academicis, Italia a barbaris gentibus devastata ubique & oppressa, velut prorsus deperditum delituisse monet, donec regnantibus Innocentio II Pontifice Maximo & Lothario II Caesare, in bello contra Rogerium Normannum, Amalphi seu Melphi, urbe Apuliae, inventae fuerint Juris Pandectarum, supra omnem memoriam diu ibi servatae; & institutos inde promotionum ad lauream legalem ritus, quos aliqui jam sub Augusto initium habuisse, falso credant. Postea quum Academia Parisiensis a Lanfranco Papiensi ad vetustum.

decus restituta, ita floreret, ut seculo XII ingens Germanorum & Itatorum multitudo ad eam conflueret, factum inde, ut Fridericus Ænobarbus, ne ex Italia & Germania Parisios peterent humanarum artium studiosi, eos insignibus privilegiis ad Germaniæ ac Italiæ Gymnasia A. 1158 Authentica *Habita* invitarit, quam Gattus idcirco integram in *capite decimo tertio* refert, ut ejus auctorem, occasionem & sensum a Lupoldi Bebenbergii, Petri Rebuffi, Bulæi & aliorum falsis opinionibus, tum hoc, tum sequente *capite decimo quarto* vindicet. Nec successus etiam Ænobarbi conatum destituit. Nam privilegiis relatæ Authenticiæ *Habita* literarum cultores invitantibus, ita in Italia publicæ scientiarum Academiæ floruerunt, ut Gattus in *capite decimo quinto* non solum Alexandrum Nechamum vere scripsisse credat, Parisiensem tum Academiam Philosophiæ & Sacra Scriptura Italicis, Jurisprudentia autem Italicis Parisiensi præcellere; sed & Petrum Danielem Huetium erroris notet, quod in libro Gallico de origine Fabularum Amatoriæ, vulgo Romanzi, perperam asserat, sæculo XII & XIII Italianam scientiarum & virorum doctorum fuisse prorsus ignaram; quum tamen istis temporibus Papias, Vir ille Græce atque Latine eruditissimus, Ordo Monachorum Cisterciensium scientiarum cultu insignis, Guarinus de S. Victore, Guillelmus Papiensis, Joannes Bosnianus, Sinibaldus de Flisco & alii quamplurimi floruerint. Postmodum Scholas Papienses a Karolo IV non institutas, sed restauratas, ex ipso Cæsareo diplomate, *capite decimo sexto* allato, demonstrat, & ex eo Bernardini Corii, Paulli Merulæ, Laurentii Schraderi & aliorum complurium errorem, Ticinensem Universitatem demum hac ætate institutam, refellit. Atque denique in *capite decimo septimo*, quod restauratum a Karolo IV Papiense Gymnasium fuerat, a Bonifacio IX P. M. confirmatum, & a Ludovico Maria Sfortia, Duce Mediolanensi, novis privilegiis illustratum fuisse, ex utriusque diplomatibus confirmat.

Habemus ita in hoc libro, stylo undique terso conscripto, celeberrimæ Academiæ Ticinensis per XI secula memoriam, una cum ejus Vindiciis aliisque rebus multo pluribus, Historiam Regum Longobardorum egregie illustrantibus. Et jam a Gatto, quæ in hoc opere promissa legimus, tum secundam Historiæ partem de

MENSIS SEPTEMBRIS A. MDCCV. 399

Viris Illustribus Universitatis Ticinensis, ad exemplum Antonii Riccoboni de Gymnasio Patavino dispositam, tum de *Antiquitate Urbis Ticinensis* librum singularem, tum alia usque adhuc desiderata, avide expectamus.

DISSERTATION SUR MAGNIA URBICA.
h. c.

DISSERTATIO DE MAGNIA URBICA, IN QUAE
demonstratur, hanc Augustam minime esse Conjugem Ma-
xentii Imperatoris, uti quidem hactenus cre-
ditum fuit.

Parisiis, apud Petrum Cot, 1704, 8vo. Constat plag. 5 $\frac{1}{2}$.
una cum folio ære expresso.

REL nummariae studium, cui pretium nostra posuere ætate eru-
ditorum quamplurimi, adeo feliciter succenturiatur superio-
rum temporum historia, ut juxta ordinem chronologicum concin-
næ numismatum series ex omni fere metallo jam inveniantur, ,
unoque quasi oculi ictu heroes, prout antiqua sibi succe-
dentia secula factis suis illustrarunt, conspici queant. Fateri
tamen omnino habet Dn. Genebrier, Medicinæ Doctor, & Disserta-
tionis hujus ad Illustr. Dn. Foucault, Marchionem de Magny, exa-
ratae Autor Nobilissimus, hæsitasse sæpe vel expertissima ingenia,
circa rariores Augustorum Augustarumque nummos, quoties hi-
storia illorum nomina vel plane silentio involvit, vel corrupta ex-
hibuit, ipsisque haud satis constituisse, quosnam nummophylaciorum
angulos ornare debeant Marinus, Pacatianus, & Nigrinianus brevissi-
mi ævi Principes, aut Barbia Orbiana, Cornelia Supera, & Severina,
quarum mariti antiquariorum solertiam diu effugerunt. Noster
vero Marino post Philippos sedem suam assignat, siquidem Zosi-
mus ac Zonaras hunc Tyrannum sub Imperatoribus illis turbas in-
orbe Romano dedisse tradant. Pacatianum, post Chamillardi,
Gallandi & Baudelotii investigationes, eodem referendum censet,
cum celeberrimi illi viri ostenderint, Pacatianum eundem esse cum
Jotapiano & Papiano Historicorum, quemadmodum contigit, ut
illis Balatus aut Balbatus appellatus fuerit, qui in nummis Vabala-
thus,

thus, Diadumenus qui Diadumenianus, Aurelianus qui Aureolus exprimitur. Nigriniani ætatem in peculiari scripto curatius se definiturum promittit, quam huc usque factum, dum filius vulgo audivit Alexandri Tyranni Africæ, Maxentii tempore ad seditionem prolapsi. Quantum ad Barbiam Orbianam, quam alii Trajano Decio asseruerunt, uxorem illam Alexandri Severi statuit, quia in averſa parte nummi hujus Imperatoris viſitur; Hetruscellam e contra in matrimonio Decii vixiſſe; Severinæ autem Aurelianum maritum fuiſſe; Corneliam Superam Valeriano Juniori conjugem dari e conjecturis Triſtani, quas tamen Clariffimus Vaillantius, perſpecta earum bonitate, calculo ſuo muniverit. Utcunque vero Imperatricibus hiſce de conjugibus proſpectum, Magniam tamen Urbicam, de qua differendi campum ingreditur Noſter, inter incertas hætenus erraſſe Auguſtas, & congruum ſibi maritum oſculari haud potuiſſe. Licet enim Occo poſt Maxentium eam locaverit, illiusque veſtigia preſſerit Longelonus, Triſtanum tamen idem faciendo ingenue proteſtatum eſſe, non ideo ſe hunc ſequi ordinem, quod Magniam Urbicam uxorem Maxentii crederet, ſed quod certo perſuaderetur, eam Magnentium minime conjugem habuiſſe, ceu nonnulli putarint. Eadem oberrare quoque chorda Patinum atque Begerum, priorem quidem hoc cum additamento, Maxentio illam potius eſſe ſociandam, quam Magnentio, quia non conſtet, hunc ſobolem procreaſſe. Harduinum vero, quem a ſagacitate commendat, propius ferire ſcopum, dum Carini aut Numeriani contoralem Urbicam dixit, at cum rationem haud ſtringentem ſatis effato ſuo adjecerit, Occonis aliorumque ſequacium opinionem nunquam non prævaluiſſe. Notum videlicet erat; Maxentium patrem fuiſſe Romuli, alteriusque filii incerti nominis: cum itaque Magnia Urbica, illaudata alias in monumentis hiftoriarum, in numismatibus elogio, *Venus Genetrix*, inſignita extaret, protinus eam Maxentio junxerunt paranympſi nimis creduli, oſcitantix ſux haud ſiculneam excuſationem in lemma iſto ſe reperiſſe arbitrati. Verum quam fallax, quamque lubricum ſit ejuſmodi argumentum, nemo non deprehendet, utut lynceis oculis minime inſtructus. Noſter ſane, tacentibus Scriptoribus, quoties ad nummos tanquam triarios res rediit, examinare jubet

tum

tum Inscriptionem ipsam, tum literarum totiusque sculpturae formam. Deinde & hoc praesupponit, cujuslibet Augusti Augustaeque suae, quin & liberorum suorum numismata, non modo in allegatis passibus, verum etiam in certis notulis, quae infimam monetæ partem occupant, quam proxime ad se invicem accedere debere. Quod postulatum dum pluribus urget, characterum, qui a Gallieni inde ævo ad ætatem usque Numeriani, in nummorum vel media, vel inferiore parte (dans le Champ ou dans l' Exergue) copiose occurrunt, prælongum seriem colligit, quales exempli gratia adduxisse sufficiat: K A A, K A B, K A F, K A Δ, X X I A, P X X I, S X X I, S M S X X I. Mox hoc confectarium exinde elicit, quod si Urbica maritum agnovisset Maxentium, illius certe imagine signatum æs non dispares notas præ se ferret, quam hujus; quæ dissimilitudo cum habito examine manifesto se prodat, tutissime etiam pronunciandum judicat, amborum nummos diversissimo tempore operas monetariorum exercuisse. Quin & sententiam suam adeo veram æstimat, ut, etiamsi historia Magniam quandam Urbicam conjugem perhiberet Maxentii, huic tamen, quæ in nummis obvia, aliud tempus aliunde maritum, cui major convenientia & monetæ & notarum inibi exsculptarum fidem conciliaret, sit quaesiturus. Cum enim Romulus æquales parenti suo Maxentio characteres gerat, eccur Urbicæ, quæ pro matre venditatur, absumiles adposuissent monetales? Ex eodem differentiae fundamento refellit opinionem eorum, qui Magnentio aut Decentio Urbicam nostram nuptiis alligant, parum curantes veritatem Historicam, quæ illi unicam solum uxorem, Justinam scilicet, rarissimæ prudentiæ ac pulchritudinis foeminam, post mortem ejus Valentiniano junctam, attribuit.

Remotis igitur sententiis omnium minime probabilibus, ad Celeberrimum Harduinum, cui Magniam Urbicam Carino aut Numeriano, ut supra dictum, copulare visum fuit, jam descendit, ejusdemque conjecturam non destitui quidem ante laudata inscriptionis ac calaturæ consonantia, lubenter fatetur, at cum Aurelianus, Tacitus, Florianus, Probus alique Principes adhuc supersint, quorum nummi pari gaudeant similitudine, matrimonia singulorum diligentius exploranda putat, priusquam alicubi subsistere de-

TAB. IX.

Fig. I.

Fig. II.

Fig. III.

tur. Aurelianum quod attinet, illum statim choro hoc excedere autumat, quoniam Severina uxor ipsius noscitur. Tacitum vero, testante Vopisco, uxorem suam gemmis uti passum non fuisse, alienam itaque ab eo prædicandam Urbicam, quæ in nummo N. 1. adpicto margaritis ac pretiosis lapidibus onusta comparet. Florianum porro, duorum quippe mensium & præter Senatus auctoritatem Imperatorem, multo minus Urbicæ congruere. Deinde nec Probo eam vindicari oportere, cui longe alia ac diversissimi vultus foemina in metallione gazophylacii Regii, N. 2. hic expresso, ad latus statuitur, ceu ipsemet Autor instituta oculari inspectione deprehendit. Restare igitur Carum, ejusque filios Carinum & Numerianum, Augustos omnes, e quibus Magniæ Urbicæ maritum deligere fas sit. Se quidem a primo momento, quo nummos sequioris ævi congerere cœperit, conjugem ipsi adjudicasse Carum, tum quia nullibi memorent historici, uxorem Cari vita decessisse, antequam is Augusti fastigium ascenderit, tum quia nemo inficias eat, geminam illum sobolem e thalami consorte sustulisse. Ex adversa parte Carinum novem uxores duxisse ac rejectisse, pulsas plerisque prægnantibus; unde haud sublestum resulteret indicium, nec satis temporis illum habuisse, ut unam earum Augustam declararet, neque etiam duos ex una liberos procreasse, animo ejus ad divortia adeo proclivi, quæ omnia ad Magniam Urbicam plane non quadrent. In Numeriano cessare equidem tot impedimenta, cessare tamen & argumenta probantia, matrimonii vinculum inter ipsum modoque dictam Augustam coaluisse. Quodsi autem in ejus fratrisque locum substituatur Carus, utriusque genitor, tum plana omnia atque expedita reddi. Epigraphen namque in nummo Magniæ Urbicæ, *Venus Genetrix*; nec minus aliam, *Pudicitia Augusta*, in numismate maximi moduli, cujus hic N. 3. ectypum damus, prostantem, sese mutuo quasi respicere, egregieque asserto suo favere, siquidem duo parvuli, qui ad pedes Deæ Pudicitiae togati adstant, pro Carino & Numeriano reputentur. Reliqua, quæ Nobilissimus Autor tam circa prænomen Magnia, quam circa nomen Urbica sollicitè conquisivit, B. L. majore cum voluptate ipsemet lustrare poterit, ut ita hic acquiescere nobis integrum credamus.

DIS-

Fig. I.



Fig. II.



Fig. III.



Fig. IV.



Fig. V.



Fig. VI.



Fig. VIII.



Fig. IX.



Fig. VII.



DISSERTATIO DE NIGRINIANO, CUJUS Æ-
vum summa hætenus incertitudine laboravit, deque aliis
Principibus, quorum nummi Antiquarios
solicitos tenent.

Parisiis, apud Petrum Cot, 1704, 8vo.

Constat 4 plag. tabulaque ænea.

PRomiffi fui in commentatiuncula de Magnia Urbica facti non immemor Doctiffimus Dn. Genebrier, M. D. Nigrinianum in epiftola hac, ad celeberrimi nominis Philologum Dn. Baudelotium de Dairval confcripta, certiori quoque ætati afferere contendit. Occonis etenim veftigia sub Constantio eum collocantis, ac Sergii Confulis illo ipfo tempore, quo Conftans Magnentii infidiis perierit, collegam ftatuentis, merito vitanda judicat, tum quia cælatura numismatum Nigriniani, sub N. IV ad oculum patens, & characteres KAA inibi expreffis, tum quia Inſcriptio DIVO NIGRINIANO, ac Conſecratio in averſa facie adjecta, ſeculo Conſtantino conciliari haud poſſent. Triftani vero conjecturam exiſtimantis, Nigrinianum Alexandro, qui in Africa tyrannus extitit, filium dari poſſe, inniti ſaltem teſtimonio Zoſimi, qui Maxentium ab Alexandro filium ejus, jam adultum atque oris venuſtate inprimis commendabilem, fidei obſidem ſibi depopoſciſſe narrat. Cum igitur hiſtoria nomen ejus taceat, descriptioni cæterum allatæ Nigrinianus in nummis ſatis congruat, occaſionem inde ſuſpicandi Triftano obortam, hunc ipſum forte Alexandrum parentem habuiſſe. Quantumvis autem ſpecioſa videatur iſta conclusio, nihil tamen in ſe ponderis continere Noſter arbitratur, ſiquidem regula alibi a ſe tradita, quod eorum Principum numiſmata, quorum ætas in unum incidit tempus, tam quoad ſculpturam atque epigrapham, tam quoad notulas circumſtantes ſibi ſimillima eſſe debeant, firmo talo conſiſtat. Jam vero differentiam inter Alexandri & putativi filii ejus Nigriniani nummos adeo notabilem ſeſe exſerere, ut nulli ambiguum eſſe queat, quin longe diſpare ævo ambo vixerint, Nigrinianique etiam moneta propter characteres KAA, ad decen-

TAB. IX.

Fig. IV.

nium illud, quod Aurelianus, Tacitus, Florianus, Probus, Carus ejusque liberi fascibus suis nobilitarunt, utpote quo dictarum literarum usus invaluit, ableganda veniat. Indagaturus itaque Nobilissimus Autor, sub quo Principum illorum Nigrinianus ad regiminis partem adspirare potuerit, seculi istius gesta prolixè recenset, luceque meridiana fere clarius ostendit, inter Tyrannos seu qui tumultu concitato Augustale nomen involarunt, locum ipsi haud competere. Deinde anquiri, num filis aut consanguineis memoratorum Imperatorum annumerari possit, atque in Aureliani vita, varia scopo suo accommodata se reperisse autumat. Vopiscum filium sororis suæ ab eo interfectum perhibere: quidni is Nigrinianus fuerit, quem vel invidiæ emolliendæ causa, vel ob detestam ejus innocentiam, consecrari curavit Aurelianus? Nec quicquam porro obstare, quin filius ab ipsomet susceptus haberi queat, etiamsi Vopiscus de filio nihil plane dicat, imo filiam solam eum reliquisse testetur. Hujus namque silentium rem minime conficere, & si quam maxime concedatur, superstitem tantum fuisse Aureliano gnatam, annon & vivo parente filius decedere potuit? Provocat ideo non solum ad Suidam, qui sanguine uxoris filii sui manus polluisse Aurelianum affirmat, sed ad Acta etiam Martyrii S. Columbæ, quæ nuptiis filii hujus Imperatoris piissimam foemina tentatam memorant, ut Soli aliisque Deastris sacrificaret. Quodsi ergo Aureliano, suffragantibus Scriptoribus, filium tribuere liceat, non improbabile quoque reddi, eundem Nigriniani nomen ab uxore, Nigrinia forte dicta, mutuasce, ceu Domitianus a Domitia nomen accepit, quandoquidem Nigrinæ & Nigriniani nomina apud Romanos a longo jam tempore celebrata fuerint. Neque tamen opinioni huic mordicus inhæret Nobilissimus Autor, sed pro ingenii sui felicitate, aliam suppeditat conjecturam ab exquisita similitudine, quæ inter Nigriniani nummos & Cari atque Numeriani consecrationem exhibentes intercedit, petitam. Nigrinianum scilicet Numerianum forte patrem agnovisse, cumque eo ab Apro interemtum, a Carino vero, qui omnibus superstes vixit, Diis adscriptum fuisse hariolans. Utri jam sententiæ adstipuleris, deprehendes sane, Nigrinianum nullo modo Constantini Africæ Tyranni familiæ aggregandum, sed ad Augustorum ætatem, quorum

MENSIS SEPTEMBRIS A. M DCC V. 405

rum supra mentio facta, referendum fore. Jam ulterius pergit Noster, nimis credulitatis arguit, qui e Galerio Maximiano & Maximiano Juniore diversos sibi fingunt Augustos, multisque demonstrat, unum eundemque Principem sub dispare latere nomine, ipsissimum nempe, qui a Flavio Valerio Maximiano, cui Senioris interdum appellatio tam in nummis, quam in marmoribus tribuitur, in consortium Imperatoriae dignitatis adsumi meruit, nec inficiandum certe asserto ejus figuras N. V. VI. VII & VIII egregie favere. Quantum ad numismata verbis DN. CONSTANTII JUN. NOB. C. signata, quorum specimen N. IX prostat, non Constantio Constantini filio illa, sed Gallo fratri Juliani Apostatae vendicanda, cum Celeberrimo Harduino sentit, pluribusque argumentis hoc inventum deducit. Tantum de ipsa epistola. In praefamine autem objectionibus Dn. Henrionis, qui in confesso Academiae Inscriptionibus intentae, d. 14 Nov. 1704 problema ejus de Magnia Urbica Cari uxore operose refutaverat, abunde respondet, novas easque pereruditas suggerens rationes, quibus vinculi istius conjugalitatis probabilitas evinci possit.

TAB. IX.
Fig. V. VI.
VII. VIII.

Fig. IX.

DISSERTATION SUR LE JANUS &c.

h. c.

DISSERTATIO DE JANO ANTIQUORUM, deque nummis eo pertinentibus.

Parisius, apud Petrum Cot, 1705, 8vo.

Plag. 3 $\frac{1}{4}$.

SCopus hujus opusculi, Illustri Foucaultio, Marchioni de Magny, Regis Galliarum Consiliario Status atque in Inferiore Neustria Praefidi, a Dn Gros de Boze nuncupati, eo tendit, ut, quicquid vel mythologia, vel historia, vel res denique nummaria de Jano notatu maxime dignum offert, id curiosis omne in nuce, quod ajunt, proponatur. Inter alia vero non injucunde disquiritur, num Jani templum Imperatorum gentilium more obferari jussit Constantius Constantini filius, quoniam Ammianus Marcellinus tale quid Histor. libr. XVI de ipso affirmet: *Concluso Jani templo, stratisque hostibus cunctis, Romam gestiebat visere.* Sed Autori

Ecc 3

MO-

nostro persuasum est, priora verba non in propria, sed tropica significatione accipi oportere, ut bellum penitus confectum, pacemque initam designent: siquidem & in honorem Ludovici XIV Franciæ Regis nummus missilis cum Jani templo fuerit cusus, addita inscriptione: *J'en ay la clef*; unde tamen paganismum adhuc in Gallia vigere, nemo temere suspicabitur. Occasione autem Calendarum Januarii, quibus præcos olim Consules munia sua quotannis in æde Jani auspicatos fuisse constat, haud sibi satis exploratum monet, nunquid ejusmodi solemniū Augusti etiam subsequentes, sub auspiciū regiminis sui peregerint? Licet enim Clarissimus Vaillantius hoc statuere videatur, propter nummum Pertinacis, in cujus averſa parte Janus bifrons cum lemmate, *Jano Conservatori*, apparet, attamen cum reliquorum Principum ne ullus simile sacrificium in nummis celebrari fecerit, proinde peculiarem ibi subesse rationem Noster existimat, eandemque e Julio Capitolino depromendam, utpote qui Pertinacem ipsis Calendis Januariis ad Reipublicæ clavum adscendisse refert. Quo admissio, sponte etiam sua inde fluere, Imperatorem ipsa Jano sacra die ad istud fastigii evehctum, haud alii Numini convenientius, quam Jano, sui suarumque rerum conservationem publice commendare potuisse.

GEORGII WOLFFGANGI WEDELII INTRO-
ductio in Alchimiam.

Jenæ, sumptibus Johannis Bielkii, 1705, 4.

Constat 8 plag.

Etiamſi exosa maxime Medicis sit, explosa vulgo, & male audiens communiter Alchimia, valet tamen & de ea illud Philosophi: Introite, etiam hic Dii sunt. Non negligenda enim est Ars Alchimiſtica, cum sit necessaria, licita, honesta, jucunda, utilis, & cautos nos reddat atque pios. Quæ cum perpexerit Illuſtris Wedelius, in Chimica arte nulli ſecundus, animum induxit, præſentem de Alchimia adornare Introductionem, ſelectioraque inſimul ingenia ad hoc ſtudium invitare, eademque excitare, ut communi vel diviſa opera ſolvantur ænigmata, ſeparentur inutilia, ex-

explorentur arcana, parcatur una inutilibus sumptibus, omniaque, Spiritus Sancti auspiciis, ad Divini nominis gloriam & humani generis commodum impendantur.

impossibilem equidem esse, arguunt quidam, specierum diversarum immutationem, seu naturam spectes, quæ eandem abhorret, seu artem, quæ non ultra naturam sapit; obscura esse omnia, quæ scribant Alchimistæ, & hoc ipso recondi & oculi fraudes; dissona minimum tradi, absurdis & incognitis terminis ludi; processus si desideres, reperiri integra plaustra, in fine abire in fumum & cineres omnia; hinc contemptui & scommatibus vulgi sese exponere, & carceribus, tormentis aliisque gaudia concepta lueri, qui arti huic invigilent, existimant. Quanquam autem negari non possit, fraudes quandoque subesse, vel conceptas, vel illatas ab aliis; habet tamen fundamentum suum ars. Cum enim volatile possit figi ab igne, a miscela, a fixantibus aliis, immaturum maturari, digeri & exaltari, aurum vero hinc & argentum sulphure & mercurio puro, eoque fixissimo gaudeant; credibile est, nec pro absurdo habendum, idem reclusum, pansum, digestum & exaltatum posse corrigere & fixare metalla reliqua fermento seminali, ut centraliter inde digesta & exaltata, fixato alteratoque sulphure, & mercurio, immutari & converti in aurum possint, pollentia singula unctuositate intime obvolvante partes terreas lutas & mercuriales. Cujus rei experimenta allegat Author Clarissimus, artemque olim ab Ægyptiis, Arabibus, Græcis & Romanis exercitam esse pronunciat. Artificibus interim commendat pietatem, lectionem & meditationem, singulorumque sedulam repetitionem, ac continuationem. Nosse enim eos oportet genium Scriptorum, obscurum, parabolicum, ænigmaticum; distinguere Authores, quos solos fere adire & audire datur; cognoscere naturam, ignem, ejusque regimen & administrandi modum, avaritiam odisse & taciturnos esse. Peculiaris est & ab omnibus aliis diversus modus tradendi & scribendi Alchimistarum, quod partim antiquitatem sapit sapientiæ Veterum mythologica, partim secretam artem, quam velut studio magis involvere & obvelare quam detegere ac docere voluere. Hinc modo per signa, modo per characteres, modo per numeros, modo per figuras, modo per colores,

res, modo per nomina nova rem explicuerunt. Quoad materiam universalem, in partes abiere Alchimistæ, & quot capita, tot sensus, quot nomina, tot res in experimenta vocatæ fuere, ut nihil fere tam absurdum sub Sole videatur, quod non in censum venerit. Sic alii in elementis eandem indagarunt, ut in terra, tam pura, Virginea, Adamica, quam in uliginosis nigro-rubentibus pratorum & fossarum cespitibus; item in aqua, fore, pruina, quin imo & in aere. Verum hæc materia non nisi remotissima est, hinc alii ad tria naturæ regna animum applicuerunt, ex vegetabili tartarum e. g. seligendo, ex animali urinam, sterces, semen humanum, & salivam præparando, ex minerali vitriolum, sal commune, nitrum, sal ammoniacum, arsenicum, cinnabarim, Saturni mineram tractando. Plerisque tamen argentum vivum & antimonium arrisit. Est enim mercurius metallum quasi indifferens fluidum, volatile quidem adhuc, sed fixandum facile, cum auro symbolizat pondere & substantia, & pollet sulphure occulto. Sic antimonium duo continet metallorum elementa, sulphur & mercurium, finit aurum privative & positive, solvit idem blandissime, ac intime, dealbat & calcinat. Non autem absolvitur tinctura uno solo ingrediente, sed minimum duobus, quod maris & foeminae symbolo innuere voluerunt, nec abnuerunt tamen tertium, sed velut spirituales amorem vocando magis quam corporalem. Ut vero plurimi unum fere ac solum aurum eligant & intendant, tanquam nobilius ac instar omnium; non pauci tamen ob fixitatem & communes cum auro dotes, etiam argentum in hunc censum vocant, ut hinc tinctura duplex detur ad rubrum & ad album. Usus quod concernit Lapidis Philosophorum, adhiberi hic dicitur (1.) ad metalla ignobilia tingenda in perfectiora, (2.) ad roboranda viscera, spiritum vitalem, & tollendos morbos, chronicos præsertim, alioquin per naturam curabiles, (3.) ad gemmas artificiales, (4.) ad vitrum malleabile reddendum, (5.) ad dignoscendam DEI Opt. Max. admirandam sapientiam, vel sola cognitione contento animo, (6.) ad vitam producendam. Tacemus pietatem, eleemosynas & alia. Sed nec desunt, qui Alchimia abutuntur; siquidem dantur, qui ex professo negant, Lapidem Philosophorum auri materialis conficiendi esse medium & medicinam,

ar-

arbitrantes, totum illud opus non esse nisi avaritiæ vel persuasio-
nis vanæ prætextum, indeque nata figmenta; moraliter potius in-
telligendos esse Philosophos, sive primam & ultimam causam scru-
tatos, alios materiam, alios generationem & corruptionem; mor-
tem ipsam, alios non nisi Deum Optimum Maximum; singulos
hoc vel illud velut lapidem seu terminum, atque principium, in-
quo omnis cogitatio acquiescat, ac figatur, posuisse. Seorsum ul-
terius Christiani progressi, ad divina & sacra applicavere hoc ipsum,
itâ ut alii artem penitus negaverint, alii affirmarint quidem, sed
eandem ad universa quasi religionis arcana traxerint. Imo alii
tria principia chymica materialia ad S. S. Trinitatis mysterium perquam
absurde & tantum non impie applicarunt. Alii ipsam Scripturam S.
huc detorquent, & maxime Canticum Salomonis, Apocalypsin &c.
unde materiam & colorem & nihil non arcessunt, ne dicam uni-
versam Salvatoris nostri passionem, mortem, resurrectionem, ad-
scensum ad coelos, & reliqua huc trahi. Tangendus denique &
ille est abusus, ne fallatur, vel spem vanam sibi quis concipiat,
fraudentia quacunq; inductus, multo minus malitia & pravita-
te adulterandi aurum & argentum.

ANTIQUITATES WALCKENREDENSES,

oder

Historische Beschreibung der Kayserslichen Freyen
Reichs-Abten Walckenried/xc.

Seu

DESCRIPTIO HISTORICA LIBERÆ IMPERIALIS

Abbatia Walckenredensis, Ordinis Cisterciensis, quæ celebratissima
quondam fuit. Auctore JOHANNE GEORGIO

LEUCKFELD, Pastore Primario

Groningensi.

Lipsiæ & Nordhusæ, apud Carolum Christianum Neuenhahn;

1705, in 4to.

Constat Alphab. 4, plag. 9.

Percelebris olim fuit Abbatia Walckenredensis, dignaque adeo
in qua describenda non unus Auctorum desudaverit. Primus

Fff

Jo.

Johannes Letznerus, editis plurium cœnobiorum historiis satis notus, sed nimium credulus auctor, antiquitates Walckenredenses collegerat, cui labori cum esset immortalis, incidit in ejus schedas Johannes Eckstormius, & ex illis *Chronicon Walckenredense*, immutato paulum, quem Letznerus secutus fuerat, ordine chronologico, Latine composuit ediditque Helmstadii, A. 1617, in 4. Enimvero Johannes Henricus Hoffmannus, diligentissimus apud Cellenses Archivarius, perlustrato opere Eckstormiano, & collatis nonnullis manuscriptis rarioribus, & plurima latuisse Eckstormium, nec pauca ab eo incerta fide relata reperit, quod justis ad eam historiam subsidiis omnino fuisset destitutus. Quamobrem ipse *Rerum sive Antiquitatum Walckenredensium libros X* consignare instituit, quorum tamen non nisi tres priores absolutos in schedis reliquit. Quantum demum Clarissimus Leuckfeldius hic præstiterit, qui & Hoffmannianis illis reliquiis diligenter usus est, & varii generis monumentis aliis ac scientia rerum monasticarum Germaniæ instructissimus, ad consignandas has *Antiquitates Walckenredenses* accessit, facile judicare poterunt, qui eas vel leviter inspexerint. Nos, cum prolixum nimis foret, singulorum capitum justo ordine dispositorum lemmata huc transcribere, præmissis tantum nonnullis de institutione Abbatiz, speciminis loco de jure Advocatiz in eandem, c. P. II, C. 2 quædam memorabimus, collatis etiam iis, quæ huc c. P. I, C. 18 & 22 pertinere videbuntur.

Nimirum Abbatia Walckenredensis in pago Saxoniz Inferioris Zurrigau, qui Thuringiæ proximus est, sita, nomen quidem villæ cuidam Gertrudæ Nordheimensis Comitissæ, quæ eodem in loco fuisse quondam memoratur, institutionem autem Adelheidi Comitissæ de Clettenburg debet, quæ Cisterciensibus, paulo post Ordinis institutionem, A. 1127 sedem illic concessit, & sumtus liberaliter suppeditavit, horrendis quidem imprecationibus in eos, qui male illis usi fuerint, effusus. Hinc tametsi non neget Auctor, in ea Abbatia non minus atque in reliquis Cisterciensium monasteriis, supremum Advocatiz jus solis Imperatoribus & Imperio fuisse proprium, quorum privilegia Walckenredensibus concessa, recitat P. I, C. 18, illos tamen probat Advocatiam inferiorem Comitibus primum Clettenbergensibus, & eorum stirpe A. 1260 defici-

ciente, Hohnsteiniis, ad quos & eorum ditio pervenit, demandas-
 se. Et licet, mortuo A. 1323 Abbate Johanne, ab Hohnsteinio-
 rum, quippe excommunicatorum, Advocatia sese quodammodo
 subtraxerint Walckenredenses, impetrato eodem anno ab Impera-
 tore Ludovico privilegio de eligendo novo Advocato, electisque
 postea Comitibus de Werningerode, jus tamen ipsum tantum ab-
 est ut penitus amiserint Hohnsteinii, ut potius integrum retine-
 rint. Id quod vel ex eo liquet, quod, cum tempore reformatio-
 nis Carolus V A. 1551 supremam tutelam monasterii in se suscepis-
 set, Hohnsteinio deinde Comiti Ernesto imperatum fuerit edicto
 Ferdinandi Regis, ut pro eo, quod ipsi incumbat, inferioris Advoca-
 tiæ munere, curaret diligenter, ne quid in ea Abbatia detrimen-
 ti paterentur sacra Pontificia: ut taceamus, Ernesti hujus filiis, so-
 lenni postea formula, A. 1557 jus illud ab eodem Ferdinando fuisse
 confirmatum. Interim inficiandum non est, Fridericum III Impe-
 torem, publico decreto A. 1457 lato, Ducibus Saxoniae & Landgra-
 vis Thuringiae universis injunxisse, ut tutelam Walckenredensis
 Abbatiae sui & Imperii nomine in se susciperent. Proinde cum,
 ob res novas ab Abbate Joanne Holtegelio (is enim primus A. 1543
 Protestantium sacra in monasterium introduxit, quæ deinde A. 1546
 cura Johannis Spangenbergii firmata & stabilita sunt,) susceptas,
 inter ipsum & Ernestum Hohnsteinium haud satis conveniret,
 Mauritius Dux Saxoniae, postea Elector, ut ea occasione in stabili-
 mentum juris sui uteretur, unum atque alterum A. 1546 ad Abba-
 tem delegabat, qui denunciarent, Ducem cornobium, in quod ve-
 tus ipsi jus esset, occupasse, & Pontificios abusus abrogare consti-
 tuisse; quod cum prolixis sed modestis litteris deprecatus esset
 Holtegelius, mox Dresdam, & cum eo venire variis de causis re-
 cusasset, Lipsiam vocatus est, quo in loco de monasterii rebus cum
 Mauritio egit. Hinc etsi Abbas ipse Mauritio clam faveret, ei-
 demque quotannis pullos equinos duos in recognitionem
 juris tutelaræ mitteret, Ernestus tamen suæ domui, tum jure terri-
 toriali, tum hæreditario, Abbatiam Walckenredensem, si monachos
 in ea deficere contingat, competere scriptis assererat, quæ mona-
 chi ipsi suo calculo approbabant. Magis de tuendo hoc jure,
 mortuo postea A. 1552 Ernesto, qui Pontificiis perquam deditus

erat, filii ejus quatuor laborabant, & ne Abbas equos illos ad Mauritium deinceps transmitteret, serio prohibebant. Unde cum aliquoties Mauritius, frustra tamen, illos postulasset, demum A. 1553 in expeditione adversus Albertum Marchionem Brandenburgicum occupatus, pernoctansque in eo cœnobio, ita compellasse Abbatem dicitur: *Qui sit, Domine, quod equos nobis non mittis?* (*Herr! wie kommts / daß ihr uns die Fohlen nicht schicket?*) cumque is respondisset, *Domine Clementissime, quod factum hactenus non est, fiet deinceps*, (*Gnädigster Herr / was nicht geschehen ist / soll noch geschehen /*) subjecisse, *bene facis, ita enim erimus amici*, (*Da recht / so bleiben wir Freunde.*) Postquam in eadem expeditione occubisset Mauritius, juris sui armis prosequendi occasionem nactus deinde est successor ejus Augustus, eo quod novus Abbas Jacobus Marsilius cum Hohnsteinii Comitibus in præjudicium monachorum fuisset pactus A. 1564. Quamvis enim pactum illud confirmasset Maximilianus II Imperator, attamen Monachi ad Augustum se contulerunt, qui mox anno sequenti, militum manum, ductu Henrici de Saltze, in monasterium immisit, & jam dilapso Marsilio, alium Abbatem Wolfgangum Langium eligi a monachis curavit. Delata inde ad Cæsarem querela, ita demum Dresdæ A. 1568 conventum est, ut. Abbatia Walckenredensis, præter Comites Hohnsteinios, superiores etiam tutelares Electores Saxoniae haberet, iisdemque, loco equorum antea transmissorum, trecentos florenos annuos exhiberet, & præterea quantum quemque puerum scholæ Walckenredensi, quæ tum florere cœperat, ab illis commendatum suis sumptibus aleret. Verum, ut verbis in pariete quodam ejus monasterii conspicuis utamur, *A. 1574 jus tutelare permutatione a Domo Saxonica devolutum est ad Reverendissimum & Illustrissimum Principem Henricum Julium postulatam Episcopum Halberstadensem, D. Brunsvic. & Lunaburg.* Qui etiam A. 1592, Comite Hohnsteinio ultimo vita fundito, Comitatum sui juris fecit, & Administrator hujus monasterii a Cœnobitis est electus & declaratus. Henrico Julio mortuo, Fridericus Ulricus, ac deinde Christianus Ludovicus, Duces Brunsvicenses, atque post hujus obitum Georgius Wilhelmus, constituto A. 1665 inter ipsum & Johannem Fridericum fratrem

pacto, Abbatiam tenuere. At cum, Brunsvico A. 1672 capto, nova inter Duces Brunsvicensis pactio, Dannenbergensis Comitatus Cellensi stirpi transcriberetur, vicissim Walckenredense cœnobium ad Celsissimos Duces Brunsvico-Guelferbutanos, Rudolphum Augustum & Antonium Ulricum pervenit. Et hæc quidem hætenus. Cæterum Auctor singularem ubique rerum Germanicarum scientiam prodens, & singulis fere capitibus universaliores quasdam observationes præmisit, & ubi occasio, de pluribus aliis Germaniæ monasteriis erudite disseruit. Sic e. g. P. I, C. 3 de Cisterciensium institutione, C. 5 de monasteriorum origine, C. 6 de monasteriis Portæ Mariæ & Sichenensi, quæ a Walckenredensi derivantur, C. 7 de dedicationibus templorum, C. 13 tum generatim de monasteriorum, tum speciatim de Walckenredensium Fraternitatibus, C. 14 de reliquiarum veneratione, & obiter de reliquiis, Aquis asservatis, C. 16 de anniversariis a monachis passim celebrari solitis, C. 22 de usu & necessitate reformationis; P. II, C. 2 de origine advocatiæ monasteriorum, C. 3 de officio ac dignitate Abbatibus, C. 7 de officio Prioris accurate egit. Demum Latina quædam supplementa e manuscriptis & impressis libris rarioribus adjecit. Illud tamen & monendum; Auctorem post recensitos scholæ Walckenredensis Rectores atque Conrectores, de pluribus viris eruditis, qui ex ea prodire, agere constituisse, quod tamen consilium, ne in nimiam molem liber excreceret, mutavit. Optandum autem, ut & quæ de his collegit, & quæ alia de monasteriis Germaniæ prelo parata habet, ex instructissima penu propediem promat.

ANNALES ORDINIS S. BENEDICTI AUCTORE

Domno JOHANNÉ MABILLON, Presbytero & Monacho ejusdem Ordinis e Congregatione S. Mauri.

Tomus primus & secundus.

Lutetiæ Parisiorum, apud Carolum Robustel, 1703 & 1704, in fol.

Constant Alph. 18.

Post editam in lucem Historiam Actorum Ordinis Benedictini Sanctorum, quorum Seculum sextum, quod est a nato Christo

Fff 3

un-

undecimum, in his Eruditorum Actis A. 1703 pag. 463 recensuimus, Benedictinos nunc Annales multo studio, & dexteritate non minori, Clarissimus Mabillonius composuit, inque iis res monasticas, inde ab ortu S. P. Benedicti ad nostram usque ætatem, per secula amplius undecim in Occidente gestas, latius excussit, amplumque adeo illorum temporum Ecclesiasticæ Historiæ spatium feliciter emensus est. Labore autem improbo heic opus cumprimis fuisse, haud inficiabitur, qui differenti in præstatione Mabillonio attenderit, quippe in qua de antiquissimorum monumentorum defectu admodum conqueritur, cum Majores sui Ordinis facere optima, quam scribere, magis solliciti, de Historia adornanda digerendisque Annalibus parum cogitaverint, quippe quibus prima cura fuerit de moribus formandis, & ad regulæ ipsis familiaris normam componendis, post quam illustrium quorundam sanctitate Virorum præclara facta in literas referre, inque exemplum aliis proponere ipsis visum fuerit. Non defuisse tamen plane notat, primis etiam illis seculis, historiarum Scriptores, (quanquam hi illustrandæ potius patriæ suæ aut domesticæ historiæ, quam monasticæ, in scripta redigendæ operam impenderint, sive, quod difficile esset per illa tempora literarum commercium, sive quod disjuncta essent a se invicem monasteria, nulla fere societate confœderata;) in qua classe extiterint apud Italos *Paulus Warnefridi & Erkempertus*; apud Gallos *Aimoinus, Glaber-Rodulfus, Hugo Flaviniacensis, Ordericus Vitalis*, multique alii, ex Anglis *Venerabilis Bedæ, Ingulfus, Guilielmus Malmesburiensis, Matthæus* uterque, *Westmonasteriensis & Parisius*, aliique magno numero historici nec pauciores apud Germanos, in quibus *Lambertus Schafnaburgensis* sit præcipuus, qui omnes patriis suis historiis, si quæ in monasteriis Benedictinis commemoratu digna ipsis occurrerent, inserere non omiserint. His adjungit *Reginonem Prumiensem, Hermannum Contractum, Marianum Scotum, Sigebertum*, qui generalis Historiæ indices potius scribentes, quam Annales, de rebus quoque monasticis quasdam retulerint particulas. Primum e Benedictinis, quod quidem sciat, librum de Viris illustribus sui Ordinis scribere aggressum esse sub finem seculi quarti-decimi observat *Raymundum de Rialaco*, monachum Conchensem apud Ruthenos, qui librum suum in qua-

quatuor partes distribuerit, in quarum prima agat de summis Pontificibus Ordinis monastici, in secunda de sanctis Martyribus, in tertia de Episcopis, in quarta denique de Abbatibus & Monachis, uti legatur in codice Lirinensi, in quo hic liber habeatur. Ante eum tamen *Petrus Casinensem* libros duos, unum de viris illustribus, alterum de sanctis ac justis Casinensibus conscripsisse refert, & neutrum vidisse ait *Johannem Trithemium*, qui primus hoc de argumento scripsisse hactenus creditus sit. His accessisse monet Martyrologiorum monasticorum Scriptores, quos inter primas teneat *Guillelmus*, Abbas S. Pauli in Urbe, patria Cadurcensis, qui A. 1372 Calendarium omnium sanctorum monachorum, nec dum editum, composuerit; præ quo longe notiore vocat *Arnoldum-Wion* Belgam, qui sequaces postmodum habuerit *Hugonem Menardum* e Gallis, e Germanis *Gabrielem Bucelinum*, & *Ægidium Cranbeck*, qui Calendarium itidem Benedictinum quatuor tomis cum aneis figuris non ita pridem vulgaverit. Paulo minus prolixum appellat Martyrologium *Thomæ Maibeus* Angli, qui Trophæa Benedictino-Anglicana tribus in voluminibus suspenderit, iisque quartum de Scriptoribus adjecerit. Multum quoque ad historiam Benedictinam contulisse fatetur ejusdem nationis *Clementem Reinerum*, qui insignem librum, Apostolatum Benedictinorum in Anglia nuncupatum, ediderit. Tandem vero sub initia præcedentis seculi, *Antonium Tepestum* Hispanum, Vallisoletanum Abbatem, quod nemo ante eum tentaverit, generale totius Benedictinæ historiæ Chronicon scribendum suscepisse innuit, virum sane doctrina & eruditione ad id perficiendum non mediocriter instructum, qui istud ad sex, ut vocet ipse, centurias perduxerit, inque seculo duodecimo substiterit. Verum quia non satis amplas ad prolixum opus istud suppetias in promptu habuerit, ac præter Baronii Annales, vitasque sanctorum quorundam, & Hispaniæ monasteriorum tabularia, cætera fere ipsi defuerint, historiam suam omni ex parte absolutam ipsum reddere non potuisse addit, ac veretur, ut quid elimatius ac solidius elucubrare potuerit *Constantius Cajetanus*, qui in Commentario ad vitam Gelasii II profiteatur, se habere præ manibus Annales Benedictinos, quos propediem sit editurus. Defectum ergo illum passim adhuc ob-

vium

vium cum deprehenderent primarii Congregationis S. Mauri Praepositi, delectos e suis studiosos fratres ad colligenda Benedictinae historiae monumenta designasse memorat, qui perlustratis tam Galliae, tum aliarum regionum bibliothecis & archivis, copiosam inde suppellectilem retulerint, e qua ante omnia Sanctorum Benedictinorum Acta primigenia, tanquam praecipuum historiae hujus fundamentum, in unum corpus redacta, & in lucem emissa sint, cum *Acherii Spicilegio* tomis tredecim. His magna ex parte vulgatis, *Ludovicum Bulicellum*, postquam monasticae historiae Orientalis specimen edidisset, Occidentalem itidem, id est, Benedictinam, Gallico idiomate ab origine pertractare aggressum esse meminit, at primis duobus voluminibus, quae quatuor seculorum facta contineant, in lucem emissis, dum sequentium temporum historiam prosequeretur, subita morte correptum, opus imperfectum eum reliquisse dolet.

His interim aliisque quibusdam subsidiis instructum se arduum hoc negotium auspdatum esse affirmat, & Annales hos in libros secundum annorum, quoad licuit, seriem distinxit, quandoquidem hanc factorum in suas classes distributionem magis historicae methodo convenire autumavit, quam continuam cujuslibet, vel Monasterii vel Sancti historiam. Caeterum ad omnes haud descendit minutias, nec proinde integras cujusque monasterii, exceptis quibusdam illustrioribus, historias perscripsit, nec singulorum abbatum, virorumque illustrium, vel prioratum, nec omnium denique sacrarum cujusque loci reliquiarum indices contexere sibi proposuit. Videas e contra amplissimam ipsi materiam supeditatam, non a florenti modo Ordinis statu, verum etiam a prolapsionibus ipsius, uti & mirificis subinde renovationibus, quas longo ordine recenset, & alia subinde admiscet, quae Lectoribus vel ob jucundam varietatem non poterunt non gratissima accidere. Nos in gustum aliqua hinc decerpemus, & quae vel ad monasteriorum diversorum historias, vel ad sanctorum, virorumque ac seminarum alias illustrium, vitam & res gestas, vel ad antiquos ritus atque consuetudines, vel ad classes ejusmodi alias referri merebuntur, specimina digito indice commonstrabimus.

In Tomo itaque primo, qui libros complectitur octodecim, & ab ortu S. Benedicti, ad annum usque Christi septingentesimum per-

MENSIS SEPTEMBRIS A. M DCCV. 417

pergit, monasteriorum tot historiam textit, quot referre instituti certe nostri haud est. Provocamus modo ad ea, quæ de *Lirinenſi*, seculo quinto ineunte condito, p. 13, de *Agannenſi* p. 29, de monasterio *S. Germani Autisiodorensi* p. 46, de *Casinenſi* p. 55, & passim alias; de *Terracinensi* p. 64, de *S. Maximini Trevirensi* p. 153, de *S. Marcelli monasterio Cabilonenſi* p. 173, de *S. Radegundis parthenone Pictavenſi S. Crucis* p. 192, deque ejusdem monasterio *Virorum* p. 200, de monasterio *Luxoviensi* p. 211, *Westmonasteriensi* p. 285, de *Basilica S. Dionysii* p. 340, de *S. Juliani monasterio Autisiodorensi* p. 366, de *Floriacensi* p. 380, de *Corbejensi* p. 444 (plura ut taceamus) ex historia antiqua disserit. E numero personarum sanctitatis aut doctrinæ causa illustrium, aut quovis alio ex capite celebratorum, primas fere tenet triga Virorum undiquaque decantatissimorum, sanctus puta *Benedictus*, cujus vitæ delineatio per libros quinque priores se diffundit, sanctus deinde *Maurus*, & qui ex temporum ordine postremus est, *Gregorius Magnus*, cujus scripta quoque prolixius recensentur, ejusque missio Augustini in Angliam argumentis non unis p. 241 asseritur. Præter hos ex innu-
meris fere nominamus *Clarum* atque *Maximum*, *S. Martini* discipulos; *S. Lupum*, qui postea Trecensis fuit Episcopus, ejusque fratrem germanum, *Vincentium*; *Cesarium*, Episcopum Arelatensem; *Augendum*, Condatiscensium Abbatem; *Fulgentium*, Episcopum Ruspensem; *Dionysium Exiguum*, cujus cyclus examinatur; *S. Remigium*; *Turibium* monachum, quem ab Episcopo distinguendum statuit; *S. Emilianum*; *Sylverium* Papam, monastica veste indutum; *S. Albinum*, Episcopum Andegavensem; *S. Placidum* martyrem; *S. Germanum Capuanum*; *S. Germanum*, Episcopum Parisiensem; *Chlotarium*, cujus obitus imprimis & sepultura in *S. Medardi basilica* refertur, p. 146; *Nicetium*, Episcopum Trevirensensem; *S. Radegundem*, ex Regina monacham Pictavensem parthenonis *S. Crucis*; *Guntchramnum* Regem, qui utrum factus fuerit monachus, in dubio relinquitur, p. 227; *S. Columbanum*, Abbatem Luxoviensem; *Hildefonsum Toletanum*, quem velut insignem virginitatis Mariæ patronum Autor introducit, p. 458; *Fruosum*, Abbatem Complutensem, *S. Audoenum*, &c. Ad consuetudines antiquas &

Ggg

ri-

ritus olim receptos referimus, quæ narrat de monachis in Clericos & Laicos jam olim distingui solitis p. 18; de negato scemini in basilicas monasticas aditu p. 86; de genere pœnitentiæ ab Episcopis & Presbyteris non raro ob crimina graviora, & maxime ob homicidium impositæ, dum in partibus Franciæ interioris mos inoleverit, ut quisquis propinquum suum gladio peremisset, & postea pœnitentia ductus ad Pontificem crimen admissi facinoris detulisset, hanc modo pœnam luere necessum habuerit, ut isto decernente, ex ejus gladio ferrei nexus componerentur, & collum homicidæ, venter atque brachia constringerentur ex istis ferreis vinculis, sicque is ex patria pulsus peregrinaretur Romam, ac per diversa Sanctorum loca, usque dum divino nutu vincula illa resolverentur, p. 87; de Eucharistia monacho insepulto a S. Benedicto missa, p. 89; de S. Benedicto, num moribundus sub utraque specie communicaverit, p. 114; de precum exauditione e pannorum ad sepulchra sanctorum deferri solitorum pondere colligi solita, scilicet immisso sepulchris palliolo seu panno prius ad stateram appenso, orantes jejuni vigilas ibidem aliquot agebant, & post voti sui compostes se futuros credebant, si pannum inde pondere graviores efferrent, p. 145. De Abbatum & Abbatissarum ordinatione solenni, tempore Gregorii M. jam tum recepta, agit p. 254; de tonsura, insigni monasticæ professionis, & nonnisi jacto tirocinio collata, p. 259; de monasteriis virginum in provincia Bætica, monachorum administratione & præsidio gubernatis, p. 314; de Advocatis monasteriorum institui cœptis circa A. 644, p. 390; de juramentis ad reliquias Sanctorum factis, p. 453, & quæ illius generis plura sunt. Jactata quibus volupe est cognoscere miracula, largam eorum segetem in Benedicti imprimis vita reperient, suscitatosque ibidem defunctos, dæmonem alapa inflicta fugatum, & quæ sunt alia, deprehendent. Quod Chlodoveus, ob raptum S. Dionysii brachium, mente privatus fuerit, in dubio relinquere videtur, p. 423 seq. at antea p. 418 eundem impunem, anno regni sui quartodecimo, cum Gallia gravissima fame laboraret, absidem super ejusdem Dionysii sepulcrum a Dagoberto erectam, & puro tectam argento spoliari, istudque spoliū per Aigulfum monasterii abbatem, egentibus ac peregrinis distribui jussisse, observat. Mirum est, quod p. 555 perhibet de

de Fratre quodam monacho ministrante, cui nomen Cædmonis, qui, tametsi poeticem nunquam didicisset, carmina tamen religioni ac pietati apta, ex tempore Anglica lingua pangere, ac perite canere noverit, nihil unquam frivoli aut profani componere solitus, sed ea tantum, quæ ad religionem pertinerent. Curiosis forte haud displicebunt, quæ p. 549 in medium affert de picturis quibusdam veteribus, Petrum tres claves manibus gestantem referentibus, circa quas conjecturas suas eo tendere affirmat, quod illæ forsitan originem traxerint e cœlesti civitate Jerusalem, in visione Ezechielis & Johanni ostensa, quæ in quadro posita ex parte qualibet tres portas habuerit, Ezech. XLVIII, 31 seq. Apoc. XXI, 13. Quanquam & compendiosius dici posse admittat, tribus illis clavibus significari cœlum, purgatorium & ecclesiam militantem, aut certe tres orbis partes tunc notas, in quas Petri se extendat autoritas.

Hæc ex Tomo primo allegare visum fuit. Secundus res gestas ab A. C. 701 ad annum usque 849 complectitur, & methodo prorsus eadem, quam in antecedenti observare placuerat, res ejuscemodi notatu dignas, quales hæctenus commemoravimus, ab oblivione vindicat. Quinque tamen præ cæteris majori observatione digna Autor ipse judicat: conversionem nimirum Germanorum & Septentrionalium populorum ad Christianam fidem per Benedictinos promotam, itemque vitæ monasticæ in illis plagis propagationem; scholarum deinde publicarum, cum iisdem in locis, tum in aliis, institutionem, ex qua literarum & sacræ doctrinæ traditio, quoad illa quidem tempora tulerint, ad posteros promanavit; tum instaurationem sacri monasterii Casinensis, curatam per Petronacem Abbatem & Casinates monachos, qui post ejus eversionem a Longobardis factam, Romæ in patriarchio Lateranensi confederint; primam porro monasteriorum Ordinis S. Benedicti ad primigenias leges reformationem; ac catholicorum denique, ceu vocat, dogmatum defensionem, a Benedictinis susceptam & peractam. Magnam insuper per illa tempora de cultu imaginum apud Orientales disceptatio cum fuerit, latius de eadem hinc inde disserit, ac Johannem Damascenum, Platonem, Theodorum Studitam, aliosque, exilia, carceres, variaque tormentorum genera pro eo pertulisse refert. Et cum hæc controversia in Gallicanas

quoque partes promanant, autore imprimis Claudio, Taurinensi Episcopo, qui cultum istum impugnare & profligare annisus sit, Pipini, Caroli M. & Ludovici Pii, Regum, cura atque studio effectum dicit, ut ne latius hoc malum serperet; unde calamo tantum & stylo in secus sentientes actum fuerit, viam reliquis aperiente Theodemiro Abbate, tum Dungalo Recluso, quibus Jonas Aurelianensis Episcopus, & Walefridus Strabo Augiensis Abbas accesserint. De his vero vinis illustribus, itemque de Paschasio Radberto, Lupo Ferrariensi Servati aliquando cognomine insignito, Rabano Mauro, Wandalberto, Ussuardo, Adone, Norkero, Haimone Halberstadiensis episcopo, Ratramno, aliisque singularia & jucunda plurima commentatur.

Uterque Tomus appendices peculiare nactus est, & primus quidem duplicem, quarum prior *Apologiam* exhibet *antiqua traditionis*, quæ ab ipsis Ordinis Benedictini incunabulis, ad hæc usque tempora, inviolate deducta perhibetur, quod nimirum S. Maurus a Benedicto in Gallias missus fuerit. Hanc apologiam studiose composuit Theodoricus Ruinartus, de qua A. 1703, p. 438 diximus, eidemque subjuncta est Dissertatio de Gregorii M. *Monastico instituto*. Altera appendix varia exhibet monumenta, nondum hætenus edita, probationi tamen enarratorum in ipso Tomo multum servientia, quæ maximam partem accepta referri debere dicit Claudio Stephanotio, Romæ nuper mortuo, dum Procuratoris officio pro Congregatione S. Mauri illic fungeretur, quippe qui multa Collectaneorum volumina, tum ex Gallicanis Bibliothecis & Archivis, tum ex Italicis congerisset. Secundi Tomi appendix monumenta ejusdem generis, diplomata & alia his similia exhibet, inter quæ sub num. 56 excerpta apparent ex epistola Joannis Schilteri, Jurisconsulti Argentoratensis, de situ loci *Campi mendacii*.

Nec illud prætereundum autumamus, nonnullas etiam picturas, quæ quid momenti continent, æri incisas in hoc opere exhiberi, quas inter duæ imprimis eminent, Monasterii Casinensis prospectum conspectumque repræsentantes, & post pag. 56 Tom. II insertæ. Quemadmodum de cætero peculiare de *Scriptoribus Benedictinis* opus pollicetur Autor solertissimus, in quo singulorum recensere opera, & a genuinis dubia ac spuria secernere in-

MENSIS SEPTEMBRIS A. MDCCV. 421

instituit; sic duobus hisce Tomis duos alios, qui jam typis parati sint, quamprimum successuros spondet, in quibus ad seculum usque duodecimum perductam haberi Historiam Benedictinam innuit.

CAUSA QUESNELLIANA.

Sive

MOTIVUM JURIS PRO PROCURATORE CURIAE Ecclesiasticae Mechliniensis contra P. PASCHASIUM QUESNEL &c.

Bruxellis, 1704. 4. Constat 2 Alph. & 13 plag.

Multis ab annis celebre est *Paschastii Quesnelli*, Presbyteri Oratorii Berulliani, nomen, quod cum primis operibus Leonis M. editis, & convictu ac familiaritate cum Antonio Arnaldo summa illustravit. Hunc eadem, quæ Gabrielem Gerberonium, de quo proximo Junii mense p. 242 sqq. diximus, mansere fata. Cum enim alterum ejus cohortis, quam Jansenianam vocant, caput haberetur, multisque ab annis in Belgio, præsertim Bruxellis latitasset, jussu Archiepiscopi Mechliniensis captus, publice a Procuratore Curiae Ecclesiasticae accusatus, cumque effracto carcere abiisset, die decimo Novembris A. 1704 lata ab Archiepiscopo censura damnatus est, velut Jansenismi convictus, & excommunicationem commeritus. Ut hujus sententiæ causas nemo ignoraret, jussit eas Archiepiscopus hoc libro in lucem proferri, addito ingenti probationum numero.

Procurator in Præfatione de turbis hætenus in Belgio per varios libellos contra Episcopos excitatis conqueritur: ubi inter alia narrat, Petrum van Hamme, Presbyterum Congregationis Oratorii, ob disseminata talia scripta, ab Archiepiscopo Mechliniensi die 29 Octob. A. 1701 condemnatum; Gerberonium, Quesnellum, & Arnoldum Josephum Brigodæum, quem Quesnelli Secretarium vocant, die 30 Maji A. 1703 Bruxellis captos; & hunc quidem, postquam crimen falsus esset ac deprecatus, dimissum fuisse, præterea Nicol. Blanckart, Presbyterum Ordinis Begardorum, ejusdem fabulæ socium, Jansenismi causa damnatum esse, atque palin-

odiam die 3 Julii A. 1704 cecinisse, Quesnellum vero, nocte inter 12. & 13 Septembris A. 1703, effracto carcere aufugisse.

Sequitur Archiepiscopi Edictum citatorium, quo jubetur Quesnellus ad XXIX articulos respondere, die 13 Februar. A. 1704 publicatum. Atque in articulorum illorum probatione, per universum volumen Auctor se diffundit. *Primum* accusationis caput Quesnello exprobrat, quod, postquam jussu Superiorum Oratorii Berulliani, formulam Jansenianæ condemnationis subscriptione sui nominis approbare renuisset, e Gallia in Belgium aufugerit, ibique sub laica veste delituerit; quam in rem Acta Comitionum Oratorii, Epistola Quesnelli ad P. Henr. Norisium, postea Cardinalem, aliaque hujus generis adducuntur. *Alterum* caput eo redit, quod in Belgio varias excitavit turbas. Nimirum quod Ægidium de Witte, Decanum Mechliniensem S. Mariæ trans Dilliam, qui de Pontifice Romano irreverentius senserit, cujusque quatuor Propositiones a Facultate Theologica Lovaniensi damnatæ p. 23 recensentur, editis libellis quibusdam defenderit (quo loco asseritur, ea, quæ post annum 1687 sub Arnaldi nomine prodierint, vel eidem attribuantur, scripta, illo jam languescere, a Quesnello elaborata esse;) quod Patres Oratorii Montensis contra capita Ordinis in negotio Janseniano suscitavit; quod Duacenam Academiam, edita A. 1688 sub nomine Gery Apologia Historica duarum Censurarum Lovaniensis & Duacenæ, turbaverit; Jacobum Gilbertum, Theologum ejus Academiæ, A. 1687 a Parisiensibus Theologis Jansenismi causa damnatum (cujus censura formula p. 42 seq. exstat) nec non Fr. de Laleu, Rivettium, Lignium, aliosque Professores Duacenos, ob VII Propositiones Jansenismo affines, jussu Gallorum Regis ex Academia ejectos, & juverit, & defenderit, quorum ad Quesnellum & Quesnelli ad eos Epistolæ multæ, aut earum excerpta adducuntur; quod imperat ab Episcopis Belgis subscriptioni Formulæ Anti-Jansenianæ omnibus modis obstitit, cum primis vero contra Archi-Episcopum Mechliniensem libellum, *Tres-humble Remonstration*, ediderit; quod Ecclesias Fœderati Belgii, Romano Pontifici addictas, ad novandum constanterque in novationibus persistendum, & Pontificis decretis obstitendum animavit, Hugoni Heussenio, Ægidio Wittio, An-

Andreas Schurio, Carolo Bontio, Guilielmo Prauwelio, Johanni Christiano Erkelio, aliisque clericis Hollandicis (quos in Pontificem contumaces & injurios, allatis eorum literis Auctor citat) amicus, consultor adjutorque fuerit; quod Archiepiscopi Sebasteni causa omnis ab initio ejus arbitrata gesta sit, in quo perstringendo Auctor p. 105 seq. multus hic est, plurimasque ejus & amicorum ac secretarii Donkeri Epistolas in ejus præjudicium publicat, ac novos Catechismos, usumque sacrorum, præsertim Missæ, in vernacula ab eo in Ecclesias Belgicas inductum conqueritur: quo loco utrumque Pontificis Decretum contra Sebastenum p. 127, 157, Breve Pontificis ad Clerum Hollandiæ p. 146, Cardinalis Paulucci Epistola lectu dignissima ad Sebastenum p. 158, nec non Quesnelli Consilium, quo Clero Hollandico suadet, ut Decretis Pontificiis non obtemperet, p. 139 seq. inseritur, libellique pro Archiepiscopo Sebasteno hactenus editi p. 160 seq. sub censuram vocantur. *Tertia* accusatio Quesnello imputat, quod Mich. Baji doctrinam renovaverit, novæque operum ejus editioni faverit: *quarta*, quod Jansenii hæresin propugnaverit; quo loco celeberrimus Du Pin, ex Epistola quadam ad Quesnellum scripta p. 170, Jansenismi suspectus redditur, eaque accusatio p. 245 allato Pontificis contra illum decreto confirmatur; decretum Episcopi Aptensis contra notas Quesnelli in Novum Testamentum p. 178 seq. inseritur, idemque liber multorum omnino errorum, adductis ex eo locis variis, accusatur. Articulus V Quesnellus accusatur, quod Pontificis decretis in causa Jansenii latis detraxerit, tanquam fraude obtentis vel alteratis: Art. VI, quod jusjurandum *facti* Janseniani, ab Alexandro VII imperatum, exigere sacrilegum & toti Ecclesiæ injuriosum esse dixerit: Art. VII, quod post Breve & Decreta Innocentii XII contenderit, sensum formulæ Anti-Jansenianæ obvium non damnare sensum a Jansenio intentum: Artic. VIII, quod contra Alexandri VII declarationem propugnaverit, factum Jansenii, quod vocant, sub Innocentio X non fuisse examinatum: IX, quod publice dixerit, nondum advenisse tempus reddendi Jansenio justitiam, & illatam ipsi injuriam reparandi, minatusque sit, se Jansenii defensionem contra Clerum Gallicanum suscepturum esse.

Prolixissima est accusatio X, in quam fere omnia, quæ reliquis

liquis capitibus continentur, denuo relata sunt. Agit ea de factione Janseniana, ea præsertim, quæ Arnaldo auctore orta, ad nostra usque tempora per Galliam & Belgium serpat. Enarratis enim Arnaldi, Pascalii, Nicolii aliorumque veterum factis, Arnaldo in ea factione Abbatis, Quesnello Prioris, Ernesto Ruth d'Ans Canonico Bruxellensi Sub-Prioris nomen datum a sociis refert, Quesnellum vero, post Arnaldi obitum, præcipuum ordinis universi rectorem fuisse, singulis fere annis a sociis conventicula habita, & de communi causa actum esse (cujus rei exemplum aliquod, allato Conventus A. 1701 Mechlinii habiti Decreto, p. 264 datur) collectas pecuniarias identidem fuisse collatas, quibus præsertim Ludovicus Vaucelius, qui res Jansenianorum communes Romæ curaverit, & Jo. Libertus Hennebel, qui Jansenianorum Lovaniensium causam ibidem egerit, alerentur; data quoque sociis nova nomina, ut Arnaldus diceretur *Davi*, sive Davides, Quesnellus *Mr. de Fresne*, Vaucelius *Walloni*, quinimo Papæ etiam, Regi Galliarum, Cardinalibus & Ecclesiæ Præsulibus nova ab illis agnomena in privatis literis data esse, quorum clavem p. 320 seqq. Lector inveniet, unde Procurator *undecimam* accusationem petiit. Cum primis vero legi meretur Epistola Jansenianorum præcipuorum, ad Legatum Regis Galliarum Comitem d' Avaux A. 1684 scripta, quæ p. 256 exstat, in qua illi Regi Gallorum per Legatum pacis quasi conditiones obtulerint eo tempore, quo armistitium inter eundem & ejus hostes sanciebatur. Accusatio XII Quesnellò imputat novam editionem libri, qui *Phantasma Jansenismi* dicitur, a Clero Gallicano publice condemnati: XIII, quod de damnatione Dissertationum suarum ad Leonis M. Opera, a Congregatione Cardinalium Indicis librorum prohibitorum publicata, contumeliosissime scripserit: XIV, quod literas in Pontificem Romanum, Cardinales, Episcopos, Regem Galliarum, & eum, qui nunc Hispaniarum Regnum usurpat, nimium quantum injurias ad alios dederit, & ab aliis acceperit; qua in re Procurator admodum prolixè versatur: XV, quod Senatum Regium Montensem, ob prohibitos publico Decreto, (quod p. 392 integrum datur) libros Jansenianos, indignis modis tractarit: XVI, quod proscriptos a Pontificibus Gerberonii libros dilaudaverit, auctoremque multis modis adjuverit: XVII, quod seditione-

tiosa Ernesti Ruth d'Ans, amici sui, scripta limaverit : XVIII, quod acriter invehit in eos, qui quadraginta Doctores Sorbonicos, propter notissimam ad Casum Conscientiæ Jansenianum responsionem, (quæ una cum Brevibus ea de causa a Pontifice scriptis, & plerorumque ex his palinodia, p. 404 seq. inseritur) damnarunt, iisque quia pristina sententia discessere, perfidiam exprobravit : XIX, quod Archiepiscopum Parisiensem, Cardinalem Noallium, versus quem summam publice professus fuerit venerationem, privatim cavillis variis perstrinxerit : XX, quod varia scripta prohibita hætenus ediderit, vel recudi curaverit. Adscribuntur autem Quesnello auctori, & hic & aliis locis, sequentes potissimum anonymi aut pseudonymi libri : *Novum Testamentum cum Notis Moralibus, Testamentum spirituale Arnaldi, Fides & Innocentia Cleri Hollandici, Causa Arnaldina, Defensio duorum Brevium, Status Academia Lovaniensis, Traditio Ecclesie Romanæ de Gratia, Apologia Historica Censura Lovaniensis & Duacena, Disciplina Ecclesie, Bubursius convictus, Justificatio Arnaldi.* Accusatio XXI ingeminat, multa Quesnelli scripta Romæ proscripta esse, v. gr. Observationes in Leonem, Apologiam Censurarum, Causam Arnaldinam, quædam etiam tortoris infami manu combusta esse : XXII urget, Historiam Congregationis de Auxiliis, cujus embryonem, ut ait, Serrius Dominicanus conceperat, a Quesnello expositam, invitoque Senatu Regio publicatam esse : XXIII, eundem, dum in carcerem redigeretur, edendis aliquot libris prohibitis operam navasse : XXIV, Quesnellum edendi voluminis magni CLVI scriptorum Jansenianorum, consilium cepisse : XXV, eundem Arnaldo morienti Sacramenta secreto administrasse : XXVI, cum privata auctoritate in ædibus suis sacra fecisse : XXVII, eundem & contempsisse excommunicationem, aliosque, ut eandem temnerent, docuisse : XXVIII, cum Decreta Pontificis contra libros novaturientes multoties sugillasse : denique XXIX, cum varia scriptis suis inseruisse, quæ Pontificum Bullis e diametro opposita sint.

Atque hæc singula potissimam partem ex schedis epistolisque in Quesnelli musco, cum caperetur, inventis, & mira copia hic adductis, nec non ex amplissimis librorum ejus excerptis proban-

tur. Subnectitur Archiepiscopi lata A. 1704, die 10 Novembr. contra Quesnellum sententia; in qua, repudiata ejus protestatione, reus criminum hactenus recensitorum, & in excommunicationem delapsus pronuntiatur, jubeturque, ut in monasterium aliquod Gallicum, agenda poenitentiae causa, se conferat, atque ab omni in Dioecesi Mechliniensem reditu excluditur.

IDEÆ GENERALE, &c.

i. e.

*IDEA UNIVERSALIS LIBELLI, QUI SUB TITULO MOTI-
vi Juris Procuratoris Curia Ecclesiae Mechliniensis con-
tra P. Quesnellum editus est, auctore PA-
SCHASIO QUESNELLO.*

. . . . 1705, plag. 7, in 12 maj.

Audito Quesnelli accusatore, fas est eundem causam suam non deferentem, sed pro virili se defendentem, non prorsus negligere. Pollicetur ille prolixam ad Causam Quesnellianam Respon- sionem, cujus prodromum esse *Ideam* hanc vult, questus ante omnia in Praefatione, se nequaquam jure ut fugitivum tractari, cum injuste captus sit, forum Archiepiscopi legitimis rationibus re- cusaverit, Divinoque auxilio, cujus multa indicia recenset, sit libera- tus. Inde in opella ipsa, testatus animum sorte sua contentum, adversarii plane non inimicum, **XIX** enumerat Artificia, qui- bus accusationem istam niti, detectisque istis omnino everti opi- natur. Nam **I** reticere prorsus ait protestationem suam (cujus summam repetit) legitime contra forum Archiepiscopi, quippe sibi inimicissimi, factam, quae cum ab arbitris repudiata sublataque non sit, ipso jure nullum esse ait, quicquid contra se Archiepiscopi no- mine agatur. **II** dissimulari a Procuratore ait, quod sine antegressa facti informatione in carcerem reductus sit. **III** Romani Pontificis mandatum falso praetendi, neque per istud excusari Archiepiscopum posse docet, qui recusatus licet, & inimicitiae erga se convictus, sen- tentiam tamen ferre non destiterit. **IV** Adversarii sui probationes plerasque ex epistolis aliisque schedis vi sibi ereptis, truncatisque, & Jesuitarum manibus (professisque adeo inimicis suis) traditis pe- ti-

titas esse monet, easdemque V maximam partem rejectaneas esse, & per plures adeo annos neglectas in scriniis delituisse, privatas denique & animi interdum causa aut sub fide amicissimi silentii scriptas; posse hoc pacto vel innocentissimum quemvis, si privata secretissimaque ejus scrinia expilare liceret, criminibus obrui; talia vero, cum cogitationum jure utantur, puniri non posse, nec ad humanam jurisdictionem pertinere. VI admonet, adversarium suum schedas istas sæpenumero male intellexisse, v. gr. quando voces jocosas in Gratiam a Nicolio recens inventam dictas, in Gratiam universalem, quam Jesuitæ defendunt, vibratas esse contendit; ubi VII addit, exemplisque probat, eundem ficta in schedis istis nomina interdum male interpretatum esse, atque inter alia Stephanum & Michaellem le Vassor confudisse. VIII & IX urget, quam plurima prorsus aliena, augendi voluminis seque vel mole ista opprimendi studio. Causæ Quesnellianæ inserta esse, ac præterea se suosque velut professos Ecclesiæ hostes, erga quam sint inviolabili reverentia, depingi, excitandi solum odii gratia. X eodem consilio seditiosas sibi voces imputari scribit, cum summa ubivis cum veneratione, Galliæ præsertim Regi, causas rerum exposuerit, inque præpotentium adversariorum præventiones, & ministrorum artes, culpam omnem rejecerit; falli tamen vel optimos Principes, neque tamen ægre ferre, si ex errore revocentur. Addit XI ea, quæ inter Regem Gallicum & Vicarios Apamientes, jussu arbitratoque Pontificis, gesta sint, malitia cum insigni sibi & Jansenianis imputari; nec non XII Auctorem Causæ Quesnellianæ ipsum Regem Ecclesiamque Gallicanam, ejusque de auctoritate Pontificis doctrinam, audacter cavillari, damnatam seditiosamque nominare; quo loco Quesnellus infallibilitatem, quam vocant, Pontificis dudum ab Ecclesia, interque alios a Jac. Masenio Jesuita, repudiatam esse probat. XIII falso sibi imputatum affirmat, quod Paulum per omnia, & sine ulla subordinatione, Petro æqualem esse statuerit, atque hujus farinae alia. XIV ad Cleri Hollandici causam se confert, maleque turbas istas sibi imputari contendit. Consilium, quod rogatus secreto dederit, se non nisi maxima cum circumspectione, planeque non ea intentione, ut sibi obsecundarent Clerici, qui Sebasteno Archiepiscopo adherent, dedisse;

consilium vero, quod citra fraudulentum animum detur, consulenti damnosum esse non posse, quippe cum vel sanctissimorum consilia, (v. gr. Augustini, cum Bonifacio Comiti ingressum in monasterium dissuaderet) interdum male cadant. XV factionem sibi aliisque Arnaldi amicis injuste tribui affirmat; non alio se consilio, quam defendendi Augustiniani de gratia dogmatis causa unitos esse, parique jure Augustino, Prospero eorumque amicis factionis crimen inuri posse. XVI Brigodæum, quem male Secretarium suum vocari ait, excusat; XVII autem summa sibi injustitia adscribi dicit libellos quosdam, ad quos manu sua nonnulla corrigens aut ludens adscripserit, maxime vero postrema Ant. Arnaldi scripta, qui tertio vel quarto ante obitum die adhuc scribendis libris operam dederit. XVIII Vaucelii acta sibi inepte etiam imputari ait, eique ipsi multa injuste vitio dari, exemplis docet. Denique XIX adversarium loca quædam suarum in Novum Testamentum Notarum in sensum minus orthodoxum rapuisse conqueritur.

*TRACTATUS DE JURE PRIMARIARUM PRECUM,
Autore JOHANNE EHRENFRIED MATERO II. J. D.*

*Sacr. Reg. Majestatis Dan. Norweg. nec non Reverendiss. Sereniss. Abbatissæ Quedlinburgensis
Consiliario.*

Quedlinburgi, apud Th. Ph. Calvisium, 1704 in 4. Constat 14 pl.

Consultissimus Autor, a prima origine Jus primariorum precum repetiturus, initio rei Christianæ penes clerum & populum constitutionem ministrorum Ecclesiæ, neglectis summarum Potestatum suffragiis, fuisse, eumque constituendi modum adeo postmodum placuisse censet, ut Divinæ & Apostolicæ traditioni, i. e. eodem interprete, legi universali & immutabili, Cyprianus eum adscribere non dubitaverit. Ex quo autem Principes Christo nomen dederunt, cum universa rei Ecclesiasticæ cura, istam etiam juris sacrorum partem, jure quodam regulari eos sibi vindicasse; id quod exemplis nonnullis, ex Historia Romana, Francica, Germanicaque desumptis, Noster illustrat. Sed infelicibus Henricorum

tem.

temporibus, jura Imperatorum, per Pontifices Romanos, fuisse imminuta, ut tamen illi reliquias aliquas, ex priori jure Regio circa sacra, quasi e communi naufragio, servarint, ad quas etiam pertineat Jus Primariarum Precum. Hujus igitur tum nomen, tum indolem, allata definitione, explicat Consultissimus Autor, illudque ex jure patronatus Regio, seu jure sacrorum repetit, adductis etiam aliis titulis minus principalibus, quales esse censentur jus patronatus vulgare, antiqua consuetudo, & advocatia seu protectio Ecclesiarum universalis. Postea rejicit titulos falsos, inter quos primo loco comparet privilegium Papale, ex quo Curia Romanæ affectæ jus primariarum precum repetunt, quodque quatuor potissimum argumentis, a suprema Pontificis circa sacra potestate, Concordatis nationis Germanicæ, propria Imperatorum confessione, ac bulla quadam Pontificia, a Speculatore, ut ferunt, visa desumptis suffulciunt; quæ singula Noster diluit. Alii existimarunt, Imperatoribus primarias preces ex eo competere, quod olim fuerint Cathedralium Ecclesiarum Canonici; sed nec hæc sententia calculum Nostri meretur: quemadmodum ipsi nec illi probantur, qui superioritatis territorialis titulo jus hoc Imperatoribus vindicant; virtute tamen Regalium his illud attribui posse, amplius idem existimat, modo terminus ille recte accipiatur. Exposita Juris primariarum precum origine, Doctissimus Autor ad universam Germaniam, i. e. regiones, quæ adhuc Imperio Romano-Germanico subsunt, illud vim suam extendere docet, eamque doctrinam variis quæstionibus, in specie ea, an in Episcopatu Metensi, Tullensi & Verdunensi, idem adhuc effectum sortiat? illustrat; cumque jus illud in quolibet collegio Clericorum, ubi antecessores hætenus id exercuerunt, Cæsari competat, ideo illud præscribi posse censet: non obstante vero hoc, vel simili impedimento, in Capitulis etiam Protestantibus Cæsarem illud obtinere, ostendit. Quibus ad liquidum deductis, cætera capita enarrat, adeoque de idoneitate Precistarum, de beneficiis Ecclesiasticis, Canonatibus, Præbendis earumque varietate, de mensibus ordinariis & extraordinariis, de primariarum precum effectu, Cæsaris præsentatione, de communicatione hujus juris Cæsarei, adeoque de primariis precibus Imperatricis, Pegis Romani, Electorum

horumque Conjugum, nec non Vicariorum, fuisse satis, insperis etiam, pro re nata, documentis publicis, disserit.

*MANUALE PROCESSUS IMPERIALIS, SIVE
Compendiosa Introductio ad Praxin Augustissimi Judicii Cæsareo-Imperialis Aulici, in gratiam Studioforum Juris, animum
ad praxin Imperialem applicantium, revisa, variis addita-
mentis, præfatione atque indice aucta, nunc pri-
mum prelo commissa a J. F. C. J. U. L.*

Norimbergæ, apud W. Michaellem & J. Adolphum, 1704. 8.

Cōstat 17½ plag.

Constat hæc Introductio duabus sectionibus, quarum prior, causas Justitiæ, posterior Gratiæ exhibet. In illa ergo, præmissis generalibus quibusdam, de Processu tam Ordinario quam Summario, de Processu Appellationis, Materia Attentatorum & Mandatis eorum Revocatorius, Relatione Actorum & Processu Expensarum, Protracta vel Denegata Justitia, & Remediis eam promoventibus, de Querela Nullitatis, Processu Mandatorum tam cum quam sine clausula, nec non de causis Pignorationum, Arrestorum & Fractæ Pacis publicæ, de Rescriptis, Processu Citationis, sive Simplicis Querelæ, & Citatione ex L. diffamari, Processu Summario, Commissionis scilicet tam Aulicæ, quam Austregalis, nec non Processu Informativo, de Remediis contra Sententias a Consilio Imperiali Aulico latas, Restitutione in integrum, & Revisione sive Supplicatione, ac tandem de Sententiarum Executione disseritur. In hac vero Requisitio Feudorum Imperii majorum & minorum, ut & Confirmatio Tutorum & Curatorum exponitur. Rei isti paululum illustrandæ, nonnulla adjiciemus. *Scilicet. I, c. 3* de attentatis agitur, quæ ex doctrina Nostri sunt, quando Judex aut pars appellata, post interpositam rite appellationem, ulterius in cognoscendo, decernendo, exequendo aut turbando progreditur. Quodsi igitur attentata ab appellante legitime probentur, tum Judex appellationis, per mandatum attentatorum revocatorium, eadem nulla declarat, simulque attentanti eorum, in certo termino, revocationem ac redintegrationem poenaliter injungit. Hoc facto, si intra terminum excipiendi comparuerit attentans, &

& mandatum sub & obreptitiae obtentum esse monstraverit, tunc hic punctus (sit venia termino forensi) attentatorum per replicas & duplicas, ut alius processus, ventilatur, & desuper eodem tempore, quo in puncto principali, sententia fertur. Si vero attentans nec attentata revocaverit, nec jus suum probabiliter deduxerit, tum Judex appellationis ulterius, & tandem etiam arctius mandatum attentatorum revocatorium sub poena dupli, cum citatione ad videndum, se incidisse in poenam prioribus mandatis insertam, decernere solet, & si nec huic paruerit, tum declaratio poenae, & paritoria, cum comminatione banni, subsequitur, & fiscus suum officium interponit. Aliquando ipse appellans attentatum committit, quo casu appellationem deseruisse, eique in totum renunciassse censetur. Quae omnia quo eo magis intelligantur, Noster duplicem formulam, qua tam mandatum attentatorum revocatorium, quam mandatum arctius, cum reproductione mandati prioris, peti solet, subjicit. *Sect. I, cap. 5* exponitur appellatio ob protractam vel denegatam justitiam interposita. Quod si adeo justitia denegetur, solet decerni citatio contra partem, ut ad assumendam litem, in Judicio Imperiali Aulico, intra spatium bimestre, compareat, & si id negligat, sententia in contumaciam, uti in aliis processibus, pronunciatur. Ob protractam vero justitiam decernuntur promotoriales, quibus judici moroso tempus, ordinarie unius mensis, quandoque tamen, ob circumstantias relevantes, longius, ad justitiam administrandam praescribitur; quae formulis necessariis Noster iterum illustrat.

THE HISTORY OF MAN.

i. e.

HISTORIA HUMANI GENERIS. SEU MIRACULA NATURA HUMANA, RESPECTU VIRTUTUM & VICIORUM ATQUE DEFECTUUM, VARIIS EXEMPLIS TAM ANTIQUIS TAM MODERNIS EXPLICATA.

Londini, apud R. Basset & W. Turner, 1704. 8. Alph. 1, pl. 14.

Non est ut de hoc libello multis agamus. Saltem significamus, locos communes, seu, ut Naudaeus loqui amat, topantia illo contineri, exempla scilicet memorabilia, ad varia capita relata, & fide dignis veterum & recentiorum auctorum testimoniis roborata. Ne

ta-

p. 14.

tamen nullum plane specimen e libro exhibeamus, pauca admodum inde delibare nobis visum est. Elegans & lectu jucundum est, quod de Waltero Rawleigh, cujus celebre apud Anglos nomen est, refertur, quod eo primum gratiam Reginae Elisabethae fuerit promeritus, quod cum spatiantem forte, & ob coenum in via objectum, gradum jam in aliam partem dirigentem observasset, confestim vestem splendidissimam humeris detractam in coenum projecerit, ut recto tramite incedere commode Regina posset. Inde cum illi ad aulam accessus paratuisset, fertur in loco quodam, ubi saepius commemorari Elisabetha consueverat, fenestram hunc versiculum inscripsisse:

Fain would I climb, but that I fear to fall,
hoc est, *quam cupiam ad majora adniti, sed timeo, ne labar;*
quibus lectis Regina illico rhithmum adjecit:

If thy Heart fail thee, don't climb at all,
id est, *si nihil audes, nusquam connitere.* Quae verba animum illi addidisse putantur, ut inde facile ad altiora pervenerit.

p. 31.

32.

124.

128.

337.

345.

348.

434.

Inter humilitatis & modestiae exempla praeter alios recensetur Josephus Hall, Episcopus Norvicensis, de quo refert, cum nunquam cuiquam egre fecisse, & dicere solitum, *stultum esse cum superioribus, dubium cum aequalibus, & abjectum ac sordidum cum inferioribus contendere.* Ad historiam Leopoldi Imperatoris, nuper defuncti, pertinet, quod A. 1672 missus ex Anglia Viennam fuerit legatus Bernardus Gascoign, qui Jacobo Duci cum Eboracensi uxorem peteret Claudiam Felicitatem, Archi-Ducem Austriae: at cum rebus omnibus jam perfectis, & Legato reditum meditante, ipsa Augustissima Imperatrix Margareta Theresia decederet, immutatam fuisse Caesaris voluntatem, Legatoque indicatum traditur, aliam quarendam Duci sponsam esse, quod ipse eam ducere uxorem constituisset. Eidem Jacobo id dedit consilii frater Carolus II Rex, ne Pontificiam religionem in Angliam invehere aliquando tentaret; rem enim eam periculo plenam & plane impossibilem futuram. Quanti intersit circumspecte in omnibus rebus agere, vel ex eo intelligitur, quod celebris Angliae poeta VVilmot, Comes Rossensis, cum a Rege Carolo II admonitus, ut sibi satyram adversus virgines aulicas compositam communicaret, per nimiam festinationem, satyram aliam, qua Regem ipsum petebat, ei obtulisset, prorsus gratia Regis exciderit. Singulari humanitate conspicuus fuit Thomas Cranmerus, Archi-Ep. Cantuariensis, quippe in proverbium abiit: *si huic injuriam inferas, certum esse poteris, te ex eo statim tempore per omnem vitam habiturum fabentissimum.* Ceterum quae hic de genio nationum suis locis habentur, digna forent, quae a nobis transferiberentur, si locos communes colligere & ipsi cupereinus: etsi nec ipsa chartae angustia,

ut plura addamus, permittit.

* * * * *

ACTA ERUDITORUM,

publicata Lipsiæ

Calendis Octobris, Anno M D C C V.

JOHANNIS HENRICI BERGERI, JURISCONSULTI, REGIS POLON. & ELECTOR. SAX. IN SUMMO PROVOCATIONUM SENATU CONSILIARII & ANCESSORIS VITEMBERGENSIS, ENARRATIO L. 10. ff. de JUR. FISCO & L. 2. C. qui & ADV. QUOS IN INTEGR. REST. ACCES-
SERUNT EJUDEM OPERA ACADEMICA
NOVISSIMA.

Lipsiæ, sumptibus Hæredum Lanckisii, 1705, in 4to.
Constant 1 Alph. 17 plag.

Duplici nomine se commendat eruditissima hæc Excellentissimi Autoris Commentatio, & argumenti dignitate, & tractationis præstantia. Leges enim, quas nobis exhibet, adeo gravium causarum momenta continent, ut vix in digniore opera Celebratissimi Viri occupari potuisset industria, & ipse in iis enarrandis tam erudite versatus est, ut feliciorum leges, quas commemoravimus, interpretem nancisci nequeant, cum & ingenii sublime acumen, & accuratam omnis Jurisprudentiæ scientiam, & assiduorum rerum forensium usum, singuli fere ostendant paragraphi. Primum locum occupat Dissertatio de Jure Fisci in dubiis quæstionibus *ad L. X Pand. de Jur. fisci*, quam Autor A. 1694 publice defendit. In hac cum nihil occurrat, quod non notatu sit dignissimum, tum imprimis juvabit ipsum de discrimine Steuræ & Cameræ §. 3 & 4, de dubio, ambiguo & obscuro, nec non de interpretatione quæstionum dubiarum §. 9 *seqq.* elegantissime differentem audire. Sequuntur Casus varii, de quibus eas proposuit Excellentissimus Autor regulas: contra fiscum esse pronunciandum, si privati

vatus de damno vitando & fiscus de lucro captando sit sollicitus §. 14, pro fisco contra privatum, quoties is damnum averfatur, privatus lucro inhiat §. 17, si uterque lucrum intendat aut damnum fugiat, æquali fiscum cum privatis jure uti oportere §. 20 & 21; quas singulas & exemplis confirmat & legibus corroborat, hasque solícite, quoties thesibus obfistere videri poterant, explicare, & in speciem pugnantes subtiliter conciliare ftudet. Oftendit deinde, qua ratione Modestinus in *d. l. X* debeat intelligi, variasque Doctorum, imprimis Fr. Duareni, Ant. Merendæ & Antonii Augustini rejicit expositiones §. 26 *feqq.* Postea regulas antea propositas confirmat, & quartam imprimis contra Baldum ejusque affeclas, fisco nimium faventes, strenue tuetur, ac *L. L. obftantibus 38 & 35 ff. d. Re Jud. l. un. C. de sent. adv. fisc.* folide refpondet. Unde nec a jure dotium, nec ab Ecclesia aut a minoribus, quæ ad fiscum deducantur, argumenta valida effe monet *ib. 31-41.* Exempla quoque elegantiffima fuppeditat, quibus contra fiscum, tam in quæftionibus juris, quam facti dubii, pronunciandum monet. Ad caufas juris controverfi refert quæftiones: utrum filio hæreditate materna, quam adiit, per reftitutionem in integrum iterum abftinente, ad proximos fucceffores hæreditas, an ad fiscum, pertineat? item de fupervacuo ex celfione actionis contra *L. Anatafianam* facta, quod alii fisco, alii debitori vindicant, cum Excellentiffimus Autor utroque casu contra fiscum pronunciandum effe cenfeat. Quæftiones vero facti dubii quam plures attulit, ex materia delictorum & contractuum, probationum, testamentorum & aliis, quas singulas juvabit expendiffe. Tandem an hætenus dicta ad vectigalium ac domaniorum caufas quoque pertineant, difpicit, ac utrumque addita diftinctione feliciter expedit. Jam ad alteram Difertationem pervenimus, quæ *ad L. 2 C. qui & adv. quos* confcripta eft; verum cum eam jam in Actis Anno 1696 *M. Nov. p. 518 L. B.* exhibuerimus, paucis faltem monendum erit, non *Thesi 38* tantum egregium fupplementum, quo *Nov. 155 c. 1* explicatur, accelfiffe, fed integram quoque Difertationem de reftitutione in integrum ob reverentiam denegata, quam fub Autoris præfidio Leiftenius Anno *XCV* defendit, effe additam. Reftant Autoris noftri *Noviffima Academica i. e. Sermo folennis ad De-*

Decanum ordinis Philosophici in congressu Candidatorum ad-
natus, & Oratio de Jureconsultis Academiae Vitenbergensis, qui
proximo superiore seculo vixerunt, recitata Anno 1703, cum tertium
Consulatu Academico abiret. Continet ea memorias omnium
 Jureconsultorum, qui ex eo tempore, quo primi secularis Acade-
 mici instructa sunt solennia, per integrum seculum floruerunt.
 Exhibet uno intuitu elogia, vitas & scripta celeberrimorum Viro-
 rum, Zangeri, Lud. Personæ, Bartholomæi Reusneri, Luc. Bec-
 manni, Hirschbachii, Franzii, Ben. Carpzovii, Erasmi Unruh,
 Val. Guiljelmi Försteri, Conr. Carpzovii, Jer. Reusneri, Gothofr.
 Reuteri, Grossii, Jo. Strauchii, Christiani Taubmanni, Crullii,
 Prætorii, Augustini Strauchii, Vackii, Godofr. Suevi, Coselii,
 Ritteri, Ziegleri, Klengelii, Lyseri, Nergeri, Martini, Ledereri, &
 qui nuper in vivis esse desiit, Ge. Mich. Heberi &c. Sed & ex
 Facultatis Juridicæ Assessoribus aliquos commemorat, quos inter
 Ritterum, Schulzium, ac Excellentissimum Lenzium Ser. Princip.
 Sax. Weissenfelsensis Vice - Cancellarium imprimis meritis extollit
 encomiis. Interjectæ sunt passim observationes eruditissimæ, ex
 quibus unam ac alteram saltem adjecisse juvabit. Ita p. 183 docet,
Henning. Wittium falli, qui *Jo. Dautbium* inter Jurisconsultos
 Witenbergenses retulerit, cum is Lipsiæ quidem, non autem Wi-
 tembergæ, publica autoritate Jura professus fuerit. Hirschbachii
 sub præsidio, Conradum & Benedictum Carpzovios Dissertationes
 de Regalibus, copiose ac erudite conscriptas defendisse, p. 186 an-
 notat, dumque in laudibus Augustini Strauchii occupatus est, feli-
 citatem Jurisconsultorum Brandenburgicorum extollit, qui Acade-
 micis exercitationibus subacti in Aulas evocentur, & difficillima
 negotia feliciter procurent, quod Fuchsiarum, Rhetiorum, Span-
 heimiorum ac Coccejarum illustria satis ostendant exempla, eadem-
 que fortuna, quem diximus, Strauchium usum fuisse commemorat,
 cum Serenissimus Sax. Elector non modo gravissimis quibusque ne-
 gotiis cum adhibuerit. sed & Ordinarii Præsidis munere in Academia
 Witenbergensi defunctum, sanctioris Senatus Assessorem esse volue-
 rit. Sed quis singula in tanta rerum ubertate persequetur? Nos avi-
 dis reliqua Lectoribus relinquimus & ad aliud Exc. lentissimi Auto-
 ris opus, quod selectarum Observationum Forensium amplissimam
 exhibet copiam, accedimus.

JOH. HENR. BERGERI JURISCONSULTI ETC.
*Electa Processus Executivi, Possessorii, Provocatorii &
 Matrimonialis.*

Lipsiæ, sumtibus Hæredum Fried. Lankisch, 1705. in 4.

Constat 2 Alph. 11 pl.

Iunctim nunc prodeunt in lucem Dissertationes quatuor elegantissimæ, quas proximis annis Illustris Autor proposuit, sed insignibus auctæ incrementis. Prior continet *Electa Processus Executivi*, in qua Autor primo diversitatem processus ordinarii & extraordinarii seu summarii evolvit, ac utilissimam §. 4 causarum patronis cautelam suppeditat, qua ratione in causis, ut vocant, summariis adversæ parti interrogatoria exhibendi occasionem præciderere valeant. Dein processus summarii duas constituit species, regularem & irregularem, monetque actionem hypothecariam, imo injuriarum æstimatoriam & recantatoriam etiam executivo, si res ita ferat, processu posse institui; cautelam tamen suppeditat actoribus, ne salutarem sibi semper credant summariam hanc experiundi rationem, cum in executivo processu nec probationi per testes, nec jurisjurandi delationi locus relinquatur. Postea requisita instrumenti guarentigiatum tradit, negatque pro tali haberi posse obligationem impersonalem, in qua creditoris nomen haud sit expressum, aut quæ causam debendi, licet inter mercatores agatur, haut contineat, cuive addita sit clausula, *solvam quam primum poterō*, cum ea id operetur, ut quis ad celerem solutionem adstringi nequeat. Ex instrumento tamen a tutore subscripso pupillum, debitoremque principalem a fidejussore, actione mandati executive conveniri posse docet. De obligatione mulieris sine curatore contracta, aut cui curator ex intervallo demum accessit, §. 12 seqq. differit; mulieremque & sine curatoris auxilio ex mutuo obligari, & apocham conficere, ac ex omni contractu, cui curator ex post facto consensum præstitit, teneri existimat *dd. §§.* Instrumentum autem guarentigiatum quandoque posse subsistere, licet nec ab ipso debitore subscriptum subsignatumve sit, nec clausula *manu propria* ei adjiciatur, §. 20 & 21 addit. Hinc ad rationem tractandi causas executivas pergit, ac advocatum actoris jubet

bet esse cautum, ne responsionem aut litis contestationem ab adversa parte petat; reis vero suppeditat exceptiones, quæ adversus instrumenta guarentigiata locum habeant, ubi inprimis quæ de exceptione chartæ blancæ & implementi non secuti, compensationis item ac non numeratæ pecuniæ tradit, evolvi merentur. Denique de *processu cambiiali* notabilia quam plurima affert, sententiamque *Mandati Electoralis de exceptione solutionis compensationisve adversus cessionarium cambii non competente* explicat. Subjicitur *programma*, quo Excellentissimus Autor ostendit, ad evitanda perjurya quandoque in processu executivo recognitionem per testes, contra Juris regulas admitti; quam sententiam summi Provocationum Judici præjudicio corroborat. Altera Dissertatio exhibet *Electa Processus Possessorii*, ac observationum practicarum plenissima est. Pragmaticorum initio notat errorem, qui in possessorio, quod vocant, ordinario, summario processui locum esse negant, cum ipse, ratione processus, omne judicium possessorium censeat esse summarium, etiam in materia servitutum, licet Celeberrimus Schilterus eam exceperit, cujus rationibus Autor respondet §. 1. Summarium ergo possessorium tantum ratione causæ dici, in eoque tantum de possessione præsentis & momentanea retinenda, non de adipiscenda vel recuperanda agi, contra Carpzovium defendit §. 4. Dein modum procedendi in possessorio summarissimo explicat, ac in casu necessitatis summi periculi, citationem posse omitti monet §. 5. Cumque in eo vel per modum actionis in factum vel per inhibitionem procedatur, varia circa hanc monita suppeditat, ac inprimis inhibitione pœnali ex pluribus capitibus decreta, si ea ex parte cassetur, ex parte confirmetur, integram tamen mulctam dictari, nec transactionem cum adversario inhibitum a pœna liberare monet, & utrumque summi Provocationum Senatus præjudiciis confirmat §. 6. Hinc qua ratione possessio præsentanea in rebus corporalibus & incorporalibus acquiratur, inquit, ac possessionem libertatis naturalis quoque probatione indigere contendit; quam sententiam dudum placuisse Excell. Autori, ex Resolutionibus ejus Lauterbachianis potest constare. Sequitur elegantissima de Jure Cerevisiario digestio, ubi de jure coquendi, ven-

dendi, cogendi & prohibendi civitatum, de dimensione milliaris, de jure hospitalionis, de poena eorum, qui cerevisiam illicitè vendunt, quam plurimas concessit observationes. *vid.* §. 12-19. Postea observat, possessionem contra singulos acquisitam, non nocere universitati §. 20; in summario possessorio naturalem possessionem sufficere, etiamsi non sit annua, licet ipse non dissiteatur annuam possessionem & a Lipsiensibus Jurisconsultis requiri, & eorum sententiam in summo Appellationum Judicio fuisse aliquando comprobata, §. 21 *sq.* Actus possessorii requisita tradit §. 24. Contra Principem non valere possessorium summarium, nec eorum satis certam esse sententiam, qui decennalem possessionem subditos tutos reddere credant, indicat §. 26. Ubi ad modos probandi progreditur, ostendit in summarissimo possessorio rotulos Notariorum, non tamen depositionem generalem sufficere §. 30. Jurisjurandi autem delationi æque, ac super exceptione spoli, locum esse tuctur §. 31. Cæterum ex sententia Autoris remedium possessorii momentanei non competit ei, qui a possessione dejectus est, nec heredibus, cum ad eos possessio ipso jure haud transeat *ib.* 33-34, quibus possessorium ordinarium ac Paulianam actionem dari concedit *ib.* 35. Tandem ad sententias definitivas processus summarii accedit, ac quo modo ex rite concipi debeant, docet §. 38; cumque monuisset, qua ratione victoria in possessorio a restitutione fructuum in petitorio liberet, contra sententiam de possessione in summarissimo judicio latam, nec leutationi, nec appellationi aut supplicationi relinquit locum, additis tamen quibusdam limitationibus, quæ §. 45 continentur. Accesit, ne quicquam deesset operi, huic Dissertationi Exercitatio paraphrastica, quæ XII Leges priores *Tituli Pand. de Acquirenda vel amittenda possessione*, erudite interpretatur, ac singularum sensum, satis quandoque obscurum, feliciter eruit. Facile ex hæcenus dictis L. B. poterit intelligere, qua ratione reliquæ Dissertationes, quæ *Processus Provocatorii & Matrimonialis Electa* continent, conscriptæ sint. Quare sufficiet nobis saltim aliquas observationes selectas ex iis excerpere, quarum uberrima se ubique offert copia. In *Dissertatione* igitur *Illia* docet, provocationem ex *L. diffamari*, ob injurias verbales simplices frustra ab imperitis, Advocatis suscipi, multo minus

nus eam cum actione injuriarum cumulari posse *ib. 12. 13.* Remedium dictæ Legis coram quolibet iudice posse institui, diffamantis vero arbitrio relinqui, quo in foro actionem principalem velit movere, *ib. 20 & 22. In Th. 31* Carpzovii, Ziegleri aliorumque rejicit sententiam, qui diffamante per contumaciam emanante in primo termino, saltem responsionem simpliciter *bey Straffe Ungehorsams* injungendam censent, monetque eam statim sub pœna perpetui silentii posse imponi. Quæ de termino duplicato, intra quem actio principalis institui debeat, Doctores vulgo tradunt, ea sine Lege dici, adeoque a Iudice negligi posse asserit *ib. 35.* De provocatione ex *L. si contendat*, rite instituenda legi merentur, quæ §. 48 Autor disserit, qui itidem monuit, contra eum, qui instrumentum guarentigiatum habet, dictam provocationem non admitti. Ex *Electis Processus Matrimonialis* observare licet, cum qui consobrinam stupravit, non teneri ad eam alendam, cum ipsa stupratoris uxor fieri nequeat, *ib. 9.* Consistoria Ecclesiastica partes litigantes, quæ sub civitatum aut nobilium jurisdictione sunt, mediate, suppressa tamen clausula in subsidium, in præfecturis autem immediate in jus vocare, *ib. 13 & 14.* Minorem & mulierem, in causis matrimonialibus, personam standi habere in iudicio, hanc quoque, si ob stuprum actionem ad matrimonium ineundum aut dotem constituendam moveat, non vero si alimenta infantis nomine petat *ib. 17 seq.* Oblationem ad jurandum non esse necessariam, sive juramentum contra matrimonium, sive pro matrimonio sit præstandum, *ib. 37* ostendit. De iurijurandi delatione in actione matrimoniali, prolixè agit *ib. 23 seqq.* Processum vero desertorium accurate describit *ib. 50 seqq.* Sed nos pluribus hisce non immorabimur, cum selectarum Quæstionum ac Observationum Præcticarum tantam ubique deprehendamus copiam, ut, si potissimas tantum persequi ac commemorare velimus, verendum foret, ne nimium excresceret ac instituti nostri metam excederet oratio. Quare ad ipsum opus præstantissimum B. L. ablegamus, ac paucis tantum monemus, adjectam esse *Electis* his Processus Executivi, Possessorii, Provocatorii & Matrimonialis, *Disquisitionem Quousque Actori Reove in foro Sax. Elect. liceat deferre Iusjurandum?* In hac Autor actori etiam super replica ac articulis elisivis, & post

litem a reo non recte aut eventualiter tantum contestatam, potestatem facit reo deferendi iuramentum, huic vero, si negative litem contestatus sit, omni tempore licentiam utendi delatione iuramenti largitur, etiam postquam articulos reprobatorios obtulit in ipso termino productionis aut recognitionis, sin affirmative litem fuerit contestatus, usque dum ei injuncta fuerit exceptionum probatio, aut ad eas probandas ipse se obtulerit, potestatem hanc ipsi esse salvam existimat. Quæ omnia plenius est persecutus, variisque ampliationibus & limitationibus, observationibus, cautelis ac consiliis exornavit illustravitque. Quod reliquum est, cum præsentis commentationes satis ostendant, quam dextre, accurate ac feliciter Excellentissimus Autor, in discutiendis dijudicandisque causis forensibus versetur, *Electa Processus Ordinarii*, quorum in præfatione spem fecit, cum iis, qui eruditissimos ipsius labores suo pretio æstimare norunt, avide expectamus.

CONFORMITE' DE LA FOY AVEC LA RAISON.

h. e.

FIDEI ET RATIONIS CONSENSUS, VEL Religio defensa contra præcipuas objectiones in Lexico Historico-Critico Petri Balii sparsim obvias. Autore J. JA-

QUELOTO.

Amstelæd. apud H. Desbordes & D. Pain, 1705. 8.

Constant Alphab. 1 plag. 5.

- I**N duas partes abit hoc opus Autoris de Religione Christiana. Optime meriti, cujus alia quoque ejus generis scripta in Actis nostris recensita inveniuntur. In primæ partis limine, statim brevis repetitio instituitur argumentorum, alibi ab ipso Viro clarissimo, ad demonstrandam existentiam Dei, fuse magis deductorum. Inde de natura Religionis in genere agit, quam foedus Dei cum homine definit, quo bonis præmia, poenas improbis, ex infirmitate lapsis per poenitentiam remissionem criminum polliceatur. Utque ejus indoles clarius patefcat, primo Deum ab hominibus exigere obsequium, illudque ipsas promissiones Dei supponere, probat; inde Deum peccata infirmitatis tantum condonare, majora punire, resipiscantibus dare veniam. Porro quid Scriptura de Deo
- c. II. III.
- c. IV.
- c. V.

Deo nos doceat, ostendit, & quæ revelatio ad religionem pertinentia alia suppeditet, de fide nempe, de merito & efficacia mortis Christi, de Divinitate ejus, & denique de S. S. Trinitate. Quibus fundamentis religionis Christianæ breviter repetitis & variis observationibus illustratis, ad id jam accedit, ob quod cum maxime ille scriptioris labor ei fuerat susceptus. Atque primo quidem difficultates examinat, quas in historia creationis deprehendisse sibi videntur ei, quos impugnandos sibi sumsit. Monet hic ante omnia, stabilita semel revelationis veritate, scrupulos hujusmodi neminem jure ad Pyrrhonismum sollicitare debere. Deum item non Philosophorum vel oblectandis vel instruendis ingeniis, sed salutis avidorum, qui simplices magnam partem sint & indocti, animis informandis historiam illam consignari voluisse. Indeque I. neminem offendere debere colligit divisionem Mosis rerum conditarum in cælum & terram, quæ similis visa antagonistis divisioni maris in guttam aquæ & oceani, cum vulgares nonnisi conceptus, sensus maxime ferientes, hic sequi voluerit. II. Nec mirum esse, terræ creationem imprimis describi, quæ sensibus usuique nostro maxime sit obnoxia; magnorum corporum coelestium obiter, & in tantum, in quantum terræ huic ministrant, mentionem fieri. III. Nec illud absonum, quod mane & vespere, dierumque adeo mentio fiat, antequam luminaria cœli condita essent: vel enim spatium tantum temporis intelligi, ei, quod inter Solis ortum & occasum intercedere solet, æquale; vel uti Mosen tantum ista *Φράσαι*, ut realem distinctionem & *διάστημα* inter creationem diversorum operum indicaret; vel denique Mosen ita tantum opus creationis per sex dies distribuisse, ut ad legalem dierum Heptadem aliquam relationem haberet. Difficultates porro succedunt contra œconomiam veteris Testamenti & leges rituum, fœdusque unicæ familiæ concessum. Quod inconueniens non videtur Autori propterea, quod Deus creaturam rationalem & liberam male viribus suis naturalibus usam, libertati suæ inde permittere potuerit. Nec inde ullam vel injuriam in ceteros homines redundare, vel aliquid a ratione alienum committi, quod nobilioris finis causa cum Abrahamo & posteris fœdus Deus iniverit. Ceremonialem vero cultum Deo non indignum esse, cum ille totum mundum occupaverit, memoriam beneficio-

c. VI.

c. VII. VIII.

P. II. c. I.

c. II.

- c. III. IV. V. V. rum Dei conservaverit, & cum *Spiritu*, h. e. arcano mysteriorum Novi Fœderis sensu fuerit conjunctus. De libertate hominis in sequentibus diligenter agit, putatque pugnam rationis & affectuum luculenter probare arbitrii libertatem; sine ea enim affectum, semel occupato animo, libere dominio suo fruiturum. Sed nescio an attenderit, motui etiam mechanico motum contrarium dari posse, vincereque denique alterum, sed non sine alterius nisu in contrarium. Sic arbor a vento concussa naturali tamen inclinatione contrarias petit partes, motui motu contrario, sine omni tamen libertate. Dubii circa origines mali morales solutio eo credit, quod abusus perfectionis maximæ, qualis est libertas, Deum jure impedire non potuerit, quo minus creaturam perfectione tanta gaudentem conderet. Difficultatibus circa malum physicum, afflictionesque hominibus innocentibus, infantibus, ipsis quoque brutis animantibus ægre haud raro facientes, itemque circa æternitatem poenarum, quæ post vitam subeundæ sint, ex communibus fere fontibus solutiones petuntur. Inde vero imprimis quæ in favorem Manichæorum a Cl. Bælio prolata fuere, item quæ ad demonstrandam fidei & rationis pugnam attulit, & de necessitatis cum libertate convenientia, nec non de prædestinatione, sub examen revocantur. Ex illis deligamus controversiam de rationis & fidei pugna, ut eo specimine indoles hujus scripti rectius innotescat. Hic itaque primo summum Autor exaggerat periculum doctrinæ rationem fidei contrariam statuentis, atque adeo naturæ humanæ fidem amplexuros renunciare cupientis; quod absurdum, pariter atque impossibile esse ostendit. Inde de omnibus dubitari nec posse nec debere ostendit: esse enim res, in quibus ratio elare & sine metu erroris pronunciet: esse alias, quæ assensum ejus suspendant: alias denique, quas certo sese ignorare noverit. Ut absolum itaque est præcipiti judicio ferri, ubi vel dubites vel ignores, ita non minus esse inconveniens Pyrrhonismum sequi in omnibus. Mirum porro esset, & indignum plane, velle Pyrrhonismum religionis superstruere principiis, atque istis illum stabilire: quasi quæ rationi evidentia sint, religio tollat, atque omni in rebus certitudini destruendæ inserviat: cum tamen summa harmonia sibi invicem religio & ratio respondeant, seque mutuo sustineant.

neant. Primo nempe rationem inservire cognitioni argumentorum, quibus veritas religionis demonstratur, ut disponatur mens humana ad obsequium auctoritati Divinæ præstandum, quod gratia sine ratione nunquam persuadeat. Neque secundo rationem, stabilita Scripturæ auctoritate, penitus cessare: quæ verosimilitudinem difficultatemque rerum revelatarum apprehendat, & cui istud exercitium circa veritatem verosimilitudinemve rerum revelatarum, nec adimat auctoritas Divina, nec ejus natura adimi patiatur. Tertio aliis etiam in rebus, quæ a ratione unice dependent, id quod semel verum est & evidenter probatum, veritatem suam retinere, licet consequentiarum series ad res incomprehensibiles nos deducat. Sic enim materiæ divisibilitatem in infinitum, rem summæ evidentiae & certissimæ veritatis esse, quamvis concipi non possit, partes arenulæ numero æquare partes totius universi. Quarto perceptionibus nostris attendendum esse, ut gradum certitudinis in iis recte cognoscamus. Unicam vero regulam, ex qua certi de nostris perceptionibus reddamur, esse claritatem earum. Cum vero sæpe pro clavis habeamus, quæ clara non sunt, videndum esse, an superficiem tantum rei, an interiora quoque cognoscamus, & an aliquid in iis ignotum tanquam notum supponamus: porro item an illud, quod incertum est in re & ignotum, id, quod certo de ea nobis innotescere videtur, destruat, an minus. Quod si non faciat, relinqui alteri illi suam certitudinem, neque ad Pyrrhonis castra esse fugiendum. Porro dari res ita differentes, ut nihil invicem habeant commune, quas *diversas* dixeris simpliciter, quarumque differentiae causa nulla alia sit, quam quod una non sit altera: sicuti soni v. g. & coloris diversitas aliter explicari non possit. Alias *contrarias* esse & sibi *oppositas* invicem, quarum contrarietatis ratio ex indole earum reddi possit: qua ratione lineæ rectæ curva opposita sit, quod hæc non, sicut illa, a puncto ad punctum per brevissimum, quod interjicitur, spatium procurrat. Denique claritatem idearum nostrarum ex eo cognosci posse, si alius usu rationis polleantibus explicatæ, eodem ab illis modo, quo a nobis, apprehendantur. Hisce regulis jam putat Autor nos dirigere posse, quousque in dubitando procedere, quando in propositione tantum probabili acquiescere, quando denique certi plane

& convicti esse debeamus. Quantum vero ad auctoritatem infallibilem, sufficere, si clare sensus ejus percipiatur, ut penitus illi obsequamur, cum in eam nec error cadere possit, nec impostura.

Jam istam methodum potioribus capitibus religionis applicandam censet. Certis nempe nobis de sensu verborum Divinitus revelatorum, auctoritatem Dei præcipuum persuasionis nostræ esse fundamentum, quæ nullum dubium possit admittere infallibili Spiritus Sancti testimonio nixa. Hoc tamen non impedire, quominus ratio examinet, cognoscat, explicet veritatem decisionum fidei, non ut si comprehendere non possit, rejiciat, sed ut uniat se cum fide eique se jungat, verum esse experta, quod fides ipsi proponit. At credere clarissimum Bælium, atque in iis quæ de Pyrrhone differuit, & ad defendenda ea postea attulit, tueri, rationem ejusque evidentissima principia in tali examine revelationi semper adversa esse. Quod aliter se habere, inductione facta Autor monstrare conatur.

Primo Deum esse unum solum, colendum, atque fiducia prosequendum, docere Scripturas: ei vero rei rationem contradicere, ne ipsum quidem clarissimum Bælium affirmaturum. Revelationem mundum ex nihilo a Deo conditum nobis sistere: rationem ad assensum præbendum inclinari, tum quod verosimile hoc sit ipsi, tum quod a variis dubiis eam liberet; quorum utrumque fusius demonstratur. Animæ immortalitatem a revelatione adstrui: nec eam rationem destruere, quæ spirituales naturam ex partibus compositam non esse, nec adeo in eas resolvi, Dei vero sapientiæ, ut eam annihilaret, parum conveniens esse, agnoscat. Nec quidquam hic opponi posse, nisi dicamus, spirituales naturam rationem non admittere: id quod dici non posse, paulo fusius Autor probat, ostendendo ipsam rationem sibi non facile persuadere, ut vitam, motum, cogitationem materiæ tribuat, & pro iisdem habeat rem cogitantem & materiam, quæ diversorum generum esse deprehendat, inque iis omne, quod in talibus rebus exigi potest, diversitatis fundamentum, juxta superius dicta animadvertat. Parti morali religionis rationem non contradicere, quin potius hanc clarissime æquitatem præceptorum Divinitus allatorum confirmare.

Ab

Ab articulo de Trinitate non destrui rationem, maleque ex eo contra rationem inferri, quod *tria unum sint*: ut enim ista *contradictio in adjecto* ex articulo de S. Trinitate consequatur, necesse esse, ut vox *personæ* in hoc mysterio naturam unam & singularem notet, separatam & distinctam ab omnibus aliis, prout significat quando de creaturis usurpatur. Cum vero id sibi non velit in abstrusissima hac doctrina, dici etiam non posse, quod ex ea sequatur, *tria esse unum*. Mysterium porro incarnationis non destrui essentiali proprietatem corporis animique humani, quæ est componere unam personam, licet humana Christi natura propria, ut loquuntur Theologi, *ὑποστάσει* destituta, subsistat in *ὑποστάσει τοῦ Λόγου*. Nempe clarissimo Bælio, contradictionem cum evidente rationis principio hic admittenti, solam vocem *personæ* offendiculo fuisse. Quod ut removeatur, observat Autor, quod si corpus fingamus exanime, mechanice tamen motum, omnesque functiones suas obiens; illud quidem *personam* non fore, intellectu quippe destitutum, bene tamen *suppositum*, ut quod ipsum sit *principium*, prout in scholis loquuntur, *actuum*. Simili modo si fingamus animam corporis exsortem, cogitantem; eam, ut quæ intelligat, *suppositum* fore *personale* five *personam*, quippe quæ sit principium rationale. En igitur, pergit Autor, *duo supposita*, quæ Deus ita unit, ut *unum suppositum* vel *unam personam* constituent. Quid magis jam rationi adversum in unione hypostatica? Divina natura unitur humanæ, omniumque actionum humanarum & rationalium directionem suscipit, quæ pertinent ad exercitium mediatorii officii; quemadmodum anima humana *diversi suppositi*, corporis nempe, directionem suscipit ita, ut actiones illius voluntati hujus sint obnoxie. Atque adeo eodem jure, quo anima & corpus conjuncta, *unum suppositum* sunt, *una persona* etiam dicentur divina & humana natura, vinculo unionis invicem conjunctæ.

Verum jam satis speciminis. Hoc optandum, ut clarissimus Autor ipsos clarissimi Bælii discursus *κατὰ πόδα* lectoribus suis representare, & accurata analysi instituta, quid imbecillitatis ratio in eis ostendat, quid speciei ingenium & eloquentia ipsis conciliaverit, ostendisset. Verendum enim, ne lectores sic satis bene instructi a lectione hujus libri sibi visi discedere, ubi in ipsum opus

Bælianum inciderint, lumine ingenii ejus, & quæ pene singularis ipsi est, vi dicendi quasi attoniti, denuo constrictos se sentiant atque impeditos.

Appendicis loco huic opusculo breve *de anima & libertate* subijcitur systema, melius dilucidandis iis, quæ contra adversarium suum in ipso opere disseruerat clarissimus Autor, inserviens. In eo primo adstruitur, quod anima se spirituales esse sentiat, quodque cum iis, quibus aliter videtur, controversia de vocibus tantum sit, ut qui id, quod nos spiritum vocamus, corpus novæ plane atque ignotæ speciei adpellitent. Inde ostenditur, animam cognoscere seipsam atque existentiam suam, atque adeo aliquid a seipsa sine objectorum externorum percipere subsidio. Discrimen porro intellectus & voluntatis & relatio ad corpus explicatur, in quo organorum rectam dispositionem ad exercitium facultatum animæ requiri ostenditur. Animæ per rectam dispositionem corporis obfirmatæ quasdam propositiones occurrere infito suo quasi gaudente lumine; ut oculo occurrunt objecta quædam suum lumen habentia eoque ipsum illustrantia, quæ statim cognoscantur. Aliter se rem habere cum aliis, quæ obscuriores sint, & quibus lumen proinde ab animo quasi sit accendendum. Ad primum genus spectare v. g. omnes consequentias, quæ deducuntur ex conceptu existentia, quales sint, quod non ens agere non possit, quod impossibile sit idem simul esse & non esse, quod numerus binarius sumtus quaternarium conficiat, &c. Propositionum posterioris generis lapidem lydiū esse regulam: *quicquid omnibus rite expensis clare & distincte percipitur, illud verum est*. Perceptiones dari posse sine omni corporum intercurso, falsumque esse, quod nihil sit in intellectu, quod non prius in sensu fuerit. Animam non posse non desiderare, quæ pertinere ad felicitatem suam cognoverit, & averfari contraria, hancque esse voluntatem. Bona ad felicitatem spectantia vel corpus respicere, vel animum, eaque sibi invicem subordinata esse ea proportionem, quæ intercedit inter dignitatem corporis & animi. Virtutis esse, hanc subordinationem tueri & observare. In volitionibus concurrere cogitationem, quæ repræsentet aliquam propositionem, & imperium ad agendum determinans, in quo sit velle & non velle. In hoc jam esse libertatem;

tem ; quæ ut rectius cognoscatur, observandum esse primo, quod cognitio, quam habemus de nobis ipsis, efficiat, ut amor proprius & emolumenta privata ordinarie voluntatem determinent, nihil inde detrimenti accipiente libertate; certe enim in talibus consensum animi absque controversia inveniri. In aliis cognitionem non esse æque claram, in iis cura opus esse & prudentia, quo recte utamur libertate. Controversiam, an libertas consistat in eo, ut faciamus, quod faciendum esse judicamus, an vero consistat in eo, ut faciamus quod volumus facere, de vocibus esse, non de re ipsa. Non autem consistere in indifferentia libertatem; hanc enim, cum rationalis sit homo, nonnisi ex profunda posse procedere, ignorantia: penitus vero ignorantem, vel plane non agere posse, vel non nisi stolidæ, actionemque ex mera ignorantia profectam esse nec humanam, nec liberam. Nec tamen etiam libertatem absolvere unice judicium animæ, quo æquam esse justamque censeat actionis alicujus perpetrationem omissionemve. Si ita enim res se haberet, hominem in perpetuæ vacillationis statu fore, nunc hæc acceperit impressionem. Non necessario itaque hominem determinari a rationis judiciis, sed libere secundum judicia rationis, secundum quæ se ad actionem determinavit, procedere. Optime denique libertatem ejusque indolem monstrari, ex consideratione actionum quarundam hominis imperiique animi in corpus. Evidens itaque esse, in rebus, ubi affectus & commodum privatum voluntatem non abripiunt, nos facultatem habere libere in mentem revocandi ideas, ad veritatem aliquam inquirendam pertinentes. Sentire nos eandem libertatem in approbando præjudicio quocunque contra rationis dictamen; libertate enim nisi frueremur, semper rationis dictamen prævalere necesse esse. Eandem nos expectari, ubi inter virtutem vitiumque mediū consistimus, atque vel illam vel hoc sequimur; & magis etiam in actionibus corporis in differentibus, animi nutum sequentibus, v. g. brachii extensione, oculi occlusionem &c. Quod ipsum ut quomodo fiat explicetur, Autori nec illustri Leibnitii placet hypothesis, nec *causarum occasionalium* systema, sed optime hæc receptam magis in scholis doctri-

Strinam explicare putat, quæ statuit Deum, qui essentiam existentiamque rebus largitus est, facultates quoque eis concessisse, per quas naturis suis convenienter valeant operari: animamque adeo etiam, ad animandum dirigendumque hoc corpus conditam, potentias quibus id præstare possit, naturam fuisse. Firmatur id aliquot rationibus, nec ob stare dicitur, quod modum non assequamur, quod spiritus in corpus operetur: sufficere enim, quod de re constet. Cetera hanc hypothesin pluribus difficultatibus solvendis aptissimam esse, quibus nec illustris Leibnitijs, nec causarum occasionalium patroni se facile possint extricare.

AUGUSTI BUCHNERI ORATIONUM ACADEMICARUM Volumina tria. Quorum primum Panegyricas, secundum Festas, tertium nunc primum editum Literarias continet. Subjuncta est huic Editoris M. JOH. JAC. STÜBELII, Illustris Scholæ Misnensis jam Rectoris, Oratio de Exsensionibus nocturnis Alumnorum Electoralium, & Buchneri Autoris Vita per eundem descripta.

Frankfurti & Lipsiæ, apud Godofredum Leschium, 1705, in 8.

Constant Alphab. 2, & plag. 19.

Quomodo commendatus pridem a nobis fuerit meritissimus de politiore literatura vir, *Augustus Buchnerus*, insipientibus annum Actorum Eruditorum 1683 p. 147 & seqq. patet; ubi cum recensendum fuerit Volumen II. Orationum, *Festas* continens, a *M. Joh. Jacobo Stübelio*, Rectore tum designato Scholæ Annæberg. nunc Rectore constituto Illustris Afranci, ex arrosis fere chartis in lucem productum, hoc tempore occasio suppeditatur, cæteras etiam orationes Autoris illius incomparabilis enarrandi, dum idem Editor Clarissimus partes Orationum ejus tres in unum compegit volumen, in forma librorum octava, juventutis commodo emissum. Earum Pars III nunc primum cura ipsius publico data, & dedicatione diserta Ephoris Generosissimis Illustris Afranci Lycei, Domino *Centurio a Miltiz*, & Domino *Joschimo Dieterico Rosen*, inscripta est. Quia vero parte prima comprehensas Panegyricas &

& funebres nondum indicavimus in Actis nostris, non alienum erit, eas nominare, antequam tertia ista inclusas ordine percurramus. Dicta Panegyrica I. est a Gustavo, *Gustavi Adolphi* Suecorum Regis filio, huic ipsi Suecorum Regi, ob partam A. M DC XXXI Lipsiensem victoriam. II. Ob eandem victoriam a Buchnero ipso recitata VII Idus Sept. A. M DC XXXIII. III. Electori Saxonico D. *Joh. Georgio* I. dicta, ob ejus adventum A. M DC XLVI. IV. Eidem A. M DC XLIX, cum climactericum magnum feliciter superasset. V. Eidem, ipsis exequiarum solennibus A. M DC LVII. VI. Ejusdem Viduæ, Domine *Magdalene Sibyllæ*, ipso exequiarum die, A. M DC LIX. VII. Ad D. *Joh. Georgium* III, cum Parentem Serenissimum lugeret, ac novum Principatum auspicietur. VIII. Ad eundem Electorem, cum a Comitibus Ratisbonensibus rediisset. IX. In excessum *Henrici* Sen. L. Bar. a *Frisen*, Elect. Sax. in sanctiore Senatu Consiliarii, cancellorumque ac in Appellat. Curia Præsidis A. M DC LX. X. *Friderico Merschio*, S. Rom. Imp. Thesaurario, & Saxonie Electori a Consiliis sanctioribus, nec non in Appellationum Curia Præsidi, A. M DC LVI. XI. Memoriam *Pauli Roberi*, SS. Th. D. nec non Ecclesie Wittebergensis & caterarum Circuli Elector. Saxonici Superintendentis A. M DC LI. XII. Memoriam *Dan. Sennerti*, Medici A. M DC XXXIX. XIII est Allocutio alterius nomine scripta A. M DC XLIX ad Imperatorem *Ferdinandum* III. Sequuntur has funebres orationes numero XXIX breviores, e quibus potiores tantum referemus, quales sunt I. dicta in funere D. Balthasaris *Meisneri*, II. in fun. D. *Friderici Balduini*, III. in fun. D. *Wolffgangi Franzii*, IV. in fun. D. *Benedicti Carpozovii*, V. in fun. D. *Johannis Strauchii* J. U. P. VI. in fun. D. *Godofredi Reuteri*, VII. in fun. D. *Tob. Mavii*, VIII. in fun. *Joh. Blumii* J. U. D. IX. in fun. *Mauritii Blumii* Med. D. X. in fun. D. *Danielis Sennerti*, XI. in fun. *Ambrosii Rhodii*, Mathes. P. P. Ceteræ pleræque in funeribus studiosorum aut foeminarum adolescentiumque ac puerorum sunt habitæ. Merentur tamen adhuc memorari XXIV, quæ est gratiarum actio dicta post funerationem Leonh. *Hutteri*, Theologi, & XXIX, qui sermo est ad exequiatores post funerationem *Erasmi Unrubii* Jurisconsulti habitus. *Festa* reperiuntur loco a nobis supra citato. *Tertia Partis*

Orationes *Literarias* vocari placuit, quod pleræque rem literariam spectant. Prima quidem de *Eloquentia* egit, cum Buchnerus Johanni Avenario successisset. II. De *Papismo cum Ethnicismo comparato*, cum Rectoratus fasces D. Franzio traderet. III. De *Exercitatione Styli*, pronunciata a M. Keimanno. IV. *Ad præcedentem* ipsius Buchneri *responsoria*. V. *Knispelii* Magistri novi de *Catonis Distichis*. VI. De *iisdem* Buchneri. VII. De *Literarum Periodis*. VIII. De *Simplicitatis & Gravitatis vocabulo e Plinii Panegyrico*. IX. Lectioni *Annalium Taciti*, X. Prælectioni *Cornelii Nepotis* præmissa. XI. Est declamationi gemina, qua exponitur, *quid Carolus I Britannia Rex loqui potuerit, lata in sententia ferali*. XII. Complectitur ea, quæ nobilissimus autor dixit, cum Decani Collegii Philosophici partes sustineret. His subiunxit *Stübelius* editor orationem quandam a se ipso compositam & recitatam, cum adhuc Conrectoris munere in Misnensi schola illustriungeretur, qua *Exscensiones alumnorum nocturnas* reprehendit.

Totum opus ornatum addita *Augusti Buchneri Vita*, per eundem uberius descripta. Cujus recisam & arctatam, ut Priolus historiam suam vocat, epitomen hic dabimus. Nactus est ille, Dresdam patriam, ubi natus Frid. Kalend. Novembris A. MDXCI e familia nobili & antiqua, reique militaris ac pyrotechnias peritia valde inclyta. Patre gavissus est *Paulo Buchnero*, Principibus maximis, Sabaudia Ducis, Daniarum Regi, ac Imperatori *Rudolpho II* æstumatissimo, & ab Electoribus Saxonis *Augusto, Christiano I & II* tormentariae rei ac fabricis præesse jussu, ab Imperatore *Rudolpho* vero torque ac diplomate scutoque condecorato, sibi posterisque servando: matre *Maria Crœsia* Consulis *Dresdensis* filia. In schola *Dresdensi*, ubi pueritia ejus formata, *Kunadus* dicit in Programme funebri, eum inter medios Teutonas Græcum, inter *Dresdenses* Romanum apparuisse; ac *Schubartus* auctor est, jam tum eum in literarum otores & stultitiam eorum carmine lusisse. In *Portensis* vero ad *Salam* seminarii convictu, cui Idibus Novembris A. MDCIV adscriptus est, fulgor emicuit clarior, æqualibus cunctis in Latina Græcaque lingua præipientis palmam. Triennio hic acto, Patre orbatus est: sed alterum permansit, demum A. M DC X in *Wittebergensem* Academiam missus; in cujus al-

bura

bum relatus est XIII Cal. Decembris, Pro-Rectore tum D. Leonh. Hurtero, ac Rectore Duce Saxonico *Augusto*, Electoris Joh. Georgii I fratre. Cumque hanc ipsi aream nobiliorem ac palæstram assignaverit providentia Divina, in qua se probaret orbi, factum est, ut illico Jo. *Rhodenburgio* Antwerpiano successor in arte ac professione poetica suffectus fuerit, A. MDCXVI, virtute ac doctrina ipsius jam satis spectata: quo tempore quoque primus inter 46 competitores lauream philosophicam accepit. Initio se Jurisprudentiæ studiis mancipare decreverat: sed haud multo post, dulcedine semel gustata Musarum mansuetiorum, & famæ nominis inde capiendæ, mutavit consilium suum, & illis pro virili se applicuit firmitus. Per totos autem XL annos spartam Professoris Poeseos ornavit, diciturque in Epitaphio suo humaniorum literarum summus vindex ac stator. Et a *Kunado* verissime affirmatur, ab Augusto isto augustissima literas bonas accepisse ornamenta. A *Stiibelio*, *Malagonellio* illi Oratori Romano celebri longe præfertur, genere dicendi casto & æquabili, & instar limpidissimi amnis profluente, quo parem nesciverit. Nec tamen hic dissimulat, scribendo meliorem habitum quam dicendo, ubi timidior fuerit, nec expeditus omnino, unde proverbium etiam tunc frequentatum, esse Oratorem *Saxoni* loquendi non gnarum. Quod tamen laudi ejus nil derogat. Quod oris volubilitati decessit, studiosa pensavit & sollicita compositione, qua periodos omnes dimensus est artificii calamo. Vidisse se ille dicit unius ejusdemque orationis aliquot exempla, ejusdem ipsius manu exarata, varieque hinc inde interpolata, & aliis aliisque coloribus expolita. Neque omittit id ei proprium ac singulare, quod, cum concinnanda fuit vel oratio quædam, vel epistola, vel alia scriptio, non rosit ungues, ut vulgus meditantium solet, sed icones argute pinxit in chartæ margine. Industriæ illius & eruditionis præmia recenset, famam celebrem, etiam apud externos, laudes amplissimas ac dignitates spectabiles. Præter Professionem Poeticam Oratoria ei etiam collata fuit A. MDCXXXI, Joh. *Avenario* vivis exæmto. A. MDCXVII, demandata jam ei erat Ephoria Electoralium alumnorum, quam per annos XXXIII obiit. Senior Collegio Philosophico uno præfuit anno diutius. Academiæ totius Senior A. M DC XLIX etiam

per XII annos hoc tenuit decus. Fasces Academiæ ter, Decani munus octies sine exemplo gessit. Optime vero de Academia, illi adhuc obligata, meritus est, non modo doctrinis, sed etiam consiliis publico salutaribus, & gravioribus in comitiis, & apud ipsum Patriæ Patrem, negotiis curatis, cum ejus etiam opera multi facti fuerint idonei aulicis ministeriis cum gloria & ex utilitate communi obeundis. Nunquam in cassum abiere spes, ubi manum ille admovit, ac vix unquam nisi lætus nuntius reversus est, cum ablegatus ad orandam Academiæ causam ivisset, quam periculosissimo tempore conservavit, suada illa & gratia sua, qua valebat apud Magnates. Pingitur ubique decorus torque aurea, cui appensa Electoris *Joh. Georgii II* effigies adamantibus enitescens. Enumerantur virtutes ejus plurimæ, sapientia, prudentia, humanitate temperata incredibili gravitas, candor eximius, pacis & concordiae amor, modestia, avaritiæ fuga, cum nec lucrum privatis scholis quæsiverit, neminem cogendum ratus ut gratum se præstare vellet, comitas, sobrietas ac frugalis vita. Pietas ejus inprimis prædicatur, etiam in carminibus sacris pangendis exhibita, & comprobata delectatione ac lætitia sancta, quam ex odis Davidis, quas Psalmos vulgo dicimus, petiit, & exquisitiore studio, quo sacra coluit publica, præ cæteris auditus cantu Deum celebrans. Quo collimavit potissimum symbolum ab eo electum: *unum est necessarium*. Hoc excellentiæ ipsius argumentum certum, quod poesin cum oratoria facultate nexu rarissimo copulavit. Quæ laus ipsius Ciceronis & Virgilii non est. Nec in Latina tantum, sed etiam Germanica Poëli excolenda, cum *Opitio* amico suo strenuum se ostendit, Dactyli præcipue carminis inventionem ac usu. Quare in Societatem sic dictam frugiferam alleclus, & cognominatus fuit *der Genossene*. Sicut & Germanica ejus, quæ videre lucem, Poemata referuntur; nec silentur quotquot ejus prædiere scripta, nominatis iis etiam, cum quibus amicitia ei intercessit, & qui eum ad se pertrahere voluerunt, inter quos primo loco Potentissimus Rex Suecorum & Gothorum *Gustavus Adolphus* reponitur, qui eum ad varias professiones in Academia sua Upsaliensi elementissime invitavit. Id quoque non tacetur, quod Elector Saxonie præficere ipsum Illustri Portensi ludo cogitarit, licet.

Col.

MENSIS OCTOBRIS A. MDCCV. 453

Collegis aliter visum fuerit. Significatur juxta, cum de suscipiendo Gymnasii Hamburgensis Rectoratu cum eo actum fuerit, amorem patriæ ac Academiæ Wittebergensis obtinuisse, ut maneret. Tum fortunæ ipsius rationes exponuntur, quæ non beatissima quidem, nec tenuissima tamen fuerit. Matrimonium iniit faustum cum virgine pudicissima Elisabetha, *Jacobi Crusii* Jurisconsulti filia, cum qua vixit feliciter 45 fere annos, & e qua filias quinque & sex filios procreavit, undecies pater factus, quamvis duo tantum filii, Martis castra secuti, totidemque filiæ superstites vixerint. Filius natu major *Christianus Augustus* apud Electorem Saxonicum rei tormentariæ & fabricarum præfectus fuit supremus. Gnatarum natu maxima Elisabetha conjugem sortita est D. *Hen. Coselium*, Pandect. P. P. & Curiæ Elect. Scabinatus & Fac. Jurid. Assessorem. Alteram Dorotheam duxit uxorem *Osbo Prestorius* foci optimi successor non indignus. Reliquum fuit, ut de valetudine his aliquid adjiceretur, annis prioribus jam non robustissima, servata tamen ultra naturæ leges, inter morbos, quibus tentata est, usibus publicis, Divino beneficio, usque ad annum ætatis septuagesimum, quo podagræ doloribus & calculi valde vexatus ac denique fractus, A. M DC LX d. XII Februarii exspiravit placide. Quam columnæ primariæ illius Academiæ prolapsionem orbis literarius lamentationibus justis prosequutus est. Exequiæ XI Cal. Marti paratæ. Concio funebris ab *Abrahamo Calovio*, parentatio ab *Aegidio Strauchio* habita. Corporis exuviae in æde sacra, quæ arci contigua est, compositæ: ubi monumentum erectum visitur. Monetur denique, rariora manuscripta *Buchneri* reperiri apud Samuelem *Cnaubium* Wittebergæ, quorum partem etiam *Strübelius* & *Hübnerus* tenent, tempore suo evulgandam.

RAYMONDI VIEUSSENS, DOCTORIS MEDICI

Monspeliensis, Regiæ Societatis Londinensis Socii,

Novum Vasorum Corporis Humani Systema.

Amstelodami, apud Paulum Marret, 1705. in 12. pl. 20.

Cum *Nobilissimus Autor*, cujus nomen aliquoties in nostris Cinclaruit Actis, in præsentî opusculo cum primis secretiorum

p. 142.

p. 90.

92.

93.

94.

95.

118.

& excretoriorum corporis ductuum originem demonstrare constituerit, haud præpostere videbimur agere, si prius innuamus, quinam canaliculi secretoriorum & excretoriorum nomine ab *Autore* insigniantur, & qualis utrorumque notetur discrepantia, quam tubulos recenseamus, qui conformationem *Uteri*, *Coryledonum*, *Mammarum*, *Vasorum sanguiferorum*, *Lienis*, *Hepatis*, *Renum*, *Pancreatis*, variarumque *Capitis* partium, ingredi observentur. Etenim ductus, recrementitios solummodo succos ex arterioso sanguine secernentes, musculorum videlicet & membranarum lymphatici, secretorii; humores vero excrementitios segregantes, more spongioso-urinosorum renum ac biliferorum hepatis tubulorum excretorii appellantur: qui autem ductus nunc recrementitiorum, nunc excrementitiorum humorum secretioni vacant, uti vasa vesiculoso-lymphatica uteri, partim pro secretoriis, partim pro excretoriis venditantur. Utriusque tamen generis canaliculorum dum alii immediate, alii mediate succos secernendos aut excernendos ex arteriis depromunt, illi primarii, hi secundarii cognominantur: sicque membranarum vasa lymphatica & adiposa pro secretoriis primariis, atque ii tubuli, qui spongiosam uteri substantiam contextentes ex propria illius membrana nascuntur, pro secretoriis secundariis habentur; prout renum ductus urinosi excretoriis primariis, & biliferi ductus internæ folliculi fellis superficiei appensi, excretoriis secundariis annumerantur. Secretoriorum demum vasorum alia immediate, alia mediate, succos ex arterioso sanguine secretos in venas exonerare pariter atque excretoriorum ductuum alii immediate, alii mediate, humores excrementitios ex interioribus corporis eliminare, indigitantur; vasis lymphatico-nerveis & adiposo-nerveis titulum a nervulis mutuantibus iis, qui cum lymphaticis & adiposis vasis strictissime coalescunt eorumque cavitatibus inbiant. In hoc interim vasa lymphatica *Autoris a Bartholinianis* discernuntur, quod priora ex arteriis emergant, & in venas partim, partim in spongiosam alicujus partis substantiam, desinant, posteriora vero ex venis orientur, numerosa v. g. lymphatica uteri muliebris ex venis membranæ propriæ, atque nunc in receptaculum lumbare, nunc in ductum thoracicum, nunc in venas alias terminentur. Sed ad partes ipsas deveniendum, quas ex tubulis ejusmodi con-

contextus, post præviam earundem in aqua coctionem vel mace-
 rationem, nec non exsiccationem, microscopii subsidio specialius
 Noster annotat, initium ab *Utero*, cum humano, tum ovillo, fa-
 ciens, quod filius, Medicinæ Doctor, primam ipsi subministrasset
 ansum in utero mulieris, ex abortu denatæ, eorum vasorum vesi-
 culoso-lymphaticorum, quæ sub interna membranula porosa re-
 ticularem plexum efformant, principium in arteriis finemque in
 venis detegendi. Circa generaliore uteri virginei atque ovilli
 gravidi, in superficie itidem permultis lymphaticis *Bartholinianis*
 stipati, structuram ratione membranarum advertit, utrumque ute-
 rum ex tribus membranis, communi una & duabus propriis, coale-
 scere, quarum communis a peritonæo oriunda innumeris lymphaticis
 -nervis tubulis ac paucioribus sanguiferis interspersis, pro-
 priarum vero prima innumeris ductibus sanguiferis ac indefinitis
 lymphaticis, partim ab arteriis, partim a communi membrana
 prodeuntibus ac fibras musculosas mentientibus, præsertim in gra-
 vidis, quando eorum nonnulli ob nimiam ostiolorum aperturam
 tenuissimas simul sanguinis particulas admittunt, evidenter con-
 stet. Quoad specialiore vero texturam, uterum muliebrem ab
 ovillo distinguentem, in illo duabus membranis propriis spongiosam
 notat interjacere substantiam, intra poros suos irregulariter dispo-
 sitos succum dictorum lymphaticorum recipientem, atque ex par-
 te ad venas, ex parte ad uteri cavum, intervenientibus finibus sub-
 rotundis ac porosis deponentem: quæ, etsi vasorum retiformium
 præ se fert speciem, ob tunicarum tamen defectum vix verorum
 ductuum nomine insigniri mereatur, per quam vero apta, ut in
 gravidis succum simul lacteum a nonnullis vasculis dilatatis reci-
 piat, ad glanduloso-vesiculosam placentam uterinam transferen-
 dum, in non-gravidis autem singulis mensibus faeces transcolatæ
 lymphæ colligat, quæ successive acescendo, incalescendo atque
 fermentescendo, sanguinis, per venas compressas remeare impe-
 diti, secretionem & excretionem menstruam per lymphatica ex-
 pansa spongiosamque uteri substantiam sine ulla vasorum ruptione
 producant. E diverso in ovillo utero primam membranam pro-
 priam cum secunda partim immediate, partim intermediis co hæ-
 rere cotyledonibus, pocula quodammodo amulantibus, quales aquæ
 fri-

p. 2.

7. 15.

16.

8.

9.

13.

14.

p. 20.

22.

25.

30.

37.

40.

34.

frigidae immerfi hanc mox lacteam reddant, per triduum vero in ea macerati explicatis suis vasis lymphatico-nerveis, per innumeras propagines tenuissimas invicem communicantibus, exiguum aspergillum, seu potius omnino evolutum acaciae florem referant, ductibus ejusmodi lymphatico-nerveis ex arteriis proficiscentibus ac in venas desinentibus, absque eo, ut propagines emittant, utero ovillo aequae ac muliebri inhiantes. Membranarum hinc foetus ovilli structuram arctumque cum cotyledinibus & vena umbilicali nexum investigaturus, ubi chorion & amnion duas membranas strictissime unitas, e vasis sanguiferis & lactiferis contextas ad laticem, cui foetus innatat, ab hujus cutis tubulis lymphatico-nerveis recipientes & continentes, allantoidem vero sero urinoso turgidam ac e lymphaticis & sanguiferis vasis conflata, monstravit, prolixam ad primas vias instituit digressionem, ut cum viam ad renes brevissimam & latissimam, quam acidulae, spirituosae, aliae, que assumpta cito emetiantur, tum ventriculorum primum simul alimentorum liquidorum esse colatorium, patefaciat. Viam scilicet istam, primum per ventriculi lymphatico-nervea vasa, ex arteriis ortum ac in venis terminum obtinentia, venas gastricas & gastro-epiploicas, deinde per similes intestinorum tenuium ductus lymphatico-nerveos, venas mesaraicas, innumeros venae portae ramos, superiorem inferioris trunci venae caevae partem, dextrum cordis sinum, arteriam & venam pulmonarem, sinistram cordis cavitatem, superiorem trunci inferioris aortae partem & arterias emulgentes, haberi indigitat. Per tubulos autem ventriculi lymphatico-nerveos, aequae ac intestinorum, aliquid liquidi ad venas transcolari, adjumento essentiae croci, ventriculo post internam superficiem aqua frigida deterfam infusae, atque intra bihorium non modo stomachi parietes, sed & vasa sanguifera tam ventriculi quam omenti cum ductibus hujus adiposis, flavo colore inficientis, comprobant, simulque observationibus eorum confirmant, qui vitam aliquamdiu protraxerunt, etiam si in cadaveribus ipsorum dissectis omnis via, vel a ventriculo ad duodenum per praeternaturalem pancreatis magnitudinem ac indurationem, vel ab intestinis ad vasa lactea per horum defectum atque mesenterium gypseum, penitus apparuerit intercepta. Essentia tamen croci quia pariter e ven-

ventriculi, semoto omento, inversi ac suspensi fundo sensibilibiter stillare soleat, aliquid pinguedinis quoque per omenti ductus adiposos ad ventriculum deferri, adeoque fermentum ventriculi, alimentis coquendis dicatum, e miscella succi hujus adiposi, spiritu quodam acido volatili saturati, spiritus animalis nitrosi aeris particulis imprægnati, atque laticis lymphatici, resultare colligit. Sed ad chorion rediens, modo hujus cum cotyledonibus uteri connectionem ope exiguorum corporum glanduloso-vasculosorum subrubrorum, tanquam totidem placentularum, mera vascula sanguifera pluraque lymphatica involventium; modo cohæsiorem membranarum fœtus & placentæ uterinæ cum utero intercedentibus atque coalescentibus lymphaticis, ita fieri tradit, ut in productione & accretione fœtus ovilli atque humani, fusius explanata, non sanguis, sed succus lacteus a cotyledonibus per placentulas & ab utero per placentam uterinam ad venam umbilicalem, fœtumque transcolari ac propagari intelligatur. Quemadmodum vero *mammis* insignis cum utero intercedit consensus, ita illarum porro similem cum hujus declarat conformationem, utpote ex membrana propria & substantia glanduloso-vesiculosa non aliter compositam, quam quod vasa sanguifera & lymphatico-nervea, ab arteriis enata & ad venas partim, partim ad substantiam vesiculosam abeuntia, membranam compingant, textus autem spongiosus laticem lymphaticum partim mediate, dictorum lymphaticorum medio, partim immediate ex arterioso sanguine derivet, ac per tubulos lactiferos ad papillas dispenset. Majorem solummodo albedinem spongiosi mammarum corporis majori firmitati vasorum lymphatico-nerveorum deberi, nonnisi lympham tenuiorem atque a facibus depurata admittentium, cum uteri lymphatico-nervea molliora crassiorem faculentiorumque lympham recipiant, sicque texturæ vesiculosæ cineritium inducant colorem. Quo luculentior nihilominus lymphatico-nerveorum vasculorum in utero, mammis, aliisque partibus exortus ex arteriis reddatur, in progressu tam in genere *vasorum sanguiferorum* exteriores & interiores glandulas vesiculosas, i. e. vesiculas pellucas, e tubulis diversi generis simul intextis resultantes, observationibus, experimentis & rationibus demonstrare, quam in specie *aortæ* ac *ve-*

p.32.

41.

44. 52. 54.

59. & seqq.

63.

73.

75. *na cave* singulas tunicas una cum secretionis modo extricare annititur. Ex iis, quæ in cadavere alicujus a rupta pulmonum vomica mortui observavit, evidentissimus contextus glandularum vesiculorum nimis dilatatarum in pericardii membranis propriis propriaque cordis & auricularum illius membrana, extrema demum superficie omnium vasorum cordis, una cum pericardii & cordis tubulis lymphatico-nerveis, nobis haud silendus videtur.
82. Aortam vero, non minus atque arteriam pulmonalem, in quatuor dirimens tunicas, primam earum nerveam ex implicatione diversi generis vasorum, alteram vasculosam ex vasculis rubris, subflavis
88. five sanguiferis, ac cineritiis seu lymphaticis constructam, utramque vasculoso-vesicularem, respectu vesiculorum glandularum
83. a vasorum diversis flexibus concinnatarum, tertiam spongiosam fluidum succum in poris suis irregularibus continentem ac radicem
87. omnium ductuum constituentem, quartam denique interiorem, sat validam, licet pia meninge tenuiorem, poris innumeris propter varios succos ex arterioso sanguine continuo secernendos instructam, pluribus explanat. Ne manca tamen ista tunicarum
91. videatur evolutio, propagines nervorum prosequitur, quæ interiorum arteriarum texturam a primo sui ortu ad extremos usque fines subeant, statimque in exiguissimos abeant tubulos membranaceos, cum tenuissimis spongiosæ arteriarum tunice ductibus secretoriis coalescentes & una cum ipsis membranas constituentes, quatenus corporis membranæ non solum lymphaticis, vel adiposis, vel lymphaticis & adiposis simul, sed & nerveis ductibus consent, spiritum animale in secretorios canales, pro liquorum fluiditate
99. atque vi augenda, exonerantibus. Ne autem circa ductuum adiposorum ex arteriis originem dubium relinquatur, præterquam quod pinguedinem consideret, tanquam ramosas sanguinis arteriosi partes, tum ad omentum, quod in musæo siccum asservat, ductuum adiposorum perspicua foramina unmediatumque ex arteriis
108. ortum ac finem in venis apertissime sistens, tum ad croci essentiam, a sinistro cordis ventriculo intra viginti quatuor horas ad totum magnæ arteriæ truncum, binas arterias coronarias & superstratam ipsis pinguedinem penetrantem, hacque cuncta colore croceo perfecte tingentem, provocat. Quemadmodum vascula lymph-
- 103.

phatica, quæ in membranis vesicularum succo crystallino gravidarum contextum repræsentent, dilatata nimis ipsum sanguinem recipere, exemplo portionis intestini coli inflammatae dat demonstratum. Eum præterea, qui hæsitat, num arteriæ capillares variis suis inflexionibus vesiculosa quadantenus vascula referant, tandemque in venas desinant, adeoque arteriæ & venæ continuos canales constituent, jubet intueri *lienem* humanum, post aliqualem membranæ communis a propria in parte convexa separationem, per mensem in aqua maceratum, certoque pollicetur, deprehensurum illum esse, viscus hoc non solummodo mirandum vasorum haberi plexum duplici membrana obvolutum, sed minores quoque ejusmodi plexus arteriosas propagines in venas minores abire, tenuissimis forsan nonnullis exceptis, quas ductuum lymphaticorum vires supplere, ac in venas terminari suspicatur, quod indefinita ejusmodi vascula tam in membrana communi splenis suilli, quam intra texturam interiorem ejus aliquamdiu in aqua macerati, propter crassiorem sanguinem copiosiori lymphâ diluendum, nudis oculis detexerit. Ad venas progrediens, in venæ cavæ ramis tunicas, ab arteriis mutuatas & minori vasculorum apparatu instructas, describit tres: communem ac mediam e vasis diversi generis varie intertextis conflatas, atque interiorem spongiosam, indefinitis foraminibus, partim sensibilibus sive ostiis ductuum venosorum, partim insensibilibus, seu spiraculis lymphaticorum & adiposorum tubulorum, pertusam. Venæ portæ ac venæ cavæ per totum *hepar* distributionem exhibet talem, qua innumerae utriusque propagines in membranaceas cellulas ovales abeant, inque his pro hepatis glandulis constituendis diversimode convolvantur, per veramque anastomosin invicem conjungantur. Quoties enim jecur suillum in tenues lamellas dividatur, atque hæ in frigida macerentur, toties utramque earum lamellarum superficiem cellulis membranosis instructam, interiori autem cujusque cellulae superficiei speciem quandam musci cinereo-rufi, non nisi extremos fines propaginum venæ portæ cum capillaribus cavæ immediate unitos comprehendentis, ad nutum conspici. Circa venam denique pulmonarem non aliud addit, quam quod illa pro pulmonaris arteriæ sobole jamjam a *Malpighio* fuerit habita; quoniam po-

p. no.

113.

114.

115.

116.

117.

119.

120.

121.

- tiorem curam gerit rationem patefaciendi, qua omnium arteriarum conicarum parietes a sanguine e sinibus cordis propulso per totum sui tractum ab invicem diducantur, simulque a vasculorum ex spongiosa illarum tunica nascentium ostiis una dilatatis, sive sensibilibus, sive insensibilibus, magnitudine, figura & situ discrepantibus, nunc sanguis, nunc alius succus proportionatus admittatur, totque humores diversi vi dictorum vasculorum elastica, mox, dilatatione arteriarum cessante, ad venas pariter, atque secretorios & excretorios tubulos propellantur: quave virium celerissima fiat jactura, si v. g. in febribus malignis motus cordis ad brevissimum etiam tempus intermittat. Ast tædiosum Lectori haud dubie foret, si in iis ulterius commemorandis, quæ *Autor* de renibus, ductibus biliferis, pancreate, tandemque de pia crassaque meninge, cinerea cerebri substantia, quarto spinalis medullæ involucro, vasis sanguiferis cerebrum irrigantibus, glandula pineali, valvula cerebri majore, infundibulo & glandula pituitaria, fusius edocet, quibusque propria eritata in *Neurographia* quoad ultimas partes commissa candide corrigit, tantæ insistere vellemus prolixitati: ex omnibus proinde solam sufficere *renum* structuram percurrere, & duabus membranarum ac duplici substantia coagmentatam. Exterior renum membrana adiposa ductus, quos obtinet adiposos, immediate ex arteriis fertur adsciscere, atque exilissimas eorum productiones ad renum venas extimas per membranam propriam æque spargere ac propria membrana, nervulis, multis vasculis sanguiferis & indefinitis lymphaticis constans, tenerrima lymphatica filamentorum specie ad easdem venas demittat. Exterior vero renum substantia, glandulosa adhuc reputata, omnis vasculosa, i. e. ex arteriis, venis atque innumeris ductuum adiposorum & lymphaticorum utriusque membranae productionibus coagmentata, non minus adstruitur, atque interior eorum compages ex triplici tubulorum genere, arteriis puta, venis & ductibus urinariis deducitur. Arteriarum videlicet emulgentium ramos cum nervis unitos, emissis propaginibus arteriosis & sub albis filamentis ad utramque membranam, modo versus renum pelvim tendendo sub hac alias atque alias e lateribus suis exiguissimas propagines, in exilissimas venas ubique socias abeuntes totamque pelvi subjacentem glandulosam substantiam constituentes,
- p. 123.
 143.
 144.
 146.
 148.
 149.
 155.
 159.
 161.
- exer-

[The page contains faint, illegible text, likely bleed-through from the reverse side.]

exerere, & quidem tot, quot membranaceæ sint fistulæ, ex elongato pelvis margine conflata; modo cum venis versus extimam renum substantiam excurrento in plures facessere arcus majores, minores alios intra & extra se comprehendentes, ac interiorum renum compagem in duo veluti hemisphæria dividentes, a quorum antica & concava parte ad interiorum, a convexa vero & postica parte ad exteriorum renum substantiam indefiniti furculi, venulis ubique stipati, propagentur. Ex antica pariter & concava arteriosorum arcuum parte, ut & ex antica facie vasculosorum plexuum renalium atque ex arteriis concomitantibus spongiosos ductus urinarios, urinam transcolantes & in nonnullis animalibus unum corpus cinereo-albo-spongiosum, in aliis plures carunculas sive papillas concinnantes, primam nancisci originem, ratione, experimentis ac observationibus, uberius evincitur. Antequam tamen explicatione Figuræ finiamus transcriptæ, qua in rene vervecino, secundum longitudinem a parte convexa ad pelvim usque secto, arcus omnes arteriosi una cum membranaceis suis fulcimentis interiorque facies vasculosorum plexuum renalium, exempta substantia vasculoso-spongiosa, repræsentantur, *Experientissimo Auctori de Systemate hoc vasorum corporis humani non possumus non applaudere*, eatenus omnino novo, quatenus ante cum vasorum *Bartholinianorum* lymphaticorum principium a venis; cunctorum vero reliquorum tubulorum secretoriorum & excretoriorum exitum præcise ab arteriarum tunica spongiosa, & nonnullorum finem in venis, nondum, quantum novimus, asseruit ullus, etiam si arteriarum cum venis continuationem *Svammerdammius*, *Leuwenhæckius*, *Graanius*, *Listerius* alique, aut saltem conjunctionem intercedentibus vesiculis *Mayow*, immediatamque simpliciorum organorum secernentium ex arteriis originem *Nuckius*, *Ruy-schius*, *Cowperus*, &c. jamjam divulgaverint.

Explicatio Figuræ I Renem vervecinum exhibentis.

TAB. X.
Fig. I.

- A A A A Extima, seu glandulosa renis vervecini substantia.
B Arcus arteriosi minimi paulo super majores arcus constituti.

Mmm 3

C. Ar-

- C Arteriæ venas comites habentes, quæ e superna & postica arcuum arteriosorum majorum facie nascuntur, & extremitatē renis substantiæ convexam illius partem occupanti efformandæ impenduntur.
- D Arcus arteriosi majores.
- E Ea vasculosorum plexuum renalium pars, quæ arcubus majoribus & minoribus arteriosis circumscribitur.
- F Arcus minores arteriosi.
- G Hæc vasculosorum plexuum renalium pars, quæ a margine pelvis ad minores usque arteriosos arcus protenditur.
- H Cavitas pelvis.
- I Membranaceæ fistulæ e margine pelvis elongato conflata, seu membranacea arcuum arteriosorum fulcimenta, quorum parietes tenuissimi evadunt, dum in arcus arteriosos & venosos abeunt.
- K Ostium ureteris.
- XX Propagines arteriosæ ex arcubus arteriosis majoribus emergentes.

DE AURE HUMANA TRACTATUS, IN QUO integra ejusdem Auris Fabrica, multis novis Inventis, & Iconismis illustrata, describitur; omniumque ejus Partium usus indagantur. Quibus interposita est Musculorum Uvula atque Pharyngis nova Descriptio & Delineatio, Auctore ANTONIO MARIA VALSALVA, Imolensi, Philosophia & Medicina Doctore, in Bononiensi Universitate ad Incisionem & Osthensionem Anatomicam Professore conducto, nec non Nosocomii Incurabilium Chirurgo.

Bononiæ, typis Constantini Pisarü A. 1705. in 4. Constat l. Alphabet. & Figurarum Tab. X.

Præfat.

Quamvis dexterrimum nostrum Anatomicum ii haud laterent, qui majorem in Auribus humanis scrutandis & delineandis posuerunt industriam, inter quos *Celeberrimum Dominum du Vernay* cum primis extollit; quia valde nihilominus dubitaret, an tale organum, cujus partes exiguae durissimo inclusæ habentur ossi, cujusque vul-

vulgatæ historiæ nec inter se, nec cum aure ipsa, in multis conveniunt, adhuc penitus perlustratum esset, proprias vires in admirando ejusmodi sensorio studiosius investigando experiri voluit, ut quæ in eodem aut illustrari, aut augeri, aut etiam inveniri labore & diligentia possent, in lucem protraheret. Neque indefessam accuratissimi Autoris sedulitatem, tantæ spei innixam, felicibus successibus caruisse, præsens tractatus, nitidissimis atque curiosissimis figuris ornatus, eo apertius loquitur, quo evidentius, cum circa *Auris humanæ structuram, tribus cavitatibus, exteriori videlicet sive auricula & meatu auditorio, media seu tympano, & interiori sive labyrintho* constantem, tum circa omnium ejus partium usus, plura novæ sibi detecta, quæ vel sola cum Benevolo Lectore nunc imus communicatum. Ut ab *auricula vero & meatu auditorio* faciamus initium, varia hic, ab aliis neglecta, innuenda veniunt, *glandula nempe cutis sebacea, cartilaginis quidam processus, glandule tragi, auriculæ musculus anterior, musculus tragi & antitragi, novum auriculæ ligamentum, verum auditorii meatus incessum observandi ratio, glandularum meatus auditorii corpus reticulare, auriculæ & meatus auditorii rami venosi a peculiari venæ occipitalioriandi, nonnulla basis cranii foramina, certior nervum in odontalgia adurendi locus, atque in parotide humana lymphatica seu conglobata glandula.* Cutis auriculæ glandulæ salutantur sebaceæ, quod humorem secernant sebo similem, naturaliter post sui exsiccationem in furfureas abeuntem particulas, quales glandulæ in spina pariter & alis nasi, aliisque faciei partibus, potissimum sub palpebris, nec non in capillata capitis parte, atque circa collum & scapulas reperiuntur. Præter notas auriculæ eminentias ac foveas, a cartilagine efformari solitas, exiguas & acutius in parte hujus anteriori, ubi helix immediate supra principium meatus auditorii concham claudit, ostenditur processus. Prout ex parvæ glandulæ tragi vocantur, quæ eiceris exilis magnitudinis super cartilagine ad tragus versus finem collocantur, cum glandulis lymphaticis inguinalibus & axillaribus convenientes, cum parotide autem non confundendæ. Externis auriculæ musculis quatuor, uni superiori & tribus posterioribus a *Casserio* inventis, quintus anterior adjungitur, a temporalis musculi membrana im-

C. I.

P. 3-

4-

5-

7-

me-

- mediate supra exortum processus zygomatici ab osse temporum enatus, &, antequam auriculam attingat, in duas divisus partes, quarum altera in partem anteriorem superioris conchæ cavitatis, altera vero paulo superius in partem anteriorem cavitatis scaphæ infigatur. Duobus autem auriculæ musculis internis, utrumque extremum intra illam obtinentibus, ac in capitibus potissimum macilentorum conspicuis, nomina a trago & antitrago ita imponuntur, ut musculus tragi, ambitu fere circulari circumscriptus, fibris carneis externam tragi faciem occupare, musculus vero antitragi basin ad posteriorem antitragi partem habere, & pyramidis in forma assurgentem in conchæ marginem, ubi antihelix definit, inferi perhibeatur; quibus musculis in auricula fibræ carneæ, a gibbo conchæ circa ejusdem dimidium recedentes & in anthelicem transversim extensæ non minus associantur, atque fibræ aliquando carneæ musculis externis a quadrato colli ad inferiorem auriculæ partem soleant accrescere. Auricula cum osse temporum non solum per musculos exteriores, sed & per nexus membranaceos, imprimis per ligamentum, coherere asseritur, quod acutum illum processum in auriculæ cartilagine indicatum, itemque superiorem cartilaginosi meatus auditorii partem, cum temporali osse ibi colliget, ubi ab hoc zygomaticus processus erumpit. Quo meatus auditorii, a coarctatione conchæ incipientis & usque ad tympani membranam per os temporum progredientis, tota cavitas cylindro quidem elliptico comparata, sed satis tortuosa atque serpentina exacte cognoscatur, cera vel alio liquato corpore jubetur repleri. Membrana adiposa ad meatus auditorii solummodo medietatem dicitur elongari, statimque ab ingressu in fibras carneas abire reticulari ordine dispositas atque suis areis glandulas ceruminis, a *Domino du Verney* primum descriptas, fulcientes, cum e diverso auriculæ cutis eundem meatum investiat totum suæque expansione membranacea, in quam circa medium ejus gracilescit, ipsius membranæ tympani exteriorem faciem constituat. Dum arteriæ ac venæ exteriores traduntur, mentio fit nonnullorum ramorum venosorum, qui sanguinem non in venam jugularem, sed singularem prorsus reducant, ex eo occipitalem appellandam, quod plures ramos alios ab occipitis partibus acci-

accipiat, utrinque alias post mammillarem processum per novum
foramen cranium subintrans, atque sanguinem in sinus laterales
exonerans. Qui funiculus nerveus pone auriculam superiora capi-
tis petit, & in odontalgia omanum certissime aduri potest, si igni-
tum ferramentum quatuor digitos longum tergo tragi, & qui-
dem per transversum auriculæ applicetur, non tam a portione pa-
ris septimi dura, quam ab eo potius nervo statuitur proficisci, qui
inter primam & secundam colli vertebra emergit, atque deor-
sum primum vergens mox sursum reflectitur. Ex glandulis tragi
similique majuscula, in parotide etiam humana sub auriculæ lobo
multoties deprehensa, auriculæ pariter ac meatui auditorio vasa
esse lymphatica, quamvis a nemine hucusque visa, haud frustra
conjecturatur. Sed *tympani* cavitatem ingrediamur, atque in hac
membrana tympani compositionem ex duabus laminis, modum
processus mallei minoris musculum a Casserio inventum detegen-
di, demonstrationem ejus membrana mobilis, cujus interventu
basis stapedis cum fenestra ovali connectitur, foramina tympani
cum cavitate cranii communicantia, nec non tuba Eustachiana
musculum, tanquam nova, una cum nova muscutorum uvula &
pharyngis descriptione, perlustremus. Tympani membranam,
elliptica peripheria stipatam similisque figuræ (nisi quod ex una
parte interruptitur) osseo annulo stricte inclusam, ex duræ me-
ningis partim, partim cutis meatus auditorii, expansione mem-
branacea coalescere, sicque notabili robore pollere, in humano de-
claratur fortu. Antequam Autori de *Experientissimi nostri Rivi-*
ni hiatu membranæ tympani ex *Munnicks* libro de Re Anatomica
constitit, circa interruptam annuli ossei partem indagando, ali-
quando ab eodem exiguum quoddam & sincerum foramen in
tympani membranæ circumferentia, ubi mallei processus minor
illam aliquantum versus meatum auditorium elevat, observatum
fuisse exponitur, in quale tamen postmodum, cum soli setæ porcinæ
irramissioni minus fideret, frustra sæpius inquiverit, licet in statu
præternaturali fluidorum a tympano ad meatum auditorium trans-
itus variis observationibus confirmetur, simulque in ulcerum au-
ris medela balsami Peruviani instillati usus certissimus commende-
tur. Ex tribus mallei musculis, hujus processibus, majori, minori
N a n & mi-

p. 16

C. 1.

18.

19.

20.

21.

25.

- p. 31. & minimo implantatis, ille præcipue, qui in minorem mallei processum definit, in lacertosis atque violenta morte defunctis investigari atque tunc oculis usurpari promittitur, si, cavitate tympani aperta, incus a malleo separetur, & tympani membrana blande e vicinia removeatur, in quantum ille paucis constans fibris totus sub incudis corpore meatuque auditorio condatur. Stapedis basin ellipticam, nullis pertusam foraminulis, fenestræ ovali, quam exacte claudit, per tenuem membranam, circa stapedis capitulum paulo firmiorem, ita cohærescere, ut sursum deorsumve, si opus, per eandem fenestram possit moveri, ex singulari surditatis specie, ab induratione hujus membranz ossæ dependente, satis evincitur. Relictis tamen quatuor ossiculis perioestio, non vero sanguiferis vasibus destitutis, ac in infantibus magis densitate minori quam magnitudine ab adultorum discrepantibus, foramina potius commemoramus, quæ viam sanguini aut ichori a cranii cavitate ad aurem concedunt, atque circa superiora in illo sinuositatis mastoideæ pariete occurrunt, quo ipsa a cranii cavitate distinguitur & sub quo malleus cum incude articulatur, etiamsi aliquando super ipsam quoque tympani cavitatem, nunc duo eorum, nunc tria, nunc saltem unum reperiantur, specillum plerumque ac liquorem per tubam Eustachianam in cavum cranii injectum admittentia. Talia siquidem, quæ per aures soleant excerni, subinde revera a cavitate cranii promanare, observationibus diversis adstruitur; sicuti ortus humoris, quo tympanum irrigatur, vel a membrana, qua investitur, vel interstitiis, cranium & duram matrem interjacentibus, reputatur. Canali a tympani cavitate supra palati extrema dimisso, & ab inventore tuba Eustachiana vocando, musculus attribuitur, qui & hanc tubam, & foraminum nasi internorum extremitatem dilatet, quatenus fibræ carneæ ex latere anteriori tubæ Eustachianæ, a parte ejusdem membranacea, nec non a contiguo extremo margine partis cartilagineæ per totum illud spatium, quod inter tubæ finem ejusque ossæam partem interponitur, deprehendantur progredi, atque, postquam oblique descendendo tendinem efformarunt, per inferiorem partem internæ alæ processus pterygoidis excurrere, donec rursus circa inferiorem marginem foraminum nasi internorum diffundantur atque in horum
37. 38. 39. 40. 43.

sum membrana terminentur. Quoniam vero tubæ isti cum mus-
culis uvulæ & hisce cum pharyngis musculis continuïtas interce-
dit, ususque tubæ Eustachianæ absque certis uvulæ motibus præ-
stari nequit, tanto magis historia musculorum uvulæ & pharyngis
subnectitur, quanto longius etiam vulgares eorundem descriptio-
nes & iconismi a vero abesse videantur. Uvulæ quippe tria muscu-
lorum ostenduntur paria: quorum primum, aptius salpingo-sta-
phylinum, quam pterygo-staphylinum internum, appellandum,
ab inferiori tubæ Eustachianæ parte ossea emergat, hincque
sub inferiori membranacea parte ejusdem tubæ oblique ad uvulæ
basin descendat, ibique cum fibris comparis musculi quasi conti-
nuetur; secundum vero par glosso-staphylinum a lateribus lin-
guæ in parte ejusdem inferiori paucis fibris erumpat iisque
aliquantum restrictis ad latera versus uvulæ medium infigatur; ter-
tium denique pharyngo-staphylinum amplam originem ab in-
feriori pharyngis habeat parte, ubi in œsophagum incipiat restringi,
& per anteriorem pharyngis partem lateralem assurgens, cum ad
ipsius superiora pervenit, fibras suas instar arcus inflectat, sub ton-
sillis protensus atque parti inferiori & laterali uvulæ connexus,
Pharyngis autem, veluti superioris œsophagi partis, membrana
glandulosa, musculis ac tribus orificiis instructa, quinque muscu-
lorum paria cum uno impari exhibentur, suisque nominibus insi-
gniuntur. Primum par, quod vulgo cephalo-pharyngæum au-
dit, idem innuitur, quod pharyngo-staphylinum jam nomi-
natum fuit, staphylo-pharyngæum etiam salutandum, quia pha-
ryngem non minus ac uvulam valeat movere. Alterum par,
glosso-pharyngæum potius, quam sphæno-pharyngæum vocatur,
quod a lateribus linguæ in parte hujus inferiori confusam cum mu-
sculo glosso-staphylineo sortiatur originem, hinc per superiorem pha-
ryngis partem circulari quasi incessu ita pergens, ut fibræ unius mu-
sculi cum fibris alterius, interposita tamen lineola veluti tendinosa,
concurrent. Quemadmodum tertii paris stylo-pharyngæi principium
a processu styloformi, atque finis in lateribus pharyngis jamjam
constant, ita quartum par, omnino novum, hyo-pharyngæi titulo
indigitatur, quod duplicem in osse hyoide obtineat insertionem,
longiorem nimirum in appendicibus cartilagineis, breviorem vero

p. 45.

47.

48.

49.

p. 50.

- in processibus ejus cornutis, a quibus terminis fibræ aliquantulum oblique recedentes versus superiora pharyngis inclinent, & in hujus medium lata expansione desinant, cum oppositis rectam ibi lineam tendinosam componentes. A musculorum hujus partis violenta distensione peculiarem luxationis speciem inferri posse, notabili exemplo confirmatur. Quintum par thyro-pharyngæum nuncupatur, quia ab utroque latere thyroididis, per totam hujus altitudinem duas acutas productiones formando recedat, & suis fibris oblique ascendendo in partem posteriorem pharyngis ad ejus medium in rectam lineam tendinosam more antecedentis desinat, in quantum Casserius pharyngæum vulgo dictum ex duobus musculis compositum jamjam annotavit. Ultimus, qui restat musculus, crico-pharyngæus denominatur, ad sphincteris naturam magis accedens, dum fibræ ejus, sub inferiori partis thyro-pharyngæi productione ab eadem cum ista cricoidis parte recedente, transverse tendunt atque œsophagi principium cingunt.
- C. 3. Tandem, ut auris conformationem absolvamus, indigitanda supersunt: *cavitas orbicularis ante canalis semicircularis majoris orificium proprium, canalium semicircularium proportionem, scalam tympani & vestibuli differentiam, quinque vestibuli foramina nervos transmittentia, tresque canalium semicircularium zona sonora*; cœu quæ in interiori auris cavitate sive *labyrintho*, vestibulum canales semicirculares, & cochleam involvente, fuerunt observata.
61. Canaliculi semicircularium, cavitate elliptica, interdum cylindrica prædicatorum, major qui audit, altero orificio cum canali semicirculari minori gaudet communi, canalem quasi communem constituyente, altero autem proprio in orbicularem quandam cavitatem dilatatur, cum canalis semicircularis minimus per duo orificia, alterum latius, alterum angustius, videatur communicare.
64. Quam proportionem autem tres isti canales semicirculares inter se observent, in multis quidem subjectis magna cura fuit indagatum; quia vero in diversis diversa apparuit, talisque etiam in Tabula peculiari adumbratur, exactam eorundem longitudinum proportionem vix determinari posse, merito colligitur. Dum cochlea per septum aliquod, partim durius, partim mollius sive zonam cochleæ, in duas dirimitur scalas, harum ea, quæ per fenestram rotunda.

rotundam tympanum respicit, scala tympani, quæ autem vestibulum spectat, scala vestibuli salutatur, atque intuitu non solum situs, sed & capacitatis, figuræ & superficiei, utramque inter insignem haberi discrepantiam animadvertitur, in quantum scala tympani cavitatem latiore & irregulari figura donatam, asperamque superficiem, scala vero vestibuli cavitatem minorem & ellipticam atque superficiem levem, obtineat. Altera nervi acustici mollioris portio, quæ in sinuositates versus vestibulum excavatas sese insinuat, non per tria, sed quinque foramina eam vestibuli partem, quæ canalibus semicircularibus opponitur, supra orificium scalæ vestibuli traditur ingredi, atque totidem furculis in tenuissimam membranam uniri, modo in vestibulo medio suspensam, modo præsertim in auribus non recentibus propter exsiccationem, fornici ejus adnexam; a qua tamen vestibuli membrana alia membranæ ad tres canales semicirculares per horum quinque ostia distribuuntur, zonæ sonoræ appellandæ, quod strictioris teniolæ sive parvæ zonæ figuram referant, ac potissimum motibus sonoris excipiendis inserviant. Altera vero ejusdem nervi mollioris portio, sinuositatem versus cochleæ centrum excavatum intrans, per minima foramina cochleam dicitur subire, ibique partem septi membranaceam sive zonam cochleæ constituere. Neque vasa sanguifera, & fortassis etiam lymphatica, cum nervis versus labyrinthum a cerebro delabi ambigitur, cum in oculo bovis ad multos dies in aqua macerato, per nervum opticum non solummodo vasa sanguifera, sed, & lymphatica insignia, apparuerint diffusa. Atque tot novis in tribus auris humanæ cavitatibus lustratis, progredi demum convenit ad ea, quæ circa cunctarum partium descriptarum usus singularia videntur. Quoniam scilicet motus soni ab auricula validius repelli debent, ideo illa auriculæ pars, quam idem motus jamjam subituri contingunt, nempe concha, circumquaque dispositis musculis, in tonico perpetuo motu persistentibus, ex unaquaque ejus parte firmari putatur. De glandulis sebaceis, si per omnem fere cutem adessent, in universum ambigitur, annon quibusdam tumoribus cysticis, præsertim steatomati, originem præbeant, quod partim materia in steatomatis folliculo contenta, similis omnino illi sit, quæ in talibus glandulis reperitur,

p. 69.

72.

76.

77.

P. 2. C. 4.

84.

- p. 87. tur, partim in nulla alia parte æque frequenter, ac in palpebris, ejusmodi tumores observandi & secandi veniant: A cartilaginis incisuris, in meatus auditorii principio occurrentibus, sonoros motus egregie corroborari, exemplo talis polyphonice declaratur tubæ, quæ ex pluribus conglutinatæ chartarum stratis formata vocæ tunc præ aliis intendit, quando interna strata hic illic laxato glutine, ab invicem paulo discedunt, vel studio etiam inter strata
91. illa intercapedines relinquuntur. Circa venam occipitalem proponitur problema: cur Natura, quem sanguinem deorsum in jugularem venam expeditius demittere potuisset, pertusa peculiari foramine calvaria, intra hanc compellere in lateralem sinum maluerit? In soni per quatuor ossiculorum motum mechanicum ab
- C. 5. auditorio meatu ad labyrinthum propagatione ossicula ista prove-
94. Ætibus venditantur, ita sibi invicem adaptatis sive unitis suaque hypomochlia habentibus, ut manubrio mallei versus tympani cavitationem plus minus repulso, mox basis quoque stapedis sursum plus minus per ovalem fenestram moveatur, & illo versus meatum auditorium recedente, hæc itidem eodem momento versus
98. tympanum relabatur. Hinc a stapedis musculo altiore hujus basis per fenestram cum membranæ ruptura ascensum non tantummodo impediri, sed & impulsorum ossiculorum restitutionem promoveri, aut saltem præcaveri, ne in validiori eorundem restitutione tenuis stapedis cum reliquis ossibus commissura dissolvatur. Membranam tympani ruptam haud difficulter in integrum
101. restitui posse, variis comprobatur observationibus; a sono autem omnino commoveri, exactiori scrutinio aliarum tympani
106. partium in eundem usum conspirantium confirmatur. Per foramina in tympano detecta, fluida morbosæ a cavitate cranii modo ad meatum auditorium, modo ad oris cavum, modo ad nares expelli, itemque per eadem aerem externum in duram matrem immediate agere, atque odoramenta in affectibus apoplecticis infirmæ virtutem exercere posse, uberius docetur; quemadmodum, si tuba Eustachiana claudatur, auditum illico amitti, observationibus demonstratur. Uvula cum musculis pharyngo-staphylinis & salpingo-staphylinis, aliquando ad exquisitè audiendum catenus usum præstare posse statuitur, quatenus officium pharyngis, quod
- ver-

versus nares aperitur, a dictis musculis uvulam versus medium hujus orificii simul trahentibus obturetur, obturatumque minorem aeris quantitatem transmittat. Et auditum a musculorum salpingo-staphylinorum erosione omnino graviolem reddi, per experientiam omni dubio liberatur. Tandem sonori motus, interveniente membranae tympani atque ossiculorum motu ad labyrinthi vestibulum delati, eo ordine canales semicirculares atque cochleam percurrere fusius indigitantur, ut ab eisdem intra vestibulum labyrinthi commune canalis majoris & minoris orificium, nec non canalis minimi orificium augustius, utpote fenestrae ovali e directo opposita, primum ingressis, hinc per tres canales ac tria reliqua orificia ad vestibulum, demumque ad scalam vestibuli in cochlea reflexis, potissimum tres canalium zonas, zonamque cochleae, latitudine & longitudine propter diversorum tonorum perceptionem distinctas, tanquam primum auditus organum, affici distinctius constet. De cetero spem *industrius Autor* facit, se posthac, si otii penitusque artificis copia suppetat, naturalem hanc auris humanae anatomiam artificiali, dudum desiderata, esse illustraturum. Ex Figurarum autem elegantissimarum Tabulis decem, Indici antepositis, eas imprimis transcribere visum fuit, quae Tabulam V, VI & X constituentes, novae musculorum uvulae & laryngis descriptioni lucem praeferunt, omnesque auris partes, auditui maxime inservientes simul junctas, atque proprio situ & magnitudine exprimunt.

TAB. X. Fig. 2.

Uvulam exprimit, secundum partem anteriorem, cum suis musculis juxta novam descriptionem delineatis.

A. Uvula.

BB. Musculi salpingo-staphylini.

CC. Musculi glosso-staphylini.

DD. Musculi pharyngo-staphylini.

ee. Tonsillae.

Figur. 3.

Pharyngem exhibet, secundum partem anteriorem, cum suis omnibus juxta descriptionem datam orificiis & musculis; exceptis musculis glosso-staphylinis, in praecedenti Figura lit. CC. sufficienter depictis.

FF. Mu-

p. 122.

C. 6.

126.

136.

140.

144.

TAB. X.

Fig. II.

Fig. III.

FF. Musculi salpingo-staphylini.

G. Uvula sua membrana, nec non parte glandulosa, denudata, ut appareant fibræ musculares in eandem se inferentes. Eadem vero uvula sursum aliquantum tracta, ut orificium pharyngis ad nares aliquatenus in conspectum veniat.

HH. Musculi pharyngo-staphylini, sive mavis staphylopharyngæi; a quorum dextro membrana investiens sublata est, ut fibrarum ejus * * integer processus manifestetur.

II Musculi glosso-pharyngæi: quorum progressus, ut ex toto appareret, pars superior membranæ pharyngis ablata fuit.

KK. Orificium ad nares.

LL. Musculi stylo-pharyngæi.

MMMM. Musculi hyo-pharyngæi.

NNNNnn. Musculi thyro-pharyngæi.

OO. Musculus crico-pharyngæus.

P. Oesophagi principium.

QQ. Orificium ad os.

rrrrrr. Glandulæ hic illic in pharyngis cavitate conspicuæ.

S. Orificium pharyngis ad oesophagum.

TAB. X.

Fig. IV.

Figur. 4.

Pharyngem sistit, omnesque ejus musculos secundum partem posteriorem.

AA. Musculi salpingo-staphylini.

BB. Glosso-pharyngæi.

CC. Glosso-staphylini.

* Uvula sua membrana, nec non parte glandulosa denudata; eademque sursum aliquantum retracta, ut orificium ad nares conspicatur.

DD. Orificium pharyngis ad nares.

22. Musculi pharyngo-staphylini.

EE. Stylo-pharyngæi.

FFFF. Hyo-pharyngæi.

GGGGgg. Thyro-pharyngæi.

HH. Crico-pharyngæus.

33. Linea tendinosa, quam concurrentes musculi glosso-pharyngæi, hyo-pharyngæi, thyro-pharyngæi componunt.

I. Oesophagus.

Fig. 5.

Fig. 5.

Aurem exprimit ab anteriori parte, sive qua finem spectat, aliquantum tamen versus occiput inclinatum, ut distinctius quatuor ossicula in conspectum veniant.

- a. Extremitas aquæductus Fallopiani, a qua auditorii nervorum pars portio dura erumpit.
- b. Portio ossea ex parte sinuositatis mastoideæ, illa nempe, cui alligatur processus brevior incudis, ideo relicta, ut de ejusdem incudis hypomochlio melius constet.
- c. Musculus minimi processus mallei. Musculus vero processus minoris huic oppositus observari non potest, quia totus sub incude & meatu auditorio reconditur.
- d. Musculus processus majoris, qui per totam tubæ Eustachianæ longitudinem extenditur, a canali suo osseo liberatus.
- e. Cartilaginis tubæ Eustachianæ antèrùs latus, in quod præcedentis musculi fibræ carnes inferuntur.
- ff. Musculus novus tubæ Eustachianæ.
- g. Musculus stapedis, liberatus a canali suo osseo,
 1. Canalis semicircularis major.
 2. Canalis semicircularis minor.
 3. Canalis semicircularis minimus.
4. Vestibulum, in cujus secundum hanc partem inspecti fornice duo tantummodo foramina occurrunt ex quinque illis, quæ nerveos surculos in ejusdem cavitatem transmittunt. Tria, quæ supersunt foramina, in sequenti Figura sub oculos cadunt.
5. Canalis cochleæ.
6. Nervorum auditoriorum portio mollis, unam sui partem versus cochleam demittens, alteram vero, quæ in surculos quinque dividitur, in vestibulum protendens: ex quibus surculis duo abscissi, ne duo illa, per quæ ipsi ingrediebantur, modo indicata foramina obtegerent.

Fig. 6.

Aurem delineat, visam a parte posteriori, sive qua occiput spectat, eoque tamen versus anteriora inclinatum, ut fenestra rotunda, membrana tympani, & ex parte etiam ossicula in conspectum veniant.

O o o

a. Aquæ-

- a. Aquæductus Fallopius.
- b. Tubæ Eustachianæ principium.
- c. Cartilaginis ejusdem tubæ posterius latus.
- d. Tubæ finis.
1. Canalis semicircularis major.
2. Canalis semicircularis minor.
3. Canalis semicircularis minimus.
4. Vestibulum, in cuius, ab hac parte inspecti, fornice primo exigua tria foramina in conspectum veniunt ex quinque illis, quæ nerveos furculos in vestibulum transmittunt. Deinde sub iis foraminibus, aliud majus foramen occurrit: & hoc est fenestra rotunda.
5. Cochleæ canalis, intra cuius gyros relicta est sinuositas illa minimis foraminibus pertusa, ex qua ea pars portionis mollis, quæ cochleæ prospicit, eandem cochleam per indicata foramina ingreditur: quæ porro majoris perspicuitatis gratia paulo majuscula, quam naturaliter sunt, ostenduntur. Cætera ex præcedentis Figuræ explicatione perspicua sunt.

Fig. 7.

Exponit membranam vestibuli, item cochleæ & canalium semicircularium zonas, molli nervorum auditoriorum portioni annexas, magnitudine naturali & in eodem situ, in quo conspicerentur, si tota ista labyrinthi superficie, quæ in præcedenti Figura exhibetur, sublata, ipse labyrinthus aperiretur.

TRAITISE OF FLUXIONS, OR AN INTRODUCTION
to Mathematical and Mechanical Philosophy, useful for those, that would apply Mathematics to Nature, by Charles Hayes. Gent.

h. c.

TRACTATUS DE FLUXIONIBUS, SIVE INTRODUCTION
ad Philosophiam Mathematicam & Mechanicam, in eorum gratiam conscripta, qui Mathematicis rebus naturalibus applicare cupiunt. Autore CAROLO HAYES.

Londini apud E. Midwinter, etc. 1704. fol.

Constat plagulis 315.

Autur

Altor Nobilissimus & in novo calculo infinitesimali probe versatus, quantitates, quæ partem quantitatis finitæ infinitesimam constituunt, seu differentias infinitesimales sive inassignabiles, cum nonnullis vocat Fluxiones, ad imitationem receptæ phraeos, qua ex fluxu puncti dicimus fieri lineam; quanquam id revera nihil aliud significet, quam motu puncti lineam describi. Voluit autem hanc doctrinam exponere post *Illustrissimum Marchionem Hospitalium*, cujus præmaturum obitum adhuc lugemus, etsi in modis loquendi & notandi nonnihil ab eo recedat. Alia tamen nonnulla alterius generis utilitatis causa adjungit, & in procæmio doctrinam Conicam compendiose proponit ex opere auper edito *Clarissimi Milnes de Conicis Sectionibus*.

Señ. 1 Naturam quantitatum infinitesimalium exponit.

Señ. 2 Algorithmum hujus calculi tradit, ab *Illustri Leibnitio* in Actis nostris anni 1684 mense Octobri primum propositum, & simul ostendit in multiplicationis Algorithmo, quomodo duorum rectangulorum xy & $(x)(y)$ seu ABCD & AEFG differentia sit $xdy + ydx$. Quod adjectis litterarum notationibus ad ejus figuram hoc modo designare visum est in fig. VIII, ubi AB est x , AD y T A B. X.
AE est (x) seu $x+dx$, AG est (y) seu $y+dy$ & ABCD est xy , & AEFG Fig. VIII.
est $(x)(y)$ & GDCH est xdy , & EBCI est ydx . Unde patet, inter ABCD & AEFG differentiam esse GDCH & EBCI una cum CIFH, seu $dx dy$, sed quod habetur pro nullo. *Señ. 3* agit de modo per calculum ducendi Tangentes, incipiens a circulo, paraboloidibus & hyperboloidibus: de ellipsis quoque & focis tractat: calculum etiam Tangentium ex Curvarum æquationibus ducere docet: deinde ad Curvas non Analyticas procedit. Nonnulla etiam exempla exhibet pro methodo Tangentium inversa, ubi ex valore Subtangenti non difficulter reditur ad æquationem, in qua nulla alia est indeterminata, quam abscissa & ordinata. *Señ. 4* est de arcis curvilinearum superficierum, quas, ubi opus, seriebus infinitis exhibet. Agit & de Logarithmicæ, Cycloidis, Cissoidis & talium arcis. *Señ. 5* de Maximis & Minimis, quam rem illustrat exemplo Dioptrico de facillima via radiorum lucis, & quæ convenit cum linea brevissimi descensus, de quibus in his Actis. *Señ. 6* de punctis flexus contrarii & regressus in Curvis. *Señ. 7*
do

de solidorum dimensionibus & speciatim de iis, quæ rotatione generantur. *Señ. 8* de curvarum in rectum extensionibus & evolutionibus. *Señ. 9* de lineis, quæ concursu reflexarum formantur. *Señ. 10* de iis, quæ formantur concursu refractarum; quas lineas quidam catacausticas & diacausticas vocant. Ubi & de focis vitrorum sphaericorum succedaneorum. *Señ. 11* de centrīs gravitatis linearum, superficierum & corporum. *Señ. 12* de centrīs percussionis. *Señ. 13* de centrīs oscillationis & de pendulis isochronis. *Señ. 14* de infinitesimalium usu in Astronomia. Hic motus Planetarum in ellipsis explicantur, nec tantum *Newtoni* calculus exponitur per lineas trajectoryas, sed & *Leibnitii* per circulationem harmonicam & paracentricas impressiones, ex Tentamine ejus de motuum cœlestium causis his Actis inserto. *Señ. 15* de tangentibus curvarum & differentialibus quantitatum exponentialium: cujus calculi fundamenta, ut multa alia hujus operis, ex his Actis transumuntur, & subinde utiliter illustrantur.

**EPISTOLARUM B. PAULI APOSTOLI TRIPLEX
Expositio. Autore R. P. BERNARDINO A PICONIO,**

Minorita Capucino, S. Theologia emerito Professore & antiquo provincie Parisiensis Definitor.

Parisiis, apud Jo. Anisson, 1703. in fol. Alph. 9.

Scriptorum Paulinorum egregia captus præstantia operis præsentis Autor, Senex venerandus, die eadem ac nocte meditans per longum satis temporis spatium studiose perrexit, & post exactam cujusque capitis discussionem, immo & post plerorumque versuum & verborum saltem obscuriorum explicationem in *Commentario* factam, brevem capitis instituit *Analysin*, in qua velut in speculo exhibetur statim ordo & connexio textus Apostolici, cui denique *paraphrasin* quandam superaddidit, quæ mentem illius fideliter exponeret. Singula autem hæc privatos primum in usus consignavit, nunc vero aliis etiam inservire meditationum suarum publica hac evulgatione laboravit, in qua tamen *Analysin* & *Paraphrasin*, utut natu utraque posterior sit, *Commentario* jure antepo-

teposuit. In *Analyfi* capitis cujusque habetur in suas partes resolutio, quæ tamen ordinem & connexionem simpliciter declarat. In *Paraphrasi* texenda sedulo cavit, ne plura diceret, quam cogitaverit Apostolus, indeque mentem cujusvis textus breviter & clare aperuit ipsiusmet Apostoli verbis, aut saltem æquivalentibus, paucis aliquando tantum additis, quæ ad pleniorẽ intelligentiam visa fuere necessaria. In *Commentario* id egit, ne tricijs Grammaticalibus aut quæstionibus mere curiosis animus distractus exsiccaretur. Istis ergo sepositis, earum loco observationes ubique pias, morales & asceticas expositioni admiscuit. Triplicis huius operæ dilucidationem hanc subministrat. *Analyfin* designare ait in charta quasi Geographica provincias, urbes & oppida, per quæ iter faciendum sit; *Paraphrasin* easdem provincias, urbes & oppida in semetipsis exhibere notat, verum adhuc quoque summam quasi & in globo; at *Commentarium* uniuscujusque urbis templa, palatia, aliaque visu digna quæcunque sigillatim repræsentare innuit. In Prologo, Paulinis Epistolis omnibus generatim præmisso, de earum agit ordine, quem juxta Tillemontii mentem ita concipit, ut primam omnium priorem ad Thessalonicenses, ultimam vero posteriorem ad Timotheum constituat. Sed & singulis seorsim Epistolis peculiare addidit præfationes, in quibus de earum occasione, scopo, summaria idea aliisque ejusmodi disseruit. Ex iis autem ut vel unicum huc afferamus, notatu haud censemus indignum, quod anceps Autor hæreat, dicendumne cum Theophylacto, quod Epistola ad Hebræos scripta quidem a Divo Paulo fuerit Hebraice, sed ab Interprete perito post in Græcam linguam traducta, sive Lucas ille, sive forsitan alius censendus sit? an affirmandum cum Origene, quod cogitata quidem Pauli sint, dictio vero alicujus ex illius discipulis, qui ipsius scribam & interpretem una se gesserit? Quæ in *Commentario* occurrunt notæ atque observationes, paulo breviores sunt, & a recepta passim, Scriptores ad minimum inter Pontificios, interpretandi ratione vix unquam maximopere discrepant.

DESCRIPTIO VETERIS NOVÆQUE ROMÆ.

Amstelodami, apud Franc. Halma, & Lugduni Batavorum
apud Petrum van der Aa, 1704. in fol.

Constat decem fere alphabethis, & figurarum ænearum justis pla-
gulis circiter 90, præter minores quam plurimas ipsi
textui insertas.

Splendidissimum hoc opus, etsi Batavorum præcipue usibus de-
stinatum, dignissimum tamen est, quod ad notitiam omnium,
qui bonas literas & elegantius effictas imagines in deliciis ha-
bent, perveniat. Postquam nimirum magnum illud Thesauri An-
tiquitatum Romanarum Græviani opus Bibliopolæ celeberrimi in-
lucem edidissent, magno inter alia figurarum æri faberrime inci-
sarum numero ornatum illustratumque, ut ex sumtibus eam in-
rem factis fructus etiam aliquis ad nationalium suorum eos, qui
vel Latine nesciunt, vel Thesaurum ipsum comparare non pote-
rant, redundaret, id ceperunt consilii, ut Thesauri velut epito-
men quandam, seu breviorum Romæ descriptionem adornandam
curarent, sed iisdem figuris, & si quæ obviæ forent, aliis instru-
dam. Hæc agitantibus commodum in manus incidit Doctissimi
Viri *Francisci Deseine*, gente Parisiensis, sed qui fortunarum se-
dem Romæ constituit, *Descriptio Urbis Romæ*, quam hic Gallico
sermone in usum peregrinantium composuerat, Lugduni in Gal-
liis A. 1690 edita, & a nobis in Actis hisce Tomo II Supplemento-
rum Sectione VII p. 345 recensita. Eam itaque instituto suo maxime
idoneam, ex Gallico sermone in Belgicum transfundi curarunt,
integram, cumque nossent, *Basilii Kenneti Antiquitates Romanas*,
Anglice antehac in usum Ducis Glocestriæ p. m. editas, in pretio
esse apud Eruditos, a Viro Clarissimo *Wilhelmo Sewel*, quem con-
stat Bibliothecam Orbis Eruditi (*De Boekzaal der geleerde Wer-
relt*) Belgico idiomate hoc tempore adornare, facile impetrarunt,
ut illas ex Anglico in Belgicum itidem sermonem traduceret. Ita
ex duobus illis scriptis nata nostris *Roma hæc Vetus & Nova*, tot
ico.

iconismis exornata, quæ non potuit non, Belgis imprimis, longe esse gratissima. Unum est, quod addamus, Romæ Veteri *Picturas* quoque *Antiquas Sepulchri Nasoniorum*, a Petro Santi-Bartoli delineatas & a J. P. Bellorio illustratas, Romæque primum Italice A. 1680 editas, quas Latine a Ludolpho Neocoro conversas Tomo quoque XII The-
sauri Græviani inseruerant Editores, nunc Belgico sermone operi huic adjectas esse.

Algemeene Weereld-Beschryving &c.

Hoc est:

GEOGRAPHIA UNIVERSALIS AB A. PHER. DE LA CROIX

Gallice primum conscripta, nunc vero in Belgicum sermonem translata a S. DE VRIES.

Amstelodami, apud Fr. Halma, 1705. in 4.

Constat Alph. 10, Plag. 13, Figuris æneis 100.

ET hunc librum Batavorum iidem usui præcipue dicatum, nobis indicare hic paucissimis suffecerit. De prima editione Geographiæ hujus Gallica, in Actis nostris A. 1693, p. 114 seq. diximus, additis etiam animadversionibus nonnullis. Secundæ Germanicæ, in hanc nempe linguam ab Hieronymo Dicelio nostro conversæ & hic illic auctæ, A. 1698, p. 169 meminimus. Tertia hæc Belgica est, quam Simoni de Vries, Viro multis nominibus de nationalibus suis bene merito debemus, qui non solum opus hoc amplificavit magis emendavitque, sed & celeberrimi Sansonis chartas Geographicas & præcipuarum urbium delineationes elegantes adjecit.

SPECIMEN LITHOGRAPHIÆ HELVETICÆ CURIOSÆ, QUO

Lapides ex Figuratis Helveticis selectissimi ari incisi sistuntur & describuntur a JOHANNE JACOBO SCHEUCH-

ZERO Med. D.

Tiguri typis Davidis Gesneri, 1702. in 8. Constat plag. 5. & fig. Tab. VII.

Quanta sit solertia Clariss. Authori, scientiam Physicam in altius evehendi fastigium, testatur abunde, quam ante paucos annos publici juris fecit, Physica Germanico idiomate conscripta. Helveticam in specie Historiam naturalem penitus ut pertexat, interdiu atque noctu operam navat non exilem. Cujus testimonium præsens præbet fragmentum, ex quo de ingenti Fossilium figuratorum in Helvetia reperiendorum numero judicare quis facile potest. Historicum potius quam

quam Physicum agit in hoc specimine Vir Clar. ab examine hypothesium & propriarum cogitationum de origine id genus mirandorum propalatione abstinens. Communicabit tamen easdem, majori observationum supellectile si fuerit instructus, in ampliori opere, cui collectanea inde ab aliquot annis se parasse, in præfamine enuntiat. Pro quo conatu suscipiendo & absolvendo ut Deus vires & sanitatem largiatur, omnes boni nobiscum exoptant. In præfenti Fossilia figurata maxime rara & curiosa nominasse sufficiat. Qualia sunt Concha fossilis tellinoides porosa & levis p. 21; Alitacopodium binis articulis invicem junctis constans p. 27; Rajæ cauda fossilis p. 29; Lentes lapideæ striatæ, utrinque convexæ, vitreis figura similes, in massa lapidea vario sub schemate conspicuæ p. 30; Cranioides, p. 45; Conchula fossilis echinata p. 49; Conchites ab uno cardinis latere brevissimus, ab altero longissime excurrent, striatus p. 54; auris marina fossilis, p. 58; Ceratoides articulatus striis transversis undatus, & ornamentis foliaceis insignitus p. 59; Echinometræ digitus fossilis stellulis undique exornatus p. 63; Cancris Moluccani fragmentum fossile pag. 65.

L I R I N O V I.

Suida Lexicon Græce & Latine. Textum Græcum cum manuscriptis codicibus collatum a quamplurimis mendis purgavit, Notisque perpetuis illustravit &c. Ludolphus Kusterus. Cantabrigiæ, typis Academicis, 1705, fol. Tomi tres.

Antiquæ Literatura Septentrionalis Libri duo. Quorum primus Georgii Hickefii S. T. P. Linguarum veterum Septentrionalium Thesaurum Grammatico-Criticum, & Andreae Fountaine Equitis Aurati Numismata Saxonica & Dano-Saxonica: alter Humfredi Wanleii Librorum veterum Septentrionalium Catalogum Historico-Criticum completitur. Oxonia e Theatro Sheldoniano, 1705, fol. Tomi tres.

Humfredi Hodii de Bibliorum Textibus Originalibus, Versionibus Græcis & Latina Vulgata Libri IV. Oxonii e Theatro Sheldoniano, 1705. fol.

D' Amboinsche Rariteitskamer, of Eene Beschryvinge van allerhande Schaalvischen, benevens de voornaamste Hoornies en Schulpen, als ook zommige Mineraalen, Gestenten &c. door Georgius Everhardus Rumphius. T' Amsterdam, by Francois Halma, 1705. fol. cum figuris multis æneis.

* * * * *

ACTA ERUDITORUM,

publicata Lipsiæ

Calendis Novembris, Anno MDCCV.

DESIDERII ERASMI OPERUM OMNIUM TOMUS V, VI & VII.

Lugduni Batavorum, apud Petrum van der Aa, 1704.

1705. 1706. in folio.

Tomus V constat Alph. 7. plag. 16.

- - - VI - - - Alph. 6. plag. 22.

- - - VII - - - Alph. 6. plag. 13.

DE elegantissima, quæ in Hollandia hoc tempore magno studio sumptuque adornatur, Operum Erasmi editione, mense Augusto anni superioris p. 352 sq. diximus, cum primum, secundum ac quartum eorum tomos in his Actis recenseremus. Suffecerit itaque, nunc quidem solum, indicasse tres tomos alios, qui ex illo tempore editi nuper admodum ad nos pervenere: ut eo certiori spe omnes, solidioris eruditionis, qualem Erasmi scripta nusquam non spirant, cupidi fruantur, opus integrum & certo & brevi in lucem publicam proditum. Utique strenue rem urget solertissimus Bibliopola, neque hætenus aliam ob causam tomum tertium Epistolis destinatum premit, quam quod quotidie adhuc ad eum undique ex Bibliothecis illustribus epistolæ hætenus ineditæ perferuntur, quas una cum antea impressis Lectori benevolo communicare gestit: cujus rei jam aliquod indicium a nobis in Novis Literariis mensi nupero Majo subjunctis factum meminimus.

Tomus ergo *Quintus* scripta Erasmi, quæ ad pietatem instituunt, eaque numero triginta novem complectitur. In his Theologum Practicum se exhibuit Erasmus, ac doctissimi Editoris,

Ppp

ris,

ris, qui Præfationem præmisit, iudicio, dum salutaria monita Lectorum animis instillare nititur, ipse rerum Divinarum amorem, quo animus ejus arsit, abunde prodidit. Tametsi vero idem optet, ut quemadmodum olim pleraque opusculorum horum Galli, Angli, Belgæ, Hispani atque Poloni in linguas vernaculas translata habuerunt, ita & novæ, post tantam linguarum harum ætate temporibus Erasmi ad hanc usque ætatem mutationem, ad elegantiam seculi eorum versiones adornentur, ut etiam, qui Latine nesciunt, ad lectionem eorum alliciantur: ita non dissimulatum tamen, esse in iis quædam, quæ nec sibi, nec aliis, sine ulla exceptione probentur; sed pauca ea ferenda esse monet, ob præstantiam doctrinæ ac salubritatem præceptorum in parte maxima obviam. Eminere autem præ cæteris idem censet *Enchiridion Militis Christiani* (cui Lovanii A. 1518 edito quæ præfixa ab Erasmo fuerat epistola, in nostra hac editione in volumen epistolarum amandata est, constituitque trecentessimam vigesimam nonam) *Opusculum de ratione vera Theologia, Christiani Matrimonii Institutionem, & Viduam Christianam.*

Tomus Sextus Novum Testamentum, cum versione Erasmi Latina Græco textui e regione adjecta, ejusdemque Annotationes exhibet. Quæ quidem nova editio prioribus non uno nomine præferenda est. Nam primum cum in illis numeri commatum non essent additi, in hac & Græcis & Latinis diligenter addidit Bibliopola. Dein Annotationes Erasmi, quæ ad calcem subjectæ antea erant, ut facilius conferri cum textu ipso possint, singulis nunc paginis subjiciuntur. Eadem porro, ut commodius inveniantur, referuntur ad numeros versionis Erasmi, cum ipse olim non in suammet, sed vulgatam translationem eas scripsisset. Præterea summa totius Scripturæ & Index rerum, quæ in Novo Testamento leguntur, in editione autem Frobeniana Operum Erasmi A. 1540 non comparent, quod tamen in antiquiore alia Novi Testamenti editione invenirentur, probante haud dubie Erasmo adjecta, ea hic quoque adjecta deprehenduntur: perinde ac additamenta alia elegantia & frugifera, quæ in editione Basileensi anni 1522 leguntur, in secutis aliis dubium quam ob causam resecta. Ut adeo nihil omiserit Bibliopola eorum, quæ

MENSIS NOVEMBRIS A. M DCC V. 483

quæ novam hanc editionem quam perfectissimam reddere possent. In Præfatione eruditissimus Editor a suspitione Arianismi, in quam apud nonnullos Erasmus inciderat, quod loca quædam, quæ ad Divinitatem Christi, tot aliis argumentis abunde evictam, probandam præter necessitatem adduci vulgo consueverunt, labefactare in Annotationibus visus esset, breviter eundem vindicat.

Tomus Septimus Paraphrases Erasmi in Novum Testamentum continet, Opus, judicante Editore in Præfatione, quod inter omnes ejus lucubrationes multis maxime placuit, atque Auctori minimam invidiam creavit. Ne vero nec illæ ornatiores prodirent, commata primum diligenter numeris ad marginem notari Bibliopola curavit. Deinde textum quoque integrum Vulgatæ Novi Testamenti versionis in margine exhibuit, primis tantum octo Matthæi capitibus exceptis, quod hujus rei non statim ab initio impressionis in mentem venisset. Denique singulis capitibus summam contentorum complexa disticha præfiguntur, dudum nescio a quo edita, nec nulli tamen usui Lectori futura.

OBSERVATIONES MACULARUM SOLARIUM

a R. P. JARTOUX Soc. Jes. Pekinomissa
ad G. G. L.

Die prima mensis Novembris anni 1701 hora circiter post meridiem $1\frac{3}{4}$ directis casu in Solem Telescopiis 6 pedum, visa est macula in disco Solis distans $\frac{1}{11}$ circiter a margine inter orientem & meridiem. Illius figura erat oblonga sed irregularis; mole exigua muscam æquare visa est. Fig. 1.

Eadem die hora circiter tertia apparuit alia, sed multo minor, inter priorem & marginem Solis, paulo vicinior majori maculæ quam margini. vide Fig. 2.

Die secunda oriente Sole eadem visæ sunt maculæ, quæ prius, sed paulo a margine remotiores, & inter se magis distitæ. Tum alia tertia deprehensa est inter primam & secundam versus Astri meridiem; hæc erat minima, nec nisi telescopio duodecim pedibus longo videri potuit. Vide Fig. 3. Secunda longior apparuit quam hesternæ die, ita ut in Solis marginem prope orientem porrigeretur. Maxima seu prima macula visa est circumdata

Ppp 2

cras-

TAB. XI.
Fig. 1.

Fig. 2.

Fig. 3.

crassiori aliquo quasi aere in modum atmosphære, cuius extrema facile discerni possent. Multæ etiam passim illuxerunt faculæ tres illas complexæ maculas, & ad viciniorem Solis protractæ marginem. Hæc per duas horas ab ortu Solis distincte observare licuit.

Eadem die ante occasum Solis secunda seu minor macula in duas divisa fuit, easque exiguas, sed distinctissimas. Tum non longe a tertia macula mane deprehensa, altera quarta conspecta fuit tenuior, Solisque versus orientem sita. vid. F. 4.

Fig. 4.

Die tertia oriente Sole paulo major visa est prima macula una cum ampliori quasi atmosphæra. Secunda non amplius in duas divisa apparuit, sed vel utræque coaluerunt inter se, vel alterutra evanuit. Quæ superfuit tamen ex illis, erat rotundior, quam prius. Tertia situm mutasse visa fuit, eandem rectam lineam cum prima & secunda occupabat. Quarta vero tenuior quæ hesternæ die primum apparuerat, magis ad meridiem accessit, fuitque semper minor qualibet altera & primæ ampliorique maculæ propior. vid. Fig. 5.

Fig. 5.

Ex tot maculis sola constans fuit, quæ prima maximaque fuerat; nam cæteræ omnes una cum faculis evanuerant, etiam ante horam post meridiem secundam. Interea duæ aliæ (F. 6.) mole quidem exiguæ, sed obscuritate conspicuæ visæ sunt, inter centrum Solis & constantem priorem maculam æquo ferme intervallo. Tum inter extremas istas alia tertia, denique etiam quarta deprehensa fuit, ita ut duæ extremæ majores, duæ mediæ minores essent, vixque percipi possent. Fig. 7.

Fig. 6.

Fig. 7.

Die quarta oriente Sole jam non amplius visæ sunt minores maculæ, quæ pridie apparuerant. Sola major illa, de qua prius, conspici potuit, sua semper circumdata quasi atmosphæra. Sed tamen hora post meridiem $2\frac{1}{4}$, eam ferme dixisses divisam in duas, quarum altera minor meridiem, altera major Solis orientem respiceret. Occidente deinde Sole, divisa etiam visa fuit, sed non certo, ita ut dubium adhuc esset, an perforata, an secta in duas foret macula; ea jam tum tertiam Solaris diametri partem percurrisse videbatur. Fig. 8.

Fig. 8.

Die

MENSIS NOVEMBRIS A. M DCC V. 485

Die quinta oriente Sole, quantum solius telescopii ope judicare potui, deprehendi maculam illam tunc sitam esse in diametro efficiente cum axe Solis angulum circiter viginti quinque gradus orientem inter & meridiem: eamque jam $\frac{2}{3}$ partibus diametri versus centrum processisse. Denique divisam esse in duas, certo compertum est. Quæ minor hesternæ die meridiem respicere videbatur, ea hodie versus proximum Solis marginem sita eandem omnino cum majori diametrum occupabat. Fig. 9.

Fig. 9.

Eadem die hora circiter post meridiem $\frac{1}{4}$ divisæ superius maculæ intervallo majori distare ab invicem visæ sunt, ita tamen, ut eadem adhuc quasi atmosphæra concluderentur. Major Solisque centro vicinior juxta minorem in longum porrigebatur: minor vero prope triangularis erat. Cæterum jam tantæ molis non erant, quantæ fuerant altero abhinc die, priusquam divisæ apparerent. Ante Solis occasum magis semper ac magis ad Astri centrum occidere eadem maculæ visæ sunt. Fig. 10.

Fig. 10.

Die sexta duplex illa constansque macula Solis axem superasse deprehensa est centrum inter & meridiem, minorque ipsius a centro digressio videtur fuisse $\frac{1}{10}$ diametri. Situs utriusque is fuit, quem fig. 11. exhibet. Atmosphæra, quam dixi comprehendere maculas, jam etiam in duas dividi tenuiorque fieri visa est. Hæc Sol oriens Fig. 12.

Fig. 11.

Fig. 12.

Eadem die ante occasum Solis maculæ multum ad occidentem processerant.

Die septima Nov. oriente Sole utraque non parum minui macula visa est. Motus ad occidentem videtur fuisse celerior, circa axem Solis quam alibi. In ipso meridie transmissa per telescopium Solis imago, & plano perpendiculari excepta eum macularum situm exhibuit, quem ostendit Fig. 13.

Fig. 13.

Eadem die occidente Sole, maculæ mihi visæ sunt adeo vicinæ diametro conjungenti orientem & occidentem, ut semper dubitaverim, an illum jam superavissent, nec ne. Etsi minuantur indies plurimum, tamen illas ad extremum discum perventuras existimavi, imo & aliquamdiu postea duraturas, quanquam absoluto orbe recurrere non posse videantur.

Die octavo Sol tam oriens quam occidens, maculas minui & ad septentrionem jam declinare confirmavit: in ipso meridie ab occidente abesse visæ sunt $\frac{1}{2}$ parte diametri.

Fig. 14. Die nona orto jam Sole maculæ visæ sunt ab occidentali margine distare circiter $\frac{2}{3}$ diametri. Fig. 14 exhibet macularum situm ipso meridie observatum. Sol occidens eas multo minores & ad marginem eodem cursu procedentes ostendit.

Fig. 15. Die decima macularum situs e diametro respondebat ei loco, in quo primum deprehensæ fuerant, antequam in duas abirent. In ipso meridie atque occidente Sole illas quidem, sed non illarum atmosphæram per nubila videre licuit. Fig. 15.

Fig. 16. Die undecima orto jam Sole visa est macula instar puncti oblongi jamjam proxima margini occidentali. Fig. 16. Illi præibat punctum lucidum paulo maculæ quam margini vicinius, sed valde conspicuum. Aliud etiam punctum lucidum micabat in maculæ capite versus occidentem. Prope eandem versus centrum erant multæ aliæ longiores faculæ.

Fig. 17. Eadem die, hora circiter decima, deprehendi vix potuit macula, quæ non nisi instar lineolæ apparebat vicino Solis margini parallelæ. Micabant etiam duo, de quibus superius, puncta lucida. In ipso meridie eadem macula visa est declinare ab occidente versus septentrionem, viginti aut viginti quinque circiter gradibus. Hora circiter secunda, præter duo superiora puncta migrantia, apparuit non longe a macula linea curva perlucida versus septentrionem, quam etiam mane deprehendisse mihi visus sum. Eadem vidi adhuc occidente Sole. Fig. 17.

Die duodecima oriente Sole frustra quæsi maculam, quæ in percurrendo Solis disco insumisse mihi visa est duodecim circiter dies.

Atque ea sunt, quæ circa Solis maculas homini observare licuit omni ope destituto, tum quadrantis, tum horologii oscillatorii. Verum ea ipsa solum die, qua videri desierunt maculæ, in mentem venit mihi, potuisse me facile constantem illius maculæ locum in disco Solis sine ullo errore deprehendere, qualibet non solum die, sed etiam diei hora, atque ita ejus motum certo metiri,

MENSIS NOVEMBRIS A. MDCCV. 487

si nempe telescopio aptassem duo, ut sit, ad angulos rectos se mutuo secantia reticula, tum directo ad Solem telescopio numerassem oscillationes alicujus globi & filo penduli, dum Sol mox unum, mox alterum simul percurrit reticulum, atque etiam notassem, cui oscillationi uterque per utrumque reticulum maculæ transitus responderet: nam tunc sive linearum sive numerorum ope habuissem, quonam in Solis loco sita esset macula.

Quod spectat ad faculas, cum meminissem *Christiano Eugenio* nunquam in Sole visas fuisse, eximiumque illum Astronomum sentire, in Sole nihil esse posse ipso Sole lucidius, majori adhibita diligentia, quicquid potui diu multumque observavi, idque præcipuum deprehendi, fuisse circum faculas quandam diffusam, quasi fuliginem tenuiori fumo haud absimilem, ita ut faculæ nullo modo essent lucidiores iis Solis partibus, quæ nulla ejusmodi fuligine macularentur. Unde fieri posse putavi, ut materia, ex qua conflarentur, vel in quam resolverentur maculæ, diffusa per aliquam Solis partem sua hic densitate maculas, hic diaphaneitate faculas in Sole efficeret, præsertim cum non apparuerint faculæ, nisi crescentibus aut jam evanescentibus maculis.

LITTEGGINGE VAN DEN PROPHEET AMOS &c.

i. c.

EXPOSITIO PROPHETÆ AMOS, QUÆ VOCUM EMPHASIS, loquendi formulæ, prisicarum gentium ritus, varique antiquitates & historie explicantur. Per THEODORUM van TOLL, apud Wudebergenses Ministrum.

Trajecti ad Rhenum, apud Ant. Schouten, 1705. in 4.

Constat alph. 3. plag. 3.

Qui edecumatis lucubrationibus suis, quibus tum jura Christi Regia ex Ps. LXXII, 1 (in Actis nostris A. 1687 mense Martio p. III. memorata) tum Prophetiam Joelis iusto commentario illustravit, solidæ eruditionis laudem, publicumque meruit plausum Reverendus Autor, jam absolutum expositionis vaticiniorum Amosi opus erudito orbi sistit, nec auctoris indignum nomine, nec lectori poenitendum. Cujus in elaboratione can- præf. *** 3. dem

p. 2. dem secutum se fatetur rationem ac methodum, qua in Joëli explicando usus, quamque in præfatione illius commentarii prolixè exposuit. Rem omnem vero ita aggreditur, ut universam Prophetiam in tria partiatur membra, quorum 1. gravissima complectitur judicia Dei ac poenas Syriis, Philisthæis, Tyriis, Edomitis, Ammonitis & Moabitis infligendas: 2. Judaici extirpationem populi, sublatumque penitus a Juda & Israel regnum juxta ac sacerdotium memorat: 3. regnum Christi divinasque pollicetur benedictiones per Evangelii præconium in converfos Judæos panter & gentes conferendas.

4. Cum quæ in præcognitis explicari solent, Propheta ipse v. 1 exponat, ad ipsam statim textus exegesis se accingit Autor, ante omnia observans, alium hunc & diversum a Patre Esaia, cujus 2. Reg. XIX, 2. 20. 2. Chron. XXVI, 22. Es. I, 1. fit mentio, esse Amosum: quod iste regio ortus sit sanguine, noster autem humili loco natus, & pastoritium vitæ genus secutus. Ubi quidem in significationem vocis **נָקָר** inquit, quæ cum ad radicem **נָקַר** **רָגַעוּ**, signare, stigmatibus impressis notare, originem suam referat, ob notata ac signata pecora ad pastores translata est. Qua in derivanda origine, varia ex antiquitate lectu haud indigna inspergit. Hinc ad Patriarcharum vitæ institutum pergit, eosque non ex ea, quam Aristoteles reddit, ratione pascendis pecoribus operam dedisse affirmat, quod otio fere diffuant, & sine labore victum parent pastores: sed quod id vitæ genus animum non adeo occupet, aut a divinarum rerum abstrahat contemplatione. Tum & pecorum perquam necessarium in sacris ipsorum usum fuisse: quid quod & pastoritia vita egregia ad rite & sapienter ineundas rationes monita suppeditet, quibus, ex Philonis judicio, Moses etiam, Jethronis oves per quadraginta annos pascens, mansueto populi Israel regimini assuefactus fuerit? Tum porro in Ægyptiorum, quo pastores prosequabantur, odii causas paulo curatius inquirat. Et has quidem alii, Manethonis apud Josephum testimonio nixi, in turbas conjiciunt, quas pastores olim Ægyptiis ingentes dederunt, ipsorumque in se animos, irasque hoc pacto concitarunt: alii in pecorum mactatione & cæde collocant, quæ pastoribus frequens, Ægyptiis pecora ceu Numina colentibus, religio-
- 5.
- 6.
- 8.

MENSIS NOVEMBRIS A. MDCCV. 489

ligionis fuerit: *Nunquam fas fuit Aegyptiis*, inquit Macrobius l. r. Saturnal. c. 7. *pecudibus aut sanguine, sed precibus & iure solo placare Deos.* Quod & Juvenalis confirmat: quanquam minus bene huic sententiæ cum Scripturæ testimoniis, Gen. XLIII, 16. XLVII, 16. 17. Exod. IX, 19. convenire videatur. Cuius quæ circa hanc quæstionem mens sit, ex ipsius verbis l. 1. de Republica Jud. c. 5. intelligi potest. Et huc quoque faciunt, quæ Jos. Scalliger Animadvers. ad Chronolog. Eusebii p. 18, Heidegger. Histor. Patriarch. Exercit. 1, Joh. van der Wayen Varior. Sacr. p. 298, & Burmannus *Wet en Getuygenisse* p. 298 observarunt. Jam ad Amosum redit Autor, c. VII, 14 se inter **נקרי** referentem: quam vocem cur per *אַנְנָפִי* LXX Int. lectionis vitio decepti reddiderint, exponit. Thekoam, unde oriundum se ait Propheta, cujusque crebra in sacris literis mentio fit, 2. Sam. XIV, 2. XXIII, 26 &c. Kimchi florentissimum dicit oppidum fuisse regionis Asser: Epiphanius in regionem Zabulon locat, uterque non adeo verisimilibus argumentis nifus. Ex communi sententia urbs Judææ habetur, sex circiter milliaribus, juxta Hieronymum, ab urbe Bethlehæm distans, Hierosolymis versus meridiem sita, versus regionem Engeddi & desertum. Quæ licet arida esset & sterilis regio, ovibus tamen alendis sufficiebat, ideoque pastoribus frequens. Quorum e numero cum noster fuerit Propheta, occasionem nactus Autor, locum communem egregie illustrat, qui factum, ut eos sæpe ad obeunda ministeria sua vocarit Deus, qui nec autoritate, nec natalium splendore pollerent, sed in re tenui essent, vilesque ac contemti haberentur? Porro occasione verborum v. 1, **וְהָיוּ** cur Videntes olim dicti Propheta, & quot coelestium visionum in usu fuerint genera, erudite exponit. Sed & ad alia progrediendum.

Cum Cap. statim I, p. 37 sqq. pœnas denunciat gentibus Propheta, in enumerandis ipsarum delictis solenne quasi ipsi est, ut tria quatuorve memoret peccata: quæ numeri restrictio in varias interpretes sententias traxit. Sunt, qui cum Vatablo, Clario, aliisque Pontificiis, utroque in unum conflato numero, septenarium efficiunt: commenti præsidium in particulam **שֶׁבַע** singulis præmissam numeris collocantes; tum & quod septenarius multitudinis sit

p. 9.
10.

II.

12.

13.

7.

p. 38.

39.

fit & perfectionis numerus, ut in Scripturis Gen. IV, 24, Lev. XXVI, 18, 21, 24 &c. sic apud prophanos, Callimachum, Philonem, alios, Dougtæo in Analect. Sacr. Excurs. 169 allegatos. His ergo ea Prophetæ mens est: bis terve si in me deliquisset Damascus, haud gravatim veniam darem; at cum septima etiam vice, i. e. creberrime, ad iram me provocarit, suæque impleverit iniquitatis mensuram, haud diutius parcam. Alii rursus non combinatos, sed singulos indefinite accipiendos numeros censent, velut pari dictionis valore apud Homerum τρίς καὶ τετρακτὺς, & apud Virgilium ac Senecam, *o terque quaterque* dicitur. Quæ satis congrue conveniunt cum phrasi, sex & septem Job. V, 19. Prov. VI, 16; septem & octo Coh. XI, 2; duo & tria Job. XXXIII, 29; tria & quatuor Prov. XXX, 15. Unde sensus emergat talis: quod non tam ob tria delicta, quæ velut silentio involuta præteriri potuissent, quam ob quartum cumprimis, quod ferrea Gileadi trituration sit, contra Syros & Damascum insurgens Dominus, debitas rebellionis, superbie & contumacie ab ipsis repetiturus sit poenas. Sed vero alii determinatum hunc numerum malunt, eo quod quatuor maxime vicibus Israelitis bellum intulerint Syri. 1) cum in gratiam Asæ regis Judæ, arma caperent contra Baasam regem Israel, qua in expeditione Syriacus Benhadadi exercitus ingentem regno Israel intulit cladem, 1 Reg. XV, 18. 19. 20. 2) regnante in Israel Achabo, quo tempore adverso bis pugnarunt Marte, cæsis ultimo in prælio centum hominum millibus, præter viginti septem millia, Aphekæ moeniorum ruinis oppressa, 1 Reg. XX. 3) cum Hazael & Benhadad reges Syriæ cum Joahas conflicerent, ac universam fere Israelitarum gentem delerent, 2 Reg. XIII, 4) cum Rezin rex Syriæ & Pekah rex Israel Hierosolymas obsidione cingerent, Ahas in Juda principatum tenente, 2 Reg. XVI. Quatuor ergo bella Israeli & Judæ Syri moverunt, quorum priora licet multa, quartum tamen haud impune tulerunt, cum rex Assyriæ Tiglath-Pileser Rezin bellum faciens, ipso occiso Damascum expugnaret, civesque sub jugum mitteret. Sunt denique interpretum alii, maxime Pontificii, qui tria Damasci delicta de idololatria exponunt, incestu & cæde, quartum autem triturationem ferream dicunt. Quæ priora tamen cum non expresserit Amos, bene

Corn.

Corn. a Lapide *illa*, inquit, *ex cerebro interpretum confecta videntur*. Hæc itaque cum sine fundamento corruant, alii tritissimam ingressi viam, indeterminatum hunc numerum dicunt, de omni injuria Syriorum, Israeli, Judæ aliisque populis illata capiendum. Ita Cyrillus, Hieronymus, Vatablus, Drusus & alii multi, numerum certum pro incerto sumendum statuentes. Tandem ut suam quoque adjiciat symbolam Autor, tria priora non solum, ignota, sed & inulta existimat delicta fuisse, ad tempora usque Amosi: quantum tamen triturationem esse ferream, scelerum gravissimum, quod divinam maturarit vindictam. Quæ autem hæc triturationis fuerit, ex iis vult peti, quæ in Joëlem commentatus est p. 261 & 443. Hic paucis saltem observat, per Gilead non unam designari urbem, quæ Cyrilli & Theodoretii sententia fuit: sed integram regionem tribuum Gad, Ruben & Manassis hæreditariam. Tum & ad vocabulum מלחמא notat, quod LXX per πρίονας ferras reddant: Symmachus, Aquila & Theodotion τροχῶς rotas: Theodoretus πρίονοειδῆς τροχῶς falcatas rotas: Hieronymus currus, alii aliter. Ferreis itaque curribus seu rotis triturationi aptis Israelitas a Syris dissecatos ac ferratos fuisse: quod poenæ genus in Oriente haud infrequens, teste Jud. VIII, 7. 2. Sam. XII, 13. 1. Chron. XX, 3. Proverb. XX, 26. Nil itaque cogit, ut cum Mercero improprie de violenta sumatur oppressione. Sed ex his ceu ungue sufficiat agnovisse leonem; cætera B. L. industriae relinquimus.

p. 40.

41.

DE JURE PROEDRIÆ SEU PRÆCEDENTIÆ
variarum *Questionum Decades dua*, Auctore CASPARE HEIN-
RICO HORNIO JC. & Antecessore Witte-
bergensi, Editio secunda
auctior.

Wittebergæ apud Meyerum & Zimmermannum, 1705. 4.
Constat 14. plag.

PLerisque hominibus delicata sui ianata est æstimatio, adeo ut non tantum contemptum aliorum ferre non possint, sed & aliis sine causa postponi nolint: hinc non infrequentes, in vita civili, de præcedentia sunt contentiones. Ex hoc genere Excellen-
tissi-

tissimus Autor duas decades exhibet, quarum syllabum breviter texemus. In prima decade primum occupat locum quaestio generalis, de moralitate controversiarum praecedentiae: deinde disquiritur, utrum Consiliarius Principis Imperii titularis praecedat Doctores & Licentiatos? tertia quaestio ostendit, quo loco Comes Sacri Palatii haberi debeat? in quarta disputatur, num is, qui prior licentiam adeptus est assumendi Doctorales honores, postea Doctor creatus, praefendus sit illi, qui medio tempore & Licentiatatus & Doctor factus est? Quinta expendit, utrum Doctoris filia innupta mercatoris uxori sit praefenda? sexta rationem, litis, inter bibliopecti & lanionis uxores de praecedentia composuit, exhibet: septima de eo satagit, quis e duobus potior, qui unius ejusdemque temporis rescripta Principis, quibus munera publica conferuntur, insinuant? octava poligraphum municipii, cum senatoribus vel decurionibus de loco certantem, sistit. In nona disceptatur de jure Collegii, quoad vindicandam aut defendendam Praesidis vel Collegae praecedentiam: decima tractat controversiam, utrum illi, qui in urbibus oppidisque, inter cives vexilliferorum munere funguntur, jus praecedentiae, intuitu aliorum civium habeant? In secunda decade Consultissimus Autor disceptat de praecedentia Doctorum, eorumque lite cum Consulibus civitatis municipalis: postea praecedentiam substituti Scholae Rectoris explicat: inde pergit ad quaestionem, utrum actus praecedentiae, quem antecessor exercuit, in possessorio prosit successori? huic subjungit praediam Doctorum, intuitu Superintendentium & Praefectorum, hoc etiam addito, quod Collegia Juridica de jure praecedentiae omnino respondere possint. His adductis, praecedentiam respectivam enucleat, ac quis praedia potior sit, si plures in exercitio jurisdictionis simultaneo concurrant, ostendit: tum praecedentiam Advocatorum, ut & biblioplae & mercatoris explanat, atque, evoluta actuum publicorum & privatorum, praecedentiae intuitu distinctione, castratoribus suum, qui cenopolis, ex quadam rubrica, ab ipsis non allegata praeferi cupiebant, ultimum locum cedit. Illustrando Consultissimi Autoris labori, vel unius quaestionis rationes specialius nonnihil recensimus. In decadis primae quaestione tertia, ut antea indicavimus, de Comite Pala-

MENSIS NOVEMBRIS A. MDCCV. 493

Palatino sermo est. Vivebat ille in civitate quadam municipali, in qua Senatorius ordo eo jure utebatur, ut singuli Doctores & Licentiatos præcederent. Quem ergo locum ipse ambire posset, edoceri voluit, ac id responsi a Facultate Juridica Wittenbergen- si accepit, quod Consuli regenti locum honoratiorem cedere debeat, cum velut incola jurisdictioni magistratus oppidani subsit. Hac occa- sione non tam quasitum, quam potius pro certo suppositum fuit, quod Comitiva superet dignitatem Doctorum, cum Comites Pa- latini plerumque a Cæsare accipiant facultatem creandi Doctores; hi etiam, post exactos in Academiis legendo docendoque viginti annos, ex communi sententia, Comitivam nanciscantur; non mi- nus Comites Palatini Nobilibus pares habeantur, in multis quo- que iis præferantur, Illustres, Nobiles, Spectabiles & Clarissimi, nec non Consilarii ac Consistoriales Imperatoris audiant; Comit- va etiam titulis Consiliorum Cæsareorum, in Capitulat. Leopoldi art. 44 præponatur, ac involvat communicationem exercitii Re- servatorum Imperatoris, quæ ne ipsis quidem Statibus Imperii, præcipue extra territoria sua, facta sit. In eandem sententiam, in casu simili, pronunciavit Facultas Juridica Hallensis, & licet pro Doctoribus, contra Comites Palatinos, suffragium tulerit Col- legium Juridicum Jenense, attamen quid ejus rationibus repo- nendum sit, alio Responso Hallensi ostenditur.

JOHANNIS VOET, JURISCONSULTI ET AN-
tecessoris in Academia Lugduno-Batava, Commentarius ad Pan-
dektas, in quo præter Romani Juris principia ac controversias
illustriores, Jus etiam hodiernum, & præcipue fori quæstiones
excitantur. Pars hæc posterior continet octo &
viginti libros posteriores.

Hagæ Comitum, apud Abrahamum de Hondt, 1704. in fol.
Continet Alphab. 12.

PRimam egregii hujus operis partem recensuimus in Actis anni
1699, mens. Novembr. ibique de laudabili Celeberrimi Autoris in-
stituto, de ordine quem sequendum sibi duxit, de elegantia sermo-
nis ipsius, deque singulari ejus eruditione, candore, industria ni-
hil

hil diximus, quod non idem ad partem hanc posteriorem jure merito sit trahendum. Tardius a se impleri fidem, in primi voluminis præfatione datam, de hoc altero tomo edendo, non in sequiorem partem acceptum iri sperat Noster, si se, quotidianis professionis publicæ negotiis districtum, horas tantum subcivitas laboris hujus absolutioni impendere potuisse, cogitaverint Lectores, atque insuper materiarum partis hujus posterioris amplitudinem, respexerint ac difficultates. Quamvis autem haud grave sibi futurum fuisse dicit, apparatu majore de pluribus disserere, verbis tamen parcendum censuit, rebusque potissimum, compendiose quidem, nec tamen eo minus pro dignitate explicandis, incumbendum; quarum etiam copia tantum non obrutus, evitare haud potuit, quin pars hæc secunda in longe majorem, quam prima, excreverit quantitatem, ne alioquin, quod quibusdam accidit, posteriora minore videretur diligentia, quam priora, tractasse. Cæterum, cum Virorum doctissimorum lucubrationes, de nonnullis ulterius cogitandi ansam præbuerint, calci totius operis quædam adjecit, quæ non solum iis, quæ in parte priori, sed & his, quæ in hujus secundi voluminis ea parte, quam ante biennium excusam dicit, illustrandis & limitandis inserviunt. Si quid verò tum in hac, tum in priore commentarii hujus parte affectaverit, id unum fuisse declarat, ne quenquam offenderet, neque tumidiore inflatoque scribendi genere uteretur, sed æquabili atque perspicuo; eo excepto, quod in *titulo de questionibus*, pro moderato in criminibus indagandis tormentorum usu pluribus agens, aliam quodammodo dicendi rationem adhibuerit, oratione ante annos plurimos publice recitata, nunc typis ibidem descripta.

p. 4, n. 7.

Ex tanta, quæ nobis offertur, rerum selectissimarum copia, visum fuit, speciminis loco, excerpere sequentia. In titulo de *Sponsalibus* asserit, quod si liberi sub conditione, *si parens in nuptias consenserit*, sponsalia contraxerint, & pater rogatus primo consentire noluerit, deinde vero, sæpius aliis intercedentibus, in nuptias consentiat, filius aut filia ex primo illo dissensu a vinculo sponsaliorum non liberetur (secus ac statuit Brouwerus) sed potius ex consensu paterno post interposito, etiamnum ad nuptias compelli possit. In hujus asserti fidem allegat *arg. L. 12. §. 2. ff. rem*

rem ratam haberi; ex Lege autem 89. §. 1. ff. Verb. d. Sign. cum decisionem casus plane diversi contineat, nihil in contrarium concludi posse contendit, proque sua sententia facere dicit placitum Ordinum Ultrajectinorum de matrimonio 6. Octobr. 1584. art. 10. Contra eundem Brouwerum, qui existimat, conditionem illam, *si abortum procuraveris*, sponsalibus adjectam pro non adjecta habendam, hanc vero, *si copulam admisseris*, esse re ipsa adimplendam, nisi mulier pudicitiae studens, velit matrimonii futuri spe decidere, variis argumentis ostendit, quod ex sponsalibus sub utraque conditione contractis ad nuptias juvenis compelli debeat, sive conditio impleta fuerit, sive implementum ejus sponsa, famiorem secuta rationem, facere aut pati recuset; ne alioquin melioris sit conditionis, quæ turpe factum adimplet, quam quæ mature poenitens a probro abstinet, & virtutem sceleri anteponit. Sponsalia de præsentis vulgo dicta, a sponsalibus de futuro, quantum ad effectus juridicos, apud Belgas diversa non esse affirmat, licet aliud jure Canonico scripto placuerit; adeoque sponsalia posteriora, verbis præsentis temporis contracta, non debere obesse prioribus, per temporis futuri verba initis, concludit. Non tamen cum Simone van Leeuwen existimandum esse monet, sponsalia posteriora, ab initio in præjudicium priorum haud recte inita, ex eorum genere esse, quæ tractu temporis vires haud assument, sed potius firmari eadem, si sponsa, quæ jure potiori nitebatur, mortua sit, aut desistat sponte, ita ut altera tunc sponsum ad nuptias cogere possit. In titulo *de Nuptiis*, polygamiâ a Deo in patribus V. T. per quandam conniventiam toleratam, vel saltem non notabilibus poenis coercitam, revera præceptis Divinis adversam fuisse, remissive asseverat. Edicto Caroli V. de A. 1540. constitutum fuisse docet, eum, qui puellam annis viginti minorem duxerit, quæve adolescenti minori annis viginti quinque nupserit, non impetrato consensu patris aut matris talium minorennium, aut majoris partis proximorum cognatorum, si parentes deficiant, aut denique ipsius magistratus, cujus jurisdictioni minores tales subiecti sunt, nihil lucrari posse ex bonis talis minorennis seducti vel seductæ, sive donationis, sive dotalitii, sive institutionis, sive legati, sive statutarie aut pactitæ communionis titulo. Has

p. 5. n. 8.

p. 11. n. 20.

n. 21.

p. 17. n. 1.

p. 21. n. 11.

poc.

- poenas deinde edito publico Ordinum Hollandiæ anno 1580. art. 3. & 13. non modo confirmatas ait, sed & matrimonia sine parentum aut alterutrius adhuc superstitis consensu inita, ipso jure nulla renunciata esse; cui consequens sit, ut & ad parentum, qui rigido jure uti velint, desiderium tales conjunctiones, licet concubitu jam confirmatæ, dissolvi debeant. Patri, qui ob mores prodigos curatorem a magistratu accepit, cum arbitrium remittendæ injuriæ filio suo honesto illatæ relictum non sit, per L. 17. §. 13. ff. d. *injur.* nec concedendum esse putat, ut liberorum suorum nuptias ad suam metiatur vel utilitatem vel vilitatem, atque in eandem sententiam itum fuisse a Parisiensi Senatu, ex Antonio d' Espeisses & Abr. a Wesel commemorat. Jure civili per nuptias non inductam fuisse universalem bonorum inter conjuges communionem allatis in medium argumentis, probat, & his, qui contrarium ex L. 1. ff. d. *act. rer. amot.* nec non ex L. 4. C. d. *crim. expil. hered.* evincere volunt, respondet. Moribus vero Hollandiæ, & aliarum multarum gentium, statutariam esse asserit facultatem omnium inter maritum & uxorem communionem, in cuius origine, objecto, effectu, aliisque circumstantiis exponendis,
- p. 22. n. 14. haud vulgarem operam adhibuisseprehenditur. Ex hac communione descendere dicit, ut & viri contractibus, stante matrimonio celebratis, uxor in Hollandia pro parte dimidia conveniri possit soluto matrimonio, sicut & hæredes ejus, etiamsi non utiliter, sed per mariti temeritatem, aut prodigalitatem dissolutamque vivendi rationem, æs alienum contractum doceatur: ubi tamen indicat, quod uxor nolens, ex continuata mariti prodigalitate manifesta, quæ scortis, alea, similibusque exercetur, diutius obligari, petere possit bonorum separationem, (vulgo *bædelscheydinge*) qua impetrata publiceque significata, maritus nec ipsam, nec bona ejus obligare possit. In titulo *de Divorciis* asserit, licentiam illorum toleratam magis, velut malum necessarium, quam probatam fuisse apud Romanos, idque tum ex eo evincit, quod secundum Plutarchum & Sigonium, Romuli lege mulieri maritum relinquendi potestas adempta fuerit, viro autem ejicere uxorem ex paucis tantum causis concessum, si scilicet veneficio circa prolem usa fuisset, aut alienam pro sua subdidisset, aut adulterium commi-

misisset, tum & inde, quod (secundum Gellium) nominatim cautum fuerit, matrimonium Flaminis Dialis non nisi morte dissolvendum esse, quasi ab eo, tanquam summi Jovis Sacerdote, exactior vitæ ratio ac sanctitas observanda fuerit, adeoque minus in eo tolerari debuerit, quicquid a recti tramite videbatur deflere, quam quidem in aliis, quibus ea virtutis ac integritatis gloria non ita peculiariter commendata erat. Eandem ob causam factum dicit, ut inter probrosas condiciones numerata fuerit illa, qua mater filiam instituerat, si a viro divertisset, ex insigni rescripto Imperatorio in *L. f. C. d. instit. & substit.* Ad tit. p. 181. n. 6.

tulum de Tutelis statuit, non esse demandandam Judæis tutoriam in liberos Christianos potestatem, idque non quidem Juri Digestorum ob *L. 15. §. 6. ff. d. excus. tut.* bene tamen Juri, quod est in Codice, conveniens esse probat, cum homines isti secundum *tit. ne Christian. mancip.* propter seductionis periculum, ne mancipium quidem Christianum in potestate dominica habere potuerint aut possidere. In Belgio cautum esse ait edicto Ordinum Generalium d. 30. Aug. 1640. ut, si parentum alteruter Reformationis religionis fuerit, tutela Pontificio non debeat demandari. Universitatis Lugduno-Batavæ studiosis fori quidem peculiaris privilegium indultum esse, attamen & ipsis studiosis minorennibus & studiosorum liberis tutores date Cameram pupillarem civitatis Leydenensis, notat. Quod a nonnullis asseritur, tutores ob levem culpam haud fuisse remotos, sed tantum ob dolum vel latam culpam, adeoque per culpam propositam in *§. 6. I. d. suspect. tut.* non nisi latam potuisse videri designatam, id gratis subsumi, sed nulla lege evinci contendit: patere enim ex *L. f. C. dist. tit. & L. 3. §. f. it. L. 4. ff. eod.* tutores ob negligentiam, segnitiam, rusticitatem, inertiam, simplicitatem, ineptiam removeri potuisse; ineptum vero esse, rusticitatem & segnitiam, ineptiam ac simplicitatem præcise latæ velle adscribere culpæ, cum & in levi, imo etiam levissima culpa segnities, negligentia atque inertia deprehendatur; eoque respicere Juris Consultum, quando ait, magnam negligentiam culpam esse, magnam culpam dolum esse *L. 226. ff. d. V. S.* Exemplo militum in expeditione occupatorum, etiam legatos ad exterarum gentes missos, eorumque

- comites ac ministros non inutiliter testari, durante absentia & in locis peregrinis commoratione, secundum simplicem Juris gentium solennitatem, neglectis solennibus tum loci, in quo morantur, tum domicilii, unde absunt legationis causa, existimat Noster, inque eam sententiam etiam responsum esse ait ab Hug.
- p. 296. n. 8. Grotio in Resp. Juris C. Holl. part. 3. vol. 2. consil. 241. Moribus hodiernis non ambigendum esse dicit, quin unusquisque sive miles sit sive paganus, pluribus testamentis relictis mori possit, sic, ut in dubio omnia in priore & posteriore voluntate disposita exitum habere debeant, nisi quatenus contraria continent, quippe quorum intuitu suprema voluntas testatoris potior foret.
- p. 365. n. 11. An testamenta illorum, qui in Indias navigant, aut inde redeunt, in navi condi recte possint coram duobus testibus, jurato de voluntate defuncti deponentibus, antea disputatum fuisse docet inter Hollandiæ pragmaticos, quorum alii militum privilegia ejusmodi peregrinantibus tribuerint, alii vero denegarint; sed postea constitutum esse probat placito Ordinum Generalium, testamenta navigantium in Indias, aut redeuntium, debere in scripturam redigi in libro ei rei destinato, & subscriptione ejus, qui illud scripsit, nec non duorum testium, confirmatio.
- p. 426. n. 61. n. De jure accrescendi ubi agit, sententiam illorum qui inter legatarios verbis tantum conjunctos locum illud invenire negant, jure meliori ac rationibus firmioribus niti contendit,
- p. 606. n. 30. objectisque dubiis solidissime respondet. Jus Albinatus, vi cujus in Gallia fiscus succedit peregrinis in isto regno decedentibus, uti contra naturalem æquitatem & juris Romani principia inductum Nostro videtur, ita quoque ratione eorum, qui Ordinum Generalium subditi sunt, conventionibus inter Galliarum Reges & Fœderati Belgii Ordines identidem abolitum fuisse, idem significat. Parciorum antiqui juris civilis circa successiones tractationem supplere volens, inter librum XXXVIII & XXXIX de Feudis dissertationem inseruit, inque ea hujus quoque Juris elegantem at-
- p. 624. n. 20. que perspicuum interpretem se præstitit. Multiplicatam illam vassallorum subordinationem, (qua jure feudali Longobardico a Capitaneis seu valvasoribus majoribus feuda accipiebant valvasores minores, & ab his iterum valvasores minimi vel valvasini) secundum

dum usum Hollandiæ & vicinarum gentium, ignotam esse docet, ac tantum vasallum, qui a Comitatu Hollandiæ feudum tenet, subfeudum dare posse, ulteriorem vero subinfeudationum progressum non admitti, teste Hugone Grotio. Ab hoc tamen p. 646. n. 73. in eo dissentit, quod feuda Hollandica ad dominum directum reverti statuat, si decimum cognationis gradum deficere contingat. Istam enim sententiam ostendit falso niti fundamento, quasi & allodialium successio ad eum gradum coarctata sit; quam successio- nis intra gradum decimum restrictionem neque juri civili, neque moribus Hollandiæ respondere, post titulum *ad Senatus C. Ter-* p. 602. n. 22. *tull.* probaverat. Totum jus successionis feudorum hæreditario- p. 648. n. 79. rum in Hollandia eo videtur ipsi redire, ut primo lineæ, dein gradus, tertio sexus, quarto ætatis ratio habeatur. Cui consequens esse dicit, ut filius secundogenitus potior sit nepote ex filio pri- p. 647. n. 76. mogenito, sed & nepos ex filio secundogenito natu major, veluti viginti annorum, præferatur in avi defuncti feudo nepoti ex filio primogenito natu minori, veluti annorum decem; denique filius natu major sororis anteponendus sit filio fratris natu minori, licet, quod ad hoc ultimum attinet, contra placuerit Ultrajectinis. Ex usu hodierno, usque adeo necessariam esse tradit in feudis Hol- p. 656. n. 98. landicis investituræ renovationem, ut nullus de feudo litigare possit, nisi petita investitura, quam & ideo dominus directus & actori & reo indulgere soleat, salvo tertii cujuscunque & suo jure. Ratione laudimiorum, quæ in recognitionem domini directi, per va- p. 659. n. 106. fallos investituram obtinentes, pendi solent domino, nec non curialium, quæ solvuntur ministris curiæ investituræ vacantibus, talem in Hollandia consuetudinem esse refert, ut feudum magnum aut medium per renovationem accipiatur, præstitis laudimiorum nomine decem florenis, parvum vero præstita unius anni pensione; quod autem ad curialia sive curiæ jura attinet, debeantur pro feudo magno floreni viginti duo cum stufero (*stuyver*) pro medio floreni decem, pro parvo quinque. Quænam vero feuda dicantur magna, quænam media, quænam parva, fusius eodem in loco exponit. Etsi olim in Hollandia & vicinis regionibus, feu- p. 661. n. 109. dis quoque obligatio ad servitia militiamque adjuncta fuerit, tamen temporibus Caroli V. feuda magis allodiis hac in parte cœ-

- pisse adæquari commemorat, adeo, ut servitia aut militia jam a
 longissimo tempore non inveniantur vasallis feudorum intuitu in-
 dicta fuisse, ac proinde negari haud posse, quod, si non expressa
 dicti Imperatoris constitutione, usu certe inveterato, ab illo servi-
 tiorum onere jam sint immunes. Furti actionem poenalem con-
 tra furis hæredes competere statuit, non solum, si ex dolo defun-
 cti aliquid ad ipsos pervenit, & si lis cum defuncto sit contesta-
 ta, sed & si tutor res pupilli surripuerit; tunc enim mortuo tu-
 tore, uti cæteras actiones, ita & furti actionem, contra hæredes
 tutoris datas fuisse, contendit, quia a seipso tutor exigere debuisset,
 sibi que solvere, *L. 9. §. f. L. 10. ff. d. tut. & ration. distrab.* Ad titulum
de Questionibus graviter de illarum justitia atque æquitate differit,
 multisque rationibus ostendit, quod, si circumspectius, si tardius,
 si non nisi pene probato erimine, ac reo gravissimis præsumtio-
 nibus onerato, judex tormenta decreverit adhibenda, nihil pror-
 fus in illis deprehendi possit iniqui, quod non in carceribus, in te-
 stibus, in instrumentis, in jurejurando, in sententia ferenda, in
 ipsa confessione liberrime emissa, aliisque extra omnem injustitiam
 & iniquitatis controversiam constitutis, æque locum sibi vindicet;
 ac proinde nullam satis urgentem rationem suppetere, cur con-
 fessionem per hujusmodi tormenta, cum moderamine adhibita, pri-
 mitus extortæ, deinceps vero citra cruciatus renovatæ, magis, quam
 aliis legitimis probandi modis, fides esset deroganda. Atque
 hæc ex tomo undecimo operis hujus excellentissimi speciminis
 loco recensita suffecerint.

Medaillen-Cabinet Ernestinischer Haupt-Linie &c.
 hoc est

SAXONIA NUMISMATICA LINEÆ ERNESTI-
 nae Pars Prima, Autore WILHELMO ERNE-
 STO TENTZELIO.

Sumtibus Christiani Wermuthii numismatarii Sculptoris. Pro-
 stat Francofurti ad Mœnum apud Knochium, & Lipsiæ
 apud Stockium, 1705. in 4.
 Constat Alphab. 1. plag. 9. & tab. æneis. 15.

Pri-

Primam partem Saxoniae Numismaticae ab Amplissimo Tentzelio nuper admodum divulgatam, & a nobis in his Actis superiori mense Julio p. 289. s. recensitam, prima nunc Lineae Ernestinae pars excipit, in cujus prooemio quaestionem Autor tractat, curiosam, *quenam vetustissima sint numismata Saxonica?* Ubi aliter respondendum esse dicit, quando numismata sensu nominentur arctiori, quae iconibus elegantioribus aliisque scitissimis figuris puro auro argentoque expressa sint; aliter ampliori, cum quicquid est nummorum mnemonicorum subintelligatur. Illa vix reperiri perhibet Ernesto Albertoque antiquiora: haec autem, si Spangenbergio fides, longe maiorem omnino vetustatem sapere, & eorundem primordia a braetectorum, qui vocantur, nummorum usu derivanda venire statuit, quos inter plures olim ad facti alicujus publici, structuraeque, cumprimis Ecclesiasticae, similiumque rerum memoriam pertinuerint. Cujusmodi nummum & recentioribus temporibus inter solidos Saxonicos sub grossi forma reperiamus, una parte scutum Saxonicum praeferentem, cum inscriptione, HILF SANCT ANNA, h. e. *Adjuva Sancta Anna*; altera Electorale, cum inscriptione: MATER. DEI. MISERERE. MEI. Existimat igitur, grossum istum Fribergae cusum, consecratumque sive in genere cultui S. Annae matris Mariae, Christiique aviae, sub seculi XV finem in Saxoniam inducto, sive in specie edificio capellae S. Annae Fribergensi, ubi pentaclivio virili rhythmus integer ligno incisus conspiciatur, cujus initium nummo impressam sit: *Hilf S. Anna du Gerechte, Mit allen deinem Geschlechte, Amen*, h. e. *Adjuva S. Anna iusta cum omni tua cognatione, Amen*. Quod si forte quis opponat elegantissimum aureum argenteumque numisma, cujus antea sistat S. Elisabethae effigiem cum corona peploque, & inscriptione: ELISABETHA FILIA. ANDREAE. REGIS. HUNGARIAE. OBIT. MARBURGI. ANNO. M. CC. XXXI. postica Hospitalis Marburgensis Ecclesiam ab ea fundatam, & in circuitu verba Psalmi CXII: DISPERSIT. DEDIT. PAUPERIBUS. JUSTITIA. EJUS. MANET. IN. SECLUM. SECLUM. respondet, falsum esse hoc numisma, neque ducentos adhuc annos superare, quoniam alia ejusdem scripturae, modi & typi, in Maximilianum I. & Carolum V.

retroque in Carolum M. aliosque Imperatores & Reges facta fuerint, omnia ab uno Judæo aurifabro elaborata, & alio forsitan tempore occasionem datum iri sperat, qua singularem hanc fraudem ulterius possit detegere. Cæterum ad calcem subnectitur Caroli Gustavi Herzi, Consilarii Aulici Schwartzburgici, epistola, qua is primæ partis Lineæ Albertinæ numismata annotationibus quibusdam illustrat, eque nummophylacio suo sex alia cum Tentzelio communicat, in supplementum aliquando proditum differenda. Spondet insuper Amplissimus Tentzelius, quod opere hoc Numismatico absoluto, omnes tam Ecclesiasticos quam Politicos Ministros Saxonicos, quotquot numismatibus innotuerunt, singulari fasciculo velit comprehendere, adeoque rogat præcipuos in Aulis Saxonis Status Ministros aliosque ex antiquioribus Nobilium Familiis oriundos, ut, quicquid de Parentum Avorumque vita ac numismatibus servant, sibi ad describendum formandumque gratiose & benevole concedant, ne debita operi perfectio curaque desideretur.

Sed ut ad rem ipsam deveniamus, quatuor hæc pars Electorum numismata repræsentat, | ERNESTI puta, FRIDERICI III, JOHANNIS & JOHANNIS FRIDERICI, in cujus sorore, MARIA, fratreque JOANNE ERNESTO, clausulam facit. ERNESTI duo tantum affert numismata, alterum quod ejus effigiem ex una, & ex altera Alberti faciem refert, idque in fraternæ divisionis memoriam excusum fuisse conjicit, quanquam & cuilibet liberum relinquit, ut, cum nomina adjecta non legantur, effigies has Friderico Electori Ducique Johanni tribuat. Secundum Ernesti iconem, habitu Electorali splendentem, exhibet, averfa vero pars vitæ curriculum paucis comprehendit, istudque ex Werthmuthianis numismatibus petitum est. FRIDERICI III, qui Sapientis cognomen merito tulit, numismata viginti quatuor recenset Tentzelius, e quorum numero prima & primaria illa sunt, in quibus se *Sacri Romani Imperii Locumtenentem Generalem* Elector nuncupat, quem titulum nonnisi ab A. 1507, quo eundem hoc ipso axioma Maximilianus I. Imperator in Comitibus Ratisbonensibus mactaverit, ad annum usque 1519, quo Imperator modo laudatus obierit, gessisse eum monet, atque illos accurate re-

refutat, qui ad vitæ usque finem hunc ab ipso fuisse adhibitum contendant. Carolum certe V. Imperatorem hoc cum elogio nunquam dignatum esse, ostendit. Notatu dignum illud quoque numisma videtur, in quo ejus collari insculptum cernitur nomen IHS. MARIA, quod tamen illo tantum tempore, quo Pontificiæ adhuc Ecclesiæ addictissimus fuerit Fridericus, non autem postea, cum ad Evangelicæ veritatis agnitionem pervenisset, ipsi arripisse observat. Ab A. 1522. nummos Fridericianos ambiisse ait hanc inscriptionem: VERBUM. DOMINI. MANET. IN. ÆTERNUM, eodemque anno verba memorata, vel potius eorum literas initiales, manicis quoque primum innexas fuisse addit. Literas C. C. N. S. quæ passim in nummorum, tunc temporis cusorum, angulis compareant, more consueto sic exponit: *Crux Christi Nostra Salus*. JOHANNI Electori septem tribuit numismata, e quibus ullum, & memoriale quidem, ante annum 1530. cusum fuisse negat. Licet enim aliqui huc referant aurea illa vel argentea, quæ pestem, ut velint, Wittebergæ anno 1527 & 1528 grassantem, respiciant, unoque latere serpentem æneum, altero Christum crucifixum exponant, cum dictis Biblicis illuc spectantibus; nihilominus tamen, quoniam nec Joannis Electoris nomen, nec illius insignia ibi conspiciantur, omittere eadem consultius duxit; cum sine dubio pertineant ad alia sacra profanaque numismata, quæ isto tempore a sculptoribus proprios in usus elaborata, magno adhuc numero hinc inde asserventur. E genuinis vero Johanneis istud imprimis notari meretur, quod peculiariter respicere censet speratam quidem & ab Imperatore promissam, dehinc vero negatam feudorum concessionem, quod Tab. V. num. 3. delineatur, & p. 56. f. declaratur. Circa nummos, in quibus effigies Electoris Ducisque Joannis Friderici appareant, in superiori vero aversæ parte epulum Herodis proponatur, & in inferiori Joannis decollatio, cum perigraphæ: *Johannes strast den Ehebruch Herodis, drum must er sterben*, Marci VI, quod est: *Joannes reprehendit Herodis adulterium, propterea morti traditur*, Marci VI, hoc observat, quod Joannes Elector, ex Comitibus Augustanis reversus, hanc posticam iconibus istis addi forte curaverit, in memoriam tam frustra speratæ investituræ, aliarumque ob religionem illatarum

rum afflictionum, quam colloquii præsertim memorabilis, die de-
collationis Joannis, Augustæ coenando cum Heinricho Brunsvicensi
aliisque magnæ dignitatis convivis habiti. At insuper tamen aliis
expendendum altius relinquit, annon fama jam tum inter homi-
nes clanculum sparsa fuerit de furtivis Henrici, Ducis Brunsvicen-
sis, amoribus cum Eva Trotтина, ut Johannes Elector illum fa-
miliariter in cœna supra dicta monuerit. Cum enim isti magis
posthac erumpentes in publicam vergerent criminationem, non
septem solum infantes nominabantur, quos Dux cum Eva post fi-
ctas illi habitas exequias genuerit, sed is etiam accusabatur,
quod antea, illa adhuc in Gynecæo inter virgines versante,
aliquot infantes ex eadem susceperit. Quos si quis compu-
taverit, facile hujus rei initium in annum 1530, imo citius, po-
ni posse innuit. In ultimo Johannis Electoris numismate, in-
scriptionem hanc, tanquam memoratu dignissimam, observari ju-
bet, in qua JOHANNES. PATER. ET. JOHANNES. FRIDE-
RICUS. FILIUS. EVANGELII. CONFESSORES. INVICTISSIMI
vocantur. In postica summus Pontifex Hannas throno insidet,
ante quem Petrus Apostolus cum tribus aliis personis stat, pone
quos clypeolus numero 32 signatus jacet. Perigraphæ ex Actis
Apostolicis desumitur: ET. LOQUEBANTUR. SERMONEM.
DEI. CUM. FIDUCIA. ACTOR. 4. Re diligentius expensa,
non adeo absurdum reputat, si quis numero illo breviato 32, tam
annum, quam Evangelicorum Confessorum numerum notari di-
xerit. Quid? si Episcopus in throno sedens Archiepiscopus
Moguntinum, tanquam mediatorem præcipuum, & qui ante
ipsum stant Confessores, quadruplices ex Electorum, Principum,
Comitum, Civitatumque numero Protestantes significant? Ad
Apostolos enim applicationem commodè fieri non posse censet,
cum, testibus Actis Apostolicis, non quatuor, sed bini tantum,
Petrus & Joannes, qui claudum sanaverant, ante summum Pon-
tificem Synedriumque Judæorum constituti fuerint.

Sed partem Tomi hujus secundi potissimam conficiunt nu-
mismata JOHANNIS FRIDERICI Electoris, quorum omnino
sexaginta numerantur. Singula autem commemorare uti no-
strum haud est, sic aliqua dedisse e præcipuis suffecerit. Vulga-
ris

MENSIS NOVEMBRIS A. M DCC V. 505

ris quidem thalerus est, quem sub Tab. VIII. finem num. 3. Noster affert, una ex parte Johannis Friderici Electoris, altera Georgii Ducis imaginibus, titulis insigniumque scutulis signatum. Noluit tamen eundem silentio prorsus involvere, quia mysterium malumque omen nonnulli in eo quærunt, quod gladius Electoris quasi fractus videatur. Equidem qui novit, quanta facilitate inferiendis monetis fiat, ut ferrum paulisper dimoveatur, cum nulla heic admiratione digna judicaturum autumat. Si quis autem, quæ olim cum Imperialibus Cromwellianis, & cum Hannoveranis monetis, quæ duas thaleri tertias seu sedecim grossos valent, aliisque ejusmodi monetis vulgata sint, huc conferre voluerit, cum sensu suo abundare permittit, majoris momenti reputans, quod A. 1695 Electoris hujus imagini, quæ picta in tabula lignea reperitur in conclavi Ecclesiastico Ducali Vinariæ, acciderit. Eam quippe die conversionis Pauli, durante concione, subito fragore totam perruptam fuisse refert, gladio Electorali illæso manente, prout ipse viderit, & Müllerus in Annalibus suis prolixè exposuerit. Tab. X. num. 4. 5. 6. 7. quatuor affert ejusdem magnitudinis numismata, quorum lemma unum est: GOT. STRAFT. DAS. ÜBEL. *Deus punit malum*; in postica vero modo hæc comparet inscriptio: DRVM. BIN. ICH. Herzog. HENRICH. Von. Braunschweig. VERDRIBN, i. e. *Propterea ego, Henricus Dux Brunsvicensis, ejectus fui*; modo ista: DRVM. HAT. MEIN. HAVS. EIN. BOSEN. GIBEL, i. e. *Propterea domus mea fastigium habet malum*; modo quatuor inter scuta hæc leguntur: GOT. HILFT. AVS. NOT, *Deus ex periculo eripit*; modo sequentia: NOLI. PECCARE. DEVS. VIDET. Singula hæc respicere observat felicissimam illam expeditionem, qua Elector cum Hassiæ Landgravio Henricum, Ducem Brunsvicensem, invadens, totum ejus Ducatum duorum mensium spatio occupaverit. Numisma, quo A. 1545 ante expeditionem Henrici Ducis, Pontificii elatum suum animum publice significarint, & quem sub anni finem Lutherus in literis ad Electorem Saxonie, Landgraviumque datis, ac Tomo VIII Altenburgensi fol. 465 relegendis descripsit, nunquam se suis usurpasse oculis fatetur, at varia tamen occasione belli Smalcaldici cusa indicare haud omittit. Neque in allegandis iis

uspiam defecit, quæ Joannis Friderici Electoris captivitatem panter ac subsecutam tandem e custodia liberationem, pro fundamento agnoscunt. Qua occasione commentum illud peridiculum expodit, dum insignem Hispani ostendent ocream, Johanni Friderico in captivitatem abducto exutam, in qua eques cum toto corpore locum inveniat, quamque aliqui in Cimeliarchium Electorale Bavaricum Monachum translatam somnient. Cæterum si quis curiosus fuerit sciendi, quorsum altera Electoris ocrea pervenerit, eum ad Cimeliarchium Gothanum ablegat, ubi illa monstretur, inusitata quidem amplitudinis, non tantæ tamen, quantam Hispani jactent, ut totus eques, sed puer tantum quinque vel sex annorum illa se abscondere queat. Tenui eam constare innuit corio fusco, ut facile complicari condique possit, unica tantum solea, non caleancorum, quali hodie utamur, fulcimento. Electoris in maxilla sinistra cicatricem, e pugna Mühlbergensi reportatam, & post in diversis numismatibus expressam, p. 189 seqq. considerat. Titulum *nati Electoris*, quo ultimo vitæ tempore Johannes Fridericus usus fuerit, non Electorem nude se appellans, p. 200 seq. probe attendi cupit, & quid ob eundem monuerit statueritque Elector Augustus, p. 209 enarrat.

His aliisque latius deductis, sub finem nonnulla differit, primum de MARIA, Joannis Friderici Electoris sorore, eodem patre genita Johanne Electore, sed matre diversa e domo Anhaltina, Philippo inde Duci Pomeraniæ conjugio sociata. Hujus effigiem in nummo A. 1545 cuso apparentem sistit, istumque summi gaudii testandi causa, ob auctam tunc tertio filio Principe familiam, prodiisse conjicit. Copulationem Mariæ hujus cum Philippo Duce Lutherum peregrisse, unoque ex annulis sponsalibus e manu sua excidente, ipsum paulo commotiorem dixisse refert: *Hörstu Teufel, es gehet dich nicht an, du wirst nichts ausrichten! Heu Satana, hac nibi ad Te, ne quidquam efficies! ad Sponsos vero conversum: Wachset, und euer Same müsse nicht untergeben! Crescite, & semen vestrum non deficiat!* Ast eventum nihilominus docuisse animadvertit, centum annis post, Ducum Pomeraniæ familiam plane exaruisse. Sorori Joannis Friderici ejusdem fratrem associat, JOHANNEM ERNESTUM, Coburgensem, cujus diem

emor-

MENSIS NOVEMBRIS A. MDCCCV. 507

emortualem, de quo hactenus disceptatum fuit, in octavum Februarii collocandum venire demonstrat.

HUMFREDI HODII LINGUÆ GRÆCÆ PROFES-
oris Regii & Archidiaconi Oxon. de Bibliorum Textibus Originali-
bus, Versionibus Græcis, & Latina Vulgata, Libri IV. Pra-
mittitur Aristæ Historia Græcæ
& Latine.

Oxonii e theatro Sheldoniano, 1705. fol.
Constant Alphab. 8.

Viginti anni sunt, ex quo Autor Reverendus, quem plurima alia scripta celeberrimum reddidere dudum, edita contra Historiam Aristæ Dissertatione, a nobis in Actis nostris A. 1686 p. 205 recensita, in republica litteraria nomen sibi primum parare coepit. In libri istius præfatione, tres alios libros de versione LXXviri promiserat, quorum tamen editionem varia, quibus inde distractus fuit, negotia ad hoc usque tempus distulere. Factum interea est, ut vir magnus Isaacus Vossius, in appendice Observationum ad Pomponium Melam, paulo acerbius Aristæ fidem contra doctissimum Hodium defenderet: quod tanto magis accendere debere videbatur eum, ad maturandam editionem librorum cæterorum, & vindicias parandas. Verum impediri se variis studiorum vicissitudinibus hoc facilius passus est, quod, utcumque Vossio visum fuisset, viros tamen passim doctissimos allatorum a se argumentorum vim sentientes invenerit, Menagios, Pagios, Allixios, Pikios, & Dupinium inprimis, qui omnia argumenta sua contra Aristeam Dissertationi præliminari in S. Scripturas inseruerit, suppresso licet, quod paulo ægrius ferre videtur, Hodiano nomine. Equidem in operis de Scriptoribus rerum Ægyptiarum libro IV, ante annos non adeo multos, Vossio satisfacere ipsi quoque fuerat constitutum, idque aperte præ se tulerat in Prolegomenis ad Malalam §. 13. Sed tamen istud quoque institutum nova impedimenta denuo interverterunt, id agentibus fatis, ut hæ ipsæ vindiciæ suo denique loco, hoc est in diutissime expectato opere, quod nunc ob oculos habemus, conspicerentur.

In eo primo loco ipsa Historia Aristæ comparet, ad fidem

Confer.

Acta E. 1687.

p. 221.

nuperrimæ editionis Oxoniensis impressa, cum vel lectiones diversas vel notas consarcinare, ad Scriptorem supposititium & nullius pretii, supervacaneum doctissimo Autori visum fuerit. Insequitur Dissertatio contra Historiam Aristæ, quæ primum operis huius librum absolvit, in paucissimis ab editione Oxoniensi anni 1684 dissidens. Nempe prima duo capita, demtis nonnullis, ut breviora evaderent, in unum contracta sunt; quædam etiam in sequentibus in epitomen fuere redacta, pauculis quibusdam locis textui inspersis; plura in sequentibus capitibus textui subjiuntur, quæ tum illustrandis olim dictis, tum imprimis If. Vossii exceptionibus dispellendis inserviunt. Quod enim Vossius v. g. ad argumentum allatum ex *Hermippo*, dicente post *Cassandri* excessum, *Demetrium Phalereum* in Ægyptum demum adventasse, excipit; licet verum hoc esse concedatur, nihil inde tamen confici posse, nisi id solum, quod tempus, quo in Ægypto *Demetrius* fuit, non XXIV, sed XIV vel XV annorum fuerit: ad id respondet clarissimus Autor, imo & hoc, si verum id esse concedatur, inde confici, quod *Hermippus* non erraverit, cujus auctoritatem erroribus imputatis convellere nifus fuerat Vossius. Quod *Antigonus*, cujus metu *Demetrius* ad *Ptolemæam* confugit, fuerit *Antipater*, *Cassandri* filius, qui & ipse *Antigonus* dictus sit, ut visum Hodio, eo impugnat Vossius; quoniam *Antipater* ille *Cassander* potius fuerit dicendus, si binomius extitisset, cum Græci cognomina vel a parentibus vel a præceptoribus acceperint, nec parens autem, nec præceptor *Antipatri Antigonus* fuerit appellatus: id levissimum clarissimo Autori videtur; indita enim a majoribus quoque Græcis nomina fuisse. Sic *Hermodamantis*, qui a majorum uno *Creophilus* appellatus sit, meminisse Jamblichum in Vita Pythagoræ: ob stare quoque Vossio nomina *Alexandri Antiocchi*, & *Demetrii Seleuci*, qui in Syria, & *Ptolemæi Alexandri*, qui in Ægypto regnarunt. Frequens autem in *Cassandri* familia nomen *Antigoni* extitisse, patere ex eo, quod filia quædam *Cassandri*, fratris *Antipatri*, vocetur *Antigone* apud Schol. Theocriti. Imo & nomen ipsi posse fuisse *Antigoni*, cognomen *Antipatri*, quod habere potuerit ab avo suo *Antipatra*, patre *Cassandri*. Ad argumentum Hodii contra *Aristeam* ex eo desumptum, quod nulla patris *Ptolemæi Lagi* apud eum

eum sit mentio, responderat Vossius, factum id ideo, quod ille regno se eo tempore abdicaverit penitus: verum & falsum hoc esse observat clarissimus ejus antagonista (eum enim nunquam regnum deposuisse, Dexippi, Eusebii, Africani testimoniis, & aliis quoque argumentis quamplurimis probari) & si verum sit, nullam tamen rationem reddi posse, cur & *Eleazarus* in epistola, & e Senioribus unus viva voce bene precetur *Ptolemao Philadelpho*, & uxori ejus, & forori, & liberis, & amicis, patris ne verbo quidem facta mentione. Indignum *Demetrio* Bibliothecarii munus non fuisse, Hodio persuadere conatus eo fuerat Vossius, quod in Galiliis quoque Archiepiscopus Remensis, Romæ ex Cardinalibus aliquis, isto officio fungatur: respondet iste, a Vossio quidem allegatos Bibliothecarios honorarios esse, nudo insignitos titulo, quales nulli apud veteres fuerint reperti; custodes saltem Alexandrinæ Bibliothecæ ejusdem conditionis cum ordinariis Bibliothecarum præfectis fuisse, a se exemplis compluribus esse demonstratum. Sed omnia percurrere nimis longum; ad partes itaque sequentes, quæ novæ penitus, nobis potius erit festinandum.

In libro itaque secundo de versionis Græcæ, quæ LXX vialis vulgo dicitur, ætate atque auctoribus prolixa instituitur disputatio. Confectam eam fuisse intra illud biennium, quo cum patre *Ptolemao Lagi* simul Ægypto præerat filius *Ptolemaus Philadelphus*, probabile esse ex eo, quod veterum alii *Ptolemai Lagi*, alii *Philadelpho* regno hanc versionem adscribant, qui hæc ratione optime concilientur, ut necesse non sit, cum Junio atque Weemsio statuere, duas diversas sub duobus Regibus istis versiones sacri codicis fuisse confectas: firmare id præterea disertum *Anatolii Alexandrini* testimonium, & ex recentioribus, plerisque & gravissimis scriptoribus, quorum loca adducuntur, hoc placuisse. Petrum Trecensem vero, Eutychium Patr. Alex. Philonem, Athanasium, autorem Seder Olam, Præfationem Pentateuchi Arabici, Justinum Martyrem, in designanda ætate hujus versionis, multos gravissimos errores commisisse. Versionem hanc neque *Ptolemaeorum* autoritate, nec *Demetrii Phalerei* studio esse confectam, sed a Judæis, qui sub *Alexandro M.* & *Ptolemao Lago* magno numero, sive sponte, sive coacti, in Ægyptum de-

c. I.

c. II.

c. III.

venerant, (quod ex Hecataeo & Josepho discimus,) proprio motu, & in proprios usus. Augumenta, quibus *Ptolemaeorum* auspicia & *Demetrii* autoritas versioni huic eripiuntur, hæc sunt: 1. quod sola Pentateuchus conversa fuerit; probabile autem non sit, illos historica populi & prophetica oracula, quæ maxime illorum poterant curiositatem allicere, fuisse prætermitturos: 2. quod versio hæc neglecta & ignota semper fuerit ante Christianismum natum Gentilibus, quod pateat ex omnibus illius ætatis scriptoribus profanis, apud quos summa rerum Judaicarum ignorantia; ignotam autem adeo eam manere non potuisse, si tantorum Regum autoritate confecta, ab iis in tanto pretio habitata fuisset. Demetrio & Ptolemæis tribuentes hujus versionis adorationem veteres & recentiores, vel dubiæ fidei esse & supposititios, vel credulos nimis scriptores. Inter illos etiam ipsius compareret Imperatoris *Alexandri Severi* nomen, in oratione quadam apud *Encolpium*: cujus rei non meminisse non possumus, quod inter nostros non ignotum quidem *Encolpii* nomen, ignotam tamen *Historiam* ejus esse, satis sciamus. *Encolpium* enim quidem scripsisse illius Imperatoris *Historiam*, ex Lampridio novimus, sed quis nostrum illam vidit unquam? Extat vero inter Anglos versio ex Græco, ut titulus habet, vernacula illius *Historie*, a *Thoma Elyoto*, Medico, A. 1549 edita: quam tamen, iudice clarissimo Hodio, non est cur multum Britannia invidemus. Spurius enim illum foetum manifesta prodere ait indicia. Certissimum saltem esse, orationes, quæ in eo multæ habeantur, ab ipso *Elyoto* esse, confectas; ejus enim ingenium & orationes confingendi consuetudinem ex aliis ejus scriptis sibi satis esse exploratam. Sed ad versionem nostram redeundum. Eam jam porro confectam docet non ab Hierosolymitanis, sed Alexandrinis Judæis. Certe enim opus non fuisse, ut Hierosolymis exemplaria & legis interpretes accerferentur, quorum inter tot millia Judæorum Alexandrinorum insignem copiam fuisse, necesse sit. Præterea dialectum hujus versionis esse Alexandrinam, quod fateatur Lexicographus Græcus Parisius A. 1532 a Mich. Vascosano editus. Solum Hebræorum eos didrachmum vertere, non Atticum intelligentes, sed Alexandrinum, quod ex Josepho Ant. III, 9. & Hieronymo

c. IV.

MENSIS NOVEMBRIS A. M DCCV. 511

nymo ad Ezech. IV pateat. Vocem Ebraicam **תִּמְמִי** more Ægyptiorum **Θιμμι** proferre. *Thummim* αληθείαν vertere; id enim Ægyptium quoque esse, ut dudum monstravit Spencerus de Urim & Thummim c. 4 §. 12. *Josephi* nomen a *Pharaone* ipsi datum **Παρανε** efferre, inflexo nomine ad usum Ægyptiorum, qui tum obtinebat. Ægyptium quoque esse, quod *Psalmus* Amos. V, 26 ponitur pro Ebr. **רִיבִי**. Cum enim, h. e. *Saturnum*, Ægyptiis *Rephan* dictum, idque patere ex Coptica Tabula Planetarum in Prodrumi Copti c. 5 p. 147. Taceo cætera a doctissimo Autore observata linguæ Ægyptiæ vestigia. Id quoque, quod tanta fuerit Judæorum hujus versionis aversio, ut jejuno infaustam ejus confectæ declaraverint memoriam, argumento esse, a Judæis Hierosolymitanis eam profectam non esse. Quin & diserta loca Talmudica eam Alexandrinis tribuere. Nec Aquilam Judæum novam versionem Græcam fuisse moliturum, si istam ab Hierosolymitanis Presbyteris esse credidisset. Numero LXXII fuisse, plane absolum videri; quid enim cum numerum suasisset? esse hoc commentum ex affectatione Judæorum illius numeri, in aliis quoque rebus conspicua. Nec fuisse eos, qui in Synedrio considebant: quid enim incredibilius, quam toto Senatu suo gentem fuisse spoliata, in Ægyptum scilicet commigrante? Nec LXXII fuisse **συνέδρους**, verum LXX tantum. Quin & esse ex antiquioribus & recentioribus, qui a paucioribus versionem factam dicant, Talmudistas Hierosolymitanos in Massecheth Sopherim, Leusdenium, Simonium. De Judæis quibusdam celebrioribus, qui in isto numero interpretum fuisse dicuntur, Eleazaro, Aristobulo, Simone Justo, Jesu Siracida, Daniele Propheta, Philone, Ezechiele Tragico, incerta esse omnia, & maximam partem manifeste falsa. Judæos Alexandrinos agre ferentes, discrepantias suæ versionis ab Hebraizantibus passim notari, XL circiter ante Christum natum annis, Divino afflatu eam confectam esse, fingere cœpisse, idque Philoni jam fuisse persuasum, ut pateat ex Lib. 2. de Vita Mosis p. 510. Inde paulo post Philonis tempora, fabulam aliam de LXXII cellulis natales suos accepisse. Hanc triplici argumento destrui, primo autoritate adversa Aristæ, cujus fidem alias agnoscant adversarii: secundo ex dissensu

c.V.

c.VI.

- fu veterum, quorum alii LXXII cellulis singulos interpretes, alii XXXVI binos semper inclusostradant: tertio ex Philonis Judæi silentio: & quarto ex Prologo Ecclesiastici, ubi affirmetur, Scripturarum interpretationem eodem modo, quo alia versione solent, a textus originalis excellentia defecisse. Heinsii conjecturam circa originem fabulæ de LXXII interpretum totidem cellulis selectorum consensu, propositam in Aristarcho I, 10, minime esse probabilem: tametsi eam & Rivetus, & Weemsius, (qui eam quidem non Heinsio, sed Josepho Scaligero perperam adscribat) Fridericus insuper Spanhemius, nec non Hottingerus, velut sagacissimam ac admodum plausibilem commendent. Supponere enim eam perperam, quod fabula de afflatu Divino interpretibus Græcis præstito, & de numero interpretum septuagenario, & de cellulis diversis, uno tempore orta sit, & alia absurda minimeque probabilia continere. Unice igitur hanc fabulam natales debere eorum studio, qui Divinam hanc versionem credi cupiebant. Simile quid vero de Poëmatum Homericorum correctoribus finxisse Græcos, eamque in rem fragmentum ineditum Stephani Grammatici adducitur. Non totam autem sacram Scripturam a primis illis interpretibus fuisse translata, sed *Pentateuchum* tantum, idque ipsius Pseudo-Aristæ, Josephi, Philonis, Aristobuli, Rabbiorum, Hieronymi &c. constare testimoniis, quæ prolixè contra dissentientes vindicantur. Præterea *solum Legem* illis temporibus in Synagogis lectam fuisse, & separatim ab aliis libris propositam. Librum *Josue* post *Ptolemæi Lagi* demum fata esse translatum, ex voce *γαισός* constare, quam Gallicam origine, diu post ejus tempora Græciæ civitatem indeptam esse, fuscè & erudite monstratur. *Libros Propheticos* cum *Esthera* & aliis quibusdam, sub *Ptolemæo Philometore* habitum Græcum induisse. Occasionem fuisse eam, quod *Antiocho Epiphane* Legis lectionem Judæis in patria sua prohibente, Prophetas loco ejus illi in Synagogis legere occiperent, idque imitatos Alexandrinos Prophetarum versioni operam navare cœpisse. *Antiochum* nempe illum Syriæ a V anno *Ptolemæi Philometoris* ad ejus annum usque XVII præfuisse. Probabile hoc reddere Alexandrinorum Judæorum eo tempore summam cum Palæstinis æmulationem, quo & *Oniticum* templum construxerint: item quod auctor Chronici Seder Olam Zuta referat versionem
- p. 156.
- c. VII.
- c. VIII.
- c. IX.

nem Legis ad annum Græcorum 140: quod Anatolius inter Legis interpretes *Aristobulum* referat: quod ad *Onie* Sacerdotis S. ætatem, quidam hanc versionem rejiciant; hæc omnia enim in *Philometoris* incidere tempora. De *Esthera* libro id evincere argumentum Usserii de LXX Interpr. p. 22. Ad id, quod objici ex Siracidæ præfatione poterat, respondendum esse, sermonem ejus pertinere non ad *Evergetem* seniore, sed posteriorem, *Philometoris* successorem. *Librorum Samuelis* interpretationem *Philone* esse antiquiorem, a quo citetur in lib. de Nominum Mutat. p. 826. *Judicum* autem librum ejus ætate nondum Græce versum fuisse, inde patere, quod in lib. de Confus. Lingu. p. 339 locum ex illo libro alleget, in quo versionem Græcam non exprimat. *Jobum* contra & *Psalms* ante *Philonem* translatos esse evincitur, quia eorum versio ab eo citatur. Denique hoc saltem, quod neque unus totam Scripturam, neque plures communi consilio atque consensu interpretati fuerint, eo probari firmiter, quod summa sit in modo interpretandi disparitas, non in diversis tantum libris, verum & in singulis, ut in uno adeo pensâ diversis interpretibus distributa fuisse pateat. Ita nempe easdem voces Hebraicas in locis diversis diversè exprimi: eadem virorum, gentium, & locorum propria nomina diversis vocalibus animata legi: in aliis locis non declinari, in aliis contra, Græca accepta terminatione, inflecti: in aliis locis locorum & gentium nomina Hebræa, Græca in aliis poni: animalium, arborum, lapidum, mensurarum, ponderum nomina diversis & contrariis vocibus passim reddi. Cujusmodi discrepantiarum catalogo texto bene longo, Libro quoque secundo isti corona imponitur.

Libro tertio, quæ fuerit vel Hebræi textus, vel versionum Græcæ & Latinæ, per omnia retro secula autoritas, ostenditur. Ubi Parte priore libri de textus Ebræi maxime, versionisque Græcæ a-LIII.P.L.c.I. igitur autoritate, & primo quidem Judæorum antiquissimorum de illis sententia representatur. Ipsos igitur *Judaos Hellenistas* primas textui Hebræo detulisse probatur, idque ex præfamine Ecclesiastici; fabulam de Divinitate versionis Græcæ, post demum invasisse. Apud *Hierosolymitanos* vero Hebræi textus summam fuisse autoritatem, clarius etiam liquere. Josephum eum secutum esse, contra Salmasium, Bochartum, Capellum, alios monstratur.

c. II.

c. III.

Judeos tamen *Hellenistas* Græcam omnino versionem in Synagogis legisse, contra Lightfootum evinci ex Tertulliano Apolog. c. 18, Justino Cohort. ad Græc. p. 14, Apol. II pag. 72. Dial. cum Tryph. p. 297. sq. Gemara Hierof. tr. Sotah c. 7, & ex Philonis scriptis. Salmasium errare, per *Hellenistas* Profelytos tantum intelligentem, negantemque Judæos genere & natalibus, in Græcis urbibus dispersos, versionem Græcam in Synagogis legisse. Nullam de discrepantiis versionis Græcæ a textu Ebræo controversiam motam esse, ante circiter initia seculi secundi. Philonis enim tempore ea de re nondum esse disputatum, patere ex L. 2. de Vita Mosis p. 510, nec Josephi, qui passim etiam elogiis Græcam versionem ornet. Christianorum invidia hunc scrupulum ipsos Judæos *Hellenistas* movisse, idque ex Justino maxime firmari, Aquilæque historia, variisque Hieronymi locis, quibus recentiorum Judæorum testimonia accedunt. *Christum & Apostolos*, nullo habito discrimine, Ebræum Græcumve textum allegavisse: qua quidem occasione Hieronymi omnia adducuntur loca, quibus Hebræa sequi Christum Christi que sequaces agnovit; quibus subjicitur catalogus aliorum quorundam, ubi Hebræa eos exprimere ipse agnoscat Capellus, cujus tamen errores quidam circa ea taxantur, & supplementa locorum nonnullorum præterea ab Usserio ipsoque Autore observatorum adduntur. Cum tamen Hieronymus in quibusdam locis tueatur, Christum & Apostolos nunquam Græcam versionem sequi, ubi recedit a textu Hebræo, in aliis contrarium acriter defendat, res illa accuratius excutitur, repetunturque ejus rei gratia conciliationes quas clarissimus Pocockius in Porta Mosis tentavit. Subjiciuntur inde alia loca Pocockio non tentata, quorum partem *manum conciliatricem omnino fugere*, clarissimus Autor agnoscit: illis tamen quæ Capellus attulit, ut priorem sententiam Hieronymi defendat, respondetur. Apostolicos viros Septuagintaviralem versionem plerosque allegasse, eam cum Hebræo textu raro comparare, ut adeo diferta testimonia pro majore hujus vel illius autoritate, rariora etiam compareant. Vexatum tamen illum Ignatii locum, in epistola ad Philadelphenses §. 8. huc forte pertinere, eumque ita esse explicandum, ut velit Ignatius: *Non debere esse quenquam contentiosum; audivisse vero sese dicentes, quod*

Evan-

MENSIS NOVEMBRIS A. MDCCV. 515

Evangelio nolint credere, nisi in δὲ χαρίσι in archivis V. T. hoc confirmatum invenirent. Dicente vero se quod in illis archivis reperiat, annuisse eos ὅτι πρὸς ἑστὰς quod manifestum hoc sit. Succedunt inde cæterorum Patrum Græcorum, usque ad Nicephorum Callistum, de autoritate textus Hebræi & Græci testimonia, quæ singula percurrere, variarumque occasione eorum observationum mentionem facere, prolixum nimis & a scopo nostro esset alienum.

c. IV. X.

In parte altera libri huius tertii, de antiqua versione *Itala*, L. III. P. II. primum agitur, ostenditurque Patribus, qui ea usi fuerunt, potior rem fuisse *Hebrai* textus & *Græci* N. T. autoritatem. Inde historia versionis ab *Hieronymo* susceptæ textitur. Eum, quod caput est, Autor monstrat ipsum fateri, se in quibusdam errasse: versionem *Græcam* *Ebreæ* textui longo intervallo postposuisse: scripta vero ejus, quibus neget corruptos Judæorum codices, tempore posteriora esse iis, quibus id affirmet. Versionem illius ex *Hebræo* a *Damascio* Ecclesiæ non fuisse commendatam; *Ruffinum* etiam & *Augustinum* non nimis præclare de ea sensisse, qui tamen textui *Hebræo* nuspiam derogent, sed primas ei decernant. Inde seculo V multos *Hieronymi* versionem nondum recepisse, laudasse alios, sed originalibus non prætulisse. Seculo VI & VII quoque non omnes ubique eam secutos esse. Seculo autem VIII *Alcuinum Caroli M.* rogatu eam totam correxisse, & *Carolum* in epistola, ab eo una cum Clero Gallicano Hadriano I Papæ contra Concilium Nicænum II oblata, taxare illud Concilium, quod ex versione Vulgata adduxerit quædam in *Hebræis* non obvia: nec *Papam* in responsione *Hebræos* codices propterea reprehendere ausum. Seculo quoque XII correctam diligenter a quibusdam versionem Latinam fuisse, in primis a *Stephano Cisterciensi Abbate*, indeque *Correctoria* Bibliorum nata; ea vero non exemplarium emendationes, sed correctiones ad fidem originalium fuisse, idque ex *Lyrano* patere, a quo *Hebræus textus* & *libri correcti* passim jungantur. Seculo XVI etiam, post cæptam jam reformationem, in crassissima Scripturæ ignorantia, repertos tamen inter ipsos Pontificios esse, qui sane de versionibus, Vulgata maxime, sentirent. Utque cæterorum huius seculi testium nubem omittamus, ipsum *Papam Clementem VII* sex Judæis & totidem

c. I.

c. II.

c. III.

c. IV.

c. V.

c. VI. VII.

VIII.

c. X.

c. XIII.

c. XIV.

Christianis Hebraice peritis mandasse, ut novam versionem adornarent, cuius rei mentionem faciant Jo. Campensis in Præf. Psalmorum, Jo. Cochläus Præf. in Disceptat. de novis ex Hebræo translationibus, Steuchus Eugubin. Præf. in Recogn. & Santes Pagninus Præf. ad Vers. Bibl. De Historia *decreti Tridentini* ex Petro Suavi & Sfortia Pallavicino prolixius repetita nil addimus, nec de Historia editionum Vulgatæ Sixti V & Clementis VIII, quarum editionum discrepantias innumeras non tantum in *Bello Papali* Jamesius annotavit, sed potiores quoque in opusculo Anglico, cui titulus, *de Corruptione Scripturæ, Conciliorum & Patrum*, ad capita quædam reduxit, cuius ordine digestæ ab Autore quoque hic exhibentur. In editione *Sixtina* plurima loca sine codicum autoritate, tantum quod *Hebraeus* textus ita suaderet, esse mutata. Revocatam eam non esse, ex *Angeli Rocche* Bibliotheca Vaticana patere, nec ulli ante editionem *Clementinam* de decreto revocationis aliquid fuisse auditum: temere etiam evulgatam cum Bulla eam non fuisse, morte præveniente *Sixto*, affirmari, cum per varias orbis partes fuerit distracta. In *Clementis VIII* editione, plusquam 2000 loca unice juxta textus originales esse restituta. Et tamen ipsis apicibus versionis Vulgatæ insisterendum esse, pronunciavisse *generalem Cardinalium Congregationem* an. 1574. *Decretum Tridentinum* de Textus Hebraici & Versionis Vulgatæ autoritate, magnas inprimis in Hispaniis excitasse turbas; quam in rem longa autorum ab utraque parte pugnantium series textitur. Ex illis autem, qui infano *Vulgatæ* amore tenebantur, ipsa *Hebraica* exemplaria corrumpere quosdam ausos esse, idque factum in Bibliis Regiis Gen. III, 15, ipsummet falsum *Raphelengium*, imo & tale fuisse Psalterium Hebraicum *Lindano* jactatum, quod Isaacus Levita contra eum ostenderit, & Arias Montanus in apparatu suo agnoscat. Ex *Protestantibus* quosdam plus justo contempsisse *Vulgatam*, candide tamen & moderate alios de ea sensisse; quorum loca diligenter colliguntur. *Ludovicum Capellum*, dum varietatem codicum *Hebræorum* præfervide monstrare satagit, Vulgatæ quoque causam suscipere, eamque ob causam simul & ob antiquitatem punctorum, graves ei motas controversias fuisse, quarum historia textitur, eaque huic etiam libro finis imponitur.

L IV.

Quarto denique libro de *ceteris Versionibus Græci, Ori-*
86.

gens Hexapla, aliisque *editionibus* antiquis agitur. Ostenditur hic, *versionem Græcam* LXXvirali *antiquiorem*, quam *Aristobull* autoritate nonnulli admittunt, extitisse nullam. Falsum quoque præsuppositum esse, *Platonem* nempe ex sacris oraculis quædam decerpisse, quo inductus *Aristobulus* *versionem* illam, nemini veterum cognitam, confinxerit. Nullum certe locum proferri posse *Platonis*, quem ex sacris illis monumentis desumptum liquido constet. Rectiusque sentire *Lactantium* IV, 2, nihil Philosophos Græcorum a Judæis accepisse statuentem, quam *Patres Apologetas*, quibus alia sententia defensa, ideo tantum ut contemptum Græcorum, quo prosequerentur Judaicas res juxta cum Christianis, immittiles, ex conversatione potius quam scriptis factum id esse, quæ *Augustini* quoque de *Civitate Dei* VIII, 11, & *Origenis* contra *Cels.* VI sit sententia. *Lagianam* & *Herodianam* *versiones* *Serario* confictas, nullas esse; priorem enim sub *Ptolemaeo Lago* confectam non aliam esse a LXXvirali, *Herodianam* ex metachronismo *Justini Martyris* male confingi. Præter *Aquila*, *Symmachi*, *Theodosianis* *versionem*, *quintam* item & *sextam*, *septimam* etiam admittendam esse, quam perperam nonnulli in *editionem Lucianeam* converterint. Diserte ejus post *quintam* & *sextam*, in H. E. VI, 16. meminisse *Eusebium*, ex quo colligere etiam sit, eam *Hierichunte* in dolio *Antonini Caracallæ* tempore fuisse repertam. Male etiam ad *Psalms* eam tantum pertinuisse credere nonnullos; *Prophetas* enim *minores* juxta *septimam* *editionem* allegare *Hieronymum*. De *Origenis Hexapla* inde proluxa succedit tractatio, cui cum in plerisque ad rem maxime pertinentibus cum *Huetiana* de eo argumento commentatione conveniat, plura de ea addere superfedemus. Id tantum observamus, ut specimen discriminis inter *editionem τὰς ὁ* in *Hexaplis* & *κοινῇ* prostacket, clarissimum Autorem discrepantias in *Psalms* & *Esaia* observatas hic sistere, ab *Usserio* quidem etiam, sed minus accurate emendateque minus, representatas. Post *Hesychii* & *Luciani* novas & correctiores *editiones* *versionis τὰς ὁ*, satis omnibus notas, *Joannis Josephi* commemoratur editio, *Theodorito* in *Diff. MS.* in *Prophetas*, & *Quæst.* 24 in *Exodum*, item *Quæst.* 10 in *Josiam* laudata; qui *Josephus* an idem sit cum

c. II.

c. III.

autore Hypomnestici, aliorum iudicio permittitur. *Basili* inde editio ex Syncello observatur. De *Arami* vero versione Græca, cuius Theodorus Mopsuesten, apud Photium Cod. 177 meminit, clarissimus Autor Allixio & Caveo calculum addit. Hieronymi versionem Latinam non totam a *Sophronio* Græce expressam fuisse, sed Psalmos tantum & Prophetas; multo minus Hieronymianam versionem Græcæ LXXviralis, rursus in Græcam linguam translatam, quod Huetio, nec emendatam ab Hieronymo LXXviralem esse, quod Bellarmino aliisque sit visum. *Patrophilum* Hebræas Scripturas denuo Græce vertisse, ex male intellecto Gregorii Laodicensi loco, Sixtum Senensem & Königium temere sibi persuasisse. *Apollinarium Laodicenum* editionem quandam mixtam ex omnibus versionibus adornasse, perperam ex Hieronymo colligi; de Explanationibus enim eum loqui Apollinarii, in quibus temere & sine iudicio, modo hanc, modo illam versionem sequatur. *Versionem XXX hominum* apud Philastrium Hær. post Chr. 91, confictam esse ab hominibus indoctis, quod in Bibliorum Græcorum marginibus Luciani editio allegaretur, indicio ejus facto littera Græca Α, quæ numeri tricenarii nota sit. Quid si nos dicamus, natum id ex eo, quod in codicibus quibusdam, ubi Aquilæ vel Symmachi vel alterius allegata prius fuit interpretatio, reliqui si consenserint τῶν λοιπῶν titulo allegentur, qui littera initiali Α, cui quandoque minutæ figuræ ο inscribitur, indicatur. Editionem *Heracleensem* non aliam esse a versione Theodotionis, qui ex Ponto ortus fuerit, ubi sita Heraclea. *Græcam versionem ex Pentateucho Samaritica* factam esse, sine idoneis argumentis affirmari; & potuisse Patres nonnullos, qui Samaritica allegant, ab ipsis Samaritis de illis edoceri. Versionis inde Græcobarbaræ tum Judæorum Pentateuchi, tum totius Scripturæ Cyrilli Lucaris auspiciis concinnatæ, fit mentio. *Macedonicam* Versionem, de qua Galestinus nonnulla, cerebri Galestiniani sortum esse. De editionibus hodiernis LXXviralis versionis adduntur multa, ut & de codicibus ejus manu exaratis. Postremo de librorum Biblicorum numero & ordine, differitur, tabulisque confectis qui ille fuerit, & quæ ejus omnibus seculis tum apud Judæos tum Christianos, sive Græcos sive Latinos diversitas, ostenditur.

c.IV.

AN-

MENSIS NOVEMBRIS A. M DCC V. 519

ANTONII VAN DALE DISSERTATIO SUPER

Aristea de LXX Interpretibus, cui ipsius pratenſi Ariſtea textus ſubjungitur. Additur Hiſtoria Baptiſmarum ſum Judaicorum, tum potiſſimum priorum Chriſtianorum, tum denique & Rituum nonnullorum. Accedit & Diſſertatio ſuper Sanchoniatbone.

Amſteladami, apud Jo. Wolters, 1705. 4.

Alph. 2, plag. 20.

Quæ tot egregia nuper & olim ingenia exercuit, Hiſtoria de verſione τῶν LXX, eam & ſuis obſervationibus haud indignam judicavit Vir doctiſſimus Antonius van Dale. Poſt ea igitur, quæ Ludovicus Vives, Joſ. Scaliger, Dan. Heiſius, Joh. Wowerius, Rich. Simonius, Jac. Uſſerius, Brian. Waltonus, Robert. Bellarminus, Iſaacus Voſſius, & quem falſo quidem mortuum credidit Noſter, Humfridus Hody, (at quanti viri?) pleniffima nobis meſſe tradiderunt, haud ſpernendum ſibi ſpicilegium relictum exiſtimavit, cui & ipſum Ariſtea textum cum verſione Latina Garbitii, faciliorem ſcilicet lectoribus Autorem ipſum cum ſuis obſervationibus conferendi copiam daturus, ſubjunxit. Duos autem omnino, non unicum, eosque admodum diſcrepantes Ariſteas fuiſſe docet: unum quidem Judaicum, quem totum exhibet; alterum, quatenus ex Epiphanio potiſſimum conſpici poſſit, Chriſtianum, ſeu ab homine Chriſtiano quopiam atque Hebraice non callente, ſed pro verſione LXX virali militante compoſitum. Illum quidem Judæum aliquem Alexandrinum, e numero iſtorum Helleniſtarum, qui nobis Apocrypha Tobia, Judithæ, ſimiliaque imprudenter obtrudere, ſub falſis nominibus conati ſint, fuiſſe exiſtimat, Gentilis quidem præ ſe perſonam ferentem, ſed peſſime illam, ſententiis de Deo plane Judaicis, uſuque vocis Νόμος, pro legum ſyſtemate Græcis ac Latinis plane inſolito, ſuſtinentem, ætate inter Philonem ac Joſephum medium; Philonis, qui primus forte hiſtoriam de LXX Interpretibus publice tradiderit, dicta ulterius adornantem, Joſephoque tam lepidam fabellam perficiendam relinquentem. His expoſitis, a quonam Ptolemæo adornata fuerit Bibliotheca Alexandrina, an a Lagi filio, an

Cap. I.

c. II.

c. III.

c. IV.

c. V.

c. VI.

c. VII.

an a Philadelpho? primo omnium disquirat: & posteriori quidem institutæ Bibliothecæ laudem, nequaquam vero ista pietatis ac virtutis elogium, quæ ipsi a Philone, Epiphanio, Augustino, ipsoque Aristea tribuuntur, deberi, productis optimorum Autorum testimoniis confirmat. Deinceps etiam Demetrii Phalerei, cujus scilicet egregia in hac versione promovenda tanquam Bibliothecarii opera fuisse perhibetur, considerationem suscipit, ejusque neque tantam pietatem, Divinæque legis venerationem fuisse, quanta ipsi ab Aristea tribuitur, Athenæi testimonio ostendit, neque ipsum omnino eo tempore in aula Philadelphi vixisse, regiave gratia usum fuisse, quo versio facta perhibetur, multo autem minus Bibliothecæ præfectum fuisse, e probatissimis Historicis evincit. Quo loco digressionem factam ad Lipsii Syntagma de Bibliothecis, & Hodiæ sententiam, de Bibliothecæ Alexandrinæ antiquitate agit, eamque Pergamena posteriorem fuisse, e Plinio, Vitruvio, Strabone atque Scaligero demonstrare conatur. De hujus Bibliothecæ librorum numero, varias Autorum sententias refert. A Demetrio libros sacros e lingua Ebraica, a Philone vero, ex ignorantia patrii sermonis, e Chaldaica vertendos dici; varias etiam variorum, sed minime sibi coherentes sententias de pretio, quo libros sacros obtinere Philadelphus studuerit, observat. Eandem Scriptorum discrepantiam inter Aristeam, Josephum atque Epiphanium, in Epistolis a Ptolemæo de impetranda hac versione ad Judæos missis, exhibito singularum contextu notat, Epiphaniumque, qui Philadelphi Bibliothecam in Bruchio collocatam asserit, cum omnium Historicorum suffragio destituatur, errasse existimat: qui etiam finem, ob quem Philadelphus sacros sibi libros verti voluerit, verbis ex Aristea talibus probet, quæ aliorum relationi plane non respondeant; e quibus autem satis appareat, Græculum aliquem Christianum sub illo Aristea latere, cum $\pi\acute{\iota}\varsigma\iota\varsigma, \kappa\alpha\iota \alpha\gamma\iota\sigma\tau\acute{o}\nu$, quæ voces in Philadelphi epistola occurrunt, sensu mere Biblico hic polleant. Inter plura alia $\alpha\acute{o}\upsilon\varsigma\alpha\tau\alpha$ Aristæ dicta, etiam illud examinandum sibi Autor sumit, quales libros istos 72 Apocryphos simul cum 22 Canonicis Philadelpho a Judæis missos fuisse credibile sit, cum vena intellectus, sapientiæ fons, & scientiæ flumen in istis latuisse dicatur? Et procul dubio Chymicos illos aut Alchymisticos, qua-

quales plures, scilicet Adami, Mosis, Mirjam, Salomonis &c. recenset, a Verpulo isto intellectos fuisse credit. In sequentibus Justin Martyris potissimum narrationem de ista versione sub incudem *ἡρώδης* suæ vocat, & præter ingentem *ἀναχρησισμὸν*, quo Herodem & Ptolemæum *συγχέειν* facit, nullibi ipsum sibi constare, nec cum aliis etiam convenire, aliter in Cohortatione ad Gentes, aliter in Apologia rem referre ostendit; frigida esse illa, quæ de consecratione librorum sacrorum Deo (scil. Serapidi) facienda, putida, quæ de LXX domunculis, enarrentur, sacroque Scriptore prorsus indigna declarat. Deinceps occasione pretii ac donorum, quibus tantum sibi thesaurum redimere voluerit Philadelphus, quæque ratione bene subducta mille etiam talenta superarint, pluscula de ipsius in acquirendis libris rarioribus liberalitate e Galeno Pergameno differit, inprimis autem Æschyli, Euripidis ac Sophoclis tragœdias ut describendas acciperet, XV Atheniensibus talenta dedisse commemorat, simulque trium horum Poetarum insignem apud omnes antiquos gloriam, tragœdiarum ab ipsis scriptarum incredibilem fere multitudinem, summamque ingenii præstantiam omnibus notam extollit: cum contra libri Judæorum paucissimis inter Gentiles fuerint cogniti, nulli fere nominati, adeo ut Herodotus ne nomen quidem ipsorum exaudivisse videatur: quæ tamen ipsorum obscuritas ab Alexandro M. paulum illustrata sit, cum & aliqui sub ipso Judæi militaverint, & ipse templum eorum intraverit, si fides habenda Josepho: cujus hac occasione splendida mendacia de Alexandri erga Judæos favore, de Divinis ejus somniis ac visionibus Prophetis, de transitu ejus per siccum mare Pamphilum, quin circa ipsas etiam sacras historias taxat, ubi similima fabulatore Judæo Ben Uzielis de transitu Israelitarum per mare rubrum habeat: quod uberius exequitur, exemplisque de Samsonis nativitate, Saulo ac Davide, (ubi centum præputia, in capita humana numero sexcenta ab ipso commutata sunt,) de Mosis in cœlum ascensu, de Cyri pro Judæis reditum jam e captivitate meditantibus epistola, quibus sexcenta alia addi possent, illustrat. Deinde ad libros Biblicos vertendos redit Autor, & quam rare ante captivitatem Babylonicam libri Legis exemplaria fuerint, quam pauca a captivis in Chaldaeam transvehi potuerint, quantaque inde

c. VIII.

c. IX.

c. X.

c. XI.

c. XII.

Uuu

lin-

- c. XIII. linguae Ebraeae ignorantia extiterit, ex ipsa Regum Judaeorum, totiusque populi, ac exilii illius, quo tantum non omnes abducti sunt, historia ostendit. Unde non minus quam ex fastidioso Legis interpretum supercilio, qui raro aliis interpretandae Scripturae rationem tradebant, Philadelphi tempore vix LXX Seniores in populo Judaico, plurimam partem in captivitate retento, qui tam prompte Scripturam universam interpretarentur, existere potuisse, concludit: suamque istam conjecturam porro ex ipsa Josepho, Scripturis N. T. & Jos. Scaligeri judicio probat, vixque adeo fieri potuisse, ut e singulis populi tribubus sex Legis interpretes mitterentur, existimat: quare & in Massechet Sopherim quinque solum Judaeos id opus perfecisse, ab Hilario vero ac Baronio ipsum Eleazarum totumque Synedrium, illius versionis parandae gratia, in Aegyptum concessisse, dicatur. Insigniores dehinc fabulas alias huic historiae admistas excutere suscipit Noster. Huc praedicata ab Eleazaro Philadelphi in Deum Israelis, non obstante incestuoso ejus cum sorore sua conjugio, pietas: Jordanus fluvius in morem Nili agros, perhibente id contra veritatem Aristea, inundans: mustela auribus foetum concipiens ac ore pariens: codices aureis literis conscripti: sacrorum librorum facta a Ptolemaeo adoratio: emissae, ob adventum librorum, Regis & Aulicorum Aegyptiorum, i. e. Judaeis infensissimorum hominum lacrymae: dies festus atque anniversarius ob hanc versionem celebratus: instituta per VII juxta
- c. XVI. Aristeam, per XII juxta Josephum dies, cum Interpretibus ante versionem susceptam convivia: propositae in illis a Ptolemaeo Rege lepidissimae, & a Senioribus nostris persapienter solutae, ab Aristea recensitae quaestiones: accubationes ac preces, remotis ipsis ideo Aegyptiorum Pontificibus, Judaeorum more factae: Menedemus Philosophus LXX Interpretum convivio, (quo quidem tempore dudum obierat,) adhibitus: ipse porro locus, Pharos Insula, & adgrediendae interpretationis apparatus: distinctae, juxta Justinum, Clementem Alexandrinum & Irenaeum, 72 cellulae: tredecim Scripturae loca Divino instinctu ab Interpretibus immutata: in reliquis accurate sibi respondens τοῦ LXX versio: plurima contradictoria hic ab Epiphanio, Cyrillo, Novellis Justinianeis, Philone, Josepho, Hieronymo, Justino, & Aristea tradita.

fabula de LXXII Grammaticis, a Pisistrato ad Homeri Poëmata restauranda congregatis ac seorsim collocatis, cum hac nostra de versione illa *τοῦ* LXX comparata, aliaque pertinent. Sane, quæ capitibus sequentibus de inspiratione Divina circa hanc versionem ex Irenæo, Clemente Alexandrino, & Tertulliano; quæ de quotidiano Interpretum ad Regem accessu; de convivio ad Regis mensam, cum Ægyptiis scilicet, quos adeo abominabantur, habito; de concurrente ad unanimem versionem, juxta Epiphanium & Augustinum, Divino miraculo traduntur, quorsum nisi ad fabulas referantur a prudentioribus? Notatu porro digna sunt, quæ de schismate inter Judæos Hebraizantes & Hellenistas, occasione hujus versionis, an scilicet & illa publice in Synagogis prælegenda sit, ex Actor. VI, 1. IX, 28. XI, 20. & Justiniano Novell. 146 traduntur: item quæ de controversia circa linguam, e qua in Græcam LXX Interpretes Scripturam transtulerint, Ebræane fuerit, an Syriaca, vel Samaritana, vel quod plurimi velle videantur, Chaldaea, observantur; quæ quidem Autor noster in dubio relinquit, satis habens ostendisse, non magnæ hanc versionem autoritatis esse debere. Illud magis certum Nostro videtur, quod solus Pentateuchus versus fuisse ab LXX viris, ex Aristea, Philone, Hieronymo dicendus sit. Quare cum reliquorum Christianorum sententiam, qui 25 Canonicos libros ab iis versos credunt, tum Epiphanii, qui cum Canonicis etiam LXX Apocryphos, tum vero maxime Cedreni nugas, qui præter illos etiam plures alios, decem myriades scilicet, e variis linguis, ab istis LXX in Græcum sermonem translatos existimat, rejicit: Is. Vossii sententiam vero, Pentateuchum quidem communi omnium LXX opera, reliquos vero Canonicos libros singulorum studio Græce conversos perhibentis, fundamento destitui demonstrat. Inde ad majores nugas discutiendas abit: fabulam videri, quod intra LXXII dies versio confecta fuerit, quod tamen Waltonus, quamvis nec Justinus, nec Tertullianus, nec Irenæus, nec Clem. Alexandrinus, nec ipse Epiphanius vel Augustinus id asserere ausi fuerint, communi Patrum sententia constare jactarit: *ἀνύστα*, quæ Aristæas, Irenæus & Epiphanius de Legis versæ prælectione afferant: nugas denique, quæ de facta ab omnibus Judæis Alexandrinis approbatione hujus versionis perhibeantur, cum & pau-

c. XIX.

c. XX.

c. XXI.

c. XXII.

c. XXIII.

c. XXIV.

- cissimi Ebraeae linguae gnari fuerint, nec exemplaria codicis accurata, unde de versionis bonitate judicare possent, habuerint: nec versio denique alia codicis sacri antiquior adfuerit, e cujus collatione iudicium de versione ista ferre potuissent. Qua occasione,
- c. XXVI.
- c. XXVII. Autor noster, prolixiori digressionem facta, contra Justinum Martyrem, Huetium aliosque, qui Homerum, Hesiodum, Platonem, Pythagoram pluresque Gentilium Philosophos ac Poetas, plura interdum e sacris literis mutuo quasi sumsisse, suisque scriptis inferuisse perhibent, disserit, idque ob sacrae linguae ignorantiam, versionis alicujus defectum, interdictam cum Judaeis consuetudinem, aliasque rationes fieri vix potuisse arbitratur: testimonium vero de
- c. XXVIII.
- c. XXIX. versione aliqua antiqua Aristobuli, ad quod Clemens Alexandrinus provocat, pariter ac Hecatzei & libri Macchab. 2, c. 1 falsitatis ac *voſeiac* maximopere bonis omnibus suspectum esse debere, declarat. Tandem & adoratione seu *περὸς κυρίου* versionem confectam a Ptolemaeo exceptam, annuoque festo Judaeis ac Aegyptiis communi ejus memoriam celebratam, frustra & nugatorie ab hujus versionis statoribus asseri demonstrat, suamque de isto opere sententiam Josephi Scaligeri verbis finit: „De LXX interpretibus „scito fabulam a Judaeis confectam, a Ptolemaeo arcessitos, in unum „locum coniectos, & non omnium, qui in unum locum convenerunt, „nissent, & capita contulissent, sed singulorum separatorum, qui „Divinitus in eandem sententiam conspirassent, eam interpretationem fuisse. Quid ergo? cum coegissent eos Ptolemaei Graece „contractus scribere, & annos a Ptolemaeo Philadelpho putare, attribuerunt eam interpretationem ei Regi, qui eis necessitatem „Gracislandi imposuisset? Igitur septuaginta interpretum „paraphrasis Graeca est, non autore Philadelpho, sed Judaeorum „suadente utilitate conscripta, qui parum Ebraice sciebant, Graece autem loqui & scribere ab ipsis Regibus „cogebantur. Ea sane, sive a LXX, sive ab uno, quod verius est, conscripta mendosissima & falsissima est. Istam Dissertationem ipse Aristae textus, cum versione Garbitii, satis quidem illa vitiosa, excipit.

Subjungitur deinde Historia Baptismi cum Hebraeorum tum maxime Christianorum, quem posteriorem originem suam e Judaeis

daico Profelytorum baptismo Autor noster deducit, quemque a Servatore nostro, aequae ac Eucharistiam, occasione Paschatos festi, in Christianismum translatum, ac Sacramentum Christianorum redditum esse existimat. Namque & Judæos olim eorumque Profelytos non minus baptismo, quam circumcissione & sacrificiis, in Ecclesiae gremium admissos esse, e Maimonide, Elia de Wides, & Petro Blesensi probat: quanquam an ritus ille a Mosaicis inde temporibus deducendus, an vero recentior sit, non satis apparere fateatur. Inde Johannis baptismum poenitentiae novum aliquid in populo Judaico non fuisse, Christi autem baptismum non poenitentiae solum, sed initiationis etiam fuisse, atque uti Judæi Profelyti baptizati patrem, matrem, fratres, sorores relinquere debuerint; ita hunc quoque mysticam regenerationem postulasse. Baptismum Profelytorum apud Judæos ad res forenses, Christi autem Baptismum mere ad Ecclesiam & spiritualia ejus bona pertinuisse; illum in liberis non continuandum, sed parentibus Profelytis baptizatis, eorum prolibaptismo non opus fuisse, hunc contra Christianorum in posteris etiam continuandum, contra Socinum ejusque assecclas, prolixè ex rei ipsius natura, veterumque Patrum testimoniis demonstrat, & ad Socini argumenta respondet. Ceterum verba illa, *Βαπτίζοντες εἰς ὄνομα τοῦ Πατρὸς καὶ τοῦ Υἱοῦ καὶ τοῦ Πνεύματος*, non tam baptizandi formulam, quam illius, a quo institutus Baptismus sit, auctoritatem ostendere; successu tamen temporis, quod alia non compareret, pro formula usurpata putat. Inde ad doctrinam de Pædobaptismo accedit, de cujus origine sententiam suam verbis Salmasii proponit: Primis duobus seculis nemo Baptismum accipiebat, nisi qui in fide instructus, & doctrina, Christi imbutus, testari posset se credere, propter illud: qui crediderit & baptizatus fuerit. Ergo prius erat credere; inde ordo, Catechumenorum in Ecclesia. Postea opinio invaluit, neminem, salvari posse, nisi qui baptizatus fuisset; ideo & consuetudo nata, infantibus baptismum conferendi. Tempore autem Tertulliani, ad cujus testimonium provocat, consuetudinem illam, dissuadente licet isto Patre ortam, ab Augustino deinde sæpius pro Apostolica traditione venditam, istis porro fundamentis nixam e Tertulliano, Cypriano, perhibet: 1) Baptismum non tam esse mandatum

tum ac statutum Servatoris nostri, quam prærogativam ac beneficium, per quod Regnum cœleste detur, *quatenus baptismus est.* 2) Revera Spiritum Sanctum per manus impositionem dari. Huic tamen se sententiæ usu ipso, quod e Gregorio Nazianzeno probat, plurimos opposuisse, & baptismum ad adolescentiam, quin ad 30 usque annum distulisse commemorat, & Constantini ac Theodosii exemplis, Athanasique ætate, ubi rursus adhuc Pædobaptismus fuerit, confirmat: nec per legitimas quidem Sacræ Scripturæ consequentias illam probari posse putat. Illas igitur, quæ e Marco C. XVI. v. 16. & Matth. XXVIII, 19. eque familiis totis baptizatis 1. Cor. I, 16. 1. Cor. XVI, 15. Act. XVI, 15. & 32. aliisque locis ducuntur, enervare, contrarium vero e variis Doctoribus probare conatur. Ex illa porro de absoluta Baptismi necessitate sententia, Anabaptismi Hæreticorum, imo & Schismaticorum, originem, inde a Tertulliani temporibus derivat. Cypriani, Conciliique ejus ætate & autoritate habiti, discordibus licet Patribus, judicio istam sententiam confirmatam, postea temporis quidem a Romano Pontifice aliisque mitigatam, sed tamen non impeditum, quo minus & hæretici v. g. Ariani, Novatiani & Donatistæ, talionis quasi jure, quosdam orthodoxos rebaptizarent, esse ostendit. Hoc loco, quia non nisi *κατηχουμένους* ad baptismum admittendos censebat, aliqua ex antiquitate *περὶ τῶν κατηχουμένων*, occasione Profelytorum Judaicorum, in Christiana Ecclesia usitata, deque Catechumenorum diversis gradibus, alibi tamen etiam obvia, observat: aliqua de Gentilium mysteriosis sacris, & ritibus circa baptismum primitivæ Ecclesiæ, e Patribus notata inspergit: alias ceremonias circa Eucharistiam, v. g. de tempore coenæ sumendæ, de diætâ veterum, panibus usurpatis, variis cibis, de agapis earumque abusibus, nocturnis coetibus, datisque inde calumniandi occasionibus, osculo pacis, differentia inter clerum & plebem, oblationibus & precibus pro defunctis, de natalitiis martyrum, eleemosynis, de stationibus ac Paschæ jejuniis, de crucis signaculo, horumque omnium causis, e variis antiquorum Autorum locis illustrat. Quæ, ut reliqua omnia, Theologorum judicio permittimus.

Tandem & Dissertationem super Sanchoniathone, ejusque cum sacris nostris Scripturis concordia adjungit. In qua Bochar-

MENSIS NOVEMBRIS A. MDCCV. 527

ti potissimum, Huetii aliorumque veterum ac recentiorum, testimonia ex illo pro veritate avide corradentium, fiduciam vanumque conatum taxat, ipsosque sæpe gentilia, quandoque aut temere aut maligne conficta, conferre, istisque nugis S. Literarum Soli lucem affundere conari, indignatur. A Judæis certe Ethnicos illa accepisse, totam Israelitarum historiam percurrenti vix vero videri simile: inde & Taautem Sanchoniathonis Mosem, Gideonem ipsius Hierambalem non fuisse, ab eoque Sanchoniathonem legis codices nequaquam accepisse, contra Huetium, e mendaci, qui illud prodiderit, Porphyrii ingenio, ab ipso Huetio probe agnito, Chronologiaque ac ipsius Mosi Sanchoniathonisque de mundi generatione aliisque historiis discrepantia, evincit.

**LA GERARCHIA CARDINALIZIA DI CARLO
BARTOLOMEO PIAZZA &c.**

i. e.

**HIERARCHIA CARDINALITIA CAROLI BARTHOLOMÆI PIAZZÆ, ex Congregatione Oblatorum
Mediolanensium, Opus Clementi XI Pont. Max.
dicatum.**

Romæ, typis excusum in officina N. Bernabò, 1703. in fol.
Constat Alph. 10.

DE Eminentissimo Collegio Patrum Purpuratorum, quos sub Cardinalium nomine veneratur Ecclesia Romana, multi diverso modo, diversoque fine scripserunt. Nostro id potissimum propositum fuit, ut Ecclesiarum, quæ singulis Cardinalium certa ratione conceditæ sunt, statum antiquum pariter & hodiernum, ob oculos ponat. Initium facit ab Episcopis Cardinalibus, quorum olim septem fuerunt, hodie sex duntaxat existunt, nimirum Ostiensis & Velitrensis, Portuensis, Sabinensis, Prænestinus, Tusculanus ac tandem Albanus. Horum omnium diœceses ita describit, ut primo generatim, quæ olim fuerit, & quæ sit hodie singularum facies, ostendat, deinde loca singula ad quamvis diœcesin pertinentia speciatim exhibeat, quidque ubivis notatu dignum, vel naturæ beneficio, vel hominum munificentia inveniatur, stylo eleganti exponat, ad-

- p. 325. adjecta honorifica commemoratione virorum, vel martyrio ac sanctitate vitæ vel aliis virtutibus ac dignitatibus illustrium, qui aut oriundi fuerunt ex locis recensitis, aut ibi vixerunt, aut sepulcrum ibi fuerunt nati. Inde ad Cardinales Presbyteros progressum, facit, ac primo de Archipresbyteris trium Basilicarum Patriarchalium, nimirum S. Johannis Lateranensis, S. Petri in Vaticano & S. Mariæ Majoris tractationem instituit, cumque de variis illorum appellationibus, item dignitate ac prærogativis disseruisset, varia dictarum Basilicarum nomina, quidque singulæ præ reliquis præcipui habeant, & quorum liberalitate unaquæque splendidior facta fuerit, fusius recenset, subjecta descriptione duarum reliquarum Basilicarum Patriarchalium, nimirum S. Pauli & Laurentii. His præmissis, quænam sit obligatio Cardinalium in Titulis & Diaconis suis, succincte ostendit, & generatim de Titulorum Cardinalium origine, antiquitate, mutatione ac divisione, nec non antiquo Presbyterorum & Sacerdotum in Ecclesia ministerio agit. Postea speciatim Titulos ipsos, quorum sunt quinquaginta & unus, ordine exhibet, atque in singulorum tractatione ita fere versatur, ut primam cujusvis Ecclesiæ originem eruat, in prærogativas illarum inquirat, capellas, picturas, monumenta & quicquid in quovis templo maxime conspicuum existit, commemoret, Sanctosque, qui peculiari veneratione illud coluerunt, vel quorum reliquæ ibi asservantur, nec non eos, qui beneficentiæ suæ documenta ibi reliquerunt, honoris causa nominet, passim quoque miracula & alia notatu digna, quæ singulis in locis acciderint, exponat. Inter hæc inserit alia multa, quæ grata Lectoribus esse debent, ex. gr. de autoritate & antiquitate Vice-Cancellarii Ecclesiæ; de origine, ritu & mysterio ponendi primum lapidem, item nummos subiciendi fundamentis templorum extruendorum; de usu antiquo solam crucem erigendi vel pingendi, sine effigie Redemptoris eidem affixi &c. De illis quoque titulis, qui olim inter Cardinalitos relati, sed tractu temporis suppressi fuerunt, nonnulla dicit. Tandem ad gradum tertium Cardinalium, scilicet Diaconorum, transiens, initio de origine illorum, potestate atque officio quædam præfatur, addita de reliquis Archi-Diaconis, Diaconis & Sub-Diaconis, item de Diaconissis, Sub-Diaconissis & Diaconis, qui *Sekretari*
- p. 346.
- p. 348.
- p. 351.
- p. 355.
- p. 360.
- p. 364.
- p. 409.
- p. 476.
- p. 480.
- p. 550.
- p. 531.
- p. 701.
- p. 704.
- p. 716.

MENSIS NOVEMBRIS A. M DCCCV. 529

*tici dicuntur, deque benedictionibus Diaconalibus & quibusvis ecclesiasticis, digressione. Deinde eadem fere methodo, qua Titulos Cardinalium Presbyterorum antea recensuerat, singulatim quatuordecim Diaconias, quæ hodiernum sunt Cardinalitæ, pertractat. Etiam illarum facit mentionem, quæ tales esse desierunt, atque ad alia quædam argumenta interdum descendit, quorum notitia non minus jucunda quam utilis esse videtur; in quibus fere præcipua sunt, quæ contra novas Criticorum opiniones de famoso illo simulacro, quod *Bucca Veritatis* nuncupatur, Jovique Ammoni olim dicatum jam prostratum jacet ante Templum S. Mariæ in Cosmedin, nec non ea, quæ de ichnographica delineatione & divisione Basilicarum secundum ritum Græcum, item de Hospitio Apostolico S. Michaelis, ac denique de Ergasterio, ad coerendam dissolutam juventutem a Clemente XI A. 1703. exstructo, adducit. Totum opus uti singularem industriam, rerumque tam sacrarum quam profanarum eximiam cognitionem præ se fert; ita dubium non est, quin ab omnibus eruditis debito honore ac plausu excipiatur.*

P. 710.

P. 719.

P. 748.

P. 774.

P. 797.

P. 802.

Friedrich Leutholfs von Franckenberg Europäischer Herold ꝛc.

i. e.

FRIDERICI LEUTHOLFI A FRANCKENBERG
Recialis Europæus, sive accurata Descriptio Europæo-Christiano-
rum Imperii, Regnorum, Rerumpublicarum & Principatuum,
juxta statum illorum naturalem ac politicum, bellicas
item & pacatas, ecclesiasticas & seculares dis-
positiones usque ad hunc A. O. R.

M DCCCV. Tom. I & II.

Lipsiæ, apud Thomam Fritschium, 1705. in fol.

Constat Alph. 20. plag. 3. ac 13. tab. æneis.

Qui Juris Publici, domestici cumprimis, penitiorum ac minus proletariam scientiam imbibere gestiunt, non possunt non de noviter recuso hoc libro, a septendecim jam annis per Germaniam celebratissimo impense sibi gratulari. Præterquam enim,

X x x

quod

quod omnium in Europa Regnorum, Liberorum Statuum, ac Principatuum, quotquot Christianam fidem colunt, origines, incrementa & vicissitudines, familiarumque illustrium etiamnum superantium stemmata compendiosa serie enarrata, quin & plerumque aulas, vires, copias, jura quoque atque prætensiones judiciose hic descripta invenient, totius potissimum Imperii Romano-Germanici, ejusque Procerum, nec non ditionum singulis subjectarum exactissimam notitiam, prout e rivulis tam Geographicis ac Genealogicis, quam Historicis ac Politicis haurienda, copiose dispensari, non absque voluptate insigni deprehendent. Quo curatius vero atque uberius hæc omnia præstant, eo majores sane debentur gratiæ Excellentissimo libri hujus Autori, qui adscititio sub nomine modeste latet, quod medias inter arduasque splendidissimi muneris functiones, præclarum hæc opus sub incudem revocare, eaque cum sollicitudine expolire sustinuerit, ut nihil ad elegantiam ejus amplius desiderari queat. Oeconomia autem libri hæc est, ut in præliminari discursu multa, quæ Statui Politico in genere congruunt, maxime vero rationes eum conservandi, ornandi & defendendi proponantur, singulaque exemplis tam vetustis quam recentioribus apposite illustrentur. Hunc excipit primus tomus de Sacro Imperio Romano-Germanico, isque quadripartitus. Prima namque pars Historiam patriam a Caroli M. ævo usque ad Leopoldum Imperatorem nervose contextam sistit. Altera Imperii nomina, jura prærogativa, situm, fines, fluvios præcipuos, fertilitatem, nec non divisionem in X Circulos describit. Tertia summum Imperantem, cæterosque Germaniæ Proceres ac Status exhibet, & in quinque rursus abit sectiones, quarum prior de Imperatore, ejusque electione, coronatione, potestate, reservatis, dignitatibus ecclesiasticis aliisque juribus, quin & de Augusta ac privilegiis eidem competentibus ex professo agit: secunda Romanorum Regem, & quæ electionem ipsius comitari solent obstacula, jura item ac præeminentias ejus inducit: tertia Vicariorum Imperii diversas classes, officium atque auctoritatem explicat: quarta porro de Statibus, & jurisdictione territoriali illis propria, modisque simul, quibus majestas hæc analogica limitatur, aliisque affinis materiis summam loquitur, mox in titulis quinque specialio-

MENSIS NOVEMBRIS A. M DCCV. 531

ribus eorumque articulis separatis Electores ac Principes tam Seculares quam Ecclesiasticos, Prælatos & Civitates Imperiales omnes debito ordine enumerat: quinta denique de Non-Statibus Imperii, ejus tamen membris immediatis ac Vasallis, præsertim de Personis illustribus ad principale fastigium evectis, Nobilitate Equestri, reliquisque Communitatibus & Subditis tractat. Huic tandem succedit quarta pars de Constitutione ac Regimine Sacri Imperii, prout in rebus Ecclesiasticis non minus quam in secularibus sese exserit, octo articulis distincta, ubi Illustrissimus Autor summo cum candore ac judicio Cæsaris præminentiam ac majestatem ejusdemque restrictionem, Capitulationis usum, altercationes circa perpetuam quandam concipiendam obvenientes, Comitia universalis, quæque huc pertinent, Leges quoque Imperii fundamentales prolixè enarrat. Nec reticet potestatem Imperatoris & Imperii in Ecclesiasticis negotiis, religionisque & scholarum statum, modum itidem administrandi justitiam, suprema Tribunalia, manutentionem legum, sententiarumque executionem ob oculos ponit. Conventus insuper particulares, quibus publica salus promovetur, Imperii reditus, potentiam, interesse status, commercia, causas decrementorum, residuasque prætensiones recenset, sicque primum totum feliciter absolvit. Omnia vero inibi allata ex Historicis fide dignis & Comitialibus actis depromit, multa etiam e tabulariis Principum, propriaque rerum experientia, quam ad stuporem usque adeptus est, confirmat, ut non mirandum sit, innumera hic occurrere, quæ apud alios frustra quæsieris. Speciminis solum loco afferre liceat, quæ p. 250 & seqq. circa Serenissimi Electoris Saxoniae jura indagavit. Nimirum licet per Bullæ Carolinæ tenorem satis expeditum videatur, Saxoniae Ducem in solennibus Curiae Imperialis processionibus gladium vagina nudatum Augusto præferre debere, istud tamen juris ab illo non nisi post diploma Sigismundi Imper. de Anno 1415 Domin. Quasimodogeniti promulgatum, quod integrum hic comparet, quiete exercitum fuisse; antea enim controversiam ei desuper bis movisse Wenceslaum Lucemburgi, Lotharingiae & Brabantiae Ducem, cui sedandæ Carolus IV remedia tantum palliativa adhibuerit. Eo etiam spectare, quod Elector in omnibus expeditionibus Imperii nomine

XXX 2

sus-

suceptis, præsente Augusto aut Rege Romanorum, tribunali bellico præsideat, copiasque suas tanquam Imperii Supremus Campi-Marschallus in principiis statuere possit: etsi haud desint exempla, ubi is neutiquam primas habuerit, & Albertus Saxo anno 1475. in exercitu ad Novesium coacto ultimum cum suis & Imperii majori vexillo agmen clausit. Forte & mutationem quandam circa militiam Imperii Maximiliani I. tempore & postea subortam. Nihilominus Maximilianum II. anno 1567. Augustum Saxoniae Electorem summum Imperatorem omnium copiarum, quas Circuli subministraverant, Vicariumque suum declarasse, quin & nostra ætate anno 1689. Leopoldum Johanni Georgio III. gloriosissimæ memoriæ in hæc rescripsisse verba: *Quandoquidem Imperii exercitus modo sit adunandus & conventum jamjam, ut tessera militaris a se emanare debeat, ideo in sexaginta dies se eam Electori transmissurum fore.* Huic quoque juri recte annectendum officium gestandi vexillum Imperii generale seu majus, *Des Reichs Haupt-Fahne*/una cum Minore signo, *der Reichs Nienn-Fahne*/quoties Imperator ipsemet ad bellum proficiscitur. Quam in rem varias literas producit, ex archivis, ni fallimur, lectu non injucundas, e quibus patet, præsente Cæsare aut Rege, absente autem Electore, Vexilli majoris Imperii portitorem fuisse Pappenheimium, velut Marschallum hereditarium, eundemque etiam vexillum minus gestasse, si Imperator exercitui non interfuerit, sicque vexillum majus latuerit. Nulli igitur Principum fas esse concludit vexillum ejusmodi Imperii ambire, idque etiam Sereniss. Electorem Brunsvico-Luneburgensem demortuum, Ernestum Augustum, agnovisse, ut licet Vexilliferatum Imperii enixe prensasset, ponderatis tamen Electoris Saxoniae in vexilla prædicta militaria juribus, sponte desisterit, sibi que solum in coronationibus aliisque curiis festivis Imperialibus vexilli alicujus gestationem reservaverit. Jurisdictionem in buccinatores ac tympanistas, sive in aula sive in militia serviant, quod attinet, illam non modo in Conventibus Imperii, aut quoties copiae Imperii nomine colliguntur, sed semper ac ubique locum habere affirmat, ita ut omnes dissensiones atque lites inter memoratos buccinatores ac tympanistas, ubicunque aularum Germaniae degant, agitatae a Saxoniae Electore, tanquam communi omnium judi-

judice ac patrono, plenissime decidi queant, citra ullum præjudici-
cium, quod Statuum de non evocandis subditis privilegio hoc pa-
cto inferri metuatur, ceu exemplis clarissime demonstrat. Extare
eum in finem certam ordinationem ab Imperatore A. 1658. denuo
confirmatam, in qua refractariis pro re nata, vel multa XXX mar-
carum auri puri irrogetur, vel receptio & manumissio tironum
interdicatur, vel exclusio a toto consortio prævia causæ cognitio-
ne adjudicetur. In Comitibus autem præter jura Archimarschalla-
tui annexa, eminere etiam in Electore Directorium in causis Evan-
gelicis, quod unde incunabula sua accersat, & qua ratione hodie-
num continuetur, quidve involvat, eleganter exponit. Pergit,
deinde ad dignitatem Supremi Venatoris Imperii, quam Imp. Leo-
poldum Joh. Georgio II. A. 1661. d. 28. Aug. renovasse constat, nec
minus sententiam Strauchii, adstruentis Electorem Saxoniam, ut
Marchionem utriusque Lusatiæ, nobilitatem conferre posse, quia
Bohemiam Reges olim istud juris in omnibus territoriis suis exercue-
runt, in translatione autem dicti Marchionatus omnia Regalia nullo
excepto cessa fuerint, breviter ventilat, dicendo Serenissimam Do-
mum Electoralem sibi hoc Regale nunquam arrogasse, nec credi-
disse illud, utpote Regi Bohemiam proprium, in se transmissum;
explorandum itaque ante omnia, num pristini Marchiones, qui
Regali axiomate caruerunt, nobiles creaverint? Plura in tanta se-
lectissimarum rerum copia coacervare facile liceret, nisi persuasi
essemus mirandam Illustrissimi Viri prudentiam & sagacitatem per
totum opus diffusam, cuiuslibet jam abunde in oculos incursumam.
Quapropter hic subsistimus, id saltem adjecturi in altero tomo Gal-
liæ, Hispaniæ, Lusitaniæ, Angliæ, Scotiæ, Hiberniæ, Dantiæ & Norva-
giæ, Sueciæ, Poloniæ, Hungariæ, Bohemiæ & Borussia Regna: tum
Venetorum, Foederatorum Belgarum, Genuensium, Helvetiorum,
Luccensium, Genevensium, Ragusanorum & S. Marini liberas Respu-
blicas; denique Romani Pontificis, Ducis Sabaudia, Magni Hetruriæ
Ducis, Ducum Lotharingiæ & Slesvici, Magni Magistri Ordinis Eque-
stris Johannis, Ducum Mantuæ & Montisferrati, Massæ & Carraræ,
Mutinæ, Monæci, Arausienensis, ut & Parmæ ac Placentiæ Principa-
tus & Dominationes pari methodo atque ingenii ubertate descri-
bi.

Sicut fecunda fuit admodum Gentilium superstitio in confin-
gendis Diis pene innumerabilibus, quorum cultum plebeculæ
miseræ & quascunque nugas dementer arripienti commendarent:
ita operæ pretium facturos se arbitrati sunt Viri doctissimi, si, quæ le-
guntur sparsim in antiquis monumentis de titulis eorum, venera-
tione, solennibus sacris & ceremoniis, quibus hæc conficieban-
tur, colligerent diligenter, atque singulatibus libris explicarent, &
hac ratione lucem his accenderent, qui in legendis aut interpre-
tandis veteris ævi scriptoribus versantur. Accenseri meretur
istis præsentium Opusculorum perquam eruditus Autor, qui a-
liorum exemplis incitatus, Sacerdotes Martis Salios & Deos Cabi-
ros describendos sibi sumsit, & Inscriptiones quoque duas, Smyr-
næ repertam unam, atque monumentum Heriæ Thisbes Mono-
diariæ continentem alteram, quarum utramque in Sponii Mi-
scellaneis Eruditæ Antiquitatis offenderat, suis Animadversionibus
illustravit. Et in illo quidem *de Salis Sacerdotibus* libello, de
nomine ipsorum, origine, diversis generibus, vestitu, armis, car-
minibus, cœnis maxime exponens, a saliendo dictos mavult,
quam cum Stephano le Moyne ab Ebræo שָׁלִיחַ quod tinnitum
significat, propterea quod nequeat doceri, cymbala & crotala
Sacerdotes illos pulsasse; eosdemque a Salisatoribus distinguit,
qui, Isidoro teste, dum ipsis membrorum quædam partes salie-
bant, aliquid sibi exinde vel prosperum vel triste prædicebant. In-
stitutos vero primum in Herculis memorat honorem, quos Dio-
nyssii Halicarnassensis & Livii sententia Numa deinde Marti con-
secravit, & diversis cognominibus appellavit populus, Palatinos
videlicet alios Collinosque & Agonales, alios Albanos, prout ni-
mirum vel in Palatino aut Collino, quem Agonalem etiam si-
ve Agonum dictum ostendit e Festo, vel in Albano montibus
sua habebant sacraria. Pergit de Collegio ipsorum commenta-
ri & diversis in eodem muneribus, in quo Præsul alius sive *xe-*
es

præstans, qui chorum sistebat & saltare faciebat, & saliendi modum dabat; alius Vates, qui Salaria carmina præcinebat, atque cantus dabat modum; & Magister quoque alius, qui potestatem habebat inaugurandi & exaugurandi, & Salios juvenes instruebat, ut rite portare ancilia, & secundum modulos rhythmicos saltare discerent, cujus ordinis ea præstantia, ut in ipsum non nisi Patritii cooptarentur, atque ex his Patrimēs solum & Matrimēs, h. e. qui utrumque parēntem in vivis adhuc haberent; qua ratione cum Virginibus Vestalibus convenerunt, quæ & ipsæ, nisi patrimæ essent & matrimæ, constitui non poterant. Vestem Saliorum describit Noster deinde, atque tunicam pictam sive verficolorem fuisse tradit, super quam æreis baltheis erant cincti, & trabeas induebant fibula contractas, ne saltantibus esset impedimento, capitis tegumento gaudentes fastigiatis in coniformam pileis, ob quos illos Enniano vocabulo tutulatos dici posse credit, cum tutulus metam sive apicem pileis in vertice additum significet. Arma Saliorum, quod inter omnes constat, fuerunt ancilia, quæ male a Dionysio Halicarn. ejusdem cum Thracum pelitis figuræ dicta, scuta fuerunt brevia & rotunda, & ovali figura ad ejus similitudinem efficta sunt, quod, eodem Dionysio & Plutarcho testibus, delapsum cœlitus & in Numæ repertum est Regia, qui circumferri illud etiam & annuis sacrificiis voluit honorari. Ea occasione agit de Festo, in quo ancilia circumlata, quod Kalendis Martiis habuit initium, & per dies aliquot celebratum est, quorum ultimus sacer Mamurio, qui ad similitudinem cœlo delapsi ancilis alia fabrefecerat, Numapotissimum suadente. Istis autem diebus arma illa circumtulisse, scribit, sacerdotes, pugionibus & interdum lanceis quoque & virgis ea percutientes, & e sacrario h. e. secreto illo in Martis templo loco, in quo sacra reponebantur, deducentes, & cum singulis vespers propter urbis amplitudinem in locum illum referri non possent, in extructis cum in finem ædificiis, quæ Mansiones appellata sunt, custodientes, qua occasione hoc ipsū vocabulum explicat. Gestasse, addit, collopendentia per urbem incedentes, & in Comitio maxime frequentes, qui locus, ex Marliani sententia, Romani fori pars fuit incipiens a porta Palatii & desinens ad ædem D. Mariæ novæ, sic ut sublati pedibus & alternantibus, qualis fullonius saltus apud Senecam ep. 15. ad tibiā & per vices ferrentur, & aliquando Salii omnes, aliquando qui-

quidam modo ipsorum saltarent. Carmina, quæ canebant, dicebantur axamenta, quam vocem eum Scaligero & Dacerio ab axibus derivat, h. e. tabulis, in quibus descripta habebantur, ut a pueris etiam possent edisci, & Numam itidem Pompilium autorem agnoscebant, prisca Latinorum lingua consignata, & obscura adeo propter obsoleta verba, ut vix ipsis Saliis deinde intelligerentur. Istorum carminum *λεῖψανα* colligit quoque Noster, & obscura vocabula secundum literarum ordinem disposita explicat, Varronis potissimum Scaligerique atque Festi opera usus, & tandem de Saliaribus coenis veterum scriptorum testimonia congerit, quæ opiparæ adeo, ut, si quæ magnæ aliæ fierent, Saliarum inde dicerentur. Secundum Opusculum absolvit. *Dissertatio Philologica de Deorum Cabirorum mysteriis*, quæ quia olim jam prodiit & lecta est, quin labore excerptendi illam supersedere possimus, non dubitamus. Hoc sufficiat monuisse, quod per Deos Cabiros ab Ebræo כביר, quæ vox magnum, potentem, validum notat, dictos Romanorum Penates Gutberlethus intelligat, ab Ænea post Trojæ excidium in Italiam deportatos, Cererem videlicet, Proserpinam, Plutonem, Mercurium, & ante hos Jovem atque Dionysum, quin & Dioscuros Castorem & Pollucem, nec non Æsculapium quoque, qui in multis locis, sub aliis tamen nominibus, culti sunt, Beryti scilicet in Phœnicia, Carrhis in Mesopotamia, imo in Ægypto etiam & Samothracia; sed in ea re non habet consentientem Jo. Antonium Astorium Jctum Venetum, qui Venetiis A. 1703 dissertationem evulgavit de Diis Cabiris, atque nomen hoc a voce Chober, quæ Incantatorem significat & Deut. XVIII, 11. legitur, deducit, & fascinatores arbitratur fuisse præstigiis deditos, nomine Tricopatrem, Eubuleum, & Dionysium, & proximis ante vel post Ogygis diluvium seculis floruisse & orbem pervagatos esse, sicut Zoroaster apud Persas, & Magi alii apud gentes alias, divino quoque honore cultos. Cæterum cum in ipso ætatis flore extinctus sit Gutberlethus, neque absolvere poterit inde, quæ molitum fuisse, de Telchinibus, Curetibus, Idæis Dactylis, Corybantibus & Magnæ Deum Matris Sacerdotibus Gallis, ex Dissertationis ejus de Diis Cabiris Præfatione discimus, non possumus non præmaturum doctissimi Viri obitum, & quod iis monumentis, ad sacrorum gentilium interpretationem multum profuturis careamus, dolere.

* * * * *

ACTA ERUDITORUM,

publicata Lipsiæ

Calendis Decembris, Anno M D C C V.

CORPUS JURIS CIVILIS ROMANI, DIONYSIO
GOTHOFREDO JCTO Auctore. Cum Appendice seu Au-
thentico eorum, quæ prioribus hujus formæ editionibus defuerunt,
& Indicibus singulari cura revisis & locupletatis. Editio
novissima Sacratissimo Cesari JOSE-
PHO dedicata.

Lipsiæ, sumptibus J. Frid. Gleditschii Bibl. Lips. & Frid. Knochii
Bibliop. Francofurt. ad Mœnum, 1705. 4.

Constat Alph. II. & plag. 9. chartæ augustæ.

Cum e tot Corporis Juris Civilis Romani editionibus,
quæ in Germania, Belgio, aliisque provinciis hucus-
que prodierunt, nulla a mendis purgata ita fuerit, quin
accuratiorem dudum Romani Juris cultores desiderave-
rint, ac præterea ne quidem fœdatarum erratis editio-
num exempla in officinis librariis amplius prostarent: de nova ea-
que elegantissima & emaculatissima editione adornanda, jam ab
aliquot annis cogitarunt, consiliaque ac sumptus eam in rem con-
tulerunt Bibliopolæ solertissimi, Lipsiensis alter Jo. Frid. Gledit-
schius, alter Francofurtensis Frid. Knochius. Itaque ne illotis
manibus rem tantam aggrederentur, ante omnia præclarissimo-
rum Jctorum mentem explorandam censuere, eoquid ad ornan-
dam perficiendamque editionem novam conferri posse judicarent.
Tum textu editionis Francofurtanæ A. 1663 in 4, quem imitaren-
tur, selecto, quod tamen nossent, nec eam a mendis immunem
esse, exemplo plane novo ad integra in diversis illustrioribus Ger-
manicæ Academiis Jctorum Collegia confugere non dubitarunt,

Yyy

obla-

oblata cuique certa exemplaris portione, rogaruntque ut eam quam diligentissime reviderent, nec minus in notis Gothofredi, quam ipso Legum contextu errata corrigerent; nec difficulter ab Excellentissimis Viris impetrarunt, ut uno publici commodi promovendi desiderio accensi, strenuam ea in re operam navarent, ac quisque pensum suum magna dexteritate absolverent. Atque ita demum tot præstantissimorum JCtorum studio perpuratum, & tantum non ab infinitis mendis liberatum opus, Typographo Lipsiensi tradiderunt, nec ordinariis correctoribus satis confisi, Viro juris peritissimo, qui & antea in revidendo Corpore Juris Canonici Pithoeano, cum id A. 1695 apud nos sumptu Gleditschii nostri imprimeretur, (Francofurti ad Moenum hoc anno recuso) suam eam re solertiam abunde comprobaverat, curam, ne quid novorum mendorum irrepere pateretur, quantum quidem humana industria cavendi potest, commiserunt. Quam Bibliopolarum sollicitudinem (nam de typorum elegantia ac chartæ nitore, quæ primo cuique obtutu occurrunt, nihil dicemus) tanto magis laudandam publice censemus, quanto ea est apud alios hodie infrequentior, plerisque, quam emendate libri, quos publicant, excudantur, infra curam habentibus. Cæterum ut in aliis etiam usui publico accommodatior esset editio nec quicquam in ea facile desideraretur, non modo Indices Titulorum Legumque ita locupletati sunt, ut evolutio multo faciliior evaserit, sed & opuscula alia, præter ea, quæ in prioribus hujus formæ editionibus comparuere, ex editione Amstelodamensi A. 1663 in fol. repetita accesserunt, nimirum *Notitia Reliquiarum Juru ante & post Justinianum, a Jac. Gothofredo & Josepho Maria Suaresio conscripta: Editum perpetuum a Salvio Juliano compositum & ad ordinem Digestorum restitutum, & Ordo Edicti perpetui una cum serie librorum, quos JCIi veteres ad idem Editum scripserunt: Antonii Contii JCIi Prefatio in librum Novellarum: Constitutio Imp. Zenonis de novis operibus: Julii Pacii receptarum Sententiarum Libri: denique Marqu. Freberi Chronologia utriusque Imperii ab excessu Justiniani usque ad finem Imperii Orientalis, subinde nunc aucta & emendata, & enarratione rerum post ea tempora ad obitum usque Divi Leopoldi Caesaris locupletata.*

MI.

MENSIS DECEMBRIS A. MDCCV. 39

MISCELLANEA CURIOSA, BEING A COLLECTION of some of the principal phenomena in Nature &c.

h. c.

COLLECTIO PRÆCIPUORUM QUORUNDAM Naturæ Phenomenorum a maximis ævi hujus Philosophis explicatarum, una cum variis Discursibus coram Societate Regiæ ad promovendam Scientiam Physicam & Mathematicam instituta recitatis.

Londini, apud J. B. & Johannem Senem, 1705. in 8vo.
Constat 1 Alph. & 5 Tabb. æneis.

PLeraque omnia, quæ in hoc opere continentur, jam in *Actis Anglicanis* publicata sunt: in gratiam vero eorum, quibus pretiosa ista volumina pervolvere non datur, præcipua inventa Physica & Mathematica ex istis seligere, & in unum volumen mole exiguum conpingere voluit Autor, in præfatione observans, se talia exhibere, quæ jam censuræ orbis eruditi exposita approbationem meruere, & quibus tanquam fundamentis firmis posteritas infinita superstruere valebit. Placuit autem ipsi Discursus singulos verbotenus recensere, uti Societati Regiæ vel exhibiti, vel coram ea recitati fuere, ne in compendium missi obscuri evaderent. Præcipui jam leguntur in *Actis* nostris, nempe A. 1692 p. 307, quæ celeberrimus *Hallejus* de quantitate vaporum ex mari exhalantium, eorundem circulatione, & origine fontium; A. 1684 p. 387, quæ de Theoria declinationis acus Magneticæ; A. 1687 p. 509, quæ de Ventis statibus intra Tropicos, eorumque causa; *Tom. 2. Supplem. p. 328*, quæ de calore Solis proportionali in omnibus latitudinibus; *ibid. p. 333*, quæ de inveniendis focus lentium per Algebram modernam; A. 1702 p. 180, quæ de invento a *Rob. Hookio* Barometro marino; & tandem A. 1700 p. 87, quæ *Woodwardus* de Vegetatione Plantarum disserit. Quæ ulterius ab *Hallejo* de vera Theoria æstus marini proponuntur, in summi Geometræ *Isaaci Newtoni Principiis Philosophiæ Naturalis Mathematicis*, quæ mense Junio anni 1688 p. 304 & seqq. recensimus, & *Davidu Gre-*

gorii Elementis Astronomia, nobis mense Octobr. anni 1703 p. 452 & seqq. commemoratis leguntur, atque *Newtono* Theoria ista debetur auctori. *Newtoni* Theoria lucis & colorum, ejusque uberior explicatio, ex *Optica* ipsius nuper publicata, & proxime a nobis recensenda, peti debet. Ejusdem Theoria Lunæ in eruditissimo opere Astronomico *Gregorii* modo laudato jam est publicata. *Romeri* Demonstratio de successiva Lumini propagatione, non solum ab illustri *Hugenio* in ingenioso *de Lumine Tractatu*, nobis A. 1690 pag. 481 & 561 commendato, sed & a Scriptoribus Systematicis, quales sunt *Job. Bapt. Hamelius* & *Franciscus Bayle*, fuisse exposita, & a nobis ex *Tractatu* *Hugeniano* ad annum cit. p. 483 in compendio proposita. *Wallisii* cogitata de Mensura resistentiæ medii in motu projectorum, caput 101 *Tractatus* de Algebra absolvunt, quem A. 1686 p. 283 recensuimus. *Narcissi* de Sono discursus, generalibus solum terminis, Visus cum Auditui & Opticæ cum Acusticæ convenientiam exponit. Quæ *Hallejus* de magnitudine atomorum ex ductilitate auri, nec non de variis speciebus quantitatum infinitarum earumque inter se proportionibus demonstrat, atque de distantia stellarum fixarum docet *Franciscus Robertus*, ea jam plerisque innotuisse credimus. Quare de his omnibus in præsentem non dicimus: pauca tamen de discursibus reliquis, qui in præsentem opere continentur, subnectemus.

Exhibet nempe quoque Auctor noster sæpius jam nobis laudati *Halleji* Tentamen de causâ mutationis declinationis acus Magneticæ, cum hypothese de structura internarum partium Telluris: in quo cum per observationes probasset, mutationem istam esse universalem suosque habere gradus, utut non omnibus in locis eisdem, causam ejus tandem assignare nititur. Quemadmodum vero ex ipsis Actis nostris A. 1684 mense Aug. p. 392 constat, quod phænomena declinationis acus Magneticæ salvaturus asserat, Terram esse Magnetem quatuor Polis magneticis instructum, & acum magneticam dirigi versus viciniorē: ita facile conjicere poterat, mutationem declinationis inferre mutationem situs Polorum. Hanc declaraturus, Tellurem sibi concepit, ut geminum Magnetem, constantem nempe ex crassa exteriori & nucleo, fluido quodam intermedio interjecto, ita ut tum ista, tum hic binos habeat Po-

los Magneticos, & ambo circa commune centrum ac axem diurnæ rotationis intervallo quatuor viginti horarum rotentur. Crustæ globi nostri Terraquei, quem incolimus, Polos tribuit fixos, ita ut, si hi essent soli, versus quos materia magnetica moveretur acus directrix, hæc constanter eandem haberet declinationem. Ut igitur variatio declinationis explicari possit, nucleo h. e. globo minori intra Tellurem concluso Polos tribuit similiter fixos respectu ipsius, at mutabiles respectu crustæ. Ponit enim, nucleum & crustam inæquali revolvi circa communem axem celeritate, ita tamen, ut inæqualitas nonnisi post plures revolutiones factas reddatur sensibilis: cui determinandæ si sufficerent observationes (quas non sufficere Noster docet) variatio declinationis ad computum revocari poterat. Non autem absurdum esse, sibi concipere concavitatem intra Tellurem, & in ipsa pendulum globum minorem, inde evincere conatur, quod celeberrimus *Newton* in *Principiis Philos. Nat. Mathem.* demonstraverit, densitatem Lunæ esse ad densitatem Terræ, ut 9 ad 5 quam proxime, adeoque Lunam, corpus longe minus, esse densiorem Tellure, corpore longe majori. Quæ cum accuratius expenderet, probabile ipsi visum fuit, plures sphaeras intra cavitatem istam contineri, adeoque hanc tandem Telluris assignat structuram internam. Præter nucleum solidum, intra Tellurem duas adhuc alias sibi concipit sphaeras concavas cum suis atmosphaeris, cumque sphaeras inclusas magnitudinibus Veneris, Martis atque Mercurii proportionales statuatur, horum Planetarum nomina ad istas significandas transfert. Jam quia diameter Telluris est 8000 circiter miliarium Anglicorum, sphaeris concavis crassitiem tribuit 500 miliarium, & atmosphaeræ altitudinem isti æqualem, ut diameter nuclei prodeat 2000 miliarium. Cum ulterius animadverteret, Venerem, Martem atque Mercurium terrestres nobis nullum præbere usum, qui crustam exteriorem incolimus, atque nostro ævo pro certo haberi, Terram esse e numero Planetarum, omnesque Planetas non sine ratione supponi habitatas, tandem partes Telluris sua habere animantia, e. g. aerem aves & insecta, aquam piscium innumera genera, terram reptilia: non incongruum ipsi videbatur asserere, & globos istos in Tellure conclusos habitari. Quod si objicias,

Yyy 3. fine

sine luce viventia ibi commorari non posse, regeat, multos dan modos, quibus lux ibi producat; nempe vel ea ratione, qua ignes nostri fatui generantur, atmosphas istas illuminari, vel fornices concaves variis in locis resplendere Solis instar, vel lumen aliquod ibi produci, cujus nullam nos habeamus ideam.

Idem *Hallejus* tradit Regulam decrementi altitudinis Mercurii in Barometro, pro diversa hujus supra Telluris superficiei elevatione. Supponit aerem esse elasticum, resistantiam elateris æquari ponderi prementi, spatia ab aere sub diversis pressuris occupata esse in ratione reciproca pressurarum, gravitatem aeris specificam esse ad gravitatem aquæ prope superficiem Terræ ut 1 ad 800, Mercurii ad aquæ ut 10800 ad 1, atque adeo digitum unum Mercurii æquari 10800 digitis cubicis aeris: unde si aer ejusdem esset densitatis, atmosphas altitudinem fore 5, 1 milli. atque in ascensu 900 pedum seu 10800 digitorum Mercurium in Barometro descensurum per unum digitum. Sed quia expansio aeris in ea ratione crescit, in qua pondus atmosphas incumbens decrescit, Mercurii descendens altitudinem augeri, & spatium quodlibet uni digito argenti vivi respondens continuo crescere. Quamobrem aerem ad majorem extendi debere altitudinem. His principiis jactis problemata de determinanda altitudine Mercurii ad altitudinem aeris datam, & altitudinem loci, in qua barometrum collocandum, ut Mercurius datam obtineat altitudinem, curiosa magis esse, quam difficilia pronunciat: eademque solvit ope quadraturarum spatiorum inter Hyperbolam & ipsius Asymptotos, geminamque computavit Tabellam, in quarum altera altitudines aeris altitudinibus Mercurii; in altera altitudines Mercurii altitudinibus aeris respondentes exhibentur. Ex qua colligit, in altitudine 41 milliaria densitatem aeris se habere ad densitatem nobis vicini ut 1 ad 3000, in distantia 53 ut 1 ad 30000, ostenditque per observationes crepusculorum, aerem ultra 45 milliaria non extendi, nempe ad 44, 4 Anglica scilicet, qual um 4000 est semidiameter terræ. Atque inde ulterius infert, aerem ad 180000 spatii partem comprimi posse, quod in statu naturali occupat. Quoniam vero hæc consequuntur, si atmosphas inalterabilis supponatur, atque rarefactionis & condensationis capax in

in infinitum, utraque vero hypothesis falsa est, si rigore spectetur: computum quoque istum non satis esse exactum monet. Variari certe specificam aeris gravitatem, dum calor aerem dilatat, & frigus comprimit, dum effluvia particulis aereis graviora immiscuntur, quemadmodum salia aquæ permixta pondus ejus augeant. Condensationem terminari in certo gradu per experimenta *Florentinorum* atque *Hoochii in Microgr. cap. 5.* Nec rarefactionem in infinitum procedere, quod particulis elasticis competere debeat magnitudo determinata in statu naturali, exemplo lanæ. Hæc igitur *ἀκριβειαν* conclusionum superiorum Geometricam turbare. Unde & in eadem elevatione diverso tempore non eandem obtinere altitudinem. Hinc in causas ascensus & descensus & inquisiturus, primo phænomena recenset, ex quibus concludit, præcipuam ascensus & descensus & causam esse variabilitatem ventorum in zonis temperatis, cui adjungenda sit incerta exhalatio & præcipitatio vaporum in aere: atque ex his causis phænomena resolvit.

Idem ulterius ex communicatis per *Justellum* cum Societate Regia catalogis, in quibus ab anno 1687 usque ad 91 inclusive ætas & sexus omnium Vratislaviæ singulis mensibus mortuorum consignabantur, & horum numerus cum numero natorum comparabatur, construxit Tabulam, in qua singulis ætatis annis adscribitur numerus personarum ad eos profectarum & Vratislaviæ degentium. Hujus Tabulæ multiplicem monstrat usum. Nempe inde deducit non solum omnem numerum Vratislaviæ viventium, qui est 34000, sed & numerum eorum, qui arma gerere valent, ad 9000 assurgentem: imo generaliter concludit, in quacunque civitate, numerum illorum esse quartam circiter numeri omnium incolarum partem. Derivari hinc posse ostendit gradus mortalitatis pro omni ætate; quot mori debeant per annum tuæ ætatis homines, ut certus esse possis, te isto anno non moriturum, hoc enim ostendit sola differentia inter numerum personarum ætatis propositæ, v. g. 25, & proxime subsequentis 26, qui in præsentī casu Vratislaviæ est 7: nec non quot mori debeant, ut persona quædam ætatis cujuscunque non moriatur, antequam attingat ætatem propositam: quomodo inquiratur, quo ætatis anno per-

sona quædam ætatis cujusdam propositæ sit moritura. Quæ speculationes non censi debent inutiles, cum earundem insignem ostendat usum in definiendo pretio assæcurationis, quæ dicit certum quoddam contractuum genus Anglis in plurimis negotiis civilibus admodum familiare. Imo easdem speculationes ad gemina prorsus transfert, qualia proposuit *Wilhelmus Petty* in *Arithmetica Politica*, cujus proluxa recensio occurrit in Actis nostris A. 1691 p. 407 & sqq.

Noster denique ex Hallejanis inventis nobiscum communicat ejus discursum de gravitate & proportionibus, in quibus corpora gravia descendunt, nec non de motu projectorum: in quo cum celeberrimus Autor varias variorum hypotheses recensuisset, ut ipso eorum dissensu difficultatem causam gravitatis efficientem detegendi ostenderet; ab omni prorsus hypothesi abstinet, atque certius philosophaturus, stabilitis quibusdam per experientias indubias gravitatis proprietatibus, methodo demonstrativa ope principiorum Geometricorum & Analyseos Speciosæ regulas deducit, juxta quas corpora gravia descendunt, & projecta moventur.

Præter discursus hæcenus commemoratos, in præsentî opere continentur adhuc tres ad Physiologiam spectantes, in quorum primo *D. Georgius Gardenius de Aberdeen* Theoriam generationis; in secundo *Clopton Haverus, M. D.* cujus *Osteologiam* A. 1691 p. 573 recensuimus, concoctionem; in tertio *J. Drake M. D.* influxum respirationis in motum cordis exponunt. Ex singulis quædam scitu non injucunda proferre libet. Quod theoriam generationis attinet, doctissimus ejus Autor ad tria eandem capita revocat, nempe 1. quod animalia generentur ex animalculo, 2. quod animalcula ista originaliter insint semini marium, 3. quod sine ovis in foeminis animalcula in animalia mutari nequeant, ut adeo Eclecticum quasi agens, hypotheses *Harvæi* & *Dn. de Leuwenhæk*, quarum hanc A. 1686 mense Oct. p. 479 descripsimus, conjungat. Ad primum stabiliendum sequentibus utitur argumentis: 1. quod *Malpighius* in ovi nondum incubati cicatricula pulli rudimenta observavit, 2. quod subito post incubationem omnes partes appareant, vi experimentorum *Harvæi* atque *Malpighii*, manifesto, ut ipsi videtur, indicio, partes illas non ex fluido

do concrevisse, sed ibi jamdum nondum explicatas extitisse, ab origine mundi procul dubio per omnipotentiam Dei formatas. Alterum confirmaturus hæc producit argumenta quod 1. in semine masculino omnium animalium innumera animalcula a *Dn. Leewenboek* fuerint detecta: quas observationes exhibuimus A. 1682 p. 321. 2. quod per observationes *Malpighii* rudimenta foetus solum reperiuntur in ovis a mare fecundatis, non autem in subventaneis: 3. quod figura animalculorum a *Dn. Leewenboek* delineata conveniat cum figura rudimentorum foetus in ovo tum ante, tum post incubationem a *Malpighio* descripta: 4. quod ex hac hypothese reddi possit ratio, quomodo multi foetus una excludantur, & multa ova in gallina per unum coitum cum gallo celebratum fecundentur: 5. quod prima de Messia prophetia novam ex ista accipiat lucem, in qua vocatur semen mulieris, cum omnes homines reliqui sint semen viri: 6. quod eidem adstipuletur analogia vegetationis plantularum; semina enim esse plantulas, quæ terræ tanquam utero committantur. Denique ultimura hac ratione evincit: 1. quod animalculum non possit in lucem edi, nisi in proprium cadat nidum, quem centrum cicatriculæ in ovis esse appareat: unde licet myriades animalculorum in ovum unum cadant, haudquaquam tamen præter unum in lucem edi posse. Addit, fortassis nidum molli animalculorum ita proportionatum esse, ut nonnisi unicum recipere possit: quæ sit ratio raritatis monstrorum. Absolutam nidi necessitatem in oviparis ad oculum patere. Hanc vero solam differentiam inter ovipara & vivipara quoad præsentem materiam in eo consistere, quod in his ova præter cicatriculam & eorum colliquamentum nihil contineant, ita ut foetus extra ista in uterum radices protrudere teneatur nutrimentum recepturus: ast ova in oviparis proprie dici possint uterus quidam in ordine ad foetum, quoniam non solum cicatriculam cum amnio & colliquamento, quod immediatum sit foetus nutrimentum; sed materiam insuper contineant in colliquamentum convertibilem, ita ut foetus radices suas nonnisi in albumen & vitellum ovi agat, unde omne suum nutrimentum derivet. 2. Quod hæc cicaticula non sit originarie in utero, ex frequentibus extra uterum conceptionibus probat, quales occurrunt in *Trans. Phil. Angl. n. 139, 150 & 172, & in No-*

vallis Reip. Literaria Mens. Sept. A. 1685. p. 996. Unde probabile fieri assent, testes muliebros esse ovaria huic usui destinata. Subjungit 3. quod in confesso sit apud omnes, foetum in utero per amplum temporis spatium post conceptionem cum matre connexionem non habere, esseque in isto ovum perfecte rotundum, molis exiguae, cum foetu in medio incluso, qui successive funiculum umbilicalem emittat & utero tandem alligetur. Unde appareat, cicatriculam, quae sit fons nutritionis animalculi, non ori in utero, sed alibi, atque in istum deferri tanquam in solum aptum, ex quo nutrimentum recipiat ad vegetandum foetum. Esse vero testes foemineas revera ovaria, hoc experimento evincere conatur, quod parere nesciant foemellae, si abdomen aperiatur, ac testes exsecantur. Respondet tandem tribus objectionibus, quibus hoc ultimum assertum subesse videri poterat.

De concoctione quae tradit *Haverus*, in compendio huc redeunt. Tribuit nempe ciborum in ventriculo comminutionem salivae, quam pro liquore habet ex gemino alio composito, altero nempe acido, altero oleoso, oleo terebinthinae non prorsus ab simili, quorum unusquisque e peculiaribus glandulis secernatur: id quod sequenti comprobatur experimento. Assumit frustum carnis erudae, idque dissectit in minuta magis, sed iis tamen majora, in quae masticatione reducitur, panisque micis admixtis oleum terebinthinae & oleum vitrioli affudit: quam massam cum per quatuor horas in balneo Mariae digessisset, in pulvem redactam deprehendit. Salivam certe prodere fermentationem, etiam cum non edimus, per bullulas ipsi inexistentes utut in ore non agitatae. Motum stomachi per respirationem productum cibo dissoluto cum saliva intimius permiscendo inservire. Per hanc autem fermentationem apta disponi alimenta, ut cum bile in intestino duodeno fermentare possint: quod hoc experimento probat. Cum bilem naturae saponariae supponat, saponem in aqua calida dissolutum oleo terebinthinae ac vitrioli admiscuit, & in mixtura fermentationem oriri observavit.

Influentiam respirationis in motum cordis adstructurus *Dr. Keil*, *Loewer* explicationem systoles seu contractionis cordis per mechanicam visceris hujus structuram laudat; verum explicationem diastoles per motum restitutionis improbat, cum status contra-

tractionis fibrarum sit potius naturalis, adeoque non dari possit. diastole sine externa quadam violentia, prouti experientia in omnibus musculis doceat, non dari in ullo musculo motum restitutionis confirmans. Ita musculos a potentia antagonistarum liberos esse in statu contractionis, illos similiter, qui antagonisti carent, ut sphincteres gulæ, anus, vesicæ, semper esse in eodem. Quod vero cor sit musculus, isque solitarius, sine ullo antagonista proprio, nec voluntatis imperio subiectus, proxime adeo ad sphincteres accedens, a *Lowero* aliisque dudum esse demonstratum Musculares fibras cordis per nervos actuatæ immediatum esse systoles instrumentum concedit; quin tamen muscoli intercostales cum diaphragmate, dum sanguini per pulmones viam pandunt, suum quoque conferant, negari non posse. Ostendit ulterius, vasa sanguifera in pulmonibus in costarum elevatione ac depressione eandem cum bronchis pati debere mutationem, nempe coarctari, dum costæ deprimuntur ac pulmones subsidunt; extendi, dum costæ elevantur & pulmones aere inturgescunt, ut via sanguini ex dextro cordis ventriculo in sinistrum aperiatur. Diastolen igitur fieri asserit, dum a pondere atmosphæræ, quæ muscoli antagonisti vicem subeat, costæ deprimuntur, pulmones subsidunt & vasa sanguifera coarctantur, ita ut sanguis per venam pulmonariam veluti ope emboli cujusdam in sinistrum cordis ventriculum protrudatur. Tandem quædam subjungit, quæ circa foetum in utero moneri poterant.

DE SUSPECTIS DE HÆRESI OPUS.

Autore ANSELMO DANDINO CÆSENATE, olim

in Patria Sancti Officii Consultore, nunc utriusque Signaturæ

Referendario, & Sacra Congregationis Indicis Consultore.

Romæ, apud Vincentium de Romanis, 1703, in fol.

Alphab. 8.

EX officii, quod olim in patria sua gessit, ratione operis hujus causam Clarissimus Auctor arripuisse videtur, in quo suspectorum de hæresi & culpam considerare prolixius intendit & pœnam.

Zzz 2

Utrius.

Utriusque tamen contemplationem antecedere jubet aliqua præliminaria, quæ primo circa *suspicionem* in se spectatam occupantur. Hanc posteaquam *criminis incertam* definivit *representationem*, illius a præsumptione differentiam in eo collocat, quod, cum illa solum in malam, hæc vicissim in utramque partem sumi suevent. Suspicionis tres esse gradus innuit, aliamque levem, aliam probabilem, aliam violentam facit. Fontes, unde scaturiat suspicio, modo patriam esse dicit, modo parentes, modo educationem, jam vitam antea actam, mox dicta & facta, interdum & amicos; quæ singula latius exposita sistit, & his absolutis, ad generaliore *hereseos* indagationem pergit. Et hæc ipse est *error intellectus voluntarius, contra aliquam propositionem catholicam cum pertinacia assertus ab eo, qui baptismum accepit*. Ad hujus definitionis ductum in capitibus aliquot proxime sequentibus multa cumulat de errore intellectus, deque voluntario errore, & reliquis vocabulis, quæ ad sensum descriptionis istius principalem pertinent. Ad opus ipsum propius accedens, hac quidem vice solam partem primam absolvit, & quinam sint *de heresi suspecti*? indagat. Principem inter eos locum *blasphemis* assignat, ubi blasphemiz & definitionem pandit & divisionem, & plerosque blasphemantes *hereseos* suspicionem incurrere observat, exceptis forte iis, qui in magna, quam vocat, eamque levi & levissimæ opponit, ebrietate tales se gerant, aut qui passionibus cerebri affecti rationalis facultatis defectum sentiant, (quanquam hos ob malum exemplum castigari posse admittat;) aut qui dormientes blasphement, nisi vigilantes forsan antea linguam male disertam fecerint; aut qui ob iracundiam mentem abalienantem in blasphemias voces erumpant, & que similes. A blasphemis progreditur ad *supersticiosos*, quibus *idololatrias* accenset, & *magos*, sed eos tantum, qui paciscantur cum Dæmone, magiam namque naturalem nullius inducere criminis suspicionem observat; *divinatores* item, arte usi Dæmonica qui fuerint, & *sortilegos*, qui a Deo eventum non expectent, nec a casu, sed a Diabolo, qua de causa sortes divinatorias omnes rejicit; imo & *vane observantia* studentes prioribus addit, & *maleficos*, & eos, qui *superfluum, vel falsum cultum Deo exhibeant*. Admodum deinde prolixus est in referendis hunc in censum iis, qui

MENSIS DECEMBRIS A. M DCCCV. 549

qui Sacramentis abutantur, sive illi eadem *conscient* sine potestate, aut debita minus materia, formaque, loco item temporeque haud debito, aut ceremoniis dispositionibusve non debitis; sive illa minus rite *offerant*, aut secus, quam fieri debebat, *conferant*. *Fautores* porro *haereticorum* de haeresi vehementer suspectos esse pronunciat, sive omittendo peccent, eosque vel non denuncient, vel non capiant, vel non custodiant; sive committendo, dum eos receptent, honoribusve & dignitatibus insignire haud vereantur. Hic sigillatim ad Principes excurrit seculares, eosque haereticis saluum quidem conductum posse concedere admittit, si solam spectes immunitatem a violentia, sed non item, si de immunitate absoluta quaesiveris; libertatem certe conscientiae iis a Principibus per-mitti, aut dignitates in eos conferri posse, inficiatur. Multo magis *defensores haereticorum* suspitione haereseos gravari dicit, & inter alia Ministros Sancti Officii, inquisitioni actu inservientes, nec directe nec indirecte impediri posse, absque haereseos suspitione, statuit. Sed de iis, *qui cum haereticis conversantur*, paulo censet mitius, & conditiones, quibus fieri id liceat, exponit. Quo pacto etiam *reimere libros haereticorum legereque* aut concessum sit, aut minus? indagat. Denique post commemoratos atroque car-bone notatos illos, qui haereticorum funus comitentur, aut haereditatem iis relinquunt, aliosque, iis praecipue eandem suspitionis notam inurit, qui propositiones haereticas vel parum Catholicas in medium proferre studeant. Haec prima operis pars discussit, de qua istud adhuc monemus, quod Index diffusissimus & tertiam omnino integri tractatus partem constituens eidem subnectatur.

LETTERA DISCORSIVA DI APOSTOLO
ZENO &c.

i. c.

DISSERTATIO EPISTOLICA APOSTOLI ZENI,
Nobilis Cretensis & Civis Veneri originalis, ad Dn. Abbatem JU-
STUM FONTANINI, Bibliotheca Eminentissimi Dn. Cardi-
nalis Josephi Renati Imperialis Praefectum, de magno Opere
Meditationum Philosophicarum Dn. BERNARDI TAR-
Zzz 3 VI.

VISINI, Patricii Veneti: qua eadem de origine deque
Viris doctis Gentis Tarvisina expo-
nitur.

Venetius, apud Antonium Bortoli, A. 1704. in 8. Plag. 4.

Cum *Meditationum Philosophicarum* Illustrissimi Viri Bernar-
di Tarvisini primum volumen prelo jamjam exiret, scripta est
a Nobilissimo Autore ad venerabilem Fontaninum, ex *Amin-
Tassi defenso atque illustrato* scriptisque aliis cognitum jam nobis
& laudatum, hæc Epistola, qua non modo argumentum istarum
Meditationum, verum etiam concinna Familiæ Tarvisinæ antiquæ
& nobilis, inprimisque doctorum ex ea Virorum, & Illustrissimi
hujus Bernardi adhuc superstitis historia continetur. Nos ex ea,
serius huc allata, more nostro pauca delibabimus. Ponitur inter
majores Illustrissimi Bernardi Tarvisini, post paucos, Marcus Tar-
visinus, Fundator *Abbatie S. Thome Cisterciensis ordinis, Tor-
sellanæ diœcesis*, qui A. MCC obiit. Cujus Abbatie *Historiam*
aliquando in lucem dabit Epistolæ Autor. Deinde eminet Bernar-
dus, qui A. MCCC LXVI floruit, in cujus MS. codice de
transmutatione metallorum, qui auctor servatur in Bibliotheca
Tarvisina, quam in Theatro Chimico Argentorati A. MDCXIII
exscriptus legitur, sunt hæc verba ad finem: *Finit hic liber, &c.
compositus per Magistrum Bernardum Comitum Trevisanum, qui
acquisivit Comitatum & ditionem de Neige in Germania per
hanc artem pretiosam & nobilem.* Sequitur Zacharias prior, in-
signis Venetorum Orator Concilii Constantiensis tempore, cujus
Orationes ad Romanum Pontificem aliosque eloquentissime habi-
tas in lucem edi optat Autor, atque aliquot earum MSS. Patavii
servari a Patribus Eremiticis indicat: deque eodem hoc sese ex-
positurum pollicetur *Libro de Scriptoribus Venetis*. Postea Pauli
prioris, magni peregrinatoris, mentionem facit, ejusdemque MS.
Libri Historici & Geographici, quem apud Hieronymum Petram
nuper defunctum viderit sic inscriptum: *de Nili origine & in-
cremento: item de Aethiopum regione & moribus liber singula-
ris, compositus per me Paulum Trevisanum Nobilem Venetum,
in insula Cypri, anno reparata salutis MCCCC LXXXII.*
Hinc

Hinc post aliquos est Marcus Antonius, Reipublicæ Venetæ Dux Illustrissimus. Deinde Nicolaus, Philosophus inprimis Platonicus, cujus *Ionem* Dialogum Platicum, & *Græco Italicum* & Venetiis A. M D XLIX in 8 editum memorat. *Opera* autem *Platonis* ab eodem multis locis signata & notis indiceque aucta, in Bibliotheca Tarvisana se videre meminit. De Andrea Jcto agens, errorem Alberici notat, qui in Catal. p. 7. 8. hunc in templo S. Mariæ Matris Domini sepultum scribat, inscriptione deceptus, quam Paulus Tarvisinus Andreæ filiolo suo duorum annorum ætate mortuo posuerit. Postea Marci Herois meminit, ejusque amicitiae singularis cum Nicolao Barbarigo cultæ, cujus fama permotus Carolus I Rex Angliæ per Legatum suum horum amicorum imagines abs Venetiis petierit. Ejusdem Marci, præter libros editos, cum MSS. alios memorat, tum unum *de Religione* & *de cultu Divino*, Italice MS. in Biblioth. Tarvis. sibi visum. Dehinc ad Franciscum Tarvisinum, unicum Bernardi superstitis fratrem, venit, Nuncium illum quondam Alexandri VIII P. R. ad Galliarum Regem, eoque loco Epistolam integram promittit *Main-tenonia*, qua hæc Pontificis S. ad se epistolæ meminit, & Franciscum Tarvisinum laudat. Cujus ejusdem commentarium *de Juramento reis deferendo* editum, item *decisiones* cum *Thoma Tarvisini Jcti decisionibus* edendas, museum porro antiquitatibus refertum, denique *dissertationem Chronologicam & Genealogicam* pro veritate Scripturæ S. conscriptam commendat epistolæ nostræ Clarissimus Autor. Qui jam tandem ad Illustrissimum Bernardum Tarvisinum, Meditationum Philosophicarum autorem devolvitur, ejusque parentes, & studia philosophica, philologica, mathematica, pictoria, antiquaria describit; deinde museum, cujus Inscriptiones Græcas & Latinas a Jo. Ant. Astorio editum iri confidit; postea Bibliothecam mille & amplius MSS. codicibus refertam, inter quos est *Alex. Tassonis Conspectus Annalium, Baronii* tribus voluminibus, quo multi Baronii errores castigantur, &c. quos omnes in *Catalogis MSS.* se commemoraturum promittit Noster; porro scripta nondum publicata XLII; præterea mores atque amicitias ejusdem commemorat, tandemque ad Meditationum ejus Philosophicarum opus progreditur, cujus *Specimen*, li-
brum

brum nempe *de Immortalitate animæ*, Venetiis A. 1699 in 4 prodisse docet. Insim autem illud *Meditationum* opus, non compilatum, sed ex ingenio Autoris natum, in VIII volumina, partibus distincta, dispescitur. E quibus primum Volumen partibus tribus, adversus *Scepticos* rerum veritatem & cognitionem, adversus *Atheos* DEI existentiam & providentiam, deindeque animæ immortalitatem demonstrat. Volumen II Legibus Gentilium rejectis, Scripturæ S. auctoritatem confirmat. III Fidei Christianæ veritatem: IV Religionis Catholico - Romanæ præstantiam, Mahometana cæterisque condemnatis: V Pontificis R. dignitatem probat. VI deinde, ad Politica spectans, Legum necessitatem ostendit. VII autem morum doctrinam affectuumque moderationem commendat. Denique VIII viam tranquillius & vivendi & moriendi commonstrat. Hæc ubi latius paulo diduxit Autor Epistolæ doctissimus, libellum concludit. Cæterum eundem Nobilissimum Autorem plura alia & edidisse, & adhuc moliri, non ignoramus. Quippe Tomo I operis, quod *la Galleria di Minerva* inscribitur, & Venetiis A. 1696 in fol. prodire cepit, p. 65 ejus Vita Joannis Georgii Trissini, p. 78 Vita Joannis Baptistæ Guarini Poetæ celeberrimi, & p. 165 Series Chronologica Auctorum, quæ publica auctoritate Historiam Venetam scripserunt, deprehenduntur; ut taceamus, eum Academix, quam *della Galleria di Minerva* vocant, Secretarium diserte perhiberi ejusdem operis tomo II p. 165. Quin & elegantissimum ejus Drama *Il Narcisso Pastorale*, intra decem dierum spatium compositum, commendat Joannes Cinelli in Bibliotheca Volante Loculo (*Scanzia*) X, qui hætenus desideratus Venetiis hoc ipso anno prodit, pag. 9. Denique ex Justi Fontanini libro *L' Amina di Torqu. Tasso difesa e illustrata* Romæ A. 1700 edito p. 179 didicimus, Apostolum Zenum opus excellentissimum de Poetis Italis moliri, in quo eos contra exterorum censuras defendere conabitur.

OBSERVATIO AD RECENSIONEM LIBRI DE
Fidei & Rationis consensu a Domino JAQUELOTO
editi mense Octobri proxime præcedenti
factam.

Cum

Cum hæc Recensio Clarissimi Jaqueloti sententiam *de Leibniziana Harmonie præstabilitæ Hypothesi* attigerit, quæ nusquam adhuc in his Actis est explicata; operæ pretium visum est, ad meliorem ejus intellectum, missam nobis ipsorum Dn. Jaqueloti verborum ex Libro recensito excerptorum Latinam versionem adjungere, ut appareat, quis sit consensus aut dissensus. Quia (inquit pag. 381. 382.) difficile est, comprehendere, quomodo voluntas motum corpori imperet, Celeberrimus Leibnitijs Corpus considerat tanquam machinam tensam & dispositam ad efficiendos omnes motus quos producit, & Animam tanquam substantiam omnes continentem ideas sese successive evolventes, modo motibus omnibus corporis conformi & correspondente. Itaque cum brachium movere volo, evenit, ut brachium moveatur virtute machinæ dispositæ atque tendentis ad brachium in hoc instanti movendum. Hoc modo Anima & Corpus se fere habebunt, ut duo horologia pendula, quæ motus suos pariter iisdemque momentis exercent. Qui causas occasionales defendunt, volunt ob unionem animæ & corporis, Deum ad certorum motuum præsentiam in anima formare certas ideas; & ad præsentiam certorum actuum voluntatis, Deum producere certos motus in corpore. Quod Dn. Leibnitijs non probat, quia ista hypothesis perpetua supponit miracula. Systema receptum medium inter has duas sententias tenet, quæ magnas difficultates pati videntur. Videri possit prima specie, in priore systemate libertatem non nisi quandam illusionem esse, cum anima & corpus per causam efficacem & antecedentem ad omnes suas cogitationes & actiones disponantur, tantumque revera evolvatur, quod erat tectum & involutum. *Systema causarum occasionalium* majoribus adhuc difficultatibus laborat. Nam in eo Deus agit omnia, creaturæ non nisi umbræ sunt vanæ, & entia actionis expertia. Quid ergo virtutibus & vitiis fiet? An credi oportet, Deum ad aspectum Betsabæ in anima Davidis ideam concupiscentiæ excitasse, & in animas Phariseorum impressisse ideas blasphemiarum contra Spiritum Sanctum, cum dæmones viderent ex corporibus dæmoniacorum ejectos? Quocunque effugio, aut quacunque subtilitate utamur, res huc semper redit. Exponit deinde Clarissimus Autor rationes, cur systema receptum,

quo anima in corpus & corpus in animam influxum exercet, ipsi magis placet. Sed tandem ita pergit p. 387. sqq:

Si tamen systema Leibnitianum bene intelligitur, repenietur, in eo non destrui libertatem; anima enim facultatem habet decreta sua formandi, ac volendi quod placet. Et quod actiones corporis ab anima imperatas attinet, non potest officere libertati dispositio corporis ita a Deo formati, ut motus ejus præcise voluntatibus animæ respondeant, quod tali exemplo intelligi potest. Ponamus, Mechanicum egregium scire, quæ ego famulo meo tali die sum imperaturus, eumque posse formare automatum par exequendis omnibus motibus a me ea die imperandis. Certum est, me tunc Automato illi tanquam famulo meo imperaturum ea, quæ fruor, libertate, neque illam ipsius automati spontaneam ad suos motus determinationem, quicquam libertati meæ præjudicaturum. Eodem se modo res habet in corpore humano, secundum systema Leibnitianum, quod ideo appellari solet *Systema Harmonia præstabilite*. Deus formavit nostra corpora tanquam machinas, quæ debent respondere certis motibus nostrarum animarum. Tale Automatum non est impossibile Deo, qui novit omnes determinationes meæ voluntatis, motusque machinæ his determinationibus accommodavit. Hoc systema exemptum est difficultatibus, quæ in aliis reperiuntur. Non intelligitur in systemate recepto, quomodo voluntas agere possit in corpus, & in systemate causarum occasionalium omnia fiunt miraculose, & Deus movet brachium meum occasione meæ voluntatis, corpus proprie loquendo nihil agit. Sed in systemate Leibnitiano agit revera. Quod animam attinet, concipi utique potest, Deum ipsi in creatione dedisse ideas confusas & involutas omnium objectorum universi, quæ evolvantur & distinctæ fiant, prout objecta mutationes producant in eo corpore, quod animæ est conjunctum, quia Deus ita creavit animam & corpus, ut perfecte sibi respondeant. Anima deinde in sese ipsa agit secundum illas ideas & perceptiones distinctas, ut judicia sua formet, suæque placita ac destinata animo concipiat, secundum electionem quam instituit. Ipsa imperat, & corpus exequitur virtute dispositionis a Creatore ad exequendum ei datæ.

Itaque concludo (*inquit Vir Clarissimus sub ipsum disserta-*
tio-

tionis finem) si intelligi queat, animam agere in corpus propria virtute, & quodam genere influxus, qui motum in eo producat, sequendum esse systema receptum. Simplicius enim est aliis & liquidius, (*plus simple & plus dégagé.*) Et in favorem ipsius, adduci potest exemplum Dei cuncta creantis & conservantis solæ voluntate. Sed si velimus sequi ideas, quas habemus de corpore & de spiritu, una cum propriis eorum attributis, atque adeo nolimus corpus agere in spiritum, aut spiritum (creatum) in corpus; amplectendum erit systema Leibnitianum. Systema enim causarum occasionalium non nisi mera est illusio. *Hæc Clarissimus Autor*, agnoscens commercium animæ & corporis, secundum naturæ ordinem, non alio modo, quam secundum Leibnitianam hypothesin, intelligibiliter explicari posse. Quoniam in iis, quæ in corpore & anima intelligimus, nihil apparet, quod ad influxum eorum mutuum explicandum inserviat. Cæterum modus, quo Deus agit in creaturas, toto genere diversus est, consistit enim in creando: quoniam ipsa creaturarum dependentia a Deo seu conservatio, continua est creatio. Hanc autem dependentiam veram & necessariam esse, certis demonstrationibus docemur, etsi modum hunc agendi, ob infinitam ipsius agentis naturam, explicare non possimus.

GEOGRAPHIA SACRA, EX VETERI ET NOVO
Testamento desumpta & in Tabulas quatuor concinnata, Autore
NICOLAO SANSON, Abbavillæ & Galliarum Regis Geo-
grapho. Accesserant in Indicem Geographicum Notæ
JOANNIS CLERICI, nec non ejusdem
Præfatio.

Amstelæd. apud Franciscum Halmaam, 1704. in fol. ch. aug.
 Constat Alph. 2. plag. 7. & Tab. Geogr. 4.

Liber iste jam olim, anno nimirum seculi superioris sexagesimo Quinto, Lutetiæ Parisiorum lucem adspexit. Cum igitur Francisco Halmaæ, Bibliopolæ Amstelodamensi solertissimo, eundem denuo typis exprimere visum fuisset, doctissimum Clericum adiit, & ab eo petiit, ut, si qua ratione nova hæc editio exornari augerive posset, illud facere non gravaretur. Vir ille,

Clarissimus, quemadmodum nihil prius antiquiusve habet, quam ut bonis literis quacunque data occasione auxiliatrices manus commodet, sic hac quoque vice honestis petitis absque ullo negotio annuit, adeoque ejus opera varia accesserunt, quæ novam hanc editionem splendidiorē longe atque Reipublicæ literariæ utiliorē haud dubie reddunt. Primo enim præfationem præmisit luculentissimam, in qua quendam indiculum eorum textit, qui aut Judæam descripserunt, aut certe quidpiam ad Geographiæ sacre illustrationem, labore atque industria sua contulerunt. Nec tamen omnes, qui Itineraria olim aut nuper Terræ sanctæ scripsere, in medium attulit, eos tantummodo recensere satis habens, qui antiquam Judæam eruditorum oculis exposuerunt. In hisce itaque recensendis initium facit ab Aristea, qui in Historia LXX Interpretum, & Hierosolymam & Judæam paucis descripsit; agmen vero claudere jubet celeberrimum Fridericum Spanhemium, non ita pridem fato functum, qui prima parte Geographiæ sacre, Judææ Chorographiam breviter & perspicue tradidit. In hisce autem omnibus, quorum mentionem fecit, tum quæ laudanda, tum quæ desideranda veniant, paucis lectori indicavit. Et tandem, cum in Geographia sacra spicilegium non omnino spernendum relictum fuerit, se ipsum in Commentario suo ad Josuæ librum mox edendo, id sedulo operam daturum esse pollicetur, ne quid in posterum ad Geographiam illam antiquam Judææ probe intelligendam desit. Post hæc Clarissimi Clerici prolegomena, alia, ipsius nempe Auctoris, præfatio sequitur, in qua instituti rationem breviter exponit, quam in adornandis duabus tabulis Geographicis, quarum una totius orbis in Bibliis sacris cogniti partes continet, altera Terram promissam sive Judæam in suas tribus divisam exhibet, secutus fuerit. In iis enim concinnandis, se Terræ sanctæ tabulas omnes & descriptiones, a variis auctoribus exaratas, inter se contrulisse, usque accurate inspectis, Adrichomii typum aliorum omnium optimum, ejusdemque descriptionem reliquis exactiorem cognovisse. Quamvis igitur Adrichomii typum se plurima ex parte imitatum esse, non dissimulat, diversam tamen ab eo rationem in locorum positionibus se observasse, earumque pene alteram partem immutasse, & ubi Adrichomius ex singulis urbium nomi-

bus

bus plura fecerit, iis verum genuinumque nomen restituisse. Hanc præfationem excipiunt animadversiones in tabulam Judææ, ubi numerum civitatum cujuslibet tribus earumque situm, longitudine & latitudine locorum simul ad marginem adnotata, accurate exponit, ita ut observationes notatu utique dignas subinde inspergat. In hisce autem animadversionibus, lectores sapissime ablegat ad Indicem Geographicum, quem iisdem Auctor statim subjunxit, in quo regiones & loca omnia, in utraque tabula Geographiæ sacræ descripta, uberius explicat, rerumque simul temporibus utriusque Testamenti in iis gestarum historiam, verbis ex Scriptura S. satis prolixè allegatis enarrat. Quamvis autem Sansonius in hisce, quæ hætenus recensuimus, egregiam plane operam præstiterit, doctissimus tamen Clericus in notis ad Indicem ejus Geographicum evidenter ostendit, Virum Clarissimum feliciter, & magis inoffenso pede, in hoc stadio decurrere valuisse, si æque a notitia Hebrææ & Græcæ linguæ, ac reliqui Geographiæ disciplinæ artificii, instructus accessisset. Quod si enim ipsos fontes adire licitum ei fuisset, multa sane urbium nomina Vulgatam sequendo perperam non scripsisset, nec etiam animadversiones veritati Historiæ repugnantes sapius attulisset; id quod Clericus in notis jam dictis multis omnino exemplis probavit. Nec solum in iis id egit Vir doctus, ut potissima Sansonii delecta, minoribus prætermittis, emendaret, sed passim quoque addidit, unde plura & meliora peti possint, in eorum gratiam, quorum hæc accuratius nosse intererit. Agmen in hoc opere Geographico claudit brevis tractatus, quem *Judææ* nomine auctor Sansonius insignivit, in quo id potissimum agit, ut brevem historiam contexat eorum, qui hanc regionem diversis temporibus incoluerint. Quibus omnibus accedunt Jesu Christi & Apostolorum Petri & Pauli vitæ, ab eodem in epitomen contractæ, in quibus, verbis ex Scriptura S. desumptis, præcipue describuntur illorum patria, mansiones, itinera & peregrinationes, quæ ut lectorum oculis eo melius represententur, in hunc finem utrique operi tabula Geographica est præfixa.

Et sic finem de hoc libro differendi faceremus, nisi unicum adhuc commemorare, operæ pretium fore existimarem. Nimirum, sub finem Bibliopola pollicetur, se suavis Virorum do-

ctorum, Eusebii librum de Locis Hebraicis, quem Clericus quoque in præfatione cæteris omnibus ad Geographiam sacram pertinentibus præstare dixerat, cum Hieronymiana versione, quamprimum editurum esse. In eo autem excudendo, se Jacobi Bonfrerii editionem, quam sequatur, elegisse ait, ita tamen, ut notis subinde novis Clarissimi Clerici illustrata ea proditura sit, eidemque operi subjiciatur descriptio Terræ sanctæ a Brocardo Monacho quondam edita, cujus itidem Clericus in præfatione supra laudata mentionem iniecerat. Hæc omnia ita typis imprimerenda Fr. Halma adseverat, ut cum Sansonii non nimis spisso opere, ad justum volumen constituendum, conjungi & una compingi queant.

*JO. BARTHOLDI NIEMEIERI THEOL. D. ET IN
Academia Julia P. P. Theologia Morali. Editioni huic se-
cunda accesserunt de Gentilium statu atque
conditione post hanc vitam Disser-
tationes duæ.*

Helmstadii, apud Salom. Schnorrium, 1704, in 4to.
Constat Alph. 1. pl. 3.

JAm aliquot effluxerunt anni, ex quo Maxime Reverendus Autor Theologiam Moralem in usum exercitiorum Academicorum, adornavit, preloque commisit. De cujus nova editione, ob distracta exemplaria, cum cogitaret, notas, quas in priori promiserat, passim inferere in animo quidem habuit, verum ne auditorum suorum commodis mora injiceretur, hac vice libello nihil addidit, nihilque in eo immutavit. In illo autem eam observat methodum, ut in parte communi finis, cum ultimi & externi, qui est æterna hominis salus, tum proximi & interni, qui est pia & Christiano homine digna vita, rationem habeat, hinc subiecto, homine scilicet justificato & renato, exposito ad media deveniat, ac in parte speciali triplicem statum hierarchicum sequatur, ad illius ordines singula vitæ genera reducens. Ne tamen sine omni additione libellus hic prodiret, eidem Dissertationes duas, de Gentilium statu atque conditione post hanc vitam, jam anno 1694 primum editas, Clarissimo Autori placuit subjungere, in quibus ortho-

orthodoxa sententia, cum S. Scripturæ testimoniis, tum priscae Ecclesiae suffragiis atque consensu confirmatur, & contra dissentientes, quorum magnam nubem posterior Dissertatio sistit, non accurate minus quam modeste adstruitur.

JO. ANDREÆ SCHMIDII, D. P. P. ABBATIS Maria-Vallensis, *Compendium Theologiae Moralis, in varios Auditorum usus conscriptum, & in subsidium memoriae tabulis instructum.*

Helmstädi, impensis Jo. Melch. Sustermanni, 1705. in 8.
Constat Alphabet. 1. plag. 3.

Cum Theologiae Dogmaticae & Ecclesiasticae Historiae compendia, maxime in usum suorum Auditorum, hactenus ediderit Reverendissimus Schmidius, commoda discipulorum non minus se promoturum esse existimavit, si primas Moralis Theologiae lineas duceret, easque typis exscribendas traderet. Quamvis vero diversis hujus doctrinae doctores diversas tractandi rationes sequantur, dum quidam solum Decalogi ductum observant, ut veteres nonnulli & recentiores; alii & Decalogi & Orationis Dominicae ordini insistant, uti Hornejus; alii capita omnia Catechetica respiciunt, ut Dammbaueus & Langius; alii Locorum omnium Theologorum rationem habent, uti Majus: quamvis etiam juxta monitum Baconis de Verulamio de Augm. Scient. l. 7. c. 1. duas hujus doctrinae partes constituere quis posset, alteram de exemplari, seu natura boni, alteram de regimine & cura animi, quam partem Georgicam animi Baco adpellavit, uti haec Celeberrimus Autor in hujus libelli prolegomenis p. II. ipse monet: placuit tamen eidem aliam viam eligere, ac methodum practicis scientiis alias communem retinere. Praemissis nimirum quibusdam prolegomenis, in quibus natura & constitutio Theologiae Moralis exponitur, in tres partes dispescitur compendium, quarum prima vitae sanctimoniam illiusque oppositum describit; secunda subjectum operationis, seu hominem sanctificandum exhibet; tertia denique de principiis & mediis ad vitae sanctimoniam ducendis agit. Singula autem ita pertractantur, ut theses breviores, in-

inspersis quibusdam notis, in singulis capitibus declarentur, in quorum fine tabulæ synopticæ ad juvandam legentium memoriam adduntur. In brevi alloquio ad Auditores, huic compendio præmisso, Cel. Autor a Deo ad elaborandum majus aliquod Theologiæ Moralis Systema plura eaque specialiora continens capita, nec non ad pertexendas reliquas operas, quas olim auditoribus suis promiserit, vires & otia sibi expetit. Hujus ergo voti ut compos reddatur, nos ipsi benignissimum Numen serio precamur.

D. ÆGIDII STRAUCHII, THEOLOGI OLIM Vitenbergensis atque Gedanensis, Theologia Moralis, in Academia Regia Pomeranorum e manuscripto edita atque disquisitioni publica exposita a D. JO. FRID. MAYERO, Confiliario Regio, Theologo Prof. Prim. Universit. Pro-Cancel. & Superint. Generali, qui Bibliothecam Scriptorum Theologiæ Moralis & Conscientiarum adjecit.

Gryphiswaldiæ & Lipsiæ, apud Jo. Wolffg. Fickweilerum, 1705 in 8.
Constant Alph. 2. pl. 9.

Quemadmodum celeberrimi nominis Vir, Jo. Frid. Mayerus, Gryphiswaldensis Academiæ illustre decus, & sui ingenii præstantissimi, & aliorum monumentis editis, eruditum Orbem jamdudum sibi obstrictum reddidit: ita cum præsens Ægidii Strauchii opusculum scholis ultimis Vitenbergæ, antequam Gedanenses accederet, ab ipso traditum, in scriniis instructissimæ suæ Bibliothecæ hætenus delituisset, noluit illud, pro eo quo in rei literariæ commodum fertur studio, publicæ luci amplius invidere. Equidem auctius quoddam Moralis Theologiæ opus, ab eodem beatæ memoriæ Strauchio elaboratum, plurimorum manibus ferri non ignorat; ex quo ea, quæ huic opusculo deesse videntur, B. Hülsemanni Casibus Conscientiæ, quos itidem ex manuscripto editurus est, addere constituit Summe Reverendus Editor: utilius tamen ipsi visum fuit, præsens compendium, quod ingeniosa brevitate se commendat, Orbi erudito exponere, præsertim cum in usus Doctorum Academicorum illud edere, & XXI disputationibus

bus ad ventilandum studiosis juvenibus proponere suscepit; perinde uti olim in Academia Vitenbergensi, Doctoris publici munere fungens, B. Dorſchæi Theologiam Moralem typis publicis exſcribi fecerat, & ex cathedra Academica publico examini ſubjecerat: quod Dorſchæi quoque opus ex B. Autoris *αυτογεγραμ*, quod interea naſtus eſt, accuratius edere conſtituit. Ipſum vero Strauchii opus, quod Viro Perilluſtri, Olao Hermelino, Carolo XII Suecorum Monarchæ a ſanctioribus conſiliis, una cum Bibliotheca, ſubjuncta Mayerus dedicavit, ita comparatum eſt, ut primo naturam & conſtitutionem Theologiæ Moralis, deinde finem atque media tum generalia, tum ſpecialia, exhibeat hac methodo, ut ex propositis quaſtionibus, quibus *ἐκθεσις* quædam ſubjicitur, conſolutiones certæ educantur, quas antithetiſis demum excipit.

Quod Bibliothecam Scriptorum Theologiæ Moralis & Conſcientiariæ attinet, quam Celeberrimus Mayerus in ſtudioſæ Juventutis gratiam collegit, & B. Strauchii libro adjecit, in tres partes illa dividitur, in quarum prima Scriptores noſtræ Eccleſiæ, in ſecunda Reformati, in tertia Pontificii, ordine alphabetico ita reſenſentur, ut anno, quo quivis mortem obiit, plerumque indicato, librorum huc ſpectantium titulus exhibeatur, ſæpiusque aut de ſcriptoribus, aut ſcriptis, judicium quoddam ſubjiciatur. Dum p. 5. Autor Jo. *Conradi Dannhaueri libros Conſcientiæ apertos*, h. e. *Theologia Conſcientiaria* tomos duos memorat, monet ſe primas perfectiſſimi laboris hujus lineas, quas in gratiam auditorum privatorum Argentorati A. 1647 ſummus Theologus duxerat, in Mſto poſſidere, quæ lacunas quædam in poſteriori tomo occurrentes, cujus publicationi B. *Dannhauerus* immortalis eſt, feliciffime ſupplere poſſint, easque, ſi Deus vitam viresque, conceſſerit, quas ipſi quoque exoptamus, e tenebris ſe producturum promittit. Neque prætereundum eſſe exiſtimamus, quod p. 26 circa B. *Schomeri Specimen Theologiæ Moralis* occurrit, de quo plurimi hætenus perſuaſi fuerunt, morte laudati Auctoris præmatura factum fuiſſe, quin opus præſtantiffimum perficere potuerit. Verum Mayerum noſtrum Vir Clariffimus Jo. *Philippus Palthenius*, ipſius Collega conjunctiſſimus, qui mutui adfectus Puſendorffium inter & Schomerum interpres olim extitit,

alia edocuit, monuitque causam abrupti operis non magis morti tribuendam, quam mutata in *Schomero* potius animi sententia, qui alia jam ratione opus susceptum aggredi ad *Pufendorffii* sententiam, induxerat in animum. Scilicet (ita Mayerus ipse rem exposuit) postquam proscripta, quæ in scholis olim obtinuerat, rerum a revelatione atque ratione pendentium confusione, *Pufendorffius* meram Philosophiam Moralem ita tradiderat, ut ad captum esset omnium omnino hominum, quacunque illi religione tenebantur, & posita certa propositione, quam vocat, fundamentali, reliquæ ex ea theses perpetuo quodam ratiociniorum nexu junctæ deducerentur: monebat idem *Schomerum*, ut Theologiam Moralem, ex sacro Codice traditis unice depromptam, certoque principio innixam, continua coherentium dogmatum serie extructam, omniumque, qui circa res rationi proprias dissentirent, captui accommodatam nobis daret, ut adeo latus Philosophiæ, utpote natura sua prioris atque latius patentis, quæ eandem subsequitur, atque strictius præcipit, Theologia apte clauderet, & in singulis partibus, quæ hominis, quæ Christiani officia sint, distincte cognosceretur. Id quod eo quidem commodius *Pufendorffius* existimabat, quod hoc modo docendi ratio, ipsi Christo usurpata, in usum scholarum adduceretur, qui non dispari ratione summam legis ad *charitatem* reduxisset, quam qua ipse honestatis compendium in *sociali* tradidisset, simulque surrecturis inter Theologos atque Philosophos controversiis æternus poneretur obex. Hinc adeo, probante *Pufendorffii* sententiam *Schomero*, factum esse, ut non tam de veteti opere continuando, quam de novo concinnando, Theologus summus cogitaverit: spes deinde omnes intervertente morte. P. 23 *Consilia Theologica* Vitebergensia, a Calovio, Meisnero, Quenstedio & Deutschmanno collecta, Mayerus recenset; optatque non modo, ut istorum exemplum alii Doctores Facultatum Theologicarum nostræ Ecclesiæ imitarentur, sed dolet etiam vehementer, scripta ejusmodi sanctissima sæpe ab hæredibus Decanorum negligi penitus ac pessime haberi, mente imprimis volvens, quæ de plurimis Consiliis & Responsis Theologorum Lipsienſium, *Schiltneri*, *Weinrichii*, *Lyſeri*, *Höpfneri* aliorumque, a B. Scherzero olim audiverit. Et quamvis idem fere

MENSIS DECEMBRIS A. MDCCV. 563

fatum eam Facultatem, quam hodie ornat Magnificus Vir, oppres-
serit, subtraxeritque hucusque *Rungiorum, Krakewizii, Batti, Bal-*
ibaf. Rauens, aliorumque labores, spem tamen non levem ad-
fulgere dicit, quædam illorum, Deo propitio, improbo stu-
dio se adepturum, & publico daturum
esse.

ERRATA.

Pag. 16 lin. 18 lege *רררע*. Pag. 13 sqq. lege *Theraphim*.
Pag. 15 l. 5 pro *filium suum* lege *Levitam*. P. 196 l. 6 pro *para-*
chiales lege *ecclesiam*. P. 198 l. 9 pro *itaque* lege *atque*. P. 201
l. 33 ante vocem *frequenter* pone *interca*. P. 206 l. 27 pro *para*
fructum lege *magni autem sint fructus exinde obvenientes, pars*
illorum. P. 238 initio lineæ ii ponatur vox *ipsorum*. P. 239 l. 2. 3
pro *stabilitas* lege *stabilita*. P. 312 l. 13 pro *existimetur* lege *se*
existimet.

INDEX AUCTORUM,

quorum Libri aut Inventa hoc volumine
recensentur,

I. Libri Theologici & ad Historiam Ecclesiasticam spectantes.

- A**lexandri (Natalis) *Expositio Evangelii Jesu Christi secun-*
dum quatuor Evangelistas. 388
Anonymi Conciliatio Moysi & Stephani circa numerum Familiae
Jacobi. 103
Anonymi Admonitio ad Catholicos Federati Belgii incolas de
Decreto Romane Inquisitionis contra Archiepiscopum
Sebastenum dato. 105
Anonymi Motuum Juris pro Procuratore Curia Ecclesiastica
Mecbliniensis contra P. Paschasium Quornel. 421
Bbb b 2 Bac-

- Bacchini (Benedicti) *Dissertatio de Ecclesiastica Hierarchia Originibus.* 330
- Brantii (Gerhardi) *Historia Reformationis Belgii & vicinarum provinciarum.* 56
- Braunii (Job.) *Commentarius in Epistolam ad Hebraeos.* 390
- Braun (Davidis) *Meditationes selectae de Sublimi Hominis Scientia.* 51
- Burrough (Roberti) *Discursus de Unitate Ecclesiae; de Dissentientium Separatione ab Ecclesia Anglicana &c.* 232
- Calvoerii (Casparis) *Ritualis Ecclesiastici Pars posterior.* 166
- Chreyghton (Johannis) *trium S. Johannis & unica S. Jacobi Epistolarum Explicatio.* 269
- Clerici (Joannis) *Nota in Geographiam Sacram Nicolai Sansoni.* 555
- Croesii (Gerhardi) *Historia Hebraeorum ab Homero exposita.* 74
- Cyrilli Hierosolymitani Archiepiscopi *Opera, quae supersunt, omnia.* 1
- Van Dale (Antonii) *Dissertatio super Aristotele de LXX Interpretibus; Historia Baptismorum &c.* 519
- Dandini (Anselmi) *De Suspectis de Haresi Opus.* 547
- Dodwelli (Henrici) *De Nupero Schismate Anglicano Paraphrasis ad externos, quae Episcoporum a Magistratu Seculari independentia asserenda commendatur.* 132
- Erasmi (Desiderii) *Operum omnium Tomus V. VI. VII.* 481
- Feustkingii (Jo. Henrici) *Commentarius in Epistolam II ad Timotheum, secundam & tertiam Johannis, & Judae.* 242
- Forbesii (Joannis) *a Corae Opera omnia.* 227
- Van der Hardt (Hermann) *Epistola in Genes. II. 18. 19. 20. de vocatis ab Adamo animalibus.* 247
- Hodii (Hunfredi) *de Bibliorum Textibus originalibus, versionibus Graecis & Latina vulgata.* 507
- Hunnii (Aegidii) *Thesaurus Apostolicus, complectens Commentarios in omnes N. T. Epistolas & Apocalypsin Johannis.* 241
- Jaqueloti *Consensus Fidei & Rationis.* 440. 552
- Ittigii (Thoma) *de Synodi Carentonensis a Reformatis A. 1631 celebrata Indulgentia erga Lutheranos.* 364 Ju.

INDEX AUCTORUM.

Jurieu (Petri)	<i>Historia Critica dogmatum & cultuum bonorum malorumque in Ecclesia ab Adamo usque ad Christum receptorum.</i>	565
Kennet (White)	<i>de Appropriationibus & Augmento Curarum, quae Vicaria dicuntur &c.</i>	9
Leidekkeri (Melchioris)	<i>de Republica Hebraeorum Libri XII.</i>	193
Ludolfi (Jobi)	<i>Psalterium Davidis Aethiopice & Latine, cum Notis & Lectionibus.</i>	97
Mabillonii (Johannis)	<i>Annales Ordinis S. Benedicti.</i>	64
De Malvenda (Petri)	<i>de Concilio Tridentino Epistola & Observationes</i>	413
Mayeri (Jo. Friderici)	<i>Bibliotheca Scriptorum Theologiae Moralis & Conscientiarum.</i>	246
Milles (Thoma)	<i>Nota in S. Cyrilli Archiepiscopi Hierosolymitani Opera.</i>	560
Mulleri (Jo. Joachimi)	<i>Historia Protestationis Statuum Evangelicorum & Augustanae Confessionis.</i>	1
Nicholls (Gulielmi)	<i>Collatio cum Theista, concernens doctrinam de Immortalitate Animae.</i>	255
-	<i>Tractatus de Religione Principis.</i>	91
Memeieri (Jo. Bartholdi)	<i>de Conjugiis prohibitis Dissertationes junctim editae.</i>	381
-	<i>Theologia Moralis.</i>	315
Piconio (Bernardini)	<i>Epistolarum B. Pauli Apostoli triplex Expositio.</i>	558
Pippingi (Henrici)	<i>Sacer Decadum Septenarius, Memoriam Theologorum nostrae aetate Clarissimorum renovatam exhibens.</i>	476
Quesnelli (Paschasii)	<i>Idea universalis Libelli, qui sub titulo Motivi Juris contra P. Quesnellum editus est.</i>	230
Sanfon (Nicolai)	<i>Geographia Sacra, cum notis Jo. Clerici.</i>	426
Schmidii (Jo. Andreae)	<i>Compendium Theologiae Moralis.</i>	555
Sgambati (Scipionis)	<i>Archivorum Veteris Test. Libri III, seu de Apocryphis V. T.</i>	559
Strauchii (Egidii)	<i>Theologia Moralis, edita a D. Jo. Frid. Mayero.</i>	337
		560
		Stri-

- Strimesii (Samuelis) *Delineatio Consensus inter Evangelicos, Lutheranos & Reformatos, in fundamento fidei.* 139
 Van Toll (Theodori) *Expositio Prophetæ Amos.* 487
 Vacs (J. A.) *Processus Officii Fiscalis Curia Eccles. Meckliniensis contra Gabrielem Gerberon.* 242
 De Vargas (Francisci) *aliorumque de Concilio Tridentino Epistola & Observationes.* 246

II. Libri Juridici.

- Anonymi *Manuale Processus Imperialis, seu Judicii Casareo-Imperialis Aulici.* 430
 Bergeri (Jo. Henrici) *Enarratio L. 10. ff. de Jure Fisci & L. 2. C. qui & adv. quos in integr. rest.* 433
 - - - *Electa Processus Executivi, Possessorii, Provocatorii & Matrimonialis.* 36
 Gothofredi (Dionysii) *Corpus Juris Civilis Romani.* 537
 Hornii (Cassparis Henrici) *Jurisprudentia Feudalis Longobardo-Teutonica.* 340
 - - *De Jure Proedria seu Præcedentie.* 491
 Kennet (White) *de Appropriationibus, & Augmentis Curarum, qua Vicaria dicuntur &c.* 193
 De Lyncker (Nicol. Christoph. L. Baronis & Equitis) *Consilia, seu Responsa.* 314
 Mayeri (Joh. Ebreufried) *Tractatus de Jure Primariarum Precum.* 428
 Menckenii (Luderi) *Dissertationes Juridica.* 344
 Rivini (Q. Sept. Florentis) *Enunciata Juris ad Ordinationem Processus Saxon. Electoralem.* 379
 Struvii (Georgii Adami) *Jurisprudentia Germanica.* 43
 Struvii (Burckard Gotthelfii) *de Vita & Scriptis Georgii Adami Struvii.* 127
 Voet (Johannis) *Commentarii ad Pandectas Pars posterior.* 493
 Westenberghii (Joannis Orwin) *de Causis Obligationum liber singularis.* 207

INDEX AUCTORUM.

III. Libri Medici & Physici.

567

- A** Nonymi Dilucidatio Libri de Generatione Vermium in Corpore Humano. 345
- Anonymi Collectio precipuorum quorundam Natura Phenomenorum, una cum variis Discursibus coram Societate Regia recitatis. 539
- Camelli (Georgii Josephi) Historia Stirpium insula Luzonis & reliquarum Philippinarum. 180
- Cowperi (Guilielmi) Epistola exhibens Anatomem earum Marsupialis Americani partium, quae a femina partibus discrepant. 110
- Freind (Johannis) Emmenologia, seu de Fluxu Muliebri Menstruo. 174
- De Moor (Bartholomaei) Pathologia Cerebri Delineatio Practica. 57
- Morlandi (Samuelis) Observationes circa partes & usum florum in plantis. 275
- Raji (Joannis) Historia Plantarum Tomus III. 180
- Ridley (Hum.) Observationes de Asthmate, Hydrophobia, Cordis in Embryone structura &c. 117
- - - Experimentum Anatomicum ad veram Dura Matris motus causam detegendam. 215
- Sidetz (Marcelli) Carmen de Medicina ex Piscibus. 326
- Scheuchzeri Specimen Lithographiae Helveticae curiose. 479
- Tournefort (Josephi Pitton) Corollarium Institutionum Rei Herbariae. 138. 180
- Valsalva (Antonii Mariae) de Aure Humana Tractatus. 462
- Vicussens (Raymundi) Novum Vasorum Corporis Humani Systema. 453
- Wedelii (Georgii Wolfgangi) Centuriae II Exercitationum Medicco-Philologicarum Decas I. 258
- - - Introductio in Aethiopia. 406
- Wolffii (Ido) Observationum Chirurgico-Medicarum Libri II. 286
- Wrighti (Jo.) de Ulcere Pulmonum Epistola ad Gu. Cowperum, cum hujus responsione. 211

IV. Li-

IV. Libri Mathematici.

- A** Nonymi Collectio Naturæ Phenomenorum a maximis avi-
bus Philosophis explicatorum. 539
- Bernoullii (Joannis) Motus Reptorius pro Lineis Curvis in unam
omnibus aequalem colligendis vel a se mutuo subtra-
hendis. 347
- Blanchinii (Francisci) Solutio Problematis Paschalis. 305
- Craig (Jo.) Solutio Problematis a Jo. Bernoullio in Diario Gallico
A. 1703 M. Febr. propositi. 190
- Hayes (Caroli) Tractatus de Fluxionibus, sive Introductio ad Phi-
losophiam Mathematicam & Mechanicam. 474
- Jartoux Observationes Macularum Solarium Pekino ex Sina-
missæ. 483
- Newvtoni (Isaaci) Tractatus duo, de Speciebus & Magnitudin-
Figurarum curvilinearum. 30
- Quartaironii (Dominici) Responsiones ad nonnullas Assertiones pro
Reformatione Calendarii Gregoriani de Paschate
A. 1700: 319

V. Libri Historici, Geogra-
phici &c.

- A** Nonymi Sylloge Itinerariorum, quorum aliqua e linguis ex-
oticis in Anglicam translata, alia nunc primum
ex schedis Auctorum prodeunt &c. 151
- Anonymi Historia humani generis. 431
- Arriani Nicomediensis Expeditionis Alexandri Libri VII & Histo-
ria Indica. 295
- Bacchinii (Benedicti) de Ecclesiasticâ Hierarchia Originibus. 310
- Begeri (Laurentii) Commentarius in Fiori Rerum Romanarum
libros duos priores. 49
- Bosmanni (Guilielmi) Historia Itineris ad Littoris Guineensis in
Africa provincias suscepti. 261
- Bras-

INDEX AUCTORUM.

Brantii (Gerhardi) <i>Historia Reformationis Belgii & vicinarum provinciarum.</i>	569
De la Chaussée (Mich. Angeli) <i>Aureus Constantini Augusti Nummus de Urbe liberata explicatus.</i>	56
De la Croix <i>Geographia Universalis.</i>	285
Dodwelli (Henrici) <i>Chronologia Xenophontea.</i>	479
Eyringii (Elie Martini) <i>Vita Ernesti Pii, Ducis Saxonie.</i>	310
Fabricii (Jo. Alberti) <i>Bibliotheca Græca.</i>	68
Flori (L. Annaei) <i>Rerum Romanarum Libri II priores cum notis Laurentii Begeri.</i>	323
Von Franckenberg (Friderici Leucholsi) <i>Fecialis Europæus, sive Accurata Descriptio Europæo-Christianorum Imperii, Regnorum &c.</i>	49
Gatti (Antonii) <i>Gymnasii Ticinensis Historia & Vindicia.</i>	529
Genebrier <i>Dissertatio de Magnia Urbica. de Nigriniano.</i>	394
Gronovii (Jacobi) <i>Notæ in Arrianum de Expeditione Alexandri & Historiam Indicam.</i>	399
Gros de Boze <i>Dissertatio de Jano antiquorum deque Nummis eo pertinentibus.</i>	403
Hankii (Martini) <i>de Silesiorum Nominibus, Majoribus & Rebus ab A. 550 ad 1170.</i>	295
Hoofi (Petri Cornelii) <i>Opera omnia.</i>	405
Hyde (Eduardi) <i>Comitis de Clarendon Historia Rebellionis & Bellorum Angliæ Civilium ab A. 1641.</i>	257
Leidekkeri (Melchioris) <i>de Republica Hebræorum Libri XII.</i>	385
Leuckfeld (Jo. Georgii) <i>Descriptio Historica Liberae Imperialis Abbatie Walckenredensis.</i>	145
Löschneri (Valentini Ernesti) <i>Ion, sive Originum Græciæ restau- rarum Libri II.</i>	97
Lucentii (Julii Ambrosii) <i>Fulginatensium Elogia Sacra.</i>	409
Mabillonii (Johannis) <i>Annales Ordinis S. Benedicti.</i>	361
Mulleri (Jo. Joachimi) <i>Historia Protestationis Statuum Evangelicorum & Augustanæ Confessionis.</i>	267
Nicolson (Wilhelmi) <i>Bibliotheca Historica Scoticæ.</i>	413
Pippingii (Henrici) <i>Sacer Decadum Septenarius, Memoriam Theo-</i>	255
	156
Ccc c	10-

- logorum nostra aetate Clarissimorum renovatam exhibens. 230
- Sanfon (Nicolai) Geographia Sacra cum notis Jo. Clerici. 335
- Smithi (Thoma) Vita D. Rob. Huntingtoni & D. Ed. Benrardi. 27
- Struve (Burchard Gottbelf) de Vita & Scriptis Georgii Adami Struvii. 127
- Teisserii (Antonii) Selecta Bibliotheca Historica. 169
- Teisserii (Antonii) Auctarium Catalogi Auctorum, qui Librorum Catalogos, Indices, Bibliothecas &c. consignarunt. 335
- Tentzelii (Wilh. Ernesti) Saxonia Numismatica. 289-501
- Vaes (J. A.) Processus contra D. Gabrielem Gerberon. 242
- Wächtleri (Christfried) de Cancellariis Veterum Commentatio. 171
- Wells (Eduardi) Opera Xenophontis illustrata. 310
- Wolfii (Jo. Christophori) Historia Lexicorum Hebraicorum. 301
- Xenophontis Opera omnia, curante Ed. Wells. 310
- Zeni (Apostoli) Dissertatio Epistolica de magno Opere Meditationum Philosophicarum Dn. Bernardi Tarvisini, quae de origine & Viris doctis Gentis Tarvisinae exponitur. 550

VI. Libri Philosophici & Philologici Miscellanei.

- A** Bschatzii (Jo. Asmanni L. B.) Metaphrasae & Opera Poetica. 71
- Braun (Davidis) Meditationes selectae de Sublimi Hominis Scientia. 51
- Buchneri (Augusti) Orationum Academicarum Volumina tria. 448
- De la Chaussée (Michaelis Angeli) Aureus Constantini Augusti Nummus explicatus. 385
- Croesii (Gerhardi) Opus & 'Eḡpai, sive Historia Hebraeorum ab Homero in Odyssaea & Iliade exposita. 74
- Defeine (Francisci) & aliorum Descriptio Veteris Novaque Roma. 478-650

INDEX AUCTORUM. 571

Gronovii (Jacobi) <i>Thesaurus Antiquitatum Græcarum. Tomi VI.</i>	
<i>VII. VIII.</i>	25
- - - Tomi IX. & X.	85
- - - XI. & XII.	123
Gutberlethi (Tobia) <i>de Saliis Sacerdotibus & Opuscula alia.</i>	534
Hooft (Petri Cornelii) <i>Opera omnia.</i>	385
Huntingtoni (Roberti) <i>Epistola.</i>	217
Jaqueloti <i>Consensus Fidei & Rationis.</i>	440.552
Kederi (Nicolai) <i>de Numis Runicis Commentatio.</i>	56
Needham (Petri) <i>Geoponicorum sive de Re Rustica Libri, cum pro-</i>	
<i>legomenis, notis & indicibus.</i>	183
Nicholls (Gulielmi) <i>Collatio cum Theista, concernens Immortali-</i>	
<i>tatem animæ.</i>	91
Nomii (Frederici) <i>Liber Satyrarum sedecim.</i>	312
Piazza (Bartholomei) <i>Hierarchia Cardinalitia.</i>	527
Relandi (Adriani) <i>Dissertatio altera de Inscriptione Nummorum</i>	
<i>quorundam Samaritanorum.</i>	276
Rohrmanni (Christiani) <i>Uratistavia centum anagrammatibus</i>	
<i>adumbrata.</i>	299
Temple (Wilhelmi) <i>Opuscula posthuma, de indignatione populi:</i>	
<i>de sanitate & longa vita : de eruditione vete-</i>	
<i>rum &c.</i>	39
Tribbechovii (Joannis) <i>Elementa Lingua Ρωμαϊκῆς, seu Græcæ</i>	
<i>vulgaris.</i>	61
Ursii (Jo. Josephi Marchionis) <i>Observationes in Librum Gallicum</i>	
<i>Bouhoursii de Sententiis Ingeniosis.</i>	370
Wächtleri (Christfried) <i>de Cancellariis Veterum Commentatio.</i>	
	171
Wedelii (Georgii Wolfgang) <i>Centuriæ II Exercitationum Medi-</i>	
<i>co Philologicarum Decas I.</i>	251
Zeni (Apostoli) <i>Dissertatio Epistolica de magno Opere Meditatio-</i>	
<i>num Philosophicarum Dn. Bernardi Tarvisini Patri-</i>	
<i>cii Veneti.</i>	550

INDEX RERUM NOTABILIORUM

in hoc volumine obviarum.

אב vocis Hebrae significatio.	15. 16	Advocata Abbatia Walckenredensis penes quos olim fuerit?	410 sq.
Abbatiae Walckenredensis quanam olim Advocati?	410	In Advocatorum poena leuterationi aut appellationi non est locus.	379
Abrahami Historiâ ab Homero descripta.	82. sq.	Ædilitium Edictum explicatum.	210
Abschatzii (Jo. Asmanni) elogium.	71	Egyptii cur Apin & Mnevin coluerint?	19
Acacii Cesariensis lris cum Cyrillo Hierosolymitano.	3. sq.	Egyptiorum Isis & Osiris qualia Numina?	20
Academiae Ticinensis Origo.	397	Aer quantam patiatur compressionem?	542
Academiarum Cancellarii.	173	- - condensari & rarefieri nequit in infinitum.	543
Accrescendi jus num inter legatarios verbis tantum conjunctos locum habeat?	493	Aeris expansio quomodo crescat?	542
Actio poenalis furti quando competat contra furis haeredes?	500	densitatis quanam sit ratio?	542
Actionum in factum origo & varietas.	209	altitudo.	543
Acus magnetica inventio.	152	Æthiopicum Davidis Psalterium.	64
- - - declinatio cur varietur?	540. 541	Agnelli de Ravennatis Ecclesiae Pontificibus scriptum cum notis Benedicti Bacchini publicandum.	330
Acusticae cum Optica convenientia.	540	א'יגו'יא Christi.	253
Adamus num omnibus animalibus nomina imposuerit?	248	Alchimiae abusus.	408
Adiposi ductus ex arteriis orientes.	458	In Alchimiam Introductio.	406
		Al-	

NOTABILIORUM.

573

Alchimistarum requisita.	407	cium publicum?	237
modus scribendi.	407	Anglicani belli civilis A. 1641 ca-	
Alexandri II R. P. erga Lanfran-		pri historia.	145
cum, olim præceptorem, pietas.		Anima & corpus quomodo erga	
	397	se invicem se habeant?	553
Allii textura.	277	Anima humana quid?	52. 446
Ammianus Marcellinus explica-		Animæ immortalitas asserta.	53
tus.	405		91 seqq.
In Amosi Prophetiam Commenta-		Animalculorum in semine huma-	
rius.	487	no figura.	545
Amphoræ quid & quotuplices?		Animalia generantur ex animal-	
	280	culo.	544
Amplitudo Curvæ.	350	Animalibus cunctis num nomina	
Anabaptismi Hereticorum &		imposuerit Adamus?	248
Schismaticorum origo.	526	Animantium prima stamina ab	
De Anagrammatibus variorum		origine mundi exstiterè.	545
judicia.	299	Animus inquietus proprium ho-	
Anagrammatum exempla curio-		minis.	39
sa.	300	Anna Augusti Electoris Saxonie	
Ancilia Saliorum descripta.	535	conjux Nata Daniæ Regina in	
Angeli num hodieque peccare		nummis dicta.	294
queant?	8	Annæ Angliæ Regine erga pau-	
In Anglia que fuerit pro diversis		peres Ecclesiæ Ministros libera-	
temporibus bonorum Ecclesiæ		litas.	193. 205
sticorum conditio?	195	Anni Tropici quantitas.	309
novum schisma sub Wil-		Antiquitates Hebræorum illustra-	
helmo Rege exortum	132	ta.	97 sq.
Angliæ Reges quomodo annatas		Apin & Mnevin Egyptii cur co-	
& decimas e beneficiis Ecclæ-		luerint?	19
siasticis sibi vindicarint?	199	Apis apud Egyptios non Osiri-	
	sq. 205	dis, sed Isidis, seu Natura uni-	
Ab Anglicana Ecclesia qui discesse-		versa symbolum.	22
runt, num sint schismatici?	237	Apocryphorum Veteris Testa-	
Cum Anglicana Ecclesia nun-		menti Librorum Catalogus.	338 sq.
communicare possint Dissenti-		Apollonii traditio, quod Christus	
entes, ut habiles fiant ad offi-			Apo.

- Apostolis praeceperit, ne intra 12 annos Hierosolymis excederent, explicata & defensa.* 332
- Apoplexia quid?* 59
- Apostolorum Collegium Hierosolymitanum cur Αἰχιστέων τίτλο non fuerit insignitum?* 133
- Appropriationum in Anglia origo & abusus.* 193 sq.
- Apulejus Geoponicorum scriptor quis?* 186
- Arabum Elephantiasis est morbus Phœniceus Hippocratis.* 252
- Archi. - Marefchallatus Imperii Romano-Germanici Saxoniae Electori competens quanam jura complectatur?* 531 sq.
- Argatheliae Comitis in Scotia memorabilis erga Carolum Regem ingratitudo.* 149
- Αἰγύπτου quid?* 253
- Aristæ de Septuaginta-Virali versione commentum exploratum.* 510 sq. 519 sq. quomodo natum? 511
- Arrianus emendatus.* 296
- Arteriarum textura.* 458
- Asia Graecorum patria antiquissima.* 362
- De Asini capite in Hierosolymitani templi penetralibus detecti calumnia gentilium unde?* 28
- Ασσιόριον quid?* 254
- Asscuratio Anglis familiaris.* 544
- Asthma siccum & humidum inter se non differunt.* 119
- Astori (Jo. Antonii) de Divi Cae-
biris sententia.* 536
- Astrorum cultus per imagines ut caperit?* 17
- Asymptotos quanam?* 32
- Athenæus explicatus.* 281.
- Cum Auditu visus convenit.* 540
- Aventures de Telemaque fils d'Ulysse, liber notatus.* 78
- Augustanorum Comitiorum A.
1530 Historia.* 257
- Augusti Electoris Saxoniae memoriae dicata numismata.* 294
- Auriculae structura.* 463
- glandulae sebacea.* 462
- 463*
- musculus quintus.* 462
- 463*
- cum osse temporum con-
nexio.* 464
- Auris humana fabrica.* 462
- partium usus.* 469
- Aurium officula.* 465. 466
- Axamenta quid?* 536
- Aximensis in Guineensi litore,
provincia quibus hodienu[m] pa-
reat?* 262
- B** *Aldæi (Philippi) Descriptio
Littorum Malabaricae &c.* 195
- Baptismi in veteri Ecclesia cere-
monia.* 8.9
- Baptismus Judeorum cum bap-
tismo Christianorum collatus.* 524
- Bapti-*

NOTABILIORUM.

575

Basilii (Valentini) Vita.	255	Bouhoursius refutatus.	371 sq.
Baumgarten (Martini) Iter in Ægyptum &c.	153	Brunnemannii (Johannis) vita.	232
Belgicarum Ecclesiarum Catholi- carum libertates.	108	Brunsvigo-Luneburgicæ Domui asserium jus in Abbatiam Wal- ckenredensem.	412
Bellarminus notatus.	18	Brutorum anima num immorta- lis?	94
Benedictini Ordinis Annates Ma- billoniani.	413 sq.	De Bucephalo varia.	297
Scriptores.	414	De Buchanani Historia Scotica judicium.	161
Bernardi (Edwardi) Vita.	223	Buchneri (Augusti) Vita.	450
Scripta.	224	in Academi- am Wittebergensem merita.	453
SS. Bibliorum nova versio Slavo- nica adornanda.	240	Buckinghami Ducis Georgii fata & ambitio.	148
versio Græca LXX- vitalis quo tempore & quibus auctoribus fuerit confecta?	509 sq. 519 sq.	Abiri Dii quinam?	536
Bibliotheca Historica.	169	Cainan quomodo in Genea- logiam Christi apud Lucam ir- repserit?	99
Græca.	323	Calculus. Vide Differentialis & Summatorius.	
Historica Scotica.	156	Cambialis Processus notabili.	437
Scriptorum Theolo- gia Moralis & Conscientiarum.	561	Camdenus (Guilielmus) notatus.	158
Bilis natura & usus.	546	Camphoræ vis topica.	178
Bochartus notatus.	526	Cancellarii Academiarum.	173
Boethius (Hector) notatus.	157. 161	De Cancellariis veterum commen- tatio.	171
Bonarellus (Guidobaldus) a cen- suris Gallorum vindicatus.	375	Caprifolii textura.	276
Bonorum Ecclesiasticorum in Anglia diversa diversis tem- poribus conditio.	195. sq.	Cardinalium, Episcoporum, Pres- byterorum & Diaconorum Diæceses & Tituli luculenter descripti.	527 sq.
Botanicæ rei promovende studi- um.	139	Carentonenses Synodi tres.	306
Botanici studii incrementa.	181	Caren-	
Botanicorum librorum recensio.	181		

Carentonensis Synodi a Reformatis A. 1631 celebrata in lugentia erga Lutheranos sub ex amen vocata.	364	Cerebri Pathologia.	57
Careti (Francisci Gemelli) Iter recentissimum circa mundum.	155	herubim & Itheraphim num iidem?	14
Cari species tres.	59	Chorii textura.	457
Caroli I Magnae Britanniae Regis infelicitas.	150	Christi ecstasis.	253
Casalius (Jo. Baptista) notatus.	87	αγωγία.	253
Cassianus Bassus collector fragmentorum Graecorum de R. Rustica.	185	Christiana religio asserta.	5155
De Calliodoro varia.	173	Christianae religionis propagata tres periodi.	322
Catechesium S. Cyrilli, Archiepiscopi Hierosolymitani, editio nes & versiones varia.	1 sq.	De Christo consensus Reformatorum cum Lutheranis.	142
Catechumenorum in Christiana Ecclesia cum Profelytis Judaeorum comparatio.	526	Christus & Apostoli num Veteris Testamenti loca ex textu Hebraeo, an ex Graeca versione allegarint?	514
Catholicae Ecclesiae quanam?	136	In Civitate quacunque quor ad pugnandum apti?	543
Cave (Guilielmi) Epistola de Presbyteri Pœnitentiarii in Ecclesia institutione & abrogatione.	167	Claudi Novi Testamenti.	254
Census Augusti.	251	Clemens Alexandrinus illustratus.	329
Ceremoniae in sacris prater eas, quas Deus constituit, a Magistratu Politico recte instituuntur.	234	Clementina periodus.	307
Cerevisiarum jus.	437	Cleri in Anglia misera sub pluribus Regibus conditio.	200 sq.
Cephalalgia a vermibus sub cute in vertice nidulantibus.	287	Coddæus (Petrus) Archiepiscopus Sebastenus & per Belgium Fœderatum Vicarius Apostolicus Jansenismi accusatus.	105 sq. 423
Cephalalgiae causa.	58	defensus.	106
		Cœcitas & ruptura cornes ex Hemisrania.	287
		S. Coena num apud Reformatos uti liceat Lutherano?	368
		De Coena Domini num fundamentum inter Reformati a Lutheranis, & vicissim, dissensiant?	141
		Coma	

NOTABILIORUM.

Colorum Theoria Newtoniana.	577	reus explicatus.	284
Coma vigil quid?	540	Arcus triumphalis.	284
Coma somnolentum quid?	58	Contractus quales celebrentur	
Comicorum Græcorum Poetarum deperditorum notitiæ.	58.59	inter metallifodinarum cultores?	343
Comitibus Palatinis quis locus debeatur?	324	Cor est musculus.	446
Comitiorum Augustanorum A. 1530 Historia.	493	Cordis embryonis delineatio.	119
Conceptiones extra uterum factæ.	257	diastole a Loxero male explicata.	546. 547
Concionandi nova ratio quibusdam familiaris reprehensa.	545	In Cordis cono vulnus sanatum.	287
Concoctio quomodo fiat?	389	Coræ Regni descriptio.	155
Condictio ex Lege quid & quæduplex?	546	Corneæ ruptura & cæcitas ex Hemisphæria.	287
Confessio auricularis Pontificiorum improbata.	209	Coronæ Imperialis textura.	276
peccatorum ad S. Communionem accessuris quatenus in Ecclesia Anglicana necessaria?	168	Corpori quomodo motus a voluntate imperetur?	553. 554
Conjuges inter num communio bonorum Jure Civili constituta sit?	496	Corporis Juris Civilis Romani editio nova.	537
omnium bonorum communio in Hollandia, ejusque effectus.	496	Corpus & anima quomodo erga se invicem se habeant?	553
Conjugia quænam prohibita?	316. sq.	num in se invicem agant?	555
Consilia seu Responsa Juris nova.	314	Craigii (Johannis) Solutio Problematis de transformatione Curvarum taxatur.	348. 349
Constantini Augusti nummus autem		Creationis Historia vindicata.	441
		Creditricis, quæ debitori nupsit, pecunia pro dote habetur.	380
		Cresollius (Ludovicus) notatus.	88
		Curva reperienda.	351
		linea pellucida in Sole observata.	486
		Curvæ primi, secundi, tertii &c. generis quænam sint?	31
		Ddd d	Cur-

- Curvæ Geometricæ quomodo inve-**
niantur innumera æquales? 166
proprietates. 325
amplitudo. 350
- Curvarum primi generis proprie-**
tatibus similes proprietates
curvarum generis secundi &
superiorum. 31
umbra quasnam gene-
rare valeat curvas? 33
- De Curvarum transformatione**
judicium Leibnitii. 350
- Curvas transformandi methodus.**
 353. 354. 356. sq.
- Cycli Paschales notati.** 321
- Cyclus novus Paschalis.** 305
censura
- Mathematicorum submissus.**
 308
- Cyrilli ex Theophylacto de-**
Jumeus. 320
notatus. 321
Hippolyti notatus. 321
Eusebii notatus. 321
Victorii notatus. 321
Theophili notatus. 321
- S. Cyrilli Hierosolymitani Archi-**
episcopi Opera omnia. 1. sq.
Vita. 2. sq.
Scripta. 3. sq.
- D** Amasi Pontificis Romani
cum Hieronymo familia-
ritas. 172
- Dampier (Guilielmi) Planta in**
exteris regionibus observata
& collecta. 183
- Davidis Psalterium Æthiopicum.**
 64
- Declinatio Axis Magnetice cur-**
varietur? 540. 541
- Dei existentia ex natura ipsa e-**
vidētia. 31. sq.
- Demetrius Phalereus num pro-**
motor fuerit versionis LXXvi-
ralis Bibliorum? 508. 520
- Demontidius (Ludovicus) nota-**
tus. 87
- Δυναμὶς quid?** 254
- Diaconorum Cardinalium qua-**
tuordecim Diaconia. 329
- Dialectus Alexandrina.** 510. sq.
- Dianæ Ephesie symbolica statua.**
 38
- Dia stole cordis a Lowero male ex-**
plicata. 346. 347
quomodo fiat? 347
- Dicæarchus illustratus.** 324
- Dietyis editio Amstelodamensis**
nova emendata. 324
- Ex L. Diffamari quomodo agen-**
dum? 438
- Differentialis calculi origo.** 34
& methodi
- fluxionum convenientia.** 35
& summatorius cal-
culus quomodo differant? 35
ipsius xy demonstra-
tio. 475
- Differentiarum genesis.** 34
- De Dionysio Syromemorabilia.**
 222
- Dispensatio num fieri possit circa**
 100.

<i>conjugia jure Divino prohibita?</i>	318	Emmenagogorum operandi ratio.	178
<i>Divortia quatenus apud Romanos fuerint tolerata?</i>	496	Encolpii Historia Alexandri Severi versio Anglicana spuria.	510
<i>Docetarum error jam a vo. Apostolico natus.</i>	8	Epactarum mutationis causa.	321
<i>Doctorum lis de precedentia cum Comitibus Palatinis.</i>	493	In Epactarum dispositione a quibus error commissus?	329
<i>Dowglas (Galveni) versio Scotica Aeneidos Virgilii.</i>	160	In Epactis Cycli disponendis major Plenilunii quam Novilunii habenda ratio.	308
<i>Δραχμή quid?</i>	254	Episcoporum jura vetera & a Magistratu Seculari independenzia asserta.	132. 138
<i>Duræ Matris motus causa.</i>	215	olim paritas explicata.	137
E <i>clesia Romana reliquarum in Occidente mater.</i>	333	Cardinalium Diaceses.	527
<i>Ecclesiæ primitivæ facies. 133. sq. forma num. ad formam Romani Imperii fuerit instituta?</i>	331	In Epistolas Apostolicas Commentarius Egidii Hunni & Jo. Henrici Feustkingii.	241
<i>alio modo in Oriente, alio in Occidente fundata.</i>	333	Erasmii (Desiderii) Operum nova editio ex Belgio expectanda.	239
<i>Ecclesiasticæ Antiquitates illustrata.</i>	8	Erasmus (Desiderius) a suspitione Arianismi vindicatus.	483
<i>Hierarchiæ originæ.</i>	330	Ernesti Pii Ducis Saxonie Vita.	68
<i>Ecclesiasticorum bonorum in Angliâ diversa diversis temporibus conditio.</i>	195. sq.	Evangelii Jesu Christi secundum quatuor Evangelistas Expositio.	388 seq.
<i>rituum institutio humane auctoritati vindicata.</i>	234. sq.	Evictio quando præstanda?	46
<i>Ecstasis Christi.</i>	253	Europæorum Regnorum ac Reipublicarum luculenta Descriptio.	529
<i>Εὐγασίου & quis?</i>	15	Eusebii de Locis Hebraicis liber cum versione Hieronymiana	Ddd d 2
<i>Elateris in ære resistantia quantâ sit?</i>	542		6
<i>Elephantiasis Arabum est morbus Phœnicæ Hippocratis.</i>	252		

<i>Et notis Jo. Clerici edendus.</i>	558	<i>confinitis descriptio.</i>	264
Eusebii <i>Cyclus notatus.</i>	320	<i>Fides operibus contradistincta.</i>	
Eusebius <i>illustratus.</i>	21	<i>quid D. Jacobo?</i>	273. sq.
Executivi <i>Processus in foro qua</i>		<i>Fisci jus in dubiis quaestionibus.</i>	433. sq.
<i>ratio?</i>	436	<i>Fixarum distantia.</i>	540
Exorcismus <i>in baptismo jam in</i>		<i>Florentini Concilii exemplar Et</i>	
<i>veteri Ecclesia observatus.</i>	8	<i>fragmenta.</i>	219
F aber (Tanaquillus) <i>notatus.</i>	90	<i>Florum partes Et usus.</i>	275
<i>Factionum in Rebus publicis ori</i>		<i>Florus per numismata illustratus.</i>	49
<i>go.</i>	39. sq.	<i>vindicatus.</i>	50
Faculae <i>Solares observata.</i>	484	<i>illustratus.</i>	282
Facularum <i>Solarium natura.</i>	487	<i>Fluxionum definitio.</i>	35
Farina <i>in plantis an contineat</i>		<i>Fluxus albus ex mensium suppres</i>	
<i>plantas seminales?</i>	276	<i>sione unde?</i>	178
Femoris <i>tumor per fascinati-</i>		<i>De Foersteri (Joannis) Lexico He</i>	
<i>nem inductus curatus.</i>	287	<i>braico judicium.</i>	303
Fermentationi <i>producenda infer</i>		<i>Foetus ovilli membrana.</i>	456
<i>vit saliva.</i>	546	<i>rudimenta in quibus ovis</i>	
<i>vit bilis.</i>	546	<i>inveniantur?</i>	545
Fermenti <i>ventriculi origo.</i>	457	<i>multi quomodo una exclu</i>	
Feuda <i>in Hollandia a servitiis</i>		<i>dantur?</i>	545
<i>militaribus immunita.</i>	499. sq.	<i>Foramen ovale cordis in embryo</i>	
Feudalis <i>Jurisprudentia explica</i>		<i>ne.</i>	120
<i>ta.</i>	340. sq.	<i>Forbesii (Joannis) a Corse Vita.</i>	227
Feudalium <i>mandatorum Colle</i>		<i>scripta.</i>	228
<i>ctio.</i>	343. sq.	<i>Formosae insula Descriptiones.</i>	153
Fendorum <i>in Hollandia qua ra</i>		<i>Formula Concordiae quatenus a</i>	
<i>tio?</i>	495	<i>Reformatis etiam probetur?</i>	141. sq.
Fidei <i>fundamentum quinam arti</i>		<i>Formulae negotia feudalia con</i>	
<i>culi constituent?</i>	140. sq.	<i>cernentes.</i>	344
<i>Et rationis consensus.</i>	440. 442	<i>Fossilium figurarum in Helve</i>	
<i>444</i>		<i>tia</i>	
Fidensis <i>regni in Guineensum.</i>			

NOTABILIORVM.

581

<i>ia Historia.</i>	479	Georgius Dux Saxonie unde Bar-	
Franci (Georgii) de Franckenan		batinomen tulerit?	292
Vita.	232	Gerberon (Gabriel) Jansenismi	
Francisci (Erasmi) Vita.	232	damnatus.	242
Freinshemius (Joannes) notatus.		Gerberoni (Gabrielis) scripta.	
	87. 297		244. sq.
Friderici Barbarossæ Authentica		Gordiani Africani nummus vin-	
Habita illustrata.	389	dicatus.	37
Fridericus III Elector Saxonie		Gordoni (Roberti) Theatrum	
quandiu S. R. I. Locumtenen-		Scotie.	158
tem Generalem se nuncupave-		Gothofredi (Dionysii) Corporis	
rit?	502	Juris Civilis Romani editio no-	
Fritschii (Abasveri) Vita.	232	va.	537
Fulginatium Scriptorum Elogia.		Græca Bibliorbeca.	323
	267	Græcæ Linguae vulgaris seu Pw-	
Historia Scriptores.		μαίνης Elementa.	61. sq.
	269	corruptio unde?	61
Fundamentales Fidei articuli		Græcarum Antiquitatum The-	
qui?	141	saurus Gronovianus. 25. 85. 124	
Furti Actio pœnalis quando com-		Veteris Testamenti	
petat contra furis hæredes?		versionum historia.	516. sq.
	500	Græci olim num ex Europa in	
Generationis theoria.	544	Asiam, an ex Asia in Europam	
Gentilium Theologia stolidis-		migraverint?	361
sima.	10	Græcorum origines genuina.	303
Philosophorum vitia		Autochthones explosi.	361
notata.	54	Grammaticarum Hebraicarum	
religio explosa.	54	origines.	302
Geniales partes maris Marsupia-		Gravitas aeris specifica.	542
li Americani.	110	Mercurii specifica.	542
Geographia Sacra Sansonis &		aeris specifica variat.	543
Clerici.	555	Gravitatis causa efficiens detectu	
Geographiæ Sacre Scriptores.		difficilis.	544
	556	Grotius (Hugo) notatus.	499
Geoponicorum sive de Re rustica		Guarentigati instrumenti in foro	
libri.	183	requisita.	436
		Ddd d 3	Gua-

Guarini (Baptista) Pastor Fidus	326	venta.	326
Germanice versus.	72	Hermetis Tabula Smaragdina	
Guarinus (Baptista) adversus		Chimia sublimioris & Lapidis	
cenfuras Gallorum vindicatus.		Philosophici Theoriam conti-	
	375	net.	253
Guineæ descriptio.	262. sq.	Hierarchia Cardinalitia.	527
incobarum misera condi-		Hierarchiæ Ecclesiastica origines.	
tio.	263		330
	mores & in-	Hieronymi versio Bibliorum.	
stituta.	264	quanta auctoritas?	515
De H ereti suspecti qui?	547	Hieronymus notatus.	3
H arduinus emendatus.		num Cancellarii	
	401	munere apud Damasum fuerit	
Haveri sententia de concoctione.		functus?	172
	546	Hierosolymitanæ Ecclesiæ prima-	
Hebræorum Historia ex Homero		va summa auctoritas.	134
eruta.	74	nascen-	
antiquitates illustra-		te Christianismo Primatus.	332
ta.	97. sq.	Hierosolymitanam inter & Ca-	
Ad Hebræos Epistola illustrata.		sariensem Ecclesiam consensus	
	390	de Primatu Palastina.	3
Hebraici Veteris Testamenti tex-		Hipparchi instrumenta Astrono-	
tus quanta fuerit auctoritas?		mica notata.	309
	513	Hippolyti cyclus notatus.	321
Hebraicorum Lexicorum Histo-		Historia Reformationis in Belgio.	
ria.	301		56
Ex Hemisphæria cæcitas & ruptura		Belli Civilis in Anglia A.	
cornea.	287	1641 cepti.	145
Henochus cur recentioribus Ara-		Navalis.	151
bibus Edris dicatur?	326	Comitiarum Augustano-	
Hepatis structura.	459	rum A. 1530	457
Heracliti Ephesi scripta.	329	Silesia.	319
Herbariæ rei Institutionum Co-		Græcarum Versionum	
rollarium.	138	Veteris Testamenti.	516. sq.
Hercules Medicus.	252	legislatorum Græcorum.	
Hermetis Trimegisti libri & in-			323
			Histo-

NOTABILIORUM.

Historia Hebraorum conditor	sa.	583
Homerus.	74. sq.	146
Fulginitum in Italia		causa, cur Historiam belli
scriptores.	267. 269	Civilis Anglia composuerit?
Historica Bibliotheca Struviana.	169	147
Historicorum Scotia Catalogus.	160. sq.	Hydrophobia exemplum. 118
Hohnsteinii Comites Advocati		Hyperbola cujusvis generis quot-
olim Abbatia Walckenreden-	411	nam habere queat asympto-
sis.		tos?
Homeri scripta recensita, eorum-	327	Hyperbolarum varia genera. 33
que prima editio.		S. J acobi de Fide & Operibus
Homerus Historia Hebraorum	74. sq.	doctrina explicata. 273. sq.
conditor.		Epistola Analysis. 272
Homicidarum singulare olim a-	418	Jacobi VI Scotia & post Anglie
pud Francos supplicium.		Regis numismata. 165
Homo num sit pura machina?	92	Jacobi Patriarchae familia, qua
Hooft (Petri Cornelii) Vita.	386. sq.	in Aegyptum descendit, quot
Historia Henrici IV Regis		numero personis constiterit?
Gallia Belgica.	387	103 sq.
styli sublimitas.	388	Jamaicensium Plantarum Histo-
Hori Hieroglyphica a quo pri-		ria. 182
imum Latine conversa?	324	De Jano antiquorum Dissertatio.
Huetius (Petrus Daniel) notatus.	398. 527	407
Hulfemanni Casus Conscientiae	560	Janfenianae factionis capita pra-
edendi.		cipua. 424
Hunniani Collegii instituendi		Janfenismi accusatus Paschasius
quis olim Ernesto Pio Saxonia	69	Quesnellus. 422. sq.
Duci scopus?		Janfenistarum Gallia Episcopo-
Huntingtoni (Roberti) Vita.	217	rum querela de Curia Roma-
Hyde (Eduardi) Comitis Cla-		na. 109
rendonii fata eorumque cau-		Idololatriae origo. 10. 17
		varia genera. 18
		Jejunium quadraginta dierum
		num inde ab Apostolorum tem-
		poribus usitatum? 8
		Jenensis Academiae nova incre-
		menta. 96
		Jero-

- Jeroboami idololatria qualis? 24
 S. Ignatii locus illustratus. 515
 Episcopi Antiocheni Epistola Syriace frustra questita. 218
 Imagines majorum quomodo as-
 servari primum & paulatin-
 coli ceperint? 13. 14
 Imaginum cultus apud Pontifi-
 cios qualis? 18
 Immortalitas anime asserta. 91. sq.
 Imperatorum Germanicorum ex
 jure antiquo circa sacra reli-
 quia, jus primariarum pre-
 cum. 429
 Imperii Germanici Statuum Ev-
 angelicorum Protestatio in
 Comitiis Spirensibus & Lega-
 tio ad Carolum V. Casarem 256
 Imperii Romano-Germanici lu-
 culenta Descriptio. 530
 Incarnationis mysterium rationi
 conciliatum. 445
 Indifferentia post praeceptum su-
 periorum sunt necessaria. 236
 Infinitae quantitates varias inter
 se habent proportionem. 540
 Infinitesimi generis curvae qua-
 nam sint? 31
 Ingratitudinis praevisa exemplum
 memorabile. 149
 Intestinorum abscisso sine agri
 detrimento. 287
 Investiturae in feudis Hollandi-
 cis renovationis necessitas. 499
 Investiturarum feudalium formu-
 la. 344
 Joannis Friderici Electoris Saxo-
 niae numismata illustrata. 503. sq.
 ocrea inusi-
 tata amplitudinis. 506
 sponsalia cum
 Catharina Caroli V. sorore
 contracta & rescissa. 257
 S. Johannis trium Epistolarum
 Analysis. 269
 Josephus notatus. 521
 Jovem lapidem jurare quid? 255
 Irrationales Geometrice quoniam
 quantitates dicantur? 36
 Isaacus immolandus apud Rome-
 rum. 84
 Isis & Osiris qualia apud Egy-
 ptios Numina? 19. sq.
 Itinerariorum Sylloge magna no-
 va. 151
 collectiones varias. 152
 Judææ seu Terra Sancta desiri-
 ptio. 556
 Judæis tutela liberorum Chri-
 stianorum minime conceden-
 da. 497
 Judaicæ Reipublicæ status qualis
 & olim & tempore Apostolo-
 rum fuerit? 332
 Judaismus explosus. 55
 Judicii Imperialis Casareo-Aulici
 Processus. 430
 Ju-

NOTABILIORUM.

585

Julius Africanus Chronographus idem cum auctore K&5 wv. 186	Legislatorum Græcorum Histo- ria. 328
Jctorum Scotie libri. 164	Leibnitiana Harmonia præstabi- lita hypothesis explicata. 553
Wittebergensium Histo- ria. 435	quomodo cum libertate voluntatis con- sistat? 554
Juridicarum Dissertationum fa- sciculus. 344. sq.	Lethargus quid? 59
Juridicorum Responsorum fasci- culus. 344	Lex X Pandectarum de Jure Fi- sci explicata. 433
Juris Primariarum Precum ori- go. 429	Lexicorum Hebraicorum Histo- ria. 301
Jurisprudentia Struviana Ger- manice edita. 45	Libertatis natura. 446 sq.
Jusjurandum quatenus A&lori Reove in foro Saxonico liceat deferre? 439	Libri in lucem prodituri. 336
Justinus Martyr notatus. 521. 524	Licitationis prima jus pater per filium mandato licet non in- structum acquirit. 380
K Evreg & de unde dicta Ve- sta? 21	In Liene, pulmonibus & pene va- sorum sanguineorum commu- nicationes. 214
K odegve quid? 254	Lienis textura. 459
L Abyrinthi auris structura. 468	Lineæ primi, secundi, tertii, quarti & c. ordinis quam di- cantur? 31
Lapides figurati Helvetici. 479	Lithographia Helvetica. 479
Lapidis Philosophici materia. 408	Loescheri (Val. Ern.) de Causis Lingua Hebraica promissum opus. 303
us. 408	Longævitatis causa. 41
Lares & Therapim iidem. 13	Loti historia concumbentis, cum filiabus, ab Homero descripta. 81 sq.
Laudemiorum nomine quid in renovatione Feudorum in Hollandia præstandum? 499	Lowerus notatus. 546
Laurentius (Josephus) notatus. 87	Ludolphi (Jobi) elogium. 67
Legati ad exterar gentes missi quatenus durante absentia testari possint? 497. 498	Lumen successive propagatur. 540
Ex Lege Diffamari quomodo a- gendum? 438	Lu-

Ecc e

- Luminis Theoria Newtoniana.* 540
Luna Tellure densior. 541
Lunæ theoriam novam Isaacus Newton invenit. 540
densitas quomodo se habeat ad densitatem Terræ? 541
Lutherani & Reformati num in fundamento fidei consentiant? 139 sq
Lutheranismi Historia Seckendorffiana supplementum. 256
Lutheranos inter & Reformatos num speranda unio? 365
qualis in Fide consensus? 391
Lutheranus num salva conscientia ad sacram cum Reformatis Cœnam accedere possit? 368
Lux intra viscera Terræ quomodo producatur? 542
Luzonis Philippinarum Insularum præcipua stirpium Historia. 183
Lygii & Quadi, Silesiorum majores, num a Slavis Polonis plane fuerint oppressi? 259
Lymphatica vasa Vieussenii. 454
M*Abillonii (Joannis) de Scriptoribus Benedictinis opus promissum.* 420
Maculæ Solares. 483
in magnitudine differunt. 483
crescunt. 483
atmospharæ habent. 484
in plures dissolvuntur. 484-485
divisa rursus coalescunt. 484
moventur. 485
Maculæ Solaris motus quantitas. 686
Macularum in Sole loca sine instrumentis observandi methodus. 486
Magistratui Politico jura in Episcopos negatum. 132
Magneticæ acus inventio. 152
Magna Urbica num Maxentio Augusto fuerit nupta? 400
Caro, Carini & Numeriani Patri, vindicata. 402
Mammarum structura. 457
Manium evocatio & consultatio quomodo invaluerit? 14
Marcelli Sideta de Medicina ex Piscibus Carmen Græce & Latine cum notis editum. 326
Marsupialis Americani maris partes genitales. 110
Martis operandi ratio. 180
Matrimonia quam prohibita? 315 sq.
In Matrimonialibus causis cautio pro reconventionem & expensis non est præstanda. 380
Matrimonialis Processus Electa. 439
Matrimo-

NOTABILIORUM.

587

- Matrimonium quatenus Luthe-
rano cum Reformata, & vi-
cissim, permissum? 369
cum puella annis vi-
ginti minore, aut adolescente
viginti quinque annis minore,
sine parentum consensu ini-
tium, cui pena sit obnoxium
in Hollandia? 496
Medicinæ defectus unde? 42
Mediolanensis Ecclesiæ Juris Me-
tropolitani antiquitas in du-
bium vocata. 334
Medulla ossium an sentiat? 346
Melchisedecus in Homero depre-
hensus. 83. sq.
Menagius notatus. 329
Mendacorum libri. 219
Menses per mammas erumpen-
tes. 287
Mensium suppressionis causa. 176
cura. 177
Menstrui fluxus causa & pletho-
ra. 175
periodorum causa. 175
terminus ultimus. 176
phenomena. 174
Menstruus sanguis ut profluat? 455
In Mente est sensorium commu-
ne. 60
Mercatorii libri num vim habe-
ant documenti quærensiati? 380
Mercurii vis emmenagoga. 180
altitudo in barometro
pro diversa hujus super Tellu-
ris superficie elevatione quo-
modo variet? 542
in eadem elevatione va-
riat. 543
ascensus & descensus
causa in Barometro. 543
Metallifodinæ Regalibus vindic-
cata. 342
Inter Metallifodinam conceden-
tem & fodinarum cultores
contractus velut emphyteuti-
cus. 343
Methodus observandi loca ma-
cularum in Sole sine instru-
mentis. 486
Metropoles Ecclesiastica quomo-
do primitus instituta? 331. 333
Politica qua olim
Romanis fuerint? 332
Metropolium Italicarum pra-
ter Romanam, antiquitas in
dubium vocata. 334
Milles (Thoma) de Operibus S.
Cyrilli Hierosolymitani meri-
ta. 1. sq.
Minos Homeri, Abrahamus. 80
Mvā quid? 254
Monachorum in Anglia artes,
quibus aliorum jura invase-
runt. 196. sq.
Monasteriorum Benedictinorum
Historia. 417
Monsonis (Wilhelmi) Disserta-
tiones ad rem navalem spe-
ctantes. 155
Ecc e 2 Mor-

- Morbus Phæniceus Hippocratis
 est Elephantiasis Arabum. 252
 Moscovia literarum hodie studio
 dedita. 240
 Moscoviæ Imperatoris cura stu-
 diorum promovendorum. 383
 Moses sub Typhonis nomine no-
 tatus. 23
 & S. Stephanus circum-
 merum familia Jacobi con-
 ciliati. 103 sq.
 Mosis de origine Universi Histo-
 ria vindicata. 102. 441
 Motus obreptionis. 351
 subreptionis. 351
 quinam non cadat in mu-
 sculos? 546
 Mulier sine curatore quatenus
 possit obligari? 436
 in causa matrimoniali
 quatenus personam standi in
 judicio habeat? 439
 Muratorii (Ludovici Antonii) Li-
 bri duo de consummata Ita-
 lorum Poesi prodituri. 379
 Musculus nullus admittit mo-
 tum restitutionis. 546
Natura universalis Egyptio-
 rum Isis. 20
 variis nominibus cele-
 brata. 21. 22
 Navarette (Ferdinandi) Relatio
 de Regno Chine. 153
 Necromantiæ varia genera. 15. 16
 Nervi arterias subeuntes. 458
 Nicæni Concilii canon sextus il-
 lustratus. 334
 Nigrinianus certiori ætati asser-
 tus. 403
 Nomina animalibus cunctis num
 ab Adamo imposita? 248
 Novilunii medii numerandi ra-
 tio. 306.
 De Nourry (Nicolaus) nota-
 tus. 329
 De Numeris aureis Patrum sen-
 tentia. 321
 Numi argentei Runis insigniti
 spurii. 36
 Samaritani illustrati. 279
 Novi Testamenti. 253
 Numismata Scotorum. 165
 Saxonica illustrata. 289. sq. 506. sq.
 Numus Runis insignis. 38
 aureus Constantini Au-
 gusti explicatus. 284
 Nutritionis animalculi fons 146
Obligatiōis natura & varia
 genera. 208
 Occasionalium causarum systema
 improbatum. 553
 Odyssea ab Homero num ante
 Iliadem scripta, aut contra? 76
 Olsnæ Principatus in Silesia
 num feudum proprium, an im-
 proprium? 344
 Opii vis topica. 178
 Cum Optica Acustica convenit. 540
 Ora-

NOTABILIORUM.

589

Oraculorum origo.	14	jam confirmatum, dissolvendi.	496
Orationes Panegyrica & fune-			
bres Augusti Buchneri.	449	Pascha anni 1700 per Epactas le-	
Literaria A. Buchne-		gitime non definitum.	320.
ri.	450	1707 qua die cele-	
Orcadum Historia Jacobi Wal-		brandum?	309.
lace.	159	Paschalis decima quarta nume-	
Origenis Philosophum enon frag-		randa ratio.	309
mentum.	88	decima quarta ex Pa-	
Osiris & Isis qualia apud Aegy-		trum sententia.	320
prios Numina?	19 sq.	canon antiquissimus.	320
Ossa byoidea Marsupialis.	110		
Ossium nutritio.	346	cycli noticia.	321
De Ovalle (Alphonfi) Relatio de		Paschatis celebratio quando hoc	
Regno Cili.	155	saeculo controversa?	309
Oviparorum & Viviparorum dif-		Pastores cur odiosi Aegyptiis?	488
ferentia.	545	S. Pauli Epistolarum Expositio.	
Ovulum cum utero quando &			476
quomodo connectatur?	546	Peccata tria quatuorve quo sen-	
Pædobaptismi origo ex mente		su memorentur Amoso?	489
Antonii van Dale.	525	Peccatum ad mortem quale di-	
Palatinatus Saxonia cum Electo-		catur 1. Job V, 16?	271
ratu connexus.	342	Penates Dii qui & quam varii	
Palatinos Comites inter & Do-		Gentilibus?	11.
ctores lis de precedentia.		Penis structura singularis in Mar-	
	493	supiali.	113.
Pallacopæ, alvei, descriptio.	298	Pequinum urbs in China eadem	
Pallavicinus (Sfortia) a censu-		cum Cambalu.	154
ris Bouhoursii vindicatus.	377	Pertinax Imperator cur Janum	
Parabolarum divergentium ge-		in nummo exprimi curarit?	
nera.	33		406.
Partus post matris mortem.		Petiveri (Jacobi) Botanici elo-	
	287	gium.	182. 183
Parentum jus in Hollandia libe-		S. Petrus cur tres claves mani-	
rorum conjugium sine suo con-		bus gestans in veteribus pi-	
sensu initum, etsi concubitu		cluris representetur?	419
		Ecc e 3	Pha-

- Pharyngis musculi. 467
 Philo illustratus. 87
 Philosophandi methodus certa. 544
 Philosophicarum Meditationum opus magnum Bernardi Tarvisini. 550. 552
 Philosophorum Gentilium vitia notata. 54
 A Phoeniciis Græcorum Theologia derivata. 12. 13
 Photii Historia Manicheorum edenda. 9
 Φωτιζόμενος qui S. Cyrillo? 7
 Pighius (Stephanus) notatus. 87
 Planetæ habitantur. 541
 Plantarum Historia Joannis Rami Tomus III. 180
 ingens incrementum. 181
 Plato & Philosophi Græci alii num quæ ex Scriptura S. habuerint? 517. 524. 527
 Plethora est menstrui fluxus causa. 175
 Plutarchi Alexandrini Proverbia Græca publicata. 89
 Plutarchus Charonensis illustratus. 329
 Poemata Baronis Abschazii. 73
 Pœnitentiarii Presbyteri in Ecclesia institutio & abrogatio. 167
 Poloni num unquam Imperatoribus Germaniæ fuerint tributarii? 259
 Pontificis Romani decreta num censura possint subjici? 106
 Possessio contra singulos acquisita num noceat universitatibus? 438
 Possessorii processus in foro Electorali. 437
 Possessorium summarium quatenus contra Principem valeat? 438
 Potteri (Joannis) Archaeologia Græca commendata. 126
 Potus averfatio in hydrophobicis unde? 118
 via ad renes. 456
 De Præcedentia controversia varia. 491
 Precum primariarum Jus in Germania quodnam? 428
 Presbyteriani num in Angliâ re-
 cte se separarint ab Ecclesia Anglicana? 236. 238
 Presbyterianorum Ministri num legitime sint ordinati? 239
 Presbyterorum Cardinalium Basilica. 528
 De Processu Executivo monita. 436
 Cambiali monita. 437
 Possessorio notabilia. 439
 Matrimoniali notabilia. 437
 Processus Saxonici Ordinatio illustrata. 379
 in foro alius ordinarius, alius summarius, & hic vel regularis, vel irregularis. 436
 Pro-

NOTABILIORUM.

591

Prophetia prima de Messia Phisice explicata.	545	querela adversus adversarios & defensio.	426
Protestationis Evangelicorum Imperii Statuum Historia.	536	R Abbini baud optimi de Antiquitatibus Hebraorum testes.	102
Psalterium Davidis Aethiopice.	64	Rationis & Fidei consensus.	440
Ptolomxi, Lagus & Philadelphus, num auctoritatem suam interposuerint, ad S. Bibliorum Gracam seu septuaginta viralem versionem conficiendam?	510		442. 444
Ad Pufendorffianæ Philosophiæ Moralis exemplar componenda Theologia Moralis.	562	Ravennatensis Ecclesiæ jus Metropoliticum discussum.	331. 334
In Pulmonibus, liene & pene sanguineorum vasorum communicationes.	214	Rawleigh (Waltheri) artes, quibus in aula Elisabetha aditum sibi ad altiora paravit.	432
Pulmonum ulcus ex variolis curatum.	211	In Reconventionem non attenditur privilegium fori de non advocando.	380
Ex Pulvere pyrio tabaco admixto oculi jactura & mors.	287	Reformati & Lutherani num in fundamento fidei consentiant?	139 sq.
Punctum lucidum in macula Solaris micans.	486	Reformatos inter & Lutheranos num speranda unio?	365
Purgantium operatio inconstans unde?	177	qualis in Fide consensus?	391
Pyrrhonismus destructus.	442	Reinesius notatus.	324
Pythonis spiritus nil aliud, quam spiritus divinationis.	15	Religionis Christiana propagata tres periodi.	332
Q uasi contractuum quot species?	208	Remonstrantium in Belgio Historia.	56
Quesnelli (Paschassii) fata & ob Jansenismum propugnatum condemnatio.	421 sq.	Renum structura.	460
accusationis capita.	422	Resistentiæ medii in motu projectionum mensura.	540
scripta.	425	Respiratio influit in motum cordis.	546
		Respublicæ cur factionibus obnoxia?	39
		Judaica status qualis	16

<i>lis & olim & tempore Apostolorum fuerit?</i>	33	Salii Sacerdotes quinam olim?	534
Restitutio in integrum ob reverentiam denegata.	434	Salivæ natura.	546
Rittershusianæ tabula Genealogica emendata.	257	Salmasius notatus.	514
Rituale Ecclesiarum Evangelicarum.	166	De Salute æterna num quis reformatus certus esse possit?	143
Ritus in Ecclesia, præter eos, qui præcepti sunt a Deo, constituendi libertas & necessitas.	234 sq.	Samaritani nummi illustrati.	279 sq.
ab Apostolis constituti quales?	235	Samaritanorum reliquia.	218. 220
Roberti II Scotiæ Regis uxor an concubina fuerit Elisabetha?	162	Samothracæ Dii, qui fuerint Gentilibus?	11
Romæ veteris & Novæ elegantissima descriptio.	478	Sanchoniathonis Historia ex Mose derivata.	12
Romana Ecclesia ut a Petro & Paulo fuerit fundata?	313	num quæ cum Scriptura S. concordia?	526 sq.
Ad Romani Imperii normam num primitus Ecclesiæ fuerint instituta?	331	Sancti Benedictini.	417
Runæ in nummis vetustis inventa.	36	Sanguineorum vasorum communicationes in pulmonibus, liene & pene.	214
De Rustica Re fragmenta Grecorum.	183	Sanguinis pressio diversa morborum est auctor.	57
S axorum secta.	220	transitus per cor embryonis.	121
libri.	222	Sanguis ut in tanta copia per pulmones corruptos & obstructos transire possit?	213
Sacerdotes Salii quinam Gentilibus?	534	Sanfonius (Nicolaus) laudatus & notatus.	557
Saliæres Cane unde dicta?	536	Saturnus & Isis idem.	23
De Salignac (Franciscus) Archiepiscopus Cameracensis notatus.	77	Satyrarum novarum liber.	312
		Saxoniarum Palatinatus cum Electoralu junctus.	342
		Electorum num ut Marchio utriusque Lusatia Nobilitatem conferre possit?	533
		Ele.	

NOTABILIORUM.

593

<i>Electoris Jus gladium</i>	Exod. XXXII. 6.	24
<i>vagina nudatum Imperatori</i>	Judic. XVII.	15
<i>in solennibus processionibus</i>	1. Sam. XXVIII. 7. sqq.	16
<i>preferendi.</i> 531	Psal. XXVIII. (XXIX.) 6. 67.	
<i>officium gestandi vexil-</i>	Esa. XII. 3.	282
<i>lum Imperii majus.</i> 532	Hoseæ XIII. 2.	24
<i>jurisdictio in buccina-</i>	Amos. I. 3.	489 sq.
<i>tores & tympanistas.</i> 532	V. 26.	22
<i>in Comitibus Imperii di-</i>	Matth. XXIV. 30.	216
<i>rectorium in causis Evangelicis</i>	Joh. VII. 37.	282
533	Act. VII. 74.	103
<i>dignitas supremi Ve-</i>	XVI. 16.	15
<i>natoris Imperii.</i> 533	Gal. V. 1.	236
<i>Saxonica Domus Numismata</i>	1. Joh. V. 16	270
<i>illustrata.</i> 289. sq. 500 sq.	Jacob. II. 14. sqq.	273 sqq.
<i>Jus Advocatie in Au-</i>	Hebr. L. 1.	393
<i>bariam Walckenredensem.</i> 411	IX. 4.	280
<i>Saxonici Processus Ordinatio il-</i>	XI. 35. 36.	393
<i>lustrata.</i> 379	A Seckendorf (<i>Vici Ludovici</i>)	
<i>Saxovivensis Archiepiscopii in Ita-</i>	<i>vita.</i> 232	
<i>lia claritudo.</i> 268	Seckendorffianæ Historiæ Luthe-	
<i>Schisma novum in Anglia re-</i>	<i>ranismi supplementum.</i> 256	
<i>gnante Wilhelmo exortum.</i> 13.	Secundinarum retentorum cura.	
<i>Schismatis num rei sint, qui ab Ec-</i>	178	
<i>clesia Anglicana discesserunt?</i>	Semen animalium innumera,	
237	<i>animalcula continet.</i> 545	
<i>In Scholiis Græcis veterum allega-</i>	Semina se habent instar ovorum.	
<i>torum scriptorum indices.</i> 325	276	
<i>Scotiæ Regum Majestas in con-</i>	Sensorium commune in mente est.	
<i>troversiam vocata.</i> 159	60	
<i>Genealogia.</i> 162	Sententia adversus universitatem	
<i>Scotica Bibliotheca Historica.</i> 156	<i>Syndicum non habentem lata</i>	
<i>Scotorum cum aliis gentibus fa-</i>	<i>transcatne in rem judicatam?</i>	
<i>dera.</i> 159	380	
<i>Scripturæ S. loca illustrata</i>	Septuagintaviralis versionis Biblio-	
<i>Gen. II. 18. 19. 20.</i> 247	<i>rum Dialectus Alexandrina.</i> 510	
	FFF F	Ser-

- Historia integra.* 512
Serpentum cultus apud Fidenfes. 256
Sherardi (Guilielmi) Botanici
elogium. 182
De Sybillinis oraculis iudicium. 376
Silesii Imperatoribus Germania
olim tributarii ac subiecti. 259
Silesiorum nomen unde natum?
Maiores. 258
Historia. 259
Simulacrorum cultus origo. 17
Sixti V editio versionis Bibliorum
valgate fueritne revocata? 516
Slavi Poloni num Lygios & Qua-
dos Silesiorum maiores plane
opprefferint? 259
Slezer (Johannis) Theatrum Sco-
ria. 158
Sloane (Hans) Historia Stirpium
Jamaicensium. 182
Sociniani refutati. 394
Socrates cum Socrate confusus. 324
Sodomiz excidium ab Homera
descriptum. 81
Soporosorum affectuum nota
characteristica. 58
Spasmodorum differentia. 62
Spasmus quid? 59
Specierum immutatio an possibi-
lis? 40
Sponsalia num semper conditioni
non impleta irrita fiant? 495
de praesenti & de futu-
ro apud Belgas non sunt di-
versa. 495
Spotswoodi (Johannis) scripto-
ris Historie Ecclesiasticae Sco-
torum elogium. 163
Stanlejus (Thomas) notatus. 89
Statuarum origo & cultus. 17, 18
Steatomatis origo. 469, 470.
Stegeri (Adriani) vita. 232
S. Stephani Act. VII. 14 capitula
75 Familia Jacobi numeran-
tis sententia cum Mose con-
ciliata. 103 sq.
Stephanus (Henricus) notatus.
124.
Strada (Famianus) a Bouhour-
sii persecutionibus vindicatus.
377
Struvii (Georgii Adami) Vita
& scripta. 127
adversarii. 131
Stryckianum Juris Feudalis Exa-
men illustratum. 341
Strypius, Scriptor vite Crannieri,
laudatus. 157
Successio hereditariorum feudo-
rum qualis in Hollandia? 499
Suidas notatus. 325
Summatorii calculi origo. 34
Summatorius & differentialis
calculus quomodo differant?
8
Sutherlandi (Jacobi) Herius
Medicus Edinburgensis. 11
Synodus Selencie in Isaaria A. 359
congregata. 4
Sy-

NOTABILIORUM.

595

Systoles cordis instrumentum. 547	vata. 230
Systole quomodo fiat? 547	Theophili cyclus notatus. 321
T abula Hermetis Smaragdina	Theraphim qui? 13 sq.
Chimia sublimioris & Lapidis Philosophici theoriam continet. 253	& Cherubim num iidem? 14
Tacitus illustratus. 282	Thesaurus (Emanuel) notatus & excusatus. 379
τάλαντον quid? 254	Ticinensis Gymnasii Historia & Vindicia. 394 sq.
Tarvisinae Gentis Nobilissima origo & Viri docti. 550 sq	antiquitas. 396
Tassus (Torquatus) contra Boursum vindicatus. 372	Tituli Cardinalium explicati. 528
Templorum origo. 14. 17	Tormentorum usus ab iniquitate vindicatus. 500
Terra est Planities. 541	Tournefort (Josephi Pittoni) Plante novae in Orientalibus regionibus observatae. 183
Terra interior structura. 541. 542	Tragicorum Poetarum Graecorum deperditorum notitia. 324
diameter quanta sit? 541	Tridentinum Concilium epistolis quorundam Hispaniae Episcoporum illustratum. 246
semidiameter quanta? 542	quantas turbas inter ipsos Pontificios dederit? 247
Testamenta eorum, qui in Indias navigant. 498	S. Trinitatis mysterium rationi conciliatum. 4-5
Testamenti Veteris Librorum Apocryphorum recens. 338 sq	Tristanus notatus. 403
Testamentum Novum cum versione & annotationibus Erasmi accuratius in nova Erasmi operum editione proditurum. 482	Tutores ob quam culpam removeri jure Civili potuerint? 497
Testes femineae ovaria. 546	Tympani aurium structura. 465
Theocratia in Republica Hebraeorum. 100	Typho idem qui Moses. 23
Theologiae Moralis nova systemata. 558. 559. 560.	V aillantius notatus. 37
Scriptores 561	Ex Variolis ulcus pulmonum curatum. 24
Theologicae veritates num omnes fundamentum fidei concernant? 140	Vasa secretoria & excretoria quae? 454
Theologorum nostra aetate Clarissimorum Memoria renovata.	Vasorum corporis humani systema

596 INDEX RERUM NOTABILIORUM.

<i>ma novum.</i>	453	<i>quot alat homines?</i>	543
<i>Venæ cava perforatio ab arte-</i>		<i>Uratislaviensium quot arma ge-</i>	
<i>riis spermaticis Marsupialiu.</i>		<i>rere valeant?</i>	543
	111	<i>Uteri prolapsus verus.</i>	387
<i>Venarum tunica.</i>	459	<i>vasa vesiculoso - lymph-</i>	
<i>Ventriculi vulnus transversim</i>		<i>tica.</i>	455
<i>inflictum curatum.</i>	287	<i>humani textura.</i>	455
<i>fermenti origo.</i>	457	<i>membrana.</i>	455
<i>Versiones Græcæ Veteris Testa-</i>		<i>ovilli membrana.</i>	455
<i>menti vera alia, alia conficta.</i>		<i>Vulgatæ Bibliorum versiones</i>	
	516 sq.	<i>quantum inter se discrepent?</i>	
<i>Vesta cur κεντροφόρος nuncu-</i>			516
<i>pata?</i>	21. 22	<i>Uvula ad auditum facit.</i>	470
<i>Veterum eruditio vindicata.</i>	42	<i>Uvulæ musculi.</i>	467
<i>Victorii cyclus notatus.</i>	321	W <i>Alckenredensis Abbatia Hi-</i>	
<i>Visus cum auditu convenit.</i>	540	<i>storica Descriptio.</i>	400
<i>Vituli aurei in deserto figura.</i>	18	<i>Advocatis penes</i>	
<i>cultus Israelitarum quor-</i>		<i>quos fuerit?</i>	410
<i>sum spectarit?</i>	24	<i>Walckenredensium Scriptores.</i>	
<i>Ulcus pulmonum ex variolis cu-</i>			410
<i>ratum.</i>	211	<i>Wallace (Jacobi) Historia Orca-</i>	
<i>Ulysses apud Homerum non u-</i>		<i>dum.</i>	159
<i>nus.</i>	75. 79. 80.	<i>Waltonus notatus.</i>	523
<i>Vossius (Isaacus) notatus.</i>	298	<i>Wittenii (Henningii) Memoria</i>	
<i>refutatus.</i>	508. sq. 519. sq.	<i>Theologorum continuata.</i>	230
<i>(Gerh. Job.) notatus.</i>	329	<i>Wittenius (Henningius) notatus.</i>	
<i>Urachi in fœtu humano perfora-</i>			435
<i>rio.</i>	122	<i>Xenophontea chronologia.</i>	310. 311
<i>Uratislavia Silesiorum metropolis</i>		<i>Zeni (Apostoli) scripta edita &</i>	
<i>centum Anagrammatibus ce-</i>		<i>edenda.</i>	550 sq.
<i>lebrata.</i>	300	<i>Ziegleri (Casparis) vita.</i>	232

* * * * *

ACTA
ERUDITORUM
ANNO
M DCC VI

publicata.

*Cum S. Cæsareæ & Regiæ Polonicæ Ma-
jestatum Privilegiis.*

L I P S I Æ.

Prostant apud JOH. GROSSII Hæredes,
JOH. FRID. GLEDITSCH,

&

FRID. GROSCHUE.

Typis JOH. SAMUELIS FLEISCHERI.
A. M DCC VI.

AT A

THE

OF

THE

THE

THE

THE

THE

THE

N. I.

ACTA
ERUDITORUM,

publicata Lipsiæ

Calendis Januarii, Anno M DCC VI.

SUIDÆ LEXICON GRÆCE & LATINE.

*Ex MSS. Codd. recensuit, emendavit, notis illustravit, versionem
Latinam Porti correxit, indices auctorum & rerum adjecit,*

LUDOLPHUS KUSTERUS, Humaniorum Literarum in
Gymnasio Regio Berolinensi Professor.

Cantabrigiæ, typis Academicis, 1705. Volumina tria in fol. chartæ aug.
Constat 27 circiter Alphab.

Frequentiori eruditorum usu Lexicon Suidæ teri cœpit ab anno inde 1499, quo typis Mediolanensibus primum exscriptum fuit. Eam editionem Aldina secuta est anno 1514, ex alio, quod multæ ejus a Mediolanensi discrepantiæ probant, codice MS. expressa. Frobenii inde successit Basileensis A. 1544, nonnisi sphalmatibus & editorum interpolationibus ab Aldina dissidens. Eodem anno prima Suidæ Latina versio Hieronymi Wolfii opera seorsim a Græco textu prodit, quæ ab ipso recognita emendatio lucem adspexit paulo post Basileæ A. 1581. Tandem Æmilius Portus Genevæ A. 1619 Suidæ textum Græcum, una cum nova sua versione, vel potius paraphrasi, luci publicæ exposuit.

Multa in illa Porti editione, quæ ultima est cæterisque præstantior, a Viris doctis desiderata. Quod neque cum MSS. codicibus, neque cum editis omnibus textum comparaverit, multosque proinde operarum etiam typographicarum errores intactos reliquerit, vel etiam tanquam variantes lectiones annotaverit: quod item in investigandis autoribus, quorum fragmenta adducit Suidas,

A

ACTA ERUDITORUM

das, vele quibus, non allegatis eorum laciniis, sua depromsit, nullam adhibuerit diligentiam: imo quod ne ipsum quidem secum ipso Suidam, variis locis eadem repetentem, contulerit: aliaque ejus generis, quorum exempla affatim ab ipso clarissimo Kustero in praefatione novae hujus editionis adducuntur.

Nondum itaque eo ornato huc usque Suidas prodierat, qui dignus esset ea, qua nunc fruimur, litterarum luce: quem proinde ipsi parare atque induere, Herculeo labore, ingeniique solertia summa, conatus est novum Germaniae nostrae decus, clarissimus Kusterus. Opus ille istud, arduum sane maxime, aggressus est trium codicum imprimis MSS. Bibliothecae Regiae Parisiensis fretus subsidio, quorum primus optimae notae est, aetatemque habet anteriorum D minimum: tum porro variantium Lectionum a Joanne Pearsonio olim ex codice Vaticano, & ab amicis quibusdam ex Colbertino, Vossiano & Antwerpiensi codicibus excerptarum: & denique notarum ejusdem Pearsonii, quas integras suis, nomine ubique auctoris addito, Vir clarissimus, juxta cum Portianis, quibus aliquid inesset momenti, inseruit: quod tamen vix numerum facere in vasto notarum, quas ipse adjecit, pelago, facile & primo intuitu insipientibus patebit.

Qua vero dexteritate istis subsidiis suis fuerit usus, quo eruditionis apparatu, qua ingenii acrimonia, etiam ubi ea destituerent ipsum, puritatem atque nitorem Scriptori suo restituerit, difficile est explicare, experiri praestat. Tria tantum, quae inter evolendum sese nobis obtulere, afferemus exempla, ut trinum scilicet operis, ut sunt humana, consummati atque perfecti, specimen hic profferet. In voce *βληχη* ista legimus: *βληχη τὰ τέκνα καὶ ὑδαμῶς τὴν τρέψαν*, Delio profecto natatore opus habentia. Expectatissima emendatione *βληχητὰ* restituit Vir clarissimus, istamque *ῥῆσιν* ex Eupolidis *Δήμοις* explicat, ubi Hippocratis cujusdam Atheniensis filii perstringuntur Jambis istis duobus:

Ἰπποκράτης τε παῖδες ἐμβολιμοί τινες

βληχητὰ τέκνα, καὶ ὑδαμῶς τὴν τρέψαν

Sic nempe illi leguntur apud Schol. ast. ad Aristoph. Nubes p. 180. In posteriore tamen Jambo cum aliquid deesse vel ipsum loquatur metrum, id Viro doctissimo ita supplere visum:

βλη-

βληχτὰ τέκνα κ' ἑδάμῳς τῷ νῦν τρέψῃ.

βληχτὰ autem *balanxia* esse animantia nemini ignotum, quæ pecora campi vulgo appellamus : neminique obscurum amplius esse potest, ita verba Suidæ esse vertenda : *filii bardis & moribus aui minime accommodati*. Plane etiam intelligi non poterant verba in δωδεκάδωρῳ ista : *κυλληνίων αἰετεύσαντες ἔρρεξαν, καὶ οἱ δωδεκάδωρα κέρα ἄλλω μακροτένοντι ποτὶ πλατάνισον ἔπαξαν*. Verum incidit Vir clarissimus, pro sua felicitate, in Epigramma ineditum, ex quo deprompta ista, ubi duo Arcadiæ pastores Panni Cyllenio juvencam resurpinam mactasse, eique duodecim patrum, h. e. δωδεκάδωρον, cornu dedicatum platano affixisse clavo narrantur. Ejus inter alia sunt sequentia :

τὸν κερὰν δάμαλιν

Πανὶ Φιλορείτῃ κυλληνίῳ αὐτὸν εἰρύσαντες

ἔρρεξαν, καὶ οἱ δωδεκάδωρα κέρα

ἄλλω μακροτένοντι ποτὶ πλατάνισον ἔπαξαν.

Unde manifestum est, Suidæ verba ita esse legenda : *κυλληνίων αὐτὸν εἰρύσαντες ἔρρεξαν, καὶ οἱ δωδεκάδωρα κέρα ἄλλω μακροτένοντι ποτὶ πλατάνισον ἔπαξαν*. Cujusmodi emendationes, adeo planas, in ipsum textum statim receptas haut fuisse non immerito inireris. Sed tertium adhuc tibi debemus exemplum. In voce Παλαμῆδης ultima verba ita se habent, *ὑπολαμβάνω δὲ καὶ τὸν ποιήσαντα*, quem locum mutilum esse animadvertit jam pridem Leo Allatius, cumque ita supplendum existimavit, *ὑπολαμβάνω δὲ καὶ τὸν Ἰλιακὸν πόλεμον ποιήσαντα*, ut sensus sit, bellum Trojanum carmine descriptum a Palamede fuisse : certior vero ducem secutus clarissimus Kusterus codicem Parisiensem, lacunam hanc ita supplevit : *ὑπολαμβάνω δὲ καὶ τὸν ποιητὴν Ὁμηρὸν αὐτὸ τῷτο πεπονθέναι* (invidiam nempe in præcedentibus Suidas memoraverat, qua Palamedem ob præclaram scientiam insectati nonnulli fuere) *καὶ μηδεμίαν τῷ ἀνδρὶ μνήμην ποιήσαντα*. Nempe in causa indaganda Homerici illius de Palamede silentii, alii quoque solliciti fuere, Apollonius in primis, quem Achilles de eo Manes interrogasse, apud Philostratum legitur.

Sed luculenta, quam toti operi Vir clarissimus præmisit, præfatio

sicco pede non erat prætereunda : in qua de Suida suo ejusque
 Lexico complura diligenter observavit. Suidam nullum extitisse,
 temere nimis Angelum Politianum affirmare, cum ejus non om-
 nes tantum codices MSS. in operis hujus inscriptione, verum &
 Eustathius meminerit ad Homerum. Cujas fuerit, non constare:
 Samium eum fuisse, male nonnullos ex loco in voce *Σαυοθράς* col-
 ligere; nam verba, quæ isthuc trahunt, veteris esse Scriptoris, nec
 ad Suidam pertinere. Vixisse eum, quicquid viris magnis, Grotio,
 Wolfio, Caveo videatur, seculo XI, vel XII mi initis sub Alexio
 Comneno, si ab ipso sint Pselli loca, in hoc Lexico, quod a nemi-
 ne huc usque observatum, in vocibus *Γνώρας*, *Δέσπης* & *Ἡγό-
 ρης* allegata: illius enim ætatis esse Psellum; at potuisse loca illa
 post Suidæ tempora ab aliena manu inferiri, quod de primo sal-
 tem certum sit, qui etiam in codice Paris. non invenitur. Incertæ
 itaque ætatis ipsum quidem esse Suidam, multa tamen ejus Lexico
 sequiore ævo accessisse, vel ex codice Parisiensi optimo liquere, in quo
 multa loca Scriptorum recentiorum, vel plane non, vel margini
 adscripta, idque manu nonnunquam recentiore, compareant. Ma-
 le Gyraldum Suidam Historicum, cujus apud Strabonem, Apollo-
 nii Scholiasten, & Stephanum Grammaticum mentio, cum Lexi-
 cographo confundere. Lexicon ex variis autoribus compilatum
 esse, in quibus tamen Scholiastes Pindari, Theocriti & Apollonii
 non adeo frequentes sint ac Reinesius existimavit Var. Lect. p. 479.
 Scholiasten antiquum Aristophanis totum a Suida fuisse exscriptum,
 non versa vice, auctiora tamen habuisse Suidam illa scholia, quam
 nos hodie, vicissimque scholia illa ex Suida atque aliis a recentio-
 ribus passim esse interpolata; id quod exemplis monstratur. Ju-
 dicium & *ἀντίθεται* in hac compilatione passim desiderari: mendosis
 codicibus sæpe compilatorem esse seductum: homonymorum res
 uno tenore, quasi ejusdem essent omnes, sæpe referri: res eorum
 quoque, qui nomine sint diversi, quandoque misceri: exempla
 sæpe loco plane alieno adduci; quod tamen interpolatorum potius
 quam Suidæ sit vitium. Quod reliquum est, librum multis no-
 minibus, ob Historiam Litterariam imprimis, cujus varia capita at-
 tingat, totque veterum Scriptorum fragmenta, esse utilissimum.
 Cætera, quæ de variis editionibus, suisque ad novam hancce ad-
 mi-

MENSIS JANUARIi A. M DCC VI. 5

miniculis dixit, sub initium hujus *ισορίας* exposuimus. Finem facit Cantabrigiensis Academiae laude, quæ per quadriennium nidum excludendo huic foetui benigne ei concesserit. Cui nos quoque eam ob rem, tum communi Reipublicæ litterariæ, tum maxime Patriæ nostræ nomine gratias agimus: ejusque meriti, inter cetera, in gentiles nostros collata, perennem apud nos memoriam victuram esse, prolixa voluntate, & ad similia officia præstanda parata, pollicemur.

HENRICI SNELLEN, MEDICINÆ DOCTORIS,
*Theoria Mechanica Physico-Medica Delineatio, in qua damnosa
ejus præcepta ad rationis & experientiae Lance[m] revocantur,
ac prælice emendantur.*

Lugduni Batavorum apud Jordanum Luchtmans, 1705. in 8.

Constat i. Alphas.

PRæsentem Theoriæ Mechanicæ Delineationem in duas divisit partes Author Clarissimus, in quarum prima *Baglivum*, Medicum Romanum acriter perstrinxit, ejusque *de Fibra Motrice* a nobis in Actis anno 1703 mense Augusto pag. 338 commendatum *Specimen* sub examen vocat, atque refutat: in altera infamem, uti vocat, juvenibus inquisitionem menstrualium mulierum explodit, in illud fere unicum vires suas intendens, ut demonstraret, mechanici ratiocinii fastum & abusum, ubi homines sectæ suæ tantum adulantes non erubescant omnia gratis repone, quæ nec ipsa natura concedit, nec ars unquam demonstrat, si paucissima, quæ admodum trivialia sint, exceperis.

Quoad primam Partem, quæ contra Clar. Baglivum in medium profert, mittimus, ne contra morem hæctenus a nobis receptum agere videamur, in quo Autoris hypothesis Theoretico-Præctica consistat, breviter delineaturi. Existimat igitur solida fluidis originem debere suam, illaque his undique stipari, imo ex iisdem confarcinari. Particulas solidas materiam, portiones materiæ immerfas ventum æthereum, aut ignem, aut aquam subtilissimam vocat. Materiæ assignat quietem, vimque omnem, & potestatem resistendi, & pro tempore retinendi portiones spirituales. Portionibus adscribit motum, omneque mo-

mentum actionis, quæ observatur in materia. Materiae quantitatem molem vel massam nominat; qualitatem vero inquit in molis dispositione & conformatione varia, quæ præsertim exteriores & ambientes illas superficies istius molis spectat, postmodum poros & tubulos fingit ex molis nexu, situ & ordine. Portionum quantitatem in collectione quadam majori & minori mobilissimarum particularum reperit. Qualitatem vero maximam considerat in materia levissima, associata spirituali immersæ portioni, quæ cum in sua persistat forma, omnibus suis accidentibus stipata, eam exinde spiritualis actionis directionem ad speciales quosdam motus limitari & disponi ab illa materia resistente putat. Materiam insuper ejusque portiones se mutuo afficere supponit, ita tamen, ut quædam inter hæc duo relatio sit, nunc majoris, nunc minoris resistentiæ, aut actionis. Solidam tamen materiam magis pati a fluida portione, quam hanc ab illa, nec tamen materiam immunem esse resistentia, illius motum retardante, alterante, detorquente, ipsique sese adjungente, ac una cum liquida portione ad actus varios concurrente defendit. Primam coalitionem, productionem vel generationem illius massæ debere existimat parti fluidæ levissimis solidis imprægnatæ, hujusque constanti aut debili resistentiæ suam tribuere conformationem, ex quadam minimarum superficiuncularum aptitudine materiæ ad se invicem accedentis & adaptandæ, ita tamen, ut materia ipsa portioni spirituali intermixtæ suum debeat ornatum & culturam nobiliorem. Portiones has generaliter sumtas dividit in tres partes, qualitate sua distinctas, in aqueas subtiles, in ramosas oleosas acres, & in rigidas salinas. Omnes has portiones momenta suarum actionum limitata offerre addit, respectu materiæ, cui occurrunt; duas equidem priores benigniores in suo opere existere, ultimam vero violentam esse & sæpius sibi fingere & vi parare aditum in materiam. Hæcque portiones posse adesse vel abesse judicat pro quantitate & qualitate majori vel minori in ipsa materia, easque posse infinitis modis alterari ex portionibus illis variis, quæ aliunde adveniunt. In statu p. n. prædominium superbum & noxium nostræ machinæ hujus illiusve portionis aut materiæ supponendum esse docet. Modo enim particule aquosæ luxuriant, & omnes effectus fiunt
lan.

languidi & torpidi portionum spiritualium, humores turgescunt, partium solidarum tonus enervatur, & momento actionis necessariae destituitur; tum autem partes serosae sunt exaltandae, serique abundantia secernenda. Modo portio sulphurea seu ramosa peccat, & vel nimiam partium acrium, inflammationis auctorem, velocitatem, vel retardationem partium incrassatarum aut in figura sua depravatarum, vel serosarum motum intestinum concitat, ubi modo illa eligenda sunt remedia, quae portionum immersionem, in ipsa materia promovent, ita ut momenta motuum & actionum in illis fluidis ac solidis retardentur; qualia sunt aquea, terrae sive graves, sive mucaginosa, absorbentes & involventes, & vena secanda; modo purgantia & medicamenta fluidiora, & quae figuram partium depravatam corrigunt, ut tincturae minerales & extracta animalium atque vegetabilium locum inveniunt. Modo particulae salinae abundant, vel una cum ramosis, per balsamica, & spiritu veloci acido instructa alexipharmaca corrigendae; vel una cum aqueis, per mera absorbentia fixiora, aliquando etiam spiritibus ardentibus armata, oleoque subtili praedita emendandae, non neglectis vomitoriis, purgantibus, diureticis & diaphoreticis; vel una cum terrestribus, salino austero vel muriatico sapore imbutis, per salia aquosa, sale & oleo non destituta, & oleosa spirituosius juncta alteranda.

Nec defuit, in quem in altera Parte calamum stringat Autor. Est hic *Johannes Freind*, cujus in *Emmenologia* placita in *Actis nostris* anno antecedente mense Martio pag. 174 tradidimus. Quae controversiae nos non admodum morabuntur, nostro officio nos satis fecisse credentes, si indicaverimus, ex illorum classe Medicorum esse Autorem, qui in fermentationem fluxus menstrui causam rejiciunt. Putat enim, loca, in quibus fermentum delitescit, esse glandosa glandularum corpuscula, cum vasis excretorii, utpote, quae motui & librationi partium spiritualium sint aptissima; quamvis sanguis suum etiam conferat munus, & spiritus animales, a quibus partium facultates primum imperium acquirunt, quoniam humores ad independentiam majorem horum ope deducuntur, moderamen autem ulterius acquirunt a portionibus variis, per motum extricatis & coacervatis, quae suo accessu reliquam

ma-

materiam stimulant, & ad fervorem, id est ad fortiorem sensibilibi-
remque motum, cogunt; hancque sententiam nec circulanti san-
guini, nec sensui communi repugnare existimat, jubetque perpen-
dere, vascula sinuosa & glandulas fermentum hoc continentes ali-
quo modo ab æstu sanguinis esse remotas, ejusque aggeres esse,
oppositos ex fibris, valvulis & musculis sphinctericis in glandulis,
unde maximum confusionis periculum præcaveatur. Multo mi-
nus credendum esse asserit, hoc fermentum extinguï; ex eodem
enim fonte novam ei suppetere suppellectilem, ex quo vires exha-
stas recuperant ex morbis convalescentes. De novo enim restau-
rari sanguinem, & renovari per alimenta, ut jacturæ denuo resi-
stere possit, eumque tempus quoddam requirere, antequam spiri-
tualibus illis nobilitetur portionibus, hasque non simul & semel
posse communicari lymphæ & partibus solidioribus, sed tantum
per vices, cui luxurianti motus illi debeantur. Organa excetiora
sanguinis menstrui statuit glandularum vaginalium vesicularium,
vascula excretoria in vaginam hiantia. In his enim minima
est resistentia, quoniam naturaliter pro lymphâ excernenda laxa
tantum connivent, & dum sanguis orgasmo quodam a spirituum
copiosiori influxu & acrimonia lymphæ, præsertim vaginalis tem-
pore menstruationis turget, hæc copiosior illi horis profluens san-
guini e glandularum cavitatibus per propria vasa per motum inte-
stinum humorum dilatata viam aperit; hujus enim momen-
tum multo majus est, quam humorum copiarum. Circa tempus men-
struationis hæc Autoris est sententia: Machina humana tenella ad
pubescentiæ levioris terminos usque mollis, flexilis & aquea est,
fibræ patentiores, magis perviæ & perspirabiles existunt, quæ fa-
cillime humores, eo tempore magis serosos, admittunt, & dimit-
tunt per omnes poros, canales, tubulos, utpote minus resistentes
actionum etiam leviorum momentis. Lubricitas vasorum, sero-
forum humorum status, villorum flexilitas, ubi motui illius ma-
chinæ vegetativæ succurrunt, simul loculos extensos per illam ve-
getationem replere coguntur, quod fieri nequit, nisi per mate-
riam quantam satis tenacem, & glutinis instar balsamicam, spiri-
tuali portione minore in quantitate instructam, quæ in eo statu
minus excernitur, ex materia debilius attributa, minus oleosa, ma-
gis

gis aquea. In pubertatis flore ex materia copiosius congesta, sensum firmiori reddita, æque in fluidis ac solidis partibus durities crescit, unde angustiora fiunt vasa & simul retinenda & subigenda materiae fluidae constantiora, cum totius machinae decore. Lubricis igitur & mollibus fuga permanente sua, oleosis & tenacioribus aliis injiciuntur vincula, quibus coercita ope fluoris & resistentiae magis ac magis attenuantur, in portione subtili accrescunt, momentaque majoris actionis acquirunt, ut sensui ac motui majori tandem perfectiori maturitatem suam nunc adepta inserviant. Illo ipso tempore vigor conspicitur, postquam diluens serum non tam potens adest, ut spirituum vim intercipiat; tunc enim in ipsa vasa fit arietatio, haud raro cum apertura & ruptura eorum minus resistentium, resultans ex copia illarum portionum materiae antehac immerfarum, nunc per fortiorem attritionem emerfarum. Exiliores autem partes cum angustissimos poros & canaliculos in glandulis petant, necessario hae tenui sua substantia redundare faciunt illa loca, vasellaque inflari ad intumescentiam quandam partium, minimarum coguntur, quae postmodum aut sua effundere opus habent, aut vicina loca comprimunt, & angustant, quod semper in motum proxime adjacentium, dein remotiorum humorum redundat. Hi spiritus aut hae portiones subtiles natae ex quadam contemperatione materiae subtilissimae, aeris, salis irretiti in materia, ad oleosam naturam accedente, sensum & motum cum calore interno augent, texturas in fluidis majus spatium exigentibus replent & distendunt, tandemque magnitudinem ictuum & nissuum materiae accelerant, ut vasa minus resistentia locum suum pro fluxu menstruo in mulieribus cedere cogantur. Ratio mensium deficientium in vetulis haec esse videtur Authori: quia in minimis vasculis & glandulis humidum spirituale deficit, aut saltem non luxuriat, adeoque opitulari nequit fluori, & velocitati sanguinis, ut solebat, quoniam fibrae minus tensiles & sensiles sunt, & vasorum oscula callosa durioraque redduntur, ipsaque humorum massa in parte serosa lentior crassiorque evadit, calorque naturalis portionumque e materia emissio minor conceditur, quae omnia motui intestino & irritationi seu stimulo naturali adversantur.

G. G. L. DE LINEÆ SUPER LINEA INCESSU,
 ejusque tribus speciebus, motu radente, motu provolutionis,
 & composito ex ambobus.

Linea ad Lineam incedit, si illa spectata ut mota, hac ut quiescente, altera alteram durante motu contingat; & quiescens dicetur *Basis*.

TAB. I.

Fig. L

Si Linea eodem semper puncto suo super alia incedat, non nisi *Radere* ipsam dicitur, velut, si super linea A B C D incedat linea L M N, puncto M in basi A B C D persistente. Abradat enim eminentiolas, si quæ ponuntur basi adhærere; cum alias Linea, quæ continue suum mutat punctum contactus, adeoque *provolvitur*, eatenus non tam abrasat has eminentiolas, quam deprimat; & cum linea super linea tantum provolvitur, dici potest, alteram ab altera *lambi*.

Si Linea radens angulum LMC vel NMB ad basin ABC faciat assignabilem, fieri potest, ut inter radendum circa punctum radens M tanquam centrum titubet, adeoque non incedat sibi parallela, veluti si L M N situ ad priorem parallelo emota ponatur inter procedendum, punctum tamen M in Basi remaneat.

Sed si Linea radens KLMNP angulum nullum assignabilem faciat ad basin A B C D, id est, si ambo polygona constituent curvas in puncto M radente se mutuo contingentes, neque plus quam unam in puncto contactus rectam tangentem habentes, necesse est Lineam radentem suis vestigiis ubique parallelam incedere. Ponamus enim punctum radens esse M, in quo Basis pars B C tangatur. Et quoniam ambæ lineæ A B C & L M N sunt curvæ, quæ se mutuo tangunt, habebunt etiam eandem rectam tangentem, eamque ex hypothese unicam, quæ adeo ad curvam angulum assignabilem non faciet. Itaque & curvæ ad se invicem angulum assignabilem non constituent. Hinc vero sequitur, curvam K L M N puncto eodem M per basin A B C incedentem non posse nutare, seu angulum inter ambas curvas factum assignabiliter variare, adeoque nec angulos earundem plani lineæ mobilis rectorum in alium locum transeuntium, quibus immotam F G H respiciebant, hac translatione assignabiliter diversos fieri ab iis, qui fuere in priore situ. Sit enim in plano curvæ radentis, quod una cum

TA

Fig. 5.





Fig. 2.



MENSIS JANUARIi A. MDCCVI. 11

cum ipsa moveatur, punctum I, & jungatur recta IK. Dico, hanc sibi manere parallelam durante motu. Assumatur enim immobilis recta HG in plano immobili, per quod ipsum planum mobile semper incedat. Producta recta KI, usque dum ipsi HG (producta, si opus) occurrat in F, dico, si motus sit radens, angulum HFK non posse variari, licet KLMP aliorum transferatur. Nam curvas rursus concipiamus ut Polygona, immobile ABCD, mobile KLMP. Cum ergo totum KLMP rigidum censei possit, non potest nutare, seu rotari circa M, nisi alius fiat angulus LMC. Sed cum is sit infinite parvus, non sufficit ad assignabilem nutationem, ut LM sese convertens circa M applicetur ad CB, sed ulteriori rotatione opus erit. Ita vero si ponas amplius nutare lineam radentem, necesse est, ut punctum M erigatur a basi, punctis L & K successive ad basin depressis, quibus & successive tanquam sustentantibus centris innitetur radens Linea, ac circa ea gyraabit: cum tamen supposuerimus, punctum M continue basi manere applicatum. Idem est, si rotatio fieri ponatur in contrariam partem, ut non L, sed N ad basin deprimatur. Utroque igitur modo angulus LMC vel NMB assignabiliter mutari nequit, quantumcunque duret motus, modo punctum M semper in basi manere debeat, adeoque nec recta KI ipsi lineae radenti rigide connexa, seu cum ea mobilis ad rectam HG (ipsi immobili lineae ABCD rigide connectibilem, seu cum ea immobilem) angulum KFH assignabiliter variare potest.

Haecenus de motu radente potissimum diximus. Sed, si iisdem positis curva KLM super curva BCD velut basi ea lege incedat, ut punctum M dictam lineam KLM sustentans, (seu quo ea basin tangit,) non idem incedat per plura baseos puncta, sed mutetur, alio continue puncto curvae mobilis ad aliud punctum basis, parsque aliaque parte mobilis ad aliam partem basis applicata; necesse est, ut Curva KLM rotetur circa prius punctum sustentans M, donec aliud, nempe L, basin attingat. Ita hoc jam erit punctum sustentans novum, super quo facta gyratione prius M a basi elevabitur in alteram partem. Hoc motu continuato dicetur curva super basi nonnisi *provolvi*, dicetur etiam altera alteram lambere, & tunc continget, partes baseos ac partes

mobilis Curvæ, quæ provolutione jam defunctæ sunt, inter se æquari; pars enim parti, latus polygoni lateri alterius polygoni congruit, nec una pars unius plusquam uni alterius congruenter applicatur. Insuper si punctum aliquod constans exempli gratia curvæ provolutæ in eodẽ plano annexum ponatur, illud describet *Trochoidem* I (i) cui normalis erit recta MI a puncto sustentante ad punctum describens ducta. De quo motus genere jam multa apud Geometras habentur. Potissimæque ejus species sunt, quæ dant lineas *Cycloides* & *Epicycloides*.

Denique Curva mobilis KLM super basi BCD incedere potest *motu compositio ex radente & provolvente*, si, dum M procedit in BC versus D, simul LMN nutet & gyretur circa M, donec L attingat BCD, & loco ipsius M subeat puncti sustentantis vicem, & mox itidem (ut prius fecerat M) simul & procedat in basi, & tamen centrum sit gyrationis Curvæ KLM, per quam nunc M a basi elevetur. Et ratio inter celeritates gyrationis & motus radentis seu paralleli determinabit speciem hujus incessus, in quo nec motus est parallelus ut in puro radente, neque arcus baseos & Curvæ mobilis contactu defuncti inter se sunt æquales, ut in puro provolvente: nam quantitas motus radentis incessui huic immixti est Longitudo, qua arcus curvæ incedentis deficit ab arcu baseos percurso. Punctum autem constans in plano curvæ mobilis designatum, ut J, non jam Trochoidem describet, sed Lineam factam compositione ex motu parallelo seu æquali cum motu radente puncti sustentantis (qui motus toti plano mobili communis est) & ex motu proprio gyrationis, quem exercet punctum describens J circa punctum sustentans; qui motus nonnisi eis plani punctis communis est, quæ tantundem a puncto sustentante absunt.

TAB. I.
Fig. 2.

Hic motus plerumque a rotis exercetur, cum simul trahuntur & volvuntur, quod fit præsertim, cum axis non satis est lubricatus, quæ causa est aliquando, ut pene tanta sit difficultas in gyrando, quanta in procedendo: unde etiam rotæ non sunt fidum satis medium longitudinem itineris suis conversionibus mensurandi. Ideoque etiam, si quis puram provolutionem desideret, id est, si quis Cycloidem accurate describere velit, vel Epicycloidem (cum circulus super circulo volvitur) vel etiam Trochoidem aliam quam

quamcunque; non sufficit rotam libere incedere, sed necesse est filum vel catenulam rotæ circumdari, quæ inter provolvendum evolvatur, & extensa remaneat in basi. Veluti si rotæ pars TV provoluta per Q R ibi reliquerit funis Q R X partem Q R, dum pars R X adhuc rotæ sit affixa; continuata vero provolutione similiter applicari debeat dicta pars R X basi reliquæ RS.

Porro Curva, quæ basin nonnisi radit, adeoque vestigiis suis parallela incedit, singulis punctis plani sui mobilis describet lineas basi similes & æquales seu congruentes. Nam rectæ 1 N 2 N, 2 N 3 N, respective parallelae & æquales sunt ipsis 1 M 2 M, 2 M 3 M, id est, rectis AB, BC, idemque est de motu puncti L, quod de motu punctorum M & N. Et si quis agnoscat, quævis plani mobilis puncta ut L & N describere lineas congruas inter se, idem ei dicendum erit de puncto sustentante M, nempe describere lineas prioribus congruas, cum punctum N ipsi inassignabiliter vicinum assumi possit, adeoque in ipsam tandem incidere intelligatur. Quia autem M describit basin, utique lineæ a punctis L & M descriptæ, Basi congruent.

Mechanice efficiemus, ut Curva in basi non incedat, nisi radente motu, si ex puncto I recta Iλ educata sit, quæ ipsi HG normaliter occurrat ad β; crassitie ipsius rectæ materialis HGF radente infra planum paginæ, & crassitie ipsius Iλ cadente supra: & præterea ex recta rigida Iλ exeat normaliter alia recta rigida seu regula βa, cadens semper inter ipsas rigidas immobiles GH, γμ, inter se parallelas, per Hy connexas, nec magis invicem remotas, quam ut βa exacte inter eas labi seu ultro citrove ire possit. Ponamus regulam βa, servato angulo recto, posse ascendere & descendere in ipsa Iλ. Ita βa libertatem habebit duplicis motus, unius horizontalis (si placet) quo incedit secundum ipsam GH, alterius verticalis, quo prorsum & retrorsum ire potest in recta Iλ. Cum ergo recta αβ maneat semper sibi in directum, & recta Iλ sit semper ei normalis; utique recta IL semper suis vestigiis parallela erit, adeoque & Curva K L M N motu parallelo movebitur; dumque interim semper applicatur basi, radet eam eodem semper puncto M. Si basis esset circulus, figura super basi incedens radendo moveretur eo motu, quem *Hobbius* olim vocavit circula-rem simplicem, & de quo quædam ingeniose jam tum observa-

TAB. I.
Fig. 3.

Fig. 1.

vit in *Elementis de Corpore & in Problematibus*, & inter alia, quod, dum quælibet recta in plano sic moto designata, manet suis vestigiis parallela, necessario durante motu quævis puncta plani describant lineas inter se æquales & similes. Sed nos addimus, eundem esse hunc motum cum motu Curvæ aliam uno puncto suo radentis.

Cæterum sive motus sit pure radens sive pure provolutorius, sive ex utroque compositus, nihil refert, utrum sit obradens, an subradens; obvolutorius, an subvolutorius; id est, utrum Curva mobilis convexam, an concavam faciem Curvæ immobilis radat vel lambat. Convexa autem facies Curvæ ab alterius Curvæ convexa & concava, sed concava & recta non nisi a convexa tangi potest, adeoque & radi vel lambi.

TAB. I.
Fig. 2. Porro notandum est, motum *evolutionis*, quem excogitavit *Hugenius*, & motum *coevolutionis*, quem addidit Dn. de T. & cujus utilitates ad construenda Optica & alia problemata ego primus ostendi, esse casus speciales motus *pura provolutionis*. Nam idem est ac si ponas rectam rigidam super basi volvi, simulque filo affixo regi, ne radere possit basin. Ponamus filum QRX extremo quidem X curvæ TVX affixum esse, extremo autem Q rectæ QRS seu regulæ $WQRS$; Curvam autem (contra quam ante) esse basin immobilem, supra qua incedat recta rigida seu regula $WQRS$. Hæc primum in situ $(W)(Q)(R)(S)$ posita tangat basin in puncto X , in quod incidit (S) , filo toto adhuc existente in regula; quæ deinde volvatur super basi curvilinea XVT , per arcum ejus XV , donec puncto suo R eam tangat in puncto ejus V , relicta parte fili XR in dicto basis arcu XV , reliqua fili parte RQ manente in Regula QS . His positis manifestum est, dum regula super Basi circulari provolvitur, simul huic ipsi Basi obvolvi filum, eumque motum obvolutionis esse tantum contrarium motui evolutionis, & punctum in regula sumtum ut W , hac provolutione regulæ vel obvolutione fili describere Curvam $W(W)$: quæ eadem curva etiam per evolutionem describetur, dum (remota regula, vel manente, ut lubet) filum WQ continuo tensum, & Curvam VS tangens, ita movetur, ut portio ejus RX a Curva VX devolvatur. Pro motu au.

autem *coevolutionis* simili ratione repræsentando opus est, duas regulas rigidas filum inter se partiri, ita tamen, ut de una in aliam transire possit, sed ope styli ad ambas regulas in puncto, ubi se secant, implicitum teneatur. Et quamvis duæ rigida rectæ se proprie secare (sua nempe crassitie) non possint, æquivalens tamen effici potest, dum una sub alia transit, & superioris ima, inferioris summa recta pro ipsa regula rigida assumuntur, filumque semper ad duarum istarum rectarum intersectionem stylo applicatum tenetur.

Postremo, quotiescunque una eademque linea rigida movetur in eodem plano, diversisque suis sitibus tanquam totidem Curvis concurrentibus intelligitur formare novam Curvam omnes illos situs tangentem; perinde est, ac si curva rigida mobilis incedat super ea, quam suorum situum concursibus format, tanquam basi, motusque erit modo pure radens, modo pure provolvens, modo denique, ut plerumque fit, compositus, prout conditiones a nobis præscriptæ observabuntur.

Si fingeretur Curva mobilis KLMN dentibus intercisa, basi vero esset obvoluta fili loco catena, cujus articuli dentibus responderent, ita ut inter volvendum dentes articulis infererentur, catenula solo motu radente volutioni admisto propelleretur, vel potius traheretur in basi: quod etsi ad Mechanismum accuratum non sit aptum, inservit tamen ad distinctionem motus radentis & provolutorii melius intelligendam. Pars enim baseos, quam extremitas catenulae protractæ percurrere intelligetur, detracta a toto arcu baseos, dabit arcum baseos, arcui curvæ mobilis incessu jam defuncto æqualem, modo ab extremo catenæ inceperit incessus. Hæc dudum meditata ut ederemus, occasio invitavit.

TAB. I.
Fig. A

ARCHITECTURE MILITAIRE, OU L' ART DE FORTIFIER
les Villes, de quelle assiette ou figure qu' elles soient, sur
vi d' un Abregé de Geometrie, par le Cheva-
lier DE SAINT JULIEN.

h. e.

ARCHITECTURA MILITARIS, SIVE ARS
MIL-

muniendi urbes cujuscunque situs ac figura, una cum Compendio Geometria.

Hagæ Comitum, apud J. van Millinge, 1705. 8.

Constat plag. $11\frac{1}{2}$ & 30 Tabulis æneis.

Nihil Autor eorum omittit, quæ ad hanc Artem plene periciendam requiruntur. Quare cum *cap. 1* finem Architecturæ Militaris indicasset, qui est impedire invasionem hostium, & cum exiguo hominum numero ingenti militum armatorum catervæ resistere; mox *cap. 2.* axiomata generalia proponit, subjunctis animadversionibus in eadem in *cap. 3.* & explicatis *cap. 4.* terminis, specialia *cap. 5.* subdit, examinatis quoque quæstionibus problematicis *cap. 6.* ad quas alii affirmative, alii negative respondere solent, quales sunt: utrum præstet, fossas esse profundas & minus latas, an latas & minus profundas? num fossæ aqua repletæ præferri debeant siccis? &c. Jactis hisce fundamentis, *cap. 7.* declarat, ad quodnam præcipue respexerint præcipui ævi nostri Ingeniarii, *Errard* nempe, *Marollois*, *de Ville*, *Comes de Pagan*, *de Vauban*, *de Coehorn*, *de Bombelle* & *de Lorini*, quorum constructiones *cap. 9.* exhibet, unico schematismo illustratas in *Tab. 8.* additis Tabulis ad quasdam conficiendas necessariis, quarum usum *cap. 10.* edocet, cum *cap. 8.* multa differuisset ad tales constructiones perficiendas necessaria. Quoniam vero tam in veteribus, quam recentioribus muniendi formis, multos notavit defectus, *cap. 15* expositos, quorum notitiam 30 annorum studium & 20 annorum experientia, quos itineribus per Europam ad visenda & examinanda præcipua munimenta institutis tribuit, ipsi facile suppeditabat; excogitavit ipse methodum, dimidio sumtuum compendio maximas Europæ urbes muniendi, easque cum militibus præsidiariis mediocrium urbium contra numerosum exercitum defendendi: quam *cap. 11* exponit. Ea in compendio huc redit. Vid. *Tabula 19*; quæ nobis est *fig. 4.* *Tab. I.* Latus externum constanter assumit $\frac{1}{2}40$ sexpedarum Gallicarum, idque dividit in duas partes æquales. Ex centro Polygoni ad medium lateris externi agit perpendicularem *DE*, atque ex *C* in *F* transfert $\frac{1}{16}$ ipsius *AB*. Inde per punctum *F* ducit rectas *AFI* & *BFO*, lineas nempe de-

TAB. I.
Fig. 4.

defensionis majores, faciendo FI & FO 70 sexpedarum, ductaque chorda OL ex ipsius medio P ducit lineas defensionis minores PA & PB. Facies AL & BK facit $\frac{2}{10}$ ipsius AB, junctisque punctis O & L, item I & K, rectis OL & IK, alas determinat. Ne autem defensio ex chorda reddatur inutilis ob majorem propugnaculorum distantiam (vid. Tab. 20, quæ nobis est figura 5, Tab. I.) in medio chordæ A intra fossam cryptam (quam vernaculo idiomate *caponiere* vocat) more Vaubaniano excitat, quemadmodum intelligitur ex *Actis nostris anni 1692 p. 338*. Alam KI in 5 dividit partes, & $\frac{2}{5}$ auriculæ KS, $\frac{2}{5}$ alæ retractæ TV assignat, quam more Vaubaniano rotundam efficit. Fossam ante angulum propugnaculi 20 facit sexpedarum, eamque cum faciebus parallelam ducit. Duplicem chordæ præstruit parmulam. Primæ capitalis EF est 45 sexped. facies 15, fossæ latitudo BF 10; alterius capitalis BG 35, ejus facies cum faciebus primæ aguntur parallelæ, fossæ latitudo est 12 sexped. Receptus militares (*places d'armes*) formaturus CR facit 15, & DR 20 sexped. eos utrinque tegit loricis transversis 5 sexped. longis & 3 latis, in medio M format reductum. In collis tandem excitat suggestum (*le cavalier*) quemadmodum ex schematismo apparet.

TAB. I.
Fig. 5.

De hac muniendi methodo non nostrum, sed Autoris ipsius judicium exhibemus ex cap. 12. Ostendit nempe, quod polygonum suum sit, ad polygonum plerorumque recentiorum, ut 16 ad 9, adeoque fere ut 2 ad 1: quod suggesta tormentorum hostilia (*les batteries*) parum obesse possint alis, cum hostis viam coopertam tenens ab ala propugnaculi oppositi absit fere 200 sexped quod crypta chordæ præstructa, cum 10 tormenta majora & 100 sclopetarios capiat, sit usus prorsus admirandi in fossa & faciebus defendendis: quod duplex parmula sumtus nonnisi ordinarios requirens alas propugnaculorum tegat, & vires hostiles retardet: quod denique suggesta collis præstructa & casis armatis instructa cum mille homines ab igne hostili tutos & 20 tormenta majora capiant, fere impossibile reddant, ut hostis propugnaculum occupet. Orthographia, quam in eodem capite tradit, est ab aliorum Autorum proposito prorsus diversa, quemadmodum nuda inspectio schematismi

C

tismi

TAB. I.
Fig. 6.

tissimi (Tab. 21, quæ nobis Fig. 6, Tab. I.) docet. Cum enim sat longa experientia didicisset, altitudinem operum notabiliter impedire defensionem, dum primis statim obsessiois diebus ab hoste destruantur, alis saltem salvis; ita eadem excitari vult, ut non videantur, nisi hoste in fossam delato.

Cap. 13 Methodum muniendi loca irregularia novam tradit. Locum scilicet includit vel quadrato vel parallelogrammo, isti circumscribens circulum, huic ovalem ex 4 arcubus circularibus compositam, arcuum centrum intra parallelogrammum pro arbitrio determinans, prouti scilicet circumstantiæ singulares arcus requirunt vel magis, vel minus amplos. Hinc in circumferentiam circuli vel ovalis transfert latus polygoni 145 aut 150 circiter sexpedam dans, ut numerum sexpedarum augendo vel imminuendo, totam peripheriam in æquales aut fere æquales partes dividat, atque ita circulo vel ovali polygonum muniendum inscribit. Latus quodlibet polygoni in 5 partes æquales dividit, assumendo $\frac{1}{5}$ pro collo, & alas ita erigit, ut cum chorda constituent angulum 100 circiter graduum. Quod si jam angulus polygoni ope instrumenti transportatorii deprehendatur 80 circiter graduum, longitudini alæ 17 vel 18 tribuit sexpedas; si 108 gr. 20; si 120, 24; si 130, 25; si 135, 26; si 140, 27; si 144, 28; si 147, 29; si 150 & ultra, 30. Tandem lineas defensionis vel ex angulo alæ, vel ex alæ secundariæ aliquot sexpedarum assumitæ, si alias angulus propugnaculi foret nimis obtusus, extremitate ducit. Ita obtinentur propugnacula ad sensum regularia & recessibus commoda. Vicia inde vulgaris methodi exponit, atque insuper monet, si in sua methodo numerus propugnaculorum multiplicetur, eundem imminui, si utamur methodo superius pro urbibus amplis muniendis tradita. Sub finem capitis casus quosdam particulares, qui in praxi occurrere possunt, atque cautelas necessarias adjicit.

His absolutis, c. 14 de constructione castellorum agit, quorum collis & alis eandem magnitudinem tribuendam esse contendit, quæ iisdem tribuitur in munimentis. Postquam cap. 15 defectus in munitionibus veteribus & modernis, uti jam superius monuimus,

MENSIS JANUARIi A. MDCC VI. 19

mus, notavit; methodum exponit parandi loricas nunc usitatis præstantiores. Præxin offensivam & defensivam cap. 16 declarat, & cap. 17 de operibus campestribus disserit: cap. 18 de iis tractat, quæ ad munimentorum extructionem necessaria, ac cap. 19 demum exponit, quid de urbibus mediocribus muniendis sentiat.

Subjiciuntur fundamenta quædam Geometrica, quæ Architecturæ militari intelligendæ sufficiunt.

Sächsisches Medaillen-Cabinet. Anderer Theil der Albertinischen Linie.

h. e.

NUMMOPHYLACIUM SAXONICUM. PARS SECUNDA LINEÆ ALBERTINÆ.

Sumptibus Christiani Wermuthii, numismatum Sculptoris.

Prostat Francofurti ad Mœnum apud Knochium,

& Lipsiæ apud Stockium, 1705. 4.

Constat Alphab. 1, plag. 16, & figuris æneis 35.

Priorem *Lineæ Ernestine* tomum, in Saxonia Amplissimi Tenzelii Numismatica, alter tomus *Lineæ Albertine* nunc excipit, cui introitus in vicem præmittitur responsio ad Epistolam Nobilissimi Heræi, tomo Ernestino primo, ut suo loco nuper indicavimus, præfixam, in qua Noster amice admodum modo approbationem sui operis ab isto factam grata mente agnoscit, modo observationes aliquot curiosas ab eodem suppeditatas Supplemento impofterum edendo reservat, modo ad objectiones ejus nonnullas modeste respondet, ac tunc statim ad telam suam ulterius pertegendam nova cum industria se confert, sumto initio ab Electore *Christiano I*, terminoque statuto in beatissimo vitæ *Jo. Georgii I* Electoris termino.

Christiani I numismata omnium Saxoniorum elegantissima appellat, & post exhibita illa, quæ Christiani effigiem Patris Augusti imagini junctam sistunt, ea recenset, quæ in nuptias hujus cum Sophia solenniter celebratas cusa fuerunt; a quibus tamen illud discernit, quod Christianum Electorem & Sophiam Electoris

Conjugem in perigraphæ nominat. Licet enim postica ostendat manus duas conjunctas e nubibus prodeuntes corculumque tenentes, inter binos rutæ ramos gladiosque Electorales, cum cæteris, addita inscriptione: **NIL CHARITATE DULCIUS FIDÆQUE NIL CELEBRIUS**; alii tamen, quam nuptiali, occasione nummum istum destinatum censet, & charitatis fideique laude Conjuges hos Electorales celeberrimos esse apud Scriptores, memorat. In rebus ad solum Electorem attinentibus, nummos iconicos cum illius tantum effigie distributos fuisse observat, interque hos primo loco illum nominat, in cujus adversa, gallina Hennebergica insignibus Electoralibus primo omnium addita conspicitur. Illud numisma, cujus postica duos habet leones erectos sibi que oppositos, qui dextrum pedem anteriorem conjungunt, sinistroque alter scutum Electorale, alter Ducale tenent, imminente pileo Electorali, sub quo symbolum tribus lineis: **FIDE. SED. VIDE.** haud dubie respicere ait homagium, quo Electoratus Ducatusque Saxonicus (quantum hujus possedit Elector) stipulata manu & juramento, archissime A. 1586 novo Principi conjuncti fuerunt. Pariter ad homagium pertinere innuit oviforme illud, quo Electoris icon solita inscriptione decoratur, aversa autem virtutes Principem subditosque decentes nominat & conspectui exponit, Concordiam puta, Justitiam & Prudentiam. Anno 1587, die 6 Februarii, Rudolphus II Imperator Electoris Christiani Legatis feuda Imperii contulit. Qua occasione aureum Numismatum genus, in Domo Saxonica nondum hætenus receptum, abs eo illatum fuisse dicit, cujus duas figuras exhibet, in quarum utraque effigies quidem congruit solita forma, inscriptione, annoque 1587 notata, aversa autem utrobique crucem sistit majusculam, in cujus quatuor angulis minor nummus quatuor habet insignium scuta, gladiis Electoralibus, ferto rutaceo, leone, aquilaque signata. Major quindecim provinciarum parmulas per circuitum sibi invicem opponit. Quærit ergo, undenam hæc crux in medio? & secus, atque alibi fecerat, respondet, cum hæc aurea numismata ad aureorum Portugallicorum pondus decem ducatorum accedant, cruce eadem non immerito pariter notari. Hinc quæ causa fuerint numismata in Diætas vel Comitia Provincialia ab eodem Electore instituta,

me-

memorat. Occasione ducatorum, in quibus Elector armatus stans conspicitur, communissimum *Ducatorum* nomen in lectoris gratiam explicat, istudque non a Ducibus, sed a moneta Ducatus Apulæ, cusa a Rogerio Rege Siciliae A. 1140 & Ducatus nomine insignita, derivat, quæ post sub Joanne Dandulo, qui Ducatum inierit A. 1280, auro expressa, & ab adjecto lemmate: *Sic tibi, Christe, datus, quem tu regis, iste DUCATUS*, nomine hoc vulgari nuncupata fuerit. Notabilis est nummus, qui novendecim provinciarum parmulas per circuitum disponit; ex eo enim Autor Nobilissimus conjicit, Christianum Electorem eo jam tempore, A. 1590, insignia Juliæ, Cliviæ, Montium, Marcæ & Ravensbergæ, citra cujusquam contradictionem, inter sua collocasse. Tandem ad nummos Christiani Electoris exequiales venit, horumque tot genera, quot Principum Saxoniorum nulli, vel ante vel post, eidem obvenisse innuit, & quid circa illos observandum veniat, pererudite explicat.

Post Christianum, numismata sequuntur trium sceminarum, utpote *Sophiæ* Electricis, & duarum ex ejus filiabus, *Sophiæ*, Ducissæ Pomeraniæ, & *Dorotheæ*, Abbatissæ Quedlinburgicæ, quarum illam seniore filiarum Christiani superstitum, hanc autem minimam fuisse constat. Sed circa hæc Lectorem haud detinebimus, cum potius *Christianus II* ad se nos vocet. Orus ab ejusdem homagialibus Noster, inter hæc & istud refert, quod trium Principum fratrum imaginibus decoratum, in averfa Dresdam representat, cum ponte celebri Albi imposito, supra quam volans Angelus schedulam tenet, cujus lemma: *DA PACEM DOMINE*; ab altero schedulæ extremo dependet scutum Electorale, & ab altero Ducale Saxonicum, quod numisma equidem alibi, ex aliorum opinione, ad Ordinem novum a tribus illis Fratribus fundatum retulit, heic vero aliud huic Ordini seu Societati peculiariter consecratum proponit. In duobus aliis non tres amplius icones, ut in precedentibus, simul exhibentur, sed una facie, solius Electoratus hæredis Christiani, & sub ea parmula gladiatorum Electoralium sistitur; altera duorum reliquorum Fratrum, quorum capitibus imminet rutæ Saxonice scutulum. Causam esse notat, quod primogenitus regimen Electorale proxime esset suscepturus, sed

priusquam id fieret, trium nomina inscriptionesque antecedentium
 numismatum retenta fuisse addit, appposito Anno 1601. Insuper
 hoc loco quædam de numismate iconico, tam nomine, quam an-
 no destituto, in quo tamen Christiani facies habitusque satis appa-
 ret, & in postica Alexandri M. caput conspicitur. Quam con-
 iunctionem nemini miram videri posse iudicat, qui cogitaverit,
 Christianum suo tempore in exercitiis equestribus paucos habuisse
 pares, indeque apud externos etiam commendatum fuisse. Quan-
 quam & fortassis respectus habitus fuerit ad formam humana pe-
 ne augustiorem Alexandro tributam, & in Christiano nostro re-
 apse quoque observatam. Ex quo Christianus, die suo natali,
 23 Septembris, anno 1601, Electoratum suscepit, numisma-
 culum memorat, quod inter alia depromatum referat ex Prov. IX,
 10, lemma: INITIUM SAPIENTIÆ TIMOR DOMI-
 NI; quod dictum noster præcipue adamaverit, & symbolum sibi
 constituerit, & albis præterea sæpius inscripserit. Multus dehinc
 Amplissimus Autor est in describendo illo nummo, qui in testi-
 monium administrationis Electoratus, a Friderico Wilhelmo sum-
 ma cum laude peractæ, cusus fuit, & hinc in describendis homagi-
 occasione anno 1601 vulgatis pergit, feudorum quoque susceptio-
 nem in thaleris memoratam allegans. Inter reliqua imprimis o-
 culo attentiori lustrari merentur, quæ pacificum Christiani II ani-
 mum, variis in casibus hæc latius recensitis declaratum, manifestant,
 & aliud, quo summa summorum tunc in Imperio Romano Prin-
 cipum cum Electore hoc pacifico concordia significatur. Numi-
 smata exequialia quatuor dum delineare aggreditur, famam Electro-
 ris prius vindicat adversus communem, sed atrocem calumniam,
 eum obisse inter pocula. Quanquam enim negari non possit,
 ab adolescentia illum, potationibus, ab aliis tamen potius seductum,
 quam proprio instinctu actum, indulgisse, acri etiam censori, Da-
 nieli Eremitæ, propterea notatum; hocce tamen erratum huma-
 num tandem agnovisse illum plurimumque correxisse monet, pro-
 ut & die emortuali sacrum sermonem attentis auribus perceptum
 in ptandio repetierit, cumque cœnantem apoplexia pridem ab
 ipso prædicta corripere, pia aliquot suspiria devotus emisit.

Antequam ad novum Electorem progrediatur, in hisce
 num-

nummis indagandis atque exponendis felicissimus Autor, decem interspergit numismata *Hedwigis*, Christiani II. conjugis, & aliqua *Augusti*, fratris Christiani natu minimi, sed qui ante medium, Johannem Georgium, multis annis improlis obit, ac *Elisabethæ*, hujus uxoris, numismata repræsentat; post quæ cum suis longo ordine introducit *Joannes Georgius I.*, unicus Albertini stemmatis propagator, sine quo id plane exaruisset. Hic A. 1601 iter Italicum aggressus est, pro cuius felici introitu cûsum Noster autumat numisma, Principem sub ignoto habitu peregrinatum referens. In postica Angelicus quasi Comes scutum Saxonicum palmarium tenet, addito symbolo: SCOPUS VITÆ MEÆ CHRISTUS. In ejus ex Italia reditu, sub Februarii finem A. 1602 feliciter factum, cûsum ait numisma, in quo iconi adjiciatur distichon: *JOHANNES, Italia rediens tellure, GEORGI, Dux Saxo, tali frontis honore cluens.* Postica nullam habet epigraphen, sed annum solum 1602 penes insignia, quæ inter Burggraviatus Magdeburgensis scutum est, soli alias Electori proprium, forte non sine futuræ successionis omine. Post nuptiale, quod conjicit, numisma, proximum statim locum nanciscitur exequiale in primam Johannis Georgii conjugem *Elisabetham Sibyllam*, Friderici, Ducis Wûrtembergici, filiam, sed luctum molliconnubiale in nuptias cum secunda conjuge, *Magdalena Sibylla*, Alberti, Friderici, Marchionis Brandenburgici, lineæ Borussiae, filia celebratas. In numismatibus Vicariatûs Imperii, post mortem *Rudolphi II* a Johanne Georgio administrati, testibus tam felicem se fuisse Autor innuit, ut non solum integros, dimidios, quadrantes & semiquadrantes Imperiales, auro etiam expressos, cum minori aureo nummo, repererit, sed triplicia quoque numismata iconica oviformia, diversæ magnitudinis, ad appendendum inservientia, quæ bona fide heic communicat. Qui ulterius perlustrare Electoris hujus numismata voluerit, mox aliqua ad sagittariorum exercitium A. 1614 spectantia, mox Jubilæo primo Evangelico A. 1617 celebrato destinata alia, mox pietatis in matrem testimonium præbentia non una conspiciet. Diversa hinc sequuntur elegantissimæque, quæ Vicariatûm Imperii, ab Electore secunda vice, post *Matthiæ* Imperatoris mortem, A. 1619 suscep-

ptum, memoriz sempiternæ consecrant. Tacemus plura, quæ largo heic cumulo subministrantur, haud ubivis certe obvia. Magnam illa partem religionis curam, quæ in Electore hoc plane singularis fuit, respiciunt, nec possumus, quin ex tot aliis huc pertinentibus, duo allegemus, Dadleri artificis manu fabrefacta, eandem habentia averfam. Urbem namque sistunt Lipsiam, in forma quadrata sculptam, supra quam duo Angeli maximum tenent clypeum, in cujus fastigio nomen Dei Ebraicum, *Jehovah*, radiis multis illustratum comparet, respiciendo forte verba Psalmi LXXXIV, v. 12: *DEUS est Sol & clypeus*. Ab uno clypei extremo scutum Electorale cum gladiis, ab altero Ducale Saxonice rutæ trabiumque dependet. Perigraphæ rhythmis absolvitur his Germanicis: CHURFÜRST HANS GORG ZU SACHSEN GUT. FÜR GOTTES EHRE WACHEN THUT. UND HALTET HIER EINEN CONVENT. GOTT GEB DRAUF EIN GEWUNSCHTES END. hoc est: *Johannes Georgius, optimus Saxonie Elector, pro gloria Dei invigilans, Conventum hic agit, quem Deus ad optatum perducatur finem*. Averfa quoque eadem est, excepta subscriptione, in altero Numismatum deleta. Figuræ fabulam innuunt, qua Hercules puer a Virtute ad Apollinem Mercuriumque deducitur; ad significandum, Lipsiam & Academia & Mercatura celebrem, juventutis liberum esse, alterutri pro lubitu accedere. Quorsum & perigraphæ spectat: ALCIDI PUERO VIRTUS EN MONSTRAT. (Apollinem & Mercurium) AITQUE: QUI PLACET, HUIC DICAS: TU MIHI CARE PLACES. Quare autem verba alteri Numismati subscripta, AD UTRUMQUE, in altero deficiant, aliis inquirendum relinquit, & de cætero nummum hunc in memoriam conventus Lipsiensis A. 1631 inventum fuisse docet. Bella post hunc conventum ab Electore fortiter gesta, innuunt sequentium numismatum haud pauca, quamquam & restitutam terris Saxonice pacem alii læto omine insinuant; quamidem Dadlerus sculptor duobus celebrans numismatibus, alterius averfam eodem Lipsiæ typo, quem descripsimus, signavit, ut initium finemque belli in Saxonia uno quasi obtutu sisteret. Elegantissimus, & qui exequiales Electoris ejusque Conjugis nummos proxime antecedit, ille

MENSIS JANUARIi A. MDCCVI. 25

ille est, quem in recordationem Transactionis Passaviensis A. 1655, in instituto tum solenni Jubilæo, publicari fecit Elector pientissimus, in cujus memoria æternum benedicta heic cum Autore acquiescimus.

ΔΙΟΝΥΣΙΟΥ ΟΙΚΟΤΜΕΝΗΣ ΠΕΡΙΗΓΗΣΙΣ.

h. e.

DIONYSII ORBIS TERRÆ DESCRIPTIO. EDI-

ta a GEORGIO HENRICO URSINO, *Gymnasii*

Ratisponensis Rectore & Prof. Publ.

Typis Joh. Georg. Hofmanni, 1705. in 8. Alph. 1. plag. 14.

INter alios bonos auctores, post restitutas literas a Viris eruditis in lucem protractos, hujus quoque Dionysii carmen sapissime typis impressum fuit. Ipse Clarissimus Ursinus non diffitetur, editiones hujus operis triginta & amplius numerari posse, quarum numero optandum sane esset accessisse Doctissimi Salmasii annotationes, quas ad Spartiani Severum c. 15 promisit quidem, verum aliis forsan negotiis distractus, fidem non liberavit. An Erasmi Schmidii ad eundem Observationes prodierint in lucem, nec ne, variantibus Doctorum ea de re testimoniis, incertum esse Editor noster ait. Ex quibus tamen omnibus nullam aliam inspexisse mallet, quam novam editionem Anglicanam, ab Ed. Thwaite, Collegii Reginae Socio procuratam, glossisque Græcis interlinearibus & paraphrasi veteris Scholiastæ e MSCR. primum prolatis auctam. Quamvis itaque actum agere videri posset Doctissimus Ursinus, hoc tamen ipsum non deterruit, quo minus elegantissimo pariter atque utilissimo huic poemati expoliendo, suam quoque manum admove-
veret, inprimis cum muneris ipsi incumbentis ratio, eorumque auctoritas, quorum voluntati refragari religioni sibi ducit, hoc quasi jure suo ab ipso postularent. In limine statim libri, de ætate atque patria Dionysii nonnulla præfatur, ubi Eustathii errorem refellit, qui ad vers. 350 eum sub Nerone floruisse contendit, nec non eorum, qui Plinii auctoritate decepti, eum Augusto coævum fuisse crediderunt. Quamvis enim ultimæ huic sententiæ Viri doctissimi, Valesius, Harduinus, Pinedo & Vossius una-

nimi consensu subscribant : quantopere tamen isti rei literarum principes ex hac parte fallantur, Clarissimus Editor, id quod Salmasium omnium primum observasse dicit, ex v. 208, 209 & 210 abunde evincit, utpote in quibus excidii Nasamonum Dionysius mentionem fecerit, quod sub Domitiano demum contigisse, Aristides, Eusebius & Zonaras memorie prodiderint. Nec magis probat sententiam Hilli, sub Domitiano, vel paulo post, Dionysium vixisse, exinde colligentis, quod excidii Nasamonum tanquam recentis meminerit : hoc enim argumentum minus firmiter concludere, propterea quod apud Poetas usu receptum sit, res ante multa tempora gestas, quasi adhuc recentes, atque vivis coloribus lectorum oculis repræsentare. Ac proinde Ursino omnium maxime cum Salmasio probabile videtur, Dionysii ætatem ad Divorum Fratrum Marci & Veri tempora referre; id quod exinde potissimum confirmare studet, quod non unius, sed plurimum Imperatorum, sub quibus vixerit, v. 355 mentionem faciat, *ἰμῶν*, inquit, *μύγαν οἶκον ἀνάντων*. Quod enim Scaliger hæc verba de Severo patre ejusque filiis Caracalla & Geta acceperit, ad hæc usque tempora Dionysii ætatem minus commode rejici, Ursinus existimat. De patria ejusdem varias itidem esse Virorum doctorum conjecturas, quæ tamen multis dubiis adhuc sint obnoxie. Quamvis enim ex multis circumstantiis satis probabiliter colligatur, eum ex Græcia oriundum fuisse, attamen quæ urbs Græciæ patria ipsi obtigerit, vel propterea neminem indicare posse, quod Suidas *ἡγεμῶνος οἰκιστὴς* Dionysio, modo Milesio, modo Corinthio, modo Samio aut Rhodio, modo Byzantino tribuat, adeoque hæc de re judicium omnino suspendere, Ursinus tutissimum esse censet. Jam quod ad ipsam hanc novam editionem attinet, Editor noster Catmini Auctoris, ejusque versionis ab Henrico Stephano profectæ aliquot locis mutata, systema figurarum in eo ac troporum, Guiljelmi Hilli Angli opera concinnatum, a se interpolatum passim auctumque adjuavit, cum indice vocum & rerum rariorum notatuque digniorum, omnium item nominum propriorum satis prolixo. Notas quidem addere sese ab initio non constituisse ait; cum vero animadverteret, Doctissimum Hillum, ejus operam in Dionysio exornando alias minime inutilem.

ipse

MENSIS JANUARIi A. MDCC VI. 17

ipse agnoscit, tenebras nonnunquam & sibi met & alijs offudisse, atque Eustathii errores consectantem in non leviores ipsum fuisse prolapsum, hunc quoque laborem adire non detrectavit, adeoque notas subjunxit, in quibus primo id agit, ut versionis lectionisve a se mutatae aut mutandae rationem reddat, deinceps dubia quaedam explicet, atque obscura illustret, quorum uberior explanatio tum ipsi auctori, tum Geographiae veteri, clarissimam, sane lucem foeneratur.

ΑΝΑΚΡΙΣΙΣ ΑΠΟΚΑΛΥΨΙΟΣ ΙΩΗΑΝΝΙΣ ΑΠΟ-
στολι, αὐτὸρ CAMPEGIO VITRINGA,

Theol. & Hist. S. Prof.

Franequerae apud Franc. Halma, 1705. in 4to.

Constat 7 Alphab.

MAGNUM sane est, quod tentavit Reverendus Auctor, ἀνα-
κρισει submitiendo Oraculi huius, Divini utique aenigmatis,
evolutionem, quam tot implicatam esse ipsemet fatetur controver-
siis, ut ex ipsis adeo interpretibus toties a se diversis, atque inter-
se pugnantibus, plus tenebrarum quam lucis sibi foenerata videat-
ur. Tantis vero scrutinium ejus etsi obstructum fuit difficulta-
tibus, nulla tamen re ab opera tam honesta tamque salutari deter-
reri se passus est, imo ipsa potius Prophetiae obscuritas studium ejus in-
flamavit, maxime cum optime intellexeret, culpam, cur minus
dextre hactenus explanata sit, penes eos esse, quorum ingenii a-
cies vel affectuum motu praedudiciorumque violentia fracta hebe-
scit, vel absque digna tam sancto labore praeparatione & debita-
rerum huc spectantium notitia, meditationi applicatur. Ipsam,
enim Prophetiam haud adeo obscuram esse, ut certa neutiquam
dari queat ejus expositio, in qua melior & prudentior Christiano-
rum pars consentiat; non obstante, quod tota emblematis sit,
referta ejusmodi, quae ob rerum in Ecclesia gestarum divitias, &
quo jure, tam huic quam illi eventui accommodari posse videant-
tur. Quamobrem id potius dedit operam, ut boni piique inter-
pretis oraculorum divinatorum officium omnibus suis numeris &
partibus perficeret, sollicitus unico de vera & propria ad interpre-
tandas prophetias clavi, & ea praesertim, quae oraculi huius Apo-

stolici penetralia sibi panderet ac recluderet. Clavis autem instar sibi elegit communes quasdam hypotheses, de libri hujus divini scopo, argumento, tractandi modo ac orationis indole, quibus tanquam basibus ac fulcris totum enarrationis ædificium superstrueret, exemplo *Josephi Medi*, cujus tamen *Clavim Apocalypticam* non omnino approbat. Cæterum hypotheses has ut dextre exploraret, solide demonstraret, apteque visis a Johanne suo quasque loco applicaret, præter frequentem & attentam Apocalypsios lectionem, tria adhibuit principia. Aliquem locum, ut ipse disce- rit, fecit *rationi*, quatenus ea ex suis axiomatibus probabile a minus probabili docet discernere; præcipuum *characteribus* ejus- modi *expressioribus*, qui prophetiæ demonstrant scopum, antequam mundi tempora vel casus Ecclesiæ extantiores clarius designant, quosque adeo contemplari licet, ut vestigia veri in obscurioribus facile indagandi; tertium denique *collationi* tum affinium Veteris Testamenti prophetiarum, ad quas in hoc libro alludatur, tum variarum ipsius prophetiæ partium parallelarum. Cum vero plures dentur interpretandi ænigmata Apocalypica suppositiones, præmisit unicuique hujus libri pericopæ majori *Ἀνάκρισις*, in qua aliorum, quæ specie quadam probabili se commendant, sententias modeste discutit, suam vero ulterius exponit atque adstruit, data lectori copia, ut interposito proprio judicio, eligat quam reperi- tur solidissimam. Non ingratum B. Lectori futurum speramus, si breve systematis hujus Apocalypici, tanta cum cura elaborati, schema heic apponatur, quo penitus aliquantisper in singulares Interpretis nostri hypotheses penetrare valeat. Scilicet ponderato sub initium prologo Apocalypsios, omnia Johannis visa in duo dividit genera, quorum *prius* exhibet statum Ecclesiæ catholicæ interioris, per omnia tempora, sub emblemate Ecclesiarum Asiaticarum septem, a Cap. I, 8, usque ad Cap. IV; *posterius* tria comprehendit visa, quæ maxime statum Ecclesiæ in his terris exterioris respiciunt. *Primum* repræsentat generaliora & notabiliora Ecclesiæ fata, ab ortu Christianismi & præcipue a temporibus Trajani, ad seculi usque consummationem, a Cap. IV ad vers. 2 Cap. VIII. *Alterum* exhibet septem tubicinia, quibus mala varia describuntur, Romano Imperio, Ecclesiæ Christi inimico, in pœnam a Deo de-

destinata, inque Imperii hujus totali excidio terminanda, hinc usque ad Cap. XI. *Tertio* fata Ecclesiæ, quorum in prophetia duorum postremorum tubiciniorum facta erat mentio, uberius declarantur, quod in quatuor iterum distribuitur partes. Harum (1) ortum & characteres *bestiæ Romanensis* sanctorum persecutricis depingit, Capp. XII. XIII. (2) *bestiæ & Babylonis spiritualis* interitum delineat Capp. XIV. XV. XVI. XVII. XIX. XIX. (3) agit de *millenario* sanctorum & martyrum *regno* cap. XX. (4) de sponsa Christi, *nova Hierosolyma*, subjecto totius libri epilogo, Capp. XXI, XXII. Vel ex hac patet delineatione, eminere inter Clarissimi Auctoris hypothèses Coccejanam de septem Ecclesiæ Christi periodis, quam omnigenæ doctrinæ floribus ornata evchere tentavit ad summam probabilitatis ἀκμὴν, totusque in eo est, ut enervet, quæcunque hactenus a præstantissimis interpretibus sententiæ huic opposita fuerunt, non exigui ponderis argumenta. Quin ulterius videtur progressus, quam cæteri systematis periodorum septem defensores, dum emblemata Ecclesiarum Asiaticarum tantum interiorem Ecclesiæ statum repræsentare statuit, visa autem Johannis reliqua accommodat fatis Reipublicæ sacrae exterioribus. Id quoque præ aliis adverti voluit, cum compluribus totius libri ænigmatis lucem affundat, bestiam geminam Cap. XIII depictam typum esse Imperii Romani, verum non Papalis, uti omnibus fere Protestantium Ecclesiarum Doctoribus videtur, sed Gentilis, ex mente Bossueti, cujus se vestigia pressisse, candide fatetur. De mille annorum regno sentit, imaginem quidem aliquam illius extitisse circa Constantini M. tempora, & præludia quædam tempore reformationis, præcipuum tamen prophetiæ hujus implementum adhuc expectandum esse. Ipsam autem felicitatem & tranquillitatem, qua Ecclesia mille annis fruatur, publicam tribus comprehendit momentis. Primo ligabitur a Christo Satanas, ne gentiles superstitionis atque idololatriæ amore, veræ autem religionis odio inflammatos, impellat ad sæviendum amplius in Ecclesiam; atque adeo interea cessent & publica, quæ eam extrinsecus infestet, persecutio, & falsa, qua intra se affligatur, religio. Dein vindicata in libertatem Ecclesia eriget iterum, secundum antiquæ Apostolicæ disciplinæ præscriptum, sua presbyteria & synodos, in quibus pii, pruden-

dentes & spiritualium rerum intelligentia præditi Doctores, cum honore, qualis veris Christi discipulis debetur, considebunt, & collatis sententiis de regni Christi utilitatibus deliberabunt. Deum qui ut hæretici ab Imperio Anti-Christiano publice damnati & flammis sunt addicti, resurgent ita, ut a calumniis illorum vindicetur fama, & tanquam veri Dei ministri in Ecclesia celebrentur, aliisque exemplo proponantur ac commendentur.

ADAM CORTREJE OBSERVATA HISTORICO-Politica ad Artic. IV Pacificationis Rixwicensis, de abolitione Unionum ac Reunionum Gallicarum in Germania, deque Religionis Catholice observantia juxta normam Pacis Osnabrugensis, non Rixwicensis, dijudicanda.

Magdeburgi, apud Jo. Dan. Mullerum, 1705. 4.

Constant 16. pl.

Qui per plurima lustra illustrandæ Jurisprudentiæ Publicæ non minore labore quam gloria incubuit, Consultissimus Autor, feliciter tandem absolvit Corpus Juris Publici, in quo non modo Leges Imperii fundamentales omnes, sed & Ordinationem Executionis Imperialis, Matriçulam Imperii, & Concordata Nationis Germanicæ, quoad singula capita singulosque paragraphos, Observationibus Historico-Politicis illustravit. Quod sicuti integrum, sex tomis grandioribus propediem in publicam lucem proditum speramus, ita ex Observationibus Historico-Politicis ad Artic. IV Pacis Rixwicensis, quas hoc loco L. B. exhibemus, non fallaci præcipimus conjectura, quanta ex illo ad publicam rem utilitas sit redundatura. Prima pars hujus tractationis ad Reuniones Gallicas spectat; altera agit de exercitio Catholice religionis in Germania, ad normam Pacis Westphalicæ redigendo. Primum itaque ostendit, inanes & injustos esse Gallorum conatus, quibus omnem fere Germaniam ad patrimonium Regum Galliæ pertinere somniant, cum post institutam & juramento confirmatam nepotum Caroli M. ex Ludovico Pio divisionem, Germania sui juris esse coeperit, ac regnum Francorum Orientale,

ab

MENSIS JANUARIII A. MDCCVI. 31

ab Occidentali distinctam constituerit Rempublicam. Frustra ergo esse Gallos, qui demum extincta stirpe Carolina, Germanos Galliae excussisse jugum asserant, nec posse ab iis divisionem legitime factam, ac tanto temporis munitam spatio impugnari, cum immemoriam praescriptionem inter diversas gentes justam possessionem reddere, non Juri solum naturali, sed & Gallorum legibus sit conveniens. Recenset deinde, quas ditiones sub Unionis praetextu, contra Pacificationis Monasteriensis & Neomagensis tabulas, Rex Galliae invadere tentaverit, ac summam aequitatem Articuli IVti Instrum. Riswic. Pac. ostendit, qua restitutionem omnium locorum, sub inani hac specie Unionis a Gallis occupatorum, injungit. Transiit hinc ad alteram partem IVti Articuli Pacis Riswicensis, quae de toleranda religione catholica in locis a Gallis restituendis constituit; ubi docet, quo consilio vel dolo potius Galli clausulam hanc dicto articulo annecti voluerint, quam acriter hisce conatibus Protestantium Legati resisterint, ac quam perspicue clausulam istam legibus Imperii contrariam esse ostenderint. Integra legi hoc loco meretur Illustrissimi atque Excellentissimi Legati Electoralis Saxonici, *Christophori Dieterici Bosen*, accurata ac elegantissima Relatio, nomine Legatorum & Plenipotentiariorum Augustanae Confessioni addictorum, ad Corpus Evangelicum in Comitibus Ratisbonensibus, quam prolixè Autor noster pag. 78 seqq. exhibet. Nec minus materiam hanc illustrat Protestantium Representatio Ratisbonae facta, qua se nolle obligari Clausula hac iniquissima, declararunt. Tandem quid occasione hujus articuli Gallus in civitate Mompelgardensi militari manu exequi sustinuerit, quid Protestantes in Comitibus Imperii ea de re monuerint, summa fide ac diligentia Autor recenset, spemque componendi dissidii ex arbitrio partium utriusque religionis, in Electorem Moguntinum & Saxonicum, Ducem Magdeburgicum & Neoburgopalatinum, ac Coloniam & Ratisbonam collato, ostendit.

JO. MARCKII HISTORIA PARADISI ILLU-
strata Libris IV.

Amstelædami, apud Gerardum Borssium, 1705. 4.
Alph. 5. plag. 3.

Mul-

Multa sunt industriae peculiaris ac eruditionis specimina, a Doctissimo Marckio proximis XXIV annis edita, e quibus Disput. de Sibyllarum carminibus A. 1683 p. 389, Exercitationes Juveniles A. 1687 p. 277, Exercitationes Textuales A. 1694 p. 234, Commentarium in Hoseam Tomo III Supplem. p. 123, aliumque in Joelem, Amosum, Obadiam & Jonam ibidem pag. 325 recensimus. Monet Clarissimus Auctor in praefamine, se, cum in Franquerana Academia versaretur, A. 168. hujus libri fecisse initium, sed multopere impeditum nunc demum illum absolvisse, adeoque ex opere ejusdem argumenti erudito, quod apud Batavos prodierit (*Salomonis van Til* de Situ Paradisi librum, A. 1704 Actorum nostrorum p. 480 seqq. excerptum, dubio procul intelligit) nec summisse notabile operis sui augmentum, nec per dissentium suum laudibus ejus aliquid voluisse detrachere. Quatuor vero libris rem omnem tractavit, ut quicquid ad primam humani generis historiam, explicandaque Geneseos capita secundum ac tertium, spectat, simul cum Paradisi descriptione exponat, eo quod in Paradiso, vel prope eundem gesta sint. Quae ad Paradisum proxime pertinent, Liber primus exquisite tradit, refutatque initio Philonem, Ambrosium, ac Franciscum Georgium Venetum, allegorice Paradisum interpretantes repudiato Historico ejus & Geographico sensu. Porro de nomine sigillatim disquirat contra eos, quibus *Eden* appellativum voluptatis nomen hic esse videtur, nec non de vocis *Paradisi* natalibus & acceptione, omnibusque expensis pronuntiat, eam nihil aliud notare, quam hortos majores & splendidiore. Hinc tacto leviter Grotio, qui ad inferos Paradisi sedem Maresio retulisse videbatur, eos qui in caelis vel aere eundem extitisse contendunt, refellit, nec minus eos, qui totum terrarum orbem, ante humani generis lapsum, Paradisum fuisse credunt; a qua tamen sententia Josephum, cui illa vulgo adscribitur, Noster argumentis aliquot absolvit, favetque medicae sententiae, quae Paradisum nec angustum nimis reddit, nec ad integras regiones extendit. Percenset praeterea reliquas de situ Paradisi opiniones, omnesque repudiat, praeter eam, quae Steucho auctore prodit, atque a Calvino, Huetio aliisque recens recepta est, videlicet in aliqua Babyloniae aut Mesopotamiae par-

Cap. I.

Cap. II.

Cap. III.

Cap. IV.

Cap. V.

parte eundem fuisse. Inde datis characteribus, qui investigando *Cap. VI.*
 Paradisi situi in sacris literis adaptantur, speciatim Orientalem Asiæ
 plagam, non tamen remotissimam, sed Judæis propiorem, per
עֵדֶן indicari putat; præterea Eden illud ipsum, quod a Pro- *Cap. VII.*
 phetis describitur, Chaldæis conterminum intelligi, Ezechielis vero
 verba, in quibus Eden metaphorice adhibeatur, huc nequaquam *Cap. VIII.*
 trahenda esse, Nicolai Abrahami cavillationes de duplici Eden exa-
 minans. Agit etiam de fluvio Edenis peculiari, & capita quatuor, *Cap. IX.*
 in quæ divisus sit, quatuor capitales fuisse fluvios affirmat. Atque *Cap. X. XI.*
 de his non exiguo cum eruditionis Geographicæ apparatu, per ali- *XII. XIII.*
 quot capita tractat, Euphratis Tigridisque appellationes, fontes
 cursumque studiose exponit, ac speciatim, quo pacto ex voce Hid-
 dekel, Syrorum Diglat, tandemque ipsum Tigris enatum sit, re-
 censet, nec non quænam regio Havilah sit, quid per Bedolah &
 Schoham Gen. II intelligatur? quid terra Chus sit? &c. Quæ hac- *Cap. XIV.*
 tenus prolixo tradiderat, tandem in breves quasdam positiones *XV.*
 redigit, simulque refutato data opera Jo. Clerico, Paradisum ad Jor-
 danem collocante, enuntiat, Paradisum in aliqua Chaldæa seu
 Mesopotamiæ parte quærendum esse, & quidem in Euphratis Ti-
 gridisque vicinia; specialem magis determinationem, ex solidis ar-
 gumentis factam, vix expectandam esse. Placet tamen illi, Pisonem
 pro Orientali Euphratis ac Tigridis conjuncti, & in mare de-
 scendentis alveo habendum, Gihonem vero pro Occidentali, etsi
 quodnam Orientale vel Occidentale dicendum sit, semel iterumque
 adhuc ambigat, atque inter Calvinii Bochartique partes, quarum
 illas Scaliger, has Morinus Huetiusque amplexi sunt, medium se
 gerit. Quæ si cum *Salomonis a Til* cogitatis conferantur, anim-
 advertes, eos in summa causæ convenire, differre vero in levioribus
 quibusdam, cum Tilio Gihon ac Pison peculiare fluvii sint; utrisque
 tamen Havila sit Chaldæa maritima & Chus Arabia Orientalis.

His ita compositis, Paradisiacæ arbores Marckii nostri curam *Cap. XVI.*
 exposcunt, quas ad mere allegoricum sensum trahendas non esse
 monet, improbatque Cocceji dictum, quod solæ Paradisiacæ, non
 reliquæ creati mundi arbores, cito fructus tulerint. Arborem vi- *Cap. XVII.*
 tæ mavult de pluribus ejusdem speciei arboribus, quam de unica
 explicare. Nomen ipsum inde deducit, quod omnino præcipuam

Cap. XVIII.

præ aliis vim servandæ vitæ naturalis arbor ista habuerit, sed præterea signaculum spiritualis vitæ ac velut sacramentum fuerit. Propugnat etiam contra Mosen Bar Cepha, Bellarminum, ac sigillatim contra Fr. Burmanni Synops. Lib. II Cap. IV §. 12, Protoplastos arboris hujus fructus licite comedisse. Inde ad arborem scientiæ boni & mali se confert, conquistisque variis de eadem doctorum sententiis, censet, & hanc, & priorem istam, specie, diversas fuisse ab omnibus arboribus, quæ hodie in orbe supersunt. Hanc ipsam quoque arborem non unicam, sed plures ejusdem generis in meditullio horti dispositas fuisse ait, nomen quoque scientiæ boni & mali, non e proleptico respectu futuræ tentationis, neque ex Satanæ tentantis verbis, neque a facultate, ingenerandæ singularis scientiæ ortum pronunciat; sed a conscientia præstitæ obedientiæ, vel commissæ inobedientiæ, tanquam signaculum certissimi præmii, vel inevitabilis poenæ, additis, (quod alibi etiam observat) vestigiis hujus historiæ in profana literatura occurrentibus. Exposito reliquo Paradisi ornatu, de tempore plantati hujus horti disceptat, tertiumque creati mundi diem huic operi non levibus conjecturis assignat. Postremo veteres, qui Paradisum vel hodiernum existere docent, refellit, eosdemque, quod extra hanc terram illum quæsierint, in hunc deductos errorem existimat.

Cap. I.

Cap. II.

Cap. III.

Cap. IV.

Libro II hominis integri, velut Paradisi incolæ, Historia enarratur. Hic in percensendis variis humani generis appellationibus, quas S. Literæ offerunt, earumque investiganda emphasi multus est; nec minus ortum totius mortalium generis ex Adamo vindicat, confutatis diligentissime Præadamitarum patronis, a quorum perversionibus præsertim Pauli verba Rom. III, 25 liberat, simulque Franc. Burmannum refellit, docentem, Evam non eadem, nempe sexta orbis conditi die, cum Adamo creatam esse, admistis etiam variis notatu dignis de Adamo non androgyno, de polygamia vetita, atque similibus. Primi hominis corpus post hæc contemplatur, ejusque artificiosam compagem Scriptura S. duce miratur Auctor, contra illos præsertim disputans, qui giganteam corporis molem Adamo tribuunt. Animam quoque non leviter considerat, depugnatque cum Tertulliano aliisque, corpoream eandem

dem statuentibus, nec non cum Cartesianis essentiam animæ in generali cogitatione ponentibus, imo & cum iis, qui per traducem eam propagari credunt. De imagine Dei sequens disputatio agit, quæ in tribus, spirituali nempe animæ natura, relicitudine hominis primæva, & dominio in bestiis, constituisse dicitur. Hic Gerhardum nostrum, imo Coccejum suum refutat, qui animæ facultates ad imaginem Dei non pertinere docuerunt, atque hunc posteriori speciatim reprehendit, quod non solum justitiam primi novique hominis de jure vitæ æternæ adipiscendi interpretatus sit, verum etiam imaginem Dei in dominio brutorum plane non constituisse docuerit; tum maxime Socinianorum & Pontificiorum circa imaginem istam errores castigat. Atque hic inter alia, quæ eximia cum cura elaboravit, docet etiam, Angelis suo quodam modo imaginem Divinam quoque adscribendam esse, Patrumque distinctionem inter imaginem & similitudinem Dei, quarum illa remanserit post lapsum, hæc perierit, repudiat. Post hæc de fœdere legali, quod cum Adamo Deus inierit, fuse differitur, maxime contra illos, qui cum Socinianis ac Arminianis fœdus illud paradisiacum plane negant: in quibus Auctor primo loco dataque opera Jac. Altingium confutat, ejusque Commentar. ad Hebr. VIII, 6. & specialem hac de causa dissertationem, Tomo V Mantissæ Miscellan. existentem, sub censuram vocat, illique interdum Mosen Amyraldum & Burmannum, etsi tolerabilius errantes, adjungit. In isto fœdere Filium Dei mediatoris partes egisse, contra Zanchium negat, & in transitu antiquitatem Sabbati ortumque paradisiacum, repudiata prolepsi, contra suorum quosdam vindicat, oraculum Hos. VI, 9. de Adamo transgressore solerter interpretatus. Christum a repræsentatione hominum omnium fœderali in Adamo excipiendum esse, quia præternaturali modo conceptus sit, atque coram Deo potius divinæ, quam humanæ naturæ intuitu, repræsentetur symbolicum hujus fœderis interdictum, de non comedendo arboris vetitæ fructu, porro cum suis circumstantiis Auctor enarrat; neque enim vel minima temere præmittuntur. Adjungitur quoque contemplatio minarum Divinarum de morte, refutatis Socinianorum de mortalitate hominis integri aberrationibus, & notato iterum Altingio, qui mortem corporalem

Cap. V.

Cap. VI. VII.
VIII.Cap. IX. X.
XI.

- Cap. XII.** hoc loco plane non intelligi docuerat. Vitæ æternæ promissionem datam Protoplastis, contra Socinianos, ipsumque Altingium, vel hic etiam novaturientem, Auctor præterea ostendit, eundemque errorem Mosi Amyraldo tribuit, atque in eodem illum retundit.
- Cap. XIII.** Signaculum hujus foederis præcipuum habetur arbor vitæ, imo & altera scientiæ boni & mali, quam Auctor etiam Sacramentum fuisse credit. Denique exposita stipulatione & restipulatione, inter Deum facta atque Adamum, de antiquatione ipsius legalis foederis disquirat.
- Cap. I.** *Liber III* lapsus humani Historiam colligit, initio facta a variis peccati nominibus, quæ seorsim illustrantur, v. gr. *ὑπερβία*, *παράπτωμα*.
- Cap. II.** *παράπτωμα*. Ipsum comestionis actum Auctor cum magna perversitate, infidelitate, superba Divinæ similitudinis affectatione, & gulæ libidine conjunctum, adeoque non adeo leviter habendum probat, non assentiens Augustino, Pererio & Burmanno, qui Adamum velut excusaturi, amoris ejus erga uxorem fere omnia tribuunt, imo Coccejo indignatus, qui hac de re disputari noluit.
- Cap. III.** Peccatum vero Hevæ non levius fuisse eo, quod Adamus admisit, contra Bellarminum affirmat, idemque Adamo quasi *ὑπερβία* apud Paulum alioque adscribi, velut cum quo Deus immediate foras pepigerat. De culpa soli homini, nullo autem pacto decernenti, vel non impediendi Deo, adscribenda porro disserit, indeque ad Serpentem seductorem progreditur, τὸ πρῶτον Codicis sacri studiose servans. Beckerum igitur, Clericum aliosque, qui literalem sensum hic rident, & ad allegorias discedunt, mascule oppugnat; comitemque illis dat Amyraldum, qui in peculiari Dissertatione soli Diabolo, sine ullo serpentis terrestris adminiculo, tentationem adscribit.
- Cap. VI.** Modum tentationis, ut reliqua fere omnia, Vir doctissimus observatis etiam levioribus circumstantiis describit, castigato Abarbancele & Simeone de Muis, qui serpentem nullo prorsus sermone usum, sed ascensu suo in arborem, & pomi esu, tales in Hevæ animo cogitationes excitasse volunt; ubi & Burmannus notatur, præter Scripturam fingens, serpentem se pro legato Dei gessisse, Divinumque ad Hevam mandatum finxisse, nec non Altingius, vocem serpentis, *eritis sicuti Dii*, explicans, in
- Cap. VII.** *cælo habitabitis*. De tempore lapsus ita sentit Auctor, ut nec

nimis illud constringendum ad paucas post creationem horas, nec
nimis expandendum ad plurimos post eandem dies putet, dies
vero aliquos mansioni Protoplastorum in Paradiso libenter conce-
dat. Post hæc consecraria lapsus tristissimi considerat, & primo *Cap. VIII.*
quidem loco nuditatem foliis ficus tectam, refutatis Clerici novis
inventis, nec non Altingii commento, qui Deum die septimo ab
opere gratiæ versus Protoplastos exercendo quievissse, hancque oc-
casionem peccati primi fuisse, docuerat. Sequitur terror & oc- *Cap. IX.*
cultatio hominis, explicata ambulatione Dei in horto, nec non ex- *Cap. X. XI.*
amine lapsi hominis judiciali, sententia in mulierem lata, nec non ea *XII.*
quam Adamus sustinuit. De dicto Dei, post lapsum Adamo si- *Cap. XIII.*
militudinem cum Divina quadam persona tribuentis, solerter ad-
modum agit, repudiatisque reliquis explicationibus, & in his præ-
sertim Altingiana, quod Adamus fide sua filio Dei similis fue- *Cap. XIV.*
rit, ironice verba ista esse explicanda ostendit. Ejectionem
hominis e Paradiso postea contemplatur, creditque, verba Dei,
ne edat de arbore vitæ & vivat in æternum, per continuatam,
ironiam explicanda esse, explodique adeo hominis ineptiam, qui
nomine arboris scientiæ ad varias se spes abduci passus erat, faci-
leque & alterum arboris vitæ nomen in sequiorem sensum, magno *Cap. XV.*
suo malo, rapere potuisset. De Cherubim, & observatione viæ ad
Paradisum ducentis, sequenti capite disputatur; denique communia
hominum mala ex lapsu orta enarrantur, & contra ludibria vindi-
cantur, reprehenditurque Josuæ Placæi sententia, quam multis se
hodie in Belgio approbare Auctor conqueritur, qui non modo
proximam ac immediatam peccati Adamici imputationem in to-
tum genus humanum neget, sed prorsus imputationem istam an-
tecedens ac causam corruptionis esse inficias eat, ut adeo non per
primum peccatum, sed propter corruptum habitum, in Adamo pri-
mum, dein in posteris ejus omnibus observatum, rei reddamur.

Liber IV hominis lapsi restitutionem tradit. Nam initio
statim monetur, Adamum de sui restauratione probabilem qui- *Cap. I.*
dem conjecturam ex cognita Dei bonitate facere potuisse, certum
vero de ea demum per Protevangelium esse factum. Porro sen- *Cap. II. III.*
tentia Dei in serpentem obsessum & obsessorem Diabolum simul
lata, contra Beckerum aliosque vindicatur. Dissertitur præterea

- Cap. IV. V.* amplissime de Protevangelio, semine mulieris, contritione serpentis, calcanei percussione, & valde quidem luculenter, dissolutis ubique Socinianorum strophis. Quibus expositis tunicæ pellicæ Protoplastorum considerantur, & nomen Hevæ datum, quod a vita terrestri, non a spirituali petatum esse, contra Martyrem, Paræum &
- VI.*
- Cap. VII.*
- VIII.*
- Cap. IX. X.* Coccejum Auctor tuetur. Denique expenso Caini nomine, quod ad fidem Hevæ spectare negat, subsecutam Protoplastorum repiscientiam & æternam salutem contemplatur. Finem operi imponit Oratio de admirandis Christianismi propagati habita, cum Celeberrimus Auctor Spanhemio in docenda Historia Ecclesiastica succederet, in qua id præsertim ostenditur, Deum per ea plerumque subsidia Ecclesiam juvisse, quæ exigua & velut contraria hominibus videbantur.

Dabimus specimina quædam eruditissimi libri, unde de reliquis judicium facilius ferri possit. Primum sententias de situ Paradisi, quas Marckius refutat, quæque in Tiliano opere non notantur, adeoque etiam in ejus excerptis A. 1702 p. 484 a nobis datis non habentur, enumerabimus. Memorat igitur Clarissimus Auctor, præter ea, quæ citato loco dedimus, quosdam cum Hug. p. 19.

p. 32. seq. Grotio Paradisum pene apud inferos quæsisisse, Strabonem Fuldensem vero eum in novo orbe, Belgam quendam apud Nicolaum Abrahamum in Belgio prope Hesdinum posuisse, quosdam apud Nubiensem in regione Sinensi; Tertullianum & post illum Th. Burnetium in terra Australi, Guilelmum Parisiensem in extremo Oriente, Abulensem ad Septentrionem, Durandum & alios Scholasticos sub Æquinoctiali, Naclantum, præter eos, quos Tilius attulit, in Palæstina, Franciscum Junium in Auranitide, Schotanum in Mesopotamia Septentrionali. Has vero opiniones non recenset solum, sed solerter examinat, una cum Theodoreti, Augustini, Hugonis, Bellarmini, Tirini, Musculi & Paræi opinione, qui situm Paradisi plane ignotum esse docuerunt.

p. 296. seqq. Contra giganteam Adami proceritatem, quam nonnulli fingunt, sic disputat: Non esse unicum ait Jo. Lucidum, qui id somniavit, sed plures veterum a Bar Cephæ notatos: Heideggerum in ea quidem sententia esse, quod ratio non abnuat, Adamum exube-

exuberante naturæ vi ad molem notabilem pervenire potuisse; id vero sibi displicere, testatur Auctor, cum a monstris, qualia gigantes sint, perfectior naturæ impetus abhorreat: imo eorundem originem Gen. VI, 1. 4 in sequiorem mundi ætatem demum referri, eosque ut faciem mundi considerari: ea vero, quæ Jos. XIV, 15. in Vulgata exstant, *Adamum fuisse maximum inter Enakim*, ex ignorantia Ebraismi prodiisse, ibidemque nec de Adamo, nec de Abrahamo, sed de Arbeh Enakæo disleri. Quam in sententiam scriptores Romanæ factionis, Vatablum, Pererium, Cajetanum, Toletum & Torriellum cum Vulgata committit.

Singularis & notatu digna est disputatio, quam Clarissimus Auctor cum Jacobo Altingio init. Docuerat ille, tum alibi, tum p. 457. seq. maxime Epistola XXVI ad Wetstenium, mortem, quam Protoplastis minatus est Deus, nec spirituales fuisse, hanc enim non, malum pœnæ, sed culpæ, esse; nec corporalem, hanc enim proximè non fuisse lapsum insecutam; aliam igitur mortem intelligi, nempe privationem sensus favoris Divini, cum tormentis & cruciatibus, quos ira Dei infligit. Hanc & Christum pertulisse, & Protoplastos, cum vocem Dei, h. e. tonitrua horrenda audissent, ac fulgetra extimulissent: atque in eo terrore, & inexplicabilibus tormentis integram eos noctem sudasse, eaque de causa velut desperantes se abscondisse ac optasse, ut a montibus collibusque tegerentur, donec altero demum mane articulatam Dei vocem audirent. Quamplurima in his Clarissimus Marckius reprehendit. Mortem spirituales omnino pœnam esse Numinis ait; imprimis vero declarat, cur mortis corporalis pœna ipso lapsu die Protoplastis non sit inflicta, & confictum spatium nocturni timoris explodit.

DESCRIPTIO MONSTRI HUMANI BICIPITIS,
e literis excerpta, quas NICOLAUS BIDLOO, Czircæ Maj.
Archiater, mense Septembr. A. 1705 ad Excellentissimum
HUYSENIIUM &c. &c. dedit
Mosca.

Mensis agebatur Januarius Anni 1704, cum Anilia Moscovita,
militis Gregorii Boulagagou uxor triginta circiter annorum,
&

& octo menses gravida, tertio die post, quam gravi lapsu in glaciem impegisset, foetum Moscoæ eniteretur mortuum simulque monstruosum bicipitem, sexus foeminei. Hujus quamvis reliquæ partes extrinsecus spectatæ satis bene conformatæ apparerent, nisi quod pectus aliquantum latius esset, sterno nihilominus primum remoto, tum cor, e duobus veluti conflatum, aderat cum quatuor arteriis carotidibus, a superiori aortæ trunco ad utrumque caput adscendentibus; tum pulmo duobus lobis ita constare deprehendebatur, ut a capite dextro ad lobum ejus dextrum, & a capite sinistro ad lobum sinistram, per geminam arteriam asperam pareret aditus, adeoque pro lubitu modo hic, modo ille lobus inflaretur, prout tubulus vel sinistri, vel dextri capitis tracheæ immittebatur. Hinc abdomine inciso, duo in oculos incurrebant ventriculi, orificiis superioribus totidem oesophagis respondentes, inferioribus autem in unum tractum intestinale eo modo desinentibus, quo figura adjecta repræsentatur: intestina quippe, renes, vesica, uterus aliaque naturaliter disposita, hepar solummodo & lien paulo majora, cernebantur. In ossium conformationem exactius inquirere haud licebat, quod foetus integer conservandus esset, ideoque vasa etiam omnia cera replebantur. Observatu de cætero dignum, ab eadem foemina in primo matrimonio monstruosum jam foetum editum fuisse, qui figuram canis, manibus ac pedibus exceptis, retulerit, & quatuordecim septimanas supervixerit.


Explicatio Figurarum.

TAB. II.

- A. Foetus monstri faciem anteriorem,
- B. Posteriolem ostendit.
- C. Pulmonem cum appenso pericardio.
- DD. Duas asperas arterias.
- EE. Sinistram atque dextram pulmonis lobum.
- F. Pericardium cum incluso corde.
- G. Ventriculos in naturali situ.
- HH. Oesophagos.
- I. Dextrum,
- K. Sinistram Ventriculum,
- L. Pyloros, ubi ventriculi exeunt, exhibent.

VITA

TAB. II. ad A. 1706. M Jan. pag. 40.



MENSIS JANUARIi A. MDCCVI. 41

VITA ET OBITUS VIRI CELEBERRIMI, JACOBI BERNOULLI, utriusque Regiæ Scientiarum Academiæ Parisiensis & Berolinensis Socii, & in Inclita Basileensium Academia Matheseos Professoris Clarissimi.

PRæmatura mors Viri Excellentissimi, Jacobi Bernoulli, non tantum Academiæ patriæ, verum & universæ Reipublicæ literariæ gravissimam attulit jacturam. Ea accidit die 16 Augusti anni superioris 1705, paulo post horam quintam matutinam, anno ætatis quinquagesimo primo. Clarissimus hic Vir, oriundus majoribus tempore Ducis Albani ob religionem orthodoxam patria Antwerpia pulsus, in lucem est editus anno vergente 1654, d. 27 Decembris, patre Viro Amplissimo Nicolao Bernoulli, Fori Judicialis & Camera rationum in Republica Basileensi Assessore integerrimo, octogesimoque ætatis anno etiam per Dei gratiam superstite. Excussio pulvere Gymnasii, Philosophiæ in Scholis usitata principia hausit ex institutione Celeberrimi Viri Joh. Jac. Hofmanni, SS. Th. D. & Historiarum in Academia patriæ Professoris, impetratisque in ea consuetis gradibus, animum ad studium sacrum appulit, magis tamen ex instigatione paterna, quam proprio instinctu. Interea dum juveniles anni calerent, Poesin quoque Latinam, Gallicam, Germanicam excoluit, multaue non infestive ludit, & linguis pariter sedulo operam dedit. Scientias Mathematicas ab ineunte ætate mire deperiit, dum adhuc puer ex inspectione figurarum Geometricarum secretum quoddam oblectamentum capiebat, ut natus ad studium hoc, non factus videretur. Autodidaxus in illo fuit, nullius unquam vivi Præceptoris opera usus, quin & librorum pene omnium subsidio destitutus. Si quem sors objecerat, hunc furtim evolvebat, hancque ob causam ultra communis Arithmeticæ, Geometriæ, Astronomiæ praxin non penetravit, necius ante peregrinationem literariam, quiddam longe præstantius haberi. In prima nihilominus adolescentia penetrans ejus ingenium eluxit in celebri problemate Chronologico, de inveniendis annis Periodi Julianæ, ex datis tribus Cyclis, Solis, Lunæ & Indictionum; quod occasione propositionis secundæ partis primæ Deliciarum

rum Mathematicarum Schwenteri, ante decimum octavum ætatis annum, proprio Marte solutum dedit, nesciens eo tempore, ejusdem Problematis solutionem a P. Billy Jesuita, celebri Mathematico, tanquam insigne artis specimen, in Diario Parisiensi jam antea publicatam extare. Peregrinationem suam inivit Noster A. 1678, & Genevæ Estheram Elisabetham a Waldkirch, a secundo a natiuitate mense cæcam, scribere docuit, Burdigalæ vero Tabulas Gnomonicas universales (nondum quidem editas) condidit. Peragrata Gallia domum rediit A. 1680, suasu amicorum, R. P. Malebranchii celeberrimum opus de Inquirenda Veritate, & Cartesii Philosophica primum cœpit evolvere, hujusque philosophandi modum potius quam principia approbavit, & postquam illucescentis Cometæ occasione, ingenii quendam lusum de futura ejus apparitione, vernacula lingua edidisset, secundo Rheno Belgium petiit. Hic sanioris Philosophiæ & demonstrationum mathematicarum dulcedine primum inescatus, Elementa Euclidea docuit priusquam didicerat, abditæque Geometriæ Cartesianæ repetitis aliquoties conatibus penetrare cœpit, mox etiam *Conamen suum de Motu Cometarum* in Latinum transtulit, ac multo quam prius auctius edidit, Tractatumque suum egregium de *Gravitate Ætheris* conscripsit. Hinc perlustrata Flandria Brabantiaque, Caletum usque pergens, in Angliam trajecit, ubi salutatis Illustri Boylio aliisque Celeberrimis Viris, Congregationi hebdomadariæ Academicorum augendis majoremque ad perfectionem perducendis scientiis institutæ, semel interfuit; dein mari Hamburgum vectus, per Germaniam recto tramite patriam repetiit, & paulo post brevi excursu Helvetiæ Cantones invisit. Patriæ redditus A. 1682, eo studia sua impendit, ut publico prodesset; quem in finem per aliquot ætates Collegium quoddam Experimentale Physico-Mechanicum aperuit, eoque primus rerum harum pulcherrimarum in Academia Basileensi auctor & evulgator extitit. Profecturus postea Heidelbergam, ubi vicaria ejus in docenda Mathesi desiderabatur opera, domi retentus est per subsequens matrimonium, quod A. 1684 contraxit cum Stupanoium Medicorum suo tempore non incelebrum nepote & pronepote, e qua geminæ prolis masculinæ & femininæ patris factus. Tum vero Mathematica denuo serio tractare instituit,

tuit, præcipuosque Autores & suo usui legere, & inter legendum aliis explicare cœpit, unaque docendo & meditando sic profecit ipse, ut interioris Geometriæ adyta non tantum brevi recluderet, ac præstantissima tum Veterum tum Recentiorum inventa, sibi plana perspectaque redderet, verum etiam propriis inventis scientiam quotidie magis magisque locupletaret ac perficeret. Mortuo postea Celeberrimo Petro Megerlino, J. U. D. & Mathem. apud Basil. Professore, ejus in locum unanimi Procerum calculo suffectus est A. 1687 d. 15 Febr. Spartam sic nactus genio suo & studiis convenientem, magno eam cum applausu & honore exornavit, omnibusque deinceps Academicis dignitatibus, atque inter eas Recto-
ratu Universitatis semel, & Philosophici Ordinis Decanatu ter, pari cum successu & dexteritate omniumque applausu functus est. In sua statione operam suam studiosæ juventuti ita commodavit, ut nulli eam expetenti denegarit, quamdiu corporis id vires permis-
serunt; hinc plures exteri tanti viri fama allekti Basileam advola-
runt, docta ejus institutione fruituri. Mira in docendo pollebat facilitate, suaque dexteritate difficillima quæque Auditoribus suis ita propinare novit, ut plane nescirent, ludone an somno ea arcana didicissent. Academicis quoque debemus exercitiis egregium ejus tractatum *de Seriebus infinitis*, in quo abdita nobis pandit Geometriæ mysteria. Indies sic novis inventis augere perrexit Geometri-
am, eaque cum in Actis Eruditorum Lipsiensibus, ut nemo non deprehendet, qui vel indices Tomorum Mathematicos inspicere, sustinebit, tum in aliis Eruditorum Diariis cum publico commu-
nicavit; quibus ita se exteris commendavit, ut A. 1699 non tan-
tum Regiæ Scientiarum Academiæ Parisiis, & A. 1701 Berolini, utriusque noviter tum instauratæ, præter omnem spem suam & expe-
ctationem, cum Ingeniosissimo Fratре Joanne Bernoullio, in Gronin-
geni hætenus, nunc in Basileensi Academia Professore Mathematicum celeberrimo, fuerit adscriptus, verum etiam tum natalium splendore, tum eminentiorum munerum dignitate Nobilissimi Viri, Illustrissi-
mus Dominus, *Rogerus Brulartus*, Marchio de Puyzieulx & Silleri &c. &c. magni Galliarum Regis ad Helveticam Gentem Legatus Excellentissimus, & Illustrissimus Dominus *Guilielmus Franciscus de l'Hospital*, Eques, Marchio S. Memii & Montelerii, Comes An-

tremontii, Dominus in Ouques, la Chaise & le Beau &c. &c. dum viveret, excellentissimus Geometra, benevolentia sua insigni cum dignati sint. Cum celebratissimis pariter in Republica literaria Viris, inter quos brevitati studentes heic loci tantum nominamus Illustrissimum Dn. *Leibnitium*, Serenissimi Electoris Brunsvicensis Consiliarium Status & Societatis Berolinensis Præsidem. & Parisiensis ac Londinensis Socium, Dn. *Christophorum Pfauzium*, in Academia Lipsiensi Matheseos Professore famigeratissimum, Dn. *Nicolaum Fatium Duillierium*, Regiæ Londinensis Societatis Sodalem dignissimum, arctam amicitiam coluit, crebris ab iis ex hilaratus literis. Verum enim vero aliis inserviando, se ipsum consumpsit. Nam continuis suis meditationibus, totque insomnibus noctibus, quibus reconditionis Geometriæ recessus perscrutando, publico prodesse studuit, corporis contra vires ita debilitavit, ut variis periculosisque morbi, cum quibus conflictatus est, insequuti sint. Podagra enim, a qua a multo jam tempore vexabatur, febris tandem accessit hectica, cum præcedente tussi perquam violenta, quæ cum in dies magis magisque augetur, nullam ipsi reconvalescendi spem reliquit; unde omnibus in domo sua dispositis, mortis meditationi se totum tradidit, sicque decimo sexto, ut dictum, Augusti die ærumnosam hanc vitam cum meliore commutavit. Paucis ante postremum diebus, amicos rogavit, ut *Spiralem Logarithmicam* circulo inscriptam cum epigrapha, *eadem mutata resurgens*, sepulchri sui saxo insculpi curarent, ad insignes proprietates, quas primus deprehendit, alludens, cum ea se non solum sui evolutione generet, sed etiam sui ipsius caustica existat, *seque adeo ipsam post varias mutationes de novo producat*; hacque in re Celeberrimus noster defunctus Archimedis exemplum imitari voluit, qui insigne suum inventum, de proportionibus sphaeræ ad circumscriptum cylindrum, tumulo suo inscribi iussit. Inventum ejus plurima & pulcherrima, quæ in Actis Eruditorum & alibi extant, non recensemus; addere contenti, cum magnum seculi nostri inventum, *Analysis infinitesimalis Leibnitiana* prodidisset, Nostrum de usu ejus, atque applicatione præsertim ad Physico-mechanicam, et facili exemplo ab Autore exhibito (demonstratione scilicet Curvæ Isochronæ) novam subito lucem hausisse, & in eum calculum

Ana-

Analyticum excolendum (quem *Differentialem*, eique recipro-
cum *summatorium* vel *integrale* vocant) magno studio & suc-
cessu incubuisse, eximiis Problematibus solutis; ut inter maximos
tanti inventi propagatores jure meritoque haberi possit, Leibni-
tiusque defuncti Amici & semper lugendi memoriæ hoc disti-
chon consecravit:

Infinita Tibi terris Lux fulsit in ipsis
BERNOULLI, & quisquam Te superesse neges?

VITA ET OBITUS VIRI CELEBERRIMI JO-
HANNIS CHRISTOPHORI WAGENSEILII, Ju-
ris Publici & linguarum Orientalium in Incluta Noribergen-
sium Academiæ Professoris Clarissimi.

Cum non una vice Celeberrimi Viri, Joannis Christophori
Wagenseilii, in Actis nostris mentionem fecerimus, non
possumus quin de ejus quoque vita, summa cum laude peracta,
quædam referamus. Hic insignis Polyhistor, cui incluta No-
riberga anno 1633 die 26 Novembris natale solum dedit, Hol-
miæ prima studiorum fundamenta jecit, privati inprimis prace-
ptoris, Jacobi Bretspecheri, doctrina usus. Cui magistro A. 1645
in Pomeraniam reditum paranti comitem se jungens, primum
Grypliuswaldiam, dein Rostochium cum ipso salutavit, insequente
autem anno cum parente, Georgio Christophoro Wagenseilio,
mercatore spectatæ fidei, e Suecia reduce, Noribergam rediit, ac
impetrato in prima Gymnasii classe loco, sub Joannis Riedneri mo-
deramine, tanta intra trium annorum spatium spatia confecit, ut
omnium judicio dignus haberetur, qui Academiam adiret. Al-
mam Altorffinam sexto decimo ætatis suæ anno ingressus, a Claris-
simorum Virorum, inprimis Ruperti, Hackspanii, Ludwelli & Geor-
gii Königii ore per integrum lustrum indivulsus pependit, ma-
gnamque variæ eruditionis suppellectilem sibi comparavit. Cujus
ut & morum probe compositorum fama mox ad summos aliquot
Proceres penetravit, eisdemque permovit, ut ipsius operam in
formandis filiorum moribus efflagitarent. Quorum desideriis ille
quoque annuit, & in peregrinatione cum Illustrissimi Sacri Roma-
ni Imperii Comitis Ernesti ab Abensperg & Traun, Sacræ Cæsareæ

Majestatis Consilarii Intimi & Inferioris Austriae Marechalli Filio, Ferdinando Ernesto, suscepta integrum fere sexennium consumsit, atque intra idem universam Galliam, Hispaniam, Belgium, Angliam & Germaniam perlustravit, imo ferente sic occasione, e Gadibus Hispaniae in oppositum quoque Africae littus trajecit. Quam multiplicem fructum ex hoc itinere reportarit, nostrum hic non est dicere. Id tantum notamus, quod ubique summorum ac celeberrimorum virorum affectum sibi conciliarit. Unde Taurinenses in Academiam Incultorum, & Patavini in Recuperatorum Societatem eundem sponte sua receperunt. Quid quod per Johannem Capellanum, Johanni Baptistae Colberto, Ludovici XIV Galliarum Regis supremo Status Ministro, commendatus, a Rege ter repetita vice amplissima accepit congiaria. In Gallia igitur non exiguis cumulatus beneficiis, ab eadem quoque publicum eruditionis testimonium, summum in utroque Jure axioma, impetrare voluit, eodemque in Academia Aurelianensi d. 29 Junii A. 1665 solenni ritu condecoratus fuit. Quamvis autem apud externos fortunarum suarum sedem facile invenire potuisset, natale tamen solum miris illecebris eum ad se traxit. Noribergam itaque A. 1667 reversus, vix officia sua Illustri Noribergensium Senatui obtulerat, cum Juris Publici pariter atque Historiarum Professio in Academia Altorfina ipsi demandaretur. Quarum utramque d. 15 Aprilis feliciter exorsus summa cum laude ornavit, & illam quidem ad beatum ex hac vita discessum; hanc autem in octavum usque annum, quo eandem cum linguarum Orientalium Professione commutavit. Anno 1676 Serenissimus Princeps Adolphus Johannes, Comes Palatinus Rheni, Carolique Gustavi Suecorum Regis Frater germanus, magnam sobolem Adolphum Joannem & Gustavum Samuelem fidei ejus curaeque commisit, ipsi vero Wagenfeilio splendidum Consilarii honorem contulit. Memorari quoque meretur, illum, cum negotiorum quorundam gratia A. 1691 iter Viennam Austriae instituisset, in sacrum conclave, iterata vice, a divo Leopoldo quam clementissime admissum, a summis Imperatoris Magni Ministris ac Proceribus clementer habitum, nec non aliis illustribus atque eruditis Viris admodum comiter tractatum fuisse. Neque silentio praetermittendum, quod, cum Petrus Valckenierius, Praepotens Foederati Bel-

Belgii Ordinum apud Helvetios Legatus, lautis conditionibus ei provinciam LL. OO. in Academia Lugdunensi publice docendi obtulisset, Noricorum cum Batavorum Athenæo commutare noluerit. Singularis hic in patriam affectus cum insignibus meritis permovit splendidissimum Scholarcharum Norimbb. Collegium, ut A. 1697 ejus munera munere Doctoris Juris Canonici adaugeret, eumque membrum ordinarium Ordinis Jctorum, & post beatum Georgii Matthiæ Königii obitum Bibliothecæ Academicæ præfectum quoque constitueret: quod tamen munus mox insequente anno, ob ingravescentem ætatem in humeros celeberrimi sui generi, Dn. Prof. Mollerii, devolvit. Inclutæ Academicæ Rectoratum pariter ac amplissimæ Facultatis Juridicæ Decanatum bis gessit. Præclara ingenii monumenta a B. Wagenfildio edita hic recensere super sedemus, cum eadem orbi litterato dudum cognita sint atque perspecta. De matrimonio ejus gemino ac morte pauca quædam adhuc adjicimus. A. 1667 d. 21 Aug. Mariam Barbaram, Friderici Praunii, Censoris Norimbergensis, & Barbaræ Oelhasiæ filiam, Jacobi Heusii, Mercatoris, viduam, sibi matrimonio junxit; atque ex ea quatuor liberos suscepit. Inter quos primus filius, Ferdinandus, biennis decessit: filia, Helena Sibylla, insignis sui decus, Nobilissimo Viro, Danieli Guilielmo Mollero, Comiti Pal. Cæs. inque Academia Altorfina Metaphysicæ & Histor. P. P. Clarissimo, nupsit: alter Filius, Gabriel cognominatus, J. U. L. Memelli Borussorum Secretarii Regii & Advocati Ordinarii munere fungitur: filia altera, Maria Sabina, quindecim solum menses in hac mortalitate transegit. Priori hac conjuge A. 1701 e vivis sublata, nuptias secundas cum Susanna Barbara, Reverendi admodum Viri, Georgii Christoph. Langii, Diaconi quondam ad S. Sebaldi Norimbergensis relicta vidua, celebravit. Per integrum fere tori hujus quadriennium cum morbis conflictatus, superiori anno die nono mensis Octobris vitam cum morte commutavit, cum annum ætatis septuagesimum secundum, muneris autem Professorii octavum & trigesimum ageret.

SALOMONIS GLASSII S. S. THEOL. D. ET ECCLESIASTICARUM in Ducatu Saxo-Gothano Superintendentis, Philologia Sacra &c. Accessit sub finem hujus operis ejusdem Logica Sacra jamdudum flagitata, prout eandem ex manuscripto non ita pridem edidit JO. GOTHOFREDUS OLEARIUS, Superint.

Arnstadt. Schwartzb. Editio novissima &c.

Lipsiæ apud Jo. Frid. Gleditschium, 1705. in 4.
Alphab. 6. pl. 17.

Quantam Salomon Glassius Philologia sua sacra gloriam apud posteros sibi comparaverit, quantumque adjumentum attulerit iis, qui sacrarum litterarum studio tenentur, eruditorum nemini ignotum est. Hinc utilissimi libri editiones toties fuerunt iteratæ, quarum exemplaribus ferme distractis, Jo. Frid. Gleditschius, Vir litterariæ rei promovendæ studiosissimus, hanc novam adornare adgressus est, nihilque prætermisit, quod ad Lectorum gratiam ipsi conciliandam conferre quicquam potuit. Præterquam enim quod ab erratis, quæ in priores editiones, & Batavam imprimis, irrepsent, studiose fuerit purgata, non modo chartæ ac typorum elegantia se plurimum commendat, sed & ob faciem cujusvis paginæ interfectam, quæ res legentium oculis distinctius offert, usui aptior reddita esse videtur. Cum quoque, sudante adhuc sub prelis opere, Vir Reverendus Jo. Gotofredus Olearius, Antistes Arnstad. Schwartzb. B. Glassii Logicam jamdudum flagitatam ex manuscripto ederet, haut inconsultum visum fuit, ob materiæ cognitionem eandem huic editioni inferere. Promiserat eam ipse Glassius Phil. S. P. 2. sect. 1. p. 498. & quamvis adfectum potius, quam confectum opus sit, primasque modo lineas eorum contineat, quæ doctissimus Auctor, nisi fata obstitissent, ad modum Grammaticæ atque Rhetoricæ S. larius deducere animo conceperat, quin tamen tanti ingenii partus, licet posthumus, Philologiæ cultoribus gratissimus futurus sit, nulli dubitamus. Tribus autem capitibus Logica ista sacra constat, quorum in primo de causis, in secundo de propositionibus, in tertio denique de methodo ac ordine ita agitur, ut propositis quibusdam regulis exempla statim ex S. Litteris illustrandi gratia subjiciantur. Cæterum cum prioribus Philologiæ Glassianæ editionibus tredecim indices subjuncti fuerint, quorum evolutio ac revolutio lectoribus non potuit non adferre summum tædium, majorem istum numerum ad minorem redigere, & omnia ad quatuor modo indices apte referre placuit. Primus enim Scripturæ S. loca, secundus verborum & rerum seriem, tertius Hebraicarum & quartus denique Græcarum vocum syllabum exhibet.

* * * * *

ACTA ERUDITORUM,

publicata Lipsiæ

Calendis Februarii, Anno M DCC VI.

D' AMBOINSCHÉ RARITEITKAMER &c.

i. e.


*MUSEUM AMBOINICUM, DESCRIPTIONEM
variorum Piscium, cum crustaceorum, tum testaceorum, in Mari
Amboinico reperiundorum, ut & Mineralium nonnullorum. Lapi-
dum &c. comprehendens, Autore GEORGIO EVERHAR-
DO RUMPHIO, Hanovienfi, Mercatore & Consiliario Amboi-
nico, itemque Academia Nat. Curios. Membro,
PLINIO INDICO dicto.*


Amstelodami, apud Franciscum Halmam, A. 1705. in fol.

Constat Alph. 4 $\frac{1}{2}$ & Figurarum Tabulis 60.

Quanta sedulitate Nobilissimus *Rumphius* ab eo tempo-
re, quo in Moluccarum insulam, quam *Amboinam*
vocat, delatus atque in hac commoratus fuit, omnes
res *Amboinicas* naturales curiosius indagare, singulas
delineare atque Latine consignare coepit, ex literis,
quas ille A. 1680 ad Celeberrimum *Mentzelium* perscripsit, quas-
que una cum aliis Experientissimus *Valentini Museo Museorum*,
a nobis A. 1704 *Mense Augusto* recensito annexit, innotuit dudum.
Neque curam earundem tunc, cum oculorum usu per guttam
ferenam privaretur, ita abiecit, quin confusus collecta subinde
aliorum adjumento in ordinem redigeret, certasque ob causas in
linguam Belgicam transferret, ut rariores demum plantas libris
decem, ac quinque libris animalia terrestria & aquatilia, nec non con-
chy-

chylia marina, lithodendra atque mineralia nonnulla, complecteretur. Quamvis vero attingendum adhuc potuisset videri, num tales omnes aut saltem eorum aliqui lucem aspecturi sint, quod *Autor* in Inclytam Naturæ Curiosorum Academiam A. 1683 receptus, atque *Plinius Indicus* cognominatus, tanto temporis intervallo non nisi observationes quasdam, in celebratæ *Academia Ephemeridibus*, Speciatim *Decurie secunda Anno primo, tertio, quarto, quinto & septimo*, itemque *Decurie tertie Anno quinto & sexto* divulgaverit; dubiæ nihilominus expectationi præsens nunc *Museum Amboinicum*, veluti tres postremos libros tanquam totidem partes continens, quodammodo satisfaciet. Dissimulare quidem non licet, hocce typis exscribendum jamjam a *Nostra* A. 1699 Amplissimo *Henrico d'Acquet*, Delphorum Consuli meritissimo atque Medico Experientissimo, transmissum & inscriptum fuisse, quia figuræ tamen aliaque, in illo quæ desiderabantur, opera Curiosissimi *D. Simonis Schynvoet* suppleri prius debuerunt, prelo industriæ *Hallmæ* vix citius egredi, nec impediri interea potuit, quo minus ipse *Autor*, sagacissimus naturæ scrutator, in effigie a Filio delineata & in frontispicio representata, octo supra sexaginta ætatis annos numerans, ultimum naturæ debitum persolverit. Nempe quemadmodum in totius Operis, ingenti elegantissimarum figurarum numero referti, parte prima, ex rebus naturalibus circa Amboinam aliasque insulas confines reperitundis, pisces crustacei sive malacostraci cum zoophytis, in secunda testacea seu ostracodermata, & in tertia nonnulla metalla, terræ, lapides & lapidæfacta, quamplurima, succi ac diversa curiosa sistuntur descripta, ita ad calcem multorum capitum, singulas partes contextentium, a solertissimo *Schynvoet* Notæ discrepantibus typis habentur subjunctæ, in quibus rerum propositarum nomina Belgis solennia exprimuntur, figuræ additæ & Musea Curiosorum, e quibus Archetypi petendi fuerunt, innutuntur, & judicium aliquando in Autorem interponitur, lectorque ad alios etiam Autores remittitur. Ex multis dum pauca more consueti delibatum intus, ante omnia e crustaceis atque zoophytis, in quadraginta novem capitæ distributis, Cancrum spinosum & caput Medusæ digna reputamus, quæ paulo specialius considerentur, visu licet non adeo grata, sub squali-





MENSIS FEBRUARII A. MDCCVI. 51

do tamen habitu singularem conformationem recondentia. Sub cancro namque spinoso, ceu de formi cancerorum genere, quod corpore araneæ simili gaudeat, spinisque hinc inde & musco oblitum sit, quatuor ostenduntur species: cancer κατ' ἐξοχήν spinosus, Malais *Cattam Baduri*, & Amboinitis ybu live hyu makeka buta i. e. musci portitor dictus, spinosus longimanus major, spinosus longimanus minor, & cancer quidam major & rarior, perquam nodosus, alga marina obductus, & piscatoribus non minus, atque longimanus major, abominabilis; quem ipsum a Belgis *Rotskrabbe* seu cancerum scopulosum appellari, quod scopulos referat, in Nota subjuncta pariter indigitatur, ac figuras secundæ, tertiæ & quartæ speciei a D. D' *Acquet* una cum rarissimis canceris, Aragnoide atque Floride, fuisse mutuatas. Quam Stellam vero marinam *Rondeletius* quondam, a frondium & ramorum multitudine, arborecentem salutavit, a *Nostro* ea titulo Capitis Medusæ, ob majorem cum hocce convenientiam, tum minor, tum major, describitur, quarum posterior, magnitudine imprimis ac radiorum sive ramorum multitudine a priori discrepans, incolis *Hætoe* & *Hæamohel* ratione contentorum ovulorum in escam cedat. Figuram minoris, quam *Notarum Autor* ad Archetypum ex laudati D' *Acquet* Museo im- petratum depingi ac literis A & B exprimi curavit, non potuimus non in *Tabulam III* transferre, quia elegantior non solummodo TAB. III. A. figuris, apud *Rondeletium* & *Aldrovandum* prostantibus, esse videatur, sed & Capitis Medusæ, aspectu quamvis horrendi, stru- cturam admirandam evidenter adumbret. Minoris videlicet Capitis Medusæ corpus sive caput, instar araneæ ex rotundo paulo de- pressum, aliquatenus tamen pentagonum & digitum circiter la- tum, crusta duriori, quam echinus marinus esculentus, investitur, superius vero cute tenui tectum & inferius rima oblonga sive ore cum multis pedibus præditum, in quinque dissepitur ramos, quo- rum quilibet, in morem articuli distinctis vertebriis constans, in binos rursus similes primum abeat, mox horum singuli in binos atque binos semper tenuiores eo usque subdividantur, donec extremitates te- nuissima atque contorta referant filamenta. Qualium non nisi pauciores, confusionis evitandæ gratia, in Fig. B. representari po- tuisse, facile agnoscat, quicumque perpendet, diligentiori indagine fuis-

TAB. III. C. fuisse deprehensum, quemlibet quinque ramorum primorum in 512 extremitate. facessere ac 1023 articulos involvere, articulum vero quemvis ex 10. 20. 24. vel ex supposito, 16 promiscue vertebrae componi, adeoque universum Caput Medusae minus ex 2560 extremitatibus, 515 ramis seu articulis, atque 81840 vertebrae, inferius subrotundis, superius planis & ad angulos spinosis, prout lit. C. aliqua exhibetur, coalescere. Nec Mare Caspium ejusmodi Stellis marinis carere, pertica facile capiendis & extrahendis, in quantum haec supra illas demersa, a totidem brachiis articulatis firmius apprehendatur, ex ore, cum ipsius Czaræ Majestatis Moscoviticae, tum ejusdem Secretarii, commemoratur. Hinc ad Conchyilia accedentes, quibus describendis ac depingendis *Autor* ante *Bonannum* operam impendit, minorem quidem eorum numerum, in 39 capitibus pertractatum, notamus, quam *Celeberrimus Lister* in *Historia Conchyliorum*, a nobis *Supplem. T. 2. p. 248.* excerpta, prae-buit conspiciendum, fateri nihilominus necesse habemus, occurrere etiam, quae apud *Listerum* frustra quaerantur; quemadmodum eorundem pariter genera subalterna specierumque nomina satis plerumque distant. Quoniam *Noster* vero hoc in passu Experientissimi *Sipmanni*, Med. D. ac sui olim socii, vestigia legisse observatur, haud superse demus ex Cochlearum Amboinicarum descriptione ac divisione, quae a *Sipmanno* in Belgium ad D. *Jongium* Amboina transmissa, & Musei praesentis parti secundae adjecta fuit, ejusmodi genera strictim adducere. Cochlearum quippe univolvium turbinatarum duodecim genera ita constituuntur, ut primum earum, quae internae matris perlarum ad instar nitent, deinde, quae praeter similem splendorem internum exterius cochleae vulgaris speciem praeseferunt, tum cochleae valvatae, cassides, globosae, buccina, Strombi, porro volutae, alatae, porcellanae majores & minores, denique cylindri, memorentur. Postea sub non turbinatis, tam ad eas attenditur, quae ab uno tantum latere testam obtinent, altero autem saxi adhærescunt, quam quae tubuli oblongi utrinque patuli conformatione fruuntur ac solenes audiunt; sub bivalvibus demum, chamae asperae & laeves, pectines & pectuncululi, tellinae & solenes bivalvii, musculi, pinnae, ac ostrea, indigitantur. Sed novorum nominum, ab aliqua similitudine peti-

torum, ut nonnulla innotescant, volutas unice percurrere jua-
bit atque percipere, quomodo sub his cymbium, meta butyri, mu-
ficalis, cereola, tigerina, nubecula, vespertilio, harpa, marmorata,
maculosa, spectrorum, musica rusticorum &c. collocentur & de-
nominentur. Quæ aurium tamen Midæ nomine insignitur, eam
numero volutarum, *Belgiæ* maximam partem *Tooten* vocatarum,
Autor Notarum mavult exclusam, alibi e diverso cassidem penna-
tam volutis annumerans. De unguibus saltem odoratis, figuris
quibusdam atque sexu cochlearum differente monendum restitat:
plures hic unguis odorati species tradi, quam in *Ephem. A. N. C.*
D. 2. A. 3. O. 25. enarratæ quondam fuerunt; discrepantes itidem
haberi figuras ab iis, quibus *A. 5. O. 112. & A. 7. O. 74.* ovum ma-
rinum, porcellana litterata & nautilus remigans fuerunt adumbra-
ta; inter alias vero, cochleæ laciniatæ, cassidis tuberosæ, tribuli, ar-
culariæ majoris, bullæ, buccini scalaris, strombi tympanorum &c.
figuras videri inversas; quoties denique certarum cochlearum
alia mas, alia foemella nominatur, non nisi majoris vel minoris
ponderositatis & lævitatatis testarum rationem haberi, testasque lævio-
res magisque politas foemellas salutari. Tandem ad ultimam partem
pergentibus vix exitus pateret, si singula, & naturalia & artificialia, in
89 capitibus comprehensa, perlustrare anniteremur; pauca proinde
Ceraunia, Ambra, Lardo marino, Lapide Bezoar & Succino terre-
stri, addidisse sufficiat. Cerauniæ, tum proprie sic dictæ, tum
metallicæ, uti generatio in nubibus ex eo probabilis adstruitur,
quod tales aliquando in arboribus, navibus, balænarum carne &c.
a fulmine tactis, sed lapidibus producendis ineptis, repertæ fue-
rint, ita ceraunias quasdam metallicas, nunc in modum spatulæ,
nunc cunei efformatas & in *Ephem.* quoque *A. N. C. Dec. 2. A. 4.*
O. 110 & A. 7. O. 10. ex parte consignatas, cupro, ferro & auro
constare, aquæ fortis illitu detegitur, quatenus maculæ exin viri-
descences de cupro, fusæ sive nigricantes de ferro, ac flavæ con-
stantes de auro attestentur. De ambra dum grysea, nigra & alba
differitur, ambra grysea vera potissimum pondere ac igne ab ad-
ulterata & viliori jubetur discerni; genuinam quippe minus pon-
derare, quam spuriam, & laminæ candefactæ impositam, mox in-
star ceræ liquefcere, totamque successive cum singulari odore ex-

102.

108.

81.

77.

115.

210.

216.

259.

- halare, itemque ex parte fusam digitis tenacissime adherere, ac maculam liquefactam cineream apparere, filo autem ferreo ignito arenam, lapillos, sepium rostellam &c. intra viliores abscondita, explorari. Et fragmento illo ambrae rationis magnitudinis existente, quod *Chevalerius* Gallice descripsit, in *Actis nostris* A 1700 p. 466 commemoratum, tota haec descriptio, in Belgicum idioma translata, cum figuris habetur subiecta. Ambra nigra, locinatalis intuitu, vel marina monstratur, vel terrena: marinam in Archipelago praecipue inter insulam Celebes atque Novam Guineam occurrere, modo molliorem, ambram gryscam investientem & a balanis probabiliter evomi solitam, quod sepium a cetis devoratarum rostellam gerat admixta, modo duriorem, instar vitri fragilem, fractamque splendentem & cavernulas ostendentem, super carbones autem olei terrae odorem spirantem, non piscis, quem prior exhalet. Terrenam vero, aut piasphaltis speciem amulanti, ac in monte potissimum *Cotawo*, inter urbem *Boeton* & *Coeboerjoetsjoe*, mollem exsudare, in mari magis magisque inspissandam, aut resinam videri ex ignota arbore stillantem, gummi Elemi haud absimilem, sed odore destitutam, nisi carbonibus admoveatur, tunc enim odorem pinguedinis, non tamen ingrati, spargere; utramque hanc a fraudulentis *Boetonensibus* ita divendi, ut ortum illius ex mari vel balanis, huius autem ex terra circa quarundam arborum radices falso affirmant. Ambrae albae nomine *Sperma Ceti* effertur, quod ad oras insularum Molucearum, Celebes, Sumatra &c. ejectum ac cito colligendum, ne a suis devoretur, ab Europaeorum Spermate Ceti non tam substantia, quam forma, differat, cuiusque portiones maiores, exterius arena obvoluta, varias impuritates interius recondant. Lardum marinum, veluti merum balanarum excrementum, interius pilosum & fibrosum, seculi demum elapsi A. 64. Amboinitis dicitur innotuisse, non nisi piscibus alliciendis inserviens. Qui lapis bezoar linteum album calce leviter confectum mox flavedine inficit, a Malais indicatur verus, ad mentem tamen Autoris praestat lapidem debium clavo candefacto apprimere, vel fragmentum ejus laminae ignitae imponere, cum genuinus tunc dissiliat, nothus autem cum resinoso foetore deliquescat. Quodsi alicujus lapidis bezoar lami-

lamina externæ substrata lævitate cedat, ille a Sinensibus ex multis minoribus elaboratus conjicitur. Finem denum terrestre succinum imponat, quod a Sinensibus in magnis sylvis pini feracibus e terra perhibetur effodi, atque pro resina pini venditari, spatio mille annorum tantam soliditatem adepta, Europæo succino propter minorem transparentiam longe vilius. Cæterum haud defore nulli dubitamus, qui *Autoris* pariter *Zoologiam* atque *Herbarium Amboinicum*, cujus duodecimus etiam liber jam habetur citatus, ab aliquo impoſterum cum publico communicari, & iisdem non minus, ac Muſeo præſenti, memoriam Rumphianam conſervari, nobiſcum exoptent.

C. JULII CÆSARIS COMMENTARII DE BELLO Gallico & Civili, cum utriusque ſupplementis ab Hirtio vel Oppio adjectis. CHRISTOPHORUS CELLARIUS recensuit, & Notis ac novis Tabulis Geographicis illustravit. Accedunt Indices Rerum & Verborum.

Lipſiæ, apud Jo. Ludovicum Gleditsch, 1705, in 8.
Alphab. 2 plag. 6. & Tabulæ æn. 6.

NOva ſe prodant editione C. Julii Cæſaris de Bello Gallico & Civili Commentarii, cum Supplementis, quæ Aulo Hirtio tribuuntur vel Oppio. Industriam ſuam Clariffimus Editor, totæ Clafficis Scriptoribus adhuc adhibitam, cum primis etiam in Cæſare demonſtravit: quem quidem ipſe cum MSS. codicibus non contulit, de quorum in oris noſtris penuria conſequentur; ab aliis vero collatos, etiam vetuſtiſſimos impreſſos commiſit inter ſe, quod optimum uniſcuſque, cum cura ſelegit, ſuæque editioni inferuit. Maxime ſibi Dionyſii Voſſii Notas & Animadverſiones profuiſſe, non ingratus in clariffimi viri manes, conſitetur. Neque criticæ tantum emendationis rationem habuit, verum etiam philologiæ, geographiæ, & hiftoriarum, ſuiſque notis difficillima quæque perſpicue interpretatus eſt. Quod vero diſjunctiſſimis locis, in Europa, Aſia, & Africa res Julius Cæſar geſſit, inſigne ornamentum editioni huic Geographicis Tabulis acceſſit, quas ipſe lau-

laudatus Editor delineavit, iisque, quidquid in Cæsaris vel Hirtii libris est rerum geographicarum, luculente demonstravit. Prima Galliæ faciem exhibet, qualis temporibus Cæsaris, cum Germaniæ Britannique partibus, quas idem ex Gallia fuit ingressus. Secunda Italiam habet cum Gallia Cisalpina, unde initium Civile Bellum sumsit. Tertia Macedoniam, Epirum, Thessaliam, fatalem ejusdem belli sedem, continet. Quarta conspectum præbet Alexandrini belli & Pontici, Asiam Minorem cum Ægypti parte repræsentans. Quinta pro bello Africano est: sexta pro Hispaniensi, quod ultimum fuit Cæsaris. Quas alii figuras pontium, obsidionum, & bestiarum addiderunt, quum Cæsaris libros publicarent; eas Editor noster, quia quisque sibi confingere possit, prætermisit omnes, sumptum, illis in æs incidendis necessarium, Geographicis tabellis, quod utilius est, impendens. Index geminus est, unus rerum, quæ hoc volumine continentur; alter verborum & formularum, ad puriorem Latinitatem facilius inveniendam.

JOHANNIS CHRIST. HEYNE, SUECI, TENTAMEN Chirurgico-Medicum de præcipuis Offiis Morbis.

Amstelædami & Gedani apud Janssonio-Waesbergios, 1705. in 8.
Constat 6. plagulis.

PRæmisso de corporis humani partibus discursu, traditaque de inflammationibus & abscessibus partium mollium theoria, ad ipsa se convertit Ossa Author Clarissimus, quæ ex ejus sententia, quantumvis solida & fere lapidea, membranæ tamen tenues prius fuerunt. Omnis autem membrana, mox in os transitura, constituit prius filamentorum membranaceorum complanatorum congeriem, & texturam nonnihil rigidam, subalbam, flexilem, lubricam seu cartilagineam; vel etiam quandam prius format unguis speciem, quæ tandem osseam induit soliditatem, quando exigui canales, maxime vero nervosi, complanantur probe & solidantur: quod fit (1) dum latera vasculorum, propter lentorem & crassitiem fluidi, quod percolare & superare minimas angustias nequit, ad sese invicem accedunt, concresecuntque; (2) dum canales a corde

re-

remotissimi impetum fluida propellentem non recipiunt, unde collapsi coalescunt: (3) dum iners, levisque cordis impulsus non sufficit protrudendis liquidis, & apertis tenendis vasorum minimorum fistulis, unde causa distendente sublata complanantur: (4) dum canales externe premuntur & verberantur, ita ut liquido excluso compaginentur eorum parietes & compingantur. Ossea ergo compages construitur ex pluribus filamentis membranaceis apposis, superstratis, superpositisque sibi mutuo, ac reticulari inosculatione implexis, tum consolidatis & induratis, ita ut cellulae, seu areae intermediae relinquantur inter lamellas osseas sibi mutuo contiguas. Has cellulas investit ubique membrana ex periostio externam ossis superficiem ambiente orta tenerrima, ornatissime picta, textaque reticularibus arteriosorum, venosorum, lymphaticorum ac oleosorum canalium varia inosculatione sibi occurrentium plexibus; quorum medium occupat exigua glandulosa structura cum folliculis adiposis in medio relictis, medullosa pinguedine repletis & tubos ex se oleosos emittentibus, qui forte in sanguinis sinum revehunt deponuntque transcolatum unctuosum oleum. Sed pergimus ad statum p. n. ossium; in quo quanquam a plerisque inflammatio in ossa cadere negetur, Auctor tamen eandem illis omnino competere affirmat, quoniam reticulares arteriolarum recipiunt distributiones. Contingit enim in ossibus stagnatio liquidi arteriosi, huiusque impulsus in latera canalium impetus, levis tumor rutilus, quantum scilicet angustia & durities parietum osseorum permittit, cum quodam dolore lacerante & pulsante. Conciliatur autem illis stagnatio (1) per periostium prius inflammatum ac incensum; (2) dum tenera membranula, internas investiens ossium cellulas aut has exornans, arteriosorum canalium plexus inflammationem incurrit; (3) in ipsa ossium medulla. Convenit igitur in hac inflammatione venae sectio, purgatio, si opus fuerit, & sudor ope copiosi potus aquosi, specifica herbarum aromaticarum virtute roborati, & salibus fixis aut volatilibus conditi, provocatus. Continuata autem inflammatio, & impactio liquidorum stagnantium adaucta claustra tandem sua diffringit, tenerosque dirumpit canales, unde liquidum effunditur, effusum putrescit, putridum laceros canales

lamellasque osseas in fluidum convertit, & constituit suppurationem, seu abscessum ossium. Differt tamen ejusmodi apostema a reliquarum partium abscessibus, quod lente admodum solidæ & osseæ partes in liquidum convertantur, & non pus sed ichor potius tenuis, subfuscus, putridus, foetidus, cui punctula squamosa, cineritia, fusca, flava, nigra innatant, elaboretur; hincque ossium suppuratio immerito abscessus vocatur, nisi liquidorum cum solidis corruptionem, & in fluidum conversionem, absolvere abscessus requisita dicere velis. Si lamellæ osseæ lente admodum consumantur, squamulæ exiguæ furfuraceæ decidant, & paucillum appareat recrementum, caries dicitur ossis. Oritur hæc vel ab interna causâ intra os latente, cuncta interiora rodente & emolliente, vel ab externa, dum liquidum acre putridum apostematis in carne, tendine, ligamento, periostio grassantis os alluit exeditque; quemadmodum & oleosa obstipantia, humida putrescentia, emplastica unctiosa obstruentia, acria suppurantia, frigus, aërisque contactus constringens, contusio ossis, fissura, fractura, eam non raro excitant. Sed aliud restat mali genus, spina ventosa dictum, quæ cariei species est, sed lentissima, & eo magis subdola vi ossis substantiam excedens; cujus historia sat accurate ab Anthore est tradita. In cura horum morborum integra partium corruptarum a vivis sanisve separatio, & æqualitatis ossis studium, multum difficultatis habet. Si quid tamen tentandum foret, esset forte perforatio ossis ad cavum usque, & medullæ ipsius corruptæ excissio. Sed Ars hujus nondum periculum fecit medellæ. Juxta methodum autem hæcenus receptam, applicantur in principio ea, quæ vehementer attenuant, & potenter abradunt, quæque ulceribus malignis luxuriantibus & pertinacibus erodendis valde conducunt. Sin irrita fuerit visâ horum exfoliantium applicatio, os vel ferro scalpendum, & radendum, vel terebra exfoliatoria terebrandum, vel cauterio actuali tangendum est. Improbatur enim Author usum spirituum salis, nitri, vitrioli, tartari, & aquæ fortis, in hunc finem adhibitorum, utpote quorum actio determinari & intra certos, qui exoptantur, limites ac cancellos coerceri nequit. Tunc nigro quoque notat lapillo in hunc quoque scopum applicata olea acerrima, caryophyllorum, cochleariæ, euphorbiæ, sulphu-

phuris & antimonii ; utpote quorum actio & determinatu difficilis existit , & propter oleositatem nociva est , & parti sinceræ cariæ inducit. Depurato deterfoque ossi applicanda sunt catagmatica seu os restituentia.

OPTICKS : OR, A TREATISE OF THE REFLECTIONS, Refractions, Inflexions and Colours of Light. Also two Treatises of the Species and Magnitude of Curvilinear Figures.

h. e.

OPTICA, SIVE TRACTATUS DE REFLEXIONIBUS, Refractionibus, Inflexionibus & Coloribus Luminis. Nec non duo Tractatus de Speciebus & Magnitudine Figurarum Curvilinearum.

Londini, apud S. Smith & B. Walford, 1704 in 4.

Constant 2 Alph. & plag. 5, ac 19 Tabb. æneis.

AUtor operis est celeberrimus Newtonus. Partem ejus posteriorem, Tractatus de Curvis complectentem, jam mense Januario anni præcedentis recensuimus : nunc de priori, Optica nempe, dicemus. Exponit in eadem Theoriam suam Lucis atque Colorum, non per hypothèses, sed per rationes & experimenta proprietates luminis explicans. Totum opus in tres distinguit libros. Primus duas habet partes, quarum prior theoriam luminis, posterior colorum continet. Secundus in partes abit quatuor, quarum prima recensendis observationibus, quæ reflexiones, refractiones & colores in corporibus transparentibus iisque tenuibus concernunt, tota impenditur; altera animadversiones in easdem exhibet; tertia de coloribus permanentibus corporum naturalium tractat, eorundemque cum coloribus prædictorum corporum transparentium analogiam exponit; quarta observationes, reflexiones, & colores in planis crassioribus transparentibus atque politis enumerat. Librum denique tertium observationes de inflexione radiorum luminis, & coloribus inde productis absolvunt. Ingeniosissimus equidem Autor jam anno 1666 hanc Theoriam invenit, & anno 1672 ad publicandum Societati Regiæ transmisit, cumque a publicatione non deessent, qui objectiones moverent, uberior ejus dis-

cussio jamdudum in Transactionibus Anglicanis proposita ; sed cum hæc omnia contigerint, antequam Acta nostra edi coeperunt, adeoque nihil adhuc de hoc argumento in iisdem contineatur, cumque theoria ipsa paucissimis sit nota, & Autor fateatur, se in præsentī opere ex assē circa eam sibi satisfecisse, non inconsultum ducimus, eandem paulo plenius in præsentī describere. Enimvero, ut rite intelligatur, tenendum est, quod per *refrangibilitatem* & *reflexibilitatem* in subsequenti discursu intelligenda sit radiorum dispositio ad patiendum refractionem vel reflexionem : per *lumen simplex, homogeneous & simile* id, cujus radii omnes æque refrangibiles : per *lumen compositum, heterogeneum & dissimile* illud, cujus radii alii aliis magis refrangibiles : per *colorem primum, homogeneous & simplicem*, color lumine homogeneo constans : per *heterogeneum & compositum*, constans lumine heterogeneo. Quemadmodum vero plerique Philosophi recentioris ævi colores a radiorum luminis diversā modificatione derivant, & lumen nonnisi pro simplici habent omne ; ita e contrario *Newtonus* diversæ naturæ radios in lumine Solari admittit, quorum alii hujus, alii alius producere valent coloris sensum. Sequenti igitur experimento confirmat, lumina, quæ colore differunt, differre quoque gradibus refrangibilitatis. Assumit chartam oblongam lateribus parallelis terminatam, nigram & rigidam, atque per rectam transversam ad latera majora perpendicularē in duas partes æquales divisit. Alteram partem colore rubro admodum intenso ; alteram cœruleo spisse obduxit. Chartam ita paratam ea ratione disposuit, ut latera longiora cum horizontē essent parallela, transversa ea bisecans ad eundem perpendicularis. Mox obvertit eidem prisma vitreum trigonum, cujus duo plana polita comprehendebant angulum 6 circiter graduum, quem *refringentem* appellat, ita quidem ut latera prismatis essent cum lateribus chartæ parallela, quo scilicet lucis radii per fenestram in chartam incidentes cum eadem eundem facerent angulū, quem faciunt a charta in oculum reflexi cum eadem. Jam cum angulus refringens verteretur sursum, ut charta per refractionem attolleretur, pars cœrulea per refractionem ad majorem altitudinem elevabatur, quam rubra : cum vero angulus refringens verteretur deorsum, ut refra-

ctio

Etio chartam deprimeret, magis depressa cernebatur cœrulea, quam rubra. Ostensurus, diversos dari in lumine Solari radios refrangibilitatis gradibus differentes, inter alia ad sequens provocat experimentum. Radio Solari per foramen in cameram obscuram immisso in distantia aliquot pedum ita obiciebat prisma, ut is esset ad axem perpendicularis: quod obtinebat, dum per prisma transpiciens id tam diu ultro citroque circa axem verteret, donec imago foraminis, quæ nunc ascendere, nunc descendere videbatur, inter duas motiones contrarias stationaria deprehenderetur. Quo in situ cum firmasset prisma, per id contuebatur foramen, ejusque longitudinem multis modis latitudinem excedere observabat. Geminis experimentis evincit, lumen Solis consistere ex radiis reflexibilitate inter se differentibus, atque eos radios esse magis reflexibiles, qui magis refrangibiles, docens simul methodum radios heterogeneos luminis compositi a se invicem separandi. Ulterius notat, lumen homogeneous regulariter refringi sine ulla dilatatione aut fissione radiorum, & confusam objectorum per corpora refringentia conspectorum visionem, si lumen fuerit heterogeneum, oriri ex diversa radiorum refrangibilitate, ut adeo imperfectio telescopiorum non, quod vulgo fit, figuræ lentium sphaericæ, sed huic ipsi diversitati refrangibilitatis radiorum luminis tribui debeat. Negat igitur, phænomena colorum in luce reflexa per novas luminis modificationes produci juxta varias terminationes lucis ac umbræ, cum colores bullarum, quæ pueris lumen præbent, sint varii situmque varie mutant, nullo habito respectu ad ullum confinium umbræ: id quod experiri dabitur, si istiusmodi bulla vitro concavo concludatur, ut ab aeris agitatione libera sit, atque oculus & corpus luminosum ipsius respectu sistantur immota. Atque hinc potius concludit, quodlibet lumen homogeneous proprium sibi habere colorem gradui refrangibilitatis suæ respondentem, & nec per reflexionem, nec per refractionem mutabilem. Unde porro infert, si lumen Solis esset homogeneous, corpora omnia ejusdem fore coloris, consequenter diversorum colorum causam esse compositionem luminis. Docet etiam, quomodo refrangibilitas cujuslibet speciei luminis homogenei coloribus simplicibus respondentis, definiri queat experimen-

to ope prismatis trigoni vitrei facto. Monstrat inde, per compositionem produci posse colores coloribus luminis homogenei quoad apparentiam, non tamen quoad immutabilitatem coloris & constitutionem luminis similes, & quo ex pluribus isti componantur, eo minus esse intensos, ita ut nimia compositio eos diluat ac debilitet, donec prorsus cessent. Addit, quod per compositionem prodeant quoque colores nulli colorum luminis homogenei similes, luminis vero Solaris color candidus ex coloribus primariis omnibus debita proportionem commixtis componatur. Subjicit problema admodum curiosum, quod data quantitate & qualitate colorum primariorum invenire docet colorem compositum. Omnes igitur in universo colores, vel esse colores luminis homogenei, vel ex istis componi pronunciat. Hinc speciatim explicat colores per prismata productos, iridis item, & corporum naturalium colores permanentes inde derivat, quod alia hujus generis radios copiosius reflectant, alia alterius. Quæ omnia experientia consona esse, sequenti experimento evincere conatur. Per foramen rotundum immissum lumen prisma trigono vitreo excepit, versus lentem utrinque convexam refringendum. Radii colorati colores iridis in lente depingentes, post refractionem in ea factam convergentes redditi radium album composuere, quem alio prisma priori parallelum situm obtinente excepit, & ejus ope radios convergentes fecit parallelos, distantiis prismatum a lente eorumque angulis refringentibus inter se æquatis, ut adeo lumen post hanc ultimam refractionem per foramen incidenti simillimum evaderet. Hoc igitur lumen ex coloribus productum cum denuo per prisma tertium refringi curaret, in colores iridis consuetos mutavit. Ab aliis jam observatum est, substantias transparentes, quales sunt vitrum, aqua, aer &c. ubi admodum attenuantur, vel quia in bullas, vel alia ratione in plana solida formantur, varios exhibere colores tenuitatis varietati respondentes, utut claræ ac coloribus destitutæ appareant, si crassities fuerit major: ipse tamen accuratiores observationes colligit tum circa vitrum, tum aerem, tum aquam. Aëris tenue quoddam planum obtinuit eum comprimendo inter duo prismata, quorum latera exigua convexitate erant instructa; aquam saponariam in bullas resolvit, easque vitro inclusit, ut ne-

agi-

agitatio aëris quietem earum turbaret. Ex istis observationibus accurate definit in particulis millesimis digiti crassitiem aëris, aquæ & vitri, quæ ad hoc requiritur, ut color quilibet sit maxime intensus atque specificus. e. gr. ut color sit vere albus, crassities aëris juxta ipsius calculum sit $\frac{1}{2}$, aquæ $\frac{1}{3}$, vitri $\frac{10}{31}$; ut albus, crassities aëris sit 1, aquæ $\frac{1}{4}$, vitri $\frac{20}{31}$; ut subalbus, crassities aëris sit 2, aquæ $1\frac{1}{2}$, vitri $\frac{2}{7}$. Ea vero hunc potissimum in finem tam operose persequitur, ut colores corporum naturalium permanentes tanto accuratius explicare posset, aut eorum potius constitutionem detegeret, quæ ad hoc requiritur, ut alios radios aliis copiosius reflectant. Docet igitur, eas superficies corporum transparentium maximam reflectere lucis quantitatem, quæ maximam habent potentiam refringendi, & minimas omnium fere corporum naturalium particulas esse suo modo transparentes, ut adeo opacitas eorum, multitudini reflexionum a partibus internis factarum debeatur. Inter particulas corporum opacorum & coloratorum multa reperriri spatia vel vacua, vel medio quodam alterius densitatis repleta; partes corporum, a quibus color eorundem dependeat, medium illud densitate superare, earundemque crassitiem ex colore corporum conjici posse. Falli præterea omnes, qui reflexionem inde arcessunt, quod lumen in partes corporum solidas seu impervias impingat, cum (ut alia, quæ adducit, experimenta silentio prætereamus) non minor sit reflexio, dum lumen ex vitro in aerem, quam dum ex aere in vitrum transit, immo multo major, quam dum ex vitro in aquam pergit, partes vero magis reflectentes aeri, quam aquæ vel vitro inesse, haudquaquam probabile videatur. Radios potius impingentes in partes corporum impervias suffocari. Aliud igitur esse reflexionis principium, vim scilicet quandam, quam particulae corporum solidæ in lumen per distans exerunt; qualis tamen illa sit, non definit. Et ideo a corpore transparenti crasso radiorum incidentium alios reflecti, alios refringi, quia aliorum dispositioni convenientior reflexio, aliorum constitutioni transmissio. Illud quoque notatu dignum est, corpora specularia, quantacunque diligentia fuerint polita, præter lumen, quod refringunt, vel reflectunt, lumen adhuc aliud debile, quaquaversum diffundere, cujus phaenomena accurate describitur
per

per integram partem quartam lib. 2. Lumen scilicet Solare per foramen, cujus diameter erat $\frac{1}{3}$ digiti, in cameram obscuram intromissum speculo vitreo concavo, cujus semidiameter erat 5 pedum & 11 digitorum, ita excepit, ut ad superficiem speculi esset perpendicularare. In centro speculi chartam posuit albam, ita ut lumen perexiguum foramen in ipsius medio formatum transire, cogeretur ad speculum, ac inde ad idem foramen reflecteretur. His ita paratis super charta 4 vel 5 annulos concentricos coloratos, iridibus non absimiles, observavit, eosque tanto dilutiores ac debiliores fieri deprehendit, quo erant ampliores. Interdum ad lumen Solis admodum clarum 6, immo 7 vidit circulos. Quodsi major vel minor speculi distantia assumebatur, annuli diluebantur ac evanescebant. Denique Grimaldus jam notavit, quod ad lumen Solare, per exiguum foramen in cameram obscuram immis- sum, umbræ objectorum sint largiores, quam ad lumen in loco aperto, & tres habeant fascias coloratas atque inter se parallelas, foramine ampliato confundendas, nec amplius a se invicem distinguendas. Hujus phænomeni circumstantias per plura experimenta Noster, quam accuratissime determinat, & rejecta eorum sententia, qui hunc effectum refractioni aeris tribuunt, hanc ejus rationem assignat, quod radii heterogenei in lumine albo commixti per inflexionem separentur, atque adeo separati lumina diversorum colorum componant, ad quos exhibendos per naturam disponuntur.

LETTRES CRITIQUES &c.

i. c.

EPISTOLÆ CRITICÆ, CONCERNENTES DIL- bium inter Mosē & Stephanum circa numerum familia Jacobi ortum.

Ultrajecti apud Jo. Visch, 1705. 8.

plag. 9.

Auctori Conciliationis Mosi & Stephani, cujus libellum mense Martio anni superioris p. 103 sq. recensitum dedimus, duo respon- dent Philologi e Gallorum exulum numero, Criticis his Epistols, quorum alter Marollium, alter Massonium se vocat: ac prior qui- dem

dem scriptorem se profitetur schediasmatis de hoc dubio in Bernardinis Novis Literaræ Reipublicæ exhibiti, & ab Auctore Conciliationis castigati.

Præmittitur opusculo Præfatio de dubiis Historicis S. Scripturæ differens, monensque, admiratione dignum esse, quod non multis modis major sit eorundem numerus, in libro tam vetusto, amissis tot explicandi eundem subsidiis. Prima Epistola Marollii est, qui adversarii sui conciliationem ingeniosam quidem, sed coactam, nimis longe petitam, solvendoque dubio ineptam pronuntiat. Nulum esse discrimen putat inter numerum septuaginta Gen. XLVI, 27, & Deut. X, 22, sed utrobique posteros Jacobi omnes, qui cum illo in Ægyptum venerint, intelligi credit, fallique adeo adversarium, qui posteriori loco masculos solum & patres gentis Israeliticæ designari ait. Male ab eo Saulem e numero 66 Gen. XLVI, 26 excludi, Manassen vero & Ephremum includi, cum peculiaris S. Codicis enumeratio hos manifeste separet, Saulem vero spurium dici non posse, cum solum Cananæ filius dicatur, neque legem de spuris in populo Dei non connumerandis retro valere. Eundem vero ad numerum 75 Act. VII, 14, Jacobum & Josephum incongrue referre, & contra Martyris verba, qui Josephum dicat 75 istos cum Jacobo in Ægyptum accersivisse; neque Dinam, utpote in enumeratione speciali posterorum Jacobi, qui Ægyptum viderint, omissam huc referri posse. Cæterum de alio incidenti dubio p. 24 sigillatim agit, quæritque, quo pacto Benjamin fratrum minimus, in Ægyptum descendens, cui adversarius 25 ætatis annos dederat, decem filios, qui Gen. XLVI illi tribuuntur, & duos nepotes Num. XXVI, 40, habere potuerit? Videntur Marollio nepotes isti, Ard & Nahaman, filii potius Benjaminis fuisse, quibus sine prole mortuis, frater ipsorum Bela filiis suis eorundem nomina dederit: conjicit idem, Benjaminem tempore descensus triginta duorum aut triginta trium annorum fuisse, ac admodum juvenem matrimonium iniisse. Observat, Ludovicum de Dieu Benjaminem duobus annis Josepho juniorem facere, Johannem Clericum vero octo annis, istasque diversitates ex ignorantia multarum rerum, quæ Jacobi familiam concernunt, oriri. Negat S. Literarum verba omnia ad rigorem capienda esse, sed aliorum more scriptorum *ως εν πλατει* intel-
I
ligen-

ligenda esse, & de potiori, adeoque sub *patrum* nomine paucas etiam filias comprehendi posse, p. 4.

Secunda Epistola, a Massonio scripta, Marollii observationes fere omnes repetit, sed prolixius, majorique cum apparatu, contra Autorem Conciliationis urget; id vero potissimum impugnat, quod ille Gen. XLVI, 26. capita populi tam tribuum, quam linearum recenseri dixerat, eundemque conjecturas conjecturis cumulare ostendit. Nihilominus ea in re a Marollio dissentit, quod Jacobum ex numero 70 Gen. XLVI, 27 excludendum neget: in reliquis cum eo ad amussim consentit.

Epistola tertia Marollii versatur in refutandis iis, quæ Autor Conciliationis Novis Reipublicæ Literariæ anni præteriti mense Martio inseruerat. Potissima Epistolæ pars Saulem Cananæ filium respicit, quem iste velut spurium e numero familiæ Jacobi eliminandum omnino contendit, Marollius vero negat ac pernegat, illique nequiquam concedit, Cananæ nomen prostitutam designare, ut Israëlitz appellatio Jo. I, 47 probum hominem notat. Exstimat præterea, *Mamserim*, sive spurios, qui ejiciendi fuerint, non Israelitæ masculi e Cananæ, sed exteri maris ex Israelitide liberos fuisse, neque ejectionem e populo, sed exclusionem a Magistratu Devt. XXIII, 3 intelligi.

Quarta Epistola, Massonio scriptore, Autorem Conciliationis impugnare pergit, traditque, 70 illos, qui Devt. X, 22 commemorantur, eosdem esse cum illis, qui Gen. XLVI, 27 exstant, maleque adversarium locum istum de solis capitibus populi, qui hereditatem in Palæstina obtinuerunt, interpretari, atque Jacobum & Levi cum filiis excludere. Tandem ad Stephani dictum Act. VII, 14 se confert Massonius, atque pronuntiat, nullo id pacto cum Mosis numeris conciliari posse. Mendam igitur librarii hic admittendam esse, qui pro 66 scripserit 75, non quod Calvinus alique velint, pro 70. Stephanum enim numero 66, qui Gen. XLVI, 26 occurrat, uti voluisse, adeoque primos codices, more inscriptionum Græcarum, numeros minores præmittentium, habuisse C E, sive C E (notam enim C pro G sive senario in marmoribus inveniri.) Librarium autem negligentiore legisse OE, sive 75. Ex hac Actorum corruptione in translationem LXX interpret-

perum numerum 75 transisse, sicut ex Lucæ interpolatione Caiman alter in eandem invaserit. Marollii autem conciliationem, qui cum Cellario uxores filiorum Jacobi a Stephano additas majorem numerum conficere docuerat, nec non aliorum interpretationes, maxime Ludovici de Dieu, repudiat.

DELLA BIBLIOTHECA VOLANTE SCANZIA X.

i. e.

BIBLIOTHECÆ VOLANTIS PLUTEUS X. AUCTORE JOHANNES CINELLI CALVOLI, Patrio Florentino & Foroliviensi, Academico Gelato, Concorde, Dissonante, Incitato & Inchronato.

Venetis, apud Hieronymum Albrizzi, 1705, 8.

Constat plag. 5.

Quod Celeberrimi Cinelli in hoc opere institutum sit, vel ex his constat, quæ in Actis nostris A. 1689 p. 345, & 1693 p. 236, cum sextam, septimam & octavam seriem, seu ut ali Latine vocant, pluteum recenseremus, diximus. Ex eo tempore doctissimus Auctor nequaquam laborem abruptit, verum plures subinde edidit pluteos, uti vel ex præfatione huic præmissa patet. Nimirum quindecim omnino pluteos prelo hætenus paratos habuit, e quibus tamen decimus & decimus quintus incuria typographi intercideret; reliqui omnes lucem adspexerunt, & quidem decimus quartus insertus est Eruditorum Actis, quæ Venetiis apud Hieron. Albrizzi, sub tit. *La Galleria di Minerva* prostant, Tomo III Parte VIII. Ut itaque numerum compleret, nunc decimum vulgavit, mox etiam decimum quintum, & deinde quatuor adhuc alios additurus. Nos moris nostri memores, pauca hinc delibabimus. Non morabimur inscriptionem veteris lapidis, ex utroque latere simpulum & pateram, sacrificii instrumenta, representantis, quæ ita se habet: NORTORI N. F. POL. FEROX AESÆ EVOCATUS AUG. JOVI CAELESTI V. S. L. M. seu, ut Noster legit: *Nortorio nostro felici Polyarcho, Ferox Aesæ (hodie Aesidis, seu Aesii, fluminis) Evocatus Augustus Jovi Caelesti voti solari, seu suscepti locavit monumentum.* Dum Ga-

p. 17.

- p. 25. brielis Mariae Meloncelli Odas Italicas Romæ 1698, 4 editas refert, laudat, quæ alias prodiderit, Poetica, observatque eum juvenem, quanquam occupatissimum, elegantes ingenii poetici fœtus edidisse, at nunc senem, cum otio fruatur, difficilem venam experiri.
- p. 27. Singulare est, quod memorat, ubi testamenti & codicillorum a Cl. Joanne Ciampino relictorum, & Italice Romæ 1698 impressorum fecit mentionem, eum iustos sumtus excitando Xenodochio destinasse, in usum eruditorum indigentium diversarum nationum. Porro Hieronymum Baruffaldi, Ferrariensem, cujus mox fœtum recentiore exhibebimus, Dissertationem de Poetis Ferrariensibus Ferrariæ A. 1698, 4 edidisse discimus: in qua non tantum præcipuorum Poetarum, sed & illorum, quorum opera vel deperdita sunt, vel diffusa apparent, exactissima detur notitia, una cum eorum operum distincta enucleatione. Ubi vero Lazarum Augustinum Cottam Novariensis Musæi, quod viros cujuscunque generis illustres e Novariensi diocesi oriundos exhibebit, Ideam eodem anno publicasse significat, vehementer conqueritur, se Florentinos Scriptores, quorum quatuor millia ad suam notitiam pervenerint, illustraturum eo adactum fuisse, ut Florentiam patriam suam relinquere necesse habuerit, nec deesse, qui viginti trium annorum labores etiamnum e manibus suis evellere conentur. Nos meliorem fortunam optimo Autori & integram sanitatem apprecamur, ut & hoc, & alia, quæ molitur, opera absolvere feliciter valeat.
- p. 41. 42.

RIME DI ALESSANDRO GUIDI

i. c.

ALEXANDRI GUIDI CARMINA, SUMMO Pontifici CLEMENTI XI dedicata.

Romæ, e typographia Jo. Jac. Komarek, 1704, 4.

Plag. 18.

IN tantum hodie culmen evecta est Poësis Italica, ut haud facile carmina in lucem proferre quisquam audeat, nisi ea digna omnium plausu videri queant. Et alii quidem aliud carminis genus sectantur; Nostro illud arrisit maxime, quod legibus solutum,

Ri-

Rima sciolta Itali vocare solent, in quo et si & antea Fulvius Tefsi, Claudius Achillini, alique Poetæ celebriores aliquid tentaverint, eos tamen in Lyricis his, quæ exhibemus, longissime post se relinquere videtur Auctor. Quanti enim nondum publicis typis excusa fecerint Eruditi, vel illud argumento esse potest, quod Nicolaus Cicognari quoddam ex illis carmen eleganti commentario illustraverit, itemque Gregorius Calopreses in oden de legibus Arcadiæ commentatus sit, ut alios taceamus, qui vel in Latinam, linguam aliqua transtulerunt, vel passim eorum non sine encomio meminere. Quo magis vero cuncta expolita redderet, non diffitetur Auctor, se passim Vincentium Gravinam, Jo. Baptistam de Miro, Justum Fontanini, aliosque viros in pœsi exercitatissimos, in consilium adhibuisse. Pleraque quidem in Academia Arcadum publicasse videtur, quam pluribus carminibus extollit, ut cum modum, quo congregari consuevit, locum Academiæ destinatum in colle Palatino, consuetudines Arcadum, promulgationem legum Arcadiæ, ludos Olympicos Arcadum, & elogium Antonii Farnesii auctoritate Arcadum lapidi incisum decantat; quibus commemorandis facile super sedemus, quod de universa illustris ejus Academiæ ratione Supplementorum Tomo III p. 460 seqq. disseruimus. Neque licet nobis ex iis specimina hoc loco exhibere, quæ de æstro poetico, de fortuna, de vanitate cogitationum humanarum, tum in honorem Christinæ Reginæ Sueciæ, cujus singulari favore gavisus videtur, Jacobi II Regis Angliæ, Innocentii XII Pontificis, aliorumque cecinit, ne, dum laciniam detrahimus, a pulcritudine detraxisse quicquam videamur. Magnifica sunt omnia, ponderosa & sublimia, numerus aptus & elegans, oratio ubique æquabilis, & inventio arguta. Quod vero passim victura sua carmina auguratur, propriamque adeo laudem extollere videtur, in eo tantum abest, ut culpandus sit, ut potius optimorum Poetarum exemplo, qui Cicerone teste, *aliena lingua loquuntur*, Lyricæ pœseos genus optime videatur affecutus, qui res sublimes celebrantes humi serpere, & de se ipsis minus sperare non patitur. Cæterum eundem Auctorem olim drama, quod *Endymionem* inscripsit, composuisse, e p. 43, ubi ejus carmen dedicatorium ad Jo Franciscum Albani, hodie Summum Pontificem, exhibetur, patet. Quod si illud

illud est, quod eodem titulo in Theatro Mantuano anno 1698 representatum & Ferrariæ typis excusum vidimus, nihil profecto elegantius & festivius excogitari poterit, adeo ut nec Tasso, nec Guarini in eo genere Auctor concesserit.

COMENTARIO ISTORICO - ERUDITO &c.

i. c.

COMMENTARIUS HISTORICO - ERUDITUS, CONDITUS
in Inscriptionem in Universitate Ferrariensi, in memoriam AN-
TONII MUSÆ BRASAVOLI Ferrariensis, Anno 1704
erectam. Auctore HIERONYMO BARUF.

FALDI, Ferrariensi.

Ferrariæ, excudebat Bernardinus Pomatelli, 1704. 4.

Constat Alph. 1. plag. 12.

Variam eruditionem monstrat hic liber, quanquam in unius potissimum Brasavoli, qui jam dum seculo XVI floruit, parumque notus fuit hactenus extra Italiam viventibus, memoriam conscriptus, ut non immerito eruditum ipse Auctor in prima facie vocaverit. Absolvitur autem octo capitibus, quorum primo de origine Academiarum seu Scholæ publicæ Ferrariensis pauca præfatus, ipsam Inscriptionem exhibet, quam non anno 1704, ut titulus loquitur, sed 1703 erectam fuisse patet. Ea quidem hæc est: D. O. M. ANTONIO MUSÆ BRASAVOLO, Nobili Ferrariensi, Philosophia, Medicina, Juris Utriusque, at Sacra Theologia Doctore, Comiti Palatino, Equiti S. Michaelis in Galliis, Sorbonici Athenæi Collegæ, Celebris hujus Archiepiscopii Lectori emerito, & Moderatori, omnigena eruditione in universo Terrarum Orbe clarissimo, Pauli III Pont. Max. Archiatro, aliorumque trium Summorum Pontificum Leonis X, Clementis VII & Julii III, Caroli V Cesaris, Francisci I Galliarum, & Henrici VIII Britannia Regum Physico a consiliis, Alphonsi I Ferrariæ Ducis, & Herculis II Ducis IV Medico dilectissimo, Aragonensium, Aesthinorum, Farnesiorum, & Gonzagarum Principum intimo Familiari, qui publicas theses de quolibet scibili per triduum Parisiis, ubi Musæ nomen, ipso Francisco Rege præ-

co.

MENSIS FEBRUARII A. MDCCVI. 71

conizante, sibi comparavit, Patavii, Bononia, & hic in Patria, cunctis stupentibus, propugnavit; ac per quamplurima lustra e tota Europa confluentes ingenuos Auditores erudit ex cathedra: qui plures quam quadraginta libros, & volumina de rebus variis, ac precipue de Re Medica doctissime scripsit, & fere omnia typis, magno cum plausu, divulgavit; tanquam effulgenti Patrie Soli, qui nunquam moriturus occidit Ferraria pridie Nonas Julii An. Sal. MDLV, etatis sue LV m. V d. XX. Cujus tamen ortum precesserunt Franciscus Comes genitor, & Hieronymus frater: cujus occasum secuti Renatus Comes pariter Moderator, & Hieronymus filii, Antonius Maria, Hercules, Bartholomaeus, & Alphonsus nepotes, in hac Universitate Philosophiae, Medicinae ac Juris utriusque respective Lectores, alique duo de virginti toga, totidemque sago conspicui, sub tanto sapientia lumine vere fulgentissima sydera, Hieronymus Bartholomaei filius, Comes & Eques Palatinus, in hoc Archigymnasio Lector, in Romano Promotor perpetuus, & Collega numerarius, Physicus Pontificius a consiliis sub Innocentio XI & XII, Alexandro VIII & Clemente XI regnante, ac Regius sub Christina Alexandra, Suecorum, Gothorum Wandalarumque Regina; Illustrissimis Viris Dominis Comite Carolo Flasco Sapientum Judice, Marchionibus Aloysio Bentivolo, Gaspare de Monte, hujus almae Universitatis Moderatoribus, una cum Magistratus Sapientibus, nempe Jacobo Minio Ronchagallo J. C. & Lectore Publico, Aloysio a Fabra Philosophiae, ac Medicinae Doctore, & Lectore Publico, Johanne Benedicto Coato J. C. & Lectore Publico, Alexio Surchio, Jacobo a Monetis, Camillo Riccio, Hercule Siverio, Joanne Francisco Algarotto, & Valerio Botticino, epixis ejus precibus annuentibus, are proprio Abavo suo optime merito pridie Nonas Julii Anno ab Orbe redempto M DCCIII. P. In capite II originem familiae Brasavorum e Germanica Comitum de Halremunde, speciatim a Wilbrando, qui seculo XII in bello claruit, derivat, usus imprimis Krantzii & Fabricii auctoritate, quibus addit Petrum Lefvanderum, qui in tractatu de Saxoniae & Misniae Patriciis, Comites illos pro insigni usos fuisse testetur columba alba, cum inscriptione Germanica, *Allezeit weisse* / i. e. semper candida, quod diu & Brasavoli retinere; ut taceamus, quae plura hic de progressu

gressu familiæ hujus, ejusque cum Belgica Strationum (*Straton*), quæ initio superioris seculi in Hispaniam transplantata est, cognatione, de titulis item Magnifici, Spectabilis, Egregii, Excellentis, Magistri, aliisque, quibus aliqui ex gente Brasavola gavisi sunt, accurate differuntur. Prætermittimus ejus familiæ Genealogiam authenticam, ex archivis capite III depromptam. Nec immorabimur illis, quæ cap. IV de scissione familiæ in duos ramos, & cap. V de insignibus ejus passim mutatis aut auctis disputat. Prolixum est caput VI, quo singula inscriptionis supra memoratæ verba, ex antiquitatibus & historia litteraria illustrantur. Hinc, ut alia prætermittamus, natum fuisse Brasavolum discimus die 16 Jan. anni 1500: tum patuisse in eo singularem animi constantiam, quod, cum A. 1550 Hippocratis libros Epidemicos publice interpretanti famulus ædium ipsius incendium nuntiasset, quod mox campanarum pulsus confirmaverit, nihil territus responderit: *comburantur, nam hinc discessurus non sum, priusquam integram lectionem non perfecerim*: libros denique, quorum, qui prodierint, Auctor numerat quadraginta sex, viris Principibus inscripsisse, exemplo Musæ Cæsaris Archiatri, qui libellum *de Herba Vettonica* M. Agrippæ, & alterum *de bona valetudine Mæcenati* dedicaverit; qua occasione significat Noster, se pluribus de manuscriptis Brasavoli in *Bibliotheca sua Scriptorum Ferrariensium*, mox proditura, acturum. Capite VII de Brasavolis eruditis, & demum VIII de his, qui in sago claruere, agitur. In illis B. Donatus Brasavolus ob singularem pietatem commendatur, eique cognomen Prophetæ datum vulgo fuisse innuitur, quippe quod & in sermonibus ad populum factis multa eventu probata, & morti vicinus diem atque horam mortis prædixerit. Singulare est, quod de Johanne Brasavolo, eruditissimo viro, memoratur, qui A. 1536 octogenarius decessit, eum per totum vitæ suæ spatium nil præter fructus manducasse. Inter eos vero, qui hodiernum superant sunt, imprimis eminet Rodolphus Brasavola, qui Romæ Academiæ *Imperfectorum* & eorum, qui *Indispositi* vocantur, ad excolendas humaniores litteras, & *Intricatos*, ad instituenda exercitia Juridica fundavit, quæque ab Academicis profecta sunt ingenii monumenta, ibidem A. 1674, 8 edidit, sub titulo *Academia degli In-*

MENSIS FEBRUARII A. MDCCVI. 73

Intricati, Imperfecti, & Indispositi: Componimenti varj eruditi.
Plura in honorem generosissimæ Brasavolorum familiæ afferri
possent, si nobis in his liceret esse prolixioribus.

SAMVELIS BASNAGII, FLOTTEMANVILLÆI,
Annales Politico-Ecclesiastici Annorum DCXLV. a Cæsare
Augusto ad Phocam usque. Tomus
primus.

Roterodami, apud Regnerum Leers, 1706. in fol.
Alphab. 10.

Quomodo doctissimi Casauboni exemplo Exercitationes in
Baronium condere instituerit Clarissimus Basnagius, palam
ostendimus in his Eruditorum Actis Anno 1692 p. 155, ubi ejus de
rebus sacris & Ecclesiasticis Exercitationes Historico-Criticas, in
quibus Cardinalis Baronii Annales ab A. C. 35, in quo Casaubo-
nus desit, expenduntur, recensuimus, & quid circa annum maxi-
me 35 (ultra quem ad annum usque Christi 45 tunc progressus
est) annotarit, paulo prolixius benevolum Lectorem docuimus.
At ex illo tempore Viros prudentia & autoritate insignes autores
sibi fuisse innuit, ut mutato consilio ad annales Ecclesiasticos con-
cinnandos animum ipse appelleret, quandoquidem ex eis fructum
utilitatis longe majorem, quam quidem ex Exercitationibus spera-
re liceat, istoque pacto brevi quasi Tabella tota Imperii & Ecclesiæ
imago conspici, antiquitas illustrari, hæreseos turpitude detegi, Ba-
roniusque emendari possit. Pari it ergo amicis suasionibus, initium
que scribendi fecit ab imperio Cæsaris Augusti, & post per singula
a nato Christo Secula ulterius progressus est. Ubique Chronolo-
giæ rationem habere accuratissimam instituit, Baroniumque adeo
multum studuit antecellere, cujus Chronologiam tantopere distor-
tam esse dicit, ut densissimam temporum doctrinæ noctem in-
duxerit. Magna insuper cum sit rerum Ecclesiasticarum cum re-
bus Imperii cognatio, easdem conjungendas omnino censuit, cum
sibi mutuo lucem fœnerentur. Cum enim, qui ante Constan-
tinum M. rerum potiti sunt, Cæsarum nonnulli Ecclesiam gravissi-
me vexarint, alii Edicta in ejus gratiam conscripserint, nonnullis
K obla-

oblatae fuerint a Christianis Apologiae, hinc Acta Imperatorum, quae vel jucunditate sua alliciunt animos vel informandis virtute Lectoribus, vel instillando in vitia odio, visa sunt idonea, suis his Annalibus inseruit. Postquam vero Caesares in Christi verba jurarunt, magis etiam necessarium fuisse dicit, eorum historiam texere, cum Leges in Ecclesiae commodum multas promulgarint, Synodos coegerint, Haereticos vexarint, & ex illis etiam nonnulli corrupta religione in orthodoxos involarint. Nec Acta Martyrum neglexit, & Synodorum ubique terrarum congregatarum historiam solícite texuit. Temporis lapsu cum ritus bene multi in Ecclesiam irrepperint, quibus antiquitas Apostolicae suppar, vel etiam Apostolica institutio vindicetur, plerisque, e Latinorum imprimis classe, antiquitatis larvam detraxit. Patrum, qui virtutibus lucubrationibusque suis inclaruerunt, vitam librorumque chronotaxin exhibuit, & denique haereticos haud praeteriit.

pag. 5.

16.

18.

21.

21.

In primo hoc Tomo annos ad centesimum usque a nato Christo persequitur, initio sumto ab anno ante Deum in carne manifestatum sexagesimo tertio, & ab ipsa Augusti historia. Nos ergo, quae passim memoratu digniora annotarit, paucis in exemplis ob oculos legentium proponemus. Litem de Chronologia ab Eusebio adhibita a nonnullis motam, dum alii Julianam anni formam, alii Antiochenam, quae ab autumno auspicatur, ab ipso in Chronico suo expressam fuisse perhibeant, sic dirimit, ut cum annis usum fuisse Julianis probabilissimum videri statuatur. Josephi Chronologiam, de regni Herodis initio ad annum U. C. 714 referendo, temere impugnari, istudque post novennium integrum demum collocandum venire, asseri praeter rem a Baronio observat. Creato Rege Herode sceptrum a Judæis primo ablatum fuisse negat, factumque id jam fuisse dicit, cum extincto Sedecia, ultimo sanguinis Davidici Rege, gens Judæorum captiva ducta Babylonem fuerit. Oraculum vero Jacobæum Gen. XLIX, 10. respicere autumat Imperii, quod in Sedecia amissum fuerit, recuperationem, quam tribus Judæ in Christo sperare debeat, unde illud dictum ita esse censet: *Sceptrum legislatorve de Juda sanguine cretus ab eo non recedet in perpetuum, quia venit Silo.* Herodem nec gentilem, nec profelytum fuisse, adversus Ba-

Baronium contendit. De oleo apud Tiberim fluente, fabulam Veterum Baroniique explodit. Opinionem Casauboni, quod triumphati Reges morti sueverint mitti a Romanis, admodum vacillare, petitis ex historia monumentis non unis probat. Herodi Regnum ideo tributum fuisse, quod Julio Cæsari pecuniam scenerasset, ceu statuit celeberrimus Harduinus, penitus inficiatur, & contra eundem, Herodem patria Atheniensem fuisse negat. De Templo ab Herode condito late disserit, verbaque Joh. II, 20. non ad Zorobabeliticum, sed Herodianum templum trahenda esse probat. Zachariam, Johannis Baptistæ patrem, summum fuisse Pontificem negat, & quæ de Virginis Mariæ miraculosa natiuitate, consecratione, aliisque perhibentur vulgo, exhibitat. Sororem Mariæ virginis Mariam Cleophae appellat. Virginitatis votum a Maria susceptum, ut Judæorum ritibus, sic Scripturæ etiam ipsi, contrarium esse innuit: Josephum duplex iniisse conjugium, veritati consentaneum censet. Uno momento carnem Christi vi Spiritus Sancti procreatam esse, nec, ut in generatione quidem fiat ordinaria, semen continuata serie elaboratum, die demum post conceptum circiter quadragesimo, menti suscipiendæ idoneum factum autumat. Johannis in utero exultationem cognitionis expertem facit. Mariam, pariente Elisabetha, in ejus domo adhuc præsentem fuisse probat. Perpetuam Mariæ virginitatem adstruit, quanquam eandem fidei haud esse articulum, lubens admittat. Claustra virginea a Christo esse aperta, ex antiquis ostendere Patribus annititur. Janum nascente Christo clausum non agnoscit. Annum Julianum XLI Christi natiuitati assignat. Diei vero ejus natalis notitiam mortalium mentibus subtractam perhibet, cujus quippe sive in Evangelio, sive in Apostolicorum seculorum monumentis, vestigium nullum impressum sit, partemque & erroris & superstitionis aliquam vocat, quod indubitanter certoque Decembris dies vigesimus quintus heic plerumque nominetur. Baronio quoque errorem evellit, qui ex Synodi sextæ autoritate, Christum feria prima editum existimat. Magorum nomen nec honorificum apud Matthæum, nec eos Reges fuisse admittit. Quod tres eorum in Judæam se contulerint, quibus argumentis probari possit, nescire se ingenue profitetur. Sibyllarum vaticinia in nu-

pag. 26.

34.

65.

68.

84.

85. seq.

91. seq.

93.

95.

100.

101.

103.

105. seq.

113.

114.

117.

121.

128.

129.

130.

- pag. 147. mero piarum, quæ vocentur, fraudum habenda censet, latiusque
 163. de iisdem differit. Translationem virginæ Mariæ cubiculi in Ita-
 166. liam operose refellit. Sæctarum Judaicarum antiquitatem, singu-
 174. larumque historiam exponit. Therapeutas e numero Christiano-
 178. rum eximit. Apollinis oraculum de puero silentium sibi indicente
 explodit. Sadducæos non Moſis solum libros, sed totum etiam
 179. Vetus Testamentum suscepisse cum Scaligero existimat, horumque
 180. autorem nobis esse incognitum tradit. Quod Pharisei metem-
 187. psychosin crediderint, sibi haud persuadere vult. Opinionem,
 192. quod Herodiani Herodem Magnum pro Messia habuerint, ab o-
 193. mnī veri specie abhorreſcere observat, istosque potius pro ministris
 232. Herodis Antipæ agnoscit. Annam Caiphamque Pontificali simul
 241. dignitate ornatos fuisse censet. Majorem Christi, quam Johannis
 252. baptismo efficaciam tribuit. Epistolam Christi ad Abgarum in-
 267. ter supposititias rejcit. Nathanaelem ex Doctorum Legis nu-
 mero exemptum Apostolorum choro inserit, ipsumque illum
 esse ait, qui alias Bartholomæus nuncupetur. Baptisium
 281. Petri a Christo peractum impugnat. Contra imaginem Abgaro
 282. a Christo missam disputat. Publicanos Ethnicos fuisse haud ad-
 mittit, ac Mathæum adeo ex Ethnicorum quoque classe eliminat.
 286. Sabbatum secundo-primum cum Scaligero pro eo habet, quod
 288. sq. secundam azymorum festivitatem proxime exceperit. De Apo-
 stolatu prolixè differit. Singularis est expositio vocabuli *ἐξουσία*,
 292. Marc. III, 21 de Christo prædicati. Putat enim affines Christi,
 audientes eum insolita docere, discipulosque colligere, in metu
 fuisse, ne vel popularis adversus Romanos seditionis invidia, vel
 infamiae dedecus in familiam redundaret. Voluisse ergo eos as-
 serere, Servatorem mentis compotem satis non fuisse, ut factorum
 doctrinarumque ejus habendam non esse rationem omnibus per-
 296. suaderent. Mariam Magdalenam, peccatricem illam, Lazari so-
 305. rorem haud fuisse indicat. Gadarenos non vult habere cum Ba-
 ronio pro Judæis, nec tamen huic affirmanti, quod Judæi illicite
 307. artem exercuerint suariam, adstipulatur. Statuam ab hamor-
 310. sq. rhousa Christo positam infringit. Petri primatum modis omnibus
 333. enervat. Ea nocte, qua Pascha comestum fuerit, discipulis suis
 337. pedes abluisse Christum totus abnuī. Christum in ultima cœ-
 na

MENSIS FEBRUARII A. MDCCVI. 77

na Pascha Mosaicum participasse affirmat, eodemque id cum Ju-	pag. 359.
dæis die factum reputat. Judam ab Eucharistiæ usu haud exclu-	363.
dit, & institutæ Eucharistiæ occasione varios circa eam ritus olim	366. seq.
oblervatos explanat. Uxorem Pilati disciplina Judæorum fuisse	383.
imbutam, somniumque ejus pro divino habendum venire statuit.	
Crucem Romanorum alienam a Judæorum suppliciis facit. An-	
num Christi trigesimum tertium pro ejusdem emortuali vendi-	403.
tat. Diei Dominicæ celebrationem ex cana antiquitate derivat.	
Traditionem de miraculis Christi Tiberio a Pilato indicatis, deque	427.
ejus propensione ad ejus apotheosin inter frivolas fabellas rejicit,	433.
Pilatique ad Tiberium epistolam subditiis annumerat. Agrip-	435.
pam & Herodem Tetrarcham, secus atque visum Harduino, ho-	456.
mines omnino diversos fuisse innuit. Secundo demum seculo	471.
vertente, baptizatorum unctionem & consignationem manuum,	
impositione peractam emeruisse asserit. Simonem Magum se-	476.
pro summo Deo venditasse, haud credit. Paulum in oraculo Da-	478.
vidico Pl. LXVIII, 28. agnoscere recusat, ac varia de cætero ad ejus	
historiam pertinentia accumulatur. Cajum Caligulam omnino in	496.
Templo Hierosolymitano coli voluisse, asseverat. Philoni hono-	499.
rem Scriptorum Ecclesiasticorum invidet, & Apionem tanquam	500.
Scriptorem vanissimum exhibet. Antiochenæ Ecclesiæ funda-	502.
tionem Petro abjudicat. Fundamentum quoque Hierarchicorum	506.
de primatibus a Petro institutis convellit. Petri Episcopatum Ro-	522.
manum æque ac illius in urbem profectionem, Claudio imperan-	
te susceptam, impugnat. Nullam Simoni statuam a Romanis	526.
consecratam fuisse credit. Symbolum, quod vocatur, Apostoli-	527.
cum ab Apostolis conditum minime agnoscit. Ligneam Petri	534.
cathedram Romæ custoditam ridet, deque Episcoporum & Pres-	535. seq.
byterorum cathedris doctum sermonem instituit. Jacobi iter in	540.
Hispaniam figmentis associat. Nullum Patrum quantum ante	555.
seculum illi de Thecla fabulæ fidem adjunxisse observat. Hinc	563.
Apostolorum, quæ vulgo crepantur, peregrinationes examinat.	
Ævo Apostolico Evangelium apud Americanos promulgatum fuisse,	568.
persuaderi sibi minus patitur, nec Gallias Apostolorum ætate luce	571.
Evangelii sic perfusas admittit, ut Ecclesias Episcoposque habue-	
rint. Parili modo Trophimi in Gallias missionem impugnat,	572.

- pag. 573. Trophimumque Arelatensem in seculum tertium se conferre jubet. Pauli expeditionem Hispanicam pro commento agnoscat.
574. Ludorum secularium, a Claudio celebratorum, originem & rationem indagat. Assumptionis Mariæ traditionem nullis niti fundamentis solidis ingeminat; imaginesque ejus pictas contemnit, ratus, quod virginis ævo illicita Judæis pingendi ars fuerit, atque illi ab hac quam maxime abhorruerint. Per *πνευμα* Act. XV, 20 tam communem illam, quam religiosam scortationem innui
617. sq. arbitratur. Barnabæ epistolam apocrypham facit. Proseuchas a Synagogis studiose secernit. Horas Canonicas Apostolorum ævo
624. haud cœpisse frequentari monet; & ab iis in vigiliis delabitur, quarum usum antiquissimum reperiri nullus abnuat, quanquam
632. ne excepto quidem celeberrimo Paschatis pervigilio, non nisi Apostolis in cinerem redactis, eundem in Ecclesiam introductum esse, audacter affirmet. Aram Atheniensium, cujus mentio Act. XVII, 23 vero Judæorum Deo consecratam arguit. Votum Paulinum, 663. Cenchræis persolutum, Nazaræatui apponit. Exorcistarum ordinem ad humanam institutionem refert. *Πνευμα* Ephesiorum
669. cum magicis miscet artibus. Pauli *ἑρμηνεία* metaphorice capere, quam proprie, eumque uxoratum, quam coelibem, dicere mavult. Primo, secundo & tertio adhuc ineunte seculo, communia fuisse virorum & mulierum apud Christianos oscula con-
684. seq. jicit, horumque in ceremoniis Ecclesiæ usum explanat. Occidentis Clerum olim barbatus processisse, adversus Baronium, rasis
691. seq. ram barbæ iis tribuentem, demonstrat. Quantopere antiqua institutionis materia ab hodierna illa Latinorum discrepat, uberius indigitat. Lucam Evangelistam a Medico distinguit, & Lucam a
713. Paulo nominatum eundem cum Lucio facit. Epistolam ad Hebræos Paulinam constituit, sed linguam ejus primigeniam Hebræam fuisse non æque admittit. De reliquis Apostolorum epistolis, quæ suo loco inspergit, prolixum foret nimis heic repetere. Communia olim extitisse Presbyterorum Episcoporumque
723. officia & privilegia, planum reddit. Petrino in urbem Romam
727. adventui fidem haud detrahit. At Hebraicum Matthæi Evangelium respuit. Volatus Simonis Magi insulsus ipsi penitus videtur.
730. seq. Petri & Pauli martyrium in annum sexagesimum quintum collocat.
734. Ca.

Calendariorum usum in Ecclesiis, ante seculum secundum jam
adultum, non admittit. Marcum de LXX discipulis unum fuisse,
Nostro haud arridet, nec eum martyrio mortem obiisse, sibi per-
suadet. Hæresin Nicolaitarum dum tangit, vocabulorum ex
Hebræa lingua petitorum, quorum ex ignoratione Patres hære-
ticorum istorum sensum non semper assecuti fuerint, explica-
tionem subministrat. Domitiani, Dei titulum assumentis, arro-
gantiam perstringit, ejusque non minus crudelitatem atque libi-
dinem severe notat. De Timothei martyrio pendet animi, at-
martyres alioquin multos statuere, parum ambigit. Nervam im-
perium abdicasse, ut vult Clarissimus! Dodwellus, non autumat.
Narrationem de latrone a Johanne Ephesum revertente converso,
male se habere non dissimulat, multaque in eadem carpit.

pag. 743.

752.

789. seq.

796.

805.

807.

814.

815.

Hæc e Tomo Basnagii primo placuit decerpere, quæ, ut
speramus, assatim probabunt, multa in eodem loca librorum
Novi Testamenti quorumlibet illustrata exhiberi, pretiosissimum-
que variæ eruditionis thesaurum inibi recondi. De secundo, ter-
tioque Tomo, qui una cum hoc prodierunt, proxime dicturi
sumus.

SALVATION BY JESUS CHRIST ALONE, THE
whole intermixed with several practical Reflections, by
THO. STAYNOE.

i. e.

TH. STAYNOE MEDITATIONES THEORETI-
co-Practice de Salute unice per Jesum Christum
obtinenda.

Londini, apud B. Tooke, 1704. in 8vo.

Constat Alph. 2, & 7 plag.

Compluribus receptum est annis, & usitata primitivæ adeo Ec-
clesiæ Doctonibus consuetudo, mysteriorum Divinorum irri-
soribus stupenda opponere naturæ prodigia, ad res attento hu-
manas ubivis obvia, quibus revelata Divinitus Christianorum sa-
cra non certo quidem demonstrantur, luce tamen aliqua extrin-
sec-

- secus collustrentur, atque ita profanorum iudicio, ac si sanæ absurda forent menti, liberentur. Qua Theologorum prudentia, hæcenus quidem cœlesti Prophetarum ac Apostolorum sapientiæ suus constabit honos, nunquam tamen cessarunt homines, in rebus rationi subiectis nimium sibi sapientes, fidei in Christum simplicitatem undique rodere, & cavillis quibuscunque proscindere. Motus hac Socinianorum pertinacia Doctissimus *Thomas Staynoe*, Minister Ecclesiæ Anglicanæ Londini celeberrimus, inquirere sustinuit, quidnam obstaret amplius, quominus hi cum cæteris, quibus annumerari volunt, Christianis sincere credant, nostram non nisi Christi meritis obtineri salutem. Cumque nihil aliud prætexere illos senserit, quam quod dogma hoc, prouti ab adversariis suis proponitur, prudentis cujuscunque reclamet iudicio, diligentissime fori humani observavit consuetudines, ut vel ex illis clarissime efficeret, Divinum redimendi homines modum respondere exasse legibus & rationis & justitiæ humanæ. Ea autem utitur demonstrationis methodo. Primo generatim monet, nunquam Deum tam pretiosum impensurum fuisse liberandis æterno exitio hominibus *λύτρον*, filii sui *μονογενὴς* sanguinem, si viliori redimi potuissent, quippe quod a divina sapientia foret alienissimum. Dein supponit, salutem, quam promittit Evangelium, comprehendere & peccatorum remissionem, & vitæ æternæ largitionem, quarum neque illa detur absque expiatione, neque hæc sine sanctitatis restitutione. Utrumque igitur redemptionis opus ut quis dextræ perageret, talem a sapientissimo Numine constitutum esse Sospitorem, qui & Deus simul esset & homo, & non nisi unicus tamen Mediator, stupenda quidem duarum in *Θεοῦ ὁμοιωσι* naturarum unione, sed qua offendi nemo mortalium jure meritoque possit, quandoquidem ne in humanis quidem omnem unionis rationem captus noster penetret, neque plane inauditum sit, multo minus absonum, quibus res inter Israelitas gestæ innotuerunt, Deum Angelosque, humana indutos specie, mortales visitasse. Etenim placare, qui in Deum peccarunt, homines neminem potuisse, nisi qui & Deus esset & homo: Deus ut læsō satisfaceret divini piaculi pondere Deo, homo ut pro hominibus capitali supplicio dignis sustineret mortem, id quod hu-
- ma-

manum est. In hac Redemptoris officii parte, varia quidem Soci-
 nianos desiderare, quæ autem rectius ponderata subito evanescant,
 cum nulli innitantur fundamento. Instare illos : delinquentes
 ipsos supplicio esse afficiendos, non qui ab omni immunis fuit
 culpa, Jesum Christum ; sed regeritur, nihil magis in foro rece-
 ptum esse humano, quam ut alter alterius solvat debitum, & si forte
 in capitis delicto concedatur nemini, ut alienas sustineat partes,
 cum vitæ nobis adimendæ potestas non penes nos sit, sed penes
 Deum, id tamen potuisse Redemptorem nostrum, qui non sit al-
 terius, sed suo fruatur libere agendi arbitrio. Objicere illos por-
 ro : mortem, quam Christus sustinuit, fuisse temporalem, quam
 autem homo promeruit, poenam esse æternam ; sed reponi, va-
 dem nostro loco luentem Divina præditum esse majestate, ex qua
 infinitum merito ejus accedat pondus. Urgeri tandem : Deum
 haudquaquam pati posse, multo minus propterea, ut se ipsum ab
 hominibus offensum in propria causa expiaret ; aut responderi,
 neque Deum qua talem pati, sed qua *Θεάνθρωπον*, neque istam
 animi lenitatem & placabilitatem, qua offensi sponte nostra in-
 gratiam redire studemus cum inimicis, Deo esse indignam, quip-
 pe quam toties suis commendavit, suoque sanctissimo exemplo
 approbavit. Sicuti igitur rectissime asseritur, non nisi a Deo in
 carne manifestato placari potuisse homines : ita quoque alterum,
 non nisi ab eodem instaurari posse illorum justitiam, quandoqui-
 dem ipsimet per contractam sibi ex primo parente labem, perfe-
 ctam legi præstare nequeant obedientiam, quod potuit Servator
 noster sanctissimus. Quinimo sicuti merus homo, quæcunque
 præstare potest bona opera, legi Divinæ debet, adeo ut fructuum,
 quos inde carpit, nemo præter ipsum fieri queat compos, sic Re-
 demtor Deus obedientiæ suæ merita transferre in alios potest, quo-
 niam a lege est immunis, neque præmiis, quæ promittit, indiget.
 Cui alieni meriti imputationi lucem hinc inde affundit clarissimam,
 ex vulgaribus in foro humano commerciis, ut *προδοξίας* super-
 borum, quibus minus arridet sapientia Deo in opere salutis ma-
 nifestata, propriis armis prosternat ac conculcet. Optaremus au-
 tem, ut clarissimus Auctor, pro ingenii sui libertate, aliquot non
 immiscuisset paradoxa hisce mysteriorum Divinorum vindiciis, quæ

Theologorum examini relinquimus. Tacemus Synergismum, cui addictus passim videtur. Illa vero novitatem spirare, vix asserere dubitamus, quando statuit: Deum in carne manifestatum esse imaginem, ad quam homo conditus sit, pag. 83, 85, 86; neminem in hac vita actu justificari, pag. 139 sq.; Gentilibus, quibus Christus, dum vixerunt, absque eorum culpa non innotuit, post resurrectionem Evangelium iri annunciatum; triplicem fore mortuorum e terra resurrectionem, primam piorum ad mille annorum in his terris regnum, alteram Gentilium ad audiendum Evangelium, & ultimam malorum ad iudicium. Quæ postrema asserta singulari disertatione, priori volumini ad calcem adjecta, demonstrare Auctor adlaboravit.

LA VIE DE MR. DE MOLIERE.

i. c.

VITA MOLERII.

Amstelodami apud Henr. Desbordes, 1705, 12.

Constat plag. 9.

- N**on male operam collocavit, quisquis celeberrimi apud Gallos Comici, Molerii, vitam in hoc opusculo consignavit, monumentis ad id, ut videtur, satis instructus, quem *de Grimarest* vocat, ex titulo alterius libelli, *Les Campagnes de Charles XII, Roi de Suede*, eodem anno Haga editi discimus, ubi palam se vitæ hujus auctorem profitetur. Natus est *Jobannes Baptista Poqueulin* Parisiis, patre & avo textoribus, & in domo patris texendis aulæis aliquandiu operam dedit. Cum vero ab avo aliquoties fuisset ad ludos Comicos ductus, cepit paulatim a textoria arte abhorreere, tandemque impetravit a parentibus, ut se studiis imbui in Collegio Jesuitarum sinerent. Hinc intra quinquenniū non modo humaniores literas, verum & Philosophiam ipsam sibi reddidit apprime familiarem, & Gassendum diligenter audivit, commilitonibus usus Bernerio, de Chapelle & Cyrano de Bergerac. Mox ut suarum virium in re Comica periculum faceret, adlucito, dubium qua de causa, *Molerii* (Moliere) nomine, societatem theatralem cum Parisiensibus nonnullis iniit, a quo instituto parentes cum avocare frustra tentabant. Nulla tamen fide a gravi alioquin scriptore tradi putat Noster, clericum ab illis subornatum, ut

ut gravibus argumentis ab ea vitæ ratione juvenem abstraheret, a Molerio contra permotum fuisse, ut eandem ipse amplecteretur. Relatis inde Parisiis, ad alias Galliæ urbes cum sociis profectus est, & primum scetum, quem *L' Etourdi* vocat, Lugduni publice in theatro repræsentavit A. 1653, Lutetiamque reversus A. 1658, brevi favorem aulæ obtinuit, & annuam deinde mille librarum pensionem a Rege accepit A. 1664, sequenti anno sex mille libris auctam. Hic quo primum tempore drama quodque repræsentatum, quoque plausu exceptum a spectatoribus fuerit, pluribus recensere, supervacaneum ducimus, ea potius delibaturi, quæ ad personam & mores Molerii propius attinent, & relatu magis digna videri possunt. Tullum contraxerat graviorem, & sanguinem exspuebat Molerius. Quare moderate vivebat & solo fere lacte nutriebatur, & cum amici eum salutarent, Actori cuidam suo, cui nomen Baron, id quandoque muneris dabat, ut hospites jucunde suo nomine exciperet. Accidit autem, ut cum cœnam aliquando in seram noctem traxissent Baro & reliqui, omnesque bene poti essent, sermonem inter se de miseria vitæ humanæ haberent, & rerum humanarum pertæsi, uno ore omnes decernerent, se vitam proximo, quod ante ædes erat, flumine finituros, atque adeo suaviter inter mutuos amplexus morituros. Mox scapham conscendunt, fit rumor, accurrunt famuli, quos illi, ne ab instituto impediri possent, strictis gladiis in ædes suas rejiciunt. Supervenit his demum Molerius, & irarum causas sciscitatus, cum eos adeo ad mortem paratos cerneret, ut poena dignissimos crederent, quicumque propositum tam nobile impedire præsumerent, tum objurgatis primum in speciem famulis, mox ita socios compellat: num qua in re vos offendi, o mei, quod tam belli consilii me participem esse nolulistis? an sine me, quem vobis tam familiarem creditis, mortem oppetere animus est? quin ego vobiscum moriar. Verum consulto rem agere opus est; gloriosam esse oportet, quæ postrema futura est, actionem, non ignominiosam. Et quid judicatueros homines creditis, si nocte obscura, ut desperabundi & temulenti solent, submergamur? Quin potius oportuniori tempore tam nobile propositum exsequamur. Cras, ipso mane, hora inter octavam & nonam media, adspectante in-

14.

39.

67.

91.

98. sq.

- genti hominum caterva, jejuni omnes saltu nos in fluvium projiciamus. Hoc pulcro commento, si vera tamen sunt, quæ Auctor magna fiducia asserit, facile in viam reduxit socios Molerius, eosque certæ morti eripuit. Hujus generis alia referuntur plura, quæ ingenium Molerii produnt, & legi apud Auctorem merentur.
131. Caterum non modo Actoris, speciatim Comici, personam in theatro egregie expressit, & eloquentia externa præ cæteris excelluit, verum & in Philosophia multum versatus, Gassendum quidem magis, quam Cartesium secutus est. Rohaltum quoque amicum habuit, cujus tamen imaginem repræsentavit, cum Philosophum in dramate, quod *le Bourgeois Gentilhomme* inscribitur, exhiberet, & ne quid characteri deesset, pileum quoque ab eo mutuo petiit.
136. 163. At in Benferadium, Poetam elegantem, qui aulæ favore plurimum nitebatur, male animatus fuit. Itaque ut eum deridendum propinaret, carmen ad genium Benferadii composuit in laudem Regis, dissimulato nomine, quod cum illico omnes Benferadio adscripsissent, neque is multum repugnasset, se ipsum postea palam auctorem professus est, eoque arrogantiam illius haud parum castigavit.
173. Quantum ad matrimonium ejus, non negat quidem Nolter, Molerio non optime cum uxore convenisse, at Cl. Bælium, indigno quidem testimonio nixum, aliosque a vero alieniora tradere scribit; quin ita asserit amicorum opera reconciliatos fuisse conjuges, ut, quo magis uxori obsecundaret, relicto lactis usu, carnibus iterum vesci cœperit Molerius, eoque
180. sq. latentem morbum denuo provocaverit. Neque diu superfuit; nam, cum drama *le Malade Imaginaire* tertia vice repræsentandum esset, sensit mortem sibi haud dubie imminere, neque id coram uxore dissimulavit. Tametsi vero ea, ne illo die repræsentationi interesset, impense rogaret, nihilominus institutum persecutus est; initium tamen repræsentationis justo maturius fieri voluit. Et observatum facile a spectatoribus, non fingi a Molerio morbum, cum personam ægroti induisset. Absoluto penso, paulatim calor naturalis defecit, moxque delatus domum, ingentem vim sanguinis exspuit, dumque accersiri uxorem jussit, inter duarum monialium, quæ forte aderant, pios sermones exspiravit A. 1673, die 17 Februarii, relicta filia unica, paternarum virtutum hærede.

De.

Deductum est magna' celebritate funus, etsi nonnulli solenni ritu efferendum esse negassent; certatim & Poetae epitaphia composuere, quae inter eminet, quod Vir quidam doctissimus, qui illustris hodie Praesulis munere fungi dicitur, fecit: 187.

Plaudebat, Moleri, tibi plenis Aula theatri:

190.

Nunc eadem moerens post tua fata gemit.

Si risum nobis movisses parcius olim,

Parcius heu! lacrymis tingeret ora dolor.

Ubi de operibus ejus aliquid addit Auctor, meminit, eum Lucretium in Gallicum idioma traducere conatum, ita quidem, ut bellas descriptiones carmine, philosophica vero prosa oratione expresserit, jamque magnam versionis partem fuisse absolutam; at cum forte ex ejus famulitio quidam chartae, cui inscripta erat, particulam detractam renovando capillamento impendisset, Molerium indignabundum totum manuscriptum Vulcano tradidisse. Denique cum in dubio haecenus fuerit, utrum causas in foro juvenis egerit, nec ne? a propinquis ejus sibi relatum ait Noster, Molerium cum socio amico juri operam dedisse, verum ita mutatum postea fuisse utriusque statum, ut socius abdicatis litteris comicam vitam amplexus fuerit, cum Molerius interea juris studium urgeret; at illo cum Musis reconciliato, Molerius ipse hanc vitae comicæ rationem inierit. 198. 199.

PARALLELE DU CARDINAL XIMENES, Premier Ministre d'Espagne, & du Cardinal de RICHELIEU, Premier Ministre de France.

Sive

COMPARATIO XIMENII HISPANI CUM RICHELIO Gallo Cardinale, auctore RICHARDO Abbate Gallo.

Roterodami, apud Jo. Malherbam, 1705, 12.

Constat plag. 9. pag. 212.

Vitas virorum toga vel sago illustrium qui scripserint, bene multi sunt, Comparationes vero illorum paucissimi instituerunt.

runt. Magnum in hoc difficillimo scriptionis genere Plutarchi inter veteres nomen est, cujus vestigia ex recentioribus Gallis nostra ætate Varillatius, Evremontius & Rapinus pressere, quorum illi duas tantum, Caroli nimirum Quinti Cæsaris & Francisci I Galliarum Regis, Ludovici item XI Galliarum & Ferdinandi Catholici Hispaniarum Regis: isti vero tres, Alexandri puta & Cæsaris, Condæi ac Turennii Ducum, & Cornelii atque Racinii Tragicorum inter Gallos celebrium; *Rapino* denique Ciceronis ac Demosthenis, Homeri & Virgillii, Pindari ac Horatii, aliorumque vitas *παράλληλως* scriptas debemus. Ad illorum imitationem, Richardus Abbas noster *Francisci Ximenii de Cisneros* Hispani, cum *Armando Julio Richelio* Gallo Cardinale, comparisonem adgressus est, quorum paria in patriam merita, paria pro extollenda Regum auctoritate studia, paria tandem procerum utriusque regni adversus illos odia, centum sectiunculis recensuit.

Argumenti hujus tanta est amplitudo atque majestas, ut legentium oculos admirabili quadam delectatione adficiat. Ut enim plenam absolutamque vitæ & factorum seriem non complectatur opusculum, singularis tamen ortus atque factorum in Ximénio & Richelio convenientia deprehenditur. Uterque a tenuissimis initiis ad summum humanæ felicitatis apicem emerit. Ximénius anno 1457 in oppidulo Tordelaguna natus: Richelius Parisiis quidem anno 1585, d. 5. Sept. in lucem editus, sed patre adeo ad incitas redacto, ut Richeliam viduam insignia S. Spiritus, cujus equestri Ordinis Socius olim fuerat maritus, vendere oportuerit, quo iusta defuncto persolvere, & lugubria induere posset. Uterque ex Monacho Aulicus, ex Clerico primarius Status Administer factus, variis aulicarum vicissitudinum turbinibus jactatus sæpenumero, sed eluctatus semper fuit. Uterque mirum blandientis fortunæ spectaculum, fatis ita præsagientibus, ne posteritati novum Episcopi militis, novum Cardinalis Romano Pontifici obstrepentis exemplum deficeret: qua in re Ximénius P. Francisci Ruizii, e Discalceatis Monachi, Richelius vero P. Josephi, Capucini famosissimi, cujus vitam nuper editam vidimus, opera perutiliter usi sunt. Uterque regnandi artium peritissimus, in deliciis Principis sui fuit, ac modo composita ad fallendum

fron-

fronte regiminis abjiciendi propositum simulavit; modo contractis undique viribus adversariorum consilia mature discussit. Uterque doctorum Mæcenæ ac Musarum restaurator audiebat: & Ximenius quidem editis a se Bibliis Complutensibus, Richelius autem Polyglottis Biblus obstetricas manus admovendo, æternam nominis celebritatem inter litteratos consequutus est; qua de re sectione supra vigesimam septima fusius ab Auctore discribitur. Ximenius Oranense castellum in Africano littore, ex quo Mauri barbari in Hispaniam commodissime transfretare poterant, novo ac incredibili ausu, expeditione plane nova, quam suis ipse sumptibus adornaverat, suaque ipse præsentia feliciter confecerat, subjugavit: Richelius in Rupella capta, prostratis Reformatorum in Gallia viribus, & rejectis Anglorum auxiliis, non minorem gloriam adeptus est, quando ipse Cardinalis tunc temporis exercitus Gallicani supremus ductor, & sacra, quam ita nominaverat, militiæ coryphæus ac triumphator extitit. Ximenius Navarra Regnum Ferdinando Hispaniarum Catholico Regi adquisivit: Richelius Ludovico XIII Catalauniam & Ruscinonensem Comitatum. Ximenius pervicacissimorum Magnatum potentiam infregit: Richelius iidem Curiarum & Procerum Gallicorum auctoritatem Regis unius arbitrio subjecit, & rebellium provinciarum conatus festinantissima dexteritate elusit.

Atque in his omnibus mirum in modum ambo isti Cardinales inter se conveniunt; in eo tantum maxime dispares, quod Ximenius ab universa Hispania diligeretur, Richelius in odia Gallorum omnium incurrerit; quod Ximenius pietatis officia constanter exsequutus, a sacris functionibus sedis Toletanæ rarissime abfuerit, Richelius externos solum religionis ritus & ærimonias fucata affectatione expleverit; quod Ximenius Isabellæ Reginae, cujus beneficio ad Archiepiscopatum Toletanum & Primateum Hispaniæ pervenerat, gratum animum contestatus sit, Richelius Mariam Medicæ benefactricem, apud Colonienses externos exulem, in magnis rei domesticæ angustis perire coegerit; tandem, ut palmarum capitis haud obliviscamur, quod Ximenius octogenario major senex, citra expectationem aut meritum, Caroli V Caesaris, tum adhuc juvenis, jussu a clavo regni deturbatus, præ-

moerore vitam clauferit: Richelius e contrario, præter omnia procerum molimina ac civium vota, ad ultimum usque vitæ halitum, Regiæ voluntatis interpres, & Senatus sanctioris Præses, omniumque negotiorum princeps administer permanferit, atque adeo annum ætatis 58 nondum egressus, pene inter amplexus, certe inter lacrymas Ludovici Regis & Augustæ Domus Principum, qui lectulo decumbentis adstiterunt, expiraverit.

MONUMENTI, AELIA LAELIA CRISPIS, HISTORICA Explicatio. Fragmentum antiquum in Bibliotheca FRANCISCI MASTRII repertum.

Venetiis, typis Hier. Albricci, 1702, 4.

Constat plag. 5, pagg. 36.

Marmorum vetustiorum inscriptiones adeo sæpenumero difficiles ac perplexæ sunt, ut a paucissimis rite explicentur, & vel iis negotium faceffant, qui cum Evandro se colloquutos fuisse, aut abstrusissima vetustatis mysteria detexisse gloriantur. Omnium enimvero difficultates una quasi in se derivasse videtur. *Ælia Laelia Crispis*, famosum illud Bononiensis cujusdam monumenti epitaphium, centum jam quinquaginta, & quod excedit, annis, a præstantissimis Italarum Germanorumque ingeniis acerrima disquisitione examinatum. Exstitit olim Bononiæ in villula Marci Antonii de la Volta, Patricii Bononiensis, quæ porta Mascharella egredientibus primo ab urbe lapide se statim offert, atque a Carolo Cæsare Malvasia, cujus de hac *Ælia Laelia Crispis* Tractatus a nobis in Actis anni 1684 p. 263 sq. recensitus est, circa annum superioris seculi quadragesimū octavum adhuc visum est, quod in latitudine uncias triginta circiter, in longitudine uncias triginta sex habuisse, atque ex marmore versicolore albo & rubro, præ vetustate obscuro, rudibus litteris ad magnitudinem non unius uncie integræ sculptis constitisse, & inscriptione, qualem l. c. p. 264 exhibuimus, signatum fuisse memorat. Multum hæc ab illa differt, quam Mediolanenses Academici publicarunt, cum ænigmatis enodationem Philosophis Patavinis proponerent, & idcirco tabellam
epi-

epitaphii quibusdam in locis nonnihil immutatam, A. 1547 ad Antonium Catharum, J. U. D. magnum ævi sui apud Patavinos antiquarium, mitterent. Hanc enim, post Catharum, statim alii quoque sapientiæ ac eruditionis laude præclarissimi doctores illustrare adgressi sunt, ex quorum censu Marius Michael Angelus in epistola ad Christophorum Madrutium, Tridentinæ sedis Antistitem & S. R. E. Cardinalem, *Æliam Leliam Crispin de Aqua Pluvia*, Richardus autem Vitus Basinstochius, Patavii tum temporis studiorum commoratus gratia, de *Niobe in Saxum conversa*, interpretatus est. Qui posterior etiam brevi post, eodem nimirum anno 1547 vix exeunte, speciali epistola ad Marcum Mantuam Benavidium, Equitem atque J. C. tum Patavinum, scripta, Marii sententiam de *Aqua Pluvia* refutaturus, ænigma dictum de *Anima* quoque exposuit; & quum interim novus inscriptionis tenor ex archetypo Bononiensi in lucem exiisset, cumque Joannes Turrius Brugensis ad *Materiam* applicaret, tunc nova iterum & tertia quidem interpretatione, quam responsionis ad Turrium nomine idibus Januarii anni 1567 exaravit, de *Idea Platoniorum* explicuit. Successit illis Nicolaus Barnaudus, Medicus Gallus Delphinus, qui velut alter quidam Oedipus Sphingi huic satisfactorius, ænigmaticum Bononiense epitaphium de *Lapide Philosophorum*, seu metamorphosi metallorum chymica, intelligi debere contendit, scripto eam in rem Lugduni Batavorum d. 25 Nov. 1597 ad Mauritium Principem Auriacum commentariolo, qui cum Marii, Viti atque Turri de hac *Ælia Lelia Crispi* opinionibus, Dordrecht apud Jo. Leonardum Berewoytum anno 1618, in 8, Solem adspexit, atque nunc inter rariores illius argumenti libellos numerandus est. Plures hujusmodi commentatiunculas alicubi inter schedas litterarias delitescere, vix dubitare habemus: atque is ipse, quem supra nominavimus, Carolus Cæsar Malvasia Comes, inter *Marmor. & Felsineæ*, quorum Inscriptiones Bononiæ A. 1699 edidit, sectionis decimæ capite primo fol. 577 sq. hoc argumentum denuo pertractat. Quo quidem in loco non tantum suam de *Filia promissa in Sponsam, sed abortu forsitan enecta*; verum & aliam Petri Menguli, Prioris S. Magdalensæ Bonon. quam d. 21 Jun. 1681 ad Malvasiam miserat, de *Regula scilicet Castitatis*, (a Fr. Eodoringo Andalao,

M

Fua-

Fundatore Religionis Militaris Equitum S. Mariæ, sibi & successoribus religiosis propositam, & in prima sacra domo expositam) sententiam adducit: addita insuper epitaphii hujus historico-mythica interpretatione, ab Alexandro de Nigris, Jo. Francisci Filio, exasciata, cui cælaturam lapidis famosi, cum variorum de *Elia*, *Lelia* conjecturis ad oram marmoris adnotatis, subjungit, doctam hercle, & dignam omnino, quam ex laudatis Malvasiæ Marmoribus Felsmeis, vel hac sola occasione, Actis hisce denuo (confer Anno 1684. pag. 263, & Anno 1691. pag. 4.) insereremus. Cæterum haud facile nobis quisquam persuaserit, decantatissimi ænigmatis famam, Virorum in hoc scientiarum genere illustrium, Joannis puta Smetii, Josephi Scaligeri, Jani Gruteri, Thomæ Reinessii, Marquardi Gudii, Raphaelis Fabretti, aliorumque oculos aut lucubrationes effugere potuisse.

Non parum ergo literatus Orbis V. CL. Francisco Mastrio debebit, qui monumenti toties citati duplicem explicationem historicam, velut antiquum in Bibliotheca sua repertum fragmentum, typis Hieronymi Albricci, ante triennium Venetiis publicavit: cujus libelli, serius ac nuperrime detrum ad nos delati, recensionem tanto lubentius nunc instituimus, quo magis Auctoris anonymi sententia nobis arrisit. Is quippe, quisquis etiam fuerit, neglectis aliorum conjectancis, *Eliam Leliam Crispin* seu *Crispidem*, ab externis regionibus profugam, apud Bononicenses divertisse, & Hermaphroditam egregie indolis atque forma, sexu tamen femineo tantum cognitam fuisse statuit. Errantem in agro quidam Lucius Agatho Priscius, vir probus, ætateque maturus, domum inter servas aut libertas recepit, ubi puella vaferima innocentiam motum simulavit, clam vero in amplexus unius ex domesticis Priscii exarsit, cujus concubium quum non tenuisset, sed brevi post ab amasto defereretur, præ amoris sui impatientia, fame sibi mortem parare statuit, & illa lentius pro ejus placito agente, ferro insuper ac veneno epoto factum festinavit. Priscius horam omnium ignarus, Crispidi bene alias de se merita funus fecit, cineresque in vortulo, ut moris erat apud antiquos, samulo supra terram modice erecto condidit: cui postmodum amasius, sive honoribus despecta pellicis invidens, sive in

MENSIS FEBRUARII A. MDCCVI. 91

Priscii in seipsum lapide jocari volens, tumulo lapidem superposuit, & ludierum marmori titulum insculpsit. Hæc summa est utriusque explicationis, quam breves notulæ subsequuntur, in quibus Anonymus postea scortorum salacissimorum nequitiæ ex Martialis epigrammatibus comprobat, eumque Poetam epitaphi fortasse hujus auctorem fuisse, suspicatur.

Reales Staats- und Zeitungs-Lexicon.

i. o.

LEXICON REALE STATUS ET NOVELLARUM
in quo Religiones & Ordines sacri, Regna & Status, maria,
lacus, fluvia, urbes, munimenta, arces, portus, montes, pro-
montoria, claustra, sylva, milliaria, discrimina, Familiae Germani-
ce illustiores, Ordines equestres, comitia, judicia, officia civilia
& militaria, res monetaria, modorum & ponderum genera-
tum res ad rem militarem & navalem spectantes, nec non ter-
mini artis, aliaque vocabula peregrina in familiari discursu
opportunè explicantur. Editio secunda aliquot
mille locis auctior & cor-
rectior.

Lipsiæ apud Jo. Frider. Gleditschium, 1706. 8. Alph. 2. pl. 17. ch. aug.

Cum & inter eruditos non omnes instructo librorum appa-
ratu gaudeant, & reliqui literis haud exculsi in ipsis etiam
novellis, quarum lectione plerique delectantur, ob vocabulorum
nonnullorum, aut rei etiam Geographicæ ignorantiam, haud raro
hæsitent, egregie utrisque consultum videtur, Lexico hoc reali
ante annum primum apud nos vulgato, jamque iterum singulari
studio recuso; quale quid, si Geographica spectes, Laurentium Ea-
chard sexta vice Londini A. 1703, sub titulo *The Gazetteer's: or*
Newsman's Interpreter in 8. edidisse, obiter hoc loco observamus.
Præmisit utrique libri hujus editioni luculentam præfationem Johan-
nes Lubnerus, celeberrimus Gymnasii Martisburgensis Rector, cujus
Quæstionum Geographicarum editio decima sexta modo prodiit, &
Historicarum tomus octavus sub prelo sudat, a nobis ex merito, ubi
absolutum integrum opus historiarum fuerit, laudandum. Quo

magis vero hujus libri usus appareat, varia hic producit exempla vocabulorum, quæ, si accurate considerentur, ad artium & scientiarum genera omnino quinquaginta referri possint. Tum ordine, quibus rebus hæc editio priorem superet, docet. Nimirum non modo Geographica longe plurima, & Genealogica, & Militaria haud pauca hic accessere, verum & de religionibus potioribus, sectis item & ordinibus religiosis, aliqua ex hujus generis libris præstantioribus transumpta sunt. Tum ordines equestres subtit. Ordem inferi omnes, & ex jure publico Germaniæ complures articuli additi, passimque explicati exoticarum linguarum, quæ in familiari colloquio occurrere solent, termini. Denique cum multi hoc ævo, in politicis libellis suis, sub insignibus Principum ipsos Principes velare consueverint, ut sub Leone Regem Sueciæ, sub Ruta Electorem Saxoniz &c. non ingratis lectoribus putavit. Auctor, si operi insignium indicem accuratum adjiceret. Illud præterea magnopere deprædicat Hübnerus, quod ad hujus editionis ornamentum undique eruditissimi, imo & Principes viri sponte haud contemnendas operas contulerint. Ipsum quidem Auctorem, cum nomen suum celari voluerit, nos neutiquam propalabimus, illud tamen non prætermittimus, plures haud erubescendas lucubrationes hitoricas, imprimis vero Ziegleriani operis *Historisches Labyrinth der Zeit*/ Lipsiæ A. 1701 f. editi (ipse enim Henr. Anshelmus de Ziegler, edito libro, *Täglicher Schauplatz der Zeit*/cujus hoc alteram quasi partem constituit, satis notus, omnia morte præventus absolvere non potuit) eidem deberi supplementum.

NOVA LITERARIA.

Significavimus in Actis superioris anni p. 384, Summe Reverendum Dn. *Stephanum Jaworowsky*, Archipræsulem sive Metropolitam Rezanensem & Muromiensem, vices Patriarchæ in Moscovia p. t. gerentem, nobilem Polonum, Philosophiæ ac Theologiæ Doctorem, in Academia Kyoviensi olim Professore celeberrimum, librum quendam sub titulo: *Signa Adventus Anti-Christi, & finis mundi, e Sacra Scriptura demonstrata, quomodo cum Apostolorum questione Matth. XXIV, quodnam est signum*

signum adventus tui & consummationis seculi? consentiant, Mos-
 couz nuper edidisse. Non dubitamus, cupidos fore haud pau-
 cos sciendi, quam de argumento minime ignobili, tanti in Ec-
 clesia Græca nominis Viri sit sententia? Itaque quia liber ipse
 idiomate nobis incognito, Moscovitico scilicet, conscriptus fuit,
 placet ex relatione, quam paulo ante obitum suum beatus Glü-
 ckus de eo Moscuam transmissam impertit, quædam cum benevo-
 lo Lectore communicare, facile vel hinc deprehensuro, Autorem
 non pauca, quæ de signis Antichristi assert, ex Bellarmini l. 3. de
 Romano Pontifice in suum librum transtulisse. In præfamine
 ejusdem primum ostendit studium, quod doctrinæ de Antichristo
 impenditur, ab utilitate quidem se commendare, ingentem ta-
 men iis noxam afferre, qui arcana Dei consilia plus justo rimari
 cupiunt: deinde conqueritur, salutarem de Antichristo doctrinam
 non modo a Romano-Catholicis, atque aliis peregrinæ religioni
 addictis, sed, quod maxime dolendum, ab illis quoque, qui
 domestici hostes nominari possint, impugnari. Et cum isti va-
 rios circa illud dogma errores foveant, asserantque Antichristum
 jam venisse, ac ea propter Moscuam, orthodoxam urbem, Ba-
 bylonem vocitent, ejusdemque incolas pro Babylonis, Antichristi
 asseclis ac filiis perditionis venditent, semet hunc librum edere
 voluisse scribit, quo errantes in viam rectam reducerentur. Sub
 operis auspiciis aliquot proponit quæstiones, & ad illas brevi-
 ter respondet. Ad primam: *Quis est Antichristus?* respondet, qui
 Christo adversatur, eoque sensu multi dantur Antichristi, quo-
 rum origo a Simone Mago repetenda. Sed hos analogice tantum
 & non proprie tales, ac præcursores magis Antichristi, quam An-
 tichristos dici posse, observat. Ad secundam: *Quomodo vox An-
 tichristi distinguitur?* respondet, duplicem ejus, ad instar vocum Jesu
 & Christi, esse significationem, generalem alteram, alteram specialem:
 generaliter accipi de iis, qui Christo se opponant; specialiter autem
 sumi de Antichristo proprie sic dicto, qui nondum venerit, sed
 circa finem mundi demum sit appariturus, de quo Paulus *II
 Thess. II.* Ad tertiam: *Quomodo Johannes 1. Epist. Cap. IV* di-
 cit, eum jam in mundo esse, & Paulus loc. cit. asserit, mysterium
 iniquitatis jam operari? reponit, hæc de Antichristi prodromis in-
 telli-

telligenda esse. Ad quartam : Num adventus Antichristi annus definiiri potest ? respondet, neque Antichristi, neque extremi diei definitum tempus, juxta Christi essatum *Matth. XXIV*, indagari posse. Ad quintam : Quid autem de LXX hebdomadibus *Daniel. Cap. IX* sentiendum, cum ex iisdem finis mundi atque adventus Christi conjici posse videatur ? respondet, omnes patres primitivæ ecclesiæ verba Danielis de primo, non secundo Christi adventu exponere, atque ex iisdem Messiam jamdudum venisse, contra Judæos probare : quibus ipse accedit, ac prolixè admodum verba Angeli ad Danielelem, de LXX hebdomadibus exponere aggreditur. Quibus ita præmissis, & improbatis eorum ausis, qui temeraria curiositate in finem mundi inquirunt, promittit se discendi cupidis signa, eaque non generalia, sed specialia, de adventu Antichristi agentia, e sacro codice ostensurum esse. Hinc *Cap. I.* de primo Antichristi adventum præcedenti signo agit, asserens, illud esse Romani Imperii desolationem, nec posse per apostasiam *II. Thess. II*, vel Arii, vel Romanæ Ecclesiæ a fide defectionem intelligi, licet Romana apostasia aliquid Antichristiani in se habeat, cum & Leo X, Græcos in Oriente Monarchas contemnens, novum in Occidente Monarchā, Carolum nempe, coronarit, & paulo post symbolo orthodoxo, Spiritum S. a Filio procedere, insertum fuerit. Qua occasione disserit Auctor de imagine, cujus apud Danielelem *cap. II* fit mentio, & postquam ostendisset, spiritualia in Scriptura Sacra spirituali sensu exponenda esse, avulsum lapidem de Christo, imaginis autem pedes de quarta Monarchia exponit, statuitque Christum eandem comminuisse spirituali modo, per sublationem & ejectionem ethnicismi, ac tandem plene comminuturum esse, tollendo illius potestatem ac regimen, atque circa eam tempestatem appariturum esse Antichristum. Postea ad imaginis de quatuor animalibus, a Daniele *cap. VII* descriptæ, illustrationem se confert, ac per potentiorum Regem, qui tres deprimet, Antichristum : per sanctos altissimi, Enochum & Eliam : per tempus, & tempora, & dimidium temporis, tres cum dimidio annos regiminis Antichristi : per judicium, extremum judicium intelligit. *Cap. II* alterum signum, quod Antichristi adventum præcedet, tradit, dicitque esse prædicationem Evangelii per universum orbem. *Cap. III* de tertio signo, Enochi

chi & Eliæ reditu, ex *Malach. IV, 5. 6. Synac. XLVIII, 1. seqq. Matth. XVII, 10. seq. Apoc. XI, 1. differit.* Cap. IV ex *Job. V & II. Theff. II, 2.* evincere studet, quartum signum esse, quod Judæi Antichristum pro vero Messia sint habituri; ac quædam de nativitate illius adjicit, asserens optimam eorum esse opinionem, qui judicant, ipsum non ex legitimo matrimonio, sed meretrice, genitum iri. Cap. V de quinto signo, falsis Antichristi miraculis, quædam in medium affert. Cap. VI de sexto signo, evectione Antichristi, Numinis instar, in locum Christi differit. Cap. VII de septimo signo, sede Antichristi, quæ juxta ipsum Hierosolyma erit, loquitur. Cap. VIII de octavo signo, nomine Antichristi ejusque descriptione agit, notans, Antichristum variis insigniri nominibus, proprium autem nomen ipsi a Johanne in Apocalypsi *cap. XIII, 18*, tribui: Antichristi nomen Græcum fore, quia Apocalypsis Græco idioma te conscripta sit: omnes patres confiteri, istud ignotum esse, adeoque peccare, qui in idem inquirunt. Cap. IX de brevi duratione regiminis Antichristi sermocinatur, istudque tres cum dimidio annos duraturum esse, ex *Daniel. VII, 25, XII, 11, Apoc. XII, 6, & 14, XIII, 5.* probare satagit. Cap. X de regimine & bellis Antichristi agere instituit, atque inter alia mille annos *Apoc. XX* per synechocchen numeri certi pro incerto explicat. Cap. XI, quid per Gog & Magog; & Cap. XII, quid per Babelis ruinam denotetur, disquirat. Cap. XIII de signis adventum Messiae secuturis tractat, atque inter alia perhibet, mundum non quoad substantiam, sed accidentia saltim interitum: infantes, non ut infantes, sed ætate virili, qua Adam creatus fuerit, & juxta mensuram staturæ adulti Christi *Eph. IV, 13* resurrecturos esse: per magnos & pusillos *Apoc. XX, 12* non quantitate, sed qualitate tales, id est, præstantes ac viles homines intelligi: judicium extremum in valle Josaphat futurum esse: per signum filii hominis *Matth. XXIV, 30* crucem intelligi. In Cap. XIV, quod Epilogum libri exhibet, verba *II. Petr. I, 16 & 19.* ad librum suum applicat, summam quandam dictorum de Antichristo repetit, ultimam horam *I. Job. II, 18* de periodo ultima mundi, quæ a Christi incarnatione ad extremum usque judicium extenditur, exponit, atque in ejusdem periodi colophonem non scrupulose inquirendum esse admonet.

Hæc

Hæc ex excerptis Glückianis communicare volumus, quæ occasione de ipso Glückio quædam addere placet, quod cum innotescere orbi literato par sit, qui bonas literas tanto conatu in ipsa Moscovia exornavit & adjuvit. Nimirum Ernestus Glückius, Pastor antehac Ecclesiæ Mariæburgensis, Præpositus circuli Kokenhusani, & Præses Consistorii Regii Livonici, hactenus Director Gymnasii Illustris, quod Moscuæ institutum est, lucem primum adspexit A. 1653 die 4 Maji, Wettini in Germania, patre Christiano Glücke, Pastore Wettinensi. Hic postquam Theologiæ strenue Wittebergæ incubuisset, & Jura quoque non leviter attigisset, mox Rigam in Livonia petiit, verum redux factus triennio fere apud Musas nostras commoratus est, atque hinc in Belgium, rursusque in Livoniam profectus, ubi ad Ecclesiasticum, sed castrense, munus vocatus, biennio post Christianam Emerentiam de Reutern uxorem duxit. Sequentibus annis Ecclesiæ Mariæburgensis munus nactus, & paulatim officiis, quæ diximus, aliis auctus, varia elucubravit, Bibliorum imprimis versionem Russicam, quæ in expugnatione urbis illius a milite Mosco direpta fuisse, alias significavimus. Perlatus inde cum familia Moscuam, omnem movit lapidem, ut Mosci litteris redderentur exultissimi, ingenti ideo a Magno Moscorum Monarcha stipendio donatus. Verum anno superiori, die 29 Aprilis, gravi morbo decumbere cœpit, quo demum eodem anno die 4 Maji placide expiravit, relictis duobus filiis, quorum senior pariter in novo Gymnasio exornando operam non inutilem collocat, & filiabus quatuor.

ERRATA.

Anno 1705. pag. 351. l. 6. a fine pro *illa*, *hæc* leg. *hæc*, *illa*. pag. 352. l. 5. pro *altum* leg. *amplum*. pag. 353. l. 6. leg. *differentie*. pag. 355. ad marg. pro *fig. VI.* leg. *fig. IV.* pag. 356. l. 7. pro *A.* scrib. *O.* pag. 359. l. 10. leg. *habebis*. pag. 360. l. 26. pro *(AB)* leg. *CAB.*

* * * * *

ACTA ERUDITORUM,

publicata Lipsiæ

Calendis Martii, Anno M DCC VI.

LINGUARUM VETERUM SEPTENTRIONALI-
um Thesaurus Grammatico - Criticus & Archaeologicus,
Auctore GEORGIO HICKESIO,
S. T. P.

Oxoniz, e Theatro Sheldoniano, 1705, in fol.

Constat Alph. 11. plag. 21. chartæ major.

multisque tabb. æneis.

DE vetustissima Anglo-Saxonum lingua licet egregie jam meruerint Dugdaleus, Foxus, Junius, Lisleus, Lambardus, Marshallus, Parkerus, Seldenus, Spelmannus, Somnerus, Whartonus, Whelocus, ac nuper admodum Gibsonus, Rawlinsonus & Thwaitesius, qui omnes præstantiora quædam monumenta, idiomate isto conscripta, superiore & hac nostra etiam ætate typis vulgaverunt: neminem tamen horum eousque sedulitatis progressum esse animadvertas, ut linguam pridem emortuam Grammaticis regulis attemperaverit. Intacta hæc laus mansit Virum Clarissimum Georgium Hickesium, Wigorniensis Cathedralæ Decanum venerabilem, dum Institutiones suas Grammaticæ Anglo-Saxonice & Mæso-Gothicæ A. 1698 publico obtulit, quas Supplementorum Tomo I Sect. X quoque produximus; sed cum longe plura dicenda haberet, plura etiam dies & amicus unus atque alter ipsi suggererent, totius literaturæ Septentrionalis divitias excutere, indeque præsentem adornare Thesaurum voluit, hoc maxime favoris a civibus suis expertus, ut collato ære operis impressionem strenue promoverent. Illud vero in duos libros

N

dis-

dispescitur, quorum primus Autori potissimum, secundus Humphredo Wanlejo acceptum referendus. Nobis autem hac vice deliberatum, prioris solum notabilia investigare, ne nimio rerum pondere Lectoribus oneri simus, de altero libro alibi acturi.

Auspiciatur ita Hicckesius noster cursum suum Institutionibus ante dictis Grammaticalibus, quas Honorabili Viro, Roberto Parkintonio, Baronetto inscribit, simulque occasionem nanciscitur, multa Wiccii seu Wigorniensis pagi nomina topica, Saxonica, originem redolentia, commemorandi, tum Anseatici cognominis etymologiam a Cimbrica voce A, quæ *aqua*, *flumen* denotat, inque genitivo pluralis per *Anna* flectitur, & *Seat* sive *Soet*, *Sedes*, *habitatulum*, unde in compositione *An-seat*, *urbs maritima* vel *fluminea* dimanaverit, sat probabiliter derivandi. Multa insuper de Pakintoniæ gentis, a sexcentis jam annis inclytæ, splendore ac meritis recenset, quin & Arctoæ literaturæ studioso methodum discendi inculcat, dumque Evangelia Gothica a Franc. Junio F. F. luce donata legi iubet, hujus versionis non Ulphilam Mœsiæ Antistitem, sed quemvis potius alium Teutonicum hominem, rationibus haud ficulneis autorem statuit. Institutiones ipsæ tot opulentis accessionibus se commendant, ut plane diversæ videri possint; siquidem prioribus octodecim capitibus, magna selectissimarum observationum farragine hinc inde distentis, sex nova accreverunt, de variis nempe Anglo-Saxonicae linguae Dialectis, præsertim vero de Dano-Saxonica, tam in soluta quam ligata oratione, de Nortmanno-Saxonica, de Poetica Anglo-Saxonum, ut & Semi-Saxonica, seu potius corrupta Anglo-Saxonum Poesi, quæ paululum delibare non injucundum fore arbitramur. Scilicet cum tres epochas insigniores Saxonica linguam habuisse constet, totidem etiam Dialectos eidem assignat. Unam, quam Saxones a primo suo in Britanniam appulsu, usque ad Danorum adventum, per 337 annos locuti fuerint, atque ab aliquali cum Pictis & Britannis mixtura, Britanno-Saxonica dicendam putat, de cujus tamen ævi monumentis, si a veri Cædmonis fragmento & Harmonia forsitan Evangeliorum Cottoniana discefferis, nihil superesse docet, adeoque ab ea consulto abstinet. Alteram, quæ a Danorum invasione, ad Normannorum usque conquestum, per 274 annos in Septen-

tio-

ionalibus Angliæ Scotiæque Australibus locis, antequam Canuti
 Reges universam Angliam subjugassent, imprimis viguit, Dano-
 Saxoniam, quin & Germano- aut Theotisco-Saxoniam nuncu-
 pandam censet, propterea quod variarum gentium colluviem se-
 cum adduxerint expeditionis istius duces, quæ non Cimbricas dun-
 taxat, sed Theotiscas etiam voces plurimas Saxonice admiscuerint.
 Hanc binis Evangeliorum versionibus, quæ Rushworthianæ &
 Cottonianæ bibliothecæ cimelia sunt, adhuc conservari, cæterum
 si voces, scribendi modum, phrasæ quoque peregrinas atque idio-
 tismos spectes, intuitu prioris barbarie ipsa magis barbaram judicat.
 Quod ne temere asseruisse videatur, ingenti exemplorum numero de-
 monstrare contendit, quibus inhærere nolumus. Ad Poeticam vero
 delapsus, erudite colligit, hanc Dano-Saxoniam in omnibus fere imi-
 tari eam, quæ ipsis Borealibus poetis, puta Cimbrorum Scaldis aut Ed-
 dicis carminibus fuerit in usu, ita ut quæcunque jam remaneant poe-
 mata Saxonica, ad Dano-Saxoniam dialectum tuto relegare li-
 ceat. Reprehendit ea de causa Fr. Junium, quod in Observat. ad
 Villeramum pag. 248, Historiarum veteris Testamenti paraphrasin,
 quam A. 1655 emisit, perantiquam crediderit, ac Cædmoni secure
 nimis vendicaverit, cum tamen idem stylus geniusque ibi se pro-
 dat, qui in fragmento Historiæ Judith & Kalendario metricæ exa-
 ratæ occurrit, quæ sane ceterioris longe habenda esse ætatis, nemo
 inficias iverit. Tertiam denique Dialectum Normanno-Saxoni-
 cam sive Anglo-Normannicam facit, quæ a Normannorum inva-
 sione usque ad Henrici II R. seculum sese insinuaverit, ita tamen,
 ut inter hanc & modo memoratam Saxoniam adhuc aliam in-
 trudat, Semi-Saxoniam videlicet, occidentalibus solum atque
 australibus Angliæ plagis, circa confinia seculi noni ac decimi fami-
 liarem, quæ nimio Anglo-Saxonum erga Danos victores obsequio
 incunabula debeat, tamque altas egerit radices, ut vestigia fere
 pristini sermonis versus seculi decimi finem ac deinceps ignoraren-
 tur. Ideo autem Semi-Saxonice nomen illi doctos imposuisse
 monet, quoniam inter puriorem Anglo-Saxoniam sermonem &
 Anglicanum, majoribus ante centum & quinquaginta annos verna-
 culum, medias fere partes obtinuerit. Triplicem namque status
 quasi mutationem passam esse Anglo-Saxoniam linguam, ante-
 quam

quam in Semi-Saxonicam degeneraverit, minimam quoad scribendi rationem, majorem quoad voces & phrasas, & maximam tandem quoad syntaxin, ceu pluribus exemplis evincit. Et quidem scripturam quod attinet, jam a temporibus Ælfredi Regis, qui Gallicanis doctoribus profecit, Saxonicam manu defuetudine, exiluisse, & Gallicam, ut nitidiorem & aspectu magis gratam, civitate sensim donatam fuisse, tam ex Ingulphi Croylandensis auctoritate, quam plurimorum diplomatum aliorumque monumentorum, quæ æreis partim laminis incisa prostant, interemerata fide probatur. Ad voces vero e Germanica, Danica & Normannica loquela adscititias divergens, earumque significationem operose explicans, inter alia meminit, quod ante Normannorum introitum, principum & magnatum conjuges maritorum suorum titulos apud Anglo-Saxones neutiquam affectare potuerint, sed ex gr. regina saltem audierit *des cyninges cwen*, Regis uxor; Augusta vero *des caseres cwen*, Imperatoris uxor, & sic porro; istiusque ignominie causam Eadburga, Offæ R. Merciorum thalami confors, tyrannide in proceres regni exercita præbuerit: quamvis nec illud diffiteatur, vocabulum *cwen*, uxorem antea indistincte significans, postero tempore Reginam emphatice denotare cœpisse. Plura sunt hujus generis non e trivio petita, quæ Reverendus Autor in medium profert, sed is indigitasse haud contentus, quomodo Anglo-Saxonicum idioma in Semi-Saxonicum, ac dein in Normanno-Saxonicum, pedetentim abierit, curiosis quoque varia utriusque dialecti specimina, e codicibus ac membranis antiquis suggerit, in quibus bene multa ad historiam patriam apprime pertinent. Circa Poeticam vero Anglo-Saxonum, quam nunc ex professo adgreditur, ratione sermonis observat, quod illorum carmina vel purissima Saxonica vel Dano-Saxonica dialecto compacta appareant, verbis præterea valde perspicuis, nihilque a communi usu abhorrentibus, legentium aures demulceant. Respectu metri innuit, eadem versiculis trium, quatuor, quinque, sex, septem, octo, interdum etiam novem syllabarum absolvi, ordine quidem non certo, rhythmico tamen eoque haud inconcinno junctis, ita ut sapissime versibus tetrasyllabis & pentasyllabis, plurium syllabarum versus, absque regula, ad lubitum poetæ interspergatur. Enneasyllabos

autem superantes versus rarissime inveniri in Anglo-Saxonum poematis, nisi quod dijudicatu difficillimum pronunciet, quot syllabis versus præcise consistat, tum quia syllabarum quantitas non satis explorata, adeoque ignoretur, quando duæ breves unius longæ vicem suppleant, tum quia diphthongorum potestas in *ea, eo, io* similibusque adhuc lateat. Sequuntur jam nonnulla fragmenta ante dictæ lucem fornecratura, unde planum reddit, Saxones syllabarum mensuram non adeo sprevisse, uti quidem hodiernos nationis suæ versificatores facere videmus, qui pro arbitrio *longas*, (Auctoris ipsissima verba sunt) *imo naturam longas corripunt, & breves, quidni dicam brevissimas, producunt.* Quod assertum tametsi in medio relinquimus, merito tamen veremur, ut omnibus persuadere queat, quæ statim annectit. *Ita quidem nostri, inquit, ita etiam exteri, per totam Europam poeta, apud quos una carminis lex est, certum & definitum syllabarum numerum observare, nulla tamen observata syllabarum quantitate. Hoc solum jam versum facit; cujuscunque vero natura & temporis istæ syllabæ fuerint, id perinde esse crediur, modo certum syllabarum numerum coacervaverint. Absit itaque ab hodiernis carminibus pedum metricorum observatio, qui si ullibi occurrunt, casu sane id fit, non arte aut studio, cum promiscue licitum sit, cujusvis mensuræ syllabas cuilibet aptare loco, adeo ut de hujus seculi versibus dici possit, illos uno tantum pede decurrere.* Nam ut nostratium saltem Poetarum causam tueamur, quinam observantiores quæso mensuræ syllabicæ & congruæ temporum metricorum dispositionis, quam nostri? Et quis hodie tam parum defricatæ auris, ut versum vel tantillum a iusta quantitate aberrantem sine nausea ferat? Sed cum Autore ad Rhythmum seu decoram pedum connexionem pergimus, quæ Anglo-Saxonum poematibus in tantum propria est, ut a lectoribus, vel non prænoscentibus esse carmina, ex incessu harmonico mox talia sentiantur, quemadmodum e variis reliquiis carminicis, ac in specie e Harmonia IV Evangeliorum Cottoniana, quæ *Liber Canticæ* inscribitur, & licet liberi sermonis instar ac sine dispunktura metrica scripta cernatur, legentibus tamen Cædmonianæ indolis & Lyrici generis carmina subito detegit, apicum facit. Succedere tum jubet integrum Calendarium seu Menologium poeticum.

Dano-Saxonicum, cum versione Latina atque annotationibus suis limatissimis, quas excipiunt notæ secundæ Saxonicae, ex alio Menologio Bibliothecæ Cottonianæ decerptæ. Nec parciorem conqueraris in Semi-Saxonica seu corrupta Anglo-Saxonum Poesi pertractanda, siquidem & hanc diversis fragmentis, maxime pseudorhythmico carmine Anglo-Normannico de passione S. Margarethæ, tum satyra in monachos & moniales, nec non versione Symboli, Athanasiani vulgo dicti, notiozem reddit.

Alteram hujus Thesauri partem occupant Institutiones Grammaticæ Franco-Theotiscæ, quas Clarissimus Autor intra unius anni spatium confectas publicæ luci indulget, parum deterritus iudicio magni cujusdam & celebris, ut ipse cum vocat, apud Germanos Viri, qui cum a nobili Anglo forte accepisset, Hiccesium. Grammaticam hanc contexuisse, *Monstrum*, inquit, *narras, & quod ab extero recte fieri posse non puto: Grammatica Lingua Franco-Theotiscæ Theotiscum hominem poscit autorem; alienigena vires superat.* Ast minime ambigendum, quin præconceptam mutent sententiam, quisquis ille fuerit eruditorum, modo huc oculum conjiciat, & summam Nostri diligentiam, in sermone tantum non oblitterato ad regulas Grammaticales adaptando, paululum examinare velit. De literis autem quia primo agit, Vossii aliorumque opinionem taxat, qui Francos nullas, ante receptam Christianam fidem, literas habuisse, aut scriptis quicquam consignasse crediderunt, cum tamen Eginhartus, optimus vitæ Caroli M. scriptor, eum barbara & antiquissima carmina, quibus veterum Regum actus & bella canebantur, scripsisse memoriæque tradidisse, diserte affirmet. Noster itaque carmina illa barbara, Gothica seu vetustiore Germanica lingua, Ariovisti aut Faramundi forte temporibus usitata, sed Carolino ævo non magis intelligibili, quam Franco-Theotisca monumenta nostræ ætatis hominibus esse solent, condita fuisse hariolatur, ac licet de literarum formis nihil certi constet, Cæsaris fide ad minimum liquere, Helvetios Græcis literis usos fuisse, idemque Tacitum quoque perhibere, nec incongruum videri, Germanos a Romanis postea debellatos cum lingua & literas eorum admisisse, in quibus Principum suorum res gestas descriperint. Adversari quidem prima fronte Tacitum, dum literarum

rum secreta apud Germanos viros pariter ac foeminas ignorare testatur, sed per literarum secreta epistolas amatorias secretas, pudicitiae muliebris tentatrices, intelligi debere, ex antecedentium & subsequentium verborum consonantia elicit. Trithemium sane Wastbaldi & Doraci Alphabetum, quorum illud Graecis literis simillimum; Rhabanum Maurum & Bedam Normannorum Alphabetum, Runicas figuras in plurimis referentia, depicta exhibere, unde manifestum effluat indicium, Francorum veteres sua habuisse literarum elementa, qualitercunque demum illa fuerint efformata. Cumque etiam maxima intercedat affinitas, inter Francicam linguam & Moeso-Gothicam matrem, de facili Ulphilanos characteres, seu literas Gotho-Graeco-Romanas Francis, vel ante Clodovei tempora, quem primum Christianae fidei nomen dedisse novimus, innotescere potuisse. In hisce tenebris quamcunque tandem assumas conjecturam, id profecto lucraberis, antiquissima illa carmina, quae Carolum M. addiscere calamoque excipere non potuit, literis seu Graecis, seu Latinis, seu Runis, seu Ulphilanis mandata fuisse. Convertitur deinde ad studia, quae tum saepe laudatus Imperator, tum Hrabanus Maurus, Otfridus Monachus Wizarburgensis, Notkerus Labeo Abbas S. Galli, & Willeram Abbas Uspersensis in linguam Franco-Theotiscam impendunt, quaeque in ea reliquerint scripta, quaeve hodiernum superent, prolixè enarranda. Notkeri Psalmorum versionem e museo Dn. de la Loubere cura Joh. Schilteri, viri de bonis literis praclare meriti, prodituram annunciat. Cottoniani cimeliarchii codicem Evangeliorum harmonicum, poeticum & paraphrasticum eo elogio mactat, quod verborum copia & dictionis magnificentia ceteros Franco-Theotiscos scriptores longe antecellat, atque autorem Carolino seculo vicinum praese ferat. Nec silentio praetent Tatiani harmoniam Evangelicam, quae inter codices Junianos eminet. Duobus igitur hisce MStis Franco-Theotiscis ineditis confusus, tum aliorum opusculorum, quae diu sunt impressa, suffragio munitus, non potuit non Grammaticam suam omnibus numeris perfectam reddere. Inprimis vero delectat, quod sub calcem ejus, nonnullarum vocum Gallicarum atque Italicarum primordia a Septentrionalibus linguis doctè accersivit. Sic *Alcu*, a
La-

Latino - barbaro vocabulo *Allodium* descendere, hocque radices habere ait adjectivum Theotiscum *all*, quod aliis vocibus additum plenitudinem ac præstantiam importat, & Scando - Gothicum *lod* vel *lood*, quod annuum territorii proventum signat, siquidem in sensu forensi Gothico prædium liberum, cujus possessor usumfructum cum proprietate conjunctum & ab omni servitio immunem tenuerit, *allalod* nominatum fuerit, illud autem, quod ususfructus dimidiam partem, aut certum vectigal, aut servitium nobile vel ignobile superiori domino præstet, *balsalod* dici meruerit. Porro *Vassus* non a Theotisco *Fast* & *Fest*, quod stabilem & constantem notat, sed a Gothico *Fads*, negotii procurator, quod respondet Anglo - Saxonico *Fadian*, ordinare, dispensare, deducit. Orcadum etenim Præfectum *Faud* vel *Faad* salutari, atque in barbaris legibus urbium ac regionum præpositos, qui ex imperatorum & principum ministris ad hoc muneris eligi solebant, *thiufadi* nominari. Quoniam igitur aulicis Regum omnia fere officia committerentur, iis etiam beneficia seu feuda cederent, hinc evenisse, ut hujusmodi homines Regii ad aliquod munus obeundum constituti *Fadsi*, & deinde *Fassi* & *Vassi*, quia dignitatem involveret hoc nomen, audierint. Nullum autem successu temporis discrimen mansisse inter *Vassos* & *Vassallos dominicos*, non quasi Vassallus diminutivum esset a Vassus, sed quia compositum a *Fads* & Francico *Scale* minister, unde *Fadscaleus* & Latino - barbarum *Vassallus* dimanaverit. Hæc speciminis loco adduxisse sufficiat.

Tertiam sedem obtinet Runolphi Jonæ Grammatica Islandica, Hafniæ primum, ac deinde cum Mœso - Gothica ab Autore in Anglia publicata, jam vero largo fœnore aucta atque onusta. Potissimum quidem multifaria Alphabeta Runica, quibus Islandi linguam suam Cimbricam exprimere amant, tam e saxeis quam membranaceis monumentis, indefessa opera conquirit, æque delineari curavit, ac ne qua utilitate carere pateretur Runicæ literaturæ cultores, universam Runarum varietatem in una tabula collegit, quo ad Latina elementa relatæ significationem suam statim proderent; quemadmodum & in alia tabella illorum ductus e Græcis & Latinis literis propullulare ostendit. Elegantissimam

in-

insuper delineationem monimenti Runici, Ruthwelli in Scotia superstitis, beneficio Reverendissimi Wilhelmi Nicolsoni, Episcopi Carlcolensis, hic sistit, cujus explicationem ab eodem in libro *Northumbria vetus*, quem melitur, nos expectare jubet. Pedissequas autem addidit scripturas nonnullas, e codice Carminum miscellaneo Saxonico Ecclesiae Exoniensis depromtas, quæ voces Runicas insertas habent, adeoque non injuria locum sibi hic exposcunt. Sub finem vero Grammatices, Dictionarium Islandicum, quod antea quidem lucem viderat, pluribus glossis, analogiam Gothicæ, Saxonicæ atque Anglicæ linguæ demonstrantibus, locupletatum, adjecit.

Quæ jam succedit, Dissertatio Epistolaris ad Prænobilem virum Bartholomæum Showeræ, Equitem Auratum & magnum togæ Anglicanæ ornamentum, veram linguarum Septentrionalium utilitatem, cum voluptate tamen conjunctam, fuscè expandit. Ab Anglo-Saxonica autem, prout Anglum decet, orditur Doctissimus Autor, & antiquissimum Curiae Comitatus Herefordensis Recordum, seu Commentarium Saxonice scriptum, exempli loco affert, e quo varia notabilia eruit, quod nimirum apud Saxones Episcopus, in Curiae consessu, cum Comite vel Vice-Comite ejus primas habuerit, paremque cum illo in jure dicundo potestatem, exercuerit, id quod a Wilhelmo Conquæstore dein abolitum; quod omnes Thani, seu liberi homines, Comitatus sui conventibus interesse, nec citra poenam ter emanere potuerint; quod omnium æqualia fuerint suffragia, & duodenus juratorum numerus adhuc incognitus; quod reo ad diem præstitutum per causam lonicam non comparente, Curia probos homines ad eum ablegaverit, qui rationes defensionis ipsius ore tenus exciperent, & consessui fideliter renunciarent; quod in hujusmodi Curis donationes, emtiones, aliosve contractus celebraverint, testamentave, perinde ac Romani in Calatis Comitibus, condiderint; quod denique Acta Comitiorum, ad perennem eorum servandam memoriam, in libros cœnobiales, maxime sacros, puta codices Evangeliorum, Liturgiarum &c., tanquam in tabulas publicas referre curaverint. Ilic plurimas munitionum, pactorum, apocharum similiumque solennium for-

mulas accumulat, anathematum religione munitas, e. g. *Christum excacet, qui hoc oblitteraverit.* Caterum a testium nominibus, quæ Actis sollicite subtextit, ad primordia cognominum nationis suæ indaganda exspatiatur, ubi post varias de patronymicorum formatione conjecturas, ita sentit, ulterioris ævi Anglo-Saxones raro binomines occurrere, nisi forte occasio postulaverit, ut cognomina patronymica sibi adsciscerent, vel necessitas urserit, ut ab ejusdem nominis personis cognominum ope discernerentur. E contrario Danos, Flandros, Islandos aliosque Boreales cognomina frequentius induisse, indeque accidisse, ut simul ac Dani aliqua duntaxat Angliæ parte potirentur, cognomina quoque invalescerent, Canuto vero toti Britannia imperante, ea non in aula solum, sed per reliquas etiam provincias personarent, donec Edoardus, qui apud Normannos enutritus in Normannum præne transierat, regnum capesseret, & uti aliorum rituum abrogationem, ita & cognominum usum promiscue introduceret, adeo ut uninominem esse, opprobrii quid fere involveret. Tempus autem, quo personalia cognomina in gentilia abire cœperint, ad Cruciatorum ævum figit, quippe quo tribus & familiae integræ nobiles insignibus certis, h. e. tesseris ac typis in scutis & vexillis depictis, designari gestierint, atque animadversa simul commoditate, quam gentilia cognomina lecta auditave præstare possent, ea genti suæ propria esse voluerint, quod plebejis peropportunum quoque evenerit, ut cum ad insignia gentis suæ aspirare non valerent, gentili tamen cognomine honorarentur. Quod vero acta in Curiis Anglo-Saxonum, plenissimum atque inviolabile robur, acquisiverint, duobus instrumentis latius probat, & contendit, nec Wilhelmi Conqueritoris seculo Comitiorum autoritatem pessum, ivisse, siquidem in causa Gundulfi Roffensis Episcopi & Pichoti Vicecomitis, Curiam Comitatus Cantuariensis, cui omnes probi legumque periti homines, tam Francigenæ quam Angli adstiterint, apud Pinendenam sententiam tulisse constet. Nondum enim causas, seu civiles, seu criminales, duodecim juratorum examini committi moris fuisse, veluti Coko, Seldeno & Spelmanno statuere placuit, eo quod Wilhelmo II ac Stephano regnantibus, totorum Comita-

tu-

tuum congregationes habuerint Angli, & Henricus II demum ad tollendam impiam duelli consuetudinem, iudicio huic duodecimvirali campum aperuerit, illudque sanctione sua firmaverit. Hujus vero originem a Scanis Normannorum majoribus repetit Autor, qui campolitæ formam ab Odino, Asarum duce ac regnorum Septentrionalium fundatore, acceperint, ita quidem, ut Rex seu iudex duodecim assessores eligere ac nominare sueverit, quod progressu temporis litigantibus ipsis indulserit. Sed cum ordalio, duello ac compurgatione sensim prævalentibus, consuetudini isti derogatum esset, Regnerum R. cognomento *Lodbrog*, circa A. C. 820 eam, repudiato duello quoad causas minores, redintegrasse putat, donec *Waldemar*, Scandiæ Danicæque Monarcha, A. C. 1163, in majoribus etiam causis rejecto ordalio, illam valere jussit, circa idem ferme tempus, quo Henricus II in Anglia, ceu dictum, subditos suos hoc privilegio beavit, ut in omni controversia, quam monomachia decidere liceret, penes reum esset electio, utrum duello adversus actorem se defendere, an duodecim juratorum cognitione, quæ *Magna Assisa Domini Regis* appellatur, litem dirimi ac finire mallet. Argumenta autem, quæ ab Anglicis JCtis hic in contrarium torqueri solent, ac si Saxonibus jam duodecimviralis ille confessus fuerit in usu, tam solide retundit Noster, ut facile intelligas, eum a veritatis tramite non deviare. Expeditis hisce, materiam testamentariam atque donationes Anglo-Saxonum strenue persequitur; ubi occasione testamenti MSti ab *Ælsego* quodam conditi in præsentia unius solum testis, S. Dunstani scilicet Archiepiscopi Cantuariensis, quod nihilominus Curia Comitatus jure subsistere debere pronunciaverat, morientibus propter temporis angustiam necessitatem plures testes convocandi apud Anglo-Saxones remissam fuisse, & coram singulari homine voluntatem suam rite declarare licuisse, conjectat. Donationes vero inter vivos, maxime prædiorum, vel nudo verbo, & gladii, galeæ, crateræ alteriusve symboli traditione, vel scriptura, quam interdum, majoris solennitatis ergo, cum annulo aut cespite super altare posuerint, celebrari suevisse. Suadet etiam, ut quis Chartularium Anglo-Saxonicum & Normanno-Saxonicum com-

pilare, inque illud, quicquid uspiam chartarum ac diplomatum,
 hujus sermonis, qua libri impressi, qua MStorum foruli offerunt,
 colligere non pigretur, sed in eo tam subactum simul iudicium
 requirit, ut Lectores monitis ac regulis necessariis præparare pos-
 sit, quæ chartæ pro genuinis, quæve pro spuris habendæ. Pro-
 hixi nimis evaderemus, si cum Autore vastissimum mare annota-
 tionum ad rem Diplomaticam pertinentium, quæquæ hic patet, eme-
 tiri vellemus. Libidinem itaque nostram cohibendam ducimus, id in-
 dicasse contenti, instrumenta Anglo-Saxonum rubris aureisve lite-
 ris resplendentia, vel rubris aureisve crucis imaginibus conspicua,
 falsitatis a Nostro, experientiam testem allegante, damnari. In-
 legibus quoque Saxonice constipandis, fertilissimam adhuc messem
 superesse, novamque earum, post Wheloci editionem, jure efflagitari;
 quem in finem Æthelberti I, Hlotharii atque Eadrici RR. Cant. Leges,
 a Celeberrimo Viro Johanne de Laet, Antwerpensi, Latine translatis
 longo agmine inducit. Nec mirus ad Homiliarum seu Concionum Sa-
 xonicarum selectam Syllogen elaborandam Philo-Saxones instigat, eos-
 que inescare videtur sermone pœnitentia Lupi cujusdam Episcopi, ad
 populum Anglicanum in die jejunii, cum Dani terra marique pa-
 triam devastarent, habito, cujus Latinam versionem debet Charissi-
 mo Wilhelmo Estob, Collegii Universitatis apud Oxonienses So-
 cio dignissimo, qui Ælfredi R. versionem Orosii libri Historiarum,
 Omnia dicti, literario orbi aliquando communicabit, atque in
 nominibus propriis Septentrionalibus colligendis, illorumque fon-
 tibus eruendis, laudabilem operam huc usque infumit. Porro
 librum, qui *Cento Saxonicus* inscribi posset, desiderat, in quem
 fragmenta atque opuscula varia incertorum autorum, rerumque
 descriptioni inservitura, promiscue compingerentur, cujus farina
 reliquæ rem nummariam majorum, & valorem Penningi,
 Scyllingi, Stycæ, Sceattæ, Thrimfæ, Helsingæ, Oræ, Mancusæ,
 Pundæ, &c. elucidarent, juramentorum etiam formulas, & ma-
 teriam censualem, quin & tractationem de pace Regis & palatina,
 aliæque seculi perjuranda, in apicam lucem traherent. Quod con-
 siliū ut acceptius reddat, Historiam MStam Anonymi cujusdam,
 de Sanctis in Anglia sepultis, e codice Saxonico Collegii Corporis
 Chri-

Christi apud Cantabrigienses ipse promit. Proficuum quoque linguæ Saxonice scientiam ei futuram autumat, qui Britannicæ Saxonice Topographiam, tot votis a literato coetu expetitam, in humeros suos suscipere velit; & tantum de Anglo-Saxonice linguæ commodis. Haud leviozem polliceri utilitatem cæteras Arcticas, puta Mœso-Gothicam, Franco-Theotiscam, & Scandicam, seu Cimbricam, quandoquidem in hac potissimum plurima antiqua monumenta sint publicata, multa adhuc publicanda restent. Quorum unum, Hialmari nempe Regis Biarmlandiæ ac Thulemarkæ Historiam, ab Anonymo, ante secula octo, lingua & Runis Sueco-Gothorum antiquis in membrana scriptam, quam Clar. Joh. Peringskiold Stockolmiæ tum duplici versione edidit, integrum hic inseruit. Denique omnibus cujuscunque nationis Arctice Lexicographis, aut antiquitatum scrutatoribus, linguarum veterum Septentrionalium notitiam comparandam esse censet; si operam ludere, seque turpiter dare malint, quemadmodum accidisse monstrat Aldrete, Becano, Ferrario, Heutero, Menagio, Lindenbrogio, Scieckio, atque inter suos Bradyo, Coco, Lambardo, Savilio, Skinnero, Smitho, Tyrrello, Verstegano, Wheloco aliisque, qui nisi vel omnes, vel aliquas hæc linguas ignorassent, non adeo graviter hallucinati fuissent, assecrasque suos in fœdos errores præcipitassent, sane pensum suum feliciter multo absolvissent. Francisci Junii contra incredibilem harum linguarum peritiam decantat, serioque vovet, ut Etymologicum ejus Linguæ Anglicanæ, ad sempiternam Academiæ Oxoniensis, imo Angliæ universæ gloriam, propediem in lucem exeat. Idem sentit de ejus Glossarum Alemannicarum Thesauro, quarum insigne specimen adfert. Tandem & delicias hæc, ad lectionem singulorum Autum, qui de rebus Germanicis, Gothicis, Vandalicis aut Longobardicis quicquam consignant, oppido conducibiles fore persuadet.

Epilogum quasi primi voluminis constituent Eruditissimi Viri, Andreæ Fountaine, Equitis Aurati atque Aldis Christi apud Oxonienses Alumni, Numismata Anglo-Saxonica atque Anglo-Danica, juxta Alphabeticam seriem ordinata, atque ab ipsomet brevibus ceris miniaturalis illustrata. Palmarium hisce non injuria at-

tribueris pretium, tum quod eorum cętypi nitidissime exsculpi apparent, regumque imagines æque distinctę ac in Byzantinis aut Franc. cis nummis repręsentant, tum quod locorum atque urbium, Archiepiscoporum, monetariorum aliorumque virorum illustrium nomina exactę conservant, adeoque plurimum ad historiam Anglicanam penitus imbibendam faciunt, multum pręfata literaturę amore flagrantę delectant, cęu in pręfatione ad Illustrissimum Comitem de Pembroke & Montgomery, magnum rei nummarie Patronum, solertissimus Editor uberius exponit. Ultimas paginas implet descriptio clypei argentei, a colono, dum agrum aratro verteret, prope Sutton, Insulę Eliensis oppidum reperti, cuius icon quoque appingitur. Is in ambitu verba aliqua obscura & magici forte generis habet, reliqua vero Saxonice sunt prosępię, quę Hiccius noster Latine sic explicat: *O Domine, Domine illum semper defende, qui me circumgestaverit, illi vom suę concede.*

CRITICA HISTORICO-CHRONOLOGICA IN
Annales BARONII, in qua rerum narratio defenditur, illustratur, suppletur, ordo temporum corrigitur, innovatur & Per-
iodo Græco-Romana nunc primum concinnatę municitur, Auctore
P. ANTONIO PAGI. *Opus posthumum, quatuor Tomis distinctum, ab O. R. ad annum 1198 perductum, cura*
P. FRANCISCI PAGI.

Colonię Allobrogum, sumptibus Societatis, 1705, fol.

Tomus I constat 7 Alph.

Cujus in Historiam sacram amor ac studium mirum in modum placuit viris, in hoc doctrinę genere peritissimis, *Henrico Norisio, Joanni Ciampino, Emanueli a Schelstrate, Henrico Dodwello, Jacobo Basnagio & aliis, P. Antonius Pagi, Ordinis Minorum Conventualium S. Francisci, natales debet Rognis oppidulo, quod decem passuum millia ab Aquis-Sextiis, celebri in Provincia urbe distat, anno 1624 pridie Kalendas Aprilis in lucem editus. Humili ita quidem natus est loco, sed neque eo plane impeditus, quominus summos in literis elegantioribus iisque difficilioribus, Chronologia puta & Historia, faceret progressus: quin modestiam potius, uti solet forte*

to-

tenui, auctam eo dixeris, & animi quoque candorem, quippe qui Scriptorem hunc eo adduxit, ut laudet non raro ac sequatur professos Ecclesiæ Pontificiæ, & maximi ejus defensoris Baronii hostes, non perperam arbitratus, veritatem ac eruditionem hautquaquam esse hæreticas. Ejusmodi virtutum ac doctrinæ subsidiis ad splendidas evectus in Ecclesiæ suæ provincias, (diu enim, ut alia taceamus munera, Franciscanos ut Præfectus in Galliis moderatus est,) neutiquam aliis, quibus distinebatur, functionibus avocari se passus est ab Historiæ cultura, sed quamdiu inter vivos commoratus est, defectus, quos in ea observaverat, emendare adlaboravit. Testatur hanc industriam auctor elogii, quod Criticæ hujus præfationem excipit, *D. Ludovicus Du Four de Longuerice*, Abbas S. Johannis de Jardo ad Melodunum & Septem Fontium in Thracia, cui uti refert Pagii Nepos §. 10 proœmii, multa debentur, operi huic inserta: testantur præsertim elucubrationes, quas in Chronologicis reliquit, eruditissimæ. Quas inter primo in lucem prodiit Dissertatio Hypatica de Consulibus Cæsareis, quam A. 1683 pag. 235 recensuimus, præambula egregii hujus Historiæ sacre operis. Ea enim cum omnium applausu exciperetur, non dubitavit amplius Baronii emendare labores, quamvis ipsos non aggressus sit Annales, sed Spondani epitomen, eo quidem successu, ut anno 1689 peculiari tomo secula quatuor priora promulgarentur, præmissis Dissertatione de Periodo Græco-Romana & Apparatu Chronologico, sicuti id pluribus patebit ex recensione Tomi primi, anno 1690 pag. 369 a nobis exhibita. Dum vero cætera, ut orsus erat, assidue peragit, admonetur undique ab amicis suis ac fautoribus, universos ut Annales, non autem horum epitomen collustraret: quorum nutui ut gereret morem, mox tomos tres sequentes ipsis Baronii Annalibus attemperavit, jamque meditabatur primum eodem adornare modo, & emendare si quid forte erratum esset, retractare imprimis, quæ sexti Canonis Concilii Nicæni expositionem spectant, sed vix tentatis immoritur, anno ætatis suæ 76, mundi redempti 1699. Ita opus suum ultima destitutum lima reliquit nepoti P. Francisco Pagi, ejusdem Ordinis Doctori Theologo, sicuti & dissertationem de anno & die mortis S. Martini, Episcopi Turonensis, pariter imperfectam, quem die 9 Novembris anni 400 ad Deum migrasse statuit.

Is obsequiosissima in Patrum mente, utriusque suscepit curam, & posterius quidem monumentum alia se occasione publici facturum juris pollicetur, prius autem tali indutum facie promulgavit. Scilicet Præcognitis, post præfationem paululum immutatam, inserti sunt, inter Dissertationem de Periodo Græco-Romana, & Apparatum Chronologicum, veteres Pontificum Romanorum catalogi decem, hætenus inediti, quos ex Bibliothecis, Regia, Colbertina, & Thuanea describi curavit, ut ex iis emacularetur liber, Pontificalis Anastasio vulgo adscriptus, quippe qui toties a Viris Clarissimis, Fabroto inprimis, Holstenio & Schellstratio recognitus ac emendatus, nihilominus, uti in aliis, ita in numeris præsertim mansit imperfectus. Unde in animum defuncti subiecit consilium, observationes præmittendi Chronologiam Pontificiam illustrantes, sed morte præventus non nisi Pontifices, qui in iis desunt, & identidem annos Christi in margine adposuit. Porro ipsam seculorum quatuor priorum historiam ordini restituit Baroniano, prouti Patruus intenderat, aliquotque ex mente ejus adjecit annotationes, ex quibus hæc excerpemus eas, quæ seculo primo a nobis quondam recensito accesserunt. Itaque ad annum Christi 1, suam denuo confirmat sententiam, Dionis locum de XIV Cæsaris Augusti Consulatu esse corruptum, testimonio alius adhuc manuscripti, in Bibliotheca Vaticana obvii. Circa annum 3 delevit, quod olim notatu dignum judicaverat, de Saturnino, ac si Syriæ fuisset præfectus, ut adeo etiam interciderant, quæ ex numismate, a Tomarido secum communicato disseruerat. Anno 46 ad calcem subiecit conciliationem discrepantiæ Josephum inter & Tacitum, de annis Syriacis regiminiꝝ Vibii Marſi, quam deprompsit ex dissertatione tertia Norſii de Epochis Syro-Macedonum. Quippe, qui ostendit, Tacitum uno historiæ filo varia narrare, quando res in Syria a Marſo administratas describit; Josephum autem aperte testari, quod, defuncto Rege Agrippa, qui anno Christi 44 mortuus sit, Claudius Imperator successorem Marſo miserit Cassium Longinum, cujus tamen præfectura non fuerit adeo diuturna. Quod ad annum 57 animadverterat, etiam diem Sabbathi in Quadragesima Romæ jejuniis fuisse consecratam, retulit curis hæc

le-

secundis ad annum 55, collustratis præterea argumentis pro jejunijs Sabbathi in Ecclesia Romana, quæ in priori editione ex Quesnello curate excerptæ. Qua occasione candidè ei adstipulatus est, nosse omnes, in more fuisse apud Monachos & Clericos, homilias sermonesq; S. S. Patrum suis aptare usibus, atque aliqua addere, quæ propria convenirent solennitati, ut inde etiam Leonis locum, qui vulgari opponi solet sententiæ, insititum esse evinceret. Ad annum 67, circa §. XVII finem, inseruit censuram in Papebrochii sententiam, primis duodecim cum dimidio seculis tempus cujus-
cunque Pontificatus, non ab electionis, sed ab ordinationis Episcopalis die, esse numeratum, cum Leo IX jam anno Christi 1049 a die electionis suos deduxerit annos, non vero a die consecrationis: quem & alii postea sint secuti, quamvis seculi demum duodecimi initio hæc numerandi ratio prævaluerit. Eidem anno & quidem §. XXIV adjecit ordinem fastorum in Ecclesiis Cappadociæ receptum, & §. XXV observat, solemnia Natalitiorum & Epiphaniæ Christi in Oriente diversis celebrata esse diebus æque ac in Occidente, testatus Gregorii Nazianzeni orationem XXXIX in Epiphaniam, & Chrysostomi sermonem XXXV de Nativitate Christi ex Tomo V Operum illius. Animadversionibus ad annum Christi 69 institutis, & quidem §. X, accessit nova ex Dione, a Valerio olim excerpta, qua ostenditur, Bithyniam ante Hadrianum, provinciam fuisse populi, eo autem imperante a populo Romano in Imperatorem translata. Porro mutavit quoque annum, quo S. Cletus in Pontificatu Romano successit Clementi, & quod antea anno Christi 75 contigisse statuit, nunc ad annum 77 retulit. Tandem notatu dignum censuit, Trajanum anno Christi 97 ante mensem Novembrem a Nerva esse adoptatum. Hæc fere sunt quibus altera hac recognitione seculi primi historiam Auctor emendavit, unde B. L. de cæteris tribus feret judicium; alii tamen servamus tempori, Tomorum sequentium, qui prima nunc vice in lucem prodierunt, recensionem.

ponens. CHRISTOPHORUS CELLARIUS ex vetustis probatisque monumentis collegit, & novis Tabulis Geographicis, singulari cura & studio delineatis, illustravit. Adjunctus Index copiosissimus rerum & locorum.

Lipsiæ, impensis Gleditschii senioris, 1706 in 4 chartæ angustæ.

Constat Alph. 6, plagulis 15, & Tabulis Geographicis 13 ære expressis.

Quinquennium est, cum Clarissimus Auctor Tomum I Notitiæ Orbis Antiqui, sive Geographiæ Plenioris ederet, quo non tantum partem generalem antiquorum Geographiæ expositam dedit, sed speciatim etiam Europam universam tam verbis, quam tabulis æri incisis illustravit: quem Tomum A. 1701 mense Martio recensuimus. Ita autem hic liber a cunctis, qui elegantiores amant literas, etiam ab exteris, exceptus adprobatusque fuit, ut alterius, quo id opus continuatur & absolvitur, non mediocris fuerit expectatio. Hic bonis nunc auspiciis se prodit, non minori cura & studio elaboratus, quam prior; immo tanto majori, quanto difficilius est per Africam Asiamque, longius remotas terras, & ob id minus cognitatas, peragrarè, quam versari in Europa describenda, in qua insignes duces per varias se partes offerebant, Cluverius, Valesius, Camdenus, Palmerius, & alii, qui in ceterioribus antiqui Orbis regionibus peruestigandis multum studii atque laboris collocaverunt: in Africa autem dicit Auctor, & in Asia qui nostra vel patrum memoria pari studio præiverint, vel paucos admodum sibi visos esse, vel omnino nullos, si a Palæstinæ seu Terræ Sanctæ descriptoribus discedatur: qui vero nec ipsi, quod sæpius aberrant, & conjectura potius sua, aut fabulosa traditione nitantur, sibi usui fuerint. Laudat tamen Jacobum Bonfrerium & Joannem Lightfootum, quorum opera in Palæstinæ descriptione se sæpe usum fuisse, non ingratus confitetur. Volumen ipsum in duos libros dispescitur, tertium qui Asiam continet; & quartum, qui Africam. Primus autem liber & secundus Tomo priorè comprehensi sunt. Asia, quæ tertii libri est, per regiones distributa est in Capita XXIV, quorum in primo divisio totius Asiæ

in

in majores partes & varias appellationes descripta est : altero insulæ Egæi & proximi maris, spectantes Asiam, quia in Asia maxime occidentales sunt, & in principio ejus, explicantur : quarum præcipuæ sunt Lesbos, Chios, Samos, Patmos, Cos., Carpathus, Rhodus. Capite tertio & quarto descriptus est antiquus status Asiæ, quæ cis Taurum est : illo quidem ejus maritima ora, nobilissimas regiones complexa, Mysiam, Troadem, Æoliam, Ioniam, Cariam, Lydiam ; hoc autem sive quarto mediterranea ejus cis Taurum partis exponuntur, id est Lydiæ vetustum regnum, Phrygia, Gallogræcia, Pisidia, Lycaonia cum tractu Homonadensium. Capite quinto Asiæ ejusdem status, qualis sub Romanis fuit, quæ provinciam, quam Asiam proprie dixere, imposuerunt ; nec non Amyntæ regnum explicatur : sexto Pamphylia & Cilicia utraque, id est tam propria & Campestris, quam Aspera & Isauria perlustrantur : septimo Cyprus insula cum vicinis minoribus : octavo Ponticæ regiones, hoc est Bithynia, Paphlagonia, & Pontus Mithridaticus, ex quibus postmodum provincia Romanorum Pontica facta ; item Cappadocia, quæ a Ponto usque ad Ciliciam patet, declarantur. Atque hæc omnia una Tabula Asiæ Minoris, in totidem regna, regiones, provincias & respublicas divisa, non sine singulari artificio illustrat. Hinc in septentrionem conversus Auctor Colchos, Bosporanos, Mæotas Capite nono exponit, etiam singularem his gentibus & Sarmatis Tabulam dedit : decimo Iberiam & Albaniam ; undecimo Armeniam utramque explanat : duodecimo in Syriam descendit, cujus cum antiqua facies, tum cultior sub Macedonibus & Romanis status ostenditur. Copiosius autem, quam cetera, est Caput XIII, quod Palæstinam seu Terram Sanctam continet, quæ omnis, cis & trans Jordanem, ex genuinis documentis Sacræ Scripturæ, Josephi, Eusebii, Hieronymi, aliisque Historicis antiquis & Geographis, pro temporum diversitate clarissima demonstratur : etiam Tabulas Terræ Sanctæ, a variis adhuc editas, innumeris locis clarissimus Auctor correxit, aut novam potius & suam substituit. Quod vel solum caput ubertate sua (plus enim ducentis paginis constat) & sacratioris usus gratia, hunc librum commendare cum primis potest. Sequentibus tribus, XIV, XV, XVI Arabiam, Mesopotamiam, Babyloniam &

Chaldaeam, itidem in sacris nominatissimas regiones, tractat, in quibus præ ceteris laudanda sunt, quæ de sancti Jobi sede in Deserta Arabia; & de patria Abrahami ejusque migratione in Mesopotamia & Chaldaea disputantur. Reliquis Capitibus Assyria, Media, Persis, Parthia, Bactria, Sogdiana, Aria, Gedrosia, India, Scythia succedunt, æque accuratis Tabulis, ut superiora omnia, illustrata.

AFRICA, quæ librum quartum implet, ab oriente in occidentem progressu facto, contra morem Geographorum, explicatur. quod doctissimus Auctor non tantum vetusti Geographi Scylacis Caryandensis auctoritate & exemplo, qui eandem viam in Africa secutus est; verum etiam ratione non poenitenda tuetur & defendit. Quemadmodum enim ex Europa in Asiam ad ortum Solis versus progrediendum fuit; ita ex Asia in Africam, nisi declinando ad occasum, continuo itinere veniri non potest, quia apud Ægyptum communis est utriusque terminus. Veteres quidem Ægyptum vel totam, vel majori ex parte, vel solam quæ trans Nilum est, adjudicaverunt Asiæ, quam vero noster Auctor, jam tum libro I seu generali parte, ubi de magnis Continentibus egit, totam Africæ vindicavit. Ægyptus ergo ex Asia venienti regio prima est Africæ, ad utramque Nili ripam late longeque patens, cui quod non desunt antiquitatis & historiarum testimonia, copiosius etiam describi & explanari potuit, præsertim nobilior illa pars, quæ inter alveos & ostia Nili est, aut illis proxima & parallela. Quod vero ceteræ Africæ tantum præsidii non est in historiis, etiam parcius illius fit explicatio. Sunt quidem in Africa Propria seu Carthaginiensi ex Romanorum bellis & itineribus, etiam ex Geographorum enarratione, plura cognita, nec vero pauca ubique supersunt, quæ in incertis relinquuntur, idque vel ex solis Sallustii & Cæsaris commentariis clarissimus Auctor demonstrari posse existimat. Marmarica sterilis est, & pauca ex illa cognita. Cyrenaica nobilior propter Græcas, aut Græco-Ægyptias colonias. Numidia & utraque Mauretania, ex quantiscunque fieri potest, documentis antiquis declarantur. Interior Africa & Æthiopia cum ceteris, quæ in austrum vergunt, quo Romani exercitus non penetrarunt, Ptolemæi potissimum fide, quod desunt alii,

alii, descripta sunt, etiam, ut superiora omnia, Tabulis æri incisis, isque, quoad historiam sinunt, emendatissimis, illuminantur: quarum quinque sunt in Africa, prima Ægypti, Marmaricæ & Cyrenicæ conspectu uno: secunda π Delta, seu ostiorum & alveorum Nili, quæ notior & nobilior pars Ægypti fuit: tertia Africae Propriæ sive Carthaginiensis: quarta Numidiæ & Mauretaniæ: quinta Africae interioris. Index præfixus est Capitulæ & Tabularum, ideo non inutilis, quia non singulis Capitibus adjectæ sunt Tabulæ geographicæ, ut, ubi cujusvis regionis delineatio sit, facile quisque inveniat. Alter Index, sub calcem operis, est copiosissimus locorum & rerum aliarum geographicarum, qui id commoditatis habet, ut singulis fere vocabulis nomen regionis aut gentis adscriptum teneat, quo a ceteris ejusdem nominis discriminetur, ne quis inquirendo fatigetur, sed statim videat, quodnam ex multis genuinum sit quod investigatur, sicut etiam in Indice Tomi prioris factum est.

**Johann Christoph Wagenseils von Erziehung eines
Prinzen / der vor allem Studiren einen
Abscheu hat.**

hoc est:

JOHANNIS CHRISTOPHORI WAGENSEILII
*de educatione Principis, qui literarum studia
prorsus averfatur.*

Lipsiæ, apud Jo. Heinichii Viduam, 1705. 4.

Alphab. 1. pl. 20.

DE Educatione Principis, aut eminentioris fortunæ adolescentis, cujus animus alienus est ab omni literarum studio, & vel ad artes militares, vel ad venationem, aut voluptatem etiam pronus fertur, expositurus Celeberrimus Autor, cujus mortem supra mense Januario significavimus, id sibi agendum potissimum arbitratus est, ut præscriberet rationem, qua eidem morum non modo præcepta instillarentur optima, sed variarum etiam disciplinarum traderentur prima elementa. Adjungit vero huic jam a primis inde

annis duos pueros, vel sortis quoque vilioris, sed indolis tamen rectæ atque capacis, qui ætate aliquantum antecedentes, doctique legere, scribere, numerare, quin & Musicæ artis, atque Latinæ linguæ non prorsus expertes, & varias rerum ad navem instruendam non minus, quam urbium munitiones pertinentium callentes appellationes versentur cum Principe puero & colludentes sua ipsi consuetudine earum dent notitiam. Egresso deinde infantiam studiorum atque vitæ formatorem adducit, quem non vulgari aut Præceptoris, aut morum Magistri nomine vult insigniri, sed Chironem potius, accepto e fabulis vocabulo appellat, prout apud Italos Matteo de Teglia libro suo, in quo describit officium ejus, qui peregre abituræ Principi comes & moderator adjungitur, titulum fecit: *Il Chirone itinerante*. Is præsens semper magnæ dignitatis adolescentem rerum scitu necessariarum ita imbuit cognitione, ut non adsidere sibi per horas integras, & cum tædio, quæ traduntur, ipsum jubeat ediscere, sed modo quærendo, modo admixtis prudenter jucundis narratiunculis, edisserendo varia vel ludentem quoque ac deambulantem erudiat. In toto ergo hoc libro Chironis habentur sermones, quibus commissum sibi Principem ad pietatis ducit studium, scribendique & numerandi modum cum linguis, Latina, Gallica, Italica docet, & ex Ethica, Geographia, Historia, Physiognomia, Chiromantia, Musica, & disciplinis Mathematicis aliis, Logica, Rhetorica, Botanica, Politica, Oeconomica, Heraldica &c. nonnulla delibando, ne ignarus plane sit earum artium, perficere conatur. Sicut autem multorum & rariorum librorum lectione juxta sedula, ac peregrinando quoque, crebraque consuetudine cum doctis Europæ nostræ atque illustribus etiam Viris præclaram sibi eruditionem & doctrinam Wagenseilius comparavit: ita flores hinc lectissimos non parca adspersit manu, & suavi optimarum rerum varietate lectorum animos mirifice delectat. Nos pro more nostro quædam enotabimus. Ex vita Casparis Colnii, rei maritimæ apud Gallos olim præfecti, memoratur, quod factis ex ebore militum icunculis, vix trium annorum puer, tanquam exercitatus aliquis in diribitorio dux recensere exercitum, & aciem instruere calluerit, additque quod Weigelius, in aulas Saxonicas identidem adventans, colludens utri-

usque sexus Ducum Serenissimorum liberis chorum duxerit, baculumque manu tenens atque præcinens prima numerorum elementa & multiplicandi eosdem rationem (quod ipsi dicebant, *das Eins mahl Eins spielen* /) succlamantes læte & exultantes docuerit. Exponit idem de mulierum quarundam Genuensium instituto, quæ seculo XIII post N. C. ductæ pietatis studio, armatæ in Palæstinam transire, atque collectæ in agmen ad sacrum ibi bellum, accingere semet voluerint, singulari inde Bonifacii VIII ejus temporis Pontificis ornata encomio, quod Genuæ in Ducali Palatio a se descriptum integrum apponit. Mentio ab ipso injicitur equestris olim turmæ ductoris in exercitu Cæsareo, qui conspicuæ alias virtutis vir, scriptoriæ tamen artis ita fuit ignarus, ut vix figuram eam HH nominis sui Hans Heinrich Hayn initiales literas exhibentem potuerit pingere. Occulte etiam scribendi modus quidam, quem *Rebus de Piccardie* dicunt, ejusque exemplum ex libro quodam Gallico adducitur, ubi sex Græcæ literæ cum tribus vocabulis monosyllabicis conjunctæ sensum dant integrum effati Italici h. m. Ne la $\Phi \Delta \Phi$ NP la Ψ *Nella fidelità finiro la Vita*. Laudat noster Joannis Neperi Angli singulare inventum numerorum artem docendi per bacilla, quibus numeri nimirum inscripti, singulari Rhabdologias libro expositum; dumque ad ludos & oblectationes sui Principis digreditur, Turcæ cujusdam, *Buzzecca* dicti, facit mentionem, qui Florentiam aliquando venit, & latrunculorum sive Schachici ludi sciens fuit adeo, ut uno tempore cum tribus collusoribus decertans in tribus distinctis tabulis latrunculariis victor evaserit; qua occasione pagum nominat Stropecke haud procul Brunsviga situm, in quo rustici artem illam tenent omnes & liberos suos etiam docere adiguntur, liberati id propter tributorum omni collatione, & Principi suo sacramento subditos obliganti nonnisi tabulam cum latrunculis ex argento factis offerre jussi. Ad corporis exercitia delatus celebrem saltatoriæ artis magistrum in Gallia Beauchamp rationem reperisse tradit, qua certis quibusdam characteribus, velut Muscis notis odæ decantandæ, sic saltationum diversa genera delinearentur, quam scientiam suffuratus ipsi Feuilletus quotannis novos chorearum modos curet imprimi. Insigne est inventum P. Coronelli, qui Venetiis dudum floruit, singulari ar-

p. 31.

p. 43.

p. 47.

p. 54.

p. 62.

p. 76.

p. 90.

p. 101.

artificio saccos exhibentis, quibus pulvis pyrius ita servatur, ut, nec igne, nec aqua, damnum ipsi quodpiam possit dari, & Mediolani, Augustæ Taurinorum atque Parmæ saccum ejusmodi repletum, contactum trecentis pulveris pyrii libris, ac admoto eidem deinde igne deprehensum fuisse experimento, ad tectum hoc involucre pulverem eum ignem non potuisse pertingere, quin & Alphonsum Ferrariæ Ducem, quod Naudæus in Syntagmate de Studio Militari narret, pulverem dedisse pyrium, qui igne tactus citra ullum sonitum disiluerit. Donatum sibi, scribit porro, per amici testamentum

p. 102.

annulum, in quo M. Aurelii Imperatoris & ipsius conjugis effigies calato opere in Achate elaboratæ conspiciantur, quem ex Clementis VII thesauro in famosa Romæ urbis direptione olim ablatum ingentis pretii esse statuit, cum ars illa ita ornandi gemmas, ut figuræ & signa emineant (nos appellamus *erhabene Arbeit* /) inter deperditas jure numeretur, & annulum suum exinde Ottonis nummo æneo, quorum unum Judæus quidam, Isaac Seligmann, Furt hæ degens, Francofurti aliquando 1200 uncialibus vendiderat, longe anteposit. Sunt in Romani Pontificis Vaticano horto statuar Phidias atque Praxitelis, valoris supra quam potest dici, ut Herculis truncus, Antinous & Laocoon, quas Michael Angelus magni nominis artifex ita æstimavit, ut cæcus in senili etiam ætate deduci se in hortum fecerit identidem, & easdem ubique contrectaverit, complexusque fuerit & osculatus.

p. 109.

Ut de Stylo lapidario constet aliquid Principi, Inscriptionem illam, qua Philippi IV mandato janua ad Pantheon Scorialense, nobile conditorium, ferens ornata est, ex Francisci de los Santos edito a. 1657 de Monasterio Scorialensi libro Hispanico apponit, quam, cum nec in Itinerario quodam, neque in Hispaniæ descriptione ulla legatur, operæ pretium est hic inferere:

D. O. M.

LOCUS SACER MORTALITATIS
EXUVIIS CATHOLICORUM REGUM
A RESTAURATORE VITÆ CUJUS ARÆ MAX.
AUSTRIACA ADHUC PIETATE SUBJACENT
OPTATAM DIEM EXPECTANTIUM

QUAM

MENSIS MARTII A. MDCCVI. 121

QUAM POSTHUMAM SEDEM SIBI ET SUIS
CAROLUS CÆSARUM MAX. IN VOTIS HABUIT
PHILIPPUS II. REGUM PRUDENTISS.

ELEGIT

PHILIPPUS III. VERE PIUS INCHOAVIT
PHILIPPUS IV.

CLEMENTIA CONSTANTIA RELIGIONE
MAGNUS

AUXIT ORNAVIT ABSOLVIT.

ANNO DOM. M DC LIV.

Ut Pontifex R. eligatur, & Cardinales novi soleant cooptari, quæ p. 170. seqq.
Jubilæorum & Canonisationis, quam vocant, ceremoniæ sint, ac-
curate quoque commemoratur; & de Philippo IV, quem aliquo-
ties posito triclino comantem in Hispania Wagenfeilius vidit, re- p. 204.
fertur, quod ita sermonis parvus fuerit, ut per integras horas imo
interdum per octo dies nullum ex ipso auditum sit verbum; unde
e Gasconia quidam asseveraverit aliquando, non esse in vivis am-
plius Regem, sed ejus loco simulacrum quoddam *Λέγοντα* popu-
lo interdum ostendi. De apodemica arte exponens, inscriptiones
varias adducit, & inter has quandam Genuæ in horto aliquo le- p. 221.
ctam sibi ait, qua Joannes Andreas Doria sepulchrum canis sui
Gran Soldano, sub Jovis colosso publice defossi ornavit. Sunt,
digna etiam lectu, quæ de fati Mensæ Iſiacæ, inclyti istius *κειμηλίσ*,
differit, utque ea ex direptione Romæ in manus fabri cujusdam ferra- p. 226.
rii, inde ad P. Bembum Cardinalem pervenerit, tandem in gazophyla-
cio Mantuani Ducis ad A. 1630 fuerit adservata. Etsi vero in illius
urbis deprædatione evanuisse eam Kircherus testetur, bonum tamen
nuntium statim annectit, quod nimirum Augustæ Taurinorum illa-
jam habeatur, inter ferramenta & rejectanea in obscuro quodam
loco reperta forte, & ab Archiatro Viduæ Ducis Victoris Amadæi
Christinæ, & ipso thesaurum hunc pro merito non æstimante, sibi
ostensa, ut adeo, ubi conspici nunc possit, hoc indicio Wagenfeilii
nostri constet. Notabilis est quoque descriptio Vallis Batuecas in p. 232.
Legionis regno, haud procul Salamantica, sub imperio Philippi III
demum detectæ, & nullius peregrinatoris calamo delincatæ, cujus
qui

- p. 238. qui situs & indoles, longo tandem labore e Patre quodam Dominicano Noster vix didicit. Tum Francisci Barberini Cardinalis humanitatem deprædicat, utut gravissimis negotiis semper urgeretur, peregre tamen advenientibus conveniendi semet copiam continuo datitis, & cum Geographiæ studio cumprimis delectaretur, de patria cujusque accurate sciscitantis. De Carolo Gustavo, Suecorum Rege, ex ipsius fratris Adolphi Johannis ore id hausit, quod antequam Sueciæ præesse juberetur, venationibus supra modum fuerit deditus, ita ut raro in aula, crebrius vero in arce quadam ageret, canum suorum domicilio, quin & in sermonibus statim ad venationem dilaberetur, sed idem tamen Christinae Reginae imperio semet abdicanti suffectus, ne ullum quidem venationis aut canum desiderium amplius prodiderit. Quod Aeneas Vicus, Parmensis, in libro *Discorsi sopra le Medaglie degli Antichi* annotavit, meretur ex ore Chironis huc transcribi: scilicet Nobilis quidam Martipi ordinis Hierosolymitani eques in Rhodo insula statuam repererat æris Corinthiaci, cui tamen dimidius pes deerat, quam cum Venetias ferret, & Cardinali Bembo monstraret, recordatus hic sibi aliquando pedem dimidium ejusdem materiæ in agro Patavino quodam erutum apportatum esse, cumque afferri illum curasset, accurate deprehensum est, esse illum statuæ Rhodiensis ejus partem. Idem Chiron Principi suo institutum illud laudat, quo A. 1524 in aula Ludovici Electoris, Heidelbergæ tum præsentibus XVI Electores Principesque, ut dejerandi libidini & insanis ad potandum invitationibus mederentur, certas sibi suisque leges præscripserint, quas in Michaelis Hebereri Ægyptiaca servitute, & non alibi forte legendas, integras repetit. Circumivit superiori seculo quidam ex insula Maltha homo, Blasius Manfredus, qui, spectantibus eum admiratione multis, magnam aquæ copiam ingurgitavit, & artificiali vomitu vinum, cerevisiam, aquas odoratas, & lac pro lubitu egressit, quod, qua ratione factum, beneficio Illustris Maglia-becchii didicit Noster, & expositionem totius artificii subjecit.
- p. 247. Unum adjicimus, quod ex Alexandro VII ipse audivit, cum Comitem quendam Germanum, cui aditus ad hunc Romanum Pontificem tum forte patebat, in angustum conclave fuisset comitatus; scilicet in Germania Nuncius cum Monasterium proficis-
- p. 255. sc-
- p. 265.
- p. 279.
- p. 293.

sceretur, miratum se dixit, qui fieret, ut in nostra lingua integra vox *Ἐχθρῆ*/sex consonantibus constans, una vocali animaretur, & eam, qua pagus quidam insigniebatur, longo se vix labore potuisse pronunciare.

*EUSTACHII MANFREDII EPISTOLA AD V-
rum Clarissimum DOMINICUM QUARTAIRONIUM,
qua Anonymi assertiones XVI pro Reformatione Calendarii
ab illo impugnata vindicantur.*

Venetis apud Anton. Bartoli 1705 in fol.

Constat plag. 16.

ANno superiori mense Julio pag. 320 & seqq. Responsiones Clarissimi *Quartaironii* ad assertiones nonnullas Anonymi pro reformatione Calendarii Gregoriani recensuimus. Illas tamen non sufficere credit *Manfredius* ad eas evertendas: quin, potius, istis non obstantibus, cum Anonymo facit, imprimis cum eadem sententia Viris ob scientiam Astronomicam famigeratissimis, illustrissimo *Blanchino* & *Dominico Cassino* probetur, quorum is in *Solutione Problematis Paschalis*, mense Julio anni superioris nobis enarrata, nec non in duabus dissertationibus *de Cyclis Caesaris & Hippolyti*, item *de Numo & Gnomo Clementino* ad nos nondum delatis; hic vero in dissertatione *Commentariis* Academiæ Regiæ Scientiarum anni 1701 inserta, mentem suam exposuit. Iplas Anonymi assertiones verbotenus exhibet, responsiones *Quartaironii* in compendium missas subjungit, & quid circa easdem sibi monendum videatur, ad singulas notat. Assertiones & responsiones ad easdem in compendium missæ leguntur in Actis nostris loco citato, quæ vero *Manfredius* ad ultimas regerit, eorum summa in compendio huc redit. Docet scilicet, quæstionem, an Pascha anni 1700 die 11 Aprilis rite celebratum fuerit? duplicem habere sensum. Aut enim quæri, an celebratum sit congruenter ad Cyclum Epactarum, quo tanquam Paschali regula utuntur Gregoriani? aut, an conveniat Ecclesiæ instituto antiquissimo, Pontificum & Conciliorum Canonibus, etiam ante Nicenam Synodum & Aurei Numeri Cyclum, confirmato, de

celebrando Paschate prima Dominica post decimam quartam primi mensis, hoc est, an cyclus Epactarum, qui anno 1700 Lunam decimam quartam die 4 Aprilis exhibuit, hoc anno cœlo confermetur? In posteriori significato Anonymum quæstionem decidere, nec tamen propterea negare, si forte cyclus a cœlo dissensisset, Pascha legitimum fuisse: sed tantum cyclum, qui, si sæpius in hoc peccet, atque Pontifici ita videatur, corrigi debere. Cyclus igitur num legitimus sit, ex ejus cum motibus cœlestibus conformitate, colligendum esse, juxta ipsam *Clavii* mentem. Nusquam *Gregorium XIII* & *Clementem VIII* adeo mirabilem legem promulgasse, immo promulgare non potuisse, ut Astronomi in posterum plenilunia ad dies ab eo diversos, qui Astronomicis regulis convenit, seu quo eadem in cœlo contingunt, supputent, cum nullum sibi in motum siderum imperium arrogaverint. Neminem eorum, qui vel pro *Clavio*, vel contra eum scripsere, erroris in calculo pleniluniorum mediorum commissi meminisse; primum eundem detexisse *Cassinum* in *Regulis Astronomiæ Siamensis* A. 1689 editis. Epactas Clavianas omnino adversari menti *Gregorii XIII*, compendio *Lilii*, consensui orbis Christiani, motibus cœlestibus, immo Nicænæ quoque Synodo ac Patrum exemplis.

JOHANNIS DOLÆI TRACTATUS NOVUS DE
Furia Podagræ lacte victa & mitigata, propria
experientia conscriptus.

Amstelodami apud Janssonio - Waesbergios, 1705, in 12.

Constat 7 plagul.

Methodus lac arthritide vexatis propinandi jamdiu nota, sed a plurimis Medicis, tanquam summe noxia, mortemque accelerans hactenus impugnata fuit. Extiterunt tamen non minus antiquis temporibus, ut *Cornelius Celsus*, quam nostro ævo, *Greisellium* puta, *Sachsum*, & *Waldschmidium*, qui insignem ejus efficaciam contra arthriticum furorem scriptis satis laudare non potuerunt. Sic & literæ quædam a Nobili Gallo, qui ipsemet cum aliis per longum temporis spatium sævissimos arthritidis dolores sustinuerat, jam autem usu lactis curatus per plures annos bene-

valet, conscriptæ, *Clarissimo Doleo* fuerunt communicatæ, ex quibus hic magnam potus lactis efficaciam mirabundus inte ligens, & ipse Castellis ejus usum pluribus ægris, simili morbo detentis, suavit, qui omnes, regulis circa usum ejus necessariis rite & exacte observatis, optime se habuerunt, adeq ut quidam fere contracti jam iterum incedere, imo saltare potuerint. Hinc experientia certissima pariter ac ratione fretus, divinum hoc remedium, ex singulari gratia divina in solatium tam crudeli morbo affectorum concessum, præsentī in opusculo communicare ac confirmare, utque alii pariter inde emolumentum consequi valerent, describere non fuit gravatus.

Consistit autem dicta cura in hoc : Præparari ante omnia debet corpus, cibos *εὐπεπτός* & potum tenuem mediocriter assumendo, purgantia usurpando, ab animi affectibus & Venere abstinendo, radicesque morborum, cum arthritide complicatorum, eradicando. Lac ipsum petendum est ex vacca mediæ ætatis, boni habitus, gramine herbisque laudabilibus pasta, & a tauro longe semota. Calesciendum est illud, dum hauriri debet, absque tamen ebullitione, & assumendum per diem ter, quater vel quinquies, prout ventriculus robustus vel debilis existit, ejusque quantitas indies usque ad uncias quadraginta augenda : loco prandii & cœnæ panem similagineum leviores capiendi. Nec inconueniens erit, quandoque mane dosim oculorum cancrorum vel alius absorbentis assumere. Continuanda autem est hæc cura, quamdiu non omnis materia peccans e corpore est proscripta ; quo diutius enim hauritur lac, eo perfectior sanitas speranda est. Hinc quidam, per annum integrum postquam lactis potu usi fuerant, denique ad victum ordinarium sensim redierunt, continuando tamen mane lac ad uncias sedecim, summa cum euphoria. Majori pariter commodo, singulis mensibus purgans aliquod Luna crescente assumitur. Mittimus exempla, quæ tanquam totidem falsæ curæ testimonia allegantur, hoc solummodo commemorantes, quod ipsemet Author Clarissimus lac omnibus lithontripticis falso sic dictis palmam præripere, in se observaverit, cum intra unius anni spatium, quo lacte usus est, calculus vesicæ, quocum diu fuerat conflictatus, ad unciam unam & plus fuerit immi-

minutus, (tot enim frustula collegit, & in museo reservat) peracta vero cura, non unicum calculi frustulum amplius prodierit; firmiter sibi persuadens, lac nullum calculum, sed potius phlegma viscidum in vesica aliisque locis generare posse. Hisce præmissis, unde lacti tantæ vires accedant examinaturus, in arthritidis naturam paulo accuratius inquiri Clarissimus Dolæus, ejusque causam primariam & proximam, liquorem quendam viscidum, acrem, sale acido vel lixivioso corrosivo magis minusve volatili vel fixo imbutum esse supponit. Inter remotas causas ventriculi accusat dyscrasiam, quocunque modo contractam, ita ut per eam chylus crassioribus ac viscidioribus imprægnetur particulis, ipsamque sanguinis massam crassiorem reddat, unde procul dubio secretiones humorum lentius peragantur, stomachus & intestina magis labefactentur, liquorque gastricus, & qui in intestinorum glandulis discernitur, reddatur viscidior, donec tandem alimenta assumpta multo adhuc difficilius digerantur, ac ob diuturnam moram in saburram acidam, viscidam, flatulentam commutentur, ipseque chylus acido quodam salino corrosivo ebrius, sanguinem reliquosque humores eodem caractere imbuat. Accedit & hoc, quod humores, recensitas ob causas tardius circulantes, salibusque dictis moram, ut magis motu intestino quam progressivo agere queant, concedentes, omnium primo notabiliter corrumpantur, atque lentorem & spissitudinem quandam contrahant. Jam in juncturis articulorum glandulæ hærent mucaginosa, serum aliquod mucilaginosum continuo plorantes, quod juncturas pro motu præstando læves, & lubricas reddat, & conservet. Cui sero permiscetur oleosa quædam substantia medullaris, ab ossium cavitatibus per certos meatus illorum transmissa. Sic enim mucilago olei lubricitatem adauget, oleum vero mucilaginem conservat, ne inspissetur, aut gelatinæ consistentiam contrahat. Ex quibus patescit, mucilaginem hanc in glandulis in & circa juncturas secretam, non modo a salibus acidis corrosivis viscidioribus & tenacioribus evadere, sed & admodum corrosivam & lancinantem reddi, dumque membranas & tendines adjacentes quasi continuo vellicat & irritat, non modo ingentes patrare dolores, verum etiam, impedita sanguinis ob nervorum spasticam contractionem libera circulatione, accedere tumo-

morem inflammatorium. Præter alias autem juncturas, pedes & manus potissimum afficiuntur, quia sanguis, ob motum instante paroxysmo maxime inæqualem, non ubique pari violentia salia impellere aptus est, sed in partibus pendulis, ubi ipsius pressio & impulsio gravius incumbit, poros canaliculorum dilatat, & fomitem mali communicat, quo ex parte ex sanguinis sinu proscripto, quod reliquum est, facilius per sudorem, urinam &c. eliminari potest. Reliqua mittimus, & ad lac revertimur, quod constat triplici potissimum substantia, (1) pingui, butyrofa, oleosa & sulphurea, (2) casciosa, terrestri, & limosa, quodammodo salina, (3) serosa, aquea, cum admixtione salium nitroforum; quarum quælibet proprios edit effectus, si in Arthritide exhibeatur lac. Ratione enim pinguis substantiæ, particulas salinas, austeras & rigidas, scindentes oblinuit; ratione casciosæ, acrimoniam humorum blande temperat, imbibit ac abripit; & ratione serosæ, eosdem humores acres dividit, invertit, & per urinam, sudorem, & ubi via patet, eliminat. Tres autem hæc substantiæ unitæ & bene mixtæ, prout sunt in lacte, majori non modo efficacia salia & humores lentos, viscidos, circa articulos morantes, dissolvunt, invertunt, materiamque arthriticam eliminant, sed & insuper sanguini communicatæ glandulis mucilaginosi benignum suppeditant humorem, ut juncturarum membranæ & tendines eo commodius foveantur, laxentur, & ad pristinum vigorem remotis obstructionibus reducantur. Nec quicquam obtinebunt, qui contra hanc lactis curam crebriores & atrociore recidivas, dum ægri ad pristinum victum se receperunt, recurrentes objiciunt, siquidem hoc ipsum, teste Authore, experientiæ non minus refragatur, quam rationi; siquidem constat, quo facilius alimenta in bonum chylum commutantur, ac sanguini juxta quantitate communicantur, eo meliores ac laudabiliores progigni spiritus, ac sic per consequens partium vigorem restitui & augeri; idque a lacte expectandum esse, nemo indubium vocabit. Multo minus ventriculi debilitatem, & partium languorem in principio curæ occurrentem aliquem in contrariam sententiam abducere, confidit Author Clarissimus. Quemadmodum enim hæc symptomata ab obstructis glandulis, humorem gastricum & intestinales suppeditantibus, oriuntur, siquidem parum pin-

guedinis lactæ subigi & cum sanguine pro partium nutritione communicari potest; tolluntur tamen eadem, quamprimum poruli ab aqueis lactis particulis reſerati & ampliores facti fuerint.

**SAMUELIS BASNAGII ANNALES POLITICO-
Ecclesiastici. Tomus secundus.**

Roterodami, apud Regnerum Leers, 1706, in fol.

Constat Alphab. 10.

- T**Elam in perlustrandis Eruditissimi Basnagii Annalibus superiori mense coeptam ulterius protendere, dum animus nunc est, Tomum secundum ad manus sumimus, qui a Seculo secundo orditur. Heic in ætatem Johannis Evangelistæ omnium primo incidimus. Ad summam hunc senectutem pervenisse concedit, quidem Noster, sed mortis eum mansisse expertem, credere omnino abnuat. Defensionis Decretalium a nonnullis susceptæ indignitatem perferre se non posse, latius ostendit. Hinc ad Hæreticos, qui Johanne Apostolo adhuc vivente, veneno suo Ecclesiam infestarunt, delatus, de Menandro, de Simonianis, Cerinthianis & Ebionæis disserit. Nazaræos de Christo recte sensisse statuit, & hoc unum illorum peccatum facit, quod ceremonias legis quasi salutis necessarias usurparint. Synodum Apostolorum Antiochenam, a Baronio & Turriano confictam, a Binio vero statuminatam, nescire vult. Absconum ipsi videtur, Oſſenos ab Essenis haud distinguere. Persecutionis a Trajano motæ dum meminit, Ignatium in eadem e vivis sublatum, martyrium subiisse notat, ante annum Christi CXVI, qua de re alias controverti solet, non minus ac de Ignatianis Actis, quæ pro sinceris minime agnoscit, ac quæstionem: num Romæ obierit? in medio relinquit. Sed Epistolas Ignatio omnes, etiam septem illas ad Smyrnæos, ad Polycarpum, ad Ephesios, ad Magnesios, ad Philadelphenses, ad Trallianos, ad Romanos, evellit. Hæterias, quas Plinius secundum Cæsaris edictum inhibuerit, Christianorum fuisse agapas censet. Polycarpi ad Philipenses Epistolam adversus Dallæi suspensionem tuetur, quanquam paucula illa, quibus eadem claudatur, ab aliena manu esse, parum dissimulet. De sacris ædibus titulorum nomine affectis

Pag. 2.

3. f.

4. ad 8.

8.

10.

11.

16.

17.

19. f.

26.

27.

At dum verba facit, causam istius appellationis in obscuro esse, pag. 18.
 profitetur. Potentum scilicet palatii tituli cum inscripti fuerint,
 potuisse forsan templa Sanctorum inscribi nominibus, quorum
 memoria consecrata fuerint. Præterea monumenta pietatis vul-
 gata editionis auctori titulos vocari observat; adeoque & tem-
 pla id nominis obtinere potuisse censet, utpote quæ Deo colendo
 consecrata sint. Quibus tertiam addit rationem, a donationibus 30.
 petitam, quibus templa ditescere cœperint, quæque titulis olim
 contentæ fuerint. Papiam quo pro auditore Johannis habere mi-
 nus possit, nonnullis se urgeri scrupulis, quos exponit, affirmat,
 eumque Confessorem quidem, sed non item Martyrem vocari 35.
 posse concedit. Alexandrum Papam nec martyrio obuisse, nec
 illius Acta genuina esse credit, Schelstrateno se hac in parte oppo-
 nens. Ut alios hæreticos tum temporis exortos nominat, sic 43.
 Gnosticos imprimis late considerat, & barbara, quæ usurparint,
 Angelorum nomina (alia ut taceamus,) exponit, prout & aliquid 51.
 lucis barbaris Valentinianorum Æonum vocabulis foenerare nititur. 55.
 Quadratum Apostolorum discipulum, a Quadrato, Atheniensem
 Episcopo, diversum facit. Adrianum Imperatorem de con- 59.
 dendis Christo templis cogitasse, vero non putat simile. A-
 quæ benedictæ originem ad Alexandrum Papam sine ullo fun- 65.
 damento referri, magnumque esse veteris & novæ aquæ benedi-
 ctæ discrimen ostendit. Sententiæ de provocatione ad Ecclesiam 70.
 Romanam a Marcione facta falsitatem, non pertenuibus argumen-
 tis manifestat. Quanquam ne Telesphorum quidem Quadragesi-
 malis disciplinæ fontem jam tum extitisse & principium admittat,
 vel ex eo tamen Pontificios colligere posse infert, quod lex ista 96.
 Pontificalis sit, non Apostolica. Antepaschale jejunium ut cum
 quadragesimali misceatur, haud permittit, & in universam jejunii
 quadragesimalis historiam prolixius inquit. Concessam fuisse,
 Polycarpo honoris causa ab Aniceto Eucharistiæ consecrationem 107.
 negat, & argumentis Amplissimi Tenzelii, istius asserti qui se fau-
 torem præbuit, respondet. Hegesippum tabulas successionis Epi-
 scoporum, qui Ecclesiis præfuerint Apostolicis, composuisse, per-
 hiberi ridet. Hermæ Pastorem explodit. Non Antonino Pio, 110. seq.
 sed Marco Aurelio, secundam Justinii apologiam oblatam esse, con- 111 ad 116.
 tra

- pag. 121. tra Valesium, Fellum, Dodwellum, aliosque asserit. Polycarpum,
 135. A. C. 169 martyrio functum, Usserio adstipulatus credit. Qua-
 136. dratus vero, Polycarpi judex, qualis fuerit, determinare vix audet.
 Sabbatum magnum, quo Polycarpum martyrio coronatum perhi-
 138. bet Smyrnenis epistola, pro illo habet, quod pascha proxime
 antecedit. Annos octoginta sex, quibus Servatori se ministrasse
 dixerit Polycarpus, de Ecclesiastico illius ministerio capit, eumque
 139. obiisse conjicit anno Dionysiano, ut dictum modo, 169, d. 26 Mar-
 ti. Ad Tatianum delatus, num extet ejus Harmonia? anquit,
 150. & Valesii imprimis argumenta, quibus negativam statuminavit,
 153. ponderat. Pluviam Romanos in praelio adversus Quados re-
 creantem, & fulgura in hostes missa liberat equidem a magicarum
 156. artium suscipione, at vero his vix credibilia plura adscribi, simul obser-
 vat, & legionem, ad cujus preces id miraculum perpetratum fuerit, ab
 Imperatore fulmineam vocatam fuisse, minus sibi persuadet. Quin nec
 157. Imperatoris animum cogitationem, quod a Christianis pluvia sit im-
 petrata, subiisse, nec eum quicquam hac de re scripsisse ad Senatum,
 161. vero putat consentaneum. Athenagoræ apologiam non Marco
 162. & Lucio Vero, sed Marco potius & Commodio oblatam judicat.
 Legationem, ab ipso pro Christianis susceptam, in dubium vocat.
 171. Narrationem Nicephori de Judæo aræna baptizato fabulis apponit.
 177. Apollonium Martyrem Senatoria ornatum fuisse dignitate negat.
 182. sq. Theophilum Antiochenum Episcopum a Theophilo, librorum ad
 Autolytum conditore, minime discriminat. Paschatis festum A-
 189. pollolos haud instituisse, variis rationibus probat. Epistolarum
 194. quatuor, quæ Victori tribuuntur, 1091a^a operose ante oculos
 202. ponit. Symmachus an Theodotio prior fuerit? quaerit, & prio-
 205. ritatem huic assignat. Sicca morte Irenæum animam Deo red-
 215. didisse, autumat. Librorum Tertulliani chronotaxin accuratam
 format, & in hujus Patris mentione Secundum seculum obli-
 gnat.
 220. Sub tertiæ primordium, Zephyrinum martyrum cruentorum
 224. numero eximit. Perpetuam & socios martyrii, de grege Monta-
 227. nistarum fuisse colligit. Origenis evirationem non cicuta, sed
 228 ad 230. ferro peractam ait, ejusque vitam omnem dilucidat. Eviratio-
 nem ejus canonicum fuisse ordinationis impedimentum, inficiatur.

Severissimam disciplinam, qua peccatores omni cum Ecclesia reconciliatione privari tum contigerit, ab Apostolis manasse, nullus admittit. Cum poenitentiae actus complures in narthece peragerentur, quid rei sit narthex? constituit. Partem videlicet appellat Templi, ingredientibus primam, exeuntibus vero ultimam, & tum ritus poenitentium varios iusto ordine considerat. Simili industria stationes expendit, jejuniaque dierum Mercurii & Veneris & Sabbati. Quae sacrae Synaxeos ratio his fuerit temporibus, distinctius explanat, interque alia asservationem Eucharistiae in Ecclesia olim neutiquam obtinuisse docet. Templorum dedicationem hodiernam priscis seculis incognitam, quodque Sanctuarium respicere Orientem debeat, Apostolorum ordinatione niti, figmentum appellat. Pastophorium describit aediculam sive thalamum, in quo Ecclesiae suppellex recondi, Clericique recipi consueverint. Calicum sacrorum antiquam materiam & picturam contemplatur. Mammæ Christianismum somniis accenset. Altarium usum vetustum pandens, plura in uno templo altaria antiquissimis temporibus vix reperta statuit, nec requisitum admittit ad communionem jejunium. Sacramenti elevationem novam, & quingentis amplius annis Ecclesiae incognitam nuncupat, inque censum parilem cereorum diurnorum usum rejicit. Fabiani Decretales inter spuria scripta collocat. Adultam processionibus antiquitatem abjudicat. Philippum Arabem pro Christiano minus agnoscit. Cypriani magiam & amores Justinæ fabulas dicit, & insuper traditionem de Cypriano Antiocheno enervat. Dionysium Parisiensem pro diverso ab Atheniensi agnoscit. Novatum ex Africanorum Episcoporum numero eximit. Septem dormientium historiam respuit.

pag. 235.

237.

238 ad 247.

248 ad 251.

253.

256.

260.

272.

273.

286.

293.

297.

303.

305.

316.

329.

335.

348.

354.

357. 362.

Sed dum Tomi cujusvis titulus *duodecim Dissertationes ad illustrandam antiquitatem Ecclesiasticam idoneas* promittit, de his, antequam ab opere locupletissimo manum retrahamus, non nihil dicendum est. Sunt ex non admodum prolixa, locumque inveniunt, post absolutos Seculi tertii Annales, in Tomo secundo, ubi spatium paginarum a 475 ad 576 conficiunt. *Prima traditionem Satanae*, a Paulo in priori ad Corinthios epistola commemoratam, *excommunicationem* haud esse probat, neque hanc voce

Anathematis innui observat, Baronioque, *catathema* proximam anathemati censuram constituenti, dicam scribit. *Secunda* circa *Excommunicationem Judaicam* occupatur, quam ex inveterata opinione, multis etiam eruditissimorum pro poena spiritali haberi, Noster ait, impuris hominibus imposita, ut a sacrorum communione pellerentur. Quo ut plurimum obtorto collo trahantur verba Domini: *sit tibi sicut Ethnicus & Publicanus*. Sed vicissim Basnagius nullam flagitiosorum a sacris expulsionem his significari contendit, cum Judæis minime moris esset, Publicanos a Paschatis & sacrificiorum usu remove. Stat ergo ipsi sententia, Judæorum excommunicationem poenis non Ecclesiasticis sed Politicis, quibus Societatis jura reis abdicentur, esse annumerandam. *Tertia* dissertatio de *Excommunicatione Christiana* agit, interque hanc & Judaicam hoc interesse docet discriminis, quod, cum Judaica actus sacerdotalis non fuerit, quo impuri homines sacris pellerentur, sed forensis, quo jura civitatis reis eriperentur, Christiana vicissim non fori, sed Presbyterii decretum sit, quo Sacramentorum usu flagitiosi priventur, jure civitatis illæso. Hujus excommunicationis jus non ex naturæ modo, sed ex ipsius quoque Scripturæ fontibus deducit Autor, Thomæ Erasto secus consenti obviam procedens, & ultimo loco antiquitatem Ecclesiasticæ disciplinæ in subsidium advocat. Inde non solum Episcopum, sed Presbyteros etiam excommunicandi facultate pollere asserit, quam tamen ad mortuos extendi posse negat, Principes vero eidem obnoxios pronunciat. Non esse de cætero hanc illius vim largitur, ut regiam Principibus dignitatem, Magistratui auctoritatem, privatis honores bonaque auferat, nec internam fidei & charitatis cum Christo copulationem eadem solvi posse contendit, quippe quæ immoto æternæ prædestinationis decreto nitatur. Sed tangere hanc solummodo affirmat externam copulationem, qua cum Ecclesia jungamur, usu mensæ sacrae, precum pro fidelibus fusarum auxilio, consolationum fomentis, Presbyterorumque benedictionibus. *Quarta* de *Ecclesiastico tribunali* agit, quod nequaquam ad dictaturas ejusmodi trahendum sit, quales cogitet Baronius, & per quas Ecclesia de rebus temporalibus judicium suum constituat. Hoc certe tribunal moribus imprimis Christi & universæ antiquitati multum ad-

adversari ostendit. *Quinta* dissertatio *decimas* examinat, deque his sequentem in modum statuit: Jure quidem rationis, quod nullo refigi modo queat, Ecclesiæ Pastoribus honesta deberi stipendia, nec conscientiæ modo, sed Scripturæ quoque tabulis legem illam inscribi. Ut vero decimæ quotannis suppeditentur, nec Evangelii, nec rationis, nec seculorum Apostolicorum autoritate definitum esse. *Sexta*, Baronio duce, *claustra Virginum* lustrat, ad ipsorum antiquitatem reperiendam, quam cum ætate Apostolorum conjunctam fuisse, Latinorum plures existiment, quamque & Pamelius videre sibi visus sit in verbis Tertulliani: *Viderit ipsum continentia votum*. Verum hic error multis argumentis opprimitur. *Septima* ad *calibatam Clericalem* spectat. Ubi ab initio quidem credere se ait Basnagius, Apostolos post illapsum Spiritus Sancti, omnem prorsus Venerem abdicasse, quæ continentia Episcopis Presbyterisque nonnullis exemplar ad imitandum præbuerit, sed citra ullam tamen necessitatis imaginationem, quæ post accesserit, & quam ex instituto heic impugnatam videas. *Octava* maximam partem in computatione *LXX hebdomadam Danielis* versatur, & annos hic non Solares, verum Lunares spectandos venire præsupponit, ac dein hebdomadarum initia Artaxerxis Longimani anno vigesimo, exitum verò anno, qui Tiberii decimus nonus putatur, assignat. Mox oraculum Danielis ad Messiam esse referendum probat, ejusque verba potiora curatius pensitat. Abominationem vastatricem de Zelotis Templo insidentibus interpretatur. *Nona* traditiones Pontificias non tam ex fundamentis Theologicis, quam monumentis potius Historico-Ecclesiasticis convellere studet. *Decima* periodum Julianam & Pagii Græco-Romanam inter se confert, & hanc ista minime præstare demonstrat. *Undecima* regulas ejusdem Pagii Hypathicas examinat ac perstringit. *Duodecima* denique Catechumenos eorumque baptismum cura paulo penitiori contemplatur.

CREMONA LITERATA,

seu

IN CREMONENSES DOCTRINIS ET LITERARIIS

R 3

Di-

Dignitatibus Eminentiores Chronologica Adnotationes, Auctore,
FRANCISCO ARISIO.

Parmæ, typis A. Pazzoni & P. Montii, 1702. fol. Tom. I.

Constat 5 Alph. pl. 4.

PLurimum omnino Reip. Literariæ interest, ut eorum memoria, qui præclare de ea meriti fuerunt, ad posteros quoque propagetur, quo scilicet hoc pacto tum virtuti honos suus constet, tum etiam alii istorum exemplis excitati, iisdem vestigiis insistere animum inducant. Nemo igitur dubitare potest, Franciscum Arisium Cremonensem, nobilissimæ patriæ suæ Ordinum Conservatorem, præclaram admodum operam in se suscepisse, quod Viros eruditione egregiisque in rem literariam meritis conspicuos, quos Cremona unquam vidit, orbi erudito exhibere constituerit. De quo Resp. literaria eo magis sibi gratulari debet, quod, cum jam ante eum, tum Josephus Bresianus, Vir in contexendis urbis Cremonæ historiis incomparabilis, inter cujus manuscripta opusculum Italica lingua consignatum & hoc titulo insignitum, *Virtus rediviva insignium Virorum Cremonensium*, repertum fuit, tum Doctissimus Laurentius Legatus, qui in *Lyceo Herculis* nonnulla de Literatis Cremonensibus memoriæ prodidit, simile aliquid tentassent, uterque tamen morte præventus telam pertexere non valuisse, Arisius noster hoc opus feliciter ad finem perduxerit. Huic autem dissertationem præmisit, in qua urbem Cremonam, de qua patria sibi quoque Auctor gratulatur, & antiquissimam & nobilissimam esse, variis argumentis evincere conatur. Quod enim ad prius attinet, originem hujus urbis ad antiquissima tempora referri ait, ita ut ejus origo in historiis plane reperiri nequeat. Quamvis enim Tacitus, Luculentus cæteroqui historiarum scriptor, eam T. Sempronio & P. Cornelio Consulibus conditam fuisse asserat, eum tamen a Polybio deceptum hac ex parte vehementer falli, vel ex Livio abunde constare, utpote qui disertis verbis testetur, multo ante adventum Hannibalis in Italiam, Colonias a Romanis Cremonam deductas esse, & de Valerio Flacco, qui ante T. Sempronium & P. Cornelium Consulatum gessit, affirmet, eum per totam ferme ætatem circa Padum Placentiæ & Cremonæ exercitum habuisse. Id quod etiam

etiam exinde patere Auctor ait, quod varia testimonia ex Veterum scriptis afferri possint, Cremonam jam Tuscorum coloniam fuisse, quorum opes multo ante Romanum imperium terra marique patuerint. Adeoque neminem de summa hujus urbis antiquitate amplius dubitare posse, cum Eusebius quoque asserat, ejus initium annis mille tercentum quinque & septuaginta Christi adventum antecessisse. Postquam igitur Auctor hoc modo demonstraverat, originem Cremonæ omnem vetustatis memoriam superare, jam laudes ejus tum ex veteribus tum recentioribus scriptoribus prolixè satis enarrat, & tandem maximam ejus dignitatem ex honore & innumeris beneficiis, quibus eam summi Pontifices, Cæsares ac Reges affecerint, satis elucescere putat. Post præfationem illam de antiquitate & nobilitate Cremonæ absolutam, Auctor Viros Eruditos, qui ex hac civitate originem duxerunt, in medium producit; in quo instituto ita versatur, ut eos non alphabetico ordine, quem subjectus tamen index supplet, sed juxta temporis, quo quisque floruit, seriem dispositos exhibeat, simulque ipsorum nomina, cognomina, munera, scripta & alias res ab ipsis præclare gestas, accurato studio exponat, in quorum recensione, subinde, occasione ita ferente, varia Gymnasia, Collegia, Academiarum, Bibliographiarum aliarque hujus generis rei literariæ ornamenta lectorum oculis subjiciuntur, ea potissimum fini, ut Cremonensium magnificentia literaria orbi erudito magis innotescat. Hisce præterea, ut lectorum curiositati ex asse satisfaceret, multæ Inscriptiones atque Epitaphia, ex antiquis & tantum non deperditis monumentis in lucem protracta, in quibus Virorum doctorum nomina eorumque laudes æternitati consecratas deprehendimus, hinc inde permixta leguntur. Incipit autem Viros literatos Cremonenses recensere ab anno ante ortum Christi quinquagesimo primo, in quo stadio ad annum post reparatam salutem millesimum quingentesimum primum inoffenso pede progreditur. Cæterum multa de Viris illis eruditis hic loci excerpere nil attinet, tum quod hoc nimis longum foret, tum quod hæc delicias cujusvis Lectoris curiositati relinquere magis consultum esse arbitramur.

SERIES AUGUSTORUM, AUGUSTARUM, CÆsarum & Tyrannorum omnium, tam in Oriente, quam in Occidente a C. J. Casare ad Leopoldum, cum eorundem imaginibus ex optimorum numismatum fide ad vivum expressis,

Auctore LAURENTIO PATAROL.

Venetis, typis Antonii Bortoli, 1702. 8.

Plag. 15. ch. aug.

Vel ideo libro huic pretium decernere par est, quod reliquorum Numismaticorum metas longe superare videtur, dumque illi in Heraclio communiter desinunt, hic Imperatorum series ad nostra tempora usque protendit, licet nummorum defectu icones interdum necessarias aliunde mutuare debuerit. Omnium vero, quotquot complectitur, imagines perquam nitide exsculptas habet, adjecta e præstantiorum Historicorum monumentis compendiarum cujuslibet Principis vitæ enarratione, id quod tyronibus egregio prodesse, eorumque memoriam ad ampliora præparare, nemo est, qui ignorat. Inprimis autem commendari meretur Nobilissimi Autoris ingenium, quod Augustos contemporaneos, ipsorumque conjuges, una area conspiciendos præbeat, siquidem & hac methodo plurimum amoenitatis studiis hisce obvenit. Prolegomena etiam breves aliquot discursus continent, a scopo ejus haud dissimilaneos, puta, de nomine Imperatoris, Cæsaris & Augusti; de varia pro variis temporibus Imperatoris eligendi ratione; de variis Imperii Romani periodis; in quibus copiosa lectio redundat. Cæterum cordatioribus Germanorum ægre persuaserit, quæ de coacta, aut non ita libera, ut loquitur, Imperatoris renuntiatione, ab Electoribus in defuncti Cæsaris gratiam expedienda, contra Legum Reipublicæ nostræ fundamentalium tenorem asserere voluit.

*LEXICON LATINO-BELGICUM NOVUM, OLIM
Idiomate Gallico publicatum a P. GUIDONE TACHARD,
nunc Belgica consuetudini communicatum, &c. ac-
curante SAMUELE PISTICO.*

Am.

Amstelædami, excudit Franciscus Halma, 1704, in 4to.

Constat Alphab. 6. plag. 15.

Est ea plerorumque Lexicorum, maxime, quæ puerorum manibus teruntur, ratio, ut multa, quæ plane & omnino inferenda erant, vocabula ibi desiderentur; barbarorum vero, & minus Latinorum, aut saltem non satis usitatorum, magnam copiam contineant. Quod cum secum reputaret Reverendus Pater Guido Tachard, operæ pretium duxit, de locupletiori & comtiori Lexico edendo consilium suscipere. Confecit destinata anno 1687, & quod concinnandum susceperat, Lexicon Latino-Gallicum Parisiis publicavit, in quo obsoleta vocabula, & locutiones vitiosas notavit, poeticasque loquendi rationes, ab illis, quæ oratoribus & poetis in usu sunt, asteriscis distinxit. At ne sic quidem omnium expectationi satisfecit. In illud enim cum solertissimus Typographus, Franciscus Halma incidisset, censuit ad illius formam, phrasibus & vocibus, in illo Gallice versis, in sermonem Belgicum translatis, non incommodum posse fieri lexicon Latino-Belgicum. Proinde unum alterumve specimen Samueli Pitisco, Clarissimo Viro, Gymnasii Hieronymiani apud Trajectinos Rectori obtulit, & sententiam de eo rogavit. Is accuratius re perspecta, deprehendit, reverendum Tachardum scriptores, quos laudat, non evoluisse, & sicut non contemnendis conjecturis adductus, pace tamen optimi Viri, Pitiscus hariolatur, Cœlii Curionis Secundi Forum Romanum compilasse, hic illicve, hoc illove scriptore, quamvis infrequentius, de suo addito. Hinc factum censet, ut errabundi ducis, (quia nec ille, dum scriberet, fontes adiit, sed ex aliorum lacunis multa in suum Forum derivavit) vestigia legens, in tot errores inciderit. Ciceronem enim pro Livio, Cæsare, Columella, Nepote, Tacito, &c. Tacitum pro Suetonio, Cicerone, Livio; Cæsarem pro Sallustio, Gellio, Charisio, Celso, aliosque pro aliis millies & trecenties perperam laudavit. Nec omisit non Tachardus multa vocabula, pluresque eorum significationes, imo vero non pauca auctorum loca male interpretatus est. Proinde id dedit operam doctissimus Pitiscus, ut ipsis consultis fontibus testimonia scriptoribus, apud quos non leguntur, perperam trans-

S

scri-

scripta, illis, apud quos inveniuntur, redderet. Capita præterea, paragraphos & numeros, in quos distinguuntur, adjecit, & vocabula & vocabulorum significationes, quæ in Tachardi editione desiderantur, suis locis & incinulis, ut a Tachardianis separarentur, inclusit. Enatum hinc Lexicon hoc Latino-Belgicum, quod, quin idonei harum rerum existimatores approbaturi sint, nulli dubitamus. Promittit hoc loco Pitiscus *Lexicon Antiquitatum Græco-Romanarum*, ex Thesauris Antiquitatum Romanarum Grævii & Græcarum Gronovii, & plerisque aliis scriptoribus, qui Antiquitates Græco-Romanas proximis seculis suis illustrarunt commentariis, congestum & ordine Alphabetico digestum.

AN UNIVERSAL DICTIONARY.

i. e.

*DICTIONARIUM UNIVERSALE, HISTORICUM,
Geographicum, Chronologicum & Poeticum, e Morerii, Balii,
Baudrandi, Hoffmanni, Daneti aliorumque
operibus congestum;*

Tomi II.

Londini, ap Jo. Hartley, W. Turner & Tho. Hodgson, 1703. 8.

Constat Alph. 9. pl. 9. ch. aug.

NOn male & utilitati multorum & crumenæ consulere, quicunque ex Morerii aliorumque dictionariis realibus compendium hoc compilaverunt. Quo quidem nihil speciatim derogatum cupiunt Anglicanæ Morerii translationi, quam ante complures annos doctissimus Collierius (*Collier*) procuravit, non perfunctorie auctam, & ob sublato passim errores tanto eruditorum plausu exceptam, ut solertissimus Th. Fritschius noster Germanicam Morerii editionem, ab erroribus, quantum fieri potuit, omnibus purgatam, locisque plurimis, e Germanica maxime Historia, adauctam, (quam prælo modo subicere cœpit) procuraturus, hac editione, quam Gallicis nondum satis castigatis, uti consultius merito duxerit. Qua occasione non dissimulamus, Excellentissimum Virum, Joannem Franciscum Buddeum, S. S. Theologiæ in Academia Jenensi Prof. Publ. edendi hujus operis principem curam in se-

fus-

suscepisse, a quo non nisi præclara omnia & elucubrata sibi pollicentur eruditi. Ut vero ad compendium nostrum revertamur, equidem speciminibus ex eo petendis supersedere possumus, cum ipse Morerius in multorum manibus versetur; illud in universum asserere possumus, quæcunque huc ex Historia Ecclesiastica, non minus, quam Civili omnium gentium, & Litteraria, Mythologia item, Geographia ac Politica translata sunt, concinna omnia brevitate descripta deprehendi. ut judicium, quod exactum adhibere epitomatores imprimis decet, desiderare hic nemo possit.

DICTIONARIUM SACRUM SEU RELIGIOSUM:
A Dictionary of All Religions &c.

i. c.

DICTIONARIUM OMNIUM RELIGIONUM,
veterum & recentium, Judaicarum, Gentilium, Christianarum & Mahometanarum.

Londini, apud Jac. Knapton, 1704. 8.

Constat Alph. i ch. aug.

PAULO prolixius anonymus hujus libri Auctor, quem Colerium plerique vocant, sed res tantum sacras tradit, nimirum religiones varias, schismata, sectas & hæreses, vitasque & dogmata auctorum diversarum religionum aut propagatorum, Deos gentilium & idola, modos divini cultus diversos, ordines religiosos & communitates, sacros ritus, vasa item & festa, officia distincta, regulas atque ceremonias. Itaque hic diffusiores nonnullos articulos deprehendas. Sic enim sub tit. *Bible* de Bibliis Arabicis, Armenicis, Chaldaicis, Copticis, Æthiopicis, Græcis, Hebraicis, Latinis, Moscoviticis, Persicis, Samaritanis & Syriacis accurate agitur, simulque commendatur liber Kortholdi *de variis Bibliorum editionibus*, ad cujus tamen notitiam non pervenerit, Sacra Biblia, celeberrimi Viri Roberti Boyle cura & sumtibus, in ipsam etiam linguam Irlandicam, cujus rarus quidem in scriptis usus est, aliquot ab hinc annis fuisse translata. Pariter sub tit. *Festivals* Festorum diversa genera recensentur: sub tit. *Idols* historia idololatriæ: sub tit. *Persecutions* hi-

floria viginti quatuor persecutionum: sub tit. *Sabbath* historia cultus diei Dominicæ apud diversas gentes exhibetur: sub t. *Evangelists & Apostles* singulorum Evangelistarum & Apostolorum vitæ accurate describuntur: sub t. *Pre-adamites* Peirerii systema Præadamitici prolixè examinatur. Imprimis vero lectu digna sunt, quæ ad Ecclesiæ Anglicanæ cognitionem spectant, ut cum de Independentibus, Presbyterianis, Quakeris, Cameronianis aliisque agitur. Et cum de Cameronianis speciatim pauca hætenus exteris innotuerint, non erit alienum, quæ de illis in hoc Dictionario habentur, breviter hoc loco recensere. Nomen habent ab Archibaldo Camerone, Pastore castrensi, qui ab illis Presbyterianis secessit, qui indulgentia Caroli II uti decreverant, quod ille ita interpretabatur, quasi hoc modo primatum aliquem Regis in Ecclesiasticis agnoscerent. Cumque illi nihil aliud se agere assererent, quam ut libertate exercendi muneris pastoralis, quo hætenus injuria fuerint prohibiti, concessa gauderent, res majori paulatim contentione ab utraque parte agitari cœpit. Et quanquam Presbyteriani reliqui ad synodum universalem provocarent, Cameroniani tamen non modo non deposuere, verum & auxere ferociam, eoque demum audaciæ processere, ut Carolum Regem commune fœdus, quo Regno obstringeretur, violasse, & pravis moribus suis Ecclesiæ Anglicanæ *de jure*, ut loquebantur, excludi, atque adeo & Regno de-jiciendum & excommunicandum esse docerent. Verum & facili negotio oppressi sunt, & sub Wilhelmi regimine prorsus quiescere, tandemque decretis in conventu generali Cleri Scotici, anno 1690 instituto, sancitis sese submisere.

**INTRODUCTIO AD VERAM PHYSICAM, PER
JO. KEILL. Editio secunda emendatior
& auctior.**

Oxoniz e Theatro Sheldoniano, 1705, 8.

Constat plag. 19½.

Cum suum eruditæ laborem probari, passimque desiderari, nec tamen proflare exemplaria intelligeret Autor; novam dedit editionem subduplo fere priorî auctiorem, utpote quam 13 absolvebant pla-

plagula. Etenim dum eam *A. 1703 Mens. Nov.* commemoravimus, per errorem justo major moles ipsi assignata, quem lector haud gravatim corriget. Cæterum non ingratum fore arbitramur, si, quæ novæ huic editioni accessere, breviter indicemus. Addidit nempe Autor 14 Lectionibus decimam quintam & sextam, cumque in decima problema de inveniendâ velocitate, qua datum corpus movendum est, ut habeat momentum æquale momento cuivis dato, in priori editione nonnisi ad vectem applicasset, in posteriori ad 5 potentias mechanicas simplices, vectem cum statera, axem in peritrochio, trochleam, cochleam, & cuneum applicat. Lectio XV de motu gravium vel in planis ad horizontem inclinatis, vel in superficiebus curvis, quales sunt sphaericae & cycloidicae, vel in spatiis denique liberis & non resistantibus peracto, nec non de motu pendulorum theoremata Geometricè demonstrat, & problemata inde pendentia resolvit. Inter alia *ad theor. 43 p. 205* notatur, horologia pendulis instructa tam affabre elaborari posse, ut temporis mensuram motu Solis multo justiore exhibeant, cum hic tempus apparens monstret, non autem verum. Atque hinc talia automata statis temporibus horam indicare ab apparenti diversam, tempus Solaris horologii 15 vel 16 minutis primis aliquando superantem, aliquando totidem ab eo scrupulis deficientem: nec nisi quater in quolibet anno Solem & horologium idem temporis punctum monstrare. Lectio XVI projectorum phaenomena examinat, ubi notatur, si mobile directe sursum vel deorsum projiciatur, moveri motu uniformiter retardato vel accelerato in linea recta; sin secundum directionem horizontalem aut aliam, ad Horizontem obliquam lineam, in linea curva deferri. Theoria *in schol. theor. 51 p. 235* ad directionem tormentorum bellicorum applicatur. In fine denuo subjiciuntur Hugeniana theoremata de vi centrifuga & motu circulari cum Keillianis demonstrationibus. Utut enim ipsius *Hugenii* demonstrationes inter opuscula ejus posthuma nunc prostent; Keillianastamen quoque proflare consuevit erat, cum sint Hugenianis multo breviores.

VITA & PHILOSOPHIA THOMÆ CAMPANELLÆ, AUTO-
re ERNESTO SALOMONE CYPRIANO.

Amstelodami, apud Christianum Petzoldum, 1705, 8.

Constat plag. 6.

Autor libelli Clarissimus iis Philosophis annumerandus est, qui in nullius magistri verba jurant, sed e variorum fontibus, iudicio arbitrioque suo, quantum quoque modo videbitur, assumunt atque hauriunt. Quare cum in Academia Julia publicas prælectiones philosophicas indiceret, iudicaretque, non omnem veritatem esse veteribus patefactam, neque olim tantum Platones atque Aristoteles humani generis bono natos fuisse, sed hodiernum excellentis ingenii viros, ac, licet id vilia & obsequio prompta non agnoscant ingenia, veteribus pares aliquando reperiri; auspicali programme commentatus est de vita & philosophia Campanellæ. Quod cum doctis non ingratum accidisset, & rogatus esset Autor, ut paulo fusius, quod cœperat, persequeretur; hoc libello id sibi faciendum existimavit. Fatetur autem, vocato sibi ad aliud studiorum genus, & multis laboribus impedito, non licuisse industriam debitam ad hanc rem convertere, optatque, ut aliquis ex doctorum ordine omnibus præfidiis instructus hanc philosophiam accuratius examinet. Capite primo agitur de Campanellæ ortu, studiis, carceribus, tormentis, liberatione ac morte. Caput secundum exhibet variorum de Campanella iudicia, eaque adeo diversa, ut si unquam, certe in hac re verum esse appareat illud tritum: quot capita, tot sensus. De theologia & magia Campanellæ agitur tertio capite, ostenditurque, quoties vis inferretur, amplecti solitum Pontificis sacra, etsi artes aulæ Romanæ in libris suis sæpe liquido detexisset, ac religionem sibi formasset pro lubitu: de cætero magicis artibus inde a puero delectatum, fassumque, apparuisse sibi vario ac horribili vultu dæmonem, ac secum collocutum; fuisse insuper Campanellam profani oris hominem, & Christi disciplinæ adeo contraria docuisse suis libris, ut mirum sit, nuper a novarum rerum cupidis inter Apostolicos viros annumeratum. Progreditur Autor capite quarto ad Philosophiā Campanellæ, plenā paradoxis, cognitione tamen & investigatione apprime dignam. Quinto capite exponitur de Campanellæ libris, exhibeturque epistola illustris ac de studiis litterarum meritis Viri, Antonii Magliabechi, ad libelli Autorem scripta, qua per censentur manuscripta Campanellæ in scriniis Magliabechi asservata. In fine habetur ab-

absolutus operum Campanellæ index ab ipso confectus, & appendix ex Morhofii dissertatione de paradoxis sensuum, qua Campanellæ philosophia de sensu omnium rerum examinatur.

ALEXANDRI THOMSON, M. D. DISSERTATIONES
Medicæ.

Lugduni Batavorum, apud Frederic. Haring, 1705. in 8. plag. 10.

Medicinam Veterum pariter atque Recentiorum multa imperfectione laborare, omnesque illius hypotheses ex mera imaginatione proficisci, indubia vero cunctorum fundamenta, cum naturam rerum ab hominibus sciri Deus & Natura nolint, a sensibus & observatione obtineri, *Autor* nobilissimus in *Introductione* prius indigitat, quam mentem suam de canalium corporis animalis in fluida renitū, de aquis mineralibus, de marte, de mercurio, de opio, atque de morbis animi, in *sex Dissertationibus Medicis*, quas hic combinatas sistit, aperiat, Quamvis enim de renitū canalium in fluida animalia, post *Borellum*, *Bellinum* & *Piccarnium*, *Clar. Baglivius* agere, ac in tractatu de *fibræ morrice* solidorum vires præstantiores viribus fluidorum adstruere voluerit, quia multis tamen modis ipse videatur deficere, *Noster* circa motum, quo canales corporis animalis in fluida renituntur, ita in *Dissertatione prima* versatur, ut nunc sanguinis ex arteriis ad venas propulsionem a corde impossibilem, ex nimia sanguinis & arteriarum resistentia, qua cordis vires superentur, nunc sanguinis pariter ad venas transitum, atque lymphæ & liquidi nervei per vasa lymphatica & nervos motum ab arteriis ipsis ideo deducat, quod hæ, quoties a sanguine propulso dilatentur, toties rursus virtute structuræ suæ elasticæ sese contrahere, ac fluida contenta in d. ctas partes urgere debeant. Quæ de veteri medicina, stimulis medicis, exercitiis, missione sanguinis, vomitu, purgatione, sudore ac balneis subjiuntur, non est, cur singula recenseamus, qui ad *altèrè* potius *Dissertationem* pergentes annotamus, varia non solummodo experimenta cum aquis mineralibus adornata in hac commemorari, sed &, ubi aquas quidē minerales de cupro, ferro, & sale terræ naturali participare, naturam nihilominus suam a minerali quodam fixo nequaquam mutuari ostensum fuit, imprimis aquarum mineralium, tum diversos virium gradus, tum originem, ad *Tabernamontani* & *Giurai* sententiam, ex terræ succo glutinoso, terebin-

binthinæ sive gummi plantarū haud absimili, scrutinio ulteriori commendari. In *Dissertatione III.* quemadmodum obstructions a lymphâ crassiori, & a sero copiosiori evacuationes præternaturales derivantur, omnia vero medicamenta ex ferro parata serum dissipare & villos adstringere judicantur: ita varia simul & obstructionum & evacuationum genera innuuntur, in quibus remedia chalybeata adhibere vel omittere conveniat; neque hecticis ac phthisicis iis, in quorum visceribus vitium magis, quam in sanguine hæret, aquarum mineralium usus interdicitur. In *IV Dissertatione* ante omnia effectus, quos Mercurius, in ultima divisione semper sphæricus persistens saliumque connubio potentior redditus, in sanguine ac lymphâ solvendis, indeque in evacuationibus per diversa loca moliendis præstat, non tam ejus ponderositati, quam globulorum circumgyrationi, ab osculatorio canaliculorum motu adjunctæ, determinatæque lymphæ solutæ consistentiæ, adscribuntur; hinc in morbis pertinacioribus alia medicamina respuentibus propinatio mercurii, ad justum etiam pyralismi gradum, si vires ægroti ferant, perquam proficua exemplis variis confirmatur; tum mercurio edomando, si nimium operetur, nec aurum, nec sulphuris flores, sed lac & decocta emollientia opponuntur, eidem verò e corpore eliminando, si in sanguine persistere contingat, purgantia blandiora suadentur; in affectibus denique spasmodicis, a liquido nerveo nimis viscido dependentibus, mercurii quoque auxilium salutare laudatur. Postquam a sanguine expanso liquidi nervei motum inhiberi somnumque induci, omnem iidem convulsionem ac motum convulsivum a totius corporis repletione, aut inanitione contingere, paralylin autem a fluidis diutius in expansione persistentibus fieri, in *Dissertatione V* declaratum fuit, uberius ab opio immediate sanguinem, mediate liquidum nerveum expandi asseritur, modusque edocetur, quo vel opium somnum provocare & quaslibet evacuationes serosas præter sudores sedare soleat, vel nimia etiam opii operatio aliave symptomata prava præcaveri debeant. Tandem in *Dissertatione VI* commercio, quod animæ cum corpore intercedit, atque iis animi affectibus, a quibus morbi corporis propullulant, explanatis, in horum medela ex remedium pharmaceuticorum specibus non nisi opium ac vinum generosum seliguntur: quid tamen musica quoque, ingenii & corporis lusus, ratio atque religio in morbis animi valeant, non minus enodatur, ac quodnam Medici in iisdem habeatur officium; Medicum quippe felicissimum sæpe esse, non qui medicinam pharmaceuticam aut corporis mechanismum melius calleat, sed qui ægrotum animos optime disponat.

** ** **

ACTA ERUDITORUM,

publicata Lipsiæ

Calendis Aprilis, Anno M DCC VI.

HET VYFDE EN HET SESTE ANATOMISCH
Cabinet, van FREDERIK RUTSCH.

i. e.

FRIDERICI RUTSCHII, ANATOMIÆ ET BOTANICÆ
Professoris, Thesaurus Anatomicus
Quintus & Sextus.

Amstelædami, apud Johannem Wolters, 1705. in 4.

Constat Vtus plag. 7. Fig. Tab. 3. Vltus plag. 16. Fig. Tab. 7.

Duos hic conjungere *Thesauros Anatomicos* eo minus veremur, quo magis celeberrimo *Rutschio* placuit uno anno eosdem divulgare: tanto majori autem cum cura in ipsis recensendis occupabimur, quanto majus quoque desiderium laudatus Autor in ultimo *Thesauro* videtur exprimere, non solummodo reliquos posthac absolvendi *Thesauros* decem, quibus atque prioribus omnia curiosa Anatomica intra 40 annos a se collecta comprehendat, sed & Deo volente, alios *Thesauros*, quos copiosos possidet, de animalibus, insectis, marinis &c. cum literato pariter Orbe communicandi. A quinto proin *Thesauro* initium facientes, ad eam intestini jejuni portionem primum attendimus, quæ ex homine ideo monstratur inversa, ut præter jugæ sive valvulas conniventes glandulæ solitariae ac miliares luculenter conspiciantur extra superficiem propullulantes, cum e diverso eadem in intestino recto, æque ac in agmen quæ consistit perhiben-

pag. 56.

7.

T.

ben-

14. bentur, instar fovearum ut plurimum appareant. Hinc inter auditus ossicula stapedem in situ naturali respicimus, quod tenuissima membranula, quam arteriolæ plurimæ perreptant, involvatur.
16. Tum chorion foetus humani consideremus, quomodo in duas illud discescat partes, alteram tenuissimam & pellucidam, spectantem foetum atque pseudo-allantoidis titulo insignitam, alteram vero crassiorem, opacam, non extensilem & utramque faciem placentæ, adeoque eam etiam, qua cum utero cohæret, investientem. Neque reticendum, hujus illam portionem, quæ a placenta recedens uteri cavitatem obducit, vasisque sanguineis in homine rarissimis gaudet, villosam placentæ membranam nuncupari, quia in eandem succus nutritius, in extremitatibus arteriarum uteri confectus, & a venarum placentæ extremitatibus suscipiendus, atque ad foetum per funiculum umbilicalem deducendus, æque sese insinuet, ac chylus alias in villosam tenuium intestinorum tunicam sese insinuare solet, ut eo facilius a radicibus vasorum lacteorum recipiatur. Porro ossium tarsi, ossiculorum glandulæ pinealis, & vertebrarum ossis sacri mentio injicienda, in quantum ossa tarsi ex muliere, cujus pes extremus spina ventosa correptus fuerat, in unum coalita, & in aliam prorsus substantiam molliorem mutata, glandulæ pinealis ossicula tria distincta, pro calculis ab aliis habita, & vertebræ ossis sacri ejusmodi cavitatis, qualis spinæ dorli vertebrae cum aliquo humore intercedit, plane expertes, exhibentur. In arteriis denique ac costis ita finiamus, ut arteriarum intercostalium exortum, cum ex aortæ trunco descendente, tum ex arteriis mammariis, costarum vero superiorum vergentiam ad superiora, & inferiorum versus inferiora, in aperto infantis thorace ostendi commemoremus. Sed ad *sextum Thesaurum* progredientibus ea imprimis delibare lubet, quæ abstrusum generationis negotium aliquomodo videntur illustrare, modo prius notaverimus, in homine meatum a naso ad oris cavum pone dentes incisores nunc geminum haberi, nunc simplicem; glandulas nasi ex mero arteriolarum contextu resultare; atheromata subinde occurrere pilosa, seu pilis referta; pseudo-membranam ex sanguinis sero confici posse; atque in intestinis tunica communi & carneæ aliam cellulosa intercedere, quæ in homine obeso pinguedine turgeat. Nem-

Nempe in muliere a paucis diebus gravida uterus mole major, substantia ejus multo crassior, facies interior villosa, & in alterutro ovario, vel alicujus ovuli, quoad magnitudinis hujus incrementum & contenti liquoris coagulationem, insignis mutatio, vel calix saltem remanens, ubi ovum jam expulsum fuerit, annotatur. Ex muliere a marito in adulterio occisa uterus sistitur, nonnihil tumidior & in substantia crassior, cujus non minus atque utriusque tubæ cavitas semine albo concocto turguerit, indicium fortassis præbens, in coitu prolifero haud solam auram seminalem, sed semen ipsum intrare uterum debere. Econtra ovum muliebri a semine foecundatum non tam totum, quam contentum ejus, h. e. liquorem cum tenerimis membranulis ambientibus, ab ovario secedere, ac per tubam ad uterum amandari, ex eo verisimile redditur, quod cortex ejus cum ovario firmitus cohæreat, neque in gallinis externum ovi integumentum cum vitello extrudatur, sed in calicis potius forma remaneat. Ova separata cupienti lustrare, horum tum foecundata, tum non foecundata, representantur utero ejecta, licet in priorum nonnullis apertis, nec nudis, nec armatis oculis, aliquod embryonis rudimentum deprehendi valuerit, forsitan quia tale liquefactum evanuerit. Curiosum tamen est, in embryonibus magnitudine seminis lactuæ, anisi & hordei mundati, quales pariter atque alii majores in liquore a nostro asservantur, molem magis confusam, caput & artus nequaquam distincte apparere, etiamsi Leeuwenhookiana microscopia in subsidium vocentur; distincte autem dictas partes cerni, ubi embryones magnitudinem hordei non mundati paulo superaverint, vel unciam, etiam dimidiam aut integram æquaverint, tali nihilominus cum differentia, ut in ultimis quoque artus inferiores superioribus perfectione cedant, h. e. digiti manuum, non autem pedum conspiciantur, quippe qui in embryone adhuc provectioni ac duorum circiter mensium observentur. Fœtus præterea dum subjiciuntur magnitudine unciarum duarum & digiti maximi, trium itidem, quatuor, quinque, sex, septem & octo circiter mensium, sexus sequior sexto demum mense facile dignosci posse adstruitur, quoniam prioribus mensibus clitoridis longitudo, qua penem exilem refert, difficile de sexu reddat judicium. Tandem, ubi indigitave-

rimus, præter varia enumerata quinque quoque sceleta humana magnitudinis diversæ delineari, ex prodromo Thesauri sexti minime filere convenit, diversa nova, quæ Clarissimus *Vieuſſens* in *novis vasorum corporis humani systemate*, a nobis A. 1705 p. 453 recensito, sibi tribuere videtur, in specie vasculosam corticis cerebri ac renum structuram, a *Nostro* vindicari, renisque pariter vervecini figuras duas repræsentari, huc merito transferendas, quo utriusque modus renes præparandi ac figuris exprimendi clare pateſcat.

TAB IV. Fig. I. Renem denotat vervecinum, per dorsum dissectum, ut interiora in conspectum producantur.

Fig. I.

- A. Arteriolæ, ductus urinosos producentes, vel in illos degenerantes.
- B. Corpus papillare, ubi notandum, in vervece unicum tantum reperiri corpus papillare semicirculare, uti hic demonstratur, cum contra in homine plurimæ reperiantur papillæ.
- C. Arteriolæ abscissæ.
- D. Margo pelvis adipe obſitus.
- E. Frustum pennæ anserinæ, principio ureteris insertum.
- F. Corporis papillaris margo, innumeris foraminibus seu osculis præditus.
- G. Vena Renalis.
- H. Arteria Renalis.
- I. Ureteris portio.

Fig. 2. Fig. II. exhibet Renem vervecinum bisectum, cujus margo corporis papillaris & semicircularis ab Autore reflexus est, ut vasa sanguinea nonnihil conspiciantur.

- A. Arteriolæ degenerantes in ductus urinarios; ubi notandum scilicet, illas ante dictam degenerationem quandam mutationem subire, seu in aliud esse mutari &c.
- B. Ductus urinarii.

C. Mar-

M. April. pag. 145. sqq.

Fig. 2.





Fig. 6




Fig. 4.





Fig. 5.



- C. Margo pelvis bisecti.
- DD. Margo corporis papillaris & semilunaris, innumeris osculis pertusus pro urinæ exitu.
- E. Pelvis superficies exterior undique adipe obsita.
- F. Ureter abscissus.
- G. Vena Renalis abscissa.
- H. Arteria Renalis abscissa.
- I. Portiones interioris substantiæ Renis, quæ ceu papillæ quidem nobis hic occurrunt, sed neutiquam pro papillis habendæ sunt; omnes enim continuæ sunt, vasa autem sanguinea hisce portionibus interfita, videntur dictam interiorem partem Renis in varias particulas separare, suntque dicta vasa multo sevo obsita, unde illa prima fronte visa, admodum crassa nobis obveniunt, cum contra, re penitus perspecta, longe tenuiora sint, sicuti hoc quoque liquet ex hac Figura.

GEOMETRICA DEMONSTRATIO THEOREMATUM
Hugenianorum circa Logisticam seu Logarithmicam Lineam &c. cum addita epistola Geometrica ad P. Thomam Cevam S. J. Auctore D. GUIDONE GRANDO, Cremonensi, Monacho Camaldulensi & in Almo Pisano Lyceo Philosophiæ P. P.

Florentiæ, typis Regiæ Celsitud. apud Petrum Antonium
 Brigonci, 1701. in 4.

Constat Alphab. 1. plag. 6.

Celeberrimus *Hugenius* in Dissertatione de causa gravitatis Tractatui de Lumine subjuncta, de qua *Mense Nov. A. 1690* egimus, proprietates Logisticæ seu Logarithmicæ p 176 & seqq. proposuerat, sed sine demonstratione. Cum vero ipse *Hugenius* in laudata dissertatione aliquibus ex illis ad arduas Physicæ veritates indicandas, & problemata de motu corporum, sive per aerem projectorum, sive proprio pondere descendendum, computata mediæ resistentiæ, determinanda usus fuerit; *Clarissimo Grando*, per Geometricam Problematum Vivianeorum demonstrationem, *Mense Jan. A. 1701* cum laude commemoratam, Geometris jam optimè

noto, illorum demonstrationem Geometricam pertexere placuit. Equidem Dominus *Carré* in *Methodo*, de qua *Menſe Jun. A. 1701* dictum est, cum in *prop. 26 sect. 1* aream Logarithmicam & in *prop. 26 sect. 2* soliditatem Solidi per revolutionem spatii Logistici circa asymptoton suam geniti, ope *Calculi summatorii Leibnitiani*, in Actis nostris satis noti, sine ullis lemmatum aliisque ambagibus (quæ est calculi hujus præstantia) determinasset, Theorematum Hugenianorum aliquot instar corollariorum deduxit, poterantque eadem facilitate per dictam calculum reliqua etiam erui; ex præfatione tamen colligitur, Nostrum methodum illam nondum vidisse, cum anno 1701 Tractatus Hugenianus in manus ipsius primum incideret. Sed nullum est dubium, quin ipsius labor pergratus Geometris sit futurus, cum non nudam Theorematum Hugenianorum, eamque Geometricam & multiplicem, afferat demonstrationem; verum hac etiam occasione plures exhibeat Geometricas methodos circa Tangentes, Quadraturas, Centra gravitatis, Solida &c. variarum Curvarum, aliasque veritates Geometricas illu-

TAB. IV. *stret.* Certe *p. 41* ex *Torricellii doctrina lib. 1. de motu grav.* Fig. 3. & 4. *prop. 18* ejusque *scholio*, methodum deducit generalem Tangentes inveniendi. Curvam nempe quamlibet DAV motu ordinatæ BA æquabili & sibi parallelo per axem BC latæ, & ex motu puncti A in ipsa linea BA velocitate accelerata vel retardata versus B accedentis vel ab eodem recedentis describi concipit, & ex hac genesi demonstrat, esse ut velocitatem puncti fluentis in situ A ad velocitatem ordinatæ AB, ita ipsam AB ad subtangentem BO. Exhibet quoque Tangentes Hyperbolæ Apollonianæ, omnium Parabolarum, infinitarum Spiraliū, Conchoidū diversorum generum aliarumque Curvarum; nec non expansæ Ungulæ Cylindricæ, immo omnium Ungularum, etiam ex Cylindro non circulari abscissarum. Expedit dimensionem Geometricam infinitarum Parabolarum, Hyperbolarum, Spiraliū, etiam Geometricæ, Cycloidis variorumque segmentorum, Cissoïdis & ejus segmentorum, Tractoriæ &c. item Solidorum ex trilineo Cycloidis, ipsa Semicycloide circa Tangentem verticis & ex spatio Cissoïdis concavo aut convexo circa asymptoton vel ei ex vertice parallelam revolutis. Inprimis sub finem operis *p. 182* Hyperbolam per Tractoriam quadrare docet. Sic
acm.

nempe Tractoria BLMN, ejus prima ordinata FB, axis FG; sit B vertex, F centrum Hyperbolæ æquilateræ, cujus semitransversus axis FB. Ducta ex quovis puncto H axi Tractoriæ parallela HM, fore ait Triangulum basi FB & altitudine HM æquale Hyperbolico trilineo, portione axis HB, Tangente Hyperbolam ex puncto H & Curva Hyperbolæ intercepta comprehenso. Cum *cap. 1.* varias Logarithmicæ, etiam spiralis, generationes exposuisset, inter alia *p. II.* monet, Logisticam spiralem intelligi posse describi per Logisticæ communis convolutionem, toto axe BQ in punctum centri contracto, ipsa vero AK in peripheriam circulem radii BA (repetito, si opus fuerit, circumvolutionis gyro) curvata, ordinatis interea BA, CV, QD in totidem radios a centro deductos abeuntibus. Sed cavendum esse, ne quis putet, Logisticam in spiralem contractam spatium continere dimidium ejus, quod explicata complectebatur, quia infinite parva parallelogrammula BZ, XZ &c. in totidem abeant Triangula illorum dimidia, ex quibus spiralis Logistica spatium absolvatur. Hoc enim ratiocinium, ut Geometrarum methodo conforme, plerumque fallere, quod in convolutione non eadem retineantur Triangulorum altitudines & bases, quæ fuerant parallelogrammolorum. Ostendit, aggregata quotlibet terminorum Geometrice proportionalium esse inter se, ut differentia terminorum maximi & minimi; magnitudines incommensurabiles per ablationem quantitatis qualibet data minoris reddi posse commensurabiles; cujusvis figuræ convolutæ ejusve partium ad circumscriptum sectorem & ejus zonas eandem esse proportionem, quæ Conoidis ab evoluta figura ejusve partium ad circumscriptum Cylindrum & Tubos Cylindricos; Spatio a qualibet Curva contento quoad totum & quoad partes æquari spatium ex subtangentibus ad Curvæ puncta applicatis vel ad respectiva basis; Solida omnia ex infinitis Logisticæ spatiis esse ut quadrata radiorum basis, & portiones ut differentias quadratorum a radiis extremis; generaliter cujusvis Logisticæ spatium & subtangentem tam submultiplicem esse prioris, quam submultiplicata Ordinatarum ratio; quænam sit ratio Conoidum ex infinitis Parabolis ad circumscriptos Cylindros vel Conos, item ex infinitis Hyperbolis ad inscriptos Cylindros; Fusi Cycloidalis ad Cylindrum; spa-

TAB. IV.

Fig. 5.

Fig. 6.

spatium Hyperbolicum æquari rectangulo ex ordinata in alteram Logisticæ subtangentem. Regulam proponit generalem, ex quo dignoscatur, quando spatia infinite longa aut termini infiniti finitam adæquent quantitatem, quando infinitam. Observandum esse ait, an crescente Arithmetice in infinitum terminorum multitudine decreseat pari ratione, aut majori, vel minori ipsorum quantitas. Si enim in eadem ratione decreseat, ut in $1 \frac{1}{2} \frac{1}{4} \frac{1}{8} \frac{1}{16} \&c.$ quantitatem omnium simul fore infinitam; si in majori, ut in $1 \frac{1}{2} \frac{1}{4} \frac{1}{8} \&c.$ finitam; si in minori, plusquam infinitam. Idem applicari superficiebus & solidis, quorum una aut altera dimensio infinita sit, altera tamen aut reliquis continue diminutis, prout enim in majori, aut eadem, aut minori ratione minuatur altera dimensio, quam crescat ea, quæ in infinitum extenditur, spatium fore præcise finitum, aut infinitum aut plusquam infinitum. Demonstrat etiam, infinitam seriem terminorum proportionalium æquari maximo in exponentem rationis ducto & per eundem unitate minutum diviso. Sit nempe $m, \frac{m}{a}, \frac{m}{aa}, \frac{m}{a^3}, \frac{m}{a^4} \&c.$ erit summa seriei $= \frac{ma}{a-1}$.

Ductis enim singulis in $a-1$, fiet $ma - m, + m - \frac{m}{a}, + \frac{m}{a} - \frac{m}{aa}, + \frac{m}{aa} - \frac{m}{a^3}, + \frac{m}{a^3} - \frac{m}{a^4} \&c.$

&c. adeoque, omnes termini post ma se mutuo elidunt, consequenter soli priori producto æquantur. Dividendo itaque per $a-1$, fiet $m + \frac{m}{a} + \frac{m}{aa} + \frac{m}{a^3} + \frac{m}{a^4} \&c. = \frac{ma}{a-1}$, divisione retexente, quod

multiplicatio conficit. Per hanc demonstrandi methodum ostendit, tum finitas, tum infinitas series æquales esse summæ vel differentiæ 2 Potestatum per summam vel differentiam radicum divisæ, & extractionem radicis Newtoniano more per series infinitas peractam confirmat. Docet spatia Logistica in ratione data dividere; Hyperbolam, quæ datam Logisticam vel in dato puncto tangat, ducere; eidem, immo figuræ cuicunque, data ejus tangente, maximum parallelogrammum inscribere. Determinat distantiam Centri gravitatis trilinei Cycloidis a vertice tangente per semissem radii, Semicycloidis & ejus trilinei a basi ac vertice, Cissoïdalis ab asymptoto

to, una cum centris gravitatis variarum Conoidum. Ostendit denique (ut alia plurima silentio prætereamus) quomodo inveniatur centrum æquilibrii in libra longitudine infinita , ponderibus Geometricè decreſcentibus & æque diſtantibus onerata. Haberi nempe, ſi Logiſticæ axem veluti infinitam libram Horizontaliter expoſitam accipiamus, unde Logiſticæ ſpatia proportionaliter deficientia, æqualium tamen latitudinum, pendeant, idemque fiat in axe Solidi ex Logiſticæ circa axem rotatione geniti, ſumtis æque craſſis ejusdem Solidi portionibus. Similem fere in modum centrum æquilibrii haberi, diſpoſitis in libra finita magnitudinibus Arithmetice in infinitum creſcentibus, ſed intervallis Geometricè decreſcentibus inter ſingulas relictis.

In Epiſtola annexa non contemnendas reperies de Cono meditationes. Monſtrat Autor, quomodo Conica ſuperficies in planum explicanda, & figura plana quævis Cono advolvenda; quarumvis in Coni ſuperficie deſcriptarum linearum ichnographiæ deſterminandæ, & lineæ in Coni ſuperficie iis reſpondentes reperientæ; ichnographiarum omnium linearumque ex Coni ſuperficie in planum explicatarum Tangentes inveniendæ: qua occaſione ſimul alia multa docentur, e. gr. Spiraliũ diverſi generis origo, Spiralis Archimedæ & Parabolæ Apolloniæ æqualitas, infinitarum Parabolarum & Spiraliũ comparatio, Cycloidis rectificatio &c. Inprimis notat, *Sturmium* Math. Enucl. lib. 2 cap. 4 conſect. 2 prop. 17, *Guarinum* Tract. 18 Euclid. Adauſti prop. 13, & *Renaldinum* de Reſolut. & Compos. p. 299 Spiralem juſto minorem facere, dum ſemicircumferentiæ circuli genitoris æqualem aſſerunt. *Bozellum* de motu animal. part. 2 prop. 41 ſimiliter ceſpitari, dum duas ejusdem Spiralis revolutiones eſſe ait ad invicem, ut ſunt circulares Zonæ, quibus inſcribuntur.

DISSERTATION SUR LE CULTE &c.

h. e.

DISSERTATIO DE CULTU, QUEM VETERES
Deæ Sanitati exhibuerunt, cui juncta ſunt Numiſmata aliaque
monumenta antiqua huic materie infer-
vientiæ.

U

Pa-

Parisius, apud Petram Cot, 1705, in 8.

Const. plag 2 $\frac{1}{2}$.

TAB. IV.

Fig. 7.

Ingenii sui vires iterum periclitaturus Politissimus Dn. Gros de Boze, cujus eruditionem jam mense Septemb. anni superioris laudavimus, singularem illum at supersticiosum cultum, quem Græci pariter atque Romani Sanitati publice olim detulerunt, Reverendissimo Atehi-Episcopo ac Comiti Lugdunensi Primate Galliarum Domino Claudio de Sancto Georgio, in præsentī Schediasmate, doctè satis atque eleganter exponit. Sub initium autem Græcos Sanitatem tribus foronibus stipatam introduxisse memorat, quarum nomina Iaso, Panacea & Ægle fuerint; nullius tamen mentionem in nummis occurrere, præterquam prioris, ceu ex adposito ectypo videre est. Cum igitur Basilidianorum gemmas Talismanicas morbis depellendis plurimum prodesse vulgo crediderint, haud temere Noster existimat, vocabulum ΙΑΣΩ, quod in iis frequentius conspicitur, idem forte significare ac Græcorum ΙΑΣΩΝ, motus imprimis autoritate Eusebii de Præpar. Evang. L. IV. c. 29, cuius verba: *Ιαω est Salus, hoc est Dei Salutare*; licet Macarius atque Chiffletius illa voce sacratissimum nomen *Jehova* contracte usari, sed absque fundamento pronunciaverint. Pergit deinde ad Salutis templum, quod Junius Bubulcus Romæ, cum Censoris officio fungeretur A. U. 451 statuit, indeque rationem depromit, quare in nummis familiæ Juniarum Salutis imago nomenque appareant. Diversam vero causam subesse in nummis Aciliarum gentis, Salutis effigiem vocemque referentibus, eandemque ab etymologia petendam, quia verbum Græcum *ἀντομα*, unde nomen Acilius derivatur, *fano, medeor* Latinorum exprimit. Taxat itaque ex hoc capite Onuphrium, & qui lepidissimum ejus somnium adoptavit, Patinum, quod M. Valerium Acilium Triumvirum Valetudinarium aut Valetudinis tuendæ dixerint, unico persuasi numismate, quod in anteriore sui parte Salutis caput nomenque sistit, in postica vero integram Sanitatis figuram cum serpente exhibet, additamque inscriptionem: *M. V. ACILIUS IIIVIR VALETV*, uti schema n. 8. ostendit. Neminem enim antiquorum de isto munere Magistratus quicquam memoriæ prodidisse, credituque adeo non diffi-

Fig. 8.

esse ait, Acliam gentem, quæ, ut modo indigitavit, a Græco ἀκίστα denominatorem suam accersit, Sanitatem duplici appellatione, eaque maxime recepta, Valetudinis scilicet & Salutis in nummo hoc commendare voluisse, quemadmodum ipsa hæc familia ipsum quoque Æsculapium sub gemino habitu in alio numismate signari curaverit. Hisce aliisque paululum immoratus, nonnulla etiam recenset de consuetudine Romanorum, quibus pridie Nonas Januarii pro Salute Augustorum rem sacram facere, moris fuit, tanto quidem plebis Procerumque consensu, ut Neronis tempore Thraseæ Patro Senatori crimini cesserit, huiusmodi solemnibus per aliquot annos non adstitisse. Originem autem huius religionis accersendam esse a Pompeji M. ætate, pro quo, cum gravissime ægrotaret, primo omnium civium universa Italia publica vota suscepit. Sed nolumus hæc omnia compilare, quandoquidem maiorem attentionem exposcat gemma gazophylacii Regii, cujus delineationem ex Auctore n. 9. curiosis suppeditamus. Sistere illa videtur sacrificium pro Salute Pescennii Nigri, depicti sub ara, in qua Æsculapius sub ordinaria serpentis forma inter medias flammæ conspicitur, quasi propensissimus esset ad vota ardentissima, Imperatoris ergo nuncupata, exaudienda. Ita enim interpretatur Noster literas in ima parte exaratas: Αὐτοκράτωρ Καίσαρ Γαίος Νερούιος Νίγρος Δίκαιος, Imperator Caesar Caius Pescennius Niger Justus: circa eas vero, quæ in medio prominent, Oedipis aquam hædere fatetur, aliis τὸ Α de urbe Antiochia, ubi sacrificium peractum, τὸ Ι de prænomine Ιούλιος, quod habuit CABOΝΝ, qui rem divinam fecit, literas Η de voce ἑθνεύς, passus, τὸ Τ de voce Τυχεῖν capientibus, alius vero cætera quidem assentientibus, sed geminam vocem e CABOΝΝ eruentibus, nimirum CABΕῖν ΟΙΩΝΙΣΗΣ Sabinus Augur, cum sibi imaginentur τὸ Ι inter Ο & ΝΝ a sculptore omitteri potuisse. In hoc sententiarum divortio, Autor suam quoque mentem aperit, quod scilicet sub litera Α, vocem Ἀγαθοδαίμων subintelligi debere primo obtutu putaverit, siquidem Pescennius mense Anthesterione, ipsaque die Agathodæmoni sacra Augustus fuerit salutatus, ita ut Autor huius cælaturæ diem istum, tanquam bono augurio captando accommodatissimum.

TAB. IV.
Fig. 9.

forte celebraverit, sicque instituenda veniat lectio: Ἀγαθὸν αἰ-
 μῶνι ἰατρῶν CABONN ΕΘΗΚΕΝ ΤΥΙΕΨ ἈΥΤΟΚΡΑΤΟΡ, &c.
 Quod si autem Talismanicis gemmis hanc adscribere velis, effi-
 citamque suspiceris ab Archiatro Imperatoris superstitionibus non-
 nihil addicto, tum solitarie priores duæ literæ A & I exprimerent ver-
 ba: Ἀεὶ κάκων ἰατρὸς &c. *Antidotum quod Medicus Saboon &c.*
 licet simplicior evaderet sensus, si legatur: Ἀσκληπίου ἱερεὺς CA-
 BONN ΕΘΗΚΕΝ ΤΥΙΕΨ &c. i. e. *Æsculapii Sacerdos Saboon fe-
 cit hoc sacrificium propter Salutem Imperatoris &c.* ea etenim
 ratione, numismati Græco Pescennii, quod in averso latere Æscu-
 lapium baculo serpente circumvoluto innixum repræsentat, magis
 congrueret. Verum longe disparem opinionem fovere R. P.
 Hardouinum asserit, quippe qui res toto cœlo diversas hic combi-
 nari, argumentumque plane Christianum proponi iudicet. Alta-
 re namque cum serpente inter flammæ hoc innuere, quod ignis
 caritatis & religionis consumere debeat pravam concupiscentiam,
 cuius serpens juxta Patres symbolum dicitur. Nec literis deesse
 pium significatum, modo ita explicentur: Ἀδὼναι ἰεωυὰ CABaωθ
 O ΩΝ Εἰκὼν Θεοῦ ἢ Τιδος. h. e. *Dominus Deus Virtutum vel ex-
 ercitus, qui est imago Dei sive filius.* Effigiem vero Impera-
 toris alicujus ab artifice, ut artis suæ specimen proderet, fortuito
 adsculptam fuisse, quæ cum casu Pescennium Nigrum referret, re-
 centiorem quandam manum at minus peritam induxerit, ut Pe-
 scennii nomen in ima regione adderet, quemadmodum & atten-
 tius gemmam intuenti dissimilitudo harum literarum a prioribus
 in oculos statim incurrat. Autor vero hic nihil decidit, sed cui-
 bet eligendi sententiam sibi probabiliorẽ liberrimum arbitrium
 relinquit, & nos cum eo relinquimus.

L'ART DE GUERIR LES MALADIES DES OS
 par J. L. PETIT, Chirurgien juré à Paris.

i. e.

ARS MEDENDI MORBIS OSSIUM, TRADITA
 a J. L. PETITO, Chirurgo jurato
 Parisiensi.

Lu-

TAB. VI. ad




Fig. 4.




Fig. 6.




Fig. 5.




Fig. 7.

Lutetiae Parisiorum, apud Laurentium D'Houry, 1705, in 12.
Constat 13. plagul.

Primum hoc specimen est, quod in lucem publicam edidit. Author, quodque Chirurgiae Studiosis non potest esse non acceptum. Dividitur in quinque libros, quorum primus *Luxationum* Theoriam & Praxin sistit; secundus *Fracturas* omnes, quas corporis partes duræ, cranium si excipias, patiuntur, exhibet; tertius de *Exostosi* & *Carie* tractat; quartus diversas *Anchyloseos* species & *Dentium* morbos adumbrat; & quintus *Rachitidem* explicat. Nos ex primo libro quædam delibabimus.

Cum variae prostant machinæ, quibus brachium luxatum constitui solet, nulla vero adeo perfecta esse dicatur Authori, quæ vel extensioni vel reductioni brachii luxati rite adornandæ ex æsse satisfaciatur, novam hic adinvenit machinam, cujus iconem ligno incidi curavit, & pag. 83 oculis exhibet; eamque nos æri incisam L. B. in Tab. IV. Figura 9. sistimus. Scilicet CCCC Sella est, quatuor columnis AM, AN, AO, AP, insistent. Expers illa est fulcimenti firmi, cui dorsum innitatur, potest tamen hoc facile parari, si claviculæ lignæ DD vel per M & N, vel per O & P trajiciantur, prout dextrum aut sinistrum brachium fuerit læsum. Tertia clavicula E semper per N & P trajicitur, linteo obvolvenda, cui brachium sanum alligari debet, ne Chirurgus inter operandum impedimento sit. KK machina est in modum Lunæ falcata efformata, duabus alis amplis XX gaudens, quæ corio obducenda, tomentoque infarcienda, ne ægrum lædat, cardinibus suis duarum columnarum foraminibus R & I inhæret. Ubi vero crassissima omnium existit, magnum habet foramen quadratum F, pro accommodata extremitate Z recipienda alterius machinæ, quæ trochleis SS & apto manubrio T trochlearum funiculum V super aliam trochleam circumducendi & attrahendi habetur instructa. Jam insideat æger sellæ, tergum MN & pectus I versus obvertens, brachiumque sinistrum luxatum ita imponat arcus medio KK, ut hujus pars crassior axillæ subjiciatur, alæ autem scapulam & pectus amplectantur, tunc trochleæ ei alligentur laqueo, qui brachio adaptatus est, trahaturque trochleæ superioris funiculus, seu potius ope manu-

TAB. IV.
Fig. 10.

nubri super hujus trochleam versetur. Sic enim tuto membrum extendi potest per gradus, in quantum rota, manubrium retinens, dentata est, simulque elatere tali instructa, quo resilire impediatur. Facta igitur extensione, posterioris machinæ extremum Y deprimatur, funisque trochlearum relaxetur, atque reductio erit peracta.

L' APPAREIL COMMODE EN FAVEUR DES
jeunes Chirurgiens, par Monsieur CLERC, Medecin,
ordinaire du Roy.

APPARATUS COMMODUS IN USUM J.
niorum Chirurgorum adornatus a CLERICO,
Archiatro Regio.

Lutetia Parisiorum, apud Johannem Baptistam Delespine,
 1700. in 12.

Constat 13 plag. & figur. ænearum Tabulis 48.

Cum Apparatus Chirurgicus bene vel male ægro applicatus, huic non minus vel fiduciam & spem sanitatis recuperandæ concitare, & animi tranquillitatem conciliare, vel metum male cessuræ curæ incutere, quam Chirurgi etiam existimationem vel conservare, vel famæ detrudere aptus sit; infinitus autem fasciationum numerus quemvis a Chirurgiæ studio detertere possit; operæ pretium duxit Author Clarissimus, facili methodo Apparatum illum omnem oculis sistere, ejusque applicandi modum genuine inculcare. Postquam igitur in Præfamine præcepta quædam generalia suppeditavit, in ipso tractatu, quem adeo sero ad nos pervenisse dolemus, omnes Apparatus cunctis operationibus Chirurgicis convenientes seorsim explicat; qui cum multum sæpe negotii facebant, partim ob ingentem eorum copiam, partim quod juniores Chirurgi illis nondum adeo sint adfuerunt; omnes partes vel instrumenta, quæ ad integrum apparatus requiruntur, juxta ordinem, quo applicari debent, traducto filo sibi invicem alligavit, numeris eadem distinguendo. Ut specimen

TAB. IV. exhibeantur, ex quo de reliquis L. B. facile sit judicium, Figuram
 Fig. II. Authoris XI, hic sistere integrum visum fuit. Scilicet sit *Aneurisma*

ma curandum, ubi arteria pro sanguine congrumato eximendo-
perienda venit, & sequens apparatus requiritur:

Num. 1. repræsentat *aneurisma*

A. *Arteriam* brachii.

b. *Tumorem* seu saccum a sanguine sensim collecto for-
matum.

c. c. *Ligaturas arterie* infra & supra aneurisma. Sci-
licet denudato tumore trajicitur sub arteria primum
supra aneurisma acus incurva obtusa cum filo crassio-
re ineratato, constringitur tum arteria filo per simpli-
cem nodum, cui superponitur parvum splenium li-
neum, duobus nodis constringendum; id quod dein-
de etiam in arteria infra aneurisma faciendum est.
Quamquam rectius videatur Authori, splenium in su-
periori ligatura omittere; ne, splenio exsiccatto & gra-
cilescente, ligatura laxetur, & sanguis prorumpat.

Num. 2. 2. *sistunt duo lintea carpta*, pulveribus adstringentibus
conspersa, in vulnus, exento sanguine congrumato,
ingerenda.

Num. 3. 3. *exhibent duo plumaceola ovalia*, pulveribus adstrin-
gentibus conspersa, linteis carptis imponenda.

Num. 4. *sequitur emplastrum*, omnia contegens, ex utroque
latere incisum, ut brachii plicis eo commodius possit
applicari.

Num. 5. *depingit linteam scissum seu cancrum*, 4. extremita-
tum, cujus medium emplastro in plicatura cubiti im-
ponitur, extremitates vero circa brachium obvolvun-
tur.

Num. 6. *repræsentatur fascia* sex ulnis longa, & pollice, vel
duobus digitis transversis lata, conglomerata, parti
circumliganda. Inchoatur hæc ligatura aliquot cir-
cuitibus sub cubito, & postquam dicto apparatus

Num. 7. *parvum splenium*, ad modum spleniorum venæ se-
ctæ imponendorum formatum, sed paulo crassius,
& juxta arteriæ longitudinem usque sub axillis a-
liud

Num.

Num. 8. *splenium longitudinale*, crassum, tribus digitis transversalibus latum, pro sanguinis in arteria impetu refranando, & ligaturæ strictura moderanda, appositum fuerit, circumducitur fascia Num. 6. variis circuitibus in plicatura cubiti, (ut post venam sectam fieri solet,) & in modum asciae ad brachii longitudinem super *splenium longitudinale*, quæ vel circa brachii summitatem vel pectus circumvolvitur & firmatur. Tandem

Num. 9. requiritur *pulvinar* molle, cui brachium ægri paulo inflexum, ita ut manus altius sita sit, quam cubitus, dum ille lectum petiit, imponatur.

Injungendum interim est ægro, ut flectat subinde & extendat manum, ne hæc ob materiam tartaream in articulo coacervatam & inspissatam se movendi perdat potentiam.

De cætero Apparatus hic quam tardissime est removendus.

TRAITE' DES ALIMENTS &c.

i. e.

TRACTATUS DE ALIMENTIS, AUTORE
LUDOVICO LEMERY, Doctore Regente Facultatis Me-
dica Parisiensis & Academia Societatis Regia Membro.

Editio secunda.

Parisiis, apud Petrum Witte, A. 1705. in 12.

Constat Alph. i plag. 11.

Quam methodum *Autor* nobilissimus in Alimentis describens insistat, & quæ principia constitutiva iisdem assignet, cum jamjam primam hujus Tractatus editionem in *Actis A. 1703, p. 396* recensendo satis indigitaverimus, non aliud postulari nunc a nobis posse videtur, quam ut differentiam, qua editio posterior a priori distat, vel illa potius præstat, breviter exponamus. Scilicet, præter varias etymologias omissas, quæ allusionibus potiori jure merebantur accenseri, in præsentī potissimum nonnulla hinc inde mutata, alibi vero plura de novo adjecta deprehenduntur. Mutatio si ullibi facta, certe in principiis, quæ ars chymica ex esculentis eli-

elicit, vel numero, vel proportionē determinandis, subinde advertitur insignis, in quantum v. g. Pyra & Fungi non multo oleo & sale essentiali, sed illa mediocri olei quantitate, multo autem sale essentiali ac phlegmate constare, hi vero in destillatione multum olei, salis volatilis alcalici atque phlegmatis suppeditare perhibentur. Neque Cepis multa salis volatilis acidi, & mediocris olei quantitas adscribitur, verum ex iisdem destillatis multum acidi & phlegmatis, parum autem olei & salis volatilis alcalici obtineri asseritur: prout Sorbis non multum, sed parum olei, & diverso Ribibus non parum, sed multum olei, cum multo sale essentiali ac phlegmate attribuitur. Quæ autem de novo accesserunt, sunt vel integra capita, cum annotationibus interposita, vel pauca annotationibus prioribus interspersa, vel sub calcem denique subjuncta. Pars namque prima integris omnino capitibus & annotationibus de *Azarolis*, *Berberibus*, *Apio dulci*, *Valerianella*, *Saxifraga*, *Basilico*, *Coronopo*, & *Catechu*, æque ac altera de *Phasiana*, *Turdia*, *Gruibus*, *Coturnicibus*, *Fundulo*, *Polypis*, *Lupo marino*, *Mugili*, *Delphino*, *Cochleis*, *Castoreo*, & *Viperis*, habetur locupletata. Ex iis hinc, quæ annotationibus aliquando occurrunt addita, considerasse sufficiat, efficaciam potus Caffæ ebrietatem impediendi aut saltem imminuendi, quæ ante ab alcali quodam, acidis vini vapores absorbente, ac præcipitante, tantummodo petebatur, nunc ab ejusdem simul vi tam ventriculum corroborandi & adstringendi, per consequens vaporum per poros ventriculi ad vascula sanguinea & cerebrum transitum intercipiendi, quam ventriculi digestionem accelerandi, desumi. Tandem non ultimum incrementum *Dissertatio de nutritione ossium* affert, quæ una cum *tribus Epistolis* adversus librum de generatione vermium in corpore humano subnectitur. In *Dissertatione* quemadmodum ossium soliditas ac durities multis præcipue particulis terreis, beneficio pauci olei, phlegmatis & salis volatilis arctius coherentibus, adjudicatur: ita nutritio eorundem, a tali succo, qui sapore gratus nullam ventriculo creet nauseam, quique gelatinosus ab arteriis intra ossium vesiculas depositus, harum parietibus agglutinetur, ac interventu caloris magis magisque inspissetur, quousque debitam ossis soliditatem acquisiverit, unice derivatur; medulla ossium ab officio ipsa nutriendi penitus seclusa, quod

quod oleum ejus subtile, linguæ quidem, non autem ventriculo arridens, ope caloris nulla ratione coagulari queat, sed fluidius potius redditum ad fibras osseas demittatur, ut majorem hisce flexibilitatem conciliet conservetque. Epistolarum autem additarum quia prima ea ipsa est, quæ *Nicolao Andry* ansam præbuit, *Dilucidationem* suam, in *Actis nostris anno elapso* p. 345 jam commemoratam, sub Anonymi titulo in lucem edendi, L. B. haud frustra hariolabitur, in duabus posterioribus, ad Dn. Boudin pariter datis, dictam Dilucidationem ad examen vocari.

ADRIANI RELANDI DE RELIGIONE MOHAMMEDICA Libri duo.

Ultrajecti, apud Gu. Brœdelet, 1705. in 8.

Constat 16 plagulis.

ET si commentis vulgo annumeretur insulsis Mohammedanorum religio, non omni tamen eam veritatis carere specie, vel ex eo quis suspicabitur facile, quod per tam vasta sese diffuderit, terrarum spatia, nec raro inde periculum fuerit Christianis, cum inter Turcas, tum in vicinia eorum degentibus, si vel maxime *Adami Nenseri* aliorumque Apostatarum nefandorum exempla præterirentur. E re itaque Ecclesiæ fore existimamus, accuratiori si pensetur trutina, quid vere de Deo rebusque divinis sentiant Islamitæ, ne aerem verberemus ea confutando, quæ sacris suisturpi adversariorum calumnia affricari, haut raro conqueruntur. Eo excitatus Clarissimus Auctor studio, ipsos religionis Arabum fontes, missis versionum rivulis, strenue sectatus est, multaque Mohammedanorum advertit lectione, pessimum quidem esse & Christianismo exitialem Islamismum, quemque detestari debeat omnis, qui Christum amet, & fidem habeat sacro Codici; nihilo tamen minus hanc quoque religionem, eadem plane sorte, quam pleraque aliæ, Judaica, Christiana & Protestantium, ab adversariis suis nec bene esse perceptam, nec justis semper calumniis oneratam. Cujus si investigetur origo mali, potissimam in linguæ Arabicæ inscitia versari culpam, cum a plerisque Theologiæ cultoribus habeatur inutilis, qui parum cogitent, quantopere præpostero hoc judicio sanæ de-

derogent ac prudentiæ Virorum, qui ei addiscendæ & promovendæ tam sedulam operam navarunt, Pocockii, Bocharti, Erpenii, Golii, Castelli, Hottingeri aliorumque, neque recordentur, loca tot difficilia in Jobo, in Prophetis, in aliis Scripturæ libris, non aliunde lucem accepisse, nisi ex lingua Arabica. Persuasione tamen hac falsissima id evenisse, ut si quis juvenum sacrarum Literarum studio se consecret, & generoso quodam ardore intelligendi religionem Mohammedicam inflammetur, statim amandetur ad legendum Hoornbeeckii Summam Controversiarum, Johannis Andreæ Mauri Confusionem Sectæ Mahometanæ, Forbesii Instruct. Theol. Libr. IV, Omii Turcismum reſeratum, Alcoranum a Roberto Retenensi verſum, aliosque, qui in hoc argumento vehementer hallucinati ſint. Illos enim, vel linguæ Arabicæ defectu, ſecutos eſſe Græcos, quorum fidem invidia pariter ac ignorantia reddat dubiam, vel in ipſa Alcorani interpretatione a vero quandoque aberraffe. Quod ut evinceret, Libro I de Religione Mohammedica orbi literato exhibuit Compendium MStum admodum elegans, cui genealogiam præmiſit Mohammedis ex codice Turcico MSto, uſque ad Noachum deductam, adpoſita textui e regione verſione Latina, eruditique paſſim adſperſis rerum Islamiticarum floribus. Compendium hoc diſſilit in *Partem Theoreticam*, quæ agit de Fide in Deum, de Angelis, de Libris Divinis, de Legatis Dei, de Die noviſſimo, de Decreto Dei; & in *Partem Practicam*, quæ circa Luſtrationes, Preces, Eleemoſynas, Jejunia & Peregrinationem Meccanam occupatur. Omnia hæc fidei Mohammedicæ capita ab auctore ſuo, cujus nomen latet, tam caute, ac ſobrie proponuntur, ut plane alia, quam qua vulgo induta creditur, facie compareat, ſicuti a Clariffimo Relando *Libro Secundo* diſtinctius compluribus obſervationibus demonſtratur. Quæ cum infra tangantur, & reliqua Islamitarum placita non adeo ignota ſint, tantum ex notis doctiſſimi Editoris quædam ſpeciminis loco excerptemus, unde de cæteris B. L. ferat judicium. Pag. 18 controverſiam diu & magna animorum contentione inter Mohammedanos agitatam, num Alcoranus creatus ſit vel increatus? ita componit, ut tutiſſime illos incedere ſtatuat, qui verbis Corani ad hærentes dicant, ulum poſitum vel demiſſum eſſe, & de crea-

tione fideant. Pag. 22 animadvertit de Hottingero, quod in Hiftor. Orient. p. 22 ex Keffæo referat, XXI libros ad Adamum a Deo demiffos, cum Mohammedani, quos Clariffimus Autor vidit, tantum X memorent, neque Keffæi verba talem fenfum poftulent. Ibidem de Enocho ex Taarich & differtatiuncula Arabica MStis obfervat, quod Turcis dicatur Idris, ob præclaram, qua polluit, fcientiam. Etli enim fartor, uti tradunt, fuerit, qui in fingulis diebus perfecit togam, Spiritu tamen fapientia & prophetico fuiſſe donatum, eo quod frequenter inter operationes illud **سبحان الله** *Laus Deo*, ingeminavit. Superatis autem annis 365, vivum adfcendiſſe in cœlum, die X menſis Moharram. Pag. 16 oftendit, Poenam Sepulchri Mohammedaniſ idem eſſe, quod Judæorum **חבוס הקבר**, & peragi a duobus Angelis Monkir & Nakir, qui reos, præmiſſo examine, plectant. Pag. 35 collata cum pag. 161 ex Taarich ſuo elegantem producit locum de Servatoris perſona & officio: & de morte quidem obſervat, Arabes licet aſſerant, Chriſtum ſublatus eſſe in cœlum, cum Judæi illum interficere ſtuderent, non tamen mortem ipſam Mohammedem, uti vulgo creditur, negaſſe. Genealogia quoque ſubjicitur ex eodem Auctore, ad Adamum uſque deducta, quæ in multis quidem conſentit ſacris Literis, non omnibus tamen deſtituitur antichroniſmis aliſque erroribus: ſicuti & nomen Chriſti non ab ungendo, ſed a peregrinando derivetur. Pag. 54 animadvertit, Sunnam idem eſſe Mohammedaniſ, quod Miſchna Judæis, quæ dicta & facta Mohammedis in Alcorano non memorata, ſed traditione propagata complectatur. Ibidem prolixius lotionum Islamitarum ritus, & ſtatuta eis tempora deſcribuntur. Pag. 58 agit de circumciſione ſeu potius inciſione foeminarum, qua ratione ab alia peragatur muliere, oftenditque ex Galeno, etiam Ægyptiis hanc in uſu fuiſſe ceremoniam. Pag. 86 & p. 153 interpretatur Caravanarum inſtitutum, quo tempore, quo loco, quibus præparationibus, quo ritu in æde Caba urbis Meccæ ſacris operam dent: negat autem, peregrinationem hanc Meccanam ſuſcipi a Turcis, quaſi viſitatum ſepulchrum Mohammedis eo contenderent, ſicuti Grelotus in Itin. Conſt. p. 109, Leonicus Chalcocondylas Hiſt. l. III, Volaterranus, Hieronymus Oſorius, aliique ſibi perſuaſerint; contrarium enim Al-

Albertum Bobovium in Liturg. Turcar. pag. II satis accurate demonstrasse. Porro Libro II adfert XL *ἐγκλήματα* falso Mohammedanis exprobrata, quæ inter primaria sunt, quod credant unumquemque in sua religione posse fervari, Deum esse corporeum & mali auctorem, creata esse adoranda, non dari providentiam nec infernum, inter Angelos dari fœminas, mulieres non esse intraturas Paradisum, & alia, quibus grandes Alcorano in Historia Sacra, e. g. de Maria, de Hamane, Mose, lapsus obijciuntur. Argumentorum, quibus id evincat, robur arbitrio aliorum relinquimus. Nonnunquam Thomæ Hyde & Pocockii sequitur auctoritatem; quandoque etiam Viros in literatura Arabica celebres, Hinckelmannum, Marraccium aliosque virgula notat censoria, omnium maxime invehitur in Græcos, & qui ex interpretibus de religione hac judicium tulerunt. Ita statim sub initium sese opponit Nicolao de Cusa, Hoonbeeckio, Voetio, Maccovio, Flockenio, Hornio, Vigenerio, Leonico Chalcocondylæ, Bellarmino, Gualthero, Thomæ a Jesu, Angelo de S. Joseph seu de la Brosse inter Arabes quindecim annis versato & linguæ hujus perito, quod tenaciter adeo defendant, Mohammedanos, unumquemque in sua religione salvari posse, statuere.

MAXIMES DU DROIT CANONIQUE DE
France &c.

h. e.

PRÆCEPTA JURIS CANONICI GALLIÆ, Auctore LUDOVICO DU BOIS, plurimis Observationibus aucta, per DIONYSIUM SIMONEM. Tomi II.

Editio quinta auctior & correctior.

Parisiis, apud Jo. & Mich. Guignard, 1703, in 8.

Constat 3 Alphab. 6 pl.

Cum primum Institutiones has Juris Canonici, ad usum Ecclesiarum Gallicarum imprimis compositas, ederet Clar. Simon, nomen Autoris non adjecit; postea vero accuratius earum exemplar a Pinsonio nactus, non ulterius dissimulandum duxit, celeberrimum Du Bois

Colberti jussu operi huic manus adhibuisse, quod sine dubio perfectius Simone iudice prodisset, nisi fati vis anno 1670 Autorem mortalitati & curis his exemisset. Primum ergo Tomum Ludovico Du Bois debemus, alterum Dionysio Simoni, qui & priori suas addidit observationes, elegantissimas sane, quæ Autorem partim emendant, partim restringunt, plerumque illustrent. Ita cum Du Bois cap. 3 Carolum V Imperatorem dixisset ab Alexandro V Pontifice jus obtinuisse, summas dignitates Ecclesiarum Cathedralium libere conferendi, recte observat Simon p. 102, Imperatorem ab hoc Pontifice id impetrare non potuisse, qui integro seculo ante, quam Carolus admoveretur Imperio, sanctæ Sedi præfuisse. Cæterum in tres partes Tomus I abit. Prima personas Ecclesiasticas considerat, ubi Clarissimus Du Bois Jura Episcoporum c. 1, & Abbatum c. 2 tradit, cap. 3 de Capitulis, Dignitatibus & Canonicis, c. 4 de Parochis, c. 5 de Prioribus, Capellanis aliisque beneficiariis agit, & singulorum officium, prærogativas, differentias, ætatem, potestatemque secundum Canones & Jura Ecclesiæ Gallicæ explicat. Altera pars ad res Ecclesiasticas spectat, & tribus capitibus de Jure Ecclesiarum Cathedralium & Collegialium, Abbatiarum & Prioratum, ac Seminariorum absolvitur. Tertia pars Leges Ecclesiasticas, quarum præcipua inter Gallos est autoritas, recenset & explicat. Quo pertinent imprimis Sanctio Pragmatica, de qua Tit. 1, & Concordata Nationis Gallicæ, de quibus Tit. 3 Autor disserit. Illa in conventu Biturige habito, ex articulis Concilii Basileensis ad usum Galliæ accommodatis, a Carolo VII collecta, & publica autoritate confirmata, Pontificis potestatem valde debilitavit; quare nec quievit Romana Curia, donec per Concordata Gallica, plurima immutarentur. Hæc Leo X Francisco I extorsit, qui bello cum Carolo V impeditus, tempori, & Pontifici interdictum minanti cedere coactus est, repugnantibus frustra Academiis & Parlamentis Galliæ. Atque his Concordatis hodie standum esse monet Autor, excepto articulo de Beneficiis vacantibus. v. pag. 379, Sanctioni autem Pragmaticæ, ubi ea per Concordata non mutata est. vid. p. 229. 370. Exemplum mutationis circa privilegia Graduatorum specialia p. 273 seqq. exhibet, & per 23 capita, in quæ Titulus primus dividitur, singulos articulos Pragmaticæ Sanctionis cum Concordatis Nationis

nis Gallicæ prolixè confert. Titulus II Concordata Nationis Germanicæ respicit, quorum hoc loco faciendâ erat mentio, quia in iis comprehenduntur Ecclesiæ, Tullensis & Verdunensis, ut suffraganeus Archi-Episcopi Trevirensis, Metensis quoque, in quibus ex indultu Alex. VII & Clem. IX Regi Galliæ jus competit nominandi Episcopos. Quod, ut & alia beneficia Ecclesiæ Gallicæ concessa, Pontificem non posse revocare, tuetur p. 366. Tit. IV versatur circa regulas Cancellariæ, ex quibus sibi vacantia in mensibus Papalibus Beneficia Ecclesiastica conferendi potestatem vindicat Pontifex per Britanniam minorem. Hæc enim provincia per edictum Henrici II de anno 1550 art. 9 Pontificis relicta obsequio est, nec Concordatis Nationis Gallicæ comprehenditur. vid. p. 385. Denique Titul. V Jus Patronatus tam Laicum quam Ecclesiasticum exponit, ubi notari meretur, causas Patronatus laici Judici seculari in Gallia vindicari p. 402. Nec Pontificem huic juri posse derogare, sive Patronus ex communi jure, sive ex privilegio Patronatus jus obtinuerit. Atque id pertinet ad libertates Ecclesiæ Gallicanæ, quas passim Autor tuetur ac strenue vindicat, sive ad jus Regis aut regni contra Pontificem, sive ad libertatem & privilegia Episcoporum Galliæ pertineant. Sic p. 61 seq. Regi imperium in Episcopos, & dominium directum feudorum Ecclesiasticorum asserit, eidem jus Patronatus Ecclesiarum Cathedralium p. 159, & Collegialium, quæ sine ipsius consensu, ut loquuntur, secularisatæ sunt, p. 74, in terris Concordatis, nec non Metis, Tulli, & Verduni vindicti p. 300 vindicat, Jus item condendi ordinationes de disciplina p. 209 & beneficiis Ecclesiasticis p. 206, ac immunitatem ab omni excommunicatione, plenissime adstruit p. 352. Huc & pertinet, quod in Gallia non valeant Concilia, nisi quatenus statui reipublicæ conveniunt, secundum Autorem p. 213, nec bullæ Pontificis, nisi accedentibus literis Regis patentibus p. 209. 227, nec interdicta contra regnum, provincias aut subditos Regios p. 352. 356. Præterea plenissimum est hoc opusculum observationum elegantissimarum, ad Statum publicum & Jus privatum Galliæ pertinentium, ex quibus quæ de Episcopis sub diversis Parliamentis p. 53, de Parocho testamentum valide recipiente p. 146, de usuris usurarum ab administrationibus

bonorum Ecclesiasticorum præstandis p. 188 occurrunt, imprimis legi merentur. Sed hæc de Tomo primo monuisse sufficiet. Alterum, ut diximus, Celeberrimus Simon addidit, ut quas omiserat, Du Bois, materias suppleret, & plenum ac perfectum Juris Canonici compendium Lectori exhibere. Qua in re quid præstiterit Vir Clarissimus, facile ex iis, quæ de annotationibus ejus ad Tom. I. diximus, colligi potest. Non enim minore elegantia, eruditione, & ingenio hanc partem composuit, ac alteram exornavit, sed uti in alieno opere illustrando, ita in suo quoque judicium & industriam rerumque Gallicarum peritiam singularem ostendit. Verum cum Titulorum seriem materiasque prolixè exponere, instituti nostri ratio non permittat, ex pluribus, quæ ubique occurrunt notabilibus aliqua saltem speciminis loco adjiciemus. Legatorum nempe Pontificis potestatem in Gallia limitatam docet p. 45. Declarationem Regis de dote personarum, quæ religiosam vitam amplectuntur, temperandæ, p. 91. seqq. exhibet. Regulas Cancellariæ in Gallia receptas recenset & explicat p. 323 seqq. Ad Jus privatum spectant observationes de primogenitis, pro quibus in Gallia non habentur legitimati per subsequentes secundas nuptias, si ex priori matrimonio filius licet natus minor supersit p. 362; de matrimonio invitis parentibus contracto, ex quo qui nascitur, illegitimus habetur p. 362; de matrimonio cum hæreticis vetito p. 389; de computatione Canonica in materiis civilibus quoque recepta p. 380; de liberis conjugum, postquam parentes monasticam vitam elegerunt, susceptis p. 434; de dote adulteræ, utrum ad patrem revertatur, nec ne? p. 428 seqq.; de matrimonio cum uxoris sorore, accedente dispensatione Regis permissa p. 412; de nuptiis cum patruo magno in Lusitania licitis p. 376, aliæque quam plurimæ passim obviæ. Quas uti brevitate studio omittimus, ita non perdituros eos operari, qui Juris Canonici amœnitates & Legum ac Consuetudinum Gallicarum notitiam suo pretio æstimant, si ipsas hæc Du Bois & Simonis Institutiones integras evolvant, certissime sumus persuasi.

JOHANNIS CONRADI BECKERI, PHIL. & MED. D. TRA-
*ctus Asfeld, Medici Ordinarii, Paradoxum Medico-Legale de
 Submersorum morte sine pota aqua.*

Gies-

Gießæ Hassorum, typis Henningi Mulleri, 1704, in 8.

Constat 10 plagulis.

Etiam si hæcenus creditum fuerit, vivos homines aquæ submersos ventrem totum aqua plenum ac tumentem habere, adeo ut, deficiente in submersorum cavitatibus aqua, mortis extra aquam aliunde illatæ, demortuique in aquam projectionis probabilis nascatur suspicio; Author tamen Clarissimus quatuor observationibus, una in cane, reliquis in hominibus factis, in quibus pulmones & intestina aqua vacua, ventriculus chylum pauca aqua dilutum continens fuit repertus, adductus, in eam abiit opinionem, sub aquis neminem aquæ haustu perire, petitem vero e pulmonibus ac intestinis aqua vacuis argumentum, ad negandam sub aqua suffocationem & ad præsumendam cædis suspensionem, temere adhiberi. Præter experientiam vero hanc, rationes varias allegat, ob quas aqua in pulmones & intestina irruere non possit; & unumquemque observasse confidit, se vel metu percussus, vel improvise periculo expositus, vehementius avidiusque ducere spiritum, eundemque cum impetu impulsus diutius retinere. Jam in suffocationis periculo illapsus cum impetu aër ad extremam pulmones magnitudinem extendit, & vesiculas eorum usque eo inflat, ut bronchiorum cartilagine a se invicem abductæ bronchia protendant, ipsi vero pulmones, adducta interiori tracheæ membrana, truncum ipsius paululum elongent, ac ipsam epiglottidem fibris muscularibus attrahant, rimulæque firmiter incumbentem retineant. Adde quod eadem epiglottis ab incumbente etiam fortiterque premente aqua rimulæ applicata teneatur, ut adeo retrudi attollique hæc, & ad systolem redire pulmones fibræque musculares non possint. Quamobrem nec exterior pulmones cingens membrana, nec fibræ musculares vesicularum ad extremam magnitudinem extensæ, tanta pollere vi existimari possunt, qua resiliant, se contrahant, & epiglottidem attollant. Cui rei etiam diaphragma suffragatur, quod in suffocationis periculo semel deorsum motum, redire in fornicem nescit; siquidem costæ, quibus illud in tota circumferentia affixum est, musculorum ope elevata resilire & thoracem angustare nequeunt, ab incluso cohibitoque aëre impeditæ.

Ex quibus constat, fluctibus expositum hominem aërem inspiratum non expellere, sed potius cohibere, & ad maturandam mortis horam comprimere cogi; cum reliqui morte naturali obeuntes expirando vitam ponant, quam inspirando inchoaverant. Aër enim sic cohibitus, inque pulmonibus moram nectens, a pectoris calore expanditur, in elatere suo augetur, vesiculas dilatat, pulmones secundum omnes dimensiones distendit, vasa sanguifera comprimit, & coarctat, ejiciendum e dextro ventriculo cordis sanguinem arcet, illapsum partim reprimat, partim retinet inque grumos cogit; verbo, circularem vitalemque istius motum impedit. Quemadmodum autem extra aquam, respiratione abolita, animalia per tempus aliquod vitam continuare, vel ad eandem revocari, experimenta machinæ Boylianae ope instituta abunde testantur; ita dubium nullum est, in aqua vivere pariter posse submersos, licet per paucillum tempus. Haftenus dictis probavit Author Clarissimus abunde, nullam aquam ad pulmones penetrare posse; eandem vero nec ad intestina descendere, eam ob causam putat, quia cessante respiratione, deglutitio ab aëre juvanda insimul feriatur. Distentis autem eo, ut dictum, modo pulmonibus & aspera arteria, oesophagus itidem, huic immediate adjacens, & ventriculi orificium sinistrum comprimitur & arctatur; imo & sanguine in motu circulari impedito, vasa intumescunt, partesque ita stringuntur, ut angustiores fiant. Pauxillum tamen illud aquæ, quod in ventriculo reperitur, primis forsan immersionis momentis, antequam stagnatio, reliquaque adducta phænomena accesserint, delapsum esse, probabile videtur. Nec sola denegata respiratio illabi aquam in pulmones ac intestina prohibet, sed ipsa sibi aditum præcludit aqua. Sua enim gravitate epiglottidem deprimit, particulis elasticis ac impetuoso in os illapsu fauces musculosque distendit, malas extrudit, linguam comprimit, ita ut fibræ musculorum se constringere nesciant; gulæ substantiam nerveam, palato faucibusque continuam, propter partium oris extensionem distendit sive adducit, sicque gulam coarctat. Quod eo facilius factum est, quo magis gula a stagnante sanguine vasisque intumescantibus comprimitur. Imo etiam si pateat aliquantulum gula, aqua tamen eam non ingreditur, propter aëris præsentiam, qui licet in ventriculo & in-

testi-

testinis rarus sit, irruenti tamen aquæ resistit, (quale phenomenon pariter in urceo vel vitro longioris colli aquæ immerso occurrit.) & eo fortius resistit, quo magis illa a diaphragmate comprimuntur, quo minor est, distentis & inertibus faucium musculis, aquæ versus gulam propulsio, quove angustior facta per gulam viæ existit.

Hæc de opusculo satis; illud adhuc monendum restat, quod adjecta sit eidem Dodecas observationum circumstantiis curaque rarissimarum; ex quibus primam recensuisse, speciminis loco sufficiet. Scilicet puer, qui per duos a nativitate annos satis commode valuerat, tandem difficulter spirare incipit, malo indies ingravescente; attolli justo plus thoracem observat, scalas non sine difficultate trahendi spiritus ascendit, de ventris dolore conqueritur, tussique ac calore subinde redeunte, & a pastu repleti sentit præcordia. Quanquam autem alii a lumbricis prodire symptomata crediderint, alii phthisin accusaverint, alii stomachi inbecillitatem causam esse pronuntiaverint; post mortem tamen pueri, vix quintum annum attingentis, observatum fuit, intestina cartilaginis formi, & hypochondriis ac inguinibus firmiter fuisse annexa, omentum computruisse, & abdomen ventriculo, liene & hepate, fuisse destitutum; quæ tamen in pectoris cavitate fuerunt reperta, ita ut mediastino deficiente, toti pulmones cum corde ac hepate dextrum, ventriculus & lien sinistrum latus occupaverit.

*OSSERVATIONI SOPRA IL LIBRO DELLA
Felsina Pittrice &c.*

i. e.

*OBSERVATIONES IN LIBRUM, QUI FELSINA
(Bononiæ) Pittoria, seu Linæum pictorium inscribitur; ad defendendum Rspbaelem Urbinate, Caraccios, horumq; Scholam, publicata, inque Epistolas septem divise. a D. VINCENTIO VICTORIA, - Patrio Valentiano, Canonico*

Xativano.

Romæ, apud Cajetanum Zenobium, Clementis XI P. S. Cælatorum,
1703, in 8vo. Constant plagulis 7½.

Y 2

Qua

Qua ratione inductus sit ad publicandas. has Observationes Autor Nobilissimus, Præfatione Lectorem docet. Nempe cum artis pictoriæ perficiendæ causa, Romæ apud insignem Virum Carolum Marattam, Raphaelis Urbinatis imitatore, una cum Illustrissimo Horatio Albani, Clementis XI P. S. Fratre versatus esset, accepissetque deinde in Hispania hujus literas, quibus de libro, *Felsina pittrice*, vitas pictorum Bononiensium complexo, judicium ferre, juberetur, non tulit hic injurias, a Scriptore libri istius, Raphaeli Urbinati cæterisque pictoribus præstantissimis illatas, sed eas septem his Epistolis ad Illustrissimum Albanum missis depellendas judicavit. Quarum prima & secunda de Raphaelle Urbinate, tertia de Caracciis, de Albano quarta, quinta de Dominico Zampero seu Domenichino, sexta de Ludovico Caraccio & Guidone Renio exponit, septima denique data opera Urbinatem Raphaellem ab indigno nomine pocillatoris Urbinatis (di Boccalajo Urbinate) quod adversarius Autor ei imposuerat, defendit eo argumento, quod Raphael, ille pictorum facile princeps, nunquam eo se demiserit, ut vasa ejusmodi figulina (boccali) pingeret, a quibus id nominis ei male dederit alter. Qui idem, ut de momento controversiæ etiam nonnihil afferamus ex Epistola potissimum secunda, pictoriam reprehendens Raphaelis, eam statuariam, Romanam, aridam, duram, ligneam, decolorem, humilem, indoctam seu ineptam causatus fuerat. Quibus omnibus criminationibus doctissime occurrit Nobilissimus Victoria; & primo quidem, quod statuarum antiquarum imitationem Raphaeli exprobravit Adversarius, in eo hujus imperitiæ artis condemnat, Raphaellemque eximie dilaudat. Romam autem ipsam, tanquam perpetuam pictorum excellentium scholam, Sicyonis & Athenarum Græcarum simillimam, magnopere commendat, fratresque duos Annibalem & Augustinum Caraccios, item Guidonem, Dominicinum, Albanum, Antonium, Augustini Caraccii filium, Lanfrancum, profert, qui Romæ, Raphaelle magistro, artis præstantiam consecuti sint. Jam, ut pictoriam Raphaelis minime aridam aut ligneam, sed speciosam & eximiam fuisse ostendat, ad hujus tabulam præstantissimam provocat, hodie in sacello Regio Madriti asservatam, in qua Christus sit crucem humero portans, & cadens, iis coloribus eaque arte, de-

depictus, ut affectus animi Servatoris ac Mariæ utriusque ad vivum quasi expressos nemo contemplari ac mirari queat satis, quem admodum Vatarius in Vitis Pictorum Bononiensium digne descripsit. Quam eandem imaginem meruisse ait, indignante Adversario, Nolter, ut a Philippo IV Rege, artis callentissimo, annuo reditu mille scutorum a Monachis Panormitanis redimeretur, gratiaque referretur Superiori horum, qui tentatam, semper cum tumultu civitatis, deportationem solertia tandem sua perfecisset. Atque, ut porro coloribus quoque ornatissimam pictoriam confirmet Raphaelis, duas inprimis tabulas laudat, in cameris Vaticanis adhuc conspicuas, historias nempe Attilæ & S. Missæ, grandes illas & coloribus artificiosissime pulcherrimeque illustratas. In quo quidem argumento cum veritatur, non potest non reprehendere Adversarium, qui colorem picturam putet, inque vita Joannis Francisci Centani (da Cento) cum hanc sententiam posuisset: centum de rebus, imaginem pictam ornantibus, nonaginta novem attulisse eum, qui coloris pulchritudinem præstitisset; ei hanc rationem subjiciat, quod propositi excellentiam pauci, ii que docti, intelligant, colorem omnes, etiam de vulgo, sentiant. Denique, in historia Attilæ, Leonem X P. S. pro S. Leone I depictum, inque aliis historiis Julium II positum a Raphaele, item in historiis S. Missæ Sacramenti, & Atheniensium Scholæ, Philosophos, Astrologos & Theologos esse conjunctos, quasi conciliaturos Philosophiam & Theologiam, vel aliud mysterium etiam sublimius occultatum, observat Noster, inter alia argumenta ideæ minime humilis, sed nobilis inprimis atque excellentis, quæ in Raphaele eluxerit. Quem eundem eruditissimum fuisse Virum, atque eleganti omni doctrina politum, inque optimis Scriptoribus legendis versatissimum, atque adeo una cum Michaelæ Angelo & Titiano, pictoribus excellentibus, inter præstantissimos ævi sui Scriptores annumeratum, denique propter excellentiam illam doctrinæ, a Leone X inter Purpuratos Patres pene cooptatum scribit Autor, vere eodem loco docens, pictoriam non esse, cum quis nudum sibi hominem ob oculos ponat; ejusque partem colorate delicateque imitetur ac describat, verum artem esse, quæ ab ingenio bonaque eruditione instructa sequatur ornate naturam, quæ

que operibus ingeniose perfectis eximat se opificiorum vulgarium numero, nobilibusque scientiis inserat. Idcirco necessariae esse pictori multas artes, Poeticam, Historicam, Mathematicam, ipsamque Philosophiam, quippe qui opera Naturæ, affectus & mores docte debeat representare, quemadmodum Leonardus Vinciensis bene præcipiat pictori, & Vitruvius etiam architecto. Tales fuisse Apellem cum sua Calurnia, Parrhasium cum suo Dæmone Atheniensi, Timantem cum suo Cyclope, tabulis docte descriptis, Plinio, Philostrato, Pausaniæque celebratis, Polygnotum quoque cum Porticu sua varie eruditeque picta sede Philosophorum: itemque recentiores Albanum, Dominicinum, alios, Poetarum præstantium ac Philosophorum æmulos, confirmat Autor, ipse ille idem non arte magis sua quam doctrina omni bona, si quid iudicamus, profecto excellens. Cujus ad Epistolas has, docte, curiose, atque eleganter sane scriptas, Lectorem gustu quodam levi præparatum nunc dimittimus.

VITA DI S. EMIDIO, &c.

i. c.

VITA S. EMIDII, EPISCOPI ASCULANI ET
Martyris, una cum Narratione rerum urbis Asculi, occasionem præ-
bente S. VALENTINO MARTYRE, ejusdem Diacono, &
primo gestorum bujus Sancti Scriptore, Composita a PAULO
ANTONIO APPIANO, Soc. J. Editio

secunda aucta atque expendata ab

Autore.

Romæ, typis Bernabi, 1704, in 8.

Plagg. 28.

Liber hic, Clementi XI P. M. hodie sedenti, dicatus, & ab Illustrissimo Magliabechio eximie nobis commendatus, completitur, præter Introductionem, libros vel partes quatuor. Illa admodum Reverendus Autor exponit imprimis de Vita S. Emidii a S. Valentino scripta, quam ipse e codice MS. Vaticano exceptam & cum R. P. Conrado Janningho, celeberrimi Papebrochii in colligendis Sanctorum Vitis socio, communicavit, & ex amore adversus patriam ejusque Apostolum, S. Emidium, separatim in-

lu-

lucem ediderit : item de nomine Emidii, quem eundem in Martyrologio Romano *Emigdium*, in alio quodam MS. codice *Aimidium*, sive *Æmidium*, ab Asculanis sæpe *Amiddium* atque *Ame-
lium*, pro Emidio, seu *Æmilio*, dici observat, verbaque ipsa Martyrologii ad diem Emidii festum, ponit hæc : *Asculi in Piceno S. Emigdii Episcopi, & Martyris, qui a S. Marcello Papa ordinatus Episcopus, & illuc ad prædicandum Evangelium missus, in confessione Christi sub Diocletiano Imperatore martyrii coronam accepit.* Libro autem ipso primo, gesta S. Emidii, ab infantia ad ingressum usque ejus in urbem Asculum, capitibus septem persequitur Autor. Secundo integro de urbe Asculo, id quod titulus libri præ se ferebat, exponit capitibus sex. Tertio res Emidii usque ad mortem ejus ac sociorum, itemque civitatis erga eundem venerationem, capitibus novem enarrat. Quarto denique, miracula ab Emidio defuncto patrata, cum adhortatione ad religionem S. Emidio præstandam, hujusque descriptione religionis, septem capitibus absolvit. Quam nos descriptionem, quia vitam ipsam non licet propter studium brevitatis, in compendium misisse, e capite libri totius ultimo, exhibebimus. Moriturus nempe quidam Dal Monte (Montanum dicere liceat) ultima voluntate sua filiis religionem erga Sanctum hunc virum commendavit, ejusque modum ipse lingua tum usitata conscripsit, Noster autem e Chronico Asculano vetustissimo in linguam hodiernam & puriorem transtulit. Absolvitur autem modus ille celebrandi S. Emidii, decem præceptis. Primo vult Montanus, ut filii primo sibi natis nomen imponant Emidii, idque suis etiam mandent posteris, ne unquam deficiat in ipsorum familia, qui nomen hoc habeat. Secundo prohibet, ne quis nomen S. Emidii pronunciet profane, aut cum blasphemia vel perjurio. Quod si quid horum fecerit e domesticis aliquis, post duas tresve admonitiones, nisi resipuerit, domo ejiciatur, quantumvis videatur rebus domesticis utilis. Cum enim vituperabile sit, nominare cum contumelia personam honoratam, etsi ad nos non pertinentem : maxime fuerit incivilis, ingratus atque injustus, qui hoc modo nomen proferrat S. Emidii, ejus, qui tanta in nos beneficia contulerit, qui præsens nobis in sacro suo deposito sit, quique *nos audiat & exaudiat* de

de cœlo. Lex tertia hujus religionis præcipit, ut habeant in conclavi, minori vel majori, S. Emidii imaginem, vel descriptam in charta, vel in tabula pictam; utque e collo suspensum gestent exemplum monetæ istius vulgatæ, in qua est Sancti hujus effigies expressa, quasi Principis ipsorum ac Protectoris. Quarta lex, ut domi vitam quoque hujus Sancti descriptam habeant, ejusque particulam aliquam legant, vel privatim, vel præsentibus domesticis, hieme præsertim, cum vesperi familia ad focum una convenit; sitque liber iste *quasi signum in manu tua & quasi monumentum ante oculos tuos*, Exod. XIII. Regula quinta: In urbe locati, singulis hebdomadibus saltem tribus vicibus vos conferte ad sepulchrum S. Emidii visitandum, eoque una amicos invitate; quemadmodum Cyrus Israelitas: *Quis est in vobis de populo ejus? Sit Deus cum ipso, & ascendat in Hierusalem*, 2. Esdr. I. Res indigna fuerit, si quotidie a Porta Romana ad Pontem Majorem ambulantes, necessarioque cathedrale templum prætereuntes, non intretis, ad salutandum brevi oratione primarium Advocatum nostrum. Est autem (quod h. l. e Lib. III, c. VII, p. 262 commemorandum duximus) monumentum S. Emidii, in quo & S. Valentinus, ejus Diaconus, & Euplus & Germanus, focii, una requiescunt, in templo Asculanorum primario, sic inscriptum:

CUM SOCIIS ALIIS
EMIDIUS HIC
REQUIESCIT.

Sexta regula: Providete diligenter, ut singulis annis in majori domus nostræ conclavi ad octavam Sancti hujus, mense Augusto, conveniat Academia Discordium, (*l' Accademia de' Discordi*) carminibusque celebret ejus martyrium atque obitum gloriosum; exemplo *Mosis*, qui populo liberato, *cecinit & filii Israel carmen hoc Domino, & dixerunt: Cantemus Domino, gloriose enim magnificatus est*; Exod. XV. Laudabilem hunc ritum ab Academicis Institis, (*Dall' Accademia degl' Inneitati*) quorum patronus S. Emidius est, instauratum hodieque obtinere, scribit Auctor, quemadmodum libro hujus historiæ suæ III cap. IIX p. 272 jam annotaverat. Septima: Acceditis ad S. Synaxin singulis festis hu-

hujus Sancti, nempe vigesimo primo Martii die, qui propter reliquias ejus inventas celebratur: duodecimo Aprilis, qui ob translationem earum in templum festus est: & quinto Augusti, qui Martyrio ejusdem sacer est. Et tres hæ communionem erunt, instar trium sacrificiorum eucharisticorum, pro tribus illis annis & octo mensibus, quibus Emidius ille Episcopus fuit, Asculi, & mortuus ibi est, vita exacta, nostro bono, tam ærumnosa, ut ob magnitudinem molestiarum instar mortis prorogatae videri potuerit: itemque in gratiam atque honorem trium Sanctorum, Eupli, Germani & Valentini Diaconi, qui ut comites ejus itinerum & laborum Evangelicorum martyriique socii, sic etiam sepulchri participes facti sunt. Potestque per octo illos menses octo dici vicibus: *Gloria Patri &c.* VIII. Per octo dies, a primo trium festorum inchoantes, triginta vicibus Orationem Dominicam recitabitis, respicientes triginta illos annos, quos S. hic Episcopus vixit, & orantes eum, ut vobis impetret a Deo constantiam potius gratiæ divinæ, quam vitæ. IX. In collectionibus anniversariis, offerre ad altare S. Emidii pium aliquod donum, vel frontale, vel calicem, vel lampadem, vel eleemosynam ejus nomine pauperibus erogandam; prouti fecerunt principes exercitus Israelitici, qui a pugna Madianitica multa cum præda reversi, ad Moysen hanc attulerunt, Numer. XXXI. X. Denique ne sinatis abire diem, quin vespere, antequam oculos in somnum declinetis domi, recitetis antiphonam consuetam, & versus una cum oratione hac: *Sancte, Dei Præsul, & Martyr Emigdi, quos in Christo genuisti filios, tuum pro nobis sanguinem fundendo: tua, quaesumus, oratio commendet nos indefinenter Domino. Ora pro nobis Beate Pater Emigdi. Ut digni efficiamur &c. Oremus. Omnipotens sempiternæ Deus, qui Asculanæ Urbem Beatissimi Emigdi Pontificis, & Martyris tui passione decorasti: ejus exoratus precibus sacratissimis, ab omnibus nos defendas adversis. Per Dominum nostrum Jesum Christum Filium tuum &c.* His paucæ quædam postquam addidit eloquentia ac doctrina præstantissimus Appianus noster, libro elegantissime scripto finem imponit, cui Lectoris in gratiam annexus est duplex Index, capitum alter, alter rerum memorabilium.

*VINDICIÆ ÆQUISSIMI DECRETI ALEXAN-
DRI VIII P. M. adversus propositiones XXXI in eo damna-
sas. Opera & studio ANTONII MARIE BONUG-
CI Sor. Jesu.*

Romæ, ex typographia Bernabò, 1704, in 4.

Constat 1 Alphab. 6 plag.

Jansenisini originem, & Jansenistarum dogmata, prolixè satis ex Clarissimi *Leydeckeri Historia Jansenismi* representavimus mense Jan. 1696. Nota etiam sunt fulmina Pontificum in *Jansenium* & ejus sequaces vibrata: quæ inter locum invenit Decretum *Alexandri VIII* die 17 Dec. 1690 promulgatum, XXXI propositiones Jansenisticas damnans. Id cum sparsis in vulgus non paucis libellis traducerent nonnulli, Pontificalium statutorum æquitatem sibi propugnandam sumsit Noster. Totum opus tot habet sectiones, quot decretum Pontificis propositiones, quarum contrarium ex utroque Fœdere, Conciliorum sanctionibus, Patrum chirographis, Theologorum ac Philosophorum scriptis evincere conatur. Thesis damnatarum summa huc redit. Ad peccatum mortale post lapsum sufficere libertatem interpretativam, qua aliquid liberum est in causa sua, peccato originali & voluntate Adami peccantis. Hinc operantem ex ignorantia invincibili juris naturæ, aut conscientia probabili, non excusari a peccato formali. Irregenos nullum a Christo accipere influxum, adeoque in omni opere peccare, & peccatum esse, quicquid ex fide supernaturali non procedit, utut procedat ex odio peccati mere ob ejus turpitudinem aut disconvenientiam cum natura, vel ex solo intuitu cœlestis gloriæ obtinendæ, vel ex metu gehennæ & pœnarum, qui naturalis esse possit. Per omnem vitam hominem pro peccato originis agere, debere pœnitentiam, nec ad sacram cœnam admittendum esse, nisi in quo sit amor Dei purissimus omnis mixtionis expers. Dei simulachrum nefas esse in templo collocare; laudem Mariæ ut Mariæ delatam esse vanam; ad baptismum non requiri intentionem Ministri; doctrinam in Augustino clare fundatam absolute posse teneri, non respiciendo ad Bullam Pontificis, in fidei quæstionibus decernendis minime infallibilis, nec supra Concilium Oecumene-

menicum collocandi. Multa præterea taxantur circa Confessionem Pontificiam seu Sacramenti Pœnitentiæ (quod vocant) administrationem, & *Mariam* indiguille purificatione, ipsiusque macula Filium maculatum esse contenditur. Contra *Bonuccius* ad peccatum mortale libertatem interpretativam sufficere pernegat, quia alias motus primo-primi forent peccata, contra assertum *Pauli* Rom. VII, 20, *Jacobi* c. I, 14. 15, *Augustini*, *Chrysostomi*, *Cyrilli*, *Thome*, *Bonaventura*, nec nostrum dici queat peccatum, nisi quod nostra voluntas formaliter admiserit. Quamobrem cum ignorantia invincibilis rationem voluntarii tollat, eam omnino excusare a peccato, Joh. XV, 22. Reputari autem pro invincibili, cuius nulla nec in universali, nec in particulari, præcesserit suspicio. Recte *Galenum*, *Columellam*, *Pythagoram*, *Senecam Tragicum*, ex conscientia probabili operanti conscientia tribuere securitatem: cum enim paucorum admodum actuum honestas aut malitia iudicio metaphysice, vel moraliter certo cognoscatur, multorum actuum honestatem ignoratum iri, opinione probabili rejecta. Christum, quia mortuus pro omnibus, 1. Tim. II, 4, omnesque illuminat, Joh. I, 9, atque omnium existit Redemptor, omnibus quoque sufficientia ad salutem auxilia præparasse, adeoque in omnes omnino homines influere. Opera ergo infidelium non omnia esse peccaminosa, cum nonnulla laudet Scriptura, Exod. I, 20. 21. 2. Reg. XVII, 27. seqq. 3. Reg. XXI, 29. Dan. IV, 24, ex lumine etiam naturæ plures actus ex se honesti cognoscantur, quos homo infidelis appetere possit ex illo affectu operaturus. Certe non omne opus bonum ex fide supernaturali proficisci debere; alias enim infidelem in omnibus necessario peccantem ab obedientia legis exemptum fore, Deo peccatum non præcipiente. Esse operationem ex se ipsa difformem naturæ rationali per se, & sine ullo ad Deum respectu, licite & sanctissime odibilem, Thren. IV, 1. & seqq. ac laudabiliter odisse peccatum, qui Deum non agnoverint. Multo minus damnandam esse operationem spe adipiscendæ beatitudinis cœlestis a nobis emanantem, Psalm. CXIX, 112. Psalm. XXXVI, 27. 2. Petr. I, 10. Apoc. II, 10. 1. Cor. IX, 25, unanimi Ecclesiæ consuetudine, auctoritate *Chrysostomi* & *Gregorii M.* atque exemplis Sanctorum repugnantibus. Ex timore gehennæ profectam attritionem

nem esse similiter bonam & supernaturalem, Luc. XII, 32. Matth. III, 7. c. XXIII, 33. c. VII, 19, cum ipse timor bonus sit, honestus, ac actus veræ virtutis, immo supernaturalis, Matth. X, 28. Hebr. XI, 34. Pro peccato originis qui asserat per omnem vitam poenitentiam esse agendam, baptismo detrahere, a labe originali baptismum mundante; discrimen inter peccatum originale & personale, tollere, quorum hoc cordis dolore deflendum; nec respondere posse, quid agatur de pueris statim a baptismo decedentibus. In Divinam clementiam injurium esse, qui a communione arceat amore purissimo destitutos, utpote quæ tanta sit, ut nullum certum puritatis aut amoris gradum ad dignam illius perceptionem præscripserit, Christo omnes ad se vocante, Matth. XI, 28. Immo cum nemo certo sciat, se a Deo diligi, Eccles. IX, 1. nec quenquam certum esse, num ipse sincere diligat Deum, Prov. VIII, 17, testimonio Spiritus Sancti nonnisi conjecturaliter certo, quoniam, utrum a Spiritu Sancto an a Diabolo sit, non sumus omnino certi, 1. Joh. IV, 1, atque plurimos hic falli, experientia testetur. Ubi in sacris simulachra prohibeantur, e. gr. Act IV, vocem simulachri pro idolo seu imagine Numinis falsi sumi. Dei veri imaginem ex visione Danielis suaderi, Dan. VII, 8, nec eam Deo spirituali inhonorificam esse; Angelis enim Spiritibus nullam, si pingantur, fieri injuriam, & Scripturam, citra injuriam in Deum, eidem *ἀνθρώποις* nares, aures, oculos, manus, pedes aliaque membra tribuere; universalem denique adesse Ecclesiæ usum. Cultum Marianum nullo Scripturæ testimonio, nulla ratione solida alia nixum, ex hoc unice capite defendit, quod pium, præclarum ac utile Christianorum studium sit, qui Sanctos omnes ac eorum virtutes publice prædicant, supplices colunt, pro virili sua imitantur & seduli contemplantur, quodque Ecclesia officiosam, quandam erga Sanctos, veluti patronos & intercessores, gratitudinem ac pietatem exerceri a nobis postulet, & multis hic cultus ad multa Dei beneficia consequenda profuerit. Intentionem Ministri sacramentum efficiendi saltem confusam, qua facere intendit, quod facit Ecclesia, vel Christus instituit, vel alii Ministri Christiani faciunt, ad valorem baptismi requiri, nec intentionem adhibendi ablutionem & formam, quam ad-

adhibet Ecclesia, sufficere, inde arguit, quod verus alias fieret baptismus ab illo, qui ludicre & irrisorie aliquem in fonte demergeret. dicens : *ego te baptizo* &c. Pontificis auctoritatem auctoritati *Augustini* præferendam esse contendit, ex ipsius *Augustini* testimonio, quo eam in definiendis fidei ac morum controversiis, supra Doctores & Patres, epist. III. *ad Fortunatum* collocet. Inprimis multus est in asserenda Pontificis prærogativa supra Concilium Oecumenicum, ex monumentis Historicis, & desumptis inde argumentis has annectens rationes : quod Papa eam in rebus fidei definiendis habeat auctoritatem, quam habuit Petrus, auctoritate a Concilio Generali independenter gavisus, Matth. XVI, 9. Luc. XXII, 32 ; quodque Papæ etiam extra Concilium Generale definiendi parere teneatur Ecclesia, sitque adeo Supremus Pontifex necessario errare nescius : si enim errare posset, multa dogmata, in Conciliis nationalibus a Pontifice confirmatis definita, de facto in dubium vocatum iri. Tuetur Pontificiæ Confessionis ritus, & immaculatæ Virginis integritatem, utpote quæ se legi cum modo in finem submiserit, quo obedientiam exemplo suo commendaret, humilitatis studiosa singularitatem, superbix speciem, aufugeret, Filioque suo se conformem exhiberet, qui legi circumcisionis minime subiectus, ejus tamen gladium subire non recusaverit, legem ad amissum servaturus, & Prophetarum de ipsius in templo præsentatione Mal. III, 1. Hag. II, 10. prædictionem verificaturus, atque a jugo præceptorum ceremonialium legis antiquæ nos liberaturus. Precibus denique opus suum finit, quibus Deum flagitat, ut ævi hujus (quos vocat) novatores illuminet, approbans sententiam *Augustini* in libro *de natura & gratia* cap. 25, non tam disputationibus, quam orationibus cum hominibus, de hæresi seu convictis, seu solummodo suspectis, agendum esse ducentis.

VOYAGE DU SIEUR PAUL LUCAS AU
Levant.

i. e.

ITINERIS A PAULO LUCA IN ORIENTEM
suscepti Historia.

Hagæ Comitum, apud Guil. de Voys, 1705, 12.
cum figuris.

Tomi II, quorum *prior* plagulis 10, *alter* vero 11 $\frac{1}{2}$ absolvitur.

Quam variis casibus obnoxios sese reddant illi, qui per montes & maria peregre proficiscuntur, atque divisas ab Europæis regiones perlustrant, recenti exemplo *Paulus Lucas* Gallus docuit, cui Itineris ab ipso in Orientem facti narrationem duobus tomis comprehensam, & apud Batavos superiore anno in publicum emissam, debemus. Prior tomus XXVII capitibus constans, ea complectitur, quæ Auctori in peregrinatione Melitensi, Ægyptiaca & Syriaca acciderunt. Atque inter illa memoratu digna sunt, quæ de Laurentii Medici Melitensis filia, ex captivitate Turcica ab Auctore nostro vindicata, cap. I, II, & III recenset. Cap. IV, V ac VI in describendis Pyramidibus Ægyptiacis, & Cauri urbis memorabilibus occupatur. Cap. VII usque ad XVII iter ad Cataractas Nili, ex montibus Lunæ per anfractus petrarum magno strepitu decidentis, atque Ægyptum annua eluvione foecundantis, susceptum fufius illustrat, atque adeo aliis, qui idem argumentum ante ipsum adgressi sunt, palmam ea in re dubiam facit: addita quoque tabella, in qua omnium ad ripas famosi fluminis sitarum urbium & vicorum consignationem exhibuit. Quæ deinceps post felicem ad Cairenses reditum, sive in insula Cypro, sive apud Tripolitanos in Syria, sive inter Arabes & Damascenos, sive tandem in montibus Libano, Tauro, Caucaso, aliisque per Palæstinam Armeniamque obviis, notatu digna observaverit, ea capp. XVIII ad XXVII persequutus est. Partis secundæ rursus XXVII capita sunt, quorum I, II, III ingressum in Armeniam, IV transitum ad Taurum & Ecbatanam, V sterilia Mediæ & Persiæ confinia, VI ad IX Persidos, ac præcipue Ispahani, quæ Regum hodie sedes est, descriptionem ob oculos ponit. Cap. X multas est in enarranda templi Capucinatorum apud Babylonios sive Bagdadenses destructione, idque eo, quod in illa expilatione ab Altabano Prælege Turcico, (qui postea Princeps Purpuratorum creatus fuit) peracta, omnium cimeliorum, gemmarum ac nummorum suorum, quos in usum Regis Galliarum apud Ægyptios, Persas, Armeniosque ma-

ximis sumptibus collegerat, intra horulæ infelicissimæ spatium,
 jacturam irreparabilem passus est. Post ergo, quum ex manibus
 latronis famigeratissimi vix vivus elapsus fuerat, per Ninivam ver-
 sus Alepum contendit, (vid. Cap. XI.) inde in Cyprum naviga-
 vit, qua non minus ac Rhodo Chioque relictis, (Cap. XII. XIII.)
 Constantinopolin pervenit. Ibi quidem per Marchionem Ferio-
 lium, Legatum Gallicum, litteras ab aula Turcica ad Babyloniam
 Proregem impetravit, in quibus cimelia Paulo Lucæ per vim ab-
 repta, & 52000 libras Gallicæ pecuniæ æstimata, restituere jube-
 batur, sed eventu plane frustraneo. Barbarus enim, neque litteras,
 neque mores humaniores edoctus, atque ex avaritiæ insatiabilis
 dictamine ferociens, nuncium ex aula ad se missum non audivit:
 immo in turbis illis, quæ A. 1702, 1703, Imperium Ottomannicum
 graviter concusserunt, ad supremam inter Purpuratos dignitatem,
 quæ Magni Vezirii titulo gaudet, adspiravit, atque Hussanum Bas-
 sam, prædecessorem suum, Seleuciæ veneno ex viventium nume-
 ro sustulit. Lucas ergo noster quum Altabanum, quem paullo
 ante latrocinii accusaverat, nunc quidem judicem causæ suæ, ne-
 que amplius reum, præter omnem opinionem conspiceret, ad
 Prusiam Bithyniæ civitatem interim divertit, (Cap. XIV.) atque
 brevi post, anno scilicet 1703. reditum in Galliam meditatus est,
 cujus itineris socium legit puerulum, a Michaele Jankowskio, E-
 quite Polono, ex foemina nobilissimi generis, quod Palæologos,
 Byzantini quondam Imperii Dominos, attigisse fertur, Constanti-
 nopoli genitum, infantem omnino generosissimæ indolis, tantæ-
 que spei atque in respondendo promptitudinis, quantam tenera
 ipsius ætas capere vix posse videbatur. Illum sane annos puber-
 tatis haud egressum, sed quatuor jam linguas loquentem, cantan-
 temque peregre, & maximo desiderio servitia Ludovici XIV
 Galliarum Regis anhelantem, Magnus Hetruriæ Dux, ipse insuper
 Romanus Pontifex, & Augustæ Domus apud Gallos Principes ad-
 mirati sunt. Quæ quidem res, quam in reliquis capitibus ad fi-
 nem usque secundi voluminis sedulo pertractat, in causâ fuit, ut
 Ludovicus Rex puerum, *Joannem Baptistam Palæologum* com-
 munitè dictum, Jesuitis educandum tradiderit.

Atque

Atque hæc summa est peregrinationis ab A. 1699 ad 1703 per varias Asiæ Minoris provincias a Paulo Luca institutæ, quam, ex more peregrinantium, partim observationibus Geographico-politicis, partim recensione infortuniorum, quæ expertus est, insignivit. In hunc autem censum venit præsentissimum trucidationis periculum, cui Auctor inter latrones Arabes, haud procul Damasco, jamjam destinabatur, nisi Deus, quasi quidam ex machina superveniens, ipsum solo *Medici* vocabulo, quod apud barbaros Arabes Ægyptiosque in magna veneratione habetur, ab orco revocasset, seu potius gravioribus damnis & contumeliis servavisset. (v. Part. I. Cap. XXI. XII.) Pertinent huc quoque, præter expilationem apud Babylonios ab Altabano exercitam, horrendæ maris prope Cyprum tempestates, & navis illius, qua cum Palæologo suo in Galliam redire constituerat, a pirata Flissingano facta expugnatio; quos casus adeo graphice delineat, ut ingemiscere oporteat lectorem, qui hominem opes suas, inter Arabum latrocinia Persarumque fraudes immensis laboribus acquisitas, unius barbari odio ac perfidia omnes perdidisse, atque ex pelagi sævientis intemperie, vel piratarum manibus, vix quidem ad patriæ littora tuto enatare potuisse legerit.

Ad alteram classẽ referenda sunt ex priorẽ tomo, quæ cap. IV de cute vivis quibusdam Arabibus, velut ex supplicii titulo, detracta; cap. VIII de scortis, inter Ægyptios Nili accolæ publicæ auctoritate publicisque sumtibus, in urbibus, per quas exteri vel advenæ transire solent, constitutis; cap. IX de Fano quodam Taatenfi, ex quo Turcæ omnes cœci egredi perhibentur; cap. XI de Crocodilo, memorabili fraude ab Armeno Christiano clavis occiso; cap. XIII de deserto *Bella de Mousse*, sive loco Moyfis natali dicto; cap. XIV de cryptis compluribus in superiore Ægypto perlustrandis; cap. XV de aqua Nili, non per urinam, sed per sudorem e corporibus humanis transpirante; cap. XVI de Josephi Patriarchæ palatio; cap. XVII de equitatione omnibus Europæis, quos *Franco*s Turcæ adpellant, apud Cairenses interdicta, solo nationis Gallicæ Consule excepto; cap. XIX de hospitiorum publicorum apud Syros commoditate; cap. XXVII de Paradisi terrestris, qualis hodie in Armenia ostenditur,

ditur, situ ac cultu differit. Spectant huc etiam ex posteriore tomo, quæ cap. II de montibus Ararat; cap. VI de sepultura Regum Persicorum, ex propagine Haly descendendum; cap. VII de equite Persico sagittandi peritia ad stuporem callentissimo; cap. IX de Camelorum apud Isphanos singulari festo; cap. X de monte Nalbano herbis salutiferis clarissimo; cap. XIX & XXVI de tur-
bis Turcicis, in aula Byzantina annis 1702, 1703 obortis narrat.

Sunt in reliquis nonnulla, quæ fabulas redolent, aut ab aliis, qui fecerunt idem iter per has terras, in commentarios congesta jam invenias. Tria tamen præ cæteris ab oblivione adhuc vindicanda sunt. Primum est (Part. I cap. XIV, p. 115. 116.) Dervisi sive Sacrificuli cujusdam apud Ægyptios Superiores notabile exemplum, qui *Lapidem Philosophicum* habuisse, atque ingentem cupri portionem ab igne liquefactam, injecto pauculo pulvere, in purissimam auri massam commutasse scribitur. Ab illo Præses provinciæ hanc artem extorquere cupiverat, sed vaserrima ratione delusus est. Dervisius enim non modo metallorum transmutationem, sed aliud insuper artificium, corporis scilicet contra ictus omnes illæsi servandi scientiam se nosse, atque remedium istud non nisi ex quibusdam verbulis schedulæ inscriptis, vique magica pollentibus, & in os inserendis, constare jactitavit: cujus rei quum periculum facere vellet in Dervisio Præses Ægyptius, cervicem ei, præter spem atque votum, acinace amputavit, schedulæque in ore Dervisi quæsitæ nihil aliud inscriptum offendit, præter hanc sententiam: *se scire quidem mori, non vero revelare secretum suum.* Alterum est (Part. II cap. II pag. 14. 15.) urbis Erivani in Persia descriptio, quam omnium rerum copia florentissimam Noster vocat, adeo ut cives persuasum habeant, Noam illic plantasse vitem, imo sedem ibi Paradisi fuisse, jactaveritque Armenus quidam, Gallos in universum omnes expugnandæ illi urbi impares futuros, quam gloriationem tamen Noster lepido responso elusit. Tertium locum occupat Gubernator navis Cypriæ, qua Lucas vehebatur, (Part. II cap. XII p. 113) qui, quum naufragio in illo maris tractu proximus esset, ad hæc tandem preces, veluti ad Palladium aliquod ultimum, confugit: *Heus, inquit, charissima in purgatorio anima, conciliate*

nobis ventos, & accipietis duos piastras! Ad has preces venti non statim ex voto succedebant, sed ille mox altiori voce exclamavit, atque singulis vicibus piastrum (quod monetæ genus est) prioribus addidit, ita quidem, ut se ab animabus purgatorii viginti tandem ac quinque piastris venales ventos mercaturum sponderet. Quæ hercle simplicitas hominis stupidissimi cæteros, qui cum ipso in navi erant, ad risum potius quam ad precum communionem commovit; Nauta autem Cyprius, quum ad 25 clamorem ventum exoptatum nancisceretur, voto se jam damnatum dixit, atque socios omnes ad exsolvendam pro rata portionem 25 piastrorum adegit.

*COLLECTANEA GENEALOGICO - HISTORICA,
ex Archivo Inclitorum Austria Inferioris Statuum, ut & aliis pri-
vatis scriniis documentisque originalibus excerpta. Accessit
de Hereditariis provinciarum Austriacarum
Officialibus Commentario.*

Viennæ, sumptibus Jo. Bapt. Schönwetter, 1705, fol.

Constant 4 Alph. & 10 Tabb. æneis.

Auctor hujus operis, quem Illustrissimum quendam Virum esse conjicimus, cum in manibus haberet Archivum Statuum Inferioris Austriae, quater mille propemodum documenta in membranis exarata complexum, rem historiarum cupidis haud ingratam fecit, ubi ea, quæ de Comitum, Baronum & Dynastarum Austriae familiis hodieque superstitibus in illo notatu digna reperit, in unum volumen collegit, quibus & prolixissima supplementa, de Polheimia imprimis, Stahrenbergia, Harrachia, Hardeccia aliisque familiis ex ipsarum avitis documentis compilata adjecit. Equidem absolutas hic Genealogias contexere noluit, alius eam provinciam relinquens, eoque ab incertis stirpium originibus lubens abstinuit; quo magis vero rem etiam Heraldicam adjuvaret, non tantum diligenter subinde observavit, ut insignia & familia in aliam, vel pacto, vel alia ratione fuerint translata, verum & sigilla documentis appensa simul æri incisa repræsentavit. Præterquam vero, quod, uti dictum, & publico & privatis archi-
vis

vis usus est, alia etiam opera, quæ adhuc in MSCtis latent, subinde adhibuit. Hinc ad Richardi Streinii Baronis de Schwarzenau opus incomparabile, quod vocat, *Land-Hand-Best* / anno 1595 confectum, ad Historiam item familiæ Lambergicæ a Jacobo Barone de Lamberg anno 1559 scriptam, & deinde a Matthia Barone de Keinach Collectaneis Genealogicis anno 1592 factis insertam, nec non Lazii Chronicon MS. Austriæ, quod in Bibliotheca Vindobonensi asservatur, Prevenhuberi Chronicon MS. urbis *Steyer* / aliaque manuscripta non raro provocat. Etsi vero illud præcipue agit Auctor diligentissimus, ut, quo pacto acquisita sint a familiis feuda, doceat, multa tamen passim inseruntur, quæ historiam Germanicorum Regum & Imperatorum egregie illustrant. Sic legimur, quæ de profectione Italica Friderici, vulgo Tertii dicti, verbis Andreæ de Lapiz, testis oculati, refert cap. 19, ex quibus inter alia patet, parum abfuisse, quin Ladislaus Posthumus, quem Imperator, Neapolin pergens, Romæ reliquerat, artibus Ulrici Ciliæ Comitis, plagio fuerit subductus, eidemque Ladislao Pragæ a Georgio Podiebratio venenum fuisse propinatum, quod alii uxori Podiebratii, alii amasiæ cuidam adscribunt. Ubi de familia Comitum de Rogendorff agit cap. 39, multa imprimis de Wilhelmo Rogendorffio refert, qui gravissimis negotiis a Maximiliano I, Carolo V & Ferdinando I fuit adhibitus. Itaque mandatum illi a Maximiliano, ad componenda quævis cum Ferdinando Catholico dissidia, A. 1509 datum, diploma quo eidem summa rei militaris cura a Ferdinando A. 1541 demandata est, aliaque Illustrissimæ familiæ concessa beneficia recenset. In Addendis ad cap. 10 observat, fratres Stahrenbergios, Casparum & Gundaccarum, in castro familiæ gentilitio Wildpergeni, Wenceslaum Imperatorem aliquandiu captivum tenuisse, unde cubiculum, cui fuerit inclusus, ad hunc usque diem Regium, (*das Königs-Zimmer* /) vocari meruerit; eundem tamen Wenceslaum, solennibus postea A. 1394 literis, quibus suum etiam sigillum Rupertus Bavarus addiderit, testatum esse; se eam injuriam familiæ prorsus & omnino condonare. Eiusdem familiæ ut dignitatem extolleret, ei dudum titulum *Nobili* ab ipsis Pontificibus concessum fuisse notaverat p. 24, qui non nisi illustrioribus & Principali etiam dignitate fulgentibus ab illis

tribui consueverit. Nec prorsus de familiarum origine fileat. Ita enim Zinzendorffios nequaquam probat p. 14 ex Helvetia, Rudolphi Habsburgici aut Alberti I tempore, ut plerisque creditum fuit, in Germaniam venisse, sed ex ipsa Austria oriundos esse, quod jam sub initiis regiminis Rudolphi, eorum memoria in documentis Austriacis celebretur. Lambergios vero antea Ritterspergios dictos fuisse, animadvertit p. 32, quod ex familia non nemo altero pede claudus, ex eo vitio cognomen *Der Lahme* traxerit, ex quo factum, aliarum gentium consuetudine, ut ejus deinde successores, omisso Ritterspergiorum nomine, Lambergii (*Die Lahmberger*) salutarentur. Cæterum lectu jucunda sunt, quæ passim veteri illa lingua Teutonica inseruntur, documenta, singularia quippe Germanicæ simplicitatis, qualis iis temporibus fuit, testimonia. Sic ubi Claram Haidiam, e gyneczæo Beatricis Hungariæ Reginæ, sub finem seculi XV, Andreæ Kornfail nupsisse memorat p. 153, novæ nuptæ poculum argenteum deauratum dono datum fuisse a Regina addit, cui inscripti sequentes rythmi:

Als Kornfail die Clara Haydin nahm/
Aus dem Frauen-Zimmer lobesam/
Die Königin Beatrix gut/
Zu Hungarn und Böhemb wohlgemuth/
Schenkt ihr dis Vschirr auff die Hochzeit/
Voller Ducaten mit grosser Freud.

Legi etiam meretur p. 177 Catharinæ, Poloniæ Reginæ, Epistola Germanica ad Juditham Polheimiam, quæ illi S. Bibliorum lectionem commendaverat, A. 1568 d. 16 Oct. data, in qua postquam se falsa fuisset lectione ea magnopere delectari, curiosiorem tamen investigationem Ministris Ecclesiæ, quorum vocatio eam postulet, relinquendam esse statuit, demumque concludit: *Derhalben rathe ich dir und mir / wir bekümmerten uns nicht um die Sachen / die uns nicht befohlen seynd / sondern halten uns nach der Lehre Pauli / daß wir in Still hören und fragen / und die Haushaltung in die Hand nehmen / so weit denen Weibern gebühret / das habe ich dir zu gnädiger Antwort auff dein Schreiben nicht wollen verhalten.* Ultimo loco Auctor de hæreditariis provinciarum Austriacarum officiis, paulatim

MENSIS APRILIS A. MDCCVI. 189

tim in alias familias translatis, erudite differit; ut de hæreditariis Aulæ Præfectis, Camerariis, Mareschallis, Equilium Præfectis, Rei Venatoriæ Præfectis, Rei Argentariæ Præfectis (Erb- & Silber- & Cämmerern/) Pincernis, Dapiferis, Archimagiris, seu Rei Culina- riæ Præfectis, Austriæ Inferioris Janitore (Erb- & Thür- & Hüter/) Ba- cilliferis (Erb- & Stäbelmeistern/) Scindendi Magistris (Erb- & Vorschneidern/) Falconum Magistris, Austriæ Inferioris Sacellano, supremo Cursorum publicorum Magistro, Austriæ Vexillifero, Rei Monetariæ Magistro Austriæ, & Armamentarii Præfecto Austriæ & Styriæ (Erb- & Münz- und Erb- & Zeugmeistern in Desterreich und Steyer) nec non supremo duellorum Judice in Austria (Obri- sten Kampff- & Richter/) quod tamen officium hodie expiravit. At de his singulis aliqua hoc loco depromere, præstituti operis nostri ratio haud patitur.

CAROLI ARNDII BIBLIOTHECA POLITICO- Heraldica Selecta.

h. c.

RECENSUS SCRIPTORUM AD POLITICAM atque Heraldicam pertinentium selectus.

Rostochii & Lipsiæ, apud Jo. Henr. Rusworm, 1705, 8.

Constat Alph. 1, plag. 12.

Postquam Clarissimus Auctor in Præloquio de selectissimis Biblio- thecarum Theologicæ, Juridicæ, Medicæ & Philosophicæ Colle- ctoribus egisset, fontes, ex quibus apparatus suum hausit, præcipuos indicat. Inde, quem ordinem servaverit, breviter enarrat. At- que ita a *Pseudopoliticis* exorsus, primum quæ ad vitam, doctri- nam & scripta Machiavelli attinent, tum eruditorum de illo judi- cia diversa, præcursores item & sectarios ejus recenset. Hinc post enarrata Monarchomachorum incunabula & exempla practica, doctrinam eorum & scripta dogmatica tradit. Inter genuinos Po- liticos *Dogmaticos* Platonem, Aristotelem, Salustium, Ciceronem, quorum imprimis editiones diligenter excutit, Lipsium, Boxhor- nium, Bœclerum, Schœnbornerum, Cellarium, Clasenium, Contze- nium, Arnizæum, Keckermannum, Alstedium, Heiderum, Lie- ben-

benthaliū, Bodinū, Tholosanū, Philelphū, Patriciū, Becmannū, Weisū, Rechenbergiū, Buddeū, Wagenseiliū, Pufendorfiū, Schurzfleischū ordine considerat. His subiungit *Historicos pragmaticos*, Polybiū, Tacitū ejusque Commentatores, quotquot exstant, & interpretes, Sleidanū, Cambdenū, Baudiū, Meursiū, Thuanū, cujus imprimis editionibus iustum pretiū statuit, Gramondū, Siri, Nani, Marianā, Pufendorfiū, Letū, Tillemontiū & plures alios. E *Philologis* epistolarū imprimis scriptores, Pliniū, Miltonū, Mazarinū, Richeliū, Temple, Ossatū, atque inde Oratores & Poetas quosdam politicos producit. Inter *Florilegiorum* scriptores Gruterū, inter *Discursorios*, quos vocat, Berneggerū, inter *Eristicos* Besoldū, Danzū, & alios refert. In *Padeviciis* Instructiones paternas Basilii Imper. Manuelis Palæologi Imper. Jacobi Regis Angliæ, cujus *Δῶρον βασιλικόν* imprimis accurate considerat, Caroli V & Philippi II exhibet, additis qui certis exemplis Principem formare aggressi sunt, Xenophonte in Cyro, Verulamio in Historia Henrici VII, Ameloto Houffæo, qui sub nomine *de la Morbe Joffeval d'Aromfel* latere voluit, in Tiberio, & Status Scriptoribus, ut Marnixio, Guevarra, Seckendorffio. *Consultatorios* Nostro constituunt Conclaviū Scriptores, Goldastus item, Richeliū & Mazarinū, quibus varii libelli politici adscribuntur, hic ingenue examinati, Leibnützius, Lünigius & similes publicorum documentorum promicondi. Ex *Statisticis*, præter quamplurimos alios, quos & Casp. Thurmannus in Bibl. Statistica Halæ 1704 in 4 publicata breviter percensuit, imprimis commendat. Noster Ducem Rohaneū Henricū, de cujus Trutina Statuum Europæ, libro elegantissimo, dum agit, vitæ ejus curriculum, tum familiæ Genealogiam & Symbolum addit, ac paulo etiam diffusior est in Godofredi de Jena, Halæ die 9 Jan. 1703 defuncti, vitæ & tractatu *de ratione Status* recensendo. In *Hieroglyphicorum* numero & Mythologicos scriptores ponit, & Fabularum Romanensium autores quosdam, in quibus & Nicolai Baumannii Vulpulam (*Heinicke Fuchs*) & Philandri von Sittewald / vero nomine Jo. Michael Moscherosch, Visiones Satyricas numerat, tum Symbolorum scriptores, Saavedram & Boccalinū, de
qui-

quibus hic plura. Inter *Erbicos*, qui de characteribus & affectibus imprimis egerunt, præter Theophrastum ejusque commentatores, Barclajum & Christianum Thomassium commendat. Hinc in *Juridico*, post enumeratos breviter Juris Divini doctores, Grotium, scriptorem Juris Gentium & Naturæ, instar omnium, scriptores Juris Civilis Struvium, Huberum, Lauterbachium, & qui in hunc triennio abhinc commentatus est, Nobilissimum Titium nostrum, & Juris Publici, Arumæum, Limnæum, Vitriarium, Coccejum, Schüzium, Textorem producit. *Geographias* politicas primum fictitias, ut Mori Utopiam, Campanellæ Civitatem Solis, & his similes, deinde veras, quales in Rebuspublicis Elzevirianis continentur, recenset, & præ cæteris Schookium laudat, qui fatum Reipubl. Vejentium & Achæorum Belgis suis in exemplum proposuit. *Strategici* memorantur Polyænus, Frontinus, Naudæus, Lipsius, Turnerus, Lydius & Gannetassius. In *Hodaporicis* & *Apodemis* eminent hic præ cæteris Rutilius, Thevenot, Monconysius, Burnetus, Misson, Tollius, in quibus, ut & aliis, lubuit Auctori doctissimo sæpius ea sequi, quæ nos de illis in Acta hæc nostra passim retulimus. Diffusissima est classis ultima *Genealogicorum* & *Heraldicorum*. Et primo quidem catalogum alphabeticum librorum Heraldicorum vario idiomate conscriptorum inserit Auctor, postea e Germanis Höpingium, Siebmacherum, Spenerum, Imhoffium, Rudolphum, Weigeliū, Bussingium, Weberum, Schumacherum & Gottschlingium late considerat, & partim sub examen vocat. His succedunt ex Anglis Uptonus, Spælmannus, Jo. de Bado, Bisæus, Philippotus, Goreus, Gibbonus, & de quo plura verba facit Noster, Wilhelmus Dugdale: e Gallis Marcus de Vulfon de la Colombiere, Lud. Geliotus & Petrus Paliotus, Phil. Monetus, Petrus Le Moyne, Menetrierus cæteris notior, & Vallemontius: ex Italis Campanille, Catari, Petra Sancta & Beatianus. Sed de his qui plura cognoscere cupiunt, eos ad ipsum Auctorem amandamus, cujus & singularis politicarum rerum cognitio, & judicium subactum ubique emicat. Plures quidem, ut Genealogicos, ita Heraldicos etiam aliarum gentium scriptores, si prolixus esse voluisset, addere utique potuisset. Sic enim inter Belgas auctor imprimis laudandus Jo. Bapt. Christin in vasto opere, *Juripru-*
den-

dentia Heroica, sive de Jure Belgarum circa Nobilitatem & Insignia, Brux. 1668 & 1689 in fol. Thomas Rouk in libro Belgico *Nederlandsen Herault, of Adelyk Tooneel*, Amst. 1672 in fol. & Anonymus Gallus in libello *Le Jardin d' Armoiries* Gand. 1567, in 12, quo Nobilium Belgii insignia secundum ordinem alphabeti exhibentur, alique addi poterant. Inter Polonos quoque, præter Bartholomæum Paprociū, quem Starovolscius *de armis seu insignibus Nobilitatis tam Polona, quam Bohemica* tomos duos, & Andream Vargociū, quem idem librum *Clenodiorum seu Nobilitatis Polonæ armorum* scripsisse testatur, eminet Simon Okolsky, Becmanno, Bælio aliisque commendatus, qui in *Orbe Polono* Cracoviæ 1651 in fol. tribus tomis edito, antiqua Nobilitatis Polonicæ insignia & arma exponit. De Hispanorum re Heraldica quo pauciora ad nos pervenerunt, eo avidius expectamus *Insignia omnium Hispania Nobilium Magnatumque*, ab eruditissimo Viro Gerardo Ernesto a Franckenau promissa.

LIBRI NOVI.

- Justi Fontanini Vindiciæ Antiquorum Diplomatum adversus Bartholomæum Germonium. Romæ, per Franc. Gonzagam, 1705. 4.
 De Sarcophago Marmoreo Probæ Faltoniæ in templo Vaticano Dissertatio Abb. Jo. Christophori Battelli. Romæ, typis Caj. de Zenobiis, 1705. 4.
 De Sacris Basilicis SS. Martyrum Marcellini Presbyteri & Petri Exorcistæ de Urbe Dissertatio Historica Jacobi Laderchii. Romæ per Franc. Gonzagam, 1705. 4.
 Lettera e Poetici Componimenti in Ragguaglio e in Encomio della Nuova Ripa pressò al Sepolcro de' Cæsari in Roma ridotta nella Presenza Edilizia di Monsig. Nicolo Guidice. In Roma per il Zenobi, 1705. in fol.
 Dissertatio in Historiam Sacram primæ Mundi ætatis, habita per Dialogos & Auctore F. Guillelmo Bonjour Tolosano. Apud Montem Faliscum, ex typographia Seminarii, 1705, 4.

** ** **

ACTA ERUDITORUM,

publicata Lipsiæ

Calendis Maji, Anno M DCC VI.

ANTIQUÆ LITERATURÆ SEPTENTRIONA- lis Liber alter.

Oxoniæ, e Theatro Sheldoniano, 1705.

Conferatur proximus Mensis Martius pag. 97.

Secundum hoc Thesauri Hiccesiani Volumen, cujus recensio mense nupero Martio in præsens tempus differenda fuit, singulari profecto industria elaboravit Humphredus Wanlejus, Vir, si quis alius, ad literarias antiquitates indagandas & colligendas a natura ipsa factus, omnibusque ingenii dotibus ex- cultus. Complectitur autem librorum veterum Septentriona- lium, qui in Angliæ Bibliothecis asservantur, tum plurimorum codicum hujus generis alibi extantium Catalogum Historico-Cri- ticum longe fidelissimum, in quo nihil a se descriptum Politissi- mus Noster asseverat, quod oculis manibusque non usurpaverit, sex tantummodo libris exceptis, quorum & in specie meminit. Notas insuper numerosque forulorum, quibus cimelia ista in pa- triæ bibliothecis delitescunt, ipsorumque codicum inscriptiones seu rubricas, quin & exordia atque fines summa cura apposuit, & no- minum propriorum aliarumque vocum scriptiones, mendosas li- cet, accurate designavit; voces vero vocumque partes, in MStis forte deletas atque a se suppletas, uncinulis lunulisve notavit, ab- breviaturas, ut vocant, literarumque jugationes majoribus usitatas sollicite retinuit, earumque peramplam tabulam struxit, codicum denique materiam, formam, ætatem judiciose observavit. Verbo ut eloquamur, lynceos oculos operi ubique admovit, idque agen- do

do Catalogum suum omnibus numeris absolutum exhibuit, ita ut non nisi trium errorum ipsemet sibi conscius esse queat. Consilium initio secum inierat, breviores tractatus integros, vel longiorum fragmenta, Lambecii aliorumque doctorum exemplo hic inferere, sed cum in paulo grandius volumen labores suos excrescere animadverteret, abdicavit hocce institutum, nisi quando materiæ forte præstantia, aut libri raritas interdum suadebant, ut ad illud rediret. Quod vero tot MSta Anglo-Saxonica, e civilibus nationis suæ bellis, ex demolitione cœnobiorum per Henricum VIII Regem maturata, velut disjectæ tabulæ e naufragio etiamnum superent, Matthæi Parkeri, Archi-Episcopi Cantuariensis, qui codices chartasque veteres undique conquirit, iisque sedulo incubuit, providæ diligentiae potissimum deberi refert. Quemadmodum & illam superiorum temporum injuriam effugerint sat multi codices, aliis linguis exarati, quos si consulissent editores Patrum apud exteros, longe elegantiores & castigatiores eosdem, iudice Nostro, dedissent. Biblia etiam & Psalteria Gallice conscripta in bibliothecis extare memorat, quibus antiquiora nec Galli ipsi producere possint, modo de codicibus suis recte sententiam tulerint. Scripturæ genus apud Anglo-Saxones receptum quod attinet, existimat Noster, illos sub appulsum suum in Britanniam Runas, gentibus maris Balthici accolis familiares, secum adportasse, indeque evenisse, ut antiquissimi nonnulli codices Runas Romanis literis intermixtas ostendant, & Anglo-Saxones, Romana licet elementa amplexi, *Thorn* & *Wen* tamen, quæ nomine, figura & potestate puræ putæ Runæ sint, constanter retinuerint. Romanas autem literas, si non migrationis in Angliam, saltem plantationis fidei Christianæ ab Augustino factæ tempore, ipsis innotuisse, sensimque usitatiores evasisse. Exinde quoque diversas Italorum manus, illam videlicet, quæ uncialibus literis constat, tum quæ minoris & rotundioris formæ characteres habet, tum denique eam, quæ minusculis apicibus cursorie fluit, iisdem arrisisse; quemadmodum & singularum usum uberius demonstrat. Sed nolumus Doctissimi Auctoris præfationi nimis inhærere, quin eum potius, per bibliothecarum loculos, per pluteos atque armaria spatiantem, jam comitari, & de MSCris aliquibus erudite differentem audire lubet.

In-

Inter varias quidem Bodlejanæ reliquias, laudat codicem membraceum octingentorum circiter annorum, in quo contineatur Gregori Papæ de Cura Pastoralis liber, in linguam Saxoniam per Ælfredum Anglo-Sax. Regem paraphrastice translatus, cum ejus præloquio ad Werferthum Episcopum Wigornensem, & cuilibet Ecclesiæ Cathedrali hujus libri exemplar unum a pientissimo Rege destinatum fuisse docet, meritoque dubitat, an Regia id genus monumenta, vernaculo sermone conscripta, apud extraneas gentes ullibi inveniantur. Dialogos autem Gregorii, qui ipsum pariter autorem designant, rectius pro versione Werferthi seu Werfrithi habendos esse credit. Quatuor inde Evangelia Latina, cum versione interlineari Dano-Saxonica, aliquot tamen foliis mutila, ab antiquitate valde commendat, octavo quippe seculo scripta, atque inter peculium venerabilis Bedæ, juxta quorundam opinionem, numerata. Hæc vero in manus Joannis Rushworthi Jcti tandem devenisse ait, in cujus honorem, *codicis Rushworthiani* nomen ipsis a nonnullis imponatur. Circa Pauli Orosii Historiam, cui titulus *Hormesta*, seu de miseriis mundi, quam Ælfredus Rex Saxonica lingua donavit, eum libertatem quævis pro arbitrio mutandi, distrahendi atque interpolandi sibi vindicasse, tum & navigationum aliquot Boream versus institutarum commentarios illi adjecisse, observat. Ad bibliothecas Cantabrigienses dum deflectit, & sermonis cujusdam, sub Danorum incursionem A. 1009 a Lupo ad Anglos habiti, mentionem facit, non inelegans adgreditur examen, quis ille Lupus fuerit. Ubi primo eum diversum statuit a Lupo Ferrariensi, utpote qui anno 861 diem suum obierit; multo magis a Lupo Trecensium Episcopo, qui A. 427 inclaruit; tum veteres Anglos nomina sua Latine crebrius reddidisse monet, ita ut, qui Saxonice *Wulff* audierit, aut inde forte nominis terminationem habuerit, *Lupum* se Latine appellaverit. Sic Æthelwulfum Bernicum, Monachum Dunelmensem, poematibus suis nomen patriæ lingua præfigere, postea vero in hæc desinere verba: *Hæc Lupus alse Pater stolido de pectore clarus Carmina composuit &c.* Sic literas de Pœnitentibus, a Lupo Lundoniæ Episcopo ad Ælfricum Cantuariensem Archi-Episcopum missas, quæ adhuc supersunt, non alii vindicari posse judicat, quam Wulffstano II, qui ea

p. 70. 71.

p. 72.

p. 81.

p. 85.

p. 140.

- etate sedem Londinensem tenuerit. Ex quibus colligit, Lupum illum Homilistam eundem esse cum Wulffitano Eboracensem Archi-Episcopo, qui ab A. 1002 usque ad A. 1023 Wigornensem Ecclesiam simul rexit, quandoquidem nullus alius tum temporis in Anglia vixerit Episcopus a lupo nomen mutuatus, excepto solum Athulfo Herefordensi, de quo tamen altum sit apud scriptores silentium. Præterea quoque, inter varia opuscula MSCta Lupi Episcopi, apparere Parænesin quandam Saxonice conceptam, cui Wulffitani nomen præmittatur, haud obscuro indicio, Wulffitanum & Lupum sub una persona latere. In Aula S. Trinitatis, monstrari dicit Historiam Foundationis Monasterii S. Augustini Cantuariensis, in qua describuntur octo libri, quos Gregorius I Papa Augustino in Angliam advehendos dederit, adeoque primitias librorum totius Ecclesiæ Anglicanæ vulgo reputent. Ex illis vero tertium & quintum, qui Evangeliorum textus Latine exhibent, hunc Oxoniæ, illum iconibus historicis exornatum Cantabrigiæ in Collegio Corporis Christi, hodiernum extare hariolatur. E bibliotheca D. Jacobi Westmonasteriensi, inter alios cum elogio promit *Librum Scintillarum*, seu Sententiarum, quas tum ex Sacra Scriptura, tum e Patrum scriptis, constipaverit Beda, versioneque interlineari Saxonica explicuerit. Cottonianam gazam ubi salutavit Noster, ad librum Evangelii a Luca contexti paululum hæret, utpote qui in calce ita finiat: *Explicit liber Evangelii secundum Lucanum*, atque insolitam hanc appellationem mori majoribus Anglo-Saxonice trito adjudicat, qui Latine scribendo, nomina sua, desinentia in A, Latina etiam terminatione auxerint, e. g. pro Offa, Offanus, pro Beda, Bedanus scribentes. Postquam igitur boreales antiquitates literarias domi satis diligenter excussit, epistolas jam celeberrimi Suecorum Johannis Peringskiöld & Jonæ Nicolai Salani, ad Reverendum Hickesium datas, una cum prolixis indicibus MSCtorum Scandicorum, quæ tum in Regio Antiquitatum Archivo Holmiæ, tum in Rudbeckiana & Salana bibliotheca custodiuntur, subsequi jubet. Ipse syllabum librorum Saxonorum typis impressorum annectit. Quem tandem excipiunt sex indices ad totum opus, juxta Alphabeti seriem, eo cum judicio confecti, ut nihil supra. Primus enim omnium vocum, quæ in Grammaticis Hick-

ckesianis ab incunabulis suis derivantur, conspectum sistit: Alter monimenta literaria antea inedita, hic primum excula enumerat: Tertius MSQta ceterosque autores, qui maximam partem hic primum citantur, continet: Quartus opera, autores, aliosque claros homines, qui passim allegantur & honorifice inducuntur, nominat: Quintus ea, quæ æneis ligneisve tabulis incisa prodire, indigat: Sextus denique singulos autores, chartas, homilias, tractatus, resque præcipuas, quæ in Catalogo codicum Anglo-Saxonorum tantum memorantur, Wanleji studio collecta refert. Succedunt ultimo corrigenda atque addenda nonnulla, nec minus nomina illustrium & doctorum virorum, ut & sodalitatum, quibus adminiculantibus Thesaurus hicce excudi potuit, ut intelligas, quantum præsidii melioribus literis in Anglia paratum sit.

Atque sic recensitionis officio satis defuncti videri poteramus, nisi aurem nobis vellicasset pererudita & candoris plena Clarissimi Hickesii præfatio generalis, ut ejus etiam rationem haberemus. Equidem illa primo volumini præfixa cernitur, sed quia secundas Autoris cogitationes, emendationes ac supplementa per universum opus diffundit, in hunc locum non injuria remitti debuit. Nolumus autem hac vice immorari Apologiæ, quam contra eos scribit, qui nimia ipsius studia in explicandis barbaris horridisque, & incultis sermonibus reprehendunt, nec Reverendorum atque Doctissimorum Virorum, Nicolsoni, Fountainii, Elstobi, Hopkinsoni, Gibsonii, Thwaitesii, Wanleji, Bromei merita de hoc libro, quæ gratus prædicat, multis exaggerare juvabit. Quin potius ad alia progredimur, atque insipida Gallici hominis opinione, qui in proœmio ad Menagii Origines, Anglos codicum Saxonorum penuria laborare, atque ad reddendas rationes linguæ suæ, Gallicæ inprimis indigere asseruit, valere iussa, Anglo-Saxones chartas literasve sigillis pensilibus, seu cereis sigillorum impressionibus, Canuto regnante nondum munivisse, cum Autore notamus. Licet enim in codice foundationis monasterii S. Augustini Cantuariensis dicatur quod in charta Regis Canuti aliqua sigilla cerea, sed crucis signa appareant, illum tamen codicem nullam mereri fidem. Noster autumat, tum quod multa suspecta & falsa loquatur, tum quod nullæ aliæ chartæ R. Canuti magno numero adhuc supersites, cereis sigillis sint conspicuæ. Quæ de

Saxonicarum literarum valore, de Runis Saxonis elementis intermixtis apposite differit; Normanno-Saxonice item dialecti specimina, seu chartæ Wilhelmi Conqueritoris, Henricorum I & II Regum; antiqua veterum Hunnorum XXXIV elementa; versionis Ranulphi Higdeni Polychronici, quam Joh. Trevisa A. 1387 adornavit, fragmentum; Oratio Dominica, Hymnus Angelicus, Symbolum Nicænum, Græce quidem, sed literis Latino-Francis expressa, aliaque selecta Philo-Musos non egregie delectare non poterunt. Ad vetustam monetam Anglicanam Siclum etiam referendum censet, qui vel nummus vere cusus, aut computatius saltem fuerit, atque duobus argenteis denariis valuerit, si juxta Ecberti Dialogum de Ecclesiastica Institutione calculus expediendus. Sed aquam sibi hærere fatetur, propter *Mariam Æthelswithæ* Reginæ, in qua Siclus solido auri & argenti pensatur. Quibus linguarum veterum Septentrionalium ignorantia labi contigit, aggregat Johannem Harduinum, qui in Chronologia V. T. tum circa Ælfrici nomen, tum circa monimenta atque elementa Anglo-Saxonica diversimode impegerit; uti quidem errores ejus solide commonstrat. Contribules ei facit Franciscum Giambullarium, Angelum Roccam, Gulielmum Camdenum, Thomam Rymerum, Johannem Seldenum, quos ad similes scopulos allidi oportuerit. Hinc Celeberrimum Gibsonum hortatur, ut Chronicon suum Saxonicum auctius recudere festinet; homini Panchartarium Anglicum confecturo regulas suppeditat, in discretionem spuriorum diplomatum a genuinis apprime utiles, easque Ingulphi Croylandensis Historiæ statim attemperat. Formulæ Anglicanæ Thomæ Madoxii nuper editum mirifice extollit, nonnulla tamen in eo desiderat. Pluribus inde evincit Noster, quomodo Joh. Mabillonium in Rei Diplomaticæ libris secum consentientem habeat; qua occasione varia scitu dignissima admiscet. Canones insuper in veterum instrumentorum examine observandos, a doctissimo illo Gallo traditos, lubens amplectitur, ita tamen ut non celet, quæ in illis incerta ac lubrica sibi videantur. Sic quando Mabillonius unum aut alterum defectum, modo essentialis non sit, legitimis autographis obesse non debere arbitratur, optat Noster, ut definitionem essentialis defectus is suggerere voluisset, siquidem Episcopo-

porum privilegium pro Corbiniano Monasterio, Regis Theodorici tempore emissum, ille Chulperici ætate conditum affirmat, istud tamen non essentielle vitium diplomatis habendum, sed oscitantia scriptoris non admodum periti, cui proclive fuerit errare, tribuendum censet. Porro, quando Mabillonius additiones incarnationis, indictionis, glossematum aliorumque similium, maxime in exemplis seu apographis, instrumentorum veritati non officere sentit, dolosam & fallacem hanc regulam pronunciat, eaque ratione nullum fere crimen tam grave in reum diploma intentari posse credit, quod illo patrono, illiusque artibus depelli nequeat. Licet enim defectus essentielles, propter quos instrumenta damnari mereantur, a non essentialibus distinxerit, illud tamen discrimen verbo positum re ipsa tolli, cum illo autore nullus defectus adeo capitalis esse possit, quem per notarium, librarium vel exscriptorem diplomati accidisse, dicere non liceat. Interpolationes etiam, vitiosas subscriptiones, glossemata, alia pro aliis substituta, non ex mala intentione, dolove malo, sed imprudentia, impenitentia, temeritate, & non raro ex studio juvandi posteros nata, tum prudentiam, moderationem & æquitatem, qua in examinandis chartis opus sit, facillima esse subterfugia & pharmaca, ad sananda vel maxime lethalia diplomatum vitia. Huc summa redit eorum, in quibus Autori cum Mabillonio minus convenit, sed plura rei diplomaticæ inservientia scripta propediem exhibebimus, adeoque hanc ampliare materiam in præsentis supersedemus. Caterum dum in memoriam sibi revocat Noster, Thrimsam seu tremissem monetæ Anglicæ speciem se statuisse, ejusdem valorem paulo accuratius expendit, errorem retractans, ubi dixerat, illam tertiam partem argentei solidi constituere, cum tamen de aureo solido id affirmare debuisset, qui quadraginta denariis argenteis constet, ut adeo Thrimsa valuerit tredecim cum tertia parte unius denarii, seu præsentis monetæ quatuor solidos & quatuor denarios cum tribus denarii partibus æquet. Thrimsam vero apud Anglos summam saltem computatitiam fuisse, aut si in commercio unquam & signatus nummus fuerit, tum e Gallia forte mercatorum interventu ad Anglos allatum putat. Johanni Stirnhookii libro, de Jure Sueonum & Gothorum vetusto, commerita encomia defert, multaque in

in eo reperiri ait, quæ antiquitates Anglicas egregie illustrent. Duas insimul epistolas Simonis Dewesii & Francisci Junii ineditas communicat, ut argumento sint, quanto ardore laudatissimi isti Viri literaturam Saxoniam suam ætate promoveri gestierint. Tandem post recensitos Mæcenates singulos, qui labores hosce consilio atque ope juvarunt, in quorum ordinem & tres fœminæ nobiles veniunt, nec ignorare nos finit, reliquos sumtus, ad excudendum Thesaurum necessarios, e peculio suo promanasse; de quibus tamen non adeo conqueritur, quam quod per labefactatas vires, per gravescentem ætatem, per nummorum denique defectum, auctiorem illum dare sibi haud licuerit.

CALENDARIUM ROMANUM CHRONOLOGO-
rum causa constructum, ad Novilunia civilia sine Tabulis Astronomicis accurate & facile ante & post Christum natum invenienda. Auctore F. GUILLELMO BONJOUR, Tolosano, Ordinis Eremitarum S. Augustini.

Romæ, typis Jo. Franc. Buagni, 1701. fol.

Constat plagulis 21.

CONSTRUCTUM est hoc Calendarium juxta periodum Luni-Solarum annorum 1932, a Cardinale Norisio in dissertatione de Cyclo Latinorum Paschali, quam *Mense Aprili A. 1692* commendavimus, propositam, quod eam eundem feriarum ac lunationum ordinem in orbem æque ducere animadverteret Clar. Autor, cum post annos 1932 cyclus Solis sexagies noviesque ductus ad initium recurrat, & novilunia eodem die eademque hora contingant, prætereaque sic omnia ab ista depelli intelligeret vitia, ut impedimentorum bissexti, tum saltus Lunæ, tum mensis embolimi omnino superet, atque a Lunari calculo mensem illum abundantem dierum 31 arceat, quem interdum admittit computus tam Arabum, quam Hebræorum. Primo exhibetur *Calendarium Romanum*, in quo epactarum duo cernuntur ordines. Unus literis Romanis, alter Saracenicis describitur. Priores epactas Romanas, posteriores Saracenicis vocat. Adscriptæ sunt literæ Dominicales, more consueti.

fueto. Subjunguntur Canones in hoc Calendarium, ubi differitur de epactis tetraëtericis, earundem cyclo, & numeris tetraëtericis perpetuitati cycli epactarum tetraëtericarum inservientibus. Vocat Autor *epactam tetraëtericam* seu *quadriennalem*, numerum 14 dierum, quibus 4 anni Solares superant totidem Lunares: *cyclum epactarum tetraëtericarum perpetuum* revolutionem, quæ de quadriennio in quadriennium pergit, per continuam 14 dierum accessionem: *numeros tetraëtericos* eos, qui quadriennali via & ratione instituti ad epactarum, quæ his affiguntur, servandam perpetuo legem tetraëtericam. Sunt numeri tetraëterici 483, quia periodus Norisiana, cujus annis alligantur, 483 tetraëterides complectitur. Tabula numerorum tetraëtericorum in 13 areas distributa, ubi numeri 483 juxta ordinem naturalem describuntur, & competens unicuique epacta, vel Romana, vel Saracenica adscribitur. Subjicitur ipsa periodus annorum 1932, in suas 23 ogdoëcontateffaraëterides distributa, ab anno Domini 1 usque ad 1932, in qua singulis annis adscribitur cyclus Solaris & numerus tetraëtericus competens. Quod si itaque annus Domini datus in tabula ogdoëcontateffaraëteridum evolvatur, inveniatur cyclus Solis, & numerus tetraëtericus ipsi respondens. Cum quo si adire libuerit tabulam numerorum tetraëtericorum, constabit epacta ipsi congruens, & cyclus Solis dabit literam Dominicalem: quæ cum epacta in calendario evoluta monstrabit diem & feriam novilunii. Sed quia periodus Norisiana stylo Juliano constructa, eandem ad Gregorianum quoque accommodat Autor, exhibens paradigma epactarum, ab anno Domini 1582 ad annum 2104, juxta methodum periodi Norisianæ, ad stylum Gregorianum directæ.

Secundo representatur *Calendarium Astronomicum perpetuum*, in quo coelestia totius anni novilunia media, stylo tam Juliano, quam Gregoriano, reperiuntur per epactas Astronomicas numeris tetraëtericis 850 affixas, quot periodus Astronomico-Juliana in annis 3400 postulat. Totum in 12 Lunationes distribuitur. In qualibet Lunatione describuntur minuta Epactalia & ipsis respondentia minuta horæ currentis; horæ epactales & ipsis convenientes horæ diei currentis; dies epactales & ipsis competentes dies mensis labentis, a meridie incuntes. Subjicitur

Ce

ta-

tabula numerorum tetraëtericorum cum epactis Astronomicis, in qua numeris tetraëtericis 850 serie naturali descriptis, dies, horæ & minuta epactalia assignantur, nec non periodus Romana annorum 3400 stylo Juliano, in quo singulis annis Domini ab 1 usque ad 3400 numeri tetraëterici adscribuntur. Quodsi adeo annus Domini datus in eadem evolvatur, invenietur numerus tetraëtericus ipsi conveniens: cum quo si adire libuerit tabulam numerorum tetraëtericorum, constabit epacta Astronomica in diebus, horis & minutis. Quare si consulas in Calendario Astronomico Lunationem dato mensi convenientem, dies, horæ & minuta epactalia monstrabunt diem mensis labentis, horam ejusdem diei, & horæ currentis minuta, juxta stylum Julianum, facile ad Gregorianum reducendum.

JOANNIS CHRISTOPHORI BATTELLI DIS-
sertatio de Sarcophago Marmoreo Probi Anicii, & Proba
Falconia, in Templo Vaticano.

Romæ, typis Cajetani de Zenobiis, 1705, 8.

Constat plag. 12. cum fig. æneis.

p. 2. 4.

p. 5.

p. 6.

Magna semper, præ ceteris urbis Romæ templis, extitit Vaticanæ Basilicæ dignitas & veneratio, tum ob multa alia egregia omnique ævo memoranda, quibus se effert, decora, tum etiam in primis ob insignem illam multitudinem atque præstantiam sanctorum corporum, quæ ab ipso ædificationis ipsius exordio, in ea condita fuerunt. Præter enim augustissima principum Apostolorum, Petri, Pauli, Andreæ, Simonis, Judæ, & Apostolicorum Actuum Scriptoris & Evangelistæ Lucæ deposita. duorum quoque insignium Græcæ Ecclesiæ Doctorum, Joannis Chrysostomi ac Gregorii Nazianzeni, & Iquamplurium illustrium Confessorum sacra pignora ibi asservari, Auctor noster ait. Quibus innumerabilis plane congeries S. S. Martyrum accedat, ita ut, cum Julio II Pontifice, novæ magnificentissimæ molis fundamenta jacerentur, totum veteris Basilicæ pavementum, teste Alpharano, rerum ejusdem Vaticani templi sedulo perscrutatore ac scriptore, in opusculo, quod manuscriptum in illius Archivo asservatur, undequaq; refertum sub-

stra-

Aratumque Sanctorum corporibus inventum fuerit. Id quod etiam Aringhus sua ætate, anno nimirum superioris seculi septimo, evenisse, in Romæ Subterraneæ libro secundo testatur. Qua occasione hoc simul memoratu dignum refert, tum temporis in tumulo quodam, cunctis obstupescantibus, ossa recenti conspersa sanguine, post longa revoluta secula, visa fuisse, & in altero sepulchro, adolescentuli cujusdam corpus repertum esse, super quo nigri coloris velum appositum fuerit, coagulatum adhuc exsiccatumque in superficie cruorem exhibens. Inter Romanas autem familias, quæ sua olim in Vaticano monumenta condiderint, Aniciam in primis, Paulinos, Bassos, Olybrios & Probos, magna quondam in Urbe nomina, veluti sua germina complectentem, fuisse Auctor ait, cujus familiæ splendorem, potentiam & pietatem miris laudibus, tum Ethnicos, tum Ecclesiasticos scriptores celebrasse, multis testimoniis probat. In iis igitur monumentis præcipue eminere notabile quoddam ædificium, instar templi magnifice constructum, post veteris Basilicæ apsidem, quod in honorem Probi Anicii, Præfecti Prætorio, Proba Faltonia ejus uxor erexerat, in quo non solum maritum suum tumulandum curaverat, sed & ipsa eodem tumulo consociari voluerat. Isto autem ædificio a Nicolao V Pontifice, ad constructionem novæ Basilicæ inchoandam, disiecto, dum illius fundamenta altius effoderentur, ingens ibidem Sarcophagus, Pario quidem e marmore, opere autem composito elaboratus, facisque imaginibus eleganter sculptus, inventus est, cujus anteriorem faciem delineandam primus omnium curavit Baronius, eamque tomo 4 Annal. prope finem exhibuit. Postea vero ejus tum anteriorem faciem, tum posteriorem & laterales etiam partes, exactius delineatas ac incisas, Bosius & Aringhus in Roma Subterranea vulgavere, quas non solum iisdem formis Clarissimus Auctor iterum excudi fecit, verum etiam accuratam imaginum explicationem in hoc libello lectorum oculis sistere voluit. Cum itaque in anteriori hujus sarcophagi facie, quinque loculamentis & senis columnis in spiram striatis constante, medio in loculamento eminentiori, sculpta cernatur ipsa veneranda Salvatoris insistentis monti, e quo quatuor fontes erumpunt, imberbis effigies, ita ut altera manu crucem gemmatam, altera volumen complicatum teneat;

p. 8.

p. 9.

p. 14.

p. 15. seqq.

p. 20.

p. 32.

p. 33.

- p. 39.** Auctor Salvatorem ea specie ideo repræsentari existimat, ut per ipsam naturam tum humanam, in facie scilicet humana & crucis signo, cui affixus Redemptor noster mortem subiit, exprimatur, tum etiam divina, in juvenili & plane imberbi Salvatoris effigie adumbretur; hoc ipso enim significari, apud Deum, cui sua sola coexistit æternitas, nihil antiquum esse, nihilque omnino præteritum, sed cuncta immensæ illius æternitati præsentia, & absque ullo prorsus discrimine temporum, nova omnia jugiter computari. Crucem gemmis ornatam, venerationem istam indicare statuit, quam veteres Christiani, a tempore Constantini M. post partem hujus beneficio
- p. 44. seq.** insignem victoriam, ipsi nunquam non exhibuerunt. Volumen, quod Christus stans supra montem læva manu præfert, novæ legis promulgationem, ab eodem in monte factam, cum Durando & Ciampino sibi persuadet, quam sententiam Augustini quoque
- p. 45.** auctoritate confirmare satagit. Quatuor autem fluminibus & monte scaturientibus, illa Paradisi celeberrima flumina designari opinatur, iisque quatuor Evangelia, per universum mundum diffusa, mystice prænotari; ad quod firmandum, Eucherium, Cyprianum, Theodoretum aliosque idem sentientes allegat. Ad Salvatoris dextram S. Pauli, ad sinistram vero S. Petri simulacra conspiciuntur. Rursus ad dextram Pauli quatuor Apostoli, totidemque alii ad sinistram Petri, bini per singula loculamenta dispositi sunt. Salvator, ut & Apostoli, tunica & pallio amicti adparent, & sandaliis calceati. Plerique itidem Apostoli volumina in manibus præ se ferunt. Ubi, quod ad postremum attinet, volumina ista acceptam a Christo facultatem docendi & prædicandi Evangelium designare ait, ea autem non incongrue manibus retineri, cum ab
- p. 47. seq.** eodem Salvatore moniti fuerint facere & docere. Christi autem & Apostolorum imagines tunicatas & palliatis adparere, propter ea quod notum sit, Christum & Apostolos, quin etiam omnes veteres Christianos, qui veræ sapientiæ sectatores se profitebantur, pallio, quod olim propria vestis Philosophorum erat, tanquam convenienti suæ professioni habitu, uti consuevisse. Id quod Tertullianum in libro de pallio toties explicare asserit. In primis autem, inter hujus sarcophagi imagines, Auctori notatu digna videtur inversa Apostolorum Petri & Pauli collocatio, cum hæc
- p. 58.**

ad

ad dextram, ille vero ad sinistram constitutus appareat. Circa hanc quæstionem, quam multorum torfisse ingenia fatetur, varias variorum adfert sententias. Ac primo quidem fuisse ait, qui Petrum in sinistra ideo collocari existimaverint, quia pars læva apud veteres, cum Romanos, tum Græcos, quin etiam apud Hebræos, dignior dextra in sacris habita fuerit, & hanc opinionem Chassanæum, Goropium Becanum, Baronium, Macrum, & qui primo loco nominari debuisset, Antonium Nebrissensem, multis argumentis & exemplis evincere allaborasse. Hanc vero sententiam ab Allatio, Macedone, Roccaberto, & Mucantio in inedito opusculo de imaginibus SS. Petri & Pauli, docte, solide & copiosissime confutaram esse. Hinc alios asserere non dubitasse, Paulum Petro honoris gratia olim fuisse prælatum, cujus rei sex potissimum rationes adducunt, sed quas hic loci recensere, instituti ratio non fert. Proinde Auctor noster tandem observat, hanc consuetudinem ponendi effigiem Pauli ad dextram Petri, in Ecclesia non fuisse perpetuam & constantem, sed subinde variasse, ut hoc modo æqualitas inter utrumque Apostolum significetur. Atque hæc, occasione partis prioris hujus sarcophagi, Clarissimus Battellus disseruerat. Jam ad explicationem posterioris quoque partis progreditur. In ea imago Probæ Faltoniæ, ad dextram mariti sui collocata conspicitur. Id enim Romanos jam a Romuli temporibus, post pugnam Sabinarum mulierum felici interventu diremptam, honori & in fœmineum sexum reverentiæ tribuisse, cum Allatio existimat. Quod autem Probus tunica pallioque, illi Apostolorum similibus, indutus conspiciatur, hoc ipsum argumentum esse susceptæ ab eo Christianæ religionis, cujus sectatores, & eos præcipue, qui perfectioris vitæ studium amplectebantur, istis temporibus pallium usurpare solitos esse, jam supra ex Tertulliano annotaverat. Columbarum denique vel turturum figuris, quæ in ora superiori sarcophagi quaqua versum sculptæ sunt, designari Auctor credit eximiam Probæ erga maritum benevolentiam, ac insuper incomparabilem ejus pudicitiam & continentissimam viduitatem. Postquam igitur Battellus imagines hujus sarcophagi excusserat, Probi Anicii ejusque itidem uxoris vitam, genealogiam, mores & res gestas accurato studio exponit, sanctorumque Patrum aliorumque auctorum

p. 59.

p. 61.

p. 62. sqq.

p. 72.

p. 79.

p. 82.

p. 84.

p. 87. sqq.

p. 95.
p. 137.

p. 140.

p. 150.

de ipsis elogia, ut & veteres Inscriptiones in illorum honorem consignatas, in medium adfert; qua occasione iniquam Ammiani Marcellini de Probi moribus criminationem diluit, & fabulam, cujus Procopium præcipuum auctorem esse ait, de prodicione Urbis Alarico Gothorum Regi a Proba perpetrata, accurate explicat, solideque refellit. Quo facto illorum quoque opinionem examinat, qui Probam Faltoniam Musarum alumnam extitisse credunt, & ab ea, præter alia quam plura, concinnatum esse ex Virgilianis carminibus Centonem illum de novo ac veteri Testamento, qui in Bibliotheca Patrum editus habetur. Verum Baronium cum Bosio & Aringho, qui cum secuti sunt, hac ex parte falli, Battellus non dubitat, propterea quod nemo veterum illius ævi scriptorum, nec Patres Probæ coævi, ut Hieronymus, Augustinus & Chrysostomus, unquam hoc opusculum ipsi assignaverint, nec etiam Claudianus, licet in reliquis Probæ laudes effusus, pangendorum carminum gloriam illi unquam tribuerit; adeoque post varias virorum doctissimorum prolatas sententias, Battello omnium maxime probabile videtur, Probam Falconiam, uxorem Adelphii Romani Proconsulis, quem Reinesius, superaddito Clodii prænomine, Consulem facit anno Christi 451, hujus carminis auctorem fuisse; pro qua sententia nubem testium adducit, & sic, post pauca adhuc de obitu Probæ Faltoniæ annotata, finem doctissimæ huic dissertationi imponit.

*HISTOIRE DE LA VIE DE SOLIMAN SECOND,
Empereur des Turcs, sive Historia vite Solimanni II Imperatoris Turcici, Auctore CAROLO ANCILLONIO, Augustissimo Prussorum Regi a Consiliis Legationum, & Gallorum, qui in ditionibus Brandeburgicis sedes fixerunt, Judice Superiore.*

Roterodami, apud Reinerium Leers, 1706. 8.

Contat 1 Alph. 6. plag.

Solimanni II Imperatoris Turcici nomen adeo clarum semper exstitit, ut a nemine, qui rerum seculo XVI gestarum notitia leviter imbutus est, facile ignoretur. Vivebant enim illo tempore tres Principes, Carolus nimirum V Romanorum Imperator & Hi-

Hispaniarum Rex, Franciscus I Galliarum Rex, ac Solimannus ille II Turcarum Tyrannus, quorum unusquisque terrarum imperium affe-
ctabat, atque id etiam capessere dignus habebatur, nisi Deo aliter ordi-
nante, alter alterum intra limites continuisset. Ex illorum numero Soli-
mannus nunc ab Ancillonio in conspectum producit, cujus vitam, ex
multis Auctorum variorum relationibus collectam, Gallico idio-
mate concinnavit, & ad promerendam civium suorum gratiam, in
lucem publicam emisit. Multa ibi memoratu digna occur-
runt, nec sine quadam animi oblectatione legi possunt, quæ de
illius auspiciis, menseque Augusto ipsi ut plurimum fausto, de ite-
ratis ejusdem adversus Hungaros, Rhodienses, Persas atque Arme-
nios expeditionibus, de perpetua inter Solimannum ac Carolum,
(qui duo Principes eodem fere anno ac mense imperiorum suo-
rum fasces acceperunt,) æmulatione, de fœdere Gallorum cum
Turcis iſto, de funestis Solimanni cum Roxolana ſerva nuptiis, ac
subsequentibus inter filios odiis atque bellis internecinis, memo-
riæ prodidit. Hungaros certe gravissimis cladibus sæpenume-
ro adflixit Solimannus, quorum non modo Regem adolescen-
tem Ludovicum memorabili prælio ad Mohacium debellavit, at-
que in ejus dein locum Joannem Zapolium Comitem Scepusia-
num substituit, sed nobilissimam quoque regni portionem Imperio
Turcico adjecit; rebus ejus ita prospere perpetim & ex voto flu-
entibus, ut ad ipsa tandem Viennæ Aultriacæ mœnia anno 1529
pergere, & post istius regiae urbis expugnationem, quam dudum
animo, licet frustra, conceperat, Germanis ipsis exitium minitari,
non dubitaret. Et parum sane absuit, quin spe sua potirentur
tunc temporis barbari, quod Christiani Principes mutuis sese bellis
invicem debilitarent, ad quorum odia & conatus Turcæ haud ne-
gligenter oculos intendebant, Solimanno id unum ac primum fe-
liciter edocto, ut dissidia vicinorum in usus suos converteret, &
quæ Ottomanorum rebus proficua videbantur, collectis undique
viribus promptissime exsequeretur.

Post bella Solimanni recensita, ad familiæ augustæ descriptio-
nem progreditur Clarissimus Ancillonius, cujus tragica diligenter
collegit, additis insuper Satraparum ac Purpuratorum in aula Tur-
cica casibus, & admixtis nonnunquam, modo Imperatoris ipsius,
(qui

(qui Princeps sapiens alias ac callidus erat, & Julii Cæsaris commentarios in linguam Turcicam translatos, veluti perpetuos itinerum bellorumque comites, secum portabat,) modo aliorum quoque falsissimis sapientissimisve dictis: ex quibus ob brevitatis studium, quod nobis proprium est, unicum saltem excerpere placuit. Revertebatur aliquando Solimannus a Belgrado capto Constantinopolin, in quo itinere mulierem (vid. pag. 265. 266.) quæ passis crinibus ad pedes ejus provolvi, & aditum per satellites regios sibi facere conabatur, admitti jussit. Illam de ædibus suis novissima nocte a Turcico milite expilatis, liberisque adeo duodecim ad incitas plane redactis conquerentem, ac Domini prætereuntis gratiam implorantem, clementissime non solum audivit, verum & in hunc fere modum respondit: *illi fortassis hanc calamitatem eo momento accidisse, quo somno profundissimo cum domesticis sepulta jacuerit; ad quas voces foemina reposuit: verissime hæc a Te dicta sunt, Augustissime Imperator, dormivi omnino in utramque aurem, sed non alia de causa, quam quod Te ipsum pro me vigilare cogitarem, quum ea Imperantium omnium prima esse cura debeat, ut pro conservatione subditorum vigilas agant.* Quam insignem animi in muliere præsentiam sic admiratus fuit Imperator, ut omnia illi a militibus abrepta restituere, & viginti insuper aureos, præmii nomine, ex fisco suo numerare mandaret.

Hæc & plura ejus generis alia congeffit in vita Solimanni Ancillonius noster, quam tamen veluti specimen tantum majoris ejusdam, operis, quod præ manibus habet, cum orbe litterato communicavit. Constare istud debet ex Gallica versione omnium elogiorum, quæ in Thuani voluminibus historicis leguntur, & a Gerardo van Stœcken in *Thuano Enucleato* Latine jam olim edita fuerunt. Ut ergo mentem suam uberius lectori declararet, prolixam hercle præfationem, quæ dimidiam opusculi a nobis incompendium missi partem ferme constituit, hac vice præfigendam, operæ pretium esse duxit. In qua, postquam partim de utilitate ex lectionibus capienda, partim de styli præstantia in Thuani scriptione obvia disseruisset, fusius propositi sui rationes exponit. Non enim sola se Thuani elogia Gallice interpretaturum scribit, sed

sed id præcipue acturum pollicetur, ut, quæ vel in iis perperam dicta ex animadversionibus aliorum didicerit, ea fideliter corrigat, vel illa, quæ Thuano incognita manserint, curate suppleat, atque adeo Thuani vestigiis potissimum inhærendo, virorum ab augusto hoc Gallorum scriptore laudatorum vitas, nova quasi veste donatas, multoque plenior commentatione illustratas, orbi sistat. Subjuxit porro ad calcem libelli indicem alphabeticum personarum illustrium, quarum elogia in Thuani voluminibus extant, & a se aliquando prolixius deducta expectari jubet; in præfatione autem illorum quoque mentionem perhonorificam fecit, quorum libraria suppellectile ad perpoliendas cogitationes suas hactenus usus est: quas ut alii viri cordati adjuvare, & commentarios de hoc vel illo Principe seu Literatore, cujus Thuanus meminerit, passim conquisitos, cum Auctore nostro peramanter & benevole communicare velint, obnixè rogavit. Cujus quidem voti sui ubi compos fuerit factus, tum vero apparebit, num excellentius, quod molitur, futurum opus sit, quam quod simili plane instituto Vir Clarissimus *Antonius Teissierius*, & hic Exul Gallus Potentissimique Prussæ Regis Consiliarius atque Historiographus, ante plures annos composuit, publicique juris fecit, numque Ancillonius noster Teissieri diligentiam, in eodem argumento adhibentem, quæ incomparabilis potuit videri, sit superaturus. Cujus Teissieriani operis cum nullam Ancillonius, quod quidem miramur, in Præfatione mentionem fecerit, a Lectore benevolo Acta hæc Eruditorum nostra A. 1697 pag. 90, & A. 1704 p. 461, & qui vastam ejus Historiæ Literariæ notitiam plenius cognoscere avertit, Tom. II Supplement. p. 5, & A. 1705 p. 335 evolvi cupimus.

PETRI FRANCII POSTHUMA, QUIBUS ACCEDUNT illustrium Eruditorum ad eundem Epistole.

Amstelædami, ex officina Wetsteniana, 1706. 8.

Constant Alph. 1. pl. 7.

Complectuntur hæc celeberrimi Viri Posthuma, cum Orationes tres, doctas profecto atque elegantes, nunquam tamen publice recitatas, pro Eloquentia, pro Poëtica, deque usu Eloquentiæ

D d

tæ

tiae in sacris; tum varii generis Poëmata, octennio hoc integro, post recentissimam Poëmatum editionem elaborata; quibus accessere Epistolæ quædam summorum in Republica Literaria virorum, Ferdinandi Fürstenbergii Paderbornensis & Monasteriensis Episcopi, Ez. Spanhemii, Gisb. Cuperi, Constantini Hugonii, Joh. Georg. Grævii, Joh. Friderici & Jacobi Gronoviorum, Nic. Hein. fii, P. D. Huctii, Petri Petiti, Renati Rapini, Theodori Rykii, Jac. Perizonii, Rulandi Kinschotii aliorumque, laudes Francii eximias, & imprimis felicitatem carminis, miris modis extollentium. Sed de his antequam plura dicamus, de vita ejus pauca prælibabimus, quam in præfatione recenset Henricus Wetstenius. Natus scilicet fuit Francius Amstelædami anno 1645, die 19 Augusti, quo ipso die ibidem anno 1704 denatus est. Præceptorem habuit Hadrianum Junium, scholæ patriæ Rectorem, qui ut erat ingeniorum judex acerrimus, suavitati illi, ut Ovidium sibi principem, quem imitaretur, haberet auctorem. Hinc Leidæ Jo. Friderico Gronovio diligenter adhæsit, & cum filio ejus Jacobo singularem contraxit familiaritatem. Lustrata deinde Anglia, Gallia atque Italia, & assumpto Andegavi utriusque Juris Doctoris axioma, cum in patriam rediisset, anno 1674 Eloquentiæ & Historiarum, & 1686 Græcæ etiam linguæ Professionem obtinuit, in Leidensem Academiam frustra quidem A. 1692 evocatus. Nota sunt ejus scripta, Orationes, Poëmata, Eloquentiæ exterioris specimina duo, Gregorii Nazianzeni Homilia de amore paupertatis in linguam Belgicam magno nitore translata, notisque illustrata, & hæc ipsa Posthuma, quæ e manibus prius dimittere, haud possumus, quam aliqua notatu digniora pro more nostro excerpserimus.

P. 67.

In *Orat. I* duos ante alios commendat disertissimos sui ævi oratores, Adrianum Junium illum, & tragædum quendam Amstelodamensem ipsi Roscio parem aut superiorem, quem Adamum Caroli appellatum fuisse, e præfatione discimus. Illum autem cum natura felicissime conjunxisse, forma fuisse virilem, in modum decora, statura corporis eminente, plena dignitatis ac gratiæ, vocem denique testatur habuisse suavem, masculam, fortem, inflexam leviter ac modulatam, & mirum in modum canoram.

ram. Hunc hominem quidem vocat plebejum, & aliarum omni- 58. sq. 68.
um rerum, præter Poësin & Eloquentiam, rudem & imperitum,
verum tam admirabilem addit, tum in dicendo, tum in agendo,
fuisse, ut vix fingi eo quicquam posset perfectius. Nimirum, ut
elegantè Noster, *rerum ac verborum naturam observaverat;* 59.
ad hanc se normam formaverat, & longa exercitatione, longo
usu, hoc divinum atque incredibile dicendi sibi genus paraverat.
Surgebat juvenis summo mane, & superiorem domus partem
conscendens declamabat per aliquot horas, ad sudorem usque.
Ita corpus molle ac leve, & ad omnes motus idoneum reddidit:
ita vocem, ita gestus composuit, ita se formavit ac finxit, ut de-
inde, quicquid veller, exprimeret, & in omnes sese formas conver-
teret. Vocem aure dijudicabat, quam habebat acerrimam: gestus ad
speculum conformabat, Demosthenico more, & per exercitatio-
nem istam continuam, tantus in hoc eloquentia genere factus est
artifex, ut dubitem merito, an ququam Athenis aut Romæ
auditus sit unquam præstantior, &c. Plura transcribere juvaret,
si institutum id nostrum pateretur. In *Orat. II* memorat, Hu- 131.
gonem Grotium Belgicis versibus Christianæ religionis veritatem
asserere cœpisse, ut haberent imprimis nautæ, quo in longis sese
navigationibus suis, non tam oblectarent, quam instruerent. Hinc 141.
pluribus probat, S. Scripturam, aut totam, aut propemodum to- 151.
tam, esse poëticam; tandemque observat, nihil æque Danieli Hein-
sio ad conciliandam, cum viginti tantum annos natus esset, Pro-
fessoris in Leideni Academia dignitatem, Scaligerique & Jani
Douxi amicitiam, quam Poësin profuisse. In *Orat. III*, ubi elo- 174.
quentiæ studium commendare Theologis imprimis nititur, Joan-
nem Chrysostomum scribit Demosthenis orationes manu sua plus
semel descripsisse; Basilium, Gregorium aliosque Libanium in
arte Rhetorica præceptorem habuisse, egisseque causas forenses;
Tertullianum ac Cyprianum, quin & Arnobium, Lactantium i-
psumque Augustinum, Oratoriam professos. Inter recentiores Ec- 176.
clesiæ oratores Jo. Dallæum, Ciceronem Gallicum vulgo dictum,
Drelincurtium, Mestrezatium, Claudium, Alexandrum Morum
nominat; totus vero in Petri Duboscii laudibus est. *Erat in eo* 177.
viro, inquit, præter formam ac dignitatem, statura corporis ma-
jor,

181. *for, & habebat hoc cum Beza commune, quod Regium quiddam referret. Vox erat, non stentorea quidem, sed fortis tamen, & mascula, ac grato quodam modo canora. Manus suam habebat gravitatem, ut & reliquus corporis motus. Loquebatur autem non cito aut raptim, quo vitio Galli laborant, sed lente, ac pedetentim, & ut de Tullio dictum, gradatim. Hinc omnia apud eum seria, graviora, viro gravi, viro Ecclesiastico digna; talia denique, ut non alia in Oratore sacro desiderasset. Nihil corri, nihil vulnusi, nihil abjecti, nihil indecori, in voce, in vultu, in gestu, in omni corporis habitu conspiciebatur. &c. Laudat deinde, qui ad sacram verbi Divini præcones eloquentiam excitaverint, Michaellem Falconerium in aureo libello de Actione Oratoria, Ludovicum Wolzogium in Oratore sacro, Davidem Knibbium, Renatum Rapinum, aliosque; & de Wolzogio, quo magis promptum & extemporaneum neminem viderit, observat, eum facilitatem illam dicendi eo paravisse, quod per sex annos continuos, conciones suas omnes scripserit; quanquam ipse quidem scriptionem perpetuam magis probat.*

De *Carminibus*; tametsi priorum non ignobile sunt augmentum, & Elegiarum librum quintum, Odarum librum tertium nec non tertium Sylvarum, tertiumque Epigrammatum constituunt, nihil attinet dicere, cum vel solum Francii nomen, ad universa studiose perlegenda omnes sit stimulatium.

Ex *Epistolis* vero pauca quædam juvat decerpere, speciminis saltem qualiscunque loco. Johannis Georgii Grævii, quæ ad amicissimum Francium scriptæ sunt, numero reliquas, forte & nitore superant, certe genuinam Grævii indolem, utque fuerit, literarum bonarum amantissimus, amicorum omniumque, qui iis operantur, cultor candidissimus, a contentionibus toto animo alienissimus, abunde probant. Ut facile credamus, minime fictum fuisse dolorem, quem Epistola 93 & sq. accepisse se testatur, ex inimicitia, quæ inter Francium & Perizonium, communes amicos, tum exarserat, nec curam levem, quam resarciendæ inter viros celeberrimos, & hos amicos inter se veteres, quod passim vel ex hoc epistolarum fasciculo intelligitur, amicitia impendit. Præter elogia tum Francii imprimis; ut supra jam innuimus, tum aliorum docto.

doctorum virorum, quæ utramque in his Epistolis paginam faciunt, multa insperguntur ad Historiam Literariam pertinentia. Ita Ep. 58 Ryckii Tacitum, qui A. 1686 prodierat, mirifice sibi placere, Grævius ait. Multa Ryckium in Historia Romana illustrare multa in tanto Scriptore, post Lipsii aliorumque virorum magnorum curas, emendare & rectius explicare. De Corbulonis fossa egregiam & veram, si quid videat, esse ejus observationem. Ryckius tamen ipse, a Francio, ut apparet, & Broekhusio ea de re admonitus, ultro fatetur *Epistola 59*, characteres, quibus descriptus liber, nimis exiguos, nec aciei cujusvis oculorum accommodatos, promittitque daturum se operam, ne quid in secunda editione, sed quam humanissimi Viri mors prævertit, hac in parte a se desideretur. *Epist. 64* Jac. Perizonius de Ite, inter Schepperum & Guilielmum Siccama exorta narrat. Nempe Schepperus carminibus suis subinde aspergere Deorum Dearumque veterum mentionem consueverat. Illud tanquam grande nefas, remque impiam & Christianismo indignam, edita *Animadversione*, quam vocabat, *Orthodoxa* incusavit Siccama. Unde Schepperus, ut accusationem depelleret, *Apollinem Querulum* illi reposuit: cui tamen denuo respondit Siccama, sed Perizonio iudice, neutiquam Musis & Apolline dextro. Magnifice, sed vere, de Viri Illustrissimi, Ezechielis Spanhemii, in Callimachum Commentario tum vulgato, Grævius censet Ep. 100: *videtur*, inquit, in *Commentario Spanhemiano multa doctrina referri, pulcherrimas observationes, quibus & Græca poësis & historia fabularis illustratur, & abstrusior plurimarum vocum ritus, ritusque non satis cogniti eruuntur & explicantur, ut non putem, tam eruditum Commentarium in ullum Græcum Poetam a re-nati litteris prodisse.* Anthologiam Græcam cum versione Hugonis Grotii, si inveniri posset, & notis Petri Dan. Huetii jam prælo paratis, forte & Grævii aliorumque, edere in animo habuisse Francium, Epistolis 69, 104, 105, 106 docemur: sed illud institutum cum mors Viri optimi interruperit, campus, quem Viri alii negotio huic pares ingrediantur, apertus est. Causas cur Abrincensi Episcopatu se abdicarit jam anno 1700 celeberrimus Huetius, quæ fuere aëris illius inclementia valetudinisque ipsius ratio, aperit ipse Francio Ep. 110, & 111, etsi ex eo tempore molestissimis se

litibus & negotiis exercitum fuisse conqueratur. Qua occasione notamus, Illustrissimum hunc Huetium, uti cum Francio, ita & cum pluribus aliis a religione Romano Catholica alienis, amicitiam & commercium literarium magna humanitate coluisse, nec ideo tamen nunquam zelum pro Romanis sacris, etsi modestissime, prodidisse. Operæ pretium fuerit, verba huc transcribere certe notabilia, quibus Francio, cum ab eo Orationem in funere Stephani Morini, Reformatæ religionis Viri, a se habitam, cum quo pene a pueritia amicitiam inierat, sancteque coluerat Huetius, quamque in ea Francius prædicaverat, accepisset, Ep. 100 inter alia respondit: *Quod attinet ad eam, quam & in oratione tua, & in vita præ te fers, de Religione sententiam, etsi eam probare non possum, candorem tamen tuum non possum non probare. Aliter enim sentire, aliter loqui, id vero esset claudicare in duas partes, quod in populo Israelitico reprehendebat Isaias Propheta. Minime igitur id requiro ex te, ut sensus tuos subdolis ac fallacibus verbis dissimules, sed ut rectis studiis & supplicibus erga Deum, optimum parentem, votis, ad sincera veritatis notitiam pervenire contendas.* Quemadmodum & Epistola sequente, de iis Protestantium acerbe conqueritur, qui *magnum aliquod opere sua pretium tulisse se putent, cum vel proscederunt Catholica Fidei defensores, vel aliquem certe sacri nostri (Episcopalis) ordinis virum.* Sed hæc speciminis loco suffecerint: etsi epistolas quasdam, e. g. Ferdinandi Episcopi ac Principis Paderbornensis & Monasteriensis, quæ 27 est, & ob styli excellentiam in Principe admiranda est, nec non Rulandi Kinschotii, quæ est 87, ob elegantissimum de Viri Nobilissimi, Jo. Frid. Crameri, Vindictis nominis Germanici contra Gallos, iudicium, aliasque plures hic integras legi, foret operæ pretium.

PETRI DE TOULLIEU, JURISCONSULTI LINGENSIS, Dissertationum Juridicarum

Trias.

Trajecti ad Rhenum, ex officina Guil. van de Water 1706. in 8.
Constat 16. plag.

Pri-

Prima ex tribus Dissertationibus, quas Clarissimus Antecessor Lingenſis hoc opusculo exhibet, ad Legem difficillimam *Cum Societas 69 ff. pro Socio* conscripta est, cujus in genuinam lectionem verumque sensum Cujacius, Salmasius, Grotius, Huberus, Lynckerus aliique Jurisconsulti, dudum solcite inquisiverunt. Recte autem observat, duabus potissimum circa hunc textum Interpretes difficultatibus urgeri, quarum una ex verbis Legis, *Nundinas id est epulas*, oritur, altera ad actionem venditi pertinet, quam in hac facti specie locum habere, Ulpianus tradit. Prius ergo dubium dum tollere cupit, nec cum Holoandro *nundinarias epulas*; nec cum Grotio *IIIIduana epulas*, i. e. quatríduanas; multo minus cum Fornerio & Salmasio *empolas* pro *epulas* legi debere monet, cum nimis violentæ sint hæ Legis correctiones, ipsaque Florentini codicis lectio satis defendi queat, si quis *nundinas* pro *nundinariis epulis* accipiat, sicuti *nuptias* pro *epulis nuptialibus*, *sponsalia* pro convivio *sponsalicio* usurpari, Ciceronis (l. 2. ep. 6) aliorumque auctoritate evincit. Quod ad alterum controversiæ hujus caput, siue ad actionem venditi attinet, eam nec venditori epularum, ut Wilsenbachio visum fuerat, nec venditori mercium, ceu Cujacius, Freherus, Boeckelmannus aliique existimarunt, sed ipsis sociis tribuit; idque recte Antonium Fabrum, Alteserram & Fornerium observasse, lubenter agnoscit, eorum tamen interpretationes singulas rejicit. Subjicit deinde suam de hac Lege sententiam, quam reliquis ideo præferendam censet, quia nec receptæ lectioni quicquam detrahat, nec verbis textus quicquam addat, nihilque in eo relinquat otiosi, ac utramque & pro socio & venditi actionem, ab ea, quam Ulpianus expressit, conditione suspendat. Ita vero existimat Vir Clarissimus, duos pluresve forte amicos societatem ad emendum iniisse, mercesque quasdam communibus sumtibus comparasse. Ex his unum postea reliquis conditionem obtulisse, ut communi nomine emtas res sibi soli relinquerent; id si impetraret, se & pretium earum & epulas reliquis præstiturum. Ubi ergo placuisset sociis conditio, hic vero promissis non satisfacisset, & pro socio adversus eum ad merces communicandas, & ex vendito ad pretium pro epulis solutum recuperandum, agi potuisse. Atque hanc interpretationem ab objectionibus, quæ

quæ forte moveri possint, prolixè vindicat. Denique suppetiarum, huic Legi ab Illustrissimo Lynckero quondam latorum, modestam *negativ* subijcit, ejusque explicationem præsupponere pactum societati in continenti adjectum, ac verba Legis, *eor a negotio dimitteret*, non rectè explicari existimat, ab eodemque Pandectarum Florentinarum virginitatem frustra asseri, occasione *l. 15. ff. de Donat. & l. 9. C. de Bon. proscript.* ostendere, ac Celeberrimum Voetium a suspitione *ἀβελυστίας*, quam ei Illustrissimus Lyncker objecerat, vindicare voluit. Altera Dissertatio ad Legem Africanæ *Frater a fratre. 38. ff. de Condict. indebiti* pertinet, adeo obscuram, ut inter damnatas leges vulgo referatur. Quam uti Cujacius aliique, retenta lectione Florentina, frustra explicare tentarunt, ita Hotomannus emendandam, vulgaresque interpretationes rejiciendas esse censuit. Sed Clarissimus Tollieu & lectionem, & expositionem communem, contra Hotomannum defendit. Existimat ergo, hanc Legem non de quacunque, sed de peculiari tantum obligatione agere, quam cum obligatione simplici ab Hotomanno confundi statuit; nec ei concedendum esse, necessario fratrem creditorem peculium habuisse, saltem ex lege hac certò id asseri non posse. Peculium autem omni & Naturali & Civili jure, non ad filium sed patrem pertinere, licet Hotomannus, quem jus & statum naturalem confundere censet, aliud sibi persuaserit. His præsuppositis, Legem integram *κατὰ πρόδα* prolixè explicat, ac postquam suam exposuit de ea sententiam, Struvii & Bachovii interpretationes refutat. Ultima Dissertatio de Jure luendi & repetendi pignoris, ac de rebus meræ facultatis, de jure adeundi hæreditatem, redimendi, & similibus agit, ac observationum elegantissimarum plenissima est, ex quibus aliquas subicere, operæ pretium esse putamus. In §. 1. ergo tutores immobilium possessores a satisfactione haud liberari, contra Excellentissimum Pagenstecherum defendit. In §. 5. & 64. Jus pignoris luendi, i. e. debiti solvendi, meræ facultatis esse statuit, actioni autem pignoratitiæ præscribi posse ex tempore pignoris traditi, debitori tamen rei vindicationem, præscripta licet personali actione, superesse censet. §. 70. *sqq.* Res meræ facultatis esse facultates ait jure Naturali vel communi Civitatis ad

nos

nos pertinentes, circa usum & dispositionem rerum nostrarum, quamdiu in earum sumus possessione, ac Grotii, Gronovii, Huberi, Vinnii, Struvii aliorumque de iis definitiones rejicit §. 7 seqq. Jus altius ædificandi, ad res meræ facultatis pertinere autumat, & dissentienti Vinnio respondet §. 29. Jus autem a communione recedendi, minus recte ab Hubero eo referri putat. Jus adeundi hæreditatem nullo tempore expirare, licet hæreditatis petitio triginta annis præscribatur; contra jus retroemendi non esse meræ facultatis statuit, licet pactum additum sit, quod quocunque tempore & perpetuo hanc potestatem largiatur; id enim civiliter intelligendum, adeoque præscriptioni obnoxium credit. Ingeniosa est conciliatio l. 7. ff. de Divers. & temp. præscr. cum lege 45 ff. de Ursup. & Usuc. nec non explicatio legis 9. §. 7. ff. de Peculio, quas §. 31 seqq. & §. 45. seqq. exhibet. Sed ulterius progredi brevitas studium prohibet, & hæc, speciminis loco, desiderio Lectoris facile satisfaciunt, nostro certe instituto sufficiunt. Quare cupidum amoenitatum Juridicarum Lectorem, ad ipsas Clarissimi Autoris dissertationes elegantissimas remittimus.

ANTONII PACCHIONI, REGIENSIS, PHYSICI
Romani, *Dissertatio Epistolaris de Glandulis Conglobatis Durae
Meningis humane, indeque ortis Lymphaticis ad Piam Menyn-*
gem productis, ad Virum Clarissimum, LUCAM

SCHRÖCKIUM, Casareo - Leopoldine

Natura Curiosorum Aca-
demie Præsidem.

Romæ, typis Johannis Francisci Buagni, 1705. in 8.
Constat 2. plagulis & tabula ænea.

DUm Clarissimus Pacchionus in pertexendo suo de Durae Menyngis Fabrica libro strenue pergit, novisque sectionibus, & accurata investigandi methodo, hoc cerebri involucrum ita persequitur, ut ea in parte nihil intactum velit, sicque opus omni numero absolutum Orbi literato sistat; en nova indies ei exhibentur, de quibus in antecessum curiosum Lectorem monere non gravatur. Quanquam enim Nuckius vasa lymphatica in cerebro oc-

Ee

cur-

currere, diserte negaverit, Malpighius vero, felix alias glandularum in membranis scrutator, de Menyngis duræ glandulis nihil commemoraverit, imo ipsa membranae hujus textura adeo densa, fibrisque validis omni ex parte concinnata, ac veluti muscularis locum glandulis includendis aptum & capacem vix concedere videatur ullum, in sinu tamen ejus longitudinali, immediate sub membranosis expansionibus, in areolis chordarum Willisianarum, quin & supra easdem chordas, innumeras glandulas conglobatas, subrotundas, propria & tenuissima membrana, velut in sacculo conclusas detegere, adeo felici licuit esse Authori nostro. Racematum hæc ut plurimum coeunt, raro sparsim disponuntur; utrinque ad latera falcis messoria, ab ejusdem apice, ad basis usque posticam partem, miro propemodum artificio procedentes, dorso laterorum accumbunt, & partim ab horum fibris, partim ab iis, quæ a chordis emergunt, firmantur, atque invicem alligantur. Fibris carneis tenuissimis circumambiuntur singulae, unde colorem carneo-pallidulum nancisci videntur: in senibus vero, in quibus ejusmodi fibrae enervatae nimis laxantur, & ferme disparent, albescentes & magis turgidae cernuntur eadem. Arteriolas habent a ramulis, per interiorē Duræ Menyngis superficiem, non longe a falce reptantibus: quarum nonnullas a Pia Menynge derivatas, & a venis ad sinum tendentibus non multum distantes, & quandoque associatas accipiunt. Quod autem in lateralibus sinibus vel nunquam, vel raro admodum, perpauca earundem adnotentur vestigia, ideo a natura factum existimat Author Clarissimus, ne, si intersepta laxiora & minus firma alicubi existerent, ab insidente continuo ponderosissima cerebri mole gravata, aut reciproca contractionis & relaxationis vi tandem enervata, debito citius conciderent, & glandularum vasorumque munus obrueretur. Ex dictis glandulis innumera emergunt fila, quæ totidem sunt vasa excretoria, & a Dura in Piam Menyngem implantantur. Usus quod concernit harum glandularum, in separando humore aliquo, a toto sanguine diverso, ille Authori consistere videtur; ita ut vasa lymphatica, Piam Menyngem alluentia, rorem quendam tenuissimum continuo exhalent, quo utraque ejus superficie madefacta, Duræ Menynge & cerebri cortici subsidium præ-

præbet, & siccitatem arcet; quod commodum forsân etiam cerebri ventriculis, corporibus striatis, si eousque pertingat ros hic, adfert. Nec absolum videtur, ad nares internas, & quocunque ad insculptas cranio cavitates proxime extenditur Dura Menynx, hujusmodi humoris portionem profundi. Lympha enim hæc, non modo sua fluiditate atque pondere ab apice cerebri deorsum fertur, verum propriorum canalium & Piæ Menyngis vi contractiva, & potissimum a circumprimente Dura Menynge sollicitatur.

De cætero illud adhuc commemorandum restat, quod Sinus laterales simpliciores habeantur Authori longitudinali; siquidem illorum cavitas non tot anfractibus & cellulis distincta est, sed membranacea expansione tantum æqualis cernitur, & ad summum levibus quibusdam plicis signari solet.

Explicatio Figurarum.

Figura 1. exhibet tres majores Duræ Menyngis humanæ sinus, secundum longitudinem in dorso cranium respiciente dissectos. TAB. V.
Fig. 1.

A. Sinus Longitudinalis pars anterior parumper inversa, & complicata.

B. Ejusdem pars posterior.

c. c. c. c. c. c. Latera sinus diducta partim inversa, partim in posteriore parte dd. naturali in situ relicta. ubi sinus propriam ostendit latitudinem, a membranosis expansionibus non denudatus.

d. d. d. Membranosæ expansiones cum suis plicis.

e. e. Sinus portiones semidenudatæ.

2. 2. 2. 2. Specimina chordarum Willisii, quarumcunque pleræque sub membranosa expansione e. e. d. d. adhuc delitescunt.

3. 3. 3. 3. 3. 3. Glandulæ conglobatæ, in lateribus primi sinus racematim reconditæ.

f. Quarti sinus orificium in Laterales hians.

g. g. g. g. Sinuum Lateralium parietes diducti.

E c 2

h. h. Ipso-

h. h. Ipsorum extrema abscissa, antequam in jugulares inclinare incipiant.

i. i. i. i. Chordæ Willisianæ a membranosis expansionibus liberatæ.

TAB. V.
Fig. 2.

Figura II. ostendit eam sinus Longitudinalis portionem, ubi valvulæ ubiores ut plurimum reperiuntur.

a. a. a. a. Sinus resecti latera diducta.

b. b. b. Minores cellulæ laterales, quæ sanguinem intra sinum admittunt.

c. c. c. Cellulæ majores valvulosæ, in centro sinus consistæ, quarum orificia se mutuo respiciunt.

d. d. Foveolæ impervix.

*NUMMI ALIQUOT DIVERSI EX ARGENTO
prestantissimi: nempe decem OLAI Sueci, unus ANUNDI
Carbonarii, ac unus HAQUINI RUFII, Suecia Regum,
nec non unus SLENONIS bifida Barba, Dania Regis, Heli-
coniadum Choro dedicati a NICOLAO KEDERO, Re-
gii Collegii Antiquarii, quod Stokholmia
est, Assessor.*

Lipsiæ, apud Jo. Frid. Gleditsch, 1706. 4.

Plag. 8. cum fig. æn.



Tertia hæc est, quæ in urbe nostra prodit, doctissimi nobisque amicissimi Kederi Dissertatio de nummis nonnullis nuper in Suecia effosis: reliquos enim nummos quosdam Runis insignitos exhibentes, in Actis his anni 1703 p. 417, atque anni 1704 p. 36 memoravimus. At quoniam hæc paulo diffusior est, ut de omnibus nummis, qui hic in tabula exhibentur, (sunt enim omnino sedecim) agere pro instituto haud valeamus, tantum rariores quosdam, quos unice superstites Noster credit, paucis considerabimus. Luculentissimus est in Regio Antiquitatum archivo nummus Olai (vid. Fig. nobis 3.) in quo caput Olai Sueci, cum sceptro & inscriptione OLAF REX. SWEVORUM representatur. OLAF seu OLAPH Olauum domestico loquendi modo notat. Suevos vero vocatos fuisse Suecones, Taciti aliorumque Au-


TAB. V.
Fig. 3.

cto-

TAB. V. ad A. 1700

Fig. 1.





clorum, imprimis vero diplomatum optimorum fide patet. Unde male summum virum Hugonem Grotium, apud veterem auctorem, qui Ambaziensium Gesta inscribitur, pro *Suevis Suedos* in prolegomenis ad Historiam Gothorum &c. reposuisse, Noster observat. In averſa legit GODWINE (nomen est monetarii) MONeta SIHTunæ, urbis celeberrimæ, vulgo Sigtunæ dictæ. Frequenter enim Septentrionales, præsertim post acceptum alphabetum Anglo-Saxonicum, literas G & H inter se permutasse, exemplis docet. Unicus & est, quem ipse Auctor possidet, nummus OLAF REX AN SITUN inscriptus (vid. Fig. IV.) quo indicatur *Olaus Rex in Sigtuna*, seu Sigtunæ. Ubi docet, & legem illam ab Ingone I sancitam, ut Regia sedes Upsaliæ fixa maneret, sub Christianismi in Suecia initis, insuper haberi coepisse, & Reges ab ea urbe, in qua sederint, denominari vulgo consuevisse. Quæ in altera facie, præter crucem, quæ in hoc, ut & in reliquis, religionis Christianæ signum est, conspiciuntur, ita explicat: GOWINE, pro *Godwine*, MOATA AN, pro *Mone-ta an* seu *on*, subintelligens *Sihtun*, quod urbis vocabulum spatii angustia exclusum monet, idque aliis etiam exemplis confirmat. Tertius Olai nummus, qui Auctori quintus est, (nobis Fig. V.) si primam faciem spectes, cujus inscriptio OVLAVS REX SUE-Nonum, difficultate caret; *Oulaum* enim eundem esse, quem nunc abjecto V priore, *Olaum* scribimus, constat. In altera legitur VLFES MOT AN ST, hoc est, ut Noster interpretatur, *Ulfonis moneta in Sigtuna*. Ulf enim seu Vlf (Latine Lupus) quod nomen monetarii, Genitivum facit Vlfese, sive potius Vlfes, quo in casu monetarii nomina sua nonnunquam in nummis exprimunt. Quartus nobis esto quadratus Olai nummus, (vid. Fig. VI) qui in averſa geminum non habet. In prima area quidem pro OLFAF ON SIDEI, quæ verba capiti velut galeato circumponuntur, legit Noster: *Olaus in Scythia*, seu Suedia. Veteres quippe Suecos Sithas seu Scythas, & Suediam Scythiam vocasse, domesticorum pariter & exterorum Scriptorum testimonis probat. Quid vero in averſa sibi velint IIISSSSSSSS, non magis sibi perspectum esse fatetur, quam quis Runicorum in Gibsoniano nummo ISSSSSSSS sensus sit. Rarissimus est quintus

TAB. V.
Fig. 4.

Fig. 5.

Fig. 6.

Fig. 7.

tus (vi. l. Fig. VII) qui Suenonem cognomine *furcata Barba*, alias Suen-Ottonem, ab Ottone Magno, qui cum de sacro fonte susceperat, dictum, repræsentat. SVEN REX AD DENER notat *Sueno Rex Denorum* seu *Danorum*, sicut MAN DNER in averſa *Moneta Denorum*: GODWINE monetarius est, idem forte, quem antea produximus. His demum Auctor,

Fig. 8.

(vid. Fig. VIII) pientissimi Sueonum Regis Anundi, qui Jacobus in sacro lavacro dictus est, nobilissimum & summe rarum nummum, ab Illustri viro, Elia Brennero, sibi liberaliter communicatum adjecit. Neque difficilis explicatio est; exhibetur enim Rex capite quippiam acuminato pileo affine gerens, sceptrumque præferens, additis verbis ANVND REX SI. hoc est, *Anundus Rex Sigtuna*, quo in loco, ut Olaus antea, sedem habuit; in averſa crux est, umbilico circumsepto, & lacertis annulo quater interſectis, cum epigraphe: THORMOD, monetarii nomen) ON SIHTV, hoc est, *in Sigtuna*.

Cæterum lectu digna sunt, quæ ingeniosissimus Kederus de valore & permutatione literarum quarundam Anglo-Saxoniarum, Runas æmulantium p. 5 sq. de Olai Sueci cognomine *Skautkongr*, seu *Stö:konung* / quod alii Regem in gremio gestatum (quod infantem Regem ulnis circumtulissent Sueci) alii Regem tributarium (quod primus Regum patriæ, velut converſarum in vicinia gentium Principes alii, certam per cives munerum *Symbolum* Romano Pontifici submitteret) interpretantur, p. 8 sq. de artis nummos sculpendi apud Suecos veteres ruditate, & sculptoribus clarioribus p. 13, de crucis in nummis usu p. 18 seqq. de nominis Sueconum origine p. 10 & 32, de nominum a feris derivatorum in Suecia frequentia p. 37, & de similitudine nummorum Anundi illius Sueci & Canuti Divitis Angliæ Regis, patrui ejus & æqualis, p. 62 accurate edisserit. Illud unicum adhuc nos moratur, quod p. 46 sq. generatim de hujus generis nummis observat. Literas in illis conspicuas Latiales esse Anglo-Saxonicas, ait, quibus tamen sculptorum incuria & Runæ subinde irreperint. Additur, Olaus Regem re ipsa edoctum, quod Runæ potissimum in causa sint, quo minus religio Christiana incrementa capere possit, de extirpandis litteris illis, & Latinis, quod dudum

dum urgebat Pontifex Sylvester II, in earum locum substituendis, A. 1001 serio deliberasse: tandemque, instigante quoque acriter D. Sigfrido, nuper ex Anglia in Sueciam permissu Æthelredi accersito, extirpandas Runas esse, decrevisse, quippe quibus erronea doctrina de Thorero cæterisque Barbarorum Diis descripta esset; projecta ocys in ignem volumina, nec idolomanica tantum, verum & historica aliaque, quo ingens sanæ patriæ allatum fuerit detrimentum.

70. FRANCISCI BUDDEI THEOL. D. ET P. P.
*Exercitatio de Prærogativis Fidelium Novi Testamenti
 præ Fidelibus Veteris Testamenti.*

Jenæ, apud E. Cl. Balliar, 1705. in 4.
 Plag. 17.

UNUS equidem salvandi modus est, quo salutem adepti sunt æternam omnium temporum Fideles, nempe fides in Messiam, sive exhibendum, sive exhibitum; & fides semper producta est virtute Spiritus S. per Verbum ab initio non scriptum, postea scriptum: interim tamen Deus omnia benignitati suæ debere demonstraturus, eandem salutem diverso tempore diversimode dispensavit, ita ut Fideles unius temporis prærogativas quasdam habeant præ Fidelibus alterius temporis. Sed ut Deo decentes exsolvantur gratiæ, nobis non solum incumbit, ut nostra cognoscamus bona, sed & quo eorum excellentia manifestior evadat, cum bonis alio tempore Fidelibus concessis componamus. Eum in finem Autor præsentis Exercitationis, Halensis antea, nunc Jenensis Academiae singulare decus, cujus in his Actis non infrequens est nomen, prærogativas fidelium Novi Testamenti, præ fidelibus Veteris Testamenti, demonstrandas sibi sumsit. Quod ut rite fieret, notat, utut Deus, vi absoluti sui imperii, officia quæcunque ab homine exigere petuisset, maluisse tamen eum, pro ineffabili benignitate sua, per fœderis quodammodo rationem cum illo agere, cujus ut certæ leges, ita certæ quoque promissiones & comminationes essent; quamvis fœdera divina ab humanis in eo abeant, quod ista respectu hominis legis quodam-

mo-

modo vim habeant, ita ut non acceptare ipsi non integrum relinquatur. Nihil obſtare, quo minus, Scriptura præeunte, ſalutis negotium ſub hoc ſchemate exhibeatur, modo ex fœdere non deriventur, quæ ex divinis attributis ſint derivanda, aut alias cauſas habeant ſublimes. Primo igitur loco conſiderat *Fœdus operum* ſive *legale*, quod Deus cum homine nondum lapſo pepigit. Legem huius fœderis fuiſſe illam ipſam, quæ Numinis amorem absolute ſummum, proximi proprio æqualem requirit, additis tamen & legibus aliis, non ex natura hominum, ſed libertima Dei, ſanctiſſima tamen & ſapientiſſima voluntate procedentibus, h. e. poſitivis. Quorſum refert mandatum de non comedendo fructu arboris ſcientiæ boni & mali. Promiſſionem præcipuam fuiſſe, de vita æterna legem implenti danda, non ex merito tamen, ſed per modum præmii gratuiti. Comminationibus contra accenſendam eſſe mortem corporalem, ſpiritualem & æternam. Fœdus hoc operum pertinuiſſe quoque ad Adami poſteros, quos omnes retulerit Adamus; quod vel exinde conſtet, quod comminationis vim quotidie ſentiamus. Rupto per inobedientiam Protoplaſtorum fœdere operum, in ejus locum ſucceſſiſſe *Fœdus gratiæ*, diſtinguendum a fœdere, quod Deus Pater cum Chriſto iniit, ſponſionem pro hominibus in ſe recipiente, & teſtamenti inſimul rationem habens, immo propius ad teſtamentum accedens. Utur enim non omnia teſtamenti requiſita adſint, nec omnia fœderis requiſita adeſſe, actumque adeo ex fœdere & teſtamento mixtum hic intercedere. Vocem *διαθήκη* & teſtamentum, & fœdus denotare; recte tamen Matth. XXVI, 28. Marc. XIV, 24. Luc. XXII, 20. I. Cor. XI, 25. Gal. IV, 24. ſeqq. & in nonnullis epiſtolæ ad Hebræos locis, per teſtamentum verti. Summam fœderis gratiæ Deum Protoplaſtis ſtatim a lapſu Gen. III, 24 propoſuiſſe. Promiſſiſſe ipſum, ſe omnes ad notiſſimam Meſſiæ perducturum, vocando eos tum objective, tum effective, tum per famam veræ Eccleſiæ; Spiritu S. per verbum converſurum, juſtificaturum, ſanctificaturum, & æternæ ſalutis participes facturum. Conditiones promiſſionibus reſpondere, ſingulas ſingulis. Deum nempe converſurum, ſi verbum ejus legant vel audiant; juſtificaturum, ſi credant; renovaturum, ſi divinitus ſanctitati deſtinatis mediis utantur,

tur, qualia sunt verbi divini frequens meditatio, precum assiduitas, virium spiritualium exercitatio, peccatorum evitatio, & carnis crucifixio; denique glorificaturum, si in fide & sanctificatione perseverent. Ad Comminationes pertinere verbi beneficiorumque reliquorum, si contemnantur, subtractionem, & mortem; denique sempiternam. Foederis hujus gratiae tria dari intervalla. Primum esse Patriarcharum, in quo ad foedus gratiae universale nulla facta sit accessio, si a foedere particulari cum Abrahamo percussio recesseris. Foedus cum Noacho initum, ad religionem non pertinere. In secundo intervallo maximam ad foedus gratiae universale per Moysen factam esse accessionem, & illius Oeconomiam Veteris Testamenti nomen sustinere, ab egressu populi Israelitici ex Aegypto incipiendi, quod ex Jer. XXXI, 31 32. Gal. IV, 24. & Hebr. IX, 18. 20. prolixè probat, & aliis argumentis ulterius confirmat. Supposuisse Vetus Testamentum tum universale foedus gratiae, tum particulare cum Abrahamo initum. Promissiones principales fuisse, quod Messias ex tribu Juda sit oriturus, Deus Judaeos pro peculio habiturus, bona quævis corporalia ipsis imperiturus, contra hostium insultus eos defensurus, terram Canaan in perpetuam, usque ad Messiae adventum, possessionem iisdem traditurus: in quarum confirmationem institutus sit agnus paschalis. Conditiones fuisse, ut tum leges universales, tum particulares, ad statum ipsorum civilem vel ecclesiasticum spectantes observarent. Leges ceremoniales primario foederis universalis beneficia in memoriam ipsis revocasse, & Messiam repræsentasse, nequaquam in *μωϋσῶν* poenam ad peccati exprobrationem datas esse, consequenter ad Evangelium referendas. In tertio denique intervallo, vigere Novum Testamentum, quod qua promissiones, comminationes & conditiones, foedus gratiae universale supponat. Proprium ejus esse, quod fideles Christum exhibitum respiciant, donorum spiritualium largiori & uberiori, qua copiam, qua gradum, proventu gaudeant, a jugo legum ceremonialium non premantur, novis Sacramentis iisque longe augustinioribus utantur &c. Conditiones huc redire, ut resipiscamus & credamus Evangelio; & Deum pro tot tamque luculentis beneficiis majus ardentiusque studium in sanctitate proficiendi, a fidelibus postu-

stulare. Etsi autem Novum Testamentum præstet Veteri, nec tamen hoc omni dignitate destitutum fuisse monstrat, Hæreticorum veterum, Patrum, aliorumque ea de re sententias examinans. Refellit inde prærogativas, quæ fidelibus Novi Testamenti perperam a *Coccejo* & *Coccejano* aliisque nonnullis tribuantur, quod nempe his demum innotuerit mysterium Trinitatis, cum aliis de Christo redemptore fidei mysteriis, fidelibus ante Christum non revelatis; cum tamen nec mysterium Trinitatis, nec quæ ad Messiam personam, officia, statumque pertinent, fidelibus Veteris Testamenti fuisse ignorata, tot luculenta Scripturæ dicta comprobent: quod legem moralem essentialiter perfectiorem ipsis dederit Christus; cum legem quidem illustraverit, ac a corruptelis Judæorum vindicaverit, nuspiam vero novam condiderit. Servator: quod Patres Veteris Testamenti promissionibus spiritualibus & cœlestibus destituti fuerint, quibus gaudeant fideles in novo, quam sententiam ab Anabaptistis acceperit *Coccejus*; cum tamen utique & bonis spiritualibus, & eorum promissionibus gavisi fuerint, etsi illis peculiaris promissio de possessione terræ Canaan accesserit: quod in Veteri Testamento solum *παράδεισος*, nequaquam *ἀφ᾽ οὐρανόθεν* obtinuerit peccatorum, consequenter fideles in Veteri non fuerint iustificati; aut iustificatos ita esse fideles V. T. ut vitam plenamque peccatorum remissionem fuerint consecuti, *παράδεισος* etiam Rom. III, 25. significare idem, quod *ἀφ᾽ οὐρανόθεν*, accurate Auctor. Maxime Reverendus evincit: quod Christus ratione Patrum Veteris Testamenti fuerit tantum fidejussor, non expromissor; cum id repugnet naturæ fœderis gratiæ omni tempore valentis, & vox *ἐγγυητής* Hebr. VII, 22, ex genio linguæ Græcæ, etiam expromissorem significet: quod sub reatu culpæ & poenæ fuerint fideles Veteris Testamenti; quod fidei ipsorum ab Apostolo deprædicatæ Ebr. XI repugnet: quod iidem fuerint sub ira; cum tamen per fidem iustificati fuerint, merito Christi ante & retro valentis: quod non habuerint tranquillitatem conscientiæ, libertatemque & fiduciam accedendi ad Deum; cum id repugnet remissioni peccatorum, cuius participes factos esse fideles in Veteri Testamento, superius Auctor probaverat. Hisce præmissis, ad ea tandem declaranda progreditur, quæ titulus exercitationis pollicebatur, atque

que in §. 40 ex Ebr. VII, 22, & c. XI, 39. 40, præstantiam Novi Testamenti præ Veteri generatim evincit, subjuncta in duobus subsequentibus uberiori explicatione locorum Joël. II, 28. 29. 30 & Jerem. XXXI, 31 & seqq. in quibus bona Novi Testamenti singularia promittuntur. Inde speciatim bona illa recenset a §. 43 usque ad §. 47, in quibus prærogativa fidelium Novi Testamenti præ fidelibus Veteris fundetur. Recenset nempe prærogativas sequentes, 1. Præstantiorem Mediatorem Novi quam Veteris Testamenti, nempe Christum, cum hujus fuerit Moses, Gal. III, 19. 2. Peccatorum per exhibitum jam Messiam non typicam, sed realem propitiationem. 3. Immunitatem ab observatione multorum rituum & ceremoniarum, cum magno onere ac labore conjuncta, ob Vetus Testamentum abrogatum. 4. Donorum Spiritus S. ubertatem, quæ inter referenda sit clarior mysteriorum fidei uberiorque cognitio, ac profluens inde enixius studium in vitæ sanctitate ac puritate proficiendi, ex hac denique propullulans consolationis uberior abundantia, nec non fidelium multitudo. 5. Gentilium & Judæorum in unam Ecclesiam visibilem conjunctionem, & 6. Promissionum præstantiam. Quoniam vero omnis theoria est propter praxin, ad quam vel immediate, vel mediate tendit; theoria finita, ad praxin progreditur ostendens, quænam nostræ in hac prærogativarum copia & præstantia sint partes. Ante omnia igitur explorandum esse monet, num fœderis hujus simus participes: hinc speciatim edocet, quales singulis prærogativis respondeant praxes, nimirum præstantiam Mediatoris nobis in memoriam vocare debere commonefactionem Pauli, Ebr. II, 2; Sacerdotale Christi munus filialem erga Deum excitare fiduciam; libertatem a lege ceremoniali eam nobis injicere curam, ut libertate caute utamur; donorum spiritualium ubertatem efficere, ut cogitemus, num & ipsi partem thesauri omnibus propositi possideamus; Judæorum & Gentilium conjunctionem, ad misericordiam divinam celebrandam nos impellere; promissionum denique indolem inculcare, nos ad coelestia & spiritualia, non ad terrestria vocatos esse.

AN ENQUIRY INTO THE NATURE, AND
Evidence of Christian Faith &c.

h. e.

INQUISITIO NATURÆ, NECESSITATIS AC
Evidentiæ Christianæ Fidei, diversis conatibus instituta. Pars I.
de Fide generatim & Fide Deitatis, per JOHANNEM
COCKBURN Theol. Docto-

rem.

Londini apud Thom. Atkinson, 1704. 8.

pag. 5.

Præfati.
pag. 1.

2.

Quæ ab hostium incurſionibus nunquam tuta omnino fuit ac libera ſalutis arx æternæ fides, ea munita ac propugnata, hætenus fuit vigili illorum induſtria ac labore, quos Deus conſtituit veræ cuſtodes ac defenſores religionis. Sicuti igitur ſancta Dei Civitas a tempore uſque, quo eam fundavit ſanguine ſuo pretioſiſſimo Dominus ipſius ac Redemptor Jeſus Chriſtus, oppugnata acerrime ſubinde eſt ab impia Verporum, Paganorum, Empæctarum, Epicuræorum atque Atheorum cohorte: ita neque defuerunt unquam, cum inter primitivæ Eccleſiæ Patres, tum inter ſequioris ac modernæ Eccleſiæ Doctores, qui myſteria pro ſalute noſtra Divinitus revelata ſtrenue tuerentur. Viris hiſce fortisſimis, pro honore Chriſti militantibus, acceſſit etiam Excellentisſimus *Johannes Cockburn*, excitatus procul dubio egregio exemplo Clarisſimi *Bentley*, aliorumque celebrium, qui impietatem Atheiſticam dextre debellarunt, Anglorum ceu popularium. Scilicet cum fides potisſimum ſit Chriſtianæ doctriinæ momentum, & ad bonorum, quæ cultoribus illa ſuis pollicetur, conſecutionem ſumme neceſſarium, operæ fore pretium duxit eruditisſimus Auctor, ſi eam aſſereret contra turpiſſima Empæctarum opprobria. Triplex enim, expertus eſt, hodiernum circumvagari hominum genus, fidei auctoritatem pro virili ſua labefactans: quorum alii clericos exponere conentur ludibrio, tanquam indoctos & ſtultos, qui facile & fallantur ipſi, aut privati commodi gratia ſtudeant imponere aliis, idque myſteriis ſenſum omnem fugientibus; alii probare laborent, fidei haut dari locum, ubi ſana im-

peret

peret ratio, hinc illam ex hujus nasci defectu, adeoque credentes fide sua sese reddere indignos, qui homines, hoc est, ratione utentes amplius appellentur; alii varia fidei dogmata explodant vel tanquam minus necessaria, vel tanquam absurda credituque nequaquam digna. Pesimos hosce fidei hostes ut oppugnaret dextre ac debellaret, arripuit gladium Spiritus, verbum Dei, non incaute praevidens, consensum Ecclesiae, sive primitivae sive modernae, ad dirimendam hanc controversiam, judicem fore tantis ἀπιστίας patronis plane inidoneum, studioque partium laborantem. Non quidem latuit ipsum, etiam Scripturas sanctas ab adversariis suis vix pluris fieri, quam auctores alios profanos, quin minori saepe reverentia examini subijci; non eo minus tamen suo sufficere arbitratus est instituto, si inter reliqua literarum monumenta praeciosa, hisce primus daretur locus. Eundemque mereri quoque τὰ ἱερὰ γράμματα, sive antiquitatem illorum spectes, sive rerum, quas complectuntur, argumentum, sive scriptorum existimationem divinorum; quae tanta sane sit, ut neque Platonis, neque Aristotelis, neque Senecae, neque Epicteti, neque Confucii Chinenfis aliorumque veterum cedat auctoritati, quorum tamen sententiae ob praeciarum, quem ferant fructum, & diligenter colligantur ab eruditis, & avidae doctrinae deditis imbibantur. Quibus de principio demonstrationis praemisissis, ad antagonistas se convertit, eosque rogat, tum ut mentem praconceptis liberent opinionibus, tum ut veritatem scrutaturi ordinem sequantur a se constitutum, atque sic fore sperat, ut Christianorum fides compareat divina & vera & amplexu dignissima. Ordinem vero servat sequentem. I Demonstrat dari Numen aliquod supremum: II idem curare omnia & gubernare nutu suo sapientissimo potentissimo: III peculiarem existere revelationem de vero Deum colendi modo, cui fides ceu fundamento innitatur. Tribus hisce distincta partibus tota constabit tractatio, quarum duae priores cum videantur recedere a scopo, fidem Evangelio propriam ex sacris Literis propugnandi, excusat se Auctor benevolo Lectori moderno Atheistarum incremento, quo impulsus ejusmodi ad lumen naturae spectantia praemisit, quae alioquin plane praeteriturus erat. Quamvis enim jam alii dudum demonstraverint providentiae pariter atque

pag. 3.

4.

5.

Conat. 1.

existentiæ Divinæ veritatem, noluisse tamen super alieno ædificare fundamento; selegisse præterea argumenta ab aliis parum ponderata, & a rebus ubivis obviis petita. Quibus præfaminis loco de totius operis instituto dictis, partem primam, seorsim primo loco vulgatam, septem comprehendit capitibus, seu uti modeste loquitur, conatibus. Conatu itaque primo probare contendit, fidem esse atque fuisse, ab orbe usque condito, perpetuam justitiæ regulam. Ubi de voce quædam præmonet; fidem nempe seu *τὴν* credere esse vocabulum Sacræ S. proprium, (sicuti & aliis scriptoribus Historicis ac Philosophis peculiare datur loquendi modi) & rem animo concipiendam apte adeo exprimere, ut qui risui illud exponat, meliusque se substituturum sibi persuadeat, falsum prodat haud tolerabilem, quin Spiritum veritatis, qui ipsa quoque verba suggessit, ignominia afficiat. Dein Divinas testatur Literas, tam a Mose & Prophetis, quam ab Evangelistis & Apostolis exaratas, qui unanimi doceant consensu, fidem esse justitiæ radicem, cogitationum, sermonis, operationum quarumcunque bonarum originem, imo vitæ Deo placentis omnis animam, interprete Habacuco: *justus fide vivet* cap. II, 4. consentiente ei Apostolo passim, & maxime in epistola ad Romanos. Quapropter, quotquot unquam ab Abele usque exstiterint, sanctæ atque inculpatæ vitæ fama celebres, illorum opera ex fide esse profecta, Hebr. XI, quin in ipso adeo innocentia statu (eiusque enim ascendit) fidem fuisse justitiæ vitam: legem enim de arbore vetitalatam esse, ut fides exerceretur, transgressione autem ac peccato obedientiam una cum fide perisse. Hic tamen notari mereatur, Auctorem in tam lato vocem fidei usurpare significatu, ut vel solam fiduciam, qua Dei veritati & potentia innititur, fidem appellet, non habito semper ad Solutorem nostrum ceu potissimam, ejus basin respectu, quippe quo ante lapsum homo non indiguit.

Conat. 2.

Et optaremus, dedisse eum nobis accuratam fidei definitionem: quam & ipse utilem fore rerum tam arduarum meditationi agnoscit, sed ob difficultatem aliis relinquit, sibi sufficere arbitratus, si a B. L. observetur, se talem intendere fidem, quam inter & justitiam perpetua detur relatio, qua sine nemo Deo placeat. Talem autem fidem omnem excludere dubitationem, Rom. XIV, adeo ut ani-

animus interne convictus sit omnino & certissime persuasus de omnibus, quæ vera & falsa, bona & mala, iusta & iniusta iudicat. Nili enim præcedat certa actionum nostrarum bonitatis conscientia, peccata esse quæcunque faciamus, temeritatisque ac denegatæ supremo Numini reverentiæ opera nostra redargui. Proximum a dubitatione locum ea inter, quæ fidei adversantur, Conat. III. adscribit Atheismo, certamque probat operationum moralium normam neutiquam posse constitui, nisi Deus existere credatur. Etenim qui nullum agnoscit superiorem, pro arbitrio semetipsum regit suo, principium functionum suarum erit, sibi ipsi ut placeat, adeoque bonum & malum ei dicetur, quicquid vel impedit aut promovet sua quod intererit. Ubi vero Deus statuitur summus omnium Dominus, æque parum ac servi, nostri manemus juris, potestatis ac dominii. Qui enim nos fecit, absoluta in nos gaudet potestate, adeo ut nostra omni jure dirigatur eo cura, quo ipsi placeamus, & voluntatem ejus tanquam legem & perpetuam boni malive mensuram constanter sequamur. Deum Conat. IV. autem existere, tam evidens esse asserit; ut a quolibet sine ulla cognoscatur difficultate, sine omni ingenii acumine, sine eruditionis apparatu, sine multo labore ac studio: ubivis enim vix oculos aperiendi præsto esse manifesta sapientiæ ac potentiæ Divinæ documenta, non obstante, quod Deus ipse lumen habet inaccessum, 1. Timoth. VI. Quod ut aperte demonstret, stupendam Dei in formando homine sapientiam vivis pingit coloribus; modo delineat ac collustrat externam corporis figuram, partium varietatem, symmetriam, situm & proportionem; modo capitulis, brachiorum, manuum, pedum aliorumque membrorum structuram & usum; modo internam nervorum, musculorum atque arteriarum texturam, modo animæ facultates & sensuum organa, iisque omnibus debita naturæ ac indolis cujusque representatione tantam affundit lucem, ut quilibet, cujus subeant conspectum, fateri habeat, non fortuito hæc evenisse, sed summa inventa esse, fabricata & composita arte. Atque inde statim colligit: cum nihil producat a nihilo, motus non detur absque motore, nec vita donetur nisi a vivo, nec artificium præstetur ab artis ignaro, oportere auctorem nostræ essentia infinita præditum esse sapien-

- Conat. VI. pientia ac potentia, Deumque adeo existere. Sicuti autem ex prudentissima hac *μικροδόσμις* fabricatione dilucide Deum demonstravit, ita simili *μακροδόσμις* consideratione & representatione idem efficit, pari usus argumentorum pondere. Quibus si quis nihilominus præfracte reluctetur, Deumque negare constanter pergat, eum eo redigere studet, ut quæ illi ipsi & cuiuscunque sani hominis iudicio adversantur, imo absurda plane & ridicula, sentire cogatur ac defendere.

JOH. FRIDERICI REIGERI THEATRUM JURIDICUM Theoretico-Practicum. Opus posthumum.

Tiguri, sumptibus & typis Gesnerianis, 1705, 4.
Constat Alphab. 6. plag. 19.

Hunc librum, ut titulus loquitur, in eorum classe numeres, qui doctrinam Juris Civilis, ex ipsis legibus & probatis illarum Interpretibus haustam, in thesi perspicue satis proponunt, & in hypothesi quoque usum seu praxin ejus adhuc superstitem fideliter commonstrant. Expectare utique talem fas fuit ab Amplissimo Reigero, Jurisconsulto, dum in vivis esset, non nullius famæ, quippe qui sub tribus Electoribus Palatinis novissimis, Consilarii Aulici munus, tum & per triginta annos Advocati in Curia partes obivit, adeoque judicium, longa rerum experientia subactum, ad opus hocce concinnandum attulit. Is etenim omnis inutilibus & antiquatis titulis, ceu in præfatione ipsemet testatur, Jus Theoreticum secundum rubricarum in Digestis seriem, per causas & definitiones, divisiones ac regulas ita disposuit, ut non solum multas quæstiones dubias excussas dederit, sed etiam singulis titulis, qui quidem non abiere in desuetudinem, pro substrata materia, unam alteramve libelli supplicis aut implorationis judicialis formulam, vernacula lingua, & stylo regionibus Superioris Germaniæ accommodato conceptam subjecerit, quo & tyronibus, & in foro versantibus, opera sua quam plenissime prospiceret. Cæterum in privatum saltem commodum, non publicum labori se manus admovisse fatetur, sed dum amicis ejus

co-

copiam liberaliter concessit, aliis passim innotuit opus, atque ab iisdem expetitur fuit, quorum fortasse desideriis victus, in publicationem ejus consensit, licet, antequam typis describi potuit, fata sua expleverit Autor. Nulli vero dubitamus, quin juris artem excolentes Manibus ipsius bene sint precaturi, eo quod actionum formulæ hic obviæ ea cum diligentia elaboratæ apparent, ut quilibet vel mediocri judicio pollens alias pro re nata sibi fingere possit, si negotium forte non admittat hic in medium adductas.

CHRISTOPHORI FRANCKII, S. THEOL. D. ET
*Professoris quondam primarii, brevis & liquida Demonstratio Dei-
 tatis Christi, qua simul JONÆ SCHLICHTINGII a BUKOWIEC
 Exceptionibus occurritur. Opus postumum, editum a WOLF-
 GANGO CHRISTOPHORO FRANCKIO,
 Ecclesie Kiloniensis Mi-
 nistro.*

Kiloni, apud J. S. Richelium, 1705, in 4.
 Constat Alph. 1

Pluribus editis contra Wendelinum & Limborchium disputa-
 tionibus, maxime Reverendus Franckius, egregius, dum viveret,
 Antesignanus militantis Ecclesiæ, Calvinianorum & Arminiano-
 rum dogmata refutavit. Præsenti vero opere Socinianos oppu-
 gnare constituit. Ansam laboris præbuit Jonas Schlichtingius,
 emissâ adversus Balthasarem Meisnerum *de S. S. Trinitate, de
 Moralibus Novi & Veteris Testamenti præceptis, itemque de sa-
 cris Eucharistiæ & Baptismi ritibus* Disputatione. Ediderat namque
 Meisnerus *breve Considerationem Theologiæ Photinianæ*, Fausti
 Socini libro suasorio, A. 1611 Racoviæ impresso hoc titulo, *quod
 Evangelici omnino deberent se illorum Cæui adjungere, qui falso
 Ariani & Ebionitæ vocentur*, oppositam; quam Schlichtingius refu-
 tare in dicta illa sua Disputatione molitus est, in qua præcipue
 in arduam illam de Divinitate Jesu Christi controversiam omnes in-
 dultriæ & ingenii nervos, quibus plurimum valuit, intendit, ut
 prolata a Meisnero argumenta refelleret. Hinc primam etiam

hujus Disputationis partem sibi summe Reverendus Franckius examinandam elegit in præsentì opere, quo Jesu Christi Divinitatem assertum ivit, non omnibus equidem, quæ adversarium urgere videri poterant, ex Scriptura Sacra conquistis rationibus, sed tribus tantum selectis, quæ hostem eo magis constringerent, quo arctius omnem elabendi viam, additis vindictis, præcluderet. Sed ne solo tamen argumentorum pondere vinceret, ipsa quoque Schlichtingii in dicta Disputatione repetita, & novis exceptionibus defensa quinque Dubia contendit tollere. Et huic pie defuncti Parentis sui labori tantum confidit admodum Reverendus ejus Filius, qui posthumum hoc opus publico donavit, ut omnes intentioni cura illud legentes, præjudiciorumque tenebris minus obscuratos, nec rationis imperio succumbentes, convicturum speret. Sub initium status quæstionis proponitur, de qua inter Socinianos & Orthodoxos disputari solet hætenus. Et quoniam in eo constituendo Sociniani sunt admodum lubrici, quo facilius imponant minus cautis, de eo quæri Auctor Reverendus dicit: an in Christo præter humanam, Divina natura sit, voce naturæ, prout substantiam, non qualitates designet, accepta? Quod postquam asseruit, & Socinianorum in tegendis fraudibus astutiam detexit, argumentum primum ex Epistola ad Rom. c. VIII, 32 adducit, ubi *proprius* Dei Filius Christus dicitur, quod de essentiali capiendum, ex ipso vocis usu Franckius concludit, Schlichtingiique exceptionibus respondet. Secundum argumentum ex Ep. ad Hebr. c. I, 10 & 11 translaturum est, quo de Christo prædicat Apostolus, quod initio terram fundaverit, & cœli sint manuum illius opera. Quæ verba cum ad Filium male referri regeat Schlichtingius, aptiusque convenire putet Patri, cujus quoque hic fiat in textu mentio; contrarium evincere textus accuratiorem considerationem, Franckius probat, cum in antecedentibus manifeste de Filio agatur, quæ cum hisce per copulantiem particulam cohæreant. Tertium argumentum ex cultu per mandatum Christo exhibendo, petitur, quod Deitatem ejus arguat, cum alibi omni creaturæ talis denegetur in sacris Literis. Tribus hisce rationibus cum satis comprobasset Christi Salvatoris essentialem Deitatem maxime Reverendus Auctor, promovet pedem ad quinque argumenta, quæ

quibus dogma Trinitatis in S. Literis damnari, jam olim demonstrare conatus est Socinus, a Meisnero refutatus, postmodum a Schluchtingio novis exceptionibus defensius, quas hic discussas iterum ac dilplosas videas.

*MEMOIRES POUR L' ATTAQUE ET POUR LA
defense d' une place par Monsieur Goulon, Ingenieur
& General de l' Empereur.*

i. e.

*COMMENTARII DE PRAXI MILITARI OFFEN-
siva & defensiva.*

Hagæ Comitum, apud H. van Buldern, 1706. 8vo.
Constant plag. 13. & 4 tabulis æneis.

Qui Architecturas militares conscribunt, munimentorum equidem constructiones satis accurate tradunt; sed ubi ad praxin offensivam & defensivam deventum est, in plerisque scriptis multi observantur defectus. Et quia resolutiones problematum militarium non secundum certas regulas a priori eruuntur, sed fortunæ magis, quam ingenio debitæ, ab experientiis defectus antecedentium resolutionum manifestantibus derivantur; non mirum, quod praxis prædicta non prorsus eadem constanter maneat, sed indies fere mutetur multum, die diem docente. Unde consultum erat, ut, stante hoc rerum statu, viri prudentia militari præditi, & in obsidionibus ipsimet præsentis, quæ fiunt & quo successu fiant, in diariis suis, quoad maximas minimas circumstantias notarent, atque cum publico communicarent, quo non solum, quid nunc fieri soleat, constet, verum etiam defectus, si qui adfuerint, appareant, ipsisque medela quæri possit. Præstitit id ob prudentiam militarem per Galliam, Hollandiam & Germaniam famigeratissimus Goulon, dum ex locorum obsidionibus & defensionibus, quibus interfuit, regulas praxeos offensivæ & defensivæ condidit, eamque tam accurate, tam plene descripsit, quam factum antea non est. Gratum igitur hunc laborem fore tum illis, qui Artem, quam vocant, Fortificatoriam alios edocent, tum iis, quibus arma tractare volupe, admodum

utilem, nulli dubitamus. Specialiora non addimus. Quod si enim integrum oppugnandi & defendendi processum exponere liberet, toti exscribendi essent commentarii. Cur vero unum aliquod reliquis præferatur, ratio apparet nulla.

*FUNDAMENTA JURIS NATURÆ ET GENTIUM
ex sensu communi deducta, in quibus ubique secernuntur prin-
cipia honesti, justi atque decori, cum adjuncta emendatione,
ad ista fundamenta Institutionum Jurisprudentiæ
Divinæ, in usum Auditorii Tho-
masiani.*

Halæ, apud viduam Christophori Salfeldii, 1705. in 4to.
Constat 1 Alph. plag. 2.

Duo sunt, quæ in veritatis inquisitione plerosque remorantur, autoritatis & philantias præjudicia, quorum illud efficit, ut ab aliis tradita cæco impetu amplectamur, & antecedentium sequamur gregem; alterum ut nostris opinionibus tenacissime inhæreamus, easque acerrime defendamus, non quod veriores eæ sint nobis, sed ne nos a vero aliquando aberrasse videamur. Ab utroque omni tempore sedulo sibi cavendum duxit Celeberrimus Thomafius, ac non a communibus modo hypothesibus sæpius, sed a suis quoque placitis recedere haud dubitavit, quoties cogitationes posteriores priores reddiderunt dubias. Fidem iis, quæ diximus, nisi alia recentissima imprimis Thomafiana opuscula conciliarent, vel sola hæc Fundamenta J. N. & G. facere possent, in quibus id omni opera, omni ingenio egit Vir Consultissimus, ut ex communi potius sensu & rationis ductu, quam ex suis aliorumque principiis, naturam honesti, justi atque decori exponeret. Quin & uti in Institutionibus Jurisprudentiæ Divinæ a plerisque Juris Naturalis Interpretibus recessit, ita in hoc opusculo a se ipso sæpius dissentit, atque ea, quæ antea scripserat, ad ista Fundamenta emendari jubet. Hinc in capite proœmiali fatetur, se hætenus cum Grotio & Pufendorffio laborasse eo præjudicio, ut hominis naturam ex aliorum opinionibus, non ex sollicita ipsius consideratione æstimaret, ac in Jurisprudentia Divina a se edita gravissimum

mum retinuisse errorem de imperio intellectus in voluntatem, ex quo necessario fluere, homines ejusdem omnes esse naturæ, ut alias corporum naturalium species infimas, quod non minus erroneum esse monet. Sed & hæcenus Legem Divinam Naturalem pro Lege proprie sic dicta a se fuisse habitam, cum non nisi laxius ita & improprie appellari possit, pœnasque divinas ab humanis antea se non satis secrevisse, cum tamen illæ naturalem prorsus cum ipsis vitiosis actibus connexionem habeant. Jus Divinum universale positivum quondam se primum stabilivisse, sed & idem primum se iterum destruxisse; adeoque emendatione indigere plerasque positiones, quas olim huic hypothese superstruxerit. Sequitur *Lib. I cap. I* de natura hominis morali, ubi observat Excellentissimus Autor, sedem voluntatis in corde, intellectus in cerebro esse constituendam §. 15. Voluntatem esse concupiscentiam cordis, conjunctam semper cum cogitatione intellectus §. 35; eandem cogi posse a rebus aliis ipsam excitantibus, ab intellectu non æque §. 50. & 66; unde nec primi motus seu conatus voluntatis imputari possint, quia ipsa voluntas haud sit spontanea §. 72. Eandem normam intellectus sequi posse negat, cum judicare ea nequeat, utrum intellectus rectus sit an corruptus §. 97. Diversam hominis ac reliquorum animalium naturam §. 101. *seqq.* prolixè exponit, cum ex actionibus naturalibus unius vulpis aut simiæ de omnibus ejusdem figuræ judicium ferri possit, in homine ab uno ad reliquos inferre non liceat; hinc cæterorum animalium facies simillimas, hominum dissimilimas esse, ex quo de diversis eorum affectibus & passionibus constare censet. *Cap. 2.* de passionibus animi agit, ubi tres primarios affectus, voluptatem, ambitionem ac avaritiam, spem vero, metum, tristitiam & gaudium passionibus animæ ortas ex sensu potentie alterius adjuvantis, vel impediæntis, esse statuit. Inquit in naturam metus & spei, expenditque diversum affectuum primariorum habitum doctrinamque de imputatione longe aliter, quam communiter quidem fieri solet, tradit. *Cap. 3.* varios hominum mores & bona explicat. Illos in bestiis negat variare §. 1. in homine tamen variare statuit, quia homines non eandem habeant essentiam, ac longe magis inter se quam canis a cane.

differant §. 11. Hinc de origine præjudiciorum differit, ac tandem naturam ac indolem diversam hominum ex diversis passionibus eorumque commixtione oriundam perferutatur. *Cap. 4.* normam actionum humanarum constituit duplicem, consilium & legem. Consilium neminem nisi sapientem posse præstare, paucos autem esse sapientes. Minus vero recte vulgo dici, consilium non habere vim obligandi, cum obligatio nihil aliud sit, quam inclinatio voluntatis per metum injectum & suscitatum spem. Quod aequè præstare possit sapiens, quam Princeps. Eleganter hoc loco officia Doctoris & Principis inter se confert Vir Celeberrimus, & utriusque characterem esse statuit voluptatis ac ambitionis mixturam, Doctoris si voluptas, Principis si ambitio aliquantulum emineat §. 84. *Caput V. de Jure Naturali & Gentium* agit, voces legis & obligationis expendit, quas alio plane Thomasius sensu accipit, ac vulgo usurpari solent. Deum dicit a sapiente rectius ut doctorem concipi, quam ut legislatorem, magis ut patrem, quam ut dominum §. 40. 41; ex hoc fluere, Jus Naturale esse etiam respectu Dei immutabile §. 44. ac actus, circa quos Jus Naturæ versatur, recte per se dici malos aut bonos §. 52. Tandem *6. Cap.* in principium Juris Naturalis & Gentium inquirat, ac rejectis aliorum sententiis, etiam ipsa socialitatis custodia, quam alias defendit, hoc subjicit Juris Naturalis perspicuum, adæquatum & unicum fundamentum: ea esse faciendæ, quæ vitam hominum redant maxime diuturnam & felicem, felicissimam autem vitam esse, quæ & maximam laudem mereatur, & suavissime transigatur, & omnium rerum gaudeat sufficientia §. 29. Subjicit peculiariora honesti, justii & decori principia, quæ his propositionibus continentur: quod vis, ut alii sibi faciant, tu tibi facies: quod tibi non vis fieri, alteri ne feceris: quod vis, ut alii tibi faciant, ipsis facies. Ultimum hujus libri caput normæ applicationem adjicit, in quo de præmiis & poenis Autor differit, ac imputationem actionum moralium non tolli, licet quis voluntati libertatem omnino denegat, prolixè tuetur. Atque ex his L. B. conicere poterit, quam diversa hæc philosophandi ratio, quam aliena principia sint ab iis, quæ olim in Jurisprudencia Divina Consultissimus Thomasius asseruit. Unde Librum II. & III. ex his principiis emendavit, ac pas-

passim immutavit. Sed hæc singula, qui cupit cognoscere accuratius, ipsa Fundamenta hæc cum Jurisprudentia Divina Excellentissimi Autoris conferat: nos enim instituti nostri ratio ulterius progredi non permittit.

ANno MDCCVI. d. 6. Martii Collegam (nam & suam subinde symbolam ad hæc Eruditorum Acta contulerat) non sine mœrore amisimus, Virum amplissimum atque literatissimum, *Christianum Grybium*, Gymnasii Magdalenæi, quod Uratislaviæ Silesiorum floret, Rectorem, Professore atque Bibliothecarium Clarissimum. Natus is erat Fraustadii Polonorum d. 29. Sept. A. MDCXLIX Patre scriptis meritisque nobilissimo, *Andrea Gryphio*, Provinciali Ordinum Glogoviensium Syndico, Polyhistor, Oratore atque Poeta, in lingua præsertim vernacula, maximo. Quem cum adolescentulus amisisset, primum Gymnasiû Gothani alumnus, postea Jenensis atque Argentoratensis Academiae civis factus est; unde in patriam redux, Uratislaviæ anno MDC LXXIV in Gymnasio Elisabethano Græcæ ac Romanæ Eloquentiæ Professor declaratus, A. autem LXXXVI. d. 8. Aug. alterius Gymnasiû, quod Magdalenæum dicitur, Rector atque Professor, ac deinde etiam A. MDCIC. Magdalenæi Templi Bibliothecarius constitutus est. Vir de omnibus, quas ornaverat, spartis optime meritis, disciplinæ scholasticæ vindex acerrimus, historiæ vero, multarumque Orientis ac Occidentis linguarum callentissimus. Cujus de Ordinibus Equestribus, (*Ritter & Orden*) compendiarîa narratio A. M. DC XCVII, Sylvæ item Poeticæ, (*Poetische Wälder*) sequenti anno Lipsiæ typis excusptæ fuerunt. Cæterorum, quæ præ manibus habuit, operum prælo quædam parata sunt, quædam vero tantum adfecta, & novimus certo, Virum doctissimum in recensendis *Biographis*, sive catalogo illorum, qui vitas ipsi suas scripserunt, in enarrandis *Pœtici Purpuratis*, supplendisque *Litteratorum infeliciû indicibus*, *Lectiõibus* item *sacris*, *Actibus* insuper *Dramaticis*, *Orationibus* & *Poematibus* scribendis multum temporis impendisse. Tanti Viri ex apoplexiæ impetu mortui jacturam, cui in Græcis

parem hodie vix habuit Silesia, Uratislavienses Musæ acerbissime lugent, atque ipsum etiam inter Litteratos infelices ideo referunt, quod conjugem ultra XIV annos adversa valetudine conflictatam viderit, filium autem paterni nominis & virtutis æmulum non habuerit, unica filia, quæ Viro Clarissimo, Joanni Theodoro Leubschero, Gymnasii Magdalenæ Professore, in matrimonium elocata est, hærede relicta.

LIBRI NOVI.

- J**ohannis Gersonii Opera omnia, novo ordine digesta & in V Tomos distributa, ad MStos codices quamplurimos collata, & innumeris in locis emendata, quedam etiam nunc primum edita: quibus accessere Scriptorum quorundam coætanæ tractatus, nec non monumenta omnia ad causam Johannis Parvi pertinentia. Studio Lud. Ellies du Pin. Antwerpia, sumptibus Societatis, 1706. fol. Tomi V.
- S. Gregorii Magni Opera omnia ad MStos codices emendata, aucta & illustrata studio Monachorum Ordinis S. Benedicti. Parisiis, sumptibus Claudii Rigaud, 1705. Tomi IV. fol.
- Auli Gellii Noctium Atticarum Libri XX cum Notis perpetuis Joh. Friderici & Jacobi Gronoviorum &c. Lugd. Bat. apud Cornel. Boutensteyn & Jo. de Vivie, 1706. 4.
- B. Dn. W. A. Lauterbachs Juri Collegii Theoretico - Practici a Libro XX Pandectarum usque ad Digestum Novum, Pars secunda. Tubinga, apud J. G. Cottam, 1706. 4.
- Balthasaris Bebelii, Ecclesia Antediluviana. Argentorati, apud J. R. Dulssackerum, 1706, 4.
- Jo. Henr. Maji Oeconomia temporum Veteris Testamenti. Francofurti ad Mænum, apud J. M. a Sande, 1706. 4.
- Joh. Nicolai Libri IV de Sepulchris Hebræorum. Lugd. Bat. apud H. Teering, 1706. 4.
- Constitutiones de Jurejurando ex R. Mosis Maimonidis Opere החוקה היר dicto Latine reddita & notis illustrata a Justo Christoph. Dichtmaro. Lugd. Bat. apud Cornel. Boutensteyn. 1706. 4.

** ** **

A C T A ERUDITORUM,

publicata Lipsiæ

Calendis Junii Anno M DCC VI.

*SAMUELIS BASNAGII ANNALES POLITICO-
Ecclesiastici. Tomus tertius.*

Roterodami, apud Regnerum Leers, 1706. in fol.
Alphab. 10 $\frac{1}{2}$.

Posteaquam tomum Annalium horum secundum nupero mense Martio p. 128 sq. recensitum dedimus, ad tertium denique, eumque ultimum, nunc pergimus, qui Seculum ante omnia *quartum*, quod præcedens jam ultra dimidium perlustraverat, absolutum exhibet, & per *quintum* atque *sextum* pergens, in *septimi* initio subsistit.

E *quarto* Seculo (cujus memorabilia, in secundo tomo adducta, nostra in relatione præterimus, ne nimis hæc excresceret,) sequentia notamus. Lampſacenam Synodum anno 364 alligat, & pag. 3. sq.
eam ex Orthodoxarum classe eliminat, cum de Spiritus Sancti divinitate male in eadem constitutum fuerit. Apollinaris hæresin 5.
dum considerare aggreditur, autorem omnino fuisse Episcopum, utut secus visum fuerit aliis, pronunciat. Damasi, Pontificis, lumen exagitat, sed & affectas ei epistolas explodit. Cæsario, fratri Gregorii Nazianzeni, Dialogos, qui ejus vulgo nomine ornantur, abjudicat. Gangrensem Synodum A. 369 coactam videri 13.
affirmat, & Eustathium, qui ei ansam præbuerit, a Sebasteno diversum facit, neque tamen, ut velit Baronius, ejus loco Eutactum nominandum esse concedit. Vitæ a Basilio M. tractatæ 14. 21.
breviarium accuratum sistit, interque alia, utrum Diaconus fuerit? 23.
addubitat, Episcopatum vero eundem anno demum 371 obtinuisse, 24.
Hh 26.
20.

33. huisse, tradit. Melaniam Consulari sanguine procreatam celebrat.
 37. Athanasii mortem in anno 373 collocat, & librorum ejus proli-
 41. sq. xam chronotaxin nectit. Circa Gregorium Nazianzenum ejusque
 46. 47. vitam diu occupatur. Nec Epiphanii Ambrosiique dememinit.
 50. Duas simul uxores Valentinianum habuisse negat, eumque non-
 51. nili defuncta Severa, Justinæ nuptias adeptum fuisse perhibet.
 Ephremi ubi meminit, canticis præsertim sacris Ecclesiæ ipsum
 non minimum profuisse observat. Ante Ulfilam nullum in lin-
 gua vernacula Scripturarum Gothis usum fuisse, creditu cense-
 difficillimum, quandoquidem illi jam A. 320 Episcopum suum
 ad Nicænam Synodum ablegarint. Id ergo potius verosimile
 52. arbitratur, Ulfilam vel partem Bibliorum aliquam, nondum Go-
 59. sq. thice versam, in hanc linguam transfudisse, vel novam sanctæ
 translationem adornasse. Vitæ Hieronymi imaginem cum cura
 repræsentat. Diodorum Tarsensem a culpa, quod fons Nesto-
 61. rianismi fuerit, liberare contendit. Aschaliū Thessalonice-
 67. sem a pietate sua celebrat. Basilium M. & Ephremum, qui prio-
 70. sq. rem cantu velut cygneo dilaudarit, eodem anno, nempe 380 obi-
 73. isse memorat. Cæsar-augustanam Synodum damnandis Præscil-
 75. liani erroribus congregatam describit. Damasi autoritate Syn-
 80. odum Constantinopolitanam A. 381 coactam inficiatur, & in ea
 non septem, sed tres duntaxat Canones conditos fuisse statuit, &
 80. inter hos secundum, qui Episcopo Constantinopolitano primatum
 post Romanum Episcopum conferat, quem alii quidem frustra
 87. pro commentitio venditare satagant. Fabulam, qua nonnulli de-
 lectentur, asserentes, Hieronymum ad Cardinalis apicem Romæ
 a Damaso evectum fuisse, ridet. Hieronymum frequentiore
 97. & Allelujah usum Romæ introduxisse, non abnuit, & varia de vo-
 cis hujus ortu, usuque tam publico quam privato commentatur.
 98. Libri Pontificalis autorem esse Damasum, nulla ratione concedit.
 104. Gervasium & Protasium, novos sanctos, ad Ambrosianam ætatem
 112. usque prorsus incognitos nuncupat. Hymni, *Te Deum lauda-*
 121. sq. *mus*, autor ut incertus sit; sic certum, quod is Ambrosii non sit,
 pronunciat. Circa Theodoretī narrationem de Theodosii absolutione,
 dubia nonnulla movet. Legem Theodosii adversus mulierum
 123. rasuram latam comprobat. Gregorii Nazianzeni Testamentum
 pro

pro sincero ut agnoscat, induci non vult. Caput Johannis Baptistæ a Theodosio translatus fuisse, non agnoscit. Publicam Nectarium poenitentiam extinxisse, errorem Petavii immanem, tantoque viro indignum appellat. Graves esse dubitandi de veritate Canonum CIV Synodi Carthaginensis quartæ rationes judicat, istosque Canones universos atque singulos recenset, & præter alia Canonem, qui mulieribus ministrandi baptismi facultatem negat, cum Latinorum disciplina aperte pugnare observat. Cœlestis Deæ templum Carthagine in Ecclesiam mutatum dum allegat, quænam sit cœlestis illa Dea? dispicit, & eandem Lunam esse affirmat.

Seculum *quintum* ingressus, circa Synodum ad Quercum, Chalcedonis suburbium, habitam aliquandiu detinetur. Chrysostomi ad Papam Innocentium provocationem enervat. Unitatis Catholicorum cum Donatistis faciendæ rationem A. 405 susceptam, nec rectam fuisse, nec laudabilem autumat. Translationem reliquiarum Samuelis A. 406 factam, religionis quidem ex amore manasse concedit, veræ tamen sapientiæ expertem dicit. Vigilantium, cujus famam misere laceravit Hieronymus, Gallum constituit, & in causam Hieronymiani adversus eum odii inquirat. Chrysostomum annos natum sexaginta A. C. 407 excessisse, notat. Cœlicolas pro mediis inter Christianos & Judæos habet, qui ceremoniarum utriusque religionis mixtura unum Deum coluerint, addito novo baptismo. Palladium, Dialogi de vita Chrysostomi autorem, non discriminat ab alio, Historiæ Lausiacæ conditore. De Felice ad Nolanos obsessos post mortem invisente, valde dubitat, & hac occasione de beatarum animarum in terras reditu, sibi non satis verosimili viso, confessionem edit. Ut, pravis licet adhuc opinionibus imbutus, sacris tamen undis ablueretur, & ad Episcopatum promoveretur Synesius, partim ejus eruditionem probosque mores, partim virorum, qui Episcopatu digni forent, penuriam, partim spem, quam de candido Synesii pectore in Christi religionem propendentis Theophilus conceperit, effecisse monet. Synesii verò Chirographum, in Evagrii sepulchro repertum, nullius dicit esse ponderis. Quod primum Bracarense Concilium putatur, pro figmento habet. Pelagium hæreticum ab aliis co-

pag. 125.

128.

131.

163.

165.

173.

197.

204.

214.

215.

217.

220.

230.

234.

237.

240.

241.

252.

255. dem nomine insignitis, & cum isto confundi solitis, studiose distinguunt, ejusque non minus ac Cœlestii dogmata perpendit. Luciani de Reliquiis Stephani relationem confutat. Errores Pelagii ad tria potissimum capita reducit, utpote quando asseruerit: gratiam hominum meritis a Deo tribui; mortales, dum corpore utuntur, immunes peccati esse posse; infantes vitii originalis pueros in lucem emitti. Milevitani quod ullos in Pelagium canones ediderint, haud largitur, at Carthaginenses tales in eundem strinxisse concedit. Nestorium ab hæresi, duas in Christo personas efficiente, liberum pronunciare nititur. Vincentium Lirinensem, qui & Commonitorium & Objectiones condiderit, Semi-Pelagianorum lue afflatum sistit. Prosperum Aquitanicum Laicorum, quam Episcoporum, numero inferere mavult. Sedulus num presbyter fuerit? in medio relinquit. Socratis Historiam a labe Novatianismi purgat. Ex Leonis Epistolis tres ipsi abjudicat. Quibus gradibus ad Metropolitanam auctoritatem Arelatensis Præsul ascenderit, declarat. Quod Paschæ Pentecostesve feriis baptismus ab Apostolis affixus fuerit, inficiatur. Commentum, quod raptus in cœlum puer ex eo trisagium attulerit, explodit. In Petro Chrysologo ea, quæ hoc cognomen mereantur, desiderari ostendit. Synodum Chalcedonensem a Marciano, non a Leone, coactam ait, præfidesque illius in Politicos & Ecclesiasticos distinguit, ac post ejusdem acta latius exponit, Canones item recenset. aliaque huc pertinentia. Rogationum institutionem Mamerto Viennensi adjudicat. Occasione legis a Leone latæ, qua confugis ad Ecclesiam asyli jus assertum fuerit, de ipso hoc asyli jure generatim disserit. Prædestinationum hæresin commentum appellat, ex Augustini doctrina deductum. Zenonis Henoticum haud improbandum censet. Epistolas Græcas Leonis Romani inter figmenta rejicit. Synodum Constantinopolitanam, quæ in Gnaphæum ab Acacio directæ dicatur, subditam vocat. Acacium nulla hæresis contagione pollutum credit. Chartæ puræ ut inscriberetur ab angelo successoris Acacii nomen, Zenonem optasse haud putat. Gelasium Papam non pro Afro, sed pro Romano venditat. Columbam ad unguendum Chlodovæum ampullam attulisse, sibi minime persuadet. De Autore decreti circa libros apocryphos pendet animi, Gela-

Gelasiusne is an alius, dicendus veniat? At iis, qui librum de duabus naturis Gelasio evellant, prolixè respondet. pag. 595. 596.

Sed pergendum nobis est ad *sextum* Seculum, e cujus moralibus hæc in specimen libamus. Græculos cum suis de Anastasio Imperatore fabulis valere jubet. Adversa Boethii fata la- 642
tius recenset, eumque non gladio, sed fustibus, occisum narrat. 668.
Theodoricum a Johanne Papa & Symmacho in ollam Vulcani 677.
jactatum ridet; Johannem vicissim Papam in carcere obuisse docet, 677.
ejusque Epistolas pro genuinis agnoscere detrectat. Justinianum 680.
analphabetum vocari, nullus patitur. Vigili ad Patriarchas epi- 735.
stolam, genuinum esse Autoris fortum contendit. Ejusdem Vi- 747.
gili a Pontificatu abdicationem, meram censet fabulam. Festum 752.
Purificationis Justiniano deberi autumat. Miracula a Gregorio M. 756.
narrata occasione Totilæ rejicit. Benedicti, patris monachorum 760.
celeberrimi, miracula mendaciis accenset, inque eandem classem 763.
& miraculum a Christi imagine in Edessæ obsidione patratum se 765.
conferre jubet. Librum Justiniani in tria Capitula non amplius 906.
extare, & in scriptis Justiniani frustra quæri innuit. De institutis
a Gregorio M. Litanis, deque confecta ejus ad Pontificatum evi- 910.
tandum fuga, & de rustico Bituricensi, pro Christo se venditan- 914.
te, quæ commentatur, notatu digna omnino sunt. Cosroën-
Christianum factum, haud existimat. Privilegium S. Medardi 923.
insimulat. Circa Pallii usum & naturam describendam
paululum occupatur, cum ejus in Historia Ecclesiastica mentio
frequenter admodum occurrat. Gregorianam Augustini, Ro- 931.
mano Gregorii monasterio præfecti, & sociorum in Angliam
missionem statuminat.

Ex Seculo *septimo*, cum annum modo primum & secundum strictim persequatur Noster, vix est, ut quicquam huc transeramus, nisi forsan Mauritiæ cædem, & Phocæ inaugurationem, inter notabilia horum temporum referre quis voluerit. Optamus autem, ut parili cum industria & Seculorum subsequen-
tium historiam, ecclesiasticam cum primis ac literariam, illustratam Autor Eruditissimus nobiscum posthac communicare dignetur, viresque animi & corporis, arduæ huic provinciæ feliciter ornandæ idoneas, eidem serio apprecamur.

AULI GELLII NOCTIUM ATTICARUM LIBRI XX, prout supersunt, quos ad libros manuscriptos novo & multo labore exegerunt, perpetuis notis & emendationibus illustraverunt JOHANNES FREDERICUS & JACOBUS GRONOVII. Accedunt CASP. SCIOPPII integra manuscriptorum codicum Collatio, PETRI LAMBECCII Lucubrationes Gellianæ, & ex LUD. CARRIONIS Castigationibus utilia Excerpta, ut & selecta varique Commentaria ab ANT. THYSIO & JAC. OISE-

LIO congesta.

Lugduni Batavorum, apud Cornelium Boutestein & Johannem du Vivie, 1706. in 4to. chartæ augustæ.

Constant 5 Alph. 11 plag.

NOva hæc A. Gellii editio omnibus, quæ antecesserunt, jure meritoque præferenda est. Multi quidem præstantissimo huic Auctori manus admoverunt, sed nemini res felicius cessit, quam post labores diuturnos clarissimis Viris, utrique Gronovio, Patri atque Filio. Qui olim Gellium recensuerunt, aut aliquid in ipsum meditati sunt, quanquam multorum lucubrationes, abruptæ fato, in lucem non prodierunt; hos post præfationem clarissimus Editor enumerat, quos inde repetere superfedemus: nec vero facile inventum aliquid admodum insigne fuit, antequam Salmasius primum, deinde Lambecius Bibliothecæ Parisiorum Regiæ antiquum optimumque codicem cum editis exemplaribus contulerint. Seculi, quod nuper finivimus, annus circiter quinquagesimus erat, cum Vir summus Jo. Fridericus Gronovius animum ad novam Gellii editionem applicaret: sed tarde opus processit, & plurimum temporis in apparatu veterum librorum, unde opem vulneribus hujus Auctoris, temporum inflictis injuriâ, adferret, extractum fuit. Nihilominus otii sui horas etiam Gellio impendit, sæpe tamen revocatus ad alia scribenda, in quibus expeditius versabatur, quam in auctore tam multis locis describentium incuria, vel audacia etiam, depravato. Totam historiam, quantam ex relictis a Patre subsidiis ac chirographis cognovit, clarissimus Filius in præfatione exposuit. Primo Gryphianum librum ipse Pater, cum

cum juvenis esset, variis lectionibus ex aliquot codicibus, per notas signatis, quos Memmii & Chifletii fuisse conjicitur, oneravit, a libro IX usque ad finem operis. Deinde in manus venit collatio duorum Regiæ Bibliothecæ codicum, quos instar omnium esse noverat, vel a Salmasio, vel a Lambecio instituta, quo thesauro lætatus, nec dum vero publicavit, sed alia tempora, dum plura inveniret, opperiri maluit. Accesit Joh. Schefferi MS. codex, quem a Berneggerianis hæredibus dono acceperat, non quidem antiquissimus, membranaceus tamen, & qui nonnullis locis lucem adferret. Bernardus quoque Rottendorffius vetustum codicem MS. & forte etiam primam editionem Romanam (nam utrumque promiserat) suppeditavit, unde in Notis sæpe *Rott.* conspicitur, quo hic liber vetus indicatur. Denique ad eum venit editio, continens Ascensiana scholia cum Ægidii Maserii & Petri Mosellani adnotatis, quo exemplari Henricus Stephanus usus, oram ejus passim conscripserat. Hunc librum, uti adscriptum erat, cum duobus codicibus Regiis Bourdelotius contulerat, etiam cum MS. Frederici Morelli. His instructus subsidiis pater Gronovius, Gellianam, quam tot annos meditatus fuerat, editionem denuo aggressus est, & licet tres collationes cum Regiis codicibus haberet; fuerunt tamen non pauca, de quibus amplius dubitaret, quos scrupulos per Filium, qui tum Parisiis agebat, antiquissimi codicis nova evolutione sibi eximi feliciter curavit. Cum sic omnia adessent, quæ desideraverat, & ipse jam strenue in emendando & illustrando pergeret, mortalitate interceptus fuit, postquam vix decimum librum absolverat.

Interea Antonius Thysius Gellianas Noctes properabat edere, sed cum undecimus imprimeretur liber, fato & ipse præventus est, neque plura in schedis, quam pro libro duodecimo, reliquit. Pertexuit telam Jacobus Oitellius, & quo filo cœpta erat, eodem, id est sine cura critica, continuavit. Sic prodiiit Gellius A. 1666, nitidus sane externa forma, & multis onustus adnotationibus, non autem sanatis, quæ intus latebant, vulneribus: quamvis titulus *accuratam recensionem* prædicabat. Nec melius Auctori huic editione Parisina Jacobi Præstei A. 1681 consultum fuit, quia præstantissimum Bibliothecæ Regiæ codicem, unde sa-
lus

lus Gellio ab aliis petita est, ne inspexit quidem, ubique vulgatos libros secutus. Multum in utraque editione desideravit. Gronovius filius, eaque re inductus, boni publici causa, Parentis labores Gellianos, quamlibet imperfectos, A. 1688 publicavit, ut omnibus probaret, qua cura & studio hic Auctor tractandus ei esset, qui novam eamque meliorem editionem velit procudere. In præfatione, tam hujus quam novissimæ editionis, exemplis monstravit, quam parum purgatæ superiores, quas diximus, editiones sint: verbi gratia II, 22 Prusteus *meridionalem ventum* cum vulgaribus libris retinuit, cum ex Regio dudum ostendisset Salmalius, *meridiam* legendum esse, quod Gronovius pater ex Rotendorfiano confirmavit.

Defuncto Patre Filius non festinanter, quæ reliqua erant, continuavit, sed caute & circumspecte, ut decet in edendis libris, egit, dum plura colligeret, quæ ad supplendas Patris schedas, quas pro reliquis etiam libris reliquerat, aliquid adferrent. Opportune autem accidit, ut præter ea, quæ ipse ex Thuaneco codice enotaverat, doctissimus Frater quoque, ex codice S. Marci apud Florentiam, quædam excerpta, futuræ & pleniori editioni submitteret. Quibus excitatus, maxime autem antiquissimi Regii, quem contulerat, memoria (cujus scriptura in dies, ut suavior molliorque & enucleatior, ad sententiam magis magisque placebat) alacrior factus ad augendum supplendumque, quæ Pater optimus fataliter abrupta reliquerat, instituit primum eadem via, quam ille inierat, progredi, hoc est emendato textui solas necessarias ac utiles Notas subijcere; sed circumegit eum librarium, quæ nullo consilio vinci potuit, voluntas obstinata, qui Thyssii Oisellique adnotationes, in quas sibi jus vindicabant, adjungi postularunt. Quibus tandem hætenus concessit, ut rescaret superflua & aliena, quæ nihil ad Gellium illustrandum faciebant, quibus sæpe integræ pagellæ in istis commentariis expletæ erant: in eorumque vicem subijceret partim indicia locorum, unde exscripta illa erant, partim Lambeciana repetitu digna, & si quid probabile aut suum Philippus Carolus protulerat. Sic perfectissima hæc editio tandem prodit, quæ Gellii verba emendatissime, quod nunquam ante factum, exhibet, & omnia eo ordine

ne exhibet, quo in vetustissimis membranis visuntur constituta esse: ut primo loco sit ipsius Gellii in suas Noctes Præfatio, quæ perperam in plurimis vulgatis adjungitur extremi libri capiti ultimo, quocum nullam connexionem habet. Deinde sequuntur Lemmata capitum per omnes viginti libros, etiam per octavum, qui deperditus est; cujus argumenta ex hoc Indice licet recognoscere. Postea sunt ipsæ Gellii Noctes Atticæ, in libros distinctæ & capita, & horum singulis suum lemma, ut uno conspectu antea proposita erant, superscriptum est particulariter. Hæc de ordine, qui turbatus editionibus vulgatis est. Singulis etiam paginis subjectæ sunt Notæ Gronoviorum eliminatæ & perpolitæ: etiam selectæ aliorum, recisis tamen, quæ nihil ad Gellii integritatem ac explicationem adferunt, aut melius aliunde, indicato loco, haberi possunt. Sequuntur sub calcem, seu post Noctes, notulæ, suspensiones ac varix lectiones, quas ad oram exemplaris sui scripserat Casp. Scioppius usque ad XIV, 4: deinde addenda Notis: tum Indices varii, quorum primus Scriptorum est Græcorum Latinorumque, quos Gellius laudavit: secundus, Legum & aliorum monumentorum, itemque scriptorum incertorum: tertius, Rerum & Verborum in A. Gellio memorabilium: quartus, Græcarum vocum, quæ his Gellii libris sunt insertæ: quintus eorum est, quæ in Notis illustrantur: sextus & ultimus est Rerum & Verborum, quæ occurrunt in Notis utriusque Gronovii.

MEDITAZIONI FILOSOFICHE, &c.

I. e.

MEDITATIONES PHILOSOPHICÆ BERNARDI TREVISANI, Patritii Veneri. Quibus sequentia tractantur argumenta: I.) de rebus, quod sint, deque earum cognitione nostra. II.) de eo, quod est maximum & absolutum, nempe de DEO. III.) Quod DEUS creaverit mundum. IV.) Quod idem eum regat providentia. V.) Quod homini partem tribuerit immortalem, videlicet animam. Cum dilucido conspectu rerum singulis argumentis præmisso, atque ad intelligendam tractationem etiam atque etiam legendo.

II

Ve.

Venetis, apud Michaelē Hertz, 1704. 4.
Constant Alphab. 6. & 12½ plag.

Post Picos, Barbaros, Ficinos, Patritios, ceterosque illos Heroēs, præcipuus nostra memoria extitisse videtur in Italia Illustrissimus Trevisanus, qui veterem philosophiæ gloriam sua opera instaurarit. Cujus quidem Viri gentem, vitam & institutum, ex *Epistola* Nobilissimi *Zeni*, superiore anno in his Actis, mense Decembri, pag. 549. & sequ. delibavimus; nunc ipsius Operis, tunc promissi, Volumen I. inspecturi. Partes hujus invenimus tres. Quarum prima rerum ac DEI præsertim existentiam, secunda Providentiam, tertia Animæ immortalitatem comprobat. Quælibet harum partium in sua Argumenta, & hæc in Meditationes tributa visuntur: Argumenta quidem V in universum, ipso Voluminis titulo expressa leguntur. Meditationes autem omnino XXXVI hæc ordine exponunt. 1. Esse res revera existentes. 2. Rerum, quæ sunt, varias nobis innotescere proprietates. 3. Cur multas harum vulgo ignoremus, inque his judicandis hallucinemur? 4. Esse rem unam omnium maximam, atque absolutissimam, DEUM. 5. Stultos esse, qui negant. 6. Quid hæc, Nihil, Vacuum, Chaos, Materia prima significant? 7. Aternitas, Principium, Tempus, quo pacto intelligenda sint? 8. DEUM absolute, atque ut creatorem hujus mundi, considerari oportere. 9. Creationem fieri potuisse. 10. Creationem, positis superioribus, necessariam fuisse. 11. Res non ferri Casu. 12. Non jactari Fortuna. 13. Casus & Fortunæ nomina esse inania, & causis ignoratis imposita. 14. Nec Fato res disponi. 15. Mentis rationales uti libera voluntate. 16. Huc semper accedere gratiam divinam. 17. Temperamenta & motus corporum non cogere voluntatem, sed esse causas subordinatas. 18. Tales etiam esse influxus corporum coelestium. 19. Ejusmodi quoque esse actus Mentium separatarum, quæ Spiritus vel Intelligentiæ dicuntur. 20. Omnia immediate pendere a Providentiâ Divinâ. 21. Quæ ipsa alio modo dirigat mundum archetypum. 22. Alio coelestem. 23. Alio Elementarem. 24. Quod ad DEUM & Providentiam attineat, non esse rerum parvarum & grandium dis-

distinctionem. 25. Omnia esse bona & iusta. 29. Ideo mala bonorum & prospera impiorum, vel ex finibus incognitis proficisci, vel post hanc vitam compensari. 27. Necessario potentiam quandam superiorem Imaginatione esse. 28. Eam non proficisci ab harmonia partium, e quibus coagmentati sumus. 29. Eandem esse rem incorpoream. 30. Esse rem singulis hominibus propriam, non omnibus communem. 31. Ergo esse posse immortalem. 32. E propriis suis operationibus, intellectu, memoria, voluntate, necessario effici immortalem. 33. Frustra objici, quod eadem facultas in aliqua parte corporis per dispositiones accidentales agitata inesse videatur. 34. Quod sit hujus potentiae & facultatis vitalis brutorum communis discrimen. 35. Dubitari tamen a quibusdam, possitne dici immortalis. 36. Novis ac gravioribus argumentis probari & demonstratione etiam concludi ejus immortalitatem posse. Conclusio denique ex his positis & confirmatis colligit, hominem obstrictum esse ad dirigendas secundum legem, quae ad vitam futuram accommodata sit, omnes vitae hujus actiones. Hæc est quasi facies egregii operis, in quo hunc ordinem servat Illustrissimus Autor, ut singulis Meditationibus primo dubitationem ponat, dein solutionem explicationemque rerum propositarum incisis minoribus distinctam subjungat. Exempli causa: Partis II, quæ est de Providentia, Meditatio XV, quæ in serie Meditationum omnium XXV fuerat, hæc p. 558. & seq. ponit inscriptionis loco: vel non esse malum in mundo, vel a DEO illud non proficisci. Jam incipit dubitatio: *At si DEUS omnia curat, unde ergo ubique tantum mali? Unde, quæ potuerat fertilis esse tellus, ea vel procellosis maribus interrupta jacet, vel occupata montibus inaccessis? Quin, pro multitudine plantarum, quæ vita nostra nihil profunt, atque adeo venenum afferunt, pro tot animantibus infestis & nocentibus fecit, ut terra, mitioribus animantibus habitaretur, plantisque & utilioribus & innocentioribus ornaretur? Cælum cur non semper fundit gratas vicissitudines potius, quam ut tristes sæpe ac horridas invehat? Cur tam male lucem suam distribuit & calorem? Quare altero horum magnum mundi nostri spatium incommodum efficitur ad habitandum, altero, per longum tempus lumine privatur diurno?*

Robert. Tole. *Videtur quidem audacius pronunciaſſe Alſonſus. Rex, ſe multis*
 l. 4. c. 5. *modis emendatius ſystema hoc cæli conditurum fuiſſe. At in*
mundo quidem noſtro quis non poſſit cogitare cum ratione tollere
res, quæ ablata incommoda minuerent; addere, quæ augerent
 de for. *emolumenta? Bene Plutarchus ſcripſit, deliraſſe Sophoclem,*
cum diceret, quicquid quæritur, licet invenire; ſiquidem revera
multa multis deſunt. Nam ſi quis videtur abundare rebus, hæ
tamen ipſæ agre deſideriis ejus ſatiſfaciunt. Atque hujus opu-
lenti loco quot deinde ſunt ita pauperes, ut vix preſario gaude-
ant terra, quæ ipſos ſuſtineat, vix anima ſua ducant illum aerem,
quem ſuſpirando reddunt. Quid? quod ubique inſidia, undique
mors appetit. Id vero unum ex omnibus malis maxime movet,
quod plerorumque horum, quæ hominum genus affligunt, atque
ipſius mortis, quæ diriffima & intempeſtiva ſæpe hominem rapit,
ipſe homo adminiſter ſit. Quod ſi nobis res tam malignas im-
miſit DEUS, jam ne dicatur beneficus? Si ipſe quidem non ſug-
geſſit, ſaltem impedire nequit, num feratur omnipotens? Sin-
cum poſſet, non impedit tamen, ergo ne dicatur providens? Hæc
dubitatio. Sequitur enodatio. Non audietur quicquam ho-
rum, inquit Illuſtriſſimus Treviſanus, niſi ex iis, qui veram re-
rum naturam ignorantes, quid ſit bonum, diſcernere neſciunt.
Nec intelligunt, quomodo a bono ſit diſjungendum malum;
quomodo malum ſit diſtinctim conſiderandum, atque a quo il-
lud tandem proficiſcatur. His de rebus eruditi videbimus, vel
non eſſe malum in mundo, vel a Deo id non promoveri, ſed
permitti, ac permitti quidem non modo provide, verum etiam
juſte.

§. I. - - *A Gadibus uſque*

Auroram & Gangem pauci cognoscere poſſunt

Vera bona;

ait aliquis, etſi præjudiciis idem obtenebratus, ex antiquis. Poſſunt autem in eo aberrare omnes, & aberrant, quotquot a cognoscenda re hac pulcherrima inferiores facultates, quæ admodum contaminate vident, non excludunt. At ſi mens ſola in ſe ipſam intenta exquirat ideas ſuas maxime nobiles, maximeque ſublimis, quid ſit bonum, in præſtantiffima ſua idea percipiet.

II. Ari-

II. Aristoteles, quod hæc non spectaret, in magno hoc conatu sæpe erravit. Dixit *bonum* esse, id quod *expeteretur*. Verum, in ea appetitionum nostrarum multitudine, unane ad bonum aspirat, an omnes? Si omnes, quam illud bonum erit varium? quam instabile? imo quam falsum? Sin una sola, & quæ erit hæc tam sana & prudens appetitio? Quis eam in numero tot stultarum infirmarumque, satis dignoscet? Nec Plato prorsus collineavit. Cum enim diceret, bonum id esse, quod sibi ex se sufficeret, rem quidem veram dixit, non tamen satis tutos nos reddidit atque idoneos ad eam discernendam. Campum nobis aperuit, in quo vagaremur ad bonum illud inveniendum, metiendumque mobilibus desiderii fictionibus. Non eo tamen minus obscure dixit Epicurus. Qui cum bonum voluptate conclusit, coegit homines tam varium fingere illud bonum, quam varia sunt illa idola, quæ affectus ipsorum confingunt.

III. Sublimium horum ingeniorum decreta facile assensum inter mortales invenerunt. Eaque re factum est, ut in constituendo bono, contrarioque ejus malo, sæpe aberrarent. Qui cum Epicuro bonum in voluptate posuerunt, siquidem nulla voluptate perfecte frui potuerunt, quia semper dolor est aliquis admixtus, vel incommodum, facile in eam opinionem inciderunt, ut in mundo bonum esse negarent, inque eo ipso, quod boni nomine diceretur, omni defectum inesse, affirmarent, quem nos *malum nature* dicimus. Cum Platone qui bonum fecere id, quod sufficeret, postquam intellexerunt, quod nihil homini sufficeret, siquidem helluo plus quam satis est desiderat; hinc facile concluderunt, amissum esse bonum, ejusque loco inductum illud malum, quod *culpe* nomine appellamus. Denique qui cum Aristotele senserunt, bonum esse id, quod peteretur, cum vidissent, hominem semper, Tantali sitientis instar, habere appetitiones insaturabiles, existimarunt, vel nondum natum illud vere bonum, vel extinctum jam esse, & *malum pæne* lamentati sunt. Equidem mihi h. l. putabo licere, tribus his opinionibus neglectis, meam stabilire sententiam, vel nulli vel paucis tractatam illam quidem, attamen veram.

IV. Plotinus, me iudice, in paucis fuit, qui proxime ad veram Enn. 6.

ram Boni doctrinam accederet. Bonum hujus mundi ait aliud esse nil, nisi participatum de primo absolutoque Bono. Et tamen idem ipse, qui rivulum cognoverat, ad fontis cognitionem non aspiravit. Bonum quidem vidit quid esset, ipsum autem bonum non vidit; vel, ut dicam apertius, ad cognitionem boni restricti pervenit, non absoluti.

V. Bonum absolutum solum in DEO, vel solus ipse DEUS est. DEUS est, in quo & esse & velle & sapere absolute fixum hæret; in quo amor est infinitus & potentia non circumscripta. In rebus cæteris tantum inest ex his attributis, quantum illæ ad DEUM accedunt. Possunt accedere ad eum multum, & in multis eum partibus imitari: possunt etiam minus accedere, imitarique eum tantum in aliquibus. Verum in aliquibus horum attributorum debent eum necessario imitari omnes, ut aliquam proprietatem habeant, seseque a nihilo, quod omni proprietate caret, distinguant. Jam quo majoribus proprietatibus res a nihilo sese disjungunt, hoc pluribus gradibus ex a malo, quod in ipso nihilo est, recedunt, seseque ad similitudinem DEI, in quo bonum omne conjunctum est, elevant. Non possunt existere res, quin imitentur eum existendo, & consequenter bonæ sint. Quod si dein tam bonæ non sunt atque hoc ipsum est, quod absolute bonum pronunciamus, inde proficiscitur, quod res nulla creata possit illud parte minima æquare. Atque etiam si res ne inter se quidem sint æquales, tamen bonæ dicendæ; siquidem disparitas illa plane necessaria est, propterea quod vicissitudini & motibus ex subjectæ sunt, in quibus actio consistit ipsarum, vel, ut ita dicamus, individualis singularum actualitas.

VI. *Res, quibus ornate totus componitur orbis,
Æternum Numen condidit ante bonas.*

Ipse, qui summe bonus est, non poterat creare nisi res bonas. Bonitatem tamen perfectam, quam idem in se ipso conservat, liceat mihi audacius loqui, non poterat dare creaturis. Ponamus, eum omnibus bonitatis maximum gradum tribuisse; quid fecisset aliud, nisi, ut se alterum produceret, qui non potuisset ab individua ejus unitate essentiaque sejungi. Quod si ergo voluit aliquid a se foras diffundere, si voluit res in tempore creare, debuit

buit illas repræsentare cum aliqua scintilla luminis a se reflexi super nihilum, ideoque cum aliqua cujusdam suarum proprietatum imagine; ut hoc pacto daret nihilo & existentiam & proprietatem. At integrum lumen, totamque suam similitudinem nunquam potuit ei concedere. Quia nec erat nihilum idoneum ad eam sustinendam, nec locus aptus ad eam recipiendam, nec tempus sufficiens ad mensurandam, nec DEUS ipse poterat eam a sua essentia sejungere. Hactenus Illustrissimus Trevisanus.

Reliqua quæ sequuntur hoc initium solutionis propositi, brevitate studio non attingimus, contenti operis eximii, tanquam epularum instructissimarum gustum quendam præbuisse nostro Lectori. Quod ipsum certe opus tanta doctrinæ & copia & varietate conscriptum est, ut mirari liceat, pene omnes & veteres & recentiores Philosophos quasi in unum hortum invitatos ac conductos. Neque enim solum hic Platonem, Aristotelem, horumque Commentatores Græcos, Latinos, priscos, novos, videas, verum & Cartesium, Gassendum, Malbrancium, Hamelium, imo Theophrastum ipsum Paracelsum, Robertum Fluddum, Ebræos item doctores, & quicquid fere ubique est nominis philosophi. Ac principio quidem operis, Cartesii rationem Autor secutus videtur, in primis ideis ex animo, in quo insitas esse docet, eruendis. Quas quidem ipsas, primas nempe omnium ideas, has facit, existentia nimirum, & unitatis, & bonitatis. Quibus dein eas, quæ sunt infinitatis, quantitatis, temporis, motus, loci, & cæteras corporum, facile annectit. In fine autem operis, Pythagoreos maxime imitatus videtur; ita multus est in mysteriis numerorum indagandis, evolvendis. Ut cujusvis sectæ Philosophus & Theologus, & Jurisconsultus & Medicus, inveniat, quod discat aut probet. Ut num optamus, ut operi præstantissimo, cujus hoc primum modus est, ex octo, volumen, index accedat rerum saltem memorabilium. Nam de emendatione quidem typographi cura, præsertim in Autorum, Ebr. Græc. Lat. locis describendis, ipsum operarum directorem deinceps provisurum speramus.

*DISQUISITIO DIOPTRICA DE CURVATURA
Radiatorum visivorum atmospheram trajicientium, cui accedit in-
definita Sectio angularis ope Tangentium & Secantium.*

*Auctore JOHANNE HER-
MANNO.*

Basilica ad Aëtorum Collectores transmissa M. Aprili 1706.

Postquam Astronomis innotuit, radios lucis per atmosphæram transeuntes varie refringi, & sidera quæque verticali puncto non nimium vicina longe quam par sit altiora apparere, singulari cura & diligentia in experiundis & stabiliendis Refractionis legibus incubuerunt equidem, sed omnem incertitudinem nondum sustulerunt. Nam materiæ hujus difficultas tantas & tam varias inter insignissimos nonnunquam Astronomos peperit contentiones, ut Refractionis doctrina inter difficillimas astronomiæ numerari merito possit. Si atmosphære nota esset densitas indata quavis a tellure distantia, aut densitatum proportio certa & constante ratione cresceret aut decrederet, ex facili radiatorum visivorum atmosphæram trajicientium curvaturam describere liceret, ejusque beneficio optimæ refractionis Tabulæ in Astronomicos usus sine magno labore adornari possent. Sed quia aer diversis temporibus in eadem a terra distantia diversæ deprehenditur esse densitatis & constitutionis, propter varias in eo irregularitates & accidentia, ut vapores modo plures, modo pauciores, aut varios tum caloris tum frigoris gradus in eodem aere productos, ex quibus satis patere arbitror, nihil difficilius, si non prorsus impossibile esse, quam talem assignare curvam, quæ omnes aeris densitates in diversis a terra distantiiis constanter referat.

Celeberrimus Dominus De la Hire Regiæ Paris. Scientiarum Academiæ Socius, Curvaturam Radii lucis examinaturus, in Commentariis ejusdem Academiæ Anni 1702 p. 53 sqq. & p. 182 sqq. ab omnibus illis accidentalibus abstrahit impedimentis, quæ, ut diximus, obstant, quo minus aer constantem densitatum ordinem in iisdem a Terra altitudinibus servet, & principium illud certissimum supponit: *Aerem a vi quacunque comprimi in ratione virium comprimantium, vel quod eodem recidit, densitates aeris*

aeris esse ut pondera, quibus oneratur. Ex quibus tandem Cycloidem elicit pro curvatura radii lucis, supponendo varias Reductiones partium compressarum atmosphaera optime representari posse per ordinatas in Triangulo. Per Reductiones nihil potest intelligere aliud quam Raritates aeris, alias falsum esset, quod dicitur pag. 57. facilitatem, qua lumen duo media diversae densitatis penetrare potest, esse in ratione reductionum particularum mediae hac componendum. Sed, ut verum fatear, Clarissimi Viri hypothesis, qua statuit lineam Raritates, aut, ut ille loqui amat, Reductiones representantem rectam esse, veritati conformis esse non videtur. Et hoc ipsum Hireanum schediasma me impulit, ut totum hoc argumentum, ab ovo, ut ajunt, examinarem, & quae invenissem, cum publico nunc communicarem. Quae quidem ob id unicum monenda hic duxi, ne quis ea, quae promo, ex Celeberrimi Huius schediasmate me hausisse suspicetur; videbit enim benevolus Lector, me non sine gravissimis rationibus a Clarissimi hujus Viri sententia recedere, tum in eo, quod Curvam Raritates aut Reductiones representantem concernit, tum etiam ratione ipsius Curvae Radii visivi, quam ut dixi, Cycloidem vel Epicycloidem esse existimat, ego vero Curvam esse demonstrabo in infinitum excurrentem & asymptota praeditam. Hunc in finem sequentes duae Propositiones mihi demonstrandae sunt:

Propositio prima: *Area Curvae densitates aeris representantis, applicata contermina ubique proportionalis est, haeque proprietates soli Logarithmica competit.* Hanc Curvam simpliciter Curvam densitatum aut lineam densitatum deinceps nominabo.

Sit EG (Fig. 1.) altitudo aut distantia aeris in G a Superficie terrae in E , & lineolae infinite parvae GI, IL, NI , &c. aequales contineant aeris quantitates, quo in casu portiunculae illae aereae aequalis erunt gravitatis. Ex punctis G, I, L, N , ad rectam GE perpendiculares erigantur GQ, IR, LS, NT , &c. quae densitates aeris in suis respectivis locis G, I, L, N , &c. representent. Jam quia quantitates aeris duorum voluminum sunt ad invicem in composita ratione densitatum & voluminum, in qua ratione quoque sunt trapeziola RG, SI, TL , &c. quia pro re-

TAB. VI.
Fig. 1.

et angulis $\angle GI$, $\angle RIL$, $\angle SLN$, &c. sumi possunt, (eo quod applicatae quæque vicinæ intervallo infinite parvo ab invicem distantes, quantitate tantum infinite parva sese mutuo excedant) unde hæc eadem trapeziola quantitatem vel pondus aeris in GI , IL , LN , &c. denotare liquet: ergo totum spatium curvilineum & indeterminatum $PQGM$, totam aeream molem GM a parte M itidem indeterminatam repræsentabit. Hinc quia hoc spatium curvilineum $PQGM$ totum pondus aeris supra G existentis refert, & applicata QG densitatem aeris in G ; erit juxta nostrum principium, de quo & Clarissimus Hirius nobiscum convenit, spatium $PQGM$ ad applicatam QG in eandem ubique & constante ratione. Quod primo erat dem. Et si insuper $QG = y$, particula axis infinite parva $GI = dx$, constans quædam linea a , erit Integr. $y dx$. $y :: a$. adeoque Integr. $y dx = ay$ vel differentiando $y dx = a dy$, quæ est æquatio differentialis Logmicæ. $\angle E$. Secundo D .

Prop. Secunda. *Ad eundem axem MGE alia curva extructa sit $VQBC$ per Q transiens, cujus applicatae QG , AI , BL , CN &c. raritates vel reductiones in G , I , L , N , &c. designent, assero Curvam VQC esse eandem Log-micam PQT in situ tantum contrario positam.*

TAB. VI.

Fig. 1.

Fig. 1. In axe EGM accipiantur sursum GI , il , ln , &c. æquales ipsis GI , IL , LN , & ex i , l , n , &c. ipsi QG . parallelae ia , bl , cn , &c. ducantur. Quia (ex hyp.) æquales aeris quantitates in GI , IL , LN , &c. continentur, erunt ideo densitates raritatibus reciproce proportionales, hoc est; $QG, RI :: AI, QG ::$ (ex natura Log-micæ) ai . QG , ergo $AI = ai$; pariter $QG, GL :: BL, QG ::$ (propter Log-micam PQT) bl . QG ergo $BL = bl$ pari quoque ratione ostendetur esse $CN = cn$, unde patet Curvam $QABC$ a curva $Qabc$ non nisi situ differre. $\angle E$. D .

Ex hac itaque demonstratione liquet. Curvam Raritatum, aut Reductionum non esse rectam sed Logarithmicam, nam si recta esset, ut Clarissimus de la Hire contendit, prior linea hoc est Curva densitatum foret hyperbola; nam cum densitates duorum voluminum quantitate materiæ æqualium sint raritatibus reciproce pro-

proportionales, applicatæ in linea Densitatum debent esse in reciproca ratione applicatarum Trianguli; quam proprietatem Hyperbolæ competere norunt Geometræ. Si ergo, ut ex Clarissimi Hirii assumtis fluit, Curva Densitatum Hyperbola esset, sequeretur *Densitates aeris non esse proportionales ponderibus aerem comprimentibus*, quod destrueret primarium principium ab ipso quoque assumtum. Videamus nunc, quo pacto *Curva Refractionis* construi debeat. Curvam refractionis voco curvaturam radii lucis medium continue varians trajicientis: Sit ergo Log-mica APX (Fig. 2.) cujus subtangens $TH = AF$, axis FHT , qua curva raritates aeris in quibusvis a terra distantis designabuntur, oportet nunc curvam FDE , vel propagationem radii horizontalis AF atmosphæram inæqualiter densam penetrantis, construere.

Centro F (Fig. 2.) radioque AF descripto quadrante ANB , sumatur in eo quodvis punctum N , ex quo ducta linea NP ad BF parallela Log-micæ APX occurret in P , ex quo ducta linea PHD ipsi AF parallela axem FTH secabit in H factaque tandem HD æquali arcui circulari AN , dico punctum D esse in curva quæsitæ FDZ , hoc est, erit ubique sinus complementi anguli FDH ad respectivam raritatem vel applicatam Log-micæ, PH in constante ratione. Sumatur enim in curva refractionis particula indefinite parva DE constans & ubique æqualis pro radio, & ducta ex E recta Ep ipsi DP parallela Log-micæ occurrente in p , item & pn parallela ipsi PN & cum quadrante ANB in n conveniente, fiantque tandem Nv , MD hæc ad FH , illa ad AF parallelæ, poteruntque triangula DME , Nnv pro triangulis rectilineis sumi, ob particulas DE , Nn infinite parvas. Jam $MD.ME :: \varpi p.ME :: \varpi p.\varpi P + \varpi P.ME (= Nn.pcc$ Constr.) Sed propter $\Delta\Delta$ similia $Pp\varpi$, PHT & Nvn , NQF , est $\varpi p.\varpi P :: TH.PH$, supponendo PT esse tangentem Log-micæ in P , & $\varpi P (= Nv)$. $Nn(ME) :: NQ.NF$. Ergo $MD.ME :: TH.HP + NQ.NF$, aut quia $TH = AF$, duæ posteriores rationes TH ad HP & NQ ad NF vel $AF = TH$, componunt rationem HP vel QF ad NQ , sequitur Triangula DEM , NFQ ubique similia esse, unde $ME.PH(QF) :: DE.NF$, id est in constante ratione. $Q.E.D.$

TAB. VI.
Fig. 2.

Ex demonstratione manifestum est, tangentem Curvæ Refractionis in puncto quovis D radio NF illi puncto respondentiperpetuo parallelam esse. Producto insuper radio AF in R , ita ut FR quadranti ANB æquetur, ducta per punctum R recta RS ad FT parallela Curvæ Refractionis asymptota erit. Longitudo ejusdem Curvæ FD Log-micæ ope facili quoque negotio sic exhibebitur: Ex NP abscindatur $NV = AF$ ductaque VG ad NF normalis radium AF in C secabit, ex quo puncto ducta CX parallela ipsi FH Log-micæ in X occurrens, hæc linea CX curvæ FB æqualis erit.

TAB. VI.

Fig. 2.

Fig. 2. Si pro quovis radio obliquo NF cum radio horizontali AF angulum NFA constituyente Curva Refractionis FOK construenda sit; res facillime sic expeditur. Ductis NP , PD ipsis FH , AF parallelis, quarum PD Curvæ FDI , in D occurrit; erit pars DZI Curvæ FDI jam juxta superius dicta, constructa in FOK ita constituta, ut linea NF eam in puncto D quod in F transpositum erit, tangat, Curva quæ sita hoc est; erit FOK vel DZI Curva Refractionis respectu radii obliqui NF . Demonstr.

Sumto enim in Curva FK (Fig. 2.) puncto quovis O , ductaque OML ad AF parallela, si fiat $HT = FM$ & per T eadem AF parallela ducatur, ut WYZ Log-micæ in W & curvæ FDI in Z occurrens, erit portio DEZ portioni FO similis & æqualis, unde $ang. DZY = ang. FOM$. Jam sinus compl. anguli FOM est ad LM in composita ratione sinus compl. anguli DZY vel FOM ad WY & WY ad LM , verum ex natura Log-micæ erit $WY. LM :: PH. AF$ quoniam FM (per constr.) $= HT$; & quia ratio PH ad AF constans, WY habet ad LM constantem quoque rationem, sed sinus compl. DZY aut FOM est (ex natura Curvæ FDZ) ad WY in constanti ratione, ergo ratio ex hisce composita, hoc est ratio sinus compl. ang. FOM ad applicatam LM est constans ubique. *Q. E. D.*

Si nunc Curva *Synchrona* construenda quoque esset, sequentem daremus constructionem. *Synchrona* autem Curva est, quæ arcus FD , FV ex illis curvis refractis abscindit æquali tempore percurrēdos. Hæc ipsa *Synchrona* est illa, quæ omnes curvas FD , FV perpendiculariter secatur, quamque Illustrissimus Hugenius

nus in suo Tractatu de luminis natura pag. 44 per lineam BC in suo schemate repræsentat, undamque luminis vocat. Constructio mea hæc est:

Sit (Fig. 3.) FD Curva refracta radii horizontalis AF, FV vero radii obliqui NF . Sume in FD quodvis punctum D , ex quo recta PD ipsi AF parallela fiat, vocenturque subtangens Log-micæ vel ei æqualis AF, a . Secans anguli NFA , $\Delta F = b$, tangens ejusdem anguli $\Delta A = c$, ductaque normalis ΔG ad lineam AF rectæ ΔF productæ, si opus est, occurrens in G , $= p$,

TAB. VI

Fig. 3

si fiat $F \Delta = \frac{ab}{\sqrt{bb + 2cp + pp}}$, ducenda est ΔR ad FG parallela Log-micæ AP occurrens in R , ex quo eidem FH perpendicularis RS ducta & producta in V , usque dum Curvæ FV in V occurrat, dico hoc punctum V esse in Synchrona quæsitæ. *Q. E. F.*

Tandem, si Linea Reductionum aut Raritatum sit linea recta, Curva Refractionis non Cyclois, sed Circulus erit. Sit enim (Fig. 4.) Triangulum AVB , cujus applicatæ AB, PS, EC raritates aeris in A, P, E , repræsentent. Centro V & radio VA descriptus Circulus AQ erit Curva refractionis quæsitæ respectu radii incidentis BA .

Fig. 4

Nam sinus compl. ang. AQP est ad applicatam Trianguli respondentem SP ut PV ad SP , hoc est ut AV ad AB vel in ratione data & constante *Q. E. D.* Hactenus de curvis Refractionis.

Placet hisce adhuc duas generales formulas annectere circa Tangentes & Secantes, in quas nupere occasione loci cujusdam Historiæ regiæ Scientiarum Academiæ 1703 p. 64 incidi, ubi Clarissimus Vir Dominus de Lagny ejusdem Academiæ membrum generalissimas formulas circa Tangentes & Secantes invenisse dicitur, quæ quia neque citato in loco, neque in Commentariis ejusdem anni extant, meas mox proferam; prius tantum duo præmittenda sunt theoremata circa Tangentes, unum quo in schediasmate meo de *Iride* in Novellis Reipublicæ literariæ a Celeberrimo Bernardo publicatis 1704 pag. 658 sq quoque usus sum Theorem. I. Tangens (KE) arcus cujusvis compositi (FDE) quadrans-

drante minoris, est ad aggregatum tangencium (AB) duorum arcuum (FD , DE), ut quadratum radii ad excessum ejusdem quadrati supra rectangulum sub ipsis tangentibus (AD , DB) arcuum componentium. hoc est KE . $AB :: FCq. FCq - ADB$.

TAB. VI.

Fig. 5.

Ex puncto E ducantur EM , EN radiis FC , DC perpendiculares & ex N duæ aliæ lineæ NP , NR hæc normalis ad EM , illa vero eidem parallela, quibus positis dico NC . $NQ :: NC$. $NE + NE$. NQ & propter triangula similia ENC , BDC & ENQ , ADC fiet tum NC . $NE :: DC$. DB , tum NE . $NQ :: DC$. AD , adeoque NC . $NQ (:: NC$. $NE + NE$. $NQ) :: DC$. $DB + DC$. $AD :: DCq$. $DB \times AD$; ergo NC . $QC (NC - NQ) :: DCq$. $DCq - ADB$. Et PN . $ER :: PN$. $NC + NC$. $NE + NE$. ER (aut quia PN . $NC :: LD$. DC , & NE . $ER :: DC$. LC) :: LD . $DC + NC$. $NE + DC$. $LC :: LD$. $LC + NC$. $NE :: AD$. $DC + DC$. $DB :: AD$. DB ; ergo componendo $EM (PN - ER)$. $PN :: AB (AD + DB)$ AD : Verum KE . $AB :: KE$. $AD + AD$. AB (aut quia AD . $QM :: EC (DC)$. MC , & KE . $EC :: EM$. MC unde KE . $AD :: EM$. QM) EM . $QM + PN$. $EM :: PN$. $QM :: NC$. $QC :: (per superius ostensa) DCq$. $DCq - ADB$. Q . E . D .

Theor. 2. Secans (KC) arcus (FDE) ex aliis (FD , DE) compositi est ad radium (EC), ut rectangulum sub Secantibus (AC , BC) arcuum componentium (FD , DE), ad quadratum radii, demto rectangulo sub tangentibus (AD , DB) eorundem arcuum. Hoc est KC . $EC :: AC \times CB$. $DCq - ADB$.

Nam propter $\Delta\Delta$ similia KEC , EMC est

$$KC. EC :: EC. MC :: EC. NC + NC. QC + QC. MC :: BC. DC + AC. DC + DCq. DCq - ADB :: AC \times CB. DCq - ADB. Q. E. D.$$

Horum jam Theorematum beneficio inveni, quod, vocando arcum quemlibet x , ejus tangentem b , secantem c , existente radio $= a$, tangens arcus $n x$ (supponendo n esse numerum quemvis, integrum aut fractum, rationalem aut surdum) erit hæc fractio.

nab

$$a - \frac{n \cdot n - 1}{1 \cdot 2} a + \frac{n \cdot n - 1 \cdot n - 2 \cdot n - 3}{1 \cdot 2 \cdot 3 \cdot 4} a - \frac{n \cdot n - 1 \cdot n - 2 \cdot n - 3 \cdot n - 4 \cdot n - 5}{1 \cdot 2 \cdot 3 \cdot 4 \cdot 5 \cdot 6} a + \dots$$

77

Utriusque formulæ lex progressionis satis manifesta esse videtur, adeo ut non necesse sit, eam prolixius hic explicare.

h. e.

Parisiis apud Joh. Boudot, 1704, 4.
Constat Alphab. 2. & plag 22. cum multis
figuris æneis.

Institutum Academiae Regiae Scientiarum Parisinae maximopere laudandum jam satis aperuimus, cum Mense Aprili Anni 1704 duo prima volumina recenseremus. Quare nunc & in posterum notatu solum præ reliquis digniora in eorum potissimum gratiam, qui pretiosa ista volumina non possident, in compendio proponemus. In Physica generali multa habentur, ad perficiendum systema de Phosphoro Barometri. Notum nempe est, hydrargyrum in quibusdam Barometris succussum in tenebris lumen emittere. Celeberrimus *Joh Bernoullis* ad conficiendum tale Barometron, quod in tenebris luceret, Mercurio succusso, requi-

rebat Mercurium purissimum, & in tubi superiori parte vacuum perfectum, adeoque illum ita tubo immittendum, ne per aerem transire cogatur, cum per hunc transiens impuritatem contrahat; quod exinde constat, quia gutta pura Mercurii in aliam guttam puram per aerem decidens pelliculam super hac relinquit. Cum igitur in Academia Barometra observatis hisce conditionibus construerentur, nec ullus tamen Phosphorus appareret, alia contra, istis conditionibus neglectis, confecta in tenebris lucent; *Dn. Homberg* suspicabatur, Mercurium *Bernoulli* non fuisse purum: in qua suspitione magis confirmabatur, cum cogitaret, Mercurium, quo usus fuerat *Bernoullus*, libero aeri expositum pelliculam contraxisse, quod in Mercurio satis purificato non contingere, multis experimentis coram Academia comprobabat. Licet vero *Hombergii* observationes cum *Bernoullis* communicarentur, is tamen in sententia sua persistebat, & novis observationibus confirmabat, quod, quanto Mercurius sit purior, tanto lumen emittat splendidius ac magis æquale. Adhibendam vero esse monet methodum Mercurium perfecte admodum purificandi, quam jam usus est Agricola, ita ut aeri expositus vel in eodem agitato nullam contrahat pelliculam. Lavari nimirum jubet eundem spiritu vini, lotionem toties iterata, donec liquor non amplius nigrescat, & lotum exiccari, dum aliquoties per linteum purum secernitur. Hac purificatione facta, Mercurius ex γ vel δ diversis locis allatus lucebat, licet ante lotionem non luceret, &, quod mirandum, in tubo aere pleno lumen quamvis debilius multo emittebat. Inprimis autem sequentem Phosphorum hunc conficiendi modum commendat. Globo ex vitro puro & nitido constructo, colloque instructo, qui dimidium circiter sextarium capiebat & ad Mercurii agitationem sustinendam satis fortis erat, γ circiter vel δ uncias Mercurii optime purgati immisit, collum subere obturavit & cera obduxit. Acu exiguum per obturamentum paravit foramen, & ex vitro recipienti incluso antliæ pneumaticæ ope aerem eduxit. Quo facto vas recipiens evacuatum radiis solaribus exposuit, ac beneficio vitri convexi ceram liquefieri fecit, qua foraminulum replebatur, ne aer denovo in globum intrare posset. Quodsi jam Mercurius in vitro contentus agitaetur, illud in tenebris igne

repletum conspiciebatur, cujus lumen facies adstantium ita collustrabat, ut optime discernerentur.

In Anatomicis curiosa sunt, quæ *Dn. Littere* de foetu humano, alio monstroso, alio in ovario viso, annotat. Circa foetum monstrosum, octimestrem circiter, tum membranam inter chorion & amnion intermediam, ejusdem cum chorio crassitiei, vasis autem sanguineis ad sensum destitutam, tum chordam umbilicalem perquam contortam, hincque ad dimidium sui abbreviatam, vixque parva penna scriptoria crassiorem, hinc inde saltem nodosam, describit. Et sicuti præmaturam foetus mortem ac partum, ab ejusmodi chordæ umbilicalis contortione deducit: ita urinam in foetu etiam humano per urachum ad allantoidem quandam deponi, eo magis conjicit, quod tam puerum duodecennem dissequerit, quam hominem triginta annorum cognoverit, a quibus urina per umbilicum unice fuerit reddita. Intra dicti vero foetus cranium hujus tantummodo basin, obductam membrana duplicata, cum vasis sanguiferis & nervis consuetis, æque ac intra spinam dorsii, posterius per totum sui tractum ad novem lineas patulam, eandem membranam cum solis vasis sanguiferis & nervis inde prodeuntibus, absque ullo substantiæ medullaris vestigio, adfuisse commemorat, ideoque spirituum animalium secretioni forsan ipsas membranæ cerebri & medullæ spinalis glandulas, aliquoties insignes a se notatas, vacasse judicat. Sed incredibile videbitur multis, in ovulo cum ovario coherente cerni posse foetum, quem tamen laudatus Anatomicus, cumque tres lineas longum, unamque lineam cum dimidia crassum, & interveniente tenuissima chorda membranis vesiculæ annexum, in hac ipsa duabus aliis minori atque ovario foeminæ sinistro majori inexistente, distincte cum aliquot ejus partibus lustravit. Glandularum in sinu longitudinali a *Pacchiono* descriptarum & *Mense elapso* p. 217 a nobis recensitarum, mentionem *Dn. Mery* quoque facit, id quod non æque portentosum, ac foeminam quandam herniosam, cum ex sphacelo superveniente tantæ intestini ilci portionis jacturam fecisset, quæ quatuor vel quinque pedes æquaret, mortis nihilominus faucibus opera ejusdem *Mery* fuisse creptam, qui de cætero egregias inter de hernia observationes, ve-

sicam pariter in urinæ suppressione circa regionem hypogastricam sive supra os pubis feliciter perforari posse, per experientiam comprobat.

In Chymicis analysis Colocynthis non minus, quam Jappæ, Gummi Peruanæ & Hellebori nigri occurrit, a *Dn. Bouldac* variis rationibus præstita. Hic quippe Colocynthis v. g. principia indagaturus, a quibus ejus virulentia dependeat, pulpam colocynthis nunc igni ad destillandum exposuit, nunc musto affuso fermentationi prius subjecit, nunc denique vel aqua, digestionem interposita aut omissa, vel spiritu vini extraxit. In destillatione vero Colocynthis non nisi phlegma, sal acidum, sal urinosum parumque olei foetidi, cum sale fixo ex capite mortuo concremato, acquirens satis cognovit; nullum sic principium determinari posse, a quo præcise maligni colocynthis effectus ederentur. Colocynthis proin uncias quatuor cum optimi musti libris sex per decem aut duodecim dies fermentatas ex Mariæ balneo destillans, primum limpidissimi, aliquantum spirituosi, summe odori atque amari liquoris uncias octo collegit; mox, ubi reliquus liquor qualitatibus istis successive imminutus demumque insipidus prodisset, e residuo extracti solidi uncias duas cum dimidia obtinuit. Postquam & liquorem spirituosum, & extractum propinasset, a liquoris uncia una non alvum, sed multam nauseam multosque dolores colicos moveri, a duabus autem uncis alvum quidem, sed colicam simul, aliis remediis compescendam excitari, a solius extracti granis decem vel duodecim blandissime sine ulla molestia laxari, ob Colocynthis sal volatile a vini tartaro fixatum, observavit. Hinc Colocynthis uncias sedecim cum aquæ bullientis sextariis sex per quindecim dies in digestionem maceratas itidem destillavit, liquoribusque insipidis ac inertibus, minime penetrantibus ac volatilibus prolicitis. ex remanente materia extractum saluberrimum & in parva dosi efficax paravit, fortassis, quod multa aqua longæ digestionis intervencu crassas & mucilaginosas Colocynthis partes attenuaverit subtilioresque reddiderit. Etenim, cum omnis porro tinctura ex Colocynthis adminiculo aquæ sine prævia digestionem evocata atque ad extracti consistentiam inspissata esset, extractum hoc postenus lon-

longe impurius ac violentius priori extitit. Tandem, quia ex Colocynthis uncias octo spiritu vini non nisi extracti resinosi unciam dimidiam acquisivit, ex residuo autem ulterius ope aquæ extracti crassioris uncias fere duas obtinuit, & utrumque extractum nocivum potius quam proficuum per experientiam deprehendit, tanto magis Colocynthidema plus salium, quam olei, continere, suosque itidem virulentos effectus ratione salium potissimum crassiorum, crassioribus aliis particulis involutorum, exserere colligit. In Botanicis *P. Tquetia*, plantam quandam Brasiliensem, quam Chirurgus quidam Gallus ex Lusitania secum allatam adeo ad pravam foliorum Sennæ saporem odoremque in Infuso corrigendum jactitavit, ipsissimam esse Scrophulariam aquaticam magnam Domini *Marchand* & *Hombert* ingeniose detexerunt.

Inter Geometras hoc ipſo anno orta eſt controverſia circa Analyſin infinitorum. *Rollius* & *Galois* Abbas calculum differentialem ac ſummatorium oppugnarunt; *Varignonius* illius in veritatibus abſtruſis detegendis præſtantiam re ipſa ſatis expertus, pro virili merito reſtitit, utque novo aliquo ſpecimine, quæ ſint ejus vires, oſtenderet, variis modis per id calculi genus admodum generaliter vires centrales determinare docuit. Stetit ab ejus parte *Carré*, qui de Curvarum rectificatione quædam meditatſus oſtendit, quomodo Curvæ elementum integrando obtineatur iſtius longitudo, vel ſi id integrabile non fuerit, quamnam Quadraturam rectificatio ſupponat, evincatur. Cæterum *Dn. de Tſchirnbaufen* aſſeruit, ſe compotem eſſe methodi inveniendi radios Evolutarum, Tangentes, Quadraturas & Rectificationes plurimarum Curvarum, non ſuppoſita ulla infinite parva quantitate: cujus ſequens exhibuit ſpecimen. Sit *AGH* Parabola ordinaria, cujus inveniendæ *Evoluta*, h. e. Curva, quæ per evolutionem ſui Parabolam deſcribit. Quod ut fiat, evidens eſt, generaliter inveniendum eſſe punctum concurſus *M* duarum perpendicularium *GM*, *HM* ad Tangentes Curvæ quæſitæ in 2 punctis quibuſcunque *G* & *H*. Duſtis itaque ordinatis *GC* & *HE* ad axem *AF* Parabolæ *AGH*, ſit *AC* = *x*, *CG* = *y*, *AE* = *r*, *EH* = *z*, *BI* = *t*, *IM* = *u*, Parameter = *2a*, *AB* = *a*, ſubnormales *CD* & *EF* = *a*, denique *MK* (*MI* — *IK*) = *u* — *x*. 1. Per naturam Parabolæ

TAB. VI.
Fig. 6.

erit $2ax = yy$ & $2ar = zz$. 2. Propter Triangula rectangula similia GCD & DKM erit $GC(y)$. $CD(a) :: DK(1)$. $KM(u-x)$, consequenter $uy - xy = at$, vel, (multiplicando per $2a$) $2auy - 2axy = 2aat$, h. e. substituendo valorem $2ax$, $2auy - y^3 = 2aat$. 3. Ob Triangula rectangula similia HEF & FLM est $2auz - z^3 = 2aat$, qua æquatione ex præcedente sublata relinquitur $2auy - y^3 - 2auz + z^3 = 0$, vel (dividendo per $z - y$) $2au = zz + yz + yy$. Quodsi hic valor substituatur in æquatione $2auy - y^3 = 2aat$, prodibit $2aat = yzz + yyz$. 4. Habemus adeo theorematum generalia, in quibus si ponamus $y = z$, habebitur $2au = 3yy$ & $aat = y^3$, ita ut, elevatis omnibus ad y^6 , prodeat $8a^3u^3 = y^6 = a^4t$ vel $8u^3 =$

$27at$, æquatio Curvæ quæsitæ BM , quam Parabolam Cubicam esse debere apparet. Inde s . facile invenitur longitudo radii GM hujus evolutæ. Nam positis $GD = p$ & $GM = q$, erit non solum $aa + yy = pp$; sed & $CG(y)$. $GD(p) :: CG + DK(y + 1)$. $GM(q)$, vel $qy = py + pt$, ita ut ob $t = \frac{y^3}{aa}$

per num. 3 sit $aaqy = aapy + p^3$, vel $aaq = aap + p^3y$. Quare cum sit $aa + yy = pp$, habebitur tandem $aaq = p^3$ vel $q(GM) = \frac{p^3}{aa}$. Q. e. i.

Dominus de la Hire non solum per Micrometra differentiam declinationis & ascensionis rectæ duarum stellarum non multo intervallo distantium observare, atque novum Astrolabium universale construere docet; sed & imprimis methodum exponit eclipses Solis atque Lunæ accuratissime observandi, aliis quoque phænomenis per Micrometra observari solitis applicandam. *Zahnus* jam in prima editione *Oculi artificialis* pro observandis maculis Lunaribus commendat vitrum orbiculare planum atque politum, ope adamantis in areolas quadratas distinguendum, & in foco vitri objecti & ocularis communi tubo adaptandum. Simile vitrum tubo similiter applicatum Eclipsibus observandis utilissimum censet *de la Hire*; quarum magnitudo quia

quia æstimatur per digitos, h. e. partes duodecimas disci Solaris vel Lunaris, in vitro delineandi sunt sex circuli concentrici, quorum omnium eadem sit ab invicem distantia, extimus vero limbum Solis vel Lunæ exacte stringat. Quoniam vero diametri apparentis magnitudo non in omnibus Eclipsibus eadem, immo in eadem Lunari multum varietur; idcirco ulterius ostendit, quo artificio reticulum ex vitro paratum adaptetur, ut imaginem sideris eclipsati sive majorem, sive minorem exacte capiat. Adhibet scilicet duo vitra objectiva, eundem fere focum habentia, quæ focum communem conjuncta habitura esse demonstrat. Longitudinem foci communis sequenti ratione determinat. Applicat nempe duo vitra objectiva uni, oculare alteri extremitati tubi ita, ut objecta distincte videre queat: subducta enim longitudine foci vitri ocularis convexi ab ejus ab objectivis se mutuo contingentibus distantia, relinquitur longitudo foci communis. Monet tamen, hanc experientiam nonnisi visu pollentibus, nequaquam Presbytis & Myopibus convenire. Hinc infert: ut Si-

nus totus ad Tangentem 17 15 (quanta fere est semidiameter Lunæ apparens maxima) ita longitudo foci communis ad semidiametrum circuli exterioris in reticulo. Quodsi jam lentes objectivæ dimoveantur, ejusdem objecti imago augmentabitur in foco communi ad certum usque terminum pro ratione distantiarum. Equidem distantia duarum lentium objectivarum in dato quolibet casu tentando inveniri poterat; exactius tamen loca utriusque vitri objectivi atque reticuli determinabuntur in ferendo: ut summa focorum absolutorum duorum vitrorum objectivorum sine distantia eorundem ad longitudinem foci exterioris vitri sine eadem distantia, ita hæc ipsa longitudo sine distantia prædicta ad quartum proportionalem terminum, qui ex longitudine foci absoluti exterioris vitri sublatus relinquit distantiam hujus vitri exterioris a foco communi. Quæ inventa inferendum ulterius: ut longitudo foci inventi ad semidiametrum circuli exterioris reticuli; ita sinus totus ad Tangentem anguli, a diametro reticuli in foco positi subtendendi. Tubo igitur inscribi possunt ad loca vitrorum objectivorum & eorum focum communem, in

quo reticulum collocandum, numeri minutorum & secundorum angulorum, quos diameter reticuli sustinere debet.

Sauveur novum proponit Musicæ systema, cujus summa in compendio huc redit. Assumit ex Physicis, sonos esse inter se ut numeros vibrationum corporum sonorum. Rationem horum numerorum vocat *Proportionem Sonorum*. Quodsi unus sonus ascendendo successive acutior evadit, altero immutato, distantiam eorundem *Intervallum* dicit. Quia soni tum graves tum acuti sunt indefiniti, ideo assumendum esse monet medium quendam pro *sono fundamentalis*, cum quo non minus acutissimi, quam gravissimi comparari queant. Assumit autem sonum fixum, qui intra minutum secundum temporis centum absolvit vibrationes. Hinc id potissimum agit, ut omnis generis intervalla accuratius definiat, quam hactenus a quopiam factum. Dividit intervallum octavæ in 43 partes æquales, quas *Merides* vocat, quamlibet Meridem subdividit in 7 Eptamerides, Eptameridem in 10 Decamerides, ita ut octava 301 Eptamerides, 3010 Decamerides contineat. Has octavæ Merides & Eptamerides generalem omnium intervallorum constituit mensuram, & per earum numerum intervalla ordinaria definit. E. g. Tonus major 7 habet Merides, hemitonium majus quatuor. Cum nova ratione intervalla dividat, nova etiam ratione eadem denominat; immo novis etiam *Notis* seu sonorum characteribus utitur. Notum est, in Systemate Diatonico octavam in 7 distribui intervalla, quæ per *UT, RE, MI, FA, SOL, LA, SI, UT* designantur: Noster ad ea denominanda septem adhibet consonantes *P, R, G, S, B, L, D*, & cum tribus prioribus vocalem *A*, cum quatuor posterioribus vocalem *O* jungit, ita ut habeatur *PA, RA, GA, SO, BO, LO, DO, PA*. Et quia tonos in 7 Merides, hemitonia majora in 4 dividit, uti diximus; ad eas exprimendas utitur vocalibus *a, e, æ, i, o, u, y*, unde emergunt e. g. sonorum, in quos distribuitur, Tonus major *PA, RA*, nomina *PA, pe, pæ, pi, ro, ræ, RA*. Eptameridum, in quas Merides dividuntur, nomina componit adjiciendo consonantes in fine nominum Tonorum *r, s, t*, si 1, 2, 3 eptamerides addendæ, vel *n, l, c*, si 1, 2, 3 eptamerides auferendæ. Porro si 1, 2, 3, 4, 5 decamerides adden-

dendæ; nominibus sonorum adjicit vocales *a, e, i, o, u*, si 1, 2, 3, 4, 5 decamerides auferendæ, addit *ā, ē, ī, ō, ū*. Notas seu Sonorum *PA, RA, GA, SO, BO, LO, DO* characteres habet *p, p̄, q, q̄, b, d, d̄*. Si his sonis addantur 1, 2, 3 Merides caudæ notarum curvantur versus sinistram; si auferendæ, versus dextram. Ita soni *go* nota est *g*, soni *ri* vero *p̄*. Quæ Meridibus adduntur Eptamerides, per puncta versus sinistram posita designantur; quæ subtrahuntur, per puncta versus dextram. Ita soni *GAn* nota est *q*, soni *RAr* vero *p̄* est nota. Similiter nota soni bis est *h̄*: nota soni *lgn* vero *f̄* est.

APOLLONIUS AC SERENUS PROMOTUS, AUREORE BARTHOLOMÆO INTIERI FLORENTINO.

Neapoli, ex Typographia Leonardi Josephi Sellito, 1704, in 4. Constat plag. 10. & aliquot figuris æneis.

Veteres, quemadmodum ex *Archimede* constat, Parabolam in solo Cono rectangulo, Ellipsin in acutangulo, Hyperbolam in obtusangulo considerabant. Ast *Apollonius Pergæus*, doctrinam de sectionibus Conicis promovens, omnes tres eidem Cono applicare coepit. Ubi natura Curvarum per æquationes Algebraicas exprimi suevit, infinitarum Parabolarum, Ellipsium ac Hyperbolarum consideratio haud difficilis existeret. Ostendit etiam *Clarissimus de la Hire* in Appendice ad opus absolutum de Sectionibus Conicis, cujus mentio honorifica facta in Actis nostris A. 1685 p. 399, has Curvas æque ac Apollonianas ex Conorum sectione oriri, quod idem facit *Intieri*, qui dubio procul opus laudatum non vidit, cum hujus illarum Curvarum geneses inventionem sibi tribuat. Nimirum cum in Cono communi, cujus sectiones dant Parabolam, Ellipsin ac Hyperbolam Apollonianam, bases & omnia sectionum ipsis parallelarum plana sint circuli, in quibus segmenta inter diametri semiordinata est media proportionalis; Autor sibi adhuc alios concipit Conos, quorum bases & sectionum ipsis parallelarum plana sunt circuli secundi, tertii, quarti &c. in infinitum, hoc

hoc est Curvæ, in quibus quadratum segmenti minoris est ad quadratum Semiordinatæ, vel Cubus illius ad Cubum hujus, vel Quadrato-quadratum illius ad Quadrato-quadratum hujus &c. in infinitum, ut semiordinata ad segmentum Diametri majus. Quia itaque circuli primi, secundi, tertii, quarti &c. Conorum differentiam constituunt, ideo vocat quoque Conos primos, secundos, tertios, quartos &c. Demonstrat igitur eandem sectionem, quæ in Cono primo Parabolam Apollonianam producit, in secundo producere Parabolam, in qua $y^2 = ax$, in tertio Parabolam, in qua $y^4 = ax^3$ &c. Simile quid de Hyperbolis & Ellipsibus ostendit. Demonstrationes concipit genericas, pro singulis Parabolarum generibus singulares, nec ultra Parabolam tertii generis progreditur. Quod denique Parabolas attinet, in quibus est $y^m = ax^{m-1}$ cum in communi circulo sit $y^2 = x \times a - x$, pro earum origine declaranda assumit Conos, quorum bases & plana sectionum ipsis parallelarum definiuntur per æquationem $y^m = x^{m-1} \times a - x$, & sectionem fieri concipit ut in Cono communi pro Parabola communi. Promisit eruditissimus Auctor de Æquationum constructione omnibus numeris absolutum opusculum: quod si quantocyus ediderit, non ingratam Geometris præstabit operam.

*BARTHOLOMÆI INTIERI, FLORENTINI, AD
nova Arcana Geometrica detegenda
Aditus.*

Beneventi, e Typographia Archiepiscopali, 1703, in 4.
Constat plag. 14, cum figuris æneis.

Totum opusculum tribus constat epistolis. Prima ad *Dominicum Judicem*, Juvenacii Ducem, perscripta, in qua methodus traditur generalis omnes Parabolas, quæ definiuntur per $y^m = ax^{m-1}$, in infinitum in plano describendi. Eam ipsius

TAB. VI. Autoris verbis ita representamus. Sit Triangulum Isosceles *BIH*,
Fig. 7. cujus latera æqualia sint *BI* & *IH*, quæ quidem indefinite produ-
can-

cantur, latus BI ad partes B & A , latus HI ad partes G , reliquum vero latus BH ad partes C . Latus autem HI ita moveri concipitur, ut semper sibi ipsi æquidistet, atque dato sui puncto maneat semper in latere BH , motu autem suo moveri etiam faciat rectam ID datam, quæ quidem semper applicata maneat in latere BI , punctum autem ipsius I maneat semper fixum in latere HI , ita ut, quando latus HI accedit ad punctum B , & recta ID etiam ad punctum B accedere debeat. Per puncta autem H , D transeat recta HD , quæ libere per hæc puncta excurrere possit. In puncto B constituatur recta BG indefinita ad partes G , quæ circulariter moveri possit in eodem puncto B , quæque parallela semper existat rectæ HD . Hæc itaque recta BG rectam HG interfecabit. Ex hac intersectione Parabolam oriri Apollonianam demonstrat, si directrix BC fuerit recta. Quod si ea fuerit curva, & concavitatem rectæ BD obvertat, Parabolam secundi generis oriri ostendit, si directrix fuerit Parabola primi generis; Parabolam tertii, si directrix Parabola secundi &c. Ex hac genesi palmariam uniuscujusque Parabolæ proprietatem synthetice eruere docet, quæ æquationem generalem ingreditur, simulque monstrat, quemnam hæc descriptiones usum habere possint in construendis locis ad has Parabolas, sive eorum æquationibus, sive pluribus constet terminis. Aliam adhuc methodum easdem Parabolas in plano describendi indicat; sed alteri merito postponendam, cum locum solum inveniatur, si data diameter sit, axis, altera vero valeat, data diametro quacunque.

Epistola secunda exarata est ad *Didacum Vincentium a Videmia*, Gymnasii Neapolitani Præfectum. Agitur in ea de genesi atque in plano descriptione infinitarum Hyperbolarum ac Ellipsium. Etiam in Hyperbolarum descriptione directrix est recta pro Apolloniana; Hyperbola Apolloniana pro Hyperbola secundi generis; Hyperbola secundi generis pro Hyperbola tertii generis &c. Addit methodum aliam a Parabola originem trahentem. Docet ex istis genesibus palmarias Hyperbolarum proprietates synthetice erui, locaque construere, quorum æquationes sive duobus, sive pluribus terminis designantur. Regulæ Cartesianæ de construendis æquationibus ad quintam vel sextam dimensionem assurgentibus mul-

to faciliorem substituit, eas nempe sine ulla præparatione construendi per Circulum & Hyperbolam secundi generis. Monet etiam, (quod in Actis nostris primus notavit *Bernoullius*) non bene a Cartesio problematum in certas classes divisionem institutam esse. Methodum Ellipses describendi, quam tradit, cum istis pro Parabolis ac Hyperbolis non comparandam esse, ipse fatetur, quia in simplicissimam ipsi incidere nondum licuit. Unde & pauciora de locis ad Ellipsin, quam de locis ad Parabolam & Hyperbolam habet.

Epistola tertia data est ad *Johannem Michaëlem Gabanilius*, e Marchionibus S. Marci, Equitum Catholici Monarchæ Præfectum. Exponit Autor in ea methodum describendi infinitas Parabolæ, quæ definiuntur per $y^m = a^{m-1} x$, ab ea, quam in epistola prima tradidit, in hoc unice dissidentem, quod Parabola genitrix convexitatem suam rectæ *BD* obvertat. Addit tamen methodum aliam easdem describendi ope earum Hyperbolarum, quas in epistola secunda describere docuit, adeoque implicatam magis. Theoriam ad componenda loca ad has Parabolæ transfert. Ostendit denique, quomodo describantur Parabolæ, in quibus est e. gr. $x^5 = a^3 y^2$ seu in genere $y^{m+n} = a^m x^n$ & loca ad eas spectantia componantur.

D. JOHANNIS GEORGII DORSCHÆI IN QUATUOR Evangelistas Commentarius, per solidam apodixin, analysin, exegesin, harmoniam item ac parallelismum, verum sensum exhibens, falsum refutans: cum ejusdem Autoris Chronotaxi Actorum Apostolicorum.

Hamburgi, apud Gotofr. Liebernickel, 1706. in 4.

Constat 8 Alph. & 6 plagulis.

Quemadmodum orbem eruditum non parum sibi obstrinxerunt magni atque celeberrimi nominis Theologi, D. Johannes Fridericus Mayerus, quod superioris seculi anno octuagesimo quinto summi olim Theologi, B. Dorschei, Theologiam Moralem, dein

dein anno nonagesimo ejusdem Commentarium in Marcum, hujus autem seculi anno secundo Aphorismos Theologicos, nec non orationem sacram de obumbratione virtutis Altissimi; D. Johan. Nicolaus Quistorpius, quod anno proxime elapsi seculi nonagesimo septimo Dorschei *Σημματα* in utramque Epistolam Johannis; D. Johannes Fechtius, quod ejusdem seculi anno ultimo, Dorschei fragmentum in Epistolam Judæ, e tenebrarum carceribus exire, atque in publicam lucem prodire jusserint: ita gratiam quoque apud eruditos iniit ad bonum publicum juvandum promptus Bibliopola, Gotofredus Liebernicketius, cum uno abhinc anno Dorschei Analysin ad entheas S. Jesaiæ Prophetias typis inprimi curaret. Longe majorem autem idem promeretur laudem, quod thesaurum ex manuscriptis Dorscheanis multo præstantiorem, Commentarium nempe in universos libros N. T. historicos, ab hæredibus B. Sandhagenii, cum ipse morte præpeditus illum edere non potuisset, suo sumtu sibi comparare, & cum litterato orbe communicare studuit. Cujus posthumi operis editionem non parum commendat, quod Vir doctissimus, M. Ludovicus Fridericus Vischerus, quatuor, quibus manuscriptum constabat, codices singulari admodum studio inter se contulerit, ac schedas a B. Sebastiano Schmidio exaratas, & a celeberrimo D. Mühllo secum communicatas, quibus nonnulla Dorschei in Matthæum & Johannem continebantur, conferre insuper potuerit. Quicquid enim legi in iisdem potuit, Vischerum in quarundam nonnunquam vocularum aut literarum a se facta correctione, nec non de codicum a se collatorum sinceritate multum confirmavit. Ingentem vero splendorem toti operi conciliat luculenta præfatio, quam eidem præfixit insignis & plurimis in Ecclesiam Christi meritis inclutus Theologus, Dn. D. Jo. Fechtius. In illa enim non modo vitam, a B. Dorscheo summa cum laude transactam, e B. Thomæ Stegeri, facundissimi olim apud nos Ecclesiastæ, elegantissima in memoriam illius hic habita oratione, quæ paucissimorum in manibus versatur, luculenter nobis exhibuit; sed & accuratam pariter atque plenam omnium Dorscheanorum scriptorum recensionem instituit. Jam equidem summe Reverendæ Facultatis Theologiæ in Academia Rostochiensis Decanus, in programme funebri,

sexaginta & unius scriptorum catalogum petulerat, memorans, recensionem istam ipsius Dorschei manu ita delineatam fuisse: ast eadem neque ordinem annorum, quo quælibet expressa sunt, servat, neque omnia singulaque ab ipso edita comprehendit. Unde conjicit laudatus Fechtius, forte Dorscheum de conficiendo scriptorum suorum catalogo consilium aliquando cepisse, sed cum manum eidem admovisset, aliis negotiis a cæpto distractum fuisse. Illum secutus fuit Vir multijuga eruditione præditus, B. Spizelius, ac in Templo Honoris Referato Catalogum aliquem exhibuit, quem supra a nobis commendatus Meyerus præfationi ad Theologiam Zacharianam, una cum suis interpolationibus, inseruit. Singularem quoque diligentiam adaugendi hunc Catalogum a B. Wittenio in Renovatæ Memoræ Theologorum Centuria adhibitam fuisse novimus. Summe Reverendus Fechtius autem, in præfatione sua, non solum multo pleniorum librorum a Dorscheo conscriptorum indicem, juxta annorum seriem tradit, sed insimul plerorumque argumenta concise non minus ac solide repræsentat. Ubi silentio haud prætermittendum esse censemus, ipsum gratissimo ore deprædicare, sibi in catalogo, potissimum ἀνecdότων, conficiendo, operam inæstimabilem D. Lütkenium, Theologum hodie Danorum celebratissimum, præstruisse. Is enim, cum a juventute Dorscheani nominis admirator cultorque fuerit indefessus, ac quælibet monumenta ab illo profecta in potestatem suam, quantocunque id etiam faciendum fuerat pretio, vindicare studuerit, præterea libros ipsos summo studio evolutos, sibi reddiderit familiares, eam sibi præ innumeris aliis Dorscheanorum notitiam comparavit, ut eundem non facile fugerit quicquam eorum, quæ aliquando ab illo luci fuerunt exposita. Neque tacendum, maxime venerandi D. Fechtii Filium æmulum, Gustavum Fridericum, indici quoque manum admovisse, eumque opuscula Dorschei minora, una cum disputationibus sub ipsius præsidio habitis, quæ quidem conquiri potuerunt, eleganter recensuisse. In primis autem memoratu dignum adhuc judicamus, quod sæpissime laudatus D. Fechtius, exercitatione Dorscheana de Sabbatho recensita, digressionem aliquam instituerit non contemnendam. Etenim cum disputatio ejus, de eodem argumento in Gymnasio Durlacensi olim habita

bita, ex utraque nuper de illo contendendum parte in certamen advocata fuerit, ne cuiquam sinistra de ipso oboriretur opinio, & silentium ejus ad severiorem adversus ipsum vel censuram vel judicium quemquam bonorum seduceret, neminem, sperat, in se- quio rem partem interpretaturum esse, si intra summam mode- stiam, enarratione quorundam circa hanc controversiam momen- torum, eorum, qui rigidiori forte ipsum calamo posthac aggres- suri sint, animos in antecessum mitigaverit. I. Ingenue profi- tetur, disputationem de jure Sabbathi Hallensem, cum oculis pri- mum suis objiceretur, in summum se conjecisse dolorem, quem verbis nullis exprimere possit, cum in eadem non tantum diler- tissimis verbis omnis moralitas præcepto sabbathico derogetur, sed universa Ecclesiæ nostræ instituta, sabbatho exerceri solita, a- cerbissima censura perstringantur. II. Scribit, iniquum fore re- rum judicem, quin vel obiter lecta exercitatione sua, differentiam doctrinæ a se defensæ, & innumerarum sententiarum, in Wag- neriana disputatione occurrentium, illico deprehendat. Se affir- mare, sanctificationem Dei publicam præcipuam esse tertii præ- cepti partem, & quanquam extrinseca illa, quæ vel ad tempus spectant, quo sabbathum agendum est, aut ad locum, ubi ce- lebrandum in publico conventu nomen divinum, aut ad circum- stantias alias modumque, quibus sanctificatio peragenda est, a- morali præcepti ratione distinguat, simul tamen sollicitè diligen- terque se demonstrare, adeo non imminui per sententiam suam sanctificationis vel frequentiam vel ardorem, ut intra arctiorem potius, si fieri possit, temporis circulum contrahat & ad plura at- que intensiora devotionis & pietatis exercitia inflammet: nec etiam Ecclesiasticam sabbathi ad diem Dominicum determinationem, ma- gis vel omittendæ sanctificationis libertatem, vel imminuendæ de- votionis occasionem justam præbere, ac cum in aliis præceptis moralibus, utpote de obedientia magistraturæ atque parentibus ex- hibenda, supposito divino eoque generali obediendi magistratui & parentibus mandato, etsi particulares actuum obediendi cir- cumstantiæ a nutu & arbitrio magistratus & parentum dependeant, de obligatione his ipsis etiam præceptorum circumstantiis mo-

rem & obsequium gerendi quicquam decedat. III. Dicit, exorto de Sabbatho primum in Holsatia, mox & in superiori Saxonia dissidio, cum pervideret, communiorem hodie doctrinam de moralitate positiva unius ex hebdomade diei in Ecclesia nostra prædominari, apud animum suum se statim constituisse, quicquid etiam scriptorum adversus sententiam suam prodiret, se controversiæ, nisi pervicax scriptoris malignitas in partes coactum pertraheret, nequaquam ingerere; quippe qui bellum cum suæ religionis consortibus, si de cætero orthodoxiæ a se perpetuo amatae sint dediti, quadam naturæ suæ indole extremo semper odio sit averfatus: sibi non adversum fore, si quis dicere velit, legis moralis & naturalis esse, ne circulum hebdomadarii in colendo sabbatho egrediamur, dummodo legis moralis & naturalis vox in significato paulo laxiori accipiat, eo nempe sensu, quo in Theologia Morali D. Dorscheus loquatur, *fundatum id quidem esse in jure naturæ, non tamen jure naturali præceptum*: subjuncto dein Reverendissimi Scanorum Episcopi, Matthiæ Steuchii, ex disputatione Synodali ad Artic. August. Confession. XV. judicio, contestatur, semet, quanquam otium sabbathicum ex quadam lege morali positiva non derivet, ex morali tamen justitia & æquitate non minorem ei, ac juris moralis positivi defensores, necessitatem admitti. IV. Schediasmatis de Sabbatho conscribendi occasionem enarrat, & recensita antiquiori controversiæ Sabbathicæ historia, benigno lectoris judicio se subjicit. V. Ostensurus, sententiam a se propositam & defensam, Theologorum Ecclesiæ nostræ, etiam novissimæ, eorumque extra omnem heterodoxiæ suspensionem positorum non destitui, primo præcipuoque loco Tobiam Wagnerum & Sebastianum Schmidium, Theologos nostra laude majores, sibi nominandos ducit, hosque secutos esse ait in Academia Gießena D. Jo. Nicolaum Mislerum, suum in concedenda summi in Theologia gradus Licentia anno 1666 promotorem, & D. Philippum Ludovicum Hannekenium, qui mentem suam ea de re, cum anno 1698 in Commentatione Practica de Turbelis phantasiæ in objecto præcipuo religiosæ pietatis, tum anno 1697 in Dissertatione Theologica de vera Augustanæ Confessionis æstimatione, clarissime aper-

ruent : in Academia Wittebergenſi anno 1685, adeoque quadriennio tantum poſt diſputationem ſuam ſabbathicam, D. Meyerum publice defendiſſe Dorſchei Theologiam Moralem, in qua ſabbathi hebdomadalis, qua ad indefinitum numerum adſtringitur, libertas dilucidius atque exactius, quam in ſuamet diſputatione, non proponatur tantum, ſed immotis præterea argumentis probetur. Porro refert D. Juſtum Chriſtophorum Schomerum, cum diſputationem inauguralem de Sabbathi moralitate, ſub præſidio D. Jacobi Henningii Gryphiswaldiæ habitam, ab auctore - reſpondente Ægidio van Thienen, Paſtore in Ducatu Gadebuſchenſi, accepisset, ac communioſorem ab ipſo ſententiam deſenſam eſſe animadvertiſſet, illico teſtatum eſſe, probari ſibi Schmidianam potius ſententiam, majore fundamentorum robore nixam, idque ſibi eo ipſo tempore, anno ſcilicet ſuperioris ſæculi nonageſimo, ad Academiam Roſtochiensẽ divino nutu accedenti retuliſſe : quin imo laudatum Theologum eodem anno, in diſputatione de Naturali erga Deum Obligatione, ubi Deum externo quoque honore colendum eſſe dixerat, aſſeveraſſe quidem, tempus etiam hunc ritum externum requirere, ſed arbitrarium tamen pro circumſtantiarum ratione, frequens nihilominus & parvo intervallo repetitum, prout convenit zelo honoris divini, quem habere nos oporteat ; addidiſſeque, cum hexaemeri creationis cyclo numerare dies fuerint Judæi, quem divina revelatio ſuppeditaverat, ſatis convenienter ſepteno quoque die feriatiõem publicam definitam eſſe : nec diſſenſiſſe a ſe collegas ſuos, cum anno 1695 in theſibus polemicis hanc ipſam doctrinam Dorſchei verbis repeteret : adduxiſſe verò eandem pariter ad Academiam Roſtochiensẽ ejus novum & grande decus, D. Johannem Petrum Grünenbergium. Quibus ita traditis, conſiderandum ſenio eorum conſcientiis præbet, qui Eccleſiæ noſtræ rebus ubique locorum præſunt, & ſcriptorum in publicum edendorum cenſuram exercent, an permittere ſine Eccleſiæ noſtræ periculo poſſint, ut de iſthoc inter Theologos ſententiarum diſcrimine, ampliſſimi, quod nonnulli facturos ſe eſſe jam publicis ſcriptis prodiderint & quaſi minati fuerint, producantur in lucem tractatus? cum quilibet prudentium facile perſpiciat, magnum denuo incendium in Eccleſia exorturum eſſe. VI. Obſervat, Theologorum com-

complurimos, eos cumprimis, qui Luthero & Augustanæ Confessioni proximi fuerunt, ita aperte manifesteque Wagnerianam Schmidianamque sententiam expressisse, ut ne quidem, qui diversam a se tuentur opinionem, id inficiantur. Quod ut demonstraret, provocat ad Urbanum Regium & Johannem Brentium Luthero cōavos, nec longe ab eo remotum Martinum Chemnitium: idem asseverat, jam in medio seculi superioris ambitu, D. Conr. Dieterici Institutiones Catecheticas, quæ in innumeras Germaniæ nostræ scholas introductæ publicæ confessionis vicem obierint, eandem sententiam dilucide exhibuisse: paulo post eandem non minori claritate in Academia Argentoratensi proposuisse Dorscheum, & ex eodem in Academia Wittebergensi defendisse Mayerum: adduxisse vero Dorscheum, tanquam indubitatos ejusdem doctrinæ testes, Chemnitium, Melancthonem, Brentium, Wigandum, Heerbrandum, Dietericum, Flacium: & postea Sarcerium, Schneccerum, Schilterum & Hoëum, quorum fere omnium verba in exercitatione sua expresserit, antequam conspectui suo Theologia Moralis Dorscheana sese obtulerit. Tandem B. Dorscheum & B. Schmidium, contra Theologum Saxonicum, suæ sententiæ vindicat, atque asserit de cæteris omnibus, a se in schediasmate magno numero adductis, id saltem sibi denegari non posse, eos in ipsa, litera, & primo ejus, qui intellectui illabitur, sensu eandem opinionem complecti; quæ vero eidem ab altera parte limitatio, quod Theologi isti, quando Christianis liberum esse septimum diem affirmant, non septimum indefinitum, sed Judaicum intelligant, adscribitur, non posse non cujusvis extra partes positi auribus insuetam, molestam & longe petitam videri. Denique addit. quæ Theologus, quem condignis satis præconiis extollere nequeat, in judicio de plerisque schediasmatis sui capitibus in publicum edito, circa Brentii nonum decimumque Sabbathi diem moneat, vix cuiquam facile nisi lecto ipsius invento, in mentem venire posse, aut applausum etiam a quoquam impetraturum esse: quod vero de tertio præcepto dicat, nihil in eo Judaicum esse, quod non ad omnes pertineat, novum prorsus esse, nec hætenus unquam auditam. Sub finem hujus digressionis, dignæ quæ ab omnibus legatur, adjicit, se eo solo fine illam instituisse,

uisse, ut per eandem alios a contendendi studio abducatur, aut, si nihilominus ita visum fuerit, ut communior sententia defendi debeat, ad moderationem & mansuetudinem Christianam eos exsuscitet. De ipso Dorscheano Commentario non est ut aliquid adjiciamus. Cum enim summa & incomparabilis B. Dorschei, eruditio satis superque nota sit, non poterit non quilibet sibi, etiam de hoc ejus scripto, optima quæque polliceri.

JACOBI LADERCHII DISSERTATIO HISTORICA
de sacris Basilicis SS. Martyrum MARCELLINI
PRESBYTERI & PETRI EXORCISTÆ
de Urbe.

Romæ, per Franciscum Gonzagam, 1705, in 4.

Constat 2 Alph. & 7 plag.

Quemadmodum Romanæ Ecclesiæ addicti nihil prius vel antiquius habere solent, quam ut memoriæ sanctorum hominum perpetuitas addatur: ita eorum honori non melius consuli posse existimant, quam si vel magnifica templa ipsorum memoriæ dicata ædificentur, vel saltem antiquitates veterum Basilicarum literis illustratæ ad seram usque posteritatem propagentur. Hoc ipsum enim effecit, ut Clarissimus Laderchius animum induceret, de sacris Marcellini & Petri Basilicis spissum sane opus auspicio Summi Pontificis elaborare. Istorum enim Martyrum Basilicas vel præcipuas in Urbe olim extitisse, Auctor affirmare non dubitat, & quamvis temporum injuria, vix unius Basilicæ vestigio superstite, & alterius haud parum imminuto decore, pristinus splendor in iis plane non appareat; hoc magis de proxima ejusdem recuperatione ipsis fore gratulandum, quod Summus Pontifex, consilio nunquam satis laudando, ipsarum restaurationi animum adjecerit. Jam quod ad ipsum opus attinet, in tres illud partes, easque satis prolixas, ab Auctore nobilissimo divisum est. Quamvis enim paucis, quæ proprie ad Marcellini & Petri Basilicas spectant, comprehendi potuisse, ipse non diffiteatur; vel propterea tamen opus crevisse ait, quia hæc fundamentis vel dubiis, vel parum notis rebus nitebantur, adeoque vel eorum explicationi, vel confirmationi non-

Na

nua-

- nunquam diutius inhaerere necesse habuerit, ac præterea, si rem accurate lectorum oculis proponere voluisset, prolixas admodum digressiones non raro facere coactus fuerit. In prima igitur parte martyrium Marcellini Presbyteri & Petri Exorcistæ acurato studio exponit, eosque sub immanissima Diocletiani & Maximiani Imperatorum persecutione, anno Christi trecentesimo secundo, in Sylva nigra, quæ postmodum, in honorem Sanctorum, commutato nomine Sylva candida appellata fuit, post dira vincula & plurima tormenta capite plexos fuisse, ait. E Sylva vero candida, corpora Marcellini & Petri ad S. Tiburtium, inter duas Lauros, Via Lavicana translata fuisse, ac eadem Via Lavicana Constantinum Magnum Basilicam Marcellini & Petri, nec non Mausoleum Helenæ matris suæ ædificasse. Istud vero Helenæ Mausoleum a Basilica Marcellini & Petri distinctum fuisse, multis argumentis probat, & contrarium sentientium rationes refellit, tandemque in ultimis hujus primæ partis capitibus, multa de Baptisterio Constantiæ & Arca porphyretica Helenæ memoratu digna in medium affert. Sed præter Basilicam SS. Martyrum Marcellini & Petri
- P. 5-**
- P. 7-**
- P. 10-**
- P. 23-**
- P. 28-**
- Pars II.**
- P. 101-**
- P. 102-**
- P. 103. sqq.**
- P. 104-**
- P. 137. 138-**
- Via Lavicana a Constantino Magno constructam, de qua hæc Auctor egerat, alteram adhuc intra ejusdem Urbis moenia sanctis iisdem Martyribus dicatam reperiri, antiquitate, Cardinalitio titulo, statione & ipsam venerabilem, de qua Auctor jam in secunda parte differere aggreditur. Istam igitur Basilicam in Ecclesiasticis monumentis variis nominibus insigniri, Clarissimus Laderchius observat, ac imprimis tum a Baronio, tum ab aliis quam multis auctoribus, sæpiissime Basilicam de Suburra appellari; id quod propterea fieri ait, quod altera Basilica hæc Marcellini & Petri in Suburra sita fuerit. Ea vero occasione prolixam de Suburra explanationem Auctor noster affert, eamque vicum frequentissimum fuisse, ex Juvenalis Satyra XI. v. 50. constare putat. Cæsarem Dictatorem ibi domum habuisse, Suetonium in vita ejus testari; ibidem vero meretrices quoque corpus quæstus gratia vulgasse, Martialem libro 6. epigr. 66. disertis verbis docere. Nomen unde traxerit, varias variorum Auctor allegat sententias, cum alii inde nomen habuisse, quod sub muro terreo Carinarum staret, alii, quod fuerit sub antiqua urbe, alii vero a pago Succusano, cui sententiæ Var-

ronis harum rerum peritissimi auctoritate non parum roboris accedit, ita dictam existimaverint, ut multas alias opiniones ab Auctore de hoc argumento allatas prætereamus. Cum vero Summa p. 121. seqq. burra sub Carinis fuisse perhibeatur, de iis quoque Laderchius prolixam dissertationem instituit, ubi de earum appellatione itemdem varæ scriptorum sententiæ discutuntur, & tandem, quo loco Carinæ fuerint, probabiliter demonstratur. Quod ad nomen Carinarum attinet, eas ita dici cum Varrone Auctor sentit, quod scilicet hinc oriretur caput Sacræ Viæ, siquidem *καῖα* apud Græcos idem quod apud Latinos caput significat. Istud Sacræ Viæ caput, juxta communem scriptorum opinionem, fuisse ad Titi Amphitheatrum, ut Donatus, Nardinus & alii innumeri testantur. Ceterum hæc Carinas in Urbe celeberrimas fuisse, veterum auctorum testimoniis confirmat, & a Virgilio lib. 8. *Æneid.* vers. 359 *lautas* appellari; id quod Auctor, ex mente Servii, vel propter elegantiam ædificiorum, vel propter Augustum natum cunis veteribus & nutritum in lautis Carinis, fieri existimat. Cum vero Marcellini & Petri Basilica Presbyteri Cardinalis titulo insigniatur, Auctor hinc ansam arripit de Titulis istis, qua de re multiplex inter Ecclesiasticos scriptores disceptatio fuit, prolixè disserendi; utpote quod argumentum totam propemodum tertiam partem hujus libri occupat. Solitam itaque in hoc opere methodum secutus, capite secundo ac tertio varias de Titulis scriptorum sententias colligit, ubi inter alias Julii Cæsaris Scaligeri conjecturam affert, qui, Cujacii opinione rejecta, verbum *Tituli* a verbo Græco *τιμὴ* derivare non dubitat, ut idem sit honor ac titulus. Cap. IV, V & VI Baronii, Albitii, Gretzeri, Frizonii & Florentini sententiæ de *Titulis* refelluntur, qui *Titulos* domos divino cultui destinatas fuisse existimant, in quibus Christiani synaxes agere consueverint. *Titulos* enim domos fuisse Auctor asserit, in quibus non tantum Basilicæ ad sacra peragenda constituebantur, sed ubi præterea profugis aut pauperibus fidelibus hospitium & victui necessaria supeditabantur. Cap. VII, & VIII de divisione ac numero *Titulorum*, & ubinam constituti fuerint, nec non de nomine Cardinalium luculenter agit. Cap. X, occasione earundem Petri & Marcellini Basilicarum, de Litania septiformi quædam commentatur, quæ

p. 131.

Pars II.
p. 202. sq.

a Divo Gregorio, anno Christi 590, ad iram Dei averruncandam, tum temporis urbem Romam dira lue vastantem, indicta fuit, Cap. denique XIV præsentis forma Basilicæ SS. Marcellini & Petri descripta, capite ultimo Elenchum omnium Romanæ Ecclesiæ Presbyterorum Cardinalium Tituli SS. Marcellini & Petri, a S. Gregorio Magno usque ad Clementem XI, accurato studio recenset.

DE VETERIBUS REGUM FRANCORUM DIPLOMATIBUS, & Arte secernendi antiqua diplomata vera a falsis, Disceptatio ad R. P. D. JOANNEM MABILLONIUM Monachum Benedictinum. Auctore P. BARTHOLOMÆO GERMON S. J. Presbytero.

Parisiis, apud Johannem Anisson, 1703, in II.
Constat dimidiatis foliis Alph. I pl. 9.

NON vulgarem hæcenus applausum tulit celeberrimi Mabillonii opus de Re Diplomatica, quod in hisce Eruditorum Actis primo anno comparere fecimus, atque in eo multa, ad firmandam vel enervandam veterum instrumentorum fident, maximi ponderis præcepta invenisse sibi visi sunt antiquitatum historicarum cultores. Ast qui præsentis libello in publicum prodit Germonius, totam illam canonum a Mabillonio traditorum structuram convellere, ipsaque adeo fundamenta subruere conatur, licet solo veritatis investigandæ studio istud laboris in se suscepisse affirmet. Scilicet dum Benedictinorum doctissimus in prælaudato opere assensit, artis utique esse vera diplomata a falsis discernere, illaque deinceps pro genuinis habet, in quibus stilus, subscriptiones, sigillum, chartæ genus, aliaque hujusmodi iis seculis concordant, quorum notas præferunt, talia autem cognoscenda docet ex autographis, quæ a vetustis temporibus ad nos incorrupta pervenerunt, ipseque statim subjunxit: disceptationis hujus Autor sagacissimus præprimis inquirendum statuit, an repræsentata illa autographorum specimina eam fidem mereantur, ut iisdem certæ atque indubitatae regulæ superstrui poterint. Suspecta vero in genere illa judicat septem potissimum ex rationibus.

Primo nempe sub Merovingis & Carlovingis Regibus, hoc est, sexto, septimo vel octavo seculo, scripta autographa ægre ad nostra tempora servari potuisse contendit, tum quia in papyro Ægyptiaca, cortice ac membranis, corporibus valde caducis, exarata, ideoque mucori, situi muribusque perquam obnoxia fuerint; tum quia scriniorum custodes non nimis anxie chartis invigilaverint, scientes quippe, longi temporis possessionem minimo controversam, plus autoritatis apud iudices obtinere debere, quam diplomata scripta; tum denique quia illa ipsa loca, e quibus pleraque autographa depromantur, incendiis atque deprædationibus miserrime fuerint deformata, ut vel marmorea veterum Regum monumenta iis succumbere oportuerit, adeoque prodigii instaret, si diplomata ista mitiorem sortem invenissent, sane hoc ipsum ad minimum accurate demonstrari debuisset. Secundo falsarios magno numero, variis retro seculis, & quidem sexto, nono atque undecimo, increbuisse notat, a quibus plurima omnium iudicio spuria diplomata promanaverint, cum iisdem, quæ genuina dicuntur, passim asservata, ut adeo manifestis argumentis opus sit, antequam hæc pro veris venditare liceat. Hisce itaque præsuppositis, tertio colligit, vetusta diplomata vera a falsis certo secerni haudquaquam posse, quoniam non æque facile, ut mendo aliquo in charta animadverso falsi eadem arguitur, ita chartam a vitiis visibilibus forte intaminatam, veram statim ac legitimam pronunciare detur, cum impostorum astutia, in fabricandis diplomatibus, præcavere potuerit, ne vel in chronologiam vel antiquiora monumenta ulla in parte impingerent. Licet igitur falsis non sint annumeranda hujusmodi diplomata, quæ nullam falsitatis maculam oculis ingerunt, neutiquam tamen veris atque indubitatis eadem accenseri posse, sed inter dubia atque incerta relegari debere, cum veritatem illorum nemo apodicticis rationibus demonstrare valeat. Sic adesse aliqua in cortice non modo scripta, sed & scripturæ forma, notis chronologicis, sigillis, monogrammate Imperatorio, recognitione notarii, testiumque subscriptione veris instrumentis simillima, quæ tamen ipse Mabillonius, Conringius, Baluzius, Tenzelius alique Viri eruditi falsa judicaverint, evidentissimo indicio, enarrata modo signa ad probandam auto-

graphorum veritatem nullatenus sufficere. Quarto nec ex barbaro illo scribendi genere, quod Merovingicum appellatur, certum quicquam elici posse arbitratur, cum adhuc sub iudice lis sit, utrum scriptura huiusmodi Francis, qui Romana delectabantur, cognita fuerit nec ne, & tamen illud admitteretur, falsarios tamen & nebulones male feriatos eadem facilitate illam imitari valuisse, qua veterem Longobardicam manum expressit, quisquis ille fuerit impostorum, qui in charta plenaria securitatis, uti quidem Brissonio audit, inque dorso ejus hæc verba inscripsit: *C. Julii Caesaris testamentum L. Pisone socero recitatum in domo Idibus Septembris*; quibus deceptus Mabillonius, illud testamentum C. Julii Caesaris autographum olim putaverat, quod tamen trigesimo octavo Justiniani Imp. anno notatum, atque apochæ instar se habere, postmodumprehenderit. Quinto exhibita illa a Mabillonio veterum diplomatum specimina sublestæ fidei insinuat, propter corruptissimam ipsorum orthographiam, nec credi posse innuit, Referendarios & Notarios Regios, qui plerunque eruditione excelluerint, Latinum sermonem ejusque scribendi normam adeo ignorasse, ut tam crebro, tam turpiter contra illam peccaverint, ceu pluribus apricum facit, in uno eodemque instrumento easdem voces diversimode, at pessime pictas occurrere. Nec minus barbariem styli tantam ibi se prodere sexto queritur, ut foedior fere esse nequeat, cum tamen in aliis istius ævi scriptis, quæ non sine iudicio allegat, tolerabilior multo loquendi ratio frequentetur, mirarique adeo subit Nostrum, cur ipsissimus Audoenus Rothomagensium Archi-Episcopus, quando S. Eligii Noviodunensis Præsulis vitam contexuit, sermonem cum Grammaticæ legibus satis congruentem adaptavit, in confectis vero a se, propter Referendarii munus, quod sub Dagoberto & Clodoveo II RR. gessit, diplomatibus tam barbare incedat. Ultimo tandem suspicionis ansam, eamque gravissimam, Nostrum porrigit ipsum Archivum Dionysianum, unde Mabillonius autographa sua maximam partem accepit, scrupulumque simul generat, quare scriptor Anonymus, ab Andrea du Chesne editus, qui gesta Dagoberti Francorum Regis consignavit, omniaque donaria, quibus Basilicam S. Dionysii antiqui Reges locupletarunt, sollicitè recensuit, ad-

adducendo subinde diplomata seu præcepta, quæ largitionum fidem adstruerent, omiserit illa, quæ Dubletus in libro de veteribus Cœnobii Dionysiani monumentis publicavit. Atqui ille nonnisi quindecim Dagoberti præcepta protulit, e quibus Dubletii ætate quinque vel sex saltem supererant, hic e contra octodecim instrumenta Dagobertina, nova potissimum, detexit. Sed Mabillonii felicitatem adhuc magis stupet Noster, utpote qui e tot chartis Merovingicis a Dubletio excusis, quinque tantum operi suo Diplomatico inseruit, & tamen triginta atque unum diplomata hujus generis ibidem coacervare potuit. Hujuscemodi itaque mutationis, quæ Dionysiano archivo in melius obtigit, causas sibi exponi postulat, cum de facili quidem concedat, instrumenta vetera sensum atteri & perire posse, non vero dispiciat, quo pacto illa indies augeri, temporumque successione nova pululare queant. Postquam igitur hæc atque contra memorata autographa generatim objecit Germonius, ad potiora, quæ Mabillonius omnium certissima judicavit, atque ære incidi fecit, in specie expendenda convertitur, quo in instituto num operam omnem luserit, Lectorum diligentia investigandum permittimus. Id sane in examine quindecim diplomatum Autor se evicisse autumat, Mabillonii artem vera diplomata a falsis secernendi nondum satis firmo inniti talo, sed fortiora insuper desiderare argumenta, quibus supeditatis veritatem se ultro amplexurum, diserte spondet.

HISTORIA MORBORUM, QUI ANNIS MDCIC, MDCC, MDCCI Vrsulavie grassati sunt, a Collegio Acad. Leopold. Nat. Curios. Vrsulavienfibus in lucem edita. Accedit Appendix loco Tractatus de Experientia.

Vrsulavie & Lipsiæ, sumptibus Christ. Bauchi Bibliopoliæ Vrsulav. 1706, 4. Constat Alph. 2.

Quis scopus præfixus sit, & qua methodo uti libuerit Clarissimis Leopoldinæ Academiæ Nat. Curios. Collegis Vrsulaviensibus, in pertexenda Historia Morborum, qui Annis 1699, 1700, 1701 Vrsulavie grassati sunt, a nobis in Actis Anno 1702. Mens. Decembri pag. 521, Anno 1702. Mens. Novembri p. 504, & Anno 1704. Mense Februario pag. 67, ubi Historiam singulorum annorum seorsim prodeuntem recensuimus, jam dum indigitatum fuit. Nunc postquam conjunctim editæ trium horum Annorum Historiæ, & Appendix loco Tractatu Philosophico-Medico de Experientia locupletatæ sunt, quid in hoc ultimo notatu digni contineatur, breviter sumus exposuimus.

Dis-

Discescitur hic in 2 Capita, quorum I. Experientiam in genere, & eam, quæ aliena nititur fide, explanat; II. eam, quæ ex propriis observationibus acquiritur, dilucidat. In genere Experientia duobus modis accipitur. Vel enim denotat notitiam, seu cognitionem singularium, unius ejusdem speciei, vel præter istam cognitionem significat etiam collectionem, ita ut cognita singularia habeant in isto discursu rationem antecedentis, ex quibus deinde elicitur consequens; sicque differt eadem ab actu sentiendi & ab ipso habitu. Innotescunt autem nobis singularia tum aliorum relatione, tum propriis sensibus. Sed sæpissime contingit, ut fabulosa Autorum decipiamur relatione. Ne igitur horum narrationibus fideotes loco thesauri experientię colligamus carbonem, perquam necessarium est, ac utile, cum primis scire, quibus tuto credere possit. Hinc notandum, illis fidere licere, qui potuerunt ac voluerunt vera narrare. Is vero posse censendus est, 1) qui sufficienti & ad unamquamque rem dijudicandam necessaria instructus est eruditione; 2) qui reliquis adminiculis omnibus non destituitur; 3) qui in ipso loco degit, in quo res est describenda; 4) qui temporis opportunitate non excluditur. Eum autem, qui potest, etiam velle colliges, si vir fuerit bonus & honestus. Quia vero larva honestatis indutus nemo non in proscanium prodit, sequentes regulę inserviunt, ad explorandas hominum hac in re voluntates. 1) Si vel ex scripto vel aliunde nobis constiterit, Authorem famę & glorię immodicum aucupem fuisse, de ejus voluntate vera referendi dubitandum est. 2) Innovatores, qui semper refingunt, retractantque etiam a se non intellecta, & in nulla re nisi in novis hypothesibus fingendis sibi placent, plenam fidem non merentur. 3) Qui calamus modo adversus hunc, modo illum stringunt, decoxere fidem. 4) Aeris coruscatores, qui jactant enchirides, novos processus, arcana toties totiesque felicissimo successu comprobata, subleste fidei sunt testes. Quod altero loco experientiam attingit, quæ paratur ex singularibus, a nobis officio sensuum nostrorum cognitio, Aristotelis illud hic valet: *Sensus propriorum objectorum semper verus est*, modo adsint omnia requisita, scilicet 1) organum recte affectum, 2) objectum idoneum, 3) medium naturaliter se habens, 4) intervallum debitum. Singulare autem rite observatum memorię bene est imprimendum. Ad experientiam ergo necessarię sunt plures memorię singularium, quæ vel idem perpessa sunt, vel iisdem qualitatibus prædita, vel multa habuere prædicata eadem. Qui ita instructus est, deinde progreditur ab his singularibus ad aliud eis simile. Et talis integra collectio commode experientia nominatur, & desiniri potest, quod sit progressus a singularibus ad aliud singulare. Contra quas tamen regulas experientię comparandę peccant 1) fastuosi, qui negative ita concludunt: Neque hoc neque istud sensibus meis usurpavi.

B. neque unum neque alterum erit, 2) illi, qui ex uno singulari, quomodocunque cognito statim inferunt aliud sin-

gulare, imprimis in cura

ægrosum.

** ** **

ACTA ERUDITORUM,

publicata Lipsia

Calendis Julii Anno M DCC VI.

JOANNIS GERSONII OPERA OMNIA, NOVO ordine digesta & in V Tomos distributa, ad manuscriptos codices quamplurimos collata & innumeris in locis emendata, quædam etiam nunc primum edita: quibus accessere HENRICI de HASSIA, PETRI de ALLIACO, JOANNIS BREVICORÆ, JOANNIS de VARENIS Scriptorum coætanæorum, ac insuper JACOBI ALMAINI & JOANNIS MAJORIS tractatus partim editi partim inediti, nec non monumenta omnia ad causam JOANNIS PARVI pertinentia, opera & studio M. LUD. ELIES DU PIN S. Facultatis Parisiensis Theologi & Philosophiæ Professoris Regii, qui huic novæ editioni præfixit GERSONIANA.

Antwerpiæ, sumtibus Societatis, 1706, in Fol.
Constant Alphab. 33 & plag. 20.

NOva prodeunt induta facie Opera Viri suæ tempestatis prudentia, pietate & doctrina nemini facile secundi. Doctoris, uti vulgo audire solet, Christianissimi, semperternæ Parisiensium gloriæ & Constantiensis Concilii columnæ. Quæ cum tanti fiant eruditæ, ut neminem in iis sine insigni versatum fructu existiment, quid miremur, quod prima inter documenta inventæ modo artis typographicæ compareant, & sexta jam vice, si quoties, ex quibus constant, tractatus seorsim editi sint prætercas, emendatiora nobis sistantur? Quid operæ ac studii huic editioni impenderit Clarissimus Du Pin, cele-

celeberrimum illud inter Sacrae ac Litterariae Historiae cultores nomen, dabunt nobis *Præfatio* partim eique annexa, partim quæ hanc excipiunt *Gerſoniana*. Præfatione edocemur, quoties opera Gerſonii prodierint ſigillatim, quoties conjunctim omnia. Et collectio quidem illorum facta eſt primo Baſileæ anno M CCC LXXXIII, dein Argentorati anno M CCC LXXXIX, iterum Baſileæ anno M D XIX, demum Pariſiis anno M D XXI & anno M D C VI. Quæ editio poſtrema etſi reliquas ſuperet & forma & characteribus, haut multo tamen eſt accuratior, non quod editor *Edmundus Richerius* huic labori par non fuerit, ſed quod ob bibliopolarum impatientiam; aliis diſtictus curis non potuerit ei, quod neceſſarium fuit temporis impendere. Proinde & diviſio operum Gerſonii, uti compacta vulgo ſunt, inſtar foliorum Sibyllæ confuſa, & quæ textui irreperant errata, ordinem poſtularunt meliorem, majorentque codices manuſcriptos conferendi atque exſcribendi induſtriam. Id quod viros excitavit doctos atque cordatos, ut editionem molirentur cæteris cultiorem, auctiorem & caſtigatiorem, inprimis cum rara admodum ſint & multi veneant exemplaria, forſitan & inde, quod Cardinalis *Barberinus*, præ nimio curiæ Romanæ ſtudio, ſupprimere ea penitus adlaboraverat, ſed perperam. Ultimam itaque ſimam illis adhibuit Vir quidam doctiſſimus, quem Noſter honoris cauſa appellaturus erat, niſi ipſe nomen ſuum reticere voluiſſet: ſed prælo opus tradere paratus, quo ignoratur fato conſilium interrupit, & provinciam hanc Clariffimo noſtro *Du Pin* demandavit. Is retinuit quidem, quæ jam annotata erant atque emendata ab hoc Operum Gerſonii inſtauratore, ſed & ipſemet multos tractatus, ad codices manuſcriptos Viſtorinos, Navarricos, Colbertinos alioſque nondum collatos, recensuit, L ferme Gerſonii lucubrationes ex manuſcriptis eruit, ſcriptorum coætanæorum tractatus aliquot inſignes hæcenus ineditos operibus hiſce adunxit, monumenta ad cauſam Joannis Parvi ſpectantia, quæ nondum lucem viderant, in unum volumen congeſſit, omnia denique opera novo ordine digeſſit, atque quinque Tomis diſtinxit. Illorum Tomus I continet Dogmatica, II. ad Eccleſiaſticam Diſciplinam pertinentia, III Moralia, IV. Exegetica & Miſcellanea, V. Acta ad cauſam Joannis Par-

Parvi spectantia. Atque hæc sunt, quæ præfamine persequitur. Cui proxime annexa sunt *primo series* eorum, quæ nova hæc Gersonii operum editione continentur, in qua asterisco semper notantur nunc primum in lucem emissa; *dein Index* operum Gersonii juxta editionem Parisiensem anni MDCVI, ad hanc novam exactus, cujus beneficio, quæ in veteri dantur opuscula, in recentiori nostra inveniantur, qualem suasit ordinis immutatio; *tandem Synopsis Chronologica* Pontificum Romanorum, Imperatorum & Regum Occidentis, qui Gersonio vivente extiterunt. His præmissis, sequuntur ipsa *Gersoniana* in IV Libros divisa, quorum, Lib. I. Historiam Ecclesiasticam temporis illius, quo Gersonius vixit, enarrat, Lib. II. Johannis Gersonii, Petri de Alliaco, Nicolai Clamengii, aliorumque coætaneorum Scriptorum vitas comprehendit, Lib. III. agit de scriptis Gersonii, Lib. IV. doctrinam illius per universa Theologiæ capita persequitur. Liceat eruditam hanc in Gersonium introductionem strictim perlustrare, quæque notatu digniora videntur atque gratiora delibare, ut, quid ex editione hac recenti redundaturum sit commodi in pium doctumque lectorem, aliquo illi modo innotescat.

In Libro I. itaque res in Ecclesia, dum vixit Gersonius, gestas persecuturus Clarissimus Auctor, tres sibi constituit sectiones, illarumque *prima Historiam Schismatis a morte Gregorii XI ad Pisanum Concilium* enarrat. Scilicet qui rem altius repetet, miseræ isti Sionis fissuræ occasionem dedisse animadvertet sedis Pontificiæ immutationem, quæ anno MCCCXV Roma Avinionem a Clemente V transferebatur. Hunc cum imitarentur successores LXX & amplius annis, summi Pontificis absentia, urbs Roma totaque ferme Italia in eam prolapsa est miseriam, ut continuo belli atque seditionum motu agitantur. Maxima isthæ Ecclesiæ Romanæ calamitas, non solum impulit Urbanum V & Gregorium XI, ut iter in Italiam facerent, neque aliorum curæ omnia committerent, sed & populum Romanum, ut, quantum per ipsum fieri posset, Gregorio XI, anno MCCCCLXXI mortuo talem succedere curaret Episcopum, qui more antiquo ab Ecclesia sua non abesset. Varii hinc Romæ de futuri Pontificis electione suscitabantur tumultus, flagitante Italum populo, renun-

tiaturis Gallum Cardinalibus, quippe in quorum Collegio Gallorum factio praevalebat. Metu tamen multitudinis tumultuantis & conclamantis, *Romanum volumus aut Italum*, Archiepiscopum Barrensem Neapolitanum dixerunt Pontificem, nomine Urbani VI postea insignitum. Sed cum Cardinalium a se abalienasset animos, potentiam ac opes illorum imminuere conatus, hi de alio Pontifice eligendo inierunt consilium, & relicta de lo Romano, statim Pontificatui ejus miserunt nuntium, hortati Papam serio, ut semetipsum abdicaret potestate, quam injusto titulo possidere, & male adeo administraret. Nec diu post in ejus locum elegerunt Rob. Gebennensem, quem Clementem VII appellant. Constitutis ita duobus Papis, in duas orbis Christianus abiit partes, aliis Urbanum venerantibus, Clementem aliis. Urbano adhaeserunt Germania sub Imperatore Carolo IV, Hungaria, Anglia, Bohemia, Polonia, Dania, Suecia, Norwegia, Prussia, Belgium, Tuscia, Longobardia, Ducatus Mediolanensis & magna pars Italiae. Cum Clemente vero fecerunt Neapolitani, Galli, mox Scoti, Navarri, Sabaudi, Lotharingi & deinde Hispani. Quamvis autem partes Clementis amplexi erant Galli, non tamen Academia Parisiensis huic Pontifici fuit addicta, eo quod Ludovico, ab ipso Siciliae Regi declarato, in belli contra Carolum Dyrrachinum sumtus concesserat decimas bonorum Ecclesiasticorum, unde maximum Universitati emergebat detrimentum. Quod cum avertere conarentur Academiae proceres, in odium Pontificis inciderunt, atque Ludovici, qui Johannem Roncium Gessoriacum Theologum in carcerem conjecerunt, & Rectorem Academiae Magnificum comprehendi jusserunt, tanto omnium terrore, ut multi, eosque inter Gersonius noster, Lutetiam relinquerent. Licet autem Parisienses non starent a partibus Clementis, neque tamen ad Urbanum accesserunt, in id intenti unice, ut turbata diro schismate Ecclesia paci & libertati redderetur. Circa id tempus, anno MCCCLXXXII, controversiae natae Dominicanos inter & Franciscanos, circa aliquot fidei capita, & maxime de immaculata Virginis Mariae conceptione, quam negabat Johannes de Montefono Doctor Theologus Parisiensis, quique cum eo faciebant Dominici, affirmabant autem Theologi ac Professores caeteri, quos inter

ter Petrus de Alliaco, cuius scripta Gersonii nostri operibus inserta sunt, principem facile locum obtinebat. Ejusmodi autem contentionibus schisma Pontificum fuit adauctum: quorum enim sententiam Clemens damnaverat, illi deficiebant ad partes Urbani, atque ita duravit eo usque, ut interea Dux Andegavensis & Carolus Dyrrhachinus, de regno Neapolitano in Italia contendentes morerentur, ipse quoque Urbanus VI anno MCCCLXXXIX decederet. Ea rerum mutatio non exiguam dedit spem recuperandæ in Ecclesia tranquillitatis, omnique a quamplurimis contendebatur opera, ne alius in Urbani locum eligeretur Pontifex, sed frustra: sequenti enim mense Petrus de Thomacellis dignitatem hanc obtinuit, atque Bonifacii IX nomen assumpsit. Nilominus Pontifices ipsi suam ad pacem proclivitatem Regi Christianissimo significarunt, eidemque, ut saluti consuleret communi, suaserunt: unde sub illius auspiciis instituta est deliberatio in Academia Parisiensi, quæ ex plurium sententia, tres ad tollendum schisma vias judicavit aptissimas, nempe viam *cessionis* seu renuntiationis utriusque contendentium, *compromissionis* amborum in aliquos solennes viros, & *Concilii generalis*, quas Nicolaus de Clamengiis, cæterorum nomine, libello Regi submisit oblato egregie commendavit. Non quidem statim Rex votis Academiae annuit, sed nec illa propterea ab instituto suo recessit, potius ad ipsum Pontificem Clementem dedit epistolam, qua eundem serio obtestabatur, ut hæc revocandæ pacis consilia admitteret. Qui cum animadverteret, plerosque Cardinalium Avenionensium ratas habere propositas a Parisiensibus vias, conjectus est in mœrorem, & paucis post diebus, subita correptus apoplexia, obiit anno MCCCLXXXIV. Misso de obitu Clementis ad Academiam Parisiensem nuntio, illa mox Regem implorat, ut Cardinalium Collegium moneret, ne in defuncti Pontificis locum alium eligerent, donec circa unionem plenius foret deliberatum, sed potius ipsimet nova restituendi pacem adminicula suppeditarent. Equidem Rex votis hisce dedit locum, & ad Cardinales de electione Pontificis scripsit, sed eo non obstante, electus est Petrus de Luna, qui alias Benedictus XIII nuncupatur. Is pacem simulabat, reapse vero Pontificatum pertinaciter adlaborabat retinere: licet

enim in Concilio Ecclesiæ Gallicanæ, via cessionis electa, Pontifici a Rege Galliæ offerretur per Legatos splendidissimos, Johannem Ducem Bituricensem, Philippum Burgundum, Ludovicum Ducem Aurelianensem, tres Episcopos, aliosque regni Principes, qui una cum Cardinalibus Avenionensibus obtestando atque monendo instabant apud Benedictum, ut viam cessionis admitteret, omnia tamen cum eo colloquia, omnes suasiones, omnes obtestationes fuerunt frustranea. Academia tamen Parisiensis consilium de cessione, ceu optimum, quocunque modo commendare perrexit, imprimis in aulis Principum, per Regis suosque Legatos, non obstante, quod Pontifex minas illi totique regno intentaret, tandemque rem eo deduxerunt, ut Reges & populi plerique in suam irent sententiam. Itaque anno MCCCXCVII conventus de pace Ecclesiæ instituti sunt Francofurti primum, postea Parisiis, & anno MCCCXCVIII iterum in Gallia, in quibus decernebatur, Pontifici obedientiam esse subtrahendam, donec viam cessionis acceptasset. Varia interim a Theologis & Canonistis promulgata sunt scripta, quorum alia subtractionem defendebant, alia repiciebant. Gersonius noster, uti erat vir mitis ac prudens, media incedebat via, restituendam suadens obedientiam, sed non in iis, quæ ad collationem beneficiorum & alia Ecclesiæ temporalia pertinent; quæ sententia sapius postea in Synodis Gallicanis repetita, & in hunc usque diem confirmata est. Reddita quoque est, præterlapso quinquennio, Pontifici potestas sub conditionibus, & præcipue promovendi concordiam, quibus ut se conformem demonstraret, per legatos cum Bonifacio de pace Ecclesiæ agere instituit. Re ipsa autem Principes delusit atque Episcopos, id tantum molitus, Pontificatum suum ut confirmaret, & proposita cessionis aliaque restituendæ pacis media, proprio suo commodo adversa, interromperet. Cessit ei hæc declinandi media unionis astutia, tamdiu ex voto suo, ut interea temporis & Bonifacius IX, & qui ei jam successerat, Innocentius VII morerentur. Cum autem Papa uterque, & Romæ & Avenione sedens, elusiones suas nimis aperte proderet, & Benedictus quidem restituta sibi potestate tam male uteretur, ut Bullas in Galliam mitteret excommunicatum, quotquot vel meditarentur, vel executioni essent mandaturi obedi-

dientiae subtractionem, Rex Galliae eandem publico contra utrumque edicto promulgavit, praetereaue Marechalco suo Bucicaldo mandavit, ut Benedictum caperet. Is autem fuga in Catalauniam se recepit, sicuti & Gregorius XII Innocentii successor Romanam deseruit. Hoc cum cernerent utriusque Collegii Cardinales, conveniunt, Conciliumque in civitate Pisana indicunt. Hucusque progreditur prima hujus Historiae pericope. *Altera* complectitur res in Concilio Pisano gestas, quaeque sub Alexandro V & Johanne XXIII, usque ad Concilii Constantiensis convocationem, contigerunt. Convenerunt itaque anno MCCCCIX Pisae in Ecclesia cathedrali XXII Cardinales, LXVII Legati, IV Patriarchae, XII Archi-Episcopi, LXVII Episcopi praesentes, & per Legatos LXXXV Abbates quamplurimi, cum Generalibus, Ministris, Procuratoribus & Prioribus diversorum Ordinum, & Monasteriorum ac Academiarum Deputatis, & ad diem septimam Augusti, XXII confessionibus, de reddenda Ecclesiae pace deliberarunt. Tandem jussu Concilii pronuntiata est ab Alexandrino Patriarcha sententia, qua uterque Pontifex a Pontificatu rejectus est. Postea elegebatur in illorum locum Alexander V, qui omnia a Synodo hac decreta probavit bulla, die ultimo Januarii A. MCCCCX data. Sed is cum aetate esset prope septuagenarius, totum se permittit Baltazari Cossa, & Bononiae moritur anno MCCCCX die VI Maji, paulo post quam illuc esset deductus a Cossa; qui uti Curiae Pontificis optime erat gnatus, in Pontificatu ei successit, assumpto Johannis XXIII nomine. Varia autem tertio huic Pontifici, cum duobus reliquis de summa in Ecclesia potestate certanti, adversabantur. In Italia Gregorius XII Utinae celebrabat conventum, summis eo annixus viribus, Praelatorum ut sibi conciliaret animos, quorum quosdam creabat Cardinales, in alios alia conferebat beneficia. Praeterea Roma a Ladislao capta, Johannes fuga saluti consulere cogeatur. In Gallia Bulla Alexandri, Mendicantibus Fratribus concessa, & exactio decimarum penitus rejiciebantur. Et licet Johannes antecessoris sui Bullam de Mendicantibus revocaret, nihilominus immunitatem ab exactioe decimarum & aliorum reddituum ex beneficiis vacantibus, Parisienses strenue defendebant, prout edicto Regio anno MCCCCVI erat

constitutum. Hæc omnia tamen electionem novi Pontificis non reddiderunt irritam; ipse quoque Pontifex operam dedit, ut promissis Concilio fieret satis, & Ecclesia tum in capite tum in membris emendaretur. Eousque *sectio* altera. *Ultima* complectitur narrationem eorum, quæ ad extinguendum schisma in Concilio Constantiensi & post Concilium gesta sunt, usque ad mortem Gersonii. Indictum igitur atque convocatum Concilium a Johanne XXIII, rerum suarum angustis adactis, & in urbem quidem Constantiam A. MCCCCXIV, cui Gersonius interfuit nomine Regis atque Academix Parisiensis, princeps inter utriusque Legatos, tantæ apud Patres conscriptos omnes existimationis, ut nihil sine eo annuente & consulente tentaretur, nedum decerneretur. Emendatio Ecclesiæ diu quæsita ita tandem instituta, ut primum Johannes XXIII, dein Gregorius XII, tandem etiam Benedictus XIII Pontificatu abdicarentur. Omnes quidem diu reluctati, noluerunt summa Ecclesiæ potestate cedere. Benedictus in castello Aragoniæ Paniscola conclusus, nomen & insignia Pontificatus retinuit, ad mortem usque, quæ contigit anno MCCCCXXIV, aliumque Cardinales, qui eum illuc secuti erant, crearunt Pontificem, Clementem VIII. Postquam autem Concilium Constantiense A. MCCCCXIIIX Martinum V elegerat, omnes fere Reges ac Principes, etiam illi tandem, qui cum Papis reprobatis faciebant, eundem agnoverunt. Idcirco Papæ reliqui, ad incitas jam redacti, Pontificatum deseruerunt. Gregorius Martino sese submitit, eoque ipso in Collegio Cardinalium Decani locum obtinuit. Clemens in Aragonia ultro dignitati nuper sibi collatæ renuntiavit, quique illum creaverant Cardinales, elegerunt declaratum dudum Martinum, eoque ipso electionem ejus calculo suo confirmarunt. Ita schismati, quod per LI annos duraverat, anno MCCCCXXIX sublatum est, quo ipso etiam Gersonius vitam cum morte commutavit. Dignum quoque memoratu est Concilii hujus decretum, de auctoritate Concilii in Papam, quod non de schismatis tantum tempore intelligi debere, Clarissimus Du Pin pag. 31 demonstrat.

Libro II. & quidem §. I continetur vita Gersonii, cujus parentes, educationem, munera, legationes, adversam sortem,

au-

auctoritatem & mortem Noster erudite persequitur. Non im-
morebimur illorum recensitioni, quæ a compluribus literis manda-
ta & obvia cuique sunt: suffecerit advertisse, addita esse a Nostro
exili Gerfonii descriptionem, ipso Gerfonio auctore, & alia quæ-
dam vitam ejus & doctrinam concernentia, quæ frustra fortassis
alibi quæsieris. Omni certe silentio præteriri nequeunt fata,
quibus obnoxius Gerfonius fuit, utique stupenda. Humillimo na-
tus loco, in viculo Gersone, unde Gerfonius dicitur, cum alias
Johannes Charlerius vocetur, evehctus intra XXX annos fuit ad sum-
mum Cancellarii in Academia & Ecclesia Parisiensi dignitatem,
tantamque apud omnes existimationem, ut inter Legatos Regis
Galliæ in rebus Ecclesiæ gravissimis occupatos non semel primum
obtinuerit locum: ast mox ex summo felicitatis fastigio præcipi-
tatus in maximam perpetui exiliæ miseriam, tot pro pace Ecclesiæ
exantlatis laboribus utique indignam. Origo hujus mali fuit ira
Ducis Burgundionum, in quem zelo percitus divino invectus
erat ob perpetratam Ducis Aurelianensis cædem, cum oratione
publica, tum refutatione Johannis Parvi, Ducis Burgundiæ defen-
sor. Quam ob causam Lutetiam repetere cum minime aude-
ret, in Baviaræ montanis & in Austria oberravit, tandemque
Lugdunum fugit ad fratrem suum Cælestinorum Priorem, ubi
absconditus puerorum institutione vitam consummavit. Sequi-
tur §. 2. vita Petri de Alliaco, Cardinalis Cameracensis, primi Ger-
fonii Magistri, Compendii ad Isaram anno MCCCCL nati. Is
haut claris satus parentibus, comparata Parisiis humanarum pari-
ter ac divinarum rerum scientia, Hypodiaconi primum spartam
subiit, mox Theologiæ Professor & Collegii Navarrici Præposi-
tus, inter discipulos suos Clamingium habuit ac Gerfonium, cele-
bris præterea ex controversia de *Immaculata Virginis Conceptione*,
quam acerrime propugnavit. Anno MCCCXXCIX creatus
est Cancellarius Parisiensis, & anno MCCCXCIV Capellæ Re-
giæ Parisiis Thesaurarius, eaque magni honoris ac emolumenti
obtentâ dignitate, munus Cancellarii transtulit in Gerfonium.
In causa schismatis cum ita se gereret, ut a consilio ejus multa
penderent, Benedictus Papa, in partes suas eum pertracturus, de-
signavit Episcopum, & quidem primum Podiensem A. MCCCXCV

post sesquiannum vero Cameracensem. Quibus devinctus beneficiis, quamdiu potuit, strenue Benedictum defendit, at cum Ecclesie tranquillitas restitui neutiquam posset, nisi de Pontificatu contentes cederent hac dignitate, publicam utilitatem anteposuit privatæ, atque Alexandri V electionem probavit, quin imo promovit. Tandem A. MCCCCXI a Johanne XXIII Cardinalitia insignitus purpura, Concilio Constantiensi interfuit, & cum Gersonio de Ecclesiæ emendatione operam dedit, magna inter illos animorum consensione, mortuus tandem in Germania, in quam alteram susceperat legationem A. MCCCCXXV. Porro §. 3 exhibetur vita Nicolai Clamengii, vulgo de Clemangis dicti, cujus laudes Clarissimus du Pin ita extollit: *nulli veterum cedit Clamengius, sive sermonis ubertatem, sive sententiarum sublimitatem attendas, & plerosque superat. elegantiæ verborum & Latini eloquii puritate. Hujus oratio vera ac nativæ nec affectatæ eloquentiæ ornatu splendescit, electis dictionibus, locupletibus sententiis, & tum sacrorum tum profanorum Scriptorum appositis allegationibus abundat. Nihilominus in declamationibus aliquando modum excedit, & in Satyris nimis acer videtur; at in descriptionibus jucundus est, in narrationibus politus, in præceptis abundans, in exhortationibus vehemens, in consiliis prudens. Scriptor sane, quicquid dicant, quovis tempore legi dignus & magni faciendus. Dies & annus nativitatis, sicuti & mortis, incertus quidem est, cum nullibi adscriptus legatur, colligit tamen Noster ex Actis Academiæ Parisiensis, cujus Rector fuit anno MCCCXCIII, quod natus sit circa annum MCCCLX, & septuagenarius anno MCCCCXL vitam cum morte commutaverit. Tandem §. 4. Henrici de Hassia, Joannis Brevicoxæ, Johannis Parvi, Petri de Cauchon, Ægidii de Campis & Petri Plaoul vita enarratur. Isti omnes schismati sese opposuerunt, viri in Academia Parisiensi doctrina & eloquentia celebres, quorum scripta quædam cæteris præstantiora Noster ex manuscriptis codicibus in lucem produxit, atque Gersonii operibus inseruit.*

In libro III recensentur monumenta, quæ Tomis IV prioribus comprehenduntur, & singulorum tempus, occasio, argumentum & character exponitur. Quæ inter diutius immoratus est

est Clarissimus du Pin libello *de sensu litterali Sacra Scriptura*, & *judicio de vita S. Ermini* §. 1; tractatui *de modis uniendi ac reformandi Ecclesiam*, eique annexis tractatibus *de flagellatione*, quæstioni: *utrum aurora mane rutilans Solem ediderit?* circa quam advertit, Gersonium hic demonstrasse, mandata DEI præferenda esse consiliis Evangelicis, tractatui *de studio Monachorum*, item *de Potestate Ecclesiastica*, nec non *de Auctoritate Ecclesie & Conciliorum generalium* §. 2; libro *de Vita spirituali* §. 3, & *Exhortationi ad cultum Josephi* §. 4. Tandem in ultimo libri hujus paragrapho de stylo Gersonii & Petri de Alliaco disserit, & utrumque quidem inæquali usum fuisse dicendi genere docet, pro argumenti & studii impensi discrimine, magis tamen dictione invicem differre scripta Alliaceni, quam Gersonii. Alliacenum in aliis facundum, in aliis gravem, in aliis subtilem, in aliis & levem & ludictum comparere. Gersonium autem vel tersum & politum adhibuisse dicendi genus, in orationibus præcipue, & quando tempus suffecerit industriæ, vel horridum & opacum, in operibus scholæ & rudium institutioni destinatis. Et si utriusque fiat comparatio, Alliacenum inferiorem esse Gersonio in judicii acimonia, doctrinæ constantia, vi ratiocinii & sensus pietatis. Exantlatz ita erudite scriptorum Gersonii aliorumque illis adjectorum recensione, subjecit peculiarem dissertationem de Auctore libri, cujus inscriptio est: *de Imitatione Christi*. In ejus §. 1 controversiæ hujus criticæ exhibetur historia, ab A. MDCIV, (quo in Hispania Petrus Manriquez omnium primus scripto negare ausus est, opusculum hoc esse Thomæ a Kempis) ad nostram usque ætatem. Dein §. 2 ostenditur, quatuor dari scriptores, quibus is potissimum vindicetur, nempe D. Bernardum, Johannem Gersonium, Thomam a Kempis, & Johannem Gersen seu Gessen Abbatem. Porro §. 3 producit codices manuscriptos de Imitatione Christi, qui nomen præ se ferunt Thomæ a Kempis, Canonici Regularis Zwollensis, eosque ad Critices regulas examinat. Manuscriptos §. 4 excipiunt editi typis sub eodem nomine, & §. 5 testimonia Scriptorum in gratiam Thomæ a Kempis allegata, utpote Johannis Buschii in *Chronico Monasterii Windesemensis*, Matthiæ Farinatoris in *Lumine Anima*, Auctoris anonymi in *vita Thomæ a Kempis*, Petri Schotti Argentinensis

in *præfamine ad Gersonii opera*, Johannis Kune Dunderstatenſis in libro *de Elevatione animæ ad Deum*, Johannis Mauburni in *Rosario Spirituali*, Trithemii *de Scriptoribus Ecclesiasticis*, Georgii Pirckameri & Petri Danhaufferi editorum Libri *de Imitatione Christi*, Johannis Geileri Keisersbergensis in *Navicula* & Philippi Bergomatis in *Chronico*. Iſti omnes ſeculo XV. floruerunt, excepto Farinatore, quem jam ſeculo XIV. librum ſupra nominatum juffu Pontificis Johannis XXII. compoſuiſſe, alii contendunt. Demum §. 7. excutiuntur argumenta pro Th. a Kempis allata, & in id potiſſimum inquitur: an aliqui Scriptores libri hujus mentionem faciant, antequam ab illo conſcribi potuerit, & testimonium Bonaventuræ, ante Thomam a Kempis defuncti conſideratur, quippe qui in Collationibus ei vulgo tributis, librum *de Imitatione Christi* laudat, unde prima ſuſpicio, an Thomas a Kempis auctor ejus ſit, nata eſt? Eadem progreditur via in enarratione argumentorum, quibus Gerſonio libellus *de Imitatione Christi* aſſeritur, & §. 8. codices manuſcriptos, qui nomen ejus præferunt, enumerat, §. 9. editiones eodem inſignitas refert, §. 10. varia colligit indicia in ipſo opusculo obvia, quæ arguant in Gallia & in Academia quidem eſſe compoſitum, idque a viro, cujus parentes, fratres & ſorores tunc temporis fuerint in vivis, qualia non cadant in Thomam a Kempis, qui unum tantum fratrem habuit, ſicuti & reliquæ circumſtantiæ, quæ omnes tamen Gerſonio accommodentur rectius. Hinc §. 11. dubia contra hanc ſententiam mota examinat, quæ potiſſimum verſantur circa ſtylum, & vitæ genus, cum auctor hujus libelli Monachum ſeſe profiteatur, Gerſonius autem Cancellariæ in Academia Pariſienſi præfuerit, & dictionis character a Gerſoniano recedere videatur. Demum, poſtquam §. 12. inquiſivit, an Johannes Gerſenius diverſus ſit a noſtro Gerſonio, atque adeo tertio cuidam rectius libellus tot criticorum difficultatibus obnoxius tribuatur? concludit §. 13. certum quidem eſſe, opusculum hoc non eſſe Bernardi, quod jam ſupra §. 2. probaverat, neque invictis Thomæ a Kempis tribui poſſe argumentis, Johanni Gerſonio majori inter omnes jure vindicari, nihilominus definiri haut facile poſſe, utrum Johannes Gerſen, Gerſen aut Gerſem nomen revera ſit Abbatis alicujus, an

nomen Gersonii vitiatum, adeoque auctorem remanere incertum. Antequam recensionem Operum Gersonii a Clarissimo du Pin datam deferamus, monendus est B. L. Tomum V in Gersonianis hisce esse prætermissum, de quo autem sigillatim agit in præliminaribus ultimo huic Tomo præmissis. In illis enim *primò* causam Johannis Parvi paucis enarrat, quod nempe in defensionem Ducis Burgundi, qui Ducem Aurelianensem occidi jusserat, asseruerat: *Tyrannos per insidias a quibusvis privatis, nullo servato juris seu divini seu humani ordine, & confederatione, qualibet non obstante, interfici posse.* Cui pessimæ sententiæ opposita sunt acta & scripta, quæ Tomo V continentur. Dein exhibetur series horum opusculorum, eadem, quæ prioribus præmissa est ratione, elaborata. Tandem Synopsis Chronologica eorum, quæ acta sunt in negotio Johannis Parvi, ad illius, quæ Gersonianis præfixa est, imitationem.

In Libro IV agit de doctrina Gersonii, atque universum Theologiæ Systema ex operibus ejus concinnavit, ut, quæ circa singula fidei capita docuerit Gersonius, eo citius a quolibet perspiceretur. Non est, quod illius recensionem immoremur, quæ non adeo ignota iis erit, qui aliquid temporis Gersonii lectioni impenderunt: vel id observasse suffecerit, confirmari ex Theologia Du Pinii Gersoniana, quod de Scriptore hoc quondam tulit Flacius Illyricus (in Catalogo Testium Veritatis pag. 1804 edit. fol.) judicium. *Is fuit omnino, inquit, meo quidem judicio vir pius ac eruditus, qui licet multis Monachorum & Sophistarum erroribus fuerit infectus, multos etiam nihilominus errores & abusus Papatus animadvertit, eosque & taxavit & tolli ex animo optavit, ut ex ejus scriptis non uno in loco apparet.* Utrumque vel ex primo capite Theologiæ hujus Gersonianæ patet: alterum ex §. 1. ubi Papam etiam in rebus fidei errare, & a judicio illius ad Concilium generale provocari posse, Gersonius docet, alterum §. 5 & 6, in quibus errori de Invocatione Sanctorum, de Lymbo Parvulorum & Purgatorio additum se profitetur.

Sächsisches Medaillen-Cabinet. Anderer
Theil der Ernestinischen
Linie.

h. e.

NUMMOPHYLACIUM SAXONICUM. PARS
secunda Lineæ Ernestinæ, duarum nempe extincta-
rum, Coburgica & Alten-
burgica.

Prostat Francofurti ad Moenum apud Knochium, & Lipsiæ
apud Stockium, 1706, in 4.

Constat Alphab. 1 plag. 7 & Tab. æn. 17.

Alter hic Lineæ Ernestinæ nummis ab Amplissimo Tenzelio
explicatis illustratæ Tomus est, qui partem ex hactenus a no-
bis recensitis quartam conficit, & operis adeo ab Auctore cele-
berrimo mox consummandi dimidium absolvit.

Initium ille sumit a *Johanne Friderico*, medio plerumque
dicto, quod inter Parentem Fratremque minimum, ejusdem-
utrumque nominis, in medio consisteret. Hujus numismata
in duas dividuntur tabulas, quarum altera ante captivitatem Du-
cis, altera in captivitate ad ejus mortem usque, causa comprehen-
dit. In priori, Tabula nempe XVI sub num. 4, ducatus appa-
ret, qui rarissimus vocatur, in cujus altera facie bini Angeli vo-
lantes sertum tenent rutaceum, lemmate ex Psalm. XXXVII, 25.
deprompto: *Non vidi justum derelictum, nec semen ejus quærere
panem.* Hunc nummum circa tempus Comitiorum Imperii Au-
gustanorum, obsidionem Gothanam brevi antecedentium, Jo-
hannem Fridericum cudi curasse, Noster conjicit, quando Electo-
res Principesque, ac proprius illius Consiliarius & Legatus Hufa-
nus, inter alias dehortationes ingesserint, ut filios suos parvulos
respicere dignaretur. Quâ occasione & nummorum calculato-
riorum A. 1560 factorum mentio injicitur, qui una ex parte in-
tegra insignium Saxoniorum Ducalium scuta, galeis tamen de-
stituta, ex altera vero rhythmum Germanicum repræsentant:
Rechne recht, und nicht zu viel, Gott gibt dir auch ein Ziel.
Cu-

Cujus sensus : *Recte subduc rationes : non nimium. Nam & tibi Deus ponit terminum.* Tab. XVII n. 8. quidam nummus fuitur, in quo *Patientis* nomen Duci inditum legas, ut alia memoratu digna passim interspersa taceamus, utpote de meditationibus & soliloquiis Joannis Friderici, de Soceri ejus Friderici, Electoris Palatini, pro ipso ex vinculis dimittendo intercessione &c.

Patrem excipit natu major filius, *Joannes Casimirus*, inter cujus numismata cum primo statim loco nuptiale compareat, simul quaedam afferuntur de ejus conjugē, *Anna*, Augusti Electoris filia natu minima, post a marito ob violatam thori sanctimoniam repudiata. Qua de re narratio & judicium annectitur M. Nicolai Rebhahnii, Superintendentis Isenacensis, cujus Historia Ecclesiastica Isenacensis, nunquam edita, in sacratio Isenacensium latere perhibetur. Nummum Gymnasii Casimiriani fundamento Coburgi insertum deesse sibi, Autor p. 270 quentur. Thaleros A. 1629. culos, in quibus Dux senex equo insidens, & ejus symbolum: *Elend nicht schadet, wer Tugend hat*, i. e. *Miseria nullum illi damnum infert, qui virtute praestat*, distributos autumat Amplissimus Tenzelius uti alias, sic & imprimis in conventibus & deliberationibus, tam ob Jesuitarum in Augustanam Confessionem, Pupillam Evangelicorum, maledicta, quam ob edictum Caesareum de bonorum Ecclesiasticorum restitutione, mense Martio istius anni vulgatum, a Protestantibus saepe iteratis querelis.

De Fratris ejus, *Jobannis Ernesti*, nummis post differitur, ejusque una Symbolum: *Weisheit gehet vor Sterck*, prudentia non robore, illustratur, alibique monetur, belli flammis ubique ardentibus, exitioque Germaniae imminente, Joannem Ernestum inde ab anno 1636 monetas suas omnes majores minoresque, aureas & argenteas, dicto notabili: *Gott bessere die Zeit und Leut*, Deus corrigit tempora & homines, signari curasse, quaidem in re Erfurtenses fuerit imitatus, qui paucos ante annos Imperialibus suis insculperint verba: *Gott bessre die Zeit und leust*, Deus cursum temporum emendet; ubi verbum unicum prudenter mutavit Joannes Ernestus, innuens, quodsi homines

vitam magis probam ducerent, tempora quoque meliora posterum futura esse.

Relicta linea Coburgensi, in *Joanne Ernesto* extincta, ad Vinariensem transit Autor, & ab ejus fundatore Joanne Wilhelmo dicendi facit initium; eique diem natalem undecimum Martii (pro quo alii tertium nominant,) assignat. Inter ejus nummos dignior cæteris videtur ille, in quo Academiae Jenensis Restaurator Joannes Wilhelmus audit. Sed nec vidua ipsius liberique in nummis expressi heic desiderantur, ac de Maria, Abbatissa Quedlinburgica, sigillatim differitur.

Prolixior est Amplissimus Autor in *Friderico Wilhelmo*, cujus numismata tribus in tabulis representata dispescit in tres classes, prout aut ante Electoratus administrationem, aut hac durante, aut post eam cusa fuerunt. Inter hæc repetitum cernitur rarissimum illud elegantissimumque, quod in abdicationem administrationis factum est, quodque jam in secunda parte Albertina Tab. XXV num. 3. ære expressum, & p. 325 sq. explicatum fuit, quandoquidem simul ad susceptum a Christiano II Electoratum pertinet. Ac singulare certe posteaque inauditum esse dicitur, binos duarum linearum Principes unum simul numisma cudi curasse.

Defuncto A. 1602 Friderico Wilhelmo, quatuor Juventutis Principes ab ipso relictæ filii *Lineam Altenburgensem* exorsi sunt, ubi mox ab initio differitur de proluxa præcedentiæ controversia inter lineæ Altenburgensis & Vinariensis Patruces orta, qua durante Altenburgenses A. 1612 Vallenses suos notarunt dicto: *Discordia præcursor ruine*; sed Vinarienses eodem anno, ut par pari redderent, alio thaleros suos signarunt, hoc nimirum: *Discordia Comes Injuria*. Hujus nummi descriptionem recenset excipit uberior eorum, qui ad unumquemque fratrum sigillatim attinent.

Appendicis loco subjicitur Epistola a Clarissimo *Herao*, Confiliario Aulico Sondershusano, ad Tentzelium missa, cujus contenta potiora eo tendunt, ut novum numismatum nomen Latinum generale inveniat, discrimen eorundem notetur, tracteturque generalis quæstio: quæ prima sint in recentioribus numismata?

HL.

MENSIS JULII A. MDCC VI. 305
HISTOIRE DU VIEUX ET DU NOUVEAU TE-
stament &c.

i. c.

HISTORIA VETERIS ET NOVI TESTAMENTI
iconisimis exornata, auctore Domino
BASNAGE.

Amstelodami, ex typographia A. Groenewoudt, 1705, in 4. reg.
Constat 1 Alph. 15 plag.

Poterat hic liber vulgi magis, quam eruditorum, gratia conscri-
ptus videri, quippe cum magnam ejus partem conficiant iconismi
Historiarum Biblicarum, a *Romano de Hoogbe*, principe artis chal-
cographicae inter Belgas, ære expressi, quorum explicatio residua
libri pars dici posset. Quod si vero universus perlegatur, aliud
plane judicium in lucem prodibit, facileque doctissima manus
Basnagiana, a qua non nisi cocta maturataque proficisci poterant,
agnoscitur. Nam & Præcognita, parti æque I, quæ Historiam
Veteris Testamenti, ac II, quæ Novi Testamenti gesta continet,
præfixa legi summo jure merentur, & Historia ipsa pereruditis ob-
servationibus, conjecturis ac disceptationibus referta est.

In Prolegomenis Partis I, gravis disputatio cum Atheis insti-
tuitur, constipatis quasi argumentis omnibus, quibus eorundem
furor retundi potest, præsertim ille, quo Historiam Veteris Testa-
menti impugnant. Monet initio Basnagius, eos, qui mores cor-
rectos aut severiores profiteantur, omnium desperatissimos esse
Atheos, quippe qui, de sua superbi innocentia, ex seipsis confi-
ciant idolum, remorsusque conscientiae leviores sentiant, quam pro-
fligatae vitae homines: naturam corruptam mortalium quorumvis
eo tendere, ut vel neget Deum, vel eundem otiosum faciat, at-
que ad indolem vitiorum nostrorum, ne illis obsit, accommodet.
Observat porro, non aliam esse commodiorem Atheos convin-
cendi viam, quam si ad interiora mentis eos revoces; ut plurimum
enim eos sui ipsius ignarissimos esse. Revera Atheos Deum ne-
gare ex turpissimo amore sui, ne illi obedientiam, honorem ac
reverentiam debeant, sed sui sint juris, & omnibus se rebus præ-
fer-

ferre possint; insuper eosdem, ne Deum existere fateantur, ad absurdissima quævis credenda adigi; quæ si ad animum ipsis revocentur, fore, ut sui eos poeniteat, atque ad frugem se reduci pantantur. Addit, Deum nullum unquam Atheorum causa fecisse miraculum, quippe cum vel ordinario naturæ cursu illi satis superque convincantur. Posthæc ad Mosis Historiam, præcipuum Atheorum scopulum, se confert, cujus divinitate demonstrata, clarum facit, ne fieri quidem potuisse, ut Moses fraudulenter ageret, quippe cum omnia a politicis artibus alienissima sint. Hic inter alia edocet, Mosén sua non a *Sabæis*, (quo recentiores Athei fere recurrunt) habere; horum antiquitatem solis Arabum fabulis niti, incertissimamque esse. In Prolegomenis Novi Testamenti, principio ejus auctoritas contra Atheos adstruitur, multaque alia contra nefarios hos homines generatim differuntur; v. gr. rationem nostram mira libidine duci, reducendi Deum ad regulas humanarum proportionum; quare cum easdem a Deo mirum quantum excedi videat, ægre id ipsam habere, quippe vel hac in parte absoluti dominii cupidam; hanc esse causam, cur a revelatione tantopere abhorreat, ne scilicet ejusdem veritatem agnoscendo, suam fateri imbecillitatem cogatur: datam inter alia religionem humano generi, ne quivis ad libitum suum jura Dei restringat. Deinceps veritas & divinitas Historiæ Christi multis argumentis adferitur, atque inter alia isto, quod Prophetæ talia de Salvatore prædixerint, quæ illi postea sic evenere, ut ab hominum arbitrio plane non dependerent, v. gr. nasci ex virgine, pœna crucis Judæis insueta affici, &c. Tandem Apostolorum *ἑσθησία* vindicatur, ac de eorundem Autographis diu conservatis, fideque codicum manuscriptorum veterum agitur.

Historia ipsa non solum florida tersissimoque stylo, interspersis gnomis & observationibus variis, consignata est, verum etiam ex eruditionis penu multa, partim in transitu, partim prolixius explicata complectitur. Capiamus hujus rei specimen ex Historia Veteris Testamenti. Hic p. 100. 101 de marito Esther: Ahasvero Basnagius disserit, notatque, omnes Persarum Reges post Cyrum Xerxes dictos, quod nomen idem sit cum Ebræo Ahasveros, voculam *Aria* autem a quibusdam libere fuisse nomi-

mini isti adjectam, ut inde fieret Artaxerxes, eam enim Magnatum propriam fuisse, & Heroem indicasse, unde sint nomina Artabanus, Artavasdes, &c. igitur Ahasverum Estheræ maritum ex nomine dignosci non posse, circumstantiis vero Historicis evinci, quod Darius Hystaspis sit intelligendus; atque adeo per Reginam Vasti filiam Cyri, quam Darius conjugem duxerit, per Estheram autem Artistonomam Herodoti designari, cui Darius ex auro puro statuam locari jusserit; Josephum vero in hac & Nehemiæ historia insigniter falli. Ex Historia Novi Testamenti seligimus, quæ p. 11. 66 exstant. Conatur hic Basnagius Josephum conciliare cum sacris Literis, cum in his Herodes Tetrarcha Galilææ Philippi uxorem dicatur rapuisse, quam Josephus Herodis conjugem appellat. Monet igitur, in Herodis familia mares singulos Herodis nomen obtinuisse, sed præter id singulos peculiare nomen habuisse, quo invicem distinguerentur; itaque Josephum familiæ nomen, Evangelistam vero proprium adhibere, Harduinum vero præter causam istius fidem sollicitare.

Præter ista multis sane aliis ad rem literariam facientibus momentis liber hic superbit. Ut quædam delibemus, Huetii de situ Paradisi sententia defenditur p. 7, repudiata, sed modeste, Salomonis van Til hypothesi; Pelleterii de structura arcæ Noachii sententia probatur, p. 11; ea vero, quæ ex coturnicibus, quibus Israelitæ in deserto cibabantur, locustas facit, repudiatur, p. 32. Jephtæ filiam occisam esse, p. 51 confirmatur, rejecta p. 81 eorum conjectura, qui corvos, Eliæ cibum asportantes, mercatores Arabes dixerant. Peccatum Ulsæ internecione properata punitum, non aliud fuisse Auctor putat p. 72, quam quod arcam fœderis fere pro re humana habuerit, cujus peculiarem curam Deus nullam haberet, quare eidem labascenti sua succurrere opera voluerit. Interpretationem Bibliorum Genevensem semel iterumque deferit, imprimis p. 86, ubi pro columbarum fimo, quo cibo obsessi Samaritani dicantur usi, cicer ponendum existimat. De Jobi autem libro & Salomonæ Cantico liberius paulo scribit, præsertim de posteriori p. 110. Hæc ex Historia Veteris Testamenti; ex altera notamus, Lucam præ ceteris Evangelistis in delineanda Christi *φιλανθρωπία* elaborare, p. 28. Horam Christi,

quam nondum venisse in nuptiis Canæ dixerat, horam passionis & mortis esse, in hac enim Herodem aliosque, ut ægre ipsi facerent, miracula ab illo ut extorquerent, allaborasse, id quod matri Servatoris, ne illum nimis præpropere excrucia- ret, dictum sit. De Apocalypsi suam non pronuntiat sententiam, sed aliorum mentem narrasse contentus, finem operi imponit.

*DISSERTATION HISTORIQUE ET CRITIQUE,
sur le Martyre de la Legion The-
béene &c.*

I. c.

*DISSERTATIO HISTORICO - CRITICA SUPER
Martyrio Legionis Thebaorum, Auctore JOANNE
DUBOURDIEU.*

Amstelodami, apud Steph. Roger, 1705, 12.
Constat plag. 13.

- P. 1. **C**um Clarissimus Autor hujus dissertationis Augustæ Taurino-
rum (quam in urbem A. 1691 cum Duce de Schomberg ve-
nerat, ibique biennium fere moratus fuerat) cultum sanctis Mar-
tyribus legionis Thebææ, tum a plebe, tum ab ipsa Aula Magi-
stratuque tributum vidisset, constituit secum veritatem hujus mar-
tyrii expendere. Non autem odio aliquo adversus incolas ejus
urbis se motum fuisse dicit, ut illos, quos ipsi tanquam patronos
protectoresque suos venerantur, aggredieretur; sed benevolen-
tiam & comitatem civium cum erga omnes externos, tum erga
se imprimis, magna laude ornat, laboremque istum ex solo ve-
ritatis amore se suscepisse perhibet. Varia igitur exempla pro-
fert nimii cultus, quo Taurinenses memoratam Legionem,
quæ ob religionem Christianam Maximiani Imperatoris tem-
pore mortem perpessa fuisse fertur, a multis retro seculis pro-
secuti fuerint: inter quæ absque dubio eminet factum Caroli
Emanuelis I Ducis Sabaudia, qui Vallesius urbem S. Mauriti alia-
que loca reliquit, ea conditione, ut cadaver Mauriti, qui legioni
Thebææ præfuisse creditur, Augustam Taurinorum perferri con-
cederent, Magnam etiam esse censet superstitionem Caroli Hya-
cin-

cinthi Ferreri, qui horum martyrum vitam descripsit: is enim Carolum V Imperatorem certo Augusta Taurinorum potiturum fuisse putavit, nisi exercitus ipsius scalas muris eo loco admovisset, quo sanctæ Thebæorum reliquæ quiescebant. Nullam autem huic legendæ, cui adhuc omnes scriptores & Pontificii & Protestantes fidem adhibere non dubitarint, veritatem subesse, multis argumentis Clarissimus Autor ostendere conatur. Historiam hujus martyrii, quæ Eucherio Lugdunensi Episcopo tribuitur, supposititiam esse, exinde probat, quoniam ibi mentio fiat Sigismundi Regis Burgundiæ, qui vero diu post mortem Eucherii ad regnum pervenerit. Acta etiam concilii Agaunensis nullam mereri hac in re fidem, multis anachronismis aliisque ridiculis rebus ibi contentis evincere studet. Nec majorem auctoritatem novæ Historiæ legionis Thebanæ a Petro Francisco Chiffletio editæ tribuit, eademque hunc Jesuitam usum fuisse in reperiendo codice manuscripto dexteritate, qua Annii Viterbiensis & Varillasius antiquos aliquot codices detexerint, existimat. Et licet Historia martyrii a Chiffletio non conficta fuerit, nihilominus tamen eam potius a quovis alio, quam ab Eucherio, conscriptam esse ait. Eucherium enim stylo usum fuisse elegantissimo, Historiam vero legionis Thebanæ barbara illuvie ubique scatere. Reperiri etiam in eo scripto nomen *Primicerii legionis*, quod illis temporibus non fuerit in usu, & in definiendo numero militum ad legionem pertinentium errorem haut exiguum committi. Ut reliqua ipsius argumenta silentio prætereamus. Sub finem dissertationis adjunguntur aliquot exempla virorum doctorum Romanæ Ecclesiæ addictorum, qui ipsi fraudem legendarum quarundam agnovissent aut detexerint. Præ reliquis eminet historia S. Ursulæ & undecies mille virginum, cujus falsitatem Sirmondus e veteri martyrologio probavit, ubi scriptum erat, SS. URSULA ET UNDECIMILLA V. M. hoc est, *Sancta Ursula & Undecimilla virginis martyres*, e quibus verbis rudes monachi ridiculam fabulam effinxerant. Sirmondus itaque Romanam ecclesiam decies mille, nongentis & nonaginta novem sanctis privavit. Accedit nunc Clarissimus Autor, eumque sexies mille, sexcentis & sexaginta sex, qui numerus in Historia martyrii legionis Thebanæ

p. 29.

p. 41.

p. 52.

p. 64.

p. 66.

p. 78.

p. 85.

p. 234.

definitur, denuo privat: cui de optimis his spoliis ut gratulandum sit, alii judicent.

*VETUS LATIUM PROFANUM ET SACRUM,
auctore PETRO MARCELLINO CORRADINO,
Clementis XI Papa Subdatario. Tomus I, in quo agi-
tur de Latio Gen-
tili.*

Romæ, per Franc. Gonzagam, 1704, in 4.
Constat 2 Alph. 10 plag. chartæ augustæ.

GEnere suo, Latinus scilicet, incensus Clarissimus Corradinus, & patriarum antiquitatum studio, e tenebris quasi Latii has erueret, eque optimis autoribus ac fide dignissimis monumentis publica luce illustrare, laudatissimo conatu, in his suis Commentariis paravit. Ideoque, quæ a rerum Romanarum scriptoribus Græcis ac Latinis tradita erant, singulari industria ac studio retractat: & quæ de primis antiqui Latii colonis, populis, urbibus, regibus antiquissimis, Jano & Saturno, Pico item & Fauno Latinorum regibus eorumque oraculis, de Evandri & Herculis in Latium ap- pulsu, de Latino, Ænea illorumque templis, ac hujus comitibus, e quibus Romanorum nobilissimæ familiæ ortæ sint, de Ascanio aliisque Albanorum ac Latinorum regibus, de illorum ornatu & comitu, de Latinorum republica, fœderibus, conventibus communibus & sacris, de legibus ritibusque illorum in nuptiis, cœnis, victu ac puerperio posteritati commendata invenit, prioribus tredecim capitibus sollicitè examinat: posterioribus autem quatuordecim capitibus de Latinorum fastis, calendario, singulorumque mensium festis, statis vel incertis diebus agitat, tractat. Ad ista omnia rectius explicanda, Plinii, Dionysii Halicarnassæi, Diodori Siculi, Livii, Alexandri ab Alexandro, Strabonis, Virgilii, Ovidii, Gellii, Varronis, Plutarchi, Procopii, Festi, Solini, Valerii, Athenæi, Augustini aliorumque veterum historicorum criticorum ac poetarum opera præclare utitur. Neque a recentiorum scriptorum luce antiquitatibus his declarandis facem accendere negligit. Sane quæ Theodorus Ryckius, Casella de primis Italix colo-

colonis, Cerinus de urbe Roma, & Sigonius de antiquo Italiae jure, Ligorius in manuscriptis Otthobonianis, Richardus Streynnius de Gente Romana, Vossius de Idololatria, Kircherus de V. & N. Latio, alique de aliis. huc pertinentibus tradiderunt, ea isto selectu usurpat. Noster, ut undecunque Latio suo lucem foenerari studeat. Nulli autem in hac re auctori fidem penitus addicit suam, sed illorum errores passim notat, & quos potest, e genuinis monumentis emendat. Ut ex innumeris aliqua saltem excerpamus, a Dionysio observat Latium antiquum & novum confundi, incolarumque ejus seriem ita ab ipso tradi, ut alios auctores conferenti aliqua etiam mendosa appareant. Vossium, Cerinum, Kircherum veterum Regum Latii stirpem, ætates, appulsum, civitatum nomina & alia ita computare putat, ut ab Annio Viterbiensi, viro in confingendis antiquitatibus excellenti, seducti esse videantur: indicem populorum Latinorum, quem tradiderit Alexander ab Alexandro Gen. Dier. l. V c. VII, partim mutilum, partim mendosum evincit. A Sigonio de veteribus Volscæ & Æquæ gentis populis, Latio annumerandis, talem sententiam tradi ostendit, cui assentiri ipse minime queat. A Casella aliquibus locis incerta & priscis Latinis Romanisque etiam ignota tradi demonstrat. Ryckium & D. Augustinum talia de Jano & Saturno prodere, quæ historicam veritatem confundant, & antiquis scriptoribus adversentur, docet. Cincium & Varronem errare, qui Veneris nomen sub Regibus Romanis neque Græcum neque Latinum, quin adeo Romulo & successoribus absconditum fuisse ajunt, ut in Saliorum carminibus nulla Veneris mentio, & apud antiquos Romanos nullus dies ei festus, nullum sacrificium fuerit, cum ipse Macrobius Saturn. l. I c. 12 e vetustissimis auctoribus diversum referat. Panvinium reprehensionem mereri, qui in libro de Colon. Romanorum, e Plinio male intellegto, Antium antiquis Aphrodisium dictum fuisse statuat, cum ipse tamen Plinius, declarante Harduino, Pomponius Mela alique accurate ea loca distinguant. Censoriam quoque virgulam mereri Ligorium, qui in manuscriptis Otthobonianis, Venerem Aphroditem aliam a Veneris matre Æneæ faciat, contra Ciceronis, Lactantii de falsa religione, aliorumque auctoritatem. Ipsas etiam veterum inter se nar-

rationes confert, & quæ fidei propius accedant, declarat, uti v. g. veriore Dionysii, Livii & Auctoris Orig. Gent. Roman. qui Sylvium posthumum Æneæ filium produnt, quam A. Gellii, qui ipsum patre superstite, licet seniore, editum perhibet, sententiam esse judicat. Falsarios vero ac impostores antiquæque corruptores historiarum passim acerrime reprehendit, interque illos Annium Viterbiensem & Inghiramiū præcipue refert, quorum alter tumultu Fabium Pictorem, Catonem & Sempronium vocavit, alter Scornelli ruri suo veteres memorias, quas ipse tumulaverat, se effodisse simularit. Cæterum multa omnino singularia elegantissimaque de Latinorum antiquitatibus e genuinis monumentis observat Noster; quorum forte, quæ de nuptiis Latinorum inter cognatos, de nuptiis Majo mense interdictis, & multis aliis huc pertinentibus ritibus ac ceremoniis habet, ut & tota illa fastorum ac festorum Latinorum pulcherrima illustratio referenda; quæ omnia B. L. non sine jucunditate perlustraturum esse pollicemur.

LUCÆ ANTONII PORTII DE MOTU CORPORUM nonnulla, & de nonnullis Fontibus Naturalibus.

Neapoli, impensis Bernardini Gessari, 1704. 12.
Constant plag. 8. & 5 Tabb. an.

Opusculum hoc duobus absolvitur Tractatibus. Primus de motu corporum determinatione multa tradit, inprimis quæ vi opus sit, ne gravia per plana inclinata decendant, exponit. In pertractatione ut plurimum sphaeram supponit, eamque motum versus punctum aliquod habentem, quod *metam* appellat, per omnes sphaeræ partes uniformiter distributum, aliquando tamen distributum inæqualiter & difformiter. Motum sphaeræ & partium ejus ad metam datam, seu centrum Telluris via brevissima fieri ait, modo concedatur; secus per lineam, breviorē omnibus, quæ forte conceduntur. Quod si neutra admittatur, quieturam sphaeram. Unam itaque saltem sphaeræ partem per viam brevissimam ad metam seu signum moveri; cæteras vero per

per rectas lineæ a centro gravitatis ad signum ductæ parallelas: & si sphæræ uniformis pars aliqua metam jam occupet, reliquas nondum quieturas, nisi centrum gravitatis in meta hæserit. Quæ de sphæra uniformi dicta sunt, etiam sphæræ uniformiter diffor-
mi, h. e. cujus partes sunt heterogeneæ, sed circa centrum motus uniformiter dispositæ, convenire ostendit: qua occasione simul explicat, quomodo emissæ secundum lineam obliquam cœlum, versus a Turcis, anno 1683 Viennam obsidentibus, sagittæ relabi atque cuspidibus ferreis obsessorum capita ferire potuerint. Hinc duplex considerat planum, quorum alterum per centrum Telluris transit, alterum per id non transit, & pro locorum varietate, planum inclinatum vel Horizontale vocatur. Prius tanquam statæ hypomochlion concipit, quod adeo nihil in corpora ipsum tangentia, sed saltem secantia agit: posterius tanquam ex infinitis punctis conflatum considerat, pro locorum, quibus applicantur, diversitate, majus aut minus ponderis sustentantibus. In puncto, e quo perpendicularum productum per centrum gravitatis & Telluris transit, si suspendatur corpus, quiescere illud; in cæteris moveri. In vecte non eodem modo sustinere potentiam applicatam extremitati ipsius ac aliis partibus: in priori enim casu sustinere partes indeterminatas, in posteriori, ubi alterum perpendicularorum per puncta, in quibus sit sustentatio, transeuntium, vel utrumque pondera secet, certas assignabiles sustentari partes. Corpus ex aliquo puncto dato in ejus superficie suspensum quieturum, si perpendicularum a puncto suspensionis ductum per centrum gravitatis transeat: revolutum iri in omni casu reliquo. Cum homogeneum in aliquibus amplis regionibus circuli periphæria comprehensis semper quiescere, & ultra prædictas regiones semper moveri. Falli Cartesium, dum asserit, potentiam super plano inclinato pondus sustentantem esse in ratione perpendiculari ad longitudinem plani; falsum enim hoc esse in omnibus corporibus, quorum centrum puncto firmo innitatur. Contradicit universo Mechanicorum choro, & quicquid hætenus de motu gravium super plano inclinato proposuere, subvertit. Cum enim unanimiter hætenus duxerint, momentum absolutum ad relativum corporis in plano incli-

nato esse ut longitudinem plani ad perpendicularum; ipse contra evincere nititur, gravitatem relativam ad absolutam esse in eadem ratione, in qua est portio sphaerae non sustentata ad totam sphaeram, seu minorem habere rationem ea, quam longitudo dati plani ad perpendicularum habet. Ostendit praeterea, variatione punctorum, quibus applicari possunt virtutes ad prohibendum corporum partialiter sustentatorum casum variari virtutes, esseque inaequales: qua in re denuo a Mechanicorum communibus placitis recedit supponentium, eandem esse vim potentiae in pondus suspendendum, cuicunque lineae directionis puncto applicetur. Modum denique exponit gravitatem relativam accurate definiendi.



Alter Tractatus fontes aliquos naturales explanat, ac inprimis de fontibus intermittentibus certam affert solutionem, ipso eventu jamdudum comprobata, ut adeo de illorum per artem parandorum possibilitate dubitandum non sit.

VITALIS JORDANI AD HYACINTHUM
Christophorum Epistola.

Romae, 1705 in fol. constat plag. 1.

Impugnauerat *Portius* in opusculo de motu corporum receptam apud Scriptores Staticos propositionem, quod scilicet gravitas absoluta corporis, quod a plano declivi sustinetur, sit ad gravitatem relativam, quam in aliquo situ ipsius plani declivis exercet, ut longitudo ipsius plani declivis ad perpendicularum. Sed ipsum hallucinatum fuisse, epistolae hujus Autor demonstrare conatur. Evincit nimirum, pro varia inclinatione plani, gravitatem absolutam corporis esse ad gravitatem relativam, semel ut longitudinem ad perpendicularum plani, quemadmodum fert *Cartesii* & communis Staticorum opinio, cum scilicet inclinatio plani est 45 graduum; interdum in ratione minore, quemadmodum vult *Portius*; plerumque tamen in maiore.

TAB. VII. ad A. 1706. M. Jul.
pag. 315. f99.



HISTOIRE DE L' ACADEMIE ROYALE DES
Sciences Année M DCC II &c.

i. c.

HISTORIA ACADEMIÆ REGIÆ SCIENTIA-

rum Anni 1702, cum Commentariis Mathematicis

& Physicis ejusdem anni.

Parisiis apud Joh. Boudot, 1704. in 4.

Constat 2 Alph. 13 $\frac{1}{2}$ plag. cum aliquot figuris ligno incis
& 12 Tabb. æneis.

INter alias aeris proprietates, a Philosophis recentioribus detectas, nota etiam existit ejus per calorem alterabilitas, quo nempe vel volumen, vel, si id fieri nequeat, elater augetur. Ulterius vero progressus *Cl. Amontons* docuit, quod, quo majori pondere aer premitur, eo magis per eundem caloris gradum elater ejus intendatur. Huic theoriæ praxin conficiendi novum thermometri genus superstruxit, cujus inter alia insignis est usus in gradibus caloris omnium climatum, eodem tempore, & eodem in loco, diverso tempore proportionandis, supposita nempe experientia, quod aqua ebulliens majorem caloris gradum non acquirat, per quodcunque temporis spatium, & quantocunque caloris gradu urgeatur. Sit *ABCE* tubus vitreus, cujus alteri extremitati *E* cohzreat globus *D*, altera *A* sit aperta. Interior tubi diameter sit dimidiæ circiter lineæ, diameter globi 3 digitorum, longitudo *AB* 46, *AC* 48 digg. Tubus integer ab *A* usque ad *E* Mercurio plenus, ita ut globo *D* aquæ ebullienti immerso, aer intus contentus, Mercurii sustineat vi elaterii sui 73 digitos, connumeratis 28 Mercurii digitis ponderi atmosphæræ æquiponderantibus eo tempore, quo thermometrum construendum. Ab apertura igitur *A* computari debent gradus caloris reliqui calore aquæ ebullientis minoris. In usu hujus thermometri semper habenda est ratio ponderis atmosphæræ, num 28 Mercurii digitis majus sit, an minus. Utut autem diameter tubi ad diametrum globi insensibilem fere habeat rationem; monet tamen *CL. Fontenellius*, magnitudinem globi esse indifferentem, cum per eundem caloris gradum in aeris quocunque volumine ad eundem gradum

TAB. VII.
Fig. I.

Rr 2

inten.

intendantur elaterii vires, modo eadem semper sit aeris condensatio; aut ubi observationes duobus thermometris institutas inter se conferre volueris, tubos pariter ac globos in utroque æquales esse debere. Ope hujus thermometri detectum, calorem a radiis Solaribus in meridie Solstitii æstivi productum non differre a frigore, quo aqua in glaciem abit, nisi ut 60 a 51 $\frac{1}{2}$ seu ut 8 a 7 circiter. Unde apparet, corpus nostrum frigoris minus, quam caloris patiens esse, nec sensus in caloris ac frigoris gradibus determinandis æquos haberi posse judices.

Dn. de la Hire effectus pulveris pyrii a machinularum ærearum istius granulis partim commixtarum, partim interspersarum elatere petit, ut adeo pulvis pyrius inflammatus aerem non nisi animet. Tonitru pro specie pulveris pyrii habet, h. e. mixtura ex sulphure & nitro, aut aliis materiis istis admodum similibus, ita ut aer per earum inflammationem ad elaterem exerendum concitatus, præcipua tonitru phænomena producat. Solum nempe producere fulgur, si nihil ejus dilatationi resistat; producere fragorem, si motui ejus se opponant nubes, eumque tanto vehementiorem, quo plures particulas glaciales motui aeris inflammati minus obsequentes contineat.

Homborgius lente caustica, cujus diameter 3 pedum, experimentis institutis se detexisse asserit, aurum & argentum ab igne Solaris volatilia reddi, quemadmodum reddi possint metalla reliqua ab igne culinari, converti in vitrum massa auri liquati levius, aurum ad ignem Solarem liquatum difficilius posthac liquari ad culinarem aliaque. Inprimis notatu dignum, quod, cum aurum per exiguum temporis spatium in foco lentis detineretur, crepitare incipiebat, guttulas de substantia sua ad 6, 7 & 8 digitorum distantiam ejiciebat, & superficies massæ liquatæ erectos quasi pilos vibrabat. Tota massa sine ulla sui immutatione dispergebatur. Quod si enim super vase, in quo aurum fusum crepitans continebatur, chartæ folium expandebatur, pulvis auri eidem adhærescebat, cujus exigua granula oculis microscopio armatis instar exiguum globulorum aureorum apparebant, quæque liquata in unam rursus massam confluebant. Si paulo ultra focum promovebatur, in vitrum: sin ulterius a foco remo-
vere-

veretur, nonnisi in fumum abibat. Horum phænomenorum rationem ex natura ignis Solaris ac ejus a culinari differentia deducit. Ignem nempe culinarem pro massa liquida ex materia luminis & oleo ligni aut carbonum habet, quæ cum aere multo sit levior, suum ab eo impetum nanciscatur. Contra ignem Solarem esse simplicem luminis materiam, per aerem diffusam, sine ulla alterius admixtione, atque a Sole impulsam. Unde cum ignis culinaris ab aere, Solaris a Sole impetum habeat; illum in vacuo extinguere, hunc æque ac extra vacuum agere. Quare quia corpora fusilia post liquationem retinent poros particulis igneis proportionatos, ignis autem Solaris particulae sunt culinariae particulis multo subtiliores; auri massam ad ignem Solarem fusam compactiorem reddi, adeoque a culinari non tam facile ad liquationem denovo disponi. Similiter dum per activitatem ignis Solaris in sua elementa resolvatur aurum, Mercurium avolare, sulphur metallicum & materiam terrestrem relinqui, quæ colliquata in vitrum auro levius necessario abeant.

Calculos ipsas inter vesicæ tunicas aliquando subsistere, augmentumque capere, *Dn. Litre*, Clarissimus Anatomicus, ex trium subjectorum dissectione cognovit. Primordia eorum ab ipsis renibus petere tanto minus veretur, quanto distinctius in ultimo juvenis cadavere viderit, a duobus calculis, tum eam ureteris partem, quæ inter tunicas vesicæ procedit, primum perforatam, hincque a quolibet eorum meatum intra vesicæ substantiam ad locum usque, ubi detinebantur, efformatum fuisse, tum duo pariter ulcera, in rene alterum, alterum vero in pertuso uretere, excitata, per hujus canalem materiam purulentam excernentia. Quemadmodum vero calculos ejusmodi, ad vesicæ collum locatos, digito indice in viri intestinum rectum, in foeminæ autem vaginam uterinam immisso, explorare jubet: ita pro ipsis removendis, si minores fuerint, tunicam vesicæ internam cathetere applicato supra indicem alterius manus suppositum frequentius atterere, atterendoque, quo exitus iisdem ad vesicæ cavum detur, rumpere suadet, in majoribus tantum lithotomiam præterea ordinariam ita admittens, ut tenaculo simul tumor vesicæ apprehensus ac blande hinc inde agitatus

laceretur. Neque dubium, quin laudatus Anatomicus, ubi similes posthac ipsi in praxi obvenerint casus, remedia proposita feliciter sit adhibiturus, cum singularis ejus dexteritas vel ex modo abunde pateat, quo ille gravidam ab ossibus foetus, intra abdomen concepti, per intestinum rectum felicissime liberalisse fuisse traditur.

Chymiz elementa *Dn. Homberg* prius descripturus, quam integrum ejus cursum divulget, hic loci pauca de principiis Chymicis in genere, plura de sale in specie differit. Principiorum Chymicorum nomine non nisi materias simplicissimas intelligens, in quas corpora mixta per analyses Chymicas possint redigi, mineralia ex sale, sulphure, mercurio, aqua & terra, vegetabilia vero & animalia ex sale, sulphure, terra & aqua coagmentari affirmat. Sal autem principium vocat talem materiam, quæ aqua quidem dissolvi, haud tamen igne mutari queat, quale sal vel acidum, vel urinosum, utrumque volatile, vel denique alcalisatum sive fixum sit, singula nihilominus, prout existunt, aliis particulis obvoluta. Salium quippe acidorum figuram acutam, dum per distillationem proliciuntur, sulphure quodam simul investiri, a quo, quatenus vel animale seu vegetabile, vel bituminosum, vel metallicum existat, resultaret omnino, cur tres acidorum habeantur classes, harumque prima, plantarum, fructuum, lignorum &c. acida destillata & spiritum nitri, altera spiritum vitrioli, sulphuris & aluminis, ac tertia spiritum salis marini & gemmæ complectatur. In spongiosa vero salium urinosarum figura portionem acidi & olei foetidi animalium vel vegetabilium pariter comprehendendi, ac in simili salium lixiviosorum figura unico reliquæ acidi contineantur, quod ignis calcinandum inter e terra expellere, haud valuit. Missis in præsentibus effectibus, quos salia acida vel in salia lixiviosa & urinosa, vel in terras & metalla dicuntur exserere, missisque itidem modis, quibus sal acidum a salibus lixivialibus separari asseritur, rationem solummodo proferamus, qua salia fixa vegetabilium alumine, & mineralium imprimis borace, tanquam salibus urinosis, volatilifari ostenduntur. Sicuti namque ex olei vitrioli ac boracis connubio sal aliquod volatile vitrioli falsum obtineatur, ita simile etiam sal volatile vi-

trio-

trioli narcoticum acquiri, si capitis mortui vitrioli libris tribus, in aquæ fervidæ mensuris sex solutis ac filtratis, borracis uncia duæ in aquæ calidæ mensura una solutæ primum affundantur, hinc mixtura altero demum die, quo præcipitatio materiæ gryseo-viridescentis exacte finita fuerit, per chartam bibulam trajecta, tam e vase ferreo ad cuticulæ consistentiam evaporetur, quam porro e cucurbita vitrea, octo ad minimum pollices alta, ex arena ad siccitatem destilletur, omni aqua destillata rejecta, nec nisi ultimis ejus uncis quatuor asservatis. Humiditate siquidem deficiente, sal volatile ascendet, nivisque ad instar alembico adhærescet, quod a vasis frigefactis caute colligendum, sali autem residuo aqua postrema acidula toties reaffundenda, quoties per novas sublimationes aliquid similis salis elevari possit, cujus vis narcotica, si septem vel octo grana in aquæ calidæ cochleari propinentur, in febribus malignis promte compescendis, atque raptu humorum ad caput impediendo multum prædicatur.

Botanices pomœria egregie proferentur, postquam *Dn. Tournefort* ab itinere reversus, quod per varias Asiæ fecit partes, 1356 plantarum species secum attulisse, atque propter earum nonnullas, viginti quinque nova genera invenisse commemoratur.

Dn. de La Hire multum impendit operæ in examinanda Curva, quam radii luminis describunt. Enimvero cum de hoc argumento jam mense præcedente quædam monita sint a *CL. Hermann*, manum de tabula retrahimus.

Dn. Maraldus, cum Romæ commoraretur, sub initium Martii anni 1702 ingentem luminis tractum observavit, cujus longitudo 30 erat graduum circuli magni, latitudo unius. Apparebat in Ceto atque Eridano. Color nubem a Sole illustratam æmulabatur; longitudo versus Solem exporrigebatur. Situs respectu fixarum intra breve, quo conspiciebatur, tempus non mutabatur. Simile hoc phænomenon quoad omnes circumstantias ei, quod in eodem cœli loco anno 1668 circa initium Martii observaverat *Cassinus*, immo jamdudum anno ante Christum natum 373 *Aristoteles*. Pro cauda alicujus Cometæ habetur, & a *Cassino*, qui reditum Cometarum eorundem, uti notum, defendit, singulis annis 34 redire creditur. Prolixe etiam describuntur observatio-

TAB. VII.
Fig. 2.

vationes Cometæ anno 1702 mense Aprili Parisiis a *Dn. de la Hire*, Romæ ab illustr. *Blanchinio* & Berolini a *Dn. Kirchio* habitæ. Comparat eum *de la Hire* cum Cometa anni 1698. Utriusque via ex fig. 2 patet: ubi *a, b, c, d, &c.* denotant loca Cometæ anni

1702 ad h. 10 30 d. 24, 27, 28, 29, 30 April. & 3 atque 4 Maji L, M, N, O, P, loca Cometæ anni 1698 mense Septembri Parisiis observata, nempe d. 13 h. 8 10, d. 15 h. 8 10, d. 16 h.

8. 45, d. 24 h. 8. 0, d. 28 h. 7, 30. Ex observationibus macularum eodem anno in Sole visarum *Dn. de la Hire* motum vertiginis Solis dierum 27, horarum 12, minutorum 20 vel 30 & aliquot amplius confirmavit: inter quas notatu digna est, quam *Cassinus* filius d. 6 Maj. usque ad 10 observavit, non magnitudine, quod alias obtinet, sed obscuritate imminuta disparentem, ita ut per omne tempus apparitionis eandem constanter molem retinens continuo illustrior reddita fuerit, donec tandem ne quidem per tubum 45 pedum a Sole distinguere posset. *Dn. de Plantade* Monte Pessulano d. 14 Jan. ejusdem anni Eclipsin Lunæ a penumbra Telluris patientis vidit, & d. 11 Maji *Dn. de la Hire* in observatorio Parisino paulo ante ortum Solis tractum luminis ad Horizontem ortivum perpendicularem conspexit, cujus altitudo erat 9 circiter vel 10 graduum, latitudo æqualis diametro Solis. Phænomenon adhuc durabat, Sole oriente, simile ex parte illi, quod *Hevelio* sub occasum Solis visum representavimus in Actis nostris A. 1682 p. 262. Immo idem illud post occasum Solis tum anno 1672, tum 1692 vidit *Cassinus*. Cælum circa Horizontem erat nubilum; sed raræ nubeculæ non impediabant, quo minus clara Solis facies conspiceretur.

Fig. 13.

De la Hire filius, cum deprehenderet, circa finem Aprilis anni 1702 locum ♀ in suis Ephemeridibus juxta Parentis Tabulas computatum a loco in Ephemeridibus Mezzavachi ipsi assignato gradu integro differre, nec errorem in calculo commissum animadvertet; Tabularum laudatarum fidem explorare satagit, captis altitudinibus Veneris ad Meridianum appellentis d. 4 & 6 Maji: quibus diebus discrepantia inter Ephemerides *de la Hire* &

& *Mezzavachi* erat adhuc dimidii gradus. Ex iis deducebatur
d. 4 Maj. h. 10 8 18 30 tempore apparente Longitudo 15 0 43 γ ,
Latitudo Septentrionalis 2 8 16 : Longitudo ex Tabulis compu-
tata erat 15 0 47, Latitudo 2 8 7. D. 6 Maj. h. 10 1 31, tem-
pore itidem apparente, Longitudo observata erat 15 3 32. γ ,
Latitudo 2 42 15; Longitudo computata 15 4 28 γ , Latitudo
2 42 12. Non dubitandum est, quin eadem in reliquis Planetis
habenda sit fides istis Tabulis. Postquam enim *de la Hire* Tu-
bos quadrantibus applicare docuit, ut per eos Fixæ ac Planetæ
interdum cum Sole in Meridiano conspici possint; non solum So-
lis situm ad Fixas immediate determinare, sed Planetarum non mi-
nus, quam Fixarum Ascensiones rectas & declinationes accuratius,
quam antea factum, invenire, ac motum Planetarum cum motu
Solis conferre licuit. Gratam tamen Astronomiæ cultoribus ope-
ram præstaret *de la Hire*, si in reliquis Planetis Tabularum pa-
rentis fidem similibus observationibus comprobaret. Cæterum
notandum est, quas in Ephemeridibus suis *de la Hire* posuit
longitudines, & latitudines a supra allatis differre, quia computo
juxta Tabulas ad aliquos dies quodam intervallo distantes inito,
longitudines ac latitudines ad intermedios partem proportionalem
querendo determinant, qui Ephemerides conscribunt; laboris
compendium facturi.

De resistantia solidorum multa præclare meditatus *Varigno-
nius* : sed prolixiora sunt, quam quæ hic proponi possint. De-
nique notamus, quod jussu R. Abbatis *Bignonii* in describendis
omnibus instrumentis Musicis, quorum hætenus in Gallia fuit
usus, numerus vero ultra 60 excurrit, *Dn. Carré* occupetur.

TRIGONOMETRIA PLANA ET SPHÆRICA,
cum selectis ex Geometria & Astronomia Problematis &c. Au-
dore R. P. JACOBO GOODEN, Soc. Jes. in Colle-
gio Anglorum Leodii Mathes.

Prof.

Ss

Leo-

Leodii, apud J. F. Broncart, 1704, in 4.
Constat ii plag.

Inter utilitates Matheseos non postrema est, quod sui cultores iudicii acumine beet: quod ut fiat, non praxes solum Mathematicæ addiscendæ, sed demonstrationes imprimis cum cura concipiendæ. Utque abstracta tyrones facilius ac diligentius meditentur, ad minus abstracta applicatio fieri debet. Cum itaque hætenus non proflaret libellus tyronum usui inserviturus, in quo utriusque Trigonometriæ leges demonstratæ essent, & ad problemata utilia solvenda applicatæ; se non inutilem operam præstiturum esse credidit Noster, si Trigonometriæ tam planæ, quam sphæricæ, præcepta ex primis fundamentis explicaret, & demonstratorum usum multum monstraret. Parte igitur prima de Trigonometria plana agens, *cap. 1* necessaria ejus fundamenta ponit, Sinuum imprimis naturam explicando, & usum Tabularum Sinuum atque Tangentium monstrando, Data denique Trigonometrica declarando. *Cap. 2* Analysin Trianguli rectanguli, & *Cap. 3* obliquanguli tradit. Addit *cap. 4* Analysin Triangulorum per scalam Geometricam atque Quadrantem, & *cap. 5* ad longitudinum ac altitudinum dimensionem applicat, additis insimul modis, sine Trigonometria eam expediendi, & casibus accuratissime distinctis. Docet quoque *cap. 6* per Trigonometriam planam investigare diametrum & circumferentiam Telluris, distantiam Solis & Lunæ a Terra eorumque diametros. Parte secunda Trigonometriam sphæricam expositurus, *cap. 1* itidem futuris demonstrationibus necessaria fundamenta ponit, proprietates imprimis circulorum in superficie sphærarum se mutuo intersecantium & triangulorum sphæricorum demonstrando. Progreditur hinc *cap. 2* ad analysin Trianguli sphærici rectanguli, & *cap. 3* ad analysin obliquanguli, & facilem problematis difficillimi, ex datis tribus lateribus invenienti angulos, solutionem proponit theoremati superstructam, quod *rectangulum sub sinibus crurum sit ad quadratum radii ut rectangulum sub sinibus differentiarum crurum a semisumma omnium laterum ad quadratum sinus dimidiæ anguli verticalis*. Tractat *cap. 4* materiam appime necessariam, sed vulgo negligi

solitam de specie laterum & angulorum. Nempe quia arcus & anguli eisdem habent sinus cum suis complementis ad duos rectos, unde sciatur, qualis invento sinui angulus vel arcus respondeat, edocet per aliquot propositiones demonstrativas. Subjungit *cap. 5* problemata sphaerica praecipua ex Astronomia & Geographia, de inveniendis Solis declinatione, loco, ascensione recta, obliqua, appulsu ad verticalem primum, amplitudine ortiva vel occidua Azimutho, hora diei, arcibus Horizontis inter Meridianum & alios circulos horarios interceptis, hora ortus vel occasus Solaris, duratione crepusculi, fixarum declinatione, ascensione recta, longitudine, latitudine, arcu diurno vel nocturno, hora noctis, altitudine Poli. Adduntur Canones Sinuum & Tangentium pro decimo quoque minuto constructi, cum eorum Logarithmis. Tandem in tribus ultimis plagulis praecipua Geometriae planae elementa ex Euclide selecta demonstrantur, & incipientium usui accommodantur. Libellus adeo mole exiguus, utilitate amplissimus; levi pretio parandus, in maximo habendus. Multum utilitati tyronum consuleret doctissimus Autor, si Astronomiam pari dexteritate explicatam daret universam.

DISSERTATIO HISTORICA DE DUCENTIS
celeberrimis Augustinianis Scriptoribus ex illis, qui obierunt post
magnam Unionem Ordinis Eremitici, usque ad finem Tridentini
Concilii, amplioris Bibliotheca Augustinensis edenda pra-
via. Auctore Fr. DOMINICO ANTONIO GAN-
DOLFO, Genuensi.

Romae, typis Jo. Franc. Buagni, 1704. 4.
Constat 2 Alph. 6 plag.

Cum nova quotidie incrementa capiat Historia Litteraria, nul-
lus est in Romana Ecclesia Ordo, cujus viros eruditos non-
nulli certatim non illustraverint. Nam ut de Augustinianis tantum
nunc dicamus, notum est Thomae de Herrera *Alphabetum Augusti-
nianum* Madriti A. 1644 f. editum, sed sterile foecundi alioquin scri-
ptoris opus, tum Philippi Elssii *Encomiasticum Augustinianum*,

Bruxellis 1654, f. vulgatum, quod tamen erroribus haud vacat. Quo vero in pretio sint Thomæ Gratiani *Anastasis Augustiniana*, sive de Scriptoribus Ordinis Eremitici S. Augustini Antv. 1613, 8, & Cornelii Curtii *Elogia Virorum Illustrum ex Ordine Eremitico D. Augustini*, cum iconibus ad vivum expressis ibidem 1636, 4, haud æque liquet. His accessit nuper Gandolfus, Genuensis, qui, cum ampliore Bibliothecam Augustinensem edere olim constituerit, præmisit *Dissertationem* hanc *Historicam de ducentis celeberrimis Augustinianis Scriptoribus*. Equidem & antea Auctor de Ordine suo bene meritus videtur, quandoquidem eum de *Purpuratis Augustinianis*, hoc est, iis, qui ex hoc Ordine Cardinalitiam dignitatem sunt adepti, nec non *Poeticos Flores Eremitici Augustiniani* scripsisse, ex hoc ipso passim opere patet. Etsi vero hæc, quam præ manibus habemus, *Dissertatio* non ea styli elegantia conscripta sit, quam ejus generis libelli requirunt, multa tamen memorabilia hic occurrunt, e quibus aliqua pro instituto nostro delibare non gravabimur. Celebris fuit seculo imprimis XIII (natus quippe 1247 & mortuus 1316) Ægidius Columnius, qui Aristotelicam Philosophiam multis voluminibus, rudi tamen sermone, explicavit. Is cum adolescentiæ Philippi Pulcri, Galliarum Regis, præfectus esset, ejus in gratiam de *Regimine Principum* libros tres, Romæ primum 1482 f. typis excusos scripsit, omnis Moralis Philosophiæ compendium. Tanta vero ejus auctoritas fuit, ut, quod nemini alias concessum Noster putat, in Capitulo Generali Florentiæ 1287 fuerit mandatum, ut omnes ejus Ordinis positiones Ægidii seu scriptas, seu scribendas reciperent ac defenderent. Vixit eodem tempore Beatus Albertus, qui primus, teste Gandolfo, habetur, qui externæ eloquentiæ, quæ in varia gestuum compositione consistit, artificium in suggestum introduxit, eoque in sui admirationem rapuerit auditores. Ubi de Ambrosio Calepino agit Auctor, mire ejus *Dictionarium*, Venetiis primum A. 1505 f. editum, & centies deinde, omisso etiam Calepini nomine, recusum, commendat, eo imprimis nomine, quod auctoritati Patrum, Ambrosii, Hieronymi & Augustini, plus quam Vallæ, Prisciani & similium detulerit. Fuit præterea suavis moribus, & ne senex quidem, cum cæcitæ jam laboraret, literarum stu-

studia deposuit. Miraculo similia sunt, quæ de Aurelio Brandolino, vulgo Lippo a cæcitate dicto, narrantur. Nam cum a primis ferme vitæ cunabulis oculorum luminibus captus esset, fuit tamen & Theologus atque Concionator egregius, & Philosophus, & Orator, & Historicus, & Poeta extemporaneus, & Musicus excellentissimus. Memoræ vero & promptitudinis ejus hoc præcipuum argumentum est, quod omnem Plinianam Naturalem Historiam, per singula capita, quamplurimis & præclarissimis versibus ex tempore enarraverit, re nulla memorabili prætermissa. Cum Felicem de Prato Psalterium Davidis ex Hebraico sermone in Latinum transfuisse narrat Auctor, plures alios Augustinianos linguæ Hebraicæ gnaros adducit, & contra Celeberrimum Virum Guilielmum Cave, non eam asserit monachorum in Reuchlinum odii causam fuisse, quod in Hebraicis esset versatus, verum quod vir satyrici ingenii lingua illa abuteretur. Guilielmum Duranti perperam Durandum a plerisque vocari putat, eumque Augustinianum fuisse, contra Labbeum, quem ut Ordini inimicum sæpissime redarguit, pluribus ostendit, affertque nobile Duranti de Sacra Cœna dictum: *Verbum audimus, motum sentimus, modum nescimus, præsentiam credimus.* De Henrico de Langestain, dicto de Hassia, refert, quod primus Mathematicas artes Lutetia Viennam transtulit, inde mox per universam Germaniam feliciter propagatas. Porro de politissimo Hermolao Barbaro agens, vulgares quosdam scriptorum errores emendat. Hinc Zachariam patrem, & Franciscum avum, quos aliqui confundunt, eum habuisse ostendit; tum non dolore obiisse, quod Respublica Veneta eum dignitatem Patriarchalem contra leges patrias obtinuisse indignata esset, verum peste Romæ 1494 extinctum fuisse probat, nec honore funeris caruisse, in celebri quippe Augustinianorum Basilica S. Mariæ de Populo Romæ sepultum. Hieronymum Neapolitanum Nicolai V. Pontificis, in speculativis quidem scientiis, nequaquam tamen in Græcis, ut Ughellus scripsit, præceptorem fuisse docet, quandoquidem is senex Græcas litteras didicerit, in quibus tamen ita mox profecerit, ut de Græco in Latinum & contra multa traduxerit, & Græce etiam nonnulla composuerit, teste Carolano. De Johanne Hoffmeistero,

p. 85.

87.

121.

150.

152.

164.

173.

173.

216.

- quem ob libros nonnullos beato nostro Luthero oppositos, Anti-Lutherum, vocatum vulgo asserit, notatu non indigna plura habet.
- p. 233. Joannem Staupitium observat A. 1501 ad Summum Pontificem Oratorem fuisse missum, ut privilegia pro Academia Vitembergensi arcesseret, eoque primum Academiae fundatorem vocari.
252. Laudatur Ludovici seu Aloysii de Marsiliis insignis liberalitas, qui magnam librorum copiam, multis ex locis conquistam, Bibliotheca sui Ordinis Florentinae, quam & antea praestantissimis codicibus ditaverat Joannes Boccacius, legaverit. Ei anno, quod Noster credit, 1436 defuncto *Florentina Civitas, ob singularem eloquentiam & doctrinam, sepulcrum publico sumtu faciendum*, quae sunt verba Epitaphii, ponendamque insuper in Cathedrali imaginem instituit.
275. sq. Notus ante alios est Onuphrius Panvinus, qui Veronae 1529 natus, adhuc puer neque aetatis annum duodecimum supergressus, historiae impensissime vacare coepit, & multis subinde scriptis voluminibus, quorum & aliqua alieno nomine prodire, cum ex animi dolore in febrem incidisset, Panormi ante diem obiit 1568. Ad ejus laudem imprimis spectat, quod ejus Annalibus Ecclesiasticis, quos affectos reliquerat, ita in prioribus Annaeum tomis usus fuerit Baronius, ut, qui primum Onuphrii tomum, vel saltem magnam ejus partem viderint, pauca a Baronio immutata fuisse agnoscant. Adiecit Auctor noster in Appendice antiqua quaedam monumenta, ad vitas imprimis Sanctorum, Sanctorumque spectantia, quae celeberrimis viris Papebrochio &
349. Janningio singulari epistola dedicavit. Postremo loco nonnulorum de Gandolfo praeconia, per modum epistolae ad Franciscum Mauritiu Gandolfum, Marchionem Melassi &c. recensentur,
391. quae inter cum & ea relata essent, quae de ejusdem libro Italico *Dispaccio Istorico, Curioso & Erudito*, Montereali 1695, 4 edito, Suppl. Tomo III p. 300 diximus, additur, Academiam Obscurorum, quam Gandolfi auspiciis instituendam illic nuntiavimus, ob perpetuam ejus absentiam nondum initium sumpsisse, eoque rationem ejus, quod desideravimus, nondum explicari potuisse. Novum denique factum ab Auctore expectare jubemur in eadem Epistola, cujus titulus erit *Li Splendori Liguri svelati dalla Penna del P. D. A. Gandolfo, principalmente ne detti, & fatti Eroici, e gloriosi*.

riofi del Senato, Genovesi Patritii & Soggetti qualificati della Liguria, & alcuni anche della Corsica; con una descrizione delle sudette due Regioni, e delle cose notabili delle medesime. Ceterum multa se passim debere Celeberrimo Magliabechio non ingratus profitetur, quem Virum quippe, aspectu licet & cultu philosophico, eruditione tamen, doctrina & moribus conspicuum p. 252, & eruditionis pelagum p. 256 vocat.

TATIANI ALEXANDRINI HARMONIAE EVANGELICAE antiquissima Versio Theotisca, ut & Isidori Hispalensis ad Florentinam Sororem de Nativitate Domini, Passione, Resurrectione &c. libri eadem lingua conversi Fragmentum. JOANNES PHILIPPUS PALTHENIUS e manuscriptis codicibus edidit, & animadversionibus illustravit.

Gryphiswaldia, apud Johannem Wolfgangum Fickweilenum, A. 1706, 4.
Constat 2 Alph. 10 plag.

Cum nostro aeo multa praestantissima ingenia scientiis excolendis plurimum incumbant; ut linguae etiam, quibus animi sensa interpretamur, & rerum conceptus cum aliis dextre communicamus, excolantur par est. Id vero qui molitur, judice Clarissimo *Palthenio*, non peregrini sermonis vocibus ac phrasibus vernaculum locupletare ac exornare, sed vernaculi integritatem vindicare: nec nova vocabula effingere, sed probae notae voces, majorum oscitantia in desuetudinem adductas, in usum revocare, utque dictionis Germanicae elegantiam capiat, de proprio verborum significato, ex veterum scriptis eruendo, sollicitus esse debet. Eum in finem edidit Noster versionem antiquam Harmoniae Evangelicae *Tatiani* & fragmenti *Isidori* Theotiscam. Utut enim Celeberrimus *Hickesius* Teutonicae linguae antiquitatum studiosus suadeat, ut a *Willeramio* lectionis initium capiant, inde ad *Osfri- dum*, hinc tandem ad *Tatiani* interpretem progrediantur; *Palthenio* tamen contraria via magis arridet, quia *Tatiani* interpres planissimis vocabulis utatur, ac ita presse omnia exprimat, ut

nt ne in positu quidem verborum quicquam immutet, cum contra in *Osfrido* sint multa contorta, & sensum dubium habentia, in *Willeramo* pleraque figurate dicta. *Vulcanius* versionem *Tatiani* Theotiscam, in Auctario Notarum ad eandem, pro scripto Teutonico omnium antiquissimo habet: Noster ipsi coævum cum *Vlacio* facit *Osfridum*, & *Tatiani* interprete antiquiorem agnoscit interpretem fragmenti *Isidori*, quod pro omnium vetustissimo patriarum antiquitatum hoc in genere monumento venditat, & ad seculum circiter septimum refert, cum *Tatiani* versio fortius seculi octavi vel noni ipsi videatur. De *Tatiano* ipso & ejus Harmonia ut dicamus, opus non est, inprimis cum alibi in Actis nostris de hoc Viro satis sit dictum, præcipue A. 1791 p. 270 & 271. Codicem Theotiscum quod attinet, circa finem seculi XVI primus cum eruditis notum reddidit *Bonaventura Vulcanius*, qui tamen impeditus fuit, quo minus promissam orbi litterato daret editionem. Certam equidem post ipsum editionis spem fecerat *Junius*; propositum tamen eventus non respondit. Ipso mortuo codex, quem possidebat, manuscriptus, una cum manuscriptis aliis, in Bibliothecam Bodlejanam Oxoniensium delatus, ex qua *Palthenio*, anno 1696 Oxoniæ degenti, copiam ejus fecit Bibliothecæ instructissimæ tunc temporis Præfectus, celeberrimus *Hidius*. Notat vero, codicem illum duplici manu fuisse signatum, a Juniana diversa. Quod recentiori manu adscriptum erat, *Marquardo Frebero* tribuendum putat, quamvis in dubio relinquat, collatione cum alio codice instituta, an ex ingenio aliquid immutandum censuerit. Quamobrem ipse textum antiqua manu exaratum plerumque sequitur, nisi contrarium in animadversionibus indicet. Fragmentum *Isidori* Parisiis, ex codice manuscripto 4859 Bibliothecæ Colbertinæ, qui ad *Pichæum* pertinuit, descripsit, usum ejus concedente *Baluzio*. Versioni Theotiscæ ad latus comparet textus Latinus. Subjiciuntur in *Tatiani* & *Isidori* interpretes animadversiones, in quibus de multarum vocum Theotiscarum origine & genuina significatione disquiritur, & quomodo in voces nunc usitatas degeneraverint, hinc inde accurate ostenditur. Sub finem comparet fragmentum veteris linguae Theotiscæ a *Lambecio* in Bibliotheca Vindobonensi produ-

ductum, felicissima, iudice Nostro, conjectura a viro quodam, docto, cujus nomen tacet, restitutum & emendatum. Utrum adhuc annotandum esse censemus, promitti nempe Orbi litterario a *Palibenio* Glossarium Vandalicum, quod a multis avidissime expectari, nulli dubitamus.

OBSERVATIONES PRACTICÆ DE HYDROPE

Pectoris, a Collegis Academia Leopold. Nat. Curios.

Vratislaviensibus editæ.

Vratislaviæ & Lipsiæ, sumptibus Christiani Bauchii, 1706, in 4.
Const. 10 plagulis.

Historia Morborum, aliquot annos Vratislaviæ grassatorum, improbo labore, nec ab omnibus probis satis laudando conatu pertexta, eadem industria, nec minori felicitate, ad alia nunc pergunt Academia Nat. Curios. Collegæ Vratislavienses conjunctissimi. Quo magis autem plerisque Medicis insitum fastidium ingens, & contentus quidam superbus omnis veteris Medicinæ, cum perpetuo innovandi pruritu conjunctus, detestandus venit, quo saluberrimum illud de Societatibus seu Academiis promovendæ praxeos gratia erigendis Georgii Baglivi consilium neglectum hætenus atque contemptum fuit; eo majori censetur laude mactandi Viri hi Clarissimi, quod inter copiosissimas easque arduas occupationes, ad Artis salutaris augmentum promovendum suam non desistant conferre symbolam. Ad hydropem pectoris jam elucidandum animum applicuerunt, non modo, quoniam pauci Scriptores aliquam in evolvenda ejus natura operam collocarunt, verum etiam, quoniam præter Maximilianum II gloriosissimæ memoriæ, Divo Leopoldo, cujus mortem tanquam Protectoris sui Clementissimi acerbe luget supra laudata Academia, extitit ille funestus. Uti fuerunt in hoc tractatu aliorum doctissimorum Medicorum testimoniis, præcipue in enarrandis morbi phænomenis, ac in cura; ubi autem ad causarum investigationem perventum est, sibi, ut aliis, vires ingenii periclitari & sine contumelia, prosequi, vel veterum castra relinquere, licitum esse opinati sunt. Scaturiginem igitur aquæ in thoracis cavitatem extravasatæ in vasis potissimum lymphaticis quærunt, quatenus scilicet vel lymphæ

copiosius congesta, nec exitum in peripheria corporis nanciscens, adjuvante calore & obstetricante partium teneritudine, per transudationem ex lymphaticis in cavitatem pectoris stillat, vel ex iisdem disruptis promanat. Nec improbabile est, serum sanguinis sub propria forma e vasis in thoracis cavum transudare, sive hoc per *ἀνασώμασιν*, sive per *διαπύδασιν*, sive per *διαίρεσιν* & in specie *διασπῶσιν* contingat. Quinimo ductum thoracicum, quandoque non extra culpam esse, suumque contentum pectoris concamerationi suppeditare posse, nulli dubitant. Inter causas remotas lymphæ extravasationi ansam præbentes accusatur, modo ejus spissitudo extraordinaria, vel ab aqua frigida æstuante corpore affatim hausta, vel ab aere frigidior, aquarum vitæ ingurgitatione &c. inducta; modo vasorum lymphaticorum angustia, vel a naturali conformatione ac primo ortu dependens, vel a morbis, vel ab aliquibus comprimentibus & constringentibus producta; modo vitia tum aliorum viscerum, quæ motum lymphæ turbant, tum pulmonum præcipue, durities puto, scirrhus, tumores, vomicae, & cum pleura cohesio. Sanguis vero suum serum ejaculatur vel si fuerit acris, & salinus, aut viscidus a dyspepsia ob cruditates admistas, ac iners menstruum, nec non ab incongruis in duodeno ac reliquo intestinorum volumine communicatis liquoribus redditus, aut in motu impeditus; vel si vasa sanguifera obstructa aut in osseam duritiem redacta sint; vel si viscera obstructions patiantur. Denique ex ductu Pecquetiano prorumpit chylus, si ille fuerit disruptus. In cura eo cogitationes omnes dirigendæ sunt, ut 1) colluvies serosa in pulmonibus & thorace congesta quoquo modo evacuetur, 2) omni studio præcaveatur, ne nova subinde generetur, quod potissimum obtinetur, dum vitia tolluntur viscerum, & omnis cachexiæ occasio avertitur. Quanquam autem præter externa ex fonte Chirurgico pariter ac Pharmaceutico petenda, inter purgantia non frustra exhibeantur mitiora; inter diuretica præsentē febre, lapidibus percarum, oculis cancrorum crudis, tartaro crudo, nitro depurato, emulsionibus ex semine violarum, lapide Lyncis vel Judaico; absente vero eadem, succo betulæ cerevisiæ confermentato, succo raphani, fragis & baccis alkekengi cum debiliori spi-

spiritu vini infusus, essentiae gummi ammoniaci & sero lactis capilli suae sint deferendae laudes; inter diaphoretica Rob Sambuci, ebuli, lapides cancerorum, sal cardui benedicti, & syrupus quidam in electuarium commode redigantur, & matutinis horis propinentur; nec inter pectoralia, si pulmones sero glutinoso distendantur, scabiosa, tussilago, hyssopus, veronica, marrubium album, pulmonaria, betonica, capillus Veneris, &c. penitus sint contemnenda; multoties tamen hoc malum tam rebelle est, ut aegri non tantum non curentur, sed ne quidem symptomata eorum mitigentur.

Das güldene und silberne Ehren-Gedächtniß
D. MARTINI LUTHERI.

h. c.

MEMORIA D. MARTINI LUTHERI NUMMIS
aureis argenteisque decorata. Ex recensione CHRISTIANI
JUNCKERI, Dresdensis, Historiographi Ducalis
Saxo-Hennebergici.

Frankofurti & Lipsiae, apud haeredes Endterianos, 1706. in 8.
form. maj.

Constat Alphab. 1. plag. 17.

Ut auri argentique amans Lutherus, dum viveret, haudquaquam fuerit, memoriam tamen illius plurimis in nummis aureis argenteisque conservarunt posterius, quos justo illustravit Commentario jam A. 1699 sub titulo: *Vita D. Martini Lutheri & Successuum Evangelicae Reformationis Jubilaeorumque Evangelicorum Historia, nummis atque iconibus confirmata & illustrata*, edito Clarissimus Junckerus. Sed tantum abest, ut prima illa opera (quam quidem subitaneam minime fuisse, Benevolus Lector vel ex recensu in his Actis tum instituto p. 300 sq. colliget,) divitias omnes exhaurire licuerit, ut novae potius huic editioni parandae amplissima, quae ex illo tempore Autori solertissimo denuo se obtulit, supellex occasionem peroptatam subministraret. Sicut autem in gratiam eorum, qui studiis equidem pri-

mariam diligentiam haud impendunt, historiae tamen interim & rei nummariae operam navant, Germanico idiomate uti celeberrimus Junckerus maluit, ut pluribus adeo ad librum hunc accessus pareretur; ita multum passim auctum amplificatumque priorem illum laborem invenient, qui Latinam editionem cum Germanica hac conferre voluerint. Provocamus in istius rei fidem vel ad unicam illam sectionem, quae *trigesima octava* est, ac eminentium quorundam Virorum, qui vel socii Luthero fuerunt in promovendis ecclesiae literarumque commodis, vel ab eo dissentientes diversarum opinionum autores extiterunt, vultus in nummis rarioribus expressos repraesentat. Etenim in ista Justo Jonæ, Philippo Melanchtoni, Erasmo Roterodamo, Hudalrico Zwinglio, Friderico Myconio, Martino Bucero, Joanni Calvino, socii adduntur Ambrosius Blaurerus, Simon Grynaeus, Joannes Brensius, Joannes Oecolampadius, Petrus Martyr, Mercurius de Gattinaria Caroli V. Imperatoris Cancellarius, Bilibaldus Pirckheimerus, (cujus lateri adhæret pictor celeberrimus, Albertus Dürerus,) & Conradus Peutingerus. Unicum hunc s. tot accessionibus auctum qui cogitaverit, haud difficulter de reliquis pronum ferre poterit judicium. Ordinem de cætero eundem, quem Latina editio servavit, & heic retentum videas, nisi quod effigies nummorum, quarum iteratis sæpe vicibus aliquot ibi in peculiaribus tabulis junctim fuerunt exhibitæ, textus nunc ipse suo quamque loco proprio insertas accepit; id quod Lectoribus non nisi gratissimum fore autumamus, utpote qui molesto labore ad tabulas istas, a materiae dilucidatione interdum remotiores, recurrendi sublevatos se hoc pacto sentiunt. Sed textum ipsum haud mediocriter amplificatum dedisse, nondum sufficere visum fuit. Accessit insuper Appendix, quæ antea observata novis illustrat. animadversionibus, & nummos præterea non unos apparatus priori adjungit, quos Clarissimus Auctor tantum non omnes se debere profitetur thesauro nummario Amplissimi Herzi, Consiliarii Sondershusani. Nominamus ex his potissimum eos, qui supra memoratis suppare sunt, memoriamque ab interitu vindicant Hieronymi Savonarolæ, Mennonis, Caspari Hedionis, Petri Vireti, Joannis a Lasco, Jacobi Sturmii, Lucæ Cranachii. Oeco-

lam.

lampadius quoque inter alios iterum occurrit, cujus in honorem
cufum numisma altera in facie hoc distichon refert: DUM VI-
XI IN DOMINI FULSI FAX SPLENDIDA TEM-
PLO ET NOMEN CUM RE GRATIA DIVA DE-
DIT. Tacemus duo Carmina *Adami Siberi* rarissima, & inter
ejus Poëmata studiose alias collecta editaque minus reperiunda,
quorum alterum Lutheri honoribus sacrum *tertium* cum *Eliam*,
nominat, versumque hunc & initialem habet & finalem: *Nostri*
fuit Sesti Lutherus HELIAS; alterum Philippum Melanchtho-
nem tanquam *Phœnicem Doctorum* laudat.

OCTAVIA, Römische Geschichte/

h. c.

OCTAVIA, FABULA ROMANENSIS. PARS
tertia, eaque ultima.

Noribergæ apud hæredes Hofmannianos, 1706. 8.

Constat Alph. 3.

FABULÆ Romanenses, quas ab Aristide Milesio quidam *Mile-*
scæ, alii ab argumento, quod in iis pertractatur, *Amatorias*
adpellant, ex Oriente ad Græcos, a Græcis ad Romanos, atque
ab his ad reliquas cultioris Europæ nationes translatae sunt. Pri-
mam illarum originem ad certa tempora referre vix quisquam
potest: extant autem perantiqua scriptionis hujus monumenta,
quorum vestigia premere Galli præ aliis summa ope nisi fuerunt,
a quibus etiam *Romanensis* adpellatio derivatur. Habuerunt e-
nim tria olim idiomata Galli, *Gallicum* scilicet, quod vetustissi-
mum & vernaculum erat, *Germanicum*, quod a Francis advenis
seculo IV & V didicerant, & *Romanum*, quo Provinciales at-
que Tolosates, utpote Italis proxime habitantes, utebantur: &
ab his quidem carmina & historiarum amatoriarum *Romanenses* dictæ
sunt, quod hi præ reliquis omnibus artis poeticæ peramantes at-
que studiosi essent, suæque lingua in publicandis hujuscemodi
scriptis aliis præirent. Parentum avorumque nostrorum ætate
Fabula Romanensis ab Hispanis, Italis, Germanis, Anglis Bata-
visque

visque ad supremum quasi dignitatis culmen evecta, & tanto ardore exulta est, ut de illa certas aliqui regulas formare, & in illis laureolam quærere, pulchrum duxerint. Certe apud Hispanos tantus talium librorum numerus evasit, ut Michael Cervantæus, quem inter præstantissima Hispaniæ ingenia numerant, subtilem, admodum & prudentem de iis censuram in peculiari opere, quod *Domini Quixoti historiam* nuncupat, agere, atque hac ratione civium suorum animos a nimia fabularum lectione avertere studuerit. Et negari quidem non potest, multas comparere quicquillas in hoc librorum genere: quidam enimvero ita ab auctoribus suis effecti elaboratique sunt, ut in iis contra bonos mores nihil dictum sit, sed potius dominandi amandique artes, tragicorum insuper casuum narrationes, atque elegantioris cultus indicia, non absque summa oblectatione, sub amabili figmento, deprehendantur.

In illis, quas Germania nostra produxit, *Herculis & Arminii* Fabulæ præ cæteris claræ sunt; omnibus vero palmam præcipuerunt *Aramenes & Octavia* volumina, cum ob præceptorum castimoniam, styli elegantiam, vicissitudinumque mirificam varietatem, tum præcipue ob augustas illarum origines, quas e Serenissima Germaniæ Domo Principi ingeniosissimo debent. *Octavia* certe, cujus duæ partes priores quatuor voluminibus constantes ante hos viginti annos lucem adspexere, adeo animos lectorum incomparabili venustate sua fascinavit, ut reliquos jucundissimi laboris tomos anxie optaverint, quorum desideriis tandem tertia parte, quam ultimam dixit, satisfacere voluit Serenissimus Princeps. Quum vero etiam in hac ipsa nondum ad finem perducta sit elegantissima de Octaviæ Romanæ miris in aula Neroniana casibus fabula, nova nunc ab illis, qui Octaviam Germanica veste decoratam quasi deprecant, ad Excelsissimum Auctorem vota fiunt, ut labores suos ad finem aliquando perducere dignetur: qui, nisi ipse ultimam operi manum admoveat, a nemine unquam expectandus est, cum neminem pari felicitate hujus generis aliquid adgressum sciamus, multo minus futurum credamus quemquam, qui tanto cum applausu cæpto hætenusque continuato operi ausurus sit colophonem imponere. Servet modo æternum Numen Principem Optimum,

MENSIS JULII A. MDCCVI. 335

mun, salutis imprimis publicæ & S. R. Imperii universi causæ, cujus inter Columnas præcipuas merito omnes cum venerantur.

ECLIPSIS SOLIS D. XII MAJI A. MDCCVI IN
diversis Germania locis observata.

Phænomenon hoc, in terris nostris rarissimum, cœlo undique fudo, non sine voluptate conspiciendum se præbuit. Initium occultationis hic *Lipsiæ* circa primum quadrantem horæ decimæ, maxima obscuratio h. X. 25 20, finis h. XI. 35 45 notata fuere, ipsumque adeo deliquium h. 2 21 duravit, sub medium ejus vix triente digiti Solaris disci a defectu immuni: quo tempore & prope Solem & ☿ Orientem versùs clarissime nobis conspecti fuere. Sunt quibus & ♄ atque ♀ visi perhibentur, cum pluribus fixis primæ magnitudinis. Ambibat Lunam annulus fulgens, limbus ejus parallelus, obversa Lunæ parte densior, averfa rarior, exacta tamen peripheria terminatus, a parte Solis lucida supra illum versùs zenith prominente accurate distinguendus. Splendor ejus quasi argenteus, minor tamen quam ab occultatione immuni disci Solaris particulæ. Margo Lunæ instar nubeculæ pallebat, nigredine medium disci occupante. Prope horizon-tem occiduum nebulæ veluti coarctabantur, cœlumque rube-
bat.

Eandem Eclipsin *Jenæ* accuratissime observans Clarissimus Professor *Hambergerus*, notavit initium h. IX. 11 40; medium h. X. 21 59; finem h. XI. 32 18; magnitudinem $11\frac{5}{8}$ digitorum; integram durationem h. II 20 38. Maxima cum esset obscuratio, Venerem vidit, Jovem atque Capellam, tenebris adeo invalescentibus, ut ad dignoscenda in Horologio Oscillatorio ad fenestram collocato minuta & secunda horaria, candela accensa opus esset.

Berolini initium fuisse h. IX 24, finem h. XI. 45, & defectum ad $11\frac{7}{8}$ digg. excrevisse accepimus.

Vratislavia in Collegio Academico Soc. Jesu a R. P.
Chri-

336 ACT. ERUD. MENS. JULII A. MDCCVI.

Christophoro Heinrich, Prof. Theolog. & Mathem. sequentia annotata sunt.

Initium erat	hor. IX. 39. 40.
Totalis obscurationis initium	X. 49. —
Medium	X. 49. 30.
Lucis initium	X. 50. —
Finis totius Eclipsos	XII. 2. 20.
Mora totalis obscurationis	— 1. —
Duratio Eclipsis ab initio ad finem	II. 22. 40.

Punctum ultimi exitus a Sole distabat a puncto verticali Solis Orientem versus 56. 20.

Diameter Lunæ excedebat Diametrum Solis minimum 15 Diametri Solaris.

Tempore totalis obscurationis stellæ complures libero oculo visæ, etiam duæ prope Solem. Lunam circulus dubiæ lucis ambebant, Halonis instar. Simul apparebat inæqualitas superficiæ Lunaræ; sed præcipue sub initium luminis distinguebantur, in effigie per telescopium in chartam albam projecta, montes & valles Lunares, intermicantibus Solis particulis.

Hora 10, 6 30 obscuratis in Sole digit. 5, speculum Parabolicum diam. 3 ped. adhuc inflammavit lignum siccum: quod haud amplius præstitit h. 10 18 20 obscuratis 7 digitis.

Hor. 10 35 30 obscuratis 10 digitis adhuc tantisper adussit pannum.

Hor. 10 42 0 obscuratis 11 digitis nec fomitem amplius accendit.

Lens ustoria diam. 9½ pollic. post obscuratos digg. 9 h. 10 30 adhuc adussit pannum: obumbratis vero 10 digitis nec fomitem quidem.

Cælum omni hoc tempore fuit admodum serenum.

** ** *

N. VIII. 337
A C T A
ERUDITORUM,
publicata Lipsiæ
Calendis Augusti Anno M DCC VI.

ANTONII PAGI CRITICA IN ANNALES
Baronii.

Coloniæ Allobrogum sumtibus Societatis, 1705. fol. Tomus II.
Constat 9. Alph. 7. plag.

Coronidem imposuerat Clarissimus Auctor operis sui Historico - Chronologici *Tomo I*, supra a nobis pag. 110 recensito, rebus a Theodosio M. præclare gestis, nunc *Tomum II* orditur ab altera Imperii divisione, qua Arcadius Orientis, Honorius Occidentis Principatum obtinuit, & progreditur ad initium Pontificatus S. Martini, quem suscepisse statuit A. C. 649. Itaque ad A. C. 395 vindicat Zosimum, qui Baronio Rufinum male Celtam appellasse censetur, eo quod Gallus fuerit; cum tamen Galli Celtarum nomine Zosimo & Straboni designentur. Ibidem statum religionis sub Arcadio & Honorio egregie repræsentat ex Sozomeni lib. 8, c. 1; adjicit hæresin Euresii & leges Arcadii contra hæreticos a Baronio prætermittas; bellum Persicum signo crucis efficaci celebre revocat ad A. C. 410; Chrysostomum refert in exilio, dum Pityuntem transportatur, exspirasse animam; Augustinus sequenti demum anno ordinatus ipsi videtur Episcopus Hipponensis, atque ejusdem & Paulini epistolarum chronotaxin exhibet curate digestam. A. C. 396 Evangelium ostendit propagatum inter Pictos Australes per S. Ninianum, inter Dacos, Bessos & Gothos per S. Nicetam, qui alias Nicæas dicatur; culpa enim librariorum Nicetam a Nicæa esse distinctum, qui error etiam in martyrologia irrepsit, unde memoriæ S. Nicææ dies VII Januarii, S. Nicetæ dies XXII Junii

Uu con-

consecratus sit. A. C. 397 alligat Nicetæ in urbem Nolam accessum, & per Daciam, Italiam, Macedoniam & Dardaniam in patriam redeuntis itinerarium; mortem S. Ambrosii; ordinem Conciliorum Carthagenensium emendatum, & Rufini Aquilejensis cum Melania ex Oriente reditum. Et de Rufino quidem ex Hieronymi & Nolani epistolis narrat, quod hæreses Origenis eo applausu Romæ disseminaverit, ut, licet celebris matrona Marcella strenue illum oppugnaret & Urbe tandem expelleret, nihilominus a Papa Siricio obtineret epistolas *Ecclesiasticas* seu *Communicatorias*, publico puræ fidei apud peregrinos testimonio. Ibidem in Paulino observat flagrans pietatis studium, quo percitus ipsam Romam appellaverit Babylonem, non respectu Gentilismi, uti Baronius vult, sed ob summam turbarum ac mali illecebrarum copiam. A. C. 398 mortuos demonstrat Siricium atque Ambrosium, & priori successisse Anastasium. Præter alia de Augustini in Donatistas, Chrysostomi in Montanistas, Porphyrii Gaza Episcopi in Gentilismum zelo agit; tantam fatetur Cleri Romani fuisse invidiam non in S. Paulinum solum, sed & in S. Hieronymum, ut non immerito ab Hieronymo Senatus Phariseorum vocaretur; quamvis etiam Hieronymus nimis acriter calamum ipsi strinxisse videtur, non quidem in Clerum, sed in Imperatorem, ita extolens virginitatem, ut matrimonium quodammodo damnare crederetur. A. C. 399 eminuisse probat prudentiam Imperatorum in extirpando sensum Gentilismo, in Hispania præcipue & Gallia. Circa A. C. 400 corrigit errorem Baronii in chronotaxi martyrii Sissinnii commissum; Chrysostomum Origenistas Monachos ex suis monasteriis ejectos benigne excipientem excusat; natales Antiphonarum ab antizelia Arianorum, & ortum Maronitarum a Marone Abbate derivat. A. C. 401 damnatos ostendit Origenis errores, tam in Oriente quam in Occidente, publicis in synodis, Alexandrina & aliis, cumque innitatur Theophili epistolis Paschalis, redegit eas in ordinem temporis conformem, castigatis Baronii parachronismis. Ibidem occasione concilii Carthagenensis tunc temporis celebrati, refert contentiones inter Episcopos de primatu agitata, & singularem Eudoxiæ erga Chrysostomum & Porphyrium clementiam, quorum priorem mactaverit honore

su-

suscipiendi ex baptismo vel Principem Theodosium, aut quod certius ipsi videtur, Flacillam & Pulcheriam; ad posterioris autem peti- tum exstruxerit Gazæ ædem plane augustam, templis idolorum dirutis. A. C. 402 continuatas ostendit controversias Origenia- nas, cumque de iisdem Chrysostomum inter & Epiphanium con- certationes quædam ortæ sint, vitam & mortem Epiphanii hac an- sa ex Sozomeno collustrat; disserit etiam de obitu Anastasii contra Baronium, & Concilio primo Milevitano. A. C. 403 Chry- sostomum statuit in exilium ab Eudoxia missum, quam *παρορ- θωσιν* in malos mulierum mores exacerbaverat; Paulinum e con- trario Ecclesiæ Nolanæ esse præfectum, contra Chiffletium & Be- nedictinos propugnat. A. C. 404 ab Honorio non solum non- restitutos esse ludos seculares, sed ipsos etiam gladiatorios Ro- mæ sublato contra Baronium asserit, occasione occisi ab ipsis spectantibus Telemachi, qui gladiatorum rabiem compescere tentaverat. Porro exponit alterum Chrysostomi, ab Imperato- re revocati exilium, & natas inde Constantinopoli turbas. Sci- licet investus erat in turbantes sacra publica choreas & plausus, quibus Gentilium more plebs venerabatur statuam argenteam, quam Eudoxia sibi ad latus Ecclesiæ iusserat poni; sed tantæ ze- lum hunc secutæ sunt calamitates, ut pro suggestu exclamaret, Chrysostomus: *rursus Herodias furit*. Non autem adeo diu fu- rorem exercuisse, addit Noster, cum eo ipso anno obierit. Ibi- dem agit de Augustini disputatione cum Felice Manichæo, Inno- centii decretis ad S. Victricium, Victrii conversione & meritis, morte S. Paulæ, & privilegiis Judæorum ab Arcadio & Honorio concessis. A. C. 405 Pelagium epistolam *de Gratia & Auxilio* scripsisse statuit, monetque B. L. ne hunc confundat cum Pelagio Monacho, cujus Chrysostomus ac Isidorus Pelusiota meminerint, sicuti Baronius, Usserius ac Vossius fecerunt; addit præterea, quo- modo Rufinus Pelagium & Pelagius Cœlestium induxerit in errores, & quod Pelagius Commentariorum in epistolas Pauli, qui Hiero- nymo vulgo subungi solent, auctor sit, confirmat. Tandem sub- jicit tempus concilii primi Toletani, in quo de Dictinio & patre ejus Symphosio, hæresi Priscilliana infectis, actum est. A. C. 406 scripsisse sentit Hieronymum adversus Vigilantium, cujus

hæresin & patriam præcipue, cum aliis Gallus, aliis Hispanus dicatur, pluribus persequitur. A. C. 407 obiisse Chrysostomum Comanis in Ponto Euxino exulem narrat, sed non excommunicatis, uti quidam ex supposititiis Innocentii epistolis collegerunt, ejus persecutoribus: vexatas eodem tempore Italiam a Vandalis, Britanniam militum tumultu, & Gallias ab Alanis, Suevis & Hunnis. A. C. 408 mortuum docet Arcadium, & Isdigerdem Persarum Regem diram in Christianos instituisse persecutionem, eo quod Episcopus urbis Regiæ templum aliquod ethnicum succenderat. Honorium vero delevisse Imperii sui & Christianorum hostem, clandestinum Stiliconem, subditorum onera variis legibus sublevasse, Gentilismum extirpasse, hæreticos proscripsisse eosque inter Coelícolas, sectam Christianos inter & Judæos mediam. A. C. 409 direptam esse ab Alarico Romam, & Mathematicos urbe ejectos, quoniam se hujus aliarumque urbium fata ex astris præciperant gloriati: id quod prolixo defendit circa annum sequentem, ad quem Baronius, Valesius & Gothofredus hanc cladem referunt, ubi etiam Probæ & Lætæ matronarum laudat pietatem, quod pauperes durante obsidione de suis aluerint. A. C. 410 Concilium fuisse celebratum Carthaginense adversus Donatistas, quorum in Africa grassationes aliaque flagitia persequitur; mortuum quoque esse Rufinum, sed absque errorum recantatione; Pelagianismum sese dilatasse, sub Pelagii auspiciis, cujus patria, vitæ genus, præceptores, hæresis, iter in Africam prolixius hic exponuntur. De Synesio Pelagianò observat, quod Episcopatus sit admotus a Ptolemaidenibus, non invitus solum, sed aperte etiam heterodoxiam confessus, Theophilo Alexandrino alisque, quos minime ejus errores latebant, electionem probantibus. Dandum autem hoc esse temporis illius iniquitati, quæ sæpius suaserit, Philosophos doctrina & virtute atque auctoritate præstantes mox a baptismo præficere Ecclesiæ. A. C. 411 principes Ecclesiæ Doctores Hieronymum, Augustinum & juxta nonnullos Hilarium Syracusanum calamum strinxisse contra Pelagium, Collationem Carthaginensem contra Donatistas habitam, Alaricum Gothorum Regem periisse, Galliamque & Hispaniam hostibus liberatam, etsi non adeo diu hac tranquillitate gavisæ sint. A. C. 412 con-

continuatæ Donatistarum & Pelagianorum controversias sub auspiciis Imperatoris Honorii, regnum Gothorum in Gallia inchoatum, & mortuum Theophilum Alexandrinum. A. C. 413 profligatis Imperii turbatoribus, Marcellinum observat tribunum ac notarium, vitæ quidem integerrimum, ad delatorum tamen calumnias injuste fuisse occisum. In Gallia autem Burgundiones regimen obtinentes fidem Christianorum amplexos esse. A. C. 414 alligavit persecutionem Christianorum in Persia, ejusque initium & finem, hæctenus ignota, ex collatione Theophanis cum Theodoro demonstravit. A. C. 415 coactum animadvertit Concilium Hierosolymis coram Johanne contra Pelagianos, a Baronio penitus prætermissum; Judæorum insolentiam a Theodosio repressam, quippe qui puerum Christianum ad Immum comprehensum, ludibriis exercendis ac crucis deridendæ causâ de ligno suspenderant, ac cruciatibus interfecerant; Gentilium autem simulachra sacrificiis hæctenus culta, aliosque ritus Honorium proscripsisse. A. C. 416 Pelagium refert in Synodis Carthagenensi ac Milevitana II damnatum, quorum Episcopi Augustinus atque reliqui, quoniam ante latam sententiam sedem Romanam consuluerunt, studet hinc contra Blondellum Primum Pontificis stabilire, repudiatis, qui in Synodo Milevitana II conditi dicuntur, de Pelagio canonicis. Cum autem ei adversetur locus Gennadii illustris: *Innocentius urbis Romana Episcopus scripsit decretum Occidentalium & Orientalium adversus Pelagianos datum &c.* inseruit vocem *Ecclesiis ante præpositionem adversus*, secutus codicem manuscriptum Bernardi Montfauconi, quem propediem novam & accuratam editionem Operum S. Athanasii vulgaturum pollicetur. A. C. 417 mortuum esse probat Innocentium, & successisse Zosimum, in Pelagianos tam propensum, ut Cœlestium judicaret innocentem, Pelagii autem adversarios, Herotem imprimis & Lazarum Galliæ Episcopos officio privaret ac communione. A. C. 418 immutatum advertit in Pelagianorum causa Zosimum, eoque reliquorum Episcoporum disceptationibus deductum, ut non Cœlestium solum damnaret, sed omnes Roma pelli Pelagianos, ab Honorio obtineret: circa idem tempus jacta esse Monarchiæ Francicæ fundamenta. A. C. 419 cum Julianus damna-

tioni Pelagianismi subscribere recusaret, Imperatorem promulgasse constitutionem de præstandis hæreticorum damnationi subscriptionibus; celebrata esse concilia Carthaginensia vulgo VI & VII appellata; ignem e cœlo dimissum ipsos maris fluctus quasi saltus ac sylvas incendisse. Meminit etiam consuetudinis hoc tempore adhuc Episcopis in Oriente usitatæ, qua publicis literis indixerunt tempus Paschatis proximo anno celebrandum. A. C. 420 Hieronymi emortuali, continuatam esse in Perside Christianorum persecutionem, exorto autem inde Persas inter & Romanos bello, Persas occubuisse. A. C. 421 Theodosium potestatem Episcopi Constantinopolitani circa sacra ita ampliassse, ut provinciæ omnes intra Orientalis Imperii fines comprehensæ, ejus subessent curæ, neque graviores causæ ad sedem Romanam referrentur. A. C. 422 Episcopos in Oriente, Illyricos præcipue, repudiassse affectatum Rufi, Sedis Romanæ vicarii, dominium, neque in causa Perigenis Episcopi Corinthiaci acquievissse in sententia Romani Pontificis. A. C. 423 mortuum esse Honorium Imperatorem, & Papam Bonifacium, ejectos ex Italia Julianum & Cœlestium Pelagianismi defensores, quibus etiam Theodorum Mopsvestenum ab aliis omissum associat. A. C. 424 Valentinianum renuntiatum esse Cæsarem, & Synodum Antiochiæ contra Pelagium celebratam. A. C. 425 interiissse ostendit invasorem Imperii Johannem Notarium Primicerium, & abrogata diebus festis & Dominicis spectacula. A. C. 426 Theodosium legem adversus Paganorum sacrificia promulgasse; Augustinum libros Retractationum contextuissse, absolutis qui agunt de Civitate Dei; Prosperum & Hilarium Semi-Pelagianismum oppugnasse, quem Cassianus in Collationibus suis publice amplectebatur. A. C. 427 Theodoretum Historiam Ecclesiasticam terminasse, de quo & illius continuatoribus plura differit. A. C. 428 Gensericum Vandalorum Regem in Asiam irrupissse, eaque occasione Augustinum solvisse dubium a Quodvultdeo propositum: an Episcopis fugere liceat in persecutione? Clodionem regnum Galliarum occupasse, a quo Francorum Reges primæ stirpis ducunt originem; Nestorium Constantinopolitanæ Ecclesiæ præfectum, talem prima vice habuissse sermonem, ad quem populus cohorrerit. A. C. 429 collustrat S. Ger-

Germani in Angliam missione, Saxonum pugna cum Britannis, & præcipue historia de populi & Episcoporum motibus in Nestorium. A. C. 430 continuatas ostendit, controversias Nestorium inter & reliquos Episcopos, Cyrillum imprimis & Coelestinum, quæ ut componerentur, & Romæ & Alexandriæ & Ephesi Synodos esse coactas, quas animadversionibus collustravit. Ad A. C. 431 disquirat cum Petro de Marca: an Theodosius suspenderit sententiam adversus Nestorium a Synodis Romana & Alexandrina latam, donec ab œcumenico Concilio iudicium institueretur. Producit etiam oblatacula, quæ Johannes Antiochenus Synodo Cyrilli Ephesino posuit, & investigat ansam, qua Canon VI Pelagianus in Synodum Ephesinum irrepsit, quibus Nestorii exilium, Sulpicii Severi conversionem, S. Paulini vitam ac mortem subjicit. A. C. 432 mortuum asserit Coelestinum paulo post quam decreta mitigasset in Nestorianos sedibus suis ejciendos; successisse Sixtum III, initamque pacem Cyrillum inter & Johannem, quippe qui non hæresi, sed personæ Nestorii faverat. A. C. 433 novum iterum fuscitatum schisma indicat ab Andrea Samosateno, Alexandro Hieropolitano, & reliquis pacem Cyrilli repudiantibus, quod ipsum commoverit alios, ut neutram, neque Cyrilli, neque Johannis Antiocheni, partem amplecterentur, qui hinc *Acephali* dicti sunt. A. C. 434 Theodosium promulgasse *Sacram*, qua jubet, ut Nestorii defensores aut cum Cyrillo communicarent, aut Ecclesiis pellerentur. Prosperum, refellisse Vincentium Lerinensem Semi-Pelagianum, eodem anno mortuum. A. C. 435 Synodos Anazarbicam & Tarsensem in causa Nestorii habitas, Alexandrum, Meletium aliosque Episcopos non paucos in exilium esse missos. A. C. 437 persecutiones Vandalicas initium cepisse. A. C. 439 Concilium adversus Cyrillum Constantinopoli celebratum putat Baronius, Noster autem fictitium esse docet. A. C. 440 mortuum affirmat Sixtum III, sed falso ei tribui libros de *Divitiis*, de *Malis Doctoribus*, de *Cassitate* & *Hypomnestico*; successisse Leonem I; Christianos in Africa Genserici persecutionibus fuisse vexatos. A. C. 441 Concilium Arausicanum concedit celebratum fuisse, sed negat contra Marcum, quod generale fuerit. A. C. 442 hæresin ortam docet Euty-chianam. A. C. 443 & seq. Manichæos a Leone M. & Prospero

op-

oppugnatos. A. C. 445 lucem sceneratur inscriptioni antiquæ Narbonensi, & contentionem, quæ Leonem inter & Hilarium interessit, perscribit. A. C. 447 Priscillianistas in Hispaniis exagitatos refert, a Turribio potissimum Asturicensi Episcopo, item Saxones in Britanniam ingressos. A. C. 448 in ærvm erupisse oppugnationem Eutychanismi, ipsum Eutychem in Synodo Constantinopolitana damnatum, non autem eodem anno, uti Baronio videtur; sed sequenti Synodos Byrtensem & Tyriam esse celebratas. A. C. 449 controversias cum Eutychanis & Iba, cujus causam antea exposuit, continuatas ostendit. A. C. 450 Eudociam non profectam secunda vice Hierosolimam contra Baronium asserit, Imperatorem autem Theodosium esse defunctum. Ad A. C. 451 revocavit persecutiones Attilæ in Servatum II & alios; Concilium Chalcedonense; causam Anatolii & Dioscori, (qui, uti ad annum superiorem observavit, ipsum adeo Episcopum Romanum excommunicavit;) Bassiani & Stephani ab officiis remotionem, factamque publicis sumtibus sustentationem; ubi simul ortum *pensionum Ecclesiasticarum* indicat. A. C. 452 Attilam vastare coepisse Italiam. A. C. 453 Leonem P. vices suas commendasse Juliano Episcopo Coënsi in causa Nestoriana & Eutychiana, unde Marca & Quenellius *Nuntiorum Apostolicorum originem* derivent; Theodoretum mortuum dici Garnerio, sed perperam, neque Cæsarium Concilio Arelatensi præfuisse, uti Baronio placet, cum ante annum 470 non prodierit in lucem. A. C. 454 Attilam Baronio intenuisse, quod præcedenti anno contigerit. A. C. 455 Roma a Genserico devastata, Eudociam cum filiabus in captivitatem esse abductam, Eudociam autem seniore ab Eutychanismo ad Ecclesiam Catholicam rediisse; Leonem in constitutione Paschatis, scrupulis hactenus variis obnoxia, uti ad annum 453 monuit, secutum esse Episcopum Alexandrinum. A. C. 456 persecutione Catholicos Vandalica etiam extra Africam fuisse vehementer agitados. A. C. 457 Episcopos civitatum metropolitanarum & Monachos in causa Timothei rescripsisse, se Chalcedonensem Synodum ad sanguinem usque vindicatuos, quorum epistolæ & relationes in unum codicis corpus collectæ vocentur *Codex Encyclius*, hodie vix cognitus, apud Veteres autem magno in honore habitus. A. C. 458 mor-

mortuum esse Anatolium Patriarcham Constantinopolitanum, quem Baronius abs re ducat auctorem Canonis XXVIII de privilegiis sedis Constantinopolitanae. Circa A. C. 459 floruisse statuit *Acemetos* ita appellatos, non quod insomnes & oculis coniventes perpetuis sese vigiliis exercuerint, sed quod divina in ipsorum Ecclesiis hymnologia nunquam cessaverit. A. C. 460 Symeonem Stylitam, cujus devotionem hic persequitur, obiisse, postquam quadraginta annos, secus atque Baronius & alii sentiunt, in columna habitaverat. A. C. 461 Leonem exspirasse, de cujus cultu, reliquiis & operibus plura differit. Ad A. C. 463 animadvertit, Victorium cyclum 537 annorum non hoc, sed jam anno 457 concinnasse. A. C. 465 Concilium coactum esse Romanum, occasione natalis seu diei ordinationis Hilarii, demonstrat inter alia ex Clarissimi Tenzelii schediasmate de Natalitiis Episcopalibus, quem tamen in refutando Quesnellio non animadvertisse addit, natalis Hilariani festivitatem hoc anno prius celebratam, quam Concilium ad res Ecclesiasticas ordinandas fuerit habitum. Circa A. C. 466 Prosperum Aquitanicum tantum Notarium Leonis Papae egisse, non autem Episcopum, ceu ante Sirmondum persuasum fuerit omnibus. A. C. 471 Remigium juxta Baronium Episcopatum Remensem obtinuisse innuit, sed Henschenium atque Cointium id accuratius examinasse; falli etiam Spondanum, qui illi *Explanationes in Epistolas Pauli* tribuit, cum in iis Benedicti & Gregorii Papae fiat mentio. A. C. 474 Zenonem restituisse in Ecclesiam Antiochenam Petrum Fullonem, refert Baronius ex Alexandro Monacho, de quo Noster censet, quod scriptor sit futilis, & a Jacobo Gretsero plane immerito commendatus. A. C. 475 Ostrogothos, devastato Illyrico, regnum in eo sub Theodorico instituisse. A. C. 476 Imperium Romanum sub Augustulo interiisse, plerisque Principibus haeresin profitentibus. A. C. 478 habitam esse Romae a Simplicio & Constantinopoli ab Acazio Synodum, in iisque damnatos non solum Timotheum Aelurum, Johannem Apamenum & Paulum Ephesiorum Episcopum, sed etiam, uti contra Baronium propugnat, Petrum Fullonem. A. C. 482 Stephanum juniorem Antiochiae occisum, non autem, sicuti Valesius sentit, Stephanum seniore. A. C. 485 Petrum

Fullonem altera, non autem tertia vice in Synodo Romana damnatum assentit contra Valesium. A. C. 486 invaluisse observat aquarum in Epiphaniae vigilia benedictionem. Circa A. C. 488 moris fuisse, sacra imaginibus ornare ædificia. A. C. 490 serpere coepisse hæresin Prædestinarianorum, adhuc Prosperi ætate, secus atque Sirmondus vult, plane incognitam, quam quidem nonnulli ab Augustini adversariis confictam statuunt, sed absque omni probabilitate; licet enim pauci fuerint & obscuri nominis Prædestiniani, minime tamen Faustum Prædestinarianorum oppugnatorem, coram universis Galliae Episcopis fingere potuisse & adversarios Lucidum atque Monimum, & libros hæresin tam horrendam, Deum tantum, quia ita voluit, quosdam ad æternum prædestinasse exitium, aperte professos; Synodos quoque Arelatensem & Lugdunensem idem confirmantes firmis niti testimoniis. A. C. 491 Olybrium juniorem consulatum gessisse absque collega, & Anastasium Imperatorem Henoticon Zenonis edicto sanxisse servandum. A. C. 494 Gelasium, qui anno superiori successerat Felici III, decretum promulgasse de Scripturis Divinis & opusculis sanctorum Patrum recipiendis & non recipiendis, nequaquam vero Hormisdam, qui ipsemet contrarium testetur. A. C. 496 Gelasium esse defunctum, de quo addit, Baronium abs re eidem abjudicasse libros de duabus naturis in Christo, etiamsi ab adversariis quandoque contra doctrinam de transubstantiatione sint adhibiti; Valesium autem perperam ei adscripsisse Historiæ Eutylianistarum breviculum. A. C. 499 Baronius Clodoveum M. cum Alemannis bellum gessisse consignaverat, sed Noster docet, id contigisse anno 496 & paulo post, cum Deorum, quos colebat, opem frustra implorasset, conversum esse, atque ipso die Christi natali a Remigio baptizatum; nullam autem ampullæ Remensis facit mentionem. Ad A. C. 502 & sequentem studet Synodos Romanas, sub Symmacho habitas, ordinare atque collustrare. A. C. 511 Constantinopoli, cum Imperator Anastasius hymno Trisagio has vellet adicere voces, *qui crucifixus es pro nobis*, gravissimam exortam esse seditionem, perinde quasi Christiana religio funditus everteretur. Circa A. 519 & sequentem viguisse in Oriente Monachorum Scytharum motus, eosque ad seditionem usque de-

fendisse, *unum ex Trinitate passum in carne*, quorum causam & immunitatem ab Eutychianismo Noster contra Baronium ex Norisio perorat. A. C. 525 Johannem Papam jussu Regis Theodori Constantinopolin esse missum, Imperatorem Justinianum rogatum, ut Arianis Ecclesiæ restituerentur. Circa A. C. 527 in-
nuit, quando & quomodo Dionysius Exiguus Cyclum suum an-
norum 532 concinnaverit. A. C. 531 Codicem Justiniani promul-
gatum esse testatur. A. C. 538 resuscitados narrat Origenistarum
tumultus, Nonno auctore præcipuo, qui vero miserrime sit ex-
tinctus. Ad A. C. 546 retulit Vigili Papæ gesta & persecutio-
nes, propter edictum Imperatoris Justiniani adversus tria capitula.
Circa A. C. 561 conjurationem designat adversus Justinianum ex-
citatam, cujus Belisarius vulgo habeatur particeps, qui tamen in-
nocens postea sit repertus, non autem, uti Baronius credidit, ex-
cecatus & ad tantam redactus paupertatem, ut eleemosynas pete-
ret. A. C. 565 Imperatorem Justinianum edictum de incorrupti-
bilitate corporis Christi emisisse, eodemque mortuum, adversus
Baronium & Cointium, in annorum computatione aberrantes,
asserit. A. C. 574 Samaritanis in Syria tumultum excitantibus
opposuisse se refert S. Symeonem Stylitam juniorem, ejusque
virtutes & mortem collultrat. Ad A. C. 581 de S. Gregorio ad-
versus Baronium probat, quod anno 573 Urbanam gesserit præ-
fecturam, eodem circiter anno Monachum induerit, & ante an-
num 582 a Pelagio II missus sit Constantinopolin Apocrisiarius.
A. C. 584 mortuum videri Baroniō S. Maurum, Ordinis Benedi-
ctini in Gallia fundatorem, cujus mors rectius in annum inse-
quentem differatur. A. C. 590 Gregorium Magnum Pontificem
consecratum affirmat, *Expositiones autem in VII Psalmos Pani-*
tentiales ejus factum esse pernegat. A. C. 595 mortuum probat
Gregorium Turonensem, simulque Historiæ ejus & opusculis lu-
cem foeneratur. Ad A. C. 604 Gregorii M. emortualem diem refert
cum Baronio; Synodum Augustini in Anglia celebratam, in qua
inter hunc Papæ Oratorem & Episcopos Britannos, quæstionem
de Primatu Pontificis R. motam asseruerat Stillingfleetus ex Beda
& Spelmanno, quem satagit refellere. A. C. 616 circiter pro-
pullulare coepisse indicat Monotheletarum hæresin, auctore So-

phronio Hierosolymorum Patriarcha, paulatim vero erupisse, præcipue circa annum 622 per Paulum Monoculum, qui audacter, coram Imperatore Heraclio, se Monotheletis addictum professus sit; aliam quidem hujus hæresis originem Theophanem tradere ad annum 629, sed eam fabulosam esse, cum Combesio contra Goarem defendit. A. C. 633 alligat Honorii cum Sergio in causa Monothelitarum commercium, quem deceptum quidem concedit a Monotheletis, ab ipsa tamen hæresi fuisse immunem, neque in Synodo sexta damnatum propter hæresin, sed ob nimiam levitatem & facilitatem, propugnat. Hinc porro ipse ad A. C. 648 refellit *Oeconomiam Honorii*, qua approbat & commendat, consilium Sergii de silentio tam Catholicis quam Hæreticis adhibendo, cum circa unam tum circa geminas in Christo voluntates.

Atque isthæc visa nobis sunt, B. L. memorabiliora ex altero Criticæ hujus Tomo excerptenda, quæ Clarissimus Auctor non solum ex antiquis Scriptorum fontibus confirmavit, sed etiam subinde cum a fabulis tum a parachronismis vindicavit, de copiosissimum sollicitus, ut & res in Ecclesia ac Republica gestæ, & eruditorum foetus auctoribus pariter atque annis suis natalibus restituerentur. Vel ex hisce itaque speciminis loco allatis iudicabis de cæteris, quæ brevitatis ergo prætermisimus & Tomi subsequenti in aliud tempus dilati recensitionem benevole paulisper expectabis.

*ADAMI CORTREJI REPRÆSENTATIO JURIS
Primariarum Precum Sacratissimis Imperatoribus Romano-Germanicis sine prævio Pontificum assensu competentis, ad Reverendissimum atque Celsissimum Archi-Episcopum Rhodiensem, Internuntium Papalem in Germania
Colonensem.*

Magdeburgi, apud Joh. Dan. Müllerum, 1706, 4.
Constat 9. plag.

Hoc quoque Excellentissimi Autoris opusculum, licet mole hexiguum, spem nostram, quam de Corpore Juris Publici Germa-

manici ab eo edendo concepimus, non parum confirmat. Respicit Jus Primariarum Precum, quod, licet non impetrato Pontificis consensu, Imperatori in Germania competere, ex fide publicorum documentorum ac rationibus solidissimis defendita. Occasionem scriptioni dederunt Reverendissimi Archi - Episcopi Rhodiensis, Internuncii Papalis, ad Reverendissimum Ecclesiæ Cathedralis Hildesicensis Capitulum literæ, quibus Jus hoc summum Imperatoris vocaverat, in dubium, ac Pontificis nomine hujusmodi preces declaraverat inanes. Ipsas Archi - Episcopi literas, una cum velamine prætensionum Papalium, cap. I exhibet Autor, unde constare potest, Chokierii imprimis autoritate Pontificem Imperatori Romano, non nisi post impetratum a se indultum, Jus primariarum precum largiri, Carolum quoque V a Clemente VII, Ferdinandum I a Pio IV, Ferdinandum II a Paulo V hujusmodi indultum obtinuisse. His literis Archi-Episcopi respondit Excellentissimus Cortrejus ea, quam cap. II exhibet, epistola, ac Imperatores quidem quandoque, ex civitate ac pietate in sedem Romanam, non autem ex necessitate, concessionem hanc a Pontificibus petisse declarat, cum etiam sine ipsorum suffragio, Jus primariarum precum ipsis, ex Instrumenti pacis Osnabrugensis sanctione ac antiquissima consuetudine competat, unde citra Pontificis suffragium Imperatores Ferdinandus III & Leopoldus sua usi sint potestate. Quod ut plenissime evinceret, non solum ipsos Status Catholicos, cum de pace Westphalica condenda ageretur, ac Protestantes Jus primariarum precum sublatum cuperent, Imperatori reservatum hoc, ob antiquissimam consuetudinem, ac eminentiam supremam, & reverentiam Sacri Imperii vindicasse docet, sed & cap. III Ferdinandi III diploma ad Ecclesiam catholicam Magdeburgensem, ac Leopoldi ad eandem, ut & ad catholicam Mersburgensem, & ad Ecclesias collegiatas D. Nicolai, D. Sebastiani, & D. Petri & Pauli, in civitate Magdeburgensi diplomata subjicit, ex quibus appareat, nullam eos consensus Pontificii habuisse rationem; tandemque cap. IV Imperatorem Patronum quidem & Advocatum Ecclesiæ, nulla autem obedientia Pontifici subiectum esse, ex Historia Germaniæ, ac Pontificiorum quoque testimoniis evincit. Non ingrati igitur hanc celeberrimi Autoris operam iis, qui causas ac fun-

damenta hujus controversiæ accuratius evolvere cupiunt, fore confidimus, multo autem gratiorem, siquod iterum promisit, ac iam sub prelo esse intelleximus, Juris Publici Corpus, quam primum nostræ, & omnium rerum publicarum æstimatorum expectationi sistat.

JOHANNIS HENRICI, CASPARIS FILII, CUN-
RADI Silesia Togata, ex Auctoris manuscripto, quod in
Bibliotheca paterna viderat, a CASPARO THEOPHI-
LO SCHINDLERO, Lignicensi Silesio,
in lucem edi-

ta.

Lignicii, apud Hæredes Rohrlachios, 1706, 4.

Constat Alphabet. 2.

QUUM Nicolai Henelii *Silesiographiam Renovatam*, Vratisla-
 viæ Anno 1704 in 4 excusam, eodem anno mense Junio
 pag. 266 in Actis nostris recenseremus, facta quoque fuit mentio
Silesia cujusdam *Togata*, in qua laudatus Henelius sexcentorum
 Silesiorum, meritis in Rempublicam aut litteras clarissimorum, elo-
 gia libris XII persequutus est: quam cum aliis Henelii schedis
 Reverendissimus Crucigerorum cum rubea stella apud Vratislavi-
 ses Magister, Dn. Michael Fibiger, emtionis nomine sibi vindica-
 vit, & ad illustrandam *Silesiographiam*, cum de Familiis Illustrium
 Silesiorum commentaretur, diligenter adhibuit. Nunc alius ejus-
 dem tituli liber in medium prodiit, *Joannis* scilicet *Henrici Cun-*
radi Silesia Togata, in qua præstantissimus Auctor idem cum il-
 lo argumentum pertractat, sed dispari ratione. Henelius enim
 prosa oratione scripsit, Cunradus versa. Henelius diffusior est in
 memorandis uniuscujusque meritis & casibus, ac nullum plane
 ætatis aut dignitatis ordinem sectatur; Cunradus autem singulo-
 rum elogia singulis distichis comprehendit, iisque dies omnium
 natales & emortuales, officiorumque ab ipsis gestorum titulos sub-
 junxit: qua quidem brevitate miram in pangendis versibus dexte-
 ritatem suam ostendit, elegantiam vero & perspicuitatem sæpenu-
 mero non ex voto adsequutus est.

Fuit

Fuit autem, ut de vita Auctoris aliquid lectoribus constet, Joannes Henricus Cunradus ortu Vratislaviensis Silesius, anno 1612 die 4 Aug. ex Christiana Tiesia & Caspare Cunrado, Philosopho, Medico, Poeta & Poliastro Vratislaviensi prognatus, qui præter studium juris, artis etiam poeticæ culturam adamavit, & in illâ Martini Opitii, præceptoris domestici, institutione magnos progressus fecit. Quam deinde anno 1631 ex Alma Francofurtensi in patriam reversus esset, causarum civilium administrationem in se suscepit, & apud Milicenses, Wolavienses, & Bregenses in foro esse coepit, eventu quidem ad clientum suorum vota semper respondente, sed ob tricennalis belli Furias, in Silesia tum temporis grassantes, sibi ipsi perquam funesto: siquidem binas Wolaviæ urbis obsidiones expertus est, in quarum altera supellectilem domesticam & pecuniam omnem, expilatione per milites facta, amisit, ut Bregam exul ire, & inde denuo, bonis omnibus exutus, Vratislaviam migrare cogeretur. Ibi Juridicæ, quam vocant, praxi tur- sus indulgit, quæ res Magnificos Amplissimi Senatus Vratislaviensis Patres adeo ipsi conciliavit, ut cum anno 1644 in Collegium Advocatorum ordinariorum adsciscerent; Celsissima vero Domina Elisabetha Lucretia, Teschiniensis in Silesia Ducatus hæres, in numerum Consiliariorum eooptaret, quam spartam Ferdinandus Joannes Princeps Lichtensteinus, laudatissimæ Ducis filius, ipsi denuo confirmavit. Accessit dein novus bonorum cumulus, quando Judicii Episcopalis Consiliarius, Ducalis Monasterii Treboicensis Cancellarius, Excelsissimi Ducis Sylvii Würtembergico-Olsnensium Principis ad Conventus publicos, qui Vratislaviæ quotannis aguntur, Senator & Collega creatus fuit, ac intermedio insuper annorum spatio D. Jacobo, Curlandiæ Duci, a consiliis domesticis operam præstitit.

Ab istis vero muneribus omnibus tandem sese abdicavit, & senectutis pedetentim succedentis incommoda litterariis commerciis solari contendit. Cujus gratia, ut a strepitu forensi tanto remotior evaderet, ædes patris, quas Vratislaviæ possidebat, vendidit, & anno 1680 Lignicium se contulit. Quo in secessu *Theatrum Prosopographico-melicum*, cujus tres millenarios Caspar Cunradus pater jam olim typis exscribi curaverat, septem alios millena-
rius

riis auxit, & prælo adparavit. Quum librarium, qui sumtus ad editionem operis suppeditaret, non statim inveniret, licet Jacobo Thomasio & Christiano Daumio paratis usus fuisset, ex decem illis millenariis *Prosopographiæ Melicæ Silesios* solos excepfit, & *Elogia* illorum in unum volumen sub *Silesiæ Togatæ* nomine contraxit. Quod cum vix ad umbilicum deduxisset, marasmo senili & apoplexiæ impetu iterato prostratus, rerum suarum negligentior evasit, & Familia Cunradina mortibus suorum fere penitus extincta, rudî cuidam mulierculæ, quam ultimæ migrationis sociam Lignicium adduxerat, reculas suas omnes tradidit: unde factum est, ut *Privilegiorum Silesiacorum, Observationumq; ad Statuta Vratislaviensium* volumina, vilissimo precio in tabernis piperaceis vendita fuerint, *Silesi-poliographiæ* vero Vratislaviam deportaretur, & reliquis librorum adparatus nescio in quorum manus deveniret. Ex isthuc quasi naufragio Rever. Vir, M. David Schindlerus, Aedis Marianæ apud Lignicenses Pastor, & Ministerii Aug. Confess. addicti Senior, *Prosopographiæ Melicæ & Silesiæ Togatæ* tomos manuscriptos a muliercula paratis nummis coemit, filioque Casp. Theophilo, Sacrarum Litterarum & Philologiæ omnis cultori solertissimo destinavit, qui *Silesiæ Togatæ* volumen multorum doctorum civium, quorum nomina calamum Cunradinum effugerant, memoriis complere, atque in lucem orbis eruditi exponere constituerat. Sed ipse quoque Schindlerus junior, maximæ civium ac patriæ spei fatis præmaturis ante aliquot annos ereptus est, ut adeo Parens venerandus superstes famam Filii perennare, & Cunradini operis editionem curare, Filii vero Accessiones ad alia tempora remittere debuërit. Fusius de iis omnibus disserit Clar. M. Christianus Stæffius, ipse Lygio-Silesius, cum in Epistola ad Rever. Schindlerum parentem consolatoria, tum in Vita Joannis Henrici Cunradi, quam per modum epistolæ ad Schindlerum filium, (quocum, seu commilitone suo, ipsi familiaritas & consuetudo intima ab infantia semper intercesserat) aliquando Lipsiæ Lignicium miserat: ad quam & nos lectorem eo lubentius ablegamus, quod in ea non tantum de Familia & scriptis Cunradinis narratio contineatur, sed commercii quoque epistolici inter Cunradum, Thomassium, Daumium, Gebhardum, aliosque exculti fragmenta, ex

sche-

chedis avendo *as*, subjuncta sint. Ipse Cunradus d. 24 Maji A. 1685 Lignicii obiit, annis LXXII mensibus quasi X vivendo expletis.

THEODORI JANSONII AB ALMELOVEEN
Fastorum Romanorum Consularium.

Libri II.

Amstelodami, excudit Jo. Wolters, 1705, in 8.

Constat 1 Alph. 9 plag.

Cum duo sint, quibus, qui Historiarum tractationem ingrediuntur, velut Ariadnes quodam filo, mirifice adjuventur reganturque, locorum videlicet atque temporum cognitio; summis laudibus utique efferendi sunt, qui expeditam utriusque viam reddere, & quæ difficiles hic explicatus habent, interpretari dilucide susceperunt. His accenseri debet Celeberrimus Vir, Theodorus Jansonius ab Almeloveen, salutaris artis Doctor eximius, & Academiae Harderovicanae singulare decus. Viderat is, quantis difficultatibus scateret Romanorum Consulium notitia, propterea quod ipsi antiqui Scriptores non satis fuerunt accurati in iisdem annotandis, & modo cognomina, modo eorum omiserunt prænomina, ex quo miræ obscuritates, nodique non temere explicabiles nati sunt, & quod susceptos Consules non signarunt rite, ut ab ordinariis statim possent distingui. Facturum ergo se operæ credidit pretium, si ordinatius omnia disponderet, atque lucem sic accenderet his, quibus per Romanæ Historiæ monumenta iter hactenus haud parum fuit impeditum. Et in subsidium adhibuit quidem fastorum conditores varios, quos in præfatione enumerat, ita tamen, ut haud raro, ubi vel supplendi, vel emendandi in lapidibus, aut sagaci conjectura occasionem reperiret, eadem uteretur. Duobus autem libris nova hæc de Fastis Consularibus commentatio absolvitur; in quorum priori annorum sequitur seriem, & Consules, prout sibi invicem successerunt, recenset, appposito quibuslibet tum conditiæ Urbis, tum nativitatæ Christi anno, quo ad Imperii sui clavum sederunt, & successorum nominibus alio literarum caractere signatis, ut ab ordinariis possent distingui. In posteriori libro secundum elementorum Alphabeti numerum

Consulum nomina digessit, ut protinus investigari queat, quo anno quisque e Romanis Senatoribus hac sublimi dignitate fulserit, & intelligi simul, quem in eadem habuerit collegam. Neque substitit hic doctissimi Viri labor, quippe qui notulas etiam addidit interdum, quibus corrupta Consulum nomina non modo corrigerentur, verum plurima etiam loca in Digestis atque Codice emendarentur.

DE PRÆROGATIVA OECUMENICÆ NOMENCLATIONIS & potestatis Romani Pontificis a Constantinopolitanis Præsulibus usurpata, Historica Dissertatio Auctore ANTONIO VAIRA, Veneto, in Archi-Gymnasio Patavino primario sacrorum canonum Antecessore.

Patavii, apud Jo. Manfrè, 1704, in fol.
Constat Alphab 6.

OEcumenicam Papæ Romani potestatem modis stabilire omnibus Clarissimus Autor in hoc opere laborat, eumque in finem mox ab initio antiquitatem illius probare satagit, iis adeo se opponens, qui aut Victorem omnium primum in externas Ecclesias jurisdictionem exercuisse tradant, aut usurpationem ejusdem jurisdictionis Zosimo, aut Bonifacio I, vel Cœlestino, aut denique Bonifacio III adscribant. At ipse vicissim auctoritatem illam apud Pontifices multum his antiquiores stetit, & ab ipsis Petri temporibus in successores ejus, qui vocantur, singulos derivatam esse, e variis historiarum monumentis declarare studet. Cumque primum potestatis illius usurpatorem illegitimum faciat Dioscorum, Alexandrinæ Ecclesiæ Episcopum, hinc sedentem istis temporibus in Papali throno Leonem Magnum jus suum acriter defendisse, istudque & ab aliis eidem assertum solícite fuisse probat. Sed & apud eos, qui hunc proxime exceperint, illibatam stetit Oecumenicam potestatem asserit, donec tandem Hormisdæ ævo Oecumenicæ nomenclationis & auctoritatis prava, velut ipsi audit, cupiditas in Constantinopolitanum Præsulem immigrare cœperit, a quo tempore schisma maxime memorabile in hunc

hunc usque diem perduret. Joannem certe Cappadocem inter Constantinopolitanos Episcopos primum extitisse refert, qui Oecumenicus Patriarcha & Pater Patrum appellatus fuerit. Id quibus machinis evenit, & quomodo Hormisda ad ausum illum sese gesserit, ulterius enarrat, non omisis iis, quæ paulo post Joannis Cappadocis ætatem Romana sedes hoc in negotio peregerit. Posteaquam scilicet Romano Pontifici diu satis ex isto instituto sinistra aliqua suspicio subnata haud fuerit, sequioribus demum temporibus manifestiora flagitiosi ambitus signa erupisse dicit. Joannem etenim Nesteutam sive Jejunatorem, Constantinopolitanum Episcopum, eo turgescere cœpisse fastu, propter opinionem non delatæ, sed usurpatæ, gloriæ ex superbo vocabulo Oecumenici, ut jam meditaretur se erigere supra Orbis Christiani Episcopos omnes, Patriarchas atque ipsum Pontificem Romanum. Pelagium II itaque non amplius connivere volentem, vulneri isti Ecclesiæ præsentissimam facere medicinam, & perniciem latius serpentem auxiliis undique paratis compescere studuisse, unde, cum in Constantinopolitana urbe regia, Generale Concilium Joannes convocasset, anno 587 seu, ut alii tradant, biennio post, datis ad Synodum literis, Patres in ea congregatos Papa graviter admonuerit, & præterea illius gesta pleraque, pro pastoralis officii munere, irrita pronunciarit. Sed cum mortuo Pelagio Jejunator in suis istis perseveraret consiliis, Gregorium M. Pelagii successorem, diligentiam & conatum omnem adhibuisse monet, ut Orientales firmi & constantes in veritate persisterent, quanquam Episcopum eorum assensu sua dimovere non potuerit, qui discedens ex vita successoris suo Cyriaco eandem mentem, altis infixam radicibus, post se reliquerit. Ut igitur hunc in viam aliam deduceret Gregorius, humanissime cum ipso actum fuisse ait, ita, ut & Gregorius, modestiæ causa, Oecumenici titulum Episcopi respuerit, quod quidem Romani Pontificis auctoritati detrimentum ullum afferre posse, contra Carolum Molinæum operose negat. Pertinacem interim Cyriacum Bonifacii demum III temporibus a Phoca Imperatore repressum, Romanique Pontificis primatum Oecumenicum ab illius insultu vindicatum fuisse innuit, id simul agens, ut ex isto facto Imperatoriæ potestati prærogativam Romanæ sedi

parum gloriosam haudquaquam accrevisse obtineat. Episcopos de cætero Constantinopolitanos integra adhuc spe nomen Oecumenici invasisse, primatumque ulterius exercere laborasse, quin Phocæ quoque Imperatoris placitum infringere annis fuisse addit. Romanum tamen Episcopum vehementer nunquam non repugnasse, utut tempora illa propter hæreses Monothelitarum & Iconoclastarum, ac propter Synodum Trullanam fuerint impeditissima. Nec in Photiano schismate defuisse suo juri Romanam sedem, istiusque injurias ac impetus valide elusisse gloriatur. Qui proxime in sedem Constantinopolitanam Photio successerint, eos quidem in vestigiis eorum, qui hætenus Oecumenicum honorem sibi arrogare contenderint, persistisse haud dissimulat, veruntamen & ipsos pro veritate stetisse vel invitos autumat, dum passim ad auctoritatem Romani Pontificis confugerint, atque inter alia electionis atque dignitatis suæ confirmationem inde petierint, ad Luitprandi usque tempora, mediumque adeo seculum decimum. Tandem vero Græcos ad alias artes confugientes, illud cum Latinis pactum iniisse memorat, ut Constantinopolitanus Episcopus in sua saltem Diocesi Oecumenicus haberetur. Verum cum ne sic quidem efficere, quod cogitarant, potuerint, alia adhuc via rem aggressos fuisse Græcos indicat. Promisisse videlicet eos Romano Pontifici antiquam possessionem auctoritatis, in Orientis Ecclesiam universam, dummodo eodem permitte, obtinerent ipsi rursus Imperium Occidentis, qua in re opportunitatem nacti fuisse videantur ex eo motu, quo Occidentis Imperator, Fridericus Enobarbus, Romanam Ecclesiam vexaverit. Consilium hoc ad exitum perducere studuisse Manuelem Comnenum Porphyrogenitum, callidis insidiis, astuque incredibili usum, per speciem germanæ religionis & obsequii officiosissimi erga Romanam sedem & Pontificem Hadrianum IV, cujus artes & successores ejusdem imitati masculæ fuerint, licet conatu penitus frustraneo, quandoquidem Concilium Oecumenicum Lateranense IV A. 1205 congregatum, indulsit quidem Constantinopolitano Patriarchæ honore prærogativam super Patriarchas cæteros, at Oecumenicum vicissim primatum uni Romano Pontifici archisimo vinculo alligaverit. Huic definitioni schismaticos quidem pa-

pa-

parum obsequentes se gessisse tradit, ast post casus tamen, quos prolixè satis recenset, varios, non semel iterum eos speciem induisse, ac si Oecumenicæ Papæ potestati parere vellent, veriti quam maxime, ne regni amittendi immineret periculum. Michaellem certe Palæologum decreta Concilii Generalis II Lugdunensis approbasse, universamque Orientis orthodoxam Ecclesiam Romanæ sedis Pontifici soli honorem Oecumenici tribuisse. Sed ab hac mente rursus avertisse Imperatores queritur Josephum Patriarcham schismaticum & successores ejus, Andronico imprimis, Michaelis Imperatoris filio, octavo a definitione Lugdunensis Concilii anno vix exacto, schisma instaurante, quod latius serpere deprehensum fuerit latiusque, usque dum pericula nova emerferint. Johannem namque Quintum Palæologum, ingenti pavore ex Turcarum & Tartarorum irruptione in Græcum Imperium correptum, repetisse artes majorum, & malis suis remedium quæsisse ex ficta pietate, dolosi animi socio electo Joanne VI Cantacuzeno. Anno igitur 1343 supplicas implorasse Græcos refert a Clemente VI, contra Turcas, annexo promisso, ut dissidium Latinos inter atque Græcos componeretur, si Pontifex hos alliceret liberalitate & beneficio, juberetque Latinas copias pergere in hostem late populantem, eumque finibus exturbare. Annuentem tum his precibus Clementem VI, & sexennio post Joannis quoque Cantacuzeni votis ad eundem scopum tendentibus assurgentem dilaudat, idque & Innocentium VI, post Clementem Ecclesiæ gubernacula suscipientem, omnino fecisse testatur, quamvis ipse æque ac antecessores a Græcis spe vana lactatus fuerit. Nec meliores factos Græcos causatur, utut pericula cum annis subsecutis multum accreverint, imò Imperio etiam ipsi attulerint exitium, unde spem de errore vetusto nunc tandem deponendo prorsus abjicit. Finita ad hunc modum narratione historica, tria adhuc capita subnectit, quæ ad tractationem decertatoriam magis pertinent, & in redarguendis erroribus, quos appellat, Oecumenicæ Pontificis dignitati infestis occupantur. Primo enim Aloysii Mayburgi, quem vero nomine Ludovicum audire Maimburgum dicit, respondet argumentis, quibus ille Pontificis potestatem Concilio inferiorem constituit. Deinceps alias objectiones resolvere tentat, velut ubi

translato Constantinopolin Imperio & Constantinopolitanum in Præsulem primatus Oecumenici migrasse perhibeatur; aut quando ex Synodi Nicænæ Canone sexto prærogativa Constantinopolitani Præsulis exculpatur; aut quando Principum favor in exaugenda Constantinopolitani jurisdictione in primatus illius patrocinium convertatur, & quæ alia. Tandem ubi, in scribendo maxime, utriusque Ecclesiæ mentio fiat, Latinam Græcæ haud postponendam, sed prius istam & tum demum hanc nominandam venire contendit.

LIBRORUM DE RE DIPLOMATICA SUPPLEMENTUM, in quo Archetypa in his libris pro regulis proposita, ipsaque regula denuo confirmantur, novisque speciminibus & argumentis asseruntur & illustrantur, opera & studio Domini JOHANNIS MABILLON, Presbyteri & Monachi Ord. S. Benedicti e Congregatione S. Mauri.

Lutetiæ - Parisiorum sumtibus Caroli Robustel,

1704, in folio.

Constat Alph. 1 pl. 14 chart. reg.

Nuper admodum (mense Junio pag. 284 sqq.) Clarissimi Germonii disceptationem de Regum Francorum Diplomatibus, qua Reverendissimi P. Mabillonii artem diplomaticam lausfactatum ivit, eamque fortiora efflagitare præsidia contendit, exhibuimus. Hæc ipsa igitur præsidia in hoc libro educit nunquam satis laudandus Autor, sive diatriba illa Germoniana provocatus, de quo tamen certo nobis haud constat, cum antagonistam nulli nominet, sive sponte sua ad corroboranda præcepta, quæ luce aliqua indigere forte advertit, inductus. Quanquam enim ad novam integri operis Diplomatici editionem, tum exemplarium penuria, tum Francisci Halmæ bibliopolæ apud Belgas celeberrimi precibus se invitari sentiret, propter res tamen in tota Europa perturbatas, istud propositi in aliud tempus rejiciendum ratus, supplementum interim hocce in antecessum prodire voluit, maxime cum diversa veterum authenticorum specimina recuperasset. E


tre.

tredecim autem capitibus, quæ plurima memorabilia continent, pauca pro instituto nostro seligere juvat. Et quidem sub initium fere Dionysiani archivi cimelia, quibus olim usus fuerat, non suis saltem, sed Baluzii, Fresnii - Cangii, Herovallii, & Cotelarii, virorum hisce in studiis versatissimorum, oculis ac judicio pretium debere asserit. Veritatem enim ac fidem ejusmodi diplomatum non a charta Ægyptiaca aut vulgari, non a membrana, scripturæ forma, stilo, subscriptionibus, sigillo, notis chronicis aliisque indicibus seorsim sumtis, sed ab omnium complexu æstimari oportuisse. Ad discrimen vero inter spuria atque authentica statuendum, non opus esse ratione seu demonstratione metaphysica, sed morali, qualis nimirum in rebus hisce haberi queat, quæ tamen in suo genere non minus certa sit quam metaphysica, atque non nisi longa ac diuturna omnium accidentium & circumstantiarum observatione comparetur. Propterea etiam Senatus consultis eorumque qui recte judicant suffragio, illa monumenta sincera & legitima reputari, quorum falsitas nullis certis atque indubitatis argumentis evinci possit. Nam si falsariorum imposturas quis semper crepare, harumque obtentu diplomata singula impugnare vellet, tum de quorumlibet auctoritate, quocunque demum seculo extitissent, actum foret, omniaque in pyrrhonismum reciderent. Cæterum inter tot Galliæ archiva, quæ singulari cum cura custodita fuisse ait, nullum integrius perseverasse quam Dionysianum. Factum hoc si quis fortean in dubium trahere præsumat, illum ad allata diplomata oculos, at peritos nulloque præjudicio affectos convertere jubet. Negat insuper regale hoc monasterium a Nortmannis incendio consumtum, aut membranis spoliatum ab hostibus, qui gazis unice inhiabant. Dagobertinæ vitæ scriptorem non omnia enarrare voluisse donaria, sed consulto plurima prætermisisse, ob fastidientium lectorum tædium. Dubletum e contra vel delectum fecisse instrumentorum illustrandæ S. Dionysii basilicæ inservientium, vel in unum alterumve chartularium incidisse, vel authentica ipsa legere non valuisse putat. Eum sane calumniæ reum statuit, qui post Dubletum noviter detecta ulla ratione conficta suspicetur. Dubitantem porro circa membranarum & chartæ Ægyptiacæ durabilitatem, ad Virgilium

- & Prudentium bibliothecæ Vaticanæ, ad psalterium S. Germani, librum Conciliorum, aliosque cœnobii sui in membranis exaratos codices; ad Aviti etiam Episcopi Viennensis homilias, quæ in regia, ad S. Augustini sermones, qui in Petaviana & Phimarcotiana, ad historiæ Josephi particulam, quæ in Ambrosiana bibliotheca delitescunt, & chartæ Niliacæ inscripta cernuntur, ablegat. Nec desunt alia instrumenta in phylira vetustissima hinc inde dispersa, quæ magna copia inducit. *Truncardum* autem hujusmodi chartam Ægyptiacam antiquitus appellatam fuisse, ex epistola Gallicani cleri ad Nicolaum I Papam conjectat. Merovingicam scripturam non in authenticis saltem, sed aliis quoque istius ævi libris occurrere, ad oculum demonstrat. Orthographiam quidem pessime se habere, tum & stilum scabrosum ac salebris respersum esse, lubenter concedit. At hoc instrumentorum fidei prodesse potius quam obesse, e formulis Marculfianis, quæ illis simillimæ appareant, elicit. Antiquioris quoque Latinitatis lapidariæ specimina, autographis suis nequicquam politiora profert. Ulterius varia corruptorum diplomatum genera, alterum falsorum, alterum interpolatorum distinguit. Ex utraque classe nullum tanta arte effingi vel refingi posse autumat, cujus falsitas vel interpolatio a perito antiquario dignosci nequeat. Hinc authentica Dagoberti Senioris, ejusque filii Chlodovei Junioris, tum Theodorici ac subsequen-
C. IV. tium Regum Meroveadum, contra criticorum
C. V. objectiones vindicat. Privatorum deinde chartis aliquot facem accendit. Aimoinum historiæ Francicæ scriptorem sub Hugonis & Roberti principatu demum vixisse, ac Floriacensem, non Pratensem monachum fuisse, cum Labbeo concinit. Autharium Abbatem sub Childeberti III regimine floruisse ostendit. Pratensem basilicam S. Germani nomine, vel ante ipsius translationem, decorari meruisse, statuminat. Mox ad chronologicas Merovingicorum Principum notas definiendas conversus internecina Autorum quorundam dissidia feliciter compescit, multa in historicis ac genealogicis nova eruit. Sic Clodoveum II R. Francorum ad A. 656 usque scepra tenuisse, Clotharium III vero A. 671 aut 672 diem obiisse docet. Chilpericum III, Daniele ante dictum, Childericum II patrem habuisse, Childericum autem III ultimum Mero-
C. VI.
C. VII & VIII

videndum Regum suscepisse, argumentis haud ficulneis persuadet, ceu
e praesenti schemate patere potest:

Clodoveus II junior.



Carolus M. non A. 747, uti annales Petaviani volunt, sed A. 742,
& quidem IV Non. April. ex veterrimi Kalendarii Laurishamensis
autoritate natum esse credit. Patricii creandi quænam fuerit so-
lennitas, qualisve vestitus, ex antiquo codice Ottobonianæ bi-
bliothecæ enarrat, quin & ipsam effigiem subjicit. In regno
Ludovici Germanici tres epochas obversari, unam ab A. 826, quo
Bajonarum regnum adierit; secundam ab A. 833 aut insequente, quo
Ludovicus Augustus in filiorum potestatem devenit; tertiam ab
A. 840 seu morte patris, quibus quartam addat Schatenus in An-
nalibus Paderbornensibus, ab A. scilicet 838. Ludovicum V Ca-
rolidum Regum ultimum A. 979, septennio ante obitum patris,
coronatum esse, Clarissimo Baluzio autore affirmat. Hugonis Ca-
peti annum emortualem in A. 996 figit, multaque de genere ejus
notabilia affert. Jam varia in libris de Re Diplomatica ante dicta
pro candore suo hic retractat Noster. Inter Pontificum bullas,
alias incarnationis Dominicæ annum a Kalendis Januarii, alias a
die 25 Martii desumere, ultro fatetur. Francorum Reges præter
sigilla cerea, aurea etiam atque plumbea adhibuisse largitur, eo-
rumque ectypa curiosis exhibet. De Cassinogilo, Gardina, Tur-
no, Vetere Domo, palatiis quippe regalibus mentionem facit.
Notarios in libris, diplomatibus ac chartis scribendis, non ad arun-
dinem, sed avium pennas convolasse, e veterum codicum picturis

Cap. IX.

C. X.

C. XI.

C. XII.

probat. Roganti forte, unde tanta post Dubletum authenticorum farrago? respondet Noster, Dubleto nunquam in mentem venisse, universas Dionysiani archivi tabulas excutere, neque etiam primæ stirpis archetypa illum facile legere potuisse, sed e chartariis quibusdam lectu gratioribus sua duntaxat evulgasse. Se vero nova hæc specimina, cum Dionysiana monumenta in charta Ægyptiaca scripta attentius revolveret, & nonnullis levioris pretii chartis alias ad supplendam earum caducitatem pro futura suppositas animadverteret, separari inde curasse, atque sic præclaras opes ab oblivione vindicasse. Quæ de Dagoberti aliisque nominibus propriis diversimode exaratis, nec non de Græci cujusdam Imperatoris ad Regum Francorum nonneminem epistola, de vulgata item Charta plenariæ securitatis egregia hic commentatur, attingere hæc vice nolumus.

C. XIII.

Ultimo tandem vetustis codicibus fidem atque autoritatem suam, quam aliqui pessundare properarunt, mascule firmat. In bene moratis namque ecclesiis ac monasteriis olim obtinuisse, ut non modo periti adessent antiquarii, qui libros describerent, sed periti etiam correctores, qui conferendis atque emendandis iis enixam operam ponerent. Sic adpieta illic cerni varia signa, zetam nempe quod vitium, asteriscum qui defectum, obelum seu virgulam jacentem, quæ superfluum aliquod adeoque rescandum, chrismon seu monogramma Christi, quod probandum ac retinendum quoddam denotet. Corbeienses imprimis codices injuste falsitatis accusari perhibet. Num Florus, eruditus ille Lugdunensium Diaconus, librorum istius Ecclesiæ nomine scriptorum autor haberi debeat, disquirat, inque affirmativam sententiam propendet. Sequuntur jam aliquot authentica æri incisa, duo videlicet diplomata Chlotharii II & Dagoberti I, placiti Childeberti III versus nonnulli, Hadriani Papæ I & Maginarii Abbatis ad Carolum Magnum epistolæ, laudata itidem epistola Græci Imperatoris, ac plenariæ securitatis charta, prout quidem Brissonio hanc appellare visum est. Hisce succedit appendix in tres partes divisa, quarum prima Formulas Andegavenses LIX, ex antiquissimo codice monasterii Weingartensis in Suevia satis indyctæ erutas, atque ab Autore Tomo IV *Analectorum* editas, hic iterum proponit, in quibus legis Romanæ,

nae, consuetudinis pagi & principalis potestatis frequens fit-
 mentio; altera varia diplomata aliaque instrumenta vetusta, quo-
 rum aliqua laminis æreis ante describi fecerat, typis solitis Latinis
 exhibet; tertia chartas authenticas, quæ ad legitimam originem
 regis Stuartorum stirpis demonstrandam pertinent, cum explica-
 tionibus historicis sistit. Eas autem Jacobus Beatoun S. Bethune,
 Archi Episcopi Glasguensis, tempore reformationis A. 1560, una-
 cum aliis chartis Ecclesiæ suæ, e Scotia in Gallias secum adporta-
 rat, & collegio Scotorum Parisino testamento reliquerat, donec
 A. 1695 cura Ludovici Innesse lucem ibi primum adspicerent. Illa-
 rum igitur ope corrui tota Buchanani fabula, quasi Robertus co-
 gnomento Seneschallus seu Stuartus, qui avunculo suo Davidi A.
 1371 successit, adolescens adhuc cum Elisabetha More furtivos
 amores miscuisset, eamque demum Euphemiam, Hugonis Rossie
 Comitis filiam, uxori demortuæ superinduxisset, obtento dein Sco-
 torum procerum assensu, ut ejus proles præteritis liberis ad regnum
 admitteretur, sicque in Rege creando ætatis quam natalium potior
 ratio haberetur; cum tamen exinde constet, Elisabetham More
 jam ante A. 1364 in humanis esse desuisse, justumque inter ipsam
 & Robertum matrimonium, nonnisi dispensatione apostolica con-
 tractum intercessisse, Johannem præterea ex ea susceptum pri-
 mogenitum & heredem ibi vocari. Ast aliunde pariter liquet,
 Elisabetham priorem, Euphemiam vero secundam Roberti con-
 jugem fuisse, adeoque illi a Buchanano assigni, quæ huic forte
 tribuenda. Sub calcem hujus Supplementi duæ inscriptiones,
 quin & quatuor totidem instrumentorum veterum specimina an-
 nectuntur, curiosis ad discernendas præscarum literarum formas
 perquam grata futura.

**HISTOIRE DE L' ACADEMIE ROYALE DES
 Sciences Année M DCC III &c.**

h. c.

**HISTORIA ACADEMIÆ REGIÆ SCIENTIA-
 rum anni 1703, cum Commentariis Mathematicis & Phy-
 sicis ejusdem anni.**

L L 1

Pa-

Parisiis, apud Joh. Boudot, 1705, in 4.
 Constat 3 Alph. 9 plag. cum aliquot figuris
 & 12. Tabulis æneis.

ET si *Mariottus* ac *Perrault* fontium ex aquis pluvialibus originem probabilem satis reddiderint; impossibilitatem tamen monstrare conatur *Clarissimus de la Hire* evincens, aquæ pluvialis copiam sufficientem ultra 16 digitos in terram vix penetrare, ut in fundo solido confluere possit, immo eandem ne plantis quidem nutriendis sufficere. Sub terra defodit craterem, cujus altitudo 6 erat pedum, superficies pedum quatuor a superficie extrema telluris 8 pedum intervallo distabat, tubo 12 pedum instructum, satis notabiliter inclinato & in cellam penetrante, a qua tamen crater, longo intervallo removebatur, ne terra in vicinia muri facile exsiccaretur. Suspensus vero, aquam pluvialem eo usque vix descensuram, in profunditate 8 digitorum alium sub terra collocavit craterem, cujus superficies erat 64 digg. altitudo 8. Locus nec radiis Solaribus, nec ventis expositus; herbarum omnes ex terra sollicitate eradicatæ fuerunt. A die 12 Junii usque ad 19 Februarii nihil per tubum effluxit aquæ; sed die 19 Februarii multa nive liquata primum fluere cœpit, fluxu postmodum aliquot a lapsa pluvia horis continuato. Idem eveniebat in cratere in profunditate 16 digitorum sub terra subsistente, nisi quod post diuturniorem siccitatem terræ sufficienter humectandæ mediocris pluvia non sufficeret. Crescentibus herbis, quas super cratere plantaverat, nihil per tubum effluxit aquæ, quin ob hujus potius defectum exarescebant istæ. Accurate igitur evaporationem aquæ per folia plantarum æstimaturus, die 30 Junii h. 5½ matutina vitro foramine exiguo instructo aquæ libram unam immisit, duoque folia ficus mediocria, quorum pondus erat 5 drachmarum uncia monetariæ 48 granorum, immerisit. Ne aqua evaporari posset, orificii partem a foliorum pediculis non occupatam charta probe obturavit. Totum machinamentum ita præparatum Soli ventoque exposuit, & hora 11 decrementum ponderis aquæ 2 drachmarum deprehendit. Cæterum per tubum primi crateris intervallo 15 annorum ne unica quidem gutta effluxit. Fontium itaque ori-

gi.

ginem a vaporibus deducit, ex aquis sub terra ad libellam cum fluviis vel maribus vicinis consistentibus intra ejus poros elevatis, & vel per frigus ad terræ superficiem, vel per materiam ipsis figendis aptam condensatis. Quodsi enim vapores confluentes solum satis solidum offendant, super hoc intra terram eos profluere, donec alicubi exitus pateat. Ostensurus autem figi posse vapores, vas vitreum in cella æstate imprimis admodum humida collocavit, & ejus orificium linteo aqua, in qua sal tartari dissolverat, macerato obduxit, elapsoque aliquo temporis spatio copiam liquoris satis notabilem in fundo vasis monstravit, vaporibus aeris a salibus linteis adhaerentibus condensatis, & juxta vasis latera defluentibus.

Dn. Amontons novam proponit terræ motuum theoriam. Supponit aërem esse densiorem, quo majus incumbat volumen, cumque elater pendeat a particulis igneis, seu materia fluida, humana industria nunquam prorsus expellenda, condensationis ea multo majoris esse capacem, quam produnt experimenta affirmantium, prope superficiem terræ constitutum ad spatium sub octingentecuplum comprimi posse. Assumens præterea, quod tum *de la Hire*, tum ipse plurimis experientiis didicit comprobatum, columnam aëris per 37 sexpedas & 3 pedes supra superficiem terræ protensam vix $3\frac{1}{8}$ lineis Mercurii æquiponderare, cum pondere atmosphæræ 27 digitis $5\frac{7}{8}$ lineis respondente oneratur, & quantitates aëris æquiponderantes occupare spatia ponderibus incumbenibus reciproce proportionalia, deducit, in profunditate 41931 sexpedarum aërem ita condensatum esse, ut ejus & Mercurii æqualia volumina æquilibria existant. Jam cum idem caloris gradus elaterem aëris tanto violentiorem reddat, quo hic magis condensatus, si inflammatio materiæ mineralis intra terræ viscera gradum caloris multo vehementiorem eo, qui est aquæ ebullientis, producat, hunc eundem gradum, cujus mediocris est prope superficiem terræ effectus, in ista profunditate ita intendere posse elateris aërei vires, ut orbem solidum 41931 sexpedarum dirumpere & subvertere queat. Quoniam vero, quo aër densior, eo pauciores particulas igneas contineat, prope centrum vero telluris densissimus sit; hypothesein de igne centrali cum admissa aëris continua condensatione stare non posse.

TAB. VIII.

Fig. 1.

Idem *Amontons*, cum novum suum thermometer, quod ad mensem præcedentem repræsentavimus, ob apertum superius orificium non commode de loco in locum transferri posse, ac propter pondus atmosphæræ in observationibus continuo subducendum molestum ejus reddi usum didicisset, nova ratione construere docuit thermometer spiritu vini replendum, gradus caloris infra eum, quem aqua acquirit ebulliens, accurate indicans. Figura vitri, quemque continet, liquor est prorsus ut in thermometer ordinariis, divisio exacte respondet divisioni thermometri ærei post correctionem ponderis atmosphæræ subtracti facta. Novo hoc thermometro observationibus institutis, expertus est, maximum calorem æstate esse ad minimum hyeme ut 6 ad 5. Cognovit etiam, pulsuum arteriæ numerum non esse gradui caloris sanguinis proportionalem, aliaque permulta.


Cum Academia Regia scientiarum memorabilem communicavit casum *Felibien*, Academiæ inscriptionum Socius. Juvenis scilicet quidam rusticus 24 circiter annorum, a nativitate surdus & mutus, cum quadam die inopinatum campanarum sonitum audiisset, atque ex aure obstupescit sinistra quædam aquæ species profluxisset, auditum subito recuperavit, elapsisque 3 aut 4 mensibus, quamvis adhuc imperfecte, loqui coepit. Mox accersiti Theologi de statu ipsius præterito eum examinarunt, sed de Deo, anima, moralitate actionum ac morte interrogatus, nullam harum rerum unquam habuisse cogitationem deprehensus fuit, utut cum parentibus Missæ frequenter interfuerit, signo crucis se signaverit, genua flexerit, aliosque orantium gestus dextre imitatus fuerit. Solis nimirum perceptionibus impulsus brutorum instar egerat, quicquid egerat, nulla facta ad perceptiones & actiones suas reflexione ante sermonis usum, multo minus idearum compositione aut disjunctione.

Maraldus duos ex Italia attulit lapides coloris albidii & per folia fissiles, in quibus pisces exsiccati, palæ & folia oleæ reposita. Unum cum finderent, piscem petrefactum in duas juxta longitudinem partes accurate dividi contigit, cumque exacta piscis structura in corpore hujus animantis observaretur, quod verus fuerit piscis, in lapidem conversus, cum sabulo obduceretur, nul-

TAB. VIII.


21	22	23	24
52	51	50	49

gradus
nobis



*Ingenus frigus avari
climatis.*

Congelatio aquae.



[illegible]

li dubitarunt. Similes pisces exsiccatos intra lapidum substantiam, ex Phœnicia allatos, in Italia vidit *Maraldus*. Immo vidit Romæ ingentia marmora, ex montibus Siciliæ effossa, in quibus color ruber albo interstinguitur, ab ingenti conchiliorum intermixtorum marmori copia pendente. Cum igitur lapides quoque prædicti ex terra effodiantur, *Fontenellius* probabile esse asserit, dari in aquis subterraneis pisces subterraneos, & vapores ex iis exhalantes secum afferre ova, quæ istis condensatis intra terram in pisces & conchilia abeant, sabulæ postmodum obducenda, vel aquis petrescentibus includenda.

Factum in utero aliquando, si non semper, per solam chordam umbilicalem nutrirî, *Dn. Litre* exemplo canis ostendit monstrosi, qui absque naribus & ore similive cavitare, cum unico in fronte oculo in lucem vivus & crassus editus, sed ob respirationis defectum extinctus esset. Quale exemplum quamvis satis rarum sit, multo tamen rarior illa ascitis videtur species, in qua abdomen per crassum aliquod sepimentum, cum peritonæo continuatum, in duas cavitates ita diremtum fuit, ut sola inferior multum liquoris atrî, crassi, viscidî ac putridi, cum multis corpusculis albidis ac duris figuræ diversæ, continuerit, quamque laudatus *Anatomicus* in muliere quadragenaria, præter insignem cordis polytum observatum, prolixius hic æque designat, ac *Dn. du Verney junior* multos hydropicos adjumento non minus paracenteseos, quam aliorum remediorum, a se curatos commemorat.

Ex Chymicis Chynica tum sulphuris communis, tum boracis exhibetur analysis. Ex communis quidem sulphuris libra una spiritus acidî, cum spiritu vitrioli penitus convenientis, unciam unam, interdum unciam unam & dimidiam, facile colligi posse, annotat *Dn. Hombergius*, si in destillatione campanæ consuetæ aliquod Recipientium maximorum, tanquam capacious, officium pollicum 8 vel 10 obtinens, substituatur, simulque sulphuris fusi & accensi libræ 10 vel 12 supponantur. Quia nihilominus in tali destillatione, partim vehiculum aquosum ab aëre humido accedit, partim reliqua constitutiva dissipantur, ad sal, terram, principium pingue sive inflammabile, ac parum cupri e sulphure eruenda atque trium priorum æqualem fere proportionem

evin-

evincendam, oleum potius destillatum terebinthinæ sive foeniculi, spiritum vini & vitrum majus causticum, cum destillatione in subsidium vocat. Florum nempe sulphuris uncias quatuor, in olei terebinthinæ libris quatuor vel quinque successive dissolutas, ante omnia igne lentissimo per plures dies noctesque destillat, utque olei terebinthinæ odoris expertis tertiæ duæ, aqua albicans acida ponderosa & oleum rubicundum plus minus crassum, (quo apparente ignis intendendus ac excipulum mutandum,) obtineantur, remanentibus capitis mortui nigri, spongiosi, splendentis ac insipidi uncis duabus cum dimidia. Hinc, ubi oleum limpidum & aquam acidam per lenissimam destillationem, aliquot itidem dies ac noctes continuandam, ab oleo rubicundo separavit, ab hoc residuo spiritum vini recentem tam diu cohobat, donec hic omni destitutus prodeat foetore, resistentque uncix fere quatuor materiae nigrae gummosæ, quæ in olei quidem destillatis tota, in spiritu vini vero ex parte tantummodo dissolvatur, egregia tamen sanguinis acrimoniam salis corrigendi. Tum aquam acidam cum salis tartari uncis duabus in aqua solutis commiscet, atque post evaporationem ex salis augmento, salis acidi sulphuris drachmas tres & grana quindecim fuisse, cognoscit. Tandem caput mortuum primum speculo caustico majori exponit, multisque vaporibus acidis sub odore aquæ fortis exhalantibus, superfluentem terram, non per se, sed cum borrace in vitrum liquandam, vix unciam unam drachmamque unam excedere, vitrum autem in aere humido pauca ærugine obtegi, deprehendit. Borracem vero sicuti *Dn. Lemery* salibus salis ideo annumerat, quod nec cum acidis, nec cum alcalibus effervescat, ita destillationem ejus tam per se quam cum aliquo additamento, adornat. Borracis quippe libram unam, igne reverberii per gradus e retorta magna destillatam, multum intumescere, ac non nisi aquæ limpida & insipida, cum neutro salium ebullientis, uncias sex cum drachmis totidem supeditare, restantibus uncis novem & drachmis duabus vitri elegantissimi, ad instar crystalli, quod in aqua nihilominus solvi, & loco insignis diurectici propinari valet. Ex Borracis autem uncia una semis cum duplo argillæ sicca destillationem liquoris limpidi salini ac urinosi drachmas tres acquiri, e diverso ex borrace cum

Cum sale tartari aquam ingrati & unctuosam obtineri: indicio manifesto, quia ex borrace acidum haberi nequit, illum ex sale falso, urioso & pauca substantia oleosa sive bituminosa constare.

Camphorata Mompeliensium vires insignes in hydropere recenti aque asthma primario, non minus ac in omni obstructione recenti, morbisque ex sanguinis cruditate & lymphæ visciditate promulcantibus, si tenuiores ejus ramusculi in modum pisanæ vel thæe usurpentur, per experientiam *Dn. Burles* comprobatur.

Illustris *Leibnitius* Arithmeticam binariam exhibuit, quam quidem in vita communi non reperire locum, ad Scientiarum tamen pomœria producenda, & multa in numerorum praxi atque geometria utilia detegenda mire conducere, dudum intellexit. Est hæc Arithmetica omnium simplicissima, & nonnisi duabus utitur notis, nempe 1 & 0, consequenter 2 scribitur per 10, 3 per 11, 4 per 100, 8 per 1000, 16 per 10000, & ita porro. Unde operationes non possunt non fieri facillimæ & errori minus obnoxie, quia nil prorsus memoriæ tribuendum, nec in multiplicatione & divisione ullo opus est abaco Pythagorico, cum ista in additionem, hæc in subtractionem abeat: quæ cum cogitaret *Dn. de Lagny*, facile advertit, numeros Arithmetice binariæ esse Logarithmos quam maxime naturales. Quamobrem hos usitatis nunc Logarithmis in *Nova*, quam meditatur, *Trigonometria Gallica* seu *Reformata* substituet, inprimis cum Logarithmos, quibus nunc utimur, in numeris majoribus fallere notaverit. Ipse autem *Leibnitius* Arithmeticam binariam ad explicanda mysteria Philosophiæ Sinensium, figuras nempe lineares antiquissimi Sinensium Regis & Philosophi, qui ante 4 mille annos floruit, *Fohy* transtulit, sicque per literas ad R. P. *Bouvet* Pekinum datas, clavem ad referenda mysteria Sinensibus restituit ante plus mille annos amissam, non sine ingente Europæorum gloria. Immo cum idem *Fohy* credatur Autor characterum Sinensium, quibus in scribendo utuntur, hi ipsi vero cum numeris convenientiam quandam habere ferantur; si qua talis occurrat, mysterium in characteribus istis a summo Philosopho absconditum dexterrime explicatum expectare licebit a laudato R. P. *Bouvet*, cujus in hoc argumento tractando

dexteritatem multum commendat *Leibnitius* noster. Quodsi tale quid contingat, quod ex notionibus elicere licet, ex earundem characteribus per modum calculi eruere dabitur: quod erit maximum intellectui humano unquam obtentu possibile adjuvamentum.

Dn. Casfinus A. 1703 d. 21 Martii h. 10 matutina per captas altitudines Meridianas contigisse didicit æquinoctium vernale: quam observationem cum comparasset cum omnium antiquissima *Hipparchi*, anno 32 periodi tertiz *Calippicz*, h. e. anno ante Christum natum 146 facta, anticipationem æquinoctii uno anno invenit.

10 54 $\frac{1}{2}$, hincque quantitatem anni tropici apparentem determinat

d. 365 h. 5 49 5 $\frac{1}{2}$, mediam vero 365 d. 5 h. 49 12, prorsus ut *Gregoriani* supposuere. Utraque observatio facta eadem hebdomadis feria, anno a bissextili proximo: in sua tamen minutorum appendicem neglexit *Casfinus*, quia *Hipparchus* in sua de errore 6 horarum certus esse non poterat.

Suaferat anno 1700 *de la Hire*, ut in horologiis oscillatoriis pendulum non ex filo sericeo, sed lamina elastica suspenderetur, quia hæc alterationibus per siccitatem & humiditatem aeris minus obnoxia. Sed cum hanc isti substituisset, majores in motu penduli, quam antea, observavit inæqualitates, ut adeo filum laminæ præferendum censeat. Monet tamen, ad rectificandas vibrationes penduli, ut nempe tum longiores, tum breviores sint isochronæ, non sufficere cycloidem juxta regulas *Hugenii* exacte elaboratam, sed lineam cycloidi parallelam a parte concava dimidia fili sericei spissitudine distantem adhibendam esse, ut axis fili cycloidem exacte describat juxta ea, quæ dudum in *Commentariis Mathematico-Physicis* de usu *Epicycloidis* in *Mechanicis* proposuit. Suadet etiam, ut horologia, observationibus cœlestibus applicanda, collocentur in loco, in quo ab omnibus aeris injuriis quam maxime libera sunt, ne virga ferrea frigore, filum sericeum humiditate contrahatur, ista calore, hoc siccitate prolongetur. Similiter cum pendulum intra aquam moveri fecisset, motus retardabatur intra minutum 3, adeoque intra diem 4330. Hinc inferebat, aerem.

hæ-

humoribus inspissatum vibrationes penduli breviores & diuturniores reddere, & posito quod retardatio intra aquam densitati debeatur, densitas aeris non ab exhalationibus admixtis, sed pondere incumbente pendeat, gravitate aeris per $\frac{1}{28}$ variata, retardatio pen-

duli in aere esse debebat $\frac{1}{28}$ ejus, quæ sit intra aquam, h. e. 154 intra diem. Enim vero huic calculo cum experientia contradicat, causam esse asserit diversam particularum aerearum & aquearum configurationem, quarum istæ his facilius divelluntur. Accedere, quod vapores intra aerem non colliguntur, quemadmodum in aquam condensati. Interim tamen vapores irregularitatem inducere posse, si ponderi ex pendulo pendenti virgæque ferreæ associantur, & proprium sibi centrum oscillationis acquirant, consequenter & vetus immutent: cui malo medela quodammodo adhibeatur, si loco penduli usurpetur cylindrus, cujus exigua est basis, per omnem longitudinem homogeneus, in extremitate axis suspendendus, vel parallelepipedum aliquod.

SERENISSIMO POTENTISSIMOQUE PRINCIPI ac Domino, DN. FRIDERICO, Regi Prussia &c. &c. &c. humillima devotione dicata Synodi Telluris, Lune & Solis accuratissima Observatio, habita Norimbergæ A. 1706 d. 12 Maji
horis antemeridianis, a JOH. PHILIPPO
WURZELBAUR.

Norimb. 1706 in fol.

Constat plag. 3, Tab. æn. 1.

Mense præcedente habitas in aliquot Germaniæ locis exhibuimus observationes. Cum vero Astronomiæ & Scientiæ naturalis cultorum intersit, diversis in locis ejusdem phaenomeni institutas in promptu habere observationes; gratam iis nos præstituros confidimus operam, si, quæ observandi dexteritate dudum celeberrimus Wurzelbaur, de nupera Eclipsi Solis, phaenomeno certe rarissimo, publicavit, in compendio communicaremus, imprimis cum, quæ Autorum sumtibus prodeunt, schediasmata non ubique ab omnibus haberi queant. Summo mane in instantem Solis or-

tum direxit Observator solertissimus oculos, trans limpidissimam (paulo post autem nebulis spissiusculis temeratam) auram, e summitate speculæ observatoriæ h. 4 28 30 limbum ejus superiorem,

h. 4 32 inferiorem ad radices Australes montis, quem vocant, rubei emergere vidit, facie Solari nulla prorsus macula temerata. Ab hora sexta usque ad octavam horologium oscillatorium cum Sciaterico Horizontali marmori inciso, & lineæ meridianæ applicato contulit, hoc ab isto dissidere plerumque advertens excessu vel

integri, vel semiminuti primi. e. gr. Horologii oscillatorii H. 6 4

respondebat Sciaterici H. 6 4 30; istius H. 7, hujus H. 7 1; istius

H. 7 59, hujus H. 8; istius H. 8 17, hujus H. 8 17 30. Discum Solis per tubum lentibus convexis tribus instructum in cameram obscuram immisit, & in tabella candida excepit. Lunam ad So-

lem appellere observavit H. 9 6 30 circa $11\frac{1}{2}$ gr. a parte disci Australis & diametro ejus Horizontali sursum numerando.

TAB. VIII. Phases præcipuæ tum crescentes, tum decrescetes in Fig. 2. Tab. VIII repræsentantur. Discus Lunaris ab initio ad finem usque eandem retinuit magnitudinem apparentem, quæ, si semidia-

Fig. 2.

meter Solaris 15 55 assumatur, 16 32 haud superavit. H. 10 17 in tabella observatoria circa 17 gr. versus Septentrionem sursum ab Horizontali diametro numeratum plane extinctum lumen. Atrum Lunæ discum ad latitudinem semidigiti annulus lucens circumdare visus, ejus luculam auræ illuminatæ adscribendam judicat noster. Vidit is, durante obscuratione totali ♀ & ☿, auram quasi prima nocte tenebrosam, nubes hinc inde sparsas colore subrufo vel croceo tinctas; viderant alii fixas, notarunt conticuisse oscines, circumvolitasse vespertiones, omnia cum induisse vultum & produxisse effectum, qualem bihorio post occasum Solis nox increscens exhibet. Tribus post obtectionem elapsis minutis horariis ad tabellam observatoriam reversus, jam quartam fere digiti partem lucidam emerxisse animadvertit.

Tan-

Tandem H. 11 28 Luna ad latus boreale disci ejusque a diametro Horizontali sursum numeratum 10 gr. Solem omnino deseruit. Capta posthæc fuit altitudo Solis meridiana 58 38 10 : captæ sunt multæ altitudines aliæ Solis jam declivioris, e. g. juxta horologium oscillatorium. H. 2 38 altitudo erat 45 30, H. 2, 59 eadem erat 42 30, H. 3 2 15 eadem erat 42, H. 3 32 erat eadem 37 30, H. 3. 44 45, erat eadem 35. Ex his altitudinibus per calculum Trigonometricum deducta tempora erant H. 2 38 4, H. 2 58 56, H. 3 2 20, H. 3 31 59, H. 3 44 47. Horæ igitur pomeridianæ horologii oscillatorii amice satis cum cœlo conspirabant, majorem matutinarum a sciaterico dissensum vel hujus non satis justæ ad lineam Meridianam applicationi, vel refractioni auræ post ortum Solis nonnihil turbidæ tribuendum judicat.

P. JOANNIS GISBERT, SOCIETATIS JESU,
*Præpositi Provincialis in Provincia Tholosana ANTI-
 PROBABILISMUS.*

Parisiis, apud Joannem Baptistam de Lespine, 1703, in 4.

Constat Alph. 2. & plag. 4.

Quantas turbas doctrina de Probabilismo inter Pontificios excitaverit, in vulgus tam notum est, ut otio nostro male abuti haud immerito videremur, si multa de hoc argumento in medium afferre vellemus. Quamvis autem origo hujus pestilentissimæ doctrinæ a Jesuitis utplurimum repetatur; paucis tamen, abhinc annis e medio Societatis illius prodiit Joannes Gisbertus, qui Antiprobabilismum seu Tractatum Theologicum edidit, in quo fidelem totius Probabilismi stateram exponit, & ex rationibus divinis seu veritatem seu falsitatem cujuscunque probabilismi in materia morali examinat. Ille novam quidem probabilismi doctrinam esse concedit, utpote quæ non nisi post Concilium Tridentinum exorta fuerit, interim tamen ejusdem originem plane

incertam esse contendit, cum non satis liquido constet, & quo præcise tempore, & quo primum loco, & quo primo auctore, factus ille prodierit. Quamvis itaque, rebus sic sese habentibus, uni alicui Scholæ de tali partu invidia conflari nequeat; hanc tamen maculam omnium minime Scholæ Societatis inuri posse contendit. Probabilismum enim a Doctoribus Societatis Jesu neque inventum, neque adoptatum esse, clarissima luce clarius esse ait. Quod enim ad prius attinet, Probabilismum prius inventum asserit, quam Societas Scholas Theologicas haberet, aut cathedram ullam in Scholis Theologicis occuparet; aliarum præterea Scholarum Doctores Probabilismum ante tradidisse, quam ullus de Societate scriptor existeret. Hinc quoque factum esse, ut, quicumque de Societate probabilismum docuerint, pro asserenda illa doctrina citaverint, aliarum Scholarum Doctores antecessores suos, ex quibus, velut ex fontibus, talem se doctrinam hausisse liberaliter & honeste professi fuerint. Nec etiam probabilismum a Schola Societatis adoptatum esse. Quod enim Societatis sensus & gustus omni tempore a probabilismo valde alienus fuerit, id facile apparere, tum ex mente Ignatii fundatoris, tum ex decretis Conciliorum generalium, tum ex Præpositorum generalium epistolis, tum ex praxi Doctorum Societatis, quibus fere omnibus religio sit & semper fuerit, probabiliores & communiores sententias sequi; inprimis autem illud ex speciali Societatis congregatæ decreto elucescere, quo talis adoptio ut imaginaria respuatur, & disertis verbis declaratur, probabilismum Societatis doctrinam minime esse. Si quis forte objicere velit, Doctores Societatis Jesu fere omnes, communibus studiis passim ivisse in sententiam probabilismi: respondet Auctor, multos equidem in Societate extitisse, qui huic doctrinæ calculum adjecerint, e contra vero hoc quoque verum esse, probabilismum primos habuisse Jesuitas impugnatores, Rebillum puta, Comitolum & Blancum, siquidem ante illos nemo probabilismum impugnaverit, & cæteri, quicumque adversus eum insurrexerint, cujuscunque tandem sint ordinis, fuerint omnes Rebello, Comitolo & Blanco posteriores. Præterea invidiosum istud argumentum torqueri posse in omnes alias Orbis Christiani Scholas, Thomisticam, Scotisticam, Sorbonicam, Salmanticensem, Tolosanam &c.

quæ

quæ singulæ doctores multos habuerint probabilismi, eosque magni ponderis & meriti viros. Quemadmodum igitur doctores, familias, scholas, quas probabilismus invasit, multas sane Auctor adducit, ita operæ pretium esse censet, in causas probabilismi in doctrinam moralem introducti, & stupendi plane ejusdem progressus, paulo penitus inquirere. Inde plenam probabilismi historiam texit, ejusque fallentia incrementa, variam & ancipitem fortunam, tandemque decrementum & inclinationem accurate exponit. Posteaquam vero hæcenus dicta, quæ ad historiam probabilismi pertinent, e medio ferme libri, quem præ manibus habemus, adduximus; jam tempus est, de ipso Auctoris instituto & primario ejusdem scopo uberius dispiciendi. Ille eo tendit, ut, quemadmodum jam supra diximus, probabilismum a tot tantisque Theologis receptum confutet. Istam vero antiprobabilismi doctrinam, quam tradere in animo habet, in quatuor regulis totam consistere ait. Prima regula est: ubi lex probabilior est quam libertas a lege, standum est pro lege probabiliori, contra libertatem minus probabilem. Altera regula: ubi lex est æque probabilis, ac libertas a lege, standum pariter est pro lege æque probabili, contra libertatem æque probabilem: quia Deus, in pari causa, jus prælationis habet irrefragabile adversus creaturam suam; debetur enim ea prælatio excellentissimo Dei dominio. Tertia regula: ubi libertas a lege notabiliter probabilior est, quam lex, licitum est operari secundum libertatem notabiliter probabiliorem, posthabita lege notabiliter minus probabili, quia Deus æqui & boni amans permittit creaturæ suæ rationali, ut apparentiam veri notabiliter majorem sequatur, tum in judicando, tum in operando, posthabita apparentia notabiliter minore. Quarta denique regula: quando probabilitas libertatis ita superat probabilitatem legis, ut tamen non superet notabiliter, sed levi aliquo duntaxat excessu, standum non esse pro libertate leviter duntaxat probabiliori; quia levis ille excessus probabilitatis, quo libertas superat legem minus probabilem, pro nullo habendus est; ac proinde legis probabilitas, quamvis physice minor, censeri tamen debet moraliter æqualis probabilitati libertatis. Hæc est summa seu principiorum seu regularum, ex quibus Auctor doctrinam totius Antipro-

probabilismi deducit, & per eas, si constanter teneantur, vitari continuo extrema duo vitiosa, laxitatem & rigorem, asserit. Tractationi varia præambula præmittit, quæ materiæ per se obscuræ & perplexæ lucem afferre possunt. Ibi enim conatur 1. tradere veram probabilitatis notionem, 2. dividere veram probabilitatem in varias species suas, 3. explodere probabilitatem quæcumque ad recte operandum inutilem & insufficientem, 4. constituere stateram divinam pro examine totius probabilismi moralis controversi, 5. demum clare & dilucide proponere controversiam generalem, eandemque apte distribuere in suas partes. Ipsam tractationem duabus partibus absolvit: cum enim probabilitas dupliciter considerari possit, respectively & absolute, seu in concursu & extra concursum; (posse enim fieri probabilitatis cum probabilitate concursum, posse itidem concursum quandoque non esse, & propterea duplicem controversiam instituendam esse ait,) primam de probabilitate seu legis seu libertatis, in concursu unius cum altera, secundam de probabilitate seu legis seu libertatis extra concursum unius cum altera. Primam pertractat in parte priori, ubi pro triplici concursu probabilitatis cum probabilitate tres proponit quæstiones. Cum enim possit concurrere probabilitas major legis, cum probabilitate minore libertatis, possit item probabilitas libertatis concurrere cum æquali probabilitate legis, possit denique probabilitas minor legis concurrere cum maiore probabilitate libertatis: ex hoc triplici concursu nascitur quæstio triplex. Prima est: an sit obligatio sequendi maiorem probabilitatem legi faventem, in concursu probabilitatis minoris faventis libertati? Secunda: an sit obligatio sequendi probabilitatem faventem legi in concursu probabilitatis æqualis libertati faventis? Et tertia: an sit licentia sequendi probabilitatem maiorem libertatis concurrentem cum minore probabilitate legis? Singulas hasce quæstiones Auctor in prima parte affirmat. Quamvis enim, quod ad duas priores attinet, olim aliter senserit, unde rationes, quæ ipsum ad sententiam contrariam amplectendam tum temporis induxerint, ante tractationem secundæ quæstionis prolixè exponit, jam tamen se animum præjudicatis opinionibus exuisse, & hinc pristinam sententiam sine rubore se retractare ait. Ac proinde affirmationem ha-

harum quæstionum ex idea Dei & perfectionum divinarum, & ex reverentia Deo debita, vi cujus non tantum homo teneatur id omnino exequi, quod probabilius apparet, sibi a Deo præceptum esse, sed quæ itidem in pari causa seu legis seu libertatis Deo jus prælationis necessario tribuat; porro ex primis prudentiæ regulis, quas Creator ipse digito suo humanæ menti insculpsit, ex Scriptura utriusque Testamenti, ex traditione divina, ex decretis Concilii & Patrum, ex sensu & gustu Ecclesiæ per omnes ætates diffusæ, prolixè, eleganter & solide demonstrat. Hanc enim stateram justam esse & vere divinam, ad quam singulæ probabilismi species appendi possint, & ex hac serie ordinata rationum divinarum probabilismi controversi seu veritatem seu falsitatem æstimari, Auctor suadet. In secunda parte controversia de probabilitate extra concursum excutitur, eamque duas quæstiones complecti affirmatur. Unam de probabilitate libertatis ac soluta, seu non concurrente cum ulla probabilitate legis. Alteram de probabilitate legis absoluta, seu non concurrente cum ulla probabilitate libertatis. In prima quæstione ostendit, quænam probabilitas ad licite operandum requiratur, eorumque sententiam refellit, qui licitum esse operari ex quacunque probabilitate, quantumvis tenui, sibi persuadent. In decisione secundæ quæstionis duo demonstrat. Unum est, esse posse, & re ipsa esse, probabilitatem aliquam legis absolutam, seu non concurrentem cum ulla probabilitate libertatis. Alterum, ex probabilitate legis absoluta existere veram & strictam servandæ legis obligationem. Pro complemento & coronide totius operis, tria Corollaria Auctor subnectit, in quibus fidelitatem ac divinitatem stateræ, ad quam Probabilismum in hoc tractatu appendet, uberius demonstrat. Primum ex istis corollarium est ordinata series principiorum generalium, in quibus statera Auctoris consistit. Alterum est inquisitio legitima voluntatis divinæ, regulæ universalis objectivæ actionum humanarum. Tertium denique est certa methodus conscientiæ recte formandæ, quam conscientiam actionum humanarum formalem & immediatam regulam esse tuetur.

ERPOLDI LINDENBROGII SCRIPTORES SE
ptentrionales: PETRI LAMBECCII *Originum Rerumque*
Hamburgensium Libri II: THEODORI ANCKEL-
MANNE *Inscriptiones Hambur-*
genses.

Hamburgi, apud Christianum Liebezeit, 1706, fol.
Constant 8 Alph. 8 plag.

TRes libri uno hoc volumine continentur, qui magno semper in pretio apud Eruditos fuere, & longo jam tempore comparari ægerrime potuerunt, distractis dudum prioribus exemplaribus. Non dubitandum ergo, quin de quamplurimis selectiorum librorum cupidis optime meritis sit celeberrimus Hamburgensium Professor, D. Jo. Albertus Fabricius, dum denuo typis eos exscribi curavit, omniumque usibus consecrare sustinuit, præfationibus insuper eruditis exornatos. *Primus* eorum Erpoldi Lindenbrogii *Rerum Germanarum Septentrionalium Scriptores* complectitur, quorum editio Hamburgi primum A. 1595 prædierat: de quibus, cum nemini in Historia rei litterariæ vel leviter versato ignorentur, dicere hoc loco plura non attinet. Id unum notamus ab ipso novo Editore pro candore suo admonitum, effigiem Lindenbrogianam, quæ præfixa huic editioni comparet, & distichon hoc præfixum habet:

Antiquæ fidei, doctrinaeque, ingenique
In Lindenbrogio cernitur effigies,

non Erpoldi nostri esse, sed filii ejus Friderici, vel ex Codice Legum antiquarum, Curis in Ammianum Marcellinum, aliisque a Fabricio in Præfatione recensitis Scriptis, non minus celebris. Qualem errorem facilem contingere, vel uno M. Antonini Philosophi exemplo Fabricius ostendit, cujus libris effigies L. Veri, non tantum in triplici editione Thomæ Gathakeri, verum etiam in Gallica Andrea Dacerii, præfixa deprehendatur. *Alter* Petri Lambeccii *Origines Hamburgenses*, sive *Rerum Hamburgensium* libros duos, quorum alter Hamburgi A. 1652, alter A. 1661 editus fuerat, exhibet. Quibus in nova editione Breviarium Vitæ S. Anscharii, & Excerpta Chronologica a Claudio Arrhenio Historiarum Pro-

Professore in Academia Upsalensi composita, tum Hymni & Collectæ Veteres in S. Ancharii memoriam, nec non Catalogus scriptorum Lambecii, qualem ipse A. 1673 Vindobonæ edidit, accessere. Jamque nulli dubitamus, ex reliquis Lambecii scriptis, affectis quidem magis quam perfectis, minimum propediem Prodromum Historiæ Literariæ, qui desideratissimus dudum est, de novo proditurum; etsi nec de nova Bibliothecæ Vindobonensis editione desperandum. *Tertius* inscriptiones urbis patriæ Hamburgensis, Heidelbergæ volim a Theodoro Anckelmanno A. 1663 editas, nunc cum novo auctario a Clarissimis Viris, qui in præfatione nominantur, cum editore Fabricio communicatas, repræsentat.

R. P. CLAUDII FRASSEN PERONENSIS, Doctoris Theologi Parisiensis & Lectoris bis emeriti, totius Ordinis S. FRANCISCI Exdefinitoris generalis atque magni Conventus & generalis Collegii Fratrum Minorum Parisiensium tertium nunc Guardiani, Disquisitiones Biblicæ in universum, Pentateuchum.

Parisiis, apud Petrum Witte, 1705, in 4.
Constant Alph. 4 & plag. 5.

PRIUS volumen harum Disquisitionum Biblicarum Clarissimus Auctor jam anno superioris seculi octuagesimo secundo in lucem ediderat, cujus libri recensionem mense Novembri anni ejusdem in Actis nostris instituimus, ac in eo id imprimis egerat, ut auctoritatem Scripturæ sacræ ab insultibus hostium ejusdem, quæ veterum qua recentiorum, pro virili defenderet. Postquam igitur hoc pacto, in priore isto volumine, viam quasi ad studium sacri Codicis tanto majori animi reverentia tractandum muniverat, laudabili prorsus consilio jam ulterius in ipsa sacrarum Literarum scrutatione progredi, animum induxit, ea scilicet fini, ut illa, quæ in iis obscura implexaque passim occurrunt, claris expositionibus illustrentur. In hoc autem instituto se operæ pretium facturum esse Auctor existimavit, si ab ipso Pentateucho, primum locum in sacris Bibliis occupante, initium faceret. Quamvis enim actum agere videri posset, quod post tot paraphrases, interpretationes,

aliaque plurima tum Synagogæ, tum Ecclesiæ Doctorum, in Pentateuchum edita volumina, suas quoque lucubrationes cum Republica literaria communicet, hoc tamen se propterea non deterruisse, quod sibi non sit propositum nova moliri, & aquilinis mentibus lumen ingerere, sed quod scopus suus eo tantummodo tendat, ut sacre Scripturæ studiosis, nondum satis exercitatis, ad faciliorem illius intelligentiam, & arcanorum refectionem, minus laboriosa pateat via, & jucundior aditus appareat. Quem finem ut Doctissimus Auctor eo facilius obtineat, ita in hoc opere versatur, ut, posteaquam breviter, sed nervose, cujuslibet capitis contenta ob lectorum oculos posuit, varias easque curiosas quæstiones in medium afferat, in quibus selectiores textus illustrantur, elucidantur obscuriores, dein in speciem pugnantes conciliantur, porro ex Chronologiæ atque Genealogiarum tricis graviores moveri solitæ controversiæ componuntur, tandemque præcipua sub cortice literæ latentia mysteria in lucem proferuntur. Ex quibus lectores abunde perspicient, qui campus dicendorum Auctori nostro sese aperiatur. Et sane dici non potest, quanta voluptate animus legentis in perlustratione hujus operis perfundatur, cum eruditissima rerum varietas, quas Auctor ex scriptis tum veterum tum recentiorum collegit, nec non elegantior stylus omne tædium nullo negotio abstergant, adeo ut optimo jure cum Paschasio Ratberto dicere possit, ea, quæ hic proponuntur, multorum quidem esse eruditissimorum, quos antiquior tulit ætas, & firmavit autoritas veritatis. sed proprio commendatam stylo novitatem facere, ut hæc ipsa tanquam sua sibi vindicare possit. Verum hoc ipsum in causa est, ut plura de ipsis materiis, quas Auctor sibi pertractandas sumsit, recensere dubitemus, cum præterea hæc ita comparata sint, ut quid potissimum eligendum sit, difficile esse videatur. Lectorum itaque curiositati ea relinquimus, Auctoris scopum, & quid sibi de hoc libro polliceri debeant, indicasse contenti.

MENSIS AUGUSTI A. M DCC VI. 381

LE GRAND DICTIONNAIRE DE LA BIBLE, OU
*Explication Littérale & Historique de tous les Mots
propres du Vieux & Nouveau Te-
stament &c.*

i. c.

DICTIONARIUM BIBLICUM MAGNUM, SEU
*Explicatio Literalis & Historica omnium Nominum propriorum
Veteris & Novi Testamenti, cum vita & actionibus praci-
puarum Personarum &c. per SIMONEM,
S. S. Theol. Doct.*

Lugduni Gallorum, apud Joh. Certe, 1703, in fol.
Constat Tomus I 9 Alph. 8 plag. & aliquot figuris æneis.
- - - II 8 Alph. 3 pl. & aliquot itidem fig. æn.

OMnigena eruditione refertum hoc opus equidem jam anno 1693 prodit; sed quæ denuo compareret editio, duplo fere auctior est priori, unde & in duos distribuitur tomos, cum prior nonnisi unicum constitueret. Quid Autor doctissimus docere intenderit, prolixus operis titulus satis indicat. Neque enim, more Lexicographorum, vocum significatum explicasse contentus; sed multa ad Historiam tum sacram, tum profanam, ad Chronologiam, ad Philologiam, ad Theologiam, ad Scientiam naturalem, ad alias denique disciplinas spectantia, quæ textui sacro facem præferre possunt, ingenti cum solertia conquistata proponit. Describit vitam & actiones non solum Principum, qui populo Dei præfuerunt; sed multorum etiam, penes quos imperium fuit in Assyrios, Persas, Græcos & Romanos. Notatur tempus, quo imperium susceperunt; notatur intervallum, quo illud tenuere; notatur denique momentum, quo mortem obiere. Leges ibi vitam & miracula Prophetarum: reperies ibi integram Historiam omnium Pontificum, qui usque ad eversionem templi ac urbis ultimam Aaroni successere: inprimis autem prolixissime describuntur natiuitas, vita, miracula & mors Pontificis vere maximi, Salvatoris optimi, Jesu Christi. Disquiritur in tempus, quo Apostolos & discipulos suos vocavit; in annum & locum martyrii, quod ob ve-

ritatis professionem perpeffi: agitur de die unicuique eorum fe-
 fto. Describuntur præterea proprietates animantium tam puro-
 rum quam impurorum; duodecim lapides pretiofi in Rationali Pon-
 tificis Maximi, & duo in lateribus superhumeralis pofiti; nomina
 feftorum & folennitatum Hebræorum, facrificia eorundem, pro-
 vincia, regiones, urbes, arces, montes, fluvii & fontes memo-
 rabiles, quorum fit mentio in Bibliis, Iosepho, aliisque Histori-
 cis, indicatis nominibus, quibus hodie appellantur, & gradibus
 latitudinis ac longitudinis, ut in mappis Geographicis facile eo-
 rum situs ab intelligentibus determinari queat. Explicantur de-
 nique pondera & menfuræ, & eorundem valor in menfuris no-
 ftris exacte determinatur: quod idem fit in monetis Judæorum.
 Præmittitur operi introductio ad Scripturam facram R. P. Bern-
 hardi Lamy, variis scriptis apud Theologos, Mathematicos & Phi-
 losophos celebre nomen dudum adepti: in qua agitur de ratione
 Judæorum, exhibetur compendium chronologicum Historiæ Ju-
 daicæ & descriptio Geographica Terræ Sanctæ; differtur de
 Republica & Legibus, de Magistratibus & administratione civili
 Reipublicæ, de personis facris, de religione, obligationibus, cultu
 divino, fide ac opinionibus, facrificiis ac oblationibus, locis san-
 ctis, anni forma & calendario, diebus feftis, schismatibus, sectis &
 doctonibus Judæorum; de ponderibus & monetis in Scriptura
 commemoratis, diverfis itidem menfuris, nec non de consuetu-
 dinibus Judæorum antiquorum pariter & modernorum; disquiri-
 tur de libris Scripturæ Sacræ, de textu originario, de verfionibus,
 de paraphrafibus & differentibus Bibliorum editionibus: traduntur
 regulæ interpretandi Scripturam: in quibus omnibus Autor sibi
 fimilis exiftit, h. e. concinna brevitate in exiguo compendio per-
 fpicue plura tradit, quam ingentia sæpius volumina vastitate fua
 comprehendunt. Compareret quoque ibidem idea Bibliorum ge-
 neralis cum verfibus librorum facrorum mnemonicis, commen-
 dantur Patres, quorum Commentarii cum uno quoque eorum le-
 gendi, e. gr. in Matthæum *Hilarius* & *Chrysoftomus*, in Mar-
 cum idem, in Lucam *Ambrosius*, in Johannem *Augustinus*, *Chry-
 softomus*, *Origenes*, *Cyrillus*, in Proverbia *Beda*; indicatur metho-
 dus, qua commode integrorum Bibliorum lectio unius anni fpatio
 ita

ita absolvi possit, ut quotidie legantur textus temporis accommodati. Sub finem Tom. 2 repræsentatur compendium Chronologicæ sacræ. Opus autem erit, ut more nostro quædam speciminis loco ex ipso opere proponamus. Statim igitur ad vocem primam *Aaron*, non solum genealogiam & integrum vitæ curriculum Aaronis describit, sed & de ornatu & consecratione Summorum Pontificum differit, expositis simul corporis ac mentis nævis, quibus persona inhabilis reddebatur ad Pontificatum & Sacerdotium, explicatis Sacerdotum officiis, exhibitoque catalogo successione chronologicæ omnium Pontificum ab Aarone usque ad Phanasiū, sub quo contigit excidium templi ac urbis. Notat etiam, *Aaronem* vi vocis significare montem, vel montanum, vel docentem, vel concipientem, & Pontificatum ejus viguisse ab anno Mundi 2545 usque ad 4130, seu ab anno ante Christum 1509 usque ad annum post Christum 75. Refert nempe Pontificatum Joasaris ad annum Mundi 4053, in quem incidisse credit nativitatem Salvatoris nostri. De herba *Aloe* discurrens autor est, inter fabulas referri debere, quod non nisi centesimo quolibet anno flores emittat, eosque cum ingenti strepitu protrudat, cum experientia in horto Regio Parisino contrarium docuerit. Ad vocem *Cainan* multus est, ut adstruat, memorati a Luca c. 3 v. 36 Cainanis nomen ex textu Hebræo a Judæis & Samaritanis expunctum fuisse, ex odio erga Salvatorem optimum: quamvis non adstruxisse videri quodammodo velit. Per *clavem Scientiæ*, quam quod abstulerint, Phariseis exprobrat Christus, intelligentiam Scripturæ intelligi contendit, notans insuper, juxta Judæorum dogmata Deum quatuor clavium sibi reservare genera, quas nec cum hominibus, nec cum Angelis, nec cum ipsis Seraphinis communicare voluerit, clavem nempe pluvie, clavem sepulchrorum, clavem partus, clavem sterilitatis seu caritatis annonæ. Vocem *Concilii* seu synedrii explicans, tria Judæorum tribunalia commemorat, quorum primum personis tribus, alterum 23, tertium 70 constabat, quibusque additum fuerit aliud materias nonnisi Ecclesiasticas seu ad religionem spectantes tractans. Describit quoque novem concilia ante nativitatem Christi a Judæis habita, excepto ultimo, cui Magorum de Christo nato percontatio ansam dedit: nec minus quatuor concilia Apostolorum post Christi ascensionem celebrata, subjuncto catalogo chronologico omnium conciliorum reliquorum ab

avo Apostolico ad annum usque Christi 1599 habitorum. *Corban* sacrum denotare ait thesaurum. *Coriandrum* esse herbam, cujus semen sint grana granis fœniculi non multum absimilia, digestionem mire juvantia. *Duplum Elisei Spiritum* denotare donum patranda miracula, & donum futura prædicendi. *Epicurum* non in voluptate corporis, sed animi quæsisse summum bonum, cum nemo unquam ipso sapientior & magis continens extiterit, vitæ admodum frugalis & ordinatæ studens; negasse tamen providentiam divinam & animæ immortalitatem, unde & Hieronymus nimius sit in ejus commendatione, ipsum Christianis tanquam optimum temperantiæ exemplar proponens: imo eundem optimum patientiæ præbere exemplum, cum inter exquisitissimos ex retentione urinæ per 14 dies ortos dolores ne minimum impatientiæ signum ediderit. *Heresin* denotare opinionem circa religionem erroneam pertinaciter defensam ubi docuisset, Catalogum contexit hæreticorum, qui Judaicam Ecclesiam ante adventum Christi turbaverunt, quos inter commemorat *Fortunaticas*, Fortunam tanquam cœli Reginam, boni ac mali dispensatricem venerantium; *Hemerobaptistas*, per diem ac noctem corpus frigida abluentes a peccatis sese expurgaturos; *Muscorites*, Beelzebub sub forma muscæ, *Musorites*, glires, & *Ophites*, serpentem æneum a Mose in deserto erectum adorantes, Prolixior multo est Catalogus hæreticorum Ecclesiam Christianam infestantium, quem subdit. *Lunaticum* personam esse pronunciat influxui Lunari obnoxiam, qualis fuerit infirmitas Saulis. Morbum hunc ex nonnullorum opinione comitari eos, qui in novilunio nascuntur. De *Malcho*, cujus in Historia passionis mentio injicitur, verba faciens, refert præter eum adhuc duos alios ejusdem nominis Arabiæ Reges, quorum alter multis ab Herode beneficiis affectus ad incitas redacto opem ferre ingratus renuit, alter Vespasiano in oppugnandis Judæis sociam præbuit manum. Ex paucis dictis liquet, quod Autor nihil eorum omittat, quibus commemorandis ansam dare poterant nomina in Bibliis occurrentia propria, vel quasi propria: ita ut hoc Dictionarium pro thesauro variæ eruditionis tam sacræ quam profanæ haberi queat.

** ** **

ACTA ERUDITORUM,

publicata Lipsiæ

Calendis Septembris Anno M DCCVI.

SANCTI GREGORII PAPÆ PRIMI COGNOMENTO Magni, Opera omnia. Ad Manuscriptos Codices Romanos, Gallicanos, Anglicanos emendata, aucta. & illustrata notis. Studio & labore Monachorum Ordinis Sancti BENEDICTI, & Congregatione Sancti MAURI. Tomi quatuor.

Parisiis, apud Claudium Rigaud, 1705, in fol.
Constant Alph. 35.

Post diligentissimam accuratissimamque operam in Sanctorum Patrum, Athanasii, Hilarii, Hieronymi, Ambrosii & Augustini scripta impensam, gradum nunc faciunt Benedictini solertissimi ad *Gregorium Magnum*, quem ut sui ordinis decus summum venerantur, sic scripta ejusdem mensorum spinis obsita relinquere diutius noluerunt. Non ignorarunt equidem, quid circa eadem jam alii præstiterint, diversarumque editionum indicem ipsimet referunt, celebrantes præ cæteris *Parisinam*, a Bertholdo Rembolto A. 1518 adornatam; *Rotomagensem* A. 1521, *Lugdunensem* A. 1539 & 1540, & *Parisienses* duas alias A. 1523 & 1542 curatas. In *Basileensi* editione, A. 1551 & 1564 Frobenianis typis excusa, multum laborasse *Huldricum Coccium* perhibent, ut Gregorii opera pristinam puritatem dignitatemque recuperarent, quanquam, ut id consequeretur, conjecturis potius suis, prout illa ætas tulerit, quam antiquis optimisque manuscriptis crediderit. *Joannem Gilotium*, Campanum, in

Ccc

ceden-

edendis repurgandisque S. Gregorii Operibus, non parum etiam laborasse testantur, ejusque curas A. 1571, & denuo post paucos annos, *Parisiis* publici juris factas esse referunt. Quæ *Roma* Vaticanis typis A. 1589 inchoatâ sit autoritate Sixti V., & postmodum absoluta editio, præside doctissimo *Episcopo Venusino*, omnium antecedentium accuratissimam censent. Ultimo tandem loco A. 1675 vulgatam *Parisiis* labore & studio *Petri Guffanvillai*, Presbyteri, ad quamplurimos quidem codices emendatam fatentur, plurimis tamen eam & haud levibus erratis adhuc scaterere, ex adducto specimine non uno probant. Cum itaque multa desiderari intellaxerint, sive ad integritatem, sive ad perfectionem oculum intendas, in editione Guffanvillai, licet hæc omnium censetur præstantissima; ad novam hanc impigri se accinxerunt, in qua egregia codicum veterum copia ditati, nihil habuerunt antiquius, quam ut Gregorii M. sensus & verba ab omni aut librariorum interpolatione & hallucinatione, aut typographorum corruptelis repurgata repræsentarent. Ubi a prius receptis lectionibus recedere eos coëgit manuscriptorum consensus fere unanimis, quod sæpe factum, lectiones rejectas in brevibus notis subjecerunt, & manuscriptos codices, a quibus istæ reprobestur, indicarunt. Quandoque nulla in textu mutatione facta, varias lectiones infra columnas adscripserunt. Præter notas has & alias attexuerunt, ad plurima loca illustranda, sed eas modo breves, ne plus onerare textum, quam ornare, viderentur. In Dialogos tamen, in Epistolas, & in librum Sacramentorum, ampliores aut ipsi elucubrarunt, aut ab aliis jam elucubratas collegerunt. Singula vero Gregorii opera *quatuor* in tomos distribuerunt. In *primo* continentur Exegetica in Sacram Scripturam, scilicet *Moralium* in Job libri triginta quinque, Homiliarum in *Ezechielem* Prophetam libri duo, & totidem Homiliarum in *Evangelia*. His quidem accenseri potuissent Commentarius in librum primum *Regum*, Expositiones in *Cantica* & in septem *Psalms* poenitentiales. At priorem tomum tot complecti minime posse, insuperque commemoratas elucubrationes non esse ita genuina S. Gregorii opera, ut omnis interpolationis expertes deprehendantur, probe perpenderent, in modo enumeratis acquieverunt. *Secundus* tomus

con-

continet cætera Gregorii indubitata & germana opera, sive ea ad Historiam, sive ad Ecclesiasticam Disciplinam spectent, scilicet *Librum Regula Pastoralis*, *quatuor Dialogorum libros*, & *Registrum Epistolarum*. Tertius tomus bipartitus priori in parte exhibet *Librum Sacramentorum*, *Antiphonarium* & cætera *Liturgica*, cum D. Hugonis Menardi notarum & observationum accessione; altera pars complectitur Commentarium in *Librum I Regum*, Expositionem in *Cantica Canticorum*, & aliam in *septem Psalmos*, ac *Concordiam quorundam Sacra Scripturae testimoniorum*. Quartus tomus itidem in duas partes divisus, in priori *Vitam Gregorii* continet, tum a Paulo Warnefrido, tum a Johanne Diacono scriptam, & eam, quam ex Gregorianis præsertim scriptis Benedictini recens adornarunt; in posteriori sistitur genuinus *Paterius*, qualis habetur in quamplurimis optimæ notæ codicibus manuscriptis, & *Alulfi Tornacensis monachi Expositio in Novum Testamentum* ex Gregorianis sententiis, quæ Paterii nomen in superioribus editionibus immerito præfert. Quatuor Evangelia Gregorium explanasse, & de Samsone quædam allegorica scripsisse, negant. Penitentiale quoque Gregorii, quod Jamachus extare dicat in vetustissimo codice Bibliothecæ publicæ Oxoniensis, non alibi cum repperint, hoc loco pariter omiserunt. Hinc, quæ Gregorii adversus hæreticos doctrina fuerit, exponunt, ejusque dogmata a variis objectionibus vindicant.

Præstiterit autem hæc summatim indicata paulo dilucidare ulterius, & singularium imprimis Præfationum, quæ libris singulis præmittuntur, meminisse. A *Moralium* libris tomus *primus* splendidum sumit initium, quos primo inter opera reliqua loco Gregorium elucubrasse notant. Ex antiquioribus editionibus se adhibuisse memorant *Parisinam* A. 1495, ex quo tempore plures alibi additæ fuerint, quanquam has omnes superet ætate *Romana* A. 1475 Sixto IV sedente curata, cui præfixa sit brevis præfatio Dominici Brixienfis Episcopi. Præter restitutionem & emendationem passim in his libris factam, divisionem hujus operis sex in partes, a sancto Doctore ipso institutam, sed in editionibus plerisque neglectam, & plurimis fortassis ignoratam, se secutos esse profitentur. Capitum divisionem, quippe a Gregorio

minime curatam, non ad prævium aliorum exemplum, sed pro suo lubitu ibi adornarunt, prout eam textus libri Job versus aut integri aut dimidiati requirere visi sunt, sic, ut idem fere semper sit & capitis & explicationis exordium; nihilominus tamen textum in minores sectiones numeralibus notis distinctas parti voluerunt. Priorum etiam editionum capita in margine assignarunt, ut, quæ juxta illas passim in libris Eruditorum laudantur, nullo negotio inveniri queant. Argumenta capitum pene ubique mutarunt, quod textui minime responderent. Sed expungere noluerunt, inventorum a *Tajone*, Cæsar - Augustano Episcopo, Moraliæ Historiam, (utut non omni ex parte certam) quippe quam non solum in omnibus antiquioribus editionibus, sed etiam in codice manu exarato Monasterii Longipontis legerint. Testimonia & elogia veterum Scriptorum de libris Moraliæ jam edita, nonnullis aut additis aut detractis, præmiserunt. Post Expositionem, Gregorii in librum Job, servato Sanctarum Scripturarum ordine, sequuntur ejusdem Sancti Doctoris *Homiliæ in Ezechielem* Prophetam, quas licet afflictus morbis, negotiisque difficillimis immersus, ac innumeris vexatus curis, ob luctuosissimam tum Urbis ac totius Italiæ faciem, ad populum habuit. Et ad hoc opus exequendum præsentissimum Numen Gregorium expertum fuisse innuunt, quandoquidem, cum ultimam Ezechielis visionem interpretaretur, Petrus Diaconus, quo exceptore ac notario uti fuerit, Spiritum Sanctum observavit sub columbæ candidæ speciei ipsius capiti insidentem, & rostrum ori immittentem, ex quo altissima mysteria didicerit, ac veluti ebiberit. Dicendi & scribendi rationem heic adhibitam, ut accuratorem & venustiore esset non contendunt, ita velut humiliorem & depressiorem ipsam contemni nolunt, rerum quippe magis sensusque curam, quam verborum delectum, a Gregorio habitum causati. Quamvis vero litteralem sensum, tanquam cæterorum fundamentum, præstruere ubivis conetur Gregorius, mysticis tamen rimandis, & moralibus explicandis, imprimis cum incumbere monent. Cæterum ita in novissima hac editione hujus operis se gesserunt: prolixiores Ezechielis textus, qui singulis homiliis, si priorem excipias, præmittuntur in excusis, non autem in manu exaratis, resecuerunt,

at

at singulos versus lineis distinctis excudi curarunt, ut successive explicandi a S. Doctore proponantur, ad manuscriptorum codicum similitudinem propius hoc pacto accedentes, in quibus aut majoribus characteribus, aut etiam minio vel alio exquisito colore depictis describuntur. Homilias, quæ hætenus velut uno ac continuato spiritu legendæ offerebantur, in varias sectiones, additis totidem numeris, partiti sunt. Argumenta, & quicquid observatione dignum ipsis visum est, in margine summam adiecerunt. Aliis in notis infra & ad calcem adjectis, si quid obscurius occurreret, quod explicatione indigeret, exponere curarunt. *Homilia in Evangelia*, aut minimum earum aliqua, ut prius, quam Ezechielem Prophetam populo exponere Gregorius inciperet, habitæ fuerint, post istam tamen Ezechielis Expositionem hæc comparent, ob ordinem, quo in Sacrarum Scripturarum serie libris Veteris Testamenti Evangelia, & quicquid alias ad Novum pertinet, postponantur. Quanto autem hæ in pretio Homiliæ nunquam non habitæ fuerint, vel hinc liquere docent, quod omnes, una forsitan excepta aut altera, Divinis Officiis præ cæteris Sanctorum Patrum Homiliis jam olim insertæ reperiantur, nec immerito, cum in iisdem, literalis sensu prius breviter exposito, sententiarum ad mores spectantium copia profluat uberrima; quin & fidei dogmata confirmantur, & adversus subsecutos præmuniantur hæreticos. Hæc tomus primi facies.

Secundus tomus scripta Gregorii sistit, quæ aut *Apologeticis* accenseri merentur, *Librum* puta *Regule Pastoralis*; aut *Historicis*, nimirum *Dialogos*; aut *Dogmaticis & Canonicis*, *Registrum* videlicet *Epistolarum*, quibus universum pene Jus Canonicum continetur. *Pastoralem librum* scripsisse eum annotant Benedictini, in ipso veluti Pontificalis muneris tyrocinio, ut Johanni Ravennati Episcopo responderet, amice eum reprehendenti, quod pastoralis curæ pondera fugere delitescendo voluerit; quos mores hodie rarissimos, olim frequentiores fuisse, simul observant, universis fere piis viris, ad officium pastorale postulatis, tantum onus, præ animi demissione summaque modestia, deprecantibus. Variis in hoc opere curando se editionibus usos addunt, præsertim Parisiensibus, una A. 1518 & altera 1571, Romana seu

Vaticana Sixti V jussu adornata, atque aliis aut pene coævis aut recentioribus, Parisiensi imprimis, quæ A. 1668 prodierit, opera Theologi Parisiensis, a quo collectas magna cura diversas lectiones ex antiquioribus manuscriptis cum suis convenire tantum non ubique animadverterint. *Dialogos* Gregorio, tanquam genuino autori, solícite vindicant, scriptosque eos autumant anno 593 aut 594 Romæ, in Monasterio forte S. Andréæ. Optimam opinionem de iisdem conceptam confirmare putant tot eorundem in alias linguas translationes, adeo ut & Arabica quædam in Bibliotheca Colbertina asservetur. Præterea in Bibliotheca Monasterii Lyranæ in Diocesi Ebroicensi, incidisse se narrant in codicem 500 annorum, eosdem *Dialogos* Gallicis rhythmis expressos continentem, prout & stricta oratione Latina descripti extent in Bibliotheca Gemeticensi. Sed ex his omnibus unicam tantum interpretationem Latino textui hæc addunt, Græcam, a Zacharia Pontifice confectam, quam multo emendatiorem se exhibere profitentur, quam quidem a Gussanvillæo factum, qui ex Vaticanis editionibus omnes pene typographicos lapsus, etiam graviores, in suam transtulerit. *Epistola*, quæ tertium in hoc tomo locum occupant, ante omnia laudantur a sua, qua polleant, præstantia; hinc, quantum in curando earum ordine concinno, & ad leges temporum, quibus singulæ scriptæ fuerint, restricto effecerint, manifestum Nostri reddunt, qui & summarias eorum inscriptiones accuratissimo studio se formasse, ac notis idoneis difficilia loca, quæ plurima sint, illustrasse testantur. Quæ de *Servi servorum* titulo a Gregorio M. usurpato notant, nec indocta sunt, nec inelegantia, modo acrem exceperis censuram latam in Centuriatores Magdeburgenses, quibus Benedictini succensent, quod *rejectione supersticioso Pontificis vocabulo* Gregorium se Servum nominasse scripserint. Notas Gussanvillæanas suis associarunt, licet de istis ita statuunt: *se eas non reprobare quidem, sed nec pro ipsis spondere.* Ordinem epistolarum restitutum, post earundem finem, argumentis peculiaribus demonstrant. Insuper & Geographicam earum divisionem subnectunt, eamque duplicem. Prior illas continet, quas non ultra subditarum sibi, ut Metropolitano, regionum limites direxit Gregorius; posterior alias omnes, quæ tum

tum in Italiam, extra provincias Romano Episcopo Metropolitico jure subjectas, tum in reliquas Occidentis regiones, tum in Orientem missæ sunt. Tacemus ordinem harum Epistolarum antea vulgatam ad novum hunc reductum, & ordinem restitutum cum antea vulgato comparatum; catalogum item eorum, ad quos scripsit S. Gregorius, & qui ad eundem scripserunt. Sed *Excerpta* penitus silentio involvere non possumus, quæ sub titulos certos regesta ex Epistolis Gregorii coacervavit *Antonius Carafa*, Cardinalis, quæque integra heic apponuntur, prout id haud invitus tulit eorundem Collector Eminentissimus, pro ea caritate, quam rerum Ecclesiasticarum studiosis præstare quemlibet debere pos-
sua.

Tertius tomus a *Libro Sacramentorum* orditur, quem cæteris Gregorii operibus annumerant Editores, non, quod primus ille ejusdem parens fuerit (quandoquidem is superioribus etiam Pontificibus, maximeque Gelasio primo, debeatur) sed quod summa cura meliorem in formam eundem S. Doctor redegerit. Solliciti autem de eligendo, quem sequerentur, codice aut edito aut manu exarato, S. Eligii codicem ab Hugone Menardo evulgatum, notisque ac observationibus illustratum, & ob antiquitatem, & ob integritatem, cæteris omnibus duxerunt præferendum. In eo autem denno sistendo, hanc curam adhibuerunt, ut, quoniam notas columnis singulis subjicere, propter nimiam plerarumque prolixitatem, integrum non erat, eas seorsim excusas numeris distinxerint, & in libro Sacramentorum singula, quæ in istis notis illustrantur & ornantur, totidem numeris in margine adscriptis indicarint. Quoniam vero post Menardum multi de rebus Liturgicis egregie scripserint, & in his Johannes Bona Cardinalis, Josephus Maria Thomasius, Johannes Fronto S. Genovesæ Parisiensis Canonicus Regularis, Johannes Mabillonius qui Liturgiam veterem Gallicanam e tenebris eruerit, & Edmundus Martene, in tribus voluminibus de ritibus Ecclesiæ, hinc, quæcumque ex eorum lucubrationibus colligere licuerit a Menardo prætermittenda, unde argumento proposito nonnihil lucis affulgere posset, in notulis ad columnarum casum attextis observare se curasse perhibenti. Menardianis notis eas adjiciunt, quas Angelus
Roc-

Rocca Camers, Apostolici Sacrarii præfectus, in librum Sacramentorum editionis Vaticanæ scripsit. Sed & peculiare huic libro Sacramentorum auctarium dederunt, Collectam nempe & alias Orationes in terræ motibus dicendas, quas, cum anno 1703 Italia & Roma ipsa horridis terrarum motibus quateretur, elucubavit hodiernus Pontifex *Clemens XI*, cui novam Gregorianorum operum editionem inscripserunt Nostri, & redivivum in Clemente Gregorium in dedicatione adumbrarunt. His succedunt *Benedictiones Episcopales*, quæ in codice S. Eligii desiderantur. Sequitur Gregorianus *Antiphonarius*, quæ in Missis canenda sunt, exhibens. Ac tandem *Liber Responsalis seu Officialis*, in quo Cursus Ecclesiasticus tam pro nocturnis quam pro diurnis horis in ordinem digestus continetur, ex veteri codice Compendiensi descriptus, subjungitur. Ita omnia fere, quæ ad rem sacram pertinent, heic collecta reperiri tradunt, excepto duntaxat *Lectionario*, quem librum addere non ausi sunt, tum quia eum S. Gregorio nemo tribuat, sed potius Hieronymo, & Damaso Papæ; tum quia jam non semel excusus sit, nimirum a Jacobo Pamelio, & longe emendatior a Stephano Baluzio. Et hæcenus recensita partem tomi tertii priorem conficiunt. In posteriori primo loco comparent *Expositiones in Librum I Regum*, circa quas nec iis assentiuntur, qui Gregorium pro vero indubitatoque earum parente habendum censeant, nec iis, qui ex operum Gregorianorum numero easdem penitus expungant; verum tertiam potius, & inter utramque fere mediam, sententiam eligunt, statuentes, Commentarium illum ex homiliis a S. Gregorio habitis de libro primo Regum, collectum & consarcinatum esse a Claudio, ejus discipulo, postea monasterii Classensis Abbate. Sane ex ipsis Gregorii verbis ac sententiis collectum eundem dicunt, ita tamen, ut quandoque, labente forte memoria, Claudius de suo quædam supplere coactus fuerit, unde evenerit, ut Gregorius hunc factum pene repudiarit. *Expositionem in Canticum Cantorum* se, Petrum Gussanvillæum secutos, Gregorio olim abjudicasse fatentur, nunc vero mutant sententiam, posteaquam in tot libros manu descriptos, tum Expositionis hujus, in quibus hucusque magna ex parte latitarat, tum genuinæ collectionis Paterianæ,

næ, inciderunt. Similiter & Expositionem in *septem Psalmos penitenciales* dignam judicant, quæ Gregorio M. potius vindicetur, quam Gregorio VII, cui eam tribuere Gussavillaus maluerit. *Concordiam quorundam testimoniorum Sacra Scriptura*, quam Johannes Gilotius, cum cæteris S. Gregorii operibus, tam genuinis quam spuris, ediderit Parisiis A. 1571, non adeo confidenter Gregorio vindicant, quanquam haud ire velint inficias, stylum ac doctrinam hujus Autoris, quicumque fuerit, Gregorium omnino reddere.

Denique in *quarto* tomo triplex ante omnia Gregorii M. *Vita* repræsentatur; prima compendiose descripta, quæ *Paulo Diacono*, Casinensi Monacho debetur; secunda Gregorii præclare gesta fusiori stylo exprimens, cujus autor *Johannes Diaconus*, monasterii quoque Casinensis alumnus: tertiam Venerabilis *Bedæ*, quam *avéndon* reperiri in Bibliotheca Collegii Mertonensis scripserit Vir celeberrimus, Guilelmus Cave, non omissuri fuissent, nisi ex transmissis a Thoma Gale excerptis clare intellexissent, quod prius subodorabantur, hunc Bibliothecæ Mertonensis codicem nihil aliud, quam Pauli lucubrationem exhibere. Aliam proinde tertio loco vitam S. Gregorii heic exhibent, quam propria industria, ex ipsius præsertim operibus eruerunt atque adornarunt, & jam anno superioris seculi nonagesimo octavo Gallice publicaverunt, nunc vero eandem Latine versam denuo heic exhibent, at breviorē, nec servato semper Gallicæ editionis ordine. Hæc libris quatuor absolvitur, in quorum *primo*, historiam Gregorii ab ortu ejus ad summum usque Pontificatum complexo, patrem ejus *Gordianum* nominant, Senatorii ordinis Virum nobilissimum & ditissimum, unum ex septem Diaconis Cardinalibus, qui dicti fuerint Regionarii, quod certis urbis Romæ regionibus præficerentur; matrem *Silviam*, quæ mundo valedicens (utrum viro demortuo, an adhuc superstitē, incertum,) juxta portam basilicam S. Pauli Apostoli secessum sibi delegerit. Majores inter ejus Felicem Papam referunt, & amitas nuncupant Sanctas Tharsillam & Æmilianam. Nativitatis annum, conjecturis potius, quam rationum momentis ducti, statuunt 540. Qualia ejus studia, aut quinam Præceptores fuerint, penitus ignorari fatentur. Astrologiam ta-

men divinantem, aliasque curiosas & periculosas artes, cum nunquam sectatum esse probant. Quod autem Johannes Sarisburiensis perhibeat, eum non solum Mathesin ab aula recedere iussisse, sed etiam Bibliothecæ Palatinæ, in cujus archivis recondebantur omnium disciplinarum libri, zelo intempestivo ignem admovisse, ut major esset Sacræ Scripturæ autoritas, & in ea legendæ flagrantius studium, id plane inter nugas & aniles fabulas rejiciunt. Hinc quomodo Prætor urbis factus sit, & Monachum post induerit A. 575, cum quadragenario quinque annis esset minor, enarrant, Baroniumque refutant, quod monastici illius instituti autorem constituat S. Equitium, cum potius S. Benedictus nominandus veniat, idque multis rationibus evictum dare laborant. Diaconatus officio functus dicitur sub Pelagio II summo Pontifice, qui eum Constantinopolin migrare jussit, ut in urbe, totius Imperii sede, negotiis Ecclesiasticis curam & sollicitudinem impenderet; ubi inter alia laudabiliter gesta novam oppresserit Eutychianam hæresin, librosque Moraliū elucubrarit, filium etiam Imperatoris Mauritiū e lavacro sacro suscepit. Romam reversus Abbat in monasterio suo officium gessit, Pelagiusque eum sibi adiutorem adhibuit in scribendis epistolis. Ipso autem peste sublato, in ejus locum summus Pontifex est declaratus A. 590. Utut autem, ob præsentissima Ecclesiæ mala, Pontificatu se abdicare plus vīce simplici in animo votisque habuerit, adiutorem tamen expertus Deum, ab initio libri *secundi*, quatuor priores Pontificatus ejus annos perlustrantis, schismaticos Italiam turbantes coercuisse, Longobardos ad fidem Catholicam perduxisse, Gothos Ecclesiæ reconciliasse, Anglos Christianis præceptis imbuisse & sacro lavacro tinxisse, Donatistas in Africa tumultuantes repressisse, Agnoëtas aliosque in Oriente hæreticos debellasse, & plura ac maxima intra paucorum annorum spatium præstitisse perhibetur, ut jure omnium gentium consensu *Magni* cognomen sit consecutus. Inter virtutes ejus primarias humilitas summa, caritasque & animi constantia valde celebrantur. Episcoporum quoque rigidus, sed sui maxime, vocatur censor. Post varia ejus negotia in primis Pontificatus sui annis gesta, mox sub initium libri *tertii* ejus acta adversus Patriarchas Constantinopolitanos, *Oecumene*.

cumenici titulum sibi arrogantes, commemorantur. Hinc de misso abs eodem in Angliam *Augustino*, qui baptizaverit decem Anglorum millia, prolixè disleritur, sententiaque de Gregorio S. Benedicti legibus adstricto denuo defenditur. Fabulam de *anima Trajani S. Gregorii presibus ex inferno liberata*, Nostri multis argumentis explodunt, & post enarratas ejus curas pro Ecclesia, quamplurimas in libro *quarto*, quicquid superest historię vitęque S. Gregorii, exhibent, ac præter alia, in sententia de usu & cultu sacrarum imaginum, ab Ecclesię doctrina nunc recepta cum quoquo modo abiisse, inficiari conantur. Tandem laboribus non minus, quam continuis morbis absumentum, obiisse referunt IV Idus Martii, A. C. 604. His ita fuscè satis deductis, in altera tomii hujus parte, *Expositionem* repetunt *Veteris & Novi Testamenti a S. Paterio*, Gregorii M. discipulo, hoc ipso autore ac hortatore coeptam & absolutam. E tribus, quibus isthęc constet partibus, unicam duntaxat publicam hæcenus aspexisse lucem tradunt, nimirum priorem in *Vetus Testamentum*, posteriore in idem *Testamentum Vetus*, & tertia *Novi Testamenti Expositionem* continente, in Bibliothecarum huc usque pulvere latitantibus & fordentibus. Etenim quę sub Paterii nomine impressa extet *Novi Testamenti expositio*, hanc ipsius haud esse probant, *Alulfo* potius eandem vindicantes. Se interim Paterii & secundam & tertiam partem genuinam in idoneo MSto reperisse, & nunc primitus in apicem protrahere testantur, & utraque hac parte absoluta, & istam *Alulfi*, quam diximus, *Expositionem Novi Testamenti* integram subnectunt.

GEORGII FRIEDERICI FRANCI DE FRANKE-
NAU Med. D. & P. P. *Anastomosis*
relecta.

Hafniæ, typis Reg. Maj. & Universit. Typogr. 1705. in 4to.

Constat ii. plag.

A Anastomoseos vocabulum Antiquitati satis quidem cognitum, ac primis Artis Restauratoribus nominatenus non invisum, quoad rem tamen atque modum, per omnia forte non adeo pla-

num ac perspectum fuit. Illis enim temporibus sumebatur tantum in sensu pathologico, pro osculi venæ vel etiam arteriæ laxatione & apertione, per quam sanguis effundebatur, & inter fluxus sanguinei reponebatur differentias. Alii intelligi simul posse hanc putabant vocem non tantum de sanguinis, sed & lymphæ, chyli, alteriusve humoris per hiantia vasorum oscula effluxu. Naturali tamen magis atque commodiori significatione nominant Recentiores Anastomosin mutuam certamque venarum & artiarum connexionem, per oscula seu parvos meatus, vel rectius inosculationem. Tacemus enim illam vocis acceptionem, quæ vasa similia inter se communicantur, ut videre est inter hepatis vasa, venas uteri, hujusve arterias, vasa arteriosa ab umbilico versus chorion tendentia, ramos venarum mammariarum, arterias cordis, venasve coronarias, vasa cordis in embryone, venas jugulares, arterias carotides, arterias medullæ spinalis, venæ mesaraicæ ramos, renum vel stomachi vasa, inter venam suralem & ischiā majorem, tubulos lacteos mammarum, nervos brachiales, ductus epaticos aquosos & venas lacteas, ductus adiposos &c. Veram igitur Anastomosin vasorum resecturus Clarissimus Autor Medicos non solum allegat, qui eandem negant, verum etiam eorum adducit auctoritatem, qui pro ea militant. Palmarium Autoris nostri argumentum & experimentum, pro stabilienda Anastomosi arterias inter & venas, in eo consistit, quod in canis aut cuniculi arteriæ magnæ truncum lac, aquam, vel alium tenuem liquorem colore quodam tinctum immittat per siphonem; unde omnia viscera totumque genus arteriosum eodem implentur, atque cito, absque intumescencia partium, quam quidam supponunt, per venas redeat, ex dextro cordis thalamo pulmones subeat, & ex his per cordis sinistram cavitatem & arteriam magnam transeat. Hocque phænomenon, quoad vasorum horum communicationem, in peculiaribus corporis partibus, ut in capite, pulmonibus, aspera arteria, hepate, renibus, testiculis, & utero frequenter apparet. Ad hæc provocat ad legem generationis & primam formationem, cum arteriæ & venæ ex parte regenerentur, & modus indicetur, quo sanguis ex arteria repens resecta possit ad latera protrudere particulas quasdam ramosas, & ad motum mi-

minus aptas, quæ sibi invicem implicitæ forment ibidem rudimentum alicujus tunicæ, quæ arteriolæ nomen mereatur; & sanguis in cursu offendens aliquod impedimentum, non possit reflecti, sed particulis ramosis ad latera iterum projectis rudimentum ibidem producat alicujus venæ. Cui pariter sententiæ non parum roboris accedere confidit ex phænomeno, quod morbos, in ediamve perpeßis, aut magnis corporis exercitiis defatigatis, obvenire solet, siquidem tunc pinguedo seu adipis materia in cavitatibus pulpæ suæ membranosa asservata vicissim resorbetur, ac massa sanguineæ denuo commiscetur, haud secus, ac quotidie videmus, humorem serosum aut hydropicorum aquam carnosarum partium poros in anasarca vel ascite præter modum opplentem, aut sponte aut post data hydragoga a venis resorberi, sicque modo per alvum, modo per vias eliminari urinarias. In additamenti denique locum subdit e vegetabilium classe exemplum, actum nimirum illum, quem inoculationem vocant; ubi furculi inserti & late crescunt, & utiliter propagantur, facta prius stipitis certa apertione, deinde scuti, ut appellant, insertionem, atque debita demum ligatura. * Sed ad adversarios revertitur Noster, eorumque argumenta ponderat, quæ inter illud, quod ab *αυτοψία* petitur, nullum habere pondus existimat, cum negativa non procedat argumentatio: Ego non vidi, ergo non datur; quin ad propriam & Leeuvvenhoekii provocat *αυτοψία*, ubi mediantibus microscopiis, anastomoses ejusmodi in tenerioris anguillæ caudæ pinna clare viderint. Ad *Marci Aurelii Severini* argumentum, debere nempe uniones tales vasorum patere post mortem, & sectionis cultri Anatomici opera investigari, respondet, non confundendos esse status secundum & præter naturam. In cadaveribus enim rimæ aut oscula oblitterantur facile a materia viscida & tenaci, ut visum effugiant, & omnia flaccida supra se invicem recumbunt, fibrillæque a se invicem nonnihil distantes nunc accedunt propius, & oscula claudunt. Quæ conditio in vasorum finibus observatur, uti in reliquis diversa temperie præditis subjectis, ita & in sanguineis & phlegmaticis, carnes habentibus turgidas, porosas, laxumque habitum, in quibus summe conspicuas debere tales esse continuitates existimaverat *Georgius Ernestus Stahl*; cum quo tamen in eo

consentit Autor Clarissimus, quod ex decremento eximio & ar-
 etatione musculosarum partium mille nascentur incommoda, ob-
 structiones, stases & corruptiones in illis locis. Contra *J. han-*
nem Alphonsum Borellum, qui intermediam spongiosam su stan-
 tiam carniū, viscerum, &c. sensim debilitari, amitti, atque lan-
 guere in extremorum angustis vim impulsivam, motumque san-
 guinis, nec semper venularum orificia, quarum consistentia mollis
 & lubrica est, non dura & ossea, permanere dilatata & aperta; san-
 guinem vero a capillaribus venis exugi, & attrahi existimat, dispu-
 tans, negat omne interstitium vel intermediam mollem aut fi-
 brosam partium substantiam; concedit vero sanguinem in remotis
 a suo principio canalibus multum a celeritate motus quidem remit-
 tere, nullo autem modo sedari; & in statu naturali vigere to-
 num viscerum, ac juvare fibrarum motricium in musculis actio-
 nem adstruit; suctionem autem & attractionem venarum capil-
 larium, utpote diu explosam, recoqui ab eodem miratur. Nēc
 metuit ruptionem nimiamque venarum dilatationem a sanguinis
 motu violento in arteriis liberoque in venas influxu; siquidem
 motus sanguinis in extremis remittit, & vasorum rotunditati de-
 bitum ad resistendum robur inest. Quod autem *Regnerus de*
Graaff, *Jobannes Bohnius* & *Petrus Dionis* regerant, nullum san-
 guinem testiculorum parenchyma, venularum extremitates, aliasve
 vias difficiles ingressurum, si vasa unirentur, sed qua data porta
 ruere, quotiescunque patentiore & commodiore invenit; con-
 siderandum esse putat Autor Noster, quod vasa ordinarie humore
 suo turgeant, motoque uno principio moveatur statim & alte-
 rum ob contiguitatem, pateantque summa æque oscula indifferen-
 ter deorsum propulso sanguini certo respectu in testibus, visceri-
 bus, & glandulis ac artuum extremis, aliisve corporis partibus.
 Quæ vero in contrarium producuntur experimenta, tanquam a
 violenta manu producta rejicit. Sed maximus adhuc, isque du-
 rissimus superest nodus solvendus, fundatus partim in nutritione
 & accretione, partim secretionem humorum, cum quibus vasorum
 continuitas & immediatus per ea fluxus sanguinis, secundum
Borellum, *Bohnum*, *Ortlobium*, *Stablium* aliosque stare nequit.
 Nutritionis equidem negotium & augmentum partium hoc modo
 sibi

sibi concipit Noster. Scilicet globuli sanguinis, quamdiu in vasis feruntur amplioribus, majorem diametrum, capacitatem atque expandendi vim obtinent, quæ sensim minuitur & decrescit in vasis minoribus, ita ut ex uno tres, quinque vel sex tandem fiant circa extremitates, certisque rationibus consent plurimum ex aeris bullis rarefactis, serosas simul nutritias chylosasque arripientibus particulas, cordis impulsu & jugi respiratione huc vectas, parietibusque, quamdiu molliores & cedere adhuc sunt aptæ arteriarum tunice, id quod laudabile est nutriendis & augendis partibus assimilent: quamdiu vero accrescente ætate factæ rigidiores debitumque nactæ incrementum expansioni particularum sanguinis resistunt, motumque per eas unice & sic cum calore conservant vitam. Quoad secretionem vero existimat, per ipsa immediate hiantia anastomosis lege in arterias & venas seque mutuo respicientia tunicarum oscula, diversimode constructa ac figurata, omnes depurationes & secretiones fluidorum contingere, & ubi tales fiunt, membranas seu tunicas, quamvis subtilissimas, simul adesse, omnesque eadem muniri glandulas ac musculos. Magna enim inter membranas vasorum datur differentia, dum alia est retiformis & vasculosa, qualis est vasorum extima; alia glandulosa, alteri succedens, quæ, quando ad glandulas pervenit, easque includit, subiecta in plerisque membranæ adeo firmiter adhæret, ut sæpe non sine dilaceratione ab ea separari possit; alia muscularis; alia tenuissima & fere tantum membranacea, aut nervea; hæcque, Autore judice, illa videtur esse, quæ immediate tegit, ac unit utriusque generis vasa sanguinea, & reliquis solum a sero venientibus sanguinis particulis, præterquam rubris, transitum ob certam pororum constitutionem, more diapedesis concedit. Quibus positis sponte patet, usum Anastomosis esse, ut sanguinis motus reciprocus ejusque circuitus expeditior per totum fieri possit corpus, & ut totum corpus alatur, in statu suo conservetur, & ut variæ in diversis organis procedant fluidorum separationes atque sequestrationes ab universali illo fluido microcosmico purpureo.

VAL. ERN. LOESCHERI D. DE CAUSIS
Linguae Ebraeae Libri III.

Lipsiae, apud Haeredes Grossianos, 1706. 4.

Constant 2. Alphab. plag. 20. & 2. Tab. fig. xn.

DUdum est, quod Auctor Celeberrimus libri praesentis de Ebraeae linguae visceribus & genio accuratius meditari coepit, qua de re edito etiam probuleumate quodam Orbem eruditum ante duos hos annos monuit. Fructus igitur meditationum suarum nunc eo libentius cum literaria Republica communicat, quo magis se & divini honoris publicique commodi studio, & pollicitationibus variis eo adstringi norat. Credit ille, maximam hominum partem, vel falsos, vel mancos saltem ac perobscuros, circa Ebraeam linguam conceptus habere, quando vel ad modulum Europaeorum linguarum eandem metiuntur, vel ultra Rabbinos sapere religioni sibi ducunt, vel Philologorum quorundam auctoritate decepti, eandem ambiguam, jejunam, strigosam & plane tanto nomine indignam esse sentiunt. Has ille causas affert, cur in excolendo Ebraismo, longe minores progressus & nostra & majorum nostrorum aetas fecerit, quam in Graeco Latinoque idiomate, cur anomaliis plena sint omnia, & in sacra etiam exegesi defectus isti sentiantur. Cui rei ut eat obviam, novam dignioremque Ebraei sermonis ideam suppeditat, perpensis ejusdem causis, unde & inscriptio libri ad causas istas respicit. Monet igitur, ut de Ebraea lingua nihil concipiamus, quod indignum sit lingua ex penetralibus Orientis petita, eaque antiquissima, peculiari Numinis ductu conservata gubernataque, ad sanctissimos fines Divinitus adaptata, & emphasium vivacissimarum plenissima.

Hoc consilio usus, postquam in Praefatione ea super re multa monuisset, atque inter alia observasset, eos, qui utilibus libris scribendis augendaeque rei literariae incumbunt, septem praesertim scopos habere praefixos, ut vel *origines rerum* incomperitas indagent, vel *data* certissima constituent, eorumque adeo numerum augeant, vel doctrinas haecenus rudi stylo delneas ad *subtilitates*, quae frugi sunt, elevent, vel *scrupulos* haecenus nondum

dum sublato e medio tollant, vel *Ideas* rerum accuratiores constituent aptiusque disponant, vel voces, formulas *terminosque* quos vocant, omnium ætatum, gentium sectarumque, circa unam eandemque rem usurpatos colligant ac illustrent, vel *exotericam*, saltem rerum *notitiam*, circa historiam, libros de iisdem scriptos, varias opiniones &c. augeant, (quod quidem postremo inter ista loco habendum,) vel plura horum aut, si fieri possit, omnia simul libro recens scripto promoveant; hæc, inquam, & alia quædam ubi observasset, *Libro I* externas, quas nominant, Ebraismi causas indagat, & primo loco, quæ ad efficientem redundant. Quare Cap. I de ortu hujus linguæ sigillatim agit, atque in eodem characteres divinos agnoscit; Cap. II de quæstione, quænam primæva lingua sit? generatim differens, Cap. III hanc prærogativam argumentis partim novis, partim denuo expolitis, Ebraicæ linguæ vindicat, interque alia Punica Plauti nova ratione explicat, ac Stephani Morini inventum de Phœniciis, gente a Cananæis discreta & longe his meliori, refellit. Hinc Cap. IV de iis, quas vulgo hodie Chaldaicam & Syriacam appellamus, linguis e rerum fontibus anquirat, docetque, istam nihil esse aliud quam Judæorum in Chaldæa habitantium sermonem, hanc vero dialectum esse, post reditum Judæorum ex carceribus Babylonicis exortam, antiquam denique Chaldaicam ac Syriacam linguas, (quarum rudera colliguntur) dudum intercidisse. His expositis, Historiam Ebraismi aggreditur quatuor capitibus. Et Cap. quidem V eandem ad Christum usque natum producit, observans inter alia, potissimas vocum Ebræarum formas in nominibus Patriarcharum, qui ante cataclysmum vixerunt, superesse; Zabiorum plarie non tam cascam, quam creditur, esse ætatem; passam esse Ebræam linguam a Mosis usque ætate aliquot commutationes, & suas quasi periodos habere; fabulis proxima esse, quæ de Synagoga Magna Canonis Biblici custode vulgo traduntur. Capite VII (nam sextum ob numerorum sphalma deest) Historia ista per Christi atque Apostolorum tempora protrahitur, notaturque præ ceteris, quam memorabile inter Judæos Hierosolymitanos, Babylonicos & Hellenistas, qua linguam & studiorum genera, discrimen fuerit; quod Philo Ebraismi mire imperitus fuerit; quod

p. 31.
38.

49.
58.

62. sq.
69.

71. sq.

- p. 78. Judæi circa fontium Ebræorum studium, Christo in terris dege-
 86. sq. te, negligentissimi fuerint; quin & rudera linguæ Neo-Ebrææ,
 five Hierosolymitanæ, qua Christus usus est, p. 75 colliguntur.
 Eadem Historia per Patrum secula ad nos usque producitur Cap.
 VIII, ac præsertim de manca eruditione Ebrææ Hieronymi, tum de
 ortu dialecti Rabbinicæ, recensitis Rabbinorum antiquissimis scri-
 ptis, scholis & conatibus, de negligentia Christiani Orbis antiqui
 circa fontes, de collapsa inter Judæos Ebraismi peritia dissertur.
 Addit Cap. IX Historiam restitutionis Ebrææ linguæ, ubi præser-
 tim Capnionis, Bombergii, & Münsteri labores exponuntur, ac
 præterea Germanos in restauranda eadem palmam omnibus præ-
 121. ripuisse, ostenditur. Inde Cap. X de Ebraismi, ut hodie tractatur,
 defectibus sermo est, nempe de radicum defectu, vocum & phra-
 sium amphibolia, anomalia insigni, &c. tum de restaurandi con-
 siliis, quo loco Forsteri, Buhlii, Gussatii & Neumanni conatus per-
 vestigantur. Suppeditat porro Auctor Cap. XI Grammaticarum
 Ebræarum Historiam, ac præsertim Eliæ Levitæ, Capnionis, Ca-
 pitonis, Pagnini & Spinofæ Grammaticas examinat. vitia naves-
 161. sq. que libellorum Grammaticorum vulgariū recenset, deque eorun-
 dem emendatione mentem suam declarat. Geminus labor
 est Cap. XII circa Historiam Lexicorum Ebræorum, ubi cumpri-
 mis de rarissimo Jul. Contr. Ottonis Lexico disquirat, nec minus
 171. sq. Lexicorum defectus, ac qua ratione corrigi illi possint, enarrat.
 Hostes Ebraismi subjungit Cap. XIII, Cappellum, Morinum, Spi-
 182. sq. nosam, Meibomium, &c. præ cæteris vero Meibomii emendationes
 Biblicas sub incudem revocat. Hactenus de efficiendi causa. *Fines*
 Ebraismi interpretatur Auctor Cap. XIV, nimirum mysteriorum
 exquisitam declarationem & conservationem, piorum animi mo-
 188. tuum excitationem, atque id genus alia, monens, in voce הקדמה
 mysterium Trinitatis & Incarnationis peculiari ratione adumbra-
 tum esse. Quo spectat & Cap. XV, vestigia Divinæ ejusque sin-
 gularis circa Ebraismum providentiæ exponens.

Qui *secundus* ordine *Liber* est, *materiam* linguæ accura-
 tius pervestigat. Nam Cap. I de veris Ebræorum literis cum omni
 adversariorum genere Auctor decertat, eoque pacto ad Samari-
 tanos dilabitur nummos, quorum copiam aliquam ex Kircherō,
 Hot-

Hottingero, Morino, Relando aliisque in Tabula sistit, ancipites
 literarum Samaritanarum formas ad aliquot classes reducit, num-
 mosque ipsos interpretatur: porro varias Ebræorum literas ex ma-
 nuscriptis, Rabano Mauro, Balmesio, & nummis colligit, casque
 in alia Tabula cum Samaritanis, Syris, Arabicis, Æthiopicis, Ægy-
 ptiis, Græcis, Latinis, Marcomannicis, Gothicis & Runicis con-
 tendit, atque ad oculum demonstrat, has omnes ex Ebræis, si
 ad pristinam simplicitatem reducantur, revera ortas, ac præsertim
 Samaritanas ex sola earum tachygraphia prodire. Antiquissimas
 igitur Ebræorum literas paulo rudiores, quam nostras, facit, ita ut
 v. gr. Aleph sit linea ad perpendicularum posita, una aut duabus
 notulis ad latera, discriminis ergo, aucta. Literarum quoque pro-
 nuntiationem in aprico ponit. Dehinc Cap. II interiora litera-
 rum pandit, in earundem ordine mira quædam observat, valo-
 remque illarum & emphasin ut detegat, omnem impendit ope-
 ram. Hinc Cap. III de vera punctorum origine disputat, omnem
 movens lapidem, ut eorundem antiquitatem in luce ponat; ubi
 Stephani præsertim Morini recentia contra eam argumenta dissol-
 vit, ejasque hypothesin de עוונות Ebræorum vocalibus labe-
 facit. Interiora vero & reconditam vocalium indolem Cap. IV
 eruit, considerata genesi vocalium quarumvis, nominibus earum
 penes Ebræos & pronuntiatione, regulis quoque punctorum
 ad paucos & genuinos fontes reductis. Accentus vindicantur Cap.
 V contra contemtores, eorumque doctrina in ordinem succincte
 redigitur. Caput VI tractat de radicibus, & variis earum
 generibus, de vocibus Ebræis omnium maxime primigeniis &
 biliteris, quas Auctor *semina* vocat, de vocabulis ab uno semine
 oriundis. ex quorum copia *familiam* construit, & in justum or-
 dinem disponit, eamque hypothesin argumentis quamplurimis
 fulcit, & seminum istorum rudera in aliis etiam linguis common-
 strat. Atque hujus generis plura, recondita equidem, Cap. VII,
 quod de interiori Verborum natura agit, produntur, quippe de
 Conjugationum & Temporum certa ac adæquata significatione,
 præsertim תי Hiphil & Futuri, כ. ט. ל. Nomina aliasque voces
 Caput VIII considerat, monetque, gradus dictionum apud Ebræos
 dari, unam alteram in significando perfectiorem esse; ubi & omnes

p. 201.

224.

207. sq.

225. sq.

242. sq.

250. sq.

294.

297.

304.

309. 315.

325. sq.

363. sq.

370.

p. 428.

vocum formæ, earumque peculiaris significandi ratio, adeoque omnis linguæ apparatus exhibetur. De particulis & præfixis agit Caput IX, quarum singulæ ex intimo linguæ recessu explanantur. Phrases Ebræas in ordinem redigit Caput X, idemque de Idiotismis & Dialectis tractat, quo loco de ritualibus verbis antiquitatis rudera feliciter exprimentibus, sermo est. De Syntaxi vero & Poësi nonnulla Cap. XI subnectuntur.

443.

450.

461.

463. sq.

469.

487.

Supereft *tertius Liber*, maxime quidem necessarius, qui de *forma* Ebraismi nos facit certiores. Atque adeo Cap. I exterior sive Masoretica linguæ, & cumprimis Bibliorum sacrorum forma traditur, ac sanioris Criticæ, quæ varias lectiones examinat, regulæ concinnantur. Hinc de analogia Ebraismi, verisque consiliis anomaliam removendi, differitur, quo loco non inutiles dantur observationes de discrimine significationis rudis, perfectæ & prævalentis, quod ingentem dubiorum vim tollit. Emphasis explicatur Cap. III, eaque duplex, subministratis etiam, ad eandem detegendam, subsidiis: sanctitas & castitas ejusdem Cap. IV, quo loco & notatur, Ebrææ linguæ idiotismos ad virtutes varias inclinare, ac quasi manu ducere, & loca Biblica, quæ obscœna credebantur, ab hac labe purgantur. Commonstrantur etiam rudera Physicæ & Antiquitatis in Ebræo sermone latentia. Cap. V, v. gr. ex aromatum, animalium &c. nominibus, qualia sunt balsamum, camelus. Tandem Cap. VI simplicitas, opulentia & elegantia linguæ probatur: præjudicia, quæ eandem lædunt, varia Cap. VII refecantur, explosis etiam quorundam recentiorum manipulis stramineis ex vulpeculis Simsonianis, & agmine recentium militum ex maxilla asini confectis. Claudit librum specimen Originum Ebræarum, vel Lexici perfectioris, quod Auctor pollicetur, constans familiis vocum, quas semina \aleph & \beth gignunt, ubi cumprimis de Gade veterum multa memoratu digna leguntur.

Ne propius hujus operæ specimen nobis desit, paucula hæc enotamus. De Vau conversivo, ut vulgo nominatur, memorat Auctor p. 433, illud rectius continuativum dici, si ita liceret loqui; revera enim actionem & retro & post tempus, cujus formam verbum, cui præfigitur, gerit, producere, adeoque hanc veram ejus signi-

significationem esse, quod fiat aliquid, factum & futurum sit; ad quod vero tempus inter transferendum potissimum respici debeat, id ex circumstantiis esse colligendum. Inter dicta Biblica ab obscenitate vindicata, locus etiam Jobi cap. XL, 12. occurrit, ad quem Auctor observat, vocem **תנפ** male vulgo de testiculis explicari, totamque istam sententiam ad Priapeja trahi; ex usu vero Biblico & analogia constare, quod ea ipsa nihil aliud indicet, quam rem, quæ terrorem contineat & incutiat, exponendamque adeo esse de oculis, naribus aliisque partibus **תנפ** Behemot, quibus distentis ac furentibus pavorem aliis incutit.

Cæterum, cum in hoc libro multa, si de externa specie judices, paradoxorum loco videantur habenda, aut novitatis solum gratia inventa videri possint, voluit Auctor celeberrimus, vel nostra hac voce, eruditam Rempublicam interpellari, ne tali ingenio scripsisse credatur. Veritatem sibi supremam legem positam voluit, testatusque est, nihil se scripsisse ea de causa, ut novum quid & singulare dicatur invenisse, sed in omni hoc negotio, quæ post sedulam perquisitionem vera videbantur, siue nova fuerint, siue vetera, literis consignasse. Doctos vero omnium ordinum rogatos vult, ut suis illum monitis amice instruant, sicubi aberrasse a janua videatur, quippe nullis non salutaribus documentis locum daturus.

COMPENDIUM HISTORIÆ PHILOSOPHICÆ
antiquæ siue PHILOSOPHUMENA, quæ sub ORIGENIS nomine circumferuntur, edita primum ex codice Bibliotheca Mediceæ a JACOBO GRONOVIO, Viro Clarissimo, in Thesauro Antiquitatum Græcarum Tomo X; jam vero recognita & notis uberioribus illustrata, passimque correctâ a M. JOHANNES CHRISTOPHORO WOLFIO,

Hamburgi, apud Christianum Liebezeit, 1706, in 8.
 Constat plag. 17.

PRæsens tractatus jam semel a nobis injecta est mentio, cum in decimo Antiquitatum Græcarum, quas indefessæ Clarissimi
 Ecq 3 Gro-

Gronovii industriæ Orbis Literatus debet, recensendo versaremur. Ut repetita vice idem commemoremus scriptum, repetita efficit editio, quæ non sine ratione quamplurimis, interque eos Editori Clarissimo, visa est necessaria. Recte enim is judicavit, utilitatem ex eo non vulgarem ad plures redundaturam esse, quæ ad paucos perveniret, quamdiu in eo delitesceret Thesaurus, cui comparando plerorumque huic studiorum generi operam navantium, facultates vix responderent. In hoc consilio confirmatum se sensit, cum perspicere, copiam sibi factum iri, Latinam Clarissimi Gronovii versionem nonnullis in locis emendandi, Græcum item contextum ex probabili conjecturarum fide nunc restituendi, nunc adversus fallaces aliorum suspiciones vindicandi; cujus rei vestigia & exempla in præfatione adducta legere licebit. Sic ut unum inde repetamus, assertionique faciamus fidem, meminisse juvat loci, qui exstat cap. XXI p. 147, ubi Stoici dicuntur statuisse ἀνστάσι εἶναι καὶ πεπληρωθῆαι πάντα. Hæc de resurrectione accepit Clarissimus Gronovius, mentemque suam Latina versione expressit, quam ab Auctore libri ejusque instituto maxime alienam esse in notis inde evincitur, quod in verbis proxime antecedentibus negata a Stoicis corporum penetratio commemoratur, quæ fidem faciat, sequentia verba de *resistentia* corporum omnino interpretanda esse, licet ista notio Græcæ voci a Scriptoribus, quod non diffitetur Editor, raro subjiciatur. Alia quoque causa adductus est Editor, ut novam præstantissimi monumenti editionem curaret. Vidit enim Viris quibusdam eruditis, qui ex Manuscripto Auctoris hujus testimonia nonnunquam in partes suas verterunt, nominatimque *Menagio*, a Clarissimo Gronovio in adspersis notis subinde injuriam factam esse, quam ut ab illis amoliretur, nulli pepercit industriæ. Cum igitur animo constitutum haberet, libellum novis curis recognitum antiquitatis studiosis exhibere, rationes suas ita instituit, ut Latinam Gronovii versionem retineret integram & ilibatam, si quæ vero in ea desideraret, ea notis modeste excutenda reservaret. Græcum contextum, quem Clarissimus Gronovius una serie exprimi curaverat, certis distinctum capitibus exhibuit, ut vel sic Lectorum consuleret commoditati, usumque libelli faciliorem redderet. Ut autem Lector eo rectius de Gronovii versione

ne

ne & sententia iudicium formare possit, notas Viri Clarissimi integras in calce addidit, consilio laudis pleno & ab eorum institutis alieno, qui in reddendis aliorum scriptis, vel supercilioso alieni laboris contemptu, vel supina negligentia adducti, notas aliorum, de suis tantum solliciti, omittunt. Præfationem Gronovii non adjecit, forte quod maximam ejus partem, saltem quæ ad institutum faceret, insertam præfationi ad examen revocarit. In illa enim fuse inquit in Auctorem libelli, cumque Clarissimus Gronovius, variis rationum præsidii innixus, foetum hunc Origeniano ingenio, cui acceptus a multis iisque non ineptis harum rerum iudiciis ferebatur, vindicare conatus esset, operæ pretium sibi facturus visus est, si ostenderet, parum illis tribuendum esse, & in eorum potius acquiescendum sententia, qui dubium incertumque esse scriptorem, modeste & animo ab omnis arrogantiae suspicione libero faterentur. De qua incertitudine ut eo luculentius Lectori constaret, varias eruditorum de scriptore libri sententias recensuit, quorum alii inter *οὐδένα* Origenis scripta illud numerarunt, ut Leo Allatius de Scriptis Socratis p. 168, Huetius in Origenianis lib. III §. 11, Colomes. in Observat. Sacr. p. 232, Spencerus de Legibus Ebraeorum ritualibus p. 1029 edit. Anglic. Galeus in Notis ad Hieroniam p. 213 edit. Oxon. Fr. Redi lib. de Insectis, & Caveus in Hist. Liter. Part. II p. 31, quem in eo falli putat Editor, quod *φιλοσοφῆματα* hæc a libro contra sectas & hæreses, qui sub Origenis nomine laudari solet, distinxerit. Addi his debet Menagius & Dupinius, quorum ille in loco notarum ad Diog. Laertium non uno, hic in Responsione Tomo VI Bibliothecæ novæ subjuncta, Origeni libellum adscribere veretur. Sunt tamen alii, qui germanum Patris hujus monumentum habuisse censendi sunt, cum sub ejus nomine, nulla dubitationis nota adjecta, allegarint. Hi sunt Holstini & Pearsonius, quorum testimoniis causam suam præmunivit Gronovius. His Editor adjungit Gyraldum in variis Operum suorum locis Compendii hujus Philosophici testimoniis usum, Lloydium item Gyraldi vestigia secutum, Alex. Morum in notis ad quædam N. T. loca, & Mabillonium p. 186 Itineris Italici. Huetius de suppositione Origeni facta certus, Epiphanium habet auctorem, hoc adductus argumento, quod iste Episcopi munere functus, deque hæresibus

bus alibi commentatus fuerit, quo utroque charactere *Φιλοσοφούμενον* Scriptorem præfatio libelli designet. Sed huic argumento nervus inciditur ab Editore §. 5 præfationis, ipsaque Huetii opinio vel inde falsitatis convincitur, quod Epiphanius, in variis Historiæ Philosophicæ capitibus, diversum a Philosophumennon conditorem sentiat. Galeum præter rationem Aëtio librum adscripsisse, ostenditur §. 7. Nec aliter de Gronovii, Origeni scriptum vindicantis, opinione statuendum esse, §. 8 & sequentibus Editor disputat. Has autem sententiæ suæ rationes attulit Gronovius, quod codex manuscriptus Origenis nomen præ se ferat, quod idem optimæ omnino notæ sit, idque constare putat tum ex ejus raritate, aliorumque exemplorum defectu, tum ex accurata prorsus librarii in describendo probata diligentia: tertii argumenti vicem obit scribendi ratio, quam Origenianam prorsus esse, sibi persuadet: sed non minus ista loca ab Editore examinantur, nihilque Origeniani sapere existimantur, & quam ante laudatis rationum momentis parum subsit roboris, ostenditur. Istis ita disputatis, nihil de impedito hoc & difficultatum pleno negotio definit Editor, sed totum Lectori djudicandum relinquit. Quod jam ad ipsum librum attinet, Auctoris institutum fuit, duabus eum absolvere partibus, quarum altera potiora sectarum placita percereret, altera in derivandis inde hæreticorum erroribus, qui Christi turbarunt Ecclesiam, versaretur. Prior, sed fortasse nec illa integra, quæ Editoris in præfatione conjectura est, exstat; posterior temporis injuriis cecidit, nec ætatem tulit. Tractationis momenta ita distincta sunt, ut præmisso proœmio copioso & eleganti, cap. I de Thalete, II de Pythagora, III de Empedocle, IV de Heraclito, V de Anaximandro, VII de Anaximene, VIII de Anaxagora, IX de Archelao, XI de Parraenide, XII de Leucippo, XIII de Democrito, XIV de Xenophane, XV de Ecphanto, XVI de Hippone, XVII de Socrate, XIX de Platone, XX de Aristotele, XXI de Stoicis, XXII de Epicuro, XXIII de Academicis, XXIV de Brachmanibus, XXV de Druidis & XXVI de Hesiodo exponerent. Notæ Editoris vel ad exponendam Auctoris sententiam, vel ad illustrandas Græciæ literas & antiquitates, vel ad edisserenda Philosophorum dogmata pertinent: ubi id præcipue agit Auctor, ut recentiores lau-

laudat Scriptores, qui unum aut alterum Historiæ Philosophicæ caput, vel integræ Sectæ placita, commentationibus suis in maiore luce collocarunt. Ita de bona nonnunquam vocis ἀρεσῆς acceptione p. 2 exponit, ibidemque pervulgatam apud veteres Philosophiæ in Physicam, Ethicam & Logicam partitionem fuisse, ostendit: de Inventore Logicæ vid. p. 4; de Collectoribus conviciorum in Christianos conjectorum a Gentilibus p. 6; de origine hæresium ex Gentilismo p. 17 sq. de discrimine discipulorum Pythagoræ p. 29; de mysteriis numerorum Pythagoreis p. 30 sq; de Pythagoræ Tetracty p. 33; de Metempsychosi compluribus recepta Philosophis & gentibus p. 36 sq. Reliqua non minus lectu digna brevitatis studiosi omittimus.

BIGÆ EXERCITATIONUM HISTORICO-THEOLOGICARUM de Pœnitentiâ Primitivâ, nec non Romana Ecclesia. Autore JOANNE JACOBO HOTTINGERO.

Tiguri, apud Bodmerum, 1706 in 4.
 Constat Alphab. 1. plag. 20.

OMnem Pœnitentiæ Christianæ primitivæ rationem, & hodiernæ Pontificiæ faciem, accurato studio delineaturus Summe Reverendus Autor, Theologiæ apud Tigurinos Professor celeberrimus, in *prima* Exercitatione *Pœnitentiam Ecclesiæ primitivæ* quatuor per sectiones, modo ut *nascentem*, modo ut *adulescentem & confirmatam*, modo ut *senescentem & degenerantem*, modo denique ut *expirantem* considerat.

Nascentem ubi persequitur, aliam facit eam, quæ *ante Baptismum*, & aliam, quæ *post eundem* injuncta fuerit. *Illam* tum Christi præceptum, tum Johannis Baptistæ & Apostolorum exempla postulasse innuit. Circa *hanc* vero diutius occupatur, & tria imprimis delicta hoc repagulo a cœtibus suis Christianos arce-re voluisse notat, adulterium, idololatriam, & homicidium. Hinc ritus ejusdem exponit, ac disciplinam sic satis severam fuisse non negat, utilem tamen eam & lapsorum emendationi, aliorumque eruditioni, & nominis Divini celebrationi proficuum, una pronun-

ciat, & quo sensu poenitentes Deo & Ecclesiæ satisfecisse dicantur, declarat, ita tamen, ut in his ritibus minime poenitentiae salutaris in Evangelio requisitæ proram & puppim collocatam, neque Divinæ gratiæ spem ab eis suspensam fuisse, moneat. Porro hoc teneri cupit, quod poenitentia pro ratione criminis major minorve imposita, & desæviente persecutione lapsi rigidius habiti fuerint, quam qui rebus tranquillis a fide discesserint. Ac tandem ad illam poenitentiam neminem nisi semel admissum animadvertit. Uti vero hæc disciplina multis invisâ & exosa fuerit, sic martyrum eam indulgentia admodum laxatam deprehendi notat, usque dum a Felicissimo plane sublata fuerit. Vicissim rigidiores æque lapsis pronuntiat Montanistas & Novatianos, quibus deinceps Donatistæ, Luciferiani, alique pollicem presserint.

His poenitentiariæ disciplinæ rudimentis poenitentiam subnectit *adolecentem & confirmatam* ubi quatuor illius gradus enumerat, *πρόκlausιν*, *fletum*; *ἀκρόασιν*, *auditionem*; *ὑπέκκλισιν*, *succumbentiam*; & *στάσιν* *stationem*, quos quidem ante Concilium A. C. 314 Ancyrae in Galatia celebratum constitutos esse, Natali Alexandro id asserenti non refragatur, at ideo nondum liquere innuit, quo vel tempore, vel autore ista graduum series eorumque nomina originem traxerint. Singulos deinde gradus sigillatim describit, & cui quisque delicto fuerit impositus, enarrat, haud omnia peccata, & omnium minime occulta, poenitentiae publicæ subjecta reperiri observans. Ad poenitentiam neminem admissum dicit, nisi a peccato suo decessisset, & sincerum ejus odium ac dolorem de eo ingenuum professus pacem petiisset. Clericis peccantibus haud secus atque Laicis poenitentiam impositam affirmat, prioribus tribus a nato Christo seculis, ubi Monachos Monachasve publicæ poenitentiae, æquo jure cum Laicis, subjici consuetudo tulerit; qua occasione Papistarum comparisonem Monachatus cum Poenitentia explodit, sed & de ejus collatione cum Baptismo agit, monachalemque anabaptismum rejicit. Duo hæc poenitentiae serius adjuncta fuisse refert, primum matrimonii perpetuam separationem, & mortuo conjuge, ne quis alterum ineat, matrimonium, severam prohibitionem, & alterum cessationem a militia seculari, non eo solum tempore, quo istam sectantes poenitentia-

tentiam egerint, sed perpetuo observandam. Pœnitentiæ anti-
fites & arbitros constituit Episcopos, eorumque in peccatoribus
observandis, & criminibus indagandis atque plectendis, vigilantiam
& circumspeditionem laudat. Post ritus pœnitentiæ imponendæ
consideratos, absolutionis quoque historiam recenset, ac tum fla-
tim in sectione tertia ad pœnitentiam *senescentem & degeneran-*
tem pergit.

Seculo nimirum septimo & nonnullis sequentibus, non-
paucas superiorum temporum leges in desuetudinem abiisse, & no-
vas successisse docet. Imprimis jejunia valde circumscripta & con-
tracta ex priori classe allegat, non obstante, quod quadragesima
recentior duplex unicæ illi melioribus seculis obtinenti accesserit;
in hac enim veri jejunii naturam & indolem deperditam ac sepul-
tam dicit, sic, ut jejunium non amplius in *ascitica* aut temperan-
tiæ studio, sed in abstinence a certo ciborum genere constiterit,
donec Encratica & Montanistica xerophagia imperium obtinue-
rit. Ex iis vero, quæ post seculum septimum accesserint, duo
præ cæteris prolixè excutit, flagellationem puta & peregrinatio-
nem. Sed nec cætera pœnitentiæ vitia tacet, impositæ puta cum
alia commutationem, ejusdemque in vicariam personam trans-
lationem, & omnimodam ipsius redemptionem. Distinctionem
pœnitentiæ in solennem, publicam & privatam, sequioribus itidem
temporibus adjudicat, & denique cum omnis disciplinæ Ecclesia-
sticæ ratio Canonibus tunc definita fuerit, de Canonum variis col-
lectionibus & libris Pœnitentialibus nonnulla differit.

Seculo XIII non nisi speciem & umbram, aut, si malis,
nomen & cadaver pœnitentiæ publicæ residuum fuisse asserit, &
ut hoc assertum probet, in Sectione quarta primitivæ Ecclesiæ pœ-
nitentiam *expirantem* proponit. Et Pontificem quidem Roma-
num verissimum nuncupat pœnitentiæ *vespillonem*, quippe qui
non simul, sed variis gradibus; non potestate a Christo concessa,
sed ambitu; absque suffragiis; injuria temporum hominumque
culpa, Prætoriam in foro pœnitentiario dignitatem invaserit & ob-
tinuerit. *Tumulum* autem pœnitentiæ vocat indulgentias, & la-
tius proinde in has invehitur. Romanorum quoque, veterem
disciplinam oblitterantium, præsidia & prætextus varios, utpote

Ecclesiæ auctoritatem, quodque disciplina vetus nec ubique, nec in perpetuum, nec omnis præscripta sit, & quod Romanorum poenitentia a vetere non nisi sola lenitate differat, modis omnibus enervare studet. Quamvis vero primam illam disciplinam nævis plane caruisse haud affirmet, eam tamen igne verbi Divini a sconiis repurgatam, & liberatam postliminio restitui exoptat.

In altera Dissertatione *poenitentiam Ecclesiæ Romana* ponderandam sumit, ac ante omnia susius ostendit, quam male ex eadem Pontificii *Sacramentum* faciant. Inde jactatas illius partes, *contritionem, confessionem & satisfactionem*, examinat, & quot labe singulis adhærescant, ubertim declarat. De Absolutione insuper oppositam Papistarum & Evangelicorum sententiam allegat, & in priori reprehendit, quod absolutionem habeant pro actu iudiciali, qui gratiam infundat ex opere operato; quæ cuncta idoneis & eruditis argumentis impugnantur.

Ausführliche Beantwortung des Pasquils &c.

i. e.

REFUTATIO PROLIXA LIBELLI FAMOSI, QUI
nuper sub titulo Epistola familiaris Ducis alicujus Bellici Germani ad summi, cujusdam Principis Consiliarium intimum de præsentis Moscoviæ statu
prodiit.

Juxta exemplar Narvense, 1706, 4.
 Constat pl. 15.

UTi obtrectatores, ita & defensores atque promachos suos strenuos habent Mosci, quos inter primæ haud dubie partes debentur Apologiæ hujus contra quendam Russici nominis hostem infensissimum conscriptæ Auctori, quippe qui natione Germanus in Moscovia aliquamdiu commoratus est, moresque & Gentis & Principis optime cognovit, tum factis plerisque, de quibus controvertitur, interfuit, atque animum & rationes omnes, quæ adversarium ad edendum libellum famosum impellere poterant, accurate perspexit. Haud raro enim contingere ait, ut qui apud alias

- p. 84. plerumque & negligit; unde cum luxuriosa aliquando veste indutus ex aulico praesente, *num major nunc meliorve aut potentior quam antea factus esset?* rogasset, eo negante, confestim vestem exuit, eamque cuidam ex adstantibus donavit. Ne vero & subditis raræ pietatis exemplum desit, ipse sæpius, inter sacerdotes medius, in publico templo homiliam S. Patris alicujus, aut capita nonnulla Scripturæ Sacræ, alta voce populo prælegit. Sed ut animæ, ita & corporis sui curam habet, eoque demonstrationes Anatomicas a D. Bidloo in Theatro Anatomico institutas, quibus Mosci Imperatori charissimi interesse debent, frequentius spectat, publiceque aliquando hac occasione judicasse fertur, *suum quemque medicum esse, si corporis sui rationem habeat perspectam, & corporis adeo animique viribus recte uti sciat, quæque ad eas conservandas faciant, adhibeat.* Quo magis porro milites sibi devinciat, militaria munia, æque ac Serenissimus-Filius, magnæ spei Princeps ad quævis præclara natus, ab infimo gradu publice obire non gravatur, eoque nomine stipendia ex arario publico sibi porrigi gaudet. Quo loco auream ejus sententiam asferre juvat: nam cum multis aliquando praesentibus, assignatum Capitaneo (hoc enim munere tumungebatur) stipendium recepisset, sapienter dixit, *hujus demum summa pro lubitu eroganda jus sibi & libertatem integram esse, quippe sibi ex officii ratione debita; reliquas pecunias, quæ ex aliis amariis ad se redeant, suas revera non esse, sed ita a Deo sibi concreditas, ut non nisi in publicam utilitatem converti possint.* Etenim hoc anno tertiam ab Archithalasso personam (est autem Archithalassus Comes de Gallowyn, & Vicethalassus Creutz, Norwegus) in classe, quæ ad Mare Balthicum ex Petrôpoli vela fecit, sibi imponi passum fuisse accepimus, quam vulgo, quod noctu Archithalasso somnum capiente classi imperat, *Schout bey Nacht* seu Contrâ-Admiralem classiarum vocant. Illud quoque imprimis nobis memoratu dignum visum est, quod tentorium cujusdam forte ingressus, cum Politicam Aristotelis & Juvenalis Satyras in mensa repositas offendisset, hæc fere verba protulerit: *fideles & industrii si fuerint privati homines, optimam tenent Politicam; Principibus autem viris Politica parum profutura est, si & Divina ope & viribus recte*
88. nulla Scripturæ Sacræ, alta voce populo prælegit. Sed ut animæ, ita & corporis sui curam habet, eoque demonstrationes Anatomicas a D. Bidloo in Theatro Anatomico institutas, quibus Mosci Imperatori charissimi interesse debent, frequentius spectat, publiceque aliquando hac occasione judicasse fertur, *suum quemque medicum esse, si corporis sui rationem habeat perspectam, & corporis adeo animique viribus recte uti sciat, quæque ad eas conservandas faciant, adhibeat.* Quo magis porro milites sibi devinciat, militaria munia, æque ac Serenissimus-Filius, magnæ spei Princeps ad quævis præclara natus, ab infimo gradu publice obire non gravatur, eoque nomine stipendia ex arario publico sibi porrigi gaudet. Quo loco auream ejus sententiam asferre juvat: nam cum multis aliquando praesentibus, assignatum Capitaneo (hoc enim munere tumungebatur) stipendium recepisset, sapienter dixit, *hujus demum summa pro lubitu eroganda jus sibi & libertatem integram esse, quippe sibi ex officii ratione debita; reliquas pecunias, quæ ex aliis amariis ad se redeant, suas revera non esse, sed ita a Deo sibi concreditas, ut non nisi in publicam utilitatem converti possint.* Etenim hoc anno tertiam ab Archithalasso personam (est autem Archithalassus Comes de Gallowyn, & Vicethalassus Creutz, Norwegus) in classe, quæ ad Mare Balthicum ex Petrôpoli vela fecit, sibi imponi passum fuisse accepimus, quam vulgo, quod noctu Archithalasso somnum capiente classi imperat, *Schout bey Nacht* seu Contrâ-Admiralem classiarum vocant. Illud quoque imprimis nobis memoratu dignum visum est, quod tentorium cujusdam forte ingressus, cum Politicam Aristotelis & Juvenalis Satyras in mensa repositas offendisset, hæc fere verba protulerit: *fideles & industrii si fuerint privati homines, optimam tenent Politicam; Principibus autem viris Politica parum profutura est, si & Divina ope & viribus recte*
89. *de-*
86. *de-*

deliberata peragendi destituantur: quod ad Satyras, illis gravissima in Moscovia pœna statuta est. Cum vero longius exinde de his libris sermo protraheretur, aliamque Satyrarum Juvenalis rationem esse aliquis, exemplo inprimis ex undecim postremis Satyræ X versibus:

Orandum est, ut sit mens sana in corpore sano.

Fortem posce animum &c.

petito probaret, adeo iis versiculis Heros noster delectatus est, ut & ipse aliquoties postea familiaribus suis sensum eorum explicaverit, & comparata ex illo tempore Belgica Juvenalis versione, argutiores sententias crebrius sibi prælegi jussisset. Denique hoc quoque ad laudes ejus spectat, quod omnibus in Imperio Romano-Germanico toleratis religionibus publicum exercitium (exceptis quidem Judæis) permittat, & ut externos ad terras suæ ditionis alliciat, ad ædificanda nova templa pecunias omnibus & tigna liberali manu donet. Neque istud plane omittendum, quod adulatores ægre ferat. Quoties enim, ut aliunde etiam novimus, in libris vel inscriptionibus titulum *Magni vel Inviētissimi* sibi tributum videt, erubescit, imo indignatur, *solum Deum*, inquiens, *inviētissimum esse, præstareque magna facere, quam vocari magnum.* Subjiciuntur Apologiæ huic leges bellicæ, quarum hodie apud Moscos usus est, de quibus plura proferre, institutum nostrum non patitur.

p. 7.

95.

97.

22.

Relation von dem gegenwärtigen Zustand des Moscovitischen Reichs.

i. e.

RELATIO DE PRÆSENTI STATU IMPERII Moscovitici.

Francofurti, apud Thomam Fritschium, 1706, 8.

Constat plag. 16.

BEne etiam meritis de Moscis est libelli hujus Auctor Anonymus (est vero Vir Clarissimus *Christianus Scieffius*, ad Eloquentiæ & Historiarum Professionem in Illustri Gymnasio Vratislaviensi obcurdam

dam nuper vocatus) in quo recensendo minus inharebimus iis, quæ vel generatim in historia Moscorum, quam universam exposuit, vel speciatim de moderno statu aulico, politico, ecclesiastico & militari, quem hodiernus Autocrator, post itinera per cultioris Europæ partes peracta in melius reformavit, denique de diligenti & exquisita Serenissimi gentis Moscoviticæ Principis, Zaris Filii, educatione accurate observavit. In religione Moscorum describenda prolixus non est, commendat tamen hic, quæ Joannes Faber, Episcopus Viennensis, de dogmatibus Moscorum ad Ferdinandum I. A. 1525 Tubinga perscripsit, tum Jo. Sacrani Elucidarium errorum ritus Ruthenici 1500 editum & a Petro Scarga continuatum, ut & ea quæ Spiræ A. 1582, 4 de Russorum, Moscovitarum & Tartarorum religione, sacrificiis, nuptiarum ac funerum ritu prodire, in quibus eminent, quæ Jo. Rohita, Minister Ecclesiasticus Fratrum Bohemorum, qui legationi a Sigismundo Augusto Rege Poloniæ A. 1570 in Moscoviam missæ interfuit, adnotavit. Qua occasione ignorare nolumus eruditos, Moscos quosdam cordatiores vehementer hodie optare, ut deprehendantur, qui solide & per compendium, Latina quidem lingua, quodnam sit inter Romano-Catholicorum & Russorum sive Græcorum religionem verum discrimen, doceat, quod illi his persuadere multis modis conantur, Moscoviticam cum Pontificia in præcipuis convenire, a Protestantium vero sacris longissime distare. Verum ut ad libellum nostrum redeamus, ea tantum hic quoque attingemus, quæ ipsum Potentissimum Moscorum Monarcham concernunt, ab Auctore, fide dignis haud dubie documentis instructo, relata. Constantiæ illustre in Belgio exemplum præbuit; cum enim haud procul Harderovico subita tempestate jactaretur, ut ægre fluctibus eripi posset, intrepidus hoc unum dixisse fertur: *An unquam Imperatorem aqua submergi vidistis?* quæ non absimilia sunt illis, quæ Julius Cæsar dixisse memoratur: *Quid times? Cæsarem vebis, & fortunam ejus.* Sed en exemplum aliud. Cum Narvam A. 1704 secunda obsidione cingere cœpisset, accidit ut navis quædam ad transportandum in urbem militem Suecum & necessaria alia parata, a cæteris navibus vi tempestatis avulsa, ad litus Russis proximum allideret, quam etsi hostes e navibus conti-

P. 74.

244.

nuo

nuo in eam jacularentur, primus conscendere Cæsar ipse ardebat. Itaque forte equo insidens, saltu se una cum illo in altum præcipitat, & cum equus procellis ingentibus resistere non posset, mox eo misso in mare se projicit, navique adnatans eam magno suorum tripudio conscendit, manuque propria hostile signum tollit. In eadem obsidione egregio dignoque, quod ad posteros propagetur, stratagemate usi sunt Mosci. Nam aliquæ legiones, vestes captis Suecis detractas indutæ, quarum agmen ipse ducebat, velut opem obsessis laturæ, die 8 Junii ad urbem appropinquabant, quas, simulata hostilitate, Mosci aliqui insequabantur. Cum ergo Sueci, quo tutius reciperent adventantes, eruptionem fecissent, circumsepti mox, & partim cæsi, partim capti, partim cum iaculo in urbem reiecti sunt. Hoc stratagma Poeta quidam, ad Sabinarum adludens raptum, ita celebravit:

p. 246.

*Non fuit imbelles res ardua fallere amicas,
Nostrium est armatos funderè mille viros.*

Cæterum non dissimulat Auctor, reperiri in hac Relatione nonnulla antiquata, quæ mores obsoletos & cura moderni Russorum Imperatoris abrogatos concernunt, quæ in secunda, quam medietatur, editione, monitus emendabit. Sic enim legem vel morem Moscis supplicaturis esse asserit, ut literis ad Czarem datis, nomina in diminutivo subscribant (e. gr. Jacobus se Jacobulum, Johannes Jwanuska, Petrus Petruscam, Alexander Alexascam, vocet) atque olim quidem id moris apud Moscos fuit, quo magis hominis ita imminuti humilitate Principem colerent, addito insuper *cholo*, quod vile mancipium (Sclave) denotat; enimvero id publico nunc edicto prohibitum. Damnatus etiam publica lege olim erat herbæ Nicotianæ usus, ne forte plebejorum incuria in urbe, quod in ligneis ædibus sæpius contigit, incendium exciteretur; at hodiernum tabaci usus promiscue non interdictus.

89.

138.

S. EUSEBII HIERONYMI, STRIDONENSIS
Presbyteri, Operum Tomus Tertius, studio JOHANNIS
MARTIANAT, Presbyteri Congregationis
S. MAURI.

Parisiis, apud Claudium Rigaud, A. 1704, in fol.
Alph. 10, plag. 6.

IN meliorem, Benevole Lector, interpretaberis partem, si tardius forte, quam sperasti, novæ Operum S. Hieronymi editionis relatio sit continuata, præterlapso jamdum sexennio, ab anni videlicet 1699 mense Decembri, quo in Actis huius pag. 529 Tomum secundum recensuimus: moræ enim huius originem vindicant sibi partim adversa Clarissimi Editoris valetudo, partim litterarum commercio infensæ turbæ bellicæ. Hæ vero sicuti non omnes, quas erudita Gallia producit fruges, nostris hæcenus denegarunt oris, ita illam superavit non solum Medici prudentis solertia, sed potissimum fidelissima *Nicosrati Bara* opera, quippe quem celeberrimus Martianæus, in emaculando suo Hieronymo, novum sibi selegit sodalem. Complectitur autem Tomus hicce tertius commentarios in Prophetas, quatuor Majores, uti distingui solent, & duodecim Minores, eadem cura emendatos ac fide, quam priorum recognitione Erudito Orbi demonstravit. Præmissa hæc vides duo prolegomena. Priori Auctor probat, atque contra adversarios suos defendit, operæ a se susceptæ necessitatem, adductis in rei testimonium aliquot locis, quæ in codicibus Hieronymi, ab Erasmo & Mariano recognitis, corrupta reperit, atque integritati suæ pristinae restituit. Has enim editiones compluribus laborare queritur mendis, sive Hebraicum spectes sermonem, sive Græcum, sive Latinum. Et Hebraica quidem, quæ in hac Prophetarum interpretatione occurrunt, unde adulterationem passa sint, causas dari duas, sibi habet persuasum. Quarum altera est litterarum Latinarum in Hebraicas immutatio. Hieronymum enim verba textus Hebraici, quæ in commentationibus hisce adhibuit, caractere exarasse Latino, uti testari putat, quotquot in terrarum orbe extent codices manuscripti: ea vero ab Erasmo & Mariano litteris exscripta esse Hebraicis. Altera est additio punctorum & vocalium, quibus codex Bibliorum Hieronymi fuerit destitutus, cum ducentis demum vel trecentis post ejus ætatem annis, a Massorethis textui sacro sint apposita. Hinc corruptas esse voces in Hieronymo Hebraicas, aliquot exemplis probare insti-

instituit, collata veterum cum sua editione. Sic in comma ultimum Cap. II Jesaia, asserere ait Hieronymum, in Hebræo *Bama* legi, probare etiam, legendum *Bama*, id est, *excelsus* vel *excelsus*, & non *Bamma*, quod denotat *in quo*, & nihilo tamen minus Erasmus ac Marianum Judaicam Hieronymo inseruisse lectionem *במא bamma*, & tali ratione Hieronymum representasse absurdissimum. Liceat aliud documentum adferre ipsis Auctoris verbis, quo evincere existimat, nihil in antiquis vere Hieronymianum superesse editionibus. In Cap. 47, v. 2, ejusdem Prophetæ ita Hieronymus est commentatus, secundum editionem veterem: *In eo, ubi nos interpretati sumus, denuda turpitudinem tuam, pro quo LXX transfulerunt: ἀποκάλυψε τὸ κάλυμμα, id est, revela operimentum: Theodosio ipsum verbum Hebraicum posuit תלחש (simlatech,) Aquila סמטעך (Sammatech,) Symmachus τὴν σιωπῆσίν σου, quod nos exprimere possumus taciturnitatem tuam, quod taceri debeat præ verecundia: quod quidem & in Cantico Canticorum legimus, ubi sponsa pulchritudo describitur, ad extremum infert: absque taciturnitate tua &c.* Sed Auctor noster in nova sua editione eandem pericopam ita immutatam exhibet: *in eo ubi nos interpretati sumus, denuda turpitudinem tuam, pro quo LXX transfulerunt, revela operimentum, Theodosio ipsum verbum Hebraicum posuit SAMTECH; Aquila SEMMATECH; Symmachus τὸ σιωπηλόν σου, quod nos exprimere possumus taciturnitatem tuam, quod taceri debeat præ verecundia &c. &c.* Pluribus superfedemus pro demonstranda textus Hebraici in Hieronymo emendatione; Græcas autem litteras quomodo integritati restituerit, advertimus, quippe quod pariter locorum quorundam comparatione demonstrare satagit. E. gr. Quando in Jes. cap. XIX ex veteris editionis tenore lego: *pro junco, papyrus LXX transfulerunt, de quo charta fit: addentes de suo ἄχυρον τὸ χλωρόν, quod in Hebræo non habetur; secundum novam editionem ita legendum est: pro junco, papyrus LXX transfulerunt, de quo charta fit, addentes de suo ACHIVIRIDE, quod in Hebræo non habetur.* Tandem Latina quoque in veteri editione occurrere testatur, quæ aliter legi debeant. Ut pote quando in Cap. 3 Jesaia hæc invenit verba: *qui cum pan-*

nis & sordibus vitam a Rege Syria precabantur. (Et pro crispanti crine calvitium) pro continuis longis & ascendentibus orationibus, quæ per crines significantur, habuerunt calvitium, mentem undique obsruseam, & ad tacendum ab orationibus firmatam. (Et pro fascia pectorali cilicium.) in admirationem rapitur Noster, neque unde hæc omnia in textum Hieronymi irreperint, potuit perspicere, cum in codicibus manuscriptis præter hæc nihil invenerit: *qui cum pannis & sordibus vitam a Rege Syria precabantur. Et pro fascia pectorali cilicium.* Posteriori prolegomeno instituit horum Hieronymi in Prophetas commentariorum chronotaxin. Et Jesaiam quidem collustrasse eum conjicit circa A. 410; Jeremiam per intervalla, initio interpretationis non ante annum 416 facto, cum reliquos Prophetas omnes jamdum enarrasset. Ezechielis exegesi accessisse proxime ab explanatione Jesaiæ, cui & belli turbis, & amicorum calamitatibus, non parum impeditus, quadriennio sit immoratus. Daniele interpretatum esse intra annum 398 & 406 vel sequentem, id quod Noster ex eo colligit, quod hunc laborem a Paulino rogatus circa annum 398 suscepit, eidemque & Pammachio ac Marcellæ demum anno circiter 407 dedicaverit. Duodecim Minores autem Prophetas explanasse ordine plane præpostero, non a primo usque ad novissimum, eo quo leguntur ordine, sed uti potuit & rogatus est, ceu disertis ipsius verbis probatur; ex quibus simul ostenditur, quod hac opera anno 406 defunctus sit, quam jam ante annum 392 susceperat. Postquam ita prolegomenis contenta indicavimus, annotationes quoque textui Hieronymi subjunctæ forent recensendæ, quæ vero cum lectiones potissimum concernant variantes, quarum specimen jam accepimus, suffecerit vel unam alteramque, quæ ipsi sacro codici lucem aliquam adferant, subjunxisse. In Cap. VII Jes. pag. 71, Hieronymum vocem *Alma* recte exponere de virgine abscondita & secreta, confirmat more isthoc antiquo, ab Hesiodo, Josepho & aliis commendato, quo puellæ ita educabantur, ut domi apud matres delitescerent, neque nisi necessitas & cultus publici ratio id flagitaret, in publicum prodirent. Ad Cap. XV p. 166, observat, *aquam* Egyptios appellare Mo, unde Moses idem sit ac *ex aqua salvus*. Super. Cap.

Cap. LII p. 374 differit de animali נִינִי sive נִינִי, quod ipsi est *Oryx* aut *bos sylvestris*, ruminans ac ungulam dividens; unde ab Hieronymo Levit. cap. XI allegetur, non ac si nomen illius in eo occurrat, quippe cuius tantum Deut. XIV 6, & hic loci mentio fiat, sed quia ex immundis, quæ ibi referuntur, animalibus est. Ex Ezechielis Cap. XVI p. 782 demonstrat, distinctionem capitum in versiculos antiquam ab ea, quæ datur in editione vulgata, distare longissime, cum in hac capitulum præsens dividatur in 63 versiculos, Hieronymus autem heic ducentos numeret. In ejusdem oraculi, Cap. XLI p. 1002, exponit Amianti lapidis in Cypro nati indolem, quod scissili similis sit alumini, & si telæ ex eo confectæ in ignem conjiciantur, nulla lædantur parte neque comburantur, sed nitidiores evadant. Cognosces vel ex hisce, B. L. qualis sit florum sparsio, qua hæc nova ornata est editio. Non eo minus tamen, de præstantia illius ac necessitate, tam acerba extitit inter viros ex utraque parte eruditissimos controversia, ut quæ in illa mandata sunt literis, vix sine famæ utriusque offensione referri, uti par est, queant. Scilicet queritur Clarissimus Martianus Tomi hujus III p. 1165, Celeberrimum Joh. Clericum tam dura perstrinxisse castigatione in Pentateucho suo Mosaico Hieronymum, ut Operum ejus recognitionem perperam suscepisse sibi videretur, nisi hac dica eruditionem Hieronymianam liberaret. Proinde Vindicias inseruit Tomi II initio, sed ea affectas acerbitate, quæ Clerico, uti passim testatur, extorserunt Quæstiones illas Hieronymianas A. 1700 Amstelodami vulgatas, in Actis hisce anno 1701 p. 31 recensitas, in quibus partim suam de Hieronymo sententiam confirmat, partim ipsum Antagonistam suum aggreditur. Ad has respondet Noster, tum in Tract. sub tit. *Traité Historique du Canon de Livres de la Sainte-Ecriture*, Parisiis 1703 publicato, & quidem p. 402 & seq. tum in Tomo præsentis ad calcem oraculorum Danielis, & utrobique Hieronymi asserit doctrinam, suæque editionis necessitatem & præstantiam. Ne omni plane silentio prætereamus, quæ hac defensione eruditionis Hieronymianæ continentur, vel ex iis duntaxat, quæ ipsum Hieronymum attingunt, unum alterumque argumentum excerpamus. Nimirum Græcas non exacte calluisse literas Hieronymum, collegerant.

Scaliger & Clericus ex versione Latina Chronici Eusebiani, quippe quæ passim in vocum ac phrasium veram significationem impingere ipsis videtur: sed Noster loca malæ interpretationis, ab Hieronymi censoribus allata, ita exponere studet, ut divo Doctori suus constet honos, in illos autem recidat culpa imprudentiæ. Vel primum id efficiat exemplum. Celebrem Eusebii de Mose omnium Prophetarum primo locum Hieronymus interpretatus, vocem ἀμφὶ reddiderat *ante*, cum vulgo *de* significet. Quod cum Clericus reprehendisset, regerit Martianus, id studio fecisse Hieronymum, ne Eusebius sibi ipsi adversari videretur, quandoquidem alibi Abrahamum, alibi Jacobum inter omnes primum de Christo vaticinatos esse asseruerat. Porro neque Hebraicæ linguæ adeo peritum fuisse Hieronymum, sed quandoque in orthographiæ regulas, nonnunquam in nominum constructionem impigisse, vel ex eo Clericus effici posse dixerat, quod literas מ, ח & ע in nominibus מִשְׁטוֹב, חִירָא & עִירָא cum litera Jod diphthongos constituere, & quintam generationem Hebraice dici posse מִישָׁה רֹר existimavit. Verum Noster demonstrare satagit, recte Hieronymum pronunciasse nomina hæc propria, vocato in veritatis testimonium codice manuscripto Alexandrino LXX Interpretum, in quo *Husbofeth* scribatur per diphthongum: Εἰςβοσθαι *Eiebofthai* 2 Reg. II, 10, & solocismum commisisse pertinaciter inficiatur, causatus, vocem חִישָׁה esse masculinam.

JUSTI FONTANINI, FORO JULIENSIS, IN
*Romano Archi-Gymnasio Publici Eloquentiæ Professoris, Vindictæ antiquorum Diplomatum adversus Bartholomæi Germonii Disceptationem de veteribus Regum Francorum Diplomati-
 bus &c. Libri duo. Quibus accedit veterum
 actorum appendix.*

Romæ, per Franciscum Gonzagam, 1705, in 4.
 Constat 1 Alph. 16 plag. ch. major.

MAbillonii causam diplomaticam a Germonio, ut mensis Junio memoravimus, validis ad speciem lacertis oppugnatam, uni-

universæ Reipublicæ literariæ communem judicavit, atque Illustrissimi Abbatis Dominici Passionei hortatu, suam quoque fecit Clarissimus Fontaninus, proindeque non inglorium duxit in hoc libro, quem singulari ejus benevolentia ad nos pervenisse grati profitemur, cum audaculo hoste arma conferere, ac cœnobarum adeo doctissimi promachum agere. Sub auspiciis ergo certaminis stomachum ipsi movet, quod Papebrochio in causa, quam is penitus jugulatam candide despondit, suppetias nunc demum parare præsumsit Germonius; magis autem miratur, cur incredulam ejus mentem nec concordantia summorum virorum suffragia, nec tot præstantes canæ vetustatis reliquæ, quarum splendidissimum numerum init Noster, ad rectum tramitem inclinare potuerint. Archiva enim ac tabularia Ecclesiarum & Monasteriorum lapideis arcibus & fornicatis turriculis custodita semper fuisse, ex historia planum reddit; tantum abesse ut instrumenta chartis inscripta susque deque habuerint, prout Germonius persuadere voluit. Dehinc temeritatem antagonistæ ridet, qui nulla in phylira exarata authentica etiamnum superesse, refragante licet veritate asseruit. Aliam diplomatum, aliam librorum fortunam & custodiam olim fuisse, colligit. Licet autem illorum potior haberetur ratio, quoniam ad domini aliorumque jurium probationem faciebant, hisce tamen emendandis viros dignitate conspicuos operam posuisse, e Virgilio, Livio, Cæsare ac Terentio manuscriptis demonstrat. Cæterum gemina fere semper autographorum exemplaria veteres fieri curasse, Ripuarios etiam donationes suas scripto confirmare suevisse, non siccis argumentis evincit. Quid nomine *Notitia*, seculo maxime undecimo usitatæ veniat, accurate exponit. Tum Chlotharii & Ludovici Pii leges a Germonio perperam explicari, atque ecclesias nudo triginta annorum lapsu ab exhibendis possessionis suæ juribus nullatenus immunes haberi, multis corroborat. Inde enim in historia passim narrari, quanta illæ sollicitudine privilegiorum & concessionum suarum confirmationem a Principibus petierint, quantoque infortunio adscriptum, si chartæ alicubi pessundatæ ac perditæ fuissent. Aquilejensem urbem, licet toties everfam, diplomata tamen Imperialia, a Carolo Magno ad Carolum IV. usque, longa serie adhuc pro-

C. 1.

C. 2.

C. 3.

C. 4.

- C. 5. ferre posse. Poenas deinde instrumentorum falsatoribus olim inflictas, atque rigorosa examina in discernendis chartis adulterinis antiquitus usitata recenset, nullamque spuriam e vetustis illis confectis superesse putat.
- C. 6. Diplomatomastigi indignatur, quod *artem* quidem *secernendi antiqua diplomata vera a falsis* in fronte atque in singulis paginis libelli promiserit, in contextu vero *vetustiora diplomata vera vix posse, ut nunc res sunt, certo secerni a falsis* contenderit, omniaque sublevis adnumeraverit.
- C. 7. Ast in sequentibus capitibus arietes ejus contra instrumentorum orthographiam & stilum admotos fortiter eludit, atque inter plura alia Francos Latinum idioma, in Gallia ante receptum, lingua sua conspurcasse & Romanorum insuper characteribus eliminatis, Merovingicum scribendi modum introduxisse, historiarum istius ævi, tum monetarum adhuc extantium, fide tuetur. Antea tamen in transitu quasi observat, Longobardos ad imitationem Francorum, qui Galliam Transalpinam in Neustrasiam & Austrasiam diviserunt, Galliam quoque Cisalpinam & Transpadanam, bifariam separasse, Venetæ provinciæ Austriæ nomen, Insubriæ vero & Liguriæ Neustriæ appellationem tribuentes. Quod cum ignorarent historici Itali, caput Austriæ hujus Italicæ, Forum Julii, cui *Austria* nomen adhæsit, a Rosimunda quadam Austriaca ita nuncupatam commenti sunt. Eodem erroneo ausu Lazium etiam Austrasiam Francicam in Italiam protensam, atque ideo agrum Venetiis proximum Austriam a Paulo Diacono dictam prodidisse. Quemadmodum vero duplicem literas pingendi rationem tenuerint veteres, quadratam alteram, alteram minutiorem, ita & Gallos, post Francorum adventum, duplici characterе usos fuisse, cum Mabillonio Noster conjicit. Diplomaticam porro scripturam a literaria atque usuali diversam faciem, atque Merovingicos characteres Romanis intermixtos habuisse, quin & Longobardicam Merovingicæ simillimam extitisse autumat. Cateroqui chartam plenariæ securitatis Ravennatensem, non Longobardicis sed Gothicis literis constare credit. Stylum autem quod attinet, illum vel Ciceronis ac Quintiliani ætate, a turba forensi inquinari oportuisse; multo magis igitur gentium barbararum invasione orthographiam sordibus adspergi, & pronuntiationis sonique diver-

veritate linguam ipsam Latinam in pejus ruere coepisse statuit. Nec obesse, quod Cassiodorus, Priscianus, atque Ilidorus recte scribendi regulas suo tempore tradiderint, cum sanæ dialecticæ repugnet, ut ideo quosvis notarios, referendarios & tabelliones Latini sermonis peritos statim æstimemus. Denique ipsam diplomatum barbariem eorundem sinceritatem testari perhibet, siquidem tabelliones plebejis idiotisimis & pronunciandi modis in gratiam vulgi uti maluerint, Latinitate jam corrupta, & provincialibus gentis suæ vocabula Latino canone inflectere tentantibus. Contigisse tum temporis, ut quod reliquum adhuc esset eruditionis, Monachis in peculium quasi cederet, Clericique nomen ei imponeretur, qui literas calleret. De Anonymi Sandionysiani ætate ubi sermonem instituit Noster, cum Hilduino Abbate, qui sub Ludovico Pio floruit, paulo seniore facit, simulque supinam ejus oscitantiam crebrasque hallucinationes propalat, ut Germonium frustra esse indiget, qui dum Anonymum hunc multa diplomata Dagobertina, a Doubletio & Mabillonio demum vulgata, prætermisisse jactat, ideo nullum istorum in archivo Dionysiano illius ætate extitisse, nimis præcipitanter affirmat. Sic tota die accidere, ut viri graves magno sæpe numero moliantur opera, posteris tamen largam spicas legendi materiam relinquant. In altero libro, (ex priore enim hætenus dicta decerpimus) ipsa diplomata Mabilloniana, quibus litem de natalibus scripsit Censor, sigillatim vindicat Eruditissimus Autor, quem per omnia insequi instituti nostri ratio haud patitur, adeoque nonnullos saltem ex uberrima mæsse colligemus fructus. Et quidem subscripturos olim in instrumentis aliena sæpe manu nomina sua adpingi curasse, nec decori sibi duxisse viros nobiles & principes, imo & episcopos interdum, scribendi imperitiam suam inibi fateri, pluribus exemplis illustrat, quæ eo minus suspecta videri debent, quod ipse Imperator Carolus M. eruditorum licet suo tempore facile primus. testante Eginhardo, literas effingere nesciverit. Chrodochildem Theodoricæ R. conjugem non subjectionis, sed benevolentia causa *Reginam nostram* vocari docet, quandoquidem illa consuetudo, ut uxores Regum eorundem Reginae audierint, vel ad undecimum seculum duravit. In Episcoporum exauctoratione eorum vestes

C. 10.

C. 11.

L. II.

C. 3.

C. 6.

C. 7.

Hh h

con-

- C. 9. conscindi moris fuisse. Pipinum consulto utique a Zacharia Papa, in Regem Francorum unctum, neque id grave Gallis videri debere, stabilire conatur. Clodoveum III Regem Chlotarii etiam nomen gessisse, contra Germonium defendit, eaque occasione alia binominum exempla notat, in Dadone Referendario, qui Audoenus; in Aribone Frisingensium Episcopo, qui Cyrinus; in Chilperico III R. qui Daniel; in Alcuino, qui Albinus; in Arnone Salisburgensium Episcopo, qui Aquila; in Bonifacio Moguntino, qui Winfridus; in Poppone Aquilejensium Patriarcha, qui Wolfgangus; in Margareta Carinthiae Ducissa, quae Elisabetha, appellati quoque veniant. Voces *regalis serenitas* nihil monstri portendere in instrumentis, sed Carolo M. multo antiquiores esse urget. Comititia veterum Francorum annua, in quibus de jure dicundo, legibus ferendis, gravaminibus & denariis populorum excipiendis, aliisque rebus publicis tractatum, primo Campum Martii, quoniam illo mense habita, ac deinde Maji campum, quia in hunc mensem rejecta, vocitata fuisse, solide adstruit. Qua de re sollicitus Reinesium & Rivinum erroris insinuat, quorum ille sub Morovingicis Regibus ad Calendas Maji conventus publicos indictos existimavit, cum tamen Pipinus demum hujus instituti mense Majo servandi autor fuerit; hic vero ludicra illa atque impudica spectacula, Majumas voce Graeco-latina appellata, Germanos & cumprimis Francicos Caesares *Maicampum*, *Maikamp* vocavisse ac celebravisse, longe confidentius opinatus est. Tandem diplomata, propter notas chronologicas male inter se concordantes, non protinus tanquam spuria explodenda arbitratur, quum in plurimis, ad mensuram temporum barbari aevi pertinentibus, nobis minime compertae sint veteres consuetudines & stili vulgares atque forenses, in annorum serie collocanda. Evidentius autem hoc apparere posse e recentioribus quibusdam exemplis, dum scilicet Concilium Tridentinum finitum dicatur d. 4. Decembr. A. 1563, bulla tamen Pii IV Pontificis ejusdem confirmatoria promulgata extet d. 26. Januarii A. 1563, unde sane difficultas summa oriretur, nisi constaret, in tabulis cancellariae Apostolicae annos non a Nativitate, sed ab Incarnatione Christi, nempe a Martio numerari; in actis vero Concilii communem stilum anno-

annorum vulgarium retentum fuisse. Similiter in memorata bulla Pii IV Alexander Cardinalis Farnesius, ut Episcopus Sabinensis subscribit, qui nihilominus in attestazione ejusdem Diaconus solum Cardinalis insignitur. Cum ergo idem Episcopus atque Diaconus una die esse nequeat, adeunda erunt Acta Consistorialia Curiae Romanae, quae Cardinalem Farnesium aliquot menses post confirmationem Concilii in Episcopum Sabinensem electum, bullam etiam post aliquot menses subscriptam, diem interim adprobationis ibidem remansisse loquentur, adeoque dubium istud quam citissime evanescet. *Hinc ergo videat Germonius, inquit, Noster, quam merito suis conjecturis tantum tribuat; ut eas adversus diplomatum auctoritatem sufficere nullus dubitet; unde omnium fidem vacillare pro certo habet; atque artem diplomaticam a Mabillonio institutam funditus ruere.* Succedit jam appendix Acta vetera quinque nunc primum vulgata complectens, quorum mentio injecta in hisce Vindiciis, editio autem perquam accepta fiet palaeophilis. Ex primo authentico, quod tabularium Ecclesiae Forojulienensis suppeditavit, animadvertere libet, Morgengabam, seu donum illud matutinale sponsae altera nuptiarum die a sponso offerri solitum, barbara phrasi nominari *pretium in mane*. Sed plures ejusmodi venerandae antiquitatis exuvias Celeberrimo Viro suppetere novimus, quas ut aliquando in Literarii Orbis ornamentum depromat, omnibus ab eo votis efflagitamus.

ICESARI IN ARGENTO DA GIULIO CESARE
*fino a Trajano, raccolti nel Farnese Museo e pubblicati colle loro
 congrue Interpretazioni. Tomo secondo composto dal Padre
 PAOLO PEDRUSI della Compagnia de Gesu, e dedicato all'
 Altezza Serenissima di FRANCESCO I Duca di Par-*
ma, Piacenza, &c.

i. c.

CAESARES ARGENTEI A JULIO CAESARE AD
*Trajanum usque, collecti in Museo Farnesiano & divulgati cum
 conveniente illis interpretatione. Tomus II, auctore P. PAULO
 PEDRUSIO S. J. Dedicatus Serenissimo Parmae & Pla-*
centiae Duci FRANCISCO I.

Hhh 2

Par-

Parmæ, in Typographia Ducali, 1701. fol.

Constant 5 Alph. 3 plag. & æneis tabulis, quibus numi insculpti sunt, 34.

Primus hujus elegantissimi operis Tomus A. 1694 publici juris factus est, & suum inter Acta Eruditorum locum A. 1696 mense Februario pag. 57 sqq. invenit, ubi plura Lector Benevolus notatu digna deprehendet, quæ ad cognitionem Thesauri Numismatum Farnesiani, ex quo & secundus hic Tomus depromptus est, pertinent. Inter alia tum memoravimus, præclarum hoc opus, juxta Eruditissimi Auctoris primum institutum, sex completurum Tomos, quorum primus aureos Cæsarum numos; secundus eorundem argenteos; tertius maximos eorum æreos, vulgo *Medaglioni*, & qui iis proximi magnitudine accedunt; quartus mediocres & minores æreos Cæsarum; quintus Consulares seu Familiarum Romanarum; sextus & postremus numos Regum exterorum, Syriæ puta, Ægypti, Macedoniæ, Siciliæ aliorumque Barbarorum, & Græcos insuper seu veteris Asiæ Græciæve populorum, insularum, urbium recenscat. Sed vero statim in secundo Tomo mutandæ sententiæ imposita Auctori est necessitas, quod tanta se offerret argenteorum numorum copia, ut contineri unius Tomi intra terminos non possent, sed in duos essent distribuendi. Ubi id statim inuimus, nulla in secundo hoc Tomo reperiri numismata cum Græca inscriptione argentea, sed ea omnia ab Auctore ex instituto ad finem tertii rejecta. Neque dubitamus, in reliquis etiam, imprimis æreis Cæsareanis minoribus, cum apparatus Auctoris fecundæ eruditioni objectum iri, ut sæpius, non sine approbatione tamen Eruditi Orbis, contra limites præscriptos sit peccaturus, opusque in plures, quam putaverat, tomos excreturum. Dolemus vero non immerito, non potuisse citius Benevolo Lectori indicari a nobis, opus ipsum ab Auctore strenue continuari. Nescimus enim, quod fatum secundus hic Tomus fuerit expertus, qui mature satis a Pedrusio per Virum Illustrem, Antonium Magliabechium, benigne transmissus, tam sero ad nos pervenit; post quem tertium etiam atque quartum jam prodiisse, ex eodem celeberrimo Magliabechio accepimus, quibus ut maturius potiamur, quantum per

TAB. IX. ad A. 1706. M. Sept. pag. 429.

Fig. I.



Fig. II.



Fig. III.



Fig. IV.




Fig. V.





Fig. VI.



per bellicos in Italia hoc tempore motus fieri poterit, curabimus. Nunc vero, ut ex secundo Tomo vel nunc demum, speciminis loco, quædam decerpamus, instituti nostri ratio requirit.

Ultimus numus in TAB. I, qui octavus est numero (nobis in Tabula IX primus) in adversa pagina laureatum & velatum Cæsaris caput exhibet, eamque ob causam inter rariores referri meretur. Inscriptio est DICT PERPETVO CÆSAR, *Dictator perpetuo Cæsar*. Aversa pagina Venerem sistit, quæ sinistra hastam, dextra Victoriam alatam flexis genibus & fasciolam manibus protendentem gestat: unde Venerem victricem esse cognoscitur. Nam fascia victoriæ erat signum, quemadmodum & Corinnæ, puellæ Poëticis studiis clarissimæ, data capiti fascia traditur, quod Pindarum Thebis melico carmine superasset. Adscriptum legitur unicum verbum MACER, quod *Publium Sepullium Macrum* designat, cuius & alium numum in eadem Tabula jam supra no. 2 exhibuerat Auctor.

TAB. IX.
Fig. I.

In TAB. II conspicuus est numus quartus, nobis secundus. Antica vulticulum (ut loquitur Cicero ad Att. L. 14 Ep. 2) Bruti illius exhibet, qui magni Julii Monarchiæ Romanæ primi statoris patricio inclauit. Circa occiput legitur L. PIAET CEST, circa sin- ciput BRVT IMP. Postica præmium facinoris atque instrumenta, pileum scilicet, libertatis Romanæ signum, inter duos pugiones, quibus parta ea videbatur, medium ostendit; subjecta sunt verba EIDMAR, h. e. *Idibus Martiis*, quo ipso die Julius quinquagesimo sexto ætatis anno interemtus est, ut nihil utique ad conservandam execrandi facinoris memoriam desiderari in numo hoc possit.

Fig. II.

In eadem TAB. n. 6 argenteus Sexti Pompeji numus exstat, cuius & aureum e primo hujus operis tomo antea deprompsimus. Numi hujus (vide Fig. III) primam faciem caput Pompeji occupat, cuius ad latera urceolus & lituus, signa Pontificatum & Auguratum ejus denotantia; adscriptæ sunt literæ: MAG PIVS IMP. quas Noster legit *Magnus Pius Imperator iterum*, & probe simul observat, non ipsum hic Pompejum Magnum, verum ejus secundo genitum Sextum representari. Altera numi facies aliquot figuris nudis exornata est. In his quæ media est, dextro pede proram navis calcans, & manu dextra navale ornamentum, quod acrostolium, alii acroterium vocant, tenens, haud dubie indicat, præfecturam

Fig. III.

Fig. IV.

classis & oræ maritimæ Pompejo fuisse a Senatu commissam, unde & addita verba: PRÆF. CLAS. ET ORÆ MAIT. EX SC, *Præfetus classis & oræ maritimæ ex Senatus Consulto*. Apparent hic illic juvenes duo parentes decrepitos humeris portantes, qui pietatem ejusdem & misericordiam designant. Accidit enim Catanz in Sicilia, quæ sub Præfectura Pompeji erat, ut coorto in vicinia Ætnæ montis incendio, Amphinomus & Anapus parentes humeris susceptos per medios ignes asportarent. Singularis plane numus quartus est, quem in TAB. III, n. 3 depictum cernimus. Utraque ejus facies Antonii caput ostendit, ut vix appareat, quænam antica, quæ postica dici debeat, nisi forte ex ipso titulo aliquid hariolari velimus. Nam cum vulgo in Antonii numis hæc deprehendantur: *M. Antonius Imp.* antica erit, ubi *M. ANTONIVS*, postica vero, ubi *IMP.* legitur. Caput posticæ nudum omni ornamento destituitur; ad occiput lituus cernitur, quod Augur esset Antonius, eo- que in quibusdam numis legimus *M. Antonius Imp. Aug.* Anticæ vero caput radialem coronam, divinitatis symbolum, ostendit, quæ nullum Imperatorum ante Neronem usum fuisse, hætenus creditum est, quem Gallienus imitatus videtur, ideo a Trebellio Pollione superbiæ accusatus. Etsi enim aliqui Imperatorum post mortem atque apotheosin coronam hanc in numis, quales *restitutos* vocant, impetraverint, ut sunt Augusti Imp. numi cum hac corona & inscriptione *Divus Augustus*, a Tiberio cusi, primus tamen Antonius hanc coronam vivus sibi sumsit. Eam enim superbiæ ipsi inspi- raverat Asiæ populorum abjecta submissio; quippe cum Reges undique ad eum concurrerent, & Reginæ donis ornatuque certantes sese ac formam suam Antonio offerrent, Cæsare interea Romæ bel- lis occupato, corruptus exemplo animus in consuetum morbum re- cidit voluptatum, ut ex Plutarcho Pedrusius noster notat. Hinc filium filiamque, quorum ex eodem Cleopatrarum partu pater factus erat, Solem & Lunam appellari voluit, etsi verum illi Alexandri, huic Cleopatrarum nomen esset. Quin & Ephesiis Bacchum se salu- tari permisit, quem eundem cum Sole Deum gentilibus fuisse, Ma- crobius L. I Saturn. testatur. Cæterum obiter notamus hoc loco, Græciæ populos, Græce nugari solitos, faciliores in concedenda radiæ corona fuisse, quam Latinos aut Romanos. Siquidem Smir-
næorum

numorum ritum exhibet Trifanuf T. I p. 139, in quo junior ille, Caju Cæfar, non tantum laurea ob victoriam, verum & corona radiata, tanquam Sol oriens, cinctus confpicitur. Eundem numum æque ac alterum Claudi Imp. Græca infcriptione & corona radiata infignem, exhibet doctiffimus Morellius in numifmatibus undecim Imperatorum, quæ mortuo licet auctore, in lucem mox proditura fperamus. Quintus numus, in TAB. VIII, n. 10 obviuf, laureatum Augufti caput repræfentat, infcriptione in pofticam rejecta, in qua clypeuf votivuf inter laurof fufpenfuf literifque S. P. Q. R. circumdatus, addito fupra CÆSAR, infra vero AVGVSTVS, cernitur. Eft itaque hic *clypeuf votivuf*, literis CL. V indicatuf, quales ob felices eventuf S. P. Q. R. Diif dedicare in templis confueverat, qui cum rotundi fint, differunt a fcuto, quod oblongum & majoris formæ eft, unde & clypeum corium bovis veteres appellarunt. Lauri vero ideo hic exhiberi videntur, quoniam Augufto, cum orationem de ejurando Regno, ac dividendis provinciis habuiffet, inter aliof honoref decretum a Senatu fcribit Dio L. 53, ut ante ejuf palatium lauri ponerentur. Denique fextuf, qui in TAB. IX octavuf eft, magnitudine fua commendabilis eft, quippe inter maximi moduli numof (*Medaglioni*) ponendus videtur. Prima arca Augufti caput fpectandum offert, cum lemmate IMP. CÆSAR, altera fex fpicarum fasciculum oftendit, additum AVGVSTVS. Nimirum teftatur numuf de providentia Augufti, qua effecit, ne urbf annona deftitueretur, quo pertinent, quæ Suetoniu in Aug. cap. 18. 40, 41, 42 & 76 annotavit. Non minus notatu digna funt alia numismata. Sic in TAB. XIV, n. 11. Claudi & Agrippinæ Auguftæ capita jugata exhibentur, cum infcriptione CLAVD. CAES. AVG. AGRIP. AVGVSTA, in averfa Diana multimammea, cum epigraphe DIANA EPHESIA: in TAB. XV, n. 3 Neronis & Germanici capita jugata, addituf NERO. CLAVD. DIVI F. CAES. AVG. GERM. IMP. TR. P. COS, in poftica curru triumphali quatuor elephantibuf actuf, cui infident Nero & mater Agrippina, quod patet ex verbis CLAVD. NERONIS. CAES. MATE: in TAB. XVII, n. 8 Vitellii caput laureatum, cuju infcriptio AVLVS VITELLIVS GERMANICVf IMPERATOR AVG. TRIB. PO. in poftica duo capita oppofita, & lemma: LIBERI IMP. GERMAN.

Fig. V.

Fig. VI.

Sed

Sed filum abrumpimus, cum vel ex his, quæ adduximus, quantum laborem adhibuerit eruditissimus Pedrusius in explicandis numeris, constare lectori curioso possit. Nos certe styli elegantiam, enodationis facilitatem, profundamque eruditionem & lectionis copiam, ubique non sine insigni admiratione consideravimus. Quamobrem sine voto discedere non possumus; quin & ipsi clypeum votivum pro salute & vita Auctoris suspendimus, quo desideratissimum hoc opus ad finem feliciter deducere valeat.

LIBRI NOVI.

Al de Godgeleerde en Natuurkundige Wercken, beschreven door Mr. Johannes de Mey, in syn Leven Opper-Leer-Meester der Godgeleercheyt inde Hooge-School, oock Genees-Meester en Bedienaer des Goddelycken Woords tot Middelburgh in Zeeland. Tot Leyden, by C. Bousteyn &c. 1706. fol.

Resolutien der Heeren Staten van Hollandt ende West-Friesland van Consideratie, genomen zedert den Aenvangh der Bedieninge van den Heer Johan de Witt, beginnende met den 2 Aug. 1653, ende eyndigende mit den 19 Dec. 1668. Te Utrecht, by Willem van de Water, 1706. 4.

Le Droit de la Nature & des Gens. Traduit du Latin de feu Mr. Le Baron de Pufendorf, par Jean de Barbeyrac, avec des Notes du Traducteur. A Amsterd. chez Ger. Kuyper, 1706. in 4. maj.

Histoire des Guerres Civiles des Espagnols dans les Indes entre les Picarres & les Almagres. Traduite de l'Espagnol par J. Baudoin. A. Amsterd. chez Ger. Kuyper, 1706. 12.

Histoire de la Conquête des Isles Moluques, par les Espagnols, Portugais & Hollandois. Traduite de l'Espagnol d'Argensola. A Amsterd. chez J. Desbordes, 1706. 12.

Le Jardinier Fleuriste & Historiographe, ou la Culture Universelle des fleurs, arbres, &c. Par le Sieur Louis Liger. A Amsterd. chez Est. Roger, 1706.

Les Delices de L'Italie, par le Sir de Rogissard. En III Tomes. Enrichis de figures. A Leide chez Pierre vander Aa, 1706. 12.

Les Delices de L'Espagne & du Portugal, par Don Juan Alveres de Colmenar. En V Tomes. Enrichis de figures. Chez le Mesme, 1707. 12.

** ** **

ACTA ERUDITORUM,

publicata Lipsiæ

Calendis Octobris Anno M DCC VI.

ANT. PAGI CRITICÆ HISTORICO-CHRONOLOGICÆ in Annales Baronii Tomus III. Studio Franc. Pagi.

Coloniæ Allobrogum, sumptibus Societatis, 1705.
Constat Alph. 10. plag. 6.

QUæ Tomo præsentis historia comprehenditur, tempora nobis sistit barbarie, tyrannide & superstitione obscurata; fugatis ex orbe Christiano litteris; abolitis passim, in Germania præsertim & terris Septentrionalibus, Christi sacris, S. Bonifacii, S. Anscharii, aliorumque in propaganda fide sociorum, cura quâdantenus instauratis; dominante apud cæteros vana cultus divini persuasione. Omne, ferme linguarum, & quæ ad humanitatem ducunt artium, exspiraverat studium; disciplinæ tantis sepultæ jacebant tenebris, ut ridiculis Marculfi opus esset formulis; scriptorum bonorum doctorumque summam heic videas raritatem, & præter Bedam, Johannem Damascenum, ac Photium, vix reperiuntur, quorum nomina orbi sese commendent erudito. Doctrina pietatis in eam degeneraverat superstitionem, ut maxima Christianorum perfectione in Monachatu posita, Reges atque Principes, Theodosius nempe A. 617, Anastasius A. 714, Rachis Rex Longobardorum A. 750, Lotharius A. 855, aliique Monachum induerent. Præprinæ pericopæ, quam Clarissimus Auctor noster sibi constituit, historia Sanctis abundat in Ecclesia Pontificia celebribus, S. Bonifacio, S. Willehado, S. Lamberto, S. Hildebrando & centum aliis, quorum vitam studio persequitur, eaque fide,

fide, ut fabulas non raro obelo notet, atque ex Baronio debeat, uti vel ex sola Suiberti historia, cujus ad annum 711 meminit, videre est. Cum vero neque horum temporum, miserrima licet non immerito dicantur, memoria utilitate omni destituta, pauca quædam, more nostro, excerpemus ex emendatis nostris auctisque Baronii Annalibus. Initium itaque facit Noster continuandæ suæ historiæ ab A. C. 649, Pontificatus in Martinum collati memoria conspicuo, & progreditur ad A. C. 961, quo Otto M. imperium suum auspicatus est. Illo enim tempore, humanis erepto rebus Theodoreto successisse ait Martinum, auspiciis non adeo felicibus, quippe cui Imperator Constantinus, simulac in ejus consenserat electionem, injunxerit, ut Typum Monotheletis addictum in officio confirmaret. Mandato autem huic non obtemperasse Martinum, potius adversus Monotheletas Synodum Lateranensem coegisse, quin etiam ad S. Amandum Episcopum Trajectensem scripsisse, ut apostatas Presbyteros a functionibus suis removeret. Quapropter 653 anno ab Imperatore in exilium missus sit, atque in insulam Naxon deportatus, mox deductus Constantinopolin, inde Chersomam, ibidemque martyrio coronatus obierit, anno 655. Rebus hisce a Martino gestis inseruit, & quidem anno 652, regimen Ecclesiæ Interpontificii tempore, quomodo ab Archidiacono, Archipresbytero & Primicerio Notariorum fuerit administratum, & tandem electus Eugenius, ipso consentiente Martino. Ad A. C. 653 investigat ætatem, qua cessaverit *disciplina arcani*, tandemque sequitur Clarissimum Tenzelium, quippe qui invictis, uti fatetur, contra Schelstratium argumentis effecerit, tam in Oriente, quam in Occidente, sub seculi VII finem, ad conspectum Sacramentorum paulatim catechumenos esse admissos. Circa A. C. 655 Sigebertum Bonum memorat, Saxonum Orientalium Regem, adhortatione Oswii Regis, fidem Christianam amplexum esse, & in regnum sibi subjectum restituisse; Clotharium II Galliæ Regem curasse, ut gentes sibi vicinæ Warasci & Bajoarii per S. Agilum, cujus vitam designat, converterentur. Ad A. C. 656 S. Maximum strenuum Monothelitarum adversarium, cujus opera a Combefisio edita sunt, prima vice
anno

anno 655 cum Principibus in Secretario, hoc vero anno secunda in certamen descendisse cum Theodosio Episcopo Cæsareæ in Bithynia ac duobus Consulibus, mox Peberim in custodiam abductum, tandemque toleratis pro veritate variis calamitatibus, quarum etiam Anastasius Presbyter discipulus ipsius compos fuerit, mortuum esse in carcere A. 662. Ad eundem annum 656 retulit res a Sigiberto gestas & Clodoveo II Regibus Galliarum, quorum priori tribuit plerorumque, quæ in Gallia dantur, cœnobiorum ædificationem, posteriori plenarium in totam Franciam dominium. Ad A. C. 657 exponit festum Mediæ Pentecostes, a Græcis Μεσοπεντηκοστήν appellatum, quod nempe prioribus Ecclesiæ seculis celebratum sit Dominica IV post Pascha, quam Græci Dominicam IV Paralitici vocant, per integrum octiduum, in honorem Paschatis & Pentecostes, quasi hæc duo festa per Μεσοπεντηκοστήν vellent conjungere. A. C. 663 allegat Synodum Augustodunensem, etiam propterea notabilem, quod in quodam ejus canone Athanasius Symboli Nicæni auctor dicatur, quod antea a Scriptore nullo factum existimat. Ad A. C. 665 disserit de morte, virtutibus & scriptis S. Eligii, qui ex aurifabro Episcopus factus Noviomensis ac Tornacensis. A. C. 669 Pontificatum obtinuisse Adeodatum monet, Baroniumque, uti & Papebrochium, arguit parachronismi, defunctum autem statuit anno 676, postquam privilegium a Chrotberto Turonensi Episcopo S. Martini monasterio concessum confirmaverat. Ad A. C. 672 pluribus exponit, quæ Constantinopolis septem annis oppugnata a Saracenis, tandemque obsidione eorum dextre liberata, instituerit *festum Acatibisti*, quo Ecclesia Græca sabbatho quintæ hebdomadis Quadragesimæ celebrat hymnum *Acatibistum*, in laudem Deiparæ, ob Constantinopolin ejus ope a Dei hostibus liberatam, sub Heraclio, Constantino Pogonato, & Leone Isauro. A. C. 678 narrat, Frisios, permissu Regis Pagani Algisi, Christi sacris initiatos esse, ministerio S. Wilfridi Episcopi Eboracensis, cujus vitam, fata, exilium, itinera, de Episcopatu suo in Anglia contentiones, ab anno hoc ad annum 709, quo mortuus dicitur, prolixius persequitur. Ad A. C. 680 vindicat

adversus Baronium sinceritatem Actorum Sextæ Synodi generalis, quippe qui asseruerat, in Synodica Concilii Romani sub Agathone legi: *credimus & in Spiritum S. Dominum & vivificantem, ex Patre Filioque procedentem*, verba autem, *Filioque*, ab impostore quodam postea erasa esse. Ad A. C. 682 ex Mabillonio refellit Sigonium, qui in Historia de Italiæ regno scribat, ante Leonem II soli Ostiensi Episcopo aliquando fuisse concessum, ut aliis seclusis R. Pontificem consecraret, cum a tribus semper peracta sit ordinatio. A. C. 684 inseruit morem Europæorum tondendi pueros, quod filios aliquamdiu reliquerint intonso, deduxerint autem postea ad Episcopum aut alium quendam Clericum, ut ab eo cincinni demeterentur, qui hinc spiritualis Patris nomen obtinuerit. Ad A. C. 686 ex Papæ Cononis creatione, explicat ritus in consecratione Pontificum ante seculum XI observatos, & ordinationem ab inthronisatione distinctam observat. A. C. 711 nece Justiniani Imperatoris insigni, Tarikum refert ab Arabibus in Hispaniam missum sæpius cum Enecone Regis Roderici sobrino dimicasse, Hispanosque tandem penitus prostrasse atque dissipasse, qua pugna ipse etiam Rex perierit. Quæ victoriæ Saracenorum de Hispanis epocha cum memoratu digna sit, Marianæ & Josephi de Moreto Pampelonensi, celeberrimorum rerum Hispanicarum scriptorum calculum, quo eam ad annum 714 referunt, examini subjicit atque refellit. A. C. 712 sæviante in orthodoxos Philippico Imperatore, quosdam Ecclesiæ Episcopos invenisse narrat *Oeconomiam*, hoc est, ejusmodi fidei formulam, controversias cum Monotheletis concernentem, quæ sensu quidem gauderet Catholico, supprimeret autem voces *gemina in Christo voluntatis*, ut si hac ratione duo inter extrema teneretur medium, majus Ecclesiæ malum evitaretur. Quod institutum laudat in Johanne Patriarcha Constantinopolitano, S. Germano, & Andrea Creteni, eorumque *Oeconomiam* exemplo Basilii M. defendit. Ad A. C. 719 designat miserum Ecclesiæ Gallicanæ & Germanicæ statum, idque ex Hincmaro Rhemensi, qui discordiis Principum intestinis omnem ferme religionem Christianam abolitam pene esse, asserit. A. C. 726 Leonem Isaurum bellum indixisse imagini-

bus,

bus, acriter autem ob crimen hoc a Gregorio II objurgatum, duabus epistolis, male Gregorio III adscriptis: defecisse etiam Italiam injuria in imagines concitaram, non vero culpa Pontificis; quod penitus inficiatur. Ad A. C. 728 differit de libro Pontificum Diurno, ejusque auctorem Gregorii II ætate floruisse existimat. A. C. 731 Bedam mortuum dixerat Baronius; at Noster mortem ejus ad annum 735 refert, præterea, admittere haut vult, centenarium majorem obiisse, negatque auctorem esse Collectanei, quod in Epistolas Pauli sub ejus nomine vulgatum est. A. C. 743 Constantinum Copronymum continuasse imaginum persecutionem, Constantinopolitanos rebelles sedasse, & Artabasdam, quem Imperatorem creaverant, cum duobus filiis excœcasse. De eodem refert p. 210, quod non solum Copronymus cognominetur, ob elisum in aquam baptismi ventris onus, sed & Cabalinus, præsertim a Johanne Damasceno, eo quod odore & tactu stercoreis equini delectaretur. A. C. 755 martyrium subiisse S. Bonifacium memorat, celebrem Germanorum Apostolum, postquam Hassos, Thuringos, Bava-rosque Evangelii luce collustraverat, Episcopatus passim complures instituerat & monasteria, Concilia celebraverat, Suesio-nense, Germanicum II, & alia, cujus gesta annis superioribus occasione quacunque diligenter inspersit. A. C. 742 natum esse Carolum M. non in Germania, uti vulgo creditur, sed in Gallia, quod & reliqua ad vitam ejus & facta plane Heroica pluribus persequitur. A. C. 784 obiisse Fulradum Archica-pellani, cum Pipini tum Caroli; qua ansa de Archicapellani dignitate differit, & munus ejus in iis versatum docet, quæ per-tinent ad officia ecclesiastica & spiritualia cætera in Palatio curanda: quamobrem etiam ubique locum super Episcopos & Archiepiscopos obtinuerit. A. C. 785 Saxoniam, quæ tot-hactenus annis bello flagraverat, pacem recuperasse, postquam a Carolo redacta esset in provinciam, & Witichindus baptizatus, quem ipse Imperator ex baptismo suscepit. Ad A. C. 794 de Elipando agit, & Synodo contra illum habita, sententiamque ejus de Christo, quod Dei filius sit secundum humanam naturam adoptivus, refert inter hæreses, ad quam etiam Felicem reduxerit.

A. C. 822 Carolum M. cum Saxonum Trans-Albiano-
rum conversioni incumberet, epistolas scripsisse ad Archi-Episcopos cycli-
cas, quibus illos de ritibus baptismi consuleret. Ad quos prodie-
rint Theodulphi liber *de Ordine Baptismi* & Amalarii *de S. Bapti-
smate*, quorum posteriorem falso hactenus Alcuino suppositum
dicit. A. C. 814 Carolum M. ex vita hac migrasse, nomen autem
Magnus post mortem ei tributum, testimonio, uti addit, satis ma-
nifesto, diplomata, in quibus Magnus appellatur, non ab illo esse
profecta. A. C. 843 illigavit divisionem Imperii, Lotharium inter
Imperatorem, & Ludovicum Germaniæ Regem, & Carolum Cal-
vum Francorum Regem, ita institutam, ut regna occidentalia ce-
derent Carolo, Ludovico Orientalia, omnis videlicet Germa-
nia usque ad Rheni fluvium, & Lothario regnum quod in hunc
usque diem ejus nomine nuncupatur. A. C. 844 meminit Sergi-
um II sedem Pontificis obtinuisse, quem vulgo omnes *Os porci* an-
tea appellatum immutasse nomen sentiant, & consuetudinem
Pontificum mutandi nomen inde derivent; sed Nostro utrum-
que est falsissimum. Ad A. C. 848 docet, quomodo Gothe-
schaleus Prædestinationum errores propagaverit, & a Raba-
no Mauro refutatus sit. A. C. 867 Photium refert a Synodo
Romana damnatum, cujus turbas passim Commentariis suis in-
seruit, scripta autem ad ann. 886 retulit. A. C. 865 mortuum
esse Anscharium Hamburgensem Archi-Episcopum, postquam
Nordalbingensium conversionem perfecerat, in Dania & Suecia
Evangelium propagaverat, & Basilicas splendoris Sleswicz,
Bremæ & alibi extruxerat. Ad A. C. 876 differit de scriptis
Anastasi Bibliothecarii. A. C. 879 Baronius dixerat, Johan-
nem VIII, ad legationem Basilii Imperatoris, Photium suscepis-
se in communionem, ob quam animi timiditatem Papissa per-
contumeliam dicatur; sed Nostro hæc sententia penitus displi-
cet, & pro fabula eam habet, quæ ante seculum XIII conficta
non fuerit. Ad A. C. 897 reduxit furorem, quem Stepha-
nus VI Papa exercuit in antecessoris sui ossa &
cineres.

HISTO.

MENSIS OCTOBRIS A. MDCC VI. 439
HISTOIRE DE L'ACADEMIE ROYALE DES
Sciences. Année M DCCIV.

h. c.

HISTORIA ACADEMIÆ REGIÆ SCIENTIARVM
Anni 1704 cum Commentariis Mathematicis & Physicis ejus-
dem anni.

Parisiis apud Joh. Boudot, A. 1706 in 4.

Constat 2 Alph. 19 plag. cum multis figuris & 20 tabulis æneis.

AD Physicam generalem spectantia pauca in præsentì volumine traduntur: rerum vero Mathematicarum largissima est seges. Unus *Amontons* de Barometris nonnulla notavit, scitu summopere necessaria iis, quibus observationes Barometricæ accuratæ cordi sunt. Multis nimirum experienciis tum *Homborgii*, tum propriis, didicit, calore ipsum quoque Mercurium dilatari, adeoque gravitate aëris immutata, Mercurium ascendere vel descendere sola caloris vel frigoris actione, consequenter observationes non esse satis fidas, nisi accurate constiterit, quid in ascensu calori, in descensu frigoritribuendum veniat. Deprehendit autem in ipsorum climate Mercurium calore intensissimo gravitatis specificæ amittere $\frac{1}{15}$, quam habebat frigore maximo existente, ut adeo cum maxima Mercurii altitudo sit 28 digitorum, 4 linearum, non variato pondere atmosphæræ altitudo Mercurii calore intensissimo 3 augeatur, circiter lineis, quæ partem constituent octavam 2 digitorum, quos percurrit omnis Mercurii variatio. Jam quoniam omnis variatio caloris in thermometro ipsius, de quo in mensibus præcedentibus dictum est, 96 conficit lineas, dum per modo dicta in Barometro simplici, h. e. ex unico tubo, qui Mercurio solo repletur, constante nonnisi 3 percurrit; evidens est, dum calor augeat altitudinem liquoris in thermometro una linea, eundem augere altitudinem Mercurii in barometro nonnisi $\frac{1}{32}$ unius lineæ, ut adeo, si supponamus in thermometro regnante frigore maximo constructo altitudinem Mercurii fuisse 28 digitorum 9 linearum, altitudinem vero liquoris in thermometro eodem tempore 50 linearum, toties $\frac{1}{32}$ lineæ unius sit ex altitudine Mercurii

TAB. X.
Fig. I.

Mercurii subtrahenda, per quot lineas ultra 50 promotus fuerit liquor in thermometro, ut verum habeatur atmosphaeræ pondus. Aliter vero se res habet cum barometro composito. Notum est, barometrum hoc constare duobus globis seu cylindris A & B per tubum incurvatum A C B inter se communicantibus. Vas superius A in cuspidem desinit hermetice sigillatam. Dimidium superius ab aëre crasso vacuum, alterum cum tubo A C B & dimidio vase B Mercurio plenum, reliquum vasis B cum tubo coherente B D superius adaperto liquorem continet pro diversa aëris gravitate nunc descendentem, nunc ascendentem. Jam cum æstate Mercurius levior evadit quam hieme, atmosphaera liquorem in tubo B D satis sensibilibiter ad 3 vel 4 digitos detrudit, mendax gravitatis variatæ indicium præbens. Monet igitur, loco olei tartari vulgo tubo B D infundi soliti, adhibendum esse spiritum vini calore facile dilatandum, & augendam esse capacitatem vasis B, ut eam capiat liquoris copiam, cujus dilatatio ex assè suppleat levitatem Mercurii, nec quicquam adversus atmosphaeram agat. Capacitatem vasis B investigandi nullam methodum præscribit. Ad Mathematica tamen priusquam excurramus, nonnulla Anatomica & Chymica delibare, atque ex Anatomia Castoris, quam una cum vivendi genere hujus animalis *Sarrasinus*, Medicus Regis Cannadensis, ad Turnefortium prolixè & accurate perscripsit, singularia tantummodo circa structuram cordis capitisque indigitare liceat. Nempe ad cor castoris vena cava inferior in sacculum quendam, sesquipollicem circiter longum & latum, fibrisque carneis instructum expandi simulque sanguis a vena cava aëque superiori, ac subclavia sinistra in eum infundi ideo videtur, ut ventriculus sinister æqualis cum dextra capacitatis sufficenti repleatur sanguine, tametsi auricula sinistra dextræ auriculæ amplitudini multum cedat. Ne sanguis autem descendens per sacculum ejusmodi facile regrediatur, obstant valvulae, infimam ejus partem magis angustatam interne munientes. Os occipitis posticæ capitis regioni ad instar laminæ deprehenditur impositum, sinus autem falciformis atque anfractus cerebri uti frustra indagantur, ita cerebelli e contrario multæ conspiciuntur tuberositates figuræ diversæ,

TAB. X. ad A. 1706. M. Oct.
pag. 440. 599. I.....A

pag. 440. 599.




Fig. 3.





Fig. 2.

Fig. 1.

A View of the ...



diversæ, piæ meningis medio ab invicem separata: In magno oculi cantho tertia locatur palpebra, illius perquam exigui corneam instar veli regens; dentium vero incisivorum, quorum duo cum octo molaribus cuilibet maxillæ infiguntur, & bases, & radices sunt notabiles, quatenus incisorum superiorum bases lineas octo, & inferiorum pollicem longæ habentur, longitudo autem radicum superiorum ad duos pollices cum dimidio accedit, & inferiorum tres etiam pollices superat. Glandulæ potissimum salivales, quod Castores siccissimo sæpe alimento fruuntur, prodigiosæ occurrunt magnitudinis, a claviculis per anteriorem colli partem omnemque maxillam inferiorem expansæ, ac peculiari musculo, salivæ secretionem promovente, coopertæ. In fœmina, cujus cordis non minus ventriculos ac utrumque arteriæ truncum, cum ramis tantum non omnibus, mirandus polypus, post mortem per Anatomen detectus, occuparat, quoties cor palpitaret, toties *Homborgius* in carpo & collo manifestum venarum motum, arteriarum pulsui analogum observavit; corde motibus convulsivis agitato sanguinem, propter arterias obturatas, necessario ad venas repellente. *Mery* quanto minus in oculi uvea sive iride fibras circulares præter rectas advertere potuit, quas alias *Drelincurtius* in *Preludio Anatomico*, tanquam veteribus jamjam sub coronæ titulo cognitæ, descripsit; tanto majorem insumsit operam, nunc pupillæ dilatationem a sola fibrarum rectarum textura elastica, nunc contractionem ejus a spiritibus fibras illas influentibus atque elongantibus, deducendi: in capite quippe felis vivi aquæ submerso & radiis solaribus exposito pupillam diduci, in eodem vero in aerem rursus protrahito illam denuo constringi, cum hic spirituum ad fibras rectas affluxus repetat, qui ibi ex respiratione ac sanguinis circulatione plus minus sufflaminatis pariter erat impeditus. Et quia sub aqua per dilatatam pupillam, nec humores, nec tunica retina, bene autem choroidea, vasa hujus sanguifera & nervi optici egressus cerni valent, quæ in aere haud apparent, partim sub aqua plus luminis oculos ingredi, partim retinam æque ac humores transparentes solamque choroideam primarium visus organum esse, quod

sua opacitate radios luminis sistat & retinam versus propter spiritus ibidem commovendos reflectat, colligitur. Quam sulphuris communis analysin in principium acidum, inflammabile atque terreum, ad Hombergii ductum, hoc anno ex Historia Academ. Reg. Scient. *Mense Augusto* p. 367 excerptimus, *Godofredus* per regenerationem sulphuris, modo spiritum vitrioli, gummi-refinam sulphuris & alcali aliquod, modo alia similia combinando, studuit confirmare, omnem nihilominus rationem omniaque concreta, quibus ille hunc in finem usus fuit, non est cur fufius recenseamus, postquam multis abhinc annis Experimentissimus *Stahl* in *Zymotechnia fundamentali, Observationum Chymico-Physico-Medicarum Mense Julio, ac Specimine Becheriano*, modum ex principiis istis sulphur producendi non solum nervose edocuit, sed &, in quibus Glauberus atque Boyle circa similes conatus defecerint, ingenue monuit. Verum ad Mathematica properemus. Geometriæ perficiendæ hoc anno incubuere *Carre, de la Hire & Varignonius*. Primus præstantiam Analysis Leibnitianæ vindicavit, dum methodum rectificandi curvas, quam proposuit *Vanbeuraet*, multo faciliorem ac simpliciorē reddi ostendit, si calculo differentiali utamur. Alter Locorum doctrinam promovit, dum novas expendit Curvas per concursum Tangentium Cycloidis & Sectionum Conicarum generatas. Tertius denique doctrinam de Spiralibus ab *Archimede* olim propositam, a *Fermatio* aliisque recentioribus magis perfectam, ad summum fastigium evexisse videtur, nova spirallium in infinitum detecta formatione, exhibitis simul quarundam Tangentibus, Quadraturis & Rectificationibus. Genesis huc redit. Sit HHV Curva quæcunque, sive Geometrica, sive Mechanica, quam *Generatricem* appellat, cujus ordinatæ GH, Axis vel Diameter CX peripheriæ circuli cujuscunque ABYA, quem *Circulum revolutionis* vocat, occurrens in A. Sit CAX primus situs regulæ ejusdam CP, quæ circa centrum C fixum gyretur in peripheria ABY formatura spiralem OZAK, ita ut, dum ei occurrit in E ac circulo revolutionis in B, si ex hujus centro C ordinata GH tanquam radio describatur arcus EG, sit constanter circumferentia circuli revolutionis integra ABYA

TAB. X.
Fig. II.

ABYA ad arcum AMB sive ABYAMB, quem punctum B regulæ CP percurrit, ut recta quædam constans AD ad ordinatam correspondentem HG curvæ generatricis HHV. Ex qua genefi consequitur, arcus revolutionis AMB vel ABYAMB esse inter se ut ordinatas respondentes alicujus Curvæ HHV. Quod si ponatur ABYA = c, AMB vel ABYAMB = x, AD = b, GH = z, erit c. x :: b. z, adeoque æquatio generalis pro omnibus istis spiralibus in infinitum $cz = bx$, in qua si ex natura Curvæ generatricis substituatur valor ipsius z, vel in æquatione ipsius Curvæ valor ejusdem z ex æquatione generali $= \frac{bx}{c}$, prodibit æquatio pro spirali. e. gr. Sit Curva generatrix HAV una ex infinitis Parabolis, quarum æquatio $za^{m-1} = y^m$ vel $z = \frac{y^m}{a^{m-1}}$, si CX habeatur pro axe integro, erit æquatio pro spiralibus $\frac{y^m}{a^{m-1}} = \frac{bx}{c}$, seu $cy^m = a^{m-1}bx$. Tangentes earundem generaliter ita determinat. Sit CT ad ordinatam spiralis CE perpendicularis & Cp ipsi CP infinite propinqua, erit CB (a). CE (y) :: Bb (dx). $EF = \frac{ydx}{a}$, & Fe (dy). $EF (\frac{ydx}{a}) :: CE (y)$. $CT = \frac{yydx}{ady}$. Jam ex natura Curvarum $mcy^{m-1}dy = a^{m-1}b dx$, adeoque $dx = \frac{mcy^{m-1}dy}{a^{m-1}b}$, quo valore in expressione subtangentis, generali substituto, prodibit specialis $\frac{mcy^{m+1}}{ba^m} =$ (ob $cy^m = a^{m-1}bx$) $\frac{mxy}{a}$. Porro cum sit $EF = \frac{ydx}{a}$ per demonstrata, $= \frac{mcy^m dy}{a^mb}$, substituto valore ipsius dx, consequenter Trigangulum elementare FCE $\frac{mcy^{m+1}dy}{za^{mb}}$; ejus integralis $\frac{mcy^{m+2}}{2m+4+a^{mb}}$

K k k 1 = (ob

$= (\text{ob } cym = am \cdot bx) \frac{mxyy}{2ma + 4a}$ definit Quadraturas istarum spi-

ralium. Ostendit deinde, quomodo unicuique harum spirali-um assignetur alia æqualis curva Geometrica CLI, quæ cum ex Actis nostris transsumantur, Mense nempe Januario A. 1691 p. 16 & 17, ut plura de hoc argumento dicantur, opus non est.

In Astronomicis utiles occurrunt observationes: imprimis quæ d. 23 Dec. anni 1703 paulo ante Solis ortum contigit Eclipsis Lunaris, phænomenis notatu dignis nobilitata fuit. Nempe *de Plantade* ac *Clapier* post immersionem totalem *Montepesulano* Lunam adeo obscuram observarunt, ut maculæ aggre-distingerentur, quæ alias optime discerni solent durante ob-scuratione totali. Paulo post peripheria Lunæ rubebat pristina obscuritate medium disci occupante, & h. 6 circiter 15', obscu-ritas dimidiam diametri partem, annulus rubicundus partem dimidiam alteram tenebat. Circa h. 6½ Luna cœlo admodum fudo disparebat, cum adhuc stellæ circa Horizontem ortivum essent conspicuæ. *Arelati* Luna post immersionem totalem, semper rubedine obscura tincta apparuit: contra *Avenione*, adeo clara apparuit, ut transparens & pars ejus postica a Sole illuminata videretur. *Masilia* pars versus Euro-Boream dire-cta rubicunda, pars ipsi opposita obscura admodum visa; cir-ca h. 7 tota cœlo undiquaque sereno disparuit. Causa horum phænomenorum conjicitur in diversam vaporum quantitatem, atmosphæram in diversis locis turbantium. *Parent* per calcu-lum Leibnitianum deduxit, Solis longitudine 46° 14' existente, motum in Ecliptica esse æqualem motui in ascensione recta. Unde Tabulas quasdam Astronomicas erroris arguit, quæ lon-gitudinem Solis in illo casu constituunt 44° vel 45°. Postquam *Maraldi* in genere de momentis rerum circa motum Planeta-rum observandis, nec non de difficultatibus in hac investigatio-ne obviis differuit, hypotheses de motu Saturni proponit, qui-bus Tabulas Rudolphinas emendare studet, earum a cœlo dis-sensu per ingentem numerum observationum determinato. Et-enim annis 1672 & 1673 peccare illas in excessu 20' usque ad 21', annis 1686 & 1687 in excessu 10' usque ad 12'; annis denique

1700,

1700; 1701 & 1702 in excessu 21 deprehendit. Quia Tabulae semper peccant in excessu, errorem attribui debere contendit, partim Epochae, partim æquationi maximae. Jam cum excessus, ubi æquatio additiva, repertus fuerit constanter fere duplus ejus, qui obtinuit, ubi æquatio fuerat subtractiva; æquationem maximam Saturni Keplerianam $6, 31, 30$ dimidia dissensuum auget differentia nempe 5, ut evadat $6, 36, 30$. Epocham Keplerianam anni 1607, quam esse ait 6. $28, 3, 52$ minuit 16, ut evadat 6 S. $27, 47, 52$. Ex observatione occultationis fixae mediae in cornu Australi Tauri a *Kirchio* anno 1679 d. 17 Jan. h. 5 ope tubi 10 pedum instituta, longitudinem Saturni ad illud tempus ope propriarum de fixis observationum fuisse deduxit $7, 59, 11$ & Latitudinem Australem 20. Hac observatione & tabulis Solaribus *Cassini* usus didicit, locum Aphelii ultra Keplerianum 52' promovendum & in $28, 28, x$ statuendum esse. Ex multis aliis observationibus huic instituto congruis mediam Saturni a Terra distantiam derivat 955000 partium, qualium distantia media Solis est 100000: anno 1696 mense Majo Saturni sine latitudine observati Nodo locum assignavit in $22, 10, 4$. Anno 1688 latitudinem maximam Saturni septentrionalem in $21, 46, 2$ reperit $2, 48, 0$, parallaxin latitudinis $17, 15$, veram inclinationem orbitae Saturni ad Eclipticam $2, 30, 50$. Quae autem ex multis observationibus circa theoriam Saturni studiose deduxit, pleraque cum Tabulis convenire animadvertit, quas *Bouillaud* edidit. Cæterum idem *Maraldi* atque *Cassinus* d. 27 Jul. anni 1704 h. 1. pom. $24, 20$ per telescopium 18 pedum 4 a Luna regi observarunt, h. 2, $7, 29$ ab occultatione prorsus liberatum. Lumen liberati vivacitate lumini multarum fixarum cedebat, quas per telescopium 3 aut 4 pedum interdum videre licet. Melius tamen circa initium Julii, cum duabus ante Solem horis Meridianum transiret, videri poterat, quam Saturnus 3 ante Jovem horis culminans. Lumen vero Saturni debilius erat lumine Mercurii, per multos dies mense Junio in ipso Meridiano per telescopium 3 pedum visi.

In Mechanicis *Bernoullus*, *de la Hire*, *Varignon* atque *Parent* egregios ingenii fortus protulerunt. Inprimis *Parent* exemplo

Kkk 3

plano-

planorum inclinorum, cunei atque trochlearum ostendit; quomodo Analyseos ac Geometriæ ope affricus partium mutus in machinis ad accuratum calculum revocari possit, cuius hactenus in Mechanica nulla est habita ratio.

*EXCERPTUM EX EPISTOLA G. G. L. QUAM PRO
sua Hypothesi physica motus planetarii olim (Febr. 1689) his
Actis inserta, ad Amicum scripsit.*

Vir doctus, qui ante aliquot annos in opere suo Astronomico Hypothesin meam impugnavit, vim ejus atque utilitatem non satis animo complexus est. Habet enim ea commodum hoc insigne, ut corpora solida harmonice circulantia in fluido similiter circulante perinde moveantur, ac si non nisi suo impetu suaque gravitate in medio tanquam vacuo (id est, non resistente) circularentur; & contra ut fluidum circulans a solidi illius circulatione non turbetur, perinde ac si solidum non adesset, vel non nisi pars fluidi esset; quod alia quæcunque circulatio efficere nequit. Itaque etsi circulationibus non conspirantibus moverentur fluidum & solidum, tandem tamen longo temporis tractu ad circulationem harmonicam conspirantem reducerentur, quo minus sibi obstant aut a se invicem turbentur. Unde etiam intelligitur, objectiones hujus Autoris contra vortices seu orbes fluidos deferentes, hanc circulationis speciem non ferire.

Cæterum illud facile colligitur, legem circulationis harmonicæ ab ipso fluido exercendæ non nisi in eodem orbe servari, ad orbis consonantiam cum suo planeta obtinendam; idque eo facilius est, quod unius orbis, intra quem scilicet versatur planeta, si cum toto vortice planetario conferatur, exigua est crassitudo. Sed in toto vortice, diversos planetas conferendo inter se, ubi motus medius planetæ tanquam in circulo pro toto ejus per orbem motu Elliptico assumi potest; dicendum est, obtinere legem Keplerianam temporum Periodicorum: quæ etiam ex consonantia ipsa motus liberi & vorticosi nasci debet; cum & liberi impetus hoc ferat cum gravitate compositio, & ipsum æquilibrium motus vorticosi, ut alias fusiùs explicabitur.

Observandum tamen est, etsi nihil in ipsa re, tamen aliquid in

in enunciatione nostra in melius mutari debere, quo veritatum concentus appareat absolutius. Nempe dicendum est, impressionem novam paracentricam planetæ harmonice circulantis, simulque ad Solem vel aliud centrum gravitantis, constare ex conflictu gravitationis & conatus centrifugi, simpli scilicet; non dupli, qui mihi ex incommoda Termini acceptione emerferat, cujus emendationem utilem puto, ut verba rebus quam optime consentiant. Certe gravitatio novam sollicitationem accedendi ad centrum, at conatus centrifugus circulantis novam sollicitationem recedendi a centro constituit, variantibus ambabus pro distantia a centro: & ipse conatus totalis inde resultans, in horum conatuum differentia consistit, sequiturque directionem prævalentis. Porro *conatus centrifugus circulantis* dupliciter accipi potest: vel pro eo, quem mobile exercet, si motus proxime præcedens concipiatur in tangente circuli, vel pro eo, quem mobile exercet, si motus proxime præcedens concipiatur in ipso arcu circulari. Hoc loco enim, ubi ad infinites infinites parva descenditur, angulus contactus negligi non debet. Prior conatus centrifugus locum revera habet initio circulationis, adeoque initialis quidem est, sed non durans; posterior vero persistit, locumque habet in progressu circulationis. Illum ergo, qui initialis est, dicemus *tangentialem*, hunc qui perdurat, *arcualem*: & posito æquali utrobique circulationis impetu, arcualis est duplus ipsius tangentialis; cum hic representetur per sinum versum, ille per ejus duplum. Simpliciter autem nomine conatus centrifugi, Arcualem accipere præstat, cum de circulatione planetæ (quippe dudum cœpta) agitur, ita enim elegantior & rotundior enuntiatio erit.

Sed ut res intelligatur, sit radius AC mobilis circa centrum C, & elementaris arcus circuli, hoc centro descriptus, sit EAG, bisectus in A, ut chorda EG radius secet ad angulos rectos, & ab eo bisecetur in B. Compleatur rectangulum ABGD, & in BC sumpta BH æquali ipsi AB, compleatur Parallelogrammum AHGF. Iam ponamus mobile I moveri uniformiter velocitate representata per spatium elementare IA, æquale ipsi AD, certoque temporis Elemento veniens ab I ad A, impingere
in A,

in A, angulo IAC recto, & ibi ipso attactu adhærescere radio in puncto A; impetuque suo gyrationem radii efficiendo circa C, mox describere, æquali cum priore temporis Elemento, arcum Elementarem AG. Poteritque motus AG compositus intelligi ex impetu priore IA seu AD, & sollicitatione centripeta AB (neque enim hic refert AG de arcu an chorda intelligatur) adeoque mobile, cum pro AD describit AG, retineri in circulo, vi, quæ sit ut AB vel DG; id est, conatum centrifugum (vi retinenti æqualem) esse ut DG, sinum versum arcus AG: atque hic est conatus centrifugus initialis vel Tangentialis. Sed si mobile in A positum jam dudum in circulatione versetur, veniatque non in tangente IA, sed in arcu EA, veluti si veniat ex E in A, cum radio CA describente arcum EA; motu nempe uniformi, & eodem temporis Elemento, quo prius diximus percurri IA. His positis impetus, quem mobile habet in A, est ut EA, quæ (recta an circularis nil refert) longitudine non differt comparabiliter ab IA seu AD. Idem est ergo magnitudine, impetus circulandi, qui ante; sed directionem aliam habet, nempe chordæ EA, quæ producta cadit in F. Quare continuata æquali cum priore temporis elemento circulatorio, per AG, composita intelligi potest ex impetu priore ut EA, vel AF (quæ est æqualis & in directum ipsi EA,) & ex sollicitatione centripeta AH, vel FG, dupla ipsius DG, sinus versus arcus AG. Duplus ergo sinus versus circulationis, conatum centrifugum arcualem repræsentabit, qui est duplus ipsius tangentialis seu initialis, ut ostendendum erat. Et licet verum sit, etiam conatus centrifugos arcuales esse ut sinus versos arcuum, quia dupli sunt simplis proportionales; revera tamen comparatione tangentialium per sinus versos repræsentatorum, horum duplis exprimentur.

Equidem olim (in dicto schediasmate Februarii 1689) conatus centrifugi nomine accepi non eum, quem revera impressionem planetæ a centro recedendi novam vel elementarem a circulatione ortam, constituere intelligebam, & gravitationi versus centrum nova impressione agentis opponebam; sed initialem illum vel tangentialem, qui prima fronte occurrit; sed
inde

inde nata est incommoda enunciatio, qua nobis ipsi offecimus, obscurato veritatum concentu. Dum enim ipsam PN in figura schediafmatis dicti, nomine conatus centrifugi appellavimus, jam dicere oportuit (quemadmodum & fecimus) conflictum esse inter gravitatis sollicitationem & dupli conatus centrifugi impressionem. Sed si, ut par est, conatus centrifugi nomine intelligamus illam ipsam novam impressionem a circulatione ortam, quæ gravitationis impressioni novæ obnititur, tunc designatur utique conatus centrifugus ille, qui locum habet durante circulatione, seu arcualis. Quo sensu convenientissime & simpliciter dicitur, impressionem paracentricam novam (qua celeritas ad centrum accedendi vel ab eo recedendi mutatur) vel quod idem est, Elementum velocitatis paracentricæ esse differentiam inter gravitatis sollicitationem 3 M. L. seu 2 a $\theta\theta : rr$ (vid. dict. Schediafma §. 15 & 19) & inter conatum centrifugum a a $\theta\theta : r^2$ nempe arcualem, qui (per §. 12 & 15) exprimitur duplo ipsius PN sinus versi. Itaque arcualis erat simpliciter conatus centrifugi nomine hoc loco designandus. Occasionem autem unius appellationis pro alia sumptæ natam tunc ex eo suspicor, quod *vim excussoriam* (cujus species est centrifuga) metitus sum perpendiculari ex puncto ad tangentem proxime præcedentem; recte sane, sed per tangentem illam intelligi debet ea linea, in qua fuit directio proxime præcedens. Nempe *in figura præsentē* ex puncto G perpendicularis ducenda est ad ipsius EA (circulationis præcedentis directionem representantis) continuationem seu ad AF; non ad AD, nisi circulatio incipiat in A, quo casu AD est continuatio directionis præcedentis IA. Porro perpendicularis ex G in AF non differt comparabiliter ab ipsa FG. Ego vero etsi non in rei ipsius æstimatione, tamen in appellatione, respexi generaliter ad AD tangentem in A, eique perpendicularem GD: Unde non quidem error, sed tamen inconcinntas prodiit, quam nunc sublata esse juvabit. Animadversionis autem occasionem mihi præbuere elegantes celeberrimi Varignonii de conatu centrifugo meditationes, etsi alio ipsius scopo; cum alias a multo tempore de his parum cogitasset.

TAB.X.
Fig. III.

Hinc in dicto Schediasmate, Paragraphis 11, 12, 15, 21, 27, 30, pro duplo conatu centrifugo ponatur simpliciter, conatus centrifugus; & pro conatu centrifugo simpliciter, ponatur dimidius. Eadem occasione lapsus quosdam typographi, vel calami, vel etiam scribentis in eodem Schediasmate emendare e re erit. Nempe Act. ann. 1689 pag. 86 lin. 4 omittatur: Sinus. pag. 87 linea 8 a fine computata, omittatur: ex conatibus repetitis collectam; pag. 90 lin. antepenult. pro $3 M$, lege $M R$, & linea ultima pro $3 M H, H \odot, \odot 3 M$, leg. $\odot H, H 3 M, 3 M \odot$; & pag. 91 circa medium pro $B F, c$, lege $\odot F, c$; & linea quinta a fine inter, $-2 a a q r \theta \theta$, & inter, $: b b r 3$, utiliter interponetur comma. In ipsa quoque figura ejus Schediasmatis quædam male se habent. Nam in linea $\odot. M 2$, pro $D 1$, ponatur $D 2$; & ibidem inter $M 2$ & $T 2$, ponatur punctum G , sic ut recta a G ad $M 3$ sit parallela rectæ ab $M 2$ ad L . Denique infra, tribus punctis post Ω dextrorsum ascendendo occurrentibus, ordine ascribantur hæ literæ: $M, 1 G, 2 G$; ita prodibunt rectæ, quarum posterior major priore, nempe hæ tres, $\Omega M, \Omega 1 G, \Omega 2 G$.

Causam cur Attractiones Gravitatis sint in ratione distantiarum (a Centro Gravia attrahente) reciproca duplicata; jam eo tempore, quo Schediasma toties citatum vix edideram, cum Amicis nonnullis communicavi. Et memini celeberrimum Virum, Michaellem Angelum Fardellam, Professore nunc Patavinum, egregiis scriptis de Philosophia & Mathesi bene meritum, cui eam rem Venetiis tunc explicabam; reponere: eodem modo a Geminiano Montanario, eximio quondam Mathematico, sibi ostensum, illuminationes Objectorum esse in ratione distantiarum a radiante, reciproca duplicata. Quod verum est, aliisque etiam notatum; & par hic ratio est, cum non referat ad radiationis quantitatem seu effectum, radiosne concipias attractivos (rem abstracte & mathematice considerando) an illuminantes. Ita Ellipticus Planetæ motus, a priori, lege gravitationis ex suis causis ostensa, comprobatur. Ego vero in Schediasmate illo ex phænomenis, seu a posteriori, id est, ex motu Elliptico observationibus comprobato, legem gravitationis derivaram, quæ
cum

MENSIS OCTOBRIS A. MDCCVI. 451

cum tam bene rationibus radiationum Mathematicis consentiret, eo magis Hypothesi universæ fidendum judicabam.

*LA FORGE DE VULCAIN, OU L' APPAREIL
des Machines de Guerre, par le Chevalier de SAINT JULIEN.*

h. e.

FABRICA VULCANI, SEU APPARATUS MACHINARUM bellicarum.

Hagæ, apud Wilhelmum de Voys, 1706 in 8.

Constat plag. 10 cum aliquot figuris ligno incis.

Cum Autori propositum sit omnium machinarum ac instrumentorum bellicorum formam, materiam, fabricam, finem & usum, succincte quidem, at accurate tamen describere, omnes autem has machinas animet pulvis pyrius; ab eo quoque tractationem suam orditur. Materia pulveris pyrii est nitrum, carbō & sulphur. Diversas igitur recenset nitri species, varias id colligendi vel parandi exponit methodos. Varias itidem sulphuris, varias carbonum examinat species. Jubet $\frac{3}{4}$ nitri misceri cum $\frac{1}{4}$ sulphuris atque carbonum, ita tamen ut dosin sulphuris tantisper excedat dosis nitri; materias commixtas per 20 circiter horas in mortario probe contundi, elapsis 4 quibuslibet horis aqua rigandas, ut absit inflammationis periculum; contusas denique per cribri foramina urgeri, ut in granula abeat massa. Purgandum vero esse sulphur, antequam compositionem ingrediatur, oleum liquefacto affundendo, & ne quid sabuli carbonibus sublit, cum cura dispiciendum. Optimum judicari pulverem pyrium, si facile inflammetur, fumus assurgens rebus, quas contingit, nigredinem minime inducat, multo minus eas adurat, & radiis Solaribus expositus nullo nitore effulgeat. Quasdam pulveris pyrii proprietates viribus motricibus esse communes, quod nempe vis ejus resistantiam molis subvertendæ superare, non tamen nimis multo excedere debeat, quodque major copia una incensa majorem edat effectum. Alias esse

proprias, quod nimirum circum circa uniformiter agat; nulla ejus sit violentia, nisi incarcerati; una scintillula accensa, ingens copia intra momentum in flammam una conjiciatur. Has proprietates respici debere in usu pulveris pyrii, eumque in finem tres esse considerandas pulveris pyrii actiones, subversionem, scilicet, propulsionem & percussionem. In casu primo unciam pulveris respondere 100 libris; in secundo ponderi 150 librarum per 100 sexpedas promovendo 5 vel 6 circiter libras, globo efficaciter propellendo dimidium ponderis ipsius. Tradit etiam compositionem pulveris fulminantis, quam ingrediuntur pars sulphuris una, salis tartari duæ, nitri tres, & per errorem affirmari asserit, hunc pulverem nonnisi versus inferiora agere; quod si enim massæ in pulverem redactæ, & in cochleari super carbonibus candentibus vel candela liquandæ, imponas monetam argenteam, hanc tanta violentia sursum versus laquearia projici, ut comprimatur.

His de pulvere pyrio præmissis, ad tormentum majus describendum progreditur, cujus exponit partes, materiam, formam & fabricam. Ubi monet, ornatum Architectonicum a basibus, scapo & capitulis columnarum petiit non ad augendas vires, sed gravitatem tormenti facere, adeoque citra ullum incommodum abesse posse. Cum tamen in æquilibrio fere suspendi debeat, ad hoc conciliandum, commode interdum illo uti artifices. Utut vero ex metallis pluribus fundantur tormenta, cupro nimirum, stanno & orichalco; consultius tamen esse, ut ex homogenea parentur materia, corporibus homogeneis firmiorem cohesionem præstantibus. Inprimis vero stannum tormento minime idoneam esse materiam. Dividit tormenta ratione ponderis globorum, quibus onerantur, novumque describit genus, quod majorem veteribus præstet effectum, utut minori pulveris pyrii quantitate, parte nimirum nonnisi tertia, oneretur: quamvis etiam quasdam notet incommoditates, quæ illud comitantur, & quibus incognitam hætenus nec adhuc in praxin deductam præscribit medelam. Multus est in describendo foramine, per quod intra tormentum immittitur ignis, ac inprimis arcanum commendat, quod *Philippus, Hassia Landgravius*, cum

eum ipso circa præsentem materiam communicavit. Differit etiam de ordinaria tormentorum operatione, de collineatione, de spatio, per quod globi emissi feruntur, quantitate per plures experientias determinata, quam maximam esse ait, non cum elevatione tormenti maxima, nempe 45° , sed cum situs fere horizontalis. Per multas experientias didicit, in distantia 600 passuum propriorum globum intra terram defossum ad intervallum 9, 10, 11, 12, immo 13 pedum. Media enumerat, quibus uti licet ad globum per spatium longius urgendum. Subdit nonnulla usum tormentorum concernentia, nec canterium negligit, cujus duas requirit virtutes, nempe ut diu duret, utque sit facile mobile, fabrica quoad singulas partes accurate exposita. Agit porro de globis tormentariis; describit globos sclopetorum, glandibus, catenis aliisque ferramentis insertos; globos candentes, aliasque materias tormentis onerandis inservientes, & quænam singulis effectibus producendis sint necessariae ostendit. Diametrum tormenti, quam *Calibram* vocant, paulo majorem esse debere diametro globi cum insinuasset, Tabulam exhibet, in qua diversorum tormentorum calibris assignantur diametri globorum. Tandem instrumenta enumerat, in usu tormentorum necessaria, & generalem condit regulam, juxta quam definitur equorum numerus ad tormentum quodlibet datum avendum sufficiens, pondere 300 librarum uni equo tributo. Tormenta excipiunt mortaria bombis jaciendis destinata, quorum ubi exposuit structuram, modum ea onerandi docet, compositione simul bombarum delineata, effectibus mortariorum indicatis. e. gr. Mortarium, cujus calibra 18 digitorum 4 linearum, bombam 48 libris pulveris pyrii repletam, & sine pulvere pondus 490 librarum adæquantem ejaculari. Nec bombarum negligit examen, immo ex observationibus circa earum jactum recensitis, jactus pro arbitrio vel longiores vel breviores efficiendi, eorumque longitudinem ad singulos elevationis mortarii gradus determinandi praxes derivat. Disquirat de methodo jaculandi bombas ex tormentis, rejectisque spuris, unam commendat successu non destituendam. Agit de quodam bombarum genere, quod *Carcasse* appellant; sed id parum laudat, cum

multos requirat sumtus, effectus vero bombarum communium efficaciam vix superent.

Hinc ad describendas varias granatarum species se confert, & de pyroclastris (*petardes* Galli vocant) prolixè differt. Describit quoque peculiare tormentorum genus, quod in utraque extremitate adaperitum & Gallis *Pierrier* dicitur, quia sæpissime saxis oreratur. In obsidionibus id sine ratione plerumque negligi contendit. Ignis artificiales, quos bella poscunt, breviter perstringit: prolixius multo de cuniculis & anticuniculis, necnon de suggestibus tormentorum ac mortariorum discurret, cumque de omni apparatu bellico reliquo multa differuisset, Architecturæ militaris tyronibus ac cultoribus gratissimum opusculum triplici tabula finit, in qua repræsentatur omnis apparatus, in gratiam trium maximi momenti obsidionum (quas tamen Autor non nominat) factus, & quænam ex eo in singulis fuerint infumta, accurato calculo definitur.

JOANNIS ANDRÆ PLANERI, P. P. IN ACADEMIA WITTEBERGENSI, de Epistola Enthymematica, sive Extemporali libri tres.

Wittebergæ, apud Meyer. & Zimmermannum 1706 in 8.

Constat plag. 21.

Cum expeditissima scribendæ epistolæ ratio, quæ per enthymema instituitur, esse soleat, laudandum est Clarissimi Autoris institutum, quod quæ ad epistolam enthymematicam spectant, egregia cura illustrare, ac cum studiosa Juventute communicare voluit. Tribus autem libris præsens scriptum absolvitur. Liber I de variis enthymematum generibus, quorum in epistolis usus est, agit, ac quæ circa eadem observanda sint, fideliter docet, eaque exemplis perspicuis demonstrat. Liber II, in quo dispositiones enthymematicæ & exempla enthymematica occurrunt, in quinque partes abit: quarum prima epistolas generis deliberativi, & quidem C. I petitorias, C. II supplices, C. III commonitorias, C. IV. monitorias, C. V hortatorias, C. VI

C. VI dehortatorias, C. VII suasorias, C. IIX dissuasorias, C. IX communicatorias, C. X conciliatorias, C. XI commendatitias, C. XII dedicatorias, C. XIII testificatorias, C. XIV consolatorias: pars secunda generis demonstrativi epistolas, illiusque C. I laudatorias, C. II gratulatorias, C. III valedictorias, C. IV *ἐπιβαλτικαί*, seu adventitias, C. V saluatorias, C. VI votivas, C. VII propempticas, C. VIII gratiarum actiones, C. IX objurgatorias: pars tertia epistolas generis judicialis, ejusque C. I expostulatorias, C. II exprobratorias, C. III comminatorias, C. IV invectivas, C. V inficiales, C. VI defensorias, C. VII excusatorias, C. VIII deprecatorias, C. IX intercessorias, C. X reconciliatorias: pars quarta epistolas generis familiaris, hujusque C. I sciscitatorias, C. II nunciatorias, C. III familiares, C. IV lamentatorias, C. V mandatorias, C. VI dantes negotium, C. VII obsequiosas, C. VIII officiosas, C. IX civiles, C. X inanes: pars quinta eaque ultima epistolas generis didascalici sistit. Quinque his partibus duæ subjunguntur appendices, in quarum prima de epistolis jocosis, in altera vero de epistolis mixtis nonnulla afferuntur. Liber III Epistolarum M. T. Ciceronis, C. Plinii Cæciliæ secundi, Augusti Buchneri & Conradi Samuelis Schurzleischii indices accuratos exhibet.

*MISCELLANEA CURIOSA, SIVE EPHEMERIDVM
Medico-Physicarum Germanicarum Academia Natura-Curiosorum
Dectura III Annus IX & X, continens celeberrimorum Virorum
tam Medicorum, tum aliorum Eruditorum in Germania &
extra eam Observationes.*

Norimbergæ, Francofurti, & Lipsiæ, apud Engelbert Streck,
1706 in 4to.

Constat Alph. IV. plag. 7 cum figuris æneis.

Quanquam variis hætenus bellorum fulminibus concussa
fuit crebro tota fere Germania nostra, aliaque regna,
provinciæque; non penitus tamen siluerunt literæ, artesque,
quin semper extiterint Viri Eruditi, qui ut in reliquis, ita Medi-
cis potissimum & Physicis scientiis augendis, suas congenerunt
ope-

operas. Id quod vel solæ loquuntur Ephemerides Medico-Physicæ Illustris Academiæ Cæsareo-Leopoldinæ Naturæ-Curiosorum, quæ per 36 annos collectæ, sensimque in lucem editæ, sub tribus integris Decuriis Curiosorum animum abunde nunc satiare poterunt. Annus IX & X Decuriæ III, quos jam sistimus, observationes & experimenta num. 256 methodo Illustri huic Societati alias solenni recensent. Cui annexa appendix continet 1) Historiam Epidemicam Germaniæ annorum 1699 usque 1705. 2) D. Johannis Henrici Hottingeri Descriptionem Montium glacialium Helvetiorum. 3) Anatomiam cerebri, ab H. Ridley idiomate Anglico conscriptam, & a D. Michaelæ Ernesto Ettmullero Latinitate donatam. 4) M. Martini Grünnewaldi Observationem de Epilepsia secundi gradus a fascino in Catalepsi admiranda, Germanica lingua scriptam, & a D. Johanne Casparo Westphalo in Latinam translata. 5) D. Georgii Friderici Franci a Franckenau brevem ac veram magni illius ac famosi fluxus maris vorticosi, Arctandris Moskoë-Strom, aliis vulgo Maal-Strom dicti, ejusdem qualitatum variorumque ibidem admirandorum descriptionem. 6) D. Johannis Baptistæ Scaramuccii Epistolam ad Illustriss. Antonium Magliabecchium de Hydrophobia ex vehementi indignatione oborta, ex lingua Italica in Latinam versam. 7) Memoriam Reiselianam, & 8) Memoriam Mercklinianam.

Sicque tertia hæc Decuria Ephemeridum Germanicarum feliciter est absoluta. Quos tamen labores suos omittere imposterum, quoniam libri moles sensim in tantum succrevit, ut magno eapropter pretio veneat, ejusdemque in bibliopolis distractionem impediatur, quin aliæ insuper difficultates inde emergant, decrevit laudatissima Academia. Nihilominus non deerit eadem, observationes rariores, sive abscondita, novæ & curiosa Physico-Medica per Centurias porro, vel quocunque alio ordine fieri commode poterit, cum erudito Orbe communicare. De quo B. L. monere volumus, debuimus.

ANA-

ANACREON TEIUS, POETA LYRICUS, SUMMA
cura & diligentia ad fidem etiam vet. MSC. Vaticani emendatus,
pristino nitore, numerisque suis restitutus, dimidia fere parte au-
ctus &c. Opera & studio JOSUÆ BARNES S. T. D. Græcæ
linguæ Cantabr. Professoris Regii.

Cantabrigiæ, impensis Edmundi Jeffery, 1705. in 12 maj.
Constat plagulis dimidiatis 45.

Quod studium olim impulit CL. Barnesium, ut nitidissimam
nobis & locupletissimam *Tragædiarum Euripidis* editionem
adornaret, quam ante hoc decennium A. 1695 mense Augusto
p. 355 in his *Eruditorum Actis*, cum ea, quam merebatur, lau-
de recensuimus; eodem nunc, pro singulari suo in literas Græcas
amore, incitatus, longe pulcherrimam eruditis, omnibusque
aliis multo perfectiorem venustissimi Poetæ Anacreontis editio-
nem procuravit. Equidem mereri id videbatur *χαρίστης*
Anacreontis elegantia, ut præstantissima quæque ingenia in eo
ornando atque illustrando quasi decertarent. Quare post
Henricum Stephanum, Eliam Andrea, Fridericum Hermannum.
Elayderum, nostra etiam ætate Tanaquillus Faber, cultissimumque
filia ejus Anna Dacieræ, ac Longapetræi nobilissimi Burgundi in-
genium in eo interpretando edendoque laborarunt; quorum
labores in his *Actis* A. 1683 p. 402, & 1693 p. 13. sq. indicavimus.
In Anglia ante hos decem annos *Anacreontis Carmina*, plurimis,
quibus scatebant, mendis purgata, turbatis metris restituta, notisque
brevioribus ad textus emendationem potissimum spectantibus, & nova
interpretatione literali Latina nitidissimo caractere forma octava
ediderat Willielmus Baxter. Sed quam ipse Baxterus a potio-
ri manu medelam Anacreonti tot seculorum inscitia atque in-
ertia, inprimis autem a Tanaquillo Fabro indigne habito, afferri
optaverat; illam satis feliciter præstitisse amœnissimo seni vide-
tur Barnesius. Longo tempore multisque vigiliis, adhibita,
etiam amicorum aliquot, inprimis vero Philologi insignis Josephi
Vassæi, Reginensis Collegii Socii, laudabili opera hunc se auto-
rem tractasse, ipse fatetur in vita Anacreontis p. LXI. Cate-

rum eadem methodo, qua Euripidem illustravit, hic quoque usus est. Quod caput est, contextum ipsum quam emendatissimum exhibere studuit. In quo optimis *Henrici Stephani* aliorumque editionibus, inprimis vero *Codicis MSC. Vaticani*, *Scaligeri* aliorumque Criticorum ope adjutum se ubique ostendit, interdum ingeniosis conjecturis desperata loca quaedam supplet vel saniora reddit: additamenta tamen sua vel uncinulis includit, vel ita notat, ut aliis meliora monendi locum relinquat. Aliquot etiam Anacreonti carmina dubia olim vindicat, & plurima fragmenta tanquam naufragii tabulas ex universo antiquitatis oceano colligit suoque loco restituit. Alia scil. ex *Athenaeo*, *Strabone*, *Arsenii Collectaneis*, *Hephastione*, alia ex *Eusebio*, *Ammonio*, *Aeliano*, *Aristophanis* & *Nicandri Scholiastis*, alia ex *Dione Chrysostomo*, *Corinthio de Dialectis*, *Maximo Tyrio*, *Hesychio*, alia denique ex *Stobaeo*, *Etymologico Magno*, *Polluce*, *Demetrio Phalereo* & aliis repetens, singulari studio excerpfit: eorumque collectione altera fere parte auctiorem nobis Anacreontem reddidit. Graeca omnia in Latinum convertit, & ut sensum eo melius lectori redderet, Prosaico sermone verbum fere verbo expressit. In notis pulcherrimis autem, sensum & paraphrasin suam explicare & illustrare studuit. Jam enim variorum collatione codicum & *MSC. Vaticani* contextus lectionem emendat, firmat, vindicat, quod ad v. 235, 237 & ubique fere factum deprehendes. Jam metri rationem accuratissime persequitur, singularum odorum genera, horumque varietatem notat, & observationes circa illa necessarias addit, quod post infinita alia loca vel ex una ad v. 469 nota intelliges, ubi contra Henricum Stephanum, in generis Anacreontici prima regione spondæum pro Anapaesto poni posse & solere evincit. Potissimum vero Autoris sensum ubique explanare ac illustrare nititur. Quem in finem saepe aliorum optimorum Auctorum loca cum Poëtae sui dictis confert: sic ad v. 62 Cupidinis Anacreonti servientis & papyro caput praecincti imaginem Aegyptiorum comparatione servorum, *Juvenalis*, *Plinii Pierii* in *Hieroglyphicis* locis adductis illustrat. Sic ad v. 701 Musarum amorem, quo *cicadam*, perhibente Anacreonte, prosequi dicuntur, ex *Aeliano* declarat. Quin ipsas *μυσομαχίας* ap-

pel-

pellari, Musis pariter atque Apollini sacras, Musicæ peritas credi, ipsisque adeo cygnis præferri, variis ex *Anthologia*, *Pierio*, *Euripide* locis probat. Sic ad Epigramma Anacreontis in *Myronis Buculam* v. 1342 tantam ejus fuisse elegantiam, tamque prope æneam istam figuram ad vivæ similitudinem bovis accessisse, ex *Anthologia* & *Propertio* ostendit, ut aliæ boves illi admugire, tauri assurgere, vituli sugendi studio abblandiri consueverint. Sæpe etiam noster ex antiquitate lucem affundere obscurioribus Poëtæ dictis solet. Quod enim v. 232 sq. dicitur, Cupidinem secum pugnantem, absumtis reliquis sagittis, ipsum se velut jaculum in Anacreontem conjecisse, id ex prisca militia Barnesius deducit; quod generosi olim milites, *Lucano* & *Papinio* testibus, absumtis telis ac viribus jam deficientibus, cum brevi moribundos se in terram lapsuros animadverterent, extremis viribus collectis, sese in adversarii sui corpus conjicerent, ut & morientes, vel solo corporis sui irruentis pondere ipsum prosternerent. Orestes v. 484 ideo λευκόπους ab Anacreonte emphatice dici traditur, quod insanus esset, discalceatusque vagaretur, quam ob causam & Bacchæ Euripidi λευκόποδες audiant; vel potius quod in antiquæ Tragœdiæ scenis, diu etiam ante Æschylum, Sophoclem & Euripidem notis, albis calceis usi fuerint. Quod Anacreon v. 992 se hymnos, quasi certamine proposito, cantaturum dicit, ex eo illustrat, quod, Pausania teste, in publicis Græciæ certaminibus, Pythiis præcipue, omnium primum & præcipuum certamen fuerit, hymnis in Deum Apollinem contendere: quæ ulterius noster de Dionysiacis etiam certaminibus ad v. 1290 ex *Euripide*, *Plutarcho*, *Æliano* doctissime persequitur. Interdum & profundiores in Anacreonte suo sensus quærit & aperit Barnesius. Quod enim Anacreon v. 841 rosam θῶν ἄμμα, & v. 83 τὰ ῥίδα θεῶν τετραῖα appellat, in eo altius quid latere existimat. Ipsam scilicet Deorum præsentiam roseum quid spirare creditum esse, e *Virgilio* & *Euripide*, præsentisque alicujus Divinitatis optimum omen habitum fuisse, cum odor bonus absque causa sentiatur, e *Cardano* de Subtilitate probat. Interdum e sententiis Anacreontis integros communes Locos CL. Editor conficit. Sic frequentem & nobilem Anacreontis ἔννοιαν, τὸ

σημειον μέλει μοι, τὸδ' αὖριον τίς οἶδεν; e Theocrito, *Antibologia*, *Callimacho*, *Horatio*, *Virgilio*, *Seneca*, *Homero*, *Salomone*, aliisque illustrat: in pluribusque locis pari studio utitur. Haud raro etiam aliorum editorum contextum, paraphrasin notasque examinat, & satis severe taxat. Odarion LXIV multum, quidem injuria temporis, sed plus ex amanuensium inscitia passum, p. 218 ostendit. *Longapetrao* ad v. 316 acrius judicium quam *Daceria* tribuit, eumque emunctioris quam plures alios naris virum esse, ad v. 974 fatetur. *Tanaquillum Fabrum* sæpe, cum soli sibi sapere videtur, nihil videre, ad v. 237 existimat. Ejus nugæ ab ipsa illius filia merito damnari, ad v. 184, rectius illo *Baxterum* judicare ad v. 785 censet. Ipsum tamen etiam *Baxterum* interdum versus Anacreontis lædere, ad Oden LXIII: *Henricum Stephanum* autem jure quosdam versus aliis dubios visos Anacreonti vindicare, ad v. 248 docet. Ipsum denique stylum Anacreontis, ejusque suavissimam ἰδίαν ubique miratur CL. Barnesius; ejus dicendi genus κομψόν, μέλιτος τε παῖός ὄζον, χαρίταν πίον τε πασῶν, cum *Henrico Stephano* p. 384. appellat. Nonnunquam tamen Anacreontem se ipso majorem ac sublimiorem videri posse, ut a v. 489 ad 494 tota ode LXIV & v. 1140 sq. observat. Contextui Anacreontis ista ratione illisque augmentis ac notis ornato, *Λιαχρίντεια* quædam Carmina interpretatione sua notisque perpetuis illustrata Autor subiungit. Primum inter ea locum occupat Θεοκρίτης εἰς νεκρὸν Ἀδωνιν εἰδύχαιον p. 332. Sequitur Barnesii in Anacreontem uvæ acino suffocatum Græca nānia, *Americis* nomine, & *Abrahami Couleji* Angli Poetæ nobilissimi imitatione conscripta, p. 338. Hanc excipiunt *Antipatri Sidonii*, *Simonida*, *Leonide Tarentini*, *Eugenis*, *Dioscorida*, *Theocriti*, *Critia Atheniensis*, *Calii Calcagnini*, *Henrici Stephani*, *Tanaquilli Fabri*, Græca & Latina Epigrammata in Anacreontem plusscula. Claudir opus *Anacreon Christianus*, sive cumulus carminum Græcorum ad imitationem Anacreontis de materiis sacris ac divinis, mundi, fortunæque contemptu, veroque humani generis lucro, a felicissimo Barnesii ingenio profectorum, nec sine singulari mentis delectatione legendorum. Præmissa est operi longa satis præfatio, Anacreontis vi-

tam,

tam, mores, fata & scripta exhibens. In qua Barnesius studiosissime omnia undique conquisivisse videtur, quæ ad Poëtæ hujus natales, ætatem, indolem, exilium, consuetudinem cum Polycratæ, Hipparcho aliisque, honores, laudatores, scripta, stylum, mortemq; pertinere videbantur. Multa hic occurrunt elegantia, multæ digressiones doctissimæ, & observationes, quibus aliorum errores circa Anacreontis historiam notantur, haud injucundæ. In primis multus est Barnesius in castitate & continentia Anacreontis a tot antiquorum & recentiorum convitiis vindicanda: in quibus tanto se captum Poëtæ hujus amore prodit, ut nihil ejus non probare posse videatur. Sed sunt tamen ibi aliqua, quod pace humanissimi Viri dicere nobis liceat, quæ nondum omnino satis firma haberi queant. Certe quæ de Regio Anacreontis stermitate, falsam Platonis a Serrano datam paraphrasin Daceriæque judicium securus §. III dicit, satis jam a CL. Bælio in Diction. Critico sunt confutata. Quæ de Anacreontis sero & serio cum quadam foemina conjugio § XVIII in vita Anacr. & ad Oden XLIV tradit, somnio quodam Anacreontis, forsan non accurate satis explicato, nituntur. Quæ de Poëmæ quodam Anacreontis, quo pius Ulyssis in Penelopen amor celebratus fuisse dicitur, §. 32 perhibet, argumento satis firmo destituntur; cum *fides Teja* qua Horatius *Penelopen Circenque in uno laborantes laudatas* lib. I Od. 17 dicit, nihil aliud quam Lyricum carmen imitatione forte Teji Poëtæ factum significet. Prolegomena altera quæ operi præmittuntur, tractationem de *Lyrica Poësi* continent; lyræ nomina, antiquitatem, inventorem, choridarum numerum, Lyrici Carminis materiam, usum, Poëtrias & Poëtas, eorumque brevem historiam explicant: in primis Anacreontis elogia, sublimitatem, elegantiam & metri rationem declarant; Interpretum Anacreontis futurorum requisita edocent, objectionibusque adversariorum Anacreontis occurrunt. Ad ornamenta denique libri hujus, præter chartam typorumque nitidam elegantiam, tres pulcherrimæ icones, *Barnesii, Anacreontis, Celsissimique Ducis Marlboroughi* pertinent, cum carmine, Græco *Πρωϊα de insigni victoria ad agrum Blindheimensem* a Marlborougho deportata; quam uti hoc quoque anno in Belgiis

feliciter continuavit Heros invictissimus, ita ut porro hæ victoriæ instrumenta multarum sequentium sint, dignumque tantis rebus gestis posteritati prædicandis Homerum in Barnesio habeant, merito precamur. Tandem etiam, ne in his Eruditorum Actis Catalogum Operum a Barnesio editorum & edendorum obliviscamur, instituti nostri ratio postulat. LXI igitur scripta partim edita, partim jam elaborata typosque publicos provocantia, partim delineata, alteramque manum expectantia, ipse Autor recenset. De qua tam numerosa prole, ut merito Autori CL. gratulamur; ita ut omnes isti foetus, tandem Eruditis publicentur, communi eorum nomine obtestamur.

DELINEATIO MONTIS A METROPOLI HASSO-Cassellana uno circiter milliari distantis, qui olim WINTERCASTEN, id est, hiemis receptaculum dicebatur, nunc autem CAROLINVS audit, ob ædificia & aquarum fontes, quibus Serenissimus Princeps ac Dominus, Dn CAROLVS. Landgravius Hassia, &c. &c. illum posteritatis monumento magnifice exornavit. Opera JOH. FRANCISCI GÜEMERII, in alma urbe Archiepiscopi.

Cassellis, typis Henrici Harmes, Aulae Hassiæ Typographi, 1706 in fol.

Constat plag. 5 & tabulis æneis 15.

NUnquam Ars videtur felicior, quam ubi conjunctas præstat operas Natura. Quamobrem cum Serenissimus Hassiæ Landgravius *Carolus*, speciosum in monte a Cassellis uno circiter milliari distante opus a natura extructum cerneret, pro ingenii sui sagacitate, rerum Architectonicarum exquisita peritia, & insigni erga scientias Mathematicas amore, magis speciosum illud reddere non irritò successu annisus. Dignæ igitur quoniam sunt nobiles tanti Principis ideæ, quæ omnium admirationi exponantur; utilem *Güemerius* præstitit operam, dum operis hujus excelsi extructiones ichnographicas & scenographica delineamenta dedit, cum brevi descriptione, idiomate Latino, Italico,

lico, Gallico, Germanico concepta. Delineationibus adjecit
 scalam palmorum, quibus Rhenani utuntur populi, ex quibus
 partis cujuslibet deprehendere licet mensuras. Ut vero augu-
 sti hujus operis animo concipere detur lectori quandam ideam;
 ipsam Autoris descriptionem ob absentiam Tabularum ænea-
 rum parumper hinc inde immutatam apponere libet. Invenies
 nimirum in montis cacumine aream octangularem, cryptis & re-
 cessibus exornatam, quos ex Tiburtino lapide ars exsculpsit.
 Circumdant hi amplum hypetrum, illudque marmorea exor-
 nant simulachra in loculamentis exterioribus collocata. In mu-
 rorum latitudine scopulis undique eminentibus via patet, per
 quam sine gradibus facile ascenditur ad montis apicem, ubi supra
 fornices planicies extenditur ad deambulandum commoda. Ab
 hac area octangulari 60 pedibus distantia loculamenta veluti
 in scopulis efformata, quæ marmoreis simulachris stationem præ-
 bent. Deinde duplici scararum ordine ad aream descenditur,
 ubi cryptæ patent, in quarum media Cyclops beneficio præter-
 labentium aquarum suaviter modulatur, in cæteris vero duabus
 fontes uberrimos receptacula excipiunt. Has cryptas, sicuti alias
 proximas, musivum opus exornat, ex conchis margaritifera ali-
 isque maris cochleis diversimode coloratis compositum. In
 platea medium locum occupat irriguus fons, aquarum latices
 ad altitudinem 50 pedum eructans, atque ab eadem per dupli-
 cem facilemque acclivitatem veluti per scaras patet descensus
 ad planiciem inferiorem, ubi ex ingenti scopulo copiosæ aqua-
 rum undæ præterlabuntur. Ex hoc loco ad tertiam planiciem
 descenditur per gradus, inde ex areæ cujusdam ambitu 600 pe-
 dum Rhenanorum, magnificentia ejus cognitu facillima est,
 quam plurimis fontium, statuarum, scararum variisque aliis
 exornationibus instructissima, prout areæ modo dictæ amplitu-
 do ex scenographicis atque ichnographicis tabulis cuivis ob-
 viam se sistit. In partibus hinc inde dispositis, ubi aqua abun-
 de decedit, atque citato cursu usque ad plateam præterlabi-
 tur, in qua minores fontes emanant, amplissimæ sunt scaræ
 Tiburtino lapide extructæ, variis loculamentis distinctæ, com-
 modas

modas sedes præbentes. His additur planicies, quæ fontibus diversis pulchro ordine dispositis circumdatur: gradus insuper ad aream præbent ascensum, in qua virescunt arbores artificio insigni dispositæ, ubi amphitheatrum statuis exornatum conspici se sistit, quarum binæ ventorum afflatu animatæ dulciter commodulantur, ex utroque latere duos fonticulos minores, in medio autem scopulum immanis magnitudinis præ se ferens, e saxis crassioribus extructum. Subter scopulis ante memoratis Gigas apparet, copiosissimas aquas faucibus ejaculans, quæ plures exinde fonticulos prosilientes efformant, in majus postea labrum delabentes, unde cascata exoritur usque ad aream aliquam 600 pedum longitudine se extendens. In infima areæ parte aqua decidit triplici repagulo interrupta, fonticulis aliis interim circumquaque effluentibus usque ad cryptam, omniumque effluvia simul congregata partim iterum in ternos fontes dividuntur, partim in amplum receptaculum citato cursu magnoque impetu excurrunt, rursusque in alios rivulos disperguntur, donec in planitie Amphitheatri absoluto labore placide quiescant. Hoc Amphitheatrum scopuli, arbores, fontes mira arte dispositi exornant, atque in ejus centro planicies patet, in qua amplum aquarum labrum; in lateribus vero hinc inde oppositis duo viridaria visuntur, in quibus domus perpulchre extructæ, & fontem spaciofa porticus exornat, ex qua ad viridarium per gradus datur descensus, prope quos omnium aquarum decidentium undæ recipiuntur. Plurimæque sunt artis ornamenta, quæ omnia Tiburtino lapide molibusque ingentibus constant, ut scenographica delineatio repræsentat, ex qua facilius mens deprehendet, quicquid e proximo oculus intueri nequit.

HENRICI BRENKMANN IVRIS CONSULTI DE
Eurematicis Diatriba: Sive in Herennii Modestini Librum
singularem τῆς εὐρηματικῆς, Commentarius.

Lugduni Batavorum, apud Fredericum Haaringh.
 1706 in 8. 20 plag.

Heren-

Herennium Modestinum, sive fragmenta libri singularis, quem *τῶ ἐυρηματικῶν* inscripserat Modestinus, commentario illustrata, Celeberrimus Schilterus, ante aliquot annos, luci publicæ exposuit. Cum vero Doctissimus Autor noster, ubi primum ad hanc materiam animum appulit, diligenter inquisivisset, num forte aliquis Modestini illa de Eurematicis pertractasset, percunctando tamen inquirendoque neminem invenisset, liquido adseverare non dubitavit, fragmenta Modestini de Eurematicis, a nemine hætenus, quod sciret, ex professo tradita esse. Sed, opere vixdum absoluto, forte fortuna incidit in laudatum illum Schilteri commentarium. Tum initio se poenituisse ait insumti laboris, quem a Celeberrimo inter Germanos Antecessore occupatum viderit; sed continuo cogitasse, non omnia sic cum ipso sibi communia fore, quin aliquid fortasse majoris momenti, nondum ab eo animadversum, proferret; imo legendo cognovisse, tantopere inter se discrepare istam & suam expositionem, ut haud multum luminibus suis illa officere videatur; quod ut lectoribus eo magis approbaret, aliquem de ea recensum & epicrisin in fine operis sui adjecit. Ipsam Diatribam hanc quod attinet, constat illa duodecim capitibus, quorum primum exhibet introductionem in materiam de Eurematicis; secundum *l. 65 de Procur.* tertium *l. 25. ad Scit. Vellej.* quartum *l. 63. de jur. dot.* quintum *l. 58. de solut. matrim.* sextum *l. 9. de susp. Tutor.* septimum *l. 4. de vulg. & pupill. substit.* octavum *l. 50. de acquir. vel omitt. hered.* nonum *l. 19. de usu & usufr. leg.* decimum *l. 53. de condit. & demonstr.* undecimum *l. 45. ad Scit. Trebell.* in quibus omnibus fragmenta Modestini, quæ de Eurematicis habentur, explanat, quibus duodecimum varia aliorum Jurorum Eurematica adjicit. Uti autem omnia, ex Jurisprudentia humaniori, erudite illustrantur, ita instituto nostro, & Lectorum desiderio satisfieri posse arbitramur, si paucula inde specialius delibemus. In capite primo notat Clarissimus Autor, inscriptionem tractatus Modestini esse mere Græcam, & tam religiose, ni imperite potius, *τὸ ΠΕΡΙ ΕΥΡΗΜΑΤΙΚΩΝ* transcriptum, ut, quoniam majusculæ apud Græcos literæ vulgo omni accentu spirituque carent, de *Eurematicis* exaratum videatur, non, ut oportuerat, de

Heurematicis. Nihil autem aliud *εὐρηματικὸν* significat, quam inventum, sive inventionem, ac proprie, ex sententia Nostri, *Eurematica* sunt remedia, quibus JCti nimium juris rigorem, inventis verborum fraudibus, ad æquitatem naturalem inflectunt reducuntque, quam definitionem uberius deinde Consultissimus Autor explicat, ac sigillatim de nomine fraudis, remedii, inventi, cautionis vel cautelæ agit, eo etiam adjecto, quod Modestinus, ad exemplum aliorum præstantissimorum, tum juris, tum alterius scribendi generis Autorum, Q. Mucii, Labeonis, Pomponii, Pauli & Tullii, Græcum tractatus sui indicem fecisse videatur, maxime quod Græca lingua maiorem in modum delectaretur, cum sex Excusationum libros, forsitan & alia, Græce conscripserit. Cum porro verborum fraudes, a JCtis excogitatz, in formulis & interpretationibus constiterint, ideo has quoque Noster declarat. De cætero *Eurematica* ipsi triplicis generis esse videntur, quædam enim sunt necessitatis, quædam securitatis, nonnulla etiam honestatis humanitatisque, quæ singula diligenter persequitur, eorumque usum in iudiciis, contractibus & ultimis voluntatibus ostendit. Cum igitur tam insignis & multiplex *Eurematicorum* in Jure usus appareat, merito jam olim valde gratum acceptumque populo, hoc JCtorum munus accidisse, ac ex eo JCros præcipue Prudentes sive Jurisprudentes fuisse vocatos, notat, & a communi Jurisperitorum laude, ad singularem Modestini commendationem translatus, quædam minus vulgaria de ipso præfatur. Fuit scilicet Modestinus Ulpiani discipulus, vixitque sub Alexandro Severo, atque ultimus fuit eorum, qui Jurisprudentiæ fama apud posteros florere, ut cum ipso oracula JCtorum obmutuisse, eleganter Gothofredus dixerit. Quod ad indolem Modestini, valde æqualis & moderatus fuit, modeste modiceque desensentiens, & tamen, quæ displicebant, ingenue notare, ac disputando animi sui sensa libere & constanter promere sustinuit, hinc sæpe etiam in media dominatione, libera & imperterrita ejus vox extitit. Æquitatem passim prætulit juri stricto, ac scriptæ civilis sapientiæ & solidioris ratiocinii plena reliquit, fragmentis, quæ crebra in Pandectis occurrunt, abunde id comprobantibus. In Capite octavo, occurrit explicatio *l. 50. de acqu. vel*
omitt.

omitt. hared. in qua dicitur, quod si per epistolam servo pupilli tutor hæreditatem adire jusserit, & post subscriptam epistolam, antequam ex ea servus hæreditatem adiret, tutor moriatur, nemo dicturus sit, obligari postea pupillum hæreditati. Circa eam observat Clarissimus Autor, usum procuratorum & nunciorum, contra jus subtile ac rigidum, moribus introductum esse, nec tamen, in omnibus omnino actionibus, locum habuisse, sed actus legitimos, ac inprimis hæreditatis aditionem, præfracte, operam istam vicariam respuisse, rursus tamen, favore pupillorum receptum esse, ut etiam per tutorem, hæredes fieri possint. Sed ne quid temere hic concessum putes, non omni pupillo, sed infanti solum hoc datum esse, Noster deinde annotat, id tertio adjiciens, quod tutor, eo casu, non statim adeat, sed fere prius servum pupilli, nomine domini, hæreditatem jubeat adire: quibus positis, apparere amplius ait, in textu nostro, pupillum infantem supponi debere, num vero ipsum, vel ejus servum, hæredem institutum dicas, nihil referre. Quod autem, mortuo tutore, pupillum, ex servi ignorantis aditione, hæreditati non obligari, in lege nostra dicatur, illud singulare, ac diligentissimæ observationis Noster esse censet, cum, secundum communes juris regulas, contrarium omnino dicendum sit. Sed ut hætenus sententia legis satis sit manifesta, quodnam tamen Eurematicum hinc deduci possit, non perinde liquet. Fatetur igitur Clarissimus Autor, se non multum hic invenire, quod cautionem sapiat, hinc amplius conjicit, compilatores Pandectarum hunc locum quidem ex Modestini libro singulari de Eurematicis desumisse, sed non propter ipsum Eurematicum, ut ceteros plerosque, verum ut materiæ de adeunda vel omittenda hæreditate inserviret, neglecto, quod ei adhærebat, Eurematico. Caput ultimum variis aliorum Eurematicis destinatur, quæ strictim recensebimus: Referuntur itaque Eurematica Q. Mucii Scævola, C. Galli Aquilii, Antistii Labeonis, Neratii Prisci, Juventii Celsi, Salvii Juliani, Sexti Cæcilii Africani, Sexti Pomponii, Gaji, Terentii Clementis, Ulpii Marcelli, Q. Cervidii Scævola, L. Æmilii Papiniani, Claudii Tryphonini & Elii Marciani, Ulpiani & Pauli, Venuleji Saturnini, ac tandem

incertorum Auctorum, cujus generis Nostro esse videntur, vetus illa testandi ratio per æs & libram, providentia circa substitutionem pupillarem tradita in §. 3. l. de pup. substit. clausula codicillaris, fictiones legis Corneliae & juris postliminii, constitutum possessorium aliæque fictæ traditiones, cessio in jure, & omnes imaginariæ ac umbraticæ emtiones venditiones, aliique actus solennes & legitimi: denique, quæ ad Jus publicum pertinere censentur, aquæ & ignis interdictio, pœnz servitus & addictio in servitutem, si quis ad nomen non respondisset. Hæc tria enim, judice Nostro, nihil aliud sunt, quam mera commenta, in fraudem legis Porciæ & Semproniae.

*AD SODALES HISPANÆ CONFRATERNITATIS
SS. Sacramenti, qui in solemnibus exequiis LEOPOLDI Rom.
Imperatoris, Urnam sepulchralem, & ipsius effigiem magnifico apparatu crexerant, Oratio Panegyrica Comitis JOANNIS BAPTISTÆ COMATII, ejusdem Confraternitatis Consodalis;
habita Viennæ in Parochia Cæsarea Sancti Michaelis,
Anno 1705, 1. 2. 3 & 4 Septembris.*

Viennæ Austriæ, typis Joannis van Ghelen, 1705. fol.
Constat pl. 10 & fig. æn. 2.

NON ignobile est inter nitidissimos hujus ævi scriptores Etruscos Illustr. Comitis Comatii nomen, quippe qui variis hætenus libris historicis atque politicis pulcre contextis inclauit, quorum cum in Actis nostris, nescimus quo fato, mentio facta fuerit nulla, non erit ab hoc loco alienum, de his, qui ad manus nostras pervenere, paucis præfari. Nimirum postquam Historiographi Cæsarei munus, morte Ill. Comitis Galeatii Gualdi Priorati relictum, Comatio fuisset demandatum, qui solus dignus habebatur Imperatori LEOPOLDO, qui historiam rerum suarum a Gualdo cœptam pertexeret, e re existimavit, ea primum, quæ Gualdus fusius usque ad annum 1670 (quo vastum ejus opus *Historia di Leopoldo Cesare Viennæ II Voluminibus in fol. prodiit*) tradiderat, in compendium redigere. Prodiit ergo ejus *istoria di Leopoldo Primo Imperatore*
Viennæ,

Viennæ, circa annum 1689, duobus minoribus tomis in 8, eoque statim plausu exceptus liber est, ut & mox A. 1690 in Germanicam linguam translatus Augustæ Vindelicorum prodiret, & deinde A. 1697 Viennæ, etsi haud auctior, recuderetur; quo eodem anno prodiit ibidem libellus ejus elegans *Coronazione del Re dell' Ungaria, Giuseppe, Arciduca d' Austria, celebrata in Posonia l' anno 1687 li 9 Decembre*, in 8, quo multa continentur, quæ ad res Hungariæ accurate intelligendas pertinent. Dignissimus quoque lectu est ejus libellus *La Mente del Savio* inscriptus, quem ibidem anno 1697 in 8 impressum vidimus, primogenitum tamen ab Auctore in dedicatione appellatum, ubi Sapientem primo accurate describit, deinde quem is conceptum de existentia Dei, de religione, de rebus supernaturalibus, de immortalitate animæ, de libertate humana, de bono & malo, de virtutibus & vitiis, de se ipso & suo statu, de aliorum conceptu, affectibus, intentione & moribus, de legibus humanis, de mundi gubernatione, deque vita & morte habeat, sigillatim, variis admixtis exemplis historicis, ostendit. Denique Venetiis A. 1699 & hoc ipso anno 1706 Viennæ prodiit ejusdem liber *La Morale dei Principi, osservata nell' Istoria di tutti gl' Imperadori, che regnarono in Roma*, in 8, in quo, transcurfa Cæsarum a Julio usque ad Constantium Chlorum historia, quædam notatu digniora paucis verbis excerpfit, quibus deinde morales quasdam observationes subjecit, & in his artes regnandi luculenter ostendit. Hæc sunt Comatii opera, hæcenus a nobis visa, in quibus & eruditionis varietatem, & sermonis Etrusci, in quo regnat, suavitatem merito commendamus. At cum non minus Latinæ linguæ peritissimum esse, hic, quem sistimus, Panegyricus ostendit, quem, cum Hispanum Cæsareo - Regium Sodalitium SS. Sacramenti *LE OPOLDO* in Cæsarea Parochia S. Michaelis funebrem molem longe elegantissimam (cujus hic typus affabre depictus cernitur) exstruxisset, magno omnium plausu recitavit. In hoc virtutes Leopoldi, pietatem, prudentiam, constantiam, aliasque decantat, & qualem non modo suis, sed & hostibus se propinaverit, qua felicitate Turcas Gallosque superaverit, verbis magnificis ostendit; neque minus singularia nonnulla paucisque

nota inspergit. Quorsum pertinent omina illa: *In Zentba conflictu pravolantes luserunt Aquila: ante desolationem Bosnia, hymphatici per compita urbium clamarunt Vates: in extremis Hungaria moribus, sacra fleverunt imagines: ante Hachstetbianam Gallorum stragem, victoria nuntius Viennam accessit.* Verum malumus Lectores totam orationem perlegere, quandoquidem metuendum nobis est, ne, si laciniam pulcerrimæ vesti detrahamus, elegantiae aliquid decedat.

NOVA LITTERARIA EX ANGLIA.

Plures Anglos sub prelo habere libros eximios, ex impressis aliquot schedis, quæ in manus nostras pervenere, intelleximus. Præterquam enim quod Oxonii Vir celeberrimus, Joannes Mill, S. T. P. Prolegomena Novo Testamento, quod Græce in folio, quod ajunt, cum variis lectionibus splendido volumine editurus est, præmittenda excudit, ibidem doctissimus Jo. Ernestus Grabe exactissimam Versionis LXXviralis editionem procurare aggressus est, id quod ante illum Fronto Duceus in Gallia, & Is. Vossius in Anglia frustra tentarunt. Constituit autem exemplar Alexandrinum sequi, a Wanlejo magna industria atque studio collatum, quod cur ceteris MSptis præferat, in epistola quadam ad laudatum Millium ostendit. Neque tamen alia MSpta negliget, quorum ope textus multis modis emendabitur, & supplebitur locis bis mille, in quibus sunt trecenti fere versus integri, qui in Anglicanis hætenus editionibus desiderati sunt. Hæ additiones atque emendationes suis locis, sed paulo minori caractere, inferentur, & si quid fuerit in Alexandrino codice emendatum, lectio tamen ejus codicis in margine deprehendetur. Præterea accedent passim Origenis asterisci atque obelisci, nulli hætenus editioni additi, & inter deperditos habiti, quorum illos supplementis, quibus lacunas LXXviralis versionis suppleverat, hos vero verbis & sententiis, quæ in textu Hebraico non comparebant, præfixit. Ceterum Grabium hunc ad editionem tam egregii operis haud imparatum accedere, vel tres ejus dissertationes de versione LXX Interpretum nuper Oxonii in 4 editæ, documento esse possunt. Imprimuntur & Oxonii Livii Opera, sex Voluminibus comprehensa cum variis Le-
ctio-

tionibus, Chronologia & Notis, in 8, accurante T. Hearne A. M. quam editionem eo futuram speramus præstantiorem, quod ejus ordinandæ ac revidendæ curam, præter dictum Hearne, eruditissimus Hudsonus, Bibliothecarius Bodlejanus, in se suscepit. Nimirum ipse textus is futurus est, quem Gronovius senior exhibet, cum MSptis tamen variis, nunquam antea collatis, & editionibus præstantioribus comparatus, cui series chronologica, qualem Dodwellus consignavit, in margine adjungetur. Subjicientur singulis fere paginis variæ lectiones, nec non conjecturæ atque emendationes virorum eruditorum longe plurimæ, quas alii Livii editores insuper habuere, brevissimis tamen, ne lectori offensioni esse possint. Proinde in fine cujusque voluminis, vel si videbitur, junctim in ultimo, annotationes & explicationes prolixiores, quæ textui commode subnecti non potuere, nec non Nummi atque Inscriptiones, quæ ad illustranda Livii loca pertinent, deprehendentur. Denique lacunæ & Doujatio supplebuntur, & mappæ Geographicae accuratiores suis locis inferentur; & accedent operi luculenta præfatio, & indices copiosiores. Hæc ubi absoluta fuerint, de imprimendis pariter Freinsheimii Supplementis deliberabitur. Sic deinde etiam Tacitum duobus voluminibus, in 8, & Ciceronem duodecim voluminibus excudendum esse, in eadem scheda, ex qua hæc deprompsimus, nuntiatur. Vidimus & Dionis Cassii novum specimen, in fol. cujus quippe Scriptoris Historias Romanas, ex Guil. Xylandri Interpretatione a Jo. Leunclavio locis innumeris emendatas recudere Angli constituere. Neque vero inter Wechelianam & novam hanc editionem quicquam interesse videtur, nisi quod, quæ ad finem illius editionis adjectæ sunt notæ, hic singulis paginis subjunctæ conspiciuntur, quibus tamen plurimas adjecit Oddy, qui hanc forte editionem curabit. Appositæ quoque sunt singulis paginis anni; contra, quæ in margine Wechelianæ exstant, notulæ omissæ omnes. Sunt & sub prelo Oxonii Theodosii Sphærica Gr. Lat. accurante Jos. Hunt, A. M. in 8. Item Eduardi Lhwyd, Ashmoliani Musei Custodis, Archæologia Britannica; containing some Account, additional to what has been hitherto published, of the ancientest Languages, Customs and Monu-

Monuments of the British Isles; from Observations and Collections in Travels through Wales, Cornwall, Basse Bretagne, Ireland and Scotlant, Vol. I. in fol. An Exposition of Daniel's Prophecy of LXX Weeks, with Chronological Tables of those Weeks, and other matters relating to the same; by the Right Reverend Father in God, William Lord Bishop of Worcester, in 4. The Natural Immortality of the Soul asserted and proved, from Scripture and Primitive Antiquity; (in Answer to a Book written by Mr. Dodwell, entit'led *The Distinction between Soul and Spirit*) wherein the true sense of the Fathers concerning the Origin, Nature and Immortality of the Soul is represented, and a particular and full Account given of all those Citations, Mr. Dodwell has made from them; by Tho. Milles, B. D. of Christ Church. Promittuntur etiam libri frequentes, quanquam nondum prelo subjecti: Geographorum Græcorum minorum Volumen tertium, cura Jo. Hudion, 8; Bostoni Buriensis Catalogus Scriptorum Ecclesiæ, & Joannis Lelandi Opus de Scriptoribus Majoris Britannix illustribus, cum Additamentis uberrimis, e codicibus MSptis & impressis, per T. Tanner A. M. Cancel. Norwic. nec non John Spelman's Life of King Alfred the Great, from the Original Copy, with several Additions from MSS. by Mr. Hearne, cui, si e re videbitur, accedent ejusdem Spelmani tractatus duo, alter A view of a printed Book entitul'd, *Observations upon his Majesties (King Charles I.) late Answers and Expresses*, alter The Case of our Affairs in Law and Religion examin'd.

LIBRI NOVI ALII.

Le Grand Cabinet Romain ou Recueil d' Antiquitez Romaines que l' on trouve à Rome, avec les Explications de Michel Ange de la Chausse. A Amsterdam, chez Fr. Honoré & Zach. Chatelain, 1706. fol.

Nouveaux Memoires de Mr. Nodot, ou Observations qu' il a faites pendant son Voyage d' Italie. Avec des Cartes & des Figures. A Amsterdam chez Zacharie Chatelain le Fils, 1706. 12.

Divers Ecrits touchant la Signature du Formulaire, par Rapport à la dernière Constitution de N. S. P. le Pape Clem. XI. 1706. 12.

ACTA ERUDITORUM,

publicata Lipsiæ

Calendis Novembris Anno M DCC VI.

JOHANNIS MARCKII BIBLICÆ EXERCITATIONES
ad quinquaginta selecta loca Veteris & Novi Testamenti.

Amstelodami, apud Gerardum Borstium, 1706. in 4.
Alph. 6. plag. 8.

Post editas A. 1694. ad selectiora loca Veteris & Novi Testamenti, numero quinquaginta, Exercitationes *Textuales*, a nobis in his Actis anno modo nominato p. 234. s. recensitas, alias nunc ad totidem utriusque Fœderis extantiores textus Exercitationes, quas *Biblicas* vocare lubuit, Clarissimus MARCKIUS nobiscum communicat; unde non possumus, quin earundem themata notitiæ Lectorum paucis jam insinuemus, & generatim ante omnia varia heic Polemica, Critica, Chronologica, Moralia, Philologica, Topographica, Historica, Dogmatica & Problematica, quæ delectare ipsum queant, in volumine hoc reperiri significemus, quæ qualianam sint, strictior recensu ipsi paulo clarius ob oculos proponet.

Verborum Dei ad Cainum Gen. IV, 7. hanc esse versio- Exercit. I.
nem atque expositionem optimam, conjectura quadam sua nixus, asserit: *annon, si bonam feceris adductionem vel oblationem, vel etiam excellentiam, quam possides jure primogenituræ, aut si bene feceris offerendo, una cum hoc opere, quin & si non bonam illam, aut bene feceris, ad ostium peccati cubans porro, & ad te, ut primogenitum, appetitus illius tui fratris junioris erit, & tu adeo dominaberis in eum?* Geminam sane heic, eamque diversissimam conditionem proponi, sed unum tamen eundemque eventum Caino optabilem promitti innuit, qui Cainum ab omni
O o o affe-

- affectu & molimine pravo in Habelem deberet retrahere, utpote illuc jam nimis inclinatum. *Ordinem filiorum Noachi*, ad locum Gen. V, 32. illustrandum, ita disponit, ut Japhetum agnoscat maximum, Semum medium, & Chamum minimum. *Annus natiuitatis Abrahami* non in septuagesimo, sed in centesimo potius trigesimo patris ipsius Terachi, quarendum autumat, locaque adeo Mosis Gen. XI, 26. & Gen. XII, 4. cum inter se, tum & cum narratione Stephani Act. VII, 4. conciliat. De facto Abrahami, *uxorem suam pro sorore haberi volentis*, Gen. XII, 11. 12. 13. ita iudicat, ut Abrahamum a culpa expressi mendacii turpisque lenocinii absolvat quidem, nec tamen ipsum ideo a multa prudentia, subiectione, fide & fiducia commendandum, quin potius de nimio metu, dissimulatione indeeenti, & impudicitiae consensu satis manifesto, redarguendum venire statuatur. Promissionem Divinam *de semine Abrahami futuro instar stellarum*, Gen. XV, 5. primo & directe posteritatis ex Abrahamo nascituræ secundum carnem multitudinem stupendam inferre, sed tamen insimul & pium Abrahami semen tum ex posteris, tum ex Gentibus, spectari, nec Christum excludi debere; in similitudine stellarum etiam, præter numerum, de variis laudabilibus horum posterorum qualitatibus cogitari posse contendit. *Itionem Abrahami ad patres*, Genes. XV, 15. memoratam, de ejus morte exponit, & quod addatur, *in pace*, non adeo spectare vult felicem cœli quietem, in quam moriens abierit Abraham, quam prosperitatem & tranquillitatem Abrahami, quæ ipsum in vita sic comitari debeat, ut nec morientem relinquat. In nominibus *Abraham & Sarah*, pro Abram & Sarai a Deo his impositis, non aliud mysterium, quam solam feminis multiplicandi denotationem, quarendam venire admittit. *Columna nubis & ignis* historiam ex Exod. XIII, 21. 22. dum illustrat, miraculosam istam omnino fuisse censet, nec pro miraculo substituendam admittit naturæ operationem, nedum humanam industriam in curando altaris foco, quo quidem posteriori in capite Clarissimum Hardtium palam refutatum dat. Similiter in *aquis Mara amaræ* per injectum lignum edulcatis Exod. XV, 22. - 26. supernaturale Dei ipsiusmet miraculum agnosci cupit. *Coturnices* juxta Exod. XVI,

XVI, 12. 13. Israelitis concessæ in cibum, non locustæ ipsi, sed omnino aves sunt, earundemque multitudinem stupendam miraculis Divinis utique annumerat; & in eadem classe *Manna* quoque *deserti* Exod. XVI, 13 -- 36. reponit, quam gloriam & *aquis ex petra* bis miraculose eductis Exod. XVII, 1--7, & celebri *aquarum puteo* Num. XXI, 16. 17. 18. descripto vindicat. Sententiam suam olim Exercitat. Textuali VIII. Part. I. assertam, *de vestimentis & calceis Israelitarum in deserto* duratione extraordinaria instructis, qua vel nullatenus vel potius non plene detrita, a mortuis etiam relictæ vivis, & ab his varie, pro ratione ætatis variantis, sibi aptata fuerint Deut. XXIX, 5. contra ea, quæ secus visa sunt Celeberrimo Hardtio, paucis vindicat. Integrorum dehinc Psalmorum quatuor, qui sunt *secundus, oclavus, decimus sextus & sexagesimus oclavus*, exegelin subnectit, & in eorundem expositione, præcipua aliquot Christianismi mysteria, ad credentium instructionem, & incredulorum convictionem, stabilita dat. De מנחה & שכר Messia Regi adducendis juxta Ps. LXXII, 10. ita sentit, ut voce מנחה munus farreum, vocabulo autem שכר libamen sacrum notari, modumque loquendi ab œconomia vetere ad cultus spiritualis & corporalis integritatem, lætitiæ & acceptionem gratam transferri statuatur. *Conversionem* seu *reversionem hominibus a Deo mandatam* Ps. XC, 3. nil nisi hominis mortalis corruptionem & mortem, ex Dei potentissimi & semper vivi sententia ac providentia immissam, respicere affirmat. Locum alias difficillimum *de nimio justitiæ & sapientiæ*, simul & *improbitalis ac stultitiæ*, a Salomone damnato Eccles VII, 16. 17. 18 sic παραφραζει: *Ne justitiam constituas in iis, quæ a Deo non sunt mandata, neque horum etiam intuitu de tua justitia altum sentias, aut dictis factisque te ipsum efferas. Sapientiam similiter noli æstimare, quæ in minus necessariis inutilibus & abditis versatur, nec ex ea aut aliunde tibi crescat animus, nedum ut de te inaniter glorieris; ne desolationis tuæ propriæ per conjuncta hæc vitia fias autor. Porro ne improbitatem agnoscas in iis, quæ Deus ipse non interdixit, ut hinc quoque te ipsum indecenter deprimas, aut depressum prodas; ut ne pro stultitiâ habeas ignorantiam quamvis, ut hinc vera de omni aut necessaria sapien-*

XI.

XII.

XIII.

XIV.

XV---XIX.

XX.

XXI.

XXII.

XXII.

tia carere doleas, aut exclames; ne ejusmodi viis per additionem ad Dei verbum & abnegationem gratia ejus, festinatum tibi accersas judicium. Per facies aquarum, super quas mittendus sit panis, Eccles. XI, 1. homines miseros cum suis miseriis & lacrymis,

XXIII.

qui liberalitate juvandi sint, & per multitudinem dierum, in qua inveniendus ille rursus sit, multos dies vitæ hujus continuos, atque futuram insuper æternitatem intelligit. Circa populi ad

legem & testimonium factam Jes. VIII, 20. alligationem, duplicem expositionem ulterius examinandam suppeditat. Una hæc est:

ad legem & testimonium se conferant, attendant & componant, si non sint locuturi, seu loqui nolint, secundum verbum hoc, in quo non est aurora, h. e. si in meris tenebris renuant hære, & veram lucem sincere quærant, quæ non est extra legem & testimonium Jehovahæ. Altera rursus hæc: ad legem, eo, ut dictum

est, modo se recipiant, attendant & componant, & ad testimonium, Vatum scilicet, si non loquantur hi secundum verbum hoc Pythonum & sciolorum, in quo non est aurora, sed lucidissimam ex adverso legem Dei teneant, sequantur & inculcent. Jero-

XXIV.

solymitani montis Zion situm magis pro meridionali, quam

XXV.

septentrionali agnoscit, & locum Jes. XIV, 12. illustrat. Consilia Dei de longinquo, Jes. XXV, 1. laudata, respicere monet non tam præteritum quam futurum, tempora videlicet longe post futura & loca longinqua. Hæc summaria est materia Exercitationum viginti quinque, quibus totidem locorum Veteris Testamenti vexationum sensus dilucidatur.

Exerc.

XXVI.

In secunda voluminis parte loca Novi Testamenti tot, quot in priori Veteris, excutiuntur. Excitationem filiorum Abrahamæ ex lapidibus, Matth. III, 9. allegatam, non vult accipi de immediata lapidum in Abrahamidas conversione, sed putat ex lapidibus dici tum excitari filios Abrahami, quando lapidum vilis, dura & ad nutrimentum naturaliter proprus inepta substantia, cedat loco mollium & aptiorum terræ partium & frugum in nutrimentum, etiam semineum, Abrahamidarum, qui hinc alios iterum gignant filios, ex illa jam in se mutata lapidum substantia.

XXVII.

In Spiritus super Christum baptizatum descensu, veram columba formam fuisse visam, ad Matt. III, 16. adstruit; quanquam hunc con-

spe-

spectum ad Christum & Johannem restringere malit, quam uni-
 verso populo permissum credere. *Tentationem Christi* vere factam,
 ex Matth. IV, 1. sq. probat. *Debita*, quorum *remissionem Divinam*
 credentes in petitione quinta Matth. VI, 12. sibi expetant, peccata
 esse evincit. *Sapientia a liberis suis justificata* ex Matth. XI, 19. hanc
 facit notionem, ut Sapientia (per quam omnino Christum intel-
 ligit,) dicatur non intrinseca quadam mutatione facta iusta, sed
 pro iusta agnita, defensa, pronunciata, celebrata, adeoque &
 ab oppressione injusta liberata, & quidem a filiis suis, seu ob-
 jective in eis & ob eos, seu subjective potius ab eis, ut efficientibus
 istius justificationis. *Blasphemiam in Spiritum Sanctum* non re-
 mitti notat, ad ductum Matth. XII, 31. 32, tum ex rejectione me-
 dii unici salutis maligna, quæ heic adsit, tum ex defectu resipi-
 scientiæ veræ, qui semper consequatur. *Mosen & Eliam* nequa-
 quam in phantasia modo, sed vere, a discipulis transfigurationis
 Christi spectatoribus fuisse visos affirmat, & locum adeo Matth.
 XVII, 3. ulterius explanat. *Sanctorum monumenta* in morte
 Christi *aperta*, eorum vero *excitationem* Christi demum *subsecu-*
tam esse resurrectionem statuit, suscitatosque absque altera
 morte in coeli gloriam ingressos pronunciat, ut sua lux narra-
 tioni Matthæi Cap. XXVII, 52. 53. constet. Voces, *ἐρχόμε-*
νοι εἰς τὸν κόσμον Joh. I, 9. non ad hominem, sed ad τὸ Φῶς
 trahit. *Accepta* a nobis ex Christi plenitudine *χάρις ἀντὶ χά-*
ριτος, explicatur de gratia impetrata pro gratiæ agnitione per
 preces & gratiarum actiones. Per τὸν Λόγον in locis Act. XXXVI.
 X, 36. XIII, 26. XX, 32. & Hebr. IV, 12. Filium Dei designari ob-
 servat. De *credentibus ad vitam aeternam ordinatis*, ex Act. XIII, 48,
 adversus Pelagianas torsiones varias disputat. Πάρεσιν *peccato-*
rum antecedentium Rom. III, 25. 26. interpretatur de facta fide-
 libus Patribus ante Christum peccatorum seu prætermissione, seu
 transmissione, seu præteritione, seu dissimulatione, quæ singula
 non modo impunitatem peccantium, sub Novo Testamento
 non minus quam sub Veteri obtinentem, includant, sed & pu-
 nitionem ipsius Vadis ad illud tempus excludant. Post *Sapi-*
entia Evangelica præstantem descriptionem, quæ 1. Cor. II, 6-10. XL.

XXIIX.

XXIX.

XXX.

XXXI.

XXXII.

XXXIII.

XXIV.

XXXV.

XXXVI.

XXXVII.

XXXVIII.

XXXIX.

XL.

- XLI. reperiunda est, decenter illustratam, *unicum fundamentum* declarat, & de opere vario ei inadificato ex 1. Cor. III, 11-15. agit.
 XLII. Tum *Angelum Satan Paulum colaphizantem* 2. Cor. XII, 7. exponit de percussione corporali ab Angelo malo facta. *Fundamentum Prophetarum & Apostolorum* Eph. II, 20. illud esse perhibet, cui ipsi sint inædificati, vel rectius, quod ipsi active posuerint, sive illud sit personale, ipse Christus, sive reale, doctrina illorum etiam Scripturis comprehensa; lapidis vero ἀκρογωνιαῖος nomen Christo recte tribui, palam ostendit. *Firmum Dei fundamentum* 2. Tim. II, 19. Christum ipsum dicit. Quando Christus Jesus appellatur *Apostolus & Pontifex τῆς ἐμολογίας ἡμῶν*, Hebr. III, 1. per hanc non sponsonem seu conventionem & consensum, sed *confessionem* intelligi debere observat.
 XLV. Quid prudentia insit promisso Apostolico *de fundamento iterum haud jaciendo* Hebr. VI, 1. 2. 3. latius declarat. *Illuminatorum prolabentium renovationem ad resipiscenciam* negatam Hebr. VI, 4. 5. 6. capit de hominis lapsi interiori & exteriori immutatione ad statum & operationem meliorem, magisque Divinae voluntati simul & saluti propriae ac statui Adamico quadantenus convenientem. Hanc dicit vocari impossibilem ob impotentiam humanam, quæ tamen ipsa ex negata Divina voluntate & cooperatione oriatur, adeoque sic satis sit absoluta, & monstret, frustra fundamentum prorsus destructum rursus ponendum esse. Porro postquam, quid sit ἀφεσις peccatorum tollens oblationem? Hebr. X, 18. declaravit, & certum ac grave iudicium ultro post agnitionem veritatis peccantium, ex Hebr. X, 26-29. exposuit, tandem in loco 1. Joh. V, 16. 17. definit, ac quidnam sit *peccatum non ad mortem*, disquirat. Ascendendum nempe putat ad speciem unam, vel multiplicem potius, peccati, adversus quam, præ alia aliqua, decreverit Deus gratiam suam in Christo demonstrare, non in omnibus, sed in multis peccantibus, quæque hinc, sive gravior, sive levior in se, admittat resipiscenciam possibilem & actualem serius vel ocys, in electis & credentibus hominibus, adeo, ut de nominatis fratribus, qui sic peccant, nequaquam sit desperandum.

Singu-

Singulis his ita absolutis appendix quædam subjicitur, Oratio puta funebris in obitum *Jac. Triglandii*, Jac. Filii, Jac. Nepotis, S. S. Theol. Doctoris, hujusque & antiquitatum Hebraicarum Professoris & Ecclesiæ Lugdunensis Pastoris, ab Autore Clarissimo habita, e qua vitæ a Triglandio transactæ brevissimas has lineas ducere, a scopo nostro haud alienum forte fuerit. Natus est Triglandius Harlemi, VIII. Maji, An. 1652. Undecimo ætatis suæ anno parente utroque orbatus, sub provida amicorum & agnatorum cura multum profecit. Latinas Græcasque literas, cum Philosophiæ principijs, tractavit primum in Schola Harlemensi, & dein in Amstelodamensi, sub ductu Rectoris Adriani Junii. Academias hinc salutaturus, primo venit Harderovicum, hinc Lugdunum transiit, ubi admissus est in hospitium Antonii imprimis Hulsii, cujus ductu multum in Orientalium linguarum exercitio præstitit. Impellente sanctissimo voto morientis Patris, quod religiose habendum merito credidit, Theologiæ se totum consecravit, & in Academia Lugdunensi Viros celeberrimos, Abrahamum Heidanum, Christophorum Wittichium, Fridericum Spanhemium, Davidem Knibbium aliosque diligenter audivit, tantumque ex eorum institutione emolumenti cepit, ut, quotquot respondentem, opponentem, defendentem, orantem Juvenem audirent, de maximis usibus, quos ab ipso olim certo esset habitura, Ecclesiæ lætabundi gloriarentur omnes. Posteaquam in examine solito Classi Harlemensi suam probavit diligentiam, A. 1676 Viris Eruditis, tum per Belgium, tum per Angliam, in quam per septimanas aliquot excurrit, coram innotuit. Vithornæ primum, qui pagus spectabilis est in Diœcesi Trajectina, hinc incunte A. 1677. Trajecti, A. 1678. Bredæ Ecclesiæ Ministrum egit. Breda ipsum ad se trahere conabantur Medioburgenses, at hæsit ibi usque ad A. 1680, quo ejus ministerium expetiit & impetravit denuo Ecclesia Ultrajectina, a qua divelli se haud passus est per Roterodamensem Ecclesiam, quantopere hæc ipsum urgeret A. 1681; quo tamen labente major fuit in eum Lugdunensium imperus, cui, quippe fortius repetito, cessit, haud liber interim vel a rogationibus Hagienſium, vel a votis Amstelodamensium. Sed mansit nihilominus Lugdunensi, ubi

ni, ubi A. 1690. ex Magistratus & Synedrii consensu, labores sacros cum Marckio partitus est. Anno 1686. ordinariam Theologiae Professionem obtinuit, & insuper A. 1702. novo titulo antiquitates Hebraeorum profiteri iussus est. Doctrinam de cætero Noster vere consummatam ei tribuit, linguarumque eum omnium ad stuporem potentem vocat, utpote qui, præter Theologiae sacrae abstrusissima quæque capita, noverit, quicquid fabulosum aut verum, parvum aut magnum, vetus aut novum, indignum aut dignum dederit seu orbis Christianus, seu Roma gentilis, seu Græcia sapiens, seu Ægyptus solers, seu Oriens etiam extremus. Imprimis nihil tradidisse ait Judæorum populum, per suos Magistros vel Scripturarios, vel Talmudicos varios, quod ipse minus exploratum habuerit. Eruditionis præclaræ monumenta illustria reliquisse ipsum refert non tantum in selectis variis disputationibus, de *Librorum Apocryphorum appellatione*, de *Libro Justorum*, de *Corpore Moysi*, de *Trium Cælestium Testium apud Johannem authenticæ*, de *Domini nostri elogiis apud Paulum initio Epistolæ ad Hebræos*; & in Orationibus, de *Legitima Fidei propaganda ratione*, de *Utilitate Religionis in Republica*, de *Origine & Causis Rituum Mosaicorum*, de *Josepho Patriarcha in Sacri Bovis Hieroglyphico ab Ægyptiis adorato*, de *Laudibus Friderici Spanhemii defuncti*; sed & in Conjectaneis de *Dodone*, & *Opere de Karaïs* (a nobis etiam nuper recensito in his Actis, A. 1703. p. 63.) & *Sacra Scriptura Vindictis* adversus novum ejusdem Systema a Viro Docto temere formari cœptum. Et plura accepisset ab ipsius manu Orbis Eruditus, nisi eum fata his terris eripuissent, d. 22. Septembris, A. 1705, quo ætatis suæ quinquagesimum agebat quartum. Superstes tamen perennat in filio, quem præter filias quatuor reliquit, *Jacobo*, qui studiis variis egregie innutritus & excultus, *Juris-Consulti* titulum haud ita pridem cum omnium applausu accepisse dicitur.

IDEA DE' NOBILI NELLE GESTA DEL
Comte Ottone Onorio di Traun, &c.

i. c.

i. c.

IDEA NOBILIIUM IN VITA ILLUSTRIS-
simi OTTONIS HONORII, S. R. I. Comitis
de Abensperg & Traun, Wolckenburg & Eglos, Domini
in Traun, Petronel & Maissa &c. historice delineata
a Dn. DE LA ROCHE, ejusdem quondam
Nutritio. In 8.

Constat pl. 16.

ET si in titulo opusculi hujus, neque loci, ubi editum, neque
 anni, aut typographi nomen conspicitur, compertum ta-
 men habemus, illud nuper admodum Viennæ prodiisse. Com-
 plectitur autem vitam, itinera & res gestas Illustrissimi Comitis
 OTTONIS HONORII DE TRAUN, hodieque super-
 stitis, qui præter Aurei Velleris insigne decus, Supremi Vexilli-
 feri hæreditarii utriusque Austriæ, Consilarii Status Intimi, Ma-
 gnique Mareschalli & Generalis Colonelli Austriæ Inferioris di-
 gnitate gaudet. Natus is est Patre Honorio, & Matre Regina
 Christina, Comitissa de Zinzendorff, anno 1644, die 13 Martii.
 Religione Catholica a primis annis imbutus, cum ingenium acre
 & ad quævis aptum prodidisset, nactus est præceptorem doctissi-
 mum Wagenfeilium, cujus præceptis & in secessu Maissano, &
 integro biennio Posonii usus est. Remoto deinde ex ejus co- 23
 mitatu Wechtlero, quem periculum erat, ad Protestantium Sa-
 cra juvenem traducturum, cum Viennæ palam professus esset. 28
 Catholicam religionem, nutritium nactus *Philippum Patritium* 30
de la Roche, natione Hibernum, qui hujus libri Auctor, iter
 cum eo ad externos ingressus est. Primum in Galliam profectus,
 anno integro Lugduni, studiorum inprimis gratia, nec breviori
 tempore Parisiis commoratus est. Hinc Madritum, ubi tum. 40
 nuptiales festivitates inter Leopoldum Cæsarem & Margaritam,
 per vicarium, Comitem de Pötting celebrabantur, perrexit, at- 48
 que in familiaritatem Joannis Austriaci admissus, cum copias in
 Lusitanos ducentem secutus est, egregiaque ea in expeditione

P p p

vir-

- virtutis suæ rudimenta dedit, vario vitæ discrimine feliciter de-
 53 functus. Visis postea celebrioribus Hispaniæ urbibus, in Afri-
 cam cum Anglis nonnullis e Gaditano portu excurrit, ubi no-
 vum in sedanda barbarorum rebellionē virtutis specimen edidit;
 redux deinde in Hispaniam factus, quicquid visu dignum reli-
 quum fuerat, curioso oculo observavit, denique Barcinone,
 68 Genuam solvit. Verum duplici jactatus tempestate, primum
 Rhodum, deinde Massiliam appulit, & mutato adeo consilio,
 cum Melitensium Gallorumque classe denuo in Africam ad subi-
 71 gendam urbem Gigeri contendit, qua capta, Melitam ipsam pe-
 tens, adversa ventorum vi in Tolonem Martium coniectus est.
 Hinc denuo mare ingressus, Italiæ littora legit, & præter Ge-
 74 nuam, urbes aliquas Regni Neapolitani & Siciliæ spectavit, &
 ubique notatu digniora observavit. Sic Cajetæ vidit sepulcrum
 76 matris Æneæ, & carcerem, in quo illo tempore Dux Guisus &
 Masanielli propinqui, qui rebellionem adjuverant, asservaban-
 tur, Puteoli pontem admirandum, quem opera Diaboli constru-
 xisse Petrus Bailardus fertur, Sibyllæ Cumanæ habitationem, se-
 pulcrum Agrippinæ, scholam Ciceronis, aliaque, nec non Syra-
 81 cusæ cavernas subterraneas, & speculam Archimedis. De-
 mum in Melitam insulam venit, & a Magno Magistro cruce &
 dignitate Equitis voluntarii ornatus, eo honore dignum se uti-
 86 que præstitit. Mox enim Messinam tendens, cum in pyratas Bi-
 fertenses incidisset, fortissime maritimo prælio decertavit, atque
 inde ad reficiendam navem ad Lampedosam insulam appulit.
 88 Vidit hic cultum Christianum & Mahometicum, ab utriusque
 religionis affectis, pari securitate eodem fere loco celebrari.
 Namque Turcæ capellæ B. Mariæ Virginis, a Christianis excita-
 tæ, adjunxerant sepulcrum Mahometis Pseudo-Prophetæ. Ita
 vero more receptum, ut, quisquis illac iter facit, in alterutro
 loco pecuniæ vel eduliorum aliquid offerat, nec quicquam au-
 ferat, nisi certissimum naufragium, ut traditio fert, velit expe-
 riri. Hinc denuo Melitam rediit, rursusque solvens, cum py-
 ratas, qui ab omni parte imminebant, feliciter evasisset, Paler-
 mum venit, & transcurso Regno Neapolitano, Romam tandem,
 97 caput mundi, adiit. Qua vero honoris significatione, & Romæ
 a Sum-

a Summo Pontifice, Christina Regina, aliisque primoribus, & in aliis Italiae urbibus, Viterbii, Senis, Florentiae, Bononiae, Ferrariae, Mantuae, Venetiis, Mirandulae, Mutini, Parmae, Placentiae, Mediolani, Augustae Taurinorum, & reliquis, ab honorationibus fuerit receptus, non attinet pluribus referre. Transcurfa
 deinde iterum Gallia, ubi nova ab ipso Rege Ludovico gratiae
 documenta habuit, in Belgium secescit, & cum omnia accurate
 lustrasset, cum Hispanico legato, Petro de Salinas, trajecit in
 Angliam. Hinc suadente Nutritio *de La Roche*, qui videndae
 patriae cupidus erat, in Hiberniam proficiscitur, & ex hac porro
 in Scotiam. Redux deinde in Angliam factus, solvit demum
 Doveria, & per maritimum Galliae tractum in Belgium rediit,
 quo tempore Gallos inter & Hispanos bellum exortum est; ita-
 que novum fortitudinis campum nactus, Hispanis operam suam
 addixit, & splendido munere, quod vocant *General Ajutante*,
 defungi coepit, quod quidem mox, Ernesti consanguinei litteris
 ab eo vitae genere avocatus, rursus deposuit. Sic, ut Viennam
 demum reverteretur, Oldenburgum transiit, quo in loco decus
 illud Comitum, Antonium Guntherum, jam senem, adeo cum
 aliis virtutibus, tum speciatim arte pictoria, quam probe calle-
 bat, sibi obstrinxit, ut octo equis generosis ejusdem coloris ab
 eo fuerit liberaliter donatus. Cum vero & in itinere Princi-
 pem Daniae haereditarium offendisset, quocum Lugduni in Gal-
 lia aetnam amicitiam contraxerat, facile sibi persuaderi passus
 est, ut in Daniam proficisceretur, e qua mox etiam in Sueciam
 excurrit. Denique peragrata universa fere Germania, & Wa-
 genseilio imprimis praefectore Altdorffii amice salutato, Vien-
 nam rediit anno 1667 die 7 Octobris, omnibus virtutibus,
 qua homini datum est, ornatissimus. Hic mox Caesaris Leo-
 poldi gratiam meruit, a quo Camerarii munus, aureae, ut moris
 est, clavis traditione accepit, jamque ad matrimonium animum
 applicans, Mariam Christinam, Comitissam de Zinzendorff &
 Pottendorff, uxorem duxit ineunte anno 1668, quae post trigin-
 ta annorum suavisimum connubium, anno 1698 ad superos
 migravit, relictis duobus filiis, quorum alter vix degustatis cum
 Maximiliana, Comitissa de Althaim, nuptiis decessit, alter Ca-

- Camerarii aliisque muneribus defungens, Eleonoram Comitissam Palii uxorem habet, e qua filium haecenus unicum suscepit. Hinc varia munia per gradus obit, in quibus utique & prudentia ejus singularis, ubi judicandum fuit de rebus arduis, sive in foro, sive in aula, & fortitudo quoque, ubi res postulabat, patuit.
- 163 Quo loco lectu digna sunt, quæ Noster prolixius de ejus constantia in compescenda teterrima militum rebellionē narrat. Solus enim, fortiter pugnando, non exiguam eorum catervam in fugam conjecit, & miraculi instar fuit, eum inter globulorum imbres (quibus & equus ejus periit, & servus non semel trajectus est) atque inter districtos tot mucrones, salvum evasisse.
- 177 Anno 1679, cum pestis Viennenses invalisset, insignem animi præsentiam ostendit, & paulo post, orto de Turcarum adventu rumore, dignissimus Cæsari & Statibus visus est, ad vim hostium repellendam. Reduxit itaque Viennam copias, easque tradidit Ernesto Starembergio, urbis præfecto, & porro accepto a
- 185 Cæsare Generalis Commissarii munere, nihil omisit, quod ad urbem tuendam, atque rebus necessariis omnibus repente adimplendam, pertineret. Quin, & de comœatu in vicinis locis comparando mature prospexit, ne quid his, qui in auxilium urbis appropinquabant, deesset, & frequenter, non sine summo vitæ discrimine, ex urbe ad Cæsarem comœavit, ac prospere pugnavit cum Turcis. Inde Regi Poloniae & Electoribus Bavariae & Saxoniae, quorum favorem facile obtinuit, obviam missus, nihil omisit, quod ad maturandam opem pertineret, cumque Principes illi cum Duce Lotharingae, quo loco transiri commode Danubius posset, deliberarent, omnes ejus consilium probarunt.
- 204 Quin & ipse possimum struendi pontis curam suscepit, cumque ancoræ aliæque necessaria ad firmandas naves decissent, jussit catenas omnes, e vicinarum urbium puteis laqueosque crassiores in unam conferri, quo effecit, ut intra quadriduum pons integer sterneretur, quod Lotharingio adeo placuit, ut cumprimis. Tranquillam contempnisset, eum suavissime osculatus, Gallis his verbis compellaverit: *Que vivent les*
- 207 *Gens d'esprit.* Certe de liberanda urbe adeo fuit sollicitus, ut trium mensium spatio, quo fuit oblecta, somnum non nisi car-
- pum

ptim ac per intervalla cepit. Unde urbe demum feliciter ab
 obsidione liberata, inter primos ob insignem operam a Cæsare,
 remuneratus est, & porro ritus ordinavit, quibus congressus
 Cæsaris Regisque Poloniæ institui debuit. Sic majorem indies 214
 Cæsaris gratiam lucratus, munus Commissarii generalis, postea
 Consilarii Camerae Aulicæ, & anno 1690 Magni Marchalli 221
 Austriæ Inferioris, quam dignitatem etiam Sigismundus Adamus
 & Ernestus e Trauniorum familia possederant, ut & Generalis
 Colonellus Austriæ, & demum anno 1691 Consilarii Intimi Sta- 224
 tus nactus est. Anno sequenti ad secunda vota procescit,
 Esthere Juliana de Oppersdorff, Francisci Comitis filia, in matri-
 monium ducta, e qua post novem annos mortua, unicam filio-
 lam hæredem habuit. Hinc ne deesset honorum complemen-
 tum, anno 1694 ordine Aurei Velleris a Cæsare, cui facultatem 226
 fecerat Rex Hispaniæ Carolus II, solenniter decoratus est, cum-
 que coortis, quæ etiamnum durant, turbis Hungaricis, novum
 virtutis specimen edidisset, insuper Supremus Vexillifer hære-
 ditarius utriusque Austriæ, ac postea Consiliarius actualis Secre-
 torum Consultationum (*della Segreta Conferenza*) factus est. 232
 Denique anno 1704 tertias quoque nuptias, cum vidua Comitis
 de Weissenwolff omnibus virtutibus ornatissima celebravit, e
 qua natus illi haud ita pridem filiolus Joannes Adamus. Plu-
 ra in laudem Traunii, qui nunc quoque superstes, eadem apud
 JOSEPHUM, qua antea apud Patrem ejus Augustissimum,
 gratia valet, proferre vetat modestia.

NOUVELLE FORTIFICATION, TANT POUR
 un terrain bas et humide, que sec et élevé, par feu
 Minno Baron de Coehorn.

h. e.

NOVA METHODUS MUNIENDI LOCA TAM
humilia & humida, quam secunda & elevata, Autore
 L.B. de COEHORN.

Hagæ Comitum, apud Henricum van Bulderen, 1706. in 8.
 Constat plag. 19. t. bb. æn. 14.

Ppp 3

Notum

Notum satis est *Coehornii* nomen, nota ejus est rerum bel-
 licarum peritia prorsus insignis, nota sunt egregia ipsius
 inventa ac præclare gesta. A tanto igitur viro quas non nobis pol-
 liceamur de arte muniendi meditationes? Quare cum idioma-
 te vernaculo, h. e. Batavo, dudum ab eo publicata paucis ad-
 modum innotuissent, omnium tamen, quibus Architectura mili-
 taris curæ cordique est, ut in notitiam venirent, haud parum
 interesset, non inutilem publico operam præstitit, qui in lin-
 guam Gallicam, eruditis nostro tempore satis familiarem, illas
 traduxit. Equidem ut triplicem, quam Autor celeberrimus
 proponit, muniendi methodum hic exponamus, instituti nostri
 ratio non fert, inprimis cum sine prolixis schematismis intelligi
 nequeat: quodnam tamen ipsius fuerit institutum, breviter
 recensere. Diu scilicet recepta fuit Belgica muniendi for-
 ma, multis iisque fini Architecturæ militaris e diametro adver-
 sis defectibus laborans, non obstante, quod insigne Germanorum
 decus *Speckle*, in opere quantivis pretii de Architectura militari,
 (quod, cum multa in hac scientia exquisita contineat, recen-
 tioribusque inventionibus ansam dedisse dicendum sit, nuper
 Dresdæ recudi meruit) illos dudum, nempe jam sub finem se-
 culi decimi septimi, notaverat ac emendaverat. Immutarunt
 illam *Comes de Pagan*, *Mallet*, *Heideman* alique complures;
 monstrat tamen Noster, quod admissum in antiqua methodo
 errorem in emendationibus quoque suis erraverint: id quod
 tanto magis mirari debemus, quia emendationis istius defectum
 jam correxerat *Speckle*. Præcipua vis fortalitiarum in defensio-
 ne ex ala petenda consistit. Interest igitur, ut alæ hostium con-
 spectui subducantur: quod dum præstare nituntur methodi
 Belgicæ, aliarumque recentiorum plurimarum Autores, id vi-
 tium incurrunt, quod spatium ac terræ molem ad suggestus
 tormentorum excitandos hostibus suppeditent. Duplicem
 igitur aliam alas regendi rationem substituit Noster, & in utra-
 que vitium memoratum sollicitè præcavet. Cæterum ut præstan-
 tia novarum muniendi methodorum ab ipso excogitatarum
 elucescat, accuratam istius cum moderna Gallorum instituit
 comparisonem. Exemplum primæ proponit in hexagono,
 secun-

secundæ in heptagono, tertiæ in octogono. Rationem oppugnandi fortalitia, tum secundum Gallicam, tum secundum propriam methodum excitata, summo cum studio expendit, suorumque præ illis insignes monstrat prærogativas, indicatis simul illorum defectibus, quibus in suis medetur. Immo accuratum init expensarum in utraque methodo calculum, easque in suis minores multo, quam in Gallica requiri, comprobat. Notatis quibusdam defectibus, circa modernam loca maritima vel ad fluviorum ripas sita muniendi methodum obviis, propriam subiungit. Taxat denique Architecturæ militaris Scriptores, quod in suis muniendi formis nullum respiciant Horizontem fixum, cum tamen pro diversa altitudine planitiesum ultra libellam, aquarum, in fluviis æstivo tempore consistentium, variari debeat orthographia. Quare cum ipsi in triplici sua methodo altitudinem in plerisque Bataviæ locis obviam supponere libuerit, quomodo eadem in aliis Horizontibus, sive magis elevatis commode usurpetur, declarat.

TRIDUANA DE CANONE LIBRORUM SACRORUM Concertatio, acta in Seminario Montis-Falisci. Autore F. GUILLELMO BONJOUR, Tolosano, Ordinis Eremitarum S. Augustini, & in Seminario Montis-Falisci Divinarum litterarum Professore.

Apud Montem-Faliscum, 1704. Ex typographia Seminarii.
Constat pl. 7. in 4.

DOCTISSIMI BONJOURII (cujus dissertationem de nomine Patriarchæ Josephi, Zaphnath-Pahaneach, mense Januario anni 1679 p. 6, exercitationem vero in monumenta Coptica seu Aegyptiaca Bibliotheca Vaticana, mense Majo anni 1699 p. 233 in Actis hisce recensuimus) industriz debemus triduanam hanc de canone librorum sacrorum concertationem, quæ jubente & præfente S. R. E. Cardinali, Marco Antonio Barbadi-
co, Archiepiscopo, Episcopo Montisfalisci & Corneti, quem mortem obiisse non ita pridem accepimus, in Seminario Montisfalisci amplissimo, cujus ille Purpuratus conditor & instructor
cxi-

exitit, publice acta, & Clementi XI. Pont. Max. ab Autore, humillime dicata fuit. In tres vero illa dispescitur dialogos, quos inter se habent sex numero interlocutores, Catholicus nimirum, Judæus, Ethnicus, Hæreticus, Samaritanus atque Politicus. Catholicus uti ubique illud agit, ut superbiæ & pertinaciæ Hæretici, Judæi perfidiæ & obdurationi, Samaritani malevolentiae & livori, Ethnici superstitioni, ac Politici impietati intemperantique licentiæ obviam eat; ita in primo dialogo non tantum canonem librorum sacrorum, quem Ecclesia Romana sequitur, adstruere conatur, verum etiam, ut alia taceamus, de librorum Mosaicorum antiquitate ut testimonia sua proferant, & Ethnico, & Samaritano, & Judæo anam præbet. Ita Ethnicus docet ea, quæ in Mosaico legum Judaicarum volumine legerunt olim prisci Gentilium, nos legere hodie in Pentateucho. Longinum enim, Zenobiæ Palmyrenorum Reginae a consiliis & studiis, eximio Mosen elogio prosequi in libello *de sublimi genere dicendi*, quod legum initio scripserit, dixisse Deum: *Fiat lux & facta est*, quæ verba adhuc hodie circa initium Pentateuchi occurrant. Numenium Pythagoricum agnovisse, Platonem dogmata sua a Mose summis, propterea apud Eusebium lib. XI. Præpar. Evang. c. X. quærere: *τι γὰρ ἐστὶ Πλάτων ἢ Μωσῆς ἀπὸ τοῦ αὐτοῦ*. Porro Platoniorum dogmatum, Platoniarumque legum cum Mosaicis comparisonem, docere nos pariter, hodiernum Mosis Pentateuchum esse illum antiquissimum, cujus luminibus Plato usus sit. Cujusmodi comparisonem jam olim instituerit Eusebius, libro undecimo & duodecimo Præparationis Evangelicæ. Unde non miratur Ethnicus, Aristobolum, Hebræum, dixisse apud eundem Eusebium libro decimo tertio ejusdem operis cap. XII, quod *satis constet, legum nostrarum instituta secutum esse Platonem, ac singula earum capita diligenter ac studiose perlegisse*. Hinc Samaritanus, ut Pentateuchi antiquitatem tueatur, narrat priscos illos Samaritas, qui deportatis in Assyriam Israelitis successerunt, habuisse libros legis ab uno *de Sacerdotibus his, qui captivi ducti fuerant*. Hunc Israelitarum Sacerdotem fuisse de schismate Jeroboami, quo decem tribus Israel desece-
runt a Roboamo, ipso statim anno, quo Salomonem is excepit.
Ne.

Neque quenquam latere continuatam in Samaritis Jeroboamitarum a Judæis dissociationem. Quod ergo Samaritæ conveniant cum Judæis in tribuendo Mosis Pentateucho, quem, dissociatione non obstante, conservent & tueantur, id non habere, a suo schismate, sed a tempore, quod antiquissimum illud schisma antecessit. Quocirca hodiernum Samaritarum Pentateuchum altissimæ esse antiquitatis, Samaritanus colligit. Quin & summam hanc antiquitatem elucere hodie idem ait in characteribus, quibus ille Pentateuchus descriptus sit. Institutos Jeroboamitas literis Mosaicis, quibus Hebræi omnes suos ante, Esdræ libros exaraverint, dedisse eas Samaritanis; *cum ad illud usque tempus iidem Samaritanorum & Hebræorum characteres fuerint*, uti ex Hieronymi præfatione in libros Regum constet. Notum esse pariter ex doctissima Josephi Scaligeri dissertatione de literis Jonum, Græcos characteres ad exemplum Samaritanorum esse formatos. Cumque constet de antiquissima literarum Jonicarum origine a Phœnicibus seu Chananæis, in quorum regione habitabant Hebræi, adeoque & Samaritæ; constare etiam de altissima literarum Samaritarum antiquitate, merito censet. Summæ igitur antiquitatis tenacissimos Samaritanos indicio esse concludit, antiquissimum esse Pentateuchum, quem a Mose scriptum agnoscunt. Tandem Hebræus in eos invehitur, qui legis libros a Mose non esse scriptos adserunt, ac proinde non tantum istam sententiam ex Exodi cap. XXXIV. v. 27. collato capite XXIV. v. 4. ejusdem libri, & capite XXXI. Deuteronomii v. 9. refellit, sed etiam clare edocet, quomodo Mosis ille liber integer ad posteros fuerit propagatus.

Secundi dialogi scopus eo tendit, ut Pentateuchi Divinitas probetur, pariterque & antiquitas & Divinitas aliorum veteris Testamenti librorum commonstretur. Divinitatem Pentateuchi dum probat Catholicus, illud maxime argumentum urget, quod ex Prophetiarum veracitate depromitur. Cum enim duplex sit prædictionum genus, aliud per signa, aliud per verba: illud imaginibus seu formis ac figuris adumbretur, istud verbis exprimat, quæ vel nudam & apertam habeant significationem, vel latentem & allegoricam; utrumque prædictionum genus include-

Mosis libros ostenditur. Ipse Judæus varia hujus rei testimonia in medium producit, & ad vaticinia de Messia imprimis provocat, contra quæ tamen Hæreticus varia adfert, quæ Faustus Manichæus, Theodorus Mopsuestenus, & Apelles Marcionista olim somniarunt, prætereaque Hugonis Grotii mentionem facit, qui omnes de Christo prophetias docuerit involvere primum quendam, proximum, propriumque sensum, ad historiam ejus temporis, quo proferebantur, referendum; secundarium vero, remotam, mysticum & allegoricum pertinere ad Christum, Prophetasque adeo ad Christianam fidem probandam infirmas esse & invalidas, nihilque ad ponenda fidei fundamenta prodesse, cum non in vim argumenti proprie adhibeantur, sed ad illustrandam atque confirmandam rem jam creditam. Verum hanc Grotii sententiam Catholicus rejicit, ac prædictiones Prophetarum, fidei nostræ fundamenta firmissima, nec quasdam solum, allusiones veteris & novi Testamenti a piis & ingeniosis hominibus excogitatas esse, ex variis Scripturæ locis confirmat. Reliqua dialogi hujus pars circa reliquos V. T. libros ita versatur, ut de libris Josua, Judicum & Regum prolixius agatur, ceteri vero breviter saltem strictimque attingantur. De libris Regum inter se dum colloquuntur Judæus, Catholicus & Ethnicus, hinc Judaicos istos Regum annales cum antiquissimis variarum gentium monumentis quam aptissime coherere, exemplis quibusdam declarat. Ita Chaldaeos in suo Regum Babyloniorum mathematico canone nos docere ait, tempus Mardokempadi, seu Merodachi, Regis Babylonis, qui Ezechia, Regi Judæ, legationem misit libro quarto Regum c. XX memoratam. Tempus etiam aperire Nabocolassari seu Nabuchodonosori, qui Judæos abduxit in servitutem Babylonicam, monumenta nedum Hebraica, verum etiam Chaldaica, quæ Berosus, Sacerdos Bel excusserit apud Josephum l. X. Antiquit. c. II. & lib. I. contra Apionem. Eadem monumenta eundemque canonem manifestare quoque tempus Ilvarodami seu Evilmerodachi, qui Joachinum, Regem Juda, exemit vinculis. In antiquissimis annalibus Tyriorum, quorum fragmentum eximium recitet Josephus lib. I. contra Apionem & lib. VIII. Antiquit. c. 2, memorari Solomonem

nem Jerosolymorum regem : item templum ædificatum Jerosolymis duodecimo anno regni Hiromi, seu Hiram, Regis Tyri, qui juxta librum tertium Regum c. V. concessit Salomoni cæsores lignorum ad templi ædificationem. In iisdem annalibus celebrari Ithobalum, Astartæ Sacerdotem, & Tyrriorum, adeoque Sidoniorum, Regem, qui sit Ethbaal, Rex Sidoniorum, cujus filiam Jezabelem in uxorem duxit Achab Rex Israel 3. Reg. 16, 31. Attenta æra Carthaginis, quam habemus ex Solino, c. XXVII. editionis Salmasianæ, eundem ab Hiromo numerum annorum colligi ex Tyrriorum antiquitatibus, qui reperitur a Salomone in Regum libris. Inde quoque manifestum esse, tempus Ithobali esse tempus Ethbaali, tempus Mardokempadi esse tempus Mero-dachi, tempus Nabocolassari esse tempus Nabuchodonosori, tempus Ilvarodami esse tempus Evilmerodachi. Adhæc Assaradinum, qui locum habet in mathematico Regum Babyloniorum canone, referre ætate Asor-haddanum, alias Asar-haddonem, illum Regem Assyriorum, qui de Babylone aliisque ditionis suæ locis adduxit, quos collocavit in civitatibus Samariæ pro filiis Israel 4 Reg. XVII, 24. Assarhaddonis hujus patrem ac decessorem Sennacheribum, qui juxta caput decimum octavum ejusdem libri, bello infestavit Judæam aliasque Asiæ regiones, exprimere sine dubio Sanacharibum, Regem Arabum & Assyriorum, quem adversus Ægyptum magnum movisse exercitum, testetur Herodotus l. 2. c. 141. Sed & Berosum, Chaldaicarum rerum scriptorem, Senacheribi meminisse, quod omnem Asiam & Ægyptum bello infestaverit; ut observet Josephus l. X. Antiquit. c. 1. Eundem auctorem l. 7. c. 6. exscribere præclarum de Regibus Syriæ fragmentum ex Nicolai Damasceni Historiarum libro quarto, in quo celebretur Adadus, Damasci & reliquæ Syriæ Rex, qui bello inter eum & Davidem, Judææ Regem, exorto, crebris præliis cum illo confictatus, postremo apud Euphratem victus sit. Librum secundum Regum vocare eum Adar-ezerem seu Adad-ezerem regem Soba, sub cujus ditione erat Syria Damasci, cujusque mentio fit c. VIII. 3. Si antiquitates Ægyptiorum excutiantur, reges Ægypti memoratos in Judaicis Regum libris reperi eo tempore, quo ponantur in istis an-

tiquitatibus. Quando in libris Regum inveniatur *Sesac*, alias *Sesoc*, ea ratione, qua *Iramus Iromus* sit, in Dynastiis Ægyptiorum celebrari *Sesanchosin* seu *Sesock-osin*. Quando in istis legatur *Necos*, in illis haberi *Nechao*.

Reliquum est, ut de tertio Dialogo aliquid dicamus, in quo de Canone librorum Novi Testamenti breviter disseritur, quem cum juxta receptam in ecclesia sententiam constituisset, Catholicus, Hæreticus contra monet, istum multa probare, quæ Hæresis repudiaverit, multa rejicere, quæ illa susceperit. Nimirum Evangelium Matthæi, ceteris repudiatis, admisisse Cerinthum: sed mutilasse Ebionem: Manetem prorsus abjecisse. Evangelium Lucæ, ex quo selecta quædam exceperint Cerdo & Marcio, penitus respuisse Carpocratem. Evangelium Joannis sprevisse sectam Alogorum. Basilidem suum habuisse evangelium, habuisse Apellem, habuisse & Tatianum. Lectum fuisse a Gnosticis evangelium secundum Philippum: ab Ebionitis & Encratitis, secundum Hebræos: a Manichæis, secundum Thomam. Nec defuisse, qui probaverint evangelia Petri, Andreæ, Bartholomæi, Judæ seu Thaddæi, Jacobi Junioris, Matthiæ, Barnabæ, Nicodemi; sicut & illa, quæ secundum Ægyptios fuerint & secundum duodecim Apostolos. Verum Catholicus verbis maxime Augustini, quæ libro 33. contra Faustum Manichæum, c. 6. leguntur, probat genuina esse evangelia aliaque Apostolorum scripta, quæ Ecclesia recipit, adulterina vero, quæ contra Ecclesiam ab hæreticis producta sunt. Veraces vero esse libros Evangeliorum, reliquosque novi fœderis, ipsis Judæi, Ethnici & Samaritani suffragiis confirmatur, & Judæus quidem inter alia ad celebrem istum Josephi locum provocat, qui l. XVIII. c. 4. Antiquit. extat, ubi ingenue narratur, venisse Christum prænunciatum a prophetis, nempe Jesum, qui plurimos & ex Judæis & ex Gentibus ad se pertraxerit. Cum tamen Politicus objiciat, plures hodie inficiari Josephum ista locutum esse, Catholicus omnem movet lapidem, ut germanum Josephi fœrum esse præclarum illud de Christo testimonium evincat. Hoc ipsum enim ostendere ait, quotquot reperiantur Josephi codices sive typis, sive calamo exaratos, sive Græcos, sive Latinos, qui omnes

omnes mire consentiant in retinendo hoc testimonio. Illius sinceritatem neminem veterum negasse, neminem ipsorum vocasse in controversiam, multos potius inter illos eosque gravissimos locum adeo celebrem laudasse, exscripsisse, ut Eusebium in tertio Demonstrationis Evangelicæ & in primo Historiæ Ecclesiasticæ libro cap. XI; ut S. Hieronymum in catalogo scriptorum ecclesiasticorum, agentem de Josepho; ut Isidorum Pelusiotam lib. 4. epist. 225; ut Sozomenum lib. 1. c. 1. quibus addi possit Georgius Cedrenus in Historiarum Compendio pag. 169, Nicephorus Callisti lib. 1. c. 39. & Suidas in Lexico, verbo *Ἰωσήφ*. Cum præterea idem ille Scriptor, aliis in locis minime dubiis & controversis, meminerit *Joannis Baptista & Jacobi fratris Jesu*, neminem recte dubitare posse, infert, dixisse eum testimonium de ipso Jesu, cujus nomen longe illustrius clariusque fuerit. Quamvis etiam facta Josephi ostendant, eum non habuisse pro Christo, quem Christum dixerit, quia non ad fidem Christi accesserit, non tamen ideo spuria & adulterina censenda esse verba, quæ in ejus scriptis eundem Christum declarent. Nam & Philosophos Gentiles *cum cognovissent Deum, non sicut Deum glorificasse, aut gratias egisse: sed evanuisse in cogitationibus suis, & obscuratum esse insipiens cor eorum*, Rom. I, 21. Evanuisse revera Josephum in cogitationibus suis, cum per turpissimam adfentationem accommodaverit Vespasiano jactata per id tempus de Messia totius orbis moderatore oracula lib. 7. de Bello Judaico cap. 31. Dum isto in loco dixerit, quod oraculum sacris repertum in literis prænuncium ejus, qui ex Judæa toti orbi imperaret, eo tempore *significaverit simul* imperium Vespasiani, ostendisse Josephum, se soli Vespasiano non aptasse vaticinia Christi prænuncia, sed putasse illum orbis moderatorem, quem ex Judæa promittebant prædicta in sacris paginis Messia tempora, esse Vespasianum, alias vero Messia notas alteri a Vespasiano competere. Cum enim cerneret, in his Messia temporibus neminem ex Judæis obtinere temporarium ac terrenum orbis imperium, quale expectabatur a terrenis & carnalibus; oculos ipsum conjecisse in Vespasianum, creatum in Judæa orbis Romani Imperatorem. Rabbinos complures comminisci duos Messias, alterum

rum infelicem & ærumnis ac cruentæ morti devotum, alterum Israelitici regni vindicem, summam gesturum gloriam & dispersos Israelitas congregaturum, juxta doctrinam quam habeant, in libro sexto partis secundæ Thalmudis & in Beresith Rabba. Non ergo mirum esse si Josephus, raptus partim cæco adsentationis impetu, partim terrena Judaismi cupiditate, duos quoque admiserit, quibus aptaret res Messia, alterum nempe Jesum, afflictum, ærumnosum & ignominiosæ mortis supplicio addictum; alterum, nempe Vespasianum, temporario ac terreno orbis Romani imperio clarum. Nec incredibile esse, hunc scriptorem dixisse, Jesum fuisse mirabilium operum patratores, & inde ejus supra homines excellentiam quandam agnovisse, nec tamen esse amplexum Christianam legem: quandoquidem Christus dixerit de Judæis, qui perspectis miraculis, quæ ipse patrauerat, nihil remittebant de sua pertinacia: *Si opera non fecissem in eis, quæ nemo alius fecit, peccatum non haberent*, Joan. XV, 24. Quin & in libris veterum Hebræorum, maxime in *Avoda Zarâ* Thalmudis Jerosolymitani, & in *Midrasch Cobelet* tradi, haustus veneni & serpentium morsus nomine Jesu sanatos fuisse, nec tamen illos verpos credere in Jesum. Ipsos quoque Mahummedanos miraculis a Christo Jesu patratis habere fidem, quamvis Christianam religionem adspernentur.

*DISSERTATIO IN HISTORIAM SACRAM
primæ mundi ætatis, habita per dialogos in Academia
Divinarum literarum Seminarii Montis-Falisci. Autore
F. GUILLELMO BONJOUR, Tolosano, Ordinis
Eremitarum S. Augustini, & in Seminario Montis-
Falisci divinarum literarum
Professore.*

Apud Montem-Faliscum, 1705. Ex typographia Seminarii.
Constat pl. 6. in 4.

JUSSU Eminentissimi S.R.E. Cardinalis, Marci Antonii Barbadi-
ci, antea laudati, in Academia divinarum literarum Montis-Fa-
lisci habita fuit hæc quoque dissertatio, quæ perinde, uti illa,
quam

quam modo recensuimus, dialogi in modum conscripta est ab Autore doctissimo. Tribus autem absolvitur illa dialogis, in quibus inter se colloqui finguntur Hebraeus, Ægyptius, Phœnix, Græcus atque Latinus, quorum prior in primo & secundo dialogo non tam Hebraei, quam Christiani personam tuetur, quandoquidem ibi de illis rebus agitur, quæ Christianis cum Hebraeis communes sunt; reliqui vero ex Ægyptiorum, Phœnicum, Græcorum & Latinorum monumentis diversa proferunt, ex quibus Cl. Autoris ingenium non minus, quam eruditio varia, multaque lectio egregie elucescunt.

Primus dialogus ad tria Geneseos priora capita spectat, utpote in quo universa eorundem historia ex diversarum gentium placitis illustratur, plurimaque ejusdem vestigia apud profanos scriptores occurrere ostenditur. Non licet nobis jam ea singillatim recensere, quæ de rerum primordiis, de primis tenebris, luceque primigenæ, de terra primum inani & vacua, de creationis opere, de septimo die, de Verbo Dei, quo omnia creatæ sunt, deque aliis rebus quamplurimis erudite differuntur, saltem ex iis quædam delibasse sufficiat, quæ circa Protoplastos memorantur. Non ignorasse scilicet paganos, primum humani generis parentem de limo terræ fuisse formatum, ex Promethei atque Saturni fabulis imprimis probatur, prætereaque ostenditur, Ciliciæ incolæ ipsius quoque Adami nomen olim fuisse adsecutos, qui Saturnum *Adanum*, *Virum cineris & filium terræ*, vocaverint, illoque nomine procul dubio Adamum innuerint, cum mutatio litterarum M & N sit usitatissima. Equidem quod Promethei primi hominis formatoris fabulam attinet, illud valde Græco obscurum esse videtur, quod Prometheus Japeti filius decantetur, cum tamen vix constet, quomodo ille Japeti filius dici queat, qui primum hominem produxerit. Verum Hebraeus contra excipit, causamque fabulæ istius insulsiſſimæ ex Genesi detegit. Docet nimirum Divinum istum librum c. X. v. 2. narrare, *Japherum* seu *Japetum* genuisse *Javan*, a quo Jones, seu Græci, ducunt originem. Hebraicam vocem יָפֶֿתֿ *Japheth*, unde nomen invenerit is Japeti filius, significare *cœnum*, *lutum*, uti Psal. XL. v. 3. Quod ergo *Japetus* esset pater illius, qui

qui dictus est lutum, & a quo Græci orti sunt, patrem Promethei, hominum e luto formatoris, seu potius *Promethei luti*, Japetum gentiles homines finxisse. Hinc Paradisum, in quo Deus Adamum collocavit, sub Alcinoi horto latere exponitur, cum *Αλκίνο* sit כִּיּוֹן *El-Kium*, hoc est *Deus Saturnus*, monente Phœnice; Græco autem atque Hebræo judice, Plato quoque de hoc horto locutus est, tum in Convivio, ubi fingit Porum in Veneris natalibus nectare ebrium, tum etiam in Politico, ubi de hominibus e terra natis loquitur. Non attingimus, quæ hac occasione de somno Adami, de priorum hominum nuditate, de serpente seductore, de arbore scientiæ, cujus symbolum arbor in Hesperidum hortis aurea mala proferens dicitur, de pomo, quod Eva Adamo dedit, erudite proferuntur, potius de ipsa Eva aliquid addimus. Hæc enim sub Rheæ & Pandoræ nominibus indicari dicitur, dum Hesiodus Pandoram vocet mulierem, quæ vase hominibus curas graves importaverit, eosque orbaverit primigenio illo statu, in quo omnino absque malis, sine molestia & labore, sine senio vixissent. Cumque Græcus vix possit intelligere, cur Vulcanum jussu Jovis formasse hanc mulierem Gentiles finxerint, Hebræus iterum erroris hujus fontem ostendit. Monet enim *claudicationem* dici Hebraice צֶלַע *isela*, voce quæ proprie *costam* significet; Vulcanum esse Hebraicum חֶלֶק אֲנוֹשׁ *Heleck-enos*, seu Chaldaicum חֻלְקָא נָשׁ *Hulca-nas*, quod notet *portionem hominis*; jam in textu Hebraico Gen. II. v. 21. 22. legi vocabulum צֶלַע, significans *costam*, quæ ergo ista hominis sit portio, unde mulier tracta sit. Pari ratione Hebræus Hesiodi fabulam explicat, qua dicitur, quod mulier a Jove data sit ἀντὶ πυρός, pro igni, & in ejus formationem Ἡφαιστος, seu Vulcanus, ignis pater, terram undæ miscere jussus fuerit. Observat enim eos, qui ista confinxerint, audivisse *costam*, ex qua formata est mulier, sumtam esse מִן הָאָדָם, *ex Adam*: mulierem vero vocatam esse: אִשָּׁה כִּי מֵאִשׁ לָקַחָהּ זָוָה *Iffcia*, hoc est, *Virago, quoniam de Ish*, hoc est de Viro, *sumpta est*, Genes. II. v. 23. *Ignitum* Hebraice dici אִשָּׁה *Iffce*, seu *Iffcia*, eodem prorsus vocabulo, quo designatur *mulier*: ignem vero vocari אֵשׁ *Esh* seu

seu *Ish*, ut pronunciatur cum adfixis. Ex eadem radice Chaldaeos dicere ignem **אש**, *Essia*, **אש** *Essiath*, **אשה** *Eshta*, & igneum **אש** *Iffi*. Eosdem quoque vocare mulierem **אשה** *Iffia* & **אשה** *Effeth*, quæ vox emphaticè fiat **אשה** *Eshta*. Ob hanc nominum allusionem, Hebræos passim dicere in suis scriptis, mulierem viro, virum mulieri ignem esse. *Vulcanum* ergo, ceu ignis patrem, fingi formatorem mulieris, quasi mulier, sumpta de viro, ex ignieducta sit. Hinc & Græco ejus nomine **ἡ Φαισθ**, Doric: **ἡ Φαισθ**, quod sit depromptum ex Chaldaico **אשה** *As-echta*, Syra pronunciatione *Af-eshtho*, non tam patrem ignis significari, quam patrem mulieris. Quoniam autem costa, ædificata in mulierem, sumpta sit ex *Adam*, qui nomen habet ab **אדמה**, sive a terra, commentos fuisse antiquos ait, *Vulcanum* terram aquæ miscuisse in formationem mulieris.

In dialogo secundo ea partim discutiuntur, quæ ad primam humani generis usque ad diluvium universale propagationem pertinent. Inter alia occurrit comparatio, quæ inter *Cainum*, *Adami* filium, & inter Græcorum *Caunum* vel *Cainum* eorundemque historiam, per sedecim partes ab Hebræo instituitur. Primo enim ille monet, *Cain* adhibita terminatione Græca esse & **Καῖν** & **Καῖνός** & **Καὶνός**. Secundo, *Caunum* esse *Caunum*; sicut **עַד פַּא**, (civitas in qua regnavit Adar, Rex Edom, Gen. XXXVI, 39.) sit **עַד פַּי**, 1. Paral. I, 50. quia literæ *Jod* & *Vau* invicem facile commutentur. Tertio, usu venire in lingua Hebraica, ut hasta dicatur **קַיִן** *Cain*, & in pro-verbii consuetudinem venisse **קַיִן הָאֵשֶׁת** *Caini hastam*. Quarto observat, quod Heva conceperit & pepererit Cain dicens: *possedi hominem per Deum*, Genes. IV, 1. In textu vero Hebraico legi **קַיִן אֱדֹנָי** *eth-Jahô*, vel *eth-adonai*, hoc est a Domino; quod alio modo diceretur **קַיִן מֵעַל** *meel*, hoc est, a Deo, juxta expressionem, quæ eodem in libro cap. XLIX, v. 25 reperiatur; **קַיִן** scilicet esse unum ex Hebraicis Dei nominibus. Ab *El* esse *Elatum*, a quo procreatus sit *Cainus*; a *Meel* esse *Miletum* seu *Melatum*, ex quo *Caunus* natus sit. Accedere addit, quod Hebraicum nomen **קַיִן** *Eloah* Chal-

dæis sit **אֱלֹהִים** *Elgh*, unde divinitas dicatur **אֱלֹהִים** *Elahuth*, & a divinitate **מַעֲלָמוּת** *Meclamuth*. Quinto notat, *Cain* duxisse sororem in uxorem. Sororem **בִּבְלוֹ** *Bibol*, hoc est, in conjugando, esse sororem ductam in matrimonio. A *Bibol* esse *Bibolis*, per Syncopen *Biblis*, quæ fuerit soror, cujus amore captus est *Caunus*. Sexto, *Cainum* fuisse agricolam: *Caineum* incumbentem ad arationes erecto pede terram fidisse. Septimo, impie se gerentem *Cainum* in muneribus, quæ offerebat, repudiatum esse a Deo, quasi sacrificium non faceret, quasi non adhiberet ipsi preces. Hinc iram, hinc livorem, hinc pugnam adversus fratrem fuisse ortam, cujus munera grata & accepta Deus habuerit. *Caineum* secundum fabulam neque Diis sacrificasse, neque illis adhibuisse preces, sed suæ hastæ; quod ideo dictum sit, quia hasta fuerit signum hieroglyphicum principii pugnae. Octavo, *Cainum* contendisse cum *Abele*: *Caineum* cum *Apolline*. Nono, *Cainum* fuisse maledictum, super terram, seu maledictum a terra, ut sit in textu Hebraico: & fabulam inducere Centauros, sive percussores a Jove missos, qui *Cainei* membra per terram vexent, obterant, & contendant. Decimo, posuisse Dominum *Cain* signum, ut non interficeret eum *omnis*, qui invenisset eum; & Deum aquidris alii dedisse *Caineo*

super ne saucius ullis

Vulneribus fieri, ferrove occumbere posset.

Undecimo, egressum *Cain* a facie Domini habitasse profugum in *eterna*. & edificasse civitatem: urbem condidisse *Caineum*, sive *Caunum*, peregrinatum procul a patria terra. Duodecimo, ante conditam a *Caino* civitatem homines fufos per agros ac dispersos fuisse, cum ea fuerit omnium urbium, prima: regionem, in qua *Caunus* edificaverit civitatem, fuisse primam a *Lelegibus*, hoc est, hominibus erraticis inhabitatam. Decimo tertio, *Hanothum*, terminatione Græca *Ανωχαιον* & per syncopen *Αρχαιον*, esse illum *Caini* filium, qui principatum obtinuerit in condita primis orbis *Lelegibus* civitate: principem *Lelegum* haberi *Αρχαιον*, ejusque originem referri ad *Neptunum*, quem fabula copulaverit cum *Caine* velut cum muliere,

liere, quæ Neptuni beneficio in virtum, Caneleum nomine, si-
mutata. Decimo quarto, Hebræis vocantibus orbem matrem
proclive fuisse celebrare antiquam civitatem *Hanoch* velut Ha-
nochii seu Hanchzi matrem: *Ασυπαλαία* enim, Hebræus in-
quit, hoc est, *urbs antiqua*, ferebatur mater *Ancæi*. Decimo
quinto, Hanochæum Cainitam exhibere *ὑπερήνωρα* fabulæ
Cadmez: *Αγκαῖον ὑπέρβιον* esse *Αγκαῖον ὑπερήνωρα*, sicut
& *Αγκαῖον κορωνόν*, Cotonum vero filium esse *Cainci*. De-
cimo sexto, Hanochæum, filium agricolæ, facile in patris ve-
stigia incurrisse: *Ancæum* fuisse *Φιλογέωργον* amantem agri-
culture.

Tertium dialogum quod attinet, veritas textus Hebraicæ,
adversus calculos editionis LXX interpretum, in eo maxime,
adstruitur. Et Latinus quidem agit causam editionis Latinæ
vulgatæ in numeris annorum, quibus antediluviana mundi ætas
definienda est, quique aliter in Græcis codicibus expressi sunt.
Græcus titubanter & inconstanter loquitur de editione LXX
interpretum, ob codicum instabilitatem. Hebræus vero verita-
tem Hebraicam planam facit. Exempli loco ea lectori exhibe-
mus, quæ circa Adami annos differuntur. Ostendit nimirum,
Græcus, juxta vulgatos editionis LXX codices, *vixisse Adamum*
triginta & ducentos annos; & *genuisse ad figuram suam & ad*
imaginem suam: & *vocasse nomen ejus Seth*. Sibi tamen non
constare hanc lectionem, ulterius probatur. Nam juxta vetu-
stum codicem, quem homiliis D. Joannis Chrysostomi super
Genesin interseruit Oecolampadius, *vixisse Adamum triginta*
& trecentos annos, & *genuisse secundum speciem suam*, & *adpella-*
visse nomen ejus Seth. Id ipsum Græce perhibere Biblia Aldi-
na, Theophilum Patriarcham Antiochemum l. 3 ad Autolycum,
eumque antiquitatum Judaicarum Josephi interpolatorem, cu-
jus manuscriptus extat in Bibliotheca Vaticana n. 1304, sicut
& in Regia, ad quam adpellat altera defensionum textus He-
braici, ab studiosissimo & diligentissimo sacri hujus fontis vin-
dice D. Joanne Martiano non ita pridem elaborata. Inde fa-
ctum esse, ut loco bis mille ducentorum quadraginta duorum

annorum, quos ab Adamo usque ad diluvium vulgo numerant Græci, alii colligant annos bis mille trecentos quadraginta duos, ut Joannes Antiochenus in excerptis Constantini a Valefio editis p. 780, & Suidas in *Σέρουχ*. At rursus aliam varietatem occurrere in homilia vigesima D. Chrysostomi super Genesin, juxta editionem tum Basileensem anni Domini 1525, tum Parisiensem anni 1556, ubi LXX interpretum versio referat, quod *vixerit Adam annis centum triginta & genuerit secundum speciem suam & secundum imaginem suam, & appellaverit nomen ejus Seth. Et fuisse ejus annos octingentos, & genuisse filios & filias. Et factos esse omnes dies Adam annos nongentos triginta, & mortuum esse.* Sic, Græco judice, de summa bis mille ducentorum quadraginta & ultra annorum, qui vulgo colliguntur ab Adamo usque ad diluvium, detrahenda esset centuria. Id quod certe factum fuisse ait in veteri apud Clementem Alexandrinum supputatione l. i. Stromat. p. 337. Quin & plusquam ducentos annos desiderari in Pseudo-Methodii revelationibus, Græcos alioquin numeros secutis. Narrare enim, quod *in expletione secundi millenarii factum sit diluvium aquarum.* Ceterum, quinam sint patriarchæ, quorum annos his centenariis auctiores non invenit ille auctor, exploratum se habere idem Græcus negat. Putat tamen, forte pro ducentis & quinque annis τὸν τεκνογονίας, qui Setho communiter tribuuntur a Græcis, illum legisse centum quinque. Nihilominus, ait, hanc lectionem etiam receptam esse a custodibus & defensoribus versionis septuaginta, ut ab Ægyptiis, qui in sua interpretatione Copto-Arabica manuscripta Bibliothecæ Vaticanæ adponant notam marginalem de ΣΕ-ΤΤΕ-ΝΡΟΜΠΙ, hoc est, *centum quinque annis*, quos juxta variam & discrepantem lectionem vixerit Sethus ante genitum Enosum. Eosdem numeros repræsentare Græcos codices manuscriptos Antiquitatum Josephi, Vaticanum & Regium, antea memoratos, in quibus legatur Sethum genuisse Enosum *κατὰ πέμπτον καὶ ἑκάτοστον, anno quinto & centesimo.* Præterea eundem Vaticanum codicem annos Henochi ante natum Mathusalam sic exprimere: *Μαθουσαλά δὲ ἐκὼν παῖς*

MENSIS NOVEMBRIS A. M DCCVI. 511

παῖς κατὰ ἑταύτῳ γεγονώς πέμπτῳ καὶ ἑξήκστῳ
Mathusala autem Henochi filius, ipse natus anno quinto & sexa-
gesimo, cum tamen Græca Chronologia statuatur Henochum ge-
nuisse Mathusalam anno ætatis suæ centesimo & sexagesimo
quinto. Hæc ergo Græcus postquam protulit, & versionis LXX
interpretum inconstantiam adeo demonstravit, Latinus editio-
nem Latinam Vulgatam laudat, quæ constanter in omnibus co-
dicibus doceat, vixisse Adamum centum triginta annis, & genuis-
se Sethum: istum vixisse centum quinque annis, & genuisse Eno-
sum. Pari numerorum firmitate describere eandem ostendit
annos Enosi, Cainani, Mahalaelis, Jaredi, & Henochi, quem di-
cat genuisse Mathusalam, cum vixisset sexaginta quinque annis.
Et cum reperiantur isti numeri in variantibus lectionibus Græcorum, nec ab illis diversi locum in ullo codicum editionis Latinæ vulgatæ habeant, nullius roboris sine dubio esse Græcos codices, qui Latinæ huic interpretationi refragentur, Latinus inde concludit. Quibus omnibus denique Hebræus ad sensum præbet, & Latinæ editionis calculos cum Hebraicis fontibus optime conspirare probat.

DEMONSTRATION OU PREUVES EVIDENTES
de la Verité & de la Sainteté de la Morale Chrétienne.

Premier Entretien. Par le R. P. Bernhard Lamy,
Prêtre de l'Oratoire.

h. e.

DEMONSTRATIO EVIDENS VERITATIS
& Sanctitatis Ethicæ Christianæ. *Dialogus primus, Au-*
tore R.P. BERNHARDO LAMY, Congregationis
Oratorii Sacerdote.

Rothomagi apud Nicolaum Boucher & Franciscum Vaultier,
1706 in 12.

Constat plag. 13.

Tantam sibi famam scriptis Mathematicis, Philosophicis ac
Theologicis apud eruditos acquisivit doctissimus Autor.

Rrr 3

ut

ut non nisi optime limata ab ejus manu proficisci posse, persuasum habeant. Nec hanc expectationem faller in opere, quod publicare cœpit, 5 Dialogis integrum Scientiæ moralis sanctæ corpus complexurum, cujus partes ordine naturali disponantur, probationes ex intimis animi sensibus petantur. En brevem totius Sciagraphiam. Dialogus primus evincit, felicitatem hominis consistere in possessione Dei, aut in spe certa ipsum olim possidendi. Secundus probat, hanc spem non cadere, in eos, qui voluntati Divinæ conformiter non vivunt. Tertius recenset officia hominis erga Deum, nosmetipsos ac proximum. Quartus demonstrabit, hominem esse corruptum, adeoque aliter tractandum, quam si existeret sanus, & nasceretur innocens; regulas Politicas non tollere, sed tantum occultare corruptionem ejus; opus ipsi esse Medico cœlesti ad Deum reconciliandum. Ultimus denique de necessitate Mediatoris ager, & confirmabit, solam Scientiam Moralem in Evangelio propositam rationi esse conformem. Utitur autem paulo diffusiori scribendi genere, & allegatis ex Philosophis gentilibus, Poëtis ac Oratoribus, ut animus lectoris in meditatione eorum, quæ scribuntur, retineatur, nec veritatem paucis lineolis comprehensam statim rursus elabi patiatur. Principia demonstrationum moralium in ipsis hominum cordibus contineri asserit, ut ad eas capiendas nonnisi opus sit, ut habeatur attentio ad ea, quæ in nobis & a nobis fiunt. Cæterum monet, etiam veritates revelatas esse demonstrabiles, demonstratione ad fidem sufficiente: demonstrandum enim, 1. Scripturam sacram esse librum Divinum, cujus autoritati nos submittere debeamus, 2. nos credere, quod ipsa dicit. Hujus tamen demonstrationis paucos esse capaces.

Cap. I.

Hiscæ in genere præmonitis, non inutile fore arbitramur, si paulo pleniorẽ Dialogi primi delineationem in præsentẽ exhibeamus. Ante omnia igitur Scientiæ Moralis genuinam formare laborat notionem, habetque pro tali Scientia, quæ viam ad felicitatem perveniendi docere debet. Hujus notionis realitatem evicturus notat, per experientiam constare, omnes hominum actiones eo tendere, ut satisfiat desiderio, quo ad felicitatem

citatem adspirant, plerisque licet non perpendentibus, quomodo felices fieri possint. Hunc appetitum felicitatis esse a natura, & veram felicitatem nonnisi in eo consistere, quod illo fruamur, propter quod reliqua habere volumus. Intelligit autem per naturam vel ipsum Conditorum, vel opus tale, quale a manu Conditoris venit. Probat ulterius, naturæ tribuendum, quod voluptatem amemus; dolorem fugiamus. Etenim voluptates pariter ac dolores a natura esse, cum sapida non ideo bene sapiant; quod comedens vult, nec ignis ideo urat, quod manum ipsi injiciens eum urere vult. Hinc omnem voluptatem esse bonam, omnem dolorem malum, si in se consideretur; comparative tamen bonum esse nonnisi illud, quod est instar medii eam obtinendi voluptatem, quam per naturam desideramus; malum contra nonnisi istud, quod est perpetua omnium voluptatum privatio. Quare voluptatem, quæ impedit, quo minus ad majorem perveniamus, esse malum quoddam, non bonum: contra dolores, qui nos a majoribus liberant, esse bonum quoddam, non malum. Consentire cum his religionem Christianam. Christum enim nunquam voluptatem vocasse malam, nec dolorem bonum, nisi respectu voluptatis summæ. Veram itaque Philosophiam esse, non cum plebe sine regula quærere voluptatem; sed juxta regulas Christi fugere voluptatem majoris mali causam, subire dolorem majoris boni causam. Ex eodem fundamento voluptates dividit in stabiles & transitorias. Stabiles sunt, quæ respiciunt finem nostrum: transitoria, quæ medium aliquod. Bonum illud, quod natura hominem desiderare facit, æternum esse debere, infinitum ac immutabile contendit: omnes namque homines optare, ut voluptates ipsorum sint æternæ, infinitæ, immutabiles; contrarium expertos inquietos existere ac animo minime contento. Inde in varietate quærere, quod non inveniunt in qualitate: nec placere quicquam, nisi ut diffusum, varium, stabile, perdurans. Probare nititur porro, idem illud bonum esse debere verum, honestum, amabile & simul terribile, provocans tum ad actiones infantum, quos ingeniose naturæ Speculum appellat, tum omnis generis hominum adultorum, avarorum, ambiciosorum, voluptuorum.

Cap. 2.

Cap. 3.

Cap. 4.

- Cap. 5. forum. Ex ipso infiniti boni, tum ratione quantitatis, tum ratione durationis desiderio, quod non esse naturæ depravatæ ostendit, animæ immortalitatem deducit. Cum enim homo natura affectet felicitatem perpetuo duraturam, natura autem, testibus piscibus ad natandum, avibus ad volandum natis, omnia ita faciat, ut finem ab ea ipsis præscriptum consequi valeat; posita vero animæ mortalitate, homo nullius voluptatis sit capax, memoria mortis voluptatem turbante: evidens esse, animam hominis esse immortalem. Ulterius concludit, bonum æternum ac infinitum, quale appetit homo, reale quid esse debere, consequenter Deum existere. Quantum vero in nobis sit desiderium bona possidendi nondum acquisita, tantum quoque in nobis esse metum natura perdendi jam acquisita. Timere nos, ne forte evadamus infelices. Hunc metum omnem Gentilium introduxisse religionem, ut adeo ipse paganismus, licet in se absurdissimus, metum Numinis vindicis in corde hominis existentem comprobet. Hinc recte nos argumentari, existere Deum, quia naturaliter timemus Deum judicem, natura, quæ nil frustra agit, non timere faciente, quod non est. Exinde quod habeamus ideam cruciatuum æternorum concludit de novo, animam esse immortalem: & metui prædicto deberi aut opinionem de inferno apud omnes gentes, saltem facilitatem credendi infernum. Ipsam autem metus istius universalitatem & in ipsis infantibus existentiam, de actionum honestate, ac turpitudine nondum instructis, evincere, esse ipsum naturalem: ejus vero qualitates ostendere, judicem hunc esse ubique, omnia videre, esse potentem, esse æternum. Non posse excipi, religionem ac metum Deorum & inferorum esse figmentum Politicorum; metu enim tanquam medio ad compescendum populum eos uti non potuisse, nisi ipsum in hominibus observassent. Non aceto captari muscas. Numinis existentiam, innotescere quoque affirmat ex contemplatione mundi. Dati enim in mundo corpora organica, h. e. partes innumeras figurarum differentium habentia: nequaquam autem concipi posse, quomodo juxta Epicuri principia ex fortuito atomorum concursu prodierint. Id asserere magis ridiculum esse, quam asse-
- Cap. 6.
- Cap. 7.

asseverare, Parisiorum urbem cum suis ædificiis, palatiis ac incolis per fortuitum atomorum concursum produci potuisse, utpote Physicæ principiis, legibus præcipue motus, prorsus adversum. Cogitandum enim, mundum esse machinam, in qua tanquam partes, in se mutuo influentes & ad unum finem conspirantes, connectuntur Sol, Luna, arbores, animalia, homines, &c. & singulas partes majorem ad se invicem magisque necessariam habere relationem, quam domus Parisiorum. Non negari posse Dei existentiam ideo, quod non videatur: sufficere ex cognitis continuo in nobis operantis actionibus eadem ratione, qua mentis nostræ existentia concluditur, ejus quoque existentiam concludi. Enimvero Divina opera Numinis etiam eloqui attributa seu proprietates essentielles, nempe fuisse ante mundum; esse unum, quia nexus omnium mundi partium monstrat, quod is opus sit unius intelligentiæ; esse æternum, infinitum, immensum, immutabilem, sapientem. Ex sapientia Dei deducit, factos nos esse propter Deum, & ad eum tendere desiderium nostrum, quod nonnisi possessio ipsius explere valeat. Inprimis autem sapientiam Dei, in operibus ejus maximis minimis latentem, egregie explicat. Dei adeo possessio cum sola reddat hominem felicem, facile comprobatur, in terra non licere esse felicem, ubi nullum detur bonum purum sine admixtione mali, voluptates mutationi sint obnoxie, sequatur eas dolor, sequantur tædia. Mentem esse integro mundo vastiorem: mundum igitur ipsam explere non posse. Certe si in corpore resideat felicitas, multa animalia homine esse feliciora. Voluptates corporis ordinari erga res, quæ non sint ultimus hominis finis. Etenim si edendi, bibendi ac libidinis ergo productus fuisset homo, non opus ipsi fuisse mente intelligente, facturamque naturam, ut bene sapiant, quæ nutriunt, insipida sint superflua. Voluptates in his terminatas non esse stables istas, quas mens desiderat, causis earum transitoriis, nec viribus organorum corporis infinitis existentibus, ut corpus adeo esse nequeat infinitæ voluptatis sedes, multorum dolorum, mediocrium vero motuum moderatorum capax. Proprium corpus nos miseros reddere posse, non felices: nec alienum nobis felicitatem

Cap. 8.

Cap. 9.

- Cap. 10.** tem procurare valere. Hinc in specie monstrat, felices nos reddere non posse divitias, utpote nonnisi voluptatibus corporis comparandis inservientes, quæ verum illud bonum non sint, ad quod tendit desiderium nostrum: nec scientiam, quæ voluptatem non producat, nisi dum acquiritur: nec gloriam, quæ in bona aliorum de nobis opinione consistens lubricum habeat.
- Cap. 11.** fundamentum. Disputat contra Aristotelem, quod usum moderatum bonorum terrestrium nos felices reddere statuerit. Taxat eum, quod de summa felicitate agens nonnisi bona terrestria consideret: magis taxat Philosophos Christianos, quod inter beatitudinem naturalem & supernaturalem distinguant, cum Deus nos propter se fecerit, adeoque sit finis noster, & natura hominis ita facta, ut sine ejus possessione felix esse nequeat; quo intuitu possessio ac fruitio Dei dici debeat bonum naturale, ut ut supernaturalibus viribus unice acquiratur. Quare cum felix dicatur, qui possidet, quod optat, aut olim se possessurum certo sperat; beatitudinem, quæ in terra obtineri potest, pendere a spe certa aliquando possidendi Deum. Refutat Epicurum, qui vitam doloris expertem, & de futuro securam, pro felicitate habuerit. Invehitur in Stoicos patientiam cum felicitate confundentes, juxta quorum principia felix sit, qui sibi imaginatur, se esse felicem. Quoniam igitur Philosophi veteres felicitatem quæsierint vel in voluptatibus sensualibus, vel in usu eandem per virtutem normato, vel in absentia doloris, vel in indifferentia ad dolores ac voluptates a rebus externis pendentes, his omnibus autem fruens non certus sit, se post mortem fore felicem, non infelicem; neminem omnibus illis fruentem, in quibus felicitatem posuere Philosophi veteres, esse felicem, metu mortis felicitatem ejus turbante. Ex principiis Philosophiæ Cartesianæ evincit, Deum solum esse voluptatis Autorem, nec carnem, sed mentem ipsi unitam sentire, cujus unionis causa sit Deus. Inprimis prolixè deducit, perceptiones nostras, c. gr. imagines rerum visarum, non inesse objectis extra nos, sed in nobis existere, a Deo immediate productas, in quo omnia videamus. Inde infert, Deum, qui menti omnes suaves perceptiones præsentare facere potest, objectis externis præsentibus, simili-

literque ingratas ac molestas, animam ipsi unitam infinita voluptate perfundere, ab ipso autem separatam doloribus inexplicabilibus afficere posse. Immo per experientiam probare nititur, Deum aliquando infinita voluptate perfusurum eos, qui ipsum possidebunt. Homines enim perfectam amare pulchritudinem, quam quærentes non inveniunt. Ejus ideam, utut variam in diversis hominibus, ob diversam ingenii capacitatem, eundem tamen in omnibus sortiri effectum, nempe ut homo non sit contentus omni illo, quod ipsi præsens exhibetur, ob notatos in eo defectus. Et quia confusa ista idea, ignorare homines, quam in re invenire debeant ideatum. Luculentum tamen præbere hanc experientiam testimonium, quod facti simus ad Deum possidendum, & in possessione ejus summa voluptate perfruendum. Immo non placere in creaturis nisi imaginem Divinam, quam creaturæ non minus referant, atque opera artis imaginem artificum. Ex quo principio eleganter rationem reddit, cur placeat veritas magis rebus sensibilibus, utut de rebus abstractis in Geometria concepta; cur tantopere placeant, quæ ad infinitum appropinquant; cur spernamus, quorum angustos statim advertimus limites. Inprimis Symmetriæ aut Eurythmiæ potius Architectonica a priori reddit rationem. Cæterum non prorsus impossibile esse asserit concipere, quomodo anima cum Deo uniri, & per hanc unionem infinita voluptate perfundi possit. Cum enim veritas cognita homini voluptatem conciliet, facile concipi, hominem fore felicem, si Deus, prima veritas, se ipsi revelet: qua revelatione posita, hominem Deum cogniturum & amaturum. Cognitionis ac amoris haberi conceptus: ergo nos concipere, nos fore unitos cum Deo per animæ nostræ facultates eum in modum, quo amicum aliquem posidemus. Unionem cum Deo esse possibilem probat, quia anima nostra sine amore inquieta tædioque plena, nihil autem cordis nostri capacitatem explere valet, ut ipsa amoris nostri inconstantia evincat, solum Deum cordi nostro prorsus occupando sufficere. Velle autem Deum se cum homine unire, ex desideriis insatiabilibus, ipsi juxta superiora naturalibus, quæ frustra Deus fecisse nequeat, comprobatur. Immo non concipi posse, Deum

Cap. 18.

Cap. 19.

Cap. 20.

Cap. 21.

nos tam miserabiles fecisse, cum major sit miseria, infinitam desiderare pulchritudinem nec invenire posse, quam perpetuo sitire, nec unde bibatur habere. Prolixe tamen deducit, beatitudinem in terra aliam obtineri non posse, quam quæ in spe possidendi Deum consistat, & Philosophorum Gentilium ab hac veritate aberrationes inculcat. Tandem denique adstruit, Evangelium Christi veram esse Philosophiam, cum is per discipulos suos & prophetas, veram felicitatem in spe olim possidendi Deum consistentem & viam ad eam ducentem docuerit, immo certos reddiderit, spem non esse vanam, utpote promissionibus Divinis nixam, & miraculis confirmaverit, viam ab ipso monstratam esse veram. Accedere, quod Philosophia Christi in praxin deduci possit ab omnibus cujuscunque conditionis hominibus.

EPITOME TOTIUS MEDICINÆ, Institutiones, Chymiam rationalem, Commentarium Pharmaceuticum atque Praxin Medicam succinctè complectens. Addita est in calce Theodori Zvingeri, Anat. & Botan. in Academi. Basil. Prof. Ordin. Dissertatio Medica de acquirenda vitæ longevitate.

Lugduni, apud Danielelem Gayet, 1705. in 8.

Constat Alph. 2. & plag. 14.

Præfens Epitome Totius Medicinæ cum idem sit liber, qui Anno 1701 Londini impressus titulum gerit: *Michaëlis Etmülleri, in Academia Lipsiensi quondam Professoris celeberrimi, Opera omnia in Compendium redacta*; plura de illa jam addere superfedemus, imprimis cum ipsa B. Authoris Opera a Filio ipsius, Medicinæ in Academia nostra Professore hodie solertissimo, recognita sub prelo jam sudare noverimus: quid vero in addita Dissertatione Medica Zvingeri de acquirenda vitæ longevitate contineatur, brevibus sumus explanaturi. Triplex statuitur Authori Clarissimo vita hominis, prima in anima rationali, quæ in perpetuo cogitandi actu consistit; altera in homine, quæ nihil aliud est, quam unio corporis & mentis; tertia in corpore solo, quæ sita est in continuo pulsu cordis & artiarum

riarum, indeque contingente assiduo partium fluidarum per solidas decursu, cum subsequenter diversis actionibus corporis vitalibus. Vitam animæ quod spectat, immortalis eadem est, & ab interitu prorsus immunis; reliquæ autem duæ vitæ a se invicem quodammodo dependent. Cum autem major hominum pars ante senectutis annos hodie e vivis excedat, nec primorum parentum ætatem attingat, interea pauci reperiantur, qui longævitatē spernant, atque studio evitare contendunt, inquirendas sibi sumit causas tum primitivæ illius, tum hodiernæ vitæ diuturnitatis. Et quidem quod finalem causam attinet, videtur omnino Deus primævis hominibus longiorem vitam vel eapropter largitus esse, ut tanto citius genus humanum in his terris multiplicaretur, dominiumque in cæteros mundi incolæ exerceret; & ut quæ in paradiso facta est promissio a benignissimo Creatore, perfecte cognosci, longa contemplatione accurataque consideratione probe expendi, & penetrari, hinc posteritati tanto melius inculcari, imo inviolata semper conservari, propagari, & a nocentissimis Satanae corruptelis tuta præstari posset. Causam vero efficientem atque conservantem longævitatē duplicem statuit, communem vel generalem, unam, alteram specialem vel propriam. Communis est liberissima Dei voluntas & providentia; qua quidem hos voluit majorem, alios minorem vitæ annorum numerum attingere; specialem vero primorum patrum longævitatē causam non equidem in miraculo Divino, nec in solius naturæ viribus, nec in amore Dei extraordinario, nec in salubriori ante diluvium aëre & alimento, nec denique in ciborum crudorum usu, sed partim in naturæ bonitate, seu firma admodum constitutione, & soliditate in partibus corporis, partim in simplici vivendi ratione, diætæque cum perpetuo salubrium aquarum potu per omnia exacta quærit. Hodiernæ vero longævitatē causa est partim firmior partium corporis constitutio vel a nativitate acquisita, partim diætæ exacta simpliciorque victus cum passionum animi debito moderamine, partim aëris bona constitutio, partim vita pia & religiosa. Parvi autem æstimat Author noster annos climactericos, rationibus superstitiosis fundatos.

Monita potius communicat, quæ pro vita proroganda observatu necessaria sunt. Commendat igitur justam dietam, quæ ad proles longævæ procreationem requiritur, legitimamque ad generationis opus præparationem, debitum gravidarum regimen, infantis recens nati congruentem nutritionem, ablactationem & educationem bonam. Adultis & senibus ex fonte Dietetico suadet aëris salubritatem, qua urbem Basileensem admodum se commendare deprædicat, ejusve correctionem, victus commodam rationem, quoad quantitatem, qualitatem & assumendi modum; legitimumque quoad reliquas sex res, n. n. dietas regimen. Ex fonte Pharmaceutico cum Panaceæ & Tincturæ auri non adeo universales sint, quæ promiscuæ omnibus temperamentis conveniant, omnesque morbos tollant, his reiectis, quæ cholericis, melancholicis, sanguineis & phlegmaticis conducant, item quibus podagrici, nephritici, & stomacho debili laborantes, a morborum insultibus immunes se præstare possint remediis, inculcat. Tandem ex fonte Chirurgico plethoricis venæ sectionem bis quotannis celebrandam, vel scarificationes, aut harum loco jejunia subinde instituenda imperat; clysmata lenientia & detergentia alvum segnem habentibus, & setaceum in nucha vel fonticulos in brachiis, cacochymicis commendat. Hujus dissertationis calci addita est brevis Consultationum Medicarum Idea.

*THOMÆ CRENI ANIMADVERSIONUM
Philologicarum & Historicarum
Pars XIII. XIV. XV.*

Lugd. Batav. apud Matthiam ter Heyden & Abrah. van der Myn, 1705 & 1706. in 8. Plag. 40.

DUm recensendis majoribus Doctorum Virorum Operibus intenti sumus, inde minora, & quæ in tomos præsertim plures sigillatim editos dissecta sunt, manibus se nostris quasi clam subducunt. Quod fatum & in Crenianis Animadversionibus experti sumus, quarum duodecim omnino partes jam antea his in Actis recensitas invenient Lectores. Sed præter has
citius

citius, quam nobis licuit advertere, tres novæ comparuerunt, ut est invicta prorsus diligentia Autoris celeberrimi, qui insuper eodem fere tempore doctam quoque de *furibus librariis* Dissertationem, & aliam de *singularibus Scriptorum*, in lucem publicam emisit, quin & primæ Exercitationi de *Libris Scriptorum optimis*, a nobis A. 1704. p. 526. memoratæ, duas ejusdem argumenti superaddidit. Nos hac vice tribus istis Animadversionum partibus postremis junctim operam navabimus, ac e singulis nonnullos colligemus flosculos.

Pars *decima tertia* post præfationem, de *Medicis elegantiori literatura instructis* agentem, a *Persii, Juvenalis & Sulpicia Satyris* differendi facit auspicium, & quæ in codice, editionem earum Parisiensem, A. 1585. curatam continente, manu sua passim *Juvenalis* versibus alleverit *Petrus Scriverius*, prolixissime cum Lectoribus Philologiæ studio deditis communicat, neque nunc tamen singula annotata absolvit liberalis in his erogandis Crenius, sed in parte sequenti demum notas residuas adjungit. Post sparsim in illo tomo plurima de Viris doctis judicia variorum recenset Noster, moresque singulares quorundam delineat. *Jacobum Andrea* tot maledictis a non unis peti, dolet p. 69. Qua occasione apud aliquos *Daniel Heinsius* in favoris erga Pontificios suspicionem inciderit? p. 98 declarat. *Tannaq. Faber* ut admodum in religione inconstans p. 101. s. sistitur. Quod *Benedictus Spinoza* non indignus Carolo Ludovico, Palatino Electori, visus fuerit cathedra Philosophica Heidelbergensi, p. 103 observatur. *Stephani Curcellai*, scortatorii & concubinariî amores p. 108. s. perstringuntur, verbis potissimum Maresii. Objectam *Chamiero* ambitionem p. 113. s. luxumque vestitus in *Petro Molinao* p. 115. s. taxatum videas. *Johan. Knoxium*, Ecclesiæ Scoticanæ instauratorem, pro impio, imo mago, venditari p. 119, & *Jul. Cesarem Scaligerum* atheismi insimulari p. 120 discimus. In *Henrico Lorito Glareano* morum austeritas p. 127 reprehenditur. *Amandus Polanus* multæ lectionis, at exigui judicii Vir constituitur p. 133. *Francisci Gomari* munia, ingenium, errores, scripta p. 141. s. recensentur. *Jac. Altingii* filiis imputatur p. 189, quod Patris opera aliter curarint imprimi,

ac ipse olim eadem conceperit. *Samuel Maresius* p. 166 pro maledico & sarcastico venditatur. *Iustum Lipsium* ab *If. Casaubono* Μαχαρίτην vocari p. 183 obelo notatur. Quam dura fata ad instinctum Georgii Calixti, *Statius Buscherus*, istum quia impugnarit, expertus fuerit, p. 198. f. narratur. *Thomas Reinesius* p. 235 magna impotentia animi in veros cœlestis & fidelis doctrinæ propugnatores invecus fuisse dicitur. Tacemus curiosæ eruditionis specimina alia, puta, quæ afferuntur de eloquentia Nestorea, p. 40. de asini mandibulo in proverbium abeunte p. 41. de pinguitudine ingenii Bœotici tribui solita, p. 39. de depositione Academica, p. 190. de cereis Paschalibus, p. 234. f. de Reformatorum Doctorum quorundam laudibus præcipuis p. 169. f. de Adami salute, ejusque cum singulis animalibus suscepto ex vana aliquorum traditione coitu, p. 166 & p. 88. de idolo Rimmon, p. 251. de purpuramento & eucausso, deque diplomatibus, literis aureis olim ornari suctis, p. 252. &c.

Pars decima quarta plurimis invecivis, notatisque variis erroribus ab Eruditis hominibus admissis, referta est. Post sectionem primam notis *M. Stis Petri Scriverii in Juvenalem*, ut diximus jam ante, destinata, integra secunda eaque satis proluxa sectio varia enarrat vitia, quæ adversus *Grammatica Latina* regulas, Viri cætera doctissimi in scriptis suis commiserunt. Alibi minus recte dicta ab *Andrea Hyperio* percensentur; alibi aliis dica scribitur. Sed vides tamen intermixta passim notabiliora alia, quem in censum retuleris varia variorum de *Caroli Paschalii Opere de Coronis* judicia, p. 84. f. & quæ differantur de auctore *Psalterii Mariani*, p. 89. de *Hanna*, *Samuelis matre*, an in Θεοπνεύσαν numerum referenda? p. 96. de apocryphis olim in Ecclesia lectis, p. 107. f. de censu pro funeribus antiquitus solito, p. 122. f. deque ejusmodi pluribus. *Ciceronis* haud pauca loca exponuntur atque illustrantur p. 59. f. integro §. 6. quem morem & alibi jam tenere Clarissimo Autori placuit.

Pars denique decima quinta non solum lemmata hactenus allatis similia quamplurima complectitur, sed & (quod unum ex eadem præ cæteris notatu itidem minime indignis, heic monere lubet,) observationes quasdam sacras haud ubique obvias

obvias sexto in incilo cumulat, e quibus has in gustum propinamus. Sicut nomen *Jude*, unde Judæi dicti, in Scriptura Veteris Testamenti admodum gratum & frequens fuerit, ob promissum e tribu Juda Messiam, idem tamen in Novo Testamento inter Christianos, ob proditorem Servatoris, fere inauditum & insuetum factum sit; ita nomen *Johannis* in Veteri Testamento rarum, in Novo usque adeo obvium & familiare redditum pronunciat, ut nullum fere nomen vulgarius deprehendatur, idque ob annunciationem primam gratiæ divinæ in Christo a Joanne Baptista factam. Si a Christo & Elisæo discesseris, nullum in Scriptura Sacra *Prophetam unctum* observari ait, quam & illud Elisæi exemplum in controversiam vocetur. *Terram* Deus quod damnaverit, in Sacris quidem legi observat, *aut mari* id accidisse, non irem, sed hoc Deum tantum increpasse, imo & mari primo omnium Spiritum Sanctum speciali sua providentia adfuisse. In Veteris Testamenti locis, ubi *vita* Patriarcharum recenseantur & Sanctorum, imo & aliorum, semper, fere, quantam exegerint *statem*, quotquot confecerint annos, annotatum reperiri docet, at in N. T. non æque, quandoquidem haud congruum fuerit, Christianos longa annorum superbire serie, postquam ipse tam brevis in his terris vitæ Christus esse voluerit. Paucos *ante suam nativitatem nominibus suis insignitos* legi, omnesque, si Salomonem excipias, forte in honorem Jesu, primam in appellatione literam I habuisse ait, utpote Johannem Baptistam, Isaacum, Ismaëlem, Josiam. Nullo seculo plures vixisse celebres *Prophetas* innuit, quam cum pius regnarit *Ezechias*, & cum Judæi sub *Babyloniorum jugo* ingemuerint. In Scriptura Canonica (ne Sirach forte objiciatur,) neminem Salomone acrius invecum esse refert in *mulieres*, qui tamen ipse sibi ab iisdem provide satis haud caverit: contra Christum amiciores & benigniores illis, familiariterque iisdem usum, multas earum convertisse addit.

TRAITÉ DE LA GENERATION ET de la nourriture du fœtus.

T t t

h. e.

h. e.

**TRACTATUS DE GENERATIONE ET
nutritione foetus, Autore DANIELE TAUVRY, Aca-
demia Regia Scientiarum Socio & Doctore Medicina
in Facultate Parisina.**

Parisiis, apud Bartholomæum Girin, A. 1700. in 12.

Constat plag. 13½.

Cum scripta Autoris quantivis pretii fiant ab eruditis, & reliqua in Actis nostris debita cum laude fuerint recensita; non possumus non, hujus quoque eruditi de argumento difficilimo Tractatus brevem eo magis exhibere delineationem, quod ultimum simul monumentum ille sit, quod Autor, A. 1701. trigesimo primo & dimidio ætatis anno phthisi extinctus, post se reliquit. Notamus igitur, scopum Autoris esse, refutare errores per aliquos Anatomicos instauratos. Quem in finem diversa examinavit animalia, ut in sententia sua confirmaretur. Et ideo exhibet descriptionem Anatomicam partium nonnullarum quorundam animalium, a nemine hactenus datam, cum multis novis explicationibus. De generatione ex animalculis seminis virilis nihil habet, quia iisdem difficultatibus hoc systema obnoxium credit, quibus subjicitur reliquum quodcunque, immo nature legibus prorsus contrarium reputat, quæ admirandam affectans simplicitatem, nihil in operibus suis inutile ostendet. Accedere, quod multa animalcula, etiam in aliis liquidis, per microscopia detegantur, nulli tamen generationi inservientibus. Nec huc facere, quod in lue Venerea animalcula sint, pleraque emortua, quia ista nec in viris, nec in foeminis fecunditatem tollit.

Cap. 1. in originem foetus inquirens, leges motus generationi explicandæ non sufficere monet, cum nondum constet de minimis partibus seu principiis nervorum, fibrarum musculosarum, ossium, &c. Negat animam posse sibi formare corpus tanquam domicilium, cum hanc machinam propriis viribus ne movere quidem possit, multaque in corpore dentur & con-

tingant, quorum mens prorsus ignara. Negat primum hominem prima omnium subsequens continuasse stamina, cum materia, in infinitum licet divisibilis, actualis divisio certos supponat terminos, adeoque habita attentione ad rationem foeminae ad ovarium suum non diu progredi liceat, quia supponenda sit infinite parva staminum quantitas, nec, quinam liquores iis arrodendis & nutriendis inservire queant, appareat. Negat aërem esse receptaculum omnium staminum cum cibo assumendorum, & per poros in ovaria filtrandorum, cum, ob parvitatem staminum, nulla comprehendatur filtrorum differentia, ut animalium ovaria non solum suae, sed & alterius speciei stamina recipere valeant, monstraque repugnent, tertiam inter duas alias speciem constituentia. Veriora igitur de origine foetus traditurus, in generationem ovi, & ejus, quoad partes majores, structuram inquiri, de explicatione diversarum ovi partium simul differens, atque ostendens, quam multa & ardua hic adhuc ignorentur. Expendit divisionem animalium in ovipara & vivipara; subdivisiones item oviparorum & viviparorum: tandemque concludit, naturam uniformiter agentem, omnia generare ex ovo. Huic utrum ante foecundationem insit germen, nec ne, definitu difficile pronunciat. Oppugnat tamen systema veterum de generatione ex commixtione seminis virilis ac foeminei, a recentiore quodam Autore innovatum: inprimis disputans contra diversas vias, quibus semen foemineum, juxta *Laurentium, Riolanum, Plazzonum, Diemerbrockium, Galenum, Varthonium, Kerkringium*, ex ovario ad uterum deferri debet. Cum vero probabilius esse statuatur systema ovorum, in eo est, ut evincat, tubas in foeminis oviductibus & testiculos ovarii respondere: id quod inter alia confirmat accurata descriptione partium genitalium in testudine foemina, quae, ut ut ova pariat, partes tamen habet genitales, partibus genitalibus canis vel felis non absimiles.

Cap. 2. modum expositorum, quo ovum ad uterum descendit, de ipsis ovulis disserit. Vesiculas exiguas in testiculis ovula esse pronunciat, in eo ab hydatidibus testiculorum, non semper, nec in omnibus animalibus reperiendis, differentia,

quod ista facile, hæc difficulter ad ignem indurentur; hæc aliter, quam ista, cum testiculis connectantur; in his æque membrana externa facile separetur ab interna, in istis minime; has denique in plerisque animantibus deprehenderit molles ac transparentes, ista vero firma satis & minus pellucida. Ovulorum existentiam per observationes *Regneri de Gnaaf, Peyer, du Verney*, & proprias probat, & quomodo ab ovario separentur, testiculi que membranam perforant, exponit, id optime addisci monens secundo animantia vivipera aliquot a coitu diebus. In primis ostendit, quomodo ovum majus per foramen minus penetrare possit, per quod ipsi negandus videbatur egressus: ovum scilicet, dum prolongatur, crassitiem imminuit, & foramen ob membranæ tenacitatem dilatatur. Hanc assertionem eleganti illustrat experimento. Nempe si ovum gallinaceum aceto immittatur, ut testa mollescat, per foramen ipso multo minus urgeri potest in vitrum, ex quo non patet per idem reditus, si affusa aqua testa rursus induretur. Addit, quomodo papillæ supra testiculis producantur, & cur tales in oviparis non compareant. Ex ovario per tubas Fallopianas ad uterum deferri ovulum, probat per fœtus interdum extra uterum conceptos, casum sui temporis commemorans de fœtu intra abdomen concepto, placenta non utero, sed aliis ventris partibus alligata. Hunc vero casum rariorem pronunciat, non quod sæpius ex ovario in abdomen non cadant ovula, sed quod illuc cadentia non commodum semper reperiant locum, ubi alligentur ac nutrantur. Provocat ulterius ad fœtus in tubis repertos, quales ipsi *Vesalius* & *Riolanus* refulerunt, utut systematis de commixtione seminum patroni. Ut vero explicare quodammodo posset, quomodo ex ovario in tubam delabatur ovulum, tubarum descriptionem tradit satis accuratam, & hominum cum quadrupedibus hæc in parte convenientiam, cum volatilibus disconvenientiam edocet, addita harum differentiarum causa, a disparitate incessus quadrupedum & volatilium petita. Subjungit, quomodo tubæ per spiritum seminalem ad actionem determinantur, ut ovario applicatæ ovulum egrediens excipiant exceptumque ad uterum devolvant. Non autem crassam seminis substantiam, sed so-

lam

lam spirituosiores conceptioni inservire, hinc evincit, quod multa animalia, utut concipiant, semen immissum rursus ejiciant; quod conceperint foeminae, utut penem in vaginam non immiserint, quia erant imperforatae; quod inprimis semen sine alteratione in utero testudinis recipi nequeat, cum per aliquod tempus in communi cavitate commoretur, ubi urina & materiae faecales exonerantur. Refutat tamen illorum sententiam, qui cum *Stenone* & *Bartholino* juniore, spiritum seminalem in tubas & ovaria non agere affirmant, antequam sanguini permixtus per circulationem eo deferatur; utut hujus hypotheseos patroni, per eam optime explicari posse varia foeminarum concipientium symptomata, contendunt, qualia sunt vomitus, nausea, gustus depravatus &c. Ipse asserit, per tubas ad ovaria non per effumationem, sed infiltrationem, in uteri ac tubarum membranas deferri semen. Utut vero neget, per circulationem sanguinis ad ovarium delatum spiritum seminalem ovo foecundando sufficere; non tamen ideo negat, quandam ejus partem, sanguini permisceri posse. Rationem denique reddit, cur tubae & oviductus ovarii non cohaereant. Inde mutationes ovi in utero exponit, & ex subita uteri extensione, quae irritationem per spiritum seminalem productam sequitur, pleraque accidentia conceptionem consequentia deducit, qualia sunt dolores, vomitus, nausea &c. Inprimis declarat, quomodo ovulum utero connectatur, chorda umbilicalis nascatur, ovulum nutriatur, monstrata analogia inter ovulum & grana plantarum, notatis simul differentiis, quae in brutis observantur, earundemque ratione subjecta.

Cap. 3. membranas foetum involventes, cum chorda umbilicali & placenta uterina describit, multasque diversitates in diversis animantibus obvias, cum earundem rationibus tradit. Exponit connexionem chorii cum utero in equa, porca, porca fera, torpedine (qui est piscis quidam marinus) cane marina, vipera: placentam uterinam foeminae, canis, felis, leporis, cuniculi, porculae Indicae, animalium ruminantium, delphini: membranam urinariam ruminantium cum ejus characteribus, speciatim in porcula Indica, equa, cuniculo, cane, felle

ac foemina: amnion & speciatim quædam de amnio ovipararum: quartam tunicam in quibusdam animalibus obviam: vasa omphalomesenterica: vasa quartæ membranæ, quas venas esse contendit, aliaque huc spectantia.

Cap. 4. eadem industria disquirat de humoribus in membranis foetus contentis. Multus est, ut comprober, foetum in utero nutrir per chordam umbilicalem, præter argumenta ex structura placentæ & vasium umbilicalium petita, ad foetum caninum provocans, quem capite & bucca carentem, optime tamen nutritum, apprehendit *Regnerus de Graaf*. Interea tamen non negat, per buccam quoque nutrir foetum, quia inter liquorem in ventriculo ejus, & inter liquorem in amnio contentum, omnimoda reperitur similitudo. Cum autem uterque ab eo multum differat, qui in membrana urinaria continetur: in istam similitudinem, hanc dissimilitudinem multis inquirat. Agit etiam de liquoris in amnio origine & modo, quo in ventriculum deferatur. Causam reddat, cur urina foetus peculiari tunica contineatur; cur non per urethram, ut in adultis, sed per urachum secernatur; cur peculiare urinæ, nullum autem excrementorum in intestinis contentorum sit receptaculum. Sub finem capitis in eo est, ut demonstret, interiorum uteri cavitationem considerandam esse tanquam exiguis glandulis repletam, per quas filtretur succus nutritius, magis tenuis, minus viscosus, & ad naturam lactis sive chyli magis accedens, quam liquor amnii, per arterias eo derivatus, & per porositates placentæ fluens, atque cum sanguine ex arteriis foetus propullulante in venam umbilicalem abreptus.

Cap. 5. denique circulationem sanguinis in foetu expendat: qua occasione de foramine ovali, per quod vena cava cum vena pulmonali communicat, & de canale arterioso, per quem arteria pulmonaria cum arteria aorta commercium colit, prolixè agit. Sub finem operis controversias tractat, quæ ipsi cum *Dn. Mery* circa sanguinis in foetu circulationem intercedebant.

GEOR.

MENSIS NOVEMBRIS A. M DCCVI. 529

GEORGII WOLFFGANGI WEDELI COM-
*pendium Praxeos Clinica Exemplaris, secundum ordi-
nem Casuum Timæi a Guldenkleee.*

Jenæ, sumptibus Johannis Biellkii, 1707. in 4.
Constat Alph. 1. plag. 8.

Quamquam variis hætenus scriptis Illustris WEDELIUS peritiam suam, qua in Arte Medica pariter ac Chymica excellit, abunde testatus fuerit, sicque nomen suum ab oblivione vindicaverit; ulterius tamen famæ suæ Philiatorumque commodis inhians, Praxin tandem Clinicam, ab omnibus Artem salutarem excolentibus diu expetitam, luci publicæ exponere decrevit. Per Praxin autem Clinicam intelligit exercitium erudiendi & exhaustiendi signa & phænomena, ut suppositis causis ad illa producenda aptis, indicationes & indicata specifica, individualiter hinc applicari possint debite. Ut vero ordinis ratio jubeat, Praxin Clinicam generalem præmittere speciali; at tamen facilius visum fuit Compendium hoc præmittere Praxeos Clinicæ Exemplaris, eidem scopo velificantis, alteri, volente Deo, brevi subsequaturæ. Potuisset certe Excell. WEDELIUS, ex sua Praxi XL annorum amplissima, casus atque exempla erueri, prout in Præfatione testatur; noluit tamen actum agere, sed cum Balthasar Timæus a Guldenkleee ejusmodi casus dudum ediderit, ex universo ambitu occurrentium medico morborum, eosque non semel emensus fuerit Author Noster; horum responsionem edere aliam, & ordinem sequi visum fuit, ut & eosdem commendaret, & sic breviori via sapientibus simplici styloque monstraret, quomodo copia rerum & verborum satisfacere ægris, & hæc variare liceat.

ULRICI HUBERI JCTI, SUPREMÆ FRI-
sorum Curia Ex-Senatoris, Prælectionum Juris Civilis
Tomi III. secundum Institutiones & Digesta. Accedunt
huic Editioni Novæ Additiones CHRISTIANI THO-
MASII, quibus Scholia ipsius contra Autorem defen-
duntur, ejusdemque nova Præfatio, & Differentia Juris
Com-

*Communis & Saxonici, cura LÜDERI MENCKENII JCi.
Lipsia, sumptibus Joh. Frider. Gleditschii,*

1707. in 4.

Constant Alph. 9. pl. 4.

QUæ Operum Juridicorum Celeberrimi Huberi sit præstantia, quod inter Eruditos pretium, quæ imprimis Prælectionum ad Institutiones & Digesta toties editarum elegantia & utilitas, actum ageremus, si prolixius hic exponeremus. Non male igitur de Jurisprudencia meritis est Bibliopola solertissimus, qui, quas diximus Prælectiones Huberianas, apud nos curavit recudendas. Sed cum partem Prælectionum primam, quæ ad Institutiones pertinet, in Actis A. M DC LXXXVIII. pag. 464, II & IIIam quæ Jus Pandectarum tradunt, A. M DC LXXXIX. pag. 302, & A. M DC LXXXX. pag. 507. prolixius recensuerimus, nihil superest, quam paucis ut moneamus, quantum hæc præstet prioribus editio. Accesserunt enim ei novæ Additiones Dn. Thomasi, quibus Scholia sua contra Responsiones Huberi vindicavit, sæpius tamen suam reliquit & in Huberi sententiam transiit, ut ipse in Præfatione fatetur; in qua simul rationes exponit, quibus olim ad edenda Scholia, & jam ad has Replicas edendas fuerit adductus. Præterea hæc editio exhibet Differentias Juris Communis & Saxonici, secundum seriem Prælectionum ad Institutiones & Digesta, cura Dn. Menckenii, quæ eum in finem fuerunt additæ, ut, qui in Saxonia Huberianis Prælectionibus uti cupiunt, in singulis titulis fere, quid usus aut Leges Saxonice tam Communes, quam Electorales, immutaverint, sine negotio possint cognoscere. Denique Indices Operis in meliorem redactos ordinem, ac mendas, quæ in priori editione occurrebant, summa cura sublatis esse, Lector Benevolus facile ex ipsa utriusque collatione intelliget.

LIBRI NOVI.

Julii Pollucis Onomasticum Græce & Latine. Præter aliorum notas, suas etiam adjecere J. H. Lederlinus & T. Hemsterhuis. Amstel. ex officina Wersteniana, 1706. fol.

Description de la Virginie. A. Amst. chez Th. Lombrail, 1707. 12.



ACTA ERUDITORUM,

publicata Lipsiæ

Calendis Decembris Anni M DCC VI.

FERDINANDI CHRISTOPHORI HAR-
PRECHTI JCTi, Sacri Casarei Palatii Comitiss,
diversorum Imperii Principum & Statuum Consilarii, in
alma Tubinga Antecessoris & in Summo Württembergico
Tribunali Assessoris, Responsorum Criminalium & Ci-
viliū Volumen secundum, tertium &
quartum.

Tubingæ, impensis Augusti Metzleri,
A. 1701. 1702. 1706. in fol.

Constat volumen II. Alph. 3. plag. 12. III. Alph. 3. plag. 5.
IV. Alph. 3. plag. 7.

Primum Responsorum horum Volumen, a nobis, mense
Junio 1701 pag. 277 seqq. relatum est. Secundum &
Tertium hætenus curam nostram effugerunt, ut debito
tempore non sint exhibita; hinc vel verbo eadem nunc indica-
re, e re esse videtur. Telam igitur semel inceptam, serie non
interrupta, pertexit Illustris Autor; hinc in Volumine Secundo,
agmen ducit Responsum decimum septimum, claudit vero
quadragesimum octavum. Ab hoc Volumen Tertium, usque
ad Responsum sexagesimum quintum extenditur. Inde Quar-
tum, illudque novum, Volumen succedit, quod a sexagesimo
sexto, usque ad septuagesimum septimum excurrit, adeoque
duodecim Responſa complectitur. Responſum sexagesimum
sextum, quod primum locum occupat, sollicitam de feudo me-
ritorum remuneratorio, exhibet tractationem. Tum, juxta or-
dinem

dinem sequentium Responforum agitur de renunciatione acqui-
 stus conjugalis, constante adhuc matrimonio, facta. De actione
 spoli, an & quatenus illa in spoliatoris hæredes transeat. De
 fructibus sylvestribus, *wild Obs und Eicheln*, utrum vi ju-
 ris venandi & forestæ, ad eum qui isto jure gaudet, an vero ad
 sylvæ proprietarium pertineant. De renunciatione filiarum
 nobilium, monasterium ingressarum. De læsione enormi, in
 feudi masculini venditione. De crimine incestus in linea re-
 cta, patris cum filia. De crimine falsificatæ monetæ. De
 jure perpetuæ reuisionis prædiorum Württembergensium,
 in forenses translatorum. De crimine vini, per lithargyrium,
Silberglätt oder Silber-Schaum, adulterati. De trans-
 actione prætensive vi metuque extorta, ejusque rescissione, ex
 hoc capite petita. De solutione & condictione indebiti, pro-
 lixe disputatur. Nos, speciminis loco, duorum Responforum
 summam breviter exhibebimus. In Sexagesimo nono, ut an-
 tea indicatum, disquiritur: utrum fructus sylvestres, ad eum,
 qui regali venandi & forestæ jure gaudet, an vero, ad sylvæ
 proprietarium pertineant? Circa hanc controversiam præmo-
 net Consultissimus Autor, eam ex statutis & consuetudinibus
 cujusvis loci, fere esse decidendam, cum ex solo jure naturali,
 aut jure Romano, vix decisio aliqua peti queat; statuta vero vel
 leges provinciales, sylvæ proprietario favere, autoritate ordi-
 nationis forestalis Württembergicæ, Bavaricæ, Brunsvicensis &
 Hohenloicæ, deinde ostendit. Quodsi autem leges ejusmodi
 provinciales seponamus, tum nihilominus, pro sylvæ propieta-
 rio, pronunciandum esse censet, cum utique fructus, tam pen-
 dentes, quam separati, in dubio, domino attribui debeant.
 Nec obest, quod fructus ejusmodi, feris, ne fame pereant, re-
 linquendi, nec hæ, per glandis collectionem, fugandæ esse di-
 cantur; nam hanc rationem proprietarium, a jure suo, non pe-
 nitus excludere, sed hoc solum aliquo modo restringere, No-
 ster docet, ac insuper, plurium Doctorum autoritate, sententiam
 suam confirmat. Interim alii fructus sylvestres ei, qui jure
 venandi & forestæ gaudet, adscribunt, quo nomine diversos
 Autores Noster laudat, sed eos hypothesi, nondum ad liquidum
 dedu-

deducta, verum in circulum potius recurrente, quod facultas decutiendi & legendi glandes, juri venandi cohæreat, niti, simul admonet, id adjiciens, sententiam illam, ex Gailio male intellecto, imo in editione anni 1616 etiam corrupto, fere habere originem, cum tamen Gailius sylvæ proprietario fructus sylvestres non plane abjudicet, sed eum, in præjudicium Domini forestalis, jus suum non nimis extendere debere, solum doceat, quæ sententia, uti rationi est consentanea, ita aliis Autoribus quoque probatur. Solidius quidem fundamentum sententiæ suæ dissentientes, in longæva consuetudine, quæ fructus sylvestres Domino forestali tribuat, reperisse existimant. Verum consuetudinem illam jactari quidem, sed non probari, Noster demonstrat; imo tantum abesse evincit, ut generali consuetudine sententia illa firmata sit, ut potius, in plerisque locis, contraria jura, vel scripta, vel non scripta, obtineant, Gailius etiam & Friderus, quorum autoritate dissentientes potissimum nituntur, consuetudinem talem minime asserant, sed Domino forestali fructus competere, si longa consuetudine jus illud acquisiverit, solum doceant, inter quæ duo, magnam esse differentiam, nemo non videat. Denique in specie, in casu controverso, sylvæ proprietario jura omnia favere, Consultissimus Autor, additis nonnullis limitationibus, ostendit.

Ex doctrina Responsi septuagesimi septimi, mercator quidam decessit, vidua, quatuor filiis & tribus filiabus relictis. Post quatuor, a morte, annos, vidua negotiationem, quam hætenus continuaverat, filiis cessit. Subducto calculo, unus ex filiis, per errorem, matri sortem mille imperialium indebite assignat, eidemque per duos annos, sortis illius, in negotiatione relictæ, usuras præstat. Tum moritur filius, qui errorem commiserat: superstites fratres, rationibus denuo dispunctis, illum deprehendunt, sed dum verentur, ne reverentiam matri debitam lædant, aut hæc etiam, repetitione indebiti, ad iram provocata, sortem ex negotiatione tollat, vel ex nimio animi motu, morbum contrahat, aut plane moriatur, errorem commissum illi non indicant, sed potius, per quatuordecim annos, sorti indebitæ usuras constanter, adjiciunt. Interim filii mercatores bonis labuntur, ac ma-

ter, quod sibi deberi existimabat, exigit, sed filii, indicato errore, ut mater tam sortis, quam usurarum indebite assignatarum deductionem patiatur, petunt. Quæsitum ergo fuit, an & quousque jus vel retinendi, vel repetendi, filiis hic comperat? Quoad ipsam sortem, res satis certa Consultissimo Autori videtur, quod ejus intuitu, conditio indebiti locum habeat, cum omnia ejus requisita, solutio scilicet vel promissio, error facti ac indebitum, hic concurrant. Et licet de filii nunc defuncti intentione, utrum ille ex errore, an potius sciens prudensque, atque ita animo donandi, matri sortem illam assignaverit, liquido constare non videatur, attamen Noster censet, ex indebito, quod rationibus subductis satis apparebat, errorem merito præsumi, cum nemo suum, sine justa ratione, præsumatur jactare. Idem dicendum de usuris biennii, quas filius errans matri concesserat, cum enim hoc, ex eodem errore, quo fors illi assignata, factum sit, ideo earum vel repetendarum, vel retinendarum jus recte asseritur. Major difficultas subesse videtur, quoad reliquorum annorum usuras. Cum enim has, cognito errore, cæteri filii matri præstiterint, ideo eas donasse censi possunt: verum ex scientia, hoc in casu, animum donandi asseri non posse, Noster existimat, cum ille rationibus fortioribus, a reverentia filiali, & metu incommodorum, quæ negata præstatione, vel in matrem, vel negotiationem, redundare potuissent, desumptis, excludatur, hinc illarum etiã usurarum intuitu, conditionem indebiti locum habere concludit.

REMARKS ON SEVERAL PARTS of Italy, &c.

h. e.

OBSERVATIONES CIRCA DIVERSAS *Italia partes, annis 1701, 1702 & 1703 subnata.*

Londini, apud Jacobum Tonson, 1705, in 8.

Constat Alph. i. plag. ii.

Quam.

Quamvis Autor harum observationum Doctissimus nomen suum titulo libri haut præfixerit, dedicatio tamen, quæ ad Illustr. Virum *Jo. Sommers* directæ est, satis edocet, deberi hocce elegantissimi ingenii monumentum *Jo. Addisonio*, qui hætenus poemate in Victoriæ Hochstadiensæ, aliisque carminibus, Musis & Apolline faventibus, in lingua vernacula conscriptis, magnam nominis celebritatem inter suos adeptus est. Noverat ille, præter Italiam, theatrum istud & naturæ, & antiquitatis, & artium, & rerumpublicarum diversarum splendidissimum, in toto fere terrarum orbe vix regionem inveniri, quæ iis, qui peregrinationis studio tenentur, majorem quam illa vel jucunditatem vel utilitatem promitteret. Hinc & ipse eo non tantum iter ingressus est, sed etiam operæ pretium se facturum recte existimavit, si ea, quæ circa diversas, quas perlustravit, Italiæ partes observaverat, cum erudito orbe communicaret, præloque publice subjiceret. Qua in re exemplis ipsi ac scriptis præverunt cives ejus clarissimi, *Burnetus*, Sarisberienensis hodie Episcopus, eorum quæ ad religionem in Italia florentem & rerumpublicarum instituta spectant, imprimis studiosus; *Lassellius* in consignandis scriptoribus, qui diversa Italiæ loca illustrarunt, maxime assiduus; *Rajus* ob rerum naturalium scrutinium percelebris; ac denique *Missonius*, qui uti ad generalem Italiæ notitiam acquirendam plurimum adjumenti adfert, ita studium, quod in adumbrando regionum locorumque situ adhibuit, feliciter admodum ipsi cessit. Hos ergo imitatus Noster has observationes edidit, in quibus, uti plurima ab aliis prætermissa studiose attigit, ita alibi jam memorata raro adduxit, quin ulterius illustrentur clariusque exponantur. Id quod summa non modo styli elegantia, verum etiam tanta varietate factum est, ut modo naturæ arcana scite recludi, modo rerumpublicarum fundamenta & imperantium artes accurate exponi, modo antiquitatis monumenta præclare exhiberi, modo quæ ad Historiam, Geographiam & rem litterariam spectant, erudite explicari, non sine voluptate lectores sentiant. Tanta scilicet rerum pulcherrimarum seges hic efflorescit, ut facile prolixior libri recensio exhibere possemus, nisi instituti nostri ratio

tio brevitatis nos admoneret, cui obsequentes pauca saltem ex iis commemorabimus, quæ ad antiquitatis notitiam & elegantiores litteras imprimis pertinent.

P. 142.

Dum arcuum istorum meminit, quibus tanquam egregiis antiquitatis monumentis Ariminum, Fanum & Ancona hodie celebrantur, eos quidem a plerisque triumphales adpellari, Ad-disonius monet, Romanos tamen olim inter eos fornices, qui honoris tantum causa Imperatoribus fuerunt extructi, & eos, qui victoriæ cujusdam monumentum statuebantur, & triumphalium nomine tantum digni sint, discrimen quoddam fecisse, adserere non dubitat. Ita Arcum, qui Anconam ornat, gratitudinis documentum existere erga Trajanum, quod urbem portu clausisset, reliquosque duos parem forte in finem fuisse erectos, verosimile sibi videri ait; laudatque proinde veterum Romanorum sapientiam, qui ut Imperatores suos ad studium salutis publicæ quasi stimulis eo magis excitarent, ob res pacis tempore laudabiliter gestas, eosdem ipsis honores tribuere consueverint, quos alias ob laudem bello promeritam iisdem deferre solebant. Quam in rem duos nummos memorat, quorum unus Galbæ imaginem arcumque cum inscriptione, XXX. REMISSA. S. C. refert; alter ob munificentiam portu Anconæ extructo comprobata, Trajani memoriæ dicatus portum cum navigio & catena cinctum exhibet, istis adscriptis verbis: S. P. Q. R. OPTIMO PRINCIPI. S. C. Et quamvis Doctiss. Fabrettus posteriorem huncce nummum ad aliam occasionem referre maluerit, Bellorum tamen in additionibus suis ad Angelonium satis ad ea, quæ objiciat, respondisse Autor monet. Capreas, insulam prope Neapolin, Tiberii secessu olim nobilitatam, describens, sæpius antiquos nummos ex terra ibi erui observat, inter quos non raro occurrant illi, qui Spintriis Tiberianis accensiti, ex una parte lascivam quandam imaginem, ab iis inventam, quos monstrosi concubitus repertores vocat Suetonius, referunt, ex altera vero parte litteras numerales exprimunt, quales numerum XX exhibentes se oculis usurpasse Noster testatur. Quin illi genuinæ sint antiquitatis, non dubitat, eosque ut nummos tertiæ magnitudinis describit; fa-
retur

p. 263.

retur tamen, nec in Suetonio, quem Patinus nummis illustravit, se ea. quæ speraverat, de iis invenisse, nec alios sibi notos esse, qui de antiquis id genus nummis aliquid commentati sint, quamvis sciamus, Illustrissimum Virum, Ezechiel. Spanhemium in laudatissimo opere de Uſu & præſtantia Numismatum antiquorum, non contemnenda de iis alicubi protuliſſe, neque minus Baudelotium de Dairval in libro *de l'Utilité des Voyages* P. II p. 685, & Cl. Eucharium Gottlieb Rinckium in opere eruditissimo, quod sub tit. *de Veteris Numismatis potentia & qualitate lucubratio, occasione Rubricæ Codicis de eodem argumento; ſive Cognitio totius rei numariæ*, Lipſ. 1701 in 4 edidit, Cap. 3 pag. 21 mentionem eorum inieciſſe. Cum vero illi, quorum ſententiam circa iſtos nummos indagare penitus Autori licuit, eos convitiî cauſa eumque in finem cuſos eſſe exiſtimaverint, ut Tiberii ſpurciſſimæ libidines riſui omnium publice exponerentur, ipſe quidem aliter ſentit, eam imprimis ob rationem, quod nummis alios exagitandi conſuetudo non antiquitatem, ſed novitatem potius ſapiat. Equidem non diſſitetur, occurrere duo alia numismata, quæ huic ſententiæ repugnare videantur, illud ſcilicet Marci Aurelii, quod repræſentat Venerem, quæ blanditiis ſuis Martem a bello retinere ſtudet, cum inſcriptione: VENERI VICTRICI; & præterea illud aureum Galieni, quod in Galliæ Regis Nummophylacio adſervatur inſcribiturque: GALLIENÆ AUGUSTÆ, PAX UBIQUE. Prius enim a plerisque ad Fauſtinam, quod Gladiatori nimium indulſerit, acerbe adplicari, imprimis cum Venus eam facie referre videatur; altero vero Galieno probrum objici, probabile videri, utpote cujus tempore graviffimis motibus Imperium fuerit concuſſum, nec pacis tranquillitate gloriari adeo potuerit. Verum enim vero uti Addiſonius ſibi perſuaderi non patitur, urbis Romanæ Patres eo audaciæ eſſe progreſſos, ut Fauſtinam, Aurelii uxorem, & matrem Commodi, quam dein Dearum numero adſcripſerint, publice traduxerint, vel Imperatorem ipſum offenderint, quem milites pariter atque populus habuerit chariſſimum, ita tantam Galieni ſtupiditatem animique ſecuritatem fuiſſe docet, ut merito credi poſſit, ipſius auto-

autoritate nummum, quem memoravimus, fuisse excusum. Quodsi mos, publicis nummis alios exagitandi, inter Romanos obtinuisset, quin ingens ejusmodi nummorum numerus ad nos pervenisset, non dubitat, cum certe sapius diversis uno tempore imperium fuerit oblatum, qui se invicem vehementissime insectabantur, prætereaque Imperatores tales non raro habuerint successores, cum quibus summæ inimiciæ ipsis intercesserint. Quæ cum ita sint, tantum abesse censet, ut nummi isti obscœnis Philenidis schematibus insigniti ab aliis, ut Tiberio convicium facerent, effecti fuerint, ut potius ille ipse Imperator ad propagandam nefandæ societatis memoriam eosdem excudi curaverit; id quod eo magis extra omnem dubitationis aleam positum esse arbitratur, quoniam adhuc hodie eo in loco inveniantur, in quo impurissimis istis voluptatibus Tiberius maxime se dederit.

p. 291.

Neque vero illa nobis prætermittenda penitus esse videntur, quæ ad illustranda quædam veterum autorum loca, Addisonius in medium producit. Ita de veteri Antio loquens, Fortunæ templo urbem illam olim celebrem fuisse notat, omnesque consentire ait, cultum ibi duabus Deabus fuisse exhibitum, quas Suetonius *Fortunas Antiates*, Martialis vero *Sorores Antii* adpellet. Quosdam in ea versari sententia addit, duas istas Deas duas Nemeses significasse, quarum una bonis bona, altera malis mala retribuatur; Fabrettum vero innixum prisco cuidam monumento ex Antii ruderibus eruto verbisque notato, FORTUNÆ FELICI, in eam propendere sententiam, quæ duarum Fortunarum nomine aut istam, quæ prosperitatem concedit, aut istam, quæ afflictiones mortalibus infert, generatim indicari vult. Interim duplex illud Deæ officium Horatii Ode XXXV Lib. I, quæ ad *Divam gratum quæ regit Antium*, directa est, magnam accendere lucem observat. Uti enim Poeta preces ad Fortunam mittat, ut Cæsaris armis adesse hostesque profligare velit, ita utramque Dearum officii sui commoneferi, & quintum Ode tetrastichon, quod *clavorum trabalium, cunctorum, uncorum liquidique plumbi*, rerum in puniendis reis adhiberi solitarum, mentionem facit, hac explicatione recepta

recepta longe rectius intelligi ait, quam si communem interpretum sententiam quis sequatur. Ex variis antiquitatis monumentis, quibus Roma hodie se effert, statuarum maxime se-
 captum fuisse adspectu fatetur, earumque ope diversa Poetarum loca elegantiae ac luci suae felicissime restitui posse, eo certius colligit, quo minus dubitandum sit, quin veteres illi scriptores ad eas saepius imagines respexerint, quae sua aetate celeberrimae omnium conspectui fuerunt expositae. Id, ne frustra
 dixisse videatur, exemplis diversis comprobat, & primo quidem Juvenalis locum ex lib. I. Sat. 6, v. 15. ubi Jovis barbati meminit, eleganter illustrat, quaeritque annon istis hominibus sensus verborum istorum longe melius, quam nobis, constare potuerit, qui quotidie plures Jovis barbati statuas coram cernebant, quales & hodie Romae supersint. Hinc ex Satyra Juvenalis tertiam lib. I. v. 88. descriptionem adulatoris attingit, qui *longum, invalidi collum cervicibus aequat Herculis, Antaeum procul a tellure tenentis*, eaque alludi putat ad nobiles quasdam Antaei atque Herculis statuas, in publico quodam forte loco prope Romam positas; qua de causa non modo ad nummos provocat imagines ejusmodi repraesentantes, sed etiam Propertium lib. 3. Carm. I. statuarum hujus generis expressam mentionem fecisse, memorat. Porro cum Poetae Latini colli brachiorumque
 aptam compositionem inter summam pulchritudinis signa referre saepe soleant, quod Horatii Oda XIII. lib. I. confirmat, id ut rectius intelligatur, observandum esse ait, in antiquis Romanorum statuis istas humani corporis partes, perinde uti faciem ac manus, nudas semper oculis omnium fuisse expositas. Omittimus ea, quae ad declaranda pari ratione alia quaedam Poetarum loca adducuntur, illudque saltem addimus, in eo singularem diligentiam Autorem comprobasse, quod congestis sedulo variis Poetarum descriptionibus, eas rebus in itinere sibi obviam factis, eleganter adplicuerit, Anglicisque versibus tanta suavitatem expresserit, ut quanta carminis facultate polleat, vel exinde facile intelligatur.

p. 303.

p. 305.

p. 306.

p. 308.

JOHANNIS NICOLAI, ANTIQVITATVM
*Professoris, Tractatus de Synedrio Ægyptiorum, illo-
 rumque Legibus insignioribus.*

Lugduni Batavorum, apud Henricum de Swart, 1706. in 8.

Plag. 18.

IN eleganti hoc, quod de Synedrio Ægyptiorum agit, opuscu-
 lo, ad septem negotium omne capita redigitur. In primo,
 quod de Synedrii Ægyptiaci existentia inscribitur, ad varia alia-
 rum Gentium, Ebrææ potissimum atque Græcæ, Autor Sy-
 nedria excurrens, apud Ebræos tria tantum, apud Ægyptios ve-
 ro triginta, pro Nomorum, in quos Ægyptum Strabo dispescit,
 numero olim floruisse adstruit. Viros, qui Judiciis istiusmodi
 præficiendi erant, ex civitatibus clarioribus, quales Heliopolis,
 Memphis atque Thebæ erant, optimos electos fuisse, caput II
 nos edocet. Hi ut ex Mercurii instituto, Sacerdotio infimul fun-
 gebantur, & secundum honoris dignitatisque gradum post Re-
 gem tenebant, ita, ut prudentia & virtus eosdem summopere
 commendarent, necessum erat. Diversos istorum ordines capi-
 te III recenset, in quo primus locus assignatur Cantoribus, qui
 dubia ex Legum Mercurii digestis circa Deorum hymnos & lau-
 des exorta solvere, & vitæ regię rationes ad supremarum Men-
 tium ideas disponere debebant; secundus Horoscopis, quos
 quatuor Mercurii de Astrologia libros alto pectore imbibisse,
 & exactam temporum distributionem in Deorum cultu pera-
 gendam observare oportebat; tertius Hierogrammatistis, quo-
 rum erat, ut Hieroglyphica, Cosmographiam, Geographiam,
 ordinem Solis, Lunæ & quinque Planetarum, Chorographiam,
 Ægypti, Nili item & omnis sacri apparatus, accurate cognitam
 haberent atque perspectam; quartus Stolistis, ab amictu, ut
 probabilis habet ratio, & quod longis stolis induti incedere
 consueverint, ita dictis, quibus, ut sacrificia opportuno tempore
 ordinarent, & *μοσχοφραγιστικά* h. e. omnia ea, quæ Apides
 sive Vitulos, qua consignandos qua mactandos concernebant,
 sollicitè curarent, incumberebat; quintus idemque ultimus Pro-
 phetis, quos, ut de rerum in Comitibus agitatarum eventibus, si-
 nistros

nistros per auguria cæterasque divinationum species a prosperis discernendo judicarent, lex obligabat. Omnes hætenus memorati Sacerdotum ordines, pro Nomorum totius Ægypti numero, juxta C. IV. triginta Viros ambitu suo complectebantur, ubi & de totius Collegii Præside sigillatim adnotat Autor, quod communes reliquos Assessores, prudentes, ut jam monuimus, & virtuosos, ætate non minus quam doctrina & morum gravitate antecellere debuerit. Victum & amictum similem omnibus itidem non obtigisse, ista, quæ C. V. proponuntur, luculenter, satis demonstrant, siquidem non victus tantum, quem Reges in universum omnibus suppeditabant, lautior Sacerdoti summo cedebat, sed &, quantum ad amictum attinet, multum splendidior, dum communes Judices, eo, quod & ipsi Ægypti Sacerdotes essent, vestibus lineis sive candidis lintheaminibus obtegerentur, Summus vero, ut reliqua taceamus ornamenta, ζώδιον τῶν πολυτελῶν λίθων, signum e pretiosis lapidibus, cui VERITAS nomen erat, ex aurea catena de collo dependens præ se ferret. Imaginis hujus, quæ fatidica erat, occasione Autor, CL. Marshami, Speneri, & qui idem cum his Duum-Viris cornu hac in parte inflant, Martini utriusque, patris & filii, errorem, quasi scilicet Urim & Tummim ejusdem, cum dicta Ægyptiorum imagine fatidica, indolis & naturæ fuerint, imo suam ista ab hac originem repetiverint, rationibus & Clarissimorum Virorum, Meyeri, Wirtli, Tillii, Van der Wayen, Hilleri, Othonis, Ribeudealdi &c. testimoniis in medium propositis cursum refutat. Modum in Synedrio agendi ductu C. IV huc fere rediit, ut cunctis legibus, quæ octo libris continebantur, in conspectum productis, disceptatio de Justo & Injusto, ad quam tres minimum personæ concurrebant, duæ, quæ inter se disceptarent, Actor puta & Reus, & una, quæ litem dirimeret, i. e. Judex, instituebatur. Accusatione juxta methodum, quam §. III. hujus Cap. depingit, rite peracta, Reo ad singula, vel exceptione, vel negatione, vel diminutione, iterata, si rei id exigebat necessitas, vice rescribere permissum fuit, atque sic tandem, postquam communes Judices de controversia quæsierant, Princeps signo veritatis in partem veriore verso, sententiam

ferebat. His ita præmissis, C. VII. eodemque ultimo in antiquas Ægyptiorum Leges, de quibus in Synedrio agendum erat, & quarum septendecim in universum enumerantur, ordine suo Autor fusius inquit, omniumque ratione ac ampliori explanatione adducta, & accurata inprimis cum Legibus Civilibus collatione, quæ si non unicus, primarius saltem scriptiois universæ scopus est, instituta, coronam operi imponit, similem Legum Mosaicarum in Institutiones Justiniani, in Codicem item & Decalogum, ubi haud ingrata Eruditis hæc fuisse cognoverit, operam promittens.

NICOLAI PARTHENII GIANNETTASII
Neapolitani, Societatis Jesu, VER HER-
CULANUM.

Neapoli, ex officina Jacobi Raillard, 1704. in 8.
Constat plag. 19.

Elegantissimum opus ab Auctore *Ver Herculanum* inscribitur, propterea quod erudita colloquia contineat, quæ in locis Herculi sacris, Herculano scilicet oppido, ab Hercule a debellatis Hispaniis in ea loca victore inducto olim condito, inter ipsum Auctorem & Mecænatem quendam, nec non alios amicos instituta fuerunt. In iis autem colloquiis doctissimi Auctoris ingenium, quod erudito orbi non prima vice probat, denuo mirum in modum elucescit, utpote quod utile, dulci miscendo, sine dubio omne punctum tulerit. Commiscitur longum peregrinantis iter, ac inter eas ingeniosissimas fabellas, purissimo stylo depictas & expressas, Historici, Philici, Philologi, imo & Mathematici invenient, quo se delectent, & proficiant. Giannettasius enim, libro VI Nauticorum, navigationis cujusdam in Ægyptum mentionem fecerat; hujus itineris historiam audire gestit Mecænas, quem Auctor invisit; cui desiderio velificaturus prolixam hac de re narrationem aggregatur, quæ cum multa curiosa contineat, haud abs re fore putamus nonnulla, quæ in primis memoratu digna sunt, in medium afferre. Post varia igitur pericula, in itinere feliciter superata, primum Alexandriam se pervenisse Auctor ait, & ibi Nilum

Nilum fluvium oculis usurpasse, quem non septem, ut priscis temporibus, sed quinque in mare ostiis se exonerare observat. Occasione vero a Nilo arrepta disquirat, undenam fontes fluviique oriantur, tantaque perennitate fluant? Ac primo vetustissimam eorum opinionem adducit, qui acceptam e cœlo tum pluviis tum nivibus aquam per fontes remitti, atque una ex hac oriri fluvios arbitrantur; cui sententiæ aliquam verisimilitudinem conciliari exinde, quod iis in locis, atque ea anni tempestate, qua frequentiores imbres effusioresque decidunt, frequentiores etiam fontes atque uberiores scateant. Contra vero iis in locis, ubi aut nullæ, aut rarissimæ sint pluviae, vel nullos vel paucissimos esse fontes, atque hos plerumque deficere. Præterea cum aquæ tum pluviis tum nivibus mirum in modum in fluminibus crescant, tumidaque ea reddant, ac veluti alant, neminem inficias ire posse, generari ex iisdem flumina, quibus mox quodammodo nutriantur atque augeant. Et quamvis objici queat, non altius pedes decem humidam se subter humum aquam insinuare, istud tamen nondum sufficere ad sententiam illam evertendam; magnis enim in montibus vastas inesse lacunas, imo & montium ferme omnium sinus in immensos fornices amplissimasque cavernas concameratos, in quas ex altissimis jugis pluviales aquæ decurrentes confluant universæ, excipi autem illuc per rupium rimas commissurasque, per quas sua se levitate insinuant atque intrudant, mox vero per rimas alias ex lacunis illis erumpentes scaturire, fluviosque progignere. Quamvis vero hæc ita sese habeant, Auctor tamen sibi persuadere non potest, universos amnes ex solis pluviis procreari, cum non sit probabile, tot ac tam vastis fluminibus, ac nunquam intermisso cursu fluentibus, tantum ex unis duntaxat pluviis aquæ suppeditari, præcipue cum plurimi sint & magni fluvii, quorum fontes non e montibus, sed ex campestribus exiliunt, in planitie vero adunari tantum aquæ non possit, quando hæc ad duodecim vix pedes descendat. Hinc ad eos devenit, quorum dux est Aristoteles, qui concreto ex aëre in aquam converso oriri amnes ac fluere opinati sunt: quemadmodum enim pluviz in aëre ex coacto vi frigoris vapore producantur, inque

subjectas mox terras aërii quasi amnes delabantur: ita etiam intra montium viscera ex eadem causa, quam efficientem vocant, eundem in aquam aërem immutari, perque rimas deinde hiatusque rupium erumpere; factoque vi alveo per lata camporum spatia vallesque decurrere. Et quamvis plurimi hujus ætatis Physici negent, præ frigore densari aërem, inque aquam abire, cum alias totus hyeme circa terras aër concreveret, inque aquam converteretur: esse tamen rationem Auctor ait, quæ pro ista coactione pugnet. Si quis enim stillatoriam, ustrinam viderit, in ea miro artis magisterio, e variis herbarum generibus, vinoque atque aliis humoribus, aqueos igneosque rores educi deprehenderit. Jam vero, quod in hac industria fit artis, fieri etiam in montibus a natura posse. Quæ enim causæ illius extillationis sint, easdem in efficiendis fontibus inesse. Etenim concava rupium operculi præ se vicem gerere, quæ quoniam suapte natura frigida sint, idonea quam maxime sint ad aërem in aquam transmutandum: infra lacunas stagnare, & his subter inclusos ignes calore suo sensim aquas attenuare, inque vapores solvere: eos mox in rupium fornices incurstantes, illico præ illarum frigore concrevere, inque aquarum guttas abire, extillare, fluere, atque jam fluvios præterlabentes immurmurare. Nec impossibile videri, in tot montium vastissimis visceribus tantum extillare humorem densato ex aëre posse, ut assatim pabula rivis fontibusque suppeditentur, si modo cogitemus, id quod Cardanus refert, quendam nimirum ægrum singulis diebus sex & triginta urinæ libras reddidisse, cum vix septem quæ edendo qua potando consumsisset, idque per sexaginta solidos dies, quo tempore ex subducta summa confectum, M DCCXL lotii libras supra potum cibumque effudisse. Unde Physici concluderint, aërem arteriis reliquoque corpore contentum in aquam coactum, novoque nunquam deficiente propter animantis respirationem, novam semper aquam concrevisse. Illud quoque memoriæ traditum esse Auctor ait, Virginem quandam ex iis, quæ se Deo manciparunt, tantum præ vigiliis, jejuniis assiduaque rerum divinarum meditatione ignem in se excitasse, ut tota ardere videretur; ad eum autem ingentem calorem remitt-

remittendum copiosissimum naturam aërem attraxisse, qui mox visceribus concretus, inque aquam mutatus, tanta per vesicam copia egestus fuerit, ut multis hebdomadis singulis diebus CC libras urinæ emitteret. Verum non obstantibus hisce demonstrationibus, Auctor nullam esse collationem tantulæ urinæ cum immensa illa aquarum mole, quam universa flumina continuo evolvunt, existimat, ac proinde hoc fieri non posse, Geometrica demonstratione conficit. Ut vero tandem de hoc argumento aliquid certi statuatur, ab Oceano aquarum omnium parente, inexhaustoque fonte oriri amnes, ex S. Scriptura demonstratur. Qui vero fiat, ut aqua suapte natura gravis sese altius attollat, inque editissima montium juga, ex quibus plerumque fontes scatent, insiliat, post varias sententias, quas recensere longum foret, excussas, incompertum esse ostendit. Post prolixum hunc discursum de fluvii eorumque ortu absolutum, Historiam itineris sui Auctor continuat, & quæ ipsi Alexandria Babyloniam profecto contigerint, apud Meccenatem exponit. In iis, quæ de indole Crocodili ejusdemque usu in Medicina afferuntur, in primis notatu digna sunt, nec non ea, quæ de Nili incremento & vera causa, itidemque de ejusdem fluvii fontibus & a quibus isti detecti fuerint, fuse disputantur. Babylonia in Arabiam Auctor profectus est, cujus itineris historiam jam libro secundo Veris Herculani exponit, & quæ in montibus Sina atque Horebo ipsi visa fuerint, prolixè satis enarrat. Reliqua quæ in hoc libro continentur, reditum Autoris ex Arabia depingunt, ubi variæ eæque jucundæ admodum narrationes, more fabularum Romanensium propositæ, insperguntur, quibus sub finem libri descriptio Ægyptiarum Pyramidum subjungitur, ubi describit, & a quibus positæ, & quam mira structura ædificatæ fuerint. Libro denique tertio, capite I. reditum suum in Italiam, quæque in eo acciderint, exponit. Cap. II. Galli cujusdam Ode in Philippum Ducem Andegavensem, cum Rex Hispaniarum a suis renunciatus esset, nec non elegantissimum Auctoris carmen seculare Innocentio XII dictum recitatur. Cap. III. multa de Vesuvio disquiruntur, cunctaque illius incendia breviter recensentur. Cap. IV & V magnificentissimæ villæ Magni Ducis

cis Etruriæ, quæ non longe a Florentia in colle, quem Pratolinum Thufci dicunt, sita est, accurata & elegantissima descriptio legitur. Cap. VI. quæ in Magnete vis sit, qua ferrum alluciat, quæque Sympathia atque Antipathia, pluribus disputatur. Capite denique ultimo occasione ignis speculo excitati quaritur, an a Prometheo id primum tentatum fuerit, quod fabulam ejus innuere Auctori verosimile videtur, & an revera, & quibus speculis Romanas naves Archimedes incenderit? Quod ad veritatem hujus historiæ attinet, de ea, neminem dubitare posse, Auctor existimat, cum Proclus etiam insignis machinator, Archimede vero multo inferior, Zonara teste, feratur speculis hujuscemodi, sub Anastasii Cæsaris tempora, ingentem Barbarorum classem, quæ circa Byzantium erat, incendiisse. Quibusnam vero speculis tantum opus confici potuerit, in sequentibus disputat, ac Zetzem quidem tradidisse ait, id Archimedem speculo sexangulo plurimisque e regione aliis illi adjunctis effecisse; alios vero existimare, ab Archimede illud speculis aut globosis aut concavis perpetratum esse, quod posterius tamen ex Auctoris sententia nullo modo fieri potuit, propterea quod hujuscemodi specula, sive e crystallo fingantur, sive e chalybe, vix tantæ molis elaborari possint; ut ultra triginta passus, quantum Romanorum navigia a muris abfuisse probabile sit, cum alias extra ictum sagittarum non fuissent, acceptos a Sole radios repercutiant, inque cavum conspiciant. Ac proinde in eorum concedit sententiam, qui duobus id ab illustri Senæ speculis, parabolico, ut ajunt, cavo, & tubulo ejusdem formæ, non minus ingeniose, quam feliciter tentatum effectumque fuisse existimarunt, quam opinionem Auctor in sequentibus magis explicat atque fufius deducit.

DEMONSTRATION OU PREUVES EVIDENTES de la Verité & de la Sainteté de la Morale Chretienne. Second Entretien.

h. e.

DEMONSTRATIO VERITATIS ET SANCTITATIS

Elitatis Ethica Christiana. Dialogus Secundus. Autore
R. P. BERNHARDO LAMY, Congregationis
Oratorie Sacerdote.

Rothomagi, apud Nicolaum Boucher & Franciscum Vaultier, 1706. in 12.

Constat plag. 16.

Cum in Dialogo primo ostenderit Autor, omnes homines naturaliter desiderare felicitatem, veramque vitæ hujus felicitatem in spe certa possidendi olim Deum consistere; in secundo ulterius disquirat, qualis esse debeat homo, ut felicitatis istius compos fieri queat. Utut autem ex principiis unicæ rationis rigorosas nectat & sublimes demonstrationes; a devotione tamen Christiana haud quaquam abest, utpote persuasus, corpus *Theologiæ Moralis* affabre constructum excellentissimum esse *Philosophiæ Moralis* systema, & *Philosophiam Moralem* melioris notæ præstantissimum esse devotionis librum, ratione, & Scriptura idem docentibus, cum utraque sit eadem ejusdem. Numinis vox, ista quidem interius, hæc exterius homini loquentis. Summa eorum, quæ in Dialogo secundo proponuntur, huc redit. Quoniam in Dialogo primo demonstravit, omnia Cap. 1. agere Deum perfectionibus suis convenienter; fieri quoque non posse concludit, quin regulis sapientiæ suæ conformiter cum homine se communicet. Juxta has itaque actiones suas dirigere, adeoque vitam voluntati Numinis congruam vivere debere, quicumque certam Deo olim fruendi spem habere gestit. Enim- Cap. 2. vero monstraturus, quomodo per principia rationis nobis innotescat Numinis voluntas, a prima rerum origine omnia repetit. Ex admirabili nimirum omnium, non modo in corporibus organicis, membrorum, singularumque in membris singulis partium, sed universorum in stupenda machina mundi corporum nexu evincit; mundum hunc, quæque in ipso continentur, omnia esse propter finem aliquem facta, adeo ab ente sapiente. Ubi prolixè disputat contra *Spinosam*, quod Deum cum creaturis confundat, & finem in operibus suis intendere neget, qui nostro ævo multos assecras nactus. Veritas ista maximi in- Cap. 3.

- moralibus momenti: rebus enim externis non utendum, secundum intentionem Dei, si per earum productionem finem nullum intendisse ponatur. Quare accuratius discutiendum sibi sumit, quod Deus res omnes ex nihilo creaverit, multus simul in refellendis iis, qui cum *Aristotele & Spinoza* æternitatem mundi defendunt: & ex *Malebranchii Dialogis Metaphysicis*, ipsis Viri ingeniosissimi verbis demonstrat, condidisse Deum hoc universum propter gloriam suam; condidisse homines, ut ejus faciant voluntatem; præcipue autem respexisse ad Hominem-Deum, Jesum Christum. Omnia in mundo a Deo quia sunt, Deus autem mali autor non est, dubium oriri poterat, unde sint tot mala? *Manicheorum* igitur destruit opinionem, duo principia coæterna & mutue dependentiæ prorsus expertia, quorum unum sit malorum omnium, alterum bonorum omnium causa, statuentium. Ab eodem principio pendere omnia probat, quod effectus naturales omnes, sive boni, sive mali, homini juxta eandem motus legem contingunt, diversitate effectus non a difformitate legum motus, sed combinatione causarum differente. Addit, quod in Dialogo primo probatum, unum Deum & voluptatis & doloris esse autorem: addit rationes alias, quibus luculenter comprobat, duo contraria principia locum reperire non posse, cum in excessu noceat voluptas, a nocuo hominem retrahat dolor. Disputat inprimis contra *Bailium in Dictionario Critico* asserentem, systema de duobus principis omnes tollere circa malorum originem difficultates. Mala physica mutationi Telluris, per diluvium factæ, forte deberi; moralia ab hominis voluntate unice proficisci contendit, invehens tum in *Socinianos*, perversum arbitrii usum a Deo prævisum fuisse negantes; tum in *Spinosam*, homini libertatem denegantem, ac fluentem inde actionum imputationem evertentem.
- Cap. 4. Omnibus in eo convenientibus, rerum bonitatem per earum cum finibus earundem convenientiam constitui, nil bonum, nil justum esse infert, nisi propter exactam cum regulis sapientiæ Divinæ, h. e. voluntate Numinis, conformitatem: peccatum contra esse, quicquid contra finem a Deo stabilitum, consequenter contra ordinem & voluntatem ejus sit, ut adeo in sola hominis volun-

voluntate, in rebus naturalibus reliquis nequaquam inveniat locum. Peccatum a Deo puniri ostendit. Poenæ instar habendos esse dolores, quos per abusum rerum externarum sibi conciliat peccator. Deo tamen generalem voluptatis legem, in gratiam peccantium non abrogante, æternum miseros fore, quotquot in tempore voluptatibus abutuntur: cujus poenæ indicia sint inquietudinis animi peccatorum sibi conscii. Refutat objectiones *Epicuraorum* ac *Libertinorum* nostri temporis. Non tamen ideo hominem a Deo factum probat, ut sit miser, cum is proprium odisse nequeat opus, immo odisse gratis justitiæ ipsius repugnet. Omnibus vero propter Deum factis, non potuisse non ipsum quoque hominem propter Deum produci: nec hinc sufficere, ut anima hominis sit naturaliter imago Dei, intelligentiam, libertatem ac spiritualitatem Divinam repræsentans, verum insuper requiri, ut in moribus quoque suis sit imago Dei. Hominem adeo necessario assimilari debere Deo, per Divinarum perfectionum imitationem: quem in finem ea sit ipsi concessa natura, ut ex istiusmodi actionibus, quibus Deo assimilatur, voluptatem capiat, aliisque æstimum inde statuatur. Imago hæc in ipsum ut caderet, libertate instructum esse, h. e. vi sequendi vel declinandi impressiones naturales, versus Deum nos ferentes. Non igitur eidem obstare generale boni infiniti desiderium, unde desideria nostra omnia reliqua, motusque omnes particulares pendent, quia ad nihil in particulari nos determinat, quin quilibet potius determinat istud, prout hac vel ista re ipsi satisfieri judicat. A Deo nempe esse motus animi; sed eorundem determinationem libertati nostræ deberi. Egre- gie insuper docet, quod homo liber solus Deum honorare queat; creaturæ autem, ex necessitate perfectiones Divinas referentes, & voluntatem ejus exequentes, ipsi quidem honori sint, nequaquam tamen eundem honorent. Competere homini libertatem, per experientiam probat, hoc inter alia utens argumento, quod, licet idem felicitatis desiderium generale in omnibus reperiatur, non tamen omnes idem appetant & aversentur, quemadmodum animantia ex necessitate agentia omnia idem appetunt, e. gr. porci glandes, equi avenam. Monet præterea,

Cap. 8.

Cap. 9.

Cap. 10.

Cap. 11.

- si libertas in indifferentia ad agendum & non agendum consistere dicatur, non indifferentiam passivam, quæ tantum recipi facit impressiones mutari nescias, (quo in sensu materia dicitur indifferens ad motum & quietem) sed activam, qua præsentem animam ad eligendum medium aliquod beatitudinis ipsi arridens se determinare valet, intelligendam esse. Cum ista, non hac consistere dubia & ancipitem animi statum ab ignorantia profecta: liberum contra non magis esse, quam qui rationi obsequitur, affectibus semel indulgentes machinarum instar post hac agere. Mox ulterius deducit, quænam libertati essentialia sint, inter quæ præcipue refert potentiam super ideis nostris reflectendi, & mentem nostram ad objectum aliquod contemplandum applicandi, prout visum fuerit. Licet vero nil appetat voluntas, nisi ab intellectu cognitum, & necessario appetat, quod tanquam necessario bonum ab intellectu cognoscitur: liberam tamen idcirco manere animam, quia voluntas mentem ab objecto hoc ad aliud, vel a rationibus propositis ad alias contrarias avocare potest. Hinc rationem reddit, cur tam differentia in theoria & praxi formemus judicia, & ortum erroris a libertate mentis monstrat. Libertatem solam esse causam, cur actiones nostræ nobis imputentur, vel ad præmium, si voluntati Numinis conformes, vel ad pœnam, si diffformes, atque a libertatis abusu malum universum proficisci cum edocuisset, contra eos subtiliter disputat, qui omnes hominis operationes mechanicas esse, adeoque ex necessitate fieri arbitrantur, invictis comprobans argumentis, bonitatem, malitiam, justitiam, injustitiam, non a sola opinione; nec leges a sola hominum conventionem, propter prævisam earundem utilitatem pendere, absurdis indicatis consequentiis, ex perversa hac doctrina fluentibus. Monstraturus jam, quomodo in justis atque injustis cognitionem deveniatur, *Lockium* arguit, principia moralitatis conata negantem; concedens tamen, quod eo in sensu, quo ipse illa oppugnat, recte eadem oppugnet. Exemplis vero ostendit, veritates quaslibet ab homine quolibet statim admitti, modo clare ac distincte percipiantur: immo quemlibet veritatem cognoscere a seipso & in se ipso, haud tamen semper veritatem omnem per-

percipi, quod mens versus eam non vertatur. Quemadmodum enim Regem nosse dicendus sit, qui interrogatus, qualis Rex sit, objecta oculis ipsius imagine ejus, respondet, hanc esse Regis effigiem; ita & veritatem ex se nosse dicendum esse, qui propositam statim agnoscit. Unde concludit, dari in mente lumen aliquod internum, intellectum illuminans, & commendat methodum, qua in *Platone* instruendo usus est *Socrates*, in *Adeodato* juvene *Augustinus*, per interrogationes ordine institutas procedente. Quale sit illud lumen ut appareat, veritatis & regularum sapientiae, juxta quas homo actiones suas dirigere tenetur, quaeque legum naturalium nomine veniunt, affectiones expendit, aeternitatem nempe, immutabilitatem, infinitatem, independentiam a loco & tempore, atque prolixè confirmat, leges naturales omnibus esse praesentes, a quibusdam tamen oppugnari & non considerari, quia perversam hominum vivendi libidinem non ferunt. Cap. 17.

Ceterum Lumen hoc Rationem vocat: quare cum proprietates ejus sint Divinae, Rationem, quatenus est lumen aliquod, ipsum Deum esse contendit. Immo prolixè adstruit, esse Sapientiam Verbi aeterni, seu Filium Dei, ut adeo is luceat in omnibus hominibus. Cap. 18.

Qua occasione, ex constantia praesertim rationis omni loco & tempore in omnibus hominibus, materialitatem animae refellit: refellere etiam conatur, rationem hominibus omnibus communem non esse participationem aut effectum tantum rationis Divinae. Quamvis vero ratio illa communis sit ipsa ratio Divina nobis unita, hanc tamen unionem non reddere hominem felicem, sed in diversis subjectis diversos sortiri effectus, Deo in aliis praesente tanquam fonte dolorum, in aliis tanquam fonte felicitatis. Non obstare huic sententiae affirmat concionatorum in rationem debachationes, cum ipsi rationem accipiant pro eo, quod non est, lumen illud vere augustum confundentes cum lumine, quod mens per suas experientias & proprias reflexiones acquirere valet, seu cum mente ipsa & ejus cognitione, vocem nempe rationis cum voce passionum ac praedudiciorum. Cap. 19.

Ex hoc rationis conceptu derivat obligationem obsequendi rationi; immo & conscientiae, (quae est cognitio ejus, quod dicitur ratio) Cap. 20.

non tamen nisi veræ: ubi obiter, sed solide ostendit, qui se decipiunt, non eadem evidentia cognoscere, qua illi cognoscunt, qui se non decipiunt, utpote aliquod supponentes tanquam evidenter cognitum, quod hac ratione cognitum non fuit.

Cap. 23. Multis etiam declarat, eum, qui se ipsum decipit, quod non satis examinavit, quid dictitet ratio, per hoc non excusari, quod opinionem approbationibus suis non destitutam sequatur.

Cap. 24. Monstrata obligatione obsequendi rationi, quid illa dictitet, edocet, omnes nempe nostras facultates, passiones & actiones ad Deum referendas esse. Intellectus itaque rectitudinem consistere in attentione Divinæ Sapientiæ intus loquenti præbenda: rectitudinem voluntatis in concordia motuum liberorum cum motu naturali, quo erga Deum ferimur. Motus illos particulares passiones vocat, quorum differentiam a diverso respectu, quem habent vel ad bonum, quod appetitur, vel ad

Cap. 25. malum, quod fugitur, desumit. Ne vero circa actionum omnium ac passionum ad Deum directionem ulla remaneat obscuritas, duplicem actionis cujuslibet dari observat finem, alterum proximum, qui intellectui actionem consideranti primæ statim fronte se offert; alterum ultimum, ad quem is assurgere debet, ut actio secundum rationem fiat. Ad Deum igitur referri actionem, si vel effectus ejus immediatus est gloria Dei, vel actio, quem Dei gloria necessario subsequitur. Non tamen ideo necessarium esse monet, ut patrans quamlibet actionem gloriam Dei actu cogitet: quemadmodum enim mater propter infantes laboret, etiam cum de iis non cogitat, ita etiam hominem actiones suas ad Deum dirigere posse, prævia tali intentione alio tempore, etiam cum de Deo minime cogitat, amore

Cap. 26. Dei actiones omnes sanctificante. Denique quid virtus sit, quid vitium, & quantus virtutum ac vitiorum numerus, exponit. Virtutem nempe esse vim, ait, dirigendi actiones cum facilitate secundum rationem. Vitium contra impotentiam dirigendi actiones secundum rationem, ex crebro patratis actionibus malis ortam. Virtutum differentias a differentiis officiorum; illarum definitiones a definitionibus horum petendas esse inculcat, virtutemque non nisi in Christiano reperire locum, evincit.

ERRA-

ERRATA Mensis Junii Anno 1706.

Pag. 256 lin. 5 pro JOANNE lege JACOBO. p. 258 l. 29
pro GL lege SL. p. 260 l. 19 deleatur, *Curva quaesita, hoc est.*
p. 261 l. 16 lege erit. Ibid. l. 26 pro nupere lege nuper. Ibid.
l. 32 pro unum lege primum. p. 262 l. 17 pro (PN—ER) lege
(PN+ER.) p. 263 l. 2 pro $\frac{n. n-1. n-2}{1. 2. 3} a b$ lege $\frac{n. n-1. n-2}{1. 2. 3} a b$
& pro $\frac{n. n-1. n-2. n-3. n-4. n-5. n-6}{1. 2. 3. 4. 5. 6. 7} a b$ lege $\frac{n. n-1. n-2. n-3. n-4. n-5. n-6}{1. 2. 3. 4. 5. 6. 7} a b$.

INDEX AUCTORUM, quorum Libri aut Inventa hoc Volumine recensentur.

I. Libri Theologici & ad Historiam Ecclesiasticam spectantes.

- A** Nonymi Dictionarium Sacrum seu omnium Religionum, Ju-
daicarum, Gentilium, Christianorum & Mahometana-
norum. 139
- Appiani (Pauli Antonii) Vita S. Emidii, Episcopi Asculani & Mar-
tyris. 174
- Basnagii (Samuelis) Annales Politico-Ecclesiastici. 73. 128. 242
- Basnagii Historia Veteris & Novi Testamenti iconismis exornata. 305
- Bonjour (Guillelmi) Triduanæ de Canone Librorum Sacrorum
Concertatio, acta in Seminario Montis-Falisci. 497
- - - Dissertatio in Historiam Sacram primæ Mundi Ætatis,
habita per Dialogos in Academia Divinarum Littera-
rum Montis-Falisci. 504
- Bonucci (Antonii Mariae) Vindiciæ æquissimi decreti Alexandri
VIII P. M. adversus propositiones XXXI in eo da-
mnatas. 178
- Buddei (Jo. Francisci) Exercitatio de Prærogativis Fidelium No-
vi Testamenti præ Fidelibus Veteris Testamenti. 123
- Cock-

- Cockburn (*Johannis*) *Inquisitio Naturæ, Necessitatis, ac Evidentiæ Christianæ Fidei.* 228
- Corradini (*Petri Marcellini*) *Vetus Latium Profanum & Sacrum.* 310
- Cypriani (*Ernesti Salomonis*) *Vita & Philosophia Thomæ Campanellæ.* 141
- Dörschei (*Joh. Georgii*) in *IV Evangelistæ Commentarius.* 274
- Du Pin (*Lud. Ellies*) *Gersoniana.* 289. 291
- Dubourdieu (*Jo.*) *Dissertatio Historico - Critica super Martyrio Legionis Thebeorum.* 308
- S. Eusebii Hieronymi *Operum Tomus III, studio Joannis Marianay.* 417
- Franckii (*Christophori*) *Demonstratio Deitatis Christi, qua simul Jona Schlichtingii & Bukowiec Exceptionibus occurrunt.* 233
- Frassen (*Claudii*) *Disquisitiones Biblicæ in universum Pentateuchum.* 379
- Gersonii (*Joannis*) *Opera omnia, novo ordine digesta & in V Tomos distributa, opera & studio M. Ludovici Ellies Du Pin.* 289
- Gisbert (*Johannis*) *Anti-Probabilismus.* 373
- Glassii (*Salomonis*) *Philologia & Logica Sacra.* 47
- S. Gregorii *Pape I cognomento Magni Opera omnia, illustrata studio & labore Monachorum Ordinis S. Benedicti & Congr. S. Mauri.* 385
- Hottingeri (*Jo. Jacobi*) *De Pœnitentiâ Primævæ, nec non Romanæ Ecclesiæ.* 409
- Jaworowsky (*Stephani*) *Signa Adventus Anti - Christi & Finis Mundi.* 92.
- Laderchii (*Jacobi*) *Dissertatio Historica de Sacris Basilicis SS. Martyrum Marcellini Presbyteri & Petri Exorcistæ de Urbe.* 281
- Lamy (*Bernardi*) *Demonstratio evidens Veritatis & Sanctitatis Ethicæ Christianæ. Dialogus primus.* 511
- - - *Dialogus secundus.* 546
- Marckii

INDEX AUCTORUM.

Marckii (Joannis) <i>Historia Paradisi illustrata.</i>	555
- - - <i>Biblica Exercitationes ad 50 selecta loca Veteris & Novi Testamenti.</i>	31
Marollii & Massonii <i>Epistole Criticae concernentes Dubium inter Moysen & Stephanum circa numerum familiae Jacobi.</i>	483
Martianay (Johannis) <i>Operum S. Eusebii Hieronymi Tomus III.</i>	64
Origenis <i>Philosophumena illustrata.</i>	417
Pagi (Antonii) <i>Critica Historico-Chronologica in Annales Baronii.</i>	405
Relandi (Adriani) <i>de Religione Mohammedica Libri duo.</i>	110. 337. 433
Simonis <i>Dictionary Biblicum Magnum.</i>	162
Staynoe (Tho.) <i>Meditationes de Salute unice per Jesum Christum obtinenda.</i>	381
Tatiani Alexandrini <i>Harmonia Evangelica antiquissima Versio Theodisca, cum animadversionibus Joannis Philippi Paltheii.</i>	79
Trevifani (Bernardi) <i>Meditationes Philosophicae, de Dei inprimis existentia providentiaque, & Anima immortalitate.</i>	327
Vaira (Antonii) <i>De Prærogativa Oecumenica nomenclationis & potestatis Romani Pontificis a Constantinopolitanis usurpata.</i>	249
Vitringæ (Campegii) <i>Ἀποκάλυψις Apocalypsis Johannis Apostoli.</i>	354
	27

II. Libri Juridici.

Du Bois (Ludovici) <i>Præcepta Juris Canonici Gallie.</i>	165
Brenckmanni (Henrici) <i>De Eucmaticis Diatriba, sive in Herennii Modestini Librum περὶ εὐρηματικῶν Commentarius.</i>	464
Cortreji (Adami) <i>Observata ad Articulum IV Pacificationis Riwicensis.</i>	30
- - - <i>Representatio Juris Primariarum Precum Sacratissimis</i>	Im-

	<i>Imperatoribus Romano-Germanicis sine previo Pontificum assensu competentis.</i>	348
Harprechtii	(Ferdinandi Christophori) <i>Responsorum Criminalium & Civilium Volumen II. III. & IV.</i>	531
Huberi	(Ulrici) <i>Praelectionum Juris Civilis Tomi III, cum novis Additionibus Christiani Thomassii, & Lüderi Menckenii Differentiis Juris Communis & Saxonici.</i>	529
Menckenii	(Lüderi) <i>Differentia Juris Communis & Saxonici.</i>	529
Nicolai	(Johannis) <i>Tractatus de Synedris Aegyptiorum, illorumque Legibus insignioribus.</i>	540
Reigeri	(Jo. Frid.) <i>Theatrum Juridicum Theoretico - Practicum.</i>	232
Simonis	(Dionysii) <i>Præcepta Juris Canonici Gallie.</i>	165
Thomassii	(Christiani) <i>Fundamenta Juris Naturæ & Gentium, ex sensu communi deducta.</i>	236
- - -	<i>Additiones ad Huberi Prælectiones Juris Civilis.</i>	530
De Toullieu	(Petri) <i>Dissertationum Juridicarum Trias.</i>	114

III. Libri Medici & Physici.

A	<i>Academix Naturæ Curiosorum Miscellanea Curiosa, sive Ephemeridum Medico-Physicarum Germanicarum Decuria III Annus IX & X.</i>	453
	<i>Anonymorum Historia Morborum, qui annis 1699 sqq. Uratislavia grassati sunt. Accedit Tractatus de Experientia.</i>	287
- - -	<i>Observationes Practicæ de Hydrope Pectoris.</i>	329
Beckeri	(Jo. Conradi) <i>Paradoxum Medico - Legale, de submersorum morte sine pota aqua.</i>	168
Bidloo	(Nicolai) <i>Descriptio Monstri humani bicipitis.</i>	39
Clerici,	<i>Archiatri Regii, Apparatus commodus in usum juniorum Chirurgorum adornatus.</i>	158
Dolzi	(Johannis) <i>Tractatus de Furia Podagra lacte victa & mitigata.</i>	124
Etmülleri	(Michaëlis) <i>Epitome totius Medicinæ.</i>	518

Fonte-

INDEX AUCTORUM.

	557
Fontenellii <i>Historia Academiae Regiae Scientiarum Anni 1701.</i>	263
- - - - - <i>Anni 1702.</i>	315
- - - - - <i>Anni 1703.</i>	363
- - - - - <i>Anni 1704.</i>	439
Franci de Franckenau (Georgii Friderici) <i>Anastomosis resecta.</i>	395
Heyne (Jo. Christ.) <i>Tentamen Chirurgico-Medicum de praecipuis Ossium Morbis.</i>	56
Jordani (Vitalis) <i>ad Hyacinthum Epistola.</i>	314
Keil (Jo.) <i>Introductio ad veram Physicam.</i>	140
Lemery (Ludovici) <i>Tractatus de Alimentis. Editio secunda.</i>	160
Pacchioni (Antonii) <i>de Glandulis Conglobatis Durae Menynge humanae, indeque ortis Lymphaticis ad Piam Menyn- gem productis.</i>	117
Petiti (J. L.) <i>Ars medendi Morbis Ossium.</i>	156
Portii (Luca Antonii) <i>de Motu corporum nonnulla, & de nonnul- lis Fontibus naturalibus.</i>	312
Rumphii (Georgii Everhardi) <i>Museum Amboinum, Descriptionem variorum Piscium Maris Amboinici, ut & Mineralium nonnullorum, Lapidum &c. comprehendens.</i>	49
Ruysschii (Friderici) <i>Thesaurus Anatomicus Quintus & Sextus.</i>	145
Snellen (Henrici) <i>Theoriae Mechanicae Physico-Medicae Delinea- tio.</i>	5
Tauvry (Danielis) <i>Tractatus de Generatione & Nutritione Fœ- tus.</i>	524
Thomson (Alexandri) <i>Dissertationes Medicae.</i>	143
Wedelii (Georgii Wolffgangi) <i>Compendium Praxeos Clinicae Exem- plaris.</i>	529
Zwingeri (Theodori) <i>Dissertatio Medica de acquirenda vita lon- gævitate.</i>	518

IV. Libri Mathematici.

A Nonymi <i>Eclipsis Solis d. 12 Maji a. 1706 in diversis Germaniae locis observat.</i>	335
Bonjour (Guilhelmi) <i>Calendarium Romanum Chronologorum.</i>	cau-
Zzz z	

- causa constructum ad Novilunia civilia sine Tabulis
Astronomicis inveniend.* 200
- De Cœhorn (Minnonis, Baronis) *Nova Methodus muniendi loca
tam humilia & humida, quam sicca & elevata.* 495
- Fontenellii *Historia Academia Regia Scientiarum Anni 1701.* 263
- - - - - *Anni 1702.* 317
- - - - - *Anni 1703.* 363
- - - - - *Anni 1704.* 439
- Gooden (Jacobi) *Trigonometria Plana & Sphærica.* 321
- Goulonii *Commentarii de Praxi Militari Offensiva & Defen-
siva.* 235
- Grandi (Guidonis) *Geometrica Demonstratio Theorematum Hugenianorum circa Logisticam seu Logarithmicam Lineam.* 149
- Hermanni (Johannis) *Disquisitio Dioptrica de Curvatura Radiorum Visivorum Atmospheram trajicientium &c.* 256
- Intieri (Bartholomæi) *Apollonius ac Serenus promotus.* 271
- - - *Ad nova Arcana Geometrica detegenda aditus.* 272
- S. Juliani *Architectura Militaris.* 15
- - - *Fabrica Vulcani, seu Apparatus Machinarum Bellicarum.* 451
- Leibnitii (Godfridi Wilhelmi) *De Linea super Linea Incessu, ejusque tribus speciebus, motu radente, motu provolutionis & composito ex ambobus.* 10
- - - *Epistola pro Hypothesi Physica Motus Planetarii huius Alti olim inserta.* 446
- Manfredii (Eustachii) *Epistola ad Dominicum Quartaeronium, qua Anonymi assertiones XVI pro Reformatione Calendarii ab illo impugnata vindicantur.* 123
- Newtoni (Isaaci) *Optica, sive Tractatus de Reflectionibus, Refractionibus, Inflexionibus & Coloribus Luminis.* 59
- Wurtzelbauer (Jo. Philippi) *Synodi Telluris, Luna & Solis ar-
etissimæ Observatio habitæ Norimbergæ A. 1706. d. 12
Maji.* 371

V. Libri Historici, Geographici &c.

- A** Nonymi Vita & Obitus Viri Celeberrimi Jacobi Bernoulli. 41
 Anonymi Vita & Obitus Viri Celeberrimi Jo. Christophori Wagensheilii. 45
 Anonymi Explicatio Historica monumenti Ælia Lælia Crispis. 88
 Anonymi Lexicon Reale Statut & Novellarum. 91
 Anonymi Lexicon Universale Historicum, Geographicum, Chronologicum ac Poëticum. 139
 Anonymi Collectanea Genealogico-Historica ex Archivo Inclitorum Austria Inferioris Statuum &c. 186
 Anonymi Octavia, Fabula Romanensis, Pars tertia. 333
 Anonymi Refutatio proluxa Epistolæ de presenti statu Moscoviæ. 412
 Addisonii (Joh.) Observationes circa diversas Italia partes A. 1701, 1702, 1703 subnatæ. 534
 Ancillonii (Caroli) Historia Vitæ Solimanni II Imperatoris Turcici. 206
 Anckelmanni (Theodori) Inscriptiones Hamburgenses. 378
 Arisii (Francisci) Cremona Literata. 134
 Arndii (Caroli) Bibliotheca Politico-Heraldica selecta. 189
 Baruffaldi (Hieronymi) Commentarius in Inscriptionem conditam in memoriam Antonii Musæ Brasavoli. 70
 Basnagii (Samuelis) Annales Politico-Ecclesiastici. 73. 128. 241
 Batelli (Jo. Christoph.) Dissertatio de Sarcophago marmoreo Probi Anicii & Probi Faltoniæ in templo Vaticano. 202
 Cæsaris (C. Julii) Commentarii de Bello Gallico & Civili, ex editione Christophori Cellarii. 54
 Calvoli (Jo. Cinelli) Bibliotheca Volantis Pluteus X. 67
 Cellarii (Christophori) Commentarii C. Julii Cæsaris de Bello Gallico & Civili illustrati. 55
 - - - Notitia Orbis Antiqui, sive Geographia Plenioris, Tomus alter, Asiam & Africam Antiquam exponens. 113
 Conradi (Joh. Henrici) Silesia Togata. 354

- Comatii (Jo. Baptiste) *Oratio Panegyrica in Leopoldum Cæsarem.* 478
- Corradini (Petri Marcellini) *Vetus Latium Profanum & Sacrum.* 310
- Cortreji (Adami) *Observata Historico-Politica ad Artic. IV. Pacificationis Riswicensis.* 39
- Crenii (Thomæ) *Animadversionum Philologicarum & Historicarum Pars XIII. XIV. XV.* 520
- Dionysii *Orbis Terra Descriptio, ex editione G. H. Ursini.* 25
- Dubourdieu (Jo.) *Dissertatio Historico-Critica super Martyrio Legionis Thebaeorum.* 308
- Fontaine (Andreae) *Numismata Anglo-Saxonica atque Anglo-Danica.* 109
- Gandolfi (Dominici Antonii) *de Ducentis Augustinianis Scriptoribus ex illis, qui obierunt post magnam Unionem Ordinis Eremitici usque ad finem Tridentini Concilii.* 323
- Germon (Bartholomæi) *de Veteribus Regum Francorum Diplomatum & Arte secernendi antiqua Diplomata vera a falsis.* 284
- De Grimaret *Vita Molieri.* 82
- Gros de Boze *Dissertatio de Cultu, quem Veteres Dea Sanitati exhibuerunt, cui juncta sunt Numismata &c.* 153
- Guemerii (Jo. Francisci) *Delineatio Montis Carolini, a Metropoli Hasso-Cassellana uno circiter milliari distantis.* 462
- Hickesii (Georgii) *Linguarum veterum Septentrionalium Thesaurus.* 97. 193. 197
- Jansonii (Theodori ab Almeloveen) *Fastorum Romanorum Consularium Libri II.* 353
- Junckeri (Christiani) *Memoria D. Mart. Lutheri Nummis aureis argenteisque decorata.* 331
- Kederi (Nicolai) *Nummi diversi Sueco-Danici ex Argento præstantissimi.* 120
- Lambecii (Petri) *Originum Rerumque Hamburgensium Libri II.* 378
- Lindenbrogii (Erpoldi) *Scriptores Septentrionales.* 378
- Lucæ (Pauli) *Itineris in Orientem suscepti Historia.* 118

INDEX AUCTORUM.

561

Pagi (Antonii) <i>Critica Historico - Chronologica in Annales Baronii</i>	
Tom. I.	110
Tom. II.	337
Tom. III.	433
Pataroli (Laurentii) <i>Series Augustorum, Augustarum, Caesarum</i> <i>& Tyrannorum omnium, a Julio Casare ad Leopoldum</i> <i>cum eorundem imaginibus.</i>	136
Pedrusii (Pauli) <i>Casares argentei a Julio Casare ad Trajanum</i> <i>usque, collecti in Museo Farnesiano & evulgati cum</i> <i>conveniente iis interpretatione. Tomus II.</i>	427
Richardi <i>Comparatio Ximenii Hispani cum Richelio Gallo Cardi-</i> <i>nale.</i>	85
De la Roche <i>Vita Illustrissimi Ottonis Honorii S. R. I. Comitis de</i> <i>Abensberg & Traun &c.</i>	491
Stieffii (Christiani) <i>Relatio de presenti Statu Imperii Moscowi-</i> <i>tici.</i>	415
Tenzelii (Wilb. Ernesti) <i>Nummophylacium Saxonicum. Pars II. Li-</i> <i>nea Albertina.</i>	19
- - - <i>Pars II Linea Ernestina.</i>	302
Vairæ (Antonii) <i>Dissertatio Historica de Prærogativa Oecumenica</i> <i>Nomenclationis & Potestatis Romani Pontificis a Con-</i> <i>stantinopolitanis Præsulibus usurpata.</i>	354
Ursini (Georgii Henrici) <i>Animadversiones in Dionysii Descriptio-</i> <i>nem Orbis Terra.</i>	25
Wanleji (Humphredi) <i>Librorum Veterum Septentrionalium Ca-</i> <i>talogus Historico-Criticus.</i>	193

VI. Libri Philosophici & Philolo- gici miscellanei.

A Nacreon Tejus, Poëta Lyricus, dimidia fere parte auctus &c <i>studio Josue Barnes.</i>	457
Barnes (Josue) <i>Anacreon emendatus, pristino nitori numerisque</i> <i>suis restitutus &c.</i>	457
Crenii (Thome) <i>Animadversionum Philologicarum & Historica-</i> <i>rum Pars XIII. XIV. XV.</i>	520
Fon-	

- Fontanini (Justi) *Vindicia antiquorum Diplomatum, adversus Bartholomaeum Germon.* 422
- Francii (Petri) *Posthuma, quibus accedunt Eruditorum ad eum Epistole.* 209
- Gellii (Auli) *Noctium Atticarum Libri XX, cum notis Joh. Friderici & Jacobi Gronoviorum.* 246
- Germon (Bartholomaei) *De Veteribus Regum Francorum Diplommatibus, & Arte secernendi antiqua Diplomata vera a falsis.* 284
- Giannettasii (Nicolai Parthenii) *Ver Herculaneum.* 542
- Gronoviorum (Johannis Friderici & Jacobi) *notae perpetuae in Auli Gellii Noctes Atticas.* 246
- Gronovii (Jacobi) *Origenis Philosophumena notis illustrata.* 405
- Guidi (Alexandri) *Carmina.* 68
- Hickesii (Georgii) *Linguarum Veterum Septentrionalium Thesaurus Grammatico-Criticus & Archaeologicus.* 97. 193
- Kusteri (Ludolphi) *Suidas.* 1
- Löschneri (Val. Ern.) *De Causis Linguae Ebraeae Libri III.* 400
- Mabillon (Joh.) *Librorum de Re Diplomatica Supplementum.* 358
- Origenis *Philosophumena cum notis Jac. Gronovii & Joh. Christophori Wolfii.* 405
- Pitisci (Samuelis) *Lexicon Latino-Belgicum.* 137
- Planeri (Jo. Andreæ) *de Epistola Enthymematica sive Extemporali Libri III.* 454
- Suidæ *Lexicon Graece & Latine.* 1
- Trevifani (Bernardi) *Meditationes Philosophicae, imprimis de Dei Existentia & Providentia, Animaeque immortalitate.* 249
- Victoriae (Vincentii) *Observationes in librum, qui Felsina Pitioria inscribitur, ad defendendum Raphaëlem Urbinate, Caraccios, horumque Scholam.* 171
- Wagenseilii (Joh. Christophori) *de Educatione Principis, qui litterarum studia prorsus aversatur.* 117
- Wanleji (Humphredi) *Librorum Veterum Septentrionalium Catalogus Historico-Criticus.* 193
- Wolfii (Jo. Christophori) *Origenis Philosophumena notis illustrata.* 405

INDEX RERUM NOTABILIORUM IN HOC VOLUMINE OBVIARUM.

A Brahami uxorem suam pro sorore haberi cupientis fa- ctum. 484	Æquinoctiū vernalis 1703 observa- tio. 370
Abcessus ossium. 58	- - - anticipatio annalis quanta? 370
De Absolutione opposita Papista- rum & Evangelicorum. 412	Aeris rationes. 62. sq.
Academia Imperfectorum, Indi- spositorum, & Intricatorum Romæ fundator, & Academi- corum scripta. 72	- - vapores vibrationes pendu- lorum variant. 371
Acathisti Festum apud Græcos unde? 435	Affricus partium in machinis ope Analyseos & Geometriæ ad ac- curatum calculum revocandus. 448
Acephali quinam tempore con- troversie Nestoriana? 343	Africa nova Descriptio. 116
Acœmeti qui? 345	Ahasverus Estheræ maritus quis fuerit ex Persiæ Regibus? 306
Adam fueritne Gigantea proce- ritatis? 38. sq.	Alarum vis præcipua in fortali- tatis defendendis. 496
Ægyptiorum olim Synœdria qua- lia? 540	probe tegendarum necessi- tas & rationes. 496
Ægyptus Africæ vindicata. 116	Alcoranus num creatus an increa- tus dicendus sit ex mente Mo- hammedanorum? 163
Ælia Lælia Crispis &c. nota In- scriptio explicata. 88	Alexander ab Alexandro nota- tus. 311
Ænigmatis Ælia Lælia Crispis va- ria interpretationes. 88. sq.	Allatius (Leo) emendatus. 3
Æquationum construendarum ad 5 vel 6 dimensionem assurgentium regula Cartesiana faciliior. 273	T& Allelujah ortus ususque in Ecclesia. 243
Æquilibrii centri libræ longitudine infinita inventio. 155	De Alliaco. V. Petri de Alliaco. Allodium vocis etymologia. 104
	Altingius (Jac.) notatus. 35. 36. 37
	A a a a Am-

- Amboinicum Museum. 49
 Ambra nigra vel marina vel terrena est. 54
 alba est sperma ceti. 54
 Ambra varia genera. 53
 grysea nota bonitatis. 53
 Ammianus Marcellinus notatus, 206
 Anacreontica, seu ad imitationem Anacreontis composita carmina. 460
 Anacreontis fragmenta studiose collecta. 458
 Opera notis elegantissimis illustrata. 458. sq.
 Vita. 461
 Analyseos & Geometrie ope affriculus partium in machinis ad accuratum calculum revocandus. 446
 Analysis infinitorum defensa. 267
 Leibnitiana vindicata. 442
 infinitesimalis Leibnitiana a Jac. Bernoullio exculta. 44
 Anastomoseos usus. 399
 Anastomosis quid? 396
 arterias inter & venas datur. 396
 Aneurisma ut curandum? 359
 In Anglia olim usitata lingua Britannico-Saxonica, Dano-Saxonica, Normanno-Saxonica. 98. 99
 Anglo-Saxonum lingua a diversis exculta, nuper Grammaticis regulis attemperata. 97
 Anicetus num Polycarpo honoris causa concesserit Eucharistiae consecrationem? 129
 Animae immortalitas asserta. 251
 demonstrata ex hominis desiderio infiniti boni. 514
 Animi morbi ut curandi? 144
 Annales Politico-Ecclesiastici Samuelis Basnagii. 73. 128. 242
 Annales P. Ant. Pagi. 110. 337. 433
 Anni tropici quantitas apparens & media quanta? 370
 Anseatici fœderis Etymologia novae. 98
 De Anti-Christi signis liber Stephani Jaworowski. 92. sq.
 Antiochena Ecclesia num a Petro fundata? 77
 M. Antonii Imp. fastus unde? 430
 Apocalypsis Johannis Apostoli Commentario illustrata. 27. sq.
 Apollinaris, bareseos auctor, num fuerit Episcopus? 241
 Apostolicorum Nuntiorum origo. 344
 Aqua non ingreditur submersorum pulmones. 169
 non descendit ad submersorum ventriculum & intestina. 170
 Aquae benedictae veteris & novae discrimen. 129
 Aquae, vitri, aëris, colorum varietates. 62. sq.
 Aqua-

Aquarum mineralium gradus & origo.	143	caloris sanguinis non est proportionabilis.	366
Arabica lingua neglectus causa, cur Mohammedana religioni falsa multa adscribantur?	162	Arteriarum intercostalium exortus.	146
Arbor Vita in Paradiso qua?	33	Arthritis cur pedes & manus potissimum occupet?	127
Scientia boni & mali in Paradiso qualis?	34	Ascitis vera species.	367
Arcadium Academia in Italia illustrata.	69	Asia nova Descriptio Geographica.	114. sq.
Archicapellanos apud Francos olim dignitas.	437	Athei descripti & oppugnati.	305
Archimedes an & quibus speculis Romanas naves incenderit?	546	Atheos contra qua methodo procedendum?	229
Architectura militaris munendarum urbium cujuscunque situs & figura.	16. sq.	Atheromata pilosa.	146
indies mutabilis.	235	Attractiones gravitatis in qua ratione?	450
Archivi S. Dionysiani in Gallia auctoritas suspecta.	286	Attritio ex metu gehenna profecta num bona?	178. 179
Arcus olim apud Romanos alii triumphales, alii honoris tantum causa Imperatoribus consecrati.	536	Augustini auctoritas num postponenda auctoritati Pontificis?	178. 181
Argentum & aurum ab igne Solari volatilia redduntur.	316	Epistol. Chronotaxis.	337
Aristotelis de origine fontium & fluviorum sententia sub examen vocata.	543. sq.	Augustinianorum Scriptorum Historia.	324
Arithmetica binaria Dn. Leibnitii.	369	Augustorum, Augustarum, Caesarum & Tyrannorum Historia.	136
referendis mysteriis Sinensibus clavis.	369	Auli Gellii Noctium Atticarum fata.	246. sq.
Arteriarum pulsuum numerus gradui		Auri in foco lentis detenti phenomena.	316
		ab igne Solari resoluti ratio.	317
		fulminantis compositio, actio etiam sursum versus.	452
		Aurum ab igne Solari volatile redditur.	316
		Aaaa 2	Au-

- Aurum *ad ignem Solarem liqua-*
tum difficilius liquatur ad cu-
linarem. 316
 Austriacarum provinciarum He-
reditaria Officia. 188. sq.
 Austriae Inferioris Illustrum fa-
miliarum Genealogia. 186. sq.
Insignia passim illustra-
t. 186
 Autographorum antiquorum
veritas quam difficulter probe-
tur. 285
B Aglivus notatus. 5
 Baptismo Christi num major
efficacia, quam Johannis? 76
 Ad Baptismum num requiratur
intentio Ministri? 178. 180
 De Barbaro (Hermolao) notabi-
lia. 325
 Barnes (Josua) libri editi & eden-
di. 462
 In Barometris Mercurius a calore
alteratur. 439
 Barometrum Compositum. 440
 Baronius refutatus. 73. sq. 110. sq.
 132. 337. 432. sq.
 437. sq.
 Basileensis urbis salubritas. 520
 Basilii M. Vita. 241
 Belgica muniendi ratio defectibus
laborans. 496
 Belisarius num excæcatus & ad
summam paupertatem reda-
ctus fuerit? 347
 Bernoulli (Jacobi) Vita & Obi-
tus. 41. sq.
 Bestia gemina Apocal. XIII typus
Imperii Romani, non Papalis,
sed Gentilis. 29
 Bezoar Lapis genuinus unde di-
gnoscat. 54
 Biblicum Dictionarium magnum.
 381
 Bibliotheca Politico-Heraldica.
 189
 Biceps monstrum humanum. 39
 Binominum exempla. 426
 Boethii adversa fata atque mors.
 245
 DuBois (Ludovicus) notatus. 166
 Bombarum jaciendarum praxis.
 453
 Boni quæ vera natura? 253. 254
 513
 Bononienses pictores ab aliorum
calumnia vindicati. 172
 Borellus notatus. 153
 Borracis analysis chymica. 368
 Borrax sal falsum est. 368
 Brachium luxatum mediante ma-
china nova ut restituendum?
 157
 Brandolini (Aurelii) Elogium. 324
 Brasavoli (Antonii Musæ) Elogi-
um, publica Inscriptione in liti-
versitate Ferrariensi celebra-
tum. 70
 Buchananus refutatus. 363
 Burmannus notatus. 35. 36
C Affee ut ebrietatem arceat?
 161
 C. J. Caesaris Commentarii de
 Bello

NOTABILIORUM.

	567
<i>Bello Gallico & Civili, Notis & mensibus habita.</i>	426
<i>Novis Tabulis Geographicis illustrati.</i>	66
Caesarius, Gregorii Nazianzeni frater, num auctor Dialogorum, qui illi vulgo tribuuntur?	50
241	descriptus. 51
Cainum inter & Græcorum Cainum seu Caineum comparatio.	497. 507
507	Canonici Juris Gallie Institutiones. 165
Calculi intra vesicæ tunicas subsistentes.	51
317	Caput Medusæ Amboinicum. 51
vesicæ a renibus primordia ducunt.	317
317	Caraccii fratres, (Annibal & Augustinus) aliique Raphaelis Urbinatis in arte pictoria discipuli defensi. 172
Calculorum intra vesicæ tunicas subsistentium cura.	317
317	Carasse Bombarum genus im- probatum. 453
Calendarium Romanum ad Novilunia civilia facilius inveni- enda.	200
200	Caries ossium quid? 58
Astronomicum perpetuum Noviluniorum medio- rum.	200
200	Carinæ quo loco in urbe Roma fuerint? 283
Calepini (Ambrosii) Elogium.	324
324	Caroli M. diplomata, quæ cogno- men hoc, post mortem nempe illi tributum, præferunt, falsa. 438
Calibra tormentorum major esse debet diametro globi.	453
453	Cartesius notatus. 274. 313
Calore & frigore Mercurii gra- vitas specifica variabilis.	439
439	Castoris Anatomia. 440
Camdenus (Guilielmus) notatus.	199
199	Centonis ex Virgilianis Carmi- nibus concinnati, qui in Biblio- theca Patrum editus habetur, quis auctor fuerit? 206
Cameroniani in Scotia qui?	140
140	Centri æquilibrii libra longitudi- ne infinita inventio. 153
Campanellæ (Thomæ) Vita & Philosophia.	142
142	Centrifugus conatus Planeta du- plex. 447
Camphorata Mompeliensium vi- res.	369
369	Ceparum anatome. 161
Campus Martius, postea Majus, dicta a Francis Comitibus istis	53
53	Ceraunia in nabis gignitur. 53
Aaaa 3	Cerau-

- Cerauniae metallica descriptio.* 53
Cerebelli tuberositates in Castore. 440
Cerebri substantia medullaris in fœtu deficiens. 265
anfractus nulli sunt in Castore. 440
Anatome H. Ridley. 456
Chalcedonensis Synodi Historia. 244
Chiffletius (Petrus Franciscus) notatus. 309
Chirurgicus apparatus. 158
Chorii anatome. 146
Christi nativitas explicata. 75
natalis annus XLI Julianus, dies vero incognitus. 75
merito vindicata hominum salus. 79. sq.
mortem num Mohammedes negaverit? 164
qualis apparet in Sarcophago Probi Anicii, imago explicata. 204
Divinitas adversus Jonam Schlichtingium vindicata. 233
Christiani I Electoris Saxoniae Numismata. 19. sq.
Christiani II Electoris Saxoniae Numismata. 21
fama vindicata. 22
Christianorum N. T. ob prerogativas pra Fidelibus V. T. officia. 227
Christus num ratione patrum Vet.
- Test. non expromissor, sed tantum fidejussor fuerit?* 228
De Chrysostomo varia. 338. 339. 340
In Cicadas Musarum amor. 458
Clavium quatuor genera, quae juxta Judaeos Deus sibi reservaverit? 383
De Clemangis seu Clamengi (Nicolai) Elogium. 298
Clementis XI Rom. Pont. Collecta, & orationes aliae in terrae motibus dicenda. 392
Clerici Militis exempla in Cardinalibus Ximenio & Richelio. 86. 87
Clerus Occidentis num olim barbaratus incesse? 78
Coccejus notatus. 35. 36. 228
Cochlearum univalvium turbinatarum genera. 52
sexus differens. 53
Coehorniana ratio fortaliorum oppugnandorum praestantior minusque sumptuosa, quam Gallica. 497
Coelicolae inter Christianos & Judaeos medii. 243
Ad S. Coenam num non admitendus, nisi in quo sit amor Dei purissimus? 178. 181
Cognomina quando in Anglia in usu esse coeperint? 106
Colocynthis analysis Chymica. 266
Extractum. 266
Colo-

NOTABILIORUM.

Colores <i>diversi a radiis luminis</i>		Constantinus Copronymus, Ca-	569
<i>Solaris natura diversa.</i>	60	<i>ballinus etiam dictus.</i>	437
<i>Iridis quomodo produ-</i>		Consultationum <i>Medicarum.</i>	
<i>antur?</i>	62	<i>Idea.</i>	520
<i>prismatum ope quomo-</i>		Consulum Romanorum <i>nomina</i>	
<i>do producantur?</i>	62	<i>suppleta & emendata.</i>	353
Colorum <i>theoria.</i>	61. sq.	Corporis <i>humani principia.</i>	5
<i>aqua, vitri, aëris ra-</i>		Costæ <i>superiores ad superiora, in-</i>	
<i>tiones.</i>	62. sq.	<i>feriores versus inferiora ver-</i>	
Columna <i>nubis & ignis Exod.</i>		<i>gunt.</i>	146
<i>XIII miraculosa.</i>	484	Creaturæ <i>præter hominem reli-</i>	
Comatii (Jo. Baptiste) <i>scripta.</i>	478	<i>quæ non tam honorant Deum,</i>	
Cometæ <i>anni 1698 & 1702 ob-</i>		<i>quam honori Deo sunt.</i>	549
<i>servationes.</i>	320	Cremonæ <i>urbis antiquitas & no-</i>	
Conchylia <i>intra marmora.</i>	367	<i>bilitas.</i>	134
Conchyliorum <i>Amboinicum.</i>		<i>Literatorum Historia.</i>	
<i>varia genera.</i>	52		135
Concordata <i>Nationis Gallicæ</i>		Curvarum <i>variarum, earumque</i>	
<i>unde orta?</i>	166	<i>spatiorum ratio.</i>	151
Conicarum <i>sectionum novæ con-</i>		<i>plurimarum Tangen-</i>	
<i>structiones.</i>	271	<i>tes, Quadraturas & rectifica-</i>	
Conradi (Johannis Henrici) <i>Vi-</i>		<i>tiones inveniendi methodus.</i>	
<i>ta.</i>	351		267
Consilium <i>num æque ac Lex vim</i>		Czaris, Magni Moscorum <i>Ducis</i>	
<i>habeat obligandi?</i>	238	<i>hodierni, elogium.</i>	413
Constantiensis <i>Concilii Historia.</i>		Danielis <i>LXX Hebdomades,</i>	
	296	<i>anni non Solares, sed Lu-</i>	
Constantinopolitana <i>Synodus A.</i>		<i>nares.</i>	133
<i>381 a quo coacta, & quot Ca-</i>		Dano-Saxonice <i>linguæ in Anglia</i>	
<i>nones in ea conditi?</i>	242	<i>usus.</i>	38. sq.
Constantinopolitanorum <i>Præ-</i>		Decimarum <i>jus quale?</i>	133
<i>sulum machinationes in vindi-</i>		Dei <i>imaginem num fas sit effinge-</i>	
<i>canda sibi prerogativa Oecu-</i>		<i>re?</i>	178. 180
<i>menica nomenclationis & pote-</i>		<i>existentia demonstrata.</i>	237.
<i>statis.</i>	354		249. 251. 514. 515
		<i>possessio ac fructio certo fu-</i>	
		<i>tura</i>	

- tura summum hominis bonum. Dorſchei (Jo. Georgii) opera.
516. 547
posthuma qui ediderint? 274
Operum
Dei providentia demonstrata. 249
251. sq. accuratus catalogus. 276
Dentium incisivorum bases & ra-
dices in Castore. 441
Ducati, moneta genus, unde,
dicti? 11
Deorum Dearumque num fas sit
in carminibus meminisse Poëtae
Christiano? 113
Duodecim juratorum Judicium
quando in Anglia invaluerit?
106. 107
Diodorus Tarsensis num Nesto-
rianismi auctor fuerit? 242
Du Pin (Ludovici Ellies) in Joan-
nem Gersonium merita. 290. sq.
S. Dionysiani in Gallia Archivi
diplomata vindicata. 359
Durae Menyngis glandula conglu-
bata. 217
Dionysius περιγῆσεως Οἰκὸς-
μὲνης auctor qua aetate vixe-
rit? 25
Ebraeae Linguae indoles & digni-
tas. 400
antiquitas. 401
Diplomata Anglo-Saxonum ru-
bris aureisve literis resplenden-
tia falsitatis damnantur. 108
Lexicorum Historiam &
antiqua adversus Bar-
tholomaeum Germonium defen-
sa. 422. sq.
literarum, punctorum,
vocalium, accentuum &c. no-
titia. 403
quomodo exa-
minanda? 198
Ebraismi Historia ab origine ad
genuina a falsis discer-
nendi ars Mabilloniana explo-
rata. 284
nostra usque tempora. 401. sq.
restauratio ut a variis
tentata? 402
Diplomatum antiquorum stylus
barbarus num falsitatem pro-
bet, an sinceritatem? 424. 425
rite dis-
cernendorum Ars a Mabillo-
nio confirmata. 358
Ecclesiae futura felicitas in Regno
Disciplina Arcani in Ecclesia. 29
mille annorum.
quando cessaverit? 434
Ecclesiae num nudo triginta anno-
rum lapsu ab exhibendis posses-
sionis suis juribus immunes red-
dantur? 413
Dodwellus notatus. 78. 130
Pro Eclipsibus observandis. vi-
trum utile, quomodo aptandum,
tuboque applicandum? 268
Eclipsis

Eclipsis Luna a Penumbra Telluris observata.	320	Evangeliorum Gothicorum versionis auctor num Ulpbila?	98
Eclipsis Solaris a. 1706, 12 Maji observationes.	335	Evolutarum radios invenendi methodus.	267
Lunaris anni 1703 phaenomena notabilia.	444	S. Eusebii Hieronymi Opera, ab Erasmo & Mariano recognita, unde corrupta fuerint?	418
Eden quid in Historia Mosaica?	32	Eusebius quam anni formam, Julianam, an Antiochenam, in Chronologia secutus fuerit?	74
Eginhartus illustratus.	102	Eutychianæ controversia Historia.	344
Ellipsum infinitarum in plano descriptio.	273	Excommunicatio Judaica fueritne pœna Ecclesiastica an Politica?	132
Eloquentiæ studium Theologis imprimis commendatum.	211	Christiana differt a Judaica, quia est Ecclesiastica.	132
Embryonum caput & artus quando conspici possint?	147	quam habeat efficaciam?	132
S. Emidii Episcopi Asculani & Martyris Vita.	174	Experientia quid?	288
De Enocho traditiones Mohamedanorum.	164	Experimenta colorum.	62
Epactæ Claviana notata.	124	F aber (Tanaquillus) notatus.	457. 460
Epicuri elogium.	384	Fabularum veterum occasio ex Sacris.	506
ex fortuito atomorum concursu mundum ortum, sententia explosa.	514	Facultatis mera res quid propria?	116
Epidemica Germania historia annorum 1699 usque 1705.	465	Farnesiani Thesauri numismata quedam argentea Cesarum illustrata.	429. sq.
Epilepsia a fascino.	456	Fasti Consulares Romani.	353
Epistolarum per Enthymemata scribendarum ratio.	433	Fechtii (Joannis) in B. Dorscheum merita.	276
Erasmi Hieronymi editio representensa.	418. 419	de Sabbatho sententia.	277
Ethicæ Christianæ veritas & sanctitas asserta.	511. sqq.	Bbbb	Felici-
Eva num eodem die cum Adamo creata?	34		
Eva vestigia in fabulis veterum.	506		

- Felicitatis appetitus omni homini
naturalis. 512
 Ferrariensium Poetarum Histo-
ria. 68
 Ferrerus (Carolus Hiacyntibus) no-
tatus. 309
 Fidei Christianae auctoritas asser-
ta. 228
 Fidem inter & justitiam perpetua
relatio. 230
 Fides quibus Autoribus habenda?
 288
 Florentinos scriptores illustratu-
ri Jo. Cinelli facta. 68
 Fluviorum origo examinata. 543
 Foederum Dei cum hominibus ra-
tio & diversa genera. 123. sq.
 Foedus Dei cum Adamo Paradi-
siacum. 35
 Foeminarum curiositas salse a
 Catharina Polonia Regina re-
prehensa. 188
 Foetus sexus quando dignosci pos-
sit? 147
monstruosus. 265
rudimenta in ovulo ovario
coherente conspecta. 265
nutritio. 528
per solum funiculum um-
ilicalem nutriri potest. 367
 Fontes intermittentes. 314
non oriuntur ex aquis plu-
vialibus. 364
 Fontium origo examinata. 365.
 543
origo est ex vaporibus ex
terra certo modo elevatis. 364
 Formatio corporis humani non
dependet ab anima. 524
 Foro Julii unde Austriæ nomen
adhaerit? 424
 In Fortalitiis defendendis alarum
vis precipua. 496
 Fortalitiarum oppugnandarum
ratio Cæborniana præstantior
minusque sumtuosa, quam
Gallica. 497
 Fortunæ Antiates quæ? 538
 Franciæ antiquorum gentis Me-
rovingice Regum Diplomata
vindicata. 360
 Francii (Petri) Vita. 210
 Franco-Theotiscæ antiqua lin-
guæ Institutiones Grammatica.
 102
 Freind (Johannes) notatus. 7
 A Frigore & calore Mercurii gra-
vitas specifica variabilis. 439
 De Fulminatrice Legione com-
menta. 130
 Fungorum Anatome. 161
 Gallia etiam Transalpina olim
 in Austriam & Neustriam
 a Longobardis divisa. 424
 Galliarum Regis in Ecclesiasticis ma-
gna auctoritas. 167
 Gallica fortalitiarum oppugnandorum
ratio sumptuosior, mi-
nusque præstans, quam Cæbor-
niana. 497
 Gangrensis Synodus A. 369. 241
 Garnerus notatus. 344
 Gelasius

NOTABILIORUM.

573

Gelasius num auctor fuerit librorum de duabus Naturis in Christo, & Historia Eutychianistarum Breviculi?	346	Globi diametro major esse debet calibra tormentorum.	453
Gellius (Aulus) notatus.	312	Glückii (Ernesti) Vita & Obitus.	96
Genealogia Statuum Austria Inferioris.	186	Gothis num ante Ulfilam Scripturarum in lingua vernacula usus non fuerit?	242
Generatio non fit ex animalculis.	524	Grævii (Jo. Georgii) Elogium.	112
Gennadius emendatus.	341	Grammaticæ Anglo - Saxonice Institutiones Hiccesianæ multis accessionibus auctæ.	98
Gentilium antiquissima monumenta ut cum libris sacris Regum consentiant?	500. sq.	Franco - Theotisce Institutiones.	102
Geographica Tabula novæ Cellarianæ.	114. sq.	Gravitas Mercurii specifica a calore & frigore variabilis.	439
Geometriæ ope affricus partium in Machinis ad accuratum calculum revocandus.	446	Gravitatis absolutæ ad relativam corporis super plano inclinato diversa ratio.	314
Geometrice proportionalium terminorum aggregata.	151	attractiones in qua ratione?	450
Rumphii (Georgii Everhardi) in Historiam Naturalem merita.	49	Gregorii Papæ de Cura Pastoralis liber ab Ælfredo Rege in Saxoniam linguam conversus.	195
Germonius (Bartholomæus) refutatus.	423	Magni operum editiones variae, & recentissima imprimis.	385. sq.
Gerfonii (Joannis) fata.	297	Vita triplex.	393
scripta.	299	Gregorius Magnus num auctor Expositionum in VII Psalmos Pœnitentiales?	347
Opera quoties conjunctim vel sigillatim prodierint?	290	num auctor Expositionum in Librum I Regum & Canticum Canticorum?	392
doctrina.	301	Grimaret Auctor Vita Molerii.	82
Giannettasii (Nicolai Parthenii) Carmen seculare Innocentio X dictum.	545		
Gihon ac Pison fluvii Paradisi.	33		
Glandulæ pinealis officula.	146		

Bbbb 2

Gro-

- Gronoviorum, *patris & filiorum*, in Auli Gellii *Noctes Atticas* merita. 246
- Grotius notatus. 500
- Gryphii (Christiani) *Vita & Elogium*. 239
- Guarinus notatus. 153
- Guidi (Alexandri) *Poeta Itali Elogium*. 68
- Gustanvillæus *Operum Gregorii M. editor* notatus. 386. 390
- H**æreditatem adeundi *num ullo tempore exspiret?* 117
- Hæreticorum *Ecclesie olim Judaica catalogus*. 384
- De Halremunde Comitum *Germania familia*. 71
- Harduinus notatus. 75. 77. 198
- Hebrææ. *Vide Ebrææ*.
- Hebraici *V. T. textus contra versionem LXX Interpretum veritas asserta*. 509
- Heraldicæ rei *Scriptores*. 191
- Herennii Modestini liber *περὶ Εὐρηματικῶν* *Commentario illustratus*. 475
- Elogium*. 476
- Herodes fueritne *Gentilis aut Profelytus?* 74
- Herodiani *qui?* 76
- Heurematica *quid sit?* 476
- Hieronymi nimius in *virginitatem affectus*. 338
- In Hieronymi *Operibus edendis olim lapsus haud pauci admif-*
- si*. 418. sq.
- Hieronymianæ *adversus Clericum vindicia*. 421
- Hieronymus *quo ordine in adornandis in Prophetas Commentariis processerit?* 420
- Hillus (Guilielmus) *emendatus*. 26
- Hire. *V. La Hire*.
- Historia *Paradisi illustrata*. 31. sq.
- schismatis in Ecclesia oborti ex contentione inter Romanos & Constantinopolitanos Presules, de prerogativa Oecumenica potestatis*. 354. sq.
- Hominis ac reliquorum *animalium diversa natura*. 237
- actiones omnes & passionnes quomodo ad Deum referenda?* 552
- Hominum *facies cur adeo dissimiles?* 237
- Homo *assimilandus Deo per perfectionum Divinarum imitationem*. 549
- Horatius *illustratus*. 561. 538
- Horologia *oscillatoria, mensuram temporis justius ipso Solis motu exhibentia*. 141
- Horologiorum *oscillatoriorum cautiones*. 370
- Hotomannus notatus. 116
- Hottingerus notatus. 164
- Huetii *erga dissentientes circa Religionem moderatus animus*. 114
- Huge-

Hugeniana theoremata Logarithmica linea demonstrata.	149	excuset a peccato?	178. 179
Luminis unda quomodo construenda?	261	Illuminationes objectorum in qua ratione?	450
Humida & sicca, humilia & elevata loca muniendi ratio.	495	Imago Dei in quo consisterit?	35
Hydrophobia ex ira.	456	De Imitatione Christi libri quis auctor fuerit?	299. sq.
Hydropis pectoris causa.	329	Immortalitas animae humanae asserta.	251
cura.	330	Imperatores Romano-Germanici Patroni quidem, & Advocati Ecclesiae, at nulla obedientia Pontificibus subiecti.	349
Hymnis Deos celebrare inter praecipua Graecorum certamina.	459	Imputatio actionum moralium num tollatur, licet quis voluntati libertatem deneget?	238
Hyperbolae quadratura per Tractoriam.	150	Incessus lineae super lineam triplex explicatus.	10
Hyperbolarum infinitarum in plano descriptio.	273	Per Indulgentias Pontificias sublatus Pœnitentiae publicae in Ecclesia usus.	411
Hyperbolici spatii quadratura.	152	Infidelium omnia opera num sine peccaminosa, quia ex fide non procedunt?	178. 179
Jacobi Patriarchae familia, quaecum eo in Ægyptum descendit, quot fuerit personarum?	64. sq.	Infinitorum analysis defensiva.	267
Janseii & ejus sequacium propositiones XXXI ab Alexandro VIII damnatae.	178	Inflammationem ossa patiuntur.	57
Jejuniorum in Ecclesia usus subinde immutatus.	411	Inflammationis ossium cura.	57
Jejunium Quadragesimale cum Antepaschali non commiscendum.	129	Inghiramius notatus.	312
Ignatii Epistolae spuriae.	128	Intestini ilei portio sphacelo corrupta & deperdita, salva aegre vita.	265
Ignis Solaris a culinari differentia.	317	jejuni glandulae.	145
Ignorantia invincibilis, num rationem voluntarii tollat, an		Intestinorum tunica cellulosa.	146
		Johannes VIII num Papissa dictus?	438
		Bbbb 3	Johan-

- Johannes Sarisburiensis notatus. 394
Ad Johannis Parvi causam spe-
stantia Acta junctim edita. 290. 301
 Josephi de Christo testimonium
vindicatum. 502
 Josephus excusatus. 32
cum Tacito conciliatus. 112
explicatus ac defensus. 307
cur oracula de Christo
accommodaverit Vespasiano? 503
cur agnitis Christi mi-
raculis Christianam tamen re-
ligionem non fuerit ample-
xus? 504
 Jovis a Luna occultatio observa-
ta. 445
Saturni & Mercurii luminis
comparatio. 445
 Iridis colores quomodo producun-
tur? 62
 Irregularia loca muniendi me-
thodus nova. 18
 Isidori Hispalensis Fragmentum
in linguam Theotiscam conver-
sum. 327. sq.
 Islandica Grammatica Runolphi
Fontis illustrata. 104
 Itineris longitudinem rotarum
conversiones non satis fide men-
surant. 12
 Judaica excommunicatio num fu-
erit poena Ecclesiastica an Poli-
tica? 132
 Judaicorum Annalium in Libris
Regum cum antiquissimis va-
riarum Gentium monumentis
convenientia. 500
 Judas proditor num ab Eucharis-
tie usu exclusus fuerit? 77
 Junii (Adriani) Elogium. 210
 Junius (Franc.) notatus. 99
laudatus. 109
 Juris Publici Corpus magnum ab
 Adamo Cortrejo edendum. 30
Naturalis adequatum fun-
damentum. 238
Communis & Saxonici Dif-
ferentia. 530
 Jurisprudentiae Systema novum.
Divinae Thomasia-
nae emendatio. 236. sq.
 Jus Naturale etiam respectu Dei
immutabile. 238
 Justinii Apologia secunda non An-
tonino Pio, sed Marco Aurelio
oblata. 129
 Juvenalis illustratus. 539
 L Abbeus notatus. 325
 Lacte podagra viela. 124
 Lactis cum in podagra ut institu-
enda? 125
substantia quae? 127
usus. 127
usus in artbritide recidiva
non infert. 127
ventriculi debilitatem
& par-

NOTABILIORUM.

577

<i>Et partium languorem non inducit.</i>	127	Lexici realis nova editio laudat.	92
La Hire circa rationes densitatum aëris notatus.	257	Lexicon Belgicum novum.	136
La Hire Tabula observationibus Astronomicis probata.	320	omnium Religionum.	139
Lambergii Comites, olim Rittersbergii.	188	Libertas hominis asserta & explicata.	549. sq.
Lampfacena Synodus A. 364 num. orthodoxa?	241	Librae aequilibræ centri longitudine infinita inventio.	153
Lamy (Bernhardi) Introductio ad Scripturam S.	382	Librorum veterum Septentrionalium, qui in Angliæ bibliothecis asservantur, catalogus.	193
In Lapidibus pisces exsiccati.	367	Regum in Scriptura S. convenientia cum antiquissimis variarum gentium monumentis.	500. sq.
Lapidis Philosophici possessoris cuiusdam fatum.	185	Lineæ super Lineam incessus triplex explicatus.	10
Lardum marinum quid?	55	Logarithmica Theoremata Hugeniæ demonstrata.	149
Latii Veteris descriptio.	310	in spiralem contractæ spatium non est dimidium explicata.	151
Lazius notatus.	422	Trochoidis genesis.	12
Legionis Thebeorum martyrium explosum.	308	Locustæ fuerint an coturnices, quibus Israelitæ in deserto cibabantur?	307
Leibnitianæ analyseos præstantia vindicata.	442	Logarithmi novi Arithmetica binaria.	369
hypotheseos Planetaria insignis commoditas.	446	Logarithmica Spiralis insignes proprietates.	44
ratio uberior explicata.	446	lineæ Theoremata Hugeniæ demonstrata.	149
In Leopoldum Casarem Oratio Panegyrica.	478	in spiralem contractæ spatium non est dimidium explicata.	151
Lex cum Societas 69 ff. pro Socio, illustrata.	115	Logica Sacra Sal. Glassii.	48
Africani Frater a Fratre, 38. ff. de Condict. indebiti illustrata.	116	Lumen	
50 ff. de acqu. vel omitt. hered. illustrata.	476. sq.		

- Lumen corporum specularium*—
triplex refractivum, reflexi-
vum & quaquaversum diffu-
sum, huiusque experimen-
tum. 63
- Luminis unda Hugeniāna quo-*
modo construenda? 261
tractus in Ceto & Eridano
observatus, pro cauda Cometae
habitus. 319
tractus paulo ante Solis
ortum ad Horizontem ortivum
perpendicularis observatus. 320
Saturni, Jovis & Mer-
curii comparatio. 445
- A Luna Jovis occultatio observata*
445
- Lunæ eclipsis a Penumbra Telluris*
observata. 320
anni 1703 phanome-
na notabilia. 444
- Lupus, sermonis A. 1009 ad Anglos*
habiti Auctor, quis fuerit? 195
- Lutheri (Martini) memoria*
nummis aureis & argenteis
decorata. 331
- M***Abillonii Regule Diploma-*
tum veterum genuinorum
a spuriiis discernendorum sub
censuram vocata. 198. 199
explosa. 284
de Re Diplomatica
Libri ab Auctore ipso partim
confirmati, partim emendati.
360. 361
- Machinarum bellicarum appara-*
tus. 451
In Machinis partium affric-
tione Analyseos & Geometria
ad accuratum calculum revo-
candus. 446
- Macularum Solarium observati-*
onibus confirmatus Solis motus
vertiginis. 320
- Magi num tres fuerint, qui post*
Christum natum in Judæam
venerunt? 75
- Magliabechii (Antonii) Elogium.*
327
- Maimburgius (Ludovicus) refu-*
tatus. 357
- Mala, qua humanum genus pre-*
munt, num tollant providen-
tiam divinam? 251. seqq.
- Malum proprie quid?* 513
- Marcellini Presbyteri & Petri*
Exorcistæ, S. S. Martyrum, Bâ-
silicarum, tum olim in via La-
vicana, tum intra urbis Roma-
mænia conditarum descriptio.
281. seqq.
- B. Maria num virginis votum*
susceperit? 75
Virgo num immaculata?
181
- Mariana Hispanicarum rerum*
scriptor notatus. 436
- Mariani editio Hieronymi repre-*
hensa. 418. 419
- Marlboroughii Ducis victoria*
ad agrum Blindheimensem
carmi.

NOTABILIORUM.

579

<i>carminē a Josua Barnes celebrata.</i>	460	<i>lore & frigore variabilis.</i>	439
<i>Martialium medicamentorum usus.</i>	144	<i>Mercurii, Jovis & Saturni Luminis comparatio.</i>	445
<i>Martini Rom. Pont. A. 655. defuncti facta.</i>	434	<i>Sub Merovingis & Carolovingis Gallorum Regibus scripta autographa num ad nostra tempora servari potuerint?</i>	285
<i>Martyrii Legionis Thebaeorum veritas sub examen vocata.</i>	308	<i>Μετῶπρῶς ἔκδοσις quale olim Fesum?</i>	435
<i>Materia quid?</i>	5	<i>Messias duos, miserum alterum, alterum victorem, commenti Rabbini.</i>	503
<i>S. Maximi Monothelitarum adversarii facta.</i>	434	<i>Methodus nova muniendi loca irregularia.</i>	18
<i>Mechanica Medicina theoria delineata & emendata.</i>	5	<i>generalis inveniendarum Tangentium.</i>	150
<i>Medicinae Theoria mechanica delineata & emendata.</i>	5	<i>inveniendi radios Evolutarum, Tangentes, Quadraturas & rectificationes plurimarum curvarum.</i>	267
<i>Medullæ ossium usus.</i>	161	<i>generalis describendi Parabolas.</i>	272. 274
<i>Membrarum in vasis differentia.</i>	399	<i>Mischna quod Judæis, id Mohammedanis Sunna.</i>	164
<i>fœtus descriptio.</i>	527	<i>Mohammedani num statuunt, unumquemque in sua Religione salvari posse?</i>	165
<i>Mensa Iliaca, celebre cimelium hodieque Augustæ Taurinorum superstes.</i>	121	<i>Mohammedica Religio a calumniis quorundam vindicata.</i>	162
<i>Menstruus fluxus a fermento dependet.</i>	7	<i>Molerii (Jo. Baptista Poquelin) Comici Galli vita.</i>	82
<i>sanguis per glandularum vaginalium vesicularum vascula excretoria excernitur.</i>	8	<i>Monotheletarum hæresis quando orta?</i>	347. sq.
<i>cur ante pubertatis annos non prorumpat?</i>	8	<i>Monstrum humanum biceps.</i>	39
<i>cur supprimatur in vetulis?</i>	9	<i>Montium glacialium Helvetiorum</i>	
<i>Merckliniana memoria.</i>	436		
<i>Mercurialium efficacia unde?</i>	144		
<i>Mercurii gravitas specifica a calore & frigore variabilis.</i>			

Cccc

- rum descriptio.* 456
Morales *propositiones XXXI Jan-*
senistarum ab Alexandro VIII
damnata. 178
Morgengaba *pretium in mane*
dicta. 427
Morinus (Stephanus) *refutatus.*
401. 403
Mors, quam *Protoplastis Deus*
minatus est, qualis? 39
Mortariorum effectus. 453
Mosaica Historia Paganis etiam
cognita. 505
cum antiquissimis
Gentilium fabulis comparata.
505. sq.
Mosaicorum librorum antiquitas
asserta. 498
Divinitas. 499
Moscoviz presens status. 413. 416
Moscua urbs pro Babylone Anti-
Christi sede maligne vendi-
tata. 93
Moses cum Stephano conciliatus
circa familiam Jacobi, que
cum eo in Aegyptum descendit.
64. sq.
Moskoe - Strom seu Maal-
Strom descriptio. 456
Motus projectorum ut contin-
gat? 141
corporum determinatio. 312
super plano in-
clinato ratio nova. 313
Sphæra & partium ejus. 312
- Motuum Terra Theoria nova.** 365
Movendi corporis velocitas ut
invenienda? 141
Mulieres Genuenses ad sacrum
bellum in Palestinam olim pro-
fecta. 119
Musæum Amboinicum. 49
Musicæ Systema novum. 270
Mutus a nativitate, sub eo statim
cogitationum de Deo, expers.
366
N *Arthex que pars Templi?*
11
Nasi meatum o ris cavum, nunc
geminus, nunc simplex est. 146
glandula ex mero arteria-
rum contextu resulant. 146
Nathanael Apostolus Barthola-
maus. 76
Nazaræorum Hæresis. 118
Nestorianæ controversiæ historia.
342. 343
Nestorius num duas in Christo
personas statuerit? 244
Newtoni Optica. 59. sq.
Nicetas & Nicaa male, etiam
in Martyrologiis, distincti. 337
Nili ostia hodie quinque. 543
Novariense Musæum a Lazaro Au-
gustino Cotta expectandum. 68
Numismata Domus Saxonica li-
nea Albertina. 19
linea Ernestina. 302
Anglo-Saxonica &
Anglo-Danica Andrea Fourn-
tain.

NOTABILIORUM.

581

<i>taine.</i>	109	Oecumenici Episcopi titulum qua	
Numismata ad cultum Deæ Sani-		contentione alter præ altero si-	
tatis pertinentia illustrata.	154. sq.	bi vindicarint, Romanus &	
antiqua Suecica illu-		Constantinopolitanus Presu-	
strata.	120. sq.	les?	354. sq.
aurea argenteaque		Olaus Sueciæ Rex unde Skauc-	
in memoriam Martini Lutheri		kongr cognominatus? 122 (222)	
aliorumque cusa.	331	Onuphrius Panvinius notat. 154	
Argentea Farnesiani		Opium effectus unde deducendi? 144	
thesauri.	427. sq.	Optica Newtoni.	59. sq.
Nummi Spintirii Tiberiani qui?	536. sq.	Opus ex solo intuitu celestis glo-	
Nummis alios exagitare num.		ria obtinenda profectum, num	
olim apud Romanos moris fue-		peccaminosum? 178. 179	
rit?	537	In Orientem facti itineris Pauli	
Nutritio qui fiat?	398	Luca Descriptio.	181
Objectorum illuminationes		Os occipitis postica capitis regio-	
in qua ratione?	450	ni instar lamina impositum in	
Observationes Cometa anni 1698		Castore.	440
& 1702.	320	Oscillatoria horologia, mensu-	
Eclipsis Solaris an-		ram temporis justius ipso Solis	
no 1706, 12 Maji.	335	motu exhibentia.	141
Occultatio Jovis a Luna obser-		Oscillatoriorum horologiorum	
vata.	445	cautiones.	370
Oceanus fontium & fluviorum		Ossa patiuntur inflammationē.	57
parens.	445	spiritibus acidis & oleis a-	
Octaviæ, Fabula Romanensis, E-		cribus tractari non debent. 58	
logium.	334	tarsi in unum coalita & in	
Oculi tunica urea non habet fi-		substantiam molliorem muta-	
brascirculares.	441	ta.	146
Oecolampadii in honorem cu-		Ossis sacri vertebra cavitate ca-	
sum numisma.	333	rent.	146
Oeconomia, formula fidei in		Ossium morbi.	56
gratiam Monothetarum com-		generatio.	56
posita.	436	textura.	57. 168
		inflammationis cura.	57
		abscessus.	58
		Cccc 2	Ossium

- Ossium caries quid? 58
 morborum cura. 156
 nutritio. 161
 Ovula ut ab hydatidibus testiculo-
 rum differant? 525
 Ovuli muliebris anatome. 147
 Ovulorum humanorum descri-
 ptio. 525
 Ovulum non totum sed conten-
 tum ejus ad uterum defertur.
 147
 non continet prima om-
 nium subsequantium stami-
 na? 525
 ut ab ovario separetur? 526
 per tubas Fallopianas ad
 uterum defertur. 526

Pagi (Antonius) notatus. 133
 Pagi (Antonii) Vita & Elogi-
 um. 110. sq.
 Pagi (Franciscus) quid prestiterit
 in Critica Historico-Chronolo-
 gica patrum Antonii? 112
 Palamedes belli Trojani scri-
 ptor. 3
 Pallii dignitas. 204. 205
 Palpebras tres habet Castor. 441
 Panvinus (Onuphrius) notatus.
 311
 laudatus. 326
 Papias num pro discipulo Johan-
 nis & Martyre agnoscendus?
 129
 Parabolas describendi generalis
 methodus. 272. 274
 Paradisi Historia illustrata. 31. sq.
 sius. 32. 38.
 Num Παρεσις solum, non ἀρε-
 σις peccatorum in Veteri Te-
 stamento obtinuerit? 228
 S. Paterii Expositio Veteris & No-
 vi Testamenti nunc demum in-
 tegra edita. 395
 Patinus notatus. 154
 Pauli effigies cur ad dextram Pe-
 tri subinde collocata deprehen-
 datur? 204. sq.
 Paulinus quo sensu Romam ap-
 pellaverit Babylonem? 338
 Pearsonii (Joannis) Notæ in Le-
 xicon Suidæ. 3
 Pro Peccato originis num homo
 per totam vitam agere debeat
 pœnitentiam? 178. 180
 Pelagii diversi non inter se con-
 fundendi. 339
 Pelagius hæreticus ab aliis ejus-
 dem nominis distinctus. 243
 Pendulorum phenomena qua-
 dam. 370
 Pensionum Ecclesiasticarum ori-
 go. 344
 Penumbra Telluris observata
 eclipsis Luna. 320
 Perorando exercitationis exem-
 plum. 211
 Petavius notatus. 243
 Petri de Alliaco Vita. 297
 Petrus num Romam venerit? 78
 Philip-

NOTABILIORUM.

583

Philippus IV Rex Hispania lo-	121	quendi mire parvus.	121	Poetarum Ferrariensium Histo-	409
Philosophumena, quæ Origenis		sub nomine circumferuntur,		ria.	68
quem auctorem habuerint?	407			Poeticæ olim Anglo-Saxonice	100
Phosphorus barometri Bernoul-	263	liani ventilatus.		quæ ratio?	100
Ad Physicam veram Introductio.	140			Poesis Germanica a neglectu	101
Pictor excellens quis?	173			mensuræ syllabarum vindica-	101
Pignoris luendi jus num sit mere	116	facultatis?		ta.	101
Pisani Concilii tempore schisma-	295	tis Historia.		Polycarpi ad Philippenses Episto-	128
Pisces exsiccati in lapidibus.	367			la probata.	128
Pison & Gibon fluvii Paradisi.	33			Polypus cordis.	441
Placæus (Josua) notatus.	37			Pontificatus in Ecclesia Romana	
Planetariæ hypotheseos Leibni-	446	tianæ insignis commoditas.		anni quo tempore non a die	
ratio				consecrationis Episcopalis, sed	
uberius explicata.	446. sq.			electionis cæperint numerari?	113
Planetæ centrifugus conatus du-	447	plex.		Pontificiæ Sedis Avenionem	
Platonica dogmata cum Mosaicis	498	comparata.		translatio causa magni illius	
Pluviæ num sufficiant ad gene-	543	randa omnia fluvia?		in Ecclesia schismatis.	291
Ex Pluvialibus aquis fontium ori-	364	go impossibilis.		Portiones quid?	5
Podagra lacte vieta.	124			Portus (Æmilius) notatus.	1
Podagræ causæ.	126			Præadamitæ refutati.	34
Ex Pœnitentia male sacramen-	412	tum factum.		Praxeos Clinice Exemplaris Com-	
Pœnitentiæ qualis disciplina in		Ecclesia primitiva Christiana		pendium.	529
				Precum Primariarum jus Impe-	
				ratoribus sine prævio consensu	
				Pontificum vindicatum.	348
				Presbyterianorum hæresis num	
				conficta fuerit, an vere exstite-	
				rit?	346
				Princeps litterarum studia aver-	
				satus quomodo dextre institui	
				possit?	117. sq.
				Principia Chymica quid, & quæ?	318
				Prismatum ope colores quomodo	
				pro-	

Cccc 3

- producantur?* 62
Probabilissimus in Morali Doctrina cum studio examinatus. 373.376
a Scholis Societatis Jesu nec primum inventus, nec adoptatus. 374
Probabilitatis legis cum probabilitate libertatis varius concursus. 374
Problemata primi Mobilis. 323
Problematis de inventione angulorum trianguli Sphaerici datis tribus lateribus facilis solutio. 322
De Prometheo fabula unde orta? 505
Prosper Aquitanicus fueritne Episcopus? 345
Protevangelium contra Socinianos vindicatum. 37
Protoplastorum peccatum. 36
Prusteus (Jacobus) notatus. 247
Publicani apud Judaeos num fuerint Ethnici? 76
Pulsuum arteriae numerus gradui caloris sanguinis non est proportionalis. 366
Pulveris pyrii materia, praeparatio, bonitas, proprietates, vires. 451
effectus. 316
fulminantis compositio, actio etiam sursum versus. 452
Pupillae dilatatio & constrictio unde? 441
- Pyrorum anatome.* 161
Quadratura hyperbola per Tractoriam. 150
Quadraturas plurimarum Curvarum inveniendi methodus. 267
Radii Solaris luminis naturae diversa. 60. sq.
Radiatorum Solis diversa reflexibilitas & refrangibilitas. 61
visuorum atmosphaeram trajicientium curvatura. 256. sq.
Raphael Urbinas a criminationibus aliorum vindicatus. 172
Rationi obsequendi quae in homine obligatio? 551. 552
Rationis cum Scriptura convenientia. 547
in homine vis. 551
Rebhanii (Nicolai) Historia Ecclesiastica Isenacensis manuscripta. 303
Redemptor humani generis necessario Θεωδωρος. 80. 81
Reflexibilitas & refrangibilitas radiorum Solis diversa. 61
Reflexionis causa. 63
Refractionum Astronomicarum difficultas. 256
Refrangibilitas & reflexibilitas radiorum Solis diversa. 61
Reinesius notatus. 4. 446
Reiseliiana Memoria. 456
Renaldinus notatus. 153
Renum vervecinorum figura. 148
Ribium anatome. 161
Riche-

NOTABILIORUM.

585

Richelius Cardinalis comparatus cum Cardinali Ximeno. 85	Sacramentorum Liber, qui inter Gregorii M. Opera exstat, va- riis auctoribus debetur. 391
Romanenses Fabulae unde dicta? 333	Sadducæi num Moſis tantum li- bros ſuſceperint? 76
Romani Pontificis in Gallia au- thoritas valde circumſcripta. 167	Salia in corpore peccantia ut cor- rigenda? 7
supra Concilia auctoritas aſſerta. 181	Salis Theoria. 318
Romanis Pontificibus Oecumeni- ca nomenclationis & poteſta- tis prærogativa a Conſtantino- politaniſ dubia reddita. 354	acidi natura. 318
Rotarum converſiones longitudi- nem itineris non ſatis fide men- ſurant. 12	urinofi natura. 318
Rudolfinarum Tabularum erro- res circa motum Saturni co- rumque cauſa & correctio. 444. ſeq.	Salivales glandula Caſtoris. 441
Rufinus, Origenis ſectator, ſiricis Papa probatus. 338	Salium fixorum volatiliſatio. 318
Runarum in Anglia olim uſus. 194	Saltationum diverſa genera cha- racteribus delineari capta. 119
in Septentrione interitus 123	Salus unice per Chriſtum obtinen- da. 79. ſeq.
Runica litteratura exculta. 104	Samaritarum hodierni Pentateu- chi ſumma antiquitas. 499
Rysvicenſis Pacificationis Artic- lus illuſtratus. 30	Sancti num colendi? 178. 180
S Abæorum antiquitas incerta. 306	Sanctis qualis cultus præſtari in Eccleſia Romana ſoleat, illu- ſtri exemplo oſenſum. 175 ſq.
De Sabbathi moralitate diſſenſio inter Theologos Proteſtantes. 277-281	Sanguinis motus ad venas ut fiat? 143
Sacerdotum apud Egyptios or- dines. 540	Sanitati Dea quis cultus apud Gentiles exhibitus? 154
	Sarcophagus marmoreus Probi Anicii in templo Vaticano illu- ſtratus. 202
	Saturni motuum correctio. 445
	Jovis & Mercurii luminis comparatio. 445
	Saxoniz Ducum lineæ Erneſtinae Jo. Friderici, Jo. Caſimiri, Jo. Erneſti etc. Numiſmata. 302
	Alien- burgen-

<i>burgensis & Vinariensis contro-</i>	<i>Matth. III. 9.</i>	-	-	486
<i>versia de Præcedentia.</i>	<i>XI. 19.</i>	-	-	487
<i>Saxonica lingua veteris in Anglia</i>	<i>XXVII. 52. 53.</i>	-	-	489
<i>tres epochæ ac dialecti.</i>	<i>Marc. III. 21.</i>	-	-	76
<i>Saxonicum Nummophylacium.</i>	<i>Act. VII. 14.</i>	-	-	65. 66
	<i>Rom. III. 25.</i>	-	-	228 487
<i>Sceptrum a Judeis quando pri-</i>	<i>1. Cor. V. 5.</i>	-	-	131
<i>imum ablatum, juxta Genes.</i>	<i>2. Thessal. II. 3. sqq.</i>	-	-	94
<i>XLIX. 10. ?</i>	<i>1. Job. IV. 3.</i>	-	-	93
<i>Schelstratenus notatus.</i>	<i>V. 16. 17.</i>	-	-	488
<i>Schismatis in Ecclesia Romana</i>	<i>Hebr. I. 10. 11.</i>	-	-	234
<i>morte Gregorii XI oborti Histo-</i>	<i>III. 1.</i>	-	-	488
<i>ria.</i>	<i>VI. 4. 5. 6.</i>	-	-	489
<i>Schlichtingius (Jonas) refutatus.</i>	<i>VII. 22.</i>	-	-	228
	<i>Scriværii (Petri) in Juvenalem no-</i>	-	-	521
<i>Schynvoet (Simonis) studium in</i>	<i>ta manuscripta.</i>	-	-	521
<i>adornando Rumphii Museo</i>	<i>Scythæ Monachi unum ex Trini-</i>	-	-	347
<i>Amboinico.</i>	<i>tate passum in carne dicentes</i>	-	-	347
<i>Scripturæ S. loca illustrata</i>	<i>defensi.</i>	-	-	347
<i>Gen. IV. 6.</i>	<i>Secantium arcus ex aliis compo-</i>	-	-	483
<i>V. 32.</i>	<i>siti, formula generalis.</i>	-	-	261. sq.
<i>XV. 5.</i>	<i>Secretio qui fiat ?</i>	-	-	309
<i>XVII. 5. 15.</i>	<i>Seldenus (Joannes) notatus.</i>	-	-	108
<i>XLVI. 26. 27.</i>	<i>Semen ipsum uterum ingreditur.</i>	-	-	147
<i>XLIX. 16.</i>	<i>Seminis non substantia crassa, sed</i>	-	-	527
<i>Deuter. X. 22.</i>	<i>sola spiritus ad ovulum pe-</i>	-	-	288
<i>XXIII. 3.</i>	<i>netrat.</i>	-	-	288
<i>Jos. XII. 15.</i>	<i>Sensibus quando fidendum ?</i>	-	-	97
<i>Job. XL. 12.</i>	<i>Septentrionalis literaturæ anti-</i>	-	-	486
<i>Psal. LXX. 10.</i>	<i>qua Thesaurus</i>	-	-	105. sq. 198
<i>Eccles. VII. 16.</i>	<i>Septentrionalium linguarum</i>	-	-	94
<i>Esa. VII. 14.</i>	<i>veterum utilitas demonstrata.</i>	-	-	94
<i>VIII. 20.</i>	<i>Septuagintaviralis S. S. Biblio-</i>	-	-	94
<i>Dan. II. 44.</i>	<i>rum</i>	-	-	
<i>VII. 3. sqq.</i>		-	-	
<i>IX. 24.</i>		-	-	

NOTABILIORUM.

587

<i>rum Versionis calculorum in-</i> <i>constantia.</i>	509. sq.	<i>macularum Solarium observa-</i> <i>tionibus confirmatus.</i>	320
Sergius II. Rom. Pont. num Os		Solis longitudo ascensioni recta	
porci antea dictus?	438	ubi equalis?	444
Seriei infinita terminorum pro-		Solimanni II Imperatoris Tarcici	
portionalium quantitas.	152	Vita.	206
Serofitas nimia ut corrigenda?	7	Sorborum anatome.	161
Serpens in paradiso qualis?	36	Spanhemii (Ezechielis) Elogium.	
Servi Servorum titulus a Roma-			113
nis Pontificibus usurpatus.	390	Spatia infinite longa quando fi-	
Serum sanguinis pseudo-mem-		niti quantitatem adaequent?	
branas conficit.	146		152
Siberi (Adami) carmina in hono-		Specularium corporum lumen	
rem B. Lutheri & Melanch-		triplex, refractivum, reflexi-	
thonis.	333	vum & quaquaversum diffu-	
Sigonius notatus.	311. 436	sum, hujusque experimentum.	
Silesia Togata, Rectorum Elogia			63
complectens.	350	Sphaera & partium ejus motus.	
Sinus laterales simpliciores sunt			312
longitudinali.	219	Spina ventosa quid?	58
longitudinalis glandula.		Spinosa refutatus.	547. 548
	265	Spiralis Logarithmica insignes	
falciformis desideratur		proprietates.	44
in Castore.	440	Spiralium linearum ad summum	
Sociniani, meritum Christi negan-		fastigium evectio.	442
tes, refutati.	79. 81	Stannum tormentis minime ido-	
Solaris luminis radii natura di-		nea materia.	452
verse.	60. sq.	Stapetis membranula arteriis	
color candidus un-		confita.	146
de componatur?	62	Stella marina Rondeletii, bodier-	
Solares maculae imminutione non		nis Caput Medusa.	51
quantitatis, sed obscuritate dis-		Stephanus Protomartyr, cum	
parent.	320	Mose conciliatus, circa famili-	
Solis radiorum reflexibilitas &		am Jacobi, quae cum eo in Æ-	
refrangibilitas diversa.	61	gyptum descendit.	64
motus vertiginis quantus,		Stoici num resurrectionem statue-	
		rint?	

D d d d

- rint? 407
 Stuartorum, Scotia Regum, stir-
 pis legitima origo asserta. 363
 Sturmii notatus. 153
 Submersi moriuntur sine pota a-
 qua. 168
 Suburra vicus urbis Romæ. 282
 Succinum terrestre quale? 54. 55
 Suecica antiqua numismata illu-
 strata. 120. sq.
 Suenonis, cognomine furcatae bar-
 ba, Regis Daniae nummus illu-
 stratus. 122
 Sueones, seu Suedi, olim Suevi
 quoque ut & Sitba seu Scythæ
 dicti. 120. 121
 Suidæ Lexici variae editiones. 1. 4
 editio Küsteriana. 2
 laudata. 2
 De Suidæ Lexico iudicium. 4
 Suidas emendatus. 2. sq.
 Sulphurearum particularum a-
 bundantia in corpore ut corri-
 genda. 7
 Sulphuris communis analysis
 Chymica. 367. sq. 442
 Sunna Mahomedanis idem, quod
 Mischna Judæis. 164
 Surdo ut auditus restitutus fuerit?
 366
 Sylvestres fructus num ad sylva
 dominum, an ad eum, qui in
 ea venandi & forestæ jure
 gaudet, spectent? 532
 Synedriorum apud Aegyptios
 qua olim ratio? 540
 Synesius, licet heterodoxus, cur
 Episcopatus adnotus? 340
TAbulae Dni. de La Hire ob-
 servationibus astronomicis
 probata. 320
 Tachardi (Guidonis) Lexicon La-
 tino-Gallicum notatum. 137
 De Taciti editione Ryckiana ju-
 dicio. 113
 Tacitus illustratus. 103
 cum Josepho conciliatus. 112
 Tangentium inveniendarum
 methodus generalis. 150
 arcus ex aliis com-
 positi, formula generalis. 361.
 seq.
 Termini infiniti quando finiti
 quantitatem adequent? 152
 Terminorum Geometrice propor-
 tionalium aggregata. 151
 Terræ motuum Theoria nova. 365
 Testamenti Novi Fidelium pra
 Fidelibus Veteris prerogativa. 113
 Veteris patres num
 promissionibus spiritualibus fue-
 rint destituti? 228
 Novi Canon assertus. 502
 Thebæorum Legionis Martyri-
 um explosum. 308
 Theotisca versio Harmonia Ev-
 angelica. 327
 Thermometrum novum. 315. 366
 Thomas a Kempis num auctor
 libri

NOTABILIORUM.

589


<i>libri de Imitatione Christi?</i>	299. sq.	1563, in bulla vero Pii IV. d. 26. Jan. an. 1563. finita dicatur?	
<i>In Thorace ventriculus, lien & hepar reperta.</i>	171	Triglandi (Jacobi) Vita.	426
<i>Thrimsa quod olim moneta genus apud Anglos?</i>	199	Trigonometria plana & spherica demonstrata, problematibusque instructa.	489
<i>Thuani Elogia denuo in linguam Gallicam vertenda & amplificanda.</i>	208	Trinitatis mysterium num in Novo Testamento demum innotuerit?	322
<i>Titulorum nomine cur sacra ades affecta.</i>	129	Trophimus Arelatensis in seculum tertium reiectus.	228
<i>Tonitru pulveris pyrii species est.</i>	316	Tutores immobilium possessores num a satisfactione liberentur?	78
<i>Tormentis stannum minime idonea materia.</i>	452	V alentinianus num duas simul uxores habuerit?	116
<i>Tormentorum ornatus non necessarius.</i>	452	Valesius notatus.	242
<i>materia homogenea optima.</i>	452	Vandalicum Glossarium a Job. Philippo Palchenio promissum.	346
<i>condiciones & tractatio.</i>	453	Vapores aeris vibrationes pendulorum variant.	329
<i>calibra major esse debet diametro globi.</i>	453	Vassallus unde dictus?	371
<i>Tractoriam quadratum hyperbole.</i>	150	Vaticani Templi Romae dignitas & veneratio.	104
<i>Tractus luminis a Sole ortivo & occiduo procedens ad Horizontem perpendicularis observatus</i>	320	Vau conversivum Ebraeorum quid proprie?	202
<i>luminis in Ceto & Eridano observatus pro cauda Cometae habitus.</i>	319	Venarum pulsus in palpitatione cordis.	404
<i>De Traun Comitibus Ottonis Honorii vita.</i>	491	Ventriculus, lien & hepar in thorace reperta.	441
<i>Tridentinum Concilium cur in Aetis Concilii d. 4. Dec. anni</i>		Vesica urinaria supra os pubis feliciter in ischuria perforari potest.	171
		Vestimenta & calcei Israelitarum	266

590 INDEX RERUM NOTABILIORUM.

<i>in deserto non detriti.</i>	485	<i>de orta?</i>	309
Ughellus notatus.	325	Uteri in gravida Anatome.	147
Vieussenius notatus.	148	post coitum conspectus.	147
Vita hominis triplex.	518	W Agenseilii (Jo. Christophori)	
Vitæ longævitæ ut acquirenda?	518	Vita & Obitus.	45
diuturnitatis primæ & ho-		Wenceslaus Imperator aliquan-	
diernæ causæ.	518	diu in castro Wildpergensis a	
Vitri colorum rationes.	62. sq.	fratribus Stabrenbergiis deten-	
Vitrum pro observandis Eclipsi-		tus.	187
bus utile quomodo aptandum		X Enodochium pro eruditiss	
tuboque applicandum?	268	pauperibus Roma a Jo. Ci-	
Unda luminis Hugeniana quo-		ampino conditum.	68
modo construenda?	261	Ximenius Cardinalis comparatus	
Ungues adonati.	53	cum Cardinali Richelieu.	85
Urachus in fœtu humano uri-		L Y Quetaia est scrophularia	
nam ad allantoidem deponit.	265	aquatica magna.	266
Urina per umbilicum reddita.	265	Z Inzendorffiorum Comitum	
De S. Ursulæ & undecies mille		antiqua in Austria sedes.	188
virginum martyrio fabula un-		Zosimi Romani Pontificis incon-	
		stantia in causa Pelagiana.	341
		Zosimus vindicatus.	337

ERRATA.

Pag. 151. l. 22 post *proportionalium*, lege *aquemultorum*. P. 270.
 l. 3. pro *sustendere* lege *subtendere*. P. 290. l. 29. pro
schismati lege *schisma*. P. 426. l. 1. deleatur *a*. P. 496.
 l. 21, post *nempe jam*, lege, *vergente seculo decimo sexto*.



ACTA ERUDITORUM

ANNO
MDCCVII

publicata.

*Cum S. Cæsareæ & Regiæ Poloniæ
Majestatum Privilegiis.*

L I P S I Æ,

Prostant apud JOH. GROSSII Hæredes,

JOH. FRID. GLEDITSCH,

&

FRID. GROSCHUF.

Typis JOH. SAMUELIS FLEISCHERI.

A. M. DCC VII.

N. I.

ACTA ERUDITORUM,

publicata Lipsiæ

Calendis Januarii Anni MDCCVII.

JULII POLLUCIS ONOMASTICUM,
*Græce & Latine ex variis Codd. MSS. emendatum, sup-
pletum & illustratum, cum notis W. SEBERI, commenta-
riis itidem GOTHOFRI JUNGGERMANNI & JOACH.
KUHNII; quæ omnia contulere, & ex aliis codicibus V. L.
notasque item suas adjecere, septem prioribus libris JOH.
HENR. LEDERLINUS, post eum reliquis
TIBERIUS HEMSTERHUIS.*

Tomii duo.

Amstelod. ex offic. Wetsteniana, 1706. fol.

Constat Intus Tomus Alph. 8. Idus Alph. 9.

Splendidissimum opus, magno apparatu adornatum, produ-
cimus, de quo ipsa tamen potius res quam verba nostra lo-
quantur. Nempe in *Julii Pollucis Onomastico*, post Venetam
editionem anni 1502, Florentinam Juntæ anni 1520, & Basileen-
sem Grynei anni 1536, primus quod sit operæ precium fecit,
Wolfgangus Seberus, qui textui Græco, cum interpretatione La-
tina Rudolphi Gualtheri, Francofurti anno 1608 edito, eruditas
notas adjecit. Veruntamen omni, Viri optimi diligentia & stu-
dio effici non potuit, ut non multis partibus luxatus, mancus
atque ægrotus Pollux relinqueretur. Quamobrem nequic-
quam obstante Seberiana editione, sub idem tempus ab institu-
to suo de Polluci medela afferenda non destitit charissimum,
eruditissimum nomen, Gothofredus Jungermannus, qui Palatino in pri-
mis usus codice, & Labbeano ex parte, qua erat ingenii felicitate,
A
lingu-

singularem plane huic auctori operam præstitit. At invidie ejus labores publicæ luci præmatura Viri doctissimi mors, quæ factum, ut integro fere seculo eis cum blattis & tineis fuerit luctandum. Neque Clarissimo *Kuhnio*, novo post illum *Atlantem Herculi*, tam felici esse licuit, ut postquam succedere in has partes, suasu atque instinctu celeberrimi *Wetstenii*, animo destinasset, *Jungermannianis* schedis potiri posset. Nihilominus tamen ille ingenii viribus pariter ac egregiis, a *Wetstenio* maximam partem procuratis, subsidiis nixus, opus aggressus est. Suppeditaverat nempe ei Bibliotheca Patrum Soc. J. Antverpiensis chartaceum *Demetrii Chalcondylæ* codicem: Bibliotheca *Is. Vossii* autem lectiones egregii illius codicis, quem *Illustri Spanhemio* in observationibus ad *Juliani Cæsares* p. 317 tantopere commendatum meminimus. Atque istis primum instructus opibus, tantum specimen suarum ad *Pollucem* observationum, ante annos aliquam multos, egregium sane, & quod salivam omnibus eruditis moveret, in lucem protulit. *Salmasianas* inde lectiones, collationesque cum MSS, Palatinis maxime & *Pithœano*, imo & observationes nactus est: *Henrici* item *Valesii* observationes & emendationes. Quibus adjutus textum Græcum restituit, ex Græcis veteribus allegata correxit, notulis emendationum fundamenta indicavit, conjecturas ex ingenio proposuit, confirmavit, Latinam versionem passim emendavit, ut spes jam esset propediem si non integrum plane, multo magis certe quam antea sanum *Pollucem* in lucem proditurum esse. Sed nescio quo fato *Pollucis*, altera vice mors, quæ oppressit inopina *Cl. Kuhnium*, denuo spes conceptas suspendit & distulit. Non abiecit tamen, qua est in litteras juvenandas immota constantia, animum *Cl. Wetstenius*. Sed illustri *Obrechtio* conciliatore, *Kuhnii* discipulum, *Cl. Lederlinum*, Orientales litteras in Academia *Argentinenſi* hodie cum laude, publica auctoritate, docentem, operis nactus promotorem, quæ semel coepit, strenue ire perrexit. Poritus autem interea fuerat *Wetstenius Jungermannii* commentario, Sebero ab eo testamento olim legato, tum vero *Altorffi* apud sutorem latitante, cui pro quatuor imperialium summula fuerat oppigneratus. Apud eum
reper-

reperit Vir Illustris J. C. *Artopæus*, Sereniss. Ducis Saxo - Cizensis hodie Cancellarius, ad Obrechtum miserat, hic Wetstenio concesserat describendum, cujus cura totus novæ huic editioni insertus fuit a Lederlino. Eidem uti licuit codice, quem Falkenburgianum ille cum Cl. Grævio credidit, quamvis ejus esse, in dubium vocet Hemsterhusius, manum aliam esse existimans. Ceterum eum ille in adornanda hac editione ordinem jam fuit secutus, ut integris Seberi, Jungermanni & Kuhnii subjectis notis, quid in textu Pollucis a Kuhnio correctum atque additum, aut etiam resectum fuisset, diligenter moneret, inde ex codice Falkenburgiano varias lectiones & emendationes adderet, ut & Canteri in quas inciderat restitutiones, paucula ipse quoque ex ingenio quandoque adjiceret. Quo quidem ordine ad Libri VII caput usque XXVII cum opus istud produxisset, ad Professoris munus in Academia patria evocatus, lampadem Cl. Hemsterhusio, Philosophiæ & Matheseos in illustri Athenæo Amstelodamensi hodie Professore, tradidit. Ille, ea accepta, eodem modo ad finem usque opus illud pertexuit, nisi quod paulo plura de suo addiderit, ex nummis quoque, a celeberrimo Wildio maximam partem suppeditatis, librum inprimis nonum illustraverit. Quibus tamen sibi ipsi, uti videtur, vix satisfaciens, majores in Pollucem Commentarios minatur. Ceterum textus in distinctiones minores apte divisus, & legendi, & allegandi facilitatem præbet, indicesque accuratissime sunt confecti, ut nihil facile quærentis industriam fugere possit. Ille denique chartæ est & typorum nitor, ea adhibita in emendate typis omnibus exscribendis cura, ut commendatissima omnibus non esse non possit splendida illa Onomastici Pollucis Sophistæ editio.

In Præfationibus de Polluce nonnulla ejusque rebus observarunt Kuhnii, & diligenter inprimis Hemsterhusius, qui ex instituto, quæ ad vitam ejus, gesta & scripta pertinent, recenset. Patriam Naucratin in Ægypto fuisse Philostrato, Suidæ, & Tzetæ omnino assentiuntur. Ad Suidæ autem quod attinet verba *τινὲς δὲ Ἀρδαέννας γράφουσι σοφιστὴν παῖδας*, (in quibus nullum *jocum* aut *salem* animadvertens Cl. Suidæ restaurator, post Pearsonum *παιδαυτες* rescripserat,) de iis ea est Kuhnii sententia,

tia, scomma adversariorum illud fuisse, quo Pollucem *Arduenna Sophistam* dicerent, mordentes eum quasi ex cultioribus gentibus discipulum nancisci posset nullum, sed sectatores tantum haberet ex iis, quæ humanitatis & culturæ haberent parum, quales essent quæ circa Arduennam, horridam Galliæ sylvam, habitarent, inter quos *μη εἰδότες ἐν μη εἰδόσι* eminere fuerit facile. Suidam vero hoc male accepisse, & ex *Arduenna* nescio quam urbem Phœniciæ exsculpisse, quam Polluci patriam non nullos tribuisse dicat. Eoque etiam refert Luciani istud, quo in Lexiphane *κέλτιον μέλημα* (sic enim emendat pro *κλητίς μ.*) *puerum qui maxima sibi cura sit ex Gallia* ad Pollucis Scholam adducere non nemo fingitur. Priorem ex his conjecturis non improbat Cl. Hemsterhusius, firmatq; aliis hujusmodi nominibus per jocum Sophistis adscriptis, inter quæ *ἐπιθύρῃ* refert cognomen Secundo tributum: at pro illo *ἐπιθύρῃ* certissime legendum erat, ut Salmasio ad Sol. p. 775 & Bocharto in Geogr. S. P. I. p. 647. jam pridem monitum. Posteriolem de loco Luciani conjecturam & emendationem, qua ea nititur, plane rejicit, in allegato Luciani loco *κλυτίς μέλημα* cum Grævio potius legendum ducens. De Parente Pollucis agens, quem *κριτικὸς λόγος εἰδόμενος* Philostratus dicit, optime monet *κριτικὸς λόγος* nihil aliud esse, quam ipsam *κριτικὴν*, certe enim *σοφιστικοὶ λόγοι* in immediate sequentibus, sunt ipsa *σοφιστικὴ*. Solebantque *κριτικὴν* exercere Sophistæ, ne vocibus parum Atticis, vel parum rebus accommodatis uterentur. Nec erat proinde, cur hæsitaret vir doctissimus, locumque forte esse posse putaret ineptæ Bonfinii & Morelli versioni, qui *κριτικὸς λόγος controversias forenses* interpretati fuerunt. Scrupulum omnem eximere poterat, quod idem Philostratus narrat, *κριτικὸς τῶν λόγων* Herodem exercuisse apud *Μουνάτιον*: Qui Munatius plane Rhetor non fuit, sed *κριτικὸς*, quo nomine diserte appellatur ab eodem Philostrato in vita Polemonis. Nam quod ibi *κρητικὸς* legitur in editis, unde *Cretensem* eum esse somniarunt interpretes, errore sit manifesto, cum *Tralles* patriam Munatium habere paulo post eodem loco diser-

p. 562.

p. 537.

diserte indicetur. Dum de munere agit Pollucis, cui ut satisfaceret, duas quotidie orationes habuit, ut ipse narrat præf. lib. VIII. τὸν μὲν ἐκ τῆς θρόνου τὸν δὲ ὀρθοστάθην, alteram in cathedra sedens sophistica, alteram stans, Cresollium castigat, qui L. III. Theatri Rhet. c. 13. verba Philostrati in Scopeliano, quibus ille ἀπὸ τῆς θρόνου ξὺν ἀβρότῃ, ὅτε δὲ ὀρθὸς διελέγετο ξὺν ἐπιστροφῇ declamasse dicitur, de una eademque oratione accepit. Nempe aliter se rem habere ipse putat, & plane diversa illa declamationum genera, quæ ἀπὸ τῆς θρόνου, & quæ ὀρθοστάθην fierent, existimat. At saltem non semper ita se rem habuisse, rursus docere poterat Philostratus, qui de Polemone Herodem narrasse refert, ἀναπηδῆσαι τῆς θρόνου περὶ τὰς ἀκμὰς τῶν ὑποθέσεων, τοσῶτον αὐτῷ περιεῖναι ὁρμῆς, h. e. tantum Polemoni fervoris fuisse, ut ea parte argumenti tractandi, quæ τὸ παθητικὸν inprimis admitteret, ex cathedra, in qua sedens orabat, exiluerit. Quem locum ob oculos habuisse Cresollium, ipsa illa verba mihi prodere videntur, quæ castiganda sumit Hemsterhusius: sic enim ille: Porro Sophistæ vulgo declamabant sedentes, nisi forte in graviore quadam amplificatione (sic ille vertebat ἀκμὰς τῶν ὑποθέσεων) exurgerent. Athenodorum, Pollucis æmulum dum fuisse refert, ex Philostrato recte contra Morellum tueretur vocem ἐπικόπτειν, quam in ἐπισκώπτειν pessime ille mutabat. Defendi poterat vera lectio ex ipso Philostrato in proœmio Vitæ Sophistarum præmissa, ibi enim eodem plane sensu vox ἐπικόπτειν occurrit. At reliqua in loco Philostrati de Athenodoro, an satis feliciter sollicitaverit Vir Clarissimus, dubitamus. Nempe pro ἐπέκοπεν αὐτὸν ταῖς διαλέξεσι ὡς μεираκιώδῃ, λέγων Ταντάλα κῆποι, quorum verborum in proclivis est sensus: nempe Athenodorum in lectionibus suis (hoc enim sunt διαλέξεις, a μελέταις passim ipsi Philostrato distinctæ) perstrinxisse Pollucem, dicentem Tantalum hortis eum similem esse. Ut non fuerit, cur vir doctus rescribi mallet vel: ἐπέκοπεν αὐτῶν τὰς διαλέξεις ὡς μεираκιώδεις, vel: ἐπέκοπεν αὐτὸν ὡς μεираκιώδῃ ταῖς διαλέξεσι. Scilicet fraudi illi fuit, quod non ani-

P. 537-

P. 488-

madverteret διαλέξεις non *declamationes*, sed *lectiones*, & quidem non Pollucis, sed Athenodori notare, qui suis scilicet διαλέξεσι, apud discipulos, ut facere quandoque solent in lectionibus suis artium professores, Pollucem perstringebat. Diligens autem inprimis Hemsterhusius in eo est, ut ostendat Luciani sales, quorum in Lexiphane & Rhetorum præceptore adeo fuit prodigus, ad Pollucem, ut creditum fuit plerisque, minime pertinere. Argumenta, quibus Lexiphanem nihil ad Pollucem pertinere contendit, sunt ista. I Vocabula obsoleta, quæ ad risum in eo dialogo Luciani prostituuntur, in Pollucis onomastico non reperiri omnia. II Perpetuum quoddam scriptum non onomasticon eo perstringi, quibusdam locis fieri manifestum: nempe διανοιῶν τοῖς ῥήμασι κατακεκασµημένων meminit Lucianus, quibus nullus in Lexico locus. Lexiphanes item in dialogo hæc proferens sistitur ἀντισυμποσιάζων τὸν Ἀρίστωνος, unde verosimile sit, Symposium ad imitationem Platonis scripsisse eum, quem perstringit Lucianus. III Autori, qui a Luciano perstringitur, voces exprobrari ab ipso confictas, nullas autem a se confictas voces Pollucem in onomastico exhibere. Nec *Rhetorum præceptore* Pollucem a Luciano peti putat. Quod primum evincit eo, quod non facile probari possit Pollucis patrem fuisse Ἀφανῆ καὶ Ἐκαθαῖως ἐλεύθερον, matrem ἀκέστριαν ἐπαφρόδιτον, quales parentes Rhetoris, quem perstringat Lucianus. At nec quomodo id negari possit video, nemine veterum illustre ei genus tribuente. Præterea Satyram de ejusmodi rebus liberalius loqui, satis nos docent ea, quæ Æschini de genere objecit Demosthenes. Porro vitam profligatissimam tribuere Rhetori suo Lucianum, quam si Polluci esse novisset Marcus Imperator, filio Commodi fuisse daturum præceptorem, haut esse probabile. At notum magna quandoque latere diu flagitia: multa etiam viris innocentibus ab hominibus, qualis Lucianus fuit, impudenter affingi. Denique ex ipsis verbis Dialogi, quibus cum maxime Græculus, primus sententiæ, quæ hic impugnatur, autor, Pollucem a Luciano tangi contendit, contrarium suadere. En ea: πρῶτον μὲν ἔκτετι ποσεινὸς ὀνομάζομαι, ἀλλ' ἤδη τῆς Διὸς καὶ Λήδας παῖσιν

παισὶν ὁμώνυμος γεγένηται. Nempe ex his rectius cum Palmerio colligi putat, *Dioscuri* vel *Diocurida* nomen fuisse ei, qui hic perstringitur, quam *Pollucis*, non enim alterum ex Jovis & Leda filijs hic, sed utrosque significari: id vero etiam argumentum an non frequente adeo numeri enallage admissa eludi possit, doctiorum esto judicium.

Verum satis de istis. Quantum ad notas attinet, fieri non potuit, ut cum integri virorum doctorum exhibeantur Commentarii, multa identidem non repetantur. Sed istarum repetitionum tadium compensat, quod plerumque tamen se suppleant mutuo atque perficiant, quæ viri docti observarunt. Sic ut unicum exemplum adducam Lib. IX. c. VI. Sect. 27. Ἰπποκράτης παρακαταθήκη allegabatur, & ex ea Jambij quidam recitabantur. Ubi Jungermannus sola conjectura ductus Σωσιπράτης rescribit, pro Ἰπποκράτης, cujus nomine παρακαταθήκη allegata antea quoque fuerat a Polluce, prout quidem MSS. ejus textum repræsentabant L. IV. f. 173. Ipsos Jambos vero alij docto viro Jungermannus restituendos reliquit. Kuhnius Σωσιπράτης in margine codicis Vossiani quoque adscriptum observat, itidemque ad Pollucis locum L. IV. f. 174. provocat. Ceterum Jambos ex illo autore allegatos ita restituit:

Ὅταν γὰρ, οἶμαι, λευκὸς ἄνθρωπος, παχὺς,

Ἀργός, τὸ τρυφᾶν εἰδὼς, λάβῃ δίκελαν

Πεντασάτηρον, γίγνεται τὸ πνεῦμ' ἄνω.

Sensum esse ait, hominem delitiis innutritum, non esse ferendis laboribus: opus enim facientem ligone quinquelibri, spiritum cum crebro anhelitu in summo pectore reciprocare. Eamque in rem locum Platonis Polit. VIII. allegat, qui divitem τρυφερὸν in periculis ἄσθματος dicat καὶ ἀπορίας μετ' ὄν. Præterea ille Obrechtum tamen in secundo versu εἰδὼς τρυφᾶν male observat: Ad explicandum autem τὸ λευκὸς ἄ. ex Damasceni excerptis Peiresc. exemplum Parsondæ advocare, qui ex militæ strenuo γυναικῶν ἀπαλώτερος καὶ λευκότερος τὴν χροιάν fit factus. Ipse addit locum Excerptorum ex Diodoro, ubi Tyro hoc nomen indepta dicitur, διὰ τὴν λευκότητα καὶ σώματος
μαλα-

μαλακότητα, ut cetera, quæ addit, præteream. Denique Salmasium in Tr. de modo Usurarum *Cratetis* nomen hic reponere pro *Hippocrate* observat, locumque Comici ita repræsentare, ὅταν γὰρ εἶμαι λευκὸς ἄνθρωπος, παχὺς, ἀργός, λάβη δίκελλαν, εἰδὼς ἐν τρυφᾷ πεντασάτηρον: se tamen lectionis, quam proposuerit, nondum pœnitere. Hisce ita succinit Cl. Hemsterhusius: Retinet Hippocratem Scaliger de Re Numm. p. 18. Comicumque eum appellat, quod, quo fiat indicio, se ignorare, ait, neque aliter tamen habere Meursium ad Chalcidii Timæum, qui incertum tamen fateatur, cui hoc opus sit tribuendum. Salmasium decepisse locum Pollucis IV, 173. ubi κράτης παρακαταθήκη legatur, cum Σωσικράτης ibi Manuscripta habeant, quamobrem ægre ferre videtur, a Cl. Lederlino illo loco Σωσικράτης in textum non receptum fuisse. Ipse hoc loco, de quo agimus, Σωσικράτης in textum admisit. Sed mirum *Hippocratem* in versione, quæ, quod in textu est, repræsentare debebat, eum reliquisse. Inde repræsentat Scaligeri restitutionem Jamborum, hujus Poætæ, in secundo tantum & tertio versu a Kuhniana abentem:

ἀργὸς λάβη δίκελλαν, εἰδὼς τρυφᾷ
Πεντασάτηρον, πνέγεται τὸ πνεῦμ' ἄνω.

Ipse tamen postremo frustra hic Jambos quæri putat, proflam nempe censens hujus παρακαταθήκης orationem fuisse, non vorlam, argumentum non Comicum, sed philosophicum. *Soficratis* autem Rhodii διαδοχὰς Diogenem Laertium passim citare: κριτικά, vel ut rectius legatur κρητικά Athenæum allegare, Suidam item & Apostolium: Φιλαδέλφους denique Athenæum, quo opere Philadelphorum historiam sit complexus. Eum & παρακαταθήκης esse autorem. Ceterum λευκὸν ἄνθρωπον esse hominem nitidum qui cuticulam cures, εἰδὼς τρυφᾷ esse ponendum post ἀργός, & eleganter dictum τρυφᾷ εἰδὼς pro deliciis assucto, qui usus verbi εἰδὼς non fugiat Græcæ linguæ elegantis assuetos.

Q. EN.

Q. ENNII FRAGMENTA, AB HIERON. COLUMNA *conquisita, disposita & explicata, nunc novis accessionibus locupletata, accurante FR. HESSELIO.*

*In fine subnectuntur eadem fragmenta, prout a
P. MERULA olim sunt
edita.*

Amstelædami, apud Wetstenios, 1707, in 4to.

Constat Alphab. 2. plag. 18.

HAbuerunt jam superiora duo secula viros ex eruditorum cavea non postremos, qui *Ennii*, poëtarum parentis ingenioque maximi, at, quod hirsuto sordidoque velut palliolo atque in partes fœde discerpto, pro ætatis incuria incederet, ad ima quasi subsellia deturbati, vicem serio dolerent, eundemque orchestrae suæ restitutum impense cuperent. Ludovicum Vivem equidem vix est ut in hunc censum referamus, utpote quem in nuda saltem lacinias Ennianas colligendi voluntate, cujus ipse ad Augustinum de Civit. Dei l. 2. c. 21. indicium dedit, substituisse constat. Felicius longe res successit ambobus Stephanis, Roberto atque Heinricho, quorum diligentia complura carminum Ennii fragmenta, tam historica, quam comica & tragica, tanquam e naufragio servata, brevibusque ceris miniatulis perpolita, inter alias Poëtarum veterum reliquias, Parisiis A. 1564 in lucem prodierunt. Verum & his quoque palmam præripuit Hieronymus Columna, Nobilis Romanus, Vir admirandæ doctrinæ, qui multo spissiore gemmularum ejusmodi farraginem accumulavit, & quod caput rei est, commentariis elegantissimis explicuit, ipse autem operis editioni non superfuit, sed filius Joannes, cui illud inscripserat, quadriennio post ejus decessum A. 1590 Neapoli publico id indulsit. Quod cum nesciret Paulus Merula, homo multæ industriæ atque eruditionis, ad idem forte pensum, nisi quod Annalium Ennii spicilegium, unice institueret, animum adplicuit, neque illud postea abjecit, tum quia varia fragmenta, Columnæ invisa, e codicibus manuscriptis, imprimis vero e vetusto illo bibliothecæ S. Victoris Parisiensis

rificenti, cui titulus: *L. Calpurnii, L. F. Pisonis V. C. de Conimentia veterum Poëtarum ad Trajanum Principem*; conquiſiverat, tum quoniam commentarii ſui folia aliquot imprimi jam fecerat, dictamque editionem Neapolitanam valde raram in Belgio eſſe adverterat, ideoque ſuam Lugduni Batav. A. 1595 in vulgus exire paſſus eſt. Qualia autem ſint Enniana liſana, Lugduni A. 1603 procuſa, quorum ampliffimæ Bodlejanz catalogus mentionem injicit, id quidem compertum minime habemus, harrolari tamen libet, ante recensita hic nova duntaxat forma apparuiſſe. Ita Martinus Antonius Delrio in tragœdiæ Latinæ ſyn-tagmate, quod A. 1593 typis Plantinianis innotuit, tragœdiarum Ennii ſicilimenta, ab aliis coagmentata, cum opinionationibus ſuis denuo publicavit. Nec incongruum porro viſum fuit Petro Scriverio, inter collectanea veterum Tragicorum Lugd. Batav. A. 1620 eadem recentare, ita tamen, ut Voſſii patris caſtigationibus ac notis haud leve pretium illis ſuperadderet. In hac vero iterata editione, quid Clariff. Heſſelius, J.C. & Roterodamensis Athenæi Eloqu. & Hiſtoriarum Profeſſor, egregii præſtiterit, paucis nunc indicandum. Primo nempe integrum Columnæ (cujus elogium e Thuano adducit,) volumen, quæ ipſos Ennii confragoſos verſus, quæ commentarium doctiſſimum ac vitam poëtæ exhibet, recudi curavit, retentis etiam in margine priſtinis paginarum numeris. Tum ante laudatorum Delrii & Voſſii animadverſiones omnes, quin & Gronovii patris, Lipſii, Rutgerſii, Salmaſii, Schefferi, Turnebi, Ulſitii aliorumque emendationes undique conſtipatas uno agmine ſequi jubet. Quare tamen Stephanorum non ſane nullius momenti obſervationeulas hic loci exauctoraverit, non nemo mirari poſſet, niſi iſtam jacturam ſcholiis, quæ neſcio quis eruditorum collectaneis Scriverianis allevit, Celeberr. Almeloveenius autem, pro inſigni humanitate ſua, Noſtro communicavit, quadantenus penſatam dixeris. Hinc index oranium verborum, quotquot in Ennianis occurrunt poëmatibus, Wetſtenii cura confectus annectitur; autorum vero ac rerum elenchi ab alia manu ſunt. Tandem, ne quid deeſſe videatur, Annalium textus, prout Merula cum juxta annorum ſeriem diſpoſuerat, ſeparatim proſtat, omiſſo ta-

men

men illius commentario, quoniam diversissimæ a Columna conjecturæ ibidem proponantur, ceu Autor in præfatione innuit, qui etiam Ennii emendandi consilium sibi adhuc superesse monet. Interea Illustris Grævii, incomparabilis illius eheu! quondam bonarum literarum vindicis, opinionem circa decantatum Poëtæ versum: *O Fides alma apta penneis, & iusjurandum Jovis,* quam is J. Scherpezelio rescripserat, depromit, quod scil. priora verba ita sananda censeat: *O fides albo nupta panno &c.* ut inde Horatius illud: *Albo velata panno,* mutuare potuerit.

GEORGII HENRICI GOETZII, D.
Superintendentis Lubecensis, Meletemata Annæbergensia varii argumenti.

Lubecæ & Lipsiæ, apud Jo. Wiedemeierum, 1707. in 8.
Alph. 3. plag. 4.

INde a primis doctæ suæ juventutis annis Summe Reverendus Götzius delectari visus est brevioribus schediasmatibus de materiis curiosis, & quarum tractatio non ubique habetur obvia, conscribendis & in lucem publicam emittendis; a quo instituto dimoveri nec istis quidem potuit temporibus, quæ officiis sacris primariam operam ut dicaret, ab ipso flagitarunt, unde in numerum illa excreverunt maximum, & si colligenda forent singula, voluminum aliquot grandiorum spatia haud difficulter iisdem implere liceret. Sed dum cætera plurima hinc inde dispersa ab Eruditis, quibus omnino ad palatum sunt, studiose asservantur, Autor de Orbe erudito non minus ac Ecclesia meritissimus exiguam eorundem particulam in fascem hunc collectam dat, qui illa modo meletemata complectitur, quæ Annæbergæ, cum ibidem ante paucos annos Pastoris atque Superintendentis munere dexterrime fungeretur, conscripta sunt. Absolvuntur eadem viginti Dissertationibus, quarum contenta paucis indicare fas est. Primo loco se sistit *Observationum Sacrarum specimen*, editum in memoriam Jubilæi Annæbergæ, VIII. Decembr. Anno M DC XCVII. celebrati, propter elapsam alteram tunc seculum, ex quo illa civitatis jura

atque privilegia obtinuit. Agitur ibidem de *Religione Pontificia* haud præter rem *muliebris* titulo insignienda, quod Mariæ, Annæ, Catharinæ, Margarethæ, fœminisque pluribus aliis Divinum cultum deferat; de *Sixto Senensi*, ejusque, quod sectatus fuerit in *Bibliotheca Sancta*, instituto; de *versionis Vulgate auctoritate* temere jactata; & de *Petersenii Chiliafmo*. Secunda Dissertatio *Centurionem sub cruce Christi*, cujus conversionem Evangelica memorat Historia, considerat. Tertia libri A. 1635. Lugduni sub titulo: *Musci, sive Bibliotheca tam privata, quam publica, constructio, instructio, cura, usus*, a Claudio Clemente editi, recensum instituit, & quædam in illo obvia sub examen revocat. Quarta Salvatoris illud dictum Joh. XIV, 26. quod *extraordinariam Spiritus Sancti missionem* tradit, expendit, atque observationibus Exegetico - Porismatico - Problematicis illustrat. Quinta de *viris claris*, qui *Schmidiorum* nomine innotuere, ac vel libris conscriptis, vel muneribus publicis inclarescentes omnium meruere admirationem, verba facit. Sexta id agit, ut *Commentarios in Sacram Scripturam a Cornelio a Lapide* constructos paulo contempletur accuratius, Eruditorum de illis conferat judicia, & ἐπιχειρίῳ iisdem subjungat, ac breviter istorum Lectores, quo sibi bene consulant, admoneat. Septima ostendit, quam proterve Pontificii *Scripturam Sacram, eamque Canonicam, remota Ecclesiæ auctoritate, ejusdem esse valoris* perhibeant, ac *Fabulas Æsopi vel Titum Livium*. Octava Lutherum absolvit ab impacta ipsi per Pontificios profana censendi libidine, qua *librum Jobi cum Terentii scriptis & Virgilii Æneide* contulerit, & appendicis loco brevem quandam in *Epistolam Judæ* introductionem annexam habet, cui ad latus jungitur Max. Rev. Christiani Lehmanni, Götzii in Ephoria Annæmontana antecessoris, epistola de *Threnis Jeremiæ*. Nona de *Theologis Pseudo-Medicis* agit, & quæstionem: *num Theologo artem Medicam exercere liceat?* in negativam partem definit. Decima *Concionatoribus castrensibus* regulas quasdam practicas præscribit, & quomodo se in militia degentes gerere debeant, ut suo satisfaciant officio, commonstrat. Undecima *Principem Concionatorem seu Concionatores illustres* exhibet. Duodecima *vestibus sacris in-*
admi-

adminiſtratione cœne Dominica uſitatis ex inſtituto patrociniatur. Decima tertia obſervationes Exegetico-practicæ in textum 2. Cor. XII, 20. 21. accumulât. Decima quarta *Imperatores* nonnullos *Romano-Germanicos*, qui *fidem Lutherano-Evangelicam*, morte confirmarunt, introducit. Decima quinta *Lutheraniſmum Divi Bernhardi* adſtruit. Decima ſexta *Principem Hebraice doctum* in fronte gerit, ac de Imperatoribus, Electoribus, Ducibus, aliisque illuſtri loco natis ac Rempublicam adminiſtrantibus, qui Hebrææ linguæ, imo & Arabicæ, reliquarumque Orientalium periti fuerint, inſtruit. Decima ſeptima cum duabus ſequentibus *cultum Abrahami, Joſephi*, item *Patris Chriſti, & Annæ* denique, *Chriſti aviæ* (cujus veneratio & in Miſniam introducta fuerit,) expendit. Vigefima (quæ ſola Lipſiæ jam A. 1689. fuit evulgata,) *Amœnitatum Juris Divini* refert *Eclogam*, in qua de *Lectione Commentariorum Biblicorum, tam Latinorum, quam Germanicorum*, & de *ſalute Caini* diſſeritur. Quæ integro volumini præmittitur epiſtola Dedicatoria ad Celeberrimum *Schmiedium* noſtrum, notiſſimi illius Heidelbergeniſis Eccleſiæ quondam Paſtoris, *Adami Neuſeri, tranſitum ad Turcarum ſacra*, quem alii, & Chriſtophorus imprimis Sandius, in dubium vocarunt, omnino contigſſe idoneis argumentis probat.

Ex tanto ergo rerum diverſiſſimarum adparatu quamplurima, eaque Lectoribus haut ingrata, facile adferri poſſent; ſed cum brevitatſ ratio nobis habenda ſit, ex illa tantum commentatione, quæ *Principem concionatorem* ſeu *concionatores illuſtres* talesque ſiſtit, qui vel Regis Principiſve proſapia orti ſunt, & majores illuſtres honore ac nomine venerantur, vel Regis ac Principis dignitatem tuentur, quædam deliſſe ſufficiat. Induas vero illa ſectiones diſpeſcitur, quarum *prima hiſtorica* eſt, & ex hiſtoria antiquiori juxta ac recentiori, ſacra pariter ac profana, *illuſtrium concionatorum exempla* ſuggerit. Commemorantur ergo hic *Melchizedechus*, cui ſacra littera regiam pariter ac ſacerdotalem dignitatem tribuunt, quam tamen utramque *Davidem* conjunctam habuiſſe, aliis quamvis ſecus ſentientibus, Autor negat, uti nec *Salomoni* concionatoris titulum accurate deſerri poſſe docet, utpote qui proprie dicendo verba ad populum

lum non fecerit; *Jesaias*, eorum saltim iudicio, illustribus concionatoribus annumerandus, qui ipsum regio sanguine cretum fuisse reputant; *Constantinus M.* de quo *Eusebius* memorie prodidit, quod conciones ad populum habuerit; *Imperatores Byzantini*, qui, teste *Valesio*, conciones catecheticas & de rebus sacris habere consueverint, quo de argumento Autor noster, quasdam Fratris sui *D. God. Christ. Götzii*, Viri Consultissimi ac in colligendis hisce Actis egregiam operam navantis, observationes secum communicatas, in medium producit, quas non possumus non hic referre. Observat scilicet V. Cl. inter alios titulos, quos sibi arrogaverit olim Imp. Constantinopolitanus, hunc imprimis eminuisse, ut ἐπιστημονάρχης, i. e. doctrinae ac disciplinae ecclesiasticae Praeses diceretur, pari fere ratione ac fecerit Henricus VIII. R. Angliae, qui post iras cum Pontifice Romano susceptas supremum ecclesiae Anglicanae caput, ad sensu curiae utriusque insigniri voluerit, quem honorem nec Eduardus VI. filius ejus, nec Maria Regina, quantumvis Pontificia, regni sui primordio averfari fuerint. Vim memoratae vocis distinctius explicatam inveniri apud *du Cange* in Glossar. Gr. Barb. v. ἐπιστημονάρχης, ubi quoque ἐπιστημοναρχὴν σοφίαν *Manueli Comneno* adscriptam fuisse referatur. Istud autem ideo factum videri, quod ad Imperatorem non minus atque ad Patriarcham docendi munus olim pertinuerit, eoque intuitu ille, & rubra & prasina cera in signandis diplomatibus usus fuisse, & legatur, ceu adpareat ex *Meursii* Glossario v. κηρόβελον, ubi celeberrimus locus *Balsamonis* adducatur, qui & hic repetitur propterea, quod Imperatoris potestatem circa sacra maxime declarat. Quandoquidem vero Imperator rebus ecclesiasticis summa auctoritate praefuerit, hinc cum saepe contingere posset, ut peregre abesset, Patricium aliquem ejus locum tenuisse additur, qui ὑπεκκλησίαν hac de re adpellatus fuerit, tantaque polluerit auctoritate, ut Patriarchae ipsi par censeretur, proximus quippe ab Imperatore, & licet ob honorem atque reverentiam ipso prior nominatus fuerit Patriarcha & Episcopus, sedisse tamen eum supra Praefectum Praetorii & Episcopos omnes adseritur; quamvis

vis *Cangius* in v. ὑπεκκλησίῳ ita explicet hanc dignitatem, quod eadem præditus vices Imperatoris in silentiis publicis sive confessibus obierit, ejusque nomine oraverit. Sed videri partium studio adductum id fecisse, ut denegaret Imperatoribus omnem in rebus ecclesiasticis potestatem, cum tamen eandem in v. ἐπισημονάρχης ipsis antea adseruerit. Porro Illustrium Concionatorum numero accensentur *Oswaldus R.* Angliæ, *Godescalcus*, Vandalorum Dux, *Arinaldus*, e Marchionum stemmate ortus, *Sigismundus* Imp. *Ernestus*, Saxoniz Dux, & Archiepiscopus Magdeburgensis, *Adolphus II.* & *Georgius IV.* Anhaltini Principes, ac denique *Wilhelmus Ernestus*, Dux Saxo-Vinariensis, hodie adhuc felicissime imperans, qui in ætate tenera A. 1670 antequam rerum potiretur, suggestum adiit, ac præsentē & admirante magna Principum & Nobilium turba fidei suæ confessionem concionando edidit, versum 31. cap. XVI. Act. publice, ita exponens, ut in brevissima accuratissimaque synopsi totius Augustanæ confessionis summam repeteret, placuitque Autori nostro integram concionem commentationi suæ inserere, cujus ceterum posterior pars *Theologica* est, & illam quæstionem: *num princeps clavum Reipublicæ tenens concionatoris officium gerere possit?* ita discutit, ut extra necessitatis casum negativa sententia adprobetur.

LES QUATRE EN UN

i. e.

*HISTORIA EVANGELICA ORDINE NA-
turo representata, sive nova Harmonia quatuor Evange-
listarum, auctore ABRAHAMO COUET
DU VIVIER.*

Hagæ, apud Thomam Johnson, 1706. in 4. ch. aug.

Alph. 2. plag. 8.

Recordabuntur benevoli Lectores, Harmonias Evangelicas complures in hoc Actorum opere fuisse recensitas, in his Bernhardi Lamii, Stephani le Roux, Jo. Clerici, quibus post tot
vete

veteres volvere hoc saxum placuit. At enim cum plerique, augustum hoc institutum ita fuerint exsecuti, ut non desint, quæ desiderari in uno alteroque possint, ac ipse etiam Clericus, cujus diligentiam, ac perspicuitatem Autor noster in Præfatione laudat, eodem tamen iudice non tulerit omne punctum, non minima sane laboris hujusce pars doctissimo Auctori relicta est, quam ille non infelici successu, inter sacras curas, (agit enim Ecclesiæ Ministrum Hagæ Comitum) exantlavit.

Hanc igitur ingressus viam est, ut primo omnium extradubium poneret, nullum Evangelistarum contra temporum ordinem scribere; removendas potius esse causas, quibus induci scriptores unum cum altero commiserint. Inter hanc præcipuam esse, quod, si quæ narrationes Evangelistarum velut parallelæ, aut saltem uno alteroque momento convenientes, occurrerent, statim pro iisdem haberentur, etsi revera diversæ actiones, locis temporibusque distinctis factæ exponerentur. Duplicem v. gr. sanationem socrus Petri, duplicem restitutionem aridæ manus, geminam curationem cæci Hierichuntini, alteram ante ingressum in urbem, post egressum ex ea alteram, narrari, idque rem ipsam loqui. Similiter parabolam de semine binis vicibus a Christo fuisse recitatam, bis etiam Servatorem e templo institores eiecisse. Argumento esse, quod unus idemque Evangelicus scriptor, v. gr. Matthæus, sermones Christi, qui iidem prorsus videantur, diversis temporibus, cap. XII, 39. & cap. XVI, 4. pronunciatos fuisse testetur, quos, si duo Evangelistæ traderent, pro uno procul dubio omnes habuissent. Addit Orationem Dominicam, quam sine dubio Servator bis diversis in locis, in Galilæa nimirum Matth. VI, 9. & Bethaniæ in Judæa Luc. XI, 2. docuit. Noster itaque, sequestrato prorsus hoc præjudicio, non dubitat, idem bis vel ter dici potuisse; actiones etiam distinctas interdum inter se convenire.

Præterea ad loca singularum actionum Christi, quæ *stationes* vocat, omni cura respicit, ratus, hoc se pacto Servatoris cursum eo certius secuturum, si utramque circumstantiam, temporis locique, perpetuo ante oculos haberet. Omnem igitur Christi historiam CXX stationibus complectitur, quarum quævis,

vis, quoties Dominus locum commutavit, terminatur. Hac methodo observata, sequentem in modum Evangelicas narrationes connectit, ut Lucæ caput I. omnes antecedit, addita Joannea præfatione, dehinc Matthæi cap. I. II. & Lucæ II. pari passu ambulent, nec minus Matthæi cap. III. IV. Marc. I. Lucæ III. IV. & Joannis I. II. III. IV. Deinceps æquo gressu incedunt Marci cap. II. Lucæ cap. V. & Joannis cap. V. posthæc Matthæi cap. V. VI. VII. Marci cap. III. Lucæ cap. VI. VII. porro Matthæi cap. VIII. IX. X. Marci IV. V. VI. & Lucæ cap. VIII. IX. Matthæi vero capita XI. XII. XIII. sola progrediuntur, reliquis silentibus. Cum Matthæi capite XIV. concordat Marci cap. VI. altera parte & Joannis cap. VI. VII. Matthæum capite XV. solus Marcus cap. VII. VIII. IX. comitatur. Sed cum Matthæi capite XVII. XVIII. conspirant Marci & Lucæ caput IX. Lucæ autem caput X. comites habet Joannis cap. VIII. IX. X. Solus posthæc incedit Lucas capite XI. XII. XIII. XIV. XV. XVI. XVII. Postea amplissimo consensu consonant Matthæus capite XIX. XX. Marcus cap. X. Lucas cap. XVIII. Joannes cap. XI. Hic vero solus canit capite XII. Hinc *παράλληλως* scribunt Matthæus cap. XIX. XX. Marcus cap. XI. Lucas cap. XIX. ac porro Matthæus cap. XXII. XXIII. Marcus cap. XII. Lucas cap. XX. XXI. & præterea Matthæus cap. XXVI. Marcus cap. XIV. & Lucas cap. XXII. Inde solus Joannes cap. XIII. XIV. XV. XVI. XVII. loquitur. Conveniunt post illa Matthæi caput XXVII. Marci cap. XV. Lucæ cap. XXIII. & Joannis cap. XVIII. XIX. nec minus Matthæi caput XXVIII. Marci cap. XVI. Lucæ cap. XXIV. & Joannis cap. XX. Tandem Joannes solus capite XXI. Historiæ Evangelicæ finem imponit. Atque ita se res *ὡς ἐν πλάτει* habet; accuratior enim facies ex ipso Auctore petenda est.

Ille vero, postquam in Præfatione fundamenta suæ methodi tradidisset, firmassetque argumentis, chorum velut quendam Musicum repræsentat, in quo mox quatuor vocum concentus, mox trium aut duarum observetur, ceteris silentibus, interdum unus, quiete reliquis concessa, cantum continuet. Posthæc figuris æneis Palæstinam, Hierosolyma, templique arcam

repræsentat, atque ad ipsam harmoniam progreditur; quam ita disposuit, ut in quavis statione quatuor columnis parallelis singulorum verba Evangelistarum ad istam stationem pertinentia exhibeat, deinde uno & continuo orationis tractu omnes jungat. Indicibus vero admodum accuratis & Tabula Chronologica hoc opus concludit.

*CORONA AUSTRALIS IN POLO POLONIÆ,
inter tergemina diademata augustissima constellatione re-
fulgens: sive, Sereniss. e stirpe Austriaca Reginarum Polonia
immortales virtutes, Ethicis, Politicis, Historicis observa-
tionibus proposita per ULADISLAUM TURLAT,
Equitem Lituanum, Notarium Castrensem, Palati-
natus Trocensis.*

Vilnæ, typis Academicis Soc. Jesu, 1705. 4.

Alph. 1. plag. 18.

Panegyrici hi Augustissimo Imperatori JOSEPHO dedicati, variisque locis communibus exornati, ab Auctore Litvano stylo magnifico illique nationi solenni conscripti sunt. Celebrantur autem hic Regina Poloniæ, quotquot ex Austriaca familia prodierunt, adhibito ubique coronæ cujusdam schemate. Itaque sub titulo Coronæ Gnossæ, Elisabethæ, Alberti Austriaci, Rom. Imp. filiæ, Casimiri III uxoris virtutes deprædicantur, quæ quatuor Regum parens decessit A. 1505, die 30 Augusti. Inde Elisabethæ, Ferdinandi I Imp. filiæ, Panegyri, quod nuptiis Sigismundi Augusti vix integro biennio gavisa esset, quippe A. 1545, 18 Cal. Jul. anno ætatis decimo octavo extincta, Corona Floreæ titulum imposuit. Sequitur Corona Solis & Lunæ, a Suetonio in Caligula C. 43 memorata, quam Annæ, Sigismundo III nuptæ, Caroli Austriaci filiæ, sorori Ferdinandi II. Imp. tribuit, sexto post nuptias anno mortuæ. Ejus sororem Constantiam, quæ eidem Sigismundo post septennii cœlibatum, annuentibus Clemente VIII & Paulo V, Pontificibus, nupsit, ob constantiam in adversis mariti rebus demonstratam, sub Coronæ Oleaginæ symbolo celebrat, simulque ostendit repentinæ
ejus

ejus morte, quæ in diem 10 Julii anni 1631 incidit, adeo fuisse consternatum Regem, ut & ipse haud multo post e vita excesserit. Uladislai IV uxorem Cæciliam Renatam corona Radiata exornat, & orationes Latinas, quibus ad connubium Regis a Ferdinando III fratre deposcebatur, & arcus triumphalis, per quem in Varsaviensem urbem invehebatur, inscriptiones exhibet, tandemque A. 1544 mense Martio extinctam epitaphiis celebrat. Denique corona Imperiali cingit Eleonoram, Ferdinandi III Imp. filiam, quæ A. 1670 Regi Michaeli Wisniowieccio nupsit, cujus pariter virtutes fusius enarrat. His varia, ut diximus, passim insperguntur, ut de malis mulieribus p. 30, de omnibus, quæ mortem foeminarum Illustrium antecessere p. 48, de liberalitate Principum Austriæ p. 66, de rosa p. 80, de his, qui brevi spatio regnarunt p. 83, de quorundam somno, per aliquot annos aut menses continuato, p. 107, de foeminis, quæ bellis materiam præbuere p. 121, de glebæ adscriptitiorum, quos *Kmetones* Poloni vocant, conditione p. 129, de pædagogis Principum p. 145, eorundemque adulatoribus p. 148, de eclipsi Lunæ, Regnis funesta, p. 156, de constantia quarundam foeminarum p. 177, de etymo & significatione vocabuli *Rokosz* p. 193, de lascivis Principum uxoribus p. 214, de inæqualibus Principum nuptiis p. 227, de inconstantia fortunæ Principum p. 277 & de pietate Principum Austriæ p. 297. Sed hæc de Panegyricis his memorasse sufficiat.

*ACTA CONSISTORIALIA CREATIONIS
Eminentissimorum ac Reverendissimorum S. R. E. Cardinalium
institute a Sanctissimo D. N. CLEMENTE XI.*

*P. M. diebus 17. Maji & 7. Junii Anno Sal. 1706. Accessit eorundem Cardinalium brevis
delineatio.*

Coloniæ, 1707. Constant 4 plag. in 4.

Acta hæc creationis S. R. E. Cardinalium, ex S. Consistorii monumentis descripta, J. Vincentius Gravina, qui inter eruditos Italiæ magno loco est, ad Excellentissimum Virum, Henricum Huyssenium perferri curavit, ut publicis typis in Ger-

mania imprimerentur. Quæ sane eo magis digna sunt, ut oculis omnium exponantur, quo majori admiratione rerum in illis contentarum magnitudo, & exemplorum novitas Lectorum mentes adficit atque percellit. Videas enim hic miram Pontificis M. constantiam, atque in uberrima honorum distributione neglectum sui atque suorum incredibilem, quandoquidem nullis Eminentissimorum Cardinalium precibus expugnari potuit, ut *D. Annibalem Albanum*, germani fratris filium, adolescentem omnibus doctrinis & virtutibus ornatissimum, quem ille jure sibi depoposcerat adjungendum, ad amplissimam dignitatem adsumere dignaretur. Quin cum iterata vice ac validioribus, quam antea, precibus singuli Patrum Pontificem adgrederentur, ut nepotem suum sacra decoraret purpura, ipse propoliti tenax novam hanc oppugnationem fortiter excepit propulsavitque, quinimo vultu commotior dixit, se eorum suffragia exquisivisse pro iis, quos Cardinales creare intendebat, non autem pro iis, quos creare minime intendebat, adeoque omnino ab ejusmodi sibi molesta petitione desisterent. Quibus verbis universos dimisit, ingenti profecto admiratione perfosos, quod Pontificia constantia obnixis iteratisque totius Collegii precibus flecti minime potuisset. Rara quoque ac singularis est, quæ in his actis memoratur *Gabrielis Philippucci*, Signaturæ Justitiæ Votantis, moderatio ac humilitas, qua oblatam sibi a summo Pontifice præcellam Cardinalis dignitatem constanter recusare non dubitavit. Curaverat is quidem, jam ante promotionis diem, per Eminentiss. Cardinalem *Mariscottum* summo Pontifici non obscure indicari animum suum a tantæ dignitatis, quam sibi deferendam audiverat, fulgore refugientem, sed hic Christiana ista & rara Viri humilitate in suscepto consilio potius confirmatus, d. 17. Maji 1706, cum aliis novendecim principibus ac gravissimis viris eundem Purpuratorum numero in convocato istum in finem consistorio adscripsit, in quo tamen postmodum idem *Philippuccius* clarius ac disertius sensus suos Pontifici aperuit supplici libello, per eundem Eminentiss. Cardinalem *Mariscottum* exhibito, quo Cardinalis dignitatem, cujus oneribus ferendis se prorsus imparem agnosceret, recusabat vehementer.

hementer, atque obnixè deprecabatur. Quo factò Pontifex, etsi animum à compellendo invito alienum ostenderet, adferens, se toto Pontificatus sui tempore neminem unquam renuentem ad Episcopale munus suscipiendum coegisse, & cæteroquin expediens ducere, ut præclara hæc Christianæ humilitatis exempla ederentur, noluit tamen hac in re quidquam tunc illico decernere, sed meritissimo Viro longius tempus ad deliberandum in re tam gravi se concedere velle declaravit. Misit itaque postridie *P. Franciscum Mariam Casinum*, ex familia Capucinorum, sacri Palatii Apostolici Concionatorem, pietatis, prudentiæ doctrinæque laudibus insignem, qui, nullo hortationis genere prætermisso, hominem de suscepta sententia revocare, & ad accipiendam Cardinalitiam dignitatem adducere niteretur, eique præterea subsidia exponeret, quibus Pontifex domesticæ illius rei angustiis liberali plane animo subvenire decreverat. Irritus tamen fuit Pontificius conatus. Nam *Philippucci* propositi tenax nullis omnino rationibus flecti potuit; quinimo, ex ejusmodi sibi permolesto successu, eam suscepit animi ægritudinem, ut in admodum gravem ancipitemque corporis morbum delapsus fuerit. Quod ubi rescivit Pontifex, illico misit Illustriss. *D. Jo. Mariam Lancisium*, Medicum intimum Pontificium, qui suo nomine ægrum inviseret, eumque consolari & a suscepto mœrore abducere conaretur. Explorato vero jam satis superque *Philippucci* animo, P. M., ne quid inconsulte decerneret, exquirendum censuit votum complurium Cardinalium, sapientia & rerum usu præstantium, ipsisque negotium serio ac diligenter expendendum commisit. Hi itaque coacta hanc in rem peculiari congregatione, discussoque mature dubio, an *Philippucci* a Pontifice cogendus esset præcepto sanctæ obedientiæ ad Cardinalatum suscipiendum, ejusque insignia gestanda, cæteraque solennia peragenda, tandem unanimi consensu nullam renuenti vim adhibendam esse censuerunt. Interim idem *Philippucci* in proposito usque magis constantior perseverans, ne de fixa deliberataque ejus voluntate recusandi, refutandi ac etiam renunciandi Cardinalatum unquam dubitare contingeret, omnia & singula in supplici antea exhibito libello

contenta confirmavit ampliavitque, ac uberius adhuc & solennius animum suum hac in re declaravit, publico desuper celebrato instrumento, cujus exemplum in Actis subjicitur. Cernens itaque P. M. nullam jam sibi reliquam esse spem siccitatis viri constantiam, vimque renuenti juxta Congregationis sensum adhibendam non esse ducens, tandem ad enixas illius preces exaudiendas benignum animum inclinavit, indicique propterea jussit Fer. II. d. 7. Junii 1706 sacrum consistorium, quo rite coacto præsentibus Eminentissimis Patribus numero XXXVII. renuntiationem *Philippucci* se admittere publice declaravit, eidemque forsan aliquando illud ipsum se dicturum esse addidit, quod B. Gregorius cuidam Sebastiano, qui commissum sibi ab Anastasio Patriarcha Ecclesiæ regimen recusaverat, rescripserit, videlicet: *Sensum ac Sapientiam vestram valde ego libenter amplexus sum, laudavi vehementer & vos felices, me infelicem esse deputavi, qui hoc tempore regimen Ecclesiæ suscipere consensi.* Hinc Pontifex ad probatam Cardinalium consensu sententiam, ac *Philippucci* renuntiationem solenni decreto admisit & comprobavit, ac postremo, ut eximiam suam, ac vere paternam in *Philippucium* charitatem aliquo alio minime respuendo beneficii genere declararet, simulque ejus honestæ sustentationi opportune prospiceret, peracto Consistorio illi attribuit & assignavit annum subsidium mille scutorum monetæ Romanæ, quoad vixerit, ex Cameræ Apostolicæ proventibus persolvendum, quamvis isto beneficio *Philippuccio* haut diu frui licuerit, utpote quem d. 15. Julii 1706. supremum obiisse diem accepimus.

Cæterum, ne ignotum esset, quibus hæc Acta accepta referenda sint, præmisit Typographus iisdem *Gravina* ad *Huyssenium* epistolam, quæ lectores certiores reddit, fore, ut posteriores libri eruditissimi *Gravina* de *Originibus Juris* quorum prior Neapoli primum editus, curate in Germania recusus fuit, propediem, ut ibidem quoque lucem publicam adspiciant, transmittantur. Promittit etiam Cl. Autor addere & *Institutiones Juris* eleganter contextas, & *orationes septem* ad morum & litterarum emendationem ac regimen pertinentes; nempe primam

primam de instauratione studiorum ad Clementem XI. Pont. Max. secundam de Sapientia universa; tertiam de Juris prudentia; quartam pro novis Philosophis; quintam de repetendis fontibus doctrinarum; sextam de recta in jure disputandi ratione; septimam de canone interiori. Quæ singula opuscula, quin Juris pariter atque litterarum elegantiorum cultores avide expectent, non est quod dubitemus. Ne quid denique ad historiam recens creatorum Cardinalium deesset, nonnulla de eorum vita ex idiomate Italico translata in fine horum Actorum adjecta sunt a Typographo, ad quæ ergo lectores remittimus.

Schau-Platz der streitenden, doch unüberwindlichen Christlichen Kirche.

i. e.

THEATRUM MILITANTIS, SED INVINCIBILIS Ecclesie, Auctore DAVIDE NERRETERO.

Norimbergæ, apud W. M. Endterum, 1707. 8.

Constat alph. 3½. & plurimis figg. æn.

Clarissimus Auctor omnes religiones atque hæreses, quæ in universo hoc terrarum orbe unquam extiterunt, delineare in animum induxerat. Quem finem ut eo facilius obtineret, librum Alexandri Rossæi, qui eundem scopum sibi præfixerat, lingua Anglicana conscriptum elegit, eumque non solum in vernaculum nostram vertit, verum etiam multis in locis emendavit, prætereaque multis accessionibus, quæ mo-lem libri Rossæi longe superant, eundem auxit. Jam sex circiter anni elapsi sunt, ex quo primus Tomus hujus operis lucem adspexit, in quo admirandum Judaico-Ethnicum Templum aperitur, eorumque tum verus tum spurius cultus, variaque idololatriæ genera copiose atque erudite exponuntur, quibus omnibus doctissimus Autor luculentam narrationem de origine idololatriæ, nec non de fabulis Poëticis earumque genuina significatione subjungit. Hunc primum Tomum haud ita
multo

multo post alter subsecutus est, in quo Mahummedanz religionis origo, incrementa, sectæ, imperia, varii ritus, ac denique conjecturæ de ejusdem interitu proponuntur. Deinceps totus Alcoranus, juxta optimam Ludovici Marraccii editionem, in Germanica lingua legitur, simulque breviter refutatur. Jam tertius Tomus, quem præ manibus habemus, Historiæ Ecclesiasticæ enarrandæ destinatus est, utpote in quo ad ductum, sectionis septimæ de diversis cultibus Alexandri Rosszi, de Ecclesiæ origine, incrementis, propagatione, impedimentis, persecutionibus, hæresibus, schismatibus eorumque causis fusc ac diligenter disseritur, prætereaque ostenditur, quo pacto schismata, divina annuente gratia, tolli, & Ecclesiæ a se invicem divulsæ absque syncretismo ad veram unionem reduci possint. Totum opus decem quæstionibus absolvitur, in quibus evolvendis Auctor eandem methodum adhibet, qua in antecedentibus etiam Tomis usus fuerat, ut scilicet singulis Anglici Auctoris paragraphis additiones prolixissimas subjiciat. Alius vero ab ipsa Christianismi origine rem arcessit, ita, ut religionis Christianæ veritatem pluribus confirmet, & singula prope modum Veteris Testamenti de Salvatore nostro vaticinia excutiat, omniaque veri Messie *πρωτόματα* Jesu Nazareno competere demonstret. Quo facto doctrinam, cultum & varios ritus primitivæ Ecclesiæ enarrat, & postea causas rimatur, quæ puriorem primitivæ Ecclesiæ Christianismum corruerint, easque non alias fuisse dicit, quam perversam hominum voluntatem, Episcoporum imprimis ambitionem, malitiam Satanz, & tandem iustissimum Dei omnipotentis judicium. Ecclesiam vero post decem persecutiones magis magisque depravatam esse asserit, donec Papatus, cujus historiam ab ejus origine usque ad tempora reformationis nervose & perspicue exponit, erectus fuerit. Quibus absolutis, historiam hæresium & hæresiarcharum, qui Ecclesiam mox ab initio, signo quasi a Simone Mago omnium hæreticorum patriarcha sublato, miris modis turbant, contexit. Ea occasione prolixum de hæresi instituit discursum, & in quo vera ejusdem natura consistat, abunde docet. Ostendit præterea, quemadmodum omni tempore

pore Diabolus ejusque instrumenta hoc vocabulo ad opprimendos bonos abusi fuerint. Sub finem denique de unionē Ecclesiarum, a se invicem dissentientium, disserit, eamque tum possibilem, tum necessariam esse, sibi persuadet; minime tamen per syncretismum, quem pro hæreſi venditare non dubitat, eam in actum deduci posse censet, quin potius per unionem, cum Deo trinuo in Christo, juxta Apostolico-Catholicam fidem, quæ per charitatem erga Deum & omnes homines sit efficax. Hac fini exemplar Christianæ unionis in fide subjungit, in quo omnes partes, quæ ad doctrinam & vitam Christianam necessario requiruntur, ad ductum Catechismi nostri exhibet, quas si modo homines amplectantur, omnes & singulos sine dubio salvari posse contendit.

LE DROIT DE LA NATURE ET DES
GENS, &c.

i. e.

*JUS NATURÆ & GENTIUM, SEU SYSTEMA
Generale Principiorum momenti maximi Moralium, Juris-
prudentiæ & Politicæ, ex Latino B. Baronis de PUFEN-
DORFF traductum, auctore JOH. BARBETRAC.
Cum notis Interpretis, & Præfatione, Introductionem
in universum Opus continente.*

Amstelodami, apud Gerh. Kuyper, 1706. in 4, chartæ augustæ.
Constat Alph. 6. Plag. 8.

Cum pridem communi Eruditorum adsensu adprobatum sit Illustris Pufendorffii Jus Naturæ ac Gentium, suæ quoque genti utilissimam operam præstiturus Cl. Barbeyracius, in Gallicum idioma illud transtulit, pulcherrimisque notis ac præfatione adornavit. In doctissima præfatione quidem potissimum de natura doctrinæ moralis, per quam Ethicam, Jus naturæ & Politicam, sive omne id, quod ad vitæ beatam rationem tenendam scitu factuque necessarium est, intelligit, erudite agit. Hanc simplicissimorum etiam captum non excedere, sed ut
D omni-

§. I.

§. 1.

omnibus æque necessaria sit, ita & omnibus facilem perceptu esse, & ipsorum præceptorum ratione, & maximorum testimonio Philosophorum ostendit. Hanc ut idiotæ etiam clare perspicere queant; ita eam eruditos, quorum subactiora ingenia sint, evidentibus demonstrationibus & mathematica certitudine, imprimis cum principia hic æque clara multoque, quam in aliis disciplinis, pauciora habeantur, sapientissimi *Lockii* iudicium secutus, tradere posse affirmat. Quicquid hic a multis difficultatum in conciliandis diversis Ethicæ præceptis fingatur, vel hominum affectibus ac præjudiciis, vel negligentia tribuendum, qua impediti accurate satis virtutum naturam & officia considerare vel nolint vel nequeant. Hac occasione *Charronis* potissimum, & *Montani* objectionibus scite respondet, omnemque doctrinæ moralis, quam accusant, difficultatem, non tam in ejus principiis, quam applicatione, & circumstantiarum consideratione, latere declarat.

§. 4.

Si vero omnino quædam sint ita difficilia, ut ea mens humana capere non posse videatur, eorum ignorantia vel veniam nos apud Deum habituros, vel remedium tandem, majori ac sinceriori adhibito studio, inventuros, adeoque certam quidem doctrinæ moralis scientiam, quanquam non continuo omnibus numeris partibusque absolutam & perfectam consecuturos ait. Neque diversas, & sæpe contrarias hominum de vitiis ac virtutibus sententias, quicquid hic ogganniant *Pyrrhonii*, ipsius doctrinæ certitudini quicquam derogare; sed illud saltem probare docet, quod homines sæpe vel abutantur, vel non recte utantur ratione sua. Qua occasione, ut controversiam *Cartesii*, *Lockii*, & *Scherlokii* de idearum etiam in moralibus natura docte examinat; ita in justissimas querelas diffunditur, quod in nulla fere disciplina minori opera uti mortales, pravissima voluntatis inclinatione seducti, voluerint, quam in ea, quæ ad ipsos maxime pertinet, deque moribus ac vitæ felicitate agit.

§. 5

§. 6.

Cum enim duo potissimum sint genera hominum, qui præ aliis excolere hanc doctrinam deberent, *publicorum* scilicet religionis interpretum, & *eruditorum universus ordo*; per neutros satis eidem consultum fuisse perhibet. Theologos enim, vates

Vates & Sacerdotes inter *Paganos* plerosque, moralem doctrinam a Religione separasse, & vel aperte turpia de Diis suis tradidisse, vel externam modo honestatis speciem utcunque servasse. *Judeorum* Doctores, post captivitatem Babylonicam, moralem doctrinam corrupisse potius, quam excoluisse: in ritibus externisque ceremoniis observandis totos fuisse, traditionibusque suis ipsa naturalis juris præcepta obliterasse, & a *Servatore* nostro propterea pluribus locis castigatos fuisse, commemorat. Et quanquam ab hoc, ejusque discipulis sanctior morum doctrina restituta esset, non defuisse tamen plures falsos doctores, qui, testantibus Paulo, Petro, Johanne, & aliis, illam additamentis suis turbare auderent. Auctum illud malum fuisse, post *virorum* excessum *Apostolicorum*, a *Patribus*; qui fabularum, allegariarum, vanæ eloquentiæ & paganæ Philosophiæ perverso studio ducti, sanioris Logicæ & Hermeneutices destituti præsidio, ambitione denique, & abstractionibus de variis hæresibus controversiis agitati, doctrinam tam utilem & necessariam vel neglexerint, vel obiter & confuse tradiderint; quin, ut prolixè docet, crassissimos plerique errores admiserint. Inde plures nobis controversiarum quam moralium libros enatos: inde sermones etiam ad plebem habitos, potius polemicam, quam moralem doctrinam sapere: quin hæreseos prope suspectos fieri, qui moralia potius, quam dogmatica tractent. Quare nec a Theologis superioris seculi, sed ab *illustri Grotio* primum doctrinam moralem in justum Systema redactam fuisse: imo felicius fere a Laicis & privatis morum præcepta excolta esse, quatenus illa vel traditione vel suæ usu rationis cognita ipsis fuerint; quanquam & eruditis in omni antiquitate *Philosophis* nonnihil doctrina moralis debeat: quorum tamen sententias non nisi e Græcorum literis cognoscere liceat, unde eas *Marshamus*, & *Stanlejus* potissimum collegerint. *Chaldeorum* quidem dogmata plurimum in Physicis, Astronomicis, Metaphysicis ac Pnevmatologicis versari. Paucula quædam illorum de moribus præcepta superesse, quæ Autor Clarissimus e *Chaldeorum oraculis* breviter repetit: quæque potissimum animi nostri ad superiora illa, unde orti sumus, cogitanda, aulo-

§. 7.

§. 8.

§. 9.

- §. 12. *Χειρίαν* vitandam, & *ἑγυα ἐνοεβείας* exercenda excitationem continent. De *Ægyptiorum* morali doctrina, inprimis cum supposita sint *Mercurii Trismegisti* opera, ipsique symbolis ac hieroglyphicis figuris omnia obscuraverint, pauca etiam nobis constare. Ea, quæ de officiis hominum adversus se invicem tradant, pleraque cum Decalogi præceptis convenire: nisi quod v. g. filios ad nutriendos indigentiores parentes obligarent, filios eo pietatis officio eximerent, utrosque autem majorem patri, quam matri honorem exhibere ideo juberent, quod mater solum scilicet foetui habitaculum ac nutrimentum, dum in hanc lucem ederetur, præbuisset. *Persarum* moralem Philosophiam ut *Chaldaorum* similem, ita subobscuram fuisse perhibet. Ejus autem culturam potissimum e Principum juventutis, nobiliumque puerorum a *Xenophonte* & *Platone* descripta educatione patere. Reliqua e celeberrimi *Hydii historia de Religione Persarum veteri*, & compendio doctrinæ *Zoroastris*, *Sadder* dicto posse intelligi; in quibus scilicet inter optima de moribus præcepta, multa superstitiosa, multa etiam insipida & insulsa sint: quorum nonnulla Cl. Autor noster repetit. *Sinensiam* moralem doctrinam, judice celeberrimo *Leibnitio* in præfatione ad *Novissimam Sinicam*, Europæorum fere omnium sapientiam superare: multaque in *Confucii* libro esse præstantissima, quæ brevibus recensentur ab Autore nostro: quin e parvo libello, quo ille *Regem imperandi artem docet*, plura disci posse, quam ex ingentibus nonnullorum Ecclesiæ Patrum voluminibus. Cæterum prævalere hodie alterius *Philosophi Foe* dicti apud Indos impia præcepta; cujus discipuli exteriori sua doctrina in officio continere populum studeant, interiori autem, magisque recondita, proxime ad *Spinozæ ἀθεότης* accedant. Ad *Græcos*, perlustrato Oriente, pergit Autor, eosque Orientalium discipulos morales doctrinæ præstantia ipsos superasse Magistros perhibet. Prima illorum dogmata, orientalium more, fabulis, ænigmatibus, symbolis, versibus concepta fuisse: quod ex *Hesiodo*, *Æsopo*, *Theognide*, *Homero*, aliisque, Tragicis potissimum Poëtis, appareat: quanquam horum opera multa obscure & corasuse, infraque morales doctrinæ dignitatem sint tradita.
- Septem

Septem Gracie Sapientes, viros rebus agendis, Reipublicæque gubernandæ deditos, brevibus, sed prudentissimis oraculis, a *Laertio* aliisque proditis, suam sapientiam declarasse. *Pythagoram* magis quidem excoluisse morum regendorum prudentiam, sed pleraque sua symbolis numerisque obscurasse: multum tamen autoritate, eloquentia, exemplo profecisse, præstantissimosque legistatores *Zaleucum* & *Charondam* formasse: multis itineribus factis prudentiam auxisse, Dei unitatem, omnium rerum numerosam harmoniam, μετεμψύχωσιν, sapientiæ finem Dei similitudinem, via purgativa & unitiva, veritatisque studio obtinendam statuisse; quibus similia ejus quoque discipuli traderint. *Anaxagoram* primum post *Thaletem* Ionicæ Sectæ firmatorem, quanquam inter Atheos relatum, agnovisse tamen principium hujus universi, spiritum quendam infinitum, omni-que relicto patrimonio, solius studio speculativæ sapientiæ vacasse, *Homeri* etiam Poësin, tanquam Ethicam allegoricam, magni fecisse. *Archelaum* Physicæ inprimis deditum, naturæ jura negasse, omnesque res, nisi accedente lege humana, indifferentes reputasse. Ejus contra discipulum, virum optimum, ac sapientissimum, *Socratem*, primum plus studii ordinisque ad moralem doctrinam attulisse, quanquam nil ipse scripserit; ad *fastum Sophistarum* reprimendum, singulari quæstionum methodo, suæque extenuatione scientiæ usum fuisse, qua perhibebat, se solum id scire, quod nihil sciat. Cæterum unum & solum Deum, Ens summum, agnovisse; quodque non omnes, de Diis inferioribus, turpes fabulas crederet, capitis damnatum fuisse: Dei providentiam celebrasse, eamque dignis invocandam precibus statuisse: jura naturæ ab ipso Deo orta, ideoque sancte servanda, dixisse: doctrinæ ejus summam e *Xenophonte* potissimum ac *Cebes* tabula cognosci harum rerum studiosis posse. *Platonem*, discipulum ejus, inter Scepticos nequaquam referendum, dialogis suam doctrinam proposuisse, inque iis omnibus moralem potissimum Philosophiam tractasse. Cujus eo abeant principia: finem omnium actionum nostrarum esse bonum: id unum esse summeque perfectum, ens infinitum, patrem & causam omnium entium: hoc bonum paucos possi-

§. 16.

§. 17.

§. 18.

§. 19.

§. 20.

- dere: ab hoc manare lumen scientiæ & veritatis, sanctitatis & justitiæ, quibus homines uniantur Deo, unde summa voluptas & tranquillitas, immortalitas & æterna felicitas; cum impios premant in hac vita, maneantque in altera summa miseriæ. Hæc principia sublimi a Platone stylo, mysticisque phrasibus proponi, interdum tamen & nugas de affectibus impurioribus admisceri: quibus quidem ipsis moralia & politica dogmata, sint involuta, unde non sine fructu legi ejus opera queant. Ibi certe doctrinam de animorum immortalitate, de precibus pure mente in omnibus rebus ad Deum faciendis, de Philautæ damnis, de mortis meditatione, patientiæ studio, charitatis officiis sæpius inculcari: dogmata Reipublicæ perniciose refutant; ideam denique boni viri talem ab ipso proponi, ut multi eam vaticinium quasi de Servatore nostro habuerint. Politicæ doctrinæ verissima principia Platonem constituisse, & omnia ad totius salutem civitatis legibus obtinendam retulisse, quamquam ex optimis principiis conclusiones nonnullas a vera morali alienas v.g. de communione bonorum, foeminarum, liberorum, derivare videatur. *Antisthenem* ejus discipulum, *Diogenem*, aliosque Cynicos, optimi præcepta doctoris, *Socratis* nimirum ita excoluisse, ut veritatem assererent proverbio: *rare magna ingenia ab omnibus ineptiis libera esse*. Inde, quod Socrates moralia potissimum excolenda putaret, omnes illi bonas literas, Logicam quoque, Physicam, Geometriam, Musicam repudiabant. Bene docti erant: solam ad felicitatem virtutem sufficere. Sed male inde omnes vitæ transigendæ commoditates repudiabant, extremamque ultro sibi paupertatem accersebant: omnem decori rationem, actionumque circumstantias negligebant: omnium sibi rerum usum ex eo principio vendicabant, quod omnes omnium opes Dei, ipsisque adeo, ut Dei amicis, communes essent: spretis omnibus humanis legibus, soli naturæ juri, cujus monstruosam satis ideam habebant, obtemperabant: inde monetæ cudendæ facultatem sibi tribuebat, mulierum, jurisque naturalis nobis cum bestiis communionem assererebat *Diogenes*. *Aristippum*, Cyrenaicæ Sectæ conditorem, vitæ liberioris voluptatisque jucundæ, in qua & sum-

mum

mum bonum collocabat, ac decori studiosum, civilibus, non
 naturæ legibus omnia metitum esse, inque ejus Ethicæ Sys-
 temate virtuti veræ vix locum fuisse, Autor Cl. docet. Scilicet
 alii, ejus discipuli, aperte Atheismum profitebantur; alii, *Hege-
 sia* nimirum discipuli, *αὐτοχρηστία* tanto successu commendabant, ut
 interdicere ipsis has doctrinas necesse Ptolemæus Rex haberet.
 Inde *Aristotelis*, celeberrimi Platonis discipuli, Sectam examinat
 Autor Cl. eumque contra *Rapinum*, non iisdem fundamentis,
 principiis atque ordine, quibus Platonica utitur, gaudere; sed
 cum Platonis Philosophia sublimis esset, & ad divinarum co-
 gitationem rerum nos duceret, Aristotelis moralem doctrinam
 intra hujus cancellos vitæ contineri, & ad externa potissimum,
 civiliaque respicere, demonstrat. Parum apud eum de Deo,
 ejus providentia, animæ immortalitate; sed de Diis, Intelli-
 gentiisque stellarum sphaeris affixis plura inveniri. Omnem
 ejus Theologiam ad ista duo capita abire: esse Deum, qui hoc
 universum virtute sua comprehendat, darique Deos inferiores:
 naturam Supremi illius Numinis instrumentum esse, quo ille
 ad res certis finibus producendas utatur. Actionum huma-
 narum principia, virtutisque naturam satis quidem distincte ab
 ipso tractari; sed deesse tamen pluscula, quominus Aristotelis
 Ethica, quod Rapinus velit, omnium perfectissima haberi que-
 at, quod e resolutione librorum Ethicorum ad Nicomachum,
 accuratissima Autor ostendit: ubi cum Grotio inprimis falsi-
 tatem definitionis, qua Aristoteles virtutis naturam in medio-
 critate ponit, defendente licet eum Gronovio, observat, eam-
 que justitiæ, fortitudinis, temperantiæ, magnanimitatis, man-
 suetudinis exemplo declarat: errores etiam in dividendo jure,
 tradendisque virtutibus intellectualibus satis crassos notat. Cæ-
 terum quæ in *libris X. Nicom.* tradita erant, eadem prolixius
 in duobus magnorum *Moralium* libris repeti & explicari docet.
Arcefilam, secundæ Academix fundatorem, Scepticilini profes-
 sorem, moralis veritatem doctrinæ plane propemodum ever-
 tisse; *Carneademque* tertiæ statorem Academix, paria fere sen-
 sisse, quanquam ad aliorum evitandam invidiam paulo Scepti-
 cismum suum mitigasse videri voluerit; *Pyrrhonem* vero omne
 discri-

§. 23.

§. 24.

§. 25.

discrimen inter justum & injustum, honestum & turpe, ab arbitrio consuetudineque hominum derivasse; cum *Carneade* vanum justitiæ nomen efficere voluisse, adeoque & Academicos, & Pyrrhonios, *Indifferentissimum* moralem sua jam ætate proposuisse demonstrat. *Epicuram* Arcefilæ æqualem unam omnino substantiam, corpus scilicet, inque ea extensionem, soliditatem, magnitudinem, figuram, situm, motum agnovisse, simul tamen plures Deos, otiosam in intermundiis vitam agentes, hominum nulla cura tactos, ab his tamen, ob suæ excellentiam naturæ ac felicitatis, colendos, politica, vana satis chimericaque ratione tradidisse, ideoque a Posidonio jure *Atheum* dictum, neque a *Gassendo* illo crimine omnino liberatum fuisse ostendit. Moralem tamen doctrinam eundem in nonnullis haud incommodam tradidisse addit: summum bonum enim in voluptate sive tranquillitate ab ipso positum fuisse: istam voluptatis notionem sinistre quidem a multis acceptam, odioque omnium dignam reputatam fuisse: in quo, quanquam errare putat plures Autor Cl. illud tamen monet, nec vere summum bonum, nec solidam virtutem tradi ab Epicuro per suam hypothesein potuisse, cum omne hujus vitæ bonum, felicitas omnis, sine Deo imperfecta sit. Duo igitur potissima Epicuræ Ethicæ vitia esse: primum, quod virtutem omnem e præsentis utilitate vel commoditate vitæ metiatur: alterum, quod ejus de voluptatibus sententiæ plures omnino in hac vita turbas in animis mortalium necessario fere gignant. Porro ad *Stoicorum* Sectam, *Zenone* Autore ortam, Epicuræ in omnibus pene contrariam, describendam Autor pergit, illorumque in Physicis plura dogmata absurditatis arguit. Et profecto, cui illa de mundo animali, cujus anima sit ipse Deus, i.e. substantia activa ignea, pro diversitate materiæ, cui uniatur, plures quasi Deos inferiores, & ipsos aliquando in communi hujus universi incendio perituros constituens; illa de hominum animabus in æthera redituris & corruptibilibus; illa de fati necessitate, ipsum quoque Deum obstringente, cum qua tamen summa illa hominum, quam toties jactant, libertas constare possit, absurda non videantur? Saniora prædicat Autor Cl. ea, quæ de morali doctrina

§. 26.

doctrina tradiderint: in qua cuncta ad vitam naturæ conformem revocabant, mundumque hunc regnum appellabant, cuius Rex Deus esset, homines cives, ad mutua commoda promovenda sanctissime obligati: e quibus principiis *M. Antoninus, Seneca, Epictetus*, plurima pulcherrimaque monita derivabant. Sed hic etiam habent Stoici, quæ sapientioribus probari nequeunt. Præter vanitatem enim morumque in his Philosophis malignam hypocrisin, ipsa etiam morum præcepta, perhibente Autore nostro, non satis erant accurata. Virtutis ideam formabant satis quidem magnificam, sed neque omnino perfectam, neque solido satis fundamento nixam; quippe qui alterius præmia vitæ ignorantes, ipsam etiam virtutem inter res vanas referre debebant. Inde laudes Sapientis Stoici vanas & chimericas, & paradoxa pleraque, ambigua, nulliusque ad solidam virtutem implantandam momenti esse, Autor declarat. *Eclecticam* denique *Philosophiam*, a *Potamone* quodam, Augusto Romanis imperante, introductam, multis probatam fuisse Autor Cl. ostendit. *Ciceronem* non magis Peripateticos, quam Stoicos sequi in libello de officiis, quo omnium fere inter antiquos perfectissimum moralis doctrinæ systema contineri, Autor noster existimat: quanquam multa eidem specialius monenda desint, ordoque interdum & principia decidendi accuratiora desiderari queant. Jacturam *Libri Ciceronis de Republica* Autor merito dolet, istam tamen quodammodo *libro pulcherrimo de legibus*, compensari docet; in quo quidem elegantia Ciceronis principia solidioribus firmata rationibus, plusque sapientiæ quam eloquentiæ lectoribus datum fuisse optat; quod magis e *Seneca*, quanquam confuse ac *μετεωρολόγως* scribente, potissimum vero e *Plutarcho* peti possit: qui tamen ipse profundius sæpe & explicatius tractare sua dogmata potuerit. *Epictetum* & *Marcum Antoninum* *Seneca* solidiores Autor censet: sed isti ingenium animique dignam Philosopho elevationem; huic tersam principiorum puritatem, stylique claritatem defuisse queritur. Philosophorum Stoicorum studia imitatos fuisse plerosque *Ætos Romanos*, suaque industria Juris naturæ doctrinam potissimum perfecisse Autor Cl. adfirmat: prorsus

§. 27.

ut dolendum sit, *Justinianum*, fragmentis quibusdam illorum in digesta relatis, ut jurisprudentiæ quoddam quasi compendium redderet, ingens præstantissimorum Scriptorum dispendium fecisse, *Tribonianique* opera, pro clarissimorum virorum luminibus, obscurum nobis legum chaos reliquisse. *Platonis* sectatores *Plotinus*, *Amelius*, *Porphyrus*, *Jamblichus* & *Proclus*, Metaphysicas potius *Platonis* ideas, quam moralem doctrinam, Autore nostro perhibente, illustrare studuerunt. *Aristotelis* recentiores sectatores, scilicet *Scholastici* & *Casuisse*, plura etiam morali doctrinæ, quam speculativis scientiis præjudicia intulerunt, confusum quoddam ejus corpus e sententiis *Aristotelis*, jure Civili, Canonico, Divino, Patrumque dictis, sine ordine & accurata connexionione consuentes.

§. 28.

Cum immortalium in Rempublicam literariam meritorum Vir, *Franciscus Bacon Verulamius*, viam reformandæ Philosophiæ feliciter ostendisset, & *Philippus Melanchthon* in suis Ethicis, nec non *Benedictus Winckler* in suo libro de Principiis juris anno 1615 edito, radios quosdam clarioris luminis edidissent; tandem *Hugo Grotius*, divini Vir ingenii, felicissimo successu luculentissimam morali doctrinæ lucem affudit, opere suo de Jure belli & pacis Parisiis A. 1625 primum edito, & ob summam sui præstantiam, communi omnium Eruditorum applausu recepto. Grotium laudabili æmulatione sequutus *Seldenus* eruditissimum opus, de Jure naturæ ac gentium, e doctrina Hebræorum edebat, in quo tamen ordinem, perspicuitatem, & dogmatum principia satis firma, Autor Cl. desiderat. Brevi ante Grotii obitum, *Thomas Hobbesius*, Vir profundissimi judicii, turbis patriæ suæ indignatus, in lucem edebat Parisiis A. 1642 *Tractatum suum de Cive*: in quo principii loco ponit sui conservandi, propriæque utilitatis, in bello quasi omnium adversus omnes studium, Regibusque ac Principibus omnium rerum absolutam potestatem tribuit: quam doctrinam excussit singulari libello *Lambertus Velthuysius*, & ipse Hobbesius declaravit in *Leviathane suo*. In quo tamen nonnulla Atheismi vestigia, quin & non satis sibi invicem coherentia, quod Hobbes omnia cogitata sua aliis communicare veritus sit, Autor noster esse judicet.

eat. Denique Illustris *Pufendorffius*, literarum humaniorum, & Philosophiæ, ac inprimis Matheseos singulari scientia, judicio solido, exquisito, & a præjudiciis aliorum libero, sedula optimorum Autorum lectione, Eruditorumque suæ ætatis familiari opera adjutus, incluta inprimis Grotii vestigia sequi, & quæ imperfecta in Juris Naturæ ac Gentium doctrina videbat, heroico conatu, successu felicissimo, freudentibus licet plurimis, tantique gloriam operis ipsi invidentibus, ipse perficere cœpit. Meditatus enim ea, quæ in *Grotio*, *Hobbesio*, aliisque legerat, & ordine Geometrico complexus, amicorum suasu primum in Belgio edidit A. 1660 *Elementa Jurisprudentiæ universalis*. Deinde *Heidelbergam* ab Electore Palatino, *Carolo Ludovico*, Professor Juris Naturæ ac Gentium vocatus, dum Grotium publice interpretaretur, quid suis deesset Elementis quotidie magis intelligens, Illustrissimi potissimum *Boineburgii* suasu excitatus, quam *Bæclerus*, *Comringius*, *Rachelius* præstare operam de formando methodico Jurisprudentiæ Naturalis systemate noluerant, ipse modeste suscepit, dexterrime præstitit, edito A. 1672 *Lundini*, quo Professor Juris primarius a Rege Sueciæ vocatus fuerat, opere majore de *Jure Naturæ ac Gentium*, quod duobus interjectis annis quarta fere parte auctius prodiit *Frankfurti*. Hoc opus cum interpretandum Autor noster suscepit, accurata potius paraphrasi, quam panegyrica opera defungi maluit; quam potissimum superfluam censuit esse in eo opere, quod communi nunc Eruditorum approbatione fruitur, tot repetitis editionibus imprimitur, tanto studio & ab aliis gentibus desideratur: cui sane desiderio & suam hanc paraphrasin, & *Doctores Kenneti* versionem Anglicam, notasque amplissimas nondum editas deberi existimat. Porro, comparatione *Grotii Pufendorffique* facta, stylum quidem Grotii magis concisum, ideoque paulo obscuriorem, nec nisi sapientioribus intelligibilem, Pufendorffii clariorem, omniumque lectorum captui accommodatum Autor judicat: generalem totius operis ordinem in Pufendorffio meliorem, in specialioribus pertractandis accuratiorem esse Grotio putat: in materiis ipsis pertractandis plura Grotio deesse, qui scilicet noluerit perfectum.

§. 29.

§. 30.

- §. 31. moralis doctrinæ Systema condere; Pufendorffium autem inde ab actionum humanarum principiis orsum, omnes conclusiones studiosissime deducere ostendit: multa quidem hausisse Pufendorffium e Grotio fatetur, sed ita, ut ista vel distinctius explicaret & applicaret, vel Grotii etiam errores notaret. Multis igitur modis Pufendorffii opus præstare Grotiano concludit, quanquam nihil ea re de laudibus tanti Viri imminutum, vel quenquam a sedula ejus lectione prohibitum velit, potiusque doleat, quod a *Curtio* tam male in linguam Gallicam traductus, notisque ejus magis obscuratus, quam illustratus sit Grotius. Sua quidem hac Pufendorffii interpretatione, & juvenibus bonarum literarum, & moralis doctrinæ studiosis succurrere, & illis potissimum, qui a literis alieni, nullam plerumque Juris naturæ vel Ethicæ naturalis aut revelatæ cognitionem habeant, salutarem operam præstare Autor Cl. nititur. In hac, præter styli Gallici puritatem, claritatem & elegantiam, omnia, quæ ad illustrandum Pufendorffium pertinere videbantur, contulit. Singulorum materias capitum in ora paginæ superiori notavit, paragraphorum contenta sub illorum initia singulatim adjecit, ipsos Pufendorffii paragraphos longiores diversasque complexos materias distinxit, plura argumenta numeris notavit, Autorum adductorum loca, ne contextum laderent, in marginem rejecit, ipsos aliorum textus falso vagave citatos rectius indicavit, & a Pufendorffio rebus potius, quam verbis intento, sensu non satis accurato adductos emendavit; supervacaneæ adductos omisit, omniaque illa removit, quæ cupidum legendi animum turbare sive oculum impedire possent: concisa magis explicuit, abundantia refecuit, negligentius & contra Autoris sententiam posita emendavit, citata Autorum loca, ita, ut & Pufendorffium magis illustrarent. minorique tædio lectoribus essent, accommodavit, ipsumque sæpe Autoris sui textum, ut melius sibi cohæreret, aliter disposuit. In notis potissimum singularem operam præstitit. Exhibet ibi loca veterum Autorum ab Autore notata quam emendatissima. Cæterum jam Autoris sententias, si quæ illis desunt, supplet, confirmat, defendit; jam etiam examinat,
- critica

criticaque virgula notat, jam eleganti digressione lectoris studiosi animum delectat. Quæ declararemus pluribus, nisi e fontibus potius ipsis haurire ista lectorem mallems, & nostra hæc scriptio excerpti fere modum excederet. Possunt tamen, quibus ista curæ sunt, notarum Auctoris Cl. specimina ex istis capere, quæ Tom. 1. p. 48. n. 5. p. 87. n. 7. p. 89. n. 2. p. 142. n. 1. p. 211. n. 4. p. 307. n. 1. p. 480. n. 2. Tom. 2. p. 29. n. 3. p. 139. n. 2. p. 192. §. 7. n. 1. doctissime notata sunt.

Sub calcem libri duplex index adjectus est, Auctorum, alter qui vel ad confirmanda dogmata Pufendorffii adducti, vel ab eo aut Paraphrasta confutati, aliave de causa notati sunt: alter rerum, tum in Pufendorffii contextu, tum in Auctoris nostri notis occurrentium utilissimus.

B. DN. W. A. LAUTERBACHII COLLEGII
TheoreticoPractici, a Libro Vigesimo Pandectarum usque
ad Digestum Novum, Pars Secunda.

Tubingæ apud J. G. Cottam, 1706. 4to. 7. A. 8. pl.

Quartum jam agitur lustrum, ex quo præstantissimi hujus Operis prima pars prodiit, quam exhibent Acta hæc A. 1690 M. Julio p. 366. sq. Alteram nunc edendam curavit Excellentissimus Ulricus Thomas Lauterbachius, Camerae Imperialis Assessor. gravissimus, turbulentis bellorum motibus, domicilii mutatione, ac muneris amplissimi negotiis hætenus impeditus, quo minus citius promissis suis, & orbis eruditi desiderio satisfaceret. Continet ea eruditam ac plenissimam expositionem Libri Pandectarum vigesimi & sequentium, usque ad Librum trigessimum nonum, sive Digestum novum, a quo partem ultimam Paterni Operis auspicabitur Excellentissimus Autor, cujus propediem edendi otium ex hoc diuturno Camerae Imperialis justitio nactus spem in Præfatione facit certissimam. Utilitatem summam ac præstantiam hujus Collegii non est quod commendemus prolixius, cum omni commendatione major sit applausus, quo prior ejus Tomus exceptus est, & communis Synopsæ Schützianæ æstimatio, quam ubi-

que illustrat, explicat & emendat hoc Opus, ac perfectissimi in eam Commentarii vicem plenius, quam cujuscunque annotationes aut observationes præstat. Superest, ut more nostro speciminis loco ex selectis Juris quæstionibus, quibus hæc pars referta est, quasdam non ubique obvias subjiciamus. Ita Lib. XX. Tit. I. §. 22. observat, Jus Patronatus principahter oppignori non posse. Fisco ratione pœnarum, Jure non Communi, sed Württembergico, tacitam hypothecam competere, eod. Lib. Tit. 2. §. 11. Cessionario privilegium, quo uxor intuitu dotis fruitur, denegat, ibid. §. 21. Utrum Notarii communi sigillo instrumenta valide queant subsignare, disquirat Lib. XXII. Tit. 4. §. 41. Ob mutatam religionem sponsalia recte dissolvi, tradit Lib. XXIII. Tit. 1. §. 54. matrimonium non æque L. XXIV. Tit. 2. §. 4. Pupillo, qui finita tutela tutorem convenire cupit, ob pecuniam non bene collocatam, incumbere onus probandi tutorem occasionem habuisse, idoneos inveniendi creditores, affirmat L. 26. T. 7. §. 24. Curatoris ratihabitionem instar consensus esse, ac negotium minoris validum reddere, defendit Lib. seq. T. 10. §. 35. In testamentis Christianorum a Turcis captorum fictionis Legis Corneliæ opus esse, censet L. XXVIII. T. 1. §. 24. In testamento parentum inter liberos nuncupativo, feminarum admittit testimonium Lib. XXIX. Tit. 1. §. 34. In eodem §. 31. parentibus jus exhæredandi liberos concedit. Legata ad pias causas non hæredi tantum Falcidiam deducere cupienti, sed & reliquis legatariis nocere, exemplis declarat L. 35. Tit. 2. §. 25. Universam vero materiam successionis, secundum Jus Novissimum, fuse & eleganter exponit post finem Libri 38. Sed speciminis loco hæc quidem sufficiunt, quare ad ipsius Operis non injucundam nec minus utilissimam lectionem avidos hujusmodi observationum Cultores Jurium remittimus.

ANDREÆ ADAMI HOCHSTETTERI, SS. THEOL. D.
& Prof. in Academia Tubingensi, Tractatio Synoptica
Moralis de Jure Pœnarum, IX Exercitationibus
comprehensa.

Tubingæ typis J. C. Reisii, 1706. in 4. plag. 18.

Diffi.

Difficile, magnique omnino momenti argumentum Academia hac tractatione exponitur; eo fine, ut, quod paucis hactenus tactum, ac velut impervium visum est, ex interioribus principiis eruatur, ostensisque genuinis rerum fontibus, nihil facile, quod ad ordinatam, perspicuam & innoxiam materiam de poenis delineationem desiderari possit, negligatur. Et primum quidem demonstrata Poenarum necessitate, earum a *restitutione & vindicta* differentia proponitur; addita memorabili observatione, præcipuum in magnis scriptoribus defectum esse, quod Poenarum naturam non in abstracto, ut ajunt, sed *velut ad Rempublicam referuntur*, considerarint. Unde factum, ut non pauca confuse, multa intricate, plurima præter usum tractarint. Eam quoque rationem esse, quod *multi finem poenarum internum* non perspexerint, quia de poenis saltem humanis fuere solliciti, in quibus is prima, ut ajunt, fronte, non adeo pervius est. Hic ergo finis eo sollicitius demonstratur; quum in delictis non nuda occurrat punibilitas, sed meritum ac dignitas poenæ, & naturalis ad eam obligatio. Præcipue quidem, si eorundem ad Conditorem habitus relatioque consideretur, quo intuitu peccatum sit injuria in Deum, quæ necessario debeat expiari. Usus argumenti in theologia ipsa tractationis inspectio docebit. Nobis enim omnes rationum nervos congerere non licet. Inde docetur, poenam non dari, nisi quæ a superiori in inferiorem proficiscitur, neque jure naturali, hoc est abducto a divinis cæteris humanisque legibus, innocentem habere jus puniendi nocentem. Quod pluribus contra formulam Viri doctissimi confirmatur, addita legis, quæ objici poterat, de Jure Zeli Deut. XIII. 9. factaque Phineesi expositione. Ex quo consequitur, naturalem puniendi facultatem adscribi omnibus non posse, quippe quos internulla est naturaliter superioritas; neque poenam irrogare licere. PARIBUS ob delicta in DEUM, qui ipse *μῆτρον* delictis statuatur. Genes. XV. 16. Matth. XXII. 32. de ea, quæ verbis fit, correptione non dubitari. Cæterum, si quis instrumentum sit interficiendi hominis innocentis, eum a culpa & reatu ab-

solvi

p. 1. 2.

p. 9.

p. 16.

- p. 22. 23. solvi non posse. Quidquid aliis videatur, de ministro merz, ut vocant, exsequutionis. Additur, probandum non esse quarundam morem gentium, quo rei sibi ipsis mortem consciscere, suarumque poenarum activa instrumenta esse jubentur. Ut a *Ricautio* de Turcis memoreretur, non esse gloriosius martyrium opinantibus, quam manu, & quidem propria, vel saltem jussu Imperatoris necari. Interim conceditur, fieri a reo optionem poenae posse, quia quod eligit, gradum solum ac modum poenae concernit. Sed & hoc, uti par erat, luculenter evincitur, Deum non e mero dominii jure punire; nec ob stare, post ultimum ejus judicium impios non emendari, quia praeter emendationem, alius quoque sit poenarum finis, nimirum compensatorius. Poena homicidii capitalis, an ad Jus positivum universale referenda? disquiritur, ac de Jure in vitam civium *directo & indirecto* disputatur. Ubi & obiter de obsidibus, an & quomodo innocentes puniri possint? late deducitur, junctis de servitute poenali observationibus. Universitatem ob delicta ante tres pluresve generationes perpetrata puniri non posse, deciditur. Dehinc, cur in foro humano capitalem pro reo poenam vas subire non possit? rationes afferuntur, secus ac in foro divino *Christi exemplum* comprobet, cui sanctissimo Sponsori *jus fuit in vitam* propriam, Principi quippe ac Domino vitae Joh. X, 18. Caeterum quando Princeps poenis exemptus esse probatur, idem contra Judaeos, & ob *Cromwelli* tempora *meticulose loquentem Seldenum*, de Regibus Hebraeorum asseritur; & quid de Herode, in Synedrium, velut judicium vocato, sentiendum sit, ostenditur. Primum enim dubium esse, an ullum tale unquam Synedrium magnum, nisi fortasse *ab Hasmonaeorum temporibus* extiterit? Deinceps, Herodem Galileae Praefectum fuisse, vivente adhuc Patre. Ac deum armatum comparuisse, & sufficienti militum manu instructum, ut si sequiorem ferrent sententiam, ipse mactatis judicibus evaderet. Quid? quod *Sext. Caesar*, Syriae Praeses, ad Hyrcanum scripserit, ut Herodem absolveret; minis additis, si contra fecisset. His expositis, de objecto poenarum, atque an ad id referendi sint *actus interni*? ex instituto agitur; ac

Lex

MENSIS JANUARIi A. M DCCVII.

Lex forensis de falso teste, Deut. XIX. 17. *ut plures per hunc librum alie*, explicatur. Scilicet, eo in casu non occurrere actum internum, sed qui jam exterius proruperit, licet voto non fuerit potitus. Et quum vexata inter Doctores quæstio sit: An delinquentes ad poenam teneantur, eamque DEBEANT? affirmans modestè, additisque rationibus firmatur. Ubi & ostenditur, *non dari actus malos, qui neque directe, nec indirecte ad societatem humanam pertineant*. Namque & illum Rempublicam lædere, qui corpore aut rebus suis abutitur, qui avarus est, qui concupiscentiis indulget, & si quæ alia his similia committit. Cæterum poenarum objectum per se non est hæresis, aut error in fide. Quod argumentum solide prudenterque excolitur, expensa lege Deut. XIII. 10. & distinctione *Ludovici Maimburgii* inter hæreticos *natos* & veluti *factos*. Ubi & Augustini contra Donatistas denique severioris exemplo probatur, quod *δευτέρα φροντίδες* non semper sint *σοφώτερες*. Frustra quæri: an ob negatas ab integra gente notiones generales ab alia poenæ eidem infligi possint? quum dari ejusmodi gentem moraliter impossibile, & ab Auctore, post Apologeticum pro humano genere a Joh. Ludov. Fabricio editum, peculiari dissertatione de Religione naturali sit ostensum. His subjungitur, poenis etiam subiacere delicta ante *legem poenalem* commissa, ubi tamen aliter legem poenalem a Grotio de J. B. & P. II. 20. 22. aliter communi apud Doctores significato accipi monetur. Formam poenæ in proportionem & exæquationem, justaque commensurationem inter malum actionis & passionis constituit; & irrogationem ejus ad Justitiam commutativam refert, additis rationibus, e sublimiore etiam sanctioreque disciplina, de *compensatione injuriæ adversus Deum*. Quod egregie ac præ aliis viderit longiore vita dignissimus *Schomerus*. Ubi simul specimen *moderationis* in decidendis quæstionibus, magno animorum fervore agitatæ, exhibetur; dignum quod & alio loco sequamur. Cæterum ad Formam non pertinere *talem simplicem*, quæ nec possibilis semper sit, nec justa, sed periculosa, immo noxia. Postea adversus Petrum *Puteanum* probatur, *prescriptionem* poenam non esse. Neque *dimissa culpa poena locum dari* probatur, argu-

F

mentis

56.

57.

65.66.

72.

77. mentis ex natura rei desumptis. Nec ob delicta aliena poenam irrogari posse, totumque adeo argumentum de *communicatione poenarum* proponitur, solutis quæ in speciem opponi possunt. Circa quaestionem: an poena aut malum irrogari possit delicto nondum probato? injustitia purgationumque varii generis demonstratur, addito nobili *Agobardi*, Lugdunensium Episcopi effato: *unde probari potest, judicium esse Dei, quod Deus nunquam praecepit?* Ubi & obiter advertitur, esse qui de explorata *Kunigundis* Imperatricis innocentia narrationem, pro fabula declaraverit. Neque doctrina de *merito*, & *culpa*, ac *reatu*, *poenarumque taxatione* prætermittitur; quæ quantum in vita humana usum præstet, nemo facile ignorat. Inde ad *exasperationem poenarum*, & *moralem peccatorum reviviscentiam* devenitur, ususque hujus sententiæ demonstratur. An veniam dare liceat? & qui ea a *dispensatione*, a *mitigatione*, a *dilatione poenæ*, ab *ἐπιείκεια* differat, satis docetur. Dehinc ad causas veniæ proceditur, quæ interiores, & extrinsecæ. Memorabile punctum est: *An dispensatio locum habeat circa poenas lege universali posita definitas?* ubi de homicidii poena speciatim disquiritur, subjuncto de *jure gratiæ Principis judicio*; & doctrina de *calculo Minervæ*; ut & *asylis*, ubi argumenta pro immunitate templorum solvuntur, & excerpta e *Castro Palao* ac *Antonino Diana* suppeditantur. Denique variæ poenarum divisiones recensentur, subjunctoque totius Operis breviario & conspectu, finis eidem imponitur. Fruantur hoc Opusculo, qui difficilem de poenis locum ex instituto & perspicue expositum cupiunt, atque rerum in primis omnium summam, brevi ac rotunda definitione in libri frontispicio comprehensam, diligenter expendant.
- 90.

ANALECTA DE CALAMITATE LITTERATORUM. PETRI ALCTONII Medices Legatus, si-
ve de Exilio libri duo: accessere JOH. PIERIUS VA-
LERIANUS, & CORNELIUS TOLLIUS de Infelicitate
Litteratorum, & JOS. BARBERIUS de Miseria
Poëtarum Græcorum; cum Prefatione JOH. BUR-
CHARDI MENCKENII.

Lipsiæ

Lipsiæ, apud Joh. Fridericum Gleditsch, 1707. 12.

Alph. 1. pl. 4.

Cum ob propagatum nuper e Polonia in ipsam Saxoniam bellum, (quod exoptatissima nunc pace compositum esse, immortales Deo Opt. Max. gratias decernimus,) Musæ passim in his oris exularent, peropportunum visum est, desideratum pridem Alcyonii de Exilio dialogum recuderè, cui, ut volumen justum conficeretur, Valeriani & Tollii de Infelicitate, Litteratorum, & Barberii de Miseria Poetarum Græcorum libelli adjecti sunt. Præfationem ad Ill. atque Exc. DN. JOH. ROBINSON, Magnæ Britanniae Reginae ad Regem Sueciae hoc tempore Legatum Extraordinarium & Plenipotentiarium, eo potissimum direxit Menckenius noster, ut in Regia Angliæ Societate ab aliquot annis nomen professus, non minus se nationi Anglicæ, quam Illustrissimo Domino Legato, cujus, dum Lipsiæ commoratur, expertus est favorem singularem, obstrictum publice profiteretur. Nos, cum libri novi non sint, paucissima e præfatione, de Alcyonio imprimis, delibabimus. Fuit is Latinarum litterarum peritissimus, adeo, ut fertili illo ævo, quo tot viri eruditissimi in unius Ciceronis imitatione omnem fere ætatem agebant, neminem æqualem, nedum superiorem, habuerit. Et in Græcis quoque fuit optime versatus, quamquam, quæ ex Aristotele traduxit, Sepulveda mire castigavit, ab aliis nihilominus non nullo in pretio habita. Tenuibus initiis usus (nam Venetiis primum corrigendis typorum erroribus operam navabat) Joannem ante alios, Cardinalem & Legatum Medicem, nactus est Mæcenatem; cui & in ipso hoc Dialogo primariam personam assignavit, duos libros, quibus eum divisit, Medicem Legatum priorem & posteriorem, exemplo Platonis appellans, qui Alcibiadem priorem & posteriorem scripsit. Itaque Florentiæ publicam profitendi provinciam nactus, simul atque Joannem Medicem, Pontificem electum intellexerat, nondum impetrata discedendi venia, cum duo forte festa inciderent, quibus a Lectionibus vacare solent Professores, Romam evolat. Etsi vero initio non omnia

prona reperisset, quod Clemens VII Pont. facile e tanto fastigio veteres amicos despiceret, ejusque commodis Academici Romani obstreperent, inde tamen Eloquentiæ Professionem accepit, quam magna auditorum frequentia Demosthenis explicatione obivit, minori tamen ob Columnenses turbas fructu, & ut Tuscus auctor ait, *per l' amor di Dio*. Cum deinde in expugnatione Urbis, Pontificem in arcem Æliam secutus, a Cæsareanis brachium sauciatus esset, vulnus hoc duabus splendidissimis orationibus de clade Romanorum ultus est. Tandem ingrati viri exemplum dedit, quandoquidem deserto Pontifice in Columnensium familiam commigravit. Delibro ejus de Exilio Paulus Manutius, Antonius Verderius, Victorius item, Colomesius, Abercrombius, & multi alii Paulum Jovium secuti, ita existimarunt, quod ea elegantia conscriptus sit, ut longe præstantiorem, atque adeo ipsum Ciceronem auctorem habuisse, necesse sit. Itaque eum ajunt Ciceronis de Gloria librum integrum, cujus hodie non nisi fragmenta exstant, in manibus habuisse & passim expilatum, ne pateret plagium, igne cremasse. Plura Jovius addit in contumeliam Alcyonii; quod hoc magis mirum videri illis debet, qui ab Alcyonio in his ipsis de Exilio libris, laudandi imprimis Jovii occasionem, alieno ferme loco studiose arreptam observabunt p. 150. At noster Richardi Bentleji, aliorumque sanio rem sententiam secutus, aliter sentit, cum maxime Jovium eo in Alcyonium male animatum constet, quod eum historiam, cui scribendæ laudem sibi præcipi volebat, meditari pariter accepisset. Prodiit vero hoc opus Alcyonii Venetiis primum A. 1522 ex Aldina typographia, quæ editio tanto est in pretio, ut nuper, cum Gudiana Bibliotheca sub hasta venderetur, undecim marcis Hamburgensibus veniret. Inde & cum Cardani libris de Sapientia & Consolatione Aureliop. 1624, & seorsim Basileæ 1546 recusum est, curante Jo. Heroldo Hæchstetten, qui eruditam præfationem præmisit; utraque tamen editio rarissime prostat, & hæc adeo infrequens est, ut ipsam doctissimi Bælii notitiam fugerit. Ceterum Menckenius longe plura eruditorum infeliciū exempla, quam in hoc volumine continentur, produ-

producere se potuisse testatur, & velut speciminis loco ex Anglica gente aliquos producit. Franciscum nempe Baconem Verulamium paupertate prope in senectute oppressum, Thomam Fullenum & Richardum Bakerum, Historicos, & Robertum Greene, Poetam, pauperrimos omnes, Jacobum Usserium ex Hibernia exulem, Joannem Lelandum phrenesi, & Simonem Thurwayum, rerum omnium ignorantia, in extrema vitæ parte laborantes, Fischerum & Cannerum cæcos natos, Joh. Miltonum, non una in re infelicem, Thomam Morum, pluresque alios extremo supplicio affectos, nec non Jacobum Chaloner, Henricum Butts, Vice-Cancellarium Cantabrigiensem, & Thomam Creech *αὐτόχειρες*. Nec tacemus denique, spem fieri, elegantissimas Joh. Antonii Campani, cujus hic de Miseria Poetarum poema pag. 486. insertum videas, Epistolas propediem nostris pariter typis in lucem prodituras.

LIBRI NOVI ANGLICI.

THe Posthumous Works of Robert Hooke, containing his Cutlerian Lectures, and other Discourses, read at the Meetings of the Illustrious Royal Society; publish'd by Richard Waller, R. S. Secr. London by Sam. Smith and Benj. Walford, 1705. fol.

The New World of Words, or an Universal English Dictionary, compiled by Edward Phillips. The Sixth Edition, with the Addition of near 20000 Words, by J. K. London for J. Phillips, 1706. fol.

An Essay concerning Humane Understanding, vwritten by John Locke, Gent. The fifth Edition, with large Additions. London for Awnsham and John Churchill &c. 1706. fol.

Silva, or a Discourse of Forest-Trees, and the Propagation of the Timber: Terra, a Philosophical Essay of Earth, to which is annexed Pomona, or an Appendix concerning Fruit-Trees, in relation to Cyder: also Acetaria, or, a Discourse of Sallets, with Calendarium Hortense &c. The

fourth Edition, much enlarg'd by John Evelyn, Fellow of the Royal Society. London for Rob. Scot, 1706. fol.

Optice, five de Reflexionibus, Refractionibus, Inflexionibus, & Coloribus Lucis Libri III. Authore Isaaco Newton. Latine reddidit Sam. Clarke. Accedunt Tractatus ejusdem Auctoris duo, de Speciebus & Magnitudine Figurarum curvilinearum. Londini apud Sam. Smith & Benj. Walford, 1706. 4.

Synopsis Palmariorum Matheseos: Or, a New Introduction to the Mathematics. By W. Jones. London for Jeff. Wale, 1706. 8.

Eliza: an Epick Poëm. By Richard Blackmore. London for Auwsham and J. Churchil, 1705. fol.

Miscellaneous Tracts Volumen II. & III. By Michael Geddes. London for A. and J. Churchil, 1705. 1706. 8.

Holy David and his Old English Translators clear'd. London for Knaplock, 1706. 8.

Miscellanea Curiosa, being a Collection of some of the Principal Phenomena in Nature accounted for by the greatest Philosophers of this Age. London for Jeffery Wale 1706. 8.

Pharmacopœia Bateana. Or, Bates's Dispensatory &c. with Emendations, and enlarg'd by Will. Salmon. London for Sam. Smith and B. Walford, 1706. 8.

Praxis Medica. The Practice of Physick. Or Sydenham's Processus integri, enlarg'd by Will. Salmon. London by Sam. Smith and Benj. Walford, 1707. 18.

Novus Græcorum Epigrammatum & Poematum Delictus, cum nova versione & notis. Opera Thomæ Johnson. Londini apud Sam. Smith & B. Walford, 1706. 8.

The History of Cold Bathing. In two Parts. The first written by John Floyer. The second by Edward Baynard. London for S. Smith and Benj. Walford.

Præla.

Præſagium Medicum, or, the Prognostick Signs of Acute Diseases. By James Harvey. London for George Strahan-1706. 8.

Sea Diseases : Or, a Treatise of their Nature, Causes, and Cure. By W. Cockburn. London for George Strahan, 706. 8.

A Collection of Miscellanies : consisting of Poems, Essays, Discourses and Letters occasionally written. By John Norris. London for Marship, 1706. 8.

Historical Collections, relating the Originals, Conversions and Revolutions of the Inhabitants of Great Britain to the Norman Conquest. London, for John Wyat, 1706. 8.

An Apologetical Vindication of the Church of England. By George Hickes. London for W. Kettilby, 1706. 8.

An Essay on the Revelation of St. John &c. to which are added two Dissertations, the one upon Mark II. 25, 26. the other upon Matthew XXIV &c. with a Collection of Scripture-Prophecies relating to the times after the Coming of de Messiah, by William Whiston, Professor of the Mathematicks. Cambridge for B. Tooke, 1706. 4

Sim. Ockleji Introductio ad Linguas Orientales, in qua iis discendis via munitur, & earum usus ostenditur. Cantabrigiæ, impensis Joh. Ovveni, 1706. 8.

An Epistolary Discourse, proving from the Scriptures & the first Fathers, that the Soul is a Principle naturally mortal; but immortalized actually by the Pleasure of God, to Punishment, or to Revvard, by its Union vvith the Divine Baptismal Spirit; vvherein is proved, that none have the Power of giving this Divine Immortalizing Spirit, since the Apostles, but only the Bishops. By Henry Dodvvell. London, for R. Smith 1706. 8.

A Letter to Mr. Dodvvell ; vvherein all the Arguments in his Epistolary Discourse against the Immortality of the Soul are particularly answered, and the Judgment of the Fathers concerning that matter truly represented. By Sam. Clarke. London for James Knapton 1706. 8.

Caroli

Caroli Daubuz pro Testimonio Flavii Iosephi de Iesu Christo Libri duo. Cum Præfatione Joh. Ern. Grabii. Lond. apud R. Sare, 1706. 8.

Posthumous Works of Mr. John Lock. London printed for A. and J. Churchil, 1706. 8.


An Essay, attempting a more certain and satisfactory Discovery, both of the true Causes of all Diseases, proceeding from vitious Bloods &c. by Barth. Beale M. D. London for Richard Wilkin, 1706. 8.

A Compleate History of England: vvith the Lives of all the Kings and Queens thereof, from the earliest Account of Time, to the Death of his late Majesty King William III. The vvhole illustrated vvith large and useful Notes, taken from divers Manuscripts, and other good Authors. In three Volumes. London for B. Aylmer, R. Bonvvick, S. Smith and B. Walford, W. Freeman &c. 1706. fol. *Liber proxime proditurus.*

The French Churches Apology for the Church of England; Or, the Objection of Dissenters against the Articles, Homilies, Liturgy, and Canons of the English Church, considered and answered upon the Principles of the Reformed Church of France. By J. Bingham. London printed for R. Knaplock, 1706. 8.

Reflexions upon Ridicule, or vvhat it is, that makes a Man ridiculous; and the means to avoid it. London for Tho. Nevvbourough &c. 1706. 8.

Vitæ quorundam eruditissimorum & illustrium virorum, (Jacobi Usserii Archiepiscopi Armachani, Joannis Cosini Episcopi Dunelmensis; Henrici Briggii Geom. Professoris, Joannis Bainbridgii Astron. Professoris, Joannis Gravii Astron. Professoris, Petri Junii, Jacobi Regis Præceptoris, Patricii Junii Bibliothecarii, & Joannis Dee Mathematici Angli) scriptore Thoma Smitho S. Th. D. & Eccl. Angl. Presbytero. Londini apud Dav. Mortier, 1707. 4.



ACTA ERUDITORUM,

publicata Lipsiæ

Calendis Februarii Anni M D C C V I I.

EZECHIELIS SPANHEMII, LIBERI BARONIS & Legati Regii, *Dissertationes de Præstantia & Usu Numismatum antiquorum. Editio nova.*

Tomus I.

Londini, impensis Rich. Smith, 1706. fol.

Alph. 12.

Immortale opus, priore jam habitu omni eruditorum genti, victa, quæ nationes exercet in rebus ingenium spectantibus, æmulatione atque invidia, maxime spectatum, novò ecce multoque illustriore habitu prodit: secum ipso quasi certante illustrissimo atque excellentissimo ejus Autore, neque se, nisi a seipso superari posse, vel in his quoque, quæ animi causa suscipiat, & quibus a publicis, Regum populorumque salutem concernentibus, negotiis vacare sibi liceat horis, publice demonstrante. Nempe primariæ dignitatis virorum ægre victus precibus, subsecivas, quas Serenissimi Heri sui necessitates, in splendidissime obita ad felicissimam Britannorum Reginam legatione, ipsi relinquebant horas, retractandis iis, quibus olim rem nummariam ex instituto illustravit, impendere instituit. Maxime dum obviam ejus rei facultatem, imo haut leve incitamentum superadderent, quos versare ipsi ab eo tempore, aut a viris præstantibus vulgatos nosse contigerat, plures antiqui & insignes nummi. Cui instituto illud insuper accedebat, ut, quæ in superiori editione deerant, aut leviter solum ibi erant delibata, plurimum tamen ad prisca æris commendationem.

G

face-

facerent, velut quæ ad veterem Geographiam aut Chronologiam, ad Religionem præterea ac Theologiam gentilium adinrent, nunc demum non parcente dextra conferret. Quod dum egit, id præter expectationem contigit, ut pro quinque prioribus operis antea editi dissertationibus, novem, illæque iisdem, insuper aliquanto ampliores, conficerentur, quæ iusti jam voluminis mensuram implerent, quod non expectata alterius editione jam solum tenere nos vellet. Continetque adeo illud ea suis ordinata locis, & servata, quam decebat, argumentorum serie, quæ ad tradenda primaria nummarii studii post renatas litteras incunabula, & incrementa respiciunt: ad veterem præterea haut unius gentis, Græcorum maxime ac Romanorum, litteraturam: adde ad civilem ac moralem disciplinam: ad naturalem animalium aut plantarum historiam: ad antiquam, inprimis Græcorum & Barbarorum Regum, Heraclidarum puta, Seleucidarum, Arsacidarum, aliorumque notitiam ac successionem: ad ipsas quoque perferutandas nobilissimarum urbium origines, dignitates, jura, privilegia, magistratus: quorum omnium cognitionem exhiberent tot vetera bonis fatis nobis servata numismata.

In prima dissertatione, qua veteris numismatis prima & secunda commendatio a dignitate continetur & voluptate, ut ea taceamus, quibus locupletata olim dicta liberaliter fuere, nova plane est de nummis Hebræorum eorumque antiquitate *διάλεξις*, quam dum dignitatem nummis ab antiquitate conciliatam persequitur, instituit. Qua de re ubi dissidere suffragiis eruditorum senatum concinne fuisset ostensum, eam fere de eo argumento *ἐπίκρισιν* Vir illustrissimus subjungit. Viros præstantes, minus etiam in hac Orientis literatura exercitatos, de nummorum, Samariticis Assyriisve characteribus signatorum, antiquitate pronunciasse securius, pro affectu, quo vel in Samariticis, vel Assyriis litteras ferrentur. Haut immerito autem, pro nota recutitorum versutia, suspectam esse debere fidem id genus nummorum, qui ab ipsis proferantur. Neque tamen e falforum aspectu probari continuo, nullos omnino exstitisse cufos aut signatos ante vel post captivitatem Babylonicam Hebræorum

rum nummos, sed ἀσήμες omnes fuisse & rudis metalli, quod Conringio, Wagenfeilio, Sperlingio visum. Nempe de ætate, loco & conditione erutorum id genus ac repertorum, quod fertur, in Judæa vicinisve locis nummorum, constare oportere, antequam de illorum omnium ἀνθερία vel νοθεία tuto queat pronunciari. Ex iis enim indiciis rite exploratis, & accurata nummorum istius generis inspectione, confidentius statui posse, ab iis maxime, qui nullo hic præjudicio ducti, & præterea usu aliquo in veterum nummorum tractatione, & facultate exercitati, eos diligenter expendant. Se quidem in præclaris cime-liarchiis incidisse subinde in Judæorum nummos, & cum Samariticis quidem litteris, quos pro sinceris ac antiquis agnoscere compelleretur; adeo omnia bonæ fidei argumenta concurrebant. Neque obstare, quod ultimorum etiam Regum ævo ad Jer. XXXII, pensī dicuntur nummi, quo minus signati ei esse potuerint. 9. 10. Sic enim apud Romanos quoque, non asses tantum librales ad-pensos, verum denarios quoque, argenteosque proinde num-mos, quam in rem Cassiodori locus adducitur. Nec probabile, Var. VII, 32. Judæos solos signati æris usu caruisse, Gentibus omnibus cir-cumfusus familiarissimo. Imo diserte νόμισμα suum, sat diu ante gentis sub Romanis excidium, Judæos habuisse, probare. Antiochi Sideris edictum, 1 Maccab. XV, 6: ipsosque nummos Simeonis, quibus liberatio Israelis commemoretur, additis etiam annis illius liberationis. Primum tamen initium nummorum Judaicorum, an inde sit arcessendum cum Conringio, multis ra-tionibus allatis non satis liquere demonstratur, judiciumque omne ea de re Nicolao Toinardo, qui aliquid insigne in eo ge-nere minari videatur, permittitur.

Non minus nova est in eadem dissertatione de Græco-rum antiquissimis, qui supersunt, nummis διάσκεψις. Nem-pe Conringii hic, ante tempus Peloponnesiacum cufos non dari Græcorum nummos statuentis, error luculenter vel ex nummo Amyntæ, primi eo nomine, sexti in serie Regum Macedoniæ, Cyri Cambylsive æqualis, confutatur: quem nummum in The-sauri Brandeburgici Vol. III. p. 4 cl. Begerus edidit; multo

p. 109.

TAB. I.
Fig. I. p. 18.Can. Isag.
p. 327.

L. I. c. 94.

scilicet antiquiorem alterius Amyntæ nummo, qui sit postremus eo nomine Macedoniæ Regum, maghi Alexandri avus, quem e thesauris Gallorum Regis memoret Harduinus Specim. Chronol. V. T. & nummum omnium, qui sunt in Cimeliis, vetustissimum arbitretur, quam Sauoti quoque sententiam meminimus esse P. IV. c. 17. At utroque tamen haut paulo antiquiorem, ex illustrissimi Comitis Pembrocix thesauris primus hic exhibet excellentissimus Autor, vetustissimi eum primo statim aspectu rudisque operis, hinc senilis barbati capitis cum Phrygio pileo effigie, illinc monogramma duas litteras A T complexum, representantem. Eum *Atyis* igitur esse statuit, non *Mane* quidem primo Lydorum Rege juxta Herodotum prognati, Lydi autem, a quo genti illi nomen, parentis: id enim, quo minus affirmare audeat, magnam efficere ait, quæ eidem ab autoribus tribuitur, vetustatem: sed cujusdam ex Heraclidarum Dynastia Lydiæ Regis, cujus dynastiæ octodecim Regum excidisse nomina, magnis Chronologis sit observatum. Immo, si Strabo audiendus sit, quod mirum, nec alii cuiquam, nec Scaligero, cui tamen ille Strabonis locus allegatus, fuisse observatum; secundæ hujus dynastiæ *Atyæ* fuisse, ex Herculis quippe & Omphales progenie ortum, ad quem pertineant ea omnia, quæ Herodotus ac Dionysius, tanquam gesta a vetustiore Atyæ, primæ apud Lydos Dynastiæ Rege, referant. Firmare autem illam de nummo isto conjecturam haut parum, quod Herodotus Lydos πρώτες τῶν ἀνθρώπων, ὧν ἡμεῖς ἴδμεν, ΝΟΜΙΣΜΑ χρυσῆ καὶ ἀργύρῃ ΚΟΨΑΜΕΝΟΥΣ χρῆσθαι dicat, cujus loci diligenter contra clariss. Sperlingium vindiciæ instituntur. De aliis antiquissimis Græcorum nummis, quorum nonnullos DCCC annis Christi natalem antecedere cl. Bernardus putabat, nihil addimus, cum ipse Vir illustrissimus hic obiter tantum eorum mentionem faciat, uberiusque de iis dicendi, ubi ad secundam dissertationem perventum fuerit, occasio sese sit oblatura.

De antiquissimo ære Romano loquens, asses librales superesse, contra doctiss. Vaillantium, qui id in præf. ad familias Romanas negaverat, non tantum in Museo S. Genovæ vulgaris

ad A. 1707. M. Febr. pag. 52. Seqq.

Fig. II.




Fig. I.




Fig. IX.



Fig.



Fig. X.



Fig. V.



Fig. VI.



D

e

Fig. XIV.




Fig. XIII.





Fig. XII.



tos asses librales & semisses allegando, demonstrat; (quales etiam in Cimeliarchio Sereniss. Regis Daniæ esse audimus, & Bibliotheca amplissimi Senatus Lipsiensis asservat) verum ipsi etiam sibi in Cimeliarchio Pembrociano quamplures ejus generis oblatos testatur, ex quibus aliquam multos ære incidi curavit. Inter eos plane singularis nec vilis hæctenus est quinqueßis, (nam quadrusßis in Museo S. Genovesæ publicatus extat) seu quinque assium libralium nummus, magnæ, ut ex conspectu ejus & attrectatione pateat, antiquitatis. Ab utraque parte signatum præfert bovem, TAB. I. ex more antiquissimæ pecuniæ. Stipem quoque uncialem præ- Fig.II. terire nefas gravis æris, cum pileato utrinque imberbi capite, Fig.III. quod suspicionem magno Autori facit, ad Vindictum id genus νομισμα pertinere, quem ob detectam liberorum Bruti cum Tarquiniis conjurationem, libertate aliisque honoribus auctum fuisse constat.

Multo magis quam prior locupletata altera prodit dissertatio, in cujus priore parte commendatio nummorum ab utilitate in re Grammatica instituitur. Primum hic locum tueretur satis prolixa, de litteris Samariticis, & an iis prius quam Assyriacis in sacris voluminibus usi fuerint Judæi, διασχεψis. Cujus momentum omne cum ipsi postremo Samariticæ scripturæ fautores in veteribus nummis positum esse dicant: siquidem non satis liquido de Thalmudistarum constet suffragio: Hieronymi, Ebraicarum quippe rerum non adeo periti, nulla sit autoritas: Eusebiani vero testimonii lubrica sit fides, ut quod in melioribus codicibus MSS. sive Græcis sive Latinis Chronici ejus sit omissum, ab ipso Scaligero in sua editione deletum; ex nummis demum quid confici possit, Vt magnus inquirat. Id igitur primo censet esse expendendum, si argumentum ex nummis Samariticis valere hic aliquid debeat; an constet de nummorum ejuscemodi ante Babylonicam captivitatem cuforum fide. Hoc porro certum esse, Phœniciam scripturam, quam eandem pene cum Samaritica censeant Scaliger, Bochartus, alii, subinde haut parum tamen ab ea discedere. Easdemque illas litteras omnium primavas a Cl. Bernardo statui quidem, non tamen extra omne dubium id collo-

cari. Scaligeri porro singularem plane sententiam esse, statuentis, nulla ab Esra mutatione facta Samariticas litteras a Mose usque ad excidium templi & gentis receptas fuisse, eas autem, quibus hodie utantur Judæi, plane novitias esse, depravatas ex Syriacis ut ex Samariticis istæ. Neque stare vel conciliari posse Conringii sententiam: dum hinc eandem immutatarum ab Esdra litterarum adsertionem, & quidem Eusebii ac Hieronymi autoritate tueatur; illinc tamen ex quotidiano & civili Judæorum post Esdram usu, eandem Samaritarum litterarum scripturam a Judæis retentam statuatur, litteras vero Assyriacas *nonnisi demum post tempora* Hassamonæorum, h. e. CCCC fere post Esdram annis, imo forte post excidium gentis Romanum in promiscuo usu constitutas fuisse dicat: cum diserte Eusebius & Hieronymus tradant, communibus suam gentem cum Samaritis litteris uti noluisse Esdram, ne iis misceretur. Ceteras Conringii contradictiones illustri Autori observatas præterimus. Hoc postremo observandum: cum ante & post captivitatem Babylonicam proferantur cusi cum Samariticis litteris Hebræorum nummi, iique pro genuinis ex æquo a Viris eruditis, qui Samaritarum litterarum apud Hebræos antiquitatem propugnant, habiti; hinc utique ex illustri Autoris sententia opinionem de immutata omni illa ab Esdra, juxta Hieronymum, ejusque sententiæ adsertores Talmudicos aut Christianos, scriptura, ac vetustiori Samaritica Samaritanis post captivitatem relicta, plane corrui, aut vero labare eorundem nummorum fidem, ita, ut nihil certi inde in dijudicanda hac lite possit desiniri. Id interea fatetur, e Judaicis illis, qui hætenus cum Samariticis litteris prostant, minus dubiæ fidei ac vetustatis viros, qui post captivitatem demum signati occurrebant. Quo in genere æreos tres ex Cimeliarchio Pembrociano exhibet atque explicat, qui ejusdem tamen sunt signaturæ, seque mutuo suppleant & explicent. Continent nempe memoriam juxta magnum, quem allegat, antistitem Loydium, libertatis Simeonis Sacerdotis summi ætate restitutæ, quod notat inscriptio **שִׁמְעוֹן לֵוִי** quemadmodum alii quidam nummi Samaritici, in quibus mentio **בְּאֵלֶיךָ** *Redemptionis*, ad templi Encæniam, a Juda Maccabæo facta,

facta, pertineant. Sed ea de re plura non addam, quod hanc sententiam jam publicam fecerit cl. Gagnerius in epistola, qua Relandianam nummorum quorundam Samariticorum explicationem confutavit. Ex hujusmodi vero nummis firmari sententiam Buxtorffii & Lightfooti censet, eorumque, quos illi allegant, Talmudicorum, qua legem Assyriacis litteris a Deo datam ajunt, Judæos vero cis Jordanem scriptura deinde usos, & quidem in rebus profanis, qua Cuthæi seu Samaritani solent: quam in rem duo ante a Viris doctis non observata loca producit, alterum, Maiemonidæ in Mischn. Massecoth Jadim IV, 5. alterum Obadiæ de Bartenora in Mischn. Tract. de Lotione manuum c. V. §. 6. p. 490 Tom. VI. Ed. Amstel. Quibus omnibus suffragantem Theologi clarissimi Petri Allixii adducit ad se datam epistolam, ex qua, paulo quippe prolixiore, id saltem liceat annotare, quod Hieronymum, qui solus relinquitur traditionis de litteris ab Esra immutatis autor, accepisse hoc somnium existimet ab ejus fursuris Judæo, quales fuere, ex quorum officina prodiit Liber IV. Esræ, qui concinnatus sit a Judæo facto Montanista. Eo enim c. 14. statui, totam Bibliothecam sacram in excidio urbis periisse, atque adeo ab Esdra Deo distante fuisse reparatam. Hoc nempe semel posito, nihil proclivius fuisse, quam credere, characteres etiam antiquos ab Esdra fuisse mutatos, in gratiam plebis, quæ sacram linguam in captivitate dediticera.

De Phœnicum porro litteratura haut paulo magis quam antea luculenter Vir illustrissimus disserit, vetereque mutata sententia jam propiores eas litteris Samariticis quam Assyriacis agnoscit, variisque Virorum doctorum circa eas castigatis erroribus, in usum eorum, qui Samariticis Phœniciisque monumentis aliquid operæ dare voluptati sibi ducunt, diagramma subjungit, quo juxta cum Alphabeto Hebraico, primo Phœnicium quale a Scaligero, inde quale a Bocharto exhibitum fuit, repræsentatur: Samaritanum porro Numismaticum, quale ex Judaicis & Africanis nummis Ed. Bernhardus collegit, & postremo Babylonium & Judaicum ab eodem descriptum.

Discursui de Græcorum litteratura Eduardi Bernardi turæ præmittit diagramma, quo quadruplex Alphabetum Græcum,

cum, Cadmi scilicet, Simonidis, sive Atticum, Alexandri M, atque Constantini M. prout ea quidem ex nummis, aliisque antiquis monumentis concinnaverat Bernardus, cum litteris Samaritanis sive Phoeniciis comparantur, atque ex iisdem derivantur. In eo autem notam incurrere censoriam Viro illustrissimo Bernardus videtur, quod Alphabetum Cadmi XXII absolvar litteris, cum non modo XVI tantum litteras Cadmum Græcis tradidisse, veteres scribant plerique omnes: sed & *Faû*, *Σραδδὶ* & *Κότ-πα* non adeo pro litteris habitas esse, (quamvis tamen de *Κότ-πα* paulo post notet, in antiquissimis nummis illud inveniri non *ἐπισήμα*, sed litteræ K vices obiens, adeoque non abs re forte in Cadmeis censer) *Ζῆτα* autem, *ἦτα*, *θῆτα*, *ξὶ* longe recentiores autores habere constet, atque adeo alphabetum XXII litterarum multis demum post Cadmum seculis fuerit completum. Imo & Ionicum jure dici posse Cadmi Alphabetum, dubium reddi, si iis sit locus, quæ Salmasio de alphabeto Ionico disputata fuere. Bæotis enim, non Ionibus ab eo id esse traditum: inde a Pelasgis primo usurpatum, unde Pelasgicum dictum, autore Diodoro: porro a Palamede & Epicharmo, Dorici generis hominibus auctum, ut ne tum quidem Ionicum dici queat. Imo, ne novis quidem suppletum augmentis a Simonide Ceio, Dorio homine, potuisse Ionicum appellari, quod perperam tamen visum Salmasio ad Inscript. Herod. p. 32. & in Addend. p. 132. Nec tamen etiam errorem cum feliciter emendasse in posterioribus addendis p. 228, ubi Ionicum Alphabetum dictum esse a Callistrato Samio, qui repertas variis temporibus litteras in unum coegerit in Samo, e Tzetze doceat, cum meliorem ejus rei autorem Andronem dare potuisset ex Suida, Ephorusque etiam cujus primus Vir ill. jam locum producit, apud ineditum Homeri interpretem, qui in Is. Vossii libris fuit, Peloponnesiaci belli temporibus, hanc Grammaticam adtulisse Callistratum, & Atheniensibus tradidisse testetur. Sed salvam tamen rem esse, neque ob stare debere male a Salmasio disputata Bernardo, quominus Ionicum dicat Cadmeum alphabetum, in sequentibus ostenditur. Nempe diserte Herodotum, qui ante bellum Pe-
lopon-

Ioponnesiacum scripsit, dicere, illatis in Græciam a Phœnicibus, qui cum Cadmo advenerant, litteris, a vicinis Ionibus eas in usum receptas & immutatas fuisse, sparsaque ea de re ab ipsis fama obtinuisse, ut Phœniciæ eadem litteræ vocarentur: quibus mox addit, se vidisse in antiquis Thebanorum inscriptionibus litterarum elementa, τὰ πολλὰ ὅμοια ἐὶν τὰ τοῖς Ἴωνικοῖσι. Unde & a Phœniciis primum litteras in Græciam illatas, & ab Ionibus, a quibus acceptæ, immutata, divulgata fuere, Herodoti ævo appellatas, & Ionicas has cum Phœniciis, quibus signati erant Thebanorum tripodes, easdem fuisse affirmatur. Imo nec a Callistrato Samio XXIV litteras primum fuisse constitutas ostenditur, sed a Palamede & Simonide Ceio vel cœvo ei Epicharmo, ut ex Plinio, Mario Victorino, aliisque constet, atque adeo hoc solum relinqui, ut deinde a Callistrato Samio constituta plenius, & ubique ab Ionibus, quin & Atheniensibus recepta dicatur Ionici illius XXIV litterarum Alphabeti forma. Quod autem porro Bernardus e nummis Siculis, Æginensibus, Bœotis, Atticis, aliisque collectum sibi Cadmeum sive Ionicum dicit Alphabetum, & quidem 1500 annos ante Christum natum conflatis, id suspectum viro summo. Ægienses sane in primis nummos hactenus nemini conspectos esse Elagabalo antiquiores. Præterea Achaicos, Atticos, & Bœotos nummos, in quibus ad caput Diagrammatis sui Bernardus Α Argos, FEI Epidaurum, ΘE Thebas, AΘE Athenas notare ait, DCCC annis Christi natalem haut antecedere, neque vel istam ætatem ista signa arguere. Præterea Θ non ex Cadmeis, sed autore Aristotele, ex Epicharmo inventis esse, non integris D ante Christum annis: Athenienses vero, diu post constitutam formam Alphabeti XXIV litterarum, Cadmeam tamen retinuisse, & A T H E, scripsisse pro A Θ E. Denique æreos nummos sub Archonte demum Callia Athenis cudi cœpisse, testibus Grammaticis ad Aristophanem, qui proinde quinque ante Christum seculis multo sint juniores. Eadem vero ratione, a littera Θ petita, Thebanorum quoque nummos, non attingere ætatem a Bernardo indicatam, evinci. Quin & colligi ex istis minus convenientem, a veteribus traditis esse ejusdem sententiam,

tiam, qua Simonidis alphabetum cum Attico idem faciat, cum & Dorius Simonides fuerit, cui non major cum Atticis, quam cum Ionibus cognatio, & diu post Simonidem Cadmeis litteris usos Athenienses constet. Minime omnium Atticos, imo nec cetera monimenta, ex quibus confici debuisset a Bernardo hoc Simonidis alphabetum, tria epistema *Faû*, *Σαδδὶ*, & *Κόππα*, quæ tanquam litteræ in hoc alphabeto censeantur, pro talibus usurpasse, nisi quod Koppa in antiquissimis quibusdam nummis vices τῷ K sustineat. Hæc de istis Bernardi diagrammatibus litterarum Græcarum, nam de Alexandri M. quidem alphabeto, prout ab eo exhibetur, liquida omnia Vir illustrissimus esse existimat.

Mutatarum autem litterarum Græcarum eam fere rationem edocet, ut scilicet primo Græcis traditas esse ipsissimas Phœnicum litteras ex Herod. V, 58 adstruat, inde ex eodem eorum cum sono modulum ab ipsis Phœnicibus mutatum, observet. Porro ab Ionibus magis immutatas agnoscat: quibus tamen mutationibus non longe a prima Phœniciarum litterarum forma recessum esse, vel ex eo constare ait, quod Thebis incisas vere Cadmeas litteras, Ionicis non dissimiles, Herodotus agnoscat. At nec Ionicarum eandem faciem semper mansisse, ut ex nummis constet & lapidibus. Sic enim litteram H in Sæculorum antiquis, Himeræorum puta & Selinuntiorum, Bæotorum item & urbis *Ismenes* nummis, non η, sed adspirationem notare. Exemplum τῷ Ϟ Koppa pro littera K, non *ἐπισήμω*, positi in nummis Crotoniatarum, Syracusanorum, & Corinthiorum esse, ut quæ de variis litterarum Ο & Ω itemque Π Ζ Σ & aliarum figuris in antiquo ære observavit, nunc taceamus.

De Gothicis & Latinis litteris, in priore opere dictis, non adeo multa accessere, ipsa tamen alphabeta Latina varii generis cum Gothicis una & Runicis exhibentur. Paulo liberalius aucta invenimus, de varia litterarum permutatione & orthographia disputata. Sed illis diutius hæc immorabimur, cum non omnes æque Lectores talibus capiantur. Ad tertiam igitur progredimur dissertationem, totam fere novam, cum eam partem vix paucis in priore opere tactam observemus, quæ, quid ad ci-

ad civilem morumque doctrinam conferat æris antiqui studium, ostenditur. Hic primum, quid ad utrumque nummi Græci conferant, docetur: Senatusque & Populi in urbibus ex iisdem observato regimine, rarissimus nummus, isque ineditus hucusque pro- TAB. I.
ducitur, in quo signatus habetur ab altera parte ΙΕΡΟΣ ΔΗΜΟΣ, Fig. IV.
in altera vas ingens, solitum ludorum præmium, & voces P. 134.
ΤΡΑΛΛΙΑΝΩΝ ΠΥΘΙΑ. Inde de variis Provinciarum
Romanarum Rectoribus in nummis Græcis, de cultu Romæ
ac Senatus in nummis Græcarum urbium, de juribus & privi-
legiis urbium in Græcis nummis consignatis, de fœderibus, so-
cietatibus, & concordia in iisdem, virtutum item, vel abundan-
tiæ & felicitatis symbolis, agitur. Similique inde modo,
quæ ad civilem & moralem doctrinam pertinent, in nummis
Romanorum spectantur. Ubi de virtutibus in nummis Au-
gustorum Augustarumque, Principumque beneficiis & parta ab
illis felicitate publica copiose disseritur.

Succedit quarta dissertatio, de Utilitate Nummorum ad hi-
storiam animalium: In qua inter alia multa Vir illustrissimus,
quo est candore, non valde opportune in prior editione a se
allegatos duos veteris Epigrammatis versus de Delphinis fate-
tur, quos ineditos crediderat. Scriptam vero ob eos sibi a
el. Gronovio plagii dicam, pariter ac ob fragmenta Callimachi,
quæ idem Vir doctus *grassatione nefanda, & per teterrima furta*
ad novam illius Poetæ editionem a Spanhemio atque Bentlejo
contrectata, conquestus fuerat, de quibus jam ad Helladium
monuerit Meursius, & quæ proinde ab ea *scditate*, qua inde
nempe illi inquinantur, sint *liberanda*, strenue amolitur. Quem-
admodum & in præfatione, ob consimilia humanitatis specimi-
na alia, modeste & graviter Virum illum clarissimum compel-
lat, & censuræ in Republica litteraria perpetuæ, modo ne Do-
mitiani ingenio administrandæ, iniquitatem ei exprobrat. No-
va autem plane sunt, ut ceterorum supplementa innumera ta-
ceamus, quæ de *phoca* & *phocæna* in hac dissertatione ex num-
mis disseruit, ubi contra Harduinum ostendit, non *phocæna* Fig. V.
quidem, bene *phocænam* tamen esse, quæ in nummis Phocæen- P. 235.
sum exhibetur, ipsas origines appellationis *Phocææ*, ut Heracli-

dis de Politiis testimonio ostenditur indicantem, neque adeo primo Sponio in mentem ejus rei venisse, quod Harduinus putaverat, demonstrat.

Idem de animalibus argumentum continuatur per totam Dissertationem quintam. In qua primum locum statim obti-

TAB. I. net capricornus, quo insignitum præterire non possumus singu-
Fig. VI. larem nummum, urbis plane ignotæ, ΑΓΟΥΚΤΑΝΩΝ, quam
p. 240. inscriptionem ad Siciliæ *Agostam*, quod nulla ejus apud anti-

quos mentio sit, illustrissimus Autor referre veretur, ut quæren-
dum supersit, cujus ille nummus urbis gentisque esse debeat.
Harpyiæ ex nummis Brandenburgicis in hac dissertatione nunc
demum producuntur. Inde vero sexta de Utilitate Nummo-

rum ad historiam plantarum agitur. Hic de Silphio dum disseritur,
Fig. VII. singularis Gazæ Regis Galliarum exhibetur nummus, altera par-
p. 296. te Jovis Ammonis caput cum IV litteris BAPK, *Barcen* urbem,
quæ erat una ex Cyrenaicæ Pentapoleos, designantibus, alte-

Fig. VIII. ra Silphium repræsentans: alium item ex Pembrociano cime-
p. 297. liarchio cum eodem Jovis capite, aquila fulmini insidente, mo-
nogrammate & caulis Silphii parte. Inter nummos cum mal-

Fig. IX. lis Hesperidum refert, qualem alibi nuspiam se observasse me-
p. 335. minit, inter cimelia Viri præclari Christophori Vreen obvium, al-
tera parte caput leonis, altera arborem Aurantiæ similem ex-

Fig. X. XI. hibentem, nulla addita inscriptione. Quem tamen ex illis si-
p. 360. gnis colligit, in Africana aliqua Mauritanicæ, velut Lixi aut Cy-
renaicæ urbe esse signatum. Et ut alia infinita raceam, Bala-
mi Judaici figuram, ignotam fere, ex duobus nummis, Samaritanico
altero, altero Romano, accuratius nunc delineatis, exhibet.
Sed ecce ad dimidium vix nobis perducta amplissimi operis
historia, jamque tamen chartæ implevimus affatim. Quam-
obrem consultius ducimus, ut, abrupto hic recensionis filo, ad
proximum mensem, quod restat, differamus, quo longe nobilis-
simam operis partem, historiam quæ concernit, veterisque æris
in ea utilitatem percurreremus.

ANT. PAGI CRITICA HISTORICO-CHRO-
nologica in Annales Baronii. Tomus IV. Studio

FRANC. PAGI.

Colo-

Colonia Allobrogum, sumptibus Societatis, 1705. fol.

Constat Alphab. 9.

Turpem rerum divinarum humanarumque ignorantiam pessimos parere mores, & in omnem præcipitare scelerum libidinem, vel solus satis confirmat; quem historia Tomi hujus IV complectitur, Ecclesiæ status. Observavimus in Actis nostris anno superiori pag. 433 ex recensione Tomi III, fugatas ex foro & Ecclesia litteras, insecutam esse barbariem & superstitionem profundissimam. Misera isthac hominum ætas protulit progeniem avis sane adhuc pejorem, flagitiis addictam nefandis, a quibus etiam gentiles verecundia absterruit. Quamvis autem scelerum, tunc temporis grassantium, ignominia viri, adeo in Republica sacra pariter ac civili principes, dignitatem suam conspurcarint turpissime, eo tamen non obstante, odiosum hoc historiæ emendatæ intervallum clariss. Auctor tali continuavit candore, ut nec summorum Ecclesiæ Romanæ Episcoporum vitia silentio præteriret. Vel ideo non indignus erit Tomus præfens ultimus, ex quo, more nobis consueto, excerpamus pauca quædam memoria digniora, quæ scriptoris industriam confirment ulterius, atque demonstrent. Telam autem narrationis suæ, a primo orsus Germanorum Imperatore Ottone Magno, ad Papam Innocentium III pertexuit, An. C. 1198 ad dignitatem Pontificis progressum, quo ipso Auctor labori coronidem imposuit. Nomen augusti hujus Principis invisum fuisse curiæ Romanæ, palam omnino rerum hoc tempore gestarum peritis, neque. Noster circa An. C. 967 & sequentes reticuit, unde in odium istud inciderit: videlicet, quod decreto de ordinando coram Cæsaris Legato Papa, exauctoratione Johannis XII, atque aliis constitutionibus Pontifices in ordinem redegit. Attamen repetiit simul, & in laudem ejus probavit ex scriptoribus coætanis Reginone, Luitprando, & aliis, curam ab ipso sacris instaurandis adhibitam, præsertim quod confirmaverit donationes Pipini & Caroli M, non autem Ludovici Pii, cujus diploma supposititium esse largitur, item quod A. C. 967, Romanos, qui Johannem XIII expulerant, justo affecit supplicio, & Magdeburgensem Archi-Episcopatum in Regno Saxonum

juxta Albim, ut epistolæ Pontificis verbis utar, instituit. A. C. 964 Benedictum V, eo quod, invito Imperatore Ottone, electus erat, capta urbe remotum esse a dignitate sua & custodiz Adal-degi Archi-Episcopi Hamburgensis traditum, deductumque ab eo Hamburgum ibidem obiisse, cujus cenotaphium in templo cathedrali adhuc sit conspicuum, sed valde immutatum & corruptum. Ad A. C. 965 erudite differit de Ecclesia Poloniz, eamque ab Andrea Apostolo fidei quidem lucem accepisse, concedit, quæ vero temporum injuria adeo postea iterum ob- tenebrata sit, ut ad præsentem usque annum, quo Mie- eislaus, Poloniarum Regum primus, Christi sacris initiatus est, nullus publico nomine religionem Christianam palam profiteri auderet. A. C. 967 Heroldum, Archi-Episcopum Salisbur- gensem, utroque antea orbatum oculo, eo quod seditionem excitaverat in Imperatorem, & Ecclesias deprædatus, multum Christianorum effuderat sanguinem, in Concilio Ravennaten- si re- motum esse ab officio. A. C. 969 alligavit nefandam Impera- toris Phocæ necem, a successore ejus Johanne patratam, qui ipse postea anno 975 veneno interiit. Circa A. C. 970 differit de pœnitentia Edgari, Angliæ Regis septennali, a Dunstano ipsi injuncta, ob violatam Edithæ monasterio dicatæ virginitatem, quam non serius contigisse, contra Baronium defendit, quam an- no 964. Eodem anno 970 Benedictum VI Papam, laqueo suffo- catum, in sede Pontificis Bonifacium VII excepisse ex Sigeberti Chronico efficit. Circa A. C. 975 cometam refert compa- ruisse, terrorem omnibus incutientem, ex cujus conspectu fau- sta complurima augurati sint Imperatori Symeones, Logotheta atque Magister, nec non Stephanus Nicomediensis Præsul, vi- ri ea ætate doctrina clari, sed plane contrarium evenisse. I- bidem agit de vera Symeonis Metaphrastis ætate, quem ad hunc usque annum superasse statuit, sicuti & Suidam eodem floruisse tempore, ex evolutione vocis 'Αδαμᾱι, quæ in Lexi- co ejus obvia est, colligit. A. C. 979 Pilgrinum, Archi-E- piscopum Laureacensem, Hungarorum conversioni dedisse ope- ram, ex litteris ejus a Lambecio lib. 2. Biblioth. Cæsareæ p. 6410 reci-

recitatis observat. A. C. 980 tribuit persecutionem Christianorum in Dania, quam Sueno excitavit, ejurata in Christum fide, paulo ante cum patre suo Haraldo suscepta. Ad A. C. 987 eruit ex collatione Elmacini Historiz Sarac. cum Cedreno & Sigismundo Herbersteino, circa hanc ætatem Russos seu Moscovitas sub Imperatore Basilio Christianam à Græcis accepisse fidem, qui vero nondum tunc temporis schismatis atque hæreseos rei fuerunt, id quod contra Possevinum pluribus propugnat. A. C. 993 Udalricum, Episcopum Augustensem, relatum ait in album sanctorum a Johanne XV, eumque primum fuisse, qui hoc honore mactatus sit, adversus Baronium ex Mabillonio aliisque demonstrat. Circa A. C. 996 ex Codice Diplomatico Excellentiss. Leibnitii, & monumentis quibusdam aliis efficere studet, institutionem septem Imperii Electorum Gregorio V Papæ male esse adscriptam, medio enim circiter seculo XIII, & non antea, Collegium istud illustre in electione Regis Germaniæ prævaluisse, idque ita quidem, ut numerus Electorum exiguus potentiorum usurpationi adscribendus videatur, cum antea omnes Proceres jus in electione Germanorum Regis possederint atque usurparint, neque illi renunciassent eos ex antiquis scriptoribus pateat. Ad A. C. 999 Goldastum refellit, quod Silvestrum II ab Ottone III Papam creatum, ex subditiâ quadam Imperii constitutione probare ausus sit. A. C. 1002 vitam cum morte commutasse vult Ottonem III, *mirabilia mundi* vulgo appellatum, ob res præclare gestas, præcipue ob eruditionem, quibus omnes in admirationem rapuit. Circa A. C. 1004 floruisse Fulbertum Carnotensem ac Leutherium Senonensem, quorum prior prodromus vulgo habeatur Berengarii, non quod veritatem corporis Christi negaverit penitus, sed quia tantum dignos illud accipere statuit, quapropter etiam a Roberto Rege acriter sit increpitus. A. C. 1007 Angliam a Danis sæpius hætenus afflictam, tandem tributum solvere illis coepisse. A. C. 1009 Johanni XVIII successisse Sergium IV, ante occupatam Pontificis sedem *os porci* vocatum, quod nomen ab Historicis perperam Sergio III tribuatur, contra

tra fidem præstantissimorum Pontificum catalogorum. A. C. 1013. Unwani refert successisse Libentio in Archi-Episcopatu Bremensi & Hamburgensi, tunc temporis unitis, unde etiam Archi-Episcopi illi, modo Hamburgenses, modo Bremenses ab Historicis appellantur, secus ac Baronius senserit. Hujus autem Unwani præclara esse in Ecclesiam & civitatem Hamburgensem merita. Reconciliatis enim cum Duce Saxonie Bernhardo Vandalis, Hamburgum, anno præcedenti ab illis vastatam, instaurasse, Ecclesiam Cathedrali & ædificia alia ex ruderibus resuscitasse, cives passim dispersos undique revocasse, novosque insuper incolas recepisse, opem ei ferente ipso Duce Bernhardo. Ad A. C. 1016 refert primum Normannorum in Apuliam adventum, castigato Baronii parachronismo, bellaque illorum, contra Græcos fortiter gesta, sequentibus annis egregie passim collustrat. Circa A. C. 1020 morem invaluisse docet deferendi sanctorum reliquias in Concilia, ad augendam populi visitantis devotionem. A. C. 1024 Benedicto VIII successisse Johannem XIX, qui ex laico promotus est in Pontificem, inaudito hætenus exemplo. Ad A. C. 1033 depingit ex Victoris III Papæ epistola deplorandum Ecclesiæ statum, grassante præsertim in Italia simonia, ipso Pontifice Benedicto IX sacerdotium numerata pecunia ingresso, qui etiam postea dignitatem suam turpissima vita inquinavit. Ad A. C. 1034 agit de gente Leuticorum, quæ sæpius in Christianos pessime sævit, eamque sitam fuisse ostendit in Germania ad mare Balticum, in Ducatu Megapolitano. Cum A. C. 1039 connectit disquisitionem de Canonicorum Regularium instituto & ortu, & Gabrielem Pennotum refellit, qui eos ab Apostolorum usque ætate derivat, cum nulla hujus instituti in Scriptoribus Ecclesiasticis antehanc ætatem occurrant vestigia, quin Abælardus, qui seculodemum sequenti floruit, suo tempore novum fuisse testetur. A. C. 1044 inseruit historiam schismatis inter Benedictum IX, Silvestrum III & Gregorium VI, qui eodem tempore in sedem Pontificis involarunt, eorumque simoniam, & alia scelera, neque occultat, neque excusat, ex numero autem verorum Pontificum propterea excludi debere inficiatur. Circa A. C. 1052 animad-

animadvertit, centum & amplius ante præsentem annis cœlibatum neque in pluribus Franciæ & Italiæ partibus, neque in Anglia ac Germania a sacerdotibus passim fuisse observatum. A. C. 1054 Ecclesiam Græcam divisam esse a Latina ait culpa Michaelis Cerulatii Patriarchæ, promovente schisma Michaelis Psello, occasione azymorum Romanæ Ecclesiæ in sacra cœna usitatorum, in quo ritu præcipuam controversiæ causam fuisse statuit. A. C. 1058 alligavit ortum Patarinorum ab urbe Pataria dictorum, eo quod in illam secesserant. Fuisse autem Patarios sacerdotes docet, non concubinarios, ut Sigonius refert, sed cœlibatum defendentes, qui etiam Arialdistæ appellati sunt, ab Arialdo Mediolanensi Episcopo, præcipuo conjugii Clericorum oppugnatore. Quod tamen nomen postea etiam aliis hæreticis in Italia præcipue Manichæis a vulgo tributum sit in detestationem omnis veræ fidei corruptionis. A. C. 1059 Nicolaum II, qui superiori anno in locum Stephani IX electus erat, constitutione peculiari electionem Pontificis Cardinalibus adscripsisse, addita in favorem Henrici IV cautela, ne Pontifex antea consecraretur, quam Regi electio esset indicata. Ad A. C. 1063 retulit contentionem Canonicos inter & Petrum Damiani de proprietate bonorum & aliis, quæ in Canonicis improbavit atque rejecit. A. C. 1071 inseruit vitam ac laudem Michaelis Pselli literarum in Oriente instauratoris celeberrimi. A. C. 1085 adsignat obitum Gregorii VII Papæ, cujus cum Henrico IV Imperatore simultates tanto persequitur studio, ut vix quicquam memoratu dignum prætermisisset, & ad suam ætatem omnia revocasse videatur, magis tamen Papæ favet partibus, quam Imperatoris. A. C. 1086 mortuum statuit Anselmum Episcopum Lucensem, scriptorum hac ætate multis, quos exclusit, ingenii fœtibus præstantem, cui etiam Collectio Canonum Ecclesiasticorum tribui soleat, sed reluctante veritate. Multa enim complecti librum hunc Pontificum decreta, ad quorum tempora Anselmus non pervenerit, nec meminisse ejus vitæ ipsius auctorem Sebastianum Tengnagelium, nec Sigebertum, nec Trithemium. Cum A. C. 1088 connectit mortem Berengarii, quem pestilentissimum quidem hæreticum vocat, sed post multiplices in hæ-

resin relapsus tandem vere resipuisse statuit, secus ac Baronius putavit, id quod probat ex Hildeberti Cenomanensis epitaphio, Francisc. Rottii dissertat. de Pœnitentia Berengarii, Clarii Floriacensis Chronico Senonensi & aliis ea de re testimoniis. Ad A. C. 1090 exposuit miram officii Gallicani in Ecclesiis Hispaniæ receptionem. Cum enim ritus Gallis usitatos Clerus populusque totius Hispaniæ omnibus modis recusarent, Regique ac legatis ejus obsequium in mutandis sacris denegarent, commissa est dissensus diremtio pugnae inter duos & igni. In illa victor evasit miles officii Toletani, in igne in quem & liber officii Toletani & liber officii Gallicani conjectus erat, prior mansit illusus. Eo tamen non obstante Regis rata fuit voluntas: servandum esse in omnibus Regni sui finibus officium Gallicanum. A. C. 1095 Synodum celebratam esse Claromontanam, ob canonem *de communione sub utraque specie* memoratu dignissimum. Prohibitum enim illo est, *ne quis communicet de altari, nisi corpus separatim & sanguinem similiter sumat, nisi per necessitatem & cautelam.* Auctor noster canonem hunc ex Petro de Marca collustrans, pravam istam consuetudinem, panem vino tinctum in sacra cœna porrigendi fidelibus, male a Baronio ascribi Berengario asserit, cum apud plane alios, disciplinæ ecclesiasticæ ignaros, Græcos præcipue, invaluerit. Adversari hanc eucharistiæ formam institutioni Christi, qui corpus seorsim a sanguine commendaverat, concilio Bracarensi III, quod similem corruptelam damnavit, confirmat. Circa A. C. 1114 floruisse ostendit Petrum Abalardum, cujus vitam, eruditionem, scholarum celeberrimam & amores præcipue Heloissæ, virginis eruditionis fama inclutæ, quomodo illis illaqueatus, fidei ipsius ac doctrinæ commissam defloraverit, & ob turpissimum istud scelus membro, quo peccaverat, fuerit mutilatus, paucis collostrat. Cum A. C. 1124 connectit conversionem Pomeranorum per S. Ottonem Episcopum Bambergensem. At C. 1153 S. Bernhardum, Abbatem Claravallensem, cum ætatis suæ annum sexagesimum tertium & Præfecturæ cœnobii annum trigesimum octavum explevisset, animam Deo reddidisse sentit, quæque ab eo præclare gesta sunt, summa cum diligentia passim proluxius persecutus

cutus est, atque ad ætatem suam revocavit. A. C. 1164 mortem Petri Lombardi vindicavit, patrem vero ipsi Gratianum & fratrem Petrum Comestorem fuisse, ob diversam horum patriam, inficiatur. Ad A. C. 1176 inter fabulas refert, quæ de reconciliatione Friderici Barbarossæ cum Alexandro III vulgo jactantur, quasi Imperator osculum figens Papæ, dixisset: non tibi, sed Petro; & vicissim Papa osculum admittens, & caput ejus premens, respondisset: & mihi & Petro. A. C. 1197 addit de Valdensibus, quorum historiam jam supra passim tetigerat, eos in Hispania Sabbatatos appellari, quia in sotulari, quod ibi Zabbati vulgo dicitur, signum singulare quoddam, quo ab ipsorum complicibus cognoscerentur, gestabant.

*HADRIANI RELANDI DISSERTATIONUM
Miscellanearum Pars prima.*

Trajecti ad Rhenum, ex officina Guilielmi Broedelet, A. 1706.

Plagul. 22.

Singulari Autoris Cl. humanitati debemus, quod eruditissimas ejus dissertationes hic tibi L. B. exhibere queamus. Pro ea enim, qua rem literariam juvare solertia studet, humanissime eas nobiscum communicavit, & quæ præter eas in his Eruditorum Actis speranda habeamus, luculento nobis documento demonstravit. Complectitur prima hæc pars Dissertationum Miscellanearum sex potissimum exercitationes, quas illustri Huetio, harum literarum eximio patrono, dedicavit Cl. Autor, inque iis singulare judicium, uberrimamque optimorum Græciæ, Latii, quin & Orientis, qua patet, Autorum lectionem ostendit. Prima Dissertatio de situ Paradisi terrestri ad Gen. II. v. 10 conscripta est: quod argumentum, ut vel ex his Eruditorum Actis patet, Bocharti, Clerici, Huetii, pluriumque maximorum Virorum ingenia, vario quidem successu, occupavit. Missis autem aliorum sententiis suam, veritati fortè propiorem, exponit Autor Cl. In Armenia scilicet olim fuisse Paradisum terrestrem putat, & eo quidem loco, qui medius est inter fontes quatuor fluviorum, Phasidis, Araxis, Tigridis & Euphratis. Distincta enim ipsis fluminibus capita, distincta nomina tribui:

§. I.

- §. 2. ergo & ipsa flumina distincta esse, nec pro ramis forte Tigridis ac Euphratis haberi debere. Phisonem igitur Phasium esse, §. 3. quanquam paulo minorem fluvium, & nominum similitudine, & situs ratione, & plurimorum testimonio Scriptorum probat.
- §. 4. Chavilam vero a Chavila, fratre Ophir, Hebri nepote, nominatam, quam universam circumire Phison dicitur, non esse pro Amalekitica habendam, vel cum Huetio ad Persici sinus litus collocandam, sed in Scythia prope & ultra Colchidem quaerendam, §. 5. putat, quippe ubi, testibus veteribus Scriptoribus, plurima auri pretiosorumque lapidum copia habeatur, & quæ ipso nomine §. 6. ac descriptione cum Colchide conveniat, & urbem etiam aliquam
- §. 7. *Χάβαλα*, ejusdem fere cum Chavila nominis, habuerit. Quæ §. 8. fusius Autor inde a §. VII. ad XV. ex optimis Autoribus probat: primas Scytharum, antiquissimarum gentium, sedes circa Colchidem fuisse e Diodoro Siculo observat, aurum optimum §. 9. 10. in Colchide abundanter provenire, vel ex aurei velleris fabula, Strabone, Appiano, Solino, Plinio, & Agathia clarissime docet: nomina lapidum pretiosorum, in Chavila inventorum satisque omnibus obscurorum, explicat, per *ברלח*, contra Bochartum,
- §. 12. 13. CrySTALLUM Scythiæ optimum, teste Solino, per *אבן השלל*
- §. 14. 15. Smaragdum, pariter Scythiæ præstantissimum, intelligendum esse, multorum consensu Physicorum evincit. Secundus Paradisi fluvius, cujus nomen dicitur Gihon, quique totam alluere terram Cush perhibetur, Autori nostro Araxes est, qui accolis §. 16. hodie Arras dicatur, & modo Armeniæ, modo Scythiæ flumen appelletur: quod nomen Arras cum nomine Gihon maxime pere conveniat, cum utrumque eruptionem illam & impetum, quo flumina ferri solent, designet, unde & hoc nomen Persis commune fluviorum rapidorum sit, cujus rei ignoratio ingen- §. 17. 18. tem apud Geographos confusionem pepererit. Terram porro §. 19. Cush, quam ille alluere dicitur, montanam regionem Cusiorum, quæ non longe abfuit ab Araxe, fuisse putat, eque Polybio, Appiano, Strabone, Diodoro Siculo, Arriano, Plutarcho probat. Tertium fluvium Chiddekel Tigridem esse, aliis consentientibus statuit, & Huetio, nomen Tigris e Chiddekel derivanti, annuit: descriptionem vero, qua is e fontibus suis fluere versus Assyriam dici-

dicatur, multo aptius suæ, quam vel Huetii, vel alius cujusdam, de situ Paradisi, sententiæ convenire dicit. Quartum denique fluvium Phrat, communi eruditorum sententia, Euphratem esse perhibet: voculam scilicet *Au* vel *Eu* aquam Persis significare, illorumque more nominibus fluviorum propriis jam postponi, jam præponi, erudita digressionem ostendit. Horum igitur quatuor fluviorum confines ac vicinos esse fontes, inque Armenia cunctos positos, e Strabone, Arriano, Plinio, Diodoro Siculo confirmat, hosque omnes e fluvio uno Edenico ortos præviis sacris literis declarat: quanquam ipse fluvius Edenicus hodie a nemine ostendi possit, ideo, quod cum ipso Paradiso post Parentum lapsum a Deo deletus fuerit, nec ullibi, nisi sub terra, forte, inveniri possit. In dissertatione secunda de Rubro Mari duo potissimum examinat Autor Cl. 1. quid pro mari rubro debeat haberi? 2. unde nomen rubri videatur esse deductum? Errare scilicet illos docet, qui maris rubri nomen non ultra sinum Arabicum, quem sicco pede transiverunt Hebræi, extendendum esse putant: quod tamen antiquiores & recentiores Geographi in suis tabulis, & Lexicographi cum Hofmanno faciant; undeque plures Critici in explicandis Diodori Siculi, Curtii aliorumque Autorum locis crassos satis errores committant. Vastius igitur & remotius æquor a veteribus nomine maris rubri intelligi, quam ut id sinui Arabico tribui possit, existimat. Mare scilicet, quod totam Asiam a meridie alluat, rubrum appellatum fuisse, ex Herodoto, Plutarcho, Dionysio, aliisque docet: illo Indiam terminari ex ejusdem Dionysii περιγῆσι, Livio, Curtio, Mela, confirmat: Sinum Persicum, unde plures gemmæ ac margaritæ eruantur, item Sinum Arabicum mare rubrum vel maris rubri sinum dici, e Lucano, Seneca, Propertio, Beroso, pluribus aliis declarat. Hanc suam sententiam porro ex iis Scriptoribus, qui data opera de Rubro Mari scripserunt, Agatharchide & Arriano roborat. In altera Dissertationis hujus parte appellationis hujus maris rubri originem inquit, eamque non ab Hebræis, quippe quibus non audiat hoc mare rubrum, sed a Græcis Latinisque petendam censet. His igitur ea ἐρυθρὰ appellari, quæ Soli propiora ejus

§. 20.

§. 21.

§. 22.

§. 1.

§. 2.

§. 3.

§. 4.

§. 5. 6. 7.

§. 8.

§. 9.

§. 10.

- radiis perusta quasi & rubicunda sint, unde rubicunda Africa, & plaga torrida quoque *ἐρυθρὰ* Eratostheni, Virgilio aliisque, §. 11. rubens appelletur; rubrum igitur id mare dici, cui Sol quasi supra verticem esset, e pluribus veterum locis erudite contendit, §. 12. Deinde Fullerii, Scaligeri, Drusii, Bocharti aliorumque Eruditorum communem fere sententiam, qui mare rubrum ab Edom, §. 13. ejus accolis, vel etiam Rege Erythra in Arabico sinu suffocato, dictum volunt, multo verosimillimis rationibus confutat, & do- §. 14. 20. ctis ubique digressionibus, multis Poëtarum ac Historicorum, Geographorumque locis explicatis, illustrat, adeoque hujus ob- §. 23. servationis suæ, qua mare rubrum vastum illum Oceanum ab extremis Indiæ litoribus usque ad orientale latus Africæ se extendentem esse evincit, usum in Autorum sacrorum & profano- rum lectione luculentissimum ostendit.

- §. 1. Tertia Dissertatio agit de monte Garizim. Hujus primo va-
 §. 2. rias appellandi ac scribendi rationes ex Ebræo, Chaldæo, Græco, Arabico, Syro, Samaritano Latinoque idiomate notat: montem benedictum a Samaritanis a benedictionibus olim inde recitatis
 §. 3. Deut. XI, 29. a Judæis ob cultum idololatricum ibi institutum, פלשניס quasi *πελεθρὰ νὰὸς* stercoreum templum dictum ob-
 §. 4. servat: ratione etymologica autem montem messorum signifi-
 §. 5. care docet. Deinde Epiphanii, magna fiducia hunc montem
 §. 6. ad Jerichuntem positum fuisse asseverantis, errorem redarguit.
 §. 7. Neque tractum aliquem montium, sed unum omnino contra
 §. 8. Gerardum Mercatorem, eumque penes urbem Sichem situm, fuisse Judic. IX, 7. ostendit. Ista occasione pluscula de urbe
 Sichem eleganter examinat. Scilicet *Μορβία* illam in antiquis
 nummis, a Plinio vero & Josepho Mamortham & Mabartham
 a loco vicino Moreh nominatam. Eandem in N. T. Joh. IV, 5.
 §. 9. Sichar, quod mendacium notat, ob cultus divini ibi exerciti fal-
 §. 10. sitatem dictam: frustra autem ab Eusebio, falsa τῶν LXX
 §. 11. translatione loci Gen. XXXIII, 8. seducto, eandem Salenti appel-
 latam, nec sine errore Cl. Dherbelotii in Bibliotheca Orientali p.
 §. 12. 753. cum urbe Sebaste confusam demonstrat. Deinde ad ipsum
 montem reversus, singularem ejus altitudinem Judæis fabulæ oc-
 casionem dedisse commemorat, ut contra expressa Mosis verba
 Genes.

Genes. IV, 19 hunc a diluvio separatum non fuisse fingerent. Quæ de imagine columbæ, a Samaritanis in hoc monte erecta, & culta ab Ebraeis, dicantur, ea de Telesmate quodam, æneæ scil. ave, a Romanis ibi constituto, intelligenda, e Scriptoribus Samaritanis Autor docet. Deinde dum ritum Samaritanorum, ad montem Garizim, dum precabantur, vultus convertentium tradit, Epiphanii fabulam de idolis sub illo monte absconditis examinat, illamque ex historiis Samaritanis perperam intellectis petitam ostendit: deque vasibus sacris ab Ozi Sacerdote 1 Chron. VI, 6. DEI jussu ibi absconditis intelligendam, e Josepho, Libb. Maccabæorum aliisque Samaritanorum monumentis erudite demonstrat. Tandem Theodoti aliquod fragmentum ex Euseb. Præpar. Evang. IX. 22 de situ montis Garizim & Ebal addit, illudque critico examine in quibusdam emendat. Dissertatione quarta ut de terra Ophir cogitationes suas rectius proponeret Autor Cl. primo certa quædam & indubitata illius terræ *χρυσίηρα* e 2 Chron. IX, 21. & 1 Reg. IX, 27 constituit, ea- que omnino regioni circa urbem Ouparam in India, quæ & Suphara dicitur, uti & Ophir Sophira, competere pluribus probat. Urbem quidem Ouparam satis e Ptolomæo, Ammiano Marcellino, Arriano in Periplo notam esse: Ophir autem, quæ & a LXX Interpretibus & a Josepho ac Origene Sophir sive Sophira perpetuo fere nominetur *χρυσικήν γῆν* veteribus Geographis dici, eoque nomine a *Χρυσικῶ νήτῳ* sive aurea Chersoneso distingui, tractumque illum circa Goam notare, e Mela aliisque perhibet. Huic regioni omnia ista competere, quæ de Ophir in sacris literis dicantur, docet. Primum ingentem, ibi auri, argenti, eboris, simiarum & pavonum copiam fuisse, e Diodoro Siculo, Dionysio Periegeta aliisque Geographis ac Pœtis probat, qui omnes non solam Chersonesum auream, sed universam Indiam, ut harum rerum feracem, describant, e qua in terram urbemque Ouparam celebre ac maritimum emporium, illa quasi confluxerint. De eboris etiam in hac regione copia Indicorum Elephantorum multitudinem, magnitudinem & singularem præ Africanis præstantiam, tot Autorum testimoniis & *εισφορῆς* probatam, neminem dubitare sinere, existimat. Si- mia-

§. 13.

§. 14.

§. 14.

§. 5. 6.

§. 7. 8.

§. 9-10.

§. 11.

§. 12.

§. 13.

- miarum ac pavonum, quorum tamen loco psittacos substitui mavult noster, lignorum item ac lapidum pretiosorum magnum in Oupara numerum fuisse, ex Æliano & Arriano, Curtio aliisque confirmat: e quibus primum *κριτήριον* terræ Ophir Ouparæ, quam ea indigitari putat, vindicandum censet. - Secundum quoque *κριτήριον*, quo in tali regione collocandam terram Ophir dicit, ad quam facilius, tutius, ac brevior via sit e portu finis Arabici, quam maris mediterranei, terram hanc Ouparam designare, ex ipso Ouparæ situ statim patere existimat. Eadem opera & tertium *κριτήριον*, ne scilicet in terra nimis remota Ophir statuatur, e situ Ouparæ deducit, quippe cum Salomonis tempore, imo aliquot post illum seculis, ultra Gangem non pergerit ullarum gentium navigatio, verosimilius longe putat, naves mercaturæ faciendæ gratia circa loca Ouparæ vicina constituisse, quam easdem ad auream usque Chersonesum pervenisse.
- §. 15. Denique quod quartum supposuerat Autor noster, non tam vicinam Ouparam Judææ fuisse ostendit, quin ad eundem eo ac redeundum pro illorum temporum navigandi modo, triennii fere spatio opus fuerit, cum littora saltem legerent, & interdum fere tantum navigarent, multisque aliis impedimentis ac ipsarum mercium permutatione retardarentur. Quibus omnibus per terram Ophir Ouparam potissimum intelligendam Autor Cl. evinci posse, existimat.

§. 1.

§. 2.

Dissertationem quintam de Diis Cabiris scriptam a se occasione dissertationis Cl. Gutberletii, tractatusque Jo. Antonii Astorii, J. Cti Veneti, de eadem materia fuisse, affirmat. Qui quidem cum in ratione denominandi a Celeb. illis Viris tradita acquiescere non posset, humaniter sane cum eruditis egit, quod suas quoque meditationes iisdem communicavit. Id igitur antiquissimum habuit, ut ostenderet, quot & qui Dii hoc nomine olim in Samothracia culti fuerint. Post Castorem & Pollucem vero quatuor omnino tales fuisse Mnaseæ testimonio a Scholiasta Apollonii Rhodii conservato probat: Cererem scilicet Proserpinam, Plutonem & Mercurium. Eos Deos Cabiros i. e. *חבירי* sive socios, socialia numina, Junctos appellari: quæ appellandi ratio, ut in Geminis Castore & Polluce ultro pateat, ita

ita Cererem ac Proserpinam, Plutonem & Mercurium eodem nomine dictos, putat, quia isti quatuor *ἑοὶ καὶ θεοὶ* Dei inferi in mortuorum cura communes operas jungant. & collegium quasi quoddam constituent. Quæ cura ut singulis competat, prolixè ac erudite docet. Horum sacra ideo nocte celebrata dicit, quod Castor & Pollux non nisi noctu navigantibus profuerint, & reliqui quatuor inter tenebrarum numina relati fuerint. Aliam denique Etimologiæ rationem subjungit, Deosque istos Cabirios appellari, non a כביר magnus, sed a גבר quasi גבירי potentes, censet: quocum illud egregie convenire docet, quod a Varrone Cabiri Samothracum Dii, non *magni*, sed *POTES* nominentur.

§. 4. 5.

§. 5.

§. 6.

§. 7.

§. 8.

Ultima denique Dissertatione veteris linguæ Indicæ *λέιψανα* quædam in lectione Scriptorum veterum occurrentia ordine Alphabetico collegit, & doctis conjecturis illustravit. In pluribus autem, v. g. vocibus Berberi, Byssus, Citrium, Deunus, Sid, aliisque explicandis linguæ Persicæ utilitatem expertus, in ea est opinione: multis olim minus cognitam Indiam fuisse, qui tamen, ut eo magis legentium animos percellerent, Indis multa tribuerint, quæ non nisi Persis accepta ferenda erant. Sane hac quoque opera insignem Orientalium antiquitatum peritiam Cl. Autor testatus, & de optimis Autoribus egregie meritus est. Quod ejus studium pluribus in posterum Erudito Orbi declaratum iri, læta mente ominamur.

PALLADIUM REFORMATORUM A SUA sede destructum, id est, doctrina de absoluta Dei gratia vel decreto ex Cap. IX. Epistola ad Romanos subruta & eversa, Autore ADAMO HEROLD, SS. Theol. Doct. Pastore & Superintendente,

Ileburgensi.

Lipsiæ, apud viduam Brandenburgeri, 1706. in 4.

Alphab. 2. plag. 7.

K

Quod

Quod varios hactenus Interpretes tantopere exercuit, nomen Paulinæ ad Romanos Epistolæ Caput, nova nunc methodo a Summe Reverendo Auctore ita pertractatur, ut ubique dispalescat, Apostolo minime propositum esse, doctrinam in eo de electione & reprobatione stabilire, multo minus eum absolutum quoddam Dei in his decretum tradere voluisse, ceu Reformati quidem statuunt, istamque doctrinam palladium suum vocare nulli vereantur. Eum in finem veram Apostoli mentem fusius explicare modis omnibus allaborat, quam *ὡς ἐν ἴστω* ex Auctoris nostri opinione sic referimus. Partes integri Capitis facit quatuor. *Primam* nuncupat Exordium, in quo a v. 1. ad 6. post gravem & elegantem benevolentie captationem, testantem, se minime ex odio Judæorum & affectu præpostero in Gentiles scribere, sed potius ardentissimo erga Judæos amore teneri, tacite Apostolus argumentum suum insinuet, acturum videlicet se de rejectione fratrum suorum, quæ mens ipsius certe ex eo colligatur, quod hanc propriæ salutis dispendio avertere se velle asseveret. Cæterum sententiam suam non statim aperte proposuisse Apostolum, observat, ideo, ne Judæos ad auditum doctrinæ, ipsis adeo exosæ, a diligentiori ejus consideratione abstraheret, & turbatam jam præconceptis opinionibus mentem in cognitione veritatis impediret. Sequi hinc dicit *secundam* Partem, eamque *παρὰ τὰ βασικῆν*, in qua rejiciat Paulus impedimenta hujus doctrinæ gravissima, in exceptionibus contra eam fundata, quarum quidem exceptionum tres omnino constituit, *primam*, de promissionibus Dei ejusque verbo, quæ cessare putentur in rejectione gentis tot privilegiis ornata; *secundam*, de jure quodam debiti, quod sibi Judæi imaginentur, quasi Deus ob ipsorum cultum & observantiam legalem ipsis gratiam debeat, ipsosque, citra injuriam rejicere non possit; *tertiam*, de justitia punitiva, quam Deus in Judæos reprobos exercere non possit, si ipsos voluntarie rejecerit. *Primam* proponi atque removeri ait, a v. 6. ad 14, *secundam* a v. 14. ad 19, *tertiam* a v. 19. ad 24, & e singulis ad singulas responsionibus patere, dicturum esse Paulum

lum de re possibili, quæ nil omnino absurdi aut iniqui complectatur. In Parte *tertia* propius ad scopum accedentem Apostolum docere innuit, eandem esse a Deo per Prophetas prædictam, adeoque ex hypothese incredulitatis Judæorum necessario futuram, id quod Hoseæ atque Jesaiæ testimoniis confirmetur a v. 25. ad 30. Et tum demum in Parte *quarta* totius capitis summam scopumque exhiberi, qui v. 30. & 31. thesi bimembri proponatur, & duobus versiculis ultimis per ætiologiam comprobetur. Theses bimembris contenta eo tendere perhibet: Gentiles, qui alieni erant a civitate Ecclesiæ, abominabiles Deo, cujus verum cultum negligebant, ejusque, quem idololatria gravissime offendeabant, inimici, etiamsi justitiam & modum verum Deum colendi non curabant, nec de eo addiscendo, ut profelyti justitiæ, solliciti erant, tamen ultro prædicatione Evangelii invitati, nullo inter ipsos & Judæos discrimine facto, ad Ecclesiam admittuntur, & gratiæ Dei & justitiæ veræ, qua Deo placent, participes fiunt, & quidem talis justitiæ, quam sine injuncta observatione legis Mosaicæ, sine omnibus meritis operum legalium, quibus omnino carent, statim credentes impetrant. Contra vero Judæi, populus Dei electus, & non tantum multis, quæ a Deo habent, privilegiis inclutus, ac in arctissimæ amicitie fœdere constitutus, sed & ex sanctimonia illustris, ac in observanda lege adeo sedulus, ut etiam ultra, quam a Deo mandatum erat, observationes suas extenderent, modum verum placendi Deo non invenerunt, sed potius cultus eorum legalis nullus, & mediator exhibito, irritus, imo, ob accedentem opinionem meriti, damnabilis est, ipsique ob incredulitatem jure rejecti ac in sensum reprobum traditi sunt. Ætiologiam respicere quidem immediate dicit rejectionem Judæorum, at simul tamen ex opposito receptionis Gentilium rationem notare, & pro causa allegare spretum a Judæis consilium Dei, circa fidem in Christum, sine operibus legis in sola Christi gratia salutem quærentem & impetrantem. Hæc cuncta per luculentam ante omnia analysin insinuantur, & per justam postea exegesis uberius deducuntur, in qua Reformatorum una detorsiones refutantur, servatis in thesi adver-

sariorum definienda plerumque verbis & opinione Christophori Wittichii, Theologi Lugdunensis Batavi, qui inter recentiores præ aliis in impugnandis ex hoc capite Lutheranis suo in Commentario se operosum exhibuit. Tum Loci Communes ex hoc Capite profluentes cumulantur, & luculenta denique Paraphrasis subjungitur.

Das Dispensations-Recht in verbotenen Ehen der Churfürsten ꝛc.

i. e.

*JUS DISPENSANDI IN PROHIBITIS CON-
jugiis Electorum & Statuum aliorumque Imperii Mem-
brorum immediatorum, repræsentatum a JOHANNE
JOACHIMO MULLERO, Secretario & Archivario
Ducali Saxonico-Vinariensi communi.*

Jenæ, impensis Johannis Bielckii, 1706. in 4to.

Alph. 2.

Materia matrimonialis uti quotidiana est, ita suis semper premitur difficultatibus, adeoque Doctorum ingenia ad perpetuam sui culturam velut provocat. Horum classe etiam censeretur voluit doctissimus Autor, qui tribus libris jus dispensandi in prohibitis conjugiiis, intuitu Germaniæ, explicavit. Primus liber prohibitionibus matrimoniorum destinatus est, hinc ordine disquiritur, an, & quousque Conjugia jure naturali, Gentium, Divino, in S. Scriptura revelato, Romano, Canonico & provinciali Germanico sint prohibita? In libro Secundo de autoritate horum jurium, sive virtute obligandi, tam quoad Status, quam eorum subditos, sollicitus consultissimus Autor, ostendit, legibus naturalibus in genere, ac in specie, quoad prohibitiones connubiales, omnes, etiam Imperantes, subesse, licet libidinosi quidam Principes incestu naturali se polluerint, &, velando crimini, incestuosa ejusmodi matrimonia aliis quoque permiserint. De legibus divinis, in S. Scriptura revelatis, operosior fere est disquisitio, hinc varias illarum

illarum species Noster distinguit, singularumque auctoritatem persequitur, addita proluxiori, de existentia, indole, præceptis & sensu juris divini universalis mere positivi, tractatione. An, & quousque legibus civilibus Status Imperii obligentur, ejus dijudicatio ex statu Reipublicæ dependet: ea igitur res Nostro, de forma Reipublicæ Germanicæ, utrum monarchia, an mixta illa sit, nec non, de juribus Majestatis reservatis & non reservatis, differendi ansam præbuit, qua disquisitione peracta, Status Imperii jure civili Romano & Recessibus Imperii omnino obligari concludit. Alia quodammodo ratio est juris canonici; nam licet hoc a Statibus Protestantibus in suis territoriis in totum abrogari non posse, censeat Noster, nos tamen illud in rebus, confessioni suæ contrariis, non admittere, simul admonet. Succedunt leges provinciales, quarum indolem & auctoritatem ut eo rectius intelligamus, præsupponit clarissimus Autor, Statibus Imperii Majestatem vere talem non competere, nec in Germania occurrere Systema Rerumpublicarum confœderatarum, utut nonnulli utrumque asserere soleant, quorum dogmata, velut ex adulatione aut ignorantia profecta, cordatiores Politici & juris publici Doctores rideant, nec ipsi etiam Principes prudentes approbent: ex his autem tertio infert, leges, a Statibus Imperii latas, non proprie, sed analogice leges esse. Quibus præsuppositis, habitum legum provincialium, tam in ordine ad territoria, quam totum Imperium, ulterius declarat, ac eximiam Domus Electoralis & Ducalis Saxonicæ, in legibus provincialibus, contra jura Imperii antiqua & recentia ferendis, præ aliis Statibus prærogativam commemorat. Atque illa generaliter de jure civili Cæsareo, canonico & constitutionibus provincialibus, dicta doctissimus Autor ad matrimonia deinde transfert, ac quousque, horum intuitu, memoratæ leges Status eorumque subditos obligent, sigillatim edisserit. In libro Tertio ad ipsam dispensationem accedit, ac, præmissa ejus definitione, circa jus naturæ ne Deum quidem dispensare, actum tamen aliquando objecto laudati juris eximere posse, censeat. Ex quo ultro consequitur, nec homines dispensationem, juris illius intuitu,

sibi asserere posse, licet olim Ethnici nonnulli, de facto, circa illas prohibitiones dispensaverint. Sed hodie, docente Nostro, inter Christianos pravæ illæ consuetudines cessant, adeo ut ne quidem Papa Romanus impedimenta juris naturalis, ex plerorumque Scriptorum pontificiorum sententia, possit tollere. Circa leges divinas mere positivas, Deum vere & proprie dispensare posse, deinde docet consultissimus Autor, ac, num illo jure aliquando usus sit, an vero saltem nonnullos actus, legibus illis contrarios, connivendo velut, toleraverit, amplius disquirat. Quoad homines tamen leges illæ, ex doctrina Nostri, sunt etiam indispensabiles, quamvis, ut olim quibusdam Gentilibus matrimonia fratrum & sororum fuerunt probata, ita hodie Pontifex jus circa leges divinas positivas dispensandi sibi asserat, id quod variis, ac in specie Henrici VIII Regis Angliæ, fratris viduam Catharinam ducentis, & post viginti annos denuo repudiantis, exemplis illustratur. Sed illa facti sunt; verum, enim aliquod jus Papæ competere, datis rationibus, Noster negat, eaque occasione in causas, ob quas summi Imperantes matrimonia, contra jus divinum, inire soleant, inquirat. Circa jus canonicum & civile, qua tale, dispensari posse, satis quidem certum est, cui vero illud jus, intuitu Statuum Imperii, competat, non perinde liquidum censetur, rationibus tamen & quibusdam juris Romani textibus Cæsari illud Noster adscribit, & quæ ratione Pontifex id jus Cæsareum ad se traxerit, Scriptoresque pontificii ausus illos defendere soleant, distinctius enarrat. Uti autem Papa jus dispensandi sibi arrogat, ita non insolitum est, ut factam dispensationem iterum revocet, id quod exemplo Bonifacii IX doctissimus Autor declarat. Non tamen arrogatum illud jus papale semper illibatum persistit. Nam non tantum Imperator Ludovicus Bavarus jus dispensandi in matrimonialibus exercuit, historia hujus rei exempla suppeditante, sed & post Reformationem, a Protestantibus papalis illa dispensandi potestas plane negari coepit. Post hanc igitur, ex doctrina Nostri, jus sacrorum, actu quidem primo est penes Cæsarem, sed actus secundus plerumque deficit, quoad Catholicos quidem, injuria & ex falsa ipsorum hypothesis, quoad Pro-

Protestantes vero, ex pacto. Juxta hæc itaque Status Catholici, quoad dispensationem matrimoniam, tam contra jus humanum, quam divinum, faciendam, Pontifici se submitunt, sed Protestantes neque ab hoc, neque a Cæsare, eam vel petunt vel impetrant, cum ipso velut jure sint liberi: ne tamen illa libertas legibus divinis repugnet, in casibus dubiis consilia peritorum exquirere solent. Peculiaris quæstio est, an Pontifex matrimonia Principum Protestantium, contra juris canonici prohibitionem inita, nulla declarare possit, si alter conjugum pontificiam amplectatur religionem? quam, affirmantibus licet Pontificiis, consultissimus Autor negat, totamque controversiam memorabili exemplo, quod in domo Mecklenburgica, inter Ducem Christianum ejusque conjugem Christianam Margaretham, accidit, illustrat, adductis iis, quæ tam a parte Pontificis Alexandri VII, ejusque Nuncii, Cardinalis Barbarini & Cæsaris, quam conjugis Ducalis, proximorum agnatorum & totius Corporis Evangelici in hoc negotio intervererunt. His absolutis, ad territoria Noster transit, ac, quousque jus dispensandi Statibus vel Pontificiis, vel Protestantibus, præcipue quoad subditos pontificios, competat, ostendit, &, num dispensatio, in casu matrimoniali, jure divino, controverso, concessa, etiam extra Principis dispensantis territorium effectum habere queat, disquiritur.

DE MORBIS ACUTIS INFANTUM, Editio secunda, priori auctior; cui accessit Liber, observationes de Morbis aliquot gravioribus Medicas complectens; annexis etiam quibusdam de Luis Venereæ origine, natura & curatione, Autore GUALTERO HARRIS, Med.

D. Celeberrimi Collegii Medicorum Londinensium Socio.

Londini, impensis S. Smith & B. Walford, 1705. in 8.

13 $\frac{1}{2}$ plag.

Octodecim jam præterlapsi sunt anni, cum Autor clarissimus suum de Morbis acutis infantum librum orbi literato

rato communicasset, quem pariter anno 1690. in Actis Mens. Junio pag. 296. recensuimus. Prodiit nunc altera ejus editio, quæ non solum auctior priori existit, hinc inde novos continens interjectos paragraphos, sed Observationibus quibusdam raris & scripto de Lue Venerea est locupletata. Ut pauca delibemus ex novis illis additis, p. 52. Mercurium dulcem sexies sublimatum contra febres puerorum comatosas commendat Autor clarissimus. Pag. 81. in vomitu pertinaci & præsertim in illo, qui a lacte vitioso dependet, narcoticorum usum admittit. Pag. 82. infantibus anniculis aut bimulis, pro saburrahumororum serosorum & noxiorum ex ventriculo educenda, radicis Epicamannæ gr. XV. propinare jubet. Pag. 84. in Convulsionum intervallis sanguinis modicam detractionem sive per venæsectionem, sive per hirudines, retro aures, aut brachio adhibitas, conducere dicit. Pag. 78. calida alimenta dentientibus infantibus ingerere prohibet; & sub calce libri Materiam Medicam, a veteribus Medicis traditam, non penitus negligendam esse pronunciat, eamque in rem *Jussi Molleri, Germani, Fasciculum remediorum ex Dioscoride & Matthiolo* Basileæ excusum, etiam atque etiam commendat; nullam vero Materiam Medicam sine methodo medendi ex usu esse asseverat. De cætero etiam si seculum nostrum nihil nunc in sublimibus cœli, neque in terræ penetralibus, notitiam suam effugere posse arbitretur, proponit tamen Noster problemata quædam de fluxu & refluxu maris, de motu stellarum & terræ, de distantia cœli stellarum fixarum a terra, &c. quæ hætenus a nullo satis explicata ei videantur. Certe si stellæ fixæ tanta magnitudine donentur, quanta Mathematici demonstrant illas constare, supponeret Autor, lucidas illas regiones stellares esse posse spirituum cœlestium proprias ac peculiare sedes, easque fore corporum cœlestium propria domicilia, cum corpora mortalia ac pereuntia in cœlestia & perennia fuerint transmutata, & orbes illos planetarum magnos aut spatium illud amplum, quo prius errabant planetæ, post extinctum Solis & planetarum lumen, & post conflagrationem postremam esse posse spirituum malorum, dirisque devotorum hominum receptacula tenebrosa.

In

In Observationibus, quarum decem numerantur, egregie terebinthinæ vires in paralyfi pag. 134; rhabbari in diabete pag. 139, in dolore ventriculi & colico pag. 160; sulphuris tam vivi, quam ejus florum in angina & hæmorrhoidalibus tumoribus pag. 150; spiritus vini per fotum admissi in nimio hæmorrhoidum & mensium fluxu pag. 165. & 166. collaudantur, noxæ vero ex opiatorum usu, in affectione hysterica & puerperarum torminibus & vigiliis propinatorum, pag. 157. depinguntur.

Denique in scripto de Lue Venerea in eam fere abit Autor Cl. opinionem, natales ejus longius esse repetendos, quam communiter fieri solet. Morbum enim venenatum & maxime deleterium vocat, utpote cui eadem, quæ venenis, potissimum acribus, assumtis competunt phænomena; insignis scilicet faciei totiusque pallor, & extremorum perfrigeratio; venenosæ materiæ decubitus in superficiem corporis & partes externas; faucium & ventriculi erosiones, intestinorumque tormina; adde quod instar venenorum propria hic morbus exigat antidota. Quoad curam annotat, ligna exsiccantia tantum fere emolumenti naturæ humanæ conferre, & debilitatæ suppetiarum salutarium præbere, quantum damni & nocuenti hydrargyrosis corpori infligit, esseque veneni venerei antidota, licet, prætermisso mercurio, imperfecta. Cathartica deleteria huic morbo expugnando minus convenire, quam mitiora & blandiora medicamenta. Ab hydrargyrosi corpora crassa, obesa, phlegmatica & frigida maxime omnium lædi; si lue hac infecti & per ptyalismum aliquatenus curati in atrophiam incidant, urgente licet diarrhœa, a narcoticis & adstringentibus esse abstinendum existimat, sed antivenereis insistendum. Pro reliquiis Venereis corrigendis & educendis commendat nervina, antharthritica, amara & antiscorbutica, interpositis subinde catharticis blandioribus. Infantes a nutricibus infectos, his mutatis, farina sarsaparillæ & santali citrini polline puliculis admisto curari commode perhibet. Curationem per remedia salivatione mitiora continuari debere injungit, do-

nec omne venenum penitus fuerit subactum, & symptomata omnia proflus evanuerint.

*D. JACOBI DOUGLAS OBSERVATIO
de Tumore magno in anteriori colli parte.*

Ex Act. Philos. Anglic. 1706. N. 305. pag. 2214.
excerpta & hic Latine reddita.

OCeasio mihi nuper suppetebat secandi mulierem 50. circiter annos natam, quæ in anteriore colli parte tumorem fat magnum, omne spatium inter maxillam inferiorem & superiorem sterni partem replentem, obtinebat. Hic in medio enormiter protuberabat, apice versus latus sinistrum inclinante, lata vero parte in dextro hærente. Apicis cutis tenuis & rugosa existerat, alius, quam qualem reliquus tumor monstrabat, coloris, & videbatur; omnino hic loci tumor ad rupturam dispositus. Quemadmodum & reliqua cutis tumorem regens valde tenuis erat, omni pinguedine privata, nisi quod in cavitate quadam inter duos lobos in latere dextro aliqua conspiceretur; quoniam enim hic loci cutis non adeo expansa erat, cellulæ membranæ adiposæ non omni pinguedine carebant. Fibre carneæ musculi latissimi dorsi vix conspici poterant. Mastoideus & Coraco-hyoidæus valde erant tenues, & ubi ascendunt, tumori subjacenti firmiter affixi. Sterno-hyoidæus & Sterno-thyroidæus, qui super partem anteriorem hujus tumoris ferebantur, usque adeo erant expansi, ut difficulter ab hoc separari possent, potissimum ultimus. Arteria carotis dextra super apicem currens, a tumore indies aucto compressa, sanguinem ad caput libere vehere non poterat. Sic & vena jugularis interna, par vagum & intercostale eundem attingebant, ubi ad thoracem descendebant. Duæ glandulæ lymphaticæ prope venam jugularem ad ovorum minorum magnitudinem intumefactæ cavitatem inter se pinguedine repletam relinquebant, & sic tumoris superficiem inæqualem in latere dextro reddebant.

Musculis & vasis dictis remotis, tumoris magnitudo, figura, peripheria & cum partibus vicinis coherencia melius in
oculum

oculum incurrerant. Magnitudo excedebat duos pugnos invicem conjunctos. Figura triangularis fere erat, a basi lata sub mento descendebat transversim usque ad sterni partem superiorem, quam fere attingebat, tumor. Superficies inæqualis erat propter tres protuberantias, quarum maxima sinistrum latus respiciebat; reliquæ dextrum occupabant, ut dictum. Adhærebat per filamenta membranacea glandulis maxillaribus, musculis Digastrico & Stylo-hyoidæo; sub quo in latere dextro exilis ejus portio instar papillæ sub linguam protendebatur, in parte superiore & anteriore ossi hyoidæo affigebatur. Lateraliter connectebatur Levatori scapulæ, & paulo inferius illi portioni Cucullaris, quæ in claviculam terminatur. In parte postica toti asperæ arteriæ spatio, quod inter tertiam vel quartam ejus cartilagine & os pectoris intercedit, ut & musculo capitis, Rectus internus major dicto, & cuidam Scaleni portioni adhærebat; pars inferior jugulo seu parti falcatæ sterni affigebatur. Ab his partibus omnibus facilius separari poterat, quam a glandulis thyroidæis; ubi enim hæ sibi invicem accumbunt, paulo sub cartilagine cricoide in parte anteriore asperæ arteriæ, usque adeo his connectebatur tumor, ut absque dilaceratione nullo modo avelli posset: unde apparet, ab unione harum glandularum radices propullulasse ingentis hujus tumoris; licet, quod notandum, glandulæ hæ naturaleni obtinerent & figuram & magnitudinem.

Hic tumor admodum durus & firmus erat, ejusdem consistentiæ, quam ubera vaccina cocta habent; in paucis tamen locis, ubi mollis existeret, liquorem continebat crassum. Color erat ex albo luteus, in quibusdam locis propter vasorum sanguineorum majorem copiam rubicundus.

Cum tumorem dissecarem, cultri apicem in rem aliquam duram impingere non sine stupore advertebam, hinc separata omni substantia molli, duram coquebam & mundabam, ita tamen, ne partem cartilagineam teneriorem ipsi coherentem removerem.

Hæc certe, si diutius vivere concessum fuisset ægræ, eundem cum priori indurationis gradum nacta esset. Durum

Fig. XII.

hoc corpus simile videbatur corallio albo rupeo, nondum polito; num vero osseum sit, an potius ex humore viscido glandularum dictarum in irregularem ejusmodi tartaream & lapidosam substantiam concreto, vel quavis alia materia conflatum, aliorum relinquo judicio. Vid. Fig. XII.

Fig. XIII.

Ante duos annos in prostaticis senis decrepiti aliquot dura corpuscula me invenisse recordor, pisces albis similia, quoad consistentiam dicto corpori respondentia, magis tamen polita, quoad faciem externam; quorum quædam ipsi harum glandularum corpori insidebant, quædam exilibus radicibus membranæ has obtegenti adhærebant. Vid. Fig. XIII.

Viginti jam abhinc annis tumor hic colli apparere cœperat, occasione venæ, ut mulier rem exprimere solebat; in partu difficili ruptæ; a quo tempore sensim accrescebat, nec tamen notabilem acquirebat magnitudinem, nisi paucos ante obitum annos; nec dolorem concitabat; erat enim totus scirrhusus. Varia quidem a variis fuerunt applicata, sed frustra. Tandem valde molestus evadebat hic tumor, ingentem magnitudinem nactus, siquidem deglutionem & liberam respirationem enormiter non solum impediēbat, verum etiam hanc tandem penitus intercipiēbat; asperam arteriam, cui incumbēbat, comprimendo.

Præter hunc tumorem alio, eoque molesto & doloroso, ultimis annis vexabatur fœmina hæc symptomate, mortem itidem accelerante. Uterus scilicet totus erat scirrhusus, & usque adeo distentus, ut totam pelvis cavitatem repleret; Coli & Ileï pars firmiter ipsi cohærebat, ut absque laceratione separari inde haut posset; ovaria & tubæ ipsi fere immerfa erant; ita ut, nisi ovaria hydatidibus hinc inde fuissent obfessa, vix ea dignoscere potuerim. Cervix uteri usque adeo erat depressa, ut sub labiorum levi admodum dilatatione in conspectum veniret; maxime infimul existeret dura, sed polita, æqualis, & adeo occlusa, ut absque sectione nihil in eam intrudere valuerim. Vesica urinaria versus os pubis adacta & compressa parum vel nihil urinæ continere potens erat, hinc eandem sa-

pius

pius reddere, idque nec sine dolore cogeatur misera. Sic pariter intestinum rectum compressum nihil fecum transmittibat, & laboraverat foemina ante mortem quinaque septimanas alvi obstructione.

Per anum equidem aliquamdiu materia purulenta, & pituitosa in sat magna copia evacuari observabatur, sed hæc utero natales suos debebat. Humor enim acris, qui alio tempore per vaginam excernebatur, jam propter firmam ejus clausuram nullum inveniens transitum, in ejus cavitate stagnaverat, & corrodingo parietes uteri, novam sibi paraverat viam ad intestinum rectum. Qualem deplorandum casum in sectionibus plus simplici vice observavi.

Uteri crassities duos fere æquabat pollices, in ejus fundo magna humoris albi & crassi copia reperiebatur, quæ digitos meos albos & rugosos cuticulam contrahendo reddebatur, haud secus ac si eosdem lixivio quodam acri lavassem; quemadmodum simili modo sal causticum in sapone latens lotricum manus afficere solet. Difficulus uterus propter firmam cum partibus vicinis cohæsiõnem ex pelvi extrahi poterat.

Notandum adhuc, quod parum fecum intestina continerint, quoniam per longum tempus nihil ciborum solidorum deglutire poterat misera; quicquid autem ibidem reperiebatur, durum erat, & in varias distinctas glebas coactum.

*ANIMADVERSIONES IN D. GEORGII CHETNÆI
Tractatum de fluxionum methodo inversa, per
Abr. De Moivre: R. S. S.*

Londini, 1704. apud Danielem Midwinter & Thomam Leigh. 8.
Plag. 9.

Debitam Cl. Cheyneo laudem in Actis nostris A. 1703 p. 450 & seq. tribuimus: sed eam derogare ipsi videbatur *Moi-vreus*, cum suas in ejus Tractatum Animadversiones ederet. Etenim durum admodum de Geometra insigni in eo fert judicium. Errores plures libro ejus inesse pronunciat; methodum quadrandi Curvas Mechanicas precariam vocat, quod

quod maximam quæsitam partem jam aliunde cognitam supponat, nec nisi fortuito metam propositam attingat. Methodum pro Curvis exponentialibus nihil concinnitatis habere ait. Quod de quadratura Curvarum irrationalium secundi generis traditur inutile esse, quia series divergentes adhibeantur; prætereaque inconcinnum, quia per series infinites infinitas in quantitatibus irrationalibus exprimat, quod per unicam in rationalibus exprimi potuisset. Perperam in Curvis altiorum graduum alium aliumque infinitatis & irrationalitatis gradum adhiberi. Methodum Newtonianam radicem ex æquatione differentiali extrahendi ita demonstrari, ut casus infiniti in ea comprehensi excludantur, & in artificiis explicandis fallas adduci conjecturas: immo non aliud factum esse a *Cheyne*, quam ut illam infinites perplexiorem effecerit. Investigationem theorematis *Bernoulliani*, in Actis nostris A. 1694 p. 437 exhibiti, precariis postulatis inniti, ipsum theorema infinites implicatius redditum. Lubricam & incertam esse methodum, qua binomium vel infinitinomialium ad potestatem quamvis indeterminatam attollitur. Theorema suum pro reversione serierum infinite implicatius redditum fuisse. Immo calculum de centro oscillationis, comparisonem Curvarum, methodum de reducenda serie infinita ad valorem finitum, methodum extrahendi radicem ex æquatione differentiali, aut erroris redargui, aut momenti nullius deprehendi. In suis itaque Animadversionibus totus in eo est *Morire*, ut dictis fidem faciat, & errores *Cheyne* imputatos emendet, methodos meliores substituendo. Aliqua ex illis specimina in medium asferre libet. Negat nempe, si numerus sit x , fluxionem seu differentialem logarithmi x fore $dx:x$. Cum *Cheyne* semper supponat, areas cum abscissa simul incipere; $x^{m+1}lx$, $m+1 - x^{m+1} : m+1^2$ non esse summam ipsius $x^m dx lx$, nisi cum lx est quantitas infinita, ubi terminus posterior respectu prioris prorsus evanescat. Culpat *Cheyne*, quod ubi x^x considerata venit,

loga.

logarithmos in auxilium vocet, immo in differentiatione ipsius X^x logarithmos logarithmorum, cum ipse nil præter numeros vulgares adhibeat. Indigne fert, quod *Cheyneus* theorema ipsius pro infinitinomio ad potestatem indeterminatam, elevando corollarium esse dixerit notissimi theorematibus *Newtoniani* pro binomio ad dignitatem quamcumque attollendo, nempe loco quantitatis P poni saltem debere az & loco alterius $PQ, bz^2 + cz^3 + dz^4$ &c. tandemque 1 pro n . Cæterum sub finem theorematum quædam pro comparatione Curvarum in *Transact. Philos. Num.* 278 exhibita denuo proponit, adjecto inventionis modo, in casibus similibus imitando.

RUDIMENTORUM METHODI FLUXIONUM
inverse specimina: quæ responsionem continent ad Ani-
madversiones Ab. de Moivre in librum
G. CHEYNÆI.

Londini, 1705, impensis G. Strahan, in 4.

Plag. 7 $\frac{1}{2}$

Bilem *Cheyneo* moverat *Moivreus*: ad iram itaque concitatus cum scriberet, nimiumque affectui suo indulgeret, acerrimo usus est scribendi genere, quod in Mathematico merito culpandum. Animadversiones *Moivreanas* profectas esse asserit vel ex ignorantia inexcusabili; vel ex impudentia & immodestia; vel ex inhonestate & improbitate; vel ex inhumanitate & malitia: totusque in eo est, ut suas methodos defendat & *Moivreanas* vel falsas esse, vel cum suis coincidere, ostendat. E. gr. investigationem *Moivreanam* methodi *Newtonianæ* pro extrahenda radice ex æquatione differentiali a sua solis speciebus differre: nempe si in *Moivreana* loco $a + x$ ponas $p + px$, loco n scribas m & loco y denique $1 + z$, prodire *Cheyneanam*. Ipsum *Bernoullum* in Actis nostris A. 1697 p. 129 demonstrasse, si numerus sit x , logarithmus lx , esse $dlx = dx : x$. Immo in genere probat integrales differentialium positarum ab ipso assignatas esse probas,

probas, quia ab iis non abhorret criterium, quod summus Geometra *Newtonus* in tractatu de Quadraturis p. 110 proposuit, salvis tamen calculi ac præli erroribus. Scilicet si fluentium assignatarum fluxiones colligantur, h. e. si summæ seu integrales assignatæ differentientur & differentiarum debite reducantur, semper prodituras esse differentiales primo positas. Id vero turbasse *Moirveum*, quod perperam assumeret, Curvarum areas investigatas esse a *Cheyneo*, cum tamen is generales summandi differentias leges explicare constituerit. Neque enim methodi fluxionum seu calculi infinitesimalis objectum esse solas Curvarum areas; sed ipsarum quoque longitudines, solidorum superficies & contenta, numerorum proprietates, logarithmos, potestates numerorum & earum exponentes, motum, celeritatem, tempus, spatia &c. verbo quantum quodcunque. Atque adeo *Cheyneus* de quantitate, quæ summæ repertæ ob evanescentes in differentiatione quantitates prorsus incognitas adjicienda, vel prorsus non est sollicitus, vel quantitatem cognitam arbitrariam adjicit, quæ in determinatam abit, ubi de Curvarum quadraturis agitur. Ex his fundamentis

probat, $x^{m+1} : m+1 :: x^{m+1} : m+1^2$ esse summam ipsius $x^m lxdx$; non autem venditari pro area curvæ. Ita $dx:x$ esse differentialem ipsius lx & momentum areae hyperbolæ exterioris rectangulæ; non tamen lx esse aream absolute hyperbolæ exterioris, nisi ei adjiciatur quantitas infinita. Areas nempe Curvarum esse summas repertas, per circumstantias illarum restrictas & definitas. Contendit etiam, logarithmos logarithmorum omnino æquipollere exponentialibus secundi gradus, adeoque exponentiales secundi gradus exponendos per logarithmos logarithmorum. Similiter series rationales non esse quærendas in Curvis Geometrice irrationalibus, non nisi per irrationales suæ naturæ expresibilibus, cum alias earum proprietates non manifestentur. Quod denique theorema *Moirveanum* de infinitonomio ad potentiam indeterminatam elevando sit tantum exemplum theorematum *Newtoniani*, satis patere assoritur. Uti-
que

que enim *Moivreanum* haberi, si in *Newtoniano* ponatur $P = az$, $PQ = bz^2 + cz^3 + dz^4 \&c.$ $n = 1$, modo valores *ipsarum* A, B, C &c. substituuntur. Licet enim forma *Newtoniani* $P + PQ$ binomialis sit, expresse tamen monuisse *Wallisium* in Algebra, Q. designare terminos reliquos per primum divisos, atque in trinomialibus exemplum exhibuisse. Hæc sufficere arbitramur, ut lector rerum Geometricarum peritus de controversiis inter *Cheyneum* & *Moivreum* agitatae iudicium ferre possit. Optandum vero foret, ut mitius se mutuo tractarent Geometrae, ne diu ipsis in disputando tributa modestiae laus tandem periret.

NOVUM SYSTEMA MUNDI A SEBASTIANO CLERICO propositum, & ex artic. 10 Mens. April. Anni 1705 Diarii Trevoltiensis huc translatum.

DN. Clericus non alium in finem novum hoc proponit Systema Mundi, quam quia ipsi ad veritatem propius accedere videtur reliquis hactenus receptis. In compendio autem huc redit. Ponit scilicet, Terram & Solem circa centrum sui vorticis gyron, revolutione Telluris, ut in Systemate Copernicano, intra spatium unius anni, revolutione autem Solis intervallo sex tantummodo mensium, demtis aliquot secundis, absoluta. Per hanc hypothesin non ordinaria solum cœli phœnomena, sed alia etiam hactenus non satis intellecta explicari posse contendit. Ex. gr. ostendit 1. quomodo dies naturales necessario nunc 24 horas excedant, nunc ab iisdem deficient, sine ulla motus in revolutionibus Terræ irregularitate; & quomodo hæ inæqualitates dierum istis conformes debrehendantur, quæ pendulorum ope observantur. 2. Demonstrat, motum firmamento attributum non esse, nisi apparentem. 3. Monstrat, quomodo Sol singulis annis nunc magis a nobis recedat, nunc ad nos appropinquet, nulla excentritate, neque in Telluris, neque in Solis revolutione supposita. 4. Evincit, quod circa medium anni Sol ultra 12 horas supra Horizontem nostrum

nostro commorari debeat, utut Telluris in semicirculo Meridionali non plures sint revolutiones, quam in Septentrionali. 5. Demonstrat, hypothesin Copernicanam esse absolute falsam. 6. Novos extruit vortices nostro superiores in aquis firmamenti a Mose pluribus in locis Geneseos notatis: & hos vortices in aquis cum bullis puerorum saponariis comparat. 7. Supponit etiam orbem aqueum supra firmamento, qui totum Universum involvit, in loco Geneseos fundatum, ubi Moses asserit, Deum separasse aquas supra firmamento ab aquis infra firmamentum. 8. Contendit, aquas istas in glaciem abiisse & sic orbem Crystallinum constituere admodum solidum & sufficientem resistendo conatui, quem omnes vortices ad se mutuo dissipandos adhibent. 9. Probat, quamlibet fixam particulares exercere revolutiones circa centra suorum vorticum, quemadmodum Sol circa centrum nostri. 10. Denique in suo systemate nec eccentricitates, nec epicyclos, nec ullum motum violentum supponit. Omnia simplicissima sunt & Scripturæ sacræ demonstrationibus Geometricis & rationibus admodum naturalibus superstructa: quemadmodum se probare posse prætendit. Caterum in Fig. XIV A denotat centrum Telluris, B centrum Solis, C Terram, D Lunam.

Fig. XIV.

Optandum foret, ut pleniorẽ hujus systematis descriptionem publicaret Autor, quo Astronomi id examini suo submittere valerent, visuri, num calculus Geometricus juxta illud institutus cum observationibus conveniat.

ELEMENS DES MATHEMATIQUES PAR
M. PIERRE POLYNIER, Docteur
en Medicine.

h. e.

ELEMENTA MATHÉSEOS, AUTORE PETRO POLYNIER, *Medicine Doctore.*

Parisius, apud Joh. de Laulne & Jacobum Quillau. 1704 12.
Const. 1. Alph. 4 plag.

Tres

TRes Matheseos partes constituit Autor, *Arithmetica* nempe, *Algebra* & *Geometria*: reliquas pro earundem ad Physicam facta applicatione habet. *Arithmetica* est ipsi numerorum scientia: in qua nonnisi communes Arithmeticae operationes, additionem nempe, subtractionem, multiplicationem, ac divisionem, tam in integris, quam fractis, satis perspicue explicat, & exemplis necessariis illustrat, omissis demonstrationibus. Per *Algebra* quantorum in genere consideratorum scientiam intelligit, quæ alias *Mathesis Universalis* appellari consuevit. Explicat in ea *Arithmetica speciosam* seu *litteralem* in integris & methodum extrahendi radicem quadratam & cubicam ex numeris propositis vel perfectam, vel prope veram, una cum problematibus facilioribus *Algorithmi irrationalium*. Per *Arithmetica* litteralem propositiones palmarias Matheseos universalis de quantitatum proportionem *Arithmetica* & *Geometrica* demonstrat, tandemque vulgares proportionum regulas in *Arithmetica* explicari solitas subjicit. Cæterum methodum approximandi ad radicis irrationalis valorem traditurus monet, propositam potentiam imperfectam (39) multiplicandam esse per quadratum denominatoris fractionis (169) ultra quam progredi haud libet, & ex facto (6591) extrahendam radicem quadratam (81) quæ per denominatorem prædictum (13) divisa dabit radicem prope veram desideratam ($6\frac{3}{13}$). *Geometria* definit per partem Matheseos fundamentalem de lineis, superficiebus & solidis tractantem. Quare præmissis definitionibus, postulatis & axiomatibus cap. 1 linearum rectarum & circuli; cap. 2 superficieum & cap. 3 solidorum proprietates demonstrat. Nulla omittitur earum propositionum, quæ Euclidis Elementa 1, 2, 3, 4, 5, 6, 11 & 12 absolvunt. Elementis hisce præmittitur discursus de utilitate Matheseos: præmittuntur regulæ, quas observare debet tyro illa cum fructu perlecturus: præmittuntur definitiones, postulata & axiomata generalia ad omnes Matheseos partes pertinentia. Ordo in hoc opere optimus: idem, certe, quem *Bernhardus Lamy* in suis Elementis Matheseos & Geometriæ observavit, nisi quod præcepta *Arithmetica* numerosa seorsim explicet Noster, & pauciora, quam *Lamy*, ad *Algebra* spectantia tradat, immo fere nulla.

92
ACTA ERUDITORUM
ELEMENS DE GEOMETRIE DE MONSEIGNEUR
le Duc de Bourgogne.

h. e.

ELEMENTA GEOMETRIÆ SERENISSIMI PRIN-
cipis, Ducis Burgundia.

Trevoltii 1705 in 4 impressa, venduntur Parisiis apud
Johannem Boudot.
Constant 1 Alph. 7 plag.

HÆc Elementa propria manu Serenissimi Principis, Ducis
Burgundiæ, descripta, immo ab ipso composita, cum 14
annos natus anno 1696 jussu Regis a Domino *de Malezieu*, Princi-
patus Dumbensis Cancellario, in Mathematicis instrueretur,
non multum differunt ab Elementis *Arnaldi*, quibus in informa-
tione utebatur *Malezieu*, tanquam ordine maxime naturali con-
scriptis & fecundioribus comprehensaque ac retentu facilio-
ribus, quam Euclidea. Propositiones tamen nonnullæ minus
utiles omissæ, & in earum locum utiliores substitutz. Præ-
missis linearum & superficierum definitionibus, postulatis &
axiomatibus, Arithmeticæ speciosæ compendium in litteris
majoribus ad morem *Vieta* exhibetur, quia ejus ope propo-
sitiones aliquot in subsequenter demonstrantur. In ipsis Ele-
mentis symptomata linearum perpendicularium & obliqua-
rum lib. 1; parallelarum lib. 2; rectarum in peripheria circuli
terminatarum lib. 3; angulorum lib. 4 & 5; proportionalium
lib. 6; reciprocarum (h. e. extremarum ex 4 proportionalibus)
lib. 7; figurarum lib. 9 & solidorum lib. 10 pertractat. Pro-
prietates solidorum per methodum indivisibilium demonstrat.
& propositionem Archimedeam de proportionem Cylindri ad
sphaeram inscriptam per methodum *Guldini* ex centro gravita-
tis. Subjungitur brevis *Trigonometria* explicatio, cujus usus
in aliquibus exemplis Euthymetricis & Astronomicis de distan-
tia Lunæ, Solis & Jovis a Tellure ostenditur. Constructio quo-
que Tabularum Sinuum, Tangentium & Secantium declaratur.
Ad calcem libri subjicitur sylloge problematum Arithmetico-
& Geometricorum per Analysin speciosam solutorum. Bre-
vite

viter ac perspicue in his Elementis explicatur, quicquid ex Geometria communi cognitu necessarium existit.

NOVA LITTERARIA.

Ernestus Martinus Plarre, Berolinensis, amore patriæ ductus, historiam Brandenburgensem e tenebris revocare, eamque justis voluminibus complecti molitur. Hoc ille institutum edita nuper plagula sub titulo: *Schediasma πρόδρομον de Scriptoribus Rerum Marchico-Brandenburgensium, cum προοίμιο ad eruditos, Berol. 1706, 8.* litterato orbi ita indicandum censuit, ut non modo lineas & conspectum absoluti propemodum operis de Scriptoribus Rerum Brandenburgensium exhiberet, sed mentionem quoque faceret reliquorum voluminum a se edendorum. Ac primum quidem, quod ad Commentarium Historico-Criticum de Scriptoribus attinet, ille omnis Decem Libris erit absolvendus, quorum Primo Geo-Choro-Topographici, II Genealogici, III Historici, Chronologi & Biographi universales, IV Historici particulares, V Politici, VI Ecclesiastici, VII Præfensionum ac Controversiarum, VIII Juridici, IX Naturales, X Extranei eo facientes Scriptores comprehenduntur. Singuli Libri variis iterum Classibus distinguuntur, quarum singulis quosnam Scriptores sibi notos capiat, in Schediasmate professus est. Huic operi succedent deinde alia: I de Viris Illustribus Marchiæ, II Theatrum Nobilitatis Marchicæ, III de Urbe & Rebus Berolinensibus, IV Annales Marchiæ a prima origine ad nostram usque ætatem perducti, V denique nova Nicolai Leuthingeri Commentariorum de Marchia Brandenb. editio. Et in hac quidem quid præstiturus sit, alio specimine nuperrime publicato docuit, cujus integrum titulum exscribere placet: *NICOLAI LEUTHINGERI, Optimarum Artium Magistri, Poetae Laureati & Historici Brandenburgici, Rerum Brandenburgicarum Commentarii ab excessu Joannis Principis Electoris & Marchionis Brandenburgici.* Ern. Martinus Plarre, Berol. omnia studiose collegit, exemplaria inter se contulit, libris argumenta præfixit, eosdem secundum annorum seriem disposuit, breves notulas indicemque locupletissimum adjecit, ac primus junctim edidit. Præmissa est ab eodem Dissertatio de Vita, fatis & scriptis N. Leuthingeri, qua a malevolorum iniquis censuris & calumniis

scripta tanti viri ex veritate vindicantur. Accesserunt alia ejusdem scriptoris opera, denuo accurate recensita; cum figuris aeneis. Berolimpensis Jo. Michaelis Rüdigeri, 1707, f. In his omnibus vero cum summorum virorum ope & consilio se egere profiteatur Autor Cl. eos omnes rogat & obtestatur, ut symbolas suas de patria merenti conferant, inprimis vero, ut, quicquid Scriptorum Brandenburgicorum in genere, vel Leuthingerianorum in specie deesse ipsiprehenderint, publici boni causa benigne submittant. His accessionibus ubi auctus fuerit, utrumque opus, tam Leuthingerianum, quam quod de Scriptoribus pertexuit, præcipite mense Martio hujus anni bono cum Deo sub prelum mittet, curabitque, ut prioris editio intra sex menses perficiatur. Nos utique doctissimo Auctori de optimo instituto gratulamur, vires ipsi integras & successus faustissimos apprecati.

Ceterum incidit nuper admodum in manus nostras schedula, qua novam omnium Operum D. Augustini impressionem Venetiis modo parari nunciatur, neque ingratum L. B. futurum existimavimus, si, quæ imprimis ad institutum hoc spectant, quanquam sermone minus eleganti exposita, hoc loco inferamus: Reverendi Monachi Ordinis Sancti Benedicti & Congregatione Sancti Mauri, selectis sua Religionis doctissimis eruditissimisque Viris, per cunctas terrarum orbis ditiones eos emisere, ubi nulla laboris ac sumptus ope prætermissa, aliquem hujus Sancti Doctoris codicem reservatum & antiquum perlegere possent. Vaticana propterea, nec non omnium aliarum Christiana Monarchia Bibliothecarum adminiculo omnibus numeris tale Opus expolivere feliciter perficientes, quod vix unquam absolvi posse videbatur. Ita igitur fausse glorioseque Parisiis Anno 1679 primum Tomum typis mandarunt, totum complentes laborem Annis 1701. Ex his celebribus illustrationibus factum est, ut omne aliud D. AUGUSTINI scriptum, diversum ab ista recenti correctione, ineptum reddatur ad inserviendum, tanquam legitimum fundamentum, citationi tam sublimis Doctoris. Siquidem, præter variam Tractatum dispositionem, adest ulterius ipsius textus expurgatio, aliquorum, quondam non attributorum, & vere ipsius Operum recognitio, nonnullorumque aliorum, quæ illius usque nunc sunt habitæ, reprobatio. Universalis penes Catholicos horum, sic correctorum, Operum necessitas & extrema eorum penuria no-

nam istam Venetam editionem suscipiendi ansam praebuere. Quamvis enim, propter duas jam Galliae & Belgii peractas editiones, satis affluenterque provisum esse aliqui crederent, attamen ita res non se habet, cum una tantum existat legitima editio, quae nullibi amplius venalis nunc existit, sed tota jam est distributa, impressa Parisiis amplo papyro, annis, ut infra, recensitis. Primus & secundus Tomus anno 1679, tertius 1680, quartus 1681, quintus 1683, sextus & septimus 1685, octavus & nonus 1688, decimus 1690, undecimus 1701. Reliqui Tomi Parisiis impressi papyro exiliori, annisq; neutiquam supra scriptis, non recognoscuntur a Patribus Divi Benedicti tanquam conformes propriae correctioni. Quoad Amstelodamensem vero editionem, Antverpia nomine per vulgatam, unde quaque reprobatur, non tantum propter duodecimum Tomum, multam non sana doctrina copiam continentem, verum etiam propter transcriptionis infidelitatem ipsius Divi Patris textus, quem non solum adulterati sunt, multa verba demendo, sed etiam mutilum reddiderunt, integras periodos auferendo, praeter innumeros errores passim insertos. Difficultas autem D. AUGUSTINI correctae Opera consequendi; pretium non modicum, quo hujusmodi extircent, si reperiuntur; necessitas tot Magistrorum & Doctorum iis utendi; utilitas quam plurimum eruditorum virorum, si illis libere propriis adibus perfrui liceret, ablato incommodo ad publicas locupletesque Bibliothecas accedendi, in mentem induxerunt, ut non solum hac Veneta editio, unde quaque similis Parisiensi autographo, temporibus dictis impresso, institueretur, verum etiam traderetur minori quinque annorum intervallo multo correctior, eisque conditionibus, quoad pretii exiguitatem & temporis ad solutionem requisiti commoditatem, ut unusquisque, vel non admodum dives, laud difficulter eam sibi adipisci posset, edoctus ut infra. Mensem suam aperiet Joanni Baptista Clarello Bibliopola Veneto, in Via Mercatoria, sub signo Leonis aurei, antequam compleatur annus 1706, prae numerando libras Venetas novem cum dimidia pro primo Volumine; & ejus utilitas erit, quoad pretii quantitatem, prae numerare libras novem cum dimidia pro quolibet Volumine, nullo tamen tegumento illigato; & quoad opportunitatem temporis, numerare pecuniam, dum recipiet quodlibet Volumen, quod illico ac impressum fuerit, ei tradetur. Et cum integrum Opus, levioris oneris causa, distribuatur in 16 Partes, (quanquam contineat 11

tan-

tantum Tomos) concedet complendam 16 distinctis vicibus pecunia solutionem, quæ simul juncta æquabit dimidium pretii, quo stabit Opus, cum completum fuerit, & tertiam partem pretii, quo stare expurgatum Originale Parisiense, si inveniretur. Qui vero extra Venetam Urbem morantur, & hocce commodò comparare sibi cupiant dicti S. Patris Opera, significare facient nomen suum eidem Joanni Baptiste Clarello ab aliquo Veneto incola, qui eodem tempore præsolvat libras novem cum dimidia pro proximo primo Volumine. Cui quoque Veneto incola incumbet, apocham deinceps signare Voluminum, quæ illico, ac impressa fuerint, ei tradentur; toties præsolvendo libras novem cum dimidia pro Volumine subsequente, quoties Volumen antecedens ei exhibebitur. Quando vero collectio concurrentium pervenerit ad illum numerum operum, quæ tali facilitate in mente est distribuere, non adscribetur alius quivis pretio descriptio, verum enumeratione librarum 11 pro quolibet Volumine. Qui non soluta, sed illigata Volumina cupiet, pro illigatione, quam rusticam vocant, solvat 24 solidos pro quolibet Volumine, id est, pro toto Opere simul libras 19 & solidos 4, pro illigatione vero chartæ pergamena peracta, libras 3 pro quolibet Volumine, id est, pro toto Opere simul libras 48. Ad reddendam curam erogationem pecuniæ, cui arriserit, præstabitur fidejussio.

LIBRI NOVI.

Apollonii Pergæi de Sectione Rationis libri duo. Accedunt ejusdem de Sectione Spatii libri duo restituti. Præmittitur Pappi Alexandrini Præfatio ad VIIum Collectionis Mathematicæ cum lemmatibus ejusdem Pappi ad hos Apollonii libros. Opera & studio Edmundi Halley, apud Oxonienses Geometriæ Professoris Saviliani. Oxonii e Theatro Sheldoniano, 1706. 8.

Velleji Paterculi quæ supersunt, id est Historiarum libri II ad M. Vinicium Consulem, cum adnotatis & indicibus Christophori Cellarii. Lipsiæ apud Thomam Fritsch, 1707. 12.

In Medicina facienda remediorum simplicitatem operosa compositioni præferendam, Oratio septima habita in Patavino Lyceo a Bernardino Ramazzini, Practicæ Medicinæ Professore, die 5 Nov. 1706. Patavii, typis Vid. Frambotti. 8.

ACTA ERUDITORUM,

publicata Lipsiæ

Calendis Martii Anni, M DCC VII.

LES DELICES DE L' ESPAGNE ET DU
Portugal &c.

h. c.

DELICIÆ HISPANIÆ ET PORTUGALLIÆ, &c.
*figuris illustrata a JOHANNÉ ALVARO
DE COLMENAR.*

Tomi V.

Lugduni Bat. apud Petr. Van der Aa, 1707, in 12.
Alph. 3, pl. 17 & figg. æn. pl. 24 ch. aug.

QUam in præfatione hujus libri pollicitus est Auctor noster voluptatem literatoribus ex collectione variarum Antiquitatum; Geographis, exactiori hujus regionis notitia; militibus, designatione fortalitorum tuendis hisce provinciis destinatorum; mercatoribus, recensione emporiorum maxime celebrium, merciumque ibidem præ aliis venalium; peregrinantibus rerum, vel antea non sine admiratione spectatarum, dulci memoria, vel mox videndarum accurato indicio; omnibus demum, qui variarum rerum cognitione delectantur, cujuscunque ordinis sint vel dignitatis, descriptione horum Regnorum accuratori; hanc inquam voluptatem omnes, quos opus ipsum evolvere haud pigebit, abunde percipient. Eamque insuper non parum adaugere annisus est, quem alias jam laudavimus, Lugdunensium apud Batavos Bibliopola solertissimus Petrus Van der Aa, additis figuris quam plurimis

mis accuratissime delineatis atq; pereleganter in æ incisis; quippe qui pari ornatu superiori etiam anno *Italia Delicias* auctore de *Regiffar* edidit, & nunc *Anglia*, *Scotia* atq; *Hibernia Delicias* parat. Animus autem fuit hujus operis Auctori, accuratiorem iis, quæ hactenus extitere, provinciarum Hispanicarum adornare descriptionem; hinc, instituti sui memor, præmissis iis, quæ de situ regionis, magnitudine item ac nominibus variis, ut & fluviis montiumque jugis nobilioribus in universum commemoranda fuere, quæ Veteris Hispaniæ provinciæ, quinam incolæ earundem, quique mores horum fuerint, quæ etiam soli natura, paucis recenset; additis insuper notabilioribus status istius Reipublicæ, quæ inde ab antiquissimis temporibus contingere, mutationibus. Hoc facto præsentem nobilissimæ hujus Orbis Europæi partis conditionem diligentius scrutatur, insertis locorum rerumque visu digniorum delineationibus, a *Colmenario*, qui pleraque suis oculis vidit, factis. Quandoquidem vero hæ provinciæ Hispanico partim, partim Lusitanico jam parent imperio, ab illarum descriptione exorsus Auctor noster, per Cantabriam, provinciam maxime septentrionalem Gallia quæ conterminam, ad Astures comitatur lectorem, post in Gallæciam. Mox in Regni viscera penetrans Castellam Veterem pariter ac Novam peragrat, & quæ Mantuæ Carpentanorum inque vicinis eidem palatibus Regiis videri merentur, attentius considerat. Hinc meridiem versus in Vandalitiam pergit, tum ad Granatenses, Murcianos & Valentianos divertit; unde in Arragoniam atque Navarram progressus in Catalaunia subsistit, facta insimul excursionem in vicinas huic insulas Balearides. Tum demum separata a reliquis Hispaniæ provinciis Portugalliæ Algarbiæque Regna perlustrat, atque subnexis iis, quæ de aeris temperamento, fertilitate regionis, moribus gentis, Sacris item ac Reipublicæ administratione aliisque apud Lusitanos pariter atque Hispanos iter illuc facientibus hodiernum observanda veniunt, coronidem huic operi, quinque tomos complexo, feliciter imponit. Nos, ut specimen aliquod extet rerum singularium hoc in libro contentarum, paucula, quædam nunc delibabimus. Et sane omni-

no no-

no notari meretur, quod pag. 107 seqq. de populi, Cantabricos agros hodie incolentis, lingua refert Noster. Hæc scilicet cum aliis apud reliquas gentes Europæas hoc tempore florentibus nihil prorsus commune habet, insigni argumento, quam reconditæ sit antiquitatis. Quamvis vero per universam hanc provinciam, Bajonam usque, emporium Aquitanix celeberrimum, usus ejusdem obtineat, incolæ tamen nihil prorsus hac lingua solent literis mandare, sed, prout vel Hispanorum vel Gallorum subjacent Regibus, unam vel alteram linguam usui huic adhibent, ejusdemque notitia liberos suos mature curant imbuendos. An invidia hoc fiat, ne exteris quoque hæc ipsorum lingua innotescat, an verborum inopia, quod alii putant, incertum. Cæterum auditu ipsa non ingrata esse perhibetur, ejusdemque maxima pars vocabulorum, quantum quidem ad nomina spectat, ubi de singulis sermo, in *a*, de pluribus autem, in *ac* terminatur. Ex. gr. cœlum vocatur *Cerua*, plur. *Ceruac*; terra, *Larra*, plur. *Lurrac*; Sol, *Eguzquia*, Luna, *Irarguia*; stella, *Izarra*; nubes, *Odeya*; ignis, *Sua*; fluvius, *Ibaya*; vicus s. pagus, *Vria*; domus, *Echéa*; lectus, *Ocea*; indusium, *Acandorea*; panis, *Oguia*; vinum, *Ardáoa*; piscis, *Arraya*; maritus, *Senarra*; matrona, *Andria*; senex, *Zarra*; mas, *Guizona*; foemina, *Emaztéa*; pater, *Aytéa*; mater, *Améa*; frater, *Anagéa*; soror, *Arrevéa*; filius, *Seméa*; filia, *Alavéa*; corpus, *Gorpuza*; pulchrum, *ederá*; bibo, *edatendòt*; lego, *iracúrtendot*; amare, *oneréxtea*; dormire, *lonazá*; videre, *bacust*; edere, *jan*; curro, *laster eguidondòt*; album, *Zuria*; rubrum, *Gorria*; nigrum, *Belza*; caro, *Araguia*. Numerare hunc in modum solent: *bat*, donotat unum; *bi*, duo; *irù*, tria; *lau*, quatuor; *bost*, quinque; *sey*, sex; *zaspi*, septem; *zorzi*, octo; *vedrazi*, novem; *amar*, decem; *oguèy*, viginti; *oguéytamar*, triginta; *berroguey*, quadraginta; *berroguéytamar*, quinquaginta; *yruroguey*, sexaginta; *yruroguéytamar*, septuaginta; *lauroguèy*, octoginta; *lauroguéytamar*, nonaginta; *cun*, centum. Quam numerandi rationem cum Galli quoque nunc servant, qui v. g. per *soixant & dix* denotant septuaginta, per *quatre vints*, octoginta &c. non immerito conjicit Noster, ipsos temporibus Henrici IV, Regis e

Benearnia oriundi hunc in morem transiisse. Ut vero tanto facilius de hac lingua judicare queant lectores, exemplum apponit Noster Orationis Dominicæ, quæ apud Cantabros, adscitis paucis e lingua Hispanica verbis, quorum usus nimirum Cantabris, qui res iis designatas ignorabant olim, non fuit, sonat:

Ghre Aitacervetan aicena,

Sanctifica bedi hire icena.

Ethor bedi hire Resuma.

Eguin bedi hire vorondatêa, ceruân beçala lurrean-ere.

Gure eguneco oguia iguc egun.

*Eta quita ietzaguc gure çormac, nola guçere çordunçy quit-
tazen baitravegu.*

*Eta etzgaitzala far eraci tentationetan, bâina delwa gait-
zac gaichtotic.*

Eçen birca duc Resuma, eta puissança, eta gloria secularor.

Amen.

Pag. 308 Epitaphium Cardinalis Ximenii in templo Collegii Magni, quod Compluti ab ipso fundatum est, sepulti nobis fuit, his verbis:

Condideram Musis Franciscus grande Lycæum,

Condor in exiguo nunc ego sarcophago.

Prætextam junxi sacco, galeamque galero,

Frater, Dux, Præsul, Cardineusque Pater.

Quin virtute mea junctum est diadema cucullo,

Quum mihi regnanti paruit Hesperia.

Notatu digna quoque sunt, quæ pag. 332 seqq. de Officio Mosarabico traduntur, cujus memoria, postquam aliquot seculorum intervallo sepulta quasi jacuisset, ab eodem Cardinali Ximeno fuit resuscitata. De eo quoniam obiter tantum superiori Mense pag. 66 actum est, non erit ab hoc loco alienum, rem paulo luculentius ex nostro Auctore recensere. Ita vero se res habet. Gothis, qui Arianorum sectæ addicti fuerant antea, ad puriorem fidem, conversis, Isidorus Hispalensium Archi-Præsul, Concilii IV Toletani jussu, certam aliquam cultus divini formam præscripsit, composito hunc in finem libro, quem Officium vocant, Psalmodias, precum item publicarum missarumque formulas continente. Qui ritus tum ubivis in templis eorundem

rundem usurpari cœperunt, atque integrum ferme sex seculorum spatium perdurarunt; donec, Mauris totam pœne Hispaniam occupantibus, veteres ejusdem incolæ Christiani longe lateque dispergerentur. Toletanis tamen, quibus etiam hoc barbarorum jugum erat subeundum, & conscientiae libertas & sex insuper templa relinquebantur a victoribus, in quibus avita Sacra ad præscriptum Officii hujus Isidoriani constanter peregerunt, a Maurorum quodam Principe Moza Mistrabes sive Mosarabes vocati. Post trium seculorum lapsum, anno scilicet a N. C. 1039, cum Toletum Mauris iterum eripuisset Alphonsus VI, de restaurando, qui hætenus ibidem obsoleverat, cultu Christiano cœpit cogitari. Ubi quidem Regis ejusque uxoris Constantiæ, quos Papa per Nuncium stimulabat, is fuit animus, ut, ritu veteri (Mosarabico nimirum) sublato, Romanus introduceretur. Sed intercedebat Clerus una cum Ordine equestri & Populo, quibus grave erat aboleri consuetudines Ecclesiæ suæ, tam diu frequentatas, atque tot Conciliorum approbatione firmatas. Post multas disceptationes res eo devenit, ut, pro more seculis istis, barbaris nimirum, usitato, controversiam hanc duello dirimendam judicarent. Rex itaque virum nobilem delegit, qui partes Officii Romani tueretur, Populus & Clerus alium, qui Mosarabici; postremus vi-
cit; hinc totius Ecclesiæ judicium, Deum suæ causæ fuisse adiutorem. Sed neque hic pars adversa manus dabat, quæ anticipem armorum fortunam esse causabatur; alia igitur viam tentare placuit. Jejunium indicitur, preces publicæ fiunt, solennes per urbem pompæ ducuntur. Omnibus in primario urbis foro congregatis ingens rogos accenditur, cui Missale utrumque, Romanum pariter ac Mosarabicum, injiciunt; Rege interim Populoque precibus Deum sollicitantibus, velit, quæ sit hac in re voluntas ipsius, dato signo aliquo facere manifestum. Ferunt Missale Romanum illico fuisse combustum, altero ab igne illaeso permanente. Hæc quidem sufficere poterant ad Regem de præstantia Officii Mosarabici convincendum, quippe quod cœlum suffragio ipsum suo probasset. At hic, propositi tenax, ut Romanum introduceretur, perfecit; id sal-

tem gratiæ ab ipso datum est Toletanis, ut in vetustioribus parochiis suis Officium Mosarabicum retinere possent. Verum ibi quoque seculis subsecutis paulatim in desuetudinem abiit, omni prorsus memoria ejus ex animis hominum deleta, cum Ximinius illud, characteribus Gothicis exaratum, & in veteri codice MSCto repertum, in lucem iterum protraheret. Is non sine magnis sumptibus sacrarium, a Mosarabibus nomen gerens, extruxit, ibidemque duodecim Canonicorum Collegium fundavit, qui suo sub Decano viventes, quotidie Missam recitare solent, atque ad ductum hujus Officii Sacra peragere. Plura quidem hic adduci possent lectoribus minime ingrata; ut cum pag. 832 sceptrum atque corona Lusitanica ex auro, quod Tagus vehit, fabrefacta perhibentur. Sic pag. 835 singulare vehiculi genus describitur, apud Hispanos iter facientes usitatum, quibus id ipsum *galera* vocatur; hoc adeo spatiosum esse dicitur, ut quadraginta homines una cum impedimentis necessariis eodem simul vehi possint, ibique & victum sibi, ceu in culina, præparare, & æque commode, ac in hospitio aliquo, somnum capere. Similiter pag. 847 Augustissimus Lusitanorum Monarcha Petrus II, quem nuper admodum, V nimirum Idus Decembris anni proxime elapsi, terris ereptum dolemus, adeo vini abstinens fuisse memoratur, ut vel solo odore offenderetur. Verum hæc atque innura cetera alia sicco pede præterimus, id unice adhuc monentes, illos, quibus volupe est veterum Inscriptionum reliquias spectare, pag. 126. 133. 158. 167. 191. 339. 368. 378. 381. 382. 403. 404. 412. 416. 440. 441. 488. 515. 517. 521. 558. 566. 568. 619. 624. 709. 718. 748. 775. 784. 797. 798. 799. 800. 803. 804. 805. 806. 811 abunde reperturq, quo desiderius suis facere queant satis. Nobis, qui brevitati studemus, easdem indicasse sufficiat.

*APOLLONII PERGÆI DE SECTIONE RATIONIS
Libri duo. Accedunt ejusdem de Sectione Spatii Libri
duo restituti. Præmittitur Pappi Alexandrini Præfatio
ad VIIum Collectionis Mathematicæ cum Lemmatibus
ejus-*

*ejusdem Pappi in hos Apollonii Libros. Opera & studio
Edmundi Halley, apud Oxonienses Geometriae
Professoris Saviliani.*

Oxonii, e Theatro Sheldoniano, 1706, 8.

Constat plag. 12 $\frac{1}{2}$.

Librorum de Sectione Rationis Apollonianorum brevem, sed satis accuratam descriptionem dudum dedit *Pappus* in praefatione Operi praesenti praemissa, quae ex versione *Hallejana* ita habet. Duo sunt libri de Sectione Rationis, sed unam, tantum faciunt propositionem subdivisam: quare unam illam, sic describo: *Per datum punctum rectam lineam ducere, quae auferat a duabus rectis positione datis segmenta, punctis in iisdem, datis adjacentia, datam rationem inter se habentia.* Diversas, autem multasque figuras habere contigit ob subdivisionem factam, & ob diversas rectarum datarum inter se positiones casusque puncti dati differentes, propterque *Analyseos* & *Composiciones* horum casuum, ut & *diorismôn*. Habet autem, liber primus de Sectione Rationis loca septem, casus viginti, quatuor, *diorismos* vero quinque: quorum tres sunt maximi, & duo minimi. Maximus quidem est ad casum tertium loci, V. Minimi vero sunt ad casus secundos locorum VI & VII. Reliqui autem maximi sunt ad casus quartos eorundem locorum VI & VII. Liber posterior de Sectione Rationis loca habet 14, casus vero 63; determinationes autem ex primo, ad quem quasi totus refertur. Lemmata habent hi duo libri 20, itidemque figuras (sive schemata) habent 181 vel etiam plures juxta *Periclem*. Hi libri haecenus pro deperditis habiti sunt ab eruditibus: nunc vero non sine insigni *Analyseos Geometricae* studiosorum emolumento a celeberrimo *Hallejo* praesentes Orbi erudito sistuntur. Bibliotheca scilicet *Bodlejana*, quae ingentem librorum rariorum thesaurum custodit, inter *Codices MSS. Seldeni* librum asservat Arabicum, qui cum ante annos plures in manus *Ed. Bernardi*, Astronomiae Professoris Savilianus, linguarum Orientalium peritissimi, incideret, cumque vir eruditissimus traditam ante *Pappi* descriptionem librorum

Apollonii

Apollonii περὶ λόγων ἀποτομῆς exacte illi convenire deprehenderet, factum *Apollonii* extemplo agnovit. Arabicum vero illud MSS. ex lingua Græca in Arabicam traductum esse, probat *Hallejus*, quod in diagrammatis lineæ notas juxta ordinem alphabeti Græcorum dispositas habeant, qui ab ordine alphabeti Arabum plane diversus. Factam conjicit hanc translationem circa annum Christi 820, auspiciis *Almamonis* Chalifæ s. Imperatoris *Saracenorum*. MSSum vero adscriptum habet nomen possessoris anno Hegiræ 613, i. e. Christi 1235. Cum *Bernardus* inventum tam præclarum Orbi litterario non invidendum censeret, ei vertendo operam dedit; sed vix decimam partem absolvit. Ipso mortuo, hortatu *D. Henrici Aldrich* S. T. P. & Collegii *Ædis* Christi Decani, Fautoris nostri æstumatissimi, in versione *Bernardina* loca nonnulla castigavit, totumque opus manu eleganti describi curavit *David Gregorius*, cujus nomen Acta nostra legentibus non minus, quam Mathematicis notum. Tandem cum, *Walliso* fatis cedente, Professio Geometriæ Saviliana ad *Hallejum* devolveretur, is versioni MSSi a memorato *Aldrichio* communicati solertia incredibili incubuit: neque enim solum codex punctis diacriticis plerumque destituebatur, integra verba & periodi sæpius erant omissa, & diagrammatum lineæ litteris male signatæ, sed ipse etiam litteraturæ Arabicæ prorsus ignarus. Nempe beneficio schedarum a *Bernardo* traductarum primum voces excerptis, quarum significatum *Bernardi* versio prodebat, dein ad argumentum respexit, & ita multo labore sensum erudit, lacunasque supplevit. De suo quæ addidit, alio caractere sunt expressa. Adjecit autem etiam scholia, quorum ope loca Geometrica, rectas omnes datam rationem abscindentes contingentia, designari possint.

Enimvero præter duos *Apollonii* de Sectione Rationis libros duos adhuc alios ejusdem Autoris de Sectione Spatii commemorat *Pappus* in præfatione laudata, qui continent resolutionem problematis priori de Sectione Rationis admodum similis & hoc solo differentis, quod in illo oporteat segmenta duo abscissa rationem habere datam, at in hoc datum continere rectangulum. Ita a *Pappo* effertur: *Per datum punctum rectam*
lineam

lineam ducere, quæ auferat a rectis duabus positione datis segmenta, datis in ipsis punctis adjacentia, quæ rectangulum æquale dato comprehendat. Cum itaque in codice Arabico hi duo libri non comparerent, utpote jam olim deperditi, ob materiæ tamen affinitatem prioribus jungi mererentur; eos propriis meditationibus ita restituit *Hallejus*, ut ab ipsius *Apollonii* opere non multum discrepare confidat. Hoc vero opus Analyseos Geometricæ studiosis apprime utile prædicat, quia habent exemplum problematis plani per omnes casus plenissime soluti. Cæterum cum præstantiam Analyseos Veterum, cujus egregium in his libris *Apollonii* specimen continetur, maximi fieri debere judicet *Hallejus*, nec dubitet, quin in aliis Bibliothecis inter MSS. Arabica forte lateant Tractatus veterum Analytici reliqui a *Pappo* commemorati, eruditos hortatur, ut Bibliothecas excutiant, & libros utilissimos ex pulvere protrahant: quod ut tanto facilius fieri posset, præfationem *Pappi* sæpius jam memoratam & Græce antehac non excusam, quæ una Scriptorum Analyticorum veterum memoriam servat, ex duobus codicibus MSS. Bibliothecæ *Saviliane* integritati suæ (quantum fieri potuit) restitutam una cum versione accurata operi præmisit, inprimis cum *Commandini* versio, ipso iudice, in plerisque sit absurda & insulsa. Præterea hunc quoque in finem accuratam illius præfationis dedit versionem, ut constaret, *Cartesium* in doctrina de Locis Veterum laudi detraxisse, & regulam *Guldini* centrobarycam ipsis etiam Veteribus innotuisse, certe *Pappo* annis 1200 ante natum *Guldinum* perspectam fuisse. Ad calcem præfationis prima 20 Lemmata e libro 7 *Collect. Mathematic. Pappi* excerpta comparent, quia in demonstratione illa assumit *Apollonius*. Equidem monitum ad eruditos de conquirendis libris veterum Analyticis inutile videri poterat, tum quia talia nullam difficultatem creant Analyseos modernæ seu Algebrae perito, tum quia Mathematici recentiores illis instaurandis operam navarunt, nempe libris de Sectione Rationis & Spatii, item Sectione determinata *Willibrordus Snellius*, de Tactionibus *Franciscus Vieta* in *Apollonio Gallo*, de Locis planis *Fermatus* in operibus posthumis, de Inclinationibus *Marinus Gethaldus*, de Locis solidis *Vincentius Viviani*:

Viviani: aliud tamen asserit *Hallejus* problema aliquo modo re-solutum dare, aliud methodo elegantissima id ipsum efficere, Analyfi brevissima & simul perspicua Synthesi concinna & minime operosa, quod præstiteret Veteres. Et profecto dudum notavit summus Geometra *Leibnitius*, Analyfin nostram minus concinnas suppeditare constructiones Geometricas: licet enim subinde tales dentur ab Analystis recentioribus, quales omnino in Geometria *Gerardi van Kinckhuysen* occurrere diffiteri nequit, non tamen immediate ex æquatione problematis constitutiva, sed aliunde potius desumuntur. Denique orbis eruditus non minus, quam *Hallejus* gratias habebit longe maximas Viro celeberrimo & de re litteraria longe meritissimo, *D. Joh. Hudson* S. T. P. Bibliothecæ *Bodlejana* Præfecto, quod summam curam adhibuerit, ut nitidum & emendatum prodiret opus Geometris longe gratissimum, & nos præsertim habemus, quod ejus munere tam cito operis desideratissimi copia facta fuerit. Non ingratum fore Lectoribus arbitramur, si ex sæpius laudata *Pappi* præfatione indicemus scripta Veterum Analytica. Sunt autem sequentia: *Euclidis* de datis liber unus; de Porismatibus III; de Locis ad Superficiem II: *Apollonii*, de Sectione Rationis II; de Sectione Spatii II; de Sectione determinata II; de Tactionibus II; de Inclinationibus II; de Locis planis II; *Cornelii* VIII: *Aristæi* de Locis solidis V; *Eratosthenis* de Mediis proportionalibus II.

RESOLUTION DER HEEREN STATEN
van HOLLAND ende WEST-VRIESLAND
van Conferentie;

seu

DECRETA STATUM HOLLANDIÆ
FRISIÆ QUE Occidentalis notatu digniora; a
die II. Aug. A. MDC LIII. quum JOANNES de
WITT Status-Pensionarii, ut vocant, spartam dignita-
temque ornare cœperat, usque ad diem XIX. Dec.
A. MDC LXVIII. facta.

Trajecti

Trajecti ad Rhenum, apud Wilhelmum vande Water, Acad.

Typogr. 1706. in 4.

Alph. 4. plag. 15.

Quæ in unis alterisque tantummodo Magnatum in Belgio imperantium musæis vel aliorum etiam quorundam bibliothecis, instar pretiosi depositi, latuerunt *Statuum Hollandiæ Frisique Occidentalis Decreta*, ætate maxime Joannis de Witt, Status-Pensionarii, facta, ea nunc altera quadam editione, ad communem omnium usum, in lucem protrahere, operæ pretium visum fuit. Ordiuntur ea a die II. Aug. A. M DCLIII. & varia circa res militares, civiles & ecclesiasticas Statuum Præpotentium decreta atque conclusa, usque ad diem XIX. Dec. Anno M DC LXVIII. juxta dierum & annorum, quibus de iis in senatu magno actum est, seriem, ex authenticis documentis recensita, complectuntur. Ac quum inter illa *Deductio* seu *Declaratio* Statuum Hollandiæ Frisique Occidentalis emineat, qua post vera liberi in Belgio confœderato imperii fundamenta asserta *Decretum* maxime *seclusionis Statuum Hollandiæ Frisique Occidentalis*, die IV. Maj. A. M DC LIV. contra Principis Arausionensis ad Capitanei sive Gubernatoris Generalis in Belgio dignitatem ejectionem, die IV. Maji, A. M DC LIV. initum longa apologia adstruitur, vel ex hujus saltem deductionis succincta quadam enarratione universi operis præstantiam, in tanta rerum ubertate, satis dijudicari posse existimamus.

Delata autem fuit ista *Deductio*, per Deputatos quosdam antea concepta, ad prælectionem, confirmationem & registrationem in Senatum Ordinum Hollandiæ Præpotentium die XXV. Julii A. M DC LIV, & ubi tum publice approbata, tum per Statuum typographum ordinarium, determinato exemplarium numero, typis exscripta fuerat, ad Provincias universas, communi consilio, missa. Occurrit in ea primum totius facti narratio, quæ, ut paucis multa complectamur, huc redit. Videlicet eo sanguinolento illo Belgarum cum Anglis bello, tempore Cromwelli, Reipublicæ Anglicanæ, ut tum vocabatur, *Protektoris*, res devenerant, ut Angliæ tum Magnates imperantes cum Deputatis Belgarum in aula Westmonasteriensis

riensi die XXVIII. Nov. A. M DCLIII. de viginti septem pacis incundæ articulis agerent, quos inter Angli duodecimum hunc esse volebant: *Ut neque Status Generales Provinciarum Belgii confœderatarum, neque Status quidam earundem particulares, ullo unquam in posterum tempore, WILHELMUM, Principem Arausionensem, postremi Regis Angliæ nepotem, vel ullum ejus Descendentium, Capitaneum, Gubernatorem & Imperatorem castrorum, copiarumque suarum Generalem, vel aliquarum saltem suarum urbium, arcium, castellorumve Gubernatorem, vel etiam classium, navium, copiarumque maritimarum Præfectum summum facerent, constituerent & decernerent; quin potius ejusmodi aliquorum consilio & decreto, sive jam suscepto, sive adhuc suscipiendo, ipsa re se quam severissime opponerent.* Diu multumque de ratihabendo hoc articulo apud Belgas & cum Anglis agitabatur, quod ne ullum in eo Angliæ Protector momentum mutatum vellet. At quum tamen quidam Anglorum imperantium articuli hujus in secretam aliquam clausulam mutationem spaderent; alii vero cum vel in ipsa pacificatione, vel in annexa eidem clausula quadam secreta hoc modo leniri & attemperari posse censerent: *Ut quemcunque unquam Ordines Belgii confœderati omnes, vel aliqui, Capitaneum Generalem, aut copiarum suarum terra marique Imperatorem, aut etiam minus alteriusve saltem Provinciæ Gubernatorem forte facerent & constituerent, is maxime fidem suam ad servandam sancte præsentem pacificationem omnesque ejus articulos juramento adstringere teneretur:* non dubitarunt Hollandiæ Ordines Præpotentes hoc articuli duodecimi temperamentum amplecti, atque inde etiam Deputati eorum in Angliâ, Domini de *Beverningk & Nieupoort*, Legatorum Extraordinariorum jam nomine & dignitate ornati, pacis consilia & deliberatione, shucusque interruptas, resumerunt. Felix jam sperabatur totius pacificationis tam diu agitata exitus; quem vero denuo interceptum & retardatum, videbant Belgæ, quod Protector, temperamento illo non satisfactum desiderio suo credens, in ratihabendo articulo duodecimo, ut primum conceptus erat, tenaciter persisteret. Diu se *Beverningk* postulato isti, gravissimis quidem argumentis, opponere-

ponebat; quibus tamen nihil aliud impetrabat, quam ut per Status Angliæ Secretarii litteras quasdam intelligeret, eam esse Protectoris demum voluntatem & declarationem, ut Ordines Hollandiæ Præpotentes particulari quodam documento seu instrumento, Status sui sigillo obfirmato, ad servanda articuli memorati duodecimi momenta omnia se obstringerent. Detrectabat & hoc etiam Beverningkii cum Nicupoortio masculine, quod eo iussa & instructionem suam se non extendere demonstrarent. Ast quum Protector per Status Angliæ Secretarium ipsis significaret, se articulum illum ut fundamentum omnis pacificationis respicere, unaque protestari, se vero & sincero in Status Præpotentes eorumque Provincias affectu trahi, nihilque aliud quærere, quam pacem æternam duraturam; quæ vero æternam duratura non sit, si vel Principi Arausionensi, vel alicui ejus posterorum, utpote ex familia Stuartorum descendit, summæ Status sui dignitates deferantur; eamque in rem se instrumenti pacis ratihabitionem & mutuam extraditionem postulare, hac tamen conditione, ut si Domini Legati particulare istud Articuli duodecimi documentum sistere jam non possent, istud tamen intra duarum aut trium mensium spatium exhibendi promissa darent certissima: idcirco hac Protectoris declaratione ad referendum assumpta de reliquis interea pacis articulis cum Anglis convenerunt, ne aliæ eæque ancipites magis & graviores rerum mutationes in pacificatione tum adeo necessaria suborirentur. Quæ ubi per Legatorum suorum litteras intellexissent Status Hollandiæ Frisiæque Occidentalis Præpotentes, unaque perspicerent, omnem belli pacisve eventum a documento prædicto pendere, re omni diu multumque ponderata, die demum IV. Maji A. M DCLIV. in senatu suo decretum fecerunt: *Ut Ordines Hollandiæ Frisiæque Occidentalis nunquam Principem Arausionensem aut ullum ejus lineæ Capitaneum vel Gubernatorem suarum Provinciarum constituerent, neque etiam permetterent, quantum ad se suarumque Provinciarum vota spectaret, ut ille unquam militia Generalitatis, prout ajunt, Capitaneus Generalis cooptaretur.* Missum fuit hoc decretum documento quodam, ut conventum erat; particulari confi-

gnatum & obsignatum in Angliam ad Dominos *van Beverningk & Nieupoort*, Statuum Legatos, quod cum Protectore Anglisque suis communicarent, hac tamen lege, ut repetita denuo prius vice omnibus viribus, consiliis & studiis eo allaborarent, num forte Celsissimum Protectorem a postulato illo suo dimovere, & ad aliud quoddam pacis consilium mitius permoveere possent. Faciebant Deputati, quod poterant, ac ea propter etiam se relati modo decreti documentum accepisse, dissimulabant: at quum omne consilium omnemque operam frustra plane esse viderent, maxime quod precipitantes Deputatorum ceterarum quarundam Provinciarum motus, & zelus, prout conqueruntur, plus justo incensus, ansam Anglis aliud quippiam suspicandi dedissent, denique documentum istud famosum tradiderunt.

Quam rem quum Status præsertim Zelandiæ, una cum Groningæ aliarumque quarundam Provinciarum & civitatum Deputatis non uno omnes eodemque oculo ac animo intuerentur, & multi præjudiciorum maximorum plenam esse contenderent; jam facti narratione præmissa, amplam facti istius sui deductionem & declarationem subjungunt. Ubi quidem, primo loco contra sentientium argumenta distincte recensent, quæ tum ipsam seclusionem Principis Arausionensis in abstracto, tum Angliæ Regnum, tum Status sui Rempublicam, tum quoque domum speciatim Arausionensem concernere monent. Quoad primum enim obvertebant contra sentientes, quod 1. Decretum illud seclusionis Principis Arausionensis cum constitutione & natura Unionis magnæ A. M DLXXIX. inter Provincias fœderatas factæ pugnaret, qua nulla Provinciarum deliberationibus ullis sit excludenda, ne quicquam aliis præjudicio fiat, & ut libertas inconcussa perstet; quod 2. idem cum Declarationibus Confœderatorum omnium, tam ore, quam manu, extraordinaria quadam congregatione A. M DCLII, in Aula Hollandiæ, datis pugnet; & quod 3. seclusio absque ulla speciatim cum Statibus Zelandiæ communicatione per solos Hollandiæ Frisiæque Ordines concludi non potuerit. Atque hæc sunt argumenta, quæ ipsam seclusionem in abstracto concer-

concernunt. Quod secundo ad Angliæ Regnum attinet, obijci-
bunt contra sentientes, quod 4. articulus seclusionis a scopo & sen-
su pacificationis cum Republica, ut tum vocabant, Anglicana, e-
jusque Cellissimo Protectore conclusæ deflectet, eique decimus
ejusdem articulus plane obsistat; quod 5. ille absque praviis
litteris significatoriis & consensu omnium Provinciarum ad
Unionem pertinentium non legitime rati haberi, multo minus
Protectori per Generalitatis Statuum, ut vocant, Ministros
extradi potuerit; & quod 6. idem cum decreto Statuum Hol-
landiæ die XIX. Febr. A. M DCLIV & attemperamento tum
approbato pugnet. Porro si ipsam tertio Statuum Rempubli-
cam respicias, contendebant contra sentientes, quod 7. decre-
tum seclusionis libertati tanto pretio coemptæ contrarietur, eam-
que ut & jus Status absolutum, ac reliquarum Provinciarum jura
summa sit turbaturum, quod 8. idem præjudicium subjectionis
& pusillanimitatis, una cum despectu Status, apud alios Reges,
Principes & Respublicas ipsis sit allaturum; & quod 9. dissen-
siones & factiones tum inter ipsos Provinciarum Status imperan-
tes, tum inter subditos Statuum ex seclusionem ista sint resultatu-
ra. Quod denique ipsam speciatim Domum Arausionensem
spectat, instabant, quod 10. decreto illo Princeps Juvenis Arau-
sionensis, una cum descendens suis, jure & potestate præro-
gativarum, nativitate jure ipsi competentium, defraudetur; tum
quod 11. defraudatio vel seclusio illa ingratitude futura sit in
domum Austriacam, tam bene meritam, ultra modum enor-
mis; adeoque satius fuisset, decretum istud plane seponere.

At respondent ad hæc omnia Status Hollandiæ Frisiæque
Occidentalis, primo in universum, quod Provincia Hollandiæ
omnino, vi potestatis & jurisdictionis suæ absolutæ, sine prævia
cum ceteris Provinciis communicatione, earumque consensu de-
cretum seclusionis peremptorie facere potuerit: quoniam sin-
guli Provinciarum Status, vi Unionis istius magnæ, jus & pote-
statem habeant absolutam de omnibus rebus, quarum in Unionis
articulis nulla mentio fieret, vel quæ particulari Provinciarum
consensu Generalitati non essent commissæ, id negative vel posi-
tive ordinandi & decernendi, quod ad provinciarum suarum, in-
colarum

colarumve interesse pertinere, vel alio quocunque nomine necesse esse, ipsis visum fuerit; ceu id quoque documentum Statuum Zelandiæ, die XXX. Junii anni præsentis, congregationi Statuum Hollandiæ præsentatum, in ipsis terminis haberet. Consequi inde, quod cuivis sigillatim Provinciæ potestas absoluta competat de constitutione Gubernatoris vel Capitanei Generalis aut ejus seclusionem, absque consiliorum cum aliis Provinciis prævia communicatione, hoc vel illud decernendi. Atque ita jam, ut rem exemplis & facto comprobent, in ipso Reipublicæ suæ principio Status Hollandiæ Frisiæque Occidentalis separatim & sine ullo alterius Provinciæ consensu, masculo consilio juramentoque secreto decrevisse, quod nunquam Regem Hispaniarum Provinciæ suæ Herum & Principem velint agnoscere; neque nomen, sigillum & titulos ejus in suis amplius decretis vel conclusis usurpare. Ita eosdem Status Ducem Andegavensem, Regis Galliæ fratrem & Belgii confœderati Protectorem, quum A. M D LXXXIII. mense Januario Antverpiam aliasque Statuum urbes potestati suæ impetu improvviso, & ipsarum Status copiarum ope, subjicere tentasset, heroico facinore a Protectoris in Provincia sua dignitate seclusisse. Atque ita etiam Comitum Leicestriæ ab eadem Gubernatoris & Capitanei Generalis dignitate fuissent seclusuri, nisi ipse in tempore Rempublicam deseruisset. Secundo respondent, quod in congregatione magna A. M DC LI. habita nullæ declarationes factæ fuerint, quibus seclusio toties memorata repugnare possit; cum nulla in illis Principis Arausionensis ad supremas provinciarum suarum dignitates vehendi mentio occurrat. Tertio ostendunt, quoad, & in quibus rebus Hollandiæ & Zelandiæ Status per confœderationes suas particulares A. M D LXXV. & M D LXXVI. initas tenerentur, communicatis consiliis & non separatim quicquam discernere. Discrimen enim hic faciendum esse volunt inter constitutionem Gubernatoris in universum, quæ sine prævia utriusque Provinciæ notitia fieri non posset; & inter seclusionem vel promotionem hujus aut istius personæ ad prædictam dignitatem specialem, quæ, salva confœderatione particulari, tum Zelandiæ tum Hollandiæ libera permanerent. Quarto commonstrare cona-

contendunt, quod decretum seclusionis nullatenus cum articulo decimo pacificationis, cum Angliæ Protectore conclusæ, pugnet. Nam utut articulus ille in terminis ita se habeat: *Ut nulla Provinciarum & Civitatum, neq; ulli earundem Deputati cum vicinis Principibus & Rebuspublicis confederationem aliquam aut unionem, absque confederatarum Provinciarum consensu, ineant*: in confesso tamen monent esse apud omnes, quod quidem omnes confederationes & uniones sint tractatus, contractus, compactata & promissa reciproca; at quod vice versa omnes tractatus, contractus, compactata & promissa reciproca non etiam illico sint confederationes & uniones, perinde ac quidem omnes tractatus sint contractus, compactata & sponsiones, non autem vice versa omnes contractus, pacta & sponsiones sint tractatus seu transactiones. Cumque adeo seclusionis decretum, de quo nunc lis est, ad Angliæ Protectoris instantiam perpetuam pacificationi annexum, declaratio tantum sit & sponsio obligatoria, de re quadam particulari, a sola Statuum Hollandiæ potestate absoluta dependente; & præterea post conclusam cum Anglis pacificationem memoratam Provinciæ foederati Belgii quædam separatim, quædam conjunctim cum vicinis Regibus, Rebuspublicis & Principibus varios contractus & tractatus simplices concluderint; cujus rei unum alterumve tum Statuum Geldriæ, tum Statuum Ultrajectensium, tum Statuum Hollandiæ & Zelandiæ exemplum adfertur: inde pacificationis Anglicanæ violationem sibi jure opponi non posse existimant. Quinto respondent, quod de privatis & particularibus cum exteris Regibus, Principibus & Rebuspublicis colloquiis vel tractatibus nullius Provinciæ Status ceteris confederatis suis notitiam facere teneantur, ceu ex facto atque exemplis quoque constet; quodque adeo etiam Status Hollandiæ de eo, cujus propalationem non ob unas rationes prægnantes inconsultam ducebant, libere & privatim cum Reipublicæ Anglicanæ Protectore tractare potuerint; quodque non obstat, seclusionis istud negotium per Generalitatis Statuum Ministros & Legatos, *van Beverningk & Nieupoort* expeditum fuisse, cum in pacto isto privato privatæ etiam provinciæ Deputatorum nomen potestatemq; habuerint. Sexto respondent, quod decretum seclusionis secreto

P Statuum

Statuum concluso, die XIX. Febr. A. MDCLIV. factio, nullo modo repugnet; cum quidem sperassent, & eo cum Legatis serio allaborassent, ut temperamentum supra memoratum articuli duodecimi a Protectore assumeretur; quod vero nullis consiliis, nullisque argumentis impetrare potuissent. Septimo negant & pernegant, quod seclusio Principis Arausionensis libertatem tanto pretio coemtam aut jus absolutum tum singularum, tum omnium conjunctim Provinciarum, contemeret & lædat, cum in libera Republica nemini per nativitatem jus summarum dignitatum competat. Non enim quidem dissimulant Status Hollandiæ, quod seclusionem ista se ipsos potestate & libertate Wilhelmum, Principem Arausionensem, vel ejus aliquem descendente ad dignitates summas antea nominatas, vel propria auctoritate in sua provincia, vel votorum suorum consensu in fœderatis Provinciis, evehendi exuerint. At quum ex altera parte etiam palam sit, tum omne bellum exercitio libertatis, qua sibi ipsis, ceu primis ejusdem in Belgio assertoribus & vindicibus nihil vel charius sit vel antiquius, obices violentos ponere; tum bellum Belgarum cum Anglis ipsis libertatem de hac vel illa re quippiam liberius disponendi, pariter ac incolis Provinciarum suarum facultatem commercia sua, quæ Status universi anima essent, feliciter tractandi ademisse: inde tantum abesse, ut is, qui in animæ suæ conservationem & libertatis recuperationem, aliqua re alteri quippiam supererogatorie cedit, libertatem laxasse dici possit, ut potius eandem conservasse & restaurasse dici debeat. Imo indicia esse certissima zelotarum contra sentientium motus, qui evectionem Principis Arausionensis ad summas dignitates, a majoribus ejus ornatas & administratas, adeoque velut jure quodam nativitatis ei competentes, urgerent, quod ipsi libertatis hostes sint præsentissimi; cum nullum libertatis argumentum sit, in libera Republica ei dignitates summas conferre, cujus majores eas jam antea ornarunt; quin potius ex omnium liberarum Rerum publicarum historia & actis constet, rem ejusmodi vel imperio absoluto & Monarchico illas subjecisse, vel tamen multis aliis modis eis fuisse exitiosam. Ita Vicecomites, Nobiles antea Mediolanenses, & civitatis Mediolanensis Protectores, demum nomine

ne Protectoris in Capitanei Generalis titulum commutato, & Filia principe Joannis, Regis Galliarum, Joanni Galeatio Vicecomiti nupta, deinceps Ducum Mediolanensium sibi dignitatem & potestatem conciliasse. Ita C. Julium Cæsarem, ubi per decem annos militiæ Romanæ in Gallia Imperator summus fuerat, totam deinde Rempublicam Romanam, per ipsius Reipublicæ milites, sibi fidos, imperio suo subjugasse. Ita omnes Græcorum Respublicas, & quidem Corinthum per Cypselum; Syracusam per Thrasibulum, Gelonem, Dionysium, Hieronem & Agathoclem; Argiam per Phidonem; Ambraciam per Perandrum; Leontium per Panætium & Icetam; Agrigentum per Phalaridem; Candiam per Archilaum; Cyprum per Evagoram; Samum per Polycratem; Rhegium per Anaxilaum; Sicyonem per Nicoclem; Pheras per Alexandrum; & Catanam per Mamercum: perinde ac recentioribus temporibus Respublicas Italas, & quidem Veronam per Scaligeros; Bononiam per Bentivoglios; Faventiam per Manfredum; Perusium per Baleonem; Tifernum per Vitellium; & Florentiam per Mediceos fuisse subjugatas. Atque ita etiam, quod ad Belgium attineret, Ducem Alenconium, Provinciarum Belgii Protectorem, cui tamen & Provinciæ nonnullæ supremum imperium, certis quidem legibus circumscriptum, detulerant, Antverpiam aliasque Statuum civitates sibi cum universa Republica subjicere tentasse. Imo ita suis ipsosmet nuperrime oculis vidisse, quomodo Provinciarum suarum Capitaneus Generalis, haud ita pridem defunctus, A. MDC L. Amstelodamum, principem & potentissimam Reipublicæ suæ civitatem ipsis Status copiarum armis sibi subjicere, ac sex viros Statuum imperantes captivitati mancipare ausus fuerit, non sine maximo Reipublicæ detrimento. Præterea id quoque addunt, quod neque Reges in Europa consultum duxerint, Capitanei Generalis in militia sua munus perpetuum esse, ne forte per illos Reges aliquando ipsi sede sua deicerentur; hincque tum Anglos, tum Gallos, supremi Regiorum exercituum magistri, *Connéable* dicti, munus summum abrogasse. Et quum ad rem hanc amplius illustrandam nec in Scriptura Sacra exempla desint, capite hoc simul adjecta, satis ea propter evictum esse putant, seclusionem

suam libertati Reipublicæ tanto pretio comparatæ non obesse, sed prodesse. Octavo respondent, quod Decretum seclusionis nullam vel subjectionem vel pusillanimitatem inferat; cum constet, illud unice in belli tam sanguinolenti extinctionem, in libertatis tantum concussæ restorationem & in tranquillitatem provinciarum confœderatarum omnium esse factum; contra vero seclusionem ista seposita, timendum fuisse, ne belli flammæ diutius essent & atrocius duraturæ. Nono probant, dissensionum & factionum in Provinciis ansam non per Decretum seclusionis, quod ad tuendam sancte libertatem & pacem publicam impeditari, qui liberam Rempublicam non sine capite aut Principe summo salvam esse posse, perperam crederent. Decimo respondent, quod in libera Republica summæ dignitates dignissimè unice sint conferendæ, & nemo eas jure nativitatis sibi vindicare possit. Undecimo ostendunt, quod nulla utique Statibus Hollandiæ Frisiæque occidentalis in Celsissimam Domum Austriacam ingratitude obverti possit; cum partim gratitudinis in eandem documenta sat multa, satque magna prostant, utpote quam, præter tot in dignitatibus summis successiones, & præter ceterarum Provinciarum beneficia innumera, a sola Hollandiæ provincia, Mauriti, Friderici Henrici & Wilhelmi III. temporibus XIX. milliones & 699758 florenos accepisse, publicæ rationes ostenderent; partim vero in libera Republica liberum maneat, num beneficia sua ad descendentes velint extendere & imperium infantibus æque ac viris permittere.

Atque huc credit deductionis istius non ignotæ caput & summa; cui demum XLVI. documenta, cum authenticis collata, in antea dictorum comprobationem manifestam, subjunguntur. Tametsi vero præter alia plura Decreto seclusionis ejusque declarationi die IV. Aug. A. M DC LXVII. novum aliquod Edictum, quod Perpetuum vocant, accesserit, quo Capitanei Generalis & Gubernatoris Hollandiæ spartam dignitatemque, juramento omnibus, qui vel summum vel infimum aliquod munus tenent, imposito, plane, ut ajunt, mortificatam aut extinctam, voluere: nihilominus tamen rerum temporumque vicissitudo, Wilhelmo III. Principe Arausionensi, & postea etiam Angliæ Re-

ge, A. M DC LXXII. ad Capitanei & Gubernatoris Generalis in Belgio confœderato dignitatem summam non infelicitè ad-
moto, omnes edocuit: *Majorum decreta, utut gravissima, nec
valida semper esse, nec perpetua.* Quæ cetera sunt Statuum Hol-
landiæ Frisiæque Occidentalis decreta, tum res civiles tum res mi-
litares & ecclesiasticas spectantia, & in futurorum etiam tempo-
rum usum inservientia, ea magis ipsa introspexisse, quam hic
summatim recensita legisse juvabit.

JOANNIS SCHULZII FLORUM SPARSIO
ad loca quadam, in re litteraria controversa. Ad
Virum Amplisf. D. CHRISTFRIEDUM WÆCHTLE-
RUM Jctum & Litteratorem apud Dresdenses
celeberrimum &c.

Francof. ad Mœnum, apud Mart. Hermsdorff, 1707, 12.
Plag. 12.

Occasionem ad deproperandum hoc Opusculum Autor sibi
datam esse putavit ex nonnullorum censuris, quibus hic mo-
deste pariter ac erudite respondet, tum vero differendi materiam
nactus, ingenii, variæque lectionis, ac solidioris litteraturæ facul-
tates pandit, & ut titulus libri præfert, ad Grotii Lydiique exem-
plum effectus, flores jucundissimos spargit.

Primum igitur de *Veterum emendandi retractandiq; studio*
ex Lipsio, Vossio, Gaudentio, Perizonio, Sagittario differit, & cur
Horatius Poetas *genus irritabile* dixerit, verbis J. Camerarii de-
clarat, simulque rigidas Cunæi in Nonni Dionysiaca censuras cum
Dan. Heinsio expendit, post via sibi ad propositum munita, de
Tholis Veterum ex Vossio, Thomasino, Achille Statio & Val. Chi-
mentelio tractat, & descriptis *Prytanensibus*, propriam vocum *fige-*
re, pangere, notionem ex illo ritu indagat. Examinato deinde
promptitudinis vocabulo, Lexicographorum labores non sufficere,
sed *Scholiastarum* etiam & *Glossarum* suffragia in auxilium vocan-
da esse monet, adductis Goclenii, Mureti, Canteri, Bœcleri, Bor-
richii, Gronovii aliorumque sententiis, & vindicata simul autori-
tate Eutropii, ejusque codicum, quos contulit nuper Thomas
Hearnius. Exponit dehinc æneæ ætatis Scriptores, in his *Gramma-*
ticos & Scholiastas, quos non incommode *Masorethas Latinos* appel-

p. 6.

9.

15.

18 seqq.

21.

23.

- p. 25. & de *Servio* quidem Beroaldi, de *Prisciano* Scioppii atque
 291. Brunsmanni, de *Acrone* Parrhasii, Nannii, Vossii, Ptolemæi
 39 & Flavii, L. Scoppæi, de *Asconio* Hadriani Cardinalis, Modii, Hoto-
 202. manni iudicia adducit, exprobrata Mureto aliisque Criticis in-
 29 & 253. Geographicis ignorantia. Porro usum particulæ *In*, & apud
 Græcos τῇ εἰς, ἐν, ὅτι, εἴτα exemplis quam plurimis docet,
 Bosiique sententiæ accedit, non redundare illas, sed plane exlin-
 42 seqq. guæ genio poni, ubi simul de Livii, Ciceronis, Justinii idiotismis tra-
 & 256. ctat, adjecta farragine singularium structurarum in Latina lingua,
 castigato quoque Nizolii Thesauro, & vulgaribus libellis Gramma-
 35 seq. tificis. Commendat in orthographia Latina *Pandectas Florenti-*
nas, quas mirifice hic extollunt Politianus, Ant. Augustinus,
 39. 292. Carrio. J. Godofredus, Labbitius, Laur. Theod. Gronovius & J.
 Clericus; Inscriptiones item antiquas & optimos codices, quor-
 sum exempla bene multa per totum libellum sparguntur, & Gisa-
 nii, Guilhelmii, Popmæ, Passeratii, Barthii, Loensis, Manutii,
 49. seqq. Lipsii, Dausquii, Cellarii symbolæ afferuntur. Ad *Illustris* ti-
 220. & tulum annotat, quomodo is a Romanis Equitibus ad Præfectos
 296. Prætorio, mox ad Francorum Reges, deinde ad Missos atque
 Legatos eorum, demum ad Scultasios transierit, castigatis Ludov.
 51. de Dieu & Isaaco Casaubono, defensoque Luthero, illud *Act. XXV*,
 23. recte convertente, rejecta etiam sententia Menagii, negantis,
 59. Atticis superiores quoscunque dictos ΤΙΜΙΟΥΣ, ubi plura de
 259. voce τῆς ex Falconerio, Rittershusio, Mart. Themis, Ant.
 Perizonio, eleganter quoque expositis hinc locis 1. *Tim. V*, 17.
Hebr. II, 9. & Canone VIII Concilii Niceni. Paria observat
 62. de *Clarissimi* appellatione, apud Jctos, Jac. Lectio leviter corre-
 cto. At *Nobilissimos* Cæsares, quorum mentio in antiquis mar-
 moribus, cum Ez. Spanhemio & Cupero recte de *Porphyrogenitis*
 interpretatur, id quod Francorum Anglorumque Reges simili ap-
 67. 70. pellatione *Adelingorum* imitati, quorum filii *Clitones*, *Clituncu-*
 262. *li* quasi *Inchuti*, dicti. Saxones item distinctos ait in *Edbilingos*, *Frim-*
 63 seq. *gos* & *Lazzos*, & a Fr. Junio & Petro Victorio dissentit. Examinat
 etiam nummum Commodi, respondetque Oiselio, ambigenti de
 Anubis simulacro, instituta digressionem de *πολυμυλία*,
 tum

tum de ἀνωρυμία Deorum Gentilium, expensoque Paulo de Deo Atheniensium ignoto, ac nomine Josephi Ægyptiaco, ubi & de Θεῷ ἀρρήτῳ, ἀκατανωμάτῳ, κεκρημένῳ, arcano, incerto, innominato apud Tacitum, Lucanum, Pollionem, Josephum, Philonem. Qua occasione etiam Arcerii, Seldeni, Huetii, Witsii, Cudworthi, Dickinsonii sententiæ, *Mosen esse Moschum*, expenduntur: repetita Angeli Rochæ querela, de obscuritate Ægyptiacorum nominum, & rejectis Kircheri atque Harduini originationibus. Nec illud inelegans, *Crucis figuram Osiridi sacram, ejusque causas*, testibus Pignorio atque Mich. Neandro, *Paganis arcanas fuisse*, unde conjicit manasse opinionem Ethnicorum, commune quidpiam Christo cum Serapide fuisse, quorsum Salmasii, J. Godofredi, Seldeni atque Jf. Vossii conjecturas allegat, & rariores significationes vocum Ἀνὴρ, ἀθλητῆς, ἄνθρωπος, στρατιώτης, βασιλεὺς, Καῖσαρ, *Mas, Dux*, ex Victorio, Cujacio, F. Petito, Grotio, Falconerio, Perizonio, Ruperto, Schurtzschio, explanat, unde non tantum Inscriptiones, sed & loca Job. XIX, 5. *Ætor*. XXIII, 23. XXVII, 25. nec non *l. qui balneum*. D. qui prior. in pign. l. 38. §. 5. D. de pænis. l. 1. C. de Latina lib. l. 4. C. qui manumittere non possunt explicari possint. Convertit se deinde ad alteram Dissertationis hujus partem, quæ tota ad Poeticam spectat, ita tamen ut ornamenta ex utraque literatura velut flores appareant. Differens de Phonasciis, Phonasciis & Ηχεῖσις, *rythmis, metris, νόμοις & διδασκαλίαις & ἀποκρίσεις*, usum cujusque vocis evolvit, Casp. Hoffmannum ex Petito corrigit & juvat, Henninii conjecturam refellit: *Paulum in Græcorum Ηχεῖσις institutum fuisse*. Lucianum porro, Christum μέγαν ἄνθρωπον, & Christianorum doctrinam θαυμαστὴν σοφίαν appellantera, per contemptum hoc fecisse, probat ex ἀνδρώπῃ & θαυμαστῇ singulari notione, θαύματα scilicet sæpe *restigias*, uti apud Latinos miraculi vocem *res turpes*, denotare contendit. Ostensis deinceps veterum ac recentiorum Poetarum nævis, Scaligeri Hypercriticum ex Vossio & Heinio examinatum, *Lessi* verum usum ex optimis Criticis restituit, cum aliis multis hujus generis, atque Inscriptionum fide docet, vocabulum

Απτε

p. 292.

63.

66. &
294.69. 260
& 26775. 84.
273.83. &
264.

- p. 265. *Apte* proprium esse curandis funeribus. Eodem modo exponit.
 104. 266. voces *Augendus, Auctus, Augustus, Auguratus, Ampliatus, Devotus, Maclus, Magmen*, & non proklam tantum voris orationi.
 101. in Epitaphiis, sed & in numis Græca Latinis permisceri consuevit.
 184. seq. se, *Æolismos* item in Latium migrasse, hinc orthographiam Latinam multa traxisse ex Græca vocalium permutatione, id quod auctoritatibus Virorum in re litteraria principum & exemplis luculentissimis p. 110. 150 seqq. 215. 220. 296 probatum ivit, indeque factum fuisse autumat, ut ipsa Auctorum nomina non parum corrumperebuntur, testibus P. Petito, Divæo & J. Jonsio. Examinandum deinde sibi elegantissimum Ursini numum in familia Tarquintia cum Inscript: ΠΡΑΤΤΩΝΤΟΣ sumit, Fulvio (de quo elegans iudicium Rutgersii) partim correcto, partim defenso contra Cuperi censuram, ubi digreditur ad observationes de ἑρῶν πέρειν, πράττειν, θύειν, ποιεῖν, illustrato hinc loco Luc. II, 27. & versione Lutheri contra A. Buchneri stricturam excusata. Paria
 117 & legas de vocibus *facere, agere, gerere, operari, conficere, mactare*, quas omnes prima origine victimarias fuisse, postea ex Sacris in
 268. Circum, ex hoc in Scenam, demum ad omnes vitæ actiones, imprimis ad secundam belli fortunam, traductas fuisse monet, ubi non temnenda de Agonio Deo, de Agonalibus Sacris, victimis, sacerdotibus, de usu τῆ ἀγῆν l. 1. ff. de edend. & l. 12. pact. conv.
 119. τῆ condemnare & κρίνειν Matth VII, 1. τῆ ἀγῆν καὶ κρίνειν
 126. asini, concelsi Rad. Farnerio, Cujacio, Grotio & Alb. Gentili, laudatis contra Dudæo Modio, Rufo, Robortello & H. Dodwel-
 lo, exposito item Arrii numo apud Patinum, quem commode interpretatus est J. Perizonius. Subjicit his suam de Ursini numo conjecturam, Aram scilicet de Victoria Dea, πράττειν de re bene-
 gesta, litteras NEIK ex Homero & Græcis Inscript. de honore Heroibus dari sueto intelligit, simul & Græcos Patres atque
 128. Latinos de usu τῆ ποιεῖν, conficere, facere in S. Coena ex Casaubono, Albaspinzo, Espenczo, Mastrichio, Beveregio, Mornzo,
 130. Molinzo, Dallæo explanat, χρίσμα Job. II, 27. cum Tenulio de Paraclete Unctore capit, cum animadversione de voce Divi &
 131. μαχάριος. His expeditis observat, non semper opus esse, in Inscriptionibus ut litteræ geminentur, etsi de pluribus sermo sit; imo

imo in numis multas literas apparere, quæ otiosæ quodammo-
do, & nihil ad sensum facere videntur. Post miram antiquitatis
fraudem detegit, *plerasque inscriptiones, quæ prima Reipublica*
tempora mentiuntur, demum a posteris avo Augusteo subjectas fuisse,
quod de Ægyptiacis quoque monumentis, de Tabulis Capi-
tolinis, de numis familiarum, de titulis in Galliæ Regum tumu-
lis observasse ait Sam. Maresium, Thom. Hearnium, Petrum Se-
guinum & Petrum Gassendum, explicato ex Schurtzfleischio
Boissardi lapide, *de Druidæ femina*, excusato item Occone, ubi
de Allatii penna, & correctis passim libellis prosodicis, cum
sylvula licentiarum etiam in optimis Poetarum. Hinc *funer-*
ium veterem rationem accurate exponit, ubi non injucunda *de*
funali equo, crebro funali, Elephantis funirepis, & Luminarium
usu apud Gentiles pariter ac Christianos. Commendat Servi-
um Petri Danielis, deserit Richardum Bentlejum, negantem cor-
reptionem diphtongorum apud Græcos, cui satisfactum sit nuper
a Johanne Jensio. His farraginem subnectit nominum proprio-
rum, in quibus, si forte repugnarent versui, admodum licenter
versati sint Poetæ & multa passim turbarint, forte etiam quia
prisca Græcis atque Latinis multarum literarum usus primum
ignotus, & aliæ aliarum loco usurparentur. Excurrit porro
ad *Lares*, quos etiam *Lartes* dici observat, *Lars* enim Thuscis
πρωτάτης, hinc commodè illustrat loca *Tim. V, 17. Rom. XVI, 2.*
Joh. X, 3. Act. XVII, 17. Πρωτάτας etiam Athenis fuisse *inquilino-*
rum præsides, quibus utebantur *ξένοι καὶ πάροικοι*, teste Harpo-
cratone, hinc Paulum jucundissimam trajectionem petere *Eph.*
II, 19. Græcos non esse amplius *πάροικους*, sed *συμπολίτας*
τῶν ἁγίων καὶ οἰκείους θεῶν. Stephanum quidem le Moyne ex-
istimare, illam trajectionem ex ritibus Judaicis petitam esse; sed
Auctori magis probabile est, Paulum potius ad Græcum muni-
cipii jus ex præscripto legum Atticarum respexisse. Expendit
etiam *πρωάτης* vocem ex Casaubono, Salmasio, Bapt. Cotele-
rio & Inscript. Græc. ubi de *Agonistarchis* occurrit, eosdem La-
res dictos *Genios* & *Ἐφέσιους θεῶς*, quibus contradistincti *λύ-*
σσιοι θεοὶ, docente ad Simplicium Salmasio; conjicit vero, locu-
tio-

p. 141.

147.

151.

161.

172. seq.

& 270.

178.

180

& 271.

186

& 191.

189.

197. seq.

p. 193.

195.

199.

202. seq.

206.

207.

211.

302.

213.

tionem illam *Aët. II, 24.* λύσας τὰς ὠδὶνας τῆ θανάτῃ ali-
 quid lucis hinc capere. *Fusiam* quoque Legem apud Imp. Just. &
 Paulum Lib. IV. Sent. C. 14 eandem quam *Furiam* esse apud Ul-
 pianum & Theophilum probat; literam enim R teste Pompon. l. 2.
 §. 36. de O. J. sero inventam apud Romanos, ejusque loco S posi-
 tum fuisse, e. gr. in *Asam, Cusam, Esit, Lasen*; & a *Laribus* fa-
 miliam *Lartiam* & Anglicam vocem *Lords*, consentientibus Nan-
 nio & Pithæo, origines traxisse docet. Quibus ita expositis, redit ad
 Poeticas observationes, vindicat licentias Aufonii, Prudentii & re-
 centiorum Poetarum, quos omnino etiam imitandos esse suadent
 Barthius, Vossius, Muretus, Naudæus, alique. De Casaubono sin-
 gulare P. Molinæi judicium ex Colomesio affert, differitque de ca-
 lesto Afrorum Deo & de vero usu vocum: *auricomum nectat, Ambra-
 sium, corymbus, aurea coma, de comatis arboribus, & viribus crimi-
 nis*, hinc quæstionem Juris: *an vites arboribus sint accensende?* apud
 Magium, Meursium, Menagium, Bruyerinum, ex Jud. IX, 13. de-
 cidit, veteres capillis non tantum aureum pulverem insperxisse,
 sed aureas etiam cicadas implectere consuevisse, cujus ritus ve-
 stigia sint apud Ælium & Nonnum. His denuo subnectit
 sylvam rariorum epithetorum, quorum singularis apud Aucto-
 res significatio, v. gr. *coctus* pro prudenti, *cocta ligna* pro non-
 fumolis ff. de V. S. & l. ligni appell. ff. de Leg. 3. *virentes* pro
 mortuis in Inscript. (quomodo & apud Syr. XLVI, 15. *virere ossa
 Prophetarum* dicantur) *superbus* pro mortuo, *μέγας* pro sto-
 lido, *plures* pro malis, *nobilis* pro notho, *constans* pro in-
 pudenti, *Latina oratio* pro obscœna &c. Hinc de Orbilio Car-
 mine, quomodo distinguatur a σκωλίῳ ex Scholiaste Aristoph.
 Eustathio, Suida solide differit, & rationem hujus cantionis a
 Judæis ad Paganos manasse contendit, non abnuente J. Davilio
 ad Maxim. Tyr. 1703 Cantabr. ed. vestigia etiam illius moris ap-
 parere in Cantilenis veterum Germ. & Antiphoniis primitivæ Ec-
 clesiæ, quarum leges descripserit Arnoldus Dehnius. *Sophianum*,
 non Michaellem, ut volunt Victorius, Gruterus, Colomesius, sed
 Nicolaum, testibus Nic. Gerbelio & Scaligero, dictum fuisse o-
 stendit; *Druides* item denominatos a δρῖς, quod & quercum
 & quam

& quamlibet arborem significet, uti <i>roboris</i> vocabulum Latinis.	p. 217.
Pergit, in ipso S. Codice η cum υ sæpissime permutari, & farraginem denuo rariorum exemplorum genuinæ orthographiæ, ex auctoritate summorum Criticorum exhibet. Apud veteres item diversimode flecti <i>Gauron Gaurus, Aulon Aulus, Caulon Caulus, Dido Didus, Sappho Sapphus, Pyrino Pyrinus</i> ; antra iisdem dici pro ædibus; <i>Nymphas</i> quascunque pro Musis addit. Paria observat de <i>limitis</i> singulari notione, de <i>limitaneis fluviis, militibus, Limentino Deo, Lima Dea, limite</i> item <i>decumano</i> in Jure, rejectis sententiis Politiani & Hermolai Barbari. Porro de <i>Callinico</i> cantionis genere differens, communem sententiam tuetur, Græca vocabula, civitati Latinorum adscripta, non mutare accentum, ubi etiam de accentibus Latinorum. Vindicat a barbarie <i>famigeratissimi</i> vocem ubi & de <i>diffamandi</i> & <i>famosi</i> significatione in bono sensu, ex Jacobo de Cruce, Gronovio, Donato, Thyfio. <i>Stobæum</i> rectius <i>Stobensem</i> dicendum cum Valesio & Holstenio judicat, uti & Pyndari <i>Pythionica</i> rectius quam <i>Pythia</i> . Tandem totam Dissertationem, exemplo Andreæ Schotti, jucunda Inscriptione ex optimis veterum Formulis composita munit; & spicilegia ex varia eruditione Mantissæ loco subjicit, quæ tractant de <i>Evlogiis</i> Episcoporum, de <i>Ægyptiacis Chaldaicisque monumentis</i> , de usu particulæ <i>quod</i> pro <i>ut</i> , de <i>sugillandi</i> voce ex re Gymnastica petita, (unde $\upsilon\pi\epsilon\rho\iota\acute{\alpha}\zeta\epsilon\upsilon$ Pauli & illud Christi Matth. VI, 23. Marc. VII, 22. Luc. XII illustrat) de <i>Murcea Dea</i> , de <i>nasō Attico</i> , Eph. IV, 31. de sorte, sortitionibus, $\kappa\lambda\eta\rho\omega\tau\omicron\iota\varsigma$, Clero, & Natalitiis Martyrum: de genuino usu vocum <i>stipulandi, dividendi, deportandi, dandi, dedicandi</i> , castigatis Nizolio & J. Clerico: de Patricia dignitate: de reliquiis Paganismi inter Christianos: de <i>Baronum Comitumque</i> priscis significationibus: de pronomini $\alpha\upsilon\tau\omicron\varsigma$ honorifica appellatione: de genuino <i>Catulli & Tibulli</i> $\epsilon\tau\upsilon\mu\omega$: de <i>Sebastē, Augusta, Augustamnica</i> item & <i>Epiphania</i> urbibus: de $\alpha\gamma\iota\alpha\ \tau\rho\acute{\alpha}\pi\epsilon\zeta\alpha$, $\theta\epsilon\omicron\iota\varsigma\ \epsilon\pi\iota\theta\epsilon\alpha\pi\epsilon\zeta\iota\omicron\varsigma$: de Auspiciis veterum: de lege Papia: de Cereorum institutione: de meridiationibus veterum, & Dæmone meridiano <i>Psalms. XCI</i> : de mendis Glossarum, de Homeri solœcismis, Hebraïsmis	270. 296. seqq. 221. 226. 216. 228. seq. 230. 234 & 304. 236. 241. 269. 249. 251. 254. 256. seq. 258. 260. 262. 264. 268. 270. 271. 291.

p. 295.
300.

303.

304.

braismis eorumque causis, nec non de Masorethis Homeri: de vocabus *ῥυσία, ῥυσιαστήριον, δῶρον, καρβάν*: de antiquis Orthographiæ Scriptoribus: de Scholiastis Græcis valde corruptis & interpolatis: de ἀπαξ λεγόμενοις: de usu particulæ *vel* pro *et*: de Vossii Aristarcho ab G. H. Ursino fuscè castigato: de stigmatibus & notis Christianorum ad locum *Gal. VI, 13*: de Literatoribus, Tesserariis, Magistris Scriniorum.

AUGUSTI BUCHNERI EPISTOLARUM
Partes tres, quarum tertia jam primum adspicit lumen;
opera M. JO. JACOBI STÜBELII, Ill. Afr. Misp.
Reſtoris, cujus præfatio de Scriptoribus variis Epi-
stolarum præmissa.

Francof. & Lipsiæ, apud Mart. Gabrielem Hübnerum, 1707. 8.
Alph. 2. plag. 20.

Quemadmodum A. M DCC V Mense Octobri p. 448.
Volumina Orationum *Buchneri* tria recensere nostrum
putavimus, ita nec alienum credimus a nobis, tres Partes
ejusdem disertissimi Autoris Epistolarum conjunctas hic referre.
Atque hoc magis convenire id nobis arbitramur, quod *Buch-*
neri Epistolarum pridem editarum, & jam quinta vice recu-
sarum, nondum in Actis his mentio est facta. Idem editor M.
Johannes Jacobus Stübelius, Rector Illustris Afrancei, qui tertium
Orationum fasciculum duobus antea evulgatis adjecit, nunc
quoque tertium Epistolarum duobus prioribus addidit, atque
agrum sic dedit ampliorem, in quo spicas, aut pratum spatiosi-
us pulchriusque, in quo flores legere ingenui adolescentes pos-
sint. Operam autem perquam utilem se infumturum censuit,
si singulis epistolis argumenta præfigeret perspicua & concinna,
& cujusque genus & materiam lectorum oculis illico subji-
centia; qualia etiam non sine juventutis evidenti commodo,
cui unice invigilat, singulis in quaque parte præmissa cernimus.
Curavit insuper, ut quam emaculatissimæ omnes tres partes pro-
dirent; quamobrem & priores duas perlegit admodum stu-
diose,

diose, ac plurima menda, quæ incuria & inscitia describentium irreperunt, sustulit, ac solícite, quantum quidem in se fuit, providit, ne nova illis & tertiæ immitterentur. Totique huic operi, quod ex epistolis constat ad illustrissimos & doctissimos Viros perscriptis, quæ commendatius foret, præposuit *Præfationem* luculentam nec brevem, in qua de plerisque nobilioribus *Latinarum Epistolarum Scriptoribus* erudite differit, & quid in quoque probandum, quidve culpandum aut rejiciendum videatur, examinat, ostenditque adeo, præ cæterorum, potissimum recentiorum, Epistolis, ipsisque *Baudianis, Lipsianis, Marelianis, Boxhornianis*, juventutis manibus terendas esse *Buchnerianas*, quæ diligenter lectæ ipsæ se satis cum styli venustate, ac elegancia, tum materiæ diversitate atque copia, & earum quamvis decenti compositione commendabunt, nec pœnitendos legentibus, præcipue dictionis puræ ac nitidæ amantibus, dabunt fructus. Nos ex aliorum de illis judiciis, quorum aliqua Cl. Stübélius præfationi subjunxit, unum hoc *Morhofii*, maximi nominis ac existimationis Viri, nec infelícis ingeniorum censoris, adscribemus. Sic vero ille in libello de ratione conscribendarum *Epistolarum* & in *Polyhistore* suo: *Aug. Buchneri epistolarum Tomi duo prodierunt Dresdæ anno 1679 & 1680. Erat Vir ille ad omnem nitorem literarum factus, Orator optimus & Poetarum suo tempore inter Germanos Princeps. Bene sane meriti fuerunt de orbe literato, qui has ejus epistolas publicarunt, in quibus multæ sunt de rebus literariis judicia. Stylus ipse elegans, quanquam concisus. Formata tamen ipsi e Cicerone dictio est. Quod vero τὸ περιόδιον spectat, ab ipso diversus. Quantus hic fuerit Ciceronis estimator, videas ex epistola illa luculentissima, quæ est XXXII. P. II. ad Schneiderum Ducis Hols. Consiliarium, qui ipsius consilium rogaverat de Curtio, an scilicet ipsius stylus ad eloquentiam Romanam sufficere posset? Sed in alia omnia it Buchnerus, qui Curtii declamatoriam indolem abesse judicat a puritate nitoris Romani. Solum itaque Ciceronem illic ad omne scribendi genus commendat unice; ne quid dicam de variis rebus & judiciis, quæ habet de autoribus veteribus & recentioribus. Optamus denique, ut sumptus huic libro impensus eveniat salubriter juvenuti*

ventuti scholasticæ rogamusque illos, apud quos plures Epistolæ Buchneri latent, ne publico invidere velint.

*SAMUELIS DALE PHARMACOLOGIE, SEU
Manuductionis ad Materiam Medicam
Supplementum.*

Londini, impensis Sam. Smith & Benj. Walford. 1705, 12
Const. pl. 19 $\frac{1}{2}$. chart. aug.

Nobilissimum *Autorem* extitisse primum, qui diffusam omnis *Materiæ Medicæ*, sive cunctorum *Simplicium*, triplici *Naturæ* regno comprehensorum, cognitionem ex vastis multorum voluminibus in epitomen studiose contraxerit, contractamque in Philiatorum aliorumque gratiam emisit, in *Actis* nostris *Mense Julio A. 1694 p. 337* merito asseruimus, cum *Pharmacologie sive Manuductionis ad Materiam Medicam*, ab eodem Londini *An. 1693* editæ, strictam exhiberemus recensionem. Neque laudatum opusculum publico displicuisse, variz novæ ipsius impressiones, hic illic magno plausu factæ, certissime attestantur. Ab eo autem tempore quia *Noster* in plurimos liberos de *Re Medica* agentes incideret, vel recentius impressos, vel saltem antea non visos, adverteretque a se multa ommissa fuisse, quæ in medicum nihilominus vocarentur usum, haud destitit talia omni diligentia colligere, atque tum *Simplicia officinalia*, tum alia priori libro neglecta, in præsens compingere *Supplementum*. Quod avide pariter exceptum iri, eo minus dubitamus, quo majorem *Autor* operam dedit, ut, præter notas *Vegetabilium* characteristics ex *Rajo* petitas, ubique de *Materiæ Medica Dioscoridis* liquido constaret, quamvis in votis habeat, a *Clariss. Tournefortio*, itinere per *Græciam* insulasque adjacentes feliciter absoluto, de antiquorum *Græcorum* plantis observata cum orbe literario prius fuisse communicata. Quorum opera usus est, nomina hic quoque fideliter non minus indigentur, ac sub calcem, tam *Simplicia omnia officinalia*, & in *Phar-*

Pharmacologia, & in præfenti Supplemento contenta, quam nomina eorundem Anglico-Latina, Indice duplici designantur. Cæterum de modo pigmentum cœruleum ex Cobalto in terris nostris Saxonis conficiendi, pro secreto diu habito, non possumus non annotare, in *Speculo Metallurgie politissimo* a *Balthasare Ræslero* Dresdæ idiomate Germanico A. 1700 f. divulgato p. 162 & seqq. exactiorem multo ipsum haberi, quam quem D. D. *Davidi Krieg* Autori æque nostro p. 27, ac in *Actis Philosoph. Anglican.* N. 293 p. 1754 communicare placuit.

**FRIDERICI HOFMANNI, CONSILIARII
& Archiatri Regii, Medicinæ & Philosophiæ experimenta-
lis P. P. Ord. Idea fundamentalis Universe Medicinæ ex
Sanguinis Mechanismo methodo facili & demonstra-
tiva in usum tyronum adornata.**

Halæ Magdeburgicæ, apud Christoph. Andr. Zeitlerum,
A. 1707. 4.

Constat plag. 11.

UTut hoc nostro præsertim ævo Viri doctrina & experientia Medica excellentes omnes Medicinæ partes summo cum studio, nec successu infelici excoluerint egregiisque inventis auxerint (id quod ipsa Acta nostra satis superque loquuntur;) haud quaquam tamen diffitetur Autor de re Medica dudum optime meritus, esse hanc *Artem difficilem in discendo, perplexam & confusam in sentiendo, insidam & incertam in applicando.* Causam assignat duplicem, nempe insufficientem historiarum morborum cognitionem & selectarum circa res corpori humano vel salutare, vel nocuas, observationum defectum, atque demonstrationis solidæ inopiam, seu methodum tractandæ Medicinæ theoriæ confusam. Ad priorem defectum tollendum socia multorum requiritur opera. Quare celeberrimus Autor dudum optavit, ut Medici omnibus in locis accuratas quotannis morborum historias ederent, cumque in Idea sua evincat, aeris multum esse in sanitatem influxum, observationes Meteorolo-
gicas

gicas simul adderent. Eum in finem jam 1701 *Observationes Barometrico - Meteorologicas & Epidemicas Hallenses Anni 1700* publici juris fecit, Illustri Leibnitio institutum hoc multum probanti dicatas, in quibus singulis diebus per totum annum omnes mutationes tempestatis, ventorum & graduationum in Thermometro & Barometro annotantur, morbiq; mensibus singulis grassati cum notabilioribus symptomatibus describuntur, partim ut suo exemplo ad simile quid faciendum alios invitaret, partim ut viam, qua eundum, monstraret. Alterum impedimentum in præsente opusculo remove conatur, in quo Artem Medicam in Scientiæ formam redigere intendit: quod præstiturus, unum clarum perspicuumque principium, circulum nempe sanguinis, assumit, ex quo, quicquid de vita & sanitate corporis, de morborum origine, de modo agendi medicamentorum, de methodo curationis & methodo præservationis cognitu necessarium, methodo demonstrativa deducat. In circulo vero sanguinis duo distincte considerat, solidum nempe & fluidum, illud ceu movens, hoc quod moveretur & propellitur: in solido expendit strictum & laxum, in fluido proportionem ac temperiem. Vita ipsi est perennis fluidorum per tubulos beneficio impulsus solidorum progressio, corpus corruptibile a corruptione præservans: Sanitas vero certus ordo motus sanguinis circularis, in moderato & libero sanguinis progressu beneficio pulsus cordis ac toni fibrarum æquabilis, seu æquilibrio solidorum & fluidorum consistens. Nimirum in Sanitate impulsus solidorum esse debere moderatum & æquabilem, humorum proportionatam ad vasa & robur fibrarum copiam, decentem elementorum componentium proportionem, vasaque libera & aperta. Temperamentorum naturam & diversitatem a fibrarum motricium copia, magnitudine, robore, sanguinis materia & temperie, vasorum copia, capacitate & exilitate derivat. Morbum definit, quod sit circulus sanguinis vel immoderatus, vel impeditus, vel inæqualis propter læsum æquilibrium pulsus ac toni solidorum & intemperiem ac indecentem proportionem fluidorum. Morborum varietatem a variis modis, quibus circulus sanguinis lædi potest, petit. Quare cum par-

partibus moventibus, cordi nempe ac fibris universi corporis, quæ subtilissimo sanguinis & elastici aeris fluore animatur omnis generis fluores constrictione per vasa impellere ponuntur, systolen tribuat atque diastolen, utraque vero lædatur, si nimia, fiat; ex systole læsa spasmorum, ex læsa diastole resolutionis, laxitatis ac debilitatis fibrarum originem explicat. Si pulsus in corde & vasis augeatur, tonus in fibris intendatur, circulationem fieri celerrimam, febrimque excitari; si motus partium musculosarum nimis intendatur, ac ipsæ locum suum mutant, convulsionem fieri & circulationem partim inæqualem, partim immoderatam reddi notat. Morbos itaque omnes vel ad spasmos referri debere, vel ad atoniam seu partium debilitatem, vel ad febres, vel ad convulsiones. Quibus in genere præmonitis, in specie ostendit, quinam morbi ad classem unamquamque sint referendi, & quomodo unus idemque morbus pro diversa corporis, quam afficit, parte diversa fortiatur nomina. Exposita morborum ratione formali, ad causas efficientes enumerandas progreditur, eas scilicet, quæ circulum sanguinis turbant & tonum partium solidarum lædunt. Considerat primo causas proximas; dein remotas. Ad proximas refert 1. *animi affectus*, quorum in partium solidarum tonum, robur ac impulsus actionum aliquibus exemplis declarat: 2. *venena*, tum extrinsecus advenientia, & vel putredinosam fluidis fermentationem afferentia, vel partes solidas aggredientia, vel sulphureo alieno principio circulum humorum sistentia fluidumque spirituosum nervorum exstinguentia; tum intra corpus genita, ut excrementa agilissima salino-sulphurea, per habitum cutis propelli solita, ubi regrediuntur, putredinem sive solidarum, sive fluidarum partium; sanguinis coagulum seu polypum: 3. *plethoram*, fibrarum tonum ac elaterem solventem vasaque nimium distendentem, ut circulus fiat debilior; atque *cacochymiam*, impuritates generantem & sanguinis circulum atque necessarias evacuationes, præsertim perspirationem, minuentem. De causis remotis dum agit, monstrat, quomodo temperamentum, ætas, sexus, hæreditaria dispositio, habitus corporis, consuetudo partes solidas & fluidas ad morbosas affectiones disponant: ubi

simul monet, annos climactericos non esse prorsus negligendos, quod singulis septenariis singularem corpori mutationem accedere omnino certum sit. Ostendit ulterius, quid in sanguinis circulum possit aer frigidus, nimis fervidus, præhumidus; quid possint ipsi Planetarum Adspectus, quos aeri mutationes inducere supponit. Pro comperto assumit, Planetas superiores ♃ & ♀ atmosphæram valde compressam, frigidam, rigidam & ventosam reddere, & vehementiorem esse influxum, si inter se, mitiorem, si cum aliis jungantur: ♂ & ☉ aliis junctos calorem & serenitatem addere atmosphærae, inferiores ♄, ♀ & ♁ atmosphæram sistere leviolem ac ob id vaporibus replere. Unde infert, in casu primo fibras corporis tendi & stringi, sicque omnis generis spasmos, arthritidem, inflammatoriam & erysipelaceam febrim, epilepsiam, hæmoptysin excitari: in casu altero calidos morbos foveri sanguinemque commoveri: in tertio fibras laxari & corpus pronum fieri ad morbos ex atonia, stasi & circulo sanguinis languido provenientes. Quia morbi partes solidas plerumque depravant, fluidas vitiant atque corrumpunt; morbos etiam generare alios morbos concludit. Pluribus denique exemplis declarat, quomodo morbi ex imprudente medicatione originem trahant. Similiter symptomatum generationem per varia exempla edocet: notat in primis, quod fere in omnium, qui e morbo moriuntur, cadaveribus dissectis vel corruptio visceris, vel putredo sanguinis, vel nobilioris partis profundior inflammatio, vel sanguinis serique extravasatio, vel polypus vasa majora obsidens deprehendatur. Ad remedia pede promotum, omnem in medendo Medici curam eo tendere evincit, ut per medicamenta circulum sanguinis extra ordinem delatum rursus restituat. Tollendas igitur esse causas morbificas: quæ cum sint vel proximæ, vel remotæ, medicamenta singulis tollendis apta generatim recenset. Remediorum nempe genera in tot classes distribuit, quot constituit classes morborum. Morbis itaque ex spasmo remedia opponit antispasmodica; morbis ex atonia roborantia; febribus antifebrilia; convulsionibus antepileptica. Ad primam classem refert omnia oleosa temperata & pingua, omnia actu hu-

mida

mida, omnia vaporosa sulphure expansivo fragrante prædita, omnia nitrosa: ad alteram omnia balsamica, omnia oleo subtilissimo & gratissimo instructa, omnia gummata cum liquoribus suavi resina & oleo instructis, omnia salia volatilia oleosa, omnia fixiora terrea: ad tertiam omnia acida & martialia: ad quartam denique, præter antispasmodica, omnia quæ sulphure & oleo graveolente rancido instructa. Cum hæc remedia plus in solidum, quam in fluidum agere credat, in capite vero de remediis fluidum quoque considerari debere statuatur; humores vel quantitate, vel qualitate, vel motu peccare affirmat, hincque tria remediorum genera nova condit, nempe *evacuantia*, quæ quantitatem respiciunt, *alterantia*, quæ qualitatem noxiam corrigunt, & *derivantia*, quæ motus sanguinis & humorum præternaturales a partibus affectis avertunt. Agit insimul de remediis causas morborum remotas antevertentibus. Medicamentorum enumerationi subjicit methodum medendi & fundamentum therapie explicandum sibi sumit. Ubi multus est, ut evincat, naturam esse Medicum omnium optimum, & in medendo primas tenere partes præcipuamque partem absolvere; Medici vero esse addiscere illum ordinem nulloque modo ipsum impedire, sed potius illum naturæ laudabilem motum quovis modo adjuvare vel imitari. Esse enim Naturæ non Magistrum, sed ministrum; Naturam in curando esse Dominam, Medicum famulum. Inprimis Medicum spectatorem esse debere in morbis acutis, cum natura in passionibus acutis & paroxysmis chronicarum plus perficiat arte, quæ tamen in tollendis chronicis malis naturam antecellat. Recenset aliquot medentium errores, & tandem de morborum præservatione differens, ad eos avertendos præcipit, ut morborum causæ antevertantur. Commendat igitur animi tranquillitatem, abstinentiam ab omnis generis miasmatibus, exhalationibus morbosus contagiosis, plethoræ præcautionem per ciborum quantitatem viribus internis motuique externo proportionatam, cacochymie evitacionem per purgationem primarum viarum vere & autumnis, immo singulis mensibus instituendam, abstinentiam ab omnibus alimentis corruptioni proximis, so-

manum sufficientem, sed moderatum, motum, laborem, temperantiam.






TRAITE DES SECTIONS DU CYLINDRE
& du Cone, considerées dans le solide & dans le
plan, avec des demonstrations simples & nou-
velles, par M. le POIVRE.

h. c.

TRACTATUS DE SECTIONIBUS CYLINDRI ET
Coni, in solido & plano consideratis, cum demonstratio-
nibus simplicibus ac novis, Autore
POIVRE O.

Parisiis, apud Bartholomæum Girin, A. 1704 in 8.
Constat plag. 5 & Tabb. æneis 8.

Opusculi hujus conscribendi ansam Autori dederunt litteræ
a Cartesio ad Dn. Desargues datæ, in quibus duplex asseri-
tur scopus de Sectionibus Conicis commentaturi. Etenim aut
doctis scribitur; aut hominibus illiteratis quidem, sed curiosis.
Illos novas Sectionum Conicarum proprietates; hos proprie-
tates dudum quidem inventas, at invulgustamen minus cogni-
tas ob insignem in Perspectiva, Arte pictoria, Architectura &c.
usum edocere intendimus. Scopum utrumque sibi præfixit.
Autor: neque enim solum intra paucas pagellas palmarias Se-
ctionum Conicarum proprietates mira facilitate ac perspicuita-
te explicat; sed inter eas quoque aliquot proponit antea pa-
rum cognitæ. Præmittit 36 propositiones elementares, qui-
bus in demonstrationibus utitur, sed quarum veritatem ex ele-
mentis Geometriæ communis jure cognitam supponit, quia do-
ctrinam ab ipso propositam tractare non convenit nisi ei, cui
elementa Geometriæ communis jam sunt perspecta. Dum de
sectionibus Cylindri agit, multas Ellipseos proprietates demon-
strat & problemata illuc spectantia solvit: e. gr. Ducere Tan-
gentem in dato Ellipseos puncto; ex puncto extra Ellipsin dato duas
ducere rectas, quæ Ellipsin tangant; una ex diametris conjugatis
data,



data, invenire alteram; duabus datis, invenire circulum generatorem, h. e. cum, cujus peripheria singulis punctis in Cylindro respondent singula puncta peripherie Ellipseos; ex iisdem datis invenire axes; ex axibus datis diametros duas conjugatas angulum datum intercipientes. Doctrina de sectionibus Conicis in duas abit partes. Altera circa Tangentes; altera circa comparationem parallelogrammorum versatur. In illa non solum methodi ducendi Tangentes in datis Sectionum Conicarum punctis vel a datis punctis extra sectiones Conicas perspicue explicantur; sed & Tangentium proprietates complures manifestantur. In hac inter alia Asymptotorum etiam Hyperbolæ affectiones demonstrantur. Elegans inprimis est Sectionum Conicarum in plano descriptio, quam omnibus tribus communem tradit. Concipiatur scilicet punctum f moveri juxta longitudinem peripheriæ circuli fh , ita ut secum abripiat duas rectas fS & ba circa puncta fixa S & a mobiles, & eodem tempore linea fa secum abripiat per punctum E , ubi lineæ DE occurrir, rectam EF ipsi aS constanter parallelam: continua intersectio F rectarum Sf & EF describet Sectionem Conicam HF , quæ erit *Ellipsis*, si recta ab ipsi DE parallela extra circulum tota cadit; (Fig. 1.) *Parabola*, si circulum tangit; (Fig. 2.) *Hyperbola*, si secat. (Fig. 3.)

TAB. II.
Fig. 1. 2. 3.

DE CURVA DESCENSUS EX-ACCELERATO-retardati, hoc est, accessus ad horizontem ex continue celeriore continue tardioris, duobus temporis intervallis equalibus; sive queratur curva data velocitatum a Gravi cadente acquisitarum hypothesis; sive curva data invenienda sit velocitatum propria hypothesis.

Excerptum ex epistola F. D. C. Ab. Val.

TOt tamque præclaras Cycloidis primariæ proprietates hætenus observatas si quis nunc colligere & scripto recensere vellet, eam esse jure merito a doctissimo Hugenio dictam & ab omnibus Mathematicis dicendam *mirabilem lineam* facile

evinceret. Quumque proprietates illæ jam non minus numero quam varietate conspicuæ sint; ne minima quidem omnium despicienda est, imo aliqua notatione digna mihi videtur. Quapropter hic propositum problema, quanquam parvi momenti, studiosis Matheseos tironibus indicandum & demonstrandum esse existimavi; quod non suppositione mere mathematica, sed ipsis motus naturalis legibus ad hanc nobilem curvam pertinere animadvertent.

TAB. II.
Fig. 4.

Sunto in Fig. 4. AB recta ad horizontem perpendicularis, longitudinis ad libitum determinatæ a ; PQ horizonti parallela, versus P indefinita, per datum ipsius AB initium A ducta; ADH linea curva, sive data, sive quæsitæ, ad verticalem a in aere respectiva; RBH horizon per infimum punctum B ejusdem verticalis transiens, & curvæ occurrens in H. Dividatur cogitata eadem illa AB bifariam in C; singulusque semissis CA, CB intelligatur sectus in partes quotlibet æquales Cf, fA, Ch, hB, ad quas referantur totidem istius curvæ portiones inæquales D₁, 1A, D₂, 2H, intra rectas horizonti parallelas e sectionum punctis ductas CD, f₁, h₂, comprehensæ. Nominentur y omnes hujusce curvæ ordinatim-applicatæ ad horizontem RH terminatæ, & $a-y$ earum supplementa ad verticalem BA; vel vice versa, prout inde expeditior calculus videbitur. Differentiali, velut Le, inter duas ordinatas propinquissimas (quæ hic eadem & sibi constans sub omnibus curvæ punctis intelligenda est) dicatur Dy , cui coordinatam LE vocamus Dx . Velocitates variabiles, cum quibus curva ADH deorsum percurri debet, designet littera v . Expressa autem unitas denotet locum quantitatis cognitæ substituendæ & ad servandam homogeneorum legem accommodatæ prout velocitatum v hypothesis postulabit. Jam proposito sic fiet satis. Dux assumantur coæquandæ expressiones ejusdem instantis, quo lineæ curvæ particula quam-exigua e E a Gravi cadente secundum quamlibet velocitatum hypothesin transiri concipitur: Una scilicet, nunc in Geometria notissima $\sqrt{Dy.^2 + Dx.^2}$; altera

v

vero

vero huic homogenea; ad conciliandam curvæ proprietatem

requisitam comparata $\frac{1 \times Dy}{\sqrt{ay - yy}}$, in qua denominator $\sqrt{ay - yy}$

singulos exprimit semicirculi supra diametrum a descripti sinus rectos, crescentes a primo & minimo = cyphræ usque ad maximum & medium = $\frac{1}{2}a$, & deinceps eadem differentiarum serie decrecentes ab illo maximo ac medio ad ultimum ac minimum usque. Adeo ut numerator constans $1 \times Dy$ divisus per denominatorem iis quas dixi conditionibus variabilem $\sqrt{ay - yy}$, tot det quotientes primum decrecentes, & tot deinde iisdem differentiis crescentes, quot partes in recta data BA æquales & quot arcus in relativa curvæ portione ADH correspondentes assignari possunt: Unde liquet sic exprimi totidem instantia descensus continue minora totidemque continue majora, singula ex una parte singulis ex altera; ordine inverso, æqualia; quibus in duas summas collectis duo æqualia temporis intervalla resultant; motu videlicet a primo termino A usque ad ultimum H continuato, quandoquidem distantie verticales, secundum quas Grave descendens ad horizontem accederet, vel semper crescerent, nempe Af, AC, AB, vel semper decrederent, nempe BA, BC, BH.

Adæquatis itaque duabus illis ejusdem instantis expressionibus obtinetur formula
$$\sqrt{Dy.^2 + Dx.^2} = v \times \frac{1 \times Dy}{\sqrt{ay - yy}}$$

quæsitum præstans; si substituatur aut in primo membro elementum curvæ datæ proprium in locum elementi generalis $\sqrt{Dy.^2 + Dx.^2}$ (ut facta reductione ipsius Dx ad solam Dy seu ipsius Dy ad solam Dx expressio velocitatis requisitæ v concludatur) aut in secundo membro in locum litteræ v quantitas variabilis per y vel x velocitatem propositam exprimens (ut ad æquationem curvæ differentialem perveniatur) & simul in locum unitatis quantitas constans ad homogeneitatem terminorum inducendam necessaria.

Exempla

Exempla aliquot.

Celeberrimus inter Eruditos Libnitzius, Geometrarum ætatis nostræ sagacissimus, curvam æquabilis descensus, per quam Grave, motu naturaliter accelerato, æqualibus temporis intervallis æqualiter ad horizontem accederet, esse Paraboloidem cubicalem, æquatione $b'x^3 = y^3$. notam, primus omnium animadvertit. Digna sane notatu proprietas ex ipsis Naturæ legibus petita; quam quidem a proposita non parum discrepare, satis apparet. Attamen hæc eadem curva sic capax est unius, ut alteri non repugnaret, si qua causa dari posset, quæ velocitates deorsum acquisitas certo, qui competit & mox ostendatur, modo temperaret. Quum enim ejus natura præsteret $x^3 = y^3$, hinc colliguntur $Dx = \frac{3y^2 Dy}{2bx}$ & $\sqrt{Dy^2 + Dx^2} =$

$$\frac{Dy \sqrt{9y^4 + 4b^2 x^2}}{2bx} = \frac{Dy \sqrt{9y + 4b}}{2\sqrt{b}} \text{ quod adequatum.}$$

Secundo formulæ præcedentis membro $\frac{Dy}{\sqrt{ay - yy}} x v$ (ubi nullam unitatis rationem haberi homogeneitas exigit) velocitates ad descensum, qui ex continue promptiore continue lentior fieret secundum segmentum verticale A H hujusce paraboloidis comprehensum inter verticem A & ordinatam pro libitu assumptam $AB = a$, necessarias sub dictis conditionibus debere esse $v = \frac{\sqrt{9y + 4b}}{4b} \times \sqrt{ay - yy}$ ostendit.

Esto nunc curvæ propositæ portio ADH quadrans circuli intervallo $= a$ verticaliter sic descriptus ut horizonti tangenti RH habeat radiorum terminantium alterum perpendicularem, alterum æquidistantem. Denominatis x sinus rectis, & y segmentis radii inter centrum illosque sinus comprehensis;

$$\text{dantur } xx + yy = aa, \quad x = \sqrt{aa - yy}, \quad Dx = \frac{-yDy}{\sqrt{aa - yy}} \quad \&$$

$$\& V \frac{Dy}{Dy.^2 + Dx.^2} = \frac{a Dy}{V_{aa - yy}} \text{quo (per probl.) facto} =$$

$$v x \frac{Dy}{V_{ay - yy}} \text{ (ubi termini sine unitatis subsidio homogenei sunt) invenitur dividendo utrinque per } Dy \text{ ac multiplicando per } V_{a - y} \text{ velocitas } v = \frac{a V y}{V_{a + y}} \text{ ex altitudinibus } y \text{ ac}$$

quærenda, ut descensus per quadrantem circuli fieret is quem *ex-accelerato-retardatum* appellamus.

Repræsentet jam figura HDA hinc & inde, supra Asymptotum horizontaliter positam, indefinite continuata, Logarithmicam curvam verticaliter delineatam; per ejus punctum quodcunque H ducto horizonte HR, & altius ad quodlibet intervallum $= a = BA$ acta ipsi parallela recta PQ curvam illam secante in aliquo puncto A; supponantur distantie verticales inter horizontem ac ejusdem lineæ curvæ convexitatem Bh, BC, &c $= y$, intervallum puncti H ad Asymptotum positione datam pro libitu determinatum $= c$, & subtangentialis super hac Assymptoto sumpta $= b$; erunt Ordinatae $=$

$$c + y, \text{ æquatio } \frac{b Dy}{c + y} = Dx, \text{ \& curvaturæ elementum } = \frac{Dy}{c + y} V_{b.^2 + c + y.^2}, \text{ cujus expressiois \& quantitatis } v x$$

$$\frac{Dy}{V_{ay - yy}} \text{ facta ex problemate æqualitate reperietur } v =$$

$$\frac{V_{b.^2}}{V_{c + y.^2} + 1 x V_{ay - yy}} \text{ pro hypothesi velocitatum ex al-$$

tudinibus $a - y$ in hoc casu acquirendarum, ut Grave datam curvæ Logarithmicæ portionem deorsum percurrens descensum continue accelerare certo tempore, ac postea continue retardare tempore æquali videretur.

S

Porro

Potro quoniam omnes istæ velocitates forent adeo varie variabiles, ut a causis effectus suos uniformiter variantibus produci non possent, systematis mundani leges iis quam maxime repugnare constat. Relictis itaque his Mathematicis nugis, quid in nostro problemate Natura præstet, inquirere sufficiat. Experientia compertum est, & in Mechanica demonstratur, corpora gravia, quæ libere in terram cadunt, proportionales in subduplicata ratione altitudinum (y aut $a-y$) e quibus dimissa deorsum feruntur, velocitates (V_y aut V_{a-y}) adipisci. In formula igitur problematis propria, quam superius exhibuimus, substitue in locum v quantitatem V_y aut V_{a-y} ad libitum, & in locum unitatis V_a pro terminorum homogeneitate;

quo fiet $V \frac{Dy \sqrt{a}}{Dy.^2 + Dx.^2} = \frac{Dy \sqrt{a}}{V_{a-y}}$ aut $= \frac{Dy \sqrt{a}}{V_y}$: Dehinc utrobique quadra, transpone $Dy.^2$, multiplica vel per $ay-yy$ vel per yy & radicem quadratam extrahe: Devenies aut ad $Dx \sqrt{ay-yy} = yDy$ aut ad $yDx = Dy \sqrt{ay-yy}$; quæ utraque æquatio exprimit naturam semi-cycloidis primariæ, in plano verticali inversæ, vel ad basim horizonti parallelam PA, vel ad horizontem in vertice tangentem RH relatæ, habentisque axem suum rectæ verticali a æqualem: Quandoquidem sinus rectus semicirculi super ipsam a descripti, nempe $\sqrt{ay-yy}$, æquatur tum subnormali $\frac{yDy}{Dx}$ qua parte y ordinatim applicatur inter concavitatem & basim, tum subtangentiali $\frac{yDx}{Dy}$ qua parte y ordinatur inter convexitatem & verticis tangentem.

Vides hanc celebrem curvam inter alias multas proprietates insignes id etiam peculiare, licet minus præcipuum, habere, ut si secto ejus (verticaliter atque inverse descriptæ) tum axe bifariam, tum utroque axis semisse in partes quocunque æquales, ipsa per rectas basi parallelas ex omnibus harum sectionum punctis eductas divideretur (velut in 1, D, 2) Gravæ quod

ve quod eam cum velocitate naturaliter accelerata percurreret, non modo superiorem illius arcum superiori axis semissi correspondentem AD eodem trajiceret tempore, quo inferiorem inferiori axis semissi respective oppositum DH, continuo deorsum motu, conficeret; sed præterea per successivas primi arcus AD portiones (A 1, 1 D) semper citius donec ad punctum D centro axis horizontaliter respondens pervenerit, & reciprocè per successivas secundi arcus DH portiones (D 2, 2 H) semper tardius, donec extremum H attigerit, descenderet.

*THEOREMA SPHERICO-CATOPTRICUM
Universale. Per D. HUMFREDUM
DITTON.*

Ex! Actis Philos. Angl. An. 1705, N. 295, p. 1810 ff.
transcriptum.

FOcorum inventio tum in Dioptrica, tum in Catoptrica, ex calculo pro Curvis Cautisticis facili modo sequitur. Nil enim aliud agendum est, quam ut locus in quo Radius (ad Curvam, vel Refringentem, vel Reflectentem perpendicularis) Curvam Diacausticam vel Catacausticam tangit, cognitus habeatur. De qua methodo videatur *D. Hayes Liber Fuxionum* nuper editus: nos ex aliis principiis, rem (ad Catoptricam quatenus spectat) aggrediemur.

Sit Fig. 5. DEF Speculi Spherici concavi portio, cujus centrum B, semidiameter BE vel BD: sit etiam A punctum radians in axe collocatum, a quo profluat radiosa linea AD, quæ ad punctum D reflectatur in DC. Investiganda jam est Foci C a speculi vertice E distantia.

Notandum vero, quod punctum D ipsi E proximum supponimus. Radii enim remotiores oculum (quem in axe AE constituimus) præterlabuntur, nec ad imaginis visionem aliquid faciunt. Porro, propter arcum DE indefinite parvum, anguli DAB, ADB (ut & ipsorum summa DBC) sunt quam minimi, ac idcirco eandem habebunt inter se rationem,

nem, quam ipsis latera opposita: quo ratiocinii principio posito, ad Theorema Dioptricum pervenit *D. Halleus* Geometriz Professor apud Oxonienfes.

Hiscæ præmissis, sit $AB = b$. $BD = BE = r$. $BC = z$. $CE (= r - z$, sed brevitatis causa ponatur) $= f$. Quantitates b & r cognitæ sunt (dantur enim semidiameter speculi, ac puncti lucidi a vertice distantia) z vero & f quæsitæ ac incognitæ. Jam in Triangulo DAB , erit $\angle DAB : \angle ADB :: r : b$. Item in Triangulo DBC , $\angle BDC = \angle ADB$, ex natura Reflexionis, & $\angle DBC = \angle DAB + \angle ADB$, ex Elem. Eucl. Ergo cum $\angle DBC$ sit ut $r + b$, & $\angle BDC$ ut b ; erit etiam $\angle DBC : \angle BDC :: r + b : b$ & (quod ex principio supra memorato consequitur) $DC : BC :: r + b : b$. Sed quoniam punctum D ipsi E proximum est, erit DC ipsi CE æqualis æstimanda, ergo $CE : BC :: r + b : b$; hoc est $f : z :: r + b : b$, & (comparando antecedentium & consequentium summas ad antecedentes) $f + z : f :: r + z b : r + b$; sed $f + z = r$, ergo $r : f :: r + z b : r + b$, ergo $f = \frac{r r + z b}{r + b}$. Q. E. I.

Si ponatur $r + b (= AE) = d$, Theorema in formam contradiorem redigetur, & sic stabit $f = \frac{r d}{2d - r}$. Sed utrovis modo, focorum inventioni, quæcunque tandem sit vel Speculi forma, vel radiorum conditio, aptum evadet.

Coroll. I. Erit $z d = d f - r f$, sive $AE \times BC = AB \times CE$, vel quod idem est, linea AE harmonice dividitur in punctis A, B, C, E ; nam prædicta Rectangulorum æqualitas, lineæ secundum proportionem harmonicam sectæ, propria est. Pater

hæc veritas: est enim $f = \frac{d r}{2d - r}$, & $z = r - f = r - \frac{d r}{2d - r}$, unde valores hosce substituendo, Æquatio manifesta fiet. Adeo ut in omni Speculo Spherico lineæ DA, DB, DC, DE , sint harmonicales; & Punctum radians, Centrum, Focus, Vertex sint puncta divisionem harmonicam efficientia. *Coroll.*

Coroll. II. imo Posito $d > r$; erit ex calculo f , sive $\frac{rd}{2d-r} > \frac{r}{2}$ semper. Hoc est, si puncti radiantis distantia major sit semidiametro Speculi, foci distantia semper major erit quarta parte Diametri.

Item, erit $\frac{rd}{2d-r} < r$ semper. Hoc est, distantia foci semper erit minor speculi semidiametro.

2do. Si ponatur $d = r$, erit $\frac{rd}{2d-r}$, sive $f = r$. Hoc est, si punctum radians in centro speculi constituatur, Imago ejus ibi cum eo unietur.

3o. Si ponatur $d < r$, tum ipsius f expressio erit vel positiva, vel negativa, vel infinita, prout quantitas $2d$ quantitate r vel major est, vel minor, vel ei æqualis.

Si $2d > r$, hoc est, si $d > \frac{r}{2}$, tum punctum radians & focus ad easdem partes speculi jacent.

Si $2d < r$, vel $d < \frac{r}{2}$, tum Imago in axe, ultra speculi verticem producta, sita est.

Si $2d = r$, vel $d = \frac{r}{2}$, Imago infinite distat, sive radius reflexus axi parallelus evadit.

Coroll. III. Calculi hujus ope expedite determinari potest, quomodo objecti radiantis (speculi respectu) motui, ipsius Imaginis motus respondet. Sit (ut antea) Imaginis a specu-

lo distantia $= \frac{dr}{2d-r}$, quando objecti distantia est d . Mutetur jam utcumque objecti distantia, & ex d fiat nd , quantitate n Numerum vel integrum vel fractum designante: & sic loco

prioris Equationis, $f = \frac{dr}{2d-r}$, habebimus pro novo Foco ali-

am Equationem, $F = \frac{ndr}{2nd-r}$. Et quidem si n Numerum in-

tegrum exprimere supponatur, secunda hæc objecti distantia prima major erit, si vero sit fractus, tum minor erit prima.

Hiscæ positis, si $d > r$, & n sit integer, erit $F < f$, id est, erit $\frac{ndr}{2nd-r} < \frac{dr}{2d-r}$, sive $2nddr - ndr < 2nddr - drr$, quod manifestum est. Hoc est, si in Speculo Concavo objecti distantia major sit semidiametro, tum recedente objecto a speculo, Imago versus speculum accedet. Rursus designet n Numerum fractum, & tunc reperietur $2nddr - ndr > 2nddr - drr$, sive $F > f$. Hoc est, accedente objecto ad speculum, recedet Imago.

Supponatur jam $d < \frac{r}{2}$; ut & alia, quæcunque sit, objecti distantia nd intelligatur ea semper minor esse quam $\frac{r}{2}$. Tum erunt $2nddr - ndr$, & $2nddr - drr$, quantitates negativæ; sive $ndrr - 2nddr$, & $drr - 2nddr$ quantitates positivæ. Et quidem si n numero integro æquetur, erit $ndrr - 2nddr > drr - 2nddr$, sive $F > f$; si vero n fractio sit, tum erit $ndrr - 2nddr < drr - 2nddr$, sive $F < f$. Hoc est, si in Speculo Concavo objecti distantia minor sit speculi Diametri quarta parte, tum recedente objecto a speculo, recedet & Imago; vel accedente objecto versus speculum, Imago etiam accedet.

Et hæc omnia (quæ calculi vestigia premendo deduximus) Scholio unico conclusit, & in sua Catoptrica tradidit D. Gregorius apud Oxonienses Astronomiæ Professor.

Coroll. IV. In Æquatione $f = \frac{dr}{2d-r}$, si ponatur d infinita, erit $f = \frac{r}{2}$; quæ regula est pro Radiis parallelis, sive pro objecto radiante ad distantiam infinitam remoto. Idem sequetur, posito b infinito in æquatione $f = \frac{rr+rb}{r+2b}$.

Coroll. V. In Æquatione $\frac{dr}{2d-r}$ mutato quantitatis r signo negativo in positivum, erit $f = \frac{dr}{2d+r}$; vel in æquatione $f = \frac{rr+br}{r+2b}$, mutato signo positivo in negativum, erit tunc $f = \frac{rb-r^2}{rb-r^2}$.

$\frac{rb - rr}{2b - r}$, quæ regulam exhibet pro speculo versus objectum radians *convexo*. Patet hæc mutatio signi; nam sicut in speculo concavo $d = r + b$, sic in convexo $d = b - r$.

Coroll. VI. In Speculo Convexo (stantibus quæ ad Cor. III. annotavimus de Concavo) patebit, quod (si n sit numerus integer) $2rndd + ndr r > 2rndd + drr$; & (n fractione existente) quod $2rndd + ndr r < 2rndd + drr$. Hoc est, quod recedente objecto a speculo, vel versus idem accedente, Imago similiter recedet vel accedet.

Patet etiam in Speculo Convexo, objecto ad immensam usque distantiam retrocedente, Imaginem tamen illius non ultra Diametri partem quartam abire a vertice, sed ibi, in puncto, centrum inter & verticem medio, se sistere. Posito enim d vel b

infinito, erit $f = \frac{dr}{2d} \text{ vel } \frac{br}{2b}$, id est (utrovis modo) $= \frac{r}{2}$

Hiscæ adjungi potest & Problematis Catoptrici solutio, *Radiantis positionem respectu speculi dati talem invenire, ut radians ad ipsius imaginem a speculo factum, datam habeat rationem.* Sit Ratio data $r : q$. & symbolo O designetur Objectum, I Imago, d distantia objecti, & f imaginis a speculo. Jam (quod demonstravit *D. Gregorius*) erit $O : I :: d : f$, (hoc est Objectum & Imago sunt distantis suis a speculi vertice directe proportionales) & quoniam requiritur, ut sit $O : I :: r : q$, debet etiam esse $d : f :: r : q$, vel (ipsius f expressionem scribendo) $d : \frac{dr}{2d - r} :: r : q$, unde $2ddq - rdq = rdr$, &

$2dq = rr + qr$, & $d = \frac{rr + rq}{2q}$. Unde quoniam $dr = \frac{rrr + rrq}{2q}$, & $2d - r = \frac{rr}{q}$, erit etiam f sive $\frac{dr}{2d - r} = \frac{rrr + rrq}{2q}$

$= \frac{rr}{q} = \frac{qr r r + q q r r}{2q r r} = \frac{r + q}{2}$, quæ est ipsius f , sive imaginis a

speculo distantia, huic objecti distantie congrua. Ergo si

statuatur objectum ad distantiam $\frac{rrxrq}{2q}$, ipsius Imago facta ad

distan-

distantiam $\frac{r+q}{2}$ ei comparata, eandem habebit rationem, quam
 q et r , sive erit $O : I :: r : q$. Nam $O : I :: d : f :: \frac{r+r+q}{2q}$
 $\frac{r+q}{2} :: r : q$. $Q : E : I$.

Objectum Radians & Imaginem hic tanquam Lineas consideravimus. Si enim Superficies sunt, tum erit $O : I :: d^2 : f^2$, & $d^2 : f^2 :: r : q$, sic ut ultimo deveniatur ad Equationem $4 d d - 4 q d r = r^3 - q r r$, e qua radice d valor Methodis vulgaribus facillime inveniri potest.

Christian Weisens Oratorische Fragen, stat
 einer wohlgemeinten Nachlese, &c.

h. e.

CHRISTIANI WEISII QUESTIONES ORATORIE, IN
modum Spicilegii adornate.

Lipsiæ, sumtibus Jo. Frider. Gleditschii, A. 1706. 8. Alph. 2. pl. 3.

Editis tot tamque variis ingenii monumentis, in quibus eloquentiæ præcepta laudabili opera tradidit egregieque illustravit celeberrimi nominis Vir, *Christianus Weisius*, operæ pretium se facturum existimavit, si post messem, quod ajunt, Spicilegium institueret, ac *Questiones* hæc *Oratorias* luci publicæ exponeret. Ad duo autem præsertim capita omnia, quæ in toto libro traduntur, apte revocari posse videntur. *Primum* enim de *conceptibus rite formandis* agitur, adeoque doctrina de Chria facili ac ordinaria, nec non inversa, & artificiosissima, de *Periodis*, de *Amplificatione* varia, ac denique de *Oratione* integra undecim capitibus fuse exponitur. *Deinde*, quæ ad exquisitissimorum verborum studium spectant, Autor persequitur, atque de *elocutione*, *Phrasibus*, *Connexionibus* & *Stylo* ita differt, ut capite ultimo de *Orationibus præcticis* agat, quas in *communes, scholasticas, sacras* atque *politicas* dispescit. In fine libri *Appendix* adnectitur duobus constans capitibus, in quorum primo illorum sententia refellitur, qui Autorem supervacaneum laborem præstitisse ajunt, dum sermones atque loquendi formulas, quibus in vita communi colloquiisque familiaribus civilitatis causa utimur, certis regulis ac partibus adstringere tentaverit; in altero vero dubiis eorum itur obviandum, qui ex præceptis *Weisianis* brevioris styli rationem addisci hanc posse existimant, atque adeo quadruplex contrahendi modus ostenditur, qui nimirum per *contractionem connexionum, conceptuum, phrasum* ac per *variationem* possit institui. Accessit duplex Index, qualem multi hæc in Scriptis Cl. Autoris desiderarunt.

ACTA ERUDITORUM,

publicata Lipsia

Calendis Aprilis Anni M D C C V I I.

*VITÆ QUORUNDAM ERUDITISSIMORUM
& illustrium Virorum, Scriptore THOMA SMITHO,
S. Theol. D. & Ecclesia Anglicana Pres-
bytero.*

Londini, apud Davidem Mortier, 1707. in 4.

Alphab. 2. plag. 16.

D Joannes Fellus, Episcopus Oxoniensis, Virorum apud
Anglos maxime celeberrimum, qui duobus proxime elap-
sis Seculis floruerunt, vitas tribus forte Voluminibus
comprehendendas, in lucem edere publicam secum constitue-
rat. Verum ex quo huic ejus instituto mors, quæ ipsum A.
1686. mense Julio humanis rebus exemit, obicem posuisse depre-
hensa est, repertus fuit, qui vestigiis illius insistendum sibi venire
duxit Clariss. *Smithus*, nobis jam tum in Actis anni 1696 p. 441
& alibi memoratus, & horas subsecivas non posse aut decentius
aut utilius, quam in contexendis magnorum Virorum Vitis collo-
cari existimans, bene hac in parte mereri voluit de defunctis, be-
ne de universo Orbe Erudito, utpote quem non parum delecta-
ri constat Historicis narrationibus, in quibus Virorum Clarorum
prosapia, educatio, mores, excelsæ animi dotes, studiorum &
totius vitæ ratio, erga sanctissimum Numen pietas, in Ecclesiam
& Rempublicam literariam merita, dignitates, & memorabilia,
quæ ad illos propius spectant, brevi compendio, tanquam in-
tabula, coram omnium oculis representantur. Laboris vero
sui in hanc eruditionis partem excolendam ornandamque im-
pen-
T
pen-
si

penſi aliquot in hoc Volumine exempla repræſentat, vitas puta
Oſto Virorum ſummorum, quos Angliæ decora jure nuncu-
 paveris.

Eos inter primo loco tanquam *πρόσωπον τηλαυγές*
 compareret *Jacobus Uſſerius*, Archi-Epiſcopus Armachanus, & to-
 tius Hiberniæ Primas. Hujus equidem vitam a Reverendo Vi-
 ro, Richardo Parro, qui Uſſerio a ſacris fuerit domeſticis, ſuz-
 que fidei & curæ collectanea vaſtæ molis ingentemque ſcheda-
 rum ſtruem a moriente Patrono conceditam acceperit, ampla
 commentatione Epistoſis Uſſerianis A. 1686 Londini publicatis
 præfixa delineatam jamtum fuiſſe fatetur, ſed multo tamen plu-
 ra ex iisdem collectaneis, & præſertim ex epistoſis, quas, ante-
 quam in lucem producerentur, accurate perlegerit, ex ſchedis
 item aliis Autoris manu deſcriptis & in Bibliotheca Bodlejana
 repositis, ac denique ex iſtorum temporum hitoriis ſe huc con-
 ſulſiſſe Noſter perhibet.

Secundus eſt *Joannes Coſinus*, Epiſcopus Dunelmensis, cu-
 jus de ſtatu & conſtitutione Eccleſiæ Anglicanæ libellum *ἀνέκδοτον*
 ex autographo cum exſcripſiſſet Smithus, in publicam eundem
 lucem edere ſibi propoſuit, & ut eo meliori ille apparatu in-
 ſtructus prodiret, quædam de Autoris natalibus, educatione, ſtu-
 diis, muneribus, tum in Academia Cantabrigienſi, tum in Eccle-
 ſiis adminiſtratis, de perpeſſionibus ſub Parliamentariæ rebellio-
 nis temporibus, de exilio in Gallia, de invicta adverſus tum
 Romanenſes, tum Puritanos, fortitudine & veritatis contra utroſ-
 que tuendæ zelo, deque univerſæ vitæ ejus ratione præmittere
 inſtituit, quarum in rerum notitiam non appendix modo ad fu-
 nebrem Concionem a D. Iſaaco Baſirio, Archi-Diacono Nor-
 humbriæ, A. 1672 habitam eundem introduxit, ſed & operoſior
 aliis in monumentis facta indagatio haud pauca minimeque
 vulgaria ſuperaddidit. Quanquam huic longæ & laborioſæ in-
 veſtigationi parcendum fuiſſe fatetur, ſi integer extiſſet libel-
 lus ab ipſo D. Coſino compoſitus, ſub titulo: *Vita mea ab ini-
 tio, id eſt, ab Anno 1595 uſque ad A. 1665 brevis enarratio*, cujus
 fragmentum vere aureum Anglice exaratum, de Marci Antonii
 de Dominis, Archi-Epiſcopi Spalatenſis, primo in Angliam ad-
 ven-

ventu, illiusque cum D. Overallo, Episcopo Norwicensi, collatione, cui jussu Patroni interfuerat, de statu Ecclesiæ Anglicanæ, deque fidei & doctrinæ articulis in illa juxta antiquam fidem & religionem Ecclesiæ Catholicæ agnitis assertisque in palatio Lambethano habita, in musco Reverendi Viri, D. Joannis Tong, Branspethæ prope Dunelmum Rectoris, hodie reperitur.

D. Joannis Gravii, Astronomiæ in Academia Oxoniensi Professoris Saviliani, vitam, quorundam Virorum doctissimorum e Societate Regiæ Londinensi rogatu, ducentis tantum exemplaribus e prelo exclusis, inter Amicos distribuendis, sumptibus propriis Lond. 1699 edendam Noster curaverat. Ab illo tempore schedas quasdam Viri, ob scientiarum Mathematicarum, Linguarum Orientalium, politiciorisque literaturæ studia celeberrimi (quo elogio Gravium maectat,) ab Amicis nactus, easdem sub Opusculorum Joannis Gravii titulo edere decreverat, una cum D. Briggii & Bainbridgii lucubrationibus posthumis, quibus & utriusque vita præfigenda fuerat. At Bibliopolarum caufatus avaritiam & *μικροψυχίαν*, propositum hoc sufflaminatum esse dolet. Vitas vero has a naufragio quasi liberatas heic exhibet, unde tertio loco *Henrici Briggii*, Geometriæ in Academia Oxoniensi Professoris Saviliani, quarto *Joannis Bainbridgii*, Astronomiæ in eadem Academia Professoris, & quinto *Joannis Gravii*, quæ sola, ut dictum, seorsim jam antea prodiit, (vide Acta nostra anni 1700 p. 514) vitæ exhibetur transactio.

Quæ sexto septimoque loco comparet, *Petri Junii*, Patris, & *Patricii*, Filii, istius, Jacobi I. Præceptoris & magni Scotiæ Eleemosynarii, hujus, Jacobo I & Carolo I. Regibus a Bibliothecis, vita e Patricii Junii Epistolis ad Frontonem Ducem, Lucam Holstenium, Claudium Salmasium, aliosque magnos Viros scriptis, & una cum schedis aliis liberaliter a Guil. Atwoodo, Jcto, ejusdem Patricii Junii ex filia nepote, secum communicatis primam sumsit originem. Agmen vero claudit octavus *Joannes Dee*, quem *Devum* Latiniori vocabulo appellat, Mathematicus Anglus.

Ex singulis his vitarum delineationibus quamplurima excerpere liceret, quæ Lectorem juvare possent & delectare, si

impræsentiarum prolixioribus nobis esse vacaret. Ex prima proinde solum ultimaque, *Usserii* videlicet *Devique*, vita duo adhuc annotabimus.

Usserium Bibliothecam possedisse refert e decem millibus libris tam impressis quam manu exaratis conflata, quam Collegio Dublinensi, in quo educatus fuerat, in perpetuum observantiæ & grati animi testimonium post mortem dono dare ille constituit. Verum de filia ejusque numerosa prole sollicitus, paternæ ex cura atque pietate huic porius thesaurum istum postea destinavit. Justo hunc pretio redimendum sibi que asserendum duxerunt tum Serenissimus Daniæ Rex, tum Cardinalis Mazarinus, sed intercessit Cromwellus, cavitque, ne is extra Angliam exportaretur. Interim accidit, ut Ductores copiarum, quæ duce Cromwello Hiberniam expugnaverant, pecuniis ad bis mille & ducentas libras sterlingicas excrecentibus, tum ex suis, tum ex gregariorum in exercitu militum stipendiis simul collectis, ut in Bibliotheca Dublinensi primum condenda factum fuerat, de libris *Usserianis*, ut nobilis eidem Bibliothecæ fieret accessio, redimendis convenerint. Sed postquam in Hiberniam advehi fuissent, rejecto isthoc proposito, ne tali admixtionē quippiam exinde gloriæ, quam captabant, decederet, de novis conclavibus alibi exstruendis, in quibus ad majorem munificentiz ostentationem seorsim recondiderentur, deliberarunt. Nondum constituta ista re, in quasdam arcis Dublinensis cameras, quibus propemodum incustoditis nimium facilis patebat aditus, detruduntur, malorum hominum, qui multos tum excusos, tum manuscriptos optimæ notæ codices clam surripuerunt, fraudibus obnoxii, donec tandem A. 1661. Rex Carolus II, Proregibus & ordinibus Regni petentibus, communi Bibliothecæ, quorquot supererant, inferri jussit.

Quod ex vita Joannis *Devi* seligimus, hoc est. Postquam in illius amicitiam A. 1555 se insinuaverat Edwardus Kellæus, artis chrysopoeticæ studiosus, pacti cum damone initi spectus, crebras expertus Deus est malorum apparitiones Spirituum, quos ille tamen bonos esse Dei angelos, ad mentem clarioribus divinæ sapientiæ radiis & futurorum eventuum cognitio-

gnitione illuminandam cœlitus missos credidit. Hi per annos haud unos frequentes cum ipso instituerunt collationes, quas & in libris plurimis sedulo descripsit Deus, quos tamen omnes aliquando in ardentem fornacem conjicere a spiritibus jussus est. Non sine horrore legas, quam fraudulenter homini superstitioso imposuerint maligni spiritus. Equidem aliquos narrationes istas singulas ad malefactorum quorundam hominum fabulas referre; alios ad fictam Kellæ imposturam respicere; imo Robertum Hookium, Geometriæ in Greshamensi Collegio Professore, in Operibus Posthumis mox memorandis, affirmare ait Smithus, historicam Devi narrationem juxta literalem sensum intelligi non oportere, sed omnes istas apparitiones cum spirituum nominibus, Dialogos item & qualescunque voces, aliaque ad cryptographiam referenda esse, & sub hisce involucris Deum longe aliud innuisse, quippe qui a Regina Elisabetha illiusque Consiliariis in Poloniam & Bohemiam, ut arcana Principum, quos adibat, consilia vastre exploraret, missus fuerit. Vicissim vero Noster pro earum fide atque veritate modis omnibus depugnat. Unum addimus, Mericum Casaubonum pleraque Devi hujus scripta cum docta & proluxa Præfatione sub titulo: *A true and faithful Relation of what passed for many Years between Dr. John Dee and some Spirits* & Cottoniana Bibliotheca Londini 1659. f. edidisse, hodie in ipsa Anglia parum obvia.

THE POSTHUMOUS WORKS OF ROBERT HOOKE publish'd by RICHARD WALLER.

h. e.

OPERA POSTHUMA ROBERTI HOOKE,
publicata a RICHARDO WALLERO.

Londini, apud Sam. Smith & Benj. Walford.

1705. fol.

Constat 6 Alph. & 16 Tabb. æn.

T 3

Dudum

DUdum scriptis suis perquam eruditis maximam inter Mathematicos famam meruit *Robertus Hooke*, ita ut nulli dubitemus, quin singulare pretium cunctis statuunt eruditi, quæ ipsius meditationibus debentur. Certe sola ejus *Micrographia* luculentum eruditionis & ad materias Mathematico-Physicas tractandas aptitudinis testimonium perhibet, quem librum ex Anglico, quo scriptus est, idiomate Latine redditum preloque paratum inter eruditissimas schedas alias D. Christophorum Pinckerrum, Collegam quondam nostrum maxime industrium, reliquise novimus. Occasione enim observationum Microscopicarum præcipua Scientiæ Naturalis capita explicat & variarum machinarum ad Scientiam Naturalem promovendam apprime utilium constructionem edocet, multaque præclara experimenta recenset. Utut vero Scripta ejus ante Acta nostra prodierint (*Micrographia* enim A. 1665 in fol. *Lectiones Cutlerianæ*, de materiis Physicis, Mechanicis, Geographicis & Astronomicis tractantes, 1679; *Lampas, Microscopium & Lectiones de Elatere*, 1677; *Descriptio Helioscopiorum*, 1676; *Animadversiones in Tomum I Machinæ Hevelii*, 1674 in 4. Londini lucem adspexere;) non tamen ejus in Actis nostris nomen prorsus ignotum, cum duo egregia inventa *Hookiana* Tom. I Supplementorum p. 246 seqq. & 447 seqq. representaverimus. Gratum igitur publico operam præstitit *Richardus Wallerus*, Societatis Regiæ Anglicanæ Secretarius, quod, quæ inter schedas Autoris MSC. sparsa jacebant, in ordinem redigere & in unum volumen compingere non dedignatus fuerit: nec minorem referet gratiam, siquidem reliqua fragmenta, inventa & experimenta *Hookiana*, quorum editionem promittit, quantocius publicaverit, inprimis si opuscula ab ipso Autore, cum in vivis adhuc esset, edita, nunc vero admodum rara, simul recudantur. In præsentem autem opere *Lectiones Cutlerianæ* alique discursus coram Societate Regiæ Londinensi recitati comparent: in quibus ordinandis non ad tempus, quo conscripti sunt, sed ad materiarum affinitatem respexit *Wallerus*. Ad quinque omnes revocat capita generalia. In primis nempe discursibus de præsentem Philosophiæ Naturalis statu agitur, defectus notantur, &c, quomodo per experimen-

niti

rite instituta & observationes debita cum cura collectas iis medeatur, edocetur: præterea quoque monstratur, qua ratione Historia Naturalis compilari debeat, ut ipsi tanquam solidæ basi omnis Scientiæ Naturalis veritas tuto superstruatur. Classis altera discursus de Lumine continet, naturam, proprietates & effectus luminis explicantes. Tertia naturæ Cometarum & gravitatis luminisque nonnullis proprietatibus enodandis impenditur. Quarta Terræ motibus & subterraneis eruptionibus variisque inde pendentibus effectibus ac Telluris mutationibus expendendis dicatur. Quintam denique Lectiones occupant, ad Navigationem & Astronomiam perficiendam tendentes. Enimvero dum has materias accurate pertractat Autor, multa simul de aliis materiis agnatis diffuse differit, ut multarum rerum cognitio ex his operibus hauriri possit. Ita e. gr. dum methodo Scientiam Naturalem promovendi explanandæ incumbit, peculiare quoddam instrumentum describit, quo corporum delabentium velocitas accurate examinari valet. Dum de Lumine tractat, in substantiam Solis solerter inquirit, quem in omnibus fere, solo lumine excepto, cum Tellure convenire statuit, immo esse ipsum corpus solidum & opacum pronunciat. Soliditatem per constantiam rotationis, fixitatem axis, attractionem partium ad centrum suum probat: opacitatem ex macularum in margine disparitione evincere conatur, in parte nimirum averfa videndarum, si Sol esset fluidum transparentis instar flammæ alicujus candelæ. Ex maculis, quas prolixissime describit, atmosphæræ Solaris existentiam concludit, easque pro nubibus Solaribus, h. e. exhalationibus Solis in atmosphæra ipsius concretis haber. Lumen ait ab igne actuali produci, seu continua partium superficialium dissolutione, cujus menstruum sit atmosphæra. Ex motu macularum motum vertiginis Solis 25 dierum adstruit: Solem esse corpus addit, omnibus hætenus notis majus, & ejus partem, a qua radii ad Tellurem defluunt, esse ad superficiem Telluris ut $3784\frac{1}{2}$ ad 1. Agit item de stellis fixis, quas similiter corpora perpetuo ardentia esse judicat. Stellas vero nunc apparentes, nunc disparantes, qualem *Tychonis* tempore in *Cassiopeæ* sidere observaverunt,

runt, corpora esse existimat, quarum superficies nunc in flammam majorem, nunc in minorem conjiciatur. Multa etiam de Cometis in medium affert, disputans contra *Hevelium* de cauda Cometarum; contra *Anselmum*, Monachum *Carthusianum Gallum*, & alios, qui Cometæ caudam pro mera apparentia per refractionem in capite transparente factam producta venditant; contra *Aristotelicos* Cometas in atmosphæra Telluris locantes, quorum sententiam ex parallaxi anno 1472 primus oppugnavit *Johannes Regiomontanus*, & postmodum fortius *Tycho de Brahe*, *Rothmannus*, *Mæstlinus*, *Cornelius Gemma*, & *Matheus Hegecius* ex observationibus Cometarum A. 1577, 1580, 1585, 1590 & 1593 illis ultra Lunam locum primi assignantes. Planetas nonnisi lumen Solis reflectere probat. Recenset etiam corpora terrestria combustibilia; corpora lucentia calida, sed non combustibilia; corpora sine calore lucentia; corpora per impressionem lucis lucentia, v. gr. si exponantur Soli; corpora denique per modum lucentia. Explicat ulterius fabricam oculi quam accuratissime una cum modo visionis, machinam insimul construere docens omnibus phænomenis, quæ in oculo contingunt, representandis aptam. Et hæc visionis theoria ad actiones mentis mechanice explicandas ipsum deducit. Statuit vero esse aliquam mentis in cerebro sedem, ad quam omnes sensuum impressiones deferantur. Hoc idearum repositorium variam continere materiam in usum animæ, cui Elementorum idearum tribuit nomen, eamque quintuplicem præcipue reperiri ait pro varietate sensuum. Certam esse capacitatis sphaeram circa sedem mentis, quod centrum vocat, intra quam ideæ formantur, recipiantur & retineantur. Ideas esse corporeas & quamlibet determinatam habere figuram, determinatum motus gradum; consequenter duas non posse esse una in eodem spatio. Animam singulis momentis aliquam harum idearum partim virtute immediata, partim ope sensuum producere & repositorio inserere, quod omnibus capiendis sufficere ingenioso calculo evincit. Has ideas formari in centro & novis formatis antiquas pelli a centro versus peripheriam: actionem animæ eas formantis esse id quod attentionem vocamus.

camus. Cæterum semel formatas formam & motum successu temporis amittere posse, sicque alterari, immo prorsus deleri. Ut autem percipiantur, id debere animæ Solis instar continue radiantis radiationi, dum scilicet in spiritus illas circumfluos agat: percipi nempe ab anima tanquam resistantiam & reactionem suæ radiationis. Equidem ob continuam mentis in repositorium irradiationem omnes semper percipi ideas, sed ob earum multitudinem nonnisi confuse: eam vero in specie distincte sentiri, in quam juxta voluntatis suæ determinationem in specie virtutem suam radiantem exerit. Asserit quoque ideas motu quodam proprio radiare & hac radiatione in animam agentes ipsam ad attentionem excitare. Radiationem animæ magis particularem ad hanc vel illam repositorii partem esse, id, quod cogitationem appellamus: ratiocinationem vero absolvi, dum anima novas formet ideas per comparisonem reactionum a diversis ideis in diversis repositorii partibus locatis, & harmoniæ ac disconvenientiæ illarum perceptionem. In specie notat, notionem temporis esse apprehensionem distantiae idearum a centro, adeoque memoriæ deberi, quæ sit idearum per sensus acceptarum, vel etiam virtute mentis formatarum repositorium. Hinc tempus tanto sensibilius esse, quanto major idearum numerus a centro versus peripheriam positarum. Dum de Cometis disserit, experimentum circa efficaciam luminis Lunaris institutum refert, quam nullam esse deprehendit, licet radios Lunares ope speculi caustici ad spatium 500 vicibus minus, quam quod ante collectionem occupaverant, redactos in globum thermometri aere plenum conjiceret. Causam vero, cur nullus radiis Lunaribus gradus caloris insit sensibilis, in Lectionibus de Lumine hanc reddit, quod per reflexionem nimis rarefiant: demonstrat enim, lumen Lunæ plenæ nonnisi 104368 partem caloris radiorum Solarium continere, ex supposito nempe hoc principio, gradum caloris esse proportionatum gradui luminis. Prolixi de Terræ motu Tractatus maxima pars cochleis seu conchis aliisque rebus ex terra effosis & perefactis impenditur. Notat talia reperiri in multis Terræ regionibus & quidem talibus, ubi difficulter imaginari licet, quomodo

modo illuc devenerint, cum aliquot 100 milliaribus a mari distent: immo reperiri in ipsis summis montibus. Quædam referre figuras piscium, quædam animalium, quædam figuras plantarum, hæcque omnes arborum partes constitutivas habere, corticem nempe, medullam, poros, radices, ramos, gummi &c. utut intra terram situm obtineant ab eo longe diversum, qui plantis similibus, dum crescunt, competit. Corpora ejusdem figuræ ex diversa sæpius constare substantia, immo partes etiam diversas esse corporis unius. In quibusdam conchas inclusas reperit, quarum convexitati exacte respondit concavitas corporis ambientis. Unde infert, corpora ista figurata aut esse petrefacta, aut saltem repræsentare impressiones aliunde factas, quemadmodum formam sigilli recipit cera. Quoniam vero experimenta reperire non licuit, quibus eundem effectum ad libitum producere datur; causam petrefactionis extraordinariam esse debere affirmat. Esse nimirum vel speciem aliquam aquæ petrificantis, aut mixturam salinam vel sulphuream cum concursu caloris ab ignibus subterraneis vel terræ motu suppeditati conjunctam; aut diuturnam illorum corporum in magno gradu caloris, compressionis & quietis commorationem: id quod per varia experimenta credibile reddere conatur. In primis urget, quod aquæ sponte abire potuerint in lapidosam substantiam, per aliquam artem nunc cognitam in aquam vix reducibilem, quia non solum in fundo omnium fluminum & aquarum fluentium ingens reperitur arenæ quantitas, cujus figura & transparentia per microscopia examinata originem ex aqua monstret; sed etiam aqua marina, si evaporetur, arenam relinquit, utut ab ea prorsus libera extiterit, & aqua quælibet per crebras destillationes in calcem album insipidum, in aquam non rursus resolvablem, convertitur. Provocat ulterius ad *Kircherum*, qui in *Mundo Subterraneo* herbas intra aquam crescentes commemorat, quæ extirpatæ in lapidem abeunt, utut similes ex arida in vicinia efflorescentes non eandem experiantur sortem. Ut vero explicet, quomodo corpora ista in Telluris viscera delata fuerint, faciem Telluris a prima creatione multum immutatam esse asserit, ita ut nunc sint montes, ubi fue-

fuerint valles; sit terra continens, ubi fuerit aqua, & contra. Causas mutationis ponit terræ motus, motum aquæ per declivia ruentis aut per ventos agitatæ cum æstu maris, inundationes, motus aeris violentos, corporum graviorum subsidentiam & leviorum emersionem gradualem. In specie quod nunc sint maria, ubi ante fuerunt montes & contra, causam conjicit in mutationem centri gravitatis Telluris a terræ motu vehementiori factam. Hinc & probabile ipsi videtur mutari Polum rotationis (unde fiat, quod non semper idem cœli punctum respiciat;) adeoque olim rotationes Telluris citius fortassis absolutas, consequenter Patriarchas antediluvianos non fuisse nobis longæviores. Negat vero mutationem Telluris omnem a diluvio Noachi peti posse, quod tantum 200 circiter dies duraverit adeoque tot corporibus in lapidem convertendis non suffecerit. Differit præterea de figura Telluris & atmosphæræ ipsam ambientis sphæroidica: exponit methodum lineam Meridianam exacte citra errorem unius secundi determinandi, & ex ejus alteratione alterationem axis rotationis stabilit: affert nonnulla de ascensu Mercurii in Barometro: libros Metamorphoseos *Ovidii* pro systemate historiæ naturalis, multas mutationes & catastrophes, quæ Telluri acciderunt, continente venditat, & fabulas ejus in sensu Physico explicat, calculum tamen non adjiciente *Wallero*. Denique in Lectionibus Navigationi & Astronomiæ promovendæ destinatis multa de mensura fixa constituenda disputat. Ostendit naves ejus methodi, qua eligitur pendulum vibrationes singulis secundis absolvens, temporis quidem æqualis per reditum stellæ ejusdem ad eundem Meridianum mensurati. Tale nimirum pendulum longius versus Polum, quam versus Æquatorem deprehenditur, quia ibi vis gravitans major, quam hic. Addit, nec eodem in loco constantem esse penduli longitudinem, ob vim gravitantem eodem in loco variantem, diversis præsertim anni tempestatibus, prout Tellus vel in Aphelio, vel in Perihelio fuerit. Præterea si pendulum ex metallo paretur, æstate longius fore, quam hieme; si paretur ex filo, tempestate humida longius fore, quam sicca. Contra methodum alteram, qua pro mensura

ra fixa assumitur distantia duorum locorum sub eodem Meridiano sitorum & quorum latitudines uno præcise gradu differunt, urget difficultatem talia loca determinandi, irregularitatem graduum a sphæroidica Telluris figura petendam, difficultatem observationes necessarias instituendi, materiæ, ex qua mensura paratur, immo forte & Telluris ipsius, intumescentiam vel detumescentiam. Fallacibus itaque methodis novam substituit minus fallacem. Assumit scilicet tanquam per experientiam cognitum, corpus fluidum in alio fluido heterogeneo induere formam globosam, certam vero quantitatem fluidi formam globosam seu sphæricam in sphæroidicam mutare, ita ut diameter longior Horizontalis sit ad breviorē verticalem ut 2 ad 1. Obtineri adeo mensuram fixam, immo pondus quoque fixum, si Mercurii perfecte depurati certa quantitas in aquam destillatam immittatur, quæ figuram prædictam exacte assumit. Ad examinandam vero figuram Mercurii & rationem diameterum methodum commendat figuræ corporis cujusvis exacte delineandæ aptam. Per exiguum scilicet foramen in cameram obscuram intromittit radios Solares, plano polito & candido excipiendos, & objectum delineandum medio inter foramen & planum ponit loco. Quod si foramen lente convexa muniat, planum a foco aliquantisper removendum, quo scilicet, radios excipiat divergentes. Alios vero usus complures luminis Solaris in cameram obscuram intromissi monstrat: inter quos non postremus, quod, si candela vel lampas ardens intra conum luminosum ponatur, materiam dissolutam & cum aere commixtam instar ingentis fluminis aquæ supra aggerem elatum ruentis ascendere videamus: quam apparentiam ad apparientias caudæ Cometarum illustrandas mire conducere arbitrat. Enumerat præterea difficultates lineam rectam, præsertim longiorem, & arcus circuli majoris ducendi: tradit methodum ea in praxi præstandi: exponit rationem lineam exacte in partes quocunque æquales & in omnes partes aliquotas dividendi: pertexit historiam thermometrorum & methodum earum construendi explicat: lineæ logarithmicæ naturæ ac proprietatibus enumerandis intentus: & *Antonii Maria Schyrlei de Rhena*

Rheita in Oculo Enochii & Eliæ proposita ænigmata Dioptrica solvit. Nempe quod p. 344 proponitur, hunc habet sensum: *Chartam patina lenissimo pulmento ingeniose agglutina, tripoli vitrum polito in ea.* Alterius p. 356 extantis hic est sensus: *Convexa quatuor melius dicta objecta erigunt multumque amplificant. Rite vero tertium colloca in punctum confusionis. Sunt vero vitra tria ocularia convexa, objectivum quartum.* Caterum in discursibus primis de methodo Scientiam Naturalem perficiendi Algebram Philosophicam tradere animus erat, in duas partes abeuntem, quarum prima mentem ad veritates physicas investigandas præpararet, & ad data quærenda promptam redderet; altera vero regulas operandi seu supellectile collecta, utendi subministraret. Maxime autem dolendum, quod pars altera deficiat. Interim nec prima prorsus destituitur regulis omnibus intellectum in veritatum Physicarum investigatione adjuvantibus. Neque enim solum præjudiciorum originem, & medelas sensuumque in cognoscendis corporum naturalium effectibus ac proprietatibus ministerium per artem mire perficiendum distincte declarat; sed methodum etiam experimentandi, methodum ad quæsitâ respondendi, methodos gradus proprietatum corporum naturalium determinandi, methodos varias secretum naturæ agendi modum investigandi, denique 28 methodos modos naturæ in operando obvios detegendi suppeditat. Lumen esse ait peculiarem motum partium corporis luminosi, qui corpus quoddam perfecte fluidum & perfecte densum afficiat, ita, ut partibus corpori luminoso proximis motis, moveatur & totum expansum fluidum majoris condensationis nescium. Esse adeo lumen in medio motus propagationem, & plures radios diversos per idem medium citra confusionem propagari posse, quemadmodum circuli plures a pluribus guttis in eandem aquam una delapsis citra confusionem excitentur, ita ut una guttula aquæ pluribus motibus simul propagandis inserviat. Defendit, lumen per spatium immensum infinita celeritate propagari, & *Ramerei* experimentum demonstrandæ luminis propagationi successivæ insufficiens esse sibi persuadet, quia perfectam motuum Satellitum Jovis the-


riam supponit, quam nos habere nondum demonstratum sit, fortassis enim eorum Anomaliam magis differentibus motibus, quam Lunæ complicari, cum hæc saltem a Sole & Tellure, Satellites Jovis vero interior forte & a 3 Satellitibus exterioribus afficiatur: quod dubium ex Astronomia Physica recentiore de corporum mundanorum in se mutuo gravitationibus desumtum. Credit enim *Hooke*, lumen esse eam virtutem corporum coelestium, qua in se mutuo agant & se mutuo attrahant, quæ Planetæ primarii circa Solem moti in velocitate, distantis & linea motus dirigantur; secundarii circa primarios periodos suos absolvant. Ex facie Solis per exiguum foramen in Camera vere obscuram transmissi didicit, penumbrosam aliquem circulum isti undiquaque connexum fere dupla diametro foraminis spissiore esse: quod cum fieri non posse, Geometrice demonstraret, si radii per lineas rectas propagari ponantur, eos a lineis rectis deflectere statuit. In speciali discursu tractus luminosi circa æquinoctium vernum in signo Tauri a *Childrey*, *Cassino* aliisque observati & quotannis observandi causam reddidit. Eam scilicet effluviis aeris ultra atmosphæram elatis tribuit. Sole in Perigæo existente atmosphæram per majus spatium rarefactione extendi credit, quam alias unquam, motuque Telluris annuo incitato multam aeris partem in quandam ætheris speciem conversam intra ætherem relinqui; vapores aereos calore privatos in substantiam aeri rarefacto, ex quo generati, similem condensari; hanc condensationem diversum transparentiæ gradum a reliquo æthere ipsis conciliare, ut radios Solares reflectentes & refringentes luminis prædictum tractum exhibeant, donec rursus dispergantur. Cur vero hæc apparentia a Terricolis ad Tauri asterismum referatur, ex motu Telluris annuo circa Solem per schematismos declarat. Cometarum figuras ab *Hevelio* in Cometographia etiam ex propriis observationibus descriptas pro genuinis non agnoscit; quales ipse viderit, monstrant Figuræ 1. 2. 3. 4. 5 & 6 quodque notatu maxime dignum, flammæ ex capite subinde erumpere & stellas per caudam ope telescopii conspicuas conspectui eripere, maxima cum circumspeditione observavit. Cometæ itaque pro

TAB. III.

Fig. 1. 2. 3.

4. 5. 6.

TAB. III. ad A. 17



corporibus actu ardentibus habet, caudas vero flammæ candelæ respondere credit. Gravitatis hanc comminiscitur theoriam: supponit in globo Telluris peculiarem quendam motum, quo omnes ejus partes versus centrum Terræ vibrantur & a centro Terræ retroaguntur. Motum hunc vibratorium esse brevem admodum putat & celerem, ut in omnibus corporibus duris & compactis: eundem communicari cum certa ætheris parte particulis solidis vibratoriiis interspersi: hoc facto particulas quoque fluidas in orbem vibrari versus centrum & a centro in lineis ex centro radiantibus. Per hanc fluidi vibrationem non omnes modo Telluris partes versus centrum ejus trudi, sed ipsum etiam aerem & fluida reliqua omnia ob ætherem iis interspersum. Cum adeo motus hic vibratorius tanto lentior esse debeat, quanto major redditur activitatis sphaera; vim gravitantis pro ratione distantiae a centro Telluris, nempe in distantiarum ratione subduplicata, decrescere debere. Notat præterea, ab omnibus tanquam certo assumi, gravia tendere versus centrum Terræ; sed a nemine hætenus probatum, nec etiam per experientiam facile comprobari posse. Similiter nondum probatum esse, gravitatem omni tempore manere eandem: viam unicam probandi esse comparisonem descensus corporum gravium cum tempore, in quo descendunt, quamvis hic quoque exceptio de diversa medii densitate locum inveniat. Materiam terræ motuum pulveri pyrio non absimilem judicat, & ob defectum materiae inflammabilis terræ motus nunc non esse adeo frequentes ac sub initium mundi pronunciat: ex hoc autem defectu mundum consenescere concludit. In Tractatu de Navigatione & Astronomia tractat de methodis inveniendi diametrum Telluris veram earumque fallaciis: de ratione inveniendi locum navis in mari: de figura Telluris: de primo Meridiano: de acu magnetica & ejus declinatione: de latitudine & longitudine locorum successu temporis juxta *Petitum* variata: de linea Meridiana, longitudine & latitudine locorum inveniendi: de Diametro apparente omnium Planetarum observanda: de orbita Lunæ, vera theoria Solis & obliquitate Eclipticæ accurata determinanda: de usu observationum circa fixas habitarum

bitarum in constituendo motu Planetarum: de difficultatibus observandi Eclipses Lunares propter penumbram Telluris: de Eclipsibus Satellitum Jovis in definienda locorum longitudine Eclipsibus Lunæ præferendis: de Jovis Eclipsibus: de imperfectione instrumentorum nauticorum: de inæqualitate motus Telluris diurni & methodis eam examinandi: de ratione determinandi velocitatem venti per peculiare instrumentum, cujus descriptio deest. Docetur etiam instrumentorum nonnullorum fabrica, e. gr. Quadrantis exigui, alteri artificio vulgari ex diametro centuplo majore constructo perfectione nonsecundi, barometri marini, novi Quadrantis marini. Vitæ *Hookii* operibus præmisit *Wallerus*. Natus is est d. 18 Julii A. 1635 in peninsula, quam *Freshwater* dicunt. Corpore fuit infirmo, & insigni a primis statim annis ad Mechanicam propensione præditus. In cursu studiorum scholasticorum præter linguam Latinam & Græcam Mathesin quoque didicit, jactis ex *Euclide* fundamentis ad cæteras Matheseos partes progrediens & veritates cognitæ ad Mechanicam applicans. A. 1653 in Academiam Oxoniensem profectus famulum alicujus studiosi egit, ibidemque A. 1655 multis viris præclaris innotuit & ob Mechanicas operationes gratus extitit. *Boyllo* antliam pneumaticam paravit, & in gratiam *Wardi* A. 1656 usum penduli ad observationes Astronomicas transtulit. Excogitasse etiam sibi fertur methodum machinas inveniendi. A. 1662 vel 1663 Magister Artium creatus est, cumque A. 1656, instigante *Wardo*, Astronomiæ Professore Saviliano, cui pereruditam Astronomiam Geometricam Ellipticam & Circularem debemus, studio Astronomico haud segniter incubuisset, A. 1658 vel 1659 varia instrumenta Astronomicis observationibus idonea paravit. Ipsi etiam inventionem horologii oscillatorii, Illustri *Hugenio* hætenus unanimi Mathematicorum consensu adscriptam, vindicat *Wallerus*: atque inde A. 1663 pendulum circulare ad motum penduli reliqui continuandum idoneum excogitavit. Cum anno 1661 in peculiari Tractatu causam explicasset, cur aqua in tubis minoribus ultra libellam ascendat; anno 1662 in Societatem Regiam receptus est. Anno 1664 *Johannes Cullerus* ipsi stipendium annuum

annuum præbere coepit, ut lectionibus Mechanicis operam daret: quo optime ipsum usum esse, tum Lectiones Cutlerianæ superius laudatæ, tum Opera Posthuma, de quibus hætenus dictum est, abunde restantur. Annua infirmitate extinctus d. 3 Mart. 1703, anno ætatis 67 mense 7 d. 3. Externa ei corporis figura valde abjecta, (gibbosus enim erat,) ingenium verum magnum fuit.

AN ESSAY TOWARDS A VINDICATION
of the Mosaic History of the Creation of the
World, in several Letters, by
JO. WITTY.

h. c.

VINDICATIO EXPOSITIONIS VULGARIS
*Historia Mosaica de Creatione Mundi, in variis
Litteris tentata a JOHANNE
WITTY.*

Londini, typis Johannis Wyat descripta, venditur.
apud Thomam Baxterum, 1705. 8.

Constat plag. 13½.

Recensuimus A. 1697 Mense Decembri *Whistoni* Theoriam novam Telluris: in quo libro multa habentur paradoxa. Inprimis in dissertatione de Historia creationis Mosaica operi præmissa vulgarem ejus expositionem multis modis impugnat, quemadmodum ex recensione nostra satis constare potest. Hunc vero ausum periculosum judicat noster: veretur enim, ne hostes veritatis Religionis Christianæ ansam inde arripiant male de divina Scripturæ Sacræ autoritate sentiendi. Putat nimirum, facile ipsos abusuros hoc argumento: si historiam creationis non secundum litteram interpretari licet, nec historia lapsus litteraliter accipienda, consequenter nec redemptio; utut nullam vim demonstrativam illi inesse agnoscat. Quod vero contra *Whistonum* calamum stringat, librum perlegenti haud obscurum esse potest. Attamen non minus modeste, quam erudite scribit,

bit, testimonio profectum haud vulgarium non minus in praxi Philosophiæ Moralis, quam theoria Philosophiæ Naturalis & Matheseos satis luculento perhibito. Totum opusculum per eruditum undecim Epistolis absolvitur: quæ vero in eodem pertractantur, ad tria capita revocantur. Defendit nimirum, expositionem litteralem Historiæ creationis Mosaicæ retineri debere, quod 1. omnes exceptiones contra vulgarem interpretationem afferri solitæ sint Philosophicæ, consequenter precariæ, cum assumatur, quod nondum evictum, in formatione Mundi a Mose descripta leges naturæ viguisse: 2. posito, juxta leges motus facta fuisse omnia, in Philosophia tamen naturali nondum vel eam evidentiam materiæ sint perducta, ut cum ratione lapis Lydius Scripturæ Sacræ constitui queant: 3. juxta vulgarem expositionem nihil in ea historia reperiatur, quod Philosophiæ optimæ contrarium existat. De primo argumento dissentit in epistola prima, in qua Deum immediata virtute in creatione egisse contendit, & ad *Whiston*i exceptiones responder. Alterius argumenti deductioni secunda impenditur epistola: ostenditur itaque veritatibus in Scriptura revelatis majorem competere evidentiæ gradum, quam materiis Philosophicis, consequenter & legibus naturæ, quatenus nobis cognita, evincit, dari Deum, cum nos creasse ad nostram felicitatem, nos ea excidisse, Deum obligari ad nostram restitutionem, & modum hujus revelasse in Scripturis. Existentiam entis necessario existentis ex entium aliorum existentia colligit. Ens illud æternum non esse mundum probat, quod in eo sit perpetua mutationum successio, cum æternitate conciliari nescia. Deum nos creasse ad certum finem, ex sapientia ipsius deducit. Hunc finem esse nostram felicitatem, ex bonitate divina infert. Eadem nos in mundo non perfrui, consequenter ea excidisse, per experientiam confirmat. Obligationem Dei ad nostri restitutionem ex divinæ bonitatis infinitudine derivat. Modum restitutionis in Scripturis a Deo revelari affirmat, quod nullum scriptum, pro revelatione divina venditari solitum, Deo dignius existat, quam Scriptura Sacra. Unde tandem concludit, veritates in Scriptura revelatas summum minimum habere probabili.

bilitatis gradum, utut nonnisi Philosophice considerentur. Contra cognitionem Philosophicam esse non nisi conjecturalem, inde stabilire nititur, quod sua habeat applausus interval-
la, quod essentias rerum ignoremus specificas, utpote sensui im-
pervestigabiles, quarum tamen cognitio ad conclusiones cer-
tas eruendas, teste Geometria, requiratur. Cum adeo sit major
Scripturæ, quam Philosophiæ evidentia, concludendum ait, si
Scriptura huic contradicit, hujus assertionem, utut possibilem,
visam, esse falsam. Tertium denique argumentum in epistolis
reliquis, excepta ultima, fusa persequitur. Examinat dubia, ex
Philosophia contra litteralem Historiæ creationis interpretatio-
nem a *Whistono* inprimis allata, & ex eadem illa solvit. Con-
tra opus primæ diei cum urgetur, quod Deus causam lucis
quarto demum die produxerit, adeoque effectus ante causam
extiterit; nos nondum certo scire ait, quid sit lumen, conse-
quenter decidere non posse, num Solem antecedere potuerit.
Affert itaque exceptiones tum contra eos, qui lumen habent
pro qualitate inhærente; tum contra illos, qui effectum corpo-
ris alicujus in animam esse statuunt. Certe theoriam *Cartesia-*
nam a verticibus pendere, quos chimeras esse demonstraverit
Newtonus. Repugnare eidem successivam luminis propaga-
tionem, a *Ramero* detectam, & *Newtono* approbatam. Hoc ta-
men non obstante, monstrat, quomodo juxta ipsam *Cartesiano-*
rum notionem lumen ante Solem esse potuerit. Addit, a Mo-
se per lumen intelligi posse medium, per quod lumen propaga-
tur. Qua occasione simul monet, *Newtonum* in sua theoria
non stabilivisse (quod multi sibi persuadent) qualitates inhæren-
tes, cum radios diversum coloris sensum producentes nonnisi
specie motus differre statuatur. Dubium contra opus secundi
diei ad aquis supracœlestibus petitum ita solvit. Per firma-
mentum intelligit spatia inter corpora cujuslibet systematis in-
terjecta. In quolibet systemate esse aquam. Ergo in quoli-
bet systemate constitutum habere aquas supra & infra firma-
mentum. Nec eam interpretationem Scripturæ pariter ac Phi-
losophiæ irreconciliabilem existere monstrat, quæ aquas supra-
cœlestes pro nubibus venditat. Circa opus tertii diei scrupu-

lum *Whiston* eximere allaborat, quod intra tam breve tempus nec aquæ in canales Oceani defluere, nec plantæ procrefcere potuerint. Possibilem utique fuiffe aquarum intra Oceanum collectionem, fi ipsis talis motus impreflus intelligatur, qualis inest fono, quem intra minutum 12 milliaria peragraré experimentis comprobatum, aut prorfus iftiusmodi, qualis lumini competit, quod juxta *Ramerum* intra horam per 405000000 milliaria Anglica propagatur, ingeniofo calculo comprobatur. Ubi incidenter refolvit problema de nubium diftantia ex vifo fulgure ac tonitru audito investiganda. Cum nimirum tanta celeritate propagetur lumen, ut, fi vel maxime nubium diftantia 5, 6 vel 10 milliarium Anglicorum fupponatur, (quanta tamen nunquam deprehenditur,) propagatio fulguris pro instantanea haberi queat; nubis diftantiam haberi, fi tempus inter vifum fulgur & fubauditum tonitru elapfum in horologio ofcillatorio fingula fecunda accurate monftrante cum cura notetur, & pro fingulis quinis fecundis milliare unum computetur. Etenim maxima exactitudine experti funt *Florentini*, fonum æquali tempore æqualia fpatia peragraré, & fi ad diftantiam unius milliarii explodatur tormentum, a vifo lumine elapfis quinque minutis fecundis audiri. Quod attinet plantarum vegetationem, in ea tria attendenda effe monet, nempe 1. fuccum nutritium, 2. animam fermentativam, 3. calorem feu motum. Celeritatem vegetationis ex rerum enumeratarum gradibus æftimandam effe afferit. Neque vero fine ratione fupponi, eum tunc obtinuiſſe gradum, qui poſtmodum nunquam deprehenſus. Et licet Sol ad ultimum perfectionis fuæ faſtigium illo tempore nondum pervenerit, fine dubio tamen jam extitiffe & Telluris influxum fuum præbuiſſe. Immo in Tellure iftiusmodi vigiſſe motum inteſtinum, qualis poſthac nunquam in eadem obſervatus. Contra vulgarem operis quarti diei expoſitionem, tempus creationis fingulorum corporum tam extreme difproportionatum ad ipſa opera objicienti *Whiſton* regerit, perperam intellectum finitum ſapientiam infinitam ſuo modulo metiri. Addit, nondum conſtare, an Planetæ habitentur. Quod ſi incolis rationalibus deſtituantur, rationem fuiſſe Deo, cur plus rem-

temporis Telluri, Soli, quam astris reliquis impenderit, ut nimirum ostenderet, se omnem creationem visibilem in nostrum dirigere commodum ac usum, seque non ex defectu potentiae, sed quo suam erga nos testaretur bonitatem, tanta cum cura habitaculum nostrum praeparasse. Negat cum ratione *Whistonum* ridere asserentes, quod Deus hoc universum solius hominis gratia condiderit. Quibus haec non placent, eos cogitare jubet, quod corpora quidem stellarum ante creari potuerint, sed hoc demum die ad omnem suam perfectionem pervenerint, coeperintque nobis fieri stellae. Contra opus quinti & sexti diei exceptiones consideratu dignae vix occurrunt. Breviter itaque de utroque differit. Contendit autem in animalium & hominum productione ad immediatam Dei potentiam recurrendum esse. Notionem generationis æquivocæ merito precariam haberi, eique nec experientiam, nec rationem favere prolixè adstruit. Inter difficultates circa opus sexti diei obvias palmaria videtur, quomodo Adamus tam cito linguam addiscere & nomina omnibus animantibus imponere potuerit. Ei vero tollendæ non multum immoratur, quia linguam pro dono Dei immediato habet. Hisce absolutis geminam textus Mosaici paraphrasin exhibet, alteram juxta vulgarem interpretationem, alteram juxta Philosophiam conceptam. Coronidem toti pertractationi imponit epistola decima, in qua varia supplementa conspiciuntur, ad superiora dilucidanda facientia. Multus imprimis est, ut adstruat, motum Telluris diurnum & annum esse demonstratum. Ad motum annum stabiliendum non modo commendat argumentum, quod *Whistonus* cor. 6 lem. 23 exhibuit; sed etiam provocat ad parallaxin Orbis Magni a *Flamstedio* detectam, dum distantiam stellæ Polaris a Polo Mundi 40["] vel 50["] in solstitio æstivo majorem deprehendat, quam in brumali, observationibus per 7 continuos annos iteratis, non obstantibus exceptionibus, quas ad infirmam vim hujus argumenti protulit *David Gregorius Astron.* lib. 3. p. 276. Motum Telluris diurnum per variatam corporum pro diversis locorum latitudine gravitationem roborat. Quoniam vero argumentum evidentius nondum habetur, hoc ipsum tamen in-

vulgus minime notum existit, paulo uberius id deducere haud piget. Scilicet nemini rerum Mathematicarum & Naturalium perito ignotum est, ex varianda longitudine penduli, singulas vibrationes singulis minutis secundis horariis absolventis, pro diversa locorum latitudine, seu distantia ab Æquatore, per necessariam consequentiam deductum esse, quod gravitatio corporum cum crescente locorum latitudine crescat, ita ut tanto major evadat, quanto longiori intervallo ab Æquatore versus Polum alterutrum progredimur. Jam cum a *Newtono* demonstratum fuerit, *Princ. Phil. Nat. Mathem. lib. 3 prop. 6 & corol. 1 & 2*, gravitatem in corporibus singulis esse quantitati materiz proportionalem, invariata materia gravitatem variari non posse concludit, consequenter in omnibus Telluris locis eadem foret ejusdem corporis gravitatio, nisi adesset aliqua causa, quæ partem aliquam vis gravitantis elideret, eamque in uno loco majorem, quam in altero. Probat vero causam hanc non posse conjici in diversam aeris densitatem: cum enim ob calorem vehementiorem aer rarior sit intra Æquatorem, quam versus Polos, per principia Hydrostatica major esse debebat gravitatio in medio rariore intra Æquatorem, quam densiore versus Polos, contrarium tamen suadente experientia. Monstrat ergo, conjiciendam esse illam in motum Telluris diurnum. Cum enim corpora circulariter mota adhibeant vim recedendi a centro, sintque vires centrifugæ corporum in ratione peripheriarum, in quibus moventur, quemadmodum demonstravit *Hugenius* in *Tract. de vi centrifuga prop. 1 p. 408 Opusc. posth.* admissio motu Telluris diurno, vis centrifuga tanto minor evadit, quanto minor a Polo distantia, consequenter, quoniam minor vis centrifuga minorem partem vis gravitantis seu centripetæ elidit, in minore a Polo distantia major esse debet gravitatio, quam in majore. Legibus igitur gravitationis a motu Telluris diurno pendentibus, illis admissis, hunc quoque admittendum esse concludit.

CHRISTIANI WOLFII, MATHEMAT.
 Prof. in Acad. Frider. Methodus demonstrandi veritatem Religionis Christianæ.

Cum

Cum Viri Clarissimi, *Johannis Witty*, vindicationem expositionis vulgaris Historiæ Mosaicæ de creatione Mundi perlegerem, placuit methodus, qua in demonstranda Scripturæ Sacræ, consequenter Religionis Christianæ, utitur. Utut vero eadem in generalibus cum mea methodo convenire videatur, viris judicio præditis, cum quibus eam communicavi, non improbat, in plurimis tamen ab ea quoque dissidet.

Mea enim methodus rigorem demonstrandi Geometricam constanter observat, & ab iis, quæ mihi hætenus innotuerunt, prorsus diversa existit. Quamobrem quia nostro imprimis ævo methodus demonstrativa evincendi veritatem Religionis Christianæ multam habitura utilitatem non temere præsumitur; veritatis tanti momenti certo cognoscendæ ardore flagrantibus non ingratum fore arbitror, si generalia meditationum mearum circa illam capita cum publico communicavero. Totæ autem methodus huc redit. 1. Evinco, existere Ens, cui competunt omnes realitates in gradu absolute summo. 2. Demonstro, hoc ens esse a mundo seu machina hujus universi diversum. 3. Inquiro in finem, propter quem machinam hanc stupendam cum creaturis intelligentibus produxerit Deus. 4. Ab hoc fine ex perfectionibus divinis antea erutis deducto leges, juxta quas creaturæ rationales actiones suas ex intentione divina dirigere debent, derivo. 5. Legum harum cum perfectionibus divinis collatio conditionem prodit, in qua a Deo produci debuit homo. 6. Conditio hæc cum præsentem, in qua vivit, comparata utriusque disparitatem manifestat. 7. Ex natura igitur Dei ulterius deduco, præsentis conditionis autorem non esse Deum, sed ipsum potius eandem averfari, Nec 8. vanum esse de miseria majore minimum menti a morte corporis subeunda metum evidenter ostendo. 9. Huc ubi perveni, concludo, aut Deum nos velle liberare ex præsentem miseria, aut non velle. Quod si velit, necessariam esse aliquam revelationem immediatam, stabilio. 10. Immediatæ hujus revelationis criteria cum antecedentibus necessarium nexum habentia, eaque prorsus infallibilia suppedito. Tandem 11. eadem scriptis Prophetarum & Apostolorum competere, indubie evinco
Enim.

Enimvero ut appareat, quam evidentiam in demonstrationibus meis conservem & quomodo conservem, quædam specialius sunt edisserenda. Scilicet ne multa mihi de natura veritatis ac evidentia disputanda sint, omnia ad eum evidentia gradum revoco, quo nititur existentia Mentis propria cognitio. Normam gradui huic æstimando conducentem ita reperio. Cum intime percipiam, me esse mei conscium, nihil autem dicam, cui nulla competit realitas; me non esse nihilum, sed aliquid eo ipso momento, quo me mei conscium percipio, actu præsens infero. Ecce tibi duas in mente mea de ipsa cogitationes: alteram, quod sit sui conscia; alteram, quod sit aliquid eo momento, quo sui conscia est, actu præsens. Has duas cogitationes tam necessario nexu coherere deprehendo, ut mens ad eas divellendas omnibus viribus nitens inanem operam summat. Admissa enim priore, mentem esse (hoc momento sui consciam, alterius contradictoriam, esse nempe eam eo ipso momento nihil, locum habere non posse reperio. Inde concludo, in propositione evidente duo eidem rei tribui & unum quidem propter alterum, ita ut, si unum ei inexistere cogitem, alterum non inexistere cogitare non liceat. Primum, quod rei inexistere cogito, *Hypothesin*; alterum, quod propter prius eidem tribuo, *Thesin* appellare soleo. Quoniam adeo thesios certitudo in certitudinem hypothesios tota resolvitur; unde hujus evidentia pendeat, quæri potest. In allato antea exemplo ab intima mentis perceptione pendeat, quam dum habeo, quin eam habeam, dubitare nequeo. Ad nostrum igitur evidentia gradum demonstrationem suam revocaturus, hypothesin suam in intimam mentis perceptionem tandem resolvere tenetur. Similiter ex eodem exemplo patet, nexum necessarium mearum cogitationum mihi innotescere, si distincte expendo, quid unaquæque involvat, & quæ involuta intueor, inter se confero. Constat jam, quomodo evidentiam conservem. Neque vero excipere licet, evidentiam hanc conservari non posse, ubi monstrandum criteria immediata revelationis infallibilia (quæ esse demonstro descriptionem medi liberationis miserie nostræ tollendæ sufficientis ac perfectionibus divinis

divinis digni, harmoniam eorum, quæ Scriptura de Deo affirmat, cum iis, quæ de ipso ex principiis rationis juxta nostrum evidentiae gradum demonstrantur & rationem dirigendi actiones liberas legibus naturæ ex perfectionibus divinis erutis prorsus consonam) scriptis Prophetarum & Apostolorum, convenire. Datur enim aliqua demonstrativa interpretandi methodus, & hæc ipsa in potestate est. Scripturam nempe nostrum in finem interpretaturus demonstret necesse est, quasnam cum vocibus singulis notiones conjungant librorum sacrorum Autores: ut adeo tota in methodum eruendi notiones vocum in Scriptura obviarum ex ipsa Scriptura resolvatur, qualem possibilem esse non dubitabit, qui ex perfectionibus divinis opera divina æstimare didicit. Ex his datis integram demonstrationem in volumen abituram construct, cui mentis aciem per Geometriam & Analysin intendere contigit. Intelligentibus enim hæc scribuntur, non iis, quibus vires intellectus cognoscere nondum datum est.

ORIGINES ANGLICANÆ: OR, A HISTORY
of the English Church, &c.

i. e.

*HISTORIA ECCLESIAE ANGLICANÆ,
quæ cæpta, ubi Episcopus STILLINGFLEET Historiam suam Anglicanæ Ecclesiæ finiverat, relationem negotiorum ejus a prima inter Anglo-Saxones Ecclesiæ Christianæ plantatione ad Normannorum usque tempora gestorum exhibet. Auctore JO. INETT, Regiæ Maj.*

Sacellano Ordinario.

Londini, apud M. Wotton, 1704. fol.

Constat Alphab. 4. plag. 15.

IN Originibus Britannicis, quas antehac A. 1685 in publicum. Lemisit Eduardus Stillingfleet, quarumque epitomen in Actis nostris A. 1688 p. 24 Lectori dedimus, promiserat Auctor Cl.

Y

fore,

fore, ut Historiam Ecclesiæ Anglo-Saxonice itidem aliquando evulgaret. Interrupto vero per præmatura summi hujus Viri fata optimo hoc instituto, *Joannes Inett* suarum inprimis duxit, esse partium, ut in Historiam Ecclesiarum Anglo Saxonicarum uberius inquireret, viresque suas in arduo hoc multisque difficultatibus implicito negotio periclitaretur. Hoc dum patrio idiomate perficere instituit, tantum abest, ut antiquiorum pariter ac recentiorum cæco impetu, quod communescribentium ferme vitium est, legat vestigia, ut nautæ potius peritissimi instar Syrtes inter atque scopulos caute incedens nihil temere, nisi quod tuto asseri posse existimavit, in medium producat. De multorum ignorantia & superstitione perverso item nonnullorum, summorum alias Virorum, studio, qui augustæ Historiæ Anglicanæ faciei tot maculas inusserunt, in præfatione Auctor multum conqueritur, variarumque adeo digressionum, quas & ipsum, ut vera a falsis, nugas & fabulas a legitima historia discriminaret, instituere oportuerit, necessitatem indigitat. Auctoritatibus Polydori Virgilii, Harpsfeldii, Parsonii, Baronii, Cresseji, Alsfordi, aliorumque, quos curiæ Romanæ nimium litasse constat, parum tribuit, Parkerum potius, tot Anglicanarum Antiquitatum restauratorem felicissimum, Henricum Savilium, Robertum Cotton, Rogerium, Twisdenum, Cambdenum, Seldenum, Wheelock, Gale, Whartonum, Foxium, Usserium, Fullerm & Stillingfleetum, lumina Angliæ clarissima, ubi opus erat, in subsidium vocans. Scrupulosas de Regum & Episcoporum successionibus disputationes, miracula Sanctis & istorum reliquiis adscripta, fundationes & dotationes religiosarum domuum, inusitata cœli phænomena, insolentes anni tempestates, & istiusmodi alia non pauca, in quibus describendis plurimi occupati fuerunt, sponte neglexit, & in istud, de quo merito suo gloriatur, diligenter incubuit, ut boni Historici nomen tutaretur, & mortuæ ac insipidæ historiæ vitam & saporem quasi conciliaret. Petita errorum & hallucinationum, si quas ipse admiserit, venia, ipsum Oppus ita instruit Auctor, ut omne Sacræ Anglicanæ Historiæ negotium ab A. 401 ad A. 1066 viginti & duobus Capitulis, quæ

quæ certis suis Sectionibus rursus interdistinguantur, includat.

In primo Capite Saxonum per Britones in Angliam facta evocatio & conversio, quam Ethelberti Cantii Regis connubium cum Christiana quadam Principe celebratum multum promovebat, describitur. Secundum acta Augustini, qui, obtentademum palla, Ecclesiarum Saxo-Anglicanarum Primas constituitur, depingit. Rejecta vero per Britones, quo de Cap. III nos informat, summa ista, quam Augustinus insolenter sibi arrogaverat, potestate, Laurentius, in demortui succedens locum, antecessoris vestigia, eodem licet, hoc est, vano successu, arctissime premebat. Infaustos aliorum quoque Romanensium Missionariorum conatus in Cap. I V Auctor persequitur, ubi & Sect. V de Antiquitate Academiæ Cantabrigiæ atque Oxoniensis in medium quædam producit. Post C. V, ubi de tempore Festum Paschatos celebrandi, de tonsura item Ecclesiastica lites potissimum seruntur; in C. VI de introductione Auricularis Confessionis, Anglis per Scotos & Britones conversis hætenus ignotæ, quædam commemorantur. Radices dehinc Monothelitarum hæresi, quæ infelix quidam Eutychianismi ramus extitit, agente, juxta C. VII, A. 680 die 15 Sept. auspiciis Theodori Archi-Episcopi Cantuariensis, qui antea Ecgrido, Ethelredo, Adulpho & Lothario Regibus institutum significaverat, Concilium in *Campo alto* (Hatfield) celebrari coeptum est, in quo hæresis ista non tantum damnata, sed & constans quædam doctrinæ pariter & disciplinæ Ecclesiæ Anglicanæ norma stabilita fuit. De luxu, quo Monastici se inquinaverunt, C. VIII; de perversis vero Wilfridi Episcopi Leicestriensis consiliis, quibus supremam in Ecclesias Anglicanas auctoritatem Pontifici Romano vindicare annisus est, C. IX ita nos informat, ut voti sui ægre Episcopum hunc compotem factum fuisse, insimul demonstret. Præter imaginum cultum, quem visionibus suis C. X. Edgwinus Episcopus Vigorniensis frustra licet Anglis obtrudere conabatur, peregrinationes sacræ, Romam versus ad sepulcra S. Petri & S. Pauli aliorumque Apostolorum frequentanda institutæ, summopere invalescebant. De palla,

quæ Gregorii M. ævo honorarium tantum insigne erat, ab Innocentio III vero pro nota & indicio plenitudinis potestatis Apostolicæ, quæ Archiepiscopis tantum competere debuit, reputabatur, in C. XI fuscè disquiritur. Quas turbas imaginum cultus in Italia excitaverit, & quomodo a Pipino, Gallorum Rege, spreta Imperatorum auctoritate, præstantissimarum Italiæ urbium claves ad altare S. Petri & S. Pauli depositæ fuerint, per C. XII Auctor declarat, ubi & ad Gallorum gloriationem, qui, quod Stephanus pro primo Romanæ libertatis & Imperii Pontificii conditore haberi debeat, sibi multum attribuunt, insimul digreditur. In C. XIII, præmissa Concilii Francofurtensis, quod contra Imaginum cultum pronunciaverat, mentione, de Sanctorum reliquiis, quas hoc ævum devote respiciebat, nonnulla adnotantur, quibus ista, quæ de Sanctorum invocatione, de purgatorio, & de statu animæ separatæ in C. XIV enarrantur, merito suo adsociamus. Nomina Archiepiscoporum, rarius vero etiam Episcoporum, qui Assessorum Archiepiscopi nomine vulgo veniebant, in principio decretorum in Conciliis factorum deprehendi, nec iis subscribi, verum loco nominum crucis signum apponi olim consuevisse, e Cap. XV discimus. Cap. XVI sereniora Egberti Occidentalium Saxonum Regis, qui, devicto Beornwulfo Merciorum Rege, primus Angliæ Monarcha factus est, fata describuntur. Quanta circa A. 894 ab Alfredo Rege in literas & literatos, Academiam maxime Oxoniensem, cujus si non fundator primus, Collegii minimum, quod Universitatis vocant, autor extitit, collata sint beneficia, C. XVII recenset, quocum Caput XVIII vel eam ob causam apte componi poterit, quod de Æthelstano Alfredi ex Eduardo nepote paria inculcet. In variis Dunstanis fati depingendis Cap. XIX totum propemodum occupatur, siquidem is non Edgari tantum ope, cui contra Edwi fratrem adstiterat, Archiepiscopus Cantuariensis tandem factus est, sed & Rege hoc & variis Episcopis, quos inter Æthelwulfus Episcopus Wincestriensis & Oswaldus Episcopus Vigorniensis imprimis referendi sunt, in partes suas pertractis, Clerum secularem, cui ex sedibus expulso Monachos surrogabat, miscere

fere afflixit. Post mortem Edgari, fasces imperii Eduardo per obstetricias Dunstani manus itidem tenente, Archi-Episcopus hic super duo Concilia, Wincestriense alterum, alterum Calnense, quæ ultimum ei minitari videbantur exitium, teste C. XX istiusque Sect. 3 & 4 non sine miraculo, si fides Autoribus habenda est, triumphavit. Missis insuper, quas Dunstani cineres Cantuarienses inter atque Glastonienses, Sect. 7 dicti Capitis docente, excitaverunt, controversiis, stupendos Danorum, quos in Anglia improvise fecerunt, progressus C. XXI nobis delineat. Ethelredo enim per Suenonem primum, dein per Canutum A. 1016 suppresso, universa propemodum Anglia Danis cedebat, qui in maximum Christianæ rei detrimentum Paganismum cum Christianismo turpiter commiscuerunt. Recuperant tandem Angli imperium juxta C. XXII idemque ultimum, Danis vel trucidatis vel ex Regno fugatis, per Eduardum cognomine Confessorem, unicum ex Ethelredo superstitem filium, qui ut aulæ Romanæ nimium favit, ita morti vicinus, cui A. 1066 d. 5. Jan. succubuit, in honorem & memoriam S. Petri in Westmonasterio basilicam extruere cœpit superbissimam.

DIVERS ECRITS TOUCHANT LA SIGNATURE
du Formulaire, &c.

h. e.

SCRIPTA VARIA, AD SUBSCRIPTIONEM
*Formula a Clemente XI. Papa imperatam,
pertinentia.*

1706. 12.

plag. 21.

CONSTAT in vulgus, Clementem undecimum, qui nunc Ecclesiæ Romanæ præest, solenniter imperasse, ut omnes sacri ordinis homines condemnationem Corn. Jansenii subscriptione nominum & jurejurando confirmarent, ac profiterentur, *se judicare interius, quod doctrina hæretica in Jansenii libro contineatur*, quæ Bullæ Romanæ recens promulgatæ verba sunt. Ex eo multi, qui Jansenio hætenus publice privatimque fa-

Y 3

rant,

rant, mutare animum, atque imperio huic obsecundare, alios etiam ad paria obsequia permovere. Quos inter Leodienſis quidam Theologus, auctor Epistolæ Latinæ in fronte hujus Collectionis posita, & fama nominis & successu consiliorum non ultimum locum sortitur. Ille sequentem in modum est argumentatus: Eos, ait, qui subscriptionem istam detrectent, vel ignorare universum negotium, aut saltem interiora ejus momenta, vel eadem satis perspexisse. Prioribus, ait, nihil fore consultius, quam ut in ignorantia illa permanentes, morem Pontifici gerant; ignorantiam iisdem excusationis loco futuram, obedientiam vero, quam Pastori tanto præstent, fore laudatissimam. Posterioribus suadet, ut judicium proprium Ecclesiæ, Pontificis atque Episcoporum judicio submittant, non secus ac discipulus præceptoris, miles Principis arbitrio & conscientia omnia permittit. Iterum illis iterumque Pontificis atque tot Episcoporum auctoritatem dignitatemque opponit, nec non exemplum Gregorii M. quem ait in condemnando Theodoro Mopsuesteno, Iba & Theodoreto, adeoque in *re facti*, Ecclesiæ decreto sincero ac lubenter cessasse, similemque illi, quæ nunc circumfertur, subscriptionis formulam procurasse.

Huic Epistolæ, quæ multos permoverat, pars adversa unum alterumque scriptum opposuit, quæ Fasciculo hoc collecta exhibentur. Ejus duæ sunt partes, quarum utraque bigam scriptorum, recentium nempe & paulo antiquiorum, complectitur. Parte priori primo videmus loco Anonymi recentem Tractatum, *Reflexions sur une Lettre de Liege*, quo Epistola Leodienſis Theologi hætenus recensita examinatur. Auctor principio multis modis exaggerat, quam indignum facinus sit, innocentem ac bene meritum Episcopum suo calculo condemnare, & sub sacramenti religione in hæreticorum ponere numero: jurandum rem esse divinam, non nisi in veritate & judicio, h. e. rei veritate judicio exactissimo deprehensa, suscipiendam, veresque & recentiores rerum moralium doctores sufficientem notitiam & convictionem ad jurandum uno ore postulare: ignorantiam talem non excusare a peccato tali & tam facile evitabili, etsi Jesuitarum laxior doctrina ita spondeat, quos ob

Catechismum nuper in Belgio editum, in quo doceatur, non peccare eos, qui non sufficienter sciant, qua in parte peccent, propterque Thesin Aquis Sextiis defensam, quod conscientia circa illicitum intrepida excuset a peccato, graviter reprehendit. Ecclesiae vero, Pontificis & Episcoporum auctoritatem falli nesciam ad nova negotia facti se extendere negat, & solius Dei imperio talia reservari ait: potestati Ecclesiasticae, etiam summae, non subjectionem animi, nondum cetera convicti, sed externam solum venerationem oris, calami & aliorum signorum silentium deberi. Quo loco in Bullam nuperam non segniter invehitur, extortam & subreptionibus adversariorum obtentam, imo praecipitatum esse, & injusta postulare clamat, citatoque Gelasii Papae exemplo, qui Arianis tum late dominantibus faverat, concludit, non semper credendum esse multitudini, etiam ubi Pontificis auctoritate ac nomine superbit. De Gregorii M. exemplo, in Epistola Leodiensi objecto, multis agit, fateturque, eum se Concilio universali quinto qua condemnationem trium Capitulorum subjecisse, sed volentem, ac de aequitate iudicii Ecclesiastici persuasum, aliam vero & contrariam viam iniisse Pelagium I Papam. Formulam, quam Episcopi Longobardici aetate Gregorii M. subscriptione sua firmaverant, (*Cautio & Indiculum* dicebatur) schismatis tollendi causa ab illis acceptam, nemini obtortam, & a Gregorio, tum Urbis Praetore, susceptam esse, sine ulla personarum condemnatione: ejus enim exempla ex Diurno Pontificum Rom. approbante Garnerio, affert. Circa trium Capitulorum causam, in qua multus est, observat p. 127, duo fuisse eorum genera, qui Capitula isthaec defendebant, alios Nestorianum dogma in illis agnovisse & propugnasse, alios ea pro infectis Nestoriana haeresi minime habuisse, eoque nomine pro illis intercessisse, non hos, sed illos Conciliorum Decretis fuisse condemnatos, nisi, quando schisma defensionis illius causa simul facerent; nam Ecclesias Gallicas Hispanicasque, etsi Capitula tria damnare nollent, nunquam anathemate notatas esse, quippe quod a schismate sibi caverent, Longobardicos vero & Istrienses Episcopos, qui cum illis, quorum sententias Capitula erant, conde-

condemnata, communicare recusabant, poenam Canonica subuisse.

Sequitur Nicolii, celebris inter eos, qui Jansenio favent, Doctoris, Dissertatio contra Masii, Sorbonici Theologi, Thesis, qui A. C. 1668 propugnauerat, Ecclesiam in rebus facti, saltem, quando de libri alicujus hæretico sensu agitur, falli non posse, illique fidem, etsi non plane divinam, Ecclesiasticam tamen, sine exceptione habendam esse. Nicolius in contrariam adducit sententiam Bellarminum, Baronium, Pallavicinum Cardinales, Canum, Stapletonum aliosque Theologos; eamque ob causam ad negotium trium Capitulorum digreditur, in quo anceps maxime circa sensum scriptorum Ibæ ac Theodreti Ecclesiæ decisio fuit, adeo, ut inter Sorbonicos Theologos hæctenus ea super re non levis dissensio sit, Feronio, Chevillero aliisque publicis Thesis, quod Ecclesia erraverit, contendentibus. Post hæc ad Jansenianam causam ista applicat, nulloque modo per Ecclesiæ auctoritatem ad dicendum Jansenio anathema commoveri quempiam posse, disputat.

In posteriori Parte primum occupat locum Auctoris Anonymi recentioris scriptum, cui titulus est, *Lettre sur la Signature*, in quo ad Leodiensem illam Epistolam ita respondetur, ut singuli ejus paragraphi, maxima minima, ipsæque phrasæ sigillatim examinentur, nervo respondendi ceteroquin cum iis, quæ ex priori refutatione excerptimus, conveniente. Non raro rhetoricis etiam digressionibus atque schematismis Lectoris assensus quæritur, neque flosculis parcitur aut ingenio. Prolixus etiam Anonymus est in edisserenda trium Capitulorum hodie recrudescente causa. Res omnis eo redit, neque Ecclesiam, neque Gregorium Papam ad subscriptiones quempiam adigisse, sed libertatem ea de re sentiendi omnibus concessisse, in eos vero, qui schismatis inde occasionem captabant, graviter animadvertisse. Monuerat Auctor Leodiensis Epistolæ, A. Arnaldum principio Malebranchii librum de inquirenda veritate, magnopere dilaudasse, planeque approbasse, dum amicitia in-

ter illos adhuc vigeat, postmodum, suborta altercatione, eundem, tanquam periculosis hypothesebus refertum condemnasse; unde concludit, idem evenire illis posse, qui ob amorem erga Jansenium, quo prævenerint, ejusdem libros innocentes esse autument. Noster Arnaldum studiose excusat, respondens, cum de Malebranchii libro, obiter inspecto, primum bene censuisse, quod solidiorem Philosophiam ordinemque elegantiorum eum sequi cerneret; deinceps, examinata ejus de ideis doctrina, ut secus judicaret, adactum esse, nihil præjudiciis, nihil affectibus dedisse. Ex Gregorii M. Epistolis multa ad negotium subscriptionis facientia affert, ejusque placidum hac in causa ingenium, ab indole eorum, qui nunc dominantur, valde alienum, describit. Tandem Cameracensem Archi-Episcopum, qui subscriptionem sine animo prorsus de sensu Jansenii hæretico persuaso fieri posse inficias it, cum Auctore Epistolæ, qui scrupulos & dissensum internum retineri posse non negaverat, omnino committit.

Superest alter Nicolii libellus, cui nomen est *Examen*. Examinat enim Auctor Dirœsii, Theologi Sorbonici, Tractatum de subjectione, quæ debetur Ecclesiæ de libris judicanti. Dirœsius docuerat, licere Ecclesiæ, ut innocentes etiam libros, si scandalo sint plerisque, si periculum illis inesse potior pars credat, ipsa condemnet: Nicolius id prorsus negat, atque præter prohibitionem lectionis in tali casu Ecclesiæ nihil concedit. Dixerat Dirœsius, negotium libros condemnandi ad disciplinam Ecclesiasticam pertinere, cui simpliciter credendum sit, sine omni discrimine juris & facti; qui secus statuat agatve, hunc schismatis rebellionisve reum fieri. Hic Nicolius in adversarium graviter invehitur, monetque, disciplinam ad interiora animi sensa non penetrare, sæpe falsum aliquod dogma, in Ecclesia aliquantisper dominari, ejusque patronos cœcum obsequium postulare, neque tum, nisi factum a jure distingatur, conscientiam servari illibatam posse: multis præterea petitis ex Historia Ecclesiastica exemplis probat, istam facti a jure & dogmate separationem pernecessariam esse. Inter alia p. 82. sq. non infeliciter anquirat, qua in re Eutyches erraverit, atque ex

variis veterum monumentis, præsertim ex Flaviani Epistola, ostendit, duos ejus fuisse errores capitales, unum, quod caro Christi alterius naturæ sit, quam nostra, alterum, quod una solum in Christo natura sit; illum plerosque Eurychianos postea abjecisse, in hoc autem omnes ad unum constanter persistisse.

SYNOPSIS PALMARIORUM MATHHEOS, OR
a newv Introduction to the Mathema-
tics, &c.

h. e.

NOVA INTRODUCTION AD MATHESIN,
continens principia Arithmetica & Geometria, brevi at-
que facili methodo demonstrata, & ad partes
illius utilissimas applicata. Autore
W. JONES.

Londini, apud Galfridum Wale, 1706, 8

Constat plag. 20.

AD Matheseos sublimioris, Analyseos præsertim tam finito-
rum, quam infinitorum cognitionem adspirantibus, perspi-
cuitate, facilitate, brevitate & rerum scitu dignissimarum, im-
mo apprimè necessariarum ubertate mirè se commendat libel-
lus in hoc genere optimus. Arithmetica tam numerosa, quam
speciosa ad tam facilem intelligentiam nullibi proponitur, ad
faciliorem proponi prorsus nequit. Proprietates proportio-
num Arithmeticarum, Geometricarum, Harmonicarum & Con-
traharmonicarum per calculum litteralem demonstrantur, pro-
blemata ad sublimiora fores pandentia solvuntur & ex natura
exponentium ostenditur, quod sit $a^{-n} = \frac{1}{a^n}$ & $\sqrt[n]{a^n} = a$

$$a^{\frac{r}{n}} \text{ itemque } a^{\frac{n}{m}} : \sqrt[n]{a^m} = a^{\frac{nr-m}{n}}$$

Doctrina de proportionibus

Algo.

Algorithmus fractionum subjungitur demonstrationibus necessariis instructus, in quo simul agitur de fractionibus vulgaribus in decimales convertendis & operationibus Arithmeticis in iisdem exercendis. Sequitur Arithmetica incommensurabilium, in qua regulæ exemplis radicum indeterminatarum illustrantur, ultra quantitates tamen irrationales simplices non ascenditur. Excipit eam methodus problemata Mathematica resolvendi, ubi de Denominatione, Æquatione & Reductione generaliter differitur, mox specialius reductio per transpositionem, multiplicationem, divisionem, involutionem & evolutionem describitur, Æquationum natura & proprietates exponuntur, usitata de mutatione radicum problemata declarantur, quæstiones novem (quas inter duæ indeterminatæ) solvuntur, regula Trium simplex & composita, directæ & inversæ, cum regulis Societatis, Reductionis, Alligationis, Falsi explicatur & exemplis universalibus illustratur, æquationum quadraticarum affectarum reductio docetur, & ad tres quæstiones solvendas applicatur, tandemque regulæ *Cardani* pro extrahenda radice ex Æquationibus Cubicis affectis investigatio exhibetur. Hisce absolutis, proprietates progressionum Arithmeticarum per mera signa edocentur, nec minus proprietates numerorum figuratorum, ex quibus Theorema *Newtonianum* de evehendo binomio ad dignitatem indeterminatam investigatur, unde Theorema *Moirvraanum* pro infinitinomio per modum corollarii deducitur. In hoc etiam capite methodus *Hallejana* inveniendi Logarithmos perspicue enodatur. Theorema *Moirvraanum* pro extrahenda radice ex infinita Æquatione investigatur, & methodus generalis extrahendi radices ex æquationibus quibuscunque representatur, unde theoremata peculiaria, qualia dedit *Josephus Raphson* in Analyti Æquationum, facile derivantur. Progressionis Geometricæ proprietates denuo per meros characteres expediuntur. De computandis usuris theoremata generalia erantur. Combinationis, Electionis, Permutationis & Compositionis quantitatum leges exhibentur. Hæc in parte prima maximam libelli partem absolvente continentur. In parte altera Geometriæ principia traduntur & varie applicantur.

Præmissis definitionibus geneticis, palmaria Geometriæ communis theoremata breviter demonstrantur. Dum vero magnitudinum genesis per motum continuum punctorum, linearum, superficierum exponitur, calculi differentialis & exponentialis atque integralis principia legesque exponuntur. In demonstrationibus theorematum creberrimus est calculi litteralis usus. Theoria Sinuum cum cura explicatur & series pro sinibus eorumque Logarithmis inveniendis ex eo deducuntur. Palmaria Sectionum Conicarum proprietates per calculum Analyticum maximam partem demonstrantur. Divisio Curvarum in Algebraicas, Transcendentes & Exponentiales, itemque in sua genera explanatur, & exempli loco ex Transcendentibus Cyclois, ex Exponentialibus Logarithmica consideratur. Agitur etiam de Curvarum Evolutis, Tangentibus, Subtangentibus, Perpendicularibus, Subperpendicularibus, Longitudine & Arcis, nec non soliditate solidorum ex illarum rotatione genitorum, determinandis. Tractantur principia Perspectivæ seu Projectionis Orthographicæ & Stereographicæ. Succincte explicantur Trigonometriæ Planæ ac Sphæricæ leges, facta quoque ad hanc Matheseos partem calculi Analytici applicatione. Principia Mechanicæ dum declarantur, leges motus ac virium moventium demonstrantur, effectus machinarum simplicium inde derivantur, leges motus pendulorum, descensus corporum, per plana inclinata & cycloidem, virium centrifugarum & centripetarum, atque motus corporum in lineis curvis simplicissime enucleantur: ita ut intra paucas paginas plura contineantur, quam in integris de Mechanica tractatibus. Exponuntur ulterius leges motus projectionis, & ex Opticis leges reflexionis & refractionis luminis: coronidem imponit resolutio problematis *Hallejana* de focus vitrorum sphericorum quorumcunque determinandis. Tot ac tanta in tam exiguo libello solide ac perspicue pertractata esse, jure mireris. Ne autem brevis per signa expressio in Analyti parum versatos turbet in partis alterius perfectione, non solum cum cura legendus est ab initio libellus, etiam ab iis, qui jam rerum ab initio pertractatarum satis sunt gnari, sed & in rerum significatarum pro signis & horum pro

MENSIS APRILIS A. M DCC VII. 181

pro istis substitutione frequens sit exercitium, moris syllabizantium æmulum.

PHARMACOPOEA BATEANA, OR
Bate's Dispensatory.

i. e.

DISPENSATORIUM BATEI ANGLICE REDDITUM,
*studio Guilielmi Salmonis, Professoris
Medicinæ.*

Londini, apud Sam. Smith & Benj. Walford, 1706, in 8.

Constat plag. 49.

Quem scopum præfixum habuerit Clarissimus Salmon, cum Pharmacopœam hanc Bateanam ex Latino in Anglicum, traductam idioma prima vice ederet, abunde a nobis in Actis anno 1694. mense Octobri pag. 379. est inculcatum. Nova hæc editio etiamsi, plagarum numerum si spectes, priori minor esse videatur, tantum tamen abest, ut quicquam desideretur in hac, quod in prima reperitur, ut præter innumeras notas & observationes, ab Autore Clarissimo hinc inde interspersas, plura hic legantur medicamenta, capitum calcibus annexa, omniaque minoribus literis impressa. Describuntur enim spiritus salis ammoniaci dulcis, spiritus de hydromelite, & rosarum; oleum Mercurii per deliquium, terebinthinæ, oleum destillatum tartari, carbonis & gagatis; Tinctura Martis Phioravanti, Philosophica, & optima, Tinctura amara stomachica, antiphthifica, myrrhæ composita, Laudanum liquidum Sydenhami, Tinctura de sulphure Metallorum; Mercurius præcipitatus Principis, & viridis blandus, pulvis stypticus simplex & compositus, pulvis antimonii rubens Paracelsi, Præcipitatum optimum ad Luem Veneream; Sal mirabile Glauberi, sal volatile oleosum, sal stypticum Rabelli, sal Vitrioli Catharticum, sal volatile corvi; Infusio amara chalybeata; Syrupus volatililis; pulvis ad calculum; Pilulæ ad Luem Veneream, Pilulæ lau-

p. 110.
p. 131.
p. 264.
p. 456.
p. 541.
p. 579. 609.
p. 642. 661.

Z 3

p. 676.

p. 456.

lae laudatæ; inter externa remedia aqua murifragii, & aqua vulneraria optima. De cœtero monendus est L.B. Pulveris & Sulphuris Ryffeliani vulgo dicti, inter Arcana a nobis loc. cit. commemorati genuinum Authorem, non Ryffelium, sed cui a servitiis & laboribus hic fuit, Richardum Barker, pronuntiare Clarissimum Salmonem, in cujus Manuscriptis sequens ejus est annotata præparatio: *Rec. Antimonii Hungarici electi, grosso modo pulverisati unc. XVI. Nitri, Tartari ana unc. XIV. Mista cochleatim in crucibulum ingesta funde forti ignis gradu, effunde in vas aqua plenum; sic pulvis Antimonii coloris rubicundi fundum petet, sub nomine specierum majorum, seu specierum Vita, sulphur autem ejus coloris aurantii suprema petet & lateribus affigetur sub nomine specierum minorum.*

A TREATISE OF THE SAFE, INTERNAL USE
of Cantharides; by Dr. John Greenfield.

h. c.

TRACTATUS DE TUTO CANTHARIDUM
in Medicina usu interno a D. JOHANNE GROENE-
VELT, Latine, scriptus & a Johanne Marten,
Chirurgo, in Anglicum idioma
translatus.

Londini, apud Galfridum Wale & Joh. Isted, 1706, in 8.

Constat Alphab. 1. plag. 3.

NOvem præterlapsi sunt anni, cum Clarissimus Groenevelt Tractatum suum de tuto Cantharidum in Medicina usu interno, dimidium Alphabeti vix excedentem, typis exprimi curasset, in quo Cantharidum non minus quam Camphoræ, cum qua earum venenositas corrigi commode potest & debet, naturam & virtutes tam propria quam aliorum Medicorum experientia explicuit, illarumque efficaciam in ulceribus renum & vesicæ, calculo, stranguria, & hydrope patefecit. Quo fato vero factum fuerit, ut libellus hic oculos nostros hæcenus sub-

terfu-

terfugerit, nos latet, alias ejus contenta, cum B. L. communicare nulli dubitasset. Interim vestigiis Clarissimi hujus Viri insistent Johannes Marten, Chirurgus, & plus ultra progrediens, Cantharidum usum internum in quibusdam suis Veneræ symptomatibus maxime proficuum observavit. Quapropter facile veniam impetravit ab Autore Clarissimo, ut Latinum ejus Tractatum in Anglicam transferret linguam, eique suas pariter ac illius interea temporis factas observationes interspergeret. Addidit præterea Clariss. Grœnevelt, quam in priori editione promiserat, Anatomicam & Chymicam Cantharidum relationem. Sed nec minor in podagra profliganda, quam in reliquis allegatis affectibus eradicandis ex earum usu interno observatus fuit successus; hinc tractatus, anno 1691. a D. Grœnevelt latine exaratus & postea a D. Richardo Brown in Anglicum idioma traductus, schedis hisce est adjectus. Nec dubitant tam D. Grœnevelt, quam Marten, non minori imposteriorum Cantharides utilitate se commendaturas esse, quam qualis hætenus a Mercurialibus vel Antimonialibus medicamentis fuit expectata.

A DISCOURSE, CONCERNING THE
certainty of a future and immortal State in some Moral,
Physiological and Religious Considerations;
by a Doctor of
Physick.

h. c.

DISCURSUS CONCERNENS CERTITUDINEM STATUS futuri & immortalis, constans quibusdam considerationibus moralibus, Physiologicis & religiosis. Autore quodam Medicina Doctore.

Londini, apud W. Freeman, 1706, 8.

Constat plag. 14.

DOlet Autor, quod nunc non pauci in Anglia reperiantur, qui perversas de anima sœvent sententias ejusque immortalitatem

sem impugnant, pessimorum inter Gentiles autorum, *Lucretii*, *Apollonii*, *Luciani* & *Sexti Empirici* impias doctrinas recoquentes. Hujus igitur farinae hominibus scriptum suum opponit, in quo animæ immortalitatem adstruere conatur. Magis vero studet oratorio dicendi generi, quam solidis demonstrationibus, si excipias, quæ ex Scripturis Sacris in medium afferuntur, nonnisi apud eos valitura, qui divinam illarum auctoritatem venerantur, nequaquam autem illas convictura, qui absurdas de anima humana notiones sibi fingentes vel Scripturæ contradicunt, vel ejus verba suis notionibus accommodant. Etenim evidentiam naturalem status futuri a morte corporis monstraturus provocat 1 ad multitudinem & splendorem stellarum, quas in materiam inertem & tenebris involutam convertendas esse, nemo sapiens statuere queat: 2 ad Terram, cum multis modis deterior sit stellis, hominesque alat pravos, utique perdendam, nisi animæ in ea degerent immortales: 3 ad magnitudinem stellarum, quæ creatorem Deum loquantur: 4 ad positum Telluris, corporis admodum gravis, in fluido aere, & continuam partium corruptionem, tota incorrupta: 5 ad motum Telluris diurnum, nihil in ea suo loco excutientem: 6 ad curiosas productiones naturæ per microscopia imprimis detegendas, & nativam excellentiam infinitamque varietatem colorum: 7 ad admirandam animalium fabricam & imprimis circulum sanguinis: 8 ad animalcula nudis oculis inconspicua, sed per microscopia conspicienda: 9 ad arenam maris, quæ per microscopia deprehendatur ingens thesaurus ex rubinis, achatibus aliisque gemmis transparentibus compositus: 10 ad iridem, quam non prorsus fortuitam esse affirmat, quod radii Solares reflexi & refracti non alia sub forma tales exhibeant colores: 11 ad vastitatem Oceani & magnitudinem balnearum: 12 ad fluxum & refluxum maris, aliaque naturæ phænomena admirationem excitantia. Hæc scilicet omnia hominem eo deducere, ut firmiter credat, dari Deum, consequenter statum etiam futurum & immortalem. Ex Scriptura Sacra evidentem esse ait nostram immortalitatem per Salvatoris nostri resurrectionem. Illi autem non denegari posse fidem, quam scriptis

Paga-

Paganorum tribuimus. Probat quoque ejusdem divinitatem, per admirandam Christianismi foundationem ab homine, quoad speciem externam abjecto, ope quorundam hominum illiteratorum, inter medias persecutiones, successu tamen intento omnes una carentes, factam: per Judæorum in Judaismo perseverantiam: per divinam providentiam, quæ inter frequentes Judæorum idololatrias & medias Christianorum persecutiones illam incorruptam conservavit. Qua occasione monet, essentialia Christianismi esse, quæ in Scripturis distincte revelantur, reliqua accidentaliter, optandumque fore, ut erga hæc minor esset zelus, quam vulgo fovetur: ita enim majorem obtentam iri concordiam. Commendat multam Scripturæ lectionem & conciones eam arguentes præfert aliis multa eloquentia & eruditione refertis. Laudat Anglos suos, quod *Tillotsonii* vestigia legentes a schematibus oratoriis, narratiunculis, citationibus Autorum, omnique alia vana eruditionis ostentatione abstineant. Probat ulterius animæ immortalitatem per translationem Enochi atque Eliæ in cælum; per fidem *Abrahami*, *Noachi*, *Jobi*, *Davidis*; per loca Dan. XII, 2 & Exod. III, 6; per resurrectionem corporum a *Paulo* 1 Cor. V defensam. Cum miraculorum injicitur mentio, monet, ea nunc non prorsus cessare, sed hodiernum extraordinarios divinæ providentiæ actus contingere. Refert inter alia, A. 1700 paucis post obitum ultimi Hispaniarum Regis mensibus, in Vigiliis Nativitatis Christi, infantem 6 menses natum, filiolum *Edgecombi* Regiæ cohortis pedestris Tribuni, cessantibus convulsionibus, oculos & manus cælum versus elevasse, multisque lachrymis effusis, præsentibus parentibus, nutrice, ancilla & foemina vicina, per integram fere horæ quadrantem subinde distincte lingua Anglicæ exclamasse, *o Deus!* subinde, *o Jesu!* die *Stephani* vero mortem obiisse. Exemplis similiter confirmat, dari adhuc somnia divina; dari omina, inter quæ Cometas refert. Sub finem tandem ostendit, pauca admodum esse, quæ de futuro statu novimus.

D. JOH. CONR. DANNHAWERI, THEOLOGI
 & Professoris quondam Argentoratensis Senioris & Pri-
 marii, Conventus Ecclesiastici Prasidis atque Capituli
 Thomani Decani, Disputationes Theologicae in Volumen
 unum magna cum cura collectae, opera & studio
 M. CHRISTIANI MISLERI.

Lipsiae, apud Viduam Justi Reinholdi, 1707.
 Alfab. 12. plag. 8. in forma 4ta majori.

HAud exiguam sibi gratiam apud Eruditos hactenus pro-
 meruit doctissimus M. Mislerus, quod elegantiores Dispu-
 tationes, quarum legendarum copia ob raritatem multis con-
 cessa non fuit, iterum recudi fecerit; sed multo majorem
 jam sibi conciliavit favorem, quod selectissimas incomparabilis
 Theologi, B. Dannhaweri, Dissertationes, quarum aliquot plane
 comparari haud potuere, e magnorum Theologorum scriniis
 indefessa cura colligere ac orbi erudito legendas exponere vo-
 luerit. Non solum autem insignem in colligendis hisce Dis-
 sertationibus impendit operam, sed Herculeum prorsus laborem
 in tollendis, quibus allegata multoties scatebant, erratis. Sa-
 pissime enim vel trecentas Scriptorum citatorum plagulas per-
 legere necessum habuit, antequam locum a B. Dannhawero
 intentum inveniret, ac pro vitiose allegato genuinum substituere
 posset. Ut taceamus jam alia, quibus Disputationum harum lectio-
 nem magis commendabilem reddidit laudatus Editor, addimus
 adhuc, quod ipsas in duas partes distribuerit, quarum prior
 exegeticas, posterior historico - polemico-didacticas exhi-
 bet. In priori novendecim comparent: quarum I. de opere
 Dei Hexaemero ad *Gen. I. II. de Melchisedeco, ejusque perso-*
na, officio, factis, Gen. XIV. III. Sceptro Jehudae Gen. XLIX, 10.
IV. Voto Jephthae Judic. XI, 30. seq. V. Custodia Angelica
Matth. XIX, 10. VI. Voluntate Christi congregare volentis
non volentes congregari Matth. XXIII, 37. VII. Septem ver-
bis novissimis in Cruce Domini ac Servatoris nostri Jesu Chri-
sti ex Luc. XXIII, 34. Job. XIX, 26. 27. Luc. XXIII, 43.
Matt.

Marc XV, 34. & Matth. XXVII, 46. Job. XIX, 28. & 30. Luc. XXIII, 46. IIX. Concilio Hierosolymitano *Actor XV.* IX. Gallionismo *Act. XIIX, 12-16.* X. Genuina B. Lutheri versione voculæ *Solum Rom. III, 28.* XI. Gemitu Creaturarum *Rom. IIX, 19-23.* XII. Apocalypsi Mysterii Apostolici *Rom. XI, 25.* XIII. Profunditate divitiarum & sapientiæ & cognitionis Dei *Rom. XI, 33-36.* XIV. Domino Gloriæ crucifixo *1. Cor. II, 8.* XV. Hypopiasmo Paulino *1. Corinth. IX, 27.* XVI. Signaculo electorum *2. Tim. II, 19.* XVII. Probatione Spirituum *1. Job. IV, 1.* XVIII. Διαλέξει Angelica inter Michaellem Archangelum & Antagonistam Diabolum *Jud. vers. 9.* XIX. Muhammedismo, in Angelis Euphratæis S. Johanni *Apoc. XIX, 13-21.* præmonstrato. In parte posteriori viginti & octo sistuntur. Inter quas I. de quibusdam quæstionibus Theologicis controversis. II. Prodromus Anti-Hagecianus præmissus Examine Examinis Collationis Augustanæ Confessionis & Concilii Tridentini cum verbo Dei. III. De Induratione Pharaonis. IV. Creatione. V. Passione & morte Θεανθρώπου. VI. Pace Religiosa. VI.* Consequentiarum in argumentationibus theologicis necessitate, conditione, affectu, certitudine. VII. Satisfactione Jesu Christi, Servatoris Mundi. I'X. Mortuorum resurrectione. IX. Miraculis veris falsisque. X. ad collationem Carthaginensem inter Catholicos & Donatistas habitam. XI. de Gratia justifica. XII. Satisfactione Jesu Christi. XIII. Persona Christi. XIV. Voluntate Dei circa salutem hominum. XV. Elenchus speciminis Tigurini pro Salve, Reformatis antehac religiose oblato, rabiose repulso. XVI. De quæstione, an in vita æterna futuri sint gloriæ gradus? XVII. Idea clavis ligantis. XIX. Memoria Thavmasiandri Lutheri renovata. XIX. Hyæna Friburgica ab ovili Christi depulsa &c. XX. Festo Corporis Christi, vulgo Fronleichname Tag. XXI. Sorte & Sortitione. XXII. Fato flagelli Turcici fatique luce. XXIII. Errore Apostolorum & Discipulorum Christi circa Regnum Messia mundanum. XXIV. Θεός Thearchiæ, sive divinæ providentiæ extra ordinem miris &c. XXV. Gamaliele Hebræo-Teutone. XXVI. Colluvie Quakerorum, secundum ortum, progressum, & dog-

mata monstrosa. XXVII. Iconothete Christiano, Adiphoro &c. XXIX. Σύγκρισις Concilii I. Oecumenici atque Tridentini ultimi. His duabus jam recensitis partibus, singularem quandam, in qua diversæ Ecclesiæ describuntur, subiecit. In ea depingitur I. Ecclesia Waldensium. II. Religio Moscovitarum. III. Muhammedismus. IV. Ecclesia Græcanica hodierna adversus Leonem Allatium: cui subjuncta est Leonis Allatii refutatio hujus disputationis, nec non D. Eliæ Vejellii responsio & defensio dictæ Disputationis. V. Ecclesia Judaica. VI. Ecclesia Æthiopica. E qua recensione satis elucescit, hanc editionem Disputationum Dannhæwerianarum multo ætiores & longe præstantiores esse ea, quæ ante aliquot annos lucem publicam in hac etiam urbe adspexit. Commendat quoque hanc editionem, quod præter Disputationum indicem luculentum dictorum S. Scripturæ, vel solida explicatione illustratorum, vel ab adversariorum corruptelis vindicatorum, vel cum aliis apparenter contrariantibus locis conciliatorum, nec non vocum Hebræarum atque Græcarum enucleatarum, ut & rerum notabiliorum Indicem subjunxerit.

THE LIFE OF THE LEARNED SIR
JOHN CHEKE, Kt: &c.

id est:

VITA VIRI DOCTISSIMI, JOHANNIS CHECI,
Equitis, primum Præceptoris, post Secretarii Status Regis Eduardi VI; accessit ejusdem Tractatus de Superstitione. Auctore JOHANNES
STRYPE, M. A.

Londini, apud Joh. Wyat, 1705, 8.

Plag. 18½.

Quamquam Cl. Auctor, cui non minus Thomæ Cranmeri, quam Thomæ Smithi vitas, quarum hanc *ἀνώνυμος* edidit, debemus, a nobis anno 1694 mense Septembri p. 315 & 1699 mense Octobri p. 462 sq. memoratas, nec primus, nec solus sit, qui vitam hujus doctissimi & in Græca imprimis literatura versatissimi Viri scripserit, sed diu ante Gerardus Langbain, David Lloyd & Henricus Holland

Holland in hoc campo defudaverint, dignum tamen judicavit hoc argumentum, in quo ingenii sui vires ob varios, quibus scripta ante edita scatent, defectus pariter ac errores denuo periclitaretur, novumque in fine libri Tractatum *de Superstitione*, qui ultra centum & quinquaginta annos in Bibliotheca Oxoniensi inter MSC. latuit, hac occasione in publicam ederet lucem. Incipit autem Biographus noster, more aliorum, historiam suam, *Checi* (*Cheke*) ab ipsa statim nativitate & non nisi in ejus morte tandem desinit; sed nos in illa recensenda erimus brevissimi, nihil nisi quod commemoratu dignum est, adducturi. Nimirum natus erat nobilis & (prout communiter a suis, ob eloquentiæ donum, appellari solebat) facundus *Checus* Cantabrigiæ, ibidemque in variis scientiarum generibus, maxime vero in lingua Græca, cui totum se mancipabat, innutritus; & quanquam tum temporis studium Græcæ linguæ valde frigesceret, adeo ut hæc locutio secundum ipsum Auctoris stylum p. 18. in commune abierit proverbium: *Græcum est, non potest legi*; tantum tamen abest, ut hæc temporum infelicitas animum ejus ab hoc impetu & instituto detinere potuerit, ut potius indies majores in eo fecerit profectus, tandemque anno 1540 Regius Græcæ Linguæ Professor in Academia patriæ denominatus fuerit. Vix autem munere hoc aliquandiu functus, mutationem circa sonum & pronunciationem Linguæ Græcæ, imprimis in vocalibus & diphthongis, introducere annitebatur, quod ex ejus etiam libello *de recta linguæ Græcæ pronuntiatione* postea Basileæ edito patet. Sed alii huic lectioni, tanquam ex studio novitatis susceptæ, se opponebant mascule, ac Universitatis Cancellarius, ad quem hæc res deferebatur, peculiari edicto anno 1542 Cal. Jun. novam hanc pronunciationem sub pœna exclusionis, remotionis & castigationis hisce prohibebat verbis: *In sonis omnino ne philosophator, sed utitor presentibus*. Elapso quadriennio a Rege *Henrico VIII* non sine summo Academiæ præjudicio in aulam evocabatur, ut *Eduardo*, Regis Filio, a studiis esset, quem adeo in tenerrima adhuc ætate summa dexteritate in rerum gestarum scientia, virtutum moralium cognitione, & aliis, quibus summos Principes instructos esse oportet,

regnandi artibus felici instruxit successu, usus ad id inprimis *Aristotelis Ethica*, & quidem (quod mireris) in lingua Græca. Cæterum quod privata ejus studia, singularemque, qua pollebat eruditionem attinet, adeo excelluit, ut nonne-
mo teste Auctore nostro p. 194, ita de eo judicaverit: *Checus ætate non multis, doctrina antecellit omnibus, & Princeps nostrorum hominum in omni genere putatur.* Johannis Chrysostomi Opera in lingua vernacula, quia Græcarum literarum aman-
tissimus, magno in pretio habuit, eaque non tantum quotidie, quoties ipsi per temporis angustiam aliaque publica negotia
licuit, legit, sed & *sex Orationes*, quas pientissimus Pater de *Fa-*
to conscripsit, ex idiomate Græco in Latinum tam feliciter trans-
tulit, ut Poeta Anglus, quem Auctor noster p. 39 *Haddon* no-
minat, sequentes in ejus laudem composuerit versus:

Divus *Joannes Chrysostomus* aurea Græca
Fundere quod posset, nomen suscepit ab auro.
Noster *Joannes* sit nomine *Checus* eodem,
Aurea qui Græcis verbis dat verba Latina.

Sed hæc de *Fato* conscriptæ Orationes nos monent, ut etiam
nonnihil de fati *Checi* nostri dicamus. Scilicet habuit fata
communia cum aliis Aulicis & Viris Politicis. Non enim
tantum a Rege impense amatus, sed etiam ad id honoris cul-
men evectus est, ut Eques declaratus, ipsique Regi a secretis &
intimis fuerit consiliis. Ast mortuo Rege subito omnia ipsi
adversa fuerunt, multosque adversarios, religioni Pontificiæ ad-
dictos, & inter eos inprimis Cardinalem *Polum*, qui tum tem-
poris Legatus Papæ in Regno Angliæ erat, *Feckenhamum*,
quid? ipsam Reginam Mariam iratam habuit. Quorum con-
silio res tandem eo cecidit, ut *Checus*, qui Protestantium reli-
gioni antea deditus corporalem in cœna Christi præsentiam de-
fendebat, transubstantiationem vero Pontificiorum pernega-
bat, Regemque *Eduardum* paulo ante mortem a superstitione
Pontificia abducebat, ob crimen hæreseos una cum aliis reforma-
tam religionem amplexis in exilium missus, postea Argentora-
ti, ubi Anno 1555 publicam in se suscepit linguæ Græcæ lectio-
nem, captus & in Angliam reductus in Turrim Londinensem
conje-

conjectus fuerit. Hic in iudicium sæpe adductus examinatusque est, & cum se religionis solum causa detentum esse sentiret, gloriæ primum id sibi duxit, ratus, se velle prius mori, quam a semel agnita veritate recedere; verum non diu stetit in hac sententia, sed mox igne aliisque pœnarum generibus territus, mentem suam misere mutavit, variisque illecebris seductus, ope potissimum ac auxilio *Feckenhami*, Decani olim Ecclesiæ Paulinæ, & mandato Reginæ sensum suum ac intellectum doctrinæ Romanæ submitit, ac in solenni confesso, tum coram facie Reginæ Mariæ, tum Cardinalis Poli publice palinodiam cecinit; quo facto magnum suæ inflixit conscientiæ vulnus & intra annum post apostasiam ex mœrore animi diem obiit supremum. Inter fragmenta reliquit elegantissimum & in fine hujus libri adjectum Tractatum *de Superstitione*, lingua Latina primum exaratum, quem Regi Henrico VIII inscripsit, & in quo potissimum ritus ac doctrinas Pontificiorum cum in finem retulit, ut eo feliciori successu Regis animum a superstitione Romana abduceret, cœptumque tum temporis in Anglia opus Reformationis pro virili promoveret. Ceterum de Strypio, vitæ hujus auctore, conferri poterunt, quæ diximus anno 1705, mense Aprili p. 157.

CAROLI ARNDII, FILII, PROF. ROSTOCH. PUBL.

Bibliotheca Aulico-Politica, eaque selecta.

Rostochii & Lipsiæ, sumtibus Joh. Henr. Ruswormii, A. 1706. in 8.
Constat plag. 16.

Quemadmodum omnis scientiæ ac eruditionis pars maxima in cognitione & selectu bonorum Auctorum consistit, ita dubitandum non est, quin illi de Republica literaria insigniter mereantur, famamq; sibi concilient haud exiguam, qui in colligendis Scriptoribus curam paulo accuratiorem adhibent. Præstitit id ipsum Vir Cl. *Carolus Arndius*, tum in Bibliotheca Politico-Heraldica selecta, cujus recensum superiori anno mense Aprili p. 189 sq. dedimus, tum in hoc ipso, quem nunc exhibemus, selectissimo de Ministris Aulicis & Vita Aulica Scriptorum apparatu, e quorum numero tantum XX Autores præ cæteris, ob rariorem ipsorum dignita-

gnitatem recenset, & speciatim Hieronymum Osorium, Æneam Sylvium, Ulricum Huttenum, Balthasarem Castilionzum, Eberhardum a Weihe aliosque nominat. Præmittit huic opusculo non ineleganti Discursum præliminarem de formando rite recteque studiorum politicorum cursu, ejusdemque selecto ac debito adminiculo, ut sic genuini genuinæ Politicæ cultores primo statim intuitu intelligant, quomodo in cultura Juridico-Politica incedendum sit, & quibus subsidiis (ne Metaphysica quidem exclusa) ædificium suum Politicum solida ratione exstruere debeant. Postmodum subjunxit Cl. Auctor Bibliothecæ huic Aulico-Politicæ ob affinitatem materiæ B. Parentis, *Josue Arndii, Joabum Davidicum*, h. e. Ministrum aulæ probatum & improbatum, exemplo Joabi Davidici propositum. Epistolæ in modum ad Serenissimum quondam Megalopolitanum Ducem, *Gustavum Adolphum*, concinnatus est hic Tractatus Aulico-Politicus, delituitque MStus apud Principem, dum viveret, in ejus conclavis interioris scrinio; sed post obitum ejus inde remotus, paucis ab hinc annis a Serenissima Vidua Auctori nostro donatus & nunc ab eo publici juris factus est. Continet Discursus sex philologico-politicos, & sub finem *Parentalia Joabi*, non quidem in ejus gratiam, sed in exemplum aliorum adjecta sunt, tandemque *Tumulus Joabi* sequenti exornatus est inscriptione:

QUISQUIS. MAGNUS. ES. ASTA.
AC. LEGE.

JOAB. ZERUJAE. HIC. JACEO.
DUX. PRINCEPS. POTENS. TRIUMPHATOR.
SED. MEI. IMPOS. NULLI. CEDENS.
NISI. VITIIS.

PAREM. NON. FERENS. NISI. SUPERIOREM. VITIIS.
OCCISOR. PRODITOR. CONTEMPTOR. NIHIL. AESTIMANS.
PRAETER UMBRAM
HANC. AETERNAM. VIDEO.
CAVE. TIBI.

VITA. ME. DECEPIT. FORTUNA. FOVIT.
EGO. ME. DESERUI. REX. ODIT.
DEUS. SUSTULIT. CAVE. QUI. IMITARIS.
HIC. NEMO. VIVIT. ABI.

ANNO. M. DC. LIII. M. VII. br.

* * *

ACTA ERUDITORUM,

publicata Lipsiæ

Calendis Maji, Anno M DCC VII.

HISTOIRE DE L' ABBAYE ROYALE DE
S. Denys en France &c.

i. c.

*HISTORIA ABBATIÆ REGALIS S. DIONYSII IN
Gallia, complectens vitas Abbatum, qui ab annis MC
eidem præfuerunt, viros illustres, quos Ecclesia & Regno
commodavit, privilegia item a summis Pontificibus atque
Episcopis illi concessa, tum Regum, Principum, aliorum-
que benefactorum dona; cum descriptione Ecclesiæ omni-
umque notabiliorum, quæ ibi continentur. Per Dominum
MICHAELEM FELIBIEN, Monachum Bened. e
Congreg. S. Mauri.*

Parisiis, apud Fridericum Leonardum, Typogr. ordinar.

Regis 1706, in fol.

Const. Alphab. 9. plag. 2. Fig. æneis 14.

COmplures easque gravissimas rationes Rever. Felibie-
no suppetuisse, quamobrem celeberrimæ Abbatiæ San-
Dionysianæ historiam tam prolixo apparatu conde-
ret, e prima statim pagina videre licet. Inter illas præcipua
est summa hujus Ecclesiæ antiquitas, præliminari ideo disserta-
tione contra Launojum ac Tillemontium, detrectatores inve-
teratæ famæ, mascule defensa. Ad duo autem momenta, al-
terum de loco martyrii & sepulturæ S. Dionysii, alterum de
Bb funda-

fundationis Abbatiae hujus tempore ~~ibi~~ res redit. Circa illud ita versatur, ut receptae traditioni, quae virum sanctissimum in monte Martis (*Montmartre*) sanguinem effudisse credit, auctoritate Vitae S. Genovevæ calculum pariter adjiciat, eumque in finem Martyrologii non modo Usu~~ad~~ini verba, *apud Parisium*, non de ipsa Parisiorum urbe, sed de agro circumjecto e parallelis aliquot exemplis interpretetur, verum etiam *vicum Carbo-liacensem* de via & suburbio, quod Lutetia Catulliacum, oppidum S. Dionysii hodiernum, ducit, argute explicet. Accuratior hujus rei notitiam propter monumentorum defectum suppeditari vix posse, alit evidentior longè adesse contendit circa sepulturae locum. Ita namque in veteribus S. Dionysii Actis sextum ab urbe lapidem signari, adeoque frustra esse. Launojum, sepulchrum istud Lutetiae in Ecclesia S. Dionysii *a passu* cognominata quarentem, seductum scilicet Gregorii Turonensis testimonio, qui Chilperici Regis filium *Parisius ad basilicam S. Dionysii* inhumatum refert, tum Audocni quoque in vita S. Eligii narrantis, ipsum super sepulchro beati Martyris *Parisius civitate* splendidum mausoleum exstruxisse. Ejusmodi enim locutiones neutiquam de urbis saltem ambitu, sed de suburbiis, integroque Parisiorum territorio, quin & omni illo agro, qui *le Paris* vocatur, accipienda fore, istius tum sequioris adhuc ævi Scriptorum, Annalistæ puta Metensis, Monachi Floriacensis, Aimonii que concentu solidissime evincit. Nec minus Tillemontii conjecturas, de antiqua S. Dionysii Ecclesia urbi paulo propius quam duabus leucis ad minimum locanda, in fumum abire cogit, eundemque veritatis amore compulsus ante tradita in historia sua Ecclesiastica, ubi de S. Dionysio agit, ad eum modum, quo in secunda editione jam leguntur, ante mortem suam emendasse affirmat. In examine autem quaestionis, quando Abbatia S. Dionysii originem cepit, negat ac pernegat, Ecclesiam beatissimi confessoris sepulchro inaedificatam in eo oppidi angulo, ubi fanum S. Dionysii a Strata nuncupatum (*de P. Estrée*) hodie cernitur, figi debere, quin potius probabile reddit, hodiernum sepulchri locum eundem cum
vetere

vetere illo judicandum esse, quandoquidem nec vetusta monumenta ullam hac in parte mutationem contigisse testentur, nec antiquissimæ disciplinæ satis conspiret, corpora SS. Martyrum tumbis suis turbata aliorum transferre. Anonymum vitæ Dagobertinæ scriptorem primum censeo, qui fictæ istiusmodi translationis meminerit, ac præ nimio in heroem suum studio Ecclesiam S. Dionysii ut vilem ædiculam, & Martyrum ibi conditorum corpora vix ambientem descripserit, refragante licet Gregorio Turonense & Fredegario, qui Ecclesiam illam magnificam & sumtuosam, amplam præterea & singularis fuisse dignationis perhibent. Quam sublestat igitur illius fidem habere cordatiores oporteat, ex aliis porro figmentis, illustrandæ Dagoberti foundationi ab ipso præparatis, Noster apertum facit. Destituere illum assensu plane suo Fredegarium atque Audouenum, autores sane non ultimi commatis, qui decoris quidem atque ornatus Ecclesiæ a Dagoberto superadditi, minime vero ullius translationi similis actus recordentur. Ut adeo pudendum merito errorem dixeris, quando festum illud die 22 Aprilis in dioecesi Parisiensi inventionis, non vero translationis titulo celebrari solitum, ad Dagoberti ævum referatur, cum tamen ad primæ Christianæ religionis incunabula potius respici atque ex actis S. Dionysii disci conveniat, beatorum Martyrum conditorium, memoria fortuito amissum, a S. virgine Geneseva deinde iterum repertum, inque ejus rei gratiam solemnia illa instituta fuisse. Ab eo autem, quod in antiquo sepulturæ Dionysianæ loco præsentem Abbatiam ædificatam arguit, religiosorum quoque cœtum inibi jam ante Dagoberti tempora floruisse colligit, illudque probat instrumento donationis Clotarii II R. ævo factæ, ubi verba: *Dodoni Abbati una cum fratribus suis basilica S. Dionysii deservientibus*; tum fide sæpe laudati Gregorii Turonensis, qui regnante Chilperico I propter Ecclesiam sanguine pollutam divinum ibi cultum interrumpi debuisse docet. Nam quod monachis unice domicilium præbuerit, vel ex eo patere, quod in clericorum locum regulares substituisse præsci Reges nullibi deprehendantur; tum etiam quod postea sub Ludovi-

co Pio Episcopi Senonensis ac Rhemensis provinciæ isthic congregati cœnobitas, qui cucullum diu abjecerant, non absque seria causæ cognitione ad pristinam regulam habitumque recipiendum condemnarint. Nec quicquam officere, quod in vita S. Eligii vigiliam in choro canentis cleri mentio fiat, siquidem vocabulo cleri tam monachi, quam canonici apud veteres promiscue veniant. Frædegarii vero assertum de psalmodia perpetua ad instar Agaunensium a Dagoberto hic ordinata nihil aliud sibi velle, quam ritum novum ad imitationem cœnobii S. Mauricii Agaunensis, perenni psalmodia a Sigismundo Burgundionum Rege nobilitati, monachis antea hic degentibus similiter commendari cœpisse. Cæteroqui licet consortii huius religiosi natales certo definiri nequeant, dubio procul tamen illud jam sub Clotario II ibi substituisse, adeoque Amphilochem Abbatem, Episcopi Parisiensis ablegatum ad Concilium Aurelianense A. 541, a Mabillonio monasterii huius Antistitem non inepte existimari. Tamenetsi ergo Dagobertum prima cœnobii fundamenta posuisse inficietur Noster, nihilominus quia Ecclesiam auro & gemmis exornaverit, tum in circuitu ampliore reddiderit, plurimis quoque villis & possessionibus ditaverit, psallentium præterea ordine ad instar Agaunensium auverit, quin & ibi sepeliri voluerit, ideo fundatoris elogium ipsi minime abjudicandum putat. Ultimo Launojum refellit, qui in Caroli Martelli & Pipini R. ætatem Abbatiz ortum promoverat, atque eam Canonicis initio paruisse, temere nimis venditaverat.

Stabilita jam Ecclesiæ & Monasterii S. Dionysii antiquitate, ipsa ejus historia octo libris distincta succedit, in qua omnia ibidem gesta juxta annorum Abbatumque septuagintatrium seriem e probatæ fidei scriptoribus atque instrumentis perspicua ac tersa satis oratione traduntur. Primus quidem liber cum Merovingicis, alter cum Carolovingicis Regibus definit. Tertius cum Hugone Capeto autore tertiæ prosapiæ regalis incipit, inque fatis Abelardi enarrandis finit. Quartus Sugerii Abbatis facta potissimum celebrat. Quintus Ludovici Sancti ejus.

cti ejusque Successorum usque ad Carolum V tempora persequitur. Sextus Caroli VI regnum, malaque innumera monachis fervente tum bello intestino inflicta, ut & alia, quæ usque ad Francisci I ætatem acciderunt, continet. Septimus Abbates Commendatarios primos, perniciosissimos Ligæ tumultus & quæ exinde in cœnobium atque urbem S. Dionysii redundarunt, calamitates exponit. Octavus denique Monasterii reformationem ad normam Congregationis S. Mauri sub Ludovici Justi auspiciis Institutam, quæque sub ultimis Abbatibus Commendatariis contigere, donec tandem mensæ Abbatialis redditus Domui Regiæ San-Cyranæ adsignati fuerint, copiose recenset. In singulis ita se gerit accuratissimus Autor, ut Monasterii sui incrementa, donationes, jura, privilegia, immunitates, prærogativas, lites, jacturas, infortunia bellica, cæterasque mutationes; processiones item religiosas, miracula, Regum coronationes ac receptiones, orisflammæ levationes, pompas funebres aliaque solemnia frequenter sane ibi peracta, omnia demum, quæ ad dignitatem & venerationem loci, Abbatum porro ac monachorum laudes, quin imo ubi res exigit, ad vituperia eorum ullo modo pertinent, graphice ac fideliter describat. Ist hæc autem tædiose ut percurramus, limitum nostrorum ipse memor B. L. a nobis minime postulabit, ideoque pauca quædam in scenam proferre fas sit. Fama inolevit, Dagobertum, San-Dionysianæ Ecclesiæ locupletandæ ergo, Pictaviensem S. Hilarii, Ambianensem S. Firmini, Tolosatensem vero S. Saturnini corporibus spoliasse. Nostro e contra tot singulares plane eventus, quorum occasione reliquias hæc illuc commigravisse vulgo crepant, sæculi istius historiæ haud satis congruere videntur, præsertim cum Dagobertinæ vitæ scriptor anonymus, magni alioqui hoc in negotio ponderis futurus, non nisi SS. Dionysii, Rustici atque Eleutherii Martyrum ibi meminerit; Aimoinus etiam, primus qui Dagoberto spoliæ crimen aperte objiciat, valvas saltem ex ære fusili fabrefactas e templo S. Hilarii Pictaviensi jussu ejus ablatas ipsi exprobet. Historicos gentis suæ, eo quod Meroveades a Thiderico I Re-

p. 19. 20.

34.

p. 92 seqq.

120 seq.

203.

217.

ges perpetuæ quasi socordiae accusarunt, Majorumque Domus merita in cœlum efferre conati sunt, amoris erga Carolum Martellum ejusque posteros nimium indulgisse arbitratur, siquidem Dagobertus III admodum juvenis exercitum eduxisse, & Daniel Chilpericus Thiderico IV adhuc infanti, ad quem succedendi jus alias devolvebatur, prælatus fuisse legatur, quod posterius vix contigisset, si Franci Regem nomine tenus talem ac sine ullo Regis exercitio habere susque deque curassent. Memorabile est, quod monasterium San-Dionysianum inter Abbates suos numeret Carolum Calvum R. post obitum Ludovici Abbatis, Caroli M. Imp. ex filia Rotrude nepotis, a monachis, ne in laicorum potestatem inciderent, metuentibus electum; tum intervallo aliquo Eudonem, ac Robertum Comitem Parisiorum itidem Reges; mox Hugonem cognomento Capetum pariter Regem, qui Hugoni Magno parenti in dignitate quidem Abbatiali successerat, sed pietate motus regulares ad pristinam disciplinam redire ultro permisit. Haud reticendum quoque ingens illud dissidium A. 1050 Germanos inter & Gallos ob reliquias S. Dionysii subortum, illis videlicet Arnulphi Imperatoris ævo e Gallia furtim abductas atque in monasterio S. Emmerani, quod Ratisbonæ est, repositas autoritate bullæ Leonis IX Pontificis contendentibus, his ex adverso in solenni procerum Regni conventu sarcophagum B. Martyris illius ossaque ejus inibi requiescentia spectare præbentibus. Nihilominus tamen errorem istum in Germania perseverasse, vel invitis omnibus historicis contemporaneis, qui nihil tale uspiam annotaverint, Nostrum mirari subit. Sub Guilielmo II Abbate, arte Medico & translatione quorundam Opusculorum e Græco in Latinum, quibus Colbertina bibliotheca gloriatur, nomen indepto, id gratiæ Papalis obtentum fuit, ut mitra, annulo & sandaliis instar Episcoporum Abbatibus, S. Dionysii videretur. In epistola Heinrici Troonii Abbatis, ubi Petri Justitiani mentionem cum encomio *Monachi ad succurrendum fieri* docuit, simul ostendit, hoc titulo in necrologiis passim venire homines minus idoneos ad succurrendum aliis, sed potius alienis opibus,

nae opis, precum scilicet ac bonorum operum indigos. Illa quoque tempestate, nimirum A. 1216 Innocentium III Papam S. Dionysii cujusdam corpus, quod Petrus Cardinalis Capuanus Constantinopoli Romam attulerat, coenobio huic donavisse ait, ea mente (ut loquuntur apices pontificii,) ut dum duorum Dionysiorum corpora possideret, eo minus remaneret dubii, illud veri Dionysii reliquiis superbire debere. Paulo post, A. 1233, clavum passionis Dominicae, praeceptum religiosae gazae cimelium a Carolo Calvo profectum, casu perditum multis jejuniis ac precibus ansam dedisse, sed tandem inopinato recuperatum fuisse narrat. Jam ad recentiora notabilia properare possemus, at ne hiatum committamus, aliqua adhuc de celebrioribus Abbatibus S. Dionysii, iisque regulam professis dicere oportet. Inter illos autem clarissima nomina habentur Fulradi, Hilduini, Sugerii & Matthaei Vindocinensis. Nam, quod Fulradum attinet, non confundendum cum alio Fulrado, Abbate S. Quintini, qui patrem habuit Hieronymum Caroli Martelli filium naturalem, atque in aula Caroli Magni iisdem fere temporibus eminebat, plurimum ille momenti ad coronationem Pipini attulisse creditur, quemadmodum & apud eum, deinde multum gratia valuit, ac legati axionate ad Aistulphum Longobardorum R. honoratus, restituendi Exarchatus Ravenatensis negotium felicissime promovit. Mox ad Desiderium Hetruriae Ducem ivit, dignitate apocrisarii seu nuncii apostolici insignitus, rebusque ex sententia confectis, non sine laudibus ac praemiis Galliam repetiit. Mortuo Pipino existimationem suam nequaquam imminutam sensit sub Carolo & Carlomanno ejus filiis, apud quos Archi-capellani munus sustinuit, novaeque Ecclesiae suae fabrica rite dedicata, monasteriis quoque compluribus passim conditis, A. 784 die 16 Julii placide obdormivit. Successorem in utroque titulo tam Abbatis quam Archi-capellani si non proxime, haud longe tamen insequentem nactus fuit Hilduinum, magnae prudentiae virum & Lotharii, cum jussu parentis Ludovici Pii A. 824 Romam tenderet, comitem, cujus etiam partes sexennio post quod nimio studio
amplexus

p. 219.

228 sequ.

amplexus esset, Imperatoris offensam in se derivavit, atque exul Corbiam Saxonum secedere debuit. Inde Hincmari discipuli sui opera in pristinum locum restitutus ad monasticam disciplinam fœde collapsam denuo restaurandam animum adpulit, atque Areopagitica sua, seu de vita & passione S. Dionysii Areopagitæ libros ex mandato Imperatorio conscripsit, de quibus Autor, ut historicum decet, nihil certi definit, sed opinionem saltem Hilduini de missione S. Dionysii in Gallias tanquam communiorē ubivis prævaluisse putat. Vitæ finem ipsius A. 841 ad diem 22 Nov. ab aliis vero A. 842 figi innuit. Verum ad Sugerum deflectamus, quem, licet obscuris natalibus oriundum, rara ingenii felicitas, judicandi vis plane singularis, doctrinæ item præstantia cum summa morum dulcedine conjuncta ad illud gloriæ fastigium evexerunt, ut omnes alios sui ordinis longo intervallo post se reliquerit. Postquam enim rebus tractandis quam maxime habilis mature deprehenderetur, a legationibus tum superiorum tum Regis nomine obeundis non vacavit, unde peramplam laudis materiam sibi collegit. Sane cum apud Calixtum II Pontificem in Apulia hæreret, tanta fuit domini virtutis ejus opinio, ut inscio plane nec tale quicquam cogitanti honor Abbatialis deferretur. Qua in re utut Regem propter neglectum ipsius consensum adversarium initio haberet, dissipatis tamen brevi indignationis nebulis, propitium adprobatores statim expertus est, consiliisque ejus sæpe interfuit. Intimioris adhuc admissionis fuit sub Ludovicis VI & VII Regibus omniumque arcanorum arbiter. Non dissimulat hic Noster, Sugerum ad aulæ vanitates incautius prolapsum magna cum pompa frequentique satellitio stipatum in publicum prodire suevisse, admonitum autem a S. Bernardo usque adeo ad humilitatem & modestiam se composuisse, ut fratribus antiquæ regularis observantiæ recipiendæ instigator fieret. Nolumus jam immorari ejus de ecclesia monasterii sui meritis decantandis, quomodo illam spatiosiorē reddiderit, variisque pretiosis exornaverit; id quod in primis famam ipsi conciliat, silere haud possumus. Cum Rex Ludovicus VII expeditionem

peditionem in terram sanctam A. 1147 susciperet, dignissimum e tam multis æstimarunt Regni Proceres atque Episcopi Sugenum nostrum, qui regiminis habenas una cum Comite Nivernensi moderaretur, quas etiam tanta cum justitiæ, integritatis ac fortitudinis laude tenuit, ut omnium expectationem superaret, atque a Principe pulcherrimum Patris patriæ elogium, præmii loco capefferet. Animam autem efflavit vir immortaliter meritis die 13 Januarii A. 1151 annum septuagesimum agens. Superest Matthæus, a patria Vindocinensis dictus, non quod illustri Vindocinensium Comitum stirpe satus esset, ceu historicorum nonnulli balbutiunt. Hunc A. 1258 Præfulem monachorum factum, A. 1270 vero a Ludovico S. Rege, ad Cruciatam profecto, Regni gubernaculis admotum, inque hoc dignitatis gradu a successore Philippo III R. donec reversus esset, confirmatum, quin & posthac summo in pretio habitum fuisse, Noster contendit. Plures e tot Abbatum regularium numero sistere institutum nostrum haud patitur, sed Commendatarios etiam e longinquo salutare jubet. Sub Francisco I quippe Rege, cum pragmatica Caroli VII sanctione abolita, omnibus Capitulis seu Collegiis Canonice Ecclesiarum cathedralium, Abbatibus item & Prioratibus electivis jus legendi sibi pastores, vigore Concordati inter Leonem X Papam & Regem initi, ademptum esset, ad alium quoque statum monasterii hujus res devenere. Licet enim Ecclesiis speciali Pontificum privilegio munitis eligendi facultas integra maneret, iisdem tamen A. 1533 plane fuit abrogata. Interea A. 1529, quo Abbatiam S. Dionysii morte Aimari Gouffierii vacare contigit, novum quidem Antistitem sibi adsciscendi potestatem monachis faciebat Princeps, sed ita, ut Ludovicum Bourbonium enixe ipsis simul commendaret. Cujus Regiæ voluntatis cum rationem non haberent, atque in Johannem Oliverium Abbatem S. Medardi Sueffionensem suffragia potius conspirarent, prohibitione sua Rex obstitit, eumque Bourbonio locum cedere coegit. Hic ergo primus Commendatarius Abbas audivit, quem deinde exceperunt Carolus Lotharingicus Cardinalis, tum Ludovicus Guisus Cardinalis Blesis A. 1588 misere trucidatus, hinc Carolus, Cardinalis Vindocinensis, mox Bourbonius dictus, porro Ludovicus

vicus, Cardinalis Guisus appellatus, dehinc vero Heinticus Lotharingicus. Post eum veniunt Armandus Bourbonius Princeps de Conty, Julius Mazarinus, Cardinalis, tandemque Johannes Franciscus Paulus de Gondy, Cardinalis Radefianus cognominatus. Ultimushic fuit Abbatum, atque post ejus decessum. A. 1679 Pelissonius a Rege œconomus saltem constitutus, imo A. 1686 mensa Abbatialis in alium usum destinata, ad sustentandam nempe congregationem virginum S. Cyri a Domina Maintenonia institutam. Cui rei ut Pontificis adprobatio accederet, monachos ipsos intervenire oportuit; illa autem A. 1691 ab Innocentio XII demum emanavit, promulgata scilicet bulla, qua titulus Abbatialis S. Dionysii penitus supprimeretur, mensæ vero ejusdem redditus bonaque omnia Domui S. Cyrani addicendi Regi copia fieret, salvis tamen mensæ conventualis, tum Prioris & Monachorum emolumentis, juribus, honoribus ac privilegiis. Præterea Abbatia connexa beneficia simplicia Regis denominationi permessa, quæ vero cum animarum cura conjuncta, Communitati San-Dionysianæ relicta fuere. Perplexiorem multo dicam illi deinde intentavit Archi-Episcopus Parisiensis jurisdictionis spiritualis causa, non nisi certa eaque monasterio perincommoda transactione A. 1692 sopitam, cujus tenorem Autor fusius proponit. Tam dura atque acerba fata subire oportuit locum adeo venerabilem & Pontificum, Regum, Principum &c. beneficiis certatim quondam cumulatam, ut sane non injuria huc quadret illud: *Fuimus Troes: fuit Ilium & ingens gloria Teucrorum.* Verum priusquam filum abruppamus, paucula quædam de reformatione Ordinis S. Benedicti, quæ superiori seculo in Gallia accidit, suggerente Noëstro, commemoremus. Cum enim temporis decursu & humana fragilitate invalescente a summo existimationis culmine ad incitas fere & laicorum opprobria ille redactus esset, ita ut repudiata sancta fundatoris regula, precationibus, vigiliis, silentio, solitudini, jejuniis & lectionibus sacris passim successissent ludi, venationes, luxuria in vestibus ac cibis, libertas faciendi, quæ velis, aliæque voluptates indecoræ, de emendandis hisce malis diu serio cogitarunt recti tenaciores, sed, irritò conatu.

Nisi

Nisi quod sub initium seculi decimi sexti congregatio Chesalio-Benedictina e paucis monasteriis conflata antiquam normam reducere tentavit, & Heinrici IV ætate duæ iterum societates, altera San-Dionysiana, altera Exemptorum dicta, emerferunt, quæ leviolem reformationis speciem præ se ferebant, revera sane nihil aliud agentes, quam ut a molestis Episcoporum visitationibus eo pacto immunes essent. Prædominante itaque semper inveterato cacoethe, de curatione ejus tantum non omnes desperare, ipseque etiam Cardinalis Valdemontius, ad monasteria Metensis, Tullensis ac Virodunensis Diocesis reformanda Legati titulo a Clemente VIII Pontifice missus, animum despondere, satius esse ratus, ordinem S. Benedicti penitus suppressere, quam in redintegrando eo operam ludere, id quod tamen consilii Papa haud admisit. Sub hæc autem tempora quidam Desiderius de la Cour, homo antiquæ probitatis atque indolis, in cœnobio San-Vannensi, quod Viroduni est, educatus, apud Ericum Lotharingæ Principem locique istius Episcopum eo gratiæ pervenit, ut A. 1600 monasterium illud ad avitam regulam componendi partes ipsi plane demandaret. Nec fefellit is expectationem de se conceptam, sed novitiatum ibi, nequicquam moratus refractarios nonnullos, introduxit, brevique institutum suum aliis insuper conventibus religiosis serio commendari, quin & integram sodalitatem, San-Vannensem nuncupatam, atque a Pontifice A. 1604 confirmatam, feliciter inde progerminare vidit. Re semel adprobata multo plures per universam Galliam reformationem hanc ultro amplectebantur, inque novam congregationem, a S. Mauro discipulo S. Benedicti appellatam, (ad evitandam nempe invidiam, quæ suscepta ab aliquo peculiari cœnobio denominatione suboriri facile potuisset) ad sensu Regis A. 1618 impetrato, blande conspirabant. Utcunque tamen res aleæ plenissima videbatur ad amissim istam exigere San-Dionysianos monachos, majori quippe licentiæ adfectos, & quod maximum, aulæ ac Parlamenti favore subnixos, ita, ut Cardinalis Rupifocaldus, cui id negotium cordi inprimis erat, omnem constantiam suam in subsidium vocare necesse haberet, priusquam homines seculo penitus addici quam cen-


suram subire paratior in ordinem cogeret. Verum enimvero & hoc quoque A. 1633 mense Augusto ex voto contigit, tametsi in eo incassum laborarit, quod omnia Benedictinorum in Galliis monasteria sub unica congregatione S. Mauri coadunare præsumferat. Siquidem Cluniacensium cœtus, quorum Generalis fuit, eo vivente tantum foederi adhæsit, postea iterum abscessit; San-Vannensis vero confraternitas nunquam incorporari voluit; sola Chesalio-Benedictina numerum auxit, ut adeo centum atque octoginta Abbatia & Prioratus sub illa S. Mauri congregatione hodie comprehendantur. Quanto autem cum fructu Christiani orbis nobilissimum hoc consortium coaluerit, præter alia pietatis atque eruditionis documenta testari queunt tot Patrum Ecclesiæ ut & Historicorum opera, ab ejusdem æluminis immortalis cum literatorum adplausu hætenus detecta atque luci exposita.

Supplementi in modum doctissimus Autor annectit copiosissimam descriptionem Ecclesiæ S. Dionysii, in qua basilicæ hujus structuram tam antiquam, quam modernam, gazam item prædivitem certe atque incredibili donariorum aliarumque rerum pretiosarum varietate ad stuporem usque splendens, nec minus Regum & Principum ibi conditorum sepulera ac mausolea, tabulis æneis nitidissime incisa, justoque commentario illustrata repræsentat. Novus hic nobis isque fertilissimus campus ad complura notabilia inde eruenda pateret, si præscriptos terminos violare non nefas putarem. Non possumus tamen, quin e tot cimeliis insigne vas achatinum, quod Carthesium Græcis vocatur, ac Festum seu Sacrificium Bacchi faberrius exsculptum justa magnitudine delineat, sed in Sacris Rerum calicis ablutorii usum præbuit, in gratiam antiquariorum hic producimus, mysteriorum vero sensum nosciturus ad Tristanum in Comment. Historicis T. 2 p. 603 seqq. egregie hæc explicantem ablegemus. De exquisita insuper Chartarum, Diplomatum, Actorumque veterum, bonam partem ineditorum, collectione, quam historiæ suæ corroborandæ inservituram Noster adhuc subjunxit, id verbulo saltem indigitasse sufficiat, in illa etiam contineri Necrologium S. Dionysii,

TAB. IV.

Fig. 1. & 2.

Fig. 2.



nisi, 400 circiter annorum, cujus ope plurimorum Virorum celebrium emortuales epochas multo evidentius stabilire detur.

D. ÆGIDII HUNNII THESAURUS EVANGELICUS, complectens Commentarios in quatuor Evangelistas, & Actus Apostolorum, nunc primum hac forma editus a
JO. HENRICO FEUSTKINGIO,
Theologo Anhaltino.

Wittebergæ & Serveſtæ, apud Jo. Wilh. Meyerum & Godofredum Zimmermannum, 1706. fol.

Constat 14 Alph. & 14 plagulis.

Immortale Ægidii Hunnii nomen est, qui, quoad Tubingæ apud Wurtembergicos, Marpurgi apud Hassos, & Witebergæ apud Saxones vixit, bene meruit, editisque ingenii monumentis puriorem Dei cœtum sacrarum rerum accessione egregie locupletavit. Sive enim dogmatica scripta componeret, sive intemerata fidei capita contra Arturum, Bellarminum, Tannerum, Paræum, Pierium, Pezelium, Salmuthum, Grabium, Crenzhemium, Huberum defenderet, sive Pontificios in Colloquio Ratisbonensi, & Philippistas in Saxonia Ascaniensi debellaret, aut sacras literas interpretaretur, certe ad consummatissimorum Theologorum gloriam atque ἀκμὴν accessit. Præclare ergo de Ecclesia orthodoxa non minus ac beatis Hunnii manibus meritus est Vir summe venerandus D. Johannes Henricus Feustkingius, *Sereniss. Principum Anhaltinorum a concionibus aulicis primariis, consiliis ecclesiasticis, & confessionibus privatis, nec non sacrorum in Principatu Serveſtano Antistes*, quod præter exegeticos in epistolas novi Testamenti labores, in actis nostris anno 1705 p. 241 commemoratos, exasciatas quoque ejusdem Theologi in Evangelistas commentationes publici fecit juris. Methodum, qua ille usus est, commodam ac facilem experientur exegeteos cupidi. Præmissis namque tum in universos, tum in singulos historiæ Evangelicæ conditores prolegomenis, exponit ante omnia argumentum, & cujusvis capitis

partitionem. Post hæc ex textus *συναφεία*, locis parallelis, fideique analogia, geminum sibi que constantem sensum eruit & demonstrat. Subjungit tandem locos morales & doctrinas, ubi, quicquid ex textu sacro ad didascaliam, ad elenchum, ad epanorthosin aut pædiam applicari potest, rotundis thesibus exhibetur. Et hoc quidem filo commentarios libros in Marcum, quoque, Lucam & Actus Apostolorum Hunnius pertexuisset, nisi hanc laborum telam cum vitæ staminibus immatura fata abripuissent. Cum igitur Marci & Lucæ Evangelium hujusque Apostolorum Actus Hunnium interpretem non haberent, visum fuit summe reverendo Editori, D. Johannis Winckelmanni & D. Danielis Arcularii perspicuos ac plane Hunniana, hoc est, paraphrastica methodo concinnatos commentarios in isthæc diviniora scripta succenturiare Hunniana. Erant quippe Duumviri isti Hunnii in Academia Hassorum Marburgensi Collegæ etiam & Sympalæstritæ. Ad integri vero operis intellectum & præparationem librum velut introductionem præmisit Editor *de Majestate, autoritate, fide & certitudine sacrarum literarum*, ab eodem Hunnio conscriptum, cui enarrando immorari superfluum arbitramur, cum ipsius *Eduardi Stillingfleti*, Episcopi in Anglia Vigorniensis judicio, *Autor pro suo ingenio, quod eximium & capitale habuit, totam in ea impiorum arcem ita arietaverit, ut unde fulciri queat integræ Atheorum, Epicuræorum & Deistarum colluvies, non facile apparuit inventura sit idoneum.* Quis autem insuper & qualis Hunnius præsertim fuerit, subjuncta ejus vita, a *Leonardo Hutero*, Theologo Witebergensium nominatissimo, conscripta, palmam reddit, in qua multa, ad archæologiam sacram & eruditionem ecclesiasticam pertinentia, reperiet studiosus Lector. Ad calcem operis Index rerum & verborum locupletissimus adjectus est.

AN EPISTOLARY DISCOURSE, PROVING
from the Scriptures and the first Fathers, that the
Soul is a principle naturally mortal &c.

h. c.

h. e.

*DISCURSUS EPISTOLARIS, PROBANS EX
Scripturis & Patribus primitivæ Ecclesiæ, quod Anima,
sit principium naturaliter mortale, sed immortale red-
dendum vel per merum Dei arbitrium, ut puniatur; vel
per illius cum divino Spiritu baptismali unionem, ut præ-
mium accipiat. Ubi simul ostenditur, neminem post A-
postolos habere potestatem dandi Spiritum divinum im-
mortalizantem, nisi Episcopos. Autore HEN-
RICO DODWELLO,
A. M.*

Londini, apud R. Smith, 1706, in 8.

Constat plag. 25.

Insolitam Dodwellus proponit doctrinam, hætenus inter
Christianos receptæ prorsus contrariam, quam tamen in Scri-
ptura Sacra & scriptis Patrum ævi Apostolici & Apostolico
proximorum optime fundatam, nec malum in actiones huma-
nas habere influxum arbitratur. Ecce tibi eam in compendio
huc redeuntem. Animam hominis ex sua natura mortalem
affirmat; nec tamen esse materiale, quin potius a corpore
distingui, nec ita pendere ab ulla re creata, ut, remoto ejus in-
fluxu, esse desinat, quin potius dissoluto corpore in auram re-
verti, nequaquam vero cum eo perire. Immortalitatem esse
privilegium specialis pacti inter Deum ac homines quos-
dam ex pura gratia facti, adeoque non concedi, nisi quibus pa-
ctum illud innotescit. Eorum nempe animam, qui Evangelio
Christi obediunt, per Spiritum illi supperadditum immortalem
reddi: contra animas illorum, qui Evangelio non obediunt,
per Dei voluntatem immortales evadere. Obedientium esse
vitam æternam, in præmium cum felicitate sempiterna a con-
flagratione mundi dandam: inobedientes vero poenas manere
æternas & miseriam nunquam desituram. Cruciatu inferna-
les, primario destinari angelis lapsis, seu Diabolis, ita, ut nullus
foret

foret infernus, nisi angeli lapsi fuissent. Homines quosdam damnari, non quatenus peccant, sed quatenus cum Diabolo adversus Deum rebelle faciunt. Spiritum, qui immortalitatem confert, per baptismum aquæ exhiberi, nec nisi ab Episcopis accipi posse. Quotquot igitur aliunde Spiritum divinum se accepisse prætendunt, illos eum non habere, sed malum: nec aliter quam rebelles ac socios Diaboli considerandos esse, qui Episcopalem communionem deserunt. Quamobrem quo homo salvetur, ex mente *Dodwelli* requiritur, ut ipsi innotescat Evangelium a Christo & Apostolis annunciatum, ut is eidem obediat, ut baptizetur, ut sub Episcopo vivat & ab eodem Spiritum divinum atque remissionem peccatorum (quam etiam vere pœnitentibus citra Episcopi absolutionem obtingere non posse contendit) accipiat: quo damnetur, juxta ejusdem mentem opus est, ut Evangelium Christi cognoscat, sed eidem non obediat. Hanc dispensationem salutis Novo unice Testamento propriam esse: ignotam fuisse in Vetere immortalitatem animæ, ignotam fuisse beatitudinem æternam, ignotum fuisse infernum, quoniam hæc omnia ad homines ante Evangelii manifestationem viventes nullo modo pertinuerint. Hinc in Novo demum Testamento lapsum angelorum & infernum ipsis paratum revelari, Diabolum tanquam rebellem & hostem animarum proclamari, bellumque ipsi indici: horum vero ne minimum quidem in Vetere auditum fuisse, sed in eo Diabolum temporali modo hominum felicitati obfuisse, quod testentur exempla protoplastorum ex Paradiso expulso, Jobi multis calamitatibus obruti, Israelitarum ob Davidis ambitionem stragem ingentem perpessorum. Quoniam tamen Ninivæ & Regina Arabiæ in extremo judicio surrecturi dicuntur a Salvatore nostro adversus concionum ipsius contemtores; probabiliter supponi ait, animas eorum, qui Evangelium non audierunt, usque ad judicium extremum superfore, illo peracto in conflagratione mundi vi ignis consumendas. Et quia in sacris salutis æterna etiam nonnullis ante Christum viventibus attribuitur, qui in terris nec Evangelium audierunt, nec baptizati fuerunt, animabus illorum separatis ἐν τῷ αἰῶνι Evangelium annun-

annunciatum esse & eas aqua baptizatas fuisse affirmat. Christum nempe Evangelium prædicasse Judæis defunctis, cum ad inferos descenderet; Apostolos vero denatos & Episcopos denatis Gentilibus. Novum hoc Theologiæ systema ex Scriptura dum adstruit, *ψυχὴν ἰὼ πνεύματι* ab Apostolo contradistingui, & *ψυχὴν* tanquam principium mortalitatis ab Adamo in nos derivatum, *πνεῦμα* vero tanquam principium vitæ ac immortalitatis a Christo unice profectum repræsentari notat. Diserte enim Apostolum *ψυχικὸν σῶμα* vocare corruptibile & mortale in oppositione ad *πνευματικόν*, quod est incorruptibile atque immortale, ac omnem immortalitatem a resurrectione Christi derivare, quæ adeo nonnisi eos concernat, qui Christi participes facti. Provocat etiam ad formam, processus in judicio extremo observandi, tales unice supponentem, qui Evangelium Christi audiverunt. Præmium enim decerneretur iis, qui in membra corporis Christi mystici beneficia contulerunt; pœna dictabitur eis, qui beneficiorum collationem neglexerunt. Illam itaque processus formam in hos minime quadrare, qui Evangelio non audito ignorarunt, dari aliquem Christum & ejus cultoribus beneficia exhibentes præmiis, damna vero inferentes pœnis affectum iri. Incredulis decerni pœnas infernales, Marc. XVI, 16, consequenter supponi, ipsos Evangelium audivisse, Rom. X, 14. Adducit ulterius loca, Joh. III, 18. 36. 2. Thess. II, 12, Luc. XII, 46. & ea vindicat, quæ hypothesebus ipsius contraria videri poterant. Ita notat, Joh. V, 28. 29. per omnes in sepulchris dormientes & ad judicium resurrecturos intelligi non totum humanum genus, sed eos omnes, quos judicium concernit: nam quod in Scriptura universalitas expressionis non excludat limitationes intentas, ex 2. Sam. XXI, 4. 6. 9. 1. Reg. XVIII, 10 & 1. Cor. I, 14. 16. probat. Doctrinam de naturali mortalitate animæ & immortalitate ejus præternaturali a Spiritu Divino derivanda cum notionibus a Judæis in ævo Apostolico receptis ex assè convenire monstrat. Jam vero hunc recte supponi Scripturæ Sacræ sensum, qui tunc ex ejus lectione facillime hauriri poterat. Loci

denique 1. Corinth. XV, 22 hanc veram esse interpretationem, quod, quemadmodum omnes, qui in Adamo sunt, moriantur, ita etiam omnes, qui in Christo sunt, vivi reddantur. Non autem hinc consequi, quod, qui sunt in Adamo, sint etiam Christo, consequenter vivificentur: quin ipsos Apostolos significare, quod omnes ab Adamo ad Moysen usque viventes, qui Spiritum non habuere, in actuali immortalitate permanserint, Rom. V, 15. 19, quodque pereant, nequaquam vero in judicium veniant, quibus lex divina non innotuit, Rom. II, 12. Ceterum medium obtinendi Spiritum esse baptismum aquæ, ex Joh. III, 5 evincit, & ideo ad salvationem una cum fide ipsum requiri ex Marc. XVI, 16 & 1. Petr. III, 21 comprobatur. Quod potestas conferendi Spiritum sit penes Episcopos solos, inde corroboratur, quod sint, quemadmodum Apostoli Christi, ita Episcopi Apostolorum in actibus eminentibus autoritatis ipsorum ordinariæ successores, Christum tanquam caput corporis mystici representantes, ut adversus eos rebellans adversus Christum rebellare, eos despiciens Christum despiciere dicatur. Hac de causa Apostolos ab aliquo loco discedentes Episcopum quendam in eodem reliquisse. Patrum cum hactenus dictis consensum multis declarat, adducens testimonia *Justiniani Martyris*, *Tatiani*, *Irenæi*, *Athenagoræ*, *Theophili Antiocheni*, *Tertulliani*, *Clementis Alexandrini*, *Cypriani*, *Arnobii*, *Lactantii*, *Athanasii*, & sub finem demum sæculi quarti doctrinam de naturali immortalitate animæ cum pendentibus inde doctrinis aliis invaluisse pronunciat. Citat autem *Justinum* in Dialogo cum Tryphone p. 222. 223 & 224, *Tatianum* in Orat. ad Græcos §. 20. 21. 22. 24. 34. edit. Oxon. *Irenæum* lib. II. c. 62, *Theophilum* lib. 2 ad Autolyc. p. 101, *Tertullianum* de Anima c. 20. 21. 25. 27. 36. 37, *Cyprianum* in epist. ad Pompejum & in epist. ad Fidum, *Lactantium* Instit. lib. 7. c. 4. 5. 6. 10. 12. lib. 2. c. 11 & 12, lib. 3 c. 12. lib. 11. c. 12, *Athanasium* in Orat. contra Gent. p. 35. 56. 57. 59. 60. 62. 67. 72. Nostri equidem instituti ratio non permittit, ut loca ipsa adducantur; quo tamen lectori appareat, qua fide citentur, unum alterumque apponere libet. Ex verbis itaque *Athenagoræ*, *ὁ δὲ ναὶ*

νῆν καὶ λόγον δεξάμενος ἔστιν ἄνθρωπος, ὃ ψυχὴ καὶ
 εἰσὶν, ἄνθρωπον ἄρα δεῖ τὸν ἐξ ἀμφοτέρων ὄντα δια-
 μένειν εἰς αἰεὶ, monstrat, credidisse ipsum, ad hominem per-
 fectum semper duraturum tres requiri partes, corpus, animam
 & mentem seu rationem, per quam Spiritus immortalizans in-
 telligatur. Quod Spiritus ex mente Patrum immortalem red-
 dat animam, probat verbis *Tatiani*, *Ψυχὴ γὰρ ἐκ αὐτῆς τὸ*
πνεῦμα ἔσωσεν. ἔσώθη δὲ ὑπ' αὐτῆς. Esse vero
 animam sua natura immortalem, ex ejusdem *Tatiani* verbis,
ἐκ ἔστιν ἀθάνατος ἡ ψυχὴ καὶ εἰσὶν, θνήσκῃ δὲ. Ἄλ-
λὰ δύναται ἡ αὐτὴ καὶ μὴ ἀποθνήσκειν, infert. Esse
 Spiritum aliquid animæ superadditum, ex *Arnobio* patere ar-
 bitratur, dum *Christi* est, inquit, *dare animis salutem & Spiritum*
perpetuitatis apponere. A baptismo & baptismali Spiritu im-
 mortalitatem derivare *Lactantium* ita scribentem : *Quæ ratio*
docet, mortalem nasci hominem, postea vero immortalem fieri, cum
ceperit ex Deo vivere, id est, justitiam sequi. &c. Quod tum
 fit, cum homo cælesti lavacro purificatus exponit infantiam cum
 omni labe vitæ prioris, & incremento divini Vigoris accepto sic
 homo perfectus ac plenus. Verba *Clementis Alexandrini*, quibus
 Christus Judæorum, Apostoli & alii Doctores primarii Gentili-
 um animabus separatis ἐν τῷ αὐτῷ Evangelium prædicasse di-
 cuntur, prolixiora sunt, quam ut eadem huc transcribere liceat. E-
 vincit quoque *Dodwellus*, doctrinam suam de naturali animæ
 mortalitate & præternaturali immortalitate per Spiritum ba-
 ptismalem conferenda non malum habere in actiones huma-
 nas influxum, sed eundem prorsus, quem habet doctrina ha-
 stenus recepta. Quemadmodum enim stante doctrina com-
 muni metus poenarum infernalium a libidinosis actionibus revo-
 cat securitatemque impedit, & spes beatitudinis cælestis bene
 operandi alacritatem superaddit, ita eadem quoque obtinent,
 si quis partes *Dodwelli* tueatur. Etenim qui Evangelium non
 audit, nec naturalem animæ mortalitatem novit: qui vero
 audit, eidem quoque obedire tenetur, nisi cum Diabolis mise-
 rias sempiternas perpeti voluerit.

A LETTER TO MR DODWELL, &c.

h. e.

EPISTOLA AD DODWELLUM PERSCRIPTA A
SAMUELE CLARKE, M. A. Joannis Episcopi
Norwicensis Diacono.

Londini, apud W. Botham, 1706, in 8.

Constat plag. 6.

AUtor hujus epistolæ jam variis scriptis aliis idiomate patrio Aeditis suos in Philosophia pariter atque Theologia profectus Orbi litterato abunde comprobavit. Æstimant eruditi ejus Demonstrationem existentiae & attributorum divinarum, Hobbessio, Spinozæ & eorum sectatoribus oppositam, in qua simul notionem libertatis explicat & ejus possibilitatem ac certitudinem in oppositione ad necessitatem & fatum com- monstrat: nec minoris faciunt ejus Discursum de immutabili obligatione religionis naturalis & de veritate ac certitudine revelationis Christianæ. Utrumque argumentum materiam præbuit Sermonibus sedecim, juxta foundationem Roberti Boyle in Ecclesia Cathedrali S. Pauli annis 1704 & 1705 contra Atheos & Deistas recitatis. Alias quoque edidit Paraphrasin in quatuor Evangelistas notis criticis in loca difficiliora instructam, itemque Officium Christiani in baptismo, confirmatione & penitentia, nec non quasdam Animadversiones in librum quendam, cui titulus *Amyntor*, seu Defensio Vitæ Miltoni. Idem nuper admodum Jacobi Rohaulti Physicam Latine vertit, recensuit & uberioribus annotationibus ex Isaaci Newtoni Philosophia maximam partem haustis amplificavit & novis aliquot Tabulis æri incisis ornavit, quia versio anterior sensum Autoris in plerisque male exprimit. Omisit tamen Mechanicam, tum quia ad Physicam non spectat, tum quia inter Rohaulti Opuscula posthuma extat. Epistolam denique ad *Dodwellum* exavit, de qua nobis hoc loco sermo est. In ea ad argumenta singula a *Dodwello* contra immortalitatem animæ naturalem prolata

prolata respondet, & Patrum de hoc argumento judicia vere repræsentat. Quæ vero de autoritate Episcopali dicta sunt, silentii sipario tota involvit, utpote Episcopo a sacris domesticis. Distinctionem inter Spiritum Dei immortalizantem credentes & voluntatem Dei immortalitatem incredulis superadentem precariam vocat. Asserere, quod nullus foret infernus, nisi Diabolus lapsus esset, idem esse ait, ac Deum tanquam tyrannum arbitrarium repræsentare. *Dodwellum*, dum concedit, animam non ita pendere ab ulla re creata alia, ut, influxu ejus remoto, esse desinat, idem revera loqui, quod affirmant dicentes, animam ex sua natura esse immortalem. Quod ante prædicationem Evangelii Diabolus non fuerit pro hoste publico declaratus, nec homines ulli ejus fuerint consortes, adeo manifeste falsum esse, ut refutatione non indigeat. Contrarium namque patere ex historia lapsus Adami, Jobi, & Israelitarum 1. Chron. XXI, 1. Fuisse Diabolum in Vetere etiam Testamento hostem hominum in rebus ad vitam æternam spectantibus; habuisse enim Patriarchas expectationem melioris civitatis post dissolutum præsens tabernaculum. Idololatriam fuisse & apud Judæos & Gentiles peccatum & peccata quævis in se Deo esse exosa atque pœnis digna, non quatenus consortium cum Diabolo arguunt. Sine lege perire Rom. II, 12 non esse idem ac annihilari, sed synonymon ipsius judicari, ut ex aliis Scripturæ locis pateat. Obscuras tradi a *Dodwello* Animæ & Spiritus notiones, ut differentia non satis manifesta sit. Quod si per Spiritum intelligat operationem Spiritus S. in animam, non esse differentiam inter immortalizationem per Spiritum & immortalizationem per voluntatem Dei, quæ duo tamen distinguit: sin per Spiritum intelligat adscititium principium substantiale, mirum videri, cur in immortalizatione credentium ipso opus sit, cum immortalizatione inobedientium sine tali principio peragatur. Locum Pauli de corpore animali corruptibili & spirituali incorruptibili ita esse accipiendum, quod corpus in se corruptibile post resurrectionem per Dei potentiam fieri debeat incorruptibile. Horrendum dictu esse, quod Evangelium sine ulla proportionem

riam peccatorum augeat, cum tanquam maximum tenerimæ misericordiæ Dei erga homines exemplum in sacris repræsentetur. Illationem ex forma judicii extremi esse prorsus insolitam: utut enim actus charitatis & misericordiæ erga fideles a Salvatore Matth. XXV tantum commemorentur, non tamen ideo excludi alias virtutes & vitia alia, cum ex aliis locis Scripturæ constet, omnes omnino actiones examinatum iri. Universales Scripturæ assertiones in sensu limitato nequaquam accipiendas, ubi nec communis acceptio vocis significatum ejus evidenter limitet, ut Joh. XII, 19, nec alia Scripturæ loca limitationem expresse addant. Patribus, æque ac Scripturæ Sacræ, falsum assigni sensum, ab ipsorum mente alienissimum, de naturali mortalitate accipiendo, quod de negata animæ existentia necessaria, soli Deo propria, dixerint. Verba ejus, quibus asseritur, animam esse distinctam & a spiritu, & a materia ac motu, hoc est, formam materialem, principium activum substantiale a materia distinctum, attamen ab ea in esse, fieri & operari dependens, & consequenter cum materia dissolvendum, tam manifestam involvere contradictionem, ut refutatione non indigeant. Interpretationem loci 1. Cor. XV, 22 esse minus naturalem, & ipsius *Dodwelli* hypothesibus repugnare, cum inde sequatur, non nisi eos, qui in Christo sunt, resurrecturos esse, consequenter nullum incredulum. Repugnare ulterius naturali mortalitati, quod omnes animæ a dissolutione corporis superesse, & quæ Evangelium non audiverunt, in conflagratione universali post peractum judicium ab igne consumi debeant. Quæ tandem de animabus separatis dicuntur, nulla certitudine niti, ac ideo tantum ab Autore affirmari, ne Scriptura hypothesi ipsius contraria deprehendatur. Hæc ad argumenta *Dodwelli* dum respondet doctissimus Autor, non inelegantem de immaterialitate animæ assert demonstrationem, quam lectori non ingratam fore putamus. Desumitur tota a conscientia individuali, quam quod anima habeat, experientia singulis momentis confirmat, & hunc in modum concinnatur. Aut materia per naturam suam est sui conscia, aut non. Si est, cum sit divisibilis, quælibet particula erit sui conscia, adeoque sy-

stema

stema ex multis particulis compositum unam individua-
lem conscientiam habere nequit, quod experientia per modo dicta
repugnat. Non igitur materia per naturam suam est sui con-
scientia. Ponamus ergo, quod Deus particulis unitis conscientia-
m sui superaddat. Cum particulae illae sint etiam semper realiter
& necessario distinctae, subjectum esse nequeunt, cui individua-
lis conscientia inhaeret. Haec igitur superaddenda per rei ali-
cujus additionem, quae individualis conscientiae capax. Ani-
ma adeo, cujus vis cogitandi est conscientia individualis, materia-
lis esse nequit, nempe nec substantia materialis, nec modificatio
materiae. Caterum malos quoque doctrinae *Dodwellianae* in actiones
humanas enumerat influxus, quod nempe disceptationes
novas excitet, mentes infirmas ac inconstantes dubiis & scrupulis
repleat, & hominibus profanis nova argumenta topica, quibus
doctrinas fundamentales omnium religionum traducant, suppeditet.

*BIBLIA HEBRAICA, SECUNDUM ULTIMAM EDI-
tionem Jos. Athia, a Johanne Leusden recognitam,
aliosque Codices optimos recensita, variisque Notis illu-
strata ab EVERARDO van der HOOCHT,
V. D. M.*

Amstel. & Ultraj. ediderunt Boom, Waesberge, Goethals, Borstius,
Wolters, Halma, van de Water, & Broedelet, 1705, in 8. maj.

Constat Alph. 4.

Cum omni aetate Viri & pii & eruditi non defuerint, qui, ut
sanctis Veteris Instrumenti tabulis illibata sua constaret in-
tegritas, nulli vel labori vel sumptibus pepercerunt, rem adpri-
me gratam, Φιλεβραίοις maxime, se facturum esse existi-
mavit Cl. van der Hooght, si, quod industriis Amstelada-
mensis & Ultrajectinae Societatis Bibliopolae, quorum nomina
hic designantur, enixe ab eodem expetiverunt, nova haec Bi-
bliorum Ebraicorum editio sub ipsis novi huius Seculi incuna-
bulis, sua potissimum manu obstetricante, in publicum prodi-
ret,

ret. Ut vero, quid in elegantissima hac Editione, quæ Athianis, quoad paginas, ob majorum licet characterum & chartæ formam augustiorem paulo ampliores, lineas item, notas Ebraicas, Parschijoth, Haphtaroth, librorum ordinem, paginarum titulos, capitum & omnium versiculorum assignationes exacte respondet, præstiterit Cl. Editor, Lectori quodammodo constet, operæ erit pretium, ut optimi instituti rationes ipsius Editoris ductu breviter hoc loco exponamus. Quod itaque ad lemmata sive capitum argumenta attinet, lubens fatetur quod ob collationem inprimis & censuram correctiorum Codicum, prelo jam sudante, nova ipsemet conscribere non potuerit, sed in Pentateucholibus Athiana, in reliquis vero Scripturæ libris Leusdeniana, argumento tantum Cap. XXIX Proverb. immutato, retinuit. Ne vero cæteroquin temere quid neglexisse aut arduis istis semel in se susceptis partibus ullibi defuisse videretur, omnium foliorum, postquam a Judæo Correctore ad exemplar, quod tertiæ & novæ editioni Leusdenius concinnaverat, vice triplici singula revisa fuissent, scrutinium instituit accuratissimum, hæc equidem, quam ipse salubri consilio sibi præscripsit, methodo, ut prius, cum Bibliis Stephani Parisiis annis 1539, 1540 &c. excussis, dehinc cum Veneta majori, quæ Bombergi est & Felicis Pratenfis exemplaria ad MStorum probatissimorum fidem exarata presse sequitur, ac cum ipsis denique Athianis A. 1667 editis, quo nec Typographus nec Corrector Judæus ipsum fallere posset, cura & studio indefesso sollicite omnia conferret. His vero curis immerso cum plurimi errores atque menda, quæ & Stephani & Athianas Editiones, sive voces integras, sive literas, sive puncta Vocalium & Accentuum spectemus, multum inquinaverant, sponte se objicerent, omnes discrepantias in Codicibus Jos. Athiæ, Bombergi & Stephani obvias scriptis consignavit, Masorethisque, Lexicis, Grammaticis & duodecim maximi nominis editionibus, quas §. 17 & 23 Præf. exhibet, in consilium rite adhibitis, ita ad examen revocavit, ut cunctis difficultatibus demum sublati, variantes alicujus momenti Lectiones partim margini adscripserit, partim etiam calci totius Codicis

dicis subjunxerit. In Psalmorum libro (quod in reliquis quoque cum Bombergo Drusius præstitit) specimen dissensionum, quæ Ben Ascher & Ben Naphtali horumque asseclas, Judæos item Occidentales, sive Palæstinos, & Orientales, sive Babylonios intercedebant, nude, nulla vel censura vel judicio, cum provincia hæc nimis negotiosa sit, interposito, harum rerum cupidis Cl. Editor propinat. Post cujuslibet libri extremum, si quatuor priores Pentateuchi libros, qui in Præf. §. 30 seqq. enodantur, se moveamus, versuum summa, medius libri versus, Masoretharum capita, una cum eorundem symbolis & horum textibus, quos nemo hæcenus ubique designavit, idiomate & Rabbinico & Latino proponuntur, ac quoties pagellæ spatium permittit, plenius explicantur. Ad manifestissima Accentuum vitia, quæ in Athianis maxime turmatim deprehendisse se affirmat, medicam extendens manum, rationem Accentuum ex optimis cujusvis gentis morem erudit §. 17 sequ. succincte tradit, & de *Pascha*, *Makkab* atque *Metbeg*, quod ultimum pro diversis Athianæ editionis de a. 1667 exemplaribus variis & diversis quoque fatis, quæ ipsum *Hooghtum*, cum Genesin adornaret, quod §. 18 non dissimulat, seduxerunt, circumactum est, lectu jucunda æque ac necessaria inculcat. Alia novæ hujus Bibliorum Hebraicorum editionis commendationi inservientia argumenta non pauca in medium proponi poterant, nisi in eruditissimo præfamine operi præmisso Editor Cl. otium nobis fecisset.

*NOTITIA MAJORUM, PLURIMAS LUBECENSIIUM
aliorumque clarorum Virorum Vitas comprehendens, quam
Filiis impertit JACOBUS a MELLE, Templi pri-
marii, Lubecensis Pastor.*

Lipsiæ, apud Jacobum Fritsch, 1707. 4. Plag. 19.

Jucundam esse atque utilem, imo & interdum necessariam, majorum, quibus quisque prognatus fuit, notitiam, probe secum perpendens Celeberrimus Mellenius, Filiorum suorum trigam felicissime adolescentem ignorare amplius gentis suæ historiam, paulo accuratiorem & diffusiolem noluit, atq; adeo in eruditissimum hoc Schediasma collegit industria haud mediocri, quicquid ex dispersis hinc inde monumentis ad familiæ suæ memoriam con-

servandam indagare potuit. Qua opera ut isti decus ingens conciliavit, sic rem quoque una amplificavit & ornavit literariam, dum, præter vitæ propriæ recensum, aliquorum insuper eruditorum clarorumque Virorum vitam resque gestas ab interitu solerter vindicavit, cum ex materna maxime stirpe eorum haud unos in medium producere ipsi licuerit. Patris quidem majores singulos ex abstrusa antiquitate eruere se haud potuisse fatetur, familia tamen suæ cognomen a solo patrio, cui primam illa debet originem, adscitum fuisse nullus dubitat, ab oppido videlicet *Melle*, quod in Episcopatu Osnabrugensi ad Elsam flumen haud procul ipsa metropoli Osnabruga situm est. Ut vero, quinam heic redivivi veluti sistantur, Lectoribus constet, ex Eruditorum numero allegamus sequentes, ordine, quem Clarissimo Autori sectari placuit, retento: *Jacobum Stolterfohtum*, Ecclesiæ Lubecensis in primario B. Virginis Mariæ Templo Pastorem; *Johannem Kirchmannum*, ex Professore Rostochiensis Scholæ Lubecensis Rectorem; *Johannem Stolterfohtum*, Ecclesiæ Marianæ Pastorem Lubecensem; *Lucam Bacmeisterum*, Theologiæ Professore, Pastorem & Superintendentem Rostochiensem; *Jacobum Bordingum*, Professore Medicum Rostochiensem & Hafniensem, Regisque Daniæ Archiatrum; & quos occasione suavissimæ suæ conjugis, Dorotheæ Pomariæ, adjungit, *Samuelem Pomarium*, Superintendentem Lubecensem, atque *Jeremiam Reuenerum*, Jctum Wittebergensem. Horum vitam, liberos, scripta, fata, & quodcunque modo ad eos spectare visum est, cum cura recensuit. Sed & præterea familiarum Lubecæ spectatissimarum: *Luneburgiana*, *Warendorpiana*, *Crispinorum*, *Mornevechiana*, *Schepensstediana*, *Morkerkiana*, *Bremfiana*, *Westfaliana*, *Attendorniana*, meminit, & notatū de iisdem digniora varia inde ab aliquot seculis repetita & documentis authenticis illustrata exhibuit.

ASTRONOMIÆ COMETICÆ SYNOPSIS, AUTORE EDMUNDO HALLEJO apud Oxonienses Geometria Professore Saviliano & Reg. Soc. S. ex Transf. Anglic. A. 1705 Num. 297 p. 1882 & seqq. huc in compendio translata, retentis fere ubique ipsius Autoris verbis.

Methodum Newtonianam Orbitas Cometarum Geometrice construendi, in Princip. Philos. Nat. propositam & a Gregorio in

in *Elem. Astr.* clarius explicatam calculo Arithmetico accommodavit *Hallejus* ita, ut ope solius Tabulæ generalis insequentis, quam immensi pene calculi fructum prædicat, omnia de motu Cometarum hætenus observata accuratissime repræsentare liceat. Ad illius constructionem sequenti modo pervenit. Assumit, Cometas in Orbibus Parabolicis Solem in Foco situm, ea lege ambire, ut areæ æquales æqualibus temporibus describantur. Quoniam vero Parabolæ omnes inter se similes sunt, si determinata aliqua pars Areæ datæ Parabolæ dividatur in partes quolibet; in omnibus Parabolis fiet similis divisio sub iisdem angulis, atque distantia erunt proportionales. Unde unam Tabulam pro Cometis omnibus sufficere concludit. Sit jam (Fig. 3) S Sol, P O C orbita Cometæ, P Perihelion; O locus, ubi Cometa Quadrante distat a Perihelio, C locus quivis alius. Junge CP, CS: ac fiant ST, SR æquales, ipsi CS, ac ductis rectis CR, CT (quarum hæc Curvæ Tangens est, illa perpendicularis) in axem P SR demitte normalem CQ. Jam data quavis Area COPS, oportet angulum CSP & distantiam CS inquirere. Quoniam ob naturam Parabolæ recta RQ ubique æqualis est semilateri recto, ponatur latus rectum = 2, adeoque RQ = 1; ac sit recta CQ = Z: erit itaque $PQ = \frac{1}{2} Z^2$, Segmentum Parabolicum COP = $\frac{1}{12} Z^3$, Triangulum CSP = $\frac{1}{4} Z$, adeoque area mixtilinea COPS $\frac{1}{12} Z^3 + \frac{1}{4} Z = a$, ac $Z^3 + 3Z = 12a$: ex qua æquatione valor ipsius Z innotescit. Sit jam area OPS in partes centenas dividenda: hæc area duodecima pars est quadrati lateris recti, adeoque 12a æquantur quadrato illi = 4: si itaque successive extrahantur radices æquationum $Z^3 + 3Z = 0, 04 : 0, 08 : 0, 12 : 0, 16$ &c. habebuntur totidem Z seu ordinatæ CQ respectivæ ac divisæ erit SOP in partes centenas. Eodem modo ultra locum O continuandus est calculus. Radix autem hujus æquationis, cum RQ sit = 1, Tangens est Tabularis anguli CRQ sive dimidii anguli CSP, adeoque angulus CSP datur. Ejusdemque anguli CRQ secans RC media proportionalis est inter RQ sive 1 & RT duplam ipsius SC. Quod si SP ponatur 1, adeoque latus rectum 4, ut in Tabula, ipsa RT erit distantia quæsitæ, duplum scilicet ipsius SC in priore Parabola.

TAB. IV.
Fig. 3.

Modum supputandi ex Tabula sic constructa locum Cometæ visum exhibiturus, ex *Newtoni Princip. Phil. Nat.* supponit, Cometæ in Parabola moventis velocitatem ubique esse ad velocitatem Planetæ gyrantis in circulo circa Solem ad eandem a Sole distantiam ut $\sqrt{2}$ ad 1. Si itaque Cometa in Perihelio ad distantiam æqualem distantie Terræ a Sole supponatur, erit area diurna a Cometa descripta ad aream Terræ ut $\sqrt{2}$ ad 1, ac proinde tempus annuum ad tempus, quo Cometa describeret quadrantem orbitæ suæ a Perihelio ut 3.14159 &c. (h. e. area circuli) ad $\sqrt{\frac{8}{9}}$. Cometa igitur describeret qua-

drantem illum diebus 109. 14 h. 46, adeoque area illa Parabolica areæ POS analogæ in centum particulas distributa, singulis diebus competunt 0,912280: cujus Logarithmus 9,960128 in perpetuum usum servandus. Tempora autem, quibus Cometa in distantia majore vel minore Quadrantes similes describeret, esse supponit, ut revolutiones in circulis, h. e. in sesquiplata ratione distantiarum, adeoque areas diurnas in partibus centesimis Quadrantis æstimatas (quas mediû motus mensuras instar graduum ponit) esse in singulis in subsesquialtera ratione distantie Periheliæ a Sole.

Locum itaque Cometæ visum ad datum tempus supputaturus quærat 1. locum \odot ab æquinotio & Logarithmum distantie ejus a Terra: 2. capiat intervallum inter tempus Perihelii & tempus datum in diebus & partibus diei decimalibus, & ejus Logarithmo addat Logarithmum constantem 9,960128 eum complemento Arithmetico sesquialterius Logarithmi distantie Periheliæ a Sole; summa erit Logarithmus motus mediû: 3. cum quo ex Tabula excerpatur angulum a Perihelio & Logarithmum distantie a Sole, ac illum in Cometis *directis* addat, in *retrogradis* subtrahat loco Perihelii, si tempus fuerit post Perihelium, vel contra, si fuerit ante Perihelium, ut habeatur locus Cometæ in orbita; hunc vero addat Logarithmo distantie Periheliæ, ut prodeat Logarithmus distantie veræ Cometæ a Sole. 4. Cum loco Cometæ in orbita, dato loco Nodi capiat distantiam Cometæ a Nodo, ac data inclinatione plani per Trigonometriam eliciat locum ad Eclipticam reductum cum Inclinatione s. latitudine Heliocentrica, ac distantie curtatæ Loga-

Logarithmum. 5. Ex quibus datis eodem modo eruat locum visum cum latitudine visa, quo Planetarum loca ex dato loco & distantia Solis computantur.
Exemplum.

Locus Cometae A. 1683 d. 23 Jul. 13h. 35' vel 13h. 40' T. æquat. hoc est 21 d. 10 h. 56 post Perihelium ad Merid. Londin. computatus.

Log. dist. Perib. 9.748343 Perihel. II 25.29.30 Log. pro dist. 0.111336

Log. sesquialt. 9.622514 Ang. correct. 56.47.20 Log. Perib. 9.748343

Compl. Arithm. 0.377486 Comet. in Orb. V 28.42.10 Co. Sin. Incl. 9.913187
9.960128 88 H 23.23.00 Log. dist. Curt. 9.772866

Log. Temp. 1.310723 Comet. a 8 35.19.10 Log. dist. ☉ 0.006104

Log. Med. Mol. 1.648337 Red. ad Eclip. 4.48.30 ☉ Locus ☉ 10.41.25

Medius Motus. 44.498 Comet. Helioc. H 28.11.30 Com. Visus ☉ 5.11.50
Incl. Bor. 35.2.00 Lat. Bor. 28.52.00

Locus observatus erat ☉ 5.11.30, Latitudo observata Borealis 28° 52'.

Cæterum monet, Cometam anni 1680, qui Solem pene attigit, Tabula generali haud coerceri potuisse ob immanem motus medii velocitatem cum rectum admodum exiguum sit. Suadet itaque ex invento motu medio æquationis $Z^3 + 3Z = \frac{4}{100}$ Mol. med. Tangentem dimidii anguli a Peri-

elio elicere una cum Logarithmo distantia a Sole.

Quamvis vero Cometarum orbes ut perfecte Parabolicos consideraverit; credibile tamen ipsi videtur, eos potius in Orbibus valde Eccentricis circa Solem revolvi & post longissimas periodos reverti. Latus rectum Ellipsis esse ad latus rectum Parabola eandem Periheliam distantiam habentis ut distantiam Apheliam in Ellipsi ad axem totum Ellipse: velocitates autem esse in dimidiata ratione eorundem, adeoque in Orbibus valde Eccentricis rationem hanc proxime ad rationem æqualitatis accedere. Tantillam autem differentiam, quæ ratione majoris in Parabola velocitatis intercedat, facillime in situ Orbis determinando compensari. Tabulam igitur hanc construxit, ut, si quando novus emerferit Cometa, collis elementis dignoscere possimus, an sit aliquis ex antiquis, ac proinde periodum orbitæque axem determinare reditumque prædicere. Ita Cometam anni 1682 eundem esse judicat cum Cometa anno 1531 ab Appiano & 1607 Teplero & Longomontano observato, & anno 1758 rediturum.

Tabula Generalis pro supputando Motu Cometarum
in Orbe Parabolico.

Medius motus.	Angulus a perihelio.	Logarithmus pro distantia a Sole.	Medius motus.	Angulus a perihelio.	Logarithmus pro distantia a Sole.
o	gr.		o	gr.	
1	1. 31. 40	o. 000077	31	42. 55. 07	o. 062400
2	3. 3. 15	o. 000309	32	44. 3. 16	o. 065835
3	4. 34. 43	o. 000694	33	45. 10. 26	o. 069316
4	6. 6. 0	o. 001231	34	46. 16. 35	o. 072839
5	7. 37. 1	o. 001921	35	47. 21. 36	o. 076396
6	9. 7. 44	o. 002759	36	48. 25. 33	o. 079984
7	10. 38. 2	o. 003745	37	49. 28. 29	o. 083604
8	12. 7. 53	o. 004876	38	50. 30. 23	o. 087249
9	13. 37. 17	o. 006151	39	51. 31. 11	o. 090912
10	15. 6. 6	o. 007564	40	52. 30. 54	o. 094594
11	16. 34. 20	o. 009115	41	53. 29. 42	o. 098298
12	18. 1. 54	o. 010798	42	54. 27. 32	o. 102019
13	19. 28. 47	o. 012609	43	55. 24. 22	o. 105752
14	20. 54. 53	o. 014550	44	56. 20. 11	o. 109490
15	22. 20. 14	o. 016607	45	57. 15. 5	c. 113240
16	23. 44. 43	o. 018783	46	58. 9. 2	o. 116995
17	25. 8. 22	o. 021072	47	59. 2. 5	o. 120756
18	26. 31. 7	o. 023470	48	59. 54. 13	o. 124518
19	27. 52. 55	o. 025969	49	60. 45. 26	o. 128278
20	29. 13. 52	o. 028551	50	61. 35. 45	o. 132035
21	30. 33. 39	o. 031263	51	62. 25. 14	o. 135792
22	31. 52. 31	o. 034045	52	63. 13. 50	o. 139541
23	33. 10. 23	o. 036916	53	64. 1. 38	o. 143288
24	34. 27. 12	o. 039864	54	64. 48. 38	o. 147039
25	35. 42. 59	o. 042892	55	65. 34. 50	o. 150762
26	36. 57. 41	o. 045989	56	66. 20. 14	o. 154482
27	38. 11. 20	o. 049154	57	67. 04. 51	o. 158192
28	39. 23. 56	o. 052383	58	67. 48. 22	o. 161890
29	40. 35. 26	o. 055668	59	68. 31. 51	o. 165578
30	41. 45. 50	o. 059010	60	69. 14. 16	o. 169254

Tabula Generalis pro supputando Motu Cometarum in Orbe Parabolico.

Medius motus.	Angelus a perihelio.	Logarithmus pro distantia a Sole.	Medius motus.	Angelus a perihelio.	Logarithmus pro distantia a Sole.
o	gr. ' "		o	gr. ' "	
61	69. 55. 58	o. 172914	91	86. 20. 34	o. 274176
62	70. 36. 50	o. 176557	92	86. 46. 20	o. 277239
63	71. 17. 16	o. 180188	93	87. 11. 43	o. 280284
64	71. 56. 56	o. 183803	94	87. 36. 45	o. 283305
65	72. 35. 57	o. 187404	95	88. 01. 27	o. 286308
66	73. 14. 15	o. 190978	96	88. 25. 49	o. 289293
67	73. 51. 59	o. 194540	97	88. 49. 48	o. 292252
68	74. 29. 6	o. 198085	98	89. 13. 32	o. 295201
69	75. 05. 38	o. 201614	99	89. 36. 54	o. 298122
70	75. 41. 35	o. 205122	100	90. 00. 00	o. 301030
71	76. 16. 56	o. 208612	102	90. 45. 14	o. 306782
72	76. 51. 43	o. 212080	104	91. 29. 18	o. 312469
73	77. 25. 57	o. 215529	106	92. 12. 14	o. 318060
74	77. 59. 41	o. 218963	108	92. 54. 4	o. 323587
75	78. 32. 54	o. 222378	110	93. 34. 52	o. 329042
76	79. 5. 35	o. 225769	112	94. 14. 40	o. 334424
77	79. 37. 45	o. 229142	114	94. 53. 30	o. 339736
78	80. 9. 23	o. 232488	116	95. 31. 22	o. 344979
79	80. 40. 34	o. 235809	118	96. 8. 22	o. 350153
80	81. 11. 16	o. 239127	120	96. 44. 30	o. 355262
81	81. 41. 31	o. 242416	122	97. 19. 48	o. 360306
82	82. 11. 19	o. 245684	124	97. 54. 17	o. 365284
83	82. 40. 40	o. 248933	126	98. 28. 00	o. 370200
84	83. 9. 34	o. 252159	128	99. 00. 57	o. 375052
85	83. 38. 4	o. 255366	130	99. 33. 11	o. 379842
86	84. 6. 8	o. 258552	132	100. 4. 43	o. 384576
87	84. 33. 49	o. 261720	134	100. 35. 45	o. 389252
88	85. 1. 5	o. 264865	136	101. 5. 48	o. 393868
89	85. 27. 58	o. 267989	138	101. 35. 22	o. 398428
90	85. 54. 27	o. 271092	140	102. 4. 19	o. 402930

Tabula Generalis pro supputando Motu Cometarum in
Orbe Parabolico.

Medius motus.	Angelus a perihelio.	Logarithmus pro distantia a Sole.	Medius motus.	Angelus a perihelio.	Logarithmus pro distantia a Sole.
o	gr. ' "		o	gr. ' "	
142	102. 32.41	o. 407380	204	113. 37.25	o. 523406
144	103. 00.31	o. 411784	208	114. 9.52	o. 529705
146	103. 27.47	o. 416132	212	114. 41.23	o. 535886
148	103. 54.31	o. 420430	216	115. 12.02	o. 541958
150	104. 20.43	o. 424576	220	115. 41.51	o. 547922
152	104. 46.22	o. 428866	224	116. 10.52	o. 553782
154	105. 11.33	o. 433012	228	116. 39. 7	o. 559538
156	105. 36.16	o. 437110	232	117. 6.38	o. 565199
158	106. 00.32	o. 441164	236	117. 33.27	o. 570762
160	106. 24.23	o. 445178	240	117. 59.35	o. 576233
162	106. 47.47	o. 449144	244	118. 25. 5	o. 581616
164	107. 10.44	o. 453060	248	118. 49.57	o. 586912
166	107. 33.17	o. 456936	252	119. 14.14	o. 592122
168	107. 55.27	o. 460772	256	119. 37.56	o. 597252
170	108. 17.14	o. 464208	260	120. 1. 6	o. 602301
172	108. 38.37	o. 468318	264	120. 23.44	o. 607274
174	108. 59.39	o. 472030	268	120. 45.52	o. 612174
176	109. 20.20	o. 475705	272	121. 7.30	o. 616998
178	109. 40.40	o. 479340	276	121. 28.39	o. 621754
180	110. 00.40	o. 482937	280	121. 49.22	o. 626438
182	110. 20.20	o. 486498	284	122. 9.38	o. 631056
184	110. 39.41	o. 490022	288	122. 29.28	o. 635608
186	110. 58.44	o. 493512	292	122. 48.54	o. 640098
188	111. 17.28	o. 496965	296	123. 7.57	o. 644525
190	111. 35.55	o. 500384	300	123. 26.36	o. 648893
192	111. 54.05	o. 503769	310	124. 11.40	o. 659559
194	112. 11.58	o. 507121	320	124. 54.36	o. 669880
196	112. 29.34	o. 510441	330	125. 35.34	o. 679876
198	112. 46.55	o. 513729	340	126. 14.44	o. 689568
200	113. 4.00	o. 516984	350	126. 52.12	o. 698970

Tabula

Tabula Generalis pro supputando Motu Cometarum in
Orbe Parabolico.

Medius motus.	Angulus a perihelio.	Logarithmus pro distantia a Sole.	Medius motus.	Angulus a perihelio.	Logarithmus pro distantia a Sole.
o	gr. ' "		o	gr. ' "	
360	127. 28. 6	o. 708104	820	141. 49.24	o. 970836
370	128. 2.33	o. 716976	840	142. 10.00	o. 978397
380	128. 35.38	o. 725606	860	142. 29.56	o. 985771
390	129. 7.27	o. 734006	880	142. 49.10	o. 992970
400	129. 38. 4	o. 742186	900	143. 7.48	I. 000000
410	130. 7. 34	o. 750160	920	143. 25.51	I. 006871
420	1303. 5. 2	o. 757930	940	143. 43.21	I. 013586
430	131. 3. 39	o. 765516	960	144. 00.18	I. 020155
440	131. 30. 2	o. 772918	980	144. 16.46	I. 026583
450	131. 55. 41	o. 780148	1000	144. 32.46	I. 032876
460	132. 20.30	o. 787216	1500	149. 26. 8	I. 158188
470	132. 44.32	o. 794122	2000	152. 26.15	I. 246058
480	133. 7.50	o. 800882	2500	154. 32.20	I. 313703
490	133. 30.25	o. 807494	3000	156. 7.27	I. 368678
500	133. 52.20	o. 813969	3500	157. 22.49	I. 414974
520	134. 34.18	o. 826522	4000	158. 24.36	I. 454950
540	135. 14. 0	o. 838600	4500	159. 16.36	I. 490125
560	135. 51.28	o. 850187	5000	160. 1.12	I. 521521
580	136. 27. 6	o. 861359	5500	160. 40. 5	I. 549874
600	137. 00.57	o. 872155	6000	161. 14.24	I. 575718
620	137. 33.13	o. 882575	6500	161. 45.00	I. 599460
640	138. 3.58	o. 892649	7000	162. 12.34	I. 621417
660	138. 33.21	o. 902401	7500	162. 37.34	I. 641838
680	139. 1.29	o. 911866	8000	163. 00.23	I. 660922
700	139. 28.25	o. 921012	8500	163. 21.20	I. 678834
720	139. 54.16	o. 929907	9000	163. 40.42	I. 695708
740	140. 19. 5	o. 938549	9500	163. 58.38	I. 711662
760	140. 42.56	o. 946951	10000	164. 15.20	I. 726784
780	141. 05.55	o. 955124	50000	170. 52. 0	2. 197960
800	141. 28. 3	o. 963082	100000	172. 45.44	2. 399555

Ff

Come-

Cometarum omnium, haecenus rite observatorum, Motuum in Orbe Parabolico
Elementa Astronomica.

Comete Anni.	Nodus A- scend.	Inclin. Or- bita.	Perihelion in Orbe.	Perihelion in Ecliptica.	Latitudo Pe- riheli.	Distantia Perihelia a Sole.	Log. diff. Perihelie a Sole.	Temp. equat. Periheli Londini. die h.
	gr. ' "	gr. ' "	gr. ' "	gr. ' "	gr. ' "			
1337	II 24. 21. 0	32. 11. 0	γ 7. 59. 0	γ 12. 45. 15	22. 40. 30 B	40666	9. 609236	Junii 2. 6. 2
1472	h 11. 46. 20	5. 20. 0	γ 15. 33. 30	γ 15. 40. 20	4. 25. 50 A	54273	9. 734584	Feb. 28. 22. 23
1531	γ 19. 25. 0	17. 56. 0	γ 1. 39. 0	γ 0. 48. 15	17. 3. 05 B	56700	9. 753583	Aug. 24. 21. 18½
1532	II 20. 27. 0	32. 36. 0	γ 21. 7. 0	γ 16. 59. 40	15. 57. 00 B	50910	9. 706803	Oct. 19. 22. 12
1556	III 25. 42. 0	32. 6. 30	h 8. 50. 0	h 11. 0. 00	31. 10. 20 B	46390	9. 666424	Apr. 21. 20. 3
1577	γ 25. 52. 0	74. 32. 45	γ 9. 22. 0	III 7. 53. 00	69. 35. 20 A	18342	9. 263447	Oct. 26. 18. 45
1580	γ 18. 57. 20	64. 40. 0	γ 19. 5. 50	γ 19. 17. 10	64. 40. 0 B	59028	9. 775450	Nov. 28. 15. 00
1585	γ 7. 42. 30	0. 4. 0	γ 8. 51. 0	γ 8. 59. 10	2. 55. 25 A	109358	0. 038850	Sept. 27. 19. 20
1590	III 15. 30. 40	29. 40. 40	III 6. 54. 30	III 2. 55. 50	22. 45. 50 A	57661	9. 760882	Jan. 29. 3. 45
1596	γ 12. 13. 30	55. 12. 0	III 18. 16. 0	III 22. 44. 35	54. 44. 30 B	51293	9. 710058	Julii 31. 19. 55
1607	γ 20. 21. 0	17. 2. 0	γ 2. 16. 0	γ 1. 29. 40	16. 10. 5 B	58680	9. 768490	Oct. 16. 3. 50
1618	II 16. 1. 0	37. 34. 0	γ 2. 14. 0	γ 6. 10. 00	35. 50. 0 A	37975	9. 579498	Oct. 29. 12. 23
1652	II 28. 10. 0	79. 28. 0	γ 28. 18. 40	II 10. 41. 35	58. 14. 0 A	84750	9. 928140	Nov. 2. 15. 40
1661	II 22. 30. 30	32. 35. 50	γ 25. 58. 40	γ 21. 37. 30	17. 17. 0 B	44851	9. 651772	Jan. 16. 23. 41
1664	II 21. 14. 0	21. 18. 30	γ 10. 41. 25	γ 8. 40. 35	16. 1. 50 A	1025751	0. 011044	Nov. 24. 11. 52
1665	III 18. 02. 0	76. 05. 0	II 11. 54. 30	γ 24. 6. 35	23. 8. 0 B	10649	9. 027309	Apr. 14. 5. 15½
1672	h 27. 30. 30	83. 22. 10	γ 16. 59. 30	γ 9. 26. 00	69. 27. 40 B	69739	9. 843476	Feb. 20. 8. 37
1677	III 26. 49. 10	79. 03. 15	γ 17. 37. 5	γ 16. 21. 05	75. 44. 10 B	28059	9. 448072	Apr. 26. 00. 37½
1680	h 2. 2. 0	60. 56. 0	γ 22. 39. 30	γ 27. 26. 50	8. 11. 10 A	00012½	7. 787106	Dec. 8. 00. 6
1682	γ 21. 16. 30	17. 56. 0	γ 2. 52. 45	γ 2. 0. 30	16. 59. 20 B	58328	9. 705877	Sept. 4. 07. 39
1683	III 23. 23. 0	83. 11. 0	II 25. 29. 30	γ 10. 36. 55	82. 52. 00 B	56020	9. 748343	Julii 3. 2. 50
1684	γ 28. 15. 0	65. 48. 40	III 28. 52. 0	γ 15. 15. 25	26. 35. 20 A	96015	9. 982339	Maji 29. 10. 16
1686	γ 20. 34. 40	31. 21. 40	II 17. 00. 30	II 16. 24. 00	31. 17. 35 B	32500	9. 511883	Sept. 6. 14. 33
1698	γ 27. 44. 15	11. 46. 0	h 00. 51. 15	h 0. 47. 20	0. 38. 10 A	69129	9. 839660	Oct. 8. 16. 57

EZECHIE.

EZECHIELIS SPANHEMII, LIBERI BARONIS ET
Legati Regii, *Dissertationes de Præstantia & usu*
Numismatum. Tomus I.

Lond. impensis Rich. Smith. 1706. f.

Reliquis tribus Dissertationibus, quibus primum Volumen operis divini, cujus recensendi mense Februario initium fecimus, absolvitur, ea continentur, quæ nummorum in Historia veteri commendant utilitatem. Earum priore, quæ septima est totius operis, quid Macedonicæ & Seleucidarum historiæ illi emolumentum afferant, ostenditur. Cumque de Macedonicis Regibus vix pauca in priori operis editione fuissent disputata, accuratior hic de successione eorundem disceptatio instituitur. Ubi ante omnia veterum scriptorum de ea dissensus, Thucydide præeunte, ita componitur, ut Macedonia in superiorem ac inferiorem olim divisa dicatur fuisse. In quorum ista fratres Temenidæ, seu Heraclidæ, Regnum primi occupaverint, a quibus Alexander, Perdiccæ pater, & reliqui ejus majores pariter ac successores sint orti: in illa vero alii Reges regnare poterint iisdem temporibus, qui a scriptoribus sequiorum temporum cum inferioris Macedoniæ Regibus paulatim fuerint confusi, atque non unam Regum Macedonicorum seriem pepेरerint. Qua conjectura eruditis ex Thucydide observationibus firmata, Regum ante Philippum Alexandri parentem certam nullius, nisi Amyntæ prioris, qui sextus sit in illa serie, juxta Herodotum ac Justinum, & alterius Amyntæ, qui sit in illa serie decimus, in antiquo ære nobis superesse memoriam, contra Harduinum defenditur. Priorem Amyntæ nummum a Cl. Begero Vol. I. Thes. Brandeb. p. 63 jam editum aversa parte crucis præ se ferre, Macedoniæ inferioris, h. e. maritimæ, symbolum. Ad hujus vero Amyntæ successorem Alexandrum, vulgo divitem, refertur quidem ab Harduino Chronol. V. T. p. 148 nummum a Golzio adductum, altera parte laureatum Jovis caput, altera equum Thessalicum in quadro, cum legendis, ΑΛΕΞΑΝΔΡΟΥ exhibentem: sed cum ratione destitui, & ab ipso Golzio ad

Alexandrum, Philippi fratrem, patrum Alexandri M. eum referri. Similiter quem ad Perdiccam, prioris illius Alexandri successorem, nonum in serie Macedonica, referat Harduinus, eum Golzium Perdiccae Philippi, Patris Alexandri M. majori natu tribuere. Archelai, Perdiccae illius prioris filii, nummos tres eidem commemorari Harduino: in quorum averfis notatus equus, cum Begero ad instructam ab hoc Rege primum omni bellico apparatu Macedoniam non posse referri dicitur, nisi nummos, quos ad antiquiores quosdam Reges pertinere Harduinus ait, figura in iis notata eadem Regum Archelao posteriorum esse, concedatur demonstrare. De nummis porro Amyntae nomine notatis, cum diversae in iis compareant facies, nec temporis nota ulla, certo, ad quem pertineant, non posse statui. Falsam vero Harduini legem esse, qua rejicit eos, atque ex illo censu tanquam spurios proscribit, in quibus pro AMYNTE, legatur AMYNTOY. Inde ad Philippi Macedonis & Alexandri M. nummos proceditur, in quibus splendidissimus ΒΑCΙΑΕΩΣ titulus, quem Harduinus ante Alexandri excessum in nummis haurit obtinuisse putaverat, observatur; imo eum jam in antiquissimo Amyntae prioris nummo littera B notari, monetur: juxta & certaminum in Alexandri honorem post fata ejus celebratorum memoria ex vetere aere renovatur. Inde Macedoniarum Regum post Alexandrum, Antigoni Gonatae, Philippi ac Persei nummi exhibentur. De quorum Regum insignibus, cornu maxime, sequitur, quae in priore quoque editione legitur, prolixior disceptatio, non illiberaliter passim locupletata. De Regum vero Seleucidarum serie quae afferuntur, nova sunt maximam partem, in qua constituenda felicius rem successuram fuisse Petavio atque aliis, si nummorum subsidio uti voluissent, demonstratur, ut qui omnes Seleucidas excepto Seleuco eo nomine quinto, ordine, addita temporum notatione, exhibeant: ut ex iis imprimis interpretari, supplere & emendare, veterum scriptorum monumenta fas esse videatur. Quem laborem licet occupasse praestantissimo opere Cl. Vaillantius videatur, multa tamen sunt, quae illustrissimo Autori post illam messem satis amplum spicilegium praebere. Talia sunt, quod figuram

figuram stantem, barbatam, tunicatam, capite modio ac tutulo ornatam dextra tridentem tenentem in nummo Alexandri Zabinæ, de qua hæsitaverat Vaillantius, Oper. cit. p. 332, Serapidem omnino esse erudite ostendat: quod Josephi locum Antiquit. L. XIII. Cap. XXI Antiochi Cyziceni filium Antiochum, cum Antonino Pio jungentis, id quod crucem Petavio fixerat, sublata voce ΑΝΤΩΝΙΝΟΥ sanet, qua eliminata ΑΝΤΙΟΧΟΣ εὐσεβὴς sup̄est, quod verum extitit ejus Regis cognomen; aliaque ejus commatis. Qualia adsparguntur quoque nonnulla, quæ ista excipit, tractioni, de cognominibus Seleucidarum, quibus in priore editione fusc deducta subinde exornantur. Hinc Dissertatione octava de Parthorum Regum seu Arsacidarum nummis differitur, atque aliquot eorum antea inediti ex gazis Pembrocianis, Mediceis, & Regis Galliarum producuntur, in quibus cum obscura videri possint legenda unius, qui ab altera parte caput Arsacidæ exhibet in Fig. 4 cum tiara & littera B, in altera Regem sedentem, cum figura stante & cingulum ei præbente, cumque litteris ΑΣΙΑ ΑΑ ΕΠΙΦ. quæ explicare Vir summus non est dignatus, legenda esse putemus Βασιλέως (nempe B ex parte anteriore jungendum) Αρσάκης, (id enim, compendio scribendi factò, notatur litteris ΑΑ,) ἐπιφανὴς. Inter insignia Parthorum, (de ceteris enim in priore editione actum etiam fuerat,) singularis est observatio de stella in Fig. 5. quam eo trahit Vir illustrissimus, quod fundator hujus imperii Arsaces in numerum Deorum fuerit relatus, unde subsecuti Arsacidæ *participes siderum, fratres Solis & Lunæ* appellati voluerint, quod constat ex Ammiano XVII, 5 & XXIII, 6. De titulis eorum agens, antea dictis, de ἐνεργέτης καὶ ἐπιφανὴς, καὶ δίκαιος cognominibus, in nummis tribui eis solitis, nonnulla addidit. De Tigranis inde Armeniorum Regis, Seleucidarum & Arsacidarum rebus immixti, nummis peculiari opera agit; ut & de nummis Cappadociæ Regum Ariarathæ, Ariobarzani & Archelai, quorum omnium pauca in pristino opere attigerat: illi vero tractationi de Φιλορωμαίῳ appellatione, quam ii sibi Reges vendicaverant,

TAB. IV.
Fig. 4.

Fig. 5.

olim disputata inserit. Hinc de Ponti & Bithyniæ Regibus
 a Specim. p. ex nummis agit, cumque de eorum æra Morelli, a) Vaillan-
 234 tii, b) Harduini c) adtulisset sententias, atque explosisset, rem in
 b not. ad Se- medio relinquere videtur. Inde ad Bospori Reges delatus, de
 guin. p. 396 nova serie eorum, ex nummis maxime concinnanda, prout in
 c Chronol. Academia Antiquitatum Parisiensi a J. Vaillantio proposita, &
 V.T.p. 222. a Bernardo in Nova Reip. litterariæ relata fuit, nonnulla dif-
 224. ferit. Atque ante omnia quidem a Vaillantio expectare se ait
 M. Junio causam, cur eosdem Cotyos, Jninthymevi, & Rhescuporidis, &
 1703. quidem ut totidem Bospori Regum nummos ad Trajanum ac
 Hadrianum, signatamque in iis æram ad æram Bospori Regum
 nunc referat; quos tamen nummos velut totidem Thraciæ
 Regum; æram autem ad æram Thracum antiquissimam, in e-
 ditis ad Seguinum notis retulerit, idque eo magis, quod hæc
 æra maxime diffideat a signata in priorum Ponti & Bospori Re-
 gum nummis æra. Neque vero se nosse etiam ait, an alibi Rhef-
 cyporidis, qui Hadriani ævo: vel alterius sub Antonino Pio,
 aut tertii eodem sub Severo nomine, totidem Bospori, ut Va-
 illantius velit, Regum, facta occurrat mentio: cum alias sub
 Hadriano & Severo *Sauromata* in Bosporo Rex commemo-
 retur. Sequitur de Thraciæ Regibus diligentior disquisitio,
 ubi rursus de Vaillantii systemate, Reges quosdam Thraciæ in
 Bosporum relegantis, agitur. Pergameni proximi sunt, eaque
 occasione fusa de Eurypyli facie signato nummo & Pergami ur-
 bis conditore agitur: inde de Cariæ Dynastarum nummis cum
 Jove Labradensi seu militari: post de Judæorum Regibus Eth-
 narchis & Tetrarchis ex iisdem. Hic in Herodis M. Ethnar-
 chæ nummo, quod lilium phaseliticum interpretatus fuerat.
 de Numm. Harduinus, id galea esse ostenditur cum cauda equina, addu-
 Herod. p. 4. cto alio consimili, in quo clarius galea dignoscitur. Alius He-
 7. rodus nummus cum ata accensa, Harduino indictus, in cujus
 TAB. IV. averfa galæa sit, non apex sacerdotalis, ut visum quibusdam, cujus
 Fig. 6. sit Herodis, non liquere satis, verosimile tamen esse, quod sit nepo-
 tis ex Aristobulo filio magni Herodis, de quo apud Josephum
 Fig. 7. Antiqu. XX, 1, qui Claudio imperante vixerit. In Agrippæ
 Junioris nummis spicis ab una, tabernaculo ab altera parte Ta-
 bernacu-

bernaculorum & Pentecostes festum notari, non Imperatoris munus, ut Harduinus voluerat, quale ei delatum esse nullis idoneis monumentis probari queat. De Abgaris proximo loco Edessenorum Regibus nonnulla sequuntur, eorumque prænominibus, Romanis imprimis, eos in clientela Antoninorum fuisse testantibus. Mox de Numidiæ & Mauritanæ, & inde de Sicilia Regibus, agmen denique claudentibus Gotthorum, Vandalorum aliarumque in partibus Europæ septentrionalibus gentium Principibus.

Quæ in priore opere non nisi paucissimis tractata fuerant, de illustrandis ex vetere ære urbium antiquitatibus, ea jam copiose atque luculenter tota Dissertatione nona tractantur. Hic primum de antiquis & oblivione plane sepultis urbium nominibus ex eo eruendis, quale *Patrarum* urbis, primæ quondam Achaicarum, cujus antiquius nomen *Aroes*, in solis nummis superstes. Succedunt conditores urbium & consecrati in iis Heroes. Inde de insignibus coloniarum agitur, quæ cum matribus urbibus ipsis communia, eas prodere soleant, ut Apolloniatarum nummi, cum iisdem prorsus typis, qui in Corcyæorum humis occurrunt, affatim loquantur, Corcyram ab iis pro antiqua patria habitam fuisse. Hinc servata a Colonis in nummis Sacrorum atque Deorum, quos conditores ipsorum colerent, memoria ob oculos ponitur. Mox de Metropolibus agitur & coloniarum ab iis propagatarum in nummis monumentis, qua occasione nummus Heracleotarum, in quo urbs illa ΜΑΤΡΟΣ ΑΠΟΙΚΩΝ ΠΟΛΙΩΝ titulo honoratur, ab aliis quidem editus, prolixè illustratur, & de juribus ac privilegiis Metropoleon ratione coloniarum differitur. Porro de Metropolibus provinciarum nonnulla adduntur, & primo quidem de Metropolibus Imperio Romano nondum subiectis, quales Antiochia & Tyrus, quibus frequens est in nummis illius tituli honos, antequam Romani potestate in eas potirentur; tum secundo de Metropolibus in orbe Romano constitutis: quales plures in una eademque provincia, temporis decursu, tum veteri urbium contentione, tum peculiari Imperatorum indulgentia constitutas esse observatur, idque exemplis Metropoleon Phœniciz, Palæstinæ, Ciliciæ, Cappadociæ, Bithyniæ, Pontû,

TAB. IV.
Fig. 8.

Ponti, Mesopotamiz, probatur. Et in Sicilia quidem præter Tarsum metropoleos jura Anazarbum consecutam fuisse, jam observatum esse Viris doctis, nec tamen Elagabali primum favore, ut visum Norisio, id quod probatur, producto ex c. meliis Vrenianis Caracallæ nummo, quem ut Elagabali non esse, sed Caracallæ constet, ejus typum in Fig. 8 exhibuimus. At nescimus, an capitis legenda eum nummum ad Caracallam referri patiantur: sic enim illa ΑΥΤ.Κ.Μ.ΑΥCEOΥΗ... quæ manifeste suadent, non ad *Caracallam*, sed qui post Elagabalum imperavit, *Severum Alexandrum* hunc nummum referendum esse, atque adeo extritas litteras esse non quæ *Anonini*, sed quæ Alexandri nomen conficiant. Peculiaris autem de Proconsularis Asiæ Metropolitibus, & Imperat. Caracallæ ad eas rescripto apud Ulpian. Leg. IV. §. 5. D. de offic. Proconsul. tractatio instituitur. Illa *μητροπόλεως* dignitas titulo *πρωτης* in nummis passim signatur, cujus rei exempla in nummis Nicomediæ & Niceæ in Bithynia, Ephesi, Smyrnæ & Pergami in Proconsulari Asia, quæ *πρωται Ασίας* passim dicuntur; porro in nummis Tripolitarum in Phœnicia, Mytilenes & Sami in Asia proconsulari, eaque occasione de peculiari Smyrnæ primatu speciatim agitur, qui in maximo Caracallæ nummo hac inscriptione celebratur: *CMTPNAION. ΠΡΩΤΩΝ. ΑCΙΑC. Γ. ΝΕΩΚΟΡΩΝ. ΤΩΝ. CΕΒΑCΤΩΝ. ΚΑΛΛΕΙ. ΚΑΙ. ΜΕΤΕΘΕΙ.* Alium vero sensum titulum *πρωτης* in Macedonicis quibusdam nummis habere monetur: ea enim in IV Provinciis a Paulo Æmilio, victo Perseo, divisa, inde obtinuit, ut in Nummis *ΜΑΚΕΔΟΝΩΝ ΠΡΩΤΗΣ* non tantum, sed & *ΜΑΚΕΔΟΝΩΝ ΔΕΥΤΕΡΑC* legeretur. In nummo vero Magnetum tanquam singulare annotatur, quod honori ea urbs sibi duxerit, vel septimo loco in urbibus Asiæ censeri, cujus rei indicium in duobus Gordiani nummis ex thesauris Galliarum Regis in Fig. 9 & 10 exhibetur. Excipit illa de urbibus *ιεραϊς & αὐτοῖς*, quarum in nummis mentio, *διασχεψι.* Inde *ἐλευθερίας & αὐτονομίας* tituli urbibus tributi explicantur. *Ναυαρχίδες* porro urbes in nummis non ex esse contra

Fig. 9 & 10.

Contra Vaillantium probantur, quæ primæ sint inter maritimas, ut idem sit urbs *ναυαρχίς* in littoralibus, quod *μητρόπολις* in imediterraneis. Nam multas ex maritimis & *μητροπόλεις* & *ναυαρχίδας* dici: sed eas, in quibus naves ad tutelam provincæ in statione essent, in quas imperium etiam talibus urbibus esset concessum. De magistratibus porro urbium, quorum in nummis est mentio, nonnulla annotantur. Et primo quidem de magistratu *ἀρχόντων*, eorumque collegio, quod *συναρχία* in iis dicatur passim: inde de *στρατηγοῖς* sive urbanis prætoribus; proximo loco de Prytanibus & *γραμματεῦσι*; postremo denique de Sophistis quibusdam sermo instituitur, a quibus gestorum magistratuum peculiaris existat in veteri ære mentio. Tales nummi producuntur a Polemone Smyræorum *στρατηγῶ* cusi, item alii, in quibus Attali, Procli, Ruffini, Vari *στρατηγία*, h. e. præturæ signantur. Postremo quid *ἐπιμεληταὶ* & *ἐπιστάται* sibi in veteribus nummis velint, exponitur, nempe *ἐπιμελητὰς* significare, quibus extraordinaria aliqua loci cujusvis vel oppidi cura sit demandata statuitur: *ἐπιστάτας*, quibus quæcunque cujusvis rei inspectio, esset concredita, unde addatur haut raro, cujus rei sint *ἐπιστάται*, quibus hic titulus tribuitur; ex. c. *ἐπιστάτης τεμένους* &c.

Atque hic quidem subsistit Opus multivaria doctrina refertissimum, lectu jucundissimum, usu maximum, hoc magis stupendum, quod ea ætate, eo vitæ genere, in medio aulæ strepitu, inter publicorum negotiorum amplissimos cumulos, a Viro incomparabili huc usque deduci potuerit. Quod finem facientes optamus, hoc est, ne ad finem haut perductum opus, qua parte deficit, majus eruditus desiderium, quam qua spectatur, admirationem omnibus Apelleæ Veneris exemplo injiciat.

RATIOCINIORUM MECHANICORUM IN MEDICINA
Ufus vindicatus, per CHRISTIANUM
STRÖM.

Lugduni Batavor. apud Andream Dyckhuysen, 1707, in 8.
 Plag. 4.

Ratiociniorum Mechanicorum in Medicina usum *Autor* vindicaturus, ante omnia eos ignorantiae arguit, qui Mechanicorum nomen fabris solummodo lignariis competere scribunt, quasi rerum Mathematicarum periti alios tali indigerent titulo, quam qui præter pondus, mensuram & numerum, quibus Numen Divinum cuncta constituit, cum in rebus corporeis, tum in corpore speciatim humano, nequaquam concipere valeant. Nec illorum æquiores censet causas, qui ex antiquitatis amore ratiocinia Mechanica unice averfantur, quod veterum Medicorum princeps, *Hippocrates* Thessalo filio in epistola quadam multum Geometriæ & numerorum scientiæ studium luculentissime commendaverit, veterumque Græcorum præcipua medendi ratio Mechanica extiterit. Recentiorum tamen scientiam Geometricam propter multa seculo elapso detecta nova perfectiorem expendens, quam Hippocratis, a Democrito haustam, ad Chemicos quosdam delabitur, qui scientiæ suæ autoritatem in theoria Medica adversus Mechanicos, in specie *Archibaldum Piscarnium* & *Hermannum Boerhaave*, omnibus tueri modis allaborant. Hos siquidem considerare jubet, quid ratiocinium Chemicum a Mechanico habeat diversi, dum Chemica non nisi ars sit, corporum naturalium compagem & texturam explicandi, explicatamque componendi. Chemiam, quippe a Mechanicis neutiquam ex Medicina proscribi, sed ab his tantummodo exigi, ut ne Chemicis sua ratiocinia, quamvis vere Mechanica, cum illis confundant, quæ machinæ nostræ organis sunt propria, eademque temere ad theoriā Medicam applicent instar eorum, qui cordis motum ab effervescentiis, musculorum contractiones ab acidi & alcali conflictu, ciborum in ventriculo dissolutionem a liquore acri, aut fermentatione vera, humorum

humorum diversorum in glandulis diversis secretiones a fermentis olim derivarunt. *Robertum Boyle* itaque extollit, quod, licet ipse Chemicus præstantissimus, omnia tamen ad normam, non principiorum Chemicorum, sed legum Mechanicarum examinans exemplum reliquerit, in motuum machinæ nostræ explicatione unice ad principia Mechanica confugiendi, in casu vero, quo medicamentorum desideratur confectio, Chemicam consulendi. Et quamvis Mechanicorum nonnulli fortasse in ægrotis restituendis infeliciores fuerint, verioreni nihilominus eorum cognitionem tanquam effectus hujus causam jure culpari, eo magis negat, quo plura sæpius obstacula intervenire possint, & quo minus ipsi soli excidere soleant scopo. Quia imo ad morbos oculorum, aurium, aliarumque partium provocat, Mechanicorum industria promptius, quam aliorum levatos, postquam varii generis lentes polire, tubos surdorum auribus aptare, atque adscititiis membris munia obire læsa docuerunt. Quodsi vero majora ab iis, qui naturæ se leges exactius scire gloriantur, quam ab aliis, postulentur, regerit Noster, quoad successum in agendo inter naturæ legum gnaros & ignaros vix multum haberi discriminis, ceu quod ex voluptate magis, quam utrique ex opere suo percipiunt, atque in agendo fiducia debeat æstimari. Tandem in eos, qui Mechanicorum ratiocinia atque inconstantia proclamant, ac objecta eorundem mutabilia, multum invehitur, cum ratiocinia ideo vera esse non desinant, etiamsi a prudenti Mechanico pro necessitate immutentur. Si quæ vero inter artis peritōs diversitas reperiatur, eam cum aliis sectis communem non vitio scientiæ, verum temporum & subsidiorum adscribit defectui, quo multæ machinæ nostræ proprietates latuerint, usque recentissimorum demum labore fuerint detectæ. Neque ullus dubitat, quin Medici posthac eadem industria in corporis nostri inquisitione pergentes, multa in nobis reprehensione digna sint deprehensuri. Causam interim eorum haud agit, qui scientiæ Mechanicæ prorsus ignari tam pulchro nomine velint superbire, hypotheses aut rectius hypothesium simulacra fingentes, quibus intricatissima quævis expedire se posse ignorantibus persuadent,

Cometarum omnium, haftenus rite observatorum, Motuum in Orbe Parabolico
Elementa Astronomica.

Cometa Anni.	Notus A- scend.	Inclin. Or- bitae.	Perihelion in Orbe.	Perihelion in Elliptica.	Latitudo Pe- riheli.	Diffantia Perihelii a Sole.	Log. dist. Perihelii a Sole.	Temp. aequat. Perihelii Londini. die h.
1337	gr. 24. 21. 0	gr. 32. 11. 0	gr. 7. 59. 0	gr. 12. 45. 15	gr. 22. 40. 30 B	40666	9. 609236	Junii 2. 6. 2
1472	h 11. 46. 20	h 5. 20. 0	h 15. 33. 30	h 15. 40. 20	h 4. 25. 50 A	54273	9. 734584	Feb. 28. 2. 23
1531	h 19. 25. 0	h 17. 56. 0	h 1. 39. 0	h 0. 48. 15	h 17. 3. 05 B	56700	9. 753583	Aug. 24. 21. 18 1/2
1532	h 20. 27. 0	h 32. 36. 0	h 21. 7. 0	h 16. 59. 40	h 15. 57. 00 B	50910	9. 706803	Oct. 19. 22. 12
1556	h 25. 42. 0	h 32. 6. 30	h 8. 50. 0	h 11. 6. 00	h 31. 10. 20 B	46390	9. 666424	Apr. 21. 20. 3
1577	h 25. 52. 0	h 74. 32. 45	h 9. 22. 0	h 7. 53. 00	h 69. 35. 20 A	18342	9. 263447	Oct. 26. 18. 45
1580	h 18. 57. 20	h 64. 40. 0	h 19. 5. 50	h 19. 17. 10	h 64. 40. 0 B	59028	9. 775450	Nov. 28. 15. 00
1585	h 7. 42. 30	h 6. 4. 0	h 8. 51. 0	h 8. 59. 10	h 2. 55. 25 A	109358	0. 938850	Sept. 27. 19. 20
1590	h 15. 30. 40	h 29. 40. 40	h 6. 54. 30	h 2. 55. 50	h 22. 45. 50 A	57661	9. 760882	Jan. 29. 3. 45
1596	h 12. 12. 30	h 55. 12. 0	h 18. 16. 0	h 22. 44. 35	h 54. 44. 30 B	51293	9. 710058	Julii 31. 19. 55
1607	h 20. 21. 0	h 17. 2. 0	h 2. 16. 0	h 1. 29. 40	h 16. 10. 5 B	58680	9. 768490	Oct. 16. 3. 50
1618	h 16. 1. 0	h 37. 34. 0	h 2. 14. 0	h 6. 10. 00	h 35. 50. 0 A	37975	9. 579498	Oct. 29. 12. 23
1652	h 28. 10. 0	h 79. 28. 0	h 28. 18. 40	h 10. 41. 35	h 58. 14. 0 A	84750	9. 928140	Nov. 2. 15. 40
1661	h 22. 30. 30	h 32. 35. 50	h 25. 58. 40	h 21. 37. 30	h 17. 17. 0 B	44851	9. 651772	Jan. 16. 23. 41
1664	h 21. 14. 0	h 21. 18. 30	h 10. 41. 25	h 8. 40. 35	h 16. 1. 50 A	102575 1/2	0. 011044	Nov. 24. 11. 52
1665	h 18. 02. 0	h 76. 05. 0	h 11. 54. 30	h 24. 6. 35	h 23. 8. 0 B	10649	9. 027309	Apr. 14. 5. 15 1/2
1672	h 27. 30. 30	h 83. 22. 10	h 16. 59. 30	h 9. 26. 00	h 69. 27. 40 B	69739	9. 843476	Feb. 20. 8. 37
1677	h 26. 49. 10	h 79. 03. 15	h 17. 37. 5	h 16. 21. 05	h 75. 44. 10 B	28059	9. 448072	Apr. 26. 00. 37 1/2
1680	h 2. 2. 0	h 60. 56. 0	h 22. 39. 30	h 27. 26. 50	h 8. 11. 10 A	00612 1/2	7. 787106	Dec. 8. 00. 6
1682	h 21. 16. 30	h 17. 56. 0	h 2. 52. 45	h 2. 0. 30	h 16. 59. 20 B	58328	9. 765877	Sept. 4. 07. 39
1683	h 23. 23. 0	h 83. 11. 0	h 25. 29. 30	h 10. 36. 55	h 82. 52. 00 B	56020	9. 748343	Julii 3. 2. 50
1684	h 28. 15. 0	h 65. 48. 40	h 28. 52. 0	h 15. 15. 25	h 26. 35. 20 A	96015	9. 982339	Maii 29. 10. 16
1686	h 20. 34. 40	h 31. 21. 40	h 17. 00. 30	h 16. 24. 00	h 31. 17. 35 B	32500	9. 511883	Sept. 6. 14. 33
1698	h 27. 44. 15	h 11. 46. 0	h 00. 51. 15	h 0. 47. 20	h 0. 38. 10 A	69129	9. 839660	Oct. 8. 16. 57

EZECHIE.

EZECHIELIS SPANHEMII, LIBERI BARONIS ET
Legati Regii, Dissertationes de Præstantia. & usu
Numismatum. Tomus I.

Lond. impensis Rich. Smith. 1706. f.

Reliquis tribus Dissertationibus, quibus primum Volumen operis divini, cujus recensendi mense Februario initium fecimus, absolvitur, ea continentur, quæ nummorum in Historia veteri commendant utilitatem. Earum priore, quæ septima est totius operis, quid Macedonicæ & Seleucidarum historiæ illi emolumentum afferant, ostenditur. Cumque de Macedonicis Regibus vix pauca in prioris operis editione fuissent disputata, accuratior hic de successione eorundem disceptatio instituitur. Ubi ante omnia veterum scriptorum de ea dissensus, Thucydide præeunte, ita componitur, ut Macedonia in superiorem ac inferiorem olim divisa dicatur fuisse. In quorum ista fratres Temenidæ, seu Heraclidæ, Regnum primi occupaverint, a quibus Alexander, Perdicæ pater, & reliqui ejus majores pariter ac successores sint orti: in illa vero alii Reges regnare poterint iisdem temporibus, qui a scriptoribus sequiorum temporum cum inferioris Macedoniæ Regibus paulatim fuerint confusi, atque non unam Regum Macedonicorum seriem pepेरerint. Qua conjectura eruditis ex Thucydide observationibus firmata, Regum ante Philippum Alexandri parentem certam nullius, nisi Amyntæ prioris, qui sextus sit in illa serie, juxta Herodotum ac Justinum, & alterius Amyntæ, qui sit in illa serie decimus, in antiquo ære nobis superesse memoriam, contra Harduinum defenditur. Priorem Amyntæ nummum a Cl. Begero Vol. I. Thes. Brandeb. p. 63 jam editum averfa parte cancrum præ se ferre, Macedoniæ inferioris, h. e. maritimæ, symbolum. Ad hujus vero Amyntæ successorem Alexandrum, vulgo divitem, referri quidem ab Harduino Chronol. V. T. p. 148 nummum a Golzio adductum, altera parte laureatum Jovis caput, altera equum Thessalicum in quadro, cum legendis, ΑΛΕΞΑΝΔΡΟΤ exhibentem: sed cum ratione destitui, & ab ipso Golzio ad

Alexandrum, Philippi fratrem, patrum Alexandri M. eum referri. Similiter quem ad Perdiccam, prioris illius Alexandri successorem, nonum in serie Macedonica, referat Harduinus, eum Golzium Perdicæ Philippi, Patris Alexandri M. majori natu tribuere. Archelai, Perdicæ illius prioris filii, nummos tres eidem commemorari Harduino: in quorum averſis notatus equus, cum Begero ad instructam ab hoc Rege primum omni bellico apparatu Macedoniam non posse referri dicitur, nisi nummos, quos ad antiquiores quosdam Reges pertinere Harduinus ait, figura in iis notata eadem Regum Archelao posteriorum esse, concedatur demonstrare. De nummis porro Amyntæ nomine notatis, cum diversæ in iis compareant facies, nec temporis nota ulla, certo, ad quem pertineant, non posse statui. Falsam vero Harduini legem esse, qua rejicit eos, atque ex illo censu tanquam spurios proſcribit, in quibus pro AMYNTA, legatur AMYNTOY. Inde ad Philippi Macedonis & Alexandri M. nummos proceditur, in quibus splendidissimus BACIAEQΣ titulus, quem Harduinus ante Alexandri excessum in nummis haur obtinuisse putaverat, observatur; imo eum jam in antiquissimo Amyntæ prioris nummo littera B notari, moneatur: juxta & certaminum in Alexandri honorem post facta, ejus celebratorum memoria ex vetere ære renovatur. Inde, Macedoniz Regum post Alexandrum, Antigoni Gonatz, Philippi ac Perſei nummi exhibentur. De quorum Regum insignibus, cornu maxime, sequitur, quæ in priore quoque editione legitur, prolixior disceptatio, non illiberaliter passim locupletata. De Regum vero Seleucidarum serie quæ afferuntur, nova sunt maximam partem, in qua constituenda feliciter rem successuram fuisse Petavio atque aliis, si nummorum subsidio uti voluissent, demonstratur, ut qui omnes Seleucidas excepto Seleuco eo nomine quinto, ordine, addita temporum notatione, exhibeant: ut ex iis in primis interpretari, supplere & emendare veterum scriptorum monumenta fas esse videatur. Quem laborem licet occupasse præstantissimo opere Cl. Vaillantius videatur, multa tamen sunt, quæ illustrissimo Autori post illam messem satis amplum spicilegium præbuere. Talia sunt, quod figuram

figuram stantem, barbatam, tunicatam, capite modio ac tutulo ornatam dextra tridentem tenentem in nummo Alexandri Zabinæ, de qua hæsitaverat Vaillantius, Oper. cit. p. 332, Serapidem omnino esse crude ostendat: quod Josephi locum Antiquit. L. XIII. Cap. XXI Antiochi Cyziceni filium Antiochum, cum Antonino Pio jungentis, id quod crucem Petavio fixerat, sublata voce **ΑΝΤΩΝΙΝΟΥ** sanet, qua eliminata **ΑΝΤΙΟΧΟΣ** **ΙΟΥΣΕΒΗΣ** sup̄est, quod verum extitit ejus Regis cognomen; aliaque ejus commatis. Qualia adsparguntur quoque nonnulla, quæ ista excipit, tractioni, de cognominibus Seleucidarum, quibus in priore editione fuscæ deducta subinde exornantur. Hinc Dissertatione octava de Parthorum Regum seu Arsacidarum nummis differitur, atque aliquot eorum antea inediti ex gazis Pembrocianis, Mediceis, & Regis Galliarum producuntur, in quibus cum obscura videri possint legenda unius, qui ab altera parte caput Arsacidæ exhibet in Fig. 4 cum tiara & littera B, in altera Regem sedentem, cum figura stante & cingulum ei præbente, cumque litteris **ΑΣΙΑ ΑΑ ΕΠΙΘ.** quæ explicare Vir summus non est dignatus, legenda esse putemus **ΒΑΣΙΛΕΥΣ** (nempe B ex parte anteriore jungendum) **ΑΡΣΑΚΗΣ**, (id enim, compendio scribendi factò, notatur litteris AA,) **ΕΠΙΦΑΝΗΣ**. Inter insignia Parthorum, (de ceteris enim in priore editione actum etiam fuerat,) singularis est observatio de stella in Fig. 5. quæ eò trahit Vir illustrissimus, quod fundator hujus imperii Arsaces in numerum Deorum fuerit relatus, unde subsecuti Arsacidæ *participes siderum, fratres Solis & Lune* appellati voluerint, quod constat ex Anniano XVII, 5 & XXIII, 6. De titulis eorum agens, antea dictis, de **ΕΥΕΡΓΕΤΗΣ** **ΚΑΙ ΕΠΙΦΑΝΗΣ**, **ΚΑΙ ΔΙΚΑΙΣ** cognominibus, in nummis tribui eis solitis, nonnulla addidit. De Tigranis inde Armeniorum Regis, Seleucidarum & Arsacidarum rebus immixti, nummis peculiari opera agit; ut & de nummis Cappadociæ Regum Ariarathæ, Ariobarzanis & Archelai, quorum omnium pauca in pristino opere attigerat: illi vero tractationi de **ΦΙΛΩΡΩΜΑΤΙ** appellatione, quam ii sibi Reges vendicaverant,

TAB. IV.
Fig. 4.

Fig. 5.

olim disputata inserit. Hinc de Ponti & Bithyniæ Regibus
 a Specim. p. ex nummis agit, cumque de eorum æra Morelli, a) Vaillantii, b) Harduini c) adtulisset sententias, atque explosisset, rem in
 234 b not. ad Se- medio relinquere videtur. Inde ad Bospori Reges delatus, de
 guin. p. 396 nova serie eorum, ex nummis maxime concinnanda, prout in
 c Chronol. Academia Antiquitatum Parisiensi a J. Vaillantio proposita, &
 V.T.p. 222. a Bernardo in Nova Reip. litterariæ relata fuit, nonnulla dis-
 224. ferit. Atque ante omnia quidem a Vaillantio expectare se ait
 M. Junio causam, cur eosdem Cotyos, Jninthymeui, & Rhescuporidis, &
 1703. quidem ut totidem Bospori Regum nummos ad Trajanum ac
 Hadrianum, signatamque in iis æram ad æram Bospori Regum
 nunc referat; quos tamen nummos velut totidem Thraciæ
 Regum; æram autem ad æram Thracum antiquissimam, in e-
 ditis ad Seguinum notis retulerit, idque eo magis, quod hæc
 æra maxime diffideat a signata in priorum Ponti & Bospori Re-
 gum nummis æra. Neque vero se nosse etiam ait, an alibi Rhescuporidis,
 qui Hadriani ævo: vel alterius sub Antonino Pio,
 aut tertii eodem sub Severo nomine, totidem Bospori, ut Va-
 illantius velit, Regum, facta occurrat mentio: cum alias sub
 Hadriano & Severo *Sauromata* in Bosporo Rex commemo-
 retur. Sequitur de Thraciæ Regibus diligentior disquisitio,
 ubi rursus de Vaillantii systemate, Reges quosdam Thraciæ in
 Bosporum relegantis, agitur. Pergameni proximi sunt, eaque
 occasione fusa de Eurypyli facie signato nummo & Pergami ur-
 bis conditore agitur: inde de Cariæ Dynastarum nummis cum
 Jove Labradensi seu militari: post de Judæorum Regibus Ethnar-
 narchis & Tetrarchis ex iisdem. Hic in Herodis M. Ethnar-
 chæ nummo, quod lilium phaseliticum interpretatus fuerat,
 de Numm. Harduinus, id galeæ esse ostenditur cum cauda equina, addu-
 Herod. p. 4. cto alio consimili, in quo clarius galea dignoscitur. Alius He-
 7. rodus nummus cum ata accensa, Harduino indictus, in cujus
 TAB. IV. averfa galea sit, non apex sacerdotalis, ut visum quibusdam, cujus
 Fig. 6. sit Herodis, non liquere satis, verosimile tamen esse, quod sit nepo-
 tis ex Aristobulo filio magni Herodis, de quo apud Josephum
 Fig. 7. Antiqu. XX, 1, qui Claudio imperante vixerit. In Agrippæ
 Junioris nummis spicis ab una, tabernaculo ab altera parte Ta-
 bernacu-

bernaculorum & Pentecostes festum notari, non Imperatoris munus, ut Harduinus voluerat, quale ei delatum esse nullis idoneis monumentis probari queat. De Abgaris proximo loco Edessenorum Regibus nonnulla sequuntur, eorumque prænominibus, Romanis imprimis, eos in clientela Antoninorum fuisse testantibus. Mox de Numidiæ & Mauritanix, & inde de Sicilia Regibus, agmen denique claudentibus Gotthorum, Vandalorum aliarumque in partibus Europæ septentrionalibus gentium Principibus.

Quæ in priore opere non nisi paucissimis tractata fuerant, de illustrandis ex vetere ære urbium antiquitatibus, ea jam copiose atque luculenter tota Dissertatione nona tractantur. Hic primum de antiquis & oblivione plane sepultis urbium nominibus ex eo eruendis, quale *Patrarum* urbis, primæ quondam Achæicarum, cujus antiquius nomen *Aroes*, in solis nummis superstes. Succedunt conditores urbium, & consecrati in iis Heroes. Inde de insignibus coloniarum agitur, quæ cum matribus urbibus ipsis communia, eas prodere soleant, ut Apolloniatarum nummi, cum iisdem prorsus typis, qui in Corcyæorum humis occurrunt, affatim loquantur, Corcyram ab iis pro antiqua patria habitam fuisse. Hinc servata a Colonis in nummis Sacrorum atque Deorum, quos conditores ipsorum colerent, memoria ob oculos ponitur. Mox de Metropolibus agitur & coloniarum ab iis propagatarum in nummis monumentis, qua occasione nummus Heracleotarum, in quo urbs illa ΜΑΤΡΟΣ ΑΠΟΙΚΩΝ ΠΟΛΙΩΝ titulo honoratur, ab aliis quidem editus, prolixè illustratur, & de juribus ad privilegiis Metropoleon ratione coloniarum disseritur. Porro de Metropolibus provinciarum nonnulla adduntur, & primo quidem de Metropolibus Imperio Romano nondum subiectis, quales Antiochia & Tyrus, quibus frequens est in nummis illius tituli honos, antequam Romani potestate in eas potirentur; tum secundo de Metropolibus in orbe Romano constitutis: quales plures in una eademque provincia, temporis decursu, tum veteri urbium contentione, tum peculiari Imperatorum indulgentia constitutas esse observatur, idque exemplis Metropoleon Phœnicix, Palæstinæ, Ciliciæ, Cappadociæ, Bithyniæ, Ponti,

TAB. IV.
Fig. 8.

Ponti, Mesopotamiae, probatur. Et in Sicilia quidem præter Tarsum metropoleos jura Anazarbum consecutam fuisse, jam observatum esse Viris doctis, nec tamen Elagabali primum favore, ut visum Norisio, id quod probatur, producto ex cimeliis Vrenianis Caracallæ nummo, quem ut Elagabali non esse, sed Caracallæ constet, ejus typum in Fig. 8 exhibuimus. At nescimus, an capitis legenda cum nummum ad Caracallam referri patiantur: sic enim illa ΑΥΤ.Κ.Μ. ΑΥΧΕΟΥΗ... quæ manifeste suadent, non ad *Caracallam*, sed qui post Elagabalum imperavit, *Seuerum Alexandrum* hunc nummum referendum esse, atque adeo extritas litteras esse non quæ *Anio- nini*, sed quæ Alexandri nomen conficiant. Peculiaris autem de Proconsularis Asiae Metropolitibus, & Imperat. Caracallæ ad eas rescripto apud Ulpian. Leg. IV. §. 5. D. de offic. Proconsul. tractatio instituitur. Illa *μητροπόλεως* dignitas titulo *πρώτης* in nummis passim signatur, cujus rei exempla in nummis Nicomediae & Niceæ in Bithynia, Ephesi, Smyrnae & Pergami in Proconsulari Asia, quæ *πρώταις Ασίας* passim dicuntur; porro in nummis Tripolitarum in Phœnicia, Myrlet- nes & Sami in Asia proconsulari, eaque occasione de peculiari Smyrnae primatu speciatim agitur, qui in maximo Caracallæ nummo hac inscriptione celebratur: CΜΤΡΝΑΙΟΝ. ΠΡΩΤΩΝ. ΑΣΙΑΣ. Γ. ΝΕΩΚΟΡΩΝ. ΤΩΝ. ΣΕΒΑΚΤΩΝ. ΚΑΛΛΕΙ. ΚΑΙ. ΜΕΓΕΘΕΙ. Alium vero sensum titulum *πρώτης* in Macedonicis quibusdam nummis habere monetur: ea enim in IV Provinciis a Paulo Æmilio, victo Perseo, diuisa, inde obtinuit, ut in Nummis ΜΑΚΕΔΟΝΩΝ ΠΡΩΤΗΣ non tantum, sed & ΜΑΚΕΔΟΝΩΝ ΔΕΥΤΕΡΑΣ legeretur. In nummo vero Magnetum tanquam singulare annotatur, quod honori ea urbs sibi duxerit, vel septimo loco in urbibus Asiae censeretur, cujus rei indicium in duobus Gordiani nummis ex thesauris Galliarum Regis in Fig. 9 & 10 exhibetur. Excipit illa de urbibus *ιεραῖς* & *ἀσύλοις*, quarum in nummis mentio, *διάσχεψις*. Inde *ἐλευθέρως* & *αὐτονομῶς* tituli urbibus tributi explicantur. *Ναυαρχίδες* porro urbes in nummis non ex esse contra

Fig. 9 & 10.

Contra Vaillantium probantur, quæ primæ sint inter maritimas, ut idem sit urbs *ναυαρχίς* in littoralibus, quod *μητρόπολις* in mediterraneis. Nam multas ex maritimis & *μητροπόλεις* & *ναυαρχίδας* dici: sed eas, in quibus naves ad tutelam provinciae in statione essent, in quas imperium etiam talibus urbibus esset concessum. De magistratibus porro urbium, quorum in nummis est mentio, nonnulla annotantur. Et primo quidem de magistratu *ἀρχόντων*, eorumque collegio, quod *συναρχία* in iis dicatur passim: inde de *στρατηγοῖς* sive urbanis prætoribus; proximo loco de Prytanibus & *γραμματεῦσι*; postremo denique de Sophistis quibusdam sermo instituitur, a quibus gestorum magistratuum peculiaris existat in vetere ære mentio. Tales nummi producuntur a Polemone Smyræorum *στρατηγῶ* cusi, item alii, in quibus Attali, Procli, Ruffini, Vari *στρατηγίαι*, h. e. præturæ signantur. Postremo quid *ἐπιμεληταὶ* & *ἐπιστάται* sibi in veteribus nummis velint, exponitur, nempe *ἐπιμελητὰς* significare, quibus extraordinaria aliqua loci cujusvis vel oppidi cura sit demandata statuitur: *ἐπιστάτας*, quibus quæcunque cujusvis rei inspectio, esset concredita, unde addatur haut raro, cujus rei sint *ἐπιστάται*, quibus hic titulus tribuitur; ex. c. *ἐπιστάτης τεμένους* &c.

Atque hic quidem subsistit Opus multivaria doctrina refertissimum, lectu jucundissimum, usu maximum, hoc magis stupendum, quod ea ætate, eo vitæ genere, in medio aulae strepitu, inter publicorum negotiorum amplissimos cumulos, a Viro incomparabili huc usque deduci potuerit. Quod finem facientes optamus, hoc est, ne ad finem haut perductum opus, qua parte deficit, majus eruditis desiderium, quam qua spectatur, admirationem omnibus Apellæ Veneris exemplo injiciat.

*RATIOCINIORUM MECHANICORUM IN MEDICINA
Usus vindicatus, per CHRISTIANUM
STRÖM.*

Lugduni Batavor. apud Andream Dyckhuysen, 1707, in 8.
Plag. 4.

Ratiociniorum Mechanicorum in Medicina usum *Autor* vindicaturus, ante omnia eos ignorantiae arguit, qui Mechanicorum nomen fabris solummodo lignariis competere scribunt, quasi rerum Mathematicarum periti alios tali indigerent titulo, quam qui præter pondus, mensuram & numerum, quibus Numen Divinum cuncta constituit, cum in rebus corporeis, tum in corpore speciatim humano, nequaquam concipere valeant. Nec illorum æquiores censet causam, qui ex antiquitatis amore ratiocinia Mechanica unice averfantur, quod veterum Medicorum princeps, *Hippocrates* Thessalo filio in epistola quadam multum Geometriae & numerorum scientiae studium luculentissime commendaverit, veterumque Graecorum præcipua medendi ratio Mechanica extiterit. Recentiorum tamen scientiam Geometricam propter multa seculo elapso detecta nova perfectiorem expendens, quam Hippocratis, a Democrito haustam, ad Chemicos quosdam delabatur, qui scientiae suae auctoritatem in theoria Medica adversus Mechanicos, in specie *Archibaldum Pitcairnum* & *Hermannum Boerhave*, omnibus tueri modis allaborant. Hos siquidem considerare jubet, quid ratiocinium Chemicum a Mechanico habeat diversi, dum Chémica non nisi ars sit, corporum naturalium compagem & texturam explicandi, explicatamque componendi. Chémiam quippe a Mechanicis neutiquam ex Medicina proscribi, sed ab his tantummodo exigì, ut ne Chémici sua ratiocinia, quamvis vere Mechanica, cum illis confundant, quæ machinae nostrae organa sunt propria, eademque temere ad theoriàm Medicam applicent instar eorum, qui cordis motum ab effervescentiis, musculorum contractiones ab acidi & alcali conflictu, ciborum in ventriculo dissolutionem a liquore acri, aut fermentatione vera, humorum

humorum diversorum in glandulis diversis secretiones a fermentis olim derivarunt. *Robertum Boyle* itaque extollit, quod, licet ipse Chemicus præstantissimus, omnia tamen ad normam, non principiorum Chemicorum, sed legum Mechanicarum examinans exemplum reliquerit, in motuum machinæ nostræ explicatione unice ad principia Mechanica confugiendi, in casu vero, quo medicamentorum desideratur confectio, Chemicam consulendi. Et quamvis Mechanicorum nonnulli fortasse in ægrotis restituendis infeliciores fuerint, veriore nihilominus eorum cognitionem tanquam effectus hujus causam jure culpari, eo magis negat, quo plura sæpius obstacula intervenire possint, & quo minus ipsi soli excidere soleant scopo. Quin imo ad morbos oculorum, aurium, aliarumque partium provocat, Mechanicorum industria promptius, quam aliorum levatos, postquam varii generis lentes polire, tubos surdorum auribus aptare, atque adscititiis membris munia obire læsa docuerunt. Quodsi vero majora ab iis, qui naturæ se leges exactius scire gloriantur, quam ab aliis, postulentur, regerit Noster, quoad successum in agendo inter naturæ legum gnaros & ignaros vix multum haberi discriminis, ceu quod ex voluptate magis, quam utrique ex opere suo percipiunt, atque in agendo fiducia debeat æstimari. Tandem in eos, qui Mechanicorum ratiocinia æque inconstantia proclamant, ac objecta eorundem mutabilia, multum invehitur, cum ratiocinia ideo vera esse non desinant, etiamsi a prudenti Mechanico pro necessitate immutentur. Si quæ vero inter artis peritōs diversitas reperiatur, eam cum aliis sectis communem non vitio scientiæ, verum temporum & subsidiorum adscribit defectui, quo multæ machinæ nostræ proprietates latuerint, usque recentissimorum demum labore fuerint detectæ. Neque ullus dubitat, quin Medici posthac eadem industria in corporis nostri inquisitione pergentes, multa in nobis reprehensione digna sint deprehensuri. Causam interim eorum haud agit, qui scientiæ Mechanicæ prorsus ignari tam pulchro nomine velint superbire, hypotheses aut rectius hypothesium simulacra fingentes, quibus intricatissima quævis expedire se posse ignorantibus persuadent,

cum simplicissimorum nihilominus phaenomenorum causas per mille deducant ambages. Ut character tamen innotescat, quo Mechanici ab hisce distinguendi veniant, Mechanicis adjudicat, causas rerum, non pro arbitrio, sed insuperabili quadam necessitate adsumere, easque non creare, sed creatas invenire, in extenso figuram, molem & motus velocitatem considerando, legesque itidem immutabiles experimento multiplici habere perspectas; in rebus autem magis arduis, ubi sibi ipsis non sufficiant, iudicium non minus suspendere, donec de certioribus constet, ac dubia pro certis nunquam venditare.

ANALECTA GÜSTROVIENSIA,

h. c.

*DE INCLYTA MECLENBURGENSIUM CIVITATE GÜSTROVIA Monumenta edita a FRIDERICO THOMAS, Gymnas. Güstrov.
b. t. Sub-Rectore.*

Güstroviae & Lipsiae, sumptibus Joh. Henr. Ruswormii, 1706, 8.
Const. alph. 1. plag. 2 $\frac{1}{2}$.

IN antiquitatibus versatissimus hujus libri Autor magno studio e variis editorum pariter ac ineditorum documentorum latebris conquisivit, quæ ad notitiam antiquariam & literariam Güstroviae urbis faciunt, omniaque continuo rerum, ac annorum nexu ita hic disposuit, ut parallelismus quidam Historiae Meclenburgicae inde appareat. Et ne quis forte de fide atque auctoritate dictorum dubitet, Clarissimus Vir neque auctores, quos in arduo hoc argumento tum ex domesticis, tum ex peregrinis consuluit, suo loco tacet, neque privata schediasmata aliaque ex Archivo sibi communicata instrumenta & fragmenta diplomatum priscorum, quibus usus est, & quæ fidem rebus narratis abunde faciunt, dissimulat. Tribus autem periodis absolvit omnia, quæ ad notitiam rerum Güstroviensium faciunt; qua-

quarum prima agit de Güstrovix primordiis & de conditoribus, qui prima urbis hujus fundamenta jecerunt. Ubi equidem in primi qualiscunque fundatoris personam frustra inquiri arbitratur, ex ipsa tamen nominis impositione patere asserit, Güstroviam originem suam primam Slavis antiquis ac Venedis debere, cum ipsa appellatio Güstrovix aliarumque in illis terris urbium Slavismum redoleat. Quemadmodum enim in ipsa Sarmatia posteaquam a Slavis cœpit inhabitari, frequens ea oppidorum remanet denominatio, quæ in *owa, owe, ow*, Slavico more terminatur, ut *Gracow, Warschow, Javorow, Ostrow, Roslow, Zarnow, Grabow*, &c. ita nec apud nos (inquit Auctor p. 2) ejusmodi denominationis desunt vestigia, e. g. *Cracow, Tetrow, Malchow*, (olim *Malokowe*) *Buckow, Bützow, Grabow, Ilow, Güstrow*, &c. Imo ex Polonico seu Wendico idiomate, & ex vetere scribendi consuetudine, quam tabulæ & diplomata antiqua referunt, *Güztrow* s. *Güztrow* forsitan conflatum esse putat e composito *Guz-trawa*; *Guz* autem s. *Gus* gibbum, tuber seu tumulum, & *Trawa* gramen Polonico sermone denotat, quasi primis conditoribus hic locus ob gramineos colles arrixisset, indeque appellandi ansam dedisset. Verum quemadmodum ejusmodi conjecturæ valde fallaces sunt, ita nec inde de antiquitate certa ac memoria urbis plura verisimiliter colligere licet, sed ex omnibus Annalium conditoribus patet, vix ulla de Güstrovix ante seculum XII aut nominis, aut memoriæ occurrere vestigia. Conversio autem Güstroviensium ad Christianismum plene ac proprie, eliminato paganismo, anno 1128 cœpit, & ab Oriente pariter ac Occidente illuxit, quam non quidem ipse Episcopus & Pomeranorum Apostolus, Otto, suscepit, sed per suos in societatem itineris & operis Apostolici adscitos ministros, qui bini fuerunt sacerdotes, ad prædicandum baptizandumque ordinati, Siffridus alter (*Siegfried, Sievert*) alter Albinus nuncupati, peregit.

In secunda periodo rerum Güstroviensium Clarissimus Auctor agit de Güstrovix incrementis, ostenditque, excidium Slavorum Wendorumque exeunte seculo XII nova plerisque Civitatibus Meclenburgicis in Republica ac Politia dedisse incremen-

ta, novis ubique introductis statutis, iuribus & privilegiis; insignem autem ac primariam Güstroviz instauracionem atque amplificationem anno 1219 sub Henrico Burevino II (qui speciatim tribus hanc urbem modis, nempe aula Principali, jure Civitatis Teutonicæ & basilica sacra ornavit) ac postea sub Principe Nicoloto I anno 1228 factam fuisse narrat, inter causas istius incrementi potissimum referens rem cerevisariam & potum generosiorum, qui Güstroviz coquitur & vulgo *Knisnak* (quod Slavico idiomate Domini potum est *Herren-Bier* significat) appellatur.

Tertia periodus hujus historiz complectitur Güstroviz ornamenta, quæ si non omnia, tamen vel maximam partem civitas Meclenburgensibus Ducibus debet, ex quo illi Principatu veteris Vandaliz tandem potiti sunt. Inter cæteros autem Duces merito nominandus est Henricus Pacificus, quippe qui tota mente omnique studio in id incubuit, ut abolitis Pontificiorum dogmatibus Sacra in ecclesiis Meclenburgicis redderentur puriora & ad divinæ veritatis amussim exactiora. Hinc etiam accidit, ut Güstroviz sub ejus auspiciis anno 1533 negotium Reformationis Ecclesiasticæ non tantum feliciter corperit, sed & postea, quicquid adhuc renati Evangelii cursum ex malitia ecodæmonis & Canonicorum Güstroviensium renitentia sufflaminaret, sublatum fuerit. Non minus etiam inter ornamenta Güstroviz refertur ab Auctore emendatio judiciorum rerumque forensium, in quibus constituendis ac restaurandis Duces Meclenburgici maxime usi sunt opera Joh. Lucani, Jcti & Cancellarii, dum vivebat, longe celeberrimi. Inprimis vero Auctor ea ornamenta ac æterna in Rempubl. & Ecclesiam merita, quæ civitati huic & olim a Duce Ulrico, Nestore illo Germaniz, concessa, & post eum a Gustavo Adolpho profecta sunt, verbis suis exprimere satisque laudare nequit; unde sub finem hujus periodi Joachimi Ottonis, Rectoris in Gymnasio Güstroviensi fidelissimi, Orationem Panegyricam de Fatis Güstroviz, anno 1701 habitam, subnectit, quæ superius dicta confirmat.

Coronidis loco adjectus est duplex Catalogus; alter Genealogicus est, & Sereniss. Ducum Meclenburgensium,
ex se-

ex Regia Obetritarum prosapia descendendum seriem Genealogicam a Bilungo Rege, qui seculo X inclauit, ad nostra usque tempora velut in tabula repræsentat; alter autem est catalogus biographicus personarum, de Ecclesia & Politia Gëstroviensi a tempore auspicate Reformationis ad nostram usque ætatem præclare meritarum, qui in classem *Theologicam* ac *Politica*m ab Autore distribuitur.

GERHARDI NOODT, JCTI ET ANTECESSORIS,
Observationum Libri duo, in quibus complura Juris Civilis aliorumque Veterum Scriptorum Loca aut illustrantur, aut emendantur.

Lugd. Batav. apud Fred. Haaring, 1706, 4.

Alph. 1. plag. 3.

Quantum Jurisprudencia civilis & literæ elegantiores sibi invicem lucis atque emendationis subinde afferant, legum & litterarum periti quotidieprehendunt. Celeberrimus Antecessor Lugdunensis, *Gerhardus Noodt*, postquam Probabilium juris libros IV. hujus rei testes jam A. 1691 edidit, superiore anno novis eam speciminibus comprobavit. Nos ut quatuor illos libros in Actis dicti anni, mense Junio, justo studio exhibuimus, ita ex duobus quoque his si nonnulla decerpamus, operæ facturi sumus pretium. Modestini locus in leg. penult. D. ad Legem Cornel. de Sicariis & Venef. non immerito in mendo cubare potest judicari, quod deportari solere dicantur, qui eadem sponte dolove malo admiserunt in honore aliquo positi, capite vero puniantur, qui secundo gradu sunt. Nam in secundo quoque qui sunt gradu, quidni in honore aliquo & ipsi positi dicantur? Emendat textum exigua mutatione, dum pro honore aliquo honore alto reponit: quemadmodum Marcianus l. 3. §. 5. D. ad L. Cornel. de Sicariis expresse testatur, *altiores deportari in insulam*. Notum est, quantas difficultates pepererit Criticis communis lectio legis 9. D. de Leg. Rhodia de jactu, secundum quam Eudæmon queritur, se in Italia naufragium passum in Cycladibus insulis a publicanis,

nis, vel ut alii vertunt, a servis publicis spoliatum esse, cum inter Italiam & dictas insulas immane intercedat intervallum. Quas non infeliciter superasse videtur Vir celeberrimus, quando Libro I. c. 13 ex Livio & Plinio conjicit, pro Italia substituendam esse *Æthalam*, probabilius sane, quam ante cum jam alii loco Italiæ Iariam legendam existimaverant. Ita l. 45. §. 5 feliciter emendat Libro II. c. 6 ac legendum, monet; *vercor ne non possit*, ubi vulgares editiones habent *vercor ne possit*, plane contra sensum & mentem Ulpiani. Erudite, etiam eodem Libro cap. 9 & 10 refutat Salmasium, qui circa *ἀνίστημι* Jctos ignorantia accusaverat, eorumque definitionem, qua mutuum pignoris usum hac voce exprimi contendunt, ex ipsis, quibus Salmasius eam impugnaverat, legibus tueretur egregie. Quomodo aliis locis juris civilis medelam aut lucem attulerit, prolixum nimis foret commemorare; singula fere capita specimina nova exhibent, quæ iis, qui amœnitates Jurisprudentiæ ex æquo æstimaunt, non poterunt non abunde satisfacere, eosque ad lectionem operis elegantissimi allicere.

LIBRI NOVI.

De veteribus Regum Francorum Diplomatribus & arte secernendi antiqua diplomata vera a falsis Disceptatio II, ad R. P. D. Joannem Mabillonum, Mon. Ben. Auctore P. Barthol. Germon. S. J. Presb. Paris. apud Claud. Rigaud, 1706, 12.

Vindiciæ MS. Codicum a R. P. Barthol. Germon impugnatorum cum appendice, in quo S. Hilarii quidam loci ab Anonymo obscurati & depravati illustantur, & explicantur. Auctore P. Petro Coustant, Presb. & Monach. Ord. S. Bened. e Congr. S. Mauri. Par. apud Viduam Franc. Muguet, 1706, 8.

L'Histoire & la Religion des Juifs depuis Jesus Christ jusqu'à present, pour servir de supplemant & de continuation à l'Histoire de Joseph. Par Ms. Basnage. Tomes V. A Rotterdam, chez Reinier Leers, 1707, 12.

ACTA ERUDITORUM,

publicata Lipsiæ

Calendis Junii, Anno M DCC VII.

LA SAINTE BIBLE, &c.

h. c.

BIBLIA SACRA, VETUS ET NOVUM TESTAMENTUM complexa, illustrata notis Theologicis & Criticis, ad Versionem Ecclesiarum Reformatarum communem: comparata cum textu originali, dictione etiam passim emendata. Accedunt præfationes in singulos libros: & duæ præfationes generales in Vetus & Novum Testamentum. Studio DAVIDIS MARTINI, Ecclesiæ Wallonica, quæ Trajecti ad Rhenum est, Pastoris.

Tomi II.

Amstelæd. apud Henric. Desbordes & Socios, 1707, fol.

Alphab. 18, pl. 18, & Fig. æn. 6. ch. aug.

Versio Gallica Bibliorum Genevensis, a Roberto Olivetano primum adornata & Neocomi anno 1535 edita, varia fata subiit, ut magis magisque pura & ædificationi Reformatarum Ecclesiarum accommodata evaderet. Joannes Calvinus, qui præfatione præmissa eam commendaverat, paulo post, die diem docente, varios ejus emendare errores conatus fuit, & linguæ quoque barbariem emollire, ut expedite magis legeretur ab omnibus, quod factum nova editione, A. 1553 Roberti Stephani typis evulgata, & identidem repetita. Auctæ variæ illæ editiones notis, fuerunt, quas paucas initio & versionis tantum illustrandæ inservientes alleverant Olivetanus & Calvinus, plu-

Hh

res

- res inde, qui sequentibus editionibus præfuere, ex Scriptis Calvini adjecere, ea libertate, ut nulla editio alteri similis hac parte existeret, optimo tamen habito notarum delectu, si fides Richardo Simonio, in editione Henr. Stephani anni 1565. Hinc porro Cornelius Bertramus denuo reformandam hanc versionem putavit, socias manus ei commodantibus Theod. Beza, Rotano, Jaquemoto, & Goulartio, quem tamen plus quam par est Judæorum Grammaticorum præjudiciis deditum esse fuit observatum, cujus inde temporibus, nihil magnopere in versione Genevensi immutatum fuit, nisi quod voces exoleæ, quarum quotidie excrescere messis solet in illa linguæ Gallicæ inconstantia, identidem eliminarentur. Sane Samuelis Marsii, Theologi Groningensis, luculenta, imo splendida editio, ab Elzeviriis adornata Amstelædami A. 1669, in versione ipsa nihil mutavit, notas tamen amplissimas ex Diodati aliorumque Versionibus Genevensibus & recentioribus Theologis excerptas, non litterales tantum & Criticas, sed majorem partem Theologicas exhibet, in quibus *אֱלֹהִים* passim desiderabant doctiores. Ut mirum non sit doctissimum Martinum autoritate Synodi Ecclesiarum Walonicarum in Belgio de novo hoc campo decurrendum sibi duxisse. Ille, quantum ad versionem attinet, non tantum ut tersa magis ea existeret, passim effecit, verum etiam ubi phrasis Ebræa Græcave alium sensum suaderet, eum exhibuit. Notæ haut paulo magis Marsianis sunt castigatæ, ut ipsæ tamen etiam non semper inter istos limites se contineant, ut, phrasi scripturæ sufficienter explicata, sensum iudicio lectoris, sine præjudicio eruendum, relinquunt, quin potius Theologicis dogmatibus, nonnunquam ex præjudiciis Ecclesiarum illarum stabiliendis, passim impendantur. Ut pauca
- Genes. I, 2. speciminis loco attingamus, ad verba illa: Spiritus Dei movebatur super aquas, observat, *Ventum Dei*, h. e. magnum intelligi non posse, quoniam ventus sit aer agitato, aer autem die secunda demum sit conditus. Ideoque relinqui, ut vel potentia Dei, vel tertia Trinitatis persona intelligatur. Eodem loco vocem *balleines* retinuit, qua Ebræam תניין ab Oliverano reddi ægre tulerat Simonius, subjecta tamen nota observavit, omne

omne genus monstrorum marinarum ea voce comprehendi. Genes. cap. II. commate 6 cum Maresio negativam particulam in verbis *neque adscendit vapor* retinet, (quam tamen neque Ebraei codices neque versiones antiquæ agnoscunt, neque adeo Olivetanus expresserat,) per ellipsin deesse eam particulam contendens, ut Psal. XXXV, 19. Proverb. XX, 3. Phrasin, ridicula quæ visa fuerat in editione Maresiana Simonio, de Noë arca: *Tu la calsutreras de goudron*, retinere non dubitavit, repudiata meliore Olivetani & Calvinii: *Tu la poisseras de poix*. Phrasin, qua dicitur *Deus indurare Pharaonem*, explicat de non concessa gratia ad cognoscendum Deum, & miraculis, magis furorem Pharaonis exacerbantibus. Non absimilis nota est ad Actus Apostolicos, qua explicat verba, quibus credidisse dicuntur ὅσοι ἦσαν τεταγμένοι, ubi retinuit versionem antiquam: *tous ceux qui étoient ordonnés à la vie éternelle*, quod commodius forte verti notat: *enrollés pour la vie éternelle*, hisque verbis decretum electionis innui docet, quod directe vitam æternam spectare inde sit manifestum, atque adeo electos vita æterna excidere, atque perire haut posse. Sed & voces passim hypothesebus suis præter usum accommodat, quemadmodum in epistola ad Romanos vocem προγινώσκειν non de *præscientia* explicari patitur, sed de *prædilectione*, quæ fundamentum sit electionis. Taceo alia ejus generis infinita. Ceterum quandoque Codicum diversitates observare non veretur. Neque enim omissam in haut paucis adulteræ historiam Joannis VIII, dissimulat, neque testimonium trium testium in cœlis 1 Joh. V, 8. In illustranda tamen novis observationibus vi & proprietate phrasium sacrarum rarior est, & non nisi ubi summa urgere necessitas videretur, & fere invitus, a versione priore discedere audet, licet haut paulo plus luminis exigua mutatione quandoque sensibus sacris affundi potuisset.

Gen. VI, 14.

Exod. IV, 21.

Act. XIII, 48

VIII, 28.

RELATION DE CE QUI S' EST PASSÉ DANS
l' Affaire de la Paix de l' Eglise sous le Pape
Clement IX.

i. e.

*NARRATIO EORUM, QUÆ AD PACEM EC-
clesiæ sancitam sub Clemente IX spectant; una cum epi-
stolis, actis publicis & monumentis aliis huc perti-
nentibus. Tomi II.*

Anno 1706, in 12.

Alph. 2. plag. 5.

Quam in Actis A. 1701 p. 289 recensuimus, Historia Jansenismi generalis non minori accuratone & studio continuata præfensi libro cernitur, quo pax inter Jansenii defensores & Romanam Curiam A. 1669 constituta describitur; ad hanc enim Janseniani, quoties recentioribus Pontificum Decretis urgentur, iterum iterumque provocant, adversariis eorum, atque inter alia D. du Mas, auctore Historiæ V Propositionum, & Archiepiscopo Cameracensi acriter contranitentibus. Atque contra hos quidem Præfatio prolixa potissimum pugnat, multisque argumentis probat, Episcopos Gallos Jansenio faventes, qui ea tempestate concordiam cum Pontifice inierunt, non malis artibus usos esse, aut sententiam suam dissimulasse, vel Pontifici vagis locutionibus palpum obtrusisse, huic etiam de tota re satis superque constitisse, neque præcipitanter vel imprudenter Episcopos Gallicanos ab eo in amicitiam receptos esse, id quod plurimis hinc inde petitis argumentationibus semel iterumque inculcatur, & Cameracensi præsertim Præsuli, quod Episcopos vitæ sanctimonia clarissimos fraudis arguere veritas non sit, exprobratur.

Tomus prior, cui etiam *Relationis prima* titulus datur, repetit in primordio, quod post imperatam ab Alexandro VII Pontifice subscriptionem formulæ, qua Jansenii Augustinus condemnatur, Episcopi quatuor, Aletensis, Apamiensis, Bellovacensis

vacensis & Andegavensis, omnes fama probitatis excellentes (quorum primus etiam Sancti elogio inter vivos exornatus,) Mandata Diœcesana publicaverint, quibus factum a jure discernentes, non aliud quid quam reverentiam facto a Pontifice definito deberi, fidem vero in tali casu imperari non posse docuerant. Pontifex, impellentibus Jesuitis, ad condemnandos hos Episcopos alios quosdam judices constituerat, idque Decretum, post Alexandri VII obitum confirmaverat Clemens IX, adeoque res jamjam in nervum erumpere videbatur. At Episcopi quidam extra litem positi, qui idem sentiebant, sed modestius in condemnationis negotio se gesserant, cum primis Senonensis, Meldensis & Cabillonensis, causam auctoritatis Episcopalis agi credentes, Epistolam gravem admodum ad Regem & Pontificem conscribebant, qua litem quatuor istis intentatam aboleri petebant. Hanc Epistolam XIX Episcopi fama & meritis florentes subscriptione nominum roboraverant; at Jesuitarum artibus factum est, ut a Rege non rejicerentur solum literæ, sed Parlamenti etiam censura impeterentur, qui tamen ardor paulo post, Senonensi Præsule & Cabillonensi prudenter resistentibus, deferbuit.

Dum hæc ita evenirent, Bargellinus, Nuntius Papæ, Parisios appellebat, vir moderatus, & ad componendam litem istam ut proclivis animo, ita ab Administris Curia Romanæ instructus; hujus ope ad pacem procurandam usus est Senonensis Præsul, amicitiaæ fœdere cum eodem prius sancito. Missæ erant ad eundem Legatum Bullæ Romanæ, quibus Ritualis liber Episcopi Aletensis & Novi Testamenti Translatio, Montibus Hannoniæ typis exscripta, condemnabantur; at ille persuaderi se passus est, ut utramque in scriniis asservaret, a promulgatione sibi temperaret. Hæc summa primæ Relationis, in quam Auctor non exiguam copiam Epistolarum aliorumque scriptorum notatu dignissimorum contulit, e quibus nervus controversiæ quam accuratissime cognosci possit, v. gr. XIX Episcoporum querulas ad Papam literas, p. 40, sequ. IV Episcoporum ad eundem querelam, p. 57, sequ. A. Arnaldi scitissimam Epistolam ad Regem contra criminationem Præsulis Eburodu-

nenfis, p. 255, quam ingeniis aulicis apprimè placuisse, atque inter edecumata specimina eloquentiæ prudentioris relatam esse legimus. Additur Tomo huic fasciculus similium schedarum, maximam partem contra potestatem Pontificis nimiam scriptarum, inter quas ultimo loco legitur Episcopi Pontipolitani Epistola ad Cameracensem Archiepiscopum, excusans XIX Episcopos, ex quorum numero solus ille superest, & Cameracensem serio reprehendens, quod novum Ecclesiæ jugum recentioribus libris suis obtrudat, dum Pontificis circa facta nova, quæ ad doctrinam reduci possunt, decreta fide divina accipienda atque colenda esse, propugnat.

Sunt alia notatu non indigna, quæ in priori hac Pars sparsa leguntur, quorum nonnulla enotabimus. Quid litis Episcopo Apamensi cum Jesuitis de absolutione peccatorum, scelerum licentia abutentium, fuerit, enarratur p. 207 seq. Cumprimis vero historia Translationis Novi Testamenti, quæ a loco editionis Montensis dicitur, p. 226 seqq. copiose perquam exposita legitur; quantum laboris ac curæ iteratis in eam operis sit impensum ab Arnaldo, Sacio aliisque; quo pacto Amelotius suam Translationem, quam a Clero Gallicano imperatam sibi ferebat, editurus, (cum plagio literario multa, ut hic quidem pronuntiatur, e Montensi Translatione surripuisset) & privilegii Regii impetrationem & editionem ejus Parisiensem impedierit; qua ratione Saccius carceri addictus fuerit, Præsulesque Parisiensis & Eburodunensis Translationem Montensem editis styliteticis literis proscripserint. Nervum Epistolæ Pastoralis, qua Alerensis Episcopus respondere ad condemnationem Libri sui Ritualis machinabatur, p. 302 seq. formulis non adeo Pontifici Romano æquis expositum legimus: cujus generis formulæ de immensa Jesuitarum in Pontificem ipsum potentia etiam p. 313 leguntur.

Alter Pars Historiæ pacis Jansenianæ sequentia enarrat. Qui curam ineundæ pacis susceperant, Præsules tandem iniere consilium, ut quatuor Episcopi Romæ exosi, sepositis Mandatis Diocesanis, iterum subscriptionem formulæ a Pontifice imperatæ in Diocesibus suis procurarent, præmissa privata confignatio.

gnatione eorum, quæ in Mandatis istis publice dixerant. Id primum Aletensi Episcopo parum probabatur, metuenti cum primis, ne ad alia & majora adigerentur; tandem, positis aliquot conditionibus, consensit, atque una cum illo tres socii, quippe qui illi tantum non omnia deferebant. Eundem Præsulem, ut Lutetiam veniret, monebat Arnaldus, maximam in ejus præsentia spem ponens; at ille multis de causis iter hoc recusavit. Interea Jesuitæ omnem movebant lapidem, ut constituti judices causam IV Episcoporum disceptarent, quorum plerique ea de causa Lutetiæ jam hærebant. Rei vero Circularem Epistolam notatu dignissimam edebant, judicium illud prorsus detrectantes, quam Jesuitæ, opitulante Tellerio, Cancellario, condemnandam auctoritate Regia curabant. Interea Præsules pacis pararii, Nuntio Pontificis consentiente, literas ab A. Arnaldo conscribi curabant, quas IV Episcopi reconciliationis causa ad Pontificem mitterent. Hæ cum Nuntio & Ministris Regiis placerent, missæ sunt ad Aletensem, qui mutari quædam in illis acriter poscebat, neque se permoveri, ut sub signato nomine suo eas confirmaret, passus est; donec epistolis patheticis ultro citroque missis eo perduceretur. Nuntius acceptis literis Regi nuntiabat, sancitam esse Ecclesiæ pacem, Episcopos in gratiam Papæ receptos. Ea res multis gaudium, Jesuitis non leves cruciatus excitabat, maxime quod ipsis plane insciis tanta res esset confecta. Igitur omnibus machinis adorti sunt Nuntium Pontificis, eumque tandem permoverunt, ut facta infecta, & Epistolam IV Episcoporum Senonensi Præsuli reddere conaretur, illoque renitente sculpello eam discinderet. Tandem rediit tabellarius Romam missus, & Pontificis Decretum, quo pax firmabatur, attulit, qua re factum est, ut Nuntius, imo Rex ipse, Arnaldum, hætenus in Pathmo sua delitescentem, parario Senonensi Præsule, ad amicum colloquium admitterent, ipseque Sacius carcere liberaretur.

Quæ sequuntur alio Auctore scripta assutaque prioribus sunt. Narratur hic catastrophe negotii. Pontifex, malevolorum artibus excitatus, male suspicari de quatuor Episcopis coeperat,

perat, sed comperta re omni tandem literas conciliationis indices ad eosdem exaravit. Monialium Portus Regii causa, etsi magno cum earum detrimento, postremum tamen ad firrem perducta est, & sacrorum usus ab Archiepiscopo Parisiensi, qui impertinacissimum hostem habuerunt, ipsis restitutus. Stetit pax ista aliquot annis, cum inter alios Andegavensis Episcopus inter varios assultus eam defenderet, donec postrema Clementis XI contra Jansenianos Bulla, contra quam multa nostri scriptoris querela est, penitus dissolveretur.

Continentur secunda hac Relatione multæ etiam Epistolæ lectu dignissimæ, cum monumentis aliis ad istam Historiam facientibus, præsertim illæ, quæ a Senonensi aliisque Præsulibus ad Aletensem missæ sunt. Plura vero hujus farinae proponuntur in manipulo ad finem ejus annexo, interque alia Episcoporum Andegavensis & Bellovacensis formulæ, quibus subscriptionem denuo procurarunt Pontificis ad Regem & Episcopum Cabillonensem super isto negotio literæ.

Sunt & in hac altera Parte memorabilia multa. De Arnaldi libro de perpetuitate fidei contra Claudium singularia quædam leguntur p. 313 seq. interque alia, Turennum, notissimum heroem, ejus libri, antequam ederetur, perlectione ad mutanda sacra amplectendumque Romanæ Ecclesiæ obsequium permotum fuisse. De vita, moribus & gestis Sacii, defensoris Jansenii, multa p. 334 seqq. leguntur. Enotabimus præ ceteris, quæ p. 425 de nummo in pacem Jansenianam cuso enarrantur. Nummus, auspiciis Colberti signatus, antica parte repræsentat Regem Ludovicum XIV, postica aram, cui imposita sunt S. Biblia cum sceptro & clavibus Pontificiis, columba radiis circumdata coelitus descendente, cum lemmate: RESTITUTA ECCLESIAE GALLICANÆ CONCORDIA. 1669. Masius, qui Historiam V Propositionum contra Jansenianos edidit, affirmaverat publice, invito Rege monetam hanc conflata, urgenteque Pontificis Legato abolitam fuisse. Huic Auctor noster ita respondet, ut & auctoritatem numismatis rationibus validissimis muniat, & Masianam narrationem qua circumstantias omnes convellat.

BIBLIO.

*BIBLIOTHECA CRITICÆ SACRÆ CIRCA OMNES
fere sacrorum librorum difficultates. Opus plurimorum
annorum ex veterum Patrum traditione, probatiorum,
interpretum curis, clariorum Criticorum judiciis colle-
ctum a quodam Ordinis Carmelitarum Discalcea-
torum Religioso.*

Volum. I. Lovanii, apud Guil. Strykwant 1704, in fol.

Alphab. 4, plag. 16.

II. ibidem, apud eundem, 1704, in fol.

Alphab. 4, plag. 13.

III. Bruxellis, apud Jo. de Smedt, 1705, in fol.

Alphab. 4, plag. 15.

IV. ibidem, apud eundem, 1706, in fol.

Alphab. 4, plag. 21.

Libri, quem hic exhibemus, Autor est R. P. *Cherubinus*
a S. Josepho, Carmelitarum Discalceatorum Provinciæ A-
quitaniæ Ex-Provincialis, qui etsi modestiæ studio nomen su-
um titulo haut præfixit, Dedicationi tamen, quæ imaginem &
nomen CLEMENTIS XI. Pont. Max. præ se fert, illud sub-
scribere non dubitavit. Molitur ille, ut eorum commodo, qui
divinarum litterarum studio se consecrarunt, egregie inserviret,
opus splendidum, magnum, ac duodecim Voluminibus, imo
pluribus forte, absolvendum, quorum priora quatuor cum nu-
per modo ad nos fuerint perlata, non possumus, quin jam de
iis certiores reddamus Lectores nostros, ut nec causarum, quæ
Autorem ad scribendum impulerunt, nec rerum, quas pertra-
ctandas sibi sumsit, nec methodi, quam sequitur, penitus es-
sent ignari. Causas, quibus adductus fuit, ut tantum opus ag-
grederetur, *Cherubinus* noster habuit varias, inter quas tamen
illa eminet, quam in ipsa Præfatione exposuit prolixius. Ni-
li mirum

mirum inter ceteras ordinis, cui Autor adscriptus est, leges illa quoque locum invenit, quæ præcipit, ut *Fratribus, studiorum consummationem confecturis, tres anni Philosophiæ, tres Theologiæ, unus saltem doctrinæ moralis & Sacra Scriptura gustanda concedatur*; cujus decreti observationem ut promoveret capitulum, quod vocant, generale, Romæ aliquot abhinc annis celebratum, modum illum præscripsit, ut in qualibet Provincia quædam semper esset domus, in qua ad id electi Professores Theologiæ morali & Sacra Scripturæ omnem impenderent operam, constituta poena singulari, cui nusquam in aliis, sanctionibus similem, haberi Noster fatetur, quod, qui Scripturæ ac moralis doctrinæ studium non perfecissent, neque ad Lectoris, neque ad Concionatoris aut Confessarii officium, multo vero minus ad Prælaturas in ordine admitterentur. Cum vero hujus decreti executionem difficillimam esse adverterent Superiores, nisi de communi aliquo opere tum Scripturæ studiosis necessario, tum ipsis eorum magistris commodo providerent, in quo ea omnia, quæ ad Scripturæ & Theologiæ studium inchoandum, proseguendum ac consummandum sufficerent, fusc ex probationibus Autoribus quibuscunque colligerentur, sub gravissimi peccati obligatione tantum onus *Cherubino* imposuerunt, præsertim cum ab annis tringinta quinque Scripturæ studium ab ipso nunquam dimissum non ignorarent, ac collectiones ad hanc rem utiles ab eodem jam paratas esse conjicerent. Hic itaque superiorum mandato repugnare hariolandi crimine majus existimans, Operi se accinxit eo alacrius, quod amicis quibusdam Parisiis commorantibus ideam illius, quam ipsis ceu æquissimis censoribus obtulerat, adprobari omnino cerneret. Equidem benemerat, non carere Ecclesiam innumeris fere summaque laude dignissimis Scripturæ, sive integræ, sive nonnullorum librorum, interpretibus, nec deesse, qui scholastica fere methodo egregias ejus difficultates expendere. Sed secum reputans, a nemine totius Theologiæ cursum fuisse expletum, aliis aliâ subinde observationibus suis accuratius exponentibus; opera, in quibus pulchriora circa Scripturam expenduntur dubia, ab autoribus non raro hæreticis scripta ac vix nota, aut linguis peregrin-

regrinis consignata, aut sententiis Hebraicis Græcisve referta, ideoque ferme inutilia esse; nonnisi insigniorum Bibliothecarum esse privilegium, ut rarioribus ejusmodi abundant divitiis; non leve denique Scripturæ studiosis videri commodum, si, quæ in variis eruditorum commentariis sæpe ejusdem rei occurrant repetitiones, evitentur, &, quæ alibi sparsim traduntur, apte colligantur digeranturque, tantum abest, ut a suscepto semel labore se abduci passus fuerit, ut potius opus perficere ejusmodi sedulo allaboraverit, quod jure meritoque *Bibliotheca Critica Sacra* adpellari posset, ac omnes circa Scripturæ quæstiones in aliis sparsas commentariis difficultates apte complecteretur. Cuncta vero, quæ hanc in rem colligere potuit, tribus comprehendere Tomis constituit, quorum tamen singuli plura Volumina continebunt. Ita *primo Tomo* brevis ac facilis ad Scripturæ peritiâ traditur præparatio & introductio, unde ipsi *Adparatus Biblici* nomen, quod erudito P. Lami etiam olim non displicuisse Autor noverat, imponere placuit. *Secundus* Tomus generalia & communia, quæ omnibus sacris & canonicis conveniunt Scripturæ libris, attinget, nec non generatim singularum editionum condiciones exponet. *Tertius* vero *Tomus* singulorum librorum proprias ac speciales rationes considerabit, eosque sigillatim percurreret, & ad omnes aut præcipuas locorum singulorum difficultates se extendet.

Cum vero quatuor ista Volumina, quæ jam nobis ob oculos versantur, ad primum saltim spectent Tomum, ut illiustantum hac vice rationem habeamus, congruum esse credimus, nec ingratum Lectori fore speramus, si ea, quæ istis Voluminibus continentur, qua fieri potest brevitate, recenseamus, de reliquis plura dicturi, quam primum ad manus nostras pervenerint. Licet itaque Synopsin Operi præfixam videamus, in qua ea, quæ in Tomo primo pertractanda veniunt, tribus iterum Libris ac viginti Dissertationibus dicuntur esse comprehendenda, ordinem tamen & numerum istarum Dissertationum in ipsa tractatione paulisper immutatum advertimus, quapropter nobis rerum, quæ exponuntur, summam persequentibus ad synopses speciales cuius Dissertationi atque Volumini additas ipsumque adeo opus erit potius respiciendum.

Primum itaque Volumen quinque Dissertationes complectitur, quarum *prima* proœmialis parœnetica dicitur, quandoquidem ad sacrarum litterarum studium ipsis fere Patrum clariorumque virorum non modo sententiis sed etiam verbis adhortatur, & ita quidem, ut ea, quæ sedulam Scripturæ lectionem videntur prohibere, removeantur, ea vero, quæ ad illam alliciunt, maxime urgeantur. Illud ergo ut obtineat Autor, Scripturæ sublimitati & obscuritati illius perspicuitatem opponit, ac difficultatem tum pulchritudinis, tum suavitatis, qua gaudet, contemplatione lenire satagit. Hoc vero ut consequatur, Scripturæ dignitatem, collectis variis, quibus insigniri solet, nominibus propriis pariter atque symbolicis, extollit; utilitatem quam mirabiles innumerique ejus manifestant effectus, comprobat; necessitatem studii Biblici commonstrat; exempla eorum, qui lectioni Scripturæ diligenter dederunt operam, proponit, & dum ita non tantum sanctorum ac illustrium virorum, Regum ac Principum, mulierum puerorumque pietate insignium, sed etiam Judæorum meminit, digressionem de ritu Scripturam legendi in Synagogis eorum satis prolixam instituit; ac denique ad Patrum auctoritatem provocat, qui ad Scripturæ studium alios ut adducerent, omnem moverunt lapidem; ubi iterum, digressionis in modum, partim iis respondet, qui Scripturam a Catholicis negligi, eamque ab illis ignorari autument, partim de Catechumenis in primitiva Ecclesia eleganter disserit, eosque ad sacrorum librorum lectionem admissos fuisse multis argumentis ostendit. Annectitur primæ huic Dissertationi Disputatio unica, appendicis quasi loco, quæ docet, qua animi præparatione ad Scripturæ lectionem accedendum sit, ea scilicet, quæ fide, ac Ecclesiæ in omnibus proprii judicii submissione, humilitate cordis, puritate, & rerum terrenarum contemptu perficitur. Ubi præterea de honore ac reverentia a Catholicis ei exhibita, de sanctis Evangeliiis, de ritu legendi scripturam in Ecclesia, aliisque circa Evangelii usum & abusum plura traduntur; Hæreticorum, quos vocat, in Scripturam S. injuriæ attinguntur, ac ultimo loco de fine lectionis seu studii Scripturæ

Scripturæ agitur. *Secunda* Dissertatio *prodroma* appellatur, quod his, quæ in sequentibus quampluribus voluminibus complecti Autor decrevit, veluti præcurrit, & generalem Scripturæ notitiam tradens ad speciales ac difficiliore quæstiones animum præparat, omniaque fere, quæ ad studii ejus initium ac progressum maxime necessaria videntur, certis quibusdam indicibus complectitur, ut tyrōnem ad illud accendat, simulque memoriam juvet. Continet autem partes quatuor, in quarum prima quid Scripturæ S. studium expetat, indicibus numero viginti sex designatur, adeoque de librorum sacrorum variis nominibus, divisionibus, versionibus, nec non ordine, lingua, qua scripti primum sunt, aliisque, quæ huc spectant, agitur. Secunda pars circa ea, quæ ad Scripturæ peritiā comparandam sunt utilia aut necessaria, versatur, ubi de præceptoris in hoc studio necessitate, de scholarum utilitate, de Patrum commentariis, de auxilio ab interpretibus, sive modernis, sive antiquis, quærendo, de Rabbīnorum usu atque lectione, de Hæreticorum non negligendis Scripturæ expositionibus, de litterarum scientiarumque profanarum doctrina præmittenda, ac de linguæ Hebraicæ ac Græcæ notitia comparanda denique dissertitur. Tertia pars circa illa occupatur, quæ ad S. Scripturæ studium videri possent inutilia, nec tamen omnino contemnenda sunt, ubi plura de Mischna, Talmude, Masoretharum quibusdam observationibus, & de Cabalæ origine, nomine ac variis generibus traduntur. Quarta pars methodum in Scripturæ studio tenendam docet, inque duas Disputationes ita dispescitur, ut prior varias methodos ad studium istud utiles adducat, posterior vero monita quædam eo spectantia tradat, non omissis plurimis regulis criticæ, quæ Scripturæ studiosum admodum possunt juvare. *Tertia* Dissertatio ad illa progreditur, quæ Judæorum res concernunt, & primo quidem, præmissis quibusdam circa eorum statum observationibus, mox ad tabernaculi constructionem pergit, ejusque partes, Sanctum nimirum ac Sanctum Sanctorum, nec non ea, quæ in iis continebantur, expendit; qua occasione curiosa inter eruditos controversia de loco Altaris Thymiamatis discutitur, & alia circa

columnam nubis, circa aulae opere plumario preparata, ac circa dona pro tabernaculi constructione oblata in medium profert. *Quarta* brevem continet digressionem de Excellis & Idolis, quorum in sacris literis fit mentio, expositisque horum nominibus, quae juxta ordinem alphabeticum recensentur, plura de Teraphim vitulisque Aaronis & Jereboami colliguntur, tandemque idololatriæ origo solcite inquiritur. *Quinta* Dissertatio, prolixior multo, quam quæ præcessit, ad Judæorum res redit & quatuor Disputationibus partem eorum exponit, quæ ad splendidissime extructum Salomonis templum pertinent. Primum scilicet de ipso templo illiusque extructione, fundamentis, situ, ornamentis, partibus variis, mirandis ac factis multa commemorantur, non paucis observationibus circa Templum secundum, & quod ab Herode Josephus constructum scribit, nec non circa Ezechielis, Samaritanorum ac Aegyptiorum templa additis. Hinc de templi ministris inquiritur, seduloque iis congestis, quæ de Sacerdotum nomine, institutione, ætate, variis ordinibus, moribus, nuptiis, officiis, stipendiis, vestibus ac gradibus Autores commentantur, summus Pontifex fuscè describitur, & de Levitarum ordine, officiis & ætate, de janitoribus & cantoribus reliquisque templi ministris nonnulla observantur. Porro ipsum templi ministerium exponitur ita, ut simul cultus divini instrumenta, tubarum usum, benedictionem Sacerdotum, pluraque alia descripta videas. Et ultimo demum loco dubia quædam circa templum illiusque vasa attinguntur, ubi de atrio gentium, de porticu Salomonis, de porta speciosa templi, de qua Actor. 3. v. 2. legitur, de atrio interiori, de conclavibus ac ædificiis atriorum, de atrio mulierum, virginum domo, & Gazophylaciis, de meatu panum propositionis, candelabro, mari æneo ac ceteris lavacris & de arca fœderis pulcherrimæ quæstiones enucleantur.

Secundum Volumen, quod Doctrinam de Judæorum cultu ulterius persequitur, quinque iterum Dissertationibus absolvitur. Et prima quidem, quæ ordine *Sexta* est, tribus Disputationibus Sacrificia Judæorum exponit ita, ut prior generatim diversas eorum divisiones ac circumstantias consideret; altera singulorum sacrificio-

rum

rum, tum quoad ritus, tum quoad alia, specialiore notitiam tradat; tertia vero diversas occasiones ac tempora respiciat, quibus offerri sacrificia consueverunt. *Septima* Dissertatio in tres partes divisa Judaicorum Festorum consuetudinem, nomina, numerum, occasionem, ceremonias sigillatim fusc ac diligenter contemplatur, eademque occasione de Judæorum jejuniis ea, quæ ad tempus, causam & ritus spectant, tradit, ac tandem ritus, quos in Synagogis observatos fuisse legimus, tum quantum ad preces, quæ in illis fieri solebant, tum quantum ad alia scitu non indigna, enarrat. *Octava* quamplurimas easque elegantes, quæ circa Urim & Thumnim fieri possunt, quæstiones tribus Disputationibus expedit, & nomen, naturam, originem, locum, durationem & usum Urim & Thummim examinat, ubi sæpius Spenceri placita refelluntur, & de Teraphim & Cherubim non injucunda adduntur; Et ita Adparatus Biblici librum primum Autor concludit, ad secundum hinc progressus, qui Judæorum Doctrinam & Politiam perlustrat. *Nona* igitur Dissertatio tribus itidem paribus constans de scholis Judæorum earumque magistris, nec non eorum sectis ac libris præcipuis differit. Et primo quidem scholarum divisionem, nomina & antiquitatem Autor expendit, ubi imprimis circa Abrahami, Melchisedechi ac Heberi scholas versatur, ac in Babyloniam translatas sequitur, maxime vero Scammai & Hillelis scholis immoratur. Inde ad magistros transit, quorum dignitatem ac titulos exhibet, & tum inaugurationis antiquæ pariter & modernæ ritus, tum alios explicat, ac denique ea enarrans, quæ ad discipulorum consuetudines pertinent, finem primæ parti imponit. Hinc in secunda parte quædam de Phariseorum, Essenorum & Sadduceorum sectis profert, eorum nomina, initium & autorem describens. De Caraitis quoque loquitur, & ubi de Essenis agit, curiosa satis circa Rechabitas ac Philonis Essenos adducit, tandemque Phariseorum consuetudinem *simbrias amplificandi*, quam ipsis Christus exprobrat, exponit. Tandem tres circa Judæorum libros disputationes sibi vendicat tertia hujus Dissertationis pars. Prima & Secunda, quicquid ad Talmudis & Mischnæ notitiam requiritur, explicat, tertia vero de nonnul-

lis celebratissimis Judæorum commentariis verba facit, ac singulorum autores, materiam & antiquitatem contemplatur. *Decima* hujusque Voluminis ultima Dissertatio Disputatione duplici Theologiam Judæorum ex Talmude aliisque ipsorum libris sistit, ac non modo plurima, quæ Rabbinæ circa Deum, angelos, dæmones, animas hominum & similia docere solent, ex eorum verbis colligit, sed etiam Scripturæ interpretandi modum ab iis in præcipuis ejusdem historiis traditum recitat.

Tertium Volumen, cujus editio præter Autoris spem ob temporum necessitatem & Typographi varias ob causas mutationem ultra tempus constitutum paulisper fuit protracta, tres tantum Dissertationes continet. *Undecima* ergo, quæ primo locò occurrit, (placet enim hunc numerandi ordinem retinere) circa Cabalæ notitiam, ejusque in Scripturæ S. expositione usum versatur, qua de re licet jam in Dissertatione secunda Autor quædam attigerit, potiora tamen ac præcipua ad hanc remittere ipsi visum fuit. Cuncta vero, quæ in illa traduntur, in tres partes abeunt, quarum prima Cabalæ nomen, originem, antiquitatem variasque Cabalistarum methodos expendit; altera de divinis nominibus, imprimis nomine יהוה multa enarrat; tertia Autoris judicium circa Theologiam Judaicam aut Talmudicam continet, & quid commodi ex Rabbinorum commentariis ad Novi Testamenti loca quædam eo feliciter declaranda expectari queat, exemplis comprobatur, ut raceamus, quæ hic de Josephi libris, erroribus, illiusque a Sacris litteris frequenti dissensu, de Cabalistarum circa angelorum nomina arcanis aliisque curiosis rebus, quæ ad Cabalam magicam pertinent, annectuntur. *Duodecima* Dissertatio libro Adparatus Biblici secundo finem imponit & ad duo capita reduci potest. Primum enim de Synagogæ ritibus, nec non Synedrio ejusque jure & potestate agitur, & dum circa Synedrii ministros examen instituitur, plura de primatibus, majoribus, proceribus, patribus Synagogarum, Hiereis, presbyteris, didascalis, de Azanim, Parnasim, Archiperesitis, collectoribus eleemosynarum, diaconis, septem bonis viris & septem lectoribus traduntur. Deinde vero de Synedrii autoritate circa capitalia supplicia
disputa-

disputatur, & an Christi tempore, & quonam modo, ei competierit, disquiritur, subjunctis præterea variis, quæ circa nuptiarum ritus, tempus, convivium, de jure item uxoris ac dote, de leviratu & divortii libello præcipui nominis autores commentantur. *Decima tertia* librum Adparatus Biblici tertium ac ultimum inchoat, & quamvis Autor eandem variis Bibliorum editionibus primum destinasset, mutavit tamen consilium, ex quo de Opere, quod *Jac. Lelong*, Orat. Presb. paratum habet, edoctus fuit, quippe qui *Bibliothecam Sacram*, omnes tam typis vulgatas, quam exaratas manu S. Bibliorum editiones complectentem, proxime edere constituit. Dum ergo Noster illius editionem præstolatur, alibi suum hoc opus inde exornaturus, ad alia jam se confert, & circa præcipuas librorum Scripturæ versiones dicere incipit. Uti vero duas hæc Dissertatio iterum partes complectitur, quarum altera versiones Latinas attingit, altera versiones vernaculas explicandi curam suscipit, ita ex Latinis Cajetani, Vatabli, Malvendæ, Münsteri, Castalionis, Leonis Judæ, nec non Junii & Tremellii versiones imprimis productas variisque observationibus stipatas hic videas, ex vernaculis vero tum antiquioribus tum recentioribus, versiones, Gothica Ulphilæ, Armenæ, Dalmatica, Copticæ, Gallicæ, Oresmi & Guarini, & quæ anno 1530 Antverpiæ prodit, Lovanienlis, Olivetani, Govevenses, Renati Benedicti, Bessæi & Frisonis, Corbini, P. Veronis, Michaelis de Marolles, P. Ameloti & illa, quæ Montibus prodit, sub examen revocantur, ita tamen, ut circa eam, quam ultimo loco nominavimus, plurimum studii operæque Autor infumat.

Restat, ut de quarto Volumine quædam adjiciamus, in quo quatuor Dissertationes comparent, quamvis titulus tres tantum promittat. Primum ergo se hic offert *decima quarta*, quæ octo Dissertationibus constans versionum Gallicarum aliarumque vernacularum historiam ulterius enarrat. In ea nimirum postquam Autor versionem Montensem a Quesnellio editam, eamque, quæ Leodii anno 1702 prodit, nec non Belgicam Embricensem, & quæ Domino de Sacy editionem debet, considerasset, prioresque inter se contulisset, maxime circa

Simonii translationem subsistit, illiusque historiam fufe exponit, ac postea de D. Godelli, P. Bohursii, Castalionis, Jo. Diodati, & denique Jo. Clerici versionibus Gallicis quædam addit. Mox ad Italicas delatus earum mentionem facit, quæ ab Abbate Malhermio, Jacobo de Voragine, Antonio Brucciolo & Joanne Diodato luci publicæ expositæ fuerunt. Nec Hispanas, Germanicas, Saxonicas, Belgicas, Anglicas, Britannicas, Scoticas & Hybernicas, Polonicas, Slavonicas, Russicas, Bohemicas, Hungaricas, Suecicas, Danicam, Finnicam, Islandicam omittit, tandemque iterum de Coptica ac Armena observationes quasdam addit. *Decima quinta* Dissertatione, quæ sex partibus includitur, Autor ea, quæ circa versionum vernacularum lectionem, omnibus indifferenter permissam, nostris maxime temporibus agitari cœperunt, expendere aggreditur. Et primo quidem diligenter omnia conquirat, quæ circa hanc celeberrimam agitari solent quæstionem: an fieri possint, imo debeant, vernaculæ versiones? Ubi recensitis Hæreticorum opinionibus, quas refellere studet, quorundam Catholicorum placita expendit, suaque interdum utilitate translationes minime carere demonstrat. Congerit præterea plura tum Pontificum, tum Præfulum, tum Principum, imo conciliorum quorundam exempla, ex quibus versiones vernaculas merito imprudenter interdum prohiberi, aut etiam interdum sapienter comparari aliisque permitti concludit. Hinc ad aliam quæstionem transit, an scilicet legitimas ejusmodi versiones nemini subtrahere, sed omni hominum ætati, sexui, ac conditioni promiscue concedere aut tradere Pastores debeant? quæ negative deciditur. Eaque occasione exortas inter Romanæ Ecclesiæ non incelebres Doctores Arnaldum aliosque circa quartam indicis Concilii Tridentini regulam Disputationes recenset, nec pro illius obligatione utilitate ac necessitate certare dubitat, quam in ipsa Gallia ac Belgio usu receptam facile demonstrat. Ea etiam, quæ Arnaldo Simonius opponit, & quæ ille reponit, suo interposito iudicio, non dissimulat, nec potest, quin quæstionem aliam inter Abbatem Trapensem & P. Mabillonium satis agitatam attingat, an scilicet monachis Scripturæ lectio

maxime

maxime conveniens ac propria existimari debeat? uti quoque circa illam quæstionem: an liceat missale ac similes ad usum Ecclesiæ libros in linguam vernaculam convertere, eaque in sacris publice uti? varia affert, quæ a recepta Romanæ Ecclesiæ sententia non abeunt. *Decima Sexta* Dissertatio Disputatione unica historiam editionis Polyglottorum Bibliorum tradit, & proposito primum eorum catalogo, circa eas deinde editiones, quæ majoris videntur momenti, observationes quasdam, ad pleniorum earum usum ac notitiam spectantes, exhibet, unde de editionibus, Complutensi, Antverpiensi Philippi II, Parisiensi D. le Jay, & Anglicana Walthonis non contemnenda legere hic licebit. Cum vero notum sit, quod Simonius in Critica sua novam Bibliorum Polyglottorum editionem commendat, edendique modum doceat, illius consilium perpenditur accuratius, variisque incommodis ac difficultatibus conjunctum esse ostenditur. Quam ob rem suam Autor proponit methodum, duplicemque Polyglottorum compendii rationem, ac utriusque specimen circa primum Geneseos caput tradit, imo integrum Psalterium, juxta methodum suam dispositum, in fine Dissertationis subnectit. Tandem ad parandam majorem Bibliorum Polyglottorum notitiam de versionibus, Arabica, Æthiopica & Persica, quæ illis inseruntur, quædam addit, septuagintaviralem vero, perinde uti Chaldaicam & Syriacam, propriis iisque fufissimis Dissertationibus in sequenti Tomo exponere constituit. *Decima Septima* Dissertatio librorum, Patribus aliisque Scriptoribus a primis seculis suppositorum, indicem refert ex Criticorum modernorum, Cavei scilicet, Ottii, Bellarmini, Riveti, Spanhemii, Dupinii, Arndii, Alexandri ac Tillemontii scriptis maxime collectum, qui tamen nonnisi ad annum circiter 1180. producit, quia nec tantæ famæ videntur posteriorum seculorum Autores, nec adeo attente eorum opera Criticos expendisse, satisque incerta eorum esse judicia, Noster intelligit.

Et hæc generatim dicta sufficere, ni fallimur, iis possunt, qui, quid de tanto opere promittere sibi possint, cognoscere cupiunt. Specialiora enim quo minus jam tradamus,

Voluminum moles rerumque copia videtur prohibere, ex quibus alias plura nec inutilia nec lectori ingrata excerpere difficile nobis haut fuisset. Quodsi vero de methodo ac scribendi, quam Autor sequitur, ratione aliquid præterea dicendum sit, tenendum est, quod ipse fateatur, scholastica fere methodo ac stylo perspicuo potius, quam eleganti aut terso, in pertractandis rebus gravissimis se fuisse usum. Ne etiam plagiani nomen & crimen sibi attrahat, non modo ad scriptorum, ex quibus sua collegit, nomina semper provocat, sed etiam eorum verba exscribere non dubitat, tum, ut lector absque damno ipsi Autoris libro carere possit, tum, ut si propriæ minus ardeant conjecturæ, alias, quas amplectatur, sententias non desideret. Ubi sane illud omittere non possumus, quod Autor, secus ac alii Romanæ Ecclesiæ addicti scriptores facere plerumque solent, non tantum suæ Ecclesiæ Auctoribus utatur, sed alios sapissime consulat, quos Hæreticorum nomine dignos esse existimat. Unde ex nostris etiam Scriptoribus celeberrimos secutus ad Chemnitii, Gerhardi, Waltheri, Arndii, Sauberti, Carpzovii, Pfeifferi aliorumque scripta frequenter provocat, quamvis partium studio ductus iis aliquando vehementius insultet. Neque tamen aliorum tantum Autorum sententias colligit, sed ut certum aliquid tradat, suas quoque observationes subinde inspergit. Ceterum cum totum opus admodum diffusum sit, ut ea, quæ cohærere debebant, hinc inde crebro dispergantur, id tum demum optimum præbere usum poterit, si indices accurati accesserint, quos etiam ultimo Volumini addere Autor pronavit, cui, ut destinata feliciter perficere queat, sententiam vegetam faustosque successus precemur.

ALLE DE VOORTREFFELIKE GODSGELEER-
de en Natuurkundige Werken van JOHAN-
NES de MEY, &c.

seu

JOHANNIS DE MET OPERA OMNIA PRÆSTAN-
tissima, tum Theologica, tum Physica, aliaque, aliquam-
partem jam ex Latina lingua in Belgicam translata.

Tomi II.

Lugd.

Lugd. Bat. apud C. Boutestein & Js. Severinum, &c. 1706, in fol.

Alph. 15. & fig. æn. 2.

OPerum horum dudum tum separatim tum conjunctim impressorum præstantiam vel ipsa altera hæc editio multum correctior satis indicat. Dispersuerunt ea, qui editionem procurarunt, in duas partes, quarum prior 1 *Manuale Proverbiorum Salomonis*, seu expositionem plurimorum & præcipuorum libri Salomonis Proverbiorum succinctam & doctam; dein, 2 *difficiliorum quorundam N. T. locorum* explicationem; 3 *Annotationes exegeticas in Epistola ad Hebraeos capitula & loca selectiora*; 4 *Exercitationes quasdam sacras de conscientia casibus quibusdam, modestiæque limitibus*; & 5 *Physicam* imprimis *sacram*, seu explanationem locorum N. & V. Testamenti, in quibus scriptor facer res naturales vel tangit vel tractat, complectitur.

Posterior Operum horum apud Belgas celebratissimorum pars continet 1 *Descriptionem naturæ & effectuum conscientia*, nec non *attributorum & operationum Dei*; 2 *Hallelujah*, seu laudem Dei, in naturæ theatro decantatam; 3 *Alterum Hallelujah*, seu laudem Dei, in gratiæ theatro celebratam, una cum explanatione rerum quarundam naturalium specialiori; 4 *Responsa & Judicia Theologorum Ecclesiæ Reformatae* celebratissimorum *de unione Reformatorum cum Lutheranis*, quæ Auctor ob peculiarem quandam cum suismet Fratribus de eadem re controversiam perquam diligenter undique congescit; 5 *Continuationem theatri naturæ*, seu *Observationes Physicas de natura, proprietatibus & operationibus cœli*; 6 *Evzooiam*, seu resolutionem quæstionis pernecessariæ: *Qua in re humana vitæ felicitas consistat?* 7 *Continuationem Evzooias*, seu cogitata de Reipublicæ bene institutæ & felicissimæ constitutione; 8 *Evarchiam*, seu continuationem alteram Evzooias, in qua de Republica bene feliciterque constituenda consilia quædam Auctor suppeditat; 9 *Continuationem tertiam Evzooias*, seu de *Vitis Patriarcharum* quædam; 10 *Monita salutaria B. V. Mariæ* ad cultores suos indiscretos Gandavi A. 1673 impressa; 11 *Væ Pe-*

tri Appeldornii ab ipso de se ipso pronunciatum in scripto suo blasphemio *Cras credo, hodie nihil*; 12 *Orationem Votivam ad Wilhelmum Henricum*, Principem Arausionensem; & 13 *Addimenta* quædam ad *Joh. Gædæart* Observationes naturales.

Habent in his *Joannis de Mey*, Medioburgensium doctoris, Ministri ecclesiæ & Medici celebratissimi, operibus, qui vel difficiliorum & selectiorum Scripturæ Sacræ locorum, maxime vero eorum, quæ ad Physicam sacram spectant, explanationem, vel de bene constituenda Republica & conscientia bona servanda consilia, vel de unione Protestantium judicia quædam ipsorum Reformatorum quærunt, quæ eorum desiderio non poterunt non satisfacere.

הַמִּשְׁכָּל הַשֵּׁנִי

sive

ONOMASTICUM SACRUM, IN DUAS partes distinctum. Autore MATTHÆO HILLERO, S. S. Theol. Græcæque & Orient. Lingu. Prof. Publ. in Academia Tubingensi.

Tubingæ, impensis Theophili Georgi, Bibliop. Lips. 1706, 4. Alph. 5, plag. 10.

Quid propria Dei atque idolorum, hominum item ac locorum Nomina in sacris literis occurrentia in recessu habent, multi, quantum ad difficiliora inprimis eademque maximi momenti attinet vocabula, vano fere conatu hætenus enodare adgressi sunt. Exemplo hic nobis esse possunt Onegnes, & qui ducem hunc paulo fidentius sequutus est, Hieronymus, Josephus item, Philo, aut siquis alius libri de Ebraicis Nominibus autor est, Talmudistæ, Targumistæ vulgaresque omnium religionum & Theologi & Philologi, qui nomina istiusmodi, quod posterior ætas dudum observavit, sat jejune & inaniter subinde exposuerunt. Quare cum bene multa Sacrarum Scripturarum loca inexplicata hoc modo relinquerentur, & errores adeo crassi in Historiam æque ac Geographiam

am irreperent, ut ex urbe homo ex homine contra urbs non raro fabricaretur, Autor Cl. intentatum aliis iter ingredi, maculasque, Sanctorum Oraculorum interpretationi hoc modo affusas, in Onomastico hoc Sacro si prorsus tollere non potuit, maxima tamen ex parte corrigere pro virili annisus est. Ut vero, quod hunc in finem adornaverat Opus, justo suo eodemque concinno non careret ordine, in priori parte Nominum propriorum originem, analogiam & sensum declarat; in posteriori vero juxta ordinem literarum digesta istiusmodi Nomina explicat, & hinc quibus rebus personisve fuerint imposita, manifestat. Operi universo Index geminus, alter rerum & apud exteros fere Scriptores memoratorum nominum, alter locorum Sacrae Scripturae, quibus facem praetulit Autor, subjungitur. Instituti ratio non permittit, ut in dogmata hic tradita fusius nunc inquiramus, cum selectiora quaedam speciminis loco in medium proposuisse sufficiat. Sic ubi viam coagmentationis literarum aperit, literarum genera, confuse a Grammaticis hactenus proposita, subtilius hunc in modum distinguere docet, ut, Lingualium nomine, eo quod omnia vocum elementa linguae subsidio indigeant, prorsus summoto, Dentales insibilantes, quo literas **שׁ שׂ ש׃**, & non sibilantes, quo **ט טת** refert, a Liquidis **ל לר** quodammodo distinguendas, dividantur. Sub novam porro Sectione XVII literas censuram revocat, quando contra Priscianum disputans, Literam non per minimam vocis compositae partem, sed per individuum oris humani spiritum, ut a Syllaba, quae duorum pluriumve spirituum comprehensio est, commode discriminari queat, definit. Quod ad ipsum idioma Ebraeum attinet, istud, ubi de formis simplicibus agit, potissimum urget Autor, consuetudini parum, peregrinitati vero nihil prorsus se tribuere, adeo ut aliarum gentium vocabulis locupletatum, contra similitudinem nil quicquam tamen ullibi admiserit. Hoc ut uberius probet, ubi de Nominibus barbaris agit, segetem vocabulorum Chaldaicorum, Syriacorum, Persicorum, Aegyptiacorum & aliorum non alium in finem in apricum producit fecundissimam, quam ut omnibus statim innotescat, quomodo per legitimas artis regu-

p. 22

690

34

P. 363

364

regulas ex Ebraismo dictiones istiusmodi deducere interpreti in proclivi sit. Hybridæ vero voces ex Ebraico scilicet & barbaro sermone mixtas in Scripturis non reperiri, contra Flavium Josephum, Eupoleum & Lyfimachum Alexandrinum, qui Hierosolymorum nomen ex sermone partim Græco, partim etiam Ebræo declarant, Bocharto potissimum in partes suas evocato, statuminat. Pariter Tremellium, Bethphage vocem per Locum Fontis exponentem, eo quod Græci fontem πηγή, Syrii item, Chaldæi ac Talmudistæ פֵּינִי vel פֵּינֵי, unde nomen פֵּינֵי בֵּית conflatum sit, nuncupent, refutat, cum a Græco πηγή, vox Βηθφαγή duobus elementis, φ scilicet & η, discrepet, & Matthæus XXI. 1. ubi in Notis ad Versionem Syriacam Tremellius χρίσιν hanc suam instituit, non in casu quarto eis Βηθφαγήν, sed nulla flexionis aut casus ratione habita, eis Βηθφαγή, scribat, unde פֵּינֵי בֵּית Domum sive locum Paghi, quasi פֵּינֵי בֵּית viri nomen denotet, interpretatur. Cum de punctatione agit Noster, eandem & propriis & appellativis Nominibus punctandi rationem inesse, hoc potissimum argumento adstruit, quod in nominibus propriis, syllabarum numero crescentibus, puncta, ut in appellativis fieri consuevit, itidem decrescant, crescant vero, quando Regios Accentus appellativorum instar propria quoque Nomina sibi applicent. Prius p. 464 per פֵּינֵי i. e. פֵּינֵי דֵּי דֵּי dedit Deus, ubi kametz in scheva tranlit; postea vero p. 468 per פֵּינֵי quod sine Accentu Distinctivo, qui pathach in kametz commutat, פֵּינֵי esset, (est vero Saham viri nomen 2. Chron. XI, 19) ut alia innumera, quæ juxta vocalium ordinem magna diligentia hic congeffit Autor, præmittamus exempla, confirmatur.

Cæterum hac occasione notamus, nuperrime hoc ipso anno Onomasticon Urbium & Locorum Sacræ Scripturæ, seu Liber de Locis Hebraicis, Græce primum ab Eusebio, deinde Latine scriptum ab Hieronymo, & opera Jacobi Bonfrerii antea editum, cum novis Joannis Clerici animadversionibus, Amstelodami in fol. prodiisse, cujus libri, cum primum ad nos perferetur, uberiores in Actis nostris mentionem faciemus.

תביל

הלכות שבועות

i. c.

CONSTITUTIONES DE JUREJURANDO,
ex R. MOSIS MAIMONIDIS Opere, חזקוני
dicto, Latine reddita variisque Notis illustrata a
JUSTO CHRISTOPHORO
DITHMARO,
Haffo.

Lugd. Bat. apud Cornelium Boutestejn, 1707, 4.

Alph. 1 pl. 8.

IN his ad Maimonidis de Jurejurando Constitutione^s
Adnotationibus de Jurejurando ad C. I. ita statim differit
Autor, ut in vocabuli Ebraei שבועות originem, varias jurandi
& species & conditiones, flagellationis item, quæ poena peje-
rantibus statuta, modum, & similia alia, quæ huc spectant, fu-
sius inquirat. Succinctæ Cuthazorum & Samaritanorum,
quam ductu C. II adornat, descriptioni doctrinam de voce,
שבע, quæ plenam jurandi formulam sistat, subjungit, & pro
perfecto jurejurando omne istud, quod per nomen Dei sive
ipsum Deum fit, habendum esse, variis Gentium consuetudini-
bus hunc in finem allegatis, pronunciat. Josuam interim, du-
cem Israelis clarissimum, eo quod Gibeonitis dolo eum cir-
cumvenientibus fidem omni ex parte non præstiterit, neuti-
quam peccasse, ad C. III inde potissimum evincit, quod ad o-
mne jusjurandum, si validum esse debeat, consensus, sive, ut
is, qui jurat, & is, cui juratur, idem intelligant ac velint, re-
quiratur; inde & ad istiusmodi juramenta, quæ latronibus &
publicanis præstari solent, dilabitur. De olivæ, communi ci-
borum prohibitorum mensura, cadaveribus discerptis, liquido-
rum mensuris, adipe, bovis imprimis, agni & capræ, sangui-
ne item in numero ciborum prohibitorum juxta Lev. VII, 26
habito, erudite disputans, fustigationem a flagellatione, de qua
p. 7 jam tum egerat, ratione & loci, & admonitionis, & culpæ,

p. 3. seqq.

51. sq.

54.

72.

73.

85 sq.

105 sq.

L I

ut

- ut & modi, multum diversam esse, affirmat. Missa historiola, quam fabulam verius dixeris, quasi Zedekias, quod Nebucadnezarem de lepore vivo comedentem viderit, idque contra præstitum juramentum Synedrio M. postmodum evulgaverit, ab Assyrio hoc Rege excæcatus fuerit, ad veras divortii causas a falsis, quales & ipsi Karræi absurdas prorsus ex diditione ערור eliciunt, dignoscendas pedem promover. In interpretationem vocis פרטות *Pruta*, cujus mentionem Maimonides C. VII §. 11 injicit, porro intentus, de aliorum quoque monetæ generum valore, ad varia, quæ in N. T. imprimis memorantur, numismata illustranda, succincte disserit. Ad C. VIII circa rei ablatae & pruta ad minimum dignæ restitutionem, per duplum, quadruplum, vel etiam quintuplum, in Ebræorum Republica olim perficiendam, quædam annotat. Ad C. IX vero dum de מנה *Mina* agit, observat, eandem סלעים *Siclorum* rationem esse, qui ut vel Tyrii, vel Provinciales erant, ita & Minam in צורי *Tyriacam* & מנה *Provincialem* olim fuisse distinctam. Per מנה *Pruta* quæ dictio C. X §. 3 extat, & a חלץ *exuit* suam trahit originem, uxorem mariti absque liberis decedentis, postquam frater defuncti eam ducere recusaverat, indigiti, evincit, insimulque ritus hujus solennia, siquidem juxta Deut. XXVIII, §. 6. istiusmodi uxor leviro calcem exuere debebat, levi quasi penicillo adumbrat. Sententia tandem super quæstione: utrum ei, qui verum Deum colit, per Idola jurare, aut jusjurandum a Gentili exigere, vel accipere saltem liceat? ad C. XI in medium proposita, circa C. XII, seu ultimum, contra Baronium, Lipsium, Sigonium aliosque probare inprimis satagit, quod crucifixio, quæ inter supplicia apud Ebræos usitata, qualia lapidatio, combustio, capitis amputatio, & strangulatio erant, nullibi recensetur, non nisi temporibus sequioribus in Rempublicam Judaicam introducta fuerit. Ceterum præter Autoris ad Lectorem Præfationem, ubi suscepti negotii causæ versionisque ac institutæ commentationis rationes breviter explanantur, Jacobi Perizonii Epistola opusculo insuper præfixa est, in qua, quam inviolate sancteque apud Gentes etiam a

veri Dei cognitione alienas juramentum semper habitum servatumque fuerit, quæve genuina ritus istius, quo Orientales inter jurandum alter alterius femur tangendo utebantur, origo extiterit, aliaque non pauca lectu & utilia & jucunda enodantur. Inter istos sane, quibus multum se debere hinc & inde, in Commentariolo suo Dithmarus noster gratus & palam fatetur, choragum facile agit *Perizonius*, cui *Triglandum*, cujus potissimum suasu literis his in Academia Lugduno-Batava CAROLI I, Hassiæ Landgrafii, cui & librum hunc sacrum esse voluit, incumbit, *Wissum* item & *Meierum* adjungit.

**ZACHARIÆ HUBER, ULR. FIL. JURISCONSULTI
& Antecessoris, Dissertationes Juridica & Philologica,
quibus explicantur ac Observationibus humanioribus
illustrantur selecta Controversiarum atque
Legum capita. Pars
altera.**

Franequeræ, apud Bernardum Wibrande, 1706, in 4to.

Alph. 2. plag. 6.

AD nominis paterni celebritatem adspiraturus doctissimus Autor, amœnioris Jurisprudentiæ opera solerter continuat. Primam Dissertationum harum partem in Actis nostris mense Octobri 1702 p. 417 recensu prolixiori exhibuimus, cumque exinde genium ac indolem harum lucubrationum abunde Lectores intellexisse speremus, ideo in recensenda hac altera parte nobis licebit esse brevioribus. Decem Dissertationibus præsens opus absolvitur: in Prima de Lege Julia, in Secunda de Lege Cornelia differtur: Tertia disquirat, quomodo Principes alique imperantes summa potestate præditi, ut & Magistratus ac privati homines possint jurisjurandi gratiam f. cere: Quarta usum ac licentiam veterum divortiorum, apud Romanos exponit: Quinta de matrimonio Claudii & Agrippinæ, deque Neronis adoptione agit. Singulæ harum Dissertationum sunt Juridico-Philologicæ, ac ad illustranda notabilia quædam Suetonii loca, pertinent. Ceteræ Dissertations

rationes Juridicæ sunt, ac in Sexta exponitur & illustratur Græcum Rescriptum Adriani Imper. in *l. 48 de judic.* Septima institutionem & exheredationem filii familias ac postumi, sub conditione factam, illustrandæ *l. 11 ff. de condit. instiut.* exhibet. In Dissertatione Octava duplex eaque gravissima discutitur antinomia in capite Pandectarum de legatis & fidei commissis. Nona in exponendis & illustrandis duobus locis Juliani difficilioribus occupatur, quibus ultima disquisitionem: an & quatenus usucapio perimat jura in re? subjicit. Quo unum alterumve magis intelligatur, de nonnullis specialius nonnihil dicemus.* Dissertatio Octava duplicis antinomiae evolutioni præcipue destinata est. Postquam igitur Clarissimus Autor de officio interpretis, quoad componendas antinomias, in genere disseruerat, primum textuum sibi contradicentium par in scenam producit. Nimirum Julianus in *l. 22 de condit. & demonstr.* pronuntiat. *Quoties sub conditione mulieri legatur, si non nupserit, & ejusdem fidei commissum sit, ut Titio restituat, si nubat: commodè statuitur, etsi nupserit, legatum eam petere posse, & non esse cogendam fidei commissum præstare,* cujus decisionis sententiam & rationem, tam ex jure Romano, quam scriptoribus aliis, Noster prolixè & eleganter exponit: sed, ut videtur, sine suffragio Gaji, qui in *l. 14 de Legat. 3* aliam plane sententiam amplectitur, quando ait: *Non dubium est, quin, si uxori legatum sit, si non nupserit, idque alii restituere rogata sit, cogenda est, si nupserit, restituere.* Sentit enim hic Gajus, valere conditionem, *si non nupserit mulier,* atque effectum restitutionis tribui fideicommissum, nisi paruerit conditioni, quod negat Julianus. Tam aperta contraditio sat argumenti fortassis præbebit quibusdam Criticis, quo intrudant salutarem particulam *non*, legantque *cogenda non est.* Alii, ne ulla iis hac in re difficultas sit a Gajo, notant, particulam *quin* significare *quod non*, quasi Jctus oratione sua exprimeret sententiam Juliani, doceretque, initum esse fideicommissum; sed neutra illa medendi ratio Nostro sese adprobat. Gotofredus speciosam commentus est distinctionem, viduam inter & virginem, putavitque, de virgine, hono-

rata legato & fideicommisso gravata, loqui Julianum, sed de vidua, marito orbata, cui lex de non nubendo ab eodem dicta sit, Gajum. Licet vero huic sententiæ verba textuum, non minus, quam ratio differentiarum personarum, faveant, ac ordinem secundarum nuptiarum, ex dictis Veterum copiose hac occasione a Nostro illustratum, ei succurrere videatur, attamen temporibus Juliani & Gaji eam non convenire, adeoque opera & ingenio suo abuti, qui primi & secundi matrimonii distinctione istarum legum quarunt conciliationem, Clarissimus Autor existimat. Ipse igitur certiore conciliandirationem traditurus, docet, Julianum loqui de fideicommisso pœnali, ad nuptias contra Legem Juliam impediendas spectante, sed Gajum agere de fideicommisso puro, sine nuptiarum impediendarum consideratione imposito: illud ergo invalidum esse, hoc autem valere, sine ulla pugna, aut decisionis apud autores nostros varietate, cum sane multum intersit, an fideicommissum suspendatur per modum pœnæ incivilis & acerbæ, qualis sit matrimonii prohibitoria conditio, & an pure simpliciterque fideicommissi onus alicui sit impositum. His expeditis, ad alteram antinomiam progreditur Noster: ex sententia scilicet Pauli in *l. 88 pr. §. 1 de legat. 3* *lana legata, vestis, quæ ex ea facta est, non debetur, & materia legata, navis armariumve ex ea factum, non vindicatur*, quæ assertio, uti alias patitur difficultates, a Nostro tamen solerter remotas, ita graviter ei contradicit Ulpianus in *l. 44 §. 2 de legat. 1*. dum pronunciat: *siquis pocula legavit, & massa facta est, vel contra, item si lana legetur, & vestimentum ex ea fiat: Julianus libro trigesimo secundo Digestorum scripsit, legatum in omnibus supra scriptis consistere, & deberi, quod extat, quam sententiam puto veram, si modo non mutaverit testator voluntatem*. Hic ingenue fatetur Consultissimus Autor, quod discrepat inter utrumque Jurisconsultum, vix esse, ut bona gratia componi possit, hinc, rejectis quibusdam conciliationibus, concludit, æmulos hosce autores de industria dissensisse, ac adeo hoc casu vestigium superesse antiquæ dissensionis Proculejanæ & Sabinianæ, quam nulla medicina artificiali aut critica tollere, sed ut

ἀντινομίαν ἀνίστατον in medio linquere oporteat. Dum incipite, de adimendis legatis, versatur Clarissimus Autor, aliam perdifficilem & perplexam Pauli pericopam, quæ in *l. de adim. legat.* extat, enucleandam sibi sumit, eoque labore Dissertationem hanc absolvit. In Dissertatione ultima disquiritur: an & quatenus usucapio perimat jura in re? Præmissis igitur generalibus, ad usucapionis indolem & æquiritatem pertinentibus, jus in re ex effectu intelligendum esse, Noster censet, ea ratione, ut jus in re sit, unde nascatur actio in rem; secundum quod principium quatuor ejus species, nempe dominium, hæreditatem, servitutem & pignus, etiam asserendas esse, amplius existimat. Hoc præstructo, dominium usucapione mutari, totumque tolli posse, modo illa sit legitima, Nostro certum videtur, de ejus requisitis hac occasione plenius differenti. Jus autem hæreditarium ex ejusdem doctrina usucapione non tollitur, sed hæreditatis petitio non nisi longissimi temporis sive triginta annorum lapsu excluditur; si quis tamen titulo speciali emtionis similive rem certam & singularem ex hæreditate comparaverit, ei usucapio plenissimam securitatem præstare videtur. In servitutibus proprie & ipso jure propter defectum possessionis usucapio locum non habet, docente Nostro: si quis vero rusticum vel urbanum prædium, quod alii servitutem debet, usucapiat, consequentia proprietatis acquisitæ trahit ad se libertatem prædii, & jus servitutis extinguit. Præterea si quis diuturno usu & longa quasi possessione, non vi, non clam neque precario, servitutem nactus sit, is utilem habet actionem, ope præscriptionis, quæ merito hæc fuit probata, ne lites de servitutibus fierent perpetuæ; de cetero ad eam titulus vel domini scientia hauri requiruntur. Servitutes personales ac in specie usufructus usucapione non tolluntur, cum sint res incorporales, Veterum autoritate hoc etiam satis comprobante: si tamen constitutio usufructus, inciderit in idem tempus, quo possessio usucipientis interchoata fuit, tum jure novo Codicis utraque, & præscriptio juris, & usucapio rei, pari passu ambulat, eodemque modo sic impletur, ut altera absorbeat alteram. Eadem fere ratio pignori

gnoris & hypothecæ, quæ usufructu non perimuntur, quod tamen an & quousque jure novo mutatum sit, non satis liquet, hinc novam ea res Nostro disceptandi præbet materiam. De possessione hic non operosa est disquisitio, cum ex numero jurium in re eam omnino esse; expungendam, doctissimus Autor censeat.

*JOHANNIS VAN HORNE, ANAT. ET CHIR.
apud Batavos quondam Professoris, Opuscula Anatomico-
Chirurgica, Annotationibus Recentiorum in Anatomicis
pariter ac Chirurgicis industriam patefacientibus adau-
cta studio & opera D. JOHANNIS GUILIELMI
PAULI, Anat. & Chirurg.
Prof. Publ.*

Lipsiæ, apud Thomam Fritschium, 1707, in 8.

Constat Alphab. 1 & pl. 20.

Nullo non tempore Johannis van Horne Opuscula Anatomico-Chirurgica vel maximum merita sunt applausum; quo factum, ut aliquoties eadem non solum fuerint recusa, verum etiam a variis Professoribus in Academiis digna habita, quæ pro fundamento Anatomiz & Chirurgiz docenda ponerentur. Quemadmodum olim D. Joh. Mauritius Hoffmannus in Prælectionibus Anatomicis in Academia Norica declarandum selegit Hornii Microcosmum, suasque in eundem Notas in Dissertationibus publicis Anatomico-Physiologicis viginti duobus abhinc annis publici juris fecit. Hujus enim judicio est Hornii Microcosmus (idque etiam de Microtechnæ ejus existimandum) liber parvus, si oculis magis quam animo legatur, si rerum contentarum amplitudo attendatur, magnus. Id quod permovit Clariss. D. Joh. Guilielmum Pauli, inde a viginti tribus annis Collegam nostrum solertissimum & Anatomicum, si quis alius, accuratissimum, ut Microcosmi & Microtechnæ editionem Lipsiensem cum Lugdunensi conferre, mendose allegata corrigere, reliqua Autoris addenda conquirere, atque paragra-

paragraphis tantum non singulis Annotationes aliquas apponere sustinuerit. Tredecim equidem jam præterlapsi sunt anni, cum laborem istum perfecit, quoniam vero Bibliopolæ aliorum librorum impressionibus occupatissimo minus commodum hætenus cum typis mandare visum fuit, amplissimam natum hætenus est Noster occasionem, omnem moram uberioribus observatis, tam propriis, quam alienis compensandi. Et ne opera hæc manca videretur, siquidem ultimis quinque annis, quibus Manuscriptum sub manu ejus esse desiit, multa in re Anatomica cum orbe erudito hinc inde communicata, imo ab ipso in cadaveris foeminei anatomia publica sub finem anni elapsi observata fuerunt, singula hæc in Præfatione uberius addere non fuit gravatus. Speciminis loco ex hac, quæ Clariss. Pauli sunt observata, sistemus, sicque de reliquis Annotationibus facile erit penes L. B. judicium.

Quam tunicam in œsophago inter carneam & nerveam vasculosam mediam Verhayen notavit, eam in ventriculo non solum suillo & canino, sed humano quoque atque jejuni humani portione vidit. Aquam in arteriam splenicam infusam, ventriculum cum liene adhuc coherentem, non tamen ceram pariter replevisse, observavit. Ductus thoracicus in cadavere foemineo cera rubra repletus thoracem intra sub aorta primum insigne vas recipiebat lymphaticum, ut duplex videretur, hinc notabilem efformabat insulam, demum sub œsophago ductu satis tortuoso & serpentino ferebatur, usque per thymum rariis ramis dispersis in venam subclaviam sinistram e regione venæ jugularis internæ osculo terminaretur. Venas cum arteriis continuari, nec poros utrumque vasorum genus intercedere, præter alios plures Pitcairius, Cowerus, Vieussens atque Georg. Frider. Francus de Franckenau propugnant, primus quidem, quod sanguis, in poros effusus, ac venarum parietes, consequenter oscula comprimens, sibi ipsi aditum ad venas præcluderet, reliqui autem, quod microscopiorum usu talis continuïtas extra dubium omne esset reddita. Verum quia microscopiis adhibitis non tam ipsa vascula, ceu pellucida, quam globuli potius sanguinis se invicem propellentes cernantur,

tur, haud immerito ambigit Noster, annon sic arteriolarum & venularum continuas cum sanguineorum globorum contiguitate confundatur, quæ tamen poris majoribus etiam sibi invicem respondentibus adhuc videri potest, quamdiu globuli ejusmodi sensibiles in minores insensibiles nondum redacti fuerint. Ad poros autem depositus sanguis nullum omnino ejus judicio in venarum oscula inveniret ingressum, nisi fibrillis intercedentibus venarum parietes æque ac arteriarum suffulcirentur; quemadmodum in liene vitulino & pene humano, in quibus sanguis ab arteriis extravasatus per patula venarum foramina remeat, ad oculum patescit. Tametsi ad respirationem parvam vel duo diaphragmatis muscoli possint sufficere, in magna tamen, ubi costæ cum sterno elevandæ ac deprimentæ, centum eorum, tum proprii, tum communes, videntur concurrere. Præter 2 namque diaphragmatis, costæ utrinque a 27 propriis, nempe subclavio, 11 intercostalibus externis, 11 levatoribus costarum, Serrato antico minori, Serrato antico majori, Serrato postico superiori ac Cervicali descendente Diemerbrockii & tribus communibus, Pectorali, Scaleno, & Levatore scapulæ attolluntur; cum costæ e diverso utrinque a 14 propriis, videlicet 11 Intercostalibus internis, Triangulari, Sacrolumbo & Serrato postico inferiori & 5 communibus, musculis scilicet abdominis soleant deprimi. Per orificium, quod in duodeno cum choledochopancreaticus ductus habet commune, flatus in hunc immixtus aliud simul minus osculum canalis minoris detegebat, priori fere oppositum, nisi quod paulo esset superius. Non absimilem quendam ductus pancreatici in equo videre licuit Clariss. Pauli conformationem, in quo alter duodenum orificio cum choledochopancreatico communi, alter autem proprio & quidem e regione fere priori opposito pertundebat. Mercurius in meatum auditorium infusus in hoc subsistebat, adeoque cavitatem tympani haud illabendo nullum membranz tympani detegebat hiatus, etiamsi aqua pro eadem sicciore humectanda multis ante horis fuisset indita, caputque multum una concuteretur. Quamvis Epiglottidi humanæ 4 a Jacobo

Mm

Sylvio

Sylvio adscripti musculi tantum non ab omnibus in dubium ha-
ctenus fuerint vocati, nihilominus non solum duos attolentes,
satis longos, ab ossis hyodis basi ad posticam epiglottidis radi-
cem protensos, sed & duos deprimentes minores ab aryta-
nearum cartilaginum apicibus oblique & anterieus ad epiglot-
tidis latera delatos atque vel cum Bauhino hyo- & aryta-
glotteos, vel cum aliis rectis hyo- & aryta-epiglottleos di-
cendos vidit.

De cetero monendus est L.B. præter Microcosmum &
Microtechnen Hornii Notis illustratos, adjectam esse in hisce
opusculis Thomæ Bartholini Historiam Anatomicam Aneuri-
smatis dissecti, Horni ejusdem argumenti Epistolam, & Indi-
cem rerum locupletissimum.

MEDICINA GYMNASICA: OR, A
Treatise concerning the Power of
Exercise &c.

i. c.

TRACTATUS DECLARANS EXERCITATIONUM
potentiam, respectu Oeconomiae animalis, magnamque
earundem in morbis diversis curandis necessitatem.
Autore FRANCISCO FULLER, M.A.
Editio secunda cum Addi-
tionibus.

Londini, apud Robertum Knaplock, 1705, in 8.

Plag. 20.

Quo Exercitationum usus in talibus sæpe morbis curandis,
in quibus alia vix quicquam valent, elucescat certissimum,
Autor in Medicina gymnastica præsentis, tam Exercitationum,
in corpus nostrum efficaciam in genere, quam morborum, in
quibus conferant, & motuum, qui profint, nonnullos in spe-
cie explanat, omniaque tum Praxi Veterum, tum Appendice
singulari confirmat. Exercitationis videlicet nomine omnem
intelligit

intelligit motionem sive agitationem corporis humani, cujuscunque illa sit generis, seu voluntaria, seu involuntaria, & quocunque fiat modo, quæ absque remediis internis possit (vel, sine qua remedia interna sola non semper possint) naturæ roborandæ ad expellendum inimicum, a quo opprimitur, sufficere. Modos vero, quibus natura in oppressionis periculum veniens sibi ipsi opituletur, ut & naturæ conatus, qui vel externorum applicationem, vel internorum, nec sanguini, nec spiritibus assimilandorum, assumptionem insequantur, prius percurrit, quam rationem ostendat, qua natura, exercitio moderato eoque continuato adjuta, se a morbis quibusdam liberare possit. Eum, namque in finem in corpore nostro, nunc sternutationem, oscitationem, pandiculationem, singultum, risumvè fieri, nunc stimulo, aut externo, aut interno, v. g. emetico fortiori, spiritus animales excitari, ut aliquid naturæ adversi eliminetur. Tametsi autem producta humanæ artis perfectissima motu atterantur & consumantur, corpus nihilominus humanum, ceu mechanismi divini exemplar, motu frequenti ad diutius perseverandum disponi, in quantum hic in partes corporis, & fluidas, & solidas, agens æquilibrium utrasque inter restauret optime. Ne de motus tamen potentia, quam in fluidas & solidas corporis nostri partes exierit, ullum relinquatur dubium, ad structuram arteriarum conicam, sanguinis circuli promovendi gratia motum muscutorum exigentem, ad exactiorem particularum sanguinis homogenearum mixtionem, occasione majoris caloris digestorii per motionem excitati contingentem, ad uberiores particularum e massa sanguinea, cum excrementitiarum, tum laudabilium denuo admiscendarum, secretionem, a velociori post motum corporis circulatione obtinendam, ad hypercatharsin, a motu post haustum purgans illatam, ad majorem denique partium solidarum tensionem, & ad nervosarum sensationem gratam, motione inducendas, pluribus provocat. Ad morbos vero motu abigendos motionis præcipue moderatæ industriam continuationem non minus postulat, ac medicamenta alias quævis alterantia sedulo continuari præcipiuntur; neque molestiam, quam primæ creant exercitatio-

nes, adeo ægro metuendam esse, ut easdem propterea omittat, cum natura iis pariter atque aliis, quorum exempla adducuntur, soleat adsuescere, ægrotusque frequenti moderatorum exercitiorum usu tantum acquirere queat robur, quanto alter, simili morbo affectus, ob motionem omnem neglectam penitus destituitur, prout sani quoque robustiores deprehendantur aliis, quo violentioribus motibus corpus consueverint subigere. Exercitationem itaque excellens haberi remedium, partim ratione medicaminum, v. g. decoctorum lignorum, Martialium & balsamicorum, quorum vires exaltet, partim intuitu morborum, quos pellat, ubi evidenter collegit, ad morbos speciatim motu curandos atque exercitationes huic scopo satisfaciens progreditur, ibique phthisin, hydropem & malum hypochondriacum, hic autem equitationem, frictionem & balnea frigida, non solum nominat, sed & declarat. Phthisi siquidem a motione, imprimis ab equitatione, eo certius pollicetur auxilium, quo laxius particulæ morbificæ in massa sanguinea cum reliquis cohæreant, & quo æqualius moleculæ acres per emundatoria ubique secerni debeant, diligentem simul usum balsamicorum non aliorum, quam temperatorum, acrimoniam obtundentium & nutrientium, e. g. tussilaginis, liquiritiz, cynoglossi &c. admittens. Hydropis titulo, cui exercitatio medetur, talem præcise innuit Anasarcam, in qua vel ægroti cathartorum usu intempestivo ita debilitati fuerunt, ut diuretica & corroborantia nequicquam ferre possint auxilii, vel qui homines adultioris ætatis, fœminæ hysterica, aut subiecta asthmatica, afficiuntur: in quali non tam purgantia fortiora, veluti sanguinis crasin & ventriculi tonum destruentia, quam diuretica, in majori saltem dosi & cum motu, suadet usurpanda. In affectione hypochondriaca & hysterica, spiritus & nervos potissimum occupante, remedia haud violentiora, v. g. cathartica diuretica, sanguinis missionem &c. sed leniora & cordialia, atque præsertim exercitationes, primum equitationem vel unctionem, tum balnea frigida vel frictionem ideo commendat, quod spiritus ac nervi primario hisce corroborentur, nec pauperes laborem sustinentes morbis istis unquam

unquam corripiantur. Sed ea præteriens, quæ de Rheumatismo scorbutico, Atrophia nervosa, & Debilitate ex mœrore, motu pariter curandis, potuisset addere, equitationi primum inter exercitationes concedit locum, quia hæc infinitis succussionibus non mesenterii tantum & intestinorum glandulas obstructas aperiat tonumque restituat, ac morbificas a glandulis intestinorum secretas particulas immutet, sed & præter alias secretiones transpirationem æqualiorem vultumque vividiorum efficiat, atque animum majoribus voluptatibus perfundat, quam exercitationes aliæ; quantum vero commodum ab equitatione in phthysicos, hypochondriacos & cachecticos redundet, observationibus, cum Sydenhamii & Baynardi, tum propriis, demonstrat. Hinc frictionem, multum a Veteribus adhibitam, intuitu insensibilis transpirationis, quam egregie promovet, & quam reliquis evacuationibus cunctis notabiliter præpollere Recentiorum experientia testatur, subjungit, nullusque dubitat, quin frictio assidue repetita, glandularum cutanearum obstructions referando, mucum gelatinosum in musculorum interstitiis attenuando, & spiritus excitando, in Rachitide recenti, Rheumatismo scorbutico, certa Atrophia, & hypochondriacis ac hysteriis obefioribus, magnum edere valeat effectum, cum vel ganglia ipsa sub cute demum soleat dissolvere. Balnea denique frigida propter actionem, qua spiritus repellunt impelluntque, ut unitis viribus materiam morbificam aggrediantur, exercitationibus a *Nostro* cum Veteribus annumerantur; de efficacia vero eorundem *Flojeri Inquisitio in usum & abusum balnearum* laudatur, in *Actis A. 1698 p. 524.* a nobis recensita. Atque hanc morbis exercitatione subveniendi rationem Veteribus quondam maxime solennem fuisse, ex Hippocrate, Galeno, Celso, aliisque non minus luculenter, quam summum equitationis in nervorum affectibus emolumentum exemplo Autoris proprio, quod in Appendice fusiùs enarratur, comprobatur.

ACTA ERUDITORUM
BERICHT EN OPMERKING WEGENS DE
Staat van een Buitengevooone, zo genaamde
Slaap-Ziekte de Stolvijk voor-
gevallen.

i. e.

RELATIO DE AFFECTU SOPOROSO EXTRAOR-
dinario, Stolvici observato.

Roterod. apud Eliam Yvans & Petrum van der Veer, 1707. 4.
Plag. 3 $\frac{1}{2}$

Multa haftenus in Relationibus publicis de rustico per-
multos menses dormiente fuerunt significata; quoniam
autem plenariam fidem illis semper habendam non esse, in-
comperto est, rarus autem hic casus omnino meretur, quicum
orbe literato communicetur, brevem ejus historiam ex scripto
hoc, in quo quatuor Doctores Roterodamenses, scilicet Paulus
Walwijk, Cornelius van der Zee, Henricus Snellen, & Abra-
ham Salomon van der Voort, eum visitantes, quæ vel ipsi vi-
derunt, vel ab adstantibus audiverunt, consignarunt, delinea-
vimus.

Dirk Klaasz Bakker Stolvici prope urbem Goudam de-
gens, annorum 32, vir probæ vitæ, & in testis arundine conte-
gendis strenuam navans operam, postquam sub initio anni 1706
post patris mortem deteriore hereditatis conditionem, quam
speraverat, invenerat, melancholiæ se dedit, ita ut quotidie
magis magisque solitudinem amaret, & ab omnium hominum
frequentia remotissima quæreret loca, tempusque in libro,
quem semper secum gestabat, legendo tereret, sæpius etiam de
die lectum petens ut plurimum dormiret, subindeque evigila-
ret. Cogitationibus interim suis admodum inhærebat, nec
ad quæsitæ nisi magno temporis intervallo interjecto responde-
bat, instar eorum, qui ex profundo somno sunt excitati. Cu-
jus rei causam manifestare detrectabat; sicque tres consumse-
rat menses, i. e. ad finem usque Martii, ubi ingravescentibus
sympto.

symptomatibus istis, plerumque temporis in lecto traducebat, subinde tamen laboribus etiam vacabat. Sudorifera interim dantur, sanguis aliquoties ex vena educitur, qui bonæ conditionis observatur, clysmata injiciuntur, sed omnia absque successu. Die 24 Junii somno profundo sepeliebatur; hinc vesicatoria nuchæ apposita magnam quidem feri copiam elicuerunt, sed absque euphoria. Die 29 Junii emeticum infundebatur, inde non solum magnam pituitæ copiam evomuit ille, sed & exsuscitatus & cum adstantibus locutus fuit. Pauca vero post minuta iterum obdormivit, somnumque ad 13 Julii continuavit, quo subito exclamando aquam poposcit, quæ a-vide, clausis licet oculis, epota, eundem soporem repetiit, & ad 11 usque Januarii diem anni currentis sub eodem gradu & absque ullo stertore protraxit. A die 29 Junii usque ad medium Augusti præter dictam aquam nihil alimenti assumsit, si vini Hispanici circiter uncias tres vel quatuor excipias. Ab illo tempore soror ejus singulis sex diebus unicum bolum panis & carnis ori ingessit; tandem singulis diebus fere bis vel ter oblatum cibum sub eadem quantitate clausis tamen semper oculis deglutivit ille, ita ut tam paucum alimentum infanti recens nato pro vita sustentanda vix sufficeret. Uno tempore facilius deglutiebat eadem, quam alio, de potu præter dicta nihil assumebat. Insensibilis transpiratio exilis admodum ex arido habitu judicabatur, sudor nullus, feces alvinæ paucæ, donec die 27 Julii sequentibusque 14 diebus post Elyxir Proprietatis infusum quotidie egeret dormiens, sed absque morbi levamine. Cum vero cibus ei præberetur, ut dictum, quotidie vel singulis binis diebus lectum urina & fecibus commaculavit. Quæ sordes ut evitarentur, sellæ fuit impositus, foramine pro illis transmittendis instructæ; hæque semper viscidæ, fuscæ, duræ, subinde liquidæ exercebantur. Pulsus erat æqualis, sed parvus & tardus, nisi quod post Spirituum naribus admotorum usum ille acceleraretur. Ut plurimum absque motu jacuit dormiens, rarius ab uno latere in alterum volvebatur, palpebras quandoque movebat, oculos tamen non aperiebat; collum etiam extendebat, tussiebat. Postquam igitur ultra 6

men-

mensis dicto modo dormiverat, die 11 Januarii hor. 10. matutina post tussim somno plenarie excusso, oculos aperiebat, de nullo conquerens dolore, sed solum lumen oculis molestum esse, pronuntians. Lassitudinem vero membrorum & capitis gravitatem accusabat, corporisque marcorem mirabatur, vixque, se tamdiu dormivisse, ut crederet, a se impetrare poterat. Famelicus cibum poscebat, potum hauriebat, & prudenter loquebatur. Cepit posthæc quidem aliquoties iterum somnum, sed interruptum, & cum stertore. Die 12 Januarii hor. 8 matutina arcte & graviter & pristino modo dormire denuo coepit, & die 22 Februarii, quo supra nominati Doctores scriptum hoc subsignarunt, adhuc dormivit.

*DESIDERII ERASMI OPERUM OMNIUM TOMUS
III, VIII, IX & X.*

Lugduni Bat. apud Petrum van der Aa, 1703, 1706.

Tomus III constat Alph. 12. pl. 19 & Fig. zn. pl. 10.

VIII Alph. 3. plag. 15.

IX Alph. 6. plag. 20.

X Alph. 4. plag. 17.

Splendidissimæ hujus Operum Erasmi editionis mentionem jam antea fecimus, tum anno 1704 mense Augusto p. 351 sq. cum tomum primum, secundum & quartum, tum anno 1705 mense Novembre p. 481 sq. cum quintum, sextum & septimum recenseremus, quin & in ejusdem anni Novis Literarum p. 239 causam indicavimus, quare tertii tomi editio differenda fuerit. Nimirum cum undique ab eruditis Epistolæ quam plurimæ ad Bibliopolam transmitterentur, quæ lucem antea vel sparsim, vel nondum plane adspexerant, necessitatem sibi impositam vidit tomum tertium in duas partes dividendi, ex quo factum ut inter postremos fere hic tomus prodiret, quanquam subscriptum annum editionis 1703 habeat. Ut vero & illis satisfiat, qui auctas tantopere Epistolas scorsim comparare velint, novum quoque titulum exemplaribus nonnullis præmisit, qui annum 1706 subscriptum habet. Ceterum quantum

quantum ad hanc editionem, & eo præcipue nomine commendanda videtur, quod Epistolæ, quæ in prioribus editionibus, vivo etiam Erasmo procuratis, nulla temporis ratione habita, disponebantur, hic ordine temporum collocantur, iis tamen, quibus addita temporum nota non fuit, seorsim in Appendicem rejectis. Exhibentur hic Erasmi Epistolæ non tantum impressæ omnes, exceptis quidem Dedicationibus, quæ suis locis insertæ comparent, verum & plus quam quadringentæ viginti quinque, quæ lucem publicam antehac nondum adspexerant, a Crasserio quippe, Kortholto, Hottæno aliisque liberaliter communicatæ, in quibus diligenter cum codicibus MSptis conferendis, ut in ornanda tota hac collectione, laudatur inprimis industria Joannis de la Faye. Præterea vero & Longolii, Bembi, Sadoleti, Mori, Melanchthonis, Camerarii, Pirckheimeri aliorumque ad Erasmus Epistolæ, ex horum collectionibus epistolicis excerptæ, congruo loco inferuntur. Accedunt denique Indices rerum & verborum longe copiosissimi, & effigies quorundam eruditorum, quorum modo Epistolas hic exhiberi diximus, ut nihil plane ad ornatum & decus editionis deesse videatur. Sed pergamus ad reliquos tomos, quibus præstantissima hæc editio absolvitur. Volumine VIII ea continentur, quæ Erasmus e Chrysostomo, Athanasio, Origene & Basilio Latinitate donavit, quæ vel eo digna, quæ conservarentur, credidit Editor, quod in editionibus SS. Patrum, quæ indies novæ prodeunt, aliæ, aut interpolatæ inveniantur translationes, quibus hæ ipsæ minime cedunt, quippe ab Erasmo, non juvene, sed sene factæ. Hæc dum imprimeret Bibliopola, commodum in Petri Opmeri codicem MS. quorundam Erasmi opusculorum incidit Bibliopola, in quo cum ineditas Orationes duas, alteram de Pace & discordia contra factiosos, alteram funebrem in Bertam de Heyen Goudanam viduam, deprehendisset, eas merito huic volumini, quod reliqua mole non æquabat, subjunxit, una cum carminibus ineditis, in quodam Petri Scriverii codice repertis. Sequuntur in eodem volumine Francisci Robortelli Annotationes in Apophthegmata ab Erasmo versa e Laertio, ubi Diogenis Cynici vitam describit, qui libellus olim Venetiis 1543 prodierat. His ultimo loco ac-

cedit Joannis Herold Declamatio apologetica contra Dialogum famosum in Erasmi funus editum. Quæ nono eoque ultimo editionis Frobenianæ volumine continebantur, in duos tomos IX & X hic fuere distribuenda, cum ob accessionem novam, tum inprimis ob Indicem generalem, quem satis copiosum ultimum volumini subjungere visum est. Habentur ergo in utroque volumine præter complures Apologias Erasmi pro se ipso, aliaque ejus opera critica, in quibus aliquando paulo commotior factus, acriter cum adversariis decertat, Apologia Martini Lydii pro Erasmo eorum calumniis opposita, qui eum Arrianismi accusabant, Index item Expurgatorius in opera Erasmi, Guilelmi Insulani Oratio funebris in ejus obitum, & Index demum, quem diximus, generalis in omnia Erasmi Opera, excepto Epistolarum volumine, cui peculiares sui indices sunt adjecti. Habemus ergo editionem luculentissimam Operum Erasmi, quibus, Cl. Editoris judicio, nulla paulo locupletior Bibliotheca, nemo paulo elegantioris ingenii vir potest carere.

JO. ANTONII CAMPANI, EPISCOPI APRUTINI,
Epistola & Poemata, una cum vita Auctoris. Recensuit
JO. BURCHARDUS MENCCKENIUS.

Lipsiæ, apud Jo. Fridericum Gleditsch, 1707, in 8.

Alphab. 2 pl. 5.

BEne mereri de Campano voluit Collega noster, quo scriptore ita se delectari scribit, ut alio nullo. Neque enim fingi quidquam aut scribi festivius pulcriusque, sive in prola, sive versa oratione posse videtur, his elegantissimi Campani operibus, quæ joco & sale refertissima eaque styli elegantia conscripta sunt, ut cum quibusvis Veterum monumentis possint comparari. Præmissa est his ejus Epistolis & Poematibus ad Virum illustrem & celeberrimum, ANTONIUM MAGLIABECHIUM, Fautorem nostrum æstumatissimum, Epistola, in qua dolet primum Editor, serius ad se perlata fuisse, quæ Vir summus de Petro Alcyonio (cujus in Actis hujus anni p. 43 mentionem fecimus) in tribus epistolis ad se scriptis observaverat. In his enim & sal-

& falso a nonnullis tradi evincit, eum corrigendis typorum erroribus operam navasse, cum & Medicus fuerit, & Florentiæ primum, deinde Romæ bonas litteras publice docuerit, & imprimis, quæ de plagio traduntur, tum Cæli Calcagnini, Jo. Francisci Pici, Principis Mirandulani, & Petri Victorii, Alcyonio æqualium, testimoniis, tum ex eo oppugnat, quod post vulgatum *de Exilio* librum non minus elegantia monumenta alia ediderit, & præterea vix sperare potuerit, hoc unicum Ciceronis in orbe universo exemplar superesse, ex quo detegi fraus ipsius potuisset. Observat præterea, Franciscum Berni nequissimam satyram in Alcyonium conscripsisse, in posterioribus quidem ejus Poematum ludictorum editionibus mutilatam, in qua inter alia Alcyonium fustibus castigatum his verbis testatur:

- - - L'Alcionio
*Fu bastonato come Sant' Antonio,
 Jo gli son testimonio.*

Verum & hæc conficta esse nullus dubitat, cum Alcyonium inter & Satyricum hunc gravissimæ olim intercesserint inimicitia; quæ adeo, cum hic oblata sit occasio, eruditos ignorare nolui-
 mus. Sed ut ad Campanum nunc redeamus, exstabat quidem Operum ejus omnium, in quibus & Historica, & Oratoria, atque Philosophica multa continentur, editio Venetiis 1502 in folio, quod ajunt, a Michaelē Ferno, qui Vitam etiam Campani prolixissimam præmisit & præfationes passim non inutiles inseruit, procurata, verum & adeo rara, ut vel ipsis eruditorum primiceriis ignoraretur, & adeo sphalmatibus inquinata, ut Oedipum lectorem requireret. Atque hæc fere causa fuit, quare inter tot litterarum instauratores solus Campanus, qui toties suis scriptis pollicitus immortalitatem est, hætenus pulvere ac sordibus obrutus latuerit, quandoquidem & Cl. Daumius, qui, cum Ravennas ederet epistolas, adjecit Campani quasdam, sed breviores, fatetur, *se quo minus longiores iisque meliores adderet, σφαλμάτων infinitate deterritum*, in Epist. Reines. Ep. XL. Dignus tamen visus fuit hic scriptor & Daumio & Reinesio, qui se in vicem de perversa ejus lectione consulerent, quemadmodum ex Epistolis Reinesianis XL, XLI, XLIII & XLV patet. Et

dedit quidem in hac editione operam diligentem *Menckenius*, ut obscuritas, quantum fieri potest, tolleretur omnis, & Epistolæ (non minus quam Carmina) integræ prodirent; quamobrem, & novem libris Epistolarum Appendicem adjecit earum epistolarum, quas Fernus sub titulo Censurarum seorsim in Operibus Campani disposuerat, quippe censuras in Quintilianum, Suetonium, Plutarchum, Livium, Ciceronem longe elegantissimas & lectu præ ceteris dignissimas continentes. Præmissa est huic editioni Vita Campani, e Ferno excerpta, & notis ab Editore illustrata, in quibus inter alia refutat Jul. Cæsarem Capaccium, qui L. II Hist. Neap. Sueßam Campano patriam adscripsit, cum Cavellis, ignobili Campaniæ pago, natus fuerit; tum & Volaterranum, qui Anthropol. L. XXI, p. 776 Campanum Græcorum expertera vocat & fere quadragenarium decessisse testatur, cum pateat, viginti tres annos natum Græca, Demetrio Chalcondila præceptore, didicisse, & ad quinquagesimum ætatis annum pervenisse; nec non Ughellum, qui in Ital. S. T. I p. 412 a Paulo II Tudertinis præfectum scribit, quod factum demum a Sixto IV; præterea & plura alia e Mabillonii Itin. Ital. T. I p. 196, Benedicti Curtii Symphoriani Comm. ad Aresta Amorum p. 718, Varillasii Anecd. Flor. L. IV p. 173 & ipsis inprimis Campani Epistolis & Poematibus observat. Quæ vero de ingenti Campani erga Germanos odio diligenti ejus lectione collegerat, ea figillatim in Oratione, quam ante sexennium publice Lipsiæ recitatam Epistolis in hac editione subjecit, edisseruit. Ceterum ut una Lectori pateat, qua sermonis elegantia scripserit, quamque fuerit characteris epistolici scientissimus Campanus, non verebimur integram ejus Epistolam XXV Libri V, quæ Venturæ Pontano inscripta est, hoc loco inferere: *Queris, quod genus Epistolarum maxime probem: sua cuique ratio, suum judicium est. Mibi ille placent potissimum, quæ sunt familiarissima, quæ mordent, quæ blandiuntur, quæ narrant tanquam in aurem aliquid. Theatrum & plausum non possulant, & ut dicam apertius, eam ego censeo Epistolam elegantissimam, quæ præter gratiam sermonis nihil habeat, cur elegans videatur; ut sit ad manum, quicquid scribas, & excidat, non emittatur; denique* ut lo-

ut loqui ad angulum cum amico, non insonare ad forum videaris. At cur non, inquis, interdum & ad forum, cum ad Senatum aut Populum scribo? Rarum id quidem, sed evenit, & ratio exigit, ut, quocum tibi res sit, videas. Sed nescio, an Epistolam velis dici, quæ in Historiam exeat. Vale. Sic temperare nobis haud possumus, quin nonnulla exscribamus ex Epistola proxime præcedente, ubi Eclogæ & Satyræ discrimen ostendit. *Vult Eclogæ, inquit, veluti modos quosdam, ad quos cantet, suaves, expeditos, simplicitatis tamen, sed studii plenos; Satyra præcipites, abruptos, amaros, nequitia felleque confectos, saltantes non ad cantum, sed impetum, ut quicquid dicat, evomat, quicquid attingat, mordeat, tum implicata, suspecta, nodosa omnia, nihil apertum, nisi quod turpissimum, sententias tamen e media ductas Philosophia, multam historiam præteritarum rerum, multam notitiam præsentium, licentiam quoque summam, ut ea objiciat maxime, quæ sunt molestissima, tum salis multum, & facetiarum, & urbanitatis, & ut uno dicam verbo, Satyrorum is dicit optime, qui pessime.* Verum institutum nostrum non patitur, ut plura afferamus specimina; quantam enim Epistolæ doctrinam complectantur, vel Index ab Editore additus docebit. Optamus vero, ut & reliqua Campani opera, inprimis elegantissima ejus Historia Brachii, pari ornatu propediem prodeant.

*FRANCISCI PHILELPHI, TOLENTINATIS, EPI-
stole breviores elegantioresque; accedunt Angeli
Politiani Epistola quedam.*

Romæ, typis Antonii de Rubeis, 1705, in 12.

Constant pl. 14.

NON immerito Campano jungimus Philelphum, qui & ipse humaniorum litterarum per Italiam instaurator, illius ætatem proxime attigit. Hujus Philelphi varia scripta prostant, in quibus refert Menagius (*Suite de Menagiana p. 95*) *de Contemptu mundi* librum, & de eo, quod hac occasione obiter notamus, eadem, forte per errorem, narrat, quæ alii de Alcyonii libris *de Exilio* tradidere. Epistolas quidem scripsit

N n 3

satis

fatis elegantes, ita tamen, ut ad Campani Veneres neutiquam accederent; earum duplex, quantum nobis constat, habetur editio, altera in sedecim libros digesta Brixiae anno 1485, altera, quæ multo locupletior, quippe triginta septem libris divisa, (teste Mallinckrot de Orig. Typogr. p. 18) Venetiis 1502 edita. Accedit his nunc tertia editio, quam Isidorus Nardus, usus, ut loquitur, originario exemplari, nuper procuravit. Verum non eadem Philelpho, quæ Campano, felicitas obtigit, cum non omnes, sed breviores atque adeo minus doctrina refertæ hic exhibeantur; nec hæcenus ineditas hic exspectes, quippe omnes in Brixienſi, nedum in Veneta editione, occurrunt. Laudem tamen meretur hæc editio, quod Philelphi Epistolis a Nardo, ut Campani a Menckenio, præmissa sunt argumenta. Subiunctæ sunt longe brevissimæ quædam Politiani Epistolæ, quæ illis illa: *Doles, quod non rescribam. Dolere desine, jam rescribo, Vale.* Item illa: *Dolui rebeementer, latatus sum vehementer; quod agrotasti, quod & convaluisti. Vale.*

TRIAS DECADUM, MEMORIAM THEOLOGORUM NO-
stra ætatis clarissimorum renovatam exhibens, curante
M. HEINRICO PIPPING.

Lipsiæ, apud Thomam Fritsch, 1707, in 8.
Alph. 1 pl. 13.

Sacrum Decadum Septenarium, de quo abunde dictum est in Actis anni 1705 p. 230 sq. continuaturus Reverendus Pippingius, Vir ut in colligendis Actis nostris, ita in ornanda universa relitteraria indefessus, tres Decades nunc ceteris adiungit, eoque Theologorum Centuriam complet. His pariter præmissa legitur erudita Præfatio, in qua eos recenset, qui intra hoc biennium, ex quo scilicet *Septenarius* ejus prodijt, Vitas Eruditorum descripsere. Itaque hic de Francisci Arisii Cremonæ Literatæ Tomo I & Thomæ Smithi Vitæ eruditissimorum & illustrium Virorum, nec non de Jo. Henrici Cunradi Silesiæ Togata, Casparis Theophili Schindleri cura nuper edita, agit, simulque nuntiat, Danielem Guilielmum Mollerum, Prof. Al-

torfinum, in *Lamprandrologia*, quam molitur, *Norimbergenſe* ruditos *Norimbergæ* natos in lucem protracturum. Sic & producit *Chriſtophorum Jacobum Bluhmium*, qui, exemplo *Ephraimi Prætorii*, *Dantiſcanorum Doctorem* memoriam refricantis, *Brunſuicenſium Concionatorum Indicem* composuerit, & jam ſimilem *Hildeſianorum* promittat, eodemque refert. *Jacobi a Melle Majorum ſuorum Notitiam* a nobis ſuperiori Menſe p. 217, ſq. memoratam. Denique, ut alios mittamus, commendat *Chriſtiani Feuſtelii de Eruditorem Germanorum vitis, contra iniquas Gallorum nonnullorum cenſuras, ſpeciatim de Βιογραφία Germanorum, contra Rolandi Mareſii judicium ſchediaſma* nuperrime editum, cujus in Actis noſtris mentionem propediem faciemus. Hinc ad ſuum delatus inſtitutum *Cl. Pippingius*, non diffitetur, promptiſſimos ſe expertum fuiſſe in communicandis his monumentis eruditos, & in his maxime laudatum modo *Bluhmium* & *Jo. Georgium Layrizium*, *Aulæ Vinarienſis Theologum* primarium, quorum ope novas mox *Decades* ſe editurum ſperat. Interim huic *Decadum Triadi* diutius in hære inſtitutum noſtrum non patitur, quare ut in *Septenarii* quoque recenſu fecimus, ſolum eorum, quorum hic vitæ enarrantur, nomina addemus. Exhibentur nimirum in *Decade octava Georgius Crauſerus, Balthaſar Raiſchius, Samuel Skunkius, Gregorius Michaelis, Johannes Gebhardi, Caſparus a Lilien, Petrus Holmius, Chriſtianus Niſanius, Job. Reinhardus, Job. Eberhardus Buſmannus*: in nona *Juſtus Siberus, Petrus Bangius, Severinus Waltherus Sluterus, Jo. Gottlieb Mollerus, Ebreget Daniel Colbergius, Jo. Weiſſenbornius, Olaus Svebilus, Chriſtianus Bramerus, Jacobus Wachſlerus, Laurentius Norrmannus*: in tertia denique *Fridericus Fabricius, Thomas Honſtedt, Paulus Hofmannus, Conradus Feuerlines, Andreas Carolus, Andreas Daniel Habichhorſtius, Jacobus Henningius, Andreas Acoluthus, Jo. Wincklerus & Phil. Ludovicus Hannekenius*. His in Appendice addidit Noſter *Theologorum Ulmenſium, Eliæ Veiel & Jo. Heinrichi Weibenmæieri, vitas*.

Kurze Fragen von den menschl. Neigungen, 10.

i. e.

JOHANNIS WOLFGANGI TRIERI QUÆSTIO-
nes succinctæ de Affectibus humanis.

Lipsiæ, apud Jo. Frid. Gleditsch, 1707, 12. Pl. 14.

U Titur Autor, ut e titulo patet, methodo erotematica, quam doctrinæ de Affectibus inprimis convenire dicit, quoniam hæc re vera sit propensionum nostrarum examen. Opusculum ipsum divisum est in libros duos, in quibus ubique physicam de temperamentis doctrinam cum doctrina de moribus conjungit. Initio libri I, ubi de natura hominis in genere agit, de facultatibus animæ, voluntate & intellectu, ita sentit, ut neutram imperare alteri, utramque autem imperio temperamenti plerumque subesse, multis verbis demonstret. Quatuor autem constituit vitia cardinalia, superbiam, avaritiam, libidinem, gulam, respondentia quatuor temperamentis, cholericis, melancholicis, sanguineis, phlegmaticis. Exstructa deinde quadam vitiorum genealogia, cui tanquam hypothese reliqua magna ex parte innituntur, statuit, in cholericis semper cum superbia conjuncta esse tria vitia reliqua, avaritiam, invidiam, iram: in melancholicis autem avaritiam tantum reperiri & invidiam, superbiam & iram ob frigiditatem ejus temperamenti ab illis abesse. Hinc de singulis temperamentis agit, naturam eorum exponit, connexionem doctrinæ physicæ cum morali monstrat, & ex physiognomiz regulis nonnulla inspergit: addit etiam, quæ sit brutorum pro ratione temperamenti indoles, quam miseram homines, si temperamento obsequantur, vitam agant, qua ratione vitia e temperamento oriri emendari queant, qua dicta, quo vitæ instituto uti oporteat. Libro secundo mixturam temperamentorum perpendit, & primum generatim de mixtura differens, temperamenta, primas item qualitates, quas vocant, singulari quadam ratione inter se comparat. Sigillatim deinde agit de cholericis-melancholicis, quorum mixtionem pessimam esse judicat, cholericis-sanguineis, quæ temperatura a nonnullis optima est habita, cholericis-phlegmaticis, melancholicis-sanguineis, qui ab aliquibus pessimi mortaliū dicuntur, melancholicis-phlegmaticis, & sanguineis-phlegmaticis, quos omnium minime malos agnoscit. Demum varia monita ad hanc doctrinam pertinentia addit, ut non inutiliter in hoc opusculo versatus videatur Autor. Promittit vero, se mox Observationes miscellaneas paulo proximiores de temperamentis & propensionibus editurum.

* * * *

ACTA ERUDITORUM,

publicata Lipsia

Calendis Julii, Anno M DCC VII.

JO. COCCEJI, SS. THEOL. D. AC PROFESSO-
ris in Academia Lugdunensi Batava, Opera à vendenda
Theologica & Philologica.

Amstelodami, apud Janfonio-Waesbergios, Boom,
& Goethals, 1706 in fol.

Alphab. 16, plag. 14.

JAm inde ab anno Seculi superioris quinto supra septuage-
simum manibus Eruditorum trita sunt Celeberrimi Viri,
Joannis Cocceji, scripta tam edita, quam posthuma, in
unum corpus redacta a Filio, paternarum uti faculta-
tum & possessionum, sic virtutum etiam hærede dignissimo,
Johanne Henrico. Non credebat ille tunc, futurum, ut
& ea, quæ jam exhibentur, ederet, ratus, posteriores cogita-
tiones, quas ibi declaravit Parens, prioribus heic insinuatæ du-
bio procul meliores ac præstantiores censeret debere. Ast cum
non una vice ad hæc accederet, consulturus, an quid haberent,
quo magis, quam editis, erudiretur, non raro invenit, has prio-
res curas posterioribus lucem haud pœnitendam afferre, medi-
tantibusque plurimam materiam suppeditare posse. Ac licet
nonnunquam eadem in his reperiantur, quæ in editis, plerum-
que tamen stylo adeo diverso tamque familiari concepta omnia
testatur, ut sperandum sit, eos, qui quandoque de obscuritate
editorum sint conquesti, in hisce inventuros esse, quæ editis
dent lucem. Et si fortassis hinc inde reperiantur in his scri-
ptis, quæ cum editis, tanquam posterioribus, haud satis concii-
nant,

nant, promptum hinc futurum innuit Lectori de Autoris profectu judicium.

Ut itaque singula, quæ inedita servata fuerunt, cum cetera typis describerentur, (qua de causa eadem & *avendū* titulum indepta sunt, quo distinguerentur a prius editis & posthumis, quæ pristinae operum collectioni inserta fuerant,) ab interitu vindicarentur, peculiarem hunc Operum Coccejanorum tomum adornavit Noster, in quo racemationem post vinde-
miam instituit, atque in fragmentis hisce recensendis & ad prelum parandis per octennium, & ultra, nobiles impendit horas, istum tenens ordinem, juxta quem, quæ libros respiciunt Biblicos, aut integros, aut eorum aliquot majores minoresve, particulas, annotationes, juxta ante omnia serie Noster exhibet, & tum Exercitationes quasdam miscellaneas, Orationes item, curas porro Philologicas, ac Epistolarum denique ab ipso Coccejo, aut ad ipsum, exaratarum apparatus haud contemnendum subministrat.

Primo loco dantur *Cura Cocceji priores in Genesin*, quas inter primas ejus lucubrationes reponendas venire, ex caractere Noster colligit. Mox adjiciuntur *notæ* in eundem librum, ejusque Capita ab *undecima* usque ad *quadagesimum quartum*, quas *continuationem* vocat *cuniarum secundarum in Genesin*. *Notæ* hinc sequuntur *analytica* in Numerum & in Deuteronomium, quo ultimo in libro usque ad Caput XXIX progressio facta est. Breves sunt notæ, quæ in *Josiam*, & aliæ, quæ in librum *Judicum* contextæ sunt. Post *summam rerum ad Jobum dicendarum* (quam antecedit *πρόβλεψις* de ratione interpretandi, quæ se ad explicationem Jobi Bremæ paravit,) *Analysis Psalmorum* legitur, meditationes denique primæ in Prophetiam *Jesaiæ* & Prophetia *Hosæ* analytice illustrata, nec minus *Hosæ* & *Apocalypseos collatio*, cui jungitur *Habacuci* *Analysis* paraphrastica & cum Cantico comparatio, scripta post *theatrum regni Christi in Cantico Cantorum*. A notis in *quinque Capita priora Matthæi*, quas tentavit Coccejus in gratiam Elsevirii, Novum Testamentum cum brevibus notis edere parantis, auspiciis fit lucubrationum ejus in Novum Testamentum hæcenus ineditarum, post
quas

quas spectes *Colloquium Christi cum Nicodemo*, Joh. III, 1—21, *Sermonem Johannis Baptiste* περὶ καθαρισμῶν, Joh. III, 23—36, *Commentarium in Epistolam ad Romanos*, plane diversum ab edito A. 1665, *Epistolam ad Galatas* harmonica dispositione & brevi verborum ac rerum expositione illustratam, διαγράμματι, summam rerum in *Epistolam ad Colossenses* & ad *Hebræos* dicendarum delineantia; ac brevem tandem *Epistola Petri prioris* dispositionem atque expositionem.

Generali τῶν συμμενῶν nomine ab Editore Clarissimo insignita sunt, quæ jam commemoramus: *Exercitatio*, puta, de *Ecclesiæ indefectibilitate* ad Matth. XVI, 18. *Annotationes in posteriorem partem Capitis primi Evangelii Johannis*, inque *Caput secundum & sequentia ad sextum usque*; *Meditatio* in Joh. XIV, 2; *Refutatio cavilli Sociniani* ad Joh. XVII, 3; *Consideratio Capitis V Epistola ad Romanos*, cum examine *Parhermeniarum Socini*; *Explicatio analytica Capitis IX Epistola ad Romanos*; *Consideratio locorum Apoc. XI, 2. 3. 7. 8. 9. 11. 15. XII, 6. 14. XIII, 5. Dan. VII, 25. XII, 6. 7*; de *Capite XX Apocalypseos* cogitatio; de *peccati natura*; de *divortii justa causa*; *Judicium de scripto Wolzogenii de Scriptura Interprete*; *Consilium de agendis ad incitationem studiorum Theologicorum ex usu Academiae & Ecclesiæ Frisicæ*; *Responsio ad quæstionem: an Theologia Studioso prius Philosophia discenda, an vero Lingua sancta?* *Exercitatio de Lingua Hebrææ analogia, utilitate, necessitate, & discendi methodo*; *Hebræismi aliquot & Hellenistica locutiones ex Novo Testamento*; *theses de Synedrio & Judiciis, exterminio, anathemate & separatione a Synagoga sive Ecclesiæ.*

Inter Orationes (præter inauguralem de *Philologia Sacra* supra notis in librum *Judicum* subnexam,) prima est *Græcæ*, quam ad Martinii, ipsum exercere cupientis, jussu de *Turcarum religione* composuit, quamque Celeberrimus Joannes van der Wayen Genero suo, Creightono, Latinitate donandam porrexit, cujus proinde versio Græco textui apponitur. Secunda agit de dono linguarum effuso in *Apostolos*. Tertia linguarum studium commendat. Quarta, omni regimini, quod a Deo est,

obediendum esse, probat. Quinta, quis liber sit & libertas?
dispicit.

Plura circumspectantibus se offerunt observationes de
distinctiori significatione selectarum vocum linguae Hebraicae ex usu
Scripturarum, secundum ordinem Alphabeti, sed et ad finem
haud perducta. Mirari quempiam posse dicit Editor, quare illas
Autor non inseruerit *Lexico*, quod postmodum in usum Serenissi-
mae Principis, Mariae Eleonora Palatinae Viduae conscripsit. Sed
quum id operis inchoaret, animum ei fuisse dicit brevitatis stu-
diosum, cum contra in his observationibus paulo fuerit pro-
lixior.

Agmen claudunt Epistolae CCCCXCVII, quarum non-
paucas ad alios Coccejus ipse perscripsit, sed plures longe ad
se datas recepit a Viris omnino doctissimis & celeberrimis,
quos inter sunt Jacobus Altingius, Nicolaus Arnoldus, Abra-
hamus & Franciscus Burmanni, Johannes Buxtorfius, Ludovi-
cus Capellus, Ludovicus Crotius, Johannes a Dalen, Constanti-
nus l'Empereur, Jo. Frischmuthus, Johannes Fredericus Grono-
vius, Franc. Gomarus, Jo. Hornbeckius, Jo. Henr. Horringerus,
Antonius Hulsius, Samuel Marenius, Guil. Momma, Stephanus
le Moyné, Antonius Perizonius, Christianus Reuvius, Andreas
Rivetus, Frid. Spanhemius, Jacobus Triglandius, Jo. Valckenier,
Christophorus Wittichius, alique. Addidit eas Filius de ma-
nibus paternis quam optime meritis, tum ut plurimae intelli-
gerentur Parentis responsoriae, tum ut patefierent argumenta,
super quibus Viri Clarissimi eum saepius consulere voluerunt,
tum ut constet, quomodo olim a maximis tam in patria, quam
extra eam Theologis ejusdem studia probata fuerint.

*BRABANTIA ILLUSTRATA, CONTINENS ACCU-
ratissimam omnium Castellorum & Prætoriorum nobilium*
Brabantiae &c. descriptionem, ex museo JACOBI LE
ROY, P. R. J. Baronis, nec non Toparchæ
S. Lamberti.

Lugda.

Lugduni, apud Daniel. van den Daelen, Amstelodami, apud
 Andream van Damme, Hagæ Comitum, apud
 Engelbrechtum Boucquet, 1705 in fol.
 chart. regal.

Alphab. 5, plag. 7 & multis fig. æneis.

Quod diu minatus erat splendidum sane opus Perillustis
 ac plurimis in rempublicam litterariam meritis inclytus
 Autor, quodque in Actis Suppl. T. II Sect. VI, cum Topogra-
 phiam ejus Historicam Gallo Brabantia recensere, publico
 sperare fecimus, illud Amstelodami A. 1696 sub titulo: *Braban-
 tia Sacra & Profana scenographice illustrata*, primum in lucem
 prodire passus est. Primarias ibi Ducatus istius urbes, præto-
 ria insuper & castella nobilium ut & celebriora cœnobia mi-
 rifica arte exsculpta præbuit, sed absque ulla fere, quæ historiæ
 studiosos allicere possit, locorum descriptione, ad alios potius
 autores in confecto duarum plagularum indice curiosum Le-
 ctorem remittens. Ecce vero alteram libri editionem, in qua
 licet titulus paululum sit mutatus, non tamen mutata apparent
 elegantissima schemata, quin concinniore adhuc ordine, in qua-
 tuor puta agros, Lovaniensem, Bruxellensem, Antwerpiensem,
 & Sylvæ Ducensem dispersita, ac triplici idiomate, Latino ni-
 mirum, Gallico & Belgico copiose satis descripta, nec non
 chartis quatuor districtuum istorum topographicis aucta in con-
 spectum veniunt. Neque intra hosce cancellos tantum sub-
 stitit incomparabilis Viri diligentia, sed quoniam arcibus præ-
 dictis atque terris variarum dignitatum, Baronatus, Comitatus,
 Marchionatus, imo & Principatus titulos imposuisset Principum
 erga illarum possessores favor, diplomata, quibus istud gratiæ
 emanavit, ab A. 1518 usque ad A. 1694 longa serie adjunxit. Quo
 ipso quantum historiæ atque genealogicæ rei lucis accenderit,
 quilibet visus non plane hebetis deprehendet. Docet præte-
 rea; antiquos Brabantia Duces, si Carolum Audacem exceperis,
 nullos Comites aut Marchiones, multo minus Principes creasse,
 sed tantum viginti & tres Baronatus, de quorum tamen origi-
 ne nihil certi e Tabulariis publicis constet, ibi extitisse, præeunte

Divæ, observat. Ab illo ævo increbuisse nimis honores, ita ut tandem, ne multitudine sua vilescerent, Caroli II Hisp. Regis sanctione opus fuerit, quæ vetat quenquam in Collegium nobilium recipi, nisi a quatuor generationibus nobilitatem suam probasset, & si Baronis locum ambiret, quatuor millia florenorum, si Comitis aut Marchionis, decem millia, si denique excellentius adhuc fastigium prenset, viginti millia e ter-
ris aliisque redditibus dominicis annuatim se percipere demon-
stravisset.

*DE VETERIBUS REGUM FRANCORUM DIPLO-
matibus &c. Disceptatio II ad R. P. D. JOANNEM MA-
BILLONIUM, Monachum Benedicti. Auctore P. BAR-*

*• THOLOMÆO GERMON, Societ.
Jesu Presbytero.*

Parisiis, apud Claudium Rigaud, 1706 in 12.
Constat plag. dimidiat. 36.

Longius produci videmus bellum hoc diplomaticum, ma-
joreque animi contentione adgressorem pugnam renova-
re, quam sub initium forte suspicari licuisset. Postquam nem-
pe artis diplomaticæ conditor Cl. Mabillonius Supplemento suo,
• mense Augusto superioris anni a nobis prolato, Doctiss. Ger-
monium cum Disceptatione sua, quam itidem paulo ante re-
censuimus, repellere ac tantum non conficere præsumisset,
grave hic sibi duxit victas manus ostendere, aut prælio saltem
dubio elabi, quin potius causæ suæ fiducia acrius jam instat,
Fontanino quoque, Mabillonii promacho, certos brevi ictus
minitans. Neque tamen modestiæ erudito seni debite im-
memor hac vice videtur, sed offensionem ejus asperioraque,
verba in Supplemento contra se, proprio licet nomine ne se-
mel quidem appellatum, passim dispersa non effugere se po-
tuisse dolet, & quandoquidem argumentis suis nondum satis-
factum putat, etiam atque etiam ab ipso contendit, ut ne mo-
lestè ferat, se denuo consuli. Præsens autem hæc disceptatio
in quatuor divisa est partes. Prima generales illas rationes,
quibus

quibus edita olim a Mabillonio vetustiorum diplomatum specimina suspecta reddere conatus erat Noster, pluribus defendit. Ideo namque eorundem veritatem probari oportuisse ingeminat, quia singulare hoc privilegium iis tribui observet, ut ceterorum norma sint & regula; neque amplius provocari posse credit ad legis auxilium, quod instrumenta proferens non teneatur argumenta conquirere, quibus illorum *audivit* certam faciat, & ab eo potius sit exigendum, qui instrumentum reprobatur, ut idoneam afferat rationem, cur id debeat reprobari. Illud enim habiturum fore locum, quoties diplomata aliorum documentorum sortem probandi retinerent, non vero quando ad ea, tanquam ad trutinam, reliquorum veritas expenderetur, sed tum indubitatis plane & perspectis ad demonstrandam illorum certitudinem rationibus opus esse. Cum ergo artem diplomaticam instituerit Mabillonius, certas tradens vera a falsis instrumentis secernendi regulas, suspectis tamen chartis unice innixas, fundamentum hoc prius omni falsitatis specie liberandum venire, quam fides illis adjiciatur, tantum abesse, ut seu juris aliqua præsumptio, qua vera censentur diplomata, quæcunque non probantur falsa, seu Mabillonii autoritas & iudicium, seu conjecturæ denique prudentissimæ rem expediant. Nam quod vetustissima jactentur illa diplomata, illud ipsum suspicionis ansam firmare, cum creditu haud ita facile sit, tam caduca corpora, qualia sunt membranæ & chartæ Ægyptiacæ, per annos nongentos, mille aut etiam plures integra durasse, præsertim si ad remotiorum istorum temporum incuriam respiciatur. Quæstionem igitur facti: num adhuc hodie extent in Ecclesiarum Monasteriorumque Archivis chartæ barbaro quodam & obsoleto scripturæ genere exaratae, priscorum Francorum Regum & antiquitatis notam præ se ferentes? neutiquam attendi debere, sed illam potius, quæ juris est, an scilicet chartas illas, quæ apparent antiquæ, re ipsa antiquas, iisdemque temporibus, quorum signa ostendunt, scriptas esse constet, neque ex earum censu, quas falsarii ad verarum similitudinem confinxerint? Enimvero impostorum hujus farinae audaciam valde nimis invaluisse, i-

-stoque

itaque crimine se maculasse clericos, monachos, notarios,
 scribas, pædotribas, seculares, imo & foeminas; quin & colle-
 gia prope nulla, paucissimas certe Ecclesias, aut familias, a fal-
 sarum tabularum labe esse immunes, ipse Mabillonius disertis
 verbis affirmaverat, cur itaque neget jam ac perneget, tam multa
 occurrere Ecclesiarum seu Monasteriorum interpolata instru-
 menta, merito mirandum esse, siquidem hæc duo asserta egre-
 gie sibi contradicant. Priore autem admissio non vanum pro-
 fecto subesse timorem, ne autographorum illa specimina, quo-
 rum veritas in apicem nondum est perducta, ex illorum for-
 tasse sint numero, quæ falsatores corruerunt aut fabricati sunt.
 Sive enim scripturam, sive orthographiam, sive stylum denique
 eorum examines, nihil sane testimonii inde eviceres, quod de
 illorum veritate docere queat. Non e scriptura, quia diplo-
 mata illa, maxime Merovingica, specialem quandam litera-
 rum ductum teneant, neque in istius ævi numismatibus, nec in-
 scriptionibus lapidariis, nec codicibus manuscriptis, nec priva-
 torum epistolis obvium, præterea quoque Mabillonius nullibi
 inficias eat, falsatoribus usitatam fuisse eandem scripturam Me-
 rovingicam. Non ex orthographia, quippe cum in chartis il-
 la Meroveadum nullis plane legibus deprehendatur adstricta.
 Neque etiam ex stylo, quandoquidem nullus istorum tempo-
 rum scriptor in Latini sermonis regulas tam frequenter, tam a-
 perte impingat. Nam quod Marculfianas atque Andecavi-
 enses formulas attinet, incertum adhuc esse, utrum Autorum,
 an libratorum vitio menda illa irreperint. Eo itaque tan-
 quam centrum versus abeunt hæc dicta Germonii, posse
 aliquam de diplomatibus iudicandi scientiam usu & experien-
 tia adquiri, sed non adeo certam, ut Mabillonius opinetur, qui
 in Supplem. C. IV pronunciaverat, nullum instrumentum tanta
 arte effingi vel refingi posse, cuius falsitas vel interpolatio a
 perito antiquario detegi nequeat. Vix enim licere tam evi-
 denter ejus *authenticitatem* cognoscere, ac metallorum, auri puta
 atque argenti sinceritatem, quoniam hæc ars naturam omnibus
 numeris implere, sicque fraudem satis callide obvelare haud
 valeat, ibi vero istud saltem oporteat effingi, quod olim No-
 tarius

tarius effinxit; difficultas certe aliqua, non tamen insuperabilis. Atque ut fortius stringat adversarium, quærit ex ipso, an non acciderit, cum peritissimus harum rerum æstimator & arbiter habeatur, ut litigantes, priusquam judicem adirent, ipsius de instrumentis suis iudicium efflagitaverint, ipseque nonnunquam legitima dixerit instrumenta, quæ postea iudex oculatissimus spuria compererit? Unde sane constet, eruditum antiquarium usu, vigiliis & experientia sua nihil aliud consequi, nisi ut prudens hisce de rebus arbitrium ferre possit, atque tum si fallatur, erroris veniam ipsum facile inventurum, quam non haberet, si Mabillonii sententiæ foret locus. Cæteroqui minime dubitat, quin recentioris ætatis diplomata vera & falsa certa arte judicari possint, siquidem in Tabulariis publicis subministrantur plurima autographa semper ibi asservata, adeoque per sese fidem facientia, & pro idonea veritatis norma habenda, ad quam alia examinare fas sit. Anteriora vero retro secula cum tali subsidio careant, productaque in medium specimina autographorum Merovingica in privatorum scriniis unice delitescant, nullo autoritatis publicæ suffragio munita, hinc nihil quoque certi iis, utpote suspectis, superstrui posse. Frustra insuper hic provocari ad quendam veritatis gustum, quem longo talium diplomatum usu ac lectione adipisci detur, cum falsorum instrumentorum, vel de quibus ambigitur, verane sint an falsa, inspectio non nisi similem dapibus appo-
fitis gustum excitare queat.

Succedit jam altera pars disceptationis, quam totam impendit confutandæ Tabularii San-Dionysiani fidei, quatenus primorum temporum instrumenta continet. In tertia vero parte sigillatim ac perquam erudite examinat Diplomatum specimina a Mabillonio adducta, quorum fide ars ejus potissimum nitatur, illaque vacillante & hanc ruere necesse sit. Verum, utramque citra prolixitatis tædia delibare integrum amplius non est, quin potius Lectoris sciendi cupidi, quantum distent lupinis æra, attentæ perlustrationi commendamus. Quarta superest, in qua criminationes nonnullas a Mabillonio, ut dicit, falso sibi impactas Noster amolitur. Quales sunt, quod de Re

Diplomatica libros post viginti annorum laborem & vigilias ab eo editos ad trutinam vocare ausus esset obscurus ipse ac nullius nominis scriptor; quod impugnando vetusta illa autographa jus publicum pariter ac privatum violasset; quod universis veteribus instrumentis bellum indixisset; quod veterum Scriptorum fidem iisdem argumentis convellere liceret, quibus Artem Diplomaticam evertere tentasset. Ad eas autem ita ordine respondet: sibi neutiquam persuaderi, propter pertinacem tot annorum laborem & industriam omnes Mabillonii auctoritati se subicere debere, aut ab eo solummodo feliciter impugnari posse illius de Re Diplomatica libros, qui totidem annos in eodem argumento trivisset, sed Historicos modo contemporaneos diligenter evolvi oportere, tumque eorum testimonio instrumentorum nexos atque vitia sat clare demonstratum. Porro permagni Reipublicæ interesse, spuriorum Diplomatum maculas in lucem protrahi, quippe cui non minorem inferat perniciem, qui dubia pro certis, falsa pro veris obrudat, quam qui ob levissimas ratiunculas veterum instrumentorum fidem elevare contendat; utrumque enim noxium esse ac vituperandum, sive fides temere detrahatur vero, sive imprudenter falso adjiciatur. Se vero nunquam induxisse in animum, ut quibuslibet veteribus autographis dicam scriberet, sed illis duntaxat, quæ primæ & secundæ Dynastiæ nomen præ se ferrent, ac totius artis Mabillonianæ fulcra essent, sola atque unica. Neque enim suspicione aliqua se onerasse veteres chartas, quæ vel in Tabulario Romanæ Ecclesiæ, vel in Parisiensi Computationum Camera, vel in Regio Chartarum Thesauro aliisque Grammatophylaciis publicis habentur, vel alia denique, quæ in privatorum pluteis reperta cum istis consentiant, siquidem illa imprimis in his locis ab omni memoria extiterint sanctæ religiosequæ custodita, ideoque humanæ societatis & prudentiæ legibus consonum fore, ut quæ fere semper vera sint, nec nisi rarissime falsa, ea tantisper vera ac legitima reputentur, donec contrarium fuerit ostensum. Quod si igitur Mabillonius, vel quis alius, excussis sedulo ejusmodi instrumentis publica auctoritate repositis, regu-

las statuisset, quibus cetera aut ejusdem aut saltem non multo superioris ætatis monumenta vera a falsis secernantur, statim se calculum adjecturum fuisse innuit Autor. Veruntamen Mabillonium istud minime præstitisse, imò potius ea conquiritivisse Diplomata, quibus nulla suffragentur Archiva publica, figendo pedem in tertia Regum Dynastia, unde pensum fortasse ordiri habuisset. Utcunque vero ars diplomatica Mabillonii convulsa foret & disjecta, quod quidem a se factum nullatenus jactitat, nihilominus haud licere veteres chartas omnes in classem suspectarum relegare, sed eandem illis remansuram conditionem, quæ fuerat ante editos ejus de Re Diplomatica libros; falsis nimirum & dubiis, quæ tunc erat, inveteratam labem, certis e contra & perspectis auctoritatem suam & fidem. Denique dicta de vetustioribus instrumentis ad alia veterum scripta & libros attemperari nullo modo posse, quoniam hæc propter exemplarium multitudinem & consensum omnem satis suspicionem eludant, nec probabile fiat, homines patria, ingenio, moribus ac studiis diversissimos in id conspirasse, ut posteritati tot supposititiis ejusmodi scriptis fucum facerent. Huic tandem Apologiæ suæ Appendicem annectit de quibusdam codicibus S. Augustini, quibus etiam nimis detractum fuisse Mabillonius non sine stomacho conquestus erat. Ubi postquam multa de utilitate & pretio exemplarium manusccriptorum præ libris impressis, de præstantia item horum præ illis, nec non de cautione summa atque examine, quo præeunte manu exaratos codices recipere fas sit, erudite disseruisset Noster, illos qui Augustini editionem novissimam curarunt, codicibus, quos Hincmarus, utpote a Gotscalci fautoribus adulteratos, falsi quondam convicerat, imprudenter adhæsisse taxat. Parem quoque oscitantiam commisisse editores Operum B. Hilarii velut in transitu monet, qui lectionem Felicis Orgelitani, Nestoriana hæresis patroni, quam is in verbis: *carnis humilitas adoptatur, pro adoratur*, astute olim substituerat, retinere non sint veriti. Atque hæc sunt, quæ ex Cl. Germonii libello eristico, verbis fere interdum ejus ipsissimis, ne mentem illius ulla ratione inverteremus, proponere visum est.

*PATENÆ ARGENTÆ MYSTICÆ, QUÆ
Foro-Cornelii in Cathedrali Ecclesia S. Cassiani colitur,
Descriptio & Explicatio. Autore JOANNE PASTRI-
TIO, Dalmata Spalatensi, Philosophia ac Theologia Do-
ctore, atque in Romano de propaganda fide Colle-
gio Theologia Polemica Lectore.*

Romæ, apud Antonium de Rubeis, 1706, in 4.

Alphab. I.

TAB. V.

Petrus, cognomento Chrysologus, Archi-Episcopus Raven-
nas, paulo ante mortem suam, cum ad solum patrum, (ubi
& supremum obiisse diem perhibetur,) Forum nempe Corne-
lii, diverteret, Templo Cathedrali Divi Cassiani Martyris præter
alia dona & patenam obtulisse dicitur argenteam, identidem
deauratam, magnitudinis palmum Romanum paulo exceden-
tis, unciarum quatuordecim, quam, cum figuris & characteri-
bus non unis insignita sit, mysticam appellat, multoque studio,
quid sibi velit quodlibet insculptum, declarare nititur Claris-
simus *Pastritius*. Et patena quidem, quam æri incisam in-
tabula V exhibemus, in medio, ubi collocanda hostia, agnum
fistit, tanquam occisum, super mensam, velo aut pallio cooper-
tam, collocatum, sed capite tamen & dorso elevato vitulum,
una referentem. Supra dorsum agni eminet magna & lata
crux aurea argenteis bracteis terminata, ut idem agnus & cruci
adhærens & mensæ appositus compareat. Velum, quo men-
sa tegitur, literas L & C aliquoties repetitas, & modo in situ
recto, modo in transverso positas, duo item foramina seu pun-
cta, & characterem cifræ 2 assimilatum repræsentat. Sed & ro-
ta octo foliorum, figuræ, quam in medio eminere diximus, sub-
strata cernitur, & ex hisce foliis quatuor literata sunt, literasque
peregrini prorsus ductus & obscuri continent. In extremo
autem fere circulo aut labro patenæ duo leguntur versus La-
tini, hujus tenoris: *Quem plebs tunc cara crucis agnus fixit in
ara, Hostia sit gentis primi pro labe Parentis.* Genuinam hanc
esse Petri Chrysologi patenam constans est Foro-Corneliensium
tra-



TAB.V.
ad A.1707.M.Jul.
pag.300.

IPSISSIMUM ECTYPON

PATENÆ MYSTICÆ

LABRES TVNC

traditio, quam & firmare Noster pro virili nititur. Equidem plurimos sibi ipse movet scrupulos, quos tamen & eximere sibi æque ac Lectoribus suis allaborat. Ipsos hosce versus, quos modo allegavimus, Leoninos esse, ac propterea antiquitatem temporum Chrysologi haud sapere, obtendit. Sed rhythmi Carminis aliam esse rationem dicit atque Leonini: posterius enim hoc per plures versiculos continuari, prius autem paucis lineis terminari, Leoninumque proin recentius, rhythmicum vero & antiquis familiare fuisse autumat. Literas insuper versiculorum videri posse recentiores Chrysologo, objicit, & Gothicis prope similes. At, si vel maxime ita se res habeat, Gothicas certe literas Chrysologi ævo Ravennatibus non ignotas fuisse censet, quanquam Latinas potius has pronunciare velit, quas tamen de industria Chrysologus nonnihil immutari fecerit. Sicut autem, quod ad figuram agni attinet, conjicere cuivis facile est, quomodo eam Noster interpretetur; ita caput & dorsum elevatum, quo vituli saginati inducatur figura, hoc notare vult, quod Pater cœlestis Filium suum credentibus in epulum lætitiæ præparaverit. Sed nodos multo difficiliore necesse Autorem videmus circa literas & characteres, in quibus exponendis Religiosum aliquem, cujus nomen consulto reticet, jam A. 1643 occupatum fuisse narrat. Ejus mentem huc rediisse innuit: Notas in velo mensæ expressas Anni 448 referre numerum, ita, ut C. C. D. L. L. 2. J. perinde sit, ac si scriberes: CC CC II L, totidemque annos Christi effluxisse, usque ad tempus, quo patenam istam elaborari jussit Chrysologus. Literas vero in foliis rosæ expressas Græcas esse, & initiales quidem abbreviatasve vocabulorum, quæ is formavit, sequentium: *Μαρία μητέρα τῶν Χριστῶν σωτῆρων*, quæ significare ipsi creduntur: *Maria Mater Christi Salvatoris*. At enimvero, quam infelici cum successu Oedipi vices Interpres hic sustinuerit, nemo, nisi plane ἀναλφάβητος, non intelligit. Videamus autem, quam Nostro vicissim calcare viam allibuerit. Literas in velo a mensa, cui impositus est agnus, pendente conspicuas pro more forte antiquo se oculis offerre

tenset, juxta quem in vestibis pretiosis & sacris, honoris & reverentiae causa, literae repraesentari sueverint, unde opus haud sit, ut in earum significationem ulterius curiose adeo inquiratur. At nihilotenus praestare Noster autumat, & heic mysteria quæ-
rere, indeque per literam C aliquoties repetitam & diversimode collocatam divinitatem & humanitatem Christi, perque duo foramina seu puncta duas in Christo operationes, humanam & divinam, designari contendit. Duo porro, quæ heic conspiciuntur, L in positu recto, & unum L conversum significare, posse arbitratur duas naturas sub una persona verbi. Imo & characteres istos habet pro dictionum initiis, ita, ut tria C inferant hæc: *Christus Confixus Cruci*, ubi C semel conversum vel affectum ostendat, quandoquidem Christus non raptus fuerit vi, sed quia voluerit, (conversionem etenim amorem significare vult) vel actionem indicet adversariorum in crucifixione valde hostilem. De tribus L sic censet, quod primum significet Leonem, & conversum itidem, sed prius istud Leonem de tribu Juda, posterius Leonem Diabolum, unde ex tribus istis literis emergat sententia: *Leo Læsit Leonem*. Sed quid de characteribus rosæ, ad quam supra provocavimus, ex mente Nostri fiet? Græcas partim literas, partim, & plurimas quidem, Hebraicas esse totus sibi persuadet. In primo folio rosæ duas, quas pro Græcis agnoscit, literas ST haberi vult, quæ *saup* seu crucem denotent. His statim jungi Hebraicam, nempe N, quæ litera nominis Adam prima sit. Hinc duas comparere, itidem Hebraicas in secundo, duasque in tertio, & unicam in quarto folio, quod ultimum & Græcas illas ST repetitas monstrat. E quinque istis tres dicit esse literas constituentes nomen Hevæ , quibus præmittatur γ copulativum, medium vero γ in nomine  ait duplicari, ita, ut alterum rectum sit, & alterum adversum, indeque sensum hunc emergere: *Crux. Adam. Et Hevæ. Crux*. At enimvero litera fere nulla, ceu ocularis quemque docet inspectio, cum exacte referat eam, quam referre ex mente Nostri debet, ideo is in ipsa forma a consueto more pingendi literas istas Hebraicas manifeste admodum discrepante mysteria quærit singularia: v. g. figura, quam

Quam pro litera **Π** venditat, quoniam rectum duobus hastilibus recta descendantibus junctum æquali linea non habet, sed ejus loco ductus repræsentat quasi saltus quosdam edentes, hique ipsi modo elevantur, modo deprimuntur, modo iterum elevantur, innui hac variatione judicat sublimem primo statum innocentiae, in quo Heva fuerit condita, lapsum deinde ejus, ac tandem reparationem per Christum factam. Loco unici cum duplex Vav adhiberi in nomine **וַיְוָה** statuat, alterumque adverse positum sit, mulierem idcirco primam & secundam, seu Hevam & Mariam, sibi invicem opponi affirmat. Vav insuper cum in figura sua uncum referat, literaque ista hoc loco solito exhibeatur major, ostendi putat, quod Heva uncus velut in ruinam ingentem posteros trahens evaserit. In charactere, quem pro litera **N** venditat, cum superius cornu deesse palam deprehendat, factum id esse censet ideo, quod gratiam, quam a Deo habuerit Adam, ipse, & cum ipso genus humanum, perdidit. Tam profundè doctum se Hebraica in literatura paucis his in elementis probavit Chrysologus, si fides nostro habenda est Pastritio, qui quidem si in hisce conjecturis applausum haud obtinuerit, placebit tamen plerisque, ubi vitam Petri Chrysologi paulo recenset accuratius, suoque tractatui gratiam haud levem conciliat.

HISTOIRE DE L'ACADEMIE ROYALE des Sciences. Année MDCCV.

h. c.

HISTORIA ACADEMIÆ REGIÆ SCIENTIARUM Anni 1705, cum commentariis Mathematicis & Physicis.

Parisiis, apud Johannem Boudot, 1706, in 4.

Const. 3 Alph. 1. plag. cum multis figuris
& 8 Tabb. æneis.

UT hujus quoque Voluminis, quo antea consuevimus, more excerpta demus absque ambagibus, non ignorant rerum
natu-

TAB. VI.

Fig. 1.

naturalium scrutatores, si globo vitreo DE cum tubo similiter vitreo & in C recurvo continuo includatur aer & tubus ab E usque ad aliquam ejus partem brachii AB liquore quodam repleatur, sitque orificium tubi A apertum, aeris inclusi volumen non solum mutato calore, sed & pondere aeris externi mutari. Quoniam itaque aer externus in hanc machinam solo pondere agit, eam loco barometri marini adhiberi posse animadvertit *Amontons*, cum effectus non impediatur, ut ut perpetua navis agitatio situm ejus verticalem immutet. At aer pariter atque liquor inclusus nunc condensatur, nunc rarefcit pro diverso aeris externi statu. Turbantur igitur observationes circa pondus aeris externi variatum ope hujus instrumenti instituendæ. Ad has turbas minuendas, suadet *Amontons*, ut eligatur tubus, cujus exigua admodum sit diameter, ut exiguam liquoris quantitatem capiat, utque infundatur liquor rarefactioni non admodum obnoxius, qualis est oleum tartari. Ad eas vero prorsus tollendas duplicem adhibet, ut Cl. *Hookius* in suo Barometro marino, (de quo dictum est mense Aprili A. 1702) graduationem, quarum altera fixa instrumento respondet, quatenus est thermometer, altera mobilis, quatenus barometrum. Quantitatem totius graduationis barometricæ invenit, gravitate specifica liquoris cum duobus pollicibus Mercurii, integram in barometro communi graduationem absolventibus, comparata, eandemque in 24 partes æquales divisit. Graduationem thermometricam opè alicujus suorum thermometrorum investigavit, eamque tali tempore inscripsit, quo teste alio barometro pondus aeris non variabat. In observatione ex thermometro, unde graduatio thermometrica desumta, addiscendus est gradus caloris & ad hunc dimidium graduationis barometricæ reducendum; ita enim liquor indicabit gradum ponderis atmosphæricæ in graduatione mobili. Deprehendit *Amontons* per observationes complures, barometrum hoc marinum barometro ipsius rectificato (de quo dictum est mense Octobri A. 1706) ἀντίβειαν tantum non dubiam reddere. *De la Hire* filius per observationes didicit complures, acus magneticas, si perfecte similes fuerint, utut virtutem magneticam

cam a diversis magnetibus contraxerint, in eodem tamen loco declinationem non variare; a differente autem figura earundem aliquam declinationis varietatem proficisci: quod ultimum jam ante annos bene multos a R. Dn. *Neumanno* (cujus jam alibi in Actis nostris facta est mentio, nempe A. 1696 p. 399 & A. 1697 p. 313) sedulo rerum naturalium scrutatore, observatum esse meminimus. Multæ etiam observationes circa hanc declinationem passim habitæ afferuntur & inter se comparantur, ex quibus bonitas systematis *Hallejani* A. 1684 mense Augusto a nobis descripti manifesta evadit. Plurimum hoc anno defudarunt Mathematici Parisienses in vera condensationis & dilatationis aeris lege exploranda, quam *Mariottus* in Tract. de Motu aquarum p. 140 & seqq. variis experienciis inductus hanc fecerat, quod condensatio sit constanter ponderi superincumbenti proportionalis. Experienciæ ab illis factæ legi huic primum contradicere videbantur; at quam accuratissime reiteratæ cum ea pulcherrime conspirabant, si exiguas quasdam irregularitates excipias, a diversa diametri magnitudine in diversis ejusdem tubi partibus petendas? Hoc tamen non obstante tandem deprehensum est, aerem liberum ab eo, qui tubis includitur, prorsus diversum existere, nec legem *Mariotti* ullatenus attendere, minus quippe dilatationi obnoxium & in diversis altitudinibus inæqualiter dilatari solitum ob heterogenea admixta. Observatum ulterius, quod duo barometra similia, eodem Mercurio repleta & in eodem loco posita, nunquam exacte conspirent. Unum inprimis 18 plerumque vel 19 lineis a reliquis perpetuo deficiebat, quamvis tubum inclinatum Mercurius exacte adimpleret, & alius aliusque infunderetur, pristino remoto. Causa tandem hæc deprehensa fuit, quod non multo ante ad maculam quandam abstergendam interiores tubi parietes spiritu vini abluerat *Homborgius*: quam veram esse, iterata ista ablutione didicit *Amontons*. Enimvero cum etiam in illotis 6 vel 7 linearum differentia sæpiissime notata fuerit; poros vitri materiam quandam subtilem in Mercurium gravitantem admittere, *Amontons* sibi persuasit. Materiam, quæ speculis causticis exponuntur, in carbonibus excavatis col-

locantur. Monet vero *Homborgius*, quod carbonēs ex ligno viridi hunc in usum parari debeant, non sicco. Idem observavit, quod ferventissima æstate minor longe sit speculorum causticorum effectus, quodque imminuatur, si inter speculum & focum vas carbonibus candentibus repletum ponatur, ita ut radii reflexi exhalationes carbonum trajicere teneantur. Nec etiam in calore mediocri majorem unquam speculorum causticorum effectum reperit, quam cum post ingentem ac diuturnam pluviam ex nubibus Sol primum emergit. Infertur hinc, tempus observationibus per specula caustica instituendis maxime accommodum esse æstivum ab hora nona matutina usque ad tertiam pomeridianam, Sole nulla nubecula recto, calore existente mediocri, nec siccitate per plures jam dies continuata: unde ulterius concluditur, vix octo subinde per annum occurrere dies, in quibus conditiones istæ necessariæ concurrant. Inprimis vero hic commemorandum est Manometrum, hoc est, nova machinæ a *Varignonio* ad determinandam rarefactionum aeris in uno loco diverso tempore rationem, vel etiam in differentibus locis eodem vel diverso tempore, inventa. Ecce tibi ejus constructionem. CGHE est tubus, cui ab utraque extremitate adherent vasa BC & DE. Vas BC cylindricum esse debet, ut facilius sit in partes tubi partibus æquales divisio, siquidem ea opus fuerit, & capacitatis vasis ad tubum habeatur ratio. Vasis DE figura arbitraria. Ab initio machina utrinque in B & A adaperita & propter calculi commoditatem axis BC sit verticalis, horizontalis GF per dimidiam tubi longitudinem & dimidium vas DE transeat. Infuso liquore colorato, donec in GF subsistat, foraminulum B hermetice sigillatur, altero in A aperto. Capacitas globi DE capacitati tubi CE & vasis BC simul sumptæ æquatur, ne forte liquor in H usque descendat, & tubulus flexuosus AD ad impediendam evaporationem additur. Similiter dispiciendum, ne forte vas BC cum tubo CG tot aeris capiat, qui dilatatus extremitatem tubi CE attingat. Ut itaque capacitas tubi atque vasis utriusque accurate determinetur, thermometer Florentinum, glacie circumdari moxque aquæ calidæ immergi jubet, quo habean-

TAB. VI.
Fig. 2.


Fig. 1.

A

Fig. 3.

G

F



beantur termini compressionis ac dilatationis aeris. Quoniam jam spatium B C G tali aere repletur, qualis locum istum tum occupabat, in quo liquor infundebatur; evidens est, quod ex liquoris ascensu ultra vel descensu infra G H ratio densitatis aeris dato quocunque tempore quocunque in loco ad densitatem aeris primitivi determinari queat. Ex. gr. si ponamus ad datum aliquod tempus liquorem ad L usque pertingere, ad datum tempus aliud usque ad K, erit densitas aeris isto tempore ad densitatem aeris hoc tempore ut B C L ad B C K. Variatus calor observationes turbare nequit, quia eadem ratione in aerem conclusum atque externum agit. Equidem si liquor ultra G assurgat, evidens est, columnam aeris inclusi B C G non totum atmosphaeræ pondus sustinere; si ultra F, aerem inclusum esse magis compressum externo: quoniam tamen ascensus liquoris nunquam per integram B H fieri, hæc vero minima assumi potest, cum ejus magnitudo arbitraria existat, nec inde error aliquis sensibilis proficiscitur. Egregie ostendit *Amon-*
tons ope calculi Analytici, quomodo densitates aeris in diversis locis Manometris diversis observatæ inter se comparentur, quamque inter se habent, ratio determinetur. Sint scilicet massæ aeris inclusi m, μ ; volumina primitiva earundem V, \mathfrak{U} ; densitates primitivæ D, Δ ; volumina reducta u, v ; densitates reductæ d, δ . Erit $V \times D. \mathfrak{U} \times \Delta :: m. \mu :: ud. v\delta$. Quare $V \times D = \mathfrak{U} \times \Delta$ seu $d. \delta :: V \times D. \mathfrak{U} \times \Delta$. Multa monet circa

$$\frac{ud}{v\delta} = \frac{u}{v}$$

regulæ hujus applicationem, quæ ob evitandam prolixitatem, a nobis prætermittenda. Docet insuper, quomodo experientię antliæ pneumaticæ per novum hoc Manometrum verificentur.

In Anatomicis Dn. *Listre*, præterquam quod insignem cerebri subsidentiæ a commotione violentiori, eaque sola lethali, notabili exemplo demonstret, imprimis structuram renum & duplicem matricem curiosius exhibet. Foetus quippe novimestris majores producit renes, racemis uvarum simillimos, ex vesiculis exilissimis, strictissime se invicem contingentibus atque ramis arteriarum, venarum & nervorum adhæren-

tibus, subsidio microscopii ita contextos visos, ut quilibet vesicula, duabus membranis prædita & fibris carneis reticularibus circumdata, plures quidem canaliculos a sacculis rubicundis, qui sanguine turgidi fibrarum reticularium intervalla occupant, recipiat, sed unicum tantum majorem emittat, qui cum multis aliis concurrens communem demum formet ductum, in pelvim desinentem, urinamque in parvis sacculis secretam & vesicalis infusam exonerantem. E puella vero bimæstri vaginam uterinam sistit, in longitudinis circiter medio per seprum veluti in duas cavitates æquales, ad duas distinctas matrices per totidem orificia tendentes, directam, licet cuilibet utero non nisi una tuba, unum ovarium, unum ligamentum rotundum, unumque ligamentum sit latum. Dn. *Poupart* sub utrorumque obliquorum & transversalium musculorum abdominis annulis immediate duo teretia ligamenta abdominis suspensoria notat, a spina ossis pubis excurrentia & ossium ad instar indigatos tres magnos musculos sustinentia. Quas novas Dn. *du Verney* de Auribus Societati communicasse dicitur Observationes, haud dubie suo de Auditus organo Tractatui curabit inseri, aliquando locupletiori non minus etendo, quam quæ ab eodem accuratior genitalium descriptio ejusmodi insectorum, quæ duplici gaudent sexu, promittitur.

Gratiola quanto solennius drasticis, humores per superius & inferius guttur evacuantibus, annumeratur, tanto diligentius a Dn. *Bolduc* ad examen vocatur, quo diversi ejus innotescant effectus, si vel cum lacte infusa, vel radix ipsius, vel præparata varia propinentur. A gratiola namque lacti infusa, cum asciticorum aquas, tum lumbricos, sine omni violentia eliminari; radicis pulverisatæ drachmam dimidiam in dysenteria æque, ac radicem Ipecacuanha, conferre; a succo expresso, depurato & inspissato, saporis acidi amancantis & adstringentis, urinam magis, quam sedes, moveri; Extracti autem e magmate residuo cum aqua parati amarioris majorem & quantitatem & in purgando efficaciam haberi; Extracti tamen foliorum aqua facti vim catharticam, quamvis superiorem simili Extracto radicis, multum excedi ab Extracto
spiritu

spiritu vini elicitp. Quia vero aqua majorem particularum copiam, quam spiritus vini, e. gratiola exsiccata extrahat, merito hæc de sale essentiali plus, quam de resina participare colligitur: ejusque radix recens adeo humida juxtim innuitur, ut exsicandum inter vel tres quartas amittat. Dn. *Godofredus* a Chymicis scire avet, num cineres reperiantur omnis ferri expertes? ne successu ulteriori in ferro ex sulphure, sale vitriolico & terra arte producendo frustretur, verum certior potius reddatur, an non inter lignorum combustionem ipso trium istorum principiorum coalitu ferrum generetur; cum ipse nondum ullos cineres talibus particulis, quæ magneti non adhærescant, penitus destitutos valuerit deprehendere. Dn. *Homburg* certissimus nulla analysi chymica sulphur simplex, seu quod principii titulum mereatur, posse acquiri, ex compositione demum nonnullorum mixtorum artificialium statuit, principium chymicorum sulphureum, solum in mixtis activum, non nisi ipsam luminis esse materiam. Cujus asserti facilem ab omnibus consensum sibi pollicetur, ubi expendant: 1 materiam luminis esse perquam activam, veluti ratione exilisimarum suarum particularum cunctorum corporum poros promte penetrantem & flammam una cum oleosis constituentem; 2 luminis materiam aliis se insinuare posse principiis, horumque figuram, pondus & molem immutare, ac ipsa diversimode pro mixtis sensibilibus producendis inter se combinare, exemplo Mercurii per se fixati & Reguli Antimonii radiis solaribus calcinati, a solius materię luminis accessu, præter qualitates alias, augmentum ponderis obtinentium.

Dn. *Tournefort* in Botanophilorum gratiam nunc characteres, quibus *Morsus Ranz*, *Menispermum*, *Chrysanthemoides*, *Chamæbuxus*, *Camphorata* & *Ficoides*, tanquam novæ plantarum genera, distingui debeant, nunc descriptionem *Caryophylli Sinensis* *Supini*, *Leucoji folio*, flore vario, nunc suas de plantarum morbis *Observationes*, communicat.

In Arithmetice Dn. *De la Hire* doctrinam de Quadratis Magicis (de quibus nonnulla leguntur in Actis nostris A. 1668 p. 392) magis promovit, quam ante ipsum fecerunt *Moschopu-*

lus, Græcus, qui primus ex veteribus de eorum constructionibus quidpiam posteritati reliquit in MSC. Parisiis in Bibliotheca Regia asservato, *Cornelius Agrippa*, *Frensiæ* in Tractatu peculiari, quem anno 1693 post mortem ipsius edidit *De la Hire*, & *Poignard* in libello 1703 de iisdem publicato, in quo omnes antecessores longe prætergressus.

In Algebraicis novam methodum generalem ex æquatione cujuscunque gradus extrahendi radicem proposuit *de Logny*. Expendit scilicet differentias differentiarum quadratorum esse constanter 2, differentias tertias cuborum esse constanter 6, differentias quartas quadrato quadratorum esse constanter 24 &c. Hanc speculationem ad resolvendas æquationes transtulit. Quoniam tamen regula ab ipso proposita, si radix fuerit irrationalis, non nisi terminos radices, hoc est duos numeros unitate differentes, intra quos ea cadit, exhibet, & methodi jam aliæ magis expeditæ radices rationales extrahendi & ad valorem irrationalium opproinquandi habentur; illam hic exponere nil attinet.

Repræsentamus potius ejusdem *de Logny* elegantissima theoremata generalia de Tangentibus & Secantibus angulorum multiplicorum inveniendis, ad Trigonometriam perficiendam tendentia. Sit BAC angulus quicunque, cujus quintuplus est minor recto. Sit DAB ejus duplus, EAB triplus &c. erit BC Tangens AC Secans anguli simpli; BD Tangens, AD Secans anguli dupli; BE Tangens, AE Secans anguli tripli &c. Sit $AB=a$, $BC=b$, $AC=c$, $BD=x$, erit $CD=x-b$, $CD^2=xx-2bx+bb$, $AD^2=xx+2bx+bb$. Jam AB. AD:: DC. CD, consequenter $AB^2 \cdot AD^2 :: BC^2 \cdot CD^2$, hoc est, $aa \cdot (xx+2bx+bb) :: bb \cdot (xx-2bx+bb)$. Facta reductione invenitur $x = \frac{aa+bb}{aa-bb} = BD$. Ergo $CD = x-b = \frac{aab+b^2}{aa-bb}$. Ut porro habeatur Secans AD, fiat BC. CD:: AB. AD. Reperietur $AD = \frac{a^2+abb}{aa-bb} = \frac{ac^2}{aa-bb}$, si $AC=c$. Similiter

Similiter invenietur anguli tripli Tangens $BE = \frac{3aab - b^3}{aa - 3bb}$,

Secans $AE = \frac{C^3}{aa - 3bb}$; anguli quadrupli Tangens $BF =$

$\frac{4a^4b - 4aab^3}{a^4 - 6aabb + b^4}$, Secans $AF = \frac{ac^4}{a^4 - 6aabb + b^4}$. Inde elicit

resolutiones duorum problematum generales.

Problema 1. Sit, radius a , Tangens anguli $x = b$, inveniri debet Tangens anguli cx . *Resolutio.* 1. Elevetur binomium $a + b$ ad potentiam c . 2. Sumantur ex hac potentia termini impares, nempe primus, tertius, quintus &c. pro Denominatore; pares vero, nempe secundus, quartus, sextus &c. per a multiplicati pro Numeratore fractionis. 3. Termini Numeratoris pariter ac Denominatoris alternatim signis $+$ & $-$ notentur, prodibit Tangens anguli cx .

Problema 2. Sit radius a , Tangens anguli $x = b$, Secans $= c$, quærat Secans anguli dx . *Resolutio.* Fiat fractio, cujus Denominator idem, qui in fractione pro Tangente; Numerator c^d , si d numerus impar; ac c^d , si par.

Præterea Geometriae perfectionem, promoverunt *Variignon* atque *Carré*: quorum iste theoriâ suam de motu Planetarum in quacunque orbita A. 1700 propositam insigniter perfecit, habita scilicet ratione motus Apogæi, quem illo tempore non attenderat; hic vero Curvam per motum Diametri circuli in concavitate semiperipheriæ circularis genitam examinat. Commendatur quoque in Historia liber, quem sub titulo Applicationis Algebrae ad Geometriam 1705 edidit Guisnée, constructionem problematum & locorum inprimis illustrans, & promittitur liber posthumus Marchionis Hospitalii de Constructione Aequationum.

In Astronomicis *Cassinus* filius novam proponit methodum locorum longitudes per occultationes fixarum a Luna determinandi, similem ei, quam ante aliquot annos Parens tradiderat in Eclipsibus Solaribus fundatam.

In

In Mechanicis *Bernoulli* veram hypothesin de resistentia solidorum explicat, addita demonstratione Curvature corporum elasticorum. Rejuncta hypothesi *Gallilei*, itemque *Leibnitiana*, quod in hac male supponatur, tensiones fibrarum esse viribus tendentibus proportionales, cum vires in infinitum augeri queant, compressio autem terminos finitos admittat; per calculum Analyticum eandem regulam reperit, quam in Tractatu de motu aquarum part. 5. disc. 2. experientia comprobavit *Mariotte* vim rumpentem trabem in situ horizontali esse ad vim rumpentem in verticali ut $\frac{1}{3}$ altitudinis ejus ad longitudinem ipsius. Lineam elasticam Mechanicam quandam esse demonstrat eamque constructionis difficilis; nequaquam vero Parabolam, quemadmodum suspicabatur *Gallilaeus*. Dedit praeterea *Carré* solutionem sequentis problematis hydrostatici: Data diametro alicujus tubi, invenire diametrum alius, qui eandem cum isto habeat altitudinem, sed eodem tempore multipulum aquae desideratum effundat. Sit diameter data a , quaesita x : imminutio aquae in tubo dato $\frac{aa}{n}$. Cum resistentia

tuborum sint in ratione superficialium, erit $a : x :: \frac{aa}{n}$, quae est imminutio aquae in tubo quaesito. Quare quoniam

quantitates aquarum effluentium, neglecta tuborum resistentia, sunt in ratione duplicata diametrorum, reperietur $\frac{ax}{n} = maa - \frac{maa}{n}$, consequenter $x = a + a \sqrt{\frac{4mnn - 4mn + 1}{2n}}$.

Denique sub finem Historiae extat elogium *Jacobi Bernoulli*, cui in Academia Scientiarum Regia successor datus Illustrissimus *Blanchinus*, in Actis nostris non ignotum nomen: nec non *Guilielmi Amontons*. Natus hic est A. 1663 die ultima Augusti patre Jurispractico in Normandia. Cum a morbo quodam surditatem aliquam contraxisset, totum se meditationibus tradens de machinis cogitare coepit, artemque pictoriam, Geome-

Geometriam practicam & Architecturam tam felici successu excoluit, ut in multis operibus publicis adhiberetur. Studuit quoque constructionibus barometrorum, thermometrorum & hygrometrorum perficiendis, & jam A. 1687 annos 24 natus novum hygrometrum Academiae Scientiarum obtulit. A. 1695 librum evulgavit sub titulo Observationum & Experientiarum Physicarum de constructione novæ cujusdam clepsydæ, de barometris, thermometris & hygrometris. A. 1699 in Academiam receptus, ubi statim theoriam affricus ad Mechanicam perficiendam exhibuit, quam exceperunt novum thermometrum, rectificatio barometri, barometrum marinum. *Mariottus* in ipso revivixisse dicitur. Mortuus est A. 1705 d. 11 Octob. ætat. anno 42 mens. 2, relicto filiolo duos menses nato.

C. WOLFII, P. P. SCHEDIASMA DE INVENIENDO Sinu anguli multipli ex dato Sinu simpli.

DOcuit nuper Geometra clarissimus *de Lagny* in Commentariis Academiae Regiæ Scientiarum Anni 1705, quomodo ex data Tangente anguli cujuscunque inveniatur Tangens anguli multipli, e. gr. dupli, tripli, quadrupli &c. Tentare igitur libuit, an simili via Sinus quoque angulorum multiplo- rum ex dato Sinu anguli simpli investigare liceret: id quod felicissime succedere expertus sum, nisi quod calculo opus sit operosiore, quemadmodum nunc ostensurus.

Sit enim Radius seu Sinus Totus $AC = AG = a$, Anguli simpli CAD Sinus $CD = b$, erit Sinus complementi $AD =$ TAB. VI. Fig. 4.

$\sqrt{aa - bb}$, pro quo brevitatis causa ponamus c . Sit porro $EC = x$, erit $ED = b + x$, & si angulus EAC ponatur ipsi CAD æqualis, ita ut GI sit Sinus anguli dupli,

$$\frac{DC}{b} : \frac{AD}{c} :: \frac{EC}{x} : \frac{AE}{cx}$$

Quamobrem $\overline{AE}^2 = \frac{ccxx}{bb}$, quod idem cum æquetur \overline{AD}^2

Rr

+ \overline{DE}^2

$+ DE^2$, reperitur $= cc + bb + 2bx + xx$. Unde habetur
 $ccxx = cc + bb + 2bx + xx$, & reductione facta ipsiusque
 $\frac{bb}{bb}$

valore $cc (=aa - bb)$ substituto, $x = \frac{aab}{aa - 2bb}$. Ergo DE

$$= b + x = b + \frac{aab}{aa - 2bb} = \frac{2aab - 2b^2}{aa - 2bb}, \quad AE = \frac{cx}{b} =$$

$\frac{aac}{aa - 2bb}$. Denique propter similitudinem Triangulorum AED
 & AGI erit.

$$\frac{AE}{aac} = \frac{ED}{2aab - 2b^2} :: \frac{AG}{a} = \frac{GI}{\frac{2aab - 2b^2}{ac}}$$

Est igitur Sinus anguli dupli $\frac{aa - bb \times 2b}{ac} =$ (substituto ra-

lore ipsius $aa - bb$) $\frac{2bcc}{ac} = \frac{2bc}{a}$, consequenter Sinus anguli

simplici ad Sinum dupli ut b ad $\frac{2bc}{a}$, hoc est, ut a ad $2c$. Hinc

Sinus in Tabulis rite positus intelligitur, si, resectis a duplo fi-
 cto ex Sinu anguli propositi in Sinum complementi ejusdem,
 tot versus dexteram notis, quot Sinus Totus cyphas habet, Si-
 nus anguli dupli prodeat, modo angulus, de cujus Sinu disqui-
 ritur, 45 non excedat. Patet præterea, esse $\frac{bc}{a}$ dimidium Si-

num anguli dupli, adeoque ut Sinum Totum ad Sinum arcus,
 ita Sinum complementi ad semisinum anguli dupli: quod est
 theorema a Trigonometriæ Scriptoribus dudum demonstra-
 tum. Quodsi ulterius fiat

$$\frac{AC}{aac} = \frac{AD}{c} :: \frac{AG}{a} = \frac{AI}{\frac{aa - 2bb}{a}}$$

reperit-

reperietur Sinus complementi anguli dupli $\frac{aa - 2bb}{a}$, conse-

quenter Sinus complementi anguli simpli ad Sinum complementi anguli dupli ut ac ad $\frac{aa - 2bb}{a}$.

Si jam ulterius desideretur Sinus anguli tripli HK, fiat $AC = HA = a, DC = b, AD = c, EC = e = \frac{aab}{aa - 2bb}, EF = x$, erit ED

$e + b$ (pro quo ad calculum facilitandum ponatur d) & $FD = d + x$. Quia angulus FAE æqualis angulo EAC, erit

$$\frac{EC}{e} = \frac{AC}{a} :: \frac{EF}{x} = \frac{AF}{\frac{ax}{e}}$$

Ergo $\overline{AF}^2 = \frac{aaxx}{ce}$, quod idem, cum ipsis $\overline{AD}^2 + \overline{DF}^2$ æquale

existat, reperitur $= cc + dd + 2dx + xx$. Habemus itaque, $aaxx = cc + dd + 2dx + xx$. Unde reductione ac substitutione

valorum d & e rite facta elicitur $x = \frac{caa + eeb + eed}{aa - ee}$

$\frac{caa + 2eeb + e^3}{aa - ee}$. Quare $FD = d + x = \frac{caa + eeb + eed}{aa - ee}$

$+ d = \frac{caa + eeb + ead}{aa - ee}$, & $AF = \frac{ax}{e} = \frac{a^2 + eab + ead}{aa - ee}$. Deni-

que propter Triangulorum FAD & HAK similitudinem, erit

$$\frac{FA}{a^2 + eab + ead} = \frac{FD}{caa + eeb + ead} :: \frac{AH}{a} = \frac{HK}{caa + eeb + ead}$$

Est igitur Sinus anguli tripli $\frac{caa + eeb + ead}{aa + eb + ed}$ (Substitutis va-

loribus d & e) $\frac{3a^2b - 7aab^3 + 4b^5}{a^4 - aabb} = (\text{dividendo per } aa - bb)$

R r 2

$$\frac{3aab - 4b^3}{aa}$$

$\frac{3aab-4b^3}{aa} = \frac{3aa-4bb}{aa}xb$, consequenter Sinus anguli simpli

ad Sinum tripli ut b ad $\frac{3aab-4b^3}{aa}$, hoc est, ut aa ad $3aa-4bb$,

& Sinus anguli dupli ad Sinum tripli ut $\frac{2bc}{a}$ ad $\frac{3aab-4b^3}{aa}$,

hoc est, ut $2ac$ ad $3aa-4bb$. Eadem prorsus ratione ulterius progredi licet, quousque libuerit; nec ullum superest dubium fore, ut in progressu lex quædam patefiat, juxta quam Sinus angulorum multiploꝝ crescunt, regulam generalem manifestatura.

CONJECTURES PHYSIQUES, PAR NICOLAS Hartſœcker.

h. e.

CONJECTURÆ PHYSICÆ, AUTORE NICOLAO Hartſœckero.

Amstelodami, apud Henricum Desbordes, 1706, in 4.

Constat 2 Alph. plag. 4 cum multis figuris
& tabula æri incisa.

Rerum naturalium Scientiæ, quam editis *Principiis Physicæ* Ratque *Dioptrica* Orbi litterario comprobavit Cl. Hartſœckerus, pretium non modo statuunt eruditi, sed ipse Elector Palatinus. Cum enim Princeps Serenissimus tanto erga Scientias Mathematicas & Naturales fervore feratur, ut avidus quamcunque amplectatur occasionem, qua illarum incrementa promovere datur; Viro ad Scientias naturales tractandas nato characterem Mathematici ac Physici Electoralis clementissime indulſit, addito stipendio annuo splendido, ne defint sumtus experimentis instituendis impendendi. Ipsius igitur gratia. Conjecturas hæcæ Physicæ edidit, notabilia Scientiæ naturalis capita enucleantes, in posterum continuandas. Conjecturarum nomen speculationibus suis tribuit, quod plerasque admodum incertas & spissis adhuc tenebris involutas reputet ob experien-

experientiarum necessariorum defectum. Integrum opus ex meritis Discursibus constat, quos cum Electore de rebus naturalibus instituit Autor. Discursus illi totidem plerumque verbis exhibent, quod in *Principiis Physicis* atque *Dioptrica* de rebus naturalibus edisseritur; quædam tamen hinc inde adduntur: ita ut, Autore non refragante, Conjecturas ipsius Physicas pro nova operum editione correctiore & auctiore habere possis. Quoniam itaque *Dioptricam* Mens. Oct. Anni 1695 p. 482 & seqq. *Principia vero Physica* Mense Januario A. 1697 p. 1 & seqq. recensuerimus; nostrum in præsentem erit indicare, quamnam ex *Dioptrica*, quamnam ex *Principiis Physicis* transcribantur. quamnam antea jam publicatis supperaddantur. Integrum opus in 4 libros distribuitur. Primus de Systemate Mundi; secundus de Terra & ejus proprietatibus; tertius de Principiis Physicæ; quartus de Meteoris inscribitur. Primus quinque comprehendit Discursus, ex quibus primus de natura Solis & Fixarum tractat, quam, omittis iis, quæ de formatione Solis & Fixarum *cap. 6 Princ.* tradiderat, tanquam levibus quibusdam conjecturis innixis, igneam esse probat, quia radiorum Solarium iidem sunt effectus, qui ignis culinaris, cum Solaribus autem conveniunt radii Fixarum. Unde porro concludit, Solem pabulo indigere & atmosphæra cingi, in qua fumi ascendentes concrecant & propria gravitate in Solem relapsi materiam novi pabuli præbeant. Discursus secundus in distantiam Lunæ, Solis ac Fixarum a Terra & eorundem corporum magnitudinem inquit, ubi simul ex debilitate Luminis Fixarum & Planetarum concludit, nec bonum, nec malum siderum istorum in Tellurem esse influxum. Discursus tertius motum Telluris, Planetarum & Satellitum eorundem radiis Solaribus attribuit, ubi multa *ex cap. 7 Princ.* non tamen retentis iisdem verbis, repetuntur. Hypothesin suam similitudine illustrat, a navicula desumpta, quam palo intra medias aquas defixo alligatam motus fluminis per arcum circuli ab uno littore ad alterum pellit iterumque repellit. In ea navicula Planetæ; funis, quo alligatur, gravitationi ipsius in Solem; flumen radiis Solaribus responderet. Ad motum vertiginis Telluris multum etiam contribuere judicat Lunam: unde non mirandum, quod 2 actionibus ra-

diorum Solarium minus expositus majorem tamen habeat motum vertiginis, quam Tellus Soli multo vicinior, cum hæc nonnisi una, iste quatuor Lunis seu Satellitibus stipetur. Hac occasione quantitatem revolutionum Satellitum 2 & 3 definit, prout habentur in *Hugenii Cosmotheo* ex observationibus *Cassini*. Quoniam vero Planetæ a gravitate sua in Solem non detruduntur, credibile esse ait, quod intus sint cavi atque hinc 2 Tellure multo levior existat: id quod per materiæ in atmosphæra Solari, ubi hærent, specificam gravitatem ulterius corroborat. Notat etiam, Satellites 2 minores apparere umbris in ipsum projectis & ultimum Saturni, postquam in parte superiore Orbitæ conjunctionem prætergressus versus inferiorem descendit & ad Tellurem appropinquat, prorsus eclipsari & in qualibet revolutione ultra mensem non videri. Probabile judicat Jovis ac Saturni Satellites instar Lunæ maculis conspersos esse, cumque omnium Lunarum apparentiæ in iisdem Orbitalium partibus contingant, inde infert, ipsos instar Lunæ nostræ eandem semper Planetis, circa quos feruntur, faciem obvertere. Discursus quartus causam motus Elliptici Planetarum explicat, in *Principiis* non extantem. Tribuit scilicet eam mutationibus Planetarum per Terræ motum factis. Sit

T A B. V. Sol in S, Terra in A. Moveatur Tellus æquabiliter in circulo ABCB, cujus centrum est Sol. Ponamus in eadem ingentem fig. 5. contingere terræ motum. Cum in *Princ. Phys.* cap. 3. p. 70 & seqq. evicerit, multas dari cavitates subterraneas; futurum inde concludit, ut 1 aer cavitatibus inclusus & per ignem subterraneum nimis dilatatus maxima cum violentia erumpat, & aquas maris expellat, Terras vicinas inundaturas: 2 aqua ex continente intra alvum maris mox recurrens in cavitatem precipitetur & aridam mari antea coopertam relinquat: 3 lapsu hoc aquarum contingente, circa axem alium gyretur Terra: & 4 ejusdem gravitate specifica aucta versus Solem delabatur. Quodsi hoc accadat Telluri in A hærenti, mox ipsam versus Solem descensuram, dum suas circa ipsum revolutiones continuat, & quidem, quod in omnibus gravitatum descensu observatur, celeritate juxta numeros impares crescente, donec ad punctum æquilibri E deferatur, ubi radii Solis eandem vim habent Tellurem

Tellurem a Sole removendi, quantam gravitas naturalis habet ipsam ad Solem promovendi. A puncto E Tellurem constanter descensuram, celeritate secundum numeros impares, sed, inverso ordine, imminuta, donec alterum æquilibrii punctum P prætergressa fuerit, a quo eadem ratione ascensuram asserit, usque ad A, qua ab A usque ad P descenderat. Tellurem igitur hac ratione ellipsin AEPEA circa Solem descripturam, continuo magis magisque ad circulum accedentem, ac tandem in circulum DEFED rursus degenerantem, donec novus terræ motus contingat. Quoniam adeo manifestum arbitratur, motum Telluris ellipticum mutationibus ejus per terræ motus factis deberi, & ex observationibus Astronomicis constat, Planetas reliquos ellipses similiter circa Solem describere; in iisdem quoque per tremorem insignes mutationes contigisse infert. Repetit præterea formationem annuli circa Saturnum sub finem *cap. 3 Princ. Phys.* traditam & descriptionem mutationis Telluris in eodem capite p. 75 exhibitam, nec non quæ de Prosthaphæresibus Planetarum *cap. 7 Princ. p. 131* dicta sunt. Et quia Planetæ Telluri similes, eos quoque a creaturis ratione præditis habitari statuit. Firat tandem Discursum præsentem elogio ferri, quod, si utilitatem spectes, omni auro longe præstet, in ipsa etiam Medicina, in qua aurum non valeat nisi ad evacuandam ægri crumenam. Discursum subsequenter quintum maculis Solis, Cometis aliisque phænomenis cœlestibus impendit. Maculas Solares, quarum phænomena prolixè recenset, pro congerie particularum incombustibilium cum combustilibus simul in atmosphæram Solis elevatarum venditat. Lumen, quod a 23 circiter annis sub ortum & post occasum Solis in Zodiaco observari cœpit, pro fumis levioribus ex corpore Solari usque ad Planetarum regionem ascendentibus & per radios Solares illuminatis habet. Ab iisdem portenta derivat, aliquando in cœlo conspecta, e. gr. cruces, enses, exercitus &c. Huc refert lumen d. 10 Mart. 1668 instar caudæ alicujus cometæ visum. Cometarum ex Sole originem prolixius, quam in *Princip. Phys. ex Dioptrica* repetit. Liber secundus & Discursibus absolvitur, quorum primus de æstu maris cum *cap. 8 Princ. Phys.* coincidit. Secundus similiter tradit de ventis, quæ

quæ *cap. 9 Princ.* exposita sunt : varia tamen ex *Halleji* discursu, *A. 1687 Mens. Sept.* a nobis exhibitio superadduntur & ipsius mappa Geographica illustrantur. In tertio non solum reperiatur, quæ sub finem *cap. 9 Princ.* extant; sed aliqua etiam ibi non dicta. Explicat nempe fascias Jovis obscuras per maria; maculas claras in istis fasciis per insulas & maculas obscuras in fasciis claris per lacus ingentes, aut sylvas, aut terras cultas, siquidem fuerint constantes. Cum motus vertiginis in \mathbb{Z} sit celerior, quam in Tellure; aquarum etiam motum & ventos impetuosiores esse in isto, quam in hac concluditur. Addit, quænam ex motu Telluris inhibito consequantur. Discursus quartus de gravitate eadem tractat, quæ *cap. 4 Princ. Phys.* Quintus vero proprietates corporum duorum & liquidorum *ex cap. 5 Princ.* repræsentat. Natura tamen elateris paulo aliter declaratur. Comparat scilicet particulas elasticas cum cylindro, qui versus unam partem inclinatus versus alteram resilit. Quæ sub finem *cap. 5 Princ.* comparent, Discursui sexto reservantur: particularum tamen aeris constructio clarius edocetur. Quia enim aer admodum compressibilis & idem facile rarefit, elatere etiam præditus, machinulæ aeræ ex multis particulis in formam circuli dispositis, quales sunt ABCDEF, compositæ perhibentur, quæ in statu violentæ compressionis formam ovalem ABCD nanciscantur. Additur experimentum *Mariotti*, quo aerem cum aqua facile misceri probatur. Annotatur etiam, quod ab aere expulso minus evadat corporum fusorum volumen, quam quod ante fusionem obtinuerant, multaque phænomena curiosa solvuntur. Quæ Discursus septimus de natura & proprietatibus salium, sulphuris ac oleorum, spirituum vel Mercurii, phlegmatis & capitis mortuæ docet; in *Principiis* non attinguntur. Memoratur divisio Salis in acidum & alcali, ac utriusque in fixum & volatile, quibus additur essentialia. Sal acidum constare dicitur ex particulis oblongis & instar acuum acuminatis, earumque figura constans perhibetur. Alcali ex cylindris cavis, in quibus salia acida AD locari possunt, constare fertur. Sal commune esse, ait Autor, sal quoddam acidum. Salsedinem aquarum marinarum a rupibus salinis in fundo maris petit. Non aerem sed humidi-

TAB. VI.
Fig. 6 & 7:

Fig. 8.

humiditatem salia solvere affirmat. Aqua salsa ad Solem evaporata, salia simul elevari probat, quia adhærent ligno in altitudine 2 vel 3 pollicum collocato. Sal petrae ipsi est compositio ex sale acido & corporibus istud continentibus: sal tartari species salis petrae. Tandem de uvis, musto, vino, spiritu vini, aceto, cerevisia, spiritu vitrioli & aluminis, oleis, coagulatione liquorum, capite mortuo differit. Quæ in Discursu octavo de metallis tradit, eadem fere sunt, quæ *cap. 5 Princ.* leguntur. Memoratu dignum est experimentum, quo ad incautos decipiendos uti Alchymistas affirmat. Crucibulo immititur argentum granulatum, cum cinnabari contrita, idemque igne urgetur, donec massa liquefiat, qua a liquefactione refrigerata, granula ejusdem cum iis magnitudinis apparent, quæ crucibulo fuerant injecta, & cinnabaris in argentum conversa deprehenditur. Accuratius vero eam examinanti pater, granula infusione fuisse excavata & pellicularum instar materiam cinnabaris obduxisse. Explicat præterea Autor dissolutionem auri in aqua forti & ejus præcipitationem, una cum solutionibus & præcipitationibus aliis, calcinatione ac vitrificatione. Discursus nonus naturam & proprietates antimonii expendit, in *Princip. Phys.* nondum consideratas. Dicitur antimonium esse materia metallica multo sulphuri permixta. Similiter undecimus de vitro & lachrymis vitreis affert in *Princip.* non contenta: ast decimus de Magnete cum *cap. 9 Princ.* coincidit. Liber tertius 5 Discursibus componitur, quemadmodum primus. Discursuum illorum primus principia corporum naturalium exponit, non tamen eadem prorsus ratione, qua id *cap. 1 Princ. Phys.* factum est; secundus de motu prorsus coincidit cum *cap. 2 Princ.* pauculis nonnisi hinc inde additis: tertius de natura & proprietatibus ignis plura tradit, quam in *Principiis* reperiuntur: quartus doctrinam reflexionis & refractionis ex *Dioptrica cap. 4* sistit, mutatis subinde verbis & additis nonnullis: quintus denique de coloribus pleraque ex *cap. 4 Dioptr.* repetit. Liber quartus idemque ultimus tres nonnisi Discursus comprehendit, quorum primus de Meteoris cum *cap. 12;* tertius de origine fontium cum *cap. ult. Princ.* coincidit, nisi

quod in utroque nonnulla legantur, quæ in istis non comparant: medius vero Iridem contemplatur.

HET SEVENDE ANATOMISCH CABINET van FREDERIC RUYSCH.

i. e.

**FREDERICI RUYSCHII, ANATOMIÆ
& Botanices Professoris, nec non Academia Cæsaria
Curiosorum Collegæ, Thesaurus Anato-
micus Septimus.**

Amstelodami, apud Joannem Wolters, 1707, 4.

Constat 6 plagul. cum figurarum ænarum
tabulis 4.

Septimum nunc sistimus curioso lectori Thesaurum Anatomicum Frederici Ruyschii, ex quo pauca pro more nostro excerpemus. Pag. 10 & tab. IV diverticulum intestini ilei p. n. cujus extremitas caput canis repræsentat, exhibetur; atque talia diverticula frequentius in cadaverum sectionibus vidit. Clar. Ruyschius, putatque, cum ileum, cui usplurimum, si non semper, talia adhærent, hypogastrium maximam partem occupet, in bubonocèle tale diverticulum contineri sub tumore hernioso, nullis sequentibus symptomatibus, quæ alias herniæ inguinalem comitari solent. Pag. 17 & tab. I fig. 3 hominis dura mater in liquore conservata sistitur, in cujus sinu longitudinali aperto in conspectum veniunt corpuscula rotunda & subrotunda, miliiformia, a Bacchiono detecta, & a nobis in Actis superioris anni pag. 217 & Tab. V fig. 1 exhibita, quæ magnitudinem aciculæ vulgaris caput haud superant, nisi per microscopium examinentur, aut ex duobus corpusculis combinentur. Alius insimul hominis duram matrem allegat, in cujus sinu longitudinali aperto vix ac ne vix quidem ullum ex dictis corpusculis videri poterat; extra hunc tamen a duræ matris facie interiore portio membranacea ejusmodi corpusculis scærens dependebat; ex iis vero ne minimum quidem vasculum lymphati-

lymphaticum prodiens observari potuit. Pag. 19 & tab. III fig. 5 ramulus commemoratur fruticis Capensis portulacæ folio, cujus pars inferior pseudo-membranula ex sanguine, confecta contegitur; scilicet sanguinem proprium ex vena selecta emissum dicto ramulo conquassavit Noster, donec ille frigus contraxerit, quo facto aquæ puræ ramulum indidit, qua sæpe renovata, ramuloque digitis aliquoties compresso, cruor huic adhærens albedinem induit, repræsentans membranam veram, foliis firmiter affixam, & pseudo-fibris membranosis pertextam. Pag. 21 & tab. II fig. 5 occasione tunicæ papillo-nervosæ buccarum annotat Clariss. Ruyschius, se tunicam villosam prolabiorum, buccarum, gulæ, stomachi & intestinorum unius ejusdemque esse texturæ, id est, corpus ex papillis nervosis, vasculis sanguineis, tomenti aut gossypii instar tenuibus, & epithelia ab illis producta papillis compositum observasse. Pag. 29 & tab. III fig. 1 infantis pes sistitur, ita præparatus, ut ligamenta, præsertim teres, in conspectum veniant, quod, nisi patella a musculorum tendinibus fuerit præcisa, fieri non potest. Denique pag. 33 & tab. III fig. 3 asperæ arteriæ portio, ceracea materia rubra ad ultimas usque ejus extremitates repleta, & in liquore asservata exhibetur, ex qua quilibet judicare potest, figuras ab aliis depictas neutiquam cum hoc ramo, neque cum naturali constitutione convenire. Quæ bina posteriora, ut in gratiam B. L. in Tab. VI æri incidantur, digna æstimavimus.

EXPLICATIO FIGURARUM.

TAB. VI.

Fig. 9. Sistitur Epiphysis inferior ossis femoris cum annexa patella & tereti ligamento.

Fig. 9.

- A. Epiphysis ossis femoris inferior.
- B. Arteriolæ per latera cartilaginis distributæ.
- C. Ligamentum teres, cujus ope inter cætera patella quoque connectitur inferiori epiphysi ossis femoris.
- D. Vasa & præsertim arteriolæ per substantiam cartilagineam patellæ dispersæ.

E. Reliquiæ tendinum musculorum tibiam extendentium, quibus firmiter connascitur patella.

F. Patella propendens.

TAB. VI. Fig. 10. Ramum asperæ arteriæ denotat, ad extremum usque ceracea materia rubra repletum.

Fig. 10.

A. Ramus asperæ arteriæ major.

B. C. Extremitates ejus minimæ.

TRAITÉ DES FOUGERES DE l' Amerique.

seu

TRACTATUS DE FILICIBUS AMERICANIS,
Autore R. P. Carolo Plumier, Ordinis Minimorum in
Provincia Francia & apud Insulas Americanas
Botanico Regio.

Lutetiæ Parisiorum, e typographia Regia, 1705, in fol.

Alph. 2 plag. 2 & 172 Tabul. an. ch. aug.

Quamvis Botanophili reliquas Americæ plantas avidè adhuc expectent, quas *Clariss. Autor* in *Descriptione Plantarum America*, A. 1693 evulgata & in *Actis A.* 1694 p. 491 a nobis commemorata, paratas se habere indigitavit, placuit tamen ipsi præsentem potius de Filicibus tractatum, & Gallicè & Latine exaratum, Regiis itidem sumptibus in lucem emittere, quod talibus præ cæteris aliis cujuscunque generis, apud insulas Americanas lustratis, magis fuerit delectatus, novamque hujusce classis speciem adinventam pro sufficienti præmio jucundaque mercede laboris & fatigationis in plantis conquiritis semper habuerit. Filicum autem titulo omnes, quas *Tur. nesfortius* Institut. Botanicarum Classe decima sexta consideravit, quasque ipse trium suarum peregrinationum ad dictas insulas decursu observavit plantas, floribus non solum destitutas semineque donatas, sed & veram Filicis faciem præ se ferentes, ita exhibuit, ut singulas etiam ad propius & convenientius genus revocare, atque multas novis & congruis nominibus appellare

pellare haud neglexerit. Veniam hinc, quod plantas quam plurimas, in Descriptione priori datas, novis hic noviter adinventis conjunxerit, eo faciliorem sibi pollicetur, quo studiosius aptiora nunc substituerit nomina, dum antiquorum Botanicoꝝ errores secutus *Filicem* antea salutaverit, quæ vere ex natura debuisset dici *Lingua cervina*, & *Adiantum*, quæ vere Filix fuisset nuncupanda. Neque veretur flores, Filici areboreſcenti, pinnulis dentatis, quondam a se adjudicatos, florum jam numero rursus expungere, cum ultima peregrinatione tubercula illa omnia gemina serie dorſo pinnularum adposita microſcopii ſubſidio detexerit nihil aliud eſſe, quam totidem globulos hemiſphæricos, duobus caliculis conſtantes hemiſphæricis, quorum ſuperior, quia tenuiſſimus, veſicularum e fundo inferioris eruptione penitus evaneſcat, inferior vero, quia ſolidior, dorſo pinnularum adhæreſcens ibidem permaneat ſuperſtes. Votis tamen expetit, flores in nonnullis Filicinis plantis, a *Fabio Columna* & *Rajo* annotatos, a ſe autem fruſtra indagatos, accuratius fuiſſe deſcriptos, quo conſtaret, annon illas membranulas, quæ, priuſquam veſiculæ appareant, ſuper pronam quam plurimarum illius generis plantarum ſuperficiem conſpiciuntur, pro floribus habuerint, aut ſaltem habere omnino potuerint, ceu veros florum uſus circa veſiculas ſeminales præſtantes. Squammulas namque aureas, quæ pronam Aſplenii vulgaris partem obducentes glomerulos quosdam e granulis virentibus & globularibus compactos microſcopio ſiſtere atque ad *Rivini* noſtri ſoſculos granulatos accedere videantur, nullatenus veros exiſtere flores, ſed juniores potius veſiculas, e propriis locis eruptas taliterque conglomeratas. Interim multo irritò in floribus Filicum perquirendis labore haud deſaſſatus, veros tandem flores in ea Lichenis vidit ſpecie, quam Lichenis Anapodocarpi nomine inſignivit, qualem microſcopium demonſtravit, in Tab. 142 repræſentatam & a nobis in Tab. VI fig. II tranſcriptam, ipſis Auctoris verbis mox declarandam, ubi vel duo verba de Filicum fructibus & viribus ex Præfatione adjecerimus. Fructus nempe ſingularum plantarum Filicinarum hic deſcriptarum & depictarum non alios a Noſtro

potuisse adverti, quam quales *Turnefortius* tradiderit, vesiculas scilicet, ferme ovales, annulo elastico munitas, cujus contractione illæ rumpantur ac semina fundant minutissima, & omnia reniformia aut lenticularia, tantæque exiguitatis, ut nec oculus etiam perspicacissimus nisi adjuvante microscopio ipsa percipere valeat. Plantas vero tales Americanas, nostris congeneres, eisdem quoque viribus atque virtutibus pollere: licet in universum vix asserere audeat, omnes plantas congeneres viribus etiam esse conformes, cum rosa v. g. rubra adstringat, moschata vero seu Damascena purget; Arum ut plurimum saporis sit acerrimi, in America vero Ari species proveniat, instar rapa-

TAB. VI. rum esculenta. Sed ad Lichenis delineatam speciem revertamur: Lichen Anapodocarpus plantula est tota ex meris membranulis per humentia & irrigua saxa, aut super terrenos & humidos cespites sese effundentibus, & veluti agglutinis constans: quæ quidem membranulæ successive una ex alia, ut in

Fig. II.

Opuntiis vulgaribus videre est, singulæ progengerantur, lingu-
læque sinuosæ, lætissime virentis, omninoque punctulis eminu-
lis Zegrinata figuram præ se ferunt. Ex plurimarum summi-
tatibus petiolus sese erigit tenuis, altitudinis pollicaris capitu-
lumque deferens fungiforme, uno latere orbiculare, alio vero
quatuor crenulis subrotundis in ambitu discriminatum; qui-
bus crenulis veluti in quatuor digitos se extendentibus pedis
Anserini inversi formam optime repræsentat illud capitellum: di-
giti demum illi tempestive dein dehiscences intrâ ruinas suas
flores ostentant, sed tantæ exiguitatis, ut, nisi ope microscopi
perspecti, se ipsos oculo vix possent demonstrare, per microscopium tandem observati tubulati apparent, candidi, quatuor-
laciniis posterius convolutis, ad oras divisi, & embryonem po-
stica sui parte recipientes, qui dein abit in fructum exiguum
membranaceum, ovatum, seminibusque farinulæ instar minu-
tissimis foetum. Tota planta pingucula est, potissimum per
saxa Montis de la Calebasse humentia apud Insulam Martini-
cam a Nostris observata.

GEOR.

GEORGII PASCHII, S. THEOL. ARTIS
Rationis ac Phil. Primæ in Academia Kilonienſi Prof. Publ.
de Variis Modis Moralia tradendi liber. Accedit Intro-
ductio in Rem Literariam Moralem Veterum Sapientia
Antistitum. Ad extremum additi sunt Indices, I Au-
ctorum in hoc opere paſſim citatorum, II Re-
rum maxime memorabi-
lium.

Kiloni, apud J. S. Riechelium, 1707, in 4to.

Conſtat Alphab. 4 plag. 5.

NON immemor promiſſi, facti in publicato ſuo hic Lipſiæ An-
 no 1700 doctiſſimo *de Inventis Nov-Antiquis* opere, cujus
 (neſcimus quo fato) in Actis noſtris nullam factam fuiſſe men-
 tionem merito dolemus, liberare voluit in præſens Celeberrimus
Paschius edito hoc ipſo libro interpoſitam ſuam fidem. Quem-
 admodum vero in priori *de Inventis* opere non veritus eſt profite-
 ri, ſe, quod uſque adhuc inter *DESIDERATA* fuit, propone-
 re Facultatum & Diſciplinarum tantum non omnium inventa,
 quæ ſuam antiquitati originem debent, docereque & demon-
 ſtrare evidenter, adductis in majorem veritatis fidem ipſis priſco-
 rum Auctorum verbis, non eſſe nova illa omnia, quæ ſpecie no-
 vitatis blandiuntur; ſic in præſentis ſcripti præfatione non eru-
 beſcit idem Clariffimus Auctor diſertis verbis ſcribere: Hæc ipſa
 (de qua agit) Methodi Moralis multiplex ac jucundiſſima varie-
 tas, quæ animos reficit ac reparat, cum a nemine adhuc, quan-
 tum ſcio, in ordinem adducta & ex inſtituto repræſentata fuerit,
 juſſit nos, qui Morali Profeſſioni in hac ipſa Academia XVI an-
 nos vacavimus, via & arte procedere, huncque *de variis modis*
Moralia tradendi librum emittere & in publico proponere. Or-
 do & ſeries capitum præſentis Tractatus ſequens eſt. Caput I
 agit de ratione tractandi moralia per Dialogos, quo etiam Dra-
 mata pertinent. Cap. II de ratione tractandi per Apologos, ubi
 ob commentandi affinitatem & fabulæ Romanenſes, & fictæ Res-
 publicæ ſimul examinantur. Cap. III de ratione tractandi per
 Satyras,

Satyras, quarum historiam, a nonnullis promissam quidem, nemo adhuc per omnes status & ordines concinnavit. Cap. IV de ratione tractandi per Characteres sive notationes, Παράσηρα, Præcepta, Aphorismos ac Gnomas. Huc referuntur quoque Adagia, Apophthegmata, Symbola, Emblemata, Hieroglyphica, Ænigmata atque Inscriptiones. Cap. V de ratione tractandi per Paradigmata seu exempla. Cap. VI de ratione tractandi per Apodixin & demonstrationem, quam methodum systematicam vocant. Hæc sunt memorati *de variis modis Moralia tradendi* libri, quem Polymathiam moralem non injuria dixeris, summa capita. Ordo denique ac series subjunctæ *Introductionis* totidem capitibus absolvitur. Caput I differit de Socrate, Platone & Academicis. Cap. II de Aristotele & Peripateticis. Cap. III de Zenone & Stoicis, itemque Cynicis & Cyrenaicis. Cap. IV de Pythagora, ejusdemque Affeculis. Cap. V de Epicuro, ejusque Sectatoribus. Cap. VI de Pyrrhone & Scepticis. Facile esset Speciminis loco, præsertim ex primo curioso *de variis modis Moralia tradendi* tractatu quædam hic excerpere; verum cum liber iste nihil fere aliud, quam egregia & selecta argumenta complectatur, præstat Lectorem benevolum eo ablegare.

*HISTORIA SPINOZISMI LEENHOFIANI,
publica in Belgio auctoritate novissime damnati, ex authenticis documentis collecta a GOTTLOB
FRIDERICO JENI-
CHEN.*

Lipsiæ, apud Jo. Hereb. Klossium, A. 1707, 8

Constat pl. 16.

Vix tres & quod excurrit anni sunt, quod *Fridericus van Leenhof*, Minister Ecclesiæ Reformatæ Suollensis, librum Belgicum de vera hominis cujusvis lætitia, *Cælum & in terra* inscriptum, Amstelodami prodire fecit, in quo cum Spinozæ doctrinam, publice dudum in Belgio damnatam, novo integramini involvere unis alterisque visus fuerit, tantos in Ecclesiâ Reformato-

formatorum Belgica motus excitavit, ut Cœlum istud Leenhofii terreſtre non ſolum variis Theologorum ſcriptis illico impugnatum, ſed quoque anno elapſo Synodorum Eccleſiaſticarum decretis & ipſorum Statuum Belgii ſummorum auctoritate fuerit damnatum. Anſam dedit ea res Auctori, Collegæ noſtro perinduſtrio, ut ex iis, quæ ipſi nuperrime, quum ex Anglia in Belgium redux factus eſſet, forte in manus venerunt, ſcriptis contra Leenhofium & decretis in cauſa ejusdem noviffimis Synopſin aliquam ſententiæ Leenhofianæ totiusque cum eo agitatæ controverſiæ conſcriberet, in cujus *Parte prima* de ipſius *Spinozæ vita, doctrina & ſcriptis* tum olim tum recenter ipſi *oppositis* generatim quædam præmittit, in *altera* vero *ortum & progreſſum controverſiæ Leenhofianæ* ex documentis quibusdam authenticis omni, quæ Hiſtoricum decet, fide, charitate ac modeſtia, methodoque perquam ſuccincta enarrat.

Quod ad ipſam Spinoziſmi hiſtoriam *Parte prima* pertractatam attinet, inter *vita Benediſti de Spinoza*, famoſi iſtius Ex-Judæi, quem Amſtelodami d. 24 Nov. 1632 natum & Hagæ Comitum d. 21 Febr. 1677 denatum inter reliqua momenta non ubivis obvia memorat, *ſcriptores* maxime *Joannis Coleri*, Miniſtri Eccleſiæ Lutheranæ Hagiensis, *vitam Spinozæ* A. 1706 Belgice primum Amſtelodami, at paulo poſt quoque Gallice Hagæ Comitum per T. Johnson in 8 editam, cum *Cl. Baylii*, d. 28 Dec. 1706 ingenti Reipublicæ literariæ detrimento fato functi, *vita Spinozæ* commendat. Deinde ubi poſt ſcriptorum ab ipſo Spinoza editorum recenſionem monuit, quod Spinoza Tractatum ſuum Theologico-Policum maximam partem ex *Apoſtaſiæ ſuæ a Judaismo Apologia*, lingua Hiſpanica conſcripta, conſarcinaverit, religionis Spinozæ erroneæ capita præcipua enumerat. Atque demum ſcholium de *ſcriptis Anti-Spinozianis*, tum in Belgio, tum in Gallia, Anglia & Germania Spinozæ a Bredenburgio, Blyenbergio, Mansveldio, Veldhuysio, van Til, Wittichio, Jaqueloto, Jenſio, H. Moro, de la Mothe, Muſæo, Rappolto, Huetio, le Vaſſor, Lami, Yron, Poireto, Bælio, aliisque olim recenterve *oppositis* ſubjungit; perinde ac alio quodam ſcholio monet, quod Filia Franciſci van den Ende,

qui Spinozæ in litteris humanioribus præceptor fuit, non tam forma, quam ingenio excellens & linguam Latinam æque ac Musicam scitissime edocta, Spinozæ haud raro aliorumque condiscipulorum, patre absente aut alio vocato, magistra extiterit; quam tamen institutionem Spinozæ & condiscipuli ejus Kerkeringii erga magistræ amores æmuli essent consecuti.

Parte altera Spinozismi speciatim Leenhofiani historiam, una cum scriptorum Leenhofio gregatim oppositorum enarratione ex *Actis* Ecclesiarum Belgicarum *Synodici* tradit. Quum enim Leenhofius Cælo suo terrestri, seu libro Belgico de *vera Christianorum hominumque omnium lætitia*, Spinozismi partem maximam recoxisse multis visus fuerit, quod in ea veram hominis lætitiæ eadem cum Spinoza voce per transitum a minori perfectione ad majorem definiret, & veram animi lætitiæ in æterni maxime, quem Deus in rerum natura servaret, ordinis cognitione sobria resultare ubivis inculcaret, aliæque doceret a Spinozæ sententia non aliena: hinc contra Leenhofii Cælum terrestre prodierunt tum Florentini Bomble & Taci Hajvan den Honert, Ministrorum Ecclesiæ Amstelodamensium, ad Leenhofium Epistola; tum Creyghtonii Cælum in terra, Leenhofii Cælo in terra oppositum, ac Eusebii Philometoris ad Leenhofium Epistola una cum Anonymi falso confecto Cælo Leenhofii & aliis quibusdam. Quibus scriptis quum adeo impugnatum videret Leenhofius Cælum suum, e re sua esse censuit, scriptum apologeticum, ipsi *Opheldering van den Hemel op Aarden* dictum, edere, quo cælum suum collustrare, nebulasque per præjudicia & sensum malignum in eo coenas dispellere allaboravit. At quum hæc Denubilatio nullo modo Leenhofii antagonistas satisfaceret, opposita ei fuit Epistola F. Bomble & Honerti ad Leenhofium altera, ac Jo. Creyghtonii in Leenhofii Cælum denubilatum Animadversiones. His vulgatis tertium scriptum Leenhofii prodiit, quod est *breve* ejus ad Epistolam Honerti *Responsum*, quo Animadversiones cujusdam Anonymi rationales falso sibi per Honertum imputari respondet. Imputatum est hoc Leenhofii scriptum ut & alia ejusdem per Epistolam Honerti tertiam, quartam & quintam; exceperunt
idem

idem Joannis Ovtreinii, Professoris Dordraceni, Monita ad Leenhofium necessaria; item Johannis Sluiteri Consensus Leenhofii cum Spinoza & Philopatre, nec non Francisci Burmanni, Jo. Henr. Cocceji & Anonymi cujusdam Scripta Anti-Leenhofiana. Post scriptorum horum recensum Auctor noster ad *πρωτων* *Ψευδος* se confert & *capita doctrinae Leenhofianae Spinozisticae* *praecipua* enumerat, ubi tamen se non omnia Leenhofii *πα-ραλογίσματα* indicare praemonet, partim quod Leenhofius crambem Spinozismi jam satis cogniti recoxerit, partim vero quod Leenhofii errorem magis ex proprio ipsius ore & ad Articulos in judiciis Ecclesiasticis sibi propositos responsionibus, Synopsi insertis, cognosci maluerit, quam sententiam minus recte forte intellectam, pro seculi nostri cacoethe, suis ipsi verbis affingere.

Ast quum Leenhofii sententia, tribus scriptis ejus nuperis, *Cælo* videlicet *in terra*, hujus *Denubilatione* & *brevi Responso* disseminata, tum omnem religionem, omnem magistratum, omnes leges, tum fœdera omnia societatisque humanæ vincula dissolvere his & illis visa esset, ea propter *Ecclesia Belgarum Reformata*, de scandalo per Leenhofium suum suscitato sollicita, rem omnem ad Classium suarum examen & Synodorum judicia nec non ad Magistratus sui tribunal summum deferre statuit. Enarrat inde Auctor tum Synodi Alcmariensis de A. 1704 contra Leenhofium declarationes, cum literis Synodi Hollandiæ septentrionalis & meridionalis duabus commonitoriis ad Transisalanos, tum requisitionem aliquam Deputatorum Synodi ad Ordines Hollandiæ Præpotentes directam horumque apostolium. Post hæc *Articulos* quosdam *satisfactorios* recenset, qui a Consistorio Suollensi Leenhofio in causa sua præscripti fuerunt, ut iis ad scandalum datum tollendum subscriberet, & quos post Leenhofii subscriptionem tum Classis Suollensis tum Synodus Transisalana adprobarunt. Antecesserant hos Articulos satisfactorios *Articuli* quidam *inquisitorii*, ad quos Classis Suollensis Leenhofii responsa postulaverat; ex quibus itidem Auctor quosdam cum Leenhofii responsis adjecit. Ast quum Leenhofii ad articulos Classis Suollensis in-

quisitorios responsio non satis sibi ubique constans, nec Articulorum satisfactoriorum per Consistorium Suollense facta promulgatio sufficiens fratribus Reformatis visa fuerit, quod Leenhofius vocem Jacobi & manum Esavi habuisse multis crederetur, Classis inde Amstelodamensis d. 4 Maj. A. 1705 *Queritur* quoddam, ut vocant, ad singulas Hollandiæ septentrionalis Classes misit. Acceptis responsis ceterarum Classium ad *Queritur*, Deputati Synodorum alteram quandam requisitionem Statibus Hollandiæ Præpotentibus obtulerunt; quam Auctor una cum apostolio Statuum integram exhibet. Gestis his rebus A. 1705 in utraque Hollandia, mense Majo A. 1706 Campos Transisalatorum Synodus fuit convocata, in qua decreto *Commissariorum Status Politicorum* causa Leenhofiana, propter Articulorum satisfactoriorum promulgationem, pro jam decisa & dijudicata declarata, Status Transisalanz ulteriore ejusdem causæ inquisitione vel in Classe vel in Synodo suis interdixerunt. Excepit hanc Transisalatorum Synodum posterius Classis Amstelodamensis *Queritur*, ad quod in Synodo Amstelodamensi M. Aug. 1706 consensu Classium decretum fuit atque conclusum, ut inter cetera tum Acta Synodorum Hollandiæ in causa Leenhofii per Deputatos Ecclesiasticos, *Geelkerkium* & *Honertum*, in testimonium publicæ detestationis ederentur, tum *Protestatio Synodi Hollandiæ septentrionalis communis contra Leenhofium & Alia Transisalatorum* publicarentur; quam pariter Auctor una cum *Protestatione Synodi Hollandiæ meridionalis solenni*, nec non *Ordinum West-Frisiæ Edicto* contra Leenhofium gravissimo integram exhibet. Accessit eidem aliud Statuum Hollandiæ West-Frisiæque *Edictum* de mense Dec. 1706 contra quod tamen *Status Transisalana* alio *Edicto* de die 11 Jan. hujus anni, Hagæ-Comitum in Senatu Statuum exhibito, fuere protestati. Atque hucusque historia Auctoris nostri procedit.

Ceterum dum fertile admodum est ævum nostrum scriptorum spinosissimorum & sententiarum paradoxarum, Auctor simul in Præfatione meminit sententiæ novissimæ *Henrici Dodwelli*, viri alioquin doctissimi, *de anime, in se mortalis, immortali*.

mortalitate, sola legitimorum Episcoporum benedictione baptismali impetranda, quam hypotheseſin Dodwellus in libro *Anglico A. 1706 Londini*, dum Auctor noster ibi eſſet, edito & a nobis mense Junio hujus anni recensito, audacter adſtruere, ſummis in Anglia viris & eruditione celeberrimis indignantibus, eſt annisus. Suſpicatur vero Auctor, quod forte Dodwellus *neceſſitatem Hierarchia Episcopalis*, tum ſingulari quondam de *Succeſſione Pontificum Romanorum primeva* diſſertatione, operibus poſthumis *Jo. Pearsonii*, Londini A. 1688 a *Dodwello* editis, annexa, tum nupera ſua *ad Exteros de ſchiſmate Anglicano Paraneſi* A. 1704 Londini vulgata, aſſertam novo argumento voluerit corroborare. Quam quidem hypotheseſin Dodwellianam *Jo. Franc. Buddeus*, in Academia Jenenſi Profeſſor Theologiæ percelebris & Collega noster æſtumatiffimus, A. 1705 peculiari quadam *de origine & poteſtate Episcoporum exercitatione* diſcuſſiſſe conſtet; perinde ac altera illa Dodwelli de *anime mortalitate naturali* ſententia paradoxa illico poſt partum ſuum quatuor Anglorum clarorum, *Sam. Clarkii, J. Turneri, Th. Millii & E. Chisbullii* ſcriptis doctiſſimis jam impugnata fuerit & confutata.

HISTOIRE DE LA VIRGINIE.

i. c.

HISTORIA VIRGINIÆ ETC. AUCTORE
natione & civitate Virginiano.

Amſtelodami, apud Thomam Lombrail, 1707, 12.

Conſtat 20 plag. & nonnullis fig. æn.

Anglico primum ſermone hanc Virginiz hiftoriam prodiſſe ipſa nos libri docet inſcriptio, annum vero primæ editionis Gallicus noster Interpres reticet, quem, ſi conjecturæ locus eſt, referre ad milleſimum ſeptingenteſimum quintum poſſumus: eo enim anno in *Hiſtoria Operum Eruditorum (Hiſtory of the Works of the Learned)* quæ Londini colligitur, ejus nobis recensuſ datus eſt mense Majo, non addito, quo præluſ ſubiit, anno. Solo autem candore ſe commendare publico

Tt 3

ſtudet

studet Auctor operis, unde nec styli vult rationem haberi, nec elegantis habitus, quo placere capiunt alii, quando eo longe, dissitarum orbis partium descriptiones ornant, ubi tamen non merentur, quam sperant gratiam, quandoquidem pro vero fabulas, & pro genuina historia sui ingenii lusus venditant, cujus facinoris reos facit Gallos Noster, quod ingenio polleant ad inveniendum apto & placendi cupido, & dolet hactenus nullam, ne inter mediocres quidem habendam, orbi oblatam esse. Virginiae, celeberrimae Novi Orbis partis, delineationem; unde defectui huic serio mederi volens, eo arctius sibi obstrinxit harum rerum studiosos, quo majori rerum patriarum (Virginiae enim vitalem auram debet) notitia instructus fuisse videtur. In quatuor Libros integrum opus divisum est, e quibus aliqua delibare in usum Lectoris instituti nostri jubet ratio, cujus interim non transgressuri limites, ex primo id solum observamus, arduum fuisse admodum primas in nova regione sedes figere, de quo anno 1583 sub auspiciis Elisabethae Reginae Angliae agi coepit, quippe tam infelici aliquoties successu res suscepta est, ut integrae colonorum cohortes ante adventum aliorum ex Anglia, qui prioribus ferrent suppetias, vel fame vel barbarorum crudelitate perierint, vel etiam ita disparuerint, ut quæditorum nulla reperta sint vestigia: imo postquam jam domicilia perpetua statuerunt, ac cum feris hominibus pepigerunt amicitiae foedera, ab his animo vindictae avido incitatis perfidiose una plus vice ad internecionem fere deleti sunt, quæ tamen ab hostibus illata calamitas multum aucta fuit intestinis litibus, ex avaritia & ambitione novorum incolarum plerumque trahentibus originem, ut Auctor noster fateatur ingenue, adeo ut raro ipsis Praefectis pariant, quorum inculatur negligentiam, vel rerum gerendarum imperitiam, vel ambitionem, vel avaritiam, tanta libertate, ut vix aliquem sine censoria dimittat virgula. Plenior est narratio in secundo Libro, ubi primo capite fines Virginiae constituuntur & ora proximæ, secundo de fluviiis agitur, quorum pars navigia majora sustinet, tertio de varietate agri & ingenio soli, quartum fructus sua sponte nascentes, quorum ubertate nulli terræ cedit, exponit, sitque mentio hic arboris melliferæ, in cujus turgidis siliquis ipsum mel continetur, &

tur, & alterius, quæ vulnerata succum stillat, cujus octo libræ in unam conspiciuntur sacchari, & myrti arboris, cujus bacca aqua affusa coctæ in ceram, ut Noster loqui amat, abeant viridem alia durior, quæque in candelas coacta tantam odoris suavitatem spiret, ut assidentibus sint in delitiis, nec minus usum præstent chirurgicum nuper satis detectum; magnitudine bacca piperis grana æquant, & cedride, quæ eadem pollere virtute dicitur, majores sunt. Planta Urbis Jacobi (*la plante de James-Town*) pomo spinoso Peruviano valde similis, ut speciem ejus esse Noster conjiciat, vi turbandæ mentis gaudere asseritur, quod Angli aliquot experti milites, qui saporis inducti gratia liberius eam degustarunt, & undecim dies mimicis gesticationibus miram herbæ efficaciam suo malo comprobarunt, pristina tamen sanitati exacto tanto temporis spatio redditi. Florem quendam, Tulipæ in multis similem, genitalia humana utriusque sexus conjuncta accurate exprimere, in eodem capite discimus. Verum plura sunt numero vegetabilia, quæ novitate sua se commendant, quam ut huc possimus transcribere; medicarum quoque plantarum præstantissimi usus non exiguus proventus est, ut febrifugarum, contra inveterata ulcera, & aliarum, quarum plenior descriptionem propter penitioris scientiæ naturalis defectum Noster in se non suscipit, unde merito mortem Banistrîi præproperam deslet, qui pro singularibus dotibus inchoatam hanc telam Historiæ naturalis Virginie digne pertexere potuisse credendus est. Caput quintum pisces fluviatiles & marinos enumerat, atque certis ætatis diebus tam largam ferre fluvios hælæcum copiam asserit, ut equo per eos vehi vix sit liberum, quin conterantur ungulis. Capite sexto, quod de volucris & feris conscriptum est, nihil a bestiis sævisimis metuere incolæ dicuntur, quod illæ hominum conspectum pavidæ fugiant. Hic animalis, quod Possum Indi vocant, singularis sequitur descriptio. Hujus ventro membrana obducta est, quæ ita primo partu expanditur, ut postea manus sine molestia animalis immitti possit, eo destinata, ut recondantur in illa & ex ea emittantur pulli quovis opportuno tempore, ut quando uberibus, quæ in capsula latent, admovendi, vel alio a matre deportandi, vel

di, vel somnus capiendus; atque hoc uti domicilio liberum est pullis, donec sibi de victu ipsi valeant prospicere. Sed, quod magis notandum est, hic secundus quoque venter conceptioni & gestationi dicatur, atque vidisse se fidem interponit Auctor noster, foetus musca non majores adherentes uberibus, a quibus deinde justum robur nacti, & pilis obsiti, oculisque apertis, in subiectam membranam decidant. Non apud unos peregrinorum diligentes observatores hujus mentionem animalis injici certum est, nec succurrit, qui idem se vidisse fateatur, id tamen novimus, Rupefortium in Historia naturali & morali Antillarum Insularum idem describere & effigiem exhibere sub nomine *Opassum*, sed masculum quoque sacculo hoc a natura donatum addit, in eum finem, ut matrem circumferendis pullis sublevet. Plura dicere materiae suaderet jucunditas, nisi brevitatis leges imperarent aliud, unde etiam ex tertio libro, qui in consuetudinum Indorum in Virginia enarrationem insumitur, multa huc vocare non est liberum. Simplex vivendi genus nec minus felix laudatum hic reperias, & legisse non poenitebit, quæ capite 7 de bellis & pacis sancienda modo & cap. 8 de cultu Deorum adferuntur in medium. Nam neque ad illos accedit Auctor, qui distinctam de Deo notitiam Indis vindicant, nec his, qui omnem Divinitatis notionem derogant, sed media incedens via, nec nimium, nec justo minus tribuit. Quoniam autem religiose Sacra abscondere in more illis positum est, paucis forte ea sunt satis cognita, quæ Auctori licuit singulari fato detegere; quippe quæ ipse videt, se propalare, non dubitat asserere. Frugalitas in victu uti sanitatis conservatrix est, ita nec amplo medicamentorum apparatui hic locus est, sed balnea & sudores pene rem conficiunt; quanquam nec Medicorum exigua sit auctoritas, quod Cap. 9 testatur. Plura alia notatu non indigna proferuntur in sequentibus, ad quæ ipsam Lectoris industriam remittimus, sicuti quoque ad ea, quæ in Libro quarto de administranda civitatis ratione, ab Anglis introducta, occurrunt.

E R R A T A.

In Actis hujus Anni p. 80 lin. 12 lege *Epicacuanne*: p. 206 lin. 2 pro *geminum* l. *genuinum*: p. 264 lin. 16 lege *פְּרָזָה* & ib. lin. 23 lege *פְּרָזָה*: p. 310 lin. 8 & 19 lege *de Lagny*.

ACTA ERUDITORUM,

publicata Lipsiæ

Calendis Augusti, Anno MDCCVII.

RECUEIL DES VOYAGES &c.

h. e.

*SYLLOGE ITINERUM, QUÆ MERCATORUM FOE-
derati Belgii ad Indos Orientales navigantium So-
cietati fundamenta atque emolumenta
præbuerunt.*

Tomus I, Amstel. apud Steph. Roger, 1702, 12

II 1703.

III & IV 1705.

V 1706.

Constant Alph. 6 pl. 12

& Fig. æn. plurimis.

Præmissa est hujus operis Tomo I Dedicatio ad Illusterrimum Chamillartum, Regis Galliarum Ministrum primum, cui Collector Itinerum nomen *de Constantin* subscripsit, tum & Præfatio, in qua id agit idem, ut quibus modis Belgarum ad Indos Orientales navigantium Societas toto orbe celebratissima a tenuibus initiis ad annum usque 1631 (nam ultra non progreditur Noster) creverit, appareat. Nimirum cum diu Belgæ a Carolo V & Philippo II fuissent ab Indorum commercio exclusi, tandem de via cogitabant, qua in Indiam, vitatis Hispanis & Lusitanis, penetrarent. Tametsi vero parum fructuosa fuisset profectio, quam A. 1594 Wilhelmus Barenz & Jacobus Heemskerck sumptibus mercatorum quorundam Zelandicorum susceperant,

perant, nihilominus sequenti anno Amstelodamenses nonnulli, *Societatis regionum dissitarum* nomen sumentes, Cornelium Hourman cum quatuor navibus in Indiam destinabant, quippe quemia Lusitania de itinere ad Indos paulo curiosius perquirentem, eoque carceri mancipatum suo ære liberarunt. Eo post duos annos quatuorque menses, quanquam haud magno cum fœnore reverso, & aucto interea mercatorum lucrum sperantium numero, denuo A. 1598 Amstelodamenses octo naves in Indiam dimittunt, quibus præfectum imponunt Jacobum van Neck, earumque nondum expectato reditu, anno sequenti tres aliz, præfecto Stephano van der Hagen, solvunt. Dum tanto ardore res apud Amstelodamenses agitur, in Zelandia quoque, ut & Roterodami, parvæ excitantur classes, neque minus nova Amstelodami Societas inter mercatores maximam partem e Brabantia oriundos coalescit, eaque quatuor naves onerarias, totidem aliz e veteri Societate junctis, sub finem anni 1599 in Indiam mittit, quæ post biennium multis cum divitiis rediere. Quo rerum successu plures invitati passim, in Hollandia & Zelandia A. 1600 & 1601 classes instruebant. Contra Hispani navali conflictu fatigabant naves Belgicas, & Lusitani per Legatum quendam suum, Ordinis Sancti Francisci monachum, effecerant apud Regem de Achem, ut Belgis hostem se præberet, quod utrumque frustra fuit, Hispanorum impetu eluso, & Indorum Rege paulo post reconciliato. At cum nihilominus Hispani clam palamve insidias struerent Belgis, tum demum Mauricius Præfectus & Status Fœderati Belgii, publica his, qui iter in Indiam instituunt, mandata dant, iisdemque adoriendi Hispanos atque Lusitanos licentiam faciunt. Quin & auctis nimium ejusmodi Societatibus, cum minor esset e protectione proventus, Status Generales Hagam invitant omnes Societatum Directores, iisque persuadent, ut in unum velut corpus coirent A. 1602 die vigesima Martii, privilegio in annos viginti & unum concessio. Itaque mox paulo majores classes emittuntur, quatum successu excitatus Philippus III, Rex Hispaniæ, A. 1605 Belgis commercio non minus cum Indis Orientalibus & Occidentalibus, quam cum Hispanis interdicit, capitis supplicium minatus. Verum Belgæ nequa-

nequaquam his minis deterriti non modo onerarias, sed & bellicas naves exstruunt & militem imponunt, exactisque paulatim e Moluccis insulis Hispanis, inducias tandem cum Hispanis & Lusitanis in annos duodecim paciscuntur A. 1607, quas neutra tamen pars exacte servasse videtur. Quantum sequentibus annis creverit Societas, vel ex eo intelligitur, quod A. 1623 aliquot mercatores, quicquid piperis paratum habebant, quod novendecim millibus sarcinis (*bales*) convolvebatur, ingenti pecuniae summa (*pour quatre millions-cinq-cents mille livres*) emisse dicuntur. Cæterum Status Belgii Generales, renovatis identidem Societatis privilegiis, diligenter cavebant, ne quid jurgii excitaretur inter socios, idque prudentia efficiebant, ne quid vel Angli vel Galli piratae detrimenti huic commercio afferre possent. Quot vero quotannis naves postea vel profectae in Indiam, vel ex ea reversae sint, pluribus e Collectore nostro recensere supervacaneum ducimus. Quin potius ipsa etiam Diaria itinerum horum, singulis tomis contenta, quibus Collector hoc majorem adstruit auctoritatem, quod ideo scripta non essent, ut in publicum ederentur, eoque ipsa simplicitate sua veritatis argumentum præbeant, paucis enumerabimus.

Tomus I Iter Hollandorum & Zelandorum primum Septentrionale, pro inveniendo transitu in Regna Cathai & Chinam per mare juxta ripas Norvegiae, Moscoviae & Tartariae, primo loco exhibet, cui succedit p. 15 Iter secundum eandem plagam versus, & p. 29 tertium indultu Senatus Amstelodamensis 1596 institutum, cui subjuncta tabula est, locorum, per quae iter factum est, distantiam designans p. 141, tum Itinerum continuatio p. 146, & Descriptio Siberiae, Samoiedae & Tingoensae ex Moscorum scriptis hausta p. 151, quibus adjecta Io. Is. Pontani dissertatio, qua difficultates solvit, quas alii in expediendo per has oras itinere objiciebant, quarum superandarum media suggerit p. 188. Infeliciter tamen itineribus his succedentibus, alia via in Indiam tentari coepta est: itaque itineris denuo ad Indos Orientales suscepti historia p. 197 exhibetur, quam Collector excerptam monet ex eorum diariis, qui una profecti sunt, variis observationibus ab ipso illustratam; in hac de regionis &

incolarum indole plenius agitur. Secundum iter, p. 507, ingressa classis est octo navium duce Jacobo Cornelio van Neck A. 1598, quod partim ex hujus diario, partim ex aliorum de eo scriptis compilatum est. Denique p. 609 Relatio extat itineris quinque navium Roterodamensium ad Fretum Magellanicum A. 1598 duce capitaneo Sebaldo de Weert suscepti & A. 1600 finiti.

Tomus II Iter primo loco exhibet Hollandorum circa Orbem terraqueum per Fretum Magellanicum ductu Oliverii de Noort anno 1598, & p. 130 Iter Pauli van Caerden in Indiam Orientalem anno 1599 susceptum. Hinc vela dedit Jacobus van Neck, cujus itineris Descriptionem p. 179 legas, ut & p. 250 diversorum Commentarios de Indis Orientalibus, deque commercio diversis in locis constituto, cum regionum aliquot historia. Tum vero p. 295 sequitur Iter Stephani van der Hagen tribus navibus anno 1599 & sequentibus confectum: p. 356 Iter quinque navium Hollandarum ad Indos Orientales navigantium ductore Wolpharto Harmansen A. 1601, cum alia itineris Epitome Cornelii de Veen, & p. 421 Iter primum Georgii Spilbergii, ad Indos cum tribus navigiis eodem anno susceptum, cui p. 552 subnectitur Jabadii insulae seu Magnae Javae descriptio, auctore Jacobo Pontano: denique ultimum locum hic occupat iter quinque navium, quas Societas certis jam legibus confirmata in Indiam misit.

Tomo III praemittitur Praefatio, qua respondetur illis, qui publice profiteri non dubitant, de Indiae rebus nihil certi in medium posse adferri, quoniam illa pars historiae nondum satis culta sit. Remittit hos Noster ad hanc Itinerum variorum Syllogen, qua res a testibus oculatis sine partium studio exponantur, ut facile hinc satisfieri possit satyræ, quæ sub tit. *La Conduite des Hollandois en Asie* prodit. Addit præterea, cuncta hic fideliter e Belgico sermone translata esse, ita tamen, ut supervacanea quædam fuerint omissa. Reperias autem in hoc tomo primum secundi itineris a Stephano van der Hagen, qui classeni ducebat duodecim navium, nec non itineris navis cujusdam Bantamum & Coromandalam versus directi Descriptionem, tum

tum p. 205 itineris Cornelii Matelief junioris in Indiam Orientalem & p. 606 itineris secundi Pauli van Caerden ad eandem plagam Descriptionem, cui subjuncta est p. 700 Historia Indiæ propriæ, quam Indostan Persæ & Arabes appellare solent.

Tomus IV exhibet primo loco Iter Petri Willemsz Verhoeven in Japoniam aliasque Indiæ Orientalis provincias anno 1607 susceptum, cum narratione eorum, quæ gesta sunt in Bornei insula & descriptionibus insularum Amboinæ & Moluccarum, quales fuerint anno 1627 a diversis adornatæ, quibus varia adnexa sunt, ut societatum & fœderum cum exteris Principibus & populis initorum capita, & plura alia. Sequuntur p. 306 Iter Petri van den Broeck ad Caput viride, Angolam Indiamque Orientalem, in quo apparet ratio erectæ casæ Hollandorum in Jacatra, quæ mox surrexit in arcem dictam, Bataviam, a qua nomen sortita inde est urbs amplissima: p. 474 Iter Georgii Spilbergii ad Moluccas insulas per Fretum Magellanicum: p. 567 Navigatio australis Jacobi le Maire & Wilhelmi Cornelii Schouten, annis 1615, 1616 & 1617 peracta, qua detectus est transitus per Fretum Magellanicum, qui protenditur ad Mare Australe: p. 663 Iter classis Nassovicæ ad Indiam Orientalem per Fretum Magellanicum, anno 1623 sub auspiciis Jacobij Hermite cœptum, finitum 1626, cui addita p. 749 delineatio Peruz, ab Hispano captivo Petro de Madriga, Limæ nato, facta.

Tomus V complectitur p. 1 Iter Seygeri van Rechteren in Indiam Orientalem: tum Descriptionem Insulæ Formosæ, auctore Georgio Candidio p. 74, & urbis Macai, auctore Marco d' Avalo p. 129: Iter Henrici Hagenaar, cœptum 1631 & absolutum 1639, in gratiam Societatis Indiæ Orientalis p. 156, cum historia Imperii Japonici Francisci Caron ab eodem Hagenaario aucta, p. 301, in qua comparet quoque diræ persecutionis illic contra Christianos, Ecclesiæ Romanæ addictos, anno 1622 & sequentibus institutæ descriptio, auctore Reyero Gisbertsz p. 395, cum aliquot diversi argumenti tractatibus minoribus. Tandem p. 459 sub titulo *Formosa neglecta* pluribus ostenditur, quomodo hæc Insula cum ei in tempore Societas Belgarum Indica suppeditas, toties a

provinciarum Rectoribus flagitatas, non ferret, a Coxinga tyranno, Belgis penitus anno 1660 ejectis, fuerit sub Chinenſium imperium redacta.

HISTOIRE DE LA CONQUESTE DES Moluques.

h. c.

HISTORIA EXPUGNATIONIS INSULARUM MO- luccarum, per Hispanos, Lusitanos & Batavos facta, Autore ARGENSOLA.

Tomi III.

Amstelædami, apud Jacobum Desbordes, 1706, n.
Constant Alph. 2. pl. 8. & multis Fig. æn.

Moluccæ Orientalis Oceani insulæ gravissimorum motuum, extiterunt causæ, quibus Hispani nimirum & Lusitani diu commissi sunt, cum Ferdinandus Magellanus Seculi XVI initio, superato freto, quod ab ipso nomen traxit, easdem adisset, & utraque gens eas sibi vendicaret, atque æmulorum Ternatæ atque Tidoris Regum dissidiis in commodum suum versis, unum Hispani tuendum suscepissent, alteri subvenirent Lusitani. Erumvero cum frugum variarum, & nucis moschatæ cumprimis, atque caryophyllorum læto proventu floreant, & quæstum longe uberimum in iisdem mercatores facere viderentur, qui ex Europano-stra eo commeantes aromata isthac importaverant, utrique insulare ipsi coeperunt & in longas dimicationes cruentaque certamina coniecti sunt, donec Batavorum tandem prævaluerunt. Quæ fata ergo fuerint Insularum, dum gravissimis conflictationibus Europæ gentes inter se experiuntur, utra alteri antefecerat, post Gomaram, Latum & alios Indicarum rerum scriptores Argensola quoque exponendum suscepit, cujus Historiam Hispanico idiomate antehac contextam & nuper admodum in Gallicam linguam translatam atque Amstelodamensium typis excusam nunc tenemus. In hac cum, præter ipsam rerum in Moluccis gestarum seriem, alia interdum valde jucunda adspargantur, nos specimi-

speciminis loco sequentia enotabimus. Reges Ternatenses atque Tidorenses divina sua origine semet præ aliis efferre tomo I p. 4. seq. memorantur. Nimirum cum quidam eorum *Bicocigara* navi veheretur aliquando, & vidisset inter rupes enatas cannas quasdam rectas & solidas, easdem jussit refecari. Id vero cum facerent, qui jussi erant, sanguinem fluere ex abscissis ita cannis, & ad radices deinde ipsarum quatuor animadverterunt ova, qualia colubrorum esse solent; quod prodigium cum attoniti spectarent, vocem etiam audiisse sibi visi sunt monentem, ut probe servarent hæc ova, ex quibus quatuor Principes insignes prodituri sint. Atque comprobata est, ut fingunt, eventu Oraculi veritas; siquidem ex inclusis diligenter ovis, non secus ac ex Ledaë iltis in fabulis, tres mares & foemella una rupto putamine erepserunt, quorum primus insulæ *Bacham*, secundus insulæ *Butam*, tertius illis, quæ *Papouës* dicuntur, imperavit, foemella Principi *Loloda* nupsit, qui in regione *Batochina* floruit. Exinde incolæ provinciæ hodiernum illum *Bicocigara*, velut Heroem maximum, venerantur, quin & ova quatuor adorant & rupes, in quibus inventa fuerant, singulari cultu prosequuntur. Tomo I p. 151 mentio fit insulæ cujusdam non longe ita ab ista, quæ *Banda* nuncupatur, distantis, cujus incolæ statura sua non nisi quatuor spithamas adæquare dicantur, utque narrationem de Pygmæis cum gruibus certantibus minus indubium vocemus, faciant. Tomo II p. 95 ritus exponitur, quo in insula *Banda* mortuos sepeliunt, ubi inter alia de obscuris quibusdam demurmurationibus traditur a vivis ad defunctos vita factis, de quibus a Batavis interrogati responderunt, rogare se, ne corporis vinculis soluti in vitam velint redire, subindicantes, quam misera sit hominum vita & quibus calamitatibus implicata, & iniquum judicantes adeo, si quis nimio ejus desiderio teneatur. Leguntur in hoc libro variarum etiam insularum descriptiones, & qua ratione caryophylla crescant & legantur, Tomo I. p. 107, ut myristicæ nuces proveniant, Tomo II. p. 87 explicatur, sed hæc aliorum industria, qui Itinerariis scribendis manus admoverunt, cognita jam nobis atque perspecta sunt.

ACTA ERUDITORUM
THE LIFE OF LEOPOLD LATE
Emperor, &c.

i. c.

*VITA LEOPOLDI IMPERATORIS, RES EJUS NON
minus cum Turcis, quam Christianis annis fere sexagin-
ta gestas complexa, una cum documentis authenticis,
epistolis, tractatibus, chara-
cteribus &c.*

Londini, apud T. Newborough, 1706, 8.
Alph. 1 pl. 3.

Leben und Thaten Sr. Majestät, des Römischen
Käysers LEOPOLD, des Ersten &c.

i. c.

*VITA ET RES GESTÆ IMPERATORIS ROMANI
LEOPOLDI I; collegit D. JO. BURCHARDUS
MENCKENIUS, Hist. P.P. & Societatis Regiæ
Angl. Socius.*

Lipsiæ, apud Jo. Fridericum Gleditsch, 1707, 8.
Alph. 2 pl. 13.

UT compendium recensitionis faciamus, Vitas has, quamquam
diverso idiomate scriptas, conjungendas duximus. Quæ
Anglico prodiit, dissimulato Auctoris nomine, & ordine & stylo
satis concinno conscripta est, & continet nonnulla, quæ Au-
ctori a viris in Aula Cæsarea versantibus communicata videntur,
cæterum Scriptores, quorum fide usus est, allegat nullos, & no-
mina Germanica, tum locorum, tum personarum, ut solent exteri,
passim mire pervertit. Imprimis tamen laudandum, quod episto-
læ subinde inseruntur, a Leopoldo ad Iacobum II, Wilhelmum, III
ipsamque Annam scriptæ, quas inter lectu dignissima est pag. 188,
qua Jacobi exilium moleste se ferre significat, ita tamen ut de inju-
riis Gallorum, quibus plus nimium obsecutus ille sit, Imperio
illatis

illatis simul gravissime conqueratur. Hoc opere diligenter sc-
usum fuisse in Germanica, quæ hic una exhibetur, Cæsaris hujus
Vita, quam per compendium, maturato in gratiam Bibliopolæ
labore, concinnandam sibi sumpsit, *Menckenius* noster non diffi-
tetur, ita tamen ut ad veritatis amussim omnia examinaverit, er-
roresque nominum magna cura correxerit, nec his contentus,
quæ Anglus suæ maxime gentis studiosus attulisset, longe
plurima passim ex probatissimis Scriptoribus, qui in margine al-
legantur, adjecerit, unde factum, ut hæc ipsa Leopoldi Vita non
solum alia penitus ab illa, verum & multo copiosior, ut vel ipsa
libri moles docet, evaserit. Et plura hic inprimis deprehendas,
ad mores Cæsaris vitamque secretiorem & mortem denique
ipsam spectantia, quæ in Anglica editione frustra quæsieris, quæ-
que partim e Jo. Comatii Vita Leopoldi, Ephemeridibus Leopoldi-
dinis, quas Jo. Baptista Adolph compilavit, D. Jo. Adami Schenk-
helii Diario Leopoldi, tum & Dan. Omeisii, Ant. Stieffii, Pau-
li Hansiz, ipsiusque Comatii & aliorum Panegyricis in obitum
Leopoldi dictis, Commentariis item historicis sparsim editis at-
que amicorum epistolis hausta sunt. Meminit vero Auctor in
Præfatione, præter Gualdi & Comatii Vitas Leopoldi prodiisse
etiam Vitam hujus Cæsaris, Hispanico idiomate consignatam
& ad annum 1686 deductam, Mediolani A. 1696 tribus Volu-
minibus in folio, cui Auctor, cujus nomen paucis notum, præ-
posuerit literas D. M. G. P. Ceterum ex ipso libro, quem in ma-
nibus habemus, non est, ut specimina afferamus, quin potius
ad ejus lectionem historiarum cupidos amandamus.

**CHRISTIANI WEISII ORATOR-
isches System, etc.**

i. e.

*CHRISTIANI WEISII SYSTEMA ORATORIÆ, IN
quo disciplina hæc ex justis principiis ordine evidenti de-
ducitur, novisque exemplis illustratur; accessit de
Politiciis Orationibus caput
curiosum.*

X x

Lipsiæ,

Lipsiæ, apud Jo. Fridericum Gleditsch, 1707, 8.

Alph. 1 pl. 21.

Nondum bene mereri de studiosa juventute destitit Celeberrimus *Weisius*, cujus novum hic Oratoriæ Systema exhibemus, in quo, quæ vario usu comprobavit atque in aliis libris suis Rhetoricis sparsim indicavit, in unum velut succincte collecta exhibentur. Cumque methodo erotematica, quam nostri hoc tempore tantopere amant, utatur, probe a se invicem dislinxit graviores & leviores quæstiones, ut & præceptorum & discipulis bene consuleret. Etsi vero hic nucleum velut scriptorum omnium dederit Auctor doctissimus, tantum abest tamen, ut illa ideo negligi, ut potius in huius libri illustrationem diligenter adhiberi velit. Ne tamen seducantur lectores, cum plures libri *Weisio* hætenus adscripti fuerint, quos ipse nequaquam pro suis agnoscit, ideo catalogum exhibet librorum circiter septuaginta, sive Germanico sive Latino idiomate conscriptorum. Nos, cum Germanici sint longe plures, Latinos saltem hic recensere non gravabimur. Sunt vero hi: *Sebastiani Casaris de Menesis summa Politica*, cui adjecta *Idea Statistica*, 1676; *de Læctione Novellarum*, 1676; *de Poesi hodiernorum Politicorum*, seu de argum. Inscriptionibus Libri duo, 1678; *Doctrina Logica*, 1681; *Institutiones Oratoriæ*, 1687; *Subsidium juvenile de artificio & usu Chriarum*, 1689; *Nucleus Politicæ*, item *Logica* 1691; *Tabula Chronologica a nato Christo usque ad nostrum tempus*, 1691; *Nucleus Ethicæ*, 1694; *Systema Theologicum*, 1705; *Dissertationes porro de Principibus eorumque juribus, de fortuna politica, de Carolo Magno, de moralitate complimentorum, de existimatione Imperantium, de eo, quod honestum est, de elegantis realibus, de Logica Nobilium & Politicorum, de Latina lingua, quantum Reipubl. interfit, eam doceri? quid Barclaji Argenis conducatur legentibus?* Orationes denique de Felicitate emeritorum, de conscientia Præceptorum, de ortu & progressu Scholarum per Lusatiam superiorem, & similes. Quod ad ordinem Systematis huius attinet, dividitur illud in partem theoreticam & practicam; illa classes instrumentorum secundum tres operationes, dispositionem, inventionem & elocutionem exhibet,

hibet, tractatque adeo de chria ordinata & inversa, de periodo & chria composita, de argumentis dialecticis atque oratoriis (ubi speciatim de moribus) de affectibus, deque argumentis eruditis seu confectariis & paraphrasi seu argumentorum alienorum analysi, de phrasibus deinde Grammaticis & figuris Rhetoricis, de artificis Oratoriis phrasium, quoad inventionem, dispositionem & expressionem, ut & de lectione Auctorum & collectaneis; hæc instrumentorum horum applicationem ostendit, ubi Auctor, insuper habita veterum divisione in genus deliberativum, demonstrativum & iudiciale, orationes omnes ad genus scholasticum, homileticum & politicum reducit, atque hinc separatim de orationibus, quibus thema simplex edisseritur, de historicis porro seu panegyricis, de epistolis & carminibus, de orationibus item hermenevticis & politicis agit.

DAVIDIS GERTMANNI EXERCITATIO ANTI-Tilliana.

Francof. & Lipsiæ, apud Phil. Godofr. Saurman, 1707, in 4.
Constat plag. 15.

DUabus partibus doctissima hæc dissertatio absolvitur. In priori Cl. Autor innocentiam Lutheranorum ab imputato ipsis a Celeb. Salomone van Til in Theologiæ Compendio crimine, quod revelationes rationi contradictorias statuunt, accurate vindicat, ita quidem, ut in ejusdem partis Sectione I neget, ab ullo Lutheranorum *γνωσις* talium absolute asseri, revelationem contradicere rationi, cum diserte doceant, rationi rectæ neque cum propositionibus, quæ unice ex revelatione dependent, neque cum propositionibus, quæ ex revelatione & ratione simul cognoscuntur, veram pugnam intercedere, sed corruptæ saltim rationi propositiones istas repugnare; aut certe propositiones theologicas, si rectæ rationi vere contradicunt, ex turbidis rationis corruptæ lacunis derivatas esse. Quibus præmissis ad *πρώτον ψευδος* Lutheranis a Tillio tributum sese confert Autor. Juxta Tillium enim Lutherani ideo asserunt revelationes rationi contradicere, ut vim argumentorum ex ratione desumptorum effugiant, quæ adversus consub-

stantiationem & alia dogmata obijciuntur. Sed doctissimus Gertmannus monet, argumenta quidem plurima a Reformatis contra Lutheranos divinitus revelata dogmata propugnantes in medium afferri, sed ne unicum quidem ex his, cujus vim effugere moliantur Lutherani, a Tillio monstrari posse, cum tela e corruptæ rationis pharetra deprompta jamdudum a Lutheranis fracta atque attrita fuerint. Præterea addit sibi pergratum fuisse, a Tillio non tantum illa reliqua præter consubstantiationem dogmata, propter quæ revelationestioni contradictorias statuunt Lutherani, sed & argumenta illis opposita percipere, ut una cum istis vim illam, quam ipsis inesse vult, exactius rimandi concederetur copia. Nec immerito observat, si ex Consubstantiatione dijudicanda cum suis argumentis sint cætera dogmata, ne speciem quidem veri illis inesse, siquidem illa Lutheranorum consubstantiatio nihil sit, nisi monstrum quoddam, quod sui existentiam nonnisi Tillii & sociorum, quos ille sequi affectet, debeat cerebro. In Sectione II argumenta ipsa, quæ Tillius in *Theol. Revel.* c. 24 pag. 180 contra fictam a se Lutheranorum consubstantiationem ex revelatione pariter ac ratione in medium attulit, ordine discutuntur, ut distinctius pateat, nullam plane vim argumentis adductis inesse, atque hinc evidentius cognosci possit, neque vel rationem vel revelationem Lutheranis, neque Lutheranos illis adversari. Pars secunda exercitationis in eo occupatur, ut ostendat, ipsum Tillium labe, quam Lutheranis temere adpersit, sese commaculasse, ac revelationis cum ratione pugnam toties commisisse, quoties præcipua Theologiæ suæ capita pro revelatis venditavit, quæ tamen non solum divina revelatio, sed & vel ea plane seposita, recta ratio ex naturalibus suis principiis falsa esse demonstrat. Tribus autem Sectionibus hæc Pars absolvitur. In I evincit, principium Theologiæ revelatæ, quod recta ratio infallibile, sufficiens & perspicuum esse, pronunciat, fallax, insufficiens & obscurum esse juxta Tillii Theologiam. Fallax quidem, dum ipse statuit: (1) voces in Scriptura aliter accipi, quam inter homines, quibus ad salutem informandis illa a Deo data est, convenit; (2) Discordiam esse inter se inter

se inter universum processum, quem Deum in salvandis hominibus in tempore servare Scriptura tradit, & inter Decretum ab aeterno formatum de illo in tempore instituendo. Quorum prius probatur (α) ex allata a Tillio distinctione inter voluntatem Dei occultam, seu beneplaciti, & revelatam, seu signi; (β) ex distinctione inter vocationem externam & internam; (γ) ex asserta particularitate gratiae Dei & meriti Christi, in illis Scripturae locis, in quibus omnibus individuis humanis gratiam reconciliationis cum Deo offerri, & a Christo λύτρον pro omnibus illis Deo solutum declarari, voce sine ullo restrictionis indicio universalitatem hanc significante adhibita, quilibet ex naturalis iudicii vi intelligat; (δ) ex effectu Regenerationis, quem Scriptura Baptismo verbis in significato proprio acceptis tribuit, ei denegato, & in nudam significationem Regenerationis mutato; (ε) ex verbis institutionis S. Coenae tropice intellectis sine ullo adjecto tropi indicio, sine quo tamen, juxta regulas bonae interpretationis hominibus cognitae, aliter, quam in proprio significato, ab iisdem accipi illa non possunt. Posterius autem inde corroboratur, quod, cum scriptura expresse doceat, Deum in tempore homines, quotquot salvat, aut damnat, non citra respectum ullius causae impulsivae, nostro concipiendi modo, extra seipsum, salvare aut damnare, Tillius inficietur verum Deum, ex ulla causa extra se impulsam, ab aeterno decrevisse, vel salvare, quos in tempore salvat, vel damnare, quos in tempore damnat. *Insufficiens* principium Theologiae Tillii esse ostendit, quoniam ipse dogmata quaedam suafacit, quae exinde deducere non potest, deducere tamen ea conatur. Quod tandem principium Theologiae revelatae Tillii non sit *perspicuum*, ex jam dictis facile colligi posse monet Autor, cum scriptura, ex doctrina Tillii, vocibus aliter utatur ac communis usus jubet, aliud verbis proferat, aliud mente occultet. In II Sectione confirmat, Tillium circa Theologiae finem objectivum, Deum puta, dogmata rectae rationi adversa fovere: etenim ipsum infinitam Omniscientiam Deo detrahens, cum neget, Deum scire illa, quae futura essent conditione certa aliqua impleta, quae tamen, quia conditio illa non impletur,

actu futura non sunt: infinitæ Sapientiæ, quam recta ratio aspiciat, adversari, cum docet, præscientiam divini intellectus decreto voluntatis ejus esse posteriorem, Deoque electionem tribuit, negata omni in illo, qui eligitur, ratione, qua impulsus Deus cum ex pluribus eligat: infinitam Potentiam, quam infinitæ essentiaenti competere ex insitis humanæ menti principiis evidens est, ipsum destruere, quando negat, aliquid a Deo fieri posse, de quo, quod contradictionem involvat, ostendere ipse non potest: Veritatem ac Fidelitatem, quam recta ratio necessario in Deo concipit, illum labefactare, quia Deus scripti histrionice & proterve prorsus fallentis juxta ejus placita Autor est: Sanctitati, sine qua Deus non est Deus, repugnare, cum Deum peccati causam facit: Justitiæ divinæ refragari, quod juxta D. Tillium (1) Deus reprobos citra respectum ullius causæ in illis destinat æterno supplicio, (2) Deus reprobos gravissimo supplicio afficit, propterea quod voluntati ejus conformiter fecerint, (3) Deus reprobos obligat ad salutem, sub conditione fidei ipsis absolute impossibili, & propter eam non præstitam æternum damnat, (4) Deus reprobos ad damnationem simul & causas damnationis determinat: Misericordiam divinam tollere, quod, docente Tillio, Deus objecti miserabilis non misereatur: cum sine Creationis divina stare non posse, quod D. Tillius asserat, Deum omnes omnino homines, adeoque etiam reprobos, ad imaginem quidem suam creasse, non tamen ad vitam æternam: Deum reque Summum Bonum esse, neque fruitione ejus homines beari posse, si Deus tot tantisque imperfectionibus ac pessimis vitiis juxta Tillii Theologiam laboret. In Sectione II demonstrat, Tillium circa reconciliationis & restorationis modum rectæ rationi contradicere, siquidem juxta hanc in una persona non possint esse plures personalitates, sed tot sint personæ, quot sunt personalitates: Tillium vero de unico Mediatore ea tradere, quæ jubeant, ut plures in eo agnoscantur personalitates; aut, si plures esse posse personalitates negetur, nisi simul adsint plures personæ, e quibus sequatur, quod duo sint Mediatores, non unus: Tillium satisfactionem Christi e-

vertere,

vertere, dum talia illi adscribit, quæ non permittunt eandem esse causam salutis æternæ meritoriam: Tillium, quando verbo divino efficaciam solummodo moralem tribuit, paulo post autem asserit, regenerationis causam instrumentalem esse verbum Dei, quod concipitur ut semen regenerationis, impingere in rectam rationem, e qua manifesto constet, non posse illud physice effectum producere, cujus vis agendi tantum moralis est: rectam rationem evidenter nosse, quod divinæ scientiæ & bonitati repugnet, revelari quicquam, quod ad gratiam & salutem consequendam facere debeat, ad hoc vero, ut certam quis inde spem de gratia & salute consequenda concipiat, per se aptum non sit; huic tamen rectæ rationis effato contradicere Tillium, quia juxta ipsum quis in mediatore, quem non nisi pro nudo habere potest homine, suam fiduciam ponere debet; & de gratia Dei ac salute consequenda citra formidinem oppositi certus quis reddi nequit; negare Tillium contra rectam rationem, quod ad hoc, ut impietati quis inhæreat, per se aptum est, id per se non esse aptum ad impium ab impietate vocandum; dum (1) statuit absolutum electionis & reprobationis decretum, (2) docet, fidem in hominibus produci irresistibiliter, (3) autumat, fidem & sanctitatem amitti a regenito non posse. Quibus omnibus erudite deductis, concludit Autor noster, si in summam colligantur contradictiones, quibus D. Tillii Theologiam scatere recta aperuerit ratio, cerni principium illius contradicere sibi ipsi & conclusionibus suis, conclusiones pariter sibi invicem contradicere ac suo principio.

THE JUST SCRUTINY: OR, A SERIOUS EN-
quiry into the modern Notions of the
Soul &c.

hoc est

SCRUTINIUM EXACTUM, SEU INQUISITIO
*seria in modernas Anima notiones, quatenus consi-
deratur i instar balitus vitalis seu potentia (non im-
materialis Substantia) corpori unita juxta Scriptura*
SACRA

*Sacra tenorem: 2 instar principii naturaliter mortalis,
sed per unionem cum spiritu baptismali immortalitate
donati, juxta Platonismum nuper in Christiana
Ecclesia resuscitatum. Autore*

W. C. M. D.

Londini, apud J. Chantry, 1706, in 8.

Constat plag. 14.

Edidit hoc opusculum Cowardus, Medicus Londinensis, ex
tribus Epistolis compositum; quarum prima ad *W—m C—ck*
perscripta *Cowardianam* de anima humana sententiam contra ad-
versarios defendit; altera ad *Samuelem Clarck* data *Dodwellianam*
hypothesen *Mense Majo p. 207 & seqq.* propositas & *Clarkianam*
earundem confutationem eodem mense *p. 212 & seqq.* repræsen-
tatam perstringit; tertia denique statum animæ post mortem &
consequentias ex hypothesibus *Dodwellianis* & *Cowardianis* fluen-
tes examinat. Antequam vero de his epistolarum argumentis
quædam specialiora dicamus, *Cowardi* principia Metaphysica de
substantiis immaterialibus ex duobus scriptis aliis jam antea evul-
gatis repetenda sunt. *Cowardus* scilicet publici juris fecit *Cogi-
tationes posteriores de Anima*, Londini 1704 in 8 reculas, in
quibus omnem movet lapidem, ut evincat, doctrinam de Anima
inter omnes Christianos hodie receptam, quod sit substantia im-
materialis corpori unita, a Paganis fuisse confictam, nec prin-
cipiis Philosophiæ, Rationis, Religionis consonam, atque itadi-
liat, juxta tenorem totius Scripturæ animam esse vitam hominis,
hoc est, unam eandemque esse virtutem, qua homo movetur,
vivit, sentit, ratiocinatur, quæque in corpore reperitur, quam
diu vivit, prorsus cesset, quamprimum illud interit, sed rursus ex-
titura sit, quamprimum in resurrectione universali corpus mor-
tuum reviviscet. Adversarium mox nactus est *Johannem Brugh-
ton*, qui ipsum in *Psychologia* seu *Tractatu de natura animæ ratio-
nalis*, Londini 1703 in 8 edito, inter Atheos & Empectas refert,
nullus dubitavit: unde ansam arripuit *Cowardus* principia sua Me-
taphysica plenius exponendi in *Arduo* (quod vocat) *Tentamine*,
Londini

Londini 1704 in 8 publicato, i.e. in *Vindicatione Rationis & Religionis contra imposturas Philosophiæ*, in quo probare conatur, quod, stantibus ideis & conceptibus, quos de rebus sibi formare valet intellectus humanus, 1. existentia substantiæ alicujus immaterialis sit impostura Philosophica & conceptu impossibilis: 2. omnis materia principium motus internum habeat sibi concreatum: 3. materiam & motum unicum esse cogitationum in hominibus & brutis fundamentum; & sub finem Epistolam ad *R. D. Broughton*, Ducis de *Malborough* Diaconum annectit, in qua ad argumenta ab ipso contra suas de Anima Cogitationes prolata respondet.

Substantiæ immaterialis impossibilitatem ostensurus, contradictorias esse affirmat substantiæ ac immaterialitatis notiones. Contradictionem probaturus proprietates substantiæ materialis recenset, extensionem scilicet, divisibilitatem, patibilitatem, impenetrabilitatem (sub qua simul negationem unionis unius cum altero citra ejus incrementum comprehendit) successionem, temporis ac loci in motu, insensationem & sensibilitatem, seu esse objectum sensuum, atque inde proprietates substantiæ immaterialis colligit non extensionem, indivisibilitatem, impatibilitatem, penetrabilitatem, nullam temporis ac loci in motu successionem, sensationem & insensibilitatem. His præmissis negat, substantiam posse concipi sine extensione, quia nulla sine limitata & circumscripta existentia concipitur, circumscriptio autem per terminos fit. Provocat ad omnium conscientiam, quod substantiam concepturis ea primo occurrat tanquam massa independentis existentiae. Hinc ulterius infert, substantiam non posse concipi indivisibilem, quoniam, ubi dantur partes extra partes, ibi locum habet divisio. Nec posse concipi, ait, quomodo substantia immaterialis materialem citra contactum moveat. Quare cum non constet, substantiam immaterialem existere, nec hunc agendi modum admitti posse, quemadmodum contra admittatur partium minimarum in corporibus unio, licet modum unionis non concipiamus, quia illarum partium existentiam clare percipimus. Porro defendit, substantiam nullam concipi posse impatibilem, & gratis affirmari asserit, substantiam immaterialem corporum penetrare dimensiones, quod penetratio

istiusmodi sine materiæ alicujus subtilis ex ipsorum poris expulsionem concipi nequeat. Motum spiritus necessario temporis ac loci successionem admittere, cum locorum, e quorum uno in alterum venit, necessario concipiatur distantia aliqua, quæ ipsa loci ac temporis successionem inferat. Non posse animam mediante corpore sentire, quia motus citra contactum cum non existentia, discontinua, indivisibili & indiscerptibili substantia inconceptibilis. Nec denique spiritus esse insensibiles, quia corpora tangunt, contra sensuum autem evidentiam ad corpora allumta perperam provocari. Negata igitur substantiæ immaterialis possibilitate, Deum substantiam non esse pronunciat, quia infinitus, hoc est, nullos essentialis habet limites, substantia autem ex ipsius mente sine certis limitibus non concipitur, & quia omnipræsens quoad essentialiam, qualis omnipræsentia in substantia inconceptibilis. Addit, quod Deus Judæos idololatriæ insimulaverit, cum ipsum tanquam substantiam repræsentarent, *Jes. II 18 Act. XVII, 29 Deut. IV, 12.* Esse vero statuit æternam, omnipotentem, omnipræsentem virtutem: cujus assertionis veritatem tum per Scripturæ testimonia, tum per rationes stabilire nititur. Deus *Joh. IV, 24* spiritus dicitur. Per spiritum ibi virtutem seu potentiam intelligi arguit inde, quod ibidem homo Deum spiritu adorare debere dicitur, h. e. zelo, fervore, puritate, pietate, quæ sint virtutes ex vita profluente. Quod si objicias, hinc consequi, Deum esse accidens, reponit, substantiam Dei non ex Aristotelis definitione probandam, qui tanquam Gentilis veram Dei ideam in Scripturis revelatam non habuerit, divisionem insuper rerum in substantias & accidentia res saltem concernere creatas, nec pro his eam esse adæquatam. Cæterum inter rationes probantes potissima hæc est, quod notioni virtutis seu potentiæ omnia attributa negativa & positiva, absoluta & relativa, quæ in Scripturis Deo tribuuntur, conveniant, quodque omnibus rebus visibilibus insit aliqua virtus, virtutis illius divinæ existentiam arguens. Spiritus creatus ipsi est virtus supereminens materiæ implantata, quæ ad eandem sub certis limitationibus actuandam per supremam omnium virtutem apta. Unde omnem spiritum creatum materiale sententiam

tentiam nonnullorum Patrum primitivæ Ecclesiæ revocat, qui angelis corpora tenuia attribuerunt, hac maxime ratione commotus, quod Scriptura testetur, omnes angelos corporaliter apparuisse & per proprietates corporeas innotuisse. Jam vero quando religio revelata rei cujusdam naturæ & existentiz certam probationem afferat, missas fieri debere optimas conjecturas Philosophicas, tantoque magis, si nulla de existentia & natura istarum rerum certitudo, nisi ex Scriptura haberi possit. Nec obstare, quod angeli in Scriptura dicantur spirituales: spiritualitatem enim etiam corpori sive materiæ convenire, *1 Cor. XV, 44*, cui tamen non convenit immaterialitas. Facile vero hinc colligimus, quod ex ipsius mente angeli quoque mali sint materiales, quorum materialitatem ulterius inde confirmat, quia ipsis tribuitur motus localis, *2 Petr. II, 4, Job. II*. Atque eam ob causam Diabolum non corporaliter, sed per virtutem spiritualement homines obsidere statuit, quam sententiam ex Scripturis corroborare nititur, quia infirmitates seu morbi dicuntur mali spiritus, *Matth. IX, 18, Luc. IX, 39, Marc. IX, 20*, & Deus Diabolis potentiam malefaciendi permittit, *1 Reg. XXII, 21, Chron. XVIII, 21*, communicando potentiam diabolicam hominibus, *2 Thess. II, 9*. De anima humana dum agit, subjectum cogitationis in homine necessario esse materiam hinc adstruit, quod cogitatio proprietates materiæ essentielles habeat, successionem nempe loci ac temporis, cum uno actu plura simul cogitare non liceat, quæ, si a substantia immateriali esset, non pertransito medio ab uno extremo ad alterum essentialiter pertingente, successionem istiusmodi non admitteret. Est igitur ipsi cogitatio continua idearum in cerebro circulatio seu rotatio: cui sententiæ cogitationum celeritatem minime repugnare ait, quia celeritas, qua lux juxta *Ræmeri* observationes movetur; celeritati cogitationum non cedit. Ex hac cogitationum definitione causam reddit, cur a sensibus ultimo pendeant omnes cogitationes, nec homo ullam rei sensibus nunquam perceptæ ideam sibi formare valeat, nisi rerum perceptarum compositione utatur; cur cogitationes pro lubitu formare nequeamus, utpote inviti, ex. gr. dolorem percipi-

entes; cur morbi vel vulnera cerebrum afficientia, vel causæ aliz in spiritus animales agentes, ibi generari solitos, ex. gr. ebrietas, cogitationes immurent. Modum, quo materia cogitet, ignorari asserit, idque per Dei potentiam fieri affirmat, neque enim absurdum esse in explicandis naturæ phænomenis ad Dei potentiam subinde recurrere. Materiam reliquam habere principium motus in se, non aliter probat, quam quod omnes mutationes, quæ ipsi accidunt, mediante motu contingunt. Provocat tamen simul ad experimenta, quibus confirmatur, duo corpora quiescentia, ex. gr. pulverem coralliorum & oleum vitrioli, invicem permixta motum excitare. Quod si objicias, materiam non posse movere se ipsam, cum mobile a movente distinctum esse debeat; regerit, Immaterialistas idem premere dubium, dum asserunt, animam movere se ipsam. Doctrinas istas contra censuras adversariorum in Epistola prima defensurus in eo est, ut monstret, 1 se veritatem Scripturæ Sacræ contra innovationes Philosophicas & hominum traditiones; 2 justitiam & honorem Dei per præmiorum ac poenarum proportionatam distributionem stabilitam; & 3 articulum fidei haud ultimum de generali judicio extremo contra necessarias doctrinæ Platonice consequentias malas vindicasse.

In Epistola secunda a *Dodwello* & *Clarkio* poscit, ut ante dicant, qualem sibi animæ humanæ notionem formet, quam disputent, utrum sit mortalis, an immortalis. Quod si enim Deus materiam cogitationum capacem reddiderit, quæ ipsius hypothesis est, omnia illorum ratiocinia nulla esse, cum per ordinariam Dei potentiam supereminens virtus materiæ implantata, per quam actus rationis & sensationis se exerunt, non nisi in judicio universali in corpus resuscitatum sit revocanda. Triam autem sibi probanda sumit, nimirum 1 hominem nequaquam per arbitrium Dei immortalem reddi, ut puniatur; 2 unionem divini spiritus baptismalem non esse illam virtutem, quæ homines immortales reddit, sed tantum gratiam conditionalem, quæ ad hoc requiritur, ut immortalitate beatitudinem consequamur; 3 Episcopos non solos esse, qui gratiam istam conditionalem conferre queunt. Primam propositionem quod attinet,

ex Scripturis probat, immortalitatem ad puniendum a justitia divina & delictis admissis petendam esse, ita ut Deus non ex merito arbitrio, sed jure delicti punire dicendus sit, pœnaque affectum iri etiam eos, qui Evangelium non audiverunt, utut eorum pœna tolerabilior futura sit, quam illorum, qui auditum spreverunt. Universalitatem resurrectionis & judicii ex *Joh. V, 28. 29* probat. Circa propositionem secundam monet, per spiritum baptismalem non posse intelligi tertiam divinitatis personam, cum alias quilibet verus Christianus foret *θεῖον πνεῦμα*, sed donum a Spiritu S. in baptismo collatum. Hoc vero donum non novam homini conciliare naturam, sed pro gratia conditionali in ordine ad salvationem æternam procurandam accipiendum esse, ex *Act. II, 38. 45. 47* evincit. Conditionem istam, sub qua nobis salus offertur, perperam vocari Spiritum baptismalem, perperam pro causa immortalitatis haberi, cum alias quoque pœnitentia ac fides spiritus & causa salutis dici deberent. Præterea ex Scriptura deducit, legem divinam esse universalem, ac eos etiam stringere, qui Evangelium non audiverunt, unde pateat, cur judicium extremum sit universale, consequenter & resurrectio mortuorum universalis. Ad tertiam, denique propositionem urget, voces *Sacerdos, Presbyter, Episcopus* in Scripturis sæpe synonymas esse, quæque ex ordinatione jure Divino derivetur, potentiam ab Episcopis quatenus Clericis, non quatenus Episcopis petendam esse, cum tempore Apostolorum per impositionem manuum ordinationem administraverint etiam Presbyteri. Ordinationem itaque non illegitimam censendam, si constitutio civilis ordinandi facultatem omnibus Presbyteris permittat. Nec jure Divino Episcopum eminentioris esse ordinis, quam Presbyterum, sed solo jure Civili, consequenter ad auditorum salutem non requiri, ut Clericus ab Episcopo ordinationem accipiat. Immo vero cum hic cesset jus Divinum, Civile ad lubitum constituisse posse, quid fieri debeat, num scilicet a Presbytero, num ab Episcopo, num a Clerico quocunque ordinatio sit instituenda.

In Epistola denique tertia fragmenta & aniles fabulas Gentilium de statu hominis post mortem recenset, atque phrasas,

quas Scriptura de morte usurpat, expendit: in his vero nihil præsidii pro defendenda communiter recepta de immortalitate animæ doctrina inveniri arbitratur, calculum adjiciens iis, quæ de hoc argumento in Epistola secunda ad *Serenam* docet *Tolandus*, origine notionis animæ vulgo receptæ ac immortalitatis ejus ab *Ægyptiis* derivata. Quodsi ad Moſen atque Eliam Chriſto in monte Thabor apparentes provoces; non Moſis animam, ſed perſonam ante judicium generale reſuſcitatam & glorificatam, apparuiſſe reſpondet, alias enim Moſes fuiſſet inviſibilis, id quod contextui repugnet. Ad confirmandam propriam ſententiam de anima a morte ceſſante & in judicio extremo cum corpore reſuſcitato demum iterum exitura inter alia urget Scripturæ loca, in quibus mortui Dei non recordari, Deum non poſſe laudare dicuntur: urget quoque, quod Scriptura præmi-
orum & pœnarum collationem cum judicio extremo conſtan-
ter connectat. Tandem operam dat, ut oſtendat, ex *Dodwel-
lianis* hypotheſibus praxi Chriſtianismi adverſas fluere conſe-
quentias, ex propria vero nihil talium deduci poſſe.

A DISCOURSE OF THE NECESSITY
and uſefulneſs of the Chriſtian Reve-
lation, &c.

i. e.

*DISCURSUS DE NECESSITATE AC USU REVE-
lationis Chriſtiane ob corruptiones principiorum Religio-
nis naturalis inter Judeos & Gentiles. Autore DA-
NIELE WHITBY, Theol. D. & Cantore
Eccleſiæ Cathedralis Salis-
burienſis.*

Londini, apud J. Churchil, 1705, in 8.

Conſtat plag. 21.

DEmonſtrandi methodum ad res Metaphyſicas tractandas ap-
plicantibus non ignotum, ex Dei hominiſque natura deduci
poſſe, quicquid actionum naturæ humanæ convenientem ac in-
tentioni

tentioni divinæ respondentem directionem concernit. Nec eos fugit, quod solius rationis ductu virium ad istam directionem requisitarum insufficientiam propria culpa contractam in nobis deprehendere valeamus, aut decretum reparationis per Christum, ab æterno factum rationi non æque obvium existat. Emergit, inde revelationis divinæ immediate in utroque Fœdere factæ necessitas. Et cum quidem ante Salvatoris adventum non opus esset, ut ejus persona individualibus characteribus distingueretur, opus vero esset per sapientiam Dei alia longe salutis dispensandæ forma, quam post adventum illius, ut revelationi antiquæ nova in Fœdere novo accederet, prorsus necessarium existebat. Enimvero vel solus titulus monstrat, Autorem Discursus, de quo jam nobis quædam dicenda sunt, ad hæc non attendere, magisque utilitatem, quam necessitatem revelationis Christianæ sibi commonstrandam sumere. Quamobrem omnis ejus tractatio huc redit, quod probare conetur, dari leges naturæ seu principia religionis naturalis, eaque tam a Judæis partim per vanas traditiones, partim per falsas de Deo notiones, partim per obligationum ad omnia secundæ tabulæ præcepta enervationem, quam a Gentilibus partim per erroneas de Deo & actionum moralitate animæque immortalitate opiniones, partim per impunem scelerum ac flagitiorum perpetrationem corrupta fuisse, adeoque, ne amplius veritas sub iniquitatibus detineretur, revelationem Christianam, malis istis omnibus medentem, accedere debuisse. Existentiam legum naturalium probat, tum per testimonia Scripturæ, Act. X, 34 Hebr. XI, 6 Rom. I, & II; tum per rationes a conscientia, ab existentia item quorundam principiorum religionis naturalis, quæ falsis ideis per educationem contractis adscribi nequeant, (qualia sint, quod Deus non negligat eum, qui ad ipsius studio prosequi componi desiderat; quod Deus laudet virtutes, vitia multitudinem uatur &c.) & a principii interni nos in appetendo & averfando dirigentis absentia, cum negatione actionum moraliter bonarum vel malarum connexa, petitas. Corruptionem principiorum religionis naturalis a Judæis & Gentilibus factam quomodo stabiliat, ex antea dictis sine difficultate quivis facile haviolabitur.

AN ESSAY AT THE MECHANISM OF THE
Macrocosm.

h. e.

TENTAMEN DE MECHANISMO MACROCOSMI,
seu dependentia effectuum a suis causis per novam Hypo-
thesin explicata, Philosophiæ moderna ac experimentalis
accommodatam, in qua solvuntur phenomena varia, quo-
rum ratio hætenus dari non potuit, ex. gr. causa as-
signatur gravitationis, motus, reflexio-
nis, refractionis &c.

Londini, apud J. Wale, 1705, 8.

Const. plag. 22.

EGregius libelli titulus Scientiæ naturalis cultores ad ejus le-
 ctionem statim allicit, cumque illius Autor *Conyers Puri-*
 ardua admodum moliatur, dum particulas elementares ad de-
 finitum numerum revocare, antiquam hypothesein Ptolemai-
 cam ab inferis denuo revocare, omnia motus Planetarum phæno-
 mena ex eadem salvare, theorias magni *Newtoni* Physicas pro er-
 roneis declarare, quantitates incommensurabiles proflus perme-
 gare & Mathematicorum in demonstrando fidem labefactare in-
 tendit, libello evoluta, non potest non augeri legendi ardor.
 Quo itaque appareat, quinam votis responderit eventus, præci-
 pua novæ hypotheseos momenta in compendio proponere libet.
 Orditur omnem tractationem a stabilienda Numinis existentia.
 propter frequentem hoc nostro ævo Atheorum inter conterraneos
 suos numerum. Ab existentia entium ad existentiam
 entis æterni concludit. Ens illud esse rationale infert, quod den-
 tur entia rationalia, quæ producere non potuisset, si esset iratio-
 nale. Mundum non esse ab æterno, probat, quia eandem per-
 fectionem ab æterno in æternum non possidet, utpote defectibus
 accidentalibus obnoxius, qualis est insignis illa per diluvium uni-
 versale facta alteratio, non modo ex sacris, sed profanis etiam
 Scriptoribus, *Beroso Chaldeo, Hieromo Agyptio, &c.* manife-
 sta. Urget etiam ad illius existentiam evincendam *Cl. Woodwardi*
 argu-

argumentum a piscibus atque conchis petrefactis & in ipsis montium summitatibus repertis desumptum, simulque exponit, quomodo diluvium contigerit. Cum scilicet per 40 dies & 40 noctes plueret, continuum imbris descensum ex nubibus requisivisse continuum ascensum vaporum ex Oceano. Ex continuo imbre aquam aeri, dumque terræ superficiem lambebat, particulis terreis, salinis, unctuosus & mineralibus permixtam fuisse: unde fermentatio in aqua producta sit, ut in ingens spatium dilataretur. Rarefactam vero per particulas salinas & minerales graviolem redditam, ut arcam vehere posset. Salia hæc ex terra extracta post diluvium eandem sterilem reddidisse, & ab hac sterilitate noxiisque vaporibus ex heterogeneis particularum salinarum ac mineralium mixturis deducit, quod antediluviani longæviores fuerint. Multus est in enarrandis attributis divinis, ostendit imprimis, quod iisdem repugnet necessitatio Adami ad lapsum. Probat, Deum mereri fidem etiam in iis, quæ sunt supra rationem, vel contra eam esse videntur, & Scripturam Sacram ipsius esse verbum. His præmissis, ad ipsam hypothesin explicandam progreditur. Statuit, ex rudi & indigesta mole mundum esse productum, eundemque ex minimis & simplicibus particulis compositum, quæ ex nihilo creatæ, tribus dimensionibus præditæ, impenetrabiles, generationi & corruptioni non obnoxie sint, in diversas tamen species abeant. Talia autem principia nonnisi octo in machina mundi admittit, ætherem, nitrum, ærem, spiritum, oleum, aquam, terram & sal. Prima duo activa, duo postrema passiva pronunciat: aeri naturam intermediam tribuit: reliqua tria pro vinculo unionis reliquarum habet. Per *ætherem* eam intelligit materiam, quæ radiis Solaribus generandis inservit. Esse ætherem materiam evincit, quia radii Solares reflectuntur, refringuntur, antimonio calcinato (id quod *Dickenson & Digby* experti sunt) pondus addunt. Ulterius stabilire nititur, quod æther sit texturæ elasticæ, figuræ globularis, quodque violenta rotatione abripiatur. *Nitrum* ipsi est principium materiale, subtilissimum, quod texturam habeat contractioni aptam, & in alia corpora per condensationem ac refrigerationem agat. Ubi evertere nititur illorum sententiam, qui

frigus pro mera privatione caloris venditant, propterea quod gradus condensationis & frigoris gradibus privationis constanter proportionales non existant, cum ipsa experientia quotannis loquatur, ab æquinoctio autumnali usque ad solstitium brumale, aeris frigus graduatim minime decrescere, nec hieme, particulis æthereis per nubes & nebulam interceptis, major sit frigoris gradus. Frigus igitur ipse a particulis frigorificis repetit, provocans ad sal vel nitrum, quod nivi vel glaciei permixtum aquam contiguam in glaciem transmutat. Nitri particulas esse texturæ elasticæ condensativæ confirmat, quia ipsis oppositæ calorificæ sunt elasticæ dilatativæ. *Aerem* definit, quod sit materia structuram elasticam expansivam habens, sed quæ magis æthere densa & in statu violentæ compressionis. Definitioni fidem facit per experimenta illustri *Boylli*, quæ inter notatu dignum, quod vis elateris vesicam agninam extendentis aeris intra biennium non fuerit imminuta. Per *spiritum* particulas inflammabiles istiusmodi indigitat, quales in spiritu viniprehenduntur. Spiritum illum facile misceri cum aqua, sed difficulter cum nitro vel sale. Esse principium corporum, quod ex particulis homogeneis per univ ersum dispersis consistat, utpote ex omnibus corporibus fermentationis capacibus extrahi solitum. Dispergi potissimum per elementum aquæ, cum quo maximam habeat affinitatem, quod *Boyllius* in bullis intra glaciem aliquid ab aere diversum reperit, utpote intra vacuum non expandendum. *Oleum* vocat principium expansivi elateris incapax, facile tamen inflammabile, cum aqua immiscibile, affinitatem cum spiritu, æthere & terra, reluctantiam cum nitrosis particulis & sale habens. Ad experimentum *Boylli*, quo deprehendit oleum per destillationem, tanquam compositum in alia simpliciora resolvi posse, respondet, ignem non modo habere vim composita dissolvendi, sed & principia componendi, quod vel ex sola vitri formatione pateat. Unde olea non satis pura per destillationem haberi ait. Negat tamen, igni competere vim principia transmutandi, alias enim tam facile massam totam, quam partem ejus aliquam in massam uniformem aliam transmutatum iri. *Aquam* dicit principium densum, vi contractiva præditum, ut solidum æmulari videatur,

tur, inactivum, nec inflammabile, nec cum oleo & sulphure facile miscibile. Principium esse contendit, eo quod transmutari nequeat. *Terram* denique & *Sil*, cum omni vi elastica destituantur, a reliquis principiis nonnisi figura, situ & pondere differre ait. Explicationi principiorum subjungit, quomodo ex iisdem in massa uniformi commixtis textui Mosaico convenienter mundus prodire potuerit. Per firmamentum, quod Moses secundo die creationis a Deo productum pronuntiat, intelligi debere affirmat orbem solidum, in cujus concavitate protuberantiæ referant stellas ejusdem cum orbe substantiæ. Stellas scilicet esse arbitratur corpora solida, imperspicua & speculorum metallicorum instar polita, quæ particulas æthereas reflectant. Systema assumit Ptolemaicum, nisi quod quinque saltem numeret Planetas, cum ♀ & ♂ pro Satellitibus ☉ habeat & Telluri motum vertiginis concedat. Fluidum æthereum, in quo natant Planetæ, continuo rarius ac levius fieri ponit, atque hinc Planetas intra aerem in diversa a centro Telluris distantia locari infert, quia non omnium eadem gravitas specifica. Quoniam, adeo fluidum istud, in quo locantur Planetæ, est gravitati unuscujusque adæquatum, eos nec posse perpendiculariter descendere ob minorem corporis gravitatem, quam orbis; nec ascendere, ob orbem superiorem leviolem. Premere itaque orbem deorsum, qui, cum componatur ex particulis elasticis, contraria pressura sursum resistat, & hanc resistantiam cum aptitudine figuræ Planetarum efficere motum, qui, cum nec sursum, nec deorsum fieri queat, necessario circularis evadat. Inde porro explicat, quomodo totum fluidum æthereum per particulas minores in motum concitatum fuerit, & causam motus vertiginis & declinationis ab Æquatore deducit. Quod motus vertiginis in Planetis reliquis sit major, quam in Sole, majoribus, quæ in ipsorum superficiebus deprehendantur, irregularitatibus adscribendum esse: ab illarum irregularitatum diverso in diversis Planetis posito motus diversitatem pendere: ab irregularitatibus iisdem & motu vertiginis celeriori majorem Planetarum quam Solis declinationem proficisci. Quibus stabilitis, reliqua motus Planetarii phænomena ad causas suas revocare studet. Ne-

gat, ☿ & ♃ a ☉ illuminari, quod per telescopia semper; toti illuminati appareant; Satellites illuminent, quippe prorsus obscurati, si pars ☿ vel ♃ opposita a nobis avertatur, utut Soli obvertatur altera, & phases atque diversam magnitudinem apparentem habentes; interna annuli Saturni superficies semper illuminetur, cum externa Soli nostro opposita tenebris involuta. Suorum itaque Satellitum Soles esse ☿ & ♃ concludit, quemadmodum Sol noster sit Sol suorum Satellitum ♄ & ♀. Influxum siderum adscribit compressioni ætheris ab iisdem factæ & humores in corporibus nostris agitant. Retrogradationes & stationes Planetarum enodaturus supponit, perinde esse, siue penamus Solem moveri circa Tellurem, siue Tellurem moveri circa Solem, & vi hujus suppositi easdem cum Copernicanis stationis & retrogradationis causas assignat. Legem denique *Kepleri*, quod in motu Planetarum quadrata temporum periodorum sint ut cubi distantiarum mediarum, inde stabilit, quod, quo medium rarius, eo motus sit velocior, & quo distantia a movente, Orbe nempe solido fixarum, rarior, eo motus sit celerior. Esse vero pondera Planetarum in ratione distantiarum a centro Terræ. A corporibus cælestibus ad terrestria contemplanda pede promotus, in causam motus Telluris diurni inquirat, eamque in dilatationem aeris per particulas æthereas a ☉ & ☿ impulsas factam conjicit: quemadmodum & fluxum ac refluxum maris a pressura atmosphæræ per præsentiam ☉ & ☿ rarefactæ derivat. Unde erroris arguit *Celeb. Astronomum*, qui aquas terrestres a Luna attrahi affirmat. Impugnat etiam ejusdem *Newtoni* hypothesin de gravitate Planetarum in se invicem, eamque precariam vocat. Disquirat de ascensu Mercurii in Barometro, quem majorem esse pronuntiat tempore sereno, quod tum particula æthereæ superficiem Telluris magis premant, quam si a nubibus interceptantur. Ventos similiter oriri posse affirmat a simplici aeris pressione & ab ejus rarefactione. Immo a virtute rarefaciendi & dilatandi particularum Solarium vegetationem & odorem deducit: ubi multa a *Woodwardo* mutuata, cujus meditationes in Actis nostris mense Febr. A. 1700 relata. Lumen a particulis elasticis a Sole per lineas rectas

rectas impulsis; colorem a modificatione radiorum reflexorum derivat, disputans contra theoriam luminis *Newtonianam*. De refractione dum agit, in multis sequitur *Molyneuxium*, cujus *Dioptricam* mense Januario A. 1693 recensuimus. Phænomena magnetis a particulis nitrosis pendere ait, quatenus a Solaribus iis contrariis impelluntur: a quibus etiam phænomena condensationis, frigoris, nivis, glaciei deducit. Sonum particulis aereis, quatenus elatere gaudent, attribuit: easdem motionibus corporum animatorum & inanimatorum continuandis destinari asserit, quatenus in statu violentæ compressionis existunt. Accelerationem motus corporum descendantium expansioni aeris superioris adscribit. Illud vero mirabile est, quod dari incommensurabilia neget ac omnes quantitates commensurabiles esse pronuntiet, modo inveniatur ea pars, quæ utramque metiatur. Sic ex. gr. certum est, posito latere Quadrati 1, Diagonalem fore $\sqrt{2}$, consequenter supposita hac unitate, latus Quadrati Diagonali incommensurabile existit. Noster vero arbitratur, incommensurabilitatem tantummodo ab incommoda unitate assumpta pendere. Dari enim omnino partem aliquam, quæ & latus Quadrati & Diagonalem metiatur: qua pro unitate assumpta, latus Diagonali commensurabile existet. Equidem negari non potest, si quis cum *Sturmio* (cujus in *Mathesi Enumerata* demonstrationes sæpiissime insufficientes existunt) exinde incommensurabilitatem inferat, quod, assumpto latere pro unitate, Diagonalis sit $\sqrt{2}$, incommensurabilitatem nondum sufficienter comprobata esse: habet tamen *Euclides*, habent *Geometrae* alii demonstrationes alias, in quibus nihil desideres. Immo si *Sturmio* evicisset, quantitates, quæ sunt ut 1 ad $\sqrt{2}$, esse incommensurabiles, ipsius demonstratio dubium Nostro omnium optime eximere poterat. Etenim si datur aliqua pars, quæ sit mensura communis lateris & Diagonalis, necesse est, ut detur aliquis numerus, per quem multiplicata $\sqrt{2}$ rationalis evadit. Ex *Arithmetica* vero irrationalium patet, numeri hujus hanc esse debere conditionem, ut duplum quadrati ipsius sit quoque numerus quadratus. Talem numerum impossibi-

lem vulgaris Arithmetica demonstrat. Ex ea enim constat, omnes numeros quadratos terminari in 1, 4, 9, 6, 5, 00. Horum vero numerorum dupli 2, 8, 18, 24, 30 non sunt terminationes numerorum quadratorum. Et licet duplus ipsius 5 sit 10, impossibile tamen est, ut nota subsequens similiter cyphra evadat, quia nullus numeri duplus est 9. Nec porro excipere datur, quod mensura communis numerus aliquis ex articulis esse possit, ut adeo ejus quadratum in 00 cyphras desinat, in quas etiam terminari debet ejus duplum: quia cyphris resectis ex numero quadrato, qui relinquuntur, numeri quadratum similiter efficiunt. Illud denique monendum, quod Auctor integrum opus nondum absolverit; sed plura adhuc ad complendum Physicæ systema integrum ab eo expectentur.

*HISTORIÆ CONTROVERSIARUM DE DIVINE
Gratiae Auxiliis sub summis Pontificibus Sixto V, Clemente VIII & Paulo V libri sex, quibus demonstrantur ac refelluntur errores & imposturae innumerae, quae in Historia Congregationum de Auxiliis, edita sub nomine Augustini le Blanc, notata sunt, & refutantur Acta omnium earundem Congregationum, quae sub nomine F. Thomae de Lemos prodierunt. Autore THEODORO
ELEUTHERIO, Theologo.*

Antverpiæ, typis Petri Jacobs, 1705, in fol.
Alphab. 10.

Octavus nunc agitur annus, ex quo *Historia congregationum de auxiliis divinae gratiae sub summis Pontificibus Clemente VIII & Paulo V*, libris quatuor comprehensa, auctore Augustino le Blanc, quo nomine virum celeberrimum Serri, ordinis Dominicanorum adscriptum, tegi constat, publicam adipexit lucem. Cujus libri summam cum more nostro, ab omni partium studio prorsus alieni referremus mense Decembri A. 1700 pag. 337. animus facile augurabatur, novis cum acerrimisque contentionibus suppeditaturum occasionem. Immedicabile namque vulnus

vulnus causæ ordinis Jesuitarum, quam contra Dominicanos jampridem acriter tuentur, infligere videbatur, illisque, ni sibi deesse plane vellent, respondendi necesse imponere. Insigni enim eruditionis adparatu magnæque similitudinis specie scripta hæc Historia Lectorem facile ad partes Dominicanorum trahebat, simulque Jesuitici ordinis exiltimationem in magnum adducebat periculum. Nec vanam istam nostram aliorumque fuisse hac de re opinionem, eventus docuit. Primo quidem levioribus quibusdam velitationibus res acta, cum tempus requireretur ad colligendas copias integramque instruendam aciem, qua robur hostium prosterneretur. Namque mox comparuit liber, titulum gerens: *Questions importantes*, Historiæ huic congregationum de auxiliis gratiæ oppositus, cujus impetum frangendum in se suscepit Auctor libri: *Histoire des congregations de auxiliis justifiée contre l'Auteur des Questions importantes*, Lovanii, anno MDCCII. Alium mox expertus adversarium, auctorem libri: *Errata de l'Histoire des congregations de auxiliis, composée par l'Abbé le Blanc, & condamnée par l'Inquisition generale d'Espagne*, quippe cui etiam refutationem responsi ad librum, *Questions importantes* dictum, subjunxit Leodii, eodem anno MDCCII. Sed jam antea querelam contra Historiam hancce congregationum moverat Carolus Caspar Mentzerius, Academia Trevirensis Syndicus. Namque non satis honorifice in Historia congregationum de Academia & Moguntina & Trevirensi sensisse videbatur Augustinus le Blanc. Utriusque enim Academiae judicio cum Jesuitæ causam suam tuerentur, auctoritatem earum ut elevarer. Auctor, *obscuri nominis Academies* vocavit, in quibus non triduo, ut de causarum patronis agebat Tullius, sed uno mane Doctores Theologi fabricantur. Hinc querela Mentzerii; cui Auctoris Historiæ congregationum de auxiliis defensio, acris satis, opposita, Lovanii anno MDCC I prodiit. His aliisque levioris momenti scriptis, quorum forte paucissima ad nos pervenere, cum causa ista hætenus agitata esset, tandem majores copias in aciem produxit, immo integrum velut instruxit exercitum operis hujus, cujus exemplar Cl. Viro, Conrado Janningio debemus, Auctor doctissimus, qui sub nomine Theodori Eleutherii latitare voluit. Nos instituti nostri

nostri memores, præcipua quædam attingemus momenta, ne ignoret Lector, quæ demum in ista viros doctos arment prælia causæ. Non autem est, ut quædam nos odio quidquam aut amoris duros, cum ad nos non spectent certamina: eruditionis autem atque ingenii præstantissimi laudem *Eleutherio*, nec ipsius ejus, ut putamus, invitis adversariis, tribuamus. Namque hoc res ipsa docet, & dicendi quoque genus elegans, comptum, vegetum, argumentum, quod tractat, accommodatum satis superque comprobatur.

Occasionem necessitatemque scribendi primo edisserit *Eleutherius*. Primam, qua ad respondendum Historiæ Augustini le Blanc impulsus fuerit, rationem producit, rerum ab ipso narratarum falsitatem, audaciamque Auctoris, qua quolibet ad confutationem operis sui non provocaverit solum, verum etiam irritaverit. Alterum, permultorum ad Historiam Augustini le Blanc allaborantium studium, jam ab annis pluribus inchoatum, ut hoc opus non unius hominis partus sit, sed multorum foetus, communi, ut loquitur, factionis Jansenisticæ conspiratione conceptus & natus. Atque hoc est, quod pluribus Auctor in Præfatione sibi probandum sumit, non unum Historiæ congregationum esse Auctorem, sed præter Augustinum le Blanc, seu Serrium, Paschasium Quesnellium ad eam plurimum contulisse, Serrium præterea a partibus Jansenianis non esse alienum. Quod licet ad invidiam Serrio confidam, comparatum esse videtur, argumenta tamen, quibus suam adstruat sententiam, haud contemnenda profert, multaque lectum non indigna admiscet, & quæ historiam arcanam controversiarum Jansenisticarum recentiorum illustrent. Etenim cum Paschasius Quesnel & Gabriel Gerberon (quæ præcipua factionis Jansenianæ capita vocat) Bruxellis Regio jussu comprehenduntur, ex scriptis eorum, ingenti mole ea occasione interceptis, ex quibus Baianismi & Jansenismi convicti, & publica judicii sententia condemnati sint, etiam hoc constituisse, perficiendo poliendoque operi Augustini le Blanc a variis in Italia, Gallia, Belgio diu multumque laboratum. Speciatim ex literis illis in Quesnelli scriniis repertis constare, Augustinum le Blanc anno

anno M DC XCVIII historiam suam prælo jam maturam ad virum sui ordinis religiosum R. P. Norbertum del Becque Roma in Belgium misisse, quod non placerent typi Romani: Norbertum procudendi operis curam Patrichasius Quesnello demandasse, quem virum Iprensis Augustini discipuli post mortem Arnaldi priorem ordinis sui dignissimum agnoscant & venerentur. Motus varios ac graves hoc factum excitasse observat, hinc gaudii, hinc timoris. Gavisos magnopere Jansenistas, qui inde ingens causæ suæ pollicebantur præsidium. Suspensum contra sollicitumque hæc res reddebat Augustinum le Blanc, incertum, quantum fidei Quesnelli, cui se inscio librum Norbertus commiserat,tribuendum esset. Hæc dum Auctor edisserit, *clavis Jansenistica* injicit mentionem, ex qua ficta nomina intelliguntur illorum, qui causam Jansenisticam pro viribus promoveri in se susceperunt. In ea Quesnellum nomine *de Fresne*, alios aliis insigniri observat. Tandem Serrium, de fide Quesnelli certio rem redditum, lubenter passum esse, ut in laboris societatem veniret, immo ipsius arbitrio relicta pleraque, qui & Approbatorum judicia pro lubitu partim mutarit, partim poliverit. Hinc cum binos historiæ hujus Scriptores comperisset Auctor; dubium se habuisse profitetur, an fabulæ, imposturæ, calumniæ, stilusque virulentus Quesnelli calamo adscribenda sint, an Augustini le Blanc? Priori cum ingens odium erga societatem Jesuiticam objecisset, & posteriori consensum cum factione Jansenistica, concludit: *Utri ergo vestrum tot mendaciorum, tot calumniarum gloria competat, non est facile assequi. Mibi de hac re divinare non lubet. Unusquisque vestrum vindicet sibi, quod suum est, & spolia ampla dividite inter vos.* Sed ne sine causa initi cum Jansenistis fœderis reum agere Augustinum le Blanc videatur, hoc ex ipsis ejus litteris, in scriniis Quesnelli repertis, comprobat. Notissima omnibus est controversia de *questione facti*, ad quam nostra ætate ceu ad centrum quoddam tota controversia Jansenistica rediit. Notus quoque omnibus est *casus iste conscientie* celeberrimus, ad causæ Jansenianæ præsidium aliquod conciliandum Facultati Theologicæ Parisiensi oblatus, & a nonnullis infelici eventu approbatus, sed acri & severa censura idem no-

tatus damnatusque. De ista damnatione producit *Eleutherius* Serrii ad Quesnellum litteras, in quibus eum condocet, condemnationem Romanam Resolutionis casus conscientiae non pertinere ad factum Jansenii, latam autem esse, quia continuo resuscitarentur lites, quas alto Roma optaret consopiri silentio, tum & quod Censura Translationis Montensis, & Rituale Aletense negligenter, ponerenturque in minimis. Nec solum ex Dominicanis Serrium blandiri Jansenistis, illisque caput demulcere; esse & alios ejusdem criminis reos. Hos inter nominat celebrem admodum Virum, Natalem Alexandrum, cujus ad Arnaldum Josephum de Brigode, quem nuper post ejuratum Bajanismum & Jansenismum liberum e captivitate dimissum memorat, profert litteras, in quibus Jansenistas non tantum veros S. Augustini discipulos, & doctrinae sanae defensores vocat, sed operam quoque suam, quantum potest, illis devoret. Idem quoque comprobatur exemplo Norberti del Becque; cujus jam antea a nobis injecta mentio. Hunc Romae scriptum aliquod refutandum suscepisse, quo Jansenii asseclae graviter pungebantur. Immo Wallono, factionis Jansenianae in Urbe curatori, illud discutiendum obtulisse, & ad ejus mentem sententiamque se accommodasse, adeo ut deleri permetteret, quod scripserat: Christum etiam pro reprobis mortuum esse. Hoc ex litteris Walloni ad Quesnellum luculenter probat. Cum vero nonnulli causam Jansenisticam aperte nimis proderent, quos inter, teste Auctore, Aegidius de Witte & Gabriel Gerberon praecipui fuere, Norbertum male res ista habuit, qui variis litteris, quantopere inconsulta istorum hominum libertas causae communio noceret, quantamque ideo animo concepisset indignationem, testatus est. Ideoque & a suis refutari haec scripta voluit, ne iratam omnes sibi haberent aulam Romanam. Atque ex hisce aliisque ejusdem generis documentis constare, quam propenso Dominicani in Jansenistas sint animo. Ut autem amicitia collatae mutuo beneficiis alitur, ita & Jansenistas non unum beneficentiae suae erga Dominicanos extare voluisse monumentum. Exemplo esse libellum istum Gallicum, titulo *Historia de auxiliis synopsis*, ab Arnaldo celebri illo Jansenistarum defensore, immo

immo sectæ suæ capite, uti ferunt, scriptum. Hunc etsi totum ex fabulis confutum, magno tamen cum plausu ab æmulis Jesuitarum exceptum. Crescente per immunitatem audacia insudatum fuisse communibus studiis in historiam ampliorem, quæ tandem sub nomine Augustini le Blanc prodierit. Historia hacce quaquaversum vulgata & variis Jansenistarum libellis mirifice commendata, mox in lucem producta fuisse *Acta Lemosii*, Reverendissimo Patri Generali totique ordini Dominicano dicata, præmissa Præfatione magnifica, quam Lectoris judicio relinquit Auctor. *Actorum* horum *Lemosii*, ex quibus maximum causæ suæ præsidium contra Jesuitas petant Dominicani, editorem fuisse Theodoricum de Viaixnes, Benedictinum Galum, congregationis S. Valtoni, virum Jansenio devotissimum, ac jubente Rege Galliarum eam ob causam in custodiam detrusum. Quæ operis hujus fuerint fata, hac occasione Noster prolixius edisserit, & productis ipsius Theodorici ad Brigodium litteris, confirmat. Et hinc demum concludit, constare aperte, quantopere Jansenistæ, correctis & editis Dominicanorum seu Thomistarum libris, illorum gratiam captent. Hisce vero accedere adhuc aliud volumen, jampridem quidem impressum, sed hætenus occultatum, cujus auctorem Reginaldum dicant, quod manuscriptum a patre Dominicano submissum fuerit Arnaldo, a cujus habitu cesserit Quesnello, jamque initio anni MDCC II typothetas operi huic insudasse. Denique in famosa ista causa Sinensi cum Dominicanis conspirasse in Jesuitas Jansenistas; id quod ex litteris Walloni ad Quesnellum comprobatur, in quibus profitetur, se denuo scripta composuisse pro *D. Barlon*, quo nomine in clavi Jansenistica veniat D. Charmot, machinator in causa Sinensi præcipuus. Quantumvis autem magna Jansenistarum in Dominicanos videatur propensio, omnem tamen eam amicitiam simulatam esse, Noster contendit. Quos enim palam laudent, clam inter se ridere atque contemnere. Hoc iterum litterarum a Jansenistis aut illorum fautoribus scriptarum comprobatur documentis. Inter reliquos Wallonus ad Quesnellum scripserat: *Baccalaurei* (quo nomine in clave Jansenistica Dominicani veniunt) *sunt miseri homines*, (*sont de pauvres*

pres gens.) Hoc nimirum Jansenistas amicitia suæ pretium exigere, ut nihil palam proloquantur confederati ipsorum, nihil scribant, quod doctrinæ Jansenicæ ejusdemque confectariis vel tantillum adversetur. Id si fiat, bilem etiam in Thomistas eos non continere, ut adeo cyclopica sit hæc amicitia, quam Ulysses apud Homerum a Polyphemo sit expertus. In Jansenistas hic aenter iterum insurgit Noster, quos in mentiendi tam audaces esse pronuntiat, ut imposturas suas (Auctoris verba referimus) gravissimorum virorum commentitia auctoritate munire non dubitent. Id quod recentiori quodam exemplo comprobatur. Auctor libri: *Histoire generale de Jansenisme*, (quem Gabrielem Gerberonem, antea jam nobis memoratum esse, ex verbis Auctoris colligas) narrat, Episcopum Antverpiensem, Reginaldum Cools in colloquio aliquando dixisse: *doctrinam Jesuitarum sua sententia Ecclesia esse perniciosam, Jesuitas autem ipsos esse præcursores Antchristi*. At ex testimonio veritatis, quod Reginaldus anno M DCC I promulgaverat, quodque integrum hic subjicit, patere, per meram calumniam istud effatum Episcopo huic esse fictum. Hinc aliis subjectis Jansenistarum litteris demonstratur, id unice in votis habere Jansenistas, ut Thomistica non minus, quam Jesuitica doctrina proscribatur. Simul ut ostendat Auctor, quam indecorum sit Dominicanis, tam arctam cum Jansenistis alere amicitiam, decretum affert Humberti Guilielmi Archi-Episcopi Mechliniensis, quo Paschasii Quesnelli doctrinam, qua Baii & Jansenii errores renovasse dicitur, condemnavit. Malam quoque Quesnelli ex instituto accusat fidem, quod multa, quæ falsissima esse sciverit, Historiæ tamen de auxiliis inseruerit. Quibus ita prolixè explicatis, vanos prætextus explodit, quibus Augustinus le Blanc provocatum se fingat, ad scribendum stylo mordacioni Historiam de auxiliis. Cumque inter alia asserat, se provocatum diuque laceffitum æmulorum procacitate, figmentis, fabulis, quibus in ista auxiliorum Historia victoriam sibi pro clade adscriperint, adeoque jure a se usurpatum existimet, quod Job. XI, 3. legitur: *tibi soli tacebunt homines? & cum ceteros irriseris, a nemine confutaberis?* incaute Zopharis Naamathitz eum hoc ipso assumisse personam observat Eleutherius, qui ista verba imprudenter

denter contra Jobum, sanctissimum virum fuerit elocutus, quemque Jobus *cap. XIII* inter *fabricatores mendacii* numeret addatque: *atque utinam taceretis, ut putaremini sapientes!* Ad rem ipsam quod attinet, Societatis Jesu Theologos nihil aliud egisse contendit, quam quod justæ defensionis ratio postulat, cum Dominicani non desierint illis objectare cladem in hoc certamine acceptam, bullamque circumtulerint, emendicato Pauli V nomine inscriptam, quam Paulo V Pontifici tribuendam merito negaverint Jesuitæ. De parergis & digressionibus, Historiæ ab Augustino le Blanc insertis, dum agit Noster, inter alia refellit, quæ ille de Roberto Bellarmino Cardinale retulerat; in congregatione scilicet Rituum, cum quaereretur, an in beatorum numerum referendus esset, unam consultorum omnium, excepto uno, eoque Dominicani ordinis Professore, fuisse sententiam *de heroicis Bellarmini virtutibus non constare*. Namque ex Registris congregationis Rituum docet, sexdecim ex consultoribus censuisse, constare de virtutibus, & tres duntaxat, non constare: ex Cardinalibus decem dixisse, non constare, & unum censuisse, expectandum. Vocata hinc codicum manuscriptorum, quibus historia Blanciana nititur, in dubium fide & auctoritate, explosisque argumentis, quibus le Blanc fidem promereri contendit *Acta Lemosi, Pegna, &c.* ordinem a se in hac Historia servatum Auctor exponit, & de instrumentis, ex quibus rerum narratarum fides adstruitur, verba facit; & hæc omnia prolixa ista & erudita, quam operi præmisit, Præfatione complectitur. Jam ut ad opus ipsum accedamus, in primo ejus Libro controversiarum origo detegitur, & qua occasione turbæ Belgicæ ortæ, quave auctoritate compositi fuerint, exponitur. Originem vero earum ab infauſta quorundam ordinis Dominici erga Societatem Jesu recens enatam æmulatione arcessit. Nec omnes tamen Dominicanos, aut totum ordinem hujus criminis reum agit, ex quo nonnulli insigni amore Societatem Jesu persecuti fuerint. Inter primos & Principes, qui novam Jesuitarum Societatem ægre tulerint, nominat Melchiorem Canum, apud Salmanticenses Theologiæ Professore longe celeberrimum. Hunc, cum anno M DXLVIII missus ab Ignatio Michael Turrianus cum tribus sociis Salmanticam venisset, in

eos totamque Societatem magna acerbitate debacchatum, admonuisse populum, cavere sibi ab Anti-Christo, cujus emissarii jam Salmanticæ versarentur. Cani exemplum cum & alii ex eodem ordine sequerentur, Franciscum Romæum, ordinis Dominici Magistrum generalem, edito atque transmissio ad suos mandato gravissimo, ferociam illorum repressisse. Quo non obstante, perrexisse Melchiorem Canum in suo instituto, immo acrius in Jesuitarum insurrexisse Societatem, quod Dominicus quoque Soto fecerit, & ex Cani discipulis Jacobus Peredus, Abulæ Theologiæ Professor, aliique. Vanam itaque eam esse controversiæ de auxiliis gratiæ originem, quam Augustinus le Blanc tradit, hinc colligit Noster, quod scilicet, mortuo Ignatio, Societatis Jesu Theologi, legum a Magistro Societatisque suæ conditore sibi latarum parum memores, a doctrina Thomæ Aquinatis discesserint. Quam sententiam prolixè refellit, idque ea ratione, ut primo exponat, quibus conditionibus Ignatius Lojola Thomam Theologis Societatis prælegendum decreverit, quasque de hac re leges ipse tulerit, tum ut documentis firmis demonstraret, latas a fundatore leges nec Societatem deinde unquam nec Præpositos generales ullo in apice infregisse, sed ex Ignatii spiritu doctrinam hausisse omnem. Anno M DLXXXVII enata est in Belgio celebris illa controversia inter Facultatem Theologiæ Lovaniensem & Leonhardum Lessium, Societati Jesu addictum, qua ad certamina de auxiliis gratiæ velut signum aliquod sublatum. Hanc in compendio ita enarrat Noster, ut culpam omnem in Michaellem Baium conjiciat. Hujus enim cum multis propositiones, ut hæreticæ, erroneæ, suspectæ &c. a Pio V & Gregorio XIII Pontificibus damnatæ essent, Academiam, instigante Bajo, cui plurimi favebant, scripta Jesuitarum diligenter excussisse, si quid rursus & in iis erronei invenirent. Ex Lessii itaque & Hamelii, qui erant præcipui inter Societatis Jesu Theologos, scriptis triginta propositiones censura notatas, ex quibus una fuerit de gratia sufficiente. Hanc censuram mox excepisse alteram Academiæ Duacensis, quæ Lovaniensis filia est: utramque autem sollicitasse Facultatem Parisiensem, ut idem faceret, sed frustra. Immo multos eosque gravissimos in Belgio

Belgio Theologos censuram istam Lovaniensem, ut iniquam, rejecisse. Lessium etiam propositiones istas atro notatas lapillo judicio Pontificis Sixti V submisisse, qui convocato Cardinalium cœtu post accuratam discussionem omnes istas propositiones, ceu articulos sanam doctrinam continentes, approbaverit. Hæc primum in compendio hac de re ex Isaaci Haberti Episcopi Vabrensis & Doctoris Sorbonnici *Defensione fidei* Eleutherius, quæ ipsius Lessii testimoniis, quæ ne suspecta sint, aliorum de ejus integritate elogia præmittit, pluribus confirmat, totam controversiæ hujus historiam ex Lessii Diario fuse exponens. Ingentes sane in Belgio motus Lovaniensis illa controversia dedit, quorum hic tandem finis fuit, ut utrique parti silentium imponeretur. Ipsum Nuntii Apostolici edictum, quo sub pœna excommunicationis vetuit, ne quis alteram partem erroris damnaret, exhibet Autor ex Diario Lessii, ex quo & subjicit, per istud edictum duplici ratione censuram Lovaniensem tacite damnari: primo, dum Lessii propositiones iterum *sane doctrinæ articulos* vocat, deinde, quia excommunicationis pœnam denuntiat illis, qui propositiones istas essent damnaturi, & Jesuitis libertatem eas docendi relinquit. Cumque non Lovaniensium sed Jesuitarum propositiones censura notatæ essent, palam inde fieri, in Jesuitarum favorem hocce edictum conditum, etsi ceteroquin utriusque partis sententia in eo adprobetur.

Ceterum motuum horum Lovaniensium cum auctorem præcipuum Michaelem Baium, ut jam antea diximus, pronuntiasset Noster, gesta ejus ante editam censuram Lovaniensem exponere operæ pretium duxit. Nimirum doctrinam in censura Lovaniensi comprehensam & doctrinæ Jesuitarum adversam a Joanne Hesselio, a Lovanio dicto, excogitatam primum, a Michaele Bajo acriter strenueque fuisse propugnatam. Mox in errore de gratia & libero arbitrio deprehensum Bajum censuram Sorbonnæ incurrisse, a qua sententiis ejus erroris & hærescos nota inusta anno MDLX. Nihil hac re permotum Bajum in suo perrexisse instituto, donec Pius tandem V Pontifex constitutione edita anno MDLXVII varias Baji propositiones proscriberet, injuncta Granvellano Cardinali cura, ut Bajum ad obsequium manda-

mandato Pontificis præstandum induceret. Sed turbato per motus civiles eo tempore Belgii statu, non licuisse Granvellano componendis scholæ jurgiis vacare. Eundem tamen scriptis Roma anno M D LXVII litteris prolixis ad Maximilianum Morillonium, Præpositum Ariensem, suumque in Archiepiscopatu Mechliniensi vicarium, rem omnem exposuisse, de pertinaciâ Bajæ graviter conquestum esse, simulque ei demandasse provinciam, ut omni humanitate & prudentia induceret Bajum ad acquiescendum Pii V censuræ Pontificiæ. At Morillonium, quoque parum profecisse, Bajo tam pertinaciter sua defendente, ut, scripta Apologia ad Pontificem, cum dispicere juberet, utrum bullam ut legitimam & sufficienter discussam habere vellet, an tanquam subreptitiam rescindere? Quibus compertis cum Gregorius XIII anno M D LXXIX novam constitutionem ederet, a Pio editam revocaturus, simulque Franciscum Toletum, e Soc. Jesu Theologum, ad Bajum mitteret, hunc tandem victas dedisse manus, temereque orsa retexendo morem gessisse Pontifici. Interim non dubitasse Bajanos, numero jam & auctoritate florentes, cum viderent Toletum a Pontifice missum, quin Jesuitarum opera & consilio Gregorius Pontifex telum istud in ipsos strinxisset. Hinc illorum in Jesuitas machinationes, quæ hisce certaminibus originem præbuerint, Quibus expositis, ea, quæ Augustinus le Blanc hac de re dixerat, sub examen revocat, refellens præcipue illud, quod asseruit: illam Bajo fuisse calumniam, dum aliquot ejus propositiones a Pio V Pontifice damnatæ fuerunt.

Compositis Pontificis auctoritate Lovanii rebus, spes paræ evanuit, novis in Academia Duacensi ortis turbis. Harum auctores Societatis Jesu Professores fert Augustinus le Blanc, negat Eleutherius, originemque mali iterum ab invidia illorum, qui incrementa Societatis Jesu & auditorum ad ejus scholas concursum ægre ferebant, repetit. Nec tamen diffiterur in doctrina de gratia & prædestinatione eos dissensisse a Doctoribus quibusdam Duacensibus, easque discipulis tradidisse sententias, quas illi necdum obliti, ut putat, censuræ suæ, pertinaciter fastidiverint. Qua in re neutiquam peccaverint Jesu.

Jesuitæ, cum per decretum Pontificis in causa Lovaniensi hoc illis facere non fuerit nefas. Atque ita porro controversiam istam Duacensem prolixè enarrando Jesuitarum innocentiam tuetur, & plurimas Augustini le Blanc aberrationes & hallucinationes, quas vocat, refellit. Immo non tantum nihil veri, sed ne verosimile quidem in tota hac Historia eum scripsisse, diserte pronuntiat. Sic, ut unicum exemplum addamus, Atrebatensem & Tornacensem Episcopos, indicto Jesuitis silentio, Academiæ censura standum judicasse, donec controversa dogmata dijudicasset Romanus Pontifex, refert le Blanc. Falsum hoc esse, & Episcopis injuriosum, pronuntiat *Eleutherius*. Nullo enim instrumento ostendi posse, Atrebatensem & Tornacensem Præsules hoc fecisse: immo nec facere potuisse, nisi decreto Pontificio in causa Lovaniensi reluctari voluissent. Multo autem minus concedit Auctor, censuras Belgicas Romæ sub Innocentio XI & XII fuisse adprobatas: immo hoc est, quod per aliquot capita diligenter sibi refutandum sumpsit. Male quoque audiverant Augustino le Blanc, qui censuræ Belgicæ approbationem in dubium vocaverant, quorum famam cum vindicasset, tandem disquirat, quo jure le Blanc Societatis Jesu Patres *veteres Academiarum osiores* dixerit? ubi & respondet ad judicium illud de Academiis Germanicis, speciatim *Moguntina & Trevirensi*, exemplisque probat, has Academias, si quandoque a partibus Dominicanorum stare visæ fuerint, laudibus in cœlum ab illis fuisse sublatas. Et hæc quidem Libro primo edisseruntur; quæ secundo continentur, proximo Mense referemus.

*HENNINGI HAMELII, BRUNSVICENSIS, JCTI
Clarissimi, Repetitio ad solennem Titulum Institutio-
num Justinianearum de Actionibus.*

Gvelferbyti, impensis Gothofredi Freytagii, 1707, in 4to.

Alph. 3 plag. 18.

Operis hujus facienda est mentio, ob novam saltem editionem, nam alias dudum illud impressum est, ut in ejus contenta digredi institutum nostrum non permittat. Nova hæc Editio eo potissimum nomine commendatur, quod, rejectis

Bb b

antiquis

antiquis, novis ac usitatissimis libellandi & supplicandi formulis sit adornata, ac quamplurimis locis, præsertim ubi jura novissima & praxis moderna a veteri tam Civili quam Saxonico jure, discesserunt, aucta & correctæ. Neque veretur Bibliopola, ne, existentibus neotericorum maximi nominis JCorum, puta Excellentissimi Dn. Strykii, Magnifici Dn. Schwendendörfferi, Subtilissimi Dn. Bergeri & aliorum, qui Actiones forenses accuratiori stylo & ordine in lucem emiserunt, relictis scriptis, plerique laborem hunc frustraneum & summis male impensos esse dicant, cum, ut ipse censet, Magistris experientia & doctrina præstantibus discipuli non statim præferendi, ac in rebus forensibus non magis ex scriptis novissimis quis se erudire, quam ex antiquorum libris, solidam haurire queat experientiam.

FUNDAMENTA JURIS CANONICI, IN NUCLEO exhibita, & juxta ordinem Decretalium adornata. Auctore JUSTO CHRISTOPHORO WILLERDINGIO, J. U. L. & Practico.

Francofurti & Lipsiæ, sumtibus Ludolphi Henrici Hauensteinii, Bibliopolæ Hannoverani, 1707, in 8vo.

Plag. 21.

Magnum Commentariorum & Systematum juris Canonici esse quidem numerum, aut Compendiorum, quæ concinna quadam brevitate & facili methodo elementa hujus juris exhibeant, aliquam penuriam, contendit Clarissimus Auctor, cum præter Corvinum Desseliumque, sæpe tam in methodo, quam re ipsa deficientes, neminem fere hujus generis Scriptorem habeamus. Cum tamen ob autoritatem, qua etiam inter Protestantibus hodie pollet jus Canonicum, ejus cognitio sit necessaria, hinc non inutilem se præstiturum esse operam existimavit, si fundamenta illius in nucleo exhiberet. Concinnatum est hoc Opusculum juxta ordinem Decretalium, ita quidem, ut singulorum Titulorum argumento breviter exhibito, differentiarum juris Civilis & Canonici hinc inde subnecterentur. Hoc dum diximus, materia & ordo hujus Compendii summam intelligitur, ut scriptio-
nis

nis indoles nonnullis saltem exemplis breviter adhuc declaranda videatur. In *lib. I tit. 21* agitur de bigamis non ordinandis : ostendit igitur Clarissimus Autor, bigamiam esse vel simultaneam, vel successivam : illam vel veram, cum quis uno tempore duas ducit uxores, vel fictam, nempe si is, qui sacris initiatus ordinibus, conjugium cum Christo contraxit, nihilominus carnale conjugium de facto contrahat, quod sub pœna irregularitatis sit prohibitum. Successivam vero esse, quando quis non uno tempore, sed successive duas uxores ducit. His præsuppositis, amplius docet, bigamum sensu juris Canonici esse, qui secundas nuptias legitime contraxerit, aut qui repudiatam, aut viduam duxerit, atque ita irregularitatem sibi conciliaverit, nisi a Pontifice dispensatum fuerit. Qui autem multas habuit concubinas, irregularitatem non incurrit, si pœnitentiam egit, uti nec is, qui ab altero quidem ductam, sed non cognitam, duxit in uxorem. In *tit. 34* de Treuga & Pace disseritur : explicato itaque Treugæ nomine, monet Noster, olim in Germania & Gallia varii generis causas, etiam ecclesiasticas, singulari duello fuisse commissas, datis ab utraque parte Campionibus sive bellatoribus, ex quo *Kampffliche Sachen*, & ordinatio des *Kampff-Gerichts* innotuerint, præterea diffidationes privatas maxime in usu fuisse. Reprimendo pessimo huic mori, cum alii, tum etiam Episcopi, ex doctrina Nostri, incubuerunt, constitutis certis temporibus, quibus propter timorem Dei nemo vindictam ab inimico sumere poterat, hinc extitit *Treuga Domini*, cui *conventionalis*, & *legalis secularis* opponitur. Notat igitur Treuga inducias sive pacem temporariam, sicut Pax treugam perpetuam, inimicitiiis sine penitus imposito. In *lib. II tit. 35* summarie Pactorum expositioni has subjungit Noster differentias : Jure civili ex pacto nudo non datur actio, bene vero jure Canonico : illo pactum, quo hæreditati paternæ renunciatur, est invalidum, hoc autem valet.

L' ART DE SUCCER LES PLAIES SANS SE
servir de la bouche d' un homme, par le Sr.
DOMINIQUE ANEL.

DOMINICI ANELLI, CHIRURGI MAJORIS LEGIO-
nis Loricarum Comititis de Gronsfeld, bujusque or-
dinarii, Ars fugendi vulnera absque oris
humani ope.

Amstelodami, apud Franciscum van der Plaats, 1707, in 8.
 const. 5 $\frac{1}{2}$ plag. & figuris aeneis.

Ars ex fugendi sanguinem ex vulneribus apud quosdam tam
 am commendare non dubitent; aliis vicissim tanto est odio, ut
 nullibi eam admittendam esse existiment. Medium tenet Au-
 tor noster, qui nec in omnibus, nec in nullis vulneribus ei
 locum concedit. Exfugi enim ex illis sanguinem vel pus posse
 statuit, quæ suris, femoribus, lumbis, scapulis, brachiis sunt in-
 flicta, & si instrumentum vulnerans vasa majora arteriarum, ve-
 narum, vel nervorum non transierit, aut ubi pectus vulneratum,
 vel thorax transfossus est. Exulare vero eandem jubet suctionem
 in vulneribus antiquis, cum contusione, magna substantiæ
 deperditione, ossis fractura, punctura nervorum vel tendinum,
 arteriarum vel venarum majorum læsione conjunctis, & in vul-
 neribus capitis duram matrem vel ipsum cerebrum penetranti-
 bus, ad abdominis cavitatem adactis, & imprimis si intestina,
 ventriculus, vesica, vel quodcunque aliud viscus insimul læsum
 fuerit; id quod de sclopetorum vulneribus pariter est judican-
 dum. Quoniam autem contingere potest, ut, qui ore fugit,
 morbo aliquo contagioso e. g. lue Venerea vel scorbuto sit af-
 fectus, adeoque verendum est, ne vel vulnerato eundem com-
 municet, vel peregrinum fermentum vulnere, ejus coalitum im-
 pediens, & prava symptomata, inducat; aut ut fugens a vul-
 nerato dictis morbis laborante inficiatur: novum fugendi vul-
 nera excogitavit modum Autor Clariss. mediante syringa ex
 stanno vel argento vel plumbo vel ferro albo vel buxo parata
 instituendum. Adornandi scilicet sunt tubuli diversæ magni-
 tudinis & figuræ diversis vulneribus extremitate una, altera syrin-
 gæ immittendi, atque dum extrahitur embolus ex hac, curis circa
 circumferentiam orificii externi vulneris probe est comprimen-
 da

da, quo aeris ingressus inhibeat, & humores educantur. Quo facto mediante syringa minori balsamus quidam vulnerarius, liquidus calefactus vel tepidus injiciendus venit. Hinc orificium externum vulneris linteo complicato aqua vulneraria madefacto est obtegendum; post singulas vero quartas horæ partes eadem exsuctio tribus vicibus est iteranda, & quidem prima vice, ut balsamus superfluus educatur, altera, ut humores post injectum balsamum effusi eliminentur, & ultima, ut parietes vulneris pro hujus consolidatione adducantur. Posthæc vulnus externum plumaceolis aqua styptica ebriis, emplastro styptico Crollii, linteo complicato & fascia conveniente est muniendum. Remedia, quibus in ejusmodi operatione uti solitus fuit, insuper fideliter describit Autor, qualia sunt aqua vulneraria, *Pean d'Arquebusade* dicta, aqua styptica, balsamus Arcæi, balsamus viridis Metzii vel Dominæ Feuillet & emplastrum stypticum Crollii. Sub calce libri adjectus est discursus, in quo probatur, non esse impossibile, morbos Venereos per specificum aliquod præcavere, quia ipsa pestis per remedia præcaveri potest; & quoniam gonorrhœam aliaque symptomata Venerea maxime inveterata curari posse constat, faciliiori negotio eadem in principio deleri posse judicatur; taleque Specificum se possidere, dicit Noster.

LE JARDINIER FLEURISTE ET HISTORIOGRAPHE.

i. c.

CULTURA UNIVERSALIS FLORUM, ARBORUM, fructuum & suffruticum, hortorum ornamento inferriens. Autore LUDOVICO LIGER, Antisiodorensi.

Amstelodami, apud Stephanum Roger, 1706, in 12.

Const. Alph. 1 & plag. 8 cum figuris æneis.

NON desunt equidem, qui Florum Culturam scriptis mandarunt, tantum tamen abest, ut exactam hujus rei notitiam ex istis polliceri sibi quis possit, ut circumstantias potius atque media pro hortis colendis & ornandis necessaria ut plurimum in iisdem omissa doleat Cl. Autor. Quamobrem operæ pretium se facturum confidit, si in præsentis tractatu omnium eorum, quæcunque circa hoc argumentum expectari poterant, claram suppeditet notitiam. In duo igitur Volumina dispescuit præsentem librum, quorum prius primam, posterius binas continet partes.

In prima parte postquam diversum soli situm & naturam, cui flores sunt implantandi, delineaverat, modumque areas describendi, buxoque cingendi, & solum pro floribus feliciter producendis præparandi tradiderat, hortulani requisita depingit, instrumenta determinat, atque regulas pro floribus non solum serendis, sed & conservandis scitu necessarias subministrat, rationemque insimul flores tam intra vasa quam in seminario colendi adjungit; nec animalium plantis noxas afferentium obliviscitur, atque auxilia ea arcendi docet. Post hæc veram omnes florum species multiplicandi artem, justumque tempus semina colligendi, & quæ circa bulbos notari merentur, fideliter injungit. Commemoratis tum mediis, quibus flores in alias regiones transmittendi ab omni injuria defendi debeant, tempus, quo quovis flores serere vel plantare conveniat, determinat; & postquam de plantis vivacibus in specie egerat, florum, qui mense Septembris feruntur, descriptionem, semina, virtutes, & historiam suppeditat. Quæ vero circa illos flores, qui mense Octobri, Novembri, Decembri, Febuario, & Martio serendi veniunt, notatu digna sunt in secunda Parte inculcat, insimulque illorum facit mentionem, qui pro pulvinorum hortensium marginibus constituendis sunt, apti; annique tempus, quo quævis planta floribus superbire solet, determinat. In tertia Parte seorsim de Malis aureis, Punicis, Jasmino, Genista, Myrtho, Lauro, Rosa, Syringa & Sumach; Ro-remarino & Barba Jovis, Taxo, Picea & Cupresso, Carpino, Camprifolio, Philaria & Alaternis; Ulmo, Tilia, Colutea, & Aquifolio; Hippocastino & Acacia; Lilac, Pyracantha, Bryonia; atque Buxo peculiaribus in capitibus agit. Tandem postquam diversos ambulacra exornandi, arborumque ordines adornandi modos declaraverat, quo quævis arbor tempore suos producat flores, adjungit.

DE VIRI CELEB. ATQUE AMPL. CHRISTOPH. CELLARH,
Antiquitatum & Eloquentiæ in Fridericiana Regia Halensi Professoris,
Obitu Epistola ad Virum Consule. & Cl. BURCHARDUM GOTT.
HELF STRUVIUM, Historiarum in Academia Jenensi Prof.
exarata a JACOBO BURCHARD.

Halæ, typis Christ. Andr. Zeidleri, 1707, in 4.
Const. plag. 3.

Dolet

DOlet Autor Cl. luctuosum Reip. litterariæ universæ obitum Viri de elegantiore litteratura & Actis quoq; nostris meritissimi, CHRISTOPHORI CELLARII, brevemque vitæ ipsius historiam pertexit. Quare non ingratum fore arbitramur, si quædam ex illa Epistola hoc loco inseramus. Lucem adspexit Cellarius Smalcaldia anno 1638 & vix tres annos natus parente orbatus est, qui Superintendentis munere in urbe istaungebatur. Duodevicesimo ætatis anno in Academiam Jenensem commigravit, ubi præter elegantiora studia, quæ *Bosius* egregie docebat, ac Philosophiam reliquam, Mathesi quoque & linguis Orientalibus operam navavit non contemnendam, *Bechmanno*, *Weigelio* & *Frischmuthio* ducibus usus. Jena relicta, Gissensem petiit Academiam, *Haberkornii*, Theologi tunc temporis famigeratissimi, fama commotus, quo Præside anno 1659 *de infinito valore meriti Christi* publice disputavit. Enimvero cum ibi non esset, qui in Mathesi & linguis Orientalibus desiderio ejus satisfaceret, Jenam rediit, ibique præter ista studia, *Zapfio* doctore, Philosophiam magis magisque excoluit. Septennio in Academiis consumto, primum Gothæ, dein Halæ aliquandiu in occulto latuit, donec triginta fere annos nato in *Weisenselsensi* Gymnasio munus Philosophiam Moralem & linguas Orientales docendi demandaretur. A. 1673 *Vinariense*, post triennium annis duodecim *Cizense* & per quinquennium *Merseburgense* Gymnasium rexit. Tandem cum Rex Borussiae Academiam Fridericianam Halæ Saxonum conderet, ob nominis præclaritatem eidem Professionem Eloquentiæ ac Historiarum indulgit. Non opus est, ut prolixè commemoremus, quanto ardore puritatem linguæ Latinæ vindicare studuerit, cum scripta ipsius dudum edita id abunde loquantur. Pertinet huc liber de *Latinitate mediæ & infimæ ætatis*, sive *Antibarbarus*; pertinent huc *Cura posteriores de Barbarismis & Idiotismis sermonis Latini*; imo huc pertinet *Fabri Thesaurus*, qui maximis ejus curis & incredibili prorsus studio quartum, & auctior quidem semper prodiit, licet anni singulis editionibus adscripti tres tantum editiones indicent, quintum proditurus, quamplurimis additionibus auctus, si vita suppetisset. Notandum hic, monere Autorem, spem novæ editionis non prorsus concidisse, cum optimus *Cellarius* omnia propemodum, quæ novæ editioni addita voluit,

luit, adnotaverit, iisque Bibliopola celeberrimi *Grævi* varias adnotationes addendas decreverit. Primos Latinæ linguæ canones ex libellis Latine confectis disci a tyronibus parum congruens arbitratu Grammaticæ artis præcepta concinna admodum brevitate Germanice conscripsit. Plurimos etiam bonos scriptores magna cura emendatos & magno judicio exquisitis notis instructos edidit, *Tullii Ciceronis* puta Epistolas ad Familiares, & Orationes quasdam selectas, *C. Julium Cæsarem*, *Cornellum Nepotem*, *C. Plinii Cæcili Secundi* Epistolas atque Panegyricum Trajano dictum, *Q. Curtium*, *Eutropium*, *Sextum Rufum*, *Vel. leijum Paterculum*, XII Veteres Panegyricos, & Orationes ex Historicis nonnullis Latinis excerptas. Nec illustrandis Scripturibus sacris operam denegavit: emisit enim *Lactantium*, *M. Minucii Felicis Octavianum*, cui *Cæcili Cypriani* de vanitate idolorum librum adjunxit. Ad Poetarum lectionem juventutem invitaturus *Calium Sedulium*, *Prudentium* & *Silium Italicum* quam emendatissime evulgavit, *Baptistam Mantuanum* additurus, si bibliopola quidam impensas tulisset. Scilicet ex magno juventutis usu judicasse dicitur, veteres Scriptores cum recentioribus eorum vestigia secutis conferre, quo imitationis artificium patefieret: quæ causa fuerit, cur *Joh. Pici Mirandula Comitis* epistolas atque *Petri Cincii* Orationes & reliqua Opuscula recudifecit. Quod recentiorum quibusdam libris, in quos nihil præterea operæ contulit, Præfationes præfixerit, doluisse posthac fertur. Ex Græcis Autoribus *Zosimum* edidit atque *Pæanium*, *Eutropii Paraphrasin*. De viri eloquentia non solum ex Dedicationibus ac Præfationibus, sed & ex Programmatibus ipsius conjunctim olim atque separatim inde publicatis, nec non ex orationibus Panegyricis seorsum excusis judicium fieri posse, Autor pronuntiat: reliquam vero eruditionem ex *Historia Universalis*, quam tripartitam evulgavit, *Historia Samaritana collectaneis*, multis *Dissertationibus* ex historia sacra & profana depromptis, *Astronomia Elementis*, ad Poetas facilius intelligendos emisit, *Compendio Geographia Veteris & Novæ* ac imprimis ex *Antiqui Orbis Notitia* luculenter constare. *Geographiam mediæ ævi* magna ex parte jam confecit, sed colophonem non addidit. *Antiquitatum* quoque *Romanarum*, quarum exquisitam habuit notitiam, *Compendium* edidisset, si diutius vivere contigisset. Obiit vero Vir de bonis literis egregie meritis, die quarta mensis Junii proxime præterlapso, anno ætatis octogesimo sexto.

* * *

ACTA ERUDITORUM,

publicata Lipsiæ

Calendis Septembris, Anno M DCC VII.

RACCOLTA DI STATUE ANTICHE
e Moderne &c.

i. e.*

COLLECTIO STATUARUM ANTIQUARUM ET
modernarum, publicata sub gloriosis auspiciis Sanctitatis
D.N. Papa Clementis XI a DOMINICO de ROSSI; il-
lustrata explicationibus ad quamlibet iconem a PAVLO
ALEXANDRO MAFFEO, Patritio Volaterrano ac
Equite Ordinis S. Stephani ut & cohortis
prætorie Pontificis.

Romæ, in typographia ad signum Pacis, 1704, fol. chart. reg.

Constat Alph. i plag. 5 figurisque 161.

Utilissimum certe dixeris hoc institutum ac dignum
tanta felicitate, qua Summi Pontificis sui, bonarum
artium restitutoris, providentia rerum quondam do-
mina & caput in præsentī gloriatur. Quicquid enim
ars statuaria seu prisca seu recentior in marmore vel ære effin-
xit divini, atque Urbi inprimis peculii quasi loco reliquit, illud
laminis æreis elegantissime expressum modico sumtu jam com-
parare licet. Ad plures autem cum officiosi hujus consilii e-
molumentum redundet, habituros maxime arbitramur insi-
gne solatium, qui loca ista nunquam accesserunt, jucundissi-
mam vero memoriam, qui singularia hæc superioris ævi mo-
numenta coram quondam admirati sunt, sive utrique literati
Ccc fuerint,

fuerint, five curiosi duntaxat spectatores, five denique artis ipsius alumni. Ab antiquis igitur signis ut initium faciamus, gratissimus hic erit adspectus Laocoontis, Apollinis cum Pythono occiso, Antinoi, Veneris balneo exeuntis, Commodi Imp. in habitu Herculis, Nili, Tiberis, Cleopatrae, ac mutilati Trunci, quæ in hortis *Vaticanis* supersunt. Contueri iuvabit precipuum montis *Quirinalis* ornamentum, Alexandrum M. in habitu frænantis Bucephalum, quod Phidiae & Praxitelis artem sapit. Obveniunt inde *Capitolii* decora. M. Aurelius Imp. equo insidens ex ære, opus adeo in pretio positum, ut ei publico nomine peculiaris hodie custos constituatur; Jul. Cæsar Dictator paludatus atque armatus, Octavianus simili amictu, Faustina, Julia Mammæa, Aventinus, Hercules ex ære, Cicero, Virgilius, Juvenis spinam sibi evellens, Camillus vel sacrificuli minister, Sibylla & Marforius. *Mediceæ* opes tam Romæ in hortis & palatio, quam Florentiæ asservatas indicant Venus a Diomede Apollodoro formata, & adhuc alia velut e concha nata, Iusta athletarum, Mars gradivus ex ære, Marsyas ab Apolline excoriatus, Niobe filios plangens, unus filiorum ejus, Bacchus cum exuviis tigridis, bacchans cum cymbarum ejus, Apollo nudus, Cupido & scabillis, Fauni tres diversæ species, Apollo nudus, Cupido cultellum acuens, Ajax occisus, Hercules Antæum sublimem rapiens. Nec numero vel arte cedunt *Farnesiana* ædes, ubi oculos allicit Taurus cum Dirce, Zetho & Amphione, inimitabile illud Apollonii & Taurisci simulacrum, Hercules, Flora, Augustus equo vectus, Matrona Regia, quæ Cleopatra creditur, Caracalla Imp. Venus sese abstergens, captivus Dacus, Mercurius ex ære. Haud steriliores offendent hortos *Ludovisianos*, quippe qui alio Mercurio, Pati & Ariz *ægyptiæ*, Papyrio, cui mater abblanditur, Pane, Apollinem Musicam docente, Gladiatore moribundo, Marte nudo ac dearmato superbiunt. In villa *Montaltia* olim observabatur Germanicus Claudii Drusi filius, & Quintius Cincinnatus, ab aratro ad dictaturam evocatus, qui jam Versaliarum in Galias delectus sunt. Horti *Borghesiani* monstrant Centaurum a Cupidine ligatum, famosum illum gladiatorem, Silenum cum Baccho

Baccho alumno, Hermaphroditum, Cingaram, & Satyrum juvenem, Curtium denique in scrobem se præcipitantem, qui quidem anaglypho opere est exsculptus. *Justinianus* ædes Palladis, Salutis, Egeriæ nymphæ, Virginis Vestalis, Marcelli Senioris, Domitiani, M. Aurelii Augustæque cujusdam signa commendant. In ædibus autem *Barberinis* prostant Septimius Severus, Agrippina, Bacchus, Isis, Atalanta & Hippomanes. *Ottobonianum* e contra museum Apollinem & Baccharum seu Moenadum quandam habet. Multo ditiores sunt horti *Matthæi*, qui Adrianum Imp. equo eminentem, Antonium Pium, Lucium Verum, Sabinam, Crispinam & Amazonem ostentant. Palatio *Altieri* Pescennius Niger obtigit. *Odescalchio* vero Principi Apollo, tum integer Musarum ordo, excepta Thalia, quæ in Capitolio residet, Faunus capreolum portans, atque Geniorum par, naturæ sacrificantium. Apud *Altempsios* Abundantiam, Paridem in habitu Phrygio, Matronam Romanam & Pastorem cernere licet; apud Cardinalem *Spadam* Pompeji M. effigiem colossæ magnitudinis, ut & Senecæ sedentis. Penes *Casum* Ducem est figura Amazonis; penes *Maximos* Pyrrhi, Scriniarii coronati, Æsculapiique cum Telesphoro. In ædibus *Cavaleriis* Flora & Bacchus; in *Verospianis* vero Jupiter tonans, ac Hercules juvenis, dum hydram occidit, conspiciuntur. Restant adhuc Bacchus, Musa quædam, Satyrus sylvestris, Meleager seu Adonis, Isis, Venus, Diana, Alexander M, Lucius Antonius, Deus Avernuncus, Isis, Sacerdos hujus Deæ, quin & Somni imago, quæ singula singularum ædium cimelia laudantur. Istud agmen non absque voluptate distinguunt & claudunt ex parte proximioris ævi foetus, Davidis puta, Victoriæ, Bacchi & Mosis signa ab artifice manu Bonarotæ profecta; Constantini M. item equestris statua, Apollinis & Daphnes in laurum mutata, Davidis cum funda, raptus Proserpinæ, Neptuni cum Tritone, ut & alterius Tritonis, Veritatis, Urbani VIII Pontificis, Danielis & Habacuc Prophetarum, Longini quoque & Bibianæ, Berniniani cæli immortalia monumenta. Ejus etiam delineationi debentur fluviorum Nili, Danubii, Gangis & Platæ effigies hic adductæ, quæ aræ, Navonæ

vulgo nuncupata, fontem exornant, sed ab aliis fuere elaborata. Ut taceamus Sabinarum raptum, Innocentium X Pontificem ex ære fustum, Jonam, Andream & Susannam, quibus Algardus, Quesnojus alique ad summam famæ celebritatem pervenerunt. Omnia vero sua sponte loquentur, haud infeliciores cum successu rem statuariam nobilitasse modernos istos sculptores ac veteres illos, seu Græcos, seu Romanos. Ceterum ut amœnior esset & numeris omnibus absoluta hæc collectio, explicatiunculas suas optimorum autorum suffragio passim munitas ad singulas icones succedere voluit Illustris *Mafseus*, iisdemque errores nonnullos, ut circa res temporum, antiquitate obsoletas facillime cespitant hominum judicia, corrigere, obscurius traditis uberiores lucem commodare, quæ ipsa fusius jam persequi non vacat. Prædicandæ tamen sunt Viri doctissimi laudes, quod frontispicium libri, quin & alia paginarum ornamenta a priscis seculis mutuata discursibus suis eruditissimis in gratiam curiosorum explanavit. Ita Ther-

TAB. VII. marum Titi aut quarumvis aliarum structuram, quam in ipsis thermis Titi depictam fuisse indeque in librum *Commendatoris del Pozzo* quondam transumptam affirmat, clariorem reddit ex *Plinio Lib. V Epist. 6*, ac memoratas ibi thermarum antiquarum partes, balneum nempe, caldarium seu Laconicum aut sudatorium, tum tepidarium ac frigidarium, imo & elzothesium seu unctorium hic quoque ad oculum exhiberi contendit. Hypocaustum vero suppositum non concameratis saltem cellis prioribus, sed ahenis etiam seu miliaris triplici ordine locatis, in quibus aqua copiose colligebatur, ex parte usum præbuisse simul docet, unde de re balnearia breviter at judiciose commentandi ansam accipit. Jucundum cum sit hocce spectaculum, nec alibi facile occurrat, in tabula VII ideo B. L. representari fecimus.

HISTORIÆ CONTROVERSIARUM DE DIVINÆ


Gratiæ Auxiliis libri sex. Autore THEODORO

ELEUTHERIO, Theologo.

Antv. typis P. Jacobs, 1705, in fol.

Libro

B.VII. ad A.1
p.388.



Sohn. sc.



Libro secundo *Eleutherius* res gestas in Hispania ab anno MDLXXXI usque ad annum MDXCIV, quo controversia de auxiliis Romam evocata est, enarrat. Ubi, quæ de origine controversiæ in Hispania memorat, neutiquam prætermittenda censemus. Lutheri, inquit, & Calvini hæresi expugnandæ divinitus datus Ignatius (ita isti quidem putant) cum adverteret Pelagium omnia libero arbitrio, Lutherum omnia gratiæ tribuere, & istum emancipatos, hunc servos & filios facere, vitæ extremis erroribus, pro gratiæ & liberi arbitrii concordia totis viribus decertandum suis indixit. Eo collimantes, ita pergit, Societatis Theologi, quæ in Scripturis Sanctis, conciliis, patribus, sparsim jacta observaverint fundamenta, in unius veluti formam ædificii colligendo, apteque suis singula partibus componendo, eam gratiæ cum libero arbitrio concordiæ speciem exhibuerunt, quæ antiqua & patritia cum esset secundum partes singulas, nova quoad ordinem & symmetriam apparuerit. Novam hanc concordiæ liberi arbitrii cum gratia speciem primum exacerbasse hæreticos, tum Bannesium & ejus asseclas impulisse, ad turbas ingentes excitandas in Hispania, Lusitania, ac tandem in ipsa urbe Roma. Anno nimirum MDLXXXI Prudentius de Montemajor Soc. Jes. Theologus in Academia Salmanticensi theses ventilandas proposuit, in quibus physicæ prædeterminationes actuum nostrorum rejiciebantur, & divina præscientia futurorum contingentium conditionatorum certa & infallibilis, nullo præsupposito absoluto divinæ voluntatis decreto, asseriebatur. Has theses non tantum Bannesius in ipso disputationis certamine acriter impugnavit, sed ex illis sedecim propositiones partim hæreticas, partim erroneas, sed, ut Eleutherius auctor est, adulteratas, excerptit, & suo ac amicorum nomine ad supremum tribunal Inquisitionis Hispanicæ misit. Re vero accuratius discussa, deprehensum, falso thesium auctori sedecim illas propositiones impositas, doctrinam vero a Prudentio defensam, a multis fuisse approbatam. Hinc corrigit Augustinum le Blanc, asserentem, S. Theologiæ Salmaticenses Magistros omnes a Vallisaletano Iudice in unum convocatos, judicasse, prædictam doctrinam (Prudentii) temeritatis & erroris nota dignam esse. Eam scilicet

doctrinam, inquit Eleutherius, non quam defenderat Prudentius de Monte-major, sed quam Bannesius sedecim propositionibus expressam finxerat incidisse, & pro germana Prudentii doctrina S. Inquisitioni obtruserat. Cum autem nihilominus Bannesius omnia contra societatem moneret, rumor ad eum e Lusitania perlatus est, Ludovicum Molinam librum parare de Concordia liberi arbitrii cum auxiliis gratiæ. Quod ut impediret institutum, (ex mente Eleutherii loquimur) tredecim propositiones, quas ad mentem Societatis de gratia & libero arbitrio exprimendam concinnaverat, (diversas a sedecim illis antea memoratis) & jam ad Inquisitionis tribunal supremum detulerat, ab eo etiam prohibitas, donec maturius examinarentur, itidem in Lusitaniam ad Albertum Cardinalem Archiducem, generalem illic Inquisitionem misit, asseverans, illas in libro contineri, quem prælo maturaret Ludovicus Molina, adjecta etiam Pelagianismi accusatione, in libro Molinæ resuscitati. Quod dum refert Eleutherius, miratur Bannesii temeritatem, quod librum Molinæ nec dum in lucem editum, nec dum a se visum, Pelagianismi accusare non dubitaverit: cum tamen hoc ipso tempore, ordinis Dominicani & sanctæ Inquisitionis deputatus Bartholomæus Ferreira, ut librorum censor, honorifico admodum elogio, eum approbaverit. Cujus auctoritati cum varia opponat le Blanc, ea hac occasione diluit Eleutherius. Cæterum cum tredecim istæ propositiones ad Albertum Cardinalem venissent, antequam prodiret liber Molinæ, nec tamen loca indicarentur in Molinæ libro, in quibus istæ propositiones extarent, (quod sane fieri non potuit libro isto a Bannesio nondum viso) missus tandem liber Concordiæ, Bannesio quidem magnopere id expetente, Salmanticæ fuit, examinandus censendusque ab iis, qui jam illum, priusquam vidissent, prædamnaverant; suspensa interim in Lusitania libri venditione. Post trimestre examen observationes quædam in Lusitaniam ad Molinæ librum mittuntur, loca, in quibus errorum propositiones contineantur, indicaturæ. Ad quas cum Molina respondisset, Albertus Cardinalis Theologis quibusdam, & istis quidem ordinis Dominicani, Joanni de Las Cuevas, Confessario suo, & Bartholomæo Ferreira rem omnem commisit, qui examine

examine maturo præmissio, omnibusque, quæ objecta fuerant, cum Molinæ responsionibus rite collatis, statuerunt, in toto ejus libro nihil justa dignum reprehensione occurrere, ut nulla excusatione probabili retineri diutius possit. Quare Inquisitionis generalis Lusitanicæ solenni ac contradictorio judicio, accedente Archiducis consensu, tandem permissum, ut Molinæ liber sub initium anni MDLXXXIX omnium victor difficultatum, in lucem prodiret, addita Appendice, qua ad objectiones sibi factas Molina responderat. Atque hæc Auctor literis ipsius Alberti Archiducis ad Clementem VIII scriptis confirmat. In iis, quæ in hoc libro sequuntur, prolixè Molina causam perorat: nihil eum scripsisse, quod sit in Augustinum totamque Ecclesiam injuriam: scientiam mediam re ipsa ab Augustino & Patribus traditam, fatentibus Societatis Jesu Scriptoribus; Molinæ librum de Concordia communi fere omnium religiosorum ordinum suffragio & approbatione receptum fuisse in Hispania, & quæ alia sunt ejusdem commatis. Speciatim de Bellarmino disputat, quem utraque pars a suis stare vellet partibus. Noster itaque de gratiæ efficacis natura cum Molina eum sensisse; gratiam prædeterminatam, etiam ante ortas de auxiliis controversias, rejecisse; electionem ad gloriam post prævisa merita supernaturalia nulli errori affinem, ipsiusque Augustini aliquando fuisse sententiam, declarasse. Quod autem ad querelam de adulteratis Bellarmini controversiarum libris attinet, eam non novam esse fatetur; vulgoque ad Fuligatum & Silvestrum Petram Sanctam in vita Bellarmini provocari. Sed ut contrarium potius ex utroque auctore appareat, Bellarminum scilicet, in his quæ ad prædestinationem & gratiam pertinent, constantem se & inflexibilem præbuisse, ita fabulam totam de adulteratis ejus libris ex *Recognitione operum suorum*, quam Bellarminus annis vitæ postremis ediderit, satis refelli posse. In hac namque, quæcunque in libris controversiarum contra phycas prædeterminationes pro gratia congrua & scientia media disputavit, eum renovasse iterum & confirmasse. Cui argumento nihil opponi posse, nisi forte quis ipsam illam Bellarmini recognitionem suppositam fingere velit.

Quod

Quod quam absurdum sit, ex eo probat, quod extra controversiam tredecim ante Bellarmini mortem annis hæc recognitio prodierit. Quo pacto denique Clemens VIII causam hanc, de qua magnis animorum motibus in Hispania concertabatur, Romam evocarit, circa finem libri secundi exponit, de silentio insuper utrique parti indicto, sed a Dominicanis primum male observato, hinc & recte a Jesuitis violato, differens, ita transiturus ad ea, quæ hac in causa Romæ gesta sunt.

In tertio itaque Libro, quæ Romæ primum a Prædicatoribus & Consultoribus gesta, ac primis coram Cardinali Madrutio congressibus disputata utrinque sunt, exponit. Hic Consultorum in primo examine oscitantiam & miram in ferendis suffragiis præcipitantiam notat Eleutherius, adeo ut miratus Pontifex, tam cito de re gravissima sententiam a consultoribus latam, rem maturius expendi jussit. Cumque Molinæ æmuli, in Hispania rumore damnandæ propediem doctrinæ Societatis sparsissent, viros Principes eo excitatos, datis litteris Pontificem de rebus in Hispania Lusitaniaque gestis instruxisse, atque orasse, ut res tota componeretur, aut certe justitia utrinque æqualiter administraretur. Tum congressus coram Madrutio Cardinali continuatos, in quibus obsequio erga Pontificem, respondendi promptitudine, atque rationum soliditate, nunquam fere non Jesuitæ Dominicanis fuerint superiores, his certamen de prædeterminatione physica declinantibus, donec interveniente Madrutii morte, collationes istæ interromperentur. Qua occasione simul Noster contendit, scripta Cardinali huic tribui cœpta verosimilius supposita fuisse. Tum de Gregorii Coronelli, qui Congregationi fuit a secretis, censura in librum Molinæ, jussu Pontificis Jesuitis tandem tradita, & horum adversus eam censuram exceptionibus, aliisque eodem spectantibus momentis multa magna diligentia Auctor tradit, & ita ad quartum demum Librum progreditur.

In eo Propositiones viginti, a Molinæ adversariis partim infideliter (stylo auctoris utimur) ex libro *Concordiæ* collectas earumque censuras, & Patrum Prædicatorum oppugnationes, nec

nec non defensiones Patrum Societatis, summa fide, ut titulus libri habet, exponit. Singulas hic indicare propositiones, aut quid circa illas disputatum sit, enarrare, cum instituti nostri ratio non permittat, ea saltem notabimus, quæ Augustino le Blanc, de artibus Iesuitarum pro impedienda Pontificia definitione conquerenti, responder. Scilicet cum jam in eo esset, Pontifex Clemens VIII, ait Augustinus le Blanc, ut Molinæ causam damnaret, Iesuitæ Molinæ dogmata aperte propugnando & disseminando orituri schismatis metum Pontifici injiciebant. Pro calumnia istud habet Eleutherius. Nec enim aliud quidquam egisse Iesuitas, quam ut Salmanticæ Molinæ sententias publicis thesibus propugnarent, idque (ut ipse le Blanc ait) *ad dissipandos Romanæ censura rumores*, istos scilicet, quos Prædicatores falso per Hispaniam de damnato Molinæ libro & exusta ipsius statua sparserant. Alteram le Blanc Iesuitarum, ad sufflaminandam Pontificis decisionem, artem hanc prodiderat. Silvanectensem Episcopum a Iesuitis inductum Pontifici persuasisse, Molinismum in Academia Parisiensi regnare, foreque adeo, ut definitio Pontificis in ea Academia impediretur. At imprudenter Augustinum agere, Eleutherius ait, quod mendacem faciat Episcopum, cujus ceteroquin in rebus suis testimonio utantur Dominicani. Cum ne sic quidem res ex voto procederet Iesuitis, auctore Augustino le Blanc, per emissarios suos eos Concilii generalis injecisse mentionem, in quo de hisce controversiis sententia ferretur. At gravissimorum virorum hanc fuisse sententiam, affirmat Eleutherius, etiam aliorum in celeberrimis Academiis Theologorum in re tanti momenti expetendas esse sententias, interim & quæ de Bellarmino, ac si & ille Concilii celebrandi auctor fuisset, addiderat Augustinus le Blanc, hac occasione sub examen revocat Eleutherius. Sed pergit Augustinus: Molinæ doctrinam per epistolas stultasque revelationes commendari curant, ut Clementem VIII a ferendo judicio deterreant. Respondet Eleutherius: ad epistolas quod attinet, scriptas omnino fuisse ad Pontificem a magnæ autoritatis viris, tum ut eum edocerent, quid viri per Europam sapientissimi & de Molinæ & de Bannesii doctrina

doctrina sentirent, tum ut intempestivam Dominicanorum instantiam, qua damnandam propediem Societatis doctrinam propalabant, retunderent. Quod ipsis subjectis epistolis comprobatur. Ad revelationes autem quod attinet, quibus Iesuitæ Molinæ doctrinam commendari curaverint, primo quidem stultas & sacrilegas, ut vocat, revelationes longe rectius Dominicanis obijci, ex historiarum monumentis comprobatur: tum vero ad librum, qui Parisiis Anno MDCX sub titulo: *Tractatus de Prædestinatione, in Scripturam sacram & veram evangelicam lucem, divina mediante gratia, ab idiota Ferdinando de las Infantas, Presbytero Cordubensi, compositus, & extra omnem prætensionem ipsi veræ luci Christo Dei filio, a quo accepit omnia, dicatus, prodiit, respondet, cum nequitiam Societatis instinctu prodiisse, neque Thomæ de Lemos ad hoc evincendum sufficere auctoritatem. Ultimum denique Iesuitarum ^{negotiorum} ~~negotiorum~~ fuisse le Blanc ait, quod palam hanc thesin propugnare ausi sint: de fide non esse, Clementem VIII summum Pontificem & Petri successorem esse. Ad quod Eleutherius respondet, nec omnes hanc thesin defendisse Iesuitas & ab aliis, ipsis etiam Dominicanis, jam pridem ante mota hæc certamina eam thesin defensam fuisse; ideoque per meram calumniam, ad invidiam Iesuitis faciendam, eo tempore hæc arrepta fuisse & a Dominicanis ad Pontificem aliosque ita delata, ac si Pontificis hac ratione eludere auctoritatem vellent Iesuitæ.*

Disputationes coram ipso Pontifice Clemente VIII habitas prolixè refert Libro V, & quid in singulis Congregationibus gestum sit, condocet. Nos id saltem observamus, quod de Gregorio de Valentia refert. De hoc le Blanc narraverat, cum ausus esset, ipso præsentè Pontifice, quædam Augustini verba depravare, ut ejus cum Molina consensum ostenderet, ejusque petulantia a Lemosio statim revicta & minaci vultu a Clemente VIII repressa esset, Gregorium tanto pudore fuisse suffusum, ut mentis vertigine captus in terram concideret. Inter commenta varia hæc refert Eleutherius, & Thomæ de Lemos, scriptoris Dominicanis faventis, qui & Valentis adversarius fuerat, testimonio probari posse negat, præsertim cum
nec

nec a Coronello, nec ab Abbate Farfensi, congregationis Secretariis, nec a Pegna, furioso isto Iesuitarum, ut vocat, osore, quidquam hujusmodi memoriz proditum sit. De Perronio quoque Cardinali prolixè hic disserit, planeque negat, eum politicis rationibus adductum, propensum in hac causa erga Iesuitas demonstrasse animum. Dictum quoque Perronii, ad Pontificem: *curaturum se, si, quod meditabatur, (Pontifex) definiret, ut huic Pontificio decreto universa Europa Sæctarii subscriberent*, perperam ab Augustino le Blanc in favorem Dominicanorum exponi, ac si Perronius neutiquam hoc ipso Pontificem ab edenda definitione deterrere, sed hoc potius ostendere voluerit, Calvinianos & Lutheranos hoc ipso decreto facilius ad Romanæ Ecclesiæ gremium redituros, quippe qui, reliquis majorum suorum vestigiis, non magnopere a sententia Ecclesiæ Romanæ hoc in capite dissentiant. Enimvero magnopere hac in re eum falli, contendit Eleutherius, cum nimium quantum adhuc Reformati pariter ac Lutherani a sententia Ecclesiæ Romanæ differant, & in iis debellandis Iesuitæ hætenus suis felicissime usi sint hypothesibus, quæ tamen, ut & alia, quæ hac occasione de sententia Lutheranorum dicit, ac si quidam recentiores ex Lutheranis negent, liberum arbitrium in negotio Justificationis mere passive se habere, aliis discutienda relinquimus.

Quæ denique sub Paulo V Pontifice in hac causa gesta sint, exponit Liber sextus isque ultimus. Magnus hic iterum & multus in plerisque hujus historiæ capitibus inter Iesuitas & Dominicanos dissensus: sed in eo præcipue, quod Dominicani & horum propugnator Augustinus le Blanc contendunt, finitum tandem sub hoc Pontifice hocce negotium eousque fuisse, ut Pontifex bullam Consultoribus delineandam commiserit, quam hi etiam diligenti studio elaboratam tradiderint Pontifici: at intercedente Pontificem inter & Rempublicam Venetam lite, inque ea Iesuitis pro auctoritate Pontificis strenue depugnantibus, ut Venetiis excedere, quam Pontificis deserere partes mallent, promulgationem bullæ in aliud tempus fuisse dilatam, & ita controversiam istam hætenus indecisam

manfisse, etſi victoria fuerit penes Dominicanos. At longe alia Eleutherius narrat: bullam Pauli V, tam ſpecioſe jactatam, commentitiā eſſe pronuntiat, quæ nunquam exiſtente in rerum natura, ſcriptum equidem aliquod a Coronello congregationis Secretario eſſe compoſitum, cui tamen Pontifex non ſubſcripſerit, de quo etiam ſciri nequeat, an unquam a Cardinalibus & Pontifice examinatum lectumque, multo minus adprobatum ſit. Fruſtra jactari illud diploma ſacris Vaticanis tabulis reconditum, cum nec probari poſſit, unquam intra id ſacrarium fuiſſe receptum, & alibi fateatur le Blanc, in Auguſtinianorum ſcriniis inter cetera Coronelli ſcripta reperi- tum. Quo ipſo cum ſecum pugnare ipſe videatur, admonitum hac de re hocce excogitaſſe effugium, plura fuiſſe illius diplomatis exempla ipſius Coronelli manu ſcripta & Cardinalibus ad examen tradita. Quod fruſtra dici, Eleutherius contendit, & ſi concedatur, nondum tamen inde ſequi, ad ſacris Vaticanis tabulas exemplum aliquod fuiſſe delatum. Ceterum cum impoſito utrique parti ſilentio pax quodammodo ſanctata, & decreto Pontificis anno M DC XI impreſſio librorum de auxiliis prohibita eſſet, mox tamen denuo certamina mota ſunt, Auguſtino quidem le Blanc violatæ pacis culpam in Ieſuitas conferente, negante id ſtrenue & contrarium evincente Eleutherio. Et hic etiam obſervat, edictum Pontificis de prohibenda ejusmodi librorum impreſſione promulgatum fuiſſe, ſtatim ac Didaci Aluarezii opus de Auxiliis divinæ gratiæ, prodiſſet: idque inſtinctu haud dubio Dominicanorum, ut hac ratione, quæ Ieſuitæ Aluarezio opponere conſtituerant, impedirentur. Namque vix prodierat Aluarezii opus, cum Patres Societatis Ieſu parata magna ex parte Leonhardi Leſſii & Franciſci Suarezii de Auxiliis divinæ gratiæ volumina prælo maturarent.

In Appendice hujus operis instrumenta & ſcripta quædam prolixiora ad hiftoriam hanc ſpectantia exhibentur: ſcilicet *Differtatio de genuinis Pelagii & Maſſilienſum erroribus*, comparata, ut Pelagianismi ſuſpicionem a Ieſuitis amoliat, Leonhardi Leſſii *Apologia adverſus cenſuras Lovaniënſem & Du-*
cenſem,

censem, Scriptum Roberti Bellarmini in defensionem doctrinae Leonhardi Lessii, Ludovici Molinae Appendix ad librum de Concordia, & alia.

ANTIQUARIUS SACER, DE USU ANTIQUITATUM Judaicarum, Graecarum & Romanarum in explicandis obscurioribus S. Scripturae dictis, ad Antiquitates Ecclesiasticas, Politicas & Oeconomias Veterum alludentibus, delineatus a CONRADO MEL, SS. Theol. D. Ecclesiarum Principatus Hersfeldensis Inspectore & illustris Gymnasii Rectore.

Schleusingæ, excudit Georg. Wilh. Göbelius, 1707, 8

Pl. 8 $\frac{1}{2}$

AB extremis Germaniæ finibus, Regio Monte Borussorum, laribus patrioque cœlo restitutus Autor Clarissimus, ac præterea in Jubilæo Francofurtano nupero ex Regia liberalitate mitra donatus Doctorali, & postulatus adeo novo hoc charactere, ut si quid haberet, quod in hunc diem viveret, cum orbe literato communicaret, Antiquarium sacrum, fusioris Operis prodromum, prodire in lucem voluit. *Conor*, inquit ipse, *tenuis grandia, iudicia, praelia, convivium, urnas, rudera collapsa loquor, & gentis antiquæ spolia ad Sanctuarium refero.* Sic enim, ut nonnulla delibemus, exponit verba Pauli Hebr. XIII, 10 *& nos, fideles N. T. habemus altare*, antitypum altaris holocaustorum, Christum, ex quo habent jus edendi, qui Christi ejusque meritorum participes fiunt; sicut olim Judæi offerentes participes fiebant victimarum oblatarum. Excluduntur vero & non habent jus edendi, qui Tabernaculo serviunt, i. e. qui abrogatas V. T. ceremonias revocant denuo, in ignominiam Christi, tanquam corporis, ad cujus præsentiam cessant umbræ. Eundem Apostolum, 1. Cor, I, 20 *ubi sapiens, ubi scriba, ubi conquistor seculi istius?* ait collimare procul dubio ad triplex officium in Synagogis usitatum, Disquisitorum nimirum, Principum Synagogæ & Scribarum, qui præ se ferebant clavem scientiæ. Joannem, Apoc. III, 5 illustrat ex Lev. XXI, 17 &c. Ubi si quis rigidissimum

p. 20

21

24

D d d 3

examen

- examen ad Candidaturam Sacerdotii sustinuisset, & sine labe ac defectibus, quorum 142 recenseant magistri Judæorum, repertus fuisset, albis induebatur vestimentis, nomenque ejus inferebatur catalogo Sacerdotali, ac coram summo sacerdote, & ceterum reliquorum sacerdotum pronunciabatur ille dignus, qui in numerum ministrorum reciperetur. Eundem Ioannem Apoc. XVI, 15 censet respicere ad vigiliis & excubias Levitarum, ubi capitaneus illorum de nocte circumiens una manu baculum, altera facem ardentem tenebat. Et, si forte quem Levitarum dormientem reperisset, non solum licebat ipsum verberare, verum etiam vestimenta ejus accendere. Paulum iterum 1. Cor. XV, 29 *quid facient, qui baptizantur pro mortuis?* dicit ad lotiones Judaicas sermonem dirigere: ubi moris erat, eos, qui mortuum tetigerant, lavari, in signum mundationis spiritualis, si morte obruerentur, in die resurrectionis. Hac igitur ceremonia legali confessionem dedisse Judæos resurrectionis mortuorum. Et hinc inferre Paulum: inanem fuisse hactenus illam ablutionem, si nulla daretur resurrectio. Ad ritus Judæorum spectat & hoc, quod eos in pejus ruentes didicisse cultum idololatricum Molochi ait a Moabitibus, & liberos suos per ignem ducere solitos. Nimirum adstantibus Sacerdotibus Molochi atratis, saltasse pueros per ignem, & ex hoc ritu singularem sibi puritatem imaginatos homines miseros. Eundem autem cultum exhiberi contendit in pictura quadam notatu digna, quæ extet in pronao Basilicæ Hersfeldensis. Christum porro Marc. III, 17 voce *Boavep* alludere censet ad duos Scribas, qui in synedrio sedere summo Sacerdoti solebant ad sinistram & dextram, quorum hic colligebat suffragia absolvendorum, ille damnandorum, atque adeo ritum synedrii juridicum applicari regno Christi spirituali, ubi pii absolvantur a maledictione legis, impiis vero poenæ divinæ annuncientur. Re-jectam igitur quidem fuisse petitionem matris, pensatam autem egregio elogio: quasi diceret, Ecclesiam quoque indigere talibus filiis tonitruum, quales in Synedriis sedent, non tamen, ut resurgent. Rursus Paulum 1. Cor. XI, 10 exponit de velamine sponsæ coram delegatis a sponso, ad eam in domum ipsius ducendam, qui dicti sint *angeli desponsationum*. Elicere hinc Paulum, multo

multo magis velandas mulieres in coetu publico, in signum modestiæ & obedientiæ, quia & hic præsentés sint angeli, ministri verbi divini, qui fideles sistant Christo ceu sponsam sine macula. Jam & Davidem Ps. LX, 10 & CVIII, 10 *projiciam calceum meum super Edom*, ex ritu locutum ait, quo patresfamilias iter facientes calceos suos colligatis corrigiis super humeros servorum, ut eos gestarent, projiciebant. Similiter subjugandos fore Edomitas, ut more servorum populo Dei calceos suos portarent. Locum 1. Reg. X, 27 *dedi Salomo argentum ut lapides* perperam judicat de lapidibus in plateis accipi, sed hunc habere sensum: naves redeuntes ex Ophir tanta in copia apportasse lapides exasciatos & exsculptos ad usum templi ædificandi, quanta in copia naves Tyriæ cedros. Verba etiam cœnæ, *hoc est corpus meum*, contra Pontificiorum transubstantiationem ex antiquitate Judaica explicanda esse, dicit se audacter profiteri. Ibi enim phrasologiam hanc, *hoc est corpus meum*, fuisse usitatissimam & notissimam. Quando enim comedebatur Pascha, querere solebant filii Hebræorum, *quid illud est?* & tunc ait respondisse patresfamilias, *hoc est corpus agni*, quem patres nostri comederunt in Ægypto, i. e. qui nobis in memoriam revocat agnum paschalem in Ægypto mactatum. Similiter locutum esse Christum, cum loco paschalis institueret S. Cœnam. Tali enim modo panem esse suum corpus, prout agnus paschalis Hierosolymis mactatus erat corpus agni in Ægypto mactati, signum nimirum corporis sui, jam jam propter peccata mundi offerendi. *Comedere igitur corpus Christi* Mellio ex hypothese nihil aliud est, quam in Christum credere. Errorem pictorum, qui pingant Israelitas stando pascha comedentes, (de quo tamen nil sit in sacris literis, sed tantum *festinantes* describi, non tamen stando sed accumbendo,) postquam strinxisset, versionemque LXX viralem Hab. IV, 2 sollicitasset anticipatam solennitatem Festi tabernaculorum sub adventum Christi Matth. XXI, 8 ultimo pœne loco commemorat. Nimirum Judæos gaudia sua eo modo testatos, ut in via ex frondibus palmarum hinc inde extruxerint tabernacula, eaque ipsa texerint vestimentis suis, more in Festo isto usitato. Prodromum ergo hunc faustis sequatur auspiciis mox majus illud Opus Auctoris.

Sequatur

P. 52

59

63

Sequatur etiam opus alterum *de complementis sacris Hebraeorum*, ac præterea *Hassia literata*. Ita fiet, ut, quod ipsum habere in votis cernimus, sublimi feriat sidera vertice.

JO. GEORGII GRÆVII PRÆFATIONES ET EPI-
stola, editæ a JO. ALBERTO FABRICIO,
D. & Eloqv. Prof.

Hamburgi, apud Christianum Liebezeit, 1707, in 8.

Alphab. 1 plag. 6.

JO. Georgio Grævio, Cl. Viro, tam singularem tamque exquisitam Amplissimus Fabricius tribuit eloquentiam, ut sermonem ejus a Musis ipsis Gratiisque elaboratum judicet, ac Latine qui scripserit vel tersius vel suavius, a longa jam memoria reperisse se testetur neminem. Sæpius inde optasse & pro Græviani nominis gloria expectasse etiam se ait, ut Epistolæ ejus, quas scripsit prope modum infinitas, ex privatis Virorum doctorum scriniis proferrentur in lucem, atque singulari cum fructu hominum studiosorum in publicum emitterentur. Dum autem cessatur, existimavit se operæ pretium facturum, si hanc interim earum paulo plus quam centuriam colligeret, atque promulsidis loco in unum redactam volumen edere aggrederetur, ut vel cæterarum, quibus carendum adhuc est, desiderium utcunque harum lectione levaret, vel eos, qui possunt, ad reliquarum evulgarum curam suscipiendam impelleret accenderetque. Non est autem, ut prolixiora excerpta inde haurienda Lectores nostri sibi hæc polliceantur, quandoquidem non e manuscriptis primum eadem nunc vulgantur, sed singulæ jam antea typis publicis exscriptæ prostant. Et pleræque sane libris Grævii cura editis præfixæ sunt, ac Lectorem modo alloquuntur, modo eos, quibus suam ille diligentiam commodavit, Autores Viris summis, interque hos Regibus etiam ac Principibus, inscribunt atque dedicant. Sex ad Marqu. Gudium scriptas una cum Gudii & Sarrauii epistolis A. 1697 Petrus Burmannus edidit, multoque plures ad Petrum Francium e posthumis Francii & illustrium Eruditorum ad eum epistolis, Amstelædami A. 1706 vulgatis, Noster repetit, prout & gra-

MENSIS SEPTEMBRIS A. MDCCVII. 401

& gratulatio Grævii ad Fridericum III Borussorum hodie Regem, de fundata Academia Halensi jam inde ab A. 1694, quo Berolini impressa, eruditis nota fuit. Denique vitam Grævii disertissima Oratione a successore ejus, Burmanno, descriptam heic ideo subjecit Fabricius, quod paucorum in manibus, nostris quidem in oris, eandem versari intellexit.

ΜΑΡΚΟΥ ΑΝΤΩΝΙΝΟΥ ΑΥΤΟΚΡΑΤΟΡΩΣ
ΤΩΝ ΕΙΣ ΕΑΥΤΟΝ ΒΙΒΛΙΑ ΙΒ.

i. c.

MARCI ANTONINI IMP. EORUM, QUÆ AD SE
ipsum, Libri XII recogniti & notis illustrati.

Oxoniæ e Th. Sheldon, impensis A. Peisley, 1704, 8. ch. aug.

Constat pl. 17.

Ilustre admodum inter Stoicæ sectæ addictos nomen est Marci Antonini Imp. quippe quem incredibili Zenonis atque Chrysippi placitorum amore captum, in Stoica Philosophia excolenda omne, quod ab Imperii administratione ipsi superaret, tempus consumsisse, tum illi, qui res ab hoc Imperatore gestas litteris consignarunt, communi suffragio testantur, tum vero maxime elegantissimum hoc, quod de rebus suis scriptum reliquit, ingenii monumentum egregie prorsus confirmare videtur. Continet iste liber varias easdemque fortuitas sæpe Antonini, de iis, quæ ad bene beateque vivendum pertinent, meditationes, ac in multis cum sanctissimæ religionis nostræ decretis plane convenit, in quo adeo exponendo pariter atque illustrando operam posuerunt, qui a novæ hujus editionis Autore in Præfatione recensentur, doctissimi viri, Guil. Xylander, Annotator ille Lugdunensis, Mericus Casaubonus, Collierius, Thomas Gatakerus & Cl. Dacierius. Hos inter omnium optime, Gatakerus de Antonino meritis est, eundemque & nova eademque pereleganti interpretatione, & commentariis varia ac recondita doctrina refertis illustravit. Sed enim vero cum hos ipsos Gatakeri commentarios nimia sui mole laborare, reliquos autem enarratores in difficillimis sæpe locis explicandis deficere

E e e

animad-

animadverteret Oxoniensis noster ἀνώνυμος; novam hanc *Antonini* editionem, Cl. inprimis *Hudsonii*, Bibliothecæ Bodlejanæ Præfecti, Amici nostri æstumatissimi, consilio adjutus adornare suscepit, qua textum quidem ac versionem fere integram ad exemplum Gatakerianæ editionis exhibuit, notas autem ex omnium commentariis præcipuas tantum, & ad auctoris sententiam illustrandam maxime facientes, ac suis quoque observationibus permistas adjecit. In fine hujus editionis additæ sunt *Epistola*, *Antonini* nomen præferentes, quas quidem a Græcis recentioribus confectas esse, eruditorum plerique existimant.

INSTITUTIONUM CHRONOLOGICARUM LIB. II,
una cum totidem Arithmetices Chronologica Libellis, per
GUILIELMUM BEVEREGIIUM, M. A. nunc Episcopum
Asaphensem. Editio altera, priori
emendatior.

Londini, typis Samuelis Roycroft, & prostant apud Gualterum Kettilby, 1705, in 4.

Constant Alphab. i plag. ii.

STudium Chronologicum utut utilissimum existat, ab eo tamen plerique abhorrent, quia difficile admodum & perplexum. Enimvero nihil tam difficile, quin facile reddatur, si in sua quasi elementa resolvatur, ut simplicissimorum considerationi seorsim vacare liceat: quæ rite intellecta facile combinantur. Tale quid circa Chronologiam præstitisse *Beveregium*, eruditis ex prima Institutionum ipsius editione jam satis notum putamus. Dividit enim Chronologiam in partem *καίρικην* & *χαρακτηριστικήν*, quarum illa temporis naturam ac partes distincte explicat, altera de notis, quibus tempora distinguuntur, agit. Explicata igitur in parte prima definitio-
 ne temporis Aristotelica, scrupulum, horam, diem, hebdomadem, mensem & annum considerat, diversaque harum partium apud gentes diversas genera enumerat, describens inprimis an-
 num

num Gregorianum & Julianum, Ægyptiacum, Æthiopicum, Persicum, Syriacum, Græcum, Astronomicum, civilem & Solarem Judæorum, atque Arabicum, solutis simul problematibus huc spectantibus. In partes secunda characteres dividit in naturales & institutos. Naturales recenset syzygias, eclipses & ingressum Solis in puncta cardinalia seu Æquinoctia & Solstitia: ubi in Æquinoctiis & Solstitiis anticipationem seu annuam versus mensium initia retroversionem in anno Iuliano expendit, eademque utitur ad calculum Æquinoctiorum & Solstitiorum sine tabulis Astronomicis absolvendum. Inter characteres institutos refert cyclum Solis, cyclum Lunæ, Indictionem & Epactam: quorum explicationi periodorum Metonicæ, Calippicæ, Dionysianæ, Iulianæ expositionem subjungit. Denique multus est in explicandis characteribus fixis, seu epochis, unde annorum numerandorum initia repetunt gentes. Recenset certe Æram Christianam, Diocletianam, Mundi, Judaicam, Trojæ captæ, Urbis conditæ, Antiochenam, Olympiadicam, agonum Capitolinorum, Julianam, Hispanicam, Actiacæ victoriæ, Nabonassaræ, Philippeam, Alexandream, Yezdegirdicam & Muhammedicam.

In Arithmetica Chronologica partem characteristicam, a reliquis Arithmeticæ Scriptoribus vulgo neglectam, potissimum explicat, signa numerica apud diversas gentes diverso tempore usitata uberrime declarans. Reliqua vulgaria sunt.

REPONSES AUX QUESTIONS D' UN Provincial.

i. e.

RESPONSIONES AD QUÆSITA CUJUSDAM Provincialis. Tomus II.

Roterodami, apud Reinerium Leers, 1706, 12.
Alphab. 1 plag. 5.

DE prima hujus operis Parte dictum est in Actis A. 1704 p. 433
1q. Altera hæc ad stromatum imitationem varia rursus variæ
eruditionis monimenta nobis sistit. Initium fit a Jacobæ Bojoa-

E e e 2

ricæ

ricæ, Comitis Hollandiæ, gestis, cuius morum pudicitia examinatur, stylo in eorum sententiam, qui de illa secius sentiunt, propendente. Accedunt fata Mariæ Anglicæ Ludovici XII Regis Gallici viduæ, cuius alterum imparibus tædis contractum conjugium a sublesta Jac. Phil. Bergomensis narratione vindicatur, enumeratis notabilioribus illustrium foeminarum matrimoniis. Hinc de Marefchallo Mellerajo disquiritur, ostenditurque, illum Advocati nepotem & Reformatæ olim religioni addictum, fuisse, quo loco & controversia inter ejus filium, Ducem Mazarinum hujusque conjugem orta atque ab Erardo & S. Evremonio acta explanatur. Afferuntur in medium notatu digna plura de Maria Mancinia & Ludovici XIV in illam amore, vero quidem, sed falsis passim & confictis circumstantiis descripto, & de perniciæ ex libellorum eroticorum lectione oriente, quam in rem exemplum Franciscæ Malatestæ hac via ad incestum perductæ accurate enarratur. Magna vero pars libri consumitur in disputatione cum Derensi Episcopo, G. King, & examine scripti ejusdem de Origine mali, ubi Auctor, (quem P. Bælium esse, diffiteri nemo potest,) operam dat, ut prober, Kingium ad dubia rationis humanæ non optime respondisse, & per hypothesein Manichæorum de duobus principiis ea longe speciosius solvi: eundem hinc inde hallucinatum, maxime quando bonum & malum a mera Dei electione dependere statuit: neque malum physicum neque morale ab illo ad legitimos excusationum fontes perductum esse, semperque scrupulum istum esse residuum, potuisse Deum, quippe infinite bonum, sapientem & potentem, systema aliquod mundi & concipere & producere, quod malis istis omnino careat. His explicatis, historia Germanæ Foxiæ, quæ cum Ferdinandi Catholici fuisset conjux, nupta postmodum est exuli Calabriæ Duci, observationibus variis decorata exponitur. Post hæc Auctor V. C. Jac. Bernardum, Auctorem Novorum Literariorum Amstelodamensium aggreditur, vindicaturus dubia, quæ olim contra consensum gentium argumentumque pro Dei existentia inde petitum proposuerat, quod salvum hactenus perstitisse existimat; quo loco suo more notitiam, quam Pagani de Deo habent, prorsus corruptam, nec notitiæ nomine dignam

ne dignam, imo Deo non magis convenientem esse, quam arboris idea ad hominem quadrat, iterum iterumque propugnat. Scriptoribus Diarii Trevoltienſis eadem propemodum opponit. De Godofredo Varaglio, qui Capuccinorum monachorum auctor Hoſpiniano creditur, deinceps Bælius diſquiri, ostenditque, nec hunc, nec Ochinum ordinis istius conditorem fuisse, etsi posterius istud Beza, Legerius & Petrus Aegidius statuerint. De Valdenſium inde numero diſquiri, evicturus, numerum eorundem præter rem hinc inde mirum quantum augeri, cum longe sit, ac creditum est, inferior: porro de Olivetani translatione Biblica Gallicana, auctorisque vita agit, deque falso credita prædictione restitutionis Valdenſium, Episcopo cuidam Anglo-Britanno adſcripta. Diſquiri porro de P. Jurii Apocalypticis vaticiniis monetque, illum palinodiam velut cecinisse, cum A. 1699 ſcriberet, Galliam, quam propediem in Protestantium partes totam concedſuram crediderat, magis quotidie in ſuperſtitiones Romanas præcipitem ferri. Multa poſt hæc ipſi eſt inquiſitio de Nicolai Cuſani Cardinalis vaticiniis, deque ejus methodo futura Eccleſiæ fata ex Jubilæis annis, applicatis ad annos & meſes vitæ, mortis, reſurrectionis & adſcenſionis Chriſti, derivandi. De Imperatoribus Auſtriacæ gentis, qui Proteſtantibus faviſſe dicuntur, in poſtremis fere diſſeritur, atque ita quidem, ut Auctor pervulgatis narrationibus parum fidei habens, favorem iſtum verum fuiſſe vix largiri velit, indirec-
tæ autem nonnulla ab iis in uſus Proteſtantium facta, ſed aliis omnino ſinibus, concedat, & præſertim de Caroli V obitu non præclare adeo, ac multi alii, ſentiat. Tandem Jurii aliorumque narrationes de incredibili meretricum Patres Conſtantienſis Concilii ſecutarum copia, nec non de Maximiliano I Imperatore ad dignitatem Romani Pontificis adſpirante examinantur.

PETRI MATTHÆI CONSENTINI ANIMADVERSIONES Phyſico-Medicæ, in Decem Dialogos digeſtæ.

Neapoli, apud Dominicum Antonium Parrinum, 1704, in 4to.

Conſtant Alphab. 1 plag. 6.

Ecc 3

Cum

- Cum ad Medicinam addiscendam animum applicasset Clarissimus Matthæus, ab ore Thomæ Cornelii Consentini pendere pro gloria duxit. Et quoniam eodem tempore præter alios Franciscus Salernitanus & Josephus Lambertus Massanensis ejusdem domum frequentabant, nostroque Autori, dum viverent, existerant amicissimi, horum amicorum memoriam vivam custodire & in Dialogis hæc eos differentes inducere ipsi placuit, ut saltem hoc conatu felicibus eorum manibus parentaret. Physiologiam igitur tradit, singulasque partium actiones rimatur, objectiones mover, easque resolvit. Incipit a chylicatione, ubi Problema soluturus, cur fluida alimenta aliquando satis difficulter & cum suffocationis metu animalia deglutiant, solida & dura nullo labore demittant? supponit, in omnium alimenterum deglutitione quicquid a lingua in pharyngem defertur, statim ejus musculos movere, & per hos fibras œsophagi transversales dilatari; quod si autem hæc ob aliquam lationem constringantur, ita ut canalus hic non adeo facile aperiat, liquida, quia in pharynge nullam vel levem motionem & pressuram producant, etiam ipsius musculos minime commovere, nec fibras gulæ transversales dilatari, sed foras potulenta regurgitare: solidos vero cibos semper majori vi a lingua in pharyngem impelli, hujusque musculos magis laceßere, hinc per dilatatas œsophagi fibras transversales feliciter descendere ad ventriculum. Digestionem ciborum intra ventriculum perfici putat, dum ex mutua unione & miscela humoris digestivi ita cibi agitantur, solvuntur & exaltantur, ut tertium quid ab illis omnino dissimile proveniat, quod dum separata erant, nec in cibis, nec in humore digestivo aderat, id est, per solam extractionem digestionem non absolvi. Purgantium non tam drasticorum, quam blandiorum & lenitivorum noxas experientis in variis animalibus, quibus folia Sennæ, Diagridium, Conserva florum Persicorum, Pilulæ ex Aloe violata, Rhabarbarum, Crocus metallorum communicata varias easque noxas sanguini & intestinis qualitates induxerant, adornatis exaggerat. Pergit tum ad motum chyli, ejusque depurationem, lactis elaborationem, sanguificationem, & motum animale. Cordis equidem
- p. 14
- 32
- 43
- 57
80.87

equidem motum non tantum a spiritibus per nervos cardiacos influentibus, sed ab ipso sanguine in cor injecto fibrillasque ejus vellicante & stimulante produci existimat. Cordis palpitacionem a sanguine alterato & acri provenire, uberius docet. Sanguinis missionem post timorem nocivam pronunciat. Respirationis necessitatem declaraturus, substantiam quandam volatilem statuit, quæ in sanguinem penetrat, ac intime cum eo miscetur, unde illius fluxibilitas, attenuatio & motus provenit; illamque in ventriculum delatam succum digestivum acuere, a quo excrementorum separationes & perfecta chylicatio dependent. Omnem sanguinis missionem inutilem judicat, quia non sanguis sed humores vitio aliquo laborant, quod per venæ sectionem non corrigitur; potius cruore magis elaborato, tenui, fluido & mobili educto, reliquis parte sui spiritus spoliatus ægre in pristinam & congruentem crasiam reduci potest, atque virium diminutio, debilitas, & penuria naturalium functionum sequitur; sanguinis autem abundantiam, quæ pro venæ sectionis indicante vulgo proelamatur, a copioso & nondum subacto chyllo vel a crudis viscidisque particulis admistis, per diætam & spirituosum sanguinis motum circularem æque ac intestinum attenuandis, dependere ait. Post hæc circulationem sanguinis declarat, vasorumque anastomoses defendit. Explicato hinc lienis, hepatis, renumque officio, capsulas atrabilarias portiones salvas & acidas, a quibus stimulum & vellicationem in vesica urinaria percipiunt nati, in fœtu tamdiu conservare & retinere, donec tempus partus adveniat; at infante in lucem edito nullum amplius usum habere, sed paulatim diminui & extenuari existimat. Mittimus ea, quæ de cerebro & glandulis differit.

88. 89

97

98

III

131

136

154

169. 183

189

197. 211

GEORGI BAGLIVI, MEDIC. THEOR. IN ROMANO Archilyc. Prof. Societatis Regiæ Londinensis, Academ. Imp. Leop. &c. Collegæ, Opera omnia Medico-Præctica & Anatomica.

Lugduni, sumptibus Anisson & Joannis Posuel, 1704, in 4.
Alph. 4.

Quanto

Quanto applausu Clarissimi Autoris libri de Praxi Medica, & de Fibra motrice, cum annexis varii argumenti Dissertationibus, fuerunt excepti, tanto, si non majori, presentia ejus sine dubio excipientur Opera, quod laudatos non solummodo libros, cum Dissertationibus consociatos & in Actis A. 1698. p. 33 & A. 1703 p. 338 a nobis commemoratos, auctiores, sed & Praefationem novam, novamque Dissertationem cum variis Epistolis contineant, strictim nunc recensendas. Tædiosum siquidem foret, omnes morbos, de quibus Aphorismi Capiti nono Libri primi de Medica Praxi accesserunt, omnesque Propositiones, quæ Capiti octavo, nono ac decimo Libri primi de Fibra motrice additæ occurrunt, huc velle transcribere: e re potius videtur sine uberiori enumeratione eorum, quæ hinc inde accreverunt, ad reliqua additamenta nova progredi. Praefatio namque, omnem operum, quæ hic sistuntur, dispositionem atque Bagliviani systematis præstantiam exponens & defendens, licet Autoris calamo haud debeatur, hujus tamen epistolam comprehendit, in qua partim falsitatis potissimum convincuntur omnes, qui Pacchioni inventa circa structuram meningis a Nostro subrepta fuisse malevole clamitarunt, partim novus liber, qui de multo ejus labore in scrutanda solidorum natura testetur, ad praxin utilissimus, de internis atque occultis viscerum varicibus, hydatidibus & aneurysmatibus, promittitur. In Dissertatione vero nova, quæ quinta est, varia de morborum & naturæ analogismo, de vegetatione lapidum, & de terræ motu Romano A. 1703 ad Jo. Franciscum Maurocenum, Venetorum apud Pontificem Oratorem, perscribuntur. E tractatu scilicet, qui de morborum analogismo edetur & in quo explicabitur, quomodo morbi, tam natura iidem, sed partibus læsis differentes, quam natura diversi, in exortu, symptomatibus, curatione ac prognosi invicem conveniant, speciminis loco pleuritidis cum aliarum partium inflammationibus analogia, quatenus in cunctis iisdem per anodyna & diluentia laxitas primum solidorum, deinde etiam fluidorum, per convenientes vias eliminandorum, sit procuranda, similitudo dolorum, ubique a crispatura solidorum dependentium atque demulcentia requirentium, quam-

vis dolores gallici cum antigallicis, scorbutici cum anti-scorbuticis, & melancholici cum sero lactis, succis herbarum depuratis, v. g. sonci, borraginis, cichorei &c. & his similibus, leniendi veniant, atque convulsivorum morborum congruentia, depromuntur. Lapidum autem vegetatio quemadmodum talibus adstruitur observationibus, quæ vel lapides in principio molles esse ac teneros, vel lapicidinas non exauriri, sed nonnullas earum denuo repleri, vel lapides etiam quosdam ex diversis stratis compingi, demonstrent; ita durities lapidum, ex terra tenaci & succo lapidifico sive aqua saxeis ramentis turgida resultantium, aut humori bituminoso & conglutinati, aut principio salino, quo spiritus quoque lapidificus abundet, attribuitur, fluminumque originis & lapidum vegetationis ac nutritionis causa communis mare asseritur. Ignes denique subterranei cum primaria terræ motuum causa reputentur, nonnulla prius de iisdem traduntur, quam historia terræ motus Romani, quo plures urbes adjacentes fuerunt eversæ, pandatur: hic inter alia ex ore civis Aquilani refertur, terræ motum Aquilæ adeo extitisse horrendum, ut illi, qui in campis arborem aliquam amplexati sunt, ne caderent, ab hac fortiter vi terræ motus fuerint repulsi ac in humum prostrati. Tandem Epistolarum quatuordecim, quas Viri Clarissimi ad Nostrum dederunt, non nisi tribus responsoriæ hujus adjunguntur, quarum tertia ad Gualterum Harris, Medicum Londinensem, duæ priores autem ad Nicolaum Andry, Medicum Parisiensem, exaratae habentur. Ast quia primæ harum de lumbricis latis eorumque generatione mentionem jam fecimus, cum Nicolai Andry tractatum de generatione vermium in corpore humano in Actis A. 1700 p. 519 exhiberemus, pauca unice ex secunda de purgatione in principio febrium ac de febribus mesentericis Romanorum addere liceat. In principio nempe earum febrium, in quibus primæ viæ humoribus pravis turgent vel infarctus etiam mesenterii adest, potio aliqua purgans laudatur, cum clystere, si evacuatio lentius procedat, atque calido fomento abdominis emolliente, nec non cum stomachico aliquo, vel singulis, vel alternis diebus usque ad septimum usurpanda.

Fff

Econtra

Econtra si vel minima suspicio appareat morbi acuti & inflammatorii, in principio haud purgatio, verum venæ sectio, etiam repetita, cum clysmatibus emollientibus & temperantibus, commendatur. Singulare interim est, quod in febre quadam epidemica maligna, in qua vermes teretes affatim excernebantur, vinum maxime profuerit, ceu in quod vermes pariter vivi inditi statim perierint, cum in oleo, aqua saccharata, spirituvini, aceto, succo limonum, per plures horas ac dies viverent.

GEORGII BAGLIVI, PHILOSOPHI ET MEDICI

Opuscula duo.

Lugduni Batavorum, apud Fredericum Haaring, 1707, in 8.

Constant plagul. 7 fig. 1.

EXperientissimi *Baglivi* Operibus, modo memoratis, merito duo ejus *Opuscula*, hoc anno apud Batavos recusa, subjungimus: quorum primum *Canones de Medicina solidorum ad rectum Statices usum complectitur*, occasione *Sanctorii de Statica Medicina* libri, Romæ prelo A. 1704 denuo commissi, sed hic omitti, ceu Lugduni Batavorum recentissime jamdum typis exscripti, potissimum conscriptos, Præfatione attestante, quæ Amplissimo Jo. Francisco Mauroceno inscribitur: alterum vero *Dissertationem varii sistit argumenti, ad Petrum Hottonum, celeberrimum in Academia Leidensi Medicum atque Botanices Professore* A. 1705 datam. *Canones quidem de solidorum Medicina numerum sexagenarium complent, de cunctis tamen Lector facile judicabit, ubi ex Canone 1. 8. 10. 20. 25. 38 & 40 cognoverit, æquilibrium inter mentem & corpus a Medico esse inveniendum, mentis per Staticen Philosophiæ moralis, corporis per Sanctorii Staticen; quod in tali æquilibrio sanitas consistat & vita. Notitiam solidorum varie oscillantium, & liquidorum vario motu currentium per corpus animatum, ad doctrinam Statices rite percipiendam maxime conferre. Staticen Sanctorii & circulationem sanguinis Harvejanam duos esse polos, quibus universa regatur veræ Medicinæ moles, hisce inventis restituta & confirmata. Mortem naturalem ob ariditatem exsiccationemque solidorum, & falsedinem atque vappiditatem liquidorum venire: solidis mederi balneum tepidæ, liquidis vero*


insen-

insensibilem transpirationem & cibum boni succi sobrie sumptum. Morbos chronicos & acutos per purgantia, diaphoretica, diuretica, similiaque frustra curari, nisi solidorum & liquidorum natura ad rectum ordinem reducat. Coctionem humorum in laxitate debita solidorum & liquidorum consistere, cruditatem vero in contractione ac veluti confusione stranguationeque eorundem. In liquidis animati corporis manifeste observari Mechanicam chymicam digestionum, coctionum, fermentationum, despumationum, exaltationum, præcipitationum; in solidis autem Mechanicam cunei, vectis, elateris, funis penduli, projectionum, resistentiæ & oscillationis; in utrisque autem simul junctis certo patere regulas æquilibrîi, proportionis, centri gravitatis, resistentiarum, pressionum, projectionum. In Canone 45 de tabe viscerum peculiaris promittitur Dissertatio, cum libro de Medicina agonizantium, in quo ratio edocebitur, qua ægrotis in ultimo agone constitutis debeat subvenire, quam primum edenda. In Dissertatione autem de progressionem Romani terræ motus ab A. 1703 ad A. 1705, de Systemate & usu motus solidorum in corpore animato, atque de vegetatione lapidum & analogismo circulationis maris ad circulationem sanguinis differitur. Scilicet dum progressus terræ motus Romani a Calendis Martii A. 1703 ad Calendas Martii A. 1705 primum recensetur, nunc historiola maximi terræ motus Neapolitani A. 1688 subnectitur, nunc historia cum morborum communium & epidemiæ constitutionis, quæ annis istis Romæ regnavit, tum morborum in specie, quibus Norisius & Sfondratus, Cardinales, A. 1704 & 1706 succubuerunt, attextitur: e quarum illa modus haud silendus videtur, quò variolæ, in puero septenni retrocedentes ac lethalem pene spirandi difficultatem inferentes, felicissime ad cutis ambitum revocatæ fuerunt. Statim namque Noster iussit totum fere corpus lanceola scarificari & appositis eucurbitulis hinc inde sanguinem ad libras duas educi, hocque e ducto puerum linteis calidis involvi & ad dormiendum disponi: mane autem totam cutem oleo amygdalarum dulcium cum spiritu salis armoniaci commixto curaverat obliniri, quo

variolosæ materiæ eruptio ab interioribus ad exteriora promovetur; nec sine effectû, variolis siquidem copiose denuo erumpentibus, spirandi difficultas sensim desit, puerque optime convaluit. Neque dubitatur, quin petechiæ aliæque papulæ cutaneæ, ad interiora recurrentes, eadem scarificationum & inunctionum methodo ad exteriora queant revocari. Dum Norisii ejusque de Epochis Syro-Macedonum libri sit mentio, egregium quoque & perrarum e museo suo nummum producit Autor, nobis in Tab. VIII Fig. 1 delineatum, qui a L. BIBULO M. F. PRÆF. in honorem M. Antonii & Cleopatrz cusus, subscriptas habet litteras $\Delta \Sigma$, Epocham Egyptiorum ac Syrorum denotantes. Columnam potius Antonini Pii, cujus Romæ A. 1703 pariter detectæ mentio simul fit, figuraque ex *Vignolo* additur, eo magis silentio præterire liceat, quod egregium hujus *Vignoli* de eadem opus proxime a nobis sit accuratius commemorandum. Hinc paucis nonnulla perpenduntur, quæ ad systema de solidæ matris motum in externa & convexa parte debiliorem esse, quam ut omnes membranas subjectas ad oscillationem systalticam continuo possit impellere, vel ligata jugulari motum duræ meningis in externa parte cessare, animal tamen aliquamdiu superesse, objiciunt. Motum quippe matris duræ ab innato & systaltico fibrarum elatere dependentem & a *Realdo Columbo lib. 14 de Anatomica* primum descriptum, in centro magis ejus circa falcem & septa vigere, quam in peripheria, annotatur. Quemadmodum vero œconomia corporis animalis & æquilibrium solidorum cum liquidis in collisione calculi cum pelvis renum lateribus ad sensum turbatur, ita admiratione dignum est, quod clyster, ex jusculeo carnis & oleo amygdalarum dulcium injectus & per sex horas retentus, crudelos quidem ex calculo dolores in aliquo ægroto sedaverit, non tamen per alvum, sed totus cum urina secesserit oleumque urinæ innataverit. Nec ad innatum fibrarum elatere & portentosam oscillationem confirmandam parum confert, & portentosam oscillationem confirmandam parum confert, piscis ille molis maximæ, qui, vulgo *Requen* dictus, in toto Oceano Barbarico reperitur, dum, animali enecto caudaque, capite

TAB. VIII. ad A. 1707.

M. Sept. p. 412.



pite, corde ac visceribus omnibus resectis, truncus cadaveris sine liquidis, sine spiritibus, sineque visceribus per multum tempus adeo fortiter agitur & concutitur, ut tres vel robusti homines illi detinendo vix sufficiant. Tandem Observationibus in dissertatione de vegetatione lapidum pro horum mollitie in matricibus ipsorum comprobanda prolatis, aliæ hic adduntur, marisque circulatio, multum ad lapidum nutritionem faciens & a pondere, tum proprio, tum salis ingeniti, tum aeris superincumbentis dependens, cum circulatione sanguinis ita comparatur, ut in sanguine non minus, quam in mari, quadruplex motus, primus ab oriente in occidentem, alter a septentrione in meridiem, tertius fluxus & refluxus, ac ultimus filtrationis, observetur.

*DISQUISITIONES BIBLICÆ IN UNIVERSUM PENTATEUCHUM, Autore R. P. CLAUDIO FRASSEN, Peronen-
si, Sacra Facultatis Parisiensis Doctore &c.*

Parisiis, apud Petrum Witte, 1705, in 4.

Alph. 4 pl. 4.

IN Biblicis his super Pentateuchum Quæstionibus non ea Autoris mens & sententia est, ut in singulos Scripturæ textus prescius inquirat, eximia pietatis semina ex iisdem eliciat, aut ad speculationes mysticas controversiasque ad ingenia sacri belli classica canentium excogitatas istos detorqueat, sed ut obscuriores tantum libri cujusque textus pro virili illustret, loca in speciem pugnantia conciliet, graviores & Chronologicis tricis involutas controversias componat, & præcipua tandem sub literæ cortice latentia mysteria in lucem protrahat. Postquam enim idem hic *Frassenius* Biblicarum suarum Disquisitionum Tomum primum A. 1682, quo ipso anno ejus in Actis nostris p. 384 seqq. recensum dedimus, Parisiis jam tum evulgaverat, suarum duxit esse partium, ut relicto, in quo hæctenus hæserat, sacri tabernaculi vestibulo, intimum istius sacrarium propius tandem sibi sumeret perlustrandum. Id vero ut justo & legitimo fieret ordine, in Tomo hoc Disquisitionum secundo ita rem omnem digerit, ut digna notatu in sacro textu occurrentia sub distinctis & Titulis & Quæstionibus erudite discutiatur. Nos prioribus & ulti-

Fff 3

mis

mis Geneseos Capitibus, ubi seges Quæstionum sic satis ampla & fecunda reperitur, missis, ex istis tantum, quæ de Titulo CXLVII rite instruendo, ultimisque Jacobi ad filios directis verbis Auditor adnotat, pauca hic excerpemus. Cum enim, præter Judam & Josephum, nulli amplius pater moribundus benedixerit, Ruben vero, Simeoni & Levi maledixisse, reliquisque futura solummodo annunciasse videatur, convenientius esse existimat, ut Jacobi Vaticinium potius, quam Benedictio, maxime cum ⁷⁷³ maledictionis quoque significato quandoque gaudeat, Caput hoc inscribatur. Accurate præterea cum potissimum in finem singula hic expendit, ut mysteria in vaticiniorum verbis latentia clare magis ac perspicue evolvat. In medio ita paginae Rubenis nomine, quam methodum & circa reliqua observat, posito, & Lectorem admonito, quod in sua ad filios adlocutione generationis & nativitatis ordinem Patriarcha ubivis fere negligat, in verbis vaticinii plene ibidem expressa uberius demum inquit. Exordium, ne plura ex Genesi cumulemus, sub examen dehinc revocans, ante omnia monet, quod centum & quadraginta quinque annorum res gestas liber iste in se contineat. Hi si cum annis 2369 in Genesi comprehensis rite componantur, in proclivi esse, quod a mundi creatione ad erectum usque tabernaculum anni 2514 defluerint. Plurima insuper & historica & aperta cum in secundo hoc Pentateuchi libro recitentur, in istis solummodo, quæ vel ad Theologicam rem spectare, vel ita reconditum & abstrusum habere videantur sensum, ut absque interpretis ope erui vix possit, exponendis p. 426 seq. occupatum se esse vel le indigitat. In tertia, quæ Leviticus vocatur, operis Mosai- ci parte, cum, ex Sorbonici Doctoris mente, facilem & obvium ibidem quoque cuncta fere ingerant sensum, titulis sive summis Capitulorum hic neglectis, sequentes quinque partes principales, sacrorum puta Ministrorum, sive Levitarum, electionem & functionem; immunditiarum & ab istis purgationum ordines distinctos; ciborum delectum & multiplices tandem leges præceptaque varia, tam Moralia, quam Judicialia, perpendit. Legibus decem, quas Decalogus depingit, & ad quas alia innumera, velut rivuli ad fontes, referenda p. 614 seqq. sunt, ordine propositis & declaratis, de Cerimonialibus Judæorum

rum Festis, Neomeniorum scilicet, Paschatos, Pentecostes, Tubarum, Tabernaculorum, Scenopegiae aliisque, de Judaeorum item senatu Sanhedrin, ejusque praeside, de judiciis & poenis istorum capitalibus, quibus & judicia & poenae subjunguntur, Ecclesiasticae, multa lectu haud injucunda commemorat. Ad quartum, qui a numeris apud Graecos & Latinos nomen habet, Librum delatus, ibidem quoque plana quavis esse & aperta, paucis tantum, quae sub rudi & simplici literae cortice maxima foveant mysteria, exceptis, censet. Tribus interim partibus principalioribus, in quas istum dispescit, constitutis, Capitulorum singulorum summas & contenta, dubiis, si quae moveri poterant, summotis, in subsequentibus explicat. Ad quintum eundemque ultimum Librum, qui ab Ebraeis **אלה תורה** *Hae sunt verba*, a Graecis *δεύτερος νόμος*, *Secunda Lex* nuncupatur, tandem adnotat Autor, quod cum leges non paucae novae ibidem proponantur, fusius & distinctius nonnullae explicentur, variae item rerum circumstantiae in historia antea praetermissae in theatrum producantur, pro simplici & nuda prius dictorum & actorum repetitione aut Synopsi liber ille haberi nequeat. Ceterum si per senium Autori integrum fuerit, in reliquos Sacrae Scripturae Libros similes deinceps lucubrationes editurus est.

p. 658 seqq.

671

717

LETTRES DE G. DESNOUES &c.

i. c.

G. DESNOUES, ANATOM. ET CHIRUR. PROFESS. in Academia Bononiensi, ac Dn. GUGLIELMINI, Medicina & Mathemat. Profess. Pataviensis atque Societ. Reg. Scientiarum Parisiens. Membri, aliorumque Eruditorum Epistola de variis Inventis novis.

Romae, apud Antonium Rossi, 1706, in 8.
Plagul. 16 Figur. tab. 3.

Fasciculus

Fasciculus hic sistitur Epistolarum, quas Dn. *Desnoues*, ex *Blegny Zodiaco Gallico* non ignotus, vel ad Dn. *Guglielmini* scripsit, vel ab hoc aliisque recepit, cum in Galliam rediturus, celebrioribus Italiae urbes inviseret, postquam apud Genuenses Anatomici & Chirurgi munere ab obitu Dn. *Lescor* per tredecim annos esset functus. Argumentum vero earum tum varia Inventae & praeparata Anatomica, tum observata nonnulla circa lumen Veneream, cum aliis curiosis, constituunt, ceu quorum communicationem Dn. *Guglielmini* per sex Literas responsorias, Dn. *Nanni* autem, Anatomiae Professor Bononiensis, per Epistolam univocam, reliquis praemissam, & Autoris receptionem in Academicam Bononiensem simul indicentem, a Nostro sollicitaverat. *Mis-* sis tamen nunc canalibus, quos Antonius Marchettis vel ductus thoracici, vel lienis, tabulis agglutinatos Patavii demonstrare solet, ceu satis dubiis: misso itidem Magnete artificiali, quem *Joblot* Parisiensis ex longarum chalybis laminarum congerie parare dicitur, utpote ab hoc cum Observationibus suis Magneticis aliquando divulgando; Autoris inventa potius & praeparata Anatomica propria recensere liceat, adeoque innuere, quomodo ille tam duo cadavera, foeminae novem menses gravidae alterum, alterum foetus contenti & ad egressum praeprae, praeparare & vasa sanguifera universa, etiam capillaria, cera replere, atque conservare, quam Anatomiam artificialem invenire, partes solidas omnes cera exacte imitando, Genuae sustinuerit. In gravidae scilicet abdomine ad lineae albae ductum inciso, primum singularem uteri deprehendit figuram, alia occasione accuratius describendam & figura exprimendam; praeter miram quippe longitudinem ejus ac latitudinem, media pars crassissima anteriorius convexa, posterius autem concava erat testiculis ad pedem a fundo uteri distantibus, qui in latere dextro intestinum colon, hepar & diaphragma in tantum elevaverat, ut pulmonibus vix ibi in thorace concederetur locus. Hinc pro ventriculo & intestinis mundandis aquam per coli extremitatem, e regione vulvae perforatam, ut & per anum, curavit infundi; quemadmodum pro sanguine eluendo aquam per aortam nunc sursum, nunc deorsum, instrumenti Bartholiano non absimilis adju-

mento iniecit, exitum aquæ per tubulum epistomio instructum & venæ cavæ prope cor adaptum concedens. Tum ad vasa exsiccanda ramulosque forte lãsos detegendos aere impulsio, eo-que rursus per Antliam pnevmaticam exantlato, arterias cunctas spiritu vini rectificatissimo, cinnabari subtilissima tincto, replevit, ut minimi etiam ramuli apparerent rubicundi, quasi cera rubra distenderentur; quippe quam liquefactam demum, ubi spiritus vini exhalasset & cadaver aquæ calidæ immersum esset, ope syringæ magnæ lati orificii, cum clave probe calefactæ, per aortæ tam ramos superiores, quam truncum inferiorem immisit. Pro venis autem viridi cera implendis, hanc propter valvas seorsim in venas manuum & pedum, sinum longitudinalem, venam portæ, pulmonalem & coronariam cordis injicere habuit necesse. Nec in fœtus, ex utero per vulnus inflictum, cum placenta extracti, vasis præparandis alium adhibuit modum, nisi quod arteriis cera replendis una injectio sufficeret. Quo utriusque vero cadaveris viscera, præter cerebrum, conservaret, spiritu vini, in quo aliquid mercurii sublimati dissolutum erat, eadem non modo abluit, sed & spiritum dictum in ventriculum & intestina iniecit, eorumque vasa innumera sanguifera, a pinguedine liberata, non minus quam nervos & musculos præparavit, omniaque sæpissime deterfa vernice succini, cujus præparandi, colorandi & usurpandi ratio additur, obduxit: licet, propter musculorum & viscerum figuram naturalem & flexibilitatem servandam in usum quoque alias modò solutionem niri vel salis armoniaci, modo spiritum terebinthinæ & lavendulæ vel tincturas aromaticas, modo spiritum vini & mercurium sublimatum, consueverit vocare. Ast præterquam quod Auctor parvas glandulas canaliculis excretoriis præditas & in duplici serie circa penis coronam dispositas, glandularum itidem thyroidearum ductus singulares adinvenerit, suo tempore cum aliis Observationibus Anatomicis communicandos, multum imprimis in Anatomia artificili perficienda, qua cunctæ partes solidæ, naturalibus per omnia similes, e cera exacte repræsentarentur, desudavit, opera ad id primum Abbatis cujusdam Siculi, Zumbo, deinde Francisci de la Croix usus, ceu qui Anato-

men mulieris gravidæ ab illo inceptam adeo feliciter perfec-
 rit, aliasque inceperit, ut experientissimi etiam Anatomici par-
 tes ejusmodi, æeris pictas, pro veris & naturalibus habuerint,
 atque vel Ruyschii præparatis anteposuerint. Hac occasione
 Abbatem dictum, Anatomiam prorsus rudem & Parisiis postea
 mortuum, multæ iniquitatis arguit, quod varias partes pro se el-
 boratas clam imitatus fuerit, ædesque suas relinquens inchoata
 haud absolverit, sed caput artefactum Societati Regiæ Parisiensi,
 tanquam Autor talis Anatomiae artificialis, obtulerit, in Historia
 hujus Societatis A. 1701 a Dn. Fontenellio commemoratum.
 In luis Venereæ curatione duplicem sæpe committi errorem in-
 gnem annotat, alterum ab ægrotis, vel morbum gallicum,
 quo non laborant, suspicantibus ejusque remedia generosiora
 postulantibus, vel e diverso, etiamsi morbo isto toti corrupti
 fuerint, eundem tamen nihili facientibus & in remediis levio-
 ribus atque palliatis acquiescentibus; alterum ab iis, qui di-
 ctæ luis medelam suscipiant, nec eam, nec remedia ejus satis
 cognoscant, sed ægros tales omnes una eademque tractent ra-
 tione. Ex multis autem observatis, in diversis cadaveribus a
 morbo Venereo jugulatorum factis, & cum aliis de lue ejusmo-
 di Observationibus aliquando edendis, non nisi feminam quan-
 dam memorat, quæ alias formæ spectatissimæ de summa ce-
 phalalgia continua unice conquesta fuerit, mortua nihilomi-
 nus internas ani partes gangræna fere erosas, orificium uteri
 internum, (in quo seminis olim receptacula parva detexit, a
Blegny Zodiac. Gall. A. 3 p. 21 annotata,) ulcere obsessum, cra-
 nium cariosum & ossis tibiæ alterius exostosin, reliquis partibus
 salvis existentibus, spectanda præbuerit. Empyricorum tum men-
 tionem injiciens, arcana in lue Venerea aliisque morbis jactan-
 tium, lepidam historiam de Advocato quodam delirante, atque
 a similis furfuris homine primum tractato, recenset, eo magis
 mirandam, quod talis sanitati restitutus omnium, quæ delirii
 tempore locutus vel molitus fuit, exactam habuerit memoriam.
 Tandem quemadmodum Epistolæ octavæ Dn. *Bianchini* Relatio
 annectitur de igne, quem mons, *Pietra-mala* Italis vocatus, evo-
 mit, ita Epistola nona & ultima plura curiosa, v. g. de novis
 tele-

telescopiis inventis, de acidis a calumniis Recentiorum vindicatis, *Mistichelli*, Medici Romani, Epistolam ad *Autorem* de foetu quodam monstroso, de mirandis nonnullis terræ motus Aquilæ & Nursiæ observati effectibus, de novis in Auditus organo inventis, de facili columnam magnam erigendi & demittendi modo, a *Iosepho Campani* invento, Excerpta denique, literarum, quas *Iohannes Borghefi*, Medicus, de Patriarchæ Antiocheni itinere cum variis curiosis Phycis & Anatomicis ad Paulum Manfredi, primum Papæ Medicum, e Pontificio exaravit, Romæ impressarum, complectitur. Ex his singularem Nervi acustici tractum, in modum filamentum auris internæ cochleam & labyrinthum percurrentis atque ad cerebrum revertentis, quem ex industrii *Simoncelli*, Anatomici & Chirurgi Collegii Universitatis Romanæ, libro de Auditus organo, quam primum in lucem emittendo, *Dominus Mastichelli*, Medicus, ad Nostrum perscripsit & depinxit, innuisse & figuram huc transtulisse suffecerit. Digna quoque consideratu est figura altera, quæ repræsentat machinam *Campanianam* ingentibus columnis aut ponderibus quibusvis aliis erigendis & demittendis aptam, in qua A denotat columnam elevandam, B C trabem transversam cum 21 trochleis, D 20 trochleas alias, E axem cum rota dentata & cochlea perpetua. Nec possumus non adhuc monere, *Iosephum Campani*, qui ob insignem lentes telescopicas exactissime elaborandi artem jam ab anno 1664 famam maximam consecutus, affirmare, se novum reperisse artificium a tubi optici molimine telescopia liberandi, ab *Hugeniano*, A. 1684 p. 363 & seqq. nobis commemorato, prorsus diversum, tamque facile ac simplex, ut una persona omnem apparatus huc requisitum de loco in locum commode transferre queat, quantacunque sit lentium longitudo. Immo asseverat, se hujus artificii ope per telescopium 30 pedum ex distantia 15 milliariarum Italicorum indicem horologii; ex distantia fere 18 milliariarum Italicorum armarium in hypocausto radiis solaribus illustrato per telescopium 100 pedum distinctissime vidisse. Ast insigne hoc inventum non publicaturus est, nisi soluta a Principe quodam certa pecuniæ summa. Simile artificium sibi innotuisse jam-

TAB. VIII

Fig. 2.

Fig. 3.

G g g 2

se jam-

se jam dudum professus est Illustris Dn. de Tschirnhausen in Actis nostris A. 1699 p. 447. Optandum vero, ut uterque suum cum publico communicet, ne re utilissima diutius careamus: quo facto apparebit, quantum inter utrumque inventum discriminis intercedat.

*ARS NOVA AD AQUAM IGNIS ADMINICULO
efficacissime elevandam, Autore DIONTSIO PAPIN,
M. D. Matth. P. P. Marb. Consil. Hassiaco ac
Regiæ Societ. Londin. Socio.*

Frankfurti ad Moenum, 1707, in 8.

Const. plag. 6 & tab. æn. 1

EXhibuimus A. 1700 Mense Januario p. 29 & seq. machinam a Thoma Savery inventam, quæ aquam ope ignis attollit. Quare cum similem adinvenit ingeniosissimus Papinus, quam Saveriana perfectiorem esse contendit, ut ejus quoque descriptionem Actis nostris inferamus, res ipsa postulare videtur. Eruemus eam ex libello de hac machina edito, insimul indicaturi, quænam præterea ab Autore pertractentur. Ecce tibi integram machinæ fabricam. AA est vesica cuprea, quam Retortam vocat Autor. Diameter ipsius in medio 20 digitorum & paulo plus, altitudo 26 dig. Includitur ea fornaci lateritio, cujus superficies externæ 30 dig. a se invicem distant, lateribus ab utraque parte 3 dig. spatium replentibus, & Retorta AA in medio posita, 2 dig. undiquaque a fornacis parietibus distante. Per tubum CC Retortæ afferruntur aqua infunditur, qui tantæ longitudinis, ut crassitiem fornacis pervadat & nonnihil supra emicet, foramine tamen fornacis ibi probe obdurato, ne ignis illac erumpere possit. Vapores ex Retorta ascendentes per tubum recurvum BB in antellam DD deferuntur, pistillum FF depressuri & aquam infra stagnantem expulsuri. Ita vero construi debet fornax, ut tubi AB maxima pars in igne contineatur, epistomio E, per quod vaporibus erupturis via aperitur, fornaci quam proximo collocato

cato, ut vapores satis calidi in antliam DD deriventur, idcirco in minima possibili a fornace distantia firmandam. Relinquenda etiam est inter lateres & tubum unius digiti distantia; igni tamen nullo exitu concesso, nisi per exiguum foramen, cuius margines satis sunt alti, ut tubus AB ibi latens non impediat, quo minus dictum foramen operculo imposito exacte obscurari possit. Antliæ DD ex cupro paratæ diameter est 20 dig. & pistillum FF, qui est cylindrus cavus ex metallo ubique exacte clauso, 15 digitorum altitudinem percurrit. Tubi II superius orificium L apertum est, inferius clausum, quo ferrum candens intromitti possit, quod in superiore antliæ parte suspensum vaporum in antliam irruentium calorem ac vim augeat. Per axem cylindri is transit ipsiusque fundo & operculo exacte afferuminatur, ne aquam intret. Orificium ejus L, itemque tubus CC laminis metallicis accurate elaboratis exacte clauduntur, dum foraminibus impositæ vi ponderum appensorum statim fortiter comprimantur. Tubus GG, per quem aqua in antliam defluit, tam amplius fit, ut in angustissima parte sit 7 digitorum. Orificium ejus G 6 dig. ultra epistomium π elevatur, ut per hoc vase, DD pleno, aqua effluat. Valvula in S posita aquæ in antliam DD transitum concedit, sed regressum impedit: sicuti valvula in T ascensum aquæ in vas NN permittit, sed regressum in antliam prohibet. Angustiori extremo tubi HH annectitur tubus MM, cujus maxima pars intra vas cylindricum NN continetur. Altitudo vasis 3 pedum, diameter 23 digitorum. Aqua, per tubum MM in vas NN propulsa, aerem in eo contentum cbarctat & per epistomium XX adaperitum, cujus diameter est $2\frac{1}{4}$ dig. jugiter erumpit. Huic annectitur tubus, per quem aqua in locum commodum deducitur, unde quam efficacissime in rotam circumagendam impingere possit. In loco YY firmatur epistomium, quo aperto tota aqua inter valvulam T & epistomii orificium Y inclusa elabatur. Aere igitur in aquæ elabentis locum succedente, clauso rursus epistomio YY, prima machinæ operatio, aquam ex DD per HH impellens, aerem istum,

G g g 3

necessario

ciproce semper proportionales sint viribus contranitentibus. Omnes porro in machina animali motus, ad vitam præcise spectantes, perennante eadem esse continuandos ac reciprocitytibus redivitibusque perficiendos; cor autem unicum prædictorum motuum principium esse, nec aliud esse posse, in Propositione secunda & tertia, tam ratione, quam experientia, ostenditur. Et cum motus ventriculorum cordis motibus auricularum & arteriarum reciproci annotentur in Propositione quarta, Propositione quinta circa causam ostensorum in corde motuum, ex organica cordis & arteriarum structura inveniendam, tanquam præcipuum, difficillimum licet, problema, occupatur. In reliquis denique Propositionibus quatuor, vel inspirationis & expirationis in respiratione alternatio, seu, quod idem est, costarum elevatio & depressio a causarum elevantium & deprimentium alternatim sublato & restituto æquilibrio, vel motus reciproci diaphragmatis & musculorum abdominis ab æquilibrii alterna itidem destructione & restitutione, vel motus ventriculi omniumque in abdomine contentorum viscerum oscillatorius a diaphragmatis & musculorum abdominis reciprocatione, vel sinuum venosorum alterna contractio & expansio, partim ab arteriarum confinio, partim ab alterna evacuatione scite deducitur.

NOVA LITTERARIA.

Bernardum Montfaucon *Palaographiam Græcam, sive de ortu & progressu characterum Græcorum, & de variis omnium sæculorum scriptionis Græcæ generibus, additis figuris & schematibus*, Parisiis proxime prelo subjecturum, e litteris Amici accepimus. Nec ingratum forte Lectoribus futurum est, si brevem totius libri sciagraphiam hoc loco inseramus. Dividitur opus Libris sex, quorum primo, qui de *Instrumentis Græcorum ad scriptionem, de chartis, de libris, de amanuensibus & eorum notis* inscribitur, de atramento, & aliis liquoribus ad usum Græcorum, de picturis codicum ad rerum representationem, de chrysographia, (ubi & de instrumentis arandi & scholiaste Hesiodi MSpro) de philyra, tilia, papyro Ægyptiaca, charta plumbea, tabel-
lis

lis ceratis, charta elephantina, coriacea, membranea & de bombycinæ usu ac vetustate, de pugillaribus & de libris linteis, porro & de stylo, calamo & penna (qua occasione schemata S. Lucæ & Halicarnassæi scribentium ex antiquis exemplaribus deprompta exhibentur) de nominibus & forma librorum, sive interius, sive exterius spectata, de operimentis, scilicet quaternionibus, de columnis, de distinctionibus, de interpunctione, ac ejus ortu, & carptini de prosodia, de contactis & diptychis, de Scribis etiam & Amanuensibus, de Calligraphis nimirum & Notariis, de Chrysographis variisque Calligraphorum ritibus & notis agitur. Unde porro in eodem Libro notæ ac nomina Calligraphorum a tertio sæculo ad decimum sextum adduntur, & de regionibus quoque ac locis, ubi Græca scriptio frequentata fuit, quædam adnotantur. Liber secundus, *de Origine literarum Græcarum & progressu earundem usque ad quintum a Christo nato sæculum* inscriptus, literarum Græcarum originem ex Phœnicibus derivat, & præter literarum priscam formam ac schemata marmorum Baudelotiani & Farnesiani, caractere Ionico veteri scriptorum, alphabetum ex marmore Grimano, alphabeta item ex nummis Antiochorum & Ptolemæorum, siglasque & monogrammata exhibet, ubi & de mutationibus, quæ primis Imperii Romani temporibus in Græcis literis factæ sunt, nec non de Abraxeis figuris & literis, de schematibus animalium Deitatumque Ægyptiarum, earumque commixtione cum Christianis mysteriis, quibus adduntur alphabeta Basilidianorum Græca, ut & inscriptiones Ancyranæ, quarum pars inedita, aliaque Græca ad Augustorum priora sæcula pertinentia. Libro tertio, *Exempla librorum antiquissimorum, unciali caractere quinto sextove sæculo scriptorum*, complexo, ubi de vetustissimis libris membraneis agit Auctor, in quibus characteres unciales alii quadri, alii rotundi sunt sine accentibus, specimina codicum, Colbertini, Regii, Cæsarei & Basiliani, producit, pariterque duorum codicum, Dioscoridis Cæsarei, qui sexto ineunte sæculo, curante Juliana Augusta, scriptus est cum figuris, & Neapolitani paris ætatis, nec non codicis Græci corticei Turonensis, sine accentibus & spiritibus scripti. In-

H h h

de ad

de ad codices septimi sæculi pergens purpureum Neapolitanum cum accentibus, exemplum item codicis Colbertini, specimina exemplarium, Regii & Sangermanensis, & alphabetum Psalterii Murbacensis exhibet, ac denique noni quoque sæculi specimina Græca apud Latinos ex Psalterio Monasterii Sancti Michaelis in Lotharingia, quod Sedulii Scoti manu exaratum fuit, aliisque codicibus affert. *De Characteribus* porro *ligatis sive ductu calami conjunctis* Libro IV agens, formam scriptionis Græcæ noni ac decimi sæculi e codicibus, Florentino & Patavino, explicat, plurimæque decimi inprimis sæculi specimina a se invicem diversissima propinat, & de Cryptographia quoque Græcorum erudite differit. Denique in eodem Libro sæculorum, undecimi, duodecimi, decimi tertii & decimi quarti specimina notatu dignissima producit, quibus Libro quinto *Tabula* omnium formarum Græcæ scriptionis, abbreviationum item, nominum propriorum, aliarumque (qua occasione de sphalmatibus per abbreviationes in exemplaria edita investis agit) & monogrammata, demumque Libro sexto *Diplomata* quædam Græca, quæ Regnum Neapolitanum concernunt, subjungit. Accedit ultimo loco Descriptio montis Atho a Joanne Comneno Græco vulgari idiomate edita, & nunc Latine versâ cum gemino montis prospectu in schemate delineato. Hæc fere Operis anecdoti contenta sunt, quod ut ipsum doctissimus Benedictinorum Montfauconius brevi emittat, boni publici causa optamus Ejusdem Autoris *Novam Collectionem Græcorum Patrum*, quam superiori anno duobus Voluminibus in folio, quod ajunt, vulgavit, proxime in Actis nostris exhibebimus. Prodiit & nuper Parisiis nova Dictionarii Moretiani editio, quam Angelus (le P. Ange) Exprovincialis Ordinis Discalceatorum D. Augustini centum quinquaginta articulis auxit, qui & passim opus supplevit, quanquam nulla ejus mentione facta, huic quoque editioni Valterii (Vautier) nomen præpositum. Vir celeberrimus, Ludovicus Ellies du Pin, absoluta nuper Bibliotheca Ecclesiastica, eaque ad Sæculi XVII finem deducta, quam tamen partem ut typis vulgaret, impetrare hæcenus non potuit, nunc in eo est, ut eodem modo edat Bibliotheca.

bliothecam Profanam, in qua scriptores historię civilis producet. Novam etiam doctissimi Patres Benedictini Operum S. Irenęi editionem parant, in qua collatis non paucis Italicis Gallicisque MSptis, fragmenta plurima antea non visa producent, Dissertationes etiam de difficilioribus Irenęi locis & Notas subinde addituri. Ceterum aliquot viros eruditos Gallia luget, quos inter Paulus Pezron, Vir eruditissimus, superiori jam anno decessit; hoc ipso vero, die 11 Jan. Petrum Silvanum Regis, Philosophum egregium, die 27 Febr. Adrianum Baillet, Polyhistorum summum, & die 19 Aprilis Abbatem Gallois, insignis decus Academię Scientiarum, mors sustulit. Quibus addunt Ludovicum Cousin, Curię monetarię Præsidentem, & Diarii Eruditorum per complures annos scriptorem, quem Bibliothecam octo millium voluminum una cum ingenti pecunię summa, cujus census annui emendis libris impendentur, S. Victoris Bibliothecę legasse, testatur Autor novi *Diarii Europæi Historico-Litterarii*, cujus hoc anno *Trimestre I* Latino idiomate prodiit *Luxemburgi*, apud *Andream Chevalier*, in 8. Unde & discimus, Autores Diarii Parisiensis sub finem Januarii hujus Anni Supplementum quoddam (*le Supplement du Journal des Scavans*) edere cœpisse, cum ipso Diario menstruatim deinceps continuandum.

Romę prodire nuper admodum *Commentarii Historico-Dogmatici in librum S. Augustini de Haresibus ad Quodvultdesum*, digesti atque illustrati labore & studio Laurentii Cozza, a S. Laurentio, Ord. Min. Pars prima, continens hareses XXII a Simone Mago usque ad Marcionem, adjecta ad calcem cujuscunque haresis collatione cum Recentiorum Evangelicorum haresibus. Romę, typis Georgii Plachi, 1707, in fol. nec non *Tractatus de Potestate Jurisdictionis seu de Regimine Animarum, ac de Jurisdictione contentiosa, & quomodo Prælati inferioribus ex privilegio & præscriptione competere valeat*, Autore Carolo Antonio de Manentibus. Romę, apud Franciscum Gonzagam, 1707, in 4to, quo in libro inter alia auctor diserte asserit, Romano Pontifici Principes & Reges omnes non tantum in spiritualibus, verum etiam in temporalibus subesse, eumque pro lubitu

illis bellum movere, eosdemque Regia dignitate privare posse. Meliora Medicorum Filii ex Italia proxime expectant. Prodiere enim Jo. Mariae Lancisii, Intimi Cubicularii & Archiatri Pontificii, de *Subitaneis Mortibus Libri duo*. Romæ, typis Jo. Franc. Buagni, 1707, in 4: item Dominici Guilielmini, Philosophi & Medici Bononiensis, in Patavino Lyceo Medice Theoricæ Professoris Primarii, *Exercitatio de Idearum vitiis, correctione, & usu ad statuendam & inquirendam Morborum naturam*. Pat. apud Jos. Coronam, 1707, in 8. Inprimis vero multa nobis promittuntur de Jo. Baptista Morgagnio, Foroliviensi, quem Amicus quidam noster spectatissimæ indolis acerrimique ingenii juvenem & magnum decus Academiæ Philosophicæ, quæ Bononiæ in ædibus Comitum Aloysii Marsilii instituta est, vocat. Ejus *Adversaria Anatomica Bononia*, typis Ferdinandi Pisarri, 1706, in fol. prodire. Præterea nuntiavit nobis Illustris MAGLIABECHIUS, Romæ Franciscum de Ficoroni opus de Antiquitate Romæ per vetusta monimenta probata, ut & Observationes in Diarium Italicum Bernardi de Montfaucon proxime publicaturum. De nova C. Cornelii Taciti Operum editione, quam se parare, publica scheda significavit Natalis Feltrinus, Bibliopola Venetus, non attinet multa referre, cum editionem Parisiensem, a Gulielmo Pichon anno 1682 in usum Delphini quatuor tomis adornatam, unice sequi constituerit.

In Anglia publicam demum lucem adspexit Novum Testamentum, cui edendo per complures annos Johannes Millius S. T. P. insudavit. Titulus hic est: Η ΚΑΙΝΗ ΔΙΑΘΗΚΗ *Novum Testamentum cum lectionibus variantibus MSS. Exemplarium, Versionum, Editionum, SS. Patrum & Scriptorum Ecclesiasticorum, & in easdem Notis. Accedunt Loca Scripturæ parallela, aliaque ἱεραρχικά, & Appendix ad variantes lectiones. Premittitur Dissertatio, in qua de Libris N. Testamenti & Canonis constitutione agitur, historia S. Textus Novi Fœderis ad nostræ usque tempora deducitur, & quid in hac editione præstitum sit, explicatur. Prodiit & Londini opus ingens, Scriptores historicos præcipuos, qui de rebus in Anglia usque ad tempora Wilhelmi III gestis scripserunt, complexum, tribus Voll. in folio, cui edendo*

edendo plures bibliopolæ sumtus suppeditarunt. Celeberrimus Bibliothecæ Bodlejanæ Præfectus, Jo. Hudson, jam in eo est, ut & tertium Geographorum veterum Tomum colligat, & Josephum, in quo tot viri eruditi frustra hætenus operam insumpserunt, quam emendatissimum demum producat. Humfredus Hody, quem superiori anno *evita* excessisse accepimus, librum post se reliquit de *Progressu linguæ Græcæ post captam Constantinopolin*, quem proxime proditurum, Amicorum litteris docemur.

Amstelædami Samuel Halma magnum illud Gruteri Inscriptionum opus multo auctius imprimit hoc titulo: *Inscriptiones antiquæ totius Orbis Romani, in absolutissimum corpus redactæ, olim auspiciis Josephi Scaligeri & Marci Velsæri, industria autem & diligentia Jani Gruteri, nunc curis secundis ejusdem Gruteri, & Notis Marquardi Gudii emendatæ, & tabulis æneis a Boissardo confectis illustratæ: denuo cura Viri summi, Jo. Georgi Gravii, recensita. Accedit Adnotationum Appendix & Indices XXV emendati & locupletati, ut & Fironis Ciceronis Lib. & Senecæ Nota.* Recuduntur ibidem Ossati Cardinalis Epistolæ, plurimis notis denuo ab Ameloto auctæ, cujus alteram partem translationis Operum Jaciti in manibus Casparis Fritschii, Bibliopolæ Amstelædamensis, esse, mox in Belgio prælo subjiciendam, hac occasione monemus. Prodiit tandem Antverpiæ doctissimorum Virorum, Henschenii, Papebrochii, Baertii & Janningi, cura Tomus quartus de *Actis Sanctorum Junii*, postquam dimidia sui parte & amplius impressus propter suborta bella latuit per quinquennium. Hic tomus (utimur verbis in Synopsi nuperrime publicata expressis) diem vigesimam Junii & quatuor sequentes complexus, continet Acta Sanctorum nominatorum CLXI; Anonymorum, certo numero definitorum, ultra quinque millia; ad alios Tomos, vel jam excusos, vel deinceps excudendos relatorum CCXV; & aliorum XC omnino prætermisssorum, donec de publico & legitimo eorundem cultu constet. Inter reliqua eminent, quæ & seorsim impressa prodire, *Acta B. Aloysii Gonzagæ*, de quibus suo tempore dicemus.

Hhh 3

Placcii

Hamburgi sub prælo est dudum desideratum Vincentii Placcii opus posthumum de Anonymis & Pseudonymis, octies millena amplius scripta continens, quod spissum satis Volumen in forma folii conficiet. Miserat illud Auctor moribundus Viro Cl. Gerhardo von Mastricht, Urbis Bremensis Syndico, qui ad opus hoc absolvendum Placcio auctor fuerat, &, ut alii plures, symbolas multas contulerat. Is cum inde a morte Placcii, quæ in annum 1697 incidit, in Belgio & Germania typographum frustra quæsisset, demum testamenti Placciani executoribus MSptum remisit, ut ipse testatur in erudita ad Virum Cl. Burcardum Gotthelf Struvium Epistola, quam hic secundæ editioni Introductionis suæ ad Notitiam Rei Litterariæ integram inseruit, pag. 163. Ergo demum imprimendum suscepit Godofredus Liebernüchel, nullis parsurus sumibus, ut quam emendatissime omnia prodeant. Prolegomena, in quibus præter alia de Auctoris Vita & Scriptis aliis notatu digna tradentur, præmittet Vir summe Reverendus, Jo. Albertus Fabricius, qui idem nuper Tomum II seu Librum III Bibliothecæ Græcæ vulgavit & jam Tomum etiam III typographo tradere coepit. Præterea Henricus Wilhelmus Meyerus, typographus Lemgovienensis, edita Epistola, eruditis nuntiavit, se proxime Lemgovia editurum B. Christiani Donati, Professoris quondam Philosophi Vitembergensis, Commentarium in Theologiam Positivam Jo. Friderici Kœnigii, sub tit. *Kœnigius illustratus*, quod opus non exiguæ molis futurum testatur, septem nimirum aut octo plus minus Alphabetis, quarti ordinis, constans. Dignissima quoque esset, quæ lucem adspiceret, *Iurisprudentia Gentium communis*, auctore celeberrimo quondam Viro, Davide Mevio, S. Regiæ Maj. Suec. a Secretis Consiliis & Vice-Præside summi Tribunalis Wismariensis, quem foetum Eruditus nequaquam invidere hæredes, quod publice hoc loco a nobis indicari voluerunt. Quanti autem usus hic liber sit futurus, vel e *Prodromo Iurisprudentiæ communis Gentium*, jam pridem ab Auctore vulgato, & deinde sub tit. *Nucleus Iuris Naturæ & Gentium* recuso, unusquisque facile intelliget. Quin & Auctor jam tum anno 1656 in eleganti Epistola, ad Comitem Oxenstiernium data, uberi-

uberius institutum hoc explicavit, quod esset nimirum præcepta traditurus omnibus gentibus communia, e quibus justî & injusti definitiones atque differentias haurire adeoque ex immoto tali fundamento, inter omnes Gentes per commune quoddam vinculum obfirmato, certum de jure, ex quo omnia certa fieri debent, judicium & disciplinam efficere constituerit. Qua in re tentasse aliquid fatetur Seldenum, Hobbesium, Gerardum de Roo & Hugonem Grotium, qui tamen juris fontes non omnibus, verum aliquibus tantum materiis applicaverint. Tribus vero partibus Opus divisit, quarum prima de jure eorum, quæ habentur, secunda de iis, quæ debentur, tertia de juris prosequendi & defendendi mediis tanta cura egit, ut nihil ex omni jure prætermissum videatur: singula vero Capita hic recensere nostri instituti ratio non patitur. His hætenus loca amplius mille e recentioribus Auctoribus inseruit Dn. de Engelbrechten, Mevii Gener, Consiliarius Status & Vice-Director Judiciorum Suecicorum in Bremensi & Verdensi ditione, quocum Stadæ de editione libri utilissimi conferre poterunt, qui ejus imprimendi curam in se suscipere velint. Ceterum vel publica fama innotuisse hætenus Eruditis putamus, quantam sub initium hujus anni jacturam passi simus, Viro celeberrimo, L. Ottone Menckenio, Moraliæ in Academia Lipsiensi Professore, die 29 Januarii paralyti e medio sublato, quippe qui in ordinandis publicandisque his Eruditorum Actis inde a primis initiis indefessam operam posuit, atque integros tomos triginta vidit absolutos. Uti vero alia forte occasione de ejus vita paulo uberius dicemus, ita certiores interim Lectores facimus, nos in instituto hoc, more nostro, quem hætenus erudito Orbi non displicuisse cognovimus, deinceps strenue perrecturos.

LIBRI NOVI.

Strabonis Rerum Geographicarum Libri XVII. Accedunt huic editioni, ad Casaubonianam III expressæ, Notæ integræ
G. Xy-

- G. Xylandri, Is. Casauboni, F. Morellii, Jac. Palmerii, selecta vero ex scriptis P. Merulae, I. Meursii, Ph. Cluverii, L. Holstenii, Cl. Salmasii, S. Bocharti, Is. Vossii, E. Spanhemii, Ch. Cellarii, aliorumque. Subjiciuntur Chrestomathiaz Græc. & Lat. Amstel. apud Jo. Wolters, 1707, fol.
- Onomasticon Urbium & Locorum S. Scripturæ: seu, Liber de Locis Hebraicis, Græce primum ab Eusebio Casarensi, deinde Latine scriptus ab Hieronymo, opera Jacobi Bonfrerii. Recensuit & animadversionibus suis auxit Joannes Clericus. Accessit huic editioni Brocardi Monachi Descriptio Terræ Sanctæ. Amstel. apud Franc. Halma, 1707, fol.
- Le Pitture Antiche delle Grotte di Roma, e del sepolcro de' Nasoni, disegnate da Pietro Santi Bartoli e Francesco Bartoli, descritte & illustrate da Gio. Pietro Bellori e Michelangelo Causei della Chaussée. In Roma, 1706, fol.
- Della Eloquenza Italiana, Ragionamento di Giusto Fontanini, steso in una Lettera all Ill. Sig. Marchese Giangiuseppe Orsi, aggiuntovi un Catalogo delle opere più eccellenti, che sono scritte in Lingua Italiana. In Roma, per Fr. Gonzaga, 1706, 4.
- Lettere de diversi Autori in proposito delle Considerazioni del Marchese Giovan Gioseffo Orsi sopra il famoso Libro Franzese intitolato: *La Maniere de bien penser*. In Bologna, per Constantino Pifarri, 1707, 8.
- Eere van de Nationale Synode van Dordregt. Tweede Deel. Door Jacobus Leydekker. t Amsterdam by Isaak Stokmans. 1707, 4.
- Guilielmi Rabi, Jurisconsulti, Carminum Liber primus. Rotter. apud Jo. Hofhout, 1707, 8.
- Fables nouvelles, par L. S. de Ruiffseau. A la Haye, chez la Veuve d' Abr. Troyel, 1707, 8.
- Odes de Mr. de la Motte avec un Discours sur la Poésie en general, & sur l' Ode en particulier. A Amst. chez L. Renard. 1707, 12.

ACTA ERUDITORUM,

publicata Lipsiæ

Calendis Octobris, Anno M DCC VII.

STRABONIS RERUM GEOGRAPHICARUM
Libri XVII, cum notis integris & selectis virorum do-
ctorum, cura THEODORI JANSSONII ab
ALMELOVEEN.

Amstelædami, apud Joann. Wolters, 1707, fol.
Alph. 16.

Strabonis editiones omnes, Aldinam A. 1516, Marci Hopperi Basileensem A. 1549, Basileensem item Gul. Xylandri A. 1571, luculenta eaque iterata obfuscaverat. editio If. Casauboni, cujus prioribus curis Paris. 1587, posterioribus post fata ejus, loco eodem, A. 1620, una cum observationibus Fed. Morelli, lucem Strabo adspexerat. Qua etiam editione in illa MSS. Codicum ejus autoris raritate, aliorumque ad eum ornandum spectantium subsidiorum defectu, contenti fuere hucusque eruditi, fuissentque ulterius; ejus tamen etiam caritas novæ editionis adornandæ Bibliopolæ Amstelædamensi non incelebri animum injecit. Qui cum ei operi perficiendo adjutorem Clarissimum Janssonium, aliis meritis Reipublicæ litterariæ satis commendatum, sibi adscivisset, illius auctoritate effectum est, ut textus Strabonis juxta cum versione, exactissime juxta ultimam Casauboni editionem repræsentaretur, chartæ typorumque nitore non contemnendo, in reliquis nulla alia mutatione admissa, nisi ubi, operatum forte typographicarum vitio, verba quædam vel omissa vel in deterius mutata ex Aldi Hopperique editionibus deprehenderentur; quæ vel ipsi textui restituta, vel loco inferiore subjuncta fuerunt. Eodem loco majore Lectorum commoditate integræ

conspiciuntur G. Xylandri, Is. Casauboni, F. Morelli & Jac. Palmerii ad Strabonem notæ, quibus admista legitur haud exigua observationum, ex scriptis omnis generis Virorum doctorum collectarum, quæ illustrando quidem Straboni inservire queant, farrago: P. Merulæ inprimis, J. Meursii, Ph. Cluverii, L. Holstenii, Cl. Salmasii, S. Bocharti, Is. Vossii, Ez. Spanheimii, & C. Cellarii, nuper cheu nostri. Id inprimis opera etiam data est, ut loca Veterum, a Casaubono ex minus probata fidei exemplaribus repræsentata, emendata magis ex editionibus præstantioribus sisterentur, librorum capitibus, paginis, ut facilius inveniri possent, etiam additis. In fine Operis *Chrestomathia* Straboniana subjiciuntur, prout in Geographis antiquis Oxonii nuper fuere excusæ, quam ob causam & H. Dodwelli de iisdem dissertatio inter cetera Prolegomena recusa comparet. Cuivis porro libro ejus præmittitur argumentum, & ad calcem Græcæ ὑποθέσεις, perinde ac factum in editione Casauboni, subjiciuntur. Indices quoque iidem plane, qui in Casauboniana, ita, ut ne paginis quidem indicatis, quibus reperire sit autores Straboni allegatos, hic aliquid fuerit innovatum.

COLLECTIO NOVA PATRUM ET SCRIPTORUM GRÆCORUM, EUSEBII CÆSARIENSIS, ATHANASII, & COSMÆ ÆGYPTII, in duos Tomos distributa & adornata a D. BERNARDO DE MONTFAUCON, Presbytero & Monacho Ordinis S. Benedicti e Congregatione S. Mauri.

Parisiis, apud Claudium Rigaud, 1707, in fol.

Constat Tomus I Alph. 9, Tomus II Alph. 8.

GLoriam, quam in Editione Athanasii Parisiensi ultima cum Presbyteris & Monachis e suo Ordine aliis communem habuit, solus nunc tuctur eruditissimus Montfauconius, quando Triumvirorum sanctitatis & doctrinæ laude celeberrimorum opera, in tenebris quasi hætenus sepulta, primus ex Manuscriptis Codicibus Græcis, Italicis Gallicanisque eruit, Latine ver-

vertit, Notisque & Præfationibus, istarum plurimas complexis, illustravit.

Agmen ducit *EUSEBIUS CÆSARIENSIS*, cujus in *Psal-
mos Commentarii* Tomum primum integrum constituunt. Hos Eusebius quidem ipse in scriptis suis aliis nuspiam allegavit, laudavit tamen eos Hieronymus, ac meminere eorundem Theodoretus & Gelasius. Hieronymus versionem eorum Latinam Eusebio Vercellensi tribuit, verum ista interpretatio jamdiu interiit, unde ejus diligentiam ut æmularetur, Noster, opus habuit. Ante omnia vero hic Græcum textum, e variis codicibus manuscriptis nulla sui parte mutilum ut exhiberet, studuit, inque Præfatione de variis ad hoc opus atinentibus erudite disseruit. Esse hos Eusebii Commentarios e stylo probat, quem adhibitæ in Demonstratione imprimis Evangelica dicendi rationi ait apparere quam simillimum, cumque Autor Maximini in Christianos carnificinam ut oculus testis memoret, & hoc indicio Eusebium prodi autumat. Tempus consignationis ad annum circiter 327 referendum judicat. Doctrinam in hoc Commentario obviam nævis suis haud carere fatetur, & sententiam præ cæteris, quam de Filio Dei foverit Eusebius, examinat, ægre hanc defendi posse statuens, cum & ex hoc ipso opere dispalescat, quod Arianum, ille nunquam non se gesserit. Addit alia, in quibus vel a fide aberrare, vel explicatione ulteriori opus habere videatur, nec miscellanea quædam in his Commentariis observanda, ac idiotismos & singularem quarundam vocum significatum notare, omittit. Interpretandi rationem heic adhibitam hoc fere modo delineat: observationes criticas egregiæ notæ esse dicit, cum præter ea, quæ in Præfationibus afferuntur, non spernenda sane, multa expositionibus suis de ordine & de autore cujusque Psalmi subinde præmittat, quæ judicium peritiamque scriptoris arguant, & in quibus prolixius, sed sine aliquo Lectoris tædio fastidiove, Eusebius versetur. Literalem Psalmorum mentem ubi explicet, genuinum plerumque sensum eum, perhibet attingere, neque ita frequenter aberrare a scopo & a vera Psaltis sententia. Adfuisse enim opimam illam Hexaplo-

rum supellectilem, unde & Hebraicam lectionem & veterum Interpretum versionem mutuari potuerit. Neque sane, ut ex his Commentariisprehendere liceat, Hebraice peritum fuisse Eusebium, siquidem de Hebraica lectione ut plurimum non adeo docte edisserat, utpote qui Hebraica Græcis literis expressa, qualia in Hexaplis erant, tantum legerit, & si quid de vocibus & literis Hebraicis hinc inde tradat, id ex Hebrais mutatus fuerit, quanquam Doctoribus his aliisque nimis interdum credulusprehendatur, ut quando ad locum Psaltis: *ex utero ante Luciferum genui te*, ubi Hebraicus textus vocem habeat מרחם, opinionem alicujus ut probabilem hanc laudet, quod heic Maria indicetur, cum tamen inter מרים & מרחם vel tyronibus manifesta appareat differentia. Mystagogicam explanandi viam, qua ad Christi personam & Ecclesiam, fidem item animam, ac cœlestem demum Sionem, omnia reducuntur, Eusebium admodum frequentasse, ac de cætero Origenis expositiones haud obscure sectatum fuisse docet, prout & antiquis Interpretibus vel aliis persæpe utatur, ac multo plura ex Aquila, Theodorione & Symmacho afferat, quam vel in Drusii vel in Nobilii collectionibus reperiantur, ita, ut ejus adminiculo non raro Psalmos integros, ex Symmachi maxime versione, restaurare liceat.

Secundo Tomo auspicia dant novendecim *S. ATHANASII* opuscula, spuria partim, partim genuina, & singula quidem hæctenus ἀνέκδοτα. Sunt vero illa hæc: *De Legatione Ecclesie Ancyanae ad Athanasium pro causa Marcelli*. *Sermo major de fide*, opus a Theodoro laudatum, quo egregia contra Arianos aliosque Athanasiani ævi hæreticos disceptatio continetur. Fragmentum *de Paulo Samosateno*, in quo ostendit Athanasius, Paulum Zenobii patrocini nixum fuisse, dum errores spargeret; sed nihil ipsi profuisse ejus patrocini, nec obstitisse, quo minus is ab Episcopis in Synodo coactis damnaretur. Fragmentum *de Stephano Antiocheno*, pars historię cujusdam ab Athanasio conscriptę, ubi de conspiratione Stephani in Legatos Synodi Sardicensis, Euphratem & Vincentium, structa, quam in historia ad Monachos carptim ille retigerat, pluri-

pluribus agitur. *Epistola ad Monachos*, quæ, licet brevissima sit, pulcherrimas tamen de Arianorum consortio declinando præceptiones offert. *Commentaria, sive Sermones in Matthæum*, quorum pars jam olim quidem edita prostat, sed ita, ut sæpius ab initio inque medio & fine mutilatio deprehendatur, quæ jam penitus sublata est. *Commentaria in Lucam*, de quibus idem monendum ait Autor, quod ante de Commentariis in Matthæum dictum fuerit. *Homilia in Canticum Cantorum*, quæ in Codice Bibliothecæ Ambrosianæ Athanasio tribuitur. Sed otiosi & imperiti hominis opusculum eandem vocat Noster, eo tempore fortassis editum, quo Manichæi in Oriente turbas dederint, (quod præsertim octavo, nono atque decimo seculo contigerit,) quandoquidem scriptor iste Manichæos, ut tunc vigentes, commemoret. *Sermo de Patientia*, quem postremæ Arianorum carnificinæ sub Constantio excitatæ imaginem præferre dicit. *Homilia in Ramos Palmarum*, parem cum Epistolis festalibus, de quibus infra, consonantiam exhibens. *Opusculum in dictum Apostoli: Novi hominem raptum usque ad tertium cælum*; quod ex vitiato linguæ Græcæ usu inter spuria ablegatur. *Opusculum in dictum Apostoli aliud: datus est mihi stimulus carnis*, quod pari vobēias vitio laborare dicitur. *Argumentum in Psalmos, & supplementa in Psalmos*, in quibus ea, quæ in Athanasio Benedictinorum edito deerant, nunc suppleuntur. *Fragmentum contra Macedonianos*, ideo inter alia observandum, quod, cum in iis, quæ antea prodierunt, operibus Pneumatomachorum hæresin tacito semper Macedonii & Macedonianorum nomine Athanasius refellit, heic nominatim illos perstringit. *Fragmenta contra Novatianos*, ἀποσπασμάτια insignis cujusdam contra eosdem hæreticos operis. *Fragmentum de amuletis sive prestigiis*, in quo contra eos, qui instante morbo ad striges seu vetulas confugiebant, agitur, veneficarumque hujusmodi usus & consuetudo paucis depingitur. *Fragmenta alia, variis ex locis excerpta, & varii argumenti themata pertractantia. Brevis denique expositio fidei*, cujus omnia dicta ad repudiandam Arianorum & Pneumatomachorum hæresin concinnata sunt.

Opusculis Athanasianis antea recensitis Animadversiones præmittuntur in vitam & scripta S. Athanasii, in quibus præter alia asseritur: Athanasium a Martyribus fuisse institutum: egisse cum Asceticam aliquandiu vitam, idque sub Antonii disciplina: Libros Athanasii contra gentes & de incarnatione ante A. 319 fuisse publicatos: *Θεὸν νεώτερον* esse Cleopatram: historiam mulierculæ, quæ Athanasium in Synodo Tyria illari sibi stupri insinulaverit, suspectam omnino videri: *πυξίλα τῶν Θεῶν γραφῶν*, quæ Constanti Augusto Athanasius miserit, cum Synopsi Scripturæ Sacræ, quæ ab ipso adornata (sed minus recte) dicatur, haud coincidere: Liberii contra Athanasium epistolam haud esse germanam: nec esse Athanasii Epistolam, quæ vocatur Catholica; ut alias ejusmodi animadversiones taceamus, in quibus plerumque res ipsi est cum Tillemontio, sententiam Benedictinorum non semel oppugnante.

Sed adhuc ante, quam opuscula Athanasii ipsa recensentur, Diatriba Collectoris legitur, *de causa Marcelli Ancyran*, in qua, post brevem de Marcelli vita narrationem, summam doctrinæ Marcellianæ fuisse refert: unum ab æterno Deum existere, cujus *λόγος*, seu ratio aut verbum pariter æternum unum sit cum Deo ipso *ὁσία καὶ ὑποστάσι*, ita, ut nulla sit inter utrumque distinctio, esseque verbum silens, internum sive *ἐνδιάθετον*. Spiritum item Sanctum in Deo ab æterno fuisse, nulla similiter, nisi nominis & rationis, distinctione. Cum autem Deus operetur & loquatur, tunc verbum, ceu quandam emissionem, extensionem, & dilationem deitatis prodire, & post gestum opus ad Deum reverti, & in pristina conditione manere. Pariter emissum fuisse verbum, ut carnem assumeret, tuncque Filium Dei effectum esse, Regem item, Christum, imaginem Dei invisibilis, & primogenitum omnis creaturæ, cum antea nihil eorum fuisset, ac post judicium hæc omnia amissurum, atque, uti prius, unum cum Patre futurum. Ut autem verbum sit extensio & dilatatio Dei, sic & Spiritum Sanctum talem esse, pariterque a Deo emitti ac ad Deum reverti. Hanc sententiam publicis in scriptis aut confessionibus a Marcello

cello fuisse propositam inficiatur Noster, qua tamen occasione suspectus ille redditus fuerit Athanasio, quique Legationis ad Athanasium scopus atque exitus fuerit, prolixè enarrat.

Athanasio ad latus jungitur *COSMAS, INDICOPLEUSTES* ab Indica navigatione dictus, Monachus Ægyptius, cujus duodecim libri exhibentur sub titulo *Topographia Christiana*, in qua Christianorum de mundo refertur opinio, quam sic repræsentavit Cosmas: Mundum planum arbitratur, ac terræ superficiem quadram & oblongam, ita, ut longitudo ejus ab Oriente ad Occidentem duplo major latitudine sit: quæ latitudo a Septentrione ad Meridiem extendatur. Hunc vero mundum parallelogrammum muris claudi pugnât, murosque a parte orientali & occidentali, ab imo ad fastigium rectos in semicirculum desinere; a parte vero septentrionali & meridionali erectos item muros esse putat, donec ad semicirculum pertingant, tum enim convolvi muros ait, ut oblongam cameram in fornicis modum fastigiatam efficiant. Firmamentum porro, ceu lacunar quoddam, ubi muri convolvi & in semicirculum deflecti incipiunt, extendi arbitratur, ac locum supremum beatorumque sedes a loco inferiori determinare. Solem vero Lunam & stellas sub firmamento esse opinatur. Utque noctium, dierum & eclipsium rationem explicet, ad extrema Septentrionis montem altissimum esse comminiscitur, & circa montem Solem, Lunam & astra cursum peragere, ita ut, cum Sol adversam nobis montis partem respicit, tum nobis appareat, diesque sit; cum autem pone montem cursum peragit, tum noctem efficiat. Lunæ vero eclipses tum fieri putat, cum mons Solem inter & Lunam interponitur: cumque mons ille a cacumine hemisphærium referat, hinc effici, ut umbra, quam in Luna conspiciamus, in semicirculum desinat. Hæc ita in summam coegit Montfauconius, atque in Præfatione ad hoc opus varia ibidem obvia alia curiosius excussit. Cum in decimo Cosmæ libro ex Athanasii *Epistolis Festalibus* excerpta quædam afferantur, de iisdem peculiariter differit, scriptasque illas affirmat & missas ad populum Alexandrinum, cum Athanasius in deserto latens, metu Constantii, ageret. Easdem & a quibusdam *Paschales* vocari, quia

quia in diebus maxime Paschalibus populo recitatae fuerint, quanquam hoc nomine & illae, quae per Quadragesimam lectae, insigniantur.

Claudit rivos, qui Collectioni huic dederat primordia, *EUSEBIUS CAESARIENSIS*, cujus *Commentarii in Jesaiam* (Hesaiam scribit semper Montfauconius, vocem Græcam *ἱσαίας* sequi se causatus,) in postrema hujusce Tomi parte in lucem procedunt, non in sexdecim modo Prophetæ illius capita, quæ codex Ebroicensis, olim Cardinalis Perronii, contineat, sed in Prophetiam potius integram, cujus Veteres, & Hieronymus cum primis, dudum mentionem fecerint. Interpretandi ratione hæc Eusebium eadem, qua in Psalmis exponendis, uti: parce ac sobrie de Filio Dei in his Commentariis loqui: frequentius contra atheos & genethliacos agere: Apostolos quatuordecim numerare docet, variaque e textu ipso alia allegat & expendit. Singulare vocat, quod Eusebius testetur de iis, qui ex gentilibus ad fidem conversi ad martyrium accesserint; quod scilicet propriis depositis nominibus priscorum Patriarcharum & Prophetarum vocabula ad necem pro Christo subeundam accedentes usurparint.

*D. THOMÆ ITTIGII DE BIBLIOTHECIS
& Catenis Patrum variisque veterum Scriptorum Ecclesiasticorum Collectionibus Tractatus.*

Lipsiæ, apud hæredes Frid. Lanckisii, 1707, 8.

Alphab. 3.

Liber hic, utut mole sit exiguus, ingentes tamen continet divitias, quas in eundem Magnificus Autor congeffit ex instructissima Bibliotheca sua, non illa solum, quam in Museo asservat, sed quam maxime etiam ex altera, quam in vastissima memoria reconditam tenet. Obvios etenim hæc libros plurimos Lectores deprehendent, quorum notitia haud cuivis facile patet. *Bibliothecas & Catenas Patrum* innuimus, e quibus istæ integros Patrum libros & tractatus minores complectuntur, in his vero non integra Patrum Scripta, sed libri Biblici variorum

variorum Patrum sententiis centonis instar confutis illustrati exhibentur. Placuit utrasque eo enarrare ordine, quem locorum, ubi impressæ fuerunt, suppeditat diversitas. Initium fit a Bibliothecis Patrum *Basileensibus*. Basileæ enim prima omnium prodiit A. 1528 ejusmodi Bibliotheca, collectore Jo. Sychardo, qui ei titulum dedit *Antidoti contra diversas omnium fere Seculorum hæreses*. Excepit istam ibidem A. 1550 Henrici Petri *Μικροπρεσβυτικὸν*, & A. 1555 sub *Orthodoxographorum* nomine novam Patrum Bibliothecam septuaginta sex Scriptorum monumenta complexam edidit Basilius Johannes Heroldus, qui istis A. 1556 *Hæreseologiam*, seu opus Græcorum atque Latinorum Theologorum scripta ad grassantes hæreses confutandas facientia addidit. A. 1569 in eadem urbe Jo. Jacobus Grynxus *Monumenta Sanctorum Patrum orthodoxographa* vulgavit. Quibus singulis tandem ab Autore nostro *Collectio Poetarum Christianorum veterum*, a Georgio Fabricio curata, adjungitur. Sectio secunda pergit a Basileensibus ad *Tigurinas* Patrum Bibliothecas, & eas quidem a Josia Simlero & Conrado Gesnero accuratas; quibus, cum pauciores sint, mox absolutis, de *Parisiensibus* majori cum apparatu Autor Summe Reverendus disserit. Duplex heic ante omnia memoratur Bibliotheca Patrum, a *Margarini de la Bigne* industria profecta, quarum prima singularem insuper nacta fuit ejusdem cura *Appendicem*; quin & tertia accessit Editio, *Auctario* duobus Tomis constante locupletata. Quarta quæ vocatur, Parisiensis Patrum Bibliotheca *Auctarium* nacta est Græco-Latinum, quod Frontonis Ducæi studio inprimis debetur, prout aliud mere *Latinum* Ægidius Morellius superaddidit. Post hæc auctaria Bibliotheca Patrum Parisiensis A. 1644 in septendecim Tomos excrevit. Neque tamen defuit Francisco Combesio occasio, *Auctarium* illius *novum*, aliudque, *novissimum* ab ipso dictum, utrumque in duos Tomos distributum, evulgandi. Nec jam Collectionum Parisiis impressarum finis est; allegantur enim insuper velut huc spectantia, quorum sola adduxisse nomina sufficiat, monumenta hæc: Lucæ Dacherii *Spicilegium*; Theophili Raynaudi *Heptas Presulum*; & Jacobi Sirmondi Operibus *primus, secundus,*

cundus, tertius & quintus Tomus; Jacobi Hommey *Supplementum Patrum*; Jo. Mabillonii *Vetera Analeſta*; ejusdemque & Michaelis Germain *Museum Italicum*; Steph. Baluzii *Miscellanea*; Phil. Labbei *Bibliotheca nova MSSorum*; Petri Possini *Theſaurus aſceticus*; Claudii de Chantelou *Bibliotheca Patrum aſcetica*; Franciſci Combeſii *Bibliotheca Patrum Concionatoria*; Martini Marrier & Andreæ Quercetani *Bibliotheca Cluniacenſis*; Gilberti Mauguini *Veterum Autorum, qui nono Seculo de predeſtinatione & gratia ſcripſerunt, Opera & Fragmenta*; Jo. Baptiſtæ Cotelerii *Eccleſiæ Græcæ Monumenta*; Monachorum Benedic-
 norum & Congregatione S. Mauri *Analeſta Sacra*; Franciſci Combeſii *Manipulus Originum Conſtantinopolitanarum*; Petri Pithœi *Veterum aliquot Gallie Theologorum Scripta*; Palladius de vita Chryſoſtomi, cum aliis Scriptoribus Græci Græce & Latine editus ab Emerico Bigotio; Juſtinus Martyr, cum aliis quibusdam Græciſ Scriptoribus a Typographis Pariſienſibus editus; Franciſci Combeſii *Amphilochius, Methodius & Andreas Cretenſis*; Philippi Priorii *Cyprianus, Minutius Felix, Arnobius Afer & Julius Firmicus Maternus*, junctim editi. Inter Colonienſes Patrum Bibliothecas illa eminet, quæ *Magna* vocatur, & quatuordecim Tomis A. 1618 vulgatis conſtat, in quam ſtudio operamque contulerunt Theologi Colonienſes, quos inter præcipuæ partes fuiſſe dicuntur Alardi Wyelii, Theologiæ Licentiat & Profeſſoris, qui Præfationem his quatuordecim Tomis præmiſit. Acceſſit vero Tomus decimus quintus A. 1622, in quo compilando inprimis Andreas Schottus laboravit. Magno vero iſti operi aliquot heic adduntur minora, utpote: Suffridi Petri *Autores veteres, qui de Scriptoribus Eccleſiaſticis egerunt*; *Catena Græcorum Patrum in Pentateuchum*, interprete Franc. Zephyro; nec non, *in Cantica Veteris & Novi Teſtamenti*, interprete Antonio Caraffa; Leonis Allatii *Σύμμιχλα*, tandemque *Veteres Scriptores, qui de divinis officiis egerunt*, collecti per Hictorpium. Lugdu-
 nenſes dehinc ſequuntur Patrum Bibliothecæ, interq; has omnes alias amplitudine ſua antecellens illa, quæ vocatur *Maxima*, in Tomos XXVII diſtributa. Sed nec omittuntur, quæ itidem Lugduni prodierunt, ſequentes: *Patrum Lirinenſium Scripta* colle-

collecta a Vincentio Barrali; *Bibliotheca Homiliarum & Sermorum priscorum Ecclesie Patrum in Dominicas & Festa*; *Homilie Doctorum Ecclesiasticorum in Evangelia Dominicalia & temporanea*, quæ jussu Caroli M. per Alcuinum in unum Codicem redactæ perhibentur; *Opuscula quedam Patrum* a Thoma Gallego collecta; Aloysii Lippomanni *Catena Patrum in Genesin & Exodum*, & Pauli Comitoli in *Jobum*, cujus postremæ collector in Catalogo Heiniano per errorem nominatur Paulus cum Deo. Bibliothecæ Patrum *Lugduno-Batava* seu *Leidenses* sunt: Joh. Meursii *Variarum Divinarum* Liber unus; Stephani le Moyne *Varia Sacra*; & Casimiri Oudini *Veterum aliquot Gallicæ & Belgii Scriptorum Opuscula sacra* nunquam edita. *Ingolstadii* sub *Antiquarum Lectionum* titulo Bibliothecam veterum Scriptorum edidit Henricus Canisius, quem imitatus Petrus Stevartius *insignium Autorum Græcorum atque Latinorum* Tomum singularem concinnavit; nec prætereundos Ittigius existimat. Jacobi Gretseri libros *de Cruce*, cum in secundo Tomo editionis Ingolstadianæ A. 1600 variæ Patrum Scriptorumque Homiliæ, Epistolæ & Relationes de Cruce contineantur, prout & idem Gretserus *Lucam Tudensem contra Albigenes*, & duplicem *triadem Scriptorum contra Waldenses* edidisse dicitur. Huc referuntur Theodori Peltani *septendecim Homilie Græcorum Patrum* Latine redditæ: *Simeonis Junioris Opera una cum pluribus aliorum Veterum Monumentis*, Latine versa & notis illustrata a Jacobo Pontano; *Veterum Monumenta contra Schismaticos* edita a Sebastiano Tengenagelio; *Epistola quadam Pontificum ad Reges quosdam Francorum*, in unum volumen collectæ a Jacobo Gretsero, qui & *Epistolas Pontificum quorundam ad Petrum Cnapheum*, una cum Gregorii Acindyni libris duobus *de essentia & operatione DEI*, Ingolstadiensibus typis fecit imprimi, tandemque *Victoris Tunnensis Chronicon*, cum aliis veterum Scriptorum monumentis ab Henrico Canisio editum, sub calcem hujus Sectionis allegatur. Bibliothecæ Patrum *Antverpienses* enumerantur hæ: *Homilie quatuor Sanctorum Patrum*, interprete Petro Pantino, ejusdemque *variorum Patrum Græcorum Homilie*; *Catena Græcorum Patrum in Proverbia Salomonis*, cum Gregorii *Thaumaturgi Metaphrasi in Ecclesia-*

elestasten, & Michaelis Pselli in Canticum Canticorum pamphletum
 a Theodoro Peltano typis tradita; *Expositio Patrum Græcorum*
in Psalmos; Catena item Græcorum Patrum in Lucam, aliaque in
Johannem a Balth. Corderio vulgata; *Liturgia Sanctorum Pa-*
trum a Claudio Sanctesio edita; *Ægidii Bucherii Victorius Aqi-*
tanus, & alii antiqui Canonum Paschaliū Scriptores; Patres A-
postolici, a Cotelerio quondam collecti, a Joanne Clerico cum variis
accessionibus denuo editi. Succedunt hæc *Romana*: Melchioris
 Hittorpīi *Autores veteres de divinis officiis*, jam inter Colonien-
 ses Bibliothecas supra allegati; Leonis Allatii *Græcia orthodo-*
xa; Laurentii Alexandri Zacagnii Collectanea monumentorum,
veterum Ecclesiæ Græcæ & Latine; Codex Regularum, quas Sancti
Patres monachis & sanctimonialibus præscripserunt, a Benedicto
 Abbate Anianensi olim collectus, & a Luca Holstenio in tres
 Tomos digestus; *Patrum aliquot Græcorum Orationes & Epistolæ,*
 ab Hieronymo Brunello Græcæ editæ; alia *quorundam Patrum*
Collectio Pauli Manutii; Petri Possini Catena in Marcum, & Lip-
pomanni in Psalmos. *Venetis impressæ tres Patrum Catenæ*
sistuntur, una in quinquaginta Psalmos, interprete Daniele Bar-
baro; altera in Jobum, cura Pauli Comitoli, tertiæque in Acta &
Epistolas Catholicas, Joanne Bernardo Feliciano interprete. Uni-
 ca commemoratur *Mediolanensis, in Anecdotis Ludovici Anto-*
 nii Muratorii obvia. *Moguntinis typis excusæ referuntur Pa-*
 trum Bibliothecæ sequentes: *Speculum antiquæ devotionis circa*
Missam, colligente Jo. Cochleæ; Miscellanea Patrum Græcorum
& Latinorum Gerhardi Vossii, Præpositi Tungrensis; Hincmari
Remensis & aliquot coætaneorum Opuscula, itemque Panlipomena
Opusculorum Petri Blesensis & Johannis Trithemii, aliorumque,
 quibus studium impendit Jo. Busæus. Bibliotheca Patrum Ci-
 sterciensium, collecta labore & studio Bertrandi Tissier, typis
 cœnobii, cui *Boni Fontis* nomen est, prodiiſſe dicitur. *Parane-*
tici veteres cum notis Goldasti, Bibliotheca Patrum *Insulana*
 nuncupantur; *Divionensis vero: Scriptorum veterum de fide,*
Catholica Opuscula quinque, vulgata a Petro Francisco Chiffletio;
Rotomagensis: Veterum Scriptorum & monumentorum Collectio,
 publicata ab Edmundo Martene; *Tolosana: Balthasaris Cor-*
 derii

derii & Petri Possini *Symbola Græcorum Patrum in Mattheum*. Post Bibliothecas Patrum *Londinenses*, quæ sunt: *Catena Græcorum Patrum in Jobum*, collectore Niceta, ex MSCtis eruta a Patricio Junio; *Beda, Egberti & Aldhelmi Opuscula* nonnulla, vulgata ab Henrico Whartono; *Palladii, Ambrosii, & Anonymi cujusdam Scripta de Brachmanis*, ab Eduardo Bissæo collecta; *Dublinensis* allegatur: *Sylloge veterum Epistolarum Hibernicarum*, collecta a Jacobo Usserio; & *Oxoniensis: Spicilegium SS. Patrum & Hæreticorum Seculi I, II & III*, editum & notis illustratum a Johanne Ernesto Græbio. Has excipiunt suo ordine *Lovanienses: Variorum Patrum Epistolæ ad Concilium Ephesinum spectantes*, editæ & notis illustratæ per Christianum Lupum; *Scriptores quidam veteres de Eucharistia*, collecti a Jo. Vlimmerio; *Trajectensis: Jacobi Tollii Insignia Itinerarii Italici*; *Genevensis: Davidis Blondelli Pseudo-Isidorus & Turrianus vapulantes*, ac Theodori Beza *Scripta quadam Patrum maximam partem antea non edita*; *Hamburgenses: Elmenhorstii Gennadius & Martialis Lemovicensis*; Nicolai Glaferi *Apocrypha paranetica*; Jo. Alberti Fabricii *Codex apocryphus Novi Testamenti*; *Cynea: Variorum Patrum Homiliæ in natalem Christi*; Hieronymi insuper, *Theologi cujusdam Græci, Dialogus de Trinitate cum quibusdam aliis veterum Scriptorum Monumentis*, quas duas collectiones instituit Christianus Daumius. Ibidem quoque *Opuscula quadam veterum Scriptorum* imprimi fecit Caspar Barthius. Agmen claudunt *Lipsienses: Joachimi puta Zehneri Patrum & Doctorum Ecclesiæ, qui ligata oratione scripserunt, Pampbrses & Meditationes in Evangelia Dominicalia & Festivalia*, ac Summe Reverendi nostri Ittigii *Bibliotheca Patrum Apostolicorum Græco-Latina*. Accedit Operi huic *Appendix*, quæ varias adhuc collectiones alias enumerat, veterum videlicet Scriptorum Historiæ Ecclesiasticæ; Chronicorum; Vitarum Apostolorum & Sanctorum; (ubi & imprimis de industria Bollandi, Henschenii & Papebrochii atque Successorum agitur;) Canonum pœnitentialium & Ecclesiasticorum; Conciliorum Generalium & Provincialium; Liturgiarum; rerum gestarum a Pontificibus Avenionensibus; Bullarum Pontificum Romanorum; tracta-

tuum de jurisdictione Imperiali & Pontificia; Scriptorum, qui circa tempora Concilii Constantiensis de corrupto Ecclesiæ statu ejusque remediis scripserunt; veterum Historicorum; & plurimum similium. Peregregia vero hæc supellex non quoad numeros certe titulos (in quibus nobis quidem acquiescendum est) refertur, sed accurato potius studio, in opere præsertim ipso, quid in qualibet Bibliotheca contineatur, sigillatim recensetur, & quæcunque alias ad historiam cujusque pertinent, operose indicantur. Videas & passim pro suppeditata occasione varias immisceri observationes, e quibus paucas in reliquarum gustum designabimus, quandoquidem diffusissimæ lectionis Auctor p. 83 s. varias Indicis expurgatorii Fr. Johannis Mariæ Brachellensis censuras allegat; p. 156 Synoridem inter Sanctas relatam explodit; p. 161 de historia latronis per Johannem conversi differit; p. 180 seqq. repetit, quæ olim in collegio privato de Hieronymi Martyrologio, a Francisco Maria Florentino cum ejusdem notis & exercitationibus Lucæ A. 1668 edito, latius docuerat; p. 199 refert, quod monasterium Piscariense tantæ dignitatis olim fuerit, ut Abbas in omni ditione sua non secus ac Imperator sese gesserit, & pedi loco sceptrum Imperiale vel Regale usurpaverit; p. 200 fabulam de S. Clementis Papæ & Martyris corpore, cui habitaculum ab Angelis in ipso mari præparatum fuerit, exhibendam dat; p. 216 s. de Symboli Aθανasianī autore prolixius disceptat; p. 309 s. communionis sub utraque historiam illustrat; p. 546 Daumium miratum valde fuisse narrat, quod, cum Lugdunensis Patrum Bibliotheca duodecim Tomis Colonensem superet, non plures, quam centum, & quidem magna ex parte breves, si non brevissimi, Auctores in eadem additi fuerint, & postea longum Scriptorum illorum catalogum, quorum opera addi potuissent, a Daumio contextum communicat; p. 557 s. Apparatum le Nourry delineat; p. 701 s. totam Theclæ historiam meram esse fabulam ostendit. Dignum est, quod huc transcribatur, Epitaphium Petri Abælardi, p. 395 obvium:

*Petrus in hac urna latuit, quem mundus Homerum
Clamabat, sed jam sidera sidus habent.*

Sol erat hic Gallis, sed eum jam fata tulerunt,

Ergo caret regio Gallica Sole suo.

Ille sciens, quicquid fuit ulli scibile, vicit

Artifices, artes absque docente docens.

Undecima Maji Petrum rapuere Calende,

Privantes Logices atria Rege suo.

*Est satis, in tumultu PETRUS HIC JACET ABÆ-
LARDUS,*

Huic soli patuit, scibile quicquid erit.

Univerſo operi præmittitur uberrima commentatio de editis ſeparatim operibus Patrum e prioribus ſeculis præcipuorum, utpote *Barnabæ, Dionyſii Areopagitæ, Clementis Romani, Hermæ, Ignatii, Polycarpi, Juſtini Martyris, Tatiani, Theophili Antiocheni, Athenagoræ, Irenæi, Hegheſippi, Hermiæ, Clementis Alexandrini, Tertulliani, Minutii Felici, Hippolyti, Ammonii Alexandrini, Origenis, Cypriani, Gregorii Thaumaturgi, Dionyſii Alexandrini, Victorini Pitabionenſis, Methodii Tyrii, Arnobii Afri, Lactantii Firmiani, Eusebii Caſarienſis, Euſtathii Antiocheni, Athanaſii, Commodiani, Juvenci, Antonii Abbatis, Julii Firmici Materni, Eusebii Emiſeni, Cyrilli Hieroſolymitani, Hilarii Pictaviensis, Luciferi Calaritan, Phœbadii, Apollinarii, Titi Boſtrenſis, Marii Victorini, Candidi Ariani, Damafi, Epiphani, Optati Milevitani, Paciani, Ephremi Syri, Baſilii Magni, Gregorii Nyſſeni, Gregorii Nazianzeni, Didymi, Macarii, Gregorii Batici, Ambroſii, Hieronymi, Philaſtrii, Fauſtini, Theophili Alexandrini, Johannis Hieroſolymitani, Dextri, Vigilii Tridentini, Ruſini Torani, Paulini Nolani, Auguſtini, Chryſoſtomi, Cyrilli Alexandrini, Marii Mercatoris, Theodoretii. Quibus inſuper nonnulla Patrum Scripta adduntur, quæ cum variis recentiorum Scriptorum operibus tractatibusque, & loco quaſi alieno edita proſtant.*

L'HISTOIRE ET LA RELIGION

des Juifs.

h. e.

HISTORIA ET RELIGIO JUDÆORUM,

a temporibus Jeſu Chriſti uſque ad noſtram ætatem,

qua

*qua Historia Josephi continuatur, autore JACOBO
BASNAGIO. Tomi V.*

Roterod. apud Regner. Leers, 1707, in 12.

Alph. 5 pl. 10.

NOvo, post alia multa, eoque insigni merito Rempubicam litterariam devinctum ivit Clarissimus Basnagius, aliis præstantissimis scriptis, de Re Ecclesiastica inprimis, jamdum immortaliter meritus. Nempe historia Judaica gentis, sacrorumque illius populi inter desiderata hucusque erat, neque repertus fuit, qui post Josephum rem ingentis laboris, in putidis Judæorum lacunis magnam partem consumendi, aggredi auderet, atque ex illis cum aliarum gentium idoneis monumentis decenter comparatis lucem veritati accenderet. Id vero multivarie eruditionis apparatu, diligentia insigni, ingenio singulari, executus Vir Reverendus fuit, qui aptissima methodo totum opus V Tomis seu VII Libris divisit, iisque, quicquid de ista gente memorabile occurreret, comprehendit, e quibus nos, hac quidem vice Libros tres, seu Tomos duos priores, recensebimus.

Cap. II.

Quamvis autem Josephi historiam continuare animo constituisset, opus tamen existimavit esse, ut generalem formæ Reipublicæ atque Ecclesiæ, quæ in gente illa, dum suis legibus adhuc in patria viveret, obtinuit, ante omnia poneret ob oculos. Ei rei totus Liber primus impenditur, ubi sub initium statim de Herodiadum in Regno Judaico agitur successione, quæ passim Clar. Autori tractatio occasionem suppeditat historiam Josephi, tum contra alios censores, tum contra Jo. Harduinum inprimis defendendi. Nempe cum male ostendit negare, quod Judæus fuerit natalibus pariter ac religione magnus ille Herodes, atque circa eam rem contradictiones sibi in Josepho finxisse, quibus fidem ejus penitus evertat. Multo vero audacius etiam defendere, eum Athenis fuisse ortum, solo nomine ductum, quod Athenienses quidam gesserint; cum nomen tamen in Italia quoque apud Palmyrenos & alibi frequens sit, & præterea non Herodum gens, sed *Antiparum & Antipatrorum*, quæ

quæ avi patrisque Herodis erant nomina, fuerit quærendum. Simili modo quod pro sorte Julio Cæsari credita & usuris Herodi Judææ & Samariæ Regnum traditum docet Harduinus, quod Galilæam & Trachonitidem ei obnoxiam fuisse negat, quæ de Philippo item Herodiadis marito priore disputat, exploduntur. Inprimis diligenter refutantur quæ de Agrippa priore & ejus familia ei placuerant, & recepta magis sententia defenditur, cui numismata, quibus nritur Harduinus, omnia longe rectius convenire demonstrantur. De morte vero Agrippæ II difficultates Chronologicæ, quæ magnos viros, Scaligerum, Illustr. Spanhemium & Jo. Harduinum exercuere, non sine acumine diluuntur. Nempe Justum Tiberiensem Josephus historiam suam belli Judaici non ausum esse publicare, ante mortem Agrippæ, narrat. Id autem refert in libro de Vita propria, quem Epaphrodito Neronis liberto dedicavit, qui cum a Domitiano A. C. 95 sit interemtus, ante eum annum scriptam Vitam Josephi, & vivere desisse Agrippam oportebit. Attamen porro idem Justus Chronicon Regum Judææ fecit, quod in morte Agrippæ desinebat, ad annum III Trajani productum, ad quem proinde Agrippam vivendo pervenisse in promptu erat colligere, id quod diserte etiam Photius affirmat. Equidem *Vespasiani* nomen apud Photium *Traiani* nomini substituerat Pearsonus, post quem *Titi* nomen rectius Photio restitui, aliis observatum, sed durum videtur Clarissimo Autori, ita historiam Justi pro arbitrio contrahi. Augent difficultatem nummi a Scaligero & Spanhemio publicati, in quibus non tantum XXIX anni Agrippæ tribuuntur, sed Domitiani quoque facies conspicitur, quæ eo regnante Agrippam vixisse evincit: eamque difficultatem hoc minus feliciter solvere eos, qui adulatione in Domitianum hos nummos, antequam imperium obtineret, cufos esse arbitrantur, patet, quod proflent ejus generis nummi ab Harduino editi, diserte Domitiano *Augusti* titulum tribuentes. Clarissimus Autor igitur Agrippam II usque ad A. C. 94, qui fuit Imp. Domit. XIV, vitam produxisse, censet; eo enim cufum extare ab Agrippa nummum, quo Parthos & Arabes victos Domitiano gratuletur. Hoc vero anno

Cap. III.

& Josephum vitam suam publicare potuisse, & Epaphrodito dicare, qui anno sequenti demum supplicium subierit. Hocque satis exacte Josephi rebus convenire, qui A. C. 93 Antiquitatum opus absolverit, anno inde opus habuerit ad vitæ suæ concinnandam historiam, quo intervallo mortuus sit Agrippa, cujus proinde, tanquam jam vita functi, in posteriori hoc opere meminerit. Neque opus esse, ut Justus Tiberiensis corrigatur, qui Chronico suo mortē Agrippæ A. C. 94 finem imponere potuerit, licet aliud opus anno demum inde quarto vel quinto, hoc est, Trajani tertio, perfectum dederit, atque absolutum. Nummi vero ab Harduino producti, qui rem impeditissimam reddunt, & Harduinum in eam sententiam deduxere, ut primum Agrippam usque ad initia Domitiani vitam produxisse crederet, eique secundum substitueret, qui exercitui post eam ætatem præfuerit, ita explicat noster Autor, ut dicat tres differentes habuisse Regni sui epochas Agrippam II. Primam extra dubium positam esse, ejusque esse caput annum C. 49, quo Regnum Chalcidense acceperit. Atque eam epocham quadrare in nummum sub Vespasiano cūsum, quo Agrippæ anni Regni tribuuntur XXVI, eum item, qui triennio post sub Tito est percussus, quo ei XXIX anni adscribuntur, qui desinunt in A. Chr. 79. Nummum sub Domitiano cūsum quod attinet, in quo pauciores quam in præcedentibus h. e. XXVI tantum anni Agrippæ tribuuntur; in eoverba ex *Senatusconsulto*, nummo insculpta, suspicionem Clarissimo Autori faciunt, novam gratiam a Senatu Romano in Agrippam collatam esse, confirmationem scilicet autoritatis antea acceptæ, a qua novæ epochæ duxerit initium. Ad eos denique nummos ut perveniamus, in quibus iidem numerantur Agrippæ, qui erant Domitiani, anni, id novum non esse, studioque in Principes deberi, quos honorare ducta, ab initiis Imperii eorum nova epocha, in more positum fuerit haut infrequenti. Sub isto Agrippa Hierosolymis expugnatis, Regnum Judæicum penitus destructum est, quod Regibus exteris ex Idumæa constitutis, imo & ipsis in *Judæa*, dum Christus viveret, deficientibus, labem jam contraxerat declinaveratque. Qua quidem

dem re primum ruinæ Judaicæ gradum absolvit doctissimus Autor. Cui secundus succedit, ex Sacerdotii decrementis in totalem demum ejus abolitionem desinentibus. Cumque Cap. IV. prima autoritas sacerdotalis damna acceperit eo, quod arbitraria lege de ea statuerint Reges primum Judæi, inde Magistratus Romani, ut visum esset, Sacerdotium hisce adimenes, conferentes in alios; quo jure id factum sit, eo diligentius inquiritur, quod hisce Sacerdotii Judaici satis superstructa fuerint Sacerdotii Imperiique in Ecclesia Christiana concordie fundamenta. Longe autem Noster recedit a sententia eorum, qui autoritate in ipsos Reges Sacerdotio concessa suprema, judiciis Sacerdotum Reges obnoxios fecere: quin potius summam fuisse Regum Judæorum in Sacra quoque, imo & ipsos Sacerdotes potestatem, vel Saulis exemplo, Abjatharem summo Sacerdotio depellentis, confirmat. Hinc ab Ananelo inde, V. quem magnus Herodes deposuit, usque ad templi incendia fata summorum Sacerdotum persequitur, quam quidem historiam, sequentibus observationibus finit. Nunquam tam frequentes in populo Judaico, exterarum gentium licet obnoxio jugo, Sacerdotum summorum depositiones tamque aspera fata observari, quam illo spatio, cum tamen Principes Judæi Sacrorum adhuc Judæorum gererent curam: Deo nempe vires Sacerdotii illius ita frangente, ut consistere non posset. Deinde nunquam ipsos quoque ita officio illi, quam fatali illa populi hujus periodo dedecori fuisse.

Tertium inde ruinæ Judaicæ gradum juxta Autorem constituit varia ex factionum diversitate perturbatio, ubi turbæ, VI. quas Zelotæ dederunt, Samaritanorum contra Judæos sub Cumanio bellum, latronum varii tumultus, impostorum & Pseudo-Christorum fraudes & seditiones, aliarque Hierosolymitarum paulo ante desolationem factiones succincte recensentur. Ea vero occasione ea etiam, quæ Eusebius de bello ab Osröenorum Rege Abgaro, contra Judæos ob Christum necatum instructo, narrat, examinantur, & juxta cum epistola Christi ad Abgarum exploduntur. Argumenta, quibus hujus epistolæ fidem destruit, ista sunt: VII. 1 quod a primitiva Ecclesia

in canonem recepta non sit, cum tamen, si vera sint, quæ de ea traduntur, certior esse potuerit ejus fides quam aliorum scriptorum omnium, in publico quippe archivo asservata, ob brevitatem interpolationibus non ita obnoxia, a Thoma & Thaddæo recognita, quæ omnia contra Tillemontium, qui futile id dixerat argumentum, prolixius urgentur; 2 quod Edessa illa ætate in clientela Romanorum fuerit, ut adeo Abgarus Christo autoritatis partem suo arbitrio non potuerit deferre. Idem argumentum contra bellum quoque ab Abgaro instructum facere videtur. Magis tamen ista: 1 quod in historia de Abgari & Edessenorum conversione suspecta sint plurima, cognomen Judæ tributum Thomæ, Thaddæi apostolatus; 2 quod temporum ratio male respondeat, ab Eusebio enim Edessenorum conversionem ad annum æræ ipsorum, quæ sit eadem cum Seleucidarum æra, CCCXL referri, cum autem annum esse exacte A. C. 29 vel 30 æræ vulgaris, quo nondum Christus per miracula innotuerat; 3 quod hæc obsint illis, quæ de gentium vocatione in Actibus Apost. referuntur, ex quibus pateat Apostolis, atque Petro imprimis, anno C. 39 demum revelatione intuitisse, gentes esse vocandas; 4 quod ille fuerit Osroenæ situs, ut difficillimum fuerit, imo Regulo illarum virium plane impossibile, inde in Judæam arma transferre. Verum satis de ista digressionem; ipsa desolationis urbis sanctæ & templi hæc subiungitur historia, atque cum Josepho, qui urbem solo æquatam dixit, Patrum testimonia, Ecclesiam post hæc tempora Hierosolymis agnoscendum, conciliantur.

Cap. VIII.

Lib. II.

Cap. I. II.

Hæcque summa est Libri primi. Secundo inde Historiam sectarum tenemus, in quas Christi Salvatoris ætate, usque ad desolationem. Ecclesia Judaica divisa fuit. Et Samaritanorum quidem res ex Chronico eorum, Josepho aliisque quibusdam monumentis, comparatis cum sacra historia, pertextuntur. Eoque spectant etiam, quæ sub secundi Voluminis finem, supplementi loco, ex Chronico a Clarissimo Bernardo publicato & litteris Huntingtonianis, ut & quæ Libro VII Cap. XXIII & sq. referuntur. Historia & varia fata eorum a temporibus inde Jeroboami, ad quod primæ schismatis Samaritani origines refe-

runtur, usque ad nostra tempora, quantum ejus fieri potest, perducitur. Canon scripturarum ab iis receptarum examinatur, & causæ rejectorum quorundam librorum, quos canon Judaicus agnoscit, acute indagantur. Pentateuchum vero quod attinet Samaritanorum, omnino eam ex exemplaribus a decem tribubus conservatis & relictis descriptam & propagatam esse, contra Simonium, van Dalen, autorem Judiciorum de Critica Simoniana defenditur. Certe, ut cetera argumenta taceamus, si ab Esdra accepissent Pentateuchum litteris Chaldaicis scriptum Cuthæi, ex Chaldæa coloni, litteras Chaldæas, quibus ipsi assueti erant, in antiquas Hebræas non fuisse mutatu-
 ros. Doctrina eorum dum percontetur, ostenditur injuriam eis fieri, quando Deum corporeum statuisse quibusdam dicuntur, Spiritum item Sanctum & resurrectionem corporum negasse. Dei dolis eorum quæ tradunt Rabbini, incerta esse omnia. De Veneri & Saturno, ab iis culto, recte statuere Grotium, reliquam earum idololatriam explicari non posse. Frustra autem esse eos, qui temporibus sequioribus idololatriam illis exprobrent, Judæos, & post eos Epiphanium. Quæ de columba ab iis adorata Judæi dicant, incertis & sibi contrariis relationibus niti. Antiochi tamen Epiphaniæ ævo idololatrias cultus Samaritæ restitutos esse : & desideratum aliquid in cultu eorum, esse verbis Christi : *adomtis, quod nescitis*. Nec penitus tamen eos a salute excludi verbis ejusdem : *salus est Judeorum* ; ea enim tantum pertinere ad Messiam e Judæis ortum, qui *salus sit gentium*. Cultum porro eorum haut dubie novam labem accepisse a 6000 colonis gentilibus, ab Herode immixtis Samaritæ, unde cultus gentilis Samaritanorum vestigia passim sunt in veteribus nummis : eoque pertinere censuram Christi : *adomtis quod nescitis*, prolatam ad Samaritidem ; cujus ea occasione historia pariter ac fabulæ de ea percontantur, ut & apostasia Samaritanorum, Simone Mago duce, quem pro Filio Dei se gessisse negatur : Lightfootum vero injuriam esse in Samaritanos ostenditur, a Christo gentilibus eos æquiparatos dicentem, & errorem de gemino Messia eis temere exprobrantem. Doctrina postremo eorum quæ hodie sit, ex fidei confessione Scaligero

Cap. III.

IV.

LII 3

trans-

Cap. VI.

VII.

VIII.

IX.

X. XI.

XII. XIII.

XIV

transmissa repræsentatur, deque Sectis porro eorum disputatur, atque inde ad *Sadduceos* transitur. Eos, quod vulgo creditur, Prophetarum scriptorum auctoritatem repudiassē negatur, eandem tamen iis quam Legi auctoritatem forte habuisse conceditur. Grotium doctrinam eorum de providentia, Theophylactum, Arnobium, Simonium de spiritu & angelis placita minus recte percepisse, quando ab iis angelos penitus esse negatos, & apparitiones eorum pro *Φαντάσματα* habitas, statuunt. Neque feliciter Harduinum coniecisse, qui Herodem eam doctrinam, a Platoniciis acceptam, statuat Sadducæis tradidisse. Tacemus cetera, quæ de doctrina pariter ac disciplina eorum commemorantur. Fata eorum varia diligenter exponuntur; olim in Judæis toleratos, postea paucitate contemptos, hodie non amplius ferri, nisi quod profani quidam inter eos secreto Sadducaicum virus alant, & quibusdam Africæ locis fortassis cætus Sadducæorum, sed non validi nimis, inveniuntur. Caraitæ sequuntur, cum Sadducæis male quibusdam confusi, quorum præcipuum dogma traditionum, adversum auctoritati, contra Simonium adstruitur, doctrina inde & disciplina ordine exponitur. Origines ad Ptolemæi Philadelphi in Ægypto tempora referuntur, quibus Judæos nonnullos commentari in Legem cœpisse, conceptus suos Sacrorum Scriptorum miscentes conceptibus, ex Euseb. Præp. VIII, 10 colligitur, idque schismati Caraitarum initia dedisse ostenditur. Eos esse, quos *νομιμαῖς* dicat Christus, & *ὑπαρμαστῆς* Luc. XI, 44. Marc. XII, 28, quorum hic fata varia exponuntur. Copiosius inde de Phariseis agitur, ubi notari meretur, quæ ratione Paulum disputasse adversus eos ostendatur. De Essienorum origine Drusio Autor assentitur, eosque, doctrina eorum exposita male cum Christianis confundi docet, ex Pythagoræorum potius scholis derivandos. Herodianos denique a Sadducæis distinguendos contra Harduinum ostenditur, eosdemque originem debere non magno Herodi, sed Antipæ Galilææ tetrarchæ. Idque vel ex eo colligi, quod sectæ autorem superstitem fuisse docente Christo, suadeant verba ejus, *fermentum Herodis cavendum* monentis.

Verum

Verum satis de primo hujus historiae Volumine, pauca jam de secundo addamus. Post templi igitur & urbis desolationem, qui in Judæa perstitere Judæi, *Patriarchas* habuerunt, quorum auctoritatem quoque qui Ægyptum, Italiam & reliquas Imperii Romani provincias infesserant, occidentalium Judæorum nomine comprehensi, agnoscebant. Quemadmodum orientales Judæi, Babylonem, Chaldaeam, Assyriam, Persiamque habitantes, *Æchmalotarchas* venerabantur, qui *Rabbana* stylo Judæorum, ut illi *Rabban*, appellabantur. A *Patriarchis* illis dicendi initium fit, quos docet ex tribu Levi fuisse, instituendis in patriis cultibus populi reliquiis destinatos, quicquid de materna origine eorum ex tribu Judæ fabulatur Judæi. Ante Christi vero tempora Hillelem jam Patriarcham fuisse, non pati censeat Herodis auctoritatem, cum qua vix illum Patriarchatum concilies. Satis etiam sese hanc posse tueri, quæ de Simeonis, cujus in Evangelio mentio, Patriarchatu fabulantur Christiani quidam: meris item contradictionibus scaterere, quæ de Jochanano & translato ab eo Japhnen synedrio, Academia item Lyddæ constituta dicuntur. Nec majorem esse fidem debere eorum, qui in quarto Patriarcha Gamaliele, ejusque discipulo Samuele exiguo, Paulum Apostolum & præceptorem Gamalielem se putant invenire. Verbo, omnes, qui desolationem præcessisse credantur Judæis, Patriarchas fide carere, ratione non una firmatur. Primusque esse Patriarcha sub Hadriano Simeon, qui III est, in catalogo Judæorum nominis ejus, ostenditur. Officium vero horum & privilegia prolixè exponuntur, ut pateat eam non fuisse eorum auctoritatem, ut per eos *שבט* & *קקמ* in tribu Juda servata esse dici queat. Historia vero & fata usque ad A. C. 429, quo vel sponte deficiente familia Hillelis vel Imperatoris Theodosii voluntate hæc dignitas expiravit, deducuntur. Post eos *Primates* Judæis in variis partibus occidentis præfuisse, eosque male auctoritate *Patriarchis* a Cunæo & aliis æquiparari. Inde de *Æchmalotarchis* simili ratione differitur: hos Autor affirmat ab orientalibus Judæis institutos esse, sublato, quo communia sacra peragerentur, templo, vinculoque adeo unionis soluto. Nec tamen id eos aulos ante Parthos

L. III.
Cap. I.

II.

III.

V.

Cap. V.

thos, sub Alexandro Severo victos. Hunam enim primum *Æchmalotarëbam* Judæ Sancto convivum & A. C. 220 vel 222 illi officio præfectum esse: atque his admissis pleraque Criticorum circa Patriarchas & *Æchmalotarëbas* dubia solvi possent. Eorum post seculum XII nulla superesse vestigia. Academiæ sub iis erectas esse Soranam, Pumbeditanam, Nareshanam, Machusianam, iisque sua præfuisse capita. Inde *Tanaitarum* pertexitur historia, h. e. Doctorum, qui post Prophetas traditiones conservarunt, Mischnæ postremo autores, quibus primus absolvitur Doctorum Judaicorum ordo. Quæ eis tribuitur *בן קול* *filia vocis*, inferior paulo prophetia revelationis gradus, quem ex Judaicis lacunis Christiani quoque adstruxerunt nonnulli, & in Novi Testamenti libris ejus vestigia se invenire existimavere; eam meram superstitionem esse, sortibus Virgilianis, vel gentiliū ex vocibus, forte editis fortuna, ominibus non absimilem. Hoc vero ex scriptis Judaicis demonstratur. Sic enim Simeonem & Jochananem iter Babylonem meditantes, ut Samuelem ibi audirent docentem, filiam vocis de itinere proposito consulentes Synagogam adiisse, in qua puerum legere audientes ex 1 Sam. XV, 1 verba: *Samuel mortuus est*, Doctorem illum mortuum esse intellexerint. Sic R. Acherum *filia vocis* damnatum esse: adducto enim eo ad varias Synagogas, in prima audita esse verba Esaia: *Impio non est pax*: infecunda: *Cur verba mea gestas in ore tuo* &c. ut alia ejus generis taceamus. Ejusdem vero commatis esse, quæ de aliis *Tanaitarum* miraculis narrantur, quorum usque ad Judam S. continuata series esse creditur, qui disperso jam populo Judæorum A. C. 215 litteris traditiones hucusque conservatas mandaverit. *Gemaristarum* inde sequitur historia, qui defectus Mischnæ supplere voluerunt, atque adeo *Talmud* absolverunt. De libri igitur hujus ætate disceptatio instituitur, neque satis solidis argumentis instructum Morinum Mischnam quinque, Gemaram vero septem post Christum seculis elapsis conditam statuere ostenditur. Inde & Judæorum & Christianorum diversa de *Thalmudis* autoritate judicia percontantur, varii ejus errores referuntur, genuinus usus, quem præstare possit in ritibus cognoscen-

VI.

VII.

gnoscentis indicatur. Inter ipsos Judæos *Sebureorum* h. e. dubitantium Doctorum ordo commemoratur, cujus sectæ autor R. Josi circa A. C. 476 floruit, atque cum sequacibus suis Talmudicas traditiones per 74 fere annos impugnavit. Illis inde a VI seculi initiis successisse, autore Chanane Meischka, *Gaones*, *excellentes* nostra lingua dicas, usque ad A. C. 1037, quorum placita in iis, in quibus docebant, locis vim legum obtinebant, eorumque illustrissimi sigillatim commemorantur. *Masoreta* proximo loco, seu *Critici* Judæorum succedunt, variisque de iis virorum doctorum expositis sententiis, veri Masoræ & punctorum vocalium apud Ebraeos autores statuuntur Aaron & Moses, quorum Ille ex tribu Aser, hic ex tribu Naphtali genus ducebat, illique de forma plurium vocum, seculi a Christo XI initiis, disputabant, ut apud Gantzius est in Tzemach David p. 131; quæ fere est Morini sententia, ejus quoque argumentis stabilita, atq; contra difficultates, quas hic Theologorum nonnulli metuunt, ex eo atque Capello defensa. A Masoretis ad *Cabbalistas* proceditur, prolixissima de iis & tota *Cabbala* instituta disputatione. Ab elogiis ejus autem & fabulosis, quas Judæi ipsi tribuunt, originibus ducitur initium. Ut primus Simon Jochaides scripto, quod *Zohar* dicitur, eam complexus sit, inde narratur, breviterque, quæ summa sit libri & præcipua argumenta, ostenditur, symbolorumque istorum brevis & generalis explicatio additur, quibus similis fere esse ostenditur symbolica quorundam mysteriorum Ægyptiorum in imagine Isis representatio. Inde judicium de hoc libro fertur, eo fere rediens: multa in eo esse, quæ ante seculum a Christo X scribi non potuerint; tenebras ejus impenetrabiles esse; denique præcepta R. Jisfchari, ex Zohare collecta, quibus Christiani nonnulli ad explicanda Scripturarum Novi etiam Test. mysteria utendum putent, erroribus scatere & nugamentis quam plurimis. Paulo clariora vero ex recentioribus Cabbalistis derivari posse; ab iis enim, Cabbalam in *Mercavam* h. e. partem de attributis Dei, & *Breschit* h. e. contemplationem mundi inferioris dividi; *Mercavam* juxta Henrici Mori sententiam explicat Autor. Indeque ad mysteria specialiora in litteris transit; porro ad ea, quæ in vocibus

X.

XI.

M m m

quæ-

- Cap. XII. quærunt, a Christianis quoque ambitiose investigata, nullum.
- XIII. non fidei suæ mysterium hac via indagentibus. Inde ad my-
- XIV. steria, quæ in divinis nominibus, maxime in tetragrammato, ri-
mantur. His *Sephirotarum* abstrusior subjungitur philosophia,
quarum juxta Clarissimum Autorem mysterium in eo consistit,
ut repræsententur attributa divina, quibus mediantibus essen-
tia Dei, in se infinita, manifestatur: ut multum fallantur, qui in
tribus prioribus *Sephirotis* mysterium Trinitatis vel delineatio-
nem personæ *Messie*, ejusve miraculorum quærunt, quod com-
paratis invicem *Cabbalistarum* locis ostenditur. Cum vero
quinque sint *Cabbala* species, *prima naturalis*, quæ naturæ omnis
mysteria ex litteris alphabeti evolvit: *secunda*, quæ ordinem &
nexus rerum conditarum inter se spectat: *tertia contemplati-
va*, quæ & animum & corpus ad penitentiorem cum Deo unio-
nem elevat, atque miracula patrandi virtute homines instruit:
XV. *quarta Astrologica*; & *quinta* denique *Magica*, sigillatim de-
iis agitur. Inde origines *Cabbala* aliquot capitibus investigan-
XVI. tur, quas ipsi *Cabbaliste* ad Moysen referunt, in cujus Lege & scri-
ptis allegorica sint plurima, quæ litterales respuentes explica-
tiones, *Cabbalisticis* opus habeant. At Autor non ea de re quæ-
ri observat, verum de ipsa methodo omnia *per Cabbalam*, etiam
historica, in allegorias vertendi, quam in Ægypto ortam, ab æ-
tatis inferioris magistris auctoritatem existimat accepisse. Pri-
mum autem ei rei in Ægypto initia dedisse Eleazarum, cum
circa translata a LXX interpretibus Moysi legem & varios
cultus quæstiones curiosius Ægyptii moverent. Ab eo inde
tempore factiones inter Judæos ortas in Ægypto esse duas, *Litte-
ralium* alteram, alteram allegorias sectantium *Cabbalistarum*. In
his celebrem Aristobuli famam extitisse, eorumque vestigia esse ap.
Eusebium Præp. VIII, 9. p. 372. Inde sensim sensimque incrementa
hoc studium cepisse, a Philone, Essenis aliisque adoptatum; Judæis
cum maxime, ut ne Ægyptiacæ religioni sua mysteriis cedere
videretur, cupientibus: eorumque doctrinæ fragmina passim
Christianos exhibere, Hieronymum in Commentariis, Basilidia-
nos, qui ab iis zonas suos acceperint, atque alios. Fuisse ex
eorum genere *Agadicos*, qui seculo XII in Ægypto a Maimoni-
de com-

de commemorentur, atque inde sensim *Cabbalam* eam, quam hodie gerit, faciem induisse. Falli ergo, qui *Cabbalam* a Patriarchis in Ægyptum delatam atque suis superstitionibus ab Ægyptiis adoptatam putent: quod ut ostendatur, ex Kirchero maxime & Theoph. Galæo allegantur mysteria *Cabbalæ* Judæicæ, quæ cum Ægyptiis ab Abrahamo communicata esse verosimile videatur: indeque totum hoc systema evertitur, Ægyptiosque nihil a Judæis eorumque majoribus ad religionem spectans accepisse demonstratur. Quin versa potius vice ipsos esse suorum mysteriorum inventores, qua occasione multa erudite de Ægyptiorum mysteriis disseruntur. Indeque de mystica atque *cabbalistica* Theologiam tractandi ratione apud Græcos quoque agitur, ne nuda veritas impuris hominibus prostituta vilesceret, a Poetis & Philosophis adhibita. Hac methodo Trinitatis mysterium docuisse Orpheum, Sephiroticæ doctrinæ non ignarum: Homerum morum doctrinam, theologiam & Patriarcharum historiam. Maxime vero eminuisse illam *Cabbalisticam* doctrinam Pythagoram, ex Judæorum scholis derivata: eamque amplexam ex parte Socratem, ex toto Platonem etiam esse. *Cabbalam* in Christiana ecclesia quod attinet, errare, qui Christo quoque eam tribuant, loco Matthæi V, 18 inducti, cujus ætate ea nondum fuerit inventa. Nec Pauli auctoritati tuto *cabbalisticam* scripturas explicandi methodum superstrui posse, Initia *Cabbalæ* Christianæ ab autore Epistolæ Barnabæ, (Apostolo enim ea abjudicatur,) & Herma Pastore esse ducenda. Hinc prolixior eaque jucundissima de patrum *Cabbalæ* & allegoriis disquisitio. De secundo porro *Cabbalæ* gradu, cum cuivis vocis alicujus litteræ integra vox tribuitur, disputatur. Eam Græcis quoque Romanisque non incognitam fuisse, quisve usus litterarum in genere *Cabbalisticis* Judæis & Christianis fuerit, ostenditur. Ea occasione de alphabeto cæli multa, de vi numerandi item in litteris, mysteriisque inde natis sive Judæorum sive Christianorum, sive Abraxeis sive aliis ejus generis, unde & de Talismanibus quædam observandi occasio nascitur. Comparatio item Æonum, quos sibi finxere hæretici quidam, cum Judæorum Sephiroth instituitur, eorum

Cap. XVII.

XVIII. XIX.

XX.

XXI.

XXII.

XXV. sq.

XXVII.

Cap. XXIX
XXIX.

scopo & sensu indicato. Exiguus denique Cabbalæ usus esse demonstratur. Post Cabbalistas de *Rabbinis* variisque eorum titulis agitur, itemque de *Presbyteris*, motaque de *decem Synagoga otiosis* controversia, quæ indecisa tamen *Lectorum* arbitrio permittitur, finis secundæ quoque parti imponitur.

Verum jam satis nos detinuit istud opus, neque sic tamen ex dignitate a nobis delineatum, neque ad finem usque recensitum. Reliquorum igitur Voluminum trium notitiam proximo Mensi servamus.

*SCRIPTORES RERUM BRUNSVICENSIVM
illustrationi inservientes, antiqui omnes & religionis re-
formatione priores; cura GODOFREDI GUI-
LIELMI LEIBNITII.*

Hanoveræ, sumptibus Nicolai Fœrsteri, 1707, in fol.

Alph. II pl. 10.

Qui de universa re litteraria jamdudum peregre meretur, Illustris Leibnitius, Fautor noster in primis colendus, aliorum excitatus exemplis, qui vel Alemannicarum, vel Belgicarum, vel Septentrionalium rerum scriptores propriis voluminibus dedere, ea pariter scripta in unum redegit corpus, quæ res Brunsvicenses quocunque modo concernunt, additis etiam Halberstadiensium, Verdensium Mindensiumque Episcoporum & in universum Saxonum rebus, & eruditis subinde Notis ac variis Lectionibus textui subjectis. Præfixa his est Introductio prolixa atque elegantissima, in qua, quicquid in singulis scriptoribus præcipuum est, accurate adnotatur, quæ cum huc transferre omnia instituti nostri ratio non patiatur, saltem Libros & Excerpta, quæ in hoc corpore continentur, numero LXIV, ea, qua licet, brevitate enarrabimus. Præmittuntur *Excerpta Veterum Scriptorum de populis ad Albim & Visurgim*, notis illustrata, in quibus Noster vexatum Taciti de Germaniæ etymo locum in clara luce collocavit, Fososque eidem memoratos & a Cluverio trans Albim remotos patriæ suæ, amni Fusæ, prope Cellas in Alteram influenti vindicavit, & errorem de Mattiacis sustulit, qui

corrupta lectione pro Marfacciis in Batavorum viciniam transferebantur, vera eorum sede in Wedderavia constituta. Sequitur *Lex Saxonum*, *Anglorum* item & *Werinorum*, explicatis insuper, quæ Lindenbrogius intacta reliquerat. Post descriptam deinde *Alsfredi Vitam Ludgeri*, primi Monasteriensium Episcopi, aliaque fragmenta Ludgerum concernentia, & *Chartularium Werthinense*, succedunt: *Poeta Saxonis Annales Caroli M.* bella ejus Saxonica complexi, & a Reineccio olim, sed non satis accurate, editi: *Vita S. Ida*, ab Ussingo Monacho Werthinensi scripta & a Surio primum edita: *Translatio S. Pusinnae ad Hervordiam*, *Legenda*, ut & *Fragmentum de S. Martyribus in Ebbeckestorp quiescentibus*, quæ etsi minoris pretii, nonnulli tamen, usus in historicis sunt; & *Supplementum hiatus Annalium Fuldensium*. *Vita Matildis Regine Germaniæ ex Actis Sanctorum Antverpiensibus* deprompta est; *Witikindi vero Corbejensis Historia Saxonum*, multis hæcenus mendis scatens, multum ornamenti & lucis accepit e variis Lectionibus, quas Nostro Laurentius Zaccagnius, Bibliothecæ Vaticanæ hodie primus Custos, & Codice Bibliothecæ Casinensis, & Wilhelmus Ernestus Tenzelius, Sereniss. Regis Pol. & El. Sax. Consiliarius & Historiographus e codice Archivi Electoralis Dresdensis communicarunt. Nec prorsus ab instituto hoc alienæ visæ sunt *Bina Litaniae in Corbeja Saxonie olim usurpatae*, quas sequitur *incerti Autoris Carmen Panegyricum in laudem Berengarii I*, ab Hadr. Valetio antea Par. 1663 in 8 editum, nec non *Translatio Reliquiarum corporis S. Epiphanii ex Italia in Hildesheim*, & *Fundationes quarundam Saxonie Ecclesiarum*, quas Cl. Madero debemus. Porro lectu digna occurrit *Vita S. Adelheidis Imperatricis*, autore Odilone Abbate Cluniacensi, cum Canisii Notis recusa, ut & *Vita D. Brunonis Coloniensis Archi-Episcopi*, a Rotgero scripta, quam antea a Surio interpolatam, ad MSptum Bibliothecæ Guelfebyranæ Noster emendavit, additis etiam scriptis aliis ad Brunonem pertinentibus. Primus inde Noster vulgavit *Vitam Theodoricæ I Aictensis Episcopi*, a Sigeberto Levita S. Vincentii scriptam, cui subjunxit *Monachi Brunwilaricnsis de Palatinis Rheni, Erenfrido seu Ezone & Matilde, eorumque filia B. Richeza Regina Poloniae Narratio-*

nem, eaque occasione varia notatu digna affert in Præfatione. Imprimis vero de *Ditmaro*, *Episcopo Merseburgensi*, bene meritus est, cujus *Gesta Saxonum*, seu Cæsarum, ex antiqua domo Brunsvicensi ortorum, post mancas Reineccii & Maderi editiones, integra demum ex codice optimo, a Celeb. Papebrochio liberaliter communicato, exhibet, quibus dolendum est collationes emendationesque statim subjici non potuisse, quippe serius a Viris summis communicatas, eoque ad finem operis adjectas; addita & est *Vita Ditmari*, a Reineccio pariter vulgata. Hinc *Vitam Henrici Sancti* Imp. ab *Adelboldo* Episcopo Trajectensi consignatam, & e Gretsero descriptam, quanquam imperfectam, videas. *Bernwardi* porro, *Hildeshemensis Episcopi*, qui Ottonis III Imp. præceptor fuit, *Vitam*, auctore *Tancmaro Presbytero*, aliaque huc pertinentia dum ex Broweri Sideribus Germaniæ exhibet Illustris Leibnitius, inter alia observat, constantem apud Hildesienses famam esse, eundem Bernwardum Chemicæ arte præcelluisse, & commotum illa non ita pridem Maximilianum Henricum, Electorem Colonensem & Episcopum Hildensem, rei Chemicæ studio & cognitione laudandum, inquisivisse diligenter in vestigia scientiæ Bernwardinæ, & nonnulla nactum perhiberi. Huic adjungit pariter ex Browero *S. Godehardi Episcopi Hildeshemensis Vitam*, a Wölfero familiari ejus scriptam, simulque contra Mabillonium negat, Godehardi obitum ad IV Maji diem referri posse; nec lectu indignæ, quas addidit, *Meinweri*, *Episcopi Padebornensis*, qui Henrico II Imp. familiaris fuit, & *Heimeradi*, *Presbyteri & Confessoris*, *Vita*; quibus succedunt *Acta Pontificum*, gente Saxonum, *Gregorii V & Clementis II*, ex Annalibus in Saxonia Sec. XII scriptis & Augerii de Bituntis Catalogo Paparum, nondum editis, depromta, una cum Fragmento Hamerslebiensi, quod inscribitur: *Gregorius Papa V, natione Saxo, natus in Melverode*. Cumque *Guilielmus Appulus*, Historicus, in *Poemate de rebus Normannorum in Sicilia, Apulia & Calabria gestis*, usque ad mortem *Roberti Guiscardi Ducis*, olim Rothomagi 1582 vulgato, nuptias Hugonis descripsit, qui fratrem Guelfum, Ducum Brunsvicensium factorem, habuit, hoc quoque, alioqui paucis & ne ipsi quidem rerum Nor-

man-

mannicarum collectori indefesso, Andreae Duchesnio visum, hac occasione recudere lubuit. Pari ratione *Matbildis* Principis Italæ celeberrimæ, quæ Guelfo filio Guelfi nupserat, a quo tamen postea divertit, *Vitam*, a Domnizone Presbytero carmine descriptam & cum optimis MStis Romæ collatam, tum & *Anonymi Vitam* ejusdem *Matbildis*, soluta oratione comprehensam, quæ fere ex Domnizone desumta est, Noster inserit. Quin & e Bibliotheca Julia promit quædam *de S. Autore ejusq; reliquiarum translatione in regionem Brunsvicensis*, ubi de Gertrude Brunsvicensium Principe alibi non obvia invenias. Porro ex *Reinhardi Reinebusensis Abbatis* opusculo *de familia Reinhardi Episcopi Halberstadensis* patet, hunc Reinhardum fuisse Popponis Comitis de Blanckenburg filium. Nec indigna lectu *Imperatorum ab Henrico Aucupe ad Henricum V gesta*, a Monacho quodam Hamerslabiensi descripta, & ex Madero huc translata. Plura vero ad Hildeshemensium res spectantia afferuntur: *Annales* primum *Hildeshemenses ab anno 714 ad ann. 1138*, quos Duchesnius in Tomum III Scriptorum rerum Francicarum retulerat, tum *Chronica Episcoporum Hildeshemensium*, quæ cum excerptis ex Eggehardi Vragiensis Abbatis Chronicis ad Ecbertum, a Browero adductis, conferens Noster, prorsus eadem Eggehardi Chronica esse comperit; *Necrologium* item *Hildeshemensis Ecclesiæ*, e quo multorum Imperatorum & Principum dies emortuales cognoscas, aliaque Fragmenta, quibus Ecclesia Cathedralis Hildeshemensis illustratur. Hinc *Versus antiqui* afferuntur *de Vicelino*, quem Episcopatu Aldenburgensi (qui hodie Lubecensis dicitur,) præfecerat Henricus Leo, exhibentur, a Lindenbrogio antehac vulgati, nec non *Compendium Vitæ* hujus *Vicelini*, quod nuper publicavit Clar. Struvius. Ubi porro *Chronicon Weingartensis Monachi de Guelfis Principibus* exhibet Ill. Leibnitius, refert, cum animum applicare cœpisset ad Historiam Guelficam, Carolum Ducangium, Christophorum Iustellum aliosque viros doctos in Gallia, cum quibus ei litterarum commercium erat, dubitasse, an verum esset, quod vulgo dudum ferebatur, Brunsvicenses ortos esse ex Atestina gente. Et quanquam diserte in adducto Chronico apud Canisium legebatur Cap. 6: *hic (Gwelf) genuit filiam Cuniam* (Cuni-

(Cunizam) nomine, quam Azo ditissimus Marchio Estensis &c. duxit, non diffitetur tamen, cum codicem Augustanum inspexisset (ex quo Chronicon hoc ediderat & Canisius,) observasse, quod suspicatus erat, vocem *Estensis* esse glossema aliamana adscriptum. Rem tamen ipsam, addit, in Italiam profectum, certis se illic argumentis asseruisse, didicisseque etiam, quibus legibus Azonis posterius, in Germania Duces, cum Marchionibus Italis, ex eodem stipite prognatis, de ditionibus communis parentis transegerint, aliaque Germanis Atestinisque scriptoribus ignorata. Subjecta est *Arbor Genealogica*, ex codice membranaceo Monasterii Vinearum opera Amplissimi Pregizeri descripta, & *Ladislai Gundheimii Canonici Viennensis Familia Welphorum*, quam e Bibliotheca Casarea Vindobonensi nactus est Noster. Sequitur *Othonis & Acerbi Morenarum Rerum Laudensium Historia*, olim a Felice Osio edita, ubi dum expeditio Friderici Barbarossæ contra Mediolanenses describitur, Henrici Leonis & Guelfi patrui, qui expeditionis socii fuere, crebra fit mentio, vultusque omnis & statura describitur. *Chronicon* inde *Stederburgense*, cui inserta Gerhardi Præpositi de Henrici Leonis posterius rebus gestis beatoque ex hac vita excessu historica narratio, a Meibomio antea editum, sed imperfectum, e Guelfebytano codice hic integrum exstat. Nec indigna visa est *de Godescalco* rustico, qui Henrici Leonis ætate mira somniabat, *Narratio*, cuius Excerpta hic comparerent, qualia deinde etiam ex *Rogerio Hovedeno*, paucis extra Angliam noto, de rebus gestis Henrici Leonis & filii ejus Ottonis IV Imp. offeruntur. Agnoscunt *Gervasii Tilberiensis Otia Imperialia ad Ottonem IV Imperatorem*, cujus libri cum eam tantum partem, quæ de Imperio Romano & Gottorum, Lombardorum, Brittonum, Franconum Anglorumque Regnis conscripta est, ediderit sigillatim Maderus Helmstadii 1673, optime erudito orbi consultum voluit Noster, ubi integrum nunc, e MSpto membranaceo Bibliothecæ publicæ edidit; & lectu dignissima sunt, quæ tum de Auctore tum de ipso opere erudite & prolixè in Introductione observavit.

MENSIS OCTOBRIS A. M DCC VII. 465
LA SICILIA INVENTRICE.

h. e.

DE REBUS A SICULIS PRIMUM REPER-
tis Liber, opera & studio VINCENTII AURIAE,
Doct̃oris Panormitani.

Panormi, apud Felicem Marinum, 1704, in 4.
Alph. 1 pl. 16.

EXimia est Siciliæ fertilitas, multorum Scriptorum commen-
data calamis, atque, ubi Romani juris facta est ea Insula,
in tantum æstimata, ut frumentariis Reipublicæ suæ subsidiis a
Cicerone haud immerito annumeraretur. Sed vero ejusdem
fecunditas etiam in latos ingeniorum proventus exuberavit,
quæ alacri atque libero impetu non procurrerunt modo in ar-
tium optimarum studia, felicitque literarum tractatu semet-
protulerunt, verum ab ultimis inde usque temporibus novita-
te quoque inventorum a se operum commendabilia extiterunt.
Eorum certe tanta fuit copia, ut Nobilissimus Vir *Vincentius*
Auria, Doctor Panormitanus, ad integri libri compositionem
materiam invenerit, quin & Observationum atque Additamen-
torum, quæ subjiciuntur, Autori doct̃issimo *Antonio Mongitori*,
jam melle facta, spicilegium superfuerit satis copiosum. Lon-
gum foret, quæ in gentis suæ gloriam de rebus ad hominum
usus nove repertis uterque exponit, partite distincteque com-
memorare. Quare ex magno numero pro instituti nostri ratio-
ne hæc potissimum enotabimus. Salsa maris aqua ut dulcis
reddatur, Antonius quidam modum dicitur reperisse eo tempo-
re, cum Insula *delle Gerbe* a Turcis obsideretur, & incolis ita clau-
sis deesse cœpisset aqua, quam biberent. Autor tamen Obser-
vationum non Antonium ejus rei inventorem, sed Sebastianum de
Pollere nominatum fuisse monet, qui vasis destillatoriiis quinqu-
aginta tantum aquæ dulcis confecerit in singulos dies, quantum
implendis 50 tonnis posset sufficere. Marmor lapillis varii coloris
distinguere cœperunt primum Panormitani lapidæ, & eodem
Sacrarium S. Rosaliæ in Ecclesia Majori ornarunt, inde passim
& alibi usurpatum est, & maxime in Templo domus professæ P.

N n n

Socie-

p. 4.

88.

6.

p. 101 sq.

10.

114.

30. sq.

152.

61.

194.

Societatis Jesu, ubi columnæ ingentes variis animantium figuris ita exornatæ conspiciuntur, quas exinde singulari Poemate Latino celebravit Vincentius li Bassi Canonicus Panormitanus, in Horto ejus Musarum p. 145 legendo; qua occasione Auditor Observationum diversorum lapidum meminit, qui reperiuntur apud Siculos, & ab aliis etiam maximi æstimantur. Mutilis quæ ratione nasi vel labia etiam arte refingi possint, Branca quidam Chirurgus Siculus excogitasse fertur; in Observationibus vero ex Ughelli Italia Sacra Petrus Vioneus laudatur, Tropææ, quod Calabriae oppidum est, Chirurgus celebris, qui magna dexteritate, & successu egregio labia & nasos mutilos integrati donavit. Agitur inter alia de inventione rythmorum Italicoꝝ, quam Auria noster & Observationum Autor Friderico II Imperatori, seculo XII Panormi nato, ejusque filiis adscribunt, & productis innumeris gravissimorum scriptorum testimoniis probant, quod Academiam constituerint isti vernaculam linguam expolituram, a qua Societate versus similiter cadentes facti leguntur in Collectione quadam Florentiæ A. 1527 facta, & descripti etiam ex codicibus Bibliothecæ Vaticanæ atque Barberinæ a Leone Allatio, A. 1661 prodierint; ubi ex Nonnio, in Observationibus allegato, notamus, Lusitaniæ Regem Dionysium non ita longe post Poeticum quoque studium maxime dilexisse, & fere primum carmina lingua scripsisse vulgari, Siculos imitantem cum aliis rythmorum felicissimos repertores. Artis pergestus & nutus loquendi origo ad Hieronis Syracusani tyranni tempora refertur, qui cives mutis colloquiis prohibuit uti, fecitque adeo, ut per signa manuum & pedum atque oculorum nutus animorum conceptus promerent. Quæ dum in Notis suis ulterius probat doctissimus Montgitors, ex Francisci Mariæ Magii Panormitani de Sacris Ceremoniis libro refert, duos fuisse adolescentes Syracusanos e familiis *Arezzo & Daniele*, qui ingenii sui felicitate tantum profecerint in ea arte, ut secreti locorum intervallis de rebus quibuscumque per solos nutus, & eos quidem non indecoros loquerentur, darentque modum illum ignorantibus credendi eam animum, Magicis artibus alterum alterius cogitata resciscere. Addit ita

ita multos natura surdos legere & scribere addidicisse, & multarum sibi rerum scientiam comparasse, nominatque post alios S. J. Patrem in Collegio Panormitano Iustinianum, qui Baronis di Rafforosso filio Angelo Maria Rivalora loquendi facultatem scribendique conciliaverit, Jo. Bonifacii librum simul laudans, qui *P. Arte di Cenni* inscribitur. Ut regionem suam a prædonum maritimorum impetu tutam magis præstarent Siculi, circa A. 1554 speculares turres invenisse in Additionibus, quas Observationibus adposuit Mongitores, monet. Ex vero recto ordine & justis intervallis ita erectæ sunt in litore, ut excubantes in illis hostium adventum proximo cuique significare queant, de quibus, Barclajo quoque Lib. I Argenidos memoratis, Camillus Camiglianus Florentinus in MSto libro, in quo oram Siciliae maritimam describit, exposuerit. Tradunt ita de Sicularum ingeniorum inventis ambo Scriptores hi supra nominati cum multa industria & cura, estque ultimus eorum in Observationibus suis in eo potissimum occupatus, ut quæ ab Auria dicta sunt, non supplementis modo suis augeat, sed optimorum etiam Scriptorum cujuscunque ætatis testimoniis, quæ magno numero adducit, quantum potest fieri, confirmet.

P. 224.

HUGONIS GROTII drey Bücher vom Rechte des Krieges und des Friedens, 2c.

h. c.

HUGONIS GROTII LIBRI TRES, DE JURE Belli & Pacis, in quibus Jus natura & Gentium, item, Juris Publici præcipua explicantur, cum Annotatis Auctoris, & Latina in Germanicam linguam translata a P. B. S. nato SCHÜTZIO, Comitum Rbutenicorum Plavien- sium Consiliario, rerum Feudalium Directore & Ephoro; cum Præfatione DN. CHRISTIANI THOMASII, Reg. Boruss. Consilarii & Professoris Juris Ordinarii in Academia Halensi.

N n n 2

Lipsiæ,

Lipsiæ, sumtibus Friderici Groschuff, 1707, in 4to.

Alph. 7 plag. 12.

Quem in vernaculam suam dudum transfulerunt exteri, nunc ope Consultissimi *Schützii* Germanice etiam loqui incipit summus Grotius, cujus consilii rationes & difficultates in Præfatione ipse doctissimus versionis Autor exponit. Nostri opera eo minus indiget hoc opus, quo magis, quid idem in recessu habeat, jam notum est. Quæ enim Grotius tradidit, nemini, qui hujus generis literis delectatur, sunt incognita, quam potens vero linguæ Germanicæ sit Noster, doctissimis scriptis aliis, ἀνορύμους editis, quorum nos quoque mentionem fecimus in Actis anni superioris p. 91 & 92, abunde hætenus comprobavit. In genere igitur nobis saltem asserendum est, quod summa diligentia ac exquisito judicio, tum textus Grotii, tum singula ejus annotata, Germanico idiomate donata sint. Et ne quid desiderari posset, versus, quos ex probatis autoribus passim insperfit Grotius, metro Germanico Noster quoque eleganter inclusit.

Toti operi Præfationem præmisit Consultissimus *Thomasius*, in qua de statu Juris naturalis usque ad Grotium, prolixè satis differit. Communem hominum calamitatem esse ait, quod, cum omnes diu feliciterque vivere cupiant, ea tamen agant, ex quibus vita infelix ac brevis non possit non sequi, cujus calamitatis ea censetur esse causa, quod homines mediis tam naturalibus, quam supernaturalibus, a Deo suppeditatis, non utantur, aut lumen naturale & supernaturale, rationem & revelationem, naturam & gratiam permisceant. In quo ergo discrimen luminis naturalis & supernaturalis consistat; deinde Vir celeberrimus edisserit. Nimirum lumen rationis & divinæ revelationis de intellectu, natura & gratia de voluntate dicuntur, in sensu tamen latiori lumen rationis etiam de viribus naturalibus, & gratia de supernaturali cognitione usurpatur. Hæc cum valde plana sint, res admiranda videtur, quod homines, cetera doctissimi, discrimen illud vel neglexerint, vel oppugnaverint, cujus abusus tum causæ, tum
exempla

exempla, ex philosophia Ethnicorum pariter ac Christianorum adducuntur, ac inprimis etiam Ecclesiæ Patres, quos vocant, hoc nomine notantur. In specie ex doctissimæ Præfationis doctrina inter Doctores Ecclesiæ duplex Secta exorta est, Orthodoxorum, der Rechtenmeinenden, & Mysticorum, der Geheimen, quæ sectæ, sibi invicem valde adversæ, in opprimendo rationis usu tamen conspirarunt, illa autoritatis humanæ, hac præcipitantia in doctrina Christiana præjudicium stabiliente. Inde universalis ignorantia & servitus, nec non sanæ rationis ac certitudinis sensualis oppressio, inter Christianos exorta est: miser Scholarum tam inferiorum, quam superiorum status accessit: doctrina moralis Aristotelica & Scholastica in Philosophica Facultate nullius fuit pretii: commiseratione digna Juris naturalis conditio sub Jctis, ut & Theologis Scholasticis, sub quibus etiam secta Orthodoxorum fuit continuata, calamitatem istam eruditis quibusdam jam ante Reformationem notantibus; non minus etiam Theologiæ mysticæ, cujus origo a Judæorum Cabbala ac Gentilium quorundam Philosophorum doctrina dependere videtur, inter Scholasticos locus aliquis est relictus, adeo ut Albertus Magnus & Thomas Aquinas, magna illa Scholasticorum Orthodoxorum lumina, contrarias illas sectas conciliare sustinuerint. Ex reformatione Lutheri, Zwinglii aliorumque spes concipienda videbatur, fore, ut discrimen & verus luminis naturalis & supernaturalis usus, tam in Academiis, quam Ecclesiis restitueretur, sed erroris inveterati pertinacia, ac infelix Reformationum dissidium rem valde necessariam videntur impedivisse; hinc inter Protestantes etiam secta Orthodoxorum & Mysticorum effloruit ac magis magisque fuit dilatata. Initio igitur Seculi XVII miserrima & maxime morbida doctrinæ de virtutibus & vitiis, de honesto & turpi, aut de Jure naturali fuit conditio, Scriptoribus Pontificiis omnia ad Papatum stabiliendum referentibus, ac Jus Naturæ, Gentium, Mosaicum, Græcum, Romanum & Canonicum fœde miscentibus, Protestantibus vero incaute illos sequentibus. Hoc rerum statu excitatus est Grotius, qui do-

Nnn 3

ctinam

doctrinam Juris naturæ restauraret, ac in tollenda luminis naturalis & supernaturalis confusione initium faceret. Hujus igitur dotes Excellentissimus Præfationis Autor enarrat, ac commendata versionis Germanicæ utilitate, summatim ostendit, quantum adhuc dici posset, si ultra Grotium Juris naturalis historia continuanda foret, inter alia hoc etiam notans, quod mystica docendi ratio nostris temporibus eo impudentiæ progrediatur, ut doctrinam Juris naturalis, velut noxiam & periculosa, palam traducere & calumniari quidam non dubitent.

*OPUSCULA MEDICA DE STRUCTURA ET MOTU
Fibræ, de Nutritione animali, de Hemorrhoidibus, de
Catameniiis, edita a JO. DOMINICO SANTORINI,
Philosoph. ac Med. Prof. & in Veneto Lyceo
Publico Anatomes Incisore.*

Venetius, apud Jo. Gabrielem Hertz, 1705, in 8,

Plagul. 12 $\frac{1}{2}$

Quot & qualia Opuscula Medica hic ab Auctore nobilissimo exhibeantur, vel ex titulo satis innotescit. In primo namque Opusculo structuram & motum fibræ methodo Geometrarum enodare ille ideo sustinet, quod apud Recentiores fibrarum oscillationis, crispationis ac motus passim mentio fiat, nupiam tamen evidenter exponatur, quid hæc significant nomina, aut quomodo motus ejusmodi perficiantur. Fibræ videlicet nerveum vocat filamen, seu corpus teres, oblongum, cavum, in alia corpora cava non divisibile; per fibræ autem motum intelligit, quando hæc vel elongatur, vel abbreviatur, vel expanditur, vel coarctatur, vel quomodolibet alia intrinseca ratione, aut simplici, aut composita, aut ab externo, aut ab interno principio proveniente dummodo aut intrinsece immutetur villus, aut fluidum inclusum diversimode afficiatur. Si fibra tamen extra corpus tubulus vacuus, vel cum Bellino ex minimis quadranguloribus, in series instar laterum in muris dispositis, coagmentata, supponatur, eam minime moveri posse, quin minimæ illius partes

tes dispositionem mutant, & vel a contactu recedant, vel in majorem cohesionem nitantur, fuisse prius ostendit, quam fibræ in corpore actionem primariam hujusque causam internam declarat. Pro fibræ quippe in corpore, a cerebro enatæ ac instar chordæ citharæ neutiquam tensæ, præcipua actione reputat oscillationem, quæ vi etymologiæ non nisi oris seu orificii motionem sive apertionem denoret, crispatio alias & contractio dicta, eatenus contingens, quatenus arteriarum diastole in utraque meninge, potissimum pia, cerebrum comprimatur liquidumque contentum heterogeneum in fibras urgeatur, in extremitate propter sensationem, motionem & secretionem in glandulis cæcas potius, quam patulas, & figura conica præditas, asserendas. Pro motibus vero fibræ simplicibus sicuti restrictionem aut dilatationem, abbreviationem aut elongationem, & pro compositis elongationem simul & dilatationem, elongationem & restrictionem, abbreviationem & dilatationem, abbreviationem & restrictionem, venditat; ita a solo quidem spirituum motu fibrarum aut elongationem, aut restrictionem cum reliquis motibus peragi, non tamen a quocunque spiritus impetu quamlibet motionem fibræ fieri, sed & gradus impetus ejusdemque directionem requiri, pluribus demonstrat. In sensatione speciatim ab objectis non tam fibras, quam liquidum, sive spiritum contentum moveri, motumque hujus cerebro tunc communicari, quando tanta vi in refluxum agitur, ut quasunque resistentias possit superare, variis rationibus non minus evincit, quam omnem sensibilibus varietatem a modo refluxus dependere, exemplo tactus, visus, auditus & doloris adstruit. Ossium e contra, corticis cerebri, partiumque mollium, a frigore in rigiditatem conjectarum, sentiendi inertiam a deficiente liquidi nervorum refluxu derivat; neque nervos aliter, vel relaxari & elongari, vel tendi & abbreviari posse, indigitat, quam si spiritus distendens vel deficiat, vel abundet. Sed quid fibrarum contractio & relaxatio in motibus fluidorum valeant, quid e diverso in fibræ tensione & relaxatione ab aqua & ab oleo contingat, quidque stimulus sit, & quomodo hic operetur, sub finem uberius explanat.

In *Opusculo altero* circa nutritionem animale[m] ita occu-
 patur, ut ante omnia reparationis necessitatem ex consumptio-
 ne, etiam solidorum, hinc nutritionis materiam & modum, pro
 partium solidarum diversitate diversum, sistat demonstrata.
 Quamvis enim fluidorum motus intestinalis, minimorum, qui-
 bus constant, quieti & contactui perfecto arcendis tantummo-
 do dicatus, solidorum compagem vix solus possit solvere, ve-
 luti & partibus solidis dividendis, & earum particularum resi-
 stentiae superandae impar, nullus tamen dubitat, quin circularis
 sanguinis motus, quo hic ad vasorum latera validius appellitur,
 impetus momento vi cohaesionis praevaleat partesque solutas,
 cum tenuiores per transpirationem insensibilem, tum crassiores
 per organa diversa, e corpore expellat. Non sola nihilomi-
 nus fluida hic consumi, verum & a solidis, ipsisque ossibus, ali-
 quid abripi ut confirmet, ad vim provocat, tum majorem, qua
 ossa in Lue venerea carie corrumpantur, frustulum ab osse de-
 nudato dimoveatur, & arteriarum aneurysmata excitentur,
 tum minorem, nunc in marmore duriori atterendo, nunc in
 cornu cervi e molliendo, extra corpus conspicuam. Pro nu-
 tritionis autem materia & modo diverso exactius determinan-
 do cunctae corporis nostri partes solidae vel ad nerveas, vel ad
 sanguineas, vel adiposas a Nostro reducuntur, & ad nerveos in
 specie ossa, cartilagineae, (utraque in primordio spectatae) ten-
 dines, ligamenta, membranae, tunicae, & quaecunque albicantes,
 ad sanguineas musculi, epar, lien, glandulae, aliaeque a vasis san-
 guineis rubore suffusae, ad adiposas denique pinguedo, omentum
 & ossium medulla, referuntur. Adipis nempe nutritio ab oleo-
 sa sanguinis portione, per adiposas glandulas secernenda & in-
 tra sacculos membraneos colligenda, in tantum deducitur, in-
 quantum sanguis ab arteriis in appensos sacculos oblongos,
 seu glandulas adiposas, omnis quidem effundatur, parte tamen
 reliqua tenuiore per poros convenientes ad venas pergente,
 solae particulae pingues, tanquam reliquis crassiores, remane-
 ant. Qua glandularum adiposarum structura supposita, pin-
 guedinem ad sanguinem quoque promte regredi posse innui-
 tur, si vel externa sacculorum compressione venarum orificia
 magis

magis dilatentur, prout Malpighio in ranarum vena portæ ab adfitarum striarum adiposarum compressione olei guttulas sanguini admixtas licuit videre, vel sanguis ipse majori impetu irruens particulas adiposas magis magisque attenuet, aptasque efficiat, quæ venas ingredi atque vel spiculorum sanguinis correctioni, vel nutritioni, inservire queant, quemadmodum in animalibus, quæ per plures menses sola nutriuntur pinguedine. Partes vero nervæ, ex nerveis fibris contextæ, instar solidarum tantum non omnium, a succo nervorum, qui cum spiritu animali simul propter summam hujus subtilitatem æque coercendam ac fibras quasvis nutriendas in cerebri glandulis secernitur atque ex dissecto nervo optico animalis recens matæ evidenter exprimitur, tunc nutriri perhibentur, quando succus talis per nervorum non interstitia, sicuti Borello immerito visum fuit, sed foramina sive tubulos ab arteriarum diastole & cerebri compressione propulsus, spiritu quiescente minusve valide sese agitante, somni cumprimis tempore, ratione particularum superficiei planæ internis fibrarum parietibus adhæret, adhærensque per diuturnam quietem firmatur. Hinc ut augmentationis, nutritionis simplicis & decrementi ratio, tum a solido, tum a fluido, pateat, pueri tam ob partes fibrarum laxius cohærentes faciliusque a contactu per spiritum continuo influentem dimovendas, quam ob succum nerveum uberiores, distractis partibus interpositum fibrasque elongantem, augeri ostenduntur, prout e diverso catulorum extensio frequenti usu externo spiritus vini rectificati, partes eorum rigidiores reddentis, soleat inhibere. In viris autem nullam porro augmentationem fieri posse, quod & succus uberior, cum vel pororum vitio incipiente non productus, vel motuum violentia diffusus, & partium facilis distractio deficiant; tum in senibus decrementum etiam accadat, quia vitio pororum alimentum desit, quod in partium consumptarum cedat locum. Partes demum sanguineæ, sanguineorum vasorum cumulum involventes, quoad oculum non alio modo dicuntur nutritæ, quam si vasa minima plurimo sanguine turgeant. Succus interim nerveus ne paucior nonnullis videatur, quam ut univer-

sale corporis nutrimentum constituat, quantum cum hoc fluidum, tum partes solidæ tempore æquali consumantur, pluribus decernitur.

In *Opusculo III* de hæmorrhoidum fluentium causis potissimum, & commodis atque incommodis dissentitur, Veterum præjudiciis de hæmorrhoidum a liene suctione, de lienis expulsionem, sanguinisve a liene sæculentioris per easdem excretionem, repudiatis. Talis enim sanguinis excretio dum & a fluidis, & a solidis, petitur, sanguis ipse monstratur, quomodo vel quantitate, vel qualitate, vel motu ita peccare possit, ut impetu suo vasorum resistantiam superet & arteriarum hæmorrhoidalium extrema perumpat; intestinum autem rectum proconcausa hujus fluxus habetur, si interius aut a sæcibus, sive acrioribus, sive durioribus, abradatur, aut a sanguine inter contractionem pertinacioris congesto erodatur. Nec ratio, cur fluxus ejusmodi certam aliquando observet periodum, aliunde desumitur, quam quod certum requiratur tempus, quo sanguis vitium hæmorrhoidibus excitandis proportionatum acquirat. Sed ab hæmorrhoidum fluxu quemadmodum juvamen tunc in genere promittitur, quando sanguinis simul vitium per eundem potest tolli, ita in specie distincte exponitur, quando hæmorrhoides sanguini, vel quantitate, vel qualitate vel motu vitioso, conferant aut noceant, datisque etiam rationibus Hippocratis *Aphorismus II lib. 6* *atra bile vexatis, & renum passionibus, hæmorrhoides supervenientes bonum* pronuntians, corroboratur. Corollarii loco hirudinum applicatio, tanquam remedium impudicum, rejicitur, quod cum triangulari earum aculeo succus deleterius in vulnus una queat instillari, per hirudinum vero suctionem, aeris externi gravitati adscribendam, non sanguis sæculentior, sed purior, relicta portione rubicunda, veluti sanguinis terra damnata, sine omni electione elicitur, neque alio cum emolumento, quam quod vasa debilitentur, ut temporis tractu excretio naturalis cum majori fructu possit sequi.

In *Opusculo ultimo* fluxus mulierum menstruus non ab una causa, sed a pluribus simul agentibus, videlicet, a sanguinis plethora,

thora, vera vel notha sive rarefactione, a vasorum per uterum & per vaginam mira distributione, a seminalis denique materiæ impetu, tam per totam spirituum systasin diffuso, quam vaginæ partes præcipue stimulante, derivatur. Catumenia tamen termino adeo statuto fluere in dubium æque vocatur, ac singularis Lunæ in foeminarum corpora influxus negatur, quia præcipua hujus in sublunaria vis, a pressione pendens, unice varia, prout majori vel minori illuminata parte nos respiciat, a *Bernardini Zendrini*, Autoris amico, in tractatu de æstu maris, docte fuerit ostensa. A sanguinis autem rarefactione & irritante stimulo excretionem talem, præter dispositionem vasorum, dependere, exemplo peculiari mulieris, quæ a levissimo assumpto cathartico aliqualem catameniorum fluxorum statim experiatur, confirmatur.

*PRÆSAGIUM MEDICUM: OR THE PROGNO-
- stick Signs of Acute Diseases.*

i. c.

SIGNA PROGNOSTICA MORBORUM ACUTORUM, Autore Jacobo Harvey, Med. D.

Londini, apud Georgium Strahan, 1706, in 8.

Constat plagul. 16.

PArtem Semioticæ Prognosticam traditurus Clarissimus Autor, Hippocratis, qui hac Medicinæ parte maximam sibi comparaverat famam, non solum insistit vestigiis, sed & recentiorum Medicorum Observationes allegat, rationes phænomenorum ubique adjungens. In sedecim igitur Capita inclusit, quæcunque hoc de argumento dici poterant. Scilicet Cap. 1 de delirio, Cap. 2 de sensoriis, Cap. 3 de doloribus, Cap. 4 de corporis habitu & positu, Cap. 5 de pulsu, Cap. 6 de urina, Cap. 7 de somno & vigiliis, Cap. 8 de excretis per alvum & vomitum, Cap. 9 de ptyalismo & sanguinis sputo, Cap. 10 de sudore, insensibili transpiratione, hæmorrhagiis & sanguine ex vena extracto, Cap. 11. de respiratione, Cap. 12 de convulsionibus,

O o o 2

apho-

aphonia, vocisque alterationibus, Cap. 13 de appetitu, colore faciei, genarum, linguæ, & adjacentium partium, Cap. 14 de horroribus, tremoribus & palpitationibus, Cap. 15 de abicessibus, bubonibus, ac carbunculis, & Cap. 16 de crisi diebusque criticis agit, & quæ signa prognostica ex hisce fontibus peti possint, declarat. Speciminis loco quædam ex Capite 1, quod deliria sistit, excerpta dabimus. Circa primam febrium acutarum invasionem liquor nerveus fixatus & confusus, motusque sanguinis languidus observatur, mox tamen spiritus animales & sanguis pristinum vigorem recuperant, hinc calor frigus excipit, & sanguis rarefactus suos canales vasaque adjacentia distendit & comprimit, illa imprimis cerebri, utpote magis contorta & complicata; unde necessario dolores, stagnationes fluidorum, & alia symptomata sequuntur. Qui calor si aliquandiu continuat, sanguis exhausto sero suo viscidior redditur, nervi & fibræ, cerebri potissimum, contrahuntur, & spirituum animalium motus producit irregularis, sub quo variae species representantur, & anima ad illas advertens ad delirium disponitur; quod citius non desinit, nisi calore extincto, & sanguinis rarefactione sublata, id quod per somnum & evacuationes cujuscunque generis obtinetur. Bonum igitur signum esse dicitur, si delirantes somnum capiant; calorem enim non æqualem semper servare gradum, sed de vehementia sua remittere quandoque, hoc ipso innuitur. Contingit tamen subinde, ut post æstum, vigilias & deliria nimis diu protracta, in somnum incidat æger; idque pro lethali habendum est signum; siquidem nervi & fibræ cerebri relaxatæ nimis sensibus tam externis quam internis vacare amplius nesciunt. Evacuationes quod attinet, hæc e. g. per hæmorrhagiam natium pro bono vulgo reputantur signo, sed in principio morbi hæc fiat, & sit copiosa, necesse est; calor enim hoc modo restinguitur, effervescencia sanguinis infringitur, & materiæ morbificæ pars eliminatur. Quodsi vero guttatim exstillet sanguis, colorisque sit nigri, summam vasorum capillarium laxitatem, sanguinis aciditatem, & pertinacem ejus obstructionem innuit, ægrumque in mortis faucibus hæere docet. Risum delirantium equidem nil mali por-

portendere vulgo dicitur; eo ipso tamen, quod ille convulsionis a calore nimio serique defectu productæ species est, omni periculo vacare non potest. Sic respiratio parva & debilis in delirantibus malum præbet omen; cum enim ad respirationis negotium magnus spirituum animalium requiratur, affluxus, in hoc casu eosdem deficere, vel quia ex sanguine non elaborantur, vel quia ob obstructions influere in sufficienti quantitate nequeunt, innuitur. Denique delirium affectibus soporosis superveniens melius equidem ominari suadet, quatenus sanguinis velocitatem restaurari, visciditatem resolvi, & ad excretionem disponi, vel materiam morbificam in abscessum abiisse indicatur; quod si vero inflammatio sit magna, aut diutius duret, delirium dentium stridore, oculorum fixitate, urinæ & alvi excrementorum involuntaria excretionem, linguæ ariditate, & nigredine, sitis defectu, gangræna cerebri, & machinæ animalis dissolutione stipatur, & cum morte terminatur.

MISCELLANEA CURIOSA, BEING A COLLECTION of the principal Phænomena in Nature &c.

i. e.

COLLECTIO PRÆCIPUORUM QUORUNDAM Naturæ Phænomenorum a maximis ævi hujus Philosophis explicatorum, una cum discursibus coram Societate Regia ad promovendam Scientiam Physicam & Mathematicam instituta recitatis. Volumen II.

Londini, apud J. Wale, J. Senem & O. Price, 1706, in 8.

Constat Alph. 1 & 9 Tabb. æneis.

INstitutum Collectoris horum Miscellaneorum jam mense Dec. 1705 commemoravimus, cum primum eorundem Volumen recenseremus. Quare breviter tantum indicabimus, quinam Discursus ex Transactionibus Anglicanis in secundum hoc

O o o 3

Volu-

Volumen fuerint congesti. Mathematici plerique sunt, pauci ad scientiam naturalem spectantes occurrunt. Reperies ibi *Wal-lisi* Litteras ad *Richardum Norris* de collectione Secantium & vera divisione Meridianorum in mappis nauticis; excerpta ex Litteris ad *Richardum Wallerum* de spatiis in cycloide quadrabilibus; Cogitata de apparente magnitudine Solis & Lunæ prope Horizontem & in maiore elevatione; Methodum inveniendi parallaxin stellarum fixarum respectu Orbis annui Telluris, & Litteras ad *D. Sloane* de generatione grandinis, tonitru ac fulguris; *Halleji* Methodum construendi Logarithmos; Methodum generalem extrahendi radicem ex æquatione quacunque, sine ulla prævia reductione; Dissertationem de constructione problematum solidorum; Discursum de numero radicum in æquationibus solidis & biquadraticis; Propositionem generalem de dimensione arearum in cycloidibus & epicycloidibus; Methodum de inveniendi vero momento ingressus Solis in signa Tropica; Synopsin Astronomiæ Cometicæ; Dissertationem Geometricam de Iride; *Iohannis Craigii* duo Problemata de solido minimæ resistantiæ & curva celerrimi descensus; Quadraturam Curvæ Logarithmicæ; Quadraturas curvarum Geometrice irrationalium; *Davidis Gregorii* proprietates Catenariæ; *Abrahami de Moivre* Specimina doctrinæ fluxionum; Methodum quadrandi aliquas species curvarum vel eas reducendi ad simplices curvas; Methodum elevandi infinitinomialium ad potentiam desideratam, vel ex infinitinomio extrahendi radicem desideratam; Methodum extrahendi radicem ex infinita æquatione; *Casivelli* Quadraturam portionis Epicycloidis; *Lowthorpii* experimentum de refractione aeris; *Wilhelmi Molyneux* demonstrationem erroris in planimetria per longum temporis intervallum commissi, a variatione seu declinatione acus Magneticæ propullulantis; Discursum de apparente magnitudine Solis & Lunæ prope Horizontem & in circulo verticali; Discursum de corporibus in mensuris specificè levioribus solutis ipsisque innatantibus; *Francisci Roberti* Paradoxum aliquod Arithmeticum sortitionem schedularum concernens: Anonymorum computum credibilitatis testimonii humani; Theorema de descensu corporis gravis ab uno

uno puncto dato ad alterum per arcum cycloidis; Scalam graduum caloris; denique Observationes de specifica gravitate variorum corporum. Ex his jam in Actis nostris leguntur *Wallisii* Methodus inveniendi parallaxin orbis annui Tom. III Supplem. p. 73; *Halleji* Dissertatio de constructione problematum solidorum Tom. I Supplem. p. 144; Methodus inveniendi momentum ingressus Solis in signa Tropica & Dissertatio de Iride Tom. III Supplem. p. 228 & 403; nec non ejus Synopsis Astronomiæ Cometicæ mense Majo hujus anni; *Gregorii*que Catenaria A. 1698 mense Julio. De reliquis specialiora dicere prolixum nimis foret, nec necessarium judicamus, cum multa eorum vel ex ipsis Actis nostris, vel aliunde dudum eruditius innotuerint, vel ex ipso libello facili labore haurire unicuique liceat, quæ sunt ad palatum ipsius. Methodum certe *Hallejanam* Logarithmos construendi & radicem ex quacunque æquatione extrahendi tum in Elementis Arithmeticæ numerosæ ac speciosæ *Eduardi Wels*, Oxoniæ 1698 in 8 editis ac tyronibus maximopere commendandis, tum in Synopsi Palmariorum Matheseos, mense Aprili hujus anni commendata; Schediasmata *Moiræana* in Animadversionibus in *Cheynei* Tractatum de Methodo Fluxionum inversa, de quibus mense Febr. anni præf. egimus, reperies. Paucula tantum ex schediasmatibus ad Scientiam naturalem spectantibus delibamus. Cum *Wallisius* per observationes *Fosteri*, Professoris quondam Astronomiæ in Collegio Greshamensi, & *Casivelli* certus esset, diametrum Solis horizontalem prope Horizontem eandem per quadrantem deprehendi, quæ in ipso Meridiano observatur, utut contrarium a se & *Grimaldo* sæpius deprehensum esse fateatur *Ricciolus Part. 2 Almag. Lib. 10. Sect. 6. Cap. 1. Quest. 13 f. 644*, quibus Solis diameter in Horizonte aliquando ad integrum pene gradum, crebro ad 45' diameter Lunæ ad 38' & 40' visa est extendi, ac prope perpendiculariter, refractionem altitudinem quidem, ast non Azimuthum sideris mutare, & quicumque tandem ejus fuerint effectus, Horizontem tamen semper circulum permanere: causam, cur diameter Solis & Lunæ major in Horizonte, quam in Meridiano appareat, in solam imaginationis deceptionem cum *Albano*,
zeno,

zeno, Vitellione, Keplero, Cartesio conjicit, quod scilicet imaginatio de magnitudine objectorum non modo ex angulo, sub quo videntur, sed & ex eorundem cum distantia supposita comparatione judicet. Idem Wallisius grandinem a congelatione vaporum per omnem descensum continuanda; tonitru & fulgur ab accensione exhalationum nitrosarum ac sulphurearum in nubibus commixtarum petit. Molynceux legem Hydrostaticæ, qua specificè graviora subsidere dicuntur in specificè levioribus fluidis, defectu quodam laborare, nec ad minimas corporum particulas applicari posse statuit. Causam igitur redditurus, cur corpora quædam specificè graviora in menstris specificè levioribus soluta non subsidant, sed iisdem innitent, e. gr. ferrum, in aqua forti solutum, supponit, in particulis fluidorum esse quandam ad unionem propensionem, adeoque fluida gravibus descendentibus resistere pro ratione superficialium eorundem. Jam cum superficies in dissolutione corporum decrescant in ratione duplicata, soliditatibus in triplicata decrescantibus; corporibus integris minus resisti a fluido, quam in particulas minimas dissolutis. Licet itaque integra resistantiæ fluidi separandæ sufficiant, non tamen sufficere dissoluta.

ERRATA.

Pag. 234 lin. 12 l. nequicquam: p. 272 lin. 29 l. Lowerus: p. 274 lin. 7 l. rectius: p. 277 l. 18 lin. gelatinosum: p. 308 lin. ult. l. superiorem: p. 328 lin. 30 in verbis Cælum & dele &: p. 329 lin. 34 l. Yvon: p. 384 lin. ult. pro octogesimo sexto l. sexagesimo octavo.

* * * * *

ACTA ERUDITORUM,

publicata Lipsiæ

Calendis Novembris, Anno MDCCVII.

METAMORPHOSIS INSECTORUM SURINAMENSUM, ad vivum naturali magnitudine picta atque descripta a MARIA SIBTLLA MERIANA.

Amstelodami, sumtibus Autoris, 1705, in fol. ch. Regia.

Constat 16 plag. & 60 Tab. æneis.

E Tiam in minimis emicare non satis mirandam Creatoris Omnipotentis gloriam, testantur abunde vel sola insecta, tum elegantissimis coloribus & structura singulari conspicua, tum mirabili transformatione præ ceteris animalibus maxime notanda. Haud vanum proinde laborem susceperunt præter Gesnerum, Aldrovandum, Jonstonium, aliosque Zoographos, qui seorsim insectorum tantum contemplationem adeo diligenter prosecuti sunt, uti Moufettus, Godart, May, Lister, Swammerdam, Blanckard, omnes laudandi hoc magis, quominus grata videri poterat animalculorum ignobilium, nobis maximam partem molestorum noxiorumque tractatio. Quis vero credat sceminam ea curiositate allici, ut manu sua insecta colligat, delineet vivis coloribus, ærique incidat, nec sumtibus parcens, nec periculum reformidans, quod navigatio in Americam, mora per biennium Surinami, & reditus æque difficilis minitabatur? Sed jam antehac celebritatem nominis non vulgarem sibi conciliarat, cum anno 1679 Partem primam, & post anno 1683 secundam Observationum de Insectis curiosissimam ederet. Nunc autem immortalitatem famæ inter-

P p p

omnes,

omnes, quæ unquam vixerunt eruditæ mulieres, hoc opere, sane pulcherrimo meretur, utpote quod cum aliorum in hoc genere celeberrimorum artificum laboribus certare potest absque dubio. Quid? quod inter Botanicos etiam loco haud postremo nominabitur in posterum, siquidem plantæ peregrinæ, quas tanquam insectorum escam quasi aliud agendo simul depingit, vel hucusque prorsus incognitæ, vel minus accurate ab aliis descriptæ fuerunt, uti ex Figura 36, 39, 51, 56, 58, 60, aliisque satis apparet. Ceterum plantarum nomina, quæ ab incolis imposita iis sunt, retinuit Auctor; Latina vero, aliæque cognomina in Notis subjunxit Cl. *Cassparus Commelinus*, M.D. qui & ipse descriptiones insectorum pariter & plantarum ab Autore vernacula lingua expositas in Latinum sermonem convertisse vulgo fertur. Denique notamus, Auctorem Observationes etiam in Germania collectas promittere, quas his, quæ in Frisia & Belgio observavit, augere & Latino pariter ac Belgico sermone edere constituit.

MISCELLANEOUS TRACTS.

seu

TRACTATUS MISCELLANEI; AUCTORE
MICHAELE GEDDES.

Volumen II.

Londini, apud A. & I. Churchill, 1705, 8.

Alph. 1. pl. 5.

Non obscurum inter Anglos est Cl. *Geddesii* nomen, quippe qui & Historiam Ecclesiæ Malabaricæ (*History of the Church of Malabar*) Londini 1694 & ibidem triennio post Concilium Tridentinum nequaquam liberum (*The Council of Trent no free Assembly*.) cui libro, Epistolas imprimis, quas Vargas alique summi ejus ætatis, quæ Concilium celebratum est, viri scripserunt, complexo, elegantem Dissertationem de Conciliis præmisit, in publicum edidit. Hic Miscellaneorum Volumen primum Londini 1702 vulgavit, quod æque ac reliqua ejus opera ad nos

nos nondum perlatum esse dolemus. Nacti tamen sumus Miscellaneorum horum Volumen II & III, de quibus, etsi jam biennio abhinc editis, hoc minus tacere possumus, quo plura in iis occurrunt memoratu dignissima. Complectitur enim Volumen alterum, quod recensere nunc suscepimus, Dissertationes sex doctissimas, quas Auctor earundem amplissimus, ex historia Ecclesiastica maximam partem, ut & civilis, foro non sine delectu deprompsit. Prima harum Dissertationum Primatum Papæ excutit, eundemque ab Ecclesiæ Hispanicæ antiquissimæ facie admodum recedere ostendit. Altera, quibusnam artibus Papa in Lusitania ab A. 1641 ad A. 1666 auctoritatem suam & primatum stabilire callidissime annisus fuerit, exponit. Tertia hallucinationes & errores quosdam enormiores in Martyrologio Romano, a Papa Gregorio XIII reformato, prodit. Quarta animadversiones quasdam perdoctas in Legendam S. Jacobi de Compostella exhibet. Quinta catastrophem tristissimam Antonii Perez, Philippo II Regi Hispaniarum a Regni secretis, & Scriptoribus Hispanis singulari industria collectam sistit. Et sexta demum appendicis ad primam de primatu Papæ dissertationem vicem adimplet. Affluunt omnes rerum ubertate jucundissima, & uti Volumen tertium proximo cuidam mensi reservamus, ita ex *Prima* & *Tertia* Voluminis hujus Dissertatione quædam hic speciminis loco delibare sufficiet.

Cum constans sit Auctoris nostri sententia, quod Ecclesia moderna Anglicana antiquissimæ Ecclesiæ Hispanicæ, quæ alis ad seculum usque VIII æræ Christianæ fuit, faciem quam exactissime referat; jam vero in nulla Ecclesia occidentali, præter Hispanicam illam, vel antiquiora vel magis authentica rerum gestarum documenta supersint: inde non inanem se Ecclesiæ suæ Anglicanæ operam navaturum confisus est Auctor, si Dissertatione Prima ex pervetustis illis documentis demonstraret, Papæ primatum primis Christianismi seculis partim usque ad seculum octavum in Hispania ignoratum fuisse, partim vero adhuc sub initium seculi octavi impugnatum. Quod ut evincat, ex historia Pontificum initio repetit, quod Papæ primatus in ipsa Ecclesia Latina non jurisdictionis & auctoritatis, sed

tis, sed ordinis tantum & dignitatis nomen primum fuerit.
 Quocirca Episcopum Romanum primum, Episcopum Alexan-
 drinum secundum, Episcopum Antiochenum tertium semper
 primis seculis locum tenuisse, quod Roma, velut metropolis
 & Imperatoris sedes, primum, Alexandria secundum, & An-
 tiochia tertium inter urbes Imperii locum obtinisset. Ta-
 meti vero Episcopi Romani post ea tempora primatum aucto-
 ritatis sapius, non absque æmulatione ceterorum, affectaverint,
 & contra Mauritius Imperator, imperio in Orientem transla-
 to, A. 595 Episcopo Cptano Episcopi oecumenici nomen
 impertiverit : attamen Episcopos Romanos eum, quem ho-
 die Papa teneret, primatum non nisi per Phocam, parricidam,
 obtinuisse, qui illum amplissimis juribus auctum cum Impe-
 rio Romam retulerit, quod Papa Gregorius Magnus cum suc-
 cessoribus suis Phocæ crimini admodum fuisset patrocinator.
 Huic itaque parricidæ, non autem Christo vel Petro, Ecclesi-
 am hodie Romanam omne palladium seu primatum suum debe-
 re. Id quod ex eo etiam comprobari posse Auctor conten-
 dit, quod ejusmodi primatum Ecclesia Hispanica antiquissima,
 magnam tum Galliarum partem simul complexa, usque ad secu-
 lum VIII ignoraverit. Provocat idcirco præ ceteris ad anti-
 quissimam XL Synodorum Ecclesiasticarum, quæ in Hispania
 ab A. 324 usque ad A. 694 celebratæ fuerunt, Collectionem,
 quam Garfias Loaisa, Archiepiscopus postmodum Toleta-
 nus factus, A. 1593 ex MStis, cum Notis quibusdam, Madriti
 edidit. De quorum documentorum fide dubitari posse
 tantum abesse Auctor commonet, ut nec ipse Baronius vel alius
 quidam auctoritatis Papalis propugnator illa unquam in dubium
 vocaverit, neque ea interpolata esse probabile sit, quod alioquin
 ipsa in Papæ ipsius damnum hujusque auctoritatis detrimen-
 tum interpolata credendum. Jam vero in his Conciliis, ad fi-
 dei doctrinam firmandam & ad disciplinam Ecclesiasticam
 promovendam coactis, ea se maxime contra primatum Papæ
 argumentaprehendisse Auctor commonet : primo, quod nul-
 la prædictarum Synodorum ab Episcopo Romano fuerit con-
 vocata, secundo, quod Episcopus Romanus nullum Delega-
 tum in

rum in his Conciliis habuerit, qui ipsius personam repræsentaret, tertio, quod nulla Synodorum harum decreta ab Episcopo Romano fuerint confirmata, neque etiam ejusdem approbatio vel confirmatio unquam postulata, quarto, quod gratiarum actio, quæ sub finem plurimarum Synodorum occurrat, nullibi ad Episcopum Romanum, sed ad Deum unice & Regem, per quem Concilia illa convocata fuerint, sit directæ, & quinto demum, quod Acta hæc Synodalia universa raram admodum Episcopi Romani mentionem, absque ulla tamen auctoritatis testimonio, faciant. His argumentis illa porro accedere, quod Ecclesia Hispanica antiquissima verba, *Filioque*, absque ulla cum Papa vel Episcopo Romano consultatione prævia, Symbolo CPrano A. 589 addiderit, imo Liturgiam habuerit a Liturgia Romana plane diversam, & quod Concilia illa Toletana semper exosa fuerint Pontificiis, ceu quidem illud ex Vargasii quadam Epistola A. 1551 tempore Concilii Tridentini ad Episcopum Atrebatensem scripta comprobari posset. Post hæc ostendit, quod Primatus Papæ, uti cum Pontifices Romani sub initium seculi VIII in Hispania quoque sibi arrogare ausi fuerant, per œcumenicum quoddam omnium Hispaniæ Episcoporum & Nobilium Concilium impugnatus fuerit & prorsus damnatus. Convocaverat hoc Concilium Rex Witiza A. 704 Toletum, atque decretum fuit in eo unanimi Episcoporum consensu: *Episcopo Romano nullam in Hispania vel in rebus Ecclesiasticis vel Civilibus potestatem competere*. Papa enim Romanus per edictum aliquod Clero etiam Hispano cœlibatam injungere ausus fuerat. Cui edicto cum Witiza A. 702 aliud opponeret, quo gravissime edicebat, ut matrimonium in libera Cleri sui potestate permaneret, minabatur Papa Romanus Witizæ per literas, propter edictum hoc, Regni coronæque ablationem. Ad quas vero literas Witiza respondebat: *se prius Papam, quam illud faceret, cum armata manu Roma visitaturum*. Et utut Baronius ex testimonio duarum literarum, quas se inter Gregorii VII literas in bibliotheca Vaticana vidisse asseveret, contenderet, Hispaniæ provincias per Eurlum de Roseio, Comitem, qui ob po-

testatem a Gregorio VII Papa sibi datam Mauros ex Hispania post magnas clades ejecerit, postea Papam factum D. Petro & sedi Apostolicæ fuisse partas; tamen Witizam Eurli plane inscium, (utpote cujus nomen nunquam antea, quam in istis Gregorii literis, procul dubio supposititiis, fuerit auditum) Concilium omnium Episcoporum & Nobilium suorum, propter illud de cœlibatu edictum, a Papa Romano vulgatum, A. 704 convocasse; cujus vero Acta deinde, Papæ primatu etiam in Hispaniam illato, per Monachos, curiæ Romanæ parasitas, ipso Mariana teste, dispersa fuerint & penitus destructa. Mentionem nihilominus Concilii hujus magni facere scriptorem vetustissimum, Rodericum Toletanum, qui seculo XIII vixerit, quippe qui illud Toleti in suburbiis in æde D. Petri celebratum testetur. Nec etiam Loaisam, Conciliorum Toletanorum editorem, dissimulare, istud tempore Gonderici, Archiepiscopi Toletani, adeoque sub initium imperii Witizæ, fuisse coactum. Meminit hac occasione Auctor imposturæ *Don Luca de Tuyd*, qui S. Leandrum in Concilio Toletano XIII Papæ Gregorii M. Delegatum fuisse affirmaret; quem vero alter quidam scriptor Hispanus, *Ambrosius Morales*, dudum confutavit, quod tempore Concilii istius non Gregorius, sed Gelasius II Romæ sederit, neque ulla in Actis Concilii prædicti Leandri cujusdam mentio occurrat. Cum itaque Concilia illa Toletana, & maxime illud A. 704 habitum, primatum Papæ non admittant, non mirum esse putat Geddesius, quod Concilia Toletana omnia ab Episcopo Fanensi, *Petro Bartani*, Italo, in Concilio Tridentino pro schismaticis congregationibus fuerint declarata, vel eo nomine & merito postmodum Cardinali SS. Marcellini & Petri facta. Addit demum, Episcopos primitivos Hispanos in doctrina Conciliorum IV œcumenicorum tenacissime semper perseverasse, eamque in compendium redactam præ ceteris ex Collectione institutorum & canonum in primitivis Conciliis sancitorum, (secundo etiam Concilio Brageni in Collectione Conciliorum magna annexa,) addidicisse, quam S. Martinus, gente Græcus, & Episcopus primum Dumienfis, post Bragenfis, confecisset. His ita comprobatis argumenta
suo

suo asserto obstare visa solvit. Primo enim objici poterat, quod tamen Epistolæ Pontificum Decretales, a Turriano & Binnio contra Centuriatores Magdeburgenses adeo defensæ, testentur Papæ primatum non demum post A. 714, quæ Auctoris nostri sententia est, sed statim cum prima Christianismi luce in Hispania illuxisse & caput extulisse. At respondet Auctor, quod Epistolas Pontificum Decretales supposititias esse eo minus dubitaturi sint, qui nomina Consulium in iis contra morem seculi sui ommissa, & barbaras prorsus voces, seculis istis ignotas, imo unius Auctoris stylum in iisdem reperiri meminerint, neque illud ignoraverint, quod ipse Cardinalis Bona Epistolas illas sub Isidori nomine sub finem seculi VII compilatas alicubi asserat. Alterum aliquod argumentum suppeditare poterat Epistola Papæ Innocentii I, quam ad Concilium aliquod Toletanum scripsisse dicitur, id quod primum fuisse Loaisa ex eo conjicit, quoniam Concilium Toletanum secundum centum prope demum post Innocentii I mortem annis fuerit celebratum. At respondet Auctor, quod Epistolas illas omnes, quæ sub Innocentii I nomine circumferuntur, spurias esse jam ab Erasmo aliisque satis fuerit comprobatum; & quod Innocentium illum altero demum post Concilium Toletanum primum anno Episcopum Romanum electum ex historia constet. Tercio opponi poterat, quod in præfamine Regulæ Fidei, quam Loaisa Actis Concilii primi Toletani adnexuit, Episcopi se a Leone Papa jussos moneant, ut Regulam illam Fidei ad Balcomium, Galliciar Episcopum, mitterent. Ad quod argumentum inter cetera Noster respondet, mandatum istud Leonis historicæ prorsus fidei repugnare, cum Leo A. 440 Papa electus, at Concilium A. 400 celebratum fuerit, adeoque hoc Leonis electionem integris quadraginta annis anticipaverit. Deinde quoque Balcomium eo tempore nondum Episcopatum in Gallicia tenuisse, cum duodecim demum annos post Concilium Toletanum primum Episcopatum illum acceperit. Præterea ipsam Regulæ Fidei fidem admodum suspectam esse, quia in ea verba expressa occurrant, quod *Spiritus S. a Patre Filioque procedat*, quæ tamen verba non nisi post

post ducentos ab hoc Concilio annos in Hispania fuissent recepta. Quartum argumentum conficere posse Auctor noster dicit, quod in præfamine Concilii primi Bragenfis ejusdem jussus Leonis mentio inculcetur, idque una addatur, Leonem, quæ contra Priscillianorum hæresin scripserat, ad Gallatiz quoddam Concilium per Theoribium, sedis Apostolicæ Notarium, misisse. At respondet Geddesius, quod præterquam quod jam ante ex temporis collatione fuerit demonstratum, Regulam Fidei non genuinam esse, id vel ex eo satis etiam posset argui, quod Notarii officium infra dignitatem Theoribii fuerit, utpote quem tum ipse Leo, tum Montanus religiosum maxime & benedictum Episcopum appellarent. Deinde vero in Concilio Toletano II exstare aliquam Montani Epistolam, ad Clerum Palantiæ scriptam, qua non Leonem, sed Theoribium hæresin Priscillianorum scripto adgressum scriberet, idque se, Leoni, Episcopo Romano, transmisisse. Quinto, opponi poterat prolixa admodum Leonis Epistola Decretalis, in qua ad Theoribium expressis verbis scribit, se in Hispania Concilium convocari jussisse. Cui vero Epistolæ Decretali Geddesius hæc opponit, quod in ea nullum diei, qua scriptum, Consulive indicium inveniatur; quod altum sit apud Montanum de hac Epistola silentium, quod in ea Spiritus S. a Patre Filioque procedere dicatur, quæ verba, si quidem genuina & per Leonem symbolo Hispanico addita, non capere tamen potest Geddesius, cur partim Leo illa non eodem tempore Symbolo Romano addiderit, partim vero, cur Leonis Successores ea per Episcopos Hispanos postmodum Symbolo suo addita improbaverint, quasi vero Epistolæ illius Decretalis, a Leone ad Theoribium scriptæ prorsus fuissent ignari. Sexto, objici poterat, exstare tamen duas Papæ Gregorii Epistolas, unam ad Recaredum, Hispaniæ Regem, alteram ad Leandrum, Hispalensem Archiepiscopum, quibus Gregorius significaret, se Leandro pallium misisse. At respondet Geddesius, quod ipse Mariana non dissimulet, decem demum post annos a Recaredi conversione literas hæc ad Recaredum & Leandrum fuisse perlatas, quod Recaredi Legatus, qui literas Regis Romam detulerit, & inde

Papæ


Papæ literas ad Recaredum retulerit, per turbidas maris tempestates hinc inde jactatus, & medios inter frementesque maris fluctus diu satis detentus fuerit; id quod utique Geddesius creditu admodum necessarium existimat, si quidem Legatum decem prope annos in itinere intra Hispaniam & Italiam commoratum credendum. Deinde vero stylum harum Epistolarum a Gregorii stylo plane esse diversum; & præterea nullibi vel Recaredi vel Leandri ad Papam literas de pallio mittendo unquam esse repertas. Ultimo objici posse dicit Geddesius, quod tamen vel Concilium Toletanum XIII ad nutum Papæ Leonis, II. convocatum videatur, ubi videlicet hic decreta Concilii II CPTani ad Episcopos Hispanos transmiserat. At respondet Geddesius, ipsos Episcopos Hispanos monere, Leonem sese tantum per literas suas *invitasse*, non vero *jussisse*, ut decreta ista reciperent. Deinde vero Episcopos eodem declarare, se non posse recipere decreta ista, nisi prius ab omnibus Hispaniæ Episcopis adprobata; id quod quidem etiam paulo post factum, ut scilicet illa adprobata & recepta fuerint, at quatenus cum Conciliorum, Nicæni, CPTani, Ephesini & Chalcedonensis decretis concordarent. Denique Concilium hoc gratiarum actionem non ad Papam, sed ad Deum & Regem, qui illud convocaverat, direxisse. Atque hæc aliaque plura doctissimus Geddesius in prima sua Dissertatione contra Papæ Primatum edisserit. Tertia Dissertatio errata quædam manifesta & hallucinationes enormiores, in Martyrologio Romano, a Papa Gregorio XIII reformato & confirmato, veluti indicia fallibilitatis Pontificis Romani indubia, prodit. Scilicet postquam Gregorius XIII per Mathematicos quosdam non indoctos Calendarium emendare curaverat, Martyrologium quoque Romanum, librarium, ut ipse agebat, typographorumque negligentia mendosum, Antiquariis quibusdam peritis corrigendum tradebat. Quo correcto A. 1584 d. 14 Jan. per Bullam quandam solennem edicebat, ut Patriarchæ, Archiepiscopi, Episcopi & Clerus omnis in Horis Ecclesiasticis, tam privatis quam publicis, hoc unice imposteriorum Martyrologio uterentur, eique

nemo vel quippiam addere aut mutare vel adimere sub gravissimo anathemate præsumeret. Atvero tantum abfuisse, dicit Auctor noster, ut vel Martyrologium hoc ad historiam fidem ubique fuerit reformatum, vel anathema Gregorii successores ejusdem ab interpolatione omni cohibuerit, ut potius errores quidam crassissimi, & putidissimi ab aliis etiam jam partem aliquam correcti, in eo deprehendantur. Atque sic primo statim Januarii die in Martyrologio Romano reformato primum Sanctum esse *S. Almachium*; quem vero Sanctum, omnibus ceteris Historicis ignotum; ex voce *Almanach*, Calendario tituli in locum præmissa, gravissima scribæ hallucinatione confictum Auctor conjicit, quod in pervetusto Martyrologio Corbejano atque Lucensi per Franciscum Mariam Florentinum edito, nec non in Martyrologio Antverpiensi, per Bollandum continuato, *S. Corona* ejus loco invenitur, cui eadem in his martyrii causa, quæ *S. Almachio* in Martyrologio Romano, adscribatur. Diei vigesimo quarto Januarii adsignatum esse in Martyrologio Romano reformato *S. Zynoriden*, martyrem Antiochiæ; quod cum neque viri ullius, neque foeminae nomen unquam fuisse, sed idem quod *par* aut *bigam* notare, Galli quidam Critici cum Romanis postmodum deprehendissent, idcirco in Martyrologiis omnibus Latinis & maxime in Antverpiensi cum Barodii Notis A. 1589 edito, esse omissum. Inveniri tamen hunc Sanctum ignotum hodiernum in Martyrologio Lusitanico, eumque perinde ac *S. Sulpitium Severum*, Episcopum & discipulum *S. Martini*, cui dies 29 Jan. sacer esset, ab Hispanis & Lusitanis religiose adhuc coli; utut Severus a Papa Urbano VIII ex ipso Martyrologio Romano fuisset expunctus. Decimum sextum Februarii sacrum esse *S. Juliano*, Martyri in Ægypto, una cum aliis *quinque millibus*; ubi vero enormem quandam Gregorii Papæ hallucinationem Noster, notat, quod *milites* tantummodo *quinque* cum *Juliano* occisos historiarum monumenta prodant; hincque vocem contra etiam *Mil*: pro *Milites* Gregorius *Mille* denotare forte divinaverit: non secus ac die quarto Martii *nonaginta Martyrum* passionem

passionem Romæ in via Appiana, in Martyrologio suo adscripsisset, quem vero numerum Martyrologium Antverpiense ad *decem Martyres* reduceret. Decimo quarto die Martii mentionem fieri carceris *Mamertini*, in quo septem Martyres sancti per Apostolum Petrum Romæ fuissent baptizati; cujusmodi vero carcer, quod *Mamertinum* dictum fuerit, omnes urbis Romæ descriptiones, tum Græcorum tum Latinorum, ignorarent. Vigesimo nono Maji Martyrologium Romanum notare passionem *mille quingentorum & viginti quinque Martyrum sanctorum*; quod vero Martyrum sanctorum agmen, sicuti nullibi amplius quam in *Actis S. Venantii*, ipsi Baronio suspectis, legatur, ita quoque in Martyrologiis, Lucensi, Corbeiano, aliisque pervetustis esse omissum. Atque eadem certitudine fideque infallibili passiones pariter *decem mille* Martyrum in monte *Aranth* die vigesimo secundo Junii, una cum passionibus *mille quadringentorum & octoginta* Sanctorum in Samaria die eodem, nec non *decem mille ducentorum & trium* Martyrum passiones die nono Julii niti. Die vigesimo quarto Julii notatum esse in Martyrologio Gregoriano *Amiterni* in Vestinis *octoginta & trium militum* martyrium: ubi vero Martyrologia vetusta insignis admodum erroris Gregorium arguerent, quod ille vocem abbreviatam *Mill*: pro *Milliaria*, in *Milites* egregio facinore commutaverit. Namin Martyrologiis, Lucensi & Corbeiano, ut & in quodam Reginae Sueciz Martyrologio pervetusto ita legi: *in civitate Amiternum, 83 milliaria ab urbe Roma in Via salutari natalis S. Victorini*. At salvam forte rem pro Gregorio existimaturos, qui Baronium *vexillarium* quoque & *ducem* horum *militum*, quorum alteri *Florentini*, alteri vero *Felici* nomen fuisset, confinxisse non ignoraverint. Die primo Augusti in Martyrologio illo Romano hæc legi: *Roma passio sanctarum Virginum, Fidei, Spei & Charitatis, martyrii corona exornatarum sub Adriano Imperatore*. At cum nullibi amplius trium harum virginum, uno eodemque die, uno eodemque loco interfectarum mentio occurrat, suspicatur oculatissimus noster Geddesius, quod vel error hic ex *Calendario gentili* in Martyrologium Romanum irreperit,

asseret diffecandi, colore vario tingendi describit; de materia ac ejus usu differit; aphorismos generales doctrinis suis utendi proponit; leges & statuta, quibus sylvarum incrementa promoveri possunt, expendit; historiamque arborum contexit. Notat inter alia, ligna eo in statu cædi debere, in quo maximus arborum vigor, quando scilicet ad mediam ætatem pervenerunt, quam per naturam attingere valent, e. gr. quercum cædendam esse, si ad ætatem 50 vel 60 annorum pervenerit. Affert etiam Cap. 4 Lib. 3 f. 255 & seqq. experimenta, quæ de viribus ad frangendum ligna requisitis anno 1663 & 1664 coram Societate Regia sæpius iterata. Scilicet frustum ligni abiegni, cujus longitudo erat 2', crassities 1'', pondus $8\frac{1}{6}$ unciarum, nonnisi per 200; simile frustum ligni robustei, cujus pondus erat $12\frac{3}{4}$ unciarum, nonnisi per 250; & frustum ligni fraxinei, cujus pondus erat $10\frac{1}{4}$ unciarum, nonnisi per 325 librarum vires frangi potuit. Cum longitudo esset 1' crassities $\frac{1}{2}$ ', ad lignum abietinum, cujus pondus 1 unciz, & ad lignum robustum, cujus pondus $1\frac{1}{8}$ unciz; frangendum, $\frac{5}{8}$ centenarii; ad lignum fraxineum, cujus pondus $1\frac{3}{8}$ unciz, 100 libræ requirebantur. In Discursu de *Terra* varia ejus genera considerat & præcepta ad culturam terræ utilia proponit, non aliunde compilata, sed per certas experientias, plerumque proprias, comprobata: is anno 1675 Societati Regiæ primum exhibitus nunc tertia vice prodit. Sanguini animalium vim terram mire fecundandi tribuit, & lapillos hinc inde dispersos agnoscit proficuos magis, quam noxios esse monet, cum terræ calorem ac porositatem conservent, subitamque exhalationem impediunt. Omnem autem terræ fecunditatem a Sale ducit. Exigui, qui *Pomona* inscribitur, Tractatus argumentum ex ipso titulo manifestum est: ipsi vero quæ annectuntur, methodi ex pomis siccis (Cider) conficiendi complures sunt variosque Autores agnoscunt. Reperias ibi, quæ de hac materia commentati sunt Beal, Paulus Neilius, Johannes Newburgh, D. Smith, Syllus Taylor Capitanæus, Daniel Collwall, Cook, Thomas Hammer & Anonymus, cujus summa hac in re experientia commendatur. Sub finem Tractatus

TAB. IX



Traſtatus deſcribitur machina a *Roberto Hookio* inventa ad liquorem ex pomis facile exprimendum : cujus conſtructio ex Fig. 1 patet , ubi *a* axin denotat , quo mediante vel ab homine, vel a brutis, vel aqua, vel vento quatuor cylindri *a b c d* moventur. Duo cylindri priores *a d* poma frangunt ; poſteriores *b c* ſuccum exprimunt. Illorum diſtantia eſt $\frac{1}{2}$ ''; horum minima, quæ fieri poteſt, ne motus impediatur. Per foramina tabulæ *bb* liquor expreſſus, in vas *ff* deſtillat & receptaculi *ee* fundus inclinatus eſt, ut ad cylindros poma devolvantur. Reliqua figuræ adſpectus edocet. Ichnographia cylindrorum *b, c, d, a*, in Fig. 2 continetur. In Acetaria omnes herbæ ac radices deſcribuntur, quæ lactucæ vicem ſubire valent. Commemorantur nempe hippoſelinum, carduus ſativus, baſilicum, meliſſa hortenſis, beta, blitum hortenſe, bugloſſum latifolium, anagallis aquatica, cornu cervinum, bugloſſum anguſtifolium, pimpinella, gemmæ quarundam arborum & fruticum, ſummitates variarum plantarum, braſſica, paſtinaca ſativa tenuifolia, chærophillum, horminum ſativum, valerianella campeſtris inodora major, verbaſcum pratenſe odoratum, naſturtium hortenſe, cucumis ſativus, buphthalmum, condrilla, oxylapathum, bulbocabaſtum, ſambucus, endivia, fœniculum, flores varii, allium, porrum capitatum, capſicum, lupulus, hyſſopus, alliaria, arbor Judæ, lactuca ſativa, limonia, malva, melo, mentha, fungi eſculenti, ſinapi, urtica, cepa vulgaris, cipolini, porrum, cepa Aſcalonica, artiplex, malus Aurantia, paſtinaca, ſium majus latifolium, lapathum hortenſe ſativum, piſum, petroſelinum vulgare, portulaca hortenſis, raphanus, rapunculus, eruca ſativa, roſmarinus, ſalvia, crithmum marinum, cochlearia major rotundifolia, apium Italicum, ſiſarum ſativum, acetofa, ſonchus, aſparogus, ſpinachia ſeu lapathum hortenſe, vermicularis inſipida, cichorium ſylveſtre, tanacetum, dracunculus hortenſis, carduus Mariæ, thymus, rapum vulgare, vitis, viperaria, trifolium acetofum. De omnium uſu ac efficacia adduntur obſervationes non contemnendæ, & ſub finem catalogi comparent regulæ generales de præparatione lactucarum, una cum

TAB. IX.

Fig. 1.

Fig. 2.

TAB.IX.

Fig. 3.

Fig. 4.

Fig. 5.

Fig. 6.

cum Tabula, in qua singulis mensibus suæ species assignantur: quibus absolutis de illarum plantatione prolixè agitur. Denique in Calendario hortensi, cujus hæc est decima editio, exponitur, quænam in agrorum & hortorum cultura singulis mensibus fieri debeant. Extat sub finem nova ratio extruendi ædes, in quibus arbores exoticæ per hiemem continentur, hac prærogativa gaudentes, ut per eas continuo aer recens ac temperatus circuletur. Manifesta fit ex Fig. 3, in qua A repræsentat tectum, B parietem versus septentrionem directum, C aream internam, D fornacem; 1 aperturam, per quam cineres expurgantur; 2 focus; 3 extremitates tuborum, per quos aer in ædes defertur; 4 caminum, per quem fumus & aer ex ædibus expulsus ascendit; 5 canalem, per quem aer expellitur; 6 aperturam, per quam in istum canalèm aer viâ patet; 7 thermometer ad caloris gradus examinandos. In Fig. 4 E exhibet situm trachearum in fornace, aa sectionem muri, bb tracheas, cc orificia trachearum. In Fig. 5 F delineat integram fornacem: a aperturam ad cineres expurgandos; b focus; cc projectionem trachearum; dd tracheas ipsas; e caminum; ff murum, ad quem fornax extracta & per quem tracheæ in ædes transeunt. In Fig. 6 denique G pars fornacis cineres excipiens; a apertura, bb extremitas canalis aerem ex ædibus in fornacem vehens; dd focus; e obturaculum.

GRÜNDESSEN BENEFIZ von vielen Monarchien.

seu
HISTORIA MULTARUM MONARCHIARUM,
qua in Oriente a Nimrode usque ad Cyrum floruerunt; Autore CASPARE ABEL O.

Frankfurti, apud Christ. Genscium, 1705, in folio.
Alphabet. 1.

Veterem Historiam innumeris fabulis tantum non obsitam cum deprehenderet Cl. Autor, ad eam illustrandam omnes ingenii

ingenii sui nervos intendere decrevit, hancque primam Partem majori Operi præmisit, ut de reliquis quoque hinc judicium ferri possit. Rem autem ab ovo, ut ajunt, orsurus, statim Cap. I vanam illam & historię damnosam de Quatuor grandibus Monarchiis persuasionem, quę insedisse jam & inveterasse in plurimorum animis videtur, non uno argumento, e sacris profanisque deprompto literis, refellere atque adeo eradicare nititur. Hinc C. II antiquissimum omnium perquirens Regnum, Nimrodem invenit primum, incertum tamen quo speciatim seculo post diluvium, in planitie Sinear, ingentem istam Turrim molitum, quę Phari usum obtinere debuerit, ne rudes & timidi mortales cum gregibus suis in vicina Arabiæ deserta aut alias remotiores oras aberrarent. Hoc vero cum non successisset, ipsum in eadem regione fundamenta asserit novi Regni jecisse; nec tamen eum ideo pro conditore Assyriaci aut Chaldaici Imperii habet, sed Arabibus potius annumerat, multoque minus Kedorlaomerem, Elamitarum, & Cuschanem, Mesopotamiæ Reges, in longam istam fictorum Monarcharum seriem intrudit. Nihil quoque C. III varias Ægyptiorum Dynastias moratur, quę, ut Moïsis jam ævo in unum Regni corpus coaluerint, neminem tamen ante Sesoctrin, s. Sisacum titulo Monarchæ dignum judicat, quippe qui primus, tota pene Asia perdomita, hanc sibi suisque gloriam acquisiverit, mox tamen a filio suo Rhamse neglectam, & a Memnone Filio Auroræ Susiano (לרר הכושי. 2. Par. 14) infeliciter repetitam; sub cujus deinde genero Proteo πολυκρανίη denuo in Ægypto radices egerit, quam Sabacon quidem Rex Æthiopum suppresserit, eo vero post necem filii Thearconis in patriam refugiente, δωδεαρχία repullularit, a Psammeticho tandem plane sublata, altero quasi Monarchiæ instauratore, quę tamen paulo post a Chaldæis valde labefactata, a Persis vero funditus eversa fuerit. Ceterum C. IV Israelitis, quos olim quoque nomine Syrorum, Assyriorum, Æthiopum, Indorumque interdum ab Ethnicis designatos fuisse docet, Dynastiam Pastorum in Ægypto vindicat, ex Josepho, primum eorum Regem Salathin, (שליט. Genes. 42. 6) reliquos vero ex posteris ejus, aut

Rrr

agnatis,

agnatis, formatos fuisse conjiciens. At Misphragmuthosin, Ægypti Superioris, seu Thebaidos Regem, Regno Tanitico destructo, ultimoque ejus Rege Phoronæo Danao, i. e. Pharaone Tanios, in Græciam abire coacto, ipsis se admodum difficilem præbuisse, cujus tamen successore Thamo, seu Amose in Mari Rubro submerso, Israelitæ in Palæstinam reduces, Theocratiam primo, mox Reges potentissimos, Davidem & Salomonem habuerint, quorum hic navigationes in Ophir (Indiam) & Tharsis (Hispaniam, quæ non minus ac Iberia Asiatica nomen suum Ebræis debeat,) magno cum fructu instituerit, Assyrii tamen æque ac Hadadus, Hasael, & reliqui Syriæ Damascenæ Reges, (de quibus C. V agit) falso attributi fuerint. Hos enim non ante tempora Puli, seu Tiglath Pilesar, rerum in Assyria potitos, & hunc cum posteris suis, Salmanasare, Senacherimo, & Asarhadone, ex Sacro Codice notissimis, eos esse, qui Græcis & Latinis Belus, Ninus, Semiramis, & Sardanapalus vocentur, Holofernem vero, seu Osnapharem (Esr. IV, 10) hujus ducem bellicum fuisse, C. VI multis, nec sane ficulneis probatum it rationibus. Porro C. VII Chaldæorum excutiant antiquitates, quos ipsi demum videntur Cuschanes Mesopotamiz Rex (aliis Evechous, unde forte Græcorum Bacchus) Amiribus expulsis in Terram Sinear introduxisse, Belus vero, seu Ninus, illos Assyriis subjecisse, a quibus sub Semiramide defecerint, a Sardanapalo rursus in ordinem redacti, cujus tamen exitremam mollemque senectam Gubernator Babyloniz Nabopolassar despiciens, cum ad mortem adegerit, filiumque Nebucadnezarem Judæorum Ægyptiorumque domitorem famosissimum habuerit. Huic Evilmerodacum, s. Belsazarem & isti Neriglissarem, s. Darium Medum successisse, cujus filii Labosordaci necem Cyrus Persæ ulturus Nabonidum ultimum Chaldæorum Regem de throno deturbarit. Eadem fere Medorum fata fuisse C. IIX memorat, Cyaxarem præ ceteris illorum Regibus meritis evehens laudibus, cujus quidem patrem Phraortem Assyrii, & fratrem Cyrum Medum, s. Artibarnam Sacæ conciderint, ipse tamen nihilo secius ope Chaldæorum Niniven solo æquaverit, & paulo post mortem obiturus, Astyagem &

gem filio suo Dario Medo tutorem constituerit, quem ducta ipsius vidua Aryeni Regnum invadentem Cyrus Persa, (Cyaxaris ex filia nepos, tandem eo spoliaverit. Inde C. IX ad Lydos progreditur, & præcipue res gestas Regum tertiarum Mermnadarum familiae exponit, Assyrios ipsis non secus Cimmericos, ac Medis Sacas immisisse persuasum habens. Denique C. X Historiam quoque aliorum minorum gentium in Arabia, Phœnicia & Asia succincta brevitate subnectit, obiter quoque nonnulla ad Græcos Germanosque spectantia attingit, quorum nempe majores in Asia Minore; & istorum quidem ad Mare Ægæum & Hellespontum, horum vero ad Pontum Axenon, s. Euxinum sedes suas primitus habuisse, inde vero paulatim, nec uno tempore, in Europam transisse; istis vero primum Ægyptios, deinde Phœnices, permistos fuisse, & hinc varia bella subnata, existimat, quorum tamen omnium uberiores tractationem secundæ Parti reservat.

*MANICHÆISMUS ANTE MANICHÆOS, ET IN
Christianismo rediit. Auctore M. JO.
CHRISTOPHERO WOLFIO.*

Hamburgi, sumptibus Christiani Libezeit, 1707, 8.

Constat Alphab. 1 & 10 plagulis.

Communis quidem mortalium omnium labes est de rebus judicare minus perceptis, quæ judicii humani temeritas unica est & nota satis errorum quorumcunque scaturigo: aut sapius eousque partem hominum maximam progredi, ut opiniones, quæ ne speciem quidem veritatis præ se ferunt, communi quadam consensione ac sine hæsitacione affirmant, id in dubium forte quis vocaret, nisi constanti rerum gestarum memoria & usu vitæ quotidiano res esset certissima & in aperto posita. Eruditus dissertationis præsentis Auctor, cujus nomen jam bis in Acta Eruditorum haut abs laude retulimus, utpote A. 1705 pag. 301 & A. 1706 p. 405 exempli loco in medium adfert duplicem a veritate aberrationem adeo crassam, ut mentis caliginem vel manibus palpare queas, quæ nihilominus utraque

omni hominum ætate, omni terrarum loco innumeros invenerit adstipulatores. Altera Secta asserere audet, ipsam Dei essentiam esse materiam, ex qua, quæcunque totum hoc, quæqua patet, universum ambitu suo complectitur, facta sint omnia. Altera duo comminiscitur principia diversæ plane indolis, bonum alterum, alterum malum, quibus creaturæ quælibet suos debeant natales. De priori quidem errore plenior nobis pollicetur tractationem, qua grandem eorum multitudinem, qui in falsissimæ hujus doctrinæ caput consenserint, est commemoraturus, posteriorem autem, famosi Manichæismi titulo non absre insignitum, præsentī commentatione persequitur. Dissiliit vero Tractatus hic Historico-Philosophicus in tres Sectiones.

P. 4.

10.

13.

15.

20.

24.

Sectione I investigatur origo falsæ de duobus principiis sibi contrariis sententiæ, quam heic adscriptam videmus partim fraudibus callidissimi Satanae, partim turpi hominum incuria. Satanam vult Cl. Auctor arborem veritam Gen. III, 3 seq. nomine scientiæ boni & mali insignivisse, secutus, ut testatur, bigam Theologorum inclutam, D. Seb. Schmidium & Summe Reverendum D. Neumannum, idque fecisse Cacodæmonem, ut Protoplastis persuaderet, non ad se, sed ad materiam mali originem esse referendam. Incuria hominum depravatam esse ac susque deq; habitam veterem cum de mundi creatione traditionem, gentilibus ceterum non omnino ignotam, tum de Angelorum hominumque lapsu narrationem. Postquam enim in oblivionem abiit, ac ferme negata omnino est vera rerum creatarum origo, æqualem Deo & materiæ tribuisse homines corruptæ rationi relictos ætatem, famoso illi & pervulgato axiomati: *ex nihilo nihil fit*, tantam immotæ basi penitus innixos. Similiter cum & lapsus primi hominis memoriam omnem tolli funditus ac deleri ex animo suo passi essent propria culpa, plurimis tamen totum hoc universum malis scatere cernerent, necesse putarunt, aliud præter Deum, omnis boni auctorem, comminisci principium, quod in se malum malos quosvis effectus produceret.

Sectione II erudite demonstrat, tam late sese diffudisse erroris hujus scaturiginem, ut omnes ubivis terrarum infecerit sectas, gentiliū Philosophorum non solum, sed & illorum, qui

quantur Menander, Nicolaitæ, Saturninus, Carpocrates, Adamitæ, Cainiani, Ophiani, Valentiniani, Bardesanes, Cerdoniani, Marcionitæ, tota Gnosticorum soboles, Docetæ quadantenus, Tatiani quoque, Hermogenes, & præcipue Manichæi, qui tanto conatu ornandum defendendumque susceperunt hunc errorem, ut inde vulgo dicatur Manichæismus. Quamobrem diutius paululum immoratur historiæ Manetis doctis observationibus collustrandæ & a strophis, quod ait, Arnoldi liberandæ. Postea inquirat diligenter in Manichæorum assecclas, non veteres solum, utpote Seleucianos, Messalianos, Paulinianistas, Bogomilos, Albigeneses, quoque secundum nonnullorum, a quibus tamē dissentit, sententiam; verum etiam recentiores, quos inter & coetus nostri Deo devoti socios retulerit Balthasar Beckerus, aut plane abs re, cum in Flacio Illyrico, & Eilhardo Lubino Manichæismus publica Ecclesiæ nostræ auctoritate reiectus atque damnatus sit. Majori autem jure inter Manichæos neotericos primum sibi vindicat locum fanaticorum cohors, Weigelius præsertim, Böhmius ejusque, uti Cl. Autor vult, discipulus, non magister, Robertus Fluddus, Quackerorum item colluvies, & recentiores quidam, quorum placita, si non omnia, præcipua tamen ex Manichæorum fonte profluere, pluribus argumentis demonstrat. Ultimo loco etiam Pontificiorum, Calvinianorum & Socinianorum dogmata, quousque ad Manichæismum accedant, examinat.

Sectione III complectitur argumenta gentiliū testimoniis collustrata, quibus sententiæ de duobus principiis coeternis vanitatem demonstrat. Scilicet repugnare docet infinitæ Dei perfectioni omnes res reliquas bonitate superandi, existere aliquid a Deo diversum, quod ipse non excedat, sed sibi sit æquale. Non absolutam fore summi Numinis potentiam, si patiatur, se inter & aliud, cui in mala potestas relinquatur, dividere imperium. Periclitari summam Dei felicitatem, si æqualem ei adjungeres adversæ plane indolis, metu, quem ei incuteret. Adversari justitiæ pariter ac sapientiæ divinæ, quod creaverit animas ab omni scelere puras, easque vel obtulerit ipse, vel invitatus permisit malo principio vitiandas. Tolli omnem actionum

actionum humanarum & bonitatem & malitiam, cum quod male agant, non ipsis, sed malo principio sit adscribendum. Denique neque, quem cernimus, perpetuum & eundem in gubernandis hujus universi rebus ordinem duos admittere Deos, potestate pares, studiis autem ita a se invicem sejunctos, ut in unum nunquam conspirare possint. Hisce postquam Cl. Auctor adversarios oppugnavit argumentis, convertit se ad alia, quibus ipsimet errorem suum asserere conantur, illaque examini submittit. Quæ cum Bælius in Dictionario suo collegerit, proque virili & ornaverit & nervum probandi intendent, hunc unum instar omnium elegit, adversus quem tela sua dirigat. Ipse quidem Bælius Manichæorum numero adscribi non vult, id maximo tamen studio evincere contendit: seposita Sacri Codicis auctoritate, solam hominis rationem nimis imbecilem esse ad dogma de duobus principiis convellendum. Plures autem hac sententia in se concitavit antagonistas, præsertim *Jo. Clericum, Guil. King* Anglicum Episcopum, *Isaacum Jaquelotum*, uti vel ex Actis nostris p. 440 anni 1705 patet, *Jurieu*, *Jacobum Bernardum* & alios, qui non Scepticismi solum, sed plane Atheismi dicam ei scripserint. Quid singulis responderit, instituti brevitate dicere prohibemur, summa autem argumentorum eo redit: originem mali a Manichæorum adversariis in ipsum hominem rejici, voluntate sua libera, qua se ad bonum æque ac malum determinare poterat, male usum. Cum autem Deus hominis lapsum præviderit, incubuisse ei per bonitatem suam, aut obstaculis omnibus liberi arbitrii impedire abusum, aut hoc libertatis dond non beare hominem; quod quoniam non fecerit, sed labi hominem permiserit, coram rationis sibi relictæ judicio ab ortu mali vindicari non posse, ac proinde a Philosopho gentili rectius duo coæterna admitti principia. Varia quidem responsi loco ab Auctore in medium adferuntur, in eo autem argumentorum, quæ subministravit, nervus præcipuus nobis situs videtur. Placuisse summo Numini in gloriæ suæ augmentum producere hominem, hoc est, creaturam in eo ab omnibus ceteris diversam, ut non animo solum constaret ac corpore, sed etiam spontaneo vo-

luntatis

P. 323.

329.

333. sq.

369. sq.

399. sq.

- luntatis motu in Creatorem suum, maximo propriæ suæ felicitatis incremento. Prævidisse quidem liberi arbitrii abusum, noluisse tamen propterea consilium immutare tam sapiens, tam sanctum tamque salutare, cum hominem instruxerit sufficientibus lapsum evitandi viribus, & serio ipsum, ut sibi caveret, præmonuerit. Iis autem omnibus ab homine turpiter neglectis, permisisse & lapsum, ne libertatem semel ipsi donatam vi irresistibili iterum adimeret, permisisse etiam mala ex lapsu in inobedientem resultantia, ut justitiæ suæ fieret satis, in primis cum Deo haut deessent sapientissima damnum hoc instaurandi media. Cujus argumenti robur ubi Bælius advertit, mutavit aciem & liberum arbitrium in homine plane sustulit atque negavit. Non integrum nobis est brevitatæ studio referre, quæ in utramque partem sunt disputata, id tamen præteriri nequit, inter sententiæ Bælii oppugnatores celeberrimum Angliæ Episcopum Kingium eoque progredi, ut libertatem homini vindicaturus non a coactione solum, sed & necessitate, plane neget voluntatem, perfectissimam sequi judicium de placitis & displicitis, sed suapte sponte, non habito ad objecti bonitatem & malitiam respectu, se determinare. Perinde ac Deum, cui nihil externum bonum aut malum sit ante electionem, cujusque sola voluntas causa bonitatis in rebus creatis existat. Novam hanc Kingii hypothesin Clariss. Auctor ad examen revocat, atque demonstrat, iisdem & adhuc majoribus, quam Kingius communi de libero arbitrio sententiæ objicit, illam premi difficultatibus; intellectus humani officium ita tolli plane vel imminui; neque Deum aliquid unquam fecisse absque prævio hoc sapientissimo consilio; an quæ essent producenda, opera sanctitati, bonitati ac sapientiæ ejus respondeant? Deum per indolem suam non posse velle, ut res bonæ sint, quæ sanctitati ipsius adversantur, ac proinde non minus bonitati & sapientiæ divinæ tribuendum esse, quam voluntati, quod sint, res tales, quales sunt nempe bonæ. Plura alia addi possent tum ad controversiam cum Kingio facientia, tum historiam Philosophiæ atque hæreticorum collustrantia, cum tractatus noster digressionibus sane eruditis sit refertus, sed solum abrumpimus.

REPON.

MENSIS NOVEMBRIS A. M DCC VII. 505
REPONSES AUX QUESTIONS D'UN
PROVINCIAL.

i. e.

RESPONSES AD QUÆSITA CUJUSDAM
Provincialis.

Volumen III.

Roterodami, apud Reinerium Leers, 1706, 12.

Alph. 1 plag. 7.

Pergit P. Bælius varii argumenti materias, Historicas, Philosophicas, Polemicas, uno volumine junctas palam exponere, eo consilio, ut & suppleri inde Dictionarium ejus Historico-Criticum possit, & quæ contra hunc aliosque ejus libros scripta, a doctissimis Viris sunt, refellantur. Ac in principio quidem hujus Tomi Germanicos Historiarum scriptores, maxime Cuspinianum & C. Matthiam, castigat, quod Annam Britannicam sponso suo Maximiliano Imp. a Carolo VIII Galliarum Rege vi, & velut plagio, ereptam scribant, cum artibus saltem licitis res ista tentata sit atque perfecta. Consimiliter peccare eos, & suspensiones suas commiscere cum gestis historicis ait, qui Franciscum I Galliarum Regem jusjurandum blasphemis refertum præstitisse narrant, cum foedus cum Solimanno Turcorum Imperatore iniret. Maximam hujus libri partem absolvit refutatio libri, quem J. Jaquelotus de concordia rationis & fidei contra Bælianas hypotheses edidit. Noster omnes ingenii nervos intendit, ut probet, mysteria religionis Christianæ cum axiomatibus Philosophicis conciliari omnino non posse, sed ad meram Dei auctoritatem hic recurrendum esse; etsi interdum, inflexo paulisper styli rigore, mysteria saltem videri contraria rationi, interdum de exigua saltem rationis, quæ nobis data est, portiuncula, non de ratione universali se loqui dicat. Igitur doctrinas de permissione peccati, libero arbitrio & prædestinatione ita pertractat, ut Jaquelotum Arminianis favere, coryphæorum Ecclesiæ Reformatae vestigia spernere & ad rationalem Theologiam, Ecclesiæ dudum exosam, non tam inclinare, quam ruere credat. Quo loco Rationales, quos vocat,
Sss Theolo-

Theologos in scenam producit, eosque Concilii Dordraceni decretis parum favere suspicatur, atque cum P. Jurieo committit. Libertati hominis infensiolem omnino se præbet, eoque nomine Jaquelotum acriter impugnat, tandemque veri Christiani indolem exposcere dicit, ut pugnam fidei & rationis agnoscat, nihilominus tamen, eadem agnita, Deo fidem habeat. In hac cum Jaqueleto concertatione interspergit passim alia, v. gr. judicium Auctorum Diarii Erudit. Parisiensis de Kingii libro de Origine mali, refutationem responsionis, quam Diroisus in Præjudiciis pro religione Christiana ad dubium de origine mali dederat, quamque libertati divinæ contrariam esse judicat, nec non alterius, quam Regisius in Systemate Philosophico ejusdem dubii solvendi gratia attulerat, nec non unam & alteram Malebranchii doctrinam examinatam. Præterea cum Vallonio auctore Apologiæ Reformat. circa Prædestinationis dogma disceptat, quem de absoluto decreto durissime loqui & amorem Dei versus res creatas ac benignitatem tantum non tollere observat. Porro Reformatos tuetur contra Schlussemburgium aliosque, quod Deum peccati causam faciant, ipsis exprobrantes, qua de lite p. 1115 seq. nec non p. 1135 seq. prolixè disquirat, atque simul ostendere nititur, mitiores, quos dicunt, Reformatos re ipsa a rigidis & antiquioribus non discrepare. Altera hic Bælio concertatio est cum Jo. Clerico, qui in Parrhasianis & alibi Bæliana tradita de dubiis rationis nostræ circa unitatem Dei & originem mali confutaverat, atque inter alia Origenianam hypothesein Manichaicæ prætulit. Hic & vindicat sua Bælius, & Origenianum Clerici graviter persequitur, atque de præscientia Dei, decretis, libertate & æternis pœnis ultro citroque cum eo sententias confert. Hinc de defuncti Primatis Anglici Tillotsoni propensione ad Origenianam definitione pœnarum infernalium doctrinam agit, controversiam, quæ acta est inter Nicolium & Jurieum, num Romanæ Ecclesiæ doctrina de damnatione infantum non baptizatorum crudelior sit & durior dogmate Reformatorum de absoluto decreto? sub censuram vocat, neutri disputantium parcens. Adoritur post hæc Cudworthi naturas plasticas, quas & repugnare aliquot
sanæ

sanæ rationis notionibus, & ad excludendum e cursu rerum naturalium Deum tendere existimat, Clericoque earum Apo- logetæ fuscè respondet. Post hæc iterum peculiari Capite osten- dit, recentiores Reformatos, qui mitius videantur loqui, do- gmata veterum duriora constanter retinere, & enumeratis ge- nuinis auctoribus quorundam anonymorum ac pseudonymo- rum scriptorum hanc operis sui partem claudit. Nos inde se- quentia excerpemus: Auctorem Cautionis criminalis sive pro- cessus contra sagas, de quo dictum est in Diario Basnagii (*Hi- stoire des Ouvrages des Savans*) A. 1698 p. 131, esse N. Spéc Jesui- tam; Commentarium in Epistolam Gentiani Herveti ad apo- statas sub Nicol. Jomlattelæ nomine a Phil. Marnixio scriptam esse; reliqua ex Causa Quesnelliana, nobis memorata, hausta sunt.

C. WOLFII SOLUTIO NONNULLARUM DIFFI-
cultatum circa mentem humanam obviarum, ubi si-
mul agitur de origine notionum & facultate
ratiocinandi.

Prinicipia Metaphysica nondum rite esse constituta, vel ex- inde liquet, quia effectuum mentis non promptè ex iis red- ditur ratio. Relatum est in his ipsis Actis A. 1706, p. 366, quod juvenis quidam rusticus, a nativitate surdus ac mutus, quam diu auditu privatus sermonis usu carebat, solis perceptionibus impulsus, omnia egerit, nulla facta ad perceptiones & actiones suas reflexione, multo minus idearum compositione aut disjunc- tione. Similiter *Bernhardus Connor* auctor est in *Evangelio Meli- ci* p. m. 133 & 134, cum anno 1694 in aula *Johannis Sobiesci* Ro- gis Poloniae versaretur, in nemoribus ad *Lithuania* & *Russia* confinia sitis a venantibus sylvicolis inter gregem urforum ca- ptum fuisse juvenem, circiter annos natum, adspectu horri- dum & pilis hirsutum, insque rationis, neque loquelæ, neque vocis humanæ usu gaudentem, qui post longum tempus cicu- ratus cum rauca & inhumana voce verba quædam proferre, inœpisset, de sylvestris vitæ cursu non magis recordabatur,

quam nos eorum meminimus, quæ acta sunt, quando in incunabilis vagivimus. Mirum igitur plerosque habet, cur nativitate surdus ad nullum perveniat rationis usum, nisi a surditate liberetur? cur inter bestias educato rationis usus nullus concedatur? cur rationis usu prorsus destituantur infantes? ad tempus orbemur omnes dormientes? cur denique rationis usu concessio nullius recordemur, quod, dum eo privaremur, cogitavimus?

2. Nodi hi hætenus pro insolubilibus habiti, non quod tales ex natura sua existant, sed quia de anima perperam hucusque philosophatum. Nos igitur certam eorundem solutionem afferemus, atque eo ipso monstrabimus, quam in similibus adhiberi debeat philosophandi methodus: quod præstitisse iis forsitan non displicebit, quos veritatis incrementum juvat. Cum autem difficultates recensitæ omnes circa rationem versentur; in ejus naturam cum cura nobis inquirendum. Et quoniam mentis definitio realis adhuc desideratur, ratio vero sit aliqua vis ipsius; a priori eam eruere non datur. Investiganda igitur a posteriori, reflectendo scilicet super rationibus perfectis, qualia in Geometria occurrunt.

3. Cogitationibus nostris attenti docemur, nos res singulares percipere. Jam si contingat, mentem in perceptione totali multas partiales distinguere a se invicem posse, notionem acquirat distinctam: in casu opposito confusam. E. gr. si Triangulum percipio, latera tria, angulos tres; sique fuerit Scalenum, laterum & angulorum inæqualitatem percipio. Latera ab angulis, immo tum illa, tum hos invicem quantitate, distinguo. Jam cum omnimoda determinatio eorum, quæ in perceptione totali distinguuntur, principium individuationis constituat; si ab ea abstrahimus, utpote per sensum non accurate determinanda, notionem habemus Spectei. E. g. in nostro casu determinata laterum & angulorum ad se invicem est ratio, non mutanda, nisi individualitate Trianguli destructa. Ab ea vero si abstrahimus, relinquitur notio omnibus Triangulis Scalenis communis. Obiter vero hic moneo, (ne quis hæcenus dicta exceptiones admittere arbitretur,) me a plani, in quo

quo Triangulum descriptum, & a materia, qua in lateribus ejus docendis usi fuimus, mentione consulto abstinuisse, utut ad individualitatem Trianguli suo quodam modo aliquid conferre non negaverim. Enimvero quæ in notione communi Trianguli Scaleni distinguuntur, aliquo adhuc modo determinata sunt: relinquitur enim & laterum, & angulorum inæqualitas, adeo licet inæqualitatis nulla determinatio adsit, in eo tamen determinatio quædam jam continetur, quod requiritur, & latera & angulos æqualia esse debere. Quod si igitur ab hac determinatione abstrahamus, remanebit notio generalis omnium Triangulorum, quod nempe sit spatium tribus lineis comprehensum. Hæc ipsa vero quandam adhuc determinationem admittit, nempe laterum numerum ternarium; quæ si abjiciatur, prodibit notio spatii lineis terminati, h. e. Figuræ.

4. Ex jam dictis apparet, quomodo occasione nostrarum perceptionum formantur notiones. Quæ autem hac ratione formantur, de earum realitate dubitandum non est, cum nihil contineant, nisi quod esse indubitato experimur. Et si omnes notiones hac ratione formarentur, dici quodammodo posset, nihil esse in intellectu, quod non fuerit in sensu. At multarum rerum formantur notiones non per *abstractionem*, super perceptionibus reflectendo, sed per *arbitrariam combinationem*, ad quam faciendam per determinationem quandam in notione aliqua animadvertens mens determinatur. E. gr. si in notione Trianguli ternarium laterum numerum expendit mens, ternario substituit quaternarium, denarium, millenarium, indefinitum numerum &c. quo facto, oriuntur notiones figurarum quadrilaterarum, decangularum, millelaterarum, multilaterarum &c. Similiter si in notione Trianguli laterum inæqualitatem perpendit, inæqualitati substituit æqualitatem, vel trium, vel duorum laterum, proditque in casu primo notio Trianguli æquilateri; in posteriori notio Trianguli æquicruri. Similiter in Geometria sublimiori proposita æquatione ad *Pambolam Apollonianam* $ax=y'$, æquationes similes, quas infinitarum Curvarum notio-

nes exprimere notissimum est, $a^m - x = y^m$, $ax^m - 1 = y^m$, $a^m x^n = y^{mn}$ statim formantur. Ex his exemplis apparet, me item, fundamento differentiarum notionum animadverso, per determinationes arbitrarias multa rationum genera comminisci. Ex ipso autem modo, quo notiones istae formantur, colligitur, earum realitatem demum comprobendam esse vel a priori, ut nexus necessarius cum aliis, de quarum realitate nullum superest dubium, demonstretur, aut modus formationis plene intelligatur, (ad quod requiritur, tum ut constet, talia possibile esse, quae ad formationem concurrere possunt, tum ab iis ea proficisci posse, quae ipsis attribuuntur;) vel a posteriori, ubi talia in rebus extra nos percipimus, qualia notiones formatæ involvunt. Hinc liquet, multa esse in intellectu, quae non fuerunt in sensu.

5. Quoniam vero notiones generum & specierum omnimodam determinationem non admittunt, qualem requirunt singularia, quae percipiuntur per *Art. 3 & 4*; ut percipiantur, fieri nequit. Quamobrem ea, quae in notionibus distinguuntur, per characteres seu signa perceptibilia repraesentari debent. Talia signa sunt voces, notae numericae & characteres Algebraici. Totum adeo ratiocinandi artificium ad duo capita revocatur, nempe ad *partem characteristicam* seu constitutionem signorum, & *partem combinatoriam* seu combinationem signorum. Pars prima arbitrium ratiocinantis fundamenti loco supponit, non tamen prorsus indifferens, sed per leges sapientiae limitatum, quibus applicatis regulae necessariae *artis characteristicae* enascuntur, demonstrationibus adeo firmandae. Exempli specialia in *Analysi Mathematicorum* & ipsa *Arithmetica* vulgari habemus. Signorum combinatio arbitraria non est, cum per eam nexus rerum possibilium necessarius repraesentetur. Certas igitur admittit leges, quoad veritates Mathematicas in *Analysi* explicatas.

6. Nimirum ratiocinari in *Mathesi* est substituere aequalia pro aequalibus, hoc est, ratione vel quantitate eadem pro eadem ratione aut quantitate. Atque ideo in ratiociniis Mathematicis non potest non conservari evidentia summa. Hæc vero substitu-

Substitutio fit vel per *arbitrariam valorum assumptionem*, quæ per communem Analysin usum habet amplissimum; vel per *necessarias valorum mutationes & explicationes* juxta axiomata evidentia & theoremata demonstrata factas. Tot sunt probationes, quot in Mathesi demonstrationes, quot exempla calculi Algebraici. Et in genere ex definitione seu notione data alia deducere est eorundem signorum ulteriorem explicationem per plurium pro singulis substitutionem asserre. E. gr. ponamus $6=5+1$, cum etiam sit $2+2+2=6$, $2x3=6$, $2x2+1=6$, $3+3=6$, $2+1+2+1=6$, $2+2x2=6$, $4+2=6$ &c. erit quoque $5+1=2+2+2$, $5+1=2x3$, $5+1=2x2+1$, $5+1=3+3$, $5+1=2+1+2+1$, $5+1=2+2x2$, $5+1=4+2$; item $2+2+2=2x3$, $2+2+2=2x2+1$, $2+2+2=3+3$, $2+2+2=2+1+2+1$, $2+2+2=2+2x2$, $2+2+2=4+2$; similiter $2x3=2x2+1$, $2x3=3+3$, $2x3=2+1+2+1$, $2x3=2+2x2$, $2x3=4+2$ &c. Ecce tibi plures senarii notiones ex notionum antecedentium numerorum legitima combinatione factas, quarum combinationes totidem producant theoremata varias senarii proprietates manifestantia.

7. Ut idem extra Mathesin quoque valere intelligatur, exemplo ex Physica desumpto dictis fidem facere liber. Afferamus e. gr. propositionem per experientiam nobis innotuisse sequentem: *Ignis liquefacit plumbum*. Ut optime intelligatur, qua ratione id fiat, non opus est, nisi ut explicentur notiones ignis, liquefactionis, & plumbi, quod hic saltem consideratur tanquam massa consistens. Hoc enim facto, obtinebimus propositionem aliam loco primæ propositæ, quæ hujus tenoris: Ignis particulæ subtilissimæ dum sese insinuant in poros plumbi, partes coherentes a se invicem divellunt. Ut explicatio notionum per substitutionem facta rite intelligatur, integram mentis operationem hic exprimere libet.

(1) Ignis	(1) liquefacit	(1) plumbum.
(2) Corpus fluidum, subtilissimum, corpora quævis penetrans	(2) fluidum reddit	(2) massa consistens
		(3) cor-

(3) corpus habens
partes a se invi-
cem separatas
& poris alio-
rum corporum
sefe. insinuan-
tes

(3) convertit in
massam, cu-
jus partes dis-
solutæ
(4) divellit a se
invicem par-
tes, quæ cohæ-
rent

(3) massa, cujus
partes sunt
cohærentes.

Ignis particulæ subtilissimæ, si sese insinuant in poros plumbi,
partes ejus cohærentes a se invicem divellunt.

Has successive in singulis propositionis partibus factas substitutio-
nes si legitime combinemus, propositionis primum propositæ
enascitur demonstratio. Quod si notiones insinuationis & di-
vulsionis ulterius explicare libuerit, natura ignis plenius mani-
festabitur, atque modus cohæsionis partium in plumbo patebit.
Verum his immorari nostrum non est.

8. Id adhuc annotamus, ex *Artic. 6 & 7* manifestum fieri,
in notionum explicatione non utendum esse nisi Signis jam
antea satis explicatis, quorum valorem in mentem nobis re-
vocare possumus, quotiescunque libuerit. Patet etiam ratio,
cur in ratiocinando, non violata ratiocinii evidentia, cognitione
symbolica contenti esse possimus, quæ scilicet nos mente re-
ferimus ad notionis explicationem vel propositionis demon-
strationem alibi factam. E. gr. si constet esse $3+3=6$ & $2+1=6$, atque recordemur, notionem senarii alio tempore
nobis fuisse satis expensam & identitatem inter ipsam ac fa-
ctum ex binario in binarium & unitatem, itemque summam
ex duobus ternariis sufficienter animadvertam; nullam ampli-
us rationem habemus notionis senarii atque demonstrationis,
per quam identitas prædicta nobis innotuit; sed de utroque
securi inferimus: $3+3=2 \times 2+1$. Confidimus nimirum veri-
tate axiomatis ratiocinandi fundamentalis: quæ sunt eadem,
cum eodem tertio, ea sunt eadem inter se. Denique liquet,
demonstrationes non esse nisi combinationem serierum substitu-
tionum nobis memoratarum.

9. Cum adeo tum ad notiones firmandas, tum ad eas combinandas signis opus habeamus per *Art. 5* sintque talia voces, per *Art. cit.* ut ante sermonis usum vel negato verborum usu ratiocinemur, fieri non potest. A nativitate igitur surdus, inter bruta educatus atque infans rationis usu destituitur. Ut vero etiam intelligatur, cur dormientes rationis usu ad tempus orbemur; tenendum est, postquam materiam notionum voces constituimus adeoque sine vocum usu rationari nequimus, signa ista menti percipienda representari debere, dum ratiocinari aut distincte quidpiam cognoscere conamur. Quare utut non loquamur, clauso tamen ore submissa quam maxime voce inter meditandum nobismet ipsis loquimur. Unde cum per expirationem aeris ex pulmonibus per tracheam prorumpentis voces formare conemur, alio tempore deduxi, cogitationes nobis ex corde procedere videri. Jam cum inter dormiendum cessent perceptiones ab impressionibus in sensuum organa profectæ, vocum quoque formandarum conatus abest, consequenter & usus rationis. Somnia tamen excipiuntur, in quibus quemadmodum aliis perceptionibus conceditur locus, ita & conatus formandi voces non prorsus abest, quem me sæpius percepisse, quodque conatus clamandi eluderetur, indignatum fuisse probe memini. Denique quoniam ea facillime oblivioni tradimus, super quibus nulla fit reflexio, reflexio autem fit distinguendo a se invicem, quæ perceptio totalis involvit, formandoque notiones distinctas rerum perceptarum; id quod sine sermonis aut aliorum signorum usu fieri haud potest: ut eorum recordemur, quæ ante sermonis usum percipimus aut fecimus, utque ante sermonis usum deliberato quidpiam agamus, concipi nequit. Quamobrem & inter dormiendum anima se ipsam percipit, nihil rerum externarum, omnisque abest ab illa immediata sui perceptione reflexio. Non igitur mirum, quod evigilantes nullius cogitationis recordemur.

10. Ad hæc scribenda me impulerunt, quæ in his Actis anno præsentis de anima passim leguntur. Vellem enim, ut in immaterialitatem animæ inquisituri ejus ante vires accurate co-

gnoscerent, (cujus cognitionis aliquod specimen in antecedentibus exhibui;) quam arduum hoc opus aggredierentur, ita enim futurum arbitror, ut nec cum Cartesianis paralogismum pro demonstratione venditent, nec cum aliis, quia nodos a nobis solutos & alios ipsis similes non statim capiunt, mentem pro potentia ex combinatione organorum corporeorum resultante habeant, utque in principio actionum brutorum definiendo solidiora proferant.

*STYLLOGE EPISTOLARUM B. D. POLYCARPI LYSERI, Senioris, ex MSS. aruta a Pronepote τῷ Μακρίῳ 78 POLYCARPO LYSERO, S. Theol. D. Potentiss. E-
lectoris Brunsvico-Lunaburgico a Consiliis Ecclesiasticis,
Capituli Wunstorpiensis Prasule, & Ecclesiarum
per Ducatum Calenberg. Ephoro
Generali.*

Lipsiæ, apud Heredes Friderici Lanckisii, 1706, 8.

Alphab. 1 plag. 7.

Felicitatem, qua de gloriari haud cuivis licet, expertus est Venerandus D. Lyserus, dum in instructissimam suppellectilem ipsius librariam Epistolæ ab Illustrissimis Electoribus, Ducibus & Principibus, Fœminis item e stemmate Regio, Electorali, Ducali atque Principali originem ducentibus, Comitibus porro & Baronibus utriusque sexus, Viris dein nobilibus & eruditis, aliisque ad neutrum censum referendis, quin & ab integris Collegiis scriptæ, tanto confluerunt numero, ut earum centurias quinquaginta & amplius se possidere testetur. Harum plurimas & præstantissimas impofterum luci publicæ exponere decrevit, quippe cum probe observarit, etiam si his deliciis fere onerentur atque obruantur doctiores, famem tamen vere sacram nondum valuisse restringere tot ac tam varios codices Epistolicos huc usque vulgatos, ut delitescerent potius adhuc passim Epistolas ἀνολογὰς eadem plane aviditate optent illi atque expetant. Sed dum in eo est, istas prius usui communi

communi permittendas censuit, quas B. ipse Proavus, *Poly-
carpus Lyserus*, Gollerstorpium primum in Austria Ecclesie Mini-
ster, dein ab Electore Saxone, Augusto, A. 1576 Wittebergam
evocatus Professor Theologiae, Pastor Ecclesiae primarius & per
Circulum Electoralem Superintendens Generalis, porro Eccle-
siae Brunsvicensis Coadjutor & paulo post Superintendens A.
1587 & sequentibus, deinceps A. 1593 inde Wittebergam ad fun-
gendum officiis pristinis revocatus, ast a Brunsvicensibus non-
nisi ad biennium certis conditionibus utrinque comprobatis
dimissus, tandem vero ab A. 1594 usque ad A. 1610, quem fa-
talem habuit, Serenissimae domui Electorali in aula Dresdensi a
Consiliis sacris, Confessionibus & Concionibus primariis, Theo-
logus per universam Ecclesiam longe celeberrimus, aut ad ali-
os ipse scripsit, aut scriptas ad se ab aliis accepit. Harum
centurias circiter viginti superstites habere se Lyserus noster
innuit, & singulas sane nunquam haecenus impressas vulgatas-
que. Sed harum tamen longe plures exaratas olim fuisse, uti
nullus dubitat, sic eos, in quorum istae haerent manibus, roga-
tos cupit enixissime, ut ad ipsum illas mittere haud dedignentur.
Etenim, quae nunc eduntur, prodromi tantum alicujus
vicem sustinent, aliasque in posterum numerum praesentium
haud parum superaturas comites nanciscentur. Isto etenim
pacto praeclare mereri cupit Editor Summe Reverendus de
piis manibus sui hujus Proavi, quem insuper & post integri fe-
re Seculi decursum Ecclesiae orthodoxae redivivum velut siste-
re constituit, selecturus indefesso studio, quaecunque a Biographis,
quorum non pauci in describenda ejus vita occupati jam fuerunt,
vel nondum notata, vel brevius, atque rerum postulaverat ratio, e-
narrata, vel ob defectum documentorum fide dignorum non satis
vere relata fuerunt. Cujus quidem laboris specimen egregium e-
didit & in Epistola hujus Sylloges dedicatoria, in qua famam
B. Theologi contra Nonneminem e Reformatis vindicat, & in
tractatu peculiari, qui eodem, quo haec Epistola prodierunt,
tempore in apricum processit, sub titulo *Officii pietatis*, quod
Noster Proavo suo exsolvit per scriptum apologeticum, iis
oppositum inculpationibus, quibus illum impetivit in Historiis

suis Godofredus Arnoldus. Varia in hoc reperias, quæ ad dilucidandam Crypto-Calvinismi, Huberianismi & Controversiæ Hofmannianæ historiam faciunt, ac quæ præterea religionem atque exitum vitæ Matthiæ Wessenbecii, celeberrimi Jcti, respiciunt, cetera ut taceamus. Subjungitur apologiæ huic alia Epistolarum ad Lyserum Sylloge, in qua scriptarum a Davide Chytræo XXXII, a Caspare Hirschio V, a Johanne Linsnero II & a Nicolao Blumio X continentur, e quibus fere singulæ quid conferunt ad demonstrandam Lyseri innocentiam iis in capitibus, in quibus sinistrum de ipso ferre judicium Arnoldo placuit. Nec silentio præterire fas est, quæ apologiæ ipsi leguntur intermixtæ, Samuelis scilicet Huberi VI, Martii Gerstenbergii II, Andreæ Jodoci I, Lucæ Backmeisteri I, Andreæ Ponchenii I, & quasdam adhuc alias. In præsentivero Sylloge Epistolarum occurrunt haud pauca memoratu digna, quorum aliqua delibare lubet. Memorabilis est Epistola ad Theodosium Fabricium p. 7 seqq. quæ demonstrat, uxorem ulcerosam ac leprosam ob morbum hunc contagiosum a marito deferi non posse, ab ea tamen durante morbo esse abstinendum. In Epistola ad Christophoram Fischerum p. 74 seqq. docet, quomodo Viro cuidam Nobili, dubitanti hanc phrasin admittere, quod ore corporis in usu S. Cœnz comedamus sacrosanctum Christi corpus, & bibamus pretiosum ejus sanguinem, nisi ex perspicuis Institutionis verbis tanquam hujus doctrinæ sede unica & propria id commonstretur, queat satisfieri. Ad Johannem Velium de quæstione: num liceat defuncti sponsi fratri in uxorem ducere relictam sponfam? p. 92 seqq. Lyserus scribit. Collegio Theologiæ Jenensi p. 220 seqq. prolixè ostendit, editionem Bibliorum Germanicorum versionis Lutheri novam ibidem typis cœptam exscribi multis modis a vera & vere Lutheri asserenda discrepare, adducens exempla plura glossarum, quæ Lutherum auctorem non habent, sed Synergistas, Adiaphoristas & alios illorum temporum schismaticos, indicans simul editiones Seculi XVI quasdam, quæ tuto tanquam genuini fœtus Lutheri queant suscipi. Jacobum Andreæ de rebus ad Ecclesias Austriacas, & ad

& ad Johannem Fridericum Cœlestinum & Josuam Opitium, turbatores pacis Ecclesiasticæ, pertinentibus p. 237 seqq. informat. Ad Andreæ Dudithium, filium, de Horehowicza binæ spectant, æst mutiæ, Epistolæ, quibus orthodoxum sensum loci Paulini Phil. II, 6. 7 cum cura investigat & ad dubia Dudithii, Reformatæ religioni addicti, respondet pag. 255 seqq. Censura scripti cujusdam, confessionem fidei D. Georgii Kleinii, Reipublicæ Goslariensis Syndici, complexi, habetur p. 297 sqq. Viro cuidam Generoso ad Quæstiones: an sub Tyranno libertatem religionis indulgente nec adversus patriæ Dominum belligerante, vel etiam sub heterodoxo Principe, militare liceat? an fas sit militem inquirere causas bellorum Domini sui, & num eas scire teneatur? num subditi Magistratui violenter vel in causa religionis, vel in aliis agenti salva conscientia queant obniti, ac vim vi repellere? utri belligerantium, an Magistratui, an subditis, in tali casu concessum sit officia sua addicere? p. 321 seqq. prolixè respondet. Plura decerpere super sedemus, cum ipse Lector benevolus sit observaturus, epistolarum non nisi paucissimas familiariter esse scriptas, & plerasque e contra de rebus gravissimis illa ætate disceptatis differere, vel aliis consulentibus consilia prudentiæ & veritatis plena suggerere. Dubium proinde nullum est, quin avide expectaturi sint Eru- diti novam Syllogen Epistolarum & autographorum B. Lyseri aliorum, quam Noster meditatur, qui etiam *Prælectiones* illius in *Prophetas minores* prælo jam tum submissas post paucos men- ses usui communi exhibebit.

*DE NOTANDA ÆQUALITATE NATURÆ INTER
curvas citissimorum descensuum & curvaturas continua-
rum refractionum per diversa Media planis super-
ficiebus parallelis contigua.*

Excerptum ex Epist. F. D. C. Abb. Vall.

EN novum scientiæ Mathematicæ specimen, ab eodem Auctore,
cui mense Martio superiori p. 133 seq. communicata debemus,
& Gallia nobis transmissum, cujus tamen partem tantum
T 11 3 dimidiam

dimidiam hic exhibemus, reliquam proximo mense reservantes, ne nauseandi causam inveniant Matheseos imperiti. Quare Auctorem, quicumque is sit, publico nomine compellamus, ut, si quid habeat, quod per nos communicari Eruditis velit, brevitate utatur. Neg enim diffitemur, ante aliquot menses eadem via Adnotationem super animadversione in difficultatem Hughenianæ de centro oscillationis demonstrationi oppositam ad nos perlatam esse, sed prolixior, quam ut in tanta inprimis librorum utilissimorum, quorum recensio nobis incumbit, copia inferi Aëlis nostris potuerit.

TAB. X.
Fig. 1.

Norunt Mathematici, quam præstantissimus Geometra Bernoullius excogitavit, brachystochronamque nominavit curvam, talis esse naturæ, ut Græve eam percurrens, a puncto ad punctum ipsius descenderet breviori tempore, quam per aliam quamcunque curvaturam ambo eadem puncta connectentem. Esto autem quævis hujusmodi curva ACB (Fig. 1) supra quam cogitatu designa, ubicunque libuerit, duo puncta proxima A & B, vel C & D, terminantia utrumque latus indefinite parvum certi anguli ACB, vel CBD, curvaturam illam constituentis. Voca dr , ds , dt , tria continue subsequencia descensus secundum eandem curvaturam instantia. Scis hic requiri, ut a termino A ad terminum B temporis intervallum $dr + ds$, nec non a termino C ad terminum D intervallum temporis $ds + dt$ fiat brevissimum. Ad istas ergo temporis expressiones regulam de Maximis & Minimis applica; obtinebis 1°. $ddr + dds = 0$, & $ddr = -dds$; 2°. $dds + ddt = 0$ & $dds = -ddt$. Ambas igitur binorum continuorum, quorumlibet illorum instantium expressiones differentiari, & earum differentiales sub signis contrariis æquari inter se proposita quaestio exigit.

Jam in Mathesi vulgatissimum est singula temporis consumpti dum a Gravi descendente curva percurritur momenta exprimi per $\sqrt{\frac{dy^2}{dx^2} + \frac{dx^2}{dy^2}}$. At quænam ejus expressio-

nis differentiatio respectu quantitatum dy , dx & v pertineat, ex sequentibus patebit.

1°. Efficit, quæ cogitatu determinatur punctorum propinquissi-

pinquissimorum A & B. aut C & D &c. positio, ut recta y (ordinata verticalis NC vel MB ad interjectas curvaturas aut ACB, AZB, &c. aut CBD, CRD, &c.) tanquam data consideranda sit: unde hic convenit differentiolam dy (AF, CH, BI, &c.) constantem ponere, dum coordinata ipsi differentiola dx (FC, FZ, aut HB, HR, &c) variabilis intelligitur; crescente versus K aut G, vel decrescente versus F aut H curvaturæ angulo AZB aut CRD.

2°. Quoniam intra rectas horizontales binas MA, KF, particula AF lineæ verticalis ad punctum C vel Z &c. ordinatim applicatæ constat ubique eadem; consequens est velocitatem qualemcumque v lapsu ex A per AC vel AZ &c. acquisitam (parallelis nempe Gravium directionibus) non variari, adeoque in expressione communi omnibus momentis, quibus hi descensus peragerentur, non esse differentiabilem. Quod idem intellige de velocitatibus ad puncta reliquarum GE, DL, &c. referendis.

3°. Eadem punctorum A & B, aut C & D, &c. determinatio in causa est, cur recta verticalis AE, CL, &c. horizontalisque EB, LD, &c. tanquam positione datæ spectandæ sunt. Appellatis itaque EB, p ; aut LD, q ; & FC, dx ; aut HB, dz ; propter infinita numero aut puncta C, Z, inter K & F; aut puncta B, R, inter G & H; palam fit $HB = EB - FC$ sive dz exprimi posse per $p - dx$, aut $DI = DL - BH$ sive de esse $q - dz$, &c. respectu curvarum omnium inter A & B aut C & D, &c: quare differentiando habebitur semper eadem aut ddx aut ddz (signis contrariis affecta) in æqualibus differentiqlis aut ddr , & $-dds$, aut dds & $-ddt$ expressionum binorum instantium proxime consequentium, quibus curva ACBD percurrenda supponitur.

His igitur de causis ad differentiandam quantitatem

$$\sqrt{\frac{v^2}{dy^2} + \frac{v^2}{dx^2}}, \text{ neque } v \text{ neque } dy, \text{ sed } dx \text{ duntaxat dif-}$$

ferentari questio postulat: quod in hunc modum
 $dx ddx$

$$\frac{dx ddx}{VxV \sqrt{dy.^2 + dx.^2}} \text{ executus adaequabis simili}$$

$$\frac{-dz d dz}{VxV \sqrt{dy.^2 + dz.^2}} \text{ seu } \frac{dz d dx}{VxV \sqrt{dy.^2 + dz.^2}}, \text{ ob } d dz$$

$$= -d d x : \text{ Pariter faceres } \frac{dz d dz}{VxV \sqrt{dy.^2 + dz.^2}}$$

$$\frac{-dedde}{UxV \sqrt{di.^2 + de.^2}} \text{ seu } \frac{deddz}{UxV \sqrt{di.^2 + de.^2}} \text{ ob}$$

$dde = -ddz$. Dividens itaque haec bina aequalia per idem, ipsis commune ddx aut ddz obtineres tres quotientes aequales; quandoquidem in eorum medio, qui bis sese offerret, neque V , neque dy , neque dz , utpote quae ad idem punctum B curvae quae sitae in utraque comparatione pertinent, variantur. Atque ita de reliquis inter se collatis. Vides ergo omnibus ejusmodi differentiis instantium divis per alias, quas continent, differentiolas, prodire quantitates inter se ac proinde de eisdem homogeneae aequales. Tandem igitur fit hic in genere

$$\frac{dx x i}{VxV \sqrt{dy.^2 + dx.^2}} = 1 \quad \text{Unde colligitur}$$

$\frac{1}{V} dx = V \sqrt{dy.^2 + dx.^2}$ (I) aequatio differentialis ad curvas omnes, quae parallelas ordinatas (intra concavitatem suam & rectam horizonti inferius posito aequidistantem) habent; quae sic ostenditur fieri brachystochronismi capaces secundum certas proprias velocitatum a Gravi libere cadente acquirendarum hypotheses. Qua quidem solutione pars Propositionis nostrae prima absolvitur. Altera porro facili negotio demonstratur, ut sequitur.

Compertum est experientia radium luminis DB (Fig. 1) qui ex

qui ex aliquo Medio diaphano GBID in aliud densius CKHB, velut ex aere in vitrum, oblique transit, non recta tendere, sed inflexum, ad rectam IK communi Mediorum diaphanorum superficiei HBG perpendicularem inclinari. Estque receptum in Dioptrica (descripto circa punctum incidentiæ & refractionis B circulo, qui radium incidentem BD æqualem refracto BC abscindat) rationem, quam servant inter se sinus recti DI & CK angulorum intra hos radios & perpendicularem IK comprehensorum, eam esse, quæ refractiones mensurat. In Mathematica porro imaginari licet Medium cujuslibet profunditatis DLAP, magis ac magis quomodocunque densum, hoc est, innumeram seriem infinite exilium Mediorum GI, KH, NF, &c. superficiebus inter se parallelis comprehensorum, cum densitatis varietate refractivorum secundum variabilem qualemcunque rationem; adeo, ut transmissus per ea luminis radius DB continue detorqueretur, certamque lineam curvam DBCA efformaret, quam continuarum refractionum curvaturam appellamus. Superficies autem omnes, ista refractiva Media ab invicem dividentes, supponimus planas; quandoquidem cunctas rectas ad radium sic incurvatum ordinatim applicatas Propositio nostra parallelas requirit.

Ad cognoscendam autem hujusce curvæ naturam attendamus, æqualia ipsius elementa sive æquales Tangentium particulas curvaturam constituentes AC, CB, BD, &c. $(\sqrt{dy.^2 + dx.^2})$ certam aliquam habere rationem ad correspondentes sinus AN vel FC, CK vel HB, BG vel ID (dx) quibus refractiones continuæ mensurantur, & qui coordinantur differentiis (dy) rectorum NC, MB, PD, superficiebus refringentibus KF, GH, perpendicularem ordinatimque ad curvam applicatarum. Adeoque faciamus ID seu BG ad CK, id est $\sqrt{dy.^2 + dx.^2}$ ad dx , sicut i ad r : unde concluditur $\frac{i}{r} dx = \sqrt{dy.^2 + dx.^2}$ (II)

æquatio differentialis, quam dico pertinere ad curvaturam radii transmissi per Media continue refractiva secundum rationem

U u u

certo

certo modo variabilem ipsius dx ad sui similem dx proxime sequentem, cujus utique proprium est $\frac{i}{r} dx = V \sqrt{\overline{dy.}^2 + \overline{dx.}^2}$:

Etenim ex proprietate refractionis sumitur $V \sqrt{\overline{dy.}^2 + \overline{dx.}^2} = V \sqrt{\overline{dy.}^2 + \overline{dx.}^2}$, & fit consequenter $\frac{i}{r} dx = \frac{i}{r} dx$, ac

tandem dx ad dx sicut $\frac{r}{i}$ ad $\frac{i}{r}$ similem proximam; atque ita semper.

Jam vero conferatur hæc secunda æquatio cum prima

$\frac{i}{r} dx = V \sqrt{\overline{dy.}^2 + \overline{dx.}^2}$. Apparet evidenter curvas omnes,

quarum naturam ista prima exprimit, per secundam quoque exprimi, sed facta circa immotam basin AP conversione inversas: siquidem nihil impedit, quo minus sit $\frac{i}{r} = \frac{i}{r}$ live $r = \frac{r}{i}$;

(curvatura in partes æquales minimas cogitatu divisa) contrarioque ordine velocitas Gravis descendens, & refractionis Radii incurvescentis augeri concipiantur. Ubi advertas, velim, quas curvæ particulas in descensu citissimo velocitates majores conficerent, eas in spatio continue refractivo Media ratiore detorto luminis radio efformarent.

Aliquot Exempla:

I Pro curva ABD (Eig. 1.) proponatur Semiparabola horizontalis versus convexa; cujus sit axis AP, parameter = a, ordinata verticalis NC = y, & coordinata horizonti parallela AN = x; quaeraturque velocitatum a Gravi deorsum acquirendarum hypothesis, quæ ipsam redderet brachystochronam. Ex æquatione integrali ejus propria $ax = yy$ elicio differentialem $a dx = dy$, atque inde elementum curvaturæ $dx \sqrt{\frac{ay}{ay+4yy}}$,

$\frac{2y}{ay}$

$\frac{2y}{ay}$
quod

quod in prima æquatione generali Problematis superius notata (I) suffectum quantitati $V \sqrt{dy.^2 + dx.^2}$, adæquatumque quan-

titati $\frac{1}{6} dx$, mihi præstat per reductionem $v = \sqrt{aa + 4yy}$

hypothesein velocitatum huic brachystochronismo convenien-
tem. Nunc posita analogia: sicut i ad r ita $V \sqrt{aa + 4yy}$

ad $2y$; eaque subrogata in secunda æquatione generali supra affe-
cta indice (II) utrinque quadro; multiplico per $4yy$; deleo
 $4y^2 dx.^2$; extraho radicem quadratam; tandemque integratis
differentialibus $2y dy = a dx$, invenio pro curva continua re-
fractionis ratione quantitatis $2y$, divisæ per $V \sqrt{aa + 4yy}$ ad si-

milem proximam $2y$ divisam per $V \sqrt{aa + 4yy}$ $\left(\frac{r}{i} \text{ ad } \frac{r}{i} \right)$

mensurata, æquationem $y.^2 = ax$, quæ pertinet ad eandem se-
miparabolam a radio luminis incurvescente sic delineatam, ut
ipsum vertex in superficiem Medii ultimi omniumque densissi-
mi normaliter incideret.

2. Esto, secundum naturalem motus Gravium cadentium
accelerationem, $v = \sqrt{y}$ & $t = \sqrt{a}$ in prima problematis æqua-
tione. Dein utrobique quadretur; multiplicetur per y , trans-
positoque $y dx.^2$, radix quadrata extrahatur; tandem facta per

$y y$ multiplicatione, reperietur $dx \sqrt{ay - yy} = y dy$ æquatio se-
micycloidis vulgaris ABD ad suam basin AP, vertice D deor-
sum spectante, relatæ; cujus sunt a axis, y ordinatim appli-
cata, & $V \sqrt{ay - yy}$ subnormalis. Sic habes celebrem subtilis-

simi Geometræ Bernoullii brachystochronam. Accipe nunc
quoque notabilem radij luminis, qui parallelas aeris diverse
condensati regiones (videlicet sensibiliter planas) trajicit, con-
tinue inflexi curvaturam a doctissimo Astronomo Philippo de la
Hire, ope veteris Geometrarum methodi, adinventam. Fac
Uuu 2 ii ad

ii ad rr ut a ad y. Hinc per secundam problematis æquationem, utroque in membro in se ducto, habebis $\frac{a}{y} dx^2 = dy^2 + dx^2$ & deinde $dx \sqrt{a-y} = dy \sqrt{y}$, ad ipsam semicycloidem, sed ex parte horizontis concavam; statuendo (quod eximus ille Geometra Dn. de la Hire in Collect. Mathem. Reg. Scient. Acad. A. 1702, pag. 52, physico-mathematice ostendit) sinus, quorum analogia (eadem nimirum, quæ $\frac{r}{i} = \sqrt{y}$ ad $\frac{r}{i} = \sqrt{y}$ seu \sqrt{y} \sqrt{a} \sqrt{a})

ad similem) refractiones Atmosphæræ magis ac magis Terram versus condensatæ metitur, esse inter se in subduplicata ratione intervallorum y a basi sensibilibiter plana in superficie terrestri ad puncta refractionum in aere. In qua sinuum refractionum hypothefi nullam necessario involvente quantitatem cognitam in æquatione curvæ datam, Medium continue refractivum totam admitteret Cycloidum vulgarium speciem, pro varia Tangentium seu Radium incidentium inclinatione ad singulam superficiem refringentem. Quandoquidem, mensuris refractionum constantibus, similes semicycloides aliæ aliis suffici possent;

quarum axes Vd (Fig. 1) semper forent $\frac{ii}{ii-\sigma\sigma}$ & bases AP

$\frac{ii}{ii-\sigma\sigma}$ Vd (expressis, superficiæ refringentis altitudine Vg per y, sinu totali bT per τ , & incidentiæ sinu TS per σ) ob singulam chordam db tangenti cycloidicæ parallelam, ac inter Vd & Vd—Vg mediam proportionalem. Supposita itaque y

circiter $6\frac{1}{2}$ leucarum, 2000 hexapedas continentium; & σ

quasi evanescente propter radium luminis maxime inclinatum; ita ut

ita ut semicycloidis axem $\frac{11y}{11-0}$ sive y adæquaret maxima At-

mosphæræ altitudo ; basis $\frac{11}{7}y$ esset leucarum circiter 10, hoc

est, pars circumferentiæ terrestris fere millesima; quæ haud sensibiliter recta in superficie non plana radios siderum per Atmosphæram transmissos non in hanc curvaturæ speciem detorqueri satis arguit.

Quodsi præterea quæras naturam omnium in infinitum curvarum tam continuæ; refractionis, quam citissimi descensus, in hypothesibus constituentibus spatia verticalia y directe, proportionalia potestatibus vel n celeritatum acquirendarum, vel m temporum consumendorum a Gravi ipsa deorsum percurrente. Ponito e esse vel $=n$ vel $=\frac{m}{m-1}$ qui numerus po-

sitivus sit; & facito sive v sive $\frac{x}{i} = y \frac{e}{a \frac{1}{e}}$; Problema dabitur

$dx \sqrt{\frac{a^2}{e} - y \frac{2}{e} = y \frac{1}{e} dy}$ æquationem infinite generalem requisitam, quam quidem complete integrabis, quoties $\frac{e+1}{2}$ est ali-

quis numerus naturalis, si integrata dx sola in uno membro, velis pro altero hinc fractionario iterare tot integrationes, quot unitates hic numerus continet. Verbi causa, $\frac{e+1}{2} = 1$ &

$e=2-1=1$ ostendunt dari una integratione perfectæ regressum a $dx \sqrt{a^2 - y^2} = y dy$ ad $xx + yy = aa$, in quadrante circuli radio a descripti sinumque rectum y & subnormalem x habentis:

Uuu 3

tis :

tis : qui quadrans per hypothesin velocitatum $v = \frac{y}{a}$ (crescenti-

bus Ordinatis) evaderet brachystochronus, & per hypothesin

sinuum refractionum $\frac{r}{i} = v$ (decrecentibus Ordinatis) re-

fractionatus. Simili modo, indicant $e + \frac{1}{2} = 2$ ac $e = 4 - \frac{1}{2} = \frac{7}{2}$ i.

deoque $n = \frac{3}{2}$ & $m = \frac{3}{2}$ reditum a differentiali $dx \sqrt{\frac{2}{4-y^2}}$

$y \frac{1}{3} dy$ ad integralem $x^2 + y^2 = 4a^2 - 3y \sqrt{4a^2 - y^2}$ duabus integratio-

nibus absolutis. Idem est de multis in infinitum ejusmodi cur-
vis Geometricis (numero e variato juxta numerorum impari-
um seriem) cum brachystochronismi, tum refractionismi capa-
cibus, supponendo tam sinus refractionum decrecentes, quam
velocitates crescentes, esse ad invicem in ratione potestatum

— a rectis ordinatim applicatis y .

His illam famosam eruditissimi Geometrae Leibnitzii a-
nalogochronam subungere satis superque est. Talem autem
se habet, ut Grave secus ipsam cum velocitate naturaliter cre-
scente decedens, tempora quibuslibet segmentis AF, AE,
(Fig. 1) in Tangente verticali AQ, a puncto contactus A inter-
ceptis analogis, arcus correspondentes AC, AB conficiendo,
impenderet. Hinc æquabilis descensus proprietatem in hypo-
thesi Galileana sibi sola vindicat; nec tamen alia ipsi
deest propria hypothesi, qua supposita, non minus conti-
nuæ refractionis, quam citissimi descensus privilegio sola quo-
que potiretur. Quod sic breviter ostendimus: ex æquatio-
ne ejus vulgari $y^3 = a'x^2$ colligitur $\frac{dx \sqrt{4a + y^2}}{9y}$

$$V \sqrt{dy.^2 + dx.^2} = \frac{1}{v} dx = \frac{i}{r} dx \text{ per problema. Ergo ex hypo-}$$

$$\text{thesi propria } v = V \frac{9y}{4a + 9y} = \frac{r}{i} \text{ tam pro illius curvæ}$$

ad horizontem convexæ brachystochronismo, quam pro ejusdem ad planam Medii perpetuum refractivi basin concavæ refractionismo.

Atque hæc tyronibus Mathematicis explicata sunt: quos obiter monitos velim, lineas curvas, secundum quas radii luminis Media diverse densa, sed superficiebus sphericis concentricis separata, penetrantes incurvarentur, non ad primam, sed ad secundam solutionis præcedentis partem revocari posse. Rectæ siquidem y perpendiculares ad illas superficies concentricas, & applicatæ ad istas curvas refractionatas, in commune centrum tendunt, efficiuntque, ut lineolæ differentioli dy coordinatæ, non accipiendæ sint ut supra æquales aliis differentioli dx respectu basis positione datæ, sed tantum proportionales in ratione distantiarum, v. g. $b+y$ & b , a communi centro: uti solo Figuræ secundæ intuitu manifestum est,

T A B. X
Fig. 2.

Quare posita $\frac{b}{b+y} dx = du$, & cæteris immutatis, æquatio pro-

blematis secunda superius inventa migrat in $\frac{i}{r} du =$

$V \sqrt{dy.^2 + du.^2}$ (III) aut ad exprimendam naturam ejusmodi curvarum, aut ad inveniendam refractionum mensuram.

$\left(\frac{r}{i} \right)$ utravis illarum cognita: unde concluditur $du \{ dy$
 $\| r \} V \sqrt{ii - rr}$ (IV).

DELLA BIBLIOTECA VOLANTE
Scanzia XVI.

i. e.

i. e.
BIBLIOTHECÆ VOLANTIS PLUTEUS XVI. AUCTORE
JOANNE CINELLI GALVOLI, Patrio Florentino
& Forolivienfi.

Venetis, apud Hieronymum Albrizzi, 1706, 8.

Plag. 5.

Quem anno superiori p. 67 jam tum XV Bibliothecæ suæ Pluteum complevisse scripsimus, institutum strenue profequitur doctissimus Cinellus, publicato quippe nuper Pluteo XVI, unde nunc vel paucissima delibabimus. Ubi Lepidi Comiciveteris Philodoxios *Fabulam ex antiquitate erutam ab Aldo Manutio* Lucæ 1583 in 8, memorat, notat, Manutium se decipi passum a Leone Baptista Alberti, qui ipse veteres astute imitatus, *Fabulam* hanc composuerit. Libri *La Viscera Alzata*, qui sub Jo. Petri Jacobi Villani nomine prodiit, verum auctorem esse Angelicum Aprosium Ventimiglia testatur. Cum deinde Antonium Mongitore brevi editurum nuntiat *Bibliothecam Siculam, sive de Scriptoribus Siculis*, qui tum vetera, tum recentiora secula illustrarunt, *Notitias locupletissimas*, queritur iterum, Scriptores suos Florentinos, quorum quatuor mille quingentos collegerit, Typographum invenire nondum potuisse. Denique moderni forte Pontificis mentionem injiciens, exemplo carere ait Noster, quod is integro triduo oblatam dignitatem Pontificiam recusaverit.

LE PARFAIT GEOGRAPHE.

hoc est,

GEOGRAPHUS PERFECTUS, SEU ARS FACILE ADDISCENDI Geographiam & Historiam, per quæstiones & responsiones, una cum Tractatu de Sphæra. Auctore LE COQ.

Parisiis, prostat Amstelod. apud Joh. Ludovicum de Lorme, 1707, 12.

Alph. 1 plag. 17 & Tabb. 22. 17.

Tertia jam vice prodit libellus, in quo tyronibus potissimum ac iis consulitur, quibus multa ac vasta volumina evolvere non vacat. Multa autem novæ huic editioni accesserunt de moribus, religione & regimine nationis uniuscujusque, quæ in reliquis editionibus non habentur. Accessere etiam mappæ Geographicæ, nempe universi Globi Terraquei, Europæ, Galliæ, Hispaniæ, Belgii fœderati, Helvetiæ, Italiæ, Germaniæ, Poloniæ, Moscoviæ, Hungariæ, Insularum Britannicarum, Asiæ, Africæ, Americæ Septentrionalis & Americæ Meridionalis. In descriptionibus urbium & Regnorum maxime notabilia, quæ scire interest, nervose traduntur.

* * *

ACTA ERUDITORUM,

publicata Lipsiæ

Calendis Decembris, Anno MDCCVII.

ONOMASTICON VRBIUM ET LOCORUM
*Sacra Scriptura: seu liber de Locis Hebraicis Græce pri-
 mum ab EUSEBIO Casariensi, deinde Latine scriptus
 ab HIERONYMO, notisque illustratus a JACOBO
 BONFRERIO. Recensuit & Animadversionibus
 suis auxit JO. CLERICUS.*

Amstelædami, apud Franc. Halmam, 1707, in fol. ch. aug.
 Constat Alphab. 2 & duabus Tabb. Geograph.

Cum in his Actis A. 1705 mense Decembri Geographiam
 Sacram Sansonii recenseremus, futurum una diximus,
 ut operi isti non nimis spisso adderetur Eusebii *de Locis
 Hebraicis* liber. Stetit ergo promissis Bibliopola, quemadmodum
 hoc ipso quoque anno mense Junio p. 264 nunciavimus, jam-
 que denuo librum illum Orbi Erudito exhibuit, non Græcum,
 modo, prout primum ab *Eusebio Casariensi* scriptus est, sed Lati-
 num etiam, quo in idiomate repræsentavit ipsum *Hieronymus*,
 non omissis insuper additamentis, a *Jacobo Bonfrerio*, Jesuita,
 olim adjunctis. Ubique strenuam huic Editioni operam na-
 navit *Jo. Clericus*. Cum enim cognosceret ex collatione Operum
 Hieronymi, Lutetiæ a Jo. Martiano A. 1690 inchoatæ, Bon-
 frerianam editionem satis esse mendosam, ex posteriori supple-
 vit atque emendavit, quæ deerant aut vitiata erant in prioribus.
 Sed & notulas nonnullas addidit, in quibus varia, quæ indigna
 scitu non videbantur, in Eusebium & Hieronymum monuit, ad
 calcem plerumque singularum paginarum, post notas Bonfro-

Xxx

rianæ,

rianas. Neque tamen de locis ipsis Terræ Sanctæ, variisque Eruditorum sententiis de eorum situ, agere heic constituit, sed tantum Eusebium atque Hieronymum quam emendatissimum dare. Ad calcem addidit etiam *Descriptionem Terræ Sanctæ* Brocardi Monachi, de qua in Præfatione ad Sansonium dixit; desumptum ex novo orbe Simonis Grynzi Basileæ A. 1655 edito.

*DECAS EXERCITATIONUM PHILOLOGICARUM
de vera pronuntiatione Nominis Jehova, cum Præfatione
HADRIANI RELANDI.*

Trajecti ad Rhenum, apud Joannem Costerum, 1707, in 8.
Alph. 1. plag. 13.

Quo fine Celeberrimus Relandus hanc Dissertationum Decadem typis iterum descriptam in lucem ediderit, in Præfatione eidem præmissa ipse nobis aperit, asserens, non eo scopo id factum fuisse, ut bella litteraria de vera nominis Jehova pronuntiatione in Belgio summa animi contentione agitata producerentur, aut propagarentur ad posteros, sed ut, sententiis utriusque partis æqua lance libratis, unusquisque, quod sibi videtur, eligeret, & illa, quæ non nisi magnis sumptibus comparari poterant, & per multa eaque ingentia volumina sparsa jacebant, in una quasi tabella Lectori offerrentur. In Decade ipsa priores quinque Exercitationes, quæ Drusio, Amamæ, Capello, Buxtorffio, Altingio natales debent, lectionem Jehovæ impugnant: posteriores autem quinque, quarum una Füllerum, altera Gatakerum, tres Leusdenium autores agnoscunt, lectionem nominis Jehovæ tuentur. Clarissimus Editor in Præfatione laudata fatetur, se cum illis facere; qui propugnant puncta nominis יהוה genuina non esse, recte tamen æstimat, ferendos esse æquo animo, qui ab hac sententia abeunt, nec indignandum, si quis tum pro concione, tum alias, nomen illud Jehovæ efferat, quia plerique homines illiterati huic pronuntiationi adsueverunt, nec tempestivum esse, quotiescunque nomen יהוה indicare sermone nostro volumus, hanc controversiam tangere, imprimis coram rudi harum rerum populo: verum hoc

hoc vicissim sibi expetit, ne qui se aliosve, in lectionibus Academicis, exemplo veterum Christianorum pro יהוה legentes ארני audiunt, vel credant vel dicant, superstitionem id Judaicam redolere, aut studio novitatis se aliosve eo permoveri. Sub finem Præfationis monetur, potuisse quidem multo plures Virorum eruditorum Dissertationes colligi & huic fasciculo inseri, intra hos tamen fines subsistere visum fuisse, tum quod illa, quæ hoc libello comprehensa sunt, abunde satisfactura sint desiderio Lectorum, qui rationes utriusque partis in hac controversia sub examinis incudem revocare volent, tum quod vastum alias & frequentî earundem rerum repetitione molestum volumen hinc natum fuisset. Post Præfationem rationes præcipuæ tum contra pronunciationem nominis Jehova, tum pro lectione ejusdem nominis facientes ex ipsis Exercitationibus debito studio collectæ exhibentur.

REPONSES AUX QUESTIONS &c.

i. e.

RESPONSES AD QUÆSITA CUJUSDAM Provincialis. Tomus IV.

Roterodami, apud Reinier Leers, 1707, in 12.

i Alph. ch. aug.

Quartæ hæc Pars est Responsionum Bælianarum, & quod auguramur, ultima, cum ante complures menses e vivis Celeberrimus Auctor excesserit. Complectitur eadem Capita XXIX, & partim sententias Bælii contra J. Bernardum & Clericum vindicat, partim memorabilia quædam ex Historiæ penu in medium affert. Initium facit a natalibus Michaelis Radzievii, Cardinalis & Primatis nuper Polonici, ostenditque contra quosdam, illum omnino patre Hieronymo Radzievio, Vice-Cancellario Polonico, fatum esse, qui turbas in Polonia maximas dederit & A. 1654 obierit. Hinc Annæ Jagelloniæ, Polonorum Regina, mores, vita & serum conjugium, commemoratis (ut Auctor solet) singularibus & notatu perdignis circumstantiis, exponuntur, nec non Mariæ Ludovicæ Gonzagæ, quæ eadem dignitate functa est, res gestæ, fama etiam ejus contra-

malevolos defensa. Conversus Auctor ad relationes publicas, quas vulgo Novellas vocant, istud cumprimis earundem vitium castigat, quod de futuris sæpe ratiocinentur, ut plurimum vero turpiter se dent: quo loco sigillatim scriptorem hujus farinae Gallum, qui sub Helvetii cujusdam nomine Forderatos contra Galliae Regem sæpe traducere solet, dignis modis excipit. Differit porro non perfunctorie ex Hieronymo de male-dicentia probatissimæ interdum vitæ homines vexante, nec non de falso credito per aliquod tempus Caroli Gustavi, Regis Sue-dici, & Maximiliani Emanuelis Bavari obitu.

His præmissis, defensionem sui contra Cl. Bernardum suscipit, Jurieum quoque interdum tangens; multoque studio depugnat, Idololatrias peiores esse Atheis, magisque inclinare ad vitia, nec habere, quod flagitiorum in iis cursum remoretur: sine fundamento omni doceri, quod Pagani turpissimas de Deastris suis fabulas mystico quodam sensu explicaverint, quin potius eosdem adulteria, litigia atque alia Deorum suorum scelera ita credidisse ait, ut & imitatione exprimenda statuerent. Multos porro Atheos theoreticos, eosque proprie tales dari, contra Voetium & Bernardum contendit, adducis-que recentiorum permultis testimoniis, conatur ostendere, non solum Sinenses Philosophos, sed & integras gentes Casorum, Insularum Marianarum, & quæ vicinæ iisdem nuper detectæ sunt, Atheismo laborare: itemque, thesin hanc, dari Deum, non evidentem facilemque captu, sed perdifficilem omnino esse: attributa Dei, præsertim immaterialitatem, innumeris dubiis obsita esse, adeo, ut vix naturæ viribus investigari ea possent. Quo loco, præsertim p. 220 sq. Jo. Lockium refutat, docentem, quod naturæ substantiarum, tam corporum, quam spirituum, nobis omnino sint incognitæ, quodque extensio & cogitatio ad eorum essentiam non spectent, sed affectiones sint, quæ ab illis separari possint.

Pergit Bælius, & contendit, Atheismum Rebus publicis omnino perniciosum non esse, sed imperandi parendique leges ipsumque societatis politicæ vinculum inter Atheos optime servari posse; e contrario idololatriam non uno modo po-
litius

litiis incommodam esse. Quo loco *p. 324 sq.* multa differuntur de Paganorum tam Philosophorum, quam Poetarum & Sacerdotum, doctrinis circa poenas demorthorum, auctoribus classicis non perfunctorie perquisitis. Ipsam quoque Christianam religionem non æquissime Vir doctus tractare videtur, quando & docet, Rempublicam ex Christianis saltem veris, moralesque Servatoris regulas accurate servantibus constantem, inter vicinos, quales nunc duntur, populos conservari non posse, sed propediem callapsuram esse, & vim ejus in reprimendis vitiis omnem ferme enervat ac circumscribit, ea super re cum Bernardo contrarium tuente decertans. Græcorum vero, Romanorum aliorumque Paganorum religionem mere mercenariam fuisse iterum iterumque docet, & de interioribus ac severioribus Christianorum officiis, (v. g. amore erga inimicos, & honoribus non quærendis) non tam leniter, ac fieri solet, explicandis, & restringendis, prolixè ratiocinatur: Bernardum enim ultra, quam permitti possit, ea extenuare notat, idemque Clerico exprobratum esse, *p. 416* observat.

Appendix hujus Tomi continet Responsum Bazilianam ad ea, quæ Clericus in Bibliotheca Universali Bazio objecerat, & præsertim ad Atheismi crimen illi intentatum. Hic Noster pari reddere gestiens, malum adversario animum tribuit, qui fido veritatis & honoris divini studio pallietur. Haberi eundem passim pro Crypto-Sociniano, neque eum se ista hætenus suspicione liberare potuisse, itidem inculcat, ejusque Origenismum & Rationalismum passim perstringit, nonnihil etiam de formis plasticis disputans contra Cudworthi defensam a Cl. Clerico sententiam, quem ~~re~~lit, si viveret, sponte causa cessuram. Tandem Clerico arbitros controversiæ offert Theologos Lugdunenses in Batavis, Ultrajectinos, Franequeranos & Groningenses, quorum judicio causam se submissurum esse pollicetur.

Evangelischer Lieder-Schatz, 1c.

h. c.

HYMNORUM ECCLESIAE EVANGELICÆ,

Xxx 3

a. Lw

a. *Luthero reformata, thesaurus expositus a JO. CHRISTOPHERO OLEARIO, Eccles. Arnstadiens. Diacono, & Bibliothecario, Schola item ejus loci Inspectori.*
Volumina IV.

Jenz, apud Jo. Felicem Biellkium, 1707, 8.

Alph. 1. pl. 20.

- A**nni sunt quinque, ex quo Reverendus *Olearius* Bibliothecam Canticorum publicæ luci exposuit, quam anno 1705 Clariss. Tentzelius Bibl. Cur. Repos. 2do, Loculo primo, accurate satis & prolixè excerpfit. Ibi cum de Autoribus solum & Commentatoribus cationum differuisset, operæ pretium se facturum putabat, si & alia ad eorundem explicationem facientia ederet. Quem igitur de variis Ecclesiæ nostræ cationibus collegerat Thesaurum, non apud se *ἡστυαρίζων*, sed cum aliis quoque communicare maluit. Universum opus quatuor absolvitur partibus, quarum priores duæ A. 1705, tertia 1706, quarta hoc demum anno prodire. Facta hæc divisio pro anni Ecclesiastici temporibus, & cuique, seu Festa sit, seu Dominica die, proprium Auctor assignat canticum. Detegit &, antequam ad alia digrediat, autorem, sæpe satis incertum. Testimonia dein varia de singulari cujusvis cantici pretio affert in medium, vires etiam divinas ex effectuum exemplis confirmat, usum & abusum cum variis corruptionibus explicat, difficilia illustrat. Denique ex Commentatoribus, quos in Bibliotheca prætermiserat, addit, Dispositionemque subjungit Homileticam. Dicta Scripturæ ad quodvis canticum facientia allegare se tantum voluisse ipse profitetur, quæ tamen ut plurimum ex textu, cujus occasione ex suggestu explicavit cationes, sunt desumptæ.
- P. II. Age vero subjungamus horum aliquod specimen ex Parte secundæ. Ibi in cantico: *GOTT der Vater wohn uns bey ic.* non, ut vulgo fit, mit *Waffen* *GOTTes* uns rüsten, canendum esse docet, verum cum *Luthero* retinendum: mit *Waffen* *GOTTes* uns fristen. Canticum: *Nun laßt uns GOTT dem HERRN ic.* ab aliis *Selneccero*, ab aliis *Saxoniz Duci Johanni Friederico II* adscriptum, *Helmboldo Mülhusano* Superintendenti vindicat.

vindicat. Occasione cantionis : *Nun freut euch lieben Christen g'mein*, &c. narrat, seculo superiore Ludimoderatorem Gemundensem, oppidi in Austria superiore siti, ad Pontificios a Lutheranis, uxore nequicquam dehortante, descivisse. Paulo post morbo correptum, cum nullo Pontificiorum solatio erigeretur, dictum canticum una cum uxore recitasse, cum vero ad illa perveniret verba : *zur Hölle muß ich sincken*, efflasset animam. Quo num non Deus docere humanum genus voluerit, ea sancta credere, quæ ab hoc orant violata, ii viderint, quorum est, hæc scrutari. Sed redeundum, unde sumus digressi. In cantico Paschali viriliter verba : *und speisen die Seel allein*, contra Reformatorum Theologos defendit, qui nobiscum eo utentes, ex his ipsis verbis patrociniū se suo circa S. Coenam errori invenisse putant, ostenditque, Lutherum ibi voculam *allein* non ad animam retulisse, sed Christum, qui solus animam nutrire sibi reservavit. Rhythmicam precatōnis Dominicæ versionem, a B. Luthero confectam, nobisque cani in publicis Ecclesiæ cœtibus solitam, non minus inter Pontificios etiam atque Reformatos usurpari refert, hosque miratur in precatōne septima retinuisse verba : *Von allem Ubel uns erlöß*, alias dicere s̄vetos : *Von allem Bösen*, &c. maxime cum ab initio statim canant : *Unser Vater im Himmelreich*. Proprio Pontificios ense jugulat, qui nobis ex cantione : *Nun bitten wir den Heiligen Geist*, um den rechten Glauben allermeist, objiciunt, fidem nostram minime esse veram, quippe qui illam his verbis expetere soleamus. Demonstrat enim, hunc primum cantici istius versum antiquissimum, & ante Lutheri continuationem jamdum in usu Pontificiis fuisse. Plura excerpere super sedemus, his jam sufficientibus, ut ex paucis, quanta totius Tractatus sit dignitas, colligi queat. Hoc tamen præterire neutiquam possumus, quod Parte tertia, priusquam ad sua digrediatur, integram D. Finckii, Superintendentis olim Coburgensis, Præfationem, quam suo Cantionali anno 1622 edito apposuerat, præfigat. Fecit id, ne consilii, quod Summe Reverendus Gœtzius, Superintendens Lubecensis ipsi dederat, de colligendis Virorum pietate insignium ad Cantionalia Præfationibus vide-

p. 70.

97.

134.

152.

P. III.

videretur immemor. Meditatur autem Autor Reverendus auctiorem Bibliothecæ suæ Cantionalis editionem, Hymnarium item & varia ad patriam Historiam facientia, quæ Catalogo hucusque a se editorum, Partii quartæ addito, subnectit. Quod reliquum est, nobis interpretibus, etiam atque etiam Viros pios, doctos, & rerum Ecclesiasticarum peritos orat atque obtestatur, ut, si quæ ad cantionum materiam spectantia ipsis ad manum sint, sua ipsum suppellectile juvare, totamque adeo Ecclesiam sibi devincire non dedignentur.

CONTINUATIO EXCERPTI EX EPISTOLA
F. D. C. Abb. Vall. superiori Mense p. 517
inserti.

EX. gr. proponantur duo infiniti Spiralium ordines, ad Archimedeam utpote omnium simplicissimam reducibiles, expressique duabus Analogiis $y.m|b.m||k.n|c.n$ & $y.m|k.m||b.n|c.n$; in quibus significant, c peripheriam circuli dati; b radium ejus; k arcum ab extremo hujusce radii puncto circulante cum certa velocitate descriptum; y applicatam ad curvas, e centro communi eductam, atque a puncto lineante super radium b cum certa celeritate decursam; m & n indices potestatum infinite generales, permutatione variatos. In priore harum Analogiarum, quando k adæquat c tunc y adæquat b : nam

$y \text{ fit } = b \times \frac{k^{\frac{n}{m}}}{c^{\frac{n}{m}}}$: In posteriore idem non evenit, quum numerus m differt a numero n ; etenim $y \text{ est } = b^{\frac{n}{m}} \times \frac{k^{\frac{1}{m}}}{c^{\frac{n}{m}}}$.

Jam vero ex natura primi ordinis colligitur 1°. $k = \frac{c' y^{\frac{m}{n}}}{b^{\frac{m}{n}}}$; 2°. $dk = \frac{m' c' y^{\frac{m-n}{n}} dy}{n' b^{\frac{m}{n}}}$; 3°. propter circumferen-

tias concentricas $b | y || dk | \frac{y dk}{b} = (\text{per } 2^{\circ}.) \frac{m' c' y_n^m dy}{n' b^{m+n}}$

quod denominatum du ponatur in æquatione problematis superius notata (III). Unde, utrobique dividendo per dy , multiplicando per $r' n' b^{\frac{m+n}{n}}$, & in proportionem resolvendo

obtinebitur i ad r sicut $\sqrt[n]{\frac{m' c' y_n^m}{n' b^{m+n}}}$ ad $m' c' y_n^m$:

Unde $\frac{r}{i}$ communis expressio sive hypothesis sinuum, quorum ratio continuas metiretur refractiones Radiorum secundum has primas spirales in plano verticali usque ad centrum sphericis superficiebus refractivis commune incurvescentium.

Porro ex natura alterius ordinis datur $r^{\circ}.k = \frac{c' y_n^{\frac{m}{m'}}$

$2^{\circ}.$ (ob similes sectores) $b | k || y | \frac{ky}{b} = (\text{per } 1^{\circ}. \text{ hujus})$

$\frac{c^m y^2}{b^{\frac{m+n}{m}}}$, quo supposito $= \frac{2}{1} u$ (ubi fractio $\frac{2}{1}$ denotat

rationem inter exponentes 2 & 1 ipsius y in $\frac{ky}{b}$ & in k) ac postea

postea differentiato, ex differentiali $z du$ fiet $du = \frac{\frac{n}{m} dy}{\frac{m+n}{m}}$

præstans beneficio æquationis (III) supra, nec non divisionis per dy & multiplicationis per r $b \frac{m+n}{m}$ hanc proportionem

$$i : r :: V \sqrt{\frac{b^{2m+2n}}{m} + \frac{c^{2n} y^2}{m}} : \frac{c^n y}{m}, \text{ qua innotescit}$$

$\frac{r}{i}$ ad cujus hypothesin secundus iste spiralium ordo curvaturas suas quatenus refractione formandas refert. Hinc utrovis modo, patet esse i ad r sicut $V \sqrt{b^2 + c^2 y^2}$ ad cy seu

$$\frac{V \sqrt{b^2 + c^2 y^2}}{b^2} \text{ ad } \frac{cy}{b} \text{ pro simplicissima spirali in qua } m \text{ evadit}$$

n : Adeo ut refractionismi sui hypothesin habeat expressam fractione $\frac{r}{i}$ constante ex numeratore & denominatore quo-

rum quadrata sunt inter se ut quadratum ex peripheria refractiva $\frac{cy}{b}$ est ad summam quadratorum ex semidiametro b cir-

culi dati & ex eadem peripheria concentrica. In tali autem refractionismo id notatu dignum videtur, quod pro diversa Radiorum luminis incidentium inclinatione supra eandem superficiem non curvæ curva similis succederet: Proprium est enim Helicis

Helicis Archimedæ sic esse dy ad du ut est b ad $\frac{cy}{b}$; ac per

consequens constante tam ipsa y quam b constare ipsam du , nec in eodem Medii hujusce puncto inclinationem tangentis immutata curvaturæ formandæ natura variari posse. Quare continua refractione sub aliis angulis in iisdem superficiebus sphæricis mutaret spiralem illam in aliam satis dissimilem æquatione

$$ne \text{ haud integrabili } cdy = \frac{de}{b} \sqrt{\frac{pp}{-b^2} + \frac{pp-qq}{qq}} c^2 y^2$$

expressam; & dependentem tum a ratione peripheriæ c ad suam diametrum $2b$, tum quoties p major est quam q ab Hy-

perbola æquilatera, cujus sunt $\frac{2bpp}{c\sqrt{pp-qq}}$ diameter transversa

& y ordinatim ad axem applicatæ; per hanc scilicet analogiam perpetuam: Sicut Abscissa inter centrum & Applicatam hujusce hyperbolæ se habet ad differentiolam dy ejusdem applicatæ æqualem particulæ super semidiametro data b sumen-

dæ, ita recta $\frac{qb}{\sqrt{pp-qq}}$ est ad arcum de super peripheria

c accipiendum. In cujus spiraliiformis æquatione, $\frac{p}{q}$ desi-

gnat rationem, quam sinus anguli intra tangentem Helicis & rectam superficiæ refractivæ perpendicularem contenti habet ad sinum alius intra Radium incidentem eandemque perpendicularem anguli. Quod si p esset minor quam q ; semihyperbola æquilatera commutaretur in quadrantem circuli diametrum

$\frac{2pbb}{c\sqrt{qq-pp}}$ habentis, & spiraliiformis in aliam absimilem,

pro varia ratione $\frac{q}{p}$ in specie sua variabilem, cujus Tangens

Yyy 2

in-

insisteret ad angulos rectos ordinataz y , quum foret $y =$

$$\frac{pbb}{\sqrt{qq - pp}}, \text{ id est } \frac{\sqrt{b^2 + c^2 y^2}}{cy} \text{ seu } \frac{i}{r} = \frac{q}{p}; \text{ un-}$$

de fieret $\frac{qr}{pi} = 1$ & consequenter, uti mox patebit, $de =$

$\sqrt{\frac{dy^2}{dy^2} + \frac{de^2}{de^2}}$ indicans particulam curvæ refractionatæ secundariæ cadere in sinum inclinationis, hoc est Radium luminis coincidentem cum Tangente sublimi hujusce curvæ tunc fore

maxime inclinatum, rationemque $\frac{q}{p}$ in superioribus curvæ primariæ punctis non amplius eandem dari per radiorum inclinationem.

Exigit hic Spiralis Archimedez cum Parabola primi generis affinitas, ut in Medio secundum illius parabolæ Tangentes refractivo ideoque planis superficiebus contento naturam curvæ sub aliis angulis ex eodem puncto refractionatæ ostendamus. Inventum est supra pro tali Medio $r = 2y$ & $i =$

$$\sqrt{\frac{pp^2}{aa} + 4yy}; \text{ Unde } \frac{pp^2}{qq} \text{ evaderet } \frac{pp^2}{aa} + \frac{4pp - 4qq}{y}.$$

& æquatio, infra demonstranda, $rdy = de \sqrt{\frac{pp^2}{aa} + 4yy}$

ad curvam quæsitam migraret in $2y dy = de \sqrt{\frac{pp^2}{aa} + 4pp - 4qq}$: Cujus integratio præstat

$$\frac{pp}{aa} + y^2 = \frac{+pp + qq}{qq} e^2 \text{ vel ad inversam}$$

semi-

semihyperbolam, a Radio luminis minus inclinato, quam si parabolam tangeret, & continue refracto formandam quoties q minor esset quam p ; vel ad quadrantem ellipseos a Radio luminis magis obliquo quam tangens parabolæ inclinata foret, & continue incurvescente describendum quoties q major esset quam p . In qua Hyperbola haberentur axis transversus

$$= \frac{pq}{pp - qq} a, \text{ conjugatus} = \frac{p}{\sqrt{pp - qq}} a, \text{ rectæ ad axem.}$$

in fundo Medii positum applicatæ = y , & harum applicatarum a centro distantia = e . In qua autem Ellipsi forent

$$\text{axis transversus} = \frac{p}{\sqrt{qq - pp}} a, \text{ conjugatus in fundo Medii}$$

$$\text{positus} = \frac{pq}{qq - pp} a, \text{ Applicatæ ad axem fundo Medii}$$

$$\text{parallelæ} = e \text{ \& singulæ centri ab Applicatis distantia} = y:$$

$$\text{Maxima porro Radiorum luminis inclinatio pro singula} \frac{q}{p},$$

$$\text{præstaret} \frac{\sqrt{\frac{dy^2}{de^2} + 1}}{de} = 1 = \frac{pi}{qr}, \text{ \& hinc} \frac{q}{p} = \frac{i}{r} =$$

$$\frac{\sqrt{aa + 4yy}}{2y}, \text{ tandemque } y = \frac{pa}{2\sqrt{qq - pp}} \text{ maximam}$$

hujus quadrantis elliptici refractionati a fundo Medii distantiam semiaxi æqualem; quemadmodum refractionismi naturæ competit.

In genere, significantur totalis sinus per i , & particulares variorum incidentiæ angulorum sinus per s & σ : Facile probabitur quantitates $\sqrt{ii - ss}$ & $\sqrt{ii - \sigma\sigma}$ (brevitatis causa.

causa p & q) esse ad invicem ut duo sinus inclinationum in eodem Medio refringente sub æqualibus rectarum curvas refractionatas tangentium partibus. Quorum igitur sinuum ea-

dem esset, ex dictis, ratio, quæ quantitatis $\frac{r}{i}$ ad quantitatem

$\frac{qr}{pi}$; quapropter in æquationibus supra notatis (II) & (III)

loco $\frac{pi}{r}$ scribatur $\frac{pi}{qr}$ & loco dx aut du ponatur de aut

de respectu superficierum Medii planarum aut sphericarum,

inde emanabit $rdy = \left\{ \frac{de}{de} \right\} V \frac{pp^2}{-i^2} \frac{2}{-r^2} \quad (V)$ ad infi-

nitas continuæ refractionis curvaturas secundarias intra eandem Mediorum parallelis superficiebus aut planis aut sphericis contentorum seriem a radiis luminis diverse inclinatis formandas.

Etenim quum dx aut du $\left(\frac{ydx}{b} \right)$ curvæ refractionatæ primariæ sit ad de aut de $\left(\frac{yde}{b} \right)$ secundariæ ut est p ad

q ; fit $de = \frac{q}{b} dx$ supposito $V \frac{dy^2}{dz^2} + \frac{dx^2}{de^2}$ primariæ =

$V \frac{dy^2}{dz^2} + \frac{de^2}{de^2}$ secundariæ ex ipsis refractionum legibus; & sic de alio casu simili. At quoniam $V \frac{dy^2}{dz^2} + \frac{dx^2}{de^2}$ est ad dx sicut i ad r ; consequitur $V \frac{dy^2}{dz^2} + \frac{dx^2}{de^2}$ sive ipsi æqualem

$V \frac{dy^2}{dz^2} + \frac{de^2}{de^2}$ esse ad $\frac{q}{p} dx$ sive ipsi æqualem de sicut

i ad

i ad $\frac{q}{r}$. Ergo pro curva secundaria obtinetur $\frac{pi}{qr} de =$

$\sqrt{\frac{p}{dz^2} + \frac{de^2}{dz^2}}$; Unde (utrinque quadrando, multiplicando per r^2 , transponendo $r^2 \frac{de^2}{dz^2}$, & radicem quadratam extrahendo) provenit $de = \frac{V \frac{pp}{p^2 - r^2}}{r} dz$, ubi dz ex-

primi potest in genere per dy ; quandoquidem æquales essent z ad curvam refractionatam secundariam Applicatæ & y ad primariam Ordinatæ, quatenus in iisdem superficiebus refractivis sibi responderent: Pro de autem scribi posset de significans

$\frac{y}{b} de$ vel $\frac{b+y}{b} de$ quum superficies illæ supponuntur spha-

ricæ: Quod erat ostendendum.

Satis porro patebit has curvas continuæ refractionis secundarias primariam, cujus locum pro varia Radiorum incidentium inclinatione supplerent, propria speciei suæ æquatione

excludere, quoties ipsi $\frac{pi}{q}$ inest quantitas variabilis quam

sinuum refractionalium hypothesis necessario includit. Non ita est de curvis quarum æquatio solam continet quantitatem

$\frac{pi}{q}$ quæ constans sit & in hypothesis sinuum refractionalium

non includatur: Sunt quippe omnes ipsi primariæ similes, eandemque cum illa speciem eadem æquatione expressam constituunt.

His annumeramus istam curvarum centricarum speciem,

quæ propria continuæ refractionis mensura $\left(\frac{r}{i} = \frac{Vy}{Va} \right)$ id est

simpli-

simpliciter \sqrt{y} ob communem divisorem \sqrt{a} , rectis y interpuncta refractionum & basim circularem normaliter applicatis) naturalem motus Graviorum accelerationem retrogrado ordine exprimit. In Analogia superius notata (IV) si loco i & r

scribamus \sqrt{a} & \sqrt{y} ; quod inde resultat, nempe $du \left(\frac{b+y}{b} dx \right)$

ita se habere ad dy sicut \sqrt{y} ad $\sqrt{a-y}$ seu y ad $a-y$, istarum curvarum, quatenus a Radio luminis per sphaericas superficies continue refracto formatarum, proprietatem nobis exhibet. Quam quidem specificam, communi æquatione expressam, dicimus; quoniam \sqrt{a} , dum ad libitum, immutata, sinuum refractionum hypothese, assumi potest, idem est atque

p
— æquationis (V) supra, ad curvas refractionatas secundarias pertinentis.

TAB. X.
Fig. 2.

Imaginemur centrum Terræ esse Q (Fig. 2.); semidiametrum ejus, QP vel QN ; portionem circumferentiæ Terrestris, ANR , concentricam peripheriæ aeræ in Atmosphæra partem, ILK ; punctum in hac peripheria refractivum, C ; verticale illius ad Terram intervallum, CN ; simile infinite propinquum, BM ; continuæ refractionis curvaturam, $dBCA$; lineolas quarum ratio hanc refractionem metitur, $Bg, CK, \&c.$ Ponamusque, quod jam pro Cycloide observavimus, istam refractionis mensuram in exiguis continue superimpositis massæ aeræ mediocriter compressæ voluminibus ($gdB, BKC, \&c.$) non differre a ratione, quæ inter radices quadratas intervallorum $BM, CN, \&c.$ consistit. Liquet ex supra demonstratis lineam dBC , secundum quam radii luminis per Atmosphæram transmissi detorquentur curvam esse centricam ejus naturæ, quæ hic modo explicata est. Concipiantur itaque circulus PFE qui diametrum PD habeat æqualem maximæ (a) omnium Applicatarum CN (y) & tangat circumferentiæ ANM in P : Assumptoque diametri segmento PL æquali ipsi NC agatur sinus rectus LE , ac jungatur chorda EP : Ex proprietate cur-

curvarum hujusce refractionismi capacium triangulum rectangulum ELP in circulo; & exiguum CKB sub curva similia sunt; quandoquidem sicut $PL (y)$ se habet ad $LE (\sqrt{ay - yy})$

ita $CK \left(\frac{b+y}{b} dx \right)$ ad $KB (dy)$; unde necessario consequi-

tur, angulos lateribus homologis oppositos PEL & CBK esse æquales. Hinc palam fit, ejusmodi curvas non adscribendas esse earum numero, quæ originem ducunt a motu puncti fixi in circumferentia circuli super alium circumulum circumvoluti, dicunturque Epicycloides primariæ. Nam si punctum tangens P & punctum describens C connecterentur, recta in circulo genitore subtensa PC perpendiculariter Epicycloidi genitæ occurreret: angulo igitur PCB existente recto, ac proinde æquali duobus simul sumptis KCB & KBC supra basin parvi trianguli rectanguli CKB ; demptoque communi KCB ; reliqui PKC & KBC æquales essent. At propter refractionismum positum æquatur angulus PEL ipsi KBC ; ergo & æquaretur ipsi PKC : Quod manifestissime repugnat, quum ille PEL & iste PKC pro cruribus haberent tam chordas PE & PC ab eodem puncto P ad diversa E & C ejusdem peripheriæ ductas, quam tangentes FL & GC actas per diversa puncta L & C ejusdem arcus basi circulari concentrici CJ dictam peripheriam in C diametrumque in L secantis; sicque arcubus inæqualibus PF , PG fulti necessario inæquales forent. Attamen circulari basi ANR in rectam expansa, non ad Cycloidem secundariam sive contractam sive protractam, sed ad primariam seu vulgarem a puncto in peripheria circuli circumvoluti descriptam id genus curvarum continuæ refractionis in Atmosphæra reducitur. Perspicuum est enim, ipso Figura & aspectu, arcum basi circulari parallelum LC sic extensum, ut diametro PD circuli genitoris PED ad angulos rectos insistat in L , coincidere cum tangente sua LE ; punctum lineam C transferri in E ; tangens CG extremum G cadere in F propinquum extremum alterius tangens FL ; chordam PC circuli circumrotati, punctum lineam deferentis, occurrentem

Z z z

(suo

(suo quo potest puncto) normaliter Cycloidi genitæ, chordam-
que PE circuli genitoris terminatam ad sinum rectum $LE =$
 $\sqrt{ay-yy}$ aut simul coalescere, quum circulus circumrotatus
idem est qui genitor, aut sese decussare in E , quum circulus ge-
nitor vel major est, vel minor, quam circumrotatus; adeoque
dictos angulos PCK & PEL congruere, hoc est evidenter
fieri æquales, in semicycloide primaria, non item in duabus se-
cundariis. Inter ergo speciem curvarum centricarum, quas
Radii luminis, Atmosphæram transeuntes, continua refractione
efformant, ex hypothese quod punctorum refractivorum altitu-
dines sunt ad invicem in duplicata sinuum refractionum ra-
tione; inter, inquam, curvarum hujusmodi speciem & Epicy-
cloidum primariarum naturam non parvum esse, discrimen ex
dictis liquido constat.

Ceterum non ab re forsan erit hic subungere modum
ducendi lineas rectas, quæ curvas istas ad angulos rectos secant.
1°. E centro Q (Fig. 2) ad quodlibet punctum P baseos cir-
cularis ANR agatur recta QP , & sic producat, ut pars PD
adaquet maximam curvæ positione datæ applicatam. 2°. Cir-
ca diametrum PD describatur circulus $DEPD$. 3°. Ducto
per quodcunque hujusce curvæ punctum C arcu basi ejus con-
centrico, donec circuli $DEPD$ peripheriam secet in C , & dia-
metrum in L ; connexisque sectionum punctis cum puncto Q ,
erigantur in C & in L super QC & QL duæ perpendiculares,
quæ ipsi peripheriæ $DEPD$ occurrant in G & in F . 4°. Ejus-
dem arcus CLI sumatur pars CL , curva tenus, æqualis parti
 LC intra circulum; & connectantur L, Q , prope curvam.
5°. In circumferentia $DEPD$ assumpto arcu $P2$ æquali arcui
 GF , describatur centro Q , intervallo $Q2$, portio peripheriæ
occurrent in 3 rectæ connectenti puncta Q & L curvam
versus. Denique prope ab eadem curva sumatur arcus 32
æqualis arcui 23 intra circulum; jungaturque $2C$; ipsa erit
normalis ad curvam propositam quaesita. Nam (ex constru-
ctione) angulus $2CG$ æqualis fiet angulo PEL , & idcirco
(ex proprietate explicata) angulo CBK . Atqui in parvo tri-
angulo rectangulo BKC sub curva ACB , anguli basi adja-
centes

centes CBK & BCK æquantur simul uni recto: Ergo idem BCK & idem 2 CG simul sumpti unum rectum BC2 ad ipsam curvam ACB constituerent. Quod requirebatur.

*MARCI ANTONII SABELLI, JCTI MUTI-
lianensis, Serenissimi Magni Etruria Ducis Curia Crimi-
nalis Auditoris, Summa diversorum Tractatum ac
Resolutiones, cum Indice generali.*

Tomi VI.

Coloniz, sumtibus Wilhelmi Metternich, 1707, in fol.

Prostat Lipsiz, apud Jo. Frid. Gleditschium.

Alphab. 29.

Vastissimi hujus Operis externum habitum si breviter repræ-
sentaverimus, nostro fortassis satisfacimus officio, impri-
mis cum pleraque hic contenta bis ante hac edita fuerint.
Venetiis. Summa diversorum Tractatum, quæ vocatur, qua-
tuor Tomis, Libros novendecim complexis, absolvitur, in eaque
doctissimus Autor varii generis materias ordine alphabetico
recensuit, atque ita, per singula literarum elementa, a quibus
aliquid materiæ expectari potuit, cundo, amplissimos locos
communes adornavit, in quibus, docente Operis titulo, omni-
genæ universi Juris selectiores, methodicæ, practicæ ac deci-
sivæ Conclusiones, circa Judicia, contractus, ultimas voluntates
& delicta, ad forum Seculare, Ecclesiasticum & Conscientiæ
spectantes, ad instar uberrimi Repertorii, habentur, & a proba-
tissimis hujus ætatis neotericis Auctoribus, ac quarumvis ma-
teriarum decisionibus, præcipue Sacræ Romanæ Rotæ, Urbis &
Orbis Areopagi confirmatæ, cum locis, ubi materiæ distinctæ
erudite & copiosissime pertractantur. Toti Operi præmissum
est Compendium Judicis perfecti, sive Discursus de munerum
& precum datione ac receptione, Judicibus cæterisque Officia-
libus publicis prohibita, Autoris vero Filius, Guidus Antonius
Sabellus, Jctus & in sacra atque illustrissima D. Stephani, Se-
renissimi Magni Etruriæ Ducis, religione Eques, teste eodem o-
peris titulo, innumeras accessiones locis propriis inseruit, ac in-

super tribus Tomis prioribus, diversorum Juris Præcerum allegationes & Decisiones, varia Juris argumenta concernentes, separatim in calce adjecit. Tomus Quintus Sabelli Patris centum Resolutiones, in quibus, ut verbis Rubricæ iterum utamur, quamplures quæstiones forenses, quotidie occurrentes, perstrictæ & summatim, juxta veriores & approbatas Doctorum sententias, ac præcipue juxta solidissimas Rotæ Romanæ opiniones, deciduntur, exhibet. Quibus omnibus Sabellus Filius Indicem generalem copiosissimum ac in quatuor alphabeta crescentem in Tomo Sexto subjunxit, quo, ut ipse ait, velut clave, omnes materiæ, tam Summæ Sabellæ, quam Resolutionum, nec non Praxis Criminalis ac novissimarum additionum, quæ in Voluminibus Colonienfis hujus impressionis continentur, facile aperiantur. De cetero uti doctissimi Sabelli, Pater & Filius, summam laboris & diligentiae laudem hoc opere sunt promeriti, ita dubitandum etiam non est, quin tam operosa collectio omnibus jura tractantibus, inprimis vero iis, qui in foro vel causas orant, vel consulentibus de jure respondent, ac variis allegationibus non raro indigent, maximo futura sit usui.

POLITICA E RELIGIONE &c.

h. e.

*POLITICA ET RELIGIO, IN PERSONA, DI-
ctis, & factis JESU CHRISTI, secundum Evange-
lium S. Johannis demonstrata a Comite JOANNE
BAPTISTA COMAZZI.*

Tomus primus.

Nicopoli, apud Evasium Folgori, 1706, in 8.

Alph. 1.

Prudentiæ civilis & Religionis suave consortium ostendit hoc libro, atque JOSEPHO I Imperatori invictissimo subjectissime commendat Illustrissimus Comatus, de cujus Operibus aliis cum abunde dictum sit in Actis anni 1706 pag. 478, sq. hoc

sq. hoc unum hic addimus, quod in revidendo nunc L. E. Q. POLDO, historia scilicet *Leopoldi Imp.* Latine scripta occupatus sit, & præterea prelo paratos habeat libellos sequentes: *Li Grudi al Dradimento: Il piacere della Corte: Historia della Flotta Cesarea sul Danubio: La Coscienza Illuminata.* Præmissa est libro huic, quem nunc exhibemus, Introductio, in qua post explicationem notionum, Politicæ & Religionis, utramque necessariam esse ostendit Imperanti, exemplis Tiberii Imp. Rom. & Moïsi usus, quorum illum absque Religione, hunc absque Politica fuisse dicit infelicem; & hoc acriori meditatione dignum, addit: si eodem tempore, quo Moïses cum Deo colloquebatur, alius Minister politicus, aliis quidem in locis Manna distribuisset, in aliis vero verbera his, qui tumultuum fuerant autores, tum demum feliciter procedere potuisse civile imperium Israeliticum, neque opus fuisse XL annis & XI mensibus ad hebdomadam paucarum iter absolvendum. Porro libri ipsius Capitibus singulis singula S. Johannis Evangelistæ loca ingeniose explicat, ad Cap. usque IV, vers. 6. Joh. hoc Tomo I progressus; ex iisque tum monitum religiosum, tum politicum aliquod argute elicit. Ex. gr. Capite X sumit hoc Joh. II, 4 exponendum: *Quid mihi & tibi est, mulier?* Ubi (§. I. n. I. sqq.) considerat, quod B. Maria, cum audivisset illud Christi, quod durum & incivile videri poterat: *Quid mihi &c.* ipsa dixerit, tamen servis: *Quodcumque dixerit vobis; facite.* Unde hoc colligit: Imperantes alia quidem lingua loqui solere ad nos, alia vero, qua sese ipsi inter se intelligant. Inter Christum & Mariam fuisse *intelligentiam* de præstando beneficio, sed *verba* aliter sonare debuisse propter duo arcana, politicum alterum, alterum sacrum, illud: *Non convenire* scilicet *feminis, immiscere se imperio, vivo impensantis.* sacrum vero hoc: *ut conciliaretur attentio rebus sacris.* Miraculum nempe hoc spectasse S. Cœnam, mutationemque vini in sanguinem Christi futuram. Parandæ igitur attentioni, quæ primo huic miraculo debebatur, Christum insolito prorsus more allocutum fuisse matrem. Quo loco quod mutationem hanc aquæ in vinum cum illa in S. Cœna credita transubstantiatione confert, id quidem aliis dijudican-

dum relinquimus, & ad monitum politicum progredimur;
 quod (§. 2. n. 7. sqq.) sic infert Illustrissimus Autor: Mariam
 fuisse haut dubie foeminis omnibus superiorem. Cujus factum
 ne traheretur in exemplum a foeminis, neque illæ se ingererent
 rebus civilibus, vivo & præsente Domino, ideo Christum eam
 h. l. *mulierem* appellasse, non matrem. Persequitur autem (n. 8.)
 hoc monitum politicum isthòc modo: in Religione, s. statu
 gratiæ, DEUM extulisse conditionem foeminarum, in persona
 Virginis, supra Seraphinos coelestesque omnes Intelligentias, at-
 que ostendisse, quod possit foemina coram DEO ad quemvis
 gradum aspirare perfectionis: verum in statu politico, in quo
 maneat foeminarum conditio naturalis, aliter illas esse respicien-
 das: *Quid mihi & tibi, mulier?* Confirmat Autor hoc monitum
 (n. 9.) ex statu hominis primævo. Cum DEUS conferret
 Adamo principatum, juberetque coram illo apparere omnia
 animalia, ut verum ab ipso nomen referrent, Evam nondum
 fuisse in mundo: *Adæ vero non inveniebatur adjutor simili-
 ejus*, Gen. II, 20; nempe ut Principes hinc intelligerent, in
 rebus imperii, cum maritus regnat, non debere foeminam sibi
 quicquam deposcere autoritatis; quandoquidem Adam fuerit
 Princeps constitutus tum, cum esset solus, sine uxore, & sine
 liberis, h. e. cum foeminæ nondum existerent: & si in dominio
 animantium foeminæ partem non habeant, multo minus sibi re-
 gnum posse in homines mares deposcere; ubi illi vivunt & im-
 perant. Addit, (n. 10.) quod foemina ex Adami dormientis
 costa vel osse, non vigilantis & ratione utentis sanguine vel ce-
 rebro, vel parte alia, qua sedes esset spirituum & sublimis ani-
 mæ, creata sit: atque, etiamsi dixerit DEUS: *Erunt duo in
 carne una*; bene tamen dixerit: *in carne*; non in mente, in
 qua est vis regnatrice, virtus & character dominii. Etiam hoc
 considerat, (n. 11.) quod dictum sit Gen. I, 26: *Faciamus ho-
 minem ad imaginem & similitudinem nostram, & præsit*. Quod
 de Adamo exponit, deque similitudine imperandi, cum DEUS
 corpus non habeat, cui similis esse potuerit homo: ideoque
 hæc connectit: *Ad similitudinem nostram & præsit*. Evam
 autem similem tantum Adamo fuisse conditam, nec cum
 illo

illo addito: *Et præsfit*; ne, si Eva omni modo similis fuisset Adamo, etiam DEO assimilaretur, secundum illud: *Qua sunt aequalia uni tertio, sunt aequalia inter se.* Ideoque Adamum, visa Eva, nihil aliud dixisse, quam hoc: *Os de ossibus meis, caro de carne mea*; h. e. hæc similis est mihi secundum ossa & carnem, non secundum mentem meam & dominium meum. Illud quoque (n. 12.) annectit, quod Gen. I, 27 scribatur: *Creavit DEUS hominem ad imaginem suam*; & statim addatur in singulari: *Ad imaginem DEI creavit illum*; postea vero in plurali hoc tantum: *Masculum & feminam creavit eos*; unde clarius etiam atque etiam eluceat, similitudinem foeminae & maris positam fuisse in humanitate, non in principatu. Ex quibus (n. 13.) concludit: siquidem creata non sit a DEO foemina ad orbis dominium, nihil mirum esse, si male illa gubernet. Semiramidem Assyriis imperasse, Tomyrin Sarmatis, Annam Anglis, alias aliis, sed Regibus deficientibus, supplente Providentia & virtutes foeminis viriles largiente: aut mere accidentia fuisse hæc, quæ instar regulæ haberi non debeant. Certe constare divino ex Oraculo, imperia non esse foeminis concessa, ut sint felices populi: *Mulieres dominatae sunt eis, Popule meus, qui te beatum dicunt, ipsi te decipiunt*, Es. III, 19. Adjicit (n. 14.) omnes orbis populos, civiles & barbaros, consentire in eo, quod foeminas a magistratibus semotas teneant: & si quibus Senatum Foeminarum instituere placuisset, ut Eleogabalus Romæ, durare illud institutum non potuisset; atque Eleogabalum Imp. pro stolido habitum non modo in Urbe sed in universo orbe atque apud omnes posteros fuisse. Laudat denique Autor (n. 15.) consilium Senecæ, qui cum Agrippina, mater Neronis, una cum ipso Filio publice audire Legatos Armeniæ decrevisset, eaque de causa jam in locum palatii destinatum processisset, suaserit Neroni, obviam iret matri, quasi ex observantia, auditionem vero Legatorum aliam in diem differret: *Ita, specie pietatis, obviam itum dedecori*, apud Tac. Ann. L. XIII, c. 6. Ultimo loco (n. 16.) commemorat factum Mahometis Turcarum dominatoris, qui foeminam pulcherrimam, cum qua omnia consilia communicare dicebatur, ex improvviso in palatium

introducitur, aspectantibus Ministris, suo ipse gladio capite mulctaverit; claudique hoc caput X eodem dicto, quo introchoaverat: *Quid mihi & tibi est, mulier?* Ex cujus unius argumento copiosiore facile est intelligere, quo pacto egregia sua cogitata proferat Autor genere idem & doctrina illustrissimus, cujus & secundum operis hujus Volumen, quod jam prodidisse accepimus, brevi expectamus, quod tertium quoque & quartum mox excipient.

Johann Paschens Beschreibung wahrer
Tanz-Kunst.

JOHANNIS PASCHII DESCRIPTIO GENUINAE
Artis Saltatoriae.

Francofurti, apud Wolfgangum Michaelles & Johannem
Adolph, 1707, in 8.

Constat 1 Alphab. 9 plag.

- P**ostquam Autor hujus libri notissimus multos annos Lipsiae Artem Saltatoriam magna cum laude alios docuit, eam in systema quoddam redactam, quod hac quidem ratione a nemine antea tentatum, publice hic exhibet. Quatuor autem membris argumentum hoc suavissimum absolvit, ostendens, artem hanc esse quidem naturalem, rationalem ac utilem, sed & vario abufui obnoxiam. Naturalem eam esse, inde deducit, quod gaudium ex anima ortum omnia in homine extendat, hacque ratione spiritus animales ad vehementiorem quandam motum instiget. Dum, quod rationalis illa ars sit, demonstrat, duabus eandem principaliter & effective constare partibus asserit, Ethica nimirum, seu aptitudine corporis, & Representationibus Theatralibus gestuum atque actionum. In utraque harum sequentia consideranda putat, Scopum finalem, Materiam, Inventionem, Ordinationem, Decorationem & Executionem. De saltationum nominibus parte prima agens dicit, P. 37. eorum quaedam esse propria, ut *Courante*, *Bourrée*, *Menuet*, Sa-

Sarabande, Gigue &c. quædam Appellativa, petita a locis, ubi saltationes nonnullæ primum exercitæ, ut *Bourrée de Versailles*; a personis, in quarum honorem eadem inventæ, ut *Courante du Roy*; a casibus fortuitis, ut *Gavotte de Retour*; ab Operis, e quibus illæ desumptæ, ut *Gavotte de Flore*; a magistris artis saltatoriz, ut *Courante de Beauchamp, Bourrée de Pecour*. Parte secunda de Repræsentatione agente multa dicuntur de magistri saltationum persona & requisitis, nempe cognitione Poeseos, Geometriæ, Musicz, Philosophiæ &c. Ab eodem, juxta Auctoris mentem, porro requiritur, ut saltanda secundum artis regulas componat, composita apte exequatur, aliosque solide doceat. Quo autem id commode fiat, opus habet ejusmodi magister dono docendi, visu acuto & prudenti, nec non auribus Musica bene excultis. Usus hujus artis sese exerit in temperandis affectibus, imprimis timore, melancholia, ira & gaudio; præterea exercitia saltatoria actiones Oratorum, publicas ceremonias, exercitia militaria promovent & infantes robustos, aptos atque civiles reddunt. Circa abusus hujus tam gratæ artis notatur præcipue ita dictus Pedantismus, quique eidem hoc in exercitio sint dediti, distinctis allegantur numeris. His ita pertractatis, expenduntur Judicia J. C. L. P. P. G. de saltationibus hodie usitatis, variaque monentur, tum circa titulum, tum circa tractationem ipsam, ac denique decem hanc artem concernentes Quæstiones formantur & deciduntur.

p. 39.

64.

76.

86.

100.

107.

117.

138.

NOUVEAUX MEMOIRES DE MR. NODOT &c.

h. e.

NOVI COMMENTARII, SIVE OBSERVATIONES in itinere Italico congestæ circa monumenta veteris & novæ Romæ, &c. Auctore NODOT.

Tomii II.

Amstelædami, apud Zachariam Chastelain, 1706, in 12.

Const. Alph. 1 & aliquot Tabb. æn.

NOvorum licet Commentariorum titulo liber hicce insignitus sit, non ex omni tamen, sed aliqua tantum sui parte

A a a a

novi-

novitatis gratia se commendat. Secundus enim Tomus scriptum, Gallica quoque lingua de *Curia Romana* a Nodotio, Petronii editione satis celebri, aliquot abhinc annis editum, omnino exhibet, nisi quod in iterata hac illius editione quædam dempta, quædam vero addita fuisse deprehendantur. Quæ scilicet ibi ad *Lionneam* exarata conspiciantur epistolæ, quibus Romanæ Curia imago, qualis Clementis IX tempore fuit, delineatur, hic non comparent; quæ contra hic de viis publicis, aqueductibus, fontibus atque cloacis Romanorum commemorantur, ibi frustra quæsiveris; ut naumachiarum, circorum, amphitheatrorum, mausoleorum, obeliscorum imagines aliasque tabulas, quibus hæc editio fuit exornata, taceamus. Primus vero libri Tomus jam primum in lucem publicam emissus est, in quo descriptis, quæ Christianorum cultui ac usui Romæ hodie consecrata sunt, templis atque ædificiis, quorum præstantissima ære quoque expressa sunt, illud imprimis Autor egit, ut, quæ ratione veri Numinis cultus de Gentilium superstitione triumphum quasi egerit, clarissime ostenderet. A primis igitur religionis Christianæ incunabulis rem exorsus, incrementa, quæ in Romana urbe subinde cepit, breviter enarrat ad Constantini M. usque tempora, cujus dum pietatem ac in rem Christianam merita collaudat, *Observationum selectarum ad rem litterariam spectantium Auctores* notat, qui Tomo primo, Zosimi imprimis autoritate inducti, virtutes, quas Eusebius, Socrates alique gravissimi scriptores Constantino tribuerint, dubias ipsi reddere audeant. Hinc expositis variis nominibus, quibus loca cultui divino destinata veteres insigniverunt, non modo primaria illa templa, in quibus certæ, quas vocant, stationes ad impetrandas indulgentias fieri solent, sed alia quoque describit, & ita quidem, ut illorum originem, structuram, ornamenta, reliquias Sanctorum ibi adservatas, ceteraque memoratu digna diligenter exponat. Attingit quoque aliquando sepulcralia monumenta, ipsorumque inscriptiones, quæ vel ob defunctorum celebritatem, vel aliis de causis notabiles ipsi fuerunt visæ. Ita de templo differens, quod vulgo *la Madonna del Popolo* appellari solet, epitaphii cujusdam mentionem injicit, quod homini

mini, infelici felis morsu extincto, hunc in modum scriptum legitur:

Hospes, disce novum mortis genus; improba felis
Dum trahitur, digitum mordet, & intereo.

Denique cœmeteriorum & cryptarum, quæ priscorum Christianorum, Romam incolentium, usui inservierunt, brevem descriptionem subjungit, illa maxime secutus, quæ Bosius, Severanus, Aringhius, Pancirollus & Baronius de iis prolixius commentati sunt.

INDEX AUCTORUM,

quorum Libri aut Inventa hoc Volumine recensentur.

I. Libri Theologici & ad Historiam Ecclesiasticam spectantes.

A Nonymi Scripta Varia, ad subscriptionem Formule a Clemente XI Papa imperatam pertinentia.	173
- - - Discursus, concernens certitudinem status futuri & immortalis.	183
- - - Narratio eorum, quæ ad pacem Ecclesie sub Clemente IX sancitam spectant, cum Epistolis, Actis publicis &c.	244
Athanasii Opuscula quedam, ex recensione Bern. de Montfaucon.	438
Basnagii (Jacobi) Historia & Religio Judæorum. Tomi V.	447
Bonfrerii (Jacobi) Nota in Eusebii Onomasticon.	529
Checi (Joannis) Tractatus de Superstitione.	188
Clarke (Samuelis) Epistola ad Dodwellum perscripta.	212
Cocceji (Joannis) Opera ævæ doctæ Theologica & Philologica.	285
Comazzi (Jo. Baptiste) Politica & Religio in persona, dictis & factis Jesu Christi demonstrata.	548
Cosmæ Egyptii Topographia Christiana & alia.	434

- Couet du Vivier (*Abrahami*) *Nova Harmonia quatuor Evangelistarum.* 15
- Cowardus, vide *W. C. M. D.*
- Dannhaweri (*Jo. Conradi*) *Disputationes Theologicae collectae a M. Christiano Mislero.* 186
- Dithmari (*Iusti Christophori*) *Notae ad Moses Maimonidis Constitutiones de Jurejurando.* 265
- Dodwelli (*Henrici*) *Discursus Epistolaris, probans, quod Anima sit principium naturaliter mortale, sed immortale reddendum, &c.* 207
- Eleutherii (*Theodori*) *Historia Controversiarum de Divina Gratia Auxiliis.* 366. 388
- Erasmi (*Desiderii*) *Operum omnium Tomus III. VIII. IX. X.* 280
- Eusebii Caesariensis *Commentarius in Psalmos & Iesaiam, ex recensione Bernardi de Montfaucon.* 434
- - *liber de Locis Hebraicis.* 529
- Frassen (*Claudii*) *Disquisitiones Biblicae in universum Pentateuchum.* 413
- Geddes (*Michaelis*) *Miscellaneorum Volumen II.* 482
- Gertmanni (*Davidis*) *Exercitatio Anti-Tilliana.* 347
- Goetzii (*Georgii Heinrichi*) *Meletemata Annebergensia.* 11
- Gravinæ (*Jo. Vincentii*) *Acta Consistorialia Creationis Cardinalium a Clemente XI instituta.* 19
- Herold (*Adami*) *Palladium Reformatorum in sua sede destrutum.* 73
- Hilleri (*Matthaei*) *Onomasticon Sacrum.* 262
- Van der Hooght (*Everhardi*) *Biblia Hebraica.* 215
- Hunnii (*Aegidii*) *Thesaurus Evangelicus.* 205
- Jenichen (*Gottlob Friderici*) *Historia Spinozismi Leenbofsiani.* 328
- Inet (*Joannis*) *Origines Anglicanae, seu Historia Ecclesiae Anglicanae.* 169
- a S. Josepho (*Cherubini*) *Bibliotheca Critica Sacra circa omnes fere Sacrorum Librorum difficultates. Volumina IV.* 249
- Ittigii (*Thomae*) *de Bibliothecis & Catenis Patrum variisque veterum Scriptorum Ecclesiasticorum Collectionibus Tractatus.* 440

INDEX AUCTORUM.

	557
Lyseri (Polycarpi) <i>Epistolarum Sylloge.</i>	514
Maimonidis (Mosis) <i>Constitutiones de Jurejurando, ex versione Justi Christophori Dithmari.</i>	265
Mel (Conradi) <i>Antiquarius Sacer.</i>	397
de Mey (Joannis) <i>Opera omnia, tum Theologica, tum Physica.</i>	261
de Montfaucon (Bernardi) <i>Collectio Nova Patrum & Scriptorum Græcorum.</i>	434
Nerretteri (Davidis) <i>Theatrum militantis, sed invincibilis Eccle- siae.</i>	23
Olearii (Jo. Christoph.) <i>Thesaurus Hymnorum Eccl. Evangelicæ.</i>	533
Pagi (Antonii) <i>Critica in Annales Baronii. Tomus IV.</i>	61
Paltritii (Joannis) <i>Patene argenteæ mysticæ Descriptio & Expli- catio.</i>	300
du Vivier (Abrahami Couet) <i>Nova Harmonia quatuor Evangeli- starum.</i>	15
W. C. M. D. <i>Scrutinium exactum, seu inquisitio seria in modernas animæ notiones.</i>	351
Whitby (Danielis) <i>de Necessitate ac Ufu Revelationis Christianæ.</i>	358
Witty (Joannis) <i>Vindicatio Expositionis vulgaris Historiæ Mosai- cæ de Creatione Mundi.</i>	161
Wolfii (Christiani) <i>Methodus demonstrandi veritatem religionis Christianæ.</i>	166
- - (Christophori) <i>Manicheismus ante Manichæos, & in Chri- stianismo redivivus.</i>	499

II. Libri Juridici.

B arbeyrac (Joannes) <i>vide Pufendorf.</i>	
Grotii (Hugonis) <i>Libri tres de Jure Belli & Pacis, Germanice translati a P. B. S. nato Schützio.</i>	467
Hamelii (Henningii) <i>Repetitio ad solennem Titulum Institutio- num Justinianearum de Actionibus.</i>	377
Hochsteteri (Andrea Adami) <i>Tractatio Synoptica Moralis de Jure Pœnarum.</i>	38
Huberi (Zachariæ) <i>Dissertationes Juridicæ & Philologicæ. Pars altera.</i>	267

- Lauterbachii (W. A.) Collegii Theoretico-Practici Pars II. 37
 Maimonidis (Mosis) Constitutiones de Jurejurando, ex versione, 265
 Justi Christophori Dishmari.
 Martini (Davidis) Biblia Sacra, ex versione Gallica. Tomi II. 241
 Mülleri (Jo. Joachimi) Jus dispensandi in prohibitis conjugii E- 76
 lectorum & Statuum.
 Noodt (Gerhardi) Observationum Libri duo. 239
 L. B. de Pufendorf Jus Natura & Gentium, Gallice translatum, 25
 cum Notis Jo. Barbeyrac.
 Sabelli (Marci Antonii) Summa diversorum Tractatum, ac Reso- 547
 lutiones. Tomi VI.
 Schützii P. B. S. Versio Librorum Hugonis Grotii de Jure belli & 467
 pacis.
 Willerdingii (Justi Christophori) Fundamenta Juris Canonici, in 378
 nucleo exhibitum.

III. Libri Medici & Physici.

- A** Nelli (Dominici) Ars sugendi vulnere absque oris humani 380
 ope.
 Anonymi Relatio de affectu soporoso extraordinario, Stobici obser- 278
 vatio.
 - - - - - Miscellanea Curiosa. Volumen II. 477
 Baglivi (Georgii) Opera omnia Medico-Practica & Anatomica. 407
 - - - - - Opuscula duo. 410
 Batei Dispensatorium, Anglice redditum, studio Guilielmi Salmo- 181
 nis.
 Dale (Samuelis) Pharmacologia, seu Manuductionis ad Materiam 126
 Medicam Supplementum.
 Desnoues (G.) aliorumque Eruditorum Epistole, de variis inven- 415
 tis novis.
 Evelyn (Joannis) Sylva, Terra, Pomona, Acetaria & Calenda- 492
 rium Hortense.
 Douglas (Jacobi) Observatio de Tumore magno in anteriori col- 82
 li parte.
 Fontenellii Historia Academia Regia Scientiarum anni 1705. 303
 Fuller

INDEX AUCTORUM	559
Fuller (Francisci) <i>Medicina Gymnastica.</i>	274
Grænevelt (Joannis) <i>Tractatus de tuto Cantharidum in Medicina usu interno.</i>	182
Guglielmini <i>aliorumque Eruditorum Epistole de variis Inventis novis.</i>	415
Harris (Gualteri) <i>de Morbis acutis infantum.</i>	79
Hartsøeker (Nicolai) <i>Conjectura Physica.</i>	316
Harvey (Jacobi) <i>Præsagium Medicum, seu signa prognostica Morborum acutorum.</i>	475
Hofmanni (Friderici) <i>Idea fundamentalis universæ Medicinæ ex sanguinis Mechanismo, &c.</i>	127
Hooke (Roberti) <i>Opera Posthuma.</i>	149
van Horne (Joannis) <i>Opuscula Anatomico-Chirurgica, cum Annotationibus Jo. Guilielmi Pauli.</i>	271
Liger (Ludovici) <i>Cultura universalis florum, arborum, fructuum, & suffruticum.</i>	381
Matthæi (Petri) Consentini, <i>Animadversiones Physico-Medicæ.</i>	405
Merian (Mariæ Sibyllæ) <i>Metamorphosis Insectorum Surinamensium.</i>	481
Papini (Dionysii) <i>Ars nova ad aquam ignis adminiculo efficacissime elevandam.</i>	420
Pauli (Jo. Guilielmi) <i>Annotationes ad Joannis van Horne Opuscula Anatomico-Chirurgica.</i>	271
Plumier (Caroli) <i>Tractatus de Filicibus Americanis.</i>	324
Purshal (Conyers) <i>Tentamen de Mechanismo Macrocosmi.</i>	360
Ruyschii (Friderici) <i>Thesaurus Anatomicus Septimus.</i>	322
Salmonis (Guilielmi) <i>Pharmacopœa Batcana.</i>	181
Santorini (Dominici) <i>Opuscula Medica.</i>	470
Ström (Christiani) <i>Ratiociniorum Mechanicorum in Medicina, usus vindicatus.</i>	234
- - - <i>Nova Theoria motuum reciprocorum machine animalis, ex partium organicarum structura & proprietatibus deducta.</i>	423
Witty (Joannis) <i>Vindicatio Expositionis vulgaris Historiæ Moisaicae de Creatione Mundi.</i>	161

IV. Libri Mathematici.

A Nonymi Elementa Geometriae Serenissimi Principis Ducis Burgundiae.	92
Apollonii Pergæi de Sectione Rationis Libri II &c. opera Edmundi Halley.	103
Beveregii (Guilielmi) Institutiones Chronologicae.	492
Cheynæi (Georgii) Rudimentorum Methodi Fluxionum inverse specimina.	87
Clerici (Sebastiani) novum Systema mundi.	89
Ditton (Humphredi) Theorema Sphærico-Catoptricum.	139
F. D. C. de Curva Descensus Ex Accelerato Retardati.	133
- - - de notanda æqualitate Naturæ inter curvas &c.	417-533
Fontenellii Historia Academiae Regiæ Scientiarum Anni 1705.	303
Halley (Edmundi) Astronomia Cometicæ Synopsis.	218
Hooke (Roberti) Opera posthuma.	149
Jones (Wilhelmi) Synopsis Palmariorum Matheseos.	175
de Moivre (Abrahami) Animadversiones in G. Cheynæi Tractatum de Fluxionum methodo inversa.	85
Pergæi (Apollonii) de Sectione Rationis Libri II, &c. opera Edmundi Halley.	103
le Poivre Tractatus de Sectionibus cylindri & conii in solido & plano consideratis.	132
Wolfii (Christiani) Schediasma de inveniendis sinu anguli multipli ex dato sinu simpli.	313

V. Libri Historici, Geographici, &c.

A Belii (Casparis) Historia multarum Monarchiarum, quæ in Oriente a Nimrode usque ad Cyrum floruerunt.	496
Anonymi Deliciae Hispaniæ & Portugalliæ, figuris illustrata a Jo. Alvaro de Colmenar.	97
- - Decreta Statuum Hollandiæ Frisique Occid. notatu digniora &c.	106
- - Historia Virginie.	333
	Anonymi

<i>Anonymi Sylloge Itinerum, quæ mercatorum Fœderati Belgii ad Indos Orientales navigantium Societati fundamenta atque emolumenta prabuerunt.</i>	337
<i>Argensola Historia Expugnationis Insularum Moluccarum.</i>	342
<i>Arndii (Caroli) Bibliotheca Aulico-Politica.</i>	191
<i>Auriæ (Vincentii) de Rebus Siculis primum repertis Liber.</i>	465
<i>Barberius (Jos.) de Miseria Poetarum Græcorum.</i>	42
<i>Beveregii (Guilielmi) Institutiones Chronologica.</i>	402
<i>Burchard (Jacobi) Epistola ad Burchardum Gotthelf Stravium, de Christophori Cellarii obitu.</i>	382
<i>Cinelli (Joannis) Calvoli Bibliotheca Volantis Plures XVI.</i>	528
<i>le Coq Geographus Perfectus, &c.</i>	528
<i>Felibien (Michaelis) Historia Abbatia Regalis S. Dionysii in Gallia.</i>	193
<i>Germon (Barthol.) de Veteribus Regum Francorum diplomatibus Disceptatio II.</i>	290
<i>Gravinæ (J. Vincentii) Acta Consistorialia Creationis Cardinalium a Clemente XI instituta.</i>	19
<i>Inett (Joannis) Origines Anglicana, seu Historia Ecclesiæ Anglicana.</i>	169
<i>Leibnitii (Godofredi Gulielmi) Scriptores Rerum Brunsvicensium.</i>	460
<i>Maffei (Pauli Alexandri) Explicatio Statuarum a Dominico de Rossi publicatarum.</i>	385
<i>a Melle (Jacobi) Notitia Majorum, plurimas Lubecensium aliorumque clarorum Virorum Vitas comprehendens.</i>	217
<i>Menckenii (Jo. Burchardi) Analecæta de Calamitate Litteratorum.</i>	42
<i>- - - Vita & res gestæ LEOPOLDI I Imperatoris.</i>	344
<i>Mongitore (Antonii) Animadversiones ad Vinc. Auriæ librum, de Rebus a Siculis primum repertis.</i>	465
<i>Pagi (Antonii) Critica Historico-Chronologica in Annales Baronii. Tomus IV.</i>	61
<i>Paschii (Georgii) Introductio in Rem Litterariam Moxalem veterum sapientie Antistitum.</i>	327

- Pippingii (Henrici) *Trias Decadum, Memoriam Theologorum nostræ ætatis clarissimorum renovatam exhibens.* 282
- Rossi (Dominici) *Collectio Statuarum explicationibus P. A. Maffei illustrata.* 385
- le Roy (Jacobi) *Brabantia illustrata.* 288
- Smithi (Thomæ) *Vita quorundam eruditissimorum & illustrium Virorum.* 145
- Spanhemii (Ezechielis) *Lib. Bar. & Legati Reg. Dissertationes de Præstantia & Usu Numismatum. Tomus I.* 49. 227
- Strabonis *Rerum Geographicarum Libri XVII, cum Th. Jans. ab Almeloveen.* 433
- Strype (Joannis) *Vita Joannis Checi.* 188
- Thomas (Friderici) *Analecta Gûstrovienſia.* 236
- Tollius (Cornelius) *de Infelicitate Litteratorum.* 42
- Turiay (Illadislai) *Corona Australis in Polo Polonia refulgens.* 18
- Valerianus (Jo. Pierius) *de Infelicitate Litteratorum.* 42

VI. Libri Philosophici & Philologici Miscellanei.

- A** Lcyonii (Petri) *de Exilio Libri duo.* 42
- M. Antonini eorum, quæ ad se ipsum, *Libri XII recogniti & notis illustrati.* 401
- Auriæ (Vincentii) *de Rebus a Siculis primum repertiis Liber.* 465
- Bælii (Petri) *Responsiones ad Quæsitæ cujusdam Provincialis.* 403
- Tomus II. 505
- Tomus III. 531
- Tomus IV. 531
- Buchneri (Augusti) *Epistolarum Partes tres, opera M. Jo. Jacobi Stæbelii.* 124
- Campani (Jo. Antonii) *Epistola & Poemata ex recensione J. Burcharði Menckenii.* 278†
- Checi (Joannis) *de Superſtitione.* 212
- Clarke (Samuelis) *Epistola ad Dodivellum perſcripta.* 235
- Cocceji (Joannis) *Opera avéndoſa Theologica & Philologica.* 235
- Co-

INDEX AUCTORUM.

563

Comazzi (Jo. Baptista) *Politica & Religio in persona, dictis & factis Jesu Christi demonstrata.* 548

Cowardus v. W. C. M. D.

Dodwelli (Henrici) *Discursus Epistolaris, probans quod anima sit principium naturaliter mortale, sed immortale, reddendum, &c.* 207

Q. Ennii *Fragmenta ex recensione Fr. Happelii.* 9

Erasmi (Desiderii) *Operum omnium Tomus III. VIII. IX. X.* 280

Geddes (Michaelis) *Miscellaneorum Volumen II.* 482

Germon (Barthol.) *de veteribus Regum Francorum diplomatibus Disceptatio II.* 290

Goetzii (Georgii Heinrici) *Meletemata Annabergensia varii argumenti.* 11

Gravii (Jo. Georgii) *Prefationes & Epistola.* 400

Julii Pollucis *Onomasticon Graece & Latine, ex recensione Jo. Henr. Lederlini & Tiberii Hemsterhuis.* 1

Lyseri (Polycarpi) *Epistolarum Sylloge.* 514

Maffei (Pauli Alexandri) *Explicatio Statuarum a Dominico de Rossi publicatarum.* 385

Menckenii (Jo. Burchardi) *Analekta de Calamitate Litteratorum.* 42

- - - *Prefatio ad Jo. Ant. Campani Epistolas & Poemata.* 278†

de Mey (Joannis) *Opera omnia, tum Theologica, tum Physica.* 261

Paschii (Georgii) *de variis modis Moralia tradendi liber.* 327

Paschii (Joannis) *Descriptio genuina Artis Saltatoria.* 552

Pastritii (Joannis) *Patena argentea Mystica Descriptio.* 300

Philelphi (Francisci) *Epistole breviores elegantioresque.* 281

Politiani (Angeli) *Epistola quaedam.* 281

Relandi (Hadriani) *Dissertationum Miscellanearum Pars I.* 67

- - - *Decas Exercit. Philol. de vera pronunciatione Nominis Jehova.* 530

Rossi (Dominici) *Collectio Statuarum explicata a P. A. Maffeo.* 385

Schulzii (Joannis) *Florum sparsio in Loca quaedam in re litteraria controversa.* 117

Spanhemii (Ezechielis) *Lib. Bar. Dissertationes de Praeslantia & Ufu Numismatum. Tomus I.* 49. 227

Bbbb 2

Trieri

Trieri (Joannis Wolfgangi) <i>Quaestiones succinctae de Affectibus humanis.</i>	284
Turley (Uladislai) <i>Corona Australis in Polo Polonia refulgens.</i>	18
W. C. M. D. <i>Scrutinium exactum, seu inquisitio seria in modernis Anima notiones.</i>	351
Weisii (Christiani) <i>Quaestiones Oratoria, in modum Spicilegii adornatae.</i>	144
- - - <i>Systema Oratoria.</i>	345
Wolfii (Christiani) <i>Solutio nonnullarum difficultatum circa mentem humanam obviarum.</i>	507

INDEX RERUM NOTABILIORUM IN HOC VOLUMINE OBTIARUM.

A Bælardi (Petri) <i>Vita & mores.</i>	66	Acidi particula quæ?	320
Epitaphium.	446. seq.	Acidum vindicatum.	419
Abdominis ligamenta suspensoria.	308	Actio ex nudo pacto datur jure Canonico, non Civili.	379
Abgari Reges num in clientela Antoniorum fuerint?	231	De Actionibus opus Hemmingi Hameli commendatum.	377
Academia ad excolendam linguam Italicam a Friderico II Imp. & ejus filiis instituta.	466	Acus Magnetica delineatio. declinationis varietates unde?	305. 305
Academix Judeorum, quæ sub Æchmalotarchis erecta?	456	Adamus quomodo loqui didicerit?	165
Acceleratio motus unde?	365	Æchmalotarcharum origo & fata.	455. seq.
Accentuum Hebraicorum ratio.	217	Ædium ad arbores exoticas per biemem condendas descriptio.	496
			Ægy-

<i>Ægyptiorum doctrina Moralis</i>	<i>habuerit?</i>	450
<i>qua?</i>	28	<i>De Agrippinæ & Claudii matris</i>
<i>Monarcha primus</i>	<i>monio dissertatio.</i>	267
<i>Sesochris, seu Sisacus,</i>	497	<i>Alcali particula qua?</i>
<i>Ænigmata Schyrlei de Rbeita so-</i>	<i>luta.</i>	320
<i>luta.</i>	157	<i>Alchymistarum experimentum.</i>
<i>Æolismus ut in Latium migrave-</i>	<i>rit?</i>	120
<i>Equationum analysis.</i>	176. 310	<i>Alcoranus Marocci Germanice</i>
<i>constructio.</i>	311	<i>editus.</i>
<i>Aer quid?</i>	362	<i>refutatus.</i>
<i>Aerearum particularum structu-</i>	<i>ra.</i>	320
<i>Aeris inclusi mutationes.</i>	304	<i>Alcyonii (Petri) laudes & fata.</i>
<i>resurrectio.</i>	478	<i>43. seq.</i>
<i>definitio.</i>	362	<i>liber de Exilio an Ci-</i>
<i>vis in corpus humanum.</i>	130	<i>ceroni vindicandus?</i>
<i>condensationis & dilatio-</i>	<i>nis lex ut exploranda?</i>	305
<i>particularum constructio.</i>	320	<i>Alcyonius (Petrus) adversus quo-</i>
<i>Æstus minuit speculorum causti-</i>	<i>corum effectum.</i>	306
<i>Æstus marini causa.</i>	364	<i>rundam accusationes vindica-</i>
<i>Æther quid?</i>	361	<i>tus.</i>
<i>Affectio hysterica opiata non-</i>	<i>fert.</i>	81
<i>Affectus animi ut operentur?</i>	129	<i>an fustibus castigatus?</i>
<i>examinati.</i>	284	279
<i>S. Afræ natalis in Martyrologio</i>	<i>ab Almelveen (Theodori Jansso-</i>	<i>Alfredi Regis Angliæ in litteras</i>
<i>Romano notatus.</i>	492	<i>propensio.</i>
<i>Agadici qui?</i>	458	172
<i>Agrippa II quando mortuus?</i>	449. seq.	<i>Algebra Philosophica.</i>
<i>quot Regni epochas</i>	<i>Ameloti de la Houssaie Opera</i>	157
	<i>quædam promissa.</i>	429
	<i>Amœnitatum Juris divini Eclo-</i>	
	<i>Bbbb 3</i>	<i>ga</i>

821.
 Amontoni (Guilielmi) vita. 312.
 seq.
 Analyticos recentioris defectus. 106
 differen-
 tia ab Analyfi veterum. 106
 studiosis opus utile. 105.
 178
 Analysis veterum maximi ha-
 benda. 105
 equationum. 176. 310
 ad trigonometriam ap-
 plicata. 177. 310. 313
 Analytici libri veterum restituti. 105
 Analyticorum Scriptorum vete-
 rum Catalogus. 106
 Anasarce motus corporis prodest. 276
 Anastomoses vasorum non dan-
 tur. 271
 dantur. 407
 Anatomia artificialis. 416. 417.
 418
 Anaxagoræ doctrina Moralia que-
 nam? 20
 Ancillarum, Dignæ, Euprepis &
 Eunomia nomina in Martyrol. 492
 Rom. supposititia. 492
 Angeli corpora habent. 355
 Angelorum custodia. 186
 sedes quæ? 79
 In Angina sulphuris vires. 81
 Angli quando Danis ceperint esse
 tributarii? 63
 Anglicanæ Ecclesiæ doctrina &
 disciplina quomodo stabilita? 171
 moderne fa-
 cies, an eadem, quæ Ecol. Hispa-
 nicæ antiquissima? 483
 Anglorum methodus concionan-
 di commendata. 185
 Anima naturaliter mortalis. 227
 Animæ Gentilium quam diu exi-
 stant? 208
 Animæ immortalitas probata. 185
 notio recepta a Gentilibus
 conficta. 352
 facultates temperamenti
 imperio obnoxie. 264
 De Animæ naturæ paradoxa opi-
 nio. 513
 Circa Animam obvia dubia soluta. 513
 Anna Jagellonia vita. 531
 Anni climacterici non sunt negli-
 gendi. 130
 Annuli Saturni formatio. 319
 Antimonium quid? 321
 Antinomiarum in jure compo-
 nendarum ratio. 268
 Apollonii libri de Sectione ratio-
 nis quomodo reperti? 103 104
 quando
 in linguam Arabicam transla-
 ti? 104
 libri de Sectione spatii
 commendari. 105
 Appeldornii (Petri) Cras credo,
 hodie nihil. 262
 Aptæ

Apte vocabuli verus usus,	120	Arnaldi epistola ad Regem Gal-	
Aqua ignis ope quomodo elevan-		lia in causa Jansenistarum elo-	
da?	420	quentissima.	245
in lapidem transire apta.	154	liber de perpetuitate fi-	
principium Physicum.	362	dei laudatus.	248
Aquæ in tubis minoribus ultra li-		an Turen-	
bellam ascensus.	160	nium ad fidem Romanam am-	
definitio.	362. seq.	plendendam permoverit?	248
in vinum mutata miracu-		Arnaldus laudatus.	92
lum S. Cæna symbolum.	549	Jansenistarum caput &	
Aquæ supra cælestes assertæ.	90	defensor.	370. seq.
quenam?	163	excusatus.	177
celerius moventur in Jove,		Arfacidarum numi explicati.	
quam in Terra.	320		229
Marina cur falsæ?	320. lq.	Ascensus Mercurii in Barometro	
ut intra Oceanum sint col-		cur major tempore sereno,	
lecta?	164	quam pluvio?	364
Arbores sylvestres descriptæ.	493	Asperæ arteriæ rami delineati.	
Archelaus indifferentismi mora-			323.
lis defensor.	29	Astronomia Geometrica.	160
Arena ex aqua generatur.	154	Cometica.	218
per microscopia quomodo		ut perficienda?	151
appareat?	184	Astrorum influxus efficacia.	130
Arialdistæ qui?	65	est indifferens.	
Aristotelis Philosophia Moralis,			317
quomodo a Platonica diver-		unde depen-	
sa?	31	deat?	364
errores in Moralibus		Ex Atestina familia num Brun-	
notati.	31	suicenses Principes oriundi?	
Arithmeticæ definitio.	91		463. seq.
speciosæ compendi-		S. Athanasii Vita & Scripta.	438
um.	92	Athci num præstent idololatriæ?	
pars characteristica			532
ubi explicata?	40	num perniciosi Reipublicæ?	
numerosa ac spe-			532
ciosæ elementa.	479	Theoretici num dentur &	
		qui?	

- qui? 532
 Atmosphæra Solis defensa. 151
 317
 Attentio quid? 153
 Arys Lydorum Rex qualis? 52
 d'Avalo (Marci) Descriptio urbis
 Macai. 341
 Augmentationis ratio. 473
 D. Augustini Operum nova Editio
 promissa. 94. sq.
 novissima. 388
 editio castigata. 209
 In Aure inventa nova. 419
 De Aure observationes. 308
 Auri capillis inspergendi usus apud
 Veteres. 122
 Avtochiria in nullo casu licita.
 40
 De Auxiliis gratiæ divinæ contro-
 versiarum historia. 366. sq.
 librorum impressio de-
 creto Pontificis interdicta. 396
 Azimuthum non mutat refra-
 ctio. 479
B (Beta) quid in Macedonia
 Regum nummis denotet? 228
 Baccalaurei qui in clave Janse-
 nistica? 371
 Bacchi sacrificium depictum. 204
 Bacmeisteri (Luca) vita descri-
 pta. 218
 Bælius (Petrus) notatus. 503
 Bælii (Petri) de duobus principiis
 bono & malo sententia. 503
 obitus. 329
 Baillet (Adriani) obitus. 427
 Bainbridgii (Joannis) Vita. 147
 Bajus (Michael) motuum Lov-
 niensium autor. 374. sq.
 Baji (Michaelis) dogmata qua-
 dam a Pio V damnata. 376
 Balneorum frigidorum usus. 177
 veterum structura. 388
 Bannesii adversus Prudentium
 in Hispania motus. 389
 Baptismus non nisi autoritate E-
 piscopi rite administratur. 208
 Bargellinus pacis inter Janseni-
 stas & curiam Romanam con-
 ciliator. 285. seq.
 Barometra similia cur non con-
 spirent? 305
 Barometrum marinum. 304
 Barometri phenomena explica-
 ta. 364
 Barones a Brabantia Ducibus
 creati quot? 289
 Baronius notatus. 485
 refutatus. 62. 63. 64. 66.
 Bartani (Petrus) Concilia Toleta-
 na omnia pro schismaticis de-
 clarat. 486
 Bataviæ urbis origo. 341
 Bateana Pharmacopœa. 181
 Beatorum domicilium ubi? 80
 Bellarminus num in beatorum
 numerum referendus? 373
 Bellarmini Controversiarum li-
 bri, num adulterati? 391
 D. Bene-

D. Benedicti ordo in Gallia re-	fata.	148
formatus.	202. sq.	Bibliothecæ Patrum enarrata.
cur cognomen	441. sq.	
a S. Mauro adsciverit?	203	Bigamia vel simultanea, vel suc-
Bentlejus (Richardus) laudatus.	44	cessiva.
	notatus. 121	379
Bernhardus (Eduardus) notatus.	56. 57.	Le Blanc (Augustinus) nomen fi-
		ctum P. Serri.
S. Bernhardi Lutheranismus.	13	366
Vita descripta.	66	in Historia Congregatio-
Berni (Francisci) in P. Alcyonium		num de auxiliis gratia nota-
odium.	279	tus.
Bernwardus Ep. Hildesensis Che-		366. sqq.
mica artis peritus.	462	Boavepyēs num duo scribæ in Sy-
Bethphage num fontis, an domus		nedrio magno?
nomen?	264	398
De Biblicorum Commentariorum		Bodlejana bibliotheca laudata.
lectione Ecloga.	13	103
Bibliorum Genevensium fata va-		Bonifacii (Joannis) liber l' Arte
ria.	241. sq.	di Cenni commendatus.
editiones omnes a Jac.		467
le Long recensenda.	257. sq.	Bordingi (Jacobi) vita descripta.
Polyglottorum histo-		218
ria.	259	Bospori Regum numi explicati.
Germanicorum editio		230
Wittebergensis corrupta.	516	Brabantia a Jacobo le Roy illustra-
Bibliotheca Bodlejana commen-		ta.
data.	103	289
Aulico-Politica com-		In Brabantia dignitatis officia ad
mendata.	191	pauciores numerum redacta.
Bibliothecæ exstructio & cura		290
quomodo instituenda?	12	Brandenburgensium Scriptorum
Sanctæ Sixti Senen		Notitia promissa.
sis institutum.	12	93
privata Jacobi Usserii		rerum Com-
		mentarii promissi.
		93
		Breschit pars Cabbala recentio-
		ris.
		457
		Briggii (Henrici) Vita.
		147
		Brocardi Monachi Descriptio Ter-
		ra Sanctæ.
		530
		Brunsvicensis Principes num ex
		Atefina familia oriundi?
		463. sq.
		Cccc
		Bubo-

- Bubonocoeles *causa est diverticulum ilei.* 322
- Buchneri (Augusti) *Orationes & Epistola commendata.* 124
- C**Abbalæ *divisio in Mercaviam & Breschit.* 457
quot species? 458, seq.
apud Græcos & Romanos usus. 459
- Cabbalistarum *apud Judeos origo & fata.* 457. sq.
- Cabiri *Dii qui?* 72. sq.
- Cacochymia *noxæ.* 129
- Cadavera *ut conservanda?* 416
- Cadmi *alphabetum quot literis consistat?* 56
- Cainus *num salvus fuerit?* 13
- Calendarium *hortense.* 496
- Calculi *infinitesimalis objectum.* 88
differentialis & exponentialis principia. 177
- Caloris *graduum scala.* 479
- Camera *obscura usus.* 156
- Campani (Jo. Antonii) *Opera commendata.* 278
- Vita memorabilia.* 280
- Germanos.* 280
- Cancer *Macedoniae inferioris symbolum.* 227
- Candidii (Georgii) *Descriptio Insule Formosæ.* 341
- Canonicorum *regularium origo.* 64
- Cantabrigiæ *populorum lingua antiquissima.* 99
lingua specimina varia. 99, 100
- Cantabrigiensis *Academia antiquitas examinata.* 171
- Cantharidum *usus internus tus.* 181
analysis Anatomica & Chymica. 183
- Cantica *Luthenorum illustrata.* 534. sq.
vindicata. 535
- Camus (Melchior) *primus Dominicanorum, Jesuitarum societatem ægre ferens.* 373
- Capaccius (Jul. Caesar) *emendatus.* 280
- Capitulorum *trium a Gregorio M. damnatorum causa.* 175. sq.
- Capuccinorum *Ordinis quis autor?* 405
- Caraitarum *origo & doctrina.* 454
- Carbones *quinam ad observationes speculo caustico instituendas apti?* 306
- Carchesium *Græcis quid?* 104
- Carmelitarum *Ordinis decreto quot anni Philosophiæ aliisque Facult.*

<i>Facultatibus impendenda?</i>	250	Checi (Joannis) <i>tristia fata.</i>	
Carolus VIII Rex Gallie <i>an An-</i>			190
<i>nam Britannicam plagio sub-</i>		<i>apostasia.</i>	191
<i>duxerit?</i>	505	Chemica principia quantum in	
Caron (Francisci) <i>Historia Im-</i>		<i>Medicina valeant?</i>	234
<i>perii Japonici.</i>	341	Cheyneus (Georgius) <i>notatus.</i>	85.
Cartelius (Renatus) <i>veterum</i>			86. 87.
<i>laudi in doctrina de Locis de-</i>		<i>de Abr. Movere quid</i>	
<i>traxit.</i>	105	<i>quid judicet?</i>	87
<i>notatus.</i>	163	Chiliasmus Peterfenii.	12
Casaubonus (Mericus) <i>laudatus.</i>		Christi voluntas, congregare vo-	
	149	<i>lentis non volentes congregare.</i>	
Catenæ Patrum <i>descriptæ.</i>	441.		186
<i>seq.</i>		<i>septem verba in cruce</i>	
Catenariæ proprietates. 478. <i>sq.</i>		<i>illustrata.</i>	186
Cellarii (Christophori) <i>vita.</i>	383	<i>ad Abgarum Epistola.</i>	
Centurio <i>sub cruce Christi.</i>	12	<i>fraudis convicta.</i>	451. <i>seq.</i>
Cerebri <i>subsidentia insignis.</i>	307	Christo <i>perperam attributa Cab-</i>	
Cessionarius <i>privilegio, quod uxo-</i>		<i>bala ex Matth. V, 18.</i>	459
<i>ri ratione dotis competit, non</i>		Christianismi essentialia & acci-	
<i>fruitur.</i>	38	<i>dentalia quænam?</i>	185
Chalæorum <i>doctrina moralis</i>		Chronologicum <i>studium cur ple-</i>	
<i>precepta quæ?</i>	27. <i>seq.</i>	<i>rique fastidiant?</i>	402
Chaloner (Jacobus) <i>αὐτοχρεῖς.</i>		Chylificationis <i>ratio.</i>	406
	45	Ciceronis <i>doctrina moralis exa-</i>	
Charitatis, Spei & Fidei, Virgi-		<i>minata.</i>	33
<i>num Sanclarum Romæ passio</i>		Cineres <i>sine ferro an dentur.</i>	309
<i>num genuina?</i>	491	Clarkii (Samuelis) <i>scripta recen-</i>	
Charmot, alias Barlon, <i>num ma-</i>		<i>sita.</i>	212
<i>chinator in causa Sinensi præ-</i>		Clemens XI Papa Jansenii li-	
<i>cipuus?</i>	371	<i>brum Bulla quadam conde-</i>	
Checi (Joannis) <i>Vitæ auctores.</i>		<i>mnat.</i>	173
	188	<i>condemnationi li-</i>	
<i>laudes.</i>	189. <i>sq.</i>	<i>bri Jansenii clericos omnes sub-</i>	
<i>merita in Jo.</i>		<i>scribere, renitentibus multis,</i>	
Chrysostomum.	190	<i>cupit.</i>	174. <i>sq.</i> 177
		Cccc 2	Cle-

- Clemens XI sui & suorum in
honorum distributione negli-
gens. 20
ob modestiam lauda-
tus. 528
 Clementem VIII Pontificem &
Petri Successorem credere, de
sede non est, ex mente Jesuita-
rum. 394
 Cleri vocabulo tam Monachi,
quam Canonici veteribus ap-
pellati. 196
 Clericus (Joannes) refutatus. 506
hæreseos & fi-
dei pietatis accusatus. 533
 Clerici (Joannis) versio N. Test.
Gallica a P. Cherubino notata.
 258
merita in Euse-
bium. 529
 Clyster per urinam reiectus. 412
 Cocta ligna quid in Digestis? 122
 Coctio humorum in quo confi-
stat? 411
 Coelibatus Sacerdotum institutum
recens. 65
 S. Cœnæ verba: hoc est corpus
meum explicata. 399
 Cœruleum pigmentum ex Cobal-
to preparandi ratio. 127
 Cogitationes ex corde cur proce-
dere videantur? 513
 Cogitationis definitio. 153. 355
subjectum materia. 355
 Cognitio Philosophica non nisi
conjecturalis, 163
 Cognitio Symbolica cur locum
habeat? 512
 In Colico dolore Rhabarbari vi-
res. 81
 Colli magnus tumor. 82
 Colorum natura. 365
 Columnæ (Hieronymi) in Ennium
merita. 9
 Cometa anni 1607 quando redi-
turus? 211
 Cometæ moventur in orbibus val-
de eccentricis circa Solem. 221
 Cometarum natura. 152. 159
cauda non sunt me-
ra apparentia. 152
motus quomodo sup-
putandus? 220. seq.
figura. 158
origo ex Sole. 319
 Cometas ex atmosphæra nostrâ
quinam primum removerint?
 152
 Commandinus notatus. 105
 Commentarius in quatuor Eu-
angelistas & Acta Apostolorum
Hunnii. 205
 Computus credibilitatis testimo-
nii humani. 478
 Concilium Hierosolymitanum.
 187
Tridentinum nequa-
quam liberum. 482
 Concilii I Oecumenici & Triden-
tini ultimi σύνοδος. 188
 Concilia Toletana Curia Roma-
 na ex-

<i>ne exosa.</i>	485	<i>ra effossorum descriptio.</i>	154
Concionatores illustres.	13. sq.	Cosini (Joannis) Vita.	146
Concionatorum castrensiū offi- cium.	12	Cowardi (W) Scripta Metaphy- sica.	352. seq.
Concordia Ecclesie Gallicane re- stituta in nummo.	248	Cras credo, hodie nihil.	262
Concubinatum exercens, si peni- tentiam egerit, irregularitatem Jure Can. non incurrit.	379	Creationis historia vindicata.	161. seq.
Condensationis aeris lex.	305	Credibilitatis testimonii humani computus.	478
Conringius (Hermannus) nota- tus.	54	Creech (Thomas) ἀνολογία.	45
Constantinus M. saepe sermones sacros ad populum habuit.	14	Cresollius emendatus.	5
falso accusatus.	554	Criteria revelationis immediata.	168. seq.
Constructio problematum solido- rum.	478. seq.	Critica quid?	4
Consubstantiationem num Lu- therani statuunt?	348	Cromwellius cur Arausionenses Principes a Praefectura Belgii seclusos voluerit?	109
Convulsiones puerorum sangui- nis missionem admittunt.	80	Crucifixio recens apud Judaeos supplicii genus.	266
Copernicana hypothesis absolute falsa.	90	Cruditas humorum in quo consi- stat?	411
Cor motuum reciprocorum prin- cipium.	424	Curatoris ratihabitio negotia mi- norum valida reddit.	38
Cordis motus unde?	407	Curva descensus ex accelerato re- tardati.	133
palpitatio a sanguine acri est.	407	per motum diametri circu- li descripta.	311
Corneliae legis fictione in testa- mentis Christianorum a Turcis captorum opus est.	38	celerrimi descensus.	478
explanatio.	267	analogochrona Leibnitii.	526
Corporis & mentis aequilibrium.	410	Curvae brachystochrona natura.	518
Corporum petresactorum ex scr-		Curvarum comparatio.	87
		area quid?	88
		Geometrice irrationa- lium quadratura.	478
		Cccc 3	Cur-

- Curvatura continuarum refractionum. 521
 Cuspinianus emendatus. 505
 Cycloidis spatia quadrabilia. 478
 Cycloidum dimensio. 478
 Cynicorum principia moralia. 30
Dagobertina vita Scriptoris anonymi subleste fidei accusatus. 195
 Dagobertus an ecclesias corporibus Sanctorum spoliaverit? 197
 Dannhauerus a L. Allatio impugnatus & a Veielio defensus. 188
 David num dignitatem regiam & sacerdotalem conjunctam habuerit? 13
 Daumius laudatus. 446
 Daumii in emendando J. A. Campano studium laudatum. 279
 Decalogus una cum legibus ceremonialibus illustratus. 414. sq.
 Decretum Dei absolutum Eccl. Reformatæ palladium. 74
 ab Apostolo Rom. IX neutiquam traditum. 74
 Decretales Pontificum epistola num spuria? 487. seq.
 Dee (Joannes) num Magie jure inculpandus, nec ne? 148. sq.
 Ex Definitionibus quomodo deducantur veritates? 511
 Deglutitio fluidorum cur subinde difficilis, solidorum facilis? 406
 Delirantium somnus an bonus? 476
 hamorrhagia an bona? 476
 risus an bonus? 476
 respiratio parva & debilis letalis. 477
 Deliria post morbos soporosos an bona? 477
 Delirii signa prognostica. 476
 effectus ex Plante Urbis Jacobi usu. 335
 Deliriorum causa. 476
 Delirus sanitati restitutus. 418
 omnium actorum memor. 418
 Dentientibus pueris calida alimenta ne dentur. 80
 Descensus corporis gravis per arcum cycloidis. 479
 Deus an sit substantia? 354
 Dei existentia probata. 162. 360
 Devus. Vide Dee.
 Dherbelotius notatus. 70
 In Diabete Rhabarbari vires. 81
 Diabolus hostis hominum in V. T. 213
 Diameter Solis prope horizonem eadem, quæ in Zenith per quadrantem deprehenditur. 479
 cur prope horizonem major appareat, quam in Meridiano. 479. sq.
 Dierum naturalium inequalitas. 89
 Dii Cabiri qui? 72. seq.
 Diffe-

Differentiales logarithmorum.	86.	blice?	298
Differentialium criterium.	87	Dioesius sententia, quod Ecclesia	
Difficilia quomodo facilia reddan-	88	libros innoxios damnare possit,	
tur?	402	auctor.	177
Dignitatis officia in Brabantia		Dispensatio num locum habeat	
restricta.	290	circa penas lege universali po-	
Dilatationis aeris lex.	305	ssiva definitas?	42
Diluvium quomodo contigerit?		Ditmari Gesta Saxonum emenda-	
	361	tius edita.	462
Diogenis & Cynicorum principia		Divortiorum olim apud Romanos	
moralia.	30	usus & licentia.	267
S. Dionysii monasterii Abbates		Dodwellus (Henricus) refutatus.	
olim Gallie quidam Reges.	198		356
Commen-		Dodwelli (Henrici) de anima	
datarum qui dicantur?	201. sq.	immortalitate hypothesis para-	
Abbatibus		doxa.	207. 333
jus mitra, annulo & sandaliis		de necessita-	
utendi concessum.	198	te Hierarchie Episcopalis hypo-	
sepultura locus ubi?		thesis a Buddeo impugnata.	
	194. sq.		333
Ecclesia qualis olim?		hypothesis de	
	195	anima impugnata.	212. sq. 358
De S. Dionysii reliquiis Gallos in-		quæ ha-	
ter & Germanos controversia.		beat incommoda?	215. 358
	198	Dominicani in Clave Jansenisti-	
Dionysius Lusitania Rex Poeta &		ca dilecti Baccalauri.	371
Poetarum Patronus.	466	Dominicanorum cum Janseni-	
Diplomata antiqua Merovingio-		stis amicitia num simulata?	
rum Gallie Regum impugnata.			371
	292. sq.	cum Jesuitis a-	
genuina a falsis discer-		mulatio num controversiarum	
nendi ars Mabilloniana explo-		Jansenistarum origo?	373
sa.	290. seq.	Dominium an usurpatione tolli	
na discernantur, quantum intersit Reipu-		possit?	270
		Dominus gloriæ crucifixus.	187
		Donati (Christiani) Koenigius il-	
		lustrat.	

lustratus promissus.	430	Eclipses Satellitum & Lunaribus	
Dormientes quid cogitemus?	513	qua in re praeferenda?	160
Druides unde dicti?	122	Ecloga & Satyra quomodo a se	
Ductus thoracici descriptio.	272	invicem differant?	281
dubii.	416	Eduardi VI Anglia Regis prae-	
novi glandularum thyroi-		ptor quis?	189
dearum.	417	Egbertus primus Anglia Monar-	
Duello singulari causae olim in		cha.	172
Germania & Gallia decisa.	379	Elastica linea qualis?	312
Dunstani Archiep. Cantuariensis		Elasticæ particula cum cylindro	
fata.	172	comparata.	310
Duræ Matris glandula.	322	Elater aeris non minuitur.	362
motus.	412	Elateris natura.	320
Eccentricitas Solis nulla.	89	Electronis & reprobationis decre-	
Ecclesia Anglicana moderna		tum ab Apostolo Rom. IX non	
num antiquissima Ecclesia Hisp.		stabilitum.	74
faciem referat?	483	Electorum Saxoniae prerogativa	
Hispanica quando ver-		in legibus provincialibus contra	
ba Filioque Symbolo CPTano		Imperii jura ferendis.	77
addiderit?	485	Rom. Imperii origo.	63
Græca hodierna con-		Elizæ apparitio.	358
tra L. Allatium defensa.	188	Ellipseos descriptio.	133
cujus culpa a		Q. Ennii Fragmentorum editiones	
Latina separata?	65	varia.	9. seq.
num in rebus facti		Epicurus jure Atheus dictus.	32
falli possit?	176. 287	Epicureæ Ethica qui defectus?	32
num libros innoxios		Epicycloidum dimensio.	478
condemnare possit?	177	Epiglottis humana quatuor habet	
Æthiopica.	188	musculos.	273
Ecclesiæ Malabarica historia.	482	Anti-Epileptica quæ?	131
Gallica & Hispanica Ca-		Ἐπίμεληται qui dicti?	233
pitula tria a Gregorio M. da-		Epiphanius refutatus.	70
mnata, damnare nolunt.	175	Episcopalis communio ad salu-	
Eclipses Lunares observatu diffi-		tem necessaria.	208
ciles.	160	Episcopi soli spiritum conferunt.	210
		Epi-	

Episcoporum potentia non ma- ior, quam clericorum.	357	cur?	163
ambitio Christiani- smi corrupti causa.	24	Evangelistæ num unam historiam bis quandoque memorent?	16
Ἐπιστάται qui dicti?	233	num chorum musi- cum representent, in quo unus quandoque solus cantat?	17
Ἐπιστημονάρχης præses quinam apud Byzantinos?	14	num contra tempo- rum ordinem quandoque scri- pserint?	16
Epistolæ character.	280	Evangelium quis prædicet defun- ctis?	209
Ad Epistolam ad Hebræos Adno- tationes Exegetica Joannis de Mez.	261	Evidentiæ gradus, quo nititur mentis existentia cognitio.	168
Juda brevis introdu- ductio.	12	Eutyches qua in re erraverit?	177. seq.
Epistolarum Latinarum Scripto- res laudati.	125	Eusebius refutatus.	70
Jo. Cocceji ad alios & aliorum ad eundem colle- ctio.	288	Vercellensis an Eusebii Cæsariensis Comm. in Psalmos Latine verterit?	435
Epitaphium hominis morsu felis enecti.	555	Cæsariensis an fuerit Hebraice doctus?	436
Equitationis commoda.	277	Euylus de Roscio Mauros ex Hi- spania eiecit.	485. seq.
Erasmi (Desiderii) Oratio fune- bris auctore Guilielmo Insula- no.	278	Exheredandi liberos jus parenti- bus concessum.	38
Error in planimetria receptus no- tatus.	478	Existencia Dei probata.	162. 360
Apostolorum & Discipulo- rum circa Regnum Christi mundanum.	187	Experimentandi methodus.	157
Eruditorum pauperum exempla.	45	Experimentum caudas Cometa- rum illustrans.	156
miserorum exempla.	45	F abulæ Romanenses examina- te.	327
Ἐρως quæ Græcis dicta?	70	Fasciæ & macula Jovis quid sint?	320
Esseni num Christiani?	454	De la Faye (Joan.) laudatus.	281
Essentiæ rerum, cur ignoren- tur?		In Febre Epidemica verminosa vi- num conducens.	410

- In Febribus puerorum comatosi* Firmamenti motus apprens. 89
Mercurius dulcis sexies subli Mosaiici explicatio. 363
matus conducens. 80 descriptio. 163. 363.
Anti-Febrilia quæ? 131
In Febrium principio an purga Fisco num competat tacita hypo-
tio conducat? 409 theca ratione panarum? 38
Felis morsu enecli epitaphium. 555 Fixarum motus. 90
Fell (Joannis) institutum edendi natura. 151. 317
Vitas eruditorum Anglorum. 145 Flagellatio a suffigatione diversa. 265
obitus. 145 Focorum in catoptrica inventio. 139. seq.
Fenelon Archi. Ep. Cameracensis Fœcunditas terra unde? 404
subscriptionem Bullæ Anti- Fœminas an imperio præesse de-
Janseniana impugnât. 177 ceat? 550. seq.
Ferri clogium. 310 Formosa insula Belgis a Chinen-
Festum corporis Christi. 187 sibus quando erepta? 341. seq.
Feustelius (Christianus) laudatus Formosæ insula Descriptio. 241
Fibræ structura & motus. 470 Fosi populi unde dicti? 460
Fibrarum elater & oscillatio. 412 Foxiæ (Germanæ) historia expli-
De Ficorini (Francisci) Opera cata. 404
promissa. 428 Franciscus I num cum Turcis pa-
Fidei, Spci & Charitatis, Virgi- etus blasphemus juramento se
num Sanctarum, Passio num obstrinxerit? 505
genuina? 491 De Fresne in causa Janseniana
De Fideicommissis & Legatis an nomen Guesnellii. 369
tinomia excussæ. 268 Frictionis commoda. 277
Fideles V. T. quomodo silvati. 208. seq. Fridericus I Imp. ab Alexandro
Figura Telluris spheroidica. 155 III Pont. pedibus neutiquam
Filia vocis supersticiosum apud conculcatus. 67
Judeos sortis genus. 456 II Imp. rhythmorum
Filices Americanae. 224 Italicorum primus auctor. 466
Filicinarum plantarum fructus. 324 Frigoris natum. 362
Fulguris generatio. 480 Funa.

Funerium descriptio.	121	Glandulæ circa penis coronam.	
Furia & Fusia lex eadem.	122	detecta.	417
Fusio corporum volumen minuit.	320	S. Godehardus Ep. Hildesienfis	
		quando mortuus?	462
Fustigatio a flagellatione diversa.	265	Goetzii (God. Christ.) observatio-	
		nes de Imperatoribus Byzanti-	
Futuri status existentia.	184	nis.	14
		Goldastus (Melchior) refutatus.	
			63
G Alera quod vehiculi genus		Gonzagæ (Maria Ludovica) res	
Hispanis?	102	gestæ.	531
Gallilæus notatus.	312	Græca quando ignorata Anglis	
Gallionismus.	187	fuerint?	189
Gallicanæ Ecclesiæ concordia re-		Græcæ Scripturæ origo & muta-	
stituta in numo.	248	tiones.	55. seq.
Gallicani Officii in Ecclesiis Hi-		In Græcæ linguae pronuntiatione	
spanicæ mira introductio.	66	frustra tentata emendatio.	189
Gallois Abbatæ obitus.	427	Græcorum studium doctrinæ mo-	
Gaones Judæis qui?	457	ralis commendatum.	28. seq.
Garizim mons qualis.	70	Grævius (Jo. Georgius) laudatus.	
Geddesii (Michaelis) Scripta.			400
	482. seq.	Grandinis generatio.	480
Gemaristæ qui?	456	Gratiolæ virtutes.	308. 309
Generatio æquivoca non datur.		Gravii (Joannis) vita.	147
	165	Gravina (Jo. Vincentius) lauda-	
Geometria Gerardi van Kirck-		tus.	19. 22
buysen commendata.	106	quos li-	
Geometriæ definitio.	91	broz promittat?	22. seq.
Elementa.	91. 92	Gravia cur non semper subsidant	
Gerberon (Gabriel) Jansenista.		in specificè levioribus fluidis.	
	368		480
auctor hi-		Gravitas pro ratione distantie a	
storiæ generalis Jansenismi.	372	centro Terræ decrescit.	159
Germania num sit Systema Re-		in eodem loco variabi-	
rum publ. fœderatarum?	77	lis.	156
Per Gestus loquendi artis origo.		corporum non ubivis	
	466	terra-	

- terrarum eadem. 166
 Gravitas *massæ proportionalis*. 166
 specifica Planetarum.
 diversa. 363
 Gravitatis *natura*. 159
 proprietas. 151. 159
 Graviorum *descendentium veloci-*
 tas ut inquirenda? 151
 Gregorius M. *num in condemna-*
 tione trium Capitulorum erra-
 verit? 175. sq.
 Gregorii M. *ingenium placidum*
 laudatum. 177
 litteræ duæ in Biblio-
 theca Vaticana supposititiæ. 485
 Gronovius (Jacobus) *censuræ per-*
 petua reus ætius. 59
 Grotius (Hugo) *laudatus*. 34
 Gulldini *regula centrobaryca ve-*
 teribus nota. 105
 Güstrovienſium *res explicata*. 236
 origo a Slav. 237
 conversio ad Chri-
 stianismum quando facta? 237
 Güstrow *quid sit lingua Slavi-*
 ca? 237
 In Hæmorrhoidibus *cæcis sul-*
 phuris vires. 81
 Hæmorrhoidum *fluxus nimius*
 per solum spiritus vini sistitur. 81
 fluentium causa,
 commoda & incommoda. 474
 Hæreditas. *Vide Hereditas*.
 Hæresis *in qua re consistat?* 24
 Hæresis *num sit objectum pana-*
 rum? 42
 Hæresium & Hæresiarcharum
 historia. 24
 Hæreticos *natos inter & factos*
 Maimburgii distinctio. 41
 Halley (Edmundi) *in Apollom-*
 um Pergæum merita. 103
 Harduinus (Joannes) *refutatus*.
 227. 228. 230. 231. 448. 490
 Harmonia *novæ quatuor Evan-*
 gelistarum CXX stationibus
 Christi accommodata. 15. seq.
 Hemsterhusius (Tiberius) *lauda-*
 tus. 3
 Henrici IV Imp. & Gregorii VII
 Pont. gesta accurate descripta.
 65
 Hereditate *excludendi liberos jus*
 parentibus concessum. 38
 Ex Hereditate *titulo emissionis*
 comparata res certa usucapi
 potest. 270
 Hereditati *paterna an valide*
 renunciari possit? 379
 Herodes *num fuerit Judæus?*
 448
 num in Synedrium, ve-
 lus iudicium, vocatus fuerit?
 40
 Herodianorum *origo*. 454
 Hesselii (Francisci) *in Ennium*.
 merita. 9
 Hevelius *notatus*. 158
 Hexæmeron Dei *opus*. 186
 B. Hilarii *Operum Editio nova ca-*
 figa.

<i>figata.</i>	299	<i>lorum Commentarius.</i>	205
<i>Hildefianorum Concionatorum.</i>		<i>Hunnii (Ægidii) Vita.</i>	205
<i>Index promissus.</i>	283	<i>Hybridæ, seu voces Hebræico-Bar-</i>	
<i>Hillel num Patriarcha fuerit?</i>		<i>baræ, num in S. Literis repe-</i>	
	455	<i>riantur?</i>	264
<i>Hispaniæ Topographia curiosa.</i>		<i>Hypochondriaco malo motus</i>	
	97	<i>corporis prodest.</i>	276
<i>Historia ecclesiæ Malabarica.</i>	482	<i>Hypopiasmus Paulinus.</i>	187
<i>Historiæ V Propositionum au-</i>		<i>Hypotheca usucapione non peri-</i>	
<i>ctur du Mas.</i>	244	<i>mitur.</i>	271
<i>Hobbesius (Thomas) notatus.</i>	34	<i>Hystericæ passioni motus corpo-</i>	
<i>Hollandiæ Frisig. ordines quam</i>		<i>ris prodest.</i>	276
<i>præ ceteris Belgii Fœderati pro-</i>			
<i>vinciis prærogativam habeant?</i>		J <i>acobæ Bojoaricæ pudicitia.</i>	
	III. seq.	<i>examinata.</i>	404
<i>Holofernes Sardanapali Dux</i>		<i>Jacobi Patriarchæ morientis ver-</i>	
<i>bellicus.</i>	498	<i>ba ultima.</i>	414
<i>Homicidii pœna num ad jus po-</i>		<i>S. Jacobi de Compostella Legenda</i>	
<i>sitivum universale referenda?</i>		<i>notata.</i>	483
	40	<i>Jacobus Philippus Bergomensis</i>	
<i>Hooke (Roberti) vita.</i>	160	<i>notatus.</i>	404
<i>Van Horne (Joannes) illustratus.</i>		<i>Jansenii liber Augustinus ab Ale-</i>	
	271	<i>xandro VII & Clemente XI</i>	
<i>Horologii oscillatorii inventor</i>		<i>damnatus.</i>	244
<i>Rob. Hooke.</i>	160	<i>condemnatio num de jure</i>	
<i>Hortense Calendarium.</i>	496	<i>an de facto intelligenda?</i>	244.
<i>Hortorum cultum.</i>	381		sq. 174. sq.
<i>Huetius (Petrus Daniel) notatus.</i>		<i>Jansenistæ celebriores.</i>	368. sq.
	68. 69	<i>num doctrinæ sanæ de-</i>	
<i>Humorum coctio & cruditas in</i>		<i>fensores?</i>	370
<i>quo consistat?</i>	411	<i>jussu Regis Gallie in-</i>	
<i>Hungari cujus opem ad fidem</i>		<i>custodiam detrusi.</i>	371. sq.
<i>Christianum conversi?</i>	62	<i>num in mentiendo sa-</i>	
<i>Hunnii (Ægidii) elogium.</i>	205	<i>tis audaces?</i>	372
<i>in quatuor Ev-</i>		<i>num in votis habeant,</i>	
<i>angelistarum & Actus Aposto-</i>		<i>ut Thomistica aque ac Jesuiti-</i>	
		<i>ca do-</i>	

- ca doctrina proſcribitur?* 372
 Jansenistarum & Dominicanorum consensus & amicitia num simulata? 370. 371. 395
 Jansenistica Clavis. 369
 Jansenium inter & Curiam Romanam pacis historia. 244
 Jansenisticarum controversiarum in Belgio scaturigo Dominicanorum cum Jesuitis amulatio. 373
 Jaquelotus refutatus. 506
 Ideæ quid? 152
 Idololatriæ ortus & varia genera in templo Judaico-Ethnico. 23
 De Jehova nominis pronunciatione Auctores varii collecti. 530
 Jesaias, an Hesaias dicendum? 440
 Jesuitæ, mortuo Ignatio, doctrinam Thomisticam deserunt. 374
 num Pelagianismi rei? 396
 num Academiarum professores? 377
 num Præcursores Antichristi? 372. 374
 Jesuitarum & Dominicanorum in causa Jansenistica consensus. 370. seq. sub
 Paulo V Pont. dissensio. 395
 contra Jansenistas motus. 245. seq.
 Ignatius Lojola num heresi Lutheri & Calvinii expugnanda divinitus datus? 389
 Ignes subterranei. 409
 Ignis ope ut elevanda aqua? 420. seq.
 ut plumbum liquefaciat? 511. seq.
 principia non transmutant. 362
 R. Jisafchar notatus. 457
 Ilei diverticulum. 322
 Illustris tituli quis usus olim? 118
 Imaginis motus in speculo accurate determinatus. 141. 142. 143
 Immaterialitas animæ demonstrata. 214
 Immortalitas animæ privilegium pacti specialis inter Deum & homines. 207
 quomodo & per quem conferatur? 207. seq. in V. T. ignorata. 208
 ad puniendum unde? 357
 anima ab Egyptiis confecta. 358
 Imperatores Romano Germanici quinam fidem Lutheranam morte confirmaverint? 13
 Byzantini cur ἐπισημονάρχαι dicti? 14
 jus circa Sacramentum actum

<i>actu primo, non secundo, habent.</i>	78	<i>ne Philippus Marnixius.</i>	507
<i>Imperii Status. Vid. Status Imperii.</i>		<i>Jonicum num Cadmi alphabeta tum dici possit?</i>	56. 57
<i>Incluti titulus unde?</i>	118	<i>Josephus (Flavius) notatus.</i>	262.
<i>Incommensurabiles quantitates negatae.</i>	365		264
<i>asser- ta.</i>	365. 366	<i>Josephi nova editio promissa.</i>	429
<i>Individuationis principium.</i>	508	<i>historia continuata.</i>	448
<i>Induratio Pharaonis.</i>	187	<i>vita quando scripta?</i>	449
<i>Infallibilitas Pontificis negata & asserta.</i>	175. 176	<i>Jovius (Paulus) cur in P. Alcyonium male animatus?</i>	44
<i>Infantum morbi acuti.</i>	79	<i>Ipecacuanhæ radix commodum, infantum emeticum.</i>	80
<i>febris comatosis Mercurius dulcis sexies sublimatus conducit.</i>	80	<i>S. Irenæi nova Editio promissa.</i>	427
<i>Infernus cui destinetur? ubi?</i>	207	<i>Iris.</i>	478
<i>Influxus siderum nullus, unde?</i>	317	<i>Isidorus Hispalensis Officii Mosarabici auctor.</i>	100
<i>Surinamensium Metamorphosis.</i>	481	<i>Israelitæ non stando, sed accumbendo Pascha comederunt.</i>	399
<i>Innocentes an & quomodo possint puniri?</i>	40	<i>Itinerum a Belgis in Indiam Orientalem susceptorum Sylloge.</i>	337. sq.
<i>Insectorum Scriptores.</i>	481	<i>Jubilæum Annabergicum.</i>	11
<i>Intellectus voluntati non im- perat.</i>	284	<i>Judæorum Regum numi explicati.</i>	230
<i>Joabus in ministri aulici probati & improbi exemplum propositus.</i>	192	<i>Reges num sacerdotio subjecti?</i>	451
<i>Jobi liber cum Terentii scriptis & Æneide Virgilii collatus.</i>	12	<i>Judicii extremi universalitas asser- ta.</i>	357
<i>Jochaides (Simon) Cabbale inventori.</i>	457	<i>particularitas asser- ta.</i>	209
<i>Jomlacula (Nicolaus) vero nomi-</i>		<i>Julia lex explicata.</i>	267
		<i>Julii Pollucis Onomastici varia Editiones.</i>	1
		<i>cognomen, patria, paren-</i>	

- parentes, munus. 4.5
 S. Julianus num cum quinque
 millibus martyrium in Aegypto
 subierit? 490
 Jungermannus (Godofredus) lau-
 datus. I
 Juniorum (Petri & Patricii) vita.
 147
 Jupiter a Sole non illuminatur.
 364
 Satellites suos illuminat.
 364
 Jovis fascia & macula quid sint?
 320
 phenomena. 318. 320
 Juramenta quam sancte semper
 a Gentibus habita, Perizonii
 commonitio. 266. sq.
 Jurandi constitutionum apud He-
 braeos historia. 265
 gratiam ut facere pos-
 sint Princeps & Magistratus? 267
 Jurare num Christiano per idola,
 aut jusjurandum ab Ethnico
 accipere liceat? 266
 Iurius (Petrus) palinodia reus a-
 ctus. 405
 Jus Imperantium in vitam civium.
 40
 in vitam propriam habuit so-
 lus Christus. 40
 Natura, Gentium, Mosai-
 cum, Gracum, Romanum, Ca-
 nonicum a Pontificiis Seculo
 XVII permixtum. 469
- Jus Patronatus principaliter op-
 pignorari non potest. 38
 Canonicum Status Protestan-
 tes an & quatenus abrogare
 possint in suis territoriis? 77
 hereditarium longissimi tem-
 poris lapsu amittitur. 270
 Circa Jus Natura ne Deus quidem
 dispensare potest. 77
 Divinum mere positi-
 vum Deus, non homines dispen-
 sare possunt. 78
 Papa de sa-
 cto dispensat. 78
 Canonicum & Civile
 solus Imperator dispensare po-
 test. 78
 De Jure gratia Principis judicium.
 42
 Jureconsulti Romani Stoica Phi-
 losophia sectatores. 33
 Juris Divini amantissimum Ecloga.
 13
 Natura principia sunt facil-
 lima. 25
 cognoscendi difficul-
 tas in applicatione principio-
 rum lateat. 26
 scientia certa, licet
 non absoluta, acquiri potest. 26
 Systema primus Gro-
 tius construxit. 27. 470
 doctrinam Judaei cor-
 ruperunt. 27
 Patres ne-
 glexerunt. 27
 Juris

Juris Gentium fontes quinam aperuerint?	431	Van Leenhof (Friderici) Coelum in terra aliaque.	328. sq.
Civilis & Canonici Repertorium quoddam commendatum.	547	Coelo &c. quanam scripta opposita?	330. seq.
A mpfgericht, sâmpstliche Sachen quid?	379	dogmata in Belgio damnata.	329. 332
Kepleri lex de motu Planetarum stabilita.	364	Lederlinus (Jo. Henricus) laudatus.	2. 3
King (Guilielmus) notatus.	404.	Legata ad pias causas nocent non solum heredi Falcidiam deducturo, sed & legatariis.	38
Kirchmanni (Joannis) Vita.	218	De Legatis & Fideicommissis antinomia excussa.	268
Kmetones Polonis qui?	19	Legenda S. Jacobi de Compostella graviter notata.	483
Knisenak cerevisiae nomen quid notet?	238	Leges motus.	180
Kuhnus (Joachimus) laudatus.	2	Legibus civilibus an & quousque Status Imperii subsint?	76
Kunigundæ, Imperatricis, innocentia num vera?	42	& Recessibus Imperii Status Imperii obligantur.	77
L actucarum catalogus.	495	naturalibus quoad prohibitiones nuptiales Principes subsunt.	76
preparatio.	495	Legum naturalium existentia.	359
Lætitia vera Christianorum quanam ex Leenhofii sententia?	530	88. pr. §. 1. ff. de Legat.	
Lamy commendatus.	91	3. & 44 §. 2. ff. de Legat. l. antinomia difficulter tollenda.	269
A Lapide (Cornelii) Comment. in Scripturam S. historia.	12	Lehmanni (Christ.) de Threnis Jeremia epistola.	12
Lapidum vegetatio.	409. 411.	Leibnitius (God. Guil.) laudatus.	460
durities.	409	Eccc	Lelan-
Lapilli agris proficui.	404		
Latitudo locorum.	159		
Lauquojus refutatus.	196		
S. Leat de: num in Concilio Tolet. XIII Gregorii M. Delegatus fuerit?	486. 488		

- Lelandus (Joan.) phreneticus. 45
 De Lemos (Thomas) Scriptor in
 in causa Janseniana Domini
 canis favens. 394
 Leopoldi Imp. Vitæ Autores lau-
 dati. 345
 Vita promissæ. 549
 Lepidi Comici veteris Philodoxi-
 os fabula spuria. 528
 De Lepore vivo num Nebucad-
 nezar comederit? 266
 Lessii (Leonhardi) apologia ad-
 versus Censuras Lovaniensem
 & Duacensem. 396. seq.
 Λευκός quid Grecis? 7.8
 Levitarum electio & officium. 414
 Leutici quo loco in Germania ha-
 bitaverint? 64
 Leuthingeri (Nicolai) Operum.
 nova editio promissa. 93
 Lex divina universalis. 357
 Julia explicata. 267
 Cornelia explicata. 267
 pen. ff. ad Leg. Corn. de Si-
 car. emendata. 239
 9 ff. de Leg. Rhod. de Jactu
 emendata. 240
 22 ff. de Condit. & Demonstr.
 explicata. 270
 1 ff. de adim. Leg. explicata.
 270
 11 ff. de Condit. instit. illu-
 strata. 268
 48 ff. de Judic. explicata. 268
 Libros innoxios num Ecclesia con-
 demnare possit? 177
 Lichenis anapodocarpi defini-
 ptio. 325. sq.
 Lienis cum ventriculo consensus.
 272
 Ligna qua ætate cadenda? 404
 Lignorum decocta quid præsentent?
 81
 Loaisa (Garfias) Conciliorum To-
 letanorum editor. 484. 486. sq.
 Lockius (Joannes) resuscitatus. 521
 Locorum Geometricorum con-
 structio. 311
 Logarithmi Logarithmorum
 quando non adhibendi? 86.
 159.
 Logarithmorum differentia.
 86. seq.
 Logarithmica curvæ quadratu-
 ra. 478
 Logarithmos construendi metho-
 dus. 478. sq.
 Lojola (Ignatius) Thomam So-
 cietati Jesu prælegi sanxit.
 374
 Lombardi (Petri) obitus. 67
 Longævitatæ Antediluvianorum
 causa. 361
 Longitudines locorum invenien-
 di nova methodus. 311
 Longitudo locorum. 159
 Loquendi per gestus artis origo.
 466
 Lords vocis Anglicæ origo. 122
 Lucanus (Joannes) J. Cuius lauda-
 tus. 116

tus.	238	serta.	163. sq.
Lucianus an Jul. Pollucem per-		Luminis theoria Newtoniana vin-	
strinxerit?	6	dicata.	163
Ludovici Pii diploma suppositi-			im-
tium.	61	pugnata.	365
Lues Venerea morbus antiquus.		Cartesiana refu-	
	81	tata.	163
venena-		natura. 151. sq. 364. sq.	
tus & maxime deleterius.	81	proprietates & effectus.	
infantum ut cu-		151. 157. 158. 163	
randi?	81	Luminosus tractus in Tauro un-	
præcaveri potest.		de?	158
	381	Lunæ lumen inefficax.	153
Luis Venereæ cura.	81. 183	Lusitanorum conatus Belgas a	
phenomena in ca-		commercio Indorum removen-	
davere.	418	di.	338
In Luis Venereæ cura errores.		Lutheranismus D. Bernhardi.	13
	418	Lutherani num revelationes ra-	
Lumen quid sit?	157. sq.	tioni contradictorias statuunt?	
propagatur in instanti.			347
	157	num consubstantiatio-	
non propagatur per line-		nem statuunt?	348
as rectas.	158	num liberum arbitri-	
in Zodiaco observandum.		um in negotio Justificationis	
	319	mere passive se habere negent?	
ab igne actuali produci-			395
tur.	151	Lutherano-Evangelicam fidem.	
quomodo ante Solem exsti-		quinam Imperatores morte con-	
terit?	163	firmaverint?	13
Mosi est medium, per quod		Lutherus num iniquus S. Scriptu-	
lumen propagatur.	163	ra censor?	12
Luminis Solaris productio.	151	Lux primigenia quomodo Solem	
Lunaris efficacia.	153	antecedere potuerit?	163
materia pondus corpo-		Lyseri (Polycarpi) Vita.	515
rum atget.	309	Eccc 2	Mabil-
propagatio successiva as-			

- M**abillonius (Joannes) resu-
tatus. 290. sq.
 Macedonia olim in superiorem-
et inferiorem divisa. 227
 Macedonia inferioris symbolum
cancer. 227
 Macedoniani ab Athanasio resu-
tati. 437
 Machina visionis phenomena de-
clarans. 152
ad columnam facile eri-
gendam et demittendam. 419
ad liquorem ex pomis ex-
primendum. 404
aquam ignis ope attol-
lens. 420. sq.
Saveriana Papiniana ce-
dit. 422
 Macularum Solarium natura. 151
Jovis descriptio. 320
 Madrutii Cardinalis scripta num
supposititia? 392
 Magdeburgensis Archiepiscopa-
tus ab Ottone M. institutus.
 61. sq.
 Magnes artificialis. 416
 Magnetis phenomenorum causa.
 365
vis a particulis nitro-
sis. 365
 Mahumetis Imp. Turcici crudeli-
tatis exemplum. 551. sq.
 Majestas vere talis num compe-
rat Statibus Imperii? 77
 Malatesta (Francisca) quomodo
ad incestum inducta? 404
 Malebranchii Philosophia lau-
data. 177
de ideis doctrina ab
Arnaldo examinata. 177
 Manichæismus ante Manichæos.
 499
 Manichæorum affecta veteres et
recentiores. 502
 Manometri descriptio et usus.
 306. seq.
 Manutius (Aldus) castigatus. 528
 Marcelli Ancyranæ doctrina sum-
ma. 438
 Mare Rubrum quod? 69
unde dictum? 69
 seq.
 Maris salitudo a rupibus salinis.
 320
afflus unde? 364
circulationis cum sanguinis
circulatione comparatio. 413
 Marmor variis lapillis distin-
guendi artem quis invenerit?
 466
 Marsaciorum sedes ubi? 461
 S. Martini in Eccl. Hispanicam
merita. 486
 Martyrologii Romani a Gregorio
reformati errores. 489. seq.
reformatio-
rum errores. 489
 Martyrum multa millia num in
Martyrologio Romano fictitia?
 491
 Masora auctores veri. 457
 Maso-

Masoretæ qui?	457	Medicina gymnastica.	274
Materia motus principium in se habet.	356	Medicinæ difficultatis, confusio- nis & incertitudinis causæ.	127
Matheseos elementa.	91	In Medicina Mechanicorum ra- tiociniorum usus vindicatus.	234
Matrimonium Clericus Jure Can. inire nequit.	379	Medicus quando spectator esse debeat?	131
Principum Prote- stantium contra Jus Can. ini- tium, si alter Conjugum ad Pontificios transeat, nullum declarare Pontifex haud po- test.	79	Mediolanenses Principes quo- modo ad Principatum perve- nerint?	114
quousque jure Naturali, Civili, Canonico &c. prohibitum?	76	Melchisedeci persona, officium, & facta.	186
ob mutatam re- ligionem non dissolvitur.	38	A Melle oppido familia Melle- niorum dicta.	218
De Matrimonio Claudii & Agrip- pinæ Dissertatio.	67	De Mellerajo Marschallo singu- laria.	404
In Matrimonialibus jus dispen- sandi Pontifici a Protestantibus negatum.	78	Memoria quid sit?	153
Dispensatio num extra Principis dispensan- tis territorium valeat?	79	Menagius (Ægidius) notatus.	281
dispensatio- nem Protestantes Principes ipso jure exercent, Catholici a Pa- pa petunt.	79	Menckenii (Ottonis) obitus.	431
A S. Mauro nomen cur Benedi- ctinorum ordo adsciverit?	203	(Jo. Burchardi) in J. A. Campanum merita.	280.
Maximilianus Henricus El. Co- lon. Chemicæ artis peritus.	462		282
Medicam artem num exercere liceat Theologo?	12	Mensium fluxus nimius per vo- tum spiritus vini sistitur. causa.	81 474
Medicamentorum classes. 130. sq.		Mensura fixa.	155. seq.
		Mentis paradoxæ definitio.	514
		definitio realis desidera- tur.	508
		actiones Mechanice expli- cata.	152. 153
		sedes.	152
		& corporis equilibrium.	410
		Mercurii ascensum in barometro Eeee 3	spiri-

- Spiritus vini impedit.* 305
In Mercurium gravitans materia subtilis. 305
Mercurius dulcis sexies sublimatus in febribus puerorum comatosus conduxit. 80
Meridiana linea ut invenienda? 155
Merovingici in Gallia Reges non nomine sed potestate tales. 198
Metamorphoseos librorum Ovidii physica interpretatio. 155
Metaphysica principia Cowardi. 352. seq.
Methodus approximandi in indicibus irrationalibus. 91
philosophandi de anima. 508
experimentandi. 157
modos naturæ in operando detegendi. 157
demonstrandi veritatem religionis Christianæ. 167. seq.
Methodi medendi ratio. 130. seq. 411
Metropolis jura & privilegia ratione coloniarum descripta. 231
quæ signa in nummis? 232
De Metropolitibus provinciarum Romanis subjectarum Dissertatio. 231. seq.
Mevii (Davidis) Jurisprudentia gentium communis typographis oblata. 430
Micrographia Hookii commentata. 150
Mina Hebraorum. 266
Miracula num hodie cessent? 185
Mischnæ auctores. 456
In Misina cultus quondam Abrahami & Josephi. 13
Missio Spiritus S. extraordinaria. 12
Moderationis in decidendis controversiis specimen. 41
De Moivre (Abraham) notatus. 87
Cheynei adversarius. 85. 86
Moivreani theorematum pro infinitinomio ad potentiam indeterminatam elevando origo. 87. seq.
Molarum novum genus. 422. seq.
Molina (Ludovici) liber, nec editus, nec visus, a B. n. n. s. Pelagianismi postulatus. 390
liber de Concordia permisso Inquisitionis Lusitanicæ editus. 391
a Clemente VIII damnatus. 392
causa defensa. 393
appendix ad librum de Concordia. 397
Molleri (Justi) Fasciculus remedium commendatus. 80
Molechiculus in pictura exhibitus.

<i>bitus.</i>	398		211. 214
Moluccarum insularum expu- gnationis historia.	342. seq.	Mortis ex morbo causa quintu- plex.	130
Momentorum temporis a gravi per curvam descendente con- sumti expressio Analytica.	518	naturalis causa.	410
Mongitore (Antonii) Bibliotheca Sicula promissa.	528	Mosarabicum Officium unde di- ctum?	101
Monothelitarum heresis in An- glia quando invaluerit?	171	a Xime- nio iterum restauratum.	102
Mons ignivomus Pietra - mala.	418	duello & igne in Hispania probatum.	66. 100. sq.
Monstrosus fetus.	419	Mosci. Vide Russi.	
Montfaucon (Bernardi) Palæo- graphia Græca promissa.	424. seq.	Moses & Moschus an iidem?	119
Moralis (Ambrosius) Scriptor Hi- spanus.	486	Mosis apparitio.	358
Moralis doctrine historia.	26. sq.	Motus firmamenti apparens.	89
	328	oscillatorius quis?	471
methodus varia.	327	imaginis in speculo accu- rate determinatus.	141. seq.
Morbus quid?	128	Planetarum circularis un- de?	363
Morborum varietas unde?	128. seq.	vertiginis Planetarum.	363
	129	cur diversæ celeritatis?	364
quatuor genera.	129	Telluris diurni causa.	160
causæ propriæ.	129	inequalis.	317
remota ut a-	129	causæ.	180
gant?	129	leges.	311
analogismus.	408	Planetarum theoria per- fecta.	311
acutorum signa pro-	475	rotæ molaris quantum es- se possit?	422
gnostica.	426	Elliptici Planetarum cau- sæ.	318. seq.
Moreriani Dictionarii nova Edi- tio.	426	corporis qualem usum habeat?	275
Mortalitatem animæ naturalem num Patres asseruerint?	210.	Motuum reciprocorum theoria.	423
			Le

- Le Moyne (Stephanus) emendatus. 121
 Muhamedanæ religionis ortus, sectæ & ritus varii. 24
 Muhamedismus in Angelis Euphratis S. Johanni præmonstratus. 187
 Mundus immediata virtute a Deo creatus. 162
 num possit esse ens a se? 162
 num solius hominis gratia conditus? 165
 Mundi æternitas negata. 360
 Systema novum. 89. 363
 De Mundo Christianorum veterum sententia ex testimonio Cosine. 439
 Muretus notatus. 118
 Musei seu Bibliothecæ instructio qualis esse debeat? 12
 Mysticæ Theologiæ origo. 460
 Doctores rationis usum suppresserunt. 469
NAsos vel labia resingendi ars a quo inventa? 466
 Natalis Alexander Jansenistis adscriptus. 370
 Natura optimus Medicus. 131
 Naturæ æqualitas inter curvas citissimorum descensuum & curvaturas continuarum refutationum. 517. seq.
 Nebucadnezar num de lepore vivo comederit? 266
 De Neronis adoptione Dissertatio. 267
 Nervi acustici tractus singularis. 419
 Nervus succus nutritivus. 473
 Neuseri (Adami) transitus ad Turcarum cultum contra Sandium comprobatus. 13
 Newtonus (Isaacus) notatus. 364
 refutatus. 360
 Nicolius Jansenista. 176
 Ecclesiam in rebus facti errare posse defendit. 176
 quid scripserit contra Diocesum? 177
 Nimrod cur turrim magnam exstruxerit? 407
 num Monarchia Assyriacæ conditor? 497
 Nitri natura. 361. seq.
 Nobilissimi qui olim disti? 118
 Nomina propria Hebraica enucleata. 262
 Noribergensium Eruditorum Viæ promissæ. 233
 Normannorum in Apulia gesta illustrata. 64
 Notarii num instrumenta communis sigillo valide obsignare possint? 38
 Notio Dei vera. 354
 Notionum distinctarum & confusarum origo. 508
 formatio. 509. seq.
 realitas quando & quo.

<i>quomodo adstruenda?</i>		<i>Oleum in simpliciora resolubile.</i>	
<i>Novellarum Scriptores castigati.</i>			362
	532	<i>Olei definitio.</i>	362
<i>Nubis distantia ut ex auditu tonitru & viso fulgure determinanda?</i>	164	<i>Onomasticon Urbium & Locorum S. Scriptura.</i>	264. 529
<i>Numus in pacem Jansenianam cusus.</i>	248	<i>Opallum & Possum idem animal.</i>	336
<i>M. Antonii & Cleopatra perrarus.</i>	412	<i>Ophir terra quæ & qualis? 71. sq.</i>	
<i>Numi explicati & illustrati.</i>	266. 449. seq.	<i>Orationes sedendo an stando olim recitata?</i>	5
<i>Samaritani quomodo veri a spuris discernendi?</i>	51	<i>Orbis crystallinus supra fixis.</i>	90
<i>apensi qui olim apud Romanos?</i>	51	<i>Ordinatio a Presbytero fieri potest.</i>	357
<i>Numorum Judaicorum origo.</i>	51	<i>Origenes notatus.</i>	262
<i>Græcorum origo.</i>	51. seq.	<i>Orthium carmen quomodo a σκολιῷ differat?</i>	122
<i>Natritio ut fiat?</i>	471	<i>Orthodoxorum & Mysticorum Ecclesie Doctorum Secta.</i>	469
O <i>bservationum circa fixas usus.</i>	160	<i>Os porci cognomen cui Pontificum vere tribuendum?</i>	63
<i>Halenfium.</i>		<i>Ollis femoris ligamenta.</i>	323
<i>Autores notati.</i>	554	<i>Otto (Joachimus) laudatus.</i>	238
<i>Obsides an & quomodo puniri possint?</i>	40	<i>Otto M. Imp. cur Pontificibus Rom. exosus?</i>	61
<i>Oculus artificialis.</i>	152	<i>Pipini & Caroli M. donationes confirmavit.</i>	61
<i>Odor unde?</i>	364	<i>instituit Archiepiscopatum Magdeburgensem.</i>	61. sq.
<i>Oesophagi tunica vasculosa.</i>	272	<i>Ovariorum hydatides.</i>	84
<i>Officii Gallicani in Ecclesiis Hispanicas mini introductio.</i>	66. 100. seq.	<i>Ovidii Metamorphoses laudata.</i>	155
<i>Olearii (Jo. Christophori) Bibliotheca Canticorum commendata.</i>	534	<i>Oxonienſis Academia antiquitas examinata.</i>	171
		Ex <i>PACTO nudo an detur Actio?</i>	379
		Ffff	Pal-

- Palta quid? 171. seq.
 Pancreaticus ductus duplex. 273
 Pandectæ Florentina commendatæ. 118
 Papæ Primatus in Eccl. Hist. primis seculis ignoratus. 483. seq.
 non jurisdictionis & autoritatis, sed ordinis & dignitatis nomen. 483
 per Phocam paricidam introductus in Eccles. Rom. 484
 per Oecumenicum quoddam Hist. Concil. impugnatus. 485
 potestas ab Episcopis Pontificiis impugnata. 246
 a quibus suffulta? 172
 in Lusitania quondam arces & machine. 483
 Papatus historia. 24
 Parabolæ descriptio. 133
 Paradisi situs in Armenia. 67
 flumina descripta. 68
 In Paralyti Terebinthinæ vires. 81
 Parallaxis orbis annui asserta. 165
 Parisius, apud Parisium & similes locutiones pro territorio Parisiensi explicanda. 194
 Particularum minimarum species. 361
 Parvæ stature natio. 343
 Pascha non stando, sed accumbendo Israelitæ comederunt. 399
- Paschales Epistola qua dicta? 439. seq.
 Patarini qui? 65
 Patrarum urbs qualis? 231
 Patriarchæ apud Judæos origo, officium, exitus. 455
 Pelagii & Massiliensium errores. 396
 Pelagianismi num Jesuita rei? 396
 Penduli Astronomici errores. 155
 mutationes. 156
 Pendulorum longitudo. 166
 Penis glandule nova. 417
 Pennorus (Gabriel) refutatus. 64
 Pentateuchus quasi omnibus exgeticis illustrata. 417. seq.
 Samaritanorum defensa. 453
 Pentecostes Festum ut in numis designatum? 231
 Perez (Antonii) tristis catastropha. 483
 Perire sine lege quid Rom. II, 12? 213
 Perizonii (Jacobi) de juramentorum apud gentes sanctitate Epistola. 266. seq.
 Perronii Cardinalis in causa Jan. senistica effatum. 395
 Persarum doctrina moralis. 28
 Petechiæ retrocedentes per scarifcationem & inunctiones revocabiles. 412
 Petersenii Chiliasmus. 12
 Petrefactionis causa. 154
 Petre-

Petrefactorum descriptio.	154	Pignus usucapione non perimitur.	271
Petrus II Rex Lusitanie vini abstemius.	102	Du Pin (Ludov. Ellies) Bibliotheca Profana promissa. 426. seq.	
Pezron (Pauli) obitus.	427	E Pipere quantum pecunia redeat ad Societatem Orientalem in Belgio?	337
Phænomenorum quorundam natura collectio.	477	Piscariensis Abbatis dignitas summa.	446
Pharmacologiæ supplementum.	126	Placcii (Vincentii) de Anonymis & Pseudonymis Opus promissum.	430
Philadelphus (Franciscus) num. librum de contemptu mundi Ciceroni plagio subduxerit?	281	Planetæ sunt cavi.	318
Philæphi Epistolarum editiones variae.	282	Planetarum motus elliptici unde?	318
Philippucci (Gabrielis) modestio ac humilitas singularis.	20. sq.	incole rationales.	319
Philosophia Scripturæ lapis Lydius esse nequit.	161	motus a radiis Solaribus.	317
Philosophica cognitio est conjecturalis.	163	unde?	363
Philosophorum veterum studium Theologiæ mysticæ.	459	Plantarum vegetatio in creatione mundi.	164
Phocæ nominis derivatio. 59. sq.		Plantæ ut in creatione tam cito procreverint?	164
Phocas, parricida, Primatum Papalem Gregorio M. confirmat.	484	Platonis principia moralia quæ?	29
Phœnicie litteræ an a Samaritanis diversæ?	53	Plethoræ noxæ.	129
Phthisi motus corporis prodest.	276	Πνέυμα quid significet?	209
Physica Sacra Joannis de Mey.	261	Podagræ medentur Cantharides.	183
Physicæ defectus.	150	Pœna num irroganda, delicto nondum probato?	41
principia octo.	361	homicidii num ad jus universale positivum referenda?	40
Physicum tentamen.	360	Pœnam num delinquentes debent?	41
Pictorum error notatus.	399	Ffff 2	Pœ-

- Pœnam num paribus irrogare? *sa.* 97
 liceat? 41 Possessio non est species juris in
 Pœnarum necessitas demonstrata, *re.* 271
 39 Possessio refutatus. 63
 objectum non est hare- Possum animalis Virginia descri-
 sis. 41 ptio. 335. seq.
 dispensatio num locum & Opasum idem. 336
 habeat circa pœnas lege uni- Potentia Dei in explicandis pha-
 versali positiva definitas. 42 nomenis admitti potest. 356
 potestatem non habet Potentiarum differentia. 310
 naturaliter innocens in nocen- Prænomena Romana indicium
 tem, nec inferior in superio- clientela. 231
 rem. 40 Præscriptio non est pœna. 41
 Pœnis num etiam debita ante le- Præservatio a morbis. 131
 gem pœnalem subjaceant? 41 Presbyter, Sacerdos, & Episcopus
 Poetæ cur genus irritabile dicti? in Sacris synonyma. 357
 117 Princeps concionator. 13
 veteres Theologia mystica Hebraice doctus. 13
 cultores. 459 pœnis exemptus. 40
 Politica Bibliotheca commenda- Principes legibus naturalibus quo-
 ta. 191 ad prohibitiones matrimonia-
 Pollux. Vide Julius Pollux. les subsunt. 76
 Polonia Reginarum ex Austriaca civilibus Imperii
 familia Panegyrici. 18. seq. an & quousque subsint? 77
 In Poloniam quando Christiani- Problematum Geometricorum
 smus illatus? 62 constructio. 311
 Polus rotationis telluris mutabi- Solidorum constru-
 lis. 155 ctio. 478. seq.
 Pomarii (Samuelis) vita. 218 Προσάται Athenis qui? 121
 Pomerani quando facti Christia- Prostatatum corpuscula dura. 12. 81.
 ni? 66
 Pomorum theoria. 494 Προτήν quid in numis Metro-
 Pondus corporum augetur per leon Romanarum & urbium
 materiam luminis. 309 Macedonicarum denotet? 232
 Ponti Regum nummi explicati. 230 Proverbiorum Salomonis Exposi-
 Portugalliæ Topographia curio- tio Joannis de Mey. 261
 Pruta

Pruta moneta genus apud Hebraeos.	266	Radicem ex aequatione quacunque extrahendi methodus.	478
In Psalmos Commentarius Eusebii Casariensis laudatus.	435	ex infinita aequatione extrahendi methodus.	478
Pfellus (Michael) laudatus.	65	Radicum irrationalium extractio.	91
Pseudo-membrana ex sanguine confecta.	323	numerus in aequationibus solidis.	478
Ψυχὴ in Sacris quid denotet?	207	Radii Solares pondus antimonii calcinati augent.	361
Ptolemaica hypothesis resuscitata.	360	Radzevii (Michaelis) Cardinalis natales.	531
Puerperarum tormina & vigilia opiata non ferunt.	81	Rapinus notatus.	31
Pufendorffii (Samuelis) doctrina moralis studium.	35	Ratiocinandi artificium in quo consistat?	510. seq.
Pulveris Ryffeliani autor Barker.	182	Ratiocinatio quid?	153
Pupillus quo in casu Tutorem apte convenire possit?	38	quomodo fiat?	153
Purgantium noxa.	406	Rationis usu qui careant?	507. seq.
Quakerorum ortus, progressus & dogmata.	181	cur careant aliqui?	513
De Quadratis Magicis quinam scripserint?	309. sq.	natura ut investiganda?	508
Quesnellius (Paschasius) Historia Congregationum cum Serrio auctor.	368	Rationem secare quid sit?	103
Fresne.	369	Refractio aeris.	478
ob renovatam Baji & Jansenii doctrinam condemnatus.	368. 372	non mutat azimutham.	479
Quinquagesis memorabilis.	53	Regula Fidei, Conciliis Toletanis annexa, num genuina?	488
R littera in S saepe olim mutata.	122	Regis (Petri Sylvani) obitus.	427
		Reinesii in emendando J.A. Campano studium.	279
		Religio Pontificia num muliebris?	12
		naturalis corrupta.	359
		Religionis Mahumedana historia.	

- ria.* 23
 De Religione naturali Disserta-
tio. 41
 Ob Religionem mutatam num-
 dissolvi possit matrimonium? 38
 Renum succenturiatorum usus.
 407
structura. 307. sq.
 Rerum publ. liberarum sensim sub
 dominium redactarum exem-
 pla. 115
 Respiratio magna centum muscu-
 lis absolvitur. 273
 Respirationis necessitas. 407
mechanismus. 424
 Ex Resurrectione Christi homi-
 num immortalitas demonstrata.
 184
 Revelationes rationi contradic-
 tories num Luthenani statuunt?
 347
 Revelationis immediata necessi-
 tas. 358. seq.
 Reusneri (Jeremia) JCTi vita.
 218
 Rhabarbari vires in ventriculi
 dolore. 81
 Rhythmos Iulicos quis primus
 invenerit? 466
 Roborantia Medicamenta quae?
 131
 Rodericus Toletanus Scriptor Hi-
 spanus vetustus. 486
 Roemerus castigatus. 157
 Rohaulti Physica Latine versa &
 notis aucta. 212
 Rokosz vocabuli origo. 19
 Rossai (Alexandri) de Religio-
 bus mundi liber Germanice
 versus & auctus. 23. seq.
 Rotæ molaris motus quantus es-
 se possit? 422
 Le Roy (Jacobi) studium illa-
 stranda Brabantia commenda-
 tum. 289
 Rubrum quid dicatur Graecis? 70
 Russi quo tempore a Graecis idem
 acceperint? 63
 S littera pro R saepe olim posita.
 122
 Sabbatati qui dicti in Hispania?
 67
 Sacerdotio Judaeorum num fue-
 rit in Reges potestas. 451
 Sacius, Defensor Jansenii, incar-
 cenatus & liberatus. 246. seq.
 Sacii vita & mores. 248
 in transferendo N. T. Mon-
 tensi opera. 246
 Sadducæorum doctrina & fata.
 454
 Sal principium physicum. 363
 Salia cum aqua evaporantur. 321
 Salium divisio & natura. 320
 Salmasius (Claudius) notatus. 56
 Salomonis navigationes in Indi-
 am & Hispaniam. 498
 Saltationum Gallicarum nomina
 unde? 552. sq.
 Saltatoriæ artis Systema. 551
 usus. 553
 Magistri requisiti.
 12. 553.

143.	553	Schlüsselburgius refutatus.	506
Salutis accipiente conditiones.		Schmidii clari.	12
	208	Scribæ qui dicti Christo Luc. XI,	
Samaritani schismatis origo & progressus.	452	44?	454
Samaritanarum, an Assyriacarum litterarum in S. Litteris usus antiquior?	53	Scripturæ S. loca illustrata:	
Samaritanorum Pentateuchus defensa.	453	Gen. I, 2 & 21	242
Sanctorum reliquias ad Concilia deferendi origo.	64	26.	550
In Sanctorum numerum quis primus relatus?	63	27.	551
Sanguis animalium terram fecundat.	494	II, 6.	243
Sanguinis mechanismus.	128	VI, 14.	243
missio omnis inutilis.	407	XLIX, 10.	146
Sanitas quid?	128	Exod. IV, 21.	243
Satellites a 24 & 6 illuminantur.	364	Lev. VII, 26.	265
Satellitum Jovis & Saturni phenomena.	318	Deut. XIII. 9. 10.	39. 41
Saturnus a Sole non illuminatur.	364	XIX, 17.	41
Satyra & Ecloga quomodo a se invicem differant?	281	XXVIII, 5. 6.	266
Saxoniz Electores & Principes prerogativa quadam in ferendis legibus gaudent.	77	Judic. XI, 30. seq.	186
Scaliger (Josephus) notatus.	54	1 Reg. X, 27.	399
Sceptrum Jehude.	186	XV, 1.	456
Schismata Ecclesie quo pacto tolli possint absq. Syncretismo?	24.	Pf. LX, 10 & CVIII, 10.	399
seq.		Match. V, 18.	459
		VI, 23.	123
		VII, 1.	120
		XVI, 18.	285
		XVIII, 10.	186
		XXI, 1.	264
		8.	399
		XXIII, 37.	186
		Marc. III, 17.	398
		VII, 22.	123
		Luc. II, 27.	120
		XI. 44.	454
		XII.	123
		Joh. II, 4.	549. seq.
		27.	120
		X, 3.	121
		Joh.	

Job. XIV, 26.

XIX, 5.

Act. II, 24.

XIII, 48.

XVII, 17.

XVIII, 12—16.

XXIII, 23.

XXV, 23.

XXVII, 25.

Rom. II, 12.

III, 28.

VIII, 19—23.

28.

IX,

XI, 25.

33—36.

XVI, 2.

1 Cor. I, 20.

II, 8.

IX, 27.

XV, 22.

29.

2 Cor. XII, 20, 21.

Gal. VI, 13.

Eph. II, 19.

1 Tim. V, 17.

2 Tim. II, 19.

Ebr. II, 9.

XIII, 10.

Jud. vers. 9.

Apoc. III, 5.

XVI, 15.

XIX, 13.

Scripturæ S. veritas ex Philo-
sophia judicari nequit.
divinitas unde co-

12 gnoscatur?

162. 185

119 Scripturæ S. sensus quinam ge-

122 nuinus?

209

343 auctoritas num ea-

121 dem, quæ fabularum Æsopi &

187 Titi Livii Historiarum? 12

119 lectio num cuius

218 permittenda? 258. seq.

119 assertiones univer-

213 sales num & quando admit-

187 tant limitationem? 209. 214

187 Scripturam S. interpretandi me-

243 thodus demonstrativa. 169

74 Seburei Judæis qui? 457

187 Secantes angulorum multipla-

187 rum quomodo inveniantur?

121 310. 311

397 Secantium collectio. 478

187 Sectio rationis quid sit? 103

187 Sectiones Conicæ quando tra-

210. 214 ctanda? 133

398 Sectionum Conicarum ubi usus?

13 132

124 in plano

121 descriptio. 133

118. 121 De Sectionibus Conicis commen-

187 taturi scopus. 132

118 Seldenus notatus. 40. 34

397 Seleucidarum Regum series & nu-

187 mis descripta. 228. seq.

397 Senarii proprietates. 511

398 Sensatio ut fiat? 471

21 Sepeliendi mortuos in insula

Banda ritus. 343

De Sephirois quid judicandum?

162 453

Septem

Septem verba Christi in cruce.	rum.	455
186	Simonis (Richardi) versionis N.	
Scrapis ut in numis Seleucidarum representatus?	T. Gallica historia.	258
229	Sinenfium doctrina moralis.	28
Series infinites infinita quantitatum irrationalium rejiciuntur.	Sinus anguli multipli ex sinusumpli inventio.	313. seq.
86	Sixti Senensis in Bibliotheca Sancta institutum.	12
necessaria venditantur.	Societatis Orientalis Indica apud Belgas origo & incrementa.	337. sq.
88	Socrates cur questionum methodo usus?	29
pro Sinubus & eorum Logarithmis.	Sol circa medium anni ut ultra 12 horas supra horizonte commoretur?	89. 90
177	Solaris revolutionis quantitas.	89
Serrius, alias Augustin. le Blanc, Historiae Congreg. de Auxiliis gratiae auctor.	Solidarum partium medicina.	410
368		differentia.
notatus.		472
368	Solidæ partes aque ac fluidæ absumuntur.	472
Servitutes personales usucapione non tolluntur, nisi certo incasu.	Solidum minima resistantia.	478
270	Solis substantia eadem, quæ Telluris.	151
In Servitutibus usucapio locum non habet.	ingressum in Tropicos determinandi methodus.	479. seq.
270	ignea naturâ asserta.	317
Sichem urbis descriptio.	motus.	89
70	recessus & appropinquationis ratio.	89
Siceras consciendi methodos qui tradiderint?	magnitudo.	151
494	macula quid?	151
Sicli Hebræorum.	macularum ratio.	319
266	Solum vocula Rom. III genuina	
Sicula Bibliotheca promissa.	Gggg	Lutheri
528		
Siculi multarum inventionum auctores.		
465. seq.		
Sigillo communi num instrumenta a Notariis valide obfignentur?		
38		
Signorum ad ratiocinandum necessitas.		
510		
Simeon Metaphrastes quo tempore vixerit?		
62		
Simeon primus Patriarcha, qui tertius in Catalogo Judæorum.		

- Lutheri versio.* 187
Somnia divina hodie dantur. 185
Soni propagatio definita. 164
genesis. 365
Sophianus non Michael, sed Nicolaus dictus. 122
A Sophistis gesti magistratus indicium in numis. 231
Soporosus affectus rarus. 278
Spanhemius (Ezechiel) laudatus. 49
Spatium secare quid significet? 104
Spasmodica remedia quae? 130
N. Spee auctor Cautionis criminalis contra Sagas. 507
Speculorum causticorum quando maximus effectus? 306
Spei, Fidei & Charitatis Virginum Sanctarum Romae passio num genuina? 491
Sperlingius (Otto) notatus. 52
Spicis Festam Pentecostes in numis designatum. 231
Spinozae doctrina a Leenbosio reiecta. 328. sq.
Vite scriptores. 329
magistra filia van den Ende. 329. sq.
amores. 330
Anti-Spinoziana scripta. 329
Spiritus definitio. 362
vinum impedit ascensum & in barometro. 305
Sancti missio extraordinaria. 12
- Spiritus num negaverint Sadducei?* 454
Sponsalia ob mutatam religionem solvi possunt. 38
Statuae Romanae antiquae & moderna delineata & descripta. 386. sq.
Status Catholici in matrimoniis libus dispensationem a Papa, Protestantes ipso jure habent. 79
Imperii legibus civilibus subesse, unde judicandum? 77
Romanis & Recessibus Imperii obligantur. 77
num habeant Majestatem? 77
Protestantes num Jus Canonicum in suis territoriis abrogare possint? 77
A Statibus Imperii leges latae, non proprie, sed analogice tales sunt. 77
Stella quid in Arfacidarum numis denotet? 229
Stellae temporariae quanam sint? 151. seq.
Stellarum fixarum natura. 151. 317. 363
circa vortices suos motus. 90
Stephanorum (Roberti & Henrici) in Ennium merita. 9
Stobaeus, an Stobaeus ducendum? 123
Stoi-

Stoicorum vita & doctrina moralis examinata.	33	Systema mundi ex mente Cosmae & Christianorum Veterum.	439
Stolterfohtorum (Jacobi & Joannis) Vita.	218	T abernaculorum in numis Festum spicis & tabernaculo designatum.	231
Strabonis varia editiones.	433	Tabulae pro supputando motu Cometae.	222. seq. ut con-
Sturmius notatus.	365	struenda?	219
Substantia immaterialis impossibilis.	353. seq.	Taciti (C. Cornelii) nova Editio promissa.	428
Subterranearum cavitatum effectus.	318	Talio simplex non possibilis semper, nec justa.	41
Successionis quae sit indoles ac modus?	38	Tanaitæ qui?	456
Sugeri Abbatis Sancti Dionysii laudes.	200. seq.	Tangentes angulorum multiplo- rum quomodo inveniantur?	310
Suidas quo tempore vixerit?	62	Telescopia nova inventa.	419. seq.
Sulphuris natura.	309	Campani commenda- ta.	419
vires in hemorrhoidibus cæcis.	81	Tellus a creatione immutata.	154. seq.
Ryffeliani auctor Barker.	152	Telluris revolutio annua.	89
descriptio.	182	figura sphaeroidica.	155
Sulpitius Severus, Sanctus, & Martyrologio Romano ab Urbano VIII expunctus.	490	theoria Whistoni paradoxa.	161
Surdi natura, qui legere & scribere didicit, exemplum.	467	productioni cur plus temporis impenderit Deus, quam astris?	164. seq.
Symbolo CPrano verba Filioque sine Papæ consultatione ab Eccl. Hisp. addita.	485	motus annuus assertus.	165
Synedrium M. num ante Hasmonæorum tempora exstiterit?	40	diurnus demonstra- tus.	165
Synodorum XL Hispanicarum Collectio perantiqua.	484	unde?	364
Synoris & Sanctarum catalogo expuncta.	446	mutationes.	155
Systema mundi novum.	89	centrum gravitatis mu- tatum.	155
		motus unde?	317

604	Temperamentorum natura & diversitas. 128	Theologi Pseudo-Medici. 12
	ratio. 284	Theologo num liceat artem medicam exercere? 12
	Templum Judaico-Ethnicum. 23	Theologia Gentilium notata. 532. 533
	stercoreum quodnam? 70	Mystica a Poetis olim exculta. 459
	Temporis notio unde? 153	Theologiae revelata principium Tillianum, ratio, fallax, insufficienti & obscurum. 348
	Tensiones viribus tendentibus an proportionales? 312	Studiose num Philosophia, an lingua Sancta primum addiscenda? 287
	Tenzelius (Wilb. Ern.) laudatus. 461	mystica origo e Judaeorum Cabbala & Gentilium Philosophia. 469
	Terebinthinae vires in paralyti. 81	Thermarum Titi delineatio. 388
	Ternatensium Regum mira, sed fabulosa origo. 343	De Threnis Jeremiae epistola. 12
	Terra principium physicum. 363	Thurway (Simonis) tristitia facta. 45
	sanguine fecundatur. 494	Thyroedarum glandularum ductus novi. 417
	Terrae motus Neapolitanus. 411	Van Till (Salomonis) dogmata quaedam notata. 347. sq.
	genera & cultus. 494	Tillemontius notatus. 452
	lapilli non sunt noxii. 494	Timor non admittit vena sectionem. 407
	fecunditas a sale. 494	De Toletano vel Gallicano Officio in Eccl. Hist. recipiendo certamen. 66. 100. sqi
	Terrae motuum generatio. 159	Tonitru generatio. 480
	causa ignes subterranei. 409. 411	Torcular pro succo ex pomis exprimendo. 495
	effectus mirandi. 419	Transubstantiatio cum aqua in vinum mutatione comparata. 549
	In Testamento Parentum inter liberos nuncupativo semina testes esse possunt. 38	Treuga quid? 379
	Christiani a Turcis capti Legis Corneliae fictione opus est. 38	Treuga
	De Teste falso lex forensis explicata. 41	
	Testes quando esse possint femina? 38	
	Thalmud liber quando & a quibus compositus? 456	
	De Thecla historia conficta. 446	

Treuga Domini a Conventionali & Legali seculari diversa. 379	In Venerea lue curanda errores. 418 Vide Lues Venerea.
Tumor magnus colli. 82	Venti impetuosiores in Jove, quam in Terra. 320
Tunicarum villosarum textura. 323	Ventorum origo. 364
Turcis, vel Imperatoris, vel pro- pria manu necari, gloriosum. 40	In Ventriculi dolore rhabarbi vi- res. 81
Turennius libri Arnaldini perle- ctione ad fidem Romanam con- versus. 248	Veritates Scripturae Philosophicis evidentiores. 162
Turris Babyloica cur a Nimrodo exstructa? 497	quomodo deducantur ex definitionibus? 511
Turrium peculiarium inventores Siculi. 467	Versionis Gallica Bibliorum Ge- nevensium fata varia. 241
Tutor quo in casu conveniri a pupillo possit? 38	Vulgata auctoritas. 12
De Tuyd (Don Lucas) Scriptor Hispanus vetustus. 486	Vestes sacrae in administratione S. Coenae. 13
Tympani membrana in aure non habet hiatus. 273	Ughellus emendatus. 280
V aginae uterinae in puella bi- mestri descriptio. 308	Villani (Jo. Petrus Jacobus) vero nomine Angelicus Aprosius Ven- timiglia. 528
Vaillantius emendatus. 233	Vioneus (Petrus) Chirurgus ex- cellentissimus. 466
Vallonius refutatus. 506	Vires ad ligna frangenda necessa- ria. 494
Variolae retrocedentes ut revoca- tae? 411	Virginiae Historia. 333
Vasa cadaveris preparandi me- thodus. 417	historia naturalis a Ba- nistrio exculta. 335
Vegetationis causa. 364	Viscerum preparationes Anato- micae. 416. seq.
Vejeltus (Elias) Dannhaueri con- tra L. Allatium defensor. 188	Vita quid? 128
Velocitas corporum descenden- tium per instrumentum exami- nanda. 151	In Vita aeterna num futuri sint gradus gloriae? 187
Veneficii in morbis abigendis u- sus damnatus. 435	Vites num arboribus accensenda? 122
Venenorum ratio. 129	Vitia cardinalia quatuor. 284
	Unicornu fossilis ratio. 153. seq.
	Unio

606 INDEX RERUM NOTABILIORUM.

Unio Ecclesiarum ut fieri possit?	25	Vulnerum' sustio quando admi-	
De Unione Reformatorum & Luth-		da?	380
ranorum judicia & responsa que-		Ab Uxore ulcerosa marito abstinen-	516
dam Reformatorum.	261	dum.	
Unwani merita in Hamburgenses.	64	W aldensium Ecclesie facies.	188
Volaterranus refutatus.	280	Weilii (Christiani) Opera Lati-	
Voluntas num imperare possit intel-		na commendata.	346
lectui?	284	Wels (Eduardi) Arithmetica com-	
Vomitus puerorum narcoticis sifi-		mendata.	479
tur.	80	Westmonasteriensis S. Petri Basilica	
Vortices in aquis supracælestibus.	90	in Anglia a quo primum exstructa?	173
atherci cælo dejecti.	163		
novi.	96	Whistonus castigatus.	161
Votum Jephtha.	186	De Wilhelmo Principe Aransonensi	
Urinæ incontinentia ex utero vitio.	85	ejusque posteris a Belgii Federati	
Usserii (Jacobi) vitæ Scriptores.	146	Præfectura excludendis consilium	
Bibliothecæ instru-		& decreta.	107. sq.
Etissime fata.	148	Witizæ, Regis. Hist. contra Pontificis	
Usucapio an & quatenus perimat ju-		authoritatem decretum.	485
ra in re?	270	Witry (Joannii) elogium.	162
an dominium & jus hære-		Ximenii Cardinalis epitaphium.	100
ditarium tollat?	270		
in servitutibus locum non		Z accagnius (Laur.) laudatus.	461
habet.	270	Zedekias num Nebucadnezarem	
Usurarum computus.	176	de lepore vivo comedentem vide-	266
Uterus scirrhusus.	84	rit?	
Uteri singularis figura.	416	De Zohar libro Cabbalistico judicium.	457
cervicis & intestini recti ulcus.	85		
textura.	416	S. Zynorides Sanctus & Martyr	
Vulnera fugendi methodus nova.	380	Martyrologii Romani spurius.	490

E R R A T A.


Pag. 333 lin. 4 lege *mensis Maio*: p. 359 disiecta sunt Typographi incuria priora verba ex lin. 31 in 30, quare legendum: *qui ad ipsius similitudinem componi desiderat, quod Deus laudet viros, vitia odio prosequatur*: p. 420 post *fabricam* insere in Fig. 4 & adde in margine *TAB. VIII. Fig. 4*: p. 485 lin. 184. ubi & lin. ult. *Enulum*.

* * *

UNIVERSITY OF MICHIGAN



3 9015 06709 6373



A 599436 ^{DUPL}

